

TE
BIBILIA TAPU RA,

KOIA TE
KOREROMOTU TAITO

E TE
KOREROMOTU OU.

I KIRITIHA
EI TUATUA RAROTONGA.



LONEDONA :
ROROMIHA E WILLIAM M. WATTS,
NA TE SOCIETI BIBILIA I BERITANI E TE AU ENUA KATOA :
I AKATUPUIA I LONEDONA I TE MATAITI 1804.

TE AU BUKA I TE KOREROMOTU TAITO RA.

	Te au Pene	Te au Kapi	
Te Buka Mua a Mose ra, Genese	50	1 E tae roa atu ki te	53
Te Buka Rua a Mose ra, Exodo	40	54	97
Te Buka Toru a Mose ra, Levitiku	27	97	126
Te Buka A a Mose ra, Numero	36	127	170
Te Buka Rima a Mose ra, Deuteronomi	34	170	207
Te Buka a Iosua ra	34	208	234
Te Buka a te au Akava ra	21	234	260
Te Buka a Ruta	4	261	264
Te Buka Tai a Samuela ra	31	265	300
Te Buka Rua a Samuela ra	24	300	328
Te Buka Mua a te Au Ariki ra	22	329	362
Te Buka Rua a te Au Ariki ra	25	362	393
Paraleipomeno, Buka Mua	29	394	424
Paraleipomeno, Buka Rua	36	424	460
Ezera	10	461	471
Nehemia	13	471	486
Esetera	10	486	494
Te Buka a Iobu	42	495	521
Te Buka a Salamo	150	522	586
Te Maseli a Solomona	31	586	608
Koheleta	12	608	616
Te Sire a Solomona	8	616	620
Te Buka a te Peroveta ra a Isaia	66	621	672
Te Tuatua a te Peroveta ra a Ieremia	52	672	730
Te Aue o Ieremia	5	730	735
Te Buka a te Peroveta ra a Ezekiela	48	736	789
Te Buka a Daniela ra	12	789	806
Te Buka a Hosea	14	806	813
Te Buka a Ioela	3	813	816
Te Buka a Amosa	9	816	822
Te Buka a Obadia	1	823	824
Te Buka a Iona	4	824	826
Te Buka a Mika	7	826	830
Te Buka a Nahuma	3	831	833
Te Buka a Habakuka	3	833	835
Te Buka a Zephania	3	835	837
Te Buka a Hagai	2	837	839
Te Buka a Zekaria	14	839	848
Te Buka a Malaki	4	848	851

TE BUKA MUA A MOSE RA,

GENESE.

PENE I.

Te anga ra te Atua i te rangi, ma te enua; e kua anga oki i te apunga roarai i nga rā e ono ra.

I MUATANGANA ra, kua anga iora 1
te Atua i te rangi, e te enua.

Te vai utonga kore ua te enua. kare e 2
marikonga; e te poiiri oki ki rungao i te moana. Kua akakoukou iora te Vaerua o te Atua ki rungao i te kiriitai.

Kua tuatua iora te Atua, Ei mārama; 3
kua mārama iora. Akara akera te Atua i te mārama, e te meitaki ra: e kua akataka iora te Atua i te mārama e te poiiri. 4
E tapa iora te Atua i te mārama, E ao; 5
e tapa iora aia i te poiiri, E po. E aia iora, e ao akera, ko te ra tai ia.

Kua tuatua iora te Atua, Ei reva i 6
rotopu i te vai, e na te reira e vec i te vai e te vai. Kua anga iora oki te Atua 7
i taua reva ra, vec atura i te vai i raro ake i taua reva ra, e te vai i rungao i taua reva ra; e koia tika atura. E tapa iora 8
te Atua i taua reva ra, E rangi. E aia iora, e ao akera, ko te rā rua ia.

Kua tuatua iora te Atua, Kia uipa te 9
vai i raro ake i te rangi ki te ngai okotai, kia kitea te one marō; e koia tika atura. Tapa iora te Atua i te one marō 10
ra, E enua; e taua vai i uipa ra tapa iora aia, E tai: akara akera te Atua i te reira, e te meitaki ra.

Kua tuatua iora te Atua, Kia akatupu 11
mai te enua i te ngangaere, e te rakau rikiriki e ua, e te rakau mamaata e ua ra, tei roto ia ratou uorai to ratou ua, i to ratou tu, ki rungao i te enua nei; e koia tika atura. Kua akatupu akera oki 12
te enua i te ngangaere, e te rakau rikiriki e ua, i to ratou tu, e te rakau mamaata e ua, tei roto ia ratou uorai to ratou ua, i to ratou tu: akara akera te Atua i te reira, e te meitaki ra. E aia iora, e ao 13
akera, ko te rā toru ia.

Kua tuatua iora te Atua, Ei turama 14
to roto i te reva i te rangi ra, e akataka i te ao e te po; e ei akairo oki, e no te au tau-tau, e no te au rā, e no te au mataiti: E 15

ei turama to roto i te reva i te rangi ra, ei akamārama i te enua nei; e koia tika 16
atura. Kua anga iora te Atua i nga turama mamaata e rua ra; ko te turama maata ra, ei kavana i te ao, e te turama iti, ei kavana i te po; e te au etu katoa. 17
E kua tuku iora te Atua i te reira ki roto i te reva i te rangi ra, ei akamārama 18
i te enua nei; Ei kavana i te po e te ao, e ei akataka i te mārama e te poiiri: akara akera te Atua i te reira, e te mei-taki ra. E aia iora, e ao akera, ko te rā 19
a ia.

Kua tuatua iora te Atua, Kia maata 20
te mea ora totoro aere ua ki raro i te moana, e te au manu kia rere ki rungao ake i te enua, ki roto i te reva i te rangi 21
nei. Anga iora oki te Atua i te au teui mamaata ra, e te au mea ora katoa o te moana e totoro aere ua e magianui, i to ratou tu; e te au manu peau katoa i to ratou tu: akara akera te Atua i te reira, 22
e te meitaki ra. E kua akameitaki atura te Atua ia ratou, na ko atura, Kia anau, e kia maata, e kia ki te moana ra o te tai ia kotou; e kia maata oki te 23
manu ki rungao i te enua nei. E aia iora, e ao akera, ko te rā rima ia.

Kua tuatua iora te Atua, Kia akatupu 24
mai te enua i te au mea ora i to ratou tu, te au puaka, e te au mea totoro, e te au terio o te enua i to ratou tu; e koia tika atura. Anga iora oki te Atua i te au terio o te enua i to ratou tu, e te au puaka i to ratou tu, e te au mea totoro katoa ki raro i te one i to ratou tu: akara akera te Atua i te reira, e te meitaki ra. 25

Kua tuatua iora te Atua, E anga tatou 26
i te tangata i to tatou orai tu, kia aite ki to tatou orai tu: e kia mana ratou ki rungao i te au ika o te tai, e ki rungao i te au manu o te reva, e ki rungao i te au puaka, e ki rungao i te enua katoa nei, e ki rungao i te au mea totoro katoa ra, e totoro aere ua i te enua nei. Kua 27
anga iora oki te Atua i te tangata i to tatou orai tu; i anga aia iaia i te tu o te Atua ra; i anga aia ia raua ko te tūne e 28
te vaine. E kua akameitaki atura te

Atua ia raua, e kua tuatua maira te Atua kia raua, Kia anau korua, e kia maata roa, e e akaki i te enua nei, e e akavi; e kia mana korua ki rungao i te au ika o te tai, e ki rungao i te au manu o te reva, e ki rungao i te au mea ora katoa e totoro aere ua ki rungao i te enua nei.

Kua tuatua iora te Atua, I na, te 29 oronga atu nei au na koton, i te au rakau rikiriki katoa e ua ki runga i te enua katoa nei, e te au rakau mamaata rava-rai e ua ra, tei roto iaia uaorai tona ua; ei kai ia na koton. E na te au puaka 30 katoa o te enua nei, e na te au manu katoa o te reva, e na te au mea ora katoa e totoro aere ua ki runga i te enua nei; na ratou te au rakau rikiriki mata rava-rai ei kai; e koia tika atura. Akara 31 akera te Atua i te au mea katoa tana i anga, e i na, te meitaki roa ra. E aia i iora, e ao akera, ko te rü ono ia.

PENE II.

Te Sabati mua. Te tu o te Paradaiso.

Kua angaia te vaine e te Atua ra.

OTI roa akera te rangi, e te enua, e 1 to reira katoa ra nuku. Akaoti 2 iora oki te Atua i tana anganga i te rü itu ra, i tana i anga ra; e noo ua iora aia i te rü itu i tana katoa ra anganga, i tana i anga ra. E kua akameitaki iora 3 te Atua i te rü itu, e akatapu atura i te reira; no te mea i reira tona noo ua anga i tana katoa ra anganga, i ta te Atua i anga e rave.

Ko te tuatua teia o te rangi e te enua 4 i to ratou anga angaia ra, i te rü i anga ai te Atua ra ko Iehova i te enua e te rangi 5 ra. Kare oki te au rakau katoa o te enua nei i rungao i te enua i reira, kare oki te au rakau rikiriki katoa o te enua nei i tupu; kare oki te Atua ra ko Iehova i akatopa mai i te ua ki rungao i te enua i reira, e kare oki e tangata ei tata- 6 ni i te one. I pupu mai ana ra te kou no roto i te enua, e akamauu katoaia iora te enua. E kua anga iora te Atua 7 ra ko Iehova i te tangata i te one-pueu o te enua nei, kua akapuangi iora aia i te a'o ora ki roto i tona putaiu; riro akera te tangata ei tangata ora.

Kua tanu oki te Atua ra ko Iehova i 8 te kainga i te pac i te itinga o te rü i Edene ra; e kua tuku iora aia i te tangata i tana i anga ra ki reira. Kua 9 akatapu oki te Atua ra ko Iehova i te au rakau taurekareka katoa kia akara, e tei meitaki ei kai, i taua one ra; e te rakau o te ora i rotupu i taua kainga ra, e te rakau e kite ei i te meitaki e te kino. E kua ta'e maira tetai vai mei roto mai i 10

Edene, e akamauu i taua kainga ra; ei reira atura te manga anga, e a atura 11 manga. Ko Pisona te ingoa o tetai; ko tei akapini i te enua katoa ra o Havila, e 12 auro to reira; E auro meitaki to te reira enua: e poe oki to reira, e te toka sema.

13 E te ingoa o te rua o te vai, ko Gihona ia; ko tei akapini i te enua katoa o 14 Kusa ra. E te ingoa o te toru o te vai, ko Tigerisi ia; ko tei ta'e tika ki te pac i te itinga o te rü i Asura ra. E te a o te vai ko Eupharati ia.

15 E kua rave iora te Atua ra ko Iehova i te tangata; tuku iora iaia ki roto i taua kainga i Edene ra, ei tatani, e ei tiaki.

16 E kua tuatua maira te Atua ra ko Iehova ki te tangata, na ko maira, E kai ua koe i to te au rakau katoa o te kainga 17 nei: Kareka i to te rakau e kite ei i te meitaki e te kino, auraka koe e kai i to reira; i te rü e kai ei koe i to reira, ka mate ia koe.

18 E kua tuatua iora te Atua ra ko Iehova, Kare ia e meitaki kia noo ua te tangata koia anake ra; e anga au i tetai 19 tauturu tau nona ra. Kua anga oki te Atua ra ko Iehova i te au puaka katoa ra o te enua nei i te one, e te au manu katoa o te reva; e kua taki mai ia ratou kia Adamu ra kia kitea tana ingoa e tapa; e ta Adamu ingoa e tapa i taua au mea ora katoa ra, ko tona ingoa rai ia.

20 I tapa ua rü Adamu i te ingoa no te au puaka katoa, e to te au manu katoa o te reva, e to te au terio katoa o te enua nei; kare roa ra o Adamu tauturu tau i 21 kitea. E kua akatopa iora te Atua ra ko Iehova i te moe tinainai ki rungao ia Adamu, moe iora aia i kua rave iora aia i tetai kaokao nona, tuakapi iora i taua 22 ngai ra ki te kiko; E taua kaokao o te tangata, ta te Atua ra ko Iehova i rave ra, anga iora ei vaine, e kua arataki 23 maira aia iaia kia Adamu ra. E kua karanga iorü Adamu, I teianei e ivi teia no toku nei ivi, e kiko oki no toku nei kiko: ka tuatuaia aia e, E vaine, no te mea no roto aia i te tane i te rauka anga 24 mai. E akaruke ei te tangata i tona metua tane e tona metua vaine, ka piri atu ei ki tana vaine; e ka riro oki raua 25 ei tino okotai. Te vai tanka ua rü Adamu, raua katoa ko te vaine, kare ra raua i akama.

PENE III.

Kua pikikauia te vaine e te ovi ra, e te kai ra aia i te kai raui ra.

1 E PAKARI maata to te ovi i to te au terio katoa o te enua, i ta te Atua ra ta Iehova i anga ra; e kua tua-

tua maira aia ki te vaine, Koia ia, kua
tuatua mai te Atua e, Auraka korua e
kai i to te au rakau katoa o te kainga nei?
E kua karanga atura te vaine ki taua ovi
ra, E kai maua i to te au rakau o te
kainga nei; Mari ra o to taua rakau
i rotopu i te kainga nei, kua tuatua mai
ia te Atua e, Auraka korua e kai i to
reira, auraka oki korua e arapaki atu, ka
mate aea korua. Kua tuatua maira taua
ovi ra ki te vaine, Kare rava korua e
mate: Kua kite oki te Atua e, i te rā e
kai ci korua i to reira, ka puera ia to
korua mata, e ka riro korua nei te au
atua ra te tu, i te kite i te meitaki e te
kino. E kite akera te vaine e rakau
meitaki ei kai, e te taurekareka no te
mata, e te rakau anoano oki kia rauka te
kite; kua rave iora aia i te kai no runga-
o ra, kai iora, apai atura oki ki tana
tane, e kua kai katoa iora oki aia.

Puera akera to raua mata, kite akera
raua e, te vai taaka ua ra raua; kua tui
iora raua i te rau suke, ei pareu no raua.
Akarongo akera raua i te reo o te Atua
ra o Iehova, iaia i aare i roto i te kainga
i te maru aia ra: e kua pipini iorā
Adamu raua ko te vaine i te aroaro o te
Atua ra o Iehova, i roto i te vaorakau
o te kainga ra. Kua kapiki maira te
Atua ra ko Iehova kia Adamu, na ko
maira kiaia, Teiea koe? Kua karanga
atura aia, Akarongo akera au i to reo i
roto i te kainga nei, e mataku akera au,
ko au i vai taaka ua; e kua pipini ake-
nei au. Kua tuatua maira aia, Naai
koe i akakite e, te vai taaka ua ra koe?
Kua kai ainei koe i to te rakau, taku i
karanga atu kia koe e, auraka e kai?
Kua karanga atura te tangata, Na te
vaine taua i o mai ci kapiti noku ra, i
oronga mai i to taua rakau kia ku ra, kai
iora au. Kua tuatua maira te Atua ra
ko Iehova ki te vaine ra, Eaa koe i aka-
pera'i? Kua karanga atura te vaine ra,
I pikikaa mai te ovi iaku, kai iora au.
Kua tuatua maira te Atua ra ko Iehova
ki taua ovi ra, Kia maata roa toou katara
i to te au puaka katoa, e te au terio katoa
o te enua nei, ko koe i akapera ra; ei raro
to kopu totoro ua'i koe, ka kai oki koe i
te one-pueu, e ope roa ake toou puke rū
i te ora anga na. Ka tuku oki au i te ke
ia korua ko te vaine, e to uanga e tona
uanga; nana e akaparuparu i to mi-
miti, e naau e akaparuparu i tona poo
avae. Kua tuatua maira aia ki te
vaine, E akamaata au i toou mamae ta-
mariki ra; e ka anau mai taua tamariki
ma te mamae; e ka kauraro koe ki taua
tane, e ei runga ake aia ia koe. Kua
tuatua maira aia kia Adamu, No te mea

kua akarongo koe i te reo o taua vaine
na, e kua kai i to te rakau, i taku i ka-
ranga atu kia koe, i te na ko anga e, Au-
raka koe e kai i to reira: kia katara te
enua ia koe; e kai koe i to te reira ma te
aue, e ope roa ake toou puke rū i te ora
anga na. E ka tupuia ia e te rakau ta-
ratara e te tataramoa; e ka kai koe i te
rakau rikiriki o te enua nei; E kai koe
i taua kai ma te pata i te on ki runga i
to rae, e oki ua atu koe ki raro i te one;
no reira mai oki koe: e one-pueu oki
koe, e ka riro akaou rai koe ei one-pueu.
20 Kua tapa iorā Adamu i to tana vaine
ra ingoa, ko Eva; no te mea, ko te me-
tuatua vaine aia no te tangata ravarai. E
kua anga iora te Atua ra ko Iehova, i te
kakau kiri, no Adamu ma tana vaine, e
kua akakakau maira ia raua.
22 E kua tuatua iora te Atua ra ko Ie-
hova, I na, te tangata nei, kua riro aia
mei tetai o tatou nei, i te kite i te mei-
taki e te kino; e tenana, ko te akatika
aea aia i tona rima, e rave katoa i te kai i
runga i te rakau o te ora ra, kai iora, kia
ora aia e tuatua ua atu; Kua tuaru atura
te Atua ra ko Iehova iaia ki vao i taua
kainga i Edene ra, e tanu i te one no
reira oki aia ra. Kua tuaru atura aia i
te tangata ki vao; kua tuku iora aia i te
au Kerubi, ma te koke mura i te kora-
parapa ua anga, i te pae i te itinga o te
rā i taua kainga i Edene ra, ei tiaki i te
ara i te rakau o te ora ra.

PENE IV.

*Te anau anga o Kaina raua ko Abela.
Taia a Abela e tona tuakana; kata-
raia aia i tana ara ra.*

1 **K**ITE iorā Adamu i tana vaine ia
Eva; to iora aia, e anau maira ko
Kaina, e kua tuatua akera, E tangata
2 taku i rauka io nei ia Iehova. E anau
akaou iora aia i te teina ko Abela. E
angai mamoc a Abela, e e tangata tatanu
a Kaina.
3 E tae akera ki tetai tuatua, kua apai
aturū Kaina i te kai o te enua ei tusia
4 na Iehova. E kua apai katoa aturū
Abela i to roto i te anaunga mua o tana
ra anana, e tei matu oki i reira. Kite
5 mairā Iehova ia Abela e tana tusia: Ka-
rekā Kaina e tana tusia, kare ia aia i
kite mai. Riri rava akerū Kaina, e aka-
6 tumatama atura tona mata. E kua tua-
tua mairā Iehova kia Kaina, Eaa koe i
riri ei? e caa oki i akatumatama'i toou
7 mata na? Kia rave koe i te meitaki ra,
kare ainei koe e kiteia mai? e kare i
meitaki ra, kare ainei te vai ra te
tarangaara i te ngutupa na? E kau-

roso ra aia ia koe, e ei runga ake koe iaia.

Kua tuatua mairā Kaina ki tona teina 8
kia Abela: e tac atura raua ki roto i te
kainga ra, tei runga mairā Kaina i tona
teina ia Abela, e kua tamate takiri iora
iaia.

Kua tuatua mairā Ichova kia Kaina, 9
Teiea to teina ko Abela? Kua karanga
atura aia, Kare au i kite: ko au ainei te
tiaki i toku teina? Kua tuatua maira 10
aia, I aa na koe? te kapiki maira te reo
o te toto o toou teina kiaku, mei te one
maira. E tenana, kua kataraina koe e te 11
enua nei, kua amama io nei i tona vaa e
āriki i te toto o toou teina i to rima na.
Kia tanu koe i te one na, kare atura te 12
one e akatupu i te kai naau; ka riro koe
ei oro aere ua, e ei koka aere ua, i te
enua na. Kua karanga aturā Kaina kia 13
Ichova, E maata taku utunga, *kare e
tika iaku* kia akakoromaki. I na, kua 14
tuaru mai nei koe iaku i teianci rūa, mei
runga mai i te enua nei; e mei mua atu
i toou aroaro na ka ngaro ke atu au; e
ka riro au ei oro aere ua, e ei koka aere
ua, i te enua nei; e te *tungata* katoa e
aravei ua mai iaku nei, ka riro ia i te ta
mai iaku. Kua tuatua mairā Ichova 15
kiaia, Ko te ta ia Kaina ra, e tātaki
ituia tona mate. E kua tuku mairā Je-
hova i tetai akairo ia Kaina ra, kia kore
roa tetai *tungata* e aravei iaia ra e ta iaia.

Aere ke aturā Kaina mei mua mai i te 16
aroaro o Ichova ra, e noo atura i te enua
ra ko Noda, i te pae i te itinga o te rā i
Edene ra. Kite iorū Kaina i tana vaine; 17
to iora aia, e anau atura ko Enoka: te
akatu ra aia i te oire i reira, tapa iora
aia i te ingoa o taua oire ra kia Enoka,
ki te ingoa o tana tamaiti. E anau 18
akera ta Enoka ko Irada; e anau akera
ta Irada ko Meluiaela; e anau akera ta
Meluiaela ko Metusaela; e anau akera
ta Metusaela ko Lameka.

E kua rave iorū Lameka i e toko rua 19
vaine; ko Ada te ingoa o tetai, e ko Zila
te ingoa o tetai. E anau maira ta Ada 20
ko Iabala: ko te momua ia o te aronga
i noo i te puakapa ra, *ko tei tiaki* i te
puaka ra. Ko Iubala te ingoa o tona 21
teina: ko te momua ia o te aronga katoa
i akatangi i te kinura, e te koe ra. E 22
anau akera oki ta Zila ko Tubala-kaina,
e taunga ia i te au taonga katoa i te
auri, e te veo nei: e te tuaine o Tubala-
kaina ra ko Naama ia. Kua karanga 23
aturā Lameka ki nga vaine nana ra, E
Ada e Zila, e akarongo mai i toku reo;
e nga vaine a Lameka, e ariu mai i te
taringa i taku tuatua: Kua ta rai oki au
i te tangata kua paruparu na ra au, e

tangata ou *tei mate iaku* ko au i akapa-
24 ruparua mai: Kia taki itu i te tutaki ia
Kaina ra, ka riro i te tātaki itu ngauru e
kia itu ara ia Lameka.

25 Kite akaou iorā Adamu i tana vaine;
e kua anau atura aia, e tamaiti, tapa iora
i tona ingoa ko Seta: *kua tuatua akera*
oki aia, Kua akono te Atua i tetai uanga
noku, ei tutaki ia Abela, no te mea kua
26 taia aia e Kaina. E anau akera oki ta
Seta, e tamaiti; e tapa iora aia i tona
ingoa ko Enosa. I reira to te tangata
tapa angaia i te ingoa no Ichova.

PENE V.

*Te matenga o te au pateriareka mei
ia Adamu mai, e tac rava maira kua
Noa.*

1 **T**E tuatua i tataia ia Adamu. Ka
anga ai te Atua i te tangata ra, i
2 anga aia iaia ma to te Atua uorai tu; I
anga aia ia raua ei tane e ei vaine; e
kua akameitaki maira ia raua, tapa iora
i to raua ingoa e Tangata, i te rā i
angafā raua ra.

3 E okotai akera anere e toru ngauru to
Adamu mataiti i te ora anga: anau
akera tana e *tamaiti* mei iaia uorai
te tu; kua tau ki tona uorai tu;
e tapa iora i tona ingoa ko Seta:
4 E to Adamu ra au rā i muri ake i tana
anau anga ia Seta ra, e varu ia anere ma-
taiti: e anau akera oki te tamariki ta-
maroa, e te tamariki tamaine: E to
5 Adamu ra au rā katoa i te ora anga,
e iva ia anere e toru ngauru te mataiti: e
mate iora aia.

6 E okotai akera anere e rima ara to
Seta mataiti i te ora anga, anau iora
7 tana, ko Enosa: E noo iorā Seta i muri
ake i tana anau anga ia Enosa ra, e varu
akera anere e itu ara te mataiti; e anau
iora oki te tamariki tamaroa, e te tama-
8 riki tamaine: E to Seta au rā katoa, e
iva ia anere, okotai ngauru, e rua ara te
mataiti: e mate iora aia.

9 E e iva akera ngauru anga to Enosa
mataiti i te ora anga, anau akera tana,
10 ko Kainana: E noo iorā Enosa i muri
ake i tana anau anga ia Kainana ra, e
varu akera anere, okotai ngauru, e rima
ara te mataiti; e anau iora oki te tamariki
11 tamaroa, e te tamariki tamaine: E to
Enosa au rā katoa, e iva ia anere, e rima
ara te mataiti: e mate iora aia.

12 E e itu akera ngauru anga to Kainana
mataiti i te ora anga, anau akera tana,
13 ko Maalaleela: E noo iorā Kainana i
muri ake i tana anau anga ia Maalaleela
ra, e varu akera anere, e a ngauru anga
te mataiti; e anau akera oki te tamariki

tamaroa, e te tamariki tamaine: E to 14
Kainana au rā katoa, e iva ia anere,
okotai ngauru te mataiti: e mate iora aia.

E e ono akera ngauru e rima ara to 15
Maalalecla mataiti i te ora anga, anau
akera tana, ko Iareda: E noo iorū Maa- 16
laleela i muri ake i tana anau anga ia
Iareda ra, e varu akera anere, e toru
ngauru anga te mataiti; e anau akera
oki te tamariki tamaroa, e te tamariki
tamaine: E to Maalalecla au rā katoa, 17
e varu ia anere, e iva ngauru, e rima ara
te mataiti: e mate iora aia.

E okotai akera anere, e ono ngauru, e 18
rua ara to Iareda mataiti i te ora anga,
anau akera tana, ko Enoka: E noo iorū 19
Iareda i muri ake i tana anau anga ia
Enoka, e varu akera anere te mataiti, e
anau iora te tamariki tamaroa, e te ta-
mariki tamaine: E to Iareda au rā 20
katoa, e iva ia anere, e ono ngauru, e
rua ara te mataiti: e mate iora aia.

E e ono akera ngauru e rua ara to 21
Enoka mataiti i te ora anga, anau akera
tana, ko Metusela: E kua naere iorū 22
Enoka raua ko te Atua i muri ake i
tana anau anga ia Metusela ra, e toru
akera anere te mataiti, e anau akera oki
te tamariki tamaroa, e te tamariki ta-
maine: E to Enoka au rā katoa, e toru 23
ia anere, e ono ngauru anga, e rima ara
te mataiti: E kua naere oki a Enoka 24
rauā ko te Atua; e kare ra aia; kua
apai keia oki aia e te Atua ra.

E okotai akera anere, e varu ngauru, 25
e itu ara to Metusela mataiti i te ora
anga, anau akera tana, ko Lameka: E 26
noo iorū Metusela i muri ake i tana
anau anga ia Lameka ra, e itu akera
anere, e varu ngauru, e rua ara te ma-
taiti; e anau akera oki te tamariki tama-
roa, e te tamariki tamaine: E to Metu- 27
sela au rā katoa, e iva ia anere, e ono nga-
uru, e iva ara te mataiti: e mate iora aia.

E okotai akera anere, e varu ngauru, e 28
rua ara to Lameka mataiti i te ora anga,
anau akera tana, e mataiti; E tapa iora 29
aia i tona ingoa ko Noa, na ko akera, Ka
riro teianei *tamaiti* ei akamaru anga no
tatou i to tatou roiroi, e te angaanga a
to tatou nei rima, no te enua i katarāia
e Ichova ra. E noo iorū Lameka i muri 30
ake i tana anau anga ia Noa ra, e rima
akera anere, e iva ngauru, e rima ara te
mataiti, e anau akera oki te tamariki ta-
maroa, e te tamariki tamaine: E to 31
Lameka au rā katoa, e itu ia anere, e
itu ngauru, e itu ara te mataiti: e mate
iora aia.

E e rima akera o Noa anere i te mataiti: 32
anau akera ta Noa ko Sema, ko Hama, e
ko Iapheta.

*No te ara maata a te tangata ra i
tuutuaia' i a Noa e anga i te araka.*

1 **E** MANGANUI rava akera te ta-
ngata ki runga i te enua nei, e ta
2 ratou au tamaine i te anau anga; Kua
akara akera te tamariki a te Atua ra i
te au tamaine a te tangata nei, e te
purotu ra; kua rave iora ratou i ta ra-
3 tou i anoano ra, ei vaine. E kua tuatua
mairā Ichova, Kare rava toku Vauerua
e tauta uorai ki te tangata nei, e kopapa
oki aia. E teianei, ko tona au rā e toe
nei, okotai ia anere, e rua ngauru te
4 mataiti. E aronga toa uritumu tei te
enua nei i taua tuatau ra; e muri akera,
kia rave te tamariki a te Atua i te au
tamaine a te tangata ra, anau akera ta
ratou *tamariki*, e *riro atura* ratou ei
aronga toa, e aronga rongonui ia i taito
ra.

5 E kite akērā Ichova, e kino maata to
te tangata i te enua nei, e kua kino anake
te au manako katoa, e te akakoroanga
katoa o to ratou ngakau i te au rā katoa
6 ra. Kua tataraara iorū Ichova, koia i
anga i te tangata ki runga i te enua nei,
e ongoongo rava akera tona ngakau.
7 Kua tuatua akērā Ichova, E akapou au
i te tangata i angaia e au i runga i te
enua nei; ko te tangata, e te au puaka
katoa, e te au mea totoro ra, e te au
manu o te reva; kua tataraara oki au,
8 ko au i anga ia ratou. Karekū Noa, i
kite aroaia mai aia e Ichova ra.

9 Teia te tuatua ia Noa ra. E tangata
tuatua-tika a Noa, e te apa kore i tona
uki; e kua naere a Noa raua ko te Atua.
10 Toko toru a Noa tamariki tamaroa i anau,
11 ko Sema, ko Hama, e ko Iapheta. Kua
kino roa ra te enua i mua i te aroaro o te
Atua; e kua ki te enua i te takinga-
12 kino. E kua akara iora te Atua i te
enua nei, e i na, kua kino roa; kua kino
roa te aerenga o te tangata ravarai i te
enua nei.

13 E kua tuatua maira te Atua ia Noa,
Kua vaiata ra te openga o te tangata
katoatoa ra iaku; kua ki oki te enua i
te takinga-kino ia ratou; e i na, ka
akapou au ia ratou e te enua katoa nei.
14 Ka tarai koe i tetai araka noou, ei
gophera te rakau; e e anga koe i te pia
i roto i taua araka ra, e ka amo i roto, e
15 i yao ake, ki te tapou. Teia tona *tu* kia
tarai koe: Ko te roa o taua araka nei,
e toru ia anere i te kubiti; e te para-
rauare ra, e rima ia ngauru i te kubiti;
e te teitei ra, e toru ia ngauru i te
16 kubiti. Ei māmāmama *oki* to taua
araka nei taua e anga, kia okotai kubiti

te teitei ki runga i te akaoti anga ra ;
 ka tuku oki koe i te pa i te pae o te
 araka ; ei taua to raro roa, e te rua oki
 o te taua, e te toru oki o te taua, tauu
 ia e anga. I na oki ! teia au ka apai mai
 i te vai diluvi ki runga i te enua nei,
 kia mate takiri roa te au mea ora e uti i
 te a'o i raro ake i te rangi nei, te au
 mea katoa o te enua nei ka mate ia. E
 akatinamou ra au i taku koreromotu kia
 koe ; e ka tae koe ki roto i te araka, ko
 koe, e tauu tamariki, e tauu vaine, e nga
 vaine a au tamariki ra. E te au mea
 ora katoa o nga mea ravarai, e tataki
 rua anakeia, ko tauu ia e arataki katoa
 ki roto i te araka ra, kia ora ratou ma
 koe katoa ra ; ko te toa e te ua : Ko te
 au manu i to ratou tu tikai, e te au
 puaka i to ratou tu tikai, e te au mea
 totoro ki runga i te enua nei i to ratou
 tu tikai, tataki rua anakeia ia kia aere
 mai kia koe ra, kia ora ratou. E tenana,
 e rave koe i te au kai katoa i keingaia
 nei, e akaputuputu marie kia koe ra ; ei
 kai naau, e na ratou katoa ra. Kua pera
 oki a Noa ; i te au mea katoa ta te Atua
 i akaue mai iaia ra, ko tana ia i rave
 marie.

PENE VII.

*Te tomo rā Noa ma ki roto i te araka
 ra : ope akera to te ao nei i te diluvi
 mari ra tei roto i te araka ra.*

KUA tuatua mairā Iehova kia Noa,
 Ka aere koe ma toou kopu-tangata
 katoa ki roto i te araka ; ko koe oki te
 tangata tuatua-tika taku i kite i teianci
 uki, i mua i toku aroaro. To te au
 puaka viivii kore katoa ra, kia tataki
 itu ia tauu e rave ra, ko te toa ma tana
 ua ; e to te au puaka viivii ra, e tataki
 rua ia, ko te toa ma tana ua : To te au
 manu o te reva ra, e tataki itu katoa
 ia, ko te toa e te ua ; kia ora to ratou
 anaunga ki runga i te enua katoa nei.
 E itu po toe, e akatopa mai ci au i te
 ua ki runga i te enua nei, e kia rua
 takau po, e kia rua takau ao ; e ka
 akapou au i te au mea ora katoa i angaia
 e au ki runga i te enua nei. E kua
 pera oki a Noa i te au mea katoa ta
 Iehova i akaue mai iaia ra.

E ono akera o Noa anere i te mataiti,
 ka rokoia mai ci te enua i te vai diluvi.
 Kua tomo aturā Noa, e tana au tama-
 riki, e tana vaine, e te au vaine katoa a
 nga tamariki nana ra, ki roto i te araka,
 no taua vai diluvi ra. E to te au puaka
 viivii kore, e te au puaka viivii, e to te
 au manu, e te au mea katoa e totoro aere
 ki runga i te enua nei, Kua tataki rua
 anake ia i te aere kia Noa, ki roto i te

araka, ko te toa e te ua, i ta te Atua i
 akaue ia Noa ra.

- 10 E tae akera ki te po itu ra, ko te vai
- 11 diluvi maira ia ki runga i te enua. I te
- ono o te anere anga o to Noa mataiti i te
- ora anga, i te rua o te marama, e te
- ngauru ma itu o te po i taua marama
- ra, tei taua po tikai ra, ko te ngaangaa
- anga ia o te au tumu katoa o te moana
- maata ra, e kiritiia akera te au ngutupa
- 12 o te rangi ra : E topa iora te ua ki runga
- i te enua nei, e a akera ngauru anga o
- 13 te po, e a oki ngauru anga o te ao. Tei
- tauu rā tikai ra to Noa, e nga tamariki
- a Noa, ko Sema, ko Hama, e ko Iapheta,
- e te vaine a Noa, e te au vaine katoa
- toko toru a nga tamariki a Noa ra, tomo
- 14 anga ki roto i te araka ra ; Ko ratou, e
- te au terio katoa i to ratou tu tikai,
- e te au puaka katoa i to ratou tu tikai,
- e te au mea totoro katoa e totoro aere ua
- ki runga i te enua nei i to ratou tu tikai,
- e te au manu katoa, e nga mea peau
- 15 katoa i to ratou tu tikai. Tataki rua
- atura to te au mea ora ravarai e uti i te
- a'o ra, i te aere katoa anga kia Noa ra,
- 16 ki roto i te araka. E ko taua au mea i
- aere ki roto ra, i na ko ratou i te aere,
- ko te toa uorai e te ua uorai, to te au
- mea ora katoa ra, mei ta te Atua i akaue
- iaia ra : e na Iehova i popani iaia ki roto.
- 17 E a akera ngauru anga o te rā, to
- taua diluvi ki runga i te enua nei ; e
- maata ua atura taua vai ra, e maranga
- akera te araka ki runga, e teitei akera ki
- 18 runga ake i te enua ra. E ririnui roa
- maira taua vai ra, e maata rava maira
- ki runga i te enua nei ; e mānu ua atura
- 19 te araka ki runga i te kiriātai. E riri-
- nui maata roa maira oki te vai ki runga
- i te enua nei ; ngaromia iora te au
- maunga teitei ravarai i raro ake i te
- 20 rangi katoa nei. Teitei roa atura te vai
- i runga ake i te au maunga i ngaromia ra,
- 21 e okotai ngauru ma rima i te kabitī. E
- ope takiri roa akera te au mea ora katoa
- i keukeu aere i runga i te enua nei i te
- mate, te au manu, e te puaka, e te terio,
- e te au mea totoro katoa e totoro aere
- ua ki runga i te enua nei, e te tangata
- 22 katoa : Ko te au mea ora katoa e uti i
- te a'o nei, e te au mea katoa i runga i te
- 23 pae nei, mate iora ia. Kua pou takiri
- rava te au mea ora katoa i runga i te
- enua ra, ko te tangata, e te puaka, e te
- au mea totoro, e te manu o te reva nei ;
- e pou takiri rava akera ia i runga i te
- enua nei : ko Noa anake ra, e taua
- aronga i roto katoa i te araka ra, tei toe.
- 24 E maata rava atura te vai ki runga i
- te enua nei, e okotai akera anere e rima
- ngauru anga o te po.

PENE VIII.

*Te roroma ra te vai, e te aere mairā Noa
ma i roto i te araka ra ki vao.*

E TE manako ra te Atua ia Noa, e 1
te au mea ora katoa, e te au puaka
katoa i roto katoa i te araka ra: e kua
akaaara iora te Atua i tetai matangi na
runga i te enua, kia mate taua vai ra.
Momania iora te au tumu o te moana, 2
e te au ngutupao te rangi ra, e akakoreia
iora te ua no te rangi mai; E roroma 3
marie atura taua vai ra i runga i te
enua, kare i tivata: e ope akera taua au
rā okotai anere, e rima ngauru ra, kua
iti iora taua vai ra. E tae atura ki te 4
itu o te marama, e te po okotai ngauru
ma itu i taua marama ra, kua iri iora
taua araka ra ki runga i te au maunga
ra i Ararata. Te roroma ua ra te vai e 5
tae rava akera ki te ngauru o te ma-
rama ra, kare i tivata; e kitea iora te
take maunga i te rā mua i taua marama
okotai ngauru ra.

E ope roa akera oki te au po e a 6
ngauru ra, kua kiriti akērā Noa i te
māramarama i angaia e ia no taua araka
ra: E kua tuku aia i tetai orebi, ko tei 7
rere atu e kua rere mai, e papa-maro
roa akera te vai i runga i te enua nei.
Kua tuku atura oki aia i tetai kukupa, 8
kia kitea te kore anga o te vai i rungao
i te enua; Kare ra o te kukupa toanga 9
tapuae i kitea, kua oki maira aia ki te
araka kia Noa ra, *te vai ua ra* oki te
vai ki rungao i te enua e pini ua ake;
e kua akatika atura aia i tona rima, rave
atura, e totō maira ki roto i te araka
kiaia ra. Kua tatari iora oki aia e po 10
itu akera; e kua tuku akaou atura i
taua kukupa ra ki vao i te araka ra;
E kua oki maira taua kukupa ra i te aia 11
kiaia ra; e i na, e rau olive paioia tei
vao: kite akērā Noa e, kua iti te vai ki
runga i te enua ra. Kua tatari iora oki 12
aia e kia po itu rai; e kua tuku atura
oki i te kukupa; e kare ia i oki akaou
mai kiaia.

E tae akera ki te ono o te anere okotai 13
ara o to Noa mataiti, i te po tai o te
marama mua ra, kua papa-maro akera
te vai i runga i te enua ra; e kua kiriti
akērā Noa i te tapoki o te araka, kua
akara iora, e i na, kua marō i rungao i te
enua. E tae akera ki te rua o te ma- 14
rama, e te rua ngauru ma itu o te po i
taua marama ra, kua marō te enua.

E kua tuatua maira te Atua kia Noa, 15
na ko maira, Ka aere ana ki vao i te 16
araka, ko koc, e taua vaine, e aa puke
tamariki, e nga vaine katoa a nga tama-

17 riki aa na. E tuku katoa oki te au
mea ora katoa o nga mea ravarai ra
ki vao, te au manu ra, e te au puaka
ra, e te au mea totoro katoa e totoro
aere ua ki runga i te enua ra; kia nui i
te enua nei, kia anauia, e kia maata
18 ratou ki runga i te enua na. Kua aere
iorā Noa ki vao, e ana puke tamariki, e
tana vaine, e nga vaine a nga tamariki
19 nana, ratou katoa ra. E te au terio katoa,
e te au mea totoro katoa, e te au manu
katoa, e te au mea katoa e totoro aere
ua ki runga i te enua nei, i to ratou au
tu, kua aere anake ia ki vao mei roto
mai i taua araka ra.
20 E kua akatu iorā Noa i te atarau na
Iehova; e kua rave iora i to te au puaka
viivii kore katoa ra, e te au manu viivii
kore katoa ra, e kua apai atura i te au
tusia karakaratio ra ki runga i taua
atarau ra. E ongi maira oki a Iehova i
21 te aunga kakara; e kua na ko akērā
Iehova i roto i tona ngakau, Kare rava
au e katara akaou i te enua i te tangata
nei; kino uaorai te manako o te ngakau
tangata mei tona tamariki mea riki anga
mai; kare oki au e ta akaou i te au mea
22 ora katoa, mei taku i rave io nei. I
teiane ra, e vai rai te tuatau tanumanga,
e te kokotianga, te anu, e te pukakā, te
akaū, e te paroro, te po, e te ao, e ope
ua ake to te enua nei puke rā.

PENE IX.

*Te akameitaki maira te Atua ia Noa,
e te papau ra i te koromotu kiaia,
ma ana tamariki ra. Te anuanua.*

K UA akameitaki maira te Atua ia 1
Noa e tana au tamariki; kua na ko
maira kia ratou, Kia anau, e kia maata
2 kotou, e akaki i te enua nei. E ka
tukuia te matakua ia kotou, e te ngara-
ngara ia kotou, ki runga i te au terio
katoa o te enua nei, e ki runga i te au
manu katoa o te reva, e ki runga i te au
mea katoa e totoro aere ua ki rungao i te
enua, e ki runga i te au ika katoa o te
3 tai; tei to kotou rima anake ia. Te au
mea ora katoa e aere nei, ei kai ia na
kotou; mei te au rakau mata katoa ra,
kua oronga katoaia atu e au na kotou.
4 Ko te kiko ra ma te orakatoa i roto, koia te
5 toto ra, auraka kotou e kai. Kare ua oki
au e kore i te umuumu i te tutaki i to ko-
tou na toto i ora'i kotou; e umuumu
oki au i te reira i te au mea ora katoa
nei, e i te tangata nei; e umuumu oki
au i te tutaki i te ora o te tangata nei,
i te rima o to te tangata katoa uaorai na
6 taeake. Ko te akamaringi i to te tan-
gata nei toto, na te tangata katoa tona

toto e akamaringi: i anga oki aia i te tangata ma to te Atua ra tu. Ko kotou ra, kia anau, e kia maata roa; kia mangangui to kotou uanga ki runga i te enua, e kia maata roa kotou i reira.

Kua tuatua mairai oki te Atua kia Noa, e tana au tamariki katoa ra, na ko maira, I na, ko au, te akatinamou nei au i taku nei koreromotu kia kotou, e to kotou uanga a muri atu; E te au mea ora katoa ki ko na kia kotou na, te au manu ra, e te au puaka ra, e te au terio katoa i te enua nei ki ko na kia kotou na; e te au mea ora katoa o te enua mei roto katoa mai i te araka. Te akatinamou nei au i taku nei koreromotu kia kotou; e kore roa e ope akaou te au mea ora katoa i te mate i te vai diluvi; kare oki e diluvi akaouia e mate roa atu ei te enua ra. Kua tuatua maira oki te Atua, Teia te akairo o te koreromotu taku e tuku nei ei akairo noku e no kotou, e te au mea ora katoa ki ko na kia kotou na, no te au uki katoa e a muri na atu: Ko taku anuanua i roto i te tumurangi ra, taku ia e akono nei, ei akairo no te koreromotu naku, e to te ao katoa nei. E kia akatupu au i te tumurangi ki runga ake i te enua nei, e kua kitea te anuanua ki roto i taua tumurangi ra; Ei reira au e manako ei i taku koreromotu nei, ko au tetai pae, e ko kotou tetai pae, e te au mea ora katoa o nga mea ravarai; e kare rava e vai diluvi akaouia e ope ei te au mea ora katoa i te mate ra. Kia anuanuaia oki ki roto i te tumurangi ra, ka akara ia au, kia maara au i te koreromotu mutu kore na te Atua, e te au mea ora katoa o nga mea ravarai ki runga i te enua nei. Kua tuatua maira te Atua kia Noa, Ko te akairo koreromotu teia, i akamouia e au naku, e te au mea ora katoa ki runga i te enua nei.

E nga tamariki a Noa, mei roto mai i te araka ra, ko Sema ia, ko Hama ia, e ko Iapheta; ko te metua oki a Hama no Kanaana. Ko nga tamariki toko toru a Noa ra teia; e kua ki katoatoa te enua katoa ia ratou.

E riro a Noa ei tangata tatanu, e kua tanu iora aia i te kainga vine. E kua inu oki aia i te wina, e kona iora; e vai taaka ua atura aia ki roto i tona puakapa. Kite akera te metua o Kanaana ra, ko Hama, i tona metua i te vai taaka ua anga, e kua akakite akera ki nga tuakana nona i vao ra. Kua rave akerā Sema raua ko Iapheta i te kakau, tuku akera ki rungao ia raua, e aere kotua atura ki muri to raua mata, tapoki atura i to raua metua; e kare raua i kite i te

24 vai taaka ua anga o to raua metua. E ara akerā Noa i taua wina nana ra, e kite akera aia i ta te tamaiti openga i rave iaia ra. Kua na ko akera aia, E kataraiā Kanaana; e riro aia ei tavini 26 akaaka roa no tona ai tuakana. E kua na ko akera oki aia, E akameitakiia te Atua o Sema ra ko Iehova; e ka riro 27 oki a Kanaana ei tavini nona. E aka-maata roa te Atua ia Iapheta, ka noo oki aia ki roto i te au puakapa o Sema; e ka riro a Kanaana ei tavini nona. 28 E ka toru akera o Noa anere i te mataiti e rima ngauru ara i te ora anga, 29 i muri ake i te diluvi ra. E to Noa au mataiti katoa, e iva ia anere, e rima ngauru ara; e mate iora aia.

PENE X.

Te uanga o Noa ra.

1 **K**O te tuatua teia o te tamariki a Noa ra, ko Sema, ko Hama, e ko Iapheta: e ta ratou tamariki i anau i muri ake i te diluvi. 2 Ko ta Iapheta ra tamariki tamaroa; ko Gomera ia, e ko Magoga, e ko Madai, e ko Iavana, e ko Tubala, e ko Meseke, 3 e ko Tirasa. E ko ta Gomera tamariki tamaroa; ko Asekanaza ia, e ko Riphata, e ko Togarama. E ko ta Iavana tamariki tamaroa; ko Elisa ia, e ko Taresisa, e ko Kitama, e ko Rodanima. 5 No teianei aronga to te pa enua i motu ke ra; i to ratou au enua, to ratou ravarai au reo ke, to ratou au kopu-tangata ke, e to ratou au iti-tangata ke. 6 E ko ta Hama tamariki tamaroa; ko Kusa ia, e ko Mizeraima, e ko Pluta, e 7 ko Kanaana. E ko ta Kusa tamariki tamaroa; ko Seba ia, e ko Havila, e ko Sabata, e ko Raama, e ko Sabateka: e ta Raama tamariki tamaroa; ko Seba ia, e ko Dedana. E anau akera ta Kusa ko Nimeroda: e riro atura aia ei tangata 9 mana i te ao nei. E riro atura aia ei tangata arumaki ririnui ki mua i te araro o Iehova: koia tei karangaia ra e, Mei ia Nimeroda arumaki ririnui ki mua i te araro o Iehova ra. E te kapuanga o tona ra basileia, ko Babela ia, e ko Ereka, e ko Akada, e ko Kalane, i te 11 enua ra o Sinara. Mei taua enua ra aere atura aia ki Asura, e akatu iora ia Nineve, e i te oire ra, ko Rehobota, e 12 Kala, E Resina i rotopu ia Nineve e 13 Kala: e oire maata te reira ra. To Mizeraima ra uanga ko te ngati Luda ia, e te ngati Anumi, e te ngati 14 Lehabi, e te ngati Naphetuihi, E te ngati Paterusi, e te ngati Kaselui, nana te Philiseti, e te ngati Kaphatori.

E anau akera ta Kanaana, ko Sidona, 15 ko tana ia tama mua, e ko Heta, E te 16 ngati Iebusi, e te ngati Amori, e te ngati Giregasi, E te ngati Hevi, e te ngati 17 Araki, e te ngati Sini, E te ngati Ara- 18 vadi, e te ngati Zemari, e te ngati Hamati: e i muri akera, kua pueurikiriki ke atura te au kopu-tangata ngati Kanaana ra. E to te ngati Kanaana ra 19 kotinga, mei Sidona atu ia, e tae roa atura ki Gerara e Gaza; e tae roa atura ki Sodoma, e Gomora, e Adama, e Zeboma, e tae ua maira ki Lasa. Ko ta 20 Hamata teia puke tamariki, i to ratou au kopu-tangata, to ratou reo, to ratou au enua, e to ratou iti tangata.

E e tamariki katoa ta Sema, ta te 21 tuakana o Iapheta, e metua oki no te au tamariki katoa a Ebera ra, Ko ta Sema 22 puke tamariki tamaroa ra; ko Elama ia, e ko Asura, e ko Arepakasada, e ko Luda, e ko Arama. E ta Arama tama- 23 riki tamaroa; ko Uza ia, e ko Huula, e ko Getera, e ko Masa. E anau akera ta 24 Arepakasada, ko Sala; e anau akera ta Sala ko Ebera. E anau akera ta Ebera 25 puke tamariki tamaroa toko rua: ko Pelega te ingoa o tetai, no te mea tei tona tuatua te kokoti angaia te enua nei; e ko Iokatana te ingoa o tona tuakana. E anau akera ta Iokatana ko Alemo- 26 dada, e ko Selepha, e ko Hazaremaveta, e ko Iera, E ko Adoram, e ko Uzala, 27 e ko Dikela, E ko Obala, e ko Abi- 28 maela, e ko Seba, E ko Ophira, e ko 29 Havila, e ko Iobaba; na Iokatana anake ia tamariki. E to ratou nooanga ra mei 30 Mesa atu ia, e tae ua atura ki te maunga ra ko Separa, i te pac i te itinga o te ru ra. Ko ta Sema teia puke tamariki, i 31 to ratou au kopu-tangata, to ratou reo, to ratou au enua, e to ratou iti-tangata.

Ko nga kopu-tangata oki teia o nga 32 tamariki a Noa ra, i to ratou anauanga, e i to ratou iti-tangata: ia ratou i motu ke ei te au iti-tangata i te enua nei, i muri ake i te diluvi.

PENE XI.

Te patu ra te tangata ia Babela; e te tuatua ia Sema ra.

OKOTAI ua oki o to te ao katoa nei 1 reo, okotai oki tuatua. E te aere 2 ua tetai papaki o ratou, mei te itinga o te ru mai, e kite atura ratou i tetai ngai mania ka ua i te enua ra o Sinara; e noo iora ratou ki reira. E kua tuatua iora 3 ratou ki tetai ki tetai, Taki aere tatou, e anga i te karakaraea, ka ta'u ei ki te ai. Ko ta ratou ia toka ko te karakaraea, e te hemera ei ngaika na ratou. E kua na 4

ko iora ratou, Taki aere tatou, ka patu i tetai oire no tatou, e tetai punanga, *kia tae ua atu* te take ki runga i te rangi ra, kia kitea to tatou ingoa; ko te pueurikiriki ke ua atu aca tatou e pini ua ake te enua katoa nei.

- 5 E kua eke mairā Iehova ki raro e akara i taua oire ra, e taua punanga ra, e patuia e te tamariki a te tangata ra.
- 6 E kua tuatua iorū Iehova, I na, okotai ua ia aronga nei, e okotai rai oki reo to ratou katoa ra; e te rave nei oki ratou i taua mea nei; e kare rava oki ratou e kore i te rave i tei akakorola e ratou ra:
- 7 Taki aere tatou ki raro, e akatareva ke i to ratou reo i reira, kia kore tetai e kite
- 8 i to tetai ra reo. I reira to Iehova akapueurikiriki ke anga ia ratou, ki runga i te enua katoa e pini ua ake: e akapaki akera ratou i te patu i taua oire ra.
- 9 I tapai'a i oki tona ingoa ko Babela; no te mea, i reira to Iehova akatareva ke anga i te reo o te tangata katoa; e kua akapueurikiriki ke a Iehova ia ratou, ki runga i te enua katoa e pini ua ake i reira.

- 10 Teia te tuatua ia Sema: Okotai akera o Sema anere anga i te mataiti, e anau akera tana, ko Arepakasada, i muri ake i te diluvi ka rua akera mataiti: E ka rima akera o Sema anere anga i te mataiti i te ora anga, i muri ake i tana anau anga ia Arepakasada, e anau akera te tamariki tamaroa, e te tamariki tamaine. E ka toru akera ngauru e rima ara to Arepakasada mataiti i te ora anga, e anau akera tana, ko Sala: E noo iorū Arepakasada i muri ake i tana anau anga ia Sala, e a akera anere, e toru ara te mataiti, e anau akera te tamariki
- 14 tamaroa, e te tamariki tamaine. E ka toru akera ngauru to Sala mataiti i te ora anga, e anau akera tana, ko Ebera:
- 15 E noo iorū Sala i muri ake i tana anau anga ia Ebera, e a akera anere, e toru ara te mataiti, e anau akera te tamariki
- 16 tamaroa, e te tamariki tamaine. E ka toru akera ngauru e a ara to Ebera mataiti i te ora anga, e anau akera tana, ko Pelega: E noo iorū Ebera i muri ake i tana anau anga ia Pelega, e a akera anere, e toru ngauru te mataiti, e anau iora te tamariki tamaroa, e te tamariki tamaine.
- 18 E ka toru akera ngauru to Pelega mataiti i te ora anga, e anau akera tana, ko
- 19 Reu: Noo iorū Pelega i muri ake i tana anau anga ia Reu, e rua akera anere, e iva ara te mataiti, e anau akera te tamariki tamaroa, e te tamariki tamaine.
- 20 E ka toru akera ngauru, e rua ara, to Reu mataiti i te ora anga, e anau akera
- 21 tana, ko Seruga: E noo iorū Reu i muri

ake i tana anau anga ia Seruga, e rua akera anere, e itu ara te mataiti, e anau akera te tamariki tamaroa, e te tamariki tamaine. E ka toru akera ngauru 22 to Seruga mataiti i te ora anga, e anau akera tana, ko Nahora: E noo iorā 23 Seruga i muri ake i tana anau anga ia Nahora, e rua ia anere te mataiti, e anau akera te tamariki tamaroa, e te tamariki tamaine. E ka rua akera ngauru, e iva 24 ara to Nahora mataiti i te ora anga, e anau akera tana, ko Tera: E noo iorā 25 Nahora i muri ake i tana anau anga ia Tera, e okotai akera anere, okotai ngauru ma iva te mataiti, e anau akera te tamariki tamaroa, e te tamariki tamaine. E ka itu akera ngauru anga to 26 Tera mataiti i te ora anga, e anau akera tana, ko Aberama, e ko Nahora, e ko Harana.

Tera te tuatua ia Tera: E anau akera 27 ta Tera, ko Aberama, e ko Nahora, e ko Harana; e anau akera ta Harana, ko Lota. E mate atura oki a Harana i 28 mua ake i tona metua ia Tera, i tona enua tikai i anau ei ra, i Ura ki o te Kaledaea. E kua akaipoipo iorā Abe- 29 rama, e Nahora katoa, i te vaine na rana: ko Sarai te ingoa o te vaine a Aberama; e ko Mileka te ingoa o te vaine a Nahora, e tamaine na Harana, ko te metua tane ia o Mileka, e te metua oki o Isaka. E pa rā Sarai; kare ana 30 tamariki. E kua rave akērū Tera i tana 31 tamaiti ra ia Aberama, e tona mokopuna ia Lota, te tamaiti a Harana ra, e tana unonga ia Sarai, i te vaine a tana tamaiti ra, a Aberama; kua arataki maira mei ko te Kaledaea mai i Ura ra, e aere ki te enua ra ki Kanaana; e tae maira ratou ki Harana, kua noo iora ratou i reira. E to Tera puke rā nei, e rua ia 32 anere e rima ara te mataiti; e mate iorā Tera i Harana.

PENE XII.

I te tuatua a te Atua i akaruke e Aberama i tona enua, e tae atura ki Kanaana, e tona aerenga ki Aiphiti no te onge.

I TUATUA mai ana oki a Iehova kia 1 Aberama e, E aere ke mai koe i to enua na, e toou kopu-tangata, e te ngu-tuare o toou metua, ki te enua taku e akakite atu kia koe na: E akariro oki 2 au ia koe ei iti-tangata maata, e ka akameitaki au ia koe, e akamaata atu au i to ingoa; e ka riro koe ei meitaki. E 3 ko te aronga e akameitaki ia koe ra, ko taku ia e akameitaki; e ko te akakino ia koe ra, ko taku ia e katara: e ei ia koe e meitaki ei te au kopu-tangata katoa o

4 te ao nei. Aere aturā Aberama, i ta Iehova i tuatua mai kiaia ra; e aere katoa atura oki a Lota. E ka itu akera o Aberama ngauru anga i te mataiti, e rima ara, ka aere atu ei aia mei Harana 5 atu. E kua arataki aturā Aberama i tana vaine ia Sarai, e te tamaiti a tona tuakana ia Lota, ma te au apinga katoa i rauka ia ratou, e te au tavini *kutoa* i rauka ia ratou i Harana ra; e aere atura ratou ki te enua ra ki Kanaana; e tae atura ratou ki te enua ra ki Kanaana. 6 Aere aturā Aberama na roto i taua enua ra, e tae atura ki te ngai ra ki o Sekema ra, ki te ale i More ra. *Tē noo ra* te ngati Kanaana i taua enua ra i reira. 7 E kua mama mairā Iehova kia Aberama ra, e kua tuatua maira, Ka oronga au i teianei enua no toou ra uanga: kua akatu iora aia i tetai atarau i reira na 8 Iehova, ko tei mama mai kiaia ra. E mei reira oki, aere atura aia ki tetai maunga ki te pae i te itinga o te rā i Betela, patia iora i tona puakapa i reira, tei te pae i te opunga o te rā i Betela ra, e tei te pae i te itinga o te rā i Ai ra: e kua akatu oki aia i tetai atarau na Iehova i reira, e kua tautopa iora aia i te 9 ingoa o Iehova. E riro atura oki a Aberama, i te aere ua anga atu rai ki te pae i apatonga. 10 E onge oki tei tana enua ra: aere aturā Aberama ki Aiphiti i te purutia anga i reira; e onge kino oki tei taua enua ra. 11 E vaiatata maira Aiphiti iaia kua karanga atura aia ki tana vaine kia Sarai, i na, e vaine purotu koe na kia akaraia mai, kua 12 kite au: E riro to Aiphiti i te tuatua, kia akara mai ratou ia koe, Ko tana vaine teia; e ka riro ratou i te ta mai 13 iaku, e akaora ra ia koe. E tenana, e karanga atura koe e, e tuaine koe noku: kia kiteia mai au e ratou ia koe ra; e ora iora au ia koe. 14 E tae aturā Aberama ki Aiphiti, kua akara maira to Aiphiti i taua vaine ra, 15 e vaine purotu maata. Kite akera oki te ui ariki ki o Pharao iaia, e kua paapua oki iaia kia Pharao ra: e aratakiia atura taua vaine ra ki roto i te aere o 16 Pharao ra. E kua takinga-meitakiia iorā Aberama iaia: e e mamoe tana, e te au bovi, e te au asini toa, e te tavini tane, e te tavini vaine, e te au asini ua, e te au kamela. 17 Kua tuku maira rā Iehova i te mate maata kia Pharao e tona ngutuare katoa, ia Sarai, i te vaine a Aberama ra. Kua tiki mairā Pharao ia Aberama, e kua na ko maira, Eaa koe i akapera mai ei kia-ku nei? eaa i kore ei koe i tuatua mai 18 i kiaku e, e vaine aia naau? Eaa koe 19

i tuatua mai ei e, E tuaine aia noku, kia rave au iaia ei vaine naku? E tenana tera taau vaine, ka rave, ka aere. E 20 kua karanga aturū Pharao ki te au tangata ra iaia: e kua aere katoa atura ratou i te aru aere iaia, e tana vaine, e tana au apinga katoa.

PENE XIII.

Te toka ke anga ia Aberama raua ko Lota, e te aere rā Lotu ki Sodoma, e te aere rā Aberama ki Mamera.

E KUA aere mairū Aberama, e tana 1 vaine, ma te au apinga nana ra, e Lota katoa, mei Aliphi mai ki te pae i Apatonga i Kanaana ra.

E apinga maata roa to Aberama i te 2 puaka, i te ario, e te auro. E kua aere 3 ua oki aia i tona aerenga, mei Apatonga mai, e ki Betela roa, ki tengai i patinia'i tona puakapa i muatangana ra, i rotapu i te va i Betela e Ai; Ki te ngai tana i 4 akatu i te atarau i muatangana ra: e kua tautopa iorū Aberama i te ingoa o Iehova i reira.

E ko Lota oki, ko tei aere katoa raua 5 ko Aberama, e mamoe katoa tana, e te bovi, e te au puakapa. Kare akera raua e 6 o i te enua kia okotai ua ngai i te noo anga: i te maata oki o ta raua apinga, kare atura e tika kia kapiti katoa to raua noo anga. E kua tupu iora oki te 7 tauetonoanga i te au tiaki puaka a Aberama, e te au tiaki puaka a Lota ra. E te noo ra te ngati Kanaana, e te Perizi i taua enua ra. E kua tuatua mairū 8 Aberama kia Lota, Teia taku tuatua kia koe, auraka roa to taua ei tauetonoanga, e ta toku nei au tangata tiaki puaka, e te au tangata tiaki puaka noou ra; okotai oki o taua kopu-tangata. Kare ainei te 9 vai ua iora te enua katoa nei i mua ia koe? Ka akataka atu ana koe iaku nei; kia na te pae kaui koe, ko au te na te pae katau; e kia na te pae katau koe, ko au te na te pae kaui.

E kua nūnū akerū Lota i tona mata ki 10 runga, e kite atura i te ngai maniania katoa i Ioridana ra, e tae roa atura ki Zoara, (kare oki Sodoma e Gomora i mate ia Iehova i reira,) e e ngai meitaki i te vai e pini ua ake, mei te kaininga o Iehova ra, e mei te enua ra mei Aliphi. E kua rave iorū Lota i taua ngai mania- 11 nia katoa i Ioridana ra nona, e aere aturū Lota ki te pae i te itinga o te rā ra. Taka ke atura raua tetai e tetai. Noo iorū 12 Aberama i taua enua ra i Kanaana; e noo aturū Lota i te au oire i taua ngai maniania ra, patia iora i tona puakapa i vaitata i Sodoma. E kino maata ra to 13

te au tangata o Sodoma, e te rave maata i te ara ki mua i te aroaro o Iehova.

14 E riro aturū Lota, kua tuatua mairū Iehova kia Aberama, Ka nūnū ana i to mata ki runga i tena ngai taau e noo na, ka akara, i te pae i apatokerau, e te pae i apatonga, e te pae i te itinga o te rā ra, 15 e te pae i te opunga o te rā: Ko te reira katoa ra oki enua taau e akara na, e orongaia ia e au noou, e no toou na uanga, e tuatau ua atu. E ka akaaite oki au i 16 toou na uanga mei te ungaunga-one o te enua nei; e kia ope te ungaunga-one o te enua nei i te tatauaia e te tangata ra, ei reira katoa toou uanga e ope ei i te tataua- 17 ia. Ka tu, ka aere na te tiroa o taua enua nei, e na te tipoto; ka oronga oki 18 au i te reira noou. Kua kiriti akerū Aberama i tona puakapa i reira, e aere atura, e noo atura ki te au ale i Mamera i vaitata ki Heberona ra; e kua akatu aia i tetai atarau na Iehova i reira.

PENE XIV.

Te tamaki anga a te ui ariki, e kua apatiā Lota e tei atu ra; na Aberama oia i akaoki mai ma tana apinga katoa: aka-meitakiū Aberama e Melchizedeka ra.

TEI taua tuatau ra to te ariki o Sinara 1 to Ameraphela, e te ariki o Elasara ko Arioka, e te ariki o Elama ko Kedera- 2 laomera, e te ariki o Goima ko Tidalā, Tamaki anga mai i te ariki o Sodoma ia 3 Bera, e te ariki oki o Gomora ko Beresa, e te ariki o Adama ko Sinaba, e te ariki o Zeboima ko Semebera, e te ariki oki o 4 Bela, koia ko Zoara nei. Kua kuku anake iora ratou i te ngai maniania ra i 5 Sidima, koia te tai taitai nei. Rau- ngauruakera o ratou mataiti, e rua ara, i raro ake ia Kederaomera, e tae akera ki te ngauru ma toru o te mataiti, kua 6 kaitamaki iora ratou. E tae akera ki te ngauru ma a o te mataiti, kua aere mairū Kederaomera, e te au ariki i tau mai 7 kiaia, kua ta iora i te Rephai i Aseterota- Karenaima, e te Zuzi i Hama ra, e te 8 Eni i Save-kiriataima, E te ngati Hori i to ratou maunga i Seira, e tae roa atura ki Ele-parana, i te pae medebara 9 ra. E oki atura ratou, e tae atura ki Ena-misipata, koia Kadesa nei, e tairipoti roa akera te enua o te ngati Amaleka, e to te ngati Amori katoa, i noo i Haze- zona-tamara. 10 E te ariki o Sodoma, e te ariki o Gomora, e te ariki o Adama, e te ariki o Zeboima, e te ariki o Bela, koia ko Zoara nei, aere katoa atura ki taua ngai mania- 11 nia ra ki Sidima, e kua akamoa i te ta- 12 maki kia ratou, Ki te ariki o Elama kia

Kederalaomera, e te ariki o Goima kia
Tidala, e te ariki o Sinara kia Amera-
phela, e te ariki o Elasarua kia Arioka;
toko a ariki ki e toko rima ra. E kua ki 10
rara akera taua ngai maniania ra i Sidi-
ma ra, i te vaarua hemera; e ati iora nga
ariki no Sodoma, e no Gomora, e *manga-*
nui tei mate i reira; e oro atura tei toe
ki runga i te maunga. E rave iora tei 11
autu i te apinga tini ravarai o Sodoma,
e to Gomora, e ta ratou kai katoa e ope
roa akera, e aere atura. E te tamaiti a 12
te tuakana o Aberama ra ko Lota, (i So-
doma oki tona nooanga,) e tana katoa ra
au apinga i te aō katoa anga atu, ka aere
ei ratou.

E kua aere maira tetai tangata i ora 13
maira, kua akakite maira kia Aberama
ngati Ebera, i noo i te au ale i o Mamera
ngati Amori ra, e taake oki no Esekela
raua ko Anera; ko tei kapiti katoa kia
Aberama ra. E kite akera Aberama e, 14
kua riro tona taake, kua akaputuputu
iora aia i tona au tangata i apilia ra, i tei
anau i tona uorai ngutuare, e toru anere
okotai ngauru e varu ara, e aru atura i
te *enemi* e tae roa atura ki Dana. E kua 15
akataka atura aia i tona au tavini, e
tamaki ia ratou i te po, kua ta roa atura
ia ratou, e aruaru roa atura, e tae atura
ki Hobā, ki te pae kaui i Damaseko ra.
E kua akaoki maira aia i te apinga 16
ravarai, e tona taake ia Lota, e tana ra
apinga, e te au vaine, e te au tangata ra,
ko tana ia i akaoki maira.

E i tona oki anga mai mei te tainga 17
mai ia Kederala e ra, e te ui ariki i
kapiti katoa kiaia ra; aere atura te ariki
o Sodoma e aravei atu iaia i te o ra i
Save, koia te o o te ariki ra. E kua apai 18
atura oki te ariki o Salema, ko Mele-
kizedeka, i te areto e te wina: e taunga
oki aia na te Atua teitei. Kua aka- 19
meitaki atura aia iaia, na ko atura, Kia
akameitakiā Aberama e te Atua teitei,
te Pu o te rangi e te enua nei: E kia 20
akameitakiā oki te Atua teitei, ko tei
tuku mai i toou au *enemi* ki toou rima
na. Kua tuku mairā Aberama i te
ngauru i taua au *apinga* katoa ra nona.
E kua karanga atura taua ariki o Sodo- 21
ma ra kia Aberama, E tuku mai te au
tangata kiaku nei, e tāpu atu i te apinga
ra noou uorai. E kua tuatua mairā 22
Aberama ki taua ariki o Sodoma ra, Kua
taputou au ki te Atua teitei ra, kia
Iehova, ki te Pu o te rangi e te enua nei,
Kare au e rave ua atu i tetai manga 23
taura iti i te apinga ravarai naau na, e
tae ua atu ki tetai taura itiki tamaka ra,
ko te tuatua aea oki koe, E apinga
maata ta Aberama iaku: Mari ra i tei 24

keingaia e te au tangata ou nei, e te
tuanga a te au tangata i aere katoa ra, ta
Anera, ta Esekola, e ta Mamera; ka
rave ratou i ta ratou tuanga.

PENE XV.

*Kua akamaroiroia Aberama, e kua
akakite mamaia aia e, ka anau taua
e tamaroa, e te ka rokoia e tona uanga i
muri ake.*

- 1 **E** MURI ake i te reira, kua tae maira
te tuatua a Iehova kia Aberama i te
orara ra, i te na ko anga mai e, Auraka
e mataku, e Aberama: ko au toou
- 2 paruru, e tauu tutaki maata roa atu. E
kua karanga aturā Aberama, E te Atu, e
Iehova, eaa tauu e o mai noku? teia oki
au ka aere ma te tamariki kore, e te
akaere i toku ngutuare nei, ko Eliczera
- 3 ia i Damaseko ra. E kua karanga aturā
Aberama, I na oki au, kare oki e uanga
i o maiia mai e koe; e i na, ko tetai
tamaiti i *anau* i toku nei ngutuare, ka
- 4 riro iaia taku nei tuanga. E i na, *kua
tae mai* te tuatua a Iehova kiaia, na ko
maira, Kare tauu tuanga e riro iaia; ko
tetai ra, no roto i toou uorai kopu, ka
- 5 riro iaia tauu tuanga. Kua arataki akera
aia iaia i te ngai atea, na ko maira, Ka
akara ana ki runga i te rangi, ka tatau
ana i te au ctu, i te tika anga ia koe kia
tatau: e kua tuatua maira aia kiaia,
- 6 Koia katoa toou na uanga. Kua aka-
rongo atura aia ia Iehova; e kua akono
atura aia i te reira ei tuatua-tika nana.
- 7 E kua tuatua maira aia kiaia, Ko au ko
Iehova ko tei arataki mai ia koe mei Ura
mai, mei ko i te Kaledca ra, e oronga i
- 8 teianei enua ei nooanga noou na. Kua
karanga atura ra aia, E te Atu, e Iehova,
eaa te mea e kite ei au e, e rauka iaku?
- 9 E kua tuatua aia kiaia, Ka taki mai i
tetai bovi ua mataiti toru ra, e tetai
puaka-nio ua mataiti toru, e tetai mamoe
toa mataiti toru ra, e tetai kukupa, e
- 10 tetai rupe ou, kiaku nei. E kua apai
maira aia i taua au mea katoa ra kiaia, e
kua va i iora na rotou, e tuku iora tetai
tapaanga ki tetai pae, e tetai tapaanga ki
tetai pae, e aiteite akera; kareka nga
- 11 manu ra, kare aia i va i. E kia to mai
te au manu taac ki runga i taua au
puaka ra, kua ia aturā Aberama.
- 12 E te topa atura te rā ki raro, rokoia
aturā Aberama i te moe tinainai; e i na!
rokoia katoa iora e te koiriria, e te pōiri
- 13 maata. Kua tuatua maira aia kia
Aberama, Ka riro tikai toou uanga ei
purutia i te enua no etai ke, e ao ratou
ia ratou, e ka takinga-kinoia mai, e a ka-
toa anere te mataiti, kia kite mai koe.

Kareka taua enua i ao atu ei ratou ra, 14
naku ia e akava atu; e muri akera, e
aere ke mai ia ratou ma te apinga maata.
Ka tae ra koe ki o toou ai metua ra ma 15
te au; kia ruaine roa koe ka tanumia'i.
E kia tae ki te a o te uki, ka oki mai ei 16
ratou ki ko nei; kare rai oki i rava roa
te ara a te ngati Amori ra. E topa atura 17
te rā, e pōiri atura, e i na, e umu te peke
ua te auai ra, e te turama mura te na
rotopu i aua nga tapaanga *puaka* ra.
Papau iorā Iehova i te koreromotu kia 18
Aberama i taua rā ra, na ko maira, Kua
oronga au i teianei enua no toou ra uanga,
mei te vai mai i Aiphiti, e tae ua atu ki
te vai maata ra, te vai ra ko Eupharati;
To te ngati Keni, e te Kenize, e te Kada- 19
moni, E te ngati Heta, e te Perizi, e te 20
Rephai, E te ngati Amori, e te ngati 21
Kanaana, e te ngati Giregasi, e te ngati
Iebusi ra.

PENE XVI.

*Te oronga rā Sarai ia Hagara ei vaine
na Aberama. Te oro kerā Hagara, e
na te Angela a Iehova ai i akuoki mai
ki tona pu. To Isemaela anau anga.*

KARE a te vaine a Aberama, ko 1
Sarai, e tamaiti i anau nana; e e
tavini vaine tona no Aiphiti, ko Hagara
te ingoa. E kua tuatua mairā Sarai kia 2
Aberama, I na, kare akenei i tika ia
Iehova kia anau *tamariki* au; teia taku
tuatua kia koe, e aere atu koe ki toku
tavini vaine nei; peneiake ko te rauka
taku tamariki iaia ra. Kua akarongo
atura oki a Aberama i taua tuatua a 3
Sarai ra. Eraungauru akera o Aberama
mataiti i te noo anga i Kanaana, kua
rave akera te vaine a Aberama ko Sarai
i tona tavini vaine Aiphiti ra ia Hagara,
tuku atura ki tana tane ra kia Aberama
ei vaine nana.

E aere atura aia kia Hagara ra, e kua 4
to iora aia; e kite akera aia uarai e,
kua to aia, riro atura tona pu vaine ei
akavaavaanga nana. Kua tuatua mairā 5
Sarai kia Aberama, Tei ia koe toku kino;
kua oronga atu oki au i toku tavini vaine
ki roto i to umauma; e kite akenei aia
e, kua nui aia ra, i riro io nei au ei
akavaavaanga nana. Ei ia Iehova te
akava mai ia koe e iaku. Kua karanga 6
aturā Aberama kia Sarai, I na, tei toou
rima oki to tavini vaine; ka rave koe i
taau e anoano iaia. Kua tinai-mate
aturā Sarai iaia, e oro ke atura aia.

E kitea iora aia e te Angela a Iehova i 7
te pae o tetai punavai i te medelara ra;
i te punavai i te arataa, ka aere ei ki
Sura ra. E kua tuatua maira aia, E 8

Hagara e, te tavini o Sarai ra, mei ea mai
koe? e e aere oki koe ki ea? Kua karanga
atura aia, I oro mai nei au i toku pu vaine
9 ra ia Sarai. E kua tuatua maira te Angela
a Iehova kiaia, Ka oki ki toou pu vaine
ra, ka kauraro marie atu ei koe kiaia.
10 E kua tuatua mairai te Angela a Iehova
kiaia, Ka akamaata roa au i toou nanga,
kia kore roa e tika kia tatau i te maata.
11 Kua tuatua rai oki te Angela a Iehova
kiaia, I na oki koe, kua nui, e e tamaiti
taau e anau, e ko Isemaela tona ingoa
taau e tapa; no te mea, kua akono mai
12 a Iehova i toou na tumatetenga. E ka
riro aia ei tangata momoavao; ka rave
tona rima ki te tangata katoa, e rave oki
to te tangata katoa rima iaia; e ka noo
oki aia ki mua i te mata o tona katoa ra
13 ai taenae. Kua tapa iora aia i te ingoa
o Iehova i tuatua mai kiaia ra, Te kite
maira koe, e te Atua, iaku: kua na ko
iora oki aia, Kua akara katoa ainei au
iaia i ko nei, i muringao i tona akara
14 anga iaku? No reira i tapai'a taua
ruavai ra, ia Bere-lahai-roi; i na, tei te
va i Kadesa e Bereda.
15 E anau akera ta Aberama ia Hagara, e
tamaiti; e tapa iorā Aberama i te ingoa o
tana tamaiti, ta Hagara i anau ra, ko Ise-
maela. E varu akera o Aberama ngauru
16 anga i te mataiti, e ono ara, i anau ei a Ha-
gara i te tamaiti na Aberama, ia Isemaela.

PENE XVII.

*Kua papau rai te Atua i te koreromotu
kia Aberama. Tapaia tona ingoa in
Aberahama. Kua akatupuia te pe-
ritome.*

ETAE akera ki te iva ngauru ma iva
o to Aberama mataiti, kua mama
mairā Iehova kia Aberama, na ko maira
kiaia, Ko au te Atua Mana katoatoa ra;
e na mua koe i toku aroro i te aere, e
2 kia apa kore taua. E e papau au i taku
koreromotu kia koe, e e akamaata roa
3 atu au ia koe. E kua tipapa iorā Abe-
rama ki raro te mata; e kua tuatua
4 mairai te Atua kiaia, na ko maira, Ko
au teia, i na, tei ia koe taku nei korero-
motu, e ka riro koe ei metua no te pa
5 enua e manganui. Kare rava oki e
tuatua akaouia ko Aberama toou ingoa,
ko Aberahama ra toou ingoa; kua akari'o
oki au ia koe ei metua no te pa enua e
6 manganui. E akamaata roa au ia koe,
e akari'o au ia koe ei pa enua *katoa*, e ei
7 ui ariki te ka anau ia koe. E akatinamou
au i taku nei koreromotu kia koe, e toou
ra uanga a muri ake, e ope roa atu to
ratou au uki, ei koreromotu mutu kore;
e ei Atua au noou, e no toou ra uanga a

muri ake. E te enua taau e noo tangata ke ua ana, ko te enua katoatoa ra ko Nanaia, taku ia e o atu ei nooanga noou, e no toou ra uanga i muri ake, e tuatau ua atu; e ei Atua au no ratou.

E kua tuatua maira te Atua kia Aberahama, E akono tikai koe i taku nei koreromotu, ko koe, e toou uanga i muri atu, e ope roa ake to ratou au uki. Teia oki taku nei koreromotu, ko au e ko kotou, e toou uanga a muri atu, takotou e akono; Ko ta kotou au tamaroa katoa ra, ka peritomeia ia. Ko te kiri i mua ra ta kotou e peritome i to kotou na kopapa; ei akairo no te koreromotu ia tatou nei. Te au tamariki tamaroa katoa i o kotou na, ka peritomeia ia kia tae ki te po varu ra, e ope ua atu to kotou au uki ra; ko tei anau i roto i te are, e tei okoia ki te moni, te tangata ke katoa ra, kare i te uanga noou ra. Ko tei anau i toou uaoari are, e tei okoia ki te moni naau ra, kia peritomeia ia e tikai: kia vai rai taku koreromotu ki runga i to kotou kopapa, ei koreromotu mutu kore. E te tane peritome koreia ra, ko tei kore i peritomeia te kiri i mua i tona ra kopapa, ka tipu keia taua tangata ra i tona ititangata ra; kua atikau aia i taku koreromotu nei i reira.

E kua tuatua mairai te Atua kia Aberahama, *Kareka* ko tauu vaine ra ko Sarai, auraka koe e kapiki i tona ingoa ia Sarai, ko Sara ra tona ingoa. E ka akameitaki au iaia, e ka oronga au i tetai tamaiti iaia naau, e akameitaki rai oki au iaia, e akariro oki au iaia ei pa enua; ei ui ariki te ka anau iaia no te pa enua. Kua tipapa iorā Aberahama i raro te mata, kua kata iora, na ko akera i roto i tona ngakau, E anau ainei ta tei anore tona mataiti *tamaiti*; e ka anau ainei a Sara, ko tei tae ki te iua o tengauru anga o tona mataiti? Kua karanga aturā Aberahama ki te Atua, Kia ora oki a Isemacla i mua i to aroaro na e! Kua tuatua maira te Atua, E tamaiti tikai ta tauu vaine ta Sara e anau naau; e naau e tapa i tona ingoa, ko Isaaka; e ka akatinamou au i taku koreromotu iaia, no tona uanga a muri atu, ei koreromotu mutu kore. Ia Isemacla ra, kua akarongo au ia koe; ina, kua akameitaki au iaia, e e uua aia, e kia maata roa aia iaku; ei ui ariki tana e anau tino ngauru e rua ara, e akariro au iaia ei enua maata. E akatinamou ra au i taku koreromotu ia Isaaka, ta Sara e anau naau, kia tae ki teianei tuatau i te mataiti i mua nei. Akaiti akera aia i tana tuatua kiaia, aere atura te Atua ki runga, akaruke maira ia Aberahama.

23 Kua rave iorā Aberahama i tana tamaiti ia Isemacla, e tei anau katoa i tona ngutuare, e tei oko katoaia ki tana moni, te au tavini tane katoa i to Aberahama ngutuare; e peritome iora i te kiri i mua i to ratou ra kopapa, i taua rā tikai ra, ta te Atua i tuatua kiaia ra. 24 E iva akera ngauru anga o Aberahama mataiti e iva ara, i peritomeia'i te kiri i 25 mua i tona kopapa: E tana tamaiti oki ko Isemacla, okotai akera ona ngauru, e toru ara te mataiti, i peritomeia'i te kiri i 26 mua i tona ra kopapa. Okotai o raua rā i peritomeia'i a Aberahama, e tana 27 tamaiti ra ko Isemacla: E te au tangata katoa no tona are, ko tei anau i te ngutuare, e tei okoia ki te moni i te tangata ke ra, i peritome katoaia ia.

PENE XVIII.

Nga angela toko toru kua tae kiū Aberahama ra; te pou anga o Sodoma, kua akakite mamaoia ia kia Aberahama, e tana pure i to reira.

1 **K**UA mama mairā Iehova kiaia i te au ale i Mamera: te noo ra aia i te 2 ngutupa puakapa i te avatea: Kua nānā akera oki tona mata ki runga e akara atura, e i na! e puke tangata toko toru, te tu ua maira ki mua iaia; e kite akera aia, oro atura aia e aravei ia ratou ra, mei te ngutupa puakapa mai, e kua 3 tupou iora aia ki raro i te one, E karangaturā, E taku Atū e, kia kitearua ia mai au e koe na, te anoano nei au, auraka e aere ua e akaruke mai ei i toou 4 nei tavini: Teia taku tuatua, e tiki matou i tetai manga vai, ei orei i to kotou vaevae, e akaangaro i ua ana kotou ki raro ake i 5 te rakau nei. E ka tiki oki au i tetai manga kai iti, kia maroiroi ake kotou, ka aere ei: i tae mai ei oki kotou ki ko nei ki to kotou nei tavini. E kua tuatua maira ratou, E akapera taau i tuatua mai ana. 6 Aere viviki aturā Aberahama ki roto i te puakapa kia Sara ra, e karanga atura, Ka oi vave ana i e toru āriki faraoa meitaki, ka tunu ei ei areto. E oro atura oki a Aberahama ki te *anana* bovi ra, e opu maira i tetai kafa meitaki, e te paruparu, kua tuku atura ki te tavini; 8 kua maao iora iaia kare i mamia. Kua rave akera i te bata, ma te u, e taua kafa i maao ra, e kua tuku atura ki mua i to ratou aroaro; e kua tu ua iora aia i vaiata ia ratou, i raro ake i te rakau ra; e kua kai akera ratou. 9 Kua tuatua maira ratou kiaia, Teica taau vaine ko Sara? E kua karanga 10 atura aia, I na, tei te puakapa nei. E

kua tuatua maira aia, Ka oki mairai au
kia koe na kia oki mai taua tuatau nei
rai; e i na! e tamaitiia ta taua vaine ta
Sara. Te akarongo mairū Sara i taua
tuatua ra, tei te ngutupa puakapa, tei
muri mai iaia. Kua ruaine a Aberahama
raua ko Sara, e manganui akera to raua
mataiti, e te tuatau tamarikiia'i, kua to-
pa ia ia Sara. Kua kata iorū Sara ki 12
roto iaia uarai, na ko akera, Ei rekareka
tamaiti ainei toku, tei ruaine au, e kua
ruaine katoa taku pu nei? E kua 13
tuatua mairū Iehova kia Aberahama,
Eaū Sara i kata'i, i na ko ei e, E tama-
iti ainei taku tei ruaine au? Te vai 14
atura aina tetai mea e kore e tika ia
Iehova? Kia tae ki te tuatau i akonoia
ra, ka oki mai ei au kia koe nei, kia oki
mai taua tuatau nei rai, e e tamaitiia ta
Sara. Kua uuna iorū Sara, na ko maira, 15
Kare au i kata; kua matakū oki aia.
Kua karanga atura aia, Eiaa, kua kata
rai oki koe.

Tu akera aua nga tangata ki runga i 16
reira ra, akara tika atura ki Sodoma: e
kua aere katoa aturū Aberahama i te aru
aere ia ratou. E kua na ko akera Ie- 17
hova, E uuna ainei au nei ia Aberahama
i taku e rave nei? Ka riro oki a Abera- 18
hama ei enua maata, e te mana, e mei-
taki oki te pa enua katoa o te ao nei
iaia. Kua kite oki au e, e ako rai aia i 19
tana tamariki, e tona ngutuare katoa,
kia akono ratou i te tuatua a Iehova a
muri atu, i te rave anga i te tuatua-tika
e te tuatua-tau; kia apai mai a Iehova
kia Aberahama i tana i tuatua kiaia ra.
Kua tuatua mairū Iehova, No te mea, e 20
aue maata to Sodoma, e to Gomora, e
no te mea kua maata roa ta ratou ara;
E aere ana au ki raro, kia kite i te rave 21
tika anga ratou, mei tei tae roa mai i te
reo kiaku nei; e kare ra, ka kite rai au.
Kua ariu ke atura aua nga tangata ra, e 22
aere tika atura ki Sodoma; tu ua iora rū
Aberahama ki mua ia Iehova.

Kua akavaitata aturū Aberahama, e 23
karanga atura, E akapou katoa aina koe
i te tangata tuatua-tika, e te paieti kore?
Peneiake e rima ngauru ua tangata tua-
tua-tika tei taua oire ra; e akapou rai
koe, kare koe e akakore i te ara a to taua
ngai ra, i taua au tangata tuatua-tika e
rima ngauru i roto ra? Auraka roa oki 25
koe e akapera, e ta katoaia te tangata
tuatua-tika e te paieti kore; e kia okotai
katoa arite i te tangata tuatua-tika e te
paieti kore, auraka rava ia. Kare ainei
e mea tika ta te Akava i to te ao katoa
nei e rave? E kua tuatua mairū Ie- 26
hova, E rima ngauru tangata tuatua-tika
e kitea e au i roto i taua oire ra ia Sodo-

ma, ka matara iaku te ara a to taua ngai
katoa ra ia ratou. E kua karanga aturū
Aberahama, na ko atura, I na, kua ti-
mata io nei au i te tuatua atu ki taku
Atu, e e one-pueu oki au, e te reu ai:
27 Peneiake ko te kore e tae ki te rima o te
ngauru anga i te tangata tuatua-tika ko
te toe ua e rima; ka ta rai koe i taua oire
katoa ra i taua toko rima e kore ra? Kua
tuatua maira aia, E a ngauru ma rima te
kitea e au i reira, kare ia e mate iaku.
28 E kua karanga akaou atura aia kiaia, na
ko atura, Peneiake e a ngauru anga te
kitea atu i reira? Kua tuatua maira aia,
Kare ia au e rave i taua a ngauru ra.
29 E kua karanga atura aia, Auraka taku
Atu kia riri, kia karanga atu au:
peneiake e toru ua nei ugauru te
kitea atu i reira ra. Kua tuatua maira
aia, E toru ngauru te kitea e au i reira,
30 kare au e rave. Kua karanga atura aia,
I na, kua tuatua ua atu rai au ki taku
Atu; peneiake e rua ngauru te kitea atu
i reira. Kua tuatua maira aia, Kare ia
31 au e ta i taua rua ngauru ra. E kua
karanga atura aia, Auraka taku Atu kia
riri mai, okotai ua atu aku tuatua toe;
peneiake okotai ua ngauru te kitea atu
i reira. Kua tuatua maira aia, Kare ia
32 au e ta i taua okotai ngauru ra. Kua
akaoti akera Iehova i tana tuatua ia
Aberahama, aere atura; e kua oki maira
oki a Aberahama ki tona ngai.

PENE XIX.

*Te oo rā Loti i nga angela toko rua; te
pou anga o Sodoma; te akaora angaia o
Lota, e te utunga a te vaine a Lota ra.*

1 **E** TAE atura nga angela toko rua ki
Sodoma i te aia; te noo ua rū Loti
i te ngutupa i Sodoma ra: e kite akera
Loti, kua tu akera ki runga, e aere mai
e aravei mai ia raua ra; e kua tupou iora
2 aia i tona mata ki raro i te one; E kua
tuatua maira, I na, e taku puke rangati-
ra e, e tapae mai ana korua ki roto i te
are o to korua nei tavini, taku ia tuatua,
e ka orei to korua vaevae, e ka noo, e
kia ao ra, e tika ia kia tu ki runga e
aere i to korua tere. Kua karanga atura
raua, Eiaa; ka noo ua ra maua i te ara-
3 taa nei e kia ao. Manono roa maira ra
aia ia raua; e kua tapae atura raua, aere
atura ki roto i tona are; e kua tunu iora
aia i te areto akaopue koreia, akanoonoo
iora i tetai kaingakai na raua, e kua kai
iora raua.
4 Kare ra raua i moe, kua katoatua
maira te tangata, te tangata o taua oire
ra, te tangata o Sodoma, ko tei ou, e tei
ruaine, kua akapini maira i taua are ra:

E kua kapiki maira kia Lota, na ko maira kiaia, Teiea nga tangata i aere tika mai kia koe nei i teianei po? Ka arataki mai ana ia raua ki vao kia matou nei, kia kite matou ia raua. E aere aturā Lota ki vao kia ratou ra, e kua topiri maira oki i te ngutupa. E kua karanga atura, Auraka ana, e taku an taeake, e akapera i *tenana* ravenga kino: I na, e puke tamaine taku toko rua, kare rai i kite i te tangata; ko taku ia e arataki mai ki vao kia kotou nei, ka rave ei kotou i ta kotou e anoano ia raua ra, taku ia tuatua kia kotou na: auraka ra e rave ua atu i eianei puke tangata; i aere mai ei oki raua kia marumaru i toku are nei. Kua tuatua maira ratou, Kia atea atu. E kua na ko maira oki, Na tei purutia ua mai aina e akariro iaia uorai e, ei iaia te tuatua? e maata ua atu ta matou e rave ia koe i teianei, i tera ra aronga. E kua kononinoni ua maira ratou ki runga i taua tangata ra, ia Lota, e akavaitata roa maira e vava'i i te pa. Kua akatika atura nga tangata ra i to raua rima, kua totō maira ia Lota ki roto i te are kia raua, e topiri atura i te pa. Kua akamatapo atura raua i taua aronga tangata i te ngutupa are ra, ko te tangata rikiriki e te aronga mamaata; e roiroi rava akera ratou i te kimi anga i te ngutupa.

Kua karanga atura nga tangata kia Lota, Koai ma ua ake i toou rai i ko nei? Ko *tauu* ra au unonga, e *tauu* ra au tamariki tamaroa, e *tauu* ra au tamaine, ko *tauu* katoa rai i te oire nei, e *rave*, e arataki ki vao i taua ngai nei. Te rave nei oki maua i teianei ngai e akapou. E *ara* aue maata ta ratou ki mua i te araro o Iehova; e na Iehova maua i tono mai e akapou i te reira. E aere aturā Lota ki vao, kua karanga atura ki ana nga unonga, ko tei akaipoipo i ana puke tamaine, na ko atura, Ka tu e aere ke kotou ki vao i teianei ngai; ka akapou oki a Iehova i te oire nei. Mei te takatakata ua ra aia i nga unonga nana ra.

E tei te akirata anga ra, kua tuatua raurau maira nga angela kia Lota, na ko maira, Ka tu ki runga, ka arataki i taua vaine, e nga tamaine toko rua au i vai nei; ko te mate aea oki koe i te matenga i teianei oire. E te favarevare ua ra aia, kua opu maira nga tangata ra i toa rima, e te rima o tana vaine, e te rima o nga tamaine nana ra, e akaperepere to Iehova iaia; kua arataki raua iaia ki vao mai i taua oire ra, tuku atura.

E kia aratakiia ratou e raua ki vao, kua 17 tuatua maira aia, Kia ngakoikoi kia ora koe; auraka e akara ki muri, ciao roa e

akaea i *teia* katoa nei ngai atea; e oro ki 5
18 te maunga, ka pou aca koe. E kua karanga aturā Lota kia raua, Auraka
19 ana, e taku Atu e: I na, kua akaperepereia mai to tavini e koe, e kua akamaata koe i toou aroa anga mai iaku, ko koe i akaora iaku nei; kare rai au e
20 tae ki te maunga, ko te rokoia mai aea au e te kino, mate iora au: I na, teia oki te oire vaitata, kia oro au ki reira, e
21 *oire* mea ngiti oki; e tuku ake ana koe iaku ki reira kia ora au: kare aina i *te oire* mea ngiti? E kua tuatua maira aia
22 kiaia, I na, kua akatika atu au i taua tuatua i tenana, e kare atura taua oire nei tauu i tuatua mai ana e mate iaku:
23 Kia ngakoikoi koe i te oro ki reira *kia ora*; kia tae oki koe ki reira e tika'i taku e rave nei. I tapai te ingoa o taua oire ra ia Zoara.
24 Kua iti akera te rā ki runga i te enua e, e kua tae a Lota ki Zoara; I akatopa mai ei a Iehova i te teio, e te ai, no ko ia Iehova, no runga i te rangi ki runga
25 ia i Sodoma, e Gomora; Tairipoti takiri rava akera i au nga oire ra, e taua ngai atea katoa ra, e te tangata katoatoa no au nga oire ra, e te au mea i tupu ki runga i te enua ra.
26 E te vaine a *Lota* i muringao iaia ra, kua akara aia ki muri, e riro atura aia ei pou tai.
27 Kua tu akerā Aberahama ki runga i te popongi roa, e *aere atura* ki te ngai i tuia e ia ki mua i te araro o Iehova ra:
28 E kua akara tika atura aia ki Sodoma e Gomora, e te enua i taua ngai atea katoa ra, akara atura aia, e i na, peke atura te auai o taua enua ra ki runga, mei te auai
29 umu ra. Kua manako ra te Atua ia Aberahama, ka akapou ei aia i au nga oire o taua ngai atea ra, e kua tono ke atura aia ia Lota mei rotopu tikai i taua pou ra, ka tairipoti ei aia i taua nga oire i nooia e Lota ra.
30 Kua aere aturā Lota e ana puke tamaine toko rua mei Zoara atu, noo atura ki runga i te maunga; e matakū oki toa kia noo i Zoara: e kua noo atura aia e ana puke tamaine toko rua i roto i
31 tetai ana. E kua karanga atura te tama mua ki te teina, Kua ruaine to taua metua tane, e kare roa e tangata i te enua nei kia aere mai kia taua nei, mei te peu
32 a to te ao katoa nei: Taua e akainu i to taua metua i te wina, ka moe ei taua iaia
33 kia uangaia to taua metua ia taua. E kua akainu iora raua i to raua metua i te wina i taua po ra; e aere atura te tama mua, moe atura i toa metua; e kare aia i kite ua ake iaia i te moe
34 anga mai, e te tu anga ki runga. E

ao akera kua karanga atura te tama
mua ki te teina, I na, kua moe au
inapo i taku metua, e akaiuu rai taua
iaia i te wina i teia katoa nei po; ka
aere atu ei koe, ka moe ei, kia uangaia
to taua metua ia taua nei. E kua 35
akaiuu atura oki raua i to raua metua i te
wina i te reira katoa po; e kua tu akera
te teina ki runga, *aere atura* e moe atura
iaia; e kare aia i kite ua ake iaia i te
moe anga mai, e te tu anga ki runga.
Nui katoa akera nga tamaine toko rua a 36
Lota ra i to raua orai metua tane. E 37
anau atura ta te tama mua ra, e tamaroa,
e tapa iora i tona ingoa ko Moabi: ko
te metua ia o *te ngati* Moabi e teia noa'i.
E anau atura oki ta te teina, e tamaroa 38
rai, e tapa iora i tona ingoa ko Bene-
ami; ko te metua ia o te ngati Amona e
teia noa'i.

PENE XX.

*Te uuna rā Aberahama i tana vaine, kua
aratakiā Sara ki te are o Abimeleka
ra: no te tuatua a te Atua kiaia aka-
okitia maira aia ki tana tane.*

E MEI reira mai oki aere aturū 1
Aberahama ki te enua i Apatonga ra,
kua noo aia i rotupu i Kadesa, e Sura, e
kua purutia i Gerara. Kua na ko akera 2
ta Aberahama tuatua i tana vaine ia
Sara, E tuaine aia noku. Kua tono
maira te ariki o Gerara ko Abimeleka i
te karere, e kua arataki atura ia Sara.
Kua aere maira te Atua kia Abimeleka 3
i te rikamoe i te po, kua na ko maira
kiaia, I na, e tangata mate koe na, i te-
nana vaine i taau i arataki mai ana; e
vaine noo tane oki aia. Kare rā Abi- 4
meleka i akavitata ua atu iaia; e kua
karanga atura aia, E te Atua, e ta katoa
mai aina koe i te enua tuatua-tika?
Kare aina kua tuatua mai aia kiaku e, E 5
tuaine aia noku? e kare aina aia uorai
i tuatua katoa mai e, E tungane aia no-
ku? e ngakau akakoro kore toku i te
ara, e te apa kore oki toku rima i 6
taku i rave nei. E kua tuatua maira te
Atua kiaia i taua rikamoe ra, Koia ia,
kua kite au e, kare toou ngakau i aka-
koro i te ara i taau i rave nei; i tāpu ei
oki au ia koe, kia kore koe e ara iaku
nei: no reira oki au i kore ei i toku atu
ia koe kia rave atu koe iaia. E tenana, 7
ka akaoki atu i te vaine a taua tangata
nei; e peroveta oki aia, e nana e pure ia
koe, e ka ora ia koe; kia kore ra koe e
akaoki *iaia*, ka mate tikai koe, ko koe,
e toou katoa ra, kia kite mai oki koe.

Kua tu akērū Abimeleka i te popongi 8
roa, kua karanga atura i tona au tavini

katoa, e kua akakite atura kia ratou i
taua au tuatua katoa nei; matakau roa
9 akera taua au tangata ra. Kua tiki
aturū Abimeleka ia Aberahama, na ko
atura kiaia, Eaa taau i rave o ia matou
nei? eaa oki taku nei ara ia koe na, i
apai mai ei koe i te ara maata ki runga
iaku, e toku nei basileia? kare ia ravenga
10 e tika taau i rave o iaku nei. Kua ka-
ranga atura oki a Abimeleka kia Abera-
hama, Eaa taau i kite, i akapera mai ei
11 koe ra? E kua tuatua mairā Abera-
hama, No te mea i manako au e, kare
roa o teiane nei ngai e matakau i te Atua; e
ka ta mai ratou iaku i taku vaine nei.
12 E tuaine rai aia noku; e tamaine aia na
toku metua tane, kare ra i te tamaine na
toku metua vaine; riro iora aia ei vaine
13 naku. Ka tono ei te Atua iaku mei te
ngutuare mai o toku ra metua, kua ka-
ranga atura au kiaia nei e, Ko toou ta-
kinga-meitaki iaku nei, ko teia ia; i te au
ngai katoa e taea atu e taua ra, e tuatua
koe iaku e, E tungane aia noku.

14 Kua rave iorā Abimeleka i te mamoe,
e te bovi, e te tavini tane, e te tavini
vaine, e kua tuku atura kia Aberahama,
e kua akaoki atura oki i tana vaine ia
15 Sara kiaia ra. E kua karanga aturū Abi-
meleka, I na toku enua, tei muu ia ia
16 koe; ka noo i taau ngai i anoano ra. E
kua karanga atura aia kia Sara, I na, kua
apaia e au i te moni ario okotai tausanī,
tei toou tungane; i na, ei *oko* kakau tapo-
ki-mata noou, e no tei *aru* ia koe nei: e
akoia atu rai oki aia.
17 Kua pure aturū Aberahama ki te
Atua; e kua akaora maira te Atua ia
Abimeleka, e tana vaine, e te au tavini
vaine nona ra, kia tamarikiia ta ratou.
18 Kua akangere roa ia oki e Iehova te au kopu
katoa, i te ngutuare o Abimeleka, i te ta-
mariki, no te vaine a Aberahama no Sara.

PENE XXI.

*To Isaaka anau anga: tukuiā Hagara
raua ko Isemaela e Aberahama kia
aere. Te kororomotu a Aberahama
raua ko Abimeleka ra.*

KUA aere mairū Iehova kia Sara i
tana i tuatua maira; e kua akatupu
a Iehova i tana i akakite mai kia Sara ra.
2 Kua to iora oki a Sara, e e tamaiti tana
i anau na Aberahama i tona ruaine anga
ra, i te tuatua ta te Atua i akakite mai-
3 ra. E tapa iorū Aberahama i te ingoa o
tana tamaiti i anau ra, ta Sara i anau
4 nana ra, ko Isaaka. E peritome iora oki
a Aberahama i tana tamaiti ia Isaaka i
te po varu ra, i ta te Atua i akaue mai
kiaia ra.

Kua tae a Aberahama ki te anere o te 5
mataiti, i anau mai ei tana tamaiti ko 6
Isaaka. E kua na ko akera Sara, Kua
akatupu io nei te Atua i te kata iaku; e
ka riro i te kata katoa te aronga ravarai
e akarongo ra. E kua na ko akera oki 7
aia, Naai i tuatua mai kia Aberahama
e, ka akangote a Sara i te tamariki? kua
anau oki tana tamaiti iaku i tonaruaine
anga nei.

E tupu atura taua tamaiti ra i te 8
maata, e akatopaia i te u; e kua aka-
tupu iorā Aberahama i tetai kaingakai
maata i te rā i topa'i te u o Isaaka. E 9
kite akera Sara i te tamaiti a te vaine
Aiphiti ra a Hagara, tana i anau ia Abe-
rahama, i te aviri anga. E kua tuatua 10
maira aia kia Aberahama. E tuaru ke
atu i teianei vaine tavini e tana tamaiti;
kare oki te tamaiti a teianei vaine tavini
e riro ei tangata tuanga katoa, raua ko te
tamaiti naku nei, ko Isaaka. Ongoongo 11
roa akera Aberahama i taua tuatua ra,
no taua tamaiti nana ra. Kua tuatua 12
maira ra te Atua kia Aberahama, Aura-
ka koe e ongoongo i te tamaiti ra, e i to
tavini vaine na: e akarongo koe i te reo
o Sara ra, i te au tuatua katoa tana i
tuatua mai kia koe ra; e karangaia ra
toou uanga e no Isaaka. E akariro katoa 13
oki au i te tamaiti a tera ra vaine tavini
ei enua *katoa*, no te mea e uanga *katoa*
aia noou.

E kua tu akera Aberahama i te po- 14
pongi metua, kua rave akera aia i te kai,
e tetai ue vai, e tuku atura ia Hagara ra,
apai akera ki runga i tona ua, e te ta-
maiti, e tuku atura kia aere ana. E
riro atura aia, aere ua atura na te
medebara ra, na Bere-seba. E ope rava 15
akera te vai i roto i te ue ra; e kua tuku
atura i te tamaiti ki raro ake i tetai
rakau: E aere ke atura aia, e mei te ngai 16
e taeta i te kakao ra te roa, e noo iora aia
ki raro tiraa tika atura *iaia* ra; kua na
ko akera oki aia, Auraka au kia kite i te
matenga o te tamaiti. Noo ua iora aia e
tiraa akera *iaia* ra, e akamaata akera i
tona reo, e aue atura.

E kua akarongo maira te Atua i te reo 17
o tana tamaiti ra; e kua kapiki maira
tetai angela a te Atua i runga i te rangi
kia Hagara, na ko maira kiaia, I aa tika
koe, e Hagara? auraka e mataku; kua
akarongo oki te Atua i te reo o te ta-
maiti i tona ngai iora. Ka tu, e akatu i 18
te tamaiti ki runga, e e mou to rima iaia;
e akariro oki au iaia ei enua maata *katoa*.
Kua akapuera maira te Atua i tona maata, 19
e kite atura aia i tetai ruavai; e aere
atura aia, e akaki atura i te ue ki te vai,
e kua akainu atura i te tamaiti. E kua 20

noo maira te Atua ki taua tamaiti ra, e
tupu atura i te maata, noo atura aia i te
medebara, e kia maata aia, riro atura ei
21 akainana ana. Noo iora aia i te mede-
bara ra i Parana ra: e kua tiki atura
tona metua vaine i tetai vaine *ana*, no
te enua ra no Aiphiti.

22 I reira ta Abimeleka e te kapena maata
no tona ra nuku ta Phikola, tuatua anga
mai kia Aberahama, i te na ko anga mai
e, Tei ia koe te Atua i te au mea katoa
23 taua e rave nei. E teianei e taputou
koe i te Atua kiaku nei, e kare koe e
pikikaa mai iaku, e i taku tamaiti, e te
tamaiti a taku tamaiti; mei toku nei ra
takinga-meitaki ia koe, e akapera katoa
mai koe kiaku, e te enua *katoa* taua e
24 purutia ua na. E kua karanga aturū
25 Aberahama, E taputou au. E kua ako
aturā Aberahama kia Abimeleka i te
ruavai, kua pou i te aōia e te au tavini o
26 Abimeleka. E kua tuatua mairā Abi-
meleka, Kare au i kite i te aronga i
akapera ra: kare oki koe i akakite mai
kiaku, kare oki au i kite ua ake, e tae
27 roa akenei ki teianei rā. E kua rave
akera Aberahama i te mamoc, e te bovi,
apai atura na Abimeleka; e kua papau
iora raua i te koreromotu *na raua*.

28 E kua akataka iorā Aberahama i e
itu puke punua mamoc ua no roto i te
29 anana ra. E kua tuatua mairā Abime-
leka kia Aberahama, Ean tenana puke
punua mamoc ua e itu i akatakaia e koe
30 na? Kua karanga atura aia, Ko tauu
ia e rave mai i toku nei rima, ko nga
punua mamoc nei e itu, kia riro ratou ei
kite noku, e naku i ko i teianei ruavai.
31 E no te mea, kua taputou katoa raua
i reira, tapai iora taua ngai ra ia Bere-
32 seba; i Bere-seba oki ta raua papau
anga i *ta raua* koreromotu: tu akera
Abimeleka, e te kapena maata no tona
nuku ko Phikola, oki atura ki te enua o
te Philiseti ra.

33 Kua tanu iorā Aberahama i te vaora-
kau i Bere-seba, e kua tautopa iora i te
ingoa o Iehova i reira, ko te Atua mutu
kore ra. E purutia anga roa to Abera-
hama i te enua o te Philiseti ra.

PENE XXII.

*I te tuatua a Iehova ra te apai rā Abe-
rahama ia Isaaka ei tusia karaka-
ratio; tāpuia ra aia e te Angela a Ie-
hova ra, auraka kia ta.*

1 E I muri ake i te reira au mea, kua
timata te Atua ia Aberahama, e
tuatua maira kiaia, E Aberahama e. E
2 kua karanga atura aia, Teia au. E kua
tuatua maira aia, Ka rave i tauu tamaiti

i tenana, i tauu *tamaiti* okotai ra ko Isaaka, tauu e akaperepere na, ka aere ki te enua ra kia Moria, ka apai mai ei iaia i reira, ei tusia karakaratio ki runga i tetai maunga taku e akakite atu kia koe.

E kua tu akerā Aberahama ki runga i te popongi roa ra, e tuku atura te noo-anga ki runga i te asini nana ra, e pāpū iora i te vaie no taua tusia karakaratio ra, arataki katoa atura i e toko rua puke tangata ou nona ra, e tana tamaiti katoa ia Isaaka, tu akera, aere atura ki te ngai ta te Atua i tuatua mai kiaia. E tae akera ki te rū toru ra, kua nānā akerā Aberahama i tona mata ki runga, e kite atura i taua ngai ra, tei te atea ke. E kua tuatua mairū Aberahama ki nga tangata ou nona ra, E noo korua i ko nei e te asini; e aere maua ma te tamaiti nei ki ko akera e akamori, ka oki mai ei kia korua nei. E kua rave iorū Aberahama i te vaie no taua tusia karakaratio ra, kua tuku atura ki runga i tana tamaiti ia Isaaka; e kua rave iora i te ai, e te matipi i tona rima; e aere atura raua katoa. E kua tuatua mairū Isaaka ki tona metua kia Aberahama, na ko maira, E taku metua. Kua karanga atura aia, Teia au, e taku tamaiti. E kua na ko maira aia, I na te ai e te vaie; teiea ra te mamoe ei tusia karakaratio ra? Kua karanga atura Aberahama, E taku tamaiti, na te Atua uorai e kimi i tetai mamoe, ei tusia karakaratio. Aere ua atu-
ra raua katoa.

E tae atura raua ki te ngai i akakiteia mai e te Atua kiaia ra; kua patu iorū Aberahama i tetai atarau i reira, e kua paata marie iora i te vaie, kua ruru atura i tana tamaiti ia Isaaka, kua tuku atura iaia ki runga i taua atarau ra ki rungao i te vaie ra. E kua akatika aturū Aberahama i tona rima, e kua rave atura i te matipi e ta i tana tamaiti. Kua kapiki maira te Angela a Iehova i runga i te rangi kiaia ra, na ko maira, E Aberahama e, e Aberahama! Kua karanga atura aia, Teia au. Kua tuatua maira aia, Auraka koe e tuku ua atu i to rima ki runga i te tamaiti, auraka roa e rave ua atu iaia: kua kite oki au i teianei e, e matakū toou i te Atua, ko koe kare i karapii i to tamaiti, i to *tamaiti* okotai roa ra, iaku. E kua nānā akera to Aberahama mata ki runga, akara atura, e i na, tei muri mai *iaia* tetai mamoe toa, tei roto i te ngangaere, kua ii te tara; kua tiki aturū Aberahama i taua mamoe toa ra, e kua apai atura ei tusia karakaratio, ei tutaki i taua tamaiti nana ra. Tapa iorū Aberahama i te ingoa o taua ngai ra, Iehova-Ire; koia tei tuatuaia ra

i teianei e, Ei te maunga o Iehova e kitea'i.

15 E kua kapiki maira te Angela a Iehova kia Aberahama i runga i te rangi.
16 ra, ko te tu rua ia, Na ko maira, Te tuatua nei a Iehova, Kua taputou au iaku orai, no te mea kua pera mai koe, e kare akenei koe i karapii i to tamaiti, i to
17 *tamaiti* okotai roa ra, iaku; E akameitaki roa au ia koe na, e akanaata rava au i toou uanga, mei te etu o te rangi ra, e mei te oneteca i taatai ra; e ka rauka te ngutupa oire o to ratou au enemi
18 toou ra uanga; E ka meitaki te pa enua katoa o te ao nei i toou ra uanga; ko koe
19 i akarongo mai i toku reo nei. Oki mairū Aberahama ki nga tangata ou nona ra, e tu akera raua ki runga, aere katoa maira ki Bere-seba; e noo oki a Aberahama i Bere-seba.
20 E i muri ake i te reira au mea, kua tuatua maira tetai kia Aberahama, na ko maira, I na, kua anau tama katoa Mileka
21 i toou tuakana ra ia Nahora; Ko Huza tana tama mua, e tona teina oki ko Buza,
22 e ko Kemuela, te metua o Arama, E ko Keseda, e ko Hazo, e ko Piledasa, e ko
23 Idalapha, e ko Betuela: E kua anau ta Betuela ko Rebeka. Toko varu ta Mileka i anau ia Nahora, i te tuakana o Abera-
24 hama ra. E te palake nana, ko Reuma te ingoa, kua anau katoa taua ko Teba, e ko Gaama, e ko Taasa, e ko Maaka.

PENE XXIII.

To Sara ra matenga; okoia tetai ngai ei tanumanga, e kua tanumiā Sara i reira.

1 **K**UA tae to Sara au mataiti, i te ora ngauru ma itu; ko to Sara ia au mataiti
2 i te ora anga nei. E mate iorū Sara i Kiriat-araba, (koia Heberona nei,) i te enua ra i Kanaana. Kua aere mairū Aberahama i te mii ia Sara, e aue iaia.
3 E kua tu akerā Aberahama ki runga i taua *aue nona* i tana *vaine* i mate ra, kua karanga atura ki te ngati Heta ra, na ko
4 atura, E tangata ke au nei, e te purutia i roto ia kotou na; e o mai au i tetai ngai tanumanga tangata noku i roto ia kotou na, kia tanu au i taku *vaine* i mate
5 nei, kia ngaro au i toku mata nei. E kua tuatua maira te ngati Heta kia Aberahama, na ko maira kiaia, Ka akarongo mai ana ia matou nei, e to matou rangatira e; e tangata maata roa oki koe i roto ia matou nei: ei roto i tetai menema meitaki i o matou nei, tanu atu ei koe i tauu *vaine* i mate ra; kare rava tetai o matou nei e karapii i tona uorai menema, kia tanu ake koe i tauu *vaine* i

mate ra ki roto. Kua tu akerā Aberahama ki runga, kua tupou iora aia ki raro ki mua i te au tangata o te enua, ki te ngati Heta ra, E kua karanga atura aia kia ratou, na ko atura, Kia tika ia kotou kia tanu atu au i taku *vaine* i mate nei kia ngaro atu i toku mata nei; ka akarongo mai kotou iaku, e tuatua meitaki atu kotou ia Epheronā, te tamaiti a Zohara, iaku, Kia tuku mai aia i te ana nona i Makapela, i te openga mai o te kainga nona ra, noku; e o mai aia i te reira ei oko i te moni e kia oko na marie, ei ngai tanumanga tangata noku i o kotou nei. Te noo rā Epheronā i roto i taua ngati Heta ra; e kua tuatua mairā Epheronā ngati Heta kia Aberahama, e te akarongo katoa maira te ngati Heta katoa i tomo na te ngutupa oire nona ra, na ko maira, Auraka ana, e taku rangatira e, e akarongo mai ana iaku; i na taua kainga nei, e te ana katoa i roto ra, te oronga atu nei au noou; i mua i te araro o toku iti-tangata nei, e oronga atu au noou: ka tanu i tauu *vaine* i mate na. Kua tupou iorā Aberahama ki raro ki mua i te araro o te tangata i taua enua ra: E kua karanga atura aia kia Epheronā, kua rongo katoa te au tangata o taua enua ra, na ko atura, Kia tika ia koe, teia taku tuatua, e akarongo mai ana koe; e apai atu au i te moni *naau* i taua kainga ra; e rave mai oki koe, e ka tanu atu au i taku *vaine* i mate nei i reira. Kua tuatua mairā Epheronā kia Aberahama, na ko maira kiaia, E taku rangatira, ka akarongo mai ana iaku: *te oko tikai* i teianei kainga e a ia anere sekela ario; eaa ra oki te reira ia taua nei? ka tanu i tauu *vaine* i mate na. E kua akarongo aturā Aberahama ia Epheronā; kua aiteite aturā Aberahama i te ario na Epheronā, tana i akakite maira, e kua kite katoa te au ngati Heta ra, e a anere sekela ario, i te *moni* raveia e te aronga oko ra.

Akamou tikaia iora taua kainga o Epheronā i Makapela ra, i tei anga tika ki Mamera ra; ko te kainga, e te ana i roto ra, e te au rakau katoa i roto ra, tei te pae katoa e pini ua ake, Ei apinga no Aberahama, i mua i te araro o te ngati Heta, i roto i te aronga katoa i tomo na te ngutupa oire nona ra.

E i muri ake i te reira, kua tanu iorā Aberahama i taua *vaine* ia Sara i roto i te ana i te kainga i Makapela, tei anga tika ki Mamera ra, koia oki Heberona, i te enua ra i Kanaana. Kua akamou tikaia iora oki e te ngati Heta taua kainga ra, e te ana i roto ra, ei tanumanga tangata no Aberahama.

PENE XXIV.

Te unga rā Aberahama i tona tavini e kimi i tetai vaine na Isaaka ra; manuia tona tere; to Isaaku akaipoipo anga.

- 1 **K**UA ruaine a Aberahama, kua mangauki roa tona mataiti: i akameitaki ana oki a Iehova ia Aberahama i te
- 2 au mea katoa ra. Kua karanga aturā Aberahama ki te tavini pakari i tona ra ngutuare, tei iaia te tuatua i te au mea katoa nona ra, Ka tuku mai ana i to rima
- 3 ki raro ake i taku ūā nei: E akataputou atu au ia koe ia Iehova, i te Atua o te rangi, e te Atua o te enua nei, e auraka koe e rave i tetai *vaine* na taku tamaiti no roto i te au tamaine a te ngati Kanaana,
- 4 taku e noo nei: E aere ra koe ki toku enua ra, e toku kopu-tangata, ka rave ei i tetai *vaine* na taku tamaiti na Isaaka.
- 5 E kua tuatua maira taua tavini ra kiaia, Peneiake ko te kore e tika i te *vaine* i te aru mai iaku ki teianei enua: ka akaoki ainei au i tauu tamaiti ki te enua no reira mai koe na?
- 6 Kua karanga aturā Aberahama, Auraka roa koe e akaoki i taku tamaiti ki
- 7 reira. Na Iehova, na te Atua no te rangi, ko tei arataki mai iaku mei te ngutuare mai o toku ra metua, e mei te enua maira i anau ei au ra, ko tei tuatua mai kiaku, e kua taputou mai oki kiaku, na ko maira, Ka oronga au i teianei enua no toou ra uanga; nana ia e tono i tana angela na mua ia koe, e ka rauka ia koe tetai *vaine*
- 8 na taku tamaiti i reira. Kia kore ra e tika i taua *vaine* ra e aru maira ia koe na, kare rai koe eapa i taua taputou naku nei i reira: auraka roa ra koe e akaoki i
- 9 taku tamaiti ki reira ra. Kua tuku maira taua tavini ra i tona rima ki raro ake i te ūā o tona pu o Aberahama, kua taputou iora i taua tuatua ra.
- 10 Kua rave taua tavini ra i nga kamela a tona pu okotai ngauru, aere atura, tei tona rima oki te au apinga ravarai a tona pu, tu akera aia, aere atura ki Mesopotamia ki te oire o Nahora. E kua akatuturi iora aia i te au kamela ki raro ki vao mai i taua oire ra, i vaitata ki tetai ruavai i te aiaia, i te tuatau e tae mai ei te au *vaine* e uti i te vai.
- 12 E kua karanga atura aia, E Iehova e, e te Atua no toku pu no Aberahama e, te pure nei au ia koe, e akamanuia mai koe iaku i teianei rā, e takinga-meitaki,
- 13 mai koe i toku pu ia Aberahama. I na, te tu ua nei au i te ruavai nei; e te aere mai nei te au tamaine a te au tangata o
- 14 te oire nei e uti i te vai: E teianei, ko

te vaine taku e karanga atu e, Ka tuku mai ana taua āriki vai kia inu au; e kia tuatua mai aia e, Ka inu, e ka akainu katoa au i te au kamela naau, kia riro aia i te vaine tikai i akonoia e koe na to tavini na Isaaka; ka kite oki au i reira e, kua takinga-meitaki mai koe i taku pu.

E i na, kare rai i mutu taua tuatua 15 nana ra, kua aere mairā Rebeka, ta Betuela i anau, ta te tamaiti a Mileka, te vaine a Nahora, te tuakana o Aberahama ra, ma tana āriki vai i runga i tona pakuivi. E mata meitaki roa to taua 16 tamaine ra, e parctenia, kare oki i kiteia e te tangata. E aere atura aia ki raro i taua ruavai ra, e akaki iora i tana āriki vai, e kua aere maira ki runga. Kua oro 17 atura taua tavini ra kiaia, na ko atura, O mai ana i tetai manga vai e inu, i te āriki vai naau na. Kua tuatua maira 18 aia, Ka inu, e tama: kua tuku vave maira i tana āriki vai ki raro, ki runga i tona rima, kua akainu maira iaia. E oti 19 akera aia i te akainuia e ia, kua na ko maira, Ka uti katoa au i te vai na te au kamela naau, e kiā iu anake ratou. Kua 20 riringi nui aia i tana āriki vai ki roto i te kumete, oro akaou atura ki te ruavai e uti rai i te vai, e kua uti oki na tana au kamela katoa ra. Te va ua ra taua 21 tangata ra iaia, ma te muteki ua, kia kite aia i te manuia anga i tona tere, e te kore anga, ia Iehova ra. E kia inu anake 22 taua au kamela ra e iu iora, kua rave akera taua tangata ra i te poe auro, e tau i te afa sekela, e nga tapeka auro e rua no te rima o taua vaine ra, e tau ia i nga sekela okotai ngauru; Kua karanga 23 atura aia, E tamaine koe naai? e akakite mai ana koe kiaku. Ka o ainei matou ki te are o to metua kia moe? Kua tuatua maira aia kiaia, E tamaine 24 au na Betuela, te tamaiti a Mileka, tana i anau ia Nahora ra. E kua na ko maira 25 oki aia kiaia ra, E mauku ta matou, e te kai maata, e ka o oki i to matou are kia moe. Kua tupou iora taua tangata ra ki 26 raro, akamori iora ia Iehova, Na ko 27 atura, Kia akameitakiā Iehova te Atua no toku pu no Aberahama, kare akenci aia i tukunoe i tona takinga-meitaki, e tana tuatua-mou i toku pu ra: ko au i te arataa ra, kua arataki mai a Iehova iaku i te ngutuare o te kopu-tangata o toku pu ra.

Kua oro atura taua tamaine ra, aka- 28 kite atura ki to te ngutuare o tona metua vaine ra i taua au tuatua nei. E 29 tuingane to Rebeka, ko Labana te ingoa: e kua oro iorā Labana ki vao ki taua tangata i te ruavai ra. E kia akara 30 maira aia i taua poe ra, e nga tapeka i

runga i te rima o tona tuaine ra, e kia akarongo mai aia i te reo o tona tuaine ra o Rebeka, i te tuatua anga atu e, I na ko mai taua tangata ra kiaku; kua oro iora aia ki taua tangata ra; e i na, te tu ua ra aia i vaitata ki te au kamela i taua 31 ruavai ra. E kua karanga atura aia, Ka tapae mai ana, e tere tangata i akameitakiā e Iehova e; eaa koe e tu ua'i ki vao? e are teateamamao toku, e vairanga oki to te au kamela.

32 Kua tomo maira taua tangata ra ki roto i te are: kua kiriti akera oki i te nooanga i runga i te au kamela, apai maira i te mauku, e te kai, na taua au kamela ra, e te vai ei orei i tona vaevae, e to te au tangata katoa no tona ra tere.

33 E tukuaia atura oki te kai ki mua i tona aroaro; kua tuatua maira ra aia, Kare au e kai vave, e akakite ana ra au i toku nei tere. E kua karanga atura aia, Ka akakite mai.

34 Kua tuatua maira aia, E tavini au no 35 Aberahama. E kua akameitaki roa mai a Iehova i taua pu noku nei; e kua riro aia ei tangata maata: e kua oronga mai aia i te mamoe, e te bovi nana, e te ario, e te auro, e te tavini tane, e te tavini

36 vaine, e te kamela, e te asini. E te tamaiti ta taua pu noku nei, na tana vaine na Sara i anau i toku pu i tona ruaine anga ra: e kua orongaia e ia tana

37 katoa ra au apinga, tei iaia. E kua akataputou maira toku pu iaku, na ko maira, Auraka koe e rave i tetai vaine na taku tamaiti, no te au tamaine a te ngati Kanaana ra, no ratou te enua taku e noo

38 nei: E aere ra koe ki te ngutuare o toku metua, e ki toku kopu-tangata ra, ka rave

39 ei i tetai vaine na taku tamaiti. Kua karanga atura au ki taua pu noku ra, Penciake ko te kore taua vaine ra e aru

40 mai iaku. E kua tuatua maira aia kia-ku, Na Iehova, taku e na mua nei, nana ia e tono i tana angela na mua ia koe, ei akamanuia i toou tere; e ka rauka ia koe tetai vaine na taku tamaiti, no roto i toku orai kopu-tangata, e no te ngutuare o

41 toku ra metua. Kare ra koe e apa i taua taputou naku nei i reira, me tae koe ki toku kopu-tangata, e kare ratou e oronga mai i tetai vaine kia koe, kare rai koe e

42 apa i taua taputou naku nei i reira. I nakonei oki, kua tae mai au ki taua ruavai akera, e kua na ko oki au, E Iehova e, te Atua no toku pu no Aberahama, kia akamanuia mai koe i toku tere taku

43 e aere nei: I na, te tu ua nei au i teianei ruavai; e teianei, kia aere mai tetai paretenia e uti i te vai, e kia karanga atu au kiaia e, E o mai ana i tetai manga vai naku e inu, i te āriki vai naau

na; E kia tuatua mai aia kiaku e, Ka 44
inu, e ka uti katoa au i te vai na te au
kamela naau; kia riro aia i te vaine i
akonoia e Iehova, na te tamaiti a toku 45
iaku uaoari, i na, kua aere mairā Rebeka
ma tana āriki vai i runga i tona ua; aere
atura aia ki raro i taua ruavai ra, kua
uti iora i te vai: kua karanga atura au 46
kiaia, O mai ana e inu au. E kua tuku
vave iora aia i tana āriki i runga i tona
ua ra, e kua na ko maira, Ka inu; e ka
akainu katoa atu au i te au kamela naau: 47
kua inu au; e kua akainu katoa iora aia
i te au kamela. E kua ui atura au kiaia,
na ko atura, E tamaine koe naai? Kua
tuatua maira aia, E tamaine au na Betu-
ela, te tamaiti a Nahora ra, ta Mileka i
anau iaia ra. Kua tuku atura au i te poc
ki runga i tona putaiu, e nga tapeka ki
runga i tona rima. E tupou iora au ki 48
raro, e akamori atura ia Iehova, e aka-
meitaki atura au ia Iehova i te Atua no
toku pu no Aberahama, ko tei arataki
mai iaku na te ara tika kia rauka te
tamaine a te tuakana o toku pu ra, ei
vaine na tana tamaiti. E teianei, kia 49
tika ia kotou i te akono i te takinga-mei-
taki, e te tuatua-mou i toku pu, ka aka-
kite mai; e kare ra, ka akakite mai;
kia ariu au ki te rima katau, e kare ra,
ki te rima kaui.

Kua tuatua mairā Labana raua ko 50
Betuela i reira, na ko maira, Na Iehova
taua tuatua nei; kare oki e tika ia matou
kia tuatua ua atu i te meitaki, e te kino.
I na, tera mai a Rebeka, tei mua i tou 51
aroaro na, ka arataki, ka aere, ei vaine
na te tamaiti a touu pu i ta Iehova i tua-
tua na. E rongo akera te tavini o Abe- 52
rahama i taua tuatua na ratou ra, kua
tupou iora aia ki raro i te one, akamori
atura ia Iehova. E kua rave akera taua 53
tavini ra i te poc ario, e te poc auro, e te
kakau, e kua apai atura no Rebeka: kua
apai katoa oki aia i te apinga meitaki no
te tungane, e no te metua vaine nona
ra. Kua kaikai iora ratou i reira, e inu 54
oki, koia e te au tangata katoa nona ra,
e moe iora i taua po ra; e popongi
akera, kia tu ratou ki runga ra, kua ka-
ranga atura aia ra, E tuku ake ana kotou
iaku, e aere au ki toku pu.

Kua tuatua maira tona tungane e te 55
metua vaine nona ra, E vao mai ana te
tamaine nei, e noo ana matou i etai puke
rā, kia po ngauru; ei reira aia ka aere atu
ei. Kua karanga atura ra aia, Auraka e 56
pupuru iaku, no te mea kua akamanuia
mai a Iehova i toku tere nei; e tuku
ake kotou iaku, ka oki au ki toku pu. E 57
kua tuatua maira ratou, E karanga atu

na matou ki taua tamaine nei, ka ui atu
58 ei kiaia uaoari. E kua karanga atura
ratou kia Rebeka, na ko atura kiaia, E
aere katoa ainei kouru ko taua tangata
nei? Kua tuatua maira aia, Ka aere rai
59 au. Kua tuku maira ratou ia Rebeka
to ratou tuaine kia aere, e tona ikiiki, e
taua tavini o Aberahama ra, e tona ra
60 au tangata. E kua akaora maira ratou
ia Rebeka, na ko maira kiaia, Ko to ma-
tou tuaine koe, kia riro koe ei mano tini
kore, e kia riro te ngutupa oire o to
ratou au enemi ki touu ra uanga.

61 E kua tu akerā Rebeka, e tona au
tavini vaine, na runga atura ratou i te
au kamela, e aru atura i taua tangata
ra. Rauka iorā Rebeka i taua tavini ra,
e aere atura aia.

62 Kua tae mairā Isaaka i te ara i Bere-
lahai-roi; e noo oki aia i te pac enua i
63 apatonga ra. E kua aere aturā Isaaka
ki vao i te kainga i te aiai e pure; kua
nānū akera tona mata e akara, e i na, te
64 aere maira te au kamela. Kua nānū
akera oki a Rebeka i tona mata, e kite
atura aia ia Isaaka, kua eke iora ki raro
65 mei runga mai i te kamela ra; Kua ka-
ranga atura aia ki taua tavini ra, Koai
tera ra tangata e aere mai na roto mai i
te kainga e aravei ia tatou? Kua tuatua
maira taua tavini ra, Ko toku pu ia.
Kua rave iora aia i tetai tapoki-mata,
66 kua tapoki iora iaia orai. Kua akakite
atura taua tavini ra kia Isaaka i te au
67 mea katoa tana i rave ra. E kua arataki
aturā Isaaka iaia ki roto i te puakapa o
tona metua vaine o Sara, e akariro atura
aia ia Rebeka ei vaine tikai nana; e e
vaine inangaro oki aia nana ra: e mei-
taki ua akerā Isaaka i muri ake i te mate-
nga o tona metua vaine ra.

PENE XXV.

*Te uanga o Aberahama ia Ketura; te
tua ra aia i tana apinga; tona ma-
tenga; te uanga o Isemaela; to Esau
raua ko Iakoba anau anga, e to Esau
akavaavaa anga i te tuoonga mataiapa.*

- 1 KUA akaipoipo akaou aturā Abera-
hama i tetai vaine, ko Ketura tona
- 2 ingoa. E anau akera tana iaia ko Zime-
rana, e ko Iokasana, e ko Medana, e ko
- 3 Midiana, e ko Isabaka, e ko Sua. E
anau akera ta Iokasana ko Seba, e ko
Dedana: e ko ta Dedana ra au tamariki,
ko te Asuri ia, e te Letusi, e te Leumi.
- 4 E ta Midiana ra tamariki; ko Ephā ia,
e ko Ephera, e ko Hanoka, e ko Abida,
e ko Eledaa. E tamariki anake ia na
Ketura.
- 5 Kua apai aturā Aberahama i tana au

apinga katoa na Isaaka. Kareka nga tamariki a Aberahama, a nga palake nana ra, e apinga ta Aberahama i oronga atu *kia ratou*; e te ora ra aia i tono ke ei aia ia ratou ki te pae i te itinga o te rā ra, kia taka ke ratou i tana tamaiti ia Isaaka, i te enua i te itinga o te rā.

Teia te au rā o to Aberahama au mataiti i te ora anga nei, okotai anere e itu ngauru e rima ara i te mataiti. Unui rava akerā Aberahama, mate rava akera i te ruaine meitaki anga ra; kua ruaincia te tangata, kua maata roa *tona mataiti*; e kapiti katoaia atura aia ki tona uaorai iti-tangata ra. E na nga tamariki nana, na Isaaka raua ko Isemaela, aia i tanu ki roto i te ana i Makapela; i te kainga o Ephrona te tamaiti a Zohara ngati Heta ra, ko tei anga tika ia Mamera ra; I te kainga i okoia e Aberahama i te ngati Heta ra. I reira to Aberahama tanu angaia, e tana vaine ia Sara. E mate aturū Aberahama, kua akameitaki maira te Atua i tana tamaiti ia Isaaka; e noo oki a Isaaka i Berehahai-roi.

Teia te tuatua ia Isemaela, te tamaiti a Aberahama, ta te vaine Aiphiti, ta Hagara, te tavini o Sara, i anau ia Aberahama. Teia oki te ingoa o nga tamariki a Isemaela ra, i to ratou au ingoa, i to ratou ra anau anga; ta Isemaela tama mua ra, ko Nebaiota ia; e ko Kedara, e ko Adabeela, e ko Mibesama, E ko Misesama, e ko Duma, e ko Masa, E ko Haddara, e ko Tema, e ko Ictura, e ko Naphisa, e ko Kedema: Ko nga tamariki ia a Isemaela, ko to ratou teia au ingoa, i to ratou au oire, e to ratou au punanga; tino ngauru ma rua, e ariki anake i to ratou au enua. Teia to Isemaela au mataiti i te ora anga, okotai anere e toru ngauru e itu ara mataiti; unui akera, mate atura; e kapiti katoaia atura ki tona uaorai iti-tangata ra. Mei Havila atu to ratou nooanga, i te *arataa* e aere tika atu ei ki Asura ra, e tae ua atu ki Sura, i te pae i Aiphiti ra: i topa oki *tana tuanga* i mua i te aroaro o tona katoa ra ai taeake.

Teia te tuatua i te tamaiti a Aberahama ra, ko Isaaka; anau akera ta Aberahama ko Isaaka. E tae akera ki te a o te ngauru anga o to Isaaka mataiti, rave iora aia ia Rebeka, te tamaine a Betucla, e ngati Rebeka no Padanarama, e tuaine no Labana ngati Arama ra, ei vaine nana. E kua pure iorū Isaaka ia Ichova i te vaine nana ra, no te mea e pa aia; e kua akarongo mairū Ichova i tana pure, e kua to iora tana vaine ko Rebeka. E kua keukeu iora 22

nga tamariki i roto iaia; e kua karanga atura aia, Ko te tu ainei teia, eaa au i akaperaia mai ei? E aere atura aia e ui kia Ichova. E kua tuatua mairū Ichova kiaia, E rua katoa iti-tangata i to kopu na, e ka taka ke aua nga pae tangata e rua ra mei to kopu maira: e ririnui to tetai i tetai; e e tatomo te tuakana ki te teina.

E tae akera ki te tuatau e anau ei aia ra, i na, e maanga tei roto i tona kopu. E ko tei anau mai ana ki vao ra e tangata muramura ia, e mei te kakau uru-uru e pini roa akera; tapa iora ratou i tona ingoa ia Esau. E i muri ake anau maira te teina, te mou ua ra tona rima i te poo vaevae o Esau; i tapaiāi tona ingoa ko Iakoba. Kua tae oki a Isaaka ki te ono o te ngauru anga o tona mataiti i anau ei a Rebeka ia raua ra.

E tupu atura taua nga tamariki ra: riro aturū Esau ei tangata kite i te arumaki venatio, e tangata noo ngangaere; karekū Iakoba e tangata maru ia, e te noo puakapa. E akaperepere aturū Isaaka ia Esau, no te mea kua kaki aia i te venatio nana ra: karekū Rebeka, akaperepere atura aia ia Iakoba ra. Te tunu rā Iakoba i te kai: kua aere mairū Esau mei te ngangaere mai, e kua mate i te pongi: E kua tuatua mairū Esau kia Iakoba, E angai mai koe iaku ki tenana kai muramura, kua mate oki au; i tapaiāi tona ingoa ko Edoma. E kua karanga aturū Iakoba, E oko mai koe i taau taoonga mataiapo i tenana. E kua tuatua mairū Esau, I na, kua vaitata au i te mate; eaa oki naku teianei taoonga mataiapo? E kua karanga aturū Iakoba, Ka taputou mai ana i tenana; e kua taputou maira aia kiaia, e kua oko maira i tana taoonga mataiapo, 34 tei ia Iakoba maira. Kua apai aturū Iakoba i te areto e te pipi na Esau; e kua kai iora aia, e kua iuu, tu akera aia ki runga, e aere atura: akavaavaa aturū Esau i te taoonga mataiapo ra.

PENE XXVI.

Te aere rā Isaaka ki Gerara; te akameitaki maira te Atua iaia. Nga vaine a Esau ra.

E ROKOIA iora taua enua ra e te onge, eiaa te onge muatangana i tupu i te tuatau ia Aberahama; e aere aturū Isaaka ki Gerara, ki te ariki o te Philiseti kia Abimeleka. Kua mama maira oki a Ichova kiaia ra, e kua tuatua maira e, Auraka e aere ki raro ki Aiphiti; ka noo ra koe i te enua taku e 3 akakito atu kia koe na: Ka purutia koe

i teianei enua, e ei vaitatao oki au ia koe, e ka akameitaki atu au ia koe; e ka oronga atu oki au i teia katoa nei enua noou, e no toou ra uanga; e ka akatupu au i te taputou i taku i taputou atu ki toou metua kia Aberahama; E 4 ka akamaata au i toou ra uanga mei te etu o te rangi ra, e ka oronga au i teia katoa nei pa enua no toou uanga; e ei toou ra uanga e meitaki ei te pa enua katoa o te ao nei: No te mea, kua akarongo a Aberahama i toku reo, e kua akono i taku ikuanga, e taku au akauenga, e taku au akonoanga, e taku ture.

E noo iorā Isaaka i Gerara: E kua ui 6,7 maira te au tangata no taua ngai ra i tana vaine ra; e kua karanga atura aia, E tuaine aia noku: matakū oki aia kia karanga atu e, E vaine aia naku; ko te taia aca aia e to reira ia Rebeka; e vaine puroto oki aia. E roa akera aia i reira, te akara ua maira taua ariki o te Philiseti ra ko Abimeleka na roto i te mūrāmūrāma, e i na, kite maira aia ia Isaaka i te aani anga raua ma tana vaine, ma Rebeka. E kua tiki mairā Abimeleka ia Isaaka, e tuatua maira, E vaine 9 tikai naau taua vaine nei; eaa oki koe i tuatua mai ei, E tuaine aia noku? E kua karanga aturū Isaaka kiaia, No te mea, i karanga au e, Ko te mate aca au iaia. E kua tuatua mairā Abimeleka, 10 Eaa koe i perā'i kia matou nei? e moe uaia oki taua vaine e tetai o te au tangata nei, ara iora matou ia koe i reira. E kua ako aturā Abimeleka i te tangata 11 katoa nona ra, na ko atura, Ko te arapaki ua atu i teianei tangata, e i tana vaine, e taia takiri ia.

Kua tanu iorā Isaaka i taua enua ra, 12 e taki tai anere tana i rauka i te ua okotai i taua mataiti ra: kua akameitaki maira oki a Iehova iaia. E maata atura 13 tana, e tupu ua atura i te maata anga, e riro atura aia ei tangata maata roa: E 14 anana mamoe oki tana, e te anana bovi, e manganui oki te tavini: e kua vareae iora te Philiseti iaia ra. E te au ruavai 15 katoa i koia e te au tavini o tona metua, i te au rā o tona metua o Aberahama ra, na te au Philiseti i akaki, e ki roa akera i te one. E kua tuatua mairā Abimeleka kia Isaaka, E aere ke atu ana koe ia matou; kua maata roa atura oki koe ia matou nei.

E mei reira, aere aturā Isaaka, patia 17 iora i te puakapa i te o i Gerara, noo iora i reira. Kua ko akaou iorā Isaaka i 18 te au ruavai, i koia e ratou i te au rā o tona metua o Aberahama ra; kia mate a Aberahama i akakiā'i e te Philiseti ra:

e tapa iora aia i to te reira au ingoa, mei 19 te au ingoa ta tona metua i tapa ra. E kua ko iora te au tavini o Isaaka i taua o ra, e kitea iora te punavai mapia i 20 reira. E kua tauetono maira te au tiaki puaka i Gerara, i te au tiaki puaka a Isaaka, na ko maira, Na matou tenana vai: tapa iora aia i te ingoa o taua ruavai ra ia Eseka; no te mea, kua tau- 21 mōro mai ratou iaia. Kua ko akaou ratou i tetai ruavai, e kua tauetono maira oki ratou i te reira: tapa iora aia i to te 22 reira ingoa ia Sitina. E mei reira kua aere ke atura aia, e kua ko akaou i tetai ruavai rai; kare ra ratou i tauetono i te reira: tapa iora aia i to te reira ingoa ko Rehobota; kua na ko akera oki aia, Kua o tatou i teianei ia Iehova, kia tupu 23 tatou i te maata anga i te enua nei. E mei reira oki aere atura aia ki Bere- 24 seba. E kua mama mairā Iehova kiaia i taua po ra, na ko maira, Ko au te Atua o toou metua o Aberahama: auraka e matakū, tei vaitata katoao au ia koe, e ka akameitaki atu au ia koe, e akamaata au i toou ra uanga no toku tavini no 25 Aberahama. Kua patu iora oki aia i tetai atarau i reira, e kua tauatopa iora i te ingoa o Iehova; e kua patia iora i tona puakapa i reira; e kua ko iora te au tavini o Isaaka i te ruavai i reira. 26 Kua aere mairā Abimeleka, e tona oa ko Ahuzata, e te kapena maata o te nuku nona ra ko Phikola, kiaia, mei Gerara 27 maira. E kua karanga aturā Isaaka kia ratou, Eaa kotou i aere mai ei kiaku nei, te makitakita mai nei oki kotou iaku, e 28 kua tuaru maira kotou iaku? E kua tuatua maira ratou, Kite pu akenei matou e, tei ia koe a Iehova: e teianei, te tuatua nei matou e, ei taputou ta tatou, ko matou, e ko koe, e papau ana matou 29 i tetai koreromotu kia koe na: E mei ia matou kare i rave kino ua atu ia koe, e ko te takinga-meitaki anake ra to matou ia koe, e kua tuku au ua akenei matou ia koe; e tenana, kua akameitakiāia mai koe e Iehova, auraka katoa koe e takinga- 30 kino ua mai ia matou nei. E kua rave iora aia i te umutarakai na ratou, e kua 31 kai ratou, e kua inu oki. E tu akera ratou ki runga i te pōpongi roa, e kua taputou iora ratou tetai e tetai: e kua tuku aturā Isaaka ia ratou kia aere, riro 32 atura ratou ma te au. E kua aere maira te au tavini o Isaaka i taua rā ra, kua tuatua maira kiaia i te ruavai i koia e ratou ra, na ko maira kiaia, Kua kitea 33 te vai e matou. Tapa iora i te reira ia Seba; i tuatuaia'i taua oire ra i teianei e, ko Bere-seba te ingoa. 34 Ka a atura ngauru anga to Esau ma-

taiti, e kua akaipoipo atura aia i te tamaine a Beri ngati Heta ra ia Iudita, e te tamaine a Elona ngati Heta ra ia Basemata: E riro atura raua ei mamac 35 ngakau no Isaaka raua ko Rebeka.

PENE XXVII.

Te tono rā Isaaka ia Esau e tiki i te kai tana i kiki ra; to Iakoba rauka piki-kaa anga te meitaki o tona metua ra.

E RUACHINE akerā Isaaka, e aveave 1 akera tona mata, kare i kite kia akara, e kua karanga atura aia ki tana tama mua kia Esau, na ko atura kiaia, E taku tamaiti. Kua tuatua maira aia 2 kiaia, Teia au. Kua karanga atura aia, I na, kua ruaine au, kare au e kite i te rā e mate ei au: E tenana, teia taku 3 tuatua kia koe, e rave koe i to taonga ra, i te pia kakao, e te ana naau, e aere koe ki te ngangaere, e kimi i te venatio naku; Ka rave ei i te kai kakara naku, 4 taku e kaki nei, kaapai mai ei kiaku nei, kia kai au; kia akameitaki atu au ia koe, ka mate atu ei au.

Te akarongo rā Rebeka ia Isaaka, i te 5 tuatua anga atu ki tana tamaiti, kia Esau. E aere aturā Esau ki te ngangaere e kimi i te venatio, e e apai mai. E kua karanga aturā Rebeka ki tana 6 tamaiti kia Iakoba, na ko atura, I na, i akarongo atura au i to metua, i te tuatua anga atu ki toou tuakana kia Esau, i te 7 na ko anga atu e, E apai mai i te venatio, e rave i te kai kakara naku, kia kai au, e kia akameitaki atu au ia koe ki mua i te aroaro o Iehova, ka mate atu ei au. E tenana, e kua tamaiti, e aka- 8 rongo mai koe i toku reo, i taku e akaue atu kia koe: E tiki koe, e rave mai i 9 rua punua puaka-nio meitaki, no roto i te anana akera; e naku e rave ei kai kakara na to metua, tana e kaki ra: E 10 naau e apai ki to metua ra, kia kai aia, e kia akameitaki mai aia ia koe, ka mate atu ei aia.

Kua tuatua mairā Iakoba ki tona 11 metua vaine kia Rebeka, I na ohi, taku tuakana ko Esau, e tangata uruuru ia, e e tangata amore oki au: E riro paa 12 toku metua i te aa mai iaku, e ka riro au mei te pikikana iaia; ko te katara te ka rauka iaku i reira, kare te akameitaki. Kua karanga atura tona metua vaine 13 kiaia, Ei runga iaku taua katara naau ra, e taku tamaiti; e akarongo ua mai koe i toku reo, e tiki koe, e apai mai kiaku nei. Aere atura aia e tiki, e kua 14 apai maira ki tona metua vaine ra; e kua rave iora te metua vaine nona ra i te kai kakara, ta tona metua tane e kaki ra.

15 Kua rave iorā Rebeka i te kakau meitaki o tana tama mua o Esau, tei iaia taua kakau ra tei roto i te are, e kua akakakau atura i tana tamaiti openga ra 16 ia Iakoba ki te reira ra: E kua vai atura i tona rima, e te ngai mania o tona kaki, 17 ki te kiri o nga punua puaka-nio ra: Kua tuku atura aia i taua kai kakara ra, e te areto, tana i rave ra, ki te rima o tana tamaiti o Iakoba. 18 E kua aere atura aia ki tona metua tane ra, na ko atura, E taku metua e. Kua tuatua maira aia, Teia au; koai 19 koe, e taku tamaiti? Kua karanga aturā Iakoba ki tona metua tane, Ko au ko taua tama mua ra ko Esau; kua rave oki 20 au i tauu i akaue mai iaku ra; teia taku tuatua, ka noo tu ua mai koe ki runga, e kai i taku venatio, kia akameitaki mai koe iaku nei. Kua tuatua 21 mairā Isaaka ki tana tamaiti, I akauea tikai i rauka rave ei ia koe, e taku tamaiti? Kua karanga atura aia, No te mea, na te Atua noou ra, na Iehova, i 22 apai mai kiaku. Kua tuatua mairā Isaaka kia Iakoba, E akavaitata mai ana koe, e taku tamaiti, kia aa au ia koe, ko taku tamaiti tikai ainei koe ko Esau, 23 me kare. Kua akavaitata aturā Iakoba ki tona metua kia Isaaka; e kua aa maira aia iaia, na ko maira, Ko te reo ra, e reo ia no Iakoba, kareka te rima, e rima ia no Esau. Kare akerai aia i kite 24 iaia, no te mea e rima uruuru tona, mei te rima o tona tuakana o Esau: e kua akameitaki maira aia iaia. Kua tuatua 25 mairai aia, Ko taku tamaiti tikai koe na, ko Esau? Kua karanga atura aia, Ko au ia. E kua tuatua maira aia, Ka 26 apai mai kia vaitata kiaku nei, e kai au i te venatio a taku tamaiti, kia akameitaki atu au ia koe. Kua apai atura aia i vaitata kiaia, e kua kai iora aia; e kua 27 apai atura aia i te wina nana, e kua inu iora aia. Kua tuatua maira tona metua ra ko Isaaka kiaia, E akavaitata mai ana, e ongi mai iaku, e taku tamaiti. 28 E kua akavaitata atura aia kiaia, e ongi atura: e kite akerā Isaaka i te aunga o tona kakau, kua akameitaki maira aia iaia, na ko maira, I na, mei te aunga o te kainga i akameitakia e Iehova ra, 29 te aunga o taku tamaiti nei: Kia oronga mai te Atua i te au no te rangi mai kia koe, e te meitaki o te enua nei, kia maata oki te sitona, e te wina: Kia kauraro mai te au iti-tangata kia koe, e kia tupou mai te pa enua kia koe; ei pu koe ki rungao i toou ua taeake, e kia 30 tatomo mai te tamariki a to metua vaine kia koe. Ko te katara mai ia koe ra, kia katara katoaia aia; e ko te aka-

meitaki ia koe ra, kia akameitaki katoaia mai aia.

E oti akera to Isaaka akameitaki anga 30
mai ia Iakoba, e kare a Iakoba i tae rava
ki vao, mei mua mai i te aroaro o tona
metua ko Isaaka, kua aere maira tona
tuakana ko Esau, mei tona kimi anga
venatio maira. Kua oti katoa oki tana 31
kai kakara i te ravecia e ia, e kua apai
maira ki tona metua tane ra, e kua tua-
tua maira ki tona metua tane, Kia tu
mai taku metua, e kai i te venatio a
tana tamaiti nei, kia akameitaki mai koe
iakua nei. E kua karanga atura tona 32
metua tane ra ko Isaaka kiaia, Koai koe
na? Kua tuatua maira aia, Ko au ko
taau tamaiti, ko taau tama mua ra, ko
Esau. Rokoia iorū Isaaka e te matakū 33
maata ron atu, e na ko atura, Koai io nei
aia tei kimi i te venatio, e kua apai mai
i ko nei kiaku nei, e kua kai rai oki au,
ou mai nei koe? koia oki taku i akamei-
taki io nei, e ka akameitakiia oki aia. E 34
rongo akerā Esau i te tuatua a tona
metua ra, kua kapiki ua maira i te aue
maata, e te mamae, e kua tuatua maira
ki tona metua, E akameitaki mai koe
iakū, ko au katoa nei, e taku metua.
Kua karanga atura aia, Kua aere pikikaa 35
mai toou teina i ko nei, e kua riro kiaia
toou meitaki. Kua tuatua maira aia, 36
E tuatua tikaia tona ingoa ko Iakoba,
kare ainei? E tu rua akenai ana pikikaa
anga mai iaku: i rave oki aia i taku
taoonga mataiapo: e i na, kua riro toku
meitaki kiaia i teianei. E kua tuatua
maira aia, Kare aina koe i vaoo i tetai
meitaki noku? Kua karanga aturū 37
Isaaka kia Esau, na ko atura, I na, kua
akariro au iaia ei pu noou; e tona katoa
ra au taeake, kua tukuia ia e au ki raro
ake iaia; kua akaangai au iaia i te sitona,
e te wina: e tenana, e taku tamaiti, e
akapcea atu au ia koe? Kua tuatua 38
mairai a Esau ki tona metua, Okotai ua
ra ouu meitaki, e taku metua? e akamei-
taki mai koe iaku, ko au katoa nei, e ta-
ku metua. E kua kapiki ua aturū Esau
i tona reo ma te aue. Kua karanga atura 39
tona metua ko Isaaka, na ko atura kiaia,
I na, ko toou nooanga, ei te meitaki o te
enua nei, e te au no te rangi i runga ra.
E i taau ra koke ka ora'i koe, e ei tavini 40
koe no toou teina; te vai atura *te tuatau*
e riro ei te mana kia koe, e aati ei koe i
tana zugo i runga i toou kaki na.

E kua makitakita iorū Esau ia Iakoba, 41
no te meitaki a tona metua i akameitaki
atu iaia ra; e kua na ko akerā Esau i
roto i tona ngakau, Kua vaitata te au rū
aue anga no toku metua nei, ei reira au
e ta ai i toku teina nei ia Iakoba. E i 42

akakiteia mairū Rebeka i te tuatua a
tana tama mua ra ko Esau: kua unga
atura aia e tiki i tana tamaiti openga ra
ia Iakoba, kua karanga atura kiaia, I na,
te rekareka ua ra to tuakana ko Esau ia
43 koe, *kua akakoro aia* e ta ia koe na. E
teianei, e taku tamaiti, e akarongo mai
koe i toku reo; e tu koe, e oro ki Ha-
44 rana, ki toku tungane ra kia Labana; E
noo ua atu ei ki ona i etai rū, kia anga te
45 riri o toou tuakana ra; E kia anga te riri
o toou tuakana ia koe, e kia ngaropoina
iaia taau i rave io nei iaia ra; ei reira au
e tiki atu ei e arataki mai ia koe mei rei-
ra: eaa oki au e ngere ei ia korua ravarai
i te rā okotai?

E kua karanga aturū Rebeka kia Isa-
aka, Kua potopoto rava toou a, i nga
tamaine a Heta nei: kia rave a Iakoba i
te vaine no te au tamaine a Heta, mei te
au vaine o te enua nei, eaa naku te ora?

PENE XXVIII.

*No te makitakita o Esau i tonokia 'i a
Iakoba kia Padana-arama ra; tana
rikamoe.*

1 **K**UA karanga aturū Isaaka kia Iako-
ba, e kua akameitaki atura iaia, e
kua ako atura iaia, e kua na ko atura
iaia, Auraka koe e akaipoipo i te vaine
2 no te au tamaine a Kanaana nei. Ka
tu, e aere ki Padana-arama, ki te ngutu-
are o Betucla, ki te metua tane o to
metua vaine nei; ka akaipoipo ei i tetai
vaine no reira, no te au tamaine a Laba-
na ra, a te tungane a toou metua vaine
3 nei. E kia akameitaki mai te Atua
Mana katoata ia koe, e akariro ia koe ei
katiri, kia akamaataia koe, kia riro koe
4 ei au iti-tangata e manganui ua atu; E
kia oronga mai aia i te meitaki o Abe-
rahama ia koe, noou, e no toou katoa ra
uanga; kia rauka ia koe te enua taau
i purutia ua na, ta te Atua i oronga mai
5 no Aberahama. Kua tuku aturū Isaaka
ia Iakoba kia aere; e kua aere atura aia
ki Padana-arama kia Labana ra, te ta-
maiti a Betucla ngati Arama, ki te tun-
gane o Rebeka, te metua vaine o Ia-
koba rana ko Esau.

6 E kite akerā Esau e, kua akameitaki
a Isaaka ia Iakoba, e kua tono iaia ki
Padana-arama, kia akaipoipo aia i tetai
vaine no reira; e kua ako aia iaia i tana
akameitaki anga iaia ra, i te na ko anga
e, Auraka koe e akaipoipo i te vaine no
7 te au tamaine o Kanaana nei; E kua
akarongo a Iakoba i te metua tane e te
metua vaine, e kua aere ki Padana-ara-
ma: E kite akera oki a Esau e, kare
8 tona metua ra ko Isaaka i taurekareka

ki te au tamaine o Kanaana ra; Aere 9
aturā Esau ki o Isemaela ra, e akaipoipo
atura i te tuaine o Nebaiota ia Mahalata,
te tamaine a Isemaela, te tamaiti a Abe-
rahama ra, ei vaine nana, ei kapiti katoa-
ia i nga vaine ana ra.

Kua aere aturā Iakoba mei Bere-seba, 10
e aere atura ki Harana ra. E kua tae 11
atura aia ki tetai ngai, e noo iora aia i
reira, no te mea kua topa te rā; e kua
rave aia i etai toka i taua ngai ra, e kua
tuku atura ei urunga nona, e kua moe
iora aia i te reira ngai. E e rikamoe oki 12
tana, e i na, e atamoa, kua akatua ki
runga i te enua nei, e kua tae roa te
kauru o te reira ra ki runga i te rangi:
e i na, te kake ra te au angela a te Atua
ki runga, e te eke maira ki raro, i taua
atamoa ra. E i na, te tu ua mairā Ie- 13
hova i rungao i te reira, e kua tuatua mai-
ra, Ko au ko Ichova, ko te Atua no toou
metua ra no Aberahama, e te Atua no Isa-
aka: ko te enua tauu e moe na, e orongaia
e au noou, e no toou ra uanga: E ka 14
riro toou ra uanga mei te ungaunga-one
o te enua nei, e ka tae roa koe ki te opu-
nga o te rā, e te itinga o te rā, e ki apa-
tokerau, e ki apatonga: e ei ia koe, e ei
toou ra uanga, e meitaki ei te au kopu-
tangata ravarai o te ao nei. E i na, tei 15
vaitata au ia koe, e naku koe e tiaki i
toou na au aerenga katoa, e ka akaoki
mairai au ia koe ki teianei enua; kare
oki au e akaruke ia koe, e kia ope roa
taku i akakite kia koe i te akatupuia e
au ra.

Kua itirere akerā Iakoba i tana moc, 16
kua na ko akera. Tei ko nei tikai a Ie-
hova i teianei ngai; kare oki au i kite.
Mataku iora aia, e kua tuatua akera, E 17
ngai mataku maata teia! ko te are teia
no te Atua, e ko te ngutupa teia no te
rangi.

E kua tu akerā Iakoba ki runga i te 18
popongi roa ra, kua rave iora i te toka
tana i tuku ki raro ei urunga nona ra,
kua akatu akera ei tuaua, e kua riringi
iora i te manongi ki rungao. E kua 19
tapa iora aia i te ingoa o taua ngai ra, ko
Betela; kareka te ingoa o taua oire ra i
muatangana, ko Luza ia. E kua tia 20
iorā Iakoba i te tia, na ko atura, Kia
tika i te Atua e, ei vaitata aia iaku, e kia
tiaki mai aia iaku i toku nei aerenga, e
kia oronga mai i te kai naku e kai, e te
kakau ei kakau, E kia akaoki mai iaku 21
ki te ngutuare o toku metua ma te au;
e Atua noku a Iehova i reira: E ka riro 22
teianei toka taku i akatu io nei ei tuauu
ra, ei are no te Atua: e te ngauru o te au
mea katoa tauu e o mai noku nei, ka
apaia ia e au naau.

PENE XXIX.

*Tae aturā Iakoba ki te ruavai i Harana;
kiteia mai aia e Labana ra.*

- 1 AERE ua aturā Iakoba i tona tere,
e tae atura ki te enua o to te itinga
o te rā ra. E kua akara iora aia, e i na,
e ruavai tei taua ngai ra, e i na, e puke
anana mamoe e toru i te moe ua anga
i reira, i te pae; no roto i taua ruavai i
akainumia'i te au anana ra: e toka
maata tei rungao i te vaa o taua ruavai
3 ra. Kia tae katoa maira te au anana i
reira ra, e uri ke ei ratou i taua toka i
rungao i te vaa o taua ruavai ra, ka
akainu ei i taua au mamoe ra, ka tuku
akaou ei i te toka ki rungao i te vaa o
4 taua ruavai i tona vairanga ra. Kua
karanga aturā Iakoba kia ratou, E taku
au taeake e, noea kotou na? Kua
tuatua maira ratou, No Harana matou.
5 Kua karanga atura aia kia ratou, Kua
kite aina kotou i te mokopuna o Nahora
ra ia Labana? Kua tuatua maira ratou,
6 Kua kite matou. Kua karanga atura
aia kia ratou, Te ora ra? Kua tuatua
maira ratou, Te ora ra; e i na, tera ake
te tamaine ko Rahela te aere maira ma
7 te mamoe. Kua karanga atu rai aia, I
na, e rā roa, kare oki i tae ki te atianga e
akaputupuia'i te mamoe; ka akainu ei
i te puaka, ka tuku atu ei kia kaikai
8 ratou. Kua tuatua maira ratou, Kare e
tika, kia tae katoa maira te au anana, e
kia uri ke i te toka i rungao i te vaa o te
ruavai nei; ei reira e akainumia'i te
mamoe.
9 Te karangaranga ua ra aia kia ratou,
ko Rahela maira ma te mamoe a tona
10 metua tane; koia rai te tiaki. E tei te
kite anga atu a Iakoba ia Rahela, i te
tamaine a Labana, i te tungane o tona
metua vaine ra, e te mamoe a te tungane
o tona metua vaine, a Labana ra, kua
aere aturā Iakoba i vaitata, e uri ke
atura i te toka i te vaa o te ruavai ra, kua
akainu iora i te mamoe a Labana, a te
11 tungane o tona metua vaine ra. E kua
ongi aturā Iakoba ia Rahela, kapiki
12 atura te reo i te aue. E kua akakite atu
a Iakoba kia Rahela e, no te kopu-tangata
aia o tona metua tane ra, e ko te tamaiti
aia na Rebeka; e kua oro atura aia,
13 akakite atura ki tona metua tane ra. E
kite akerā Labana i te tuatua ia Iakoba,
i te tamaiti a tona tuaine ra, kua oro
maira aia e aravei iaia ra, e takave maira,
e ongi iora, e kua arataki atura ki roto i
tona are. Kua akakite atura aia kia
14 Labana i te au tuatua katoa ra. E kua
tuatua mairā Labana kiaia, E ivi tikai
koe noku, e kiko oki noku. E okotai ake-

ra ona marama tikai i te noo anga iaia ra.

Kua tuatua mairā Labana kia Iakoba, 15
Kia rave ua mai ainei oki koe i taku
angaanga nei, no te mea e taeake koe
noku? E akakite mai koe i tauu tutaki.
Toko rua a Labana tamaine: ko Lea te 16
ingoa o te tama mua ra, e ko Rahela te
ingoa o te teina. E mata maki to Lea; 17
karekū Rahela, e purotu ia i te mata, e
te tu katoa. E te inangaro rā Iakoba ia 18
Rahela; kua karanga atura aia, E tavini
au i ko nei ia koe nei e kia itu ake ma-
taiti, teia taku, ko tauu tamaine openga
nei ko Rahela. Kua tuatua mairā La- 19
bana, E mea meitaki kia oronga atu au
iaia naau, auraka au e oronga na tetai
tangata ke atu: e noo tauu i ko nei.
Kua tavini aturā Iakoba e itu atura 20
mataiti no Rahela; e no tona inangaro
iaia, riro atura tauu au mataiti ra, mei
nga rā poto ua nei iaia.

Kua karanga aturā Iakoba kia La- 21
bana, O mai taku vaine, kua ope oki
toku au rā, kia akaipoipo au iaia. E kua 22
akaputupu tuatua mairā Labana i te au tanga-
ta katoa no tauu ngai ra, e kua akatupu
iora i tetai kaingakai. E po iora kua 23
rave akera aia i tana tamaine ia Lea, kua
arataki maira kiaia; moe atura aia iaia.
E kua oronga mairā Labana i tona tavini 24
vaine ra ia Zilipa, ei tavini vaine no tana
tamaine ra no Lea. Kia ao ra, ei na, ko 25
Lea: e kua karanga atura aia kia Labana,
Eaa koe i pera mai ei kiaku? kare aia
ko Rahela taku i tavini atu ei kia koe
na? eaa koe i pikikaa mai ei iaku? E 26
kua tuatua mairā Labana, Kare e tika
i to matou enua, kia na mua i te oronga
i te teina, aua te tama mua ra. Ka 27
akaope ana i ta teia ebedomā, e ka
oronga katoa atu matou i tetai naau
katoa, ei tutaki naau, e tavini mairai
koe iaku nei, e kia itu mairai mataiti.
E kua akapera aturā Iakoba, e ope 28
akera iaia tona ebedomā ra: kua oronga
katoa maira aia i tana tamaine ia
Rahela ei vaine nana. E kua oronga 29
mairā Labana i tona tavini vaine ra ia
Bila, ki tana tamaine kia Rahela, ei
tavini vaine nona. E moe katoa atura 30
aia ia Rahela, e e maata tona inangaro
ia Rahela ia Lea: e kua tavini atura aia
ia Labana e itu rai mataiti.

E kia akara mairā Iehova e, kare a 31
Lea i inangaroia, kua oronga maira aia i
te tamariki nana; karekū Rahela te vai
pa ua rā ia. E kua to iorā Lea, e anau 32
maira tana, e tamaroa, e tapa iora aia i
tona ingoa ko Reubena: kua na ko
akera oki aia, Kua akara mairai a Iehova
i toku nei mate; e teianei ka inangaro
mai taku tane iaku. E kua to akaou 33

iora aia, e anau maira, e tamaroa; kua
na ko akera, No te mea e, kua akarongo
mairā Iehova, kare au i inangaroia mai,
i oronga katoa mai ei aia i teianei
tamaiti: tapa iora aia i tona ingoa ko
34 Simeona. Kua to akaou iora oki aia, e
anau maira, e tamaroa; kua na ko akera,
E tau roa mai taku tane kiaku i teianei,
no te mea, toko toru akenei aku tamaroa
i anau nana; i tapaia i tona ingoa ia Levi.
35 Kua to akaou iora oki aia, e anau maira,
e tamaroa; kua na ko akera, E akamei-
taki au ia Iehova i teianei; i tapa i aia i
tona ingoa ko Iuda; pa atura aia.

PENE XXX.

*Ko Rahela, no te nui kore, i oronga'i tona
tavini vaine ra ia Bila kia Iakoba; ta
Iakoba tutaki i tana tiaki anga i te
anau a Labana.*

1 **E** KITE akērā Rahela e, kare aia i
anau tama ia Iakoba, kua vareac
aturā Rahela i tona tuakana; e kua
karanga atura kia Iakoba, O mai te
2 tamariki naku, ka mate au. Riri akērā
Iakoba ia Rahela; e kua tuatua maira,
Tei iaku ainei ta te Atua ra, tei kore i
3 oronga mai i te tamariki naau? Kua
karanga atura aia. Tera ake toku tavini
ko Bila; e aere atu koe kiaia ra; kia
anau tana ei ikiiki anga naku, kia
4 tamariki katoaia taku iaia ra. Kua tuku
atura aia i tona tavini ia Bila ei vaine
5 nana; e kua moe aturā Iakoba iaia. E
kua to iorā Bila, e anau maira ta Iakoba
6 iaia, e tamaroa. Kua tuatua akērā Ra-
hela, Kua akatika mai te Atua iaku, kua
akarongo katoa mai oki aia i toku reo, e
kua oronga mai i tetai tamaroa naku; i
7 tapa i aia i tona ingoa ko Dana. Kua to
akaou iora tauu tavini o Rahela ra ko
Bila, ko te rua ia o te tamaiti tana i
8 anau na Iakoba. E kua tuatua akērā
Rahela, E tauetono maata toku nei
tauetono i toku tuakana, e kua riro mai
kiaku: tapa iora aia i tona ingoa ko Na-
phatali.
9 E kite akērā Lea e, kua pa aia, kua
rave akera aia i tona tavini ia Zilipa, e
kua tuku atura iaia kia Iakoba ei vaine
10 nana. Kua anau iora ta te tavini o Lea
ra, ta Zilipa, i tetai tamaiti na Iakoba.
11 Kua tuatua akērā Lea, E urupu katoa;
12 i tapa i aia i tona ingoa ko Gada. Kua
anau iora te tavini o Lea ra ko Zilipa, i
13 tetai tamaiti na Iakoba, ko te rua ia. E
kua tuatua akērā Lea, E ao toku; ka
tuatua oki te au vaine iaku nei e, E ao
tona: tapa iora aia i tona ingoa ko Asera.
14 Aere aturā Reubena ki vao i te tuatau
kokoti anga sitona ra, e kite atura aia i

te dudai i taua ngai ra, e kua apai maira ki tona metua vaine ra kia Lea. Kua tuatua mairā Rahela kia Lea, Tera taku tuatua, ka o mai koe i etai dudai a to tamaiti na naku. Kua karanga atura aia kiaia, E iti rai tena, ko taku tane i raveia e koe na? e rave katoa mairai koe i te dudai a taku tamaiti nei? Kua tuatua maira Rahela, Ka moe aia ia koe i teianei po i te dudai a to tamaiti na. E kia oki mairū Iakoba i te aiai mei te kainga mai, aere aturū Lea ki vao kia arovei atu iaia, e kua karanga atura, E moe koe iaku nei; kua ou tikaia koe e au i te dudai a taku tamaiti nei. Kua moe maira aia iaia i taua po ra.

Kua akarongo maira te Atua ia Lea, e kua to iora aia, ko te toko rima ia o te tamaiti tana i anau na Iakoba. Kua tuatua akerū Lea, Kua orongaia mai e te Atua te tutaki noku, no te mea kua oronga au i toku tavini na taku tane: tapa iora aia i tona ingoa ko Isakara. Kua to akaou iorū Lea, ko te toko ono ia o te tamaiti tana i anau na Iakoba. E kua tuatua akerū Lea, Kua akaapinga mai te Atua iaku i te apinga meitaki: e noo mai taku tane iaku i teianei, no te mea, toko ono akenei aku tamariki tamaroa i anau nana: tapa iora aia i tona ingoa ko Zebuluna. E muri akera, anau iora aia, e tamaine, tapa iora i tona ingoa ko Dina.

Kua manako maira te Atua ia Rahela; e kua akarongo maira iaia, e kua oronga maira i te tamariki nana. E kua to iora aia, e anau maira tana, e tamaroa; e kua tuatua akera aia, Kua akakore io nei te Atua i te akakino anga iaku nei: Tapa iora aia i tona ingoa ko Iosepha, kua tuatua akera oki aia, Kia oronga mairai a Iehova i tetai tamaiti naku.

E tei te tuatau i anau ei a Iosepha ia Rahela ra, ko ta Iakoba ia tuatua anga atu kia Labana e, E tuku ake koe iaku, e aere au ki toku ra ngai, e ki toku orai enua. E o mai koe i aku puke vaine, i tavini atu ei au ia koe na, e taku au tamariki nei oki, kia aere au; kua kite oki koe i te tu o taku angaanga i rave ia koe na.

Kua tuatua mairū Labana kiaia, Kia kite aroaia mai au e koe i tenana; kua kite pu akenei oki au iaku orai e, noou i akameitaki mai ei a Iehova iaku. Kua tuatua maira aia, E akakite mai koe kiaku i taua tutaki, e naku ia e oronga atu.

Kua karanga atura aia kiaia, Kua kite oki koe i te tu o toku tavini anga ia koe na, e taua apinga i te meitaki anga iaku ra. Kare au i tae mai e apinga iti taua, 30

e kua riro io nei ei mea maata roa; kua akameitaki mai oki a Iehova ia koe mei toku aere anga mai: e teianei, aea au e kimi ei i ta toku uarori nei ngutuare?

31 Kua tuatua maira aia, Eaa taku e apai atu naau? Kua karanga atura Iakoba, Auraka taua e apai mai naku; kia tika ra ia koe teia tuatua, e tiaki akaou au i 32 te mamoe naau, e naku e angai: Ka aere au na roto i taua anana katoa ako-nei, ka akataka ke atu ei i te au puaka tipurepure, e te koinaina katoa, e te puaka keukeu katoa, no roto i te au mamoe ra, e te koinaina e te tipurepure i roto i te puaka-nio ra; e ka rauka rai taku tutaki. Ei reira e kitea'i te tika anga o taku nei tuatua, i mua i to aroaro na a muri atu, kia aere ake koe ki runga i taku tutaki; ko te au puaka kare e tipurepure e te koinaina i roto i te au puaka-nio ra, e te au puaka keukeu kore i roto i te au mamoe, e tuatuaia te 34 reira ei mea keia naku. Kua tuatua mairū Labana, Kua tika, e akapera i taua i tuatua mai na.

35 Kua akataka ke atura aia i taua rā ra, i te au puaka-nio toa kotiatia e te koinaina, e te au puaka-nio ua katoa i kotiatia e te koinaina, ko te au puaka katoa i teatea i tetai ngai iti, e te au puaka keukeu katoa i roto i te au mamoe ra; kua tuku atura ki te rima o tana 36 uarori tamariki. Kua akataka ke atura aia iaia, e ia Iakoba, e toru rā e tae mai ei kia aere: kua tiaki iorū Iakoba i tetai pae a te anana a Labana ra.

37 Kua rave iorū Iakoba i etai rakau libene mapuapua ra, e te luza, e te oramuna; kua oore toreteatea iora, kia kitea te teatea i roto i aua nga rakau 38 ra: E kua akatu akera aia i taua au rakau i ooreia e ia ra, ki te pae o te au āriki vai i akainuia'i te au anana ra, ki mua tikai i te anana kia aere mai taua anana ra e inu ra; e kia kapiti aere ratou i reira, me aere mai ratou e inu ra.

39 Kia kapiti aere te anana i mua i taua au rakau ra, e anau maira te anana i te anaunga kotiatia, e te tipurepure, e te koinaina. Kua vee iorū Iakoba i taua au punua mamoe ra, e kua akaanga aia i nga mata o te anana ki te kotiatia, e tei keukeu i te anana a Labana ra: akataka ke maira aia i tana uarori anana kia taka ke, kare ia i tuku katoa ki roto i te au anana a Labana ra. E me kapiti aere tei maroiri o taua anana ra, kua tuku iorū Iakoba i te au rakau i taua au ngai vai ra, ki mua i te mata o taua au puaka ra, kia kapiti aere ratou i reira 42 i taua au rakau ra. Kareka te au puaka apikepikē ra, kare aia i tuku i taua au

rakau ra i te reira : riro atura te papaki apikepika ra kia Labana, e te papaki maroiroi ra, tei ia Iakoba ia. Tupu atura 43
taua tangata ra i te maata, e manganui tana puaka, e te tavini vaine, e te tavini tane, e te kamela, e te asini.

PENE XXXI.

Akaruke poiiri aturā Iakoba ia Labana; keiaia iora tona au atua e Rahela; aruaia aia e Labana; papau iora raua i te koreromotu i Gileada.

KITE akera aia i te tuatua a nga 1
tamariki a Labana, i te na ko anga e, Kua ope roa ta to tatou metua ia Iakoba; no roto i ta to tatou metua ra taua apinga katoa nana akera i rauka'i. E te akara aturā Iakoba i te mata o Labana, e i na, kare mei tei muatangana ra.

E kua tuatua mairū Iehova kia Iakoba e, Ka oki koe ki te enua o to ai metua ra, e ki toou ra kopu-tangata; ei waitata katoa au ia koe na. Kua unga aturā Iakoba i te tiki ia Rahela raua ko Lea, e aere mai ki te kainga ki te anana nana ra, E kua karanga atura aia kia raua, Te akara nei au i te mata o to korua metua tane, kare mei tei muatangana ra; i waitata katoa iora te Atua o toku metua kiaku nei. Kua kite oki korua e, kua akaope au i toku maroiroi i te rave anga i te angaanga a to korua metua na. Kua pikikaa mai oki to korua metua iaku, e kua ngauru akenei i te akatu ke anga i taku nei tutaki; kare ra i tika i te Atua kia kino au iaia. Kia tuatua mai aia e, Ko te mea tipurepure ko taua ia tutaki; kua anau maira te au puaka katoa, e mea tipurepure anake: e kia tuatua mai aia e, Ko te mea kotiatia taua ia tutaki; kua anau maira te au puaka katoa i te mea kotiatia anake. E 9
kua rave io nei te Atua i te apinga a to korua metua, e kua oronga mai kiaku nei. Tei te tuatau i kapiti aere ei te au puaka ra, toku ia kite anga i te moe naku ra, i nānā akera au i toku mata ki runga, e i na, *kite atura au i te au toa i kake ki runga i te au puaka ra e, e kotiatia, e te tipurepure, e te koinaina anake.* E 11
kua tuatua maira te Angela a te Atua kiaku i taua moe naku ra, *na ko maira, E Iakoba e: kua karanga atura au, Teia au.* E kua tuatua maira aia, Ka nānū 12
ana i to mata ki runga, e akara i te au toa e rere ki runga i te au puaka, e kotiatia, e te tipurepure, e te koinaina anake; kua akara oki au i ta Labana i rave ia koe na. Ko au te Atua i Betela, i te 13
ngai taua i akatainu i te tauaau, i taua oki

i tia mai i te tia kiaku ra: ka tu i tena-na, e akaruke mai i teianei enua, e ka oki ki te enua i anau ei koe na.

14 Kua tuatua mairā Rahela raua ko Lea, na ko maira kiaia, E puapinga iti ake ainei ta maua i rauka i te are o to maua nei metua? Kare ainei kua akariro aia ia maua ei tangata ke ke? kua oko oki aia ia maua, e tana oko ia maua ra, kua 15
pou roa ia iaia. Ko te au apinga katoa oki a to maua metua i raveia e te Atua ra, na tatou ia, e ta tatou au tamariki; e tenana, e akono koe i ta te Atua i taua 16
katoa mai kia koe ra.

17 Kua tu akērū Iakoba ki runga, e kua tuku akera i tana au tamariki, e nga vaine nana ra, ki runga i te au kamela; 18
E kua rave aia i te au puaka katoa nana ra, e te au apinga ravarai i rauka iaia, koia te au puaka i rauka iaia i Padana-arama ra, e aere ki tona metua kia 19
Isaaka, ki te enua ra ki Kanaana. Kua riro aturā Labana e pakoti i te au mamoe nana ra. Kua keia iorā Rahela i te 20
au teraphi no tona metua. Aere poiiri atura oki a Iakoba, kare a Labana ngati Arama ra i kite, kare oki aia i akakite 21
ua atu i taua aerenga nona ra. Riro atura aia, e tona katoa ra *au apinga*; tu akera aia ki runga, aere atura na runga i te vai, e kua ariu atura tona mata ki te 22
maunga ra ki Gileada.

22 E tae akera ki te po toru, i akakiteia atu ei a Labana e, kua riro a Iakoba. 23
Kua akaputupu maira aia i tona kopu-tangata, e aru atura iaia, e po itu akera te aerenga; rokoia atura ki runga i te 24
maunga ra i Gileada. Rokoia iorā Labana ngati Arama e te Atua i te moe i te po, e kua tuatua maira kiaia, E mata- 25
kite ia koe, auraka koe e tuatua ua atu kia Iakoba i te kino, e te meitaki katoa.

25 Ka rokoia atu ei a Iakoba e Labana ra, kua patii Iakoba i tona puakapa ki runga i te maunga: e kua patia katoa aturā Labana e tona ra kopu-tangata i to ratou puakapa ki runga i taua maunga 26
ra ko Gileada. E karanga aturā Labana kia Iakoba, Eaa koe i akapera'i, i aere poiiri mai ei koe, kare au i kite; e kua riro mai nei oki aku puke taimaine ia koe, mei te tuikaa i riro i te tamaki 27
ra? Eaa koe i aere poiiri ua mai ei, i aere keia mai ei; e kare i tuatua mai kiaku, kia tuku mai oki au ia koe ma te rekareka, e te pee, e te tophe, e te kinura? Kare akenei oki i tika ia koe kia 28
ongi ua au i aku puke tamariki tamaroa, e aku puke tamariki taimaine. E rave- 29
nga neneva taua i akapera. E tika ua iaku kia rave kino atu ia kotou na: kua tuatua maira te Atua o to kotou me-

tua ra kiaku inapo, na ko maira, Kia matakite ia koe, auraka koe e karanga ua atu kia Iakoba i te kino, e te meitaki katoa. E tenana, te rapurapu na koe e 30 aere, no te mea, te anoano na koe i te ngutuare o toou metua na, eaa ra oki koe i keia'i i taku au atua nei?

Kua tuatua mairā Iakoba, na ko maira 31 kia Labana, No te mea, i matakau au; i manako oki au e, ka riro koe i te aō mai i to puke tamaine nei. Ko te au atua 32 noou na, ko te tangata kia kitea atu tei iaia ra, kia mate atu ia. Ka kimi ana koe i taau na *apinga* i ko nei iaku nei, ki mua i te aroaro o to tatou nei, e *kitea atu* ka rave. Kare oki a Iakoba i kite e, kua keiaia e Rahela.

Kua aere aturā Labana ki roto i te 33 puakapa o Iakoba, e ki roto katoa i te puakapa o Lea, e te puakapa o nga tavini vaine ra; kare ra i kitea e ia. Kua aere maira aia mei roto mai i te puakapa o Lea ra, e kua tomo atura ki roto i te puakapa o Rahela ra. Kua raveia aua nga teraphi ra 34 e Rahela, e kua momono ki roto i te noo-anga kamela, e kua noo iora aia ki rungao. Kua kimi iorā Labana e pini ua ake taua puakapa ra, e kare rava i kitea. E kua 35 tuatua maira aia ki tona metua, Auraka koe e mainaina, e taku pu, i te mea ko au kare i tu ki runga i mua i toou aroaro nei; ko te peu oki o te vaine teia i runga iaku nei. Kua kimi iora aia, kare rai i kitea aua nga teraphi ra.

E riri akērā Iakoba, e kua akamura 36 maira ia Labana; e kua tuatua mairā Iakoba kia Labana, na ko maira, Eaa taku apa? eaa toku kino, i aru viviki mai ei koe iaku nei? Kua makitoro 37 marie io nei koe i te au apinga katoa naku nei, e eaa taau i kitea i te au apinga katoa naau na? Ka tuku mai ana i ko nei ki mua i te aroaro o to matou nei, e to kotou na, e na ratou e tuku mai i te tika tikai ia taua nei. Okotai takau 38 akenei oku mataiti ki ko na ia koe na; kare rava taau mamoe, e taau puakano i maemo na ratou anaunga, kare oki te au toa o taau ra anana i kaingai e au. Ko tei etiet i *te terio* ra, kare ia 39 au i apai atu kia koe na; naku ia i tutaki; e ko tei riro i te ao ra, e ko tei riro oki i te po, kua umuumu mai koe i te tutaki iaku nei. I mate au i te pukākā 40 i te ao, e te anu i te po; e kare oki aku e moe. Kua takau tikai toku mataiti i 41 toou na ngutuare; okotai ngauru ma a oku mataiti i te tavini anga ia koe i nga tamaine aau na, e ono oku mataiti, no taau au puaka nei ia; e kua ngauru oki oou akatu ke anga i taku nei tutaki. Naringa ko te Atua o toku metua ra, ko 42

te Atua o Aberahama, e Tei matakua e Isaaka, kare i ko nei kiaku nei, kua tuku uia mai au e koe i teianei rai ma te pupinga kore. Kua akara maira te Atua i toku nei mate, e te angaanga a toku rima, i kauvae mai ei aia ia *koe* inapo nei.

43 Kua karanga aturā Labana kia Iakoba, na ko atura, Ko *eiane* puke tamaine, e tamaine ia naku, e *teiane* au tamariki, e tamariki ia naku, e *teiane* au puaka, e puaka ia naku; e naku te au mea ravarai taau e akara na; e teiane, e akapeca au i aua nga tamaine naku nei, e te au tamariki ta ratou i anau? E tenana, e aere mai, e papau ana taua i tetai kororomotu na taua, ka vaoo ei kite no taua.

45 Kua rave akērā Iakoba i tetai toka, 46 akatu akera ei pou. Kua karanga aturā Iakoba ki tona ai taeake, Ka akapututu-putu mai ana i te toka; kua tari maira ratou i te toka, kua akautua maira i te utuaanga; e kua kaikai iora ratou i reira 47 ki runga i taua utua *toka* ra. E tapaiia iora e Labana ia Iegara-saaduta: karekā Iakoba, tapa iora aia i te reira ra ia Galceda. 48 E kua tuatua iora oki a Labana, Ei kite teiane i utua *toka* no taua i teiane rā. I tapaiia'i te ingoa o te reira ra 49 ia Galceda: E ia Mizepa; no te mea, kua tuatua aia e, Kia akara mai a Iehova ia taua, kia taka ke taua tetai e 50 tetai. Kia takinga-kino koe i aku puke tamaine nei, e kia kapiti koe i etai vaine ke i aku tamaine nei, e kare rava e tangata ei kite; i na, tera te kite ia taua, ko te Atua.

51 Kua karanga atu rai a Labana kia Iakoba, I na, teiane i utua, e i na, *teiane* pou, i akatua e au i rotou ia taua nei; 52 Ei kite teiane i utua, e ei kite *teiane* pou, e kare teiane i utua e topa iaku, ka aere atu ei kia koe ra; e kare oki teiane i utua, e teiane pou e topa ia koe, ka aere mai ei koe kiaku, mei te mea e ta- 53 kinga-kino ra: Ei te Atua no Aberahama, e te Atua no Nahora, te Atua o to raua metua, tei akataka i te tuatua ia taua nei. Kua taputou iorā Iakoba i Tei matakua e tona metua ra e Isaaka. 54 Kua apai iorā Iakoba i te tusia i runga i taua maunga ra, e kua karanga atura ki tona ai taeake ra, e kai i taua kai ra: kua kai iora oki ratou i taua kai ra, e noo iora ki runga i taua maunga ra i te reira po.

55 E i te popongi roa, kua tu akērā Labana ki runga, kua ongi iora i nga tamaroa, e nga tamaine nana ra, e kua akameitaki maira ia ratou: aere aturā Labana, oki atura ki tona ngai tikai.

PENE XXXII.

Te orama a Iakoba i Mahanaima; tana tuatua e te apinga i te apai anga kia Esau ra; te kukumi anga o Iakoba ma te angela, e tona upokotu anga; i rau-ka'i tona ingoa ia Iseraela.

KUA aere ua aturā Iakoba i tona tere i reira, e kua aravei maira te au angela a te Atua iaia ra. E kite akērū Iakoba ia ratou, kua tuatua akera, Ko te nuku teia a te Atua: tapa iora aia i te ingoa o taua ngai ra ko Mahanaima.

I tono anā Iakoba i te karere na mua iaia, ki tona tuakana ra, kia Esau, ki te enua ra ki Seira, ko te enua ko Edoma ra. E kua akaue atu aia ia ratou, karanga atura, E na ko atu ki taku rangatira ra kia Esau; Te na ko maira to tavini ra ko Iakoba, i purutia ua ana au ki o Labana ra, ko reira au e teia noa i: E e bovi taku, e te asini, e te anana, e te tavini tane, e te tavini vaine; e kua tono oki au i te tangata e akakite kia koe, e taku rangatira e, kia kite aroaia mai au e koe na.

Kua oki maira nga karere ra kia Iakoba ra, na ko maira, Kua tae atura matou ki to tuakana ra kia Esau, e te aere maira oki aia, e te au tangata e a katoa anere, kia aravei mai ia koe nei.

Mataku roa akērū Iakoba, e kua tu-matetenga: kua vee iora aia i te au tangata o tona tere, e te au anana, e te au bovi, e te au kamela, e rua motuanga; Kua tuatua akera oki aia, Kia aere mai a Esau ki tetai motuanga ra, e kia ta i te reira, e ora atu tetai motuanga ko tei toe ra.

Kua tuatua iorā Iakoba, E te Atua no toku metua ra no Aberahama, e te Atua no toku metua oki no Isaaka, e Iehova e, i tei tuatua mai kiaku e, E oki koe ki toou ra enua, e toou ra kopu-tangata, e naku e takinga-meitaki atu ia koe na: E mea ngiti rava au nei i te au takinga-meitaki katoa, e te tuatua-mou katoa, taau i akatupu mai ki toou tavini nei; i na teianei Ioridana oki au ma toku to-kotoko ra; e teianei, e rua katoa oku motuanga. Teia taku tuatua, e akaora koe iaku nei, i te rima o toku tuakana, i te rima o Esau nei; te mataku nei oki au iaia, ko te aere mai aea aia e ta iaku, nga metua vaine nei, e nga tamariki katoa. Kua tuatua mairai koe e, E ta kinga-meitaki atu rai au ia koe, e ka akariro au i toou na uanga mei te onetea i taatai, kare e tika kia tatau ra i te maata.

E noo ua iora aia i reira i taua po ra, kua rave iora aia i tei tae ua mai ki tona

rima, ei taoonga rima nana ki tona tuakana ra kia Esau; E rua anere puakania ua, e rua ngauru puakania toa, e rua anere mamoe ua, e rua ngauru mamoe toa, E toru ngauru kamela tinana, ma ta ratou katoa ra au punua, e a ngauru bovi ua, okotai ngauru bovi toa, e rua ngauru asini ua, e okotai ngauru punua.

16 E kua tuku atura ki te rima o te au tavini nona ra, akataka atura i taua aronga anana ra; kua karanga atura ki taua au tavini nona ra, E aere kotou na mua iaku, e akataka ke rai te anana, kia atea tetai e tetai. Kua akaue atura aia ki tei na mua ra, na ko atura, Kia aravei mai toku tuakana nei ko Esau ia koe ra, e kia na ko mai i te ui kia koe e, E tavini koe noai? e aere ki ca? naai

18 teianei au puaka i mua ia koe na? E karanga atu koe i reira. Na toou tavini ra na Iakoba; e apinga akau uaia teia naau, e taku rangatira e Esau e; e i na, tera ake aia tei muri ia matou. Kua pera katoa oki aia i te akaue atu ki te rua, e te toru, e te aronga katoa i aru i taua au anana ra, i karanga atura ra e, E na ko kotou i te karanga atu kia

20 Esau, kia aravei atu kotou iaia. E e karanga katoa atu e, I na, tera ake to tavini ko Iakoba tei muri mai ia matou. Kua tuatua akera oki aia, E akamaru ana au iaia i te apinga i te apai anga na mua, ka kite atu ei au i tona mata i muri ake; penciako ko te kite mai aia iaku i reira. Riro atura taua apinga ra na mua: kareka aia uorai, noo iora i te puakani i taua po ra.

22 Kua tu akera aia ki runga i tana po ra, kua arataki atura i nga vaine nana ra, e nga tavini vaine nana, e tana katoa ra au tamariki tino ngauru ma tai ra, e aere ki tetai pae i te kauvai ra ko Iakoba.

23 Kua arataki atura aia ia ratou, kua tuku atura ki tetai pae i taua kauvai ra, e kua apai katoa oki i te au mea katoa nana ra.

24 Toe iorā Iakoba anake ra; e kua kukumi maira tetai tangata iaia e ao ua akera. E kite akera aia e, kare aia i rauka iaia, kua moto iora aia i te ūa nona; ngaori iora te ūa o Iakoba i tana kukumi

26 anga iaia ra. Kua tuatua maira aia, E tuku koe iaku, kua ao. Kua karanga atura aia, Kia kore koe e akameitaki mai iaku nei, kare au e tuku ia koe.

27 Kua tuatua mairai aia kiaia, Koai toou ingoa? Kua karanga atura aia, Ko Iakoba. Kua tuatua maira aia, Teia koe, kare e tuatuaia ia Iakoba, ia Iseraela ra: mei te ariki ra oki koe i te mana i te Atua ra, e te tangata nei, e kua upokotu.

29 Kua ui aturā Iakoba, e karanga atura,

E akakite mai ana koe kiaku i toou ingoa. Kua tuatua maira aia, Eaa koe i ui mai ei i toku ingoa? kua akameitaki maira aia iaia i reira. Tapa iorū Iakoba 30 i te ingoa o taua ngai ra ko Peniela: kua akara oki au i te Atua i *tona* mata e *toku* mata, e te ora ua nei rai au.

E iaia oki i aere na Peniela, kua iti 31 maira te rū iaia, e akaea iora aia i te ūā nona ra. I kore ei te tamariki a Iseraela 32 i kai i te uana maata i raro ake i te ūā, e tae rava akenei ki teianei rū: no te mea i motoia te ūā o Iakoba i te uaua maata ra.

PENE XXXIII.

To Iakoba raua ko Esau aravei anga ma te au.

KUA nūnā akerū Iakoba i tona mata 1 ki runga, e akara atura, e i na, te aere mairū Esau, e te tangata oki e a katoa anere. Kua akamavete iora aia i te au tamariki ra, i ta Lea, e ta Rahela, e ta nga vaine tavini ra. Kua tuku atura aia 2 i nga vaine tavini, e a raua puke tamariki, ki mua, e muri ake ko Lea ia, e ana puke tamariki, e muri roa ake ko Rahela ia raua ko Iosepha. Kua aere atura aia 3 na mua ia ratou, kua tupou iora aia ki raro i te one, e itu akera tupou anga, e waitata rava akera aia ki tona tuakana. Kua oro mairū Esau e aravei iaia, takave 4 maira iaia i runga i tona kaki, e kua ongi maira iaia: aue iora raua ravarai. Kua 5 nūnā akera tona mata ki runga, kite maira i nga vaine, e te au tamariki; e kua tuatua maira, Koai teianei aronga e *aru* ia koe nei? Kua karanga atura aia, Ko te au tamariki ia ta te Atua i oronga mai na toou tavini nei. Kua aere maira 6 nga vaine tavini, e a raua puke tamariki, i waitata, kua tupou iora ki raro. Kua 7 aere katoa maira oki a Lea, e ana puke tamariki, i waitata, e kua tupou iora ki raro: e muri akera, kua aere mairū Iosepha raua ko Rahela i waitata, e kua 8 tupou iora ki raro. Kua tuatua maira aia, Eaa nanu te motuanga ravarai taku i aravei i ko nei? Kua karanga atura aia, Kia kite aroaia mai au e koe, e taku rangatira. Kua tuatua mairū Esau, E apinga maata 9 taku, e taku teina; e mou koe i tauu ra naau orai. Kua karanga aturū Iakoba, 10 Eiaa, teia taku tuatua kia koe, kua kite aroaia mai au e koe ra, e ūriki mai koe i taku nei atinga i toku rima nei; i tae mai ei au ki mua i toou aroaro nei, mei te mea e, i aere mai ki mua i te aroaro o te Atua ra, e kua kite mai koe iaku. E 11 tenana, ka rave mai koe i taku nei atinga i apaiia mai kia koe nei; no te mea, kua

takinga-meitaki mai te Atua iaku nei, e no te mea, kua maata taku apinga. Manono atura aia, e kua rave iora aia.

- 12 Kua tuatua mairū *Esau*, Taki aere
- 13 tatou, e na mua au ia koe. Kua karanga atura aia kiaia, Kua kite oki koe, e taku rangatira e, e mea apikepika te tamariki, e e mamoe tinana, e te bovi teia; e kia rapurapu ua i te taki, e rū okotai ua, ka 14 mate ia taua anana ravarai nei. Ka aere koe, e taku rangatira, na mua i toou tavini nei; e naku *teia* e taki marie atu i te *taki* e tau ki te au puaka e na mua iaku nei, e te au tamariki nei, e tae ua 15 atu au ki Seira kia koe na, e taku rangatira e. Kua tuatua mairū *Esau*, E vaio mari au i *tetai papaki* tangata oku i ko nei ia koe nei. Kua karanga atura aia, Eaa ia te reira? ko au, kia kite aroaia mai au e koe, e taku rangatira e.
- 16 Kua oki aturū *Esau* i tona tere ki
- 17 Seira i taua rū ra. Aere aturū Iakoba ki Sukota, e akatu iora i te aere nona, e kua anga i te au are no tana au puaka: i 18 tapaia i te ingoa o taua ngai ra ia Sukota. Tae ora mairū Iakoba ki te oire ra ki Sekema, i te enua ra i Kanaana, ka aere mai ei aia mei Padana-arama maira; e kua patia iora aia i tona puakapa i mua 19 ake i taua oire ra. E kua oko iora aia i tetai pae kainga, i taua patia anga puakapa nona ra, i te tamariki a Hamora, te metua no Sekema ra, i te au moni 20 okotai anere ra. E kua akatu aia i tetai atarau i reira, e kua tapa iora aia i te reira ia Eli-Eloc-Iseraela.

PENE XXXIV.

To Dina rave angaia e Sekema, e te umuumu anga atu ia Dina e akaiipoipo.

- 1 **A**ERE atura te tamaine a Lea ra a
- 2 Dina, tana i anau ia Iakoba ra, e akara i te au vaine o taua enua ra. E kite akērū Sekema te tamaiti a Hamora ngati Hevi ra, e tangata mana no taua enua ra, iaia, kua opu iora, moc atura iaia, e kua taakaaka iora. Riro atura tona ngakau kia Dina ki te tamaine a Iakoba ra, e inangaro atura aia i taua tamaine ra, kua tuatua meitaki atura ki taua tamaine 4 ra. Kua karanga atura oki a Sekema ki tona ra metua kia Hamora, na ko atura, E tiki koe i taua tamaine nei ei vaine naku.
- 5 Kite akērū Iakoba e, kua moe aia i tana tamaine ia Dina; no te mea ra, tei te kainga te au tamariki, tei te au puaka ra; muteki ua iorū Iakoba e tae maira 6 ratou. Aere atura te metua o Sekema ra ko Hamora kia Iakoba ra, e tuatua 7 kiaia ra. Tei te akarongo anga ratou i

taua tuatua ra, kua aere maira te au tamariki a Iakoba mei te kainga mai; kinokino rava akera taua aronga tangata ra; makitakita roa akera, i tana i rave ia Iseraela, i te mea viivii, i te tamaine a Iakoba i moeia ra; kare oki te reira e tika kia rave.

Kua karangaranga mairā Hamora kia ratou, na ko maira, Kua inangaro roa te ngakau o taku tamaiti nei ko Sekema i te tamaine a kotou na; teia taku tuatua kia kotou, e o mai kotou iaia ei vaine nana. E e akaipoipo mai kotou i to matou; o mai ta kotou au tamaine na matou, e rave mai oki kotou i ta matou au tamaine na kotou: E ka noo mai kotou i o matou nei: tei mua oki i to kotou araro e enua nei; ka noo, e ka oko, e kia apingaia ta kotou i reira. Kua tuatua mairā Sekema ki te metua tane, e te au tungane o taua *tamaine* ra, Kia kite aroaia mai au ki mua i to kotou araro na; e ta kotou e akakite mai kiaku ra, naku ia e oronga atu. E akamaata ua mai te ora e te apinga apai ua, e ta kotou e tuatua mai kiaku na, naku ia e oronga atu: ka o maira i taua tamaine ra ei vaine naku.

Kua karanga atura ra te tamariki a Iakoba kia Sekema, e tona metua ia Hamora, e tuatua pikikaa atura, no te mea, kua moe aia i to ratou tuaine ia Dina: Kua karanga atura kia ratou, Kare e tika ia matou kia akapera, kia oronga i to matou tuaine ki te tangata peritome koreia; ka riro oki te reira ei akakino anga ia matou. Teia ra te mea e akatika atu ei matou i ta kotou: Kia tika ia kotou kia riro mei ia matou katoa nei te tu, kia peritomeia te au tane katoa i roto ia kotou na; E oronga matou i ta matou au tamaine kia kotou i reira, e ka rave oki matou i ta kotou na au tamaine na matou, e ka noo matou i o kotou nei, e ka riro tatou ei iti-tangata okotai. Kia kore ra kotou e akarongo mai kia matou nei e, e peritomeia kotou; ka rave matou i ta matou tamaine nei, e e aere matou. Mareka rava akera Hamora, e te tamaiti a Hamora ra ko Sekema, i taua tuatua na ratou ra. Kare akera taua tangata ou ra i tavare i te rave i taua peu ra, no te mea, kua inangaro aia i taua tamaine a Iakoba ra: ko koia ra tei akangateiteia i te ngutuare katoa o tona metua ra.

Aere aturā Hamora, e te tamaiti nana ra ko Sekema, ki te ngutupa o to ratou oire, e kua karangaranga atura ki te au tangata no to ratou ra oire, na ko atura, E aronga tangata au teianei aronga i roto ia tatou nei; vaoo kia noo ua ratou i ko

nei i te enua nei, oko ua i ta ratou oko anga i reira; e enua maata oki, kare e kapi ia ratou: e rave oki tatou i ta ratou au tamaine ei vaine na tatou, e e oronga atu oki tatou i ta ratou au tamaine na ratou. Teia ra te mea e tika i taua aronga tangata nei kia noo i rotopu ia tatou, e kia riro ei iti-tangata okotai; kia peritomeia te au tane ravarai o tatou nei, mei ia ratou katoa i peritomeia ra. Kare aina e riro mai ta ratou anana, ta ratou au apinga, e ta ratou au puaka ravarai kia tatou nei? E akatika ua atu tatou ia ratou, e ka noo ia ratou i o tatou nei. Kua akarongo maira te aronga katoa i tomo na te ngutupa o tona oire kia Hamora, e tana tamaiti ra kia Sekema; e peritomeia iora te au tane katoa, te aronga ravarai i tomo ki te ngutupa o tona oire ra.

Kia tae ra ki te toru o te rā ra, kia mamae ratou, kua rave akera e toko rua o nga tamariki a Iakoba ra, ko Simeona raua ko Levi, nga tungane o Dina ra, i a raua koke, tetai e tetai, kua tomo atura ki roto i te oire, kare i matakau, ta iora i te au tane ravarai e mate roa akera: Ta iora oki raua ia Hamora, e te tamaiti nana ra ia Sekema, ki te mata koke, e rave atura oki ia Dina i roto i te are o Sekema ra, e kua aere maira ki vao. Tei runga roa maira *tetai papaki* tamariki na Iakoba ra, i tei taia ra, e tairipoti roa akera taua oire ra, no te mea, kua moe ratou i to ratou tuaine ra. Kua apai ke ratou i ta ratou au mamoe, e ta ratou au bovi, e ta ratou au asini, ko to roto i te oire ra, e to vao katoa ra, E ta ratou apinga tini ravarai; e ta ratou au vaine, e ta ratou au tamariki mea riki katoa ra, akariroia ia ei tuikaa; e noniia iora te *apinga* ravarai i roto i te are. Kua tuatua mairā Iakoba kia Simeona raua ko Levi, Kua tumatetenga roa au ia korua, i te akariro anga iaku ei mea viivii i te au tangata o ta enua nei, i te ngati Kanaana, e te Perizi; e no te mea, e iti au nei, e riro ratou i te uipa e rave iaku, e ta; mate iora au, e toku katoa nei ngutuare. Kua karanga atura raua, E rave mai oki aia i to maua tuaine, mei te rave i te akaturi ra?

PENE XXXV.

To Iakoba tono angaia ki Betela, e te akariure anga i te au idolo i tona ra ngutuare: kua mata a Rahela i te anau tamariki; e to Isaaka matenga.

KUA tuatua maira te Atua kia Iakoba, Ka tu, ka aere ki Betela, ka noo atu ei ki reira; ka akatu i tetai

atarau i reira na te Atua, ko tei mama
mai kia koe, ka oro e i koe i te mata o
toou tuakana ra ko Esau. Kua tuatua
mairā Iakoba ki tona ngutuare, e te au
tangata katoa ki ona ra, Ka akaruke i
te au atua ke ke i roto i kotou, ka tūma
ana ia kotou, e kakau oki ki te kakau
ke; E tu tatou, e aere ki Betela; e
naku e akatu i tetai atarau i reira na
te Atua, ko tei akarongo mai iaku i
te rā i tumatetenga'i au ra, e ko tei
vaitata mai kiaku i taua aerenga noku
ra. Kua apai atura ratou i te au atua
ke ke katoa, ta ratou i mou ra, kia Iako-
ba ra, e te au pōe *ruvarai* i roto i to
ratou taringa; e kua uuna iorā Iakoba
ki raro ake i te ale i vaitata ki Sekema.
Riro atura ratou i to ratou tere: rokoia
iora taua au oire ra e pini ua ake e te
matakū maata i te Atua ra, kare akera
ratou e aruuru i te au tamariki na Iako-
ba ra.

Tae aturā Iakoba ki Luza, koia rai
Betela, i te enua ra i Kanaana, koia e te
tangata katoa ki ona ra. Kua akatu
iora aia i tetai atarau i reira, e tapa
iora i taua ngai ra ia Eli-betela: no te
men, i mama mai te Atua kiaia i reira,
ka oro e i aia i te mata o tona tuakana
ra. Mate iora te iiki i Rebeka ra ko
Debora, e tanumia iora i reira i Betela,
i raro iora, i raro ake i tetai ale; tapai
iora te ingoa ia Alona-bakuta.

Kua mama akaou mairai te Atua kia
Iakoba, i tona oki anga mai mei Padana-
arama maira, e kua akameitaki maira
iaia. Kua tuatua maira te Atua kiaia, Ko
Iakoba toou ingoa: kare toou ingoa e tua-
tua akaouia ia Iakoba, ko Iseraela ratou
ingoa: kua tapa iora aia i tona ingoa ko
Iseraela. Kua tuatua maira te Atua ki-
nia, Ko au te Atua Mana katoatoa; ka
akakatiri, e kia maata: e iti-tangata *ka-
loa*, e manganui ua atura te iti-tangata te
ka tupu ia koe, e e ui ariki tauu e anau.
E te enua taku i oronga atu kia Abe-
rahama, e kia Isaaka, ko taku ia e o atu
noou, e no toou ra uanga i muri ake ka
o atu e i au i taua enua ra. Riro atura
te Atua ki runga, vaoo maira iaia, i
taua ngai tana i tuatua mai kiaia ra.
Kua akatu iorā Iakoba i te tuau i taua
ngai tana i tuatua mai kiaia ra, e tuau
toka; e kua riringi iora aia i te neseka
ki rungao, e kua riringi katoa oki aia i
te manongi ki rungao. Tapa iorā Ia-
koba i te ingoa o taua ngai i tuatua
mai e i te Atua kiaia ra, ia Betela.

Aere atura ratou mei Betela atu; 16
e ngai iti te toe e tae atu e i Epher-
ata; rokoia Rahela e te mamae anau,
e mamae maata tona i te anau anga

17 mai. E te maata roa ra tona mamae
anau, kua tuatua maira te akaanau
kiaia, Auraka e matakū; ko tetai tama-
18 roa katoa teia naau. E vaitata akera aia i
te rere, mate roa akera oki aia, tapa iora
aia i tona ingoa ko Beni-oni: tapai iora
ra aia e tona metua tane ia Beniamina:
19 Mate iorā Rahela, e tanumia iora i te
arataa ki Ephrata, koia Betelehema
nei. Kua akatu iorā Iakoba i tetai pou
20 toka i te tanumanga ra; koia te pou i
te tanumanga o Rahela ra, e tae roa
akenci ki teianci rā.
21 Aere aturā Iseraela, e kua patia iora
i tona puakapa i tera atu pae i Migā-
22 dala-ederā. Te noo rā Iseraela i te
reira enua, i aere e i Reubena i moe e i
te palake a tona metua tane ra ia Bila:
e akakitia mairā Iseraela.

Tino ngauru ma rua au tamariki a Ia-
23 koba: Ko ta Lea ra puke tamariki; ko
Reubena ia, ko ta Iakoba ia tama
mua, e ko Simcona, e ko Levi, e ko
24 Iuda, e ko Isakara, e ko Zebuluna: Ko
ta Rahela puke tamariki; ko Iosepha
25 ia, e ko Beniamina: E ko ta Bila puke
tamariki, ta te tavini vaine o Rahela
26 ra; ko Dana ia, e ko Naphatali: E ko
ta Zilipa puke tamariki, ta te tavini
vaine o Lea ra; ko Gada ia, e ko Asera:
ko nga tamariki eia na Iakoba, tana i
anau i Padana-arama ra.

27 Aere aturā Iakoba ki tona metua ra
kia Isaaka ki Mamera ra, ki Kiriata-
araba, koia Heberona nei, ki te ngai i
nooia e Aberahama raua ko Isaaka ra.
28 Kua tae atura to Isaaka au rā ki te
okotai anere e varu ngauru mataiti.
29 Rere takiri akera Isaaka, mate rava
akera, e kapiti katoaia atura ki tona
uorai iti-tangata, kua ruaine, e kua
rai roa ona puke rā: e na nga tamariki
ana ra na Esau raua ko Iakoba aia i
tanu.

PENE XXXVI.

*Ta Esau au vaine toko toru, e tona aere
anga atu ki te mauanga ra ko Seira:
te tuatua ia Esau.*

1 **T**EIA te tuatua ia Esau, koia oki
2 Edoma. No te au vaine Kanaana
ta Esau puke vaine i te rauka anga;
ko Ada te tamaine a Elona ngati Heta
ra, e ko Aholibama te tamaine a Ana,
te tamaine a Zibeona ngati Hevi ra;
3 E ko Basemata te tamaine a Isemaela,
4 e tuaine no Ncbaiota. E anau akera ta
Ada ia Esau, ko Eliphaza ia; e anau
5 akera oki ta Basemata, ko Reuela; E
anau akera ta Aholibama, ko Ieusa, e
ko Isaalama, e ko Kora: ko nga tama-

riki ia a Esau, tana i anau i te enua ra i Kanaana. Kua rave akerā Esau i nga vaine nana, e nga tamariki tamaroa, e nga tamaine, e te au tangata katoa o tona ra ngutuare, e tana anana, e te au puaka katoa nana, e te au apinga katoa nana ra, i tei rauka iaia i te enua ra i Kanaana; aere atura aia ki tetai enua, mei mua atu i te aroaro o tona teina ra, ko Iakoba. Kare akerā oki i tika ia raua kia noo i te ngai okotai, i te maata anga o to raua apinga; kare raua i o i te enua ta raua i purutia ua na, i te rai o ta raua au puaka. Noo aturā Esau i te maunga ra i Seira. Ko Esau ra ko Edoma ia.

Teia oki te tuatua ia Esau, ko te metua o te ngati Edoma i te maunga ra i Seira: Teia te ingoa o te au tamariki tamaroa a Esau ra; ko te tamaiti a te vaine a Esau ra a Ada, ko Eliphaza ia: te tamaiti a te vaine a Esau ra a Basemata, ko Reuela ia. Ko ta Eliphaza ra tamariki, ko Temana ia, e ko Omara, e ko Zepho, e ko Gatama, e ko Kenaza: E ta te tamaiti a Esau ra palake ta Eliphaza, ko Timena ia; e anau maira tana ia Eliphaza, ko Amaleka: ko nga mokopuna ia a te vaine a Esau ra a Ada. Teia oki nga tamariki a Reuela; ko Nahata ia, e ko Zera, e ko Sama, e ko Miza: ko nga mokopuna ia a te vaine a Esau ra a Basemata. Teia nga tamariki a Aholibama, te tamaine a Ana, te tamaine a Zibeona, te vaine a Esau ra, ta Esau i anau iaia: ko Ieusa ia, e ko Iaalama, e ko Kora.

Teia te aronga kavana i anau i te tamariki a Esau ra; ta te tama mua a Esau ra tamariki ta Eliphaza; ko te kavana ra ko Temana, te kavana ra ko Omara, te kavana ra ko Zepho, te kavana ra ko Kenaza, Te kavana ra ko Kora, te kavana ra ko Gatama, te kavana ra ko Amaleka: ko nga kavana ia ta Eliphaza i anau i te enua ra i Edoma; ko nga mokopuna oki eia no Ada. Teia nga tamariki a Reuela te tamaiti a Esau ra; ko te kavana ra ko Nahata, te kavana ra ko Zera, te kavana ra ko Sama, te kavana ra ko Miza: ko nga kavana ia ta Reuela i anau i te enua ra i Edoma: ko nga mokopuna ia a te vaine a Esau ra a Basemata. Teia oki nga tamariki a te vaine a Esau ra a Aholibama; ko te kavana ra ko Ieusa, te kavana ra ko Iaalama, te kavana ra ko Kora: ko nga kavana ia ta te vaine a Esau ra, ta Aholibama te tamaine a Ana, i anau. Ko nga tamariki eia a Esau ra, koia oki ko Edoma, e ko nga kavana teia no ratou.

20 Teia nga tamariki a te ngati Hori ra ko Seira, ko tei noo ana i te enua ra; ko Lotana, e ko Sobala, e ko Zibeona, e ko Ana, E ko Disona, e ko Ezera, e ko Disana: ko nga kavana ngati Hori ia, te tamariki na Seira i te enua ra i Edoma. E ta Lotana puke tamariki ra, ko Hori ia, e ko Hemana; e ko to 23 Lotana tuaine, ko Timena ia. Teia oki nga tamariki a Sobala; ko Alavana ia, e ko Manaata, e ko Ebalala, e ko 24 Sepho, e ko Onama. Teia oki nga tamariki a Zibeona; ko Aia, e ko Ana: ko taua Ana ra teia i kitea e ia te vai maanaana i te medebara ra, ka tiaki ei aia i te au asini a tona metua ra a 25 Zibeona. Teia oki nga tamariki a Ana; ko Disona, e ko Aholibama, e tamaine 26 na Ana. Teia oki nga tamariki a Disona; ko Hemedana, e ko Esebana, 27 e ko Itarana, e ko Kerana. Teia nga tamariki a Ezera; ko Bilana, e ko Zaavana, e ko Akana. Teia nga tamariki a 29 Disana; ko Uza, e ko Arana. Teia nga kavana ngati Hori ra; ko te kavana ra ko Lotana, te kavana ra ko Sobala, te kavana ra ko Zibeona, te kavana ra ko Ana, Te kavana ra ko Disona, te kavana ra ko Ezera, te kavana ra ko Disana: ko nga kavana ngati Hori teia, no to ratou au kavana i te enua ra i Seira.

31 Teia te au ariki i rauka te au i te enua ra i Edoma, kare rai e ariki i rauka te au i runga i te tamariki a 32 Iseraela. Tei ia Bela te tamaiti a Beora te au i Edoma: e te ingoa o 33 tona oire ko Dinaba ia. Mate iorā Bela, tupauia akera aia i te au e Ioba- 34 ba te tamaiti a Zera i Bozara ra. Mate iorā Iobaba, tupauia akera aia i te au e Husama no te enua o te ngati Te- 35 mani ra. Mate iorā Husama, tupauia akera aia i te au e Hadada te tamaiti a Bedada, i tei ta ia Midiana i te enua ra i Moabi: e te ingoa o tona ra oire, ko 36 Avita ia. Mate iorā Hadada, tupauia akera aia i te au e Samala i Masareka 37 ra. Mate iorā Samala, tupauia akera aia i te au e Saula i Rehobota i te pae 38 vai ra. Mate iorā Saula, tupauia akera aia i te au e Baala-hana te tamaiti a 39 Akabora ra. Mate iorā Baala-hana te tamaiti a Akabora, tupauia akera aia i te au e Hadara: e te ingoa o tona ra oire, ko Pau ia: e te ingoa o tana vaine ra ko Mehetabela, te tamaine a Mate- 40 reda, te tamaine a Mezahaba. Teia te ingoa o te au kavana ta Esau i anau, i to ratou ra au kopu-tangata, e to ratou ra au ngai, e to ratou au ingoa; ko te kavana ra ko Timena, e te kavana ra

ko Alava, te kavana ra ko Ieteta, Ko 41
te kavana ra ko Aholibama, te kavana
ra ko Ela, te kavana ra ko Pinona, Te 42
kavana ra ko Kenaza, te kavana ra ko
Temana, te kavana ra ko Mibizara, Te 43
kavana ra ko Magidiela, te kavana ra
ko Irama : ko te au kavana ia i Edoma,
i to ratou ra au kainga, i te enua ta ra-
tou i noo ra. Koia oki ko Esau, ko te
metua o te ngati Edoma ra.

PENE XXXVII.

*To Iosepha vareae angaia e te au tua-
kana ; e tona oko angaia ki te ngati
Isemaela.*

NOO iorā Iakoba i te enua i puru- 1
tiaia e tona metua, i te enua ra i
Kanaana. Teia te tuatua ia Iakoba ra. 2
Tae akerā Iosepha ki te ngauru ma itu
o tona mataiti, te tiaki ra aia i te anana,
koia e tona ai tuakana ra ; e tamaiti
uaorai aia, tei roto rai i nga tamariki a
Bila, e nga tamariki a Zilipa, nga vaine
a tona metua tane ra : e kua apai oki a
Iosepha i ta ratou tuatua kino ki to
ratou metua ra. E e akaperepere maata 3
to Iseraela ia Iosepha i tana au tama-
riki ravarai, no te mea e tamaiti aia no
tona ruaine anga ra : e kua tui aia i te
tetai kakau tipurepure nona. E kite 4
akera tona ai tuakana e, e akaperepere
maata to ratou metua iaia i te au tua-
kana ravarai nana ra, kua makitakita
maira ratou iaia, e kare i tika ia ratou
kia tuatua maru mai kiaia.

E moe ta Iosepha, e kua akakite 5
atura ki tona ai tuakana : maata roa
maira to ratou makitakita iaia. Kua 6
karanga atura aia kia ratou, E akarongo
mai ana kotou i teianei moe, i mocia
e au nei : I na oki, te ruru ra tatou i te
ruru sitona i te kainga, e i na, kua tu
akera taku ra ruru, tu ua maira ki
runga ; e i na, kua tu akapini maira ta
kotou au ruru e kako roa ake, e kua 7
tupou maira ki taku ra ruru. Kua
tuatua maira tona au tuakana kiaia, E 8
mana ainei koe ki rungao ia matou nei?
e riro tika aina koe ei kavana no ma-
toui ? Maata rava atura to ratou maki-
takita iaia i nga moe nana, e te tuatua
nana.

Kua moe akaou iora oki aia i tetai 9
moe, e kua akakite atura ki tona ai
tuakana, na ko atura, I na, kua moe
akaou rai au i tetai moe ; e i na, ko te
rii, e te marama, e nga etu okotai nga-
uru ma tai ra, tei tupou mai ia kiaku
nei. Tei te akakite anga atu aia ki 10
tona metua tane, e tona ai tuakana i te
reira, kua kauvae maira tona metua

tane iaia, na ko maira kiaia, Ean tenana
moe i moe ei koe na ? Ko au aina, e to
metua vaine, e to ai tuakana, te ka aere
atu ka tupou tika atu ei ki raro i te one,
11 ki mua ia koe na ? Kua vareae maira
tona ai tuakana iaia ; kareka tona metua
tane, vaoa marie iora i taua tuatua ra.

12 Kua aere atura tona ai tuakana e
tiaki i te mamoe a to ratou metua i Se-
13 kema ra. Kua tuatua mairā Iseraela
kia Iosepha, Kare aina te tiaki ra to ai
tuakana i te anana i Sekema ? Ka aere
mai, e tono atu au ia koe kia ratou ra.
14 Kua karanga atura aia, Teia au. Kua
tuatua maira aia kiaia, Teia taku tua-
tua kia koe, ka aere ana koe, e akara i
to ai tuakana i te meitaki anga, e te
meitaki anga o te anana ; ka oki akaou
mai ei, e akakite mai kiaku i te tuatua.
Kua tono atura aia iaia, mei te o atu
mei Heberona, e tac atura aia ki Se-
kema.

15 E kitca iora aia e tetai tangata, e i
na, te uoa aere ua ra aia i te ngangare :
kua ui maira taua tangata ra kiaia, na
16 ko maira, Eaa tauu e kimi ana ? Kua
karanga atura aia, Te kimi nei au i
toku ai tuakana : e akakite mai ana koe
kiaku i ta ratou tiaki anga i ta ratou au
17 anana. Kua tuatua maira taua tangata
ra, Kua aere ke akenei ; kua aka-
rongo oki au ia ratou i te tuatua anga
e, E aere tatou ki Dotana. Kua aru
aturā Iosepha i tona ai tuakana, e
rokoa atura tei Dotana.

18 Kia akara maira ratou iaia i te atea
ke ; kare rai aia i vaiata mai ia ratou,
kua kotikoti kupenga iora ratou e ta
19 iaia. Kua karangaranga iora ratou
ratou orai, I na, te aere mai nei taua
20 tangata moemoea ra. E teianci, e aere
mai tatou, e ta iaia, ka akaruke atu ei
ki roto i tetai vaarua, ka karanga atu
ei tatou e, I pou i tetai terio kino ; ei
reira tatou e kite ei i tana moe i te
21 tupu anga. Kia akarongo rā Reubena,
kua akaora aia iaia i to ratou rima ; e
kua karanga atura, Auraka tatou e ta-
22 mate rava iaia. E kua karanga aturā
Reubena kia ratou, Auraka kia ta'e te
toto ; e titiri ra ki raro i teianei vaarua
i te medebara nei, auraka ra e ta ; te
akakoro ra aia e akaora iaia i to ratou
rima, ka tono akaou atu ei ki tona me-
tua tane ra.

23 E tae ua mairā Iosepha ki tona au
tuakana ra, kua kiriti iora ratou i to
Iosepha kakau ra, koia oki taua kakau
24 tipurepure nona i runga iaia ra ; Kua
arataki atura ratou iaia, titiri atura ki
raro i te vaarua : kare ua ra o roto i
taua vaarua ra, kare e vai o roto.

Kua noo iora ratou ki raro e kai i te 25
kai; kua nānā akera to ratou mata ki
runga, kite atura, e i na, tetai pouou
ngati Isemaela, te aere maira mei Gi-
leada mai, ma ta ratou au kamela, kua
teiaa i te nakata, e te zuri, e te luta, te
apai ra ki Aiphiti. Kua karanga aturā 26
Iuda ki tona ai tacake, Eaa ta tatou
puapinga kia ta tatou i to tatou teina,
ka uuna ua atu ei i tona toa? Aere 27
mai, tatou e oko ki te ngati Isemaela,
auraka ra tatou e ta iaia; e teina oki
aia no tatou, ko to tatou ia kiko aia nei.
Kua akatika maira taua au taeake nona
ra. E tei te aerenga mai taua au ta- 28
ngata oko no Midiana ra i vaitata, kua
totō maira ratou ia Iosepha ki runga
mei raro mai i te vaarua ra, e kua oko
atura ia Iosepha ki te ngati Isemaela,
i nga ario okotai takau ra: kua kave
atura ratou ia Iosepha ki Aiphiti.

Kua oki aturā Reubena ki taua 29
vaarua ra; e i na, kare rā Iosepha i
roto i taua rua ra; kua aae iora aia i tona
kakau. Kua oki maira aia ki tona ai 30
taeake, na ko maira, Kare rai te tamaiti
nei; ko au nei oki e, ka aere tika au
nei kica?

Kua rave iora ratou i te kakau o Io- 31
sepha ra, ko iora i tetai punua puaka-
nio, e kua takū iora i taua kakau ra ki
roto i te toto ra: Kua akau atura ratou 32
i taua kakau tipurepure, e kua apai
atura ki to ratou metua tane ra, e kua
karanga atura, Kua kitea e matou teia-
nei kakau, ka akara koe, ko te kakau
aina o to tamaiti, me kare? Kua kite 33
atura aia i taua kakau ra, e kua tuatua
maira, No taku tamaiti te kakau! kua
pou aia i tetai terio kino: kua etieti
roaiā Iosepha! Kua aae iorā Iakoba i 34
tona kakau, kua pareu iora ki te kakau
paoa, aue iora i tana tamaiti e manga-
nui te rā. Kua timata iora tana katoa 35
ra au tamariki tamaroa e te au tamaine
katou i te akapumaana iaia; kare ake-
rai i tika iaia; e kua tuatua maira aia,
E aere roa au ki raro i te vaarua ma
te aue, i taku tamaiti. Aue iora tona
metua iaia. Kua okoia ra aia e to Mi- 36
diana i Aiphiti, tei ia Potipharā, e
tangata taoonga i o Pharao, e kapena
no te vaaeau.

PENE XXXVIII.

*Te au tamariki a Iuda, ko Era, ko
Onana, e ko Sera; e ko tana vaine
ia Tamara.*

TEI taua tuatua ra, to Iuda vaoo 1
anga i tona ai tacake, e aere atura
e tapae iora ki o tetai tangata Adulama,

2 ko Hira tona ingoa. E kite aturā Iuda
i tetai tamaine i reira, na tetai ngati
Kanaana ra, ko Sua tona ingoa; e kua
akaipoipo iora aia iaia, e moe atura iaia.
3 Kua to iora oki aia, e anau maira, e
tamaiti; tapa iora aia i tona ingoa ko
4 Era. Kua to akaou iora oki aia, e
anau maira, e tamaiti; tapa iora i tona
5 ingoa ko Onana. Kua anau akaou mai-
rai oki aia i tetai tamaiti; tapa iora i
tona ingoa ko Sela: tei Keziba oki aia,
ka anau ei aia iaia.
6 Kua rave iorā Iuda i tetai vaine na
tana tama mua ra na Era, ko Tamara
7 tona ingoa. E e tangata tuatua kino
taua tama mua a Iuda ra, ko Era, i
mua i te aroaro o Iehova; e mate iora
8 aia ia Iehova. Kua karanga aturā Iuda
kia Onana, Ka tiki e akaipoipo i te
vaine a toou tuakana, ka akaanau tama
9 ei tamariki na toou tuakana. No te
mea ra kua kite a Onana e, kare ia ta-
mariki e tuatuaia e nana uorai; kua
akakore aia i te tamariki, kare i aka-
anau ei tamariki na tona tuakana, mee
ua'i aia i taua vaine a te tuakana ra.
10 E mea kino roa ra tana i rave ki mua
i te aroaro o Iehova ra; i tamate
11 katoa atu ei aia iaia. Kua karanga
aturā Iuda ki tana unonga kia Tamara,
E noo takaua i te are o toou metua nei,
e kia pakari taku tamaiti nei ko Sela:
karanga oki aia e, Ko te mate katoa
aea aia, mei ona nga tuakana i mate ra.
Aere aturā Tamara, noo atura i te are
o tona metua ra.
12 E manganui akera te rā, mate iora
taua tamaine a Sua ra, te vaine a Iuda;
e mao akera to Iuda aue, e aere atura
aia ki te au tangata pakoti mamoe nona
ra ki Timenata, koia, e tona oa ra ko
13 Hira i Adulama. Kua akakiteia mairā
Tamara, na ko maira, I na, te aere ra
to metua ongoai ki Timenata e pakoti
14 i tana au mamoe ra. Kua kopae atura
aia i tona kakau takaua ra, e kua kakau
iora ki te kakau tapoki, vai iora iaia
uaorai, noo iora i te ngutupa i Enaima,
i te arataa ki Timenata ra: kua kite
oki aia e, kua pakari a Sela, kare ra aia
15 i o atua ei vaine nana. E kite aturā
Iuda iaia, kua manako aia e, e vaine
akaturi; kua tapoki oki aia i tona mata.
16 Kua tapae atura aia kiaia ra, kua ka-
rangata atura, Teia taku tuatua kia koe,
o atu au ki ko na kia koe na; kare oki
aia i kite e, ko te unonga ia nana.
Kua tuatua maira aia, Eaa taua e o
mai naku, kia tukuia mai koe ki ko nei
17 kiaku nei? Kua karanga atura aia, E
akau atu au kia koe i tetai punua puaka-
nio no roto i te anana akera. Kua

tuatua maira aia, E oronga mai ainei koe i tetai apinga ei akairo *naku* e kia akau mai koe i *taua puaka* ra? Kua 18 karanga atura aia, Eaa taku apinga e apai atu ei akairo naau? Kua tuatua maira aia, Toou sigilo, e to tatua na, e to rakau i to rima na. Kua apai atura aia i *taua au apinga* ra kiaia, e kua aere atura ki roto iaia ra, e kua to iora aia iaia ra. Kua tu akera aia ki runga, 19 aere ke atura, e kopae atura i tona kakau tapoki ra, e kua kakau iora ki te kakau vaine takaua nona ra. Kua 20 akau aturā Iuda i *taua* punua puakanio ra, i te rima o te oa ko te tangata Adulama ra, kia rave mai aia i te apinga i mouria e *taua* vaine ra; kare ra aia i kitea e ia. Kua ui atura aia ki 21 te au tangata no tona ngai ra, na ko atura, Teiea te vaine akaturi i Enaima i te pac arataa ra? Kua tuatua maira ratou, Kare o ko nei vaine akaturi. Kua oki maira aia kia Iuda ra, e tua- 22 tua maira, Kare aia i kitea e au; e kua tuatua maira oki te au tangata no taua ngai ra, Kare roa e vaine akaturi i tae mai i ko nei. Kua karanga aturā Iuda, 23 E vaoa ua atu kia mou ua na aia i tana, ko te akama aea taua: i na, kua akau oki au i teianei punua puaka-nio, e kare aia i kitea e koe.

E ope akera nga marama e toru, kua 24 akakiteia mairā Iuda, na ko maira, Kua akaturi to unonga ra, ko Tamara; e i na oki, kua nui aia i te akaturi. Kua karanga aturā Iuda, Ka arataki mai iaia ki vao nei, kia ta'ua ki te ai. E kia aratakiia mai aia ki vao, kua 25 tonono atura aia i te karere ki te metua ongoai nona ra, na ko atura, Ko te tangata nana teianei *au apinga*, i nui ei au nei: e kua karanga atura oki aia, Ka akara na, ko taku ia tuatua kia koe, e naai taua au mea nei, te sigilo, e te tatua, e te rakau nei. Kua aaki mairā 26 Iuda i *taua au apinga* ra, e kua tuatua maira, E tuatua-tika tana i taku; ko au kare i oronga atu iaia ki taku tamaiti nei kia Sela. Kare roa aia i kite akaou atu iaia.

E tae akera ki te tuatau e anau ei 27 aia ra, e i na, e maanga tei roto i tona kopu. E tei taua mamae anau anga 28 nona ra, kua tuku maira *tetai i tona* rima ki vao, kua opu iora te akaanau, e kua takai i te ao muramura ki runga i taua rima nona ra, na ko akera, Ka riro teianei i te tama mua. Kia akaoki 29 ra aia i tona rima, i na, kua anau maira tetai; kua tuatua akera aia, Eaa koe i va'i ua mai ei? ei runga ia koe *teianei* va'inga: i tapai'i tona ingoa ia Pha-

30 reza. E muri akera kua anau maira tona tacake, tei iaia te ao muramura i te rima ra; e i tapai'a tona ingoa ia Zara.

PENE XXXIX.

To Iosepha akateitei angaia i te ngutuare o Potipharā, e tona tuku angaia ki roto i te are tapekanga.

1 **K**UA apaiia aturā Iosepha ki Aiphiti; e na tetai tangata Aiphiti, ko Potipharā, e tangata taoonga i o Pharao, e kapena no te vacau, i oko mai iaia i te ngati Isemaela, ko tei 2 arataki iaia ki reira. E tei ia Iosepha rā Iehova, i meitaki ei oki aia; e tei te are o tona pu o te tangata Aiphiti ra. 3 Te kite ra oki tona pu e, tei iaia Iehova; e te au mea katoa tana i rave ra, 4 kua akamanuia ia mai e Iehova: E i kite aroaia mai a Iosepha e ia, e kua tavini atu aia iaia: e kua akariro aia iaia ei akaere i tona ra ngutuare, e te *apinga* ravarai nana ra kua tuku atura 5 ia aia ki tona rima. E mei tona akariro anga mairai iaia ei akaere i tona ra ngutuare, e te *apinga* ravarai nana ra, kua akameitakiia mai te ngutuare o taua tangata Aiphiti ra e Iehova ia Iosepha; e kua akameitakiia e Iehova te *apinga* ravarai nana, to roto i te are, e 6 to vao katoa. Akaruke ua atura aia i te *apinga* ravarai nana ra kia Iosepha; kare ua atura aia i akono ua atu i te au mea katoa nana ra, mari ra i te kai tana uaorai i kai ra. E purou oki a Iosepha i te tu, e te mata meitaki. 7 E i muri ake i te reira, kua akara maira te mata o te vaine a tona pu ia Iosepha; e kua tuatua maira, E moe 8 ana taua. Kare ra aia i akatika atu, e kua karanga atura ki te vaine a taua pu nona ra, I na oki toku pu, kare rava aia e akono mai i te au mea katoa iaku i te are nei, e kua tuku mai aia i te au 9 mea katoa nana ki toku nei rima. E kare roa e tangata i maata i teianei are iaku; e kare roa ana apinga i tāpu iaku, mari ra ko koe, ko te vaine nana orai: eaa oki au e tika'i kia rave i tenana kino maata, e te ara i te Atua? 10 Tuatua ua mairai aia kia Iosepha i tera rā i tera rā, kare rava aia i akarongo atu iaia e, e moe atu iaia, kare oki i piri 11 atu iaia. E i taua au rā ra, aere aturā Iosepha ki roto i te are e rave i tana angaanga; e kare rava tetai tangata o 12 taua ngutuare ra i roto. Kua opu maira taua vaine ra iaia i tona kakau, na ko maira, E moe ana taua. Kua akaruke atura aia i tona kakau i tona

rima, e oro maira, e tae maira ki vao. E kia akara mai aia ra e, kua akaruke 13 aia i tona kakau i tona rima, e kua oro ki vao, Kua kapiki iora aia ki te au 14 tavini tane nona ra, kua tuatua maira kia ratou, na ko maira, I na, i arataki mai nei aia i taua ngati Ebera ki o tatou nei, ei kanga mai ia tatou! i aere mai oki aia kiaku nei, e moe iaku, kua kapiki nui atura au: E kia akarongo 15 maira aia e, kua akamaata au i toku reo, e kua kapiki, kua akaruke maira aia i tona kakau kiaku nei, kua oro iora, e riro ke atura. Kua vao iora 16 aia i taua kakau nona ra ki tona pae, e kia tae maira tona pu ki te are. Kua 17 karanga atura taua vaine ra kiaia, na ko atura i te tuatua anga atu, Ko te tavini ngati Ebera nei, tauu i arataki mai ki o tatou nei, i aere mai aia kiaku e kanga mai iaku: Kia akamaata ra au 18 i toku reo, e kia kapiki, kua akaruke maira aia i tona kakau kiaku nei, kua oro ke atura.

E kite akera taua pu nona ra i te 19 tuatua a te vaine, tana i tuatua mai kiaia ra, i te tuatua e, I pera mai to tavini kiaku; kua tupu iora tona riri. Kua 20 rave akera taua pu o Iosepha ra iaia, e kua tuku atura iaia ki roto i te are tapekunga, ki te ngai i tapekaia i te au tangata i tapekaia e te ariki ra: i reira aia i taua are tapekunga ra.

Tei vaitata ra Iehova ia Iosepha, e 21 kua takinga-meitaki maira iaia, e i akaperepereia mai aia iaia e te tiaki i taua are tapekunga ra. E kua tuku 22 maira taua tiaki i te are tapekunga ra, i te au tangata katoa i tapekaia i roto i taua are tapekunga ra, kia Iosepha; e te au mea ravarai ta ratou i rave i reira ra, na Iosepha ia i rave ei. Kare rava 23 taua tiaki are tapekunga ra i akara ua atu i te au mea katoa i tona rima ra; tei iaia oki a Iehova, e tana i rave ra, na Iehova ia i akariro ei mea meitaki.

PENE XL.

E puke tavini o Pharao i tapekaia ra, ta raua moe, e ta Iosepha akakite anga i te aiteanga.

E MURI akera i teianei au mea, ara 1 iora te raverave-wina, e te rave-kai a te ariki o Aiphiti, i to raua ra pu, te ariki o Aiphiti ra. Riri roa akera 2 Pharao i nga tangata taoonga toko rua nona ra, i te rangatira raverave-wina, e te rangatira rave-kai; Kua tuku atura aia 3 ia raua ki roto i te are tiaki a te kapena vacau ra, ki roto i te are tapekunga, i te ngai i tapekaia i a Iosepha ra. Kua 4

tuku atura te kapena vacau ia raua kia Iosepha ra ei tiaki, e nana e raverave ia raua: vaoa tapeka uaia iora raua i etai puke ra.

5 E e moe ta raua ravarai, e moe ke ta tetai, e moe ke ta tetai, okotai rai po, e e ariteanga tikai to aua nga moe ra, taua raverave-wina, e te rave-kai a te ariki o Aiphiti, i roto i taua are tapekunga raua i te tapeka anga- 6 ia ra. E popongi akera, kua aere maira Iosepha ki roto kia raua ra, e kua akara ia raua, e i na, kua tuma- 7 tetenga raua. Kua ui maira aia ki nga tangata taoonga o Pharao i roto katoa i taua are tiaki o tona pu ra, na ko maira, 8 Eaa i kinokino ei to korua mata i teianei ra? Kua karanga atura raua kiaia, E moe ta maua, e kare rava e tangata ei akakite mai i te aiteanga. Kua 9 tuatua maira Iosepha kia raua, Kare ainei noko mai i te Atua ra te au aiteanga moe? ka akakite mai ana korua kiaku. 9 Kua akakite atura te rangatira raverave-wina ra i tana moe kia Iosepha, na ko atura kiaia, I na, e vine tei mua 10 iaku, i taua moe naku nei; E toru mangamanga to taua vine ra: e mei te mea te kao ra, e te puiaia ra; e para 11 atura te kaui vine ra. E tei toku rima te kapu a Pharao ra; kua rave atura au i taua au vine ra, kua kumu iora ki roto i taua kapu a Pharao ra, e kua tuku atura au i te kapu ki roto i te 12 rima o Pharao. Kua tuatua maira Iosepha kiaia, Teia te ariteanga i te reira: Aua nga mangamanga e toru ra, e ra ia 13 e toru nei: Kia po toru ake ka taka ia ta Pharao tuatua ia koc, e ka akaoki ia koe i taua na taoonga: e naau e tuku i te kapu a Pharao ki roto i tona rima, mei tei muatanga ko koe tona rave- 14 rave-wina ra. Kia meitaki ra koe ra, ka akamaara mai koe iaku nei, ka takinga-meitaki mai ei koe iaku nei, ko taku ia tuatua kia koe na; e e akakite koe kia Pharao iaku nei, kia tukua au e koe ki vao i teianei are: I keiaia mai oki au mei te enua o te ngati Ebera; e kare rava aku e ara i rave i ko nei e tika i ia ratou kia tuku mai iaku ki roto i te vaarua nei.

16 Kite akera te rangatira rave-kai ra e, e ariteanga meitaki *tei taua moe ra*, kua karanga atura aia kia Iosepha, E moe katoa oki taku, e i na, e puke inaki kiekie e toru tei runga i toku mimiti: 17 E tei te inaki i runga roao ra, e manga-nui te kai rikiriki i keu na Pharao; e kaingaia maira e te au manu i roto rai i 18 te inaki i runga i toku mimiti ra. Kua tuatua maira Iosepha, na ko maira,

ia te ariteanga i te reira: Aua nga
1 ūki e toru ra, e rā ia e toru nei: Kia 19
toru ake ka taka ia ta Pharaō tuatua
koe, e ka akanonoa aia ia koe ki
nga i te rākau; e na te au manu o
ia i to kiko i runga ia koe na.

E tae akera ki te toru o te rā, ko te 20
anau anga ia no Pharaō, kua akatupu
ra aia i te kaingakai na te au tavini
atoa nona ra; kua akataka iora oki
ia i te tuatua i te rangatira raverave-
vina, e te rangatira rave-kai, i te au
avini nona ra. Kua akaoki aia i te ranga- 21
ira raverave-wina i tana taoonga rave-
rave-wina ra; kia apai rai aia i te kapu
ki te rima o Pharaō ra: Kua akanonoa 22
atura ra aia i te rangatira rave-kai, i ta
Iosepha i akakite mai kia rāua ra.
Kare akera taua rangatira raverave- 23
wina ra i akamaara mai ia Iosepha,
ngaropoina atura aia iaia.

PENE XLI.

*Nga moe a Pharaō ra, e te akakite
angaia e Iosepha ra: to Iosepha aka-
tēti angai, e te tupu anga i nga moe
a Pharaō.*

E OPE akera nga mataiti e rua ra, 1
e moe ta Pharaō; e i na, te tu
ua ra aia ki te pae o te vai. E i na, 2
kua aere maira nga bovi ua memeitaki,
e te matu, e itu, mei raro mai i taua
vai ra; e te kaikai ra ratou i te ngai
nganguere ra. E i na, i muri ake i te 3
reira, kua aere mairai nga bovi ua
kikino, e te ikoke, e itu, mei raro mai-
rai i taua vai ra, e kua tu ua iora ratou
i nitata i tetai au bovi ua i te pae o 4
taua vai ra. Kua kai iora nga bovi ua
kikino, e te ikoke ra, i nga bovi ua
memeitaki e te matu e itu ra, e pou
rava akera. Ara akera Pharaō i reira.
E piri atura tona mata, e moe maira 5
aia, ko te rua ia: e i na, kua tupu
maira e itu kaui sitona memeitaki, e te
mamaata, ki runga i te tumu okotai.
E i na, i muri ake i te reira, kua tupu 6
maira e itu kaui sitona tupu akenakena,
e kua pāpūia e te maoake ra. E pou 7
rava akera nga kaui mamaata e te mei-
taki e itu ra, i nga kaui tupu akenakena
ra. Kua ara akera Pharaō, e i 8
na, e moe.

Kia ao akera, kua tumatetenga akera
tona ngakau; e tono atura i te tiki i te
au keretemi katoa, e te au tangata
pakari katoa o Aiphiti ra; e kua aka-
kite aturā Pharaō kia ratou i aua nga
moe ana ra; kare rava ra i tika i tetai
kia akakite mai kia Pharaō i aua nga
moe ra.

9 Kua karanga atura te rangatira rave-
rave-wina kia Pharaō, na ko atura, Kua
maaraia e au taku nei apa i teianci rā:
10 Riri akera Pharaō i nga tavini nona,
iahu, e te rangatira rave-kai, e kua tupu
iora ia maua ki roto i te are tiaki a te
11 kapena vaeau ra: E moe ta maua, ko
au e koia katoa, okotai rai po; nana
tana moe, e naku rai taku, e e arite-
anga tikai to aua nga moe a maua ra.
12 E i reira katoa tetai tangata ou, e ngati
Ebera, e tavini no te kapena vaeau ra:
e kua akakite atura maua kiaia, e kua
akakite maira aia kia maua i te arite-
anga o a maua moe; ta tetai ra moe, e
ta tetai, tana ia i akakite mai e tau
13 marie akera. E kua tupu tika io nei
oki tana i akakite maira: kua akaoki
mai aia iaku ki taku ra taoonga, e kua
akanonoa aia iaia.

14 Kua tono aturā Pharaō i te karere e
tiki ia Iosepha; kua arataki viviki
maira ratou iaia, mei roto mai i te
vaarua ra: e ma akera aia i te varu,
e kakau akera i tona kakau, kua tomo
15 maira aia ki roto kia Pharaō ra. Kua
karanga aturā Pharaō kia Iosepha, E
moe taku, e kare rava e tangata e tika i
kia akakite mai i te ariteanga: kite
akenei oki au i te tuatua ia koe e, me
akakiteia te moe kia koe, e tika ia koe
kia akakite mai i te ariteanga.

16 Kua tuatua mairā Iosepha kia
Pharaō, na ko maira, Kare rai iaku nei:
na te Atua ra e tuku mai kia Pharaō i
te tuatua au.

17 Kua karanga aturā Pharaō kia Iose-
pha, Taua moe naku nei, i na, te tu ua
18 ra au i te pae o te vai ra: E i na, kua
aere maira nga bovi ua memeitaki e te
matu e itu, mei raro mai i taua vai ra;
e te kaikai ua ra ratou i te ngai nganga-
19 ere ra: E i na, i muri ake i te reira,
kua aere mairai nga bovi ua uruuru-
nga, e te kikino roa, e te ikoke, e itu;
kare rava ia bovi i kitea e au i te enua
20 katoa nei i Aiphiti i te kino: Kua kai
iora nga bovi ua kikino e te ikoke i tei
muatangana ra au bovi ua matu e itu
21 ra: E pou akera ratou i te apukuia,
kare i kite e, kua apukuia; ko to ratou
rai oki tu i te kikino, mei tei muata-
ngana ra. Itirere akera au i reira.

22 Kua kite atu rai au i taku moe, e i na, e
itu kaui sitona memeitaki, e te mamaata,
i te tupu anga ki runga i te tumu okotai.
23 E i na, i muri ake i te reira, kua tupu
maira e itu rai kaui sitona riorio, e te
tupu akenakena e kua pāpūia e te mao-
24 ake ra: E pou roa akera nga kaui
sitona memeitaki e itu, i nga kaui si-
tona tupu akenakena ra. E kua akaki-

teia e au ki te au keretemi ra; kare takiri ra e tangata i tika'i kia akakite mai kiaku nei.

Kua tuatua mairā Iosepha kia 25 Pharaō, Okotai ra ia nga moe a Pharaō ra: kua akakite mai te Atua kia Pharaō i tana e ka rave. Ko nga bovi 26 ua memaitaki e itu ra, e itu ia mataiti; e nga kaui sitona memaitaki e itu ra, e itu ia mataiti: okotai rai ia nga moe nei. E nga bovi ua kikino, e te ikoke, e itu 27 ra, i tei aere mai i muri ake, e itu ia mataiti; e nga kaui sitona tupu akenakena, kua papūia e te maoake ra, e itu ra, e itu ia mataiti onge. Ko taua 28 tuatua ra teia kua akakiteia atu e au kia Pharaō; ta te Atua e ka rave, kua akakite maira aia kia Pharaō. I na, 29 teia ka tupu nga mataiti mou maata roa e itu, e pini ua ake te enua katoa nei ko Aiphiti: E i muri ake i te reira, 30 ko nga mataiti onge ia e itu; e ka ngarapoina taua mou maata i te enua nei i Aiphiti; ka pou roa oki te enua i te onge; Kare rava oki taua mou maata i 31 te enua ra e manakoia, i te onge i muri ake; ka riro oki i te onge maata roa. Kareka ko te tu rua anga mai i taua 32 moe kia Pharaō ra; no te mea kua tika roa ia tuatua i te Atua, e kua waitata i te akatupuia e te Atua ra. E tenana, 33 ka kimi a Pharaō i tetai tangata kite e te akono meitaki, ka tuku ei iaia ei rungao i te enua nei ia Aiphiti. Kia 34 akaperā Pharaō, e kia akataka aia i tetai papaki tangata ei akaere no rungao i te enua nei, ka rave ei i te rima o te tuanga o te kai ravarai o te enua nei o Aiphiti, i nga mataiti mou e itu nei; Ka akaputupu e ratou i te au kai 35 ravarai no au nga mataiti memaitaki e waitata mai nei; ka vaoo marie ratou i te sitona i te uipānga, na Pharaō e mou, kia kuaia to ratou i te au oire ra. E kuaia to te enua i reira, no nga mataiti onge e itu e tupu i te enua i Aiphiti nei; kia kore oki e mate te enua nei i taua onge nei.

E tuatua meitaki taua tuatua nei ia 37 Pharaō, e tona katoa ra au tavini. Kua 38 karanga aturā Pharaō ki tona au tavini ra, E kitea ainei ia tatou tetai tangata mei iaia nei, tei roto iaia te Vacrua o te Atua ra? Kua karanga aturā Pharaō 39 kia Iosepha, No te mea kua akakite mai te Atua kia koe i taua tuatua katoa nei, kare atu e tangata i kite, e te kape, mei ia koe na: Ei rungao koe i 40 toku nei ngutuare, e ko taua te tuatua e akarongofa e te au tangata ravarai noku nei: ei rungao au i te terono anake ra e maata'i ia koe. Kua karanga 41

atura oki a Pharaō kia Iosepha, Ka akara na, kua akairoia koe e au ei rungao i te enua katoa nei i Aiphiti. Kua rave iorā Pharaō i te momono-rima no rungao i tona uaoai rima, kua momono atura i roto i te rima o Iosepha, e kua akakakau atura iaia ki te kakau orongā meitaki roa, e kua tuku atura i te piria-nganaoa auro ki rungao i tona kaki. E kua akanoo iaia ki rungao i te kariota meitaki roa nona orai mari ra okotai ra; e kua kapiki aere te tangata na mua iaia, E tuku i te turi: akariro atura aia iaia i rungao i taua enua katoa i 44 Aiphiti ra. Kua karanga atu rai a Pharaō kia Iosepha, Ko au ko Pharaō, e kare rava e tangata e apai i te rima ki rungao, e te vaevae, mari ra kia tuatua koe ra, e pini ua ake te enua katoa nei 45 ko Aiphiti. Kua tapa iorā Pharaō i to Iosepha ingoa, ko Zaphanata-paanea; e kua oronga atura aia ia Asemeta te tamaine a Potiphero taunga i Ono ra, ei vaine nana. Aere aturā Iosepha e pini ua akera taua enua katoa ra ko Aiphiti. 46 Ka toru akera o Iosepha ngauru anga i te mataiti, ka tu ei aia ki mua i te arearo o te ariki o Aiphiti ra ko Pharaō. Aere aturā Iosepha mei mua atu i te aroaro o Pharaō, takako aere atura i 47 taua enua katoa ra i Aiphiti. Kua avaria atura taua enua ra i te kai i nga mataiti mou eitu ra. Kua akaputupu iora aia i to te au kai ravarai i nga mataiti e itu, i taua enua ra i Aiphiti; e vaoo marie iora i taua kai ra ki roto i te au oire: ko te kai no te au kainga, i waitata i taua au oire ra e pini ua ake, ko taua ia i vaoo ki roto i taua au oire 49 ra. Uipa marie akera te sitona ia Iosepha mei te onetea i taatai ra, e kare atura aia i tatau i taua kai ra i te maata anga, kare akera i tika kia taua. 50 E kare i tae te tuatau onge ra, i anau mai ei ta Iosepha puke tamariki tauaroa toko rua, ta te tamaine a Potiphero taunga i Ono, ta Asemeta, i anau nana 51 ra. Tapa iorā Iosepha i to te tama mua ra ingoa ko Manase; Kua ngaropoina oki toku ra au tumatetenga katoa, e te ngutuare katoa o toku ra metua, iaku, i 52 te Atua. E tapa iora aia i te ingoa o te toko rua ra, ko Ephraima: Kua akamaata mai oki te Atua iaku i te enua i tumatetenga'i au nei. 53 E ope akera nga mataiti mou e itu i 54 taua enua ra i Aiphiti. Kua tupu maira nga mataiti onge e itu, ta Iosepha i tuatua ra: e kua pini te pa enua katoa i te onge; kareka te enua ra ko Aiphiti e 55 pini ua ake, e kai ia te vai ra. E mate

kera te enua katoa ra ko Aiphiti i te ongi, kua kapiki maira te au tangata ia Pharao i te kai : kua karanga aturā Pharao ki to Aiphiti katoa ra, Ka aere ia Iosepha ra ; ko tana e tuatua mai ia kotou na, ko ta kotou ia e rave. Kua pini katoatoa akera taua enua ra i te ongi : Kua kiriti akērā Iosepha i te au are uipānga *kai* ravarai, kua okotatura i te sitona na to Aiphiti ; e maata rava atura te ongi e taua enua ra i Aiphiti. Kua aere maira to te pa enua ravarai ki Aiphiti kia Iosepha ra, e okotatura i te sitona ; kua pini oki te pa enua ravarai i te ongi kino.

PENE XLII.

To Iakoba tono anga i tana au tamariki e oki i te sitona : to ratou kite angata e Iosepha, e kua akatangata ke maira aia kia ratou.

E KITE akērā Iakoba e, e sitona tei Aiphiti, kua tuatua mairā Iakoba ki taua au tamariki ra, Eaa kotou e akara ua'i ki tetai ki tetai? E kua tuatua maira aia, I na, kua rongo ake nei au e, e sitona tei Aiphiti ; e aere kotou ki reira, e oki i ta tatou ; kia ora tatou, auraka ra kia mate.

Aere atura nga tuakana o Iosepha tino ngauru ki Aiphiti e oki i te sitona. Kareka ko to Iosepha teina ko Beniamina, kare ia i tono katoaia e Iakoba, e te ai tuakana ; kua tuatua akera aia, Ko te rokoia aen aia e te kino.

Ko te au tamariki o Iseraela tei aere katoa ma te aronga i aere e oki sitona : kua ongi oki taua enua ra ko Kanaana. Ko Iosepha oki te kavana o te enua ra, e nana i oki i te sitona ki te tangata ravarai o taua enua ra. Kua aere maira te ai tuakana o Iosepha ra, kua tupou iora ratou ki raro roa i te one ki mua iaia.

E kia akara aturā Iosepha i te ai tuakana nona ra, kua kite atura aia ia ratou ; kua akatangata ke atura ra aia ia ratou, e kua tuatua taivaiva atura kia ratou, na ko atura, Mei ea mai kotou na? Kua tuatua maira ratou, Mei te enua ra mei Kanaana mai, e oki i te kai.

Kite ua ai a Iosepha i taua ai tuakana nona ra, kare ra ratou i kite iaia. Kua manako iorā Iosepha i nga moe nana ia ratou ra, e kua karanga atura kia ratou, E aronga mata kotou na ; i aere mai kotou e akara i te au ngai vareakaua o te enua nei. Kua tuatua maira ratou kiaia, Auraka, e to matou kavana e, i aere maira toou au tavini nei e oki i te kai. E tamariki matou ravarai na tangata okotai ; e aronga tiratiratu

matou ; kare toou au tavini nei i te mata. Kua karanga atura aia kia ratou, Kare, i aere maira kotou e akara i te au ngai vareakaua o te enua nei.

Kua tuatua maira ratou, Tino ngauru ma rua toou au tavini nei, okotai rai kopu-tangata, e tamariki na te tangata okotai i te enua ra i Kanaana ; e i na, te openga roa ake, tei to matou metua

tane ra i teianei, e kare nei tetai. Kua karanga atura rā Iosepha kia ratou, Ko taku rai oki i karanga atu kia kotou na

e, E aronga mata kotou : Teia te mea e kitea i kotou : Te ora nei a Pharao ra, kare rava kotou e aere ke, mairi ra kia tae mai to kotou teina openga ra ki ko nei. Ka unga kotou i tetai o kotou e tiki i to kotou teina, e ka tapekaia kotou, kia kitea ta kotou tuatua i te tika anga ; e kare ra, te ora nei a Pharao ra, e mata tika rai kotou na.

Kua tuku atura aia ia ratou kia tiaki naia, e kia po toru.

E tae akera ki te po toru ra, kua karanga aturā Iosepha kia ratou, E akapera kotou kia ora kotou ; te mataku nei oki au i te Atua: E aronga tiratiratu kotou na, e vaoo tetai o kotou

kia tapeka uaia na ki roto i te are e tapekaia i kotou nei ; ka aere ei kotou, ka apai ei i te sitona ki to kotou au ngutuaire, no te ongi : Ka arataki mai ana ra i to kotou teina openga ra ki ko nei kiaku nei, kia riro ta kotou tuatua ei tuatua-mou ; kia kore oki kotou e mate. E kua pera atura oki ratou.

Kua karanga iora ratou ratou orai, Kua ara tatou i to tatou teina ra ; kua kite oki tatou i te mamac o tona ngakau, ka kaku mai ei aia kia tatou ra, e kare tatou i akarongo atu ; i rokoia mai ei tatou e teianei tumatetenga. Kua

tuatua akērā Reubena kia ratou, na ko akera, Kare ainei ko au tei karanga atu kia kotou, i te na ko anga e, Auraka e rave kino i te tamaiti na? e kare akera i kotou i akarongo mai : i na, i umuunia mai ei te oki i tona toto i tenana. Kare ratou i kite e, te rongo mairā Iosepha i ta ratou tuatua ; e tangata oki te akakite i ta ratou tuatua.

Kua anga ke maira aia, kua aue iora ; e kua oki akaou atura kia ratou, e kua karangaranga atura kia ratou, kua rave atura ia ia Simeona no rotapu ia ratou, e kua tapeka iora iaia ki mua i to ratou mata.

Kua akaue aturā Iosepha e akaki i ta ratou au pute ki te sitona, e e akaoki i ta ratou katoa ra au moni ki roto i ta ratou au pute, e e oronga atu oki i te kai no te aerenga : kua pera oki aia kia

ratou. Kua akauta akera ratou i ta 26
ratou sitona ki runga i ta ratou au
asini, aere atura.

E tae akera ki te ngai moe anga, me 27
tataa tetai i tana pute e apai i tetai
manga kai na tana asini, kite akera aia
i tana moni; i na oki, tei roto tei te
vaa o te pute ra. Kua tuatua iora aia 28
ki tona ai taeake, Kua akaokiia mai
taku moni; i na oki, tei roto i taku nei
pute: taravai atura to ratou ngakau, e
rutetete iora i te matakau, e kua na ko
akera ratou ratou orai, Eaa teia rave-
nga a te Atua ia tatou nei?

E tae rava atura ki te enua ra ki 29
Kanaana ki to ratou metua kia Iakoba
ra, e kua akakite atura kiaia i te au
mea katoa i rokoia mai ei ratou ra, na
ko atura, I tuatua taivaiva maira te 30
tangata, te kavana o taua enua ra, kia
matou, tuatua akera e, e mata matou i
taua enua ra. Kua karanga atura ma- 31
tou kiaia, E aronga tiratiratu matou;
kare matou i te mata: Tino ngauru na
rua matou i to matou kopu-tangata, e 32
tamariki anake matou na to matou me-
tua tane; kare nei tetai, e te openga roa
ake tei to matou metua, i te enua ra i
Kanaana. Kua tuatua maira taua ta- 33
ngata ra, te kavana o taua enua ra, kia
matou, Teia te mea e kite ei au e
aronga tiratiratu kotou; e vaoa tetai o 34
kotou i ko nei iaku nei, ka rave i te
sitona no te onge o to kotou au ngu-
tuare, ka aere atu ei: Ka arataki mai ei 34
i to kotou teina openga ki ko nei kiaku
nei; e kite ei au e, e aronga tiratiratu
kotou i reira, kare ia i te mata; ka
tuku atu ei au i to kotou taeake kia
kotou na, ka oko aere ua atu ei kotou i
te enua nei.

E tei te riringi anga ratou i to roto i 35
ta ratou au pute, i na, ta ratou katoa ra
au kou moni, tei roto ia i ta ratou au
pute; e kite akera ratou, e to ratou
metua tane, i taua au kou moni a ratou
ra, matakau akera ratou. Kua tuatua 36
akera to ratou metua tane ra ko Iakoba
kia ratou, Kua ngere au i te tamariki
ia kotou: kare nei a Iosepha, e kare
nei a Simeona, e te umuuiu mai nei
oki kotou ia Beniamina: e mea tau
kore iaku taua au mea katoa nei. Kua 37
karanga atura Reubena ki tona metua
tane, na ko atura, Kia kore au e akaoki
mai iaia kia koe ra, e ta koe i aku akera
puke tamariki tamaroa toko rua: ka
tuku mai iaia ki toku nei rima, naku
rai e akaoki atu iaia kia koe na. Kua 38
tuatua maira aia, Kare taku tamaiti e
tae ki to kotou tere; kua mate oki
tona tuakana, koia anake tei toe io nei:

kia rokoia ua aia e te kino i to kotou
na aerenga, e tae rava toku mimiti
inaina ki te vaarua ma te aue ia kotou.

PENE XLIII.

*Ko Iakoba, tuku mamate atura aia i
tana tamaiti ra ia Beniamina, e kua
kai ratou i te kai i te are o Iosepha.*

1 **T**E maata rava ra te onge i taua
2 enua ra. E pou akera te sitona i
te kaingaia, ta ratou i apai mei Aiphiti
maira, kua tuatua akera to ratou metua
tane kia ratou, Ka aere rai kotou, e oko
3 rai i tetai manga kai na tatou. Kua
karanga atura Iuda kiaia, na ko atura,
Kua tuatua tika tikai maira taua ta-
ngata ra kia matou nei, na ko maira, Kia
kore to kotou teina e tae katoa mai,
kare rava kotou e kite mai i toku nei
4 mata. Kia tuku mai koe i to matou
teina e aere katoa matou ra, ka aere ia
5 matou ki raro e oko i te kai naau: Kia
kore ra koe e tuku mai iaia kia aere,
kare matou e tae ki raro: kua tuatua
mai oki taua tangata ra kia matou e,
Kia kore e tae katoa mai to kotou
teina, kare kotou e kite mai i toku
6 mata. Kua tuatua maira Iseraela,
Eaa kotou i takinga-kino mai ei iaku,
i akakite atu ei kotou i taua tangata ra e,
te noo ra tetai taeake rai no kotou?
7 Kua karanga atura ratou, Kua ui ma
mai taua tangata ra i te tuatua ia ma-
tou, e to matou ra kopu-tangata, na ko
maira, Te ora na to kotou metua tane?
e e taeake rai to kotou? e kua akakite
atura matou i taua tuatua ra: kitea
atu e matou e, e tuatua mai aia, E
arataki mai i to kotou teina ki raro nei?
8 Kua karanga atura Iuda ki tona metua
tane kia Iseraela. Tuku mai ana i
taua tamaiti na kiaku nei, e tu matou e
aere; kia ora oki tatou, auraka kia
mate, ko matou, e ko koe, e ta matou
9 au tamariki. Ei tutaki au iaia; ko au
taau e umuuiu mai iaia: kia kore au
e akaoki mai iaia kia koe, ka tuku atu
ei au ki mua i toou aroaro na, ei iaku
10 ia ara vai ei e tuatua ua atu. Naringa
matou kare i tavare, mei teianei kua
oki mairai matou, ko te tu rua ia o te
11 oki anga mai. Kua tuatua maira to
ratou metua ko Iseraela kia ratou, Ko
te reira ra, teia ta kotou e rave; e rave
kotou i te kai memetaki o te enua nei
i roto i ta kotou au ariki, ka apai ei na
taua tangata ra ei taoonga-rima, i tetai
manga zuri, e tetai manga meli, te
nakata, e te luta, e au hetuni, e te au
12 sekadi: Kia taki rua atu kou moni kia
apai kotou; e akaoki atu oki i te moni i

ma mai i roto i te vaa o ta kotou au
 ra; peneiake e ē ua anga: E rave 13
 a oki i to kotou teina, e tu, e oki
 kotou ki taua tangata ra: E kia 14
 a mai kotou ki mua i te aroaro o
 tangata e te Atua Mana katoatoa
 a tuku mai aia i tetai tuakana o
 e, e ia Beniamina nei: e kia ngere
 e, kua ngere rai ia.
 a rave iora taua au tangata ra i 15
 taoonga-rima ra, e kua tataki rua
 i te *hou* moni i te rima, e Be-
 nina; tu akera ratou, aere atura ki
 iti, tu atura ki mua i te aroaro o
 a ra. E kite akērā Iosepha e, 16
 kotou katoa ma Beniamina, kua tua-
 akera aia ki te akaaere o tona are,
 arataki i taua au tangata nei ki te
 uare, e ko i te puaka, e ka akono-
 o; ka kaikai oki te au tangata nei
 ku ra kia avatea. Kua pera oki 17
 tangata ra ta Iosepha i akaue ra;
 arataki aia i taua au tangata ra ki
 i te are o Iosepha. E matakū 18
 a taua au tangata ra, i te mea ratou
 matakū ki roto i te are o Iosepha;
 tuatua akera ratou, No te moni i
 okiia i roto i ta tatou au pute i mua-
 ana ra i aratakiia mai e tatou ki ko
 kia rauka tana tapepe anga mai ia
 a, ka opu mai ei ia tatou ka rave
 a tatou ei tuikaa, e ta tatou au
 a.
 a aere atura ratou i vaiata ki te 19
 ere i taua ngutuare o Iosepha ra,
 karangaranga iora kiaia i te pae
 upa o taua are ra, Na ko atura, E 20
 matou rangatira e, e tere oko kai
 to matou i aere mai ei matou i
 tangata ra: E tac atura matou ki 21
 gai moc anga, ko te tatara angaia ia
 ratou i ta matou au pute, e i na, tera
 ta matou katoa ra au moni tei roto
 vaa o ta matou au pute, e moni aite
 matou: e kua akaoki maira matou
 reira ra i to matou rima. E e moni 22
 ei apai katoaia mai e matou i to
 ou rima ei oko kai: kare matou i
 i te tangata i tuku i ta matou moni
 to i ta matou au pute. Kua tuatua 23
 a aia, Kia ora kotou, auraka e mata-
 kua oronga mai to kotou Atua, te
 a o to kotou ra metua, i te apinga na
 u i roto i ta kotou na au pute: i
 nei ta kotou moni iaku nei. Kua
 aki maira aia ia Simeona kia ratou
 Kua arataki atura taua tangata ra 24
 ratou ki te are o Iosepha ra, e kua
 maira i te vai, ei orei i to ratou
 a; e kua angai atura oki i ta ratou
 asini ki te kai. Kua akonokono iora 25
 u i ta ratou atinga, e kia tac mai a

Iosepha i te avatea: kite akera oki
 ratou e, ei reira ratou e kai ei i te kai.
 26 E tae mairā Iosepha ki te ngutuare,
 kua apai akera taua atinga ta ratou i
 taoi maira kiaia ra, ki roto i te are, e
 kua tupou iora ratou ki raro i te one ki
 27 mua iaia ra. Kua ui maira aia kia
 ratou i te meitaki anga, kua tuatua
 maira, Te meitaki ra to kotou metua
 tane, te tangata ruaine ta kotou i tua-
 28 tua maira? Te ora ra ainei? Kua
 karanga atura ratou, Te ora ua rai toou
 tavini to matou nei metua tane, te mei-
 taki rai. Kua piko iora ratou ki raro,
 29 e tupou atura *kiaia*. Kua nānā maira
 tona mata, akara maira i tona teina ia
 Beniamina, i te tamaiti a tona uaorai
 metua vaine, e kua tuatua maira, Ko to
 kotou teina openga ra teia, ta kotou i
 tuatua mai kiaku ra? e kua tuatua
 maira oki aia, Kia aroa mai te Atua ia
 30 koe, e taku tamaiti. Kua rapurapu ua
 iora Iosepha; kua aue aroa oki tona
 ngakau i tona teina: e kua kimi i te
 31 *ngai* aue anga; kua tomo atura ki roto
 i te pia moc, aue iora i reira. E kua
 orei iora i tona mata, e kua aere maira
 ki vao, akakoromaki ua iora, e kua ka-
 ranganga atura, E akanoonoo i te kainga-
 32 kai. Kua akanoonoo iora ratou i tana,
 koia anake uaorai, e ta ratou, ko ratou
 anake o, e ta to Aiphiiti, ko tei kaikai i
 reira ra, ko ratou anake oki; kare oki
 to Aiphiiti i kapiti katoa i ta ratou
 kaingakai i ta te ngati Elera; e mea
 viivii oki te reira i ta to Aiphiiti ra.
 33 Noo iora ratou ki mua i tona aroaro,
 ko te tama mua ana, no te mea koia tei
 anau ana, e te tamaiti ou ra, no te mea
 koia te openga: kua va ua iora taua au
 34 tangata ra, ki tetai ki tetai. Kua tua
 akera aia i te kai i mua i tona aroaro na
 ratou: kareka ta Beniamina tuanga, e
 tau ia ki nga tuanga e rima katoa i ta
 ratou ra. E kua inu oki ratou ma ia
 katoa i te *wina*, e rekareka akera
 ratou.

PENE XLIV.

*Ta Iosepha ravenga i te pupuru anga
 i te ai tuakana nonu ra; kua tipūā
 Beniamina, kare ra i tika ia Iuda
 kia noo aia.*

- 1 **K**UA akaue akera aia i te akaaere o
 tona are, na ko akera, Ka akaki
 ana i te au pute a te au tangata nei ki te
 kai, e kia teimaa ratou, ka tuku ei i te
 moni ki roto i te vaa pute, tanao, tanao;
 2 E tuku oki i te kapu noku nei, i te
 kapu ario nei, ki roto i te vaa pute a te
 tamaiti openga ra, e tana katoa ra moni

oko sitona. E kua pera oki aia i ta Iosepha i tuatua maira.

E ao akera, tukua atura taua au tangata ra, ko ratou, e ta ratou au asini. E kia riro ratou ki vao i taua oire ra, kare ra i mamao rava, kua tuatua akera Iosepha ki taua akaaere o tona are ra, ka tu, ka aru i taua au tangata nei; e rokoia atu ratou e koe ra, e karanga atu koe kia ratou, Eaa kotou i tutaki mai ei i te meitaki ki te kino? Kare ainei i te *kapu* i inumia e toku pu ra, e te mea i kimi ei aia ra? E ravenga kino ta kotou i rave ra.

E rokoia atura ratou e ia, kua karanga atura aia i taua tuatua nei kia ratou. Kua tuatua maira ra ratou kiaia, E to matou rangatira, eaa i pera mai ei i te tuatua anga? Auraka rava oki toou au tavini nei kia pera: I na, te moni, i kitea e matou i roto i te au vaa pute a matou nei, ta matou ia i akaoki maira kia koe na, mei te enua maira mei Kanaana: eaa oki matou kia keia i te ario e te auro i te ngutuare o toou na pu? Kia kitea te *kapu* tei tetai o to au tavini nei, kia mate roa aia, e kia akariroia matou nei ei tuikaa naau, e to matou rangatira. Kua karanga atura aia, Kua tika roaia, kia pera ta kotou e tuatua mai na: tei iaia *taua kapu nei* i te kitea anga atu, ei tavini aia noku; kareka kotou na, kare ia a kotou e ara. Kua tuku rapurapu iora ratou ravarai i ta ratou au pute ki raro i te one i reira ra; kua tatara o i taua au pute ra, tanao, tanao. Kua kimi aere iora aia, i ta *pute* a te tanaa mua ra, e tae ua atura ki ta te openga ra: kitea iora taua kapu ra, tei roto i te pute a Beniamina ra. Kua aae iora ratou i to ratou kakau, akauta akera ratou ravarai i te au apainga ki rungao i ta ratou au asini, oki anake maira ki te oire.

Kua aere mairi Iuda, e tona ai taeanke ra ki te ngutuare o Iosepha ra; tei reira rai oki aia: kua tipapa iora ratou ki raro i te one ki mua i tona aroaro. Kua karanga aturū Iosepha kia ratou, Eaa teia ravenga ta kotou i rave io na? kare kotou i kite e, e riro te tangata mei iaku nei i te kimi? Kua tuatua mairi Iuda, E taku kavana e, eaa ta matou kia karanga atu kia koe? e akapeca oki matou kia tuatua? eaa e matara'i ia matou kia tuatua? kua kitea te ara a toou au tavini nei e te Atua: i na, kua riro matou ei tavini noou, e taku kavana; matou, ma ia katoa tei kitea taua kapu nei iaia ra. Kua karanga atura aia, Auraka roa au iora akapera: ko te tangata ra, tei iaia

taua kapu nei, i te kitea anga, ko toku ia tavini; kareka kotou, e aere ua atu kotou ki to kotou na metua ma te au.

18 Kua akavaitata mairi Iuda kiaia, e kua tuatua maira, E taku kavana e, e tuku mai koe i to tavini i tenana, kia tuatua i tetai manga tuatua ki roto i nga taringa oou, e taku kavana e, e auraka to riri kia tupu maata roa i to tavini nei: mei ia Pharao katoa oki koe na. Kua ui mai oki koe, e taku kavana, ki toou au tavini nei, i na ko mai koe e, E metua tane aia to kotou, e teina ainei? Kua karanga atura oki matou kia koe, e taku kavana, E metua tane to matou, e tangata ruaine, e e tamaiti oki *tana no tona* ruaine anga ra ia, e mea openga, e kua mate tona tuakana, e koia anake tei toe i to raua metua vaine, e e akaperepere oki aia no tona metua tane. E kua tuatua mai koe ki toou au tavini nei, Ka arataki mai iaia ki raro kiaku nei, kia kite atu toku mata iaia. E kua karanga atura matou kia koe, e taku kavana e. Kare taua tamaiti ra e tika kia vaio i tona metua tane: me akaruke aia i tona metua tane ra, ka mate roa ia *tona metua tane*. E kua tuatua mai koe ki toou au tavini nei, Kia kore to kotou teina openga e tae katoa mai, kare kotou e kite akaou mai i toku mata. E tae atura matou ki toou tavini ra ki taku metua, kua akakite atura matou kiaia i te tuatua naau, e taku kavana e. E kua tuatua maira to matou metua, E aere rai kotou, e oko rai i tetai manga kai na tatou. Kua karanga atura ra matou, Kare e tika ia matou kia aere ki raro: kia aere katoa matou e to matou teina openga, ka aere ia matou ki raro: kia kore oki e aere katoa to matou teina openga ra, kare matou e kite i te mata o taua tangata ra. Kua tuatua maira toou tavini ra, ko taku metua, kia matou, Kua kite kotou e toko rua roa aku *tamariki* i taku ra vaine: E kua aere ke atura oki tetai, e kua karanga au e, Kua etietia roaia ia; e kare rai au i kite iaia, e teia noa'i: E kia arataki katoa atu oki kotou i teia, e kia rokoia iora aia e te kino, e tae roa toku mimiti inaina ki te vaarua ma te aue, ia kotou. E teianci, kia tae ra au ki toou tavini ra ki taku metua, e kare ra taua tamaiti nei; tei reira oki tona ora te vairanga, tei te ora o taua *tamaiti* nei; Kia akara mairai aia e, kare ra taua tamaiti nei, ka riro ia aia i te mate; tae rava atura te mimiti inaina o toou tavini ra, o to

tu nei metua, ki te vaarua, ma te
i toou au tavini nei i reira. Kua 32
oki toou tavini nei ei tutaki i taua
iti nei ki taku metua, kua karanga
e, Kia kore au e akaoki mai iaia
koe na, ei runga iaku te ara a
metua vai ei e tuatau ua atu. E 33
nei, teia taku tuatua kia koe, ko to
i nei te ka noo ei tavini noou, e
kavana e, ei tutaki ake i taua
iti nei, e tuku atu koe i te tamaiti
kia aere ua ana ki runga ma tona
akana: Eaa oki au e tika'i kia aere 34
aku metua ra, kia kore e tac katoa
amaiti nei? ko te kite pu aea au i
metua i te rokoa anga mai e te
ra.

PENE XLV.

*Iosepha akakite anga iaia uorai ki
na ra ai tuakana; kua akakore aia
ta ratou ara, e kua tuatua kia
atou e aere katoa mai ma te metua
na ki Aiphiti.*

ARE akera i tika ia Iosepha kia 1
akakoromaki i mua i te aronga
a i tu ua mai i vaitata kiaia ra; e
tuatua akera, E tuku i te au ta-
katoa nei ki vao. Kare rava
a e tangata i noo mai i vaitata kiaia,
akakite atu ei a Iosepha iaia uorai
ona ai tuakana ra. Kua kakaoa 2
aia, e kua rongo mai to Aiphiti, e
ngutuare katoa o Pharao ra. Kua
uamairi Iosepha ki tona ai tuakana
Ko au ko Iosepha; te ora ra toku
ua tane? Kare akera i tika i te au
kana nona ra kia karanga ua atu
na, i te maata o to ratou koiriria i
tu. Kua tuatua mairi Iosepha ki 4
aia ai tuakana ra, Ka aere mai ana
ou i vaitata iaku nei. Kua aere
ou ratou i vaitata. Kua tuatua
ra aia, Ko au to kotou teina ra ko
Iosepha, ko ta kotou i oko ki Aiphiti
E tenana, auraka e aue, auraka oki
ri ia kotou orai, ko kotou i oko mai
a i ko nei; na te Atua oki i tono mai
a nei na mua ia kotou, kia ora te
ngata. Ka rua akenei mataiti onge
enua nei, e rima oki mataiti e toe
kare e arote, kare oki e kokoti. I 7
o mai ei te Atua iaku na mua ia
ou, kia toe kotou i te ao nei, kia ora
ou, i te ora maata. E teianei, kare
kotou tei tono mai iaku ki ko nei, na
Atua ra; e kua akariro aia iaku ei me-
no Pharao, e ei rangatira ki tona
oa ra ngutuare, e ei kavana oki i te
na katoa ra i Aiphiti. E ngakoikoi 9
kotou, e e aere kotou ki runga ki

toku metua ra, e e karanga atu kotou
kiaia, Te tuatua maira to tamaiti ra ko
Iosepha, Kua akariro te Atua iaku ei
kavana no Aiphiti katoa ra: e aere mai
koe ki raro kiaku nei, auraka e tavare:
10 E ei te enua nei ei Gosena koe e noo
ei, kia vaitata mai koe kiaku nei: ko
koe, ma taua au tamariki, e ta to au
tamariki ra tamariki, e to au mamoe
ra, e to au bovi ra, e taua *apinga* rava-
rai: E ei reira au e angai ei ia koe; e
11 rima oki mataiti onge e toe nei; ko te
rokoa aca koe, e toou ngutuare, e taua
12 katoa ra, e te putaua. E i na, te akara
mai nei to kotou mata, e te mata o toku
teina nei o Beniamina, e ko toku uorai
teia vaa e karanga atu kia kotou nei.
13 E e akakite kotou ki toku metua i toku
katoa nei kakā i Aiphiti nei, e te au
mea katoa ta kotou i kite ana; e ngakoi-
koi oki kotou i te arataki mai i toku
14 metua ki ko nei. Kua takave maira
aia ki runga i te kaki o tona teina ra
ko Beniamina, kua aue iora; e kua aue
iora oki a Beniamina ki runga i tona
15 kaki. E kua ongi maira oki aia i tona
ai tuakana rava-rai ra, e kua aue iora
oki ki rungao ia ratou: e oti akera,
kua karangaranga iora tona ai tuakana
kiaia.
16 E riro akera te rongo ki te ngutuare
o Pharao, i te na ko anga e, kua tae
mai te au tuakana o Iosepha: meitaki
rava akera Pharao, e tona au tavini.
17 Kua tuatua mairi Pharao kia Iosepha,
E karanga atu koe ki toou ai tuakana
ra, E akapera kotou: e akauta i te
apainga ki runga i ta kotou au puaka,
e aere, e aere ki te enua ra ki Kanaana:
18 E e arataki mai i to kotou metua tane,
e to kotou au ngutuare, e aere mai
kotou ki ko nei kiaku nei: e naku e o
atu i te meitaki o te enua nei o Aiphiti
no kotou, e te meitaki no te enua nei
19 na kotou ia e kai. E tenana, kua
akaucia koe na, e akapera kotou; e
akaoro katoa atu i te au porotata no te
enua no Aiphiti nei no ta kotou au
tamariki mea riki, e ta kotou au vaine,
e e akauta katoa mai i to kotou metua
20 tane, ka aere mai ei. Auraka oki e
akono i ta kotou apinga; na kotou oki
te au mea memeitaki no te enua katoa
i Aiphiti nei.
21 Kua pera oki taua au tamariki a
Iseracla ra; kua oronga oki a Iosepha
i te au porotata na ratou, i ta Pharao i
tuatua maira, e kua oronga oki i te kai
22 *ei kai* i te arataa ra. Kua oronga oki
aia i te kakau no ratou, taki rua kakau
ki te tangata okotai e pini ua ake ratou
ra; kareka kia Beniamina e rima ia

ona kakau i orongaia e ia, e toru oki anere ario. E kua akau atura oki aia 23 na te metua tane, i te au asini okotai ngauru ma te au mea memaitaki no Aiphiti ra ki rungao, e nga asini ua okotai ngauru ma te sitona, e te areto, e te kinaki katoa ki rungao, na te metua tane ei kai i te arataa ra. Kua tuku 24 atura aia i tona ai tuakana ra, e aere atura ratou: e kua tuatua oki aia kia ratou e, Auraka kotou e tauetono aere i te arataa ra.

Aere atura ratou mei Aiphiti atu, e 25 tae atura ki te enua ra ki Kanaana, ki to ratou metua tane ra kia Iakoba. Kua akakite atura ratou kiaia, na ko 26 atura, Te ora rā Iosepha, e koia te kavana no te enua katoa ra no Aiphiti. Ngaevaeva iora tona ngakau, e kare aia i akarongo ia ratou. Kua akakite atura 27 ra ratou kiaia i te au tuatua katoa ta Iosepha i tuatua mai kia ratou ra: e kia akara oki aia i te au porotata ta Iosepha i akau mai, ei akautā iaia ra, io akera te a'o o to ratou metua ra o Iakoba: Kua tuatua akērā Iseraela, Otira 28 ua; te ora rai taku tamaiti nei ko Iosepha: e aere au e akara iaia, ka mate atu ei au.

PENE XLVI.

To Iakoba akateateamamao angaia kia aere ki Aiphiti ra; kua tae aia ki reira, e kua aravei raua ko Iosepha.

KUA aere mairū Iseraela e tona 1 katoa ra, e tae maira ki Bere-seba, e kua apai atura i te tusia ki te Atua o tona ra metua o Isaaka. Kua 2 tuatua maira te Atua kia Iseraela i te au orama i te po, na ko maira, E Iakoba e, e Iakoba. Kua karanga atura aia, Teia au. Kua tuatua maira aia, 3 Ko au te Atua, ko te Atua no toou metua ra; auraka e matakū kia aere ki Aiphiti, e akariro oki au ia koe ei iti-tangata maata i reira: E aere katoa oki au ma koe ki raro ki Aiphiti; e ka 4 akaoki mairai au ia koe ki rungā nei: e na Iosepha e topiri i to mata na.

Kua akaruke iorū Iakoba ia Bere-seba: akautā maira te tamariki a Iseraela i to ratou metua ia Iakoba, e ta 5 ratou au tamariki, e ta ratou au vaine, na runga i te au porotata ra ta Pharao i akau ei akautā mai iaia. E kua taoti oki i ta ratou au puaka, e ta ratou au 6 apinga, i rauka ia ratou i te enua i Kanaana ra, e kua aere maira ki Aiphiti: ko Iakoba, ma tona uanga katoa ra: Tana au tamariki tamaroa, e te au 7 utaro tamaroa nana katoa ra, tana au

tamariki tamaine, e te au utaro tamaine nana ra, e tona katoa ra uanga, tei arataki katoaia mai ia e ia ki Aiphiti.

- 8 Teia oki te ingoa o taua au tamariki a Iseraela ra, tei aere ki Aiphiti ra, ko Iakoba ma tana au tamariki: ko Reuben, ko ta Iakoba ia tama mua. E ta Reubena au tamariki tamaroa: ko Hanoka ia, e ko Palu, e ko Hezerona, 10 e ko Karemi. E ta Simcona au tamariki tamaroa; ko Lemuela ia, e ko Iamina, e ko Ohada, e ko Iakina, e ko Zohara, e ko Saula, e tamaiti na tetai 11 vaine ngati Kanaana ra. E te au tamariki tamaroa a Levi ra: ko Geresona ia, e ko Kohata, e ko Merari. E te au tamariki tamaroa a Iuda ra; ko Era ia, e ko Onana, e ko Sela, e ko Pharez, e ko Zara: mate iorū Era e Onana i te enua ra i Kanaana. E ta Pharez 13 puke tamariki tamaroa, ko Hezerona ia, e ko Hamula. E te au tamariki tamaroa a Isakara ra; ko Tola ia, e ko 14 Puva, e ko Ioba, e ko Simerona. E te au tamariki tamaroa a Zebuluna ra; ko Sereda ia, e ko Elona, e ko Ialcela. 15 Ko nga tamariki ia a Lea ra, ko tana i anau kia Iakoba i Padana-arama ra, e te tamaine nana ra ko Dina: ko tona katoa ra uanga, te tamaroa, e te tamaine, e toru ngauru ratou, e toru ara. 16 E te au tamariki tamaroa a Gada ra; ko Ziphiona ia, e ko Hagī, e ko Suni, e ko Ezebona, e ko Eri, e ko Arodi, e ko 17 Areli. E te au tamariki tamaroa a Asera ra; ko Iimina ia, e ko Isua, e ko Isui, e ko Beria, e to ratou tuaine ko Sera: e nga tamariki tamaroa a Beria 18 ra; ko Hebera ia, e ko Malakiela. Ko ta Zilipa ia puke tamariki tamaroa, ko tei orongaia e Labana no tana tamaine ra no Lea; tino ngauru ratou ma ono, ko tana ia i anau kia Iakoba ra. 19 E nga tamariki tamaroa a te vaine a Iakoba ra, a Rahela; ko Iosepha ia, e 20 ko Beniamina. E anau akera ta Iosepha i te enua ra i Aiphiti, ko Manase ia, e ko Ephraïma, ko ta Asenata ia, te tamaine a Potiphéro taunga i Ono, 21 i anau kiaia ra. E te au tamariki tamaroa a Beniamina; ko Bela ia, e ko Bekera, e ko Aschela, e ko Gera, e ko Naamana, e ko Eī, e ko Rosi, e ko Mupina, e ko Hupima, e ko Arada. 22 Ko ta Rahela ia puke tamariki tamaroa, i anau kia Iakoba ra: tino ngauru ma a katoa ratou. 23 E ko ta Dana tamaiti, ko Husima 24 ia. E ko ta Naphatali au tamariki tamaroa; ko Iazeela ia, e ko Guni, e ko 25 Iezera, e ko Silema. Ko ta Bila ia puke tamariki tamaroa, ko tei orongaia

abana no tana tamaine ra no Ra-
; ko tana teia i anau kia Iakoba
toko itu ratou.
ua aronga ravarai ra i aere mai ki 26
iti, ratou katoa, ko Iakoba ma
i anau ra, auraka nga vaine a te
riki a Iakoba ra, e ono ngauru
e ono ara: E nga tamariki a 27
ha i anau i Aiphiti ra, toko
ia. Tauga aronga katoa no te
tangata o Iakoba i tae ki Aiphiti
itu ia ngauru anga.
tono akera aia ia Iuda i na mua 28
kia Iosepha, kia akateateama-
aia ia Gosena; e kua aere maira
ki taua enua ra ki Gosena.
akateateamamao iorā Iosepha i 29
ariota nona, aere atura ki runga
ravei i tona metua tane ia Iseraela
sena; e kua akakite atura kiaia
naorai, e kua takave atura ki
i tona kaki, aue ua iora ki runga
a kaki, e e roa akera. Kua tua- 30
mairā Iseraela kia Iosepha, I
ci kua tika iaku te mate, ko au i
i to mata na, ko koe e ora na.
karanga aturā Iosepha ki tona ai 31
ana, e to te ngutuare o tona metua
aere au e akakite kia Pharao ra,
anga atu kiaia e. Tera ake toku au
ana, e to te ngutuare o toku me-
i noo i te enua ra i Kanaana ra,
aere mai ratou ki ko nei kiaku
E e tiaki mamoe taua au tangata 32
oko ta ratou ia taonga i te angai
puaka; e kua taki mai ratou i ta
au mamoe, e ta ratou au bovi, e
ta mea katoa na ratou ra. E kia 33
a mai a Pharao kia kotou, e kia
ai e, Eaa ta kotou taoonga? E 34
nga atu kotou i reira, Kua matou
au tavini nei i te angai puaka, mei
matou mea ngiti anga mai e teia
ko matou e to matou ai metua
; kia noo oki kotou i te enua
Gosena; e mea viivii oki te tiaki
oe i to Aiphiti.

PENE XLVII.

*Iosepha akakite anga i nga tua-
na toko rima kia Pharao ra, e tona
tua katoa ra ko Iakoba: e to
aiphiti oko anga kai i ta ratou moni,
a ratou au puaka.*

Ua aere mairā Iosepha kua aka- 1
kite maira kia Pharao, na ko
a, Tera mai toku metua tane, e
au tuakana, e ta ratou au mamoe,
ratou au bovi, e te *upinga* ravarai
matou, mei te enua mai mei Ka-
na; e i na, tei te enua mai nei

- 2 ratou tei Gosena. E kua arataki aia
i e toko rima i taua au tuakana nona ra,
e tuku atura ki mua i te aroaro o
- 3 Pharao. Kua tuatua mairā Pharao
ki taua au tuakana nona ra, Eaa ta
kotou taoonga? Kua karanga atura
ratou kia Pharao, E tiaki mamoe
anake to au tavini nei, ko matou, e to
- 4 matou ai metua katoa. E kua
karanga rai oki ratou kia Pharao, I
aere mai matou e noo i te enua nei;
kare roa oki e kai na te au mamoe a
toou au tavini nei; e onge maata roa
oki tei te enua ra tei Kanaana: e
teianei, e akatika mai koe, kia noo to
au tavini i te enua akera i Gosena.
- 5 E kua tuatua akerā Pharao kia Iosepha,
na ko akera, Teia mai nei toou
metua tane e toou ai tuakana, i aere
mai ratou ki ko nei kia koe nei:
- 6 Terao te enua ko Aiphiti tei mua i to
aroaro na; ei te ngai meitaki ra koe
akanoo ei i toou metua tane e toou
ai tuakana; ei te enua ei Gosena ratou
noo ei: e te kite ra koe i te tangata
maroiroi i roto ia ratou ra, e akariro i
te reira ei tiaki i te au puaka naku
nei.
- 7 Kua arataki aturā Iosepha i tona
metua tane ra ia Iakoba ki roto, kua
tuku atura ki mua i te aroaro o Pha-
rao. Kua akaora aturā Iakoba ia
- 8 Pharao. Kua tuatua mairā Pharao
kia Iakoba, Kaia akenci ouu rā i toou
- 9 au mataiti i te ao nei? Kua karanga
aturā Iakoba kia Pharao, I toku nei
au rā i toku au mataiti i te purutia ua
anga, okotai akenei anere e toru ngau-
ru i te mataiti: e au rā poto oki toku,
e te kino i toku nei au mataiti i te ora
anga nei, kare i taea to toku ai metua
ra au rā i to ratou ra au mataiti i te
- 10 purutia anga ratou i te ao nei. Kua
akaora aturā Iakoba ia Pharao, e kua
aere maira ki vao mei mua mai i te
aroaro o Pharao.
- 11 Kua akanoo iorā Iosepha i tona
metua tane, e tona au tuakana, e oronga
atura i te tapere no ratou i taua enua
ra i Aiphiti, i te ngai meitaki ra, i te
enua ra ko Ramese, i ta Pharao oki i
- 12 akaue maira. Kua angai aturā Iosepha
i tona metua tane, e tona ai tuakana, e
te ngutuare katoa o tona metua, ki te
kai, i tei tau i to ratou au kopu-ta-
ngata.
- 13 E kare rava atura e kai i taua enua
katoa ra; kua onge kino roa oki, e
tumatetenga maata to taua enua ra to
Aiphiti, e to te enua ra to Kanaana i
- 14 te onge. Uipa marie maira te moni
katoa no taua enua ra no Aiphiti, e to

te enua ra to Kanaana, kia Iosepha, i te sitona ta ratou i oko maira: e kua apai aturā Iosepha i taua moni ra ki roto i te are o Pharao ra. E kore ake- 15 ra oki te moni i taua enua ra i Aiphiti, e i te enua ra i Kanaana, kua aere maira to Aiphiti katoa kia Iosepha ra, kua tuatua maira, O mai te kai na matou: eaa oki matou kia mate ki mua i to aroaro na? kua kore takiri oki te moni. Kua karanga aturā Iosepha, O 16 mai ta kotou au puaka, e naku e o atu i ta kotou ei oko i ta kotou au puaka, kua pou oki te moni. Kua taki maira 17 ratou i ta ratou au puaka kia Iosepha ra: e kua apai aturā Iosepha i te kai na ratou ei oko i te au ipo, e te au mamoe, e te au bovi, e te au asini: ei kai tana e tuku atu na ratou i te reira mataiti, ei oko i ta ratou au puaka ravarai.

E ope akera te reira mataiti, e tae 18 akera ki tetai mataiti, kua aere maira ratou kiaia ra, kua tuatua maira, Kare matou e uuna ia koe, e to matou kavana e, kua pou te moni; e tena atu na oki te au puaka tei to matou kavana; kare takiri e mea toe i teia- nei, ki mua i te aroaro o taku kavana, mari ra ko matou uaurai, e to matou nei enua: Eaa oki matou kia mate ki 19 mua i to aroaro na, ko matou e to matou enua katoa? E oko mai koe ia matou nei e to matou enua ei oko kai, e kia riro atu matou e to matou enua katoa ei tavini no Pharao: o mai ana i te ua, kia ora matou, auraka kia mate; e auraka kia vai tanea ua te enua. Oko 20 na rava akera taua enua katoa ra ko Aiphiti ia Iosepha no Pharao; kua oko maira oki to Aiphiti, ko te tangata ko tona kainga, ko te tangata ko tona kainga, no te mea, kua ririnui taua onge ra ki runga ia ratou: riro takiri atura te enua kia Pharao. Kua apai 21 atura aia i te tangata ravarai ki te au oire, mei tetai matamata o nga kotinga o Aiphiti, e tae ua atu ki tetai matamata o te reira. Mari ra, ko to te aro- 22 nga taunga au kainga, tei kore i okoia e ia; e tuanga oki ta te aronga taunga ra na Pharao, ko ta ratou ia kai ko taua tuanga i o maiia mai e Pharao ra; i kore ei ratou i oko i to ratou ra au kainga. Kua karanga aturā Iosepha 23 ki taua au tangata ra, I na, kua okoia kotou e au i teianei rā, e to kotou enua, no Pharao: teia te ua na kotou, ei ruru anga na kotou i taua enua na. Kia ua ra, e apai mai ia kotou i 24 te rima o te tuanga na Pharao: ko e a tuanga ra, na kotou uaurai ia, ei ua kia

ruru ki runga i te kainga ra, e ei kai oki na kotou, e to kotou au ngutuare, e ei kai na ta kotou au tamariki mea 25 riki. Kua tuatua maira ratou, Naau matou i akaora io nei: kia kite aroaia mai matou e to matou kavana, e ei 26 tavini matou no Pharao. Kua akariro atura oki a Iosepha i te reira ei ture, e tae ua mai ki teianei rā, i te enua ra i Aiphiti, e na Pharao te rima o te tuanga; mari ra to te au kainga o te aro- nga taunga ra, kare ia te reira i riro kia Pharao ra.

27 Noo mairā Iseraela i te enua ra i Aiphiti, i te motia ra ko Gosenā; e ei kainga to ratou i reira, tupu atura oki ratou i te maata anga, e maata rava 28 atura. Okotai ngauru ma itu to Iakoba mataiti i te ora anga i te enua ra i Aiphiti: e to Iakoba au mataiti i te ao nei, okotai ia anere, e a ngauru, e itu 29 ara. E vaiata akera te au rā e mate ei a Iseraela: kua tiki atura aia i tana tamaiti ra ia Iosepha, karanga atura kiaia, Te kite aroaia maira au e koe i tenana, e tuku mai koe i toou rima ki raro ake i toku ūā, e takinga-meitaki mai koe, e ei tuatua-mou tauu iaku nei. Teia taku tuatua kia koe, auraka koe e 30 tanu iaku i Aiphiti nei: Kia okotai akera oku vairanga e toku au metua katoa ra, e e apai ke koe iaku i Aiphiti nei, ka tanu ei iaku i to ratou tanuma- nga. Kua tuatua maira aia, Naku ia e 31 rave i tauu i tuatua mai na. Kua karanga atura aia, Ka taputou mai ana. Kua taputou akera aia. E kua piko iorā Iseraela ki raro, ki rungao i te pou roi ra.

PENE XLVIII.

Ko Iosepha, e ana puke tamariki, i te aere anga atu ki tona metua tane maki ra, e tona akameitaki anga i ana nga tamariki ra.

- 1 E MURI akera i te reira, kua akaki- teia mairā Iosepha e, I na, kua ma- ki toou metua tane: kua rave akera aia i nga tamariki toko rua ana ra, ko Ma- 2 nase raua ko Epheraima. Kua akakiteia aturā Iakoba, e karangaia atura, Tera ake to tamaiti ra ko Iosepha, kua aere mai kia koe: kua akatoatoa iorā Ise- raela, noo ua iora ki runga i te roi.
- 3 Kua tuatua mairā Iakoba kia Iosepha, Kua mama mai te Atua Mana katoatoa kiaku i Luza, i te enua ra i Kanaana,
- 4 e kua akameitaki maira iaku, Kua tuatua maira kiaku, I na, e uua koe iaku, e e akamaata au ia koe, e e akariro au ia koe ei au iti-tangata e manganui ua

e e oronga au i teianei enua no
 ra uanga a muri ake ia koe, ei
 nga e tuatau ua atu. E teianei,
 au nga puke tamariki tamaroa,
 epheraima raua ko Manase ra,
 i anau i te enua nei i Alphiti,
 au i tae mai ki Alphiti kia
 nei, naku ia; mei ia Reubena
 ko Simeona, naku katoa raua. E
 ra tamariki, e anau i muri ake ia
 ra, naau ia; e e tapaia ratou i te
 o to ratou puke tuakana i to ra-
 tuanga. Ko au, iaku oki i aere
 nei Padana maira, mate iorū Ra-
 toku pae i te arataa, i te enua ra
 naana, e ngai iti oki te reira o tae
 Epheraata: e kua tanu au iaia i
 i te arataa i Epheraata ra; koia
 etelehema ra.
 a akara mairā Iseraela i nga tama-
 Iosepha ra, e kua tuatua maira,
 raua nei? Kua karanga aturā Iose-
 tona metua, Ko aku ia puke tama-
 i orongaia mai e te Atua kiauku
 Kua karanga atura aia, Ka arataki
 ma ki ko nei kiauku nei, kia aka-
 ki atu au ia raua. Kua avarevare
 Iseraela mata i te ruaine, kare ake-
 a i kite meitaki kia akara. Kua
 atura aia ia raua i vaiata kiaia;
 ngi maira aia ia raua, e takave
 ia raua. Kua tuatua mairā Ise-
 kia Iosepha, I manako oki au e,
 rava au e kite *akaou* i toou na
 e i na, kua akakite katoa mai te
 i toou na uanga kiauku nei. Kua
 aturā Iosepha ia raua i roto i te
 ga yaeae nona ra, kua tipapa
 ra aia i tona mata ki te one. E
 ave akerā Iosepha ia raua ravarai,
 heraima i tona rima katau ki to-
 la rima kaui, e ko Manase i tona
 kaui ki to Iseraela rima katau, i
 avaitata anga atu kiaia. Kua
 mairā Iseraela i tona rima ka-
 ua tuku maira ki runga i te mi-
 Epheraima, te teina ra aia, e
 ima kaui ki runga i te mimiti o
 se, ko tona ia anoano e akapera
 ma; e ko Manase ra te tama mua.
 a akameitaki maira aia i *nga*
tiki a Iosepha ra, e kua tuatua
 Ko te Atua, ko ta oku ra metua,
 erahama, e ta Isaaka, i na mua i
 roaro ra; ko te Atua i angai mai
 nei i toku nei ora anga e tae roa
 ki teianei rā; Ko te Angela i
 iaku i te au kikino katoa nei,
 ameitaki mai aia i nga tamariki
 kia tapaia raua i toku nei ingoa,
 ngoa o oku puke metua ra ko
 hama, e ko Isaaka; e kia tupu

roa raua i te maata anga i te ao nei.
 17 E kite akerā Iosepha e, kua tuku tona
 metua i te rima katau ki runga i te mi-
 miti o Epheraima, mainaina akera aia;
 kua rave akera aia i te rima o tona
 metua i runga i te mimiti o Ephe-
 raima, e tuku ki runga i te mimiti o
 18 Manase ra; Kua karanga aturā Iose-
 pha ki tona metua, Auraka e akapera,
 e taku metua; teia oki te tama mua:
 e tuku koe i to rima katau ki runga i
 19 tona mimiti. Kare akerai i tika i tona
 metua, e kua tuatua maira, Kua kite
 au, e taku tamaiti, kua kite au: ka
 riro katoa oki aia ei iti-tangata, e ka
 maata katoa oki aia: e maata ra tona
 teina iaia, e ka riro tona uanga ei au
 20 iti-tangata e manganui. Kua akamei-
 taki maira aia ia raua i taua rā ra, na
 ko maira, Ko koe *te ka akaikū* e to
 Iseraela ra kia akameitaki ra, e na koin
 ia, Kia akariro te Atua ia koe mei ia
 Epheraima, e mei ia Manase ra: kua
 tuku atura aia ia Epheraima i mua ia
 Manase ra.
 21 Kua tuatua mairā Iseraela kia Iose-
 pha, I na, teia au ka mate: e riro ra te
 Atua ei vaiata ia kotou, e ka akaaki
 akaou aia ia kotou ki te enua o to ko-
 22 tou ai metua ra. E te oronga atu nei
 au i tetai tuanga naau kare ki to ai
 tuakana ra, ko tei rauka mai iaku i
 taku koke, e i taku ana, i te rima o te
 ngati Amori ra.

PENE XLIX.

*To Iakoba matenga e te akaora anga i
 tana au tamariki ra.*

1 **K**UA tiki aturā Iakoba i te au tama-
 riki tamaroa nana ra, e karanga
 atura, Ka akaputuputu mai, kia aka-
 kite atu au kia kotou i te au mea e
 rokoa mai ei kotou, kia tae ki te au
 2 rā a muri atu. Ka akaputuputu mai,
 e te au tamariki a Iakoba, ka akarongo
 mai; e e akarongo mai ki to kotou
 metua kia Iseraela nei.
 3 E Reubena e, ko taku tama mua oki
 koe na, toku nei ririnui, e te muata-
 ngana o toku nei maroiroi; kua maata
 koe i te meitaki, kua maata i te mana:
 4 Mei te vai ra koe i te mou kore, kare
 rai koe e teitei rava atu; no te mea,
 kua tae koe ki runga i te roi o to metua
 tane; kua viivii toku roi ia koe; kua
 taea te reira e ia.
 5 Ko Simeona, e ko Levi, e taeake ia
 raua; e taoonga takinga-kino ta raua
 6 puke koke. Auraka koe, e toku vae-
 rua, e akao katoa atu i ta raua muna;
 auraka koe, e toku kakū, e topiri ua

atu ki to raua kapiti anga: kua tamate takiri oki raua i te tangata i to raua riri anga, e kua nanave raua i te kokoti anga i te uaua vaevae bovi ra. Kia kataraita to raua makitakita, e mea viviki ia; e to raua riri, e mea tane ia: e mavete raua iaku ia Iakoba nei, e akapueurikiriki ke au ia raua i Ise-raela nei.

E Iuda e, ko koe rai, e akameitaki toou ai taake ia koe: *ka tukuia* to rima ki runga i te kaki o toou au enemi; e tupou te tamariki a to metua tane ki raro i mua ia koe. E punua lionā Iuda: mei te āru mai koe, e taku tamaiti, kua riro atura koe ki runga: kia piko aia ki raro mei te liona ra, kia moe tapapa aia mei te liona tinana ra, naai aia e akatu ki runga? Kare te sepeta e taka ke ia Iuda, e te akava i roto i ona vaevae, e tae ua mai te Silo ra; e koia ta te pa enua e akarongo. E ere aia i tana asini ki te vine, e te anaunga o tana asini ki te vine meitaki ra; e tatū aia i tona kakau i te wina, e tona kakau i rungao ra ki roto i te toto vine ra: E muramura te mata i te wina, e e teatea te nio i te u.

Ko Zebuluna ra, ka noo aia i taatai ra; i te ngai pai aia ra; e *e tae rava* tona kotinga ki Zidona.

E asini ririnui a Isakara, e moe i ro-
topu i nga koro puaka: Te kite ra oki aia i te akaangaroi anga, e e mea meitaki ia, e te enua ra, e mea manca ia; e oronga'i aia i tona pakuivi ei vairanga apainga, e riro ei aia ei tavini tautauinga.

Ko Dana ra, e tuku mai aia i te tua-
tua-tan ki tona au tangata, mei tetai o te au kopu o Iseraela nei. Ka riro a Dana ei ovi i te arataa ra, ei kerase te i te mataara ra, ko te kakati i te vaevae o te ipo ra, e inga tiraa atura tei rungao ki raro.

I tiaki ua ana au i te ora naau, e Ieho-
va e.

Ko Gada ra, ka eke aia i tetai taka-
nava: ka eke ra ratou iaia i muri ake.

Ko Asera ra, *ka riro* tana kai i te
mea meitaki roa ra; e te au mea ano-
anoia e te ui ariki ra tana ka oronga ra.

Ko Naphatali ra, e aili tuku uaia
kia aere ua ana: ka tuku aia i te tua-
tua memeitaki ra.

Ko Iosepha ra, e tupu ou uua ia, e
tupu ou uua ia i te pae punavai ra; ko
tei toro te rara na runga i te patu ra:
Maata ua rai tona mamae i te aronga
akainana kakao, e kua akainana mai
iaia, e kua makitakita oki iaia: Te vai
tika ra tana ana i te ketaketa, e te
marōrō ra tona rima e tona kapu-rima

i te ririnui o te *Atua* Mana o Iakoba
25 No reira maira, no ko i te tiaki ra,
te toka o Iseraela, No te Atua o to
metua tane ra, te ka tauturu mai ia
koe ra, no te Mana katoatoa ra, ko te
ka akameitaki mai ia koe ra, te au
meitaki o te rangi i runga ra, te au
meitaki o te moana e vai ua i raro nei,
te au meitaki o te u, e to te kopu.
26 Te au meitaki o to metua tane kua tu
ke ia i te au meitaki o te maunga tu
anga mou, te au mea anoanoia no te au
tuaivi vairanga mutu kore; kia vai ua
ana ki rungao i te mimiti o Iosepha, e
ei runga i te take upoko o tei taka ke
i tona ra au tuakana.

27 Ko Beniamina ra, ka riro ia i te ae
mei te luko ra: e pou tana kai i te
popongi roa, e kia po ra ka tua'i i tei
rauka.

28 Ko nga mataiapo teia o Iseraela tino
ngauru marua nei; e ko te *tuatua* teia
ta to ratou metua tane i tuatua mai kia
ratou, iaia i akameitaki mai ia ratou;
kua akapini marie aia ia ratou katoa i
te akameitaki, ko te tangata ko tona
meitaki, ko te tangata ko tona meitaki.

29 E kua ikuiku maira aia ia ratou, na ko
maira, Kua vaitata au i te apai katoaia
ki toku ra iti-tangata: e tanu kotou
iaku i vaitata katoa i oku ra puke
metua ki roto i te ana, i te kainga o

30 Epheronā ngati Heta ra, Ki roto i te
ana i te kainga i Makapela, i vaitata i
Mamera, i te enua ra i Kanaana; i tei
okoia e Aberahama, ma te kainga
katoa, ia Epheronā ngati Heta ra, ei

31 ngai tanumanga tangata. I reira to
ratou tanu manga ia Aberahama, e tana
vaine ra ia Sara; i reira to ratou tanu
manga ia Isaaka, e tana vaine ra ia
Rebeka; e i reira oki toku tanu manga

32 ia Lea. Ko taua kainga ra e te ana ka-
toa i roto ra, e mea oko katoaia ia i te
tamariki a Heta ra.

33 E oti akera ta Iakoba ikuiku anga i
tana au tamariki, kua mimiti maira
aia i tona vaevae ki runga i te roi, mate
rava akera, e i kapiti katoaia ki tona
au tangata ra.

PENE L.

*Te aue anga ia Iakoba, e tona tanu
mangaia; e to Iosepha akamaru anga
i tona ai tuakana, e to Iosepha mate-
nga.*

1 **K**UA tipapa iorū Iosepha ki ru-
nga i te mata o tona metua,
aue ua iora ki runga iaia, e ongi atura
2 iaia. Kua akaue aturū Iosepha i tona
au tavini, i te aronga taunga ra, e miri

na metua; e kua miri iora taua
nga taunga ra ia Iseraela. E ope
3 te au ra e a ngauru ra; ko te au
e ope ei i te miri anga: kua auc
to Aiphiti iaia e itu akera ngauru
o te rā. E ope rava akera taua
4 rā auc anga iaia ra, kua karanga
Iosepha ki te ngutuare o Pharao,
o atura, I kite aroaia mai au e ko-
na, teia taku tuatua kia kotou, e
nga atu kotou kia Pharao, e aka-
atu e, Kua akataputou mai toku
5 iaku, na ko maira, I na, teia au
mate; ei roto i toku uaoari menema
tanu ei iaku, i taku i ko noku uao-
i te enua ra i Kanaana: e teianci,
ku ake ana koc iaku, e aere au ki
nga e tanu i toku metua tane, e ka
mai au. Kua tuatua mairā Pha-
6 ra. Ka aere ki runga, ka tanu i to
ua tane, i tana i akataputou mai ia
ra.
aere aturā Iosepha ki runga e tanu
na metua tane; e te au tavini rava-
o Pharao i te aere katoa anga, te
nga pakari no tona ngutuare, e te
nga pakari katoa no taua enua ra no
hiti, E to te ngutuare katoa o Iose-
8 e tona ai tuakana, e to te ngutuare
na metua tane: ko te au tamariki
e ra, e te au manoe, e te au bovi,
aoaia i te enua ra i Gosenā. Ko
9 kua kariota katoa oki i te aerenga ki
nga, e te aronga akaoro ipo katoa ra;
tupu maata rava oki ratou. E tae
10 i ratou ki te alona o Atada, i tera
Ioridana, i reira to ratou eva anga, e
anga maata roa atu: e auc anga tana
tapupu i reira i tona metua, e po itu
na. E kite akera to taua enua ra, I
ngati Kanaana, i taua auc anga i
ona o Atada ra, kua tuatua akera
na, E auc anga maata roa tera ake
Aiphiti ra: i tapaiāi te ingoa i te
i tera pae Ioridana ra, ia Abela-
raima. Kua rave marie atura i
12 tamariki a *Iakoba ra* i tana i ikuiku
kia ratou ra: Kua apai marie oki
13 i tamariki iaia ki te enua ra ki
mana, e kua tanu oki iaia ki roto i
na i te kainga i Makapela, i tei
a e Aberahama ma te kainga katoa,
anumanga tangata, ia Epheronā
i Heta ra, i vaitata i Mamera ra.
oti akera tona metua tane i te
14 mia e ia, kua oki mairā Iosepha ki
iti; koia, e tona ai tuakana, e te

aronga i aere katoa ki runga i te tanu
manga i tona metua tane.
15 E kite akera te ai tuakana o Iosepha
e, kua mate to ratou metua tane, kua
tuatua akera, Peneiāke ko te makita-
kita mai a Iosepha ia tatou, kare e kore
e tutaki mai i ta tatou takinga-kino
16 katoa iaia ra. Kua tonu akera ratou i
tetai karere kia Iosepha ra, e karanga
atu e, I ilu mai to metua tane, ka
17 mate ei ra, na ko maira, E karanga
atu kotou kia Iosepha, E akakore mai
koe, i tenana, i te apa a to ai tuakana
nei, e to ratou kino; kua takinga-kino
oki ratou ia koc: e teianci, teia ta ma-
tou tuatua kia koc, e akakore mai koc
i te ara a te au tavini o te Atua o toou
metua tane ra. E kua auc iorā Iosepha
i ta ratou pera anga mai kiaia ra.
18 Aere atura oki tona ai tuakana, e ti-
papa iora ki raro ki mua i tona aroaro;
e karanga atura, I na, ei tavini anake
19 matou noou. Kua tuatua mairā Iose-
pha kia ratou, Auraka e matakū: tei
20 iaku ainei ta te Atua? Ko ta kotou i
akakoro ei kino noku, ko ta te Atua ia
i akakoro ei meitaki, kia tupu iaia *ta*
tatou e kite nei, koia te tangata katoa
nei e mangani i te ora anga i teianci
21 rā. E teianci, auraka e matakū: naku
kotou e angai, e ta kotou au tamariki.
Pera atura nia i te akamaru anga ia
ratou, e kua akapumana atu ia ratou.
22 Noo ua iorā Iosepha i Aiphiti, koia,
e te ngutuare katoa o tona metua: okoi-
tai atura anere e okotai ngauru ara i to
23 Iosepha mataiti i te ora anga. Kua
kite oki a Iosepha i to Epheraima au
mokopuna: e te tamariki katoa a Ma-
kira te tamaiti a Manase ra, i runga
ratou i te ūā o Iosepha i te pakari
anga.
24 Kua karanga aturā Iosepha ki te au
taeake nona ra, Teia au ka mate; e ka
atoro mairai te Atua ia kotou, e nana
kotou e arataki atu mei ko nei atu ki
runga roa i te enua i tana i taputou
mai e, no Aberahama, e no Isaaka, e no
25 Iakoba. Kua akataputou aturā Iose-
pha i te au tamariki a Iseraela, na ko
atura, E atoro mairai te Atua ia kotou,
e na kotou e apai katoa i toku nei ivi
26 ki runga mei ko nei atu. Mate iorā
Iosepha, okotai atura anere okotai nga-
uru ara te mataiti; e kua miri iora
ratou iaia, e kua tuku atura ki roto i
te pia i Aiphiti.

TE BUKA RUA A MOSE RA,

EXODO.

PENE I.

Te tamariki a Iseraela i te maata anga, takinga-kino uaia ake e tetai ariki ou.

TEA oki te ingoa o te au tamariki 1
a Iseraela ra, ko tei aere ki Aiphiti; ko te tangata ko tona ra ngutu-
are i te aere katoa anga ratou ma la-
koba: Ko Reubena, ko Simeona, ko 2
Levi, e ko Iuda, ko Isakara, ko 3
Zebuluna, e ko Beniamina, ko Dana, 4
e ko Naphatali, ko Gada, e ko Asera.
E taua aronga katoa ra, ko to Iakoba 5
ra uanga tikai, e itu ia ngauru anga:
tei Aiphiti oki a Iosepha. E mate 6
atura oki a Iosepha e tona ai tuakana
katoa, e to taua uki katoa ra. Uua
atura te au tamariki a Iseraela, e tupu
atura ki te maata anga, e maata rava
atura, e riro atura ei aronga maroiroi
maata; e ki atura te enua ia ratou.

Kua tupu akera tetai ariki ou i Aiphiti, kare aia i kite mai ia Iosepha. Kua tuatua akera aia ki tona au tangata, I na, te au tangata nei, te tamariki a Iseraela, e manganui ratou, e maroiroi maata oki to ratou i to tatou nei: Aere 10
mai na, ei ravenga pakari ta tatou ia ratou, ko te maata aca ratou, ko te kapiti katoa atu aca ratou ki to tatou au enemi, me tupu te tamaki ra, ka tamaki mai ei ia tatou nei, akaruke iora ratou i te enua nei. Kua tuku akera ratou i 11
te aronga akaaitete-angaanga ki runga ia ratou, ei akateiaa ia ratou i te apai-nga. Akatu akera ratou i te oire vairanga apinga no Pharao, ko Pitoma, e ko Ramese. E te maata ra to ratou tinai-
mate anga ia ratou, te tupu ra ratou i te maata anga i reira, e pararauare atura. Ngarangara atura ratou i te tamariki a Iseraela ra. Kua akaapoipoia te
tamariki a Iseraela e to Aiphiti ra i te angaanga ma te takinga-kino maataia: 13
Potopoto rava atura to ratou a'o ia 14
ratou i te tinai-mate anga, i te ngaika, e te karakaraca, e te au angaanga katoa i te kainga ra; e te angaanga ravarai, ta ratou i akaapoipo mai ia ratou e rave
ra, i rave ia ma te takinga-kinoia mai.

15 Kua karanga atura te ariki o Aiphiti ki nga akaanau ngati Ebera ra, ko Sibera te ingoa o tetai, e ko Pua oki te
16 ingoa o tetai; Kua karanga atura oki aia, Kia rave korua i ta korua na taoonga akaanau i te au vaine ngati Ebera ra, e akara korua i te abeni; e e tamaroa ra, e ta korua i te reira; e tamaine
17 ra, e vaio atu ia kia ora ua na. E mataku ra to nga akaanau i te Atua, kare akera i rave i ta te ariki i Aiphiti i tuatua mai kia raua ra, vaoa ua atura ra i te au tamariki tamaroa kia ora ua na.
18 Kua tiki atura te ariki o Aiphiti i nga akaanau, e kua karanga atura kia raua, Eaa korua i akapera'i, i akaora'i i te au
19 tamariki tamaroa ra? Kua tuatua maira nga akaanau kia Pharao, Kare te au vaine ngati Ebera i aite ki te au vaine Aiphiti; e aronga maroiroi ra ratou; rokoia atu e te akaanau ra, kua
20 anau takere. Kua takinga-meitaki maira te Atua i nga akaanau ra: tupu atura taua iti-tangata ra i te maata, e riro atura ei aronga maroiroi maata.
21 E no te mea e matakau to nga akaanau i te Atua, e kua akamaata maira aia i
22 to ratou ngutuare, I akaue ei a Pharao i te au tangata katoa nona ra, na ko atura, Te au tamariki tamaroa katoa kia anau ra, e rave kotou e titiri ki raro i te vai, kareka te au tamariki tamaine ra, ka akaora ia.

PENE II.

To Mose anau anga, e te akaruke angaia ki raro i te vai, e tona akaora angaia e te tamaine a Pharao: no te tangata Aiphiti i mate iaia, i oro ei aia ki Midiana.

KUA aere atura tetai tangata no te ngutuare o Levi, kua akaipoipo
2 atura i tetai tamaine a Levi ra. E kua to iora taua vaine ra, e anau akera, e tamaiti: e kite akera aia e, e tamaiti purotu, kua uuna iora aia iaia e toru akera mara-
3 ma. E kare atura e ngaro iaia kia uuna, kua rave iora aia i tetai araka gome, e kua ano iora ki te hemera e te tapou, e kua

o iora i taua tamaiti ra ki roto; o atura ki roto i te ngangaere i te o te vai ra. Kua tu ua iora te ine nona i te mamae ke, kia kite aia i te rave angaia mai.

Kua aere maira te tamaine a Pharao i i taua vai ra; e te aere ua ra te ui ne nona rana te pae o te vai; e kite ra ra aia i taua araka ra ki roto i te ngangaere, kua tono atura i tona tavini ne e tiki. E kia kiriti akera aia, e atura aia i taua tamaiti ra: e i na, e aue iora taua tamaiti varevare ra. Na akera aia iaia, e kua tuatua akera, e tetai teia o te au tamariki a te nganhera nei. Kua tuatua maira tona ine ki te tamaine a Pharao ra, E e ainei au e tiki i tetai u no te au ne ngati Ebera, ei ikiiki i tenana tamaiti naau? Kua karanga atura te tamaine a Pharao kiaia, Ka aere. Kua atura taua vaine ra, kua tiki atura metua vaine no taua tamaiti ra. E karanga atura te tamaine a Pharao ra, E apai koe e ikiiki i teianei tati naku, e naku e o atu i tauu tuu. Kua apai atura taua vaine ra i taua tamaiti ra, kua ikiiki atura. Tupu 10 i taua taua tamaiti ra, e kua apai maira iaia ki te tamaine a Pharao, riro ra aia ei tamaiti nana; tapa atura i tona ingoa ko Mose; kua tuatua ra oki aia, Naku aia i rave mai no i te vai.

Ei te reira au rā, kia pakari a 11 e ra, i aere ei aia ki tona ai tacake e kite atura i ta ratou apinga teia: e akara atura aia i tetai tangata Aia, i te ta ra i tetai i tona au taeake, tati Ebera. Kua matātua ua iora i tetai pae e i tetai pae, e kare rava a e tangata i kitea e ia, kua ta iora i taua tangata Aiphiti ra, e kua a iora ki raro i te one. Kua aere 13 u atura aia i tetai rā, e i na, te ami ra e toko rua puke tangata i Ebera ra; e kua karanga atura ki tei e ra, Eaa koe i moto ei i toou tangata tupu? Kua tuatua maira 14 Naai koe i akariro ei kavana e ei ia matou nei? te manako na koe ta mai iaku, mei tauu i ta i te Aia ra? Matakū iorā Mose, e kua ua akera, Kua kitea tikaia taua nei.

Kite akerā Pharao i taua mea ra, 15 umuumu maira aia ia Mose e ta. E ke maira rā Mose mei mua mai i oaro o Pharao, e kua noo atura i te ra i Midiana; e kua noo iora aia anga i te ruavai. Ko tetai taunga ra 16 diana toko itu ana puke tamaine:

e kua aere maira ratou e uti i te vai, e akaki i te au ūriki ei akainu i te au mamoe a to ratou metua tane ra. Kua aere maira te au tiaki mamoe, e kua tuaru ke ia ratou ra: kua tu akera rā Mose ki runga e tauturu atura ia ratou, 18 e kua akainu i ta ratou au mamoe. E tac atura ratou ki to ratou metua tane ra kia Reuela, kua tuatua maira aia, Eaa te mea i tac vave mai ei kotou i teianei rā? Kua karanga atura ratou, Na tetai tangata Aiphiti i tauturu mai ia matou i taua au tiaki mamoe ra; e nana katoa i uti i te vai na matou, e 20 kua akainu akera i te anana. Kua tuatua maira aia ki taua au tamaine nana ra, E teiea aia? eaa kotou i akaruke ei i taua tangata ra? kapikiia 21 atura, kia kai i te kai. Tika roa ia Mo e e noo ki o taua tangata ra: e kua oronga maira aia i tana tamaine ia 22 Zipora kia Mose. E anau maira aia ra, e tamaiti; tapa iorā Mose i tona ingoa ko Geresoma; kua tuatua akera oki aia, E tangata ke au i te enua ke nei.

23 E roa akera, mate iora taua ariki no Aiphiti ra; te ngunguru ua ra te tamariki a Isaraela i ta ratou angaanga maata; e kua aue oki ratou, e kua tac roa ki te Atua to ratou aue i ta ratou 24 angaanga i te maata. E kua akarongo maira te Atua i to ratou aue anga; e kua maara te Atua i tana koreromotu ia 25 Aberahama, ia Isaaka, e ia Iakoba. E akara maira te Atua i te tamariki a Isaraela; e kua kite maira te Atua ia ratou.

PENE III.

Ta Mose tiaki anga i te anana a Ietero; te Atua i te mana anga mai kiaia i roto i te pu ngangaere ra, e te tono anga iaia e akaora ia Isaraela.

1 **T**IAKI aturā Mose i te mamoe a tona metua ongoai a Ietero taunga i Midiana ra: e kua taki atura aia i taua anana ra ki muri i te medebara, e tac atura ki te maunga o te Atua ra, 2 ki Horeba. Kua mama maira te Angela a Iehova kiaia i roto i te mura ai i rotou i tetai pu ngangaere: e kua akara atura aia, e i na, te mura ua ra taua pu ngangaere i te ai, e kare taua 3 pu ngangaere ra i pou. Kua tuatua akerū Mose, E ariu atu na au, e akara i teianei apinga maata, i te mea i kore 4 ei i ka taua pu ngangaere nei. E kia akara mairā Iehova e, te ariu atura aia e akara, kua kapiki maira te Atua kiaia mei rotou mai i taua pu ngangaere ra, kua tuatua maira, Mose, Mose.

Kua karanga atura aia, Teia au. Kua 5
tuatua maira aia, Auraka koe e aka-
vaitata mai i ko nei; ka kiriti to tamaka
i to vaevae, ko te ngai oki taau e tu mai
ana, e one tapu ia.

E kua tuatua maira aia, Ko au te 6
Atua o to metua na, te Atua o Abera-
hama, te Atua o Isaaka, e te Atua o
Iakoba. Kua puroku iorā Mose i tona
mata; i mataku oki aia kia akara atu i
te Atua. Kua tuatua maira Iehova, 7
Kua akara tikai au i te mate o toku iti-
tangata i Aiphiti; e kua akarongo au i
to ratou aue i to ratou au akaaiteite-
angaanga; kua kite oki au i to ratou
mamae; E i aere mai nei au ki raro nei 8
e akaora ia ratou i te rima o to Aiphiti,
e e arataki ke mai oki ia ratou i taua
enua ra, ki tetai enua meitaki e te
maata, e enua e ta'e a vai ua te u, e te
meli; ki te ngai o te ngati Kanaana, e
te ngati Heta, e te ngati Amori, e te
Perizi, e te ngati Hevi, e te ngati
Iebusi ra. E teianci, i na, kua tae roa 9
mai te aue o te tamariki a Iseraela
ki ko nei iaku nei; e kua akara oki au
i te tinai-mate anga ta to Aiphiti i tinai-
mate ia ratou. E aere mai koe, i tenana, 10
e tono au ia koe kia Pharao ra, e maau
e arataki mai i toku au tangata, i te
tamariki a Iseraela, mei Aiphiti mai.

Kua karanga atura rā Mose ki te 11
Atua, Koai oki au, ka tae ei au kia
Pharao ra, e ka arataki mai ei au i te
tamariki a Iseraela mei Aiphiti mai?
Kua tuatua maira aia, Ei vaitata katoa 12
ia au ia koe; e teia taau akairo, e kua
tonokia koe e au: Kia ope te au tan-
gata i te aratakia mai e koe mei
Aiphiti mai, ei runga tikai i teianei
maunga kotou e akamori ei i te Atua.
Kua karanga aturū Mose ki te Atua, 13
I na, kia tae au ki te tamariki a Iseraela
ra, e kia karanga atu au kia ratou e, I
tonokia mai au e te Atua o to kotou ai
metua kia kotou nei; kia tuatua maira
ratou kiaku e, Koai tona ingoa? e
akapea atu au kia ratou? Kua tuatua 14
maira te Atua kia Mose, Te vai nei
au, ko au rai e vai nei: e kua
tuatua maira aia, Teia taau e karanga
atu ki te tamariki a Iseraela, Na Te
vai nei au au i tono mai kia kotou
nei.

Kua tuatua mairai oki te Atua kia 15
Mose, E na ko atu koe ki te tamariki
a Iseraela, Na te Atua o to kotou ai
metua ra, ko Iehova, te Atua o Abera-
hama, te Atua o Isaaka, e te Atua o
Iakoba, au i tono mai kia kotou nei:
ko toku ia ingoa e tuatau ua atu, e ko
toku ia akakite ki tera uki ki tera uki.

E aere koe, e akaputupu i te aronga 5
pakari o Iseraela ra, ka karanga atu ei
kia ratou, Kua mama mai te Atua o to
kotou ai metua ra ko Iehova kiaku, ko
te Atua o Aberahama, no Isaaka, e no
Iakoba ra, na ko maira, Ka tutaki tikai
au ia kotou, e ta kotou rave *kino*
17 angaia i Aiphiti: E kua tuatua oki au
e, E arataki au ia kotou mei roto mai i
to kotou mate i Aiphiti ra, ki te enua o
te ngati Kanaana, e te ngati Heta, e te
ngati Amori, e te Perizi, e te ngati
Hevi, e te ngati Iebusi, ki te enua e
18 ta'e a vai ua te u e te meli ra. E ka
akarongo mai ratou i toou reo: e ka
aere koe, ko koe e te aronga pakari o Ise-
raela, ki te ariki o Aiphiti ra, e na ko-
tou e karanga atu kiaia e, Kua mama
mai te Atua o te ngati Ebera ra, ko
Iehova, kia matou nei; e teianei, teia
ta matou tuatua kia koe, e tuku ake
ana koe ia matou, kia aere ana ki te
medebara, e kia po toru i te aereanga,
kia apai matou i te tusia ki to matou
19 Atua kia Iehova ra. Kua kite ra au
e, kare te ariki o Aiphiti e tuku ia ko-
tou kia aere, ei rima rinui ra. E aka-
tika ana au i toku rima, e ta ia Aiphiti
i taku katoa nei au ravenga taka ke
taku ka rave i rotopu iora: e i muri
21 akara, e tuku ei aia ia kotou. E ka
kite aroaia mai taua aronga nei e to
Aiphiti iaku: e kia aere kotou ra, kare
22 ia e aere ma te ngere: Ka pati ra te
au vaine katoa i tona uorai tangata
tupu, e i tei noo i tona ngutuare ra, i
te apinga ario, e te apinga auro, e te
kakau; ka tuku ei ki runga i ta kotou
au tamariki tamaroa, e ki runga i ta
kotou au tamaine; pou iora to Aiphiti
ia kotou.

PENE IV.

*Te rakau o Mose i te akariro angaia ei
ovi, e tona rima i te lepera angaia;
to Aaronā aravei anga ia Mose, e ta
raua tuatua i te akatika angaia e te
tangata.*

1 **K**UA karanga atu rai a Mose, na ko
atura, E i na, kare ratou e akatika
mai i taku, kare oki e akarongo mai i
toku reo: ka riro ra ratou i te tuatua
mai e, Kare a Iehova i mama mai kia
2 koe. Kua tuatua maira Iehova kiaia,
Eaa tena i toou na rima? Kua ka-
3 rangā atura aia, E rakau. Kua tuatua
maira aia, Ka titiri ana ki raro i te one.
Kua titiri iora aia i taua *rakau* ra ki
raro i te one, e riro atura ei ovi; oro ke
4 aturū Mose i taua mea ra. Kua tuatua
maira Iehova kia Mose, Ka akatika ana
koe i to rima, ka opu i te iku. (Kua

atikā akera aia i tona rima, e kua
a akera, riro atura ei rakau i roto i
a rima;) Kia akarongo mai ratou e,
a mama mai te Atua o to ratou ai
tua ra, ko Iehova, te Atua o Abe-
ama, te Atua o Isaaka, e te Atua o
Ishakā, kia koe.

Kua tuatua mairai oki a Iehova kiaia,
e tuku ana i toou rima ki runga i
a umauma. Kua tuku iora aia i
a rima ki runga i tona umauma: e
e kiriti akera aia, i na, kua leperaia
a rima nona mei te kiona ra. Kua

7 Kua tuatua mairai oki aia, Ka tuku akaou i
a rima ki runga i toou umauma.
Kua tuku akaou iora aia i tona rima ki
runga i tona umauma; e kia kiriti
aia i te reira i runga i tona uma-

umauma, i na, kua riro akaou mei te kiko
i tangata katoa ra. Ko ratou oki kia
e e akatika mai ia koe, e kia kore e
akarongo i te reo o tei muatangana ra
iro, ka akatika ratou i te reo o te
iro i muri ake. Kia kore ra ratou

9 akatika i te reira puke akairo e rua
arai, e kia kore e akarongo i toou
reira koe e rave ei i te vai o te
vai ra, ka riringi ei ki raro i te one
ō: e ka riro taua manga vai tauu i
e mai no raro i te kauvai ra, ka

10 ia ei toto ki raro i te one marō ra.
Kua karanga aturā Mose kia Iehova,
aku Atua, kare au i te tangata vaa
ataua, mei ia koe rai i tuatua mai ki
vini nei, e mei muatangana mairai:

11 e murare oki, e te ngungauu toku.
a tuatua mairā Iehova kiaia, Naai
ga i te vaa tangata nei? e koai tei
iro iaia ei murare, e ei turi, e ei
apuera, e ei matapo? kare ainei ko

12 ko Iehova? E teianei, e aere koe,
aitata katoao au i toou vaa, e naku
akite i tauu ka tuatua. E kua ka-
13 rangā atura aia, E taku Atua e, teia taku
ua kia koe, e tono koe i tei tau ia
kia tono ra. Kua tupu akera to

14 ova riri ia Mose, e kua tuatua maira
Kare aiaā Aaronā ngati Levi ra i
akana noou? e tangata vaa tukatau
kua kite au: e i na, te aere maira
e aravei ia koe: e ka rekareka tona

15 au, kia kite mai aia ia koe. E
e karanga atu kiaia, e ka tuku koe
tuatua ki roto i tona vaa: e ei vai-
katoao oki au i toou vaa, e i tona
e naku e akakite kia korua i ta

16 a e rave ra. E nana e karanga atu
e tangata i tauu ra tuatua: ei vaa
oki aia noou, e ei tupau koe i te
iaia ra. E rave koe i tauu rakau

17 to rima, ko tauu ia tuounga kia
i te au akairo ra.

18 Aere mairā Mose, oki maira ki te
metua ongoai ra kia Ietero ra, e kua
tuatua maira kiaia, Teia taku tuatua, e
tuku ake ana koe iaku, e oki ana au ki
toku ai taake i Aiphiti ra, kia kite au
ia ratou i te ora anga. Kua karanga a-
aturā Ietero kia Mose, Ka aere, kia ora
na i te aerenga.

19 Kua tuatua mairā Iehova kia Mose
i Midiana, Ka aere, e oki koe ki Ai-
phiti: kua ope oki te au tangata i kimi

20 mai ia koe ra kia mate. Kua rave
akerā Mose i tana vaine e nga tamariki
ra, e tuku atura ki runga i te asini, oki
atura ki te enua ra ko Aiphiti: kua
apai katoā Mose i te rakau a te Atua
ra i tona rima.

21 E kua tuatua mairai a Iehova kia
Mose, Kia tae akaou koe ki Aiphiti ra,
kia maroiroi koe i te rave i tauu au
semeio katoa nei ki mua i te aroaro o
Pharao, taku i tuku atu ki toou rima:

22 e akaketaketa ua ana ra au i tona nga-
kau, kare rai aia e tuku i te au tangata
nei. E naau e karanga aturā Pharao
e, Te na ko mairā Iehova, E tamaiti
naku Iseraela, ko taku ia tama mua:

23 Teia taku tuatua kia koe, e tuku mai
koe i taku tamaiti, kia akamori mai aia
iaku: kia kore ra koe e tuku mai iaia,
i na, ka tamate roa au i tauu tamaiti, i
tauu tama mua ra.

24 E tae akera ki te ngai moe anga i te
arataa ra, kua aravei mairā Iehova iaia,

25 e kua umuumu mai iaia e ta. Kua
rave iorā Zipora i te toka koi, peritome
iora i tana tamaiti ra, e kua titiri ki
raro ki tona pac vaevae, e kua tuatua

26 akera, E tane toto koe naku e. Tuku
atura aia iaia kia aere: no te peritome
oki i tuatua'iaia e, E tane toto.

27 Kua tuatua anā Iehova kia Aaronā
e, E aere koe ki te medebara e aravei
atu ia Mose. Aere atura aia, e aravei
atura iaia i te mauunga o te Atua ra, e

28 kua ongi atura iaia. Kua akakite
mairā Mose kia Aaronā i te au tuatua
roarai a Iehova ko tei tono iaia ra, e te
au akairo katoa tana i akaue mai kiaia.

29 Aere aturā Mose raua ko Aaronā, e
akaputuputu iora i te aronga pakari ka-
toa o te tamariki a Iseraela; Kua karanga
aturā Aaronā i te au tuatua roarai a
Iehova i tuatua mai kia Mose ra, e kua

30 rave i te au akairo ki mua i te aroaro
o te au tangata ra. Kua akatika maira
tauu aronga tangata ra: e kite akera
ratou e, kua atoro mai a Iehova i te
tamariki a Iseraela, e kua akara mai
aia i to ratou mate, kua tupou iora
ratou ki raro, e kua akamori.

PENE V.

*To Pharao akarongo kore unga i te tua-
tua a Mose raua ko Aaronā, e kua
akamaata i ta te tangata angaanga.*

E I MURI ake i te reira, aere 1
aturā Mose raua ko Aaronā, e kua
karanga atura kia Pharao, Te na ko
maira te Atua o Iseraela ra ko Iehova, E
tuku i toku au tangata kia aere, e kia
akono ratou i te oroa naku i te medebara
ra. Kua tuatua mairā Pharao, Koai a 2
Iehova, ka akarongo atu ei au i tona
reo, ka tuku atu ei ia Iseraela? Kare
au i kite ia Iehova, kare oki au e tuku
ia Iseraela. Kua karanga atura raua, 3
Kua maima mai te Atua o te ngati
Ebera kia maua: teia ta matou tuatua
kia koe, e tuku ake ana koe ia matou,
e aere matou ki te medebara, e kia po-
toru ake i te aerenga, e apai i te tusia
ki to matou Atua kia Iehova ra; ko te
ta mai aea aia ia matou ki te maki-
mate, e kare ra, ki te koke. Kua 4
tuatua maira te ariki o Aiphiiti kia
rauā, Eaa korua, ko koe oki e Mose e
ko Aaronā, i tavarenga ke ei i te au
tangata nei i ta ratou angaanga? E
aere kotou ki ta kotou au apainga.
Kua tuatua akērā Pharao, I na, kua 5
maata te au tangata o te enua nei i
teianei, e te akapaki nei ratou i ta ratou
apainga ia korua na.

Kua karanga aturā Pharao ki te 6
aronga akaaiteite-angaanga na taua au
tangata ra, e ta ratou au tangata tao-
onga, i tana rā ra, na ko atura, Auraka
kotou e apai i te tabana na te au tangata
kia anga i te karakaraca, mei tei mua-
tangana ra: e aere ra ratou e koi aere i
te tabana na ratou uorai. Ko te tatau 8
tikai ra i te tatau i te karakaraca, ta
ratou i anga i muatangana ra, ta kotou
e tuku atu; auraka kotou e akaiti i te
reira: no te mea kua akatau ratou; i
kaku mai ei ratou, i na ko mai ei ra, E
tuku ake ana ia matou, e aere matou e
apai i te tusia na to matou Atua. Ka 9
akamaata atu rai kotou i te angaanga na
taua aronga tangata ra, kia akono ratou
i te reira; auraka e akono i te tuatua
puapinga kore.

Aere atura te aronga akaaiteite-anga- 10
anga na te au tangata ki vao, e ta ratou
au tangata taoonga, e kua karanga atu-
ra ki te au tangata ra, na ko atura, Te
na ko mairā Pharao, Otira ua au i te
apai atu i te tabana na kotou: Ko ko- 11
tou te aere, e kimi i te tabana i te
ngai e rauka atu ei; kare ra e akaitiia
ta kotou angaanga, e okotai iti ake.

12 Pueurikiriki ke atura te tangata, e
pini ua ake te enua katoa ra ko
Aiphiiti, i te koi aere anga i te teita ei
13 tabana. Kua akaapoapo maira te aro-
nga akaaiteite-angaanga ra ia ratou, na
ko maira, E rave akaoti roa ta kotou
angaanga, i akonoia no te au rā katoa
14 nei, mei tei te tabana anga ra. E te au
tangata taoonga ngati Iseraela, ta te
aronga akaaiteite-angaanga a Pharao i
tuku i rungao i to ratou ra, i pāpāia ia,
e i uia e, Eaa i kore ei i tika ta kotou
angaanga i te anga i te karakaraca i
akonoia ra i nanai, e nakonei katoa
oki, mei tei muatangana ra?
15 Kua aere atura taua aronga taoonga
ngati Iseraela ra, kua kaku atura kia
Pharao, na ko atura, Eaa koe i akapera
16 mai ei i toou au tavini nei? Kare oki e
tabana i o maiia mai ki toou au tavini
nei, e te tuatua na maira ratou kia ma-
toui nei, E anga i te karakaraca: e i
na, kua pāpāia toou au tavini nei; tei
17 toou orai ra au tangata te apa. Kua tua-
tua maira ra aia, E akatau, kua akatau
kotou; i tuatua mai ei kotou e, E tuku
ake ana ia matou, kia aere e apai i te
18 tusia na Iehova. E tenana, ka aere,
ka rave i te angaanga; kare e apaiia
atu te tabana kia kotou; ko te tatau rai
te tatau o te karakaraca kia tuku mai
kotou.

19 Kite akera taua aronga taoonga ngati
Iseraela ra i te tu o to ratou tumate-
nga, i tei tuatua maira e, Kare e aka-
itiia ta kotou karakaraca i akonoia no
20 te au rā katoa ra. Kua ravei akera
ratou ia Mose raua ko Aaronā, te tu ua
ra raua i te arataa, ia ratou i oki mai
21 mei mua mai ia Pharao ra: E kua tua-
tua maira ratou kia raua, Kia akara
mai a Iehova ia korua, ka akava mai
ei; kua akariro io nei korua ia matou
ei mea viivii i mua i te aroaro o Pharao,
e i te aroaro katoa o tona au tavini,
kua tuku korua i te koke ki to ratou
22 rima ei ta mai ia matou. Kua oki
mairā Mose kia Iehova ra, e kua tuatua
maira, E te Atua, eaa koe i takinga-
kino ei i teianei aronga? eaa oki koe i
23 tono ake ei iaku nei? Mei iaku rai oki
i aere atu kia Pharao ra e tuatua ma
toou ra ingoa, kua takinga-kino mai aia
i taua aronga nei; e kare oki toou iti-
tangata e ora i taua akaora anga.

PENE VI.

*Te akakite akaou nei te Atua i te meita-
ki tana i tuatua mai i muatangana ra.*

KUA karanga aturā Iehova kia
Mose i reira, Ei teianei koe e kite

ei i taku rave ia Pharao ra: tei te rima marōrō oki aia e tuku ei ia ratou, e ki rima marōrō oki e tuaru te ei aia ia ratou i tona ra enua. Kua tuatua mairai te Atua kia Mose, na ko maira kiaia, Ko au ko Iehova: I mama atura oki au kia Aberahama, kia Isaaka, e kia Iakoba, ko te Atua Mana katoatoa, kare ra au i kitea e ratou i toku ingoa nei, ko Iehova. Kua akatinamou ra au i taku ra kororomotu kia ratou, e oronga atu i te enua ra ko Kanaana kia ratou, i te enua o to ratou purutia ua anga i noo tangata ke ei ra. Kua akarongo oki au i te ngengeti anga o te tamariki a Iseraela, ta to Aiphiti i akaano ua na; e kua maara oki au i taua kororomotu naku ra. E tenana, e karanga atu ki te tamariki a Iseraela, Ko au ko Iehova, e naku kotou e arataki ke mai i te au apainga a to Aiphiti ra, e e matara mai kotou iaku i ta ratou akaao anga mai, e ka akaoraia kotou e au i toku rima i akatikaia nei, e ma te tutaki maata: E ka rave oki au ia kotou ei tangata noku uaorai, e ka riro au ei Atua no kotou; e ka kite kotou e ko Iehova au to kotou Atua ra; ko tei arataki ke mai ia kotou i te apainga a to Aiphiti ra. E ka arataki au ia kotou ki te enua, taku i taputou atu e e oronga no Aberahama, no Isaaka, e no Iakoba; ko taku ia e oronga no kotou ei nooanga: ko au ko Iehova. Kua pera oki a Mose i te karanga anga atu ki te tamariki a Iseraela ra: no te tumatete-nga ngakau ra, e te tinai-mate anga, kare akerau ratou i akarongo mai ia Mose.

Kua tuatua mairā Iehova kia Mose, 10 na ko maira, Ka aere, ka karanga atu 11 ki te ariki o Aiphiti ra kia Pharao, kia tuku rai aia i te tamariki a Iseraela ki vao mai i tona enua. Kua karanga atu- 12 rā Mose ki mua i te aroaro o Iehova, na ko atura, I na, te tamariki a Iseraela kare i akarongo mai iaku; eaa oki a Pharao ka akarongo mai ei kiaku, kare oki toku i te vaa tukatau?

Kua akaperū Iehova kia Mose rana 13 ko Aaronā, e kua tuku mai i te tuatua kia raua ki te tamariki a Iseraela, e ki te ariki o Aiphiti ra kia Pharao ra, kia arataki mai raua i te tamariki a Iseraela mei roto mai i taua enua ra ko Aiphiti.

Teia te au mataiapo tutara. Ko nga 14 tamariki tamaroa a te tama mua a Iseraela ra a Reubena, ko Hanoka ia, e ko Palu, ko Hezerona, e ko Karemi: ko nga kopu-tangata teia o Reubena. E 15 ko ta Simeona puke tamariki tamaroa ra; ko Lemuela ia, e ko Iamina, e ko Ohada, e ko Iakina, e ko Zohara, e ko

Saula e tamaiti na tetai vaine ngati Kanaana: ko nga kopu-tangata teia o 16 Simeona. Teia oki te ingoa o nga tamariki tamaroa a Levi i to ratou anau anga; ko Geresona ia, e ko Kohata, e ko Merari: e to Levi ra au mataiti i te ora anga nei, okotai ia anere, e toru ngauru, e itu ara i te ma- 17 taiti: Ko ta Geresona puke tamariki tamaroa, i to ratou ra kopu-tangata; 18 ko Libeni ia, e ko Simi: E ta Kohata puke tamariki tamaroa ra; ko Amerama ia, e ko Izahara, e ko Heberona, e ko Uziela: e to Kohata au mataiti i te ora anga nei, okotai ia anere, e toru 19 ngauru, e toru ara i te mataiti: E ta Merari puke tamariki tamaroa ra; ko Mahali ia, e ko Musi: ko nga kopu-tangata teia o Levi, i to ratou anau anga 20 ra. Kua rave iorā Amerama i te tuaine o tona metua tane ko Iokebeda ei vaine nana; i anau akera tana iaia ra ko Aaronā, e ko Mose: e to Amerama au mataiti i te ora anga nei, okotai ia anere, e toru ngauru, e itu ara i te 21 mataiti. E ta Izahara puke tamariki tamaroa ra; ko Kora ia, e ko Nephega, 22 e ko Zikiri. E ta Uziela puke tamariki tamaroa ra; ko Misaela ia, e ko Eli- 23 zapana, e ko Sitiri. Kua rave iorā Aaronā i te tuaine o Naasonā ia Elisepa, te tamaine a Aminadaba, ei vaine nana; e anau akera tana iaia ra, ko Nadaba, e ko Abihu, e ko Eleazara, e ko Itama- 24 ra. E ta Kora puke tamariki tamaroa ra; ko Asira ia, e ko Elekana, e ko Abiasapa: ko nga kopu-tangata ngati 25 Kora ia. Kua rave iorā Eleazara te tamaiti a Aaronā i tetai i te au tamaine a Putiela ei vaine nana; e anau akera tana iaia ra ko Phinechaza. Ko nga mataiapo tutara eia o te ngati Levi 26 ra, i to ratou au kopu-tangata ra. Ko taua Aaronā ra teia raua ko Mose ta Iehova i tuatua maira e, E arataki mai i te tamariki a Iseraela mei Aiphiti 27 mai, ma to ratou au nuku ra. Ko raua rai tei karanga atu ki te ariki o Aiphiti kia Pharao, kia arataki mai i te tamariki a Iseraela mei Aiphiti maira: ko taua Mose rai teia raua ko Aaronā. 28 Taua rā ra i tuatua mai ei a Iehova 29 kia Mose i te enua ra ko Aiphiti, ia Iehova i tuatua mai ei kia Mose ra, ka na ko mai ei ra e, Ko au ko Iehova: e karanga atu koc ki te ariki o Aiphiti ra kia Pharao i te au mea katoa taku i 30 karanga atu kia koc na; E kua karanga atura oki a Mose ki mua i te aroaro o Iehova e, I na, kare toku i te vaa tukatau, eaa oki a Pharao e akarongo mai ei kiaku?

PENE VII.

To Mose aere anga atu ki mua i te aroaro o Pharao, e te rakau nona i te riro anga ei tanina; e te vai i te akariro angaia ei toto.

IREIRA ta Iehova tuatua anga mai 1
kia Mose, I na, kua akariro au ia
koe ci Atua kia Pharao ra; e toou
tuakana ra ko Aarona ei peroveta ia
naau. Ko koe te karanga atu i te au 2
mea ravarai taku e akaue kia koe na:
e na toou tuakana na Aarona e karanga
atu kia Pharao, kia tuku aia i te tamariki
a Iseraela ki vao mai i tona enua.
E akaketaketa ra au i te ngakau o 3
Pharao, e ka akamaata au i taku au
akairo, e taku ra au ravenga tu ke i
taua enua ra i Aiphiti. Kare oki a 4
Pharao e akarongo mai kia korua, kia
akatika ra au i toku rima ki rungao ia
Aiphiti, e kia arataki mai au i toku au
nuku, toku iti-tangata, te tamariki a
Iseraela ra, mei roto mai i taua enua ra
i Aiphiti, ma te tutaki maata. E ka 5
kite to Aiphiti e, ko au ko Iehova,
kia akatika atu au i toku rima ki
rungao ia Aiphiti, e kia arataki mai
au i te tamariki a Iseraela mei roto
mai ia ratou ra. E kua pera oki a 6
Mose raua ko Aarona: i ta Iehova i
akaue mai ia raua ra, ko ta raua ia i
rave. Kua tac a Mose ki te varu o te 7
ngauru anga o tona mataiti, kua tac
oki a Aarona ki te varu o te ngauru
anga o tona mataiti e toru ara, i tua-
tua i raua kia Pharao ra.

Kua tuatua anā Iehova kia Mose 8
raua ko Aarona, kua na ko mai ana,
Kia tuatua mai a Pharao kia korua,
kia na ko mai e, E akakite mai ana i
tetai akairo: ei reira koe e tuatua ake
ei kia Aarona e, Ka rave i te rakau
naau, ka titiri ki raro ki mua i te aro-
aro o Pharao, e ka riro atura ia ei
tanina. E aere aturā Mose raua ko 10
Aarona ki roto kia Pharao ra, e kua
pera oki raua i ta Iehova i akaue mai-
ra: kua titiri atura oki a Aarona i tana
rakau ra ki raro, ki mua i te aroaro o
Pharao, e ki mua i te aroaro o tona ra
au tavini, e riro atura ia ei tanina. Kua 11
akaputuputu maira oki a Pharao i te
au tangata pakari, e te aronga pure-
pure: e mei te reira katoa ta te au
keretemi o Aiphiti i rave i ta ratou ra
purepure. Kua titiri anake oki ratou 12
i ta ratou katoa ra au rakau ki raro, e
riro atura te reira ei tanina anake: ka-
reka te rakau a Aarona, apuku atura
ia i taua au rakau na ratou ra. E pa- 13

ketaketa atura te ngakau o Pharao,
kare akera aia i akarongo ia raua; ta
Iehova rai oki i tuatua maira.

- 14 Kua tuatua mairā Iehova kia Mose,
Kua paketaketa te ngakau o Pharao,
15 kare aia e tuku i te au tangata nei. E
aere koe kia Pharao ra kia popongi; i
na, ei reira aia e aere ci ki te vai, ei te
pae o te vai koe tiaki ei iaia i te aere
anga mai; e te rakau i akariroia ei ovi
16 ra, e rave katoa atu i to rima. E naau
e karanga atu kiaia e, I tonokia mai au
e te Atua o te ngati Ebera nei, e Ieho-
va, kia koe na, te tuatua maira, E tuku
mai koe i toku ra au tangata, kia aka-
mori mai ratou iaku i te medebara ra:
17 e i na, kare rai koe i akarongo mai; Te
na ko mairā Iehova, Teia te mea e kite
ei koe e, ko Iehova au; i na, e ta au i
te vai i te kauvai nei ki te rakau i toku
rima nei, e ka riro taua vai nei ei toto;
18 E te ika i raro i taua vai nei, ka mate
ia, e ka aunga kino taua vai nei; e ka
toanu to Aiphiti kia inu i te vai o te
kauvai nei.
19 Kua tuatua mairā Iehova kia Mose,
Ka tuatua ana kia Aarona, E rave i to
rakau, e akatika i toou rima na rungao
i te au vai o Aiphiti nei, ki runga i ta
ratou au vai peka, ki runga i te au
kauvai, e ki runga i te au vai puna, e
ki runga i te au vairanga vai ravarai na
ratou ra, kia riro ia ei toto; kia pini te
enua katoa nei ko Aiphiti i te toto, i
roto i te au *ariki* rakau ra, e te au *ariki*
20 toka katoa. Kua pera oki a Mose
raua ko Aarona, ta Iehova i akaue
maira: kua tāki iora aia i taua rakau
ra ki runga, ta iora i te vai i taua
kauvai ra, ki mua i te aroaro o Pharao,
e ki mua i te aroaro o tona au tavini;
e riro atura taua vai katoa o te kauvai
21 ra ei toto. Mate iora te ika i raro i
taua vai ra; e kua aunga kino iora taua
vai ra, e kare atura i tika i to Aiphiti
kia inu i te vai i taua kauvai ra; pini
takakaitia ra taua enua ra ko Aiphiti ki
22 te toto. E mei te reira oki ta te au
keretemi o Aiphiti i rave i ta ratou
ravenga ngaro: e paketaketa atura te
ngakau o Pharao, e kare aia i akarongo
ia raua; ta Iehova rai oki i tuatua
23 maira. Ariu ke ua maira rā Pharao,
e oki maira ki tona ngutuare; kare
katoa tona ngakau i akono ua atu i te
24 reira. Kua ko anake iora to Aiphiti
i te ruu na te pae o taua kauvai ra i te
vai e inu; kare akera oki i tika ia ra-
tou kia inu i te vai i taua kauvai ra.
25 Ka itu akera rū i ope, ka ta ai a Ieho-
va i taua vai ra.

PENE VIII.

Te rana, e oti akeru, ko te kutu, e te rango tu ke, i te akatupu angaia ra.

KUA tuatua mairā Iehova kia Mose, 1
Ka aere kia Pharao ra, e karanga
atu kiaia e, Te na ko mairā Iehova, E
tuku mai koe i toku au tangata, kia
akamori mai ratou iaku. Kia kore koe 2
e tuku mai *ia ratou*, i na, ka taia e au
toou enua katoa ki te rana: E ka na
raro mai i te vai te rana e manganui, e
ka aere mai ratou ki runga, e ka tomo
ki roto i to are, e ki roto i to pia moe, e
ki runga i to roi, e ki roto katoa i te
are o to au tavini, e te au tangata noou
ra, e ki roto katoa i te au umu aau, e
ki roto katoa i to au oinga kai ra; E 4
ka tae ra te rana ki runga katoa ia koe,
e ki runga katoa i to au tangata, e ki
runga i toou au tavini ravarai.

Kua tuatua mairā Iehova kia Mose, 5
Ka tuatua na kia Aarona, Ka akatika
ana i toou rima e toou rakau katoa ki
runga i te au vai peka, ki runga i te
au kauvai, e ki runga i te au vai puna,
kia tae mai te rana ki runga i te enua
nei i Aiphiti. Kua akatika aturā Aa- 6
rona i tona rima ki runga i te au vai o
Aiphiti; e kua aere maira te rana ki
runga, e ngaro rava akera taua enua ra
ko Aiphiti. E nei te reira katoa ta te
au keretemi i rave i ta ratou ravenga
ngaro, e kua tae mai te rana ki runga
i taua enua ra ko Aiphiti.

Kua tuatua mairā Pharao kia Mose
raua ko Aarona, na ko maira, E tautopa
korua ia Iehova, kia apai ke aia i teianei
rana iaku, e te au tangata noku; e ka
tuku au i te au tangata nei, kia apai
ratou i te tusia na Iehova ra. Kua 9
karanga aturā Mose kia Pharao, Ka
akakite mai ana i te taime kia tautopa
au *ia Iehova* ia koe, e toou au tavini, e
toou au tangata; kia raveia te rana ia
koe na, e toou au are na, kia mate, e
kia vaoo ua ki raro i te vai anake ra.
Kua tuatua maira aia, Apopo. Kua 10
karanga atura aia, Ko taan i tuatua mai
na, koia ia; kia kite oki koe e, kare
rava e aite ki to matou Atua ia Iehova.
Ka riro ke oki te rana i o ou na, e i te
au are noou, e i toou au tavini, e te au
tangata noou na, e ei raro i te vai
anake ratou vai ei. Kua aere ke mairā 12
Mose raua ko Aarona ki vao mei mua
mai ia Pharao: kua tautopa aturā
Mose ia Iehova i te rana tana i apai atu
kia Pharao ra. Kua akatika mairā 13
Iehova i te tuatua a Mose; e mate

iora te rana, to te au are, to te au vila,
14 e to te au kainga. Kua akaputupu
aere ratou i te *rana* kia ututua; e
15 aunga kino atura te enua. Kia akara
akerā Pharao e, kua akaroaia te a'o,
kua akaketaketa rai aia i tona ngakau,
kare akera i akarongo ia raua; ko ta
Iehova rai oki i tuatua maira.

16 Kua tuatua mairā Iehova kia Mose,
Ka tuatua ana kia Aarona, Ka akatika
ana i toou rakau, e ta i te one-pueu o
te enua nei, kia riro ei kutu e pini ua
17 ake te enua katoa nei ko Aiphiti. E
kua pera oki raua; kua akatika iorū
Aarona i tona rima ma tana rakau, kua
ta i te one-pueu o te enua ra, e kua riro
atura ei kutu ki runga i te tangata, e
ki runga katoa i te puaka; kua riro
iora te one-pueu katoa i te enua ra ei
kutu, e pini ua akera taua enua ra ko
18 Aiphiti. E kua akapera iora oki te
keretemi i te apai katoa mai i te kutu,
i ta ratou ra ravenga ngaro, e kare aka-
ra i tika ia ratou: tei runga oki i te
tangata te kutu, e tei runga katoa i te
19 puaka. Kua tuatua akera te au kere-
temi kia Pharao i reira, Ko te rima
teia no te Atua: te vai ketaketa ua rai
te ngakau o Pharao, kare rai aia i aka-
rongo ia ratou; ko ta Iehova rai oki i
tuatua maira.

20 Kua tuatua mairā Iehova kia Mose,
E tu koe ki runga i te popongi roa, e
aere ki mua i te aroaro o Pharao; i na,
te aere maira ki te vai ra, ka karanga
atu ei kiaia, Te na ko mairā Iehova, E
tuku mai koe i toku au tangata, kia
21 akamori mai ratou iaku. Kia kore ra
koe e tuku mai i toku au tangata, i na,
ka apai atu au i te rango tu ke ki
runga ia koe, e ki runga i toou au
tavini, e ki runga i toou ra au tangata,
e ki roto i to au are ra, e ka ki te au
are o to Aiphiti *ki te rango*, e te one
22 katoa e tuia e ratou ra. E ei taua rū
ra, e akataka'i au i te enua nei ko
Gosena, i nooia e toku au tangata ra,
kare rava tetai rango e kitea ki reira;
kia kite oki koe e, ko Iehova au i ro-
topu i te enua nei. E ka akataka ke
23 au i toku au tangata, e toou au tangata:
24 apopo nei rai taua akairo nei. E kua
pera oki a Iehova; e kua aere maira te
urupu maata rango ki roto i te are o
Pharao, e *ki roto* i te au are o tona au
tavini, e ki runga katoa i te enua ra
ko Aiphiti: kino roa akera te enua i te
rango.

25 Kua tuatua mairā Pharao kia Mose
raua ko Aarona, na ko maira, Ka aere,
ka apai i te tusia ki to kotou Atua i ko
26 nei i te enua nei. Kua karanga atura

rā Mose, Kare e tika kia pera; ko ta matou oki tusia e apai nei na to matou Atua na Iehova, e mea rikarika ia i to Aiphiti nei: i na, ka apai ainei matou i te tusia rikarika na to Aiphiti nei i mua tikai i to ratou mata, e kare ainei ratou e pei mai ia matou ki te toka? E 27 aere ua ana matou ki te medebara, e kia po toru i te aerenga, ka apai ei matou i te tusia na to matou Atua na Iehova, i tana e akaue mai kia matou ra. Kua tuatua mairā Pharao, E tuku 28 au ia kotou, kia apai kotou i te tusia na to kotou Atua na Iehova ki te medebara ra; auraka ra ei ngai mamao kia aere: e tautopa korua ia Iehova noku. Kua karanga aturā Mose, I na, 29 te aere nei au ki vao, e naku e tautopa ia Iehova, kia akaruke mai te rango ia Pharao, e tona au tavini, e tona au tangata, apopo; auraka rā Pharao e piki-kaa akaou mai, mei te mea kare e tuku i te au tangata nei kia apai ratou i te tusia na Iehova rā. Kua aere mairā 30 Mose i reira ki vao mei mua mai ia Pharao ra, kua tautopa iora ia Iehova. Kua akatika mairā Iehova i te tuatua 31 a Mose; e kua apai ke atura aia i te rango ia Pharao ra, e tona au tavini, e tona au tangata; kare rava i toe e okotai iti ake. Kua akapaketaketa 32 aturā Pharao i tona ngakau, i taua tuatau rai, e kare i tuku i taua au tangata ra kia aere.

PENE IX.

Te rima o Iehova i te rave anga i te au puaka a Pharao kia pou i te mate; to te tangata e te puaku mate i te ee, e te uria matata.

KUA tuatua mairā a Iehova kia 1 Mose, Ka aere kia Pharao ra, e karanga atu kiaia e, Te na ko maira te Atua o te ngati Ebera ra ko Iehova, E tuku mai koe i toku au tangata, kia akamori mai ratou iaku. Kia kore ra koe e tuku, kia tāpu rai koe ia ratou, I na, tei runga te rima o Iehova i te au 2 puaka naau i roto i te kainga, ki runga i te au ipo, ki runga i te au asini, ki runga i te au kamela, ki runga i te au bovi, e ki runga i te au mamoe; e mate maata roa. E na 3 Iehova e akataka ke i te au puaka a to Iseraela, e te au puaka a to Aiphiti; e kare rava ta te tamariki a Iseraela e mate e okotai iti ake. E kua 4 akonoia e Iehova te taime, te tuatua maira, Apopo taua mea nei e ravea i e Iehova i te enua nei. E ao akera kua 5 rave iorā Iehova i taua mea na, pou 6

iora te au puaka a to Aiphiti i te mate; kareka te au puaka a i tamariki na Iseraela ra, kare rava ia i mate e okotai 7 iti ake. Kua unga akerā Pharao i te karere e ui, e i na, kare rava tetai a te tamariki a Iseraela puaka i mate. E kua paketaketa atura te ngakau o Pharao, e kare rai aia i tuku i taua au tangata ra.

8 Kua tuatua mairā Iehova kia Mose raua ko Aaronā, Ka rave ana i te reu ai i te kamino ra, kia ki to korua rima, e na Mose e titiri i taua reu ra ki runga 9 i te rangi, ki mua ia Pharao ra; E ka riro taua reu ra ei one-pueu e pini ua ake te enua nei ko Aiphiti; e riro oki te reira ei ee, e ka ngaa aere te ee ra ki runga i te tangata, e ki runga katoa i te puaka, e pini ua ake te enua nei ko 10 Aiphiti. Kua rave iora raua i te reu ai i te kamino ra, e tu ua atura ki mua i te aroaro o Pharao; kua titiri akerā Mose i te reira ki runga i te rangi; riro atura ei ee, e kua ngaa aere te ee ki runga i te tangata, e ki runga katoa i te 11 puaka. Kare akera te au keretemi i mou i mua i te aroaro o Mose i taua ee ra; tei runga oki i te au keretemi taua 12 ee ra, e i runga i to Aiphiti ravarai. E kua akaketaketa aturā Iehova i to Pharao ngakau e kare akera aia i akarongo ia raua, mei ta Iehova oki i tuatua mai kia Mose ra.

13 Kua tuatua mairā Iehova kia Mose, E tu koe ki runga i te popongi roa, ka tu atu ei ki mua i te aroaro o Pharao, ka karanga atu ei kiaia, Te na ko maira te Atua o te ngati Ebera ra ko Iehova, E tuku mai koe i toku au tangata, kia 14 akamori mai ratou iaku. E i teianci oki au e tuku atu ei i tuku au mate katoa nei ki runga ia koe uarai, e ki runga i toou au tavini, e ki runga i toou au tangata; kia kite oki koe e, kare oku e aite i te ao katoa nei. 15 Naringa oki au i akatika atu ei i toku rima, ka ta atu ei ia koe, e toou au tangata, i te maki-mate, kua taka ke atu koe i te enua nei i reira: 16 No reira tika rai oki au i vao e ia koe, ei akakite anga atu ia koe i toku nei mana, e kia akakiteia toku 17 ingoa e pini ua ake te ao katoa nei. E tenana, kia akateitei ua na koe ia koe uarai i toku nei au tangata, e kare rai 18 e tuku ia ratou; I na, penei apopo, e akatopa i au i te barada maata roa, kare rai ia barada i kitea i Aiphiti nei, 19 mei tupua roa mai, e teia naa i. E tenana, e tiki i te au puaka naau, e te au mea katoa naau i te kainga, e akapututu mai ki roto i te are: ko te ta-

ngata katoa, e te au puaka ravarai e toe ki vao, kare i taki naia mai ki roto i te are, ka topaia ia ratou e te barada, e ka pou ia i te mate.

E ko tei matakū i te tuatua a Iehova 20 i te au tavini o Pharao ra, kua akaro ia i tona au tavini, e tana au puaka ki roto i te au are: Kareka tei kore i 21 akono i te tuatua a Iehova ra, kua vao ia i tona au tavini e tana au puaka ki vao.

Kua tuatua mairā Iehova kia Mose, 22 Ka akatika na i toou rima ki runga i te rangi, kia baradaia mai e pini ua ake te enua nei ko Aiphiti, ki runga i te tangata, e ki runga i te puaka, e ki runga katou i te au rakau rikiriki o te kainga nei, e pini ua ake te enua nei ko Aiphiti. Kua akatika aturā Mose i tana 23 rakau ki runga i te rangi; ko te mangungu maira ia Iehova, e te barada, e te ai i te oro ua anga na runga i te one: i akaperā Iehova i te akatopa anga i te barada ki runga i taua enua ra ko Aiphiti. Ko te barada, e te ai i te iro 24 katoa angaia ki taua barada ra, e mea viviki maata roa: kare rava e aite i taua enua katoa ra ko Aiphiti, e mei te tangata angaia mairai. Pou takiri rava 25 to vao, te tangata e te puaka katoa, i te barada, e pini ua ake taua enua katoa ra ko Aiphiti; mate iora te au rakau rikiriki katoa o te enua, e te au rakau mamaata ravarai o te enua atiati rava akera ia, i taua barada ra. Mari ra ko 26 te enua ra ko Gosenā, i nooia e te tamariki a Iseraēla, kare ia o rōira e barada.

Kua tono mairā Pharao e tiki i Mose 27 raua ko Aaronā, kua tuatua maira kia raua, Kua ara au i tenana: e tuatua-tika ta Iehova, ko au ra tei kino e toku au tangata. E tautopa korua ia Iehova, 28 kua oti ua oki teianei mangungu maata, e te barada, e ka tuku au ia kotou, kare kotou e pupuru akaouia. Kua karanga 29 aturā Mose kiaia, Kia tae roa au ki vao i te oire nei, e tautopa au ia Iehova, e ka moki te mangungu nei, e ka kore oki te barada; kia kite oki koe e, no Iehova te enua nei. Kua kite ra au, 30 kare rai koe, e toou au tavini, e matakū i te Atua ra ia Iehova. E kua paru- 31 paru te orongā e te kerite; kua ua oki te kerite, e kua tupu te orongā. Kare- 32 ka te sitona e te olura, kare ia i paru-paru; kare rai oki i tupu. Kua aere 33 mairā Mose ki vao i taua oire ra, mei mui mai ia Pharao ra, e tautopa iora ia Iehova; e kore akera te mangungu, e te barada, e te ua ra kare akera i topa mai ki runga i te enua nei. E kite 34 akērā Pharao e, kua kore te ua, ma te

barada, e te mangungu, kua rave aka- 35 ou rai aia i te ara, akapaketaketa atura i tona ngakau; koia, e tona katoa ra au tavini. Mārokiakia atura oki te ngakau o Pharao, kare oki aia i tuku i te tamariki a Iseraēla, mei ta Iehova rai oki i tuatua mai ia Mose ra.

PENE X.

Ko te akeride i te apai angaia mai ki runga i te enua ra, e te pōiri i te tuku angaia mai.

- 1 **K**UA tuatua mairai a Iehova kia Mose, Ka aere ki roto kia Pharao ra: kua akaketaketa oki au i tona ngakau, e te ngakau o tona au tavini, kia akakite atu au i taua au akairo naku
- 2 nei ki rotou ia ratou: E kia akakite oki koe ki nga taringa o taua tamaiti, e te tamaiti a taua ra tamaiti, i taku i rave i to Aiphiti, e taku au akairo taku i rave i rotou ia ratou; kia kite oki kotou e, ko au ko Iehova.
- 3 E aere aturā Mose raua ko Aaronā kia Pharao ra, e kua karanga atura kiaia, Te na ko maira to Atua o te ngati Ebera nei ko Iehova, Mei te aa ra te roa o toou taakaaka kore anga ia koe uarai ki mua iaku nei? e tuku mai koe i toku au tangata, kia akamori
- 4 mai ratou iaku nei. Kare ra, kia kore koe e tuku i toku au tangata, i na, apopo au e apai mai ei i te akeride ki
- 5 toou enua nei: E ka ngaro te enua ia ratou, kare e kitea te one nei kia akara: e ka pou ia ratou te totoenga i vaooia ra, i tei vaooia e te barada na kotou; e ka pou ia ratou te au rakau ravarai e
- 6 tupu i te kainga na kotou: E ka ki to au are ia ratou, e te au are o toou au tavini ravarai, e te au are o to Aiphiti katoa ra; kare ia akeride i kitea e toou ai metua, e toou ai tupuna, mei to ratou noo anga mairai ki runga i te enua nei, e tae roa akenei ki teianei rā. Ariu maira aia, e aere maira ki vao mei mui mai ia Pharao ra.
- 7 Kua tuatua akera te au tavini o Pharao kiaia, Mei te aa te roa e riro ei teianei tangata ei maunu ia tatou nei? e tuku atu koe i taua aranga tangata nei, kia akamori ua ana ratou i to ratou Atua ia Iehova: kare koe i kite e, kua
- 8 mate Aiphiti nei? Akaoki akaouia akērā Mose raua ko Aaronā kia Pharao ra: e kua tuatua maira aia kia raua, Ka aere, ka akamori i to kotou Atua ia Iehova: koai ma ra te ka aere?
- 9 Kua karanga aturā Mose, E aere matou ma ta matou tamariki varevare, e to matou ruaine, ma ta matou au tama-

riki tamaroa, e ta matou au tamaine, ma ta matou au mamoe, e ta matou au bovi i te aere anga; e oroa oki ta matou kia Iehova. Kua tuatua maira aia kia raua, Kia akapera ta Iehova ia kotou, i te tika anga iaku i te tuku ia kotou kia aere, ma ta kotou au tamariki varevare: ka akara na; ko te kino oki tei mua ia kotou: Auraka ia: e aere ra kotou ko te au tane ra, ka akamori ei ia Iehova; ko ta kotou i pati maira. E kua tuarua maira raua ki vao mei mua mai i te aroaro o Pharao ra.

Kua tuatua mairā Iehova kia Mose ra, Ka akatika ana i toou rima ki rungao i te enua i Aiphiti nei i te akeride, kia tae mai ratou ki rungao i taua enua nei i Aiphiti, e kia pou ia ratou te au rakau rikiriki ravara i te enua nei, te au mea katoa i toe i te barada ra. Kua akatika akērā Mose i tana rakau ki rungao i taua enua ra i Aiphiti, e kua akaarara mairā Iehova i te maoake ki rungao i taua enua ra e po atura taua rā ra, e ao akera taua po ra; e tei te ao anga ra, ko te akeride maira i taua maoake ra. Pini takakai-ia atura te enua ra ko Aiphiti ki te akeride, e to iora ia i te au tapere roara i Aiphiti ra; e mea maata roa: kare ia akeride mei nuatangana mai, e kare rai oki a muri atu. Kua pini oki taua enua katoa ra i te reira, e pōiri roa atura te one; ope roa akera te au rakau rikiriki o te enua ra i te keingāia e ratou, e te ua katoa o te au rakau i toe i te barada ra: kare roa engai rikiriki mata i toe ki runga i te au rakau mamaata, e te au rakau rikiriki o te enua, e pini ua ake taua enua ra ko Aiphiti.

Kua tiki rapurapu ua iorā Pharao ia Mose raua ko Aarona; e kua tuatua maira, Kua ara au i to kotou Atua ia Iehova, e ia korua. E tenana, teia taku tuatua kia koe, e akakore mai i taua ara naku nei, okotai roa nei rai, e ka tautopa korua i to kotou Atua ia Iehova, kia apai ke atu aia i teianei rai mate iaku nei. Kua aere maira aia ki vao mei mua mai ia Pharao, e kua tautopa iora ia Iehova. E kua akatu ke aturā Iehova i taua matangi ra ei tokerau viviki roa, peke ke atura te akeride i te reira ra, e akatopaia atura ki raro i te tai muramura ra; kare ua tetai akeride i toe i taua enua katoa ra i Aiphiti. Kua akaketaketa iora rā Iehova i te ngakau o Pharao, e kare rai aia i tuku i te tamariki a Iseraela.

Kua tuatua mairā Iehova kia Mose, 21

Ka akatika ana i toou rima ki rungao i te rangi, kia akapōiriā ki rungao i te enua nei ko Aiphiti, ei pōiri e tika kia aa ra. Kua akatika akērā Mose i tona rima ki rungao i te rangi; e pōiri pangopango iora, e pini ua ake te enua ra ko Aiphiti, e po toru akera: Kare ratou i kite kia akara ki tetai ki tetai; kare oki tetai i tu ua ki rungao i taua ngai tana i noo ra, e ope akera nga rā e toru ra; kareka te au tamariki ravara i Iseraela, e mārama ia to ratou i to ratou au nooanga.

Kua tuatua mairā Pharao kia Mose, na ko maira, Ka aere kotou, ka akamori ia Iehova; e vaoa ra ta kotou au mamoe, e ta kotou au bovi, e aere katoa oki ta kotou au tamariki. Kua karanga aturā Mose, E tuku katoa mai koe i te au tusia, e te au tusia karakaratio, ei tusia na to matou Atua na Iehova. E aere katoa oki ta matou au puaka; kare rava tetai maikuku e vaoia; ko te reira oki ta matou e rave ei akamori anga i to matou Atua ia Iehova; kia tae roa ra matou ki reira e kite ei i te tu o ta matou akamori anga ia Iehova. Kua akaketaketa atura rā Iehova i to Pharao ngakau, e kare rai aia i tuku mai ia ratou. Kua tuatua mairā Pharao kiaia, E aere ke koe, kia matakite koe, auraka roa koe e kite akaou mai i toku mata; ei te rā e kite ei koe i toku nei mata, ka mate roa ia koe. Kua karanga aturā Mose, E tuatua tika tauu, kare au e kite akaou i toou mata.

PENE XI.

Ko te mate o te au tama mua i te akukite angaia.

I TUATUA anā Iehova kia Mose e, Okotai aku mate toe, kia apai ki rungao ia Pharao, e ki runga katoa ia Aiphiti: e i muri ake ka tuku mai ia aia ia kotou: kia tuku aia ia kotou, e riro aia i te tuaru ia kotou ki vao. E tenana, e karanga atu koe ki nga tari-nga o te au tangata nei, kia pati te au tane katoa i to vaiata ia ratou, e te au vaine katoa i to vaiata ia ratou, i te apinga ario, e te apinga auro. E i kite aroaia mai teianei aronga e to Aiphiti nei ia Iehova. Ngateitei rava atura taua tangata ra ko Mose i taua enua ra i Aiphiti, ki mua i te aroaro o te au tavini o Pharao ra, e ki mua i te aroaro o te au tangata.

Kua karanga aturā Mose, Te na ko mairā Iehova, Kia turuaipo ra ka aere ei au na rotou i Aiphiti nei: E ka ope te au tama mua i te enua i Aiphiti

nei i te mate, mei to tama mua o Pharao e noo ki runga i tona terono, e tae ua atu ki te tama mua o te vaine tavini e noo ki muri i te mulo ra; e te anau-
 nga mua o te au puaka katoa ra. E ka aue maata to te enua nei to Aiphiti e pini ua ake, kare ia aue i kitea ana, e kare oki e *kitea* akaou. Kareka te tamariki a Iseraela e pini ua akera, kare rava tetai e aonia mai e te kuri, ko te tangata e te puaka katoa: kia kite kotou i te tu o ta Iehova akataka ke anga i to Aiphiti, e to Iseraela nei. Ei reira taua au tavini katoa noou nei, ka aere mai ei kiaku ra, ka tupou mai ei kiaku, ka tuatua mai ei e, E aere ke koe, e te au tangata katoa i raro ake ia koe na: ei reira ia au ka aere ei. Riro maira aia mei mua mai i te aroaro o Pharao ma te riri maata. Kua tuatua iora Iehova kia Mose e, Kare rai a Pharao e akarongo mai ia korua: kia akamataia taku nei au ravenga mana i taua enua nei i Aiphiti.

E kua rave oki a Mose raua ko Aaroni i taua au ravenga mana katoa nei ki mua i te aroaro o Pharao; akaketa-keta ua atura rā Iehova i te ngakau o Pharao, e kare akera aia i tuku i te tamariki a Iseraela kia akaruke i tona enua.

PENE XII.

Te akamatānga o te mataiti i ruri kia ra; te pasa ma tona au pou i te akatupu anga; te matenga o ta Aiphiti au tama mua: kua tuarua to Iseraela kia akaruke ratou i te enua.

KUA tuatua mairā Iehova kia Mose raua ko Aaroni i taua enua ra i Aiphiti, na ko maira, Ko teianei marama ko te marama mua ia ia kotou; ko te akamatānga ia o te au marama i te mataiti ia kotou. E karanga atu korua ki te uipānga ngati Iseraela katoa ra, na ko atu, Kia tae ki te ngauru o te pou i teianei marama, e rave te tangata katoa, te aronga ngutuare ra, i tetai arenio, okotai ngutuare okotai arenio: E e iti te ngutuare ra *kia rare* i taua arenio ra, e kapitī katoa atu aia ki tona tangata tupu i vaitata i tona are; e tau ei i te maata o te tangata: e tatau marie kotou i te tangata kia tau, e pou ei taua arenio ra kia kai. Ei arenio kino kore ta kotou, ei toa mataiti okotai ra: no roto i te au mamoe, e kare ra, no te au puaka-nio, kia rave kotou: E ere marie kotou i te reira e kia tae ki te ngauru ma a o te pou i teianei marama: e na te maata katoa o

te uipānga ngati Iseraela e ko i te aia i 7 ra. E ka rave ratou i te toto, ka pipi ei i nga kopa ngutupa, e te uri i rungao i te au are, ta ratou e kai i taua arenio 8 ra. Ei taua po rai ratou e kai ei i te kiko, ei mea tunu pakaia ki te ai, ma te areto akaopue kore ra: e te *rakau rikiriki* maramara ka kai ei ratou. Auraka roa kia kai ota, eiaa kia tunuia i te vai, kia tunu pakaia ra ki te ai; te arenio katoa, te mimiti e nga vaevae 10 ravarai ra. Auraka rava e akatocia no te popongi; e kia toe uarai tetai papaki kia popongi ake, e ta'u kotou i te 11 reira ki te ai. E akapera oki ta kotou kai anga ra; kia tatuaia to kotou taukupu, ma te tamaka ki runga i to kotou vaevae, e to kotou tokotoko i roto i to kotou rima; e kai rapurapu oki: 12 e pasu ia na Iehova. Ei taua po nei oki au e aere ei na rotou i te enua nei ko Aiphiti, e ka taia e au te tama mua o te enua o Aiphiti, ta te tangata e ta te puaka katoa; e ka tutaki atu au i te au atua katoa o Aiphiti nei i te utunga: 13 ko au, ko Iehova. E ka riro te toto i runga i te au are e nooia e kotou, ei akairo na kotou: e kia akara au i taua toto ra, e na runga ua au ia kotou, kare rava oki e makiia i roto ia kotou e mate ei kotou, kia ta au i te enua nei ia 14 Aiphiti. E ka riro taua rā nei ei manakoanga na kotou; e ka akono kotou i te reira ei rā oroa na Iehova, e ope roa ake to kotou au uki ra: ei oroa ta kotou i te reira rā ei akonoanga tamou 15 ia. Kia po itu kotou i te kainga i te areto akaopue koreia; ei te rā mua kotou ka akaruke ei i te opue i roto i to kotou au are: ko te kai oki i te areto akaopueia ra, mei te rā muatangana e tae ua atu ki te rā itu ra, e tipu keia ia 16 tangata ia Iseraela nei. Ei uruoanga tapu ta kotou i te rā mua ra, e ei uruoanga tapu ta kotou i te rā itu ra; auraka roa ei angaanga e raveia i reira, mari ra ko te kai ei kai anga na te tangata ra, ko te reira anake ra te tika 17 kia raveia e kotou. E ka akono oki kotou i te oroa areto akaopue koreia ra; no te mea ko te rā ia i arataki mai ei au i to kotou au nuku, mei te enua maira nei Aiphiti: e tenana, ka akono ia kotou i te reira rā, e ope roa ake to kotou au uki ra, ei akonoanga tamou ia. 18 Ei te marama mua ra, ei te rā okotai ngauru ma a o taua marama ra i te aia, ka kai ei kotou i te areto akaopue koreia ra, e tae ua atu ki te rā e rua ngauru ma tai o taua marama ra, i 19 te aia ra. Auraka roa ei akaopue e kitea i roto i to kotou au are e kia po

itu ake; ko te kai oki i te mea i akaopueia ra, ka tipu keia ia tangata i te uipunga Iseraela ra, i te tangata ke, e te tangata i anau i taua enua ra. Au- 20 raka roa kotou e kai i te mea akaopueia; ei areto akaopue koreia ta kotou e kai i to kotou au nooanga ravarai ra.

Kua tiki aturā Mose i te aronga 21 pakari katoa o Iseraela, e kua karanga atura kia ratou, Ka iki ana kotou, ka rave ei i ta kotou arenio kia tau ki to kotou na au kopu-tangata, ka ko ei i te pasa. E ka rave kotou i tetai ruru 22 isopa, ka tutou ei ki roto i te toto i roto i te kapu ra, ka tata'i i te uri i rungao ra, e nga kopa, ki taua toto i roto i te kapu ra; e auraka roa tetai o kotou e tomo ki vao i tona ngutupa are e ao ua ake. Te aere nei oki a Iehova na roto 23 i teianei enua, e ta i to Aiphiti nei; e kia akara mai aia i taua toto nei ki runga i te uri, e ki runga i nga kopa ra, ka aere ua iā Iehova na rungao i te reira ngutupa, e kare rava ia e tuku mai i te akamate ki roto i to kotou au are, e ta ia kotou. E ka akono rai ko- 24 tou i taua peu nei, ei akonoanga tamou na kotou, e ta kotou au tamariki. E 25 kia tae kotou ki te enua ta Iehova e oronga mai no kotou, i tana oki i tuatua maira, e akono kotou i taua ravenga nei i reira. E kia ui mai ta kotou au 26 tamariki kia kotou e, Eaa teianei rave-nga na kotou? Ei reira kotou e karanga 27 atu ei e, E tusia pasa teia na Iehova, ko tei aere ua na rungao i te au are o te tamariki a Iseraela i Aiphiti ra, ka ta ai aia i to Aiphiti, akaora iora aia i to tatou au are i reira. Tupou iora te au tangata ki raro ma te akamori. E 28 aere atura te tamariki a Iseraela, rave atura i ta Iehova i tuatua mai kia Mose raua ko Aaronā ra; pera atura ratou.

E tae akera ki te turuaipo, kua tā 29 Iehova i te au tama mua katoa i te enua ra i Aiphiti, mei te tama mua a Pharao i noo ki runga i tona terono, e tae ua atura ki te tama mua a te akiree i roto i te are tapekanga ra; e te anaunga mua katoa o te au puaka ra. Kua tu akerā Pharao ki runga i taua 30 po ra, koia, ma tona au tavini ravarai, e to Aiphiti katoatoa ra; e aue maata iora tei Aiphiti; kare rava oki e are i kore ei te tangata mate. Kua tiki 31 atura aia ia Mose raua ko Aaronā i te po, kua karanga atura, Ka tu, ka aere ke korua i toku au tangata, korua katoa ma te au tamariki a Iseraela; e aere, e akamori ia Iehova, i ta korua i tuatua maira. E apai katoa oki ta ko- 32 tou au mamoe, e ta kotou au bovi, i ta

korua i tuatua maira, e e aere; e aka- 33 ora mairai korua iaku. Kua raurau maira to Aiphiti, kia tuku vaveia taua aronga i reira ra, kia akarnke mai i taua enua ra; kua tuatua akera oki ra- 34 tou e, Kua pou takiri tatou i te mate.

Kua rave iora to Iseraela i ta ratou faraoa oi, kare i akaopueia, i valia ta ratou au oinga kai i roto i to ratou kakau, tuku akera ki runga i to ratou 35 pakuivi. Kua akono oki te tamariki a Iseraela i ta Mose i tuatua mai kia ra- 36 tou ra. I pati ana oki ratou i to Aiphiti i te apinga ario, e te apinga auro ra, e te kakau: E i aroania mai oki taua au tangata ra e to Aiphiti ia Iehova ra, i oronga mai ei ratou i ta ratou i pati ra. Pou iora to Aiphiti ia ratou.

Kua aere iora te tamariki a Iseraela mei Ramese ki Sukota; kua ono anere paa tausani i te tane aere ua, e te tamariki varevare oki. E te tangata ke ke katoa e manganui i te iro katoa anga i to ratou aerenga; ma te mamoe, e te bovi, e au puaka e manganui ua atu. 39 Kua tunu iora ratou i te areto akaopue koreia, i te faraoa oi ta ratou i apai mai mei Aiphiti maira, kare oki i akaopue- 40 ia; no te mea kua tuaru mai to Aiphiti ia ratou, kare akera i tika ia ratou kia tavare, kare oki ratou i roi kai na ratou orai.

E to te tamariki a Iseraela noo anga i Aiphiti, ka noo ei ratou ra, e a ia anere i te mataiti e toru ngauru ara. 41 E ope akera taua au mataiti ra e a anere e toru ngauru, i taua rā tikai ra, ko te aere anga ia o to Iehova au nuku katoa mei taua enua maira mei Aiphiti. 42 Ko taua po ra teia, e tika kia akono meitakiia no Iehova, iaia i arataki mai ia ratou mei te enua maira mei Aiphiti: ko taua po ra teia e tika kia akono meitakiia e te tamariki katoa a Iseraela no Iehova, e ope roa ake to ratou au uki.

Kua tuatua mairā Iehova kia Mose raua ko Aaronā, Teia te akonoanga no te pasa nei: Auraka roa te tangata ke 44 e kai i te reira. E te tavini katoa no te tangata i okoia'i i te moni, kia peritomeia ra aia e koe, e tika iaia kia kai i reira. 45 Ko te tangata i purutia ua mai, e te tavini ou uaia ra, auraka katoa ia e kai. 46 Ei taua are okotai rai kai ei; auraka roa kotou e apai ke i tetai va'i ki vao i taua are ra; auraka roa oki tetai ivi 47 kia aatiia e kotou. Ko te uipunga Iseraela katoa te ka akono i te reira. 48 E te tangata ke kia purutia ua i roto ia kotou na, e kia anoano aia i te akono i te pasa a Iehova nei, kia peritomeia te

au tane ravarai ki ona ra, ka akavaitata mai ei aia, ka akono ei i te reira; ka riro ia aia mei te anau tika i taua enua rai i reira: auraka roa ra tetai tangata peritome koreia e kai i te reira. Oko- 49
tai rai ia ture no te tangata uenua, e te tangata ke katoa e purutia ua i roto ia kotou na.

Kua akapera anake iora te tamariki 50
a Iseraela: ta Iehova i tuatua mai kia Mose raua ko Aaron a ra, kua pera atu rai ratou.

Ei taua rā tikai i arataki mai ei a Ie- 51
hova i te tamariki a Iseraela ma to ratou au nuku, mei te enua maira mei Aiphiti.

PENE XIII.

Te au tama mua a te ngati Iseraela i akatakaia no te Atua; to Iseraela akaruke anga i Aiphiti; to ratou arataki angaia e te Atua i te pou tumurangi i te ao, e te pou ai i te po.

KUA tuatua mairū Iehova kia 1
Mose, na ko maira, Ka akatapu 2
ana i te au tama mua katoa ra noku, ko tei anau ana i te kopu katoa o te tamariki a Iseraela nei, ta te tangata, e ta te puaka; noku ia.

Kua karanga aturū Mose ki taua 3
aronga tangata ra, Akamaara kotou i teia rā, i tae mai ei kotou mei Aiphiti mai, mei te ngutua e i tavini ei ra; kua arataki mai oki a Iehova ia kotou mei reira mai i te rima marōro: auraka roa ei mea akaopueia e kaingaia. I 4
teianeī rā i tae mai ei kotou nei i te marama nei ko Abiba.

E kia aratakiia koe e Iehova ki te 5
enua o te ngati Kanaana, e te ngati Heta, e te ngati Amori, e te ngati Hevi, e te ngati Iebusi ra, i tana i taputou mai i to kotou ai metua ra e, e oronga mai aia nouu, e enua ta'e a vai ua te u e te meli, ei reira koe e akono ei i teianeī ravenga i teianeī rai marama. Kia 6
po itu koe i te kainga i te areto akaopue koreia ra; e te rā itu ra, e rā oroa ia no Iehova. Ko te areto akaopue koreia ra te ka kaiia e kia po itu ake; auraka roa ei areto akaopueia 7
kia kitea ia koe, auraka oki ei akaopue kia kitea ia koe i toou au ngai katoa ra.

E ka akakite koe ki taua tamaiti i 8
taua rā ra, e karanga atu, No ta Iehova ravenga iaku, ka aere mai ei au mei Aiphiti mai, i *peraia* i. Kia riro 9
taua *peu* nei ei akairo ia koe i runga i to rima, e ei manakoanga ki mua i to mata, kia vai rai te ture a Iehova i roto

i to vaa: i arataki mai ei oki a Iehova ia koe mei Aiphiti mai i te rima marō- 10
rō. E teianeī, e akono koe i taua akonoanga nei kia tae ki te tuatau tikai, i tera mataiti i tera mataiti.

11 E kia tae koe ia Iehova ki te enua o te ngati Kanaana, i tana i taputou mai kia koe, e ki to ai metua ra, e kua 12
oronga maira kia koe, Ei reira koe e akataka'i i te au tama mua ravarai no Iehova, e te anaunga mua katoa a te au puaka ravarai naau ra: no Iehova ia

13 te au tane. Kareka ta te asini anaunga mua katoa ra, e oko ia koe i te reira i te arenio, e kia kore e tika ia koe kia oko, e aati koe i te kaki i reira; e te au tama mua tangata ravarai i to au ta- 14
mariki ra, ka oko rai koe. E kia ui mai to tamaiti kia koe i muri ake, kia tuatua mai e, Eaa teia? ei reira koe e karanga atu ei kiaia, Kua arataki mai a Iehova i to tatou mei Aiphiti mai, mei te ngutua e i tavini ei ra i te rima

15 marōro: Ia Pharao oki i tuku mamate mai i to tatou ra, kua ta iorā Iehova i te au tama mua ravarai no taua enua ra no Aiphiti, te tama mua tangata ra, e te anaunga mua o te au puaka ra; no reira au i akatusia i i te anaunga toa 16
mua no te au puaka na Iehova; kareka taku au tamariki tama mua ra, te oko nei au i te reira. Kia riro oki teia ei akairo i runga i to rima, e ei tarae ki mua tikai i to mata; i te rima marōro oki i arataki mai ei a Iehova i to tatou mei Aiphiti maira.

17 E tukua iora e Pharao taua aronga tangata ra, kare akera te Atua i arataki ia ratou na te enua o te Philiseti, vai- 18
tata uorai te reira; i tuatua oki te Atua e, Ko te tatarara aea te au tangata nei, me kite ratou i te tamaki, e ko te oki akaou aea ki Aiphiti: Kua

arataki ke atura te Atua i taua au tangata ra na te medebara i te tai mura- 19
mura; e aerenga to te tamariki a Iseraela mei to te tangata tamaki ra, mei Aiphiti maira. E kua apai katoā 20
Mose i te au ivi o Iosepha ra; kua akatapu taua tikai oki aia i te tamariki a Iseraela, kua karanga atu, Eatoro mai- rai te Atua ia kotou; e na kotou e apai katoa i toku nei au ivi ki runga.

20 E mei Sukota oki aere maira ratou, e patia iora i te puakapa i Etama, i te 21
pae o te medebara ra. Kua na mua oki a Iehova ia ratou i te aere, i te ao ra, kua na roto i te pou tumurangi, ei arataki ia ratou na te arata, e i te po ra, kua na roto i te pou ai, ei turama no ratou; me aere i te ao e i te po katoa: 22
Kare rava aia i apai ke i taua pou

tumurangi, i mua i taua aronga, i te ao ra, e taua pou ai, i te po ra.

PENE XIV.

Ko Pharao i te aruaru anga ia Iseraela, to ratou aere ua anga na rotou i te tai, kua arua ratou e to Aiphiti, e mate iora to Aiphiti.

KUA tuatua mairā Iehova kia Mose, na ko maira, Ka tuatua ana ki te tamariki a Iseraela, e ariu ratou e patia i te puakapa ki mua mai i Pi-hahirota, i rotou i Migadola e te tai, i mua ia Baala-zephona: ci reira kotou puakapa i taatai. E riro oki a Pharao i te tuatua i te tamariki a Iseraela nei, Kua i ratou i roto i te enua; kua kako ratou i te medebara. E akaketaketa ua atura au i to Pharao ngakau, kia aruaru mai aia ia ratou; e ka akangateiteia au ki runga ia Pharao, e te nuku katoa nana ra; kia kite oki to Aiphiti e, ko au ko Iehova. Kua pera atura oki ratou.

E i akakiteia akera te ariki o Aiphiti e, kua riro roa te au tangata ra; tu ke atura to Pharao ngakau, e to tona katoa ra au tavini i taua au tangata nei, e kua tuatua akera ratou, Eaa teia ravenga ia tatou nei, i tuku ei tatou ia Iseraela nei i to ratou tavini anga ia tatou nei? Kua akateateamamao iora aia i tona kariota, e kua rave iora i tona au tangata: Kua rave iora aia i te au kariota i ikiia ra e ono anere, e te au kariota katoa a to Aiphiti ra, e te aronga kapena i runga ia ratou ravarai. E kua akaketaketa ua aturā Iehova i to taua ariki o Aiphiti ra ngakau to Pharao, e kua aruaru mai aia i te tamariki a Iseraela; riro mai nei ra te tamariki a Iseraela ki vao ma te maroiroi maata. Kua aruaru maira to Aiphiti ia ratou, te au ipo katoa, e te au kariota o Pharao, e te aronga akaoro ipo nona, e te nuku nana ra; e rokoa mai, te puakapa ua ra i taatai i Pi-hahirota, i mua ia Baala-zephona.

E vaitata mairā Pharao; kua nānū akera te tamariki a Iseraela i to ratou mata ki runga, e i na, te arua maira ratou e to Aiphiti; matakau roa akera ratou: e kua kapiki ni atura te tamariki a Iseraela kia Iehova. E kua tuatua maira ratou kia Mose, No te mea aina kare o Aiphiti e tanumanga, i arataki mai ei koe ia matou kia mate matou i te medebara nei? Eaa koe i pera mai ei ia matou, i arataki mai ei ia matou mei Aiphiti mai? Kare aina teia ta matou i karanga atu kia koe i

Aiphiti, ka na ko atu ei e, E vaoa ua koe ia matou kia tavini na ana matou i to Aiphiti? E ngari ake oki ia matou kia tavini atu i to Aiphiti, i te mate i te medebara nei.

- 13 Kua karanga aturā Mose ki taua aronga tangata ra, Auraka kotou e mataku; e noo ua, e akara i te ora a Iehova, i tana e rave no kotou i teianei rā; ko tenana Aiphiti ta kotou i akara na i teianei rā, kare rava kotou e kite
- 14 akaou atu ia ratou e tuatau ua atu: Na Iehova oki e tamaki i ta kotou tamaki, e noo muteki ua kotou.
- 15 Kua tuatua mairā Iehova kia Mose, Eaa koe i kapiki mai ei kiaku? e karanga atu ki te tamariki a Iseraela, e aere rai ratou ki mua: Ka tāki ana i to rakau ki runga, e ka akatika ana i to rima ki runga i te tai, e va i: ka aere ua oki te tamariki a Iseraela na rotou
- 17 i te tai na runga i te one marō. E i na, ka akaketaketa ua atu au i te ngakau o to Aiphiti, kia aruaru mai ratou na muri: e ka akangateiteia au ki runga ia Pharao, e te nuku katoa nana ra, i te au kariota nona, e te aronga akaoro ipo nona ra. E ka kite to Aiphiti e, ko au ko Iehova, kia ngateiteia au ia Pharao, i tona au kariota, e te aronga akaoro ipo nona ra.
- 19 E te Angela a te Atua, i na mua i te nuku o Iseraela ra, kua taoki maira, e kua aru aere ia ratou; e taua pou tumurangi i mua ia ratou ra kua taoki maira, kua tu iora i muri mai ia ratou:
- 20 Tei rotou maira taua tumurangi ra i te nuku o Aiphiti, e te nuku o Iseraela; e tumurangi e te poi i te tai pae, e e turama ia i te po ki te tai pae; e kare rava te tai papaki i vaitata mai ki te tai e ao ua akera taua po ra.
- 21 Kua akatika iora Mose i tona rima ki runga i te tai; taka ke atura te tai ia Iehova i te maake viviki ra e ao ua ake taua po ra, e kua akariro atura aia i te tai, ei one marō, e veveteia
- 22 iora taua tai ra. Aere ua atura te tamariki a Iseraela na rotou i te tai na runga i te one marō; mei te patu ra te tai ia ratou i te pae katau e te pae kaui.
- 23 Kua aruaru maira to Aiphiti na muri mai ia ratou, e kua aere atura i rotou i taua tai ra, te au ipo katoa a Pharao, tana au kariota, e te au akaoro ipo nona
- 24 ra. E tae akera ki te araanga popongi ra, ko to Iehova ia akara anga atu i te nuku a to Aiphiti ra, na roto i te pou ai ra e te tumurangi, e kua tamanamanata
- 25 atura i taua nuku o Aiphiti ra, E kua kiriti atura i to ratou au tipi kariota,

teimaa atura kia akaoro; kua tuatua iora to Aiphiti, Tatou e oro e akaruke i te ngati Iseracla; te akatika mai nei a Iehova ia ratou, kia pou to Aiphiti nei.

Kua tuatua mairū Iehova kia Mose, 26
Ka akatika ana i to rima ki runga i te tai, kia oki mai te tai ki runga i to Aiphiti, ei rungao i to ratou au kariota, e to ratou aronga akaoro ipo ra. Kua 27
akatika iorū Mose i to rima ki rungao i te tai, e tei te akirata anga, kua oki akaou iora taua tai ra i to rima rinui anga, aravei maira i to Aiphiti i to ratou oro anga atura: rurungaoroia iora e Iehova to Aiphiti i rotou i te tai ra. Kua oki maira oki taua tai ra, e 28
ngaromia iora te au kariota i raro, e te aronga akaoro ipo, te tangata tini ravarai o Pharao ra, ko tei aru mai ia ratou na raro i te tai ra; kare rava i toe e okotai iti ake. Kareka te tama- 29
riki a Iseracla, kua aere ua ratou na rotou i taua tai ra na runga i te one marō; mei te patu ra te tai ia ratou i te pac katau e te pac kaui. Kua ora 30
iora to Iseracla ia Iehova i taua rā ra, i te rima o Aiphiti ra; e kua kite oki Iseracla i to Aiphiti i te urupae aere ua anga na taatai, kua mate takiri roa. Kite akera to Iseracla i te mana maata 31
o Iehova i te rave anga i to Aiphiti ra: matakū iora te au tangata ia Iehova, e kua akarongo ia Iehova, e toa tavini ia: Mose.

PENE XV.

Te imene a Mose. Tumatetenga iora to Iseracla i te vai kore.

KUA imene iorū Mose e te tamariki a Iseracla i teianei imene ia Iehova, e kua tuatua akera, na ko akera,

E imene au ia Iehova, kua teitei roa oki aia; ko te ipo e toa akaoro, tei uriria e ia ki raro i te tai. Ko Iehova toku maroiroi, e toku imene anga, e kua riro aia ei ora noku: koia toku Atua, e koia taku e akapapaa; ko to toku metua ia Atua, e koia taku e akateitei. E tōi Iehova i te tamaki: ko Iehova tona ingoa. Te au kariota o Pharao e toa na nuku, kua uriria e ia ki raro i te tai: e te au kapena ikiia nona ra, kua maremoia i te tai muramura. Kua tapokiiia ratou e te moana; e toa iora ratou ki raro roa i te takere mei te toka ra. Kua kakū, e Iehova, to rima katau i te mana; na to rima katau, e Iehova, i akaparuparu i te enemi. Kua uritumuia e koe tei māro mai ia koe, i te maata o toou ra mana; kua tuku atura koe i toou riri,

8 pou iora ratou mei te teita ra. Teitei akera te tai ki runga, i te matangi ra o toou ra riri, tu ua akera te kare ki runga mei te utua *toka* ra, toka akera te ngaru ruarua i rotou i te moana ra.

9 Kua tuatua iora te enemi, Ka aru ia au, e rokoia atu e au, ka tua au i te apinga; ka maa roa toku anoano nei ia ratou; ka unui au i taku koke, na toku

10 rima ratou e akapou: Pupui iora koe i toou a'o, kua tapokiiia iora ratou e te tai; mei te toka tapou ra, to ratou topa

11 anga i te moana maata ra. Koai to te au atua e arite kia koe, e Iehova? koai tei arite kia koe, ko tei kakā i te tapu ra, e te matakū roaia kia akameitakiiia

12 ra, e te rave i te mea taka ke ra? Kua akatika iora koe i toou rima katau, e

13 apukua iora ratou e te enua nei. E arataki rai koe i te au tangata nei ma to takinga-meitaki, i tei akaoraia e koe ra; e arataki rai koe *in ratou* ki toou

14 ra nooanga tapu i to rinui. Ka rongo te tangata, e ka rutetete; ka rokoia

15 to Paletina e te mamac. Ka rokoia te ui kavana o Edoma e te tumatetenga; e te aronga mana o Moabi, ka rokoia ia e te koiriria; e ka raungara to Kanaana ravarai ra. Ka rokoia ia ratou e te ngarangara e te matakū; e no to mana maata ra ka tu a toka ia ratou i te muteki ua anga; e kia tae roa atu toou au tangata, e Iehova, kia tae roa

17 atu te au tangata i okoia e koe ra. Ko ratou taau e apai ki roto, e naau ratou e akamou i te maunga i nooia e koe ra, i te ngai i akonoia e koe, e Iehova, ei nooanga noou ra, i te ngai-tapu, e te

18 Atu, ta toou rima i akamou ra. Ei ia Iehova te au e tuatau e tuatau ua atu.

19 Kua aere katoa oki te ipo a Pharao, e te au kariota, e te aronga akaoro ipo katoa ra ki raro i te tai; e kua akaoki a Iehova i te tai ki rungao ia ratou; kareka te tamariki a Iseracla ra, kua aere ua ia na rotou i taua tai ra na runga i te one marō.

20 Kua rave iorū Miriama peroveta vaine, e tuaine no Aaron, i te tophe i toa rima; e kua aru maira te vaine tini ravarai iaia ki vao ma te tophe e te mehula.

21 E kua pange atura to Miriama i ta ratou *imene anga*, E imene kotou ia Iehova, kua teitei rava oki aia; ko te ipo e toa akaoro, tei uriria e ia ki raro i te tai.

22 Kua arataki mairū Mose i to Iseracla mei te tai muramura mai, e kua aere maira ratou ki te medebara ra ki Surā; e po toru ratou i te aere ua anga i taua medebara ra, e kare rava e vai i rauka.

Tae akera oki ratou ki Mara, kare 23
akera i tika ia ratou kia inu i to Mara
vai, no te mea te maramara ra; i
tapaia i tona ingoa ra ia Mara. Kua 24
urutoe iora taua au tangata ra ia Mose,
kua tuatua akera, Eaa ra ta matou kia
inu? Kua aue iora aia kia Iehova; e 25
kua akakite mairā Iehova kiaia i tetai
rakau, e kia titiriia e ia te reira ki raro
i te vai, mangaro atura taua vai ra. I
ko nei tana tuku anga mai i te peu e
te akonoanga na ratou, e i ko nei tana
timata anga ia ratou, Kua tuatua 26
mairā, Kia akarongo tikai koe i te reo
o to Atua ra ko Iehova, e kia rave i te
mea e tika iaia ra, e kia akarongo i
tana au akauenga, e kia akono i tana
ra au akonoanga katoa, kare roa au e
tuku ua atu i tetai i taua au maki ra ki
runga ia koe, taku i tuku i rungao i to
Aiphiti ra; ko Iehova oki au, ko toou
ia rapakau.

E kua aere maira ratou ki Elima, 27
okotai ngauru o reira punawai e rua ara,
e itu ngauru oki tamara: kua puakapa
iora ratou i reira i waitata i taua au vai
ra.

PENE XVI.

*Tae atura to Iseraela ki Sini; aati iora
i te pongi, kua o maiia te manu, e te
mānu, na ratou.*

KUA aere maira taua uipānga 1
katoa o te tamariki a Iseraela ra
mei Elima mai, ki te medebara ra ko
Sini, i rotopu i Elima e Sinai, ko te
ngauru ma rima ia o te rā, i te rua o te
marama o to ratou aere anga mai mei
te enua maira mei Aiphiti. Kua 2
urutoe iora taua uipānga katoa o te ta-
mariki a Iseraela ra ia Mose raua ko
Aarona, i taua medebara ra: Kua 3
tuatua maira te tamariki a Iseraela kia
raua, Naringa matou i mate i te rima
no Iehova i te enua ra i Aiphiti e, ka
noo ei matou i waitata i te au āriki
puaka, e kua kai oki i te kai e kua
merengo roa; i arataki mai nei oki ko-
rua ia matou ki teianei medebara, kia
mate teianei uipānga katoa i te pongi.

Kua tuatua maira oki a Iehova kia 4
Mose, I na, e akatopa atu au i te kai
no runga i te rangi nei na kotou; e na
te tangata e aere ua ki vao i te au rā
katoa ra, ka koi ei i te ka rava i taua
rā ra, ei timata anga atu naku ia ratou,
i to ratou aere anga i taku nei ture, e
te kore anga. Kareka kia tae ki te rā
ono ra, e rave meitaki ratou i ta ratou
e apai mai ki roto ra; kia rua mai ia
tuanga i ta ratou e koi no te au rā ka-
toa ra. Kua tuatua iorā Mose raua ko 6

Aarona ki te au tamariki katoa a Ise-
raela, Kia aiai kotou e kite ei e, na
Iehova kotou i arataki mai mei te
7 enua maira mei Aiphiti: Kia popongi
oki kotou ka kite ei i te kakā o Iehova;
kua akarongo oki aia i ta kotou urutoe-
anga ia Iehova: eaa oki ta maua kia
8 urutoe mai kotou ia maua? E kua
tuatua akerā Mose, *Ka kite pu kotou*
kia aiai, kia oronga mai a Iehova i te
kinaki na kotou e kai, e te areto kia
popongi e kia merengo roa; te akarongo
ra oki a Iehova i ta kotou urutoeanga
ta kotou i urutoe iaia: eaa oki ta maua
nei? kare ta kotou au urutoeanga ia
maua nei, ia Iehova ra.

9 Kua tuatua akerā Mose kia Aarona,
Ka tuatua ana koe ki te uipānga katoa
o te tamariki a Iseraela nei, Ka akavai-
tata mai kotou ki mua i te aroaro o Ie-
hova; kua akarongo oki aia i ta kotou
10 au urutoeanga. Te tuatua rā Aarona
ki taua uipānga katoa o te tamariki a
Iseraela ra, kua anga tika atura ratou
ki te pae i te medebara ra, e i na, kua
kitea te kakā o Iehova i roto i te tumu-
rangi.

11 Kua tuatua mairā Iehova kia Mose,
12 na ko maira, Kua akarongo akenci au
i te au urutoeanga a te tamariki a Ise-
raela: e tuatua ana koe kia ratou, e na
ko atu, Kia aiai kotou ka kai ei i te
kinaki, e kia popongi kotou e merengo
ei i te areto; e ka kite kotou e, ko au
to kotou Atua ko Iehova.

13 E aiai iora, ko te manu maira, e
ngaro roa iora taua puakapa ra; e ao
akera, kua topa maira te au e pini ua
14 ake taua puakapa ra. E peke akera
taua au i topa ra, i na, e mea rikiriki
punupunu, tei raro i te one i taua me-
debara ra, e mea rikiriki mei te kephu-
15 ra te tu. E kite akera te tamariki a
Iseraela i taua mea ra, tuatua akera
ratou kia ratou orai, Eaa teia? kare oki
ratou i kite i te reira. Kua tuatua
akerā Mose kia ratou, Ko taua kai ra
teia ta Iehova i oronga mai na kotou e
16 kai. Teia ta Iehova tuatua i akaue
maira, E koi te tangata ravani i te ka
pou iaia kia kai, okotai tangata okotai
omera, e kia tau tikai ki te tangata i
roto i tona puakapa kia tatau ra, ko ta
kotou ia e rave.

17 Kua pera oki te tamariki a Iseraela,
kua koi ratou, e mea maata ta tetai, e
18 mea iti ta tetai. E kua aite iora i te
omera, kia kore e akamaataia ta tei
koi i te mea maata, e kia kore oki e
akaitiia ta tei koi i te mea iti ra: ko tei
aita ki te tangata ravani kia kai ra, ko
19 ta ratou ia i koi mai. Kua tuatua

akerā Mose kia ratou, Auraka roa tetai tangata e vaoo i tetai va'i no te popongi. Kare akera ratou i akarongo ia Mose; 20 vaoo iora tetai aronga i tetai va'i no te popongi, e tungata iora ia, aunga kino atura: riri akērā Mose ia ratou. Kua 21 koi iora ratou i taua *kai* ra i te au popongi katoa ra, ko te aite ki te tangata katoa kia kai ra: kia veravera iora oki te rū ra, kua ta'e ia. E te rū ono 22 ra, e rua tuanga kai ta ratou i koi i reira, taki rua omera i te *tangata* okotai: e kua aere anake maira te aronga rangatira o taua uipānga ra, kua akakite maira kia Mose. Kua karanga atura 23 ra aia kia ratou, Teia ta Ichova i tuatua maira, E rū akaangaroī anga apopo, e sabati tapu ia no Ichova: e keu ta kotou e anoano i te keu, e ka tunu oki i ta kotou e anoano i te tunu; e tei to'e ra, e vaoo ia na kotou kia popongi. Kua vaoo iora ratou i taua mea ra ta 24 Mose i karanga ra, e kia ao ake: kare ia i aunga kino, e kare rava e tunga o roto. Kua karanga aturū Mose, Ka 25 kai, *ei kai* no teianci rū; e rū sabati oki teia no Ichova: kare ia e kitea e kotou ki vao i teianci rū. Ko e ono puke rū ka koi 26 ia kotou i taua *kai* ra; kareka te rū itu ra, ko te sabati ia, kare ia *e kitea* i reira.

Kua aere ra tetai papaki tangata ki 27 vao i te rū itu ra e koi i *tauu kai* ra, kare rava ra i kitea e ratou. Kua tuatua 28 mairū Ichova kia Mose, Mei te aa te roa o to kotou akono kore anga i taku au akauenga, e taku ture? Akara na, no 29 te mea kua oronga mai a Ichova i te sabati no kotou, i oronga mai ei aia, i te rū ono nei, i te kai no nga rū e rua katoa ia: e noo ua kotou ravarai, ko te tangata ko tona ngai; auraka roa ei tangata e aere ki vao i tona ngai i te rū itu ra. Kua akaangaroī ua iora te ta- 30 ngata i te rū itu. Tapa iora te ngutu- 31 are o Iseraela i te ingoa o taua mea ra, e Māna: e teatea, mei te ua korio te tu; e mei te uefa meli ra kia kai.

Kua karanga aturū Mose, Teia te 32 tuatua ta Ichova i akane mai, E akaki i tetai omera ki taua *kai* nei, e vaoo e ope ua atu to kotou au uki ra; kia kite ratou i te kai taku i angai atu ia kotou i te medebara, iaku i arataki mai ia kotou mei te enua maira mei Aiphiti. Kua tuatua akērā Mose kia Aaronā, 33 Ka rave i tetai kapu, ka tuku ei i tetai omera māna ki roto, ka vaoo ei ki mua i te aroaro o Ichova, kia vaio ua ana e ope ua atu to kotou au uki ra: Ko ta 34 Ichova i tuatua mai kia Mose ra, koia oki ta Aaronā i tuku i te pae o *nga papa* kite ra, kia vaoo ua ana i reira.

35 E a ngauru anga o te tamariki a Iseraela mataiti i te keinga i te māna, e tae ua atura ratou ki te enua tangata; i kai ua ratou i te māna, e tae ua akera ratou ki te pae o te enua ra o Kannaana. 36 Okotai ngauru omera, okotai ia epha.

PENE XVII.

Kua kauvae iora te tangata ia Mose i te vai kore i Rephidima; no roto i te mato te vai i te rauka anga: kua re to Amaleka.

1 **K**UA aere anake maira taua uipānga katoa o te tamariki a Iseraela, mei te medebara maira mei Sini, i to ratou au aerenga, i akaueia mai e Ichova ra, e kua puakapa i Rephidima; e kare rava o reira e vai na te tangata 2 kia inu. Kua kauvae maira te tangata ia Mose, e kua tuatua maira, O mai te vai na matou kia inu. Kua karanga aturū Mose kia ratou, Eaa kotou i kauvae mai ei iaku? eaa kotou i akakoko 3 ei ia Ichova? Kua kaki vai ra te tangata i reira; e kua urutoe ratou ia Mose, e kua tuatua maira, Eaa koe i arataki mai ei ia matou mei Aiphiti mai, kia mate matou, e ta matou au tamariki, e ta 4 matou au puaka i te kaki *vai*? Kua kapiki aturū Mose kia Ichova, na ko atura, Akapeca au i teianei aronga? kare e roa e pei mai ei ratou iaku ki te 5 toka. Kua tuatua mairū Ichova kia Mose, E aere koe na mua i taua au tangata nei, ko koe e tetai papaki o te aronga pakari o Isernela ra, e apai katoa i to rakau tauu i ta i te vai ra, i 6 toou rima, ka aere ei: I na, ei reira au ei runga i te mato i Horeba tu atu ei ki mua ia koe na; e naau e ta i taua mato ra, e ka ta'e mai te vai mei roto i reira, ei inumanga na te tangata. E kua pera oki a Mose ki mua i te aroaro 7 o te aronga pakari o Isernela ra. Tapa iora aia i te ingoa o taua ngai ra, ko Masa, e ko Meriba, no te tauctonoanga a te tamariki a Iseraela, e no te mea kua akakoko ratou ia Ichova, i te na ko anga e, Tei rotapu ainei a Ichova ia tatou nei, e kare aina? 8 Kua aere maira i reira to Amaleka, e tamaki i to Iseraela i Rephidima. 9 Kua tuatua akērā Mose kia Iosua, Ka iki ana i te tangata, ka aere, e tamaki i to Amaleka: apopo au e tu ei ki runga roa i te tuavi, ma te rakau a 10 Atua i toku rima. Kua pera oki a Iosua i ta Mose i tuatua kinia ra, tamaki atura i to Amaleka; e kua aere aturū Mose, ko Aaronā, e ko Hura, ki runga roa i te 11 tuavi. E kua apai iorā Mose i tona

rima ki runga ra, te eke ra to Amaleka: e kua tuku iora aia i tona rima ki raro, te eke ra to Iseraela. E no te mea te 12 teimaa ra te rima o Mose; kua rave iora raua i tetai toka, tuku iora ki raro ake iaia, e kua noo iora aia ki rungao; e kua mou akerā Aaronā raua ko Hura i tona rima, okotai i tetai pae, okotai oki i tetai pae; kare akera tona rima i keukū e topa ua atura te rā. Pou 13 iorā Amaleka e tona au tangata ia Iosua i te mata koke.

Kua tuatua mairā Iehova kia Mose, 14 E tata koe i teianei manga tuatua ki roto i tetai buka, ei manakoanga, e tatau atu ki nga taringa o Iosua: E ka akangaro au ia Amaleka kia kore roa aia e manakoia i raro ake i te rangi nei. Kua akatu iorā Mose i tetai atarau, 15 tapa iora i te ingoa, ko IEHOVA NISI. Kua tuatua akera oki aia, No te rima 16 o Amaleka ki runga i te terono o Iehova, ei tamaki ta Iehova ia Amaleka i tera uki i tera uki.

PENE XVIII.

Ko Ietero i te arataki anga mai i te vaine e nga tamariki a Mose; no te tuatua a Ietero i akatakā Mose i etai akava ei tauturu iaia.

KITE akera te metua ongoai o Mose 1 ra, ko Ietero taunga i Midiana, i te au mea katoa ta te Atua i rave ia Mose ra, e tona ra au tangata i to Iseraela, kua arataki mai oki a Iehova i to Iseraela mei Aiphiti mai; Kua rave 2 iora te metua ongoai o Mose ra, ko Ietero, i te vaine a Mose ia Zipora, i tei akaokiia maira, Enga tamariki tamaroa nana ra; ko Geresoma te ingoa o tetai; 3 kua tuatua oki aia e, I noo tangata ke ua ana au i te enua ke: E ko Eliczera 4 te ingoa o tetai: I te Atua oki o toku metua tei tauturu mai iaku, e kua akaora iaku i te koke a Pharao: Kua 5 aere maira taua metua ongoai o Mose ra, ko Ietero, ma te vaine a Mose, engā tamariki tamaroa nana ra, kia Mose i te medebara, i te ngai i puakapaia e ia ra, i vaiata i te maunga ra o te Atua: E 6 kua tuatua maira aia kia Mose, Ko au teia ko Ietero, ko toou metua ongoai, i aere mai nei au ia koe, ma tauu vaine, e ana tamariki toko rua katoa ra. Kua 7 aere aturū Mose ki vao, e aravei i te metua ongoai nona ra, e kua tupou atura, e ongi atura iaia; e kua ui iora raua ia raua orai i te ora anga; e kua tofomo iora ki roto i te puakapa. Kua 8 akakite akerā Mose ki te metua ongoai i te au mea ravarai ta Iehova i rave

ia Pharao, e to Aiphiti, no to Iseraela ra, e te au tumatetenga katoa ta ratou i kite i te aerenga mai, e ta Iehova akaora 9 anga ia ratou ra. Relakareka akerā Ietero i te au takinga-meitaki katoa a Iehova i to Iseraela, tana i akaora i te 10 rima o to Aiphiti. Kua karanga aturū Ietero, Kia akameitakiā Iehova, i tei akaora ia kotou nei i te rima o to Aiphiti, e te rima oki o Pharao, e kua akaora i te au tangata nei i roto i te 11 rima o to Aiphiti. Kua kite atu au i teianci e, e maata ua aturū Iehova i te au atua ravarai i taua mea rai i rave nengonengo mai ei ratou ia ratou ra. 12 Kua apai maira te metua ongoai o Mose ko Ietero i tetai tusia karakaratio na te Atua, e tetai au tusia ke oki: e kua aere mairā Aaronā, e te aronga pakari katoa o Iseraela ra, e kua kai i te kai, ratou e te metua ongoai o Mose ra, ki mua i te aroaro o te Atua. 13 E ao akera, kua noo mairā Mose e akava i te au tangata ra: e kua tu ua iora te au tangata ki mua ia Mose, mei 14 te popongi mai e aia ua atura. Kite akera te metua ongoai o Mose i tana angaanga ravarai i taua aronga tangata ra, kua tuatua akera aia, Eaa teia tauu e rave i te aronga tangata nei? eaa koe e noo ua i ko koe anake ra, tu ua i te au tangata ravarai mei te popongi mai e 15 aia ua atu? Kua tuatua mairā Mose ki tona metua ongoai ra, No te mea te aere maira te tangata kiaku nei e ui i 16 ta te Atua ra tuatua: E tuatua ta ratou ra, kua aere mai ratou kiaku nei, e kua akatau marie iora au i ta tetai e ta tetai, e kua akakite oki i tei akonoia 17 e te Atua, e tana au ture. Kua karanga atura te metua ongoai o Mose ra kiaia, Kare e meitaki tauu e rave na. 18 Ka mate ua koe, ko koe, e taua aronga katoa nei: e mea teiaa maata roa taua mea nei ia koe; kare e 19 tika ia koe anake ra kia rave. Ka akarongo mai ana i taku nei tuatua, e ako ua atu au ia koe na, e ka vaiata mai te Atua ia koe; ei vaa koe no te tangata ki te Atua ra, e naau e apai i 20 tu ratou tuatua ki te Atua ra: E naau e apai ia ratou i te au akonoanga, e te au ture, ka akakite ei oki kia ratou i te ara kia aere ratou, e te angaanga ta 21 ratou e rave. E kimi io na oki koe i te au tangata maroiri i roto i te tangata katoa nei, i tei matakū i te Atua ra, ei tangata tuatua-tika, e te rikarika ki te morimori apinga; ko tauu ia e akataka i runga ia ratou, ei rangatira tausami, ei rangatira anere, ei rangatira rima ngauru, 22 e ei rangatira ngauru: Ei ia ratou

te akava i te au tangata nei i te au rā
katon; ko te tuatua maata katoa ra, e
apai mai ratou i *te reira* kia koe na, te
au tuatua rikiriki katoa ra, na ratou ia
e akava i *te reira*: māmū iora koe i
reira, kia raverave katoa ratou e koe
katoa ra. Kia tika ia koe i te rave i 23
taua mea nei, e kia tuatua mai te Atua
kia koe e *rave*, ka riro koe i te tu roa i
reira, e ka tae katoa oki teia au tanga-
ta ravarai ki to ratou ra ngai ma te ora.

Kua akarongo iorū Mose i te tuatua 24
a te metua ongoai ra, e kua rave iora i
te au mea katoa tana i tuatua maira.
Kua iki iorū Mose i te au tangata ma- 25
roiroi no rotapu ia Iseraela katoa, kua
akaroro atura ei rangatira no te au tan-
gata, ei rangatira tausani, ei rangatira
anere, ei rangatira rima ngauru, e ei
rangatira ngauru. Na ratou atura i 26
akava i te tangata i te au rā katoa ra:
ko te tuatua ketaketa ra, kua apai kia
Mose, kareka te au tuatua rikiriki
katoa ra, na ratou orai ia i akava.

Kua tuku ua aturū Mose i te metua 27
ongoi nona i reira; aere atura aia ki
tona orai enua tikai.

PENE XIX.

*To Iseraela tae aua ki Sinai: ta te
Atua tuatua mai kia ratou, kia tea-
teamamao ratou.*

I TE toru o te marama, o to te tama- 1
riki a Iseraela aerenga mai mei te
enua maira mei Aiphiti, ko taua rā rai,
ko to ratou ia tae aua mai ki te mede-
bara ra ko Sinai: Kua akaruke oki 2
ratou ia Replidima, e kua tae maira
ki te medebara i Sinai, e kua puakapa
iora ratou i taua medebara ra; e kua
puakapa iora to Iseraela i reira ki mua
atu i te maunga. Aere aturū Mose ki 3
runga ki te Atua ra, kua kapiki mairū
Iehova kiaia i runga i taua maunga ra,
na ko maira, E na ko atu koe ki te ngu-
tuare o Iakoba, e e akakite ki te tama-
riki a Iseraela: Kua kite kotou i taku 4
i rave ki to Aiphiti ra, e kua maranga
kotou iaku na runga i te peau aeto ra,
e kua apai mai ia kotou i ko nei kiaku
uaorai nei. E tenana, kia akarongo 5
tikai kotou i toku reo, e kia akono i
taku ra kororomotu, ka riro ia kotou ei
apunga akaperepere maata naku, i te au
tangata ravarai ra: noku uaorai oki te
ao katoa nei: E riro rai kotou ei basi- 6
leia taunga naku, e ei iti-tangata tapu.
Ko taua ia tuatua e karanga atu ki te
tamariiki a Iseraela ra.

E kua aere aturū Mose, kua karanga 7
atura ki te aronga pakari o taua aronga

tangata ra, e kua tuku atura i te au
tuatua katoa ta Iehova i tuatua mai
8 kiaia ki mua i to ratou aroaro. E kua
tuatua tai ua maira te tangata ravarai,
na ko maira, Te au *tuatua* ravarai ta
Iehova i tuatua, ka rave ia matou. E
kua akakite aturū Mose i ta te au tan-
gata ra tuatua kia Iehova ra.

9 Kua tuatua mairū Iehova kia Mose,
I na, e aere atu au kia koe, na roto i
tetai tumurangi patapatatue ra, kia
akarongo te au tangata kia karanga atu
au kia koe, e kia akarongo mairai ia koe
e tuatua ua atu. E kua akakite aturū
Mose i ta te au tangata ra tuatua kia
10 Iehova ra. Kua tuatua mairū Iehova
kia Mose, E aere koe ki te au tangata
ra, e akatapu atu ia ratou akonei, e
apopo, e tatā ratou i to ratou kakau,
11 E kia teateamamao oki ratou kia
tae ki te toru o te rā: ei te rā toru oki
ka eke mai ei a Iehova ki mua tikai i
te mata o te tangata ravarai, ki runga i
12 te maunga nei ko Sinai. E tuku oki
koe i te kotinga e pini ua ake no te tan-
gata ra, e karanga atu ei, Kia matakite
ia kotou, auraka kotou e aere ki runga
i te maunga nei, auraka oki e akatukia
ua atu i te pac: ko te akatukia i te
maunga nei, ka mate takiri roa ia:
13 Auraka rava tetai rima e akatukia ua
atu i te reira, ka pei tikaia ra aia ki
te toka, e kare ra, ka ko e mama roaia;
ko te puaka e te tangata katon, kare ia
e ora: kia roa te tangi o te pu ra, e
aere ua mai ratou ki runga i te maunga
nei.

14 Kua eke iorū Mose ki raro mei runga
mai i te maunga ra ki te au tangata ra,
e akatapu atura i te au tangata ra; e
kua tatā iora ratou i to ratou kakau.
15 E kua karanga atura aia ki te au tan-
gata ra, Kia teateamamao kotou i te
rā toru: auraka e akavaita ki te
vaine.
16 E tae akera ki te toru o te rā i te
popongi, ko te mangungu iora, e te
uira, e tetai tumurangi patapatatue ki
runga i taua maunga ra, e te tangi pu
ra oki e *tangi* maata roa: kua rutete-
tete oki te tangata tini ravarai o te
17 puakapa ra. Kua arataki aturū Mose
i te au tangata ki vao i taua puakapa
ra, kia aravei atu i te Atua; kua tu ua
iora ratou i te ngai i raro ake i taua
18 maunga ra. E aua anake atura taua
maunga ra ko Sinai, no te mea kua eke
mai a Iehova ki runga i taua *maunga*
ra na roto i te ai: peke ua atura te
auai ki runga, mei te aua umu ra, e
kua ngaueue roa atura taua maunga
19 katoa ra. E te tangi ra taua pu ra, te

tupu ua atura oki i te maata roa anga, kua karanga aturū Mose, e kua tuatua maira te Atua kiaia i tetai roa.

Kua eke maira oki a Iehova ki 20
runga i te maunga ra ko Sinai, ki
runga roa i te take maunga: e kua
kapiki mairā Iehova kia Mose, e aere
ki runga i te take maunga; e kua aere
aturū Mose ki runga. Kua tuatua 21
mairā Iehova kia Mose, E eke ki raro,
e ako atu i te au tangata ra, ko te tomo
pu mai aea ratou ki roto ia Iehova e
matakītaki, ko te mate aea oki to ratou
e manganui. E e akatapu katoa te 22
aronga taunga, ko tei akavaitata mai
kia Iehova ra, ia ratou uarai, ko te
riro pu atu aea Iehova ki runga ia
ratou. Kua karanga aturū Mose kia 23
Iehova, Kare te tangata e tae mai ki te
maunga nei ko Sinai: kua tuatua pu
mai oki koe ia matou, na ko maira, E
tuku i te kotinga e pini ua ake te
maunga nei, e e akatapu. Kua ka- 24
ranga mairā Iehova kiaia, Ka aere,
aere ki raro, e ka aere *akaou* mai ki
runga nei, ko koe, e ko Aarona katoa;
auraka ra te aronga taunga, e te au
tangata ra, e tomo pu ua mai ki roto,
ka aere mai ei ki runga kia Iehova nei,
ko te riro pu atu aea aia ki runga ia
ratou. Kua eke iorā Mose ki raro ki 25
taua au tangata ra, e kua tuatua iora
kia ratou.

PENE XX.

*Te ture a Iehova i te tuku angaia mai:
e to te tangata matakū anga.*

KUA tuatua maira te Atua i teia 1
katoa nei au tuatua, na ko maira,
Ko au toou Atua ra ko Iehova, ko tei
arataki mai ia koe mei te enua maira
mei Aiphiiti, mei te ngutuare i tavini
ei ra.

Auraka rava toou ei atua ke atu 3
iahu nei.

Auraka rava koe e rapa i te idolo 4
akatikitikiia noou, e te tu no tetai mea
i runga i te rangi ra, e no tetai mea i
raro i te enua nei, e no tetai mea o te
moana i raro ake i te enua ra: Auraka 5
rava koe e tupou ki raro ia ratou,
auraka oki e akamori atu ia ratou; e
Atua vareae oki au ko te Atua noou
nei ko Iehova, i te tutaki anga i te ara
a te aronga metua ki runga i te tama-
riki, e tae ua atu ki te toru e te a o te
uki, kia kore ratou e inangaro mai iaku
ra; E te aroa anga atu i te aronga i 6
inangaro mai iaku, e kua akono i taku
au akauenga, e tausani ua atu.

Auraka koe e akaiki puapinga kore 7

ua i te ingoa o to Atua ra ko Iehova;
kare oki a Iehova e akatika iaia i tei
akaiki puapinga kore ua i tona ra
ingoa.

8 E akamaara i te rā sabati, kia aka-
9 tapuia. E tika ia koe kia angaanga, e
kia rave i taau au angaanga katoa i nga
10 rā e ono ra. Kareka te rā itu ra ko te
sabati ia no to Atua ra no Iehova;
auraka rava koe e rave i te angaanga
i te reira rā; ko koe, e taau tamaiti, e
taau tamaine, e toou tavini tane, e toou
tavini vaine, e taau au puaka ra, e to
11 tangata ke katoa i o ou ra: E ono oki
o Iehova rā i te anga anga i te rangi
e te enua, te tai, e te au mea katoa i
roto ra; kareka te rā itu ra, akaanga-
roi iora aia *i te reira*: i akameitaki ei
a Iehova i te rā sabati, e akatapu iora
oki i te reira.

12 E akangateitei atu i to metua tane, e
to metua vaine: kia akaroaia toou puke
rā i te enua ta toou Atua ta Iehova e
oronga noou na.

13 Auraka rava koe e ta ua.

14 Auraka rava koe e akaturī.

15 Auraka rava koe e keia.

16 Auraka rava koe kia riro ei kite
pikikaa i to tangata tupu na.

17 Auraka rava koe e morimori i te are
o to tangata tupu, auraka katoa koe e
morimori i te vaine a to tangata tupu,
e tona tavini tane, e tona tavini vaine,
e tana bovi, e tana asini, auraka katoa
i te au mea ravarai a to tangata tupu
ra.

18 Kua kite te tangata ravarai i taua
mangungu ra, e te uira, e te tangi o te
pu ra, e te auai o taua maunga ra: e
kite akera taua aronga tangata ra,
akataka ke atura ratou, tu ua atura i
19 te ngai mamao. E kua tuatua maira
ratou kia Mose, Ko koe te tuatua mai
kia matou, e na matou ia e akarongo:
auraka ra te Atua e tuatua mai kia
20 matou, ko te mate aea matou. Kua
karanga aturū Mose ki taua aronga ta-
ngata ra, Auraka e matakū: i aere mai
oki te Atua e timata ia kotou, kia vai
rai te matakū iaia i mua i to kotou
mata, kia kore kotou e rave i te ara.

21 Tu ua iora te au tangata i te mamao
ke, e kua akavaitata aturū Mose ki
taua ngai poiri patapatatu, tei reira te
Atua ra.

22 Kua tuatua mairā Iehova kia Mose,
E na ko atu koe ki te tamariki a
Iseracla, Kua kite akenei kotou e, kua
karangaranga au kia kotou i runga i
23 te rangi nei. Auraka roa kotou e anga
i te atua ario iaku nei, e te atua auro
auraka rai e anga no kotou.

Ei atarau one taau e akatu naku, ka 24
apai mai ei i taau na au tusia karakara-
tio ki rungao ra, e te tusia au naau ra,
i te mamoe naau, e te bovi naau: i te
au ngai katoa e akamou ei au i toku
ra ingoa, e aere atu ia au kia koe na i
reira, e ka akameitaki oki au ia koe.
Kia inangaro ra koe i te akatu i te 25
atarau toka naku, auraka ei toka taraiia
kia patu ra; kia tiki ua koe i to toki
ki rungao i te reira, kua viivii ia ia
koe. Auraka oki koe e na runga i te 26
ara akanukanuka i te aere ki runga i
taku atarau, ko te kitea aca to vai
taaka ua anga i reira.

PENE XXI.

*Te ture no te aronga tavini ra; no te
ta tangata, te keiu tangata, te katara
metuu; te tutaki aileite, e te bovi
tui.*

TEIA oki te au tuatua-tau taau e 1
tuku ki mua ia ratou. Kia oko 2
koe i te tavini Ebera ra, kia ono ona
mataiti i te tavini anga: kia tae ra ki
te itu ra, ka aere ua ia aia i reira,
auraka e oko. E takaua aia i te aere- 3
nga mai, ei takaua oki aia kia aere ra:
e noo vaine aia i te aerenga mai, ka
aere ia aia ma te vaine katoa kia aere 4
ra. Na tona ra pu i oronga i te vaine
nana, e e tamariki tamaroa tana i anau
nana, e kare ra, e tamariki tamaine;
na te pu taua vaine ra ma tana au
tamariki, ka aere ua ra aia koia anake 5
ra. Kia tuatua pu ua maira taua
tavini ra, E anoano au i taku pu, taku
vaine, e taku au tamariki; kare au e 6
aere ua: Ei reira tona pu e arataki ei
iaia ki te au akava ra; e nana oki aia e
arataki ki te ngutupa are, e kare ra, ki
te kopa ra; e na tona pu e ko i tona
taringa e puta atu ki tetai ko; ka tavini
tamou atu ei aia kiaia ra.

E kia oko ua atu te tangata i tana 7
uaorai tamaine ei tavini vaine ra, auraka
tona aerenga kia aere ra e aite ki to te
au tavini tane ra. Kia kore tona pu e 8
tau iaia, tei momoko iaia, e tuku ua
aia iaia kia oko uaia mai i reira: kare
aia e tika kia oko atu iaia ki te tangata
ke ke, no te mea kua pikikaa oki aia
iaia. E kua momoko atu aia iaia na 9
tana tamaiti, mei ta te metua ra akono
anga i te tamaine ra, ko tana ia akono
anga iaia. Kia rave ra aia i tetai vaine 10
ke nana, auraka aia e akaiti i tana kai,
tona kakau, e tei tau iaia i te vaine
akaipoipoia ra: E kia kore aia e rave 11
i te reira nga mea e toru ra nana, ka
aere ua ia aia auraka ei moni.

12 Ko tei ta i te tangata ra, kia mate aia
13 ra, ka tamate takiri roaia ia. Kia
kore aia i moetaipapa iaia, na te Atua
ra i tuku mai iaia ki tona rima; ka
akakite atu au kia koe i te ngai oro
14 anga nona. Ko te tangata ra, kia rave
i tetai e tamate roa ma te akakoro, e
te pikikaa, mei taku atarau rava ka
15 rave atu ei koe iaia kia mate roa. Ko
te ta i tona metua tane, e tona metua
vaine, e tamate takiri roaia ia.

16 Ko tei keia i tetai tangata, e kua oko
atu iaia, e kare ra, tei tona rima aia i
te rokoia anga atu, e tamate takiri
roaia ia.

17 Ko tei katarai tona metua tane, e tona
metua vaine, e tamate takiri roaia ia.

18 Kia karo nga tangata toka rua, e kia
pei mai tetai i tetai ki te toka, e kia
moto ua ki te rima, kare ra i mate roa,

19 kua akavai ra ki runga i te roi; Kia tu
ra aia ki runga, e kua aere ma te to-
kotoko aere ua, auraka tei moto iaia
ra kia mate; e tutaki ra aia i to tetai
ra noo ua anga, e te vairakau oki iaia e
kia ora takiri roa.

20 E kia ta te tangata i tona tavini tane,
e kare ra, i tona tavini vaine, i te rakau
papa ra, e mate iora aia i roto i tona

21 rima; e akautungaia ia aia. Kia po
okotai ra e kia rua kare i mate taua
tavini ra, kare ia e akautungaia; e
moni oki aia nana.

22 Kia tupu te karo i te tangata ra, e
tukia atura tetai vaine nui, e maemo
iora tana tamaiti, kare ra e kino ke: e
akautungaia ia aia, kia tau i ta te tane
a taua vaine ra e akaaiteite mai kiaia
ra; ei mua i te aroaro o te aronga

23 akava aia e tutaki mai ei. E e kino
ke rai tei tupu, mei te mate ra, ei mate

24 ia te utunga, E mata ra, ei mata ia te
utunga, e nio ra, ei nio ia te utunga, e
rima ra, ei rima ia te utunga, e vaevae

25 ra, ei vaevae ia te utunga, E pakapaka
ai ra, ei pakapaka ai ia te utunga, e
motu ra, ei motu ia te utunga, e paru-
paru ra, ei paruparu ia te utunga.

26 Kia moto te tangata i te mata o tona
tavini tane, e kare ra, te mata o tona
tavini vaine, e po atura; e tuku ia aia
iaia kia aere ua ana ei tutaki i tona
mata. E kia moto oki i te nio o tona
27 tavini tane, e kare ra, te nio o tona
tavini vaine, e topa iora; ka tuku ia
aia iaia kia aere ua ana ei tutaki i tona
nio.

28 Kia ko mai te bovi i tetai tangata, e
kare ra, i tetai vaine, e mate iora; e
peia taua bovi ra ki te toka, e auraka
taua puaka ra e kaingaia; ko te tangata
ra nana taua bovi ra auraka ia e aka-

apaia. Kua matau ra taua bovi i te 29
ko i muatangana ra, e kua akakiteia te
tangata bovi ra, e kare i tapekaia, e
kua mate te tangata iaia, te tane, e kare
ra, i te vaine; ka peia taua bovi ra ki
te toka, e ka tamate katoaia te pu.
Kia akaaiteteia te utunga moni nana, 30
ka o mai ia aia i tei akaaiteteia atu, ei
oko kia ora aia ra. E tamaroa tei koia 31
e taua bovi ra, e kare ra, e tamaine, e
akapernaia atu rai aia, teianei rai te tua-
tua-tau iaia. E tavini tane tei koia e 32
taua bovi ra, e kare ra, e tavini vaine; ka
apai ia aia e toru ngauru sekela ario na
tona ra pu, e kia peia te bovi ki te toka.

E kia ceu tetai tangata i te rua, e 33
kare ra, kia ko ua tetai tangata i te
rua, e kare i tapoki, e topa iora tetai
bovi ki roto, e kare ra, e asini; Ka apai 34
ia te tangata rua ra i te moni na te
tangata puaka ei tutaki; e nana taua
puaka i mate ra. E kia paruparu ra 35
ta tetai tangata bovi i ta tetai, e mate
atura; ka oko raua i te bovi i ora, ka
tua'i i te moni; ka tua katoa oki raua
i te bovi i mate ra. Kia kitea meitakiia 36
ra kua matau ia bovi i te ko i muata-
ngana ra, e kare te pu i tapeka; ka oko
ia aia ki tetai bovi; ko te bovi mate ra
nana ia.

PENE XXII.

*Te ture no te keia, e no te takinga-kino i
ta etai ke ra apinga, e tetai au ture ke.*

KIA keia te tangata i te bovi, e kare 1
ra, i te mamoe, e ko iora, e kare ra,
e oko atura; kia rima mairai ana bovi ei
tutaki i taua bovi okotai ra, kia a mai
oki ana mamoe ei tutaki i te mamoe 2
okotai ra. Kia kitea te keia i te vava'i
anga i te are, e taia iora aia, e mate roa
akera, kare ia i te ta tangata. Kareka 3
tei runga te rü i ta ai ra, e ta tangata
ia aia i reira, e rave ia aia i te utunga.
Kare a te keia e apinga ra, ka okoia
aia uaorai ei tutaki i taua keia ra. 4
Rokoia atu te vai ra taua apinga keiaia
ra, tei iaia uaorai, te ora ra, e bovi e
bovi ia, e te asini, e te mamoe oki, kia
taki rua mai tana kia tutaki mai.

Kia pou te kainga, e te kainga vine i 5
tetai tangata, kia tuku aia i tana puaka
ki roto, kia pou ta tetai ra pa'u kai, e
tutaki mai ia aia i te mea memetaki
no roto i tona uaorai kainga, e te mea
memetaki no roto i tona uaorai kainga
vine. Kia ka te ai i roto i te nga- 6
ngaere ra, e pou iora te sitona i uipa
ra, e te sitona tu ua ra, e te kainga;
ko tei tutungi i taua ai ra, ka tutaki
mai ia aia e kia tutaki ia ia.

7 Kia apai te tangata i te moni e te
apinga ki tetai tangata ei tiaki, e keiaia
iora i roto i te are o taua tangata ra;
kia kitea te keia ra, kia taki rua mai
8 tana e tutaki mai. Kia kore ra e
kitea te keia ra, ka aratakiia mai te
tangata ngutuare ki te aronga akava
ra, *kia kitea* e kua rave ainei tona orai
rima i taua apinga a tona taeake ra.

9 E te au ara katoa ra, mei te bovi ra,
te asini ra, te mamoe ra, te kakau ra, te
au apinga kia ngaro ra, kia tuatua mai
tetai e nana taua *apinga* ra; e apai ia
ta tetai pae ra tuatua, e ta tetai, ki mua
i te aroaro o te aronga akava; e ta te
aronga akava i akaapa ra, kia taki rua
mai tana *apinga* kia apai mai na tona
10 taeake. Kia apai atu te tangata i te
asini na tetai e tiaki, e te bovi, e te
mamoe, e te au puaka katoa oki; e
mate iora, e kare ra, paruparu iora, e
arumaki keia atura, kare e tangata i
11 kite: *Ei reira* tetai e taputou ei ia Ie-
hova i tetai, e kare roa tona rima i rave
i ta tetai ra apinga; e äriki te tangata
apinga ra i taua *taputou nana* ra, e
12 auraka oki aia e tutaki mai. E i keiaia
taua mea ra iaia ra, e rave mai ia aia i
13 te tutaki na te tangata apinga ra. E i
etietia ra, ka apai mai aia i te akaio i
taua etietia anga ra, auraka ra aia e rave
mai i te tutaki.

14 E kia ori te tangata i te *apinga* a
tona taeake, e paruparu iora, e mate
roa akera, kare te pu i vaiata, e apai
15 mai ia aia i te tutaki i *reira*. Tei vai-
tata katoa te pu ra, auraka aia e tutaki
mai i *reira*; e mea ouia ra, no te ou ia
i tukuia mai ei.

16 Kia akanauru te tangata i te pare-
tenia, kare i momokoia ra, e kua moe
iaia; ka apai aia i te apinga nana, ei
17 vaine tikai nana. Kia kore roa ra e pa
mai tona metua tane iaia ei vaine nana,
ka apai ia aia i te moni e tau ki te öra
paretenia ra.

18 Auraka roa e vao ora ua i te pure-
pure vaine.

19 Ko tei moe i te puaka ra, ka tamate
takiri roaia ia.

20 Ko tei apai i te tusia na te au atua, kare
kia Iehova anake ra, ka akapou roaia ia.

21 Auraka koe e takinga-kino i te purutia,
auraka oki e tinai mate atu: e purutia
katoa oki kotou i te enua ra i Aiphiti.

22 Auraka kotou e takinga-kino i te
23 vaine takaua e te matiroeroe: Kia taki-
nga-kino ua ake koe i te reira, kia ka-
piki mai ratou kiaku, ka akarongo
24 tikai au i ta ratou kapiki; Ka ototoo
toku riri i reira, ka tamate takiri roa ia
au ia kotou ki te koke; e ka riro ta

kotou au vaine ei takana, e ta kotou au tamariki ei matiroeroe.

Kia apai koe i te moni ori ki te ta- 25
ngata rikiriki tupu i toku nei au ta-
ngata, auraka koe kia riro mei tei umu-
umu i te tutaki ra iaia; auraka kotou
e akateimaa iaia i te tutaki. Kia rave 26
ua atu koe i te kakau o to taeake ei tu-
taki, kia topa te rā ra e akaoki akaou
atu ia kiaia. Otira ua oki ona tapoki, 27
ko tona ia kakau ei *va'i* iaia ra; eaa atu
rai oki tona *kakau* kia moe? kia kapiki
mai oki aia kiaku ra, ka akarongo ia
atu au *iaia*; e aroa oki toku.

Auraka koe e akakino i te au akava, 28
auraka e katara i te kavana i rungao i
to iti-tangata na.

Te popo mua i te au kai naau na, 29
e te vai vine naau ra, auraka koe
e pupuru i te *reira iaku* nei. Taau
au tamariki tana mua ra ka o
mai katoa mai ia kiaku nei. E pera 30
oki koe i te *auanga* mua a taau au
bovi, e taau au mamoe; kia po itu i te
vairanga ki te tinana ra; kia tae ki te
rū varu ra, ka apai mai koe i te reira
kiaku nei. Ei au tangata tapu kotou 31
noku; e te au puaka katoa kia etietia
ki te ngangaere ra, auraka kotou e kai;
e akaruke ke atu na te puaka-aoa.

PENE XXIII.

*Auraka e tamouia te tuatua pikikaa; e
te kite pikikaa; te mataiti vaoo ua,
nga oroa e toru, e te Angela te na
mua ia ratou kia akarongo ratou.*

AURAKA koe e apai aere i te 1
rongo taeke ua; auraka katoa e
kapiti atu i to rima ki to te tangata
kino ei kite pikikaa. Auraka koe e aru 2
i te urupu *tangata* i te kino; auraka
oki koe e aru i te maata i te akava
ānga, ka akaruke ei i te *tuatua-tau* ra.
Auraka oki koe e akatika ē ua i te ta- 3
ngata rikiriki i tana tuatua.

Kia aravei koe i te bovi a to enemi, 4
e te asini, te aere ke ra, ka akaoki ia
koe i taua *puaka* ra kiaia. Kia kite 5
koe i te asini a to enemi i te vai ua
anga i raro ake i tona apainga, e e
akaruke iaia, e kare e pange atu; ka
pange rai koe ma ia katoa. Auraka 6
koe e ruri ke i ta te tangata rikiriki ra
tuatua i te akava ānga. Kia atea ke 7
atu rai koe i te tuatua pikikaa; auraka
e ta i te aronga ara kore e te tuatua- 8
tika; kare oki au e akatika i te ta-
ngata kino ra. Auraka koe e rave i te
tutaki; e po oki te mata o te aronga 9
kite i te tutaki, e e mingi te tuatua a te
aronga tuatua-tika i te reira. Auraka

oki koe e tinai-mate i te tangata ke;
kua kite oki kotou i te ngakau o te ta-
ngata ke, e tangata ke oki kotou i te
enua ra i Aiphiti.

10 E ono o oou mataiti ruru ānga ua i
toou enua, e ka akaputuputu oki i tei
11 ua i reira ra: Kareka te itu o te *mataiti*
ra, ka vaoo ua ia kia noo ua ana; kia
kai te tangata rikiriki i o ou na, e tei
toe ia ratou ra, e vaoo ua atu na te au
puaka o te ngangaere e kai. E aka-
pera katoa koe i toou au kainga vine,
12 e toou kainga olive ra. E rave koe i
taau au āngaanga i nga rā e ono ra,
kareka te rā itu ra ka akaangaro i
ua koe i te *reira*; kia akaangaro i taau bovi
e te asini naau, e kia maru te tamaiti a
to tavini vaine, e te tangata ke.

13 E te au mea ravarai i karangaia atu
e au kia kotou na, ko ta kotou ia e ako-
no tikai: auraka ra te ingoa o te au
atua ke ra e akaiki uaia e kotou, auraka
roa e puta mai mei roto i to vaa.

14 E toru aau oroa e akono i te mataiti
15 okotai naku. E akono koe i te oroa
areto akaopue kore ra; kia po itu koe
i te kainga i te areto akaopue koreia ra,
taku i akaue atu kia koe na, i te taime
i akonoia ra, i te marama ra ia Abiba;
taua *marama* ra oki toou aere ānga mai
mei Aliphiti maira; e auraka roa tetai
e aere puapinga kore ua mai ki mua i
16 toku aroaro nei: E te oroa o te akaū
ra, i te popo o taau āngaanga ra, ko
taau i ruru i te kainga; e te oroa i te
akaputuputu ānga *kai* ra, kia tae ki te
openga o te mataiti ra, kia akaputuputu-
ia e koe to roto i te kainga ra, taau i
17 āngaanga ra, i roto. E toru o taau au
tane katoa aere ānga mai ki mua i te
aroaro o te Atu ra o Iehova i te mataiti
okotai.

18 Auraka koe e apai mai i te toto o
taku ra tusia, ma te areto akaopueia
ra; auraka katoa te tongau o taku ra
19 kaingakai e vaooia kia ao. Te au mea
memetaki o te popo o toou na enua, ko
taau ia e apai mai ki te are o toou Atua
ra o Iehova. Auraka koe e tunu i te
punua puaka-nio i te u o tona ra tinana.
20 I na, te tono nei au i tetai Angela i
mua ia koe, e tiaki ia koe i te arataa
ra, ei arataki oki ia koe i te ngai i ako-
21 noia e au ra. Kia matakite koe iaia,
e akarongo i tona reo; auraka e aka-
koko atu iaia; kare oki aia e akakore i
ta kotou ara; no te mea, tei iaia toku
22 nei ingoa. Kia tika tikai ra ia koe i te
akarongo i tona reo, e i te rave i te au
mea katoa taku e karanga atu *kia koe*
na; ei enemi ia au no toou au enemi,
e ei ekai oki au i tei ekai mai ia koe

reira. E na mua oki taku Angela ia 23
koe, e arataki oki ia koe ki o te ngati
Amori, e te ngati Heta, e te Perizi, e
te ngati Kanaana, e te ngati Hevi, e te
ngati Iebusi; ko taku ia e tipu ke atu.
Auraka koe e tupou ki raro i te au atua 24
no ratou ra, auraka e akamori atu ia ra-
tou, auraka oki koe e rave mei ta ratou
e rave ra: e akapou takiri ra koe ia
ratou, e akangaanga roa i to ratou au
kiiki. Ko to kotou Atua ra ko Ie- 25
hova ta kotou e akamori, kia akameita-
ki mai aia i taau kai, e taau vai; e kia
apai ke atu au i te maki i roto ia koe
na.

Kare rava tetai mea e maemo ua 26
tona anaunga, e kare oki e riro ei aka-
toa, i toou na enua: e tika roa oki
toou au rā iaku. E tono au i te mata- 27
ku iaku na mua ia koe, e naku e akama-
taku i te au tangata ravarai taau ka
aere na; e ka iki mai toou au enemi
katoa i to ratou tua ia koe, iaku. Ka 28
unga oki au i te zeroe na mua ia koe, e
na ratou e arumaki ke atu i te ngati
Ilevi, te ngati Kanaana, e te ngati
Heta, i mua ia koe. Kare ra au e 29
akaope ia ratou i te tuaru i mua ia koe
i te mataiti okotai; ko te tanea aea te
enua, e maata roa atura te terio o te
ngangere i o ou na. Ka tuaru rikiriki 30
ra au ia ratou i mua ia koe na, e kia
maata koe, e kia kapi te enua ia koe.
E naku e tuku i toou kotinga, koia te 31
tai muramura ra e tae roa atu ki te tai
o te Philiseti ra, e mei te medebara ra,
e tae roa atu ki te vai: e tuku oki au i
te tangata katoa o taua enua ra ki toou
ra rima; e naau ratou e tuaru ke atu
na mua ia koe. Auraka koe e papau i 32
te koreromotu kia ratou, e to ratou au
atua katoa: Auraka ratou e noo i toou 33
na enua, ko te ara aea koe iaku ia
ratou; kia akamori oki koe i to ratou
au atua ra, ka riro ia te reira ei maunu
ia koe.

PENE XXIV.

*Ko Mose i tuatuaia mai ka oki akaou
ki runga i te maunga.*

KUA tuatua maira aia kia Mose, E 1
aere maira koe ki runga nei kia
Iehova ra, ko koe, e ko Aaron, ko
Nadaba, e ko Abihu, e te aronga pa-
kari o Iseraela ra kia itu ngauru; e ei
te atea ke kotou akamori ei. Ko Mose 2
anake oki te ka akavaitata mai kia Ie-
hova ra; auraka ra ratou e akavaitata
mai; auraka ratou te au tangata e kake
katoa mai.

Kua eke iorā Mose, e kua akakite ki 3

te au tangata i te au tuatua katoa a Ie-
hova ra, e te au tuatua-tau katoa; kua
reo tai ua maira te tangata ravarai, na
ko maira, Ko te au tuatua katoa ta Ie-
hova i tuatua maira, ka rave ia matou.
4 Kua tata iorā Mose i te au tuatua ra-
varai a Iehova ra, e kua tu akera aia
ki runga i te popongi roa, kua akatu
iora i tetai atarau i te tumu o taua
maunga ra, e nga pou okotai ngauru ma
rua, no te au kopu o Iseraela tino
5 ngauru ma rua ra. E kua tono akera
aia i te tangata ou no te tamariki a Ise-
raela ra, ko tei apai i te tusia karaka-
ratio kia Iehova ra, e kua akatusia oki
6 i te bovi, ei tusia au ra. Kua rave
akerā Mose i tetai pae i te toto ra, tuku
iora ki roto i te au kapu; e kua pipi
atura i tetai pae i te toto ki runga i te
7 atarau. Kua rave akera aia i te buka
koreromotu ra, kua tataua iora ki nga
taringa o te au tangata ra; kua tuatua
maira ratou, Te au mea ravarai ta Ie-
hova i tuatua maira, na matou ia e
8 rave, e na matou e akarongo. E kua
rave akērā Mose i taua toto ra, kua
pipi atura ki rungao i taua au tangata
ra, e karanga atura, Ka akara mai ana
i te toto o te koreromotu, ta Iehova i
papau io nei ia kotou no te au tuatua
katoa nei.
9 Aere aturā Mose, e ko Aaron, ko
Nadaba, e ko Abihu, e e itu ngauru o
te aronga pakari o Iseraela, ki runga
10 Kite atura ratou i te Atua o Iseraela;
e mei te patu toka saphira areare ki
raro ake i tona vaevae, e mei te rangi
11 itikai ra te kakānga. E kare ra aia i
akatika ua mai i tona rima ki runga i
taua ui mataiapo tamariki a Iseraela
ra: kite ua i ratou i te Atua, e kua
kaikai oki ratou, e kua inu katoa oki.
12 Kua tuatua mairā Iehova kia
Mose, E aere mai koe ki runga i
te maunga kiaku nei, noo ei; e ka
tuku atu au i nga papa toka kia koe
ra, ma te ture, e te akauenga i tataia
e au nei; kia apii atu koe ia ratou.
13 Kua tu akērā Mose ki runga, e tona
tauturu ra ko Iosua; e aere aturā
Mose ki runga i te maunga o te Atua
14 ra. Iku iora ra aia i te aronga pakari
ra, Ka tapapa kotou i ku nei ia maua,
e kia oki mai maua kia kotou: e i na
oki, ko Aaron raua ko Hura tei rotapu
ia ia kotou: e tuatua ta tetai tangata
15 ra, e aere mai aia kia raua ra. E aere
aturā Mose ki runga i te maunga: e
tapokiia maira taua maunga ra e te tu-
16 murangi ra; E vaoa marie iora te
kakā o Iehova ki runga i taua maunga
ra ko Sinai, e ngaro iora i te tumurangi

e po ono akera: e tae akera ki te rā
itu, kua kapiki maira aia kia Mose i
rotopu i taua tumurangi ra. E te tu 17
o te kakā o Iehova ki runga i te take
maunga ra, mei te ai kakai ra ia ki nga
mata o te tamariki a Iseraela. E kua 18
tomo aturā Mose ki roto roa i taua tu-
murangi ra, e kua kake atura i taua
maunga ra: e e a ngauru anga o Mose
rā, e a ngauru oki po, i rungao i
taua maunga ra.

PENE XXV.

*Te apinga i akakiteia mai kia Mose
ei Are.*

KUA tuatua mairā Iehova kia Mose, 1
na ko maira, E karanga atu koe 2
ki te tamariki a Iseraela, e rave ratou i
te terume noku: ta te tangata ravarai kia
oronga ua mai i te reira ma te ngakau
katoa ra, ta kotou ia e rave ei terume 3
noku. Teia te terume ta kotou e rave
ia ratou ra; i te auro, e te ario, e te
veo, E te kakau kerekere, e te pura- 4
pura, e te muramura, e te vavai, e te
uru puaka-nio, E te kiri rama rapakau
muramuraia ra, e te kiri tekese, e te 5
rakau ra e sitima, E te mori no te
lamepa, e te rakau kakara no te ma- 6
nongi tainu ra, e no te tuiama kakara
ra, Te au toka sema, e te au toka ei 7
taroto, no te ephoda, e te kesene. E
anga oki ratou i tetai ngai-tapu noku; 8
kia noo au ki roto ia ratou ra. Mei te 9
tu o te sekene, e te tu o tona katoa ra
au mea, taku i akakite kia koe, e aka-
pera kotou i te anga.

E anga katoa ratou i tetai aruna e 10
sitima te rakau: e rua kubiti e afa
kubiti te roa, e okotai kubiti e afa
kubiti te pararauare, okotai oki kubiti
e afa kubiti te teitei. E e vai oki koe 11
ki te auro meitaki, ko roto e ko vao
tauu e vai, e ka anga oki koe i tetai ei
auro a rungao e pini ua ake. E ka 12
akato oki koe i e a tūtai auro no te rei-
ra, ka tuku ei ki nga poo e a ra; e rua
tūtai ki tetai pae, e rua oki tūtai ki tetai 13
pae. E anga oki koe i nga amo i te
rakau ra e sitima, ka vai ei oki i te
reira ki te auro. E momono oki koe i 14
nga amo na roto i te tūtai i te pae o te
aruna, ei apai anga i taua aruna ra. Ei 15
roto i nga tūtai o te aruna nga amo vao
ei; auraka rava e unuiia. E tuku oki 16
koe i nga papa kite, taku e apai atu kia
koe, i roto i te aruna. E anga oki koe 17
i tetai tapoki auro meitaki: e rua
kubiti e afa kubiti te roa, okotai kubiti
e afa kubiti te pararauare. E anga 18
katoa koe i e rua kerubi, ei auro tupa-

19 kia kia anga koe, ei nga poo e rua o te
tapoki ra. Okotai kerubi ki tetai poo,
e okotai oki kerubi ki tetai poo, taau e
anga: ei rungao i nga poo o te tapoki
20 nga kerubi, kia anga kotou ra. E ka
totoa nga kerubi i o rauu peau na ru-
ngao, ka tapoki ei i te tapoki ki o raua
peau, e ka anga atu anga mai o raua
aro; ka ariuia oki o nga kerubi ra
21 mata ki runga i te tapoki ra. E ka tuku
koe i te tapoki ki rungao i te aruna;
e ka tuku oki koe i nga papa kite taku
e apai atu kia koe na, ki roto i te aruna.
22 E ei reira au e aravei ei ia koe, e ei ru-
ngao i te tapoki i rotopu i nga kerubi,
i rungao i te aruna kite ra, e tuatua'i
au kia koe i te au tuatua ravarai taku
e tuku atu kia koe, kia akaue atu i te
tamariki a Iseraela ra.
23 E ka anga koe i tetai kaingakai i te
rakau ra e sitima: kia rua kubiti te
roa, okotai kubiti te pararauare, okotai
24 oki kubiti e afa kubiti te teitei. E ka
vai oki koe ki te auro meitaki ki rungao,
e anga oki i te ei auro e pini ua ake.
25 E akaaurapae oki koe e pini ua ake,
okotai ake rima i te teitei; e ki rungao
i taua urupae ra, ei ei auro e pini ua
26 ake taau ia e anga. E anga oki koe i
nga tūtai auro e a, ka tamou ei i te au
tūtai i nga poo e a, ki runga i nga
27 vae vae e a ra. E i te tapa o taua uru-
pae ra tamou ei koe i nga tūtai ra, ei
vairanga amo ei apai anga i taua kai-
28 ngakai ra. Ei sitima te rakau kia
tarai koe i nga amo ra, e ka vai koe i
te reira ki te auro, ei apai anga i taua
29 kaingakai ra. E anga oki koe i tona au
merekī, e tona au kapu, e tona au kapu
mamaata, e tona au āriki ei riringi anga
ra: ei auro meitaki anake te reira kia
30 anga koe ra. E tuku oki koe i te areto
no te aroaro ki rungao i taua kaingakai
ra, ei mua iaku nei vaoa tamou ei.
31 E anga katoa koe i tetai menure auro
meitaki ra: ei mea tupaki taua menure
ra kia anga koe: tona pu, e te au ma-
ngamanga, e te au āriki, e te au ponā-
pona, e te au tiare, kia okotai rai ia
32 manga auro. Kia ono ake mangama-
nga no roto i nga pae o te reira ra, e
toru mangamanga i tetai pae menure,
33 ra: Kia toru ake āriki, mei te sekadi te
tu, ma nga ponāpona, e nga tiare, to te
mangamanga okotai ra; e toru oki
āriki mei te sekadi te tu, ma nga ponā-
pona e nga tiare, to tetai mangamanga; e
mei te reira katoa oki te au mangamanga
34 e ono no taua menure nei. E to runga
i te pu o taua menure nei, kia a ia
āriki, mei te sekaki te tu, e to ratou au

ponapona, e to ratou au tiare : Ko e 35
 rua mangamanga ra, okotai ponapona, i raro ake i te reira, ko e rua oki mangamanga ra, okotai ponapona, i raro ake i te reira, e ko e rua oki mangamanga ra, okotai ponapona, i raro ake i te reira, ko nga mangamanga e ono ia no taua menure ra. Te au ponapona, 36
 e te au mangamanga katoa ra kia okotai ia *manga auro*; taua *menure* katoa ra, kia okotai rai ia manga auro meitaki tupakiiia te reira. E kaanga koe i toa 37
 au lamepa e itu ra; ei rungao taua au lamepa ra vai ei, ei akamārama i te au ngai katoa i mua atu ia ratou ra. E 38
 toa au pakoti, e toa au āriki pakoti katoa ra, ei auro meitaki ia. Okotai 39
 ake taleni auro meitaki *to te menure*, e taua au mea katoa ra kia anga koe ra. E akara meitaki ana oki koe kia anga, 40
 kia aite ki te tu i akakiteia atu kia koe i runga i te maunga nei.

PENE XXVI.

Te au tapoki o te sekene i akakiteia ra, nga tapaanga rakau, e te paruru.

E KIA katoa koe i tetai sekene 1
 ei vavai i taviiria ra, ma te kerekere, e te purapura, e te muramura; *ma te au kerubi*, ei angaanga na te taunga karape, me rave koe. Kia rua ngauru e varu 2
 ara te kubiti i te roa o taua au tapoki katoa ra, e kia a oki kubiti i taua tapoki katoa ra i te pararauare : kia okotai rai 3
 tu aite o taua au tapoki ravarai ra. Ko e rima tapoki ra ka tupaupauia ia, tetai e tetai; e ko e rima oki tapoki e tupau- 4
 pau katoaia ia, tetai e tetai. E anga oki koe i te tātai kerekere i te tapa o te tapoki, i te tapa i vao i te topiri anga 5
 ra; e akapera katoa i te anga i te tapa o te tapoki i vao ra, ei topiri anga atu i tetai. E rima ngauru au tātai e anga 6
 i *te tapa* o tetai tapoki, e ka anga katoa oki koe i e rima ngauru tātai i te tapa o tetai tapoki, ko te topiriia ki tetai ra; 7
 kia piri nga *tapoki ra* i taua au tātai ra. E anga oki koe i e rima ngauru 8
 tapeka auro ra, ka topiri ei i te au tapoki ra ki tetai ki tetai, ki taua au tapeka ra; kia riro ei sekene okotai.

E anga katoa koe i te kakau tapoki 7
uru puaka-nio ra, ei are i rungao i te sekene ra; kia okotai ngauru ma tai kakau tapoki taua e anga. E toru 8
 ngauru kubiti i te roa o taua au kakau tapoki katoa ra, e a oki kubiti o taua au kakau tapoki katoa ra i te pararauare : 9
 kia tai rai tu aite taua au kakau tapoki katoa, okotai ngauru ma tai ra. E tu-

paupau oki koe i nga kakau tapoki e rima ra e taka atura ia, e nga kakau tapoki e ono ra oki e taka atura te reira, e ka atuatu koe i te ono o te 10
 kakau i te tuapoto atu o te Are ra. E anga oki koe i te tātai e rima ngauru, ei te tapa o tetai kakau tapoki ei te tapa i vao ei topiri anga; e e rima ngauru oki tātai ei te tapa i vao i tetai kakau tapoki, kia topiriia *nga kakau tapoki* 11
ra. E anga oki koe i e rima ngauru tapeka vao, ka tuku ei i te au tapeka ki roto i te au tātai, ei topiri anga i 12
 taua tapoki ra, kia okotai rai. E te manga paru i toe i taua au kakau tapoki Are ra, te afa o tetai kakau tapoki i toe ra, e vaoa ua atu kia tautau ua 13
 ana i te tua roa i te sekene ra. E te kubiti okotai i tetai pae, e te kubiti okotai oki i tetai pae, tei toe i te roa i te au kakau tapoki Are ra, e vaoa ua 14
 atu kia tautau ua ana i nga pae sekene ra, i tetai pae, e i tetai pae, ei paruru. E anga oki koe i tetai tapoki kiri rama 15
 rapakau muramuraia ra no te Are, e tetai tapoki kiri tekesa ki rungao ra. E tarai oki koe i te tapaanga rakau 16
 sekene i te rakau ra e siima, e akatu ua ki runga. Kia okotai ngauru kubiti te roa o te tapaanga rakau okotai ra, 17
 okotai oki kubiti e afa kubiti te pararauare o te tapaanga rakau okotai. Kia rua oki auri to te tapaanga rakau okotai, 18
 kia aite tikai te tu tetai e tetai : e akapera koe i te anga i te au tapaanga rakau ravarai no taua sekene ra. E te au tapaanga rakau no te sekene 19
 taua e tarai, e rua ngauru tapaanga rakau i to te pae i apatonga ra. E anga katoa koe i te turanga ario no raro ake i taua au tapaanga rakau e rua ngauru 20
 ra, kia a ngauru; e rua turanga to te tapaanga okotai, no nga auri e rua ra, e e rua turanga to tetai tapaanga, no nga auri e rua ra. E e rua ngauru tapa- 21
 anga rakau no tetai pae sekene ra, no te pae i apatokerau ra : E to te reira oki au turanga ario e a ngauru ra; e rua 22
 turanga to te tapaanga rakau okotai, e rua oki turanga to tetai tapaanga rakau. E e ono oki au tapaanga rakau e tarai 23
 no tetai pae sekene i te pae i te opunga o te rā ra. E tarai oki koe i e rua tapaanga rakau no nga poo o te sekene, 24
 i tetai pae e tetai pae. E tamonia oki *aua nga tapaanga* ra ki raro, e tamou katoaia oki ki runga ki tetai mouranga ra; mei te reira katoa tetai e tetai; no 25
 nga poo ia au *nga tapaanga rakau* ra. E varu ake au *nga tapaanga rakau* ra, e to ratou turanga ario ra, okotai ia ngauru ma ono turanga; e rua turanga i

raro ake i te tapaanga rakau okotai, e rua oki turanga i raro ake i tetai tapaanga rakau.

E tarai oki koe i te tea i te rakau ra 26 e sitima, ko e rima ra, no te au tapaanga rakau i tetai pae sekene; E rima 27 oki tea no te au tapaanga rakau i tetai pae sekene, e e rima oki tea no te au tapaanga rakau i te papani mai o te sekene, i te pae i te opunga o te rā ra. E te tea i rotopu ra, ko te na rotopu ia 28 i taua au tapaanga rakau ra, kia tae roa ia ki tetai openga e tetai openga ei tamou anga. E vai oki koe i te au tapa- 29 anga rakau ki te auro, e te au tātai ra ei auro ia kia anga, ei momono anga i te au tea ra; e ka vai katoa koe i te au tea ki te auro. E akapera koe i te aka- 30 tu i taua sekene nei, kia aite ki te tu i akakiteia atu kia koe ki runga i te maunga ra.

E ka anga oki koe i tetai paruru 31 kerekere, e te purapura, e te muramura, e te vavai i taviiria ra, te angaanga na te taunga karape *ki rungao* ra; te au kerubi kia anga aia ra. E ka akauta 32 koe i te reira ki rungao i nga pou sitima e a, i vaiia ki te auro ra; e ei auro oki te au tapeka i runga i nga turanga ario e a ra.

Ka akauta koe i te paruru ki raro 33 nke i te au tapeka *kakau tapoki* ra, ka apai ei koe i te aruna kite ra i reira i roto mai i te paruru ra; e taua paruru ra ta kotou kotinga i te ngai-tapu, e te ngai-tapu roa atu. E tuku oki koe i te 34 tapoki ki rungao i te aruna kite, i roto i te ngai-tapu roa atu. E tuku oki koe 35 i te kaingakai ra ki vao atu nei i taua paruru ra, e te menure i tetai pae kia aite ki te kaingakai ra, i tetai pae i apatonga i te sekene ra; ka tuku koe i te kaingakai i te pae i apatokerau ra.

Ka anga katoa oki koe i te paruru no 36 te tomoanga i te Are ra, ei kerekere, e te purapura, e te muramura, e te vavai taviiria ra, ma te angaanga akamanea ia na te tui. E tarai oki koe i e rima 37 puke pou sitima no taua paruru ra, e vai oki i te reira ki te auro i vao ra, e ei auro oki te au tapeka ra; e ka akato oki koe i e rima turanga veo no aua nga pou ra.

PENE XXVII.

Te atarau tutungi anga tusia karakaratia i akakiteia kia Mose ra, e tetai au mea no te sekene.

E ANGA katoa koe i tetai atarau e 1 sitima te rakau, e rima kubiti te

roa, e rima oki kubiti te pararauare; kia aiteite nga aro e a o te atarau; kareka te teitei e toru ake ia kubiti.

2 Ka tarai oki koe i nga tara i nga poo e a ra; kia okotai rai ia *rakau e te atarau orai* i aua nga tara ra; e ka vai koe i te 3 reira ki te veo ra. E anga oki koe i tona au pani āriki reu, e tona au taipu, e tona au kapu, e tona au kokai, e tona au āriki ai: tona au mea ravarai, ei veo 4 anake ia kia anga koe ra. Ka anga katoa oki koe i te paata veo kopekapeka; ka anga oki koe i e a tātai veo no nga poo e a i taua mea kopekapeka ra. 5 Ka tuku oki koe i te reira ki raro ake i te nia ei rotopu tikai i taua atarau ra, e kia aite tikai taua mea kopekapeka ra ki te ngai i rotopu i taua atarau ra. 6 E tarai oki koe i nga amo no te atarau; ei amo sitima, ka vai ei ki te 7 veo ra. Ka momono oki nga amo na roto i te au tātai ra, ei nga pae o te 8 atarau nga amo, ei apai anga. Ei tapaanga rakau kia puerakaua i roto ra kia anga koe ra: mei tei akakiteia kia koe ki runga i te maunga ra, e akapera ratou i te anga.

9 E rave katoa oki koe i te kezere no te sekene: to te pae i apatonga ra, ei paruru vavai i taviiria ra no te kezere, okotai anere kubiti i te roa, no te tua- 10 poto okotai ia: E to reira oki au pou okotai takau, e to ratou au turanga veo okotai takau; kareka te au tapeka no taua au pou ra, e te au tatua ra, ei ario 11 ia. E pera katoa i te tuaroa i te pae i apatokerau ra, kia okotai anere *kubiti* te paruru i te roa; e to reira oki au pou okotai takau, e to ratou au turanga veo okotai takau; kareka te au tapeka no taua au pou ra, e te au tatua ra, ei ario ia.

12 E to te pararauare o te kezere i te pae i te opunga o te rā ra, kia rima ngauru ia kubiti te paruru i te roa: to te reira oki nga pou okotai ngauru, e to ratou au turanga okotai ngauru. E te pararauare o te kezere i te pae i te itinga o te rā ra, e rima ngauru 14 ia i te kubiti. Te paruru no tetai pae, i taua tomoanga ra, kia okotai ia ngauru ma rima i te kubiti; to reira oki nga pou e toru, e to ratou au turanga e 15 toru. E te paruru oki no tetai pae, kia okotai ia ngauru ma rima i te kubiti; to reira oki nga pou e toru, e to ratou puke turanga e toru ra.

16 E to te tomoanga i taua kezere nei, ei paruru ia, kia okotai takau kubiti *kakau* kerekere, e te purapura, e te muramura, e te vavai i taviiria ra, ma te angaanga akamanea na te tui; to

reira oki pou e a, e to ratou turanga e a ra. Ka tatauia te au pou ravarai e pini 17 ua ake taua kezere nei ki te ario; ei ario oki to ratou au tapaka, kareka te au turanga, ei veo ia. Okotai anere 18 kubiti taua kezere nei i te roa, e rima ngauru *kubiti* i te pararauare e pini ua ake, e rima oki *kubiti* i te teitei: e vavai i taviiria ia, e te turanga o te au pou ra, e veo ia. Te au apinga ravarai 19 o te sekene ra, no te au angaanga katoa ra, e te au titi, e te au titi ravarai no te kezere ra, ei veo anake ia.

E akaue oki koe i te tamariki a Ise- 20 raela, kia apai mai ratou i te inu olive meitaki i reruia ra kia koe na, no te lamepa, kia ka tamou tikai te lamepa. I roto i te Are uipanga, i vao mai i te 21 paruru, ki mua atu nei i te *aruna* kite ra, na Aaron, e tana puke tamariki, e rave marie i te reira, mei te aia i e ao ua ake, ki mua i te aroaro o Iehova ra: ei akonoanga tamou teia na te tamariki a Iseraela, e ope ua atu to ratou au uki.

PENE XXVIII.

*Ko Aaron e tana au tamariki i te aka-
taka angaia ei pupu taunga, e to
ratou kakau taunga i te anga angaia.*

EKAPITI katoa mai kia koe to tua- 1 kana ko Aaron, e tana puke tamariki tamaroa katoa, no roto i te tamariki a Iseraela, ei rave i te taoonga taunga i mua iaku, ko Aaron, ko Nadaba e Abihu, ko Elezara e ko Itamara, nga tamaroa a Aaron ra. Ka anga 2 oki koe i te kakau tapu no to tuakana no Aaron, ei inuina e ei manea. E 3 tuatua oki koe ki te aronga ngakau pakari ravarai, i tei akakia e au i te vaerua kite, kia anga ratou i te kakau o Aaron, kia akatakaia aia ei rave i te taoonga taunga ki mua iaku ra. Teia 4 ta ratou kakau e anga; i te kesene, e te ephoda, e te moili, e te kitana, e te pare tu ke, e te tatua: ko ta ratou ia kakau tapu e anga no to tuakana no Aaron, e no te au tamariki tamaroa nana ra, kia rave aia i te taoonga taunga 5 ki mua iaku nei. E rave ratou i te auro, e te kakau kerekere, e te purapura, e te muramura, e te vavai. Ka 6 anga ai ratou i taua auro ra, e te kakau kerekere, e te purapura, e te muramura, e te vavai i taviiria ra, ei ephoda, e anga- 7 anga na te taunga karape. E nga tapoki-pakuivi ra ka tupaupauia ia ki rungao, ei nga tapa e rua ka tupaupauia. E 8 te tatua manea i rungao i mou ei te ephoda, kia okotai rai tu apinga i te anga angaia, e auro rai, te kerekere, e te

purapura, e te muramura, e te vavai i 9 taviiria ra. E rave oki koe i nga toka sema e rua, ka kokoti ei i te ingoa o te 10 au tamariki a Iseraela ki rungao: Toko ono puke ingoa ki rungao i tetai toka, e nga ingoa toe e toko ono ra ki rungao i tetai toka, *ma te akono* i to ratou anau 11 anga. Mei ta te kokoti toka ra, *mei* tei kokotia ki rungao i te sigilo ra, taua e kokoti i te au ingoa o te au tamariki a Iseraela ki rungao i nga toka ra: e akamou oki koe i nga *toka* ra ki 12 roto i te ariki auro ra. Ka tuku oki koe i aua nga toka ra ki rungao i nga tapoki-pakuivi i taua ephoda ra, ei toka manakoanga no te tamariki a Iseraela: e na Aaron e apai i to ratou au ingoa ki rungao i ona nga pakuivi ki mua i te aroaro o Iehova ei manakoanga. 13 Ka anga oki koe i nga ariki auro ra; 14 E e rua oki pirianganao auro meitaki i nga poo; ei mea koviriviri taua e anga, e tamou oki koe i nga pirianganao koviriviri ki nga ariki ra. 15 E anga oki koe i te kesene tuatua- tau ra, ma te angaanga a te taunga karape; mei te angaanga ki rungao i te ephoda taua e anga; ei auro, e te kerekere, e te purapura, e te muramura, e te vavai i taviiria, kia anga koe ra, 16 Kia aiteite nga aro e a; kia okotai angaonu te roa, kia okotai oki angaonu 17 te pararauare, kia tua ruaia oki. E akamou oki koe i te toka ki roto e kia piri, kia a tupati toka; te tupati *mua* ra, ei adama ia, e te topazio, e te bereketa; 18 ko te tupati mua ra ia: E te rua o te tupati ra, ei nepheka ia, e te saphiro, 19 te ieloma: E te toru o te tupati ra, ei 20 lesema ia, e te sebu, e te akelema: E te a o te tupati ra, ei taresia ia, e te sema, e te isephie: e to ratou akamouanga, ei 21 roto ia i te auro akamou ei. Ei vairanga ingoa taua au toka nei no te tamariki a Iseraela, tino ngauru ma rua, ko to ratou ia au ingoa; *mei* te kokoti anga sigilo ra, ko te *toka* ko te ingoa, e kia tau ki nga kopu tino ngauru ma 22 E anga oki koe i nga pirianganao auro meitaki koviriviri no te kesene i 23 nga poo ra. E anga oki koe i e rua tatai auro ki rungao i te kesene, e e akamou oki koe i nga tatai auro ra i nga poo 24 kesene ra. E momono oki koe i nga *pirianganao* auro koviriviri ra ki roto 25 i nga tatai i nga poo kesene ra. E nga openga i taua nga *pirianganao* koviriviri ra, e tuku ia ki roto i nga ariki ra, ka akamou ei ki rungao i nga tapoki-pakuivi o te ephoda i te pae i mua ra. 26 E anga rai oki koe i e rua tatai auro,

ka akamou ei i nga poo ki raro i te kesene ra i te tapa i roto ra, i vaiata i te ephoda ra. E anga rai koe i e rua 27 tātai auro, ka akamou ei i nga tapoki-pakuivi o te ephoda ra, i raro ra, i te pae ki mua, i vaiata i te va'i i tupau-pauia ki te tatua manea o te ephoda ra. E takai oki ratou i nga tātai o te kesene 28 ra, i nga tātai o te ephoda i tetai takai kerekere, kia piri ki te tatua manea o te ephoda, kia kore oki te kesene e taka ke i te ephoda. E ei runga i te uma-uma o Aarona te ingoa o te tamariki a Iseraela vai ei ki runga i te kesene tuatua-tau ra, kia aere aia ki roto i te ngai-tapu ra, ei manakoanga tamou ki mua i te aroaro o Iehova ra.

E naau oki e tuku i te Urima e te 30 Tumina ki runga i te kesene tuatua-tau ra; ei runga i te umauma o Aarona vai ei te reira, kia aere aia ki roto ki mua ia Iehova ra: ei runga ia Aarona te tuatua-tau i te tamariki a Iseraela ki runga i tona umauma, ki mua i te aroaro o Iehova i te au rā katoa ra.

Ka anga oki koe i te moili ephoda, 31 ei kakau kerekere anake ia. E i rua to 32 te pae ki runga ra i rotopu: e i avereia te tapa o taua rua ra e pini ua ake, mei te rua tehera ra, kia kore e motu. E ei 33 remuna tauu e anga na runga i te tapa ki raro ra, ei kerekere, e te purapura, e te muramura, e pini ua ake taua tapa ra; e te ove auro i roto i te va remuna e pini ua ake. Okotai ove auro okotai 34 remuna, okotai ove auro okotai remuna, na runga i te tapa moili, e pini ua ake. E i runga ia Aarona te reira, kia rave 35 aia i tana taoonga: kia akarongoia aia kia aere aia ki roto i te ngai-tapu ki mua i te aroaro o Iehova ra, e kia aere mai oki aia ki vao, kia kore aia e mate.

E anga oki koe i tetai tarae auro 36 meitaki ra, ka kokoti ei ki rungao, mei te kokoti sigilo ra, KIA TAPU TO IEHOVA. E naau e tamou ki runga i te 37 pare tu ke i tetai takai kerekere; ei te pae ki mua i te pare tu ke vao ei. E i 38 runga i te rae o Aarona vao ei, kia vai rai ia Aarona te apa a te tamariki a Iseraela, i te au mea tapu ta ratou i akatapu ra, i taratou katoa apinga tapu i orongaia ra; kia vao tamou marie rai ki runga i tona rae, kia kitea mai ratou e Iehova ra.

E e akamanea koe i taua kitana 39 vavai, e te pare tu ke tauu e anga ra, ei vavai ia, kareka te tatua ra, ei anga-anga akamanea ia na te tui. E anga 40 katoa koe i te kitana no te tamariki a Aarona, e anga oki koe i te tatua no ratou, e te pare tauu e anga no ratou,

41 ei inuina e ei manea. E naau e tuku ki runga i to tuakana ia Aarona, e ki runga katoa i tana au tamariki; e e akatainu koe ia ratou, e e akataoonga oki ia ratou, e e akataka oki ia ratou, kia rave ratou i te taoonga tauanga ki 42 mua iaku nei. E tui oki koe i tetai pipiripou vavai ra, ei tapoki ia ratou: mei te taukupu ra e tac ua atu ki te ūi e te 43 roa ra. E i runga ia ia Aarona, e tana au tamariki, kia aere ratou ki roto i te Are uipānga ra, e kia akavaitata ratou ki te atarau, e rave i te taoonga i roto i te ngai-tapu ra; ko te rave aea oki ratou i te ara, e ko te mate aea: ei akonoonga tamou teia nana, e na tona uanga a muri ake.

PENE XXIX.

Te au tusia e te au peu, ei akatapu anga i te aronga tauanga.

- 1 **T**ERA tauu mea e rave ia ratou, ei akatapu anga atu ia ratou, kia rave ratou i te taoonga tauanga ki mua iaku nei: E rave koe i tetai bovi ou, e nga 2 rama kino kore e rua, E te kai akaopue koreia ra, e te areto akaopue kore iro- kia ki te inu ra, e te ufa akaopue kore i tainuia ki te inu; ei faraoa si- 3 tona anake ia kia anga kore ra. Ka tuku ei koe i te reira ki roto i te kete okotai, ka apai mai ei i roto rai i te kete 4 ra, e te bovi e nga rama e rua ra. E ka arataki mai koe ia Aarona e tana au tamariki ki te ngutupa o te Are uipā- 5 nga ra, ka pai ei ia ratou ki te vai, Ka rave ei i te kakau ra, ka akakakau ei koe ia Aarona ki te kitana, e te moili o te ephoda, e te ephoda, e te kesene, ka tamou ei i te ephoda ki runga iaia, i te 6 tatua manea o te ephoda ra. Ka tuku ei koe i te pare tu ke ki rungao i tona mimiti, ka tuku ei oki i te korona tapu 7 ki rungao i te pare tu ke. E i reira koe e rave ei i te manongi tainu ra, ka riri- ngi ei ki runga i tona mimiti, ei aka- 8 tainu iaia ra. E arataki mai oki koe i te au tamariki nana, ka akakakau ei ki 9 te au kitana. Ka akatatua'i koe ia ra- tou ki te tatua, ko Aarona, e tana au tamariki, e tuku oki i te pare ki runga ia ratou; e ka akonoia te taoonga tau- nga ei peu tikai no ratou: e pera koe i te akataoonga anga ia Aarona e tana au tamariki.
- 10 E taki mai koe i te bovi ki te ngu- tupa o te Are uipānga ra; e tuku oki a Aarona e tana au tamariki i to ratou rima ki runga i te mimiti o taua bovi 11 ra. E naau e ta i taua bovi ra ki mua i te aroaro o Iehova, i te ngutupa o te

Are uipānga ra. Ka rave ei koe i 12
tetai manga toto o taua bovi ra, ka tuku
ei ki runga i te au tara o te atarau i to
matikao-rima na, ka riringi ei i taua toto
katoa raki raro i te tumu o te atarau ra.
Ka rave oki koe i te ekaeka tongaua 13
katoa ki runga i te au mea i roto ra, e
tei piri ki runga i te ate ra, e nga
pukuatu ra, e te tongaua e piri ki te
reira ra, ka ta'u ei ki te ai ki runga i te
atarau ra. Kareka te kiko o taua bovi 14
ra, e te kiri, e te repo ra, e ta'u koe i te
reira ki te ai i vao mai i te puakapa ra:
e tusia tarangaara ia.

E rave oki koe i tetai rama ra; e 15
tuku oki a Aarona e tana au tamariki
i to ratou rima ki runga i te mimiti o
taua rama ra. Ka ko oki koe i taua 16
rama ra, e rave oki koe i te toto, ka
pipi ei e pini ua ake taua atarau ra. E 17
kotikoti rikiriki oki koe i taua rama ra,
ka orei ei i te au mea i roto ra, e nga
vaevae katoa, ka akaputu ei, e taua au
kotinga rikiriki ra, e te mimiti: Ka ta'u 18
ei e kia pou takiri roa taua rama ra ki
runga i te atarau ra: e tusia kara-
karatio na Iehova; ei mea aunga kaka-
ra, e tusia ai ia, na Iehova.

E rave katoa oki koe i tetai rama; e 19
tuku oki a Aarona e tana au tamariki i
to ratou rima ki runga i te mimiti o
taua rama ra. Ei reira koe e ko ei i 20
taua rama ra, ka rave ei i tetai manga
toto, ka tuku ei ki runga i te tapa o to
Aarona taringa *katau*, e ki runga i te
tapa o to te au tamariki ra taringa *katau*,
e ki runga i te matikao maata o to ratou
ra rima *katau*, e ki runga i te maikao
maata o to ratou ra vaevae *katau*, ka
pipi ei i te toto ra ki runga i te atarau
e pini ua ake. E rave oki koe i tetai 21
manga toto i runga i te atarau ra, e
tetai manga manongi tainu ra, ka pipi
ei ki runga ia Aarona, e ki runga i tona
kakau, e ki runga i tana au tamariki, e
ki runga katoa i te kakau o taua au ta-
mariki nana ra: tapu atura oki aia, e
tona ra kakau, e tana au tamariki, e te
kakau katoa o te au tamariki nana ra.
E rave oki koe i te matu e te iku o 22
taua rama ra, e te tongaua i runga i te
au mea i roto ra, e te ekaeka ki *runga*
i te ate ra, e nga pukuatu ra, e te to-
ngaua e piri ki te reira, e te ua mua
katau ra; e rama akataoonga oki te
reira: E okotai oki areto, okotai oki 23
areto tainu ia, okotai oki ufa no
roto rai i te kete kai akaopue koreia ra
i mua i te aroaro o Iehova ra: Nau e 24
tuku i taua au mea katoa ra ki roto i te
rima o Aarona, e ki roto i te rima o
taua au tamariki; kia ruruia taua au

mea ra ei tenupe ki mua ia Iehova ra.
25 Ei reira koe e rave ei i taua au mea ra
i to ratou rima, ka ta'u ei ki te ai ki
runga i te atarau, ki runga i te tusia
karakaratio ra, ei mea aunga kakara ki
mua ia Iehova: e tusia ai ia na Iehova.
26 E rave oki koe i te mea i te rama aka-
taoonga anga ia Aarona, ka ruru ei ei
tenupe ki mua ia Iehova ra: ko taua ia
27 tuanga te reira ra. E akatapu koe i te
uma i ruruia ei tenupe, e te ua i apaiia
ki runga ei terume, no te rama i aka-
taoongaia ia Aarona, e tana au tamariki
ra: Na Aarona te reira e na tana au
tamariki ei akonoanga e tuatau ua atu.
ta te tamariki a Iseraela ia: e terume
te reira: ei terume na te tamariki a Ise-
raela, no ta ratou au tusia au ra, ko ta
ratou ia terume na Iehova ra.
29 E riro oki te kakau tapu o Aarona ra
no tana au tamariki i muri ake iaia, to
ratou ia kakau kia akamaiaia ratou e
30 kia akataoongaia. E te tamariki nana
ko tei pa'u iaia ei taunga ra, kia po itu
aia i te kakau anga i taua *kakau* ra, ka
aere ei aia ki roto i te Are uipānga, ka
rave ei i te taonga i roto i te ngai-
tapu ra.
31 Ei reira koe ka rave ei i te rama aka-
taoonga ra, ka tunu ei i tona kiko ki
32 roto i tetai ngai tapu. E na Aarona e
na nga tamariki nana e kai i te kiko o
taua rama ra, e te areto i roto i te kete
ra, ei te ngutupa o te Are uipānga ra
33 *kai ei*. Na ratou e kai i te reira,
tei akariroia ia ei tapokiangara, ei aka-
taoonga, e ei akatapu ia ratou: kare
rava ra tetai tangata ke atu e kai, no te
34 mea e mea tapu ia. E kia toe tetai
manga i taua kiko akataoonga ra, e te
areto, kia popongi ake, e ta'u koe i taua
va'i i toe ra ki te ai; auraka e keingala,
35 no te mea e mea tapu. E akapera atu
koe ia Aarona, e nga tamariki nana,
i te au mea katoa taku i akae atu kia
koe na; kia po itu koe i te akataoonga
36 anga ia ratou. Ei bovi tarangaara taua
e akatusia i te au rā katoa ra, ei tapoki-
angara; e ka tamā koe i taua atarau
ra; kia oti taua tapokiangara i te apai
no taua *atarau* ra, ei reira koe akatainu
37 ei i te reira kia tapu. Kia po itu koe i
te apai anga i te tapokiangara ki runga
i te ataran, kia tapu ia; e ka riro ei
atarau tapu roa: ko te akatukia ua atu
i taua atarau ra, ka tapu ia.
38 Teia taua e apai ki runga i taua
atarau ra; kia rua arenio mataiti oko-
39 tai, auraka ei rā e tukua. Tetai are-
nio, ei te popongi koe apai ei; e tetai
arenio ra, ei te aia koe apai ei i te
40 *reira*: E to tei matangana arenio ra,

e kapiti atu i tetai omera faraoa i irokia ki te inu rerua okotai kuata ina; e tetai kuata ina wina ei neseka. E 41 tetai arenio ra, ei te aia koe apai ei, e te mineka *katoa* mei taau i apai i te popongi ra, e te neseka katoa o te reira ra, e tusia ai aunga kakara ia na Iehova. Ei tusia karakaratio tamouia *teia* e ope 42 ua atu to kotou au uki ra, ei tngutupa o te Are uipunga ra ki mua i te aroaro o Iehova; ei reira au e aravei ei ia kotou, ka tuatua'i oki kia koe. E ei 43 reira au e aravei ei i te tamariki a Iseraela, e ka tapu *taua ngai* ra i toku kakā. E akatapu oki au i te Are uipā- 44 nga ra, e te atarau: e akatapu katoa oki au ia Aarona e tana au tamariki, kia rave ratou i te taongata taunga iaku nei. E ka noo au i rotou i te tamariki a 45 Iseraela, e ei Atua au no ratou. E kite oki ratou e, ko au to ratou Atua ko Iehova, ko tei arataki mai ia ratou mei te enua maira mei Alphiti, kia noo au i rotou ia ratou: ko to ratou ia Atua ko au, ko Iehova.

PENE XXX.

No te anga anga i te atarau ei tutungi anga tumiama ra; e te kiura veo ra, e te manongi tainu ra, e te rakau kakara.

E ANGA oki koe i tetai atarau ei 1 tutungi anga tumiama: ei sitima te rakau kia anga koe ra. Okotai 2 kubiti te roa, okotai oki kubiti te parauare; kia aiteite nga aro e a: kia rua ra kubiti te teitei: te au tara *katoa* kia okotai rai ia *rakau*. E ka vai oki koe ki te auro meitaki, ko rungao, e tetai pae e tetai pae e pini ua ake, e te au tara katoa oki; ka anga oki koe i te ei auro e pini ua ake. E rua oki tā- 4 tai auro taau e anga, ka *akamou* ei ki raro ake i te ei ra, tetai poo e tetai poo; to tetai pae, e to tetai pae taau e anga; ei momonoanga amo oki ei apai. Ei puke amo sitima taau e tarai, e vai oki i te reira ki te auro. E tuku oki koe i te reira ki mua atu nei i te paruru i te aruna kite ra, ki mua atu oki i te tapoki i rungao i te *aruna* kite ra, ei reira au e aravei ei ia koe ra. E 7 na Aarona e tutungi i te tumiama kakara ki rungao: i te au popongi katoa kia rave aia i te au lamepa, ka tutungi ei aia i te tumiama ki rungao ra. E kia tutungi oki a Aarona i te 8 au lamepa i te aia ra, e tutungi rai aia i te tumiama ki rungao ra, ei tumiama tamou ki mua i te aroaro o Iehova, e ope ua atu to kotou au uki ra. Auraka 9

ei tumiama ke e apaiia ki rungao, e te tusia karakaratio, e te mineka ra; auraka oki te neseka kia riringia ki 10 rungao ra. Na Aarona ra e apai i te toto o te tusia tarangaara, ei tapokia-ngaara, okotai mataiti okotai apai anga ki rungao i nga tara ra, ei tapokia-ngaara: okotai ra ona apai anga i te tapokiangaara ki rungao i te mataiti okotai, e ope roa ake to kotou au uki ra: e mea tapu roa ia te reira na Iehova.

11 Kua tuatua mairā Iehova kia Mose, 12 na ko maira, Kia tataua koe i te tamariki na Iseraela, i te aronga e tataua ra, e te maata anga, kia tataua ratou ra, ei reira te tangata ravarai e apai mai ei i tetai *apinga* akaora iaia uarai kia Iehova ra; kia kore e makiia to roto ia ratou, kia tataua ratou ra. 13 Teia ta ratou e apai mai, ta te aronga ravarai i tataua ra, e afa sekela, i te sekela o te ngai-tapu ra: (tera te sekela okotai takau gera:) e afa sekela i te *tangata okotai*; ei terume na Iehova. 14 Tana aronga katoa i tataua ra, ko tei tac ki te rua ngauru o tona mataiti e ara atu oki, ei terume tana e apai kia 15 Iehova ra. Auraka te tangata apinga e akamaata i *tana*, auraka te tangata apinga kore e akaiti i *tana*, ei afa sekela kia apai kotou i te terume na Iehova ra, ei akaora ia kotou uarai. 16 Ka rave oki koe i taua moni akaora a te tamariki a Iseraela ra, ka vaoo ei no te peu o te Are uipunga ra; ei manakoanga i te tamariki na Iseraela ki mua i te aroaro o Iehova ra, ei akaora ia kotou uarai. 17 Kua tuatua mairā Iehova kia Mose, 18 na ko maira, E anga oki koe i tetai kiura veo. E ei veo katoa te vaevae, ei orei anga; ka vaoo ei i te va i te Are uipunga e te atarau ra, ka tuku oki i 19 te vai ki roto. Kia orei a Aarona e tana au tamariki i to ratou rima e to ratou vaevae ki reira. Kia aere ratou ki roto i te Are uipunga, e kia aere oki ratou ki te atarau e rave i te taonga ra, kia ta'u i te tusia ai na Iehova ra; ka orei ratou ki te vai, kia kore oki ratou e mate: Kia orei oki ratou i to ratou rima e to ratou vaevae, kare ia ratou e mate: ei peu mou oki te reira na ratou, nana e na tona uanga e tae ua atu i to ratou au uki katon. 22 Kua tuatua mairā Iehova kia Mose, 23 na ko maira, E rave oki koe i te rakau kakara i tu ke roa ra, i te mura meitaki ra kia rima ia anere *sekela*, o te kinamo kakara ei afa ua ia, kia rua oki anere e e rima ngauru, e te kaue

kakara ra kia rua ia anere e e rima ngauru, E te kade kia rima ia anere, i 24 te sekela o te ngai-tapu ra, e okotai oki ina manongi olive: Ko taau ia e 25 anga ei manongi tapu akatainu ra, ei mea iro maricia mei te ravenga a te iro-manongi ra: ei manongi tapu akatainu anga ia. E ka akatainu koe i te 26 Are uipanga i te reira, e te aruna kite ra, E te kaingakai e te au mea katoa 27 no te reira ra, e te menure e te au mea no te reira, e te atarau tumiama ra, E 28 te atarau tusia karakaratio, e te au mea katoa no te reira, e te kiura e tona vaevae; E ka akatapu koe i te 29 reira, kia tapu roa ia: ko te akatukia ua atu i te reira, ka tapu ia. E aka-30 tainu oki koe ia Aarona e tana au tamariki, e ka akatapu oki ia ratou, kia rave ratou i te taonga taunga iaku nei. E tuatua oki koe ki te tamariki 31 a Iseraela, e karanga atu, Ei manongi tapu akatainu anga teia noku, e tae na atu i to kotou au uki katoa ra. Auraka roa teianei *manongi* e riringia 32 ki rungao i te tino tangata, auraka roa oki kotou e iro i tetai mei te reira te tu: e mea tapu ia, kia tapu rai ia kotou. Ko te iro i te manongi mei te 33 reira te tu ra, e te tuku i te reira ki rungao i te tangata ke ra, ka tipu keia ia i tona uorai iti-tangata.

Kua tuatua mairā Iehova kia Mose, 34 E rave koe i te au rakau kakara ra, i te natapha, e te sekelata, e te kelebana, e te libano meitaki ra, ko nga rakau kakara ra ia: kia aite katoa te teiaa: Ko taau ia e anga ei tumiama, ei mea 35 iro maricia, mei te ravenga a te iro-manongi ra, kia akataitaua, ei mea meitaki e te tapu: E ka reru koe i 36 tetai pae i taua rakau ra, e kia unga-ungātiti, ka tuku ei ki mua i te *aruna* kite i te Are uipanga ra, i te ngai taku e aravei ei ia koe ra: ei mea tapu roa ia taua mea ra ia kotou. E teianei 37 tumiama taua e anga ra, auraka ta kotou uorai e iroia mei te reira te tu; ei mea tapu ia te reira ia koe na Iehova. Ko te ka iro i tana ra mei te 38 reira te tu, ei ongi anga nana ra, ka tipu keia ia i tona iti-tangata.

PENE XXXI.

To Bezaleela raua ko Aholiaba akataka angaia e te Atua, ei anga i te sekene ra; kua ako akaouia ratou kia akono i te sabati, e kua tukuia mai nga papa ture kia Mose.

KUA tuatua mairā Iehova kia Mose, 1 na ko maira, I na, kua taiku 2

akenei au i te tamaiti a Uri, te tamaiti a Hura, no te kopu o Iuda, i tona ra 3 ingoa ia Bezaleela: E kua akaki au iaia ki te Vaeura o te Atua, i te pakari, e te karape, e te kite, e te au angaanga 4 katoa ra, Ei kimi i te angaanga pakari ra, kia angaanga i te auro, e te ario, e 5 te veo, Ei kokoti oki i te toka, e ei akamou ki roto i te *vairanga* ra, ei tarai rakau oki, no te au angaanga tini 6 ravarai kia raveia. E i na, kua kapiti katoa atu au ia Aholiaba, te tamaiti a Ahisamaka, no te kopu o Dana, kiaia: e kua tuku au i te pakari ki roto i te ngakau o te aronga karape katoa ra, kia anga ratou i te au mea ravarai taku i akaue atu 7 kia koe ra: I te Are uipanga ra, e te aruna kite ra, e te tapoki ki rungao, e 8 te au mea katoa o te Are ra, E te kaingakai e te au mea no te reira, e te menure *auro* meitaki ra, e te au mea katoa no te reira, e te atarau tumiama 9 ra, E te atarau tusia karakaratio ra, e te au mea ravarai no te reira, e te kiura e tona vaevae, E te au kakau taonga ra, e te au kakau tapu no te taunga ra, no Aarona, e te au kakau no tana au tamariki, i te rave anga i te 11 taonga taunga ra, E te manongi akatainu ra, e te tumiama kakara no te ngai-tapu ra: ko te au mea ravarai taku i akaue atu kia koe ra, na ratou e rave. 12 Kua tuatua mairā Iehova kia Mose, 13 na ko maira, E tuatua rai oki koe ki te tamariki a Iseraela, na ko atura, E akono tikai kotou i toku au sabati; e akairo oki te reira naku e na kotou, e ope ua ake te au uki no kotou na; kia kitea e, ko au nei ko Iehova, tei aka- 14 tapu ia kotou. E teianei, ka akono ia kotou i te sabati; e mea tapu oki te reira ia kotou: e te tangata ravarai e akakino i te reira *rā*, ka tamate takiriia ia: ko tei rave oki i te angaanga i te reira *rā*, e tipu keia ia tangata i 15 roto i tona uorai iti-tangata. E tika kia rave i te angaanga i nga rā e ono ra; kareka te itu ra e sabati akaangaroi angaia, e tapu ia no Iehova: ko tei rave i te angaanga i te rā sabati, ka 16 tamate takiriia ia. E teianei, ka akono te tamariki na Iseraela i te sabati, e akairi oki ei akaangaroi anga, e ope ua ake to ratou au uki, ei koreromotu 17 mutu kore. Ko te akairo ia naku, e te tamariki na Iseraela e tuatua ua atu: po ono oki a Iehova i te anga anga i te rangi e te enua, e noo ua iora i te rā itu, e mareka rava atura. 18 E oti akera tana tuatua anga kia Mose ki runga i te maunga ra ko Sinai,

kua tuku maira aia i nga papa kite ra kiaia ; e papa toka, i tataia e te rima o te Atua ra.

PENE XXXII.

Na te tangata i pati, e na Aarona i angu i te kafa auro ra ; kua eke mai a Mose, e no tona riri i taua kafa ra, kua ngua iaia nga papa ture i o maiia e te Atua.

E KITE akera te au tangata e, kua 1
tavare a Mose, kare rai i aere mai ki raro mei runga mai i taua maunga ra, kua uipa maira taua au tangata kia Aarona ra, kua tuatua maira kiaia, Ka tu, ka rapa i tetai atua no tatou, ei na mua ia tatou nei ; kareka taua Mose nei, ko te tangata i arataki mai ia tatou mei te enua maira mei Aiphiti, kare tatou i kite i tona aerenga. Kua ka- 2
ranga aturā Aarona kia ratou, E kiriti mai ana kotou i te poc auro i te taringa o ta kotou au vaine, e ta kotou au tamariki tamaroa, e ta kotou au tamariki tamaiue, ka apai mai ei kiaku nei. Kua kiriti akera taua au tangata katoa ra i to ratou au poc auro i to ratou taringa, e kua apai maira kia Aarona. Kua 4
rave atura oki aia i to ratou ra rima, akaaite iora aia i te reira ki te toi, e kua akato iora ei kafa : kua tuatua iora ratou, Teia toou atua, e Iseraela, ko tei arataki mai ia koe mei te enua maira mei Aiphiti. E kia akara akerā Aaro- 5
na i te reira ra, kua akatu iora aia i tetai atarau ki mua i taua kafa ra ; e kua akaaite aturā Aarona i te tuatua, na ko atura, E rā ora apopo no Iehova. E ao akera, kua tu akera ratou i te 6
popongi, e kua apai i te tusia karakaratio, e kua apai mai i te tusia au ; e kua noo te au tangata ki raro e kai e e inu oki, e kua tu akera ki runga e ura.

Kua tuatua mairā Iehova kia Mose, 7
Ka aere, ka eke koe ki raro ; kua kino oki toou au tangata, taau i arataki mai mei te enua maira mei Aiphiti : Kua akaruke vave io nei ratou i te arataa taku i akaue ia ratou : kua anga ratou i te kafa akato no ratou, e kua akamori atu i te reira ; e kua apai ratou i te 8
tusia ki te reira, e kua tuatua e, Teia toou atua, e Iseraela, ko tei arataki mai ia koe mei te enua maira mei Aiphiti. E kua tuatua mairā Iehova 9
kia Mose, Kua akara au i taua iti-tangata nei, e i na, e au tangata kaki ke-taketa ratou : E teianei, e vao au ana 10
iakua, kua ototoo ua ana toku riri ia

ratou, kia pou ratou iaku ; e ko koe taku e akariro ei iti-tangata maata.

- 11 Pure iorā Mose i tona Atua ia Iehova, na ko atura, Eaa ka ototoo ei to riri, e Iehova, i toou au tangata nei, i tauu i arataki mai mei te enua maira mei Aiphiti, ma te mana maata, e ma te rima 12
marōrō? Eaa e tika'i kia tuatua to Aiphiti, i te na ko anga e, I arataki aia ia ratou kia rokoia e te kino, kia ta aia ia ratou ki runga i te au maunga, e kia pou roa ratou i te ao nei? E akaruke i taua riri ototoo noou na, ruri ke ake koe i toou manako i te kino no to au 13
tangata nei. E akamaara i to au tavini ia Aberahama ra, e ia Isaaka, e ia Iseraela, taau i taputou atu ia koe uorai, e kua karanga atu kia ratou e, E akamaata au i to kotou uanga e mei te etu o te rangi ra *te maata*, e taua enua katoa ra, taku i karanga ra, e oro- 14
nga ia au no to kotou na uanga, e na ratou e noo e tuatua ua atu. E kua ruri ke akerā Iehova i tona manako i te kino tana i tuatua e, e apai ki rungao i tona au tangata.
- 15 Kua ariu mairā Mose, e eke maira ki raro mei runga mai i taua maunga ra, ma nga papa kite ra i tona rima : nga pae e rua ravarai tei tataia i aua nga papa ra ; tetai pae e tetai pae tei 16
tatuia. E angaanga na te Atua aua nga papa ra, e te tatūnga i kokotia ki rungao i aua nga papa ra, e mea tataia ia e te Atua.
- 17 E kia akarongo akerā Iosua i te reo o te au tangata ra i te maeva ua anga, kua karanga atura aia kia Mose, E 18
maeva tamaki tei te puakapa ra. Kua tuatua maira ra aia, Kare tera ra i te reo maeva tamaki, kare oki i te aue eke anga : e reo pee ra taku e akarongo nei.
- 19 E vaiata maira aia i te puakapa, kite maira aia i taua kafa ra, e te ura anga : ototoo rava akera to Mose riri, titiri iora i nga papa i tona rima *ki raro*, ngaangaa roa akera i te tumu o 20
taua maunga ra. Kua rave iora aia i taua kafa ra i angaia e ratou ra, e kua ta'u iora ki te ai, reru iora e ungaunga-tiri rava akera, e kua ruru atura ki raro i te vai, e kua akainu atura i te tamariki a Iseraela i *taua vai ra*.
- 21 Kua karanga aturā Mose kia Aarona, I akapecaa mai teianei au tangata kia koe, i ara maata'i ratou nei ia koe?
- 22 Kua tuatua mairā Aarona, Auraka e akatupu roa i to riri, e toku pu e : kua kite oki koe e, tei te tuatua kino teia- 23
nei aranga. Kua tuatua mai oki ratou kiaku e, E rapa koe i tetai atua no

tatou, ei na mua ia tatou ; kareka taua Mose nei, ko te tangata i arataki mai ia tatou mei te enua maira mei Aiphiti, kare tatou i kite i tona aerenga. Kua 24 karanga atura au kia ratou, E *poe* auro tona ra, e kiriti mai ia. Kua apai maira ratou i *te reira* kiaku nei: kua titiri atura oki au i te reira ki roto i te ai, e te aere ua maira teianei kafa. E 25 kia akara akera Mose e, te ngai au ra te tangata; (na Aaron a oki ratou i akangani kia pou ratou i to ratou au enemi;) Kua tu akera Mose i te ngu- 26 tupa o te puakapa ra, kua tuatua maira, Kiaki to Iehova ra? *ko te oro mai ia* kiaku nei. Kua uipa katoa maira te au tamariki ravarai a Levi kiaia. Kua 27 karanga atura aia kia ratou, Te na ko maira te Atua o Iseraela ra ko Iehova. Ka akamou ana te tangata ravarai i tana koke ki tona kaokao, ka aere, e ka aere mai oki ki tera ngutupa ki tera ngutupa, e pini ua ake te puakapa katoa nei, ka ta ai, ko te tangata ko tona uorai taenake, ko te tangata ko tona uorai oa, ko te tangata ko tona uorai tangata tupu. Kua pera te ta- 28 mariki a Levi i ta Mose i tuatua maira: e mate iora to taua au tangata ra e toru katoa paa tausani i taua rā ra. Kua 29 karanga aturū Mose, Kua akataka kotou ia kotou orai i teianei rā no Iehova, *i te rave anga* te tangata katoa i tana uorai tamaiti, e tona uorai taenake; kia oronga mai oki aia i tetai meitaki no kotou i teianei rā.

E popongi akera, kua karanga aturū 30 Mose ki te tangata, E ara maata ta kotou i rave io nei: e teianei e aere au ki runga kia Iehova ra; peneiake ko te tapokiia ta kotou ara iaku. Kua oki 31 aturū Mose kia Iehova ra, e karanga atura, Aue! e ara maata ta te au tangata i rave io nei. kua rapa i tetai atua auro no ratou. E teianei, kia tika ia 32 koe i te akakore mai i ta ratou ara, *ka akakore mai*; e kare ra, teia taku tuatua kia koe, ko au ra taau e taparapara atu i roto i taua buka i tanaia e koe ra. Kua tuatua mairū Iehova kia 33 Mose, Ko tei ara ia iaku nei, ko taku ia e taparapara i roto i taku nei buka. E tenana, ka aere, e arataki i te au ta- 34 ngata *ki te ngai* i karangaia atu e au kia koe ra; i na, e na mua taku angela ia koe: kia tae ra ki te rā e tutaki ei au ra, ei reira au e tutaki ei ia ratou i ta ratou ra ara. Kua tuku mairū Ie- 35 hova i te au maki i roto i taua au tangata ra, no te mea kua anga ratou i te kafa, ta Aaron a anga ra.

PENE XXXIII.

Te akakore nei te Atua e kare e aru i te au tangata, aue iora ratou; kua karangaranga Mose raua ko te Atua, e kua pati a Mose kia kite aia i te kakā o Iehova.

- 1 **K**UA tuatua mairū Iehova kia Mose, Ka aere, e aere atura koe, ko koe, e te au tangata taua i arataki mai mei te enua maira mei Aiphiti, ki te enua taku i taputou atu kia Aberahama, kia Isaaka, e kia Iakoba, ka na ko ei au ra e, E oronga au i te reira no
- 2 toou na uanga: E naku e tono i te angela na mua ia koe; e naku e arumaki ke atu i te ngati Kanaana, e te ngati Amori, e te ngati Heta, e te Perizi, e te ngati Hevi, e te ngati Ie-
- 3 busi: Ki te enua ta'e a vai ua te u e te meli: kare oki au e tae katoa i toou na tere; e au tangata kiki ketaketa oki kotou; ko te pou takiri roa aea kotou iaku i te arataa na.
- 4 E kite akera te au tangata i te reira tuatua kino, kua aue iora ratou; e kare rava tetai tangata i aao i tona au mea akamanea. Kua tuatua mai ana oki a Iehova kia Mose, E karanga atu ki te tamariki a Iseraela, E au tangata kiki ketaketa kotou: teia au ka aere atu ei ki rotupu ia koe, e ka pou koe iaku, kare e mamia: e tenana, ka kopae ana i to au mea akamanea i runga ia koe na, kia kite au i taku ravenga ia koe
- 6 na. Kua kiriti akera te tamariki a Iseraela i to ratou au mea akamanea i te pae maunga ra ko Iloreba.
- 7 E kua apai aturū Mose i te Arc, kua patia atura ki vao mai i te puakapa, i te atea ke i taua puakapa ra, e tapa iora *te ingoa*, Ko te Arc uipānga ia. E te tangata katoa i kimi ia Iehova ra, kua aere ia ki vao ki te Arc uipānga,
- 8 i vao mai i te puakapa ra. E kia aere iorā Mose ki vao ki taua Arc ra, kua tu anake akera te tangata ki runga, tu ua iora i te au ngutupa o to ratou katoa au puakapa, akara ua atura ia Mose na muri, kia tomo roa atu aia ki roto i
- 9 taua Arc ra. E tei te tomo angā Mose ki roto i taua Arc ra, kua eke maira taua pou tumurangi ra, kua tu ua iora i te ngutupa o taua Arc ra, kua karangaranga iorū Iehova kia Mose. E
- 10 kia akara akera taua aronga katoa ra i taua pou tumurangi ra i te tu ua anga i te ngutupa o taua Arc ra, kua tu anake akera te au tangata katoa ra ki runga, kua akamori, ko te tangata katoa i te ngutupa o tona uorai puakapa.

E kua karangaranga ua mai a Ichova 11
kia Mose ko te mata e te mata, mei te
tangata e tuatua ua ki tona taunga. E
i oki mairai aia ki te puakapa ra: ka-
reka te tauturu uorai, te tamaiti a
Nuna ra, ko Iosua, e tangata ou, kare
ia i akaruke i te Aere.

Kua karanga aturā Mose kia Ichova, 12
I na, te tuatua maira koe kiaku e, E
arataki koe i teianei iti-tangata ki ru-
nga: kare ra koe i akakite mai kiaku i
taau e unga katoa i toku nei *tere*: ia
koe oki i tuatua mai kiaku e, Kua kite
au ia koe i *toou* ingoa, e kua kite aroaia
koe e au. E teianei, teia taku tuatua 13
kia koe, kua kite aroaia au e koe ra, e
akakite mai koe kiaku i toou aerenga,
e kia kite au ia koe, kia kite aroaia au
e koe ra: e akara oki koe e, e iti-tangata
noou teianei iti-tangata. Kua tuatua 14
mairā Ichova. E na vaitata katoa au u-
orai *ia koe*, e ka oronga au i te akaanga-
roi anga noou. Kua karanga aturā Mose 15
kiaia, Kia kore koe uorai e aere katoa
ra, auraka matou e aratakiia i teianei.
Eaa oki te mea e kitea'i e, kua kite aro- 16
aia au ma toou katoa nei au tangata e
koe? Kare aia tei vaitata katoa koe ia
matou nei, e i taka ke ei matou, ko au e
toou nei au tangata, i te tangata ravarai o
te ao nei? E kua tuatua mairā Ichova kia 17
Mose. Ka pera rai au, taau i tuatua mai
ana: kua kite aroaia oki koe e au, kua
kite au ia koe i *toou* ingoa. Kua karanga 18
aturā aia, Te pati atu nei au kia koe, e
akakite mai koe kiaku nei i toou kakā.
Kua tuatua maira aia, Ka tuku rai au 19
i te meitaki katoa noku ra na mua ia
koe, e e tutu au i te ingoa o Ichova na
mua ia koe; te aroa nei oki au i taku
e anoano i te aroa, e te takinga-meitaki
nei au i taku e anoano i te takinga-
meitaki. Kua tuatua maira aia, Kare 20
koe e tika kia akara i toku mata; kare
rava oki tetai tangata e ora kia akara
mai iaku. Kua tuatua mairā Ichova, 21
I na, *teianei* te ngai i vaitatao kiaku nei,
ei turanga noou ki runga i te mato nei:
E kia aere toku nei kakā na vaita- 22
tao ra, e tuku atu au ia koe ki roto i te
akapi mato ra, ka tapoki atu ei au ia
koe i toku rima, kia aere au na vaita-
tao: E ka kiriti oki au i toku rima, e 23
ka kite mai koe i toku tua: kareka
toku mata, kare rava ia e tika kia
akaraia.

PENE XXXIV.

*Ngā papa toku ou i angaia ra; kua aka-
kiteia maira te ingoa o Ichova; kua
pure a Mose kia Ichova kia aru ka-*

*toa aia; kua oki akaou mai a Mose
ma ngā papa toka, kua kakā tona kiri
mata.*

- 1 KUA tuatua mairā Ichova kia
Mose, Ka tarai ana koe i e rua
papa toka, mei tei muatangana ra te
tu; e naku e tata i te tuatua ki rungao
i aua nga papa ra, i tei *tatua* ki runga
i nga papa i muatangana, taau i aka-
2 ngaangā ra. E akateateamamao koe
kia popongi, e aere mai koe i te popongi
ki runga i te maunga nei ko Sinai, aka-
kite mai ei ia koe orai iaku i reira ki
3 runga i te take maunga ra. Auraka
rava ra ei tangata e aere katoa mai ki
runga, auraka rava oki tetai tangata
kia kitea mai i taua maunga nei e pini
ua ake; auraka katoa te mamoe e te
bovi e kaikai aere i vaitata i taua mau-
4 nga ra. Kua tarai iora aia i nga papa
toka e rua, mei tei muatangana ra te
tu; e kua tu akērā Mose ki runga i te
popongi roa, aere atura ki rungao i taua
maunga ra ko Sinai, i ta Ichova i
akaue mai iaia ra, e kua taoti katoa i
nga papa toka i tona rima.
- 5 Kua eke mairā Ichova na roto i te
tumurangi, tu ua iora i reira i vaitata
iaia, e kua tutu maira i te ingoa ra o
6 Ichova. Kua aere iorā Ichova na mua
iaia, kua tutu maira, Ko Ichova, Ko
Ichova, e Atua takinga-meitaki, e te
aroa ua, e te akakoromaki maata, e te
7 meitaki maata, e te tuatua-mou, E te
vaoa marie i te aroa e tausani ua atu,
e te akakore i te tuatua-tika kore, e te
ara, e te kino; e kare e tuatua *ki te*
tangata kino e, e tangata kino kore, i
te tutaki anga i te ara a te aronga me-
tua ki runga i te tamariki, e ki runga
katoa i te tamariki a te au tamariki ra,
e tae ua atu ki te toru e te a o te uki ra.
- 8 Kua rapurapu ua iorā Mose, kua tupou
iora aia ki raro i te one, akamori atura;
- 9 E kua karanga atura aia, Kua kite aroaia
au e koe, e taku Atu, teia taku tuatua,
e aere katoa koe, e taku Atu, ki roto
katoa ia matou; e au tangata kaki ke-
taketa rai oki ratou; e e akakore mai
koe i ta matou tuatua-tika kore, e ta
matou ara, e e rave mai koe ia matou
noou uorai.
- 10 E kua tuatua maira aia, I na, e pa-
pau au i te koreromotu: e rave au i te
mea umercia ki mua i te aroaro o toou
au tangata katoa na, kare rai i raveia i
te no katoa nei, e i roto i te au tangata
katoa; e ka kite te au tangata katoa i
o ou ra i te angaanga a Ichova: e mea
11 tu ke oki taku ka rave ia koe ra. E
akono meitaki koe i taku e akaue atu

kia koe na i teianei rā: I na, e tuaru
ke au i te ngati Amori ki mua ia koe, e te
ngati Kanaana, e te ngati Heta, e te
Perizi, e te ngati Hevi, e te ngati Ie-
busi. Kia matakite ia koe, ko te
papau aea koe i te koreromotu i to taua
enua taua e aere na; ko te riro aea
oki ei maunu ia koe na; E akapou ra
kotou i ta ratou au atarau, e vava'i i ta
ratou au tiki, e tipu oki i te au Aseto-
reta no ratou; Auraka oki koe e aka-
mori i tetai atua ke: e Atua varae oki
a Ichova, e ingoa varae oki tona: Ko
te papau aea koe i te koreromotu i te
tangata no te reira enua, ko te aere ke
aea ratou i te akaturi aere anga i to
ratou au atua, e e apai i te tusia ki to
ratou au atua, ko te tuatua mai aea
tetai kia koe, e ko te kai aea koe i tana
tusia; Ko te rave aea koe i ta ratou au
tamaine *ei vaine* na tauu au tamariki
tamaroa, e ko te akaturi aea taua au
tamaine na ratou ra i te aru anga i to
ratou au atua, akatatipa ke atura ra-
tou i tauu au tamariki i te kanga anga
i to ratou au atua. Auraka roa koe e
anga i tetai atua akato noou.

E akono koe i te oroa kai akaopue
kore ra: e kai koe i te kai akaopue
kore e kia po itu, taku i akaue atu kia
koe na, ei te taine akonoia ra, i te
marama ra ko Abiba: no te mea tei te
marama ra ko Abiba toou aere anga
mai mei Aipliti maira. Te au tamaroa
tama mua ra, naku anake ia, e te toa
anaunga mua o tauu au puaka, to te hovi
e to te mamoe. Kareka to te asini
anaunga mua, e oko koe i *te reira* i te
mamoe: e kia kore e okoia e koe, e
aati i te kaki. Tauu au tamaroa tama
mua katoa ra, e oko koe i *te reira*: e
auraka ra tetai e aere puapinga kore ua
mai ki mua iaku nei ra.

E rave koe i te angaanga i nga rā e
ono ra, kareka i te rā itu ra e akaanga-
roi koe i reira: i te tuatua tanu anga e
te kokoti anga, e akaangaro koe. E te
orua i te ebedoma *itu* ra, i te popo mua
i te akūu sitona ra, e akono koe i *te
reira*, e te oroa uipa anga *kai* i te ope-
nga o te mataiti ra.

Kia tu toru tauu au tane katoa i te
aere anga mai ki mua i te aroaro o te
Atu ra ko Ichova, te Atua o Iseraela
ra, i te mataiti okotai. E tuaru ke
oki au i te au iti-tangata ki mua ia koe,
e e akamaata au i toou na kotinga:
kare rava oki tetai e anoano mai i to
enua, kia aere koe ki runga ki mua i
te aroaro o te Atua ra ko Ichova, tu
toru i te mataiti okotai. Auraka koe
e apai mai i te toto o taku ra tusia ma

te akaopue; e auraka roa te tusia i te
orua ra i te pasa e vaioia kia ao. Te
popo o toou na enua i tei para ana, ko
taau ia e apai mai ki roto i te aere o
toou Atua ra ko Ichova. Auraka koe
e tunu i te punua puaka-nio i te u o
te tinana orai.

Kua tuatua mairā Ichova kia Mose,
E tata koe i taua tuatua nei; ko te tu oki
teia o te tuatua o te koreromotu, taku
i papau kia koe, e kia Iseraela nei. E
rua takau ona rā kia Ichova ra, e rua
takau oki po; kare aia i kai i te kai,
kare oki i inu i te vai. E kua tata iora
aia i te tuatua o te koreromotu ra, ko
nga ture okotai ngauru, ki runga i nga
papa ra.

E kia eke mai a Mose ki raro mei
runga i te maunga ra ko Sinai, ma nga
papa kite ra e rua i te rima o Mose ra,
tae maira aia ki raro mei runga mai i
taua maunga ra, kare akerā Mose i kite
e, te kakā ra tona kiri mata, koia i ka-

rangaranga kiaia ra. E kia akara
akerā Aaron e te tamariki ravarai
a Iseraela ia Mose, i na, te kakā
maira te kiri mata; matakū akera ra-
tou kia akavaitata atu kiaia. Kua ka-
piki atura rā Mose kia ratou; kua oki
mairā Aaron e te au kavana ravarai o
te uipānga kiaia ra: e kua karanga-
ranga aturā Mose kia ratou. E muri
akera kua akavaitata katoatoa maira te
tamariki a Iseraela ra; e kua tuku iora
aia i te au tuatua katoa kia ratou, ta
Ichova i tuatua mai kiaia i runga i te

maunga ra ko Sinai. E oti akera ta
Mose tuatua anga atu kia ratou ra, kua
tuku akera aia i te tapoki ki runga i
tona mata. Kareka kia aere a Mose
ki roto ki mua i te aroaro o Ichova e
tuatua kiaia ra, kua kiriti akera aia i
taua tapoki ra, e tae ua maira aia ki
vao; e kia aere maira aia ki vao, kua
tuatua aia ki te tamariki a Iseraela i
te akauaia mai kiaia ra. Kite akera
te tamariki a Iseraela i te mata o Mose,
e te kakā ra te kiri mata o Mose: kua
tuku akau akerā Mose i te tapoki ki
runga i tona mata, e kia aere aia ki roto
e tuatua kia Ichova ra.

PENE XXXV.

*Te akakite nei a Mose ki te tangata i ta
ratou apinga kia apai ua mai no te
sekene; ko Bezalela raua ko Aholiaba
nga taunga iikiā.*

KUA akaputuputu iorā Mose i te
uipānga katoa ra i te tamariki a
Iseraela, e karanga atura kia ratou, Teia
te tuatua i akauaia mai e Ichova, kia

rave kotou i te reira. E tika kia rave i te angaanga i nga rā e ono ra, kareka te rā itu ra, e i rā tapu ia no kotou, e sabati akaangaro i no Iehova: ko te rave i te angaanga i te reira rā, ka tamate ravaia ia. Auraka roa kotou e ta'u i te ai i te rā sabati i to kotou au are katoa e pini na ake.

Kua karanga atu rai a Mose ki te uipānga katoa o te tamariki a Iseraela ra, na ko maira, Teia ta Iehova tuatua i akaue mai, na ko maira, E rave kotou i te terume na Iehova no roto ia kotou orai nei: ko te tangata ngakau oronga, e apai mai aia i te reira, koia te terume na Iehova; i te auro, e te ario, e te veo, E te kakau kerekere, e te purapura, e te muramura, e te vavai, e te uru puaka-nio, E te kiri rama i rapakau muramuraia ra, e te kiri tekese, e te rakau ra e sitima, E te mori no te lamepa, e te rakau kakara no te manongi tainu ra, e no te tumiama kakara ra, E te au toka sema, e te au toka e taroto, no te ephoda, e te kesene. E ka aere mai oki te au tangata ngakau pakari katoa i roto ia kotou, e anga i te au mea ravarai i akaueia mai e Iehova ra; I te sekene, tona are, e tona tapoki, tona au tapeka, e tona au tapanga rakau, tona au tea, tona au pou, e tona au turanga; I te aruna, e nga amo, te tapoki, e te paruru e arai ra; Te kaingakai, e nga amo, e te au mea ravarai no te reira, e te areto o te aroaro ra; Te menure oki e i akamārama, e te au mea ravarai no te reira ra, e te au lamepa e te mori e i turama, E te atarau tumiama ra, e nga amo, e te manongi akatainu, e te tumiama kakara ra, e te paruru ngutupa no te tomoanga o te sekene ra; Te atarau tanga karakaratio, e tona paata veo ra, nga amo, e te au mea ravarai no te reira ra, te kiura e tona vaevae; Te au paruru kezere ra, te au pou, e te au turanga, e te paruru no te ngutupa kezere ra; Te au titi no te sekene, e te au titi no te kezere, e te au taura; Te au kakau taoonga, kia rave i te taoonga ki roto i te ngai-tapu ra, te kakau tapu no te taunga ra no Aaron, e te au kakau no tana au tamariki, no te rave anga i te taoonga taunga ra.

Aere anake atura taua uipānga tamariki a Iseraela me i mua atu i te aroaro o Mose. E kua aere maira ratou, te tangata katoa i tac tona ngakau, te aronga katoa i tika to ratou ngakau, kua apai maira ratou i te terume na Iehova, no te angaanga i te Are uipānga ra, te au peu ravarai oki

no te reira ra, e no te au kakau tapu ra. Ko te tane, e te vaine katoa, tei tac te ngakau ra, kua aere katoa mai ia, kua apai maira i te tapeka, e te poc, e te momono-rima, e te ei, e api-nga auro anake; e ko te au tangata katoa i apai i te tenupe e i tenupe auro anake ta ratou na Iehova. E te aronga e kakau kerekere to ratou, e te purapura, e te muramura, e te vavai, e te uru puaka-nio, e te kiri rama rapakau muramuraia, e te kiri tekese, kua apai mai ia ratou. E te aronga i apai mai i te terume ario, e te veo, kua apai mai i te terume na Iehova; e te aronga e rakau sitima tei ia ratou, e tau i taua angaanga katoa ra, kua apai mai ia. E te au vaine ngakau kamaatu katoa ra, kua iro to ratou rima i te ao, e kua apai mai i tei irokia e ratou ra, i te ao kerekere, e te purapura, e te muramura, e te vavai. E te au vaine katoa i kamaatu, tei tac te ngakau ra, kua taviiriviri ratou i te uru puaka-nio. E kua apai maira te aronga kavana i te au toka sema, e te au toka e taroto, e te ephoda, e te kesene; E te rakau kakara e te mori, no te māmama e no te manongi akatainu ra, e no te tumiama kakara ra. E apinga ngakau tae ta te tamariki a Iseraela i apai mai na Iehova, te au tane, e te au vaine katoa, tei anoano te ngakau i te apai mai, no te au angaanga ravarai ta Iehova i akaue mai ia Mose kia raveia.

30 Kua karanga aturā Mose ki te tamariki a Iseraela, I na, kua tuatua akenei a Iehova i te tamaiti a Uri te tamaiti a Hura, no te kopu o Iuda, i 31 tona ingoa, ia Bezalela; E kua akaki aia iaia ki te Vaeua o te Atua, i te karape, te pakari, e te kite i te angaanga 32 tina ravarai ra; E i kimi oki i te angaanga pakari ra, e rave i te angaanga auro, e te ario, e te veo; E kokoti oki i te toka, kia akamouia ki roto i te vairanga ra, e i kokoti rakau oki, e i rave i te au angaanga manea 34 ravarai nei. E kua akakite aia iaia kia apii aia i etai ke ra, raua ko Aholiab, te tamaiti a Ahisamaka, no te kopu o Dana ra. Ko tana ia i akaki i te pakari ngakau, e i rave i te angaanga tina ravarai ra, i ta te kokoti toka ra, e ta te taunga karape ra, e ta te akamanea kakau ra, i te kakau kerekere, e te purapura, e te muramura, e te vavai, e ta te raranga kakau ra; tei rave i te au angaanga ravarai, e tei kimi i te au ravenga karape.

PENE XXXVI.

Te apinga i uipaiā mai kua karēa ki te rima o te aranga e rave i te angaanga ra, e kua oti ia ratou nei au apinga no te Are i te reira.

KUA rave iorā Bezaleela, e ko Aholiaba, e te au tangata katoa i karape te ngakau, i ta Iehova i tuku i te pakari ki roto ra, e te kite ra e kite ei i te rave i te angaanga katoa no te ngai-tapu ra, i te au mea katoa ta Iehova i akaue maira. Na Mose oki i tuatua kia Bezaleela e kia Aholiaba, e te au tangata ravarai i karape te ngakau, i ta Iehova i tuku i te pakari ki roto ra, e te aranga katoa i tae te ngakau e aere mai e rave i taua angaanga ra: E kua tiki maira ratou nei mui i te aroaro o Mose i taua terume katoa ra, ta te tamariki a Iseraela i apai mai no taua angaanga ra, no te ngai-tapu kia rave ra. E kua apai ua maira ratou i te apinga i tera popongi, i tera popongi. E taua au tangata pakari katoa, tei rave i te au angaanga katoa o te ngai-tapu ra, kua aere anake maira te tangata ravarai, nei te angaanga mai tana i rave ra; E kua tuatua maira ratou kia Mose, na ko maira, E apinga maata rava atura ta te au tangata i apai mai nei, no te angaanga ta Iehova i akaue maira e rave, e toe ia. E kua akaue iorā Mose, e tutu aereia atura e pini ua ake te puakapa, i na koia e, Otira ua te au tane e te au vaine katoa i te rave i te terume no te ngai-tapu ra. Kore akera te au tangata i apai akaou mai. E apinga maata oki tei rauka, e ope roa te au angaanga katoa i te oti, e e toe rai.

E taua au tangata ngakau karape katoa ra i tei rave i te angaanga sekene ra, kua anga iora ratou i te tapoki vavai i taviriia ra okotai ngauru, e te kerekere, e te purapura, e te muramura; ma te kerubi e angaanga na te taunga karape i te rave angaia. Okotai takan ma varu kubit i te roa o te tapoki okotai, e a oki kubit i te pararauare o te tapoki okotai; okotai rui tu aite o taua au tapoki ravarai. Ko e rima tapoki i tupaupauia ia e ia; e ko e rima oki tapoki i tupaupauia ia e ia. E kua anga iora aia i te tātai kerekere i te tapa o tetai tapoki ra, i te tapa ki vao i te tupaupauanga ra; i akapera katoa aia i te anga i te tapa ki vao i tetai tapoki ra, ei tupaupau anga atu ki tetai. E rima ngauru ana tātai i anga i te tapa o tetai tapoki, e rima ngauru

oki ana tātai i anga i te tapa o tetai tapoki, ko te tupaupauia ki tetai ra; ko te tātai i piri ei tetai tapoki ki tetai. Anga iora oki aia i te tapeka auro e rima ngauru, e kua topiri iora i taua au tapoki ra tetai ki tetai ki taua au tapeka ra: riro atura ei sekene okotai.

Anga iora oki aia i te au tapoki urnu puaka-nio ei are ki rungao i te sekene ra; okotai ngauru tapoki i angaia e ia e tai ara. E toru ngauru kubit i te tapoki okotai i te roa, e a oki kubit i te pararauare i te tapoki okotai: okotai rai tu aite i taua au tapoki ra okotai ngauru ma tai ra. E topiri iora aia i nga tapoki e rima ra, e taka atura ia, e nga tapoki oki e ono ra, e taka ke atura i te reira. E anga iora aia i te tātai e rima ngauru i te tapa i vao i taua tapoki ra i te topiri anga, e kua anga katoa aia i te tātai e rima ngauru i te tapa o tetai tapoki kia topiriia atu ki tetai. E kua anga oki aia i te tapeka vao e rima ngauru ei topiri i taua are ra, kia riro ei okotai.

Anga iora oki aia i te tapoki kiri rama rapakau muramuraia no taua Are ra, e tetai tapoki kiri tekese ki rungao.

Tarai iora oki aia i te tapaanga rakau no te sekene, i te rakau ra e sitima, e akatu ua ki runga: Okotai ngauru kubit i te roa i te tapaanga rakau okotai, okotai oki kubit e afa kubit i te pararauare i te tapaanga rakau okotai. E rua auri i te tapaanga rakau okotai, kia aite tikai te tu tetai e tetai; i akapera aia i te rave i taua au tapaanga rakau ravarai no te sekene ra.

Okotai takan ana tapaanga rakau i tarai no te sekene, i te pae i apatonga:

E anga iora oki aia i te turanga ario e a ngauru no raro ake i nga tapaanga rakau okotai takan ra; e rua turanga to te tapaanga okotai no nga auri e rua ra, e rua oki turanga to te tapaanga

okotai no nga auri e rua ra. E anga iora oki aia i te tapaanga rakau okotai takan, no tetai pae sekene i te pae i

apatokera ra, E te turanga ario oki e rua takan; e rua turanga ki raro ake i te tapaanga okotai, e rua oki turanga

raro ake i tetai tapaanga rakau. Tarai iora oki aia i nga tapaanga rakau e ono, no tetai pae sekene, i te pae i te opu-

nga o te rā ra. E kua tarai iora aia i e rua tapaanga rakau no nga pao sekene i tetai pae e tetai pae. E i tamouia te reira ki raro, e ki runga katoa, i te

mouranga okotai: okotai rai tu i aua nga tapaanga rakau ra i te anga anga

no nga poo e rua ra. E varu oki tapaa- 30
nga rakau; okotai ngauru ma ono oki
turanga; e turanga ario, taki rua tura-
nga i raro ake i te tapaaanga rakau
okotai e pini ua ake.

Tarai iora oki aia i te tea sitima; ko 31
e rima ra no te au tapaaanga rakau i te-
tai pae sekene, E ko e rima oki tea no 32
te au tapaaanga rakau i tetai pae sekene,
e ko e rima oki tea no te au tapaaanga
rakau i te sekene i te pae i te opunga o
te rā ra. E i apai roaia e ia tei rotapu 33
ra tea na runga i te au tapaaanga rakau,
e tae roa atura ki tetai openga e tetai
openga e tamou anga. E kua vai oki 34
aia i te au tapaaanga rakau ki te auro, e
auro oki te au tātai tana i anga e mo-
monoanga no te au tea ra, e kua vai
katoa oki aia i te au tea ki te auro.

E anga iora oki aia i te paruru, te 35
kerekere, e te purapura, e te mura-
mura, e te vavai i taviiria; ma te ke-
rubi e angaanga na te taunga karape i
te rave angaia ra. Tarai iora aia i nga 36
pou sitima e a no taua *paruru* ra, e vai
iora ki te auro; e e auro katoa oki te
tapeka; e kua akato iora aia i nga
turanga ario e a no aua nga *pou* ra. E 37
anga katoa iora aia i te *paruru kakau*
kerekere, e te purapura, e te muramu-
ra, e te vavai i taviiria, te angaanga
akamanca na te tui, no te ngutupa *Are*
ra; E to reira oki nga pou e rima e nga 38
tapeka oki; e kua vai aia i nga mimiti,
e nga tatua, ki te auro; kareka nga
turanga e rima ra, e veo ia.

PENE XXXVII.

*Te aruna i te anga angai, e te tapoki,
e nga kerubi auro e rua ra; e kai-
ngakui, te menure, e te atarau tumia-
ma.*

KUA tarai iorā Bezalela i te aruna 1
e sitima te rakau; e rua kubiti e
afa *kubiti* te roa, okotai oki kubiti e afa
kubiti te pararauare, okotai oki kubiti
e afa *kubiti* te teitei: E vai iora aia i 2
roto e i vao ki te auro meitaki, e anga
iora oki i tetai ei auro e pini ua ake.
Kua akato iora aia i te tātai auro e a 3
no nga poo e a ra; e rua tātai i tetai
pae, e rua oki tātai i tetai pae. Kua 4
anga iora oki aia i te amo sitima, e kua
vai iora ki te auro. Kua momono iora 5
aia i nga amo na roto i te au tātai i
nga pae o te aruna ra, ei apai anga i
taua aruna ra. Anga iora aia i te tapo- 6
ki, e auro meitaki ia; e rua kubiti e afa
kubiti te roa, okotai oki kubiti e afa
kubiti te pararauare. Anga iora oki 7
aia i nga kerubi auro e rua, i nga poo

e rua o te tapoki ra, e mea tupaki i te
8 angaia e ia: Okotai kerubi i tetai poo,
okotai oki kerubi i tetai poo; ki rungao
i nga poo tapoki e rua nga kerubi tana
9 i anga ra. Te totoa ra nga kerubi i *to*
raua peau na runga, i te tapoki ua anga
i te tapoki i to raua peau, anga atu
anga mai o raua aro; i anga tika nga
mata o aua nga kerubi ra ki te tapoki.
10 E tarai iora aia i te kaingakai e siti-
ma te rakau: e rua kubiti te roa, oko-
tai oki kubiti te pararauare, okotai oki
11 kubiti e afa *kubiti* te teitei: E vai iora
oki aia i te reira ki te auro meitaki, e
kua anga oki i te ei auro e pini ua ake.
12 E kua akaaurupae oki aia i taua *kai-
ngakui* ra e pini ua ake okotai rima i
te pararauare; e kua anga iora oki i te
ei auro no taua urupae ra e kako roa
13 ake. Akato iora aia i te tātai auro e
a, e akamou iora aia i aua nga tātai ra
ki nga poo e a, ki runga i nga vacvae e
14 a ra. I vaiatao i te urupae aua nga
tātai ra, ei momonoanga amo ei apai
15 anga i taua kaingakai ra. Tarai iora
oki aia i nga amo sitima, e vai iora ki
te auro, ei apai anga i taua kaingakai
16 ra. Anga iora oki aia i te au kapu no
te kaingakai, tona au mereki, e tona au
kapu, e tona au āriki, e te au kapu ma-
maata, ei riringi anga ra, e auro mei-
taki *anake* ia.
17 Kua anga iora aia i te menure auro
meitaki ra; e mea tupaki taua menure
ra tana i anga ra; tona pu, e te au
mangamanga, te au āriki, te au ponapona,
e te au tiare, okotai rai ia *manga*
18 *auro*: E ono oki mangamanga i te mangamanga
anga no roto i nga pae i taua
menure ra; e toru mangamanga i tetai
pae menure, e toru mangamanga i tetai
19 pae menure: E toru āriki to tetai mangamanga
mei te sekadi te tu, ma nga
ponapona, e nga tiare; e toru oki āriki
mei te sekadi te tu i tetai mangamanga,
ma nga ponapona e nga tiare; mei te rei-
ra oki te au mangamanga e ono no taua
20 menure ra. E to runga i *te pu* o taua me-
nure ra e a ia āriki mei te sekadi te tu, to
ratou au ponapona, e to ratou au tiare:
21 Ko e rua mangamanga ra, okotai ponapona
i raro ake, ko e rua mangamanga,
okotai ponapona i raro ake, ko e rua
mangamanga, okotai ponapona i raro
ake, ko nga mangamanga ia e ono i te
mangamanga anga no roto i taua *menure*
22 ra. Te au ponapona, e te au mangamanga
ra, okotai rai ia *manga auro*: e
taua *menure* katoa ra okotai rai ia anga-
23 anga auro meitaki tupakiia ra. Anga
iora oki aia i nga lamepa ra e itu ra,
e tona au pakoti, e tona au āriki pakoti,

e auro meitaki *anake* ia. I te taleni 24
auro meitaki okotai i anga ai aia i te
reira, e te au mea ravarai no te reira
ra.

Anga iora oki aia i te atarau tumia- 25
ma, e sitima te rakau : okotai kubiti te
roa, okotai oki kubiti te pararauare ; e
mea aiteite nga aro e a ; e rua ra kubiti
te teitei : nga tara *katoa* ra okotai rai
ia *rakau*. Kua vai iora oki aia ki te 26
auro meitaki, ko rungao, e te pae katoa
e pini ua ake, e nga tara *katoa* oki : e
kua akaei oki i te ei auro e pini ua ake.
Anga iora aia i nga tātai auro ki raro 27
ake i te ei ra, i tetai poo e tetai poo, i
tetai pae e tetai pae, ei momono anga i
nga amo ei apai. Tarai iora aia i nga 28
amo sitima, e kua vai iora oki i te reira
ki te auro.

Anga katoa iora oki aia i te manongi 29
tapu akatainu ra, e te tumiama meitaki
kakara ra, mei ta te iro-manongi e
rave ra.

PENE XXXVIII.

*Te atarau tusia karakaratio i te anga
angaia ra, e te kiura veo e toa
vaevae, e te rainga o te apinga i o
maiia e te tangata.*

ANGA iora oki aia i te atarau tusia 1
karakaratio e sitima te rakau : e
rima kubiti te roa, e rima oki kubiti te
pararauare, kua aiteite nga aro e a ; e
toru ra kubiti te teitei. Tarai iora oki 2
aia i nga tara i nga poo e a ra ; okotai
rai ia *rakau* aua nga tara katoa ra ; e
vai iora aia i te reira ki te veo. Anga 3
iora oki aia i te au mea ravarai o te
atarau, i te au pani, e te au taipu, e te
au kapu, e te au kokai, e te au āriki ai :
e veo anake te au āriki ravarai tana i
anga. Anga iora oki aia i te paata veo 4
kokekapeka no taua atarau ra, i raro
ake i te nia i rotopu tilikai i taua *atarau*
ra. Kua akato iora aia i nga tātai e a
no nga poo e a i taua paata veo ra, ei
momonoanga amo ra. Kua tarai iora 5
aia i nga amo sitima, vai iora oki ki te
veo. Kua momono iora aia i nga amo
na roto i nga tātai ra, i te tiroa o te
atarau ra, ei apai anga i taua *atarau* ra :
e tapaanga rakau taua *atarau* ra, e te
puerakaua i roto i te anga angaia e ia 6
ra.

Anga iora aia i te kiura veo, e e veo 8
oki te vaevae, i te au akaata o te au vaine
i uipai, tei uipa i te ngutupa o te Are
uipanga ra.

E nana oki i anga i te kezere : te au 9
paruru vavai i taviriia no te kezere i te
pae i apatonga, okotai anere kubiti te

10 *roa* ; E to reira au pou okotai takau
ia, e to ratou au turanga veo okotai
takau ; *kareka* te au tapeka, e te au

11 tatua no taua au pou ra, e ario ia : E to
te pae apatokerau ra *au paruru*, okotai
anere ia kubiti *te roa*, to reira au pou
okotai takau, e to ratou au turanga veo
okotai takau ; *kareka* te au tapeka e te
au tatua no taua au pou ra, e ario ia :

12 E to te pae i te opunga o te rā ra au
paruru, e rima ngauru ia kubiti *te roa*,
to reira au pou okotai ngauru, e to ra-
tou au turanga okotai ngauru ; *kareka*
te au tapeka, e te au tatua no taua au

13 pou ra, e ario ia. E to te pae i te iti-
nga o te rā *au paruru* e rima ngauru ia
kubiti *te roa*. Te au paruru i tetai pae

14 *ngutupa* ra, okotai ngauru ma rima ia
kubiti ; to reira au pou e toru, e to ra-
tou au turanga e toru : E to tetai pae

15 *ngutupa* kezere, tetai rima e tetai rima,
e paruru katoa okotai ngauru ma rima
kubiti ; to reira nga pou e toru, e to

16 ratou nga turanga e toru. E vavai
taviri anakeia te au paruru kezere e

17 pini ua ake. E te au turanga no te au
pou ra, e veo ia ; *kareka* te au tapeka e
te au tatua i taua au pou ra, e ario ia ;
e te vai o te au mimiti ra, e ario ia ; i
tatua katoaia te au pou kezere ravarai

18 ki te ario. E te paruru no te ngutupa
o taua kezere ra, i akamanekia i te mea
kerekere, e te purapura, e te muramu-
ra, e te vavai i taviriia : okotai takau
kubiti te roa, e rima kubiti te teitei, ko
te pararauare rai ia, i aite katoa ki te

19 au paruru o te kezere ra. E to reira
oki nga pou e a, e to ratou nga turanga
veo e a ; *kareka* te au tapeka ra, e ario

20 ia ; e te vai o te au mimiti ra, e nga
tatua, e ario ia. E te au titi ravarai
no te sekene, e to te kezere e pini ua

21 ake, e veo anake ia.

22 Ko te rainga anga teia o te sekene,
koa te sekene kite ra, tei akaucia e
Mose, e i tukua ki te ngati Levi i raro
ake ia Itamara te tamaiti a Aarona

23 taunga ra. Na Bezalela oki, te tamaiti
a Uri, te tamaiti a Huru, no te kopu o

24 Inda, i anga i te au mea ravarai ta le-
25 hova i akaue mai kia Mose ra. Koia
e Aholiaba, te tamaiti a Ahisamaka,
no te kopu o Dana, e tangata kokoti
toka, e taunga karape, e te akamanekia
kakau, i te mea kerekere, e te purapu-
ra, e te muramura, e te vavai.

Te auro i pou i taua anguanga ra, te
anguanga katoa no taua ngai-tapu ra,
koa te auro tenupe ra, okotai takau
ma iva i te taleni, e itu anere e toru
ngauru sekela, i te sekela o te ngai-tapu
25 ra. E te ario o te uipanga tangata i

tataunia ra, okotai ia anere i te taleni, okotai tausani e itu oki anere e itu ngauru ma rima i te sekela, i te sekela o te ngai-tapu ra: Okotai tangata, oko- 26 tai beka, koia te afa sekela nei, i te sekela o te ngai-tapu ra, i taua aronga ravarai i aere kia tataunia ra, i tei tae ki te rua o te ngauru anga o tona mataiti e tei ara atu, e ono anere e toru ara i te tausani, e rima anere, e rima ngauru taua aronga ra. E taua au 27 taleni ario okotai anere ra i te akatoia ia ei turanga *no te au tapauanga rakau* o te ngai-tapu ra, e ei turanga *no te au pou* o te paruru ra; okotai anere turanga no taua au taleni okotai anere ra, okotai taleni okotai turanga. E taua 28 *au sekela* okotai tausani e itu anere e itu ngauru oki ma rima ra, tei te au tapeka pou ia, e tei te vai i te au mimiti pou ra. E te veo i taua tenupe ra, e itu 29 ngauru ia taleni, e rua tausani e a anere sekela. Tei te au turanga te reira no te au kopa no te Are uipanga, e tei te atarau veo ra, e tona paata veo, e te au mea ravarai no taua atarau ra; E tei te 31 au turanga oki no te kezere e pini ua ake, e tei te au kopa no te kezere, e tei te au titi katoa o te sekene, e tei te au titi ravarai o te kezere e pini rava ake.

PENE XXXIX.

Te au kukau i angaia no te rave anga i te tauanga i roto i te ngai-tapu ra, te ephoda, te moili, te kitana, te pare, e te tatua. Kua akameitakia e Mose.

ANGA iora ratou i te kakau taoanga, 1 i te kakau kerekere ra, e te purapura, e te muramura, ei rave anga i te taoanga i te ngai-tapu ra, e kua anga ratou i te kakau tapu no Aarona: ta Iehova i akaue mai kia Mose ra. E 2 kua anga oki aia i te ephoda i te auro, te kerekere, e te purapura, e te muramura, e te vavai i taviriia ra. E tupaki iora ratou i te auro e pararauare 3 atura e te angiangi, e kotikoti iora ei kikau, no te angaanga a te taunga karape, ei kairo aere ki te kerekere, e te purapura, e te muramura, e te vavai. Kua tui iora ratou i te tapoki-pakuivi 4 no taua ephoda ra, kia tupaupau katoa atu: tei nga tapa te tupaupau anga. E te tatua manea i rungao i mou ei te 5 ephoda okotai rai ia apinga i te anga angaia, e auro rai, e te mea kerekere, e te purapura, e te muramura, e te vavai i taviriia ra; ta Iehova i akaue mai kia Mose ra.

Akamou iora oki ratou i nga toka 6

sema ki roto i te ariki auro ra, *nga toka* i kokotia te ingoa o te tamariki na Iseraela ki rungao ra, *mei* 7 te kokoti sigilo ra. Tuku iora aia i te reira i rungao i nga tapoki-pakuivi o te ephoda, ei toka manakoanga no te tamariki a Iseraela; ta Iehova i akaue mai kia Mose ra. 8 Anga iora aia i te kesene e angaanga na te taunga karape ra, mei te rave i te ephoda ra; i te auro, te kerekere, e te purapura, e te muramura, e te vavai i 9 taviriia ra. E mea tua rua, e kua aite nga aro e a o te kesene ta ratou i anga: okotai angaonu te roa, okotai oki angaonu te pararauare, e mea tua rua ia. 10 Akamou iora oki ratou i nga toka ki roto e a tupati: tei mua tupati, e ada- 11 ma ia, e te topazio, e te bereketa. E te rua o te tupati ra, e nepheka ia, e te saphiro, e te iceloma. E te toru o te 12 tupati ra, e lesema ia, e to sebu, e te akelema. E te a o te tupati ra, e tare- 13 sisa ia, e te sema, e te isephe: tamouia ia ki roto i te ariki auro i to ratou aka- 14 mouanga. Okotai ngauru ma rua rai nga toka ra, kua tau ki te au ingoa o te tamariki a Iseraela; e i kokotia to ra- 15 tout au ingoa *mei* te kokoti sigilo ra, ko te toka ko te ingoa, e tau akera i te au 16 kopu tino ngauru ma rua ra. Anga iora ratou i nga pirianganaoa auro mei- 17 taki koviriviri i nga poo o taua kesene ra. Anga iora oki ratou i e rua ariki 18 auro, e e rua oki tatui auro, e tuku iora ratou i nga tatui ki nga poo e rua i taua 19 kesene ra. E kua momono akera ratou i nga pirianganaoa auro koviriviri e rua na roto i nga tatui e rua, ki nga 20 poo i taua kesene ra. E nga openga i taua nga pirianganaoa koviriviri ra, akamouia iora e ratou ki nga ariki e 21 rua ra, e topiri atura ki nga tapoki-pakuivi o te ephoda i te pae ki mua ra. Anga iora oki ratou i e rua tatui auro, 22 tuku iora ki nga tapa i taua kesene ra, i te tapa i roto, i tei piri ki te ephoda 23 ra. Anga iora oki ratou i e rua rai tatui auro, e akamou iora ki nga tapoki-pakuivi o te ephoda i raro ra, i te pae ki mua ra, i vaitata i te ngai i topiriia, ki rungao i te tatua manea o te ephoda 24 ra. E tukai iora ratou i nga tatui o te kesene ra, ki nga tatui o te ephoda ki tetai tukai kerekere, kia piri te kesene ki te tatua manea o te ephoda, kia kore te kesene e taka ke i te ephoda; ta Iehova i akaue mai kia Mose ra. 25 Anga iora aia i te moili ephoda, e mea rarangaia, e te kerekere e pini ua 26 ake. E rua tei rotou i taua moili ra, mei te rua tehera ra, e i avereia te

tapa o te rua ra, kia kore e ngae. Kua tui iora oki ratou i te remuna na 24 runga i te tapa o taua moili ra, ki te ao kerekere, e te purapura, e te muramura, e te vavai i taviiria ra. Kua 25 anga iora oki ratou i te ove auro meitaki, e kua akamou iora i taua au ove ra ki roto i te va remuna, na runga i te tapa o te moili, na roto i te va o te au remuna e pini ua ake; Okotai ove 26 okotai remuna, okotai ove okotai remuna, na te tapa o taua moili ra e pini ua ake, kia rave i te taoonga ra; ta Iehova i akaue mai kia Mose ra.

Anga iora oki ratou i te kitana vavai, 27 e mea rarangaia, no Aaronā, e nga tamariki nana ra, E te pare vavai tu ke, 28 e te pare vavai manea ra, e te piripou vavai i taviiria ra, E te tatua vavai i 29 taviiria, i akamaneaia ki te mea kerekere, e te purapura, e te muramura; ta Iehova i akaue mai kia Mose ra.

Kua anga katoa oki ratou i te tarae 30 no te korona tapu ra, i te auro meitaki ra, tata iora ratou ki rungao, *mei* te tuatua i kokotia ki runga i te sigilo ra, KIA TAPU TO IEHOVA. Kua takai 31 iora ratou i tetai takai kerekere i rungao, ei tamou anga ki runga i te pare tu ke i te pae ki runga ra; ta Iehova i akaue mai kia Mose ra.

Oti rava akera taua angaanga sekene 32 ra, i te Are uipānga ra: kua rave oki te tamariki a Iseraela i te au mea ravarai ta Iehova i akaue mai kia Mose; kua akapera rai ratou. Kua 33 apai ratou i te sekene kia Mose; te are, e te au mea ravarai no te reira, te au tapaka ra, te au tapanga rakau ra, te au tea ra, e te au pou ra, e te au turanga, E te tapoki kiri rama i rapa- 34 kau muramuraia ra, e te tapoki kiri tekese ra, e te paruru ei arai, Te aruna 35 kite ra, e nga amo katoa, e te tapoki, Te kaingakai, e te au mea ravarai no 36 te reira, e te areto o te aroaro ra, Te 37 menure auro meitaki, e tona au lampepa, i te au lampepa akanoo meitakiia ra, e te au mea ravarai no te reira ra, e te mori ei akamārama, E te atarau auro 38 ra, e te manongi akatainu ra, e te tumiama kakara ra, e te paruru no te ngutupa Are ra, Te atarau veo ra, e 39 tona paata veo, nga amo ra, e te au mea ravarai no te reira, te kiura e tona vaevae, Te au paruru kezere, te au 40 pou, e te au turanga, e te paruru no te ngutupa kezere ra, te au taura, e te au titi, e te au mea katoa no te angaanga sekene, no te Are uipānga ra, E te au 41 kakau taoonga ei rave i te taoonga i roto i te ngai-tapu ra, te au kakau tapu

no te taunga ra no Aaronā, e te au kakau no nga tamariki nana, kia rave 42 i te taoonga taunga ra. Te au mea ravarai ta Iehova i akaue mai kia Mose ra, ta te tamariki a Iseraela ia i rave e 43 oti rava akera te au angaanga ra. E kia akara akerā Mose i taua au angaanga katoa ra, i na, kua oti roa i te raveia e ratou, ta Iehova i tuatua maira, i akaperaia ia e ratou i te rave: e kua akaora mairā Mose ia ratou.

PENE XL.

Te sekene i te akatu angaia ra e te akamainu angaia.

- 1 KUA tuatua mairā Iehova kia
- 2 Mose, na ko maira, Ei te rā mua i te marama mua ra e akatu ei koe i te sekene, te Are uipānga nei.
- 3 E naau e tuku i te aruna kite ki roto,
- 4 ka arai ei te aruna ki te paruru. E naau e apai i te kaingakai ki roto, e e akanoonoo oki i te ka akanoonooia ki rungao ra; e ka apai oki koe i te menure ki roto, ka tuku ei i te au lampepa
- 5 ki rungao. E tuku oki koe i te atarau auro no te tumiama ki mua i te aruna kite ra, e e akauta oki i te paruru no
- 6 te ngutupa sekene ra. E ka akatu koe i te atarau tusia karakaratio ki mua atu i te ngutupa sekene i te Are uipā-
- 7 nga ra. E e tuku oki koe i te kiura i te va i te Are uipānga e te atarau ra,
- 8 ka tuku ei i te vai ki roto. E akatu oki koe i te kezere e pini ua ake, e akauta oki i te paruru no te ngutupa
- 9 kezere ra. E rave oki koe i te manongi akatainu, ka akatainu ei i te sekene, e te au mea ravarai i roto ra; e akapera koe i te akatapu atu, e te au mea
- 10 ravarai no te reira, kia tapu ia. E e akatainu koe i te atarau tusia karakaratio, e te au mea ravarai no te reira, e akapera i te akatapu i taua atarau ra,
- 11 kia riro ei atarau tapu roa. E akatainu oki koe i te kiura e tona vaevae, e akapera koe i te akatapu i te reira.
- 12 Ka arataki ei koe ia Aaronā e tana au tamariki ki te ngutupa o te Are uipānga, ka orei ei ia ratou ki te vai.
- 13 Ka akakakau ei ia Aaronā ki te au kakau tapu, ka akatainu ei, e akapera koe i te akatapu iaia, kia rave aia i te
- 14 taoonga taunga iaku nei. E e arataki katoa koe i nga tamariki nana, ka aka-
- 15 kakau ei ia ratou ki te kitana. E akatainu oki koe ia ratou, mei tauu i akatainu i to ratou ra metua, kia rave ratou i te taoonga taunga iaku nei: ka riro tika oki to ratou akatainu angaia ei akairo no te taoonga taunga, e vao

tamouia ia ratou e ope ua ake to ratou au uki ra. Akapera atura oki a Mose: 16 te au mea ravarai ta Iehova i akaue mai kiaia ra, ko tana ia i rave.

Tei te marama mua, i te rua o te 17 mataiti, tei te *rā* mua o taua marama ra, i akatuia'i te sekene ki runga. E 18 akatu akerū Mose i te sekene, akamou iora i te au turanga, e akatu akera i te au tapaanga rakau, e momono akera i te au tea, e akatu akera oki i te au pou. E oora akera aia i te are ki rungao i te 19 sekene, e kua tuku akera oki i te tapoki are ki rungao roao; ta Iehova i akaue mai kia Mose ra.

Kua rave iora aia i *nga papa* kite ra, 20 kua tuku iora ki roto i te aruna; e momono akera nga ano ki roto i *nga tātai* o te aruna ra, e tuku atura i te tapoki ki rungao i te aruna. Kua apai 21 oki aia i te aruna ki roto i te sekene, e akauta akera i te paruru ki runga, ei arai, e arai atura i te aruna kite ra; ta Iehova i akaue mai kia Mose ra.

Tuku iora aia i te kaingakai ki roto 22 i te Are uipānga ra, i te pae o te sekene; i te pae i apatokerau ra, ki vao atu nei i te paruru ra. Akanoono 23 iora oki aia i te areto ki rungao, ma te akapapa marie, ki mua i te aroaro o Iehova; ta Iehova i akaue mai kia Mose ra. Tuku iora aia i te menure ki roto 24 i te Are uipānga, i te pae i apatonga o te sekene ra, aite akera ki te kaingakai ra. Tutungi iora aia i te lamepa ki 25 mua i te aroaro o Iehova; ta Iehova i akaue mai kia Mose ra. Tuku iora aia 26 i te atarau auro ki roto i te Are uipānga, ki mua atu i te paruru ra: E 27 kua tutungi iora aia i te tumiama kakara ki rungao ra; ta Iehova i akaue mai kia Mose ra.

28 E kua akauta akera aia i te paruru i 29 te ngutupa o te sekene ra. Kua tuku iora aia i te atarau tusia karakaratio, *ki mua atu* i te ngutupa sekene o te Are uipānga ra; ka apai ei aia i te tusia karakaratio, e te minaka ki rungao; ta Iehova i akaue mai kia Mose

30 ra. Kua tuku iora oki aia i te kiura i te va i te Are uipānga e te atarau ra, e kua tuku iora i te vai ki roto ei orei 31 anga; Kia orei a Mose e ko Aaron e tana au tamariki i to ratou rima e te 32 vaevae: Kia aere ratou ki roto i te Are uipānga ra, e kia aere oki ki te atarau ra, kua orei ia; ta Iehova i akaue mai kia Mose ra.

33 Kua akatu akera aia i te kezere i vao ake i te sekene, e te atarau e pini rava akera; e kua akauta akera i te paruru i te ngutupa o taua kezere ra. Kua oti takiri akera taua angaanga ra ia Mose.

34 E tapokiia iora to Are uipānga e tetai tumurangi, e ki akera te sekene i 35 te kakū no Iehova. Kare akera i tila ia Mose kia aere ki roto i te Are uipānga, no te mea te vai ra te tumurangi ki rungao, e kua ki oki te sekene i to kakū no Iehova.

36 E me peke taua tumurangi i runga i te sekene ra ki runga, kua aere te tamariki a Iseraela i to ratou katoa ra au

37 aerenga: Kia kore ra e peke taua tumurangi ra ki runga, kare ia ratou i aere, kia tae ra ki te rā i peke ei ra i

38 *aere ei*. E noo oki taua tumurangi no Iehova ra ki rungao i te sekene i te ao, e kia po, riro atura ei ai ki mua i te mata o te ngutuare ravarai o Iseraela, i to ratou katoa ra au aerenga.

TE BUKA TORU A MOSE RA,

LEVITIKU.

PENE I.

Te au ture no te tusia karakaratio, no te anana hōri, e no te anana mamoe, e no te manu.

KUA kapiki mairū Iehova kia Mose, 1 e kua tuatua maira kiaia i roto i

2 te Are uipānga. na ko maira, E tuatua ana koe ki te tamariki a Iseraela, e karanga atu koe kia ratou, Kia apai mai tetai tangata i o kotou i te korebana kia Iehova, no roto i te au puaka ra, ei korebana no roto i te hovi, e te mamoe, 3 ta kotou e apai mai. E tusia kara-

karatio tana korebana no roto i te bovi
ra, ei toa kino kore tana e apai mai: ei
te ngutupa o te Are uipānga e apai ei,
kia marekaia mai aia ki mua i te aroaro
o Iehova. E tuku oki aia i tona rima
ki runga i te mimiti o taua tusia ka-
rakaratio ra; e ka marekaia mai tana,
ei tapokiangaara nana. E nana e ta i
taua bovi ra ki mua i te aroaro o Ie-
hova: e na te au taunga, na te tamariki
a Aarona, e apai mai i te toto, ka pipi
ei i te toto na runga i te atarau, i vai-
tatao i te ngutupa o te Are uipānga, e
pini rava ake. E nana e oore i taua
tusia karakaratio ra, ka kotikoti ei i
tona au kotinga tikai. E na te au tam-
ariki a te taunga ra, a Aarona, e tuku
i te ai ki runga i te atarau, ka koroata
marie ei i te vaie ki runga i te ai: E na
te au tamariki a Aarona, na te au tau-
nga ra, e akanoo marie i taua au koti-
nga ra, i te mimiti, e te tongaua ra, ki
runga i te vaie, i runga i te ai, i runga
i te atarau ra: Kareka to roto ra, e nga
vaevae, e orei ia aia ki te vai; e na
te taunga e ta'u e kia pou takiri ki runga
i te atarau; e tusia karakaratio, e tusia
ai ia, ei mea aunga kakara na Iehova.

No te anana, no te mamoe, e te pua-
ka-nio, tana korebana e apai, ei tusia
karakaratio; ei toa kino kore tana e
apai. E nana e ta, i te pae o te atarau
ra, i te pae i apatokerau ra, ki mua i te
aroaro o Iehova: e na te au taunga, na
te au tamariki a Aarona, e pipi i te toto
ki runga i te atarau e pini ua ake. E
ka kotikotia i tona kotinga tikai, te
mimiti oki, e te tongaua: e na te tau-
nga e akanoo marie i te reira ki runga
i te vaie, i runga i te ai, i runga i te
atarau ra: Kareka to roto ra, e nga vae-
vae, e orei ia aia ki te vai; ka rave ei
te taunga i te au va'i katoa ra, ka ta'u
ei ki runga i te atarau ra: e tusia
karakaratio, e tusia ai ia, ei mea aunga
kakara na Iehova.

E manu tana korebana tusia kara-
ratio e apai na Iehova, ei kukupa tana
korebana kia apai, e kare ra, ei punua
rupe. E na te taunga e apai ki te ata-
rau ra, ka kikiini ei i te mimiti, ka ta'u ei
ki runga i te atarau; e akata'e oki aia i
te toto i te pae atarau ra: Ka kiriti oki
i te kopu ma te mea i roto ra, ka aka-
ruke ei i te pae atarau ra, i te vairanga
reu ra, i te pae i te itinga o te rū ra.
E ka va'i aia i taua manu ra ma te
peau katoa, anraka ra kia taka ke: e
na te taunga e ta'u ki runga i te vaie,
i runga i te ai, i runga i te atarau ra:
e tusia karakaratio, e tusia ai ia, ei mea
aunga kakara na Iehova.

PENE II.

No te mineka, e te popo, kiu apaiia ra.

- 1 **K**IA anoano te tangata i te apai i
te korebana mineka kia Iehova
ra, ei faraoa pueu tana korebana; e
riringi oki aia i te inu ki runga, e ka
2 tuku aia i te libano ki runga. E ka
apai aia i te reira ki te aronga taunga ra,
ki te au tamariki a Aarona ra: e e rave
aia i tetai manga faraoa e kia ki tona
rima, e tetai manga inu, e te libano
auraka kia toe; ka ta'u ei te taunga i
te reira ki runga i te atarau ei manako-
3 anga, e tusia ai ia, ei mea aunga kakara
na Iehova. E te toenga o taua mineka
ra, na Aarona ia e tana au tamariki: e
mea tapu roa ia no te au tusia ai a Ie-
hova ra.
- 4 E kia apai koe i te korebana mineka
i keua i te umu ra, ei areto faraoa
pueu akaopue koreia, i irokia ki te
inu, e kare ra, ei uefa akaopue kore i
5 tainuia ra. E e mineka *tumu uia* ki
runga i te auri tauu korebana, ei faraoa
pueu akaopue koreia, i irokia ki te
6 inu. E vava'i koe i te reira, ka riringi
ei i te inu ki runga: e mineka oki te
7 reira. E e mineka *tumu* farapaneaia
tauu korebana, ei faraoa pueu ia, e te
8 inu. E ka apai koe i te mineka i
peraia te rave kia Iehova ra, ka tuku ei
ki te taunga ra, e nana e apai ki te
9 atarau ra. E ka rave te taunga i tetai
va'i i taua mineka ra ei manakoanga,
ka ta'u ei ki runga i te atarau; e tusia
ai ia, ei mea aunga kakara na Iehova.
- 10 E te toenga o te mineka ra, na Aarona
ia e tana au tamariki: e mea tapu roa
ia no te au tusia ai na Iehova ra.
- 11 Auraka roa ei akaopue i to te au
mineka ravarai ta kotou e apai kia Ie-
hova ra: auraka rava oki kotou e ta'u
i te akaopue, e te meli, ei tusia ai na
12 Iehova. Kareka te korebana popo ra,
e tika ia kotou kia apai i te reira na
Iehova; kare ra te reira e ta'uia ki
runga i te atarau ei mea aunga kakara.
- 13 E akataitai katoa i te au korebana
mineka ravarai naau; auraka roa koe
e akangere i tauu au mineka i te tai o
te koreromotu a to Atua ra: ei tai rai
taau e apai i tauu au korebana ravarai.
- 14 E kia apai koe i te mineka popo na
Iehova ra, ei kaui sitona, i tamaroia i
te pae ai, ei sitona meitaki i mirimiri-
taau e apai ei mineka popo naau ra.
- 15 E tuku oki koe i te inu ki runga,
e akalibano katoa: e mineka oki te
16 reira. E ka ta'u te taunga i tetai va'i
i taua sitona i mirimiriia ra ei manako-

anga, e tetai manga inu, e te libano auraka kia toe: e tusia ai ia na Iehova.

PENE III.

E tusia au tana korebana, no roto i te bovi tana e rave, e te mamoe.

E TUSIA au tana korebana, e no roto i te bovi tana e apai; ei toa kino kore, e kare ra, ei ua *kino kore*, tana e apai ki mua i te aroaro o Iehova ra. E tuku oki aia i tona rima ki runga i te mimiti o taua korebana nana ra, e ka ta aia i te reira i te ngutupa o te Are uipānga ra: e na te au taunga ra, na te tamariki a Aarona, e pipi i te toto ki runga i te atarau e pini ua ake. E ka apai aia i te tongaua no runga i te ngakau ra, e te tongaua katoa no runga i te au mea i roto ra, ei tusia ai na Iehova, no roto i taua tusia au ra, E nga pukuatu ra, e te tongaua ki runga, i te io kaokao ra, e te ekaeka i runga i te ate ra; e kiritiia ia, e nga pukuatu katoa ra. E na te au tamariki a Aarona e ta'u i te reira ki runga i te atarau, ei runga i te tusia karakaratio, e *vaao* i runga i te vaie i runga i te ai; e tusia ai ia, ei mea aunga kakara, na Iehova.

E korebana no roto i te mamoe ra tana tusia au e *apai* kia Iehova ra; ei toa kino kore, e kare ra, ei ua *kino kore* tana e apai. E arenio tana e apai ei korebana nana, e apai aia i te reira ki mua i te aroaro o Iehova ra; E ka tuku aia i tona rima ki runga i te mimiti o tana ra korebana, e ka taia te reira ki mua i te Are uipānga: e na te au tamariki a Aarona e pipi i te toto ki runga i te atarau e pini ua ake. E ka apai aia i te iku matu katoatoa ra, ei te ope manu tikai kokoti ei; e te tongaua no runga i te ngakau ra, e te tongaua katoa no runga i te au mea i roto ra, ei tusia ai na Iehova, no roto i taua tusia au ra, E nga pukuatu ra, e te tongaua ki runga, i te io kaokao ra, e te ekaeka i runga i te ate ra; e kiritiia ia, e nga pukuatu katoa ra; E na te taunga e ta'u i te reira ki runga i te atarau; e kai ia no te tusia ai na Iehova.

E e puaka-nio tana korebana, e apai aia i te reira ki mua i te aroaro o Iehova; E ka tuku aia i tona rima ki runga i te mimiti, e ka taia te reira ki mua i te Are uipānga: e na te au tamariki a Aarona e pipi i te toto ki runga i te atarau e pini ua ake. E ka apai aia i te tongaua no runga i te ngakau ra, e te tongaua katoa no runga

i te au mea i roto ra, ei tusia ai na Iehova, no roto i taua korebana nana ra, E nga pukuatu ra, e te tongaua ki runga, i te io kaokao ra, e te ekaeka i runga i te ate ra; ka kiritiia ia, e nga pukuatu katoa ra. E na te taunga e ta'u i te reira ki runga i te atarau; e kai ia no te tusia ai ei mea aunga kakara: na Iehova anake te tongaua. E akonoanga tamou ia, e ope ua ake to kotou au uki ra, i to kotou au nooanga katoa, ko te matu, ma te toto, auraka rava kotou e kai.

PENE IV.

Te tusia akonoia no te ara kilea kore kia apaiia ra.

KUA tuatua mairā Iehova kia Mose, na ko maira, E tuatua ana koe ki te tamariki a Iseracla, e na ko atu, Kua ara tetai tangata i te kite kore i te au akauenga katoa a Iehova ra, kua rave i te au mea kare e tika kia rave ra; Ko te taunga i akamainuia ra tei rave i te ara, e kua arai te au tangata *iaia*; e apai mai aia i tetai bovi ou kino kore kia Iehova, ei tarangaara i tana ara i raveia e ia ra. E taki aia i taua bovi ra ki te ngutupa o te Are uipānga ki mua i te aroaro o Iehova; e tuku oki aia i tona rima ki runga i te mimiti o taua bovi ra, e ka taia tana bovi ra ki mua i te aroaro o Iehova. E na taua taunga i akamainuia ra e rave i tetai manga toto no taua bovi ra, ka apai ei ki roto i te Are uipānga ra: E na te taunga e tutou i tona ma! aorima ki roto i taua toto ra, ka pipi ei i te toto, e kia taki itu pipi anga, ki mua atu nei i te paruru i te ngai-tapu, ki mua i te aroaro o Iehova ra. E tuku oki te taunga i tetai manga i taua toto ra ki mua i te aroaro o Iehova, ki runga i nga tara o te atarau tumiama kakara, i roto i te Are uipānga ra; kareka te toto katoatoa o taua bovi ra, ka riringi aia i te reira ki te tumu o te atarau tusia karakaratio, i te ngutupa o te Are uipānga ra. Te tongaua katoa no taua bovi tarangaara ra e kiriti katoaia ia, te tongaua ki runga i te ngakau, e te tongaua katoa no runga i te au mea i roto ra, E nga pukuatu ra, e te tongaua ki runga, i te io kaokao ra, e te ekaeka i runga i te ate; ka kiritiia ia, e nga pukuatu katoa ra; Mei tei te bovi tusia au i kiritiia ra; e na te taunga e ta'u i te reira ki runga i te atarau tusia karakaratio ra. Kareka te kiri o taua bovi ra, e te kiko katoa, e te mimiti, e nga vaevae, e te ngakau, e

te repo, Taa bovi katoa ra oki, e apaiia 12
ia ki vao mai i te puakapa i te ngai
viivii kore ra, i te riringianga reu ra, ka
ta'u ei ki te ai i rungao i te vaie : ei te
ngai e riringiia'i te reu ra ka ta'ua'i.

E kua araiia te uipānga tamariki a 13
Iseraela katoa ra i te kite kore, e kare
te uipānga ra i kite, e kua rave i tetai
mea i akakoreia i te au akauenga katoa
a Iehova, e kua ara ; Kia kitea ra taua 14
ara i raveia e ratou ra, ei reira te uipā-
nga e apai ei i tetai bovi ou ei ta-
rangaara, e na ratou e taki ki mua i te
Are uipānga ra. E na te aronga 15
pakari o te uipānga e tuku i to ratou
rima ki runga i te mimiti o taua bovi
ra, ki mua i te aroaro o Iehova : e ka
taia taua bovi ra ki mua i te aroaro o 16
Iehova. E na te taunga i akamainuia
ra e apai i tetai manga toto no taua
bovi ra ki roto i te Are uipānga : E ka 17
tutou te taunga i tona maikao-rima ki
roto i taua toto ra, ka pipi ei, e kia taki
itu pipi anga, ki mua atu nei i te paru-
ru, ki mua i te aroaro o Iehova. E 18
tuku oki aia i tetai manga i taua toto
ra ki rungao i te au tara o te atarau i
mua i te aroaro o Iehova, i roto i te Are
uipānga ra, ka riringi ei i te toto katoa-
toa i te tumu o te atarau tusia kara-
karatio, i te ngutupa o te Are uipānga
ra. Ei reira aia e rave ei i te matu 19
katoa nona ra, ka ta'u ei ki runga i te
atarau ra. Kia okotai rai tu ko tana e 20
rave i taua bovi ra, e tana i rave i te
bovi tarangaara ra, e akapera katoa aia
i teia : na te taunga e apai i te tapoki-
angaara na ratou, e ka akakoreia ta ra-
tou ara. E ka apaiia taua bovi ra 21
vao mai i te puakapa, e ka ta'ua mei
tei muatangana ra bovi i ta'ua ra : ko
te tarangaara teia na te uipānga.

Kia araiia tetai kavana i te kite kore, e 22
kua rave i te mea e kore e tika ki te au
akauenga katoa a tona Atua ra a Iehova
kia rave, e kua ara ; Kia kite ra aia i taua 23
ara i raveia e ia ra ; ei reira aia e apai
mai ei i te korebana nana, ei puaka-nio,
ei toa kino kore ra. E tuku oki aia i 24
tona rima ki runga i te mimiti o taua
puaka-nio ra, e ka taia te reira i te ngai
ta ratou e ta i te tusia karakaratio ki
mua i te aroaro o Iehova ra ; e taranga-
ara oki te reira. E rave oki te taunga 25
i tetai manga i te toto o taua taranga-
ara ra ki runga i tona maikao-rima, ka
tuku ei ki rungao i nga tara i taua ata-
rau tusia karakaratio, ka riringi ei i te
toto ki te tumu o te atarau tusia ka-
rakaratio ra. E ta'u oki aia i te to- 26
ngaua katoa ki runga i te atarau, mei
te tongaua o te tusia au e ta'ua ra : na

te taunga e apai i te tapokiangaara nana
i tana ara, e ka akakoreia tana ara.

27 E kua araiia tetai o te au tangata
rikiriki ra i te kite kore, e kua rave i
tetai mea i akakoreia i te au akauenga
katoa a Iehova, e kua ara ; Kia kite ra 28
aia i taua ara i raveia e ia ra ; ei reira
aia e apai mai ei i te korebana nana, ei
puaka-nio, ei ua kino kore, no taua ara
i raveia e ia ra. E tuku oki aia i tona 29
rima ki runga i te mimiti o taua ta-
rangaara ra, e ka taia taua tarangaara
ra i te ngai i taia'i te tusia karakaratio
ra. E rave oki te taunga i tetai manga 30
i taua toto ra ki runga i tona maikao-
rima, ka tuku ei ki rungao i nga tara o
te atarau tusia karakaratio ra, ka riri-
ngi ei i te toto katoatoa i te tumu o te
atarau. E kiriti takiri oki aia i te to- 31
ngaua katoa, mei te tongaua o te tusia
au i kiritiia ra ; e na te taunga e ta'u
ki runga i te atarau, ei mea aunga ka-
kara na Iehova ; e na te taunga e apai i
te tapokiangaara nana, e ka akakoreia 32
tana ara. E kia apai mai aia i tetai
arenio ei tarangaara, ei ua kino kore
33 tana e apai mai. E tuku oki aia i tona
rima ki runga i te mimiti o taua taran-
gaara ra, e ka taia ei tarangaara, i te
ngai i taia'i te tusia karakaratio ra. E
34 rave oki te taunga i tetai manga i te
toto o taua tarangaara ra ki runga i
tona maikao-rima, ka tuku ei ki rungao
i nga tara o te atarau tusia karakaratio
ra, ka riringi ei i te toto katoatoa i te
35 tumu o te atarau. E kiriti takiri oki
aia i te tongaua katoa, mei te tongaua
o te arenio no te tusia au i kiritiia ra ;
e na te taunga e ta'u ki runga i te ata-
rau, e te au tusia ai katoa a Iehova ra :
e na te taunga e apai i te tapokiangaara
i tana ara i raveia e ia ra, e ka akako-
reia tana ara.

PENE V.

*Ko te apaiia no te ara ke ke e man-
ganui.*

1 **K**UA kite te tangata i te tuatua
taputou ra, e kua riro aia ei kite,
e kare aia e akakite i tana i akara e
tana oki i kite ra, kua ara ia aia, kua
2 apai i te ara ki runga iaia uaorai ; E
kua tukia tetai tangata i te mea viivii
ra, mei te terio viivii i mate ra, e te
puaka viivii i mate, e te mea viivii e
totoro aere ua i mate ra, e te ngaro ra
3 iaia, kua viivii ia aia, kua ara ; E kua
tukia tetai tangata i te mea viivii no
runga i te tangata nei, i te au mea vii-
vii katoa e viivii ei te tangata nei, e te
ngaro ra iaia ; kia kite ra aia, kua e ia

aia; E kua taputou ua ra tetai tangata, i 4
 te tuatua anga o *tona* vaa e, e rave i te
 kino, e e rave i te meitaki, i te au mea
 katoa e tuatua uaia e te tangata nei ma
 te taputou, e te ngaropoina ra taua mea
 ra iaia; kia kite ra aia e, kua ara aia i
 tetai i taua au mea ra; E kua riro aia 5
 ei tangata ara i tetai i taua au mea ra:
 e aaki aia i reira i taua ara i raveia e ia
 ra: E apai oki aia i tana tutakingaara
 i tana ara i raveia e ia kia Iehova ra, ei
 ua no roto i te anana, ei arenio, e kare
 ra, ei puaka-nio, ei tarangaara; e na te
 taunga e apai i te tapokiangara i taua
 ara nana ra. E kia kore e tika iaia kia 6
 apai mai i te arenio e te puaka-nio, ei
 kukupa tana e apai mai kia Iehova kia
 rua ake, e kare ra, kia rua ake punua
 rupe, no taua ara i raveia e ia ra; ei ta-
 rangara tetai, e ei tusia karakaratio
 tetai. E apai akera aia i aua nga *manu* 8
ra ki te taunga, e to te tarangaara ra
 tana e apai ana, ka kikiini aia i tona
 mimiti i te pae i mua i te kaki, auraka
 ra e momotu taka ke atu. E ka pipi 9
 aia i tetai manga toto i taua tarangaara
 ra ki rungao i te pae o te atarau ra; e
 te toenga o te toto ra e akata'e aia i te
reira i te tumu o te atarau ra: e ta-
 rangara oki te reira. E apai oki aia i 10
 tetai ei tusia karakaratio, mei te ako-
 noia ra: e na te taunga e apai i te tapo-
 kiangaara nana, i taua ara i raveia e ia
 ra, e ka akakoreia tana ara.

Kia kore ra e tika i taua *tangata* i 11
 rave i te ara ra kia apai mai i nga
 kukupa e rua, e nga punua rupe e rua
 ra, ei faraoa puen tana e apai mai i tana
 korebana, okotai omera, ei tarangaara;
 auraka ra aia e riringi i te inu ki run-
 gao, auraka katoa aia e akalibano;
 no te mea e tarangaara ia. Ka apai ei 12
 aia ki te taunga ra, e na te taunga e
 rave i tetai manga i tona rima e kia ki,
 ei manakoanga, ka ta'u ei ki rungao i te
 atarau, e te au tusia ai katoa a Iehova
 ra; e tarangaara oki te reira. E na te 13
 taunga e apai i te tapokiangara nana,
 i tetai i taua au ara i raveia e ia ra, e ka
 akakoreia tana ara: e *te toenga o tei*
apaia ra, na te taunga ia, mei tei te
 mineka katoa ra.

Kua tuatua mairā Iehova kia Mose, 14
 na ko maira, Kua rave tetai tangata i
 te ara, no te kite kore i ara ai, i te au
 mea tapu a Iehova ra; ei rama kino
 kore no roto i te anana tei tau ia koe i
 te meitaki, e *kare ra*, ei puke sekela
 ario i te sekela no te ngai-tapu ei tu-
 takingaara, tana e apai kia Iehova ei
 tutakingaara: E taua kino i raveia e ia 16
 i te au mea tapu ra, ei tutaki taua e

apai mai, e e kapiti rai oki i tetai tua-
 nga rima, ka apai ei ki te taunga ra;
 e na te taunga e apai i te tapokiangara
 nana, i taua rama tutakingaara ra, e ka
 akakoreia tana ara.

17 Kua ara tetai tangata ra, kua rave i
 tetai mea i akakoreia e te au akauenga
 katoa a Iehova; kare ua rai aia i kite,
 kua ara rai aia, e kua apai aia i tana
 18 uarai ara: Ei rama kino kore no roto
 i te anana tei tau ia koe i te meitaki ra,
 tana e apai ki te taunga ra, ei tutaki-
 ngara; e na te taunga e apai i te tapo-
 kiangaara nana i taua ara tana i rave
 ma te kite kore ra, e ka akakoreia tana
 19 ara. Ko te tutakingaara teia: kua
 ara tika oki aia ia Iehova ra.

PENE VI.

*Te tutakingaara no te ara i raveia ma
 te kite ra, nga ture no te au tusia, e te
 ka apaia i te akatapu anga taunga
 ra.*

1 **K**UA tuatua mairā Iehova kia Mose,
 2 na ko maira, Kua rave tetai tan-
 gata i te ara, e kua ara aia ia Iehova,
 koia i pikikaa i tona ra tangata tupu, i
 te apinga i tukua atu *kinia*, e kare ra, i
 vaoia i *tona* rima, e kare ra, i te apinga
 aōia, e kare ra, i te takinga-kino i tona
 3 tangata tupu; E te apinga ngaro
 i kitea e ia, e kua pikikaa oki aia i te
 reira, e te taputou pikikaa ua, i te au
 mea katoa i raveia e te tangata nei, e
 4 arai iora i te reira; Kua rave i te ara,
 e kua arai: e akaoki aia i tana i aō ra,
 e tei rauka iaia i te takinga-kino ra, e
 te tukua mai kinia ei tiaki, e te apinga
 5 ngaro i kitea e ia ra, E taua mea katoa
 tana i taputou pikikaa ua ra: e akaoki
 aia i taua apinga tikai ra, e kapiti atu
 rai aia i tetai tuanga rima, ka apai atu
 ei ki te tangata nana tikai taua *apinga*
 ra, i te rā e apaia'i te tutakingaara nana
 6 ra. Ei rama kino kore, e tei tau ia koe
 i te meitaki, no roto i te anana, ko
 tana ia tutakingaara e apai ki te taunga
 7 ra, ei tutakingaara na Iehova: E na te
 taunga e apai i te tapokiangara nana
 ki mua i te aroaro o Iehova; e ka aka-
 koreia tana ara i te au mea katoa tana
 i rave, i ara ai aia ra.

8 E kua tuatua mairā Iehova kia
 9 Mose, na ko maira, E karanga atu koe
 kia Aarona e nga tamariki nana, e na
 ko atu koe, Teia te ture no te tusia
 karakaratio: E vaoa ua te tusia kara-
 karatio, kia ka ua ana ki rungao i te
 atarau e ao ua ake te po, e ka tutungia
 taua ai ra i te atarau kia ka ki rungao.
 10 E ka kakau te taunga i tona kakau

vavai, e ka aao i te piripou vavai ki rungao i tona kopapa, ka rave ei i te reu no te tusia karakaratio i pou i te ai ki runga i te atarau ra, e ka tuku ei ki te pae o taua atarau ra. Ei reira aia e 11 kiriti ei i taua kakau nona ra, ka aao ei i te kakau ke, ka apai ei i taua reu ra ki te ngai viivii kore ki vao mai i te puakapa ra. E tungia taua ai ki 12 runga i te atarau ra, kia ka ki rungao; kare rava e tamatea: e na te taunga e ta'u i te vaie ki rungao, i te au popongi ravarai ra, e akanoo marie ei i te tusia karakaratio ki rungao; e nana oki e ta'u i te tongaua no te au tusia au ki rungao. Ka tamouia taua ai ki runga 13 i te atarau ra kia ka ua ana; kare rava e tamatea.

Teia oki te ture no te mineka: Na 14 te tamariki a Aarona e apai kia Iehova ra, ki mua atu i te atarau ra. E rave 15 oki aia i taua faraoa mineka ra, e kia ki tona rima, e tetai manga o te inu, e te libano katoa i rungao i taua mineka ra, ka ta'u ei ki runga i te atarau, ei unakoanga, ei mea aunga kakara na Iehova. E te toenga ra, na Aarona e 16 na tana au tamariki e kai; e kai ua ma te akaopue kore i roto i tetai ngai tapu; ei roto i te kezere o te Are uipanga ratou kai ei. Aunaka kia keua ma te 17 akaopue; e mea orongaia e au ei taunga na ratou i taku nei au tusia ai ra; e mea tapu roa ia, mei te tarangaara, e mei te tutakingaara. Ka kai te au 18 tamaroa ravarai no te au tamariki a Aarona i te reira. Ei akonoanga mou te reira no te au tusia ai na Iehova, e ope ua ake to kotou na au uki: ei aronga tapu anake oki te tukia ua atu i te reira.

E kua tuatua mairā Iehova kia Mose, 19 na ko maira, Teia ta Aarona korebuna, 20 e ta te au tamariki nana, ta ratou e apai kia Iehova, kia tac ki te rā e akamainuia i aia; okotai omera faraoa pueu ei mineka tamou, e tai pae i te popongi, e tai pae oki i te aia. Ei runga i te 21 auri tunuia i ma te inu; kia oti i te tunuia, ka apai ei ki roto, kia kotikotia ra, e apaiia i ei mineka ei mea aunga kakara na Iehova. E na te ta- 22 maiti nana, na tei akamainuia ei taunga ei tupau iaia ra, e apai i te reira: e akonoanga tamou ia na Iehova; e ta'u katoatoaia ia. Te au mineka katoa a 23 te taunga ra ka ta'u takiri roaia ia ki te ai; kare rava e keingaia.

Kua tuatua maira oki a Iehova kia 24 Mose, na ko maira, E karanga atu kia 25 Aarona e tana ra au tamariki, e na ko atu, Teia te ture no te tarangaara:

Ei te ngai i taia i te tusia karakaratio ra, ei reira te tarangaara e taia i ki mua i te aroaro o Iehova: e mea tapu roa 26 ia. Na te taunga i apai i te tarangaara e kai; ei tetai ngai tapu ka kai ei, ei roto i te kezere o te Are uipanga ra. 27 Ko te tukia ua atu i te kiko o te reira ra e tapu ia; e kia topatia uaia tetai kakau i to reira toto, e oreia taua va'i i topatia ra i roto i tetai ngai tapu ra. 28 E te ariki one i tunuia i ra, ka akangaa-ngaia ia; kareka kia tunuia i te pani vea ra, e ukiia taua pani ra, e ka oreia 29 ki te vai. Te au tane roara no roto i i te kau taunga ra, ka kai ia ratou: e 30 mea tapu roa te reira. Te au tarangaara ravarai, tei apaiia tetai pae toto ki roto i te Are uipanga, ei tapokiangaara, kare rava ia e keingaia: i roto i te ngai-tapu ra, e ta'uia ia te reira ki te ai.

PENE VII.

Te ture no te tutakingaara, e no te tusia au, kia apai kia Iehova ra.

1 **TEIA** oki te ture no te tutakingaara: 2 e mea tapu roa ia. Ei te ngai ta ratou e ta i te tusia karakaratio ra, ei reira ratou e ta ai i te tutakingaara; e ka pipiia te toto ki rungao i te atarau e 3 pini ua ake. Ka apai aia i te matu katoa i te reira; te iku ra, e te matu i 4 rungao i te au mea i roto ra, E nga pukuatu ra, e te tongaua ki rungao, i te io kaokao ra, e te ekaeka i rungao i te ate ra; ma nga pukuatu katoa, ka 5 kiritiia ia: E na te taunga e ta'u ki runga i te atarau ra, ei tusia ai na Ie- 6 hova: e tutakingaara oki te reira. E kai te au tane katoa no roto i te kau taunga i te reira: ei roto ra i tetai ngai 7 tapu ra kai ei: e mea tapu roa ia. Mei te tarangaara ra, koia katoa te tutaki-ngaara; okotai rai ia ture to te reira: na te taunga te reira, na tei apai i te 8 reira ei tapokiangaara. E te taunga e apai i ta te tangata katoa ra tusia karakaratio, ko te kiri ra o taua tusia karakaratio ra tana i apai ra, na te taunga 9 orai ia. E te au mineka katoa i taoniaia ki te umu ra, e tei tunuia i roto i te faraipane, e ki runga i te auri, na te 10 taunga ia na tei apai ra. E te au mineka katoa i irokia ki te inu, e te mea marō katoa, na te au tamariki ravarai ia a Aarona, e kia aite katoa ratou.

11 Teia oki te ture no te tusia au, ta te 12 tangata e apai kia Iehova ra. Ei akameitaki i apai ei aia i te reira ra, e apai aia i te areto rikiriki akaopue koreia e taua tusia akameitaki katoa ra, i iro-

kia ki te inu ra, e te uefa akaopue
koreia i tainuia ki te inu ra, e te areto
faraoa pueu tamarōia, i irokia ki te
inu. Ko taua au areto ra, e te areto 13
akaopue katoa tana e apai ei korebana
nana, e te tusia au akameitaki katoa
nana ra. E tatakī tai aia i te apai na 14
Ichova i taua au mea katoa i taua kore-
bana ra, ei terume: na te taunga *oki* te
reira, na tei pipi i te toto o te tusia au
ra. E te kiko o te tusia au akamei- 15
taki ra, ei taua rā i apaiia i ra ka kai ei;
auraka roa ei māngā mea ngiti e vaoia
ki te popongi. E tia taua tusia tana e 16
apai ra, e e mea apai ua, ei taua rā ra i
apai ei aia i tana tusia ka kai ei: e tika
ra kia kai i te toenga ki te popongi:
Kareka te manga e toe i te kiko o taua 17
tusie ra kia tae ki te po toru ra, e ta'ua
ia ki te ai. E kia kai uaia tetai manga 18
i te kiko o taua tusia au nana ra i te
po toru, kare e ārikiia, kare oki e ako-
noia i te tusia nana na tei apai mai: e
riro ra ei mea viivii, e te tangata i kai
ra ei runga iaia uaoari tana ara. Ko te 19
kiko i tukia i te mea viivii ra, kare ia
e kaingaia; ka ta'ua ia ki te ai: kare-
ka te kiko tusia ra, ka kai te aronga
viivii kore katoa i te reira. Kareka te 20
tangata i kai i te kiko o te tusia au na
Ichova ra, na te viivii katoa ki runga
iaia ra, e tipu keia ia tangata i tona
uaoari iti-tangata. E te tangata i aka- 21
tukia i te mea viivii ra, mei te viivii o
te tangata ra, e te puaka viivii, e te mea
viivii kino roa ra, ka kai ei i te kiko o
te tusia au na Ichova ra, e tipu keia ia
tangata i tona uaoari iti-tangata.

E kua tuatua mairā Ichova kia Mose, 22
na ko maira, E karanga atu koe ki te
tamariki a Iseraela, e na ko atu, Aua- 23
ka roa kotou e kai i te tongaua, i to te
bovi, e to te mamoe, e to te puaka-nio.
E te tongaua no te puaka mate ua, e te 24
tongaua no tei etietia e te terio ra, e
tika kia rave no tetai mea ke; auraka
roa ra kotou e kai. Ko tei kai oki i te 25
tongaua o te puaka, e apaiia ei tusia ai
na Ichova ra, ko taua tangata i kai i te
reira ra, ka tipu keia ia i tona iti-ta-
ngata. Auraka katoa kotou e kai i te 26
toto, i to te manu, e to te puaka, i to
kotou au nooanga ravarai. Ko tei kai 27
i te toto ra, ka tipu keia te reira tangata
i tona iti-tangata.

Kua tuatua maira oki a Ichova kia 28
Mose, na ko maira, E karanga atu koe
ki te tamariki a Iseraela, na ko atu, Ko
te apai i tana tusia au kia Ichova ra,
aia uaoari te apai i te korebana no tana
tusie au na Ichova ra. Na tona uaoari 30
rima e apai i te tusia ai na Ichova, ko

te tongaua e te uma, tana ia ka apai, ko
te uma, kia rurua ki mua i te aroaro o
31 Ichova ei tenupe. E na te taunga e
ta'u i te tongaua ki runga i te atarau
ra: kareka te uma, na Aaronā ia e tana
32 au tamariki. E te ua mua katau no
ta kotou au tusia au ra, e apai kotou i
33 te reira na te taunga ei terume. To te
tamariki a Aaronā, tei apai i te toto e
te tongaua no te au tusia au ra, nana
34 taua ua mua katau ra ei tuanga. Kua
rave oki au i te uma i rurua, e te ua
mua i apaiia ki runga, no te au tusia au
a te tamariki a Iseraela, e kua oronga
au i te reira na te taunga ra na Aaronā,
e na tana au tamariki, ei peu vaoa ta-
mouia i roto i te tamariki a Iseraela ra.
35 Ko ta Aaronā teia tuanga i tona aka-
tainu angaia, e te akatainu angaia o
tana au tamariki, no roto i te au tusia
ai a Ichova, i te rā i akonoia'i ratou e
36 rave i te taonga taunga ia Ichova; I
ta Ichova i akaue e na te tamariki a
Iseraela e apai na ratou, i te rā i aka-
mainuia'i ratou ra; ei akonoanga tam-
oun e ope ua ake to ratou au uki ra.
37 Ko te ture teia no te tusia karaka-
ratio, no te minaka, e no te tarangaara,
e no te tutakingaara, e no te akatao-
38 nga, e no te tusia au ra; Ta Ichova i
akaue mai kia Mose i te maunga ra i
Sinai, i te rā i akaue ei aia i te tamari-
ki a Iseraela e apai i ta ratou au kore-
bana kia Ichova ra, i te medebara ra o
Sinai.

PENE VIII.

*Ko Aaronā na nga tamariki ana ra i
te akataonga angaia e Mose ra.*

1 **K**UA tuatua mairā Ichova kia
2 Mose, na ko maira, Ka rave ia
Aaronā, e tana katoa ra au tamariki,
e te au kakau ra, e te manongi akatainu
ra, e te bovi no te tarangaara, e nga
rama e rua, e te kete areto akaopue
3 koreia ra; Ka akaputupu ei i te
uipānga katoa ki te ngutupa o te Are
4 uipānga ra. Kua akapera oki a Mose
i ta Ichova i akaue mai kiaia ra; e kua
putuputu maira te uipānga i te ngu-
5 tupa o te Are uipānga ra. Kua kara-
nga aturā Mose ki taua uipānga ra,
Teia te mea ta Ichova i akaue mai e
6 rave. Kua arataki mairā Mose ia
Aaronā e tana au tamariki, e kua orei
7 ia ratou ki te vai. E kua tuku atura
aia i te kitana ki runga iaia, e kua tatua
atura iaia ki te tatua, e kua akakakau
atura iaia ki te moili, e kua tuku akera i
te ephoda ki rungao, topiri atura i te rei-
ra ki te tatua manea o te ephoda, tākai

iora ki reira. E kua tuku atura i te kesene ki runga iaia: e kua tuku atura i te Urima, e te Tumina ki rungao i te kesene. Kua tuku atura aia i te pare tu ke ki runga i tona mimiti; e kua tuku atura i te tarae auro ra, i te pae ki mua i te korona tapu ki runga i taua pare tu ke ra; i ta Iehova i akaue mai kia Mose ra. Kua rave iorā Mose i te manongi akatainu ra, kua akatainu iora i te kesene, e te au mea katoa i roto ra, e tapu atura ia. E kua pipi atura aia i te atarau i taua *manongi* ra, e ka itu akera pipi anga, e kua akatainu atura i taua atarau ra, e te au mea katoa no te reira, e te kiura e tona vaevae, ei akatapu anga atu. Kua riringi atura aia i taua manongi akatainu ra ki rungao i te mimiti o Aaronā, akatainu atura iaia, kia tapu aia. E kua arataki mairā Mose i nga tamariki a Aaronā, e kua akakakau atura ia ratou ki te kitana, e kua tatua atura ki te tatua, e kua tuku atura i te pare ki runga ia ratou; i ta Iehova i akaue mai kia Mose ra.

Kua taki maira aia i reira i te bovi ei tarangaara: e kua tuku iorā Aaronā, e tana au tamariki, i to ratou rima ki runga i te mimiti o taua bovi tarangaara ra. E ta atura aia i te *reira*; kua rave iorā Mose i te toto, e kua tuku akera ki rungao i te au tara o taua atarau ra i tona maikao-rima e pini ua ake, mā atura taua atarau ra, e kua riringi iora aia i te toto i te tumu o taua atarau ra, tapu atura te reira, ei apai anga i te tapokiangara ki rungao. Kua rave iora aia i te tongaua katoa no runga i te au mea i roto ra, e te ekaeka i te ate ra, e nga pukuatu ra, e to reira oki tongaua, e kua ta'u aturā Mose i te reira ki rungao i te atarau ra. Kareka te bovi ra, e te kiri, e te kiko, e te repo ra, i ta'ua ia ki te ai ki vao mai i te puakapa ra, i ta Iehova i akaue mai kia Mose ra.

Kua taki maira aia i te rama no te tusia karakaratio: e kua tuku iorā Aaronā, e tana au tamariki, i to ratou rima ki runga i te mimiti o taua rama ra. E ta atura aia i te *reira*; e kua pipi aturā Mose i te toto ki rungao i te atarau e pini ua ake: E kotikotia iora taua rama ra; e kua ta'u iorā Mose i te mimiti, e tana au kotinga ra, e te tongaua. E oreia iora te ngakau e nga vaevae ra ki te vai, e kua ta'u aturā Mose i taua rama katoa ra ki rungao i te atarau: ei tusia karakaratio, ei mea aunga kakara, ei tusia ni oki na Iehova; i ta Iehova i akaue mai kia Mose ra.

Kua taki maira aia i tetai rama, i te rama akataoonga ra; e kua tuku iorā Aaronā, e tana au tamariki, i to ratou rima ki runga i te mimiti o taua rama ra. E oti akera i te taia, kua rave iorā Mose i tetai manga o te toto, e kua tuku atura ki runga i te tapa o te taringa katau o Aaronā, ki runga katoa i te maikao maata o tona rima katau, e ki runga i te maikao maata o tona vaevae katau ra. E kua arataki mai i nga tamariki a Aaronā i vaiata, kua tuku aturā Mose i tetai manga toto ki rungao i to ratou au taringa katau, ki runga katoa i te maikao maata o to ratou au rima katau, e ki runga i te maikao maata o to ratou au vaevae katau ra; e kua pipi aturā Mose i te toto ki rungao i te atarau e pini ua ake. Kua rave iora aia i te matu, e te iku ra, e te tongaua katoa ki rungao i te au mea i roto ra, e te ekaeka i te ate ra, e nga pukuatu, e to reira tongaua, e te ua mua katau ra: Kua rave iora aia i tetai areto akaopue koreia ra, e tetai areto tuinuia, e tetai uefa, i roto i te kete areto akaopue koreia i mua i te aroaro o Iehova ra, kua tuku iora ki rungao i te tongaua, e ki rungao i te ua mua katau ra: Kua tuku katoa atura i te reira ki roto i te rima o Aaronā, e ki roto i te rima o tana au tamariki, kia ruru ratou i te reira ei tenupe ki mua i te aroaro o Iehova. Kua rave akera Mose i taua au mea ra i roto i to ratou rima, e kua ta'u atura, e te tusia karakaratio katoa ra, ki rungao i te atarau: e au mea akataoonga oki te reira, ei mea aunga kakara: ei tusia ai oki na Iehova. Kareka te uma ra, na Mose ia i rave, e kua ruru ei tenupe ki mua i te aroaro o Iehova; ko ta Mose ia tuanga te reira i taua rama akataoonga ra: i ta Iehova i akaue mai kia Mose ra. Kua rave iorā Mose i te manongi tauu ra, e te toto i runga i te atarau ra, kua pipi atura ki runga ia Aaronā, e ki runga i tona au kakau, e ki runga i tana au tamariki, e ki runga katoa i te au kakau o tana au tamariki ra; e tapu aturā Aaronā, e tona au kakau, e tana au tamariki, e te au kakau o tana katoa ra au tamariki.

Kua karanga aturā Mose kia Aaronā e te au tamariki nama ra, Ka tunu i te kiko i te ngutupa o te Are uipāngara; e ei reira kai ei e te areto ra i roto i te kete kai akataoonga ra, i taku i akaue ra, ka na ko ei ra e, Na Aaronā e tana au tamariki e kai. E te toenga o taua kiko ra e te areto, e ta'u kotou i te reira

ki te ai. E auraka roa kotou e aka- 33
ruke i te ngutupa o te Are uipunga e
kia itu ua atu te ra, kia ope oki te au
ra akataoonga anga ia kotou: kia po itu
oki kotou i te akataoonga anga. Mei 34
tei raveia i tcianei ra, ko ta Iehova ia i
akaue mai e rave rai, ei tapokiangaara
na kotou. E tika'i ia kotou kia noo i 35
te ngutupa o te Are uipunga i te po
e te ao, e kia po itu, ei akono marie
anga i te ikuiku a Iehova, kia kore oki
kotou e mate, ko tei akaueia mai oki ia
kiaku nei. Kua rave iora oki a 36
Aarona e taua au tamariki i te au
mea katoa ta Iehova i akaue mai ia
Mose.

PENE IX.

*Te tarangaara e te tusia karakaratio na
Aarona e te tangata katoa; kua ka te
tusiu i te ai no ko ia Iehova.*

E TAE akera ki te po varu ra, kua 1
kapiki aturu Mose kia Aarona, e
taua au tamariki, e te aronga pakari o
Iseraela ra; Kua karanga atura aia kia
Aarona, Ka rave koe i tetai kafa ou ei
tarangaara, e tetai rama ei tusia kara-
karatio, auraka ei kino, ka apai ei ki
mua i te aroaro o Iehova. E karanga
atu oki koe ki te tamariki a Iseraela, e
na ko atu, E rave kotou i tetai puaka-
nio ei tarangaara; e tetai kafa ma tetai
arenio mataiti okotai, e te kino kore, ei
tusiu karakaratio; E tetai bovi, e tetai
rama, ei tusia au ki mua i te aroaro o
Iehova; e tetai mineka irokia ki te
inu; akonei oki a Iehova e mama mai
ei kia kotou na.

Kua apai maira oki ratou i ta Mose i
akaue maira ki mua i te Are uipunga:
kua aere maira taua uipunga katoa ra
i vaitata, e tu iora ki mua i te aroaro o
Iehova. E kua karanga aturu Mose,
Teia ta Iehova i akaue mai, e rave
kotou, kia mama mai te kakā o Iehova
ra kia kotou. E kua karanga aturu
Mose kia Aarona, E aere koe ki te
atarau ra, ka apai ei i te tarangaara
naau, e te tusia karakaratio naau, ka
tapoki ei i taua ara, e ta te tangata ka-
toa oki: e apai oki i te korebana na te
au tangata, ka tapoki ei i ta ratou ara;
i ta Iehova i akaue maira.

Aere aturu Aarona ki te atarau ra; e
oti akera te kafa no taua uarai taran-
gaara i te taia, Kua apai maira te ta-
mariki a Aarona i te toto kiaia ra; kua
tutou iora aia i tona maikao-rima ki
roto i taua toto ra, e kua tuku atura ki
runga i te au tara o te atarau, kua
riringi iora i te toto i te tumu o taua

10 atarau ra: Kareka te tongaua, e nga
pukuatu, e te ekaeka i rungao i te ate
o te tarangaara ra, kua ta'u aia i te reira
ki runga i te atarau; i ta Iehova i
11 akaue mai kia Mose ra: E kua ta'u aia
i te kiko e te kiri ki te ai, ki vao mai i
12 te puakapa ra. E oti akera te tusia ka-
rakaratio i te taia, kua apai maira te au
tamariki a Aarona i te toto kiaia ra, e
kua pipi atura aia i te reira ki rungao i
13 te atarau e pini ua ake. E kua apai
maira ratou i te tusia karakaratio kiaia
ra, e nga kotinga, e te mimiti; e kua
ta'u aia i te reira ki rungao i te atarau.
14 E oti akera te ngakau e nga vaevae i te
oreia, kua ta'u katoa atura aia i te
reira, ma te tusia karakaratio katoa ra,
ki rungao i te atarau ra.
15 Kua apai maira aia i te korebana a
te au tangata ra: e kua rave iora i te
puaka-nio tarangaara na te au tangata
ra; e oti akera i te taia, kua apai atura
ei tarangaara, mei tei muatangana ra.
16 E kua apai maira aia i te tusia kara-
karatio, e kua apai oki i te reira mei tei
17 akonoia ra. E kua apai maira aia i te
mineka, kua rave iora i tetai manga i
tona rima e ki akera, ta'u atura ki
runga i te atarau, e te tusia karakaratio
18 katoa no taua popongi ra. E oti akera
te bovi e te rama no te tusia au, na te
au tangata ra, i te taia, kua apai maira te
tamariki a Aarona i te toto kiaia ra, e
kua pipi aia i te reira ki rungao i te
19 atarau e pini ua ake. Kareka te ton-
gaua o te bovi, e to te rama, e te iku
e te tongaua no runga i te au mea i roto
ra, e nga pukuatu, e te ekaeka i te ate
ra: Tuku akera ratou i taua tongaua ra
20 ki rungao i nga uma, ta'u atura oki aia
i te tongaua ki rungao i te atarau ra:
21 Kareka nga uma ra, e te ua mua katau
ra, kua ruru iora Aarona i te reira ei
tenupe ki mua i te aroaro o Iehova; i
ta Mose i akaue mai.
22 Kua akatikā Aarona i tona rima ki te
au tangata ra, kua akaora atura ia ratou,
e kua aere maira ki raro kia oti ake te ta-
rangaara, e te tusia karakaratio, e te tusia
23 au, i te apaiia e ia ra. E aere aturu Mose
raua ko Aarona ki roto i te Are uipunga,
e kua aere maira ki vao, e kua akaora i te
au tangata ra; e kua kitea maira te
kakā o Iehova e te au tangata ravarai.
24 Kua puroro maira te ai no ko mai ia
Iehova ra, e pou takiri rava akera te
tusiu karakaratio, e te tongaua, ki
runga i te atarau ra; e kite akera te
au tangata ravarai, kua maeva
iora, e kua tipapa ki raro to ratou
mata.

PENE X.

*Ko Nadaba raua ko Abihu i te mate
anga i te ai: te ture no te kai anga i
te au mea tapu.*

KUA rave iora nga tamariki a 1
Aaron, ko Nadaba raua ko
Abihu, i te mekete tetai e tetai, e kua
tuku iora i te ai ki rungao, e kua tuku
iora i te tumiama ki rungao, e kua apai
atura i te ai noa ra ki mua i te aroaro
o Iehova, i tei kore i akaueia mai e ia.
Kua puroro maira te ai no ko mai ia 2
Iehova ra, pou takiri iora raua, e mate
iora raua ki mua i te aroaro o Iehova
ra. Kua karanga aturū Mose kia 3
Aaron, Ko ta Iehova teia i tuatua
maira, ka na ko mai ei ra e, Ka aka-
tapuia au e te aronga e akavaifata mai
kiuau ra, e ka akakakūia au ki mua i te
aroaro o te tangata katootoa ra. Te
muteki ua rā Aaron. Kua karanga 4
aturū Mose kia Misaela raua ko Eliza-
pana, i nga tamariki a te metua o Aa-
rona ra ko Uziela, na ko atura kia raua,
Ka aere mai ana, e apai i to korua taea-
ke i mua i te ngai-tapu nei ki vao mai
i te puakapa. Kua aere atura raua i 5
vitata, kua apai atura ia raua ki vao
mai i te puakapa i roto i to raua kitana;
i ta Mose i tuatua maira.

Kua karanga aturū Mose kia Aaron, 6
e kia Eleazara, e kia Itamara, i nga
tamariki ana ra, Auraka e kiritiia to
kotou pare, auraka oki e aeae i to kotou
kakau; ka mate aea kotou, e ka rokoia
katonia aea te au tangata ravarai nei e
te riri: na to kotou ai tacake ra, na te
ngutuare katoa o Iseraela, e aue i
teianei ai i ka, ta Iehova i tutungi nei.
Auraka ra kotou e aere ki vao i te 7
ngutupa o te Are uipānga, ka mate
aea kotou: tei rungao oki ia kotou te
manongi akatainu a Iehova ra. Kua
akapera oki ratou i ta Mose i tuatua
maira.

Kua tuatua mairā Iehova kia Aaron, 8
na ko maira, Auraka ei vina e te kava
kona e inumia e koe, e tauu tamariki
katona, kia aere kotou ki roto i te Are
uipānga ra, ka mate aea kotou: ei
akonoanga mou ia e ope ua ake to
kotou au uki ra; Kia taka ia kotou te 10
mea tapu e te mea tapu kore, e te mea
viivii e te mea viivii kore; E kia apii 11
kotou i te tamariki a Iseraela i te au
akonoanga ravarai ta Iehova i tuatua
mai kia ratou ia Mose ra.

Kua karanga aturū Mose kia Aaron, 12
e kia Eleazara, e kia Itamara, ki nga
tamariki toe nana ra, Ka rave i te

mineka i tei toe i te au tusia ai a Ie-
hova ra, ka kai ei ma te akaopue kore
i te pae atarau ra; e mea tapu roa oki ia
13 te reira: Ei roto i tetai ngai tapu
kotou kai ei, no te mea ko tauu ia tua-
nga i akonoia, e te tuanga na tauu
tamariki i akonoia, no te au tusia ai a
Iehova ra: kua akaueia mai oki au nei.
14 E te uma i ruruia ra, e te ua mua i
apaiia ki runga ra, ka kai kotou i te
reira i tetai ngai viivii kore; ko koe, e
tauu au tamariki tamaroa, e te au ta-
maine katoa naau; ko tauu ia tuanga i
akonoia, e te tuanga i akonoia na tauu
au tamariki, i akatakaia no roto i te au
15 tusia au a te tamariki a Iseraela. Ko
te ua mua i apaiia ki runga ra, e te uma
i ruruia ra, e te au tusia ai, te tongaua
ra, ta ratou e apai mai e ruru ei tenupe
ki mua i te aroaro o Iehova; naau ia,
e na tauu tamariki katoa, ei mea akono
tamouia ia; i ta Iehova i akaue maira.
16 Kua kimi matatio rā Mose i te
puaka-nio tarangaara, e i na, kua ka i te
ai: e riri akera aia ia Eleazara raua
ko Itamara, i nga tamariki toe a Aa-
17 rona ra, e kua karanga atura aia, Eaa
i kore ei kotou i kai i te tarangaara ki
roto i te ngai tapu ra, e mea tapu roa
oki te reira, e mea orongaia mai oki na
kotou kia maranga ia kotou te ara a te
uipānga, kia apai kotou i te tapoki-
angaara na ratou ki mua i te aroaro o
18 Iehova ra? I na, kare to reira toto i
apaiia ki roto i te ngai-tapu ra; e kai
oki kotou e tika i roto i te ngai-tapu
19 ra, taku i karanga atu na. Kua tuatua
mairā Aaron kia Mose, I na, kua
apai ratou i ta ratou tarangaara i teia-
nei rā, e ta ratou tusia karakaratio,
ki mua i te aroaro o Iehova: e kua
rokoia mai au e teianei mea: naringa
au i kai i taua tarangaara nei i teianei
rā, ka riro aina ei mea tauu kia Iehova
20 ra? E kite akērū Mose i te reira,
maru atura aia.

PENE XI.

*Te au mea e tika kia kvingua, e te au
mea e kore e tika kia kvingua.*

KUA tuatua mairā Iehova kia
Mose raua ko Aaron, na
2 ko maira kia raua, E karanga atu
ki te tamariki a Iseraela, e na ko
atu, Teia ta kotou au puaka e kai
no te au puaka ravarai o te enua nei.
3 To te au puaka katoa i ngaa te mai-
kuku ra, e tei va'ia ra te tapuae, e tei
tamaru i te kai ra, e kai ia kotou.
4 Kareka ko tei tamaru ua i te kai ra, e
tei ngaa ua te maikuku ra, auraka ia

kotou e kai : *mei* te kamela, e tamaru rai oki aia i te kai, kare ra ona maikuku i ngaa; ei mea viivii ia ia kotou : E te saphana, e tamaru rai oki aia i te kai, kare ra ona maikuku i ngaa; ei mea viivii ia ia kotou : E te aranebeta, e tamaru rai oki aia i te kai, kare ra ona maikuku i ngaa; ei mea viivii ia ia kotou : E te puaka-maori, e maikuku ngaa rai oki tona, te va'ia ra te tapuae, no te mea ra kare aia e tamaru i te kai, ei mea viivii ia ia kotou. Auraka roa kotou e kai i to te reira kiko, auraka oki kotou e akatukia ua atu i te reira kia mate ra, ei mea viivii ia ia kotou.

Teia ta kotou e kai i to te au mea katoa i raro i te tai e te vai; ko te au mea katoa i peauia ra, e te poa, ki raro i te tai, e ki raro i te kauvai, ko ta kotou ia e kai. Kareka te au mea ravara, to te tai, e to te kauvai, kare e peau e te poa, to te au mea katoa e keukeu aere i raro i te tai e te vai, e to te au mea ora katoa, i raro i te tai e te vai, ei mea rikarika anake ia te reira ia kotou : Ei mea rikarika ia te reira ia kotou; auraka roa kotou e kai i te kiko o te reira; kia rikarika tikai ra kotou i te reira kia mate. Ko to te tai e to te vai katoa, kare e peau e te poa ra, ei mea rikarika ia ia kotou.

E to te au manu ra, teia ta kotou e rikarika ra; auraka roa ia e keingaia, e mea rikarika ia : *koa* te acto, e te peresa, e te ozeni, E te dac, e te aie i to ratou tu; E te orebi i to ratou tu; E te ione, e te takemesa, e te sakapha, e te meza i to ratou tu; E te kusa, e te salaka, e te ianesupha, E te tensesmeta, e te kate, e te rakama, E te kasida, e te anapha i to ratou tu, e te dukipata, e te otelepa. Te au manu vaevae a e totoro aere ua ra, ei mea rikarika ia ia kotou. Kareka te au manu vaevae a totoro aere ua, e vaevae ke to ratou ei runga ake nga vaevae e totoro ei ra, ei rere aere anga ki runga i te enua nei, e kai kotou i te reira : Teia ta kotou e kai i te reira : ko te alkeride i to ratou tu, e te saloma i to ratou tu, e te karegala i to ratou tu, e te kagaba i to ratou tu. Kareka te au mea rere vaevae a katoa e totoro aere ra, ei mea rikarika anake ia ia kotou. E e viivii kotou i taua au mea ra : ko te tukia ua atu i te reira au mea kia mate ra, e viivii ia e aiai ua atu. E ko tei apai ua atu i tetai i taua au mea ra kia mate, e orei aia i ona kakau, e viivii oki aia e aiai ua atu. Te au puaka ravara i ngaa te maikuku, kare ra e va'ia te tapuae, e kare oki i tama-

ru i te kai ra, ei mea viivii ia ia kotou; ko te tukia ua atu i te reira *kia mate* ra, e viivii ia. E te au mea vaevae matikuku ravara e aere nei, i roto i nga mea ora e aere i nga vaevae e a ra, ei mea viivii anake ia ia kotou : ko te tukia ua atu i te reira kia mate ra, e viivii ia e aiai ua atu. E ko tei apai ua atu i taua au mea me mate ra, e orei aia i ona kakau, e viivii ia e aiai ua atu; ei mea viivii ia te reira ia kotou.

Teia katoa te mea viivii ia kotou i to te au mea e totoro aere ua ki runga i te enua nei; ko te keleda, e te kiore, e te kea i to ratou tu, E te anaka, e te koa, e te moko, e te kometa, e te tensesmeta. E mea viivii anake taua au mea nei ia kotou, no te au mea e totoro aere nei : ko te tukia ua atu i te reira kia mate ra, e viivii ia e aiai ua atu. E te au mea ravara i topaia e taua au mea nei kia mate, e viivii ia; mei te kapu rakau ra, e te kakau, e te kiri, e te pute, te au ariki katoa i arikiia te apinga ra, e tukua ia ki raro i te vai, e viivii ia e aiai ua atu; ei reira e ma ai. Kareka te au ariki one, kia topaia e taua au mea ra ki roto, ko to roto i taua ariki ra, e viivii ia; e e vava'i kotou i te reira ra. Te au kai katoa e keingaia, kia ku i te reira vai, e viivii ia; e te au mea katoa e inumia i roto i te reira ariki, e viivii ia. E te au mea katoa i topaia e taua au mea ra kia mate, e viivii ia; mei te umu ra, e te toka pange pani ra; e vava'ia ia ki raro : e mea viivii ia, e ka riro oki ei mea viivii ia kotou. Kareka te punavai, e te rua e vai maata *tei roto*, kare ia e viivii; ko te tukia ua atura i taua au mea ra kia mate, e viivii ia. E kia topa *tetai va'i* i taua au mea i mate ra ki runga i te ua e tanumia ra, kare ia e viivii. E vai ra tei tukua ki rungao i taua au ua ra, ka topaia i taua au mea mate ra, ei mea viivii ia te reira ia kotou. E kia mate ua tetai o te au puaka e kaingaia e kotou na; ko te tukia ua atu i taua mea mate ua ra, e viivii ia e aiai ua atu : E ko te kai i taua mea mate ua ra, ka orei aia i ona kakau, e e viivii ia e aiai ua atu : e ko te apai ua i taua mea mate ua ra, ka orei aia i ona kakau, e e viivii ia e aiai ua atu.

Kareka te au mea e totoro aere ua ki runga i te enua ra, ei mea rikarika anake ia; auraka roa e keingaia. Ko tei aere ua i raro te kopu ra, e te au mea vaevae a e aere ua ra, e te vaevae manganui, i te au mea totoro ravara e totoro aere ua ki runga i te enua ra, auraka roa kotou e kai i te reira; e mea

rikarika ia. Auraka rava kotou e aka- 43
riro ia kotou orai ei mea rikarika i te au
mea katoa e totoro aere ua nei, auraka
kotou e akaviivii ia kotou orai i te
reira, kia viivii kotou i taua au mea ra.
Ko au oki to kotou Atua ra ko Iehova; 44
e akatapu oki ia kotou orai, kia tapu
kotou; no te mea te tapu nei au: au-
raka oki kotou e akaviivii ia kotou orai
i te au mea totoro e totoro aere ua ki
runga i te enua ra. Ko au nei oki, ko 45
Iehova, tei arataki mai ia kotou, mei te
enua maira mei Aipliti, kia riro au ei
Atua no kotou: kia tapu oki kotou, no
te mea te tapu nei au.

Ko te ture teia no te au puaka, e no 46
te au manu, e no te au mea ora e tere
aere ki raro i te tai e te vai, e no te au
mea ravarai e totoro aere ki runga i te
enua nei: Ei akataka anga i te mea 47
viivii e te mea viivii kore, e kia taka
oki te au mea ora e tika kia kai, e te
au mea ora kare e tika kia kai.

PENE XII.

*No te viivii o te tangata ra, mei to te
vaine i anau ra.*

KUA tuatua mairā Iehova kia Mose, 1
na ko maira, E karanga atu koe 2
ki te tamariki a Iseracla, e na ko atu,
Kua to te vaine, e kua anau te tamaiti
ra, e viivii aia i reira e kia po itu; mei
te au rā katoa kia akatakaia aia i tona 3
maki ra, ko tona ia viivii anga. E kia
tae ki te po varu ra e peritomeia i te kiri
i mua o taua tamaiti ra. Ka noo ua ra 4
aia e kia toru ngauru ma toru i te po, i
te tamā anga iaia uarai; auraka aia e
akatukia ua atu i te mea tapu, auraka
oki e tomo ki roto i te ngai-tapu, e kia
ope ra te au rā tamā anga iaia ra. E 5
tamaine ra taua e anau ra, kia rua ia
ona ebedomā i te viivii anga, mei tei
tona akatakaanga ra; e e noo ua aia, e
kia ono ngauru ma ono i te po, i te
tamā anga iaia uarai. E kia ope tona 6
au rā tamā anga, to te tamaroa ra, e to
te tamaine, e apai mai ei aia i tetai
arenio mataiti okotai ra ki te taunga i
te ngutupa Are uipānga ra, ei tusia
karakaratio, e tetai punua rupe, e kare 7
ra, tetai kukupa, ei tarangaara. E nana
e apai ki mua i te aroaro o Iehova, ei
tapokiangaara nana; ka mā aia i reira
i tona ra viivii anau ra. Ko te ture
teia no te vaine kia anau te tamaroa, e 8
te tamaine. E kia kore e tika iaia kia
apai mai i te mamoe, ei kukupa tana e
apai mai kia rua ake; e kare ra, kia
rua ake punua rupe; ei tusia karaka-
ratio tetui, ei tarangaara tetai: e na te

taunga e apai i te tapokiangaara nana,
e ka mā ia aia.

PENE XIII.

*Te ture e te akomoanga na te taunga, e
kite ei i te maki ra i te lepera.*

KUA tuatua mairā Iehova kia Mose 1
raua ko Aaronā, na ko maira, E 2
uaua to tetai tangata, e te paka, e te
titoutou teatea ki runga i te kiri tan-
gata, mei te maki ra e lepera te tu, i
te kiri tangata ra; ka aratakiia te reira
tangata ki te taunga ra kia Aaronā ra,
e kare ra, ki tetai tamaiti taunga nana 3
ra: E na te taunga e akara i taua maki
ra i te kiri tangata: e te teatea ra te
uruuru i taua maki ra, e te oonu ra
taua maki ra ki roto kia akara ra, kare 4
i te kiri tangata anake ra, ko taua
maki ra ia e lepera: e na te taunga e
akara iaia, ka tuatua kiaia e, kua viivii.
4 Kareka tei te kiri tangata anake taua
titoutou teatea ra, kare i oonu ki roto
kia akara ra, e kare oki e teatea te
uruuru; ka momani te taunga i taua
tangata maki ra i reira, e kia po itu 5
ake: E kia tae ki te po itu ra e akara
ra i te taunga iaia ra; e i na, tei te
vairanga rai taua maki ra i tona akara
anga, kare rai i raa te maki na runga i
te kiri, ei reira te taunga ka momani ei,
6 e kia po itu rai: E kia tae ki te po itu
e akara akaou ei te taunga iaia: e i na,
te auriuri ra taua maki ra, kare ra i
raa te maki na runga i te kiri, ei reira
te taunga e tuatua i kiaia e, kua mā; e
paka ua; ka tatā ua aia i ona kakau,
7 e mā atura. Kia raa pu ra taua paka
ra ki runga i te kiri, i muri ake i tona
akara angaia e te taunga, kia tuatuaia e
kua mā; ka akara akaouia aia e te 8
taunga i reira: E kite atura te taunga,
e i na, kua raa taua paka ra ki runga i
te kiri, ei reira te taunga e tuatua i
kiaia e, kua viivii: e lepera ia.

9 E kia mate tetai tangata i te lepera,
10 e aratakiia aia ki te taunga ra; E na te
taunga e akara iaia; e i na, te teatea
ra taua uaua ra ki runga i te kiri, e te
teatea katoa ra te uruuru, e e kiko ou
11 tei roto i taua uaua ra; E lepera ta-
kere ia ki runga i te kiri tangata, ka
tuatua te taunga ra kiaia e, e tangata
viivii; auraka aia e momani iaia, kua
12 viivii oki aia. Kia raa pu ra taua
lepera ra na runga i te kiri ra, e kua
pini roa te kiri o taua tangata maki ra
i te lepera, mei te upoko mai, e tae ua
atu ki raro i te vaeveae, i ta te taunga
13 akara anga; E kua akara iora te tau-
nga iaia, e i na, kua pini katoatoa tona

kopapa i taua lepera ra, ka tuatua aia ki taua tangata maki ra e, kua mā; kua mā oki aia, koia i pini i te teatea. Kia kitea ra te kiko ou i roto iaia ra, e 14 viivii ia aia. E na te taunga e akara 15 i taua kiko ou ra, ka tuatua i kiaia e, kua viivii; e viivii oki taua kiko ou ra; e lepera ia te reira. E kia tu ke 16 taua kiko ou ra, e riro atura ei mea teatea, e acre aia ki te taunga ra; E 17 na te taunga e akara iaia: e i na, kua riro taua maki ra ei mea teatea; ei reira te taunga e tuatua i ki taua tangata maki ra e, kua mā; kua mā oki aia.

E e ce to tetai tangata ki runga i 18 tona kiri, e kua ora, Kia tupu ra tetai 19 uaua teatea e te titoutou teatea muramura i taua ngai i ceia ra, e akara ia te taunga i te reira; E kia akaraia te 20 reira e te taunga ra, e i na, te tu oonu ra kia akara, kare i te kiri anake ra, e kua teatea te uruuru; e tuatua te taunga kiaia e, kua viivii: e maki lepera ia, kua tupu i roto i te ce ra. Kia 21 akara ra taua taunga ra, e i na, kare roa e uruuru teatea ki rungao, e kare i oonu, tei te kiri ra, e akerekere ra; e momani te taunga iaia i reira, e kia po itu ake: Kia raa pu ra ki runga i te 22 kiri, ka tuatua te taunga i reira e, kua viivii: e maki ia. Tei te vairanga rai 23 taua titoutou ra, kare i raa, ko taua vera ce anake ra ia; ka tuatua te taunga kiaia e, kua mā.

E kia pakapaka te kiri o tetai ta- 24 ngata ki te ai, e e titoutou teatea muramura, e te teatea, tei roto i te kiko ora i pakapaka ra; Na te taunga 25 e akara i te reira: e i na, kua teatea te uruuru i taua titoutou ra, e te oonu ra kia akara, kare i tei te kiri anake; e lepera ia, kua tupu i roto i taua pakapaka ra: ka tuatua te taunga kiaia e, kua viivii: e maki lepera ia. Kia 26 akara ra te taunga i te reira, e i na, kare roa e uruuru teatea i taua titoutou ra, e kare oki i oonu, tei te kiri rai, e akerekere ra; ka momani te taunga iaia i reira, e kia po itu ake: E akara te 27 taunga iaia ra kia tae ki te po itu: kua raa pu ki runga i te kiri, ei reira te taunga e tuatua i kiaia e, kua viivii: e maki lepera ia. Tei te vairanga rai 28 taua titoutou ra, kare i raa ki runga i te kiri, e te akerekere ra; e paka ia no taua pakapaka ra, e tuatua te taunga kiaia e, kua mā: e vera ia no taua pakapaka ra.

E e maki to tetai tangata te tane e 29 te vaine, tei te mimiti, e tei te kumikumi; Na te taunga e akara i taua 30

maki ra: e i na, te oonu ra kia akara, kare tei te kiri anake ra, e e uruuru rikiriki e te rengarenga tei roto; ka tuatua te taunga kiaia e, kua viivii; e nataka ia, e lepera ki runga i te mimiti, 31 e te kumikumi. E kia akara te taunga i taua tangata maki ra i te nataka, e i na, kare i oonu kia akara, tei te kiri rai, e kare e uruuru kerekere o roto; e momani te taunga i taua tangata maki ra i te nataka i reira, e kia po itu 32 ake: E kia tae ki te po itu ra e akara i te taunga i taua maki ra: e i na, kare i raa taua nataka ra, e kare e uruuru rengarenga o roto ra, e kare taua 33 nataka ra i oonu, tei te kiri rai; E varuia aia, auraka ra te nataka o varuia; e na te taunga e momani i taua tangata nataka ra, e kia po itu 34 rai: E kia tae ki te po itu ra e akara i te taunga i taua nataka ra: e i na, kare taua nataka ra i raa ki runga i te kiri, e kare oki i oonu kia akara, tei te kiri rai; ei reira te taunga e tuatua i kiaia e, kua mā; ka tatū oki aia i ona 35 kakau, e mā atura ia. Kia raa pu ra te nataka i te kiri i muri ake i tona 36 tuatua angaia e, kua mā; Ei reira te taunga e akara i, e i na, kua raa te nataka ki runga i te kiri, auraka te taunga e kimi i te uruuru rengarenga; 37 kua viivii ia aia. Te vai ua ra taua nataka ra, okotai rai te tu i tona akara anga, e kua tupu te uruuru kerekere i roto; kua ora ia nataka, kua mā aia; e na te taunga e tuatua kiaia e, kua mā. 38 E titoutou teatea tei runga i te kiri o 39 tetai tangata, te tane e te vaine; Na te taunga e akara; e i na, e titoutou teatea auriuri taua pata ra ki runga i tona kiri ra; e titoutou ia, kua tupu ua i te 40 kiri; kua mā aia. E kua ngaoro te rauru o te tangata ra, kua pakiko ia 41 aia, kua mā aia. E kua ngaoro te rauru i tona rae, kua rae pakiko ia aia, 42 kua mā aia. E e maki teatea amuramura tei taua mimiti pakiko e taua rae pakiko ra; e lepera ia, kua tupu ki runga i tona mimiti pakiko ra, e tona 43 rae pakiko ra. E ka akara te taunga i te reira; e i na, te teatea ra taua maki ra, e te muramura i te tupu anga i tona mimiti pakiko ra, e tona rae pakiko ra, mei te lepera te tu ki runga i te kiri 44 tangata ra; E lepera ia tangata, kua viivii ia; na te taunga e tuatua kiaia e, kua viivii takiri rava; tei tona mimiti tona maki.

E te tangata i mate i te lepera ra, ka kapiki ua aia, Kua viivii, kua viivii, ma te kakau ngaae, e te pare kore, e 46 ma te tapokiiia te ngutu i runga. E taua

mate anga katoa nona i te maki ra, e tuatuaia aia e, kua viivii; koia anake ra i tona noo anga: ei vao mai i te puakapa aia noo ei.

E kia leperaia tetai kakau, i te ka- 47
kau uru-mamoe, e te kakau orongā; 48
Tei te ao i te tiroa, e tei te ao i te tipoto; to te orongā, e to te uru-mamoe; tei te kiri, e te au mea katoa i angaia ki te kiri ra; E te rengarenga 49
ra, e te muramura taua ngai i maki i taua kakau ra, e taua kiri ra, tei te ao i te tiroa, e tei te ao i te tipoto, e te au mea katoa i angaia ki te kiri ra; e maki lepera ia te reira, e ka akakiteia atu ki te taunga: E kia oti taua maki i te akaraia e te taunga ra, e momani aia i taua mea maki ra e kia po itu ake: E kia tae ki te po itu ra, e akara aia i te ngai maki ra: e kua kakai aere taua maki ra i taua kakau ra, tei te ao i te tiroa, e tei te ao i te tipoto, e tei te kiri, e tei te au mea katoa i angaia ki te kiri ra, e lepera kakai ia te reira maki; kua viivii ia. Ka ta'u aia i taua kakau ra, tei te ao tiroa taua maki ra, e tei te ao tipoto, tei te uru-mamoe e te orongā; e tei te au mea katoa i angaia ki te kiri ra: e lepera kakai ia; ka ta'uia ia ki te ai. Kia akara te taunga ra, e i na, kare rai taua maki ra i kakai i taua kakau ra, kare i te ao tiroa, kare oki i te ao tipoto, e kare katoa i te au mea katoa i angaia ki te kiri ra; Ka tuatua taua taunga ra i reira e tatā i taua mea maki ra *ki te vai*, ka momani ei aia i taua mea ra e kia po itu rai: E kia akara te taunga i taua ngai maki ra, kia oti i te tatāia ki te vai: e i na, kare i tu ke taua ngai maki ra, kare ra i kakai aere taua maki ra; kua viivii ia; ka ta'uia ia ki te ai; e lepera kakai ia, me tei te pae ki roto te pakiko, me tei te pae ki vao. Kia akara ra te taunga, e i na, te akerekere ra taua maki ra, kia oti i te tatāia *ki te vai*; ei reira aia e kokoti ke atu ei i taua *ngai maki* i runga i taua kakau ra, e i runga i taua kiri ra, e i runga i te ao tiroa, e i runga i te ao tipoto. E te vai ua mairai taua maki ra kia akara, ki runga i taua kakau ra, tei te ao tiroa e tei te ao tipoto, e tei te au mea katoa i angaia ki te kiri; e lepera kakai ia: ko tei makiia i te reira ra, ka ta'uia ia apinga ki te ai. Ko te maki ra, ki runga i te ao tiroa, e ki runga i te ao tipoto o te kakau ra, e ki runga katoa i te au mea i angaia ki te kiri, i peke me tatāia *ki te vai* ra, e tatā ia kia rua tatā anga, mā atura ia i reira.

59 Ko te ture teia no te maki ra e lepera, ki runga i te kakau uru-mamoe e te orongā, ki runga i te ao tiroa, e te ao tipoto, e ki runga i te au mea ravarai i angaia ki te kiri ra, e *tika* i kia tuatua e, e mea mā, e e mea viivii.

PENE XIV.

Te au peu e te au tusia e mā ai te lepera ra.

1 KUA tuatua mairā Jehova kia
2 Mose, na ko maira, Teia te ture no te lepera i te rā tamā anga iaia ra: Ka aratakiaia mai aia ki te taunga ra: 3 Ka aere oki te taunga ki vao mai i te puakapa; e kua akara te taunga iaia, e i na, kua ora te maki lepera i taua 4 tangata lepera ra; Ei reira te taunga e akaue ei iaia, e tiki, ei tamā anga, i nga manu ora viivii kore kia rua ake, e te rakau ra e arezi, e te uru muramura, e te isopa: Ka akaue ei te taunga e, kia tamate ravaia tetai i au nga manu ra ki roto i tetai āriki one 6 ki rungao i te vai mapia: Ka rave aia i te manu i ora ra, e te rakau ra e arezi, e te uru muramura, e te isopa, ka taruku ei ma te manu ora katoa ki roto i te toto o te manu i taia i rungao 7 i te vai mapia ra; Ka pipi ei aia ki rungao i taua tangata e tamāia i te lepera ra, e kia itu pipi anga; ka tuatua i kiaia e, kua mā; ka tuku ei aia i te manu ora ra kia rere ua ra ki 8 runga i te enua. E ka tatā oki taua tangata e tamāia ra i ona kakan, ka varu ei i tona rauru e kia pou takiri roa, e pai ei aia ki te vai, kia mā aia; e muri akera ka aere mai aia ki roto i te puakapa, ei te atea ke ra aia noo ei, auraka i roto i tona uaorai are, e kia 9 po itu ake. Kia tae ra ki te po itu ra, e varu takiri aia i tona rauru i tona mimiti, e te kumikumi, e te tukemata, e tona uruuru katoatoa tana e varu; e ka tatā oki aia i ona kakau ki te vai, e pai oki aia uaorai *ki te vai*, e ka mā 10 ia aia. E kia tae ki te po varu ra, ka rave ei aia i nga arenio e rua ra, e puke toa kino kore, e tetai arenio, e ua mataiti okotai rai e te kino kore, e te faraoa pueu e toru ake omara ei mineka, i irokia ki te inu, e te maa 11 nongi okotai loga. E na te taunga, na te tamā iaia ra, e akakite i taua tangata e tamāia ra, e taua ua mena ravarai, ki mua i te aroaro o Jehova, i 12 te ngutupa o te Arc uipānga ra: E rave oki te taunga i tetai arenio toa, ka apai ei ei tutakingaara, e te loga mano-

ngi, ka ruru ei ei tenupe ki mua i te aroaro o Iehova: Ei te ngai i taia'i te 13 tarangaara e te tusia karakaratio, ki roto i te ngai tapu ra, e taia'i te arenio; na te taunga oki te tutakingaara, mei te tarangaara katoa ra: e mea tapu roa ia: Ka rave oki te taunga i tetai ma- 14 nga toto no taua tutakingaara ra, e na te taunga oki e tuku ki runga i te tapa o te taringa katau o te tangata e tamūia ra, e ki runga katoa i te maikao maata o tona rima katau, e ki runga katoa i te matikao nui o tona vaevae katau ra: Ka rave oki te taunga i taua 15 loga manongi ra, ka riringi ei i tetai ngai ki roto i te kapu-rima kaui nona ra; Ka tutou oki te taunga i tona 16 maikao katau i te manongi e vai i roto i tona kapu-rima kaui ra, ka pipi ei i taua manongi ra i tona maikao-rima, e kia itu pipi anga, ki mua i te aroaro o Iehova: E te toenga o taua manga 17 manongi i te rima ra, ka tuku te taunga i to te reira ki runga i te tapa o te taringa katau, e ki runga i te maikao maata o te rima katau, e ki runga i te matikao maata o te vaevae katau, o taua tangata e tamūia ra, ei runga i te toto o te tutakingaara ra: E te toenga 18 o te manongi i te rima o te taunga ra, ka riringi aia ki runga i te mimiti o taua tangata e tamūia ra: e akapera te taunga i te apai i te tapokiangara nana ki mua i te aroaro o Iehova. Ka 19 apai oki te taunga i te tarangaara, ka tapoki ei i te ara nana, na te ka tamūia i tona viivii; ei reira ka taia'i te tusia karakaratio ra; E na te taunga e apai 20 i te tusia karakaratio e te mineka ki runga i te atarau; na te taunga oki e apai i te tapokiangara nana, e ka māia ia.

Kareka te tangata rikiriki ra, e kare 21 e tika iaia kia apai mai i te reira; okotai mai ana arenio e rave mai ei tutakingaara kia ruruia, ei tapokiangara nana, e okotai oki omera faraoa pueu i irokia ki te inu ei mineka, e okotai oki loga manongi; E e rua ake oki 22 kukupa, e kare ra, kia rua ake punua rupe, te rauka iaia ra; ei tarangaara tetai, ei tusia karakaratio tetai. E i te 23 po varu o tona tamū anga, ka apai mai ei aia i te reira ki te taunga ra, ki te ngutupa o te Are uipānga, ki mua i te aroaro o Iehova ra. Ka rave oki te 24 taunga i te arenio tutakingaara, e te loga manongi, e na te taunga e ruru i te reira ei tenupe ki mua i te aroaro o Iehova; Ei reira te arenio tutakingaara 25 ka taia'i, e rave oki te taunga i tetai manga toto no taua tutakingaara ra, ka

tuku ei ki runga i te tapa o te taringa katau o te ka tamūia ra, e ki runga i te maikao maata o tona rima katau, e ki runga i te matikao maata o tona vaevae katau ra; E riringi oki te taunga i tetai manga manongi ki roto i te kapu- 27 rima kaui nona ra; E na te taunga e pipi ki tona maikao katau i tetai va'i taua manongi i roto i tona rima kaui ra, e kia itu pipi anga, ki mua i te aroaro o Iehova; E tuku oki te taunga i tetai manga i te manongi i roto i tona rima ki runga i te tapa o te taringa katau o taua tangata e tamūia ra, e ki runga i te maikao maata o tona rima katau, e ki runga i te matikao maata o tona vaevae katau ra, i te ngai i tu- 29 kuia'i te toto tutakingaara ra: E te toenga o te manongi i te rima o te taunga ra, e tuku aia ki runga i te mimiti o te tangata e tamūia ra, ei tapokiangara nana ki mua i te aroaro o Ie- 30 hova. E ka apai aia i tetai i taua nga kukupa ra, e kare ra, i tetai punua rupe, ko tei rauka iaia ra; I tei rauka oki iaia, ei tarangaara tetai, ei tusia karakaratio tetai, e te mineka katoa oki: ko te taunga te ka apai i te tapokiangara na te ka tamūia ki mua i te 32 aroaro o Iehova. Ko te ture teia no te maki lepera, ko tei kōre e tika iaia kia apai i te apinga mou tikai no tona tamū anga ra.

Kua tuatua mairā Iehova kia Mose 33 raua ko Aaronā, na ko maira, Kia tae kotou ki te enua ra ki Kanaana, i taku e oronga no kotou ei nooanga ra, kia tuku ra au i te maki lepera ki roto i tetai are i taua enua ra i nooia e kotou 35 na; Ka aere te tangata are i reira ki te taunga, e karanga atu ei kiaia, Te manako nei au e, e maki tei te are akera: 36 E na te taunga e akaue e akaope mai te apinga i roto i taua are ra ki vao, ka aere ei te taunga, ka akara'i i te maki, kia kore rava oki tetai apinga i roto i taua are ra e viivii: e i muri ake ka aere ei te taunga ki roto, e akara'i i 37 taua are ra: E kia akara aia i taua maki ra, e i na, tei te ngaika te maki i taua are ra, te vai ra te karavarava ruarua, e te rengarenga, e te muramura, e te oonu ra kia akara kare tei te ngai- 38 ka anake ra; Ei reira te taunga ka aere ei ki vao i taua are ra i te ngutupa o taua are ra, ka momani ei i taua 39 are ra e kia po itu: E ka oki akaou mai te taunga kia tac ki te po itu ra, ka akara'i, e i na, kua raa te maki i roto 40 i te ngaika i taua are ra; Ei reira te taunga ka akaue ei e kiriti ratou i te au toka tei reira taua maki ra, ka akaruke

ei ratou i taua au *toka* ra ki tetai ngai
 viivii ki vao mai i te oire: E nana oki 41
 e akaue kia varuia taua are i roto ra e
 pini ua ake, ka riringi oki ratou i te
 ngaika i varuia e ratou ra ki vao mai i
 te oire, ki tetai ngai viivii ra: Ka rave 42
 oki ratou i te au toka ke, ei pa'u i te au
 toka i *kiritiia* ra; e rave oki ratou i te
 ngaika ou, ka amo ei i taua are ra. E 43
 kia oki akaou mai te maki, e kia tupu
 i taua are ra, kua oti oki te toka i te
 apai keia, e kua oti i te varuia te are, e
 kua oti i te amoia; Ka aere mairai 44
 taua taunga ra e akara, e i na, kua raa
 te maki i taua are ra, e lepera kakaiia
 teti taua are ra: kua viivii. E ka va. 45
 vaiia taua are ra ki raro, te au toka ra,
 e te rakau ra, e te ngaika katoa no taua
 are ra; ka apaiia ia ki vao mai i te
 oire, ki tetai ngai viivii ra. E tei tomo 46
 ki roto i taua are ra i te au rā katoa i
 momaniia'i ra, ka viivii ia aia e aiia ua
 atu. E tei moe i roto i taua are ra, e 47
 tatū aia i ona kakau; e tei kākai i roto
 i taua are ra, ka tatū aia i ona kakau.
 Kia aere ra te taunga ki roto e akara, e 48
 i na, kare taua maki ra i raa i taua are
 ra, kia oti taua are ra i te amoia; ka
 tuatua te taunga i taua are ra i reira,
 kua mā, no te mea kua ora taua maki
 ra. E tikia oki nga manu e rua no te 49
 tamā anga i taua are ra, e te rakau ra
 e arezi, e te *uru* kutekute, e te isopa:
 E ka taia tetai manu ki roto i tetai 50
 āriki one i rungao i te vai mapia: E rave
 oki aia i taua rakau ra e arezi, e te isopa,
 e te uru kutekute, e te manu ora
 ra, ka taku ei ki roto i te toto o te manu
 i taia, e ki roto i te vai mapia ra, ka
 pipi ei i taua are ra, e kia itu katoa
 pipi anga; E tamā oki aia i taua are ra 52
 ki te toto o taua manu ra, e te vai
 mapia, e te manu ora, e te rakau arezi,
 e te isopa, e te *ao* kutekute: Kareka 53
 te manu ora ra, e tuku aia i te *reira*
 kia rere ua na ki vao i te oire, ki te ngai
 atea ra; e pera aia i te apai i te tapoki-
 angara no taua are ra; e ka mā ia.

Ko te ture teia no te au maki lepera 54
 ravarai, e te nataka, No te lepera oki ki
 runga i te kakau, e ki roto i te are, No 56
 te uaua oki, e no te paka, e no te titou-
 tou: Ei akakite *kia kotou* i te mea
 viivii e te mea viivii kore: ko te ture
 ia teia no te lepera.

PENE XV.

*Te viivii o te tangata i te maki, e te
 tamā anga atu.*

KUA tuatua mairā Iehova kia Mose 1
 raua ko Aaronā, na ko mairā, E 2

karanga atu korua ki te tamariki a Ise-
 raela, e na ko atu kia ratou, E zubi to
 tetai tangata i tona kopapa, kua viivii
 3 aia i taua zubi nona ra. Teia te tu o
 taua viivii nona i taua zubi nona ra;
 kia ta'e taua zubi no tona ra tino, e kia
 marō te zubi i tona ra tino, te viivii ua
 4 ra aia. Te au roi katoa i moeia e te
 tangata zubi ra, kua viivii ia; e viivii
 5 te au mea katoa tana e noo ra. E ko
 te tukia ua atu i taua roi nona ra, ka
 tatū aia i ona kakau, e ka pai aia ki te
 6 vai, e ka viivii ia e aiia atu. E ko te
 noo i te au mea katoa i nooia e taua ta-
 ngata zubi ra, ka tatū aia i ona kakau,
 e pai oki ki te vai, e ka viivii ia e aiia
 7 atu. E ko te tukia ua atu i te kopapa
 o taua tangata zubi ra, ka tatū aia i ona
 kakau, e pai ki te vai, e ka viivii ia e
 8 aiia atu. E kia tutua te tangata zubi
 ra i te *uavare* ki rungao i te tangata vii-
 vii kore ra; ka tatū aia i ona kakau, e
 pai oki ki te vai, e ka viivii ia e aiia
 9 atu. E te au nooanga ipo katoa i nooia
 10 e taua tangata zubi ra, ka viivii ia. E
 ko te tukia ua atu i tetai mea no raro
 ake iaia ra, ka viivii ia e aiia atu; e ko
 te apai ua i taua au mea ra, ka tatū aia
 i ona kakau, e pai oki ki te vai, e ka
 11 viivii ia e aiia atu. E te tangata rava-
 rai e akatukiaia e taua tangata zubi ra,
 kare i oreia tona rima i te vai, e tatū
 aia i ona kakau, e pai oki ki te vai, e
 12 ka viivii ia e aiia atu. E te āriki one
 e akatukiaia e taua tangata zubi ra, ka
 akangaangaia ia: e te au āriki rakau
 13 katoa ra, ka oreia ia ki te vai. E kia
 mā te zubi o taua tangata zubi ra; e
 tatua aia i nga rā e itu no te tamā anga
 iaia, ka tatū i ona kakau, ka pai aia
 14 ki te vai mapia, ka mā atu ei. E kia
 tae ki te po varu ra ka rave aia i e rua
 kukupa, e kare ra, e puke punua rupe
 e rua, ka aere mai ei ki mua i te aro-
 aro o Iehova i te ngutupa o te Are
 uipānga, ka tuku atu ei ki te taunga
 15 ra; E na te taunga e apai, ei taranga-
 ara tetai, ei tusia karakaratio tetai; ko
 te taunga te ka apai i te tapokiangaara
 ki mua i te aroaro o Iehova nana, i te
 zubi nona ra.
 16 E kia rokoia tetai tangata e te isa, ka
 pai roa aia iaia orai ki te vai, e ka vii-
 17 vii ia e aiia atu. E te kakau, e te kiri
 i topaia e te reira, ka tatū ia ki te vai,
 e ka viivii ia e aiia atu.
 18 E te vaine i moeia e te tangata, e kia
 raveia, ka pai raua ravarai ki te vai, e
 ka viivii ia e aiia ua atu.
 19 E te vaine kia zubiia ra, i tona ra
 zubi tikai, ka akatakia aia e kia po
 itu; e ko te tukia ua atu iaia ra, ka

viivii ia e aiai ua atu. E te au mea 20
katoa e moeia e ia i tona akataka ke
angaia ra, ka viivii ia: e te au mea
katoa e nooia e ia, ka viivii katoa ia.
E ko te tukia ua atu i tona roi, ka tatā 21
aia i ona kakau, e pai oki ki te vai, e
ka viivii ia e aiai ua atu. E ko te tukia 22
ua atu i tetai mea i nooia e ia ra, ka
tatā aia i ona kakau, ka pai oki ki te
vai, e ka viivii ia e aiai ua atu. Tona 23
roi tei tukiaia atu e ia, e tetai mea i
nooia e ia, ka viivii rai aia e aiai ua atu.
E kia moe te tane i tona pae, e kua iri 24
te mea i akatakaia'i aia ki runga iaia, e
viivii aia e kia po itu; e te au roi katoa
tana e moe ra, ka viivii katoa ia.

E e zubi to te vaine kare i tac ki nga 25
rū akataka anga nona ra, e te vai ua ra
taua zubi ra i topa ua'i tona akataka
anga; ka viivii rai ia aia i taua ua rū
katoa i zubiia'i aia ra, mei tei te au iā
akataka anga nona ra. Te vai rai taua 26
zubi nona ra, ka riro te au roi katoa tana
i moe i taua au rū ra, mei te roi katoa
nona i te akataka anga ra te tu, iaia; e
te au mea katoa e nooia e ia ka viivii ia,
mei te viivii o te akataka anga nona ra.
E ko tei tukia ua atu i taua ua mea ra, 27
ka viivii ia, e ka tatā aia i ona kakau,
e pai oki ki te vai, e ka viivii ia e
aiai ua atu. Kia mā ra aia i tona zubi 28
ra, ka tatua aia i nga rū e itu nona, e i
muri ake ka mā ia aia. E kia tac ki 29
te po varu ra, ka rave ei aia i e rua
kukupā, e kare ra, e puke punua rupe
e rua, ka apai ei ki te taunga ra, ki te
ngutupa Are uipānga ra. E na te taunga 30
e apai i tetai ei tarangaara, e tetai ei tusia
karakaratio; na te taunga e apai i tana
tapokiangaara ki mua i te aroaro o Ie-
hova, i taua zubi ra i viivii ei aia.

E akapera korua i te tamariki a Ise- 31
racla, kia akataka ke ratou i to ratou
mea viivii; kia kore ratou e mate i to
ratou viivii, kia akaviivii ratou i toku
sekene i rotopu ia ratou ra.

Ko te ture teia no te tangata zubi, e 32
no te tangata isa, i tei viivii i te reira
ra; E no te vaine i makiia i tona aka- 33
taka anga, no te tane e no te vaine
katoa i tei zubiia ra, e no te tangata i
moe i vaitata i te vaine i viivii ra.

PENE XVI.

*Te tu o to te taunga maata tomo anga
ki roto i te ngai-tapu.*

KUA tuatua mairā Iehova kia 1
Mose, i muri ake i te matenga o
nga tamariki toko rua a Aaronā, ka
apai ei raua i te ai ke ki mua i te aro-
aro o Iehova, e mate iora; I tuatua 2

mairā Iehova kia Mose, E karanga atu
koe ki toou tuakana kia Aaronā, auraka
aia e aere ua ki roto i te ngai-tapu, ki
roto i te ngai paruruia ki mua atu i te
tapoki i runga i te aruna ra; kia kore
aia e mate: ei roto oki i te tumurangi
3 i rungao i te tapoki e kitea'i au. E
akapera Aaronā kia tomo ki roto i te
ngai-tapu ra; e rave aia i tetai bovi ou
ei tarangaara, e tetai rama ei tusia
4 karakaratio. E aao oki aia i te kitana
tapu vavai ra, e aao oki aia i te pipou
vavai, e kia tatuaia oki aia ki te tatua
vavai, e kia pare oki ki te pare vavai
tu ke; e kakau tapu anake te reira; e
pai oki aia ki te vai, ka aao ei i te
5 reira. E rave oki i e rua puaka-nio na
te uipānga tamariki a Iseracla katoa
ei tarangaara, e tetai rama ei tusia ka-
6 rakaratio. E na Aaronā e apai i te
bovi tarangaara, nana uaorai ra, ei ta-
pokiangara nana, e na tona katoa ra
7 ngutuaire. E ka rave oki aia i ngu
puaka-nio, ka apai ei ki mua i te aroaro
o Iehova, ki te ngutupa Are uipānga
8 ra. E tuku oki a Aaronā i te kelero
i aua nga puaka-nio ra; tetai kelero na
Iehova, e tetai kelero no te puaka-nio
9 akaora. E te puaka-nio tei iaia te
kelero na Iehova ra, ka rave mai a
Aaronā i te reira e apai ei tarangaara.
10 Kareka te puaka-nio, tei iaia te kelero
no te puaka nio akaora, ka apai ora uaia
ki mua i te aroaro o Iehova ei tapokia-
ngara, ka tuku ua atu ei kia aere ua
na ki te medebara, ei puaka-nio akaora.
11 Ei reira Aaronā e taki mai ei i te bovi
no te tarangaara nana uaorai, ka apai ei
i te tapokiangaara nana uaorai, e tona
ngutuaire; e kia oti taua bovi taranga-
12 ara nana uaorai i te taia, Ei reira aia
e akaki ei i tetai mekete ki te ngarau
ka no runga i te atarau i mua i te aro-
aro o Iehova, e akaki oki ona puke
rima ki te tumiama kakara i akaun-
gaungatititia ra, ka apai ei ki roto
mai i te paruru ra: E tuku oki aia i
13 taua tumiama ra ki runga i te ai ki
mua i te aroaro o Iehova ra, kia ngaro
te tapoki, i runga i te aruna kite ra, ki
te auai o te tumiama, kia kore aia e
14 mate: E rave oki aia i tetai manga i te
toto o taua bovi ra, ka pipi ei i te ta-
pokoki ki tona maikao-rima, i te pae i te
itinga o te rū ra; e pipi oki i te toto ki
tona maikao-rima ki mua atu i te ta-
pokoki, e kia itu ia pipi anga.

15 Ei reira te puaka-nio tarangaara na
te au tangata ra e taia'i, ka apai oki aia
i te toto ki roto mai, i te paruru ra, ka
rave ei i te reira toto, mei tana i rave i
te toto o te bovi ra, e pipi ki runga i te

tapoki *aruna*, e ki mua atu i taua tapoki
ra. Nana e apai i te tapokiangaara no te
ngai-tapu ra, no te viivii o te tamariki
a Iseraela, e to ratou kino i ta ratou ara
ravarai; e pera katoa oki aia i te Are
uipānga, e vai ia ratou, i rotou i to
ratou viivii. Auraka roa ei tangata to
roto i te Are uipānga, kia aere aia e
apai i te tapokiangaara ki roto i te
ngai-tapu ra, e tae mairai aia ki vao,
kia oti te tapokiangaara i te apaiia e ia
nana uorai, e na tona ra ngutuare, e
na te uipānga Iseraela katoa ra. Ei
reira aia ka aere ei ki vao ki te atarau
i mua i te aroaro o Iehova, ka apai ei i te
tapokiangaara no te reira; e e rave aia
i te toto bovi, e te toto puaka-nio, ka
tuku ei ki runga i te au tara o te
atarau e pini ta ake. E pipi oki aia i
to toto ki tona maikao-rima ki runga,
e kia itu ake pipi anga, ei tamā anga, kia
tapu i te viivii a te tamariki a Iseraela.

E oti akera te tapokiangaara i te
apaiia e ia no te ngai-tapu, e no te Are
uipānga, e no te atarau, ka apaiia mai
ei te puaka-nio ora ra: Ka tuku oki a
Aarona i ona puke rima e rua ki runga
i te mimiti o taua puaka-nio ora ra, ka
aaki ei i te au ara ravara i te tamariki
a Iseraela ki runga i te reira, e to ratou
kino katoa i ta ratou au ara ravara,
ka tuku ei ki runga i te mimiti o taua
puaka-nio ra, ka tono ei i tetai tangata
tau, e taki ke atu i taua *puaka-nio* ra,
ki te medebara: E na taua puaka-nio
ra e apai i ta ratou au ara ravara ki
runga iaia uorai, ki te enua motutaa;
ka tukuia taua puaka-nio ra ki roto i te
medebara ra. Ei reira Aarona e aere
ei ki roto i te Are uipānga ra, ka
tātara'i i te au kakau vavai, i tana i
aao ka aere ei aia ki roto i te ngai-tapu
ra, ka vao ei i reira: Ka orei oki aia
iaia uorai ki te vai i roto i tetai ngai
tapu, ka nao ei i ona kakau, ka aere
mai ei ki vao, ka apai ei i te tusia kara-
karatio nana uorai, e te tusia kara-
karatio na te tangata, e apai oki i te
tapokiangaara nana uorai, e na te ta-
ngata. E ka ta'u aia i te tongaua o te
tarangaara ra ki runga i te atarau. E
te tangata i tuku i taua puaka-nio ra ei
puaka-nio akaora, ka tatū aia i ona
kakau, e pai oki aia ki te vai, ka aere
mai ei aia ki roto i te puakapa i muri
ake. E te bovi tarangaara, e te puaka-
nio tarangaara, i tei apaiia te toto ki
roto i te ngai-tapu ei tapokiangaara ra,
ka apaiia ia ki vao mai i te puakapa;
e ka ta'ua te kiri, e te kiko, e te repo
katoa, ki te ai. E te tangata e ta'u ra,
e tatū aia i ona kakau, e pai oki ki te

vai, ka aere mai ei ki roto i te puakapa
i muri ake.

- 29 Ei akonoanga vai tamou teia na
kotou: kia tae ki te marama itu ra, e
te ngauru o te *rā* i taua marama ra, ka
taakaaka'i kotou i to kotou au vaerua,
e auraka rava e rave i te angaanga, ma
te tangata uenua, e te tangata ke katoa i
30 purutia ua i roto ia kotou na: Ei te
reira oki rā ka apai ei te *taunga maata*
i te tapokiangaara na kotou, e tamā ia
kotou i ta kotou au ara katoa, kia mā
31 kotou ki mua i te aroaro o Iehova. Ei
sabati akaangaro'i anga ia te reira no
kotou, ei akonoanga tamou kia taaka-
32 aka kotou i to kotou au vaerua. E na
te taunga i akatainuia, e i akataoongaia,
ei tupau i tona metua ra, i te rave anga
i te taonga taunga ra, *nana* e apai i te
tapokiangaara, e aao oki aia i te kakau
33 vavai, te kakau tapu ra: E apai oki i
te tapokiangaara no te ngai-tapu; e apai
oki i te tapokiangaara no te Are uipā-
nga, e no te atarau, e apai oki aia i te
tapokiangaara na te au taunga, e na te
34 au tangata katoa o te uipānga ra. Ei
akonoanga vao tamou teia na kotou,
e, ei tapokiangaara te apaiia, okotai
apai anga i te mataiti okotai, no te au
ara ravara i te tamariki a Iseraela.
Kua pera oki aia i ta Iehova i akaue
mai kia Mose ra.

PENE XVII.

*Te toto o te au puaka i taia ra, e apaiia
ki te ngutupa o te Are uipānga ra e
tika'i; auraka te toto e keingau.*

- 1 KUA tuatua mairā Iehova kia
2 Mose, na ko maira, E karanga
atu koe kia Aarona, e nga tamariki
nana ra, e ki te au tamariki ravara na
Iseraela, e na ko atu koe kia ratou;
Teia te tuatua ta Iehova i akaue maira,
3 na ko maira, To te ngutuare o Iseraela,
kia ta i te bovi, e te mamoe, e te puaka-
nio i roto i te puakapa, e kia ta oki ki
4 vao mai i te puakapa, E kare e taki
ki te ngutupa o te Are uipānga, kia
apaiia tetai korebana na Iehova, ki
mua i te sekene o Iehova ra, ka tape-
peia te reira tangata i te *akata'e* toto,
e toto oki tei ta'e iaia; e tipu keia te
5 reira tangata i tona ra iti-tangata; Kia
apai mai te tamariki a Iseraela i ta
ratou au tusia, ta ratou e ta ua i te au
ngai ke ra, kia taki mai ratou i te reira
kia Iehova, ki te ngutupa o te Are
uipānga ra, ki te taunga, ka apai ei, ei
6 aronga tusia au na Iehova ra. E na te
taunga e pipi i te toto ki runga i te
atarau a Iehova i te ngutupa o te Are
uipānga ra, e ta'u oki i te tongaua ei

mea aunga kakara na Iehova. Auraka 7
ratou e apai akaou i ta ratou au tusia
na te au demoni, ta ratou e aru akaturi
aere ei ra. Ei akonoanga mou teia na
ratou e ope ua ake to ratou au uki ra.

E karanga atu koe kia ratou, To te 8
ngutuare o Iseracla ra, e to te au tangata
ke e purutia ua i roto ia ratou ra, kia
apai i te tusia karakaratio, e te au tusia
katoa ra, E kare e apai ki te ngutupa o 9
te Are uipānga, ka apai ei kia Iehova ra;
e tipu keia te reira tangata i tona ra iti-
tangata. E to te ngutuare o Iseracla, 10
e to te au tangata ke e purutia ua i roto
ia ratou, kia kai i te toto ra; ka anaana
tikai toku mata i te reira tangata, i tei
kai i te toto ra, e tipu ke atu au iaia i
tona iti-tangata ra. Tei te toto oki te 11
ora e ora'i te au mea katoa ra; i akono
ei au i te reira e ko ta kotou ia e apai
ki runga i te atarau, ei tapokiangara
na kotou uorai: ko te toto oki tei riro
ei tapokiangara na te tangata. I tua- 12
tua'i au ki te tamariki a Iseracla e,
Auraka rava tetai o kotou e kai i te
toto, e auraka katoa te tangata ke e
purutia i roto ia kotou na e kai i te
toto. To te tamariki oki a Iseracla, e 13
to te au tangata ke e purutia i roto ia
ratou, kia arumaki i te puaka e te
manu i tika kia kai ra, e rauka iora;
ka akata'e aia i tona toto ki raro, ka
tapoki ei ki te one. Tei te toto oki te 14
ora o te au mea katoa nei; ko to ratou
ia ora: i tuatua'i au ki te tamariki a
Iseracla e, Auraka kotou e kai i te toto
o te au mea katoa nei; no te mea ko te
ora ia o te au mea katoa nei, ko te
toto ra; ko tei kai i te reira, ka tipu
keia ia. E te tangata e kai i te mea 15
mate ua, e tei etititia ra, te tangata
uenua e te tangata ke, ka tatū aia i
ona kakau, e ka pai aia ki te vai, ka
viivii ia aia e aia i au atu; ei reira aia e
mā ai. Kia kore ra aia e tatū i ona 16
kakau, e kia kore aia e pai ki te vai;
ei runga iaia tana ara vaoo ei.

PENE XVIII.

*Te au akaipoipoanga tau kore a te
ngati Kanaana i akakoreia ra.*

KUA tuatua mairū Iehova kia 1
Mose, na ko maira, E karanga
atu ki te tamariki a Iseracla, e na ko
atu koe kia ratou, Ko au to kotou Atua 2
ra ko Iehova. Auraka kotou e rave i
te au peu o te enua ra o Aiphiti, i ta
kotou i noo ra: e auraka kotou e rave
i te au peu o te enua nei o Kanaana,
taku e arataki ia kotou nei; auraka
katoa kotou e aere i ta ratou au ako- 3

4 noanga: Ko taku ra au tuatua-tau ta
kotou ia e rave, e taku ra au akono-
anga ta kotou ia e tāpu, e na reira
kotou i te aere: ko au to kotou Atua
5 ra ko Iehova. E tāpu oki kotou i taku
au akonoanga, e taku ra au tuatua-tau;
kia akono oki te tangata i te reira ra,
ka ora aia i reira: ko au ko Iehova.

6 Auraka tetai o kotou e akavaitata e
moe i te vaine i piri roa mai kiaia, i te
kopu-tangata ra: ko au ko Iehova.

7 Auraka koe e moe i te vaine a to metua
tane, e toou ra metua vaine mou; au-
raka koe e moe iaia; ko toou ia metua

8 vaine tikai. Auraka koe e moe i te
vaine a to metua tane: te moe ra oki

9 toou metua tane iaia. Auraka koe e
moe i to tuaine, i te tamaine a to metua
tane, e te tamaine a to metua vaine ra,
ko tei anau i te ngutuare tikai, e ko
tei anau i tetai ngai ke, auraka koe e

10 moe ia ratou. Auraka koe e moe i te
tamaine a to tamaiti, e te tamaine a to
tamaine ra: no roto oki raua ia koe

11 na. I te tamaine a te vaine a to metua
tane, ta to metua tane i anau ra, e
tuaine oki aia noou, auraka koe e moe

12 iaia. Auraka koe e moe i te tuaine o
to metua tane: e tuaine oki aia no to

13 metua tane. Auraka koe e moe i te
tuaine o to metua vaine; e tuaine oki

14 iaia no to metua vaine. Auraka koe e
moe i te vaine a te taake o to metua

15 oki aia noou na. Auraka koe e moe i
to unonga vaine ra: e vaine ia aia na

to tamaiti; auraka koe e moe iaia.

16 Auraka e moe i te vaine a to taake, te
17 moe ra oki to taake iaia. Auraka koe
e moe kapipiti i te vaine e te tamaine a

taua vaine ra, e auraka katoa koe e
rave i te tamaine a tana tamaiti, e te

18 tamaine a tana tamaine ra; te piri ua
ra oki ratou iaia: e mea kino ia. E

auraka koe e moe i te taake o to vaine,
ka taeko ua'i i to vaine i te moe anga

19 iaia, te ora ra to vaine ra. Auraka koe
e akavaitata ua atu e moe i te vaine, i te

akataka angaia i tona viivii anga ra.

20 Auraka katoa koe e moe i te vaine na
tetai ke, ka akaviivii ei koe ia koe uao-
rai kiaia.

21 Auraka takiri tetai o toou uanga e
apaaia kia Moloka, auraka koe e akanoa
i te ingoa o toou ra Atua: ko au ko
Iehova.

22 Auraka koe e moe i te tane, mei te
moe i te vaine ra: e mea viivii roa ia.

23 Auraka koe e akaviivii ia koe uorai i
te moe anga i te puaka; auraka oki te
vaine e oronga iaia uorai ki te puaka:
e mea viivii te reira.

Auraka kotou e akaviivii ia kotou 24
 uorai i taua au mea katoa nei; ko te
 au mea oki teia i viivii ei te au iti-
 tangata taku e vaiata i te tuaru i mua
 ia kotou nei: Kua viivii oki te enua: 25
 ka tutaki ei au i tana ara ki runga iaia
 uorai, e na te enua uorai e akaruaki
 i tona au tangata ki vao. E tenana, e 26
 akono kotou i taku au akonoanga, e
 taku ra au tuatua-tau, e auraka rava te
 tangata tupu, e te tangata ke katoa e
 purutia ua ki roto ia kotou, e rave i
 taua au mea viivii katoa nei: (Kua 27
 rave oki te au tangata no taua enua ra
 i taua au mea viivii katoa ra, ou kotou,
 e kua viivii te enua:.) Kia kore katoa 28
 te enua e akaruaki ia kotou ki vao, kia
 akaviivii kotou i taua enua ra, mei
 tana i akaruaki i te au iti-tangata ki
 vao, ou kotou ra. Ko te ka rave oki i 29
 taua au mea viivii ra, taua aronga e
 rave ra, ka tipu keia ia i to ratou ra
 iti-tangata. E tenana, e akono kotou i 30
 taku akonoanga, e auraka rava kotou e
 rave ua atu i tetai i taua au peu viivii ra,
 i tei raveia i muatangana ra, ou kotou;
 auraka oki kotou e akaviivii ia kotou
 uorai i te reira: ko au to kotou Atua
 ra ko Iehova.

PENE XIX.

Tetai pae ture i akakite akaouia nei.

KUA tuatua mairā Iehova kia 1
 Mose, na ko maira, E karanga 2
 atu ki te uipānga katoatoa a te ta-
 mariki a Iseraela ra, e na ko atu kia
 ratou, Kia tapu kotou, no te mea te
 tapu nei oki au, ko to kotou Atua ra
 ko Iehova. E akangateitei te tangata 3
 katoa i tona metua vaine, e tona
 metua tane; e akono oki i toku au
 sabati: ko au to kotou Atua ra ko Ie-
 hova. Auraka kotou e ariu ki te au 4
 idolo, auraka kotou e anga i te au atua
 akato: ko au to kotou Atua ra ko Ie-
 hova. E kia apai kotou i te tusia au
 kia Iehova ra, ei apai anga marekaia 5
 mai ta kotou. Ei te rā e apaiū'i e
 kotou na e kaiia'i, e kare ra, kia popo- 6
 ngi ake: te toe ra tetai va'i kia tae ki
 te po toru ra, e ta'ua ki te ai. E kia 7
 kai uaia ki te po toru ra, e mea viivii
 ia; kare e marekaia mai. E te tangata 8
 i kai ra, ei runga iaia uorai tana ara
 iri ei, no te mea kua akanoa aia i te
 mea tapu a Iehova; ka tipu keia te
 reira tangata i tona iti-tangata ra.

Kia kokoti kotou i te mou o to kotou
 enua na, auraka kotou e kokoti akapou
 takiri rava i te poo o ta kotou koro, e
 auraka oki kotou e koi i te toenga kai

10 akaū na kotou na. Auraka oki koe e
 koi i te toenga i to kainga vine ra,
 auraka oki koe e koi i te vine i topa i
 to kainga vine ra; ka vao koe i te
 reira na te tangata rikiriki, e na te
 uavere: ko au to kotou Atua ra ko
 Iehova.
 11 Auraka kotou e keia, auraka e tapi-
 kipiki, auraka e pikikaa ki tetai ki tetai.
 12 Auraka kotou e taputou pikikaa i toku
 nei ingoa, i te akanoa anga i te ingoa o
 13 toou Atua: ko au ko Iehova. Auraka
 koe e takinga-kino i to tangata tupu,
 auraka oki e aō: te tutaki a te tangata
 iouia ra, auraka e vao i o ou kia ao te
 po ra.
 14 Auraka koe e akakino i te turi, auraka
 oki e tuku i te tukiaanga ki mua i te
 matapo, kia matakura ra koe i toou Atua:
 ko au ko Iehova.
 15 Auraka kotou e akatika i te tuatua-
 tika kore i te akava anga: auraka koe
 e uri ki te tangata rikiriki, auraka oki
 e tatomo atu ki te tangata mamaata:
 ka akava koe i to tangata tupu na te
 tuatua-tika ra.
 16 Auraka koe e monomono korero aere
 na roto i to iti-tangata na: auraka oki
 koe e tu ki runga ei tapepe pikikaa i to
 tangata tupu kia mate: ko au ko Ie-
 17 hova. Auraka koe e riri ua i to taeake
 i roto i to ngakau; e ako ra koe i to
 tangata tupu, auraka e vao iaia kia ara
 18 ua na. Auraka koe e akaoko, auraka
 e akamopuku i te tamariki a toou iti-
 tangata na, e aroa ra koe i to tangata
 tupu mei toou aroa ia koe uorai na;
 ko au ko Iehova.
 19 Ko taku ra au akonoanga ta kotou e
 akono. Auraka koe e vao ua i taua
 au puaka e manganui te tu kia kairo
 pu ua na; auraka koe e ruru i taua
 koro ki te ua iro uaia ra: auraka oki
 koe e kakau ki te kakau orongū e te
 uru-mamoe i irokia ra.
 20 Ko te moe ua i te vaine tavini, i mo-
 mokoia i te tane ra, kare i okioia, kare
 oki i tatarāia; e pāpāia ia: kare raua
 e mate takiri rava, no te mea kare te
 21 vaine i matara. E ka apai taua tangata ra
 i tana tutakingaara kia Iehova ra, ki te
 ngutupa o te Are uipānga ra, ei rama
 22 tana tutakingaara e apai. E na te taunga
 e apai i taua rama tutakingaara ra ei ta-
 pokiaangaara nana ra ki mua i te aroaro o
 Iehova, i tana ara tana i rave ra: e ka
 akakorcia tana ara i raveia ia ra.
 23 E kia tae kotou ki te enua, kia tanu
 kotou i te au rakau ravarai nei ei kai,
 e tuatua kotou i to reira kai e, e mea
 peritome koreia ia: e riro te reira ei
 mea peritome koreia ia kotou e kia toru

ake mataiti; kare ia e kaingaia atu. E 24
kia tae ki te a o te mataiti, e akatapuia'i
to reira au kai katoa ra, ma te akamei-
taki ia Iehova. Kareka kia tae ki te 25
rima o te mataiti ra, ka kai ia kotou i
to reira au kai ra, kia ua mai oki *taua*
au rakau ra i to ratou ua na kotou: ko
au ko to kotou Atua ra ko Iehova.

Auraka kotou e kai i te *kai* ma te 26
toto: auraka kotou e purepure, e te
akara ki te au tumurangi. Auraka 27
kotou e mangore takatii i te rauru o to
kotou mimiti, auraka oki e rave kino i
to kotou kumikumi. Auraka kotou e 28
kotikoti i to kotou kopapa i te tangata
mate ra; auraka rava oki ei tata i tataia
ki runga ia kotou na: ko au ko Iehova.

Auraka koe e akariro i taua tamaine 29
ei akaturi; ko te riro aea te enua i te
akaturi, e ki akera te enua i te kino.

E akono kotou i toku au sabati, e e 30
akatapu i toku ngai-tapu ra: ko au ko
Iehova.

Auraka kotou e akono i te vaerua 31
kino ra, e auraka e kimi i te purepure,
kia viivii kotou i te reira: ko au ko to
kotou Atua ra ko Iehova.

E tu koe ki runga ki mua i te aro- 32
aro o te upoko inaina, e akangatitei
koe i te tangata metua; E e matakua oki
koe i toou Atua: ko au ko Iehova.

E kia purutia mai te tangata ke i 33
o ou, i to kotou na enua, auraka kotou
e takinga-kino iaia. Kia riro ra te ta- 34
ngata ke e noo i o kotou na mei te
tangata tupu katoa ia kotou, e aroa oki
koe iaia mei te aroa ia koe uorai; e
tangata ke katoa oki kotou i te enua ra
i Alphiti: ko au ko to kotou Atua ra
ko Iehova.

Auraka kotou e akatika i te tuatua- 35
tika kore i te akava anga; i te aite
anga i te roa, te teiaa, e te rai. Ei 36
aite-akateiaa tika, ei toka tika, ei epha
tika, e te ina tika, ta kotou: ko au to
kotou Atua ra ko Iehova, ko tei arataki
mai ia kotou mei te enua maira mei
Alphiti. E teianei e akono kotou i 37
taku ra au akonoanga katoa, e taku au
tuatua-tau katoa, e rave ia kotou: ko
au ko Iehova.

PENE XX.

*E ture no te aronga kanga, kia kore ta
ratou peu e raveia.*

KUA tuatua mairā Iehova kia Mose, 1
na ko maira, E tuatua rai koe ki 2
te tamariki a Iseraela, Ko te tangata e
apai i tana i anau ra no Moloka, to te
tamariki a Iseraela, e to te aronga ta-
ngata ke ke i purutia i roto ia Iseraela

ra; ka mate roa ia aia: na te tangata o
3 te enua na e pei ki te toka. Ka ana-
ana tikai toku mata ki te reira tangata,
e tipu ke atu au iaia i tona iti-tangata
ra; no te mea kua akaviivii aia i toku
ngai-tapu, e kua akanoa i toku ingoa
tapu nei, koia i apai i tana i anau ra no

4 Moloka. E kia kore te tangata o te
enua e akara i taua tangata ra, kia apai
aia i tana i anau ra no Moloka, e kare
5 e ta iaia: Ka anaana tikai toku mata
ki taua tangata ra i reira, e tona katoa
ra kopu-tangata, e ka tipu ke atu au
iaia, e te aronga katoa e aru akaturi
aere iaia ra, e to ratou katoa e aru aka-
turi aere ia Moloka ra, i to ratou ra
6 iti-tangata. E te tangata e ariu tika
ki te vaerua kino ra, e te au purepure,
i te aru akaturi aere anga atu ia ratou,
ka anaana tikai toku mata ki te reira
tangata, e ka tipu ke atu au iaia i tona
iti-tangata ra.

7 E tenana, e akatapu ia kotou, kia
tapu: ko au oki to kotou Atua ra ko
8 Iehova. E akono oki kotou i taku ra
au akonoanga, e rave ia kotou i te reira:
ko au ko Iehova, ko tei akatapu ia ko-
touna.

9 Ko te katara i tona metua tane, e
tona metua vaine, ka mate roa ia aia;
kua katara aia i tona metua tane, e tona
metua vaine; ei runga iaia uorai tona
toto.

10 Ko te moe i ta tetai ke ra vaine, koia
oki te moc ki te vaine a tona tangata
tupu, ko tei moe e ko tei moeia ka ma-
11 mate katoa ia. E te tangata e moe i
te vaine a tona metua, i ta tona metua
e moe ra, e mamate katoa ia raua ra-
varai; ei runga ia raua uorai to raua
12 toto. E kia moe te tangata i tana uo-
rai unonga, ka mamate katoa ia raua
ravarai: kua rave raua i te mea viivii:
13 ei runga ia raua uorai to raua toto. E
kia moe te tangata i te tane, mei te
moe i te vaine, kua rave katoa raua i
te mea viivii: ka mamate ia raua rava-
rai; ei runga ia raua uorai to raua
14 toto. E kia rave te tangata i te vaine
e tona metua vaine katoa, e ara maata
ia: ka ta'ua ia ratou ki te ai, taua tane
ra e raua katoa; kia kore taua kino i
15 roto ia kotou na. E kia moe te tangata
i te puaka ra, ka mate roa ia aia; ka
16 ta oki kotou i taua puaka ra. E kia
oronga te vaine iaia uorai ki te puaka
ra, e ta koe i taua vaine ra, e te puaka
katoa ra; ka mamate takiri ia raua;
ei runga ia raua uorai to raua toto.
17 E kia rave te tangata i tona uorai
tuaine, i te tuaine a tona uorai metua
tane, e te tuaine a tona uorai metua

vaine, kia moe tikai aia iaia; e mea kino maata ia: ka tipu keia ia raua ki mua i te mata o to raua uorai tangata ra: kua rave aia i tona uorai tuaine; ei runga iaia uorai tana ara. E kia 18 moe te tangata i te vaine i tona akataka angaia ra, e kua akatika katoa taua vaine ra; e tipu keia ia raua ravarai i to raua iti-tangata ra. Auraka koe e 19 moe i te teina o to metua vaine, e te tuaine o to metua tane; kua moe oki i te vaine taeake roa: ei runga ia ia raua uorai ta raua ara. E kia moe te ta- 20 ngata i te vaine a te taeake o tona metua tane ra, ta te taeake o tona metua tane e moe ra, ei runga ia raua ta raua ara: ka mate raua na te tamariki kore. E kia moe oki te tangata i te vaine a tona 21 taeake, ta tona taeake e moe ra, e mea viivii ia: e kare ta raua e tamarikiia.

E akono kotou i taku au akonoanga 22 ravarai ra, e taku katoa ra au tuatua- tau, e rave ia kotou: kia kore te enua, taku e arataki ia kotou kia noo nei, e akaruaki ia kotou ki vao. Auraka ko- 23 tou e akono i te au akonoanga a te au tangata, taku e waitata i te tuaru ke ki mua ia kotou na; kua rave oki ratou i taua au mea katoa nei, i akaviivii ei au ia ratou. Teia ra taku tuatua kia 24 kotou, Ka noo ia kotou i to ratou enua, e e oronga ia au i te reira no kotou ei nooanga, e enua ta'e a vai ua te u, e te meli: ko au to kotou Atua ra ko Iehova, ko tei akataka ia kotou i te au iti-tangata ra. E teianei, e akataka ia 25 kotou i te puaka viivii kore e te viivii, e te manu viivii e te viivii kore: e auraka kotou e akaviivii ia kotou uorai i te puaka, e te manu, e te au mea katoa e totoro aere na runga i te one nei, taku i akataka ke atu ia kotou, no te mea kua viivii. Ei aronga tapu kotou noku: 26 no te mea te tapu nei au ko Iehova, e kua akataka au ia kotou i te au iti-tangata ei tangata noku. E teianei, 27 ko te tane vaerua kino, e te vaine vaerua kino, e te purepure, ka mate takiri ia: ka peiia te reira ki te toka: ei runga ia ratou uorai to ratou toto.

PENE XXI.

No te au taunga e to ratou akaipoipo anga.

KUA tuatua mairai a Iehova kia 1 Mose, E karanga atu koe ki te kau taunga ra ki te tamariki na Aarona, e na ko atu kia ratou, Auraka rava kotou kia viivii i te tangata mate i o ou na; Mari ra ko tei piri roa iaia uorai, 2 mei te metua vaine, e te metua tane, e

te tamaiti, e te tamaine, e te taeake ra, 3 E te tuaine paretenia nona orai, kare rai i noo tane na; kia viivii ua atu aia i te reira. Auraka ra aia e akaviivii iaia orai i te akanoa anga iaia orai, e tangata maata oki aia i rotopu i tona 4 orai iti-tangata. Auraka ratou e mangore teatea i to ratou mimiti, auraka oki ratou e varu i to ratou kumikumui, auraka oki ratou e kotikoti i to ratou 5 kopapa. Ei aronga tapu ratou no to ratou Atua, auraka ratou e akanoa i te ingoa o to ratou Atua: no te mea ko ratou te apai i te au tusia ai a Iehova ra, i te kai a to ratou Atua ra: kia tapu 6 oki ratou e *tika'i*. Auraka ratou e akaipoipo i te vaine akaturi, e tei moe uaia; auraka ta ratou ei vaine akatakaia i tana tane ra: e tapu oki aia no 7 tona ra Atua. E teianei, ei tangata tapu aia ia koe; no te mea te apai nei aia i ta to Atua ra kai: kia tapu aia ia koe: no te mea, te tapu nei au ko Ie- 8 hova, ko tei akatapu ia kotou. Kia akaviivii te tamaine a tetai taunga iaia uorai i te akaturi, kua viivii tona metua tane iaia: ka ta'ua aia ki te ai. 9 Ko te taunga maata ra i rotopu i tona ai taeake, ko tei riringia te manongi akatainu ki runga i tona mimiti ra, i tei akataoongaia ra, i akakakauia ki te au kakau *tapu* ra, auraka aia e vaoa ua i tona mimiti, auraka oki e aeae i tona 10 kakau; Auraka oki aia e aere ua atu ki te pae o te tangata mate, auraka oki aia e akaviivii iaia uorai i tona metua 11 tane, e tona metua vaine; Auraka aia e aere ki vao i te ngai-tapu ra, ko te viivii aea te ngai-tapu o tona Atua iaia; te vai rai te korona o te manongi akatainu a tona Atua ra ki runga iaia: ko 12 au ko Iehova. Ko te paretenia ra tana e akaipoipo ei vaine. I te vaine takaua ra, e te vaine akatakaia ra, e tei moe uaia ra, e akaturi, auraka aia e rave i te reira; ei paretenia no roto i tona orai tangata ra tana e akaipoipo ei 13 vaine; Ko te viivii aea oki tona uanga iaia i rotopu i tona iti-tangata ra: naku oki, na Iehova, i akatapu iaia. 14 Kua tuatua mairai Iehova kia Mose, 15 na ko maira, E karanga atu koe kia Aarona, e na ko atu, Auraka te kino i toou ra uanga, e ope ua ake to ratou au uki ra, e akavaitata mai, ei apai mai i 16 te kai a tona Atua. Auraka rava oki te kino e akavaitata mai; auraka te tangata matapo, e te pirikoki, e te pu- 17 taiu parara, e te kata. E te tangata 18 vaevae aati, e te rima aati, E te tua mingi, e te poto ua, e te mata kana, e tei pakaia ra, e tei uncia, e tei tatua ra.

Auraka rava tetai kino no te uanga o 21
te taunga ra o Aaronā, e akavaitata mai
ei apai i te au tusia ai a Iehova ra : e
kino aia : auraka aia e akavaitata mai
ei apai i te kai a tona ra Atua. Ka 22
kai aia i te kai a tona ra Atua, i te au mea
tapu, e te au mea tapu manta ua atu :
Auraka ra aia e tomo ki roto i te paru- 23
ru ra, auraka oki e akavaitata ki te
atarau ra, no te mea e kino aia ; ko te
viivii aea oki te au mea tapu naku ra
iaia ; naku oki, na Iehova, i akatapu i
te reira. Kua akakite atura oki a 24
Mose kia Aaronā, e ki tana au tamariki,
e ki te tamariki katoa a Iseraela.

PENE XXII.

*Te va'i e tau ei te kua taunga kiu noo
ua, auraka e rave i te mea tapu ra.*

KUA tuatua mairā Iehova kia Mose, 1
na ko maira, E karanga atu koe 2
kia Aaronā e ki ana puke tamariki, i ta
ratou akataka ke anga i te au mea tapu
a te tamariki a Iseraela, kia kore ratou
e akanoa i toku nei ingoa tapu, i taua 3
au mea ta ratou e akatapu naku ra : ko
au ko Iehova. E karanga atu koe kia
ratou, Ko te tangata no to kotou uanga
katoa e ope ua ake to kotou au uki ra,
kia akavaitata atu aia i te au mea tapu,
ta te tamariki a Iseraela e akatapu na 4
Iehova ra, ma tona viivii ki rungao iaia
ra, ka tipu keia ia tangata i mua i toku
aroaro nei : ko au ko Iehova. E te ta-
ngata no te uanga o Aaronā kia riro ei
lepera, e tei zubiia ra, auraka aia e kai i
te au mea tapu ra, kia mā raiaia. E tei 5
tukia ua atu i tetai mea e viivii i te mea
mate ra, e tei rokoia e te isa ; E tei
tukia ua atu i tetai mea e totoro aere ua
ra, e viivii ei aia ra, e i te tangata viivii
e viivii mai ei aia ra, i tona au mea
viivii katoa ; Ko te tangata ra i tukia 6
ana i te reira, e viivii ia aia e aia ua
atu, e auraka aia e kai i te au mea tapu,
kia pai ra aia ki te vai. E kia topa te 7
rū ra, kua mā ia aia i reira, e kai ia aia
i te au mea tapu i muri ake ; no te mea
ko tana ia kai. I te mea mate ua ra, 8
e tei etietiiā ra, auraka aia e akaviivii
iaia uorai i te keinga i te reira : ko au
ko Iehova. E teianei, e akono ratou i 9
taku ra akonoanga, ko te arania nea ra-
tou, e ko te mate aea, kia akanoa ratou
i te reira ra ; naku oki, na Iehova, i
akatapu ia ratou.

Auraka roa te tangata ke e kai i te 10
mea tapu ra : ko tei noo i o te taunga
ra, e te tavini i ouia ra, auraka e kai i
te mea tapu ra. Kia oko ra te taunga 11
i tetai tangata ki te moni, ka kai taua

tangata ra, e tei anau i tona ra ngu-
tuare : ka kai ia ratou i tana kai. Kia
akaipoipo te tamaine a te taunga i tetai
tangata ke, kare aia e kai i te au mea
12 tapu i apaiia ra. E vaine takaua ra
taua tamaine a te taunga ra, e te vaine
i kopacia ra oki, e kare e tamariki, e
kua oki mai ki te ngutuare o te metua
tane ra, ka kai ia aia i te kai a tona
metua, mei tei tona ou anga ra : kare
13 rava ra te tangata ke e kai. Kia kai
kite kore ua te tangata i te mea tapu
ra, e kapiti katoa atu aia i tetai tuanga
rima ki taua mea tapu ra, ka apai ka-
14 toa atu ei ki te taunga ra. Auraka oki
ratou e akanoa i te au mea tapu a te
tamariki a Iseraela, ta ratou e apai kia
15 Iehova ra ; Auraka oki ratou e aka-
teiaa ia ratou i te utunga o te ara i te
kainga i te au mea tapu ra ; naku oki,
na Iehova, i akatapu ia ratou.
16 Kua tuatua mairā Iehova kia Mose,
na ko maira, Ka karanga atu koe kia
Aaronā, e ana puke tamariki, e te ta-
mariki katoa a Iseraela, e na ko atu koe
kia ratou, Kia inangaro to te ngutuare
o Iseraela, e to te tangata ke ke i Ise-
raela, i te apai mai i tana korebana na
te au tia katoa nana, e no te au mea
apai ua katoa nana ra, ta ratou e apai
17 ei tusia karakaratio na Iehova ; Ei toa
kino kore kia marekaia mai ei, no roto
i te bovi, no roto i te mamoe, e no
18 roto i te puaka-nio. *Karaka* te au mea
kino ra, auraka kotou e apai i te reira :
kare oki te reira e marekaia na kotou.
19 Ko te apai i te tusia au kia Iehova ra,
e akaoti i te tia, e ei mea apai ua, no
roto i te bovi, e no roto i te mamoe, ei
20 mea kino kore kia marekaia mai ei ;
auraka roa ei kino. Te matapo ra, e
21 tei paruparu, e tei vaevae aati, e tei
makiia, e tei pakaia, e tei uneia ra, au-
raka kotou e apai i te reira kia Iehova
ra, auraka oki kia apaiia ki runga i te
22 atarau ei tusia ai na Iehova. E tika ra
te bovi, e te mamoe, e kata, e e mea
ngiti, kia apai ei mea apai ua ; kareka
23 ei tia, kare ia e marekaia mai. Auraka
kotou e apai i tei pāii kia Iehova, e tei
paruparu, e tei aati, e tei tātia ra ;
auraka kotou e akapera i to kotou
24 enua ra. Auraka oki te reira au mea
katoa e apaiia ei kai na to kotou Atua,
kia apaiia mai e te tangata ke ra ; kare
te reira e ārikiia mai ia kotou, no te
mea tei roto i taua au mea ra te pe, e
25 te kino oki tei roto i te reira.
26 Kua tuatua mairā Iehova kia Mose,
na ko maira, Kia anau mai te bovi, e
27 te mamoe, e te puaka-nio, ei te tinana
uaorai te *punua* vaoo ua'i, e kia po itu ;

e kia tae ki te po varu ra, e marekaia ia mei reira mairai kia apai ei tusia ai na Iehova. Auraka ra kotou e ta i te 28 bovi *tinana*, e te mamoe *tinana*, e tana punua katoa i te rā okotai.

E kia apai kotou i te tusia aka- 29 meitaki kia Iehova ra, e apai i te ka marekaia mai ei ra. Ei taua rā ra kai 30 ei; auraka kotou e vaoo i tetai va'i no apopo: ko au ko Iehova. E teianei e 31 akono kotou i taku ra au akauenga, e rave kotou i te reira: ko au ko Iehova. Auraka katoa kotou e akanoa i toku 32 ingoa tapu nei; e akatapuia ra au i roto i te tamariki a Iseraela: ko au ko Iehova, tei akatapu ia kotou, Kua arataki 33 mai oki ia kotou mei te enua maira mei Aiphiti, ei Atua au no kotou: ko au ko Iehova.

PENE XXIII.

Te au oro a ra, e te tu o te rave anga kia rave.

KUA tuatua mairā Iehova kia Mose, 1 na ko maira, E karanga atu koe 2 ki te tamariki a Iseraela, e na ko atu kia ratou, Te au oro a Iehova, ta kotou e akono ei uruoanga tapu ra, ko teia taku au oro a ra.

Ka raveia te angaanga i nga rā e ono 3 ra; kareka te rā itu, i te sabati aka- angaro i anga ra, ei uruoanga tapu ia; kare rava e angaanga e raveia i *reira*: ei sabati ia no Iehova i to kotou au nooanga katoa ra.

Teia ra te au oro a Iehova, e au 4 uruoanga tapu ia, ta kotou e akono i to ratou ra tuatau i akonoia ra. I te ma- 5 rama mua, i te po okotai ngauru ma a i taua marama ra, i te aiai, ko te pasa ia na Iehova. E te po okotai ngauru ma 6 rima i taua marama ra, ko te oro aro- to akaopue koreia ia na Iehova: kia po itu kotou i te kainga i te areto akaopue koreia ra. I te rā mua ra, ei uruoanga 7 tapu ta kotou; auraka rava kotou e rave i te angaanga i *reira*. E apai ra kotou i te 8 tusia ai na Iehova i taua au rā katoa e itu ra; ei te rā itu oki tetai uruoanga tapu ra; auraka roa kotou e rave i te angaanga i *reira*.

Kua tuatua mairā Iehova kia Mose, 9 na ko maira, E karanga atu koe ki te tamariki a Iseraela, e tuatua koe kia ratou, Kia tae kotou ki te enua taku e 10 oronga atu nei no kotou, e kua kokoti kotou i te kai mou ra, e apai mai kotou i tetai ruru i taua popo o ta kotou kai akaū ki te taunga ra: E nana e ruru i 11 taua ruru *sitona* ra ki mua i te aroaro o Iehova, kia marekaia na kotou;

kia popongi ake kia oti te sabati ra, e 12 ruruia i te te taunga te reira. Ei te rā e ruruia i te ruru *sitona* ra, e apai ei kotou i tetai arenio toa mataiti okotai, e te kino kore, ei tusia karakaratio na 13 Iehova: E tona ra mincka, kia rua ia omera faraoa pueu i irokia ki te inu ra, ei tusia ai aunga kakara na Iehova: e tona nescka wina ra, kia okotai 14 ia kuata ina. Auraka kotou e kai i te areto, e te sitona tunu, e te ua ou, e tae ua atu ki te rā tikai e apai mai ei i te korehana na to kotou Atua: ei akono- 15 anga vaoo tamou teia e ope ua ake to kotou au uki ra, i to kotou au nooanga katoa ra.

E tatau oki kotou i nga sabati mou e itu; e na taua rā i muri ake i te sabati ta kotou i apai i te ruru *sitona* e ruru 16 ra, i te *tatau*: E tae ua atu ki te rā i muri ake i te sabati itu ra, kia rima ngauru anga te rā ta kotou e tatau; ka apai ei kotou i tetai mincka ou na Iehova. Ka apai mai kotou i nga areto 17 ruru omera e rua no roto i to kotou au nooanga, ei *areto* faraoa pueu: e taonaia ma te akaopue katoa; ei popo 18 na Iehova. Ka apai katoa kotou i nga arenio mataiti okotai, e te kino kore, e itu ra, e nga areto, e te bovi ou okotai, e nga rama e rua: ei tusia karakaratio te reira na Iehova, e te reira mincka, e to reira au nescka, ei tusia ai aunga 19 kakara ia na Iehova. Ei reira kotou e ta ai i tetai puaka-nio ei tarangaara, e nga arenio mataiti okotai e rua ei tusia 20 au. E na te taunga e ruru i te reira e te areto popo ra, ei tenupe ki mua i te aroaro o Iehova, e nga arenio katoa e rua; e mea tapu te reira na Iehova, na 21 te taunga ia. Ei uruoanga tapu ta kotou e akono i te reira rā; auraka rava kotou e rave i te angaanga i te *reira* rā: ei akonoanga vaoo tamou te *reira* i to kotou au nooanga katoa, e ope ua ake 22 to kotou au uki ra. Kia kokoti kotou i te kai mou i to kotou na enua, auraka koe e kokoti akapou takiri i te an poo i to koro, auraka oki koe e koi aere i te totoenga kai mou naau na: ka vaoo koe i te reira na te tangata rikiriki, e na te tangata ke: ko au ko to kotou Atua ra ko Iehova.

Kua tuatua mairā Iehova kia Mose, 23 na ko maira, E karanga atu koe ki te tamariki a Iseraela, e na ko atu, Kia tae ki te marama itu ra, i te rā mua o taua marama ra, ei sabati ia te reira na kotou, ei akonoanga akatangī pu, ei uruoanga tapu. Auraka rava kotou e rave i te angaanga i te *reira* rā: e apai ra kotou i te tusia ai na Iehova.

Kua tuatua mairā Iehova kia Mose, 26
na ko maira, Te ngauru o *te rā* o taua 27
marama itu ra, e i rā tapokiangaara ia;
e uruoanga tapu na kotou; e e taaka-
kaaka kotou i to kotou au vaerua, e
apai oki i te tusia ai na Iehova ra.
Auraka roa ta kotou e angaanga e rave 28
i taua rā ra: e rā tapokiangaara oki te
reira, e apai anga i te tapokiangaara
na kotou ki mua i te aroaro o to kotou
Atua ra ko Iehova. Ko te tangata kare 29
e taakaaka iaia uarai i te reira rā, e
tipu keia i tona iti-tangata ra. E tei 30
rave i te angaanga i taua rā ra, e mate
te reira tangata iaku i roto i tona iti
tangata. Auraka roa kotou e rave i te 31
angaanga i te reira rā: e akonoanga
vaoa tainou *teia* e ope ua ake to ko-
tou au uki, i to kotou au nooanga ka-
toa ra. E i sabati akaangaro i anga ia 32
te reira, e e taakaaka kotou i to kotou
au vaerua: mei te aia i mai o *te rā* iva
i taua marama ra, e tae ua atu ki tetai
aia, ko ta kotou ia e akono e sabati.

Kua tuatua mairā Iehova kia Mose, 33
na ko maira, E karanga atu koe ki te 34
tamariki a Iseraela, e na ko atu, Ko te
ngauru ma rima o *te rā* i taua marama
itu ra, ko te oroa patia anga puakapa ia
na Iehova, e kia po itu. E i uruoanga 35
tapu tei te rā mua ra: auraka roa kotou
e rave i te angaanga i *reira*. E apai 36
kotou i te tusia ai na Iehova, e kia po
itu; e e i uruoanga tapu ta kotou i te
rā varu, e ka apai rai i te tusia ai na
Iehova: e rā akatapu anga ia; auraka
roa kotou e rave i te angaanga i *reira*.

Ko nga oroa eia a Iehova, ta kotou e 37
akono e i uruoanga tapu ra, kia
apai i te tusia ai na Iehova; te tusia
karakaratio, e te mineka, i te tusia, e
te au neseka; i to ratou ra rā tikai: E 38
te au sabati katoa o Iehova, e te au
mea oronga ua na kotou, e ta kotou au
tia katoa, e ta kotou apinga apai ua
katoa, ta kotou e oronga na Iehova. E 39
kia tae ki te ngauru ma rima o *te rā* i
te marama itu ra, kia akaputupu mai
kotou i te kai o te enua, e i oroa ta
kotou e akono na Iehova, e kia po itu:
ko te rā mua ra e i sabati ia, e i sabati
katou te rā varu ra. E i te rā muata- 40
ngana e rave e kotou i te mapura ra-
kau meitaki ra, te mangamanga tamara,
e te au rara rakau ruperupe, e te arebe
i raro i te kauvai; e rekareka kotou ki
mua i te aroaro o to kotou Atua ra ko
Iehova, e kia po itu. E i oroa ta kotou 41
e akono na Iehova, e kia po itu i te
mataiti okotai. E i akonoanga vaoa ta-
mouia e ope ua ake to kotou au uki ra;
e i te marama itu ra kotou e akono e i

42 te reira. E i roto kotou i te au are
piritanga noo e i e kia po itu; ko to Ise-
raela tikai ra e i roto ia e i te are piritan-
43 nga noo e i; Kia kite to kotou au uki a
muri atu e, kua akanoo au i te tamariki
a Iseraela ki roto i te are piritanga,
iaku i arataki mai ia ratou mei te enua
maira mei Aiphiti: ko au to kotou
Atua ra ko Iehova.
44 E kua akakite aturā Mose ki te ta-
mariki a Iseraela i te au oroa a Iehova.

PENE XXIV.

*Te mori no te au lamepa, te kai o te
aroaro ra; te matenga o te tangata
akakino ra; e mate te ta tangata, ko
te ta puaka e tulaki ua ia.*

- 1 KUA tuatua mairā Iehova kia
- 2 Mose, na ko maira, E akaue koe i
te tamariki a Iseraela, e apai mai ratou i
te inu olive meitaki i reuia ra e i aka-
mārama, kia vai marie te au lamepa i
3 te ka anga. Ki vao atu nei i te paruru
i te *arua* kite ra, i roto i te are uipā-
nga ra, na Aaron e rave, mei te aia i
mai e ao ua ake, ki mua i te aroaro o
Iehova, auraka e tivata; e akonoanga
mou *te reira* e ope ua ake to kotou au
4 uki ra. E akapera nia i te rave i te au
lamepa i taua menure *auro* meitaki ra,
ki mua i te aroaro o Iehova, i te au rā
katoa ra.
5 E rave oki koe i te faraoa pueu, ka
tunu e i nga areto okotai ngauru ma
rua ra; kia rua omera i te areto okotai.
6 E naau e akapapa kia rua akapapa-
anga, taki ono i te akapapaanga okotai,
e i runga i te kaingakai *auro* meitaki ra
7 ki mua i te aroaro o Iehova. E tuku
oki koe i te libano meitaki ki runga o
nga akapapaanga *areto* ra, e i rungao i
taua areto ra, e i manakoanga, e i tusia
8 ai na Iehova. Na *te tamua* e akapapa
marie i te reira i te au sabati katoa ra,
ki mua i te aroaro o Iehova, auraka e
tukumoe, kia rauka mai i *te rima* o te
tamariki a Iseraela; e i koreromotu
9 mutu kore ia. Na Aaron, e na tana
au tamariki, taua *areto* ra; na ratou e
kai i roto i tetai ngai tapu: e mea tapu
roa ia oki te reira nana i te au tusia ai
a Iehova, e i akonoanga vaoa tamouia
ra.
10 Kua aere maira te tamaiti a tetai
vaine ngati Iseraela, e metua tane
Aiphiti te metua tane, i rotapu i te ta-
mariki a Iseraela: kua kukumi iora
taua tamaiti a te vaine ngati Iseraela ra,
e tetai tangata Iseraela, i roto i te pu-
11 akapa; Kua akakino iora taua tamaiti
a te vaine ngati Iseraela ra i te ingoa o

Iehova, kua katara iora. E kua arataki maira ratou iaia kua Mose ra: (ko Selomi te ingoa o tona metua vaine, e tamine na Diberi, no te kopu o Dana ra:) Kua tapeka iora ratou iaia, kia akakiteia mai ta Iehova tuatua kia ratou ra.

Kua tuatua mairā Iehova kia Mose, 13 na ko maira, Arataki mai ana iaia, i 14 katara ra, ki vao mai i te puakapa: e na te aronga ravarai i akarongo iaia, e tuku ratou i to ratou au rima ki runga i tona mimiti, e na te uipānga katoa e pei iaia ki te toka. E karanga atu koe 15 ki te tamariki a Iseraela, e na ko atu, Ko tei katara i tona Atua, ei runga iaia uaorai tana ara. Kareka ko te 16 akakino i te ingoa o Iehova, ka mate roa ia; na te uipānga katoa e pei iaia ki te toka: te tangata ke, e te tangata uenua katoa, kia akakino aia i te ingoa o Iehova, ka mate rava ia.

E tei ta i te tangata ra, ka tamate 17 ravaia ia. Kareka tei ta i te puaka ra, 18 ka oko ia; e puaka ra ei puaka ia. E 19 kia akakino atu tetai tangata ki tetai, e akapera katoaia mai aia mei tana katoa i rave ra; E paraparua ra ei paru- 20 paru ia, e mata ra ei mata ia, e nio ra ei nio ia, mei iaia i akakino atu i tetai ra, kia akapera katoaia mai aia. E tei 21 ta i te puaka ra, e oko mai ia aia; ko tei ta ra i te tangata ra, ka taia ia. Kia 22 okotai rai a kotou utunga, i ta te tangata ke, e ta te tangata uenua: ko au ko to kotou Atua ra ko Iehova.

Kua karanga aturū Mose ki te tama- 23 riki a Iseraela, e arataki ratou i tana tangata, i katara ra, ki vao mai i te puakapa, ka pei ei iaia ki te toka. Kua pera oki te tamariki a Iseraela i ta Iehova i akaue mai kia Mose ra.

PENE XXV.

E akono i te sabati i te itu o te mataiti, e te iubile i te mataiti rima ngauru e tika'i.

KUA tuatua mairā Iehova kia Mose 1 i te maunga ra ko Sinai, na ko maira, E karanga atu koe ki te tamariki a Iseraela, e na ko atu kia ratou, 2 Kia tae kotou ki te enua taku e oronga atu no kotou nei, ei sabati ta te enua e akono no Iehova. E ruru koe i te ua i 3 toou kainga e kia ono ake mataiti, e ka tope koe i taau vine e kia ono mataiti, e ka akaputuputu mai oki i te ua no te reira ra; Kia tae ra ki te itu o te ma- 4 taiti ra, ei sabati noo ua ia no te enua, na Iehova ia sabati: auraka koe e ruru i te ua i toou kainga, auraka oki koe e

5 tope i taau vine. Auraka koe e kokoti i taau kai mou i tupu ua ra, e auraka katoa e akiaki i te vine i taau vine tope koreia ra; e mataiti noo ua oki te reira 6 no te enua. Kareka ko *te iitu* ua i te enua i taau noo ua anga ra, ei kai ra ia na kotou; naau e to tavini tane, e to tavini vaine, e to tangata i ouia ra, e to tangata ke e uarere ua i roto ia koe na, 7 E na taau puaka, e te au terio o to enua ra, ei kai anake ia na te reira. 8 E tatau oki koe i nga mataiti sabati e itu, e itu itu anga ia mataiti; e a ia ngauru ma iva mataiti e ope ei aua 9 nga sabati mataiti e itu ra. Ei reira koe e akatangī ei i te pu tangi mataiti, ei te ngauru o te rā i te marama itu ra; i te rā tapokiangaara ra, e akatangī ei koe i te pu e pini ua ake to kotou enua. 10 E akataka kotou i te mataiti e rima ngauru ra, ka tutu aere ei e, e matara- anga no te tangata tini ravara i te enua e pini ua ake; ei *mataiti* iubile ia no kotou; e ka oki akaou kotou katoa, ko te tangata ko tona uaorai kainga tikai; ka oki akaou oki kotou ravara, ko te tangata ko tona uaorai kopu-tangata. 11 Ei iubile taau mataiti e rima ngauru ra no kotou: auraka kotou e ruru i te ua, auraka oki e kokoti i tei tupu ua i taau *mataiti* ra, auraka oki e akiaki i te vine i ta kotou au vine tope koreia ra i reira. 12 E iubile oki te reira; ei mea tapu ia ia kotou: e kai ua kotou i to reira kai 13 mei te kainga mai. Kia tae ki taau mataiti iubile ra, ka oki kotou ravara, ko te tangata ko tona uaorai kainga tikai. 14 Kia oko kotou i tetai apinga ki to tangata tupu, e kia oko atu i to taau tangata tupu ra noou, auraka kotou e 15 takinga-kino tetai ki tetai; E akono koe i te mataiti i oti ei te iubile kia oko koe i to tangata tupu ra, e akono oki 16 aia i te mataiti ua anga kai i oko mai ei 17 aia ia koe: E mataiti manganui *tei toe* ra, e akamaata koe i te oko, e te iti ra te mataiti, e akaiti koe i te oko: e akono oki i te ua *mataiti* ua anga kai ka oko ei koe. E teianei, auraka kotou e takinga-kino tetai ki tetai; kia mataka 18 ra koe i to Atua: ko au oki to kotou Atua ra, ko Iehova. 19 E teianei, e akono kotou i taku ra au akonoanga, e e tāpu i taku au tuatua-tau, ko ta kotou ia e rave; kia noo oki kotou ki runga i te enua na te au. 20 E manga oki to te enua i reira, e kai oki kotou e ka merengo, noo ua'i ma te au. E kia karanga mai kotou e, E na ta matou kia kai i te mataiti itu ra? i na, auraka matou e ruru i te ua, e auraka ta matou ei kai e akaputuputuia

mai *i reira*: Naku ia e akaue atu i te 21
meitaki noku nei ki rungao ia kotou i te
mataiti ono ra, e ka ua te kai *i te reira*
mataiti e e toru ua atu mataiti e pou ei.
Ka ruru oki kotou i te ua i te mataiti 22
varu, e kai ua ra kotou i te kai taito e
tae ua atu ki te mataiti iwa; e kia ua
ua mai to te reira *mataiti* i te kai ua
anga kotou i te *kai taito*.

Auraka te enuae oko akairoro roaia ra: 23
noku oki te enua; e tangata ke ke oki
kotou, e uarere ua kotou i oku nei. E 24
vaoo ua te enua katoa ta kotou e noo, kia
oko akaouia mairai te enua. Kia rokoia 25
to taeake e te puta ua, e kua oko aia i te-
tai pae i tona kainga, kia aere maira to te
kopu-tangata nona e oko akaou i te reira
ra, e tika *ia iaia* kia oko akaou i ta tona
taeake i oko ra. E kare ra ona kia oko 26
akaou *i taua kainga* ra, e tika ra iaia
uaorai kia oko akaou i taua *kainga* ra;
E tatau aia i nga mataiti i topa i te 27
oko anga ra, ka akaoki ei i te *moni* i toe
i te tangata tana i oko *i taua kainga*
ra, ka oki akaou ei aia i tona kainga.
Kia kore ra e tika iaia, kare ana e rauka 28
akaou ei iaia, e vaoo ua atu tei okoia ra
i te rima o tei oko mai, e kia tae ki te
mataiti iubile; kia tae oki ki te iubile
ra, e tukuia mai ia, kia oki akaou aia
ki tona kainga.

Kia oko te tangata i te are nooanga i 29
roto i te oire i patuia ra, ei taua mataiti
ra i okoia'i ra aia ka oko akaou ei *kia*
oko; kare i ope te mataiti tika tikai
ra, e tika iaia kia oko akaou. Kia kore 30
ra e oko akaouia e ope ua atu te mataiti
tika tikai ra, ka riro taua are i roto i te
oire patuia ra nona roa atu *no te tangata*
i oko, e ope ua ake tona au uki ra; kare
ia e tukuia kia tae ki te iubile ra.
Kareka te are no te au vila kare i aka- 31
piniia ki te patu ra, ka riro ia mei te au
kainga o te enua ra: e tika te reira kia
oko akaouia, e e tukuia oki te reira kia
tae ki te iubile. Kareka te au oire o te 32
ngati Levi ra, e te au are i taua au oire
no ratou ra, e tika i te ngati Levi
oki akaou *i te reira* i te au rü katoa nei.
E kia oko akaou tetai ngati Levi *i te are*, 33
i taua are no tona oire i okoia ra, ka
tukuia mai ia kia tae ki te iubile ra:
ko te au are oki no te au oire o te ngati
Levi ra, ko to ratou ia kainga i roto i te
tamariki a Iseraela. Kareka te au kai- 34
nga ki te pae ki vao mai i to ratou au
oire ra, kare ia e okoia; ko to ratou ia
kainga kai mütu te reira.

E kia rokoia to taeake e te puta ua 35
ra, e kua riro aia ei ao i o ou ra; e tau-
turu koe iaia *mei* te tangata ke katoa
ra, e te purutia; kia noo aia i o ou ra.

36 Auraka koe e rave i te tutaki, auraka
e rave i tana; ko toou Atua taua e ma-
taku; kia noo to taeake i o ou ra.

37 Auraka koe e apai i taua moni nana kia
tutakiia mai, auraka oki e apai i taua

38 kai nana kia maata *taau*. Ko au to
kotou Atua ra ko Iehova, tei arataki mai
ia kotou mei te enua maira mei Aipliti,
kia oronga au i te enua ra ko Kanaana
no kotou, e kia riro au ei Atua no kotou.

39 E kia rokoia to taeake e te puta
ua i o ou, e kia oko aia iaia uaorai kia
koe, auraka koe e akaapo iaia mei te

40 tavini ra: Mei te tavini i tutakiia ra, e
mei te purutia ra, e noo aia i o ou na; ka
rave ei i taua angaanga, e kia tae ki te

41 mataiti iubile; Ei reira aia e aere ke ei,
koa ma tana au tamariki, e ka oki aia
ki tona orai kopu-tangata tikai; e ki
te ipukarea o tona ai metua ka oki ia

42 aia ki reira. E tavini oki ratou noku,
taku i arataki mai mei te enua maira
mei Aipliti: kare ratou e okoia mei te

43 tuikaa ra. Auraka koe e akaapo ki
rungao iaia, ko toou Atua ra taua e

44 matakau. *E oko ra* koe i to tavini tane,
e to tavini vaine i te au etene i vaiata
ia kotou na e pini ua ake; ko ta kotou
ia tavini tane e oko, e te tavini vaine.

45 E te tamariki katoa no te au tangata
ke e purutia ua i roto ia kotou, e tika
ia kotou kia oko ia ratou, e ta ratou au
tamariki i o ou, i anau i to kotou na
enua; e ka riro ratou ei apinga no

46 kotou. E vaio oki kotou ia ratou no ta
kotou au tamariki i muri ake ia
kotou, mei te apinga kainga tupuna ra;
ei tavini ratou no kotou e tuataua
ua atu: kareka to kotou ai taeake i te ta-
mariki a Iseraela ra, auraka kotou e
akaapo ki runga i to kotou orai ra.

47 E kia riro tetai tangata ke e tei ua-
rere ua i roto ia koe na ei tangata
taoiau, e kia riro to taeake *i noo* i vaiata
iaia ra ei ao, e kia oko aia iaia uaorai
ki tera tangata ke i uarere ua i roto ia
koe na, e kare ra, ki tetai aka o te kopu-

48 tangata o taua tangata ke ra: Kia okoia
aia ra e tika ia kia oko akaou; e tika
ki tetai taeake nona kia oko akaou

49 iaia: Te taeake o tona metua tane, e
te tamaiti a taua taeake o tona metua
tane ra, e tika ia kia oko akaou iaia, e
tetai piritanga katoa nona i tona unorai
kopu-tangata, e tika ia kia oko akaou
iaia; e kia tika oki iaia ra, e oko ua

50 atu aia iaia uaorai. E akatau oki aia i
te tuatua i te tangata i oko mai iaia ra,
e akono i te mataiti i okoia'i aia ra, e
tae ua atu ki te mataiti iubile: e aka-
tau oki i te moni e oko iaia i taua au
mataiti ra: e akatauia tona taime mei

te tavini i ouia ra. Te manganui ra te mataiti toe, e akatau *tana moni* e akaoki ei oko iaia i reira, no roto i te moni i okoia'i aia ra. E te iti ra te mataiti toe e tae ei ki te mataiti iubile, e akatau rai tana tuatua iaia, ka akaoki ei i te moni oko iaia kia tau ki tona mataiti ra. Kia riro aia mei te tavini ouia ra. i te noo anga iaia ra, i tera mataiti i tera mataiti; auraka ra aia e akaapoapo ki runga iaia ki mua i to mata. E kia kore aia e oko akaouia mei te reira ra, ka aere ua ia aia kia tae ki te mataiti iubile, aia, e tana au tamariki katoa ra. E tavini oki te tamariki a Iseraela noku; ko toku ia tavini ratou, taku i arataki mai mei te enua maira mei Aiphiti: ko au to kotou Atua ra ko Iehova.

PENE XXVI.

Te meitaki o te akarongo, e te kino o te akarongo kore.

AURAKA kotou e rapa i te au idolo no kotou, e auraka to kotou ei tiki kotikotia, e te tiki e akatuia, auraka oki ei toka taraiia e tanumia i to kotou enua, ka tupou atu ei kotou ki raro i te reira: ko au ko to kotou Atua ra ko Iehova. E akono kotou i taku au sabati, e akatapu oki i toku ngai-tapu ra: ko au ko Iehova.

Kia akono kotou i taku ra au akononga, e kia mou i taku au akauenga, e kia rave i te reira; E oronga atu au i te ua na kotou i te tuatua tikai ra, e e kaiaia to te enua; e e akaua mai te au rakau o te enua ra i to ratou ua. E tae ta kotou pāpā anga *sitona* ki te akaputuputu anga vine, e tae roa oki te akaputuputu anga vine ki te ruru anga ua; e kai oki kotou i ta kotou kai ma te maata, e ka noo oki i to kotou enua ma te ora. E naku e oronga atu i te au i to kotou na enua, e moe ua oki kotou, e kare rava oki tetai e akamataku mai ia kotou; e naku e akakore i te au terio kino ra i te enua, e kare oki to kotou enua e taea e te koke. E ka arumaki ua kotou i to kotou au enemi, e ka inga ratou i te koke ki mua ia kotou. E ka arumaki *nga tangata* toko rima o kotou na i te *tangata* okotai anere, e okotai anere o kotou na, ka arumaki ia i te *ingata* okotai ngauru i te tausani: e ka inga to kotou au enemi i te koke ki mua ia kotou. Ko kotou oki taku e kite, e akatapu au ia kotou, e ka akamaata roa ia kotou, e ka akatinamou au i taku koreromotu ia kotou. E ka kai kotou i te kai

takere ra, e ka apai oki i te mea takere ki vao kia o te mea ou. E akatu au i toku sekene i rotapu ia kotou: e kare toku Vaerua e akaviivii ia kotou. E aacre oki au i rotapu ia kotou, ei Atua au no kotou, e ei tangata oki kotou noku. Ko au to kotou Atua ra ko Iehova, ko tei arataki mai ia kotou mei te enua maira mei Aiphiti, kia kore kotou e riro ei tuikaa na ratou: e kua aati au i te tapeka o to kotou zugo, e kua akatiratiratu au ia kotou.

Kia kore ra kotou e akarongo mai kiaku, e kia kore e akono i teia katoa nei au akauenga; E kia akavaavaa kotou i taku au akononga; e kia akaviivii to kotou au vaerua i taku au tuatua-tau, e kare e rave i taku katoa ra au akauenga, akaatikau iora kotou i taku ra koreromotu: Pera tikai taku ia kotou i reira, Ka akamate atu au ia kotou ki te matakau; ki te ane kai roto, e te vera, ka pou ei te mata, e mamac ei te ngakau: e ruru puapinga kore ua kotou i to kotou au *kaingu* ki te ua, na to kotou au enemi oki e kai.

Ka anaana atu toku mata ki runga ia kotou, e ka mate kotou ki mua i to kotou au enemi: e te aronga e makitakita ia kotou, ka riro ia no rungao ia kotou; e kare kotou e arumaki naia ka riro rai kotou i te ati ua.

E kia kore rai kotou e akarongo mai kiaku i reira, ka tataki itu rava atura au i to kotou mate i ta kotou au ara i reira. E ka aati au i to kotou ngakau parau marokiakia na; e akariro au i te rangi i o kotou na mei te auri ra, e to kotou enua mei te vao: Ka ope puapinga kore ua to kotou maroiroi: kare oki e tupu to te enua ra kai, e kare oki te au rakau o te enua na e akaua i to ratou ua.

E te vai tau kore ua rai to kotou aereinga iaku, e kare rai e akarongo mai kiaku nei; ka tataki itu atu rai au i te mate ki rungao ia kotou, kia tau ki ta kotou au ara. Ka tono atu au i te terio o te ngangaere i rotapu ia kotou, ka pou ta kotou au tamariki, e pou oki ta kotou au puaka i te reira, ka iti roa oki kotou; e to kotou au arataa ra ka meamea roa ia.

E kia kore rai kotou e āriki i te ako naku i reira, e aere rai kotou i te aere nga tau kore iaku ra; E aere katoa ia au na te ara tau kore ia kotou i reira, e ka tataki itu atu rai au i te mate ki rungao ia kotou i ta kotou au ara. Ka apai atu au i te koke ki rungao ia kotou, e akaoko i te rave kino i te koreromotu *naku* ra: e kia putuputu kotou i

roto i to kotou au oire, ka apai atu au i te maki-mate i rotou ia kotou; e ka tukuia oki kotou ki te rima o te enemi. Kia akakoreia e au i te turu ra i ta 26 kotou kai, tino ngauru katoa puke vaine to te umu okotai kia tao i ta kotou areto, e kia akaoki mai i tana areto na kotou ra, e aite tikai ia; ka kai ei oki kotou, e kare ra e merengo.

E kia kore kotou e akarongo mai 27 kiaku i reira, e aere rai kotou i te aere-nga tau kore iaku; E na te ara tau 28 kore katoa au ia kotou i reira ma te riri ototo; e tatakai itu atu rai au i te mate ki runga ia kotou i ta kotou au ara. Ka kai oki kotou i te tino o ta kotou 29 tamariki tamaro, e te tino o ta kotou uorai au tamaine ka pou ia ia kotou. Ka pou to kotou au ngai teitei iaku, e 30 tipuia e au to kotou au kiiki ra, e akaruke au i to kotou au kopapa ki runga i te au kopapa o to kotou au idolo, e ka akaviivii roa taku Vaerua ia kotou. E ka taitaipakoko au i to kotou 31 au oire, e akatanea oki au i to kotou au ngai-tapu, e kare oki au e ongi atu i ta kotou au rakau kakara ra. E ka uri- 32 tumuia e au te enua: e vavaria ia e to kotou au enemi i noo i reira ra. E 33 akapucurikiriki ke au ia kotou i te pa enua; e arumaki au ia kotou ma te koke: ka tairipotia to kotou enua, e ka tanca to kotou au oire.

E sabatia to te enua i reira i te vai 34 tanca ua anga, e tei te enua o to kotou au enemi kotou ra, e noo ua te enua i reira, e sabatia tona. I te vaoo tanca 35 katoa anga e noo ua ia; no te mea kare ona e noo ua anga i to kotou au sabati ra, ka noo ei kotou ra. E to kotou e 36 toe i te au enua o to ratou au enemi ra, e akangaevaeva au i to ratou ngakau, kia ati ua ratou i te ngae o te rau *ra-kau* e peke i te *matangi* ra; ka ati oki ratou mei te ati i te koke ra; e ka inga ratou kare e tangata i te arumaki mai. E ka inga ratou ki runga ia ratou 37 uorai, mei te mea e ki mua i te koke, e kare oki e tangata i arumaki mai: e kare rava o kotou maroiroi e mou ei ki mua i to kotou au enemi. E mate oki 38 to kotou i roto i te au etene, e ka pou takiri kotou i te enua o to kotou au enemi. E to kotou e toe i te au enua 39 o to kotou au enemi ra, e kakao ua e mate atu i roto i ta ratou uorai ara; e i roto rai i te ara a to ratou ai metua e kakao ua ratou e mate ua atu.

Kia aaki maira ratou i to ratou kino, 40 e te kino o to ratou ai metua, e ta ratou ara i ara ai ratou iaku nei, i to ratou aere nga tau kore iaku nei; I aere ci au 41

i te aere nga tau kore katoa ia ratou, e i apai ei au ia ratou ki te enua o to ratou au enemi; kia taakaakaia to ratou ngakau peritome koreia i reira, e kua ariki ratou i te utunga i ta ratou ara:

42 E akamaara au i taku koreromotu ia Iakoba i reira, e i taku koreromotu ia Isaaka katoa, e i taku koreromotu ia Aberahama, taku katoa ia e akamaara:

43 e akamaara oki au i te enua ra, I te enua i vaooia e ratou ra, e tei rauka tona au sabati i te vaoo tanca ua anga ra, kare ra ratou: kia ariki ratou i te utunga i ta ratou ara; no te mea kua akavaavaa ratou i taku au tuatua-tau, e no te mea kua akaviivii to ratou vae-

44 rua i taku au akonoanga: Ei reira rai i te vai ua anga ratou i te enua o to ratou au enemi, kare ra au e akaruke takiri ia ratou, kare oki toku akaviivii anga ia ratou e tae ki te akapou takiri roa ia ratou, e kia kore roa atu taku koreromotu ia ratou ra: ko au oki to

45 ratou Atua ra ko Iehova. No ratou ra, ka akamaara rai au i te koreromotu i to ratou ai tupuna, i taku i arataki mai mei te enua maira mei Aiphiti, i mua i te mata o te au etene, kia riro au ei Atua no ratou: ko au ko Iehova.

46 Ko te au akonoanga teia, e te au tuatua-tau, e te au ture, ta Iehova i akatau ko te tamariki a Iseraela tetai pae, i vaitata ki te maunga ra ko Sinai, i te rima o Mose ra.

PENE XXVII.

No te tia, e no te ngauru o te apinga, e te mea i akatapua, auraka e oko akaouia ra.

1 **K**UA tuatua mairā Iehova kia Mosc, na ko maira, E karanga atu ke ki te tamariki a Iseraela, e na ko atu kia ratou, Kia tia akataka ua atu te tangata ia Iehova i te tia tangata ra, e 3 taau akaaiteite anga e tika'i. Tera oki taau mea e aite ra, to te tane ra, mei te mataiti e rua ngauru e tae ua atu ki te ono o te ngauru o tona mataiti, tera taau aite anga, kia rima ngauru sekela 4 ario, i te sekela o te ngai-tapu ra. Kareka to te vaine ra, tera taau aite anga, 5 kia toru ia ngauru i te sekela. E to te mataiti rima e tae ua atu ki te rua o te ngauru o tona mataiti, tera taau aite anga, i to te tane, kia rua ngauru sekela, e to te vaine ra, kia okotai ia ngauru i 6 te sekela. Kareka to te marama okotai, e tae ua atu ki te rima o tona mataiti, tera taau aite anga i te reira, i to te tane ra, kia rima ia sekela ario, e to te vaine ra, tera taau aite anga, kia tou u

ia sekela ario. E to te mataiti e ono
ngauru ra, e ara atu: tera tauu aite
anga, i to te tane ra, kia okotai ia ngau-
ru ma rima i te sekela, e to te vaine
ra, kia okotai ia ngauru i te sekela.
Kia kore ra e tika iaia te reira akaaite
anga naau, e akakite aia iaia uorai ki
mua i te araro o te taunga, e na te
taunga e akaaite *i te moni* iaia; ko te
tika iaia i tei tia ra, ko ta te taunga ia
e akaaite.

E puaka *tei tiaia* ra, i te tika i te ta-
ngata kia apai ei korebana na Iehova
ra, ko te reira au mea katoa i orongaia
mai kia Iehova ra, e tapu anake ia.
Auraka aia e akatu ke i te reira, auraka
e tutakia, i te mea kino ei *tutaki* i te
mea meitaki, e te mea meitaki ei *tutaki*
i te mea kino; e tutaki ua atu aia i te
puaka ki tetai puaka, ko taua *tutaki* ra,
e tei tutakia ra, e tapu katoa ia i reira.
E puaka viivii taua *puaka* ra, tei kore
e tika kia apai ei korebana na Iehova,
e akakite aia i taua puaka ra ki mua i
te araro o te taunga ra; E na te
taunga e akaaite *i te moni* i te reira, i
te mea meitaki e te mea kino; ko tauu
ua, ta te taunga, e akaaite ra, ko te reira
rai ia. Kia anoano ra aia i te oko
akaou ra, e kapiti mairai aia i tetai
tuanga rima ki taua *moni* i akaaiteia e
koe ra.

E kia anoano te tangata i te akatapu
i tona are no Iehova kia tapu, na te
taunga e akaaite *i te moni* i taua are ra,
i te mea meitaki e te mea kino; ta te
taunga e akaaite ra, oti ra ua i reira. E
kia anoano taua tangata i akatapu i
taua are ra i te oko akaou, e kapiti mai-
rai aia i tetai tuanga rima, ki taua *moni*
i akaaiteia e koe ra, e nona atura ia. E
kia anoano te tangata i te akatapu *i*
tetai kotinga i tona kainga tupuna no
Iehova, e akono te reira i tauu akaaite
anga i te ua i pini ei kia rurua ra:
okotai komera kerite ra, kia rima ia
ngauru i te sekela ario. Tei te mataiti
iubile tana akatapu anga i tona kainga,
ko tei akaaiteia e koe ra, oti ra ua i
reira. Kua oti ra te iubile i akatapu ei
aia i tona kainga, e akaaite te taunga i
te moni kiaia i nga mataiti e toe ra, e
tae ua atu ki tetai mataiti iubile ra, ka
kiritiia ia te reira i taua *moni* i akaai-
teia e koe ra. E kia anoano taua tan-
gata i akatapu i taua kainga ra i te
oko akaou, e topiri mairai aia i tetai tu-
anga rima i taua *moni* i akaaiteia e koe
ra, e nona atura ia. Kia kore ra aia e
oko akaou i taua kainga ra, e kua okoa

e ia tei tetai tangata ke, kare rava ia e
21 oko akaouia *i reira*. Kia tae ra ki te
iubile ra, ka taka ke ei taua kainga ra,
e tapu ia no Iehova; e kainga akataka
roaia ia: ka riro ia ei apinga no te tau-
nga.

22 E kia akatapu te tangata i te kainga
okoia e ia no Iehova, kare te kainga
23 tupuna nona; Ei reira te taunga e
akaaita mai ei kiaia i te moni tauu e
akatapu ra, e tae ua atu ki te mataiti
iubile; e ka apai aia i taua *moni* i aka-
aiteia e koe ra, ei mea tapu na Iehova i
24 taua ra ra: E kia tae ki te mataiti
iubile ra, e oki tauu kainga ra ki te tan-
gata i okoa atu ei ra, nona tikai taua
kainga tupuna ra.

25 E tauu au akaaita anga *moni* katoa
ra, e akono rai ia i te sekela o te ngai-
tapu ra; okotai takau gera ra okotai ia
sekela.

26 To te puaka ra anaunga mua, ko Ie-
hova te pu ra, no te mea e anaunga
mua, auraka roa ia e tangata e akatapu
i te reira; i to te bovi e te mamoe ra;
27 na Iehova te reira. Kareka *te anaunga*
mua o te puaka viivii ra, e tika iaia kia
oko akaou *i te reira*, kia topiri atu rai
aia i tetai tuanga rima *i te moni* i akaai-
teia e koe ra: kia kore ra e oko aka-
ouia ra, e oko uaia ia i reira *i te moni*
tikai i akaaiteia e koe ra.

28 Kare rava e mea i akataka roaia e te
tangata na Iehova ra, i te au mea katoa
nana nei, i te tangata, e te puaka, e te
koro o tona kainga tupuna, e okoa. e e
oko akaouia ra: ko te mea roarai i aka-
taka roaia na Iehova ra, e mea tapu roa
29 ia. Kare rava e oko akaouia te au mea
katoa i akataka roaia ra i te tika i te tan-
gata kia akataka ra; ka mate tikai ra
te reira.

30 E te tuanga ngauru katoa o te enua,
to te ua o te enua, e te kai no te au
rakau ra, na Iehova ia: kua akatapuia

31 na Iehova. E kia anoano te tangata i
te oko akaou i tana tuanga ngauru; ka
topiri mairai aia i tetai tuanga rima *i te*

32 *moni* e tau ki te reira. E te tuanga
ngauru no te bovi, e no te mamoe ra, e
te au mea katoa i tataua ra, e tapu te
33 tuanga ngauru na Iehova. Auraka aia
e akara i te meitaki anga e te kino anga,
auraka oki aia e tutaki: e kia tutaki
aia ra, ko taua *tutaki* ra e tei tutakia
ra, e tapu katoa ia; kare e oko akaouia.

34 Ko te au akauenga teia ta Iehova
i akaue mai kia Mose, i te tamariki a
Iseraela, i vaitata i te maunga ra ko
Sinai.

TE BUKA A A MOSE RA,

NUMERO.

PENE I.

I te tuatua a Ichova i tatauaia'i to Iseraela ra.

KUA tuatua mairā Ichova kia 1
Mose i te medebara ra i Sinai, i
roto i te Are uipānga ra, i te *rā* mua i
te marama rua, i te rua o to ratou ma-
taiti i te aerenga mai mei te enua mai-
ra mei Aiphiiti, na ko maira, Ka tatau 2
korua i te uipānga tamariki a Iseraela
ravarai i te maata anga, i to ratou au
kopu-tangata, i te ngutuare o to ratou
ai metua, i te rainga o te au ingoa, to te
au tane i te maata ra, kia tatakai tai; 3
Ko tei tae ki te takau o *tona* mataiti e
tei ara atu, ko tei tika kia aere ki te
tamaki, i Iseraela katoa nei: na korua
ko Aaronā e tatau ia ratou i to ratou au
nuku. E kapiti katoa oki te tangata 4
kia korua, tatakai tai to te kopu okotai e
pini ua ake; ei mataiapo anake no te
ngutuare o to ratou ai metua. Teia oki
te ingoa o te au tangata e tauturu ia
korua ra: to te kopu o Reubena ra; ko
Elizura te mataiti a Sedeura. To te 5
kopu o Simeona ra; ko Selumiela te
mataiti a Zurisadai. To te kopu o Iuda
ra; ko Naasona te mataiti a Aminadabā.
To te kopu o Isakara ra; ko Netaneela
te mataiti a Zuara. To te kopu o Zebuluna
ra; ko Eliaba te mataiti a Helona. To te 6
kopu o Manase ra; ko Gamaliela te ma-
taiti a Pedazura. To te kopu o Beni-
minina ra; ko Abidana te mataiti a
Gideonī. To te kopu o Dana ra; ko 7
Ahiezera te mataiti a Amisadai. To te
kopu o Asera ra; ko Pagiela te mataiti
a Okarāua. To te kopu o Gada ra; ko 8
Eliasapha te mataiti a Deuela. To te
kopu o Naphatadi ra; ko Ahira te ma-
taiti a Enana. E aronga ingoa kitea 9
anake ia teia i te uipānga ra, e aronga
kavana anake ia i te au kopu o to
ratou ai metua, no runga anake ia i te
au *pupu* tausani okotai o Iseraela ra.

Kua rave akērū Mose raua ko Aaronā 17

i taua au tangata i taiku tikaia i te
18 ingoa: E tae akera ki te *rā* mua o te
marama rua ra, kua akaputuputu maira
ratou i te uipānga katoa ra, e kua aka-
kite maira ratou i to ratou anauanga i
to ratou au kopu-tangata, i te ngutuare
o to ratou ra ai metua, i te rainga o te
au ingoa, kia tatau tatakai tai, i tei tae
ki te mataiti okotai takau, e tei ara atu.
19 Ko ta Ichova oki i akaue mai kia Mose
ra, kua pera aia i te tatau ia ratou i te
medebara i Sinai ra.
20 Te tamariki a Reubena te tama mua
a Iseraela ra, i to ratou anauanga, i to
ratou au kopu-tangata, i te ngutuare o
to ratou ai metua, i te rainga o to ratou
au ingoa i tatakai taiia ra, te au tane
katoa, ko tei tae ki te mataiti okotai
takau, e tei ara atu, ko te tika anake
21 kia aere ki te tamaki ra; Ko tei tatauaia
i te kopu o Reubena ra, e a ia ngauru
ma ono i te tausani, e rima anere ara.
22 To te tamariki a Simeona, i to ratou
anauanga, i to ratou au kopu-tangata, i
te ngutuare o to ratou ai metua, i te
rainga o te au ingoa i tatakai taiia ra,
ko tei tae ki te mataiti okotai takau, e
tei ara atu, te au tane katoa ko te tika
23 anake kia aere ki te tamaki ra; Ko tei
tatauaia i te kopu o Simeona ra, e rima
ia ngauru ma iva i te tausani, e toru
anere ara.
24 To te tamariki a Gada, i to ratou
anauanga, i to ratou au kopu-tangata, i
te ngutuare o to ratou ai metua, i te
rainga o te au ingoa, ko tei tae ki te
mataiti okotai takau, e tei ara atu, ko
te tika anake kia aere ki te tamaki ra;
25 Ko tei tatauaia i te kopu o Gada ra, e a
ia ngauru ma rima i te tausani, e ono
anere, e rima ngauru.
26 To te tamariki a Iuda ra, i to ratou
anauanga, i to ratou au kopu-tangata, i
te ngutuare o to ratou ai metua, i te
rainga o te au ingoa, ko tei tae ki te
mataiti okotai takau, e tei ara atu, ko
te tika anake kia aere ki te tamaki ra;
27 Ko tei tatauaia i te kopu o Iuda ra,
e itu ia ngauru ma a i te tausani, e ono
anere.

To te tamariki a Isakara ra, i to ratou 28
anauanga, i to ratou au kopu-tangata, i
te ngutuare o to ratou ai metua, i te
rainga o te au ingoa, ko tei tae ki te
mataiti okotai takau, e tei ara atu, ko
te tika anake kia aere ki te tamaki ra;
Ko tei tatauia i te kopu o Isakara ra, 29
e rima ia ngauru e a ara i te tausani, e
a oki anere.

To te tamariki o Zebuluna ra, i to 30
ratou anauanga, i to ratou au kopu-tan-
gata, i te ngutuare o to ratou ai metua,
i te rainga o te au ingoa, ko tei tae ki
te mataiti okotai takau, e tei ara atu,
ko te tika anake kia aere ki te tamaki
ra; Ko tei tatauia i te kopu o Zebuluna 31
ra, e rima ia ngauru e itu ara i te
tausani, e a oki anere.

To te tamariki a Iosepha ra, to te 32
tamariki a Epheraima ra, i to ratou
anauanga, i to ratou au kopu-tangata, i
te ngutuare o to ratou ai metua, i te
rainga o te au ingoa, ko tei tae ki te
mataiti okotai takau, e tei ara atu, ko
te tika anake kia aere ki te tamaki ra;
Ko tei tatauia i te kopu o Epheraima 33
ra, e a ia ngauru i te tausani, e rima
oki anere.

To te tamariki a Manase ra, i to 34
ratou anauanga, i to ratou au kopu-tan-
gata, i te ngutuare o to ratou ai metua,
i te rainga o te au ingoa, ko tei tae ki
te mataiti okotai takau, e tei ara atu,
ko te tika anake kia aere ki te tamaki
ra; Ko tei tatauia i te kopu o 35
Manase ra, e toru ia ngauru e rua ara i
te tausani, e rua oki anere.

To te tamariki a Beniamina ra, i to 36
ratou anauanga, i to ratou au kopu-tan-
gata, i te ngutuare o to ratou ai metua,
i te rainga o te au ingoa, ko tei tae ki
te mataiti okotai takau, e tei ara atu,
ko te tika anake kia aere ki te tamaki
ra; Ko tei tatauia i te kopu o Benia- 37
mina ra, e toru ia ngauru e rima ara i
te tausani, e a oki anere.

To te tamariki a Dana ra, i to ratou 38
anauanga, i to ratou au kopu-tangata, i
te ngutuare o to ratou ai metua, i te
rainga o te au ingoa, ko tei tae ki te
mataiti okotai takau, e tei ara atu, ko
te tika anake kia aere ki te tamaki ra;
Ko tei tatauia i te kopu o Dana ra, e 39
ono ia ngauru e rua ara i te tausani, e
itu oki anere.

To te tamariki a Asera ra, i to ratou 40
anauanga, i to ratou au kopu-tangata, i
te ngutuare o to ratou ai metua, i te
rainga o te au ingoa, ko tei tae ki te
mataiti okotai takau, e tei ara atu, ko
te tika anake kia aere ki te tamaki ra;
Ko tei tatauia i te kopu o Asera ra, e 41

a ia ngauru e okotai ara i te tausani, e
rima oki anere.

42 To te tamariki a Naphatali, i to ra-
tou anauanga, i to ratou au kopu-tanga-
ta, i te ngutuare o to ratou ai metua, i
te rainga o te au ingoa, ko tei tae ki te
mataiti okotai takau, e tei ara atu, ko
te tika anake kia aere ki te tamaki ra;
43 Ko tei tatauia i te kopu o Naphatali ra,
e rima ia ngauru e toru ara i te tausani,
e a oki anere.

44 Ko teia te aronga i tatauia ra, i ta
Mose raua ko Aarona i tataua, e nga
kavana katoa o Iseraela, tino ngauru
ma rua: no te ngutuare o to ratou ai
45 metua, taki tai i te kopu okotai ra. E
taua aronga i tatauia i te tamariki a
Iseraela, i te ngutuare o to ratou ai
metua, ko tei tae ki te mataiti okotai
takau, e tei ara atu, ko te tika anake
kia aere ki te tamaki i Iseraela ra;
46 Taua aronga katoa i tatauia ra, e ono
ia anere e toru ara i te tausani, e rima
oki anere, e rima ngauru.

47 Kareka te ngati Levi no te kopu o to
ratou ai metua, kare ia i tataua katoaia
48 i roto i taua aronga ra. Kua tuatua
mai ana oki a Iehova kia Mose, na ko
49 maira, Auraka koe e tataua i te kopu o
Levi ra, auraka ratou e tatauia i te
maata anga, i te tataua anga i te tamari-
50 ki a Iseraela ra: E akono ra koe i te
ngati Levi no runga i te sekene kite ra,
e te au iuri katoa o te reira ra, e te au
mea katoa o te sekene ra: na ratou e
apai i te sekene, e tona katoa au peu;
e rave oki ratou i te taoonga i reira, e
patia oki ratou i to ratou puakapa, na
vao ake i te sekene ra e pini rava ake.

51 E kia kiritiia te sekene ra, na te ngati
Levi e rave e tuku ki raro: e kia aka-
tuia te sekene ra, na te ngati Levi e
akatu: e te tangata ke kia akavitata
52 ra, ka taia ia. E e patia te tamariki a
Iseraela i to ratou puakapa, ko te tan-
gata ko tona uorai puakapa tikai, ko
te tangata ko tona uorai reva tikai, e
pini ua ake ratou i to ratou au nuku
53 katoa ra. Kareka te ngati Levi ra e
patia i to ratou puakapa, na vao mai i
te sekene kite ra e pini ua ake, ko te
rokoia mai aea te upanga tamariki a
Iseraela e te riri; e na te ngati Levi
e akono i tei ikuikuia i te sekene
kite ra.

54 Kua pera oki te tamariki a Ise-
raela i te au mea katoa ta Iehova i
akaue mai kia Mose ra, ko ta ratou ia
i rave.

PENE II.

Te akono anga o te au kopu i to ratou au puakapa.

KUA tuatua mairai a Iehova kia Mose raua ko Aaronā, na ko mai-ra, E patia te tamariki ravarai a Iseraela i to ratou puakapa, ko te tangata ko tona reva, e te reva katoa no te ngutuare o tona metua: ei te atea ke ratou e patia'i e pini ua ake te Are uipunga ra.

Ko te reva o te puakapa o Iuda ra, ei te pae anatoile, i te itinga o te rā, ratou e patia'i, i to ratou au nuku: e te kapena o te tamariki a Iuda ra, ko Naasona ia te tamaiti a Aminadaba ra. E tona nuku, ko ratou oki tei tataua ra, e itu ia ngauru e a ara i te tausani, e ono oki anere. E te puakapa i waitata iaia i *tetai pae ra*, ko te kopu ia o Isakara ra: e te kapena o te tamariki a Isakara ra, ko Neta-neela ia te tamaiti a Zuarā ra. E tona nuku, ko ratou oki tei tataua ra, e rima ia ngauru e a ara i te tausani, e a oki anere. *E tetai pae ra*, ko te kopu ia o Zebuluna ra: e te kapena o te tamariki a Zebuluna ra, ko Eliaba ia te tamaiti a Helona ra. E tona nuku, ko ratou oki tei tataua ra, e rima ia ngauru e itu ara i te tausani, e a oki anere. Te aronga katoa i tataua i te puakapa o Iuda ra, okotai ia anere e varu ngauru e ono ara i te tausani, e a oki anere, i to ratou au nuku. E na mua ia ratou kia aere ra.

E te reva o te puakapa o Reubena 10 ra i to ratou au nuku, ei te pae i apatonga ia: e te kapena o te tamariki a Reubena ra, ko Elizura ia te tamaiti a Sedeura ra. E tona nuku, ko ratou 11 oki tei tataua ra, e a ia ngauru e ono ara i te tausani, e rima oki anere. E 12 te puakapa i waitata iaia i *tetai pae ra*, ko te kopu o Simeona ia: e te kapena o te tamariki a Simeona ra, ko Selumiela ia te tamaiti a Zurisadai ra. E 13 tona nuku, ko ratou oki tei tataua ra, e rima ia ngauru e iva ara i te tausani, e toru oki anere. Ei reira, ko te kopu 14 o Gada ia: e te kapena o te tamariki a Gada ra, ko Eliasapha ia te tamaiti a Deuchā. E tona nuku, ko ratou oki 15 tei tataua ra, e a ia ngauru e rima ara i te tausani, e ono oki anere, e rima ngauru. Ko te aronga katoa i tataua 16 i te puakapa o Reubena ra, okotai ia anere e rima ngauru e tai ara i te tausani, e a oki anere, e rima ngauru, i to ratou au nuku. Ko te pupu rua ia ratou kia aere ra.

17 E ko rotopu i etai au puakapa ra, ko te puakapa ngati Levi ia ma te Are uipunga katoa i te aere anga ra: mei tei te puakapa anga ra, e pera katoa ratou i te aere, ko te tangata ko tona uaoari ngai tikai, i raro ake i tona uaoari reva.

18 E te reva o te puakapa o Epheraima i to ratou au nuku, ei te pae ei te opunga o te rā ia: e te kapena o te tamariki a Epheraima ra, ko Elisama ia te 19 tamaiti a Amiuda ra. E tona nuku, ko ratou oki tei tataua ra, e a ia ngauru i te tausani, e rima oki anere. E 20 waitata iaia i *tetai pae ra*, ko te kopu o Manase ia: e te kapena o te tamariki a Manase ra, ko Gamaliela ia te 21 tamaiti a Pedazura ra. E tona nuku, ko ratou oki tei tataua ra, e toru ia ngauru e rua ara i te tausani, e rua oki 22 anere. *E tetai pae ra*, ko te kopu o Beniamina ia: e te kapena o te tamariki a Beniamina ra, ko Abidana ia te 23 tamaiti a Gideonī ra. E tona nuku, ko ratou oki tei tataua ra, e toru ia ngauru e rima ara i te tausani, e a oki 24 anere. Ko te aronga katoa i tataua i te puakapa o Epheraima ra, okotai ia anere e varu ara i te tausani, okotai oki anere, i to ratou au nuku. Ko te pupu toru ia ratou kia aere ra.

25 E te reva o te puakapa o Dana ra, i to ratou au nuku, ei te pae i apatokerau ra ia: e te kapena o te tamariki a Dana ra, ko Ahiezera ia te tamaiti a 26 Amisadai. E tona nuku, ko ratou oki tei tataua ra, e ono ia ngauru e rua ara i te tausani, e itu oki anere. E te 27 puakapa i waitata iaia i *tetai pae ra*, ko te kopu o Asera ia: e te kapena o te tamariki a Asera ra, ko Pagiela ia 28 te tamaiti a Okarana ra. E tona nuku, ko ratou oki tei tataua ra, e a ia ngauru okotai ara i te tausani, e rima oki 29 anere. *E tetai pae ra*, ko te kopu o Naphatali ia: e te kapena o te tamariki a Naphatali ra, ko Ahira ia te tamaiti 30 a Enana ra. E tona nuku, ko ratou oki tei tataua ra, e rima ia ngauru e toru ara i te tausani, e a oki anere. 31 Ko te aronga katoa i tataua i te puakapa o Dana ra, okotai ia anere e rima ngauru e itu ara i te tausani, e ono oki anere. E na muri ratou i te aere ma to ratou au reva.

32 Ko to te tamariki a Iseraela teia i tataua, i na te ngutuare ia o to ratou ai metua: taua au puakapa katoa i tataua ra, to ratou katoa ra au nuku, e ono ia anere e toru ara i te tausani, e 33 rima anere, e rima ngauru. Kare ra te ngati Levi i tatau katoaia i roto i te

tamariki a Iseraela; i ta Iehova i akaue mai kia Mose ra. Kua pera oki te tamariki a Iseraela i te au mea katoa ta Iehova i akaue mai kia Mose ra: kua pera ratou i te puakapa anga i vaitata i to ratou au reva, e kua pera oki ratou i te aere anga, ko te tangata ko tona uorai kopu-tangata, i te ngutuare o tona ra metua.

PENE III.

Te au taunga e te ngati Levi i te tatau angata ra.

I TE rā i tuatua mai ei a Iehova kia Mose i te maunga ra i Sinai, teia nga tamariki a Aarona raua ko Mose ra. Teia oki te ingoa o te au tamariki a Aarona ra: Ko te tama mua ra ko Nadaba ia, e ko Abihu ia, e ko Eleazara, e ko Itamara. Ko te ingoa teia o nga tamariki a Aarona, nga taunga i akatainuia ra, tana i akataoonga ei kau taunga. Mate iora rā Nadaba raua ko Abihu ki mua i te aroaro o Iehova, ia raua i apai i te ai noa ki mua i te aroaro o Iehova, i te medebara ra i Sinai, e kare a raua tamariki: kua rave iorā Eleazara raua ko Itamara i taua taoonga taunga ra ki mua i te aroaro o to raua metua ko Aarona.

Kua tuatua mairā Iehova kia Mose, na ko maira, Arataki mai i te kopu o Levi ra, ka akakite ei ki mua i te aroaro o te taunga ra ko Aarona, kia rave ratou i te taoonga iaia ra. E na ratou e akono i tana ikuiku ra, e te ikuiku a te uipānga katoa ra, ki mua i te Are uipānga ra, e rave i te angaanga o te sekene ra. E na ratou e tiaki i te au mea ravarai no te Are uipānga ra, e te ikuiku a te tamariki a Iseraela, e rave i te angaanga o te sekene ra. E kave atu koe i te ngati Levi kia Aarona, e ana puke tamariki: tei iaia anake oki ratou ra no roto i te tamariki a Iseraela ra. E akataka ra koe ia Aarona e ana puke tamariki, e e akono ratou i ta ratou taoonga taunga ra: e te tangata ke kia akavaitata mai, ka taia ia.

Kua tuatua mairā Iehova kia Mose, na ko maira, I na oki, ko au, kua raveia e au te ngati Levi no roto i te au tamariki a Iseraela, ei pa'u i te au tama mua ravarai tei anau ana i te kopu, i roto i te tamariki a Iseraela ra; e teianei noku uorai te ngati Levi. No te mea naku uorai te au tama mua katoa ra; i taua rā ra oki i ta ai au i te au tama mua ravarai i te enua ra i Aiphiti, kua akataka ia au

i te au tama mua katoa a te ngati Iseraela naku, ta te tangata ra, e ta te puaka: naku ia: ko au ko Iehova.

- 14 Kua tuatua mairā Iehova kia Mose i te medebara ra i Sinai, na ko maira,
- 15 E tatau ana koe i te tamariki a Levi ra, i te ngutuare o to ratou ai metua, i to ratou au kopu-tangata ra: te au tamaroa ra, tei tae ki te marama okotai ra, e tei maata atu, ko tauu ia e tatau.
- 16 Kua tatau iorā Mose ia ratou i te tuatua a Iehova ra, koia i akaueia
- 17 maira. Teia oki taua au tamariki tamaroa a Levi, i to ratou au ingoa, ko Geresona, e ko Kohata, e ko Merari.
- 18 Teia oki te ingoa o nga tamariki tamaroa a Geresona, i to ratou au kopu-tangata; ko Libeni ia, e ko Simeci. E ta Kohata puke tamariki tamaroa, i to ratou au kopu-tangata; ko Amerama ia, e ko Izechara, ko Heberona, e ko Uziela.
- 20 E ta Merari puke tamariki tamaroa i to ratou au kopu-tangata; ko Mahali ia, e ko Musi. Ko nga kopu-tangata ngati Levi ia, i te ngutuare o to ratou ai metua.
- 21 Na Geresona te kopu-tangata ngati Libeni ra, e te kopu-tangata ngati Simeci ra: ko nga kopu-tangata ngati Geresona ia. Ko tei tatauia i roto ia ratou ra, ko te au tamaroa ravarai, tei tae ki te marama okotai e tei maata atu, taua aronga i tatauia ra, e itu ia tausani, e rima oki anere. I muri mai i te sekene i puakapa'i te au kopu-tangata ngati Geresona i te pae i te opunga o te rā
- 24 ra. E te mataiapo tutara o te au kopu-tangata ngati Geresona ra, ko Eliasapha ia te tamaiti a Laela ra. E ta te tamariki a Geresona tiaki anga i te Are uipānga ra, ko te sekene uorai ia e te Are, tona tapoki, e te paruru o te ngutuare o te Are uipānga ra, E te au paruru o te kezere, e te paruru o te ngutupa kezere, tei akapini katoa i te sekene e te atarau, e te au taura ra, no te au peu katoa o te sekene ra.
- 27 E na Kohata te kopu-tangata ngati Amerama ra, e te kopu-tangata ngati Izechara ra, e te kopu-tangata ngati Heberona ra, e te kopu-tangata ngati Uziela ra: ko nga kopu-tangata ngati Kohata ia. Ko tei tatauia i roto i te au tamaroa katoa, tei tae ki te marama okotai e tei maata atu, e varu ia tausani, e ono oki anere, i tei akono i tei iku naia mai i te ngai-tapu. E te pae sekene i apatonga ra i puakapa'i te au kopu-tangata o te tamariki a Kohata.
- 30 Ko te mataiapo tutara o te au kopu-tangata ngati Kohata ra, ko Elizaphana
- 31 ia te tamaiti a Uziela. E ta ratou

tiaki anga ko te aruna ia, e te kai-
ngakai, e te menure, e nga atarau, e te
au mea o te ngai-tapu i ta ratou i rave
i te taoonga ra, e te paruru, e te au
mea ravarai no te reira. E ko Ele- 32
azara, te tamaiti a Aarona taunga, te
kavana i rungao i taua mataiapo tutara
o te ngati Levi ra, *ei iaia* te akara ki
rungao ia ratou i tei akono i tei iku
naia mai i te ngai-tapu ra.

Na Merari te kopu-tangata ngati 33
Mahali ra, e te kopu-tangata ngati
Musi ra: ko nga kopu-tangata ngati
Merari ia. Ko tei tatauia i roto ia 34
ratou ra, ko te au tamaroa i tae ki te
marama okotai e tei maata atu, e ono
ia tausani, e rua oki anere. E te ma- 35
taiapo tutara o te au kopu-tangata o
Merari ra, ko Suriela ia te tamaiti a
Abihaila: ei te pae sekene i apatokerau
ra ratou i puakapa. E ta te au ta- 36
mariki a Merari, ko ta ratou ia tiaki
anga, ko te au tapaanga rakau o te
sekene, e te au tea, e te au pou, e te
au turanga, e te au peu katoa, e te au
mea ravarai no te reira; E te au pou 37
o te kezere e pini u ake, e te au tura-
nga, e te au titi, e te au taura.

Kareka te puakapa ki mua ake i te 38
sekene, i te pae anatole i mua tikai i te
Are uipunga, i te pae i te itinga o te ra
ra, ko Mose ia raua ko Aarona, e tana
au tamariki, i te akono anga i tei iku
naia mai i te ngai-tapu no te tamariki
a Iseraela ra; e te tangata ke kia aka-
vaitata maira, ka taia ia.

Ko taua aronga ngati Levi katoa i 39
tatauia, i ta Mose raua ko Aarona i
tatau i te akaue a Iehova ra, i to ratou
au kopu-tangata, ko te au tamaroa
katoa i tae ki te marama okotai e tei
maata atu, okotai takau ia e rua ara i
te tausani.

Kua tuatua mairā Iehova kia Mose, 40
E tatau koe i te au tamaroa tama mua
ravarai a te tamariki a Iseraela ra, ko
tei tae ki te marama okotai e tei maata
atu, kia kitea to ratou au ingoa i te
maata anga. E rave oki koe i te ngati 41
Levi ra noku, (ko au ko Iehova,) ei
pa'u ia i te au tama mua katoa a te
tamariki a Iseraela ra; e te au puaka
a te ngati Levi, ei pa'u i te au anaunga
mua o te au puaka katoa a te tamariki
a Iseraela. Kua tatau iorā Mose i te 42
au tama mua ravarai a te tamariki a
Iseraela, i ta Iehova i akaue mai kiaia
ra. E taua au tamaroa tama mua ka- 43
toara, i te au ingoa i tatauia ra, i tei
tae ki te marama okotai e tei maata
atu, ko taua aronga i tatauia ratou ra,
e rua ia ngauru e rua ara i te tausani,

e rua ancre, e itu ngauru, e toru
ara.

44 Kua tuatua mairā Iehova kia Mose,
45 na ko maira, Ka rave i te ngati Levi ei
pa'u i te au tamaroa tama mua a te
tamariki a Iseraela ra, e te au puaka a
te ngati Levi ei pa'u i te au puaka na
ratou; e noku te ngati Levi: ko au ko
46 Iehova. E *te oko i* te aronga e oko
akaouia ra, i nga anere e rua e itu oki
ngauru e toru ara, i te au tama mua a
te tamariki a Iseraela ra, i tei maata i
47 te au ngati Levi ra; Tatakai rima ake
sekela i te tangata okotai, ko taua ia e
rave, i te sekela o te ngai-tapu kia rave
koe ra: okotai takau gera ra okotai ia
48 sekela: E te moni e oko akaouia i taua
aronga i maata i o ratou ra, e apai koe
i te reira kia Aarona e tana au tamariki
49 ra. Kua rave iorā Mose i taua moni
oko ra no te aronga i maata i te rai i
50 tei pa'ua e te ngati Levi ra: Na te au
tama mua a te tamariki a Iseraela ra
taua moni tana i rave ra: okotai tausani
e toru anere e ono ngauru e rima ara *i*
te sekela, i te sekela o te ngai-tapu ra:
51 Kua apai aturā Mose i te moni i taua
aronga i oko akaouia ra kia Aarona e
tana au tamariki, i te tuatua a Iehova
ra, i ta Iehova i akaue mai kia Mose ra.

PENE IV.

*Te au mataiti e te akono anga o te
ngati Levi ra; to ratou tatau anguia.*

1 **K**UA tuatua mairā Iehova kia
Mose raua ko Aarona, na ko
2 maira, Ka tatau ana i te au tamariki
tamaroa a Kohata i te maata anga i
roto i te au tamariki tamaroa a Levi
ra, i to ratou au kopu-tangata, i te
3 ngutuare o to ratou ai metua, Ko tei
tae ki te toru ngauru o te mataiti, e
tae ua atu ki te rima ngauru anga o te
mataiti, ko te aronga katoa e tika kia
rave i te taoonga ra, ei rave i te anga-
anga i te Are uipunga ra.
4 Tera te angaanga a te au tamariki a
Kohata i roto i te Are uipunga ra, ko
5 *te rave i* te au mea tapu roa ra. Kia
kiriti oki te puakapa ra, ka aere mai a
Aarona, e tana au tamariki, e tuku i te
paruru e arai ra ki raro, e tapoki ei i
6 te aruna kite ki te reira: E e totoa ra-
tou i tetai kakau kiri tekese na rungao,
ka tuku ei oki ratou i tetai tapoki kakau
kerekere ki rungao i *te reira*, ka mo-
7 moni eo oki nga amo ra. E totoa oki
ratou i tetai kakau kerekere ki rungao
i te kaingakai *no te areto* o te aoroaro
ra, ka tuku ei ratou i te au mereki ki
rungao, e te au kapu, e te au āriki, e

te au kapu ei riringi anga ra, ma te areto o te aroaro, i vaoo tamouia ra ki rungao : E ka totoa ratou i tetai kakau muramura ki rungao i te reira, ka tapoki ei oki i te reira ki tetai tapoki kiri tekesa, ka momono ei i nga amo ra. E ka rave ratou i tetai kakau kerekere, ka tapoki ei i te menure akamarama, e tona au lamepa, e te au pakoti, e te au ariki pakoti ra, e te au ariki inu katoa no te reira, fa ratou e rave ra : E tuku oki ratou i te reira e te au ariki katoa ra ki roto i tetai tapoki kiri tekesa ra, ka tuku ei ki rungao i te apaiaanga ra. E ka totoa ratou i tetai kakau kerekere ki rungao i te atarau auro ra, ka tapoki ei i te reira ki te tapoki kiri tekesa, ka momono ei i nga amo ra : E ka rave ratou i te au mea katoa no te taooanga, i raveia e ratou ki roto i te ngai-tapu ra, ka tuku ei ki roto i tetai kakau kerekere ra, ka vai ei i te reira ki tetai vai kiri tekesa ra, ka tuku ei ki rungao i te apaiaanga ra : E rave oki ratou i te reu ai i te atarau ra e apai ke, ka totoa i tetai kakau purapura ki rungao ra : E tuku oki ratou i te au mea no te reira, ta ratou e rave ra ki rungao, nga mekete, nga kokai, e nga taipu, e nga kapu, te au mea ravarai no te atarau ra ; e totoa oki ratou i tetai tapoki kiri tekesa ki rungao, ka momono ei i nga amo ra. E kua oti anake te ngai-tapu e te au mea katoa i te ngai-tapu, i te vaiia e Aarona e ana puke tamariki, kia kiriti i te puakapa ra ; ei reira te au tamariki a Kohata e aere mai ei e apai : auraka ra ratou e akatukia ua atu i te mea-tapu ra, ko te mate aea ratou. Ko te au apainga teia i te au tamariki a Kohata i te Are uipānga ra.

E ci te taooanga a Eleazara te tamaiti a Aarona taunga te mori ei turama, e te tumiama kakara ra, e te mineka i te au rā katoa ra, e te manongi akaitinu ra, te tiaki i te sekene katoa ra, e te au mea katoa i roto ra, i te ngai-tapu ra, e te au mea katoa no te reira.

Kua tuatua mairā Iehova kia Mose raua ko Aarona, na ko maira, Auraka ko kopu o te au kopu-tangata ngati Kohata kia tipu keia i roto i te au ngati Levi nei : E akapera korua kia ratou, kia ora ratou, auraka kia mate kia akavaitata mai ratou ki te mea-tapu roa ra : ko Aarona e ana puke tamariki te ka aere ki roto, ka akataka i ratou ravarai, ko te tangata ko tana angaanga, ko te tangata ko tana uaoari apainga : Auraka ra ratou e aere ki

roto e akara i te tapoki anga i te mea-tapu ra, ko te mate aea ratou.

21 Kua tuatua mairā a Iehova kia Mose, na ko maira, E tatau katoa i te au tamariki tamaroa a Geresona ra, i te maata anga, i te ngutuare o to ratou ai metua, i to ratou au kopu-tangata : Ko tei tae ki te toru ngauru o te mataiti, e tae ua atu ki te rima o te ngauru o te mataiti, ko taau ia e tatou ; ko te aronga katoa e tika kia rave i te taonga ra, kia rave i te angaanga i roto i te Are uipānga ra. Teia te angaanga a te au kopu-tangata ngati Geresona 25 kia rave ra, e te au apainga : E apai ratou i te au paruru sekene, e te Are uipānga ra ; te tapoki, e te tapoki kiri tekesa i runga roao ra, e te paruru 26 zgutupa no te Are uipānga ra, E te au paruru kezere, e te paruru o te ngutupa i te tomoanga ki roto i te kezere, i tei akapini katoa i te sekene e te atarau ra, e te au taura no te reira, e te au apinga katoa no te reira, e te au angaanga katoa i reira ; ko ta ratou ia 27 e rave. Tei ia Aarona e ana puke tamariki te tuatua, e rave ei te au tamariki ngati Geresona i ta ratou katoa au apainga, e i ta ratou au angaanga katoa ; e na kotou e akataka atu ia ratou i ta ratou katoa ra apainga ma te iku marie 28 atu. Ko ta te au kopu-tangata o te tamariki a Geresona teia e rave i te Are uipānga ra : e ta ratou e tiaki ra, tei ia Itamara te tamaiti a Aarona taunga te tuatua i te reira.

29 E te au tamariki tamaroa a Merari, e tatou oki koe ia ratou i to ratou au kopu-tangata, i te ngutuare o to ratou ai metua ra : Ko tei tae ki te toru ngauru o te mataiti, e tae ua atu ki te rima o te ngauru o te mataiti, ko taau ia e tatou, te aronga katoa e tika kia rave i te taonga, kia rave i te angaanga, i te Are uipānga ra. Teia oki te tuatua i ta ratou apainga, ta ratou katoa e rave i te Are uipānga ra ; ko te au tapaanga rakau sekene, e te au tea, e 32 te au pou, e te au turanga ; E te au pou o te kezere e pini ua ake, e to ratou au turanga, e te au titi, e te au taura, e te au apinga ravarai no te reira ra, e te angaanga katoa : e ka tatou te ingoa o te au mea i iku naia mai e na 33 ratou e apai. Ko ta te au kopu-tangata o te au tamariki a Merari teia e rave, te au angaanga katoa a ratou i te Are uipānga ra, ei ia Itamara te tamaiti a Aarona taunga oki te tuatua i te reira.

34 Kua tatou iora Mose raua ko Aarona, e te aronga mamaata o te uipānga ra, i te au tamariki tamaroa ngati Kohata i

to ratou au kopu-tangata, e te ngutu-
are o to ratou ai metua; Ko tei tae ki 35
te toru ngauru o te mataiti, e tae ua
atu ki te rima o te ngauru o te mataiti,
ko te aronga katoa e tika kia rave i te
taoonga ra, i te angaanga i te Are uipā-
nga ra: E taua aronga i tatauia i to 36
ratou au kopu-tangata, e rua ia tausani,
e itu anere, e rima ngauru. Ko taua 37
aronga ia i tatauia ra i to te au kopu-
tangata ngati Kohata ra, ko te aronga
katoa e tika kia rave i te angaanga i
roto i te Are uipānga ra, ko ta Mose
raua ko Aarona i tatau ra, i ta Iehova i
akaue mai ia Mose. E to te tamariki 38
tamaroa a Geresona i tatauia, i to ratou
au kopu-tangata, e te ngutuare o to ra-
tou ai metua, Ko tei tae ki te toru 39
ngauru o te mataiti, e tae ua atu ki te
rima o te ngauru o te mataiti ra, ko te
aronga katoa e tika kia rave i te tao-
onga, i te angaanga i roto i te Are uipā-
nga ra; Ko taua aronga i tatauia, i to 40
ratou au kopu-tangata ra, i te ngu-
tuare o to ratou ai metua, e rua ia tau-
sani, e ono anere, e toru ngauru. Ko 41
te i tatauia ia i to te au kopu-tangata o
te au tamariki a Geresona, ko te aronga
katoa e tika kia rave i te angaanga i
roto i te Are uipānga ra, ko ta Mose
raua ko Aarona i tatau, i ta Iehova i
akaue maira.

E tei tatauia no te au kopu-tangata o 42
te au tamariki a Merari ra, i to ratou
au kopu-tangata, i te ngutuare o to ra-
tou ai metua, Ko tei tae ki te toru 43
ngauru o te mataiti, e tae ua atu ki te
rima o te ngauru o te mataiti ra, ko te
aronga katoa e tika kia rave i te tao-
onga, i te angaanga i te Are uipānga ra,
Ko taua aronga i tatauia i to ratou au 44
kopu-tangata, e toru ia tausani, e rua
anere. Ko taua aronga ia i tatauia ra 45
i to te au kopu-tangata o te au tamariki
a Merari ra, ko ta Mose raua ko Aa-
rona i tatau, i ta Iehova i tuatua mai ia
Mose.

Ko taua aronga ngati Levi katoa i 46
tatauia ra, ko ta Mose raua ko Aarona,
e te aronga mamaata o Iseraela, i tatau
ra, i to ratou au kopu-tangata, e te
ngutuare o to ratou ai metua, Ko tei 47
tae ki te toru ngauru o te mataiti, e tae
ua atu ki te rima o te ngauru o te ma-
taiti, ko te aronga katoa e tika kia rave
i te angaanga, e kia apai i te au apai-
nga i te Are uipānga ra; Ko taua aro- 48
nga i tatauia ra, e varu ia tausani, e
rima anere, e varu ngauru. Ko ta Ie- 49
hova i akaue mai ia Mose, i akaperaiā
ratou i te tatau, ko te tangata ra ko
tana e rave, e tana ra apaiāga, e pini ua

ake ratou ra: i peraia ratou i te tatauia
e ia, i ta Iehova i akaue mai kia Mose
ra.

PENE V.

*Te aronga lepera e te aronga viivii i te
akataka angaiā, e te ture no te va-
reae.*

- 1 KUA tuatua mairā Iehova kia Mose,
- 2 na ko maira, E karanga atu koe
ki te tamariki a Iseraela, e tuku ratou
i te au lepera katoa, e te aronga katoa i
zubiiā ra, e tei viivii i te tangata mate
- 3 ra, ki vao mai i te puakapa ra: Ko te
tane e te vaine katoa ta kotou e tuku,
e tuku kotou ia ratou ki vao mai i te
puakapa; kia kore to ratou au puakapa,
i nooia e au i rotopu ra, e viivii ia ra-
- 4 tou. Kua pera oki te tamariki a Ise-
raela, kua tuku ia ratou ki vao mai i te
puakapa: i ta Iehova i tuatua mai kia
Mose ra, ko ta te tamariki a Iseraela ia
i rave.
- 5 Kua tuatua mairā Iehova kia Mose,
- 6 na ko maira, E karanga atu koe ki te
tamariki a Iseraela, Kia rave te tane
nei, e kare ra, te vaine, i te ara, i te au
ara katoa a te tangata nei, e ara iora
oki ia Iehova, e kua akaapaia taua ta-
- 7 ngata ra; E aaki ratou i ta ratou ara i
ta ratou i rave ra i reira; e tutaki oki i
taua apa nana ra, e akaoki aia i te mea
mou ra, ka topiri katoa i i tetai tuanga
rima, ka apai atu ei ki taua tangata
- 8 tana i takinga-kino ra. E kare ra o
taua tangata ra e uraura toe, ei rave i
te tutaki no taua takinga-kino ra, e
apai i taua tutaki ra kia Iehova, na te
taunga; e te rama tapokiāngaara katoa
te ka apaiā ei tapokiāngaara nana ra.
- 9 E te au terume i te au mea tapu katoa
ta te tamariki a Iseraela e apai mai ki
- 10 te taunga ra, nana uorai ia. E ta te
au tangata katoa ra au mea tapu ra,
nana ia; e ko ta te tangata e apai mai
ki te taunga, nana uorai ia.
- 11 Kua tuatua mairā Iehova kia Mose,
- 12 na ko maira, E karanga atu koe
ki te tamariki a Iseraela, e na ko atu
kia ratou, Kia aere ke te vaine a
tetai tangata ra, e kia takinga-kino
- 13 iaia, E i moeia aia e tetai tangata, e ara
iora aia, uunaia iora e ngaro atura, kare
te tane i kite, e kare i rauka te kite i
taua ara nana ra, e kare aia i rokoia i
- 14 te moenia angaiā ra; E kia rokoia aia
e te vareae ngakau, e te vareae ra aia i
tana vaine, e kua ara aia ra; e kia
rokoia aia e te vareae ngakau, e te
vareae ra aia i tana vaine, e kare aia i
- 15 araiā: E arataki taua tangata ra i tana

vaine ki te taunga, e apai katoa oki aia i tana korehana, e okotai omera faraoa kerite; auraka aia e tuku i te inu ki runga, auraka katoa ei libano e tukuia ki runga; e mineka vareae oki te reira, ei mineka manakoanga ei akakite i te manako i te ara ra. E na te tau- 16 nga e apai i te reira, ka tuku ei ki mua i te aroaro o Iehova: Ei reira te taunga 17 ka rave ei i te vai tapu i roto i tetai kapu one; e te one-pucu no te taua o te sekene, ka rave te taunga i te reira, ka tuku ei ki roto i taua vai ra: E tuku oki te taunga i taua vaine ra ki 18 mua i te aroaro o Iehova, ka kiriti ei i te pare o taua vaine ra, ka tuku ei i te mineka manakoanga ki roto i tona rima, i te mineka vareae ra: ka mou ua oki te taunga i te vai maamaa akakatarā ra ki tona rima: E na te taunga e aka- 19 taputou atu iaia, e karanga aia ki taua vaine ra, Kare koe i aere ke i to tane ra, e kare oki i araiā i te moe anga i tetai tangata, auraka toou ei kino i teianei vai maamaa akakatarā ra; Kua 20 aere ke ra koe i to tane ra, e kua ara koe i te moe anga i tetai tangata, kare te tane naau ra: E tuku atu te taunga 21 i te taputou akakatarā ki taua vaine ra i reira, e e karanga atu te taunga ki taua vaine ra, Kia akariro a Iehova ia koe ei kataranga, e ei taputouanga i ro- 22 topu i toou iti-tangata, i te akaraririki anga atu a Iehova i toou ūā, e te akatupu anga i toou kopu; Kia tae oki teianei 22 vai akakatarā ki roto i toou kopu, ei akatupu i toou kopu, e ei akaraririki i toou ūā. E na taua vaine ra e tuatua mai e, Amene, amene. E na te taunga 23 e tata i eianei puke katara ki roto i tetai buka, ka orei atu ei kia mā i taua vai maamaa ra: E akainu oki aia i 24 taua vaine ra i taua vai maamaa akakatarā ra, e ka tae taua vai akakatarā ki roto iaia, ka riro ei ei maamaa. E 25 rave oki te taunga i te mineka o te vareae i roto i te rima o taua vaine ra, ka ruu ei i taua mineka ra ki mua i te aroaro o Iehova, ka apai ei ki runga i te atarau ra: Ka rave oki te taunga i 26 tetai manga i taua mineka ra kia ki te rima, ei manakoanga, ka tāu ei ki runga i te atarau ra, ka akainu ei i taua vaine ra i taua vai ra. E kua akainu 27 iora aia iaia i taua vai ra, kua ara tikai aia ra, kua takinga-kino aia i tana tane ra, ka riro taua vai akakatarā i o i roto iaia ra, ei mea maamaa i reira, ka tupu tona kopu, e raririki oki tona ūā; e ka riro taua vaine ra ei kataranga i roto i tona uorai iti-tangata. Kia kore ra 28 taua vaine ra e araiā, te vai ara kore ua

ra: kare aia e kino i reira, e tamarikiia rai tana.

- 29 Ko te ture teia no te vareae, kia aere ke te vaine i tana tane ra, e araiā iora; 30 E kia rokoia oki aia e te vareae ngakau, e te vareae ra aia i tana vaine, e akakite aia i taua vaine ra ki mua i te aroaro o Iehova i reira, e na te taunga e rave i te au mea katoa i roto 31 i teianei ture iaia. Kare te tane e araiā i reira, ei te vaine ra tana uorai ara.

PENE VI.

Te au ture na te Nazira; e te tuatua akuora i akakiteia ra.

- 1 **K**UA tuatua mairā Iehova kia 2 Mose, na ko maira, E karanga atu koe ki te tamariki a Iseraela, e na ko atu kia ratou, Kia akataka tetai tane e tetai vaine iaia uorai, e tia i te tia Nazira, ei akataka anga iaia uorai no 3 Iehova ra: Kia taka ke iaia te wina e te kava kona, auraka aia e inu i te vinega vine e te vinega kava kona, e te vai katoa no roto i te vine ra, auraka aia e inu, auraka oki e kai i te vine mata, 4 e te vine marō. Te au rā katoa o tona akataka anga, auraka aia e kai i to roto i te vine, i te atu vine e tae ua atu 5 ki te kiri ra. Te au rā katoa no tana tia akataka anga iaia ra, auraka roa e reta e tae ki runga i tona mimiti; e kia ope roa te au rā i akataka'i aia iaia uorai no Iehova ra, kia tapu aia, e vaiu ua aia i tona makave rauru kia tupu 6 ua na. Te au rā katoa i akatakaia'i aia no Iehova ra, auraka roa aia e akavai. 7 tata ua atu ki tetai tangata mate. Auraka aia e akaviiui iaia uorai i tona metua tane, e tona metua vaine, e tona taeake, e tona tuaine, kia mate ra; no te mea, ko te akairo Nazira o tona ra 8 Atua tei runga i tona mimiti. Te au rā katoa i akatakaia'i aia ra, te tapu ra 9 ia aia no Iehova. E kia mate vave ua tetai tangata i waitata iaia ra, kua viiui tona mimiti akatakaia i reira; e varu aia i tona mimiti kia tae ki te rā tamā 10 anga iaia ra, ei te rā itu aia varu ei. E kia tae ki te rā varu ra e apai mai aia i e rua puke kukupa, e kare ra, kia rua punua rupe, ki te taunga, i te ngutupa 11 o te Are uipānga ra: E na te taunga e apai i tetai ei tarangaara, e tetai ei tusia karakaratio, nana oki e apai i te tapokiangaara nana, i te ara i taua ta- 12 ngata i mate ra, e ka akatapu aia i tona mimiti i taua rā ra. E kua oti tetai arenio mataiti okotai i te apaiā mai e ia ei tutakingaara, e akataka akuora vai aia i taua au rā Nazira anga nona ra no

Iehova : kare oki tei muatangana ra au rā e tatauia, no te mea kua viivii taua *peu* Nazira nona ra.

Teia te ture na te Nazira, kia ope te 13 au rā katoa o tona Nazira anga; e akakite aia iaia uaorai i te ngutupa o te Are uipānga ra; E apai mai oki aia i 14 tana korebana kia Iehova ra, okotai arenio toa mataiti okotai, e te kino kore, ei tusia karakaratio, okotai oki arenio ua mataiti okotai, e te kino kore, ei tarangaara, e tetai rama kino kore ei tusia au, E tetai kete kai akaopue kore 15 ra, ei areto faraoa pueu i irokia ki te inu ra, e te ufa akaopue kore i tainuia ra, e te mineka no te reira, e to reira oki neseka ra. E na te 16 taunga e apai mai i *te reira* ki mua i te aroaro o Iehova ra, e nana e apai i tana tarangaara, e tana tusia karakaratio: E 17 nana e apai i te rama kia Iehova ra, ei tusia au, e te kete areto akaopue kore: e na te taunga katoa e apai i to reira mineka, e to reira oki neseka ra. Ei 18 reira taua Nazira ra e varu ei i tona mimiti akatakaia ra i te ngutupa o te Are uipānga ra, ka rave ei i te rauru o tona mimiti akatakaia ra, ka tuku ei ki runga i te ai i raro ake i te tusia au ra. Ka rave oki te taunga i te ua mua 19 rama i tunuia ra, e tetai areto akaopue kore ra, e tetai ufa akaopue kore i roto i te kete ra, ka tuku ei ki roto i te rima o taua Nazira ra, kia oti ake tona *mimiti* akatakaia i te varuia ra: E na 20 te taunga e ruru i te reira ei tenupe ki mua i te aroaro o Iehova; o mea tapu te reira na te taunga, e te uma i ruru katoaia, e te ua mua i apaiia ki runga ra: e i muri ake i *te reira* e tika te Nazira kia inu i te wina. Ko te ture 21 teia a te Nazira kia tia ra, e no tana korebana kia Iehova, no tana *peu* Nazira ra, *ka apai* katoa i te rauka ua mai iua: ko te tia tana i tia ra ko tana ia e rave, kia tau i ta te ture no tana *peu* Nazira ra.

Kua tuatua mairā Iehova kia Mose, 22 na ko maira, E karanga atu kia Aaronua e ana puke tamariki, e na ko atu, Ka akapera kotou i te akaora i te tamariki a Iseraela, e na ko atu kia ratou, Kia 24 akameitaki mai a Iehova ia koe, e kia tiaki mai ia koe: Kia akakakā mai a 25 Iehova i tona mata ki runga ia koe, e kia aroa mai ia koe: Kia nānū mai a 26 Iehova i tona mata ki runga ia koe, e kia oronga mai i te au ia koe. E akapera ratou i te akaiki i toku ingoa ki runga i te tamariki a Iseraela; e e akaora ia au ia ratou.

PENE VII.

Te oronga mamaata ngati Iseraela, e ta ratou i apai i te akatapu anga i te atarau ra.

- 1 **E** TAE akera ki te rā i oti ei te sekene i akatuaia e Mose ra, e oti akera i te akamainuia, e kua akatapuia, e te apinga tini no te reira ra, e te atarau e te au mea katoa no reira, kua oti akera i te akamainuia, e kua akatapuia; Kua apai maira te aronga mamaata i Iseraela ra i *te korebana*, te aronga mataiapo i te ngutuare o te ratou ai metua, te au kavana no te au kopu ra, ko to rungao i te aronga i 3 tatauia ra: Apai maira ratou i ta ratou korebana kia Iehova ra, e ono porotata tapokiia ra, e nga bovi okotai ngauru ma rua; okotai porotata toko rua kavana, okotai oki bovi okotai *kavana* e pini ua ake; e kua apai mai ratou i taua au mea ra ki mua ake i te sekene 4 ra. Kua tuatua mairā Iehova kia 5 Mose, na ko maira, Ka rave i *tenana au mea* ia ratou, no te au angaanga i te Are uipānga; e naau e apai atu ki te ngati Levi ra, kia tau tikai ki ta te au 6 tangata katoa ra angaanga. Kua rave iorū Mose i taua au porotata ra, e te au bovi, e apai atura na te au ngati Levi 7 ra. Ko e rua porotata ra, ko e a oki bovi, tuku atura aia i *te reira* na te au tamariki a Geresona ra, i ta ratou 8 angaanga: Ko e a porotata ra, e ko e varu bovi ra, tuku atura aia i *te reira* na te au tamariki a Merari ra, i ta ratou angaanga, i raro ake ia Itamara, e 9 tamaiti a Aaronua taunga ra. Kareka ki te au tamariki a Kohata ra, kare ua aia i apai i *ta ratou*: no te mea ko te angaanga i te ngui-tapu ra ta ratou, e amo ua ratou i *ta ratou* ki runga i te pakuivi.
- 10 Kua apai maira te ui kavana i *ta ratou* no te akatapu anga i te atarau, i te rā i akatainuia'i, apai katoa maira oki te ui kavana i ta ratou korebana ki mua 11 i te atarau. Kua tuatua mairā Iehova kia Mose, E vaoa atu kia apai ua mai ana ratou i ta ratou korebana, ko te kavana ko tona rā, e pini ua ake, no te akatapu anga i te atarau ra.
- 12 E ko tei apai mai i tana korebana i te rā mua ra, ko Naasona ia, te tamaiti a Aminadaba, *te kavana* o te kopu o 13 Iuda ra: *Tera* tana korebana, okotai mereki ario, okotai anere e toru ngauru *sekela* kia aite, okotai kapu ario, e itu ia ngauru sekela, i te sekela i te ngai-tapu ra; kua ki katoa i te faraoa

pueu i irokia ki te inu ei mincka: Okotai kapu auro, okotai ngauru *sekela*, 14 kua ki oki i te tumiama. Okotai bovi 15 ou, okotai rama, okotai arenio mataiti okotai, ei tusia karakaratio: Okotai 16 puaka-nio ei tarangaara: E rua oki 17 bovi, e rima rama, e rima puaka-nio toa, e rima arenio mataiti okotai, ei tusia au ia: ko ta Naasona te tamaiti a Aminadaba korebana te reira.

E tae akera ki te rua o te rā, kua 18 apai mairā Netaneela, te tamaiti a Zuara, te kavana i Isakara ra: *Tera* 19 tana korebana i apai, okotai mereki ario, okotai anere e toru ngauru *sekela* kia aite, okotai kapu ario, e itu ia ngauru *sekela*, i te sekela i te ngai-tapu ra; kua ki katoa i te faraoa pueu i irokia ki te inu ei mincka: Okotai kapu 20 auro, okotai ngauru *sekela*, kua ki i te tumiama: Okotai bovi ou, okotai rama, okotai arenio mataiti okotai, ei tusia karakaratio: Okotai puaka-nio ei tarangaara: E rua oki bovi, e rima rama, 23 e rima puaka-nio toa, e rima arenio mataiti okotai, ei tusia au ia: ko ta Netaneela te tamaiti a Zuara ia korebana te reira.

E tae akera ki te toru o te rā, kua 24 apai mairā Eliaba, te tamaiti a Helona, te kavana o te tamariki a Zebuluna ra: *Tera* tana korebana, okotai mereki ario, okotai anere e toru ngauru *sekela* kia aite, okotai kapu ario, e itu ia ngauru *sekela*, i te sekela i te ngai-tapu ra; kua ki katoa i te faraoa pueu i irokia ki te inu ei mincka: Okotai kapu 26 auro, okotai ngauru *sekela*, kua ki i te tumiama: Okotai bovi ou, okotai rama, okotai arenio mataiti okotai, ei tusia karakaratio: Okotai puaka-nio ei tarangaara: E rua oki bovi, e rima rama, e rima puaka-nio toa, e rima arenio mataiti okotai, ei tusia au ia: ko ta Eliada te tamaiti a Helona ia korebana te reira.

E tae akera ki te a o te rā, kua apai 30 mairā Elizura, te tamaiti a Sedeura, te kavana o te tamariki a Reubena: *Tera* 31 tana korebana, okotai mereki ario, okotai anere e toru ngauru *sekela* kia aite, okotai kapu ario, e itu ia ngauru *sekela*, i te sekela i te ngai-tapu ra; kua ki katoa i te faraoa pueu i irokia ki te inu ei mincka: Okotai kapu auro, oko- 32 tai ngauru *sekela*, kua ki oki i te tumiama: Okotai bovi ou, okotai rama, 33 okotai arenio mataiti okotai, ei tusia karakaratio: Okotai puaka-nio ei tarangaara: E rua oki bovi, e rima rama, 35 e rima puaka-nio toa, e rima arenio mataiti okotai, ei tusia au ia: ko ta

Elizura te tamaiti a Sedeura ia korebana te reira.

36 E tae akera ki te rima o te rā ra, kua apai mairā Selumiela, te tamaiti a Zurisadai, te kavana o te tamariki a Simeona ra: *Tera* tana korebana, okotai mereki ario, okotai anere e toru ngauru *sekela* kia aite, okotai kapu ario, e itu ia ngauru *sekela*, i te sekela i te ngai-tapu ra; kua ki katoa i te faraoa pueu i irokia ki te inu ei mincka: 38 Okotai kapu auro, okotai ngauru *sekela*, 39 kua ki oki i te tumiama: Okotai bovi ou, okotai rama, okotai arenio mataiti okotai, ei tusia karakaratio: Okotai 41 puaka-nio ei tarangaara: E rua oki bovi, e rima rama, e rima puaka-nio toa, e rima arenio mataiti okotai, ei tusia au ia: ko ta Selumiela te tamaiti a Zurisadai ia korebana te reira.

42 E tae akera ki te ono o te rā ra, kua apai mairā Eliasapha, te tamaiti a Deuela, te kavana o te tamariki a Gadara: *Tera* tana korebana, okotai mereki ario, okotai anere e toru ngauru *sekela* kia aite, okotai kapu ario, e itu ia ngauru *sekela*, i te sekela i te ngai-tapu ra; kua ki katoa i te faraoa pueu i irokia ki te inu ei mincka: Okotai kapu auro, okotai ngauru *sekela*, 45 kua ki oki i te tumiama: Okotai bovi ou, okotai rama, okotai arenio mataiti okotai, ei tusia karakaratio: Okotai 47 puaka-nio ei tarangaara: E rua oki bovi, e rima rama, e rima puaka-nio toa, e rima arenio mataiti okotai, ei tusia au ia: ko ta Eliasapha te tamaiti a Deuela ia korebana te reira.

48 E tae akera ki te itu o te rā ra, kua apai mairā Elisama, te tamaiti a Amiuda, te kavana o te tamariki a Ephraima ra: *Tera* tana korebana, okotai mereki ario, okotai anere e toru ngauru *sekela* kia aite, okotai kapu ario, e itu ia ngauru *sekela*, i te sekela i te ngai-tapu ra; kua ki katoa i te faraoa pueu i irokia ki te inu ei mincka: 50 Okotai kapu auro, okotai ngauru *sekela*, 51 kua ki oki i te tumiama: Okotai bovi ou, okotai rama, okotai arenio mataiti okotai, ei tusia karakaratio: Okotai 53 tai puaka-nio ei tarangaara: E rua oki bovi, e rima rama, e rima puaka-nio toa, e rima arenio mataiti okotai, ei tusia au ia: ko ta Elisama te tamaiti a Amiuda ia korebana te reira.

54 E tae akera ki te varu o te rā ra, kua apai mairā Gamaliela, te tamaiti a Pedazura, te kavana o te tamariki a Manase 55 ra: *Tera* tana korebana, okotai mereki ario, okotai anere e toru ngauru *sekela* kia aite, okotai kapu ario, e itu ia ngau-

rua sekela, i te sekela i te ngai-tapu
ra; kua ki katoa i te faraoa pueu i
irokia ki te inu ei mineka: Okotai 56
kapu auro, okotai ngauru *sekela*, kua
ki oki i te tumiama: Okotai bovi ou, 57
okotai rama, okotai arenio mataiti okotai,
ei tusia karakaratio: Okotai puaka- 58
nio ei tarangara: E rua oki bovi, e 59
rama rama, e rima puaka-nio toa, e
rama arenio mataiti okotai, ei tusia au
ia: ko ta Gamaliela te tamaiti a Peda-
zura ia korebana te reira.

E tac akera ki te iva o te rā ra, kua 60
apai mairā Abidana, te tamaiti a Gide-
oni, te kavana o te tamariki a Benia-
mina ra: Tera tana korebana, okotai 61
merekī ario, okotai anere e toru ngauru
sekela kia aite, okotai kapu ario, e itu ia
ngauru sekela, i te sekela i te ngai-tapu
ra; kua ki katoa i te faraoa pueu i irokia
ki te inu ei mineka: Okotai kapu 62
auro, okotai ngauru *sekela*, kua ki oki
i te tumiama: Okotai bovi ou, okotai 63
rama, okotai arenio mataiti okotai, ei
tusia karakaratio: Okotai puaka-nio ei 64
tarangara: E rua oki bovi, e rima 65
rama, e rima puaka-nio toa, e rima
arenio mataiti okotai, ei tusia au ia:
ko ta Abidana te tamaiti a Gideoni ia
korebana te reira.

E tac akera ki te ngauru o te rā ra, 66
kua apai mairā Ahiezera, te tamaiti a
Amisudai, te kavana o te tamariki a
Dana ra: Tera tana korebana, okotai 67
merekī ario, okotai anere e toru ngauru
sekela kia aite, okotai kapu ario, e itu
ia ngauru sekela, i te sekela i te ngai-
tapu ra; kua ki katoa i te faraoa pueu
i irokia ki te inu ei mineka: Oko- 68
tai kapu auro, okotai ngauru *sekela*,
kua ki oki i te tumiama: Okotai bovi 69
ou, okotai rama, okotai arenio mataiti
okotai, ei tusia karakaratio: Okotai 70
puaka-nio ei tarangara: E rua oki 71
bovi, e rima rama, e rima puaka-nio
toa, e rima arenio mataiti okotai, ei tu-
sia au ia: ko ta Ahiezera te tamaiti a
Amisudai ia korebana te reira.

E tac akera ki te ngauru ma tai o te 72
rā ra, *kua apai mairā* Pagiela, te ta-
maiti a Okarana, te kavana o te
tamariki a Asera ra: Tera tana 73
korebana, okotai merekī ario, okotai
anere e toru ngauru *sekela* kia aite,
okotai kapu ario, e itu ia ngauru *sekela*,
i te sekela i te ngai-tapu ra; kua ki
katoa i te faraoa pueu i irokia ki te
inu ei mineka: Okotai kapu auro, 74
okotai ngauru *sekela*, kua ki oki i te
tumiama: Okotai bovi ou, okotai rama, 75
okotai arenio mataiti okotai, ei tusia
karakaratio: Okotai puaka-nio ei tura- 76

77 ngaara: E rua oki bovi, e rima rama,
e rima puaka-nio toa, e rima arenio
mataiti okotai, ei tusia au ia: ko ta
Pagiela te tamaiti a Okarana ia kore-
bana te reira.

78 E tac akera ki te ngauru ma rua o te
rā ra, *kua apai mairā* Ahira, te tamaiti
a Enana, te kavana o te tamariki a
79 Naphatali ra: Tera tana korebana,
okotai merekī ario, okotai anere e toru
ngauru *sekela* kia aite, okotai kapu
ario, e itu ia ngauru sekela, i te
sekela i te ngai-tapu ra; kua ki katoa
i te faraoa pueu i irokia ki te inu
80 ei mineka: Okotai kapu auro, okotai
ngauru *sekela*, kua ki oki i te tumiama:
81 Okotai bovi ou, okotai rama, okotai
arenio mataiti okotai, ei tusia karakara-
82 tio: Okotai puaka-nio ei tarangara:
83 E rua bovi, e rima rama, e rima pu-
aka-nio toa, e rima arenio mataiti oko-
tai, ei tusia au ia: ko ta Ahira te tama-
iti a Enana ia korebana te reira.

84 Ko nga apinga akatapu atarau ra
teia, i te rā i akatainuia'i, na te aronga
kavana i Isaraela nei; okotai ngauru
ma rua merekī ario, okotai ngauru ma
rua kapu ario, okotai ngauru ma rua
85 kapu auro ra: Taki tai anake anere e
e toru ngauru *sekela* i taua au merekī
ario katoa ra *kia aite*, e e itu anake
ngauru i taua au kapu ra: e taua au
āriki ario katoa ra e rua ia tausani e a
anere *sekela te aiteiteangu*, i te sekela i
86 te ngai-tapu ra: E nga kapu auro oko-
tai ngauru ma rua, i ki i te tumiama
ra, taki tai ngauru anake ia i te *sekela*
e pini ua ake, i te sekela i te ngai-tapu
ra: e te *aiteiteangu* o taua au kapu auro
katoa ra, okotai ia anere e rua ngauru
87 i te *sekela*. E te au puaka katoa no
te au tusia karakaratio ra, okotai ngau-
ru ma rua bovi, okotai ngauru ma
rua rama, okotai ngauru ma rua arenio
mataiti okotai ra, e te au mineka oki
no te reira ra; e te au puaka-nio tara-
88 ngaara ra okotai ia ngauru ma rua. E
te au puaka katoa no te au tusia au ra,
e rua ia ngauru bovi e a ara, e ono
ngauru rama, e ono ngauru puaka-nio
toa, e ono ngauru arenio mataiti okotai
ra. Ko nga *korebana* akatapu atarau
ra teia, i muri ake i te akatainu angaia
ra.

89 E kua tae iorū Mose ki rotopu i te
Are uipānga e tuatua kia *Iehova* ra,
kua kite aia i te reo i te tuatua anga
mai kiale i runga i te tapoki i runga
i te aruna kite, i rotopu i nga kerubi ra;
i reira tana tuatua anga mai kiale ra.

PENE VIII.

Te tutungi anga i te au lamepa; te akataka anga i te ngati Levi ra, e te roa o ta ratou rave anga i te taonga.

KUA tuatua mairā Iehova kia Mose, 1
na ko maira, E karanga atu koe 2
kia Aarona, e na ko atu koe kiaia, Ka 3
tutungi koe i te au lamepa ra, kia 4
mārama tika atu nga lamepa e itu ra i 5
mua atu i te menure ra. Kua pera oki 6
a Aarona; kua tutungi aia i nga lamepa 7
i mua mai i te menure; ta Iehova i 8
akaue mai kia Mose ra. E auro tupa- 9
kita taua menure ra i te angaanga, i te 10
pu e tae ua atu ki te au tiare, e anga- 11
anga tupaki anake ia; mei te tu ta Ie- 12
hova i akakite mai kia Mose ra, i aka- 13
peraia te menure i te anga.

Kua tuatua mairā Iehova kia Mose, 5
na ko maira, Ka rave koe i te au ngati 6
Levi i roto i te tamariki a Iseraela nei, 7
e tamā ia ratou. E akapera oki koe ia 8
ratou, ei tamā anga ia ratou; E pipi i 9
te vai tamā ki rungao ia ratou, e varu 10
oki ratou i to ratou kopapa e pini ua 11
ake, e tatā oki i o ratou kakau, e mā 12
ia ratou i reira. Ka rave ei ratou i te- 13
tai bovi ou, e tona mineka, i te faraoa 14
pueu i irokia ki te inu ra, e rave 15
oki koe i tetai bovi ou ei tarangaara. 16
E arataki oki koe i te ngati Levi ki 17
mua i te Are uipānga ra; e naau e aka- 18
putuputu katoa mai i te uipānga tama- 19
riki ravarai a Iseraela ra: E arataki 20
mai oki koe i te ngati Levi ki mua i te 21
aroaro o Iehova: e ka tuku te tama- 22
riki a Iseraela i o ratou rima ki rungao 23
i te ngati Levi ra: E na Aarona e apai 24
i te ngati Levi ki mua i te aroaro o Ie- 25
hova, ei tenupe na te tamariki a Ise- 26
raela, ei rave i te angaanga a Iehova. 27
E tuku oki te ngati Levi i o ratou rima 28
ki rungao i te mimiti o nga bovi ra; e 29
naau e apai i tetai ei tarangaara, e tetai 30
ei tusia karakaratio na Iehova, ei ta- 31
pokiangara na te ngati Levi ra. E 32
13 tuku oki koe i te ngati Levi ki muai te 33
aroaro o Aarona, e ki mua i te aroaro o 34
ana puke tamariki, ka apai ei ia ratou 35
ei tenupe kia Iehova ra. E akapera 36
koe i te akataka anga i te ngati Levi i 37
roto i te tamariki a Iseraela ra: noku 38
oki te ngati Levi. E oti akera ratou i 39
15 te tamāia e koe, e kua apaiia ei tenupe, 40
e aere te ngati Levi ki roto e rave i te 41
angaanga i te Are uipānga ra. Ko to 42
16 te tamariki a Iseraela oki ratou i apai 43
roaia mai tei iaku; kua rave ua ia ratou 44
noku uorai, ei tupau i tei anau ana i te 45
kopu, i te au tama mua a te au tamariki

17 katoa a Iseraela ra. Noku oki te au 1
tama mua katoa a te tamariki a Ise- 2
raela, ta te tangata, e ta te puaka; kua 3
akatapu au ia ratou noku uorai, i 4
te rā i ta ai au i te au tama mua katoa 5
18 i te enua ra i Aiphiti. I rave ei au i te 6
ngati Levi ei tupau i te au tama mua 7
19 ravarai a te tamariki a Iseraela. E 8
kua oronga au i te ngati Levi i roto i te 9
tamariki a Iseraela no Aarona, e ana 10
puke tamariki, ei rave i te angaanga a 11
te tamariki a Iseraela i roto i te Are 12
uipānga, e ei apai i te tapokiangara na 13
te tamariki a Iseraela: kia kore roa te 14
mate e *kita mai* i roto i te tamariki a 15
Iseraela, kia akavaitata mai te tamariki 16
a Iseraela ki te ngai-tapu ra. Kua pera 17
20 oki a Mose raua ko Aarona, e te uipā-
nga tamariki a Iseraela katoa, i te
ngati Levi ra, mei ta Iehova i akaue
mai kia Mose i taua ngati Levi ra; kua
pera te tamariki a Iseraela kia ratou.
21 I tamāia oki te ngati Levi, e kua tatā
ratou i o ratou kakau; e na Aarona i
apai ia ratou ei tenupe ki mua i te aro-
aro o Iehova; e kua apai a Aarona i te
tapokiangara na ratou ei tamā ia ratou.
22 E i muri akera, aere atura te ngati Levi
ki roto, e rave i ta ratou angaanga i te
Are uipānga, ki mua i te aroaro o Aaro-
na, e ki mua i te aroaro o ana puke ta-
mariki ra: ko ta Iehova i akaue mai
kia Mose i te ngati Levi ra, kua pera
ia ratou kia ratou.
23 Kua tuatua mairā Iehova kia Mose,
24 na ko maira, Teia te *tuatua* i te ngati
Levi; kia tae ki te rua ngauru ma rima
o te mataiti, e kia maata atu oki, ka
aere ei ratou ki roto e rave i te taonga
25 i te angaanga i te Are uipānga ra. E
kia tae ki te rima o te ngauru o te ma-
taiti, oti ra ua ratou i te rave i taua
taonga ra, auraka ratou e rave akaau:
26 Ko ratou katoa ra te ka rave i te taoo-
nga, e to ratou ai tacake, i te tiaki anga
i tei iku naia mai i te Are uipānga ra,
auraka ra e rave i te angaanga. E aka-
pera koe i te ngati Levi i tei iku naia
mai kia rave ratou.

PENE IX.

Te pasa i te akatu akaou angaia ra; te tumurangi to ratou arataki.

KUA tuatua mairā Iehova kia Mose 1
i te medebara ra i Sinai, i te ma- 2
rama mua, i te rua o to ratou mataiti i 3
te aere anga mai mei te enua maira mei 4
2 Aiphiti, na ko maira, E akono katoa te 5
tamariki a Iseraela i te pasa i tona tua- 6
3 tau i akonoja ra. Ei te rā okotai nga- 7
uru ma a i teianei marama, ei tona

tuatau tikai ra, ei te aiai kotou e akono ei : i tona katoa ra au akonganga, e tona katoa ra au peu, kia akono kotou ra. Kua karanga aturā Mose ki te tamariki a Iseraela e, e akono i te pasa ra. E kua akono iora ratou i te pasa i te rā okotai ngauru ma a i te marama mua ra, i te aiai, i te medebara ra i Sinai: ko ta Iehova i akaue mai kia Mose ra, ko ta tamariki a Iseraela i rave.

Kua viivii e tokotai puke tangata i tetai tangata mate, kare akera i tika ia ratou kia akono i te pasa i taua rā ra: kua aere maira ratou ki mua i te aroaro o Mose raua ko Aaron a taua rā ra; E kua tuatua maira taua au tangata ra kiaia, Kua viivii matou i tetai tangata mate; eaa ra matou i tāpuia'i, e auraka e apai i tetai korebana na Iehova, ko matou e te tamariki a Iseraela katoa, i tona tuatau tikai ra? Kua karanga aturā Mose kia ratou, E tapapa ua mai ana kotou, kia kite ra au i ta Iehova tuatua ia kotou na.

Kua tuatua mairā Iehova kia Mose, na ko maira, E karanga atu koe ki te tamariki a Iseraela, e na ko atu, I viivii ua atu tetai tangata o kotou, e to kotou uki a muri atu, i te tangata mate, e *kia taa* i te ara tiroa i te ngai mamao ra, e akono rai ia i te pasa a Iehova ra. Ei i te rā okotai ngauru ma a i te rua o te marama i te aiai, e akono ei ratou, ei areto akaopue kore e te rakau maamaa ka kai ei ratou i te reira. Auraka roa ratou e vaoo i tetai manga no te popongi, auraka ua oki tetai ivi o te reira ra kia aatiia e ratou: kia tika katoa te au akonoanga o te pasa ra kia rave ratou. Ko te tangata i mā, kare i taa i te ara tiroa, kia kore e akono i te pasa ra, ka tipu keia ia tangata i tona iti-tangata; no te mea kare aia i apai mai i te korebana a Iehova i tona tuatau tikai ra, ei taua tangata ra te *utunga* o tana ara. E kia uarere ua te tangata ke i roto ia kotou na, e kua inangaro aia i te akono i te pasa a Iehova ra; ko te akonoanga o te pasa ra, e te peu tana e rave kia tau tikai: kia okotai rai a kotou akonoanga no te tangata ke, e no te tangata uenua.

I te rā i akatua'i te sekene ra, tapo- kila iora te sekene e te tumurangi, i te Are kite ra: e po iora mei te ai te tu i te vai ua anga ki runga i te sekene, e ao ua ake. Ko te tu uaorai ia; ko te tumurangi tei tapoki mai i te ao, e kia po, riro atura mei te ai ra te tu. E kia apaiia taua tumurangi i rungao i te Are ra ki runga, kua aere te tamariki a

Iseraela i reira ra; e te ngai i noo ei taua tumurangi ra, kua patia te tamariki a Iseraela i to ratou puakapa i reira. Tei te akaue a Iehova i aere ei te tamariki a Iseraela, e tei te akaue a Iehova i patia'i ratou i te puakapa: te vai ra taua tumurangi ra ki runga i te sekene ra, e noo ua ratou i roto i te puakapa. E kia noo roa taua tumurangi ra ki rungao i te sekene e manga-nui te rā ra, kua tiaki te tamariki a Iseraela i te iku a Iehova, e kare ia i aere: E etai puke rā ua to taua tumurangi ra i te noo ua anga ki runga i te sekene ra, okotai rai peu; e noo ua ratou i roto i te puakapa i reira, i ta Iehova oki i akaue maira, e tei te akaue oki a Iehova i aere ei ratou. E koia katoa kia po tai ua taua tumurangi ra i te noo anga, e ao ake kua apaiia taua tumurangi ra ki runga, kua aere ia ratou i reira; i te ao ra e te po katoa kua apai anakeia taua tumurangi ra ki runga, kua aere ia ratou i reira. Kia noo ua rai taua tumurangi ra ki rungao i te sekene e po rua atura, e mate atura te marama, e ope atura oki te mataiti, kua noo rai te tamariki a Iseraela i roto i te puakapa, kare ia i aere: kia apaiia ra ki runga ra, kua aere ia ratou i reira. Tei te akaue a Iehova to ratou noo i te puakapa, e tei te akaue a Iehova to ratou aere: kua tiaki ratou i tei iku naia mai e Iehova, i te akaue a Iehova ia Mose ra.

PENE X.

Nga pu ario kia angaia, e te akatangii angaia: te aerenga o te au nuku: ta Mose tuatua kia Hobuba: ta Mose tuatua akaora kia noo e kia aere te puakapa.

KUA tuatua mairā Iehova kia Mose, na ko maira, E anga koe i e rua ake pu ario, ei mea tupakiaa kia anga koe ra, ei akaputuputu anga naau e te uipānga, e no te au puakapa oki kia aere ra. E kia akatangii ratou i aua nga pu ra, e akaputuputu mai te uipānga katoa kia koe ra, i te ngutupa o te Are uipānga ra. E kia akatangii ratou i te pu okotai ra, ko te au kavana ia no rungao i te au tausani i Iseraela nei, te ka akaputuputu mai kia koe ra. E tangi akateateamamao ta kotou e akatangii ra, ei reira te au puakapa i vai i te pae e te itinga o te rā ra ka aere ei. E kia tae ki te rua o te tangi akateateamamao ta kotou e akatangii ra, ei reira te au puakapa i vai i te pae i apatonga ra ka aere ei: e tangi akateateamamao ta ra-

tou e akatangi i to ratou au aerenga. Kareka kia akaputupuia mai te uipā-
nga ra, e akatangi rai oki kotou, auraka
ra te tangi akateateamamao ra e akata-
ngia. Ko nga tamariki a Arona tau-
nga oki te ka akatangi i aua nga pu ra;
ei akonoanga mou ia te reira na kotou
e ope ua ake to kotou au uki ra. E kia
aere kotou ki te tamaki i te enemi i
takinga-kino mai ia kotou i to kotou
enua, e akatangi kotou i te tangi aka-
teateamamao i aua nga pu ra; e ka
manakoia mai kotou ki mua i te aroaro
o to kotou Atua ra o Iehova, e ka aka-
oraia kotou i to kotou au enemi. E te
au rā rekareka anga no kotou ra, e i te
au rā kaingakai ra, e to kotou au mara-
ma ou ra, ka akatangi rai kotou i te au
pu, *kia apai kotou* i ta kotou au tusia
karakaratio, e ta kotou au tusia au ra;
e ka riro oki te reira ei manakoanga ia
kotou ki mua i te aroaro o to kotou
Atua ra: ko au to kotou Atua ra ko Ie-
hova.

E tae akera ki te rua ngauru o te rā
i te rua o te marama ra, e te rua oki o
te mataiti, apaiia akera taua tumurangi
i rungao i te sekene kite ra ki rungao.
E kua aere maira te tamariki a Iseraela
mei taua medebara maira mei Sinai; e
kua noo iora taua tumurangi ra i te
medebara ra i Parana. Ko te muata-
ngana ia o to ratou aerenga i ta Iehova
i akaue ia Mose ra.

Ko mua ra, ko te reva ia o te pua-
kapa tamariki a Iuda ra i to ratou au
nuku; e to rungao i to ratou nuku, ko
Naasona ia te tamaiti a Aminadaba.
E to rungao i te nuku ra i te kopu ta-
mariki a Isakara ra, ko Netaneela ia te
tamaiti a Zuara. E to rungao i te
nuku ra i te kopu tamariki a Zebuluna
ra, ko Eliaba ia te tamaiti a Helona.
Tukuia iora te sekene ki raro; e kua
aere iora te au tamariki a Geresona, e
te au tamariki a Merari, ma te sekene
katoa i te apai anga.

Kua maranga akera te reva o te
puakapa nuku a Reubena i to ratou au
nuku ra; e to rungao i to ratou nuku, ko
Elizura ia te tamaiti a Sedeura. E to
rungao i te nuku ra i te kopu tamariki
a Simeona ra, ko Seluniela ia te tamaiti
a Zurisadai. E to rungao i te
nuku ra, i te kopu tamariki a Gada ra,
ko Eliasapha ia te tamaiti a Deuela.
Kua aere iora te ngati Kohata ma te
ngai-tapu ra i te apai anga; e *letai pae*
ra kua akatu ratou i te sekene ka ro-
koia mai ei e ratou ra.

E kua maranga akera te reva o te
puakapa tamariki a Epheraima ra, i to

ratou au nuku ra; e to rungao i to ratou
nuku, ko Elisama ia te tamaiti a Ami-
uda. E to rungao i te nuku ra i te
kopu tamariki a Manase ra, ko Gama-
liela ia te tamaiti a Pedazura. E to
rungao i te nuku ra i te kopu tamariki
a Beniamina, ko Abidana ia te tamaiti
a Gideon.

E i muri roa ake i te au puakapa
katoa ra, kua maranga akera te reva o
te puakapa tamariki a Dana ra, i to
ratou au nuku; e to rungao i to ratou
nuku, ko Ahiezera ia te tamaiti a Ami-
sada. E to rungao i te nuku ra i te
kopu tamariki a Asera ra, ko Pagiela
ia te tamaiti a Okarana. E to rungao
i te nuku ra i te kopu tamariki a
Naphatali ra, ko Ahira ia te tamaiti a
Enana.

I pera to te tamariki a Iseraela
aerenga i to ratou au nuku, ka aere ei
ratou ra.

Kua karanga aturā Mose kia Hobaba,
te tamaiti a Reuela ngati Midiana, te
metua ongoai o Mose ra, Te aere nei
matou ki te ngai ta Iehova i tuatua
mai e, E oronga ia au no kotou: e aere
katoa tatou, e na matou e takinga-
meitaki atu ia koe; e mea meitaki oki
tei tuatuaia maira e Iehova ia Iseraela
nei. Kua tuatua maira ra aia kiaia,

Kare au e tae; e aere ra au ki toku
uaorai enua ra, e ki toku kopu-tangata

ra. Kua karanga atura aia, Tera taku
tuatua kia koe, auraka koe e akaruke
ia matou; kua kite oki koe i te ngai e
tau kia puakapa matou i te medebara
ra, ka riro oki koe ei mata no matou.

E kia tika ia koe i te aere katoa ra,
e riro matou i te oronga katoa noou i te
au mea mēmeitaki, ta Iehova e oronga
mai no matou nei.

Aere maira ratou mei te maunga o
Iehova maira, e po toru akera i te
aerenga: e na mua te aruna kororo-
motu a Iehova ra ia ratou i taua aere-
nga ra, e toru katoa po, e kimi i tetai
akaangaroiainga no ratou ra. E tei
runga ia ratou taua tumurangi a Ie-
hova ra i te ao, ia ratou i aere mai mei
te puakapa maira.

E kia aere te aruna ra, kua tuatua
akerā Mose, Ka tu ki runga, e Iehova
e, e kia pueurikiriki ke to au enemi;
e te aronga tau kore ia koe ra, kia ati
anakeia ia ki mua ia koe. E kia noo
ra, kua tuatua akera aia, E oki mai koe,
e Iehova, ki te au tausani e manganui o
Iseraela nei.

PENE XI.

Te urutoe anga o te au tangata ra.

KUA urutoe iora ra te tangata, riri akerā Iehova; kua kite oki a Iehova, e tupu atura tona riri; kua ka akera te ai a Iehova i rotou ia ratou, e pou iora tetai pae i taua puakapa ra. Kua kapiki maira te tangata kia Mose; e kia pure a Mose kia Iehova ra, tamateia iora taua ai ra. Tapa iora aia i te ingoa i taua ngai ra ia Tabera: no te mea kua ka te ai a Iehova i roto ia ratou ra.

E ko taua urupu tangata ke ke i roto ia ratou ra, riro rava atura ratou i te kaki nui: aue akaou atura oki te tamariki a Isaraela, e kua tuatua akera, Naringa, e kiko ta tatou e! Te manako nei oki tatou i te ika, ta tatou i kai ua i Aiphiti ra; e te kukuma, e te meleni, e te kesira, e te oniani, e te sumi: Kareka i teianei kua marō ka ua tatou; kare rava o muu i to tatou aroaro, mari ra ko teianei māna. Mei te ua keda taua māna ra te tu, e mei te poc ra te tu kia akara. Na te tangata i koi aere, e kua taviri ki roto i te tavirianga, e kare ra, kua reru ki roto i te rerunga, e kua tunu pani iora, e kua anga oki ei areto; e mei te inu ou ra te tu kia kai. E kia topa mai te au ki runga i te puakapa i te po ra, kua topa katoa mai taua māna ra.

E kite akerā Mose e te aue ra te au tangata, i to ratou au kopu-tangata, ko te tangata ko tona uorai ngutupa puakapa, e pini ua ake: e kua tupu maata oki te riri o Iehova ra; kua riri katoa iora oki a Mose. Kua karanga aturā Mose kia Iehova, Eaa oki koe i tuku mai ei i te tumatetenga ki runga i to tavini nei? Eaa oki au i kore ei i kite aroaia mai e koe ra, i tuku mai ei koe i teianei teiaa, i teia katoa nei aronga tangata, ki runga iaku nei? Naku katoa ainei teianei aronga? naku aina ratou i anau, i tuatua mai ei koe kiaku e, E apai koe ia ratou ki runga i to umauma, mei te iikiki e apai i te kaiu ra, ki te enua tauu i taputou atu ki to ratou ai metua? Eiea taku kiko e rauka'i kia apai atu na teianei aronga kia tu ratou? te aue tika mai nei oki ratou kiaku nei, te tuatua maira e, E o mai i te kiko na matou e kai. Kare e maranga iaku i teia katoa nei au tangata ko au anake ra, e maata ua atu ia i te teiaa. E pera mairai koe iaku nei, kia mate roa au, ko taku ia tuatua

kia koe, penciake te kite aroaia maira au e koe ra; kia kore oki au e kite i toku uorai kino.

- 16 Kua tuatua mairā Iehova kia Mose i reira, Ka akaputuputu mai ana koe kiaku nei i te tangata kia itu ngauru no te aronga pakari i Isaraela nei, tauu i kite ra, ei aronga pakari, e ei au tangata taonga, no te au tangata nei, e e arataki mai koe ia ratou ki te Are uipānga nei, ei reira ratou tu ua'i e koe katoa ra. Teia au ka eke atu ki raro na, e tuatua kia koe i reira; e rave oki au i ta te Vaeua i runga ia koe, ka tuku ei ki runga ia ratou: e ei runga katoa ia ratou taua apainga ra o te au tangata nei, auraka ei runga ia koe anake ra. E karanga atu koe ki te au tangata ra, E akatapu ana kotou ia kotou uorai no apopo, kia kai kotou i te kiko; kua aue oki kotou e kua akarongo mai a Iehova, kua tuatua kotou e, Naringa e kiko ta tatou e! i mēitaki oki tatou i Aiphiti ra; e teianei Iehova e oronga mai i te kiko na
- 19 kotou, kia kai kotou. Kare ra i te rā okotai i te kainga anga, e nga rā katoa e rua ra, e nga rā e rima ra, e nga rā okotai ngauru ra, e nga rā okotai takau ra; E mate ra te marama katoa, e ka mama mai ki vao i to kotou au putaiu, e ka iu rava atura kotou; ko kotou i akatokū ia Iehova i rotou ia kotou na, e kua aue kotou ki mua i tona aroaro, e kua tuatua e, Eaa tatou i aere
- 21 mai ei mei Aiphiti maira? Kua karanga aturā Mose, Ko teia au tangata iaku nei, e ono ia anere anga o te tausani tano tangata aere ua; e kua tuatua mai oki koe e, Naku e oronga atu i te kiko na ratou, kia kai ratou e
- 22 kia mate ua atu te marama. Kia ta katoaia aina te au mamoe e te au bovi katoa na ratou, e rava ainei? e kia akaope akenia mai te au ika katoa o te tai ra na ratou, e rava ainei? Kua tuatua mairā Iehova kia Mose, Kua poto aina te rima o Iehova? Ei teianei koe e kite ei i te tupu anga i taku i karanga atu kia koe na, e te kore anga.
- 24 Kua aere aturā Mose ki vao, kua akakite atura ki te au tangata i te tuatua a Iehova. E kua akaputuputu maira i te tangata e itu ngauru no roto i te au tangata pakari i taua aronga ra, e kua tuku iora ia ratou ki te pae Aro e pini ua ake. Kua eke mairā Iehova ki raro i na roto i te tumurangi, kua tuatua maira kiaia, kua rave iora i ta te Vaeua i runga iaia ra, kua tuku atura ki taua aronga pakari ra e itu

ngauru, e tei te iri anga te Vaeua ki
runga i ratou ra, kua totou iora
ratou, kare ra i pera akaou. Kua toe 26
ra toko rua puke tangata i roto i te
puakapa, ko Eledada tetai te ingoa, ko
Medada te ingoa o tetai: kua iri oki
te Vaeua ki runga i raua, (kua ta-
taia oki raua, kare ra raua i tae ki te
Are,) e kua totou iora raua i roto i te
puakapa ra. Kua oro maira tetai ta- 27
maiti, kua akakite maira kia Mose, na
ko maira, Te totou rā Eledada raua ko
Medada i roto i te puakapa akera. E 28
kua tuatua mairā Iosua te tamaiti a
Nuna, e tavini no Mose mei tona ou
anga mai, na ko maira, E taku pu, e
Mose, e akakore atu koe ia ratou.
Kua karanga aturā Mose kiaia, Te 29
vareae ra koe iaku? ko toku ia ina-
ngaro, ei peroveta ravarai to Iehova ra
tangata e pini ua ake, e kia tuku a Ie-
hova i tona Vaeua ki runga ia ratou.
Kua aere aturā Mose ki roto i te 30
puakapa, aia e te aronga pakari o
Israela.

Kua tuku mairā Iehova i te matangi 31
na tai mai, e na te reira i apai mai i te
manu i taua puakapa ra, e mei te ngai
e taea i te rā okotai kia aere, i tetai
pae, e tetai pae, e pini ua ake taua
puakapa ra, ki runga iti ake i te one
ra, e tau paa ki nga kubiti e rua ra.
Po iora te reira rā, e no akera oki te 32
po, e po atura oki tetai rā, i te au ta-
ngata i te tu anga ki runga, e te rave
anga i te manu: okotai ngauru ana
komera i ki e mea ngiti roa ia tana: e
kua tauaki iora ratou e pini ua ake
taua puakapa ra. E te kai rai i te kai 33
i to ratou vaa, kare rai i ngaua, kua
tupu akera te riri o Iehova i taua au
tangata ra, e kua ta iorā Iehova i taua
au tangata ra i te mate maata roa. I 34
tapaia i taua ngai ra i te ingoa ia Kibe-
rota-hataava, no te mea i reira ta
ratou tanu manga i te aronga i kaki.
Kua aere maira taua aronga ra mei 35
Kiberota-hataava mai kia Hazerota;
e kua noo iora ratou i Hazerota.

PENE XII.

*To Miriama raua ko Aaron a akakino
anga ia Mose ra.*

E KUA tuatua kino iorā Miriama 1
raua ko Aaron ia Mose, no te
vaine ngati Kusa i tana i akaipoipo ra:
kua akaipoipo oki aia i tetai vaine
ngati Kusa ra. Kua tuatua iora raua, 2
ia Mose anake ra ainei ta Iehova tua-
tua anga mai? Kare aina aia i tuatua
ia taua katoa nei? Te akarongo mairā

3 Iehova i taua tuatua ra. E maru
maata to taua tangata ra to Mose, i to
te tangata ravarai o te ao katoa nei.
4 Kua tuatua viviki ua mairā Iehova
kia Mose, e kia Aaron, e kia Miriama
i reira. E aere mai kotou toko toru
katoa ki roto i te Are uipānga. Kua
5 aere anake iora ratou toko toru. Kua
eke mairā Iehova ki raro i na roto i te
pou tumurangi ra, tu iora i te ngutupa
Are ra, kua kapiki maira kia Aaron
raua ko Miriama; kua aere atura oki
6 raua. Kua tuatua maira aia, Ka aka-
rongo mai ana i taku tuatua; E pero-
veta tetai i roto ia kotou, kua matau
au nei ko Iehova i te akakite iaku orai
kiaia i roto i te orama, e i te tuatua
7 kiaia i roto i te rikamoe. Kare ra au
i pera ki toku tavini nei kia Mose, ko
tei akono meitaki i toku katoa nei ngu-
8 tuare. Te tuatua vaa ua nei au kiaia,
ma te akakite ua; kare ia i te tuatua
poiri, kia kite pu aia i to Iehova tu:
eaa i kore ei oki korna i matakua i te
tuatua kino i toku tavini ia Mose?
9 Kua tupu akera te riri o Iehova ia
10 raua; riro atura aia. Aere ke atura
taua tumurangi i runga i te Are ra; e i
na, kua leperaia iorā Miriama, mei te
kiona ra te teatea: kua akara iorā
Aaron ia Miriama, e i na, kua lepe-
11 raia. Kua tuatua mairā Aaron kia
Mose, Aue, e taku pu e, teia taku tua-
tua kia koe, auraka taua ara i rave ma-
nako kore uaia e maua nei, e i ara i
maua nei, e vaoia ki runga ia maua:
12 Auraka aia nei kia riro mei te tamaiti
mate, i te auau anga mai mei roto mai
i te kopu o te metua vaine, kua pou
13 takere ana tetai pae o te kiko. Kua
kapiki aturā Mose kia Iehova, na ko
atura, E akaora koe iaia i teianei, e te
14 Atua e, ko taku ia tuatua ia koe. Kua
tuatua mairā Iehova kia Mose, Naringa
i tutua ana tona metua tane i te uavare
ki tona mata, kare ainei aia e akaakama
e kia po itu ake? Kia akataka keia
aia ki vao mai i te puakapa e kia po
15 itu, e ka oki mai ia aia i reira. Aka-
takaia iorā Miriama ki vao mai i te
puakapa, e po itu akera: e kare taua
aronga ra i aere, kia oki mai a Miriama.
16 E muri akera aere maira taua aronga
ra mei Hazerota mai, e kua patia iora
i te puakapa i te medebara ra i Parana.

PENE XIII.

*Te aronga mata i tonokia e tutaka
i te enua ra ko Kanaana.*

KUA tuatua mairā Iehova kia Mose,
2 na ko maira, E tono koe i te tanga-

ia, kia tutaka aere ratou i te enua nei ia Kanaana, taku e oronga no te tamariki a Iseracla: tataki tai tangata i te kopu okotai o to ratou ai metua kia tono koe ra, ei aronga kavana anake no ratou ra. Kua tono aturā Mose ia ratou mei te medebara atu, mei Parana, e ui matai-
 apo anake no roto i te tamariki a Ise-
 racla, i ta Ichova i akaue maira. Teia
 oki to ratou au ingoa: To te kopu o
 Reubena ra, ko Samua ia te tamaiti a
 Zakura: To te kopu o Simcona ra, ko
 Saphata ia te tamaiti a Hori: To te kopu
 o Iuda ra, ko Kaleba ia te tamaiti a
 Iephune: To te kopu o Isakara ra, ko
 Igala ia te tamaiti a Iosepha: To te
 kopu o Epheraima ra, ko Osea ia te ta-
 maiti a Nuna: To te kopu o Beniami-
 na ra, ko Paleti ia te tamaiti a Raphu:
 To te kopu o Zebuluna ra, ko Gadiela
 ia te tamaiti a Sodi: To te kopu o
 Iosepha, koia te kopu o Manase ra, ko
 Gadi ia te tamaiti a Susi: To te kopu
 o Dana ra, ko Amicla ia te tamaiti a
 Gemali: To te kopu o Asera ra, ko
 Setura ia te tamaiti a Mikaela: To te
 kopu o Naphatali ra, ko Nahi ia te ta-
 maiti a Vopisi: To te kopu o Gada ra,
 ko Geuela ia te tamaiti a Maki. Ko
 te au ingoa teia o nga tangata i tonokia
 e Mose e tutaka aere i te enua ra.
 Tapaia iorū Osea, te tamaiti a Nuna
 ra, e Mose ia Iosua.

Kua tono aturā Mose ia ratou, e tu-
 taka aere i te enua ra ko Kanaana, e
 kua karanga atura kia ratou, E aere
 tika atu na te pae i apatonga ra, e aere
 roa ki runga i te maunga ra: E akara i
 te tu o te enua; e te tangata e noo i
 reira, i te maroiroi anga, e te paruparu
 anga: i te maata anga, e te iti anga;
 E to ratou enua e noo ra, i te meitaki
 anga, e te kino anga; e te au oire ta ra-
 tou e noo ra, i te puakapa aere ua anga,
 e tei roto i te punanga; E te one oki, i
 20 te ngarungaruā anga, e te pariri anga,
 e te rakau angaia e te kore anga: e
 akamaroiroi oki kotou, e ka rave katoa
 mai i te kai no taua enua ra. Ko te
 tuatau e para i te vine mua taua tua-
 tau ra.

Kua aere atura ratou, e tutaka aere
 21 i taua enua ra, mei te medebara mai i
 Zini e ki Rehoba, i te arataa e aere ci te
 tangata ki Hamata ra. I na te pae i 22
 apatonga ra ratou i te aere ki runga, e
 oki maira na Heberona ra; kite atura
 ratou ia Ahimana, e ia Sesai, e ia Tala-
 mai i reira, no te uanga o Anaka ra:
 (kua oti ana Heberona i te akautia e
 itu akera mataiti i akautia i Zoana i
 Aiphiti ra.) E tae maira ratou ki te 23

riu ra ko Esekola, kua tipu maira i
 reira tetai kau vine ra ma te manga-
 munga katoa, e kua taooka maira e toko
 rua; e kua rave katoa maira i te re-
 24 inuna, e te suke. Tapaia iora taua
 ngai ra i te riu ra ko Esekola, no te
 kau vine ta te tamariki a Iseracla i
 tipu i reira.

25 E ope akera te au po e a ngauru ra,
 kua oki maira ratou mei te tutaka aere
 i te enua ra. Oki maira ratou, e kua
 26 aere maira kia Mose, raua ko Aaron
 ra, e te uipānga tamariki a Iseracla ka-
 toa ra, ki te medebara ra ki Parana, i
 Kadesa ra; apai maira oki i te tuatua
 kia raua, e te uipānga katoa ra oki, e
 kua akakite maira oki i te kai no taua
 enua ra kia ratou. Kua tuatua maira
 27 ratou kiaia, na ko maira, Tae atura
 matou ki te enua taua i tono ia matou
 nei; e e enua e ta'e a vai tika rai te u o
 te meli; teia oki te kai no te reira ra.
 28 Kareka te tangata o taua enua ra e
 ririnui ia, e te au oire oki kua patuia, e
 te maata roa; e kite atura oki matou i
 29 te uanga o Anaka i reira. Ko to Ama-
 leka tei noo i te pae i apatonga i taua
 enua akera; e te ngati Heta, e te ngati
 Iebusi ra, e te ngati Amori, tei te
 maunga ia te noo anga: e te ngati Ka-
 naana ra, tei taatai ia, e tei te pae Iori-
 30 dana, te noo anga. Karekā Kaleba,
 akapapa iora aia i taua aronga tangata
 ra ki mua i te aroaro o Mose, na ko
 atura, Taki aere tatou i teianci, e rave;
 31 ka pou ua ia ia tatou. Kareka te au
 tangata, i aere ma ia katoa ra, kua tua-
 tua akera ia, Kare e tika ia tatou kia
 tiki e tamaki i te reira aronga; e riri-
 32 nui oki to ratou i to tatou nei. E kua
 akakino aere oki ratou i taua enua ta
 ratou i tutaka aere ra, na roto i te tama-
 riki a Iseracla ra, kua tuatua ratou e,
 Taua enua i tutaka aercia e matou nei,
 e enua ra e pou to reira tangata i te
 mate, e te tangata katoa ta matou i
 akara i reira, e tangata mamaata anake
 ia: E kite atura matou i te au toa uri-
 33 tumu i reira, no te uanga o Anaka no
 te au toa uritumu ra: mei te kereteki
 rikiriki nei matou i to matou uorai
 akara anga, e to ratou katoa ra akara
 anga.

PENE XIV.

*Te tangata i te akataitai anga i te tua-
 tua a te aronga mata ra, mate iora
 tei akataitai mai i te maki-mate, ora
 iora tetai pae i te pure a Mose.*

1 **K**UA akateitei anake iora taua uipā-
 nga katoa ra i to ratou reo, ka-

kaoa atura; aue iora te tangata i te reira po. Kua urutoe iora te tamariki ravarai a Iseraela ia Mose, e ia Aarona: e kua tuatua maira taua uipānga katoa ra kia raua, Naringa matou i mate i te enua ra i Aiphiti e! e teianci oki medebara kia mate ua atu matou i ko nei rai! Eaa oki tatou i aratakiia mai ei e Iehova ki teianci enua, kia mate i te koke, e kia riro ta matou au vaine e ta matou au tamariki? Kare aina i te mea meitaki kia oki tatou ki Aiphiti? Kua tuatua iora ratou ratou uorai, E akataka ana tatou i tetai arataki ia tatou, e oki tatou ki Aiphiti. Kua tipapa iorā Mose raua ko Aarona i raro to raua mata, ki mua i te araro o te uipānga tamariki a Iseraela katoa ra.

E ko Iosua te tamaiti a Nūna ra, e ko Kaleba te tamaiti a Iephune, no taua aronga i tutaka aere i taua enua ra, aeae iora raua i to raua kakau: E kua karanga atura raua ki te uipānga tamariki ravarai a Iseraela ra, na ko atura, Ko te enua ta matou i tutaka aere ra, e enua meitaki maata roa ia. Kia marea mai a Iehova ia tatou nei, nana tatou e arataki ki taua enua ra, e nana e oronga mai no tatou; e enua ta'e a vai ua ia te u e te meli. Auraka ra kotou e knitamaki atu kia Iehova, auraka oki e matakū i te tangata o taua enua ra, e manga ia na tatou; kua aere ke to ratou maru, teiā Iehova tei ia tatou nei; auraka roa e matakū atu ia ratou. Kua tuatua iora taua uipānga katoatoa ra, e pei ia ratou ki te toka.

Kua kitea maira te kakā o Iehova ra, i te Are uipānga ra, ki mua i te au tamariki katoa a Iseraela ra. Kua tuatua mairā Iehova kia Mose, Aea ra teianci aronga e akapaki ei i te akakoko mai iaku? Aea oki ratou e akarongo mai ei iaku, i te au akairo katoa taku i rave i roto ia ratou ra? Ka ta au ia ratou ki te maki-mate. e akangere au ia ratou, e ka akariro au ia koe ei iti-tangata maata roa atu, e te rinirui roa, ia ratou nei.

Kua karanga aturā Mose kia Iehova, Ka kitea te reira e to Aiphiti, no roto ia ratou teianci aronga i te arataki angaia e koe i toou na rinirui: Ka riro oki ratou i te akakite ki te au tangata o taua enua nei; kua akarongo oki ratou e, tei rotopu koe, e Iehova, i teianci iti-tangata, e te kitea nei toou mata, e Iehova, ki mua *tikai* i to ratou mata, e te vai ra te tumurangi naau ki rungao ia ratou, e te na mua nei koe ia ratou i te aere, i roto i te pou tumurangi i te ao, e i roto i te pou ai i te po. Kia ta oki

koe i teia katoa nei aronga mei te tangata okotai ra, ka riro te pa enua i kite i to rongu ra i te tuatua, e 16 te na ko anga e, No te mea kare i tika ia Iehova kia apai i teianci aronga ki te enua tana i taputou e, e oronga no ratou, i ta ai aia ia ratou i te medebara 17 ra. E teianci, teia taku tuatua kia koe, kia maata te mana o taku Atu, mei tauu oki i tuatua, ka na ko mai ei ra e, 18 E akakoromaki roa to Iehova, e te aroa maata, e te akakore i te tuatua-tika kore, e te ara, e kare e tuatua ki te tangata kino e, e tangata kino kore; e te tutaki anga i te ara a te aronga metua ki runga i te tamariki, e kia tae ki 19 te toru e te a o te uki ra. Ko toku teia anoano, e akakore koe i te ara a teianci iti-tangata, i te aroa maata noou ra, mei tauu oki i akakore i te ara a teianci aronga, mei Aiphiti maira e teia 20 noa'i. Kua tuatua mairā Iehova, Kua akakore oki au, i tauu i tuatua maira: 21 Te ora nei ra au, e ka akakiia te ao katoa nei ki te kakā o Iehova, Kare takiri te au tangata ravarai nei, ko tei kite i toku ra kakā, e taku ra au akairo, i taku i rave i Aiphiti, e i te medebara ra, e ko te ngauru teia o ta ratou akakoko anga mai iaku, e kare akenci 23 akarongo mai i toku reo; Kare takiri ratou e kite i te enua taku i taputou atu ki to ratou ai metua ra; kare rava tetai o taua aronga i akakoko mai iaku 24 ra e kite i taua enua ra: Kareka toku tavini ra ko Kaleba, no te mea e ngakau ke tona, e kua aru totomapu mai aia iaku, e arataki au aia ki te enua tana i aere ra; e na toua uanga e noo i 25 reira. E tenana, te noo ra te ngati Amaleka, e te ngati Kanaana i te o ra: apopo e ariu e aere ki te medebara, e tae tika atu ei ki taatai ki te tai mura-mura ra.

Kua tuatua mairā Iehova kia Mose 26 raua ko Aarona, na ko maira, Mei te au ra te roa o toku akakoromaki anga i teianci uipānga tangata kikino, e urutoe ua iaku nei? Kua kite au i te urutoe a te tamariki a Iseraela, ta ratou e urutoe 28 ua nei iaku. E karanga atu koe kia ratou, Te tuatua mairā Iehova, Te ora nei au ra, ko ta kotou i tuatua io nei ki roto i toku nei taringa, ka pera rai au ia 29 kotou: Ei teianci medebara to kotou au kopapa vai ei: ko to kotou katoa i tatauia ra, ko kotou ravarai e pini ua ake, i tei tae ki te rua ngauru o te mataiti e tei 30 ara atu, tei urutoe iaku nei, Ko te ka kore roa e tae ki te enua, taku i taputou ra e, e noo kotou i reira, mari ra ko Kaleba te tamaiti a Iephune, e ko Iosua

te tamaiti a Nuna ra. Ko ta kotou ra 31
 au tamariki, ta kotou i tuatua ra e, ka
 riro, ko taku ia e arataki ki runga, e ko
 ratou te ka kite i te enua ta kotou i
 akavaavaa ra. Kareka kotou na, ei 32
 teianei medebara to kotou kopapa vai
 ei. Ei roto i te medebara ta kotou au 33
 tamariki e aere ua'i, e c a ngauru anga
 o te mataiti; e mate katoa ratou i ta
 kotou akaturi, e kia ope to kotou au
 kopapa i te mate i te medebara nei.
 Mei te au rā katoa ta kotou i tutaka 34
 aere i taua enua ra, te au rā e a ngauru
 ra, okotai rā okotai ia mataiti, ko te
 vairanga ia o te utunga i ta kotou ara
 ki runga ia kotou, e a katoa ngauru
 anga o te mataiti, e ka kite kotou i toku
 akaruke anga ia kotou. Ko au teia ko 35
 Iehova e tuatua nei, e naku tikai e rave
 i taua mea nei i teia katoa nei uipānga
 tangata kikino, ko tei uipao e māro mai
 iaku nei: e ei teianei medebara ratou
 ka pou ei, e ei reira ratou ka mate ei.

Ko taua aronga tangata i tonokia e 36
 Mose e tutaka aere i taua enua ra, ko
 tei oki mai ma te tuatua kino i taua
 enua ra i te apai anga mai, i urutoe ei
 taua uipānga katoa ra iaia, Ko taua 37
 aronga tangata i apai mai i te tuatua
 kino i taua enua ra, mate takiri iora ia
 i te maki-mate ki mua i te aroaro o Ie-
 hova. Karekū Iosua te tamaiti a Nu- 38
 na, e ko Kaleba te tamaiti a Iephune
 ra, no taua aronga katoa i tutaka aere i
 taua enua ra, kua ora ia.

Kua akakite aturā Mose ki te au ta- 39
 mariki katoa a Iseraela i teianci au
 tuatua: aue roa atura taua aronga ra.

Kua tu akera ratou ki runga i te 40
 popongi roa, aere atura ki runga i te tu-
 aivi, kua tuatua akera, Teia oki matou,
 i na, e aere matou ki te ngai ta Iehova
 i tuatua maira: kua ara oki matou nei.
 Kua karanga aturā Mose, Eaa kotou i 41
 akatokā'i i te tuatua a Iehova i tenana?
 kare tena e tupu. Auraka e tae ki 42
 runga, kare oki a Iehova ki ko na i
 rotupu ia kotou na; ka mate ake kotou
 ki mua i te aroaro o to kotou au enemi.
 Tei reira oki te ngati Amaleka, e te 43
 ngati Kanaana, kua riro ana, ka mate
 kotou i te koke: no te mea kua aka-
 titima kotou ia Iehova, e kore ei a Ie-
 hova e piri atu kia kotou na. Māro 44
 atura ra ratou, aere atura ki runga roa
 i te maunga ra: kareka te aruna korero-
 motu a Iehova, e ko Mose ra, kare ia i
 akaruke i te puakapa. Kua eke maira 45
 te ngati Amaleka, e te ngati Kanaana,
 i noo i taua maunga ra, pou maira ratou,
 ta aere maira ia ratou, e tae rava maira
 ki Horama.

PENE XV.

*E ture no te mineka e no te neseka, e no
 te au tusia ra: kua peña te ta-
 ngata akono kore i te sabati ki te
 toka.*

1 **K**UA tuatua mairā Iehova kia
 2 Mose, na ko maira, E karanga
 atu koe ki te tamariki a Iseraela, e na
 ko atu kia ratou, Kia tae kotou ki te
 enua, taku e oronga atu no kotou ei
 3 nooanga, Kia anoano i te apai i te tusia
 ai kia Iehova, te tusia karakaratio, e
 kare ra, e tusia akatae tia, e kare ra,
 e korebana apai ua, e kare ra, i ta kotou
 au ora tapu ra; no roto i te bovi e no
 roto i te mamoe, ei korebana aunga
 4 kakara na Iehova ra; Ei reira tei apai
 i tana korebana kia Iehova ra, e apai
 ei i tetai omera faraoa, i irokia ki
 te innu okotai kuata ina, ei mineka.
 5 E tetai kuata ina wina taua e rave ei
 neseka, no te tusia karakaratio, e tetai
 6 tusia atu, i te arenio okotai ra. Kare-
 ka i te rama ra, kia rua ia omera fa-
 raoa, i irokia ki te innu okotai tua-
 nga ina i tua toruia ra, taua ia e rave
 7 ei mineka. E okotai oki tuanga ina
 wina i tua toruia ra, taua e apai ei
 neseka, ei mea aunga kakara na Iehova
 8 ra. E kia rave koc i te bovi, ei tusia
 karakaratio, e ei tusia no te akatae
 9 tia, e no te tusia au na Iehova: Ko
 taua bovi ra, e nga omera faraoa e
 toru i irokia ki tetai afa ina innu taua
 10 e apai katoa mai ei mineka: E
 tetai afa ina wina, taua e apai mai ei
 neseka, ei tusia ai aunga kakara na
 11 Iehova ra. E ka peraia te bovi okotai,
 e te rama okotai, e te mamoe, e
 12 te puaka-nio. Mei te tatau anga i ta
 kotou i akonokono ra, e akapera rai i te
 tatau i taua au mea katoa ta kotou e
 13 akonokono ra. E akapera katoa te au
 tangata uenua ravarai, kia apai ratou
 i te tusia ai aunga kakara na Iehova
 14 ra. E kia purutua ua mai te tangata
 ke i roto ia kotou na, e te tangata rava-
 rai i roto ia kotou, e ope ua ake to kotou
 au uki ra, kia inangaro i te apai i te
 tusia ai aunga kakara na Iehova; mei
 ta kotou e rave ra, ka pera katoa ia.
 15 Okotai akonoanga ta kotou ta te uipā-
 nga ra, e ta te tangata ke katoa e
 purutua ua i rotupu ia kotou na, ei ako-
 noanga tamou, e ope ua ake to kotou
 au uki ra: ko kotou, e te tangata ke
 katoa ra, okotai rai aite ki mua i te
 16 aroaro o Iehova ra. Okotai rai ture,
 okotai rai akonoanga ta kotou, e ta te

tangata ke kia purutia ua i rotopu ia kotou na.

Kua tuatua mairū Iehova kia Mose, 17
na ko maira, E karanga atu koe ki te 18
tamariki a Iseraela, e na ko atu kia
ratou, Kia tae kotou ki runga i te enua
taku e arataki ia kotou nei, Kia kai ra 19
kotou i te kai o taua enua ra, *ei reira*
kotou e apai ei i te terume na Iehova.
E apai kotou i tetai areto i ta kotou 20
faraoa oi muatangana ra ei terume; mei
te terume alona, e pera kotou i te apai
ki runga. E apai kotou i tetai terume 21
na Iehova, i ta kotou faraoa oi muat-
tangana ra, e ope ua ake to kotou au
uki ra.

E kua ō kotou ra, e kare i ope teia- 22
nei au akauenga i te akonoia, ta Iehova
i tuatua mai kia Mose ra, I te au mea 23
ravarai ta Iehova i akaue mai kia ko-
tou ia Mose ra, mei te rā mairai i tuatua
mai ei a Iehova *kia Mose*, e ope ua ake
to kotou au uki ra; E e ara tei raveia 24
i te kite kore, kare te uipānga i kite
ra, na te uipānga katoa ra e apai i tetai
bovi ou ei tusia karakaratio aunga ka-
kara na Iehova ra, e tona mineka, e
tona neseka, mei tei akonoia ra, e tetai 25
puaka-nio oki ei tarangaara. E na te
taunga e apai i te tapokiangara na te
uipānga tamariki a Iseraela katoa ra, e
e akakoreia ta ratou ara; e kite kore 26
ia: e ka apai mai ratou i ta ratou kore-
bana, ei tusia ai kia Iehova, ma ta ra-
tou tarangaara katoa ki mua i te aroaro
o Iehova ra, i to ratou kite kore: Ko 26
te uipānga tamariki katoa na Iseraela
ra, e te tangata ke katoa i rotopu ia
ratou ra, e akakoreia ia ara; kare rai
oki i kite to te tangata katoa ra.

E kia ara ua atu te tangata okotai i 27
te kite kore, e apai mai aia i tetai
puaka-nio ua mataiti okotai ei tara-
ngaara. E na te taunga e apai i te 28
tapokiangara na taua tangata i rave
kite kore ua i te ara ra ki mua i te
aroaro o Iehova, no taua ara kite kore
ra ka apai ei i te tapokiangara nana, e
ka akakoreia ia tana ara. Okotai rai a 29
kotou ture i te ara kite kore ra, ta te
ngati Iseraela anau, e ta te tangata ke
katoa e purutia ua i roto ia ratou ra.

Kareka tei rave i *te ara* ma te mūro 30
ra, i te tangata uenua, e te tangata ke
katoa, kua akakino aia ia Iehova; ka
tipu keia ia tangata i tona iti-tangata
ra. No te mea kua akavaavaa aia i te 31
tuatua a Iehova, e kua ara aia i tana
akauenga, e tipu ke roaia ia tangata;
ei runga iaia uarai tana ara.

To te tamariki a Iseraela noo anga i 32
te medebara ra, kite iora ratou i tetai

tangata i koi aere i te rakau i te rā 33
sabati ra. E taua aronga i kite iaia i
te koi aere anga i te rakau ra, arataki
maira ratou iaia kia Mose raua ko
Aarona ra, e taua uipānga katoa ra.
34 Kua tapaka iora ratou iaia, no te mea
kare i akakiteia mai i te tu o te rave
iaia ra. Kua tuatua mairū Iehova kia
Mose, Ka tamate takiri roaia taua tan-
gata ra: na te uipānga katoa e pei
iaia ki te toka ki vao mai i te puakapa
36 ra. Kua arataki atura te uipānga
katoa iaia ki vao mai i te puakapa, kua
pei iora iaia ki te toka, e mate rava
akera; ta Iehova i akaue mai kia Mose
ara.

Kua tuatua mairū Iehova kia Mose, 37
na ko maira, E karanga atu koe ki te
tamariki a Iseraela, e na ko atu kia ra-
tou, e anga ratou i te veruveru ki runga
i te tapa o to ratou kakau, e ope ua ake
to ratou au uki ra; e tuku ratou i tetai
ri kerekere ki rungao i taua veruveru i
39 te tapa ra: Ei veruveru ta kotou kia
akara kotou i te reira ra, e kia manako
kotou i te au akauenga ravarai a Iehova
ra, e kia rave oki i te reira; e auraka
e aru aere i to kotou uarai ngakau e
to kotou uarai mata, i matau ei kotou
40 i te aru akaturu aere; Kia akamaara
kotou, e kia rave oki kotou i taku katoa
au akauenga, e kia tapu kotou no to
41 kotou ra Atua. Ko au to kotou Atua
ko Iehova, ko tei arataki mai ia kotou
mei te enua maira mei Aiphiti, ei Atua
no kotou: ko au to kotou Atua ra ko
Iehova.

PENE XVI.

*Te kaitamaki a Kora e tei piri mai
kiaia ra, e to ratou mate.*

1 **K**UA rave iorū Kora, te tamaiti a
Izehara, te tamaiti a Kohata, te
tamaiti a Levi ra, e ko Datana e ko
Abirama, nga tamariki a Eliaba, e ko
Ona te tamaiti a Peleta, nga tamariki a
2 Reubena; Kua tu iora ratou ki runga
ki mua i te aroaro o Mose, *ratou* e tetai
pae i te tamariki a Iseraela, e rua katoa
anere e rima ngauru ui mataiapo anake
no taua uipānga ra, e aronga mamaata i
taua uipānga ra, e aronga tangata rongo-
3 nui anake: Kua kapiti maira ratou tei
runga maira ia Mose raua ko Aarona, e
kua tuatua maira kia raua, Te akamaata
rava nakorua, no te mea te tapu katoa
nei te uipānga katoa e pini ua ake, e tei
roto a Iehova ia ratou ra; e tenana, eaa
korua i akateitei ei ia korua uarai, e
akaaka io nei te uipānga o Iehova nei?
4 Kite akerū Mose i *te reira tuatua*,

tipapa iora aia ki raro tona mata: Kua 5
karanga atura aia kia Kora e taua
pouou katoa nona ra, na ko atura, Apopo
rai a Iehova ka akakite mai ei i tona
ra, e te tangata tapu tikai; e koia tana
e akavaitata mai kinaia ra; nana uaorai
oki e akavaitata kinaia i tana i iki ra.
Teia ta kotou e rave: E rave kotou i 6
te mekete, ko Kora, e tona pouou
katoa; Ka tuku ei i te ai ki roto, ka
tuku ei oki i te tumiama ki rungao
apopo ki mua i te aroaro o Iehova; e
te tangata ta Iehova e akataka ra, ko
te tangata tapu ia: ko kotou tei aka-
maata ron, e tenana au tamariki a Levi
ra. Kua karanga atura Mose kia 8
Kora, Ka akarongo mai ana kotou, e
te au tamariki a Levi ra: E mea ngiti
aina ia kotou, kotou i akatakaia e te
Atua no Iseraela no rotapu i te uipā-
nga Iseraela nei, kia apai aia ia kotou i
vaitata iaia uaorai ra, ei rave i te anga-
anga no te sekene a Iehova ra, e kia tu
kotou ki mua i te aroaro o te uipānga
katoa ei rave i te taonga no ratou ra?
Kua akavaitata oki aia ia koe, e toou ai 10
taeake ngiti Levi katoa kinaia uaorai:
e te umuimu katoa nei ainei kotou i te
taonga taunga nei? I putuputu mai 11
ei kotou, ko koe, e toou katoa pouou ra,
e mario ia Iehova; eaa oki a Aaronā i
urutoe ei kotou iaia?

Kua tono aturā Mose i te tangata e 12
tiki ia Datana raua ko Abirama, nga ta-
mariki a Eliaba ra; kua tuatua maira
rauā, Kare maua e tae: E mea ngiti 13
aina koe i arataki mai ei ia matou, mei
te enua e ta'e a vai ua te u e te meli, kia
mate matou ia koe i te medebara nei, e
akariro katoa ainei koe ia koe uaorai ei
ariki maata ki runga ia matou nei? E 14
kare rai oki koe i kave ia matou ki te
enua e ta'e a vai ua te u e te meli, e
kare oki i oronga mai i te enua ei noo-
anga, e te kainga vine, no matou; e
akamatapo mai oki koe i teianei au ta-
ngata? Kare matou e tae atu.

Riri rava akerā Mose, e kua kuranga 15
atura kia Jehova, Auraka koe e kite
mai i ta ratou mincka: kare rava a
ratou asini i raveia e au, kare rava tetai
o ratou i takinga-kinoia e au. Kua 16
karanga aturā Mose kia Kora, Ei mua
koe e toou ra pouou katoa i te aroaro o
Iehova, ko koe, e ko ratou, e ko Aaronā,
apopo: E rave oki te tangata ravarai i 17
tana mekete, ka tuku ei i te tumiama
ki rungao, e e rua anere e rimangauru
mekete ta kotou e apai mai ki mua i te
aroaro o Iehova, ko te tangata ko tana
uaorai mekete; ko koe oki, e ko Aaronā,
ta korna ravarai mekete. Kua rave 18

iora ratou ravarai, ko te tangata ko ta-
na mekete, kua tuku iora i te ai ki roto,
e kua tuku i te tumiama ki rungao;
e kua tu iora ratou ma Mose raua ko
Aaronā, i te ngutupa o te Are uipā-
nga ra. Kua akaputuputu mairā Kora 19
i te uipānga katoa ra i reira ia raua ra
i te ngutupa o te Are uipānga ra.

E kua mama maira te kakā o Iehova
ki taua uipānga katoa ra. Kua tuatua
mairā Iehova kia Mose raua ko Aaronā,
20 na ko maira, Ka akataka ke ana korua
ki vao i teianei uipānga, kia akapou
takiriau ia ratou mei te kamoanga mata
nei. Kua tipapa iora raua ki raro to
rauā mata, e karanga atura, E te Atua
e, te Atua no te au vaerua o te tangata
ravarai, okotai ainei tangata e rave i te
ara, e ka riri koe ki te uipānga katoa
23 ra? E kua tuatua mairā Iehova kia
24 Mose, na ko maira, E karanga atu koe
ki te uipānga nei, e na ko atu, E aere
ke kotou ki te mainao ke i te puakapa
o Kora, to Datana, e to Abirama.

25 Kua tu akerā Mose, aere atura kia
Datana e Abirama ra, kua aru maira
26 te aronga pakari o Iseraela iaia. Kua
karanga atura aia ki taua uipānga ra,
na ko atura, Teia taku tuatua kia ko-
tou, e aere ke kotou i te au puakapa o
eianei puke tangata kino, auraka e ara-
paki ua atu i tetai mea ngiti a ratou ra,
ka mate aea kotou i ta ratou katoa ra
au ara. Kua aere ke anake iora ratou,
to tetai pae e tetai pae i te puakapa o
Kora, to Datana, e to Abirama ra.
Kua aere mairā Datana raua ko Abi-
rama ki vao, tu ua iora i te ngutupa o
to raua au puakapa, e nga vaine, e nga
tamariki tamaroa, e te au tamariki mea
28 riki ra. Kua karanga aturā Mose,
Teia te mea e kite ei kotou e, na Ie-
hova au i tono nui ei rave i teia katoa
nei au angaanga; e kare i to roto i toku
29 uaorai ngakau i rave ei au: Kia mate
ua teianei au tangata mei te mate o tō
tangata katoa nei, e kia rokoia ratou o
te mate maki, e mei te tangata ravarai
e rokoia e te mate nei, kare ia au i
30 tonokia mai e Iehova: E mea ou ra ta
Iehova e rave i teianei, kia amama te
enua nei i tona vaa, e kia apuku ia ra-
tou, e te apinga tini ravarai na ratou
ra, e topa ora uaorai ratou ki raro i te
vaarua ra; ka kite ia kotou i reira e,
kua akakoko teianei aronga tangata ia
Iehova.

31 E tei te akaoti anga aia i teia katoa
nei au tuatua, kua ngaa iora te one i
32 raro ake ia ratou ra; Amama iora te
enua i tona vaa, apuku iora ia ratou, e
to ratou au are, e te au tangata ravarai

i kapiti mai kia Kora ra, e te apinga tini ravarai. Ko ratou, e to ratou 33 katoa ra, tei topa ora ua ki raro i te vaarua ra, kapi *akaau* akera te enua ki runga ia ratou; pou rava akera ratou i taua uipānga ra. Ati anake iora to Ise- 34 raela katoa e pini ua ake ratou ra, i to ratou aue; tuatua akera oki ratou, ka apuku katoaia aea tatou e te enua nei. Kua puroro maira te ai mei ko mai ia 35 Ichova ra, pou iora te au tangata, e rua anere e rima ngauru tei apai i te tumiama ra.

Kua tuatua mairā Ichova kia Mose, 36 na ko maira, E karanga atu koe kia 37 Eleazara te tamaiti a Aarona taunga ra, e rave aia i te au mekete i roto i te ai kaka akera, e akapueurikiriki ke atu i te ai; kua tapu oki taua au *mekete* ra. E te au mekete o teianei aronga rave 38 ara i mate ei ratou uaorai, e tupaki ratou i te reira kia pararauare, e te angiangi, ei vai atarau ra; kua tapu oki te reira, no te mea kua apaiia e ratou ki mua i te aroaro o Ichova; ei akairo oki te reira ra na te tamariki a Iseraela nei. Kua rave iorā Eleazara taunga i taua 39 au mekete veo ra, tei apaiia e te aronga i ka i te ai ra; e i akapararauareia te reira ei vai i te atarau ra: Ei manako- 40 anga na te tamariki a Iseraela e, auraka roa tetai tangata ke, kare to te uanga o Aarona, e akavaitata e apai i te tumiama ki mua i te aroaro o Ichova ra, ko te riro aea aia mei ia Kora, e tona pouou ra; ta Ichova oki i karanga atu kiaia ia Mose.

Popongi akera ra, kua urntoe anake 41 iora te uipānga tamariki a Iseraela ia Mose, raua ko Aarona, tuatua akera, Kua ta korua i te tangata no Ichova. E te akaputuputu maira taua uipānga 42 ra ia Mose ra, raua ko Aarona, kua akara tika atura ratou ki te Are uipānga ra; e i na, te tapokiia ra e taua tumurangi ra; e kua kitea maira te kaka o Ichova ra. E tae mairā Mose 43 raua ko Aarona ki mua i te Are uipānga ra. Kua tuatua mairā Ichova 44 kia Mose, na ko maira, E aere ke korua 45 ki vao i teianei uipānga, e akapou au ia ratou mei te kamoanga mata nei. E tipapa iora ra raua ki raro to raua mata. Kua karanga aturā Mose kia Aarona, 46 Ka rave i tetai mekete, ka tuku ei i te ai no runga i te atarau ra ki roto, ka tuku ei oki i te tumiama ki runga, e aere viviki oki ki roto i te uipānga ra, e apai i te tapokiangaara na ratou; kua riro ana te riri no ko mai ia Ichova ra: kua tupu te maki-mate. Kua rave 47 iorā Aarona i ta Mose i akaue maira, oro

atura ki rotou i taua uipānga ra, e i na, kua tupu' te maki-mate i taua aronga tangata ra; kua tuku akera aia i te tumiama ki runga. tapoki atura i te 48 ara a taua aronga tangata ra. Tu iora ra aia i rotou i tei mate, e tei ora ra, 49 akakorcia iora taua maki-mate ra. E te aronga i mate takiri ra i taua maki-mate ra, okotai ia ngauru ma a i te tau-sani, e itu oki anere, e aronga ke oki 50 tei mate i te mea ia Kora ra. E kore akera taua maki-mate ra; kua oki mairā Aarona kia Mose ra, ki te ngutupa o te Are uipānga ra.

PENE XVII.

No te au rakau okotai ngauru ma rua, ko ta Aarona anake ra tei pua.

- 1 **K**UA tuatua mairā Ichova kia Mose,
- 2 na ko maira, E karanga atu koe ki te tamariki a Iseraela, e e rave oki koe i te rakau okotai ngauru ma rua: tatakai tai rakau to te ngutuaere okotai o to ratou ra metua, okotai mataiapo no te ngutuaere o to ratou metua, okotai ia rakau; e tata koe i tona ingoa ki run- 3 gao i tana orai rakau. E tata oki koe i to Aarona ingoa ki runga i te rakau o Levi: okotai rakau to te mataiapo okotai no te ngutuaere o to ratou metua.
- 4 E naau e vao i taua au *rakau* ra ki roto i te Are uipānga, ki mua i te *aruna* kite ra, i te ngai taku e aravei ia 5 kotou. E te tangata taku e iki ra, ka riro tana rakau i te pua; e akamutu atu oki au i te urutoe a te tamariki a Iseraela, ta ratou i urutoe ia korua ra.
- 6 Kua karanga aturā Mose ki te tamariki a Iseraela, e kua apai maira to ratou au mataiapo e pini ua ake i te rakau kiaia, okotai mataiapo okotai rakau, i akono rai i te ngutuaere o to ratou metua, okotai ngauru ma rua rakau; e tei roto katoa te rakau o Aarona i taua au rakau 7 na ratou ra. Kua vao iorā Mose i taua au rakau ra ki mua i te aroaro o Ichova,
- 8 i roto i te Are kite ra. E ao akera, aere aturā Mose ki roto i te Are kite ra; e i na, taua rakau o Aarona ra no te ngutuaere o Levi ra, kua pua ia, e kua pua tiareia, e te sekadi para oki ki runga.
- 9 Kua apai mairā Mose i taua au rakau katoa ra i mua i te aroaro o Ichova ra ki vao, ki te au tamariki ravarai a Ise- 10 raela ra; e kua nanau iora ratou, e kua rave anake iora ratou, ko te tangata ko tana rakau, ko te tangata ko tana Mose.
- 10 Kua tuatua mairā Ichova kia Mose, E apai i te rakau o Aarona ki mua i te *aruna* kite, kia vao ua na, ei akairo no

teiane i aronga tangata meameaa; kia mutu roa to ratou urutoe anga ki mua iaku nei, kia kore ratou e mate. Kua 11
pera oki a Mose; ko ta Iehova i akaue mai iaia, ko tana ia i rave. Kua tua- 12
tua maira te tamariki a Iseraela kia Mose, na ko maira, I na, kua mate matou, kua pou matou, kua ope roa matou i te pou! Ko tei akavaitata ua 13
atu ki te sekene o Iehova, kua mate ia: ka akaope takiri aina matou i te mate?

PENE XVIII.

Tei ikuiluaia ki te au taunga e te au nguti Levi ra.

KUA tuatua mairū Iehova kia 1
Aaronā, Ei runga ia koe, e aau puke tamariki, e te ngutuare o toou metua, te ara i te ngai-tapu nei; ei runga ia koe, e aau puke tamariki katoa, te ara i ta kotou na taonga taunga ra. E to au taake katoa no te kopu o Levi 2
ra, te kopu o to metua na, e tiki koe, e kapiti mai kia koe ra, kia kapiti katoaia mai ratou kia koe ra, kia tauturu ratou ia koe; kareka koe e aau puke tamariki, e rave ia kotou i te angaanga ki 3
mua i te Are kite ra. E ka akono ratou i taau e iku ra, e tei ikuia mai i te Are katoa ra: auraka ra ratou e akavaitata mai ki te au mea no te ngai-tapu ra, e i te atarau, ka mate aea kotou, e ratou katoa. E ka kapiti katoaia mai ratou kia 4
koe ra, ka akono ei i tei iku naia mai i te Are uipānga, no te au angaanga katoa i te Are ru; e auraka roa ei tangata ke e akavaitata mai kia kotou. E ei ia kotou te akono anga i tei iku naia mai i te ngai-tapu, e tei iku naia mai i te atarau ra, kia kore e tupu akaou te riri i te tamariki a Iseraela ra. I na oki ko au, 6
kua raveia e au to kotou au taake ngati Levi, no roto i te tamariki a Iseraela ra: e kua orongaia ratou kia kotou, ei apinga na Iehova, ei rave i te angaanga i te Are uipānga ra. E teiane i, akono koe e taau tamariki katoa i te taonga taunga ra, i te au mea katoa i te atarau ra, e i roto mai i te paruru ra, na kotou oki e rave: kua oronga oki au i te taonga taunga ei mea oronga uaia kia kotou anake ra; e te tangata ke e akavaitata maira, ka tamateia ia.

Kua tuatua mairū Iehova kia Aaronā, I na, ei ia koe katoa te akono anga i taku au terume, kua orongaia e au kia koe no roto i te au mea tapu katoa a te tamariki a Iseraela; kua orongaia e au naau no to akataina angaia, e na taau tamariki, ei akonoanga vaoo tamou roa ia. Ko teia oki taau ra, no roto i te 9

au mea tapu roa no te tusia ai ra; no te au korebana katoa na ratou ra, e ta ratou au mineka katoa, e ta ratou au tarangaara ravarai, e ta ratou au tutakingaara katoa, ta ratou e apai mai kiaku ra, ei mea tapu roa ia te reira naau, e nga 10
tamariki aau. Ei roto i te ngai-tapu roa ra koe ka kai ei i te reira; ko te au tane katoa ra te ka kai: e mea tapu ia 11
naau ra. E naau katoa oki teia; ko ta ratou terume oronga ra, e te au tenupe katoa a te tamariki a Iseraela ra; kua orongaia e au naau, e na taau au tamariki tamaroa, e taau au tamaine katoa, ei akonoanga vaoo tamou roa ia: ko te aronga viivii kore katoa i roto i toou are, e 12
tika ia kia kai i te reira. Tei meitaki i te inu ra, e tei meitaki i te wina ra, e te sitona ra, ta ratou e apai ei popo kia Iehova ra, kua oronga au i te reira naau. 13
Te au kai katoa o to ratou enua e para ana, ta ratou e apai mai kia Iehova ra, naau ia; e tika te aronga viivii kore katoa o toou ngutuare ra kia kai i te 14
reira. Ko te au mea katoa i akatakaia i Iseraela nei, naau ia. Ko te au tama mua o te au mea ora katoa, ta ratou e apai kia Iehova ra, to te tangata, e to te au puaka, naau ia; ko ta te tangata ra tama mua ra, e oko tikai koe i te reira, e oko katoa ia te anaunga mua o te 16
puaka viivii ra. E te aronga e okoia ra, tei tae ki te marama okotai ra, e oko koe i te reira, kia tau ki taau ra akaaitete anga, ki nga sekela ario e rima ra, i te sekela i te ngai-tapu ra, 17
koia oki nga gera okotai takau. Kareka te anaunga mua o te bovi, e te anaunga mua o te mamoe, e te anaunga mua o te puaka-nio ra, auraka koe e oko i te reira; kua tapu ia; ka pipi koe i te toto no te reira ki runga i te atarau, e ka ta'u i te tongaua ei tusia ai 18
aunga kakara na Iehova ra. Kareka te kiko ra, naau ia, mei te uma tenupe ra, e mei te ua mua katau, naau rai ia. 19
Te au terume katoa no te au mea tapu ra, ta te tamariki a Iseraela e apai kia Iehova ra, kua orongaia e au naau, e na taau au tamariki tamaroa, e taau au tamaine katoa ra, ei akonoanga vaoo tamou roa ia: ei koreromotu tai mutu kore te reira naau, e na toou katoa ra uanga, ki mua i te aroaro o Iehova.

Kua tuatua mairū Iehova kia Aaronā, Auraka toou ei kainga i roto i to ratou enua, auraka toou ei tuanga i roto ia ratou ra; ko au taau ra tuanga e toou ra kainga i roto i te tamariki a Iseraela. 21
E i na, kua orongaia e au te ngauru o te au mea katoa i Iseraela nei, na te tamariki a Levi, ei tuanga ia no ta ra-

tou angaanga e rave ra, te angaanga i te Are uipānga ra. Kare atura oki te 22
 tamariki a Iseraela e tika i teianei kia akavaītata ki te Are uipānga, ko te ara-
 ia aea oki ratou, ko te mate aea. Na 23
 te ngati Levi oki e rave i te angaanga i te Are uipānga, e ei runga ia ratou uarai oki ta ratou ara; ei akonoanga vao tamou ia e ope ua ake to kotou au uki ra; auraka ra to ratou ei tuanga kainga i roto i te tamariki a Iseraela ra. Kareka te ngauru a te tamariki a 24
 Iseraela, ta ratou e apai ei terume kia Iehova ra, kua orongaia e au ei tuanga na te ngati Levi: i karanga atu ei au kia ratou e, Auraka ta ratou ei tuanga kainga i roto i te tamariki a Iseraela nei.

Kua tuatua mairā Iehova kia Mose, 25
 na ko maira, E karanga atu koe ki te 26
 ngati Levi, e na ko atu kia ratou, Kia rauka ia kotou i te tamariki a Iseraela ta ratou ngauruanga i orongaia e au ei tuanga na kotou, e apai kotou i tetai ngauruanga no roto i taua au ngauru-
 anga ra, ei terume na Iehova i reira. E ka riro taua terume na kotou ra, mei 27
 te sitona o te alona katoa ra, e mei to roto i te taomiana vine i ki ra. Ei 28
 terume katoa oki ta kotou e apai na Iehova, i ta kotou katoa au ngauru-
 anga e rauka i te tamariki a Iseraela; e ta Iehova terume no te reira ra, na kotou e apai ki te taunga ra kia Aarona. Ei terume ta kotou e apai kia Iehova, 29
 no ta kotou apinga orongaia maira, no roto i tei meitaki ra, te pae i akatapua ra. E tenana, e karanga atu koe kia 30
 ratou, Kua apai anakeia e kotou tei meitaki o te reira ra, ka riro ia te reira mei to te alona, e mei to roto i te taomiana vine, ki te au ngati Levi ra. E 31
 kai oki kotou i te reira i te au ngai katoa ra, kotou e to kotou ngutua katoa ra: e tutaki oki te reira na kotou i ta kotou angaanga i te Are uipānga ra. E 32
 kua apai anakeia e kotou tei meitaki i taua au mea ra, kare ia kotou e arai i taua au mea ra i reira; kare oki kotou e akaviivii i te au mea tapu a te tamariki a Iseraela i reira, e kare oki e mate.

PENE XIX.

No te vai reu ai no te bovi ua muramura ra.

KUA tuatua mairā Iehova kia 1
 Mose raua ko Aarona, na ko maira, Teia te akonoanga i te ture ta 2
 Iehova i tuatua maira, na ko maira, E karanga atu ki te tamariki a Iseraela,

e taki mai ratou kia koe i tetai bovi ua muramura ra, e te meitaki, e kare e kino ra, i tei kore i tukua te zugo ki 3
 rungao ra: E na korua e apai i taua bovi ra ki te taunga kia Elkazara ra, kia taki aia ki vao mai i te puakapa ra, kia taia taua bovi ra ki mua i tona aro- 4
 aro: E na te taunga ra, na Elkazara, e rave i tetai manga toto i taua bovi ra ki runga i tona maikao-rima, ka pipi ei i taua toto ra, e kia itu pipi anga, ki 5
 mua tikai i te Are uipānga ra: E ka ta'ua taua bovi ua ra ki mua i tona aroaro; te kiri, e te kiko, e te toto, e 6
 te repo, okotai rai ta'unga: E rave oki te taunga i te rakau arazi, te isopa, e te ao muramura, ka titiri ei ki roto i te ai 7
 i ta'ua'i taua bovi ua ra. Ei reira te taunga e tatā'i i ona kakau, ka pai ei i te vai, e i muri ake ka aere aia ki roto i te puakapa, e ka viivii ua'i taua tan- 8
 nga ra e aiai ua atu. E te tangata i ta'u i taua bovi ra, e tatā aia i ona kakau i te vai, e pai oki i te vai, ka viivii 9
 ua'i aia e aiai ua atu. E na tetai tangata viivii kore e akaputuputu i te reu o taua bovi ua ra, ka vao ei i tetai ngai viivii kore ki vao mai i te puakapa ra, e vao oki te reira no te vai tamā 10
 ra; ei tarangaara ra, na te uipānga tamariki a Iseraela ra. E te tangata e akaputuputu i taua reu bovi ua ra, e tatā aia i ona kakau, e ka viivii ua'i aia e aiai atu.

Ei akonoanga vao tamou teia na te tamariki a Iseraela, e na te tangata ke 11
 i noo i rotopu ia ratou ra. Ko tei akatukia ua atu i te tangata mate ra, ka 12
 viivii aia e po itu atu. E tamā aia iaia uarai ki taua vai ra i te po toru, e te po itu, ka mā atu ei aia; kia kore ra aia e tamā iaia uarai i te po toru, e te 13
 po itu ra, kare aia e mā. Ko tei akatukia atu i te kopapa o te tangata kia mate ra, e kare i tamā iaia uarai ra, kua akaviivii aia i te sekene o Iehova; ka tipu keia ia tangata i Iseraela nei; i te viivii ra aia no te mea kare i pipiia te vai tamā ki rungao iaia, te vai ua ra tona viivii ki rungao iaia.

14 Teia te ture no te tangata kia mate i roto i te puakapa ra; ko te aronga katoa i roto i taua puakapa ra, e tei tomo ua oki ki roto i taua puakapa ra, ka 15
 viivii ia e kia po itu ake. E te au āriki katoa i vao ua ra, kare e tapoki i 16
 tamouia ki rungao ra, ka viivii ia. E tei akatukia ua atu i te tangata i taia i te kolke i te ngai atea ra, e te tangata i mate ra, e te ivi tangata, e te tanumanga tangata ra, ka viivii ia e kia po 17
 itu. Ko tei viivii i te reira ra, e rave

ratou i tetai pae i te reu o te *hovi* tara-
ngaara i ta'ua ra, e tuku oki ratou i te
vai mapia ki runga, ki roto i tetai āriki:
E na tetai tangata viivii kore e rave i 18
te isopa, ka taruku ei ki raro i te vai,
ka pipi ei ki rungao i taua puakapa ra,
e ki rungao i te au āriki katoa, e ki
rungao i te au tangata i reira ra, e ki
rungao i te tangata i akatukia i te ivi
ra, e te tangata i taia, e te tangata mate
oki, e te tanumanga *tangata* ra: Ei te 19
po toru taua tangata viivii kore ra e
pipi ei i tei viivii, e ei te po itu oki; e
kia tac ki te po itu ra, ka tamā aia
iaia uaorai i reira, ka tatū i ona kakau,
ka paī ei aia i te vai, e ka mā iā aia kia
aiaī ake. Ko te tangata ra kia viivii, e 20
kare aia e tamā iaia uaorai, ka tipu keia
iā tangata i te uipānga nei, no te mea
kua akaviivii aia i te ngai-tapu o Ieho-
va ra: kare te vai tamā ra i pipiā ki
rungao iaia; te vai viivii ua ra aia. Ei 21
akonoanga vao tamou iā na ratou, e te
tangata i pipi ki te vai tamā ra, ka tatū
aia i ona kakau; e tei rave ua atu i
taua vai tamā ra, ka viivii aia e aiaī atu.
E tei akatukia e taua tangata viivii 22
ra, kua viivii iā: e te tangata e akatu-
kia na atu i te *reira* ra, ka viivii iā e
aiaī atu.

PENE XX.

*Te matenga o Miriama: te vai i te rau-
ka anga mai no roto i te mato: to
Aaronā matenga.*

I REIRA to te uipānga tamariki ka- 1
toa a Iseraela tae anga mai ki te
medebara o Zini, i te marama mua ra:
noo iora taua au tangata ra i Kadesa;
e mate iorā Miriama i reira, e i reira
tona tanu mangaia. E kare rava e vai 2
ta taua uipānga ra; e kua akaputupu
maira ratou iā Mose raua ko Aaronā.
Kua tauetono maira te tangata i Mose, 3
tuatua maira, na ko maira, Naringa
matou i mate katoa ka mate ei to ma-
tou ai taeake ki mua i te aroaro o Ie-
hova ra! Eaa oki korua i arataki mai 4
ei i te uipānga o Iehova *ki ko nei*, ki
teianei medebara, kia mate matou e ta
matou au puaka i ko nei? Eaa oki 5
korua i arataki mai ei iā matou mei
Aiphiti mai, e apai mai iā matou ki ko
nei ki teianei ngai kino? e ngai ua kai
kore, e te suke kore, e te vine kore, e
te remuna kore; e te ngai vai kore oki
kia inu.

E aere aturā Mose raua ko Aaronā 6
mei te aroaro atu o taua uipānga ra ki
te ngutupa o te Are uipānga, kua tipa-
pa iora raua i raro to raua mata: e kua

mama maira te kakā o Iehova ra kia
7 raua. Kua tuatua mairā Iehova kia
8 Mose, na ko maira, Ka rave i te rakau
ra, ka akaputupu mai i te uipānga ra,
ko koe, e toou tuakana ko Aaronā, ka
tuatua atu ei ki te mato ki mua tikai i
to ratou mata; e na te reira e tuku mai
i te vai, naau e akata'e mai i te vai na
ratou no roto i taua mato ra, ka akainu
atu ei koe i taua uipānga ra, e ta ratou
9 au puaka. Kua rave iorā Mose i te
rakau i mua i te aroaro o Iehova, tana
10 i akaue mai iaia ra. Kua akaputupu
iorā Mose raua ko Aaronā i te uipānga
ki mua i taua mato ra, e kua karanga
aturā aia kia ratou, Ka akarongo mai
ana, e tenana aronga meameaau; e tika
aia iā maua kia apai atu i te vai na
11 kotou no roto i teianei mato? E kua
tāki aturā Mose i tona rima, kua ta
atura i te mato ki tana rakau e rua tai-
nga, kua ta'e maira te vai e mea maata,
kua inu iora taua uipānga ra e ta ratou
au puaka ra.
12 Kua tuatua mairā Iehova kia Mose
rauā ko Aaronā, No te mea kare ake-
nei korua i akarongo mai kiaku, kia
akatapuia au ki mua i te aroaro o te
tamariki a Iseraela, kare atura korua
e arataki i teianei uipānga ki te enua
taku e oronga atu no ratou ra.
13 Ko Meribā teianei vai; kua tauetono
oki te tamariki a Iseraela iā Ieho-
va, e akatapuia aia iā ratou ra.
14 Kua tono aturā Mose i nga veka ki
te ariki o Edoma mei Kadesa atu, *kara-
nga atu e*, Te na ko maira to taeake ko
Iseraela ra, Kua kite koe i to matou
au tumatetenga katoa i rokoia mai ei
15 matou ra: E kua aere to matou ai me-
tua ki Aiphiti, e i Aiphiti to matou
noo anga e roa rava akenei; e kua
takinga-kino mai to Aiphiti iā matou,
16 e to matou ai metua: Iā matou ra i
tautopa atu kia Iehova ra, kua akaron-
go mai aia i to matou reo, e kua tono
mai i te angela, e kua arataki mai iā
matou mei Aiphiti maira; e i na, tei
Kadesa matou, tei te oire iā i te mata-
mata o toou enua ra: Teia ta matou
17 tuatua kia koe, e tuku mai koe iā ma-
tou e na roto matou i toou nei enua i
te aere: kare matou e na roto i te kai-
nga, kare oki e na roto i te au kainga
vine ra, kare oki matou e inu i te vai no
te au punavai ra; e na runga ua matou
i te ara tiroa o te ariki ra: kare matou
e anga ke na te pae katau, e na te pae
18 kavi, e topa ua mai toou ra enua. Kua
tuatua maira Edoma kiaia, Auraka koe
e na roto mai i toku nei enua, ko te
aravei atu aea au iā koe ma te koke.

Kua karanga atura te tamariki a Iseraela kiaia, E na te ara tiroa ua matou i te aere: e kia inu au e taku au puaka i to vai, naku ia e tutaki: e tuku ua mai koe iaku kia aere ua na roto i *to enua* mei te tuitaree ua. Kua tuatua maira aia, Auraka koe e na ko nei mai te aere. Tei vao maira Edoma e tamaki iaia ma te tangata katoa e mangamui, e te rima ririnui. Kare akera i tika ia Edoma i te tuku mai i te ara tiroa kia aere a Iseraela na roto i tona enua ra; ariu akerū Iseraela na tetai ara ke.

Kua aere anake maira te tamariki a Iseraela, te uipunga katoa ra, mei Kadesa mai, e tae maira ki te maunga ra ko Hora. Kua tuatua mairā Iehova kia Mose raua ko Aaronā i te maunga ra ko Ilora, i te pae o te enua o Edoma ra, na ko maira, Ka kapiti katoaia Aaronā ki tona iti-tangata: kare oki aia e tae ki te enua taku e oronga ki te tamariki a Iseraela ra, no te mea kua akono ngata korua i taku tuatua i te vai ra i Meriba. E rave koe ia Aaronā e tana tamaiti ia Eleazara, ka arataki ei ia raua ki runga i te maunga nei ko Hora: Ka kiriti ei i te au kakau i runga ia Aaronā, ka no ei ki runga i tana tamaiti ia Eleazara; e ka mate a Aaronā i reira, e ka kapiti katoaia atu ki tona orai iti-tangata.

Kua pera oki a Mose i ta Iehova i akaue maira; aere atura oki ratou ki runga i taua maunga ra ko Hora, ki mua i te aroaro o taua uipunga katoa ra. Kua kiriti akerū Mose i te au kakau i runga ia Aaronā, e kua ao atura ki runga i tana tamaiti ia Eleazara; e mate iorā Aaronā i reira ki runga i te take o taua maunga ra: e kua aere mairā Mose raua ko Eleazara, mei runga mai i taua maunga ra. E kite akera te uipunga katoa e, kua mate a Aaronā, kua aue iora te ngutuare katoa o Iseraela ia Aaronā, e toru akera ngauru anga o te po.

PENE XXI.

Te ngati Kanaana i te pou anga i Horama. Katia te tangata e te au ovi ra: te ovi veō i te akatu angaia. To Sihona raua ko Oga pou angaia.

ERONGO akera te ngati Kanaana ariki no Arada, i noo i te pae i apatonga, e te na Atarima maira Iseraela te aere; kua tamaki maira aia ia Iseraela, e riro tuikaa atura tetai pae o ratou iaia. Kua tia iorā Iseraela ia Iehova ra, karanga atura, Kia tika tikai ia koe i te tuku mai i teianci aro-

nga ki toku nei rima, ka pou takiri 3 roa to ratou au oire iaku. Kua akarongo mairā Iehova i te reo o Iseraela, e kua tuku maira i te ngati Kanaana ra; pou takiri rava akera ratou e to ratou au oire: tapa iora ratou i te ingoa o taua ngai ra ko Horama.

4 Akaruke iora ratou i taua maunga ra ko Ilora, aere iora na te ara tiroa na te tai muramura ra: e takako i te enua o Edoma ra: taitaia roa akera te ngakau o te tangata i taua arataa ra.

5 Kua tuatua kino iora te tangata i te Atua, e ia Mose, Eaa korua i arataki mai ei ia matou mei Aiphiti mai kia mate matou i teianci medebara? kare oki e areto, kare oki e vai, e kua iu 6 matou i teianci kai māmā ua. Kua tuku mairā Iehova i te au ovi ai i rotou i te au tangata, e kua kakati ratou i te tangata; e mangamui o to Iseraela i mate takiri rava.

7 Kua aere maira te tangata kia Mose, kua tuatua maira, Kua ara matou, kua tuatua kino oki matou ia Iehova, e ia koe; e tautopa koe ia Iehova kia apai ke aia i te au ovi ia matou nei.

Kua tautopa iorā Mose kia Iehova i 8 taua au tangata ra. Kua tuatua mairā Iehova kia Mose, E anga koe i tetai ovi ai ra, ka tamou ei ki runga i tetai rakau roa, e te tangata ravarai i katia ra, me akara aia i taua ovi ra, ka ora

9 ia. Kua anga iorā Mose i tetai ovi veō, tamou akera ki runga i te rakau roa ra; e te tangata i katia e tetai ovi ra, kua akara ua aia i taua ovi veō ra, kua ora ia.

10 Kua aere maira te tamariki a Iseraela, e kua patia iora i te puakapa i

11 Obota. E mei Obota mai oki ratou te aere, e patia iora i te puakapa i Iieabarima, i te medebara i mua mai i Moabi, i te pae i te itinga o te rā ra.

12 Mei reira oki riro maira ratou, e patia iora i te puakapa i te o ra i Zareda.

13 Mei reira oki, kua aere iora ratou, e kua patia iora i te puakapa i tetai pae i Aranona, ko tei ta'e tika na te medebara, e na te pae o te ngati Amori ra: ko Aranona oki te kotinga o Moabi i rotou i te ngati Moabi e te ngati Amori ra.

14 I tuatuaia'i i roto i te buka tamaki a Iehova ra e; Kia Vahalea i Supha ra, e ki te au kauvai i Aranona ra,

15 Ki te paringa o te au kauvai e tae roa ki te nooanga i Ara, e tei piri tika atu ki te pae o Moabi.

16 Mei reira oki aere atura ratou ki te ruavai, ko taua ruavai ra i tuatua ia Iehova kia Mose ra e, Ka akaputuputu mai i te tangata kiaku nei, e naku e o atu i te

vai na ratou. Kua imene iorā Iseraela 17
i teianei imene, Ka pupui mai, e te vai,
ki runga! e imenekotou i te reira! E 18
ruavai i koia e te aronga kavana, ta te
aronga mana o te au tangata nei i ko, i
to ratou au rakau, i te *ako a* te akakite
ture ra. Mei te medebara mai oki
kua aere mai ki Matana: Mei Matana 19
oki ki Nahaliela; e mei Nahaliela ki
Bamota: E mei Bamota oki ki te o, i 20
te enua o Moabi, *te ngai i kiteda* i te take
o Pisega, i tei akara tika ki Iesimona.

Kua tono aturā Iseraela i te veka ki 21
te ariki o te ngati Amori ra ko Sihona,
na ko atura, E aere ana au na toou nei
enua; kare matou e tapae ua atu ki
roto i te au kainga, e te au kainga vine;
kare oki matou e inu i te vai no te
punavai ra: e na te ara tiroa o te ariki
ra matou te aere ua, e topa ua mai toou
na enua. Kare akērā Sihona i tuku ia 23
Iseraela kia aere na roto i tona enua:
kua akaputupu iorū Sihona i te tan-
gata ravarai nona, e kua aere maira ki
vao ki te medebara ra e aravei ia Ise-
raela; e tae maira aia ki lahaza, e kua
tamaki maira ia Iseraela. Pou iora aia 24
i te taia e Iseraela ki te mata koke, riro
maira tona enua mei Aranona mai, e
tae akera ki Iaboka, i te pae o te tama-
riki a Amona ra; e pakari oki te koti-
nga o te tamariki a Amona. Riro 25
maira to reira au oire ravarai kia Ise-
raela: e noo iora Iseraela i roto i te au
oire katoa o te ngati Amori ra; i Hese-
bona e tona katoa ra au vila. Ko te 26
oire ia ko Hesebona o te ariki o te
ngati Amori ra o Sihona; i tamaki aia
ki tetai ariki o Moabi i muatangananā ra,
e i riro maira tona enua katoa kiaia, e
tae rava akera ki Aranona. Koia tei 27
tuatua maseliia ra e,

E aere mai kia patuia Hesebona; e
kia akatua te oire o Sihona: E ai tei pu-
roro mai mei roto mai i Hesebona; e te
mura ai mei roto mai i te oire o Sihona;
i ka ai Ara i Moabi, e te aronga mamaa-
ta o te au ngai teitei i Aranona. Aue 29
oki koe, e Moabi e! kua akaruke roia
koe, e to Kemosa e! kua tuku aia i
tana au tamariki i ora ra, e tana au ta-
maine, kia riro ei tuikaa na te ariki o te
ngati Amori, na Sihona. Kua aka- 30
inana atura matou i te kakao kia ratou,
kua pou Hesebona e tae rava atura ki
Dibona, tairipoti rava akeraia e matou
e tae ua atura ki Nopha, i vaitata ki
Medeba.

Te noo ra oki Iseraela i te enua o te 31
ngati Amori. Kua tono akērā Mose i 32
te tangata e tutaka ia Iaazera, e pou
iora *te reira* ia ratou e tona ra au vila,

e tuaru atura i te ngati Amori i reira
ra.

33 E kua ariu akera ratou, e kua aere
iora na te ara tiroa ki Basana, kua aere
maira te ariki o Basana ko Oga e ara-
vei ia ratou, koia ma tona katoa ra au
34 tangata, e tamaki i Ederci. Kua tuatua
mairā Iehova kia Mose, Auraka e ma-
taku iaia: e tuku atu au iaia e tona
katoa ra au tangata ki toou rima, e tona
enua; e mei taau i rave i te ariki o te
ngati Amori ra ia Sihona i noo i Hese-
bona ra, e pera katoa koe iaia. Mate 35
iora aia, e tana au tamaroa, e tona
katoa ra au tangata, ia ratou, kare rava
akera i toe; riro maira tona enua kia
ratou.

PENE XXII.

*Te tuatua a Balaka kia Balaama, e
tona ra aerenga.*

1 **K**UA aere maira te tamariki a Ise-
raela, kua patia iora i te puakapa
i te au ngai mataataa i Moabi i tera pae
Ioridana, i aite kia Ieriko ra.

2 E kite akērā Balaka, te tamaiti a
Zipora, i te au mea katoa ta Iseraela i
3 rave i te ngati Amori ra. Matakua rava
akera to Moabi i taua aronga tangata ra,
no te mea e toko rai ratou: tu-
matetenga rava akera to Moabi i te
4 tamariki a Iseraela. Kua tuatua akera
Moabi ki te aronga pakari i Midiana
ra, Ka pou rava te au mea katoa i taua
aronga ra, e pini ua ake tatou nei, mei
te ngangaere o te enua e pou i te bovi
nei. Ko Balaka te tamaiti a Zipora
5 te ariki o Moabi i reira. E kua tono
akera aia i te karere kia Balaama te
tamaiti a Beora, ki Petora, i te pae vai
i te enua o te tamariki a tona ra au ta-
ngata ra, e tiki iaia, e karanga atu e, I
na, e urupu tangata tera ake mei Ai-
phiti mai; i na, kua kapi te enua ia
ratou, e tei muao iaku nei ratou i te
6 noo aue: E tenana, teia taku tuatua
kia koe, e aere mai koe, e katarā i teia-
nei aronga naku; e ririnui oki to ratou
i toku: peneiako ko te rauka iaku kia
pou ratou iaku, e kia arumaki atu au ia
ratou i te enua nei: kua kite oki au e,
ko tei akameitakiā e koe ra kua meita-
ki ia, e tei katarāia e koe ra kua ka-
7 tara ia. Aere atura te aronga pakari o
Moabi, e te aronga pakari o Midiana,
ma te tutaki tauratua i to ratou rima;
tae atura ratou kia Balaama ra, e kua
karanga atura kiaia i te tuatua a
8 Balaka. Kua tuatua maira aia kia ra-
tou, E moe i ko nei i teianei po, e naku
e akakite kia kotou i te tuatua ta Ie-

hova e tuatua mai kiaku. Noo iora
ua nga kavana o Moabi ra kia Bala-
ama ra.

Kua aere maira te Atua kia Balaama 9
ra, e kua tuatua maira, Eaa tenana au
tangata kia koe na? Kua karanga 10
aturū Balaama ki te Atua, Na te ariki
o Moabi, na Balaka te tamaiti a Zipora,
i tono mai ia ratou kiaku nei, e tuatua
mai kiaku e, I na, e urupu tangata tera 11
ake mei Alphiti mai, e kua kapi te enua
ia ratou; e aere mai koe i tenana e ka-
tara i taua aronga nei naku; peneiake
ko te pou ratou iaku, e kia arumaki ke
atu au ia ratou. Kua tuatua maira te 12
Atua kia Balaama, Auraka koe e aere i
to ratou tere; auraka koe e katara i
taua iti-tangata ra; kua meitaki oki
ratou. Kua tu akerū Balaama ki ru- 13
nga i te popongi ra, kua karanga atura
ki nga kavana no ko ia Balaka ra, Ka
oki ki to kotou na enua: kare oki a Ie-
hova e tuku iaku, kia aere au i to kotou
tere. Kua tu akera taua aronga kava- 14
na o Moabi ra, kua oki maira kia Bala-
ka ra, e kua tuatua maira, Kare a Ba-
laama e keu.

Kua tono akaou aturū Balaka i te 15
aronga kavana, e maata ia, e te mana
maata atu ia, i tetai aronga ra. E tae 16
atura ratou kia Balaama ra, e kua ka-
rangata atura kiaia, Te na ko mairū Ba-
laka te tamaiti a Zipora, Auraka roa koe
e akono i te tūpu, e aere mairai koe kia-
ku nei: E akangateitei rava uti oki au ia 17
koe kia maata roa, e tauu e tuatua mai
kiaku ra, naku ia e rave: e tenana,
teia taku tuatua kia koe, e aere mai
koe, e katara i teianei aronga naku.
Kua tuatua mairū Balaama ki taua au 18
tavini o Balaka ra, na ko maira, Oro-
nga ua mai a Balaka i te ario e te auro
naku, e kia ki ua atu tona aro, kare rai
e tika iaku kia rave i tetai ngai mea
ngiti e tetai mea maata, mari ra ta taku
Atua ra ta Iehova e tuatua maira. E 19
tenana, teia taku tuatua, ka mae kotou
i ko nei i teianei po, kia kite rai au i ta
Iehova e tuatua mairai kiaku. Kua 20
aere maira te Atua kia Balaama ra i te
po, e kua tuatua maira kiaia, Kia tiki
mai taua au tangata ra ia koe, e tu koe
ki runga, e aere katoa; ko taku ra e
karanga atu kia koe ra, ko te reira
anake ra tauu e rave. E popongi akera 21
kua tu akerū Balaama ki runga, tuku
akera te nooanga ki runga i taua asini,
aere katoa atura e taua au kavana o
Moabi ra.

Riri akera te Atua no te mea koia i 22
aere; e kua tu iora te Angela a Iehova
i te arataa e arai iaia. Tei rungao aia i

tana asini, e nga tavini nona toko rua i
23 te aere katoa ra. Kite atura te asini i
taua Angela a Iehova rai i te tu ua anga
i te arataa ra, ma tana koke i unuia i
tona rima: kua anga ke akera te asini
ki te ngai atea, akaruke iora i taua ara
ra; kua ta iorā Balaama i te asini e
24 akaariu rai ki taua arataa ra. Kua tu
ra te Angela a Iehova i te arataa i roto-
pu i nga kainga vine, e patu tei teia pae,
25 e e patu tei tera pae. E kite akera te
asini i te Angela a Iehova ra, kua tapae
ua atura aia ki taua patu ra, pāi akera
te vaevae o Balaama i taua patu ra;
26 kua ta akaou iora aia iaia. E aere
atura te Angela a Iehova i waitata atu,
tu iora i te ngai oiti, kare e tatipaanga
27 to te pae katau e te pae kaui. E kite
akera te asini i te Angela a Iehova, kua
moe aia ki raro i raro ake ia Balaama:
riri rava akera Balaama, e kua ta iora
28 aia i te asini ki te rakau. Kua akaama-
ma iorā Iehova i te vaa o taua asini ra,
e kua tuatua maira aia kia Balaama, I
akapeca atu au ia koe, i ta ua mai ei koe
29 iaku e toru akenei tainga? Kua kara-
ngata aturū Balaama ki taua asini ra, No
te mea kua akakoko mai koe iaku:
naringa e koke tei toku rima e, kua
30 mate roa ia koe iaku i teianei. Kua
tuatua maira te asini kia Balaama,
Kare ainei au i te asini naau, e kua aka-
oro koe iaku mei iaku rai i riro ei api-
nga naau, e tae rava akenei ki teianei
rū? kua pera ainei au ia koe i muata-
ngana ra? Kua karanga atura aia, Kare.
31 Kua akapuera mairū Iehova i te
mata o Balaama i reira, kite atura aia i
te Angela a Iehova i te tu anga i te ara-
taa ra, ma tana koke i unuia ra i tona
rima: kua tupou iora aia ki raro, e ti-
32 papa iora ki raro tona mata. Kua tua-
tua maira te Angela a Iehova kiaia,
Eaa koe i ta ai i tauu asini e ka toru
akenei tainga? i na, i aere oki au e arai
ia koe no te mea e aereanga kino toou
33 ki mua iaku nei: Kua kite mai oki te
asini iaku, e ka toru akenei ariu ke
anga iaku; naringa rai aia kare i anga
ke iaku nei, kua mate ia koe iaku, e
34 kua akaoraia aia e au. Kua karanga
aturū Balaama ki taua Angela a Iehova
ra, Kua ara au: kare oki au i kite e, te
tu ra koe i te arataa e arai iaku, e teia-
nei, e mea kino ia koe ra, ka oki au ki
35 oku ra. Kua tuatua maira te Angela
a Iehova kia Balaama, E aere katoa koe
e taua au tangata nei; e te tuatua taku
e karanga atu kia koe ra, tauu ia e kara-
nga atu, ko te reira anake ra. Aere
aturū Balaama ratou ko te au kavana
ki o Balaka ra.

E kite akerū Balaka e te aere mairā 36
Balaama, aere atura aia e aravei iaia ki
tetai oire o Moabi, i te pae o taua enua
ra, i te pae i Aranona. Kua karanga 37
aturā Balaka kia Balaama ra, Kare
aini au i mūro i te tiki ia koe na? eaa
oki koe i kore ei i aere mai kiaku nei?
kare aina e tika roa iaku kia akamaata
ia koe? Kua tuatua mairā Balaama kia 38
Balaka ra, I na, teia mai nei au ia koe
na; eaa ra oki taku tuatua e tika iaku
uaorai kia tuatua ua? Ko te tuatua ta
te Atua e tuku mai ki roto i toku
van, ko taku ia e tuatua. Kua aere 39
iorā Balaama raua ko Balaka, e tae
atura ki Kiriatu-huzota. Kua ta iorā 40
Balaka i te bovi, e te mamoe, e kua apai
i ta Balaama tuunga, e ta te au kavana
katoa tei vaitata orai iaia. E ao akera 41
kua arataki aturā Balaka ia Balaama
ki runga i te au ngai teitei no Baala,
kia kite aia i taua aronga ra e tae ua
atu ki te openga mai i reira.

PENE XXIII.

*Te au tusia karakaratio a Balaka ra, e
te totou a Balaama ra.*

KUA tuatua mairā Balaama kia 1
Balaka, E patu nga atarau e itu
naku i ko nei, e ka akateateamamao
mai oki i nga bovi e itu, e nga rama e
itu, naku i ko nei. Kua pera oki a 2
Balaka i ta Balaama i tuatua maira; e
kua apai akerū Balaka raua ko Balaama
i te bovi e te rama ki rungao i taua au
atarau ravarai ra. Kua tuatua mairā 3
Balaama kia Balaka, Tu io na koe i
vaitata i taua na tusia karakaratio, e
aere ana au: peneiake ko te aere mai a
Iehova e aravei mai iaku; e tana e aka-
kite mai kiaku ra, naku ia e akakite
atu kia koe na. Aere atura aia ki ru-
nga i te ngai tokoraa ua.

Kua aravei maira te Atua ia Bala-
ma: e kua karanga aturā Balaama
kiaia, Kua oti iaku nga atarau e itu, e
kua apaiia e au te bovi e te rama ki
rungao i te au atarau katoa. Kua tuku
mairā Iehova i te tuatua ki roto i te vaa
o Balaama, e kua tuatua maira, Ka oki
koe kia Balaka ra, ka akapera atu koe
kia tuatua. Kua oki atura aia kiaia ra,
e i na, te tu ua ra aia i vaitata i tana
tusia karakaratio, koia e te au kavana
katoa o Moabi ra. Kua tuku atura
aia i tana maseli, karanga atura,

Na te ariki o Moabi, na Balaka, au i
arataki mai mei Arama mai, mei te
maunga mai i te itinga o te rā ra, na ko
maira, E aere mai, e katara ia Iakoba,
e aere mai, e akakino ia Iseraela naku.

8 Eakapeea au i te katara i tei kore i ka-
taraia e te Atua ra? e akapeea au i te
akakino i tei kore i akakinoia e Iehova
9 ra? I akara ana au iaia i rungao i te
au mato ra, i akara au iaia i runga i te
au tuaivi ra; i na, e noo taka ke rai
taua aronga ra, kare e kapitiia ki roto i
10 te au iti-tangata ra. Nani e tatatu i te
one-pueu o Iakoba, e te rainga o te
tuanga a o Iseraela? Kia riro toku
mate mei te mate o te aronga tuatua-
tika, e kia riro toku nei openga mei to-
na!

11 Kua tuatua mairā Balaka kia Bala-
ma, Kua aa io nei oki koe iaku nei? i
arataki mai oki au ia koe e katara i to-
ku au enemi, e i na, kua akameitaki
12 roa io nei koe ia ratou. Kua karanga
atura aia, na ko atura, Auraka au e
akono meitaki, e ko ta Iehova i tuku
mai ki roto i toku vaa ra, ko taku ia e
13 tuatua? Kua tuatua mairā Balaka
kiaia, E aere mai na ka aere taua ki
tetai ngai ke atu, kia kite koe ia ratou
i reira; ko te openga ua o taua aronga
ra taua ka akara na, kare rai koe e kite
ia ratou ravarai: e ei reira koe e katara i
ia ratou.

14 Kua arataki atura aia iaia ki te kai-
nga o Zophima ra, ki rungao i Pisega
ra, kua patu iora i nga atarau e itu ra,
e kua apai i te bovi okotai, e te rama
okotai, ki rungao i taua au atarau ra-
15 varai ra. Kua karanga atura aia kia
Balaka, Tu io na koe i vaitata i taua na
tusia karakaratio, e aere ana au ki ko
16 akera e aravei ia Iehova. Kua aravei
mairā Iehova ia Balaama, e kua tuku
maira i te tuatua ki roto i tona vaa, e
tuatua maira, Ka oki koe kia Balaka ra,
17 ka akapera atu koe kia tuatua. E tae
maira aia kiaia ra, e i na, te tu ua ra aia
i vaitata i tana tusia karakaratio, e te
au kavana o Moabi i vaitata iaia. Kua
karanga aturā Balaka kiaia, Eaa ta Ie-
18 hova tuatua? Kua tuku atura aia i
tana maseli, karanga atura,

E tu mai koe ki runga, e Balaka, e
akarongo mai; e akarongo mai koe
19 iaku, e te tamaiti a Zipora: Kare te
Atua i te tangata, ka pikikaa mai ei
aia: kare oki i te tamaiti a te tangata,
ka tataraa i aia: kua tuatua ainei aia,
e kare rai aia e rave? kua tuatua ainei
aia, e kare rai aia e akatupu i te reira ra?
20 I na, ko te akameitaki tei tukuia mai
kiaku: kua akameitaki oki aia; kare
21 oki i tika iaku kia akakore. Kare o
Iakoba kino i kitea e ia, kare a Iseraela
ara i akaraia o ia: tei i ona tona Atua
ra ko Iehova; e tei rotopu ia ratou
22 te maeve ariki. Na te Atua i arataki

mai ia ratou mei Aiphiti mai: mei te ririnui reema ra to ratou. Kare rava e purepure ia Iakoba, kare rava e kesa ma ia Iseraela: ka tuatuaia rā Iakoba, e Iseraela katoa oki, kareka mei teianei rai tuatau e, Ko te ravenga a te Atua e! I na, mei te liona tinana ra taua aronga ra kia tu mai ki runga; e mei te liona kia tu ra: ko tei kore e moe ki raro kia kore e pou tei rauka ra i te keingaia, e kia inumia te toto o tei mate ra.

Kua tuatua mairā Balaka kia Balaama, Auraka e katara atu, e auraka katoa e akaora atu ia ratou. Kua karanga aturā Balaama kia Balaka, na ko atura, Kare au i karanga atu kia koe, i te na ko anga atu e, Ko te au mea katoa ta Iehova e tuatua maira, e akapera au e tika'i? Kua tuatua mairā Balaka kia Balaama, E aere mairai koe, e arataki au ia koe ki tetai ngai ke atu; peneiake ko te tika i te Atua e, ei reira koe e katara atu ei i taua aronga ra. Kua arataki aturā Balaka ia Balaama ki runga i te take o Peora, i aite tika ki Iesimona. Kua karanga aturā Balaama kia Balaka, E patu nga atarau naku e itu i ko nei, e rave mai oki nga bovi e itu, e nga rama e itu, naku i ko nei. Kua akapera oki a Balaka i ta Balaama i karanga atura, e kua apai oki i te bovi okotai e te rama okotai ki runga i taua au atarau ravarai ra.

PENE XXIV.

Te akakite nei a Balaama i te meitaki e rauku iu Iseraela ra.

EKITE akerū Balaama e, e akaora aia i Iehova ia Iseraela, kare akera aia i aere mei tei mutangana ra, e kimi i te ravenga purepure, kua ariu akera ra aia i tona mata ki te medebara ra. Kua nānā akerū Balaama i tona mata ki runga, kite atura ia Iseraela i te puakapa anga, ko te kopu ko tona ngai; e kua aere maira te Vacrui o te Atua ki rungaio iaia; Kua tuku atura i tana maseli, karanga atura,

Te tuatua nei a Balaama te tamaiti a Beora, ko te tangata mata puera teia e tuatua nei; Ko tei akarongo i te tuatua a te Atua teia e tuatua nei; ko tei kite i te orama o te Mana katoatoa ra; tei tareuia mai, te puera ua maira te mata: Ko te manea o to au puakapa, e Iakoba e! e to au sekene, e Iseraela e! Mei te ngai mataataa i te oora angaia; mei te kaininga i te pae vai ra, mei te aloa i tanumia e Iehova ra; mei te arezi i te pae o te vai ra. Ka ta'e mai te vai no roto mai i te āriki a Iakoba, e ka riro

tona uanga mei te muriava e manganui ra; e teitei maata atu to ratou ariki ia Agaga, e tona basileia e maata rava atu 8 ia. Ko te Atua, ko tei arataki mai iaia mei Aiphiti maira; mei te ririnui reema ra tona: ko te pa enua ra, ko tona au enemi ra, ka pou ia iaia; e ka ungaungatiti to ratou au ivi; e ka tu ratou 9 e mama rava i tona au kakao. Ka akaopuku aia, e moe oki ki raro mei te liona ra, e mei te liona tinana ra; naai aia e akaara atu? Ko te akameitaki atu ia koe ra, kia akameitakiia ratou, e ko te katara atu ia koe ra, kia kataraiia ratou.

10 Tupu akera to Balaka riri ia Balaama, e kua pakipaki ua akera i tona uaoari rima; e kua tuatua mairā Balaka kia Balaama ra, I tiki i ana oki au ia koe e katara i toku nei au enemi, e i na, ka toru akenei oou akaora anga 11 ia ratou i teianei. E tenana, ka aere koe ki o ou ra, i manako oki au e akamana roa atu ia koe; kua tūpu rā Iehova ia koe, auraka kia akangateitei- 12 ia. Kua karanga aturā Balaama kia Balaka, Kare ainei au i karanga atu ki to au karere, tauu i tono mai kiaku, i 13 te na ko anga e, Oronga ua mai a Balaka i te ario e te auro e kia ki na atu tona are, kare rai e tika iaku kia tuatua, mari ra ko ta Iehova e tuatua maira, kare e tika ta toku uaoari ngakau kia rave i te meitaki e te kino; ko ta Iehova ra e tuatua maira, ko taku 14 ia e tuatua? E teianei, i na, teia au ka aere ki oku ra, aere mai, e akakite atu au kia koe i ta teianei aronga e rave i toou ra au tangata i te au rā a muri 15 atu. E kua tuku atura aia i tana maseli, karanga atura,

Te tuatua nei a Balaama te tamaiti a Beora, ko te tangata mata puera teia e tuatua nei; Ko tei akarongo i te tuatua a te Atua teia e tuatua nei, e tei kitea e Tei Teitei ra ko tana ia i kite, ko tei kite i te orama a te Mana katoatoa ra, ko tei tareuia mai, te puera ua maira te mata: Te kite nei au iaia, kare ra e tupu vave: te akara nei au iaia, kare ra i te mea vaiata; e Etu te ka tae mai mei ko ia Iakoba ra, e ka tupu tetai Sepeta i Iseraela, ko te ka ta i nga pae o Moabi ra; e ka akapou 18 i te tamariki ravarai a Seta ra. E riro oki a Edoma ei tuanga nana, e tona enemi ko Seira ka riro katoa ei tuanga nana; ko Iseraela oki te maata i te ririnui. Ka riro te au ki to Iakoba, ka pou oki iaia tei toe i te oire ra. 20 E tona akara anga ia Amaleka ra, kua tuku atura aia i tana maseli, kara-

nga atura, Ko mua ia Amaleka i te pa enua: ko tona uanga ka pou takiri ia.

Kua akara atura oki aia i te ngati 21
Keni ra, e kua tuku atura i tana maseli, karanga atura, E nooanga ketaketa toou, e kua apai koe i to koanga ki roto i te mato. Ka pou ra taua ngati Keni 22
ra: e te openga ra, ka apai tuikaia koe e Asura ra.

E kua tuku atura aia i tana maseli, 23
karanga atura, Aue! koai te ka ora kia akatupu te Atua i teia? E au pai 24
te ka tere mai mei te enua maira mei Kitima, e rave kino ratou ia Asura, e rave kino oki ratou ia Ebera; e ope katoa ra ratou naorai i te mate.

Tu iorā Balaama, aere atura e oki ki 25
tona ngai: e aere atura oki a Balaka i tona aerenga.

PENE XXV.

*Iseraela i te araara anga i te au idolo.
Te matenga o Zimeri raua ko Kosibi
ia Phinehaza, i akamou ei te taoonga
taunga iaia.*

NOO iora Iseraela i Sitima, e kua 1
timata iora taua au tangata i te akaturu ki te au vaine Moabi ra. Kua 2
tiki mai oki taua aronga ra ia ratou e aere i te *apai anga* tusia na to ratou au atua: e kua kai oki te au tangata i 3
tu ratou au tusia, e kua tupou ki raro i to ratou au atua. Kua topiri akera to Iseraela kia Baala-peora: tupu 4
akera te riri o Iehova ia Iseraela. Kua tuatua mairā Iehova kia Mose, Ka tiki i te aronga mamaata ravarai i te au tangata nei, ka ri ei ki runga ki mua ia Iehova, ki mua oki i te rā nei, kia akaanga keia te riri maata o Iehova ia Iseraela ra. Kua karanga aturā Mose 5
ki te au akava o Iseraela, Ka ta kotou i te au tangata i topiri atura kia Baala-peora i tona uorai papaki, i tona uorai papaki.

E i na, kua aere maira tetai o te 6
tamariki a Iseraela, kua arataki maira i tetai vaine ngati Midiana ki tona au taeake, i mua i te mata o Mose, e i mua i te mata o te uipānga tamariki a Iseraela katoa ra, te aue anake ra ia i te ngutupa Are uipānga ra. E kia 7
akara akērū Phinehaza, te tamaiti a Aaron tanganga ra, i te reira, kua tu akera aia ki runga i rotopu i taua uipānga ra, kua rave iora i te koke i tona rima; Kua aru 8
atura i taua tangata Iseraela ki roto i te pia moe ra, kua ko atura ia raua ravarai e tu mama atura, taua tangata Iseraela ra, e te vaine katoa i te kopu

ra; kore akera te maki-mate i rotopu 9
i te tamariki a Iseraela ra. E taua aronga i mate takiri roa i taua maki-mate ra, e rua ia ngauru e a ara i te tausani.

10 E kua tuatua mairā Iehova kia Mose, 11
na ko maira, Kua akaanga ke io nei a Phinehaza, te tamaiti a Eleazara, te tamaiti a Aaron tanganga ra, i toku riri i te tamariki a Iseraela, i te maroiroi nona i rotopu ia ratou noku nei, i kore ei i pou te tamariki a Iseraela iaku i 12
taua riri noku ra. E tenana, e karanga atu *kiaia*, I na, kua oronga au i 13
taku koreromotu au nona: Nona ia, e no tona uanga i muri ake iaia ra, *koia* te koreromotu ra i te taoonga tanganga ra e tuatua ua atu; no te mea i maroiroi aia i tona ra Atua, e kua tapoki i te 14
ara a te tamariki a Iseraela ra. Ko te ingoa o taua ngati Iseraela i taia ra, ko tei taia katoaia ma te vaine ngati Midiana ra, ko Zimeri ia, e tamaiti na Salu, e mataiapo tutara ki o te ngati 15
Simeona ra. E te ingoa o taua vaine ngati Midiana i taia ra, ko Kosibi ia, e tamaine na Zura; e kavana no tetai pae tangata, e mataiapo tutara i Midiana ra.

16 Kua tuatua mairā Iehova kia Mose, 17
na ko maira, E taeko atu kotou i te 18
ngati Midiana, e rave ka ta; Kua taeko mai oki ratou ia kotou i ta ratou au ravenga pikikaa, i ta ratou i pikikaa io nei ia kotou no te ara i Peora ra, e i te vaine ra ko Kosibi, to ratou ra tuaine, te tamaine a tetai kavana i Midiana, i tei taia, i te tuatau maki-mate ra no te ara i Peora ra.

PENE XXVI.

Kua tatauia to Iseraela.

E I MURI ake i taua maki-mate ra, 1
kua tuntu mairā Iehova kia Mose raua ko Eleazara, te tamaiti a Aaron 2
tanganga, na ko maira, Ka tatau ana i te uipānga tamariki a Iseraela ravarai i te maata anga, ko tei tae ki te mataiti e tai takau, e tei ara atu, e pini ua ake te ngutuaere katoa o to ratou ai metua ra, ko te tika kia aere ki te tamaki i 3
roto ia Iseraela nei. Kua tuatua iorā Mose raua ko Eleazara tanganga ra ia ratou i te ngai mataataa i o Moabi, i te pae Ioridana, i te ngai i aite kia Ieriko 4
ra, na ko atura, Ko tei tae ki te mataiti e tai takau, e tei ara atu, *ta kotou ia e tatau*; ta Iehova oki i akau mai kia Mose ra, e taua au tamariki a Iseraela, tei aere mai mei te enua maira mei Aiphiti.

Ko Reubena, te tama mua na Ise-
raela: ko ta Reubena tamariki; ta
Hanoka ra, ko te kopu-tangata ngati
Hanoka ia: ta Palu ra, ko te kopu-
tangata ngati Palu ia: Ta Hezerona
ra, ko te kopu-tangata ngati Hezerona
ia: ta Karemi ra, ko te kopu-tangata
ngati Karemi ia. Ko nga kopu-tangata
ngati Reubena cia: e te aronga i tatau-
ia i roto ia ratou ra, e a ia ngauru e
toru ara i te tausani, e itu anere, e toru
ngauru. Ko ta Palu tamariki; ko Eli-
aba ia. E ta Eliaba puke tamariki;
ko Nemuela, e ko Datana, e ko Abi-
rama: ko nga tangata ingoa kitea teia,
ko Datana e ko Abirama, i roto i te
uipanga ra, ko te tauctono mai ia Mose
raua ko Aaroni e te pupu o Kora ra,
ka tauctono ei ratou ia Iehova ra: E
kua amama mai te enua i tona vaa, e
kua apuku ia ratou katoa ma Kora ka
mate ei taua pouou tangata ra, pou
akera te au tangata e rua anere e rima
ngauru i te ai: riro atura ratou ei aka-
raanga. Kare ra te tamariki a Kora i
mate.

Nga tamariki a Simeona i to ratou
au kopu-tangata: ta Nemuela ra, ko te
kopu-tangata ngati Nemuela ia: ta Ia-
mina ra, ko te kopu-tangata ngati Ia-
mina ia: ta Iakino ra, ko te kopu-
tangata ngati Iakino ia: Ta Zera ra, ko
te kopu-tangata ngati Zera ia: ta Saula
ra, ko te kopu-tangata ngati Saula ia.
Ko nga kopu-tangata o Simeona cia, e
rua ia ngauru ma rua i te tausani, e rua
oki anere.

Nga tamariki a Gada i to ratou au
kopu-tangata: ta Zephona ra, ko te
kopu-tangata ngati Zephona ia: ta
Hagi ra, ko te kopu-tangata ngati Hagi
ia: ta Suni ra, ko te kopu-tangata
ngati Suni ia: Ta Ozini ra, ko te kopu-
tangata ngati Ozini ia: ta Eri ra, ko te
kopu-tangata ngati Eri ia: Ta Arodi
ra, ko te kopu-tangata ngati Arodi ia:
ta Areli ra, ko te kopu-tangata ngati
Areli ia. Ko nga kopu-tangata tama-
riki a Gada ia, i te tatauia i roto ia ra-
tou ra, e a ia ngauru i te tausani, e
rima anere.

Ta Iuda ra au tamariki, ko Era ia
e ko Onana; mate iorā Era raua ko
Onana i te enua ra i Kanaana. Ko ta
Iuda ra au tamariki i to ratou au kopu-
tangata; ta Sela ra, ko te kopu-tangata
ngati Sela ia: ta Phareza ra, ko te kopu-
tangata ngati Phareza ia: ta Zera ra,
ko te kopu-tangata ngati Zera ia: Ta
Phareza ra au tamariki ra; ta Heze-
rona ra, ko te kopu-tangata ngati Heze-
rona ia: ta Hamula ra, ko te kopu-

22 tangata ngati Hamula ia. Ko nga
kopu-tangata cia o Iuda, i te tatauia i
roto ia ratou, e itu ngauru e ono ara i
te tausani, e rima anere.

23 Ta Isakara au tamariki i to ratou au
kopu-tangata: ta Tola ra, ko te kopu-
tangata ngati Tola ia: ta Pua ra, ko te
24 kopu-tangata ngati Pua ia: Ta Iasuba
ra, ko te kopu-tangata ngati Iasuba ia:
ta Simirona ra, ko te kopu-tangata ngati
25 Simirona ia. Ko nga kopu-tangata o
Isakara ra cia, i te tatauia i roto ia
ratou, e ono ia ngauru e a ara i te
tausani, e toru anere.

26 Ta Zebuluna au tamariki i to ratou
au kopu-tangata: ta Sereda ra, ko te
kopu-tangata ngati Sereda ia: ta Elona
ra, ko te kopu-tangata ngati Elona ia:
ta Ialela ra, ko te kopu-tangata ngati
27 Ialela ia. Ko nga kopu-tangata ngati
Zebuluna ra cia, i te tatauia i roto ia
ratou ra, e ono ia ngauru te tausani, e
rima anere.

28 Te au tamariki a Iosepha i to ratou
au kopu-tangata, ko Manase ia, e ko
29 Epheraima. Ko ta Manase ra tamariki:
ta Makira ra, ko te kopu-tangata ngati
Makira ia: e anau akera ta Makira ko
Gileada ia: ta Gileada ra, ko te kopu-
30 tangata ngati Gileada ia. Teia nga
tamariki a Gileada ra: ta Ieezera ra,
ko te kopu-tangata ngati Ieezera ia: ta
Heleka ra, ko te kopu-tangata ngati
31 Heleka ia: Ta Aserela ra, ko te kopu-
tangata ngati Aserela ia: ta Sekema
ra, ko te kopu-tangata ngati Sekema ia:
32 Ta Semida ra, ko te kopu-tangata ngati
Semida ia: ta Hephheri ra, ko te kopu-
tangata ngati Hephheri ia.

33 Kare a Zelophehada te tamaiti a
Hephheri ra tamariki tamaroa, e tamaine
ra: teia oki te ingoa o nga tamaine
a Zelophehada ra, ko Mahala ia, e ko
Noa, ko Hogela, ko Mileka, e ko
Tirezza.

34 Ko nga kopu-tangata cia o Manase,
e tei tatauia i roto ia ratou ra, e rima
ia ngauru e rua ara i te tausani, e itu
35 anere. Teia nga tamariki a Epheraima
i to ratou au kopu-tangata ra: ta Sutela
ra, ko te kopu-tangata ngati Sutela ia:
ta Bekera ra, ko te kopu-tangata ngati
Bekera ia: ta Tahana ra, ko te kopu-
36 tangata ngati Tahana ia. Teia oki nga
tamariki a Sutela: ta Erana ra, ko te
37 kopu-tangata ngati Erana ia. Ko nga
kopu-tangata cia o nga tamariki a
Epheraima ra, i te tatauia i roto ia
ratou ra, e toru ia ngauru e rua ara i
te tausani, e rima anere.

Ko ta Iosepha ia au tamariki i to
ratou au kopu-tangata.

Ta Beniamina ra au tamariki i to ratou 38
ra au kopu-tangata : ta Bela ra, ko te
kopu-tangata ngati Bela ia : ta Asebelā
ra, ko te kopu-tangata ngati Asebelā
ia : ta Ahirama ra, ko te kopu-tangata
ngati Ahirama ia : ta Suphama ra, ko 39
te kopu-tangata ngati Suphama ia : ta
Huphama ra, ko te kopu-tangata ngati
Huphama ia. Nga tamariki a Bela ra, 40
ko Arada ia, e ko Naamana : *ta Arada*
ra, ko te kopu-tangata ngati Arada ia :
ta Naamana ra, ko te kopu-tangata
ngati Naamana ia. Ko nga tamariki 41
a Beniamina ra eia i to ratou au kopu-
tangata : e tei tatauia i roto ia ratou ra,
e a ia ngauru e rima ara i te tausani, e
ono anere.

Teia nga tamariki a Dana ra i to 42
ratou au kopu-tangata : ta Suama ra,
ko te kopu-tangata ngati Suama ia.
Ko nga kopu-tangata eia o Dana ra i to
ratou au kopu-tangata. Nga kopu- 43
tangata ngati Suama katoa ra, i tei
tatauia i roto ia ratou ra, e ono ia
ngauru e a ara i te tausani, e a anere.

Te tamariki a Asera ra i to ratou au 44
kopu-tangata : ta Imena ra, ko te kopu-
tangata ngati Imena ia : ta Isui ra, ko
te kopu-tangata ngati Isui ia : ta Beria
ra, ko te kopu-tangata ngati Beria ia.
Ta te au tamariki a Beria ra : ta 45
Hebera ra, ko te kopu-tangata ngati
Hebera ia : ta Malekiela ra, ko te kopu-
tangata ngati Malekiela ia. E te ingoa 46
o te tamaine a Asera ra ko Sara ia. Ko
nga kopu-tangata eia o nga tamariki a
Asera ra, i tei tatauia i roto ia ratou 47
ra ; e rima ia ngauru e toru ara i te
tausani, e a anere.

Te tamariki a Naphatali i to ratou au 48
kopu-tangata : ta Iazecla ra, ko te kopu-
tangata ngati Iazecla ia : ta Guui ra, ko
te kopu-tangata ngati Guui ia : Ta 49
Iezera ra, ko te kopu-tangata ngati
Iezera ia : ta Silema ra, ko te kopu-
tangata ngati Silema ia. Ko nga kopu- 50
tangata eia o Naphatali i to ratou au
kopu-tangata : e tei tatauia i roto ia
ratou ra, e a ia ngauru e rima ara i te
tausani, e a anere.

Ko taua aronga i tatauia teia i te 51
tamariki a Iseraela ra, e ono anere okotai
ara i te tausani, e itu anere, e toru nga-
uru.

E kua tuatua mairā Iehova kia 52
Mose, na ko maira, E tuaia te enua 53
nei no ratou ei nooanga, e akono rai i
te maata anga o te ingoa kia tatau ra.
E aronga maata ra kia maata ia kainga 54
taau e apai atu, e e aronga iti ra, kia iti
ia kainga taau e apai atu : e akaariteia
to te tangata katoa ra kainga i apai atu i

55 tei tatauia ki ona ra. Ka tua keleroia
ra taua enua nei : e akono rai i te ingoa
o te au kopu o to ratou ra ai metua ka
56 mou ei ratou ra i to ratou kainga. E
akono rai i te kelero ka tua'i i te enua i
ta tei maata e tei iti.

57 Teia to te ngati Levi i tatauia i to
ratou au kopu-tangata : ta Geresona
ra, ko te kopu-tangata ngati Geresona
ia : ta Kohata ra, ko te kopu-tangata
ngati Kohata ia : ta Merari ra, ko te
58 kopu-tangata ngati Merari ia. Teia nga
kopu-tangata ngati Levi ra : te kopu-
tangata ngati Libeni ra, te kopu-tangata
ngati Heberona ra, te kopu-tangata
ngati Mahali ra, te kopu-tangata ngati
Musi ra, e te kopu-tangata ngati Kora
ra. E anau akera ta Kohata ko Amera- 59
ma. E te ingoa o ta Amerama ra vaine
ko Iokebeda ia, te tamaine na Levi, ta
Levi i anau i Aiphiti ra ; e anau akera
tana ia Amerama, ko Aaronā ia, e ko
Mose, e to raua ra tuaine ko Miriama.

60 Anau akera ta Aaronā ra, ko Nadaba
ia, e ko Abihu, ko Eleazara, e ko Ita-
mara ra. E mate iorā Nadaba raua ko
Abihu, ia raua i apai i te ai noa ki mua
62 i te aroaro o Iehova ra. E tei tatauia i
roto ia ratou ra, e tai takau ia e toru
ara i te tausani, e tamaroa anake, ko tei
tac ki te marama okotai ra e tei maata
atu ; kare akera oki ratou i tatauia i te
tamariki a Iseraela ra, no te mea kare
a ratou tuanga *kainga* i o maiia mai i
roto i te tamariki a Iseraela ra.

63 Ko te aronga teia i tatauia e Mose
raua ko Eleazara taunga ra, ko tei tatau
i te tamariki a Iseraela i te ngai mataa-
taa i Moabi ra, i te pae Ioridana i *aite*
64 *ki* Ieriko ra. E kare rava tetai tangata,
ta Mose raua ko Aaronā taunga i tatau,
ka tatau ei raua i te tamariki a Iseraela
i te medebara ra ko Sinai, i roto i taua
65 aronga ra. Kua tuatua ana oki a Ie-
hova kia ratou e, Ka mate tikai ratou i
te medebara nei. Kare rava tetai o
ratou i toe, mari ra ko Kaleba te ta-
maiti a Iephune, e ko Iosua te tamaiti
a Nuna ra.

PENE XXVII.

*Nga tamaine a Zelophehada i te umu-
umu anga i tetai tuanga na ratou ; te
ture no te kainga. Kua akuliteia e
ka mate a Mose ; e kua akatakāia
Iosua ei tupau iaia.*

1 **K**UA acre maira nga tamaine a
Zelophehada, te tamaiti a Heph-
eri, te tamaiti a Glenda, te tamaiti a
Makira, te tamaiti a Manase, no te au
kopu-tangata o Manase, te tamaiti a Io-

sepha: teia oki te ingoa o tana au
tamine ra; ko Mahala, e ko Noa, e ko
Hogela, e ko Mileka, e ko Tireza. Kua
tu maira ratou ki mua i te aroaro o
Mose, e ki mua i te aroaro o Eleazara
taunga ra, e ki mua katoa i te aroaro o
te aronga mamaata, e te uipānga katoa
ra, i te ngutupa o te Are uipānga ra,
kua tuatua maira, I mate to matou
metua tane i te medebara, kare ra aia i
roto i taua aronga i kapiti katoa i te
urupu o Kora ra, e taetono ia Iehova
ra; i mate ra aia i tana uorai ara: e
kare ana tamariki tamaroa. Eaa e ta-
ngaroiā'i te ingoa o to matou metua
tane i tona kopu-tangata, i te mea kare
ana e tamariki tamaroa? O mai i tetai
tuanga no matou i roto i te au taenke
o to matou metua ra. Kua apai akerā
Mose i taua tuatua na ratou ra ki mua
i te aroaro o Iehova.

Kua tuatua mairā Iehova kia Mose,
na ko maira, E tuatua tika ta te ta ma-
maine a Zelophehad: e apai rai koe i
tetai tuanga kainga no ratou i roto i te
au taenke o to ratou metua tane; e ūē
koe i te kainga o to ratou metua tane
no ratou. E karanga atu oki koe ki te
tamariki a Iseraela, e na ko atu, Kia
mate te tangata ra, e kare ana e tama-
roa, e ūē kotou i tona kainga no te ta-
maine. E kare ana e tamaine ra, e
apai kotou i tona kainga no tona ra au
taeake i reira. E kare ona e taeake ra,
e apai kotou i tona kainga no te au
taeake o tona metua tane ra. E kare
o tona metua tane ra e taeake ra, e apai
kotou i tona kainga no tei piri tika mai
kiaia i tona kopu-tangata, e nona atura
taua kainga ra; e ei akonoanga tuatua-
tau teia na te tamariki a Iseraela, ko ta
Iehova ia i akaue mai kia Mose ra.

Kua tuatua mairā Iehova kia Mose,
Ka aere koe ki runga i te maunga nei
ia Abarima, e akara i te cnua taku e
oronga no te tamariki a Iseraela nei.
E kia kite koe i te reira ra, ka kapiti
katoaia koe, ko koe katoa, ki toou iti-
tangata, mei to tuakana ra mei ia Aa-
rona i kapiti katoaia ki tona ra. Kua
akatokā oki korua i taku tuatua i te
medebara ra i Zini, i te taetonoanga a
te uipānga ra, kare oki au i akatapuia e
korua ki mua ia ratou i te vai ra: koia
taua vai ra ko Meriba i Kadesa, i te
medebara ra i Zini.

Kua karanga aturā Mose kia Iehova, 15
na ko atura, E tuku koe, e Iehova, e te 16
Atua o te au vauerua o te tangata rava-
rai, i tetai tangata ki rungo i te uipā-
nga nei, Kia aere aia ki vao ki mua ia 17
ratou, e kia oki mai ki roto ki mua ia

ratou, ei arataki oki ia ratou ki vao, e
ei akaoki mai ia ratou ki roto; kia kore
oki e riro te uipānga o Iehova ra mei te
mamoe kare e tiaki ra.

18 Kua tuatua mairā Iehova kia Mose,
Ka rave ia Iosua, te tamaiti a Nuna ra,
e tangata ia tei roto iaia te Vauerua, e
tuku oki koe i toou rima ki rungo iaia;
19 E tuku koe iaia ki mua ia Eleazara
taunga ra, e ki mua i te uipānga katoa
ra; ka ikuiku atu ei koe iaia ki mua i
20 to ratou aroaro; E tuku oki koe i tetai
pae i te rangi noou ra ki runga iaia, kia
akarongo te uipānga tamariki ravarai a
21 Iseraela ra iaia. E tu oki aia ki mua i
te aroaro o Eleazara taunga ra, e nana
e ui i te tuatua nana ki mua i te aroaro
o Iehova i te tuatua-tau ra i te Urima
ra; tei iaia te tuatua e tae ei ratou ki
vao, e tei iaia oki te tuatua e aere mai
ei ratou ki roto; koia, e te tamariki
katoa a Iseraela, koia oki te uipānga
ravarai.

22 Kua pera oki a Mose i ta Iehova i
akaue mai kiaia ra: kua rave oki aia
ia Iosua, e kua tuku iaia ki mua ia Ele-
azara taunga ra, e ki mua i te uipānga
katoa ra. Kua tuku ra oki aia i ona
rima ki runga iaia, e kua ikuiku mai oki
iaia, ta Iehova i akaue mai ia Mose ra.

PENE XXVIII.

*Puke ture akakiteia no te apai anga i
te au tusia ra.*

1 **K**UA tuatua mairā Iehova kia Mose,
2 na ko maira, E akaue atu koe ki
te tamariki a Iseraela, e na ko atu koe
kia ratou, Ka akono rai kotou i taku au
korebana, taku kai, ei tusia ai naku, ei
mea aunga kakara naku, e apai mai ia
kiaku nei i tona tuatau tikai i akonoia
3 ra. E karanga atu koe kia ratou, Teia
te tusia ai ta kotou e apai kia Iehova
ra; e puke arenio mataiti okotai, e te
kino kore, e rua, i tera rā, i tera rā, ei
4 tusia karakaratio tamou ia. Tetai arenio
ra ei te popongi koe ka apai ei, e tetai
5 arenio ei te aiai koe ka apai ei; Okotai
oki omera faraoa, i irokia ki te inu
reruia, okotai kuata ina, ei mineka.
6 E tusia karakaratio tamou ia, i aka-
tupaia i te maunga ra i Sinai, ei tusia
7 ai aunga kakara na Iehova ra. E te
neseka no te reira ra, okotai kuata ina
to te arenio okotai ra; ei te ngai-tapu
ra ka riringia'i te wina ki mua ia Ie-
8 hova, ei neseka. E tetai arenio ra, ei
te aiai koe ka apai ei; mei te mineka e
tona neseka i tei te popongi ra, ka apai
ei koe, ei tusia ai aunga kakara na Ie-
hova ra.

Kareka i te rā sabati ra, e tataki rua 9
arenio *kia apai* ei mataiti okotai rai, e
te kino kore, kia rua omera faraoa, i
irokia ki te inu, ei mineka, e to reira
oki neseka. Ko te tusia karakaratio *teia* 10
no te au sabati katoa ra, e taka ke rai
te tusia karakaratio tamou ra, e to reira
oki neseka.

E kia tae ki te marama ou ra, e apai 11
kotou i te tusia karakaratio na Iehova;
e rua bovi ou, okotai rama, e itu oki
arenio mataiti okotai, e te kino kore;
E toru oki omera faraoa i irokia ki te 12
inu, i te bovi okotai ra, ei mineka; e
rua oki omera faraoa i irokia ki te inu,
i te rama okotai ra, ei mineka; E okotai 13
oki omera faraoa i irokia ki te inu,
i te arenio okotai ra, ei mineka; ei
tusie karakaratio aunga kakara, ei tusia
ai na Iehova ra. E te au neseka no te 14
reira ra, ei afa ina wini i te bovi okotai
ra, okotai oki tuanga ina i tua torua
ra, i te rama okotai ra, e tetai kuata ina
i te arenio okotai ra. Ko te tusia kara-
karatio ia teia no te au marama katoa,
e ope roa ake te au marama o te mataiti
ra. Okotai oki puaka-nio ei tarangaara 15
ka apaiia kia Iehova ra, e te tusia kara-
karatio tamou katoa, e tana katoa ra
neseka.

E kia tae ki te po okotai ngauru ma 16
a i te marama mua ra, ko te pasa ia na
Iehova. E te ngauru ma rima o te po 17
i taua marama ra, ko te oro ra ia: e
po itu i te kaininga i te areto akaopue
kore. Ko te rā mua ra, e uruoanga 18
tapu ia; auraka roa kotou e rave i te
angaanga *i reira*. E apai ra kotou i e 19
rua bovi ou, okotai oki rama, e itu
arenio mataiti okotai, ei mea kino kore
anake ia kotou, ei tusia ai, ei tusia ka-
rakaratio na Iehova: E te mineka no 20
te reira ra, ei faraoa ia, i irokia ki te
inu; e toru omera ta kotou e apai no
te bovi okotai, e rua oki omera no te
rama; Okotai oki omera to te arenio 21
okotai, taua ia e apai, e pini ua ake aua
nga arenio e itu ra: Okotai oki puaka- 22
nio tarangaara ei tapokiangaara na ko-
tou. E apai kotou i teia, e te tusia kara- 23
karatio no te popongi katoa ra, e tusia
karakaratio tamou oki te reira ra. E 24
pera kotou i te apai i te kai no te tusia
ai i te au rā katoa, e ope roa ake nga rā
e itu ra, ei mea aunga kakara na Ie-
hova: ko te reira, e te tusia karakaratio
tamou katoa ra, e tona oki neseka i te
apai katoa aunga. E kia tae ki te po 25
itu ra, ei uruoanga tapu ta kotou;
auraka rava kotou e rave i te angaanga
i reira.

E kia ta: katoa ki te rā popo ra, kia 26

apai mai kotou i te mineka ou kia Ie-
hova ra, kia ope nga ebedoma e itu no
kotou ra, ei uruoanga tapu ta kotou;
auraka rava oki kotou e rave i te anga-
27 anga *i reira*: Ka apai ra kotou i te tusia
karakaratio aunga kakara na Iehova; e
rua bovi ou, okotai rama, e itu arenio
28 mataiti okotai ra; E to te reira oki
mineka faraoa, i irokia ki te inu, e toru
ia omera i te bovi okotai ra, e rua oki
29 omera i te rama okotai, Okotai oki
omeri i te arenio okotai, e ope ua ake
30 aua nga arenio e itu ra; Okotai oki
puaka-nio ei tapokiangaara na kotou.
31 Ko te reira ta kotou e apai, e to reira
oki au neseka, auraka rava oki ei kino,
e te tusia karakaratio tamou, e to reira
oki mineka katoa ra.

PENE XXIX.

*Te au tusia no te orou akatangī anga
pu ra, te tapokiangaara, e te patia
anga puakapa.*

1 **K**IA tae ki te itu o te marama ra,
i te rā mua o taua marama ra, ei
uruoanga tapu ta kotou; auraka rava
kotou e rave i te angaanga *i reira*: e rā
2 akatangī anga pu ia na kotou. E apai
oki kotou i te bovi ou okotai, e te rama
okotai, e nga arenio mataiti okotai, e te
kino kore, e itu ra; ei tusia kara-
3 ratio aunga kakara na Iehova: E to
reira oki mineka ei faraoa ia, i irokia
ki te inu, kia toru omera to te bovi, kia
4 rua omera to te rama, Okotai oki omera
to te arenio okotai, e ope ua ake aua
5 nga arenio e itu ra: Okotai oki puaka-
nio tarangaara, ei tapokiangaara na ko-
6 tou: E te tusia karakaratio no te marama
ou katoa ra, e to reira oki mineka,
e te tusia karakaratio tamou ra, e to
reira oki mineka, e to ratou oki au
neseka, mei tei akonoia ra, ei tusia ai
aunga kakara na Iehova.
7 E kia tae ki te ngauru o te rā i te
marama itu ra, ei uruoanga tapu ta
kotou; e taakaaka oki kotou i to kotou
au vaerua; auraka rava kotou e rave i te
8 angaanga *i reira*: Ka apai ra kotou i te
bovi ou okotai, e te rama okotai, e nga
arenio mataiti okotai e itu ra, ei kino
kore anake rai, ei tusia karakaratio au-
9 nga kakara na Iehova: E to reira oki
mineka ei faraoa ia, i irokia ki te inu, e
toru omera to te bovi, e rua omera to te
10 rama okotai, Okotai oki omera to te
arenio okotai, e ope ua ake aua nga are-
11 nio e itu ra; Okotai puaka-nio ei tara-
ngaara; e taka ra te tarangaara a te ta-
pokiangaara ra, e te tusia karakaratio.

tamou ra, e to reira mineka, e to reira oki au neseka.

E kia tae ki te rā okotai ngauru ma 12 rima i taua marama itu ra, ei uruoanga tapu ta kotou; auraka rava kotou e rave i te angaanga, ei oroa ra ta kotou e akono na Iehova e kia po itu ake: Ka 13 apai oki i te au bovi ou okotai ngauru ma toru, e nga rama oki e rua, e te arenio mataiti okotai ra okotai ngauru ma a, ei kino kore ravarai; ei tusia karakaratio, ei tusia ai aunga kakara na Iehova ra: E to reira oki au mineka ei 14 faraoa ia, i irokia ki te iuu, e toru omera to te bovi okotai, e ope ua ake taua au bovi okotai ngauru ma toru ra, e rua oki omera to te rama okotai i aua nga rama e rua ra, Okotai oki ome- 15 ra to te arenio okotai, e ope ua ake taua au arenio raungauru ma a ra: Okotai 16 oki puaka-nio ei tarangaara; e te tusia karakaratio tamou katoa ra, e to reira mineka, e to reira neseka.

E kia tae ki te rua o te rā ra, okotai 17 ngauru ma rua a kotou bovi ou e apai, e rua oki rama, okotai ngauru ma a arenio mataiti okotai e te kino kore: E to te reira mineka, e to te reira au 18 neseka, to te au bovi, to nga rama, e to te au arenio ra, ka akono ia i te tatau kia tataua ratou, mei tei akakiteia ra: Okotai oki puaka-nio ei tarangaara; e te tusia karakaratio tamou katoa ra, e to te reira mineka, e to te reira au neseka. 19

E kia tae ki te toru o te rā ra, kia 20 okotai ia ngauru ma tai bovi, e rua oki rama, okotai ngauru ma a arenio mataiti okotai e te kino kore: E to te 21 reira mineka, e to te reira au neseka, to te au bovi, to nga rama, e to te au arenio ra, ka akono ia i te tatau kia tataua ratou, mei tei akakiteia ra: Okotai oki puaka-nio ei tarangaara; e 22 te tusia karakaratio tamou katoa ra, e to reira mineka, e to reira neseka.

E kia tae ki te a o te rā, okotai ngau- 23 ru ia bovi, e rua rama, okotai ngauru ma a arenio mataiti okotai e te kino kore: E to te reira mineka, e to te 24 reira oki au neseka, to te au bovi, to nga rama, e to te au arenio ra, ka akono ia i te tatau kia tataua ratou, mei tei akakiteia ra: Okotai oki puaka- 25 nio ei tarangaara; e te tusia karakaratio tamou katoa ra, e to reira mineka, e to reira neseka.

E kia tae ki te rima o te rā ra, e iva 26 ia bovi, e rua rama, okotai ngauru ma a arenio mataiti okotai e te kino kore: E to te reira mineka, e to te reira au 27 neseka, to te au bovi, to nga rama, e to

te au arenio ra, ka akono ia i te tatau kia tataua ratou, mei tei akakiteia ra: 28 Okotai oki puaka-nio ei tarangaara; e te tusia karakaratio tamou katoa ra, e to reira mineka, e to reira neseka.

29 E kia tae ki te ono o te rā ra, e varu ia bovi, e rua rama, okotai ngauru ma a arenio mataiti okotai e te kino kore: 30 E to te reira mineka, e to te reira au neseka, to te au bovi, to nga rama, e to te au arenio ra, ka akono ia i te tatau kia tataua ratou, mei tei akakiteia ra: Okotai oki puaka-nio ei tarangaara; e te tusia karakaratio tamou katoa ra, e to reira mineka, e to reira neseka.

32 E kia tae ki te itu o te rā ra, e itu ia bovi, e rua rama, okotai ngauru ma a arenio mataiti okotai e te kino kore: 33 E to te reira mineka, e to te reira au neseka, to te au bovi, to nga rama, e to te au arenio ra, ka akono ia i te tatau kia tataua ratou, mei tei akakiteia ra: Okotai oki puaka-nio ei tarangaara; e te tusia karakaratio tamou katoa ra, e to reira mineka, e to reira neseka.

35 E kia tae ki te varu o te rā ra, e uipa anga tapu ia no kotou, auraka rava kotou e rave i te angaanga i reira: 36 E apai ra kotou i te bovi okotai, e te rama okotai, e te au arenio mataiti okotai, e te kino kore, e itu; ei tusia karakaratio, ei tusia ai aunga kakara na Iehova ra: E to te reira mineka, e to te reira au neseka, to te bovi, to te rama, e to te au arenio ra, ka akono ia i te tatau kia tataua ratou, mei tei 38 akakiteia ra: Okotai oki puaka-nio ei tarangaara; e te tusia karakaratio tamou katoa ra, e to reira mineka, e to reira neseka.

39 Ko te reira ta kotou e apai kia Iehova ra i ta kotou au oroa i akonoia ra, ko ta kotou ia tusia karakaratio, e ko ta kotou ia mineka, e ko ta kotou ia neseka, e ko ta kotou ia tusia au, te taka ra ta kotou au tia, e ta kotou au tusia apai ua ra.

40 E kua akakite aturā Mose ki te tamariki a Iseraela i te au mea ravarai ta Iehova i akaue mai kia Mose ra.

PENE XXX.

No te au tia kia akono meitakiia e tika'i.

- 1 KUA karanga aturā Mose ki te aronga mamaata i te au kopu i te tamariki a Iseraela, na ko atura, Teia te tuatua ta Iehova i akaue mai.
- 2 Kia tia te tangata i te tia ia Iehova ra, e kia taputou oki i te taputou akamou

iaia uorai: auraka rava aia e akaatikau
i tana tuatua, e rave aia i te au mea
katoa ta tona vaa i tuatua ra. E kia
tia oki te vaine i te tia ia Iehova ra, e
kia tuatua aia e tamou iaia uorai e
rave ra, e tei roto rai aia i te ngutuare
o tona metua tane, e e vaine ou; E kia
akarongo tona metua tane i taua tia
nana ra, e tana tuatua akamou iaia
uorai ra, e kua akatika muteki ua
tona metua tane: ka mou taua au tia
katoa nana ra, e te au tuatua katoa
tana i akamou iaia uorai ra, ka mou
ia. Kia kore ra tona metua tane i
akatika mai iaia i te rā i kite ei aia ra;
kare rava tetai o tana au tia, e tana
tuatua i tana i tamou iaia uorai ra, e
mou: e na Iehova e akakore mai i tana
ara, no te mea kare tona metua tane
aia i akatika mai. E tia ta te vaine
noo tane ra, e i tuatua tona vaa, e kua
mou aia i tana uorai tuatua; E kite
akera tana tane, kua akatika muteki
ua aia i te rā i akarongo ci aia ra;
ka mou rava tana tia i reira, e te au
tuatua tana i akamou iaia uorai ra, ka
mou ia: Kia kore ra tana tane i akatika
mai iaia i te rā i kite ei aia ra, e aka-
kore aia i taua tia nana tana i tia ra, e
ta to na vaa i tuatua ra, i tana i tamou
iaia uorai ra; e na Iehova e akakore
i tana ara. Kareka te tia a te vaine
takana i mate te tane ra, e ta tei aka-
takaia ra, i ta ratou i tamou ia ratou
uorai ra, ka mou ia ta ratou. E kia
tia te vaine i te noo anga i te ngutuare
o te tane ra, e kia tamou iaia uorai i
te tuatua taputou ra; E kite akera
tana tane, kua akatika muteki ua aia,
kare i akakore i tana tuatua; e mou
tana au tia katoa i reira, e te au tuatua
ravarai tana i tamou iaia uorai ra, ka
mou katoa ia. Kua akakore ra tana
tane i tana tuatua i te rā i kite ei aia
ra; kare rava te au tuatua katoa no
roto i tona vaa, i tana i tia ra, e tana i
tamou iaia uorai, e mou i reira: kua
akakoreia e tana tane; e na Iehova e
akakore i tana ara. Te au tia katoa, e
te au taputou tamou taakaaka iaia uo-
rai ra, e tika i tana tane kia akamou,
e tika oki i tana tane kia akakore.
Kia muteki ua ra tana tane i tera rā
i tera rā; kua akamou aia i te au tia
katoa nana i reira, e tana au tuatua
tamou katoa, e vai ki runga iaia ra;
kua akamou oki aia, no te mea kua
muteki ua aia i te rā i kite ei aia ra.
Kua kite takere ana ra aia i tana au
tia e na muri ake aia i te akakore, ei
runga iaia tana ara vai ei. Ko nga
akonoanga cia ta Iehova i akaue mai

kia Mose ra, no te tane e tana vaine,
no te metua tane e tana tamaine ou, i
te are o tona metua ra.

PENE XXXI.

*Te pou anga o te ngati Midiana, e te
matenga o Balaama: te tua anga i te
apinga i rauka i te tamaki ra.*

- 1 KUA tuatua maira Iehova kia Mose,
- 2 na ko maira, E tutaki atu koe i
te ngati Midiana i te tamariki a Iseraela
nei: e muri akera ka kapiti katoaia
- 3 atu koe ki toou ra iti-tangata. Kua
karanga aturā Mose ki te au tangata
ra, na ko atura, Ka rakei ana tetai pa-
paki o kotou na ki te rakei tamaki, e
aere ka tamaki ei ki te ngati Midiana,
ka tutaki atu ei i te ngati Midiana i te
- 4 tutaki a Iehova ra. Okotai kopu oko-
tai tausani, ta kotou e tuku ki te ta-
maki, e pini ua ake te au kopu ravarai
- 5 i Iseraela nei. Ikiia iora taki tai tau-
sani i te kopu okotai no roto i te au
tausani o Iseraela, okotai ngauru e rua
ara i te tausani, ma te rakei tamaki
- 6 katoa. Kua akaue aturā Mose ia ratou
e aere ki te tamaki, taki tai tausani to
te kopu okotai e pini ua ake, ko ratou,
e ko Phineaza te tamaiti a Eleazara
taunga ra, ki te tamaki ra, e nga taoo-
nga tapu ra, koia nga pu, i te rima ei
- 7 akatangia anga. Tamaki atura ratou ki
te ngati Midiana, i ta Iehova i akaue
mai ia Mose ra; e ope rava akera te
- 8 au tane i te mate ia ratou. E te au
ariki o Midiana tei ta katoaia e ratou i
runga i te aronga i taia ra, ko Evi, e
ko Rekema, e ko Zuri, e ko Hura, e
ko Reba; nga ariki toko rima o Midia-
na ra: e kua ta katoa oki ratou ia
Balaama te tamaiti a Beora ki te koke.
- 9 Riho mai nei te au vaine, e te au ta-
mariki mea riki katoa a Midiana ei
tuikaa i te tamariki a Iseraela, ope
rava maira oki ta ratou puaka, e ta
ratou anana, e ta ratou apinga tini
- 10 ravarai, i te noniia e ratou. E tutungi
atura oki ratou i to ratou au oire katoa,
e te au punanga katoa, i nooia e ratou,
11 ki te ai. Kua noni iora ratou i te au
mea katoa, e te au apinga ravarai, ma
- 12 te tangata e te puaka katoa. E kua
apai maira ratou i te au tuikaa, e te au
mea i āruia, e te apinga, kia Mose, e
kia Eleazara taunga ra, e ki te uipānga
tamariki a Iseraela, ki te puakapa i
taua ngai mataataa i Moabi ra, i tetai
pae Ioridana i aite ki Ieriko ra.
- 13 Aere aturā Mose, e ko Eleazara tau-
nga, e te aronga mamaata o te uipānga
katoa ra, e aravei atu ia ratou ki vao.

mai i te puakapa ra. E riri aturā 14
Mose ki te aronga rangatira i taua
nuku ra, ki te au kapena tausani, e te
au kapena anere, ko te aere mai mei
te tamaki maira. Kua karanga aturā 15
Mose kia ratou, Kua akaora ravarai
ainēi kotou i te au vaine? I na, na 16
ratou i ara ai te tamariki a Iseracla ia
Iehova i te tuatua a Balaama i Peora
ra, rokoia iora te uipānga o Iehova e te
maki-mate. E tenana, e ta i te au 17
tamariki tamaroa ravarai i roto i te au
tamariki na, e ta katoa oki i te au vaine
i kite i te tangata i te moe anga ki te
tane ra. Kareka i te tamariki tamaine, 18
kare i kite i te tane i te moe angaia ra,
e akaora ia na kotou uorai. E noo 19
oki kotou ki vao i te puakapa nei e kia
po itu ake: e ko tei mate iaia te tan-
gata ra, e ko tei arapaki oki i te
tangata mate, e tamā aia iaia uorai,
kia tae ki te po toru, e te po itu rai.
Te au kakau katoa ra, e te au apinga 20
kiri katoa ra, e te au mea katoa i
angaia i te uru puaka-nio ra, e te au
mea rakau katoa, e tamā katoa kotou
i te reira.

Kua karanga aturā Eleazara taunga 21
ki te au tangata tamaki mei te tamaki
maira, Teia te akonoanga i te ture ta
Iehova i akaue mai kia Mose: Ko te 22
auro, e te ario, te veo, te auri, te bidila,
e te tapou, Ko te kore e pou i te ai ra,
e tuku ia kotou ki roto i te ai, ka mā 23
ia i reira; ka tamāia ra ki te vai tamā
ra: e te kore e tika kia tuku i te ai ra,
ka tuku kotou i te reira ki raro i te
vai. E tatā oki kotou i o kotou kakau, 24
kia tae ki te po itu ra, ka mā atu ei, e
muri ake e tae mai ia kotou ki roto i te
puakapa nei.

Kua tuatua mairā Iehova kia Mose, 25
na ko maira, Ka tataua ana koe i te au
mea katoa no te āru ra, ko te tangata e
te puaka: ko koe, e ko Eleazara taunga
ra, e te aronga mataiapo tutara no te
uipānga nei: Ka tua'i i te au mea 27
ravarai no te āru ra; kia rua ake
tuanga, ta te aronga i aere ki te tama-
ki, e kua tamaki ra, e ta te uipānga
katon ra: Ka rave ei koe i te mataiā 28
na Iehova no roto i te tuanga a te au
tangata tamaki i aere ki te tamaki, e
rima anere ra, okotai aau e rave, i to te
tangata, e to te bovi, e to te asini, e to
te mamoe; Ka rave i te reira no roto i 29
ta ratou tuanga, ka apai atu ei kia Ele-
azara taunga ra, ei terume na Iehova.
E ta te tamariki a Iseracla tuanga, ta- 30
taki tai i te rima i te ngauru taau e rave
mai, i to te tangata, to te bovi, to te
asini, e to te mamoe, to te au puaka ka-

toa ra, ka apai atu ei ki te ngati Levi,
tei ia ratou te tiaki i te akonoanga i te
sekene o Iehova ra.

31 Kua pera oki a Mose raua ko Ele-
azara taunga, i ta Iehova i akaue mai
32 kia Mose ra. E taua apinga i āru ra,
i tei toe i ta te au tangata tamakii rave
maira, e ono ia anere e itu ngauru e
33 rima ara i te tausani o te mamoe, E itu
ngauru anga e rua ara i te tausani i te
34 bovi, E ono oki ngauru ma tai i te
35 tausani i te asini, E toru oki ngauru e
rua ara i te tausani i te tangata, e vaine
anake ia kare rai i kite i te tane i te moe
36 angaia ra. E tetai afa, te tuanga a te
aronga i aere ki te tamaki ra, e toru ia
anere e toru ngauru ma itu i te tausani,
e rima anere, i te mamoe kia tataua ra:
37 E te mataiā a Iehova i taua au mamoe
ra, e ono ia anere, e itu ngauru, e rima
38 ara ra. E te au bovi ra, e toru ia ngau-
ru e ono ara i te tausani; e te mataiā
a Iehova no roto i te reira ra, e itu ia
39 ngauru ma rua. E te au asini ra, e
toru ia ngauru i te tausani, e rima
anere; e te mataiā a Iehova no roto i te
reira ra, e ono ia ngauru e okotai ara.
40 E te au tangata ra, okotai ia ngauru
ma ono i te tausani; e te mataiā a Ie-
hova no roto ia ratou ra, e toru ia ngau-
41 ru ma rua. E kua apai aturā Mose
i taua mataiā ra, i te terume a Iehova
42 i akaue mai kia Mose ra. E to te tua-
nga a te tamariki a Iseracla, ta Mose i
rave i te aronga i aere ki te tamaki ra,
43 I te tuanga a te uipānga, e toru anere e
toru ngauru ma itu i te tausani, e rima
44 anere, i te mamoe, E toru ngauru e ono
45 ara i te tausani i te bovi, E toru oki
ngauru i te tausani, e rima anere, i te
46 asini, Okotai ngauru oki ma ono i te
47 tausani i te tangata; To taua tuanga a te
tamariki a Iseracla ra, kua rave iora
Mose i to te reira katoa taki tai i te
rima ngauru, i to te tangata, e to te
puaka, e kua tuku atura ki te ngati
Levi ra, tei ia ratou te tiaki i te akono-
anga i te sekene o Iehova: i ta Iehova
i akaue mai kia Mose ra.

48 Kua aere maira te au rangatira no
runga i te au tausani i taua nuku
ra, te au kapena tausani, e te au
49 kapena anere, kia Mose ra: Kua tua-
tua maira ratou kia Mose, I tataua ana
toou au tavini i te au tangata tamaki i
raro ake ia matou nei, e kare tetai o
50 matou nei i riro. E teianei i apai
mai nei matou i tetai korebana na Ie-
hova, i tei rauka ia matou ra, i te api-
nga auro ra, i te pirianganaoa, e te ta-
peka, te momono-rima, te poe, e te

tatua, ei tapokiangaara na matou ki mua i te aroaro o Iehova. Kua rave aturā 51
Mose raua ko Eleazara taunga i ta ratou katoa ra au apinga auro i angaia ra. E te rai o taua auro katoa ra i te 52
terume ta te au kapena tausani, e te au kapena anere, i apai na Iehova ra, okotai ia ngauru ma ono i te tausani, e itu anere, e rima ngauru i te sekela. Ko ta te au tangata tamaki ia i rauka, 53
ko te tangata ko tana, ko te tangata ko tana. Kua rave iorā Mose raua ko 54
Eleazara taunga ra i taua auro a te au kapena tausani, e te kapena anere ra, e kua apai atura ki roto i te Are uipānga, ei manakoanga i te tamariki a Iseraela ki mua i te aroaro o Iehova ra.

PENE XXXII.

Te pati ra te tamariki a Reubena, e te tamariki a Gadā, i ta ratou tuanga enua i tetai pae Ioridana: kua akatikaua e Mose, e rauku iora.

EPUAKA maata roa ta te tamariki a Reubena, e ta te tamariki a Gadā ra: e kite akera ratou i te enua ra ko Iazera, e te enua ra ko Gileada, e i na, e ngai puaka taua ngai ra. Kua aere maira te tamariki a Gadā, e te tamariki a Reubena, kua tuatua maira kia Mose raua ko Eleazara taunga ra, e te aroanga mamaata o te uipānga ra, na ko maira, *Te enua ra*, ko Atarota, e ko Dibona, e ko Iazera, e ko Nimera, e ko Hesebona, e ko Eleale, e ko Sebama, e ko Nebo, e ko Beona, I te enua i pou io nei ia Iehova ki mua i te aroaro o te uipānga *tamariki* a Iseraela nei, e enua *meitaki* no te puaka, e e puaka oki ta to au tavini nei. E kua tuatua maira ratou, Kia kite aroaia mai matou e koe ra, kia orongaia mai taua enua nei no to au tavini ei nooangi, e auraka matou kia tae ki tetai pae Ioridana nei.

Kua karanga aturā Mose ki te tamariki a Gadā, e te tamariki a Reubena ra, Ko to kotou ai tueake aina te ka aere ki te tamaki, e e noo ua kotou i ko nei? Eaa oki kotou e akataitaua i te ngakau o te tamariki a Iseraela i te aerenga ki te enua i orongaia mai e Iehova no ratou ra? I pera oki to kotou na ai metua, iaku i tono ia ratou mei Kadesi-baranea atu e tutaka i te enua ra. Tae atura oki ratou ki te o ra ko Esekola, e kite akera ratou i taua enua ra, kua akataitaua maira ratou i te ngakau o te tamariki a Iseraela, kia kore ratou e tac ki te enua ta Iehova i oronga mai no ratou. Tupu iora te riri o Iehova i reira, e kua taputou iora aia,

11 na ko akera, Kare rava tetai o te au tangata mei Aiphiti maira, i tei tae ki te takau okotai o te mataiti e te ara atu, e kite i te enua taku i taputou atu kia Aberahama, kia Isaaka, e kia Iakoba ra: no te mea kare ratou i aru 12
totomapu mai iaku ra; Mari ra ko Kaleba te tamaiti a Iephune ngati Kenezi ra, e ko Iosua te tamaiti a Nuna ra: no te mea kua aru totomapu raua 13
ia Iehova ra. Tupu iora te riri o Iehova ia Iseraela, vaoo iora aia ia ratou kia aere ua ana i roto i te medebara e a akera ngauru anga i te mataiti, e ope roa akera te reira uki, i tei akatupu i te tuatua kino ki mua i te aroaro o Iehova, 14
i te mate. E i na, tupu akenei kotou ei tupau i to kotou ai metua ra, ei uki tangata rave ara, ei akamaata rai i te riri viviki o Iehova ia Iseraela. Kia anga ke oki kotou iaia, ka vaoo akaou rai aia ia ratou i roto i te medebara; e pou iora teia aronga katoa nei i te mate ia kotou. 16
Kua akavaitata maira ratou kiaia, e kua tuatua maira, *E koro matou* i te kainga i ko nei no ta matou au puaka, e e akatu matou i te oire no ta matou 17
au tamariki: Kareka matou, ka aere ia matou ma te taonga tamaki katoa na mua i te tamariki a Iseraela, e tae ua atu ratou ki to ratou ngai ia matou nei: ka noo ua ta matou au tamariki i roto i te au oire i patuia ra, no te tangata oki o taua enua nei. Kare matou e oki ki to matou au ngutuare, e kia rauka roa ta te tamariki katoa a Iseraela ra tuanga. Kare oki matou e noo katoa i roto ia ratou i tera pae Ioridana; kia riro mai ta matou tuanga i teia pae Ioridana, i te pae i te itinga o te rā nei. 20
Kua karanga aturā Mose kia ratou, Kia pera kotou na, kia na mua kotou ia Iehova ma te taonga tamaki katoa i te aerenga ki te tamaki: Kia na mua kotou katoa ia Iehova i te aere ki tetai pae Ioridana, ma te taonga tamaki katoa, e kia pueurikiriki ke tona au 22
enemi iaia ki vao ra, E pou ake taua enua ra ki mua i te aroaro o Iehova; ka oki mai ia kotou i reira, ma te ara kore ki mua ia Iehova, e ki mua katoa ia Iseraela; e no kotou teianei enua ei nooanga ki mua i te aroaro o Iehova. 23
Kia kore ra kotou e akapera ra, i na, kua ara ia kotou ia Iehova ra; kia kito tikai kotou e, ka rokoia kotou e ta 24
kotou ara. Ka akatu i te oire no ta kotou au tamariki, e te koro no ta kotou au anana: e te tuatua ta to kotou 25
au vaa i tuatua maira, e rave. Kua tuatua maira taua tamariki a Gadā ra, e te tamariki a Reubena, kia Mose, na

ko maira, Ka pera toou au tavini i ta taku pu e akaue mai na. Ta matou au 26 tamariki, ta matou au vaine, te au ana-na katoa, e te au puaka, ei roto ia i te au oire i Gilenda: Ka aere ra toou au 27 tavini ki tera pae *vai*, te tangata katoa ma te taonga tamaki katoa, ki mua i te aroaro o Iehova ei tamaki, ta taku pu e tuatua mai na. Kua ikuiku iorā Mose 28 ia Eleazara taunga, e ia Iosua te tamaiti a Nuna ra, e te aronga mataiapo tutara no te au kopu tamariki a Iseraela ra, ia ratou: Kua karanga aturā Mose 29 kia ratou, Kia aere katoa te tamariki a Gada, e te tamariki a Reubena, te au tangata ravarai ma te taonga tamaki, ma kotou ki mua i te aroaro o Iehova, ki tetai pae Ioridana, e eke iora te enua ki mua ia kotou; ei reira kotou ka apai atu ei i te enua ra ko Gilenda no ratou ei noonga: Kia kore ra ratou e tae katoa ki tetai pae *Ioridana*, ma te taonga tamaki katoa, ei roto katoa ia kotou na ta ratou ra tuanga i te enua ra i Kanaana. Kua tuatua maira te tamariki 31 a Gada, e te tamariki a Reubena, na ko maira, Ko ta Iehova i tuatua mai ki to au tavini nei, ko ta matou ia e rave. E 32 na mua matou ia Iehova ma te taonga tamaki katoa ki te enua ra ki Kanaana, ei ko nei ra ta matou ra tuanga i to matou kainga, ei teia pae Ioridana. Kua oronga aturā Mose i te basileia o 33 te ariki o te ngati Amori ra, ko Sihona, e te basileia o te ariki o Basana ra, ko Oga, no te tamariki a Gada, e no te tamariki a Reubena, e no tetai pae i te kopu o Manase te tamaiti a Iosepha ra; te enua, e te au oire i roto i te au kotinga ra, e te au oire no te enua e pini ua ake. E kua patu akera 34 te tamariki a Gada i te oire ra, ko Dibona, e ko Atarota, e ko Aroera, E ko 35 Aterota, ko Sophana, e ko Iazera, e ko Iogebela, E ko Bete-nimera, e ko Bete- 36 harana, e aronga oire patu ia; e kua rave katoa i te koro no te au mamoe. E kua patu te tamariki a Reubena ia 37 Hesebona, e ko Eleale, e ko Kiriataima, E ko Nebo, e ko Baala-meona, (kua 38 akaingoa keia taua au oire ra,) e ko Sibema, e kua tapa atura i te ingoa ou i taua au oire ta ratou i patu ra. E 39 aere atura te tamariki a Makira te tamaiti a Manase ra ki Gilenda, e pou iora ia ia ratou, eke iora te ngati Amori i noo i reira. Oronga aturā Mose ia 40 Gilenda kia Makira te tamaiti a Manase ra; noo iora i reira. E kua aere iorā 41 Iaira te tamaiti a Manase ra, kua rave iora i te au vila, tapa iora te *ingoa* ko Havota-iaira. Kua aere iorā Noba, kua 42

rave iora i te oire ra ko Kenata, e to reira oki au vila, tapa iora oki i te *ingoa* ko Noba, tona uaorai ingoa.

PENE XXXIII.

Te au aerenga o Iseraela ra e a ngauru ma rua. Kia pou te ngati Kanaana e tika'i.

- 1 **K**O te au aerenga teia o te tamariki a Iseraela, ko tei aere mai mei te enua maira mei Aiphiti, ma to ratou au nuku i raro ake ia Mose raua ko Aaro-
- 2 na ra. E na Mose i tata i te au ngai i aeracia e ratou i to ratou au aerenga i te akaue a Iehova ra: e teia oki to ratou au aerenga, e ta ratou au ngai i aere
- 3 ra. Aere maira ratou mei Ramese mai i te marama mua ra, i te ngauru ma rima o te rā i taua marama mua ra; i te pasa ra kia ao akera, to te tamariki a Iseraela riro anga mai ma te autu ki mua i te aroaro o te Aiphiti katoatoa
- 4 ra. Te tanu ra oki to Aiphiti i te au tama mua ravarai i taia e Iehova i o ratou ra: e kua pou katoa to ratou au
- 5 atua ia Iehova. Aere maira te tamariki a Iseraela mei Ramese mai, e kua patia iora i te puakapa i Sukota.
- 6 Aere maira ratou mei Sukota mai, patia iora i te puakapa i Etama, i te
- 7 pae o te medebara ra. Aere maira ratou mei Etama mai, e kua anga akera ki Pi-hahirota, i vaitata i Baala-zephona: patia iora ratou i te puakapa
- 8 ki mua atu i Migadola. Aere maira ratou mei Pi-hahirota mai, e na raro maira i te tai e ki roto i te medebara, e po toru akera i te aerenga na roto i te medebara ra ko Etama, patia
- 9 iora i te puakapa i Mara. E mei Mara maira oki, aere ratou ki Elima: e punavai tei Elima okotai ngauru ma rua, e itu ngauru oki tamara; patia
- 10 iora ratou i te puakapa i reira. Aere maira ratou mei Elima mai, patia iora
- 11 i te puakapa i te tai muramura. Aere maira ratou mei te tai muramura mai, patia iora i te puakapa i te medebara
- 12 ra ko Sini. Aere maira ratou mei te medebara mai ko Sini, patia iora i te
- 13 puakapa i Dopheka. Aere maira ratou mei Dopheka mai, patia iora i te
- 14 puakapa i Alusa. Aere maira ratou mei Alusa mai, patia iora i te puakapa i Replidima, kare o reira vai na te ta-
- 15 ngata kia inu. Aere maira ratou mei Replidima mai, patia iora i te puakapa
- 16 i te medebara ra ko Sinai. Aere maira ratou mei te medebara ra ko Sinai, patia iora i te puakapa i Kiberota-
- 17 hataava. Aere maira ratou mei Kibe-

rota-hataava: patia iora i te puakapa i Hazerota. Aere maira ratou mei Haze- 18
rota mai, patia iora i te puakapa i Ritima. Aere maira ratou mei Riti- 19
ma mai, patia iora i te puakapa i Rimona-pareza. Aere maira ratou mei 20
Rimona-pareza mai, patia iora i te puakapa i Libena. Aere maira ratou mei 21
Libena mai, patia iora i te puakapa i Risa. Aere maira ratou mei Risa mai, 22
patia iora i te puakapa i Kehelata. Aere maira ratou mei Kehelata mai, 23
patia iora i te puakapa i te maunga ra ko Saphera. Aere maira ratou mei te 24
maunga maira ko Saphera, patia iora i te puakapa i Harada. Aere maira ra- 25
tou mei Harada mai, patia iora i te puakapa i Makelota. Aere maira ratou 26
mei Makelota mai, patia iora i te puakapa i Tahata. Aere maira ratou 27
mei Tahata mai, patia iora i te puakapa i Tara. Aere maira ratou mei Tara 28
mai, patia iora i te puakapa i Miteka. Aere maira ratou mei Miteka mai, 29
patia iora i te puakapa i Hasamona. Aere maira ratou mei Hasamona mai, 30
patia iora i te puakapa i Moserota. Aere maira ratou mei Moserota mai, 31
patia iora i te puakapa i Bene-iaakana. Aere maira ratou mei Bene-iaakana 32
mai, patia iora i te puakapa i Hora-hagidagada. Aere maira ratou mei 33
Hora-hagidagada mai, patia iora i te puakapa i Iotabata. Aere maira ratou 34
mei Iotabata mai, patia iora i te puakapa i Aberona. Aere maira ratou 35
mei Aberona mai, patia iora i te puakapa i Eziona-gebera. Aere maira 36
ratou mei Eziona-gebera mai, patia iora i te puakapa i te medebara ra ko Zini,
koa Kadesa ra. Aere maira ratou 37
mei Kadesa mai, patia iora i te puakapa i te maunga ra ko Ilora, i te pae o te
enua ra ko Edoma.

Aere aturū Aaronā taunga i te akaue 38
a Iehova ki rungao i te maunga ra ko Hora, mate iora aia i reira, i te a o te
ngauru anga o te mataiti o te aere anga mai o te tamariki a Iseraela mei te
enua maira mei Aiphiti, i te rā mua o te marana rima ra. Kua tae a Aaronā 39
ki te anere okotai, e rua oki ngauru e toru ara, o tona mataiti, i mate ei aia ki
runga i taua maunga ra ko Hora. Kite 40
akera te ngati Kanaana, ariki o Arada i noo i te pae i apatonga i te enua ra
ko Kanaana ra e, te aere maira te tamariki a Iseraela ra.

Aere maira ratou mei te maunga 41
maira mei Hora, patia iora i te puakapa i Zalemona. Aere maira ratou mei 42
Zalemona mai, patia iora i te puakapa

43 i Punona. Aere maira ratou mei Pu-
nona mai, patia iora i te puakapa i
44 Obota. Aere maira ratou mei Obota
mai, patia iora i te puakapa i Ie-abari-
45 ma i te pae o Moabi ra. Aere maira
ratou mei Ie-*abarima* mai, patia iora i
46 te puakapa i Dibona-gada. Aere mai-
ra ratou mei Dibona-gada mai, patia
iora i te puakapa i Alamona-dibilatai-
47 ma. Aere maira ratou mei Alamona-
dibilataima mai, patia iora i te puakapa
i te au maunga ra ko Abarima, ki mua
48 mai i te *maunga* ra ko Nebo: Aere
maira ratou mei taua au maunga maira
mei Abarima mai, patia iora i te pu-
akapa i te ngai mataataa i Moabi ra, i te
49 pae Ioridana i *vaitata* i Ieriko ra. Patia
iora ratou i te puakapa i te pae Iorida-
na, mei Bete-icsimota mai, e tae roa
akera ki Abela-sitima i te ngai mataa-
taa i Moabi ra.

50 Kua tuatua mairā Iehova kia Mose
i taua ngai mataataa i Moabi ra, i te
pae Ioridana, i *vaitata* i Ieriko ra, na
51 ko maira, E karanga atu koe ki te
tamariki a Iseraela, e na ko atu koe kia
ratou, Kia tae kotou ki tetai pae Iori-
52 dana ki te enua ra ko Kanaana; E
arumaki kotou i to taua enua ra i mua
ia kotou, e kia akangaa roa oki i ta ra-
tou au toka i akatikitikiia ra, e akapou
takiri roa oki kotou i to ratou au idolo
i akatoia ra, e uritumu roa oki kotou i
53 to ratou au ngai teitei ra: E rave oki
kotou i taua enua ra kia noo kotou i
reira; kua oronga oki au i taua enua
ra no kotou ei nooanga. E tua kelero
54 oki i taua enua ra no to kotou ra au
kopu-tangata, ei nooanga; e e maata ra,
ei tuanga maata ta kotou e oronga atu,
e e iti ra, ei tuanga iti ta kotou e oron-
ga atu: ei te ngai i rauka iaia i te
kelero ra, ei reira tana *tuanga*; e ako-
no rai i te au kopu o to kotou ra ai
55 metua ka noo ei kotou. Kia kore ra
kotou e arumaki i to taua enua ra i
mua ia kotou ra; ka riro te aronga e
toe ia ratou ra, ei tara i roto i to kotou
mata, e ei tao i roto i to kotou kaokao,
e ka taeko ratou ia kotou i to kotou
56 noo anga i te enua ra. E taku i
manako e rave ia ratou ra, ka riro au i
te akapera atu kia kotou.

PENE XXXIV.

*Te au kotinga o te enua i orongaia
maira, e te aronga e tua i taua enua
ra.*

1 **K**UA tuatua mairā Iehova kia Mose,
2 na ko maira, E akaue atu koe
ki te tamariki a Iseraela, e na ko atu

kia ratou, Tena ka tae kotou ki te enua ra ko Kanaana, ko te enua e iro ei nooanga no kotou, ko Kanaana ia enua e tona au kotinga: Ko te openga mai o to kotou pae i te pae apatonga ra, e te medelara ra ia i Zini i tei piri tika atu ki Edoma ra, e to kotou kotinga i te pae i apatonga ra, ko te openga mai ia o te tai taitai ra, i te pae i te itinga o te rā ra: E taua kotinga no kotou i te pae i apatonga ra, e akaapepe ia ki te aerenga ki runga i te maunga ra ko Akarabima, e aere tika atu ei ki Zini; ka aere roa atu ei na Kadesa-barenea, i te pae i apatonga, e tae roa atu ki Hazara-adara, ka aere roa atu ei ki Azamone: E mei Azamone oki e akaapepe taua pae ra e tae ua atu ki te vai roa i Aipluti ra, e te openga o taua kotinga ra ko te tai ia. E to kotou kotinga i te pae i te opunga o te rā ra, ko te tai maata ra ia te kotinga: ko to kotou ia kotinga i te pae i te opunga o te rā ra. Teia oki to kotou kotinga i te pae i apatokerau ra: mei te tai maata ra e tae ua atu ki te maunga ra ko Hora, ta kotou ia e akairo: Mei te maunga ra oki mei Hora ta kotou ia e akairo e tae roa atu ki te tomoanga ki roto i te oire ra ko Hamata; ka aere roa atu ei taua kotinga ra e ki Zedade: E tae roa oki taua kotinga ra ki Zipherone, e te openga mai o taua kotinga ra ei Hazara-enana ia: ko to kotou ia kotinga i te pae i apatokerau ra. E to kotou kotinga i te pae i te itinga o te rā ra, ko ta kotou ia e akairo, mei Hazara-enana mai, e tae ua atu ki Sephama; Na Sephama oki e tae ua atu ki Ribela taua kotinga ra, na te pae i te itinga o te rā i Aina; ka eke tika atu ei taua kotinga ra, e tae ua atu ki te pae roto ra ko Kinereta, i te pae i te itinga o te rā ra: E na Ioridana taua kotinga ra i te aere, e ei te tai taitai ra kokoti mai ei. Ko to kotou ia enua, e tona au kotinga e pini ua ake.

Kua akaue aturā Mose ki te tamarii a Iseraela, na ko atura, Ko te enua teia e rauka kelerō ia kotou, i ta Iehova i akaue mai e e apai no nga kopu e iva, e no te kopu veenga ra: Ko te kopu ra oki o te tamariki a Reubena, i te akonoanga i te ngutuare o to ratou ai metua, e te kopu o te tamariki a Gada ra, i te akonoanga i te ngutuare o to ratou ai metua, e te kopu veenga o Manase ra, kua rauka ia to ratou tuanga: Ko nga kopu e rua ra, e te kopu veenga ra, kua rauka ta ratou tuanga i teia pae Ioridana, i te pae i te itinga o te rā i aite ki Ieriko ra.

16 Kua tuatua mairā Iehova kia Mose, 17 na ko maira, Teia te ingoa o te au tangata te ka tua i te enua no kotou: Ko Eleazara tauanga ra, e ko Iosua te 18 tamaiti a Nuna ra. E kapiti katoa atu kotou i te mataiapo, okotai kopu okotai mataiapo, ei tua i taua enua ra. 19 Teia oki te ingoa o taua aronga tangata ra: To te kopu o Iuda ra, ko Kalebā ia 20 te tamaiti a Iephune: To te kopu o te tamariki a Simeona ra, ko Semuela ia, 21 te tamaiti a Amiuda: To te kopu o Beniamina ra, ko Elidada ia, te tamaiti 22 a Kiselona: E te mataiapo o te kopu o te tamariki a Dana ra, ko Buki ia, 23 te tamaiti a Iogali: E te mataiapo o te tamariki a Iosepha i te kopu o te tamariki a Manase ra, ko Hameli ia, te 24 tamaiti a Ephoda: E te mataiapo o te kopu o te tamariki a Epheraima ra, ko Kemuela ia, te tamaiti a Siphitana: 25 E te mataiapo o te kopu o te tamariki a Zebuluna ra, ko Elizaphana ia, te tamaiti 26 maiti a Paranaka: E te mataiapo o te kopu o te tamariki a Isakara ra, ko 27 Palatiela ia, te tamaiti a Azana: E te mataiapo o te kopu o te tamariki a Asera ra, ko Abiuda ia, te tamaiti a 28 Selomi: E te mataiapo o te kopu o te tamariki a Naphatali ra, ko Pedahela 29 ia, te tamaiti a Amiuda. Ko te aronga teia i akaucia e Iehova e tua i ta te tamariki a Iseraela tuanga i te enua ra ko Kanaana.

PENE XXXV.

Te au oire o te ngati Levi e te au kainga i vao ake: te au oire akapuanga; e te ture no te ta tangata.

1 **K**UA tuatua mairā Iehova kia Mose i te ngai mataataa i Moabi, i te pae Ioridana i aite ki Ieriko ra, na ko maira, E akaue atu koe i te tamariki a Iseraela, e apai ratou i te au oire no te ngati Levi, ei nooanga no roto i ta ratou ra tuanga i rauka ra; e ei kainga katoa to vao mai i taua au oire no ratou ra ta kotou e apai no te ngati Levi ra. 3 Ei nooanga taua au oire no ratou, e te au kainga i vao ake no ta ratou au puaka, e te au apinga, e te au puaka 4 ravarai na ratou ra. E te au kainga i vao mai i te au oire ra, ta kotou e apai no te ngati Levi ra, kia okotai tausani ia i te kubiti ki vao mai i te patu o te 5 oire e pini ua ake. E na kotou e anga i vao mai i te oire kia rua tausani i te kubiti, i te pae i te itinga o te rā ra, e kia rua tausani i te kubiti i te pae i apatonga, e kia rua tausani i te kubiti i te pae i te opunga o te rā, e kia rua

tausani i te kubiti i te pae i apatokerau
ra; e ei rotopu oki te oire: ko ta ratou
ia ei au kainga no vao mai i te au oire.
E akataka oki kotou i e ono puke oire
no roto i te au oire ta kotou e apai no
te ngati Levi ra, e *oire* akapuanga ia
no te ta tangata, kia oro aia ki reira,
ko te reira au oire e a ngauru ma rua
ta kotou e o atu katoa atu. Ko te au
oire katoa ta kotou e apai no te ngati
Levi ra, e a ia ngauru e varu ara; ko
te reira, e te au kainga katoa i vao ake.
E taua au oire ta kotou e apai no roto
i te tuanga a te tamariki a Iseraela ra;
ko ta te aronga e maata to ratou ra, kia
maata ta kotou e apai; ko ta te aronga
ra e iti to ratou ra, kia iti katoa ta ko-
tou e apai: ka akono rai te tangata
ravarai i tana e oronga i roto i tona au
oire no te ngati Levi, kia tau tikai ki
tana tuanga i rauka iaia.

Kua tuatua mairā Iehova kia Mose,
na ko maira, E karanga atu ki te tama-
riki a Iseraela, e na ko atu kia ratou,
Kia tae kotou ki tetai pae Ioridana ki
te enua ra ko Kanaana; Ei reira kotou
ka iki ei i te au oire no kotou ei oire
akapuanga; kia oro te ta tangata i
reira, ko tei mate te tangata iaia kare
aia i kite ra. E ei oire akapuanga te
reira ia kotou i te akamopuku; kia
kore te ta tangata e mate, kia tae ra
aia ki mua i te aroaro o te uipānga i te
akava anga ra. Kia ono rai o kotou
oire akapuanga i te au oire ta kotou e
apai no te ngati Levi ra. Kia toru o
kotou oire e oronga i teia pae Ioridana,
e kia toru oki o kotou oire e oronga
i te enua ra i Kanaana, ko te ka
riro ia ei oire akapuanga. E aua nga
oire e ono ra, ei *oire* akapuanga ia no
te tamariki a Iseraela, e no te tan-
gata ke, e no te tangata i purutia ua
i roto ia ratou, ei oro anga no te tan-
gata i mate te tangata iaia ra, e kare
aia i kite.

Kia ta ra aia i te tangata ki te taoo-
nga auri, e mate roa akera aia, e ta
tangata ia aia: ka tamate ravaia taua
ta tangata ra. E kia pepe te tangata
iaia i te pei anga i te toka ka mate ei
aia ra, e mate rai oki aia, e ta tangata
ia aia; ka tamate ravaia taua ta tangata
ra. E kia ta aia i te tangata ki tetai
taoonga rakau ka mate ei aia ra, e
mate rai oki aia, e ta tangata ia aia;
ka tamate ravaia taua ta tangata ra.
Na te akamopuku uoauri e ta i taua ta
tangata ra: kia aravei atu aia iaia ka ta
ai aia. E kia opara makitakita ua aia
i te tangata ra, e kia moe tapapa aia e
titiri apaka ua i tetai mea iaia, e mate

21 iora aia; E kia moto makitakita ua
iaia ki te rima, e mate iora aia: ko tei
ta iaia ra, ka tamate ravaia ia; e ta
tangata aia; na te akamopuku e ta i
taua ta tangata ra, kia aravei atu aia
iaia
22 ra. Kia opara pu ua ra iaia aia ma te
makitakita kore, e kia titiri apaka ua i
tetai mea iaia kare aia i moe tapapa
23 iaia, E kia pei oki i tetai toka e mate
ei te tangata ra, ma te kite kore iaia, e
mate iora aia, no te mea ra kare aia i te
enemi nona, kare oki i kimi i tona kino:
24 Na te uipānga e makitoko marie i te
tuatua i taua tangata i mate ei te
tangata ra, e te akamopuku, kia tau i
25 teianei au tuatua-tau: E na te uipānga
e akaora i taua tangata i mate ei te tan-
gata ra i te rima o te akamopuku, e
na te uipānga e akaoki iaia ki te oire
akapuanga nona, tana i oro ra: ei reira
oki aia noo ei e kia mate te taunga
maata ra, i tei akatainuia e te manongi
26 tapu ra. Kia aere ua mai taua tangata
i mate te tangata iaia ra ki vao mai i te
kotinga o taua oire akapuanga nona, i
27 tana i oro ra; E rokoia iora aia e te
akamopuku ki vao mai i te kotinga o
taua oire akapuanga nona ra, e kua ta
iora taua akamopuku ra i taua tangata
i mate ei te tangata ra; kare aia e ara
28 i reira: No te mea e noo tika aia ki
roto i te oire akapuanga nona ra, e kia
mate te taunga maata: kia mate te
taunga maata ra, ka oki ua ia taua tan-
gata i mate ei te tangata ra ki tona
kainga tikai.
29 Ei akonoanga tuatua-tau teianei au
mea na kotou, e ope ua ake to kotou au
uki ra, i to kotou katoa au nooanga.
30 Ko tei tamate roa i te tangata ra, ka
taia te ta tangata i te vaa o nga kite
ra; kare ra e tika kia ta i te tangata i
31 te kite okotai ra. Auraka oki kotou e
rave i te tutaki kia ora te ta tangata ra,
tei tau iaia te mate ra; ka tamate ra-
32 vaia ra aia. Auraka oki kotou e rave i
te tutaki na te tangata i oro ki te oire
akapuanga nona ra, kia oki akaou aia
ki te enua e noo, kia mate ra te taunga
33 ra. Auraka kotou e akaviivii i te enua
ta kotou e noo ra: e viivii oki te enua i
te ta tangata; kare oki te enua e mā
i taua toto i akatacia ra, mari ra
i te toto o taua tangata i akata'e
34 ra. E tenana, auraka kotou e aka-
viivii i te enua ta kotou e noo ra, e
taku katoa oki e noo: ka noo oki au
nei ko Iehova i rotopu i te tamariki a
Iseraela.

PENE XXXVI.

*E puke ture no te au tamariki tamaine,
e kainga to ratou.*

KUA aere maira te au mataiapo 1
tutara no te kopu-tangata ta-
mariki a Gileada, te tamaiti a Makira,
te tamaiti a Manase ra, no te kopu-
tangata tamariki a Iosepha ra, kua
tuatua maira kia Mose, e ki mua katoa
i te aroaro o te au mataiapo tutara o te
tamariki a Iseraela: Kua tuatua maira 2
ratou, Kua akaue mai a Iehova kia
koe, e taku pu e, e tuku kelerou mai i te
enua no te tamariki a Iseraela ei noo-
anga; e kua akaue katoaia mai koe e
Iehova, e taku pu e, e oronga i te
kainga o to matou nei taeake o Ze-
lophehada no te au tamaine nana ra.
E teianei kia akaipoipo ratou i te au
tamariki no te au kopu *ke* i te tamariki 3
a Iseraela nei, e apai keia ta ratou ra
tuanga i te tuanga a to matou ai metua,
e ka kapiti katoaia ki te tuanga o te
kopu i ta ratou i akaipoipo atu; riro
ke atura ia i ta matou ra tuanga i
rauka kelerouia. E kia tae ki te iubile 4
a te tamariki a Iseraela nei, ka vai rai
ta ratou tuanga i te kapiti anga atu ki
te tuanga o te kopu i ta ratou i akaipo-
ipo ra: taka ke atura ta ratou tuanga i
te tuanga o te kopu o to matou metua
ra.

Kua tuku aturā Mose i te tuatua ki 5
te tamariki a Iseraela i ta Iehova i tua-
tua maira, na ko atura, E tuatua tika
ta taua kopu ra ta te tamariki a Iosepha

6 ra. Teia ta Iehova akaue ki te au ta-
maine a Zelophehada, te na ko maira,
E akaipoipo ua atu ratou i ta ratou e
anoano ra; ko to te kopu-tangata anake
ra to te kopu o to ratou ra metua ta
7 ratou e akaipoipo. Kare atura te tua-
nga a te tamariki a Iseraela e ūe keia
ki tera kopu, ki tera kopu: e tāpu oki
te au tamariki katoa a Iseraela i te tu-
8 anga i te kopu o tona ui metua. E te
au tamaine katoa, e kainga tona i
rotopu i tetai kopu o te tamariki a Ise-
raela nei, ei vaine aia na tetai tangata
no roto i te kopu-tangata ra i te kopu o
tona metua tane ra, kia rauka tikai i te
tangata ravarai o te tamariki a Iseraela
nei i te kainga o to ratou ai metua tane.
9 Auraka oki te tuanga kia ūe keia ki
tera kopu, ki tera kopu; e tāpu ra te
au kopu ravarai i te tamariki a Iseraela
nei i to ratou uoarai kainga.
10 E kua pera oki te au tamaine a Ze-
lophehada i ta Iehova i akaue mai kia
11 Mose ra: I akaipoipoia iora oki taua
au tamaine a Zelophehada ra, ko Ma-
hala, e ko Tireza, e ko Hogla, e ko
Mileka, e ko Noa, ki te au tamariki a
12 te taeake o to ratou ra metua tane: I
akaipoipoia iora ratou ki roto i te au
kopu-tangata a te tamariki a Manase,
te tamaiti a Iosepha ra, vaoi marie iora
ta ratou tuanga i roto i te kopu ra i te
kopu-tangata o to ratou metua tane.
13 Ko te au akaunga teia, e te au
tuatua-tau ta Iehova i akaue mai ki
te tamariki a Iseraela ia Mose, i te
ngai mataataa i Moabi ra, i tetai pae
Ioridana i aite ki Ieriko ra.

TE BUKA RIMA A MOSE RA,

DEUTERONOMI.

PENE I.

*Te akakite akaou nei a Mose i te tua-
tua a te Atua ia Iseraelu, i te akataka
anga i tetai aronga taoonga, te tono
anga i te aronga tutaka, e te riri o te
Atua i to ratou akarongo kore.*

KO TE au tuatua teia i ta Mose i 1
tuatua kia Iseraela ravarai, i teia
pae Ioridana, i te medebara ra, i te ngai
atea i waitata i Suphe, i rotopu i Parana,

e ko Tophela, e ko Labana, e ko Ha-
zerota, e ko Di-zaaba. (Mei Horeba e
tae ua atu ki Kadesa-barenea, kia na te
maunga ra na Seira i te aere, okotai
ngauru nei te po e okotai ara e *tae ei*.)
3 E tae akera ki te a o te ngauru anga o
te mataiti, i te ngauru ma tai o te ma-
rama ra, e te *rā* mua o taua marama ra,
kua karanga aturā Mose ki te tamariki
a Iseraela i te au tuatua ravarai ta Ie-
hova i akaue mai iaia e tuatua kia ra-

tou ra; I muri ake i tana tainga i te ariki o te ngati Amori ra, ko Sihona, i noo i Hesebona ra, e ia Oga ariki o Basana, i noo i Asetarota, *tana i ta* i Ederei ra; I teia pae Ioridana i te enua ra ko Moabi, ta Mose akakite anga i teianei ture, na ko atura,

Kua tuatua mai to tatou Atua ra ko Iehova kia tatou i Horeba, na ko maira, E noo anga roa to kotou i teianei maunga: Ka ariu, ka aere i to kotou aere-nga, ka aere ki te maunga o te ngati Amori ra, e te au ngai katoa i reira, i te ngai maniania ra, e te ngai tuaivi ra, e te ngai o ra; e i te pae i apatonga ra, e ki taatai; i te enua o te ngati Kanaana, e ki Lebanona, e tae ua atu ki te vai maata, te vai ra ko Eupharate. I na, kua tuku au i te enua ki mua i to kotou aroaro: e aere ki rungao i taua enua ra e noo, i ta Iehova i taputou atu ki to kotou ai metua ra, kia Abrahamama, kia Isaaka, e kia Iakoba, e oronga no ratou, e no to ratou uanga a muri atu. Kua karanga atura oki au kia kotou i reira, na ko atura, Kare kotou e maranga iaku anake nei: Kua akamaata mai to kotou Atua ra ko Iehova ia kotou, e i na, mei te etu o te rangi ra kotou i teianei ra i te maata. (Kia akamaata mairai te Atua o to kotou ai metua ra ko Iehova ia kotou, e kia riro te tangata okotai ra ei tausani, e kia akameitaki mai oki ia kotou, i tana oki i tuatua mai kia kotou na!) Eaa e tika'i iaku anake uaorai kia apai i ta kotou meateia, e ta kotou apai-nga, e ta kotou tauctonoanga? Eiki ana kotou i te aronga pakari, e te akono meitaki, e te kitea, i rotopu i to kotou na au kopu, e naku e akariro ia ratou ei kavana ki rungao ia kotou. Kua tuatua maira kotou kiaku, na ko maira, Ko tenana tuatua taau i tuatua mai na, e mea meitaki ia ia *mutou nei* kia akapera. Rave atura au i taua au tangata mamaata ra, e te pakari, e te kitea, i rotopu i to kotou na au kopu, akariro atura ei kavana ki rungao ia kotou na, ei kapena no rungao i te tausani okotai, e ei kapena no rungao i te anere okotai, e ei kapena no rungao i te rima ngauru, e ei kapena oki no rungao i te ngauru okotai ra, e ei aronga taoonga i roto i to kotou na au kopu. E kua ako atura au i to kotou na au akava i reira, na ko atura, E akarongo kotou i te tuatua a to kotou au taeake, e akatau marie i te tuatua-tika ki te tangata ma tona taeake, e te tangata ke katoa ki ona ra. Auraka kotou e akono i te tu o te tangata kia akava ra; kia okotai rai aite to kotou aka-

4 rongo i tei iti e tei maata; auraka kotou e matakui i te mata tangata; na te Atua oki te *tuku anga* utunga ra; e te tuatua kare e tika ia kotou na, e apai mai i ko nei kiaku nei, e naku e akarongo i te reira. E kua akaue oki au ia kotou i reira i te au mea katoa, ta kotou e rave.

19 E ia tatou oki i akaruke ia Horeba ra, kua na roto tatou i taua medebara maata rikarika ra, i ta kotou i kite, i te aerenga mai ki te maunga o te ngati Amori ra, i ta to tatou Atua ta Iehova i akaue mai kia tatou ra; e tae maira oki tatou ki Kadesa-baranea. Kua karanga atura au kia kotou, Kua tae mai kotou ki te maunga o te ngati Amori, ta to tatou Atua ra ta Iehova e oronga nei no tatou. I na, kua tuku mai to Atua ra ko Iehova i taua enua nei ki mua ia koe: ka aere ka noo, ta te Atua o to ui metua ra ta Iehova i tuatua mai kia koe na; auraka e matakui, auraka e taitaia.

22 Kua aere katootoa maira kotou kiaku nei, e kua tuatua maira, E tono tatou i te tangata na mua ia tatou nei, kia tutaka ratou i taua enua ra no tatou, ka apai mai ei i te tuatua kia tatou i ta tatou arataa kia aere, e ta tatou oire e tomo ra. Tika rava akera taua tuatua ra iaku; e kua iki iora au i te tangata tino ngauru ma rua no rotopu ia kotou na, i tatakai taia i te kopu okotai: Ariu atura ratou, e aere atura ki rungao i te maunga, e tae atura ki te o ra ko Esekola; e tutaka atura ratou i te reira ra. 25 E kua rave iora ratou i te kai o taua enua ra i to ratou rima, e kua apai maira kia tatou nei; apai maira oki i te tuatua kia tatou, na ko maira, E enua meitaki, ta to tatou Atua ta Iehova i oronga mai no tatou nei.

26 Kare ra i tika ia kotou kia aere ki rungao, kua taitoitoe ra kotou i te tuatua 27 a to kotou Atua ra ko Iehova. Urutoe iora kotou i roto i to kotou au puakapa, e kua tuatua akera, No te mea kua makitakitā Iehova ia tatou, i arataki mai ei aia ia tatou mei te enua maira mei Aiphiti, e tuku ia tatou ki te rima 28 o te ngati Amori kia pou tatou. Eaa tatou e tika'i kia aere ki rungao? tei akataitaia mai to tatou au taeake i to tatou ngakan, tei na ko mai e, E au tangata mamaata e te roroa to ratou i to tatou nei; e au oire i te mamaata, e kua patuia ki rungao roa i te rangi ra; e kua kite oki matou i te au tama- 29 riki a Anaka i reira. Kua karanga atura au kia kotou, Auraka e rutetete, auraka oki e matakui ia ratou.

Na to kotou Atua ra na Iehova, ko tei 30
na mua ia kotou ra, e tamaki i ta
kotou tamaki; mei tana katoa i rave ia
kotou i Aiphiti ki mua tikai i to kotou
uaorai mata: E i te medebara nei, kua 31
kite io nei oki koe i to Atua ra ia Ie-
hova i te apai anga ia koe, mei te
tangata e apai i tana tamaiti, i na te
arataa katoa i aereia mai e kotou na, e
tae rava mai nei kotou ki ko nei. E i 32
taua mea nei, kare kotou i akarongo i
to kotou Atua ra ia Iehova, Ko tei na 33
mua ia kotou na te arataa i te aere, i
na roto i te ai i te po, e na roto i te
tumurangi i te ao, i te kimi anga i te
patia anga puakapa no kotou; ei aka-
kite kia kotou i te ara kia aere ra.
Kua akarongo mairū Iehova i te vara- 34
kau anga o ta kotou tuatua, riri akera,
e kua taputou iora, na ko akera, Kare 35
rava tetai o teianei aronga tangata, o
teianei uki kino, e kite i taua enua
meitaki nei, taku i taputou atu e oro-
nga no to kotou ai metua ra; Mari ra 36
ko Kaleba te tamaiti a Iephunc; ka
kite ia aia, e ka oronga au i te enua
tana i takai ra nona, e no tana au ta-
mariki, no te mea kua aru tomapu
aia ia Iehova. E i riri katoa oki a 37
Iehova kiaku ia kotou, e kua tuatua
maira, Kare katoa oki koe e tae ki
reira. Ko Iosua te tamaiti a Nuna 38
ra e tu ki mua ia koe na, ka tae ia
ki reira; ko te akamaroiro i atu ia:
nana oki e akanoo ia Iseraela i reira.
E ta kotou au tamariki, ta kotou i 39
tuatua ra e, ka riro, e ta kotou au
tamariki varevare kare i kite i te mei-
taki e te kino i teianei rā, ko te ka tae
ia ki reira, e ka oronga au i te enua no
ratou, e noo oki ratou i reira. Kareka ko 40
kotou na, ka oki, e aere ki te medebara,
e tae tika atu ei ki te tai muramura
ra. Kua tuatua maira kotou kiaku i 41
reira, kua na ko maira, Kua ara ma-
tou ia Iehova, ka aere matou ki runga
e tamaki, i ta to matou Atua oki ta
Iehova i akaue mai ia matou ra; e kua
rakei iora kotou ia kotou, kua rave te
tangata katoa i te taoonga tamaki, tea-
teamamao iora kotou e aere ki runga i
te maunga. Kua tuatua maira rā Ie- 42
hova kiaku, E karanga atu kia ratou,
Auraka e aere ki runga, auraka e ta-
maki atu; kare oki au i ko na i rotopu
ia kotou na, ka pou aea kotou ki mua
i to kotou au enemi. Kua karanga 43
atura oki au kia kotou, e kare akera
kotou i akarongo mai, e kua akatokū
iora i te tuatua a Iehova, e aere atura
ma te mōro ki runga i te maunga. Tei 44
vao maira te ngati Amori i noo i taua

maunga ra, e aravei mai ia kotou, e
kua arumaki ua maira ia kotou mei te
debure ra, e pou iora kotou i Seira, e
45 tae ua atura ki Horama. Kua oki
maira kotou, e kua aue iora ki mua i
te araro o Iehova; kare rā Iehova i
akarongo mai i to kotou reo, e kare
46 i anga mai i te taringa kia kotou. E
roa akera to kotou noo anga i Kadessa
ra, taua au rā oki ta kotou i noo i
reira ra.

PENE II.

*Ko te tuatua o to ratou aere nga na te
medebara, e tae ua atura ki o te
ngati Edoma ra, e te ngati Moabi:
to ratou tamaki anga ma Sihona.*

- 1 **K**UA ariu atura tatou, aere atura
tatou ki te medebara e tae atu ei
ki te tai muramura ra, i ta Iehova i tua-
tua mai kiaku ra. E roa akera to tatou
akapini anga i te maunga ra ko Seira,
- 2 Kua tuatua mairū Iehova kiaku, na ko
3 maira, Kua roa to kotou akapini anga
i teianei maunga, ka ariu ana ki te pae
4 i apatokerau ra. E akaue atu koe i te
au tangata na, e na ko atu, Teia kotou
ka aere na te pae o to kotou ra ai tae-
ake ko te tamariki a Esau ra, e noo i
Seira nei; e ka riro ratou i te matakū
mai ia kotou: e tenana, e akono mei-
5 taki ana kotou: Auraka e taeko ua atu
ia ratou, kare oki au e oronga ua atu i
to ratou enua no kotou, e mei te ngai i
takaiia e te vaevae te maata; no te
mea kua oronga au i te maunga ra ko
6 Seira no Esau ei nooanga. Ko te ma-
nga ta kotou e kai ra ka oko ia kotou
ki te moni; e te vai ta kotou e inu ra,
ka oko katoa kotou ia ratou ki te moni.
- 7 Kua akameitaki mai oki to Atua ra ko
Iehova ia koe i te au mea katoa i ra-
veia e to rima; kua kite oki aia i toou
aere nga na roto i teianei medebara ma-
ta: i vaiata rai to Atua ra ko Iehova
ia koe, e a akenei ngauru anga i te ma-
taiti; kare akenei koe i ngere ua ake i
8 tetai mea ngiti. Kua aere ke maira
tatou, vao atura to tatou au taeake i
te tamariki a Esau, i noo i Seira ra; e
kua na te ngai mataataa mai tatou mei
Eлата, e mei Eziona-gebera mai, kua
anga iora tatou na roto i te medebara
ra i Moabi.
- 9 Kua tuatua mairū Iehova kiaku,
Auraka e taeko ua atu i to Moabi, au-
raka e tamaki ua atu ia ratou; kare
oki au e oronga ua atu i tetai ngai o to
ratou enua noo ei nooanga; no te mea
kua oronga oki au ia Ara no te tama-
10 riki a Lota ei nooanga. (Te Emi

tei noo i reira i muatangana ra, e aro-
nga mamaata e te manganui *kia tatau*,
e te teitei, mei te ngati Anaka ra; Ko 11
tei tuatua katoaia i te Rephai mei
te ngati Anaka ra, kareka te ngati
Moabi ra, e Eni ta ratou ingoa i tapa.
Te ngati Hori katoa tei noo i Seira i 12
muatangana ra; tupauia iora ratou e
te au tamariki a Esau, kia pou ratou
ia ratou i mua i to ratou aroaro, e kua
noo iora i o ratou ra, mei ia Iseraela
katoa i rave i te enua nona, ta Iehova
i oronga mai kia ratou ra.) E tenana, 13
ka tu, ka aere ki tetai pae i teianei
kauvai i Zereda nei. Aere maira oki
tatou ki tetai pae i taua kauvai ra i
Zereda. E te manga taima e topa i 14
taua acenga mai o tatou mei Kadesa-
barenea mai, e tae rava maira tatou ki
toia pae i te kauvai ra ko Zereda, e
toru ia ngauru e varu ara i te mataiti;
e ope roa akera taua uki tangata ta-
maki katoa i roto i te nuku nei i te
mate, i ta Iehova i taputou ia ratou ra.
Tei runga tikai oki te rima o Iehova ia 15
ratou i te tamate takiri anga ia ratou,
i roto i te nuku ra, e pou rava akera
ratou.

E pou takiri rava akera taua aronga 16
tangata tamaki i rotou i te tangata
nei i te mate, Kua tuatua mairā Ie- 17
hova kiaku, na ko maira, Akonei koe
e aere ci na roto ia Ara ra, i te pae i o
Moabi ra: E kia vaitata mai te tama- 19
riki a Amona ia koe, auraka e taeko ua
atu ia ratou, auraka e rave atu; kare
oki au e oronga atu i te enua o te ta-
mariki a Amona ei nooanga noou; no
te mea kua oronga au i te reira ei noo-
anga no te tamariki a Lota ra. (E 20
Rephai katoa teianei enua i te tuatua
anga; e Rephai tei noo taito ra i
reira, kareka te ngati Amona ra, e
Zamazumi ta ratou ingoa i tapa.
E aronga mamaata e te manganui 21
oki *kia tatau* ra, e te teitei, mei te
ngati Anaka ra; i pou iora ra ratou ia
Iehova i mua i to ratou aroaro; tu-
pauia akera ratou ia ratou, e kua noo i
o ratou ra: Mei tana oki i rave i te 22
tamariki a Esau ra, i tei noo i Seira ra,
iaia i ta i te ngati Hori i mua ia ratou
ra; tupauia akera ratou ia ratou i te
noo anga i o ratou ra, e tae rava ake-
nei ki teianei rā: E to Avi i noo i 23
Hazerima, e tae ua atura ki Aza, to
Kaphatori mei Kaphatori mai, tei ta ia
ratou, e kua noo i o ratou ra.) Ka tu, 24
ka taki aere, ka aere ki tetai pae i te
kauvai ra ko Aranona; i na, kua oro-
nga atu au ia Sihona ngati Amori ariki
no Hesebona, e tona ra enua, ki toou

rima; ka timata ana i te rave, e ta-
maki atu iaia i te tamaki. Akonei au
e timata i te tuku i te matakou ia koe,
e te ngarangara ia koe ki runga i te pa
enua i raro ake i te rangi katoa nei, ko
te kite i toou rongo, e ka tutetete, e
te mamae maata ia koe na.

26 Kua tonu atura au i te karere, mei
te medebara atu mei Kedemota, kia
Sihona ariki o Hesebona ra, ma te au,

27 i te tuatua anga atu e, E aere ana au
na toou nei enua; e na te ara tiroa ua
au i te aere, kare au e anga ke ua atu

28 ki te pae katau e te pae kaui. E ta-
ku kai e kai ra naau e oko mai i te

moni, e te vai taku e inu ra, naau e
oronga mai ei oko moni; e *tuku ua*

atu koe iaku kia aere ua au na toou nei
29 enua, mei te tuitarene ua; (Mei ta te

tamariki a Esau i noo i Seira ra, e te
ngati Moabi i noo i Ara ra, i akapera

mai iaku ra; e tae ua atu au ki tetai
pae Ioridana, ki te enua ta to matou

Atua ta Iehova e oronga mai no matou
nei. Kare akera te ariki o Hesebona

30 ra ko Sihona i tuku ia tatou kia aere
na tona pae: kua akaketaketa atura oki

to Atua ra ko Iehova i tona ra vaerua,
e kua akamārokiakia i tona ngakau,

kia tuku mai aia iaia ki toou rima, mei
31 tei teianei rā. Kua tuatua mairā Ie-

hova kiaku, I na, kua akamata ana au
i te oronga atu ia Sihona, e tona enua,

kia koe; ka timata ana i te rave e noo
32 i taua enua nona ra. Kua aere mairā

Sihona e rave mai ia tatou; koia ma
tona tangata katoatoa e tamaki mai ia

33 tatou i lahaza ra. Kua tuku maira to
tatou Atua ra ko Iehova iaia kia tatou

nei: e kua ta iora tatou iaia, e tana au
tamariki, e tona katoa ra au tangata.

34 Riro maira te au oire ravarai nona ia
tatou i reira, e kua tairiripoti rava

atura tatou i te tangata, e te au vaine,
e te au tamariki i te au oire katoa ra;

35 kare e korakora toe: Kua rave ra ta-
tou i te au puaka ei apinga na tatou, e

te apinga tini o taua au oire i pou ia
36 tatou ra. Mei Aroera mai i te pae o

te kauvai ra ko Aranona, e te au oire
i te pae o taua kauvai ra, e tae ua

atura ki Gileada, kare rava tetai oire i
ketaketa ia tatou: kua ope roa ake i te

tukuia mai e to tatou Atua e Iehova
37 kia tatou nei: Kareka i te enua o te

tamariki a Amona ra kare koe i tae ua
atu ki reira; e te au ngai katoa i te

pae o te kauvai ra ko Iaboka, e te au
oire i runga i te maunga ra, e te au

ngai katoa oki ta to tatou Atua ta Ie-
hova i tuatua mai e, *auraka*.

PENE III.

*Te pou anga o Oga ariki no Basana ;
e te pure a Mose kia tae katou aia ki
Kanaana.*

KUA ariu akera tatou i reira, kua 1
aere iora na te arataa ki Basana
ra: kua aere maira te ariki o Basana
ko Oga, koia ma te tangata katoatoa
nona, e tamaki ia tatou i Ederei. Kua 2
tuatua mairā Iehova kiaku, Auraka e
matau iaia; ka tuku atu au iaia e te
tangata ravarai nona ra, e tona ra enua,
ki to rima na; e mei tauu i rave i te
ariki o te ngati Amori ra ia Sihona i
noo i Hesebona ra, e akapera katoa
koe iaia. Kua tuku maira to tatou 3
Atua ra ko Iehova i te ariki o Basana
ia Oga, e tona katoa ra au tangata, ki
to tatou rima; pou iora aia ia tatou
e kare rava akera ona i toe. Rave 4
akera tatou i tona au oire ravarai i
reira, kare rava o ratou oire i toe i te
riro mai ia tatou, e ono ngauru oire ra,
ko te enua katoa ra ko Aragoba, i te
basileia o Oga i Basana ra. E oire 5
patuia taua au oire ravarai ra, e patu
teitei, e te pa, e te tea *auri*; e manga-
nui oki te oire patu korcia ra. Tairiri- 6
poti takiri akera ratou ia tatou: mei ta
tatou oki i rave i te ariki o Hesebona
ra ia Sihona, i te akapou rava anga atu
i te tane, e te vaine, e te tamariki, i te
au oire katoa ra. Kareka te au puaka 7
katoa, e te apinga o te au oire ra, kua
rave tatou i te *reira* no tatou uaurai ei
apinga. Riro maira oki ia tatou i rei- 8
ra, mei roto i te rima o nga ariki toko
rua o te ngati Amori ra, te enua i teia
pae Ioridana ra, mei te kauvai maira
ko Aranona, e tae ua atu ki te maunga
ra ko Heremona; (E taua Heremona 9
ra ko Siriona te ingoa i to Sidona ra;
e te ingoa i te ngati Amori ra ko Senira
ia:) Te au oire ravarai o te ngai atea 10
ra, e Gileada katoa, e Basana katoa ra,
e tae rava atura ki Salaka e Ederei,
nga oire o te basileia o Oga i Basana.
Ko Oga ariki o Basana anake ra tei 11
toe i te au Rephai ra: i na, tona roi, e
roi auri ia: kare ainei i Raba i o te
tamariki a Amona ra? e iva kubiti te
roa, e a kubiti i te pararauare, i te ku- 12
biti a te tangata nei. E taua enua nei,
i tei rauka ia tatou i reira ra, mei
Aroera mai i te pae o te kauvai ra ko
Aranona, e tetai pae i te maunga ra ko
Gileada, e to reira oki au oire, ko tei
oronga e au no te ngati Reubena, e
no te ngati Gada ra. E tetai pae i Gi- 13

leada, e Basana katoatoa, i te basileia o
Oga ra, i oronga e au no tetai vecnga
o te kopu o Manase ra, i te enua katoa
ra ko Aragoba, ma Basana katoa oki,
tei tapanā e, ko te enua o te Rephai ra.
14 Pou iora ra te enua katoa ra ko Ara-
goba, e tae ua atura ki te pae o te
Gesuri, e te ngati Maaka, ia Iaira te
tamaiti a Manase ra, tapa iora aia i te
reira i tona uaurai ingoa ia Basana-ha-
vota-iaira e tae rava akenei ki teianei
15 ra. Kua oronga atura oki au ia Gileada
16 kia Makira ra. E mei Gileada mai e
tae ua atu ki te kauvai ra ko Aranona,
i te ngai i roto i taua kauvai ra e tei te
pae uaurai, e tae ua atu ki te kauvai ra
ko Iaboka, i te kotinga o te tamariki a
Amona ra, oronga atura au no te ngati
17 Reubena, e no te ngati Gada ra: E te
ngai mataataa ra, e ko Ioridana, e te
ngai i *reirao*, mei Kinereta mai e tae ua
atu ki te roto i te ngai mataataa ra i te
tai taitai ra, i raro ake i Asedota-pisege
ki te pae i te itinga o te rā ra.
18 Kua akaue atura au ia kotou i reira,
na ko atura, Kua oronga mai to kotou
Atua ra ko Iehova i teianei enua no
kotou ei noanga; ko to kotou katoa
ra e tika kia aere ki te tamaki ra, e na
mua ia i to kotou ai taeake i te tama-
nui na Iseraela i te aere, ma te taoo-
19 nga tamaki katoa, ki tera pae ra. Ko
ta kotou au vaine ra, e ta kotou au
tamariki, e ta kotou puaka, (kua kite
oki au e puaka maata ta kotou,) ka
vaoaia i roto i to kotou au oire i oro-
20 ngaia e au no kotou na: E kia akanoo
marie a Iehova i to kotou ai taeake,
mei ia kotou katoa na, kia noo katoa
ratou i te enua ta to kotou Atua ko
Iehova e oronga atu no ratou i tetai
pae Ioridana ra; ei reira kotou ka oki
katoa mai ei ki to kotou katoa ra au
kainga, i taku i oronga atu no kotou
na.
21 Kua akaue atura oki au ia Iosua i
reira, na ko atura, Kua kite pu akenei
to mata i ta to kotou Atua i ta Iehova
i rave i nga ariki toko rua nei; e aka-
pera katoa oki a Iehova ki te au basi-
leia ravarai tauu e aere nei. Auraka
22 kotou e matau ia ratou; na to kotou
Atua oki na Iehova e tamaki i ta kotou
tamaki.
23 E kua pure oki au ia Iehova i reira,
24 na ko atura, E te Atua e, e Iehova, kua
timata io nei oki koe i te akakite mai
ki to tavini nei i toou mana, e to
rima ririnui; teia oki ia atua i runga
i te rangi e te ao katoa nei oki e tika'i
kia rave i te angaanga mei tauu te tu,
25 e mei to mana oki? E tuku akena

koe iaku ki tera pae, taku ia tuatua ia koe, kia kite au i *tenana* enua meitaki i tera pae Ioridana, tenana maunga meitaki, e Lebanona oki. Kua riri rā 26 Iehova iaku ia kotou, e kare akera i akarongo mai kiaku; e kua tuatua mai a Iehova kiaku, Oti ra ua; auraka koe e tuatua akaou mai kiaku i tena. E 27 aere koe ki rungao i te take *maunga* ra ko Pisega, ka akara tika atu ei to mata ki te pae i te opunga o te rā ra, e te pae i apatokerau, e te pae i apatonga, e te pae i te itinga o te rā, kia kite oki toou mata na; kare oki koe e tae ki tetai pae i teianci Ioridana. E ikuiku 28 ra koe ia Iosua, e akapumaana atu, e akamaroiroi atu iaia; koia oki te aere na mua i taua aronga tangata nei, e mana ratou e akanoo i te enua taua e akara na. Noo ua orai ra tatou i te o 29 i vaitata i Bete-peora.

PENE IV.

Te akamaroiroiia ra te tangata kia akarongo ngoie ra: e toru oire akapuunga i akonoia i teia pae Ioridana.

E TEIANEI, e Iseraela, e akarongo mai i te au akonoanga e te au tuatua-tau taku e apii atu kia kotou nei, e rave, kia ora kotou, kia tae kotou ki rungao, e kia rauka te enua, ta te Atua o to kotou ai metua ta Iehova e oronga mai no kotou. Auraka kotou e topiri ua mai i *tetai ngai* ke ki teianci tuatua taku e akaue atu kia kotou na, auraka oki kotou e akatopa i *tetai ngai* i taua tuatua nei; kia akono oki kotou i te au akauenga a to kotou Atua ra a Iehova i taku e akaue atu kia kotou nei. Kua kite oki to kotou mata i ta 3 Iehova i rave i *te ara* ia Baala-peora ra, kua ope takiri oki te au tangata katoa i rotopu ia koe i aru ia Baala-peora i te mate, i to Atua ra ia Iehova: Kareka kotou ko tei piri tikai ki to kotou Atua ra kia Iehova, te ora ra ia kotou rava-rai i teianci rā. I na, kua akakite atu au kia kotou i te au akonoanga, e te au tuatua-tau ta taku Atua ta Iehova i akaue mai iaku ra; ei akono anga na kotou i te enua ta kotou e aere e rave nei ei nooanga. E tenana, e akono meitaki i *tauu tuatua na*, e ka rave; ko to kotou ia pakari, e to kotou kite, ki mua i te aroaro o te arunga te kanakarongo i teianci au akonoangu katoa, ka riro ia i te tuatua e, Oti ra ua iti-tangata maata pakari e te karape ko taua aronga ra. Teica oki ia enua maata, e vaitata mai to ratou atua ia ratou, mei to tatou Atua ra mei ia Iehova i te au mea katoa 7

8 ta tatou e kapiki atu ei iaia ra? E teica ia enua maata, i tika'i tona au akonoanga, e te au tuatua-tau, mei teia katoa nei ture taku i tuku atu ki mua i to kotou aroaro i teianci rā?

9 E akono meitaki ra ia koe uarai, e e tiaki i toou uarai vaerua, ko te ngaropoina aca ia koe te au mea i akarai e toou orai mata, ko te riro ke ua atu aca oki taua mea nei i roto i to ngakau i te au rā katoa o toou ora anga na; e akakite ra i taua au mea ra ki tauu au 10 tamariki, e to au mokopuna: I te rā i tu ua'i koe ki mua i te aroaro o to Atua ra ko Iehova i Horeba ra, ka tuatua mai ei a Iehova kiaku ra e, Ka akaputuputu mai i te au tangata na kiaku nei, e akakite atu au kia ratou i taku nei tuatua; ei apii anga ia ratou, kia matakau mai ratou iaku i te au rā katoa o to ratou ora anga i runga i te enua nei, e kia apii katoa oki ratou ki 11 ta ratou au tamariki. Kua akavaitata maira kotou, e kua tu iora i te tumu o taua maunga ra; e kua mura ua taua maunga ra i te ai i rotopu roa i te reva nei, ma te poiri, e te tumurangi, e te 12 poiri maata pangopango ra. Kua tuatua maira oki a Iehova kia kotou i rotopu i taua ai ra; kua kite oki kotou i te aruru o *tana* tuatua, kare ra e tu i kitea e kotou; ko te aruru anake ra 13 ta kotou i akarongo ua. E kua akakite maira aia kia kotou i tana kororomotu, tana i tuatua mai kia kotou e rave, i nga tuatua okotai ngauru ra, e kua tata iora oki aia i te reira ki rungao i nga papa toka e rua ra. 14 Kua akaue mairā Iehova iaku i reira e apii ia kotou i te au akonoanga, e te au tuatua-tau, ei akono anga na kotou, i te enua ta kotou e aere e rave nei ei 15 nooanga. E tenana e akono meitaki ia kotou uarai; kare oki e tu i kitea e kotou i te rā i tuatua mai ei a Iehova 16 kia kotou i Horeba i rotopu i te ai: Ko te kino aca kotou, e kua anga iora i te idolo tarai no kotou mei te au tiki katoa nei te tu, mei te tane e *mei* te vaine oki; Mei tetai puaka o te enua nei; mei tetai manu peau e rere i roto i te 18 reva nei; Mei tetai mea e totoro aere ua na raro i te one nei; mei tetai ika o 19 te moana i raro ake i te enua nei: Kia akara aca toou mata ki runga i te rangi, e kite akera koe i te rā, e te marama, e te au etu, to te rangi katoa ra nuku, ko te akanaurua aca koe e akamori ia ratou, e kua tavini atura kia ratou, ta toou Atua ta Iehova i tua aere no te pa enua katoa i raro ake i te rangi katoa 20 nei. Kua rave mairā Iehova ia kotou,

e kua arataki mai ia kotou mei te kamino auri maira, mei Aiphiti, ei iti-tangata nona tikai, mei tei teianei rai oki rā. Riri iora oki a Iehova iaku ia ko- 21
 22
 23
 24
 25
 26
 27
 28
 29
 30
 31
 32
 33
 34
 35
 36
 37
 38
 39
 40
 41
 42
 43
 44
 45
 46

hova, e Atua vareae ia.
 E kia anau tauu au tamariki, e te au mokopuna, e kua roa to kotou noo anga i te enua, kia tatipake ra kotou, e kua rapa iora i te idolo akatikitikia no kotou ra, mei tetai mea atu te tu, e kua rave kotou i te kino ki mua i te aroaro o to Atua ra ko Iehova, ei akakoko anga atu iaia kia riri: Te kapiki nei au i te rangi e te enua, ei kite noku ia kotou i teianei rā, e, kare e mamia, ka pou rava atu ei kotou, e taka ke atu i te enua ta kotou e aere e rave i tetai pae Ioridana nei, ei nooanga: kare kotou e roaia ki runga i taua enua ra, ka pou takiri ra kotou. E akapucurikiri ke oki a Iehova ia kotou ki te pa enua ra, e toe iora kotou tokoia ua ake i taua pa enua ra ta Iehova e tuaru atu ia kotou na. Ei reira kotou e araara'i 28
 i te au atua rakau, e te toka, ta te rima tangata i anga, kare e kite kia akara, e kare e akarongo, e kare e kai, kare oki e ongi. Kia kimi ra koe i to Atua ia 29
 Iehova i reira, ka kite rai koe iaia, kia kimi koe iaia ma to ngakau katoa, e ma to vaerua katoa. Kia tumatetenga koe 30
 e, e rokolia iora koe e taua au mea katoa nei a muri atu, kia ariu ra koe ki to Atua ra kia Iehova, e kia akarongo i tona reo; Kare aia e akaruke ia koe, 31
 kare koe e mate, kare oki aia e akangaropoina i te koreromotu tana i akatinamou ma te taputou ki toou ra ai metua; e Atua aroa ua oki toou ra Atua ko Iehova. E ui ua ana oki koe i tei 32
 muatangana ra au rā, ou io nei koe ra, mei te rā mairai i anga ai te Atua i te tangata ki runga i te enua nei ra, e mei tetai pae rangi e tae ua atu ki tetai pae rangi ra, i te tupu anga i tetai mea maata mei teianei, e mei te reira oki i te akarongo ua anga i te rongo ra, i te 33

tangata oki i te akarongo anga ratou i te reo o te Atua i te tuatua anga mai i rotou i te ai, ka ora'i ra, mei tauu oki 34
 i akarongo ra? E kua tiki aina te Atua e kua rave mai i tetai iti-tangata mei rotou mai i tetai iti-tangata ke, ma te timata anga atu, te akairo, e te piri, e te tamaki; ma te rima marōro, e te rima i akatika ravaia; e te au ravenga matakua maata, mei ta to Atua ta Iehova i rave ia koe na i Aiphiti ki mua 35
 i to mata na? Kia kite oki koe e ko Iehova te Atua; kare atu, koia anake 36
 ra, i kite ei koe. Kua akakite mai aia kia koe i tona reo mei runga mai i te rangi ra, ei apii mai ia koe ra; e kua akakite mai aia kia koe i tana ai maata ki runga i te enua nei; e kua akarongo oki koe i tana tuatua mei roto mai i 37
 taua ai ra. E no te mea i anoano aia i to ai metua na, kua rave io nei aia i to ratou uanga i muri ake ia ratou ra: e kua arataki mai aia ia koe ki vao ki mua i tona uorai mata, i tona ra mana 38
 maata, mei Aiphiti maira; Kia tuaru atu aia i te au enua mamaata, e te ririnui to ratou i toon, i mua ia koe ra, kia arataki aia ia koe ki runga, kia oranga mai aia i te au enua noou ei nooanga, 39
 mei tei teianei rā. E tenana, e akamaara meitaki ana to ngakau, kia kite koe i teianei rā e, ko Iehova anake ra te Atua ki runga i te rangi, e ki raro katoa i te enua nei, kare atu e Atua. 40
 E teianei, e akono koe i tana au akonoanga, e tana au akauenga taku e akaue atu kia koe i teianei ra, kia meitaki oki koe, e to tamariki katoa i muri ake ia koe na, e kia akaroaia toou na au rā ki runga i te enua, ta to Atua ta Iehova e oranga mai noou, e tuatua ua atu. 41
 Kua akono iorā Mose i e toru puke oire i teia pae Ioridana i te pae i te iiti- 42
 nga o te rā ra; Kia oro te ta tangata ki reira, ko tei mate te tangata iaia kare i kite ra, kare oki i makitakita iaia i muatangana ra, e kua oro ua aia ki tetai i aua nga oire ra kia ora aia: Ko Bezera ia, i te medebara ra, i te ngai atea, i o te ngati Reubena ra; e ko Ramota i Gileada, i o te ngati Gada ra; e ko Golana i Basana, i o te ngati Manase ra. 44
 Teia oki taua ture i tukuia e Mose ki mua i te aroaro o te tamariki a Iseraela ra: Teia te au tuatua-akakite, e te au akonoanga, e te au tuatua-tau ta Mose i karanga atu ki te tamariki a Iseraela, kia aere mai ratou mei Aiphiti maira; I teia pae Ioridana i te o i vaiata i Bete-peora, i te enua o Sihona ariki o te ngati Amori, i noo i Hesebona

ra, ta Mose e te tamariki a Iseraela i ta, kia aere mai ratou mei Aiphiti mai : Rauka iora ia ratou tona enua, e te 47 enua o te ariki o Basana ra, ko Oga, nga ariki o te ngati Amori toko rua, i teia pae Ioridana i te pae i te itinga o te rā ra ; Mei Aroera mai, i te pae o te 48 kauvai ra ko Aranona, e tae ua atura ki te maunga ra ko Siona, koia Here-mona ra, E te ngai mataataa katoa i 49 teia pae Ioridana, i te pae i te itinga o te rā ra, e tae ua atura ki te roto i te ngai mataataa ra, i raro atu i Ascedota-Pisega ra.

PENE V.

Te koreromotu a te Atua i te aka-tupu angaia i Horeba ; e to te tangata matakū anga.

KUA kapiki aturū Mose kia Ise- 1 raela katoatoa, e kua karanga atura kia ratou, E akarongo mai, e Ise-raela, i te au akonoanga, e te au tuatua-tau, taku e karanga atu ki to kotou au taringa i teianei rā ; kia kite oki kotou, e kia mou piri tikai, e kia rave i taua au *tuatua* nei. Kua papau mai to tatou 2 Atua ra ko Iehova i te koreromotu kia tatou i Horeba. Kare a Iehova i papau mai i taua koreromotu nei ki to tatou ai metua, kia tatou ra, ko tatou ravarai e ora ua nei i teianei rā. I rotopu 3 tikai i te ai ki runga i te maunga ra ta Iehova tuatua anga mai kia kotou, i te mata e te mata, (Tu ua iora au i rotopu ia kotou e Iehova i reira, ei akakite ia kotou i te tuatua a Iehova ; matakū 4 iora oki kotou i te ai, kare akera oki i tae ki taua maunga ra ;) ua ko maira, Ko au ko toou Atua ra ko Iehova, ko 5 tei arataki mai ia koe mei te enua maira mei Aiphiti, mei te ngutuare i tavini ei ra.

Auraka rava toou ei atua ke atu iaku 7 nei.

Auraka rava koe e rapa i te idolo akatikitihiā noou, e te tu no tetai mea i runga i te rangi ra, e no tetai mea i raro i te enua nei, e no tetai mea o te moana i raro ake i te enua ra : Auraka 8 rava koe e tupou ki raro ia ratou, auraka oki e akamori atu ia ratou : e Atua vareae oki au ko te Atua noon nei ko Iehova, i te tutaki anga i te ara a te aronga metua ki runga i te tamariki, e tae ua atu ki te toru e te a o te uki, kia kore ratou e inangaro mai iaku ra ; E 10 te aroa anga atu i te aronga i inangaro mai iaku, e kua akono i taku au akano-nga, e tausani ua atu.

Auraka koe e akaiki puapinga kore 11

ua i te ingoa o to Atua ra ko Iehova : kare oki a Iehova e akatika iaia i tei akaiki puapinga kore ua i tona ra ingoa.

12 E akono i te rā sabati kia akatapua, ta to Atua oki ta Iehova i akaue mai ia 13 koe ra. E tika ia koe kia angaanga, o kia rave i taua au angaanga katoa, i nga 14 rā e ono ra, Kareka te rā itu ra ko to sabati ia no to Atua ra no Iehova ; auraka rava koe e rave i te angaanga i te *reira rā* ; ko koe, e taua tamaiti, e taua tamaine, e toou tavini tane, e toou tavini vaine, e taua bovi, e taua asini, e taua au puaka katoa ra, e to tangata ke katoa i o ou ra ; kia akaangaro i katoa oki toou tavini tane e to tavini 15 vaine, mei ia koe katoa uarai. E akamaara io na oki koe e, e tavini katoa koe i te enua ra ko Aiphiti, e na to Atua ra na Iehova koe i arataki mai mei reira maira, i te rima marōrō, e te rima i akatikaia ra ; i akaue ei to Atua ra ko Iehova ia koe e, e akono i te rā sabati.

16 E akangateitei atu i to metua tane, e to metua vaine, (ta to Atua ra ta Iehova i akaue mai kia koe ra,) kia akaroaia toou puke rā, e kia meitaki koe, i te enua ta toou Atua ta Iehova e oro-nga noou na.

17 Auraka rava koe e ta ua.

18 Auraka rava koe e akaturi.

19 Auraka rava koe e keia.

20 Auraka rava koe kia riro ei kite pikikā i to tangata tupu na.

21 Auraka rava koe e morimori i ta to tangata tupu ra vaine, auraka oki koe e morimori i te are o to tangata tupu ra, e tona kainga, e tona tavini tane, e tona tavini vaine, tana bovi, e tana asini, e te au mea ravarai a to tangata tupu ra.

22 I tuatua mai a Iehova i taua au tuatua nei kia kotou ravarai, ma te reo maata, i runga i te maunga ra, i rotopu i te ai, e te tumurangi, e te pōiri pango-pango ra ; e kua akapaki iora. Tata iora aia i taua *tuatua* ra ki runga i nga papa toka e rua ra, e kua tuku maira kiaku nei.

23 E kite akera kotou i taua reo ra no roto i taua pōiri ra, ka ka ua i te mau-nga i te ai ra, kua aere maira kotou kiaku ra, te aronga ravarai no rungao i to kotou au kopu ra, e to kotou au ta-nga pakari ra ; E kua tuatua maira kotou, i na, kua akakite mai to tatou Atua ra ko Iehova i tona kakā e tona mana kia tatou nei, e kua akarongo ta-tou i tona reo no rotōpū i te ai ; kite pu akenci tatou i teianei rā e, e tuatua ua mai te Atua ki te tangata nei, e ora rai.

I teianei ra, eaa oki matou nei kia 25
 mate? kia akarongo akaou oki matou
 nei i te reo o to matou Atua o Iehova,
 ka pou matou i teianei ai maata, e ka
 mate matou. Koai oki to te tangata 26
 katoa nei i kite i te reo o te Atua ora i
 te tuatua anga mai i roto i te ai, mei ia
 matou nei, ka ora atu ei? Ko koe te 27
 akavaaitata atu, ka akarongo atu ei i te
 au *tuatua* ravarai ta to tatou Atua ta
 Iehova e tuatua mai; e te au *tuatua*
 katoa, ta to tatou Atua ta Iehova e
 tuatua mai kia koe ra, ko taau ia e
 tuatua mai kia matou; e na matou e
 akarongo atu, e na matou e rave. Kua 28
 akarongo mairā Iehova i taau au tua-
 tua ta kotou i tuatua ra, ia kotou i tua-
 tua mai kiaku ra; e kua tuatua mairā
 Iehova kiaku, Kua akarongo au i te
 tuatua i tuatuaia e te au tangata nei, ta
 ratou i tuatua mai kia koe na: e tuatua
 tika anake ta ratou i tuatua maira.
 Naringa e, ko te tu ia o to ratou nga- 29
 kau i roto ia ratou, kia matakau mai ra-
 tou iaku, e kia akono tikai i taku au
 akauenga katoa, auraka e tukumoe,
 kia meitaki ratou, e ta ratou au tama-
 riki e tuatua na atu! E aere ka ka- 30
 ranga atu kia ratou, Ka oki ki to kotou
 na au puakapa. Kareka koe na, tu ua 31
 mai ana koe i ko nei kiaku nei, e ka-
 ranga atu au kia koe i te au akauenga
 katoa, e te au akonoanga, e te au tuatua-
 tau, taau e apii atu ia ratou, kia akono-
 ratou i *te reira* i te enua taku e oronga
 atu no ratou ei nooanga. E tenana, e 32
 akono kotou, e e rave i ta to kotou
 Atua ra ta Iehova i akaue mai ia kotou
 na; auraka kotou e anga ke na te pae
 katau e na te pae kaui. E aere rai ko- 33
 tou na te au arataa katoa ta to kotou
 Atua ta Iehova i akaue mai ia kotou
 na, kia ora kotou, e *kia* meitaki oki
 kotou, e *kia* akaroaia to kotou au rā ki
 runga i te enua te ka nooia e kotou na.

PENE VI.

*Kia akonoia ra i orongaia mai ei te
 ture, e i akamaroiroiā i oki.*

TEIA te au akauenga, te au akono- 1
 anga, e te au tuatua-tau, ta to ko-
 tou Atua ta Iehova i akaue mai kia
 apiiia atu ia kotou, ei akono anga na ko-
 tou i te enua ta kotou e aere e rave nei
 ei nooanga: Kia matakau oki koe i toou 2
 Atua ra ia Iehova, e *kia* mako tikai i
 tana au akonoanga ravarai, e tana au
 akauenga, taku e akaue atu kia koe na;
 ko koe, e taau tamaiti, e to utaro, i te
 au rā katoa o to ora anga na; e *kia*
 akaroaia oki toou na au rā. E aka- 3

rongo mai, e Iseracla, e akono meitaki
 kia rave; *kia* meitaki koe, e *kia* maata
 rava koe, i taau enua ta'e a vai ua te u
 e te meli ra, i ta te Atua no toou ai
 metua ta Iehova i tuatua mai kia koe ra.
 4 E akarongo mai, e Iseracla e: Ko
 Iehova to tatou Atua, okotai Iehova.
 5 E teianei, e inangaro atu koe i to Atua
 ia Iehova na to ngakau katoa, e ma to
 vaeua katoa, e ma to maroiroi katoa.
 6 E teianei au tuatua taku e akaue atu
 kia koe i teianei rā, ei roto i toou nga-
 7 kau vai ei; E ka apii tamou tikai koe
 i te reira ki taau au tamariki, ko taau
 ia e tuatua kia noo ua koe i roto i to
 are, e *kia* aere ua koe na te arataa ra,
 e *kia* akāvai koe ra, e *kia* tu koe ki
 8 runga ra. E tūkaiki oki koe i te reira ki
 runga i to rima ei akairo; e ei tarae ki
 9 mua tikai i to mata na. E tata oki i te
 reira ki runga i te au pou o to are ra, e
 10 ki runga katoa i to au ngutupa ra. E
 kia apaiia koe e to Atua e Iehova ki
 runga i te enua tana i taputou atu ki to
 ai metua ra, *kia* Aberahama, *kia* Isaaka,
 e *kia* Iakoba, e e oronga mai aia noou
 ra; e au oire mamaata, e te meitaki,
 11 kare i patua e koe ra; E te au are i ki
 i te au mea memeitaki katoa, kare taau
 i akaki ra, e te au ruavai i koia, kare
 taau i ko ra, te au kainga vine e te olive
 kare taau i tanu ra; *kia* kai ra koe e
 12 *kia* merengo ra; *Kia* matakite ia koe i
reira ko te ngaropoina aea a Iehova ia
 koe, tei arataki mai ia koe mei te enua
 maira mei Aiphiti, mei te ngutuare i
 13 tavini ei ra. Ko to Atua ra ko Iehova
 taau e matakau, e koia taau e akamori,
 14 ka taputou oki koe i tona ingoa. Au-
 raka kotou e aru i te au atna ke, i te au
 atna no te au tangata i akapini ia kotou
 15 ra; Ko te tupu aea te riri o to Atua ra
 o Iehova ia koe, ko te pou aea koe iaia
 i runga i te enua na: E Atua vareae oki
 to Atua ra ko Iehova i rotopu ia koe
 16 na. Auraka kotou e akakoko atu i to
 kotou Atua ia Iehova, mei ta kotou i
 17 akakoko iaia i Masa ra. E mou piri
 tikai koe i te au akauenga a to kotou
 Atua ra a Iehova, e tana au tuatua-
 akakite, e tana au akonoanga, tana i
 18 akaue mai kia koe ra. E rave oki koe
 i te tuatua-tika e te meitaki ki mua i te
 aroaro o Iehova ra; *kia* meitaki oki
 koe, e *kia* tae oki koe, e *kia* rauka ia
 koe te enua meitaki ta Iehova i tapu-
 19 tou atu ki to ai metua ra, I te tuaru
 ke anga atu oki i toou katoa au enemi
 ki mua ia koe, i ta Iehova oki i tuatua
 maira.
 20 *Kia* ui ua mai to tamaiti *kia* koe a
 muri atu, *kia* na ko mai e, Eaa teianei

au tuatua-akakite, e te au akonoanga, e te au tuatua-tau, i ta to tatou Atua ta Iehova i akaue mai kia kotou? Ei 21 reira koe e karanga atu ei ki taau tamaiti, E tavini tatou no Phara'o i Aiphiti; e na Iehova tatou i arataki mai mei Aiphiti mai i te rima marorō: E 22 akairo oki ta Iehova i rave, e te piri maata, e te mate, ki runga i to Aiphiti, ki runga ia Phara'o, e ki runga katoa i toa ngutuare, ki mua i to tatou mata: E kua arataki maira aia ia tatou ki vao, 23 kia arataki mai aia ia tatou ki ko nei, e kia oronga mai aia i te enua no tatou i tana i taputou mai ki to tatou ai metua. Kua akaue mai a Iehova ia tatou e, c 24 rave i tana au akonoanga katoa nei, e kia matakū tatou i to tatou Atua ia Iehova, kia meitaki tatou i te au rā katon, kia akaora aia ia tatou mei teia oki i teianei rā. Ka riro ia ei tuatua- 25 tika na tatou; kia akono tatou e kia rave i tana au akaueanga katoa nei ki mua i te aroaro o to tatou Atua ra o Iehova, tana i akaue mai kia tatou.

PENE VII.

Auraka te pu enua e kapiti katouia atu, ko te tupu ucu te akamori i te idolo.

KIA kavea koe e to Atua ra e Iehova ki te enua taau e aere e rave nei ei nooanga, e kia eke iaia te au iti-tangata e manganui ki mua ia koe ra; i te ngati Heta ra, e te ngati Giragasi, e te ngati Amori, e te ngati Kanaana, e te Perizi, e te ngati Hevi, e te ngati Iebusi, e itu katoa vaka tangata mamaata, e te ririnui to ratou i toou na; Kia tuku mai to Atua ra ko Iehova ia ratou ki mua i to aroaro na; e ta koe ia ratou, kia pou takiri rava; auraka koe e papau i te koreromotu kia ratou, auraka koe e akaperepere atu ia ratou: Auraka oki koe e akaipoipo ia ratou: auraka koe e oronga i taau tamaine na tana tamaiti; auraka oki koe e rave i tana tamaine na taau ra tamaiti. Ka riro oki ratou i te akaanga ke i taau tamaiti, kia kore e aru mai iaku, kia araara i te au atun ke ra; tupu iora te riri o Iehova ia koe, mate vave iora koe i reira. Ka akapera ka kotou ia ratou, ka uritumu kotou i ta ratou au atarau, e akangaanga i to ratou au tiki, ka tipu i te au Asoretora, ka ta'u oki i to ratou au idolo akatikitiia ki te ai. E aroanga tapu oki koe no to Atua no Iehova; kua ikiia koe e to Atua ra e Iehova ei iti-tangata tikai nona uarai, auraka atu te au tangata katoa ki runga i te

7 enua nei. Kare to te mea e, e maata kotou i te au iti-tangata katoa ra, i inangaro ei a Iehova ia kotou, e i iki ei ia kotou; e iti oki kotou i te au iti-tangata ravarai ra: No te mea i inangaro akerā Iehova ia kotou, e kia akono oki aia i te taputou i tana i taputou atu ki to kotou ai metua ra, i arataki mai ei a Iehova ia kotou ma te rima marorō, e kua akaora ia kotou i tana ngutuare i tavini ei ra, i te rima o 9 te ariki o Aiphiti ra o Phara'o. E tennana, ko to Atua ra ko Iehova, ko to Atua ia, kia kite oki koe, ko te Atua pikikaa kore, ko tei akono tikai i te koreromotu, e te aroa, ki te aronga i inangaro iaia, e tei akono i tana au akaueanga, e tausani ua atu te uki ra; 10 Kareka te aronga kare i inangaro iaia ra, e tutaki akakite pu aia ia ratou ki te mate takiri rava: kare aia e tavare i tei makitakita mai iaia ra; ka tutaki 11 akakite pu aia iaia. E teianei, e akono koe, e e rave i te au akaueanga, e te au akonoanga, e te au tuatua-tau taku e akaue atu kia koe i teianei rā. 12 Kia akarongo oki koe i teianei au tuatua-tau, e kia akono tikai kia rave i te reira, e akono to Atua ra ko Iehova i te koreromotu, e te aroa, tana i taputou atu ki to ai metua ra, ei ia koe ia: 13 E akaperepere mai oki aia ia koe, e akameitaki mai ia koe, e akamaata mai oki aia koe: ka akameitaki katoa mai oki aia i taau i anau ra, e te kai a to enua na; to sitona, e to wina, e to inu, e ta to au bovi i anau, e te anana a to au mamoe ra, i runga i te enua tana i taputou atu i to ai metua ra e, e oronga 14 mai aia noou ra. E maata toou meitaki i to te tangata katoa ra: kare rava tetai tangata i o ou e riro ei pa, e to au 15 puaka rai oki. E na Iehova e akakoro i te au maki katoa ia koe; kare rava e tuku i te au maki kikino o Aiphiti, i taau i kite ra, ki runga ia koe; e tuku ra aia i te reira ki runga i te aronga i 16 makitakita mai ia koe ra. Ka tamate takiri rava oki koe i te tangata ravarai ta to Atua ra ta Iehova e tuku mai kia koe ra; auraka rava to mata e akaperepere ia ratou: auraka oki koe e araara i to ratou au atua; ka riro oki te reira 17 ei maunu ia koe. Kia tuatua koe i roto i to ngakau e, E enua tangata mamanta teia, e iti au; e akaepaa ratou e 18 eke ei iaku? Auraka koe e matakū ia ratou; e akamaara tika ana i ta to Atua ra ta Iehova i rave ia Phara'o, e 19 ia Aiphiti katoa oki; Tana au timatanga meata ra ta toou uarai mata i kite.

ra; e te au akairo, e te au piri, e te rima marōrō, e te rima i akatikaia ra, i te arataki anga mai to Atua ra ko Iehova ia koe ra: ka pera katoa to Atua ra ko Iehova i taua aronga katoa taua e matakua ra. E na to Atua ra na Ie-
 20 hova e tono i te zeroe i rotopu ia ratou, e kia ope rava te aronga i toe, i tei pipini ia koe ra, i te mate. Auraka 21 koe e ngaranga ia ratou; tei ia koe oki to Atua ra ko Iehova, e Atua mana e te matakuaia. Na to Atua na Ie-
 22 hova e tuaru rikiriki i taua au ititangata ra ki mua ia koe ra; auraka koe e tairipoti takiri ia ratou, i te akapou anga okotai, ko te maata rava aea te au terio o te enua ia koe ra. Ka 23 tuku maira to Atua ra ko Iehova ia ratou kia koe ra, e akapou oki aia ia ratou ki te mate maata, e pou rava akera ratou. E ka tuku mai aia i to
 24 ratou au ariki ki to rima na; e ka akapou koe i to ratou ingoa i raro ake i te rangi nei: kare rava tetai tangata e mou ki mua ia koe ra, e pou ua atu ratou ia koe. Ka ta'u koe i to ratou 25 au atua akatikitikia ra ki te ai: auraka koe e noinoini i te ario e te auro i rungo ia ratou; auraka koe e rave i te reira, ko te iia aea koe; e mea vii-
 26 vii oki te reira i to Atua ra ia Iehova. Auraka koe e apai i te mea viivii ki roto i to are, ko te riro aea koe mei te reira te tu, ko te katarai aea ra; kia viivii tikai oki koe, e kia rikarika tikai i te reira; e mea katarai ia oki te reira.

PENE VIII.

*Te akamaroiroi nei a Mose i te tangata
 kia akono ngoie, i te takinga-meitaki
 oki a te Atua.*

E AKONO meitaki kotou e e rave i 1 te au akauenga ravarai taku e karanga atu kia koe i teianei rā, kia ora oki kotou, e kia maata, e kia tae kotou, e kia rauka te enua ta Iehova i taputou atu ki to kotou ai metua ra. E aka-
 2 maara oki koe i te arataa katoa ta to Atua ta Iehova i arataki ia koe na roto i te medebara ra, e a akenei ngauru anga i te mataiti, ei taakaaka anga ia koe, ei timata anga ia koe, e kia kitea i to roto i toou na ngakau, e tauu akono anga i tana au akauenga, e te kore anga. E kua taakaaka oki aia ia koe, 3 kua vao ua ia koe kia pongi ua ana, e kua angai aia ia koe ki te māna kitea koreia e koe ra, kare katoa toou ai metua i kite: ei akakite ia koe e kare o te areto anake ra te mea e ora'i te tangata

nei, ko te au mea katoa ra no roto mai i te vaa o Iehova ra, e ora te tangata i
 4 te reira. Kare rai oki toou kakau i runga ia koe ra i piro, kare oki to vae-
 5 vae i ē, i teianei au mataiti e e a akenei ngauru anga; Kia kite pu tikai oki koe i roto i toou ngakau; e mei te tangata e ako nei i tana tamariki, kua pera to
 6 Atua ra ko Iehova i te ako ia koe ra. E teianei e akono koe i te au akauenga a to Atua ra ko Iehova, kia na tona arataa i te aere, e kia matakua oki koe iaia.
 7 Te arataki nei oki to Atua ra ko Iehova ia koe ki te enua meitaki ra, ki te enua kauvai, te au punavai, e te vai roto ra, no uta i te o, e no roto i te
 8 maunga, i te pupui anga mai; Ki te enua sitona, e te kerite, e te vine, e te suke, e te remuna; ki te enua inu
 9 olive, e te meli; Ki te enua e kai ua'i koe i te kai ma te onge kore, e kare e mea e toe ia koe; ki te enua e auri te toka ra, e ka rauka ia koe te vao i tona
 10 maunga kia ko. Kia kaikai koe ra e kia merengo, e akameitaki koe i to Atua ra ia Iehova i reira, i taua enua meitaki ra tana i oronga mai noou ra.
 11 Kia matakite, ko te ngaropoina aea ia koe to Atua ra ko Iehova, i te akono kore i tana au akauenga, e tana au tuatua-tau e tana au akonoanga, i taku i
 12 akaue atu kia koe i teianei rā; Ko te kaikai aea koe e merengo iora, e kua akatu i te are memetaki e kua noo i
 13 roto; E kia maata oki tauu au bovi e tauu au mamoe; e kia maata oki tauu ario, e tauu auro, e kia maata oki tauu
 14 apinga katoa ra; Ko te teitei aea to ngakau na, ngaropoina iora to Atua ra ko Iehova, ko tei arataki mai ia koe mei te enua maira mei Aiphiti, mei te
 15 ngutuare i tavini ei ra: Ko tei arataki ia koe na roto i taua medebara maata matakua, i ki i te ovi ai ra e te sekopio, i te ngai papa marō ra e te vai kore; ko tei apai mai i te vai naau no roto i
 16 te toka tama ra; Ko tei angai ia koe i te medabara ki te māna ra, kare i kitea e to ai metua ra, ei taakaaka anga ia koe, e ei timata anga ia koe, kia mei-
 17 taki koe iaia a muri atu; Ko te tuatua aea koe i roto i toou ngakau ra e, No toku uaorai ririnui, e toku uaorai maroiroi, i rauka'i taku nei apinga maata.
 18 E akamaara ra koe i to Atua ra ia Iehova: nana oki i oronga mai i toou maroiroi e rauka'i tauu apinga, kia akatinamou aia i tana koreromotu tana i taputou atu ki to ai metua ra, mei tei
 19 teianei rai oki rā. Kia akangaropoina ua ra koe i toou Atua ra ia Iehova, e

kia aru atu i tetai au atua ke ra, e kia araara ia ratou, kia tupou ki raro kia ratou ra, te akakite pu atu nei au kia kotou i teianei rā e, ka mate takiri rava kotou. Mei te au etene ta Iehova e tamate rava nei ki mua i to kotou aroaro ra, mei te reira katoa to kotou mate anga; no te mea kare kotou i akarongo i te reo o to kotou Atua ra ko Iehova.

PENE IX.

Te akakite nei a Mose i ta ratou akakoko anga atu i te Atua, kia kore ratou e nengonengo.

E AKARONGO mai ana, e Iseracla e: Akonei koe e aere ei ki tetai pae Ioridana, kia aere ki roto, e kia rauka ia koe te au iti-tangata mamaata, e te ririnui to ratou i toou ra; e au oire mamaata, e te patuia ki runga roa i te rangi ra, E aronga mamaata e te roroa, e tamariki na te ngati Anaka ra, ko taau i kite ra, e taau i akarongo i te tua ra e, Koai te mou ki mua i te aroaro o te tamariki a Anaka! E teianei kia kite mai oki koe e, ko to Atua ra ko Iehova, te aere na mua ia koe akonei, mei te ai kakai ra, nana ratou e rave akapou, e kia vi ratou ki mua i to aroaro na: e ke rava ratou ia koe kare e mamia, e naau e akapou takiri rava ia ratou, mei ta Iehova i tuatua mai kia koe na. Kia eke ratou ki mua ia koe i to Atua ra ia Iehova, auraka koe e tuatua ua i roto i to ngakau na, ka na ko ei e, No taku nei tuatua-tika i arataki mai ei a Iehova iaku kia rauka iaku teianei enua: no te tuatua kino oki o teianei au iti-tangata i tuaru ke ei a Iehova ia ratou ki mua ia koe na. Kare no taau ra tuatua-tika, e no te tiratiratu anga o toou ra ngakau, e tae ei koe ki runga i to ratou ra enua e noo: no te tuatua kino ra o teianei au motia e tuaru ke ei to Atua ra ko Iehova ia ratou ki mua i to aroaro, e kia akatupu oki aia i te tuatua i ta Iehova i taputou atu ki toou ai metua ra, kia Abrahamana, kia Isaaka, e kia Iakoba. E tenana, kia kite mai koe na e, kare no taau ra tuatua-tika e oronga nei to Atua ra ko Iehova i teianei enua meitaki ei nooanga noou ra; e iti-tangata kaki ketaketa oki koe na.

Ka akamaara ana, auraka oki kia ngaropoina ia koe, e i akakoko ana koe i to Atua ra ia Iehova i riri ei i te medebara ra: mei te rā mairai i aere ei kotou mei te enua maira mei Aiphiti, e tae rava mai nei kotou i ko nei, e aronga meameaau kotou ia Iehova. E i Horeba katoa

oki kua akakoko rai kotou ia Iehova kia riri, mei mate oki kotou i reira i te maata o to Iehova riri ia kotou na. 9 Iaku oki i aere ki runga i te maunga e tiki i nga papa toka ra, i nga papa koreromotu ta Iehova i papau atu ia kotou ra, noo iora au ki runga i te maunga e a akera ngauru anga o te ao, e a oki ngauru o te po, kare rai au i kaikai, kare oki i inu i te vai: Kua tuku mairā Iehova i nga papa toka e rua kiaku i reira, i tatau e te rima o te Atua ra; ko te au tuatua ta Iehova i tuatua mai kia kotou i runga i te maunga, i rotoupi i te ai, i te rā uruoa- 11 anga ra, *tei tatau* ki rungao ra. E ope akera nga ao e a ngauru e nga po e a ngauru ra, kia oronga mai a Iehova i nga papa toka e rua kiaku ra, i nga 12 papa koreromotu ra, Kua tuatua mairā Iehova kiaku, Ka tu, ka aere viviki ki raro; kua kino to au tangata taau i arataki mai mei Aiphiti maira; kua tatipake vave io nei ratou i te arataa taku i akaue ia ratou e, e na reira; kua anga ratou i te tiki akato no ratou. 13 E kua tuatua mairai a Iehova kiaku, na ko maira, I akara ua ana au i teianei aronga, e i na, e au tangata kaki 14 ketaketa rai: E vaiio ua ana koe iaku, kia tairopoti takiri au ia ratou, e kia taparapara au i to ratou ingoa i raro ake i te rangi nei: e ka akariro au ia koe ei iti-tangata maata rava e te maroiroi 15 maata i to ratou ra. Kua anga maira au, eke maira au ki raro mei runga mai i tana maunga ra, te ka ua ra te maunga i te ai: e tei oku rima ra nga papa koreromotu e rua ra. 16 Kua akara maira au, e i na, kua ara kotou i to kotou Atua ra ia Iehova, kua anga kotou i te kafa akato no kotou; kua akaruke vave iora kotou i te arataa ta Iehova i akaue mai ia kotou e, e na 17 reira: Kua rave iora au, kua titiri iora i nga papa i oku rima ra ki raro, ngannga rava akera ki mua i to kotou mata. 18 Kua tipapa iora au ki raro ki mua ia Iehova, mei tei muatangana ra, e a akera ngauru anga o te ao, e a oki ngauru anga o te po; kare au i kaikai, kare oki i inu i te vai, i ta kotou au ara katoa i raveia e kotou ra, i te rave anga i te mea kino ki mua i te aroaro o Iehova, ei akakoko anga atu iaia kia riri. 19 Matakua akera oki au i te riri o te ootoo anga o te riri o Iehova, tana i riri ia kotou, e e rave tamate rava ia kotou. Kua akarongo mairā Iehova 20 iaku i reira katoa. Mei mate oki a Aarona ia Iehova i te maata oki o tona riri iaia; kua pure katoa ra au ia Aa-

rona i reira. Kua rave iora au i te 21
kafa i ara ai kotou ra, ta kotou i anga
ra, kua ta'u iora ki te ai, reru iora e
ungaungātiti rava akera, mei te one-
pueu ra te tu; e kua titiri atura au i
to reira ungaunga ki raro i te vai no
runga mai i te maunga ra.

Kua akakoko oki kotou ia Iehova e 22
riri atura i Tabera, e i Masa, e i Kibe-
rota-hataava ra. Ka tono ei oki a Ie- 23
hova ia kotou i Kadesa-barenea, ka
tuatua mai ei ra e, Ka aere, ka rave i 24
te enua taku e oronga atu nei no ko-
tou; kua akatokā kotou i te akaue a to
kotou Atua ra a Iehova i reira, kare i
akarongo iaia, kare i akono i tona reo.
Kua meameau kotou ia Iehova mei te
rā mairai i kite ei au ia kotou na.

Kua tipapa oki au ki raro ki mua i 25
te aroaro o Iehova e e a akera nguuru
anga o te ao, e a oki nguuru o te po,
mei taku i tipapa ki raro i *muatangana*
ra; no te mea e, kua tuatua Iehova e
akapou takiri aia ia kotou. Kua pure 26
iora au kia Iehova, e karanga atura, E
te Atua e, e Iehova e, auraka koe e
akapou i toou ra au tangata, i tauu ra
tuanga, i akaoria e koe i toou ra
mana; i tei aratakiia mai e koe i te
rina marōro mei Alphiti maira. E 27
akamaura ana i to au tavini ra ia
Aberahama, ia Isaaka, e ia Iakoba; au-
raka koe e akara i te māro o teianci
aronga, e to ratou kino, e ta ratou ara:
Ko te tuatua aea to te enua tauu i ara- 28
taki mai ia matou mei reira maira e,
No te mea kare akera ratou i maranga
ia Iehova kia apai aia ia ratou ki te
enua tana i akakite mai no ratou ra, e
no te mea kua makitakita aia ia ratou
ra, kua arataki aia ia ratou ki te mede-
bara e ta. E tangata anake rai ratou
noou, e e tuanga oki naau, i tauu oki i
arataki mai i to mana maata ra, e to
rima i akatikaia ra.

PENE X.

*Kua oronga akaou mai te Atua i nga
papa toka i tataia'i te ture ra: kua
akoia ratou kia akarongo ngoie.*

I REIRA ta Iehova tuatua anga mai 1
kiaku e, Ka tarai ana koe i e rua
papa toka mei tei muatangana ra, ka
aere mai ei ki runga i te maunga kiaku
nei, e anga rai koe i tetai aruna rakau.
E naku e tata i te tuatua ki rungao 2
i nga papa i muatangana tauu i vava'i
ra; e naau e tuku i te reira ra ki roto i
te aruna. Anga iora au i tetai aruna 3
sitima, e kua tarai iora au i e rua papa

toka mei tei muatangana ra, aere atura 4
au ki runga i te maunga, e nga papa
katoa i toku rima. Kua tata iora aia i
te tuatua ki rungao i aua nga papa ra,
mei tana katoa i tata ki *runga i nga*
toka i muatangana ra; i nga tuatua
okotai nguuru ra, i ta Iehova i tuatua
mai kia kotou i runga i te maunga ra, i
rotopu i te ai ra, i te rā uruoanga ra;
e kua tuku mairā Iehova i te reira ra 5
kiaku. Kua anga maira au, eke maira
au ki raro mei runga mai i taua mau-
nga ra, kua tuku iora au i nga papa ki
roto i taua aruna i angaia e au ra; kia
vai ua ana i reira i ta Iehova i akaue
mai kiaku ra.

6 Kua aere maira te tamariki a Ise-
raela mei Beerota maira i o te au ta-
mariki a Iaakana ra ki Mosera: mate
iorā Arona i reira, e i reira tona tauu
mangaia; e ko tana tamaiti ra ko Ele-
azara tei rave i te taoonga taunga ei
7 tupau iaia ra. Mei reira oki i aere atu-
ra ratou ki Gudagoda; e mei Guda-
goda oki tae atura ki Iotabata ra, e
enua kauvai ra.

8 Kua akataka iorā Iehova i reira i te
kopu o Levi ra, kia apai au ratou i te
aruna koreromotu a Iehova ra, kia tu
oki ki mua ia Iehova e rave i te taoon-
ga nana, e kia akameitaki mai i tona
ingoa, e tae rava akenei ki teianei rā.

9 Kare rava oki o te ngati Levi e tuanga
e te kelerō i roto i tona rā ai taake:
ko Iehova tana tuanga, mei ta to Atua
ra ta Iehova i tuatua mai kiaia ra.

10 I noo ana au ki runga i te maunga
mei tei muatangana ra, ka a akera ngu-
ru anga o te ao, ka a oki nguuru o te
po; e kua akarongo katoa mairai a Ie-
hova iaku i reira, kare akera ai Iehova
11 i akapou rava ia koe. Kua tuatua
mairā Iehova kiaku, Ka tu, ka arataki
i taua aranga tangata nei, kia tae ratou
kia rauka ia ratou te enua, taku i tapu-
tou atu ki to ratou ra ai metua e, e
oronga au no ratou.

12 E teianei, e Iseraela, eaa ta te Atua
oou na ta Iehova i umuimu mai ia koe,
mari ra e, kia matakū koe i to Atua ia
Iehova, e kia aere koe na tona ra au
arataa katoa, e kia inangaro koe iaia, e
kia akamori koe i to Atua ra ia Iehova
ma to ngakau katoa, e ma to vaerua
13 katoa; Kia akono tikai koe i te au
akauenga a Iehova, e tana au akono-
anga, i taku e akaue atu kia koe i teia-
14 nei rā, kia meitaki koe ra? I na oki, te
rangi, e te rangi o te au rangi ra, no to
Atua ia no Iehova, te enua nei oki e te
15 au mea katoa i roto ra. I mareka mai-
rai a Iehova i to ai metua ra, i te aroa

anga mai ia ratou, e kua tae rava ki te
iki i to ratou uanga i muri ake ia ratou
ra, no roto i te tangata katoa ra, koia
oki kotou na, mei tei teianei rā. E te- 16
nana, ka peritome ana i te kiri i mua i
to kotou ngakau ra, oti ra ua i te kaki
ketaketa. Ko te Atua oki, to kotou 17
Atua ra ko Iehova, no te au atua, e te
Atu oki o te au atu, e Atua maata, e
te mana, e te matakū, ko tei kore e
akono i te tu o te tangata, e te kore e
rave i te tutaki: Ko tei akatika i ta te 18
matirocroe, e ta te vaine takaua; e te
aroa oki i te tangata ke, i te oronga
anga i te kai e te kakau nona. E te- 19
nana, e aroa katoa kotou i te tangata
ke; e tangata ke katoa oki kotou i te
enua ra i Aiphiti. Ko to Atua ra ko 20
Iehova taau e matakū, e koia taau e
akamori, e koia taau e topiri atu, e ka
taputou koe i tona ingoa. Koia taau 21
paapaaanga, e koia toou Atua, ko tei
rave oki i taau au angaanga maata ma-
taku ra noou i ta to mata oki i kite ra.
Toou ai metua i aere ki raro ki Aiphiti 22
ra, e itu ua nei ngauru anga ratou i rei-
ra: e tenana, kua akariroia koe e to
Atua e Iehova, mei te etu o te rangi ra
te tu i te maata.

PENE XI.

*Te akamaroiroia ra ratou kia akono i
te tuatua a te Atua.*

E TEIANEI, e inangaro koe i to 1
Atua ia Iehova, e e akono i tana
ikuikuanga, e tana au akonoanga, e
tana au tuatua-tau, e tana au akauenga,
i te au rā katoa ra. Kua kite oki kotou 2
i teianei rā, (kare oki ki ta kotou au
tamariki taku e karanja atu nei, ko tei
kore i kite ra, ko tei kore i akara ra,) i
te ako a to kotou Atua ra a Iehova; i
tona mana, tona rima marōrō, e tona 3
rima i akatikaia ra, E tana au akuiro,
e tana au angaanga, i raveia e ia i rotou
i Aiphiti, i te ariki oki o Aiphiti ra ia 4
Pharao, e tona enua katoa ra; E tana
i rave i te nuku o Aiphiti ra; ta ratou
au ipo, e ta ratou au kariota; i te aka-
nina anga aia i te reira i te tai mura-
mura ra; ka aruaru mai ei ratou ia ko-
tou; e te pou takiri anga ratou ia Ie-
hova ra, e tae rava akenei ki teianei 5
rā; E tana oki i rave ia kotou i te me-
debara ra, e tae rava mai nei kotou i ko
nei; E tana oki i rave ia Datana raua 6
ko Alirama, nga tamariki a Eliaba te
tamaiti a Reubena ra; i te enua nei i
te amama anga i tona vaa, e te apuku
anga ia ratou, e to ratou au kopu-ta-
ngata, e to ratou au puakapa, e te au

apinga ravarai no ratou ra, i rotou ia
7 Iseraela katoa ra: E tenana, kua kite
pu to kotou na au mata i taau angaanga
maata katoa a Iehova tana i rave ra.
8 E akono oki kotou i te au akauenga
ravarai taku e akaue atu kia kotou na i
teianei rā, kia maroiroi kotou, e kia tae
kotou, e kia rauka te enua, ta kotou e
9 aere e rave nei ei nooanga; E kia roa to
kotou au rā ki runga i te enua, ta Iehova
i taputou atu ki to kotou na ai metua e e
oronga aia no ratou, e no to ratou ra
uanga, e enua ta'e a vai ua te u e te
10 meli. Ko te enua nei ta kotou e aere
e rave no kotou nei, kare mei te enua
ra mei Aiphiti, mei reira mai kotou ra,
i ta kotou i ruru i te ua maau, e na to
kotou vaevae i tavai, mei te kainga
11 tanu anga rakau rikiriki ra: Ko te
enua ra ta kotou e aere e rave no kotou
nei, e enua maunga ia, e te o, e inu ua
12 te vai ua no te rangi mai; E enua i
akonoia mai e to Atua ra e Iehova; tei
reira uorai te mata o to Atua ra o Ie-
hova tei rungao i taau enua ra, mei te
momua anga o te mataiti, e tae ua atu
ki te openga o te mataiti ra.
13 Kia akarongo tikai kotou i te au
akauenga taku e akaue atu ia kotou i
teianei rā, kia inangaro kotou i to kotou
Atua ia Iehova, e kia akamori kotou
iaia, ma to kotou ngakau katoa, e ma
14 to kotou vaerua katoa ra, Ei reira au e
oronga atu ei i te ua i to kotou na enua
i tona tuatau tikai, i te na muatngana,
e te ua openga; kia akaputupu mai
koe i taau sitona ki roto, e taau vine, e
15 taau inu. E oronga atu oki au i te
ngangaere ki rungao i toou enua na
taau au puaka, kia kaikai koe e kia
16 merengo. Kia matakite ia kotou
uorai, kia kore to kotou ngakau e vare,
kia kore kotou e tatipake i te araara
anga i te au atua ke ra, e te akamori
17 anga atu ia ratou ra; E kua tupu te
riri o Iehova ia kotou, e momani iora
aia i te rangi e kare rava atura e ua,
e kare akera oki e tupu te kai o te
enua ra; mate vave iora kotou i rungao
i tana enua meitaki ta Iehova e oronga
mai no kotou ra.
18 E teianei e vaio kotou i taau au tua-
tuanaku nei ki roto i to kotou ngakau,
e ki roto i to kotou vaerua, e tākai oki
i te reira ki rungao i to kotou rima ei
akairo, e kia riro oki mei te tarae ki
19 mua tikai i to kotou na mata. E apii
oki kotou i te reira ki ta kotou au tama-
riki, i te karangaranga anga i te reira
kia noo ua koe i roto i to are, e kia aere
ua koe na te aratan, e kia akūvai koe, e
20 kia tu oki koe ki rungao. E tata oki

koe i te reira ki rungao i te au kopa ngutupa are noou ra, e ki rungao i to au ngutupa oire: Kia akamaataia to kotou au ra, e te au rā katoa o ta kotou au tamariki, ki runga i te enua ta Iehova i taputou atu ki to kotou ai metua ra e oronga no ratou ra; mei te au rā o te rangi ki runga i te enua nei.

Kia akono tikai oki kotou i teia katoa nei au akauenga taku e akaue atu ia kotou nei, ma te rave i te reira; kia inangaro kotou i to kotou Atua ra ia Iehova, ma te aere i tona katoa ra au arataa, e te topiri tika anga kiaiia ra; Ka eke teianei au iti-tangata katoa ia Iehova ki mua atu ia kotou na i reira; e e au enua tangata maata roa, e te ririnui to ratou i to kotou ra, te ka eke ia ia kotou. Ko te au ngai katoa i ta-kaiia e to kotou au vaevae ra, no kotou ia; mei te medebara mai, e tae ua atu ki Lebanona, mei te vai maira ko te vai Eupharate, e tae ua atu ki te tai i te opunga o te rā ra, ko ta kotou ia kotinga. Kare rava e tangata e mou ki mua ia kotou na: na to kotou Atua oki na Iehova e tuku i te matakou ia kotou, e te ngarangara ia kotou, ki runga i te enua katoa ta kotou e takai ra, tana i tuatua mai kia kotou na.

I na, te tuku nei au i te meitaki e te katara ki mua ia kotou i teianei rā: Kia akarongo kotou i te au akauenga a to kotou Atua ra a Iehova taku e akaue atu kia kotou i teianei rā, ko te meitaki ia; E kia kore kotou e akarongo i te au akauenga a to kotou Atua ra a Iehova, kia tatipake ra kotou i te arataa taku i akaue atu ia kotou i teianei rā, kia aru atu i te au atua ke, kare i kitea e kotou ra, ko te katara ia. E kia kavca koe e to Atua ra e Iehova ki runga i te enua taau e aere nei e rave noou ra, ka tuku koe i te meitaki ki runga i te maunga ra ko Gerizima, e te katara ra, ei runga ia i te maunga ra ko Elhala. Kare aina tei tera pae Ioridana i te pae i te opunga o te rā ra, i te enua o te ngati Kanaana, e noo i te ngai atea i aite ki Gilgala ra, i vaitata i te au ale i More ra? Ka aere oki kotou ki tetai pae Ioridana, kia rauka te enua ta to kotou Atua ra ta Iehova e oronga mai no kotou; e ka riro ia kotou taua enua ra, e noo oki kotou i reira. E mako tikai ra kotou i te au akonoanga, e e rave i te au tuatua-tau katoa taku e tuku atu ki mua i to kotou aroaro i teianei rā.

PENE XII.

Te au mea katoa a te akamori idolo kia taitaipakoko ravaia e tika i: kua akakoreia te kai toto.

1 **T**EIA te au akonoanga, e te au tuatua-tau, ta katoa e akono, e e rave, i te au rā katoa i to kotou ora anga, i runga i te enua ta te Atua o to kotou na ai metua ra, ta Iehova, e oronga mai no kotou ei nooanga. E tairipoti takiri kotou i te au ngai rava-rai ta te au etene te ka eke ia kotou nei i araara i to ratou au atua, tei runga i te maunga teitei ra, e tei runga i te au tuaivi ra, e tei raro ake i te au rakau marumaru katoa ra: E uritumu kotou i ta ratou au atarau, e vava'i oki i to ratou au tiki, e tutungi oki i to ratou au Asetoreta ki te ai: e tipupu oki kotou i te au tiki akatikitikiia o to ratou au atua, e e akapou atu i to ratou ingoa i taua ngai ra. Auraka ra kotou kia akapera ki to kotou Atua ra ia Iehova. Ko te ngai ra ta to kotou Atua ta Iehova e akono i roto i to kotou au kopu katoa ra ei vairanga no tona ra ingoa, ko tona ngutuare ta kotou e kimi, e aere tika mai oki kotou ki reira: E apai tikai oki i ta kotou au tusia karakaratio ki reira, e ta kotou au tusia ra, e ta kotou ngauruanga, e te terume o to kotou rima, e ta kotou au tia, e ta kotou au korebana apai ua ra, e te anaunga mua o ta kotou au bōvi, e ta kotou au mamoe ra: E kai-kai oki kotou ki reira ki mua i te aroaro o to kotou Atua ra o Iehova, e ka rekareka kotou i te au mea katoa i raveia e to kotou rima, kotou e to kotou au ngutuare, i te mea kua akameitaki to Atua ra ko Iehova ia koe.

8 Kare kotou e rave, mei ta tatou e rave ua i ko nei ra i teianei rā, ko te tangata katoa i tei tau i tona uarai mata. Kare rai oki kotou i tae ki te ngai akaangaro anga, e te tuanga ta to kotou Atua ta Iehova e oronga nei no kotou. Kia tae ra kotou ki tera pae Ioridana, e kia noo ki te enua ta to kotou Atua ta Iehova e oronga mai no kotou na ei nooanga; e kia akaanga aia i to kotou roiroi i to kotou au enemi ravarai e pini ua ake, i te noo ua anga kotou ma te au; Ko te ngai ra ta to kotou Atua ta Iehova e akono i reira, ei vairanga no tona ra ingoa; e apai tika kotou i te au mea katoa taku e akaue atu ia kotou nei ki reira; ta kotou au tusia karakaratio, e ta kotou au tusia ra; ta kotou ngauruanga, e te

terume o to kotou rima, e ta kotou au
tia anoano katoa, ta kotou e tia ia Ie-
hova ra: E rekareka oki kotou ki mua 12
i te aroaro o to kotou Atua ra ko Ie-
hova; kotou, e ta kotou au tamaroa, e
ta kotou au tamaine, e to kotou au ta-
vini tane, e to kotou au tavini vaine;
e te ngati Levi i o ou ra; no te mea
kare ana tuanga e te kainga i rotopu ia
kotou na.

Kia matakite ia koe uorai, kia kore 13
koe e apai ua i taau au tusia karaka-
ratio, ki te au ngai katoa taau e akara
ra: Ei te ngai ra ta Iehova e akono i o
tetai i toou au kopu na, e apai koe i
taau au tusia karakaratio ki reira, e ei
reira katoa e rave ei i te au mea katoa
taku e karanga atu kia koe nei. E ko 15
ua ra koe, e e kai ua i te puaka i toou
au ngai ravarai, kia inangaro koe ra, i
tei tau i te meitaki to ta Atua ta Ie-
hova i oronga mai noou ra; e kai
katoa te viivii e te viivii kore i te
reira, kareka mei te zabi e te aili:
Auraka ra kotou e kai i te toto; e aka- 16
ta'e kotou i te reira ki raro i te one mei
te vai ra. Auraka koe e kai i o ou ra 17
i te ngauruanga o taau sitona, e taau
wina, e taau inu, e te anaunga mua o
taau au bovi, e taau ra au mamoe, e te
au tia katoa taau i tia ra, e taau au ko-
rebana apai ua ra, e te au terume o to
rima ra: E kai ra koe i te reira ki 18
mua i te aroaro o to Atua ra o Iehova,
i te ngai i akonoia e to Atua ra e Ie-
hova; ko koe, e taau tamaiti, e taau
tamaine, e to tavini tane, e to tavini
vaine, e te ngati Levi i o ou ra; e
rekareka oki koe ki mua i te aroaro o
to Atua ra o Iehova, i te au mea katoa 19
ta to rima e rave ra. Kia matakite ia
koe e, auraka koe e akaruke i te ngati
Levi, i toou katoa ra au ra i runga
i to enua na.

E kia akamaata to Atua ra ko Iehova 20
i toou ra kotinga, i tana oki i tuatua
mai kia koe ra, e kua tuatua akera koe
e, Ka kai au i te puaka, no te mea te
kaki ra koe i te puaka; e tika ia koe
kia kai i te puaka, kia kaki ua atu koe
ra. I mamao roa ia koe taua ngai i 21
akonoia e to Atua ra e Iehova ei vaira-
nga no to na ingoa, e tika ia koe kia
ko ua e kia kai i taau ra au bovi, e
taau ra au mamoe, ta Iehova i oronga
mai naau ra, i o ou ra, kia anoano ua
atu koe ra, i taku oki i akaue atu kia
koe na. Mei te zabi e te aili i keingai 22
ra, ka kai katoa koe i te reira; te viivii
e te viivii kore ka kai katoa ia i te
reira. Auraka takiri ra koe e kai i te 23
toto: ko te ora oki to toto; kare oki e

tika ia koe kia kai i te ora ma te kiko
24 katoa ra. Auraka rava koe e kai i te
reira; ka akata'e koe i te reira ki raro
25 i te one mei te vai ra. Auraka rava
koe e kai i te reira; kia meitaki koe, e
to tamariki i muri ake ia koe ra, kia
rave koe i te mea tika ki mua i te aro-
aro o Iehova ra. Ko te au mea ra i
26 akatapuia e koe ra, e te au tia naau, e
rave rai koe i te reira, e aere i taua
27 ngai i akonoia e Iehova ra: Ka apai
oki koe i taau ra au tusia karakaratio,
te kiko, e te toto katoa, ki runga i te
atarau a to Atua ra a Iehova; e te toto
o te au tusia auu ra, ka riringia ia ki
runga i te atarau a to Atua ra a Ie-
hova; kareka te kiko no te reira ra o
28 tika ia koe kia kai. E akono meitaki
ana e e akarongo mai i teianei au tua-
tua ravarai taku e akaue atu kia koe
na, kia meitaki oki koe, e to tamariki i
muri ake ia koe e tuatau ua atu, kia
rave koe i te mea meitaki, e te mea
tika, ki mua i te aroaro o to Atua ra o
Iehova.

Kia pou te au iti-tangata ra ki mua
ia koe i to Atua ra ia Iehova, i taau e
aere nei e akangere, e kia tupauia ratou
e koe ra, kia noo koe i to ratou enua
30 ra; E akono meitaki ia koe uorai, kia
pou ratou i mua i to aroaro ra, kia kore
oki koe e ara i te aru anga atu ia ratou
ra; auraka oki koe e ui ki to ratou au
atua ra, i te tuatua anga e, I akapeea
teianei au iti-tangata i te araara i to
ratou au atua ra? e akapera katoa oki
31 au nei. Auraka oki koe e akapera i
toou Atua ra ia Iehova: kua ope oki
te au mea viivii katoa ta Iehova e ma-
kitakita ra i te raveia e ratou i to ratou
au atua; e kua tae rava i te ta'u i ta
ratou uorai au tamaroa e te au ta-
maine ki te ai i to ratou au atua ra.
32 Taku e akaue atu kia kotou ra, e
akono tikai i te reira, e rave ia; auraka
koe e topiri ua atu i tetai va'i, e auraka
oki e akatopa i tetai va'i.

PENE XIII.

*E mate takiri rava te aronga i aka-
nuuru i te akamori idolo e tika'i.*

KIA tupu ua atu tetai peroveta e te
moemoea i rotopu ia kotou na: e
kia tuku mai aia i te akairo e te piri ia
2 koe ra; E kia tupu tikai taua akairo
e, e taua piri ra, kua tuatua maira aia
kia koe, kua na ko maira, Taki aere
tatou e aru i te au atua ke nei, (i tei
kore i kitea e koe nei,) e araara tatou i
3 te reira; Auraka koe e akarongo i te
tuatua a te reira peroveta, e te reira

moemoea; te timata ra oki to kotou ra Atua ko Iehova ia kotou, kia kitea to kotou inangaro anga i to kotou ra Atua ia Iehova, ma to kotou ngakau katoa, e ma to kotou vaerua katoa. Ko to kotou Atua ra ko Iehova ta kotou e aru, e koia ta kotou e matakau, e tana ra au akaunga te akono, e akarongo oki i tona reo, e araara oki iaia, e koia ta kotou e topiri tika atu; E taua peroveta ra, e taua moemoea ra, ka tamate takiri ravaia ia; koia i tuatua e, e akaanga ke ia kotou i to kotou Atua ra ia Iehova, ko tei arataki mai ia kotou mei te enua maira mei Aiphiti, e kua akara ia koe i taua ngutuare i tavini ei ra, kia taka ke koe i taua arataki ra ta to Atua ta Iehova i akaue ia koe e na reira te aere. Pou atura ia koe i reira te kino i roto ia kotou.

Kia akanauru poiri mai to taeake ia koe, i te tamaiti a to metua vaine, e taua uorai tamaiti, e taua uorai tamaine, e taua uorai vaine, e moe i to keke ra, e toou oa, mei ia koe katoa uorai te tu ra, kia tuatua mai e, Taki aere tatou e araara i te au atua ke, (tei kore i kitea e koe, ko koe, e to ai metua katoa ra:) I te au atua no te au tangata e akapini ia koe ra, i tei vaitata ia koe, e tei te mamao ke, mei tetai openga mai o te enua e tae ua atu ki tetai openga o te enua ra; Auraka koe e akatika, auraka oki e akarongo ua atu kiaia; auraka koe e akara aroa atu iaia; auraka koe e akaperepere, auraka oki e uuna atu iaia: E tamate takiri ra koe iaia; ko toou ana te rima e rave ana iaia e tamate takiri rava, e muri ake ko te rima o te tangata ravarai ra. E pei koe iaia ki te toka kia mate rava; no te mea i aruaru aia ia koe kia taka ke koe i to Atua ra ia Iehova, tei arataki mai ia koe mei te enua maira mei Aiphiti, mei te ngutuare i tavini ei ra. Kia akarongo katoa to Iseraela ravarai e kia matakau, kia kore rava e tupu akaou te kino mei te reira te tu i roto ia kotou na.

Kia akarongo ua atu koe i te tuatua i tetai oire ta to Atua ta Iehova i oronga mai noou ei nooanga, i te na ko anga mai, Kua tupu e tokotai puke tangata kanga i rotupu ia kotou, e kua akatareva ke i te au tangata o to ratou oire, i te na ko anga atu e, Taki aere tatou e araara i te au atua ke, kare i kitea e kotou na; E ui koe i reira, e 14 makitono marie, e ui maei oki; e i na, e mea mou, e kua taka tikai, e kua raveia te reira mea viivii i rotupu ia kotou na; Ka tamate takiri rava koe i 15

to te reira oire ki te mata koke, kia tutuamu rava ia te reira e to roto katoa ra, e to reira au puaka ki te mata 16 koke. E akaputupu oki koe i te apinga tini ravarai o te reira oire i rotupu i te arataki, ka ta'u ei i taua oire ra e te apinga tini ravarai ki te ai, ki mua i te aroaro o to Atua ra o Iehova; e kia riro ua atu ei ututua e tuatua ua atu; kare rava te reira oire e patu akaouia: 17 Auraka rava tetai va'i o taua mea i kataraiia ra kia mouria i to rima na; kia anga mai a Iehova i te ototoo anga o tona riri, e kia akaperepere mai ia koe ra, e kia aroa mai ia koe, e kia akamaata mai ia koe, i tana i taputou 18 atu ki to ai metua ra; Kia akarongo oki koe i te reo o to Atua ra o Iehova, ma te akono i tana katoa ra au akaunga taku e akaue atu kia koe i teianei ra, i te rave anga i te mea tika ki mua i te aroaro o to Atua ra ko Iehova.

PENE XIV.

Te au kai e tika'i kia kai, e te kore e tika kia kai ra. Te ture no te ngauruanga.

E TAMARIKI kotou na to kotou Atua ra na Iehova; auraka kotou e kotikoti ia kotou, e auraka oki e mangore i to kotou rae i te tangata kia 2 mate ra. E aronga tapu oki koe no to Atua ra no Iehova, e kua iki a Iehova ia kotou no roto i te au iti-tangata ravarai o te ao nei, ei iti-tangata tikai nona uorai. 3 Auraka rava koe e kai i te mea viivii. 4 Teia te au puaka e tika ia kotou kia kai ra: ko te bovi, te mamoc, e te 5 puaka-nio, Te aili, e te zabi, e te kemura, e te aku, e te disona, e te teo, 6 e te zemera. E te au puaka maikuku ngaa katoa, e ngaa rua ua te maikuku ra, e tei tamaru i te kai, i roto i te au puaka ra, e tika ia ia kotou kia kai. 7 Teia ra ta kotou e kore e kai no roto i tei tamaru i te kai ra, e tei ngaa te maikuku ra: ko te kamela, e te aranebete, e te saphana; e tamaru ua oki te reira i te kai, kare ra i ngaa te maikuku; ei mea viivii oki te reira ia 8 kotou. Koia oki te puaka-maori, ngaa ua tona maikuku, koia ra kare i tamaru i te kai, ei mea viivii te reira ia kotou: auraka rava kotou e kai i te kiko o te reira, auraka oki e akatukia ua atu i te reira kia mate ra. 9 Ko to raro i te tai e te vai ra, teia te tika ia kotou kia kai; ko tei peauini, 10 tei poaia ra, ka kai ia kotou: Kareka te au ika peau kore, e te poa kore ra,

kare e tika ia kotou kia kai; ei mea viivii ia te reira ia kotou.

E kai kotou i te au manu viivii kore 11 ravarai. Teia ra te kore e tika ia ko- 12 tou kia kai ra: ko te aeto, e te peresa, e te ozeni, E te ra, e te aie, e te daa, i 13 to ratou tu, E te orebi, i to ratou tu, 14 E te ione, e te takemesa, e te sakapha, 15 e te neza, i to ratou tu, E te kusa, 16 e te ianesupha, e te tenesemata, E te 17 kate, e te rakama, e te salaka, E te 18 kasida, e te anapha, i to ratou tu, e te dukipata, e te otelepa. E te au mea 19 rere katoa e totoro aere ra ei mea viivii ia ia kotou; auraka te reira e keingaia. *Kareka* te au manu viivii kore katoa 20 ra, e kai ia kotou i te reira.

Auraka kotou e kai i te mea mate ua 21 ra; e apai koe i te reira na te tangata ke e noo i o ou ra, e nana e kai; e tika oki ia koe kia oko i *taua mea* ra ki te tangata ke; kareka koe ra, e iti-tangata tapu ia no to Atua ra no Iehova. Auraka koe e tunu i te punua puaka-nio i te u o tona tinana.

Ei ngauruanga taau e oronga i tei 22 tupu i te enua i taau katoa ra ua i *tanu*, i tera mataiti, i tera mataiti. E te ngauruanga no taau ra sitona, 23 no taau ra wina, e no taau ra iuu, e te anaunga mua i to au bovi, e to au mamoe, e kai koe i te reira ki mua i te aroaro o to Atua ra o Iehova, i te ngai tana e akono ei vairanga no tona ra ingoa; kia apai koe, e kia matakui toou Atua ra ia Iehova i te au ra katoa ra. Kia mamao ra ia koe taau ngai i 24 akonoia e to Atua ra e Iehova ei vairanga no tona ra ingoa, e kare atura e tika ia koe kia apai i *taau ngauruanga*, i te mamao oki o taau ngai ra, kia akameitakiia koe e to Atua e Iehova ra; E akariro koe i *taua mea* ra ei moni i 25 reira, ka rave ei i taau moni ra i to rima, ka aere ei ki te ngai i akonoia e to Atua ra e Iehova: Ka oko ei koe i 26 te au mea katoa taau i anoano ra ki te moni, i te bovi ra, e te mamoe ra, e te wina ra, e te kava, e te au mea katoa atu taau e anoano ra; ka kai ei koe ki reira ki mua i te aroaro o to Atua ra o Iehova, e rekareka'i koe, ko koe, e to ngutuaru ra: E te ngati Levi i noo i o 27 ou ra, auraka koe e akaruke iaia; no te mea kare ana tuanga e te kainga i o ou ra.

E ia tac ki te openga o te toru o te 28 mataiti, ka apai mai koe i te ngauruanga ravarai o taau ra apinga i tupu i te reira mataiti, ka akaputuputu ei i roto i toou ra are; E ka aere mai te 29 ngati Levi, no te mea kare ana tuanga

e te kainga i o ou ra, e te tangata ke, e te matiroeroe, e te vaine takaua katoa i o ou ra, ka kai e kia merengo: kia meitaki oki koe i to Atua ra ia Iehova i te au angaanga katoa ta to rima e rave na.

PENE XV.

Auraka e umuumu i te ou kia tae ki te itu o te mataiti. Na te Atua te anaunga mua a te au puuka ra.

- 1 **K**IA tae ki te openga o te itu o te mataiti ra, ei tukunga taau i
- 2 reira. Tera oki te tu o taau tukunga ra: Ko te au tangata ou ravarai ra, tei apai i te apinga ki tona tangata tupu ra, e tuku ua atu aia iaia; auraka aia e umuumu i *taua apinga* ra i taau tangata tupu nona ra, i te taeake nona ra, no te mea, kua tutuia te mataiti tu-
- 3 kunga na Iehova. I te tangata ke ra e tika ia koe kia umuumu atu, ko taau uorai ra i to taeake na to orai rima e
- 4 tuku ua atu; Mari ra kia kore rava te aronga apinga kore i o ou ra; e akameitaki rava oki a Iehova ia koe i runga i te enua ta to Atua ra ta Iehova e oronga
- 5 noou nei ei noonga: Kia akarongo meitaki koe i te reo o to Atua ra o Iehova, e e akono koe kia rave i teia katoa nei au akaunga taku e akaue atu kia koe na i
- 6 teianei ra. E akameitaki mai oki to Atua ra ko Iehova ia koe, tana oki i tuatua mai kia koe ra: e apai oki koe i te apinga na te pa enua e manganui, kare ra koe e pati i ta ratou: e mana oki koe i runga i te pa enua e manganui, kare ra ratou e mana i runga ia koe.
- 7 E tangata apinga kore to roto ia kotou na, no to au taeake ra, tei roto i te au oire katoa noou ra, i toou na enua ta to Atua ta Iehova e oronga mai noou, auraka koe e akamurokiakia i toou ngakau, e e topiri i to rima, i to taeake
- 8 apinga kore ra: E oora ua ra koe i to rima kiaia, e tuku atu oki koe iaia i tana e inangaro ra, e kia rava tikai.
- 9 Kia matakite, ko te tuatuaia aea to roto i to ngakau kino na, ko te karanaga aea koe e, Kua vaiata i te itu o te mataiti, te mataiti tukunga; akara aroa kore atura koe i to taeake apinga kore ra, e kare akera koe i oronga ua atu i *tetai apinga* nana; e kua kapiki atura aia kia Iehova ia koe, arai i ora
- 10 koe ra. E oronga tikai koe i te apinga nana, e auraka to ngakau e noinoi kia oronga koe i te apinga nana: no reira oki e akameitaki ei to Atua ra ko Iehova ia koe i taau au angaanga katoa ra, e to au mea katoa taau e rave ra.

Kare ra oki e kore te ao i runga i te 11 enua na; e teianei, te akaue atu nei au ia koe, te tuatua nei au, E oora ua koe i to rima i toou taeake apinga kore, e tei ngere i runga i to enua na.

E kua okoia mai to taeake, i te ngati 12 Hebera tane e te ngati Hebera vaine, kia koe, e ka ono akera mataiti i te tavini anga ia koe ra; kia tae ra ki te itu o te mataiti, e tuku ua koe iaia kia aere ke atu i o ou ra. E kia tuku ke 13 atu koe iaia i o ou ra, auraka koe e tuku puapinga kore ua iaia: Ei tutaki 14 maata taau e apai nana no roto i te au mamoe, e te sitona naau, e te taomiaunga vine naau; ta to Atua ta Iehova i akameitaki mai ia koe, ko taau ia e oronga nana. E akamaara oki koe e, e tavini 15 katoa koe i te enua ra i Aiphiti, e kua akaoraia koe e to Atua ra e Iehova; i akaue atu ei au kia koe i teianei tuatua i teianei rā. Kia tuatua ua maira 16 aia kia koe e, Kare au e akaruke ia koe; no te mea te inangaro ra aia ia koe e toou ngutuaru, no te mea e meitaki aia ia koe; Ka rave koe i tetai ko 17 i reira, ka ko ei i tona taringa ki runga i te pa, e ei tavini aia noou e tuatau ua atu. E pera katoa koe i to tavini vaine ra. Auraka koe e noinoini kia 18 tuku ua atu koe iaia kia aere ke atu i o ou ra; e tau oki tona meitaki i te tavini anga ia koe ra, e ono akera mataiti, i te tavini tutaki ua e kia rua ua atu; kia akameitaki mai oki to Atua ra ko Iehova ia koe i te au mea katoa taau e rave ra.

Te au anaunga toa mua o taau ra au 19 bovi, e taau ra au mamoe, e akataka ia koe na to Atua na Iehova: auraka rava taau ra au anaunga bovi mua e rave i te angaanga, e auraka rava te au anaunga mua o taau mamoe kia pakotia. Naau, e na toou ngutuaru e kai i te 20 reira ki mua i te aroaro o to Atua ra o Iehova, i tera mataiti, i tera mataiti, i te ngai ta Iehova e akono ra. E kino 21 ra to taau au *puaka* ra, kia pirikoki ra, e te matapo oki, e te au kino katoa nei oki, auraka koe e apai i te reira ei tusia na to Atua na Iehova. E kai ua koe i te 22 reira i roto i toou ra are: e kai katoa te aronga viivii e te viivii kore i te *reira*, mei te zabi, e te aili ra. Auraka ra 23 koe e kai i te toto; ka riringi koe i te reira ki raro i te one mei te vai ra.

PENE XVI.

Nga oroa mataiti e toru ra, e ta te tangata e apai kiu tae ki nga oroa ra.

E AKONO i te marama ra ia Abiba, 1 e rave rai i te pasa a to Atua ra a 188

Iehova; ko Abiba oki te marama i arataki mai ei to Atua ko Iehova ia koe 2 mai Aiphiti mai i te po. E teianei e apai koe i te pasa na to Atua ra na Iehova, e mamoe e te bovi, ki te ngai ta Iehova e akono ei vairanga no tona ra 3 ingoa. Auraka koe e kai ma te areto akaopueia ra; kia po itu ra koe i te keinga ma te areto akaopue kore, te areto no te mate ra; i aere rapurapu ua mai oki koe mei te enua maira mei Aiphiti, no reira koe ka manako ei i te 4 ora anga nei. Auraka rava ei areto akaopueia kia kitea i o ou ra, i roto i toou katoa au kotinga, e ope ua ake nga rā e itu ra; auraka rava oki ei manga kiko, i taau i akatusia i te rā mua i te aiai ra, e vaoia no te popongi ake. 5 Kare e tika ia koe e ko i te pasa i roto i te au oire katoa noou, ta to Atua ta Iehova e oronga mai noou ra: Ei te 6 ngai ra ta to Atua ra ta Iehova e akono ei vairanga no tona ra ingoa, ei reira koe e ko ei i te pasa, ei te aiai ra, i te topa anga o te rā ra, i te tuatau taau i 7 aere mai mei Aiphiti maira. Ka tunu oki koe, e e kai oki i te ngai ta to Atua ra ta Iehova e akono ra; e tika ra ia koe kia oki ki to ngutuaru kia popongi 8 ake. Ka kai koe i te areto akaopue koreia i nga rā e ono, e kia tae ki te itu o te rā ei uruoaanga *tapu* iia na toou Atua na Iehova; auraka rava koe o rave i te angaanga i reira.

9 E tatau koe i nga ebedomā e itu ra; kia akamata koe i te kokoti i te sitona ra, e mei reira mai i te tatau i nga 10 ebedomā e itu ra. E akono oki koe i te oroa ebedomā a to Atua ra Iehova, ma te apinga oronga ua a to rima ra; naau e oronga i tei tau ki ta to Atua ra ta Iehova i akameitaki mai ia koe 11 ra: E rekareka koe ki mua i te aroaro o to Atua ra o Iehova, ko koe, e taau tamaiti, e taau tamaine, e to tavini tane, e to tavini vaine, e te ngati Levi i o ou ra, e te tangata ke, e te matirocroc, e te vaine takaua i o ou na, i te ngai i akonoia e to Atua ra e Iehova ei 12 vairanga no tona ra ingoa. E akamaara oki koe e e tavini koe i Aiphiti ra; e akamako oki koe i teianei au akonoanga e e rave. 13 E akono oki koe i te oroa *patia anga* puakapa e kia po itu, kia oti taau sitona e taau wini i te akaputupuia e koe 14 ki roto ra; E rekareka oki koe i taau oroa naau ra, a koe, e to tamaiti, e to tamaiue, e to tavini tane, e to tavini vaine, e te ngati Levi, e te tangata ke,

e te matiroeroe, e te vaine takaua i o ou ra. Kia po itu koe i te akono anga 15 i te oroa a toou Atua ra a Iehova, i te ngai i akonoia e Iehova; e akameitaki mai oki to Atua ra ko Iehova ia koe i tauu katoa ra apinga tini, e te au angaanga katoa a to rima na, e ka rekareka tika rai oki koe.

Kia taki toru to te au tane katoa i o 16 ou ra aere akakite anga atu ki mua i te aroaro o to Atua ra o Iehova i te mataiti okotai, i te ngai tana e akono ra; ei te oroa areto akaopue kore ra, e te oroa ebedoma ra, e te oroa *patia anga* puakapa: e auraka oki ratou e aere puapinga kore ua ki mua i te aroaro o Iehova: E oronga ra te tangata ravarai 17 i tei tika iaia ra, i te tau i te meitaki ta to Atua ra ta Iehova i oronga atu kia koe ra.

Ei aronga akava e te aronga taoonga 18 tauu e akono i to au oire ravarai ra, ta to Atua ra ta Iehova e oronga mai noou ra, e piini ua ake to au kopu katoa ra; e na ratou e akava i te tangata ma te tuatua-tau tikai ra. Auraka koe e ruri 19 ke i te tuatua-tau ra; auraka koe e akono i te tu o te tangata, auraka oki e rave i te tutaki; ka po oki te mata o te aronga pakari i te tutaki, e piko ke oki te tuatua a te aronga tuatua-tika ra. Ko te mea tika tikai ra tauu e 20 akono, kia ora koe, e kia noo i te enua ta to Atua ra ta Iehova e oronga mai noou ra.

Auraka koe e tanu i te rakau katoa 21 nei, ei vaorakau i vaiata i te atarau, tauu e akatu noou na to Atua ra na Iehova. Auraka oki koe e akatu i te tiki 22 naau; e mea riri ia na to Atua ra na Iehova.

PENE XVII.

E ta i te au akamori idolo e tika'i; te ravenga i te ture kimingata, e te iki-nga ariki.

AURAKA koe e apai i te bovi kino 1 e te mamoe, e te au kino katoa nei, ei tusia na to Atua na Iehova; e mea viivii oki te reira na to Atua ra na Iehova.

Kia kitea uaia atu tetai tangata i o 2 ou ra, i roto i te au oire katoa ta to Atua ra ta Iehova e oronga noou ra, i te tane e te vaine, i rave ra i te mea kino ki mua i te aroaro o to Atua ra o Iehova, i te akaatikan anga i te korero-motu nana ra, E kua aere e kua araara 3 i te au atua ke, e kua akamori atu ia ratou, mei te rü, e te marama, e to te rangi katoa ra, tei kore i akaneia e au

4 ra; E kua akakiteia mai tauu tuatua ra kia koe, e kua akarongo atura koe, e kua ui meitaki, e i na, e tuatua mou, e kua taka tikai, e kua raveia te reira ra 5 mea viivii i roto ia Iseraela ra: E arataki mai koe i taua tane ra e taua vaine ra, i rave i taua mea kino ra, ki to ngutupa oire ra; ka pei ei i taua tane ra, e taua vaine ra, ki te toka, e kia mate takiri. 6 Tei te tuatua a nga kite toko rua, e nga kite toko toru, ka mate ei taua tangata i tika kia taia ra; *kareka* i te tuatua a te kite okotai ra, kare ia aia e tamateia. 7 To nga kite ra te rima e rave ana iaia kia ta, e i muri ake ko nga rima ia o te tangata katoa. Pou atura ia koe i reira te kino i roto ia kotou.

8 Kia tupu ua atu tetai tuatua kare e tika ia koe e akaaiteite ra, mei tetai mate e tetai mate, tetai tuatua e tetai tuatua, e tetai papā e tetai papā, e mea tauetonoia i roto i to au oire ra; e tu koe i reira e aere ki te ngai i akonoia e 9 to Atua ra e Iehova; E aere tika koe ka ui ki te kau taunga ra ki te au ngati Levi ra, e te tangata akava i te reira tuatau ra; e na ratou e akakite mai 10 ia koe i te utunga tau tikai: E naau e rave i taua mea ra ta ratou e akakite kia koe i taua ngai i akonoia e Iehova ra; e akamako oki koe, e e rave marie 11 i ta ratou e akakite mai kia koe ra: Ko te tuatua a te ture ta ratou e akakite mai kia koe ra, e te utunga ta ratou e tuatua mai kia koe ra, ko tauu ia e rave; auraka koe e tatipake i taua tuatua ta ratou e akakite mai kia koe 12 ra, ki te pae katau e te pae kaui. E te tangata e māro mairai, kare e akarongo ki te taunga e tu ua i reira ra, i te rave anga i te taoonga ki mua i te aroaro o to Atua ra o Iehova, e kare e akarongo i te akava, ka mate te reira tangata; pou atura ia koe i reira te kino i roto 13 ia Iseraela. Ka riro oki te tangata ravarai i te akarongo, e te matakau, e kare atura e māro akaou.

14 Kia tae koe ki te enua ta to Atua ta Iehova e oronga mai noou ra, e kia rauka ia koe ra, e kia noo koe i reira, e kia tuatua koe e, E akaariki au i tetai ariki ki rungao iaku, mei te pa enua 15 ravarai e akapini iaku nei; Ko ta to Atua ra ta Iehova e iki ra, ko tauu ia e akariro ei ariki ki rungao ia koe: ei tangata no roto i to ai taeake ra tauu e akariro ei ariki ki rungao ia koe; kare e tika kia akariro i te tangata ke kare no roto i to ai taeake, ei ariki ki rungao 16 ia koe ra. Auraka ra aia e akamaata i te ipo nana, ko te oki akaou sea te tangata ki Aiphiti iaia, kia maata rava te

ipo ra: kua tuatua oki a Iehova kia kotou e, Auraka rava kotou e oki akaou na te reira arataa. Auraka oki aia e 17 akamaata i te vaine nana, kia kore e tatipake tona ngakau: auraka katoa aia e akamaata rava i te ario e te auro nana. E kia noo aia ki runga i te te-rono o tona ra basileia, ei reira aia e ta-ta'i i teime'i ture nana uaorai ki roto i tetai buka, no roto i *te buka ture*, e vaoo i te kau taunga ra i te ngati Levi ra: E ei iaia uaorai *taua ture* ra vaoo ei, e ka tataui oki aia e ope ua atu tona au rā i te ora anga nei; kia apai aia e kia matakau i tona Atua ra ia Iehova, e kia akono i te au tuatua ravarai o teime'i ture, e teime'i au akonoanga, kia raveia: Kia kore e teitei tona ngakau i tona ai taeake ra; kia kore aia e anga ke i te akauenga ki te pae katau e te pae kaui; kia roa oki tona au rā i tona basileia ra, koia, e tana au tamariki, i rotou ia Iseracla ra.

PENE XVIII.

Ko Iehova ta te kau taunga e ta te ngati Levi ra tuanga: te peroveta mei ia Mose te tu i akakite mamaoia mai: te ravenga i te peroveta pikikaa.

TE kau taunga ngati Levi ra, te kopu 1 katoa o Levi ra, auraka ta ratou ei tuanga kainga i o te ngati Iseracla ra: ko te au tusia ai a Iehova, ko te tuanga nana ra, ko ta ratou ia e kai. Auraka oki ta ratou ei tuanga kainga i o to ratou au taeake; ko Iehova oki ta ratou ra tuanga, tana oki i tuatua mai kia ratou ra. Teia ta te kau taunga ra tutaki na te tangata e o mai, na te aronga e apai i te tusia ra, i te bovi ra, e te mamoe: e o mai ratou i te ua mua, e nga ngene, e te kopu, na te taunga: Te popo o te sitona naau, to te wina naau, e te inu naau ra, e te pakoti anga mua o te au mamoe naau ra, ko tauu ia e apai nana. Koia oki tei ikiia e to Atua ra e Iehova no roto i to au kopu katoa na, kia tu ua aia e rave i te taoonga i te ingoa o Iehova, koia, e tana au tamariki e tuatua ua atu.

Kia aere mai tetai ngati Levi mei roto mai i tetai oire ouu, i o Iseracla katoatoa ra, i tana i noo rā, kia aere mai oki aia ma te inangaro katoa o tona ngakau ki te ngai e akonoia e Iehova ra; E rave ia aia i te taoonga i te ingoa o tona Atua ra o Iehova, mei tona ai taeake katoa ra, mei te au ngati Levi e tu ua i reira ki mua i te aroaro o Iehova ra. Kia okotai rai aite ta ratou 8

ra tuanga *kai* kia kai, ma tei rauka katoa *iaia* i tana apinga no nga metua i okoia ra.

9 Kia tae koe ki te enua ta to Atua ra ta Iehova e oronga mai noou ra, auraka koe e apai i te rave i te au mea viivii a taua pa enua ra. Auraka rava tetai e kitea i rotou ia kotou e apai i tana tamaiti e tana tamaine kia na roto i te ai, auraka ei tauraatua, e te akara tumurangi, e te purepure, e te akarakara, 11 E te kebere, e tei kimi i te vaerua kino, e te pen purepure, e tei ui ki tei mate ra. Ko te aronga katoa oki i rave i te reira au *pen* e aronga viivii ia na Iehova; e no te reira au mea viivii i tuaru ei to Atua ra ko Iehova ia ratou ki 13 mua ia koe ra. Ei toou Atua tika ua-orai koe ei ia Iehova: Ko teime'i pa enua e riro ia koe nei, i akarongo ua ana ratou i te aronga akara tumurangi, e te tauraatua; kareka koe ra, kare e tika i to Atua ra ia Iehova kia pera koe.

15 E akatupu to Atua ra ko Iehova i tetai peroveta naau i rotou ia koe ra, i tetai i te au taeake noou ra, mei iaku nei; koia tauu e akarongo: Mei tauu oki i inangaro i to Atua ra ia Iehova i Horeba ra, i te rā uruoanga ra, *tauu* i tuatua ra e, Auraka i kia kite akaou i te reo o taku Atua ra o Iehova, auraka oki au kia kite akaou i teime'i ai 17 maata, kia kore oki au e mate. E kua tuatua mairā Iehova kiaku, E *tuatua* meitaki ta ratou i tuatua maira. Ka akatupu au i tetai peroveta na ratou i to ratou ra ai taeake, mei ia koe na te tu, e ka tuku au i taku tuatua ki roto i tona vaa, e nana e karanga atu kia ratou i te au mea ravarai taku e akaue 19 atu iaia ra. E te kore e akarongo mai i te tuatua naku, tana e tuatua rai i toku nei ingoa, e akaatunga atu ia au iaia. 20 Kareka te peroveta, e tuatua nengonengo ua i te tuatua ma toku ra ingoa, kare taku i akaue iaia e, e tuatua, e ko te tuatua katoa ma te ingoa o te au atuake ra, ka mate ia peroveta. E kia tuatua ua koe i roto i toou uaorai ngakau e, Eaa matou e kite ei e, kare ia tuatua i tei tuatuaia mai e Iehova ra? 22 Kia tuatua mai te peroveta ma te ingoa o Iehova ra, e kare o muri ake, kare i tupu taua tuatua ra, ko te reira taua mea kare i tuatusia mai e Iehova ra, na taua peroveta ia i tuatua nengonengo ua ra te reira; auraka koe e matakau iaia.

PENE XIX.

Te au oire akapuanga no te tu kite kore ua i te tangata: ei te tuatua o nga kite toko rua, e kia toko toru, e mate ei te tangata: te utunga o te kite pikikaa.

KIA pou rava te au etene i to Atua 1
ra ia Iehova, no ratou te enua ta
to Atua ta Iehova e oronga mai nou
nei, e tupauia iora ratou e koe ra, noo
iora i to ratou au oire, e i roto i to
ratou au are ra; E akataka koe i e 2
toru puke oire nouu ra i rotopu i to
enua, ta to Atua ta Iehova e oronga
mai nouu ra ei nooanga. Naau e aka- 3
taka i te kotinga o touu ra enua, ta to
Atua ta Iehova e oronga nouu ei noo-
anga, kia toru oki kotinga, ka anga ai
i te arataa kia oro te ta tangata ra ki
reira.

Teia oki te tuatua i te ta tangata e 4
oro ki reira kia ora aia ra: Ko tei ta
kite kore ua i tona tangata tupu, kare
i makitakita iaia i muatangana ra;
Kareka mei te tangata kia aere raua 5
ko tona tangata tupu ki te ngai vaora-
kau, e tipu i te rakau ra, e kua aae
akera aia i tona rima i te tarapa, kua
tipu iora i tauu rakau ra, manuku
atura te tarapa i te kakau, mou atura
ki runga i tona tangata tupu, mate iora
aia ra; ka oro aia ki tetai i aua nga
oire ra kia ora aia: Ko te aruaru mai 6
aea te akamopuku i taua ta tangata ra,
i te ootoo anga o te riri o tona ngakau;
e no te mamau o tauu ngai i aereia ra,
rokoia iora aia, ta atura iaia; kare ra
te mate e tau iaia, no te mea kare aia
i makitakita iaia i muatangana ra. 7
I akauc atu ei au ia koe, i te na ko anga
atu e, E akataka koe i e toru puke
oire nouu ra. E kia akamaataia touu 8
kotinga e to Atua ra e Iehova, tana oki
i taputou mai i to ai metua ra, e kua
oronga mai i te enua katoa nouu, tana
i tuatua mai ki to ai metua ra e, e oro-
nga mai aia; Kia akono koe i teia 9
katoa nei au akauenga e kia rave tikai
i te reira, taku e akauc atu kia koe i
teianei ru; kia inangaro koe i to Atua
ra ia Iehova ma te aere tamou na tona
arataa ra; ka akataka rai koe i e toru
rai puke oire nouu, kua taka katoa oki
nga oire e toru nei: Kia kore oki te 10
toto ara kore e ta'e i touu enua ra, ta
to Atua ta Iehova e oronga mai nouu ei
nooanga, ko te iri aea te toto ki runga
ia koe ra.

Kia makitakita ra tetai tangata ki 11
tona tangata tupu; e kua moetapapa

- iaia, e kua tu aia ki runga e ta iaia, e
kua mate takiri iora aia; ka oro ci ki
12 tetai i eiane puke oire; Na te aronga
pakari o tona oire ra e unga i te tan-
gata e tiki iaia e arataki mai, ka tuku
atu ei iaia ki te rima o te akamopuku,
13 kia mate aia ra. Auraka to mata e
akara aroa atu iaia; e akataka ke ra
koe i te ara ra i te toto ara kore ra ia
Iseraela; kia meitaki oki koe ra.
- 14 Auraka koe e kiriti i te kena kainga
o to tacake, i ta te aronga taito i tanu i
touu na kainga, te ka rauka ia koe i te
enua ta to Atua ra ta Iehova e oronga
mai nouu ei nooanga.
- 15 Kare e tika kia tu ua mai te kite
okotai i te tangata nei no te au kino
katoa e te au ara katoa, i te au ara
ravarai i ara ai aia ra: tei te tuatua a
nga kite toko rua, e tei te tuatua rai a
nga kite toko toru ra, ka riro ei tauu
mea ra ei tuatua-mou.
- 16 Kia tu ua mai te kite pikikaa ki
tetai tangata, e kua tapepe maira iaia i
17 te ara; E tu katoa aua nga tangata, na
raua tauu tuatua ra, ki mua ia Iehova,
ki mua i te aroaro o te kau taunga, e
18 te au akava i te reira tuatua; E na te
au akava e akamakitoro marie: e i na,
e kite pikikaa tauu kite ra, e kua tua-
19 tua pikikaa aia i tona tacake; Mei
tana i manako e rave i tona tacake ra,
e pera katoa kotou iaia: pou atura ia
koe i reira te kino i rotopu ia kotou.
- 20 Ka riro oki tetai papaki i te kite, e riro
i te matakui; e kare atura e rave akauc
i tauu kino ra i rotopu ia kotou na.
- 21 Auraka to mata e akara aroa atu; i te
mate takiri rava ra kia mate katoa ia,
e mata ra ei mata katoa ia, e nio ra ei
nio katoa ia, e rima ra ei rima katoa
ia, e vaevae ra ei vaevae katoa ia.

PENE XX.

Te akamaroiroi a te kau taunga i te tangata kia aere ki te tamaki: te aronga e kore e tika kia aere ki te tamaki: te ravenga i te rave anga i te oire.

- K**IA aere koe e tamaki i to au
1 enemi, e kite atura koe i te ipo,
e te kariota, te tangata maata rava, e
iti koe ra, auraka e matakui ia ratou;
tei ia koe oki touu ra Atua ko Iehova,
ko tei arataki mai ia koe mei te enua
2 maira mei Aliphiiti. E kia vaitata ko-
tou ki te tamaki ra, ei reira te taunga
e aere mai ei i vaitata ki te au tangata,
3 Ka tuatua mai ei kia ratou, E akaro-
ngo mai, e Iseraela e! Kua vaitata ko-
tou ki te tamaki i to kotou au enemi i

teianei rā : auraka rava e taitaia to kotou ngakau, auraka e matakū, e auraka e rutetete, auraka e tumatetenga ua atu ia ratou ; Te aere katoa nei oki to kotou Atua ko Iehova e tamaki i to kotou au enemi, e ei akaora ia kotou.

E na te ui rangatira ra e karanga atu ki te au tangata ra, ka na ko atu ei, Koai te tangata i akatu ana i te are ou e kare i āi i taua are ra? e oki aia e aere ki tona ngutuare ra, ko te mate aea aia i te tamaki, e na tetai tangata ke atu e āi. Koai te tangata i tanu ana i te kainga vine, e kare i kai i to taua *kainga vine* ra? ka oki aia e aere ki tona ngutuare, ko te mate aea aia i te tamaki, e na tetai tangata ke atu e kai. Koai te tangata i momoko ana i te vaine, e kare rai i akaipoipo iaia ra? ka oki aia e aere ki tona ngutuare, ko te mate aea aia i te tamaki, e na tetai tangata ke atu e akaipoipo iaia. Ka tuatua akaou rai oki te aronga rangatira ki te au tangata, e na ko rai ratou, Koai te tangata i matakū, e kua akataeau te ngakau? e oki aia e aere ki tona ngutuare, ko te akataeau katoa aea te ngakau o tona ai taake mei iaia katoa ra. E kia akaoti akera ta te aronga rangatira ra tuatua anga ki te au tangata, ei reira ka akatakaia i te au kapena no te au nuku ra, ei na mua i te au tangata.

Kia aere vaitata koe ki tetai oire e 10 tamaki ra, ei au tauu e apai atu. E kia 11 apai mai *tauu oire* ra i te tuatua akamocau ra, e kia eua mai i te au pu ra ia koe, ka riro te au tangata katoa ki roto i taua *oire* ra ei tavini nouu, e ei tautau-nga naau, i reira. Kia kore ra e akatika mai i te au naau ra, e tamaki mai-rai kia koe, e rave koe i te reira e tamaki : E kia tukuia mai e to Atua ra 13 e Iehova taua *oire* ra ki to rima, e ta koe i te au tane ravarai i roto ra ki te mata koke ; Kareka te au vaine, e te tamariki, e to au puaka, e te au mea katoa i roto i taua *oire* ra, e te apinga tini ravarai, ka rave koe naau uarai ; ka kai oki koe i tei aōia i to au enemi ra, ta to Atua ta Iehova i oronga mai 15 kia koe ra. Kia akapera koe ki te au oire katoa i te mamao ke ra, kare i te au oire no teianei au iti-tangata. Kare- 16 ka to teianei aronga oire ta to Atua ta Iehova e oronga mai nouu ei nooanga, auraka rava tetai mea e uti i te a'o e vao oraia e koe ; Ka akapou takiri 17 rava koe ia ratou, koia te ngati Heta ra, e te ngati Amori, te ngati Kanaana, e te Perizi, te ngati Hevi, e te ngati Iebusi ; ta to Atua ra ta Iehova i akaue

18 mai ia koe ra ; Ko te akakite mai aea ratou ia kotou kia rave i ta ratou au mea viivii katoa i raveia e ratou i to ratou ra au atua ; e ara atura kotou i to kotou Atua ia Iehova ra.

19 Kia roa koe i te akapini anga atu i tetai oire i te tamaki anga atu kia rauka, auraka koe e tipu i te au rakau *kai* ki te tarapa ; e riro oki koe i te kai i to reira, auraka koe e tipu i te reira : e tangata ainei taua rakau o te kainga ra, 20 kia aravei ia koe i te tamaki anga? Ko te au rakau ra tauu i kite ra, kare te rakau kai, ko te reira anake ra tauu e tipu, e akapou ; e ka akatu koe i te au punanga tamaki i te oire e tamaki mai ia koe ra, e kia pou atu.

PENE XXI.

Te ravenga i te ta tangata kare i kitea i te ta : te vaine tuikaa kia akaipoipoia : auraka e akangere i te tauu mua a te vaine anoano koreia : te utuniga a te tumaiti kanga : te ture no te tangata kia akamonoaia.

1 **K**IA kitea uaia atu te tangata taia i te vai ua anga i te kainga, i te enua ta to Atua ta Iehova e oronga mai nouu ei nooanga, e kare i kitea tei ta iaia 2 ra ; Ei reira te aronga pakari, e te au akava i o ou ra e aere, e anga ai i te au oire i vaitata ki taua tangata i taia ra ; 3 E te oire i vaitata atu ki taua tangata i taia ra ; ka rave te aronga pakari o taua oire ra i tetai kafa ua kare i rave i te 4 angaanga, kare i akazugoaia ra ; E na te aronga pakari o taua *oire* ra e taki i taua kafa ua ra, ki te kauvai ora roa, kare e tika kia arote e kia ruru i te ua, ka akataka ke atu ei i te mimiti o taua bovi ra 5 ki raro i taua kauvai ra ; E aere mai oki te kau tauanga ra te ngati Levi i vaitata ; ko ratou oki tei iikia e to Atua ra e Iehova ei rave i te taoonga iaia, ei akaora i te tangata i te ingoa o Iehova, e tei ia ratou oki te tuatua i te au taumāroanga 6 ravarai, e te au ara katoa ra : E orei oki te aronga pakari katoa o taua oire ra, i vaitata i taua tangata i taia ra, i to ratou au rima i rungao i taua kafa ua i tipuia te mimiti ki raro i te kauvai ra : 7 E ka tuatua oki ratou, e na ko mai, Kare to matou rima i akamaringi i teianei toto, kare oki to matou mata i 8 kite. E aroa mai koe, e Iehova, i toou ra au tangata i Iseraela, i akaoraia e koe ra, auraka oki toou ra au tangata o Iseraela kia tapepeia i te akamaringi i te toto ara kore ra. E ka akakorcia taua ara akamaringi toto ra ia ratou. 9 Taka ke atura te ara i te akamaringi

toto ara kore ra ia koe, kia rave koe i te mea tika ki mua i te aroaro o Iehova ra.

Kia aere koe ki te tamaki i toou ra 10 au enemi, e kua tukuia mai ratou e to Atua ra e Iehova ki toou na rima, e kua riro ratou ei tuikaa naau ra, Kia 11 akara ra koe i tetai vaine purotu i taua au tuikaa ra, e kua anoano koe i te akaipoipo iaia ra ei vaine naau; E 12 arataki koe iaia ki toou ngutuare i reira; ka varu ei aia i tona mimiti, ka kokoti ei i tona maikuku; E kopae oki 13 aia i te kakau i riro mai ei aia ra, noo ua'i i toou ra are, auc ei i tona metua tane e tona metua vaine, e kia okotai marama tikai: e muri akera, ka akai-poipo ei koe iaia, ei tane nana, e ei vaine oki aia naau. Kia kore ra koe e 14 anoano iaia, ka tuku ua atu koe iaia kia aere i tona aerenga; auraka rava koe e oko iaia i te moni, auraka oki e akariro iaia ei tavini, no te mea kua taakaaka koe iaia.

Toko rua vaine a tetai tangata, e 15 vaine anoanoia tetai, e kare tetai i anoanoia; e kua anau raua, ko tei anoanoia e tei kore i anoanoia ra, i te tamariki nana; e na tei kore i anoanoia te tamaiti tama mua ra; Kia tuku ra 16 aia i tana apinga ki tana au tamariki tamaroa ra, kare e tika iaia kia akariro aia i te tamaiti a te anoanoia ei mataiapo i mua i te tamaiti a tei kore i anoanoia ra, ko te mataiapo tikai ra: Ka akono ra aia i te tamaiti a tei kore 17 i anoanoia ra ei mataiapo, i te taki rua anga i tana tuanga i te apinga ravarai nana ra; ko te mutangana oki aia o tona maroiroi; ko ta te tama mua, nana ia.

E tamaiti māro, e te upokoango ta 18 tetai tangata ra, kare e akarongo i te tuatua a tona metua tane, e te tuatua a tona metua vaine, e kia akoia mai aia e raua, kare rai e akarongo ia raua: E 19 opu te metua tane e te metua vaine iaia i reira, ka arataki ei iaia ki vao ki te aronga pakari i tona oire ra, e ki te ngutupa o tona ra ngai; Ka karanga 20 atu ei ki te aronga pakari i tona oire, E tamaiti māro taua tamaiti na maua nei, e te upokoango, kare aia i akarongo i to maua reo, e kaimoumou ia, e te konā kava. E na te tangata ravarai o 21 tona oire e pei iaia ki te toka, e kia mate takiri rava aia; pou atura ia koe i reira te kino i roto ia kotou; kia akarongo to Iseraela katoa ra e kia mataku.

Kia rave te tangata i te ara e tau 22 iaia te mate, e kia tamate ravaia aia, e

kua ri atura koe iaia ki runga i te rakau; Auraka tona kopapa e vaoaia ki runga i taua rakau ra e kia ao te po ra, ei taua rā ra koe e tanu ei iaia; kia kore e viivii to enua ta to Atua ra ta Iehova e oronga mai noou ei nooanga; ko te tangata oki i riia ra, kua kataraiā ia e te Atua.

PENE XXII.

E takinga-meitaki i etai ke e tika'i: ei kakau vaine ta te vaine e kakau e tika'i; ma tetai au ture ke ke oki.

- 1 **A**URAKA koe e akara mata ua i te aere ke anga, ka vaoa ua atu ei; ka akaoki mairai koe i te reira ki to 2 taake ra. E kare to taake i vaitata mai ia koe ra, e kare koe i kite iaia, e taki koe i taua *puaka* ra ki toou ra ngutuare, ei ia koe ra vaoa ei e kia kimia e to taake ra: e ka akaoki atu 3 koe i te reira ra kiaia. E pera katoa oki koe i tana asini; e pera oki, koe i tona kakau; e pera katoa oki koe i te au apinga ravarai a to taake kia ngaro iaia ra, e kua kitea e koe ra: auraka 4 koe e uuna i taua mea ra. Auraka koe e akara mata ua i te asini a to taake, e te bovi nana, i te topa anga i te arataa, ka akaruke ua'i; ka pange rai koe ma ia katoa ka akatu akaou ei ki runga ra.
- 5 Auraka te vaine e kakau i te kakau tane ra; auraka katoa te tane e kakau i te kakau vaine: ko te aronga ravarai oki e akapera ra, e aronga viivii ia i to Atua ra e Iehova.
- 6 Kia kitea uaia te koanga manu i te arataa ki mua ia koe na, ki runga i te rakau ra, e ki raro i te one ra, e anaunga ra, e *anaunga ia*, e ua ua ra, *ko te reira ia*, e te tinana i te noo anga ki rungao i taua au anaunga ra, e ki rungao i te au ua ra, auraka koe e rave i 7 te tinana e te anaunga katoa ra; Ka tuku ra koe i te tinana, ko te anaunga taau e rave naau *kia rave*: kia meitaki oki koe, e kia roa toou au rā.
- 8 Kia patu koe i te are ou ra, ei paruru taau e anga no rungao, ko te taka mai aea tetai tangata ki raro, ko te viivii aea to are ia koe i te toto.
- 9 Auraka koe e ruru i te kainga vine naau ki te ua ke ke ra; ko te kino aea tei tupu i te au ua taau i ruru ra, e to te kainga vine tikai *naau* kia tupu ra.
- 10 Auraka koe e kapiti i te bovi e te asini
- 11 kia arote ra. Auraka koe e kakau ki te kakau irokia ra *mei* te uru-mamoe e te orongā ra.

Ei tapa veruveru taau e anga i nga 12
kautuai e a i to kakau tapoki taau e
tapoki ia koe ra.

Kia akaipoipo te tane i te vaine, e 13
kia moe aia iaia, e kua riri aia iaia ra;
E kua tapepe vaa ua aia iaia, e aka- 14
kinoia iora aia iaia, kia tuatua e, Kua
akaipoipo au i teianei vaine, e i toku
rave anga atu iaia ra, kite atura au e
kare aia i te paretenia; Ei reira te 15
metua tane, e te metua vaine o taua
vaine ra, e rave i te *akaio* paretenia o
taua vaine ra, ka apai ei ki te aronga
pakari i te ngutupa o taua oire ra: E 16
na te metua tane o taua vaine ra e ka-
ranga atu ki taua aronga pakari ra,
Kua tuku atu au i taku tamaine ei
vaine na teianei tangata, e kua riri oki
aia iaia; E i na, kua tapepe vaa ua 17
oki aia iaia, i te tuatua anga e, Kua
kitea taua tamaine e au, e kare aia i te
paretenia; teia. Ki te *akaio* paretenia
o taua tamaine naku ra. Ka akakite
atu ei raua i taua akaio paretenia ra
ki te aronga pakari o taua oire ra. E 18
na te aronga pakari o taua oire ra e
rave i taua tangata ra ka pūpū atu ei,
E akautunga atu ei iaia i te ario e kia 19
okotai anere *sekela*, ka apai mai ei ki te
metua tane o taua vaine ra, no te mea,
kua akakinoia tetai paretenia *ngati* Ise-
raela iaia: ka vaio rai aia ei vaine
nana; e kare rava e tika kia kopae aia
iaia e ope rava ake tona au rā i te ao 20
nei. Kia riro ra taua tuatua ra ei tua-
tua-mou, e kare o taua vaine ra e *akaio*
paretenia i kitea: E kave ratou i taua 21
vaine ra ki te ngutupa o te are o tona
metua tane i reira, e na te au tangata o
tona ra oire e pei iaia ki te toka, e kia
mate takiri rava aia; no te mea e rave-
nga kanga tana i roto ia Iseraela ra,
koa i akapcu vaine akaturi i te ngutu-
are o tona metua ra: pou atura ia koe
i reira te kino i roto ia kotou.

Kia kitea te tangata i te moe anga 22
ki te vaine noo tane ra, ka mate katoa
raua i reira, taua tangata i moe i taua
vaine ra e te vaine katoa ra: pou atura
ia koe i reira te kino i roto ia Iseraela.
Kia momokoia tetai paretenia ki te 23
tane, i rokoia iora aia e tetai tangata i
roto i te oire, e kua moe iora kinia; E 24
arataki kotou ia raua ravarai ki vao i
te ngutupa o taua oire ra, ka pei ei ko-
tou ia raua ki te toka, e kia mate takiri
raua; taua paretenia ra, no te mea i
roto aia i te oire e kare rai aia i kapiki;
e taua tane ra, no te mea kua moe aia
i te vaine a tona taacake ra: pou atura
ia koe i reira te kino i roto ia kotou.
Kia rokoia atura te paretenia i momo- 25

koia ra e tetai tangata i te ngai motu-
taa ra, e kua opu taua tangata ra iaia,
kua moe iora kinia; ko taua tane ana-
ke i moe kinia ra te ka mate i reira:
26 Auraka ra koe e akautunga ua atu i
taua vaine ra; kare oki a taua vaine ra e
ara e *tau ei* te mate: e arite oki *te*
reira ki te tangata e tu ua ki runga e
kua rave e ta ua i tona taacake ra, koia
27 katoa oki te reira: Rokoia atu oki aia
e ia i te ngai motutaa, e kua kapiki
ua oki taua paretenia i momokoia ra, e
28 kare e tangata i te akaora iaia. Kia
rokoia atu te vaine paretenia kare i
momokoia e tetai tangata, e kua opu
iaia, e kua moe kinia, e kitea iora raua;
29 Ka apai taua tangata i moe kinia i te
ario na te metua tane o taua paretenia
ra i reira, kia rima ngauru i te *sekela*,
e ka akariro i taua vaine ra ei vaine tikai
nana; no te mea kua taakaaka aia iaia,
kare e tika iaia kia kopae i taua vaine
ra e ope ua ake tona au rā i te ao *nei*.
30 Auraka rava te tangata e rave i te vaine
a tona metua tane ra; auraka e eeu
atu i te kakau o tona metua tane.

PENE XXIII.

Te aronga e kapiti e te aronga kare e o
i te uipānga ra: auraka ei pou viivii
i roto i te nuku: no te tia kia raveia
e tika'i.

- 1 **K**ARE tei tatūia e tei kokotūia e o
ki roto i te uipānga o Iehova ra.
- 2 Kare te puti e o i te uipānga o Iehova;
e tae ua atu ki te ngauru o te uki ra,
kare ra aia e o i te uipānga o Iehova
- 3 ra. Kare te ngati Amona e te ngati
Moabi e o i te uipānga o Iehova; tae
ua atu ia ki te ngauru o te uki, kare
rai ratou e o i te uipānga o Iehova e
- 4 tuatua ua atu: No te mea kare ratou i
aravei mai ia kotou ma te kai e te vai i
te ara tiroa, ia kotou i aere mai mei
Aiphiti maira; e no te mea kua tutaki
ratou ia Balaama te tamaiti a Beora i
Petora i Mesopotamia ei taumaa ia koe
- 5 ra. Kare ra to Atua ra ko Iehova i
akarongo ia Balaama; kua akariro ra
to Atua ra ko Iehova i taua taumaa ra
ei meitaki noon, no te mea i aroa to
- 6 Atua ra ko Iehova ia koe. Auraka
rava koe e kimi i te au no ratou e te
meitaki no ratou, i toou katoa ra au rā
- 7 e tuatua ua atu. Auraka koe e akavii-
vii i te ngati Edoma; ko toou ia ta-
acake: auraka koe e akaviiivii i to Ai-
phiti; no te mea e purutia oki koe i
- 8 tona enua ra. Ko ta ratou tamarike e
anau ra, ka o ia i te uipānga o Iehova,
kia tae ki te toru o te uki ra.

Kia aere te nuku ra e tamaki i to au 9
 enemi ra, e akaatea atu koe i te au mea
 kino katoa ra i reira. Ko te tangata i 10
 viivii i roto ia kotou i te *peu* i tupu i
 roto iaia i te po ra, e aere aia ki vao
 mai i te puakapa i reira, auraka aia e
 oki mai ki roto i te puakapa ra: Kia 11
 pai ra aia ki te vai i te aia; e kia topa
 te rā, ei reira aia e tae mai ei ki roto i
 te puakapa ra. E ngai tika oki toou 12
 ki vao mai i te puakapa ei aere anga
 noou ki vao: E ei oe iti oki taau i roto 13
 i nga taoonga naau ra; e kia aere ua
 atu koe ki vao i toou ra tere, ka ko koe
 i te rua i taua *oe* ra, ka ariu ei ka tapo-
 ki atu ei i tei mei roto ia koe na: Te 14
 anere ua ra oki to Atua ra ko Iehova
 na rotopu i toou na puakapa ei akaora
 ia koe, ei tuku mai oki i to au enemi
 ki mua i to aroaro ra; kia tapu oki
 toou puakapa e tika'i: ko te akara aen
 aia i tetai mea viivii i roto ia koe ra, ko
 te ariu ke aea aia ia koe.

Auraka koe e akaoki i te tavini ki 15
 tona pu, tei oro mai i te rima o tona pu
 kia koe ra: Ka noo aia ia koe ra, i tana 16
 ngai i anoano i te *noo*, ei roto katoa i
 tetai i toou ra au oire i tana uarai i
 meitraki ra: auraka koe e takinga-kino
 iaia.

Auraka rava ei akaturi i roto i te au 17
 tamaine a Iseraela; auraka katoa oki
 ei sodoma i roto i te au tamaroa a Ise-
 raela. Auraka koe e apai mai i te tu- 18
 taki a te akaturi, e te oko i te kuri, ki
 roto i te aere o to Atua ra o Iehova ei
 tia; e mea viivii ravarai te reira na to
 Atua na Iehova.

Auraka koe e apai i te apinga ou ki 19
 to taake ra; i te ou moni, i te ou kai,
 e te au mea katoa i apaiia ei ou: Ki te 20
 tangata ke ra e tika ia koe kia apai i te
 apinga ou; kareka i to taake ra, au-
 rakā koe e apai i te apinga ou *kiaia*:
 kia akameitaki mai to Atua ra ko Ie-
 hova ia koe i te au mea katoa ta to rima
 e rave ra, i te enua taau e aere e rave
 ei nooanga.

Kia tia koe i te tia ki to Atua ra kia 21
 Iehova, auraka koe kia kore e rave i te
 reira; ka umuomu tika mai oki to
 Atua ra ko Iehova i te reira ia koe; e
 riro oki ei ara naau ra. Kia kore ra 22
 koe e tia ra, kare te reira e riro ei ara
 naau. Ta to vaa i tuatua ra, ko tauu 23
 ia e akono e e rave; i te tau tikai ki
 tauu i tia ki to Atua ra kia Iehova, taua
 apinga apai ua ra ta to vaa i tuatua ra.

Kia tae koe ki roto i te kainga vine 24
 a to taake ra, e kai na atu koe i te
 vine e kia merengo koe ra; auraka rava
 ra koe e tuku ki roto i te kete naau ra.

25 Kia tae koe ki roto i te sitona tupu a to
 taake ra, e uuti ua atu koe i te ua
 sitona i to rima; auraka ra koe e rave
 i te matipi i te sitona tupu a to taake
 ra.

PENE XXIV.

*No te tuatua kopae i te vaine ra: au-
 raka tei akaipoipo ouia e tae rave ki
 te tamaki: no te tutaki; no te lepera;
 no te tuatua-tau; e te takinga-mei-
 taki.*

1 **K**IA akaipoipo te tangata i te vaine
 e moe atura kiaia, kare akera taua
 vaine ra i kitea aroaia i mua i tona aro-
 aro, no te mea kua kitea iora e ia tetai
 kino i rungao iaia ra: e tata aia i tetai
 tuatua kopae, ka tuku atu ei ki tona
 rima, ka tuku ua atu ei aia iaia ki vao i
 2 tona are. E riro atura aia ki vao i tona
 are, aere atura, riro atura *ei vaine* na te-
 3 tai tangata ke. E kia kore katoa taua
 tane ou ra e anoano iaia, e kua tata iora i
 te tuatua kopae, tuku atura ki tona rima,
 e kua tuku atura oki iaia ki vao i tona
 are; e kare ra, kia mate ra taua tane
 4 ou ra, i rave iaia ei vaine nana; Kare
 e tika i taua tane takere-nana ra tei
 tuku ua atu iaia ra, kia rave akaou iaia
 ei vaine nana, tei akaviivii ra; e riro
 oki te reira ei mea viivii na Iehova:
 auraka oki te enua ta to Atua ra ta Ie-
 hova e oronga mai noou ei nooanga ra
 kia araiia ia koe.

5 Ko te tangata i akaipoipo iora i te
 vaine ou, auraka aia e aere ki te tamaki,
 auraka oki ei angaanga e tukuia ki
 rungao iaia; e noo ua ra aia i te ngu-
 tuare e kia okotai ake mataiti, kia aka-
 rekareka aia i tana vaine i akaipoipoia
 e ia ra.

6 Auraka rava e rave i te toka mulo to
 raro ake e to rungao ei tutaki; kua
 rave oki aia i te mea e ora'i ei tutaki i
 reira.

7 Kia kitea atu tetai tangata i te keia
 anga i tetai o tona ai taake i te ta-
 mariki a Iseraela ra, e kua akariro iaia
 ei tavini, e kua oko oki iaia; ka mate
 rava ia taua keia ra; pou atura ia koe
 i reira te kino i roto ia kotou.

8 Kia matakite i te maki ra i te lepera,
 kia akono meitaki koe, e kia rave marie
 i te au mea ravarai ta te kau tuanga ra,
 ta te ngati Levi, e apii mai ia kotou
 ra: ko taku e akaue atu ia ratou ra, ko
 9 ta kotou ia e akamaroiroi e rave. E
 akamaara ana koe i ta to Atua i ta Ie-
 hova i rave ia Miriama i te arataa ra,
 mei Aliphi mai koe ra.

10 Kia apai koe i te apinga pati i to

tacake ra, auraka koe e tomo ki roto i tona are e rave i te tutaki nana ra. Ka 11 tapapa ra koe ki vao, e na taua tangata taua i apai i te apinga pati ra, e apai mai i te tutaki ki vao kia koe ra. E e 12 putaua taua tangata ra, auraka kia varca koe e te moe ma te tutaki nana i to rima na: Ka akaoki ra koe i tana 13 tutaki kia parepare te iā ra, kia moe aia i tona uaoari kakau, e kia akameitaki aia ia koe: e kia akonoia te reira ei tuatua-tika naau ki mua i te aroaro o to Atua ra o Iehova.

Auraka koe e takinga-kino i te tavini 14 apinga kore e te ao, i ouia ra, to roto i to ai tacake ra, e to te au tangata ke i to enua na, i roto i to au oire ra: E 15 tuku atu koe i tana tutaki i te au rā katoa ra, auraka kia topa te rā, ka apai atu ei; no te mea e ao aia, e te rapu-rapu maira tona ngakau i te reira; ko te kapiki aea aia kia Iehova ia koe, e ko te riro aea ei ara naau.

Auraka te ai metua kia mate ei 16 tutaki i te tamariki; auraka katoa te tamariki kia mate ei tutaki i te ai metua; ka mate ra te tangata ravarai i tana uaoari ara.

Auraka koe e ruri ke i te tuatua-tau 17 a te tangata ke, e te matiroeroe, auraka oki e rave i te kakau o na vaine takaua ei tutaki; E akamaara ana koe e 18 tavini katoa koe i Aiphiti, e na to Atua na Iehova i akaora ia koe i reira: i akaue atu ei au ia koe e, e akono i teianei tuatua.

Kia kokoti koe i te kai akaū naau i 19 te enua noou ra, e ngaropoina iora tetai ruru sitona ia koe i te kainga, auraka koe e oki e tiki i te reira ra; e vao īa na te tangata ke, e na te matiroeroe, e na te vaine takaua ra: kia akameitaki mai oki to Atua ra ko Iehova ia koe i te au angaanga ravarai a to rima ra. Kia pāpā koe i to au olive ra, auraka 20 koe e na runga akaou i taua au rara ra: na te tangata ke *tei toe ra*, e na te matiroeroe, e na te vaine takaua ra. Kia 21 akiaki koe i te vine i te kainga vine naau ra, auraka koe e na runga akaou i *tei toe ra*: na te tangata ke te reira ra, e na te matiroeroe, e na te vaine takaua ra. E akamaara oki koe e e 22 tavini koe i te enua ra i Aiphiti: i akaue atu ei au ia koe e, e akono i teianei tuatua.

PENE XXV.

*Auraka kia taki a ngauru e ara atu
kia pāpā i te tangata ra: auraka e
topiri te vaa o te bovi: te akonoanga*

*a te teina ki te raine a te tuakana i
mate ra: auraka e aite ke ke: to
Amalaka kia pou rou atu.*

- 1 **K**IA tupu te tauetono i te tangata nei, e kua aere mai ratou e akava; *na te au akava* e akava ia ratou, e ka akatika oki i te tangata tuatua-tika, e
- 2 akaapa oki i te tangata tuatua-kino. E kia tau ki taua tangata tuatua-kino ra kia pāpā, na te akava e akatipapa iaia ki raro, kia pāpāia aia ki mua i tona aroaro, e akono rai i te pāpā anga i tei tau ki tana ara.
- 3 E tika iaia kia tatakai a ngauru anga i te pāpā anga, auraka ra ei ara; ko te akaara aea aia, e kua akamaata roa i te pāpā anga, riro iora to tacake ei mea puapinga kore ki mua i to mata na.
- 4 Auraka koe e topiri i te vaa o te bovi e takatakai i te sitona ra.
- 5 E puke tacake tei noo katoa i te noo-anga okotai, mate iora tetai kare e tamariki, auraka te vaine a tei mate ra e akaipoipo ke ua ki tetai tangata ke; ko te tacake o tana tane te ka rave iaia e akaipoipo iaia ei vaine nana, ka rave ei
- 6 i ta te tacake o te tane ra iaia. E te tama mua tana e anau ra, e tangata kainga ia ma te ingoa o tona tacake i mate, kia kore tona ingoa e ngaro i roto ia Iseraela.
- 7 Kia kore ra e tika i taua tangata ra, i te rave i te vaine a tona tacake i mate ra, ei reira te vaine a tona tacake e aere ei ki te ngutupa ki te aronga pakari ra, ka karanga atu ei ra, Kare te tacake o taku tane nei e akatupu i tetai ingoa no tona tacake i Iseraela nei, kare aia e rave i te pcu tikai a te tacake o taku
- 8 tane iaku nei. Ei reira te aronga pakari o tona oire e kapiki atu ei iaia, ka karanga atu ei kiaia; e kia māro aia ra e, kia tuatua e, Kare au e rave iaia;
- 9 Ei reira te vaine a tona tacake ka aere mai ei kiaia ra ki mua i te aroaro o te aronga pakari ra, ka kiriti ei i tona tamaka i tona vavac, ka tutu'i i te uavare ki tona mata, ka tuatua'i, ka na ko ei, E akaperia te tangata te kore e
- 10 patu i te are o tona tacake. E ka tapai oki te ingoa nona i Iseraela nei, Ko te ngutuaru o te tangata i kiritiia te tamaka ra.
- 11 Kia kukumi te tangata ra, tetai e tetai, e kia aere mai te vaine a tetai e vavao i tana tane i te rima o tei moto mai iaia ra, e kua akatika atura i tona rima e opu atura i te ngai akama nona
- 12 ra; Ka tipu ke koe i te rima o taua vaine ra i reira, auraka to mata e akara aroa mai iaia.

Auraka aau ei puke toka ke ke i roto 13
i to pute ra, i te mea maata e te mea
ngiti. Auraka taau ei aite ke ke i roto 14
i to are, i te mea maata e te mea ngiti.
Kia okotai ra aau toka tikai e te mea 15
tika taau ra, e kia okotai oki aau aite
tikai e te mea tika; kia akaroaia toou
au rā ki runga i te enua ta to Atua ra
ta Iehova e oronga mai noou ra. Ko 16
te aronga ravarai oki e akapera, ko tei
rave i te mea tika kore ra, e mea viivii
ia ratou i to Atua ra ia Iehova.

E akamaara i ta Amaleka i rave ia 17
koe i te ara tiroa, ka aere mai ei koe
mei Aiphiti maira; laia i aravei mai ia 18
koe i te ara tiroa ra, e kua ta iora i to
muri ia koe ra, i te aronga ravarai i
apikepikē i topa ki muri ra, ka aau ei
koe, e te roiroi oki; e kare aia i mata-
ku i te Atua. E teianei, kia akanoo- 19
ia koe e to Atua ra e Iehova ma te au i
to au enemi ravarai e pini ua ake, ki
runga i te enua ta to Atua ra ta Iehova
e oronga mai noou, e kua rauka ia koe
ei nooanga, ka tangarongaro koe ia
Amaleka, auraka kia akamaaraia i raro
ake i te rangi nei: auraka *te reira* kia
ngaropoina ia koe.

PENE XXVI.

*Te tuatua i aokia kia apai te tangata
i te popo ra: te pure a lei apai mai
i te ngauruanga no te matuiti toru; e
te koreromotu a te Atua ma te ta-
ngata.*

E KIA tae koe ki runga i te enua 1
ta to Atua ra ta Iehova e oronga
mai noou ei nooanga, e kua rauka ia
koe, e te noo ra koe i reira ra; Ei reira 2
koe ka rave ei i te popo o te au ua ra-
varai o te enua, ko taau ia e apai no
toou ra enua ta to Atua ra ta Iehova e
oronga mai noou ra, ka tuku ei ki roto
i te kete, ka aere ei ki te ngai i akonoia
e to Atua ra e Iehova ei vairanga no
tona ra ingoa. E aere tika atu oki koe 3
ki te taunga i te reira tuatua, ka kara-
nga atu ei kinia e, Te akukite nei au ki
to Atua ra kia Iehova i teianei rā, e tei
te enua mai nei au ta Iehova i taputou
mai ki to tatou ai metua ra e, e oronga
mai nia no tatou nei. E na te taunga e 4
rave mai i te kete i to rima ra, ka tuku
ei ki raro ki mua i te atarau a to Atua
ra ta Iehova. E naau e karanga atu, e 5
na ko atu koe ki mua i te aroaro o to
Atua ra o Iehova. E ngati Arama koka
aere ua toku metua tane, aere atura
oki aia ki Aiphiti, purutia ua atura i
reira kare ua i matutanga ra; e riro
atura aia ei enua tangata maata, e te

maroiroi, e te tangata manganui i reira :
6 E kua takinga-kino mai to Aiphiti ia
tatou, e kua akaao mai ia tatou, e kua
tinai-mate mai ia tatou i te angaanga
7 maata : E kia kapiki tatou ki te Atua
o to tatou ai metua ra kia Iehova, kua
akarongo mai a Iehova i to tatou reo, e
kua akara maira i to tatou mate, e ta
tatou angaanga, e to tatou tinai-mate
8 angaia ra : E kua arataki mai oki a Ie-
hova ia tatou mei Aiphiti mai i te rave-
nga marōrō, e ma te rima akatikaia ra,
e te mea mataka mataira ra, e te
9 akairo, o te ravenga i vavaria ra : E
kua arataki mai oki aia ia tatou ki ko
nei, e kua oronga mai i teianei enua no
tatou, i te enua ta'e a vai ua te u e te
10 meli nei : E teianei, i na, i apai mai
nei au i te popo o taua enua nei, taau,
e Iehova, i oronga mai noku nei. E ka
tuku atu koe i te reira ki mua i te aro-
aro o to Atua ra o Iehova : ka akamori
ei ki mua i te aroaro o to Atua ra o Ie-
11 hova : E ka rekareka koe i te au mei-
taki ravarai ta to Atua ta Iehova i o
mai noou, e no to ngutuare ra, ko koe,
e te ngati Levi, e te tangata ke e noo i
o u ra.

12 Kua akangaurua e koe te au ngauru-
anga ravarai o taau ra apinga no te ma-
taiti toru ra, (ko te mataiti ngauruanga
ia,) e kua apaiia e koe na te ngati Levi,
na te tangata ke, na te matiroeroe, e na
te vaine takaua, i roto i to au oire, kia
13 kai ratou e kia merengo ; Ei reira koe e
tuatua'i ki mua i te aroaro o to Atua ra
o Iehova, Kua akataka keia e au te au
mea tapu i *toku ra* are, e kua orongaia
e au tei te ngati Levi, e tei te tangata
ke, e tei te matiroeroe, e tei te vaine
takaua, mei te au akauenga ravarai taau
i akaue mai kiaku ra; kare au i tatipa-
ke i taau au akauenga, kare oki i nga-
14 ropoina iaku : Kare au i kai i te reira i
te aue anga noku; kare oki au i apai
ua atu i tetai ngai no tetai *peu* tapu
kore ra, e kare rava oki i orongaia *no te
peu* kia mate te tangata ra : kua akaro-
ngo ra au i te reo o toku Atua ra ko
Iehova, e kua rave au i te au mea katoa
15 taau i akaue mai iaku ra : Ka akara
mai koe ki raro i toou na nooanga tapu,
i runga i te rangi ra, e akameitaki i
toou nei tangata ia Iseraela nei, e te
enua taau i oronga mai no matou, taau
oki i taputou mai ki to matou ai metua
ra; i te enua e ta'e a vai ua te u e te
meli nei.

16 Te akaue nei to Atua ra ko Iehova ia
koe i teianei rā e, ka rave i teianei au
akonoanga e te au tuatua-tau : e teianei
e akono koe, e e rave i te reira ma to

ngakau katoa, e to vaerua katoa. Kua 17
akakite pu koe i nakonei e, ko Iehova
toou Atua, e aere oki koe na tona ara-
taa, e akono oki i tana au akonoanga, e
tana ra au akauenga, e tana ra au tuatua-
tau, e e akarongo i tona reo: E 18
kua akakite pu oki a Iehova i teianei
rā e, ko koe tona tangata tikai, i tana
oki i tuatua mai kia koe ra: e kia
akono koe i tana ra au akauenga e ope
rava ake; E akateitei aia ia koe i reira 19
ki runga i te pa enua ravarai tana i
anga ra, i te akameitaki angaia, e te
rongo, e te akangateitei; e kia riro koe
ei iti-tangata tapu no to Atua ra no
Iehova, tana oki i tuatua maira.

PENE XXVII.

*Te tangata i akaueia e tata i te ture ki
runga i te au toka ra: kua akaueia
te ka raveia i nga maunga e rua ko
Gerizima, e ko Ebala: te au katura
te ka tataua i runga i Ebala.*

KUA akaue aturū Mose e te aronga 1
pakari o Iseraela ra ki te tangata,
na ko atura, E akono kotou i te au
akauenga katoa taku e akaue atu kia
kotou i teianei rā. Kia tae ki te rā e 2
aere ei kotou ki tetai pae Ioridana, ki
runga i te enua ta to Atua ta Iehova e
oronga mai noou ra, e akatu koe i te
toka mamaata, ka amo ei ki te ngaika:
E tata oki koe i te au tuatua katoa i 3
roto i teianei ture ki runga; kia tae
koe ki tetai pae ra, kia aere ki runga i
te enua ta to Atua ta Iehova e oronga
mai kia koe ra; e enua ta'e a vai ua te
u e te meli; ta te Atua o to ai metua
ta Iehova i tuatua mai kia koe ra. E 4
kia tae kotou ki tetai pae Ioridana ra,
ei reira kotou e akatu ei i taua au toka
ra taku e akaue atu kia kotou i teianei
rā, i te maunga ra ko Ebala, e naau e
amo i taua au toka ra ki te ngaika. Ei 5
reira koe ka patu ei i tetai atarau na to
Atua ra na Iehova, ei atarau toka: au-
raka rava koe e tarai i taua toka ra ki
te auri. Ka patu koe i te atarau a to 6
Atua ra a Iehova i te toka vai katoa ti-
kai ra, ka apai ei koe i te tusia kara-
karatio a to Atua ra a Iehova ki runga
ra: E apai katoa oki koe i te tusia au
ra, e ei reira koe kai ei, ka rekareka'i
ki mua i te aroaro o to Atua ra ko Ie-
hova. E naau e kokoti meitaki i te au 8
tuatua katoa i teianei ture ki runga i
taua au toka ra.

Kua karanga aturū Mose, e te kau
taunga ngati Levi ra, kia Iseraela rava-
rai ra, na ko atura, Kia matakite, e
akarongo mai, e Iseraela e; kua riro 9

ko ei iti-tangata no to Atua ra no Ie-
hova i teianei rā. E tenana, e akarongo
koe i te reo o to Atua ra o Iehova, e
akono oki i tana au akauenga, e tana
au akonoanga, taku e akaue atu ia koe
i teianei rā.

11 E kua ikuiku aturū Mose i te au
12 tangata i taua rā ra, na ko atura, Teia
te ka tu ki runga i te maunga ra ko
Gerizima, ei akameitaki i te tangata,
kia tae kotou ki tetai pae Ioridana ra;
ko Simeona ia, e ko Levi, e ko Juda, e
ko Isakara, e ko Iosepha, e ko Benia-
13 mina: E teia te ka tu ki runga i te
maunga ra ko Ebala ei katura; ko
Reubena ia, ko Gada, e ko Asera, e ko
Zebuluna, ko Dana, e ko Naphatali.
14 E na te ngati Levi e karanga atu, e na
ko atu, ki te tangata ravarai o Iseraela,
15 ma te reo teitei ra e. Kia kataraiia te
tangata e anga i te idolo akatikitikiia,
e tei akatoia ra, i te mea viivii na Ie-
hova ra, e angaanga na te rima o te au
taunga ra, e kua akatu akera ki runga
i te ngai ngaro ra. E na te tangata
ravarai e tuatua mai, e na ko mai e,
16 Amene. Kia kataraiia te akavaavaa i
tona metua tane, e tona metua vaine.
E na te tangata ravarai e tuatua mai e,
17 Amene. Kia kataraiia te apai ke i te
kena kainga o tona taake. E na te
tangata ravarai e tuatua mai e, Amene.
18 Kia kataraiia te akaanga ke i te matapo
i te arataa ra. E na te tangata ravarai
19 e tuatua mai e, Amene. Kia kataraiia
te tū ke i te tuatua-tau i te tangata ke,
te matiroeroe, e te vaine takaua ra. E
na te tangata ravarai e tuatua mai e,
20 Amene. Kia kataraiia te moe ki te
vaine a tona metua tane ra; no te mea
kua eua aia i te kakau o tona metua
tane. E na te tangata ravarai e tuatua
21 mai e, Amene. Kia kataraiia te moe i
te puaka ra. E na te tangata ravarai
22 e tuatua mai e, Amene. Kia kataraiia
te moe ki tona uarai tuaine, i te ta-
maine a tona metua tane, e te tamaine
a tona metua vaine. E na te tangata
23 ravarai e tuatua mai e, Amene. Kia
kataraiia te moe ki tona metua ongoi
vaine. E na te tangata ravarai e tua-
24 tua mai e, Amene. Kia kataraiia te ta
poiri ua i tona taake. E na te tangata
25 ravarai e tuatua mai e, Amene. Kia
kataraiia te rave i te tutaki e ta i te
tangata ara kore ra. E na te tangata
26 ravarai e tuatua mai e, Amene. Kia
kataraiia te kore e akono tamou i te au
tuatua i roto i teianei ture. E na te
tangata ravarai e tuatua mai e, Amene.

PENE XXVIII.

Te meitaki e rauka i te akarongo, e te kino e rauka i te akarongo kore.

KIA tika ia koe i te akarongo i te reo o to Atua ra o Iehova, i te rave, e te akono i te au akaueunga ravarai nana, taku e akaue atu kia koe i teianei rā, e akateitei maata to Atua ra ko Iehova ia koe i reira i te pa enua ravarai o te ao nei: E ka iri teia katoa nei au meitaki ki runga ia koe, e ka vai tika rai ia koe, kia akarongo koe i te reo o to Atua ra o Iehova. E meitaki koe i roto i te oire, e meitaki koe i runga i te kainga. E meitaki te uanga o to kopu, e tei tupu i toou ra enua, e ta to au puaka e anau ra; te maata anga o to au bovi, e te anana o to au mamoe. E meitaki taau kete *kai*, e taau oinga *faraoa*. E meitaki koe kia aere ki roto, e meitaki koe kia aere ki vao. E to au enemi kia tu mai e rave ia koe, ka mate ratou ia Iehova ki mua i to mata ra: okotai o ratou ara kia aere mai e rave ia koe ra, e taki itu ra o ratou ara kia ati na mua ia koe ra. Na Iehova e akaue i te meitaki naau ki roto i to au are apinga ra, e te au mea katoa taau e rave ra; e ka akameitaki aia ia koe ki runga i te enua ta to Atua ta Iehova e oronga mai noou ra. Ka akatinamou a Iehova ia koe ei iti-tangata tapu noia naorai, i tana oki i taputou mai kia koe ra, kia akono koe i te au akaueunga a to Atua ra ko Iehova, e kia aere na tona ra au arataa. E ka kite to te ao katoa nei e, kua tapaia koe i te ingoa o Iehova; e ka matakou ratou ia koe. E na Iehova e akamaata rava i te au mea meimeitaki ra ia koe, i te uanga o to kopu ra, e ta to au puaka e anau, e te tupu ki runga i te kainga, i te enua ta Iehova i taputou ki to ai metua ra e, e oronga mai aia noou ra. E ka eue mai Iehova i tona uipunga apinga meitaki kia koe ra, koia te rangi, kia oronga mai aia i te ua i to enua i te tuatua tikai ra, e kia meitaki te angaanga tini a to rima ra: e ka oronga koe i te *apinga* ki te pa enua e manganui, kare ra koe e pati ua atu. Ka akariro mai oki Iehova ia koe ei upoko, kare i te iku: ka riro uarai koe ki rungao, kare koe e riro ki raro; kia akarongo koe i te au akaueunga a to Atua ra o Iehova, taku e akaue atu kia koe i teianei rā, kia akono e kia rave: Aureka e 14 tatipake ki te rima katau e ki te rima kani, i te au tuatua katoa taku e akaue

atu kia koe i teianei rā, i te aru anga, e te araara anga i te au atua ke ra.

15 Kia kore ra koe e akarongo i te reo o to Atua ra o Iehova: e kia kore e rave, e kia kore e akono i tana au akaueunga ravarai, e tana au akonoanga, taku e akaue atu kia koe i teianei rā; ka iri mai teia katoa nei au kino ki runga ia koe, e ka vai rai ki runga ia koe na.

16 E kino koe i roto i te oire, e kino koe i runga i te kainga. E kino te kete

17 *kai* naau, e te oinga *faraoa* naau ra. E kino te uanga o to kopu ra, e tei tupu i toou enua, te anaunga a to au bovi, e

18 te anana a to au mamoe ra. E kino koe kia aere mai ki roto, e kino koe kia aere ki vao. Na Iehova e tono mai i te kino ki runga ia koe, i te tumatete-nga, e te mate, i te au mea ravarai ta to rima e opu atu e rave, kia pou koe, e mate vave iora koe; no te kino o taau ra au ravenga ko koe i akaruke

19 iaku ra. Ka tuku mai a Iehova i te maki-mate kia piri mai ki runga ia koe, kia pou takiri rava koe iaia i runga i te enua taau e aere e noo i

20 reira. Ka ta mai a Iehova ia koe ki te ane kai roto, e te tui, e te uruparupa, e te vera maata; e te marōkaua, e te veravera, e te pueka; e ka aru aere rai taau *au mate* ra ia koe e kia

21 mate rava atu koe. Ka riro te rangi i runga i to mimiti ra ei vao; e te enua

22 i raro ake ia koe ra ei auri. E ei onepueu e te repo ta Iehova e tuku mai ki runga i to enua ei ua; ka topa mai te reira no roto i te reva ki runga ia koe,

23 e kia mate rava atu koe. Ka taia koe ki mua i to au enemi ia Iehova ra: e na te ara okotai koe kia aere e tamaki ia ratou, e taki itu ra oou ara i te ati anga na mua ia ratou; e ka akapueurikiriki keia koe ki te au basileia katoa o te ao nei. Ka riro to kopapa ei kai na te au manu ravarai o te reva, e na te au puaka o te enua nei; e kare

24 rava e tangata e ia atu. Ka ta mai oki a Iehova ia koe ki te tona Aiphiti ra, e te ophali, e te paka, e te une, kare

25 oki koe e ora *kia rapakau* ra. Ka ta mai a Iehova ia koe ki te neneva, e te

26 matapo, e te ngakau poitirere ua: Ka aa aere ua koe i te avatea, mei te matapo e aa aere ua i te poiri ra; e kare e manuia toou au aerenga: e ka akaaoia ra koe, e ka auinaia naorai, i te au rā katoa nei, e kare rava e tangata e

27 akaora ia koe. Ka momoko koe i te vaine, e na tetai tangata ke e moe kiaia: ka akatu koe i te are, kare ra koe e noo ki roto: ka tanu koe i te kainga vine, kare ra koe e aaki i to reira vine

ra. Ka taia taau bovi ki mua i to 31
mata, kare ra koe e kai i te reira:
ka āruia taau asini i mua i to mata,
e kare e akaokia mai naau: ka apai uaia
taau ra au mamoe na to au enemi,
e kare rava e tangata e tiki e rave mai.
Ka kavea taau ra au tamaroa, e taau 32
ra au tamaine, ki te tangata ke ke,
akara ua atu ei to mata ma te aue ia
ratou e po ua atu te rā: kare ra toou
rima e maroiroi *kia akaora*. Te kai a 33
to enua na, e te au angaanga ravarai
aau ra, na tetai iti-tangata ia kare i
kiteia e koe na e kai; ko te tinai-mate
anake te ka rauka ia koe, e te paia, i te
au rā katoa ra: E ka nenevaia koe i ta 34
to mata e akara ra, taau ka kite ra.
Ka ta mai a Iehova ia koe ki te tona- 35
repa i to tūri, e to vaevae, kare e ora
kia rapakau ra, mei to tapuae mai, e
tae ua atu ki to take mimiti ra. Ka 36
kave a Iehova ia koe, e to ariki katoa
taau i akaariki ki rungao ia koe ra, ki
te enua kare i kitea e koe e to ai metua
katoa ra; ei reira koe ka araara'i i te
au atua ke, i te rakau e te toka. Ka 37
riro oki koe ei vavaranga, e amamua-
nga, e ei tuatuaanga, i te pa enua ra-
varai ta Iehova e arataki ia koe na. E 38
ua maata taau e apai ki vao i te kainga,
e ka iti ra taau e apai mai ki roto ra;
ka pou ia i te akeride. Ka tanu koe i 39
te kainga vine, e ka tope oki, kare ra
koe e inu i te wina, kare oki e akiaki;
na te anue ia e kai. E olive taau e 40
pini ua ake te au tapere katoa ou ra,
kare ra koe e pani ki te manongi; ka
makaioeia oki to au olive ra. E tama- 41
roa taau e anau, e te tamaine, kare ra
koe e meitaki ia ratou; ka riro oki ra-
tou ei tuikaa. Te au rakau katoa naau 42
ra, e te au kai *katoa* a toou enua ra, ka
pou ia i te akeride. Ko te tangata ke 43
e noo i o ou ra ei runga ia ia koe, ei
runga ravaa; e ei raro koe *iaia*, ei
raro roa ra. Ka pati koe iaia, kare ra 44
aia e pati mai ia koe ra; koia te upoko,
ko koe te iku. Ka rokoia mai koe e 45
teia katoa nei au kino, ka aru tikai ia
koe, e ka piri rava kia koe, e kia mate
rava atu koe ra: no te mea kare koe i
akarongo i te reo o to Atua ra o Iehova,
ma te akono i tana au akauenga,
e tana au akonoanga, tana i akaue mai
kia koe ra: E ka vai tamou rai taua 46
au *kino* nei ki runga ia koe, e ki runga
katoa i toou uanga, ei akairo, e ei vava-
ranga. No te mea kare koe i akamori 47
i to Atua ra i Iehova, ma te perepere-
kavani, e ma te rekareka o te ngakau
ra, i te maata oki o te au mea katoa ra;
E teianei, ei tavini koe no toou ra au 48

enemi, ta Iehova e tono mai e rave ia
koe ra, ma te pongi, e te kaki vai, e te
putauna, e te ngere i te au mea katoa
ra: ka tuku oki aia i te zugo auri ki
runga i to kaki, e kia mate rava atu
49 koe iaia. Ka arataki mai a Iehova i
tetai enua mamao mei te openga mai o
te enua ra, mei te rere acto ra te *viriki*
anga, ei rave ia koe: e enua kare koe
50 e kite i tona reo: E enua mata taue ra,
kare e akono mai i te tangata ruaine,
kare oki e akaperepere i te tamariki
51 ou: E ka kai aia i ta to au puaka i
anau, e te kai a to enua na, e kia pou
rava atu koe: kare aia e akatote i te
sitona, te wina, e te inu, naau ra: e ta
to au bovi i anau, e ta to au anana
mamoe ra, e kia pou rava atu koe iaia.
52 E akapini aia ia koe ki roto i toou au
oire ravarai, e kia ngaoro to au patu
teitei e te ketaketa, taau i irinaki ra,
ki raro, e pini ua ake to enua: ka aka-
pini oki aia ia koe i to au oire ravarai,
e pini ua ake to enua katoa ta to Atua
53 ta Iehova i oronga mai noou ra. Ka
kai oki koe i ta toou uorai kopapa i
anau, i to au tamariki tamaroa, e to au
tamaine, ta to Atua ta Iehova i oronga
mai noou ra, i taua tamaki ra, e te
mate, i ta to au enemi e akatumatete-
54 nga mai ia koe ra: E te tangata aka-
māru ua, e te apikepiki i o ou ra, ka
oronga kino aia ki tona uorai taeake,
e ki te vaine e *moe* i tona keke, e ki
tana au tamariki tei toe iaia, i te *kai* ra.
55 Kare aia e oronga i ta ratou va'i i taua
au tamariki nana, tana e kai ra: no te
mea kare ana *kai* i toe i taua tamaki
ra, e taua tumatetenga noou ra, e te
mate i to au enemi i to au oire katoa
56 ra. E te vaine akamāru ua e te apike-
piki i o ou ra, kare i takai tona vaevae
ki raro i te one, i te apikepiki e te aka-
māru ua, ka oronga kino ia ki tana
uorai tane e moe iaia ra, e tana uo-
rai tamaiti, e tana uorai tamaine, E
57 ki tana tamaiti ou no roto iaia orai, e
ki tana uorai tamariki tana tikai i
anau ra; tana e kai poiuri ua i taua
tamaki ra, no te mea kare rava e mea
toe i taua tumatetenga ra e te mate, i
58 to au enemi, i to au oire ra. Kia kore
koe e akono, e kia kore e rave i te au
tuatua katoa i teianei ture i taitaia
roto i teianei buka, kia matakua koe i
taua ingoa matakua e te kakā ra, Ko
59 TO ATUA RA KO IEHOVA; E akariro a
Iehova i toou ra au mate, e te au mate
o toou uanga, ei mea vavarai i reira;
e mate maata, e te vairanga roa; e
60 maki maata e te vairanga roa. Ka
apai oki aia i te au maki katoa o Ai-

phiti, i taau i matakua ra, ki runga ia koe; e ka piri rava te reira ki runga ia koe. E te au maki katoa, e te au mate 61 katoa kare rai i taitaia i roto i teianci buka ture, ka apai rai a Iehova i te reira ki runga ia koe, e kia mata rava atu koe ra. E tokoia ua ake kotou e 62 akatoeia kia tataua ra, ko kotou mei te etu o te rangi ra i te maata i muatangaana ra; no te mea kare koe i akarongo i te reo o to Atua ra o Iehova. E mei ia Iehova i rekareka ia kotou i te takinga-meitaki anga ia kotou, e te akamaata ra ia kotou ra, ka riro katoa a Iehova i te rekareka ia kotou i te taininga ia kotou, e te akapou anga ia kotou; ka kika takiriia koe i te enua taau e aere e noo i reira. Ka aka- 64 pueurikiriki ke a Iehova ia koe i o te au etene katoa ra, mei tetai openga mai o te enua ra e tae ua atu ki tetai ra; e ei reira koe ka araara'i i te au atua ke, i te rakau e te toka, ko tei kore i kiteia e koe e to ai metua ra. Kare oki toou akacaaanga e rauka i taua 65 pa enua ra, kare oki toou takainga vae- vae e rauka; ka tuku mairā Iehova i te ngakau ngarepurepu kia koe ra i reira, e te mata poihi, e te ngakau irica: E kare e kitea toou ora; ka matakua 66 ua koe i te po e te ao, kare oki koe e kite i toou ora: Kia popongi ra, ei 67 reira koe ka tuatua'i e, Naringa e aiai e! e kia aiai ra oki ka karanga'i koe e, Naringa e popongi e! no te ngarangara o toou ngakau taau e ngarangara ra, e no te au mea ta to mata e akara ra. Ka 68 akaoki akaua a Iehova ia koe ki Aiphiti ki runga i te pai, (kareka te aratua tuku i karanga atu kia koe ra, kare koe e kite akaua i te reira,) e ei reira kotou e okoia'i ki to kotou au enemi, ei tavini tane e ei tavini vaine, kare ua atura te tangata ei oko mai.

PENE XXIX.

Te ako nei a Mose ia ratou kia akarongo ngoie, kia manako i te korero-motu i papauia ra.

KO te au tuatua teia i te korero-motu ta Iehova i akaua ia Mose e papau ki te tamariki a Iseraela i te enua ra i Moabi, te taka ra te korero-motu tana i papau atu kia ratou i Horeba ra. Kua karanga aturā Mose 2 kia Iseraela ravarai, e kua na ko atura kia ratou, Kua kite kotou i te au mea katoa ta Iehova i rave ki mua i to kotou mata i te enua ra ko Aiphiti, kia Pharaō, e tona au tavini katoa, e tona enua katoatoa ra; i taua au timataanga 3

maata ta toou mata i kite ra, taua au akairo ra, e taua au semeio mamaata 4 ra: Kare rā Iehova i oronga mai i te ngakau kite, e te mata kite, e te taringa akarongo, kia kotou, e tae ua ake- 5 nei ki teianei rā. Kua arataki ra au ia kotou na te medebara, e a akenei ngauru anga o te mataiti: kare to kotou au kakau i runga ia kotou i piro, kare oki to tamaka i runga i to vae- 6 i pe. Kare kotou i kai i te areto; kare oki kotou i inu i te wina, e te kava kona: kia kite kotou e, ko au to katoa 7. Atua ra ko Iehova. E tae maira kotou ki teianei ngai, kua aere mai nā Sihona ariki no Hesebona, e ko Oga ariki no Basana, e aravei ia tatou i te tamaki, e 8 pou iora raua ia tatou: Rave iora tatou i to raua enua, apai atura ei nooanga no te ngati Reubena, e no te ngati Gada, 9 e no te kopu vecnga o Manase ra. E tenana, e akono kotou i te au tuatua o teianei koreromotu, e e rave tikai, kia meitaki kotou i te au mea katoa ta kotou e rave ra. 10 Tei mua kotou ravarai i te aroaro o to kotou Atua ra ia Iehova te tu anga i teianei rā; ko te au kapena o to kotou au kopu, to kotou aronga pakari, e to kotou aronga rangatira, e te au tangata ravarai o Iseraela nei, Ko ta kotou au tamariki, ta kotou au vaine, e to tangata ke i roto i toou na puakapa, mei te pūpū vaie naau ra e tae ua atu ki te uti 12 vai noou ra; Kia o mai koe ki roto i te koreromotu, koe, e to Atua ra ko Iehova, e ki roto i te taputou nana ta to Atua ta Iehova e taputou ia koe i teianei rā: Kia akatinamou aia ia koe ei tangata nona uorai i teianei rā, e ei Atua aia noou, tana oki i tuatua mai 13 kia koe, e tana i taputou mai ki to ai metua, kia Aberahama, kia Isaaka, e 14 kia Iakoba. Kare ra ia kotou anako ra taku e papau i teianei koreromotu, e 15 teianei taputou; Ko te tangata katoa ra, ko te tu katoa i roto ia tatou i teianei rā ki mua i te aroaro o to tatou Atua ko Iehova, e te aronga oki kare i 16 roto katoa ia tatou i teianei rā: Kua kite oki kotou i to tatou noo anga i te enua ra i Aiphiti, e i to tatou aere anga mai na roto i te pa enua i topa ia 17 kotou ra; Kua kite oki kotou i ta ratou au mea viivii, e to ratou au idolo, te rakau e te toka, te ario e te auro, i roto ia ratou ra; Ko te vai ua aea tetai tangata, e kare ra, tetai vaine, e tetai kopu-tangata, e tetai kopu, ia kotou, te ariu ke ra tona ngakau i to tatou Atua ra ia Iehova i teianei rā, e oki e Akamori i te au atua no taua pa enua ra;

ko te vai ua aea tetai tumu e ua i te mea
kava e te lone i roto ia kotou na; E 19
kia akarongo aia i te au tuatua o teianci
katara, kua tuatua koperepere ua iora i
roto i tona uorari ngakau, kua na ko
akera, Ka ora rai au, aru ua atu rai au i
te anoano o toku ngakau e e kapiti i te
konā kava ki te kaki nui ra: Kare ravā 20
Iehova e akaperepere iaia, ka ootoo ra
to Iehova riri e tona vareae i te reira ta-
ngata, e te au katara ravarai i tataia i
roto i teianci buka, ka vai ia ki runga
iaia, e ka taparaparā Iehova i tona ingoa
i raro ake i te rangi nei. E ka akataka 21
ke a Iehova iaia i te au kopu ravarai o
Iseraela no te kino, kia tau i te au
katara katoa o te koreromotu i tataia i
roto i teianci buka ture: E na tetai 22
uki a muri ake e tuatua, na ta kotou
tamariki e tupu i muri ake ia kotou, e
na te au tangata ke mei te enua ma-
mao mai, kia akara ratou i te au mate
o te enua, e te au maki ta Iehova i
tuku ki rungao i te reira ra; I te ka 23
anga i te enua katoata i te teio e te
tai; kare i ruruia te ua, e kare e mea
i tupu, kare rava oki e ngangaere i
tupu ki rungao; mei te tutuamu anga
ia Sodoma, e ia Gomora, ko Adama e
ko Zeboima, i ta Iehova i tutuamu i
tona riri ka makitakiti ra: Na te pa 24
enua ravarai e tuatua e, Eaa a Iehova i
akapera mai ei i teianci enua? eaa teia
riri maata i viviki mai ei? Ei reira te 25
tangata e tuatua'i e, No te mea kua
akaruke ratou i te koreromotu a Ieho-
va e te Atua o to ratou ai metua ra,
tana i papau ia ratou, iaia irarakti mai
ia ratou mei te enua maira mei Ai-
phiti: Kua aere oki ratou e kua ara- 26
ara i te au atua ke, e kua akamori ia
ratou, e au atua kite koreia e ratou,
kare oki aia i o mai no ratou: I ootoo 27
rava'i to Iehova riri i teianci enua, i
apai mai ei aia i te au katara ravarai i
tataia i roto i teianci buka ki runga i
te reira: Uritumu iorā Iehova ia ratou 28
i to ratou enua, ma te makitakita, e te
riri, e te ootoo anga riri, tuaru atura
ia ratou ki te enua ke, mei tei teianci
rā. Te tuatua muna ra, tei to tatou 29
Atua ia tei ia Iehova: ko te tuatua ra
i akakiteia mai, na tatou ia, e ta tatou
au tamariki e tuatau ua atu, kia akono
tatou i te au tuatua katoa i teianci ture.

PENE XXX.

*Ko te takinga-meitaki maata i akakiteia
nei no tei taturaa ra e mea taka
ua e akauenga: kua tukuia te ora e
te mate ki muu ia ratou.*

1 E KIA iri mai teia katoa nei au
mea ki runga ia koe, i te meitaki
e te kino, taku i tuku ki mua ia koe
nei, e kia akamaara koe i te reira i te
pa enua katoa ta to Atua ta Iehova i
2 tuaru atu ia koe ra, E kua oki maira
koe ki to Atua ra kia Iehova, e kua
akarongo koe i tona reo i te au tuatua
ravarai taku e akaue atu kia koe i teia-
nei rā, ko koe, e to au tamariki, ma to
ngakau katoa, e ma to vaerua katoa;
3 Ka akaoki mai to Atua ra ko Iehova i
toou ra tuikaanga i reira, ka aroa mai
aia ia koe, ka oki mai e ka akaputupu-
mai ei ia koe mei te au enua katoa mai,
ta to Atua ta Iehova i akapueurikiriki
4 ke atu ia koe ra. Tuaru ke uaia atu
rai toou e tae ua atu ki te openga mai
o te rangi ra, ka akaputupu mai ei
to Atua ra ko Iehova ia koe i reira, ka
5 tiki rai aia ia koe i reira: E ka arataki
mairai to Atua ra ko Iehova ia koe ki
te enua i nooia e to ai metua ra, e naau
e noo i reira; e ka takinga-meitaki aia
ia koe, e ka akamaata mai ia koe kia
6 iti to ai metua ra. Eperitome to Atua
ra ko Iehova i to ngakau, e te ngakau
o to uanga, kia inangaro koe i to Atua
ia Iehova, ma to ngakau katoa, e ma to
7 vaerua katoa, kia ora koe. Ka tuku
oki to Atua ra ko Iehova i teia katoa
nei au katara ki rungao i to au enemi,
e ki rungao i te aronga i riri mai ia koe,
8 tei takinga-kino mai ia koe ra. E ka
oki mairai koe, e ka akarongo i te reo o
Iehova, e akono oki i te au akauenga
katoa nana, taku e akaue atu kia koe i
9 teianci rā. E na to Atua na Iehova e
akamanuia rava mai i te au angaanga
katoa a to rima ra: i taau e anau na, e
ta to au puaka e anau, e tei tupu ki
runga i to enua na, kia meitaki koe:
ka rekareka akaou oki a Iehova ia koe
kia meitaki koe, mei iaia i rekareka i to
10 ai metua ra: Kia akarongo koe i te reo
o to Atua ra o Iehova, e kia akono i
tana au akauenga, e tana au akonoanga,
i tataia i roto i teianci buka ture, e kia
anga koe ki to Atua ra kia Iehova,
ma to ngakau katoa, e ma to vaerua
katoa.
11 Kare oki teianci akauenga taku e
akaue atu kia koe i teianci rā, i te mea
kitea koreia e koe ra, kare oki tei te
12 mamao ke. Kare i runga i te rangi ka
tuatua'i koe e, Koai to tatou e kake ki
runga i te rangi, ei apai mai i taua tu-
atua kia tatou nei, kia akarongo atu
13 tatou e kia akono? Kare oki tei tetai
pae moana mai, ka tuatua'i koe e, Koai
to tatou e ano ki tera pae moana ei apai
mai i taua tuatua ra kia tatou nei, e

kia akarongo atu tatou, e kia akono? Tei vaitata roao ra taua tuatua nei ia 14 koe, tei to vaa, e tei to ngakan, kia akono oki koe i te reira ra.

I na, kua tuku au i te ora e te mei- 15 taki, i te mate e te kino, ki mua ia koe i teianei rā; I taku ekaue atu kia koe i teianei rā, kia inangaro koe i to Atua 16 ra ia Iehova, ma te aere na tona au arataa, e te akono i tana au akauega, e tana au akonoanga e tana au tuatua-tau, ka ora koe, e ka maata rava koe: e ka akameitaki mai to Atua ra ko Iehova ia koe, ki runga i te enua taau e aere e rave nei ei nooanga. Kia anga ke ra 17 to ngakau, e kare koe e akarongo, e akatareva keia atura koe, akamori atura i te au atua ke, ka araara atu ei ia ratou; Te akakite atu nei au kia kotou i 18 teianei rā, ka mate tikai kotou, e kare e roa to kotou ra puke rā ki runga i te enua taau e aere e noo nei, i tetai pae Ioridana ra. Te kapiki nei au ki te 19 rangi e te enua ei kite noku ia kotou i teianei rā e, kua tuku au i te ora e te mate, i te meitaki e te kino, ki mua ia koe; e tenana, ka rave i te ora, kia ora koe e toou katoa uanga: Kia inangaro 20 oki koe i to Atua ra ia Iehova, e kia akarongo koe i tona reo, e kia piri atu koe kiaia; ko toou ia ora aia, e ko te roa ia o toou ra puke rā; kia noo oki koe i te enua ta Iehova i taputou mai ki to ai metua ra, kia Aberahama, kia Isaaka, e kia Iakoba, e oronga no ratou ra.

PENE XXXI.

Te akamaroiroi nei a Mose i te tangata e ia Iosua katoa ra; e te tuku nei i te ture ki te ngati Leri ra: kua tuku maira te Atua i tetai imene kia Mose; e te ako ia Iosua.

AERE aturā Mose, karanga atura 1 kia Iseraela ravarai i teianei au tuatua. Na ko atura kia ratou, Okotai akenei oku anere e e rua ngauru i te mataiti i teianei rā; kare atura e tika iaku kia aere ki vao, e kia oki mai ki roto: e kua tuatua mai oki a Iehova 2 kiaku e, Kare koe e tae ki tetai pae i teianei Ioridana. Na to Atua na Iehova uaoari e na mua ia koe, e nana e akapou i taua au vaka tangata i mua ia koe ra, e ka riro to ratou ngai noou; e ko Iosua te ka aere na mua ia koe ra, i ta Iehova i tuatua maira. E mei ta 3 Iehova i rave i nga ariki o te ngati Amori ra ia Sihona raua ko Oga, ko tei pou iaia ra, e to raua ra enua, ka pera katoa aia ia ratou. Ka tuku mai a Ie- 4

hova ia ratou ki mua i to kotou mata, kia riro ta kotou rave ia ratou mei te au akauega ravarai taku e akaue atu kia kotou na. Kia ketaketa, e kia maroiroi roa, auraka e ngarangara, auraku rava e matakua ia ratou: ko to Atua oki ko Iehova, koia uaoari te aere katoa nei i vaitata ia koe; kare aia e akaruke ia koe, kare e taka ke ia koe.

7 Kua kapiki aturā Mose kia Iosua, kua karanga atura kiaia, ki mua i te mata o Iseraela ravarai. Kia matutu, e akamaroiroi; ko koe oki te ka arataki i teianei aronga, ki te enua ta Iehova i taputou mai ki to ratou ai metua, e oronga no ratou; e naau ratou e aka- 8 noo i reira. Ko Iehova uaoari oki te na mua ia koe; ei vaitata uaoari aia ia koe, kare aia e akaruke ia koe, e kare e taka ke ia koe: auraka e ngarangara, auraka rava e matakua.

9 E kua tata a Mose i teianei ture, e kua tuku atura ki te kau tangata i te au tamariki a Levi, tei apai i te aruna kore-romotu a Iehova ra, e ki te aronga pa-

10 kari katoa o Iseraela. Kua akaue aturā Mose kia ratou, na ko atura, Kia tae ki te openga o te mataiti itu ra, ki te uipānga i te mataiti tukunga ra, i

11 te oroa putia anga puakapa ra, Kia tae katoa mai Iseraela ei akakite ia ratou orai ki mua i te aroaro o to Atua ra o Iehova, i te ngai i akonoia e ia ra, ka tataui ei koe i teianei ture ki mua i to

12 Iseraela katoa ra, kia kite ratou. E akaputupu mai i te au tangata, i te tane, e te vaine, e te tamariki, e to tangata ke i roto i to au oire ra, kia akarongo ratou, e kia apii, e kia matakua i to kotou Atua ra ia Iehova, kia akamako, e kia rave oki i te au tuatua ravarai o

13 teianei ture: Kia akarongo katoa ta ratou au tamariki, kare i kite ra, kia apii, e kia matakua i to kotou Atua ra ia Iehova, i to kotou noo anga ki runga i te enua ta kotou e aere nei e noo i tetai pae Ioridana ra.

14 Kua tuatua mairā Iehova kia Mose, I na, kua vaitata te rā e mate ei koe ra: e karanga atu kia Iosua, e, aere korua ki roto i te Are uipānga tu ei, kia tuku atu au i tetai ako kiaia. Aere aturā Mose raua ko Iosua, tu ua iora 15 raua i roto i te Are uipānga ra. Kua mama mairā Iehova i roto i te Are i roto i te pou tumurangi ra: tu ua iora taua pou tumurangi ra ki rungao i te ngutupa o te Are ra.

16 Kua tuatua mairā Iehova kia Mose, I na, ka mōe koe e to ai metua katoa; e tu mai teianei au tangata, e e akaturi ratou i te au atua ke no te enua ta ra-

tou e aere nei, e e akaruke mai ratou iaku, e e akatikau ratou i taku korero-motu i taku i papau kia ratou ra. Ei 17
reira e tupu ei toku riri ia ratou i te reira rā, e ka akaruke au ia ratou, e ka puroku au i toku mata ia ratou, e ka pou ratou, e ka rokoia ratou e te kino, e te tumatetenga e manganui; e ka riro ratou i te tuatua kia tae ki te reira tuatua e, Kareainei no te mea, kare nei to tatou Atua i rotapu ia tatou nei, i rokoia mai ei tatou e teianei au kino? Ka puroku ti- 18
kai au i toku mata kia tae ki te reira rā, note au kino ravarai i raveia e ratou, ratou i tatipake ki te au atua ke ra. E teianei, ka tata i teianei imene na 19
kotou, ka apii atu ei ki te tamariki a Iseraela: e tuku i te reira ki roto i to ratou vaa, kia riro teianei imene ei kite noku ki te tamariki a Iseraela ra. Kia arataki- 20
ia oki ratou e au ki runga i te enua taku i taputou atu ki to ratou ai metua ra, e enua ta'e a vai ua te u e te meli ra; e kua kai anake ratou i te munga e kua merengo, e kua matu; ei reira ratou e ariu ke ei ki te au atua ke, e ka araara'i ia ratou, e akakoko mai ei iaku, e akatikau oki i taku nei koreromotu. E 21
kia rokoia ratou e te kino e manganui, e te tumatetenga, na teianei imene e akaapa ia ratou mei te kite ra; kare oki te reira e topa i te vaa o to ratou uanga; kua kite oki au i to ratou au manako ta ratou e akakoro nei i teianei rai, kare rai ratou i apaiia e au ki runga i te enua taku i taputou ra. Tata iorā 22
Mose i taua imene nei i taua rā ra, e kua apii atura ki te tamariki a Iseraela.

Kua tuku maira aia i te ako kia Iosua 23
te tamaiti a Nuna ra, na ko maira, Kia matutu, e e akamaroiroi; naau oki e kave i te tamariki a Iseraela ki runga i te enua taku i taputou atu kia ratou; e ei vaiata katoao au ia koe ra.

E oti akera te au tuatua i roto i teia- 24
nei ture i te tataia e Mose ki roto i tetai buka, e ope ua akera, Kua akaue aturā 25
Mose i te ngati Levi i tei apai i te aruna koreromotu a Iehova ra, na ko atura, E apai i teianei buka ture, e tuku ki 26
te pae o te aruna koreromotu a to kotou Atua ra a Iehova, kia vai ua ana i reira, ei kite noku ia koe na. Kua kite oki au 27
i taua meameau, e e kaki ketaketa tou; i na, ko au i te ora anga i rotapu ia kotou i teianei rā, e kua meameau rai kotou ia Iehova; ka tanga'i oki kia mate au ra? Ka akaputuputu mai i te aronga 28
pakari ravarai o to kotou na au kopu, e to kotou aronga rangatira ra, kia karan-
ga atu au i teianei au tuatua i to ratou taringa, kia kapiki atu au i te rangi e te

29 enua, ei kite ia ratou. Kua kite oki au e, kia mate au ra, ka kino rava kotou, e ka akaruke kotou i te arataa taku i akaue ia kotou na; e ka rokoia kotou e te kino, kia tae ki te tuatua openga ra; no te mea ka rave rai kotou i te kino ki mua i te araro o Iehova, i te akakoko anga atu iaia kia riri, i ta to kotou rima e rave ra. Kua karanga aturā Mose i te au tuatua i roto i teianei imene, i te taringa o te uipānga ravarai o Iseraela, e ope rava akera.

PENE XXXII.

Te imene a Mose i te akakite anga i te meitaki o te Atua ra.

1 **E**AKARONGO mai ana, e te rangi e, e karanga atu na au; e akarongo mai, e te enua e, i te tuatua a toku 2
vaa. Mei te ua e topa ra taku tuatua *kia topa*, e toku reo mei te au e topa-
tapata ra; mei te ua tiāu ki runga i te ngangaere ra, e mei te ua kavau ki ru- 3
nga i te rakau rikiriki ra: E akakite oki au i te ingoa o Iehova: e akamaata 4
kotou i to tatou Atua. Ko te Mato *aia* ko tei tika rava tana angaanga ra; ko tei tau katoa tona au aereanga; e Atua tuatua-mou, e te kino kore ra, e tuatua-
tika tana, e te tiratiratu! 5
Kua kino ratou, kare oki to ratou titoutou i to tana ra au tamariki: e uki 6
māro e te mingi. Te pera ra kotou i te tutaki ia Iehova, e tera ra au tangata manako kore, e te pakari kore ra? kare ainei aia i toou Metua i tei oko ia koe na? aia tei anga ia koe e tei 7
akatinamou ia koe? Ka akamanako ana i te au rā taito ra: e akamaara oki i te au mataiti o tera uki ma tera uki: ka ui ana ki toou na metua, e nana e akakite mai kia koe; ki to aronga pakari, e na ratou e tuatua mai kia koe.

8 Ka tua aere ei Tei Teitei i ta te pa enua ra tuanga, ka akapueurikiriki ke ei aia i te tamariki a Adamu ra, kua tuku mai aia i to te tangata nei kotinga, ma te akono i te rainga o te 9
tamariki a Iseraela. Ko ta Iehova ra tuanga, ko tona uarai ia iti-tangata; 10
ko Iakoba tana tuanga kelero. Kua kite aia iaia i te enua medelara, i te ngai motutaa rikarika ra: kua arataki aia iaia, kua ako aia iaia: kua tiaki aia iaia mei tona uarai koringo mata.

11 Mei te acto e cruru i tana koanga, e kapakapa oki ki runga i tana anaunga, e kua totoa oki i tona peau, e kua rave akera ia ratou, kua apai ia ratou na 12
runga i tona peau; *Koia katoā* Iehova, koia anake tei arataki ia ratou;

kare atu e Atua ke atu. Kua akaoro 13
akera aia iaia na runga i te au ngai tei-
tei o te enua nei, kia kai aia i te ua o
te au kainga ra; kua angai aia iaia ki te
meli o te mato, e ki te inu no roto i te
toka tama ra; Ki te bata bovi, e te 14
u o te mamoe; ki te anaunga mamoe
matu; ki te rama, e te puaka-nio toa,
o Basana; e te faraoa sitona meitaki
ra; kua inu oki koe i te wina, te toto
kaui vine ra.

Matu atura Iesuruna, e kua takata- 15
kai maira: i taua matu noou ra, to
maata ra, e to iu i te kai ra, akaru-
ke iora aia i te Atua i anga iaia ra, kare
akera i akono i te Mato i ora'i aia ra.
Kua akakoko ratou iaia kia vareae i te 16
au atua ke ra; kua akakoko ratou iaia
kia riri i te au mea viivii ra. Kua apai 17
ratou i te tusia ki te au demoni, kare
ki te Atua; ki te au atua kare i kiten
e ratou ra, ki te au atua ou, no to vai-
tatao ra, kare i matakuia e to kotou ai
metua ra. Ko te Mato i anau ei koe 18
ra, kua maara kore koe iaia; ko te
Atua i anga ia koe ra, kua akapoina
koe iaia.

Kua akara mairi Iehova, e kua riri 19
iora aia, i te akakoko anga a tana au
tamaroa, e tana au tamaine: Kua tua- 20
tua akera aia, Ka purou au i toku
mata ia ratou, ka akara ana au i to
ratou openga: e uki mao oki ratou, e
aronga tamariki kare e akarongo o roto
ra. Kua akakoko mai ratou iaku ki 21
te au mea kare te Atua ra; kua aka-
riri mai ratou iaku i to ratou au idolo:
e akakoko oki au ia ratou ki te aronga
kare ua e pu apinga, e akariri au ia
ratou i te iti-tangata kite kore ra. E 22
ai oki tei ka i taua riri noku nei, e ka
ka rai e tae ua atu ki hade i raro roa;
ka pou te enua e tei tupu iaia ra, ka
mura oki nga tumu o te au maunga ra.
Ka uipa ua au i te kino ki runga ia 23
ratou; ka akaope au i taku au kakao
ki runga ia ratou. E ikoke rava ratou 24
i te onge, e ka pou i te maki veravera,
e pou maata rikarika ia: ka tuku atu
oki au i te nio terio ki runga ia ratou,
e te kavangia ovi o te one ra. Ka pou 25
to vao ki te koke, e to roto ki te mata-
ku, ko te tangata ou e te paretenia, te
kaiu, e te tangata rauru inaina. E 26
tuatua au e, Ka akapueirikiriki au ia
ratou, e akangaro takiri ia ratou i o te
tangata nei; Ana i te mataku i te ma- 27
kitakita o te enemi, ko te riro aea to
ratou au enemi ei aronga nengonengo,
ko te tuatua aea ratou e, Na to tatou
rima marorō, kare a Iehova i rave i
teia.

28 E iti-tangata tuatua taka kore ratou,
29 kare oki e kite o roto ia ratou. Nari-
nga e pakari to ratou kia kite ratou i
teia! e kia manako ratou i to ratou ra
30 openga! E akapeea te tangata okotai
kia arumaki i te okotai tausani, eaa e
ati ei te tangata okotai ugauro anga i
te tausani i nga tangata toko rua nei;
aua ratou i okoia e to ratou orai mato,
31 aua ratou i tukuia e Ichova ra? Kare
oki to ratou mato e tau ki to tatou
Mato, i ta to tatou au enemi uorai ra
32 tuatua anga. No te vine i Sodoma ta
ratou vine, no te au kainga i Gomora
ra: e vine kavangu ta ratou vine, e
33 kaui kavangia ta ratou; E kavangu
tanina ta ratou wina, e te kavangu taae
no te asepi.
34 Kare ainei tei iaku nei te reira i te
vairanga? e kua topiriia ki roto i toku
35 upānga apinga? Tei iaku oki te riri,
e te tutaki; i te taime i paeke ei to
ratou vaevae: kua vitaita to ratou rā
e mate ei ra, e tei akono tikaia ra no
36 ratou te aere viviki maira ia. Na Ie-
hova oki e akatika i tona tangata, o
tataraara aia i tona au tavini, kia akara
aia e kua kore to ratou ririnui, e kare
rava i popaniani i roto, kare ua i toe.
37 Ei reira aia e tuatua'i, Teia to ratou
au atua, te mato ta ratou e irinaki ra,
38 Ko tei kai i te tongaua o ta ratou au
tusia, e kua inu i te wina o ta ratou au
neseka? ka tu mai ratou ka tauturu
mai ia kotou; ei akapuanga no kotou.
39 Ka akara mai ana, ko au, ko au teia,
kare atu e Atua mari ra ko au: tei
iaku te ta, e tei iaku te akaora; naku
e akaparuparu, e naku katoa e rapa-
kau; kare rava e akaora e ora'i tei
40 toku nei rima. E apai au i toku rima
ki runga i te rangi, ka tuatua'i au, E
41 ora mutu kore toku. Kia akakoi au i
taku koke kanapanapa, e kia rave toku
rima e akautunga, e tutaki atu au i
toku au enemi, e akautunga atu rai au
42 i te aronga inangaro kore iaku ra. E
akakona au i taku au kakao ki te toto,
ei kai oki na taku koke te tangata nei; ki
te toto o tei mate rava e to te tuikaa, i
te upoko o te ui ariki o te enemi.
43 Ka rekareka, e te au etene, e tona
katoa au tangata: ka tutaki oki aia i te
toto o tona au tavini, e apai atu aia i to
tutaki i tona au enemi; e aroa ra aia i
tona enua, e tona uorai tangata.
44 E aere aturā Mose e kua karanga
atura i te au tuatua ravarai o teianei
imene ki roto i te taringa o te tangata;
koia, e ko Iosua te tamaiti a Nuna ra.
45 E ope akera teianei au tuatua i te tua-
tuaia e Mose kia Iseraels katoa ra:

Kua karanga atura aia kia ratou, E 46
akamaara tikai i te au tuatua ravarai
taku e karanga atu kia kotou i teianei
rā; e na kotou e akaue atu ki ta kotou
au tamariki, kia akono e kia rave i te
au tuatua ravarai i teianei ture. Kare 47
oki teia i te mea puapinga kore kia
kotou; ko to kotou ia ora; e ko te
mea teia e roa'i to kotou au rā ki runga
i te enua, ta kotou e aere i tetai pae
Ioridana nei e noo.

Kua tuatua mairā Ichova kia Mose 48
i taua rā ra, na ko maira. E aere koe 49
ki runga i te maunga nei ko Abarima,
ki runga i te maunga ra ko Nebo, i te
enua o Moabi ra, i aite ki Ieriko ra;
ka akara'i i te enua ra ko Kanaana,
taku e oronga nei no te tamariki a
Iseraela, ei nooanga. Ka mate atu ei 50
ki runga i tenana maunga taua e aere
ki runga na, e kia kapitiia koe ki toou
ra iti-tangata; mei to tuakana ra mei
ia Aarona i mate ki runga i te maunga
ra, ko Hora, e kapitiia atura ki tona
uaorai iti-tangata; No te mea kua ara 51
korua iaku i roto i te tamariki a Isera-
ela i te vai i Meriba-Kadesa, i te me-
debarā ra i Zini; kare akera korua i
akatapu iaku i rotopu i te tamariki a
Iseraela ra. Ka kite ra koe i taua 52
enua nei ki mua ia koe ra, kare ra koe
e tae ki runga i taua enua ra taku
e oronga nei no te tamariki a Iseraela
ra.

PENE XXXIII.

*Te au kopu raungauru na rua i aka-
meitakiia ra.*

TEIA te akameitaki ta te tangata o 1
te Atua ra ta Mose i akameitaki i
te tamariki a Iseraela, ka mate ei aia
ra. E kua karanga atura aia, 2

Mei Sinai mai a Iehova, e kua mama
maira aia ia ratou i Seira: kua kakā
maira i te maunga ra i Parana, ma te
au urupu tapu ra i te aere mai; e no
roto mai i tona rima katau ra te ture
ai no ratou. Koia ia, kua aroa mai aia 3
i te au tangata; tei toou ra rima te
aronga tapu katoa nona ra: kua noo
ratou ki raro i toou pae vaevae, e kua
āriki ratou i taua tuatua, i te ture ta 4
Mose i akaue mai ia tatou, ei tuanga
na te uipānga ra na Iakoba. Koia oki 5
te ariki i Iesuruna, ka putuputu mai
ei te aronga nunui o te au tangata ra,
ko te au kopu o Iseraela ra.

Kia ora Reubena, auraka kia mate; 6
auraka tona tangata kia iti.

E ko teia ta Iuda: e kua tuatua 7
akera, E akarongo mai, e Ichova e, i

te reo o Iuda, e akaoki mai iaia ki tona
iti-tangata: kia rava ona puke rima
iaia uaorai; e ei tauturu koe iaia i
tona au enemi.

8 E kua tuatua aia ia Levi, To Tumi-
ma e to Urina, ei to tangata tapu ra
ia, taua i timata i Masa ra, i taua i
9 kauvae atu i te vai ra i Meriba; Ko
tei tuatua ki tona metua tane e tona
metua vaine, Kare au i akara iaia; ko
tei kore i kite i tona uaorai ai taekae;
e kare i kite i tona uaorai au tamariki;
ko tei akamako i taua tuatua, e kua
10 akono i taua ra kororomotu. Na ratou
e apii ia Iakoba i te tuatua-tau naau
ra, e tauu ture ia Iseraela: na ratou e
tuku i te tumiama ki mua ia koe, e te
tusia karakaratio katoatoa ki runga i
11 to atarau. E akameitaki koe, e Iehova,
i tana katoa ra, kite mai oki koe i te
angaanga a tona rima: ka ta koe i te
taukupu o te aronga e māro mai iaia, e
te aronga i makitakita mai iaia, e au-
raka ratou kia tu akaou.

12 E kua tuatua akera aia ia Beniamina,
Ka noo ua tei akaperepereia e Iehova
ma te ora: na Iehova aia e tamaru e po
ua atu te rā, ka noo aia i rotopu i nga
pakuivi nona.

13 E kua tuatua akera aia ia Iosepha ra,
Kia akameitakiia tona enua e Iehova, i
te meitaki ra, i te au no te rangi mai,

14 e to te moana i oorai ki raro ra, I te
au kai memeitaki i pakari i te rā ra, e
te au mea memeitaki i tukuia mai e te
15 marama ra, E te au mea memeitaki no
te au maunga taito ra, e te au mea
memeitaki o te tuaivi vairanga mutu
16 kore, E te au mea memeitaki o te enua
e to reira ki katoa ra; e kia iri mai te
akaperepere nona, no tei noo i te pu
ngangaere, ki runga i te mimiti o Iose-
phā, e ki runga i te take upoko o tei
17 taka ke i tona ra ai tuakana. E tau
tona kakā ki to te bovi toa meitaki rava
nana ra, e tona tara mei te tara o te
reema ra; ka uketu aia i te tangata i
te reira, e tae ua atu ki te openga o te
enua ra: ko te au ngauru anga o te
tausani te reira o Epheraima, ko te au
tausani oki te reira o Manase ra.

18 E kua tuatua akera aia ia Zebuluna
ra, Ka rekareka, e Zebuluna, i toou
aere anga; e ko koe oki, e Isakara, i
19 toou au are. Na raua e tiki i te ta-
ngata e aere mai ki te maunga ra; ei
reira ratou e apai ei i te tusia tika: ka
rauka oki ta raua apinga maata i te
moana, e te apinga i ngaro i raro i te
one ra.

20 E kua tuatua akera aia ia Gada, Kia
akameitakiia tei akamaata ia Gada ra:

mei te liona tinana ra tona moeta-papa, e etieti rai i te rima e te take upoko. Kua akataka aia i tei meitaki ra ngai 21 nona uaorai, no te mea, te reira tona ngai i vaioa e te tuku ture; e aere ra aia ma te ui rangatira o te au tangata; ka akatupu aia i te tuatua-tika a Iehova, e tana au tuatua-tau ia Iseraela ra.

E kua tuatua akera aia ia Dana, 22 E punua liona Dana; mei Basana tona rere anga mai.

E kua tuatua akera aia ia Naphatali 23 ra, Ko Naphatali ra, ko tei mareka i te takinga-meitaki ra, e kua ki oki i te meitaki o Iehova ra, ei ia koe a taatai, e te pae i apatonga ra.

E kua tuatua akera aia ia Asera ra, 24 Ko Asera ra, e meitaki aia i tana ra au tamariki, e kiteia mai aia i rotupu i tona ra ai taenake; e ku tona vaevae i te inu. E auri toou tamaka e te vao; e 25 ka akaaiteteia toou maroiroi kia arite ki ouu puke ra.

Kare e arite ki te Atua o Iesuruna; 26 ko tei na runga i te rangi ra te aere ei turu ia koe, e na runga oki i te tumurangi rna tona mana. Ko te Atua mutu 27 kore ra ko toou ia punanga; e nga rima mate kore ra toou ia mou: nana e tuaru ke i toou au enemi ki mua ia koe, e nana e tuatua e, Ka akapou. Ka noo 28 ua Iseraela, koia anake ra ma te ora; te punavai o Iakoba ra i te enua sitona e te wina: ka topatapata mai oki tona rangi i te au. E ao toou, e Iseraela e! 29 koai tei arite ia koe? e iti-tangata akaoraia e Iehova! ko toou ia turu, e te paruru, e te koke meitaki rava noou ra! e tatomo mai toou au enemi kia koe ra: e to ratou au ngai teitei ra, naau ia e takataakai.

PENE XXXIV.

Akara akirā Mose i te enua i orongaia maira, e mate atura; kua tupauia aia e Iosua.

ARE aturā Mose mei te ngai 1 mataataa i o Moabi ra ki runga i

te maunga ra ko Nebo, ki runga i te take o Pisega ra, i aite ki Ieriko ra; E kua akakite mairā Iehova kiaia i te enua katoa ra i Gileada, e tae ua atura 2 ki Dana. E te enua katoa o Naphatali ra, e to Ephraima, e to Manase, e te enua katoa o Iuda, e tae ua atura ki te 3 tai i te opunga o te rā ra, E te pae i apatonga ra, e te ngai mataataa ra i te o i Ieriko ra, i te oire tamara ra, e tae 4 ua atura ki Zoara. Kua tuatua mairā Iehova kiaia, Ko te enua teia taku i taputou atu kia Aberahama, kia Isaaka, e kia Iakoba, i te tuatua anga atu e, E oronga au i te reira no toou uanga: kua akakite au kia koe i taua enua nei, kia kite to mata, kare ra koc e tae ki reira.

5 Kua mate iora te tavini o Iehova ra ko Mose i reira, i te enua ra i Moabi, i 6 ta Iehova i tuatua maira. E nana aia i tanu i tetai o, i te enua i Moabi ra, i vaitatao i Bete-peora: kare rava ra e tangata i kite i tona tanumanga, e tae 7 rava akenei ki teianci rā. Okotai akera anere e rua ngauru o Mose ra mataiti i mate ei aia: kare tona mata i avare- 8 vare, kare oki tona maroiroi i iti. Aue iora te tamariki a Iseraela ia Mose i taua ngai mataataa i o Moabi ra e toru akera ngauru anga o te rā; ope akera taua au rā aue anga, e te akaevaeava anga ia Mose ra i reira.

9 E ki akerā Iosua te tamaiti a Nuna ki te vaerua pakari; kua tuku oki a Mose i tona rima ki runga iaia: e kua akarongo te tamariki a Iseraela kiaia, e kua akono ratou i ta Iehova i akaue mai kia Mose ra.

10 E mei reira mairai kare rava e peroveta i tupu i roto ia Iseraela mei ia Mose te tu, i ta Iehova i kite pu atu i 11 te mata e te mata; I te au akairo katoa e te au piri, ta Iehova i tono iaia e rave i te enua ra i Alphiti, kia Pharao, e tona au tavini ravarai, e tona enua katoa ra; E i taua rima mana katoa ra, 12 e taua au mea mataku maata katoa ra, i ta Mose i rave ki mua i te aroaro o Iseraela katoa ra.

BUKA A IOSUA RA.

PENE I.

Ko Iosua i akonoia e Iehova ei tupau ia Mose ra: ta Iosua tuatua ki te nī rangatira, e ki te ngati Reubēna, e te ngati Gada, e te kopu veenga o Manase.

E I muringao i te matenga o te tavinī o Iehova ra ko Mose, kua tuatua mairā Iehova kia Iosua te tamaiti a Nuna ra, i te tauturu ia Mose ra, na ko maira, Kua mate akenei toku tavini ko Mose; e teianei ka tu ki runga, ka aere ki tetai pae Ioridana nei, ko koe, e teianei au tangata ravarai, ki te enua taku e oronga atu no ratou, no te tamariki a Iseraela ra. E te au ngai katoa e takaiia e to kotou tapuae ra, ko taku ia e oronga atu no kotou, ko taku i karanga atu kia Mose ra. Mei te medebara mai e Lebanona nei, e tae ua atu ki te vai maata ra, ko te vai ra ko Eupharate, ko te enua katoa o te ngati Ileta ra, ka aere roa atu ei ki te tai maata ra, ki te pae i te opunga o te rā ra, ko ta kotou ia kotinga. Kare rava e tangata e mou ki mua i to aroaro i toou au rā katoa i te ora anga na; mei iaku i vaitata katoa ia Mose ra, ei vaitatao oki au ia koe: kare rava oki au e akaruke atu ia koe, kare oki e taka ke ia koe. Kia matutu koe, e kia maroiroi; naau oki e tua atu i te enua ei nooanga no teianei aronga, ko taku i taputou atu ki to ratou ai metua ra e, e oronga au no ratou. Kia matutu ra koe, e kia maata rava te maroiroi, kia akono koe e kia rave i te ture katoa ta taku tavini ta Mose i akaue ia koe ra; auraka koe e anga ke i te reira ki te rima katau e te rima kaui, kia manuia oki koe i toou au aerenga katoa. Auraka teianei buka ture kia taka ke atu i roto i to vaa; kia akamaara tikai ra koe i te reira i te po e te ao, kia akono koe e kia rave i tei tata katoaia i roto ra: ei reira e meitaki ei toou aerenga, e ei reira koe e manuia roa'i. Kare aina au te akaue atu na ia koe? Kia matutu, e kia ma-

roiroi roa, auraka e matakū, auraka oki e ngarangara, tei vaitata katoa oki to Atua ko Iehova ia koe i to au aerenga katoa ra.

- 10 Kua akaue aturā Iosua i te aronga rangatira o te au tangata ra i reira, na
- 11 ko atura, Ka takai ana i te nuku, e akaue atu i te tangata, e karanga atu. E akateamamao i te kai, e toru rā toe ka tae ei kotou ki tetai pae Ioridana nei, e aere kotou ki runga i te enua ta to kotou Atua ra, ta Iehova, e oronga mai no kotou na kia rauka.
- 12 Kua karanga aturā Iosua ki te ngati Reubēna, e te ngati Gada, e te kopu
- 13 veenga o Manase ra, na ko atura, E akamaara i te tuatua ta te tavini o Iehova ta Mose i akaue mai kia kotou na, ko tei tuatua maira e, Kua oronga mai to kotou Atua ko Iehova i te akaangaroia, e kua oronga i teianei
- 14 enua no kotou. Ka noo rai ta kotou au vaine, ta kotou au tamariki, e ta kotou au puaka, i teia pae Ioridana, i te enua ta Mose i oronga mai no kotou nei; ka aere ra kotou ko te aronga toa ririnui matakū kore katoa ra, mei te tangata tamaki, na mua i to kotou ai
- 15 tacake, ei tauturu ia ratou: E kia oronga mai a Iehova i te akaangaroia, na no kotou ai tacake mei *taua i oronga mai* no kotou na, e kia rauka ia ratou te enua ta to kotou Atua ta Iehova e oronga mai no ratou: ei reira kotou ka oki mai ei ki ta kotou ra tuanga enua ka kai ei, i ta te tavini o Iehova ta Mose i oronga mai no kotou, i teia pae Ioridana i te itinga o te rā nei.
- 16 Kua tuatua maira ratou kia Iosua, na ko maira, Ko taau katoa i akaue mai ia matou ra, ko ta matou ia e akono, e te au ngai ravarai taau e tono ia matou ra, ka aere ia matou i *reira*.
- 17 Ka akarongo katoa matou kia koe, mei ia matou i akarongo i te au tuatua ravarai a Mose ra; ei vaitata katoa ra to Atua ko Iehova ia koe, mei iaia i
- 18 vaitata katoa ia Mose ra. Ko te akatokā atu i taau tuatua, e kare e akarongo kia koe i te au tuatua katoa taau i

akaue mai kia matou ra, ka taia ia : kia matutu ra koe, e kia maroiroi.

PENE II.

Ko Rahaba i te oo anga, e te akapipini anga i nga tutaku toko rua ra.

I TONO poiri anā Iosua te tamaiti a Nuna ra i e toko rua puke tangata mei Sitima atu, ei tutaka, karanga atura, Ka aere, ka tutaka i taua enua nei e ko Ieriko. E aere atura raua e tomo atura ki roto i te are o tetai vaine akaturi ko Rahaba te ingoa, moe iora i reira. E karangaia atura te ariki o Ieriko, na koia atura, I na, e puke tangata tei aere mai ki roto nei i teianei po, no te tamariki a Iseraela, e tutaka aere i te enua nei. Kua tono atura te ariki o Ieriko i te karere kia Rahaba, karanga atura, Ka arataki mai ana i nga tangata i aere mai kia koe na, ko tei tomo mai ki roto i to are na ; i aere mai oki raua e tutaka i te enua katoa nei. Kua rave iora taua vaine ra i auanga tangata toko rua ra, uuna iora ia raua ra, e kua tuatua maira, E puke tangata rai oki tei aere mai kiaku nei, kareka te ngai no reira mai raua ra, kare ia au i kite : E te poiri anga io nei, i te topiri anga i te ngutupa nei, aere atura au na tangata nei ki vao ; kare ra au i kite i ta raua ngai i aere ra : ka tauaru viviki ana, ka rokoia atu ia e kotou. Kua oti ra raua i te aratakiia e ia ki rungao i te are, e kua tapokiiia raua ki te orongū i akapapaia e ia ki rungao i te are ra. Kua aru atura taua au tangata ra ia raua na te arataa e tae atu ei ki Ioridana, ki te ngai e tito atu ei ki tetai pae ra ; e riro anake atura te aronga i aru ia raua ra ki vao, topiri atura ratou i te pa.

Kare rai raua i moe i aere mai ei aia ki rungao i te are kia raua ra ; E kua karanga atura aia ki au nga tangata ra, Kua kite au e, kua orongaia e Iehova te enua no kotou ; e kua rokoia oki matou e te matakua ia kotou, e kua raungara anake oki to te enua nei ia kotou. Kua akarongo ana oki matou e, kua tamaroia e Iehova te tai muramura ia kotou, ia kotou i aere mai mei Aiphiti ra ; e ta kotou oki ravenga i nga ariki toko rua o te ngati Amori i tetai pae Ioridana ra, ko Sihona, e ko Oga, ko tei pou takiri rava ia ia kotou ra. Tei to matou rongo anga i taua tuatua ra, ngaevaeva na io nei to matou ngakau, kare rava e maroiroi i toe ki roto i te tangata katoa ra ia kotou : ko to kotou Atua ra oki ko Iehova, ko te

Atua ia no te rangi i runga ra, e no raro
12 katoa nei no te enua. E teianei, teia taku tuatua kia korua, e taputou korua ia Iehova kiaku, e mei iaku i takinga-meitaki ia korua nei, e takingameitaki katoa mai kotou i te ngutuare o toku metua nei ; e o mai oki korua i
13 tetai akairo tuatua-mou naku, E e akaora kotou i toku metua tane, e toku metua vaine, e toku ai tungane, e toku ai taeake, e to ratou katoa ra, e akaora
14 oki ia matou kia kore e mate. Kua tuatua maira au nga tangata ra kiaia, Ko maua uorai te tutaki ia kotou, kia kore ra kotou e aaki i to maua nei tere : e kia orongaia mai e Iehova te enua nei no matou, ei takingameitaki e te tuatua-mou ta matou ia koe i reira.
15 Kua tuku iora aia ia raua ki te taura ki raro i na roto i te māmārama ; (tei rungao oki tona are i te patu o te oire, e ki runga i taua patu ra tona noanga ;)
16 Kua karanga atura aia kia raua, E aere korua ki runga i te maunga, ko te aravei mai aea te kimi ia korua ; ka pipini korua i reira e kia po toru ake, kia oki mai taua aronga kimi ra ; ka aere ei
17 korua ki to korua aerenga i reira. Kua tuatua maira au nga tangata ra kiaia, Auraka matou kia arai i taua taputou nei tauu i tuku mai kia maua kia taputou atu kia koe ra. I na, kia tae mai matou ki te enua nei, e itiki koe i teianei taura muramura ki roto i te māmārama tauu i tuku ia maua ki raro ra ; e arataki mai oki koe i to metua tane, e to metua vaine, e to ai tungane, e te ngutuare katoa o to metua ra, ki roto i
19 to are nei. Kia tomo ra tetai ki vao mai i te ngutupa o toou nei are ki roto i te arataa, nana uorai tona mate, kare a matou ara i reira ; e kia arapaki ua maira tetai tangata i to roto i te are kia koe nei, ei runga ia ia matou tona mate.
20 E kia aaki oki koe i taua tere no maua nei, kare maua e ara i reira i tauu taputou tauu i alkataputou mai ia maua nei.
21 Kua karanga atura aia, Kia pera ta korua i tuatua mai na. Kua tuku atura aia ia raua kia aere ana, aere atura raua : kua itiki iora aia i taua taura muramura ra i roto i taua māmārama ra.
22 E aere atura raua, e tae atura ki runga i te maunga, noo iora i reira e po toru akera, e oki anake maira te aronga i kimi ra ; e kimi aere oki taua aronga kimi ra na taua ngai katoa i aereia ra, e kare raua i kitea e ratou.
23 Oki maira au nga tangata toko rua ra, eke maira mei runga mai i taua mau-eke maira ki tetai pae vai, e nga ra, e tae maira ki tetai pae vai, e

aere maira kia Iosua te tamaiti a Nuna ra, e akakite maira kiaia i te au mea katoa i rokoia'i raua ra; Tuatua maira 24
raua kia Iosua, Kua oronga tika mai-
rai a Iehova i taua enua katoa ra ki to
tatou rima; kua raungara rava te ta-
ngata katoa o taua enua ra ia tatou.

PENE III.

*Ko Iosua ma i te tae anga ki Ioridana,
e te au rangatira i te akakite anga i
te aereanga; te veenga i te vai i Iori-
dana, i tae ei te tangata i tetai pae.*

KUA itirere anā Iosua i te popongi 1
roa, e kua tae mai aia ki te pae
Ioridana, koia e te tamariki ravarai a
Iseraela, mei Sitima maira, e i moe ana
i reira ka aere atu ei ratou ki tetai pae
ra. E ope akera nga rā e toru ra; kua 2
takai iora te ui rangatira i te nuku: E
kua karanga atura ki te tangata, na ko
atura, Kia akara kotou i te aruna kore-
romotu a to kotou Atua ra a Iehova, e
te kau taunga i te ngati Levi ra i te
apai anga i te reira ra, ei reira kotou ka
aere ei, e aru ei i te reira. Ei va ra i 4
rotopu ia kotou e te reira, kia rua tau-
sani i te kubiti kia aite ra, (auraka ko-
tou e akavaitata ki te reira,) kia kite
kotou i te arataa kia aere kotou; kare
rai oki kotou i aere ana na *teianei* ara.
Kua karanga aturū Iosua ki te au tan- 5
gata, Ka akatapu ana ia kotou; apopo
oki a Iehova e rave ei i te mea taka ke
i rotopu ia kotou na. Kua karanga 6
aturū Iosua ki te kau taunga, na ko
atura, Ka rave ana i te aruna korerom-
motu, ka aere ki tetai pae na mua i te
au tangata nei. Kua rave iora ratou i
taua aruna koreromotu ra, aere atura
na mua i te au tangata ra.

I tuatua ana oki a Iehova kia Iosua 7
e, Ei teianei rā au e akamata'i i te aka-
maata ia koe ki mua i te aroaro o Ise-
raela katoa ra, kia kite ratou e, mei
iakū i vaitatao ia Mose ra, ei vaitata
katoano au ia koe. E naau e akaue atu
i te kau taunga ra, i tei apai i te aruna
koreromotu ra, e na ko atu e, Kia tae
kotou ki te nia o te vai i Ioridana ra,
ka tu ua kotou ki raro i Ioridana ra.
Kua karanga aturū Iosua ki te tama- 9
riki a Iseraela, Ka aere mai ki ku nei,
e akarongo i te tuatua a to kotou Atua
a Iehova. Kua karanga aturū Iosua, 10
Teia te mea ekite ei kotou e, tei rotopu
te Atua ora ia kotou, e kā tuaru tika
rai aia i te ngati Kanaana, e te ngati
Heta, e te ngati Ilevi, e te Perizi, e te
ngati Giregasi, e te ngati Amori, e te
ngati Iebusi, na mua ia kotou, kare e

11 kore. I na, te aere nei te aruna kore-
romotu a te Atua o te ao katoa nei, na
mua ia kotou ki Ioridana. I tenana,
ka iki ana i te tangata tino ngauru ma
rua no roto i te au kopu o Iseraela,
okotai kopu okotai tangata e pini ua
13 ake. E kia tu te vaevae o te kau tau-
nga i apai i te aruna a te Atua o te ao
katoa nei a Iehova, ki raro i te vai nei
i Ioridana, *ei reira* taua vai nei ko Iori-
dana, ko tei na uta mai i te ta'e, ka
akataka keia'i, *ei reira* taua vai ra o
ututua ua'i.
14 E kia akaruke te au tangata i to ra-
tou au puakapa, e aere ki tetai pae i Iori-
dana ra, e te kau taunga i te apai anga
i te aruna koreromotu na mua i te ta-
15 ngata ra: E tae akera te aronga i apai
i te aruna ki Ioridana, e ku akera te
vaevae o te kau taunga i apai i taua
aruna ra i te nia o te vai, (e paniu oki
Ioridana i runga i toa au nia katoa i
16 te tuatua mou katoa ra:) I reira te vai
i na uta maira i te tu ua anga, e teitei
ua akera te ututua anga, e ngai mamao
te oire ra ko Adama, i vaitata i Zare-
tana; taka ke atura oki te vai i ta'e
tika ki raro i te tai i te ngai mataataa
ra, (koa te tai kavakava ra,) kore akera
ia, i kokoti keia ia: aere anake atura te
tangata ki tetai pae i anga tika ki Ie-
17 riko ra. Tu ua iora te kau taunga, ko
tei apai i te aruna koreromotu a Iehova
ra, i rotopu tikai i Ioridana, ki runga i
te one marō ma te turori kore; ka aere
ei te ngati Iseraela katoa ki tetai pae
na runga i te one marō; e ope rava
akera te tangata tini ravarai i te tae ki
tetai pae Ioridana ra.

PENE IV.

*Te au toka okotai ngauru ma rua i
raveia mai no raro i Ioridana ei ma-
nakoanga; e nga toka okotai ngauru
ma rua i akatua i rotopu tikai i
Ioridana: kua aere te tangata ki te-
tai pae, e kua akatua nga toka i ra-
veia maira i Gilgala.*

EOPE takiri rava akera te tangata
i te tae ki tetai pae Ioridana ra,
kua tuatua mairū Iehova kia Iosua,
na ko maira, Ka iki ana i te tangata
tino ngauru ma rua no roto i te au tan-
gata nei, okotai kopu okotai tangata e
3 pini ua ake; Ka akaue atu ei kotou ia
ratou, e na ko atu, Ka rave ana kotou
i te toka kia okotai ngauru ma rua, no
rotopu i Ioridana nei, i te ngai i tuia e
te vaevae o te kau taunga ma te turori
kore ra; ka apai katoa'i ki te ngai ta
kotou e moe i teianei po ka vaoo ci.

Kua karanga aturū Iosua ki nga tangata tino ngauru ma rua, ko tana ia i akono no roto i te tamariki a Iseraela, okotai kopu okotai tangata e pini ua ake: Kua karanga aturū Iosua kia ratou, Ka aere kotou ki tetai pae mai na mua i te aruna a to kotou Atua ra a Iehova, ki rotopu tikai i Ioridana nei, ka rave ei kotou ravarai i te toka ki runga i to kotou pakuivi, kia aite katoa ki te au kopu o te tamariki a Iseraela nei kia tatau ra; Kia riro taua mea nei ei akairo no kotou; kia ui mai takotou au tamariki a muri atu, kia tuatua mai e, Eaa teianei au toka? Ei reira kotou ka karanga atu ei kia ratou, I kokotia te vai nei ko Ioridana i mua i te aruna koreromotu a Iehova ra, ka tae ei na rotopu i Ioridana, i kokotia te vai nei ko Ioridana: ei akakite oki teianei au toka ki te tamariki a Iseraela e tuatua ua atu. Kua pera oki te tamariki a Iseraela i ta Iosua i akaue maira; kua rave iora ratou i te toka okotai ngauru ma rua no rotopu i Ioridana, i ta Iehova i tuatua mai kia Iosua ra, kua tau ki te au kopu o te tamariki a Iseraela kia tatau ra, e kua apai katoa ratou i taua au toka ra i ta ratou ngai i moe ra, e tuku iora ki reira. Epuke toka oki ta Iosua i akatu i rotopu i Ioridana okotai ngauru ma rua, i te ngai i tuia e te vaeae o te kau taunga ra, ko tei apai i te aruna koreromotu ra; e tei reira rai taua au toka ra e tae rava akenei ki teianei rā.

Kua tu iora oki te kau taunga i apai i te aruna ra i rotopu i Ioridana, e kia ope rava te au mea katoa i te raveia ta Iehova i akaue mai kia Iosua ra e, e tuatua ki te tangata, i ta Mose i akaue katoa maira kia Iosua. Aere atura te tangata ki tetai pae ma te aere viviki. E ope takiri rava akera te tangata i te tae ki tetai pae, kua aere katoa iora te kau taunga ma te aruna a Iehova ki mua i te aroaro o te tangata ra. E te tamariki a Reubena, e te tamariki a Gadā, e te kopu vengā o Manase ra, na mua atura ratou i te tamariki a Iseraela te aere, mei te tangata tamaki, ki tetai pae ra, ta Mose oki i tuatua mai kia ratou ra. E a ngauru anga o te tausani i te tangata ma te taoonga tamaki katon, tei na mua ia Iehova te aere ki te tamaki anga i te ngai mataata i Ieriko ra.

Kua akamaatū Iehova ia Iosua i taua rā ra ki mua i te mata o Iseraela katoa ra; e matakū iora ratou iaia mei ia ratou i matakū ia Mose ra, e ope rava akera ona puke rā i te ora anga

15 nei. Kua tuatua mairū Iehova kia Iosua, na ko maira, E akaue atu i te kau taunga i apai i te aruna kite ra, e aere mai ratou ki runga mei rotopu mai i Ioridana. Kua karanga aturū Iosua ki taua kau taunga ra, na ko atura, Ka aere mai kotou ki runga nei mei raro mai i Ioridana ra. E tae maira te kau taunga i apai i te aruna koreromotu a Iehova ra ki runga, mei rotopu mai i Ioridana, e takai maira te tapuae o te kau taunga ki runga i te pae, kua oki akaue maira taua vai ra ko Ioridana ki tona ngai tikai, e pani rava atura i runga i tona au nia katoa, mei tei muntangana ra. I te rā okotai ngauru i te marama mua ra to taua au tangata ra tae anga ki runga mei raro mai i Ioridana ra, e kua patia iora i te puakapa i Gilagala i te pae i te itinga o te rā i Ieriko ra. E taua au toka okotai ngauru ma rua, ta ratou i rave mai mei raro mai i Ioridana ra, kua akatu akērū Iosua i te reira i Gilagala ra. Kua karanga atura aia ki te tamariki a Iseraela, na ko atura, Kia ui mai ta kotou au tamariki ki to ratou au metua a muri atu e, Eaa teianei au toka? Ei reira kotou e akakite atu ei ki ta kotou au tamariki, e karanga atu ei, I aere mai Iseraela ki teia pae Ioridana nei na runga i te one marō. Na to kotou Atua oki na Iehova i tamarō i taua vai ra ko Ioridana ki mua ia kotou, e tae ua akera kotou ki tetai pae ra, mei ta to kotou Atua ta Iehova i rave i te tai muramura ra, tana i tamarō ki mua ia tatou e tae ua maira tatou ki tetai pae ra: Kia kite to te no katoa nei i te tu o te marōrō o te rima o Iehova; e kia matakū oki kotou i to kotou Atua ra ia Iehova e tuatua ua atu.

PENE V.

Te ngati Kanaana i te matakū anga: te peritome i akatupu okaouia: te pāsa i te akono angaia; e te kore anga i te māna: te mama anga mai o te Angela ei Kūpena no te nuku a te Atua.

E KITE akera te au ariki katoa o te ngati Amori i te pae i Ioridana i te opunga o te rā rā, e te au ariki katoa o te ngati Kanaana i taatai ra e, kua tamarō a Iehova i te vai ra ko Ioridana ki mua i te tamariki a Iseraela, e tae anake maira matou ki tetai pae; kua ngaevaeua ua iora to ratou ngakau, kare rava akera e manga marōroi i roto ia ratou i te tamariki a Iseraela.

I reira ta Iehova tuatua anga mai 2
kia Iosua, Ka rave ana i te au matipi
koi, e peritome akaou i te tamariki a
Iseraela, ko te tu rua ia. Kua rave 3
iorā Iosua i te au matipi koi, peritome
iora i te tamariki a Iseraela i Gibe-
aralota. Teia te mea i peritome ei a 4
Iosua *ia ratou*: ko te au tane ra tei
aere mai mei Aiphiti maira, i te au
tangata katoa i aere mai mei *Aiphiti*
maira kua peritomeia ia: kareka te
aronga katoa i anau i te medebara ra, i 5
te aerenga mai mei Aiphiti maira, kare
ia i peritomeia ra. Ka a akera o te
tamariki a Iseraela ngauru anga i te
mataiti i te aere ua anga i te medebara,
e ope rava akera te au tangata tamaki
katoa i aere mai mei Aiphiti maira i te
mate, no te mea kare ratou i akarongo 6
i te reo o Iehova ra: ko tei taputouia e
Iehova e, kare rava ratou e kite i te
enua ta Iehova i taputou ki to ratou ai
metua ra e, e oronga mai no ratou, e
enua ta'e a vai ua te u e te meli ra. E 7
ta ratou au tamariki i akatupua e ia ei
tupau ia ratou ra, ko ta Iosua ia i peri-
tome, no te mea te vai peritome kore
ua ra ratou, kare rai ratou i peritome
ia ratou i te arataa ra. E ope akera te 8
au tangata katoa i te peritomeia, noo
ua iora ratou i to ratou ngai ki roto i te
puakapa kia ora ratou ra. Kua tuatua
mairā Iehova kia Iosua, Kua uri keia e 9
au te kino o Aiphiti ia kotou i teianei
rā. I tuatuaia taua ngai ra ia Gila-
gala e tae rava akenei ki teianei rā.

Patia iora te tamariki a Iseraela i te 10
puakapa i Gilagala, e kua akono ratou
i te pasa i te rā okotai ngauru ma a o
te marama ra, i te aia, i te ngai ma-
taataa i Ieriko ra. E kua kai iora ra-
tou i te sitona o te enua ra kia popongi
ake taua rā pasa ra, ei areto akaopue 11
kore, e te tunu paka i taua rā rā. E
kai anake iora ratou i te sitona o te
enua ra, kore akera te māna kia popo-
ngi ake; kare atura oki a te tamariki a
Iseraela e māna; kai iora ra ratou i te
kai o taua enua ra o Kanaana i te reira
mataiti.

E taua noo anga o Iosua i vaitata i 13
Ieriko ra, kua nānā akera tona mata,
akara akera, e i na, te tu ua maira te-
tai tangata ki mua iaia ma tana koke i
unuiia i tona rima; kua aere aturā
Iosua kiaia ra, e kua karanga atura
kiaia, No matou aina koe, e no to ma-
tou au enemi ainei? Kua tuatua maira 14
aia, Kare; i aere maira au ei Kapena

no te au nuku a Iehova nei. Kua ti-
papa iorā Iosua ki raro tona mata i te
one, kua akamori atura; e karanga
atura kiaia, Eaa tauu tuatua, e taku
15 Atu, ki to tavini nei? Kua tuatua maira
tauu Kapena o te nuku a Iehova ra kia
Iosua, Ka tatara ana i to tamaka i to
vaevae iora, e ngai tapu oki tauu e tu
mai na. E kua pera oki a Iosua.

PENE VI.

*Ko Ieriko i te akapini angaia e te nuku
ra: te patu i te ngaoro anga ki
raro; te oire i te pu anga; e to
Rahaba ma akaora angaia ra.*

1 **K**UA momani ravaia Ieriko, e pini
ua ake, no te tamariki a Iseraela
ra: kare rava e tangata i tae ki vao,
2 kare oki e tangata i tae ki roto. Kua
tuatua mairā Iehova kia Iosua, I na, te
oronga atu nei au ia Ieriko ki to rima
na, e to reira ariki, e te au tangata toa
3 ra. E akapini kotou i taua oire nei,
kotou ko te au tangata tamaki ravarai,
tu tai i te akapini anga i te oire. Kia
4 po ono koe i te akapera anga. E nga
taunga oki toko itu ma te pu iubile
e itu i te apai anga na mua i te aruna; e
kia tae ki te rā itu ra, kia itu ia aka-
pini anga i taua oire ra, ka akatangi ei
5 te kau taunga i taua au pu ra. E kia
akarua ratou i te *tangi* i taua pu iubile
ra, kia rongo kotou i te tangi o taua pu
ra, ei reira te tangata ravarai ka mae-
va'i ei maeva maata: ei reira te patu o
te oire ka topa pu ua'i ki raro, kia aere
na te tangata katoa na runga ki muao
iaia uorai.

6 Kua karanga aturā Iosua te tamaiti
a Nuna ki te kau taunga, na ko atura
kia ratou, Ka rave ana i te aruna kore-
romotu ra, e rave oki nga taunga toko
itu i te pu iubile kia itu ka apai ei na
7 mua i te aruna a Iehova. Kua karanga
atura aia ki te tangata, Ka aere, ka
akapini i te oire, e te tangata taonga
tamaki ra, e aere aia na mua i te aruna
8 a Iehova. E oti akera ta Iosua tuatua
anga ki te au tangata ra, kua aere iora
nga taunga toko itu ma te pu iubile
katoa e itu na mua ia Iehova, e kua
akatangi iora i taua au pu ra; e na
muri akera te aruna koreromotu a Ie-
9 hova ia ratou. E te tangata ma te
taoonga tamaki katoa tei aere na mua i
te kau taunga i akatangi i te pu ra, e
tetai papaki ra na muri ia i te aruna te
aere, te aere ua ra *te kau taunga*, te
10 akatangi ra i taua au pu ra. I akaue
anā Iosua ki te au tangata, i tuatua ana
aia *kia ratou*, Auraka kotou e maeva,

auraka to kotou reo kia kitea, auraka rava to kotou vaa e ki e okotai iti ake, e kia tae ki te rā e karanga atu ei au kia kotou e, E maeva; ei reira kotou e maeva'i. Okotai akera o te aruna a 11 Iehova akapini anga i taua oire ra: kua aere maira ratou ki te puakapa, e moe iora ki roto i te puakapa ra. Kua 12 tu akērā Iosua i te popongi akirata, kua rave iora te kau taunga i te aruna a Iehova. E nga taunga toko itu ra i 13 nga pu iubile e itu i te apai anga, i te aere ua anga rai na mua i te aruna a Iehova, i te akatangi anga i taua au pu ra; e te tangata taonga tamaki i te na mua anga ia ratou, kareka tetai papaki, kua na muri mai ia i te aruna a Iehova, e te kau taunga i te aere ua anga i te akatangi anga i te au pu ra. E oko- 14 tai akera oki o ratou akapini anga i taua oire ra i te rā rua ra, e kua oki maira ki te puakapa ra: e ono akera oki o ratou rā i te akapera anga. Kia 15 tae ra ki te rā itu, kua tu akera ratou ki runga i te akirata anga ra, e kua pera oki i te akapini i taua oire ra e ka itu akera akapini anga; ko te reira rā anake ra te tatakī itu anga i te akapini anga i taua oire ra. E tae akera ki te 16 itu o te akapini anga, i te akatangi anga te kau taunga i te au pu ra, kua karanga aturā Iosua ki te au tangata, Ka maeva ana; kua oronga mai a Iehova i taua oire nei kia kotou. Kareka te 17 oire e to roto katoa ra kia anateimaia ia na Iehova: ko Rahaba akaturi anake ra te ka ora, koia e te aronga katoa i roto i tona aere, no te mea, kua uuna aia i nga karere i tonokia e tatou ra. Kia matakite ia kotou i tei anateimaia 18 ra, ko te rave aea kotou i tei anateimaia ra, ko te akariro aea kotou ia kotou uorai ei aronga anateima katoaia; ka riro katoa'i te puakapa o Iseraela ei mea anateimaia, e tumatetenga atura oki i reira. Kareka te au ario katoa, 19 e te auro, e te au mea vao, e te auri, e akatapuaia ia na Iehova, e apaiia te reira ki roto i te uipānga apinga na Iehova ra. Kua maeva iora te au tangata, 20 kia akatangi te kau taunga i te au pu ra; e tei te akarongo anga te au tangata i te tangi o taua pu ra, kua maeva iora te tangata ravarai, e maeva maata, e topa pu ua iora taua patu ra ki raro, kua aere atura te tangata katoa ki roto i te oire, ki mua tikai iaia uoarni, e rauka ia ratou taua oire ra. Tapatapai iora ratou i to roto katoa i 21 taua oire ra, i te tane e te vaine, e te tangata ou e te ruaine, i te bovi e te mamoe e te asini, ki te mata koke.

- 22 Kua tuatua ana rā Iosua ki nga tangata toko rua i tutaka aere i taua enua ra, E aere korua ki roto i te aere o taua vaine akaturi ra, ka arataki mai ei i taua vaine ra ki vao, e tona katoa ra, 23 ta korua i taputou atu kiaia ra. Kua aere atura aua nga tangata ou i tutaka i te enua ra, e arataki maira ia Rahaba, e tona metua tane, e tona metua vaine, e tona au tungane, e tona katoa ra, ki vao; e kua arataki mai oki i tona katoa ra kopu-tangata ki vao mai ki te puakapa o Iseraela, vao iora i reira. 24 Pou iora taua oire ra i te ta'ua e ratou ki te ai, e te au mea katoa i roto ra, mari ra ko te ario, e te auro, e te au mea vao, e te auri, ko tei tukuia e ratou ki roto i te uipānga apinga i te aere o 25 Iehova ra. Kua akaora iorā Iosua ia Rahaba akaturi, e te ngutuare katoa o tona metua tane ra, e tona katoa oki; e te noo ua nei rai aia i roto ia Iseraela i teianei rai rā, no te mea kua uuna aia i nga veka i tonokia e Iosua e tutaka ia Ieriko ra. 26 Kua akataputou aturā Iosua ia ratou i reira, karanga atura, Kia katarai te tangata ki mua i te aroaro o Iehova, ko te tu ki runga e patu i teianei oire ia Ieriko nei; e akamou aia i te tango ma te mate o te tama mua nana, e ma tana tamaiti openga ra e akatu ei aia i 27 te au ngutupa. I vaitata katoa o Iehova ia Iosua; e tutuki atura tona rongō e pini ua ake te enua katoa.

PENE VII.

No te ara a Akana i pou ei to Iseraela i to Ai: i tuku kelerōia i kitea'i tana ara: tana aaki anga, e tona mate-nga.

- 1 **K**UA rave ra te tamariki a Iseraela i te ara i taua mea i anateimaia ra; kua rave oki a Akana te tamaiti a Karimi, te tamaiti a Zabadi, te tamaiti a Zera, no te kopu o Iuda, i taua mea anateimaia ra; e tupu akera te riri o Iehova i te tamariki a Iseraela. 2 I tono ana Iosua i te tangata ki Ai, mei Ieriko atu, i vaitata Ai ki Bete-avena, tei te pae i te itinga o te rā i Betela, e kua tuatua ana aia kia ratou, i na ko ana e, Ka aere ka atoro aere i te enua. Kua tae oki taua au tangata 3 ra, e kua atoro aere i Ai. E kua oki mai ratou kia Iosua ra, e kua tuatua maira kiaia e, Auraka te tangata katoa e aere ki runga, kia rua ake tausani, e kia toru oki, kia aere e rave ia Ai; auraka e akaroiroi i te tangata ravarai i te aere anga ki reira, tokola ua ake oki ratou.

Kua aere iora te tangata ki reira e toru paa tausani no roto i taua aronga ra; ati ua maira ra ratou ki mua i to Ai. E kua ta ua maira to Ai ia ratou, e toru ngauru e ono ara i te tangata *i mate*: arumaki ua maira oki ratou ia ratou mei te ngutupa maira e tae rava maira ki Sebarima, ki te tainga ia ratou i te eke anga mai ki raro ra; ngae-vaeva iora te ngakau o te tangata, riro atura mei te vai ra.

E kua aeae iorā Iosua i ona kakau, kua tipapa iora ki raro i te one ki mua i te aruna a Iehova e aia i ua atura, koia e te ui kavana katoa o Iseraela, e kua tuku oki i te one-pueu ki rungao i to ratou au mimiti. Kua tuatua iorā Iosua, Aue, e taku Atu e Iehova e! Eaa koe i arataki mai ci i teia aronga ki teia pae Ioridana, e oronga ia matou ki te rima o te ngati Amori, kia pou matou? Naringa matou i noo ua i tetai pae Ioridana e, oti ra ua i reira e! E te Atu e, e akapeca atu au, tei iki te ngati Iseraela i to ratou tua ki to ratou au enemi? Ka kite oki te ngati Kanaana, e to te enua katoa, *i taua tuatua ra*, e ka riro i te takako rava ia matou, e ka tangaro i to matou ingoa i te ao nei: e eaa iora oki koe *i reira* i toou ingoa maata?

Kua tuatua mairā Iehova kia Iosua, 10 Ka tu koe ki rungā; eaa taau e tipapa ua i ki raro i to mata na? Kua rave to Iseraela i te ara, kua tatipake oki ratou i te koreromotu naku, taku i akaue atu kia ratou ra; kua rave oki ratou i tei anateimaia ra; e kua keia oki ratou, e kua unna oki ratou, e kua tuku *i taua mea ra* i roto i ta ratou uaoari au apinga. I kore ci i mou te tamariki a 12 Iseraela ki mua i to ratou au enemi, i iki ia ratou i te tua ki mua i to ratou au enemi, no te mea kua anateimaia ratou; kare rava oki au e piri akaou atu kia kotou, kia kore kotou e ta i tei anateimaia i roto ia kotou na. Ka tu, 13 ka akatapu ana i te au tangata ra, ka karanga atu e, Ka akatapu ana ia kotou orui kia *tapu* apopo; te na ko mairā oki te Atua o Iseraela ko Iehova, E mea anateimaia tei roto ia kotou, e Iseraela e; kare kotou e mou ki mua i te aroaro o to kotou au enemi, kia *kore* kotou e apai ke i taua mea anateimaia i roto ia kotou na: E teianei, kia popo- 14 ngi kotou ka aratakiia mai ei i to kotou au kopu katoa; e te kopu ta Iehova e akakite mai, e ta kopu-tangata mai ia; e te kopu-tangata ta Iehova e akakite mai, e ta ngutuare mai ia; e te ngutuare ta Iehova e akakite mai, e tatakai

15 tai mai ia. E tei akakiteia mai, tei iaia taua mea anateimaia ra, ka ta'ua ia ki te ai, koia e tona katoa ra, no te mea kua akaatikau aia i te koreromotu a Iehova ra, e no te mea e kino tana i rave i roto ia Iseraela ra.

16 Kua tu akerā Iosua ki rungā i te popongi akirata, kua arataki maira ia Iseraela, to ratou au kopu ra; e te kopu

17 o Iuda tei akakiteia mai: E kua arataki maira aia i te au kopu-tangata o Iuda ra, e te kopu-tangata ra o te ngati Zera tei akakiteia mai: kua arataki maira aia i taua kopu-tangata ngati Zera ra, i tatakai taia mai, e ko Zabadi

18 tei akakiteia mai: Kua arataki maira aia i taua ngutuare nona ra i tatakai taia mai, e ko Akana te tamaiti a Karami, te tamaiti a Zabadi, te tamaiti a Zera, no te kopu o Iuda, tei akakiteia

19 mai. Kua karanga aturā Iosua kia Akana, Teia taku tuatua kia koe, e taku tamaiti, ko te Atua o Iseraela ko Iehova taau e akameitaki atu, e aaki tikai koe kiaia ra; e akakite mai koe kiaku i teianei i taau i rave, auraka kia

20 uunaia iaku nei. Kua tuatua mairā Akana kia Iosua, na ko maira, Kua ara tika rai au i te Atua o Iseraela ia Iehova, kua rave au i tera, e i tera:

21 Akara iora au i tetai kakau Babulonia meitaki ra, i roto i taua au apinga no te āru ra, e te au sekela ario e rua anere, e tetai manga auro e rima ngauru sekela kia aite, e noinoi akera au i taua apinga ra, e kua rave iora au; e i na, kua uunaia ki raro i te one i rotopu i toku akera puakapa, e te ario tei raro ake.

22 Kua tono aturā Iosua i te au veka, kua oro atura ratou ki taua puakapa ra; e i na, *taua au mea ra*, tei roto rai i tona puakapa ra te uuna angaia, e te ario oki i raro ake. Kua rave maira

23 ratou i taua au apinga ra ki vao i taua puakapa ra, e kua apai rava maira kia Iosua ra, e te tamariki ravarai a Iseraela ra, kua tuku iora i te atea ki mua i te aroaro o Iehova. Kua opu iorā

24 Iosua, e to Iseraela ravarai, ia Akana, te tamaiti a Zera ra, e te ario, e te kakau, e te manga auro, e tana au tamariki tamaroa, e te au tamaine, e tana au bovi, e te au asini, e te au mamoe, e te puakapa nona, e te au apinga ravarai nona ra; e apai atura ki te o o Akora ra.

25 Kua karanga aturā Iosua, Eaa koe i akatumatetenga mai ci ia tatou nei? ka tumatetenga katoa koe ia Iehova ako-
26 ni. Kua pei iora Iseraela ravarai iaia ki te toka, e kua ta'u ia ratou ki te ai, ma te pei rai ia ratou ki te toka. Kua

akaputupu iora ratou i te toka e utua maata ki runga iaia, *te vai nei rai* e tae rava mai nei ki teianei rā. Akaruke iorā Iehova i taua riri maata nona ra. I tuatuaia'i taua ngai ra e, Ko te o o Akora, e tae rava akenei ki teianei rā.

PENE VIII.

Nā te Atua i akamaroirōi ia Iosua: te ravenga i pou ei Ai ra.

KUA tuatua mairā Iehova kia Iosua, Auraka e mataku, auraka koe e ngarangara: ka rave koe i te au tangata tamaki katoa rā, ka tu, ka aere ki runga ia Ai. I na, kua oronga au i te ariki o Ai ki to rima, e tona tangata, e tona oire, e tona enua. E mei tauu i rave ia Ieriko e to reira ariki, ko tauu ia e rave ia Ai e to reira ariki; mari ra ko te apinga e te au puaka i reira ra, e rave kotou i te reira ei apinga na kotou uaorai: e tuku koe i te kotipu na muri mai i taua oire ra.

Kua tu akerā Iosua e te au tangata tamaki ravarai e aere ki runga ia Ai; e kua iki iorā Iosua i te au tangata toa e toru ngauri i te tausani, kua tono atura ia ratou i te po. Kua akaue atura aia ia ratou, na ko atura, I na, ei kotipu ta kotou i taua oire nei, ei muri mai i te oire; auraka kotou e akamamao keatu i taua oire nei, e noo ra kotou ma te akonokono, kotou ravarai. Ka aere oki au, ma te tangata ravarai kiaku nei, e ka akavaitata atu ki taua oire ra; e kia aere mai ratou ki vao e tamaki ia matou, mei tei muatangana ra, ka oro matou ki mua ia ratou. Ka aru mai ratou ia matou, e kia taka ke roa mai ratou ia matou i taua oire ra; ka riro oki ratou i te tuatua e, Kua ati taua aronga nei ia tatou mei tei muatangana ra: e kia oro matou ki mua i to ratou aroaro; Ei reira kotou e titiri ei *ta kotou* kotipu, ka tu mai ei ka rave i taua oire nei; ka orongaia mai oki e to kotou Atua e Iehova ki to kotou rima. E kia rauka mai taua oire ra ia kotou, e ta'u kotou i taua oire ra ki te ai: ko ta Iehova oki i akaue mai ko ta kotou ia e rave. I na, kua oti kotou i te akaueia atu e au. Kua tono aturā Iosua ia ratou, e kua aere atura ratou e akamoe, kua akamoe iora i rotou i Ai e Betela, i te pac i te opunga o te rā i Ai: moe iora rā Iosua ki roto i te au tangata katoa i te reira po. E kua tu akerā Iosua ki runga i te popongi akirata, kua tatau iora i te au tangata, aere atura ki runga, koia e te au kavana o Iseraela, na mua i te

11 tangata, ki Ai. E aere anake atura te au tangata tamaki katoa tei iaia ra ki runga, e akavaitata atura, e aere atura ki mua i taua oire ra, patia iora i te puakapa i te pac i apatokerau ra i Ai, e o tei rotou ia ratou e ko Ai. Kua rave iora aia i te au tangata ra e rima paa tausani, e tukuia ratou e ia ei kotipu i rotou ia Betela e Ai, i te pac i te opunga o te rā o taua oire ra. Kua akanoo iora ratou i te tangata, ko taua nuku katoa ra i te pac i apatokerau o taua oire ra, e to ratou au kotipu i te pac i te opunga o te rā o taua oire ra; aere aturā Iosua i rotou i taua o ra i te reira po.

14 E kia akara maira te ariki o Ai i te reira, kua rapurapu iora ratou, e kua tu akera i te popongi akirata, kua aere maira ki vao, koia e te tangata ravarai nona, te tangata no taua oire ra i te tuatau i akonoia ra, e tamaki ia Iseraela i taua ngai matantaa ra; kare ra aia i kite e, e kotipu *tei tukuia* iaia ki

15 muri mai i taua oire ra. Kua oro mairā Iosua e Iseraela katoa na te arataa e tae ei ki te medebara ra, *mei te*

16 *mua* e kua eke ratou. Kua akaope katotia maira to Ai katoa ra, ei arumaki ia ratou, e kua arumaki maira ratou ia Iosua, e taka ke roa maira ratou i taua

17 oire ra. Kare rava e tangata i toe i roto i Ai e Betela, riro anake maira ki vao i te arumaki anga ia Iseraela; e vaoo iora ratou i te oire kia pucaka ua na, arumaki maira ia Iseraela.

18 Kua tuatua mairā Iehova kia Iosua, Ka akatika atu koe i te korare i to rima io na ki Ai, ka oronga oki au i taua oire ra ki toou rima. Kua akatika aturā Iosua i te korare i tona rima ki taua

19 oire ra. E tei te akatika anga aia i tona rima, kua tu viviki ua maira taua aronga kotipu ra i to ratou ngui, e kua oro maira, e tomo iora ki roto i te oire, rave iora; e kua tutungi iora ratou i

20 taua oire ra ki te ai, kare i roa ia. E kia akara to Ai ki muri ia ratou, kite akera ratou, e i na, te kou ua ra te auai o taua oire ra ki runga i te rangi, e kare atura o ratou maroirōi kia oro ki tetai pac e ki tetai pac, e kua anga maira *to Iseraela* i oro ki te medebara ra ki runga i te aronga i arumaki mai *ia ratou*

21 ra. Kite akera oki a Iosua e Iseraela katoa e, kua raveia taua oire ra e to aronga kotipu ra, e te kou ua ra te auai o taua oire ra ki runga, kua anga atura

22 ratou e ta i to Ai ra. Kua maringi a vai ua maira tetai papaki mei roto mai i te oire ki runga ia ratou, vaoo ua iora ratou i rotou ia Iseraela, e tangata tei

tetai pae, e tei tetai pae; kua ta iora ratou ia ratou, kare rava tetai i vaooia kia ora. E opu ua iora ratou i te ariki 23 no Ai, e kua taki ora ua maira iaia kia Iosua ra. E ope takiri akera to Ai i te 24 taia e Iseraela ki roto i te au kaingai te medebara, i te ngai i arumaki mai ei ratou ia ratou, e ope rava akera ratou i te mate i te mata koke, e pou rava atu- 25 ra ratou, oki atura to Iseraela ravarai ki Ai, e kua ta atura i te reira ki te mata koke. E te aronga i mate i taua 26 rā ra, te tane e te vaine katoa ra, okotai ia ngauru e rua ara i te tausani, ko to Ai katoatoa ia au tangata. Kare ra oki 27 a Iosua i akaoki mai i tona rima tana i tou i te korare ra, e kia ope rava to Ai i te pou iaia. Mari ra ko te puaka e 28 te apinga o taua oire ra, ko tei ravcia ia e Iseraela ei apinga na ratou uoari, i te tuatua ta Ichova i akaue mai ia Iosua ra. E kua ta'u iorā Iosua ia Ai ki 28 te ai, e akariro atura ei ututua e tuatua na atu; ei ngai tanea e tae rava akenci ki teianei rā. E kua ri atura aia i te 29 ariki o Ai ki runga i tetai rakau e aiia ua atura: kia topa ra te rā ra, kua akaue aturā Iosua e tuku ratou i tona kopapa ki raro mei runga mai i taua rakau ra, ka titiri atu ei ki te ngutupa i te tomoanga ki roto i te oire ra; ka 30 akaputuputu ei te au toka ei utua maata ki runga, *te vai ua akera* i teia- nei rā.

Kua patu iorā Iosua i tetai atarau na 30 to Atua o Iseraela na Ichova ki runga i te maunga ra ia Ebala; I ta te tavini 31 a Ichova i ta Mose i akaue mai i te tamariki a Iseraela ra, i tei taitaia i te buka ture a Mose ra, ei atarau toka tarai korcia, i tei kore rava i taraiia e te tangata i te auri: e kua apai ratou i te tusia karakaratio ki runga na Ie- 32 hova, e kua apai katoa i te tusia au ra. E kua tata iora aia i te ture a Mose ki 32 runga i te au toka i reira, i tei taitaia e Mose ki mua i te aroaro o te tamariki a Iseraela. Kua tu iora Iseraela katoa, 33 e te ratou aronga pakari, e te aronga rangatira, e te au akava, i tetai pae aruna, e i tetai pae, ki mua i te kau taunga ngati Levi ra, ko tei apai i te aruna koreromotu a Ichova ra, ko te tangata ke e te tangata tupu katoa; ko tetai pae tei te maunga ra ia ko Geri- 34 zima, e tetai pae tei te maunga ia ko Ebala ra, ko tei akaueia mai e te tavini o Ichova ra e Mose; kia akamata ana ratou i te akaora i te tamariki a Iseraela. E muri akera, kua tatua iora aia i te 34 au tuatua katoa i roto i te ture ra, i te akaora e te katara, mei tei taitaia i roto

35 i te buka ture ra. Kare rava tetai tuatua ta Mose i akaue maira i toe i te tatauia e Iosua ki mua i te aroaro o te uipānga Iseraela katoa ra; te vaine, e te tamariki mea riki, e te aronga ke ke katoa i roto ia ratou ra.

PENE IX.

Te kuku anga o te au ariki e tamaki i to Iseraela ra: te ravenga pikikau a to Gibeona; e to ratou taua angiaia.

1 **E** KITE akera te au ariki katoa i teia pae Ioridana, to runga i te maunga, e to te au o, e to te pae taatai katoa ra, i te tai maata ra, i vaitata i Iebanona ra, no te ngati Heta, e no te ngati Amori, e no te ngati Kanaana, e no te Perizi, e no te ngati Hevi, e 2 no te ngati Iebusi; Kua uipa akera ratou ravarai e tamaki ia Iosua, e Iseraela ka- 3 toa, i te kapiti anga okotai. E kite akera to Gibeona i ta Iosua i rave kia 4 Ieriko ra e kia Ai. Kua akapakari oki ratou, e kua akatutu karere ratou, i te aere anga mai, e kua tuku akera i te pute taito ki runga i ta ratou au asini, e te au ariki wina piro e te motu- 5 motu, kua itikitikiia ra; E te tamaka piro e te pananaki tei to ratou vaevae, e te kakau piro ki runga ia ratou; e ta ratou kai no te momoeo kua marō 6 anake ia e te pueka. Kua aere maira ratou kia Iosua ra, ki te puakapa i Gila- gala ra, kua tuatua maira kiaia, e te au tangata katoa no Iseraela, Mei te enua mamao mai matou, e teianei e papau mai kotou i tetai koreromotu kia matou 7 nei. Kua karanga atura to Iseraela ki taua au ngati Hevi ra, Penciake no ko nei kotou i o matou nei, eia matou e tilka'i kia papau i te koreromotu kia ko- 8 tou na? Kua tuatua maira ratou kia Iosua, Ei tavini matou noou. Kua kara- nga aturā Iosua kia ratou, Koni kotou? 9 Mei eia mai kotou? Kua tuatua maira ratou kiaia, Mei te enua mamao roa mai to au tavini nei, no te ingoa o to Atua ra o Ichova; kua akarongo oki matou i tona rongo, e te au mea ravarai 10 tana i rave i Aipluti ra; E tana katoa i rave i nga ariki o te ngati Amori i tetai pae Ioridana ra, ia Sihona ariki i Hesebona, e ia Oga ariki i Basana, i 11 noo i Asetarota ra. No reira to matou aronga pakari, e te tangata ravarai o to matou enua, i tuatua mai ei kia matou e, Ka rave i te kai ei momoeo i to kotou tere, e aere kotou e aravei atu ia ratou, ka karanga atu ei e, E tavini matou no kotou: e teianei e papau mai kotou i 12 tetai koreromotu kia matou nei. Teia-

nei areto iapai maanaia mai e matou
mei roto mai i to matou au are ei kai
na matou, i te rā i anga tika mai ei
matou, e aere mai kia kotou nei; i teia-
nei ra, kua marō, i na, kua pueka; E 13
teianei au āriki wini i akakia e matou
nei, e mea ou ia, e i na, kua motumotu;
e to matou nei kakau, e to matou tama-
ka, kua piro, i te roa o te aereanga. Kua 14
rave iora te au tangata o *Iseraela* i ta
ratou kai, kua kai, e kare akera i ui ki
ta Iehova ra tuatua. Kua akamoeau 15
aturā Iosua ia ratou, e kua papau iora
i te koreromotu kia ratou e, e akaora ia
ratou; e kua taputou iora oki te au
mataiapo o taua uipānga ra kia ratou.

E ope akera nga rā e toru, i muri 16
ake i ta ratou papau anga i te korerom-
otu kia ratou ra, kite akera ratou e,
no reira orai taua aronga ra e tei o ra-
tou uarai te noo anga. Aere atura te
tamariki a *Iseraela*, e tae atura ki to
ratou au oire i te rā toru ra. Ko taua
au oire ra, ko Gibeona ia, e ko Kephi-
ra, e ko Beerota, e ko Kiriata-icarima.
Kare akera i te tamariki a *Iseraela* i ta 18
ia ratou, no te mea kua taputou te au
mataiapo o te uipānga i te Atua o *Ise-
raela* ia Iehova ia ratou. Kua urutoe
anake iora te uipānga i te ui mataiapo.
Kua tuatua akera te ui mataiapo ki 19
taua uipānga katoa, Kua taputou ma-
tou i te Atua o *Iseraela* ia Iehova ia
ratou; kare oki e tika kia rave atu
tatou ia ratou i teianei. E akapera ra 20
tatou ia ratou, ka vaoo ua atu tatou
kia ora, ko te riria mai aea tatou, i te
taputou ta matou i taputou atu kia
ratou ra. Kua karanga atura te au 21
mataiapo kia ratou, Vaoo ua atu ratou
kia ora: riro atura ratou ei pāpū vaie, e
ei kave vai na te uipānga ravarai, i ta
te au mataiapo i karanga atu kia ratou.

Kua tiki aturā Iosua ia ratou, e kua 22
karanga atura aia kia ratou, na ko maira,
Eaa kotou i pikikaa mai ei ia matou, i
tuatua mai ei e, No te ngai mamao ma-
tou; e tei rotou i ia matou nei kotou
te noo anga? E tenana kua kataraina 23
kotou, kare rava kotou e toc i te aka-
tavinia, ei pāpū vaie, e ei kave vai,
no te are o taku Atua. Kua tuatua 24
maira ratou kia Iosua, na ko maira,
No te mea kua akakite puia mai to au
tavini nei e, kua akaue mai to Atua ra
ko Iehova i tona tavini ia Mose e, e
oronga i te enua katoa nei no kotou, e
e ta i te tangata ravarai o taua enua ra,
kia pou takiri rava ki mua i to kotou
aroaro; matakua rava akera matou ia
kotou, ko te mate aea matou, i perā i
oki matou nei. E teianei, tei to rima 25

matou nei, i na, ko te tika ia koe e te
meitaki kia rave ra, ko taua ia e rave
26 ia matou nei. Kua akapera atura aia
kia ratou, akaora iora ia ratou i te rima
o te tamariki a *Iseraela*, kare akera
27 ratou i ta ia ratou. E akariro aturā
Iosua ia ratou ei pāpū vaie i taua rā
ra, e ei kave vai, na te uipānga katoa
ra, e no te atarau a Iehova, i te ngai
akonoia e ia ra, e tae rava akenei ki
teianei rā.

PENE X.

*Nga ariki toko rima i te tamaki anga
ia Gibeona; tupaea to Gibeona e
Iosua ma; eketumuia iora to ratou
enemi. I te tuatua a Iosua kua noo
ua te rā e te marama. Te pou anga
o nga ariki tino ngauru ma rua ka-
toa.*

- 1 **K**ITE akera te ariki o Ierusalemā
ko Adonizedeka e kua pou Ai ia
Iosua, e kua tairipotia e ia; e mei
tana i rave ia Ieriko e to reira ariki,
kua pera katoa aia ia Ai e to reira
ariki; e i akamoeau to Gibeona ia *Ise-
raela*, e te noo ua ra i rotou ia ratou :
- 2 Matakua rava akera ratou, no te mea e
oire maata Gibeona, mei te oire ariki
ra te tu, e no te mea e maata te reira
ia Ai, e e tangata toa anake oki to reira
- 3 tangata. Kua tono akera te ariki o
Ierusalemā ra ko Adonizedeka i te
karere ki te ariki o Heberona ra ia
Hohama, e te ariki o Iaremuta ra ia
Pirama, e te ariki o Lakisa ra ia Iaphia,
e te ariki o Egalona ia Debara, kua ka-
- 4 ranga atura, E aere mai ki runga nei
kiaku nei, e tauturu mai iaku, e ta
tatou ia Gibeona; kua akamoeau oki
to reira ia Iosua, e te tamariki a *Ise-
raela*. Kua uipa iora aua nga ariki o
te ngati Amori toko rima ra, te ariki o
Ierusalemā, te ariki o Heberona, te
ariki o Iaremuta, te ariki o Lakisa, e
te ariki o Egalona, aere akera ratou e
to ratou au nuku ravarai, e kua patia
iora i te puakapa i waitata i Gibeona,
kua tamaki atura.
- 6 Kua tono maira to Gibeona i te ka-
rere kia Iosua ki te puakapa i Gilagala
ra, tuatua maira, Auraka koe e tavare i
te tauturu mai i to au tavini, e aere
viviki mai koe kia matou nei, e tupae
mai ia matou kia ora matou; kua
putuputu rava mai oki te ui ariki rava-
rai o te ngati Amori i noo i runga i te
maunga ra e tamaki mai ia matou.
- 7 Kua aere aturā Iosua mei Gilagala atu,
koaia, e te au tangata tamaki katoa, e te
aronga toa uritumu katoa ra-

Kua tuatua mairā Iehova kia Iosua, 8
 Auraka koe e mataka ia ratou; kua
 oronga oki au ia ratou ki to rima na;
 kare rava tetai o ratou e mou ki mua
 ia koe ra. Aere iorā Iosua i taua po 9
 ra mei Gilagala atu, e ao ua akera roko-
 ia putia iora ratou e ia; Eketumuia 10
 iora ratou e Iehova ki mua i te aroaro
 o Iseraela, e kua ta iora ratou ia ratou,
 e pou maata rava i Gibeona ra, e kua
 arumaki ia ratou na te arataa e tac
 atu ei ki Bete-horona, e tac rava atura
 ki Azeka, e Makeda, i te ta aere anga ia
 ratou. E i to ratou ati anga na mua i 11
 te aroaro o Iseraela ra, e te eke atura
 ki raro ki Bete-horona, kua akatopa
 mairā Iehova i te toka nunui, no runga
 mai i te rangi, ki runga ia ratou, e tac
 rava atura ki Azeka, mate iora ratou:
 e maata tei mate i te toka harada i
 tei mate i te taia e te tamariki a Ise-
 raela ki te koke.

Kua karanga aturā Iosua kia Iehova 12
 i te rā i oronga mai ei a Iehova i te
 ngati Amori ki mua i te aroaro o te
 tamariki a Iseraela; kua karanga atura
 ki mua i te mata o Iseraela ra, E te rā,
 ka noo ana koe ki rungao i Gibeona;
 e ko koe oki, e te marama, ki rungao
 i te o ra ko Aialona. Kua noo ua iora 13
 te rā, vai ua iora oki te marama, e oti
 ua akera ta ratou akaoko anga atu i to
 ratou au enemi. Kare ainei kua tataia
 taua tuatua nei ki roto i te buka a Ia-
 sera? Noo ua iora te rā ki runga i te
 rangi, kare i topa vave ki raro e e rā
 katoa tei topa. Kare rava e rā e aite 14
 ki te reira ra mei muatangana mai, e i
 muri katoa io nei, i te akarongo angā
 Iehova i te reo tangata; na Iehova oki
 i tamaki i ta Iseraela tamaki. Kua oki 15
 mairā Iosua, e Iseraela katoa, ki te
 puakapa i Gilagala.

Kua oro ra aua nga ariki toko rima 16
 ra, e te pipini ra ki roto i te ana i Ma-
 keda. E kua akakiteia mai a Iosua, i 17
 tuatuaia mai, Tera ake nga ariki toko
 rima ra kua kitea, kua pipini i roto i
 te ana i Makeda. Kua karanga aturā 18
 Iosua, Ka uri i te toka mamaata ki
 runga i te ngutupa o taua ana ra, ka
 tuku ei i te tangata ei tapapa ia ratou.
 Auraka ra kotou e noo, e arumaki ra i 19
 to kotou au enemi, e ta atu na muri,
 auraka e tukuia ki roto i to ratou au
 oire; kua orongaia mai oki ratou e to
 kotou Atua e Iehova ki to kotou rima.

E kia akaoti akerā Iosua ma te ta- 20
 mariki a Iseraela i ta ratou ta akapou
 rava anga ia ratou, e pou rava akapou
 ratou, e tomo atura tei toe ia ratou ki
 roto i te au oire i patuia ra; Oki mai- 21

ra te tangata ravarai kia Iosua ki te 8
 puakapa i Makeda i reira ma te au:
 kare rava e vaa i tuatua mai ki te ta-
 mariki a Iseraela. Kua karanga aturā 22
 Iosua, Ka kiriti ana te ngutupa o te
 ana, ka arataki mai i aua nga ariki toko
 rima i roto i te ana ra ki vao kiaku nei.
 23 Kua pera oki ratou, kua arataki maira
 ratou i aua nga ariki toko rima ra kalia,
 mei roto mai i te ana ra; te ariki o
 Ierusalem, te ariki o Heberona, te
 ariki o Iaremuta, te ariki o Lakisa, e
 24 te ariki o Egalona. E oti akera aua
 nga ariki ra i te aratakiia mai e ratou
 ki vao kia Iosua ra, kua karanga aturā
 Iosua ki te au tangata ravarai o Ise-
 raela, e kua na ko atura ki te au kapena
 o te aronga tamaki ra ko tei aere katoa
 ma ia katoa ra, E aere mai, e takai to
 kotou vaevae ki runga i te kaki o eia-
 nei nga ariki. Kua akavaitata maira
 ratou, e kua takai to ratou vaevae ki
 25 runga i to ratou kaki. Kua karanga
 aturā Iosua kia ratou, Auraka e mata-
 ku, auraka e ngarangara, e akamatutu,
 e kia maroiroi roa; ko te tu rai tena
 ta Iehova e rave i to kotou au enemi
 26 katoa ta kotou e tamaki atu. E muri
 akera, kua ta iorā Iosua ia ratou, e
 mate rava akera, e kua ri atura ia ra-
 tou ki runga i nga rakau e rima ra;
 vao ua atura ia ratou ki runga i aua
 27 nga rakau ra e aia i atura. Kia tie
 ra ki te topa anga o te rā ra, kua akaue
 aturā Iosua i te tangata, e kua tuku
 iora ratou ia ratou ki raro mei runga
 mai i nga rakau ra, e kua titiri atura
 ia ratou ki roto i te ana ta ratou i
 pipini ra, e kua tuku atura i te au toka
 mamaata ra i te ngutupa o taua ana ra,
 ko tei vao ua rai ia e tac rava akenei
 ki teianei rā.

28 E rauka iora oki Makeda ia Iosua i
 taua rā ra, e kua ta iora aia i te reira
 ki te mata koke, e to reira ariki, e te
 tangata katoa i roto ra, i akapou taki-
 riia ia e ia; kare rava i akatoeia: mei
 tana i rave i te ariki o Ieriko ra, kua
 pera katoa aia i te ariki o Makeda.
 29 Aere aturā Iosua e Iseraela ravarai
 mei Makeda atu e ki Libena, e kua
 30 tamaki atura ia Libena; E kua tuku
 katoa maira oki a Iehova i te reira, e
 to reira ariki, ki te rima o Iseraela;
 e kua ta iora ratou i te reira ki te mata
 koke, e te tangata katoa i roto ra; kare
 rava i akatoeia: mei ta ratou i rave i
 te ariki o Ieriko ra, kua pera katoa ra-
 tou i to reira ariki.

31 E mei Libena oki aere aturā Iosua e
 Iseraela ravarai ki Lakisa, patia iora i
 te puakapa i reira, tamaki atura ki te

reira; Kua oronga mairā Iehova ia 32
Lakisa ki te rima o Iseraela, rauka
iora ia ratou i te rā rua, e kua ta iora i
te reira e te tangata ravarai i roto ra ki
te mata koke, mei ta ratou katoa i rave
ia Libena ra. Kua aere mai ana te 33
ariki o Gezera ko Horama e tupae ia
Lakisa, pou iora aia e tona katoa ra au
tangata ia Iosua, kare rava ia i toe
iaia.

E mei Lakisa oki, aere aturā Iosua e 34
Iseraela katoa ra ki Egalona; patia
iora i te puakapa i reira, kua tamaki
atura ki te reira. Rauka iora ia ratou 35
i taua rā ra, e kua ta iora i te reira ki
te mata koke, e te tangata ravarai i roto
ra, pou takiri rava akera ia iaia i taua
rā ra, mei tana katoa i rave ia Lakisa.
E mei Egalona atu aere aturā Iosua e 36
Iseraela katoa ki Heberona; e kua ta-
maki atura ratou ki te reira. Rauka 37
iora te reira ia ratou, e kua ta iora i te
reira ki te mata koke, e to reira ariki,
e to reira oire ravarai, e te tangata ka-
toa i roto ra; kare rava i akatocia e ia:
mei tana katoa i rave ia Egalona; kua
akapou takiri ravarai ia ma te tangata
katoa i roto ra.

Kua oki mairā Iosua e Iseraela ra- 38
varai ki Debira; e kua tamaki iora ki
te reira. E rauka iora te reira iaia, e 39
to reira ariki, e to reira au oire katoa,
i taia e ratou ki te mata koke, akapou
takiri iora i te au tangata katoa i roto
ra; kare rava i akatocia e ia: mei tana
i rave ia Heberona ra, kua pera katoa
aia ia Debira, e to reira ariki; mei tana
katoa i rave ia Libena ra e to reira ka-
toa ariki.

Tairipoti rava akera to te enua 40
maunga, e to te pae i apatonga ra, ia
Iosua, e to te au ngai mataataa, e to
runga i te au tuaiui, e to ratou au ariki
katoa; kare i akatocia e ia, pou takiri
rava akera tei uti i te a'o, i ta te Atua
o Iseraela i ta Iehova i akaue maira.
E pou iora ratou ia Iosua mei Kadesa- 41
barenea e tae ua atura ki Gaza, e te
tapere katoa ra ko Gosenā, e tae ua
atura ki Gibeona. Okotai rai tairi- 42
poti anga i taua au ariki katoa ra, e to
ratou katoa ra enua ia Iosua, no te mena
te Atua o Iseraela na Iehova i tama-
ki i ta Iseraela ra tamaki. Oki mairā 43
Iosua e Iseraela katoa ki te puakapa i
Gilagala.

PENE XI.

*Manganui te ariki i te pou anga i te
vai ra i Meroma. Ko Hazora i te
rauaka anga e te ka anga i te ai: te*

*vi angaia o taua ngai enua katoa ra;
e te pou takiri anga o te ngati
Anaka.*

- 1 **E** KITE akera te ariki o Hazora ko
Iabina i teianei au mea, kua tono
atura i te karere ki te ariki o Madona
kia Iobaba, e ki te ariki o Simerona, e
- 2 te ariki o Akasapha; E te au ariki i
noo i te au maunga i te pae i apato-
kerau ra, e te au ngai mataataa ra i te
pae i apatonga i Kinerota ra, e te o ka-
toa ra, e i Naphota-dora i te opunga o
- 3 te rā ra; E te ngati Kanaana katoa i te
itinga o te rā e te opunga o te rā, e te
ngati Amori, e te ngati Heta, e te Pe-
rizi, e te ngati Iebusi i runga i te au
maunga ra, e te ngati Hevi i raro ake
ia Heremona, i te enua ra ko Mizepe.
- 4 E tei vao maira ratou, ratou e ta ratou
au nuku ravarai, e aronga maata rava,
mei te one taatai ra te tu kia tatau, e
- 5 te ipo e te kariota e manganui. Euipa
katoa maira taua au ariki ra, kua aere
maira, kua patia katoa maira i te pu-
kapa i te pae roto i Meroma ra, e tama-
- 6 ki ia Iseraela. E kua tuatua mairā
Iehova kia Iosua, Auraka koe e matakū
ia ratou; penei apopo, kua tuku kato-
aia mai ratou e au ki mua i te araro o
Iseraela kua mate rava; e naau e tipu
i te uaua-vaevae o to ratou au ipo, e ka
ta'u i to ratou au kariota ki te ai.
- 7 Aere aturā Iosua e te au tangata
tamaki ravarai ki ona ra e tamaki ia
ratou i taua roto ra i Meroma; rave
atura ia ratou kare akera i mamia.
- 8 Kua tuku mairā Iehova ia ratou ki te
rima o to Iseraela, kua ta atura ia ra-
tou, e arumaki atura ia ratou e tae ua
atura ki Sidona maata, e ki Misere-
phota-maima, e te pae i te itinga o te
rā ra e tae ua atura ki te o ra i Mize-
pe; e ta iora ia ia ratou, kare rava
- 9 akera i akatocia e ratou. Kua pera oki
a Iosua i ta Iehova i tuatua mai kiaia;
kua tipu aia i te uaua-vaevae o to ratou
au ipo, e kua ta'u aia i to ratou au ka-
riota ki te ai.
- 10 Kua oki aturā Iosua i reira, rave
atura ia Hazora, e pou akera, e ta atura
i to reira ariki ki te koke; ko te oire
maata ra oki ko Hazora i te reira au
- 11 basilcia i muatangana. Ta atura oki
ratou i te tangata ravarai i roto ra ki te
mata koke, pou takiri rava akera ratou;
kare rava tetai i uti i te a'o ra i vaodia;
e kua tutungi aia ia Hazora ki te ai.
- 12 E te au oire ravarai o taua au ariki ra,
e te au ariki katoa no reira ra, ko tei
pou rava ia ia Iosua i te taia ki te mata
koke; e pou takiri rava akera ratou

iaia, ta te tavini o Iehova ta Mose i akaue maira. Kareka te au oire tura-
nga tuaivi ra, kare Iseraela i tutungi i
te reira, mari ra ko Hazora tei tutungia
e Iosua ra. E te apinga tini ravarai o
taua au oire ra, e te au puaka, i raveia
ia e te tamariki a Iseraela ei apinga na
ratou uorai; kareka te tangata katoa
ra i taia ia e ratou ki te mata koke, e
pou rava akera ia ia ratou, kare rava te-
tai i uti i te a'o ra i vaooia e ratou.
Ko ta Iehova i akaue mai ki tona ta-
vini ra kia Mose, ko ta Mose ia i akaue
mai kia Iosua, e kua pera katoa Iosua;
kare rava e mea i vaooia e ia ta Iehova
i akaue ia Mose.

Rauka iora taua enua katoa ra ia Io-
sua, koia te enua tuavi, e to te pae ka-
toa i apatonga ra, e te enua katoa ra ko
Gosena, e te o, e te au ngai mataataa, e
te au maunga o Iseraela, e te o katoa i
reira; Mei te maunga maira ko Halaka
te i tae roa ki Scira, e tae rava akera ki
Baala-gada, i te o i Lebanona ra, i raro
ake i te maunga ra ko Heremona: e
to ratou au ariki, pou iora ia iaia, ta iora
ia ratou e mate rava akera.

E tamaki anga roa ta Iosua i taua
au ariki katoa ra. Kare rava tetai oire
i akamoc mai i te au i te tamariki a Ise-
raela, mari ra ko te ngati Hevi, ko to
Gibeona; ko te au oire katoa ra i rau-
ka tamaki ia ra. No ko ia Iehova i
mauro ei to ratou ngakau kia aravei ia
Iseraela i te tamaki, kia pou takiri
rava ratou; kia kore ratou e akapere-
pereia, kia tairipoti rava ra ia ia ratou;
ta Iehova oki i akaue mai ia Mose ra.

I reira ta Iosua rave anga i te ngati
Anaka i runga i te au maunga, to He-
berona, e to Debira, e to Anaba, e to te
au maunga katoa o Iuda ra, e to te au
maunga katoa o Iseraela ra; taitai-
pakoko rava atura Iosua ia ratou, e to
ratou katoa ra au oire. Kare rava e
ngati Anaka i toe i te enua o te tama-
riki a Iseraela: i Gaza anake ra te toe
anga, e i Gata, e i Asadoda oki.

Rauka iora taua enua katoa ra ia
Iosua, mei ta Iehova oki i tuatua mai
kia Mose ra; e kua tuku akera Iosua
i te reira ra ei nooanga no to Iseraela,
ta ratou katoa ra au tuanga, e ope rava
akera i to ratou au kopu. Vaoo ua
iora taua enua ra, kore akera te ta-
maki.

PENE XII.

*Tukipapaia te au ariki i pou ia Mose
raua ko Iosua, i teia pae Ioridana e i
tera pae.*

1 **TEIA** te au ariki no taua enua ra tei
taia e te tamariki a Iseraela, e riro
maira to ratou enua ia ratou i tetai pae
Ioridana ra, i te pae i te itinga o te ra
ra, mei te kauvai ra ko Aranona e tae
ua atu ki te maunga ra ko Heremona,
e taua ngai mataataa katoa ra i te pae i
2 te itinga o te ra ra: Ko te ariki o te
ngati Amori ra ko Sihona, tei noo i
Hesebona, e koia oki te ariki i Aroera i
te pae o te kauvai ra ko Aranona, e to
roto oki i taua kauvai ra, e tetai pae i
Gileada, e tae rava atura ki te kauvai
ra ko Iaboka, i te kotinga o te tamariki
3 a Amona ra: E te ngai mataataa katoa
ra mei te pae o te tai ra ko Kinerota ki
te pae i te itinga o te ra ra, e tae ua
atura ki te tai o taua ngai atea ra ki te
pae i te itinga o te ra ra i te tai kava-
kava ra, ka aere tika atu ei ki Bete-
iesimota na te pae i apatonga, i raro ake
4 i Asedota-pisega: E te enua o te ariki
o Basana ra ko Oga, e toenga no te au
Rephai, ko tei noo i Asetarota e i
5 Ederai; E koia te ariki i te maunga ra
ko Heremona, e i Salaka, e Basana ka-
toatoa, e tae ua atura ki te kotinga o te
Gesuri, e to te ngati Maaka, e tetai pae
i Gileada, ki te kotinga o Sihona ariki i
6 Hesebona. Ko ratou ia tei pou i te
tavini o Iehova ra ia Mose, e te tama-
riki a Iseraela; e kua orongaia te reira
e te tavini o Iehova ra e Mose ei noo-
anga no te ngati Reubena. e no te nga-
ti Gada, e no te kopu veenga o Manase
ra.

7 Teia oki te au ariki no te enua i taia
e Iosua, e te tamariki a Iseraela, i teia
pae i Ioridana, i te pae i te opunga o te
ra nei, mei Baala-gada atu i te ngai
mataataa i Lebanona ra, e tae rava atura
ki te maunga ra ko Halaka, tei tae
rava ki Scira ra; ko tei orongaia e Io-
sua no te au kopu o Iseraela ra ei noo-
anga, i ta ratou au kotinga tikai ra;
8 Tei te au maunga ra, e tei te au o ra, e
tei te au ngai akaaka, e tei te ngai tei-
tei, e tei te medebara, e tei te pae i
apatonga to te ngati Heta, e to te ngati
Amori, e to te ngati Kamaana, e to te
Perizi, e to te ngati Hevi, e to te ngati
Iebusi:

9 Te ariki no Ieriko ra, okotai; te
ariki no Ai i vaitata i Betela, okotai;
10 Te ariki no Ierusalem ra, okotai; te
11 ariki no Heberona ra, okotai; Te ariki
no Iaremuta ra, okotai; te ariki no La-
12 kisa ra, okotai; Te ariki no Egalona
ra, okotai; te ariki no Gezera ra, oko-
13 tai; Te ariki no Debira ra, okotai; te
14 ariki no Gadera ra, okotai; Te ariki
no Horama ra, okotai; te ariki no Ara-

da ra, okotai; Te ariki no Libena ra, 15
okotai; te ariki no Adulana ra, okotai;
Te ariki no Makeda ra, okotai; te ariki 16
no Betela ra, okotai; Te ariki no Tapua 17
ra, okotai; te ariki no Hephera ra,
okotai; Te ariki no Aphcka ra, okotai; 18
te ariki no Lasarona ra, okotai; Te 19
ariki no Madona ra, okotai; te ariki no
Hazona ra, okotai; Te ariki no Simero- 20
na-merona ra, okotai; te ariki no Aka-
sapha ra, okotai; Te ariki no Taanaka 21
ra, okotai; te ariki no Megido ra, oko-
tai; Te ariki no Kedesa ra, okotai; te 22
ariki no Iokeneama i Karamela ra, oko-
tai; Te ariki no Dora i Naphota-dora 23
ra, okotai; te ariki no Goima i Gilagala
ra, okotai; Te ariki no Tireza ra, oko- 24
tai: e toru ngauru ma tai katoa au
ariki ra.

PENE XIII.

*Te au tapere kure i pou i te akakite
anguia ra: nga kua kainga o nga
kopu o Reubena, Gada, e te kopu
veenga o Manase. Ko Iehova te
tuanga a te ngati Levi, i kore ei a
ratou tuanga kainga.*

E RUAINÉ akērū Iosua, kua ma- 1
nganui akera tona mataiti; e kua
tuatua mairū Iehova kiaia ra, Kua ru-
aine koc, kua manganui to mataiti; e
enua maata roa te toe nei kare rai i
rauka. Teia te enua e toe nei, ko te au 2
tapere katoa o te Philiseti, e to te Ge-
suri ravarai; Mei Sihora mai i vaiata i
Aiphiti ra, e tae ua atu ki te kotinga i
Ekerona i te pae i apatokerau ra, ko te
akonoia e, ko tetai pae Kanaanā ia; e
nga tapere kavana o te Philiseti ra e
rima; ta to Gaza ra; ta to Asedota;
ta to Aseklona; ta to Gata, e ta to
Ekerona ra; e to te ngati Avi katoa 3
ra: Mei te pae i apatonga ra, te enua
katoa o te ngati Kanaanā, e ko Meana,
no to Sidona ra, e tae ua atu ki Aphcka
ki te kotinga o te ngati Amori ra: E te 4
enua o te Gibeli, e te pae katoa i te iti-
nga o te rū i Lebanona, mei Baala-gada
mai e tae ua atu ki te maunga ra ko
Heremona, i te tomoanga o te oire ra
ko Hamata. To runga i te maunga 5
katoa ra, mei Lebanona mai e tae ua
atu ki Miserephota-maima, to Sidona
katoa ra, taku ia e tuaru atu ki mua i
te aroaro o te tamariki a Iseraela; e tua
ua ra koc i te enua no te tamariki a Ise-
raela ei nooanga, taku i akaue atu ia
koc ra. E tenana, ka tua koc i taua 6
enua nei ei nooanga no te au kopu toko
iva ra, e te kopu veenga o Manase ra.
Ko tei rauka katoa ia ta ratou tuanga, 8

ta te ngati Reubena, e te ngati Gada,
ta Mose i oronga atu na ratou i tetai
pae Ioridana, i te itinga o te rū ra, tei
orongaia atu e te tavini o Ichova e Mose
9 ra; Mei Aroera mai i te pae o te kau-
vai ra ko Aranona, e te oire katoa i roto
i taua kauvai ra, e te ngai mataataa ka-
toa i Medeba, e tae ua atura ki Dibona;
10 E te au oire ravarai o te ariki o te ngati
Amori o Sihona, te ariki i Hesebona, e
tae ua atu ki te kotinga o te tamariki a
11 Amona ra; E ko Gileada, e te tapere o
te Gesuri, e te ngati Maaka, e te maun-
nga katoa ra ko Heremona, e ko Basa-
na katoa, e tae rava atura ki Salaka;
12 Te basileia katoa o Oga i Basana, ariki
i Asetarota e Ederci, ko te toe ia o te au
Rephai: kua tuaruia oki ratou, e kua
13 taia e Mose ra. Kare ra te Gesuri e te
ngati Maaka i tuaruia e te tamariki a
Iseraela ra; te noo nei oki te Gesuri e
te ngati Maaka i rotoupi i te ngati Ise-
raela i teianei rū. Ko te kopu o Levi
14 ra, tei kore i apaiia e ia te tuanga, te au
tusua o te Atua o Iseraela ra ko Ichova
i karakaratioia ra, ko ta ratou ia tuanga,
mei tana i tuatua mai kia ratou ra.
15 Kua tuku aturū Mose i te tuanga ki
te kopu ra o te tamariki a Reubena, e
tau akera ki to ratou au kopu-tangata.
16 E to ratou kotinga, ko Aroera ia i te
pae o te kauvai ra ko Aranona, e te
oire katoa i roto i taua kauvai ra, e taua
ngai mataataa katoa ra i Medeba ra:
17 Ko Hesebona, e tona katoa au oire i
taua ngai mataataa ra; ko Dibona, e
ko Bamota-baala, e ko Bete-baala-meo-
18 na, E ko Iahaza, e ko Kedemota, e ko
19 Mephata, E ko Kiriataima, e ko Sibema,
e ko Zareta-sara i runga i te maunga i te
20 ngai mataataa, E ko Bete-peora, e ko
Asedota-piseiga, e ko Bete-iesimota;
21 Ko te au oire ravarai o taua ngai ma-
taataa ra, te basileia katoa o te ariki o te
ngati Amori ra ko Sihona, e ariki no
Hesebona, ta Mose i ta, e te ui ariki
katoa no Midiana, ko Evi, e ko Reke-
ma, e ko Zure, e ko Hura, e ko Reba, ko
te ui ariki ia i o Sihona, e tei te enua te
22 noo anga. E te purepure ra, ko Bala-
ma te tamaiti a Beora, tei taia e te tamar-
iki a Iseraela ki te koke, i roto katoa i
23 te aronga i taia e ratou ra. E to te
tamariki a Reubena kotinga ko Iori-
dana ia e to reira pae. Ko te tuanga ia
a te tamariki a Reubena i to ratou ra
au kopu-tangata, ma te au oire e te au
vila.
24 E kua tuku aturū Mose i te kopu o
Gada, te au tamariki a Gada ra, i tetai
tuanga, e tau akera ki to ratou au kopu-
25 tangata. E to ratou kotinga ko Iazera

ia, e te au oire katoa i Gileada, e tetai pae i te enua o te tamariki a Amona, e tae ua atura ki Aroera, i waitata i Raba; Mei Hesebona oki e tae ravaake- 26 ra ki Ramata-mizepe, e ki Betonima; mei Mahanaima oki e tae ua atura ki te pae ra ki Debira; E to te o ra, ko 27 Bete-arana, e ko Bete-nimera, e ko Sukota, e ko Zapohona, tetai pae i te basileia o te ariki o Hesebona ra o Sihona, i te pae i Ioridana ra, e tae ua atu ki te openga o te roto ra i Kinereta, i tetai pae i Ioridana ra, i te pae i te itinga o te rā ra. Ko ta te tamariki a 28 Gada ia tuanga, i to ratou ra au kopu-tangata; te au oire, e te au vila i reira.

E kua tuku atu oki a Mose i tetai 29 tuanga na te kopu veenga o Manase ra, ko ta te kopu veenga o te au tamariki a Manase, i to ratou au kopu-tangata. E to ratou tapere ko Basana katoa ia, 30 mei Mahanaima roa mai, ko te basileia katoa o te ariki o Basana ra ko Oga, e te au oire katoa i Iaira, i Basana ra, e ono ngauru ia oire; E tetai pae i 31 Gileada, e ko Asetarota, e ko Ederci, nga oire no te basileia o Oga i Basana, ko *tei orongaia ia* na te tamariki a Makira te tamaiti a Manase ra, na tetai pae ra i taua au tamariki na Makira ra, i to ratou au kopu-tangata.

Ko *nga motia* teia i tuaia e Mose ci 32 nooanga i te ngai mataataa i o Moabi, i tetai pae i Ioridana, i te pae i te itinga o te rā i aite ki Ieriko ra.

Kare rā Mose e tuanga i apai na te 33 kopu o Levi ra; ko te Atua o Iseraela ra ko Ichova, ko ta ratou ia tuanga, mei tana i tuatua mai kia ratou ra.

PENE XIV.

Nga kopu toko iva e te kopu veenga, tua keleroia ta ratou tuanga.

THEIA te au motia i nooia e te tamariki na Iseraela i te enua ra ko Kanaana, ta Eleazara taunga e ta Iosua te tamaiti a Nuna, e te au mataiapo tutara o te au kopu o te tamariki a Iseraela, i tua ei nooanga no ratou; Ko ta nga kopu toko iva e ta te kopu veenga i te tuanga i tua keleroia, ta Ichova oki i akaue mai i Mosera. Kua oti oki ta nga kopu toko rua ra e ta te kopu veenga ra tuanga i te orongaia e Mose i tetai pae Ioridana: kareka te ngati Levi ra, kare a ratou tuanga enua i orongaia e ia i roto ia ratou. Toko rua oki kopu to te au tamariki a Iosepha ra, to Manase e to Epheraima, kare akera ratou i apai i tetai tuanga na te ngati Levi i taua enua ra, mari ra i te

au oire ei nooanga, ma te au kainga i vao ake, no ta ratou au puaka, e ta ratou 5 apinga katoa. Ko ta Ichova i akaue mai ia Mose ra, ko ta te tamariki a Iseraela ia i rave, e te tua ra ratou i taua enua ra.

6 Kua aere maira te tamariki a Iuda kia Iosua i Gilagala ra; e kua karanga aturā Kaleba te tamaiti a Iephune ngati Kenaza ra kiaia, Kua kite koe i te tuatua ta Ichova i tuatua maira kia Mose, ki te tangata no te Atua ra, ia taua i

7 Kadesa-barenea ra. Kua tae au ki te a i te ngauru anga o toku mataiti, ka tono ei te tavini o Ichova ra ko Mose iaku mei Kadesa-barenea atu e tutaka aere i te enua; e kua apai mai au i te tuatua kiaia ra, ko te *manako* ia o toku

8 ngakau. Kareka toku au taake, *tei aere katoa matou ra*, kua akataitāia ia i te ngakau o te tangata: kua aru totomapu tikai ra au i toku Atua ra ia Ichova. E kua taputou iora oki a Mose i taua rā ra, na ko maira, Ka riro tikai te enua i takatakāia e to vaevae na ei nooanga noou, e no to tamariki e tuatua ua atu: no te mea kua aru totomapu

10 tikai koe i toku Atua ra ia Ichova. E teianei, i na, kua akaoraia au e Ichova i taua oki i tuatua maira, e mei taua tuatua anga mai a Ichova kia Mose i taua tuatua ra, ka a akenei ia ngauru anga i te mataiti e rima ara, i to Iseraela aere ua anga i te medebara; e teianei, i na, ka varu akenei ngauru anga o toku

11 mataiti e rima ara i teianei rā. Te vai nei rai toku maroiroi ko te tu rai te tu i teianei rā, e mei tei te rā ka tono ei a Mose iaku ra; taua maroiroi noku i reira ra, ko toku rai ia maroiroi i teianei, no te tamaki ra, e te aere ki vao, e te oki katoa mai ki roto. E teianei ka

12 o mai i teianei maunga noku, ta Ichova oki i tuatua mai i taua rā ra, kua akarongo katoa oki koe i taua rā ra. Ngati Anaka uaorai oki te ngati Anaka, e maata uaorai oki te au oire, e te patuia oki, *tei waitatā Ichova iaku ra*, ta Ichova i tuatua maira, ka eke ia ratou iaku.

13 E kua akaora mairā Iosua iaia, e kua oronga maira aia ia Heberona no Kaleba te tamaiti a Iephune ra ei nooanga. 14 Riro atura Heberona ei nooanga no Kaleba te tamaiti a Iephune ngati Kenaza ra, e tae ua akenei ki teianei rā, no te mea kua aru totomapu tikai aia i te Atua o Iseraela ia Ichova.

15 E te ingoa taito o Heberona nei ko Kiriata-araba ia; e tangata maatā *Araba* i o te ngati Anaka ra. Kore akera te tamaki i te enua ra.

PENE XV.

Te kotinga o to Iuda kelerō i akakiteia ra: ta Kaleba tuanga, e tona maroi-roi. Te ravenga a Oteniela i rauka'i te tamaine a Kaleba ei vaine nana. Te au oire a Iuda.

TEIA te tuanga a te kopu ra a te tamariki a Iuda ra, i to ratou au kopu-tangata. To ratou kotinga i te pae i apatonga e tac ua atu ki te pae o Edoma, ko te medebara ra ia ko Zini, mei te openga mai ko Temana ra. Ko to ratou ia kotinga i te pae i apatonga mei taatai mai i te tai kavakava ra, mei te ava mairai i te pae i apatonga ra. E aere ua atura na te pae i apatonga na Maale-akarabima, e tac rava atura ki Zini, e aere tika atura ki Kadesa-barenea ki te pae i apatonga, e kanokano atura ki Hezerona, e tac ua atura ki Adara, e kua takanimo ua iora ki Karakaa. *Mei reira oki aere rava atura ki Azemona, e te aere roa anga atura ia ki te kauvai i Aiphiti ra; e tac ua atura ki te kotinga ra i te tai.* Ko to kotou ia kotinga i te pae i apatonga ra.

E te kotinga i te pae i te itinga o te rā ra, ko te tai kavakava ia e tac ua atu ki te muai a vai o Ioridana ra: e te kotinga i te pae i apatokerau ra, ko te ava ia i te tai kavakava ra, e te openga roa o Ioridana ra: E aere rava atura taua kotinga ra ki Bete-hogala, e toro tika atura na Bete-araba na te pae i apatokerau; e *mei reira oki aere rava atura taua kotinga ra ki te toka o Bohana te tamaiti a Reubena.* Aere rava atura taua kotinga ra mei te o atu i Akora ra ki Debira, e *mei reira oki takanimo atura ki te pae i apatokerau ana tika atura ki Gilagala, i vaiata ki te kake-nga ki runga i Adumim, i tetai pae kauvai i te pae i apatonga ra; e aere ua atura taua kotinga ra ki te vai ra i Eni-semese, e kanokano atura ki Eni-rogea.* Aere ua atura oki taua kotinga ra na te o o te tamaiti a Hinoma ra, e tac ua atura ki te pae i apatonga o te ngati Iebusi, koia Ierusalemā nei: e aere ua atura taua kotinga ra ki runga roa i te take maunga, i te openga mai o te o ra o Hinoma i te pae i te opunga o te rā ra, e te openga mai oki o te o te au Re-phai ra i te pae i apatokerau ra: E mei te take mai oki o taua maunga ra tāta-kiia atura taua kotinga ra ki te puna-vai i Nephatoa ra, e aere roa atura oki ki te au oire i te maunga ra ko Ephe-rona; e tātaki roaia atura taua kotinga ra ki Baala, koia oki Kiriata-earima

- 10 ra. E mei Baala oki kua apepe akera taua kotinga ra ki te pae i te opunga o te rā e tac ua atura ki te maunga ra ko Seira, aere atura oki na te maunga ra ko Iearima i te pae i apatokerau ra, koia oki Kesalona, e aere tika atura ki raro ki Bete-semesa, e kanokano ua
- 11 atura ki Timina. Aere ua atura taua kotinga ra ki Ekerona ki te pae i apatokerau; e tātakiia atura te kotinga ki Sikarona, e aere tika atura ki te mau-nga ra ko Baala, e tac atura ki Iabanela; e te openga mai o taua kotinga ra ko taatai ia.
- 12 E te kotinga i te pae i te opunga o te rā ra ko te tai maata ra ia, e te kotinga iora. Ko te kotinga teia o te tamariki a Iuda, i to ratou au kopu-tangata, e pini ua ake.
- 13 E kua apai atura aia i tetai tuanga na Kaleba te tamaiti a Iephune, i roto katoa i te tamariki a Iuda, ta Iehova oki i akaue mai ia Iosua ra, ko Kiriata-araba, (ko Araba oki te metua no Anaka,) ko Heberona taua oire ra.
- 14 Eke iora nga ngati Anaka toko toru ia Kaleba, ko Sesai, e ko Ahimana, e ko
- 15 Talemai, nga tamariki a Anaka. E mei reira oki, aere atura aia e rave i to Debira; ko Kiriata-sephera te ingoa o
- 16 Debira i muatangana ra. Kua tuatua akerā Kaleba, Ko te rauka iaia Ki-riata-sephera, e kua pou iaia ra, ko taku ia e oronga atu i taku tamaine nei ia
- 17 Akesa ei vaine nana. Rauka iora taua oire ra i Oteniela te tamaiti a Kenaza, e taeke no Kaleba; e kua oronga atura aia i tana tamaine ia Akesa ei
- 18 vaine nana. E tei te aere anga aia ki te ngutuare, kua karanga atura aia kiaia, e pati i tona metua tane i tetai kotinga kainga; e kua eke iora aia ki raro mei runga mai i tana asini. Kua tuatua mairā Kaleba kiaia, Eaa toou
- 19 anoano, e taku tamaine? Kua karanga atura aia, Ka o mai tetai meitaki no-ku; kua oronga mai oki koe i tetai kainga noku i te pae i apatonga ra; e o mai katoa maira nga punavai. Kua oronga mairā Kaleba i tetai kainga pu-navai i runga, e tetai kainga punavai i raro ra.
- 20 Ko te tuanga teia o te kopu o te tamariki a Iuda ra, i to ratou au kopu-tangata. E te au oire openga ra no te kopu o te tamariki a Iuda ra, i te pae i apatonga ra, tei anga tika ki te pae o Edoma ra, ko Kabezeela ia, e ko Edera,
- 22 e ko Iagura, E ko Kina, e ko Dimona,
- 23 e ko Adada, e ko Kedesa, e ko Hazora,
- 24 e ko Itanana, E ko Zipha, e ko Telema,
- 25 e ko Bealota, E ko Hazora, ko Hadata,

e ko Keriota-hezerona, koia oki Hazo-
ra; *E* ko Amama, e ko Sema, e ko 26
Molada, *E* ko Hazara gada, e ko Hese- 27
mona, e ko Bete-paleta, *E* ko Hazara- 28
suala, e ko Bere-seba, e ko Bizotaina, *E* 29
ko Baala, e ko lina, e ko Azema, *E* ko 30
Elatolada, e ko Kesila, e ko Horama,
E ko Zikelaga, e ko Madamana, e ko 31
Sanasana, *E* ko Lebaota, e ko Silima, 32
e ko Aina, e ko Rimona; e rua ngauru
ma iva ia au oire, e te au vila i reirao:

E to te ngai akaaka ra, ko Ese- 33
taola ia, e ko Zorea, e ko Asana, *E* 34
ko Zanoa, e ko Eni-ganima, e ko Ta-
pua, e ko Enama, *E* ko Iaremuta, 35
e ko Adulama, e ko Soko, e ko Azeka,
E ko Saraima, e ko Aditaima, e ko 36
Gedera, e ko Gederotaima; okotai ngau-
ru ma a ia au oire, e te au vila
i reirao; *E* ko Zenana, e ko Kadasa, 37
e ko Migadala-gada, *E* ko Dileana, e 38
ko Mizepe, e ko Iokateela, *E* ko 39
Lakisa, e ko Bozekata, e ko Egalona,
E ko Kabona, e ko Lahamasa, e ko 40
Kitalisa, *E* ko Gederota, e ko Bete- 41
dagona, e ko Naama, e ko Makeda;
okotai ngauru ma ono ia au oire, e
te au vila i reirao; *E* ko Libena, e 42
ko Etera, e ko Asana, *E* ko Iipita, 43
e ko Asena, e ko Neziba, *E* ko 44
Keila, e ko Akaziba, e ko Maresa; ko
e iva ia puke oire, e te au vila
i reirao; *E* ko Ekerona, e to reira au 45
oire e te au vila i reirao; Mei Ekerona 46
oki e tae ua atura ki taatai, e te au
oire katoa i waitata i Asedoda e te au
vila i reirao; Ko Asedoda, e to reira 47
au oire, e te au vila, e ko Gaza, e to
reira au oire, e te au vila, e tae ua
atu ki te kauvai i Aiphiti ra; e te
tai maata ra ko *to ratou* ia kotinga:

E to runga i te maunga ra, ko Samira 48
ia, e ko Iatira, e ko Soko, *E* ko Dana, 49
e ko Kiriata-sana, koia oki Debira, *E* 50
ko Anaba, e ko Esetemo, e ko Anima, *E* 51
ko Goseni, e ko Holona, e ko Gilo;
okotai ngauru ma tai ia au oire, e to
reira oki au vila; *E* ko Araba, e ko 52
Duma, e ko Esena, *E* ko Ianuma, 53
e ko Bete-tapua, e ko Apheka, *E* 54
ko Humata, e ko Kiriata-araba, koia
oki Heberona, e ko Ziora; ko e iva ia
puke oire, e to reira oki au vila; *E* 55
ko Maona, e ko Karamela, e ko
Zipha, e ko Juta, *E* ko Iezereela, 56
e ko Iokedeama, e ko Zanoa, *E* ko 57
Kaina, e ko Gibca, e ko Timina;
okotai ngauru ia au oire, e to reira au
vila; *E* ko Haleula, e ko Bete-zura, 58
e ko Gedora, *E* ko Maarata, e ko 59
Bete-anota, e ko Eletekona; e ono ia
puke oire, e to reira oki au vila; *E* 60

ko Kiriata-baala, koia oki Kiiata-ieari-
ma, e ko Raba; e puke oire e rua ia,
e to reira oki au vila:

- 61 To te medebara ra, ko Bete-araba,
62 ko Midina, e ko Sekaka, *E* ko Niba-
sana, e te oire tai ra, e ko Eni-gedi;
nga oire ia e ono, e to reira oki au vila.
63 Kareka te ngati Iebusi to Ierusa-
lema ra, kare akerau ratou i eke i te
tamariki a Iuda: te noo ua nei te
ngati Iebusi i Ierusalemia i roto katoa i
te tamariki a Iuda, e tae ua akenei ki
teiane i ra.

PENE XVI.

*Te kotinga o te tamariki a Iosepha i
akakiteia ra.*

- 1 **T**E kelero a te tamariki a Iosepha
ra kua taka ia: *ta ratou tuanga* ko
Ioridana ia i waitata i Ieriko ra, e tae ua
atu ki te vai i Ieriko, i te pae i te itinga
o te rā ra, ki te medebara, tei mei
Ieriko maira aere ua atura na runga i
2 te maunga ra ko Betela; *E* mei Betela
oki, aere tika atura ki Luza, e tae rava
3 atura i waitata ki Areki-atarota, *E*
kanokano atura oki ki te pae i te opunga
o te rā e waitata ki Iaphleti e tae
ua atura ki te kotinga o Bete-horona i
raro, e ki Gezera; e mama atura ki
4 taatai. *Tei reira* ta te tamariki a
Iosepha ra tuanga, ta Manase e ta
Epheraima.
5 *Tia* ta te tamariki a Epheraima ra
kotinga, i to ratou au kopu-tangata:
Aere katoa atura te kotinga o ta ratou
tuanga na Atarota-adara, ki te pae i te
itinga o te rā ra, e tae ua atura ki
6 Bete-horona i runga; *E* kanokano
atura taua kotinga ra ki te tai *maata*
ra na Mikameta i te pae i apatoke-
rau, e *mei reira oki*, takanimo ua iora
taua kotinga ra i te pae i te itinga o te
rā, e tae ua atura ki Taanata-silo, e aere
ua atura ki te pae i te itinga o te rā
7 ra e tae atura ki Ianoa. *E* mei Ianoa
oki aere ua atura ki raro ki Atarota, e
ki Naarata, e aere roa maira ki Ieriko,
8 e tae tika atura ki Ioridana. *E* mei
Tapua mai aere tika atura taua kotinga
ra ki te pae i te opunga o te rā ra e
tae atura ki te kauvai ra ko Kana;
e mama tika atura ki te tai *maata* ra.
Ko te tuanga ia a te kopu a te tama-
riki a Epheraima i to ratou kopu-ta-
9 ngata. *E* te au oire katoa ta te tamariki
a Epheraima i rauka i roto katoa i te
tuanga a te tamariki a Manase ra, te au
10 oire e to reira au vila. Kare rava ra
te ngati Kanaana i noo i Gezera i eke
ia ratou: i noo ei te ngati Kanaana i

rotopu katoa i te ngati Epheraima i teianei rai rā, e noo tavini ra ma te tautauanga.

PENE XVII.

Te tuanga a Manase, e tona kotinga i akakitia ra.

E TUANGA katoa oki ta te kopu o Manase ra; ko ta Iosepha ia tama mua aia; na Makira. na te tama mua a Manase ra, te metua o Gileada ra: no te mea e tangata toa aia i rauka'i iua Gileada e Basama. Te vai ra ra tetai tuanga na tetai pae tamariki a Manase, i to ratou au kopu-tangata; i ta te tamariki a Abiezera, e ta te tamariki a Heleka, e ta te tamariki a Aseriela, e ta te tamariki a Sekema, e ta te tamariki a Hephra, e ta te tamariki a Semida; ko nga tamariki tamaroa ia na Manase te tamaiti a Iosepha ra, i to ratou au kopu-tangata.

Karekū Zelophehadi te tamaiti a Hephra, te tamaiti a Gileada, te tamaiti a Makira, te tamaiti a Manase ra, kare ana e tamaroa, e tamaine ra: e teia oki te ingoa o taua au tamaine nana ra, ko Mahala, e ko Non, e ko Hogeia, e ko Mileka, e ko Tireza. Kua aere maira ratou ki mua ia Eleazara tuanga ra, e ia Iosua te tamaiti a Nuna ra, e te au mataiapo ra, tuatua maira, Kua akaue mai a Iehova ia Mose e oronga mai i tetai tuanga na matou i roto i to matou ai taeake. Kua orongaia atura tetai tuanga na ratou i rotopu katoa i ta te au taeake o to ratou metua, ta Iehova i akaue maira. Okotai ngauru ta Manase ra tuanga i rauka, e tuanga ke rai te enua ra ko Gileada e Basama, i tetai pae Ioridana ra; No te mea e tuanga ta tuanga tamaine a Manase i roto katoa i te tuanga a tana au uanga tamaroa ra, kareka tetai pae tamariki a Manase ra, ko te enua ra ko Gileada ta ratou.

E to Manase ra kotinga, ko Asera ia e ki Mikemeta i vaiata i Sekema; aere ua atura taua kotinga ra ki o to Eni-Tapua ra na te pae katau ra. No Manase oki te enua i Tapua; kareka Tapua i te kotinga o Manase ra, no te tamariki a Epheraima ia. E mei reira oki eke atura taua kotinga ki raro ki te kauvai ra ko Kana, tei tetai pae i apatonga i taua kauvai ra, te iropu ua ra te au oire o Epheraima e te au oire o Manase ra; tei te pae i apatokerau i taua kauvai ra taua kotinga o Manase ra, e mama atura ia te kotinga ki te tai maata ra. Te pae i apatonga ra, 10

no Epheraima ia, no Manase te pae i apatokerau, ko te tai maata ra to raua kotinga: e kua ne roa atura raua kia Asera i te pae i apatokerau, e kia Isakara ra i te pae i te itinga o te rā ra. E ta Manase i roto i ta Isakara ra, e i roto i ta Asera ra, ko Bete-scana ia e ona puke vila, e ko Heleama e ona puke vila, e to Dora e to reira puke vila, e to Eni-dora e to reira puke vila, e to Taanaka e to reira puke vila, e to Megido e to reira puke vila, e toru tapere. Kare ra i eke to te reira au oire i te tamariki a Manase; kua noo ra te ngati Kanaana taua enua ra. Kia maroiroi ra te tamariki a Israela ra, kua akariro ratou i te ngati Kanaana ei tavini: kare ra i tuaru ke atu ia ratou.

Kua tuatua maira te tamariki a Iosepha kia Iosua, na ko maira, Ean koe i tatakai mai ei i ta matou tuanga e okotai o matou ngai kia noo, e e aronga maata oki matou, no te mea kua akameitaki a Iehova ia matou e teia non'i? Kua karanga aturā Iosua kia ratou, E aronga maata kotou ra, e te iti ra te maunga ra ko Epheraima ia kotou; ka aere ki te ngai akaruke ua ra, ka vacre ei ei ngai no kotou uaorai; tera ake te tapere o te Perizi, e to te Rephai. Kua tuatua maira te tamariki a Iosepha ra, Kare e rava taua maunga ra ia matou; e te au ngati Kanaana ravarai e noo i te tapere i raro ake, e kariota auri to ratou; ko tei noo i Bete-scana e ona puke vila, e tei noo i te o ra ko Iezereela. Kua karanga aturā Iosua ki te ngutuare o Iosepha, kia Epheraima, e kia Manase ra, na ko atura, E aronga maata kotou, e te riri-nui oki to kotou, auraka ta kotou ei tuanga okotai ua ra: No kotou ra te maunga ra; e rakau uaorai te rakau, ka marae rai ia kotou; e to te pae katoa o taua maunga ra, no kotou ia; e kariota auri uaorai ta ratou, e maroiroi uaorai ratou, ka eke rai te ngati Kanaana ia kotou.

PENE XVIII.

Te Are uipānga i akatuaia ra, e te toe-nga o te enua i akakiteia ra. Te tuanga e te kena kuinga o Beniamina, e te au oire.

KUA akaputupu maira te uipānga katoa a te tamariki a Israela i Silo, e kua akatu akera i te Arc uipānga i reira. Kua vi iora taua enua ra ia ratou i reira.

Te toe ra nga kopu e itu i roto i te tamariki a Israela, kare rai i rauka ta

ratou tuanga. Kua karanga aturā Iosua ki te tamariki a Iseraela, Eaa to kotou roa i tavare ei kotou i te aere e rave i te enua, ta te Atua o to kotou ai metua ta Iehova i oronga no kotou na? Ka iki ana kotou i te tangata no kotou na, tataki toru ake i te kopu *okotai*, e naku ratou e tono kia aere ratou na roto i te enua katoa, ka kotikoti ei ei tuanga na ratou, ka oki mai ei kiaku nei. E 5
itu rai tuanga ta ratou e tua. Ka noo ua Iuda i ta ratou naorai tuanga i te pae i apatonga ra, ka noo ua oki te ngutuare o Iosepha i to ratou ra ngai i te pae i apatokerau ra. Kareka te enua e *toe* ra, e kotikoti kotou i te *reira* e kia itu rai kotinga, ka apai mai ei i *taua au tu kotinga ra* ki ko nei kiaku nei, kia tuku oki au i te kelero na kotou i ko nei, ki mua i te aroaro o to tatou Atua ra ko Iehova. Kare ra a te ngati Levi e tuanga i roto ia kotou na; ko te taoonga tuanga oki a Iehova ra, ta ratou ia tuanga: e ko Gada, e ko Reubena, e te kopu veenga o Manase ra, kua rauka oki ta ratou tuanga i tetai pae Ioridana, i te pae i te itinga o te rā ra, ta te tavini o Iehova ta Mose i oronga mai no ratou ra. Kua tu akera 8
taua au tangata ra, aere atura: kua ikuiku oki a Iosua ki taua aronga i aere e kotikoti i taua enua ra, karanga atura, Ka aere na roto i taua enua nei, ka kotikoti ei, ka oki mai ei kiaku nei, kia tuku au i te kelero na kotou i ko nei ki mua i te aroaro o Iehova i Silo nei.

Aere atura taua aronga tangata ra e pini ua ake taua enua ra, e kua akairo iora i te *reira* ki roto i tetai buka, e itu atura kotinga ma te au oire ravarai, e kua oki maira ratou kia Iosua ra ki te puakapa i Silo ra. Kua tuku iorū 10
Iosua i te kelero na ratou ki mua i te aroaro o Iehova i Silo, tua iorū Iosua i te enua na te tamariki a Iseraela i *reira*, i ta ratou au tuanga.

Kua taka iora te kelero *mu* ra, na te 11
kopu o te tamariki a Beniamina ia, i to ratou au kopu-tangata: e te kotinga o ta ratou tuanga tei rotou ia i te tamariki a Iuda, e te tamariki a Iosepha. To ratou kotinga i te pae i apatokerau 12
ra, ko Ioridana ia, e aere ua atura taua kotinga ra i vaitata i Ieriko i te pae i apatokerau ra, aere ua atura na ruiga i te maunga i te pae i te opunga o te rā, e mama atura ki te medehara ra, ko Bete-avena. Mei *reira* oki, aere ua 13
atura taua kotinga ra ki Luza, ki tetai pae i Luza, koia oki Betela, ki te pae i apatonga ra, e kua eke atura taua ko-

tinga ra ki raro ki Atarota-adara, i vaitata i te tuaivi i Bete-horona i raro, i te 3
pae i apatonga ra. E tatakiia atura taua kotinga ra, e akatakanimoia atura na te pae tai i apatonga ra, mei taua tuaivi i mua mei Bete-horona maira, te pae i apatonga ra; e tona mama anga atu, tei Kiriata-baala ia, koia oki Kiriata-iearima, eoire no te tamariki a Iuda: ko te pae teia i te opunga o te rā ra. 4
E te pae i apatonga ra mei Kiriata-iearima maira ia, e aere ua atura taua kotinga ra ki te pae i te opunga o te rā, e ta e ua atura ki te punavai ra o Nephtalim; Mei *reira* oki, eke tika atura taua kotinga ra ki te opunga mai o te maunga i mua mai i te o ra o te tamaiti a Hinoma, i te o o te Rechai i te pae i apatokerau ra, eke atura oki na te o ra ko Hinoma, e ta e atura ki Iebusa i te pae i apatonga ra, eke tika atura oki ki 6
Eni-rogea. E tatakiia atura oki mei te pae i apatokerau mai, e ta e atura ki Eni-semesa; e aere tika atura ki Geli-lota, i mua atu i te kakenga ra i o Adummim, e kua eke tika atura ki te toka o Bohana te tamaiti a Reubena, E kano-kano atura oki ki te pae i apatokerau i te pae i aite tika ki Araba, e eke tika 8
atura ki Araba; E aere tika atura taua kotinga ra ki te pae i apatokerau, na te pae i Bete-hogala: e te mama anga o taua kotinga ra, ko te ava ia o te tai kavakava ra, i te pae i apatokerau ra i te opunga o Ioridana ra. Ko taua kotinga ra ia i te pae i apatonga. E te kotinga i te pae i te itinga o te rā ra, ko Ioridana ia. Ko te tuanga teia a te tamariki a Beniamina ra, e tona kotinga e pini ua ake, i to ratou au kopu-tangata. 9
E te au oire no taua kopu i te tamariki a Beniamina ra, i to ratou au kopu-tangata, ko Ieriko ia, e ko Bete-hogala, 22 e to ra ko Keziza, E ko Bete-araba, e 23 ko Zemaraima, e ko Betela, E ko 24 Avima, e ko Para, e ko Ophera, E ko Kephara-haamonai, e ko Ophini, e ko Geba; okotai ngauru ma ruia au oire, 25 e to ratou au vila oki: E ko Gibeona, 26 e ko Rama, e ko Beerota, E ko Mizpe, 27 e ko Kephira, e ko Moza, E ko Rekema, e ko Trapeela, e ko Tarala, E ko Zela, e 28
ko Elepha, e ko Iebusa, koia oki Ierusalem, ko Gibeata, e ko Kiriata; okotai ngauru ma a ia au oire, e to ratou au vila oki. Ko ta te au tamariki a Beniamina ia tuanga, i to ratou au kopu-tangata.

PENE XIX.

Nga tuanga a Simeona, Zebuluna, Isakara, Asera, Naphatali, e Dana, i akakiteia ra.

KUA taka iora te rua o te kelero, na 1
Simeona ia, na te kopu o te tamariki a Simeona ra, i to ratou au kopu-tangata; e ta ratou tuanga, tei rotopu ia i te tuanga a te tamariki a Iuda ra. Teia ta ratou tuanga, ko Bere-seba, e ko 2
Seba, e ko Molada, E ko Hazara-suala, e ko Bala, e ko Azema, E ko Elatolada, e ko Betula, e ko Horama, E ko Zikelaga, e ko Bete-marakabota, e ko Hazarasusa, E ko Bete-lebaota, e ko Saruena; okotai ngauru ma toru ia au oire, e to ratou au vila: E ko Aina, e ko Remona, e ko Etera, e ko Asana; e a ia puke oire, e to ratou au vila oki: E te au vila katoa i vaiata i taua au oire ra e pini ua ake, e tae ua atu ki Baalata-beera-ramata i te pae i apatonga ra. Ko te tuanga teia a te kopu a te tamariki a Simeona ra, i to ratou au kopu-tangata. No roto i te tuanga a te tamariki a Iuda, ta te tamariki a Simeona ra tuanga; e maata oki ta te tamariki a Iuda tuanga ia ratou; i tuaia i te tamariki a Simeona tuanga i roto i ta ratou ra.

E kua taka iora te toru o te kelero, na 10
te tamariki a Zebuluna ia, i to ratou au kopu-tangata. E kua tae rava atura te kotinga o ta ratou ra tuanga ki Saridi: I na Marala to ratou kotinga i te aere 11
na te pae taatai ra, e tae atura ki Dabaseta, e te kauvai i vaiata i Iokeneana: E mei Saridi oki kotoe tika atura 12
ki runga i te pae i te itinga o te ru ra, i vaiata i Kiscloata-tabora, e *mei reira oki* aere tika atura ki Daberata, e aere tika atura ki runga ki Iaphia. E mei 13
reira oki, aere ua atura na te pae i te itinga o te ru ra na Gita-hephera, e tae atura ki Ita-kazina; e mama rava atura ki Remona-metoara-nea. E te kotinga i te pae i apatokerau ra te apepe atura ia ki Hanatona, e tona mama anga ra tei te o ra ia o Iipita-cla: E ko 15
Katata, e ko Nahalala, e ko Simerona, e ko Idala, e ko Betelehemia; okotai ngauru ma rua ia au oire, e to reira au vila. Ko te tuanga teia a te tamariki 16
a Zebuluna i to ratou au kopu-tangata, ko te au oire, e to reira au vila.

Kua taka iora te a o te kelero, na 17
Isakara ia, na te tamariki a Isakara i to ratou au kopu-tangata. E to ratou 18
kotinga, i na Iezereclala mai ia, e Kescelota, e Sunema, E ko Hapharaima, e 19

20 ko Sihona, e ko Anaarata, E ko Rabita, 21
e ko Kisiona, e ko Abeza, E ko Remeta, e ko Eni-ganima, e ko Eni-hada, e ko Bete-pazeza: E kua tae roa taua kotinga ra ki Tabora, e Saazima, e Bete-seimesa, e te mama anga o to ratou kotinga, tei Ioridana ia; okotai ngauru ma ono ia au oire, e to reira au vila. 23
Ko te tuanga teia o te kopu o te tamariki a Isakara ra, i to ratou au kopu-tangata, ko te au oire, e to reira au vila.

24 E kua taka iora te rima o te kelero, na te kopu ia o te tamariki a Asera ra, 25
i to ratou au kopu-tangata. E to ratou kotinga, ko Helekatia ia, e ko Hali, e ko Betena, e ko Akasapha, E ko Alameleka, e ko Amadi, e ko Miscala, e tae ua atura ki Karamela, e Sioralibenata i te pae i te opunga o te ru; 27
E te pae i te itinga o te ru ra, apepe atura ki Bete-dagona, e tae rava atura ki Zebuluna, e te o ra ko Iipita-cla; e te pae i apatokerau ra, *aere tika atura ia* ki Bete-emeka, e Neieia; e aere ua atura ki Kabula i te pae kaui; E ko Heberona, e ko Rehoba, e ko Hamona, e ko Kana, e tae atura ki Sidona maata 28
ra; E *mei reira oki*, apepe atura taua kotinga ra ki Rama, e ki te oire pakari ra ko Turia; e akamangi tika atura taua kotinga ra ki Hosa: e tona mama anga atu ko te *maata* ra ia, mei te kotinga oki e tae ua atura ki Akeziba; Ko Uma katoa oki, e ko Apheka, e ko Rehoba; e rua ngauru ma rua ia au oire, 31
e to reira au vila. Ko te tuanga teia a te kopu o te tamariki a Asera ra, i to ratou au kopu-tangata; ko teia au oire, e to reira au vila.

32 Kua taka iora te ono o te kelero, na te tamariki a Naphatali ia, na te tamariki a Naphatali i to ratou au kopu-tangata. E to ratou kotinga ko Helepha, e na Alona ia, ki Zaananima, e ki Adami, e ki Nekeba, e ki Inabaneela, e tae atura ki Lakuma; e tona mama anga atura, ko Ioridana ia; E *mei reira oki*, apepe tika atura taua kotinga ra ki Azenotatabora, i te pae i te opunga o te ru ra; e mei reira oki, aere ua atura ia ki Hukoka, e tae rava atura ki Zebuluna i te pae i apatonga ra, e te pae i te opunga o te ru ra e tae rava atura ki Asera, e kia Iuda i te pae 35
Ioridana i te itinga o te ru ra. E te au oire i patuia ra, ko Zidima ia, e ko Zera, e ko Hamata, e ko Rakata, e ko Kinereta, E ko Adama, e ko Rama, 36
e ko Hazora, E ko Kedesa, e ko Ede- 37
rei, e ko Eni-hazora, E ko Irona, e ko Migadala-cla, e ko Horema, e ko Bete- 38
Q 2

anata, e ko Bete-semesa; okotai ngauru
ma iua au oire, e to reira au vila. Ko 39
te tuanga teia a te kopu o te tamariki
a Naphatali ra i to ratou au kopu-ta-
ngata, ko te au oire ia, e to reira au
vila.

Kua taka iora te itu o te kelero, na 40
te kopu ia o te tamariki a Dana ra, i to
ratou au kopu-tangata. E te kotinga 41
o ta ratou tuanga, ko Zora ia, e ko
Esetaola, e ko Ire-semesa, E ko Sa- 42
alabina, e ko Aialona, e ko Ietela, E 43
ko Elona, e ko Timanata, e ko Eka-
rona, E ko Eleteke, e ko Gibetona, 44
e ko Baalata, E ko Ielhuda, e ko Be- 45
ne-bereka, e ko Gata-rimona, E ko 46
Me-iarekona, e ko Rakona, e te tapere
ki mua mai i Iapho. Iiti iora ta te 47
tamariki a Dana tuanga ia ratou, aere
atura te tamariki a Dana ki runga e
tamaki ia Lesema, e rauka iora, taia
iora ki te mata koke, riro maira ia
ratou, e kua noo iora i reira, tapa iora
i taua oire ra ko Lesema, ia Dana, i te
ingoa o to ratou tupuna ra ko Dana.
Ko te tuanga teia a te kopu a te tama- 48
riki a Dana ra, i to ratou au kopu-
tangata; ko to ratou teia au oire, e to
reira au vila.

E oti akera te enua i te tuaia e 49
ratou ei nooanga no ratou i to reira au
kotinga, kua oronga akera te tamariki
a Iseraela i tetai tuanga na Iosua te
tamaiti a Nuna i roto ia ratou. Ko ta 50
Iehova i tuatua maira, kua oronga
ratou i te oire tana i pati maira nona,
ko Timenata-sera, i te maunga ra ko
Epheraima: e kua patu aia i taua
oire ra, e kua noo oki i reira.

Ko te au tuanga teia ta Eleazara 51
taunga, e ko Iosua te tamaiti a Nuna,
e te aronga mataiapo tutara no te au
kopu o te tamariki a Iseraela, i tua
kelero i Silo, ki mua i te aroaro o
Iehova, i te ngutupa o te Are uipanga
ra, ei nooanga. Oti akera ia ratou taua
enua ra i te tua.

PENE XX.

*Nga oire akapuanga i te akakite
angaia ra.*

KUA tuatua mairā Iehova kia 1
atu koe ki te tamariki a Iseraela, e na 2
ko atu, Ka akataka ana i te oire
akapuanga no kotou, i taku oki i ka-
ranga atu kia kotou ia Mose; Kia oro 3
te tangata i ta kite kore ua, e te ano-
ano kore, i te tangata ra, ki reira: ei
akapuanga tei reira no kotou, kia ora
kotou i te akamopuku ta tangata ra. E 4

te tangata e oro i tetai o aua nga
ra, ka tu na aia i te ngutupa i te to-
anga ki roto i taua oire ra, ka aka-
ci i tana tuatua kia akarongo te aro-
pakari o taua oire ra; e na ratou e
ku iaia ki roto i te oire kia ratou
ka oronga mai ei i tetai ngai nona
5 noo aia i rotapu ia ratou ra. E
aru mai te akamopuku ta tangata
iaia, auraka ratou e tuku atu i taua
tangata ra ki tona rima, no te mea ki
aia i anoano i te ta i tona tangata tu-
kare oki i makitakita iaia i muatanga
6 ra. E ka noo aia i roto i taua oire
e kia tu aia ki mua i te aroaro o
uipanga, ka akavaia i ra, e kia mate
taunga maata i te reira tauata; ei re-
taua ta tangata ra e tika i kia oki
tona naorai oire, e tona naorai ngu-
are, e te oire mei reira mai aia ka
ei ra.

7 Kua akataka atura ratou ia Kedec-
i Galilea ra, i te pae maunga i o Naph-
tali ra, e ko Sekema i te pae maunga
o Epheraima ra, e ko Kiriaat-araba
koia Ilcherona, i te pae maunga i
8 Iuda. E tei tetai pae Ioridana i Ierik-
ra i te pae i te itinga o te rā ra, aka-
taka atura ratou ia Bezera i te medo-
bara ra i te ngai mataatā no te kopu
o Reubena ra, e ko Ramota i Gilead
no te kopu o Gada ra, e ko Golana
9 Basana no te kopu o Manase ra. Ka
te au oire teia i akonoia no te tamariki
ravarai a Iseraela ra, e no te tangata
ke ke katoa e noo i roto ia ratou ra, kia
oro tei ta kite kore ua i te tangata ra,
ki reira, kia kore e mate i te rima o te
akamopuku ta tangata ra, kia tu ra aia
ki mua i te aroaro o te uipanga ra.

PENE XXI.

*Te au oire ra e a ngauru ma varu
ra i te oronga angaia no te ngati
Levi ra.*

KUA aere maira te aronga ma-
taiapo tutara o te ngati Levi ra
kia Eleazara taunga ra, e kia Iosua te
tamaiti a Nuna ra, e te aronga mata-
iapo tutara no te au kopu o te tama-
2 riki a Iseraela ra; E kua tuatua maira
ratou kia ratou i Silo, i te enua ra ko
Kanaana, na ko maira, Kua akaue
mai a Iehova ia Mose kia orongaia
mai te oire no matou ei nooanga, e to
reira au kainga katoa i vao ake, no ta
3 matou au puaka. Kua oronga atura te
tamariki a Iseraela i teianei au oire ma-
to reira au kainga katoa i vao ake no te
ngati Levi, no roto i ta ratou tuanga, ta
Iehova oki i akaue maira.

E kua taka iora te kelero *mua*, no te au kopu-tangata ngati Kohata ia; rauka iora i te kelero ta te ngati Levi, ta te tamariki Aarona taunga, nga oire okotai ngauru ma toru no te kopu o Iuda, e no te kopu o Simeona, e no te kopu o Beniamina. E tetai pae tamariki no taua au ngati Kohata, *rau*ka iora ta ratou i te kelero, okotai ngauru ia oire, no te au kopu-tangata o te kopu o Epheraima, e no te kopu o Dana, e no te kopu veenga o Manase ra. E *rau*ka iora ta te tamariki a Geresona i te kelero, okotai ngauru ma toru au oire, no roto i te au kopu-tangata o te kopu o Isakara, e no roto i te kopu o Asera, e no roto i te kopu o Naphatali, e no roto i te kopu veenga o Manase i Basana. E ta te tamariki a Merari i to ratou au kopu-tangata, okotai ngauru ma rua au oire, no roto i te kopu o Reubena, e no roto i te kopu o Gada, e no roto i te kopu o Zebuluna. Ko ta te tamariki a Iseraela au oire teia i oronga kelerola atu, ma to reira au kainga *katoa* i vao ake, na te ngati Levi, ko ta Ichova i akaue mai ia Mose.

E kua oronga atura ratou i teianei au oire i akakiteia i te ingoa nei, no roto i te kopu o te tamariki a Iuda ra, e no roto i te kopu o te tamariki a Simeona ra; Tei te tamariki a Aarona no te au kopu-tangata ngati Kohata, no te au tamariki a Levi ra; ko ta ratou oki te kelero *mua* ra. Kua apai atura ratou i te oire o te metua o Anaka ra ko Araba, ma to reira au kainga *katoa* i vao ake, no ratou, koia oki Heberona, tei te ngai maunga o Iuda: Kareka te au kainga e te au vila no taua oire ra, kua orongaia e ratou *te reira*, tei ia Kaleba te tamaiti a Iephune ia, ei tuanga nana. Ko ta ratou ia i oronga na te tamariki a Aarona taunga, ko Heberona, ei oire akapuanga no te ta tangata ra, e to reira au kainga i vao ake, e ko Libena e to reira au kainga i vao ake, E ko Iatira e to reira au kainga i vao ake, e ko Esetemoa e to reira au kainga i vao ake, E ko Holona e to reira au kainga i vao ake, e ko Debira e to reira au kainga i vao ake, E ko Aina e to reira au kainga i vao ake, e ko Iuta e to reira au kainga i vao ake, e ko Bete-semesa e to reira au kainga i vao ake: e iva ia puke oire no eianei ia nga kopu toko rua nei. E no roto i te kopu o Beniamina, ko Gibeona ia e to reira au kainga i vao ake, e ko Geba e to reira au kainga i vao ake, E ko Anatota e to reira au kainga i vao ake.

e ko Alamona e to reira au kainga i vao ake: e a ia puke oire. Te au oire ravarai no taua au tamariki a Aarona, te kau taunga ra, okotai ia ngauru e toru ara oire e to reira au kainga katoa i vao ake.

E te au kopu-tangata ra i te tamariki a Kohata, i te ngati Levi i toe i taua au tamariki a Kohata ra, i rauka katoa to ratou au oire kelero no roto i te kopu o Epheraima ra. Oronga atura ratou ia Sekema no ratou, ei oire akapuanga no te ta tangata ra, e to reira au kainga i vao ake, i te maunga ra ko Epheraima, e ko Gezera e to reira au kainga i vao ake, E ko Kibezaima e to reira au kainga i vao ake, e ko Bete-horona e to reira au kainga i vao ake: e a ia puke oire. E no roto i te kopu o Dana ra, ko Eleteke ia e to reira au kainga i vao ake, e ko Gibetona e to reira au kainga i vao ake, E ko Aialona e to reira au kainga i vao ake, e ko Gatarimona e to reira au kainga i vao ake: e a ia puke oire. E no roto i te kopu veenga o Manase ra, ko Tanaka ia e to reira au kainga i vao ake, e ko Gatarimona e to reira au kainga i vao ake: e rua ia puke oire. Taua au oire ravarai na, okotai ia ngauru e to reira au kainga *katoa* i vao ake, no te au kopu-tangata i te tamariki a Kohata i toe ra.

E ki te au tamariki a Geresona, no te au kopu-tangata ngati Levi ra, *oronga atura ratou* ia Golana i Basana ra, e to reira au kainga i vao ake, no roto i tetai pae kopu o Manase ia, ei oire akapuanga no te ta tangata ra, e ko Beesetera e to reira au kainga i vao ake: e rua ia puke oire. E no roto i te kopu o Isakara ra, ko Kisona ia e to reira au kainga i vao ake, e ko Dabera e to reira au kainga i vao ake, E ko Jaremuta e to reira au kainga i vao ake, e ko Enigaima e to reira au kainga i vao ake: e a ia puke oire. E no roto i te kopu o Asera ra, ko Misala ia e to reira au kainga i vao ake, e ko Abadona e to reira au kainga i vao ake, E ko Helakata e to reira au kainga i vao ake, e ko Rehoba e to reira au kainga i vao ake: e a ia puke oire. E no roto i te kopu o Naphatali ra, ko Kedesia ia i Gallica ra, ei oire akapuanga no te ta tangata ra, e to reira au kainga i vao ake, e ko Hamota-dora e to reira au kainga i vao ake, e ko Karatana e to reira au kainga i vao ake: e toru ia puke oire. Te au oire ravarai no te ngati Geresona i to ratou kopu-tangata, okotai ngauru e toru ara oire e to reira au kainga i vao ake.

E ki te au kopu-tangata i te tamariki 34
a Merari ra, tetai pae ngati Levi ra,
oronga atura ratou, no roto i te kopu o
Zebuluna, ia Iokeneama e to reira au
kainga i vao ake, e ko Karata e to reira
au kainga i vao ake, E ko Dimina e to 35
reira au kainga i vao ake, e ko Nahalala
e to reira au kainga i vao ake: e a ia
puke oire. E no roto i te kopu o Reu- 36
bena, ko Bezera ia e to reira au kainga
i vao ake, e ko Iaaza e to reira au
kainga i vao ake, E ko Kedemota e to 37
reira au kainga i vao ake, e ko Me-
phaata e to reira au kainga i vao ake:
e a ia puke oire. E no roto i te kopu o 38
Gada ra, ko Ramota ia i Gileada, ei
oire akapuanga ia no te ta tangata ra, e
to reira au kainga i vao ake, e ko Maha-
naima e to reira au kainga i vao ake,
Ko Hesebena e to reira au kainga i vao 39
ake, e ko Iazera e to reira au kainga i
vao ake: e a ia puke oire. E te au 40
oire ravarai o te au tamariki a Merari,
i to ratou au kopu-tangata, i te au kopu-
tangata ngati Levi i toe ra, okotai
ngauru ia puke oire e rua ara i ta ratou
kelero. Te au oire ravarai o te au 41
ngati Levi i o te tamariki a Iseraela ra,
e a ia ngauru ma varu taua au oire ra
ma to reira au kainga i vao ake; E au 42
kainga anake rai to teianei au oire i vao
ake, ko te tu ia o taua au oire ravarai nei.

Kua oronga mai a Iehova i te enua 43
katoa no Iseraela tana i taputou mai ki
to ratou ai metua e, e oronga mai aia;
rauka iora oki te reira ra ia ratou, e kua
noo ki runga. E kua oronga uā Ieho- 44
va i te au no ratou e pini ua ake; mei
tana oki i taputou mai ki to ratou ai
metua: e kare rava tetai o to ratou au
enemi i mou mai ki mua ia ratou; kua
tuku mai oki a Iehova i to ratou au
enemi katoa ki to ratou rima. Kare 45
rava tetai mea meitaki ta Iehova i tua-
tua mai ki te ngutuare o Iseraela i poka:
ope rava akera i te tupu.

PENE XXII.

*Nga kopu toko rua e te kopu veenga i
te tuku anga atu ki te ngutuare.*

KUA tiki aturā Iosua i te ngati 1
Reubena, e te ngati Gada, e te
kopu veenga o Manase ra i reira; E 2
kua karanga atura kia ratou, Kua
akono kotou i te au mea ravarai ta te
tavini o Iehova ra ta Mose i akaue mai
ia kotou: e kua akamako mai oki
kotou i toku reo i te au mea ravarai
taku i akaue atu kia kotou na. Kare 3
rai kotou i akaruke i to kotou ai taeake
i te au rā e manganui akenei e tae rava

mai nei ki teianei rā, kua akono ra ko-
tou i te ikuikuanga i akaucua mai e to 4
kotou Atua e Iehova. E teianei kua
oronga mai to kotou Atua ra ko Iehova
i te akaangaro ki to kotou ai taeake,
tana oki i tuatua mai kia ratou ra: ka
oki kotou i tenana, e aere ki to kotou au
puakapa, e to kotou tuanga enua, ta te
tavini o Iehova ra ta Mose i oronga mai 5
no kotou i tetai pae Ioridana ra. Kia
matakite ra, e akono tikai i te akaucua
e te ture, ta te tavini o Iehova ta Mose
i ikuiku mamate mai ia kotou ra; kia
inangaro rai kotou i to kotou Atua ra ia
Iehova, e kia aere rai na tona katoa au
arataa, e kia akono i tana au akauenga,
e kia piri atu kiaia, e kia araara atu
iaia ma to kotou ngakau katoa, e ma to 6
kotou vaerua katoa. Kua akaora aturā
Iosua ia ratou, e kua tuku atura ia
ratou; aere atura ratou ki to ratou au 7
puakapa. Kua oronga anā Mose i te
tuanga na tetai pae i te kopu o Manase
i Basana; kareka ta tetai pae, kua
oronga Iosua i ta ratou i roto i to ratou
au taeake i teia pae Ioridana i te pae i
te opunga o te rā nei. E ia Iosua i tuku
katoa ia ratou kia aere ua ra ki to ratou
au puakapa, ka akaora i aia ia ratou ra: 8
Kua karanga atura aia kia ratou, na ko
atura, Ka oki ana ki to kotou au puakapa
ma te apinga maata katoa ra, ma
te puaka e manganui, e te ario, e te
auro, e te vea, e te auri, e te kakau
maata na; ka tua i na to kotou ai
taeake i te apinga aō na to kotou au
enemi.

9 Oki atura te tamariki a Reubena, e
te tamariki a Gada, e te kopu veenga
o Manase ra, aere atura mei Silo atu i
te enua ra i Kanaana, vaoo iora i te
tamariki a Iseraela, aere atura ki te
enua ra ki Gileada, ki te enua tuanga
no ratou ra, i tei tukua mai no
ratou i te tuatua a Iehova ia Mose.
10 E tae atura ratou ki te pae Iori-
dana, i tei *tiraa tiku mai* ki te enua
nei ki Kanaana, kua patu iora te tama-
riki a Reubena, e te tamariki a Gada,
e te kopu veenga o Manase ra, i tetai
atarau i reira, i te pae Ioridana; e
atarau maata e vaoo ua mai kia akara
ra.

11 Kite akera te tamariki a Iseraela i
te rongo e, ina i te tamariki a Reubena,
e te tamariki a Gada, e te kopu veenga
o Manase ra, kua patu i te atarau i te
pae Ioridana ra, i te pae e tiraa tika mai
ki te enua nei ki Kanaana, i te ngai i 12
aercia e te tamariki a Iseraela nei; E
kite akera te tamariki a Iseraela i te
reira, kua uruo iora te uipunga katoa.

a te tamariki a Iseraela i Silo, e acre e tamaki atu ia ratou. Kua tono atura te tamariki a Iseraela ia Phinehaza te tamaiti a Eleazara taunga ra, ki te tamariki a Reubena, e te tamariki a Gada, e te kopu veenga o Manase ra, ki te enua ra ki Gileada; E te au mataiapo tutara tino ngauru katoa ra, okotai ngutuare maata okotai mataiapo e pini rava ake nga kopu o Iseraela ra; e mataiapo tutara anake i te ngutuare o to ratou ai metua, i roto i to Iseraela katoa ia au tausani anga.

E tae atura ratou ki te au tamariki a Reubena, e te tamariki a Gada, e te kopu veenga o Manase ra, ki te enua ra ki Gileada, e kua karanga atura kia ratou, na ko atura, Te na ko maira te uipunga katoa o Iehova ra, Eaa tenana ara i raveia e kotou i te Atua o Iseraela nei, i anga ke ei kotou i teianei rā? kare akera i aru ia Iehova; kotou i patu i te atarau na kotou, e kua meameaau kotou ia Iehova i teianei rā? E iti rai aina ia tatou ara i Peora, tei kore roa i mā i roto ia tatou nei, mate ua'i te uipunga a Iehova i te maki-mate e tae ua ake-nei ki teianei rā, I anga ke ei kotou i te aru anga ia Iehova i teianei rā? Ka riro oki aia i te riri mai i te uipunga katoa o te tamariki a Iseraela apopo, kotou i meameaau mai ia Iehova i teianei rā. E teianei, te vivivi na to kotou enua i rauka, e acre kotou ki tetai pae i te enua i nooia e Iehova, i te vairanga i te sekene o Iehova; ka rave i tetai tuanga i rotou ia matou nei; auraka ra e meameaau ia Iehova, auraka oki e meameaau ia matou, i te patu anga i te atarau ke na kotou uorai, auraka te atarau a to tatou Atua ra a Iehova anake ra. Kare ainei a Akana te tamaiti a Zera i rave i te ara i te mea i anateiaia ra, e kare ainei i rokoia katonai te uipunga a Iseraela katoa e te riri? Kare oki taua tangata ra i mate ua koia anake ra i tama ara.

Kua tuatua maira te tamariki a Reubena, e te tamariki a Gada, e te kopu veenga o Manase, i reira ra, na ko maira ki taua aronga mamaata i runga i te au tausani o Iseraela ra, Ko te Atua no te au atua katoa ra ko Iehova: ko te Atua no te au atua katoa ra ko Iehova: koia uorai te kite i to matou anoano; ka kite katoa oki Iseraela. E meameaau teianei, e e akarongo kore ia Iehova, auraka e akaora ia matou i teianei rā. I patu matou i te atarau na matou uorai ei anga ke i te aru anga ia Iehova, e ei apai anga i te tusia karakaratio, e te mineka, ki ru-

ngao, e ei apai anga i te tusia au ki rungao, na Iehova uorai e umuunu 24 mai; Kare aina no te matakū i pera'i matou, no te mea i tuatua matou e, Ka riro ta kotou au tamariki i te tuatua mai ki ta matou au tamariki a muri atu e, Eaa Iehova no kotou, te Atua no Iseraela nei? Kua akariro oki a Iehova ia Ioridana nei ei kotinga i rotopu ia tatou, e tenana au tamariki a Reubena, e te tamariki na Gada; kare a kotou puapinga ia Iehova ra: kore akera ta matou au tamariki e matakū ia Iehova i taua au tamariki na kotou 26 na. No reira matou i karanga'i e, E acre tatou e patu i tetai atarau na tatou; auraka ra no te tusia karakaratio, e no te au tusia katoa ra; Kia riro ra ei kite no matou e no kotou, e no to matou au uki a muri atu, kia akamori rai matou ia Iehova, ki mua i toa aroaro, ma te tusia karakaratio, e te au tusia, e te tusia au na matou ra; kia kore ta kotou au tamariki e tuatua mai ki ta matou au tamariki a muri atu e, Kare 28 a kotou puapinga ia Iehova ra. I tuatua oki matou e, Kia pera mai ratou i te tuatua kia matou, e to matou au uki a muri atu, ei reira e tika'i ia matou kia karanga atu e, I na, te tu o te atarau a Iehova i ta to matou ai metua i patu, kare ra no te tusia karakaratio, e no te au tusia katoa ra, ei kite ra no 29 matou e no kotou. Auraka rava ia tuatua kia meameaau matou ia Iehova, e kia anga ke i te aru anga ia Iehova i teianei rā, i te patu anga i te atarau tusia karakaratio, e te mineka, e no te au tusia, auraka te atarau a to tatou Atua anake ra a Iehova ki mua i te sekene nona ra. 30 E kite akērū Phinehaza taunga, e te aronga mataiapo tutara o te uipunga, e te aronga mataiapo i runga i te au tausani o Iseraela i kapiti katonai kiaia ra, i te tuatua ta te tamariki a Reubena, e te tamariki a Gada, e te tamariki a Manase i tuatua maira, mareka akera ratou. Kua karanga aturū Phinehaza te tamaiti a Eleazara taunga ra, ki te tamariki a Reubena, e te tamariki a Gada, e te tamariki a Manase ra, Kua kite atura matou, tei rotopu a Iehova ia tatou i teianei rā, i te mea kare kotou i ara ia Iehova i taua ara nei; kua ora te tamariki a Iseraela ia kotou i te rima o Iehova.

32 Kua oki mairū Phinehaza te tamaiti a Eleazara taunga, e te ui mataiapo tutara, mei ko mai i te tamariki a Reubena ra, e te tamariki a Gada, mei te enua maira mei Gileada, ki te enua nei ki Kanaana, ki te tamariki a Iseraela,

apai maira i taua tuatua ra kia ratou. Mareka rava akera oki te tamariki a 33 Iseraela i taua tuatua ra; e kua akameitaki iora te tamariki a Iseraela i te Atua, kare akera i tuatua *akaou* e aere e tamaki ia ratou, kia pou te enua i nooia e te tamariki a Reubena, e te tamariki a Gada ra. Tapa iora te tamariki a Reubena e te tamariki a Gada i *te ingoa* o taua atarau ra, ko *Edi*; ki kite oki teia no tatou e, ko Iehova te Atua.

PENE XXIII.

Te ako anga o Iosua i te ou tangata i toua ruaine anga.

E MANGANUI akera te au rā *tei* 1 *topa* i muri ake i ta Iehova oronga anga mai i te au kia Iseraela i to ratou au enemi ravarai e pini ua ake; e kua ruaine a Iosua, kua rāi roa tona au rā. Kua tiki aturā Iosua ia Iseraela katoa ra, to ratou aronga pakari, e to ratou aronga mataiapo tutara, e to ratou aronga akava, e to ratou aronga rangatira *katoa* ra, e kua karanga atura kia ratou, Kua ruaine au, kua rāi toku au rā: Kua kite oki kotou i te au mea ravarai ta to kotou Atua ta Iehova i rave i teia katoa nei au iti-tangata no kotou; ko to kotou Atua ra oki ko Iehova tei tamaki i ta kotou tamaki. I na, kua tua kele- 2 roia e au teianei au motia i toe nei no kotou, ei nooanga no to kotou na au kopu, e te au motia katoa i pou iaku, mei Ioridana mai e tae rava akenei ki te fai maata i te opunga o te rā ra. E ka eke ratou i to kotou Atua ra ia Iehova, ki mua ia kotou, e nana ratou e tuaru ke atu e ngaro atura i to kotou mata, e ka riro mai to ratou enua kia kotou; ta to kotou Atua ta Iehova i tuatua mai kia kotou na. E 3 tenana, e akamaroiroi kotou i te akono e te rave i te au mea katoa i tataia i roto i te buka ture a Mose ra, auraka kotou e anga ke i te reira ki to pac katau e te pac kaui; Kia kore kotou e iro- 4 pu ua atu ki taua au iti-tangata nei, ki te aronga e toe i roto ia kotou nei; auraka oki e akaiki ua atu, auraka oki e taputou i te ingoa o to ratou ra au atua, auraka oki e araara ia ratou, auraka oki kotou e tupou ki raro ki mua ia ratou; Kia piri ra kotou ki to kotou Atua kia Iehova, mei ta kotou rai oki i pera ua ana e tae rava akenei ki teianei rā. I eke ei te au tangata ma- 5 maata e te ririnui ki mua ia kotou ia Iehova; ko kotou ra, kare oki e tangata i mou mai ki mua ia kotou e tae

10 rava akenei ki teianei rā. Na te tangata okotai o kotou na e arumaki i *te tangata katoa* e kia tausani; na to kotou Atua oki na Iehova e tamaki i ta kotou tamaki, i tana i tuatua mai kia 11 kotou na. E tenana, kia matakite ia kotou orai, kia inangaro tikai kotou i to kotou Atua ia Iehova. 12 Kia oki ua atura kotou ki muri, kia piri atu ki te toenga o teianei au iti-tangata tei toe i rotopu ia kotou nei, ka akaipoipo ei ia ratou, e kapitipu ua'i i roto ia ratou, e ratou oki i roto ia kotou; Kare to kotou Atua ra ko Iehova e tuaru akaou i taua au iti-tangata nei na mua ia kotou, kia kite pu tikai oki kotou; kia riro ra ratou ei kupenga, e ei mauu ia kotou; ei koko i to kotou kaokao, e ei tara i roto i to kotou mata; e pou ua atu kotou i teianei enua meitaki, ta to kotou Atua ta Iehova i oronga mai no kotou na. 14 E i na, te aere nei au i teianei rā na te arataa o to te ao katoa nei: kua kite oki kotou ravarai i roto i to kotou ngakau, e i roto i to kotou katoa au vaerna, e kare rava tetai o te au mea meitaki ta to kotou Atua ta Iehova i tuatua mai ia kotou i poka; kua ope rava i te tupu ia kotou, kare rava tetai 15 o te reira i toe. E mei te au mea meitaki ravarai, ta to kotou Atua ta Iehova i tuatua mai kia kotou, i ope rava i te tupu ia kotou nei; koia katoa, ka apai mai a Iehova i te au kino ravarai ki runga ia kotou, e kia pou kotou iaia i taua enua meitaki nei, ta to kotou Atua ta Iehova i oronga mai 16 no kotou na. Kia akaatikau kotou i te koreromotu a to kotou Atua ra a Iehova, tana i akaue mai kia kotou na e, e *akono*, e kia aere kotou, e araara i te au atua ke, e kia tupou kotou ki raro ki mua ia ratou; ei reira te riri o Iehova e tupu ei ia kotou, e pou vave iora kotou i taua enua meitaki nei, tana i oronga mai no kotou na.

PENE XXIV.

Te tu rua o te ako anga a Iosua i to Iseraela ra: tetai toka i te akatu angaia ei kite: te matenga o Iosua e toa tanu mangaia: te au iwi o Iosepha mei Aiphiti mai i te tanu mangaia: to Eleazara matenga e te tanu mangaia.

K UA akaputuputu mairai a Iosua i te au kopu ravarai o Iseraela ki Sekema, e kua karanga atura ki te aronga pakari o Iseraela ra, e to ratou au mataiapo tutara, e to ratou au aka-

va, e to ratou aronga rangatira ra :
 kua tu ua maira ratou ki mua i te aro-
 aro o te Atua. Kua karanga aturū Iosua
 ki taua aronga katoa ra, Te na ko
 maira te Atua o Iseraela nei ko Ichova,
 Tei tetai pae vai to kotou ai metua i te
 noo anga i muatangana ra, ko Tera, te
 metua no Aberahama, e te metua oki
 no Nahora, e kua araraa ratou i te au
 atua ke. E naku oki i rave mai i to
 kotou metua ia Aberahama, mei tetai
 pae vai maira, e kua arataki iaia na roto
 katoa i te enua katoa nei ko Kanaana,
 e kua akamaata au i tona uanga, e kua
 oronga oki au i tana ko Isaaka. E kua
 oronga oki au i ta Isauka ko Iakoba, e
 ko Esau; e kua oronga oki au i te
 mauanga ra ko Seira no Esau ei noo-
 anga nona; aere atura rā Iakoba e
 tana au tamariki ki raro ki Aiphiti;
 E kua tono atura au ia Mose raua ka-
 toa ko Aarona, ta atura oki au ia
 Aiphiti i te au mate taku i akatupu i
 roto ia ratou ra: e i muri ake kua
 arataki mai au ia kotou ki vao. E kua
 arataki mai au i to kotou ai metua
 mei Aiphiti mai; e tac maira kotou
 ki taatai; e kua aruaru mai to Aiphiti
 i to kotou ai metua, ma te kariota
 e te ipo, e tac rava maira ki te tai
 muramura. E ia ratou i kapiki kia
 Ichova ra, kua tuku iora aia i te poi-
 i rotapu ia kotou e to Aiphiti, e apai
 maira i te tai ki rungao ia ratou,
 tapoki atura ia ratou; kua kite oki
 to kotou mata i taku i rave i to Aiphiti
 ra. E roa akera to kotou noo anga i te
 medebara ra, Kua arataki maira au ia
 kotou ki te enua o te ngati Amori, i
 tei noo i tetai pae Ioridana ra; e kua
 tamaki mai ratou ia kotou ra, e kua
 oronga atu au ia ratou ki to kotou
 rima, kia rauka to ratou enua ia kotou,
 e pou rava akera ratou iaku ki mua i
 to kotou aroaro. Kua tu mairū Ba-
 laka te tamaiti a Zipora ariki no Moabi
 ra, e tamaki mai ia Iseraela, e kua
 tono atura i te karere e tiki ia Balaama
 te tamaiti a Beora, ei katara ia kotou:
 Kare akera au i akarongo ia Balaama,
 akaora ua atu rai aia ia kotou; kua
 ora iora kotou iaku i tona rima. E
 aere maira oki kotou ki tetai pae
 Ioridana, e tac maira ki Ieriko; e kua
 tamaki maira to Ieriko ia kotou, e te
 ngati Amori, e te Perizi, e te ngati
 Kanaana, e te ngati Ileta, e te Gere-
 gasi, e te ngati Hevi, e te ngati Iebusi;
 e kua tuku atura au ia ratou ki roto i
 to kotou rima. E kua tono au i te
 zeroe na mua ia kotou, e eke iora nga
 ariki o te ngati Amori toko rua i te

reira i mua ia kotou, kare i ta kotou ra
 13 koke e ta kotou ra ana. E kua oronga
 an i te enua no kotou kare i anga-
 angaia e kotou ra. e te noo na kotou
 i roto i te oire kare i patuia e kotou, e te
 kai na kotou i te kai o te kainga vine, e te
 kainga olive, kare i tanumia e kotou ra.
 14 E tenana, e matakū kotou ia Ichova,
 e e akamori oki iaia ma te pikikaa kore,
 e ma te tuatua-mou; e akaruke atu i te
 au atua ta to kotou ai metua i arara i
 tetai pae vai ra, e i Aiphiti oki; e e
 15 akamori kotou ia Ichova *anake* ra. E
 e mea kino ia kotou kia akamori ia Ie-
 hova, e akataka ana kotou i teianei rā i
 ta kotou e akamori; e ko te au atua ai-
 nei a to kotou ai metua i akamori i te-
 tai pae vai ra, e te au atua ainei o te
 ngati Amori nei, no ratou te enua ta
 kotou e noo nei? Kareka au e toku ra
 ngutuare, e akamori ia matou ia Ichova.
 16 Kua tuatua maira taua aronga tanga-
 ta ra, na ko maira, Auraka rava ia tua-
 tua ia matou nei i te akaruke ia Ichova,
 17 e te akamori i te au atua ke; Ko Ie-
 hova oki to matou Atua; koia tei ara-
 taki mai ia matou, e to matou aronga
 metua, mei te enua maira mei Aiphiti,
 mei te ngutuare i tavini ei ra, ko tei
 rave oki i taua au akairo mamaata ra ki
 mua i to matou mata, ko tei tiaki mai
 oki ia matou i te au aereanga ravarai i
 aereia e matou ra, e i roto i te au tanga-
 ta katoa i ta matou i aere na roto ra.
 18 E kua tuaru a Ichova i te tangata rava-
 rai na mua ia matou, e te ngati Amori
 katoa ra ko tei noo i te enua nei: ko
 Ichova katoa oki ta matou e akamori,
 koia oki to matou Atua.
 19 Kua karanga aturū Iosua ki taua
 aronga tangata ra, Kare e tika ia kotou
 kia akamori ia Ichova; e Atua tapu
 rava oki aia, e Atua vareac; kare aia e
 akakoromaki i ta kotou au ara e to ko-
 20 tou au kino. Kia akaruke kotou ia
 Ichova, e kia akamori i te au atua ke, ei
 reira aia e anga mai ei e tuku mai ei i
 te kino ki rungao ia kotou kia pou kotou,
 takinga-meitaki uarai aia ia kotou i
 muatangana ra. Kua tuatua maira
 taua aronga tangata ra kia Iosua, Aura-
 ka, ko Ichova ta matou e akamori.
 22 Kua karanga aturū Iosua ki taua aro-
 nga tangata ra, Ei kite kotou no kotou
 uarai e, kua rave kotou ia Ichova *ei*
 Atua, e e akamori kotou iaia *anake* ra.
 Kua tuatua maira ratou, *Ko matou ia*
 23 te kite. *Kua karanga atura aia, Ka*
 akaruke atu i te au atua ke i roto ia ko-
 tou i tenana, e akatae i to kotou ngakau
 24 ki te Atua o Iseraela kia Ichova. Kua
 tuatua maira taua aronga tangata ra kia

Iosua, E akamori matou i to matou Atua ia Iehova, e tona te reo ta matou e akarongo. Kua papau iorā Iosua i te koreromotu ki taua aronga ra i te reira rā, akarivo atura ei ture na ratou, e ei akonoanga i Sekema.

Kua tata iorā Iosua i teianci au tua-tua ki roto i te buka ture a te Atua ra; e kua ravo iora i tetai toka maata, e tanu iora i reira i raro ake i tetai ale, i vaiata i te ngai-tapu o Iehova ra. Kua karanga aturā Iosua ki te tangata ravarai ra, Ka akara mai ana, ei kite teianci toka *no te Atua* ia tatou, kua akarongo oki te reira i te au tuatua ravarai ta Iehova i karanga mai kia tatou, e ei kite *teianci toka* ia kotou; ko te pikikaa aea kotou i to kotou Atua. Kua tuku aturā Iosua i taua aronga tangata ravarai kia aere ua ana ki to ratou au kainga ra.

E muri ake i taua au tuatua nei, mate iora taua tavini o Iehova ra, ko te tamaiti na Nuna ra, ko Iosua; okotai

30 anere okotai ngauru ona mataiti. Kua tanu iora ratou iaia i te pae o tona uo-rai kainga i Timenata-sera, i te maunga ra ko Epheraima, i te pae i apatokerau o te tuaivi ra ko Gaisa. Kua akamori Iseraela ia Iehova e ope rava akera to Iosua ra tuatau, e ope rava akera oki te tuatau o te aronga pakari i toe i te ao i muri ake ia Iosua ra, ko tei kite i te au angaanga ravarai ta Iehova i rave ia Iseraela ra.

32 E te au iwi o Iosepha, i apaiia mai e te tamariki a Iseraela mei Aiphiti maira, tanu iora ratou i Sekema, i te pae kainga i okoia e Iakoba i te au tamariki a Hamora, te metua no Sekema, i te au moni ario okotai anere ra: e riro atura ei kainga no te tamariki a Iosepha ra.

33 Mate iorā Eleazara te tamaiti a Aarona ra, e kua tanu iora ratou iaia i tetai tuaivi, i tei orongaia mai na tana tamaiti na Phinchaza, i te maunga ra ko Epheraima.

TE

BUKA A TE AU AKAVA RA.

PENE I.

Te takinga-kino o Adoni-bezeka i tuta-kiia ra. Ko Ierusalem, ko Heberona, e tetai au ngai i te rauka anga: hare to Kanaana i ope i te tuarua.

E MATE iorā Iosua ra, kua ui atura te tamariki a Iseraela kia Iehova, na ko atura, Koni te ka aere ana e tamaki i ta matou tamaki i te ngati Kanaana nei? Kua tuatua mairā Iehova, Ko Iuda te ka aere: i na, kua tuku au i taua enua nei ki tona rima. Kua karanga atura Iuda ki tona taeake kia Simeona, E aere katoa mai koe ki taku nei tuanga, e tamaki tatou i te ngati Kanaana; e ka aere katoa atu au ki ko na ki taua na tuanga. Kua aere katoa maira Simeona. Kua aere atura Iuda ki runga; e kua tuku mairā Iehova i te ngati Kanaana, e te Perizi, ki to ratou rima; ta iora ratou ia ratou e okotai ngauru anga o te tausani o ratou i mate i Bezeka. Kite atura ratou ia Adoni-bezeka i Bezeka; e kua tamaki

atura ratou iaia, e ta iora ratou i te 6 ngati Kanaana, e te Perizi ra. E oro aturā Adoni-bezeka; e kua aruuru atura ratou iaia: rauka iora, e kua tipu iora i ona puke maikao-rima e nga 7 maikao-vaevae katoa nona. Kua tuatua akerā Adoni-bezeka, Ka itu akenei ngauru anga o te ariki i koi aere i *ta ratou kai* i raro ake i te kaingakai naku ra, ma to ratou au maikao-rima e to ratou au maikao-vaevae i tipuia: mei taku oki i rave ra, kua pera te Atua i te tutaki mai iaku. E kua kave atura ratou iaia ki Ierusalem, e mate iora aia i reira.

8 Kua tamaki atura te tamariki a Iuda ia Ierusalem, e rauka iora ia, ta atura ki te mata koke, e kua ta'u atura i taua 9 oire ra ki te ai. E muri akera aere atura te tamariki a Iuda ki raro e tamaki i te ngati Kanaana, i noo i te au maunga, e i te pae i apatonga ra, e te 10 au ngai mataatua ra. E kua aere atura Iuda e tamaki i te ngati Kanaana i noo i Heberona ra; ko Kiriata-araba ra to

Heberona ingoa i muatangana ra. Ta iora ratou ia Sesai, e ia Ahimana, e ia Talemai. E mei reira oki, aere atura 11 ratou e tamaki i to Debira; ko Kiriata-sephera ra to Debira ingoa i muatangana ra.

I tuatua oki a Kaleba, Ko te rauka 12 iaia Kiriata-sephera, e kua pou iaia ra, e oronga atu au i taku tamaine nei ia Akesa ei vaine nana. E rauka iora taua 13 oire ra ia Otenielia te tamaiti a Kenaza, te teina openga no Kaleba: e kua oronga atura aia i tana tamaine ra ia Akesa ei vaine nana. E tei te aere 14 anga aia ki te *ngutua*, kua karanga atura aia kiaia, e pati i tona metua tane i tetai pae kainga: e kua eke iora aia ki raro mei runga mai i tana asini; kua tuatua mairi Kaleba kiaia, Eaa toou anoano, e *tuku tamaine*? Kua karanga 15 atura aia kiaia, E o mai tetai meitaki noku, kua oronga mai oki koe i tetai kainga noku i te pae i apatonga ra, o mai katoa mai nga punavai. Kua oronga mairi Kaleba i tetai *kainga* punavai i runga, e tetai *kainga* punavai i raro ra.

Aere atura to Keni ra au tamariki to 16 te metua ongoi o Mose, mei roto atu i te oire tamara ra, ratou e te tamariki a Iuda, ki te medebara i Iuda ra i te pae i apatonga i Arada ra: aere atura ratou, e noo atura i roto i taua au tangata ra.

Aere atura Iuda raua ko tona tae- 17 ake ko Simeona, e ta atura ratou i te ngati Kanaana i noo i Zephata, e pou takiri rava akera ia oire. Tapaia iora taua oire ra ia Horama. Rauka iora 18 oki ia Iuda ko Gaza e to reira au kainga, e ko Askelona e to reira au kainga, e ko Ekeroma e to reira au kainga. Tei vaitati Iehova ia Iuda, e eke iora 19 to te maunga ra iaia; kare ra i rauka iaia kia tuaru i to te ngai mataatata, no te mea e kariota auri to ratou. E kua 20 oronga ratou ia Heberona no Kaleba, i ta Mose oki i tuatua maira; e eke iora iaia nga tamariki a Anaka toko toru.

Kare katoa oki i eke te ngati Ie- 21 busi i noo i Ierusalemia i te tamariki a Beniamina: kua noo ra te ngati Iebusi e te tamariki a Beniamina katoa i Ierusalemia i teianei rai ra.

E aere atura oki te tamariki a Io- 22 sepha ki Betela: e tei vaitata katoa oki a Iehova ia ratou. Kua tono atura 23 te tamariki a Iosepha i te tangata e tutaka ia Betela: ko Luza te ingoa o taua oire ra i muatangana ra. E kite 24 atura te aronga i tutaka ra i tetai tangata i te aerenga mai ki vao mei roto mai i taua oire ra, e kua karanga atura

ratou kiaia, E akakite mai koe kia ma- 17 tou i te tomoanga ki roto i taua oire nei, ta matou ia tuatua kia koe, e na matou e takinga-meitaki atu ia koe.

25 E kia akakiteia mai ratou e ia i te tomoanga ki roto i taua oire ra, kua ta iora ratou i taua oire ra ki te mata koke; tuku ua atura ra ratou i taua tangata ra e tona katoa ra kopu-tanga- 26 ta. Aere atura taua tangata ra ki te enua o te ngati Ileta ra, e kua patu iora i tetai oire, tapa iora i tona ingoa ko Luza; ko te ingoa uorai ia e tae rava akenei ki teianei ra.

27 Kare katoa oki to Bete-scana e tona au vila i eke ia Manase ra, e to Taanaka e tona au vila, e to Dora katoa e tona au vila, e to Ibeleama katoa e tona au vila, e to Megido katoa e tona au vila; noo uorai ra te ngati Kanaana i taua enua ra. Kia maroiroi ra 28 Iseraela ra, kua akariro atura ratou i te ngati Kanaana ei tautauanga, kare i eke takiri rava ia ratou.

29 Kare katoa oki te ngati Kanaana i noo i Gezera i eke ia Epheraima ra: noo uorai ra te ngati Kanaana i Gezera i roto ia ratou ra.

30 Kare to Kiterona i eke ia Zebuluna ra, kare katoa oki to Nahalola: noo uorai ra te ngati Kanaana i roto ia ratou e riro atura ei tautauanga.

31 Kare to Ako i eke ia Asera, e to Sidona katoa, e to Ahelaba, e to Akaziba, e to Heleba, e to Aphika, e to Rehoba: 32 Noo iora ra te ngati Asera i roto i te ngati Kanaana, i te aronga uenua; kare oki i eke ia ratou ra.

33 Kare to Bete-semesa, e to Bete-anata i eke ia Naphatali ra: noo uorai ra ratou i roto i te ngati Kanaana, i te aronga uenua: riro maira to Bete-semesa e to Bete-anata ei tautauanga 34 na ratou. Paruruia atura te tamariki a Dana e te ngati Amori i te maunga ra; kare ia i tuku kia aere mai ki raro 35 i te o: Noo ua atura te ngati Amori i te maunga ra ko Ilerese i Aialona, e i Saalabima; vi atura ra ratou i te rima o te tamariki a Iosepha, e riro maira 36 ratou ei tautauanga. E te kotinga o taua au ngati Amori ra, ko te au ngai teitei ia i Akarabima ra, mei Sela atu e tae ua atu ki runga ra.

PENE II.

*Te au mea i tupu i muri ake i te mate-
nga o Iosua ra.*

1 **K**UA aere maira tetai karere na Iehova mei Gilagala mai ki Bokima, e kua tuatua maira, I arataki

mai au ia kotou mei Aiphiti mai, e kua
tae kotou iaku ki te enua, taku i tapu-
tou atu ki to kotou ai metua ra; e kua
tuatua oki au e, Kare rava taku nei
koreromotu ia kotou na e akaatikauia
e au e tuatau ua atu: Auraka ra ko-
tou ei akaniteite anga tuatua i to teia-
nei enua, e vava'i ra kotou i ta ratou
au atarau; kare akenei ra kotou i aka-
rongo i toku reo; eaa kotou i pera'i?
E teianei, teia katoa taku tuatua kia
kotou, kare au e tuaru ke atu ia ratou
na mua ia kotou ra, ka riro ra ratou *ei*
tura i to kotou kaakao, e to ratou au
tura ka riro ia ei maunu ia kotou. E
ope akera teia katoa nei au tuatua i te
karangaia e tana karere a Iehova ki te
au tamariki ravarai a Iseraela ra, kua
akateitei atura te tangata katoa i to
ratou reo, aue atura. Tapa iora ratou
i taua ngai ra ia Bokima. E kua apai
ratou i te tusia na Iehova i reira.

I te tuku angaia e Iosua taua au
tangata ra, aere anake atura te tamari-
ki a Iseraela e noo i te enua, ki tana
uorai tuanga, ki tana uorai tuanga, e
pini ua ake taua au tangata ra. Kua
akamori oki te tangata ia Iehova e ope
rava akera to Iosua au rā, e ope rava
akera oki te au rā o te aronga pakari
i toe i te ao i muri ake ia Iosua ra, ko
tei kite i te au aranga mamaata ta
Iehova i rave ia Iseraela ra. E mate
iora taua tavini o Iehova ra ko Iosua te
tamaiti a Nuna ra, okotai anere okotai
ngauru ona mataiti. E kua tanu iora
ratou iaia i te pae o tona kainga i
Timenata-heresa, i te maunga ra ko
Epheraima, i te pae i apatokerau o te
tūiwi ra ko Gaasa. E ope rava akera
oki te reira uki i te kapiti katoaia ki to
ratou ai metua; e tupu akera oki tetai
uki i muri ake ia ratou, kare ia i kite
ia Iehova, e tana katoa ra au angaanga
i rave ia Iseraela ra. Kua rave iora te
tamariki a Iseraela i te kino ki mua i
te mata o Iehova, kua araara i te au
Baala ra: Akaruke atura ratou i te
Atua o to ratou ai metua ra ia Iehova,
ko tei arataki mai ia ratou mei te enua
maira mei Aiphiti, e kua aru ratou i te
au atua ke, i te au atua no te au tan-
gata i vaitata ia ratou e pini ua ake,
kua tupou atura ratou kia ratou, e aka-
koko atura ia Iehova kia riri. Aka-
rue iora ratou ia Iehova, e araara
atura ia Baala e te au Asetoreta ra.

E otooto akera to Iehova riri ia Ise-
raela, e kua tuku atura aia ia ratou ki
te rima o te aronga noui, i tei noni mai
ia ratou ra, e kua oko aia ia ratou ki te
rima o to ratou au enemi ra e pini ua

ake; kare rava atura ratou i mou ki
15 mua i to ratou au enemi ra. E te au
ngai katoa ta ratou i aere ra, kua ma-
rōrō te rima o Iehova ia ratou kia kino,
mei ta Iehova i tuatua maira, i tana oki
i taputou mai kia ratou ra; e kua tuma-
tetenga rava ratou ra.

16 Kua akatupu rā Iehova i te au
akava, ko tei akaora ia ratou i te rima
17 o te aronga i noni mai ia ratou. Kare
rai ratou i akarongo ki to ratou au
akava; tatipake atura ra i te aru anga
i te au atua ke ra, e kua tupou atura
kia ratou. Kua pipa ke vave iora ratou
i te arataa i aereia e to ratou ai metua,
tei akono i te au akauenga a Iehova ra;
kare ratou i pera.

18 Kia akatupu oki a Iehova i te au
akava no ratou ra, e tu a Iehova i vai-
tata i taua akava ra, e kua akaora aia
ia ratou i te rima o to ratou au enemi,
e ope ua atu te au rā o taua akava ra,
i tataraara oki a Iehova i to ratou aue
i te aronga i timai-mate mai ia ratou, e
19 te akaao ia ratou ra. Kia mate ra
taua akava ra, kua oki akaou rai ratou, e
kua rave i te kino, iti ake ta to ratou ai
metua i rave, i te aru anga i te au atua
ke, i te araara anga, e te tupou anga ki
raro kia ratou ra; kare ratou i akaruke
i ta ratou ravenga *kino* e to ratou ae-
renga māro.

20 I otooto ei te riri o Iehova ia Ise-
raela; e kua tuatua akera aia, No te
mea kua ara teianei aronga i taku nei
koreromotu i taku i akaue atu ki to
ratou ai metua, e kare akenei i akaro-
21 ngo mai i toku nei reo; Kare atura au
e tuaru i te au iti-tangata i vaooia e
Iosua, ka mate ei aia ra, na mua ia ra-
22 tou; Kia kitea ia ratou ta Iseraela ako-
no anga i te arataa o Iehova, me aere
ratou na reira, mei ta to ratou ai metua
23 i akono ra, e te kore anga. I vaooia i e
Iehova taua au iti-tangata ra i kore ei i
tuaru vave ia ratou; kare oki ratou i
tukuia mai e ia ki te rima o Iosua.

PENE III.

*To Iseraela mate ko ratou i akaipoipo
i to Kanaana: ora iora ratou i to
ratou au enemi, ia Oteniel, Ehudu,
e Samagaru.*

1 **T**EIA oki taua au iti-tangata i vaoo-
ia e Iehova ei timata ia Iseraela
ra, ratou ravarai tei kore i kite i te au
2 tamaki katoa i Kanaana ra; Kia kite
katoa oki te au uki tamariki a Iseraela
i te tamaki, te aronga kare rava i kite
3 ra: Ko nga kavana toko rima o te
Philiseti ra, e te ngati Kanaana ra-

varai, e to Sidona ra, e te ngati Ihevi i noo i te maunga ra ko Lebanona, mei te maunga ra ko Baala-heremona e tae ua atu ki te tomoanga ki roto ia Hamata. Ko ratou taua aronga i *raoia* ei timata ia Iseraela ra, kia kitea to ratou akarongo anga i te au akauenga a Iehova, tana oki i akaue mai ki to ratou ai metua ia Mose.

Noo iora te tamariki a Iseraela i rotupu i te ngati Kanaana, e te ngati Ileta, e te ngati Amori, e te Perizi, e te ngati Ihevi, e te ngati Iebusi: E kua rave ratou i ta ratou au tamaine ei vaine na ratou; e kua oronga atu i ta ratou au tamaine ei vaine na ta ratou au tamariki tamaroa, e kua araara i to ratou au atua. Kua rave te tamariki a Iseraela i te kino ki mua i te mata o Iehova, e kua akangaropoina i to ratou Atua ia Iehova, e kua araara i te au Baala e te au Asetoreta ra. I ototoo ei te riri o Iehova ia Iseraela, e kua tuku atura aia ia ratou i te rima o te ariki o Mesopotamia ra, ko Kusana-risataima: e ao atura te tamariki a Iseraela i o Kusana-risataima e varu akera mataiti.

E kia tautopa te tamariki a Iseraela ia Iehova ra, kua akatupu akērā Iehova i te akaora no te tamariki a Iseraela, ko tei akaora ia ratou, *koia* ko Otienela te tamaiti a Kenaza ra, e teina no Kaleba. E tei runga iaia te Vaerua o Iehova, e kua akatika aia ia Iseraela, aere atura aia ki te tamaki; e kua tuku mairā Iehova i te ariki o Arama ia Kusana-risataima ki tona rima; e ke-taketa iora tona rima ia Kusana-risataima. E au iora taua enua ra e a akera ngauru anga o te mataiti. Mate iorā Otienela te tamaiti a Kenaza ra.

E kua rave akaou atura te tamariki a Iseraela i te kino ki mua i te mata o Iehova; e kua akamaroiroi aturā Iehova i te ariki o Moabi ia Egalona *ei rare* ia Iseraela, no te mea kua rave ratou i te kino ki mua i te mata o Iehova ra. E kua akaputupu maira aia i te tamariki a Amona, e ta Amaleka *katon*, kiaia ra, kua aere atura e ta ia Iseraela, e rauka iora ia ratou te oire tamara ra. Ao atura te tamariki a Iseraela i te ariki o Moabi ra ia Egalona, e okotai ngauru atura e varu ara i te mataiti ra. Kia tautopa ra te tamariki a Iseraela ia Iehova ra, kua akatupu iorā Iehova i tetai akaora kia ratou, ko Ehuda, te tamaiti a Gera ra, e ngati Beniamina, e tangata rima kaui.

E kua akau atura te tamariki a Iseraela i te apinga na te ariki o Moabi na Egalona, i tona rima. I anga ua anā

Ehuda i tetai koke mata rua nana, okotai kubiiti i te ron: tākaiia iora e ia ki runga i tona ūā katau i raro ake i tona kakau ra. E apai atura aia i te apinga ra ki te ariki o Moabi kia Egalona ra; e tangata matu maata oki a Egalona. E oti akera taua apinga ra i te tukuia e ia ra, kua tuku atura aia i te au tangata i apai mai i taua apinga ra kia aere ana. Kareka aia uorai, i oki akera ia i te au idolo akatikitiikiia i *rao* i vaitata i Gilagala ra, e kua tuatua akera, E tuatua muna taku kia koe, e *taku* ariki e. Kua tuatua maira te ariki, Auraka ana e tuatua. Aere anake atura te aronga ravarai i vaitata iaia ra ki vao. Kua aere aturā Ehuda kiaia; te noo ua ra aia i roto i tetai pia puangiangi nona uoari, koia anake ra. Kua karanga aturā Ehuda, E tuatua taku kia koe no ko i te Atua ra. Kua tu maira aia ki runga i tona nooanga. Kua nanao iorā Ehuda i tona rima kaui, e kua rave i te koke i tona ūā katau ra, kua ko atura ki roto i tona koto. Aere katoa atura te koke ma te pu katoa ki roto, kapi akera te tongau ki runga i taua koke ra, kare akera i *rau-kū* taua koke ra kia unui ki vao i tona kopu ra; e kua maira oki i muri mai. E kua aere aturā Ehuda ki vao i te tomoanga, topiri atura i te au pa no taua pia ra i muri iaia, taviri tamou atura. E riro atura aia, kua aere maira te au tavini nona ra, kua akara iora, e i na, kua taviri tamouia te au pa o taua pia ra; kua tuatua akera ratou, Kua tapoki aia i ona vae vae i te pia puangiangi ra. Kua tapapa iora ratou e taitaia ua atura i *te roa*; e i na, kare aia i kiriti i te au pa o taua pia ra; kua rave iora ratou i te taviri, kua kiriti akera i *te au pa*; e i na! te takoto ua ra to ratou pu i raro i te one, kua mate takiri rava. Kua ora atura oki a Ehuda i taua roa na anga no ratou ra, kua topai mai te au idolo akatikitiikiia ra i muri, e kua tae rava atura ki Seira. E tei te tae anga atu aia ra, kua akatangī iora aia i te pu i te maunga ra ko Epheraima, e kua eke maira te tamariki a Iseraela, ma ia katoa ki mua, mei runga mai i taua maunga ra. Kua karanga atura aia kia ratou, Ka aru mai iaku: kua tuku mai oki a Iehova i to kotou au enemi ra i te *ngoti* Moabi ki to kotou rima. Kua aru atura ratou iaia, e rauka iora i te ara i Iordania, e aere tika atu ei ki Moabi ra, e kare e tangata i tae na rei- iora ia ratou. Kua tae pua ki te ngauru i te tausani to Moabi i mate ia ratou i

reira, e tangata mamaata anake e te toa; kare rava tetai i ora. Eke iora Moabi 30 i te rima o Iseraela i taua rā ra. E au iora taua enua ra e varu akera nguuru anga o te mataiti.

E muri ake ia *Ehuda*, ko Samagara 31 te tamaiti a Anata ia, mate iora te Philiseti iaia e ono ia anere i te tangata i te rakau ko bovi; kua ora akera Iseraela iaia i reira.

PENE IV.

Ko Iseraela i te ora anga ia Debora rava ko Baraka ra. To Sisera mate-nga ia Iaela.

E MATE iorā *Ehuda* ra, kua rave 1 akaou iora te tamariki a Iseraela i te kino ki mua i te mata o Iehova: Kua tuku ua aturū Iehova ia ratou ki 2 te rima o te ariki o Kanaana ra ko Iabina, i te ariki o Hazora ra; ko Sisera te kapena o tona nuku, i Haroseta-goima te noo anga. Kua tautopa atura 3 te tamariki a Iseraela kia Iehova: e iva oki anere to *Iabina* kariota auri, e tinai-mate maata rava tana i te tamariki a Iseraela e rua akera nguuru anga i te mataiti.

E tetai peroveta vaine ko *Debora* te 4 *inga*, e vaine na *Lapidota*, ko tei akatika ia Iseraela i reira ra. I raro ake i te tamara a *Debora* tona nooanga, i te va i Rama e *Betela* ra, i te maunga ra ko *Epheraima*; e e aere oki te tamariki a Iseraela iaia ra e *kimi* i te tuatua-tau. Kua tono atura aia i te karere e tiki ia 6 Baraka te tamaiti a Abinoama i Kedesanaphatali ra, e kua karanga atura kiaia, Kare ainci kua akaue mai te Atua o Iseraela nei ko Iehova e, E aere koe ka akakatoatoa i te tangata ki te maunga ra ko Tabora, e e arataki katoa i te au tangata okotai nguuru i te tausani no te au tamariki a Naphatali, e no te au tamariki a Zebuluna; E naku 7 e arataki mai i te kapena o te nuku o Iabina ia Sisera kia koe nei, ki te kauvai ra ko Kisona, ma te au kariota, e te tangata ravarai nona, e naku aia e tuku atu ki toou na rima? Kua tuatua mairā Baraka kiaia, E aere katoa koe ra, e tae ia au i reira; kia kore ra koe e aere katoa ra, kare ia au e tae. Kua 9 karanga atura aia, E aere katoa ia au; kare ra koe e akangateiticia i taua tere taua e aere nei; ka riro oki a Iehova i te oronga ia Sisera ki te rima o tetai vaine. Kua tu akerā *Debora* ki runga, e aere katoa atura raua ko Baraka ki Kedes.

E kua akaputuputu mairā Baraka ia 10

Zebuluna e ia Naphatali ki Kedes; e aere atura te au tangata ki runga okotai nguuru i te tausani i te aru anga iaia, aere katoa atura raua ko *Debora* ki 11 runga. (No te au tamariki a Hobarā i te taake o Mose ra taua tangata ra, ko Hebera ngati Keni ra, e kua akataka ke mai aia i te au ngati Keni ra, kua patia i tona puakapa i vaitaita i te au ale i Zaanaima i vaitaita i Kedes ra.) 12 E akakiteia aturā Sisera e, kua riro te tamaiti a Abinoama ra ko Baraka ki runga i te maunga ra ko Tabora. 13 Kua akaputuputu iorā Sisera i te au kariota katoa nona ra, e iva anere kariota auri, e te tangata ravarai i ona ra, mei Haroseta-goima mai, ki te kauvai 14 ra ko Kisona. Kua karanga aturā *Debora* kia Baraka, Ka tu, ko te rā oki teia e oronga mai ei a Iehova ia Sisera ki to rima na; kare aina kua riro anū Iehova na mua ia koe na? Kua eke iorā Baraka ki raro mei runga mai i taua maunga ra ko Tabora, e te aronga tangata okotai nguuru i te tausani i te 15 aru anga iaia ra. Eke iorā Sisera, e te au kariota katoa nona, ia Iehova, e te nuku katoa nona i taia ki te mata koke, ki mua i te aroaro o Baraka: eke iorā Sisera ki raro mei runga mai i tona 16 kariota, oro ua atura na raro. Arumaki atura rā Baraka i te au kariota, e te nuku ra, e tae ua atura ki Haroseta-goima; pou rava akera taua nuku o Sisera ra i te mata koke; kare rava akera tetai tangata i toe. 17 Karekū Sisera ra, ioro ua aia na raro, e tae atura ki te puakapa a te vaine a Hebera, ngati Keni ra, a Iaela; e au oki ta te ariki o Hazora ta Iabina, e te 18 ngutuare o Hebera ngati Keni ra. Aere aturā Iaela ki vao e aravei atura ia Sisera, e kua karanga atura kiaia, Ka tapae mai ana, e taku rangatira e, ka tapae mai ana i ko nei kiaku nei; auraka e matakū. E kua tapacatura aia 19 kiaia ra ki roto i te puakapa ra, e kua tapoki aia iaia i te kakau. Kua tuatua maira aia kiaia, O mai ana tetai manga vai naku e inu, kua kaki vai au. Kua kiriti akera aia i tetai ue n, kua akainu atura iaia, e kua 20 tapoki atura iaia. Kua tuatua maira aia kiaia, Tu ua ana koe i roto i te ngutupa o te puakapa nei; e kia aere mai te tangata e ui mai kia koe, e kia tuatua mai e, E tangata aina to ko na? e karanga atu koe; Kare. 21 Kua rave iora ra taua vaine a Hebera ra a Iaela i tetai titi puakapa ra, e rave atura i te amara i tona rima, aere itoro marie atura kiaia ra, kua patiti atura

i taua titi ra ki roto i te rairai nona ra, e mou rava atura ki raro i te one ra, kua tinainai oki aia i te moe, e kua roiroi; mate takiri rava akera aia. E 22 i na, te aruuru mairā Baraka ia Sisera, kua aere aturā Iaela ki yao e aravei atu iaia, e kua karanga atura kiaia. Kua aere mai, e naku e akakite kia koe i te tangata tiau e kimi na. E aere katoa maira aia ki roto i te puakapa nona ra, e i na, te vai ua rā Sisera, kua mate rava, e te titi katoa i roto i tona rairai ra.

Eke iora te ariki o Kanaana ko Iabina 23 i te Atua i taua rā ra ki mua i te aroaro o te tamariki a Iseraela ra. Manuia 24 atura te rima o te tamariki a Iseraela, e kua autu i te ariki o Kanaana ia Iabina, e pou rava akera taua ariki o Kanaana ra ko Iabina ia ratou.

PENE V.

Te pē a Debora raua ko Baraka i te ora anga o Iseraela.

KUA imene iorā Debora, e ko Ba- 1 raka te tamaiti a Abinoama, i taua rā ra, na ko akera,

E akameitaki ia Ichova, ko te au 2 arataki o Iseraela i arataki i te tamaki, e te au tangata oki, ko tei oronga ua ia ratou uorai. E akarongo mai kotou, e 3 te ui ariki e: ariu mai i to kotou taringa, e te ui kavana e! ka imene ana au, ko au nei rai, kia Ichova; ka imene au ki te Atua o Iseraela kia Ichova.

Ia koe i riro mai mei Seira mai, e 4 Ichova e, ia koe i aere mai mei te au kainga maira mei Edoma, kua ngaeue te enua, kua topata oki te au rangi, te au tumurangi oki, kua topata i te vai! Kua tā'e te maunga ki mua i te aroaro o Ichova; ko Sinai uorai ki mua i te aroaro o Ichova te Atua o Iseraela.

I te au rā o Samagara te tamaiti a 5 Anata ra, i te au rā o Iaela, kua noo ua te au ara, kua na te au mataara ngaro ra te tuitarere i te aere. Kua miea te au vila i Iseraela nei, kua miea, e kia tu maira au ra, ko Debora, kia tu maira au ei metua vaine i Iseraela nei. Kua rave ratou i te au atua ou: 6 tei te au ngutupa te tamaki i reira! te kitea ra aia te korare e te paruru e okotini iti ake i roto ia Iseraela e kutoa ngauru anga o te tausani i reira?

Te riro nei toku ngakau i te au 7 kavana i Iseraela nei, ko tei oronga ua mai ia ratou uorai i roto i te au tangata nei. E akameitaki kotou ia Ichova. Ko te aronga i akaoro i te au 8 asini teatea ra, ko tei noo i te akatau

anga tuatua ra, e te aronga i aere ua na 11 te arataa ra, ka tuatua na kotou. No te maeva o te aronga akainana kakao ra, i te va i te au ngai utuanga vai ra, kua tuatua ratou i te ravenga tuatua-tika a Ichova i reira, i tana ravenga tuatua-tika i te au vila i Iseraela ra: kua aere to Ichova tangata ki te au ngutupa o te oire i reira.

E ara, e ara, e Debora; e ara, e ara, e imenei te imene: ka tu, e Baraka, ka arataki i te aronga i akatuikaua e koe 12 ra ei tuika, e te tamaiti a Abino-ama e. Kua autu iaia te toenga i reira, 13 koia oki te au tangata, ki runga i te aronga ririnui, kua autu au ia Ichova ki 14 runga i te aronga toa uritumu. No roto ia Ephraïma te aronga i noo i te maunga ra i Amaleka; e i muri ake ia koe, ko Beniamina ia i rotapu i to au tangata ra; e aronga kavana tei aere 15 mai no ko ia Makira ra, e no ko ia Zebuluna te aronga i matau i te tata tuatua ra. Tei ia Debora taku ui mata- iapo i o Isakara ra, mei ia Isakara kola oki a Baraka; i tonokia aia ki raro ki te ngai mataataa ra ma te aronga i aru iaia. E eumiumi maata tei te au ta- 16 pere i o Reubena! Eaa koe i noo ua'i i roto i toou au koro puaka, akarongo ua'i i te aue o te au anana ra? e eumiumi maata tei te au tapere i o 17 Reubena ra. E ko Gileada, noo ua atura i tetai pae Ioridana ra; eaa oki Dana i noo ei i rotapu i te au pai? Noo ua atura Asera i taantai, e kua puakapa i roto i te au ava nona ra. 18 Ko Zebuluna raua ko Naphatali, ko nga tangata ia i akaruru i te mate, i te au ngai teitei i te kainga ra.

Kua aere maira te ui ariki, kua tamaki maira! kua tamaki mai te ui ariki o Kanaana, i Taanaka i te pae o te vai ra ko Megido; kare rava tetai 19 manga ario iti i riro ia ratou. I na te rangi mai te au etu i te tamaki! kua tamaki ratou ia Sisera i ratou aerenga. 20 Na te kauvai ra na Kisona ratou i tata'i e riro atura! taua kauvai taito ra, te kauvai ra ko Kisona! E taku vaerua e, e aronga mana tei takatakaua e koe 21 ra. Kua takatakai te maikuku o te au ipo i reira, i te akaoro pu ua anga o te aronga ririnui nona ra.

E katara kotou ia Meroza, te tuatua maira te Angela a Ichova, e katara pu tikai kotou i to reira, no te mea kare ratou i aere mai e tupae ia Ichova: e tupae-ia Ichova i taua aronga ririnui 22 ra.

Kia maata te meitaki o Iaela i te au vaine ra, te vaine na Hebera ngai

Keni ra, e maata aia i te meitaki i te
au vaine o te puakapa ra. Kua pati 25
aia i te vai, kua oronga atu aia i te u;
kua apai atu aia i te bata i roto i te
āriki meitaki ra. Kua opu toa rima 26
kau i te titi, e toa rima katanu i te
amara teiman; kua tutuki aia i Sisera,
ko te mimiti tana i tutuki; kua patiti
mama rava aia i toa rairai. Kua piko 27
aia i toa pae vaevae; kua topa aia ki
raro, kua moe, kua piko aia i toa pae
vaevae, kua tiraia ia aia; i te ngai i
piko ei aia ra, kua inga, ko te mate rava
anga rai ia. Kua akara te metua 28
vaine o Sisera na roto i te māramārama;
kua na roto aia i te ngutupa i te kapiki
anga, Eua ra te roa o toa kariota i te
aere anga mai e, eua ra toa au tipu
kariota i tavare ei e? Kua tuatua 29
akara te au o a vaine pakari nona ra,
kua tuatua oki aia kiaia uaorai, Kare 30
aina tei manuia ratou? kare ainei tei
tua akara ratou i te apinga? e kua
tataki tai ra e kua taki rua oki te
vaine i te tangata okotai? ta Sisera e
tuanga apinga tumatatini ia, e tuanga
apinga tumatatini i tuia ra, e tuanga
apinga tumatatini i tuia e rua katoa
pac, no runga i te kaki o tei nonia ra.
Kia pera te au enemi ravarai noou i 31
te mate, e Iehova e! Kareka te aronga
i inangaro iaia ra *kia riro i ratou* mei
te rā kia iti aia ma toa ririnui ra.
Noa u iora taua enua ra ma te au
e a akara ngauru anga o te mataiti ra.

PENE VI.

*Akuaia to Iseraela e to Midiana ra.
Te Angela a Iehova i te mama anga
mai kia Gideona, e tana tuatua kiaia.*

KUA rave iora te tamariki a Isera- 1
ela i te kino ki mua i te mata o
Iehova ra, e kua tuku aturū Iehova ia
ratou ki te rima o Midiana ka itu akara
mataiti. E ririnui maira te rima o 2
Midiana ia Iseraela; e no to Mi-
diana ra, kua ko iora te tamariki na
Iseraela i te pipini anga no ratou, e te au
ana, e te au punanga etae *e vai* ki runga
i te au maunga ra. E kua tanu iora 3
te ngati Iseraela i te kai, kua aere
mai to Midiana i reira, e to Amaleka,
e to te itinga o te rā ra, kua aere mai oki
ratou e tamaki ia ratou; E kua patia 4
ratou i te puakapa i vaitatao ia ratou, e
kua akapou tukiri rava i te kai o te
enua, e tac ua atura ia ki Gaza, kare
rava e mamoe, kare e bovi, kare e asini.
I aere mai oki ratou ki runga ma ta 5
ratou au puaka, e ta ratou au puakapa,

mei te akerride ratou i te maata i te
aere anga mai; kare oki ratou e ta ratou
au kamela e ope kia tatau ra: i aere
mai ratou ki runga i te enua e tairi-
6 poti rava. Putaia maata rava atu-
ra to Iseraela i to Midiana ra, kua
kapiki ra te tamariki a Iseraela kia Ie-
hova.
7 E tei te kapiki anga te tamariki a
Iseraela kia Iehova ra, i to Mi-
8 diana ra, Kua tono mairā Iehova i
tetai peroveta ki te tamariki a Iseraela
ra, ko tei tuatua mai kia ratou e, Te
na ko maira te Atua o Iseraela ra ko
Iehova, I arataki mai au ia kotou mei
Aiphiti maira, e kua aere mai kotou
iaku ki vao mai i te ngutuare i ao ei ra;
9 E kua akaara au ia kotou i te rima o to
Aiphiti, e te rima o te aronga ravarai i
takinga-kino mai ia kotou; e kua tuaru
au ia ratou ki mua ia kotou, e kua
oronga au i to ratou enua no kotou;
10 E kua karanga atu au kia kotou, Ko
au to kotou Atua ra ko Iehova; auraka
kotou e mataka i te au atua o te ngati
Amori, no ratou te enua ta kotou e noo
na: kare akenei ra kotou i akamako
mai i toku reo.
11 Kua aere maira te Angela a Iehova,
e kua noo iora ki raro ake i te ale i Ophe-
ra, i o Ioasa ngati Abiezera: tepāpa ra
tana tamaiti a Gideona i te sitona i te tao-
mianga vine ra, kia ngaro i to Mi-
12 diana ra. Kua mama maira te Angela
a Iehova kiaia, e kua tuatua maira kiaia,
Tei vaitatao a Iehova ia koe, e tenana
13 tangata ririnui e te maroiroi ra. Kua
karanga aturū Gideona kiaia, E taku
atu e, tei vaitatū Iehova ia matou ra,
eua matou i rokoia mai ei i teianei au
mea katoa? teia oki te au ravenga
taka ke katoa nana ta to matou ai me-
tua i akakite mai kia matou nei, i te na
ko anga e, Kare ainei Iehova i arataki
mai ia tatou mei Aiphiti mai? i teianei
ra, kua akaruke mai a Iehova ia
matou, e kua tuku ia matou ki te rima
14 o Midiana. Kua akara mairā Iehova
iaia, e kua tuatua maira, Ka aere
ma tenana maroiroi noou na, e naau
e akaara ia Iseraela i te rima o Mi-
diana: kare aina naku koe i tono?
15 Kua karanga atura aia kiaia, E taku
Atu e, e akapeca e ora i Iseraela iaku?
I na, e kopu-tangata akaaka toku ia
Manase nei, e ko au tei iti rava i te
16 kopu-tangata o toku metua. Kua
tuatua mairā Iehova kiaia, Ei vai-
tata tikai au ia koe, e naau e ta i to
Midiana, mei te mea e tangata okotai
nei. Kua karanga atura aia kiaia,
17 Kua kite aroaia mai au e koe, i teianei

ra e akakite mai koe i tetai akairo *kia kite au* e, koai koe e tuatua mai iaku nei. Auraka koe e aere ke, e kia oki mai au *kia koe nei*, *kia apai mai au i taku nei mineka*, e tuku ki mua i to aroaro na. Kua tuatua maira aia, Ka noo rai au e kia oki akaou mai koe.

Kua aere iorā Gideona ki roto, kua 19 tunu iora i tetai punua puaka-nio, e tetai epha faraoa ei areto akaopue kore; kua tuku iora i te puaka ki roto i te kete, e kua tuku i te vai puaka ki roto i tetai kapu, kua apai atura *kiaia i raro ake i taua ale ra*, kua tuku atura *kiaia*.

Kua tuatua maira te Angela a te Atua 20 *kiaia*, Ka rave mai i te puaka e nga areto akaopue kore nei, e tuku ki runga i teianei mato, ka riringi ei i te vai puaka. E kua pera oki aia.

Kua akatika iora te Angela a Iehova i te 21 rakau i tona rima, kua akatukia maira i te kauru *rakau* i taua puaka ra e nga areto akaopue kore ra; e kua puroro maira te ai no roto i taua mato ra, pou rava akera te puaka e nga areto akaopue kore ra: ngaro atura taua Angela a Iehova ra, kare atura aia i kite.

Kite akerū Gideona e, ko te 22 Angela ia na Iehova, e kua tuatua akerū Gideona, Aue, e te Atua, e Iehova e! ko au i kite i te Angela a Iehova, toku mata e tona mata. Kua 23 tuatua mairū Iehova *kiaia*, *Kia ora koe; auraka e matakū; kare koe e mate*. Kua patu iorā Gideona i tetai atarau 24 na Iehova i reira, tapa iora i te reira, Ko Iehova-saloma, e te vai ua ra i teianei rā i Ophera i o te ngati Abiezera ra.

Taua po ra oki ta Iehova tuatua 25 anga mai *kiaia* e, Ka rave koe i te bovi ou, tetai oki o te bovi mataiti itu, a to metua ra, e akangaangaa i te atarau a Baala ki raro, te *atarau* a to metua ra, ka tipu ei i te vaorakau i vaitatao: Ka patu ei koe i tetai atarau na te Atua ra na Iehova ki rungao i teianei mato, mei tei akonoia ra, ka rave ei i te rua o te bovi ra, e apai mai ei tusia karakaratio, e te rakau o te vaorakau tauu e tipu ra *ei vaie*. Kua 27 iki iorū Gideona i nga tangata tino ngauru no roto i te au tavini noma ra, kua rave iora aia i ta Iehova i tuatua mai *kiaia* ra: e no te mea te matakū ra aia i te ngutuare o tona metua, e te au tangata o te oire, kare akera e tika *kia rave i te ao*, kua rave atura i te po.

E kia itirere akera te au tangata o 28 te oire i te popongi akirata ra, i na, kua ngangaa te atarau a Baala tei raro, e kua tipua te vaorakau i vaitatao ra,

e kua apaiia te raa o te bovi ki rungao 29 i te atarau a akatuaia ra. Kua tuatua iora ratou ratou uorai, Naai ra teia i rave? Kua kimi iora ratou, kua ui aere, kua tuatua akera etai, Na Gideona te tamaiti a Ioasa teia i rave.

30 Kua tuatua maira te au tangata o te oire *kia Ioasa*, O mai ana to tamaiti *kia mate aia*, no te mea kua akangaangaa aia i te atarau a Baala; e kua tipu aia i te vaorakau i vaitatao ra.

31 Kua karanga aturū Ioasa ki taua aronga katoa i tu mai ki mua iaia ra, Na kotou e akatika ia Baala? Ka akaora kotou iaia? ko te akatika iaia ka mate rai aia *kia ao*: e atua aia ra, nana rai e akatika iaia uorai, i te mea,

32 kua akangaangaaia tana atarau. Tapaia iora aia i Ierubala i taua rā ra, *tona metua* i karanga ra e, Na Baala e akatika iaia uorai i taua *tangata* ra, koia i akangaangaa i tana atarau.

33 Kua akaputuputu iora to Midiana ravarai, e to Amaleka katoa, e to te itinga o te rā katoa ra i reira, e kua aere iora i tetai pae, e kua patia iora i te puakapa i te o ra ko Iezereela.

34 Kua uru maira te Vacrui o Iehova ia Gideona, e kua akatangia iora aia i te pu; e kua akaputuputu maira to

35 Abiezera *kiaia* ra. Kua tono atura aia i te au karere i o Munase katoa ra, e kua akaputuputu katoa mai ratou *kiaia* ra: e kua tono aia i te karere ki o Asera, e ki o Zebuluna, e ki o Naphatali; e kua aere maira ratou e aravei ia ratou ra.

36 Kua karanga aturū Gideona ki te Atua, E akaora tika koe ia Isarnela i toku nei rima, mei tauu oki i tuatua

37 maira, I na, ka tuku au i te uru mamoc ki runga i te alona nei, e *kia akara au* e, e au to runga i te uru anake ra, e te marō ua ra te ono e pini ua ake, ka kite ia au i reira e, ka akaora koe ia Isarnela i toku nei rima, mei tauu oki i tuatua maira.

38 E koia tika atura oki; e ao akera oki, kua tu akera aia ki runga i te popongi akirata, kua kukumu iora i taua uru ra, kua tatau iora e ki rava akera tetai kapu

39 i te vai no roto i taua uru ra. Kua karanga aturū Gideona ki te Atua, Auraka e maata mai to riri iaku nei, taku ia tuatua *kia koe*, okotai aku tuatua anga toe; okotai aku timata anga toe i te uru nei: *kia marō te uru*, e ei runga i te ono te au e pini ua ake. Kua pera oki te Atua i taua po ra, ko te uru anake ra oki tei marō; e e au anake to runga i te ono e pini ua ake.

PENE VII.

*Te nuku o Gideona i te akuiti angaia ra :
te moe a te ngati Midiana ; e ta Gideona
ravenga i eketumu ei te enemī ra.*

KUA tu akerā Ierubaala, kōiū 1
Gideona, e te tangata ravarai i
vaitata iaia ra, i te popongi akirata, e
kua patia iora i te puakapa i vaitata
i Ene-Haroda; tei te pae i apato-
kerau iaia te nuku Midiana i te pae
maunga ra ko More, i te o ra. Kua
tuatua mairā Iehova kia Gideona,
E maata rava tenana au tangata ia
koe na, kia oronga au i to Midiana i
to ratou rima, ko te nengonengo aea
Iseraela ki mua iaku, ko te tuatua aea
e, I ora au i toku uarai rima. E te-
nana, teia taku tuatua, e tutu atu kia
akarongo mai te au tangata ra, e ka-
ranga atu, Ko tei matakū ra, ko tei
ngarangara ra, ka oki aia ka aere i
tenana, mei te maunga atu nei ko
Gileada. Kua oki atura e rua ia ngauru
e rua ara i te tausani no roto i taua
aronga ra, toe iora okotai ngauru i te
tausani. Kua tuatua mairā Iehova
kia Gideona, E maata rava rai tenana
au tangata : e arataki mai koe ia ratou
ki te pae vai nei, e naku e timata ia ra-
tou i reira, kia kite koe : e taku e ka-
ranga atu kia koe e, E aere katoa teia,
e aere katoa ia te reira; e taku e ka-
ranga atu kia koe e, Auraka teia e tac
katoa, auraka te reira e tac. Kua ara-
taki atura aia i te au tangata ki raro
ki te vai ra, kua tuatua mairā Iehova
kia Gideona, Ko te tangata katoa e miti
ua i te vai ki tona arero ra, mei te
puaka-aoa e miti ra, e akataka ke koe
i te reira; e te au tangata ravarai e
tuku i te turi ki raro ka inu ei. E
taua aronga i miti ua ra *tei āu ua ra te
vai* ki te rima *ka topiri ei* ki te vaa, e
toru ia anere, kareka tetai pae katoa o
taua aronga tangata ra, kua tuku ia
nga turi ki raro inu ei i taua vai ra.
Kua tuatua mairā Iehova kia Gideona,
Ka akaora au ia kotou i te au tangata
e toru anere i miti ua i *te vai ra*, e
e tuku oki au i to Midiana ki toou
rima : e *tetai papaki* tangata ravarai,
ka tuku ia kia aere ua ana ratou ki
tona ngai, ki tona ngai. Kua rave iora
te au tangata i te kai i to ratou rima, e
to ratou au pu; taua aronga tangata
o toru anere anake ra tana i tāpu ra :
tuku atura ra i *tetai papaki* Iseraela
katoa kia aere ua ana te tangata
katoa ki to ratou au puakapa ra. Tei
raro o iaia te nuku Midiana, tei te o.

- 9 Kua tuatua mairā Iehova kiaia i taua
po ra, Ka tu, ka aere koe ki taua puakapa
ra : kua orongaia ia e au ki to rima.
10 E te matakū ra koe kia aere ki raro *ma te
tangata katoa*, e aere ua ko koe ra, e to
tavini ra ko Phura, ki taua puakapa
ra. E ka akarongo koe i ta ratou tuatua;
e muri ake ka maroiroi ia to rima
kia aere *ma te tangata katoa* ki taua
puakapa ra. Aere atura aia ki raro
i reira, raua ko tona tavini ra ko Phura,
ki te pae *puakapa* o te au tangata
tamaki, ki te pae o taua puakapa
12 ra. Te tarava ua ra to Midiana e
to Amaleka e to te itinga o te rā
katoa i taua o ra, mei te akeride ra te
maata; e ta ratou au kamela kare e
ope kia tatau, mei te one taatai ra te
13 maata. E tac aturā Gideona i reira,
e i na, te akakite ra tetai tangata ki
tetai i tana rikamoe, te tuatua ra, I na,
e moe taku, e i na, kua taka mai tetai
areto kerite ki roto i te nuku
Midiana nei, aere ua maira ki tetai
puakapa, kua pa iora, e topa iora ki
raro, kua tatipoki akerā, e tarava ua
iora taua puakapa ra ki raro i *te one*.
14 Kua tuatua akerā tetai, na ko iora, Ko
te koke te reira a Gideona, a te tamaiti
a Ioasa ra, e tangata Iseraela; kua oronga
te Atua i to Midiana, e te nuku
katoa nei, ki tona rima.
15 E akarongo akerā Gideona i taua
moe ra i te akakite angaia, e te arite
anga, kua akamori aia i *te Atua*, e kua
oki maira ki te nuku o Iseraela, kua
tuatua maira, Ka tu; kua tuku mai
oki a Iehova i te nuku Midiana ki
16 to kotou rima. Kua akataka iora
aia i te au tangata e toru anere ra, kia
toru takanava, kua tuku iora i te pu ki
te rima o te tangata katoa e pini ua
ake, e te kapu, e te lamapa ki roto i
17 taua au kapu ra. E kua karanga atura
aia kia ratou, E akara mai iaku, ka
pera katoa i; e i na, kia tae au ki te
pae o taua puakapa ra, mei taku e
18 rave ra, e pera katoa kotou. E kia
akatangi au e toku *takanava* katoa ra
i te pu ra, e akatangi katoa kotou i te
pu e pini ua ake taua puakapa katoa
ra, ka karanga atu ei e, *Ko te koke* a
Iehova, e ta Gideona.
19 Kua tac aturā Gideona e te au tangata
okotai anere iaia ra, ki te pae o
taua puakapa ra, i te araanga i rotou;
kua tuku ouia iora te au tiaki e ratou;
kua akatangi iora ratou i te au pu, e
kua akangaanga iora i te au kapu i
20 to ratou au rima. E kua akatangi
nga takanava ravarai e toru i te au pu,
e kua akangaanga i te au kapu, e kua

mou iora i te au lamepa i to ratou
rima kaui, e na to ratou rima katau i
mou i te au pu e akatangini anga; e
kua kapiki atura ratou, Ko te koke a
Iehova, e ta Gideon. Kua tu ua iora 21
ratou ravara, i tona ngai i tona ngai,
e pini ua ake taua puakapa ra. Rapu
ua iora taua nuku katao ra; e kua
aue ua iora, e ati ua atura. Kua aka- 22
tangi iora oki ratou i te pu e toru
anero ra, e kua akaariu a Iehova i te
koke a te tangata ravara ki runga ia
ratou uarai, e pini ua ake taua nuku
katao ra; e oro atura taua nuku ra ki
Bete-sita i Zerera, e tae atura *oki* ki
te pae i Abela-mehola i vaiata i Ta-
bata. Kua akaputuputua iora to Ise- 23
raela no ko ia Naphatali, e no ko
ia Asera, e no ko ia Manase katao
ra, e kua arumaki atura i to Mi-
diana.

Kua unga aturā Gideona i te ka- 24
rere e piui ua ake te maunga ra ko
Epheraima, e karanga atu e, E aere
mai, ka tamaki i to Midiana, kia
rauka ia kotou te vai ki mua ia ra-
toun, e tae ua atu ki Bete-bara, koi
oki i Ioridana. Kua akaputupu 25
anake iora to Epheraima katoa ra,
kua rauka iora nga vai ra, ko Bete-
bara e Ioridana. E kua rauka iora 26
ia ratou nga ariki Midiana toko
rua, ko Oreba e ko Zeeba; e kua
ta iora ratou ia Oreba ki runga i te
mato i Oreba, e kua ta ratou ia Zeeba
i te taomiana vine i Zeeba ra; e kua
arumaki atura i to Midiana, e kua
apai maira i nga mimiti o Oreba e
Zeeba kia Gideona ra i tetahi pae Iori-
dana ra.

PENE VIII.

Te riri o te ngati Ephraïma i te akapapa angaia : te autu anga o Gidon i tona au enemi : te ephoda i angaia e ia : tona matenga ; e to Iseracla oki akaou anga ki te akamori idolo.

KUA tuatua maira to Epheraima 1
kiaia, Eaa koe i pera i ia matou,
i kore e i koe i tiki mai ia matou, ia
koe i nere e tamaki i to Midiana
ra? Kua akamura rava maira ratou
iaia. Kua karanga atura ra ia kia
ratou, Eaa taku puapunga i rave nei
i ta kotou? kare aina te meitaki maata
to te toenga vine a Epheraima i te
vine akaa a Abiezera? Kua tuku 3
mai te Atua i nga ariki Midiana ia
Oreba raua ko Zeeba ki to kotou rima;
aka oki taku puapunga iti i rauka i ta
kotou na? Atua iora to ratou riri iaia,

2-13

kia karangaia atu e ia te reira tuatua.

4 Tae aturā Gideonā ki Ioridana, e kua aere atura ki tetai pae, koia e te au tangata e toru anere iaia ra, kua potopoto rai te a'o, te arumaki ua ra. Kua karanga atura aia ki te au tangata no Sukota, Teia taku tuatua kia hotou, ka o mai ana etai puke areto na te au tangata e aru mai iaku nei; kua roiroi oki ratou, e te arumaki nei au i ngā ariki Midiana, ia Zeba raua ko Zalāmuna.

6 Kua tuatua maira te aronga mamaata o Sukota ra, Tei to rima aina oki ngā rima o Zeba raua ko Zalāmuna i tenana, ka oronga atu eimatou i te kai ki te nuku noou ra?

7 Kua karanga aturā Gideonā, I tenana, kia tukua mai a Zeba e Zalāmuna e Ichova ki toku rima nei, ka motumotu ei to kotou kopapa i te tātaramoa, e te rakau taratara o te medebara nei,

8 iaku. E mei reira oki aere atura aia ki runga ki Penueia, e kua pera katoa atu aia i te tuatua anga kia ratou; e kua tuatua maira te au tangata o Penueia kiaia, mei ta te au tangata o

9 Sukota i tuatua maira. Kua karanga atura oki aia ki te au tangata no Penueia, na ko atura, Kia tae akaou mai au ma te au ra, ka ngaangaa roa tei anu punanga iaku.

10 Tei Karakorū Zeba raua ko Zalāmuna, e te au nuku katoa no raua ra, kua tae paa ki te okotai ngauru na rima i te tausani, e toenga anake no te nuku katoa no to te itinga o te rā ra: okotai anere e rua ngauru i te tausani o te tangata i inga, ko tei unui i te koke ra.

11 E aere aturū Gideonā na roto i te aronga i noo i te au puakapa ra, i na Noba e na Iogebea, i te pae i te itinga o te rā; taia iora taua nuku ra, te noo ponuiaua ua ra oki taua nuku ra. E

12 kia ati a Zeba e Zalāmuna, kua aruaru atura aia ia raua, e rauka atura ana ngā ariki o Midiana ra, ko Zeba raua ko Zalāmuna; e eketumu atura taua nuku katoa ra.

13 Kua oki mairū Gideona te tamaiti
a Ioana mei te tamaki mai, mei te
14 ngā teitei na Heresa mai. E rauka
iora tetāi tangata ou no te au tangata i
Sukota ra, e kua ui atura kiaia: e kua
akakite maira aia kiaia i te tu o te arō-
nga mānaua i Sukota ra, e te arōnga
pakari i reira, e itu ngauru e itu ara i
15 te tangata. Kua aere maira aia ki taua
arōnga tangata i Sukota ra, e kua tua-
tuā maira, I na, ia Zeba e ia Zalamuna,
i tu kotou i aviri mai iaku ra, *ta kotou*
i tuatua maira e, Tei to rima aia oki
nga rima o Zeba raua ko Zalamuna i

tenana, ka oronga atu ei matou i te kai na to au tangata e roiroi na? Kua rave 16 iora aia i te aronga pakari no taua oire ra, e te tataramoa, e te rakau taratara o te medebara ra, e kua ako iora aia i to Sukota ki te reira. E kua vava'i iora aia 17 i te punanga i Penuela ki raro, e kua tamate rave i te au tangata no taua oire ra.

Kua karanga atura aia kia Zeba raua 18 ko Zalamuna, Eaa te tu o nga tangata ta korua i ta i Tabora ra? Kua tuatua maira raua, Mei ia koe katoa ratou te tu, mei te tamariki a te ariki anake ia. Kua karanga atura aia, E taeake 19 anake ia noku, na toku metua vaine i anau; te ora ra Iehova, kare korua e mate iaku, naringa korua i akaora ia ratou. Kua karanga atura aia ki tana tama 20 mua ra kia Ietera, Ka tu, ka ta ia raua. Kare akera taua tamaiti ra i unui i tana koke, te mataku ra oki aia, e tamaiti ou oki aia. Kua tuatua maira 21 Zeba raua ko Zalamuna, Ko koe te tu mai, e ta ia maua; e tau oki to te tangata maroiroi ki tona pakari. E kua tu akera Gideona, kua ta iora ia Zeba raua ko Zalamuna; e kua rave iora i te apinga akamana e runga i te kaki o ta raua puke kamela.

Kua tuatua maira te au tangata no 22 Iseraela i reira kia Gideona, Ii runga roao koe ia matou, ko koe e to tamaiti, e te tamaiti katoa a to tamaiti ra; kua akaora io nei oki koe ia matou i te rima o Midiana. Kua karanga atura Gi- 23 deona kia ratou, Auraka au ei rungao ia kotou, e auraka katoa taku tamaiti ei tutara ki rungao ia kotou; ko Iehova te tutara ki rungao ia kotou. E kua 24 karanga atura Gideona kia ratou, Okotai ua aku mea e pati atu ia kotou, ki oronga mai kotou ravarai e pini ua ake i te au poe i rauka ia kotou i te noni nei; o poe auro oki to ratou, e ngati Isemaela oki ratou. Kua tuatua maira 25 ratou, Ka oronga ua ia matou i te reira. Kua oora iora ratou i tetai kakau, e kua tuku anake iora te tangata i te poe ki roto, tanao, tanao, i tei rauka iaia i te noni ra. E te aiteanga o taua au poe auro tana i pati ra, okotai ia tausani e 26 itu anere i te sekela auro; ka taka ke atu ei te apinga akamana, e te ei, e te kakau kerekere i runga i nga ariki o Midiana ra, e nga pirianganaoa i runga i te kaki o nga kamela a raua ra. Kua 27 anga iora Gideona i tetai ephloda i tana auro ra, e kua tuku iora ki roto i tona uaoari oire i Ophera; tatipake atura Iseraela ravarai, aere atura i reira ki taua mea ra: riro atura taua mea ra ei mauu no Gideona, e tona ra ngutuare.

28 Vi rava akera Midiana i mua i te aroaro o te tamariki a Iseraela ra, kare atura ratou i upokotu akaou: au iora te enua i te tuatau ia Gideona e a akera ngauru anga i te mataiti.

29 Kua aere iora Ierubaala, te tamaiti a Ioasa, noo iora i tona uaoari ngutuare.

30 E itu ngauru anga a Gideona tamariki tamaroa, nana uaoari i anau; e manga-

31 nui oki tana vaine. E tamaiti oki tana i anau i te palake nana i noo i Sekema ra, ko Abimeleka tona ingoa tana i tapa.

32 Mate ruaine roa Gideona, te tamaiti a Ioasa ra, e tanumia iora ki roto i te menema o tona metua tane ra ko Ioasa i Ophera, i o te ngati Abieзера ra.

33 E mate atura Gideona, tatipake akaou atura te tamariki a Iseraela i te aru anga i te au Baala, e kua akariro atura

34 ia Baala-berita ei atua no ratou. Kare akera te tamariki a Iseraela i manako i to ratou Atua ia Iehova, ko tei akaora ia ratou i te rima o to ratou katoa au

35 enemi e pini ua ake. Kare katoa oki ratou i takinga-meitaki i te ngutuare o Ierubaala ra, ko Gideona, i te au takinga-meitaki katoa tana i akakite atu kia Iseraela ra.

PENE IX.

Te tainga angaia o te au tamariki ravarai a Gideona e Abimeleka, mairi ra ko Iotama: te parabol a Iotama: te tamaki o Abimeleka e to Sekema. To Abimeleka matenga, e te tupu anga o te tuatua a Iotama.

1 **A**ERE atura oki a Abimeleka, te tamaiti a Ierubaala, ki Sekema ki te au kopu-tangata o tona metua vaine ra, e kua karangaranga aia kia ratou, e te kopu-tangata katoa ra i te ngutuare o te metua tane o tona metua vaine ra, na ko atura, Teia taku tuatua kia kotou, e tuatua ana kotou ki te au tangata katoa i Sekema nei, kia kite ratou, E ko tera ainei te mea e meitaki ei kotou, ko te tamariki ravarai e itu ngauru a Ierubaala, ko te tutara ia ki rungao ia kotou, e ci tutara tangata okotai aina ki rungao ia kotou? E akamaarara oki kotou e, no to kotou ivi au nei, e to kotou

3 kiko. Kua karanga atura te kopu-tangata o tona metua vaine iaia ki mua i te au tangata katoa i Sekema, i taua au tuatua ravarai ra; riro maira to ratou ngakau kia aru ia Abimeleka; kua tuatua akera oki ratou, Ko to tatou ia

4 taeake. Kua apai maira ratou e itu ngauru moni ario nana no roto i te are o Baala-berita, e kua ou atura Abimeleka i te tangata kanga tarevakaua i

taua ario ra, ko tei aru mai ia iaia ra. Aere atura aia ki te ngutuare o tona metua tane i Ophera, kua ta iora i tona ai tacake i te au tamariki a Ierubaala, e itu ngauru i te tangata, ki runga i te toka okotai ra; toe iora te tamaiti openga a Ierubaala ko Iotama, pipini atura oki aia. Kua akaputupu katoa maira te au tangata katoa i Sekema ra, e to te ngutuare o Milo katoa ra, e aere atura, kua akaariki ia Abimeleka, i te ale e tu i Sekema ra.

E kia akakite atu ratou kia Iotama i te reira tuatua, aere atura aia ki runga i te maunga ra, ko Gerizima, tu iora, e kua akateitei maira i tona reo, kua kapiki maira, tuatua maira kia ratou, E akarongo mai kiaku, e te au tangata no Sekema nei, kia akarongo mai oki te Atua kia kotou na. Aere atura te rakau e akatainu i tetai ariki ki runga ia ratou, e kua karanga atura ratou ki te rakau ra ki te olive, Ei ariki koe ki runga ia matou. Kua tuatua maira ra taua rakau olive ra kia ratou, Ka akaruke oki au i toku nei inu, e akangateitei ei te Atua e te tangata katoa, ka aere ei ei takirikiri ki runga i te au rakau ra? Kua karanga atura te au rakau ki te suke ra, E aere mai koe, ei ariki ki runga ia matou. Kua tuatua maira ra te suke kia ratou, Ka akaruke oki au i toku nei venevene, e te au meitaki rava nei, ka aere atu ei ei takirikiri ki runga i te au rakau ra? Kua karanga atura te au rakau ki te vine, E aere mai koe, ei ariki ki runga ia matou. E kua tuatua maira te vine kia ratou, Ka akaruke oki au i toku nei wina, e mareka i te Atua e te tangata, ka aere atu ei ei takirikiri ki runga i te au rakau ra? Kua karanga atura te au rakau katoa ki te tataramoa, E aere mai koe, ei ariki ki runga ia matou. Kua tuatua maira taua tataramoa ra ki te au rakau ra, E akatainu tikai ta kotou iaku ei ariki ki runga ia kotou na, e aere mai ki roto i toku nei maru akaruru ei; e kare ra, kia puroro atu te ai no roto i te tataramoa, e kia pou atu te au arezi i Lebanona ra. E tenana, e mea tau, e e mea tika tikai ta kotou i rave io nei i te akaariki anga ia Abimeleka, e kua takinga-meitaki kotou ia Ierubaala e tona ngutuare, e kua rave kotou i tei tau ki ta tona rima i rave ra; (Kua tamaki oki toku metua i ta kotou tamaki, e kua akaruru aia i tona mate, e kua akaora aia ia kotou i te rima o Midiuna: Kua tu ra kotou ki runga i teianci ra, e tamaki i te are o toku metua, e kua ta kotou i tana au

tamariki, e itu katoa ngauru anga i te tangata, ki runga i te toka okotai, e kua akaariki io nei i te tamaiti a tona tavini vaine, ia Abimeleka, ei ariki ki runga io to Sekema, no te mea no to kotou i kopu-tangata aia;) E ravenga tau e te tika ta kotou ia Ierubaala e tona ngutuare i teianci ra, ka rekareka kotou ia Abimeleka, ka rekareka oki aia ia kotou: E kare ra, kia puroro atu te ai no roto ia Abimeleka, kia pou atu te au tangata no Sekema, e to te ngutuare no Milo; e kia puroro mai oki te ai no roto i te au tangata o Sekema, e te ngutuare o Milo, kia pou a Abimeleka. Eoro viviki aturu Iotama, aere atura ki Beera, i tona tacake ia Abimeleka, noo atura i reira. E ka toru akera o Abimeleka mataiti i te ariki anga i Iseraela ra, Kua tuku iora te Atua i te vauerua tau kore i roto ia Abimeleka, e te au tangata o Sekema ra: kua take ua iora to Sekema i ta ratou tuatua ia Abimeleka; Kia tuta-kia te takinga-kino i te au tamariki a Ierubaala e itu ngauru ra, e kia iri to ratou toto ki runga i to ratou taeake ia Abimeleka, tei ta ia ratou, e ki runga katoa i te au tangata o Sekema, ko tei tauturu mai iaia i te tainga i taua au tacake nona ra. Kua tuku iora to Sekema i te aronga moeta-papa iaia ki runga i te au take maunga; e kua aoratu i te au tangata ravarai i na taua ara ia ratou ra te aere: e akakiteia iora Abimeleka. Kua aere mairi Gaala te tamaiti a Ebede e tona ai taeake katoa, aere atura ki Sekema; e kua irinaki te au tangata o Sekema kiaia. Aere atura ratou ki vao ki te au kainga ra, kua akiaki maira i te vine i to ratou au kainga vine ra, e kua takatakai i te vine; e kua akarekareka ratou, e kua aere ki roto i te are o to ratou atua, e kua kaikai, e kua inu i te wina, e kua tau-naua oki ia Abimeleka. Kua tuatua akeru Gaala te tamaiti a Ebede ra, Koai a Abimeleka, koai oki a Sekema ka akarongo atu ei tatou iaia? Kare ainei aia te tamaiti a Ierubaala, e ko Zebula, tona tavini? e tavini kotou i te au tangata o te metua o Sekema ra ko Hamora; eaa ra oki tatou e tavini atu ei iaia? Naringa teia aronga i raro ake i toku rima e! kare e mamia kua taka ke a Abimeleka iaku. Kua tuatua iora aia kia Abimeleka, E akamaata ana i toou ra nuku, e aere mai ki vao. E kite akera te kavana o te oire ra ko Zebula i taua tuatua a te tamaiti a Ebede ra ko Gaala, riri rava akera iaia. E kua unga pikikaa atura aia i te karere kia Abimeleka, karanga atura,

I na, te tamaiti a Ebeda ra ko Gaala, e tona ai taake katoa, tei Sekema mai nei; e i na te akau punanga nei ratou i taua oire nei ia koe. E tenana, ka tu 32 koe ki runga i te po, ko koe e te au tangata katoa i o ou na, ka moeta-papa'i i roto i te ngangaere; Ka tu ei 33 koe ki runga i te popongi akirata, i te iti anga o te ra ra, ka oro viviki mai ei e tamaki i te oire nei; e i na, kia aere aia, e te au tangata katoa i ona ra, ki vao e tamaki ia koe ra, ka rave koe ia ratou i tei tika ia koe ra.

Kua tu akeru Abimeleka ki runga e 34 te au tangata katoa i ona ra i te po, e kua tuku iora i te au moetapapa ia Sekema e a katoa takanava. E aere 35 aturu Gaala te tamaiti a Ebeda ki vao, tu ua iora i te tomoanga ngutupa o te oire ra; kua tu akeru Abimeleka, e te au tangata i ona ra ki runga i taua moetapapa anga ra. E kite akeru 36 Gaala i taua au tangata ra, kua tuatua akera aia kia Zebula, I na, e tangata anake te eke maira ki raro mei runga mai i te au take maunga. Kua karanga aturu Zebula kiaia, E maru maunga ia taua e akara ana mei te tangata *te tu*. Kua tuatua akaou mairu Gaala, na ko 37 maira, I na, e tangata anake te eke maira mei runga mai i te au ngai teitei o te enua ra, e te aere maira oki te takanava okotai na te pae ale i Meonenima, Kua karanga aturu Zebula kiaia i reira, 38 Teiea iora te tuatua aau ra, taua i tuatua ra e, Koai a Abimeleka i akariroia'i tatou ei no nona? Kare ainei ko taua aranga taua i akavaavaa ra i tera ake? e tenana, teia taku tuatua kia koe, e aere koe kia ratou e tamaki atu. Aere 39 aturu Gaala ki vao na mua i te au tangata o Sekema, kua tamaki atura ia Abimeleka. Kua arumaki mairu Abimeleka iaia, e ati maira aia ki mua iaia ra, e manganui te mate e te putaputa, e tae rava maira ki te tomoanga ngutupa ra. Noo iora Abimeleka i Aruma, 41 e kua tuaru aturu Zebula ia Gaala ki vao e tona ai taake katoa ra, auraka ratou e noo i Sekema.

E popongi akera kua aere anake ra 42 te au tangata ki vao i te ngai atea; e kua akakitia aturu Abimeleka. Kua rave iora kua akataka iora aia i te au tangata e toru takanava, kua moetapapa iora i roto i te ngangaere; kia kite aia, e i na, kua aere mairai te tangata ki vao mei roto mairai i te oire; kua tu akera aia ki runga, e kua ta ia ratou. Kua oro viviki iora Abimeleka e tona 44 katoa takanava tangata na mua, e kua tu na iora i te ngutupa i te tomoanga i

roto i te oire; kua oro iora nga takanava *toe* e rua ra ki taua aranga ravarai i vao ra, e kua ta ia ratou. Kua tamaki 45 aturu Abimeleka i te oire e po ua atura taua ra ra; e rauka iora taua oire ra iaia, e kua ta iora i te au tangata i roto ra: e akangaangaa atura oki i te oire ki raro, e kua ruru atura oki ki te tai.

46 E kite akera te au tangata katoa o te punanga i Sekema i *te reira*, oro atura ratou ki roto i te akapunga i te are o 47 te atura ra ko Berita. E akakiteia aturu Abimeleka e, kua uipa te au tangata ravarai no te punanga i Sekema. 48 E aere aturu Abimeleka ki runga i te maunga ra, ko Zalemoma, koia e te au tangata katoa ki ona ra; kua rave iora Abimeleka i tetai tapae i tona rima, e kua tipu iora i tetai rara rakau, e kua rave iora, kua tuku ki runga i tona pakuivi, kua karanga atura ki te au tangata ki ona ra, Te kite maira kotou i tei raveia e au nei, kia vave e akapera 49 katoa. E kua tipu atura oki te tangata katoa e pini ua ake i tana rara rakau, e kua aru maira ia Abimeleka; kua topiri iora ki taua punanga ra, e kua tutungi i taua punanga ra ki te aia i te reira; mate iora te au tangata katoa no taua punanga i Sekema ra: kua tae paa ki te tausani i te tane e te vaine katoa oki.

50 Aere aturu Abimeleka ki Tebeza, e patia iora i te puakapa i Tebeza, e kua 51 rauka iora. E punanga etaeta ra tei roto i taua oire ra, e oro atura te au tane e te au vaine katoa i reira, te taua oire katoatoa ra oki e ope rava akera, e kua tamou iora ratou i *te tomoanga* i muri ia ratou, e kua aere atura ratou 52 ki rungao i taua punanga ra. Kua aere mairu Abimeleka, kua tamaki maira i taua punanga ra; e kua aere iora aia ki te ngutupa o taua punanga 53 ra, e tutungi ki te ai. Kua titiri iora tetai vaine i tetai manga toka mulo ki runga i te mimiti o Abimeleka; ngaa- 54 ngaa iora tona katu. Kua tuatua viviki atura aia ki te tangata ou apai taoonga *tamaki* nana ra, na ko atura kiaia, Ka unui te koke aau, e ta mai iaku, kia kore te tangata e tuatua iaku e, Na tetai vaine aia i ta. Kua ko 55 mama ravao ra taua tangata ou nona ra iaia, mate rava akera aia. E kia akara iora to Isaraela ia Abimeleka e kua mate, aere atura te tangata ravarai ki tona uorai ngai.

56 Kua tutakina iora e Ichova te taki-ngakino o Abimeleka, tana i ravei tona metua tane, koia i ta i te au taake nona uorai e itu katoa ngauru anga;

E te au ravenga kino katoa a te au tangata o Sekemara, i akairia ia e Iehova ki runga i to ratou uaoari mimiti: e kua iri mai te katara a Iotama, te tamaiti a Ierubaala, ki runga ia ratou ra.

PENE X.

Iseraela i te akaao akaou angaia e te Philiseti, ma te ngati Amona.

E MURI ake ia Abimeleka kua tupu akera Tola, te tamaiti a Pua, te tamaiti a Dodo, i te tangata Isakara ra, ei akaora ia Iseraela; e noo aia i Samira, i te maunga ra ko Ephraïma. E nana i akatikia ia Iseraela e rua akera ngauru e toru ara i te mataiti, mate iora aia, e tanumia atura i Samira.

E muri ake iaia ra kua tupu akera Iaira, e ngati Gileada, e kua akatika aia ia Iseraela e rua akera ngauru anga e rua ara i te mataiti. E toru ngauru ana tamariki tamaroa, e toru ngauru oki asini ou ta ratou i akaoro, e toru ngauru oki o ratou vila, ko tei tuatuaia ra i Havota-iaira e tac ua akenei ki teianei ra, tei te enua ra i Gileada. E mate iora oki a Iaira, e tanumia iora i Kamona.

Kua rave akaou iora oki te tamariki a Iseraela i te kino ki mua i te mata o Iehova, e kua araraa i te au Baala, e te au Asetoreta, e te au atua o Arama, e te au atua o Sidona, e te au atua o Moabi, e te au atua o te tamariki a Amona, e te au atua o te Philiseti; e kua akaruke ratou ia Iehova, kare ratou i akamori iaia. Tupu akera te riri o Iehova ia Iseraela, e kua tuku atura aia ia ratou ki te rima o te Philiseti, e te rima o te tamariki a Amona ra. Kua taeko ratou e kua tinai-mate i te tamariki a Iseraela i taua tuatau ra, e okotai ngauru e varu ara i te mataiti, te au tamariki katoa a Iseraela i tetai pae Ioridana, i te enua o te ngati Amori i Gileada ra. E kua aere oki te tamariki a Amona ki tetai pae Ioridana, e tamaki katoa ia Iuda, e ia Beniamina, e te ngutuare o Ephraïma; tumatetenga maata rava atura to Iseraela.

Kua kapiki iora te tamariki a Iseraela kia Iehova, na ko atura, Kua ara matou ia koe, no te mea kua akaruke matou i to matou Atua, e kua arara katoa i te au Baala. Kua tuatua mairu Iehova ki te tamariki a Iseraela, Kare ainei au i akaora ia kotou i to Aiphiti ra, e te ngati Amori ra, e te tamariki a Amona ra, e te Philiseti ra? E to Sidona oki, e to Amaleka, e

kua tinai-mate mai to Maona ia kotou, e kua tautopa mai kotou iaku, kua akaora iora au ia kotou i to ratou rima.

13 Kua akaruke rai kotou iaku, kua arara i te au atua ke: e teianei kare au e akaora akaou ia kotou. Ka aere, ka kapiki atu ki te au atua ta kotou i iki ana; ka akaora i ratou ia kotou i to

15 kotou tumatetenga ra. Kua karanga atura te tamariki a Iseraela kia Iehova, Kua ara matou: ka rave koe i taua e anoano i te rave ia matou nei; teia ra ta matou tuatua kia koe, ka akaora ua mai ana koe ia matou i teianei ra.

16 Kua akaruke iora ratou i te au atua ke i rotapu ia ratou ra, e kua akamori ia Iehova ra; tangi atura tona ngakau i te mate maata o Iseraela.

17 Kua uipa te tamariki a Amona, e kua patia i te puakapa i Gileada, kua akaputupu iora oki te tamariki a Iseraela, e kua patia i te puakapa i

18 Mizepa. Kua tuatua akera te aronga manaata i Gileada, ratou ratou uaoari, Koai te tangata e tiki e tamaki i te tamariki a Amona? ei runga ia tangata i to Gileada katoatoa ra.

PENE XI.

Ko Iepheta i te tamaki anga ki te tamariki a Amona ra, e kua pou iaia: tana tia; e tona tumatetenga no taua tia nana ra.

E TANGATA rinui e te toa uritumu te tangata ra ko Iepheta ngati Gileada, na Gileada oki a Iepheta i anau, e tamaiti ra aia na te vaine akaturu. E puke tamariki tamaroa ta te vaine tika i Gileada i anau iaia ra; e pakari akera nga tamaroa a taua vaine ra, kua tuaru atura ratou ia Iepheta, e kua karanga atura kuaia, Auraka toou ei kainga i te ngutuare o to matou nei metua tane, e tamaiti oki koe na te vaine ke. Oro ke aturu Iepheta i aua nga tacake nona ra i reira, e noo atura i te enua ra ko Toba; e uipa maira te au tangata kunga ia Iepheta ra, e kua aere katoa oki i tona au aerenga.

4 E roa poto akera, kua tamaki mai-
5 ra te tamariki a Amona ia Iseraela. E taua tamaki anga mai o te tamariki a Amona ia Iseraela ra, kua aere atura te aronga pakari i Gileada. e tiki ia Iepheta i taua enua ra ko Toba; E kua karanga atura ratou kia Iepheta, E aere mai koe ei kapena no matou, e tamaki tatou i te tamariki a Amona.

7 Kua tuatua mairu Iepheta ki te aronga pakari o Gileada, Kare aina kotou te makitakita mai iaku, e kua tuaru ko-

tou iaku i te ngutuaru o toku metua ra? eaa oki kotou i aere mai ei kiaku nei i tenana, kia rokoia kotou e te tuma-tetenga? Kua karanga atura taua aro-
 8 nga pakari o Gileada ra kia Iepheta, No reira matou i oki akaou mai ei kia koe i teianei; kia aere katoa mai koe e tamaki katoa tatou i te tamariki a Amona, e ei rungao ia matou, i to Gileada katoa ra. Kua tuatua mairā
 9 Iepheta ki taua aronga pakari o Gileada ra, Kia akaoki kotou iaku ei tamaki i te tamariki a Amona, e kia tuku mai a Iehova ia ratou ki mua i toku aroaro
 10 *kia pou*, ka riro ainei au ei rungao ia kotou i reira? Kua karanga atura te aronga pakari o Gileada kia Iepheta, Ei kite a Iehova ia tatou nei, kia kore
 11 matou e akapera i taua i tuatua mai na. Kua aere katoa mairā Iepheta i reira, koia e te aronga pakari katoa o Gileada, e kua akariro te au tangata
 12 iaia ei tutara e ki kapena i rungao ia ratou; e kua akakite iorā Iepheta i te au tuatua ravarai nana ki mua i te aroaro o Iehova i Mizepa.

Kua tono aturā Iepheta i etai karere ki te ariki o te tamariki a Amona, karanga atura, Eaa taua iaku nei, i aere mai ei koe iaku nei, e tamaki i toku nei enua? Kua tuatua maira te
 13 ariki o te tamariki a Amona ki te au karere a Iepheta ra, No te mea kua riro toku enua ia Iseraela, mei Aranona maira e ko Iaboka, e tae rava akera ki Ioridana, ia ratou i aere mai mei Aiphiti maira: e teianei, e akaoki ua mai
 14 taua au tapere na ma te au. Kua tono akaou aturā Iepheta i te au karere ki te ariki o te tamariki a Amona: E kua
 15 karanga atura kiaia, Te tuatua mairā Iepheta, Kare Iseraela i rave ua i te enua o Moabi, e te enua o te tamariki a Amona: Ia Iseraela ra i aere mai
 16 mei Aiphiti ra, e kua na roto mai i te medebara e kua tae ki te tai muramura ra, e tae maira ki Kadesa; Kua tono akera Iseraela i te au karere ki te ariki
 17 o Edoma, karanga atura, Teia taku tuatua kia koe, e tuku ake ana koe iaku e aere ana au na roto i to enua na: kare akera taua ariki o Edoma ra i akarongo mai. E kua pera oki ratou
 18 i te unga i te au veka ki te ariki o Moabi, kare akera ai i akatika; noo ua iora Iseraela i Kadesa. Kua aere ua iora ratou na roto i te medebara, e kua akapini akera i te enua o Edoma, e kua aere iora na te pae o te enua o Moabi i te pae i te itinga o te rā ra; e kua patia iora i te puakapa i tetai pae i Aranona, kare ra

i tae mai ki roto i te kotinga o Moabi ra; ko Aranona oki te kotinga o Moabi ra. Kua tono akera Iseraela i te au
 19 karere ki te ariki o te ngati Amori ra, ki te ariki o Hesebona, ia Sihona; kua karanga atura Iseraela kiaia, Teia ta matou tuatua kia koe, e tuku ake ana
 20 koe ia matou e na roto matou i toou na enua ki to matou ngai tikai. Matakua akera Sihona i te tuku ia Iseraela kia na runga i toa kotinga; kua akaputuputu iora rā Sihona i te au tangata ravarai nona, kua patia iora i te puakapa i Iahaza, e kua tamaki maira
 21 ia Iseraela. Kua tuku maira te Atua o Iseraela ko Iehova ia Sihona e tona katoa au tangata ki te rima o Iseraela, pou iora ratou; rauka iora te enua katoa o te ngati Amori, ko te tangata ia
 22 no te reira enua, ia Iseraela. Riro maira te tapere katoa o te ngati Amori ia ratou, mei Aranona mai e ko Iaboka,
 23 mei te medebara mai e ko Ioridana. E teianei, kua tuaru te Atua o Iseraela ko Iehova i te ngati Amori ki mua i toa au tangata ia Iseraela, e ka riro
 24 ainei noou? Kare ainei koe e mou i ta to atua ra i ta Kemosa e oronga mai noou ra? Koia katoa matou nei, ka mou matou i te enua o te aronga katoa
 25 ta to matou Atua ta Iehova e tuaru na mua ia matou. E meitaki ainei koe ia Balaka, te tamaiti a Zipora, te ariki no Moabi ra? I mōro mai ainei aia ia Iseraela, e kua tamaki mai ainei aia ia
 26 ratou? Ka toru akenei o Iseraela anere anga i te mataiti i te noo anga i Hesebona e to reira au vila ra, e i Aroera e to reira au vila oki, e i roto katoa oki i te au oire ravarai i te pae o Aranona; eaa iora kotou i kore ei i rave i reira? E teianei, kare au i tackinga-kino ia koe, te tackinga-kino nei
 27 ra koe iaku, ko koe i tamaki mai iaku nei: ei te Akava ra, ei ia Iehova, te tuku mai i te tika tikai ki te tamariki a Iseraela e te tamariki a Amona akonei. Kare akera i te ariki o te tamariki a Amona i akarongo i te tuatua a Iepheta, i te karere i tonokia atu ki-
 28 aia ra.
 29 Kua aere maira te Vaeua o Iehova ki runga ia Iepheta i reira, kua aere iora aia na Gileada, e na Manase, e aere atu na Mizepe i Gileada, e mei Mizepe i Gileada aere ua atura aia i o
 30 te tamariki a Amona. Kua tia iorū Iepheta i te tia kia Iehova ra, e karanga atura, Kia tuku mai koe i te tamariki a Amona ki toku nei rima, Ko
 31 te ka aere mai mei roto mai i toku are ra e aravei mai iaku, kia oki mai au

ma te ora mei koe i te tamariki a Amona ra, ka riro ia na Iehova, e kare ra, ka apaiia e au ci tusia karakaratio. Aere aturā Iepheta ki te tamariki a 32 Amona e tamaki ia ratou; e kua tuku mairū Iehova ia ratou ki tona rima. Ta atura aia ia ratou e pou maata rava 33 mei Aroera atu, e tae ua atura ki Miniti, e tae rava atura oki ki Abela-keramima, e rua ngauru o te oire. Vi atura te tamariki a Amona ki mua i te aroaro o te tamariki a Iseraela.

Kua aere mairū Iepheta ki Mizepa 34 ki tona naorai ngutuare: e i na! kua aere maira tana tamaine ki vao e aravei iaia, ma te tophe e te mehula: e tamaine okotai aia nana; kare rava ana e tamaroa, e te tamaine mari ra aia. E 35 kia akara maira aia iaia, kua aere iora aia i ona kakau, e kua tuatua maira, Aue koe, e taku tamaine ei! kua aka-aka rava io nei au ia koe! ko koe tetai i tumatetenga'i au nei! kua tuatua oki toku vaa kia Iehova, kare oki e tika kia akakore. Kua karanga atura aia 36 kiaia, E taku metua, kua tuatua toou vaa kia Iehova ra, e akapera mai koe kiauk me i ta to vaa i tuatua ra; kua akaoko mai oki a Iehova ia koe i to au enemi, i te tamariki a Amona ra. E 37 kua karanga atura aia ki tona metua tane, E akatika mai koe i teianei mea; e toku ake ana koe iaku, kia aere ua au ki runga i te au maunga, e toku au oa katoa, e aue i taku paretenia anga nei, e kia rua ake marama. Kua tua- 38 tua maira aia, Ka aere. Kua tuku atura aia iaia kia aere ua ana i e rua marama, aere atura aia e tona au oa katoa, e kua aue i tona paretenia anga ki runga i te au maunga. E ope akera 39 nga marama e rua ra, kua oki maira aia ki tona metua tane ra, e kua pera aia iaia mei tana i tia ra; e kare rava aia i kite i te tangata. Riro atura oki ei pue no Iseraela, E aere rai te au tamaine i Iseraela rai i te au mataiti katoa, e paapua i te tamaine a Iepheta ngati Gileada, taki a rā i te mataiti okotai.

PENE XII.

E tamaki ta te ngati Epheraima e to Gileada. To Iepheta matenga. Te tuatua i tetai aronga akava, ko Ibezana, ko Elona, e ko Abadona.

KUA uipa akera to Epheraima, e 1 e aere atura ki te pae i apatokerau ra, e kua karanga atura kia Iepheta ra, Eaa koe i aere ci i tamaki ki te tamariki a Amona, e kare i tiki mai ia

matou kia aere katoa? Ka tutungia e matou to are ki te ai ki rungao ia koe 2 na. Kua tuatua mairū Iepheta kia ratou, E tamaki maata toku e toku au tangata i te tamariki a Amona; e iaku oki i tiki ia kotou ra, kare akera kotou 3 i akaora iaku i to ratou rima. E kite akera au kare au i akaoraia maie kotou na, kua akaruru ua atura au i toku mate, e aere atura au e tamaki i te tamariki a Amona, e na Iehova ratou i toku mai ki toku nei rima; e tenana eaa kotou i aere mai ei, e tamaki mai 4 iaku i teianei rā? Kua akaputuputu iorā Iepheta i to Gileada katoa, kua tamaki atura ia Epheraima; ta iora to Gileada ia Epheraima, no te mea kua karanga ratou e, E aronga akatitima kotou no Epheraima! tei roto oki Gil- 5 da ia Epheraima e ia Manase. Riro maira nga ara i te vai ra i Ioridana i to Gileada ki mua ake i te ngati Epheraima: e kia tuatua mai to Epheraima i ora ra e, E toku ake ana koe iaku ki tera pae, kua karanga atu to Gileada kiaia, E ngati Epheraima ainei koe? e 6 kia tuatua mai aia e, Kare; Kua karanga atura ratou kiaia i reira, Ka tuatua ana koe Shiboleta; e tuatua ra aia Siboleta, no te mea kare e tika iaia kia tuatua i te reira: kua opu ratou iaia, e ta i au nga ara i Ioridana ra. Pou atura to Epheraima i te mate i reira, e a atura ngauru e rua ara i te tausani.

7 Kua akatika iorā Iepheta ia Iseraela ka ono akera mataiti. Mate iorā Iepheta ngati Gileada i reira, e tanumia iora ki roto i te au oire i Gileada.

8 E i muri ake iaia ra, ko Ibezana ia i 9 Beteleheima tei akatika ia Iseraela. E toru ngauru ana tamariki tamaroa, e toru ngauru oki tamaine; akaipoipo atura aia i te au tamaine ki te tane, no tetai ngai ke mai, e kua arataki maira i te au vaine e toru ngauru mei tetai ngai ke maira, e i vaine na te au tamaroa nana ra. E kua akatika aia ia Ise- 10 raela ka itu akera mataiti. Mate iorā Ibezana i reira, e tanumia iora i Beteleheima.

11 E i muri ake iaia ra, ko Elona ngati Zebuluna ia tei akatika ia Iseraela; okotai ngauru ona mataiti i te akatika 12 anga ia Iseraela. Mate iorā Elona ngati Zebuluna, e tanumia iora i Aialona, i te enua o Zebuluna ra.

13 E i muri ake iaia ra, ko Abadona ia, te tamaiti a Hilela, i Piratoni ra, tei 14 akatika ia Iseraela. E a ngauru ana tamariki tamaroa tikai, e toru ngauru ana mokopuna, ko tei akaoro i te au asini ou e itu ngauru ra: kua akatika

aia ia Iseraela e varu akera mataiti. Mate iorā Abadona, te tamaiti a Hilela, 15 i Piratoni ra, e tanumia iora i Piratoni, i te enua ra i Epheraima, i te maunga o te ngati Amaleka.

PENE XIII.

To Philiseti i te takinga-kino anga i to Iseraela; te Angela i te mama anga mai kia Manoa; kua akakite mai te Angela e tamaiti ta raua ka anau: anau iora ko Samasona.

KUA rave akaou iora te tamariki a Iseraela i te kino ki mua i te aroaro o Iehova; e kua tuku aturā Iehova ia ratou ki te rima o te Philiseti, e a akera nganau anga i te mataiti.

Te noo ra tetai tangata Zora no te kopu-tangata ngati Dana ra, ko Manoa te ingoa, e pa tana vaine, kare e tamariki. Kua mama maira te Angela a Iehova ki taua vaine ra, e kua tuatua maira kiaia, I na, e pa koe, kare i anau tama; ka to ra koe, e ka anau taau tamaiti. E tenana, teia taku tuatua kia koe, kia matakite, auraka e inu i te wina e te kava kona, e auraka e kai i te mea viivii ra: I na oki! ka to koe, e tamaiti taau e anau; auraka rava ra ei reta e tae ki runga i tona mimiti: ei Nazira oki tenana tamaiti na te Atua mei te kopu mai: e nana e akamata i te akaora ia Iseraela i te rima o te Philiseti ra.

Kua aere maira taua vaine ra, kua akakite maira ki tana tane, tuatua maira, E tau-ata no te Atua tei aere mai kiaku nei, e tona mata e tau ia ki te mata o tetai angela a te Atua ra, e mea matakua roa: kare ra au i ui kiaia e, mei e mai aia, kare oki aia i aaki mai i tona ingoa: Kua tuatua maira aia kiaku e, I na, ka to koe, e tamaiti taau e anau: e teianei, auraka e inu i te wina e te kava kona, auraka oki e kai i te mea viivii ra: ei Nazira oki tenana tamaiti na te Atua, mei te kopu mai e tae ua atu ki te rā e mate ei aia ra.

Kua pure iorā Manoa kia Iehova i reira, karanga atura, E taku Atu e, e tuku akaou mai koe kia maua nei i taua tangata no te Atua taau i tono maira, e akakite mai kia maua i ta maua e rave i taua tamaiti te ka anau ra.

Kua akarongo maira te Atua i te reo o Manoa ra; e kua oki akaou maira te Angela a te Atua ki taua vaine ra, rokoia mai te noo ra aia ki vao; kare ra tana tane ko Manoa i reira. Kua oro rapurapu ua maira taua vaine ra, e

akakite maira ki tana tane, kua tuatua maira kiaia, I na, kua mama mai taua tangata ra ko tei aere mai kiaku i tetai rā ra. Kua tu akērā Manoa, e kua aru atura i tana vaine, e tae atura ki taua tangata ra, e kua karanga atura oki kiaia, Ko koe ainei te tangata i tuatua mai ki teianei vaine? Kua tuatua maira aia, Ko au ia. Kua karanga aturā Manoa, Kia tupu taua tuatua naau ra, e akapea i te akonoanga i taua tamaiti nei? eaa te ravenga iaia? Kua tuatua maira te Angela a Iehova kia Manoa, Ko te au tuatua katoa taku i karanga atu ki teianei vaine, e akono aia i te reira. Auraka rava aia e kai i to runga i te vine ra, auraka aia e inu i te wina e te kava kona, auraka oki e kai i te mea viivii ra: ko te au tuatua katoa taku i karanga atu kiaia, ko tana ia e akono.

Kua karanga aturā Manoa ki taua Angela a Iehova ra, Teia taku tuatua kia koe, ka noo poto ua mai ana koe kia maua nei, kia taona tetai punua puakania kia maua naau. Kua tuatua maira te Angela a Iehova kia Manoa, Pupuru ua mai koe iaku, kare au e kai i taua kai; e kia anoano koe i te apai i tetai tusia karakaratio ra, e apai koe i te reira kia Iehova e tika'i. Kare oki a Manoa i kite e, ko te Angela aia na Iehova. Kua karanga aturā Manoa ki te Angela a Iehova, Koai toou ingoa, kia akangateitei atu oki matou ia koe kia tupu te au tuatua naau? Kua tuatua maira te Angela a Iehova kiaia, Eaa koe i pera mai ei i te ui i toku ingoa? e mea muna ia. Kua rave iorā Manoa i te punua puakania e te mineka, e kua apai atura ki runga i te mato na Iehova: e mea taka ke tei ravcia i reira; te akara ua rā Manoa e tana vaine: Kia peke tika atu oki te mura ai no runga i te atarau ra ki runga i te rangi, kua riro katoa atura taua Angela a Iehova ra ki runga, na roto i taua mura ai no runga i te atarau ra. E kite akērā Manoa e tana vaine i te reira, kua ti-papa iora raua ki raro i te one. E kare akērā taua Angela a Iehova ra i maua akaou mai kia Manoa ra e tana vaine: kite akērā Manoa i reira ra e, ko te Angela aia na Iehova. Kua tuatua akērā Manoa ki tana vaine, Ka riro taua i te mate rava, no te mea kua akara taua i te Atua. Kua karanga atura ra tana vaine kiaia, Naringa e anoano to Iehova ia taua e ta, kare aia e āriki mai i te tusia karakaratio e te mineka i to taua nei rima, kare oki aia e akakite mai kia taua i taua au mea

nei, kare oki e tuatua mai kia taua i teianei i taua au mea nei.

E anau akera taua vaine ra i te ta- 24
maiti, tapa iora e tona ingoa ko Samasona: e tupu akera taua tamaiti ra, e kua akameitaki mairā Iehova iaia. Kua timata maira te Vaerua o Iehova 25
i te akamaroiri iaia i te puakapa o Dana ra, i te va i Zora e Esetaola.

PENE XIV.

Ko Samasona i te inangaro anga i te vaine i Timenata ra: te liona i te mate anga iaia i te arataa: te kai-ngakai akaipoipo anga: tana piri i te tuku anga atu, e te kite angia e ratou i ta te vaine akanauru anga.

KUA aere aturū Samasona ki raro i 1
Timenata, e kite atura aia i tetai vaine i Timenata no te au tamaine a te Philiseti ra. E kua aere maira aia ki 2
runga, akakite maira ki tona metua tane e tona metua vaine, e kua tuatua maira, Kite akenci au i tetai vaine i Timenata no te au tamaine a te Philiseti: e teianei, e tiki korua iaia ei vaine naku. Kua karanga atura tona metua 3
tane e tona metua vaine kiaia, Kare ainei e vaine i roto i te au tamaine o toou ra au tacake, e i roto i toku katona au tangata, ka aere ei koe e rave i te vaine no roto i te au Philiseti peritome koreia ra? Kua tuatua mairā Samasona ki tona metua tane, Ka tiki koe iaia naku, kua tau rava aia iaku. Kare ra 4
tona metua tane e tona metua vaine i kite e, na Iehova taua mea ra, e te kimi ra aia i te ravanga i te Philiseti: ko runga oki te Philiseti ia Iseraela i taua tuatau ra.

Aere aturū Samasona e tona metua 5
tane e tona metua vaine ki raro ki Timenata, e tae atura ratou ki te au kainga vine i Timenata ra; e i na, kua ngunguru maira tetai liona ou i te aravei anga iaia. Kua tae viviki maira te Vaerua o Iehova ki runga iaia, e kua aae atura aia i taua liona ramei iaia e aae ua i tetai punua puake-nio, kare ana taoonga i te rima; kare ra aia i akakite ki tona metua tane e tona metua vaine i tana i rave ra. Aere atura aia ki raro e kua karangaranga atura ki taua vaine ra, e tau tika atura aia ia Samasona. E roa 6
poto akera kua oki maira aia e rave iaia ei vaine nana, e kua tapae akera aia e akara i te kopapa o taua liona ra: e i na! e anana debure e te meli tei roto i taua liona ra. Kua rave iora aia i te reira 7
i tona rima, kai aere atura; e tae akera aia ki tona metua tane e tona metua 8
9

vaine, kua apai atura aia i tetai manga na raua, e kua kai iora raua: kare ra aia i akakite kia raua e, no roto taua meli ra i te liona i te rave angaia mai e ia.

- 10 Kua aere iora tona metua tane ki raro ki taua vaine ra, kua rave iorū Samasona i te akakai; e peu tikai oki na te au tangata ou i te akapera. E 11
kia akara maira ratou iaia, kua arataki maira ratou i te au tangata e toru ngauru ei oa nona, kia noo i vaitata iaia.
- 12 Kua karanga aturū Samasona kia ratou, E tuku atu ana au i tetai piri ia kotou; e kia matara ia kotou ra, e kua akakite mai kotou kiuku i eiane puke rū e itu no te pokai nei, e apai atu au i te au kakau tui e toru ngauru, e toru ngauru 13
oki kakau katoatoa; Kia kore ra e tika ia kotou kia akakite mai kiaku, ka apai maikotou i te kakau tui e toru ngauru noku, e toru ngauru oki kakau katoatoa ra. Kua tuatua maira ratou kiaia, Ka 14
tuku mai ana taua piri naau ra, kia kite matou. Kua karanga atura aia kia ratou, E kai tei rauka mai no roto i te kaikai ra, e te venevene no roto i te taee. E toru akera po kare rai i tika ia ratou kia akakite mai i taua piri ra.
- 15 E tae akera ki te po itu, kua tuatua maira ratou ki te vaine a Samasona, E akanauru ake ana koe i to tane na, kia akakite mai aia kia ratou i te piri nei; ka ka aea koe i te ai, e te aere katoa o to metua ia matou: i tiki mai ainei kotou ia matou, kia pou ta matou apinga 16
ia kotou? kare ainei? Kua aere iora te vaine a Samasona ra ki mua iaia, e kua karanga atura, Te makitakita ra koe iaku, kare koe i inangaro mai iaku, kua tuku oki koe i te piri ki te au tangata o toku ra iti, e kare koe i akakite mai kiaku. Kua tuatua maira aia 17
kiaia, I na oki, toku metua tane e toku metua vaine kare rai au i akakite kia raua, e ka akakite oki au kia koe? I aue ana rai aia ki mua iaia i aua nga rū e itu i to ratou pokai anga ra: e tae akera ki te itu o te rū kua akakite maira aia kiaia, no te mea kua raurau maira aia iaia; e kua akakite akera aia 18
ki tona iti-tangata i taua piri ra. Kua tuatua ra te au tangata o taua oire ra kiaia i taua po itu ra, kare rai i topa te rū, Eaa atu rai te kai venevene mari ra ko te meli? eaa atu rai te apinga taee mari ra ko te liona? Kua karanga atura aia kia ratou, Naringa kare kotou i arote ki te bovi naku ra, kare taku 19
piri e matara ia kotou. Kua tae viviki maira te Vaerua o Iehova ki runga iaia, e aere atura aia ki raro ki Asekelona,

kua ta iora i te au tangata no reira e toru ngauru, e kua rave iora i ta ratou apinga, kua apai maira i te au kakau no te aronga i akakite mai i taua piri ra. Tupu akera oki tona riri, e kua aere maira ki runga ki te ngutuare o tona metua tane ra. Kua *orongaia* 20 akera te vaine a Samasona na tona oa, ko tei akariroia e ia ei taunga nona.

PENE XV.

Te vaine a Samasona i orongaia na tetai ke, i ka ai te sitona ki te ai: okotai tausani Philiseti i te matenga ia Samasona i te tanga asini: tona mate i te kaki vai; e te punavai i te kiriti angaia i Leli nana.

EROA poto akera, tae akera ki te tuatau mou sitona ra, kua aere aturū Samasona ki tana vaine ma te punua puaka-nio; e kua karanga atura, E aere au ki roto i te pia ki taku vaine ra. Kare akera i te metua tane nona ra i tuku iaia ki roto. Kua tuatua maira tona metua tane, I manako au e kua makitakita rava koe iaia; i oronga'i au iaia na to oa nei: kare ainei tona teina te vaine meitaki? teia taku tuatua kia koe, e rave koe i te reira ei tupau iaia. Kua tuatua ua akērū Samasona ia ratou, Kare a te Philiseti akakino anga iaku i teianei, rave kino ua atu rai au ia ratou ra. Kua aere aturū Samasona, e rauka iora iaia te au suoli e toru anere, e kua rave iora i te komotu ai, e kua topiri iora i tetai iku ra ki tetai iku, e kua tuku iora i te komotu ai i rotou i nga iku e rua ra. Kua tutungi iora aia i te au komotu ai e ka akera, kua tuku atura kia aere na ana na roto i te sitona tu ua a te Philiseti ra; ka akera te sitona akaututuaia, e te sitona tu ua, e te au kainga vine e te olive *katoa, ki te ai*. Kua tuatua akera te Philiseti, Naai teia i rave? Kua tuatuaia akera, Na Samasona, na te unonga a te tangata i Timenata ra, no te mea kua rave aia i te vaine nana, e kua oronga iaia na tona oa ra. Kua aere maira te Philiseti ki runga, e kua ta'u iora iaia e tona metua tane ki te ai. Kua karanga aturū Samasona kia ratou, E tutaki atu au ia kotou, kotou i akapera, ka akaea atu eia. Kua ta iora aia ia ratou e pou akera, e pou maata rava: e kua eke iora aia ki raro e noo iora aia i te kapi i te mato ra ko Etama.

Kua aere iora te Philiseti ki runga, e kua patia iora i te puakapa i Iuda, e pini akera Leli ia ratou. Kua karanga 10

atura to Iuda, Eaa kotou i aere mai ei kia matou nei? Kua tuatua maira ratou, I aere mai matou e ruru ia Samasona, e rave *oki* iaia mei tana i rave mai ia matou ra. Kua aere atura to Iuda e toru katoa tausani i te tangata ki taua kapi mato ra ko Etama, kua karanga atura kia Samasona, Kare koe i kite e, ko rungao ia tatou nei te Philiseti? eaa tena rave naau ia ratou? Kua tuatua maira aia kia ratou, Mei ta ratou i rave iaku nei, kua pera katoa 12 au ia ratou. Kua karanga atura ratou kiaia, I aere mai matou e ruru ia koe, kia tuku atu matou ia koe ki te rima o te Philiseti. Kua tuatua maira Samasona kia ratou, E taputou mai kotou e kare kotou uaoari e rave mai iaku. Kua karanga atura ratou kiaia, na ko atura, Kare ia; ka ruru ra matou ia koe, ka tuku atu ei ia koe ki to ratou rima, kare ra matou e ta ia koe. Kua ruru iora ratou iaia i nga taura ou e rua ra, e kua arataki maira iaia mei taua mato maira.

14 E tae atura aia ki Leli, kua maeva iora te Philiseti i te aravei anga iaia: e kua aere viviki maira te Vaeua o Iehova ki runga iaia, riro atura nga taura i runga i tona rima mei te orongū i ka i te ai ra, matara akera tona ruru i runga i nga rima nona ra. Kitea iora e ia tetai ivi tanga asini e mea mata, e kua akatika atura i tona rima, e kua rave i te reira, kua ta atura i te tangata okotai katoa tausani i taua *ivi* ra. 16 Kua tuatua akērū Samasona, I te tanga asini kua marua marua, kua taia e au te tangata okotai katoa tausani i te tanga o te asini. E oti akera taua tuatua nana ra, kua titiri ke atura aia i taua ivi tanga i roto i tona rima ra; tapaiā iora taua ngai ra ia Ramata-lehi.

18 E mate rava akera aia i te kaki vai, e kua tautopa iora ia Iehova, kua karanga atura, Naau teianei ora maata i rave io nei i te rima o to tavini nei; e ka mate ainei oki au i teianei i te kaki vai, e ka riro atu ei ki te rima 19 o te peritome korcia nei? Kua kiriti akera te Atua i tetai puna i Leli, e kua ta'e ua maira te vai no roto i te reira; e kua inu akera aia ra, kua io akera te a'o, kua ora atura. I tapai'ā aia i te ingoa o te reira ko Enihakore, tei *vai* ua ra i Leli i teianei rā.

20 Kua akatika iora aia ia Iseraela i te tuatau o te Philiseti o rua akera ngauru anga o te mataiti.

PENE XVI.

Apai aturā Samasona i nga pa i Gaza ra: i te akanauru angā Delila i kite-a'i te vairanga o tona ririnui: tona riro anga ki te rima o te Philiseti: to ratou takinga-kino anga iaia; e to ratou mate kapipiti angaia ma ia ka-toa.

AERE aturā Samasona ki Gaza, 1
i kite atura i tetai vaine akaturu 1
i reira: e kua aere atura kiaia ra. *E* 2
akakiteia atura to Gaza, karanga atura, 2
Teia mai nei a Samasona. E kua aka-
pini akera ratou iaia, e moeta-papa
atura iaia i taua po e ao ua akera i vai-
tata i te ngutupa o te oire, kare i mu e
ao ua akera, tuatua akera e, Tei te ao
anga ra ka ta ai tatou iaia. Moe iorā 3
Samasona e turuaipo akera; kua tu
akera aia ki runga i taua turuaipo ra,
kua rave iora i nga pa i te ngutupa o
te oire ma nga pou katoa e rua, kiriti
akera ia i te reira ma te tea katoa, kua
tuku akera ki runga i ona pakuivi, apai
rava atura ki runga i te take maunga i
vaitata i Heberona.

E i muri ake i te reira kua inangaro 4
aia i tetai vaine i te o ra i Soreka, ko 5
Delila tona ingoa. Kua aere maira te
ui kavana o te Philiseti ki runga kiaia,
e kua tuatua maira kiaia, E akanauru
ake ana koe iaia, kia kite koe i
te vairanga o tona ririnui, e te mea e
rauku'i aia ia matou, kia ruru atu
matou iaia, kia vi aia: e na matou
e oronga atu i te au ario naau, e tataki
tai tausani e okotai oki anere ia matou
rourai. Kua karanga aturā Delila kia 6
Samasona, Teia tuku tuatua kia koe, e
akakite mai kiaku i te vairanga o toou
ririnui, e te mea e mou ci koe kia ruru
e vi ci koe. Kua tuatua maira Sama- 7
sona kiaia, Kia ruru ratou iaku i nga
kiekie mata e itu kare rai i marō, ka
riro au mei te tangata katoa ra i te
paruparu i reira. Kua apai maira
taua au kavana o te Philiseti i te kie-
kie mata e itu ki runga kiaia ra, kare
rai i marō, e kua ruru iora aia iaia i te
reira. Te moeta-papa ua ra te tangata
tei roto katoa i te pia o taua vaine ra,
kua karanga atura aia kiaia, E Sama-
sona, teiao te Philiseti e rave ia koe
na. E motu uorai taua kiekie ra iaia,
mei te ao iti orongā e motu kia tukia
i te ai ra. Kare atura tona riri i kitea.

Kua karanga aturā Delila kia Sama- 10
sona, I na, kua vare au ia koe, e tua-
tua pikikaa taau i tuatua mai kiaku;
e tenana, teia tuku tuatua kia koe, e

akakite mai koe kiaku i te mea e mou
11 ci koe kia ruru ra. Kua tuatua maira
aia kiaia, Kia ruru ratou iaku ki nga
taura ou kare rai i raveia ra, ka riro
au mei te tangata katoa ra i te paru-
12 paru i reira. Kua rave iorā Delila i
nga taura ou, e kua ruru iora iaia i te
reira; te moeta-papa ua ra te tangata i
roto i te pia, kua karanga atura aia
kiaia, E Samasona, teiao te Philiseti e
rave ia koe na. E kua motu uorai
aia nga taura i runga i nga rima nona,
mei te ao tui kakau ra.

13 Kua karanga aturā Delila ki Sama-
sona, Te vare ua nei rai au ia koe, e
tuatua pikikaa taau i tuatua mai kiaku
nei: e akakite mai koe kiaku i te mea
e mou ei koe ra. Kua tuatua maira
aia kiaia, Kia raranga katoa koe i nga
makave rauru e itu o toku mimiti nei
14 ki roto i tenana kakau. E kua tū kai
iora aia ki runga i taua titi ra, e kua
karanga atura kiaia, E Samasona, teiao
te Philiseti e rave ia koe na. Kua
ara akera aia i taua moe nana ra,
aere ua atura ma te titi o te raranga
anga ra, e te kakau katoa ra.

15 Kua karanga atura aia kiaia, Eaa
koe i tuatua mai ei e, E inangaro
toku ia koe, e kare oki to ngakau iaku
nei? ka toru akenci auu pikikaa anga
mai iaku, e kare rai koe i akakite mai
kiaku i te vairanga o toou na ririnui.

16 E no te mea kua tuatua raurau atura
taua vaine ra kiaia kare e rā e tivata,
i te aka-popo anga atu iaia, e mate
rava akera tona ngakau i te mana-
17 manata; Kua akakite pu tikai aia
kiaia i tona ngakau katoa, e kua tua-
tua maira kiaia, Kare rava e reta i tae
mai ki runga i toku mimiti; e Nazira
oki au na te Atua mei te kopu mai o
toku metua vaine; naringa au i varuia
ra, ka kore taua riri noku nei i reira,
ka riro au mei te tangata katoa nei i
te paruparu i reira.

18 E kite akērā Delila e kua akakite
pu mai aia i tona ngakau katoa kiaia,
kua tono aia i te karere e tiki i te au
kavana o te Philiseti, karanga atura,
E aere mai kotou okotai aerenga toe;
kua akakite pu mai oki aia kiaku i
tona ngakau katoa. Kua aere maira
nga kavana o te Philiseti kiaia ra, ma
te moni katoa i to ratou rima i te apai
19 anga mai. Kua akamoe iora aia iaia
ki runga i ona turi; e kua karanga
atura aia ki tetai tangata, e kua akaue
atura iaia e varu i nga makave rauru
e itu i tona mimiti: e kua timata aia
i te akavi atu iaia, kua riro atura oki
20 taua riri nona ra. Kua karanga atura

aia, E Samasona, teiao te Philiseti e rave ia koe ra. Kua ara akera aia i taua moe nona ra, e kua tuatua akera, E aere rai au ki vao, e akamaroiroi iaku uaoarai mei te muatangana ra; kare rai oki aia i kite e, kua akariuke a Iehova iaia. Kua opu iora te Philiseti iaia, e kua nanao atura i ona mata, e kua kave atura iaia ki raro ki Gaza ra, e kua tapeka iora iaia ki te tapeka vao; e kua taviri iora aia i te sitoua i roto i te are tapekanga ra.

E kua tupu akaou akera te rauru o 22 tona mimiti i muri ake i te varu angaia ra. Kua akaputuputu iora te au kavana o te Philiseti e apai i tetai tusia maata na to ratou atua na Dagona, e ei rekareka anga oki; te tuatua ra oki ratou e, Kua tuku mai to tatou atua i to tatou enemi ia Samasona ki to tatou nei rima. E kia akara mai te 24 au tangata iaia ra, kua akapaapaa atura i to ratou atua: kua tuatua akera oki ratou, Kua tuku mai to tatou atua i to tatou enemi ki to tatou nei rima, ko tei ta mai i to tatou e manganui akenei, e i pou ei oki to tatou nei enua. E pereperekavana akera 25 to ratou ngakau, kua tuatua akera, E tiki ia Samasona ei akanavenave ia tatou. Kua tiki atura ratou ia Samasona i roto i te are tapekanga ra: e kua riro aia ei takatakata na ratou, e kua vaio iora ratou iaia i te va i rotopu i nga pou o taua are ra. Kua 26 tuatua akera Samasona ki te tamaiti i mou i tona rima ra, Ka tuku iaku, kia aa ana au i nga pou i mou ei te are nei, e kia ijinaki ua ana au ki reira. Kua ki rava taua are ra i te 27 tangata, te tane e vaine, e te reira te au kavana katoa o te Philiseti; e toru paa tausani o te tangata i te noo anga i runga ra, i te tane ma te vaine, te matakkitaki maira ia Samasona i te akanavenave anga ia ratou. Kua tau- 28 topa atura Samasona ia Iehova, karanga atura, E taku Atu e Iehova, e akamaara mai koe iaku, taku ia pure ia koe, i teianei e akamaroiroi mai koe iaku nei, taku rai ia pure ia koe, okotai akamaroiroi anga toe ko teia anake nei, e te Atua e, kia tutaki ana au i te Philiseti nei i oku nei puke mata i te tutaki okotai. Kua 29 rave iora Samasona i nga pou e rua i rotopu i mou ei taua are ra e ko te mou ia i etacta'i ra, tetai i te rima katau, tetai oki i te rima kaui. E 30 kua tuatua akera Samasona, Kia mate ua atu au i te matenga o te Philiseti nei. Kua piko iora aia ki raro kua

akaope akera i te riri, topa iora taua are ra ki raro ki runga i te au kavana, e te tangata tini ravarai i roto ra. E maata ua atura te aronga i mate iaia i taua matenga nona ra, i tei taia e ia 31 i te ora anga ra. Kua aere maira tona ai tacake e te ngutuare katoa o tona metua tane ki raro, kua rave iora iaia, kua apai ki runga, e kua tanu iora iaia i te va i Zora e Esetola, i te tauu-manga o tona metua tane ko Manoa.

E rua akera ngauru anga ona matiti i te akatika anga ia Iseraela.

PENE XVII.

E idolo akato tei angaia i te moni keiaia e Mika ra.

- 1 TE noo ra tetai tangata no te mau- nga ra no Epheraima, ko Mika te
- 2 ingoa. Kua tuatua maira aia i tona metua vaine. Te au sekela ario naau, okotai tausani e tai anere i raveia ra, i tauu i taumaa ra, e tauu i karanga-ranga ra, ko au oki tei kite, i na, tei iaku nei taua ario ra; naku i rave. Kua karanga atura tona metua vaine,
- 3 Kia ora taku tamaiti ia Iehova. E kia akaokiia mai e ia taua au sekela ario okotai tausani okotai anere ki tona metua vaine ra, kua karanga atura tona metua vaine, Kua akatapu ravaia ia e au taua ario nei na Iehova no taku tamaiti, kia angaia ei idolo kotikotiia e te akatoia ra; e teianei ka akaoki au i taua ario nei kia koe na,
- 4 Kua akaoki maira ra aia i taua moni ra ki tona metua vaine ra: kua rave iora tona metua vaine i te au sekela e rua anere i taua ario ra, e kua apai atura ki te akato, e nana atura i anga ei idolo kotikotiia ra e te akatoia: e
- 5 vaioia atura i te are o Mika ra. E are oki to taua tangata ra to Mika no tona ra atua; e kua anga oki aia i tetai ephoda, e tetai au teraphi, e kua akataoonga iora aia i tetai tamaiti nana,
- 6 e riro atura ei taunga nana. Kare o Iseraela ariki i te reira tuatau; e rave ua iora te tangata katoa i tei tau iaia uaoarai.
- 7 Te noo ra tetai tangata ou mei Betelehema-Iuda, mei Iuda mai, e ngati Levi,
- 8 i noo ua ana ra i reira. E akaruke atura taua tangata ra i taua oire ra i Betelehema-Iuda, e kimi i te nooanga: e tae atura aia ki te maunga ra ko Epheraima, ki te ngutuare o Mika i
- 9 taua aerenga nona ra. Kua karanga atura Mika kiaia, Mei ea mai koe? Kua tuatua maira aia kiaia, E ngati Levi au no Betelehema-Iuda mai, e
- 10 te kimi nei au i te nooanga. Kua

karanga aturā Mika kiaia, E noo koe i ko nei kiaku nei, ei metua noku e ei taunga, e naku eapaiatu i *nga sekela* ario naau okotai ngauru i te mataiti okotai, e te kakau kia pini koe, e te kai naau ra. Kua aere iora taua ngati Levi ra *ki roto i te are*. Kua tika rava 11 akera i taua ngati Levi ra i te noo i o taua tangata ra; riro atura oki taua tangata ou ra mei te tamaiti nana ra te tu. Kua akataoonga iorā Mika i taua 12 ngati Levi ra; riro atura taua tangata ou ra ei taunga nona, e noo oki ki roto i te are o Mika ra. Kua tuatua akērā 13 Mika i reira, Kua kite au i teianei e, e takinga-meitaki mai a Iehova iaku, i te mea e ngati Levi toku ei taunga.

PENE XVIII.

Te ngati Dana i te tono anga nga tangata toko rima e kimi i te nooanga. I te aratua ki Lausa ra keia iora te ngati Dana i nga atua e te tuunga o Mika; e kia rauka Lausa iu ratou, akatu iora i aua nga atua ra ei atua no ratou.

KARE o Iseraela ariki i te reira tuatua; e te kimi ra te kopu ngati Dana ra i te tuanga enua ei nooanga no ratou i taua tuatua ra: kare oki a ratou *ravarai* e tuanga i rauka i rotopu i te au kopu o Iseraela, e tae rava akera ki te reira rā. Kua tono akera te tamariki a Dana i nga tangata toko rima o to ratou kopu-tangata, e puke tangata maroioi, no to ratou ra au tapere, mei Zora atu, e mei Esetaola, ei tutaka aere i taua enua ra, e kimi aere: kua karanga atura ratou kia ratou, Ka aere, ka tutaka aere i taua enua ra. Tae atura oki ratou ki te maunga ra ko Epheraima, i vaitata i taua are o Mika ra, e moe iora ratou i reira. I taua vaitata anga no ratou i te are o Mika ra, kite akera ratou i te reo o taua tangata ou ngati Levi ra: e kua tomo atura ratou ki roto i reira, e kua karanga atura kiaia, Naai koe i arataki mai ki ko nei? eaa taua angaanga ki teianei ngai? eaa oki taua i ko nei? Kua tuatua maira aia kia ratou, Te meaia maira au e Mika; e kua ou aia iaku, e ko au oki tona taunga. Kua karanga atura ratou kiaia, Teia ta matou tuatua kia koe, e ui ana koe i te Atua, kia kite matou i te manuia anga o to matou nei tere, ta matou e aere nei. Kua tuatua maira te taunga kia ratou, Kia ora kotou i te aerenga, tena katōu Iehova tei to kotou tere ta kotou e aere na.

Aere atura aua nga tangata toko 7

rima ra i reira, e tae atura ki Lausa; e kite atura ratou i to reira au tangata e te noo ua ra; mei to Sidona katoa ra, te vai au ua ra e te noo ponuiaau ua ra, kare e akava e akamataku *iu ratou* i te enua ra; tei te mamao ke oki ratou i to Sidona, e kare a ratou e kapiti anga i te tangata katoa. Kua oki maira ratou ki Zora e Esetaola ki to ratou au tacake; e kua karanga atura to ratou ai taenke kia ratou, Eaa *ta* kotou tuatua? Kua tuatua maira ratou, Ka tu, ka aere ratou ki runga e rave i taua aronga ra: kua akara oki matou i taua enua ra, e i na, e enua meitaki rava: e te noo ua kotou! auraka e tavare i te aere, e tomo i taua enua ra, ka 10 rave ei ei nooanga. Kia aere kotou na, rokoia atu, e aronga noo ponuiaau ua taua aronga ra, e e tapere maata oki: kua tukuia oki e te Atua ki to kotou rima; e tei reira te au mea katoa o te ao nei kare e toe.

11 Riro atura te au tangata no Zora e no Esetaola, e ono katoa anere no te kopu-tangata ngati Dana ra, ma te taoonga 12 tamaki katoa. Aere atura ratou ki runga, e kua patia iora i te puakapa i vaitata i Kiriatia-icarima i Iuda ra; i tapaia i taua ngai ra ia Mahane-Dana e tae rava akenei ki teianei rā: i na oki, 13 tei muri mai ia Kiriatia-icarima. E mei reira oki aere atura ratou ki te maunga ra ko Epheraima, e tae atura ki te are o 14 Mika ra. Kua tuatua akera nga tangata toko rima ko tei aere e tutaka i taua enua ra ko Lausa, na ko akera ki to ratou ai taenke, Kua kite ainei kotou e, e ephoda tei roto i teianei au are, e tetai au teraphi, e te idolo kotikotia, e te akatoia ra? e tenana, ka aka- 15 maara iora e akapeea kotou. Kua ariu tika atura ratou i te reira, e tae atura ki te are o taua tangata ou ngati Levi ra, ki te are o Mika ra, e kua aroa atu- 16 ra iaia. E tu ua iora te au tangata e ono katoa anere no te au tamariki a Dana, ma te taoonga tamaki katoa, i vaitata i te ngutupa tomoanga ra. 17 Kua aere atura ki runga nga tangata toko rima ko tei aere e tutaka i taua enua ra, e kua tomo ki roto, e kua rave iora i taua idolo i kotikotia ra, e te ephoda, e te au teraphi, e te idolo akatoia ra, e te tu ua ra taua taunga ra i vaitata i te tomoanga ra, e te au tangata e ono anere ma te taoonga tama- 18 ki katoa ra. Tomo atura aua nga tangata ra ki roto i te are o Mika, e kua apai maira i taua idolo kotikotia ra, e te ephoda, e te teraphi, e te idolo akatoia ra. Kua tuatua maira te taunga ra

kia ratou, Te aa na kotou? Kua kara- 19
nga atura ratou kiaia, E muteki ua
koe; e tapoki i to vaa i to rima; e ka
aere katoa tatou, ei metua koe e ei
taunga no matou: e mea meitaki
aina ei taunga koe no te aere o te tangata
okotai ra, e auraka ei taunga no te-
tai kopu, e no tetai ngutuare i Iseraela
nei? E mareka akera te ngakau o taua 20
taunga ra, e kua rave iora aia i te
ephoda, e te au teraphi, e te idolo
kotikotia ra, e aere katoa atura i roto
i taua au tangata ra. Kua ariu akera 21
ratou e aere atura, e tuku atura i te au
tamariki, e te au puaka, e te au apinga,
na mua ia ratou.

E topa rava maira taua are o Mika 22
ra, tei te mamao ke atura ratou, kua
akaputupu iora te au tangata no te
au are i vaitata i te are o Mika ra, kua
aru atura i taua au tamariki a Dana ra.
Kua kapiki atura ratou ki taua au ta- 23
mariki a Dana ra: kua ariu maira ratou
i to ratou mata, kua tuatua maira
kia Mika, I aa tika koe, i akaputupu
mai ei koe i toou au tangata? Kua ka- 24
ranga atura aia, Kua raveia e kotou te
au atua i angaia e au noku, e kua aere
kotou e te taunga katoa; ena atu rai
taku pen toe? eaa oki teia ta kotou i
tuatua mai ei e, I aa tika koe? Kua 25
tuatua maira taua au tamariki a Dana
ra kiaia, Auraka toou reo kia kitea i
roto ia matou nei, ko te rokoia aea koe
e te aronga roto riri, ko te mate aea
koe e to ngutuare katoa oki. Aere ua 26
atura taua au tamariki a Dana ra i to
ratou aereanga; e kia akara akera i
Mika e, e maroiroi maata to ratou i tona, kua
oki maira aia ki tona ngutuare ra.

Kua apai ua atura ratou i taua au 27
atua i angaia e Mika ra, e te taunga
nona ra: e tae atura ratou ki Laisa, ki
taua aronga i noo ua ma te ponuiaau
ra; e kua ta atura ia ratou ki te mata
koke, e tutungi iora i te oire ki te ai.
Kare oki e akaora, tei te mamao ke oki 28
Sidona, kare oki a taua aronga kapiti
anga ki te tangata katoa; tei te o oki
Laisa i vaitata i Bete-rehoba. Kua
patu iora oki ratou i taua oire ra, e kua
noo oki ki roto. Tapa iora ratou i te 29
ingoa o taua oire ra ko Dana, ko te
ingoa ia o to ratou metua ko Dana, i ta
Iseraela i anau ra: ko Laisa ra te ingoa
o taua oire ra i muatangana.

Kua akatu akera te tamariki a Dana 30
i taua idolo i kotikotia ra no ratou
uaorai; e ko Ionatana, te tamaiti a
Geresoma, te tamaiti a Manase ra, koia
e ko ana puke tamariki tamaroa ra, ko
nga taunga ia no taua kopu o te ngati

Dana ra, e tae rava akenei ki te rā tui-
31 kaa anga o te enua ra. Kua akatu oki
ratou i taua idolo kotikotia ra a Mika
i angaia e ia ra, no ratou uaorai, i te vao
katoa anga o te are o te Atua i Silo ra.

PENE XIX.

*Tetai ngati Levi i te aere anga ki Bete-
lehema e tiki i te vaine nana; e to te
au tangata o Gibeā takinga-kino anga
i taua vaine nana ra.*

1 **T**AUA tuatau ariki kore no Iseraela
ra, te noo ra tetai ngati Levi i tetai
pae i te maunga ra ko Epheraima, e
kua rave iora aia i tetai vaine palake
2 nana no Betelehema-Juda ra. Akaturi
atura taua palake nana ra, e akaruke
maira oki iaia e aere atura ki te ngu-
tuare o tona metua i Betelehema-Juda
ra, e i reira te noo anga e a akera mara-
3 ma tikai. Kua tu akera tana tane e
aru atura iaia, e tuatua rekareka atu
kiaia, e arataki akaou mai iaia, tona ta-
vini katoa oki i te aere katoa anga, e
nga asini oki e rua. Kua arataki atura
taua vaine ra iaia ki roto i te are o tona
metua tane: e kia akara maira taua
metua tane o taua vaine ra iaia, mareka
4 akera aia i te mea i aravei akaou. Kua
pupuru iora te metua o te vaine ra, te
metua ongoai nona ra, iaia, noo iora aia
ki ona ra, e po toru akera; kaikai
iora ratou, inu iora oki, e kua moe iora
5 oki i reira. E tae akera ki te po a, kua
tu akera ratou i te popongi metua, kia
tu aia ki runga e aere; kua tuatua
maira te metua tane o taua vaine ra ki
taua unonga nana ra, Ka kai ana i te
kai, e kia maroiroi koe, ka aere ei kotou.
6 Kua noo iora raua katoa ki raro, e kua
kaikai iora, e kua inu oki: kua tuatua
maira te metua tane o taua vaine ra ki
taua tangata ra, Teia taku tuatua kia
koe, e noo kia au teianei po, e kia re-
7 kareka marie koe. E kia tu taua tan-
gata ra ki runga e aere, kua pupuru
tona metua ongoai iaia, e kua moe aka-
8 ou iora aia i reira. Kua tu akera aia
ki runga i te popongi roa i te rā rima
ra e aere: kua tuatua maira te metua
tane o taua vaine ra, Teia taku tuatua
kia koe, ka akamaroiroi ia koe kia re-
kareka ake to ngakau na. Kua noo iora
raua e parepare atura te rā, e kua kai-
9 kai oki raua. Kua tu akera taua tangata
ra ki runga e aere, koia e tana palake,
e te tavini katoa nona; kua tuatua
maira tona metua ongoai, te metua
tane o te vaine ra, kiaia, I na, teia taku
tuatua kia koe, kua parepare te rā, ka
noo rai kotou i teianei po: i na, kua

poto roa oki te rā, ka moc i ko nei, e akarekareka ake oki i to ngakau, e apopo i te akirata ra, ka aere ei i to kotou arenga, ki to puakapa roa. Kare 10 akera i tika i taua tangata ra kia noo i te reira po, tu maira ki runga e kua aere maira, e tae maira ki vaitatā ki Iebusa, koia oki Ierusalemā ra: koia e te palake nana, e nga asini e rua ma te nooanga ki rungao, i taua tere nona ra.

E vaitata maira ratou ia Iebusa ra, 11 kua-poto roa te rā; kua tuatua akera te tavini ki tona pu ra, Teia taku tuatua kia koe, e aere mai, tatou e tapae ki teianei oire o te ngati Iebusi nei, e moc i reira. Kua karanga atura tona 12 pu ra kiaia, Auraka tatou e tapae ki te oire tangata ke ke nei, kare e tamariki a Iseracla o reira; ka aere rai tatou ki Gibeā. E kua karanga atura 13 aia ki tona tavini, E aere, kia tae tatou ki tetai i tera ra puke oire, ei Gibeā, e kare ra, ei Rama, ka moc ei tatou. Aere ua iora ratou, e tae maira ratou i 14 vaitata i Gibeā i o Beniamina ra, topa atura te rā ia ratou. Kua tapae akera 15 ratou i reira, e aere atura ki roto i taua oire ra ia Gibeā, e moc: e tae atura aia ki roto, noo ua iora aia ki raro i rotapu i te mataara o taua oire ra: kare rava oki e tangata e arataki ua atu ia ratou ki roto i te are e moc.

E i na, te aere maira tetai tangata 16 ruaine mei te kainga mai, mei tana rave anga angaanga, i te aia ra, no taua maunga katoa ra no Epheraima, e noo ra aia i Gibeā: kareka te tangata no taua ngai ra e ngati Beniamina ia. E 17 kia nūnū akera aia i tona mata ki runga, kite maira aia i taua tuitarere ra i te mataara o taua oire ra; kua tuatua maira taua tangata ruaine ra, Noa roa koe? e o aere oki koe ki ea? Kua 18 karanga atura aia kiaia, Mei Betelehema-Iuda mai matou, e te aere nei matou ki tetai pae i te maunga ra ko Epheraima, no reira oki au nei. I Betelehema-Iuda oki au, e te aere nei au ki te are o Iehova; e kare rava oki e tangata e arataki iaku ki roto i te are. E mauku ra teia na ia matou 19 puke asini e te kai; e kai oki teia e te wina naku, e na to tavini vaine nei, e na teianei tangata ou no to au tavini nei; kare ua e ape toe nei. Kua tuatua 20 maira taua tangata ruaine ra, Kia ora koe, ei iaku nei te au mea katoa naau ra, auraka ra koe e moc ua i te mataara nei. Kua arataki atura aia ia 21 ratou ki roto i tona are, e kua apai atura i te kai na nga asini ra; kua orei

iora oki ratou i to ratou au vacvae, e kua kaikai, e kua inu oki.

22 E te akarekareka ua ra ratou i to ratou ngakau, i na, te akapiniia maira taua are ra e te aronga tangata kanga no taua oire ra, e kua tutuki maira i te pa, e kua tuatua maira ki te pu o te are ra, ki taua tangata ruaine ra, na ko maira, Ka arataki mai ana i te tangata i tomo atu ki roto i to are na, kia kite 23 matou iaia. E aere atura taua tangata nona te are ra ki vao kia ratou ra, e kua karanga atura kia ratou, Teia taku tuatua kia kotou, auraka, e taku au taeake, auraka oki kotou e takinga-kino: kua tomo mai oki teianei tangata ki roto i toku nei are: auraka rava ia 24 mea akama e raveia. I na, taku taimainc, e paretenin ia, e te palake nana ra; ko taku e arataki mai ki vao, ko tu kotou e taakaaakao, ka rave ei kotou i ta kotou e anoano ia raua ra; kareka i teianei tangata, auraka rava ia mea akama e 25 raveia. Kare rai taua aronga tangata ra i akarongo iaia; kua rave iora taua tangata ra i tana palake, kua arataki atura kia ratou ra; e kua rave iora ratou iaia, e kua takinga-kino ratou iaia e ao ua akera te reira po: e tei te akirata 26 ra kua tuku iora ratou iaia. Kua aere maira taua vaine ra i te akirata anga ra, e topa iora ki raro i te ngutupa o te are o te tangata, tei reira tana tane ra; ko te vai ua anya ia e ao rava akera. Tu akera tana tane ki runga 27 i te popongi, e kua eeu akera i nga pa o taua are ra, e kua tomo atura ki vao e aere i tona tere; e i na, te tarava ua ra taua vaine palake nana ra ki raro, i te ngutupa o taua are ra, e nga rima nona te vai ua anga ki rungao i te 28 turuki i taua ngutupa ra. Kua karanga atura aia kiaia, Ka tu, e aere tatou; kare ra i ki mai. Kua tuku iora taua tangata ra iaia ki runga i te asini; tu akera aia, e aere atura ki tona ra ngai tikai.

29 E tae atura aia ki tona ngutuare tikai, kua rave iora aia i te matipi, kua opu iora i taua palake nana ra, kotikoti atura ma te au ivi katoa, okotai ngauru kotinga e ruā ara, e kua akau atura 30 ki te au tapere katoa i Isernela ra. Kua tuatua akera te aronga ravara i kite, Kare rai teia i kitea, kare rai i raveia, mei te rā mai i aere mai ei te tamariki a Iseracla mei te enua maira mei Aiphiiti, e tae rava akenci ki teianei rā; ka akamaara, ka kimi marie, ka akakite mai i to kotou manako.

PENE XX.

Te uruoa anga a te ngati Iseraela, e ta ratou i akakoro; kare e tika i te ngati Beniamina i te akautunga i te aronga kanga: kua tu rua to tetai pae eke anga ia ratou; ko ratou ra tei pou i muringao.

AERE akera te tamariki a Iseraela, 1
e putuputu maira te uipanga tangata, mei te tangata okotai, mei Dana e tae ua atura ki Bere-seba, e te enua katoa ra ko Gileada, ki mua i te aroaro o Ichova i Mizepa. Kua aere katoa maira te aronga mataiapo tutara no roto i te tangata ravarai no te au kopu katoa o Iseraela, ki *teianei* uruoa-anga no te au tangata no te Atua ra, e a oki anere anga o te tausani tangata aere ua tei unui i te koke. E kite akera te tamariki a Beniamina e, kua aere te tamariki a Iseraela ki Mizepa. Kua tuatua maira te tamariki a Iseraela, Ka akakite mai ana, i akapeenia teianci kino i te rave anga ra? Kua karanga atura taua ngati Levi ra, te tane a te vaine i taia ra, na ko atura, I tapae au i Gibeai o Beniamina, maua ko taku palake, e moe: Kua tu maira to Gibeai e rave mai iaku, e kua akapini maira i taua are i *nooia* e au ra i te po: i umuumu maira ratou iaku e ta, e kua rave kino iora ratou i taku palake, e mate rava akera aia. Kua rave iora au i taua palake naku ra, kua kotikoti iora, e kua akau atura e pini ua ake te enua i *nooia* e Iseraela nei: e ravenga viivii maata akama oki ta ratou i rave io nei i roto ia Iseraela nei. E i na, e tamariki anake kotou na Iseraela; ei ko nei kotou ka akakite ei i to kotou manako, e ta kotou tuatua. Kua tu katoatoa akera te tangata okotai rai tu anga, e kua tuatua akera, Kare rava tetai o tatou nei e tae *vare* ki tona puakapa, kare rava tetai e oki *vare* ki tona ngutuare. Teia ra ta tatou e rave ia Gibeai, e akakelero *ka aere ei tatou* ka rave ei i te reira. Ka rave oki tatou i te tangata taki tai ngauru to te anere okotai, e pini ua ake te au kopu ravarai o Iseraela nei, e taki tai anere to te tausani okotai, taki tai oki tausani to roto i te au tausani okotai ngauru ra, ei tiki kai na te au tangata nei, kia rave ratou, kia tae ratou ki Gibeai o Beniamina ra, i tei tau ki tera ra ravenga akama i raveia e *to taua oire* ra i roto ia Iseraela nei.

Putuputu akera to Iseraela katoa, 11
kapiti akera mei te tangata okotai e

12 rave i taua oire ra. Te tono ua ra te au kopu o Iseraela i te tangata ki taua kopu o Beniamina ra e pini ua ake *ratou ra*, i te ui anga atu e, Eaa teianei mea kino i raveia i roto ia kotou nei?

13 E teianci, e tuku mai kotou i taua au tangata ra, i taua aronga tangata kanga i Gibeai nei, kia ta matou ia ratou kia mate, kia kore atu te kino i Iseraela nei. Kare ake rai te tamariki a Beniamina i akarongo i te reo o to ratou au tacake, a te tamariki a Iseraela ra;

14 Kua akaputuputu iora te tamariki a Beniamina ki Gibeai, mei roto mai i te au oire ra, e aere e tamaki i te tamariki a Iseraela ra. Tatauia iora oki te tamariki a Beniamina no roto i te au oire ra i reira, e rua akera ngauru e ono ara i te tausani i te tangata tei unui i te koke, to e iora to Gibeai orai; tatauia iora te reira, e itu ia anere i te tangata iikiia. E itu anere i te tangata iiki i roto i taua aronga katoa ra, e kaui te rima: e *tika* ia ratou ravarai kia maka i te toka ki te rauru okotai, e

17 *pa iora*, kare rava e aere ke. Tatauia iora oki te au tangata Iseraela, auraka Beniamina, e a ia anere anga o te tausani tei unui i te koke; e tangata tamaki anake ia. Kua tu akera te tamariki a Iseraela, aere atura ki runga ki Betela, e kua ui atura ki te Atua, kua karanga atura, Koai te ka aere ana e tamaki i ta matou tamaki i te tamariki a Beniamina? Kua tuatua mairā Ichova, Ko Iuda te na mua.

19 Kua tu akera te tamariki a Iseraela i te popongi, e kua patia iora i te puakapa i vaiata i Gibeai. Aere atura to Iseraela e tamaki ia Beniamina, kua akamou iora to Iseraela i te tamaki ia ratou i Gibeai. Kua aere maira te tamariki a Beniamina mei roto mai i Gibeai, e pou iora to Iseraela ia ratou, e *inga iora* ki raro i te one, e rua ngauru ma rua i te tausani, i te reira rā.

22 Kua akamaroiroi iora taua au tangata ra, to Iseraela ra, e kua akamou akaou iora i te tamaki i te ngai ta ratou i

23 akamou i tei muatangana rā. Kua aere iora te tamariki a Iseraela ki runga, kua aue iora ki mua i te aroaro o Ichova e aiia ua atura, e kua ui atura kia Ichova, kua karanga atura, Ka aere ainei au e tamaki i te au tamariki a toku tacake, a Beniamina? Kua tuatua mairā Ichova, Ka aere e tamaki iaia.

24 Kua akavaitata atura te tamariki a Iseraela ki te tamariki a Beniamina e

25 *tamaki*, ko te rua ia o te rā. Kua aere maira Beniamina mei roto mai

i Gibeā i taua rā rua ra e aravei ia ratou, pou akaou iora te tamariki a Iseraela ia ratou, *inga iora* ki raro i te one, okotai ngauru e varu ara i te tausani i te tangata, tei unui anake i te koke.

Kua aere anake iora te tamariki a 26 Iseraela e te tangata ravarai ki runga, e kua tae ki Betela, aue iora, noo ua iora i reira ki mua i te aroaro o Iehova, e kua nseteia iora i te reira rā e ai ai a atura, e kua apai i te tusia karakaratio, e te tusia au, ki mua i te aroaro o Iehova. E kua ui atura te tamariki a Iseraela 27 kia Iehova, (tei reira oki te aruna korero-motu a te Atua i te reira au rā, E ko 28 Phinehaza, te tamaiti a Eleazara, te tamaiti a Aarona, tei tu ki mua i *te aruna* i te reira au rā,) karanga atura, E aere akaou ainei au e tamaki i te tamariki a toku tuake a Beniamina, e ka akapaki ainei au? Kua tuatua mairū Iehova, Ka aere ki runga; apopo oki au ka tuku mai ei iua ki to rima.

Kua akamoe iora Iseraela i te kotipu 29 e pini ua akera Gibeā. Aere atura te 30 tamariki a Iseraela ki runga e tamaki i te tamariki a Beniamina, ko te toru ia o te rā, kua akamou iora i te *tamaki* mei te muatangana ra e tamaki ia Gibeā. Kua aere maira te tamariki a 31 Beniamina ki vao e tamaki i taua au tangata ra, e arataki keia iora ratou e taka ke maira te oire; kua tinata oki ratou i te pupū i te tangata, e kua ta, mei tei muatangana ra, e toru paa ngauru to Iseraela i mate ki runga i te au arataa ra, *te ara* e aere tika atu ei ki Betela te-tai, e *te ara* e aere tika atu ei ki Gibeā i te ngai atea ra tetai. Kua tuatua akera 32 oki te tamariki a Beniamina, Kua pou rai ratou ia tatou mei tei muatangana ra. Kua tuatua akera te tamariki a Iseraela, E oro tatou, kia taka ke mai ratou ki runga i te arataa ra, kia topa ke atu te oire. Kua tu anake 33 akera to Iseraela i to ratou au nooanga, kua akamou iora i te *tamaki* i Baalamara; e kua aere anake maira to Iseraela e kotipu rā, mei roto i to ratou au ngai ra, i te au kaininga i Gibeā ra. E mei mua mai i Gibeā ra kua 34 aere mai te au tangata iki okotai ngauru i te tausani no roto ia Iseraela ravarai, rikarika nava atura taua tamaki ra; kare ra *te tamariki a Beniamina* i kite i taua kino i vaitata ia ratou ra. Kua ta iorū Iehova ia Beniamina ki mua i te aroaro o Iseraela: e mate iora to Beniamina e rua ngauru ma rima i te tausani okotai anere ara, i te tamariki a Iseraela, i te reira rā: e aronga *tamaki* anake oki tei unui i te

36 koke. E kite akera te tamariki a Beniamina e kua taia ratou; kua tuku ua mai oki to Iseraela i te ngati Beniamina, *kia arumaki ua mai* ana, no te mea te irinaki ra ratou i te kotipu i tu- 37 kua e ratou i vaitata i Gibeā ra. Kua rapurapu ua maira taua aronga kotipu ra, e oro viviki ua maira ki runga ia Gibeā; kua akaki ua iora ratou, e kua ta i taua oire katoa ra ki te mata koke. 38 Kua oti te akairo i te akaaitia e to Iseraela e taua aronga kotipu ra e, e ta'u ratou i te ai kia maata te auai i te kou anga ki runga i roto i taua oire ra. 39 E kia oro to Iseraela i taua tamaki anga ra, kua ta ua maira Beniamina i to Iseraela e toru paa ngauru o te tangata i mate rava; kua tuatua akera oki ratou, Kua taia uaia nei rai ratou e tatou ki raro mei tei te tamaki anga mua- 40 tangana ra. Kia kou ra taua auai ra ki runga no roto i taua oire ra *mei* te pou ra *te tu*, kua akara akera to Beniamina ki muri ia ratou, e i na, te peketakiri ra *te ai* o taua oire ra ki runga i te rangi. 41 E kia ariu atu to Iseraela ra, taika rava akera to Beniamina, kua kite akera oki 42 e kua rokoia ratou e te kino ra. Iki ua iora ratou i te *tua* i mua i te aroaro o to Iseraela, i na te arataa e tae atu ei ki te medebara ra; rokoia uaia iora oki ratou e te tamaki: e pou iora oki ratou i rotupu i to roto mai i te au oire. 43 Kua takako iora ratou i to Beniamina e pini ua ake, e kua arumaki atura ia ratou, e kua takatakai marie ua atura ia ratou, i te pae i aite ki Gibeā, i te pae 44 i te itinga o te rā ra. E inga iora to Beniamina okotai ngauru e varu ara i 45 te tausani, e aronga toa anake ia. Kua anga akera tetai pae e oro tika atura ki te medebara ra, ki te mato ra ko Rimona: e kua koi iora i te reira i te arataa e rima akera tausani i te tangata; e kua aru viviki atura ia ratou e Gidoma roa, e kua ta atura i to ratou e rua 46 ia tausani. E rua ngauru ma rima atura i te tausani i te tangata to Beniamina i mate i te reira rā, tei unui anake 47 i te koke, e aronga toa anake ia. Te au tangata ra e ono anere, anga atura, oro atura ia ki te medebara i taua mato ra ko Rimona; e noo iora ki runga i taua mato ra ko Rimona e a akera ma- 48 rama. Kua oki akaou atura te tamariki a Iseraela ki te tamariki a Beniamina, e kua ta atura ia ratou ki te mata koke, te au tangata no te au oire, e te au puaka katoa, e tei rauka katoa i to ratou; e kua tutungi atura i te au oire katoa ta ratou i aere ra ki te ai.

PENE XXI.

Te ngati Iseraela i te aue anga i te ngati Beniamina; e ta ratou ravenga e rauka'i i te aronga i toe ra te vaine.

I TAPUTOU anato Iseraela i Mizepa, i tuatua na e, Auraka rava tetai o tatou nei e oronga i tana tamaine ei vaine na to Beniamina. E kua aere maira te au tangata ki Betela, e noo iora i reira ki mua i te aroaro o te Atua e aiai ua atura; kua pukaoa ua atura i to ratou reo ma te aue rava atura. E kua karanga atura, E te Atua o Iseraela e, e Iehova e, eaa i tupu ei teia mea ia Iseraela nei i teianei rā, i ngaro ei tetai kopu o Iseraela nei? E no akera, kua tu akera te au tangata, e kua patu iora i tetai atarau i reira, e kua apai oki i te tusia karakaratio e te tusia au ra. E kua tuatua akera te tamariki a Iseraela, Koai ma to te au kopu ravarai o Iseraela, kare i tae mai ki te uruoanga kia Iehova nei? *I taputou ua ana oki ratou i tetai taputou maata i te aronga kare e tae mai ki Mizepa kia Iehova ra, i tuatua na oki ratou e, E tamate ravaia aia.* E tatarara akera te tamariki a Iseraela i to ratou taeake ia Beniamina ra, e kua tuatua akera, Kua pou rava tetai kopu i Iseraela i te tipu keia i teianei rā. Akapeea ra tatou e rauka'i te vaine na te aronga i toe nei, kua taputou oki tatou ia Iehova e, kare tatou e oronga i ta tatou au tamaine ei vaine na ratou? E kua tuatua akera ratou, Koai to te au kopu o Iseraela nei kare i tae mai ki Mizepa kia Iehova ra? E i na, ko to Iabesa-gileada tei kore rava i tae mai ki te puakapa ki te uruoanga. I tatauia oki te au tangata ra, e i na, kare rava to Iabesa-gileada i reira.

Kua tono atura taua uipānga ra i te tangata okotai ngauru ma rua i te tausani i reira, no roto anake ratou i te au toa, e akaue atura ia ratou, karanga atura, Ka aere, ka ta i to Iabesa-gileada ki te mata koke, e ta ratou au vaine e te tamariki: Tera te mea ta kotou e rave, e ta takiri kotou i te au tane ravarai, e te au vaine katoa i mocia e te tangata ra. Kite atura ra-
12
13
14
15
16
17
18
19
20
21
22
23
24
25

kite atu oki kia ratou e, kua au.
14 Kua oki maira to Beniamina ra i reira, e kua apai atura ratou i tauaau vaine no Iabesa-gileada i akaoraia e ratou ra ei vaine na ratou: iti iora ra kare ratou itu.
15 Kua tatarara iora te tangata ia Beniamina, no te mea kua puta iora te au kopu o Iseraela ia Iehova. Kua tuatua akera te aronga pakari i taua uipānga ra, E akapeea tatou e rauka'i te vaine na te aronga i toe akera, kua mate oki te au vaine i o Beniamina ra?
17 E kua tuatua akera ratou, E vao i tetai tuanga na to Beniamina i ora ra, kia kore oki tetai kopu e ngaro i roto ia Iseraela nei: Kare ra tatou e tika kia oronga atu i ta tatou au tamaine ei vaine na ratou; kua taputou oki te tamariki a Iseraela, e kua tuatua e, Kia katarara te oronga i te vaine na Beniamina ra. Kua tuatua akera ratou i reira, I na, e oroa mataiti tei Silo na Iehova, tei tetai ngai i te pae i apatokerau i Betela ra, tei te arataa e aere tika atu ei ki Sekema mei Betela mai, i te pae ra i te itinga o te rā ra, tei te pae i apatonga i Lebona.
20 Kua akaue atura ratou i te au tamariki a Beniamina ra, karanga atura, E aere kotou, e moctapapa ua i roto i te au kainga vine ra; Ka akara'i, e i na, kia aere mai te au tamaine no Silo ki vao e ura i to ratou au takanga, ka aere ei kotou i vao i taua au kainga vine ra, ka opu ei i te vaine na kotou, ko tanao, ko tanao, i taua au tamaine no Silo ra, ka aere ei kotou ki te enua o Beniamina ra. E kia aere mai to ratou ai metua tane e to ratou au tungane e tuatua mai kia matou ra, na matou e karanga atu kia ratou e, E aroa kotou ia ratou ia matou nei; no te mea kare akera matou i akaora i te vaine a taua au tangata i te tamaki nei, kare oki a kotou e ara i tenana, no te mea kare kotou i oronga mai na ratou.
23 E kua pera oki te au tamariki a Beniamina ra, kua opu oki i te vaine na ratou, no taua aronga i opukia e ratou i te ura anga ra, e tu marie akera ratou ra; e kua aere atura ratou, e kua oki atura ki to ratou ra enua, e kua akatu i te au oire ra, e kua noo i roto. Mei reira oki, kua aere anake atura te au tamariki a Iseraela i reira, ko te tangata ko tona uaoari kopu, e ki tona uaoari ngutuare; e aere anake atura ia ki to ratou uaoari au kainga e ope rava akera ratou ra.
25 Kare o Iseraela ariki i te reira au rā: rave atura te tangata katoa i tei tau i tona uaoari mata.

BUKA A RUTA.

PENE I.

E oro onge to Elimeleka ki Moabi, mate iora aia e ana puke tamariki katoa i reira: i to Naomi oki anga ki Betelehema, kua tuatua ki nga unonga vaine nana ra e auraka e aru: kare rā Ruta e ularuke iaia.

I TE au rā i te au o te aronga akava 1
ra, e onge tei taua enua ra. Kua nere atura tetai tangata no Betelehema-Juda ki te enua ra ki Moabi, i reira aia te puakapa anga, koia, e tana vaine, e ana puke tamariki tamaroa toko rua. Ko Elimeleka te ingoa o taua tangata 2
e ko Naomi te ingoa o tana vaine, e te ingoa o nga tamariki nana, ko Mahalona ia, e ko Kilionā, no Ephierata i Betelehema-Juda ra: e tao atu- 3
ra oki ratou ki te enua ra ko Moabi, noo iora i reira. E mate iora te tane a Naomi ra ko Elimeleka; toe iora aia, e nga tamariki nana toko rua. Kua 4
rave iora raua i nga vaine na raua no te au vaine Moabi ra; ko Orapa te ingoa o tetai, ko Ruta te ingoa o tetai: noo iora ratou i reira e okotai paa nguru o te mataiti. Mate iorā Ma- 5
halona raua ko Kilionā: ko taua vaine anake ra tei toe, kua *mate* oki nga tamariki toko rua rava e te tane katoa nana ra. Kua tu akera aia ki runga, e nga unonga vaine katoa ana ra, e oki 6
aia, e akaruke i taua enua ra i Moabi: i akarongo ana oki aia i taua enua ra i Moabi e, kua kite mai a Iehova i tona au tangata, kua oronga mai i te kai na ratou. Kua aere maira ana akaruke 7
iora i taua ngai ra, koia e nga unonga vaine katoa toko rua nana ra; kua aere ua maira ratou na te arataa, te oki maira ki te enua nei ko Iuda. Kua 8
karanga aturū Naomi ki nga unonga vaine toko rua nana ra, E ooki ana korua, e aere ki te ngutuare o to korua puke metua vaine ra: kia takinga-meitaki oki a Iehova ia korua, mei ta korua takinga i tei mate akenei, e iaku katoa oki. Kia oronga mai oki a Je- 9

hova i te akaangaroiainga no korua i te ngutuare o ta korua puke tane. E kua ongi atura aia ia raua; e kua pukaoa ua atura ratou i to ratou reo 10
ma te aue. Kua tuatua maira raua kiaia, E aru katoa ia rai maua ia koe i toou na oki anga ki to au tangata na. 11
Kua karanga aturū Naomi, Ka ooki, e aku puke unonga e: eaa korua ka aru mai ei iaku? e tamariki rai ainei to roto i toku kopu, kia riro ei tane na 12
korua? Ka ooki, e aku puke unonga e, e aere oki korua: kua ruaine oki au, kare taku e taneia. Kia karanga ua atu oki au e, e manakoanga toku, e kia taneia oki taku i teianei po, e kia 13
anau oki aku puke tamariki tamaroa; E noo ua aia korua e kia pakari raua? e akangere oki korua ia korua uaorai i te tane ia raua? Auraka, e aku puke unonga e, e tumatete- 14
nga maata ra toku i to korua, i te rima o Iehova i rave mai iaku nei. 15
Kua pukaoa iora to ratou reo, aue akaou iora: kua ongi mairū Orapa i taua metua ongoai nona ra; karekā 16
Ruta kua piri tikai ia kiaia. Kua karanga atura aia, I na, kua oki akenei to tuakana vaine ki tona au tangata ra, e ki tona au atua: ka aru katoa atu 17
koe i to tuakana vaine. Kua tuatua mairū Ruta, Auraka koe e tuatua rau- 18
rau mai kiaku e akaruke ia koe, e kia oki au i toku nei aru anga atu ia koe: i te ngai taua e aere ra, e aere katoa ia au; e te ngai taua e noo ra, e noo katoa ia au: ko toou iti-tangata, ko toku katoa ia iti-tangata; e toou ra Atua, ko 19
toku ia Atua: Te ngai e mate ei koe ra, ei reira katoa au e mate ei, e ei reira katoa au e tanumia'i: kia rave mai a Iehova kiaku, e kia maata atu rai, kia tataka taua i tetai mea ke 18
mari ra i te mate. E kite atura aia e, kua mūro marie maira aia e aere katoa i tona tere, kare atura aia e tau- 19
tua akaou atu kiaia. Aere ua maira oki raus e tae maira raua ki Betelehema. E tao maira raua ki Betelehema, keuken ua iora taua

oire katoa ra ia raua, e kua tuatua akera te vaine tini, Ko Naomi teia? Kua karanga atura aia kia ratou, Au-20 raka au kia tuatuaia ia Naomi, kia tuatuaia ra au ia Mara; e tumatetenga maata oki ta te Mana katoatoa i tuku mai iaku nei. I aere oki au ma te ki, 21 e kua akaoki akaou mai a Iehova iaku ma te puapinga kore: eaa oki kotou i karanga mai ei iaku ia Naomi, tei akaapa mai a Iehova iaku, e kua tuku mai te Mana katoatoa i te tumatetenga iaku nei?

Ko to Naomi ia oki anga mai raua 22 katoa ma tana unonga ngati Moabi ra, ko Ruta ra, mei taua enua maira mei Moabi: e tae maira raua ki Betelchema i te mua o te akaū kerite ra.

PENE II.

Te koi aere rā Ruta i te au kainga o Boaza; kite aroaia mai aia e Boaza, e kua apai i tei rauka iaia kia Naomi.

ETAEAKE to te tane a Naomi, e 1 tangata apinga maata; no te kopu-tangata o Elimeleka, ko Boaza tona ingoa. Kua karanga aturā Ruta ngati 2 Moabi kia Naomi, E tuku ake ana koe iaku ki te kainga, e koi aere i te kerite na muri atu i te tangata e kite aroa ua mai iaku. Kua tuatua maira aia kiaia, 3 Ka aere, e taku unonga e. Aere atura aia, e tae atura ki roto i te kainga e koi aere ua atura i muri i te aronga e kokoti ra: e tapae ua atura aia i ta Boaza ra pae i taua kainga ra, no te kopu-tangata o Elimeleka ra aia: E i na, kua aere 4 mairā Boaza mei Betelchema mai, e kua tuatua maira ki te aronga e kokoti ra, Kia ora kotou ia Iehova. E kua karanga atura ratou kiaia, Kia ora koe 5 ia Iehova. Kua tuatua mairā Boaza ki tona tavini tei akataoongaia ki rungao i taua aronga e kokoti ra, Naai teianei tamaine? Kua karanga atura taua ta- 6 vini i akataoongaia ki rungao i te aronga e kokoti ra, na ko atura, Ko te vaine Moabi ra teia, ko tei aere katoa mai raua ko Naomi mei te enua maira mei Moabi: E kua tuatua maira aia, 7 Teia taku tuatua kia kotou, e tuku ana kotou iaku kia koi aere ua ana au na muri i te au kokoti na, na roto i te au ruru ra: e kua aere maira oki aia, e i ko nei rai aia mei te popyngi mairai, e teia noa'i, akaangaro'i iti uorai nei aia ki roto i te are nei.

Kua tuatua mairā Boaza kia Ruta, 8 Te rongo maira koe, e taku tamaine? Auraka koe e aere e koi aere i roto i te-

tai kainga ke, auraka e aere ke, ka noo 9 rai i ko nei i waitata katoa i toku au tavini vaine nei: E akara ua atu ouu mata i te kainga ta ratou e kokoti ra, ka aru atu ei koe ia ratou; kare kua 10 oti te au tangata ou nei i te akoia e au e auraka rava e rave ua atu ia koe? e kia kaki vai ra koe e aere ua koe ki te au āriki ra, inu ua atu ei i ta te au ta- 11 vini i tiki ra. Kua tipapa iora aia i raro tona mata i reira, e kua tupou iora aia ki raro i te one, e kua karanga atura 12 kiaia, Eaa au nei i kite aroaia mai ei e koe, i kite mai ei koe iaku, e vaine ke oki au nei? Kua tuatua mairā Boaza, na ko maira kiaia, Kua akakite puia 13 mai au i toou takinga i to metua ongoai vaine, mei te matenga mairai o to tane ra: e kua akaruke oki koe i to metua tane, e to metua vaine ra, e te enua i anau ei koe ra, e kua aere mai nei koe ki te aronga kite koreia e koe i 14 muatangana ra. Kia tutaki mai a Iehova i taua angaanga, e kia orongaia mai tauu tutaki maata e te Atua o Ise- 15 raela nei, e Iehova, tauu i aere mai e akaruru i raro ake i tona peau ra. Kua karanga atura aia, Kia kite aroaia mai- 16 rai au e koe, e taku pu; kua akamaru mai oki koe iaku, kua tuatua meitaki koe i to tavini vaine nei, kore oti au e aite ki tetai o to au tavini vaine na. 17 Kua tuatua mairā Boaza kiaia, i te tuatua kaingakai, Aere mai koe i ko nei kai ei i te areto, e tutou ei i tauu ma- 18 nga kai ki roto i te vinega. Noo iora aia ki te pae o te aronga e kokoti ra; kua tuku atura aia i te silona tunu nana; e kua kai iora aia e pangia 19 akera, e toe iora te kai. E kua tu akera aia ki rungao e koi aere rai, kua akaue mairā Boaza ki te au tangata ou nona ra, na ko maira, E vaoa ua atu kotou iaia kia koi aere ua ana na roto katoa i te au ruru ra, auraka e akaaka- 20 ma ua atu iaia: E akatopa uorai oki i etai aoanga rikiriki nona, ka vaoa ua i kia koi aere aia i te reira, auraka 21 e kauvae ua atu. Koi aere iora aia i roto i taua kainga ra e aiaia ua atura, e papā iora aia i tei koiia e ia ra; e kua tu aite taua kerite ra ki te epha okotui. 22 Kua rave akera aia i taua kerite ra, e kua oki maira ki roto i te oire: e kua akakite maira ki tona metua ongoai i tei koiia e ia ra: e kua apai maira oki i te kai i toe iaia ka pangia i aia ra, e 23 kua o ake nana. Kua karanga atura tona metua ongoai kiaia, Noen koe i te koi aere anga i nakonei? e ko ena tauu rave angaanga? kia ora ia tangata i

kite mai ia koe na e. Kua akakito maira aia ki tona metua ongoai i tana rave anga angaanga, kua tuatua maira, Ki o tetai tangata ko Boaza te ingoa taku rave anga i te angaanga i nakonei. Kua karanga aturū Naomi ki tana 20 unonga, Kia akameitakiia aia e Iehova, i tei kore i tivata i te takinga-meitaki mai i tei ora nei, e tei mate ra. E kua karanga aturū Naomi kiaia, No to tatou kopu-tangata taua tangata ra, ko tetai goela ia no tatou. Kua tuatua maira 21 taua ngati Moabi ra ko Ruta, I tuatua mai oki kiaku e, Ei vaitata katoao koe i toku au tavini nei, kia ope ua atu taku akaū nei i te kokotiiā e ratou. Kua karanga aturū Naomi ki tana 22 unonga kia Ruta, E mea meitaki, e taku unonga e, kia aere katoa koe e te au tavini vaine nona ra, kia kore ratou e aravei ua atu ia koe i roto i tetai kainga ua. Piri tika atura aia ki te pae 23 o te au tavini vaine o Boaza ra, i te koi aere anga, e tac ua atu ki te openga o taua akaū kerite ra, e te akaū sitona katoa, te noo ra aia i o te metua ongoai ra.

PENE III.

E mea akoia mai e Naomi i moe ei a Ruta i te tiroroa anga vaevae o Boaza ra: kua akatikū Boaza e e goela aia; e kua o mai aia i e ono aite kerite nana.

KUA karanga atura tona metua 1 ongoai ra ko Naomi kiaia, E taku unonga e, kare ainei au e kimi i tetai akaangaroi tikai noou, kia meitaki koe ra? E teianei, kare ainei no to tatou 2 nei kopu-tangata Boaza, nona te au tavini vaine taua i aere ra? I na, ci teianei aiai aia e tamūi i te kerite i te alona ra. E pai koe ki te vai, e pani 3 koe ki te manongi, ka kakau ci ki to kakau na, e e aere oki koe ki raro i te alona ra: auraka koe kia kitea mai e taua tangata ra, kia akaoti ra aia i tana kai anga e tana inu manga. E kia moe 4 aia ki raro ra, e akara tikai koe i taua ngai tana e moe ra, ka aere atu koe ki roto, ka ecu ei i te kakau i tona tiroroa anga vaevae, ka moe ei ki raro; e nana e akakite mai kia koe i taua e rave. Kua tuatua maira aia kiaia, Ko nga 5 mea ravarai taua e tuatua mai na, naku ia e rave.

Aere atura aia ki raro ki taua alona ra, e kua pera oki aia i te au mea katoa ta tona metua ongoai i tuatua mai kiaia ra. E kia kaikai a Boaza, e kia inu oki, e rekareka akera tona ngakau, aere

atura aia e moe atura ki raro i te openga o tetai utua sitona ra: kua itoro marie atura aia, kua ceu akera i te kakau i tona tiroroa anga vaevae, e kua 8 moe ki raro. E turuaipo akera, kua uri akera aia, e i na, e vaine te moe ua ra i tona tiroroa anga vaevae, tumatete- 9 nga akera taua tangata ra. Kua tuatua maira aia, Koai koe? E karanga atura aia, Ko au to tavini vaine ra ko Ruta; ka tapoki mai ana i to tavini vaine nei ki to tapa kakau ra; e 10 goela oki koe *noku*. Kua tuatua maira aia, Kia ora koe ia Iehova, e taku tamaine: kua maata oki toou takingameitaki i te openga nei, i tei muatangananana ra, ko koe kare i kimi i te tano tamariki, i te aronga apinga e te aronga 11 apinga kore. E tenana, e taku tamaine, auraka koe e matakū; e rave tikai ia au i taua e anoano ra: kua kite oki to te oire ravarai noku nei e, e vaine 12 akono meitaki koe. E tuatua-mou rai oki e, e goela au *noou*; te vai nei ra tetai goela e piri maata tona ia koe i 13 toku. Tiaki ua ana koe i teianei po, e kia popongi ra, kia tika iaia i te rave i ta te goela akonoanga ia koe ra, kua tika ia, ka rave aia i ta te goela akonoanga: kia kore ra e tika iaia i te rave i ta te goela akonoanga ia koe na, te ora 14 rā Iehova, ko au te rave i ta te goela akonoanga ia koe i reira: ka moe ki raro e kia ao. Kua moe iora aia i tona tiroroa anga vaevae e ao akera: e kua tu akera aia ki runga kare i kitca te mata tangata. Kua tuatua oki aia e, Auraka kia kitea e, e vaine tei aere 15 mai ki te alona nei. Kua tuatua maira oki aia, Apai mai ana i tenana kakau i runga ia koe na, ka āriki mai ana. E kia āriki mai oki aia i taua kakau ra, kua aite atura aia i nga aite 16 kerite e ono ra, kua tuku atura ki runga iaia; oki maira aia ki roto i te oire. E tac mairā Ruta ki te metua ongoai 17 nona ra, kua karanga atura aia. Koai koe, e taku tamaine? E kua akakito maira aia kiaia i te au mea ravarai ta 18 taua tangata ra i mea mai kiaia ra. E kua tuatua maira oki aia, Ko eianei puke aite kerite e ono nei, nana i oronga mai naku; tuatua mai oki aia e, Auraka koe e aere taoonga-rima kore ua atu 18 ki to metua ongoai ra. Kua karanga atura aia, Ka noo ua ana, e taku unonga e, kia kite koe i te openga o taua tuatua nei: kare oki taua tangata ra e noo ua, e kia ope ruva taua tuatua nei i te akatupua e ia i teianei rā.

PENE IV.

Te tuatua rā Boaza i te tangata piri tika mai kia Ruta ra ei goela nona ; kare e tika iaia : rave akerā Boaza ; riro mairā Ruta ei vaine nana ; anau akera tana tamaiti ia Obeda te tupuna o Davida.

KUA aere iorā Boaza ki te ngutupa 1
oire, noo iora i reira : e i na, kua aere maira taua goela i karangaia e Boaza ra na te pae ; kua karanga atura aia *kiatia*, E tana, e ko mea ; ka anga mai ana, ka noo ana ki raro i ko nei. Kua anga maira aia, e kua noo iora ki raro. Kua karanga atura aia ki nga tangata pakari o taua oire ra tino ngauru ra, na ko atura, Ka noo ana kotou ki raro i ko nei. E kua noo iora ratou ki raro. Kua karanga atura aia ki taua goela ra, Ko Naomi, i oki maira mei te enua maira mei Moabi, te oko nei aia i te manga kainga o to tatou taake o Elimeleka ; I manako akenci 2
oki au e, e akakite atu kia koe, e na ko atu, e oko koe i *tana kainga ra* ki mua i te aroaro o te tangata o *te oire* nei, e ki mua i te aroaro o te aronga pakari i toku nei au tangata. Kia tika ia koe i te oko ra, ka oko : kia kore ra e tika ia koe i te oko ra, ka akakite mai kiaku kia kite au : kare atu oki e tangata e tau ei kia oko mari ra ko koe ; e ko au oki i muri ake ia koe. Kua tuatua maira aia, Naku ia e oko. Kua karanga aturā Boaza, I te rā e 3
oko ei koe i te kainga i te rima o Naomi ra, ko Ruta ngati Moabi katoa ia, ko te vaine a tei mate ra, i te oko katoa angaia e tika'i, kia iri te ingoa o tei mate ra ki runga i tona kainga. Kua tuatua taua goela ra i reira, Kare atura e tika iaku kia oko noku, ko te kino aea toku nei kainga : e oko koe i toku ra noou ; kare e tika iaku nei kia oko.

Teia oki ta to Iseraela *peu* i mua-tangana ra, i te oko anga, e te o atu o mai anga oki, kia mou te au tuatua katoa ra ; e kiriti tetai i tona tamaka, ka tuku atu ei ki tetai : e *riro atura* te reira ei kite tikai ia Iseraela nei. I 4
tuatua mai ei taua goela kia Boaza ra e, Ka oko koe i *taua kainga* noou. E kua kiriti i tona tamaka.

Kua karanga akerā Boaza ki te 5

aronga pakari, e te au tangata katoa ra, Kua riro kotou ei kite i teianei rā e, kua oko au ia Naomi i te au mea ravarai a Elimeleka, e te au mea katoa a 6
10 Kiliona e ta Mahalona katoa. Kua oko katoaia e au te vaine a Mahalona ko Ruta ngati Moabi, ei vaine naku, kia iri te ingoa o tei mate ki runga i tona kainga, kia kore e ngaro te ingoa o tei mate ra i roto i tona ai tacake, e i te ngutupa o tona oire : ko kotou nga 7
11 kite i teianei rā. Kua tuatua maira te au tangata ravarai i noo i taua ngutupa oire ra, e te aronga pakari, Ei kite ia *matou* : kia akariro a Iehova i tenana vaine e aere mai ki to are na, mei ia Rahela e mei ia Lea ra, i nga *vaine* i maata'i te ngutuare o Iseraela ra ; e kia apinga nuiia koe i Ephrata, e kia 8
12 rongonui koe i Betelehemua nei. E kia riro toou ngutuare mei te ngutuare o Phareza, ta Tamara i anau ia Iuda ra, i te tamariki ta Iehova e oronga mai naau i teianei vaine ou.

13 Kua rave iorā Boaza ia Ruta, riro maira aia ei vaine nana : e kia moe aia iaia ra, kua oronga mairā Iehova i te nui iaia, e anau maira tana e tamaiti.

14 Kua karanga atura te au vaine ra kia Naomi, Kia akameitakiā Iehova, koia kare i akaruke ia koe i teianei rā ma te goela kore, e ka rongonui tona 9
15 ingoa i Iseraela nei : E riro aia ei akapumaana ia koe, e ei tauturu ia *koe* i to ruaine anga ; na to unonga oki, na tei aroa ia koe ra, e te meitaki maata ia koe i te tamariki e kia itu ua atu,

16 nana aia i anau. Kua rave iorā Naomi i taua tamaiti ra, e tuku akera ki runga i tona umauma, e riro atura aia 10
17 ei ikiiki iaia. E na te au vaine tupu ra i tapa i tona ingoa, tuatua akera, E utaro ta Naomi kua anau ; e tapa iora ratou i tona ingoa ko Obeda : ko te metua aia no Iese, i te metua no Davida ra.

18 Teia oki te uanga o Phareza : anau 11
19 akera ta Phareza ko Hezerona, E anau akera ta Hezerona ko Rama, e anau 12
20 akera ta Rama ko Aminadaba, E anau akera ta Aminadaba ko Naasona, e anau akera ta Naasona ko Salamona, 13
21 E anau akera ta Salamona ko Boaza, e 14
22 anau akera ta Boaza ko Obeda, E anau akera ta Obeda ko Iese, e anau akera ta Iese ko Davida.

BUKA TAI A SAMUELA RA.

PENE I.

No Elikana, e nga vaine ana ra, ko Penina raua ko Hana, ko Hana te vaine akaperepere, e vaine pa aia: tana pure, e to Samuela anau anga.

TE noo ra tetai tangata no Ramataina-zophima, no te maunga ra no Epheraima, ko Elikana tona ingoa, e tamaiti na Ierohama, te tamaiti a Elihu, te tamaiti a Tohu, te tamaiti a Zuphe no Epheraia ra: E toko rua ana puke vaine; ko Hana te ingoa o tetai, e ko Penina te ingoa o tetai: e tamariki ta Penina, kare ra a Hana e tamariki. Kua aere atura taua tangata ra i te au mataiti katoa ki Silo, mei roto atu i tona oire, e apai i te tusia, e e akamori ia Iehova Sabaota. E nga tamariki a Eli toko rua ra, ko Hophini raua ko Phinehaza, ko nga taunga ia no Iehova i reira. E kia apai a Elikana i te tusia ra, kua oronga aia i te tuanga na tana vaine ra na Penina, e ta te au tamariki tamaroa katoa e te au tamaine nana ra: Kareka ta Hana ra, e tuanga meitaki ia tana i apai nana; e vaine inangaro a Hana nana: kua pa oki aia ia Iehova. E kua akakoko rava mai tona enemi iaia kia mii, i te mea kua pa aia ia Iehova. I pera rai aia i te au mataiti ravarai kia aere aia ki runga i te are o Iehova ra, akakoko akera aia iaia; aue iora aia, e kare akera i kaikai. I reira oki te tane ra ko Elikana i tuatua ake ei kiaia, E Hana, eae koe i aue ei? eae i kore ei koe i kaikai? eae i tumatetengu'i to ngakau? kare ainei te meitaki maata toku i to te tamariki e kia tino ngauru ua atu ia koe na?

E oti akera ta ratou kai anga e ta ratou inu manga i Silo, kua tu akera Hana ki runga. Te noo ra te taunga ra ko Eli i runga i te nooanga i te pae o tetai pou no te nao o Iehova ra. Kua tumatetenga rava tona ngakan, e kua pure atura kia Iehova, aue rava atura. Kua tia iora aia i te tia, kua karanga atura, E Iehova Sabaota e,

kia tika ia koe i te akara mai i te mate o to tavini vaine nei, e kia manako mai koe iaku, kia kore koe e akapoina i to tavini vaine nei, kia oronga maira koe i tetai tamaiti tamaroa na to tavini vaine nei, ei reira au e oronga iaia kia Iehova, e ope rava ake ona puke ru i te ao nei, e kare e reta e tae ki runga i tona upoko. Te tamou ua ra aia i te pure ki mua i te aroaro o Iehova, te akara ua ra Eli i tona vaa. Tei te ngakau ra ta Hana tuatua anga, i kamutamuta ua tona vaa, kare ra i kitea tona reo: manako akera Eli e kua kona aia. Kua karanga atura Eli kiaia, Mei te aa te roa o to kona anga? e kopae ke atu ia koe i taau wina. Kua tuatua mairu Hana, na ko maira, Kare ia, e taku pu, e vaine ngakau taitaia ua ra au: kare rai au i inu i te wina e te kava kona, kua riringi ra au i toku vaerua ki mua i te aroaro o Iehova. Auraka koe e tuatua i to tavini vaine nei e e vaine kanga: no te maata anga oki o toku nei tumatetenga, e toku nei aue, taku i tuatua io nei. Kua karanga atura Eli i reira, na ko atura, Kia ora koe i to aerenga: e kia akatika mai oki te Atua no Iseraela i taau i pati atu iaia ra. Kua tuatua maira aia, Kia kite aroaia mai to tavini vaine nei i mua i to aroaro na. Kua aere iora taua vaine ra i tona aerenga, e kua kaikai iora, e kare atura tona mata i kinokino ra. Kua tu akera ratou i te popongi roa, e kua akamori atura ki mua ia Iehova, oki maira, e tae maira ki to ratou ngutua i Rama: e kua kite a Elikana i tana vaine ia Hana; e kua manako mai oki a Iehova iaia. E to iora Hana, e tae akera ki te tuatua tikai ra, kua anau iora aia e tamaroa, tapa iora i tona ingoa ko Samuela; kua tuatua akera oki aia, E mea patia aia e au ia Iehova ra. Aere atura taua tangata ra ko Elikana, e tona kopu-tangata ravarai, ki runga, e apai i to tusia mataiti, e tana oki i tia ra. Kare ra Hana i tae ki runga; kua tuatua akera oki

aia ki tana tane, Kia topa ake ana te u i te tamaiti nei, ka apai ei au iaia ki runga, kia kitea aia ki mua i te aroaro o Iehova, kia noo aia i reira e tuatua ua atu. Kua tuatua maira tana tane ra, 23 ko Elikana, kiaia, Tei tau meitaki ia koe e akapera koe; ka noo e kia akatopaia e koe te u iaia; kia akatupu rā Iehova i tana tuatua. Noo iora taua vaine ra, angai iora i tana tamaiti e topa ua atura te u. E kia akatopaia e ia te u ra, kua apai atura aia iaia ki runga, e nga bovi e toru, e te faraoa okotai epha, e tetai āriki wina, e kua apai atura iaia ki te are o Iehova i Silo: e tamaiti ou rava taua tamaiti ra. Kua ta iora ratou i tetai bovi ra, e kua apai akera i taua tamaiti ra kia Eli; E kua karanga 26 atura aia, E taku pu e, te ora ra koe, e taku pu, ko au te vaine i tu ua i vaitata ia koe i ko na, ka pure eia au kia Iehova ra. I pure oki au i teianei tamaiti; e 27 kua oronga mai a Iehova kiaku i taua mea ra i taku i pati atu iaia ra: No 28 reira au i oronga atu ei iaia kia Iehova; no Iehova ia aia e kia ope rava ona puke rā i te ora anga nei. Kua akamori iorā *Samuela* ia Iehova i reira ra.

PENE II.

Te imene akameitaki a Hana ra: te akomaanga kino o nga tamariki a Eli: to Samuela rave anga i te tuoonga ia Iehova: ta Eli ako i nga tamariki nana: te totou ia Eli ra.

KUA pure aturā Hana, kua karanga atura, Te rekareka nei toku ngakau ia Iehova: kua teitei toku tara ia Iehova; kua akaamamaia toku vaa ki runga i toku au enemi; no te mea te rekareka nei au i te ora naau. Kare 2 rava o Iehova e aite i te tapu; kare rava oki ko koe anake ra: kare tetai mato e arite ki to tatou Atua. Kua 3 oti ua te tuatua akatieie maata; auraka te nengonengo kino kia mama mai no roto mai i to kotou vaa: e Atua kite oki a Iehova, e koina tei akaaito i te au mea e raveia nei.

Kua aatiia te ana a te aronga ton, e te aronga kopē ra kua tatuia ia ki te maroiroi. Ko tei ki ra, kua oronga ia ratou orai ei ou kai; e tei mate i te pongi ra, kua noo marena ua ia: kua anau ta te pa e toko itu; e te vaine tamariki maata ra, kua paruparu ia.

Ko Iehova tei ta, e koia tei akaora; ko tei apai ki raro i te vaarua, e tei akatu mai ki runga. Ko Iehova tei akaao, e koia oki tei akataoiau: koia tei taakaaka, e koia tei akateitei. Koia 8 tei apai i tei akaaka ki runga mei raro

mai i te one ra, e te tangata puapinga kore no runga i te tiringa teita ra, koia tei akateitei; kia akanoo aia ia ratou i roto i te aronga mamaata, e kia rauka ia ratou te nooanga akangateitei ra: na Iehova oki te au tumu o te enua, e kua tuku aia i teianei ao ki runga 9 ra. Te vaevae o te aronga tapu nona ra, nana ia e tiaki, kareka te aronga kino ra, ei roto ia i te poiiri mate atu ei; kare rava ta te tangata nei e tupu i te maroiroi ua. Ka akaparuparu ravaia te au enemi o Iehova; ka uri mai aia i te mangungu no runga i te rangi ki runga ia ratou; na Iehova akava mai i te enua e tae ua atu ki te openga; e oronga maira aia i te maroiroi ki tona Ariki, e akateitei aia i te tara o tana e Akamainu ra.

11 Aere mairā Elikana ki Rama ki tona uarai ngutuare i reira; kareka taua tamaiti ra, rave atura ia i te angaanga a Iehova ki mua i te aroaro o te taunga ra o Eli.

12 E puke tangata kanga nga tamariki 13 a Eli; kare raua i kite ia Iehova. E ta te kau taunga ra pei i te au tangata ra, kia apai te tangata i te tusia ra, tei te tunu anga taua puaka ra, kua aere maira te tavini o te taunga ma te kokai

14 e toru manga i te rima; Kua ko iora i taua kokai ra ki roto i te āriki, e pani ra, ko tei reira ia, e kapu, ko te reira ia, e tetai apinga ke iora, ko te reira ia, e ko tei mou i taua kokai ra, ko ta te taunga ia i rave nana uarai. Ko ta ratou ia i rave i Silo i to Iseraela ravarai i aere

15 mai ki reira ra. E kare rai i tungia e ratou te tongaua e tae mai ei te tavini o te taunga ra, e kua tuatua mai ki te tangata i apai mai i taua tusia ra e, O mai tetai manga puaka e tunu paka na te taunga; kare oki aia e rave i tauu

16 puaka tunu vai, ei mea mata ra. E kia tuatua ua atu tetai tangata kiaia e, E timata ana i te tongaua i te tutungi e kia pou, mei te muatangana mairai, ka rave ei koe i tauu ra vai e inangaro; e tuatua mai aia i reira e, Auraka; ei tenana koe ka o mai ei, e kare ra, ka aō 17 ua ia au. E ara maata ua atura a au nga tangata ou ra ki mua i te aroaro o Iehova; no reira oki i akakino ei te tangata i te mineka a Iehova ra.

18 Kareka te tamaiti iti ra ko Samuela, te rave ua ra aia i te angaanga ki mua i te aroaro o Iehova, ma te ephoda orongi 19 i te kakau anga. Kua tuti oki tona metua vaine i tetai moili iti nona i te au mataiti katoa ra, e kua apai oki kiaia ra, kia aere aia ki runga ma tana tane 20 katon, e apai i te tusia mataiti ra. Kua

akaora mairā Eli ia Elikana, e tana vaine, e kua tuatua maira, Kia oronga mai a Iehova i te tamariki naui i teianei vaine no tana i oronga mai no Iehova ra. Kua aere anake iora ratou ki tona uaorini ngai. Kua atoro mairā Iehova 21 ia Iiana, e kua to iora aia, e anau akera ana puke tamaroa toko toru, e nga tamaine oki toko rua. Tupu akera oki taua tamaiti ra ko Samuela ki mua i te aroaro o Iehova ra.

Kua ruaine ravā Eli, e kua kite aia 22 i te au mea katoa i raveia e ana puke tamariki kia Iseraela katoa ra; e to raua moe anga i te au vaine i uipa i te ngutupa o te Are upānga ra. E kua 23 karanga atura aia kia raua, Eaa korua i perū? kua aakiia mai au e te tangata katoa nei i ta korua na ravenga kino. Eiaa, e aku puke tamariki e; kare te 24 rongo meitaki taku i akarongo nei: te ara nei te au tangata o Iehova ia korua na. Kia ara tetai tangata i tetai e tika 25 te au akava kia akava i te reira; kareka kia ara te tangata ia Iehova ra, koai te akatika iaia i reira? Kare ra raua i akarongo i te reo o to raua metua, no te mea kua akakoro a Iehova e ta ia raua. Tupu atura taua tamaiti ra ko 26 Samuela, e i akaperepereia mai e Iehova e te tangata katoa.

Kua aere maira tetai tangata no te 27 Atua kia Eli ra, e kua tuatua maira kiaia, Te na ko mairā Iehova, Kua akakite pu tikai au iaku uaorai ki te ngutuare o to metua ra, ia ratou i Aiphiti ra. i te ngutuare o Pharao ra; E kua iki au iaia no roto i te au kopu o 28 Iseraela katoa ra, ei taunga naku, ei apai i te tusia ki runga i taku atarau, ei tutungi tumiama, e ci kakau i te ephoda ki mua iaku nei; e kua oronga au i te au tusia ai katoa a te tamariki a Iseraela ki te ngutuare o to metua ra. Eaa kotou i akatokū uā'i i taku tusia, e 29 taku mineka i akaucia e au i toku noo-anga ra: e maata oki toou akangateitei anga i to nga tamariki iaku nei, aka-matu uā'i kotou i te au mineka memei-taki ravarai a toku au tangata a Iseraela nei? E teianei, te tuatua maira te 30 Atua o Iseraela ra ko Iehova, I tuatua rai oki au e, e na mua iaku toou ngutuare, e te ngutuare o toou metua, i te aere e tuatua ua atu: i teianei ra, te tuatua mairā Iehova e, Auraka rava ia; ko tei akangateitei mai iaku ra, ko taku ia e akangateitei atu, kareka tei akavaavaa mai iaku ra, ka akavaavaa ia ratou. I 31 na, te vaiata maira te tuatua, ka tipu ke au i toou rima, e te rima o te ngu-tuare o to metua na, e kare rava tetai

tangata e ruaincia i roto i toou ra ngu-tuare. Ka kite oki koe i te tumatetenga i roto i toku ra puakapa i te au mea katoa e meitaki ei Iseraela nei: kare rava tetai tangata i te ngutuare e tae ki 33 te ruaine anga e tuatua ua atu. E toou ra tangata e toe i te tipu keia e au i taku atarau ra, e toe ia ci akapou i to mata, e ei akamamae i to ngakau: e ope takiri oki toou ngutuare katoa i te mate i to ratou mapu anga ra. 34 E te mea ka rokoia tika mai ei au nga tamariki ra ko Hophini raua ko Phinehaza ra, ko taua ia akairo, ka mate 35 katoa raua i te rā okotai ra. E akatupu au i tetai taunga pikikaa kore naku ra, e ka rave aia i tei tau i toku nei ngakau, e toku nei manako: e naku e patu i te are mou nona ra; e na mua aia i taku e akamainu ra i te aere e tuatua ua atu. 36 E ko tei toe i toou ngutuare, ka aere akaopuku mai ia ki mua iaia ra, i te manga ario, e te manga kai, ka tuatua mai ci e, Teia taku tuatua kia koe, e tuku ana koe iaku i tetai taonga a te kau taunga na, kia kai au i tetai manga kai ra.

PENE III.

Te akakite mairā Iehova iaia uaorai kia Samuela ra: te pou o te ngutuare o Eli i akakiteia mai: kua akatika uā Eli i te tuatua a Iehova.

1 **T**E rave ra taua tamaiti ra ko Sa-muela i te angaanga a Iehova ki 2 mua i te aroaro o Eli. Te iti ra te tuatua a Iehova i te reira tuatau; kare oki e orama putuputu i reira. I taua tuatau ra, te moe ua rā Eli i tona ngai, kua avarevare tona mata, kare aia i kite 3 kia akara ra; E kare rai i mate te lamepa a te Atua i te nao o Iehova, i vaooia'i te aruna a te Atua ra, kua moe 4 katoa iorū Samuela: Kua kapiki mairā Iehova kia Samuela: e kua karanga 5 atura aia, Teia au. Kua oro atura aia kia Eli ra, e kua karanga atura, Teia au; taua oki i kapiki mai kiaku nei. Kua tuatua maira aia, Kare au i kapiki atu 6 maira aia kua moe. Kua kapiki akaou mairā Iehova kia Samuela. Kua tu akerū Samuela ki runga, aere atura kia Eli ra, e kua karanga atura, Teia au; kua kapiki mai oki koe kiaku. Kua tuatua maira aia, Kare au i kapiki atu 7 kia koe, e taku tamaiti; e aere rai ka moe. Kare oki a Samuela i kite ia Iehova i reira; kare rai oki te tuatua 8 a Iehova i akakiteia kiaia ra. Kua kapiki akaou mairā Iehova kia Samuela, ko te tu toru ia o te kapiki anga mai.

Kua tu akera aia ki runga, e aere atura
kia Eli ra, kua karanga atura, Teia
au ; kua kapiki mairai koe kiaku. Kite
akerā Eli e, ko Iehova tei kapiki mai ki
taua tamaiti ra. E kua tuatua mairā
Eli kia Samuela, Ka aere ka moe ; e
kia kapikiia mai koe ra, e karanga atu
koe i reira e, E tuatua mai koe, e Ie-
hova e ; te akarongo nei oki to tavini.
Kua aere mairā Samuela, kua moc i
tona uorai ngai. Kua aere mairā Ie-
hova, kua tu ua maira, e kua kapiki
mei tei muatangana ra, E Samuela, e
Samuela. Kua karanga aturā Samuela,
E tuatua mai ; te akarongo nei oki to
tavini.

Kua tuatua mairā Iehova kia Samu-
ela, I na, ka akatupu au i tetai mea i
Iseraela nei, ka poturi nga pukai tari-
nga ravarai o te aronga katoa e akarongo
ra. I taua rā ra, e akatupu ei au i te
tuatua ia Eli ra, i te au mea katoa i
tuatuaia e au i tona ngutuare : tena
ka raveia e au, e naku rai e akaoti.
Kua tuatua oki au kiaia e, e akava atu
au i tona ngutuare e tuatau ua atu ; no
te mea, kite uorai aia i te ara a nga
tamariki nana ra, ko te akariro ia raua
orai ei mea viivii, kare rai aia i akamura
atu ia raua. E teianei, kua taputou
au i te ngutuare o Eli ra e, kare rava
te ara a te ngutuare o Eli e mā i te tu-
sia, e te mineka, e tuatau ua atu.

Moe ua iorū Samuela e ao ua akera, e
kua kiriti akera aia i te au pa o te Arc
o Iehova. Matakū akerā Samuela kia
akakite atu kia Eli i taua orama ra.
Kua kapiki mairā Eli kia Samuela, 16
na ko maira, E taku tamaiti, e Samuela
e. Kua karanga atura aia, Teia au.
Kua tuatua maira aia, Eaa ta Iehova 17
tuatua i tuatua mai kia koe na ? Teia
taku tuatua kia koe, auraka koe e uuna
i taua tuatua ra iaku ; kia pera mai te
Atua ia koe e kia maata ua atu rai, kia
uuna ua atu koe i tetai tuatua iaku, i te
au tuatua ravarai tana i tuatua mai kia
koe ra. Kua akakite aturā Samuela 18
kiaia i te au mea katoa ra, kare rava e
tuatua i uunaia. Kua tuatua maira
aia, Ko Iehova ia ; kia rave aia i tei
tan iaia uorai.

Tupu aturā Samuela, e kua vaitata 19
mairā Iehova iaia, e kare rava e tika
iaia kia topa ua atu tetai tuatua nana
ki raro i te one. Kite akera Iseraela 20
ravarai, mei Dana mai e tac ua atura
ki Bere-seba, e, kua riro tikai a Samuela
ei peroveta na Iehova. E kua kiten 21
akaou mairā Iehova i Silo ; i Silo oki
ta Iehova akakite anga mai iaia uorai
kia Samuela i te tuatua a Iehova.

PENE IV.

*Te tamaki ra to Iseraela i te Philiseti :
riro atura te aruna a Iehova ra : kua
taia nga tamarikia Eli, e tona uorai
matenga.*

1 **T**A E maira te tuatua a Samuela kia
Iseraela katoa ra.

Aere atura Iseraela e tamaki i te
Philiseti, e kua patia iora i te puakapa i
Ebenezera : e kua patia iora te Phili-
2 seti i te puakapa i Apheka. Kua
akanoo iora te Philiseti i ta ratou ta-
maki ia Iseraela ; e araveitu akera
ratou i te tamaki ra ; pou akera Iseraela
ki mua i te araro o te Philiseti ; mate
iora e a katoa paa tausani ia ratou i taua
3 tamaki anga ra. E tac maira te tangata
ki te puakapa ra, kua tuatua akera te
aronga pakari i Iseraela ra, Eaa ra oki
tatou i taua i e Iehova ki mua i te araro
o te Philiseti i teianei rā ? E tiki tatou
i te aruna koreromotua Iehova i Silo ra,
e apai mai i ko nei ia tatou nei, kia na
rotou ia tatou nei, ei akaora ia tatou i
4 te rima o to tatou au enemi. Kua tono
akera te au tangata i te karere i Silo, e
apai mai i te aruna koreromotu a Iehova
Sabaota ra, e noo i rotou i nga kerubi
ra : i reira katoa nga tamarikia Eli ra,
ko Hophini raua ko Phinehaza, e
taua aruna koreromotu a te Atua katoa
ra.

5 E tac atura te aruna koreromotu a
Iehova ki roto i te puakapa ra, kua
maeva iora Iseraela katoa, e maeva
6 maata, keukou atura te enua. E kite
akera te Philiseti i te aruruanga o taua
maeva ra, kua tuatua akera ratou, Eaa
ra teianei maeva maata e maoro i te pu-
kapa o te ngati Ebera ra ? Kite akera
ratou e, kua tac mai te aruna a Iehova
7 i roto i te puakapa ra. Matakū iora
te Philiseti, e kua tuatua akera oki ra-
tou, E Atua tei aere mai ki roto i taua
puakapa ra. E kua tuatua akera oki
ratou, Aue oki tatou nei e ! kare rai
8 teia mei muatangana roa mai. Aue
oki tatou e ! ka ora tatou iaai i te rima
o tera ra au atua mana ? ko te au atua
ia i ta i to Aiphiiti i taua au maki-mate
9 katoa i te medebara ra. E akamaroiroi,
e akatangata tikai, e te Philiseti e, kia
kore kotou e riro ei ao na te ngati
Ebera, mei ia ratou i riro ei ao na
kotou ra : e akatangata tikai, e tamaki.
10 Kua tamaki maira te Philiseti, e eke
iora Iseraela, oro iora te tangata ravarai
ki to ratou ngutuare : e maata ua atu
taua pou ra : e toru oki ngauru anga o
te tausani to Iseraela au tangata aere

ua i mate ra. Riro atura oki te aruna 11
a te Atua; e nga tamariki a Eli ra,
ko Hophini raua ko Phinehaza, kua
taia.

Kua oro maira tetai tangata no te 12
ngati Beniamina mei te nuku maira, e
tae maira ki Silo i taua rā ra, kua aaeia
ona kakau, e ma te one ki runga i te
mimiti nona ra. E tae maira aia, e i 13
na, te noo rā Eli ki runga i tetai noo-
anga i te pae arataa ra, te tiaki ra i te
tuatua: te kurukuru ra oki tona ate i
te aruna a te Atua. E tae maira taua
tangata ra ki roto i te oire ma taua tua-
tua ra, kua pukaoua ua atura to te oire
katoa ra. E kite akērā Eli i te puka- 14
ou anga o te aue ra, kua tuatua akera
aia, Eaa teia maoero e tu te kaunga nei
a te tangata? Kua aere viviki maira
taua tangata ra ki roto, e kua akakite
maira kia Eli. Ka iva akera ngauru 15
anga to Eli mataiti e varu oki ara; kua
avarevare oki tona mata, kare e kite kia
akara. Kua tuatua maira taua tangata 16
ra kia Eli, Mei te nuku mai au, i oro
mai nei au mei roto mai i te nuku i
teianci rā. Kua karanga atura aia, Eaa
te tuatua, e taku tamaiti? Kua tua- 17
tua maira taua tangata ra, na ko maira,
Kua ati Iseraela ki mua i te aroaro o te
Philiseti; e pou maata oki to tatou,
kua mate oki o puke tamariki ra ko
I Hophini e ko Phinehaza, e kua riro oki
te aruna a te Atua. E tei te akaiki 18
anga aia i te aruna a te Atua ra, inga
tirua atura aia ki raro mei runga mai i
taua noounga ra, i te pae ngutupa ra,
aati iora tona kaki, e mate rava akera:
e tangata ruaine oki aia, e te teimana.
Ka a akera ona ngauru anga i te mataiti
i te akava anga ia Iseraela ra.

Kua nui tana unonga te vaine a Phi- 19
nehaza, e kua vaitatu i te anau: e kite
akera aia i te tuatua e, kua riro te aruna
a te Atua, e kua mate tona metua ongo-
ai, e tana tane katoa, rokoia iora aia
e te anau; mamae iora oki aia. E vai- 20
tata akera aia i te mate, kua karanga
atura te au vaine i vaitata iaia ra,
Auraka e mataku; e tamaiti taua kua
anau. Kare ra aia i ki mai, e kare oki
i akono ua mai. Tapa iora aia i taua 21
tamaiti ra ia Ikaboda, na ko akera, Kua
kore te kakā ia Iseraela nei: no te men
kua riro te aruna a te Atua, e no te me-
tua ongoai, e no te tane nana. Kua 22
tuatua akera oki aia, Kua kore te kukū
ia Iseraela nei: kua riro oki te aruna a
te Atua.

PENE V.

*Te Philiseti i te apai anga i te aruna
ki te iero o Dagona ra: e to Dagona
inga anga ki mua i taua aruna ra:
te maki tu ke o te Philiseti.*

1 **K**UA rave maira te Philiseti i te
aruna a te Atua, mei Ebenezern
2 mai e kua apai atura ki Asedoda. E
oti akera te aruna a te Atua i te raveia
e te Philiseti ra, apai atura ratou ki
roto i te are o Dagona, e kua tuku
3 atura ki te pae o Dagona ra. E ao
akera, kua tu akera to Asedoda i te
popongi, e i na, kua ingā Dagona ki
raro, *te tipapa ua ra* te mata ki raro i
te one ki mua i te aruna a Iehova.
Kua rave iora ratou ia Dagona, akatu
akaou akera iaia ki runga i tona tura-
nga ra. E ao akera ia ratou i tu ki
4 runga i te akirata ra, i na, kua ingā
Dagona ki raro, *te tipapa ua ra* te mata
ki raro i te one ki mua i te aruna a Ie-
hova; e te mimiti o Dagona, e nga
kapu-rima ra, kua motu ke ia, te vai
ua ra i te turuki ngutupa ra; *ko te tino*
5 anake o Dagona ra tei toe. I kore ei te
kau taunga o Dagona, e te aronga katoa
e tomo ki roto i te are o Dagona i Ase-
doda ra, i takai i te turuki o Dagona, e
tae rava akenei ki teianei rā.
6 Kua teiaa maira te rima o Iehova ki
runga i to Asedoda, mate iora ratou
iaia, e kua ta maira aia ia ratou ki te
ophali, ko Asedoda e te au tapere ka-
7 toa i reirao. E kite akera to Asedoda
i te reira, kua tuatua akera ratou, Au-
raka te aruna a te Atua o Iseraela e
vaoaia i o tatou nei: kua teiaa tukituki
oki tona rima ki runga ia tatou, e to ta-
8 tou nei atua ia Dagona. Kua unga
atura ratou i te karere, e uipa mai i te
au kavana katoa o te Philiseti ki ra-
tou ra, e kua karanga atura, Akapeea
tatou i te aruna a te Atua o Iseraela
nei? Kua tuatua maira ratou, E apai
akapini tatou i te aruna a te Atua o
Iseraela e kia tao ki Gata ra. Kua
apai atura ratou i te aruna a te Atua o
9 Iseraela e *tae ua atura ki Gata*. E oti
akera i te apaiia e ratou *ki Gata* ra, tei
runga maira te rima o Iehova i taua
• oire ra, e mate maata ua atu *to ratou*;
ta iora oki aia i te au tangata o taua
oire ra, te aronga mamaata e te tangata
rikiriki, mate iora oki ratou i te ophali
10 i roto ra. E kua apai atura ratou i te
aruna a te Atua ki Ekerona. E tae
atura te aruna a te Atua ki Ekerona,
kua aue ua atura to Ekerona, na ko
akera, Kua apai mai ratou i te aruna a

te Atua o Iseracla ki o taton, e ta ia ta-
toun nei, e to tatou nei au tangata. Kua 11
unga atura ratou i te karere, e uipa
maira i te au kavana katoa o te Phil-
seti, e kua karanga atura, E tuku kotou
i te aruna a te Atua o Iseracla kia oki
akaou ana ki tona ngai tikai, ko te
mate aea tatou e to tatou nei au tangata
iaia: e mate maata oki to taua oire ra e
pini ua ake; teiaa tukituki maira te
rima o te Atua i reira. E te au tanga- 12
ta kare i mate rava ra, kua taia iora ra-
toun ki te ophali; e tae ua atura te aue
o taua oire ra ki runga i te rangi ra.

PENE VI.

*Ope akera nga marama e itu ra kua
tuatua te Pihilisti e akuaki i te aru-
na, ma te ophali auro e te kiore auro :
kua tae te aruna ki o Iosua i Bete-
semesa : kua taia te au tangata ko
ratou i akura ki roto i te aruna ; kua
tuatua ratou ki to Kiriata-icarima e
tiki mai.*

KA ita akera o te aruna a Ichova
marama i te enua o te Philiseti
ra. Kua tiki atura te Philiseti i te
kau taunga e te au tauraatua, e kua ni
atura, akapeea tatou i te aruna a Ichova
nei? ka akakite mai ana, e akapeea
tatou i te akaoki ki tona ra ngai tikai.
Kua tuatua maira ratou, Kia akaoki
kotou i te aruna a te Atua o Isaraela ra,
auraka e akaoki puapunga kore ua; e
apai ra i tetai tutukingaara nana ra:
peneiake kia ora kotou na, e kite kotou
i reira i te mea i kore ei i apai keia atu
tona rima i runga ia kotou. Kua kara-
nga arua ratou, Eaa ta matou tutaki-
ngaara e apai atu nana? Kua tuatua
mai ratou, Ei ophali auro e rima ake, e
te kiore auro oki e rima, kia aite katao
ki nga kavana o te Philiseti; okotai rai
oki o kotou mate e to kotou au kavana
katao ra. E tenana, e anga i te tu o to
kotou ophali, e te tu o te kiore i pou ei
te enua ra; e akangateitei atu kotou i te
Atua o Isaraela; peneiake aia ko to
akamāmā ake i tona rima i runga ia
kotou, e i runga i to kotou au atua, e to
kotou enua ra. Eaa ia puapunga kia
paketaketa i to kotou ngakau, mei to
Aiphihi e ko Pharaa katao i paketaketa
i to ratou ngakau? e kia akatu ke aia i
tana ravenga i rotopu ia ratou ra, kare
ainei kua tuku ratou i taua aronga ra e
riro atura ratou? E tenana ka tarai ko-
touri i tetai porotata ou, e ka rave i nga
bovi tinana e rua, kare e zugo i tukuia
ki rungoa ra, ka itiki ei nga tinana ki te
porotata, ka taki mai ei i ta raua punua

8 ki roto i te are kia taka ke ra : Ka rave
ci i te aruna a Iehova, ka tuku ci ki
runga i taua porotata ra ; ka tuku ci
nga tu auro ta kotou e apai ei tutaki-
ngaara nana ra ki roto i tetai pia i te
pae ra ; ka tuku atu ei kia aere ana.
9 E ka akafa kotou, e te aere tika atura
na te ara i tona uaorai kotinga ki Bete-
sesema ra, nana teianei kino maata i
rave ia tatou nei : kia kore ra, ka kite
ia tatou e, kare ia te rima nona i ta ia
tatou nei ; e mea tupu ua ia ia tatou
nei.
10 Kua pera atura taua au tangata ra ;
kua rave iora ratou i nga bovi tinana e
rua, kua itiki atura ki te porotata, e
mopuni atura i ta raua punua ki roto i
11 te are : Kua tuku akera ratou i te aru-
na a Iehova ki runga i te porotata, e te
pia kiore auro e te tu o to ratou ophali
12 katoa ra. Aere ua atura nga bovi ti-
nana ra, na te arataa tikai e tae atu ei
ki Bete-sesema ra, aere aue ua atura
nga bovi na te ara-metua ra, kare i pipa
ke i te pae katau e te pae kaui ; e kua
aru atura nga kavana o te Philiseti ra
na muri atu, e tae ua atura ki te koti-
13 nga i Bete-sesema ra. Te kokoti ra to
Bete-sesema i te sitona akaū ki raro i te
o ra : e kua nānū akera to ratou mata
ki runga, e kite atura i te aruna, mare-
ka rava akera oki ratou i te kite anga
14 atu. Kua aere ua maia te porotata ra
ki roto i te kainga o Iosua, e tangata
Bete-sesema, e kua tu ua iora i reira, e
toka maata oki te reira : kua pāpu iora
ratou i te rakau o taua porotata ra, e
kua apai atura i nga bovi ei tusia kara-
15 karatio na Iehova. Kua tuku iora te
ngati Levi i te aruna a Iehova, e te pia
i vaooia'i nga tu auro ra, ki raro, e kua
tuku ki runga i taua toka maata ra : e
kua apai to Bete-sesema i te tusia
karakaratio, e kua apai i te au tusia na
16 Iehova i taua rā ra. E kite akera nga
kavana toko rima o te Philiseti ra i te
reira, oki atura ratou ki Ekerona i
17 taua rā ra. Teia nga ophali auro ta te
Philiseti i apai ei tutakingaara na Ie-
hova ra ; okotai na Asedoda, okotai na
Gaza, okotai na Aschelona, okotai na
18 Gata, okotai na Ekerona ; E nga kiore
auro, e aite akera ki te au oire katoa o
te Philiseti, o nga kavana toko rima ra,
i te au oire i patuia e tei kore i patuia
ra, e tae ua atura ki te toka maata i o
Abela, ta ratou i vaoo i te aruna a Ie-
hova ki runga : te vai ua ra ia ki teia-
nei rā i te kainga o Iosua i Bete-sesema
ra.
19 E kua ta iorū Iehova i te au tangata
no Bete-sesema, no te mea kua akara

ratou ki roto i te aruna a Ichova; i taia oki e ia i taua aronga ra e rima ngauru anga o te tausani e itu ngauru tangata: e aue iora te tangata i te mea e pou maata to te tangata i te taia e Ichova. E kua tuatua akera to Bete-
semesa, Koui ia tangata e tika kia mou ki mua i te aroaro o teianei Atua tapu ko Ichova? e aere tika aia ki o ai ra mei ko nei atu i o tatou nei? Kua unga
akera ratou i te karere ki to Kiriata-icarima, karanga atura, Kua akaoki mai te Philiseti i te aruna a Ichova; e aere mai kotou e apai atu ki ko na kia kotou na.

PENE VII.

Te ako rā Samuela i te tangata kia tatarāra: i tana pure i pou ei te Philiseti ra: to Iseraela au oire i riro ia ratou kua akaokiia mai.

KUA aere maira to Kiriata-icarima e tiki i te aruna a Ichova, e kua apai atura ki roto i te are o Abinadaba i runga i te tuaivi ra; e kua akatapu atura ratou i tana tamaiti ia Eleazara ei tiaki i te aruna a Ichova ra. E c vairanga roa atura to te aruna a Ichova i Kiriata-icarima; e rua oki ngauru anga o te mataiti i reira.

E aue iora te nguturere katoa o Iseraela ia Ichova. Kua karanga aturā Samuela ki te nguturere ravarai o Iseraela, na ko atura, Kia ariu mai kotou kia Ichova ma to kotou ngakau katoa ra, ka tuku ke atu ei i te au atua ke, e te au Asetoreta, i rotopu ia kotou na, e kia akonokono i to kotou ngakau kia Ichova ra, ka akamori ei iua anake ra: ka akaora aia ia kotou i te rima o te Philiseti i reira. Kua tuku ke atura te tamariki a Iseraela i te au Baala e te au Asetoreta ra, e kua akamori ia Ichova anake ra.

Kua karanga aturā Samuela, E uipa mai ia Iseraela ravarai i Mizepa, e naku e puro ia Ichova ia kotou. Kua uipa maira ratou i Mizepa, e kua uti ratou i te vai, e kua riringi ki mua i te aroaro o Ichova, e kua neseteia iora i te reira rā, e kua tuatua akera i reira, Kua ara matou ia Ichova. E na Samuela e akatika i te tuatua i te tamariki a Iseraela i Mizepa. E kite akera te Philiseti e kua uipu te tamariki a Iseraela i Mizepa, kua aere maira te au kavana o te Philiseti e tamaki ia Iseraela. Kite akera te tamariki a Iseraela, matakau iora ratou i te Philiseti. Kua tuatua maira te tamariki a Iseraela kia Samuela, Auraka koe e tivata i te kapiki ki

to tatou Atua ra kia Ichova ia matou, kia akaora aia ia tatou i te rima o te Philiseti ra. Kua rave iorā Samuela i tetai arenio kaiu, e kua apai atura ei tusia karakaratio katoatoa na Ichova: e kua kapiki aturā Samuela kia Ichova ia Iseraela; e kua akarongo mai a Ichova iaia. Te apai rā Samuela i taua tusia karakaratio ra, te vaitata maira te Philiseti e tamaki ia Iseraela; kua akakokina mairā Ichova i te mangungu maata ki runga i te Philiseti i taua rā ra, raungara atura ratou; taia iora ratou ki mua i te aroaro o Iseraela. Aere atura oki to Iseraela mei roto atu i Mizepa, e aruaru ua atura i te Philiseti, e ta atura ia ratou, e topa maira Bete-kara. Kua rave iorā Samuela i tetai toka, e kua akatu akera ki runga i rotopu i Mizepa e ko Sene, tapa iora te ingoa ko Ebenezer, tuatua akera, Kua tauturu mai a Ichova ia tatou e teia noa'i.

Vi iora te Philiseti, kare akera ratou i tae akaau mai ki te enua o Iseraela ra: e tei runga to Ichova rima i te Philiseti e ope rava akera to Samuela au rā. E te au oire o Iseraela i riro i te Philiseti ra, i akaokiia mai ia kia Iseraela, mei Ekerona mai e tae ua atura ki Gata; e te au tapere no taua au oire ra, kua rauka ia ia Iseraela i te rima o te Philiseti ra. E au oki to Iseraela raua ko te ngati Amori. E na Samuela e akatika i te tuatua ia Iseraela e ope rava akera ona au rā i te ora anga nei. Aere atura aia i tona mataiti tona mataiti i te akapini anga ia Betela, e ia Gilagala, e ia Mizepa, e kua akatika i te tuatua ia Iseraela i taua au ngai katoa ra. E mei reira oki kua oki aia ki Rama; i reira oki tona are; e kua akatika aia i te tuatua ia Iseraela i reira; e kua akatu aia i tetai atarau na Ichova i reira.

PENE VIII.

No te akono kore o nga tamariki a Samuela i pati ei Iseraela i te ariki ra: kua akakite aturā Samuela kia ratou i ta te ariki akonoanga.

ERUAINE akērū Samuela, akariri atura aia i ana puke tamariki e ei akava ia Iseraela. Ko Ioela te ingoa o tana tama mua; e ko Abia te ingoa o tei muri ake: e puke akava oki raua i Bere-seba. Kare ana puke tamariki i aru i tona rua-tapuae: tatipake atura raua i te apinga, e kua rave i te tutaki, e kua akamangi i te tuatua-tau. Kua akaputuputu iora te aronga mamaata

katoa o Iseraela, e kua aere maira ki Rama kia Samuela ra; E kua tuatua maira ratou kiaia, I na, kua ruaine koe, e kare aau puke tamariki i aru i toou ra rua-tapuae; e teianei, e akatāka ana koe i tetai ariki no matou, ei akava ia matou, mei to te pa enua katoa.

Mainaina akera rā Samuela i ta ratou tuatua anga mai e, O mai tetai ariki no matou, ei tutara ki runga ia matou nei. E kua pure aturā Samuela ia Iehova. Kua tuatua mairā Iehova kia Samuela, E akarongo ua atu koe i te tuatua a te au tangata na, ta ratou i tuatua mai kia koe ra: kare oki ko koe ta ratou i akaruke, kua akaruke ra ratou iaku, auraka au ei tutara ki rungao ia ratou. Ko ta ratou rai ia angaanga mei te rā mairai i arataki mai ei au ia ratou mei Aiphiti ra, e tae rava akenei ki teianei rā; kua akaruke rai oki ratou iaku, e kua akamori i te au atua ke, e te pera katoa ra ratou ia koe. E tenana, e akarongo atu koe ki to ratou reo: e ako pu tikai ra koe ia ratou, e akakite oki kia ratou i te peu a te ariki kia tutara ki rungao ia ratou ra.

Kua akakite aturā Samuela ki te au tangata, i pati mai iaia i te ariki, i te au tuatua ravarai a Iehova ra. E kua karanga atura aia, Teia ta te ariki ra ravenga kia tutara ki rungao ia kotou: Ka rave aia i ta kotou au tamariki tamaroa nona uaoari, e no tana ra au kariota, e no tana ra au ipo; e oro oki tetai pae na mua i te au kariota nona ra. E akariro aia ia ratou ei kapena ki rungao i te au pupu tausani, e ei kapena ki runga i te au pupu e rima ngauru; e ei tatanu i tona kainga, e ei kokoti i tana kai akaū, e ei tupaki taoonga tamaki nana, e te au mea no tana ra au kariota. Ka rave oki aia i ta kotou au tamaine ei iro rakau kakara, e ei tunu kai, e ei keu kai. Ka rave oki aia i to kotou kainga memeitaki, e to kotou au kainga vine, e to kotou au kainga olive, ka oronga atu ei no tona au tavini. Ka rave oki aia i te ngauru-anga o ta kotou au kai ra, e no ta kotou au kainga vine ra, kaapai ei na te aronga akataoongaia ki ona ra, e no tona au tavini. Ka rave oki aia i to kotou au tavini tane, e to kotou au tavini vaine, e to kotou au tangata ou memeitaki, e ta kotou au asini, kaapai ei ei rave i tana uaoari angaanga. Ka rave oki aia i te ngauruanga o ta kotou au mamoe; e ka riro kotou ei aronga tavini nona. Ka aue oki kotou

5 i te reira tuatau i to kotou ariki i ta kotou i iki ra; kare rā Iehova e akarongo mai ia kotou i te reira tuatau.

19 Kare akera! taua au tangata ra i akarongo i te reo o Samuela; e kua tuatua akera ratou, Auraka; ei ariki rai to matou i rungao ia matou nei;

20 Kia aiteite katoa matou ki te pa enua ravarai; kia akatika to matou ariki i te tuatua ia matou nei, e kia na mua aia ia matou, ka tamaki ei i ta matou

21 tamaki. Kua akarongo aturā Samuela i te au tuatua ravarai a taua au tangata ra, e kua akakite atura aia i tana

22 tuatua ra ki mua ia Iehova ra. E kua tuatua mairā Iehova kia Samuela, Ka akarongo koe i to ratou reo, e akaariki i tetai ariki no ratou. Kua karanga aturā Samuela ki taua au tangata Iseraela ra, Ka aere anake ki to kotou au oire tikai.

PENE IX.

Ko Saula i te tōno angaia e kimi i te au asini a tona metua ra; tona tae anga kia Samuela, to Samuela takinga iaia, e te tuatua tana i akakite maira kiaia no ko mai i te Atua ra.

1 **T**E noo ra tetai tangata ngati Beniamina, ko Kisa te ingoa, e tamaiti na Abiela, te tamaiti na Zerora, te tamaiti na Bekorata, te tamaiti na Aphia, e ngati Beniamina, e tangata

2 apinga maata. E tamaiti tana, ko Saula te ingoa, e tangata tau tikai, e te meitaki: kare e tangata e aite iaia i o te tamariki a Iseraela i te meitaki: ko tona pakuivi e runga akera ko tona ia ngai i teitei i te au tangata ravarai.

3 Kua ngaro te au asini ua a te metua o Saula a Kisa. Kua karanga aturā Kisa ki tana tamaiti kia Saula, E tu koe, e aere, e kimi i te au asini, e arataki ka-

4 toa atu i tetai o te au tavini nei. Aere atura aia na te maunga ra ko Epheraima, e na te tapere ra ko Salisa, kare i kitea atu e raua: mei reira kua aere iora raua na te tapere ra ko Salima, e kare oki i reira: e kua aere aia na te tapere o te ngati Beniamina, e kare i

5 kitea e raua. E tae atura raua ki te tapere ra ko Zuphe, kua karanga aturā Saula ki tona tavini ra i aere katoa raua ra, Aere mai taua e oki; ko to kore aea taku metua i te manako i te asini, e kua eumiumi aia ia taua nei.

6 Kua karanga atura aia kiaia, I na, tei teianei oire tetai tangata no te Atua, e tangata akangateiteia taua tangata ra; ko tana katoa i tuatua ra e tupu tika rai ia: e aere taua ki reira; peneiake

ko te akakite mai aia i to taua arataa
kia aere na reira. Kua karanga aturū
Saula ki taua tavini nona ra, Eaa ra ta
taua e apai atu na taua tangata ra, me
aere taua? e kua pou oki te kai i ta
taua puke kete, kare a taua e taoonga-
rima kia apai na taua tangata o te Atua
ra: eaa ta taua *puapinga*? Kua tua-
tua mairai taua tavini ra kia Saula, na
ko maira, Teia tetai kuata sekela ario
tei iaku nei; ko taku ia e apai na taua
tangata o te Atua ra, kia akakite mai
aia kia taua i to taua arataa. I mua-
tangana ra, kia aere to Iseraela e ui i
te tuatua ki te Atua ra, e pera ia te
tuatua e, Taki aere tatou ki te akara
akera: e akara oki to te peroveta nei
ingoa i muatangana ra. Kua karanga
aturū Saula ki taua tavini nona ra, E
tuatua meitaki tena; e aere taua. Aere
atura raua ki taua oire i *nooia* e taua
tangata no te Atua ra.

Te aere ra raua na runga i te tuaivi
ki taua oire ra, kite atura raua i e toko-
tai puke tainaine te aere ra e uti i te
vai, kua karanga atura raua kia ratou,
Tei ko nei aina te akara? Kua tua-
tua maira ratou kia raua, na ko maira,
Teia ia: tei mua atu ia ia korua: ka
aere viviki, i aere mai oki aia ki te oire
i teianei rā; no te mea e tusia ta te au
tangata i teianei rā ki runga i te ngai
teitei ra: Kia tae tikai korua ki roto i
te oire ra, kare aia e riro ki runga i te
ngai teitei e kaikai ra, e kite atu ei
korua iaia; kia tae mai oki aia ka kai
ei te au tangata, no te mea koia tei
akameitaki i te Atua i te tusia ra: ka
kai ei te aronga i tuatuaia ra i muri
ake: e tenana ka aere ki runga, ako-
nei korua ka kite atu ei iaia. Aere
atura raua ki runga ki roto i taua oire
ra; e tae atura raua ki roto i te oire, i
na, kua aravei mairū Samuela ia raua
i te aere anga ki runga ki taua ngai
teitei ra.

Kua akakite mai ana rā Iehova ki
te taringa o Samuela i te rā i mua ake
i taua aerenga mai o Saula ra, na ko
maira, Penei apopo ka tono mai ei au
i tetai tangata no ko i te tapere o
Beniamina ki ko nei kia koe nei, e ka
akatainu koe iaia ei tutara ki rungao i
toku iti-tangata ia Iseraela, kia ora
toku au tangata iaia i te rima o te
Philiseti ra: kua akara oki au i toku
au tangata; e kua tae mai to ratou
reo kiaku nei. E kite akerū Samuela
ia Saula, kua tuatua mairū Iehova iaia,
I na, te tangata taku i karanga atu
kia koe na! koia tena ko te ka tutara ki
rungao i toku iti-tangata.

- 18 Kua aere aturū Saula i vaitata ia
Samuela i te ngutupa oire ra, e kua
karanga atura, Teia taku tuatua kia
koe, e akakite mai koe kiaku i te are o
19 te tangata akara ra. Kua tuatua mairū
Samuela kia Saula, na ko maira, Ko
au taua akara ra: ka aere na mua
iaku ki runga ki te ngai teitei akera;
ka kaikai tatou akonei: e apopo, kia
akakiteia atu koe e au te au mea ka-
toa i roto i to ngakau na, ka taku ia au
20 ia koe kia aere ana. Kareka te au
asini ua naau i ngaro e po toru akenei,
auraka to ngakau e maaraara i te reira;
kua kitea oki ratou. E naai oki te au
mea katoa i anoanoia e Iseraela nei?
Kare ainei naau, e na te ngutuaere ka-
21 toa o to metua ra? Kua karanga
aturū Saula, na ko atura, Kare ainei
au i te ngati Beniamina, no te kopu
mea iti rava ia Iseraela nei? e toku
oki kopu-tangata, kare ainei i te mea
iti rava i te au kopu-tangata ravarai i
te kopu o Beniamina ra? eaa oki koe
22 i pera mai ei kiaku nei? Kua rave
aturū Samuela ia Saula raua ma tona
tavini, e kua arataki atura ia raua ki
roto i te pia kaingakai ra, e kua aka-
noo atura ia raua i te nooanga meitaki
i roto i te aronga i tuatuaia, e toru
23 ngauru paa taua aronga ra. Kua ka-
rangā aturū Samuela ki te ta'u-kai ra,
Ka apai mai ana i te manga kai taku
i toku atu kia koe ra, taku i karanga
atu kia koe ra e, E vaoa ke ia i vaitata
24 ia koe na. Kua rave iora taua ta'u-
kai ra i te ua mua, e to runga katoa ra,
e kua toku iora ki mua ia Saula ra.
Kua tuatua mairū Samuela, I na, tei
mua i to aroaro tei vaoaia *naau* ra; ka
kai, i vaoaia oki naau tikai, mei te
tuatau i karanga'i au e, Kua tuatuaia
e au te au tangata ra. Kai katoa iorū
Saula raua ma Samuela i taua rā ra.
25 E kia eke maira ratou ki raro mei
runga mai i taua ngai teitei ra ki roto
i te oire, kua karangaranga iorū *Samu-
ela* raua ko Saula ki rungao i te are.
26 Tu akera ratou ki runga i te akirata;
e i te popongi metua, kua kapiki mai-
rū Samuela kia Saula i rungao i te are,
tuatua maira, Ka tu, kia toku atu au
ia koe kia aere ana. Kua tu akērā
Saula ki runga, e kua aere atura aia e
27 Samuela katoa ki vao. E te aere atura
ratou ki te openga mai o te oire ra, kua
tuatua mairū Samuela kia Saula, Ka
tuatua ana i te tavini na, e aere na mua
ia taua, (kua aere ua atura aia na mua,) e
tu iti poto uao ana ra koe, kia aka-
kite atu au kia koe i te tuatua a te
Atua.

PENE X.

*Ko Saula i akatainu poiriri e Samuela ;
nga akairo e toru i akakiritia ra ;
kua akatu keia Saula : kua totou
aia. Te uipanga i Mizepa : ko Saula
tei ikia e ariki : kua tu ke ke te
manako o te au tangata iaia.*

KUA rave iorā Samuela i tetai ne
manongi, e kua riringi atura ki
runga o tona mimiti, e kua ongi atura
iaia, karanga atura, Kare ainei kua
akatainu a Iehova ia koe ei tutara ki
runga o tana tuanga nei? Kia aka-
ruke mai koe iaku e aere atu koe
akonei, ka aravei koe i e toko rua puke
tangata i waitata i te tanumanga o
Rahela i Zeleza, i te pae o Beniamina;
e ka tuatua mai raua kia koe e, Kua
kitea te au asini taau i aere e kimi ra;
e i na, kua kore to toou metua maara-
anga i te au asini, te aue ra ia koe, te
tuatua ra e, Akapeca ra au i taku
tamaiti? E mei reira oki e aere ra
koe e kia tac koe ki te ale i o Tabora,
e ka aravei mai ia koe i reira nga
tangata toko toru i to ratou aerenga ki
Betela e *akamori* i te Atua; e puke
punua puaka-nio e toru ta tetai i te
apai anga, e nga areto oki e toru ta
tetai, e ariki wina oki ta tetai i te apai
katoa anga: E aroa mai oki ratou ia
koe, e oronga mai ratou i e rua areto
naau; e rave oki koe i *te reira* i to
ratou rima. E mei reira oki e tac
atura koe ki te maunga o te Atua, e
puakapaanga toa tei reira na te Phil-
seti: e kia tac koe ki roto i te oire ra,
ka riro koe i te aravei i tetai pupu
peroveta, i te aerenga mai ki raro, mei
runga mai i taua ngai teitei ra, ma te
nabala, e te tophe, e te koe, e te kinu-
ra, i mua ia ratou; e totou oki ratou:
Ka tae mai oki te Vaerua o Iehova ki
runga ia koe ra, ka totou katoa oki
koe e ratou katoa, ka riro oki koe ei
tangata akatu keia. E kia ope teia
au akairo i te tupu ia koe ra; ka rave
ei koe i tei tika ia koe ra: tei ia koe
oki te Atua. E aere ra koe ki raro
ki Gilagala na mua iaku; e i na, e
aere atu au ki raro kia koe na. e apai
i te tusia karakaratio, e ta oki i te tusia
au ra: kia po itu koe i te tapapa anga
mai *ia/ku*, e kia tae atu au kia koe na,
e akakite kia koe i taau e rave ra.

E kia ariu aia e aere e akaruke mai
ia Samuela, kua oronga maira te Atua
i te ngakau ke nona: tupu atura oki
taua au akairo katoa ra i taua rā ra.
Tae akera oki raua ki te maunga ra, i 10

na, kua aravei maira tetai pupu pero-
veta iaia; e kua aere mai oki te Vae-
rua o te Atua ki runga o iaia, e kua
11 totou iora aia i rotupu ia ratou. E
kite akera te aronga ravarai i kite iaia
i muatangana ra, e i na, te totou katoa
ra aia i rotupu i te au peroveta ra, kua
tuatua akera ratou ratou uorai, I
peaia io nei te tamaiti a Kisa nei?
Tei roto katoa Saula i te au peroveta
12 ra? Kua tuatua akera tetai tangata i
reira, na ko akera, Koai ra to ratou
metua tane? E riro atura ia ei tuatua-
anga, Tei roto katoa Saula i te au
13 peroveta? E oti akera taua totou
anga ra, aere atura aia ki te ngai tei-
14 tei ra. Kua tuatua maira te taake o
te metua o Saula kiaia, e te tavini
katoa nona ra, I aere tika oki korua
kiea? Kua karanga atura oki aia, *I
aere maua* e kimi i te au asini: e kare
atura i kitea e maua, aere atura maua
15 kia Samuela ra. Kua tuatua maira te
taake o te metua o Saula, Teia taku
tuatua kia koe, e akakite mai ana koe
kiaku i ta Samuela i tuatua mai kia
16 korua na. Kua karanga atura Saula
ki te taake o tona metua, Kua akakite
pu tika ia kia maua e kua kitea te au
asini. Kareka te tuatua i te basileia, ta
Samuela i tuatua maira, kare aia i
akakite atu kiaia i *te reira*.
17 Kua akaputuputu mairā Samuela i
te au tangata ki Mizepa, ki mua i te
18 aroaro o Iehova; E kua karanga atura
aia ki te tamariki a Iseraela, Te na ko
maira te Atua o Iseraela ra ko Iehova,
I arataki mai au i to Iseraela mei
Aiphiti mai, e kua akaora au ia kotou
i te rima o to Aiphiti, e i te rima
o te au basileia katoa i tinai-mate mai
19 ia kotou na: E kua akaruke ra kotou
i to kotou Atua i teianei rā, i tei akaora
ia kotou i to kotou au tumatetenga
katoa e to kotou au mate; e kua
karanga kotou kiaia e, *Auraka*; ei
ariki rai te tuku ki runga ia matou.
E tenana, e akakite kotou ia kotou
uorai ki mua i te aroaro o Iehova i to
kotou au kopu e to kotou au kopu-
20 tangata. E oti akera te au kopu katoa
o Iseraela i te akavaitataia mai e Sam-
uela, ko te kopu o Beniamina tei
21 akakiteia mai. E oti akera te kopu o
Beniamina i te akavaitata kopu-ta-
ngataia mai e ia, ko te kopu-tangata
o Matari tei akakiteia mai, e akakiteia
maira oki te tamaiti a Kisa ra ko Saula:
e kia kimi ratou iaia kare rava atura
22 aia i kitea. Kua ui akaou rai ratou
kia Iehova i te tae anga mai o taua
tangata ra i reira. E kua tuatua mairā

Iehova, I na, kua pipini aia ki roto i te au apinga ra. Kua oro atura ratou e arataki mai iaia mei taua ngai ra, e kia tu mai aia i rotou i te au tangata ra, teitei atura aia i te au tangata katoa ra, ko te pakuivi ra i runga akera te va'i i teitei. Kua karanga aturā Samuela ki te au tangata ravarai, Te akara nei ainei kotou aia i tei ikiia e Iehova ra, kare ona e arite i te au tangata katoa ra? Kua maeva katoatoa iora te tangata, kua tuatua maira, Kia ora te ariki.

Kua akakite aturā Samuela ki te 25 tangata i te au mea tika e tau ki te au ariki, e kua tata iora ki roto i tetai buka, e kua vao iora ki mua i te aroaro o Iehova. Kua tuku aturā Samuela i te au tangata katoa kia aere ana ki to ratou au ngutuare tikai. Aere 26 aturā Saula ki tona ngutuare i Gibeā; e tetai takanava tangata katoa i te aere katoa anga, ko tei akatacia to ratou ngakau e te Atua ra. Kua tuatua akera 27 tetai papaki tangata kanga ra, Eaa tatou e ora'i i te reira tangata? Akavaavaa atura ratou iaia, e kare i apai i te apinga nana. Kare ra aia i akono ua atu ia ratou.

PENE XI.

Ko Nahasa ngati Amona i te tamaki anga atu ia Iabesa-gileada; tana tuatua kino ia ratou: kua unga to Iabesa i te karere ki to ratou ai tacake; e kua akaorai e Saula.

KUA aere maira te ngati Amona 1 ra ko Nahasa ki runga i reira, e kua patia iora i te puakapa e tamaki ia Iabesa-gileada; e kua karanga atura te au tangata ravarai o Iabesa kia Nahasa, E papau mai koe i te koromotu kia matou nei, e ei tavini matou noou na. Kua tuatua maira taua ngati 2 Amona ra ko Nahasa kia ratou ra, Teia te mea e papau ei au i te koromotu kia kotou, e koiti ana au i to kotou katoa au mata katau, ei akakino anga ia Iseraela katoa ra. Kua 3 karanga atura te aronga pakari i Iabesa kiaia, E tuku mai ana koe i nga rā e itu ake ei akacanga kia tono matou i te veka ki te au tapere katoa ki o Iseraela; e kare e tangata i te akaora ia matou ra, ei reira matou e aere atu ei ki vao kia koe na. E tae atura nga 4 karere ki Gibeā i o Saula ra, kua akakite atura ki te tangata i taua tuatua ra: kua pukaou ua atura te tangata ravarai i to ratou reo ma e aue.

E i na, te aru aere mairā Saula i te 5

au bovi mei te kainga mai; e kua tuatua mairā Saula, I aia te au tangatā nei i aue ei ratou? Kua akakite aturā ratou kiaia i te tuatua a nga tangatā 6 no Iabesa ra. E tei te akarongo anga aia i taua tuatua ra, kua tae maira te Vaerua o te Atua ki runga ia Saula, 7 tupu rava akera tona riri. Kua rave iora aia i nga bovi e rua ra, tipupu iora, akau atura ki te au tapere ravarai ki o Iseraela i te rima o te karere ra, i te tuatua anga e, Ko te kore e aru mai ia Saula e ia Samuela, e akapera 8 katoaia te au bovi nana. Rokoia ako te tangata ravarai e te mataku ia Iehova ra, e kua aere rotai maira ratou katoa. E kia tatou aia ia ratou i Bezeka, e toru ia anere anga i te tausani i taua au tamariki a Iseraela ra, e te au tangata o Iuda ra, e toru ia ngauru i te tausani.

9 Kua tuatua maira ratou ki nga karere i aere maira, E karanga atu kotou ki to Iabesa-gileada, Apopo i te avateara e tauturuia i kotou. Kua aere maira aua nga karere ra, e kua akakite maira ki to Iabesa i taua tuatua ra; mareka 10 rava akera ratou. Kua karanga atura to Iabesa, Apopo matou ka aere atu ei ki ko na kia kotou na, ka rave mai ei kotou ia matou i ta kotou e anoano ra. 11 Kia ao akera ra, kua akataka iorā Saula i taua au tangata ra, e toru akera takanava; e tae atura ratou ki rotou tikai i te puakapa i te aranga popongi ra, e ta ua atura i to Amona e avateca ua atura: e te toenga ra, puerikiriki ke atura ia, kare ua e toko rua tangata i kitea atu i te kapiti anga.

12 Kua tuatua akera te tangata kia Samuela, Teiea te aronga i karanga e, Ei ariki aia oki a Saula ki rungao ia tatou? Arataki mai ana ia aronga ki 13 ko nei, e na matou e ta. Kua tuatua akerā Saula, Kare rava tetai tangata e mate i teianei rā: kua akaora oki a 14 Iehova ia Iseraela i teianei rā. Kua karanga aturā Samuela ki te tangata, Taki aere tatou ki Gilagala, ka akaou 15 ei i te basileia nei i reira. Aere anako atura te tangata ki Gilagala; e kua akaariki iora ratou ia Saula i reira ki mua i te aroaro o Iehova i Gilagala; e kua ta ratou i te tusia au ki mua i te aroaro o Iehova i reira; e mareka rava aturā Saula e te au tangata katoa o Iseraela i reira.

PENE XII.

Te akakite nei a Samuela i tana ravenga pikikaa kore e te takinga-kino kore; te akamataku ra aia ia ratou i te

mangungu i te tuatauakaū; e kua akapumaua ia ratou i te aroa o te Atua.

KUA karanga aturū Samuela kia 1
 Iserneta katoa, I na, kua akarongo au i to kotou reo i te au mea ravarai ta kotou i tuatua mai kiaku ra, kua akaariki oki au i tetai ariki ki 2
 rungao ia kotou. E teianci i na, kua na mua ia kotou te ariki i te aere: kua ruaine oki au, e kua inainaia toku mimiti; e te noo ua nei aku puke tamariki i o kotou nei: e kua na mua au ia kotou i te aere mei toku ou anga nairai e tae rava akenei ki teianci rā. 3
 I na, teia au; e akakite mai ana kotou kiaku ki mua i te aroaro o Iehova, e ki mua oki i te aroaro o tona tangata i akatainuia ra. Ko taai bovi tei raveia e au? e ko taai asini tei raveia e au? e koai taku i akangere atu? koai taku i takinga-kino atu? e i rave au i te tutaki i te rima ou ei akapo i toku mata? 4
Ka akakite mai, e naku e akaoki atu. Kua tuatua maira ratou, Kare koe i akangere mai ia matou, kare oki koe i takinga-kino mai ia matou, kare oki koe i rave i ta te tangata katoa nei apinga. 5
 Kua karanga atura aia kia ratou, Ko Iehova te kite, e tona tangata i akatainuia nei te kite, ia kotou i teianci rā e, kare a kotou puapinga i kitea i roto i toku nei rima. Kua tuatua maira ratou, Ko te kite ā.

Kua karanga aturū Samuela ki te au tangata, Ko Iehova ā ko tei akono ia Mose raua ko Aarona, e ko tei aratiki mai i to kotou ai metua mei te enua maira nei Aiphiti. E tenana, tu unorai ana kotou, kia karangaranga ua ana au kia kotou, ki mua i te aroaro o Iehova, i te au takinga-meitaki katoa a Iehova ia kotou, e i to kotou ai metua ra: Tac aturū Iakoba ki Aiphiti, e tautopa atura to kotou ai metua kia Iehova ra, kua tono aturū Iehova ia Mose raua ko Aarona, e kua aratiki mai raua i to kotou ai metua mei Aiphiti mai, e kua akanoo ia ratou ki ko nei. E ia ratou i akangaropoina i to ratou Atua ia Iehova, kua oko atura aia ia ratou ki te rima o Sisera, kapena no te nuku o Ilazora; e te rima oki o te Philiseti, e te rima oki o te ariki o Moabi, e kua tamaki maira ratou ia ratou. E kua kapiki atura ratou kia 10
 Iehova, karanga atura, Kua ara matou, no te mea kua akatitima matou ia Iehova, e kua akamori matou i te au Baala e te au Asetoreta: i teianci ra, e akaora ia matou i te rima o to matou nei au enemi, e e akamori matou ia

11 koe. Kua tono akerū Iehova ia Ierubaa, e ia Bedana, e ia Iepheta, e ia Samuela, e kua akaora iora ia kotou i te rima o to kotou au enemi e pini na 12
 ake, noo iora kotou ma te ora. Kia kite io nei ra kotou i te ariki o te tamariki a Amona ia Nahasa, i te aerenga mai e tanaki ia kotou na, kua tuatua maira kotou kiaku, Auraka; ei ariki ra to matou ki rungao ia matou; e ariki oki to kotou ko to kotou Atua ra 13
 ko Iehova. E tenana, i na taua ariki i iikia e kotou na, ta kotou i anoano na! e i na, kua tuku oki a Iehova i 14
 tetai ariki ki rungao ia kotou na. Kia matakū kotou ia Iehova, e kia akamori kotou iaia, kia akono oki i tona reo e kare e akatokā i te akauenga a Iehova, ei reira kotou, e te ariki katoa tei tutara ki rungao ia kotou, e aru tamou 15
 ei i to kotou Atua ra ia Iehova: Kia kore ra kotou e akamako i te reo o Iehova, kia akatokā ra kotou i te akauenga a Iehova, ei rungao to Iehova rima ia kotou i reira, mei to kotou ai metua katoa ra. 16
 E teianci, ka tu ua ana kotou, kia kite i teianci mea maata, ta Iehova e rave ki mua i to kotou na mata. 17
 Kare ainei teia i te tuatua mou sitona ra? Ka tautopa au ia Iehova, e nana e tuku mai i te mangungu e te ua; kia akara kotou e kia kite kotou, e e kino maata tei raveia e kotou i mua i te aroaro o Iehova nei, kotou i pati mai i tetai ariki no kotou na. 18
 Kua tautopa aturū Samuela ia Iehova: e kua tuku mairā Iehova i te mangungu e te ua i taua rā ra: matakū rava akera te au tangata ravarai ia Iehova e ia Samuela. 19
 E kua tuatua maira te au tangata katoa kia Samuela, E pure koe i to Atua ra ia Iehova i to au tavini nei, kia kore matou e mate: kua kapiti katoa oki matou i teia ara ki ta matou au ara katoa ra, ko matou i pati i tetai 20
 ariki no matou nei. Kua karanga aturū Samuela ki taua au tangata ra, Auraka e matakū: kua rave rai oki kotou i taua kino maata katoa nei; auraka ra kotou e tatipake i to kotou aru anga ia Iehova; e akamori ra kotou ia Iehova ma to kotou ngakau 21
 katoa ra; Auraka oki kotou e anga ke, kia aru i te au mea puapinga kore ra, kare a ratou e puapinga, kare oki e tika kia akaora; e mea puapinga kore 22
 oki te reira. No tona ra ingoa maata e kore ci a Iehova e akaruke i tona ititangata: kua tika oki ia Iehova i te akariro ia kotou ci ititangata nona. 23
 Kareka au nei, auraka rava au e

tukumoe i te pure ia kotou, ka ara ai au ia Iehova ra; ka apii rai au ia kotou i te aratna meitaki e te tikaoroua: Kia 24 matakau ra kotou ia Iehova, e akamori oki iaia ma te tuatua-mou, ma to kotou ngakau katoa: e akamaara oki i te mea maata i raveia e ia no kotou na. Kia 25 rave tamou ra kotou i te mea kino ra, ka pou kotou i te mate, e to kotou ariki katoa ra.

PENE XIII.

Te iki nei a Saula i te tangata e toru tausani: te Philiseti i te uipa anga e tamaki i to Iseraela ra: to Iseraela tumatetenga: kua roiroi a Saula i te tapapa ia Samuela, e kua apai aia i te tusia karakaratio: kua tae mai a Samuela i reira e kua oki mai iaia.

ARIKI akerā Saula e okotai akera 1 mataiti, e kia rua akera mataiti i tona ariki anga ki runga ia Iseraela ra, Kua iki iorā Saula i te au tangata o 2 Iseraela e toru tausani nona uaoari; ko e rua tausani ra, tei ia Saula ia i Mikemasa, e i te maunga ra ko Betela; e tetai tausani ra, tei ia Jonatana ia i Gibeā i o Beniamina ra; e te toenga o te tangata ra kua tuku ua atura aia ia ratou kia aere anake ana ki te ngutuare. Kua ta iorā Ionatana i tetai 3 puakapaanga o te Philiseti i Gēba ra, e kite akera te Philiseti i taua tuatua ra. Kua akatangi iorā Saula i te pu e pini ua ake taua enua ra, tuatua akera, Kia akarongo mai te au Ebera. E kite akera oki to Iseraela ravanai e, 4 kua taia e Saula tetai puakapaanga o te Philiseti ra, e kua akaviiviiia to Iseraela e te Philiseti ra. Kua akaputupu maira te tangata kia Saula i Gilagala ra. Kua uipa iora te Philiseti e tamaki ia Iseraela ma te kariota e toru ngauru i te tausani, e te aronga akaoro ipo ra e ono ia tausani, e te tangata ra mei te one taatai ra te maata; e kua aere maira ratou, kua patia maira i te puakapa i Mikemasa, i te pae i te itinga o te rū i Bete-avena. E kia akara 6 akera to Iseraela i to ratou pekapēka, (tumatetenga oki te tangata,) kua pipini iora te tangata i roto i te ana, e i roto i te ngangaere, e i roto i te mato, e i roto i te au ngai teitei, e i roto i te vaarua. E kua aere atura tetai pae 7 ngati Ebera ki tēra pae Ioridana, ki te enua o Gada e Gilēada; te noo ua rū Saula i Gilagala, e kua aru atura te au tangata katoa iaia ma te rutetete.

Kua tiaki iora oki aia e po itu akera, 8 ko te taime ia ta Samuela i tuatua

maira: kare rū Samuela i tae mai ki Gilagala; pueurikiriki ke atura oki te 9 tangata iaia. Kua tuatua akērā Saula, Ka apai mai ana i tetai tusia karakaratio ki ko nei kiaku nei, e te tusia au oki. E kua apai aia i taua tusia karakaratio 10 ra. E oti akera taua tusia karakaratio ra i te apaiā e ia, i na, kua aere mairā Samuela; aere aturā Saula e 11 aravei iaia, e kia aroa atu aia iaia. Kua tuatua mairā Samuela, I aa ana koe? Kua karanga aturā Saula, No te mea, akara atura au kua pueurikiriki ke te au tangata iaku, e kare koe i tae mai i nga rū i akonoia ra, e kua putuputu 12 mai oki te Philiseti i Mikemasa; Kua tuatua akera au, Ka tae rava mai te Philiseti ki runga iaku i Gilagala, e kare rai au i pure ia Iehova: kua rave mamate ua atura oki au, e kua apai au 13 i tetai tusia karakaratio. Kua tuatua mairā Samuela kia Saula, E ravenga neneva taua: kare koe i akono i te akauenga a to Atua ra a Iehova, tana i akaue mai kia koe ra: naringa oki koe i akapera, kua akamou ravā Iehova i toou au ki runga ia Iseraela e tuatau 14 ua atu. I teianei ra, kare toou au e mou: kua kimi a Iehova i tetai tangata nona e tau ki tona uaoari ngakau; e kua akaue oki a Iehova iaia e, e kavana ia ki rungao i tona iti-tangata; no te mea, kare akenei koe i akono i ta Iehova 15 i akaue mai kia koe ra. Kua tu akērā Samuela, akaruke iora i Gilagala, tae atura ki Gibeā i o Beniamina ra. Kua tataui iorā Saula i te au tangata i ona ra, e ono paa anere i te tangata. 16 Noo iorā. Saula e tana tamaiti ko Ionatana, e te au tangata e rana katoa i Gēba i o Beniamina ra: kareka te Philiseti tei Mikemasa ia te puakapa 17 anga. Kua aere maira te aronga noni mei roto mai i te puakapa o te Philiseti e toru katoa takanava: kua anga akera tetai takanava, aere tika atura ki Ophera, 18 ki te enua ra ko Suala: E kua anga tika atura tetai takanava ki Bete-horona: e kua anga tika atura tetai takanava ki te pae i te medebara ra, i na te tapere i aite tika ki te o ra ko Zeboima. 19 Kare rava e taunga tupaki auri e pini rava ake te enua katoa o Iseraela; kua karanga oki te Philiseti e, Ko te tupaki aea te au Ebera i te koke e te 20 korare: E aere tika ra to Iseraela katoa i o te Philiseti akakoi ei i tana auri arote, e tana toi, e tana tarapa, e 21 tana ko one ra; Kua mania oki ta ratou au auri arote i reira, e te toi, e te ko one, e te au tarapa, e te au ko puaka 22 ra. E tae akera ki te rū tamakianga,

kare rava e koke, e te korare, i te kitea anga i te rima o te au tangata ravarai, i aru ia Saula, e ia Ionatana: tei ia Saula anake ra raua ko te tamaiti nana ra ko Ionatana, *te reira taoonga* i te kitea anga. Kua aere maira te puakapa o te Philiseti ki te arataa e tae atu ei ki Mikemasa.

PENE XIV.

Te puakapa o te Philiseti i te pou anga ia Ionatana raua ko te apai taoonga tamaki nana ra: kua oripu ua te Philiseti: kua aruaru katoaia e Saula ma: te tapitou neneva a Saula.

ETAE akera ki tetai rā, kua karanga atura te tamaiti a Saula ra ko Ionatana ki te tangata ou apai taoonga nana ra, Taki aere taua ki tera atu pae, ki te puakapa o te Philiseti. Kare ra aia i akakite ua atu ki tona metua. Te noo rā Saula i te openga mai o Gibeā, i raro ake i te remuna, i waitata i Migerona: e te au tangata e ono paa anere i piri kiaia ra; E ko Abia, te tamaiti a Ahitua, te tuakana no Ikaboda, te tamaiti a Phinchaza, te tamaiti a Eli taunga a Iehova i Silo ra, tei kakau i te ephoda. Kare te au tangata i kite e kua aere a Ionatana. E puke mato kekeo tei taua arataa i aercia e Ionatana ki te puakapa o te Philiseti ra, okotai tei tetai pae, okotai oki tei tetai pae: ko Bozeza te ingoa o tetai, e ko Sene te ingoa o tetai. Te ngai kekeo o tetai, anga tika atura ia ki Mikemasa i te pae i apatokerau ra: e *te ngai kekeo* o tetai ra, anga tika maira ia ki Geba i te pae i apatonga ra. Kua tuatua mairā Ionatana ki taua tangata ou apai taoonga tamaki nana ra, Taki aere taua ki te puakapa o terara au peritome kore: peneiake ko te rave a Iehova i te angaanga no tatou nei; kare oki ia peu ia Iehova i te akono i te maata e te iti kia akaora ra. Kua karanga atura taua apai taoonga tamaki nana ra, Ka rave koe i ta to ngakau e ingangaro ra: ka aere ra, i na, tei waitata katoa au ia koe i taua e anoano ra. Kua tuatua mairā Ionatana, I na, te aere nei taua ki taua au tangata ra, e ka akakite taua ia taua uaorai kia ratou. Kia tuatua mai ratou kia taua nei, Arika na kia tae atu matou kia ko'ou na; ka tu ua taua i reira i to taua ra ngai, kare taua e aere ki runga kia ratou ra. Kia tuatua maira ratou e, E aere mai ki runga nei kia matou nei; e aere ia taua ki runga i reira: ei akairo oki te reira na taua e, kua tuku mai a Iehova ia ratou ki to tatou nei

11 rima. Kua akakite atura raua ia raua uaorai ki taua puakapa Philiseti ra; e kua tuatua akera te Philiseti, I na, te aere maira te Ebera mei roto mai i te au
12 vaarua i pipini ei ratou ra. Kua tuatua maira to taua puakapa ra kia Ionatana e te apai taoonga nana ra, na ko maira, E aere mai ana ki runga nei kia matou nei, e na matou e akakite atu kia korua i tetai mea. Kua tuatua mairā Ionatana ki taua apai taoonga nana ra, E aru mai koe iaku ki runga: kua tuku mai a Iehova ia ratou ki te rima o
13 Iseraela. Kua totoro ua aturā Ionatana ki runga i nga rima e nga vaevae, e te apai taoonga nana ra i te aru anga iaia: topa iora taua au tangata ra ki mua i te aroaro o Ionatana; e kua ta katoa atura taua apai taoonga nana ra
14 na muri iaia ra. E taua pou muatungana ra ta Ionatana e ta te apai taoonga nana i rave ra, e rua ia paa ngauru anga i te tangata, ki runga i te manga one e aite ki tetai pae ekera *te maata, e tau ki nga bovi e rua kia arote*.
15 Rokoia iora te nuku e te tumatetenga i te puakapa anga ra, e te tangata katoa: to te punanga ra, e te aronga noni katoa ra kua rokoia e te tumatetenga; e kua ngaucue katoa te enua; no ko mai i te Atua tana tumatetenga ra.
16 Kua akara iora te au tiaki o Saula i Gibeā i o Beniamina ra; e i na, te ngaeua ua ra taua nuku maata ra, te akapueurikiriki aere ua atura ratou. Kua tuatua akērā Saula ki te aronga i waitata iaia ra, Ka tataua ana kia kitea atu to tatou i riro ra. E kia tataua oki ratou ra, i na, kare ua rā Ionatana e te apai taoonga nana ra. Kua karanga aturā Saula kia Abia, Ka apai mai ana i te aruna a te Atua ra. Tei te tamariki a Iseraela oki te aruna a te Atua i taua
19 tuatau ra. Te karangaranga ua rā Saula ki te taunga, te maata ua ra to keukeu i roto i te puakapa Philiseti ra: kua karanga aturā Saula ki taua taunga
20 ra, Kua oti ua. E kua maeva iorā Saula e te tangata ravarai i ona ra, e kua aere anake iora e tamaki; e i na, ko te au koke o te tangata ravarai kua ariu anake ia ki tona orai taenke; e ke
21 maata rava atura. E te Ebera i noo i o te Philiseti i muatangana ra, tei aere katoa mai oki ki te puakapa ra, kapiti katoa maira ki to Iseraela kia Saula
22 raua ko Ionatana ra. E to Iseraela ravarai i pipini i te maunga ra ko Epheraima, kite akera ratou e, kua ati te Philiseti, kua aruaru katoa atura
23 ratou ia ratou i taua tamaki ra. Kua akaora iorā Iehova ia Iseraela i taua rā

ra: tae rava atura taua tamaki ra ki Bete-avena.

E tumatetenga to Iseraela i tana rā 24
ra, kua akataputouia oki te tangata ka-
toaton e Saula, kua tuatua oki aia e,
Kia kataaria te tangata e kaikai e aiai
rava atu, kia tutaki atu au i toku ua
enemi. Kare anake atura te tangata i
tongi ua atu i te kai. E tae ua atura 25
oki te tangata katoatoa ki tetai ngai
vaorakau ra; e meli oki to reira, te vai
ua ra ki runga i te one. Kia tae ra te 26
tangata ki roto i taua ngai vaorakau ra,
e i na, te topata ua ra te meli ki raro;
kare rava e tangata i tuku ua ake i tona
rima ki te vaa; kua matakū oki te tan-
gata i taua taputou ra. Kare rā Iona- 27
tana i kite i tona metua i te tuku anga
mai i taua taputou ra ki te au tangata
ra: e kua ko ua atura aia i te kauru
rakau i tona rima ki roto i tetai meli-
kerio, e kua tuku iora i te rima ki tona
vaa; e kua puera rava atura ona mata.
Kua karanga atura tetai o taua aronga 28
ra, na ko atura, Kua ikuiku mamate
mai to metua i te au tangata nei ma te
taputou, na ko maira, Kia kataaria te
tangata e kai i te kai i teianei rā: i
potopoto ei te a'o o te au tangata nei.
Kua tuatua mairā Ionatana, Kua tu- 29
matetenga te au tangata nei i toku me-
tua: ka akara ua ana, taku ia tuatua
kia koe, i toku mata kua puera, ko au i
tongi ua ake i tetai manga meli iti nei!
Ka tanga atu ei i te au tangata nei, 30
naringa ratou i kai ua i nakonci i te kai
no te aru o to ratou au enemi i rauka ia
ratou ra? kare ainei e maata rava to te
Philiseti mate i reira? E ta aere ua 31
atura ratou i te Philiseti i tana rā ra
mei Mikemasa atu, e tae ua atura ki
Aialona: potopoto rava akera te a'o o
te tangata.

Kua oro ua atura te tangata ki runga 32
i te apinga, kua rave iora i te mamoe, e
te bovi, e te kafa, e kua ta ua iora ki
raro i te one; e kua kai iora te au tan-
gata i te puaka ma te toto katoa ra.
E kua karanga atura ratou kia Saula, 33
na ko atura, I na, kua ara te au tangata
akera ia Iehova, kua kai i te puaka ma
te toto. Kua karanga atura aia, Kua
ara kotou: ka akataka mai ana i tetai
toka maata ki ko nei kiaku nei. Kua 34
tuatua akerā Saula, Ka aere ana kotou
i rotou i te au tangata, ka karanga atu
ei kia ratou, E taki mai te tangata ra-
varai i tana bovi, e tana mamoe, i ko
nei ta ai ka kai ei; auraka kia ara ia
Iehova i te kai anga ma te toto katoa.
Kua taki anake maira te tangata katoa
i ta ratou bovi, i reira te tainga i taua

35 po ra. Kua akatu akerā Saula i tetai
atarau na Iehova, ko te atarau mua ti-
kai teia tana i akatu na Iehova.

36 Kua tuatua akerā Saula, E aere ta-
tou ki raro ki te au Philiseti i teianei
po, ka noni atu ei e ao ua ake, e auraka
rava tetai tangata o ratou kia vaooia.
Kua tuatua maira ratou, E rave koe i
taau e anoano ra. Kua tuatua akera te
taunga, E akavaita tatou ki te Atua i
37 ko nei. Kua ui aturā Saula ki te Atua,
E aere ainei au ki te Philiseti? ka
tuku ainei koe ia ratou ki te rima o
Iseraela nei? Kare ra aia i tuatua mai
38 kiaia i taua rā ra. Kua karanga aturā
Saula, E akavaita mai ana kotou, e te
aronga mamaata ravarai o te au tangata
nei; e akara kia kitea teianei ara i teia-
nei rā. Te ora ra oki a Iehova i akaora
39 ia Iseraela nei, tei taku tamaiti uorai
teianei ara, tei ia Ionatana, ka mate ti-
kai aia. Kare takiri ra tetai o taua au
tangata katoa ra i ki ua mai kiaia ra.
40 Kua karanga atura aia kia Iseraela ka-
toa ra, Ei tetai pac kotou, e ei ia maua
ko taku tamaiti ko Ionatana tetai pae.
Kua tuatua maira te au tangata kia
Saula, Ka rave koe i taau e anoano ra.
41 Kua karanga aturā Saula kia Iehova,
E te Atua o Iseraela e, e tuku mai koe
i te tika. E ko Ionatana raua ko Saula
tei akakiteia mai; kua ora iora te au
42 tangata. Kua tuatua akerā Saula, Ka
tuku ana i te kelero ia maua ko taku
tamaiti nei ko Ionatana. E ko Ionata-
na tei akakiteia mai.

43 Kua tuatua akerā Saula kia Ionata-
na, E akakite mai koe kiaku i taau i
rave. Kua akakite aturā Ionatana kia-
ia, kua karanga atura, Kua tongi ua
rai oki au i tetai manga meli mea ngiti
i runga i te kauru o te rakau i toku
44 rima ra, e i na, ka mate au. Kua tuatua
mairā Saula, Kia kore koe e mate,
e Ionatana e, kia pera mai te Atua kiaku
45 nei e kia maata atu rai. Kua karanga
atura te au tangata kia Saula, Ka mate
a Ionatana, i rauka'i oki teianei ora
maata i Iseraela nei? Auraka rava ia:
te ora rā Iehova kare rava tetai rauru
o tona mimiti e topa ki raro i te one;
ko te Atua oki ma ia katoa tei rave i te
angaanga i teianei rā. Kua akaora
iora te au tangata ia Ionatana, e kare
46 akera aia i mate. E aere aturā Saula,
akaruke iora i te Philiseti, aere anake
atura te Philiseti ki o ratou uorai ra.
47 Rauka iora te taonga ariki i Saula
ki runga ia Iseraela, e kua tamaki atura
aia i te au enemi katoa nona e pini u
ake, ia Moabi, e te au tamariki a
Amona, e ia Edoma, e te au ariki o

Zoba, e te Philiseti: e te au ngai katoa i aereia e ia ra kua akaanata rai aia ia ratou. Maroiroi atura oki aia, e 48 ta iora aia i to Amaleka, e kua akaora iora aia ia Iseraela i te rima o te aronga i takinga-kino ia ratou ra.

Teia nga tamariki tamaroa a Saula 49 ra, ko Ionatana, e ko Isui, e ko Meliki-sua; teia oki te ingoa o nga tamaine toko rua nana ra; ko te ingoa o te tama mua ra, ko Merabi ia, e te ingoa o tei muri ake, ko Mikala ia: E te ingoa 50 o te vaine a Saula ra, ko Ahinoama ia, e tamaine na Ahimaaza: e te ingoa o te kapena o te nuku nana ra, ko Abenera ia, e tamaiti na tetai metua o Saula na Nera. E taua metua o Saula ra, ko 51 Kisa ia, e taua metua o Abenera ra, ko Nera ia, e tamaiti ia na Abiela ra.

E tamaki maata ta Iseraela i te Phi- 52 liseti e ope ua ake to Saula ra tuatau: e kua kite a Saula i te tangata maroiroi e te toa ra, kua rave aia iaia ei tangata nona.

PENE XV.

Ko Saula i te tono angaia e tamaki ia Amaleka kia pou takiri; kua aka- ora aia ia Agaga, e tei memetaki o te au apinga: kua akakite a Samuela i tona akakore angaia; kua taiā Agaga.

KUA karanga aturū Samuela kia 1 Saula, Kua tono mai a Iehova iaku e akatainu ia koe ei ariki ki rungao i tona tangata ia Iseraela ra; e teianei, e akarongo koe i te reo i te au tuatua a Iehova. Te na ko mairā Iehova Sabaota ra, Te manako nei au i ta Amaleka i rave ia Iseraela nei, tana moetapapa anga iaia i te arataa ra iaia i aere mai mei Aiphiti maira. E te- 2 nana, e aere e ta ia Amaleka, e kia pou takiri rava te au mea katoa na ratou ra, auraka rava e akaperepere ia ratou; ka ta katoa ra i te tane, e te vaine, te tamaiti varevare e te kai u, te bovi e te mamoe, te kamela e te asini. Kua 3 akaputuputu mairā Saula i te au tangata i Telaima, e kua tatau iora, e rua anere anga i te tausani i te tangata aere na, e okotai ngauru anga i te tausani i te tangata no Iuda.

E kua tae aturū Saula ki tetai oire 5 no Amaleka, e kua moetapapa iora ki raro i te o ra. Kua karanga aturū 6 Saula ki te ngati Keni ra, Aere ke kotou, kia taka ke atu i te ngati Amaleka nei, ko te mate katoa aea kotou e ratou katoa ra iaku; kua takinga-meitaki kotou i te au tamariki ravarai a Iseraela

ka aere mai ei ratou mei Aiphiti maira. Aere ke atura te ngati Keni mei roto 7 mai i to Amaleka ra. E ta aturā Saula i to Amaleka mei Hivila atu, e tae ua atura koe ki Sura, i anga tika ki 8 Aiphiti ra. E te ariki o to Amaleka ra ko Agaga i opu ora uaia e ia, e kua tairipoti rava atura i te au tangata ka- 9 toa ki te mata koke. Kua akaora aturā Saula e te au tangata ia Agaga, e te au mamoe memetaki, e te au bovi, e te au puaka a meitaki akera, e te au are- nio; e te au mea memetaki katoa ra, kare ia i akapou rava i te reira: ko te au mea kino katoa ra, e te puapinga kore ra, kua akapou takiri ravaia ia.

10 Kua tae maira te tuatua a Iehova kia 11 Samuela i reira, na ko maira, Kua tatararaa akenei au, ko au i akaariki ia Saula: kua anga ke oki aia i te aru anga mai iaku, kare aia i rave i taku i akaue atu iaia ra. Iriea akērū Samue- 12 la i taua tuatua ra; e kua kapiki atu- ra aia kia Iehova e ao ua akera te po. 13 E tu akērū Samuela ki runga e aere e aravei ia Saula i te popongi roa; e aka- kiteia mairā Samuela, i tuatuaia mai, I aere mai a Saula ki Karamela, e i na, kua akatu aia i tetai akairo nona uoarai, e mei reira oki ariu atura, aere atura 14 ki Gilagala. Aere aturā Samuela kia 15 Saula ra; e kua tuatua mairā Saula kiaia, Kia ora koe ia Iehova: kua rave 16 au i ta Iehova i akaue maira. Kua karanga aturā Samuela, Eaa ra oki teianei kakina anga mamoe, e te ngu- nguru anga bovi, taku e rongo nei? 17 Kua karanga aturā Saula, E mea rave- ia mai e ratou no ko i te ngati Amale- ka; kua vao oki te au tangata nei i te au mamoe memetaki, e te au bovi ra, ei tusia na to Atua ra na Iehova; e te- tai papaki ra kua pou takiri rava ia 18 ia matou. Kua karanga aturā Samuela 19 kia Saula, Arika na, e akakite atu au kia koe i ta Iehova i tuatua mai kiaku i teianei po. Kua tuatua maira aia kiaia, Ka tuatua mai.

17 Kua karanga aturā Samuela, Kare aia i to akaaka anga ra, i toou orai akara anga, i akarivōia i koe no rungao i te au kopu o Iseraela nei? e i akatainu a Iehova ia koe ei ariki ki rungao ia 18 Iseraela? E na Iehova koe i tono i toou ra tere, e kua tuatua maira, Ka nere, ka ta i tera ra aronga rave ara i to Amaleka ra, e kia pou takiri rava, ka tamaki atu ei ia ratou e kia ope rava 19 atu ratou ra. Eaa oki i kore ei koe i akarongo i te tuatua a Iehova, i oro atu ei ki runga i te apinga ra, e kua rave i te mea kino ki mua i te aroaro o Ie-

hova? Kua tuatua mairā Saula kia 20
Samuela, Koia ia, kua akamako au i te
reo o Iehova, e kua aere ua na te
ara i tonokia'i au e Iehova ra, kua taoi
mai au i te ariki o to Amaleka ra, ia
Agaga, e kua akapou takiri rava i to
Amaleka. Kua rave ra te au tangata 21
i te apinga, te au mamoe, e te au bovi,
te au apinga memetaki ra, tei akonoia
e e akapou, ei tusia na to Atua ra na
Iehova i Gilagala ra. E kua karanga 22
aturū Samuela, Tei te tusia karakaratio
e te tusia ta Iehova i pingapingareka,
mei tei te akarongo i te tuatua a Iehova
ra? I na, e meitaki maata tei te akono
i tei te tusia, e *meitaki* maata tei te
akarongo i tei te tongaua rama ra. Kua 23
aite katoa te meameaau ki te ara ra ki
te purepure, e te māro ki te kino e te
akamori idolo ra. E tenana, kua aka-
ruke koe i te tuatua a Iehova, kua aka-
ruke katoa aia ia koe, auraka koe ei ariki.

Kua tuatua mairā Saula kia Samuela, 24
Kua ara au: kua tatipake au i te
akauenga a Iehova, e te au tuatua
naau ra: ko au i matakui i te au tangata
ra, e kua akarongo i ta ratou tuatua.
E teianei, teia taku tuatua kia koe, e 25
akakore mai koe i taua ara naku nei, e
oki katoa taua, kia akamori ra au ia
Iehova. Kua karanga aturū Samuela 26
kia Saula, Kare au e oki ki toou *tere*:
kua akaruke oki koe i te tuatua a Ie-
hova, e kua akaruke a Iehova ia koe,
auraka koe ei ariki i rungao ia Iseraela
ra. E tei te ariu angā Samuela e aere 27
ra, kua rave iora aia i tona tapa kakau,
e kua ngae ra. Kua karanga aturū 28
Samuela kiaia, Kua aeae keia mai e
Iehova te basileia o Iseraela ia koe i
teianei rā, e kua orongaia e ia ki tetai
tangata tupu i o ou ra ko tei meitaki
ia ia koe ra. Kare oki te Maroiroi o 29
Iseraela e pikikaa, kare oki e tataraara;
kare oki aia i te tangata ka tataraara'i
aia. Kua tuatua mairai aia, Kua ara 30
au: teia ra taku tuatua kia koe, kia
akangateiteia ana au e koe ki mua i te
aranga pakari o toku au tangata nei, e
ki mua i to Iseraela nei, e oki katoa
taua kia akamori au i to Atua ra ia Ie-
hova. Kua oki aturū Samuela raun 31
katoa ko Saula: e kua akamori aturū
Saula ia Iehova.

E kua karanga aturū Samuela, Ka 32
arataki mai kotou i te ariki o to Amaleka
ia Agaga kiaku nei. E kua nere akaicie
ua mairā Agaga. Kua tuatua akera
oki a Agaga, Kua kore tika akenei te
kavangu o te mate. Kua karanga aturū 33
Samuela, Mei te au vaine i akangereia
i te tamariki e to koke naau ra, koia

katoa to metua vaine i roto i te au vaine
katoa ra e ngere katoa ia i te tamariki.
E kua tipupu iorā Samuela ia Agaga e
motumotu taka ke atura i Gilagala, ki
34 mua i te aroaro o Iehova. Kua oki
mairā Samuela ki Rama, aere atura
oki a Saula ki tona naorai ngutuare i
35 Gibeia i o Saula ra. E kare ravā
Samuela i atoro akaou mai ia Saula
e tae ua atura ki te rā i mate ei
aia ra; kua aue rā Samuela ia Saula:
kua tataraara rā Iehova i te mea kua
akaariki aia ia Saula ei ariki no Ise-
raela.

PENE XVI.

*Samuela i tonokia ki Betelehema e aka-
kiteia e akatainu ia Davida: kua tae
maira te Vaerua o Iehova ki runga
ia Davida, e te vaerua kino ki runga
ia Saula; kua tiki naia mai a Davida
e Saula, ei akatangī kinura ki mua
iaia.*

- 1 **K**UA tuatua mairā Iehova kia
Samuela, Mei te aa te roa o toou
ra aue anga ia Saula, tei akarukeia e au
auraka aia ei ariki no Iseraela? Ka
akaki ana i to āriki ki te manongi, e
aere, e tono atu au ia koe kia Iese i
Betelehema ra; kua rauka oki tetai
ariki naku i roto i te au tamariki nana ra.
- 2 Kua karanga aturū Samuela, Akapea
au e tika'i kia aere? Kia kite a Saula
ra, ka mate au iaia. Kua tuatua mairā
Iehova, E taki katoa tetai kafa ua i to ri-
ma, ka karanga atu ei, e, I aere mai nei au
3 e apai i te tusia na Iehova. E tuatua kia
Iese, e aere katoa mai ki taua tusia ra,
e naku e akakite kia koe i taua e rave;
e ko taku e akakite atu kia koe ra, taua
4 ia e akatainu naku. E kua pera oki a
Samuela ta Iehova i tuatua maira, e
kua aere aia ki Betelehema. E kua
rutetete iora te aranga pakari o taua
oire ra i taua aereanga mai nona ra, e
5 kua tuatua maira, E tere au toou? E
kua karanga atura aia, E tere au: i
aere mai au e apai i te tusia kia Iehova
ra: ka akatapu ana ia kotou e aere
katoa mai ki te tusia nei. Kua akatapu
iora aia ia Iese e tana au tamariki, e
kua tuatua kia ratou e aere mai ki taua
tusiu ra.
- 6 E tae maira ratou, kua akara atura
aia ia Eliaba, e kua tuatua akera, Ko
ta Iehova tikai teia i akatainu ra, tei
7 mua i tona aroaro. Kua tuatua mairā
Iehova kia Samuela, Auraka e akara i
tona mata, e tona tu i te teitei; no te
mea kua kopacia aia e au: e kare oki
ta Iehova akara anga e tau ki ta te

tangata ; e akara oki te tangata ki te tu i vao ake, karekã Iehova e akara ia i te ngakau. Kua karanga aturã Iese kia Abinadaba, e kua tuku maira iaia ki mua i te aroaro o Samuela. Kua tuatua akera aia, Kare katoã Iehova i iki i teia. Kua tuku mairã Iese ia Sama. Kua tuatua akera aia, Kare katoã Iehova i iki i teia. E kua pera rai a Iese i te tuku mai i tana au tamariki toko itu ki mua ia Samuela. Kua karanga aturã Samuela kia Iese, Kare a Iehova i iki i taua aronga nei. E kua karanga aturã Samuela kia Iese, Kua ope rava mai nei *taua* au tamariki? Kua tuatua maira aia, Te toe nei te openga, e i na, te tiaki ra i te au mamoe. Kua karanga aturã Samuela kia Iese, Ka unga i tetai tiki iaia ; auraka oki tatou e noo ki raro kia tae mai aia i ko nei. Kua unga atura aia i te tangata, e kua arataki mai iaia ki roto. E tangata muramura, e te mata meitaki, e te tu meitaki kia akara atu. E kua tuatua mairã Iehova, Ka tu, ka akatainu iaia ; koia oki tona. Kua rave iorã Samuela i taua ãriki manongi ra, e kua akatainu atura iaia i rotopu i tona ai tuakana ra : e mei taua rã maira te Vaeua o Iehova i te tae anga mai ki runga ia Davida. Kua tu akera Samuela ki runga, e kua oki maira ki Rama.

Kua akaruke ra te Vaeua o Iehova ia Saula ; e te akakoiriria maira tetai vaeua kino i tukulia mai e Iehova ra kiaia. Kua tuatua maira te au tavini o Saula kiaia, I na oki, te akakoiriria maira koe e tetai vaeua kino no ko i te Atua ra : E tuatua ua mai ana koe, e to matou atu, i to au tavini i mua ia koe nei, e kimi i tetai tangata i kite meitaki i te akatangi i te kinura : e kia rokoa mai koe e taua vaeua kino no ko mai i te Atua ra, ka akatangi ei ki tona rima, kua ora iora koe i reira. Kua karanga aturã Saula ki taua au tavini nona ra, E kimi kotou i tetai tangata i kite meitaki i te akatangi *kinura*, arataki mai ei i ku nei kiaku nei. Kua tuatua maira tetai o taua au tavini ra, na ko maira, I na, kua kite au i *tetai tangata*, e tamaiti na Iese i Betelehemã, kua kite meitaki ia i te akatangi *kinura*, e tangata maroiroi, e tangata tamaki oki, e e ravenga karape oki tana, e te tangata meitaki i te tu o te kopapa ra : e tei iaia oki a Iehova. Kua tono akera Saula i te karere kia Iese ra i reira, kua karanga atura, E tono mai koe i taua tamaiti ra ia Davida kiaku nei,

20 ko tei *tiaki* i te au mamoe ra. Kua rave iorã Iese i tetai asini ma te areto, e tetai ãriki wina, e tetai punua puakano, e kua akau ua atura kia Saula i te rima o tana tamaiti ra o Davida. 21 Aere aturã Davida kia Saula ra, i ki atura ki mua iaia : e kua akaperepere rava maira aia iaia ; riro atura aia ei 22 apai taoonga tamaki nana ra. Kua tono akera Saula i te karere kia Iese ra, karanga atura, E tuku mai koe ia Davida kia noo mai aia ki oku nei, taku ia tuatua kia koe, e mea akaperepereia oki aia i mua i toku aroaro. E kia tae maira te vaeua *kino* no ko mai i te Atua ra ki runga ia Saula, kua rave iorã Davida i te kinura, kua akatangi iora ki tona rima : papa rava akera te manava o Saula, kua meitaki atura, kua akaruke maira oki taua vaeua kino ra iaia.

PENE XVII.

Te Philiseti e to Iseraela i te tamaki akaou anga : te akauavaa angã Golia i te au nuku Iseraela, e kua kai pati mai : kua tika ia Davida e taua raua, e kua mate a Golia iaia.

1 **K**UA akaputuputu maira te Philiseti i to ratou au nuku i te tamaki, e uipa maira ratou i Soko i o Iuda ra ; e kua patia iora ratou i te puakapa i te va i Soko e Azeka, i 2 Ephesa-damima. E kua akaputuputu katoa oki a Saula ma te au tangata o Iseraela, e kua patia iora i te puakapa i vaitata i te o ra ko Ela ; e kua akammon iora i te tamaki e tamaki i te 3 Philiseti ra. Te tu maira te Philiseti ki runga i te maunga i tetai pae, e tu atura Iseraela ki runga i te maunga i tetai pae ; e tairua tei rotopu ia ratou. 4 Kua aere maira tetai toa no te puakapa o te Philiseti ra, ko Golia te ingon, no Gata, e ono kubiti e okotai 5 angaonu aia i te roa. E pare veo tei runga i tona mimiti, e kua kakau ki te kakau veo tuakapikapi ra, e te teimaa o taua kakau ra, e rima tausani ia te 6 sekela veo ra. E te vai veo ki runga i tona vaevae, e te paruru veo tei rotopu i nga pakuivi nona ra. E tana rakau korare, mei te manora a te raranga kakau ra ia ; e te katai auri o taua korare nana ra, e ono anere sekela *te teimaa* : e kua na mua tetai tangata 8 iaia i te apai anga i te paruru ra. E kua tu ua maira aia, e kua kapiki maira ki te au nuku o Iseraela, na ko maira ia ratou, Eaa kotou i aere mai

ei e akamou i *ta kotou* tamaki? Kare ainei au i te Philiseti, e e tavini oki kotou no Saula? Kimi io na kotou i tetai tangata no kotou, e aere mai aia ki raro kiaku nei. E kia tika iaia e 9
ia matou no kotou i reira: kia autu ra au, e kia mate aia iaku ra, ei tavini kotou no matou i reira, e e rave i ta matou angaanga. Kua tuatua maira 10
taua Philiseti ra, Kua akavaavaa au i te au nuku o Iseraela i teianci rā; e o mai ana tetai tangata, e taua ana maua. E kite akērā Saula e Iseraela 11
katoa i te tuatua a taua Philiseti ra, kua taitaia iora ratou, kua maata rava te matakū.

E tamaiti oki a Davida na taua 12
tangata Ephērata i Betelchema-Iuda, ko Iese tona ingoa, toko varu ana tamariki tamaroa: i tuatuaia taua tangata ra i te ruaine i te tuatau ia Saula ra. Aere atura nga tamariki pakari a 13
Iese toko toru e aru atura ia Saula ki te tamaki; e te ingoa o auā nga tamariki tamaroa toko toru nana i aere ki te tamaki ra, te tama mua ko Eliaba ia, e tei muri ake ko Abinadaba ia, e te toko toru ra ko Sama ia. Ko Da- 14
vida tei muri rava ake; aru atura nga tamariki pakari toko toru ra ia Saula. Oki atura rā Davida ki Betelchema e 15
akaangai i te au mamoe a tona metua, akaruke iora ia Saula. Kua akavai- 16
tata maira taua Philiseti ra i te popongi e te aia i te akakite anga iaia uarai, e rua takau akera rā. Kua 17
karanga aturā Iese ki tana tamaiti kia Davida, Ka rave ana koe i tetai epha i teianci *sitona* tunu na to au tuakana, e teia oki au areto okotai ngauru, ka oro ei ki te puakapa ki to au tuakana; E apai katoa oki i teianci aronga utoka 18
okotai ngauru ki te kapena o *to ratou* tausani, ka akara'i i to ai tuakana i te meitaki anga, ka rave mai ei i ta ratou e tuku maira. Tera oki a Saula, e ra- 19
tou, e to Iseraela katoa ra, tei te o ra ko Ela, te tamaki ra ki te Philiseti.

Kua tu akērā Davida i te popongi 20
roa, vaoo iora i te au mamoe i te tiaki, rave iora, e aere atura i ta Iese i akaue maira iaia; e tae atura aia ki te kotinga, te aere ra te nuku e tamaki, te maeva ra i te maeva tamaki ra. Kua 21
akanoo oki Iseraela e to Philiseti katoa i te tamaki, tetai nuku e tetai nuku. Vaoo iorū Davida i tana apainga i te 22
rima o te tiaki apainga ra, oro atura ki roto i te nuku, e tae atura, aroa atura i tona ai tuakana. Te tuatua ua ra aia 23
kia ratou, e i na, te aere maira taua toa

ra, te Philiseti no Gata, ko Golia te ingoa, mei roto mai i te nuku o te Philiseti, kua tuatua maira i taua au tuatua rai: te akarongo aturā Davida. 24
Oro anake iora to Iseraela ravarai, i te kite anga i taua tangata ra, kua maata 25
rava akera te matakū. Kua tuatua akera to Iseraela, Te kite ra kotou i teianci tangata i aere mai ki runga nei? i aere mai oki aia e akavaavaa ia Iseraela; e te tangata e mate ei aia nei, e apinga maata tana i te ariki nei, e ka oronga oki aia i tana tamaine nana, e akarangatira ua oki aia i te ngutuare o tona metua i Iseraela nei. 26
Kua karanga aturā Davida ki te au tangata i tu ua i vaiata iora, na ko atura, Akapecia te tangata e mate ei iaia teianci Philiseti, kore akera te akakino ia Iseraela nei? koai oki teianci Philiseti peritome koreia ra, i akavaavaa mai ei aia i te au nuku a te 27
Atua ora nei? Kua tuatua iora te tangata iaia i teianci tuatua, na ko iora, Ka akaperia te tangata i mate iaia taua tangata nei. 28
Te akarongo maira tona tuakana ko Eliaba iaia i karanga atu ki te au tangata ra; tupu akera te riri o Eliaba ia Davida, e kua tuatua maira aia, Eaa koe i aere mai ei i ko nei? vaoo iora koe i te au mamoe ra kiani i te medebara? kua kite au i toou ra ne- 29
ngonengo, e te akono kore o toou ra ngakau; i aere mai oki koe ki raro nei 30
e akara i te tamaki anga. Kua karanga aturā Davida, I akapea ua ana au? kare aina e tumu? Kua anga atura aia ki tetai, e kua pera rai aia i te tuatua anga ra: e kua pera katoa mai oki ta te tangata i te tuatua anga mai. 31
E kitea akera taua tuatua i tuatuaia e Davida, kua karanga atura ratou ki mua i te aroaro o Saula: kua 32
tono maira aia i te karere iaia. Kua karanga aturā Davida kia Saula, Auraka rava te ngakau o tetai tangata e taitaia ua atu iaia akera; ka aere to tavini nei e taua ki terara Philiseti. 33
Kua tuatua mairā Saula kia Davida, Kare koe e tika kia aere e taua ki terara Philiseti; e tangata ou oki koe, kareka aia ra, e toa uritumu ia nei 34
tona ou anga mairai. Kua karanga aturā Davida kia Saula, I tiaki ana oki to tavini i te mamoe a tona metua, e kua aere maira te liona e te daba, e kua rave i tetai arenio no taua anana ra: 35
Kua aru atura au i te reira e kua ta, e kua rave mai i taua arenio ra no roto i tona vaa: e kia tu aia e rave mai iaku

ra, kua opu au i te uru tanga ra, e kua ta, e kua mate rava. Kua mate 36 oki te liona e te daba i to tavini nei; e ka riro katoa taua Philiseti peritome koreia ra mei te reira katoa te tu, koia i akavaavaa mai i te au nuku o te Atua ora nei. E kua karanga atu rai a Da- 37 vida, Na Iehova, na tei akaora iaku i te vaeae o te liona, e te vaeae o te daba, e akaora iaku i te rima o terara Philiseti. Kua tuatua mairā Saula kia Davida, Ka aere, e ei vaitata katoa o Iehova ia koe na.

Kua rakei mairā Saula ia Davida ki 38 tona kakau, e kua tuku maira i te pare vao ki runga i tona mimiti: e kua akakau maira iaia ki te kakau tamaki. E i runga o taua kakau ra kua tatua 39 mairā Davida i te koke nana ra. Kua timatamatā Davida i te aere, *kare akerai i tika*: kare oki aia i matau. Kua karanga aturā Davida kia Saula, Kare teia e tika iaku kia aere; kare oki au i matau. Kua kopae aturā Davida i te reira. Kua rave iora aia i 40 tana rakau i te rima, e kua rave iora oki aia i nga toka pateka e rima no raro i te kauvai, tuku iora ki roto i tetai ariki a te tiaki mamoe ra i *rave katoaia mai* e ia; kua akavaitata atura aia ki taua Philiseti ra ma taua pute toka e to maka nana i tona rima.

E kua aere maira taua Philiseti ra, e 41 kua akavaitata maira kia Davida; e te tangata i apai i te paruru ra i te na mua anga iaia. E kia akara maira 42 taua Philiseti ra, e kite maira ia Davida, kua akavaavaa maira aia iaia: e tangata ou oki aia, e te mata mura-mura, e te meitaki. Kua tuatua maira 43 taua Philiseti ra kia Davida. E puaka-aoa ainei oki au nei, e aere mai ci koe kiaku nei ma te rakau? E kua tao maira taua Philiseti ra ia Davida i tona au atua ra. E kua tuatua maira 44 oki taua Philiseti ra kia Davida, Ka aere mai ana kiaku nei, e naku e tuku i to kopapa na te au manu o te reva, e na te au puaka o te ngangaere nei. Kua karanga aturā Davida ki taua 45 Philiseti ra, Te aere maira koe kiaku nei ma te koke, e te korare, e te paruru: te aere atu nei ra au kia koe ma te ingoa o Iehova Sabaota ra, te Atua no te au nuku o Iseracla ra, tei akavaavaa e koe na. Na Iehova koe e 46 tuku mai ki toku rima akonei; e naku koe e ta, e ka tipu keia e au to mimiti na; e tuku oki au i te au kopapa o te nuku Philiseti na te au manu o te reva, e na te au puaka taee o te enua nei, i teianei rā; kia kite te ao katoa nei e,

47 e Atua to Iseracla. E ka kite teianei aronga maata katoa ra e, e tika ia Iehova kia akaora, auraka ua atu ei koke, auraka ei korare: na Iehova oki te tamaki, e nana kotou e tuku mai ki to matou nei rima.

48 E kia tu mai taua Philiseti ra, e kua aere vaitata maira e aravei ia Davida; oro viviki atura oki a Davida ki te nuku e aravei i taua Philiseti ra.

49 Kua tuku iorā Davida i tona rima ki roto i te pute, kua kiriti akera i tetai toka, kua maka atura, pa atura ki runga i te rae o taua Philiseti ra, ngaro atura te toka ki roto i tona rae; topo iora aia i raro tona mata ki te one.

50 Inga iora te Philiseti ia Davida i te maka ma te toka, ta iora i te Philiseti, mate rava akera aia; kare ra e koke i

51 te rima o Davida. Kua oro aturā Davida, kua tu ua atura ki runga o taua Philiseti ra, e kua rave iora i tana koke, unui akera ki vao i te vai ra, e kua tamate rava atura iaia ki taua *koke* ra, e kua tipu iora i tona mimiti. E kia akara mai te Philiseti i taua toa no ratou ra kua mate, ati atura ratou.

52 Kua tu akera to Iseracla e to Iuda, e kua maeava iora, e kua arumaki atura i te Philiseti e tae ua atura ki te o, e te au ngutupa o Ekerona ra. Taūna ua atura taua au Philiseti i taia ra na te arataa e aere tika atu ei ki Saarima, e 53 tae ua atu ki Gata e Ekerona ra. E oki maira te tamariki a Iseracla mei taua arumaki anga i te Philiseti ra, e

54 kua āru iora i to ratou puakapa. E kua rave iorā Davida i te mimiti o taua Philiseti ra, apai atura ki Ierusalema; kua tuku iora te taoonga tamaki nana ki roto i tona puakapa.

55 Kite akerā Saula ia Davida i te aere anga e taua ki taua Philiseti ra, kua ui atura aia ki te kapena o te nuku ra kia Abenera, E Abenera, e tamaiti naai terara tamaiti? Kua tuatua mairā Abenera, Te ora ra koe, e 56 *taku* ariki, kare au i kite. Kua karanga atura te ariki, E ui aere ana koe, e tamaiti naai taua tamaiti nei.

57 E te oki rā Davida mei te tainga mai i taua Philiseti ra, kua rave aturā Abenera iaia, kua arataki ki mua i te aroaro o Saula, e ma te mimiti katoa o taua Philiseti ra i tona rima. Kua tuatua mairā Saula kiaia, E terara tangata ou, e tamaiti koe naai ra? Kua karanga aturā Davida, E tamaiti na to tavini ra na Iese i Betelchema ra,

PENE XVIII.

*Te ngakau o Ionatana i te riro anga
kia Davida, i vareacia akera e Saula.
To Davida akono meitaki anga; e ta
Saula ravenga kiu mate aia.*

E KIA akaoti akera aia i taua tua-
tua anga kia Saula ra, piri rava
akera te ngakau o Ionatana ki te nga-
kau o Davida, aroa aturū Ionatana iaia
mei te mea ko tona uarai vaerua. Kua
rave mairū Saula iaia i taua rā ra,
kare akera i tuku iaia kia aere ua ana
ki te ngutuare o tona metua ra. Kua
papau iorū Ionatana raua ko Davida i
tetai koreromotu, no te mea kua ina-
ngaro rava atura aia iaia mei te mea
ko tona uarai vaerua. Kua tatara
akerū Ionatana i tona kakau i runga
iaia uarai, e kua apai atura kia Da-
vida, te au kakau nona, e te koke
katoa nana, e te ana katoa nana, e te
tatua katoa nona. E kua aere iorū
Davida ki te au ngai katoa kia tonokia
e Saula ra, akono tika atura aia: kua
tuku akera Saula iaia ki runga i te au
tangata tamaki ra, e kiteia maira aia e
te au tangata ravarai, e te au tavini ka-
toa o Saula ra.

E te aere maira ratou, i to Davida
oki anga mai mei te tainga mai o taua
Philiseti ra, kua aere maira te au
vaine mei roto mai i te au oire katoa
no Iseraela, ma te pce e te ura, e aravei
atu i te ariki ia Saula, ma te tophie, e
te rekareka, e te au mea akatangī ra.
Kua karanga atura te au vaine i to
ratou akatangī anga, na ko atura, Kua
mate ta Saula e kua tausani, kua
ngauru ra te tausani i ta Davida. Riri
rava akera Saula, e mea mainaina nana
taua tuatua ra; e kua tuatua akera aia,
Kua akangauru ratou i ta Davida tau-
sani, e taku ra ko te tausani ua anake
ra ia: eaa atu rai te toe mari ra ko te
au nei? Mei taua rā mairai a Saula i
te akara matariki anga ia Davida.

E no akera tei runga maira te vac-
rua kino no ko mai i te Atua ia Saula,
kua totou iora aia i roto i taua are ra:
kua akatangī iora te rima o Davida mei
tei muatungana ra: e tao oki tei te
rima o Saula. Kua vero mairū Saula
i taua tao ra; kua tuatua akera oki aia,
E vero au e piri ua atu a Davida ki
runga i te pae are. Kape akera rū
Davida e rua akera kapenga. Ma-
taku akera Saula ia Davida, no te
mea tei iaia Iehova, e kua akaruke
iora aia ia Saula. No reirū Saula i 13
tuku ke atu ei iaia, e kua akariro atura

iaia ei kapena ki rungao i te tausani
okotai ra, e na mua aia i te au tangata
i te aere ki vao, e te oki mai ki roto.
14 E kua akono meitaki aturū Davida i
tona au aerenga katoa, e tei iaia Ie-
15 hova. E kia akara mai a Saula e te
akono meitaki roa aia ra, matakū atura
16 aia iaia. Kareka Iseraela e Iuda katoa
ra, te inangaro maira ratou ia Davida,
no te mea i na mua aia ia ratou i te
aere ki vao e te oki mai ki roto.

17 Kua tuatua mairū Saula kia Davida,
I na, ko taku tamaine tama mua ra ko
Merabi, koia taku e oronga atu nna
ei vaine; kia maroiroi ra koc iaku nei,
e karo i te tamaki ia Iehova ra. I tua-
tua ana oki a Saula e, Auraka toku
rima e rave iaia, na te rima ra o te
18 Philiseti e rave iaia. Kua karanga
aturū Davida kia Saula, Koai oki au
nei? e caa toku nei ora, e te kopu-
tangata o toku metua i Iseraela nei, i
akariroia'i au ei unonga na te ariki?
19 Kia tac ra ki te rā e orongaia'i te ta-
maine a Saula ra ia Merabi kia Davida
ra, orongaia atura ia ei vaine na Ade-
20 riela i Meholati. E kua inangaro oki
te tamaine a Saula ra ko Mikala ia
Davida: e kua akakite atura ratou kia
Saula, e e mea taurekareka atura iaia.
21 E kua tuatua mairū Saula, E oronga au
iaia ei vaine nana, kia riro aia ei mauu
iaia, kia rave mai te rima o te Philiseti
iaia. I karanga atu ei a Saula kia
Davida, Ka riro koe i teianei rā ei
unonga naku i tetai o raua ra.

22 Kua karanga aturū Saula ki tona au
tavini, na ko atura, E karangaranga
poiri atu kotou kia Davida, e na ko
atu, I na, te taurekareka maira te ariki
ia koe, e te inangaro maira tona au ta-
vini ravarai ia koe ra: e teianei ei
23 unonga koc na te ariki nei. Kua ka-
ranga atura te au tavini o Saula i taua
tuatua ra ki te taringa o Davida. E
kua tuatua mairū Davida, E ana nei
ainei kotou e mea iti i te tangata pua-
pinga kore mei iaku nei kia riro ei
unonga na te ariki? E kua akakite
maira te au tavini o Saula ra kiaia,
na ko maira, Teia ta Davida tuatua.
25 Kua karanga aturū Saula, E na ko atu
kotou kia Davida, Kare te ariki i ina-
ngaro i te ōra, kareka e kiri i mua no
te Philiseti kia okotai anere ei tutaki
anga atu i te enemi o te ariki ra: te
manako ra oki a Saula kia ingū Da-
vida i te rima o te Philiseti ra. E tei
te akakite anga te au tavini ra kia Da-
vida i te reira tuatua, mareka rava
aturū Davida kia akariroia aia ei uno-
nga na te ariki ra, kare ra te au rā i

ope. Kua tu akērā Davida, aere atura 27
aia ma tona au tangata, e kua ta atura
i to te Philiseti e rua anere atura i te
tangata; e kua apai mairā Davida i to
ratou kiri i mua, e kua tuku katoa
atura ratou ki te ariki ra, kia riro oki
aia ei unonga na te ariki. E kua oro-
nga mairā Saula i tana tamaine ia Mi-
kala nana ei vaine. Akara aturā Saula, 28
e kite atura e, te piri mairā Ichova kia
Davida, e te inangaro ra te tamaine a
Saula ra ko Mikala iaia. Maata rava 29
atura to Saula mataku ia Davida; riro
aturā Saula ei enemi no Davida i te au
rā katoa. Kua aere maira te au ka- 30
vana o te Philiseti ki vao i reira; e kia
tae maira ratou, e ravenga karape
maata ta Davida i ta te au tavini ravari
o Saula ra; tutuki rava atura tona rongo.

PENE XIX.

*Ko Ionatana i te akakite anga kia
Davida i te akakoro a tona metua e
ta ia Davida; kua ora ra aia i ta
Ionatana tuatua: kua pou te Phil-
seti ia Davida; e kua tupu akaou to
Saula varear: kua akaoraiā Davida
e tona vaine; e i to Saula aru anga
ia Davida e ta, e ravenga tu ke ta te
Atua i te akaora.*

KUA tuatua mairā Saula ki tana 1
tamaiti kia Ionatana ra, e te au
tavini katoa nona ra, e ta ratou ia Da-
vida. E akaperepere maata ra to te 2
tamaiti a Saula to Ionatana ia Davida:
e kua akakite mairā Ionatana kia Da-
vida, na ko maira, Te anoau nei toku
metua ra ko Saula ia koe e ta; e tei-
anei, teia taku tuatua kia koe, e aka-
maroiroi ia koe uarui e kia ao ake ei
roto i tetai ngai ngaro koe pipini atu
ei, ka noo marie atu ei: E ka aere mai 3
au ki vao, e ei vaitata katoa au i toku
metua ki roto i te kainga i nooia e koe
ra; e naku e tuatua ki toku metua ia
koe ra; e kia kite au i te ka *tupu* ra,
naku ia e akakite atu kia koe ra.

Kua tuatua meitaki aturā Ionatana 4
ki tona metua ra kia Saula ia Davida,
na ko atura kiaia, Auraka te ariki e
takinga-kino i tona tavini ia Davida;
no te mea kare akenei aia i takinga-
kino ia koe, e no te mea e angaunga
meitaki maata tana i *rave* naau ra:
Kua akaruru ua oki aia i tona orai ora,
e kua ta atura i te Philiseti, e e ora
maata ta Ichova i rave no Iseraela ka-
toatoa; kua kite oki koe, e kua reka-
reka oki koe ra: eaa oki koe e ara ai i
te toto ara kore, e ta ara kore ua'i ia
Davida. Kua akarongo mairā Saula i 6
te tuatua a Ionatana: e kua taputou

iorā Saula, Te ora rā Ichova, kare rava
aia e taia. Kua kapiki aturā Ionatana
ia Davida, e kua akakite aturā Iona-
tana kiaia i taua au tuatua katoa ra. E
kua arataki mairā Ionatana ia Davida
kia Saula ra, tu iora aia ki mua i tona
aroaro mei tei muatangana ra.
8 Kua tupu akaou iora te tamaki; e
kua aere aturā Davida e kua tamaki ki
te Philiseti, ta atura e kua maata atura
tei pou; e ati ua oki ki mua iaia.
9 Tei runga maira te vaerua kino no
ko mai ia Ichova ra ia Saula, noo ua'i
aia i roto i tona are, ma te tao i tona
rima: e kua akatangī iora to Davida.
10 rima i tona kinura. Te umuunu
marie rā Saula e ko ia Davida ki taua
tao ra, e kia piri atu ki runga i te pac
are; akamanu ua atura ra aia mei mua
i te aroaro o Saula, e puta atura taua
tao ra ki roto i te pac are ra: oro aturā
11 Davida, e ora atura i te reira po. Kua
tono atura oki a Saula i te au karere
ki te ngutare o Davida, e moetapapa
iaia, e ta iaia kia popongi ake: kua
akakite maira te vaine a Davida ra ko
Mikala kiaia, na ko maira, Kia kore
koe e oro i teianei po kia ora koe ra,
12 apopo koe e taia'i. Kua tuku iorā
Mikala ia Davida ki raro na roto i te
māramārama; e aere atura aia, e oro
13 atura, e ora atura. E kua rave iorā
Mikala i tetai teraphi, kua tuku iora ki
roto i te roi, e kua tuku iora i te kakau
uru puaka-nio ei urunga nona, e kua
14 tapoki iora ki te kakau. E kia tono
mai a Saula i te tangata e rave ia Da-
vida, kua karanga atura te vaine, Kua
15 mate aia i te maki. Kua tono *akaou*
mairā Saula i te tangata e akara ia
Davida, na ko akera, E apai mai iaia i
ko nei kiaku nei ma te roi katoa, kia ta
16 au iaia. Tei te tomo anga taua aronga
karere ra ki roto ra, i na, te vai ua ra
taua teraphi ra ki runga i te roi, ma te
kakau *uru* puaka-nio ei urunga nona.
17 Kua tuatua mairā Saula kia Mikala, Eaa
koe i pera'i i te pikikaa mai iaku, i toku
ei koe i toku enemi, e kua ora atura aia?
Kua karanga aturā Mikala kia Saula, I
tuatua mai aia kiaku e, E tuku ake ana
koe iaku; eaa ia puapinga kia ta atu au
ia koe ra?
18 Riro aturā Davida, e kua ora atura,
aere atura ki Rama kia Samuela ra; e
kua akakite atura kiaia i te au ravenga
a Saula iaia ra. Kua aere atura aia e
19 Samuela katoa, noo atura i Naiota. E
akakiteia mairā Saula, tuatuaia maira, I
20 na Davida, tei Naiota i Rama ra. Kua
tono aturā Saula i te au karere e rave ia
Davida; e kite atura ra ratou i te pupu

peroveta i te totou anga, e ko Samuela oki to rungao i taua aronga ra, tei runga maira te Vaerua o te Atua i taua au karere no Saula ra, totou katoa oki ratou. E kia akakiteia mai a Saula 21 ra, kua unga atura aia i etai puke karere ke, e kua totou katoa oki ratou. E kua tono akaou aturū Saula i te au karere, ko te tu toru ia, e kua totou katoa oki ratou. Kua aere katoa atura 22 aia ki Rama, e tae atura ki te ruavai maata i Seku ra: kua ui atura aia, e kua karanga atura, Teiā Samuela raua ko Davida? Kua tuatua maira *tetai*, I na, tei Naiota i Rama ra *rauā*. E aere 23 atura aia ki reira ki Naiota i Rama ra; tei runga katoa maira te Vaerua o te Atua iaia, aere ua atura aia ma te totou, e tae ua atura aia ki Naiota i Rama ra. Kua kiriti katoa aka ra aia i 24 ona kakau ra, e kua totou ua atura aia ki mua i te araro o Samuela; moe ua iora i te reira rā e te reira po, ma te kakau kore. Koia tei tuatuaia ra e, Tei te au peroveta katoa ra oki a Saula?

PENE XX.

Te akaou nei a Davida i te koreromotu kia Ionatana kia ora aia uarai: ko Davida kare i tae ki te kaingakai i riri ei a Saula ia Ionatana: ia Ionatana raua ko Davida tuatua porokiroki.

KUA oro mairā Davida mei Naiota 1 mai i Rama ra, e kua aere maira kia Ionatana ra, e kua tuatua maira, Eaa taku nei i rave? eaa toku nei kino? eaa taku nei ara i toou na metua i kimi mai ei aia iaku nei kia mate? Kua 2 karanga atura aia, Auraka rava ia; kare koe e mate: i na, kare a toku metua e mea e rave i te mea maata e te mea iti e kore ei i te akakite mai kiaku; eaa oki toku metua e uunā i terara iaku nei? kare tena. Kua taputou iorā Davida, kua tuatua maira, Kua kite pu tikai toou metua e, te tau- 3 ia maira au e koe ra, e te tuatua ra aia e, Aurakū Ionatana kia kite i taua mea nei, ko te aue aea aia: te ora rā Iehova, e te ora ra koe na, okotai ua ake takainga vaevae i te atea iaku nei e te mate.

Kua karanga aturū Ionatana kia 4 Davida, Ko taua e anoano ra, naku ia e rave. Kua tuatua mairā Davida 5 kia Ionatana, I na, apopo te marama ou, e kia tae katoa au ki te kaingakai a te ariki ra e meitaki ei: e tuku akena ra koe iaku, kia pipini au i te kainga e kia tae ki te toru o te rā i te aia ra. E kia ui ua ake to metua iaku nei, e 6

karanga atu koe e, I tuatua raurau mai a Davida kiaku *kia tuku atu au iaia*, kia oro ra aia ki Betelehema ki tona uarai oire; e tusia mataiti ta taua kopu-tangata katoa ra i reira. E kia 7 tuatua mai aia ra, E meitaki ia; kua ora to tavini nei i reira: kia riri roa ra aia, te akakoro ra aia i te kino *iaku nei*, 8 kia kite mai oki koe. E takinga-meitaki mai oki koe i to tavini nei; kua kapiti katoa oki koe i to tavini nei kia koe i tetai koreromotu ia Iehova ra; e ara tika ra taku ra, ko koe uarai te ta mai iaku nei: eaa ia puapinga kia kave 9 koe iaku ki to metua ra? Kua karanga aturū Ionatana, Auraka rava ia te reira; naringa oki au i kite pu tikai e, te akakoro ra toku metua i te rave kino ia koe, kare ainei au e akakite atu kia 10 koe i te reira? Kua tuatua mairā Davida kia Ionatana, Kia tuatua taivaiva mai to metua kia koe ra, naai e akakite 11 mai kiaku nei? Kua karanga aturū Ionatana kia Davida, Taki aere taua ki te kainga akera. Kua aere iora raua ravarai ki taua kainga ra. 12 Kua karanga aturū Ionatana kia Davida, Na te Atua o Iseraela na Iehova e akara mai, e kua unuunu atu au i toku metua apopo e apopo atura, penciake ko te meitaki *tonu ngakau* ia Davida, kia kore au e tono i te tangata kia koe, e akakite kia koe ra; 13 Kia pera mai a Iehova, e kia maata ua atu, kia Ionatana: e kia manako oki toku metua e e takinga-kino ia koe ra, e akakite rai au kia koe i reira, e ka tuku atu au ia koe kia aere ua ana ma te ora. Kia vaitata mairā Iehova ia koe, mei iaia i vaitata mai i toku metua ra, 14 Te ora ra au i reira, ei takinga-meitaki taua iaku i te takinga-meitaki a Iehova, 15 kia kore au e mate: E auraka rava oki kia mutu toou takinga-meitaki i toku ngutuare, e ope ua atu te au enemi katoa o Davida i te enua katoa nei i te 16 mate ia Iehova. Kua papau iorā Ionatana i te koreromotu i te ngutuare o Davida, i te na ko anga e, Kia umuunu mai a Iehova i te tutaki i te reira i te 17 rima o to Davida au enemi. Kua akaputou akaou aturū Ionatana ia Davida, no te mea e aroa aia iaia, kua aito katoa oki tona aroa iaia i te aroa iaia uarai. 18 Kua karanga aturū Ionatana kiaia, Apopo te marama ou; e no te mea kare e tangataia toou noanga, ka riro koe i te 19 uiia. E kia po toru ake toou noo anga, ka aere viviki ei koe ki raro, e tae ua atu ki te ngai i pipiniia e koe i te rā i 20 kimia i te anganga, ka noo atu ei i vaitata i te toka ra ko Ezela. E naku

e akainana atu nga kakao e toru i te reira pae *toka*, mei te men e te akainana ra au ki te akairo. E i na, naku e 21 akaue i tetai tamaiti, e *karangu atu aue*, Ka aere ka kimi i nga kakao. E kia tuatua pu tikai au ki taua tamaiti ra e, I na, tei ko nei mai te kakao tei waitata mai, ka tiki mai ana; e aere mai koe i reira: te ora ra oki a Iehova, e ora toou i reira, kare ia e kino. Kiana ko ra au 22 ki taua tamaiti ra e, I na, tei ko roa atu nga kakao; ka aere koe i reira; ko Iehova oki tera e tono ia koe ra e aere ke. E te tuatua ta taua i tuatua ra, i na, ko 23 Iehova tei rotopu ia ia taua e tuatau ua atu.

Kua pipini aturū Davidā i taua kai- 24 nga ra: e tae akera ki te marama ou ra, kua noo iora te ariki ki raro e kai i te kai. Noo iora te ariki i tona 25 uaorai nooanga mei tei muatangana ra, i te nooanga i te pae aere ra: e kua tu ua akerū Ionatana, e tei tetai pae a Abenera ia Saula ra: te vai ua ra to Davidā nooanga. Kare 26 rā Saula i tuatua ua mai i te reira rā: i manako oki aia e, Kua rokoia aia e tetai mea ke, e kare paa i mā; koia rui ia, kare paa i mā. Kia po- 27 pongi ra i te rā rua o taua marama ra, te vai ua ra taua nooanga o Davidā ra: kua tuatua mairū Saula ki tana tamaiti kia Ionatana, Eae te mea i kore ei i tae mai te tamaiti a Iese ki te kaingakai nei i nana i teia katoa rū? Kua karanga aturū Ionatana 28 kia Saula, Kua tuatua raurau mai a Davidā kiau e *tuku aia e aere ki Bete-Iehema*: Kua tuatua maira aia, Teia 29 taku tuatua kiu koe, e tuku ana koe iaku; e tusia oki ta to matou kopu-tangata i taua oire ra; e kua akaue mai taku tuakana kiau e *aere ki reira*; e teianei, kia tika ia koe ra, e tuku koe iaku, ko taku ia tuatua kiu koe, kia kite oki au i toku au tuakana. I kore ei aia i tae mai ki te kaingakai a te ariki. Kua tupu rava akera 30 to Saula riri ia Ionatana, e kua tuatua maira aia kiau, E tera tangata mā o kaitamaki e, kare aina kua kite au e, kua iki koe i terara tamaiti na Iese ei akakino ia koe uaorai, e ei akakino kia akama to metua vaine uaorai? Te noo ra taua tamaiti a Iese i 31 te enua nei kare rava koe e toou ra basileia e akatinamouia. E tenana e tono i te tangata e arataki mai iaia i ko nei kiaku nei, kua tau oki aia i te mate. Kua 32 karanga aturū Ionatana ki tona metua kiu Saula, e kua na ko atura kiau, Eae aia ka taua i? eae tana ara? Kua vero mairū 33

Saula i tetai tao iaia kia mate; kite akerū Ionatana e te akakoro tika ra tona metua e tamate rava ia Davidā. 34 Kua tu akerū Ionatana ki runga i taua kaingakai ra ma te riri maata; kare rava aia i kai i te manga i taua rā rua o te marama ra: kua aue iora aia ia Davidā, e no te mea kua akaakama mai tona metua iaia.

35 E popongi akera, aere aturū Ionatana e tetai tamaiti iti katoa ki taua kainga ra, i te taima i akaaiteicia kia Davidā 36 ra. E kua karanga atura aia ki taua tamaiti nana ra. Ka oro, ka kimi i te kakao taku e akainana atu. Kua oro iora taua tamaiti ra, kua akainana atura aia i tetai kakao i mua roa atu i 37 taua tamaiti ra. E tae atura taua tamaiti ra ki te vairanga o taua kakao i akainanaia e Ionatana ra, kua kapiki aturū Ionatana ki taua tamaiti ra, na ko atura, Kare aina tei ko roa atu te 38 kakao? E kua kapiki atura oki a Ionatana ki taua tamaiti ra, Aere viviki, kia ngakoiki, aua e tavare. Kua rave iora taua tamaiti a Ionatana ra i nga kakao, e kua aere maira ki tona pu ra. 39 Kare ra taua tamaiti ra i kite iti ake; ko Ionatana anake ra raua ko Davidā 40 tei kite i taua mea ra. Kua tuku aturū Ionatana i taua taonga nana ra ki taua tamaiti nona ra, e kua karanga atura kiau, Ka aere, ka apai ana ki roto i te oire.

41 E kia riro taua tamaiti ra, kua tu akerū Davidā mei te pae i apatonga ra, e kua tupou iora ki raro i te one, e ka toru akera tupou anga: e kua oongi iora raua ia raua orai, e kua aue iora raua, e *aue* maata roa ra to Davidā. 42 Kua karanga aturū Ionatana kia Davidā, Kia ora koe i te aerenga, kua taputou akenei oki taua raravari i te ingoa o Iehova, kua tuatua oki e, Ko Iehova tei rotopu ia taua nei, e toku ra uanga, e toou ra uanga e tuatau ua atu.

Kua tu akera aia e aere atura; e kua oki mairū Ionatana ki roto i te oire.

PENE XXI.

Rauka iora ia Davidā te kai tapu ia Ahimeleka i Noba; tei reira katoā Doga: rauka iora ia Davidā te keke a Golia: aere atura ki Gata.

1 **A**ERE aturū Davidā ki Noba ki te taunga ra ki Ahimeleka; mataku na iorū Ahimeleka i te aravei anga ia Davidā, e kua tuatua maira kiau, Eae koe i aere ua mai ei, e kare ouu 2 e tangata? Kua karanga aturū Davidā

ki te taunga ra kia Ahimeleka, E tua-
tua ta te ariki i akaue mai kiaku nei, e
kua tuatua mai kiaku ra e, Auraka
rava tetai tangata kia kite i tenana tere
taku i tono ia koe nei, tei akaueia atu
koe e au ra: e kua akonoia e au te
ngai e aravei mai ei *toku ra* au tangata
iaku. E teianei, ko taau ra manga *kai* 3
i rauka, ko te apai mai ia, e rima akera
areto *rihiki* ra; e kare ra, ko tei vai-
tata ua mai. Kua tuatua maira te tau-
nga kia Davida, na ko maira, Kare aku
areto noa i ko nei, kareka e areto tapu,
teia ia; tei te au tangata ou na, kare i
rave i te vaine ra, e *tika ia*. Kua ka- 5
ranga aturā Davida ki taua taunga
ra, na ko atura kiaia, Kare oki a
matou vaine e po toru akenei, mei iaku
rai i riro maira, kua tapu oki te ariki
o te au tangata ou nei, e kua tu noa
oki te *areto*, mei te mea e i akatapuia'i
teianei rū i roto i te āriki. Kua tuku 6
maira te taunga i te *areto* tapu nana;
kare atu oki o reira e areto mari ra
ko taua areto o te aroaro ra, ko tei
raveia mai mei mua mai i te aroaro o
Ichova ra, ka tuku atu ei i te areto
maana i *taua vairanga* ra, i te rā i
raveia mai ei tera. Tei reira tetai ta- 7
vini o Saula i taua rū ra, te noo ra ki
mua i te aroaro o Ichova; ko Doega
tana ingoa, e ngati Edoma, ko te ta-
ngata maata i te au tiaki *bovi* a Saula
ra. Kua karanga atura oki a Davida 8
kia Ahimeleka, Kare aau e korare e te
koke i ko nei? kare akenei oki au i
rave mai i taku koke, e taku ra taonga,
no te mea e tuatua na te ariki kia
ngakoikoi rai te rave. E te tuatua 9
maira te taunga ra. Te koke a te Phi-
liseti ra a Golia tauu i ta i te o ra ko
Ela, i na, tera ake ia, tei muri mai i te
ephoda, kua vāia ki te kakau; e rave
koe i te reira ra, ka rave; kare atu oki
e *koke* i ko nei, mari ra ko te reira.
Kua karanga aturā Davida, Kare ia
koke e aite ki te reira; o mai ana
kiaku.

Kua tu akerā Davida ki runga, oro 10
atura i taua rū ra i te matakū ia Saula,
aere atura ki te ariki o Gata ra kia
Akisa. Kua tuatua akera te au tavini 11
o Akisa kiaia, Kare ainei teia ko Da-
vida te ariki o taua enua nei? kare
aina koia teia ta ratou i pee aere i te
ura anga, i te na ko anga e, Kua mate
ta Saula e kua tausani! kua ngauru ra
te tausani i ta Davida? E vaio marie 12
iorā Davida i taua tuatua ra ki roto i
tona ngakau; e matakū rava akera aia
i te ariki o Gata ra ia Akisa. Kua 13
akatu ke iora aia ki mua ia ratou, kua

akaneneva aia iaia uorai i rotopu ia
ratou ra, kua tata aere iora i nga
ngutupa i te tomoanga ra, e kua aka-
topa ua i te uavare ki runga i tona
14 kumikumi. Kua karanga aturā Akisa
ki tona au tavini, I na, kua nenevaia
tera ra tangata: eaa kotou i arataki
15 mai ei iaia kiaku nei? No te kore e
tangata neneva i oku nei, i arataki
mai ei kotou i tera ake kia akapeu no-
neva ki mua i toku aroaro nei? e tac
ainei oki tera ake ki roto i toku
are?

PENE XXII.

*Te ako rā Gada ia Davida: kua tape-
pia te kuu taunga e Doega: taia
ratou e Saula ra.*

1 **A**ERE ke aturā Davida, pipini atura
ki roto i te ana ra ko Adulama: e
kite akera tona ai tuakana, e te ngu-
tuare katoa o tona metua ra, aere ka-
2 toa atura ratou i reira kiaia ra. E te
au tangata katoa i eketumuia ra, e te
au tangata kai ou, e te aronga katoa i
noongata ra, kapiti katoa atura ia ki-
aia ra; riro akera aia ei kapena ki
runga ia ratou: ka a akera anere o
te tangata i te kapiti anga atu ki-
aia ra.
3 Mei reira kua aere aturā Davida
ki Mizepe i o Moabi ra: e kua ka-
ranga atura ki te ariki o Moabi, E
akatika mai koe i taku nei tuatua, e
noo toku metua tane e toku metua
vaine i o kotou nei, kia kite ake ana
an i ta te Atua ravenga iaku nei.
4 Kua kave atura aia ia raua ki mua i
te aroaro o taua ariki o Moabi ra: e
kua noo iora raua ki ona i te tuatua
katoa tei roto a Davida i taua punanga
5 ra. Kua tuatua maira te peroveta ra
ko Gada kia Davida, Auraka koe e noo
i roto i tenana punanga; e aere ke, e
aere ki te enua ra ki Iudea. Aere
aturā Davida e tae atura ki te vaorakau
ra ki Hareta.
6 E kite akerā Saula e, kua kiteā Da-
vida e te au tangata katoa iaia ra, (te
noo ua rū Saula i Gibeia i raro ake i
tetai rakau i Rama ma te korare i te
rima, e tona au tangata katoa i te tu
7 ua anga i vaitata iaia ra;) Kua ka-
ranga aturā Saula i reira ki tona au
tangata e tu ua mai i vaitatao iaia ra,
Ka akarongo mai ana, e te au ngati
Beniamina e, e oronga mai ainei te
tamaiti a Iese i te kainga e te kainga
vine no kotou katoa na? e akariro
aina aia in kotou katoa ei kapena no
runga i te tausani, e ei kapena no

runga i te anere? I kotikoti kupenga'i kotou iaku nei, i kore rava'i tetai o kotou nei i akakite mai kiaku e, kua papau taku tamaiti i te korero-motu ki te tamaiti a Iese ra! kare ra tetai o kotou i tangi mai iaku, kare oki i akakite mai kiaku e kua akakoko taku tamaiti i toku tavini e moeta-papa iaku nei i teianci rā? Kua tuatua mairā Doega ngati Edoma ra, tei tukuia ki rungao i te au tavini o Saula ra, na ko maira, Kua kite au i te tamaiti a Iese i te aerenga mai ki Noba, ki te tamaiti a Ahituba kia Ahimeleka ra. E kua ui aia kia Iehova iaia ra, e kua apai aia i te kai nana, e kua apai oki i te koke a te Philiseti ra a Golia nana.

Kua tono atura te ariki i te tiki i 11 taua taunga ra ia Ahimeleka te tamaiti a Ahituba ra, e te ngutuare ravarai o tona metua, i te kau taunga i Noba ra: e kua aere katoa maira ratou ki te ariki ra. Kua karanga aturā 12 Saula, E te tamaiti a Ahituba ra, ka akarongo mai ana. Kua tuatua maira aia, Teia au, e taku pu. Kua karanga 13 aturā Saula kiaia, Eaa korua i kotikoti kupenga'i iaku, ko koe e te tamaiti na Iese, kua oronga koe i te kai nana, e te koke, e kua ui koe ki te Atua iaia, ei akamaroiroi iaia, kia moeta-papa aia iaku mei tei teianci rā? Kua tuatua 14 mairā Ahimeleka ki te ariki, na ko maira, Koai atu oki te tangata akono meitaki i to au tavini ravarai, mari ra ko Davida, ko te unonga o te ariki na, ko te akarongo ua oki kia akaueia aia e koe ra, e kua akangateiteia oki i toou ra ngutuare? I reira ainei 15 toku akamata anga i te ui atu ki te Atua iaia ra? auraka rava ia tuatua iaku, auraka te ariki e tuatua e, e ara ta tona tavini, e ta te ngutuare katoa o toku metua: kare rava oki to tavini i kite i tenana au tuatua, i te iti e te maata. Kua karanga atura te ariki, 16 Ka mate tilkai koe, e Ahimeleka, ko koe e te ngutuare katoa o to metua ra. Kua karanga atura te ariki ki te au 17 orooro i tu ua mai i waitatao iaia ra, Ka rave, ka ta i te kau taunga a Iehova; no te mea kua tauturu katoa ratou ia Davida, e no te mea kua kite ratou iaia i te oro anga, e kare i akakite mai kiaku. Kare akera taua au tavini o te ariki ra i rave ua atu te rima i te kau taunga a Iehova ra. Kua 18 karanga atura te ariki kia Doega, Ka ariu koe, ka ta i taua au taunga ra. Kua ariu atura taua ngati Edoma ra, ko Doega, kua rave atura i te kau tau-

nga ra, ta atura, e varu akera ngauru e rima ara i te tangata, ko te aronga e kakau ki te au ephoda vavai, tei mate 19 iaia i te reira rā. E ko Noba katoa, te oire o te kau taunga, tei taia e ia ki te mata koke; ko te tane, e te vaine, te tamariki, e te kai u katoa, e te bovi, e te asini, e te mamoe, kua taia ki te mata koke.

20 Kua ora iora tetai tamaiti a Ahimeleka te tamaiti a Ahituba, ko Abiatarate ingoa, e oro atura kia Davida ra.

21 Kua akakite aturā Abiatarate kia Davida e, kua pou te kau taunga a Iehova

22 i te taia e Saula. Kua tuatua mairā Davida kia Abiatarate, Kua kite ana au i taua rā ra, no te mea i reira katoa taua ngati Edoma ra ko Doega, e e riro aia i te akakite kia Saula ra: noku i mate ci te ngutuare katoa o to metua

23 ra. E noo mai koe i ko nei kiaku nei, auraka e matakū: ko te umuumu mai ia koe kia mate, kua umuumu mai ia iaku kia mate: kareka kiaku nei ka ora ia koe.

PENE XXIII.

Te ora ra Keila ia Davida: te aru rā Saula iaia: oro aturā Davida ki te medebara ra ko Ziphā: te aaki ra to Ziphā iaia kia Saula; kua akaoraii ra aia.

1 **K**UA akakite maira ratou kia Davida, na ko maira, I na, te Philiseti, te tamaki maira ia Keila, e te āru 2 ra i te au alona ra. Kua ui aturā Davida kia Iehova, na ko atura, E aere ainei au e ta i taua au Philiseti ra? Kua tuatua mairā Iehova kia Davida, E aere, ka ta i te au Philiseti, e akaora 3 ia Keila. Kua tuatua maira to Davida ra au tangata kiaia, I na, te matakū ua nei tatou i ko nei i Juda nei: ka tanga'i oki kia tae tatou ki Keila, e rave i te au 4 nuku Philiseti ra? Kua ui akaou aturā Davida kia Iehova. E kua tuatua mairā Iehova kiaia, kua na ko maira, Ka tu, ka aere ki raro ki Keila ra; naku oki e toku mai i te Philiseti ki to 5 rima na. Aere aturā Davida e tona au tangata ki Keila, e kua tamaki atura ki te Philiseti, e pou atura ratou e pou maata ra, e kua taki maira i ta ratou au 6 puaka. Kua ora to Keila ia Davida. E oro mairā Abiatarate, te tamaiti a Ahimeleka, kia Davida ki Keila ra, kua aere maira aia ki raro ma tetai ephoda i tona rima.

7 E i akakiteia akerā Saula e, kua tae mairā Davida ki Keila. E kua tuatua akerā Saula, Kua tukuia maira aia e to

Atua ki toku rima nei; kua mopeniia aia ki roto, koia i tomo ki roto i te oire pa e te tea ra. Kua akaputuputu mai-rā Saula i te tangata ravarai ki te tamaki, e aere ki raro ki Keila ra, e tamaki ia Davida, e tona katoa ra au tangata ra. Kua kite oki a Davida e, te kimi pouri ua rā Saula i te *ravenga* kia takinga-kino aia iaia ra; e kua karanga atura aia ki te taunga ra kia Abiatarā, Ka apai mai ana i te ephoda. Kua karanga aturā Davida, E te Atua o Iseraela ra, e Iehova, kua rongo akenei to tavini nei e, te umuuru rā Saula e aere mai ki Keila nei, e tae tika mairai aia e tairipoti rava i teianei oire noku. E toku ainei to Keila nei iaku ki tona rima? ka tae mai ainei a Saula ki raro nei, mei ta to tavini i akarongo akenei? E te Atua o Iseraela e, e Iehova, teia taku tuatua kia koe, e akakite mai koe ki to tavini nei. Kua tuatua mairā Iehova, Ka tae mai aia ki raro nei. Kua karanga aturā Davida, E toku ainei to Keila nei iaku, e toku au tangata, ki te rima o Saula? Kua tuatua mairā Iehova, Ka toku ia ratou ia koe. Kua tu akerā Davida e tona au tangata, e ono paa anere, ki runga, e aere ke atu-rā mei Keila atu, e aere ua atura ki te ngai aere anga atu. E akakiteia akerā Saula e, kua akaruke a Davida ia Keila, e kua ora atura; kua akaruke iora aia i taua tere nona ra. E noo ua aturā Davida i te medebara ra, ki roto i te au punanga etacta, e ki runga i tetai maunga i te medebara ra ko Ziphā. E kimi ua okia Saula iaia i te au rā katoa ra, kare rai te Atua i oronga iaia ki tona rima.

Kua kite oki a Davida e, i aere mai a Saula e kimi iaia kia mate: e e noo rā Davida i te medebara ra i Ziphā, i roto i te vaorakau ra. Kua tu akera te tamaiti a Saula ra ko Ionatana, e aere atura ki taua vaorakau ra kia Davida, e kua akamaroiroi atura iaia i te Atua. Kua karanga atura aia kiaia, Auraka e natakū: kare oki koe e rauka i te rima o toku metua ra o Saula; ka riro oki koe ei ariki ki runga ia Iseraela, e ei raro iti ake au ia koe; kua kite katoa oki toku metua ra ko Saula i te reira. Kua papau iora raua i te koreromotu ki mua i te aroaro o Iehova; noo iorā Davida i roto i te vaorakau, aere mairā Ionatana ki tona ngutuare.

Kua riro ana to Ziphā ki Gibeā kia Saula ra, e kua karanga atu e, Kare ainei tei ko akera i o matou a Davida i te pipini anga i roto i te au punanga etacta i roto i te vaorakau, ki runga i te

tuaivi ra ko Hakila, tei te pae i apato-
20 nga i Iesimona? E teianei, e te ariki, e aere mai koe ki raro, ta to ngakau oki i inangaro i te aere na; e ei ia matou nei te toku atu iaia ki te rima o te ariki na. Kua tuatua mairā Saula, Kia ora kotou ia Iehova; te aroa mai nei oki kotou iaku. Ka aere ana, taku ia tuatua kia kotou, e ui kia kite kotou, e akara oki kotou i te ngai i mataulia e ia, e te aronga i kite iaia i reira: kua akakiteia mai oki au e, e ravenga paka-
23 ri maata tana. E tenana, e akara matariki ana kotou; e kitea *tona* au pipini anga ravarai i matau ei aia i te pipini, ka oki akaou mai ei kotou kiaku nei ma te kite pu tikai, e naku ia e aere e kotou katoa oki; e tei te enua nei aia ra, e kimiia aia e au e pini ua ake te au
24 kopu-tangata katoa o Iuda nei. Kua tu akera ratou, e kua aere maira ki Ziphā na mua ia Saula: karekū Davida e tona au tangata, tei te medebara ra ia tei Maona, tei te ngai mataataa, tei te pae i apatonga i Iesimona.
25 Kua akakiteia mai oki a Davida e, kua riro mai anā Saula e tona au tangata e kimi iaia; i aere ei aia ki raro, i runga i te mato ra, e kua noo iora i te medebara ra ko Maona ra. E kite akerā Saula i te reira, kua ora iora aia ia Davida ki taua medebara ra ki
26 Maona ra. Kua aere iorū Saula na tetai pae maunga, e te aere ra oki a Davida e tona au tangata na tetai pae maunga: kua rapurapu iorū Davida i te aere no te matakū ia Saula; kua akapini oki a Saula ma tona au tangata ia Davida e tona au tangata e rave ia ratou. Ko te tae anga mai ia te karere kia Saula, i te tuatua anga mai e, E aere viviki mai koe; kua kapi oki te enua i te Philiseti. Kua oki mairā Saula, kare akera i aruaru ia Davida, e kua aere atura e tamaki i te Philiseti: i tapaiā taua ngai ra ia Sela-hamalekota.
29 E mei reira oki aere aturā Davida ki runga, noo iora ki roto i te au punanga etacta i Eni-gedi.

PENE XXIV.

Te takinga-meitaki o Davida ia Saula i te ana ra i Eni-gedi: kua aaki a Saula i tana ara; e kia akataputou-ia Davida e ia, kua oki ki te ngutu-are.

1 **E** KIA oki mairā Saula, mei te aru-
aru anga i te Philiseti ra, kua akakiteia atura aia, na koia atura, I na, tei te medebara i Eni-gedi rā Davida.

Kua rave aturā Saula i te au tangata e 2
 toru tausani i ihiia no roto ia Iseracla
 katoatoa, aere atura e kimi ia Davida
 e tona au tangata, i roto i te au mato i
aereia e te au puaka-nio momoavao 3
 ra. E kua tae atura aia ki te au are
 mamoe i te pae arataa ra, tei reira tetai
 ana; kua tomo aturā Saula ki roto e
 tapoki i tona vaevae. Te noo ua rā
 Davida e tona au tangata i roto i te pae
 o taua ana ra. Kua tuatua maira to 4
 Davida au tangata kiaia, I na, ko te rā
 teia ta Iehova i tuatua mai kia koe na e,
 I na, naku e tuku atu i to enemi ki roto
 i to rima na, kia rave koe i tauu e ano-
 ano i te rave iaia ra. Kua tu akerā 5
 Davida, kua kokoti poiiri maira i te
 tapa kakau o Saula ra. I muri akera,
 kua akaapa maira to Davida ngakau
 iaia uorai, koia i kokoti mai i te tapa 6
kakau o Saula ra. E kua karanga atu-
 ra aia ki tona ra au tangata, Kia aka-
 kore mai oki a Iehova, auraka au kia
 pera ki toku pu, ki to Iehova ra tangata
 i akatainuia ra, auraka toku rima
 kia rave ua atu iaia, ko tei aka-
 tainuia oki aia e Iehova ra. E tāpu 7
 iorā Davida i tona au tavini i taua
 tuatua ra, kare aia i tuku ia ratou
 kia tu mai ki runga e rave ia Saula.
 Kua tu iorā Saula ki runga e *kia*
tomo ki vao i taua ana ra, e riro
 atura.

Kua tu akerā Davida i muri ake, e 8
 aere atura ki vao i taua ana ra, e kua
 kapiki atura na muri ia Saula, karanga
 atura, E taku pu, e te ariki e. E kia
 akara mairā Saula ki muri, kua tupou
 iorā Davida ki raro tona mata i te one
 ra. Kua karanga aturā Davida kia 9
 Saula, Eaa koe i akarongo ei i ta te au
 tangata na tuatua, ko tei tuatua *kia koe*
 e, I na Davida, te kimi maira i te
 takinga-kino ia koe? I na, kua kite pu 10
 akenei to mata i teianei rā, i tukuia
 mai koe e Iehova ki roto i toku rima i
 nakonei i roto i te ana nei; e kua tuatua-
 ia mai au, e ta ia koe; akaperepere
 akera au ia koe: i tuatua oki au e, Kare
 rava toku rima e rave ua atu i toku pu;
 ko te tangata i akatainuia oki aia na
 Iehova. Ka akara mai ana, e taku 11
 metua, ka akara mai ana i te tapa o to
 kakau i toku rima nei; e akara mai
 oki koe ei kite noou, e kare rava oku
 kino e te tatipake, e kare aku ara ia
 koe, ko au i kokoti mai i to tapa kakau
 na e kare i ta ia koe ra; e te aruaru ua
 maira koe iaku kia mate. Na Iehova 12
 e akataka i te tuatua ia taua, e na Iehova
 e tutaki atu ia koe e iaku; kare ra
 toku rima e rave ua atu ia koe; Mei 13

tei tuatuaia e te aronga takere ra e, No 2
 roto mai i te tangata kino te kino;
 auraka ra toku nei rima e rave ua atu
 14 ia koe. I aere mai te ariki o Iseracla
 ra e kimi iaia? koai tauu e aruaru nei?
 15 i te puaka-aoa mate, i te tutua? E
 teianei, ei ia Iehova te akava, e
 nana e akamakitoro marie ia taua, e
 nana e akara, e nana e tuatua i taku
 tuatua, e nana e akaora iaku i to rima
 na.
 16 E ope akera te reira tuatua i te ka-
 rangata e Davida kia Saula ra, kua
 tuatua mairā Saula, Ko toou ainei ia
 reo, e taku tamaiti e Davida? Kua
 kakaoa ua aturā Saula i tona reo, aue
 17 atura. E kua tuatua maira aia kia
 Davida, Ko koe te tangata tuatua-tika
 kare au: kua takinga-meitaki oki koe
 iaku i toku oki takinga-kino ia koe ra.
 18 Kua akakite mai oki koe i te tu o toou
 takinga-meitaki iaku i teianei rā, ka
 tuku atu ei oki a Iehova iaku ki roto i
 to rima na, kare koe i ta mai iaku.
 19 Koai oki ia tangata kia rauka toa
 enemi iaia, ka tuku ua atu ei kia aere
 ua ana ma te ora? Kia takinga-meitaki
 mai oki a Iehova ia koe i toou
 20 takinga iaku i teianei rā. E teianei, i
 na, kua kite pu tikai au e, e ariki koe, e
 ka akatinamou ravaia te basileia o
 21 Iseracla nei i to rima na. E teianei,
 e taputou mai koe kiaku nei ia Iehova
 ra, kare koe e tipu ke atu i toku uanga
 i muri ake iaku, e kare koe e akapou i
 toku nei ingoa i te ngutuare o toku
 22 metua ra. Kua taputou iorā Davida
 kia Saula ra. E riro aturā Saula ki
 tona ngutuare; karekā Davida e tona
 au tangata, oki atura ia ki runga i te
 punanga.

PENE XXV.

*Te matenga o Samuela. Te tono rā
 Davida i te karere kia Nabala. To
 Nabala takinga-kino anga i te au
 karere o Davida: i to Abigaila
 akono anga meitaki i kore ei te
 kino i akakoroia e Davida no tona
 ngutuare: riro aia ei vaine na Da-
 vida.*

- 1 **M**ATE iorā Samuela i reira; kua
 akaputuputu maira Isernela ka-
 toatoa, kua aue iora iaia, e kua tanu
 iora iaia i Rama i tona uorai kainga.
 Kua tu akerā Davida, e kua aere iora
 ki raro ki te medebara ki Parana
 ra.
 2 *Te noo ra tetai tangata no Maonna,*
 tei Karumela tona apinga te vairanga;
 e tangata maata roa taua tangata ra, e

toru tausani ana mamoe, e okotai oki tausani puaka-nio: e te pakoti ra aia i tana au mamoe i Karamela. Ko Nabala te ingoa o taua tangata ra; ko Abigaila te ingoa o tana vaine: e vaine kite meitaki i te tuatua, e te meitaki oki i te tu: e tangata rotoriri ra te tane, e te ravenga kikino; no te ngutuare aia no Kalebā. E kite akerū Davida i roto i te medebara ra e, te pakoti rā Nabala i te au mamoe nana ra. Kua tono aturū Davida i te au tangata ou tino ngauru ra, e kua karanga aturū Davida ki taua au tangata ou ra, E aere kotou ki runga ki Karamela, e tae atura kotou kia Nabala ra, e aroa atu kotou iaia i toku nei ingoa: E karanga atu kotou kiaia i ora ra, Kia ora koe, e kia ora oki to ngutuare, e kia ora toou katoa ra. Kite akenei au e, e pakoti *mamoe* tei i o ou ra: ki ko oki te au tiaki *mamoe* noou na i o matou ra, kare rava matou i rave kino ua atu ia ratou, e kare rava oki tetai mea i ngaro i to ratou noo anga i Karamela. Ka ui ana ki te au tangata ou i o ou nei, e na ratou e akakite mai kia koe. E teianei e kite aroa mai koe i te au tangata ou na: e rā meitaki oki teia i aereia mai e matou nei: teia taku tuatua kia koe, e o mai ana koe i tei vaitata ia koe ra na to au tavini nei, e na to tamaiti na Davida. E tae atura taua au tangata ou o Davida ra, kua karanga atu rai ratou kia Nabala i taua tuatua katoa ra i te ingoa o Davida, e kua muteki iora.

Kua tuatua mairā Nabala ki te au tavini o Davida ra, na ko maira, Koai oki a Davida? e koai te tamaiti na Iese? e manganui te tavini i teianei tuatua ko tei akaruke i to ratou pu. Ka rave ainei oki au i taku areto, e taku vai, e taku puaka i koia e au na taku au pakoti *mamoe* nei, ka apai atu ei na te au tangata i kitea koreia e au to ratou ngai no reira ratou ra? Kua ariu maira taua au tangata ou o Davida ra, e kua oki maira, e kua aere maira e akakite maira kiaia i taua au tuatua katoa ra. Kua karanga aturū Davida ki te au tangata nona ra, Ka tatua ana kotou ravarai i ta kotou koke. E kua tatua iora ratou ravarai i ta ratou au koke; kua tatua iora oki a Davida i tana orai koke: e kua aere atura na muri ia Davida te au tangata e a paa anere; e noo iora e rua anere e tiaki i te apinga.

Kua karanga atura tetai tangata ou i o Nabala ki te vaine a Nabala kia Abigaila, na ko atura, I na, kua tono mai a Davida i te au karere mei te

medebara mai, e aroa i to matou nei 15 pu; e kua kauvae aia ia ratou. E takinga-meitaki ra to taua aronga tangata ra ia matou, e kare oki matou i rave kinoia mai, kare rava oki a matou mea i ngaro i to matou vaitata anga atu ia ratou, ia matou i noo i te au kai- 16 nga: Mei te patu ra ratou ia matou i te ao e te po, i to matou noo anga i o ratou i te tiaki anga i te au mamoe. 17 E tenana, e akono meitaki, e akamaara oki koe i taua ravenga; kua akakoroia te kino ki to matou pu, e tona katoa ngutuare: kareka aia e tangata tuatua kino maata, kare e tika kia karanga atu kiaia. 18 Kua rapurapu iorā Abigaila, kua rave iora i te au areto e rua anere, e nga āriki wina e rua, e nga mamoe tao ra e rima, e nga āriki *sitona* tunu paka e rima, e te au kaui vine marō okotai anere, e te au kou suke e rua anere, e kua tuku akera ki runga i te au 19 asini. Kua tuatua maira aia ki tona au tavini, Ka aere ana na mua iaku; i na, e na muri atu ua ia kotou. Kare ra aia i akakite ki tana tane kia Nabala. 20 E kua na runga akera aia i tetai asini, kua eke atura ki raro na tetai tuavi, na tetai ara ngaro, e i na, kua eko maira oki a Davida e tona au tangata na tetai tuavi i muao iaia; aravei akera 21 aia ia ratou. I tuatua ua anā Davida, E tiaki anga puapinga kore taku i tana au apinga i te medebara nei, e kare rava akenei tetai i ngaro; i pera mai aia i te tutaki anga mai i te meitaki ki te kino ra: Kia pera mai te Atua ki te au tenemi o Davida e kia maata ua atu rai, kia toe ua ake tetai tane i ona, apopo i te akirata anga ra. 23 E kite aturū Abigaila ia Davida, kua rapurapu iora aia, e kua eke iora mei runga mai i te asini, kua tupou iora ki raro ki mua ia Davida, e tipapa iora aia ki raro tona mata i te one. Kua opu iora aia i ona vaevae, e kua karanga atura, Ei runga iaku, e taku pu, teianei ara, ei runga iaku nei: e karanga ua atu ana ra to tavini vaine kia koe na, kia kite mai koe, e akarongo ua mai ana oki koe i te tuatua a to tavini vaine nei. 25 Auraka to ngakau, e taku pu, e akono i teianei tangata puapinga kore ia Nabala, taku ia tuatua kia koe: te tau ra oki aia ki tona ingoa; ko Nabala tona ingoa, e e tuatua neneva tana: kareka to tavini vaine nei, kare ia au i kite i te au tangata ou o taku pu, i tauu i 26 tonon maira. E teianei, e taku pu, te ora rā Iehova, e te ora katoa ra oki

toou vaerua, ko Iehova *tei tāpu* ia koe
kia kore koe e aere mai e *akamaringi* i
te toto, e kia kore koe e tutaki ia koe
orai ki toou orai rima; e teianei, kia
riro toou au enemi, e te aronga e
inangaro i te takinga-kino atu ia koe, e
taku pu, mei ia Nabala ra. E teianei, 27
kia apaiia teianei atinga, i apaiia mai e
to tavini vaine nei naau, e taku pu, na
te au tangata ou e aru mai i taku pu.
Teia taku tuatua kia koe, e akakore 28
mai i te ara a to tavini vaine nei: ka
riro oki a Iehova i te akatinamou i to
ngutuare, e taku pu; no te mea kua
tamaki koe, e taku pu, i te tamaki a
Iehova ra, kare oki te kino i kitea i roto
ia koe i to au rā katoa ra. Kua tu ua 29
mairai tetai tangata e aruaru ia koe, e
kua kimi oki ia koe kia mate: ka ru-
ruia ra te ora o taku pu ki roto katoa
i te opa ora i o to Atua ra i o Iehova;
kareka te ora o to au enemi, ka ma-
kaia ia e ia, *mei te mea e*, i na roto i te
kapu-maka ra. E kia ope rava i te 30
akatupuia e Iehova te au meitaki katoa
i tuatuaia mai e ia noon, e taku pu, e
kia akariroia koe e ia ei ariki ki
runga ia Iseraia; Kare oki teia e 31
riro ei irieaanga naau i reira, kare to
ngakau e tumatetenga, e taku pu, i
reira, ko koe kare i akamaringi puapinga
kore ua i te toto, e ko koe oki kare i
tutaki ua ia koe uorai, e taku pu:
kia pera mairū Iehova i te takinga-
meitaki mai ia koe, e taku pu, ei reira
koe e manako ei i to tavini vaine nei.

Kua tuatua mairū Davida kia Abi- 32
gaila, Kia akameitakiia te Atua o
Iseraia ko Iehova, ko *tei tono* mai ia
koe i teianei rā kia aravei mai koe
iakū. E kia ora oki koe i taau tuatua 33
meitaki, e kia ora oki koe, ko *tei tāpu*
mai iaku i teianei rā, kia kore e *ma-
ringi* iaku te toto, e kia kore au e
tutaki iaku uorai ki toku uorai rima.
Koia tilka rai, te ora ra te Atua o 34
Iseraia ra ko Iehova, ko *tei tāpu* mai
iakū nei, kia kore koe e rave kinoia
atu, naringa koe kare i aere viviki mai
kia aravei mai iaku nei, kare takiri e
tane toe to Nabala apopo i te akirata
anga. Kua rave mairū Davida i taua 35
atinga i apaiia e taua vaine ra nana, e
kua tuatua maira kiaia, E aere koe ki
to ngutuare ma te au; i na, kua aka-
rongo au i taau tuatua, e kua kiteia
koe e au.

Kua aere mairū Abigaila kia Na- 36
bala ra; e i na, e pokai tana *tei roto*
i tona uorai are, mei te pokai a te
ariki ra; kua rekareka oki te ngakau
o Nabala, kua kona oki aia; kare

ake rai aia i tuatua iti ua atu kiaia e
37 ao ua akera. Kia popongi ra, kia peke
taua *koua* wina o Nabala ra, kua aka-
kite atura tana vaine kiaia i taua au
mea ra, mate akera tona ngakau i roto
38 iaia, riro atura aia *mei* te toka ra. E
po ngauru akera, taia iorū Nabala e
Iehova, mate rava akera.
39 E kite akērū Davida e kua mate a
Nabala, kua tuatua akera aia, Kia aka-
meitakiā Iehova, kua tutaki oki aia
i te takinga-kino a Nabala iaku, e kua
tāpu aia i tona tavini *kia kore e rave* i
te kino: kua akaoki oki a Iehova i to
Nabala kino ki runga i tona uorai mi-
miti. Kua tono akērā Davida i te
karere e karangaranga kia Abigaila, e
40 e rave aia iaia ei vaine nana. E tae
maira taua au tavini o Davida ra kia
Abigaila ra, i Karamela, kua tuatua
maira ratou kiaia, na ko maira, I tono-
kia mai matou e Davida kia koe na, e
41 rave aia ia koe ei vaine nana. Kua
tu akera aia ki runga, e kua tupou iora
i raro tona mata i te one ra, kua ka-
ranga atura, I na, kia riro ua atu to
tavini vaine, ei tavini orei vaevae no te
42 au tavini o taku pu ra. Kua tu akērā
Abigaila ki runga e kua rapurapu iora,
e kua na runga iora i tetai asini, e nga
ui vaine toko rima nona i te aru anga atu
iaia; kua na muri atura aia i te au karere
a Davida ra, riro atura ei vaine nana.
43 Kua rave katoa iora oki a Davida ia
Abinoama i Iezereela; riro atura rana
44 katoa ei vaine nana. Kua oronga oki
a Saula i tana tamaine ra i Mikala, i
te vaine na Davida, na Phalati te ta-
maiti a Laisa i Galima ra.

PENE XXVI.

*Te takinga-kino ua nei rā a Saula ia
Davida. Rauka akaou iorū Saula
ia Davida, kare ra i taia, aaki aturū
Saula i tana ara, aere atura.*

1 **K**UA aere mairai to Zipha ki Gibea
ra kia Saula, tuatua maira, Kare
ainei a Davida *tei te tuaivi* ra ko
Hakila, i muao i Iesimona, i te pipini
2 anga? Kua tu akērā Saula i reira, e
aere atura ki raro ki te medebara ra ki
Zipha, e te au tangata i iikiā e toru
katoa tausani no Iseraia i te aere ka-
toa anga; e kimi ia Davida i te mede-
3 bara ra i Zipha. Kua patia iorū
Saula i te puakapa ki runga i te tuaivi
ra ko Hakila, i te pae arataa i muao i
Iesimona. Te noo ua rā Davida ki roto
i te medebara, kua kite oki aia e, *tei*
te medebara mai nei a Saula te kimi
4 ra iaia. I tono ana oki a Davida i te

mata, e kua kite pu tikai aia e, kua tae mai a Saula. Kua tu akērā Davida, kua aere tika maira ki taua ngai i pua-kapaia e Saula ra: kua kite maira oki a Davida i to Saula ngai mocanga ra, e to Abenera te tamaiti a Nera ra te kapena no taua nuku nana ra: tei roto i te apinga to Saula mocanga, e te au tangata ravarai i tona pae e pini ua ake.

Kua karanga aturā Davida i reira 6
kia Ahimeleka ngati Heta ra, e kia Abisai te tamaiti a Zerua, e tacake no Ioaba, na ko atura, Koai te ka tae katoa ki raro ki te puakapa kia Saula ra maua katoa? Kua tuatua mairā Abisai, E aere katoa au. Kua aere 7
mairā Davida raua ko Abisai ki taua au tangata ra i te po: e i na, te moe ua rā Saula i roto i te apinga, e te patia uaia ra tana korare ki raro i te one i te pae urunga nona ra; e te takotokoto ua ra oki a Abenera e to au tangata i tona pae e pini ua ake. Kua tuatua akērā Abisai kia Davida, Kua tuku mai te Atua i to enemi ki roto i to rima i teianei rā; teia taku tuatua kia koe, e tuku mai ana koe, e ko ua ana au iaia ki te korare e mama ua atu ki raro i te one, kare au e tatakī ruia i te ko anga. Kua karanga 9
aturā Davida kia Abisai, Auraka aia e taia; koai ia tangata kare e ara kia tūki tona rima ki runga e ta i to Iehova tangata i akatainuia ra? E 10
kua karangaatu rai a Davida, Te ora rā Iehova, na Iehova aia e ta; e kare ra, te vai rai tona rā ka mātē atu ei; e kare ra, e aere aia ki te tamaki, mate atu ei. Kia tūpu mai oki a Iehova 11
iakū, kia kore au e tūki i toku rima ki runga e rave i te tangata o Iehova i akatainuia ra; teia ra taku tuatua kia koe, ka rave mai ana koe i te korare i te pae urunga nona ra, e te ue vai, e aere taua. Kua rave iorā Davida i te korare, e te ue vai i te pae urunga o Saula ra; e aere ua atura raua, kare tetai i akara mai, kare i kite, kare oki i ara ua: kua moc oki ratou ravarai; kua rokoia ratou e te moc tinainai no ko mai ia Iehova ra.

Aere aturā Davida ki tetai pae, kua 13
tu ua maira ki runga i tetai tuavi, tei te atea ke; e ngai roa tei rotupu ia ratou: Kua kapiki mairā Davida ki te 14
au tangata ra, e kia Abenera te tamaiti a Nera ra, tuatua maira, Kare ra koe e tuatua mai, e Abenera? Kua karanga aturā Abenera, na ko atura, Koai koe e kapiki ua mai ki te ariki nei? Kua tuatua mairā Davida kia 15

Abenera, Kare ainei koe i te tangata toa? koai oki ia tangata e tau ia koe i Iseraela na? eaa iora oki koe i kore ei i tapapa i to pu i te ariki ra? i aere atu ana oki tetai tangata ki ko na e ta i to pu i te ariki ra. Kare tenana mea tauu i rave ra i te mea meitaki. Te ora rā Iehova, e tau ia kotou te mate, no te mea kare akenei kotou i tapapa i to kotou pu, i ta Iehova tangata i akatainuia ra. E teianei, ka akara mai ana i te korare a te ariki, e te ue vai i vaao i tona pae urunga ra.

E te kite rā Saula i to Davida reco, e kua karanga atura, Toou aina ia reco, e taku tamaiti, e Davida? Kua tuatua mairā Davida, Toku ia reco, e taku pu, 18
e te ariki. Kua tuatua mairai oki aia, Eaa koe i aruaru mai ei i to tavini, e taku pu? I akapeea ana oki au? eaa 19
oki te kino i toku nei rima? E teianei, teia taku tuatua kia koe, e akarongo mai ana koe, e taku pu e te ariki, i te tuatua a to tavini nei. Na Iehova koe i tuku mai e rave iaku, e āriki mai aia i tetai tusia: na te tangata anake ra, kia katarala ratou ki mua i te araro o Iehova; kua tuaru oki ratou iaku i teianei rā, auraka au e noo i te enua o Iehova, e te tuatua anga mai e, E aere, e akamori i te au atua ke. 20
E teianei, auraka toku toto kia ta'e ki raro i te one ki mua i te araro o Iehova: e tere kimi tutua to te ariki o Iseraela, mei te mauu i kimiia ki runga i te mauunga ra.

Kua karanga aturā Saula, Kua ara au: ka oki, e taku tamaiti, e Davida: kua oti ua taku takinga-kino anga atu ia koe, no te mea kua akaperepereia toku ora e koe i teianei rā: i na, e ravenga neneva taku, e maata maata ua 22
atura toku ē. Kua tuatua mairā Davida, na ko maira, Ka akara mai ana i te korare a te ariki na! e akauc i tetai 23
tangata ou e tiki mai. Kia tutaki mai a Iehova ki te tangata ravarai i tei tau i te tuatua-tika, e te pikikna kore nana ra: i tuku ua mai oki a Iehova ia koe ki toku rima i teianei rā, kare akera toku rima i rave ua atu i ta Iehova 24
tangata i akatainuia ra. E i na, i akaperepere ravnia toou ora e au i nako-nei ra, kia akaperepere katoaia toku ora ki mua i te araro o Iehova, e kia akaora aia iaku i te au mate katoa 25
ra. Kua karanga aturā Saula kia Davida, Kia ora koe, e taku tamaiti e Davida: ko te au mea mamaata taua e rave ra, e ka riro rai te re ia koe ra. Aere aturā Davida i tona aereanga, e kua oki mairā Saula ki tona ra ngai.

PENE XXVII.

Ko Saula, no te mea e kua kite akera e tei Gata a Davida, kare akera i kimi.

KUA manako akerā Davida i roto i 1
tona ngakau, Ka mate rai au i te
rima o Sātula i tona atu rā: kare atu rai e
mea meitaki iaku, mari ra kia oro viviki
au ki te enua o te Philiseti kia ora: ei
reirā Saula e akapaki ei i te kimi iaku
i te au tapere katoa o Iseracla nei, ka
ora oki au i tona rima. Kua tu akerā 2
Davida e te au tangata nona e ono
anere, e aere atura ki te ariki o Gata
ra kia Akisa te tamaiti a Maoka ra.
E noo iorā Davida ki o Akisa i Gata 3
ra, koia e tona katoa au tangata, e to
ratou katoa au ngutuare: ko Davida
e ko ana puke vaine toko rua, ko
Ahinoama i Iezerecla, e te vaine a Na-
bala, ko Abigaila i Karamela ra. E i
akakiteia mairā Saula e, kua riro aturā
Davida ki Gata; kare akera aia i kimi
akaou iaia ra.

Kua karanga aturā Davida kia 5
Akisa ra, Kua kite aroaia mai au e
koe ra, e o mai tetai nooanga noku i
roto i tetai oire i uta ra, kia noo au
i reira: eaa oki e tau ei ki to tavini
nei kia noo i o ou na ki roto i te oire
ariki ra? Kua oronga mairā Akisa 6
ia Zikelaga nona i taua rā ra: i riro
mai ei Zikelaga no te au ariki o Iuda e
tae rava akenei ki teianei rā. E to
Davida noo anga i te enua o te Phil-
seti ra, okotai mataiti tikai e a oki
marama.

Kua aere iorā Davida e tona au 8
tangata ki runga, kua tamaki atura i to
Gesura, e to Gezere, e te ngati Ama-
leka: ko te aronga enua ia i taio ra,
mei te ngai i aereia kia aere tika ki
Sura, e tae na atu koe ki te enua ra ko
Aiphiti. Pou iora taua enua ra ia 9
Davida, kare rava tetai i ora, te tane
e te vaine katoa; e kua rave maira aia
i te mamoe, e te bovi, e te asini, e te
kamela, e te kakau, e kua oki maira kia
Akisa ra. Kua karanga aturā Akisa, 10
Koai tei raveia e kotou i nakonei?
Kua tuatua mairā Davida, Ko to Iuda
i te pae i apatonga ra, e te pae i apa-
tonga o te ngati Ierameeli ra, e te pae
i apatonga o te ngati Keni ra. Kare 11
rava oki e tangata i akaoraia e Davida,
te tane e te vaine katoa, e tika i
apai i te tuatua ki Gata, na ko akera,
Ko te aaki aea ia tatou, ko te tuatua
aea e, I pera mai a Davida. Ko tana
iora ia ravenga iaia i noo i te enua o te

12 Philiseti. Kua akatika iorā Akisa ia
Davida, na ko akera, Kua makitakita
ravaia aia e tona au tangata e Iseracla,
e tenana, ka riro aia ei tavini noku e
tuatau ua atu.

PENE XXVIII.

*Ko Saula, no te mea kua akarukeia e te
Atua ra, kimi atura i te vaerua kino
ei akakite.*

KUA akaputuputu iora te Phil-
seti i to ratou au nuku i taua au
rā ra e tamaki, e tamaki ia Iseracla.
Kua karanga aturā Akisa kia Davida,
E aere katoa tatou ki te tamaki, ko
koe, e toou au tangata, kia kite pu
2 mai koe. Kua tuatua mairā Davida kia
Akisa, Ka kite ia koe i ta to tavini e
rave. Kua karanga aturā Akisa kia
Davida, E teianei, e akariro au ia koe
ei tiaki i toku upoko e tuatau ua atu.
3 Kua mate ana Samuela i reira, e i
aue ana oki Iseracla ravaia iaia, e kua
tanu ratou iaia i tona uaoari oire i
Rama. Kua kopae oki a Saula i te
4 aronga i uruia e te vaerua kino e te
purepure i taua enua ra. Kua aka-
putuputu iora te Philiseti, e kua aere
maira, e kua patia maira i te puakapa
i Sunema: e kua akaputuputu mairā
Saula ia Iseracla katoa, e kua patia
5 iora ratou i te puakapa i Gilaboa. E
kia akara akerā Saula i taua nuku o te
Philiseti ra, matakū iora aia, e kua
6 kurukuru rava atura tona ate. E kia
ui atu a Saula kia Iehova ra, kare
ake rai a Iehova i tuatua mai kiaia, i te
moe, e te Urima, e te peroveta.
7 Kua karanga aturā Saula ki tona au
tavini, E kimi kotou i tetai vaine i
urua e te vaerua kino, kia aere atu au
kiaia ra, ka ui atu ei kiaia. Kua tua-
tua maira tona au tavini kiaia, I na,
tera tetai vaine vaerua kino tei Eni-
8 dora. Kua akatu ke iorā Saula iaia
orai, kua kakau iora ki te kakau ke, e
aere atura ma nga tangata toko rua i te
aere katoa anga, e tae atura ratou ki
taua vaine ra i te po: e kua karanga
atura aia, Teia taku tuatua kia koe, e
akakite mai koe kiaku i te vaerua kino
na, e apai mai koe i taku e akakite atu
9 kia koe ra. Kua tuatua maira taua
vaine ra kiaia, I na, tei raveia e Saula
ra kua kite oki koe, e kua ta aia i te
aronga i uruia e te vaerua kino e te au
purepure i te enua nei: eaa oki koe i
tuku mai ei i te maunu i toku ora, kia
10 mate au? Kua taputou aturā Saula
iaia ia Iehova ra, na ko atura, Te ora
rā Iehova, kare rava koe e akau-

tungaia i taua mea ra. Kua tuatua 11
maira taua vaine ra, Koai taku e apai
mai kia koe nei? Kua karanga atura
aia, Ko Samuela taua e apai mai.

Kite akera taua vaine ra ia Samuela, 12
kua kapiki maira aia ma te reo maata;
e kua tuatua maira taua vaine ra kia
Saula, na ko maira, Eaa koe i pikikaa
mai ei iaku? ko Saula oki koe na.
Kua karanga atura te ariki kiaia, 13
Auraka koe e matakū; koai oki taua
i akara na? Kua tuatua maira taua
vaine ra kia Saula, Te kite nei au i te
au atua i te kake anga mai ki runga
mei raro mai i te enua ra. Kua ka- 14
ranga atura aia kiaia? Eaa tona tu?
Kua tuatua maira aia, E tangata
ruaine tei kake mai nei; e kua tapo-
kiia aia ki te kakau. Kua kite akērā
Saula e ko Samuela, kua tupou iora
aia i tona mata i raro i te one, kua
piko iora aia ki raro. Kua karanga 15
aturā Samuela kia Saula, Eaa ra koe
i akaananata mai ei iaku, i tiki mai
ei iaku ki runga nei? Kua tuatua
mairā Saula, E tumatetenga rava toku;
te tamaki maira te au Philiseti nei
iaku, e kua akaruke te Atua iaku, kare
oki i tuatua mai kiaku, e kare oki i te
peroveta, kare oki i te moe nei; no
reira au i kapiki atu ei kia koe, kia
akakite mai koe kiaku i taku e rave ra.
Kua karanga aturā Samuela, Eaa oki 16
koe i ui mai ei kiaku nei, i tei akaruke
a Iehova ia koe, e kua riro ia ei enemi
noou? I akaperā Iehova uorai i tana
i tuatua mai kiaku ra; e na Iehova e
aeae mai i te basileia i to rima na, e
apai atu ei na to tangata tupu ra na
Davida: Ko koe kare i akarongo i te 17
reo o Iehova, kare oki koe i akatupu
i tona riri viviki i runga ia Amaleka,
no reirā Iehova i rave ei i teianei rā
i taua mea nei. Kare oki ko teia 19
anake nei, ka tuku katoā Iehova ia
Iseraela e ko koe katoa ki roto i te
rima o te Philiseti: e apopo ka kapiti
katoaia mai ei koe e to au tamariki i
oku nei: e na Iehova e tuku i te nuku
o Iseraela ki roto i te rima o te Phil-
iseti ra. Kua topa pu ua iorā Saula ki 20
raro i reira ra, tipapa rava atura i runga
i te one ra, ko te maata ia o tona ma-
taku i te tuatua a Samuela: kare oki e
maroiroi i roto iaia; kare oki aia i kai
i te kai i taua rā ra, e taua po ra.

Kua aere atura taua vaine ra kia 21
Saula ra, e kite akera aia e kua tuma-
tetenga rava aia, e kua karanga atura
kiaia, I na, kua akarongo to tavini
vaine i toou reo, e kua akaruru atura
au i toku mate, e kua akarongo au i

toou reo i taua i tuatua maira kiaku 22
nei. Ei teianei, teia taku tuatua kia
koe, e akarongo katoa mai koe i te reo
o to tavini vaine nei, e tuku atu ana
au i tetai manga kai ki mua i to aroaro
na; ka kai ei kia maroiroi koe, kia
23 aere koe i toou ra aerenga. Kare ra
aia i akatika atu, e kua karanga atura,
Kare au e kai. Ko tona au tavini ra e
taua vaine katoa ra, mūro atura; e kua
akarongo atura aia i to ratou reo. Kua
tu akera aia ki runga mei raro mai i te
24 one, e kua noo ki runga i te roi. E
kafa ta taua vaine ra i roto i te are kua
matu; e kua rapurapu aia i te rave, e
kua ko iora, kua rave iora i te farnoa,
kua oki iora aia i taua faraoa ra ei areto
25 akaopuc koreia, tao atura: Kua tuku
iora aia ki mua i te aroaro o Saula, e
ki mua i te aroaro o tona au tavini;
kua kai iora. Tu akera ratou ki runga
i taua po ra, aere ke atura ratou.

PENE XXIX.

*Ko Davida i te akaoki angaia e te
nuku o te Philiseti ra.*

- 1 **K**UA akaputuputu maira te Phil-
seti i to ratou katoa ra au nuku
ki Apehka; e te puakapa ua ra te
ngati Iseraela i vaitata i tetai punavai
- 2 i Iezereela. Te aere ua ra te au ka-
vana o te Philiseti, kua anere e kua
tausani: te aere ua rā Davida e tona
au tangata i na muri mai, ratou ko
- 3 Akisa. Kua tuatua iora te aronga ka-
vana o te Philiseti, Koai ra teia aronga
Ebera nei? Kua karanga aturā Akisa
ki taua au kavana o te Philiseti ra,
Kare ainei teia ko Davida, te tavini o
Saula, i te ariki o Iseraela, tei iaku nei
te noo anga i te au rā akenei, e nga ma-
taiti akenei, e kare rava akenei ana a
apa i kitea e au, mei reira mairai e tae
- 4 rava akenei ki teianei rā? Riri rava
akera te au kavana o te Philiseti ra
iaia; kua karanga atura te au kavana
o te Philiseti ra kiaia, E akaoki koe i
teianei tangata, e oki aia ki muri ki te
ngai i vaoaia e koe nona, auraka aia e
aere katoa e matou ki te tamaki anga
nei, ko te riro aea aia ei enemi no
tatou i taua tamaki anga ra: e akapeen
oki aia e ongi akaau atu ei ki tona pu?
kare ainei ki te mimiti o teianei aro-
- 5 nga tangata? Kare ainei teia ia Da-
vida i ta ratou i pee aere i te ura anga,
i te na ko anga e, Kua mate ta Saula
e kua tausani, kua ngauru ra te tausani
i ta Davida?
- 6 Kua karanga aturā Akisa kia Da-
vida, na ko atura kiaia, Koia ia, te orā

Iehova ra, kua tika katoa taau ra; e toou aereanga ki vao, e toou oki aere anga mai ki roto i teianei nuku, e mea meitaki ia iaku nei: kare oki i kitea e au te kino i roto ia koe na, mei te rā mairai i aere mai ei koe kiaku nei, e tae rava akenei ki teianei rā: ko te au kavana nei ra, kare koe i meitaki ia ratou. E teianei, e oki, e aere ma te au, auraka oki koe kia akamainaina atu i te au kavana o te Philiseti nei.

Kua tuatua mairā Davida kia Akisa, I aa na ra au? eaa tei kitea i to tavini nei mei iaku rai i aere mai kia koe na, e tae rava akenei ki teianei rā, kia kore oki au e aere katoa e kia tamaki i te au enemi o taku pu o taku ariki? Kua karanga aturā Akisa, e kua na ko atura kia Davida, Kua kite au e, e meitaki toou iaku nei mei tetai angela ia a te Atua ra: kua tuatua ana ra te au kavana o te Philiseti ra e, Auraka aia e aere katoa i te tannaki nei. E 10 tenana, e tu koe i te popongi roa, ko koe e te au tavini katoa ko toou ra pu i aere katoa maira: e kia tu kotou i te akirata anga, e kia ao ra, ka aere. Kua tu akerā Davida e tona au ta- 11 ngata katoa i te popongi metua ra, e aere ki te enua o te Philiseti. Aere ua atura te Philiseti ki Iezereela.

PENE XXX.

Ko Zikelaga i te pou anga i te ngati Amaleka: kua aruarua ratou e Davida e kua rokoia: e apinga maata tei rauka ia Davida.

E TAE aturā Davida e tona au 1 tangata ki Zikelaga kia tae ki te toru o te rā, kua kite akera e kua aere mai te ngati Amaleka ki Iuda ki te pae i apatonga, e ki Zikelaga, e kua taia Zikelaga, e kua ta'ua ki te ai; E kua rave ke atu i te au vaine i roto 2 ra ei tuikaa: kare ratou i ta i te tangata maata e te tangata iti, kua apai keia ia, e kua aere ki to ratou ra aerenga. Kua tae mairā Davida e 3 tona au tangata ki taua oire ra, e i na, kua ta'ua ki te ai; e kua apaiia ta ratou ra au vaine, e ta ratou ra au tamaroa, e ta ratou au tamaine, ei tuikaa. Kua akateitei akerā Da- 4 vida e te au tangata ki ona ra i to ratou roa, kua aue iora, e kare atura o ratou maroiroi kia aue. Kua riro oki 5 nga vaine a Davida, ko Alinoama i Iezereela, e ko Abigaila, te vaine a Nabala i Karamela. Maata rava akera 6 to Davida tumatetenga; kua tuatua oki te au tangata e, e pei iaia ki te

toka, no te mea, kua aue ngakau ua iora te au tangata katoa, ko te tangata katoa i tana ra au tamaroa, e tana ra au tamaine: kua akamaroiroi rā Davida iaia uorai i tona ra Atua ia Iehova.

7 Kua karanga aturā Davida ki te taunga ra kia Abiatarā, te tamaiti a Ahimeleka ra, Teia taku tuatua kia koe, e apai mai ana i te ephoda i ko nei kiaku nei. Kua apai mairā Abiatarā i te ephoda kia Davida. Kua ui 8 aturā Davida kia Iehova, karanga atura, E aru ainei au i teianei takanava, ka rokoia atu e au? Kua tuatua maira aia kiaia, E aru: e rokoia atu rai ia ratou e koe ra, e ka rauka 9 rai kare e toe. Aere aturā Davida, koia, e te au tangata e ono katoa anere i ona ra, e tae atura ki te kauvai ra ko Besora, i te ngai i nooia e te aronga 10 i vaoia ra. Aru atura rā Davida e te au tangata e a katoa anere: ko e rua anere ra kua nooia ki muri, kua maata oki to ratou roiroi, kare atura e tika ia ratou kia aere na runga i taua kauvai ra ko Besora.

11 Kite atura ratou i tetai tangata no Aiphiti i roto i tetai kainga, e kua aratiki maira ratou iaia kia Davida ra, e kua o atu oki ratou i te areto e kua kai iora; e kua akainu atu ratou iaia ki te 12 vai; Kua o atu oki ratou i tetai manga suke, e nga kaui vine marō e rua: e kai iora aia, io akera te a'o; kare oki aia i kai i te kai, kare oki i inu i te vai, e toru 13 akera po e toru oki ao. Kua karanga aturā Davida kiaia, Noni koe na? mei ca mai oki koe? Kua tuatua maira aia, E tangata au no Aiphiti, e tavini no tetai ngati Amaleka; e kua akarukeia io nei au e toku pu, no te mea ka po toru akenei au i te matenga i te 14 maki. Tae atura matou ki te Kereti i te pae i apatonga ra, e te pae i apatonga ra i Iuda, e te pae i apatonga ra, i Kaleba; e kua ka Zikelaga ia matou 15 ki te ai. Kua karanga aturā Davida kiaia, E tae ainei au ia koe ki taua takanava ra? Kua tuatua maira aia, E taputou mai ana koe i te Atua iaku, e kare koe e ta mai iaku nei, kare oki koe e toku iaku ki te rima o toku pu, e naku koe e aratiki ki taua takanava ra.

16 E tae atura aia iaia ki raro, e i na, kua kapi te enua katoa ia ratou, te kai-kai ra, e te inu ra, e te ura ra, no te maata o te apinga ta ratou i noni ra i te enua o te Philiseti, e no te enua o 17 Iuda. Kua ta aturā Davida ia ratou mei taua aia ra e tae ua atura ki te aia i tetai rā; kare rava tetai tangata i

ora, mari ra ko te au tangata ou, e a anere, ko tei oro na runga i te kamela e kua ora. Kua rauka maira ia Davida 18 ke: e nga vaine ana toko rua kua rauka ia ia Davida. E kare rava a 19 ratou ra *apinga rikiriki* i toe, i te mea maata, e te mea ngiti, i te tamaroa e te tamaine, i te apinga e te au mea katoa ta ratou i apai katoa ra; rauka anake iora ia Davida. Kua rave iorā Davida i 20 te au mamoe katoa, e te au bovi *a te ngati Amaleka*; ko tei iaia e ratou na mua i tei rauka ou ra, e kua tuatua akera, Ko ta Davida teia apinga.

Kua oki mairā Davida ki te au tangata 21 e rua anere ra, ko tei roiroi e kare atura e tika kia aru mai ia Davida, ko tei akanooia i taua kauvai ra ko Besora: kua aere atura ratou kia aravei ia Davida, e aravei akera oki i te au tangata ki ona ra: e tae mairā Davida i 22 waitata ki te au tangata, kua aroa atura aia ia ratou. Kua tuatua akera te au 22 tangata kikino katoa ra e te akono kore, ko tei aere katoa i taua tere o Davida ra, na ko akera, Auraka tatou e apai ua atu i te au apinga i rauka ia tatou nei, ko ratou kare i tae katoa, mari ra ko te tangata ko tana vaine e te tamariki, kia aratuki ke atu ratou e kia riro atu. I 23 reira to Davida tuatua anga e, Auraka kotou kia pera, e taku au tacake, i ta Iehova oki i oronga mai no tatou, e kua tiaki mai ia tatou nei, e kua oronga mai i te aronga e tamaki mai ia tatou nei ki roto i to tatou nei rima. Koai 24 oki te ka akarongo atu ia kotou i tenana? Koia ia mei te tuanga katoa o tei aere ki te tamaki ra, e te tuanga katoa o tei tiaki i te apinga: kia okotai rai a raua ra tuanga. E mei taua rā 25 maira e tae rava akenei ki teianei rā, kua akariro aia i *taua tuanga nei* ei ture, e ei akonoanga na Iseraela.

E tae aturā Davida ki Zikelaga, kua 26 apai aia i tetai pae i tei noniia ra, ki te aronga pakari o Iuda ra, i te au tauanga nona ra, na ko atura, I na te apinga na kotou no te noni o te au enemi o Iehova; Ki to Betela, e to Ramota i te pae i 27 apatonga ra, e to Iatira, E ki to Aroera, 28 e to Siphumota, e to Esetemoa, E to 29 Rakala, e to te au oire o te Ierameeli, e to te au oire i te au Keni, E to Horama, 30 e to Korasana, e to Ataka, E to Iiebe- 31 rona, e te au ngai katoa ta Davida e tona au tangata i mataui i te pi-pini.

PENE XXXI.

Ko Saula, no te mea kua pou te nuku, e kua mate nga tamariki, ta iora iaia uoroi: kua akaruke to Iseraela i to ratou au oire, e kua nooia e te Philiseti. Kua tiki to Iabesa-gileadu i nga kopapa o Saula ma nga tamariki, e kua tanu.

- 1 KUA tamaki maira te Philiseti ia Iseraela; ati atura to Iseraela i te Philiseti, tarava ua iora ki runga i te maunga ra ko Gilaboa, kua mate rava.
- 2 Kua aru viviki atura te Philiseti ia Saula raua ko nga tamariki ana; kua ta iora te Philiseti ia Ionatana, e ko Abinadaba, e ko Malekisuua, ko nga 3 tamariki a Saula. Riro atura te tamaki ia Saula, e kua tu aia i te aronga akainana kakao; e puta maata tona i 4 taua aronga akainana kakao ra. Kua karanga aturā Saula ki te apai taoonga tamaki nana ra, Ka unui ana i te koke naau ra, e ko mai iaku e kia mama rava; ko te aere mai aea teianei aronga peritome koeia, ko te ko mai aea iaku e mama rava, e ko te takinga- 5 kino mai aea iaku. Kare akera i tika i taua apai taoonga tamaki nana ra; kua maata rava oki tona matakau. Kua rave iorā Saula i te koke, e kua akainga ua 5 iora aia ki rungao. E kia akara maira taua apai taoonga nana ra, e kua mate a Saula, kua akainga ua iora aia ki rungao 6 i tana koke, mate katoa iora. Mate iorā Saula, e nga tamariki nana toko toru, e te tangata i apai i te taoonga tamaki nana, e te au tangata katoa nona, 7 i taua rā ra. E kite maira to Iseraela i tetai pae i te o ra o *Iezerevela* e to tetai pae i Ioridana, e kua oro to Iseraela, e kua mate a Saula e ana puke tamariki, kua akaruke ratou i te au oire, e kua oro; e kua aere maira te Philiseti, kua noo iora ki roto.
- 8 E ao akera, kia aere mai te Philiseti e tatara i te kakau o te aronga i mate ra, kua kitea e ratou a Saula, e nga tamariki toko toru ana, kua mate i runga 9 i te maunga ra ko Gilaboa. Kua tipu maira ratou i tona mimiti, e kua taratara i tona kakau tamaki, e kua tono i te karere e pini ua ake taua enua o te Philiseti ra, e akakite aere *ki roto* i te aere o to ratou au idolo, e ki o te tangata katoa 10 ra. Kua tuku iora ratou i te taoonga tamaki nana ra ki roto i te aere o te au Asetoreta; e kua patiti i tona kopapa ki runga i te patu ra i Bete-sani.
- 11 Kite akera to Iabesa-gileadu i ta te 12 Philiseti i rave ia Saula ra, Kua tu

akera te
iora e ao
kopapa
tamariki
Bete-sani, e kua aere maira ki Iabesa,

SAMUELA I.

13 e kua tutungi ki te ai i reira. Kua rave iora ratou i to ratou au i vi, e kua tanu iora ki raro ake i tetai rakau i Iabesa, kua nesetia iora ratou e po itu.

PENE XXXI.

TE BUKA RUA A SAMUELA RA.

PENE I.

Ko Davida, no te mea kua kite e kua mate a Saula raua ko Ionatana, aue atura ia raua.

E I muri ake i te matenga o Saula i ra, kia oki mairā Davida mei te tanga o te ngati Amaleka ra, e ka rua akera o Davida rā i te noo anga i Zike-laga; E tae akera ki te rā toru, e i na, 2 te aere maira tetai tangata mei te puakapa mai mei ia Saula ra, ma te kakau ngaengae, e ma te one i runga i tona mimiti: e tae rava maira aia kia Davida ra, kua tipapa iora aia ki raro i te one, tupou iora. Kua tuatua mairā 3 Davida kiaia, Mei ea roa mai koe na? Kua karanga atura aia kiaia, I ora mai nei au mei te puakapa Iseraela mai. Kua tuatua mairā Davida kiaia, I pea 4 tikai? E akakite mai koe kiaku, taku ia tuatua kia koe. Kua karanga atura aia, Kua ope anake te tangata i te ai i taua tamaki anga ra, e mangunui oki tei topa e kua mate rava: e kua mate a Saula ma tana tamaiti ra ko Ionatana. Kua tuatua mairā Davida ki taua 5 tangata ou i tuatua mai kiaia ra, Eaa oki koe i kite ei e, kua mate a Saula e tana tamaiti tangata ou i tuatua 6 kiaia ra, Iaku oki i aere ua atu ki runga i taua maunga ra ko Gilboa, i na, te irinaki ua rā Saula ki runga i tana korare; e i na, te aru rava maira te au karia e te aronga akaoro ipo i vaitata iaia. E kia akara mai aia ki muri, kite 7 maira aia iaku, e kua kapiki maira kiaku. Kua karanga atura au, Teia au. Kua tuatua maira aia kiaku, 8 Koai oki koe na? Kua karanga atura au kiaia, E ngati Amaleka au. Kua 9 tuatua maira aia kiaku, Teia taku tuatua kia koe, e tu ua mai koe ki runga iaku nei, e ta mai iaku: kua rokoia io

300

nei au e te mamea, no te mea te vai tika nei rai toku ora i roto iaku nei. 10 Kua tu ua atura au ki runga iaia, e ta atura iaia, no te mea kua kite au e kore aia e ora tei inga aia ra: e kua rave iora au i te korona i rungao i tona mimiti, e nga tapeka i tona rima, e kua apai mai i te reira i ku nei ki toku pu 11 nei. Kua rave iorā Davida i ona kakau, kua aere iora: e kua pera katoa te au 12 tangata ravarai iaia ra. Kua tangi iora e aiia ua atura, ia Saula, e i tana tamaiti ia Ionatana, e te au tangata no Iehova, e te ngutuare no Iseraela; no te mea kua inga ratou i te koke. 13 Kua tuatua mairā Davida ki taua tangata ou i tuatua mai kiaia ra, Noca koe na? Kua karanga atura aia, E tamaiti au na tetai tangata ke, e ngati 14 Amaleka. Kua tuatua mairā Davida kia akatika i to rima e ta i ta Iehova 15 tangata i akatainu ra? Kua tuatua mairā Davida ki tetai i taua au tangata ou ra, kua na ko maira, Ka aere i vai- 16 tata, ka ta. Kua ta iora aia iaia e mate kiaia, E i runga ia koe uaorai toou ra toto, na toou uaorai vaa i akaapa ia koe, ko koe i karanga ra e, I ta ana au i ta Iehova tangata i akatainu ra. 17 Kua aue iorā Davida ia Saula, e i tana tamaiti ia Ionatana, i teiane i aue 18 anga: (E kua akaue aia kia apiaia atu te ana ki te tamariki a Iuda; i na, kua tataia ki roto i te buka a Iasera:.) 19 Te manea o Iseraela i taia ki runga i to au ngai teitei e! aue ia aronga riri- 20 nui i inga e! Auraka e karangaia i Gata; aua e akakite aere i te au arataa i Asekalonga; ko te rekareka aca te au tamaine a te Philiseti! ko te akapaapaa aca te au tamaine a te aronga peritome koreia ra!

Ko kotou, e te au maunga o Gilaboa 21
e, auraka rava ei au, e te ua, i runga ia
kotou, e te au kainga i *rauak'i* te au
terume: no te mea kua akaruke kino
ravaia te paruru o te aronga ririnui i
reira, te paruru o Saula, *mei te mea e*,
kare aia i akatainuia ki te manongi!
Mei te toto mai o te aronga i taia ra, 22
mei te tongaua mai o te aronga mana
ra, kare te ana a Ionatana i tāpuia,
kare oki te koke a Saula i akaoki pua-
pinga kore uaia mai. Ko Saula raua ko 23
Ionatana, kua mataora raua e te tau-
rekareka i to raua ora anga, kare oki i
tataka ke i to raua matenga: viviki
maata to raua i to te aeto ra; e ririnui
maata to raua i to te liona.

E te au tamaine a Iseraela, ka aue 24
kotou ia Saula, ko tei akakakau ia ko-
tou ki te *kakau* muramura, e te au
memeitaki, ko tei tuku i te akamana
auro ki runga i to kotou kakau. Aue 25
i te inga o te aronga toa i rotopu i te
tamaki anga e! Aue koe, e Ionatana,
i taia i runga i toou orai au ngai
teitei!

E tumatetenga toku ia koe, e taku 26
tacake e Ionatana e! e mataora maata
toku ia koe: e anoano maata roa toou
iakū, e anoano maata ia i to te vaine!
Aue i te inga o te aronga toa e! e te 27
taoonga tamaki i akarukeia ra!

PENE II.

*Ko Davida i te aerenga ki Heberona,
akamainuia akera ei ariki no Iuda;
tana tuatua meitaki ki to Iabesa-
gileada. Kua akaarikiia Iseboseta:
e tamaki kino to tona pae tangata e to
Davida.*

E I muri ake i te reira, kua ui aturū 1
Davida kia Iehova, na ko atura,
E aere ainei au ki tetai i te au oire o
Iuda nei? Kua tuatua mairū Iehova
kiaia, Ka aere ki runga. E kua ui
aturū Davida, E aere tika au kica?
Kua tuatua maira aia, Ei Heberona.
Aere aturū Davida ki reira, e nga vaine 2
katoa nana toko rua, ko te Iezereela ko
Ahinoama, e ko Abignila te vaine a
Nabala i Karamela ra. E te au tanga- 3
ta katoa nona, ta Davida i arataki ka-
toa ki runga, ko te tangata ko tona ka-
toa ra kopu-tangata: noo iora ratou i
te au oire ra i Heberona. E kua aere 4
maira te au tangata no Iuda, kua aka-
tainu iora ratou ia Davida i reira, ei
ariki no runga i te ngutuare o Iuda ra.

Kua akakite maira ratou kia Davida,
tuatua maira, To Iabesa-gileada tei tanu
ia Saula ra. Kua tonu aturū Davida i 5

te au karere ki te au tangata no Iabesa-
gileada; e kua karanga atura kia ratou,
Kia akameitakiia mai kotou e Iehova,
i tei akapera i te takinga-meitaki i to
kotou pu ia Saula, e kua tanu oki ko-
6 tou iaia. E teianei kia akakite mai a
Iehova i te takinga-meitaki, e te tuatua-
mou kia kotou: e naku oki e tutaki ia
kotou i teianei takinga-meitaki, no to 7
mea kua pira akenei oki kotou na. E
tenana kia etaeta to kotou rima, e kia
maroiroi kotou: no te mea kua mate
akenei to kotou pu ko Saula, e kua aka-
tainu oki te ngutuare o Iuda iaku ei
ariki ki runga ia ratou.

8 Kua rave iorū Abenera te tamaiti a
Nera, te kapena o te nuku o Saula, ia
Iseboseta e tamaiti na Saula, e kua apai
9 mai iaia ki Mahanaima; E kua aka-
riro iaia ei ariki no Gileada, e no Asera,
e no Iezereela, e no Ephraïma, e no
10 Beniamina, e no Iseraela katoa. Ko
taua tamaiti na Saula ra, ko Iseboseta,
tei te a o te ngauru o tona mataiti i
ariki ei aia ki runga ia Iseraela, e rua
atura nga mataiti i te ariki anga.
Kareka te ngutuare o Iuda, kua aru
11 ratou ia Davida. E taua tuatau i
ariki ei a Davida i Heberona ra ki ru-
nga i te ngutuare o Iuda ra, e itu ia
mataiti, e ono oki marama.

12 Kua aere aturū Abenera te tamaiti a
Nera ra, e te au tavini o Iseboseta te
tamaiti a Saula ra, mei Mahanaima mai
13 ki Gibeona. E te tamaiti a Zeruia ra ko
Ioaba, e te au tavini o Davida, aere
atura e aravei akera ki te vai i Gibeona
ra: kua noo iora ratou ki raro, tetai ei
tetai pae vai, tetai oki ei tetai pae vai.
14 Kua karanga aturū Abenera kia Ioaba,
E tu mai te au tangata ou nei ki runga,
ka etau ei ki mua ia tatou. Kua tua-
tua mairū Ioaba, Ka tu mai ratou.
15 Kua tu akera ki runga, e aere atura ki
tetai pae i te au tangata o Beniamina
okotai ngauru ma rua, no Iseboseta te
tamaiti a Saula, e te au tavini oki no
16 Davida, okotai ngauru ma rua. Kua
opu iora tetai i to tetai ra mimiti, kua
ko atura i te koke ki roto i te kaokao;
topa katoatoa iora: tapai iora taua
ngai ra ia Helekata-hazurima i te pae i
17 Gibeona. E rā tamaki maata rava
taua rā ra; eke iorū Abenera, e te au
tangata katoa ia Iseraela, ki mua i te au
tavini o Davida.

18 Tei reira oki nga tamariki toko toru
a Zeruia ra, ko Ioaba, e ko Abisai, e ko
Asahela; e vaevae viviki to Asahela
19 mei te zabi o te ngangaere. Kua aru-
aru aturū Asahela ia Abenera; e i taua
aruaru anga aia ia Abenera ra, kare

rava aia i anga ke ki te pae katau e te pae kaui. Kua akara akērū Abenera 20 ki muri, e kua karanga akera, *Kare* ainei koe ia Asahela? Kua tuatua mairā aia, Ko au. Kua karanga aturū 21 Abenera kiaia, Ka tapae ana ki to pae katau, e kare ra, ki to pae kaui, ka opu i tetai i te au tamariki na, ka rave ei i te taoonga tamaki nana ra. Kare akērū Asahela e tapae ke ua atu i te aru anea iaia. Kua karanga akaou 22 aturū Abenera kia Asahela, Ka tapae ana, auraka koe e aru mai iaku nei: eaa au nei e tika'i kia ta ia koe ki raro rava i te one ra? eaa oki au e tika'i kia akara atu i te mata o to tuakana ia Ioaba? Te māro ra aia kare i tapae ke: kua ko aturū Abenera iaia ki te makuikui o *tona* korare i taokia e ia ki muri ki raro ake i te io kaokao, mama atura te korare ki muri mai; topa iora aia i reira, e mate iora i taua ngai ra: kua tae anake mai te tangata ki taua ngai i topa'i a Asahela ki raro e i mate ra, tu anake iora i reira.

Te aruaru ua rū Ioaba raua ko 24 Abisai ia Abenera; e topa iora te rū ki raro kia tae ratou ki te tuaivi ra ko Ama, i muao ia Gia, tei te arataa i te medebara ra i Gibeona. Kua putu- 25 putu te tamariki a Beniamina i muri ake ia Abenera, e kua riro ei urupu okotai, tu ua maira ki runga i tetai tuaivi. Kua kapiki mairā Abenera kia 26 Ioaba, kua tuatua maira, Ka rave rai i te koke nei e ta, auraka e mutu? kare rai koe i kite ka riro ei mea kavangia i muri ake? aea ra oki koe e tuatua ki te au tangata nei e oki, auraka e arumaki i to ratou ai taake? Kua karanga 27 aturū Ioaba, Te ora ra te Atua, naringa kare koe i akakoko mai, mei te popongi mairai, kua oki ia te tangata, kare e toe i te arumaki anga i tona taake. Kua akatangī iorā Ioaba i te pu, tu 28 anake iora te au tangata: kare atura ratou i arumaki akaou ia Iseraela, kare oki e tamaki akaou atu.

Aere aturū Abenera e tona au ta- 29 ngata e ao ua ake taua po ra na te ngai mataatana, e na runga atura i *te vai ra* ko Ioridana; aere atura na Biterona katoatoa, e kua tae mai ki Mahanaima. Kua oki rai oki a Ioaba, kare atura i 30 aru ia Abenera: e kia putuputu te au tavini ravarai, kua toe iora to Davida au tangata, okotai ngauru ma iwa e ko Asahela. Kareka te au tavini o Davida, 31 kua taia e ratou e kua mate rava to Beniamina, e to Aberera, e toru anere 32 e ono ngauru i te ta ngata. Kua rave

iora ratou ia Asahela, e kua tanu atura ki roto i te tanumanga o tona metua i Beteleheima. Kua aere ua iorā Ioaba e tona au tangata e ao ua ake taua po ra, e ao akera tei Heberona maira ratou.

PENE III.

Te tupu ra to Davida maroiroi; toko ono ana tamariki i anau i Heberona: kua uri a Abenera kiaia; e kua taia e Ioaba: aue rava aturū Davida ia Abenera.

- 1 **E** TAMAKI roa to te ngutuare no Saula e te ngutuare no Davida; te tupu ra ra to Davida ririnui, te aere ra oki to Saula ngutuare i te paraparuru.
- 2 Kua anau oki ta Davida tamariki tamaroa i Heberona: e ko tana tama mua ra, ko Amanona ia ia Ahinoama e
- 3 vaine Iezereela; E te rua ra, ko Kileaba ia ia Abigaila i te vaine a Nabala e vaine Karamela; e te toru ra, ko Abasaloma ia, te tamaiti a Maaka i te tamaine a Talemai, te ariki no Gesura;
- 4 E te a ra, ko Adonia te tamaiti a Hagita; e te rima ra, ko Sephatia te
- 5 tamaiti na Abitala; E te ono ra, ko Itecreama ia ia Egela i te vaine a Davida. I anau teia ia Davida i Heberona.
- 6 Tupu atura i te tamaki ra, ko te ngutuare o Saula tetai pae, e te ngutuare o Davida tetai pae, kua akamaroiroi iorā Abenera no te ngutuare o
- 7 Saula ra. E palake ta Saula, ko Rizepa te ingoa, e tamaine na Aiā; kua karanga aturū *Iseboseta* kia Abenera, Eaa te mea i tae ei koe ki roto
- 8 i te palake a toku metua nei? Kua maata rava atura to Abenera riri i te tuatua a Iseboseta, e kua tuatua akera, E mimiti puaka-noa ainei au nei, ko tei takinga-meitaki ua nei i te ngutuare o to metua na o Saula, e tae ua mai nei ki teianei rā, i te māro anga atu ia Iuda ki tona au taake, e tona au taunga, e kare i tuku atu ia koe ki te rima o Davida, i tapepe mai ei koe iaku i teianei rā i te ara i teianei vaine?
- 9 Kia pera mai te Atua ia Abenera, e kia maata mairai, kia kore au, mei ta Iehova i taputou mai kia Davida ra,
- 10 kia pera katoa kiaia: I te ruri ke anga atu i te au i te ngutuare o Saula, e te akatupu anga i te au o Davida ki runga ia Iseraela, e ki runga ia Iuda, mei Dana mai e tae ua atu ki Bere-seba.
- 11 Kare atura e tika iaia kia karanga ua atu kia Abenera, no te mea te matakua ra aia iaia.
- 12 Kua tono akērū Abenera i te au ka-

rere kia Davida, nana uorai i *tono ci*,
tuatua akera, Noai te enua nei? e te
na ko anga atu, E papau mai ana koe
i te koreromotu naau kiaku nei; e i
na, ko toku rima tei ko na ia koe na, e
arataki ia Iseraela katoa ki ko na ia
koe na. Kua tuatua maira aia, Kua 13
tika: ka papau atu au i te koreromotu
kia koe na: okotai rava ra aka tuatua
e umuumu ia koe na, ko teia ia. Au-
raka rava koe kia kite mai i toku
mata nei, me aere mai koe kiaku nei,
kia kore koe e arataki katoa mai ia
Mikala i te tamaine a Saula ra. Kua 14
tono aturā Davida i te au karere ki te
tamaiti a Saula ia Iseboseta, karanga
atura, Ka tuku mai ana i taku vaine
ra ia Mikala, i taku i akaipoipo i te au
kiri mua o te Philiseti okotai anere ra.
Kua tono aturā Iseboseta i te karere, 15
kua rave maira iaia i *tana* tane ia Phala-
tiela te tamaiti a Laisa. Kua aere 16
katoa oki tana tane na te arataa, i te
aue aere anga, e tae akera ki Bahurima.
Kua karanga ua aturā Abenera kiaia,
Ka aere, ka oki. E kua oki atura aia.

Kua karanga aturā Abenera ki te 17
aronga pakari i Iseraela, na ko atura, I
kimi oki kotou ia Davida i muatangana
ei ariki i runga ia kotou: E tenana, ka 18
rave. Kua tuatua mai oki a Iehova ia
Davida, na ko maira, Ei te rima o toku
tavini o Davida e akaora'i au i toku
iti-tangata ko Iseraela i roto i te rima
o te Philiseti, ei roto oki i te rima o te
aronga enemi katoa o ratou. Kua 19
pera oki ta Abenera tuatua i te taringa
o te Beniamina: aere atura oki a Abe-
nera e akakite kia Davida i Heberona
i te au mea katoa i meitaki ia Iseraela,
e tei meitaki oki i te ngutuare katoa ia
Beniamina. E tae aturā Abenera kia 20
Davida ra ki Heberona, e te au tangata
katoa okotai takau. E kua rave a
Davida i te kaingakai na Abenera, e
na te au tangata katoa i ona ra. Kua 21
karanga aturā Abenera kia Davida, Ka
tu au e aere, e akaputupu katoa mai
ia Iseraela ravarai ki taku pu nei ki
te ariki, kia papau ratou i te korero-
motu kia koe nei, e kia mana koe ki
runga i te aronga katoa i anoanoia e to
ngakau na. Kua tuku aturā Davida
ia Abenera; e aere atura aia ma te au.

E i na, te aere maira te au tavini o 22
Davida, ratou katoa ko Ioaba, i *te aru-
maki anga ra* i tetoi takanava tangata, e
kua apai katoa maira ratou i te apinga
maata: kare rā Abenera ia Davida ra
i Heberona; kua tuku atu oki aia iaia
kia aere ra, e kua riro aia ma te au.
E tae mairā Ioaba e te nuku katoa ki 23

ona ra, kua karanga atura ratou kia
Ioaba, na ko atura, I ko nei a Abenera
te tamaiti a Nera ra, tei aere mai ki o
te ariki nei, e kua tuku akenei aia iaia
kia aere ana, e kua riro aia ma te au.

24 Kua aere tika aturā Ioaba ki te ariki
ra, kua karanga atura, I aa na koe? i
na oki a Abenera tei aere mai ki ku
nei kia koe nei; eaa ra oki koe i tuku ua
25 atu ei iaia, e kua riro takiri? Kua
kite koe ia Abenera te tamaiti a Nera,
i aere mai aia e pikikaa ia koe, e kia
kite aia i toou na aerenga ki vao, e
toou aerenga mai ki roto, kia kite oki
aia i te au mea katoa taau i rave ra.
26 E kia taka ke mairā Ioaba ia Davida
ra, kua tono akera aia i te au karere kia
Abenera, ko tei akaoki mai iaia mei
te punavai maira mei Sira: kare rava
rā Davida i kite.

27 E tae mairā Abenera ki Heberona,
kua arataki ke aturā Ioaba iaia ki te
ngutupa ra, e tuatua pouri ua atu ei
kiaia, e kua ko iora aia iaia i reira ki
raro ake i te io kaokao ra, no te
toto o tona taake o Asahela, mate
iora aia.

28 Kia kite rā Davida a muri atu, kua
tuatua akera aia, Kare rava aku e ara
i mua i te aroaro o Iehova, e taku bo-
sileia katoa e tuatau ua atu, i te toto
29 o Abenera te tamaiti a Nera ra: Kia
vai tikai ia ki runga i te mimiti o
Ioaba, e ei runga i te ngutuare katoa o
tona metua tane; auraka ra te ngu-
tuare o Ioaba kia kore i te zubi, e te
lepera, e tei akaangaro ki runga i te
rakau, e tei topa ki te koke, e tei
30 ngere i te kai ra. Kua pera oki
a Ioaba, e ko Abisai i tona tuakana,
kua ta raua ia Abenera, no te mea
kua ta aia i to raua teina ia Asahela ra
i te tamaki anga i Gibeona ra.

31 Kua karanga aturā Davida kia Ioaba,
e te au tangata ravarai iaia ra, Ka aee
ana i to kotou au kakau, ka tatua ana
ki te kakau paon, ka aue ei ia Abe-
nera. E na te ariki na Davida i
32 aru mai i te apainga. Kua tanu iora
ratou ia Abenera i Heberona: e kua
akateitei akera te ariki i tona reo, e
kua aue iora i te tanumanga ia Abe-
nera; e kua aue katoa te tangata
33 ravarai. Kua aue iora te ariki ia Abe-
nera, e tuatua akera,

Mate iora ainei a Abenera mei te
34 matenga neneva? Kare oki oou puke
rima i ruruia, kare oou puke vaevae i
tapekaia: mei te tangata e topa nei ki
mua i te aroaro o te au tangata kino ra,
mei te reira katoa koe i toou na inga!

Kua aue akaou iora te tangata ravarai

ki runga iaia. E kia aere mai te ta- 35
ngata katoa e tuatua kia Davida e
kaikai koi vai ake te ao, kua taputou
aturā Davida, karanga atura, Kia pera
mai te Atua kiaku, e kia maata mairai,
kia tongi ua atu au i te areto, e te au
kai katoa ra, e kia topa ua atu te rā.
Kua akara tamou maira te tangata ra- 36
varai i te *reira*, e kua mareka ratou;
ko ta te ariki i rave ra kua mareka
katoa ia te tangata katoa. Kua kite 37
oki te tangata katoa, e Iseracla katoa,
i taua rā ra, kare no te mea e na te
ariki i akaue i taia'i a Abenera, te ta-
maiti a Nera ra. Kua karanga atu 38
rai te ariki ki tona au tavini, Kare
kotou i kite e, e ariki e e tangata maata
tei topa i Iseracla i teianei rā? E te 39
parukaua nei au i teianei rā, kua aka-
tainuia oki ei ariki: e eianei puke ta-
ngata i nga tamariki a Zeruia, te keta-
keta rava nei: na Iehova e tutaki mai i
te rave i te kino kia tau tikai ki tona
kino.

PENE IV.

*Kua taiā Iseboseta, kua tipuia tona
mimiti; e kua apaiā kua Davida
ra: kua akaue aia kia ta katoaia
aia nga ta tangata ra, e kia tanu-
mia te mimiti o Iseboseta.*

E KITE akera te tamaiti a Saula e, 1
kua mate a Abenera i Heberona,
paruparu atura tona rima, e to Ise-
raela ravara kua rokoia iae te tumate-
tenga. Toko rua oki o te tamaiti a 2
Saula ra puke tangata, e puke ranga-
tira ia no runga i nga takanava; ko
Baana te ingoa o tetai, e ko Rekaba
te ingoa o tetai, ko nga tamariki a
Rimona i Berota no te au tamariki a
Beniamina; kua akonoia oki Berota
no Beniamina i reira: Kua oro oki to 3
Berota ki Gitaima, e te noo ra i reira
e tae roa mai ki teianei rā. E tamaiti
uaorai oki ta Ionatana, ta te tamaiti a 4
Saula ra, kua pirikoki tona vaevae. E
rima roa ona mataiti ka tae mai ei te
tuatua i te *matenga* o Saula raua ko
Ionatana mei Iezereela maira, kua
rave iora tona iikiiki iaia oro ke atura:
e tei taua oro rapurapu anga nona ra,
kua topa iora aia, e pirikoki atura.
Tapa iora tona ingoa ko Mephiboseta.
Kua aere iora nga tamariki a Rimona 5
i Berota, ko Rekaba e ko Baana, e
kua tae ki te are o Iseboseta i te ve-
raanga o te rā, te akūvai ra aia ki runga
i tetai roi i te avata ra. Kua tomo 6
atura raua ki roto i taua are ra, *mei* te
mea te tiki ra raua i te sitona; kua ko

iora raua iaia ki raro ake i te io kao-
kao; oro aturā Rekaba e ko Baana
7 tona taeake. Ka aere ei oki raua ki
roto i te are, te moe ra aia ki runga i
tona roi i tona uaorai pia-moe ra, e
kua ta iora raua iaia, mate iora aia,
kua tipu iora raua i tona mimiti, rave
iora raua i tona mimiti, e oro atura na
8 te ngai motutaa i taua po ra. Kua
apai akera raua i te mimiti o Iseboseta
kia Davida ra ki Heberona, e kua ka-
rangata atura ki te ariki, I na te mimiti
o Iseboseta, te tamaiti na Saula i toou
na enemi, ko tei kimi mai ana ia koe
kia mate; kua tutaki a Iehova i teia-
nei rā i taku pu, i te ariki, ia Saula, e
tona katoa uanga.

9 Kua karanga aturā Davida kia Re-
kaba e kia Baana tona taeake, nga
tamariki a Rimona i Berota, na ko
atura kia raua, Mei ia Iehova e ora ra,
ko tei akaora i toku vaerua i te au
10 tumatetenga katoa nei, Ka tuatua mai
ei tetai kiaku ra, ka na ko mai ei ra,
I na, kua mate akenei a Saula, te ma-
nako ra aia e tuatua meitaki tana i
apai mai, kua opu iora au iaia, e ta
iora au iaia i Zikelaga, iaia i *manako*
ra e, e apai atu au i tetai tutaki nana
11 no taua tuatua ra: Ka tangata atu ei
oki, kia mate te tangata meitaki i
nga tangata kino i roto i tona uaorai
are, i runga i tona uaorai roi, kare
ainei au e umuumu atu i tona toto
ia korua, ka ta atu ei ia korua i
12 te enua nei? Kua akaue iorā Davida
i te au tangata ou, kua ta oki ratou
ia raua, kua tipu ke atu i o raua puke
rima, e o raua puke vaevae, kua akautā
akera ia raua ki runga i te vai i Hebe-
rona. Kareka te mimiti o Iseboseta,
kua rave ratou i te *reira*, e kua tanu
ki roto i te menema o Abenera i Hebe-
rona ra.

PENE V.

*Akamainuiā Davida ei ariki no Ise-
raela: rauka iora Ierusulema; eke
iora oki te Philiseti iaia.*

K UA aere maira te au kopu ra-
varai o Iseracla kia Davida ra ki
Heberona, e kua karanga atura *kiaia*, na
ko atura, I na matou, ko toou ra ivi
2 ko matou ia e toou ra kiko. I mua-
tangana ra oki, ka ariki ei a Saula i
runga ia matou ra, ko koe rai te ara-
taki ia Iseracla ki vao, e naau rai i
akaoki mai ki roto: kua tuatua mai
oki a Iehova kia koe, Naau e angai i
toku iti-tangata ia Iseracla, e ei tutara
3 koe ki runga ia Iseracla. Kua aere

anake maira te aronga pakari o Iseraela ki te ariki ra ki Heberona; e kua papau iora te ariki ra ko Davida i tetai koreromotu ia ratou i Heberona, ki mua i te aroaro o Iehova; kua akatainu iora ratou ia Davida ei ariki ki runga ia Iseraela. Ka toru ngauru o Davida mataiti i riro ei te au iaia, e a oki ngauru anga te mataiti i tona ariki anga. E itu mataiti e ono marama i te ariki anga ki runga ia Iuda i Heberona; e i Ierusalem e toru ia ngauru e toru ara i te mataiti i te ariki anga ki runga ia Iseraela ravarai e ia Iuda ra.

Aere atura te ariki e tona au tangata ki Ierusalem ki te ngati Iebusi i te aronga uenua ra; e kua tuatua akera ratou kia Davida, na ko akera, Kare koe e o mai i ko nei, na te matapo oki e te pirikoki koe e paruru atu: i manako oki ratou e, kare a Davida e o i reira. Rauka iora ra ia Davida te punanga eteata ra ko Ziona; koia oki te oire o Davida. I tuatua ana oki a Davida i taua rā ra, Ko te ta i te ngati Iebusi, ka aere ratou na te ara vai e ta i te pirikoki e te matapo, tei makitakitaina e ko Davida ngakau, kua tuatua mai oki te matapo e te pirikoki, Kare aia e tae ki roto i te are. Noo iorā Davida i roto i taua punanga ra, e tapaia iora i te oire o Davida. Kua patu iora oki a Davida i te patu e pini ua ake mei Milo mai e i roto ra. Tupu aturā Davida, aere atura i te maata anga; e ei vaitata katoao te Atua Sabaota ra ko Iehova iaia.

Kua tono maira te ariki o Turia ra 11 ko Hirma i te karere kia Davida, ma te rakau ra e arzi, e te aronga taunga tarai rakau, e te aronga tarai toka; e kua patu iora ratou i tetai are no Davida. E kia akarā Davida e kua akatinamouia aia e Iehova ei ariki i runga ia Iseraela, e kua akateitei aia i tona au no tona ra au tangata no Iseraela; Kua rave rai a Davida i etai palake rai 12 *nana*, e te vaine *nana*, i Ierusalem, ka aere mai ei aia mei Heberona mai: e kua anau mairai oki te tamaroa e te tamaine na Davida. Teia oki te au 14 ingoa no tei anau mai *nana* i Ierusalem; ko Samua, e ko Sobaba, e ko Natana, e ko Solomona, E ko Ibhahara, 15 e ko Elisua, e ko Nephega, e ko Iaphia, e ko Elisama, e ko Eliada, e ko 16 Eliphaleta.

E kite akera te Philiseti e, kua aka- 17 tainu ratou ia Davida ei ariki no Iseraela, kua aere anake iora te Philiseti e kimi ia Davida; e kite akerū Davida,

aere atura aia ki raro i te punanga. 18 Tae maira oki te Philiseti i reira, e kua akamatoa iora ia ratou orai i te o 19 ra ko Rephaima. E kua ui aturā Davida kia Iehova, na ko atura, E aere ainei au ki runga ki te Philiseti? ka tuku mai ainei koe ia ratou ki toku rima nei? Kua tuatua mairā Iehova kia Davida, Ka aere ki runga: ka tuku tikai au i te Philiseti ki to rima na. 20 Kua aere iorā Davida ki Baala-pera- zima, e kua ta iorā Davida ia ratou i reira, e kua tuatua akera, Kua ngaa- ngaa rava io nei toku au enemi ia Iehova ki mua iaku, mei te vai e ngaa ra: tapa iora i te ingoa o taua ngai ra 21 ia Baala-perazima. I reira to ratou au idolo i te akaruke angaia, e na Davida e na tona au tangata ratou i apai ke. 22 Kua aere akaou maira oki te Philiseti, kua akamatoa iora ia ratou uarai i te o ra ko Rephaima. E kia ai a Davida kia Iehova, kua tuatua maira aia, Auraka koe e aere ki runga: e korotakanimo koe na muri ia ratou, ka na ko mai ei i te aere kia ratou na te pae 24 baka ra. E kia akarongo koe i te ngaae anga i te kauru o taua au baka ra, ka akamaroiroi koe i reira: ei reira oki a Iehova e aere ei na mua ia koe, 25 e ta i taua nuku ra i te Philiseti. E kua perū Davida, i ta Iehova i akaue mai kiaia ra; kua ta iora i te Philiseti mei Geba atu e tae ua atura ki Gezera.

PENE VI.

Te manako rā Davida e apai mai i te aruna ra: taiā Uza, akarukeia iora te aruna ki o Obed-edom: kua oki kua tiki, e kua apai ki te oire o Davida ma te rekareka maata.

1 **K**UA akaputuputu iorā Davida i te au tangata katoa i ikiia no roto ia Iseraela, e toru ngauru i te tausani. 2 Kua tu akerū Davida, e te au tangata katoa iaia ra, e kua aere ki Baale i o Iuda ra, e apai mai i te aruna a te Atua ra mei reira mai, ko tei tautopaia tona ingoa te ingoa o Iehova Sabaota, ko tei noo i *rotopu* i nga kerubi ra. 3 Kua tuku iora ratou i te aruna a te Atua ki runga i tetai porotata ou, e kua apai maira mei te are mai o Abinadaba i Gibeā ra: e na Uza raua ko Ahio, nga tamariki a Abinadaba ra, i 4 kave i taua porotata ou rā. E kua apai maira ratou mei roto mai i te are o Abinadaba i Gibeā ra, e kua aere ua iora na te pae o te aruna a te Atua: o

kua na mua i te arunā Ahio i te aere. Kua akatangī iorā Davida, ma te ngutuare katoa o Iseraela, ki mua ia Iehova, i te au mea *akatangia*, i *angaia* i te rakau berusi, i te kinura, e te nahala, e te tophē, e te pu, e te sumebalo.

E tae atura ratou ki te alona o Nakona, kua akatika aturā Uza i *tona rima* ki te aruna a te Atua, e kua mou atura; kua turori oki nga bovi. Tupu akera te riri o Iehova ia Uza; taia iora aia e te Atua i reira no *tona* apa, e mate rava akera aia i reira i waitata i te aruna a te Atua. Mainaina iorā Davida i te mea i taia Uza e Iehova; tapai iora te ingoa o taua ngai ra ia Perez-ua e tae rava maira ki teianei rā. Matakū iorā Davida ia Iehova i taua rā ra, e kua tuatua akera, E akapeea te aruna a Iehova e tae mai ei kiaku nei? Kare akera i tika ia Davida kia apai aia i te aruna a Iehova kiaia ki roto i te oire o Davida: kua apai ke aturā Davida ki roto i te are o Obeda-edoma i Gata ra. Te vai ua atura taua aruna a Iehova ra i roto i te are o Obeda-edoma i Gata ra, e toru akera marama: kua akameitaki iorā Iehova ia Obeda-edoma, e tona katoa ra ngutuare.

E kua akakiteia maira te ariki rā Davida, i tuatua mai, kua akameitaki a Iehova i te are o Obeda-edoma, e te au mea katoa nona ra, no te aruna a te Atua. Aere aturā Davida, e kua apai maira i te aruna a te Atua, mei te are o Obeda-edoma, ki roto rava i te oire o Davida ma te rekareka. E i akaperaia oki, kia tae te aronga i apai i te aruna a Iehova ki te ono o te takainga kia topa, taia iora e ia te bovi e te puaka matu. Kua ura iorā Davida ki mua i te aroaro o Iehova ma te maroiroi katoa; te tatuia iorā Davida ki te ephoda vavai. Kua apai mairā Davida, e te ngutuare katoa o Iseraela, i te aruna a Iehova ma te maeva, e ma te tangi o te pu ra.

E te apaiia ra te aruna a Iehova ki roto i te oire o Davida ra, te akara ra te tamaine a Saula ko Mikala na roto i te maramārama, e kite atura i te ariki ra ia Davida i te rere anga, e te ura anga, ki mua i te aroaro o Iehova; e kua akavaavaa atura aia iaia i roto i tona ngakau.

Kua apai mai oki ratou i te aruna a Iehova ra, e kua tuku iora ki roto i tona ngai tikai, i rotupu i te are i akatua e Davida no taua *aruna* ra: e kua apai a Davida i te au tusia kara-

karatio, e te au tusia au ra, ki mua i te aroaro o Iehova ra. E oti akera ia Davida te au tusia karakaratio, e te au tusia au, i te apaiia, kua akaora aia i te tangata i te ingoa o Iehova Sa- baota. Kua tua iora aia i reira na te tangata katoa, na to Iseraela ravarai, ki te tane e te vaine katoa, tatakī tai areto ki te tangata okotai, e tetai manga puaka, e tetai āriki *uina*. Aere anake atura te tangata ravarai ki te ngutuare tikai.

Kua oki mairā Davida e akaora i tona uaorai ngutuare. Kua aere maira te tamaine a Saula ra ko Mikala ki vao kia aravei ia Davida, e kua karanga atura, Aue te ngateitei o te ariki o Iseraela i nakonei, ko tei taratara i tona kakau i nakonei, ki mua tikai i te mata o te au tavini vaine nona e, mei tetai o te aronga tarevakaua e matau i te taratara i tona kakau e! Kua karanga aturā Davida kia Mikala, I mua i te aroaro o Iehova i *pera atu ei au*, tei iki mai iaku auraka to metua, e tona katoa ngutuare, e kua akono iaku ei ariki no rungao i te au tangata no Iehova, no Iseraela: e teianei, ka navenave rai au ki mua i te aroaro o Iehova. E ka maata atu rai toku kino e te akaaka i toku uaorai akara anga i teia: kareka te au tavini vaine taua i tuatua maira, e akangateiteia au e ratou. Karekū Mikala te tamaine a Saula, kare rava ana tamariki e mate roa atu ei aia.

PENE VII.

Te akakoro rā Davida e akatu i te are no te Atua: kua akameitakia tona manako: te meitaki i akakiteia mai no tona uanga: taua pure.

TE noo ra te ariki i roto i tona ra are, e kua oronga mai a Iehova i te au nona i te au enemi katoa nona e pini ua ake; Kua karanga atura te ariki ki te peroveta ra kia Natana, Ka akara ana, te noo nei au i roto i te are arezi, kareka te aruna a te Atua, te vai nei i roto i te paruru. E kua karanga aturā Natana ki te ariki, E aere, e rave i ta toou ngakau i anoano ra; tei ia koe oki a Iehova. Kia tae ra ki te reira po, kua tae maira te tuatua a Iehova kia Natana, na ko maira, Ka aere, ka karanga atu ki toku tavini kia Davida, Te na ko mairā Iehova, E akatu mairi koe i tetai are noku ei nooanga noku? Kare rai oki au i noo i te are mei iaku rai i aratiki mai i te tamariki a Iseraela mei Aiphiti mai, e

tac rava akenei ki teianei rū; i aacre
ua ra au na roto i te puakapa e na roto i
te sekene. I te au ngai katoa ra taku i
7 anere ua e te au tamariki katoa a Ise-
raela, i tuatua ainei oki au ki tetai i te
au kopu o Iseraela, i taku i akaue atu e
tiaki i toku au tangata ia Iseraela, i
karanga atu ainei oki au e, Eaa i kore
ei kotou i akatu i tetai are arezi noku?
E teianei, e na ko atu koe ki toku ta-
vini kia Davida, Te na komairā Iehova
Sabaota, No ko koe i te koro mamoe
ra i te rave angaia mai e au, i te aru aere
anga i te au mamoe, ei tutara no ru-
ngao i toku nei au tangata ia Iseraela:
E i vaitata katoao au ia koe i toou au
aerenga katoa, e kua tipu keia e au to
au enemi katoa i mua ia koe, e naku
oki i akariro i toou ingoa kia maata,
mei te ingoa katoa o te aronga mamaa-
ta i te ao nei. E akono oki au i tetai
10 ngai no toku ra au tangata no Iseraela,
e naku ratou e tanu; kia noo marie atu
rai ratou i to ratou ngai tikai, kare oki
ratou e peke akaou, kare oki te tama-
riki kikiro e taeko akaou mai ia ratou,
mei tei muatangana ra, Mei te tuatau
11 mairai i akono ei au i te aronga akava
no rungao i toku au tangata ia Iseraela,
e i oronga oki au kia koe ra kia noo ua
koe i toou au enemi katoa ra. Te aka-
kite atu nei oki a Iehova kia koe e, na
Iehova e patu i to are na. Kia ope oki
12 toou ra au rū, e kia moe katoa koe e
oou puke metua, ka akatu ei au i
toou uanga i muri ake ia koe ra, no
toou orai kopu, e naku e akamou i to-
na au. Nana e akatu i tetai are no toku
13 nei ingoa, e naku e akatinamou i te te-
rono o tona basileia e tuatau ua atu.
Ei metua au nona, e ei tamaiti aia
14 naku. Kia rave aia i te ara ra, naku
aia e ako atu ki te pūpū tangata nei,
mei tei pūpūia i te tamariki a te tangata
nei: Kareka i toku nei aroa, kare rava
15 ia au e kiriti takiri atu i te reira inia,
mei iaku i kiriti atu i te reira ia Saula,
i taku i tuku ke atu i mua ia koe ra.
E toou are e toou basileia, ka mou ia
16 ki mua ia koe ra e tuatau ua atu: toou
terono, ka mou ia e tuatau ua atu. Ko
17 teia katoa nei au tuatua, e teia katoa
nei orama, ko ta Natana i tuatua kia
Davida.

Aere atura te ariki ra ko Davida ki
18 roto, e kua noo ki mua ia Iehova, e
kua tuatua akera, Koai au nei, e taku
Atu e Iehova e, eaa oki toku nei
ngutuare, i arataki mai ei koe iaku e
teia noa'i? E mei te mea oki, e iti rai
19 te reira ia koe, e taku Atu e Iehova,
kua tuatua mairai oki koe i te are o to

tavini e a muri roa atu. Ko ta te ta-
ngata nei ainei ia peu, e taku Atu e
20 Iehova? E akapeea atu rai ta Davida
tuatua kia koe ra? kua kite oki koe, e
taku Atu e Iehova, i to tavini nei.
21 No taau ra tuatua, e no toou uorai
ngakau, i rave ei koe i teianei mea ma-
maata, i taau oki i akakite mai ki to
22 tavini nei. E teianei, e maata koe, e
te Atua e Iehova: kare oki oou e aite,
kare atu oki e Atua ko koe anake ra,
ta matou uorai i rongo i to matou
23 taringa. Koai oki ia enua i te ao nei,
e tau ki toou na au tangata, kia Ise-
raela nei, tei tikiia e te Atua ei akaora
ei tangata nona uorai, e ei akamaata i
tona ra ingoa, ei rave oki i te au peu
mamaata e te mataku no ratou, no
toou ra enua, na mua i to au tangata
na, i tei okoia e koe noou uorai, mei
Aiphiti maira, i te pa enua e to ratou
24 au atua katoa ra. Kua akamouia oki
e koe to au tangata na ko Iseraela, ei
tangata noou e tuatau ua atu: e kua
raro oki koe, e Iehova, ei Atua no ra-
25 tou. E teianei, e te Atua e Iehova, ko
te tuatua i karangaia e koe i to tavini
nei, e i tona ngutuare, e akatinamou
ravaia e tuatau ua atu, e rave oki i taau
26 i tuatua io nei. Kia akamaataia oki
toou ingoa e tuatau ua atu, kia tuatuaia
e, Ko Iehova Sabaota, ko te Atua ia
no Iseraela: e kia akatinamouia te
ngutuare o to tavini o Davida ki mua
27 ia koe na. Kua akakite mai oki koe,
e Iehova Sabaota, te Atua no Iseraela,
ki to tavini nei, kua tuatua mai e, E
patu au i to are: i tika'i oki i te nga-
kau o to tavini nei kia pure ia koe i
28 teianei pure. E teianei, e taku Atu e
Iehova, ko koe anake te Atua, e tuatua-
mou oki taau tuatua, e kua akakite
mai oki koe i teianei meitaki ki to ta-
vini nei: E teianei, kia tika ia koe ra,
e akameitaki mai i te are o to tavini
nei, kia vai marie rai ki mua ia koe e
tuatau ua atu: ko koe oki, e taku Atu
e Iehova, tei tuatua mai: e kia
meitaki rai te are o to tavini, i te
meitaki no ko mai ia koe ra, e tuatau
ua atu.

PENE VIII.

*Te Philiseti e te ngati Moabi i te pou
anga ia Davida; taia oki a Hadda-
zera ma to Arama: kua tono mai a
Toi i tana tamaiti ma te apinga; te
au apinga i rauka ia Davida kua
akatakaia e ia nu Iehova.*

1 **E** i muri ake i te reira, ta iorā Da-
vida i te Philiseti, vi atura ratou:

riro maira Metega-ama ia Davida i re-to i te rima o te Philiseti.

E kua ta iora aia ia Moabi, ko tei akamocia ki raro i te one ra, akai-te oira aia ia ratou ki te taura; kua anga iora i nga taura e rua, *tetai* no te ka mate ra, e tetai oki taura roa no te ka ora ra. Riro atura to Moabi ei unga na Davida e kua apai maira i te taunga.

Ta iora oki a Davida ia Hadadezera, te tamaiti a Rehoba, te ariki o Zoba, ko tei aere mai kia rauka tona ngai i te pae vai ra ko Eupharate. Rauka iora ia Davida *te au kariota* iaia okotai tausani, e te au tangata akaoro ipo ra e itu anere, e te au tangata aere ua okotai takau ia tausani: e kua tipu iorā Davida i te au uaua-vaevae o to ratou au *ipo* kariota, i vaoia ra tei tau i te au kariota okotai anere ra.

E kia aere mai to Arama i Damaseko e tauturu ia Hadadezera i te ariki o Zoba, taia iora e Davida i to Arama ra okotai takau e rua ara i te tausani i te tangata. Kua tuku iorā Davida i te au tiaki i Arama i Damaseko: riro atura to Arama ei tavini no Davida, e kua apai mai i te taunga. Kua ora iorā Davida ia Iehova i te au aerenga katoa nona ra. Kua rave akērā Davida i te au paruru auro i runga i te au tavini o Hadadezera, e kua apai maira ki Ierusalem. E e veo manta ta te ariki ra ta Davida i rave i nga oire o Hadadezera, ko Beta, e ko Berotai.

Kite akera te ariki o Hamata ko Toi, e kua taia e Davida te nuku katoa o Hadadezera, Kua tono mairā Toi i tana tamaiti ra ko Iorama ki te ariki ra kia Davida, e aroa atu iaia, e akaora oki iaia, no te mea kua tamaki aia ia Hadadezera, e kua ta iaia, te tamaki ra oki a Hadadezera ia Toi. E kua apai katoa oki a *Iorama* i te āriki ario, e te āriki auro, e te āriki veo: Ko tei akatakāia ia e te ariki ra e Davida na Iehova, e te ario, e te auro, i tana i akataka no te pa enua i eke iaia; na Arama, e no Moabi, e no ko i te tamariki a Amona, e no ko i te Philiseti, e no ko ia Ameleka, e no te au apinga a Hadadezera, te tamaiti a Rehoba, i te ariki o Zoba ra.

Tutuki rava atura to Davida rongo, ko oki mai ei aia mei te taunga i to Arama ra i te o tai ra, okotai ngauru ma varu i te tausani. Kua tuku iora aia i te au tiaki i Edoma; e pini rava akera Edoma i te tukuia e ia te au tiaki, riro katoa maira to Edoma ravarai ei tavini o Davida., Kua ora iorā Davida ia

Iehova i te au aerenga katoa nona ra.

15 Riro maira te au ia Davida ki runga ia Iseraela katoatoa ra: kua akatupu aturā Davida i te tuatua-tau e te tuatua-tika ki tona katoa ra au tangata. E te tamaiti a Zeruia ra ko Ioaba, tei runga ia i te nuku ra; e te tamaiti a Ahiluda ko Iehosaphata, ko te akairo tuatua ia; 17 E te tamaiti a Ahituba ra ko Zadoka, e te tamaiti a Abiatarā ra ko Ahimeleka, ko nga taunga ia: e ko Seroia te tata tuatua: E te tamaiti na Iehoiada ra ko Benaia, *tei runga ia* i te Kereti, e te Peleti, e nga tamariki oki a Davida ra, ko nga tutara mamaata ia.

PENE IX.

Te ui rā Davida i te ngutuare o Saula, e kua tiki ia Mephiboseta ra, e kua o atu i to Saula kainga nona.

1 **E** KUA karanga aturā Davida, Te noo nei ainei tetai no te ngutuare o Saula, e tika'i iaku kia takinga-meitaki ua atu iaia ia Ionatana nei? *Te noo ra* oki tetai tavini no taua ngutuare o Saula ra, ko Ziba te ingoa. E kia tikiia atu aia e aere mai kia Davida, kua karanga atura te ariki kinia, Ko Ziba ainei koe? Kua tuatua maira aia, Ko 3 to tavini nei ia. Kua karanga atura te ariki, Te toe nei aina tetai no te ngutuare o Saula, e tika'i iaku kia akakite atu i te takinga-meitaki o te Atua kinia? Kua tuatua mairā Ziba ki te ariki, Te noo akera tetai tamaiti a Ionatana, kua 4 pirikoki ra nga vaevae. Kua karanga atura te ariki kinia, Teiea aia? Kua tuatua mairā Ziba ki te ariki, I na, tei te aere aia no Makira, te tamaiti a Amiela, i Lo-debara. 5 Kua tono akera te ariki ra ko Davida i te karere, kua arataki maira iaia mei roto mai i te are o Makira te tamaiti 6 a Amiela, mei Lo-debara mai. E tae mairā Mephiboseta te tamaiti a Ionatana, te tamaiti a Saula, kia Davida ra, kua tipapa iora aia i raro tona mata, tupou iora. Kua karanga aturā Davida, E Mephiboseta. Kua tuatua maira aia, 7 I na to tavini! Kua karanga aturā Davida kinia, Auraka e mataku: e takinga-meitaki ua atu rai au ia koe, no to metua na no Ionatana; e akaoki oki au i te kainga katoa no to tupuna na no Saula: ka kaikai oki koe i taku 8 nei kaingakai kare e tivata. Kua tupou iora aia ki raro, kua tuatua akera, Eaa ra to tavini nei, i akono mai ei koe i teiane nei puka-aoa mate? 9 Kua kapiki atura te ariki ia Ziba, i

te tavini o Saula, e kua karanga atura kinia, Kua orongaia e au to Saula, e to tona katoa ra ngutuare, tei te tamaiti ia a to pu. E i tenana, naau, e na to au tamariki, e na to au tavini e tanu i te kainga nona, ka apai mai ei i *tei ua* ra, ei kai na te tamaiti a to pu ra; kareka ko Mephiboseta te tamaiti a to pu ra, ka kai tamou ia aia i te kai i taku ra kaingakai. Okotai ngauru ma rima i ta Ziba tamariki, e rua ngauru oki i te tavini. Kua tuatua mairā Ziba ki te ariki, Ko ta taku pu ta te ariki ra i akaue mai i tona tavini nei, ko ta to tavini ia e rave. *Kua na ko atura te ariki*, Ka kaikai uaorai a Mephiboseta i taku kaingakai, mei te mea e tamaiti na te ariki ra. E tamaiti ou te Mephiboseta ko Mika te ingoa. E te aronga katoa i noo i roto i te are o Ziba, e tavini anake ia no Mephiboseta. Kareka ko Mephiboseta, noo atura aia i Ierusalem: kaikai tamou uaorai aia i te kaingakai a te ariki. Kua pirikoki oki ona puke vaevae.

PENE X.

Te au karere i tonokia e Davida e aka-papa i te manava o Hanuna i te matenga o tona metua, takinga-kinou ratou, tupu atura te tamaki.

E I muri ake i te reira, mate iora te ariki o te tamariki a Amona, tupapua akera aia i te au e tana tamaiti ra e Hanuna. Kua tuatua akērā Davida, E takinga-meitaki atu au ia Hanuna te tamaiti a Nalasa, mei tona metua i takinga-meitaki mai iau ra. Kua tono aturā Davida i tona au tavini ei akapumaana iaia, i tona metua ra. Kua tae atura te au tavini o Davida ki te enua o te tamariki a Amona. Kua tuatua maira te au kavana o te tamariki a Amona ki to ratou ra pu kia Hanuna, Te akangateitei nei aia Davida i to metua i taau na akara anga, koia i tono mai i te akapumaana ia koe na? Kare ainei kua tono mai a Davida i tona au tavini kia koe nei ei tutaka, e ei akara i taua oire nei e kia uritumuia e ia? Kua rave akērā Hanuna i aua nga tavini o Davida ra, kua varu iora i tetai pae kumikumi, kua kokoti iora oki i o ratou kakau i rotopu i te ūa, e kua tuku atura kia aere ana. E kia akakiteia mai a Davida, kua tono atura aia i te karere e aravei ia ratou, kua maata rava oki te akama o aua nga tangata ra: e kua karanga atura te ariki, Ka noo i Ieriko na, e kia tupu to kotou na kumikumi ka oki mai ei.

6 Te kite ra te tamariki a Amona e, kua kino ratou ia Davida, kua tono atura te tamariki a Amona, e kua ou atura i to Arama o Bete-rehoba, e to Arama o Zoba, okotai takau te tausani i te tangata aere ua, okotai oki tausani no te ariki o Maaka, okotai oki ngauru ma 7 rua i te tausani i to Ise-toba. E kite akērā Davida i te reira, kua tono atura aia ia Ioaba e te nuku tangata toa rava-rai ra. Kua aere maira te tamariki a Amona ki vao, kua akamou iora i te tamaki i te tomoanga ki roto i te ngutupa ra: e to Arama o Zoba, e no Rehoba, e no Ise-toba, e no Maaka, te taka ke ra ia ratou tei roto i te ngai atea.

9 Kia akara akērā Ioaba e kua mou te tamaki ki mua e ki muri, kua iki iora aia i te aronga memetaki i Iseraela ra, e kua akamou i te tamaki i to Arama.

10 E te toenga o te tangata ra, kua tuku akera ia ki raro ake i tona taeake ia Abisai, kia akamou aia i te tamaki i te tamariki a Amona. E kua tuatua akera aia, I maroiroi to Arama iaku, e tupae mai koe iaku: i maroiroi te tamariki a Amona ia koe, e aere atu ia au e tupae 12 ia koe na. E akamaroiroi tatou na, e e akaketaketa no to tatou nei au tangata, e te au oire o to tatou Atua: e na Ichova e rave i tei meitaki iaia ra.

13 Kua akavitata iorā Ioaba e te au tangata i ona ra e tamaki i to Arama: 14 ati atura ratou na mua iaia. Te akara maira te tamariki a Amona e te ati ra to Arama, kua ati katoa oki ratou ki mua ia Abisai, e kua tomo ki roto i te oire. Kua oki mairā Ioaba mei te *arumaki anga* i te tamariki a Amona, e kua aere maira ki Ierusalem.

15 E kite akera to Arama kua taia ratou i mua ia Iseraela; kua akaputuputu iora 16 ratou. Kua tono akērā Hadarezera e kua arataki maira i to Arama i tetai pae vai ra: e kua aere maira ratou ki Helama; e ko Sobaka te kapena o te nuku o Hadarezera, tei na mua ia ratou.

17 E kia akakiteia akērā Davida, kua akaputuputu maira aia ia Iseraela ravani, kua aere iora aia ki tetai pae Ioridana, e tae atura ki Helama. E kua akanoo iora to Arama e tamaki ia Davida, e kua 18 tamaki maira iaia. Ati atura to Arama i mua ia Iseraela: pou iora te au kariota o Arama e itu anere ia Davida, e te au tangata akaoro ipo oki e a katoa ngauru te tausani, kua ta katoa oki aia ia Sobaka i te kapena o to ratou nuku, e mate 19 rava akera i reira. E kite akera te au ariki katoa i ouia e Hadarezera e kua taia ratou ki mua ia Iseraela, kua akamocau akera ratou ia Iseraela, e kua

riri atura ei tavini no ratou. Matakua akera to Arama kia tauturu akaou i te tamariki a Amona.

PENE XI.

Te tamaki rā Ioaba ia Raba: te akaturū rā Davida i te vaine a Uriā ra: ta Davida ravena kino hia ngaro tana ara.

E OPE akera te mataiti, tae akera 1
ki te tuatau i aere ei te ui ariki *ki te tamaki*, kua tono akērā Davida ia Ioaba, e tona au tavini, e ia Iseracla katoatoa; e kua pou takiri te tamariki a Amona ia ratou, e kua tamaki atu ia Raba. Noo atura rā Davida i Ierusalemā. E tae akera ki tetai aiā, kua tu akērā Davida ki runga mei runga mai i tona roi ra, e kua aere ua na runga i te tapoki are o te ariki ra; i runga i taua tapoki are ra tona kite anga atu i tetai vaine, te orei ra iaia uorai; e *vaine* tu meitaki roa taua vaine ra kia akara. Kua tono akērā 3
Davida e ui atu i taua vaine ra. Kua tuatua maira *tetai*, Kare ainei teia ia Bate-seba i te tamaine a Eliama, i te vaine na Uriā ngati Heta ra? Kua 4
tono akērā Davida i te karere, e kua rave maira iaia; kua tomo maira aia ki roto iaia ra, e kua moe atura aia iaia; e oti akera tona tamā anga iaia uorai i tona viivii anga ra, kua oki atura ki tona ngutuare. Kua to iora taua vaine 5
ra, e kua tono maira kua akakite maira kia Davida, na ko maira, Kua nui au.

Kua tono akērā Davida i te karere 6
kia Ioaba, *karanga atura*, E tono mai ana koe ia Uriā ngati Heta ra. Kua tono maira oki a Ioaba ia Uriā kia Davida ra. E tae mairā Uriā kiaia ra, kua ui akērā Davida ia Ioaba, e te akapea ra te au tangata, e te akapea ra te tamaki. Kua karanga aturā Davida 8
kia Uriā, Ka aere ki to are e orei oki i to vaevae. Kua aere iorū Uriā ki vao mai i taua are o te ariki ra, e te apaiia ra tetai manga *kai* na muri na te ariki. Moe ua iora rā Uriā 9
i te ngutupa o te are o te ariki ra i rotopu i te au tavini katoa o tona pu, kare akera i aere ki raro ki tona ngutuare. E kia akakiteia ra oki a Da- 10
vida, kia tuatuaia e, Kare akera i a Uriā i tae ki raro ki tona ngutuare, kua karanga aturā Davida kia Uriā, Kare ainei koe mei te arataa mai? eaa iora oki koe i kore ei i tae ki to are na? Kua tuatua mairā Uriā kia Da- 11
vida, Te vai ua ra te aruna, e ko Ise-

raela, e ko Iuda katoa ki roto i te are puakapa; e taku pu ra oki ko Ioaba, e te au tavini o taku pu, te puakapa ua ra i roto i te ngai atea; e ka tae ainei oki au ki roto i toku are e kaikai e inu oki, ka moe ei ki taku vaine? Te ora ra koe, e te ora ra to vaerua, kare ia au e pera. Kua karanga aturā Davida 12
kia Uriā, E noo koe i ko nei akonei, apopo au ka tuku ei ia koe na. Noo ua iorū Uriā i Ierusalemā i taua rā ra. 13
E ao akera, kua karanga aturā Davida kiua, e kua angai iaia *ki te kai* e kua akainu oki iaia ki mua i tona aroaro, e kona iora aia: e aiā akera, aere atura aia e moe ki runga i tona roi e te au tavini katoa o tona pu, kare akera i tae ki raro ki tona ngutuare. 14
E ao akera, kua tata iorū Davida i tetai leta kia Ioaba, kua tuku atura na 15
Uriā e apai. Kua tata iora aia ki roto i taua leta ra, na ko akera, E tuku ia Uriā ki mua tikai i te tamaki anga ra, ka oki ei kotou ki muri kia taia aia e 16
kia mate. E oti akera taua oire ra i te tutakia e Ioaba, kua tuku atura aia ia Uriā ki tetai ngai, kua kite aia e, e 17
aronga toa anake ia. Kua tomo atura to te oire ki vao, e tamaki ia Ioaba; topa iora tetai pae tangata i te au tavini o Davida; e kua mate iora oki a Uriā ngati Heta katoa ra. 18
Kua tono akērā Ioaba i te karere, kua akakite akera kia Davida i te au 19
tuatua katoa o te tamaki; E kua ikuiku atura i taua karere ra, karanga atura, Kia ope te au tuatua tamaki i te 20
karangaia atu e koe ki te ariki ra, Kia tupu ra te riri o te ariki ra, e kia tuatua mai aia kia koe e, Eaa oki kotou i akavaitata roa'i ki te oire ka tamaki ei kotou? kare kotou i kite e akainana mai ratou i te *kakao* i runga i te patu? 21
Naai oki a Abimeleka te tamaiti a Ierubaa i ta? kare ainei tetai vaine i titiri ua mai i tetai manga toka mulo ki runga iaia mei runga mai i te patu ra, e mate iora aia i Tebeza? eaa kotou i aere vaitata roa'i ki taua patu ra? E karanga atu koe i reira, Ko to tavini katoa ko Uriā ngati Heta, kua mate katoa ia. 22
Kua aere iora taua karere ra, e kua tae, e kua akakite atura kia Davida i te au tuatua ravarai i tonokia atu ei aia e 23
Ioaba ra. Kua karanga atura taua karere ra kia Davida, Kua eke matou ia ratou, kua aere mai oki ratou kia matou i te ngai atea ra, kua arumakia ra e matou e tae ua atura ki te 24
tomoanga i te ngutupa ra. E na te aronga akainana i te *kakao* i akainana

mai i to au tavini i runga i te patu; e kua mate tetai papaki i te au tavini o te ariki, e to tavini ko Uriā ngati Heta, kua mate katoa ia. Kua karanga aturā 25 Davida ki te karere. E na ko atu koe kia Ioaba, Auraka taua mea ra kia riro ei mea kino kia koe na, te mate ua nei rai te tangata ki te koke; e akake-taketa ua ana i to tamaki i taua oire ra, e uritumu atu: e pera koe i te akamaroiroi atu iaia.

E kite akera te vaine a Uriā e kua 26 mate tana tane ko Uriā, kua aue iora aia i tana tane. E ope akera taua aue 27 anga ra, kua tono akērā Davida i te karere kua arataki maira iaia ki tona ngutuare, e riro atura aia ei vaine nana, e anau maira oki tana, e tamaiti. E taua mea i raveia e Davida ra, e mea kino ia ki mua i te mata o Iehova.

PENE XII.

Te parabole a Natana i te arenio okotai ra: kua tutaraarā Davida: kua mate te tamaiti i rauka i te akaturi: to Solomonā anau anga: kua rauka ia Davida te oire ko Ruba i te tamaki.

KUA tono mairā Iehova ia Natana 1 kia Davida ra. E tac maira aia kiaia ra, kua karanga atura kiaia, Toko rua puke tangata i te oire okotai: e taoiau tetai, e ao tetai. E manganui 2 ua atura ta taua tangata taoiau ra mamoe e te bovi: Kareka taua tangata 3 apinga kore ra kare ana, mari ra tetai arenio iti e na, i okoia e ia, e kua angaiia: e tupu katoa atura ma ia katoa, e tana au tamariki; okotai rai oki a raua kai, okotai oki kapu kia inu, e moe ki roto i tona keke, riro atura 4 mei te tamaine te tu. Kua tapae maira tetai tangata aere ki o taua tangata 5 taoiau ra, kua akaperepere atura aia i tana uorai au mamoe, e tana uorai au bovi, ka tao ei na taua tangata i aere mai kiaia ra; kua rave iora ra i ta taua tangata apinga kore ra arenio; kua tu u iora na taua tangata i aere mai 6 kiaia ra.

Riri rava akērā Davida i taua tanga- 5 ta ra; e kua tuatua maira aia kia Natana, Te ora rā Iehova, ko te tangata i pera ra, e tau tikai iaia te mate. E no 6 te mea aia i pera, e kare aia i aroa, ka akaoki maira aia i taua arenio ra e kia a. Kua karanga aturā Natana kia 7 Davida, Ko koe rai taua tangata ra. Te na ko maira te Atua o Iseraela ko Iehova, I akatainu atura au ia koe ei ariki no Iseraela, e kua akaora au ia

8 koe i te rima o Saula; E kua oronga atura au i te ngutuare o to pu ra noou, e te au vaine katoa a to pu ra, ki roto i toou keke, e kua oronga atu oki au i te ngutuare katoa o Iseraela, e to Juda; e naringa te reira e iti ra, kua oronga atu 9 rai au i tera mea i tera mea. Eaa oki koe i akavaavaa'i i te akauenga a Iehova, i rave ei koe i teianei kino i mua i tona aroaro? Kua mate te ngati Heta ra ko Uriā ia koe i te koke, e kua rave oki koe i tana vaine ei vaine naau, e kua ta oki koe iaia ki te koke a te tamariki a Amnona. E i teianei, kare 10 rava te koke e taka ke i toou are; no te mea kua akavaavaa mai koe iaku, e kua rave koe i te vaine a Uriā ngati 11 Heta ei vaine naau. Te na ko mairā Iehova, I na, e akatupu au i te kino ia koe i roto i toou ra are, e rave oki au i taua au vaine i mua i to mata na, ka apai atu ei ki to tangata tupu, e nana e moe i to au vaine ki mua i te mata o 12 teianei rā. Kua rave pōiri oki i taua i rave io nei: ka rave ra au i teia ki mua ia Iseraela katoa, e ki mua oki i te rā 13 nei. Kua tuatua mairā Davida kia Natana, Kua ara au ia Iehova. Kua karanga aturā Natana kia Davida, Kua akataka keia e Iehova taua ara; kare 14 koe e mate. No te mea ra, no taua ravenga nei, kua maata rava te mea i rauka'i i to Iehova au enemi i te aka- 15 kino, ko te tamaiti naau e anau nei, ka mate takiri ia. Aere aturā Natana ki tona ra ngutuare.

Taia maira taua tamaiti ta te vaine a Uriā i anau mai na Davida ra e Iehova, 16 e maata rava iora te maki. Kua pure iorū Davida i te Atua i taua tamaiti ra; kua neseteia iora oki a Davida, e kua nere iora ki roto, moe iora ki raro i te 17 one e ao ua ake. Kua tu iora te aroanga pakari i tona are, aere atura kiaia ra, e akatu akera iaia ki runga mei raro mai i te one ra; kare akera i tika iaia, e kare oki aia i kai i te manga kia 18 ratou ra. E tac akera ki te rā itu ra, mate iora taua tamaiti ra. Mataku akera te au tavini o Davida kia karanga atu kiaia e, kua mate te tamaiti ra; kua tuatua akera oki ratou, I na oki, te ora ra e tamaiti, kia karanga atu tatou kiaia, kare akera i akarongo mai i ta tatou tuatua; ka tanga'i oki i tera ra, ka maata atu ia tona aue kia karanga 19 atu tatou kua mate te tamaiti. Kia akara rā Davida i te au tavini e te tuatua rikiriki ra, kua manako a Davida e kua mate te tamaiti; e kua tuatua mairā Davida ki tona au tavini, Kua mate ainei te tamaiti? Kua karanga

atura ratou, Kua mate aia. Kua tu 20
 mairā Davida i reira mei raro mai i te
 one ra, kua orei iora, e kua akatainu ki
 te *manongi*, kua kopae akera i tonaka-
 kau, kakau akera ki te kakau ou, e kua
 tomo maira ki roto i te are o Iehova,
 kua akamori atura: e mei reira oki,
 kua aere iora ki roto i tona uarai are,
 kia karanga atu aia ra, kua tuku maira
 ratou i te kai ki mua iaia, e kua kai
 iora aia. Kua karanga atura tona au 21
 tavini kiaia, Eaa tena tauu i rave io na?
 te ora ra te tamaiti ra, te neseteia ra
 koe e te aue ra oki; e i na, kia mate te
 tamaiti ra, kua tu akenci koe ki runga,
 e kua kai i te kai. Kua tuatua maira 22
 aia, Te ora ra te tamaiti, te neseteia ra
 au e te aue ra; kua tuatua oki au e,
 Koai tei kite e, kare a Iehova e aroa
 mai iaku, kia ora teianei tamaiti? I 23
 teianei ra kua mate aia, eaa au kia
 neseteia? e tika aina iaku e akaoki
 mai iaia ra? Ko au te ka aere atu kiaia
 ra, kare ra aia e oki mai kiaku nei.

Kua akapumama aturā Davida i 24
 tana vaine ia Bateseba, e kua aere
 atura ki roto iaia ra, e kua moe atura;
 e kua anau maira aia, e tamaiti, tapa
 iora i tona ingoa ko Solomona: e kua
 aroa mairā Iehova iaia. Kua tono 25
 akera aia i te peroveta ra ia Natana; e
 kua tapa iora i tona ingoa ko Iedidia, no
 te mea te aroa mairā Iehova iaia.

Kua tamaki aturā Ioaba ia Raba no 26
 te tamariki a Amona, e rave iora i to te
 ariki ra oire.

Kua tono akērū Ioaba i te karere 27
 kia Davida, e karanga atu e, Kua ta-
 maki au ia Raba, e kua rauka te oire
 vai ra iaku. E tenana e akaputupu 28
 koe i te au tangata toc, ka patia i i te
 puakapa i taua oire nei, e rave: ko te
 rave aea au i te oire, e ko te tapiaia
 aea toku ingoa ki reira. Kua akaputu- 29
 putu iorā Davida i te tangata ravarai,
 e aere atura ki Raba, e tamaki atura,
 e rauka iora. Kua rave atura aia i te 30
 korona o to ratou ariki i runga i tona
 mimiti, okotai taleni auro i te teiaa,
 e te au toka memetaki ra; tukuia
 iora ki runga i te mimiti o Davida: e
 manganui oki te apinga no roto i taua
 oire ra i te apai angaia mai. E kua 31
 arataki maira aia i te au tangata i roto
 ra ki vao, e tuku atura ki te keke, e te
 harese auri, e te tapae auri, e kua
 tuku ia ratou kia aere ua na na roto
 i te ngai tunānga karakaraea: kua
 pera aia ki te au oire ravarai o te
 tamariki a Amona. Kua oki mairā
 Davida e te tangata katoa ki Ierusa-
 lema.

PENE XIII.

*Ko Amanona i te inangaro anga ia
 Tamara, e kukumi iora; tona riri
 anga iaia, e tuaru iora ki vao; kua
 taiū Amanona e Abasaloma.*

- 1 **E** I muri ake i te reira, e tuaine pu-
 rotu to te tamaiti a Davida to
 Abasaloma, ko Tamara tona ingoa; e
 te inangaro ra te tamaiti a Davida ra
- 2 ko Amanona iaia. E pekapeka maata
 to Amanona, akamaki iora aia i taua
 tuaine nona ra ia Tamara: no te mea
 e paretenia aia, e mea kino ia Amanona
- 3 kia rave ua atu iaia. E oa ra to Ama-
 nona ko Ionadaba te ingoa, e tamaiti
 na Simea, e tacake no Davida: e tan-
 gata pakari roa oki a Ionadaba. E
- 4 kua tuatua maira aia kiaia, Eaa na koe,
 i te tamaiti a te ariki na, i ikoke ei i
 tera rā i tera rā? auraka koe e akakite
 mai kiaku nei? Kua karanga aturā
 Amanona kiaia, Te inangaro nei au i
 te tuaine o taku tacake nei o Abasa-
- 5 loma ia Tamara. Kua tuatua mairā
 Ionadaba kiaia. Ka akāivai ana koe ki
 runga i to roi na, e tapiki maki koe: e
 kia aere mai to metua tane e akara ia
 koe ra, e karanga atu koe kiaia, Teia
 taku tuatua kia koe, e tuku mai ana
 koe i toku tuaine nei ia Tamara, e apai
 mai i te kai naku, ka rave ei i taua
 kai ra i mua iaku nei, kia akara atu
 au, ka kai ei au ra, na tona rima e apai
 mai.
- 6 Kua moe iorā Amanona ki raro,
 kua akatapiki maki iora aia: e kia
 aere mai te ariki e akara iaia, kua ka-
 rangā aturā Amanona ki te ariki, Teia
 taku tuatua kia koe, e tuku mai ana
 koe i taku tuaine ia Tamara, kia aere
 mai ana, e kia roi i e rua ake areto ri-
 kiriki *naku*, kia akara atu au, ka kai
- 7 ei au, na tona rima e apai mai. Kua
 tono akērū Davida i te tiki ia Tamara,
 kua tuatua akera, Ka aere ana ki te
 are o to tungane ra ko Amanona, ka
- 8 rave ei i te kai nana. Kua aere aturā
 Tamara ki te are o tona tungane ra ko
 Amanona, *rokoia atu* te moe ua ra aia.
 Kua rave iora aia i te faraoa, kua oi
 iora, e kua roi i te areto ki mua iaia,
- 9 e kua tunu iora i taua areto ra. Kua
 rave iora aia i te pani, kua riringi iora
 ki mua iaia; kare akera aia i kai.
 Kua tuatua akērū Amanona, E tuku
 atu i te au tangata katoa ki vao. Kua
 aere anake atura te au tangata ki vao.
- 10 Kua karanga aturā Amanona kia Ta-
 mara, Ka apai mai ana i te kai ki
 roto i te pia nei, kia kai atu au i ta to

rima i rave nei. Kua rave akerā Tamara i aua nga areto i roia e ia ra, kua apai atura ki roto i te pia ki tona tungane ra kia Amanona. E kia apaiia e ia aua nga areto ra nana e kai, kua opu maira aia iaia, e kua karanga atura, E aere mai, e moe taua, e taku tuaine. Kua tuatua maira aia kiaia, Auraka, e taku tungane, auraka koe e rave mūro mai iaku; kare oki e akape-raia i Iseracla nei: auraka koe e rave i teianei mea neneva. E ruri tika oki au i toku nei akama kica? e riro oki koe mei tetai o te aronga neneva i Iseracla nei. E teianei, teia taku tuatua kia koe, e karanga atu koe ki te ariki; kare oki aia e tāpu iaku ia koe na. Kare akerai aia i akarongo i tona reo: e no te mea e ririnui tona, rave iora, moe atura.

Kua maata rava atura to Amanona makitakita iaia i reira; ko te makitakita tana i makitakita iaia ra, kua maata roa atura i te anoano tana i anoano iaia ra. E kua karanga aturū Amanona kiaia, Ka tu, ka aere. Kua tuatua maira aia kiaia, Kare e tika tena: kua pera koe i te tono iaku ra, e kino maata ia i taau i rave iaku nei. Kare akerai aia i akarongo iaia. Kua kapiki atura aia ki tona tavini tei raverave iaia ra, e kua karanga atura, Ka tuku atu i tera ra vaine ki vao, ka tamou atu ei i te pa i murio iaia. Tei runga iaia tetai kakau purepure; ko te tu ia o te kakau o te au tamaine pa-retenia a te ariki ra. Kua arataki maira te tavini nona iaia ki vao, e kua tamou iora i te pa i murio iaia. Kua tuku iorā Tamara i te reu ai ki runga i tona mimiti, e kua aeae iora i tona kakau purepure ra, e kua tuku iora i te rima ki runga i tona mimiti, e kua aere ua atura ma te aue. Kua tuatua maira tona tungane ko Abasaloma kiaia, I rave ana to tungane ko Amanona ia koe? e muteki uara koe, e taku tuaine: e tungane ia aia noou; auraka koe e akono ua atu i tena. Noo meamea ua iorā Tamara i roto i te are o tona tungane o Abasaloma.

Kia kite rū Davida i tana au mea katoa nei, maata rava akera tona riri. Karekē Abasaloma kare akera i karanga ua atu kia Amanona i te tuatua meitaki, e te tuatua kino: te makitakita rū Abasaloma ia Amanona, no te mea kua rave mūro aia i tona tuaine ra ia Tamara.

E topa akera nga mataiti e rua ra, e pakoti anga mamoe ta Abasaloma i Baala-hazora, i vaiata i Epheraima:

- e kua tiki aturā Abasaloma i te au tamariki ravarai a te ariki ra. Aere aturū Abasaloma ki te ariki ra, e kua karanga atura, I na oki, e pakoti anga mamoe ta to tavini nei; teia taku tuatua kia koe, taki aere katoa tatou, e te ariki, e te au tavini nona ra, e to tavini nei. Kua karanga atura te ariki kia Abasaloma, Auraka, e taku tamaiti, auraka tatou e akaope i te aere i teianei, ka teimaa aea koe ia matou. Māro rava atura aia; kare akera aia i tac, kua akaora maira aia iaia. Kua karanga aturā Abasaloma, E kare ra, teia taku tuatua kia koe, e tuku ua mai koe ia Amanona e aere matou. Kua tuatua maira te ariki kiaia, Eaa aia ka aru katoa'i? Māro rava aturā Abasaloma, e kua tuku ua mai aia ia Amanona, e te au tamariki katoa a te ariki ra, kia aere ua ana.
- 28 Kua akaue ana oki a Abasaloma i te au tavini nona, i tuatua ana e, E akara meitaki ana kotou, e kia rekareka marie to Amanona ngakau i te wina, e kia karanga atu au kia kotou e, Ka ta ia Amanona: ei reira ka ta ai, auraka e matakū: kare ainei kua akaueia atu kotou e au? e akamatutu, e akamaroi-roi tikai. Kua pera atura te au tavini o Abasaloma ra ia Amanona i te au Abasaloma oki i akaue maira. Kua tu anake akera te au tamariki a te ariki ra ki runga, kake atura ki runga i te mule, tanao, tanao, e oro atura.
- 30 Te aere ua ra ratou na te arataa, i tae atu ei taua tuatua ra kia Davida ra, na ko atura, Kua ope rava te au tamariki a te ariki ra i te taia e Abasaloma, e kare e toe e okotai iti ake.
- 31 Kua tu akera te ariki ki runga, kua aeae atura i ona kakau, e kua moe iora ki raro i te ono; e tu ua maira tona au tavini ravarai i vaiata ma te kakau
- 32 ngaengae katoa. Kua karanga aturū Ionadaba te tamaiti a Simea te taeake o Davida ra, na ko atura, Auraka koe e manako, e taku pu, e kua ta akaope ravaia e ratou te au tangata ou katoa ra, te au tamariki a te ariki; ko Amanona anake ra oki tei mate: e mea akakoroiā ia e Abasaloma mei te rā mai i rave mūro ei aia i tona tuaine ia Tamara.
- 33 E tenana, auraka, e taku pu e te ariki, auraka e kinokino rava to ngakau, auraka e manako e kua pou takiri te au tamariki a te ariki i te mate: ko Amanona anake ra tei mate.
- 34 Kua oro ke rā Abasaloma. Kua nānā akera te mata o te tangata ou te tiaki ra, kua akara akera ki runga, e i na, te aere maira te tangata e manganui na

te tumu maunga i muri mai iaia ra. Kua karanga aturā Ionadaba ki te 35 ariki, I na, te aere maira te au tamariki a te ariki: ko ta to tavini rai i karanga atu na, koia tera. E tei te akaoti anga 36 aia i taua tuatua nana ra, i na, kua aere maira te au tamariki a te ariki, kua akateitei maira i to ratou reo, aue iora; aue katoa iora te ariki, e te au tavini katoa oki nona, e aue maata ua atu. Kua oro rā Abasaloma, e aere atura 37 kia Talamai te tamaiti a Amiuda ra, ki te ariki o Gesura ra. Te aue ua rā Davida i tana tamaiti kare e rā i tukua. Oro aturā Abasaloma, e kua aere ki 38 Gesura ra, ka toru atura mataiti i reira.

E anoano maata to te ariki ra to 39 Davida e aere kia Abasaloma: kua papa akera tona manava ia Amanoma, kua mate oki aia.

PENE XIV.

Ko Ioaba, no te mea kua kite akera i to Davida anoano, kua kimi i te ravenga kia akaokiiu mai a Abasaloma: tona oki anga mai; tona tu meitaki; e tana au tamariki.

TE kite rā Ioaba, te tamaiti a Zerua, 1 e kua riro te ngakau o te ariki kia Abasaloma. Kua tono akerā Ioaba i te karere ki Tekoa, e kua arataki maira i tetai vaine pakari no reira, e kua karanga atura kiaia, Teia taku tuatua kia koe, e akatutu vaine akaevaeva koe, e kakau ki te kakau akaevaeva, auraka e tainu ia koe ki te manongi, kia riro ra koe mei te vaine akaevaeva anga roa i te tangata mate: Ka aere ei ki te ariki 3 ra, e akapera i tauu tuatua anga atu kiaia. Kua tuku ua aturā Ioaba i te tuatua ki roto i tona vaa.

E kia tuatua taua vaine Tekoa ki te ariki ra, kua tipapa iora aia ki raro i te one, tupou atura, kua karanga atura, E tauturū mai, e te ariki e. Kua tuatua maira te ariki kiaia, Te peca ana koe? Kua karanga atura aia, E vaine takaua au, kua mate oki taku tane. Toko rua a to tavini vaine tamariki tamaroa, e kua kukumi iora raua i te kainga, e kare e tangata ei vavao ia raua, mate rava akera tetai i te taia e tetai. E i na, tei runga ua maira taua kopu-tangata ravarai i to tavini vaine nei, e kua tuatua maira ratou, E tuku ua mai taua tangata i ta i tona tuakana ra, kia taia e matou, ei tutaki i tona tuakana i taia e ia; e ta katoa matou i te tangata kainga. E tamate rai ratou i taua ngarau iti naku ra, kare e vaoia tetai

ingoa no taku tane, auraka tana ei toe 8 i te ao nei. E kua tuatua maira te ariki ki taua vaine ra. Ka aere ki toou ngutuare, e naku e tuku i te tuatua 9 te tangata ia koe. Kua karanga atura taua vaine Tekoa ra ki te ariki, E taku pu e te ariki e, ei runga iaku te ara vaoi ei, e ei runga i te ngutuare o toku metua: e auraka te ariki e tona terono 10 kia arania. Kua tuatua maira te ariki, Ko te tangata e tuatua mai kia koe ra, e arataki mai koe iaia kiaku nei, kare 11 aia e akaanata akaou mai ia koe. Kua karanga atura taua vaine ra, Teia taku tuatua kia koe, e akamaara ana koe, e te ariki, i toou Atua ra ia Iehova, e auraka kia tukuia e koe te aronga akamouppuku i te toto i te ta aere anga, ko te ta aca ratou i taku tamaiti. Kua tuatua maira aia, Te ora rā Iehova, kare rava tetai io rauru o to tamaiti e topa ki raro i te one.

12 Kua karanga atura taua vaine ra, E tuatua ua ana to tavini vaine nei i tetai tuatua iti, e taku pu e te ariki e. Kua 13 tuatua maira aia, Ka tuatua mai. Kua karanga atura taua vaine ra, Eaa oki koe i akapera'i i te manako i te au tangata o te Atua na? I tenana oki tuatua ta te ariki e tuatua maira mei te tangata e apa tana, i te mea kare te ariki e akaoki mai i tana tamaiti i 14 tuaru ra. E mate rai oki tatou, e ka riro mei te vai i maringi ua ki raro i te one, kare e rauka akaou mai; kare rava te Atua e akono ua i te tangata, e kimi rai oki aia i te ravenga, kia kore tana i tuaru ra e taka ke iaia ra. 15 E teianei, i aere mai nei au e tuatua i taua tuatua nei ki taku pu ki te ariki ra, no te mea, kua akamataku mai te au tangata iaku: kua tuatua akera to tavini vaine nei, E tuatua ana au ki te ariki; penciake ko te akatika mai te ariki i te tuatua a tona tavini vaine. 16 E riro oki te ariki i te akarongo mai, e te aknora oki i tona tavini vaine, i te rima o te tangata i inangaro i te ta iaku e taku tamaiti katoa, i te tuanga a 17 te Atua nei. E kua tuatua akera oki to tavini vaine, Ka riro te tuatua a taku pu a te ariki nei, ei mea maru: e tau oki taku pu i te ariki ra ki tetai angela a te Atua ra, i te kite i te mea meitaki e te mea kino: e ei vaitata to Atua ra ko Iehova ia koe.

18 Kua tuatua maira te ariki, e kua na ko maira ki taua vaine ra, Teia taku tuatua kia koe, auraka koe e uuna iaku i teianei tuatua taku e ui atu kia koe. Kua karanga atura taua vaine ra, Ka tuatua mai koe, e taku pu e te ariki.

Kua tuatua maira te ariki, Kare ainei 19
 teia katoa te rima o Ioaba ia koe, i teia
 katoa nei au tuatua? Kua karanga
 atura taua vaine ra, na ko atura, Te
 ora ra to vaerua, e taku pu e te ariki,
 kare i tika i tetai kia anga ke ki te
 rima katoa e te rima kaui i ta taku pu
 ta te ariki i tuatua mai nei: na to ta-
 vini oki na Ioaba i ako mai iaku, e
 nana i tuku mai i taua au tuatua katoa
 nei ki roto i te vaa o to tavini vaine
 nei: Ei ruri ke anga i taua tuatua nei, 20
 i pera mai ei to tavini ko Ioaba. E pa-
 kari ra to taku pu, mei te pakari o te-
 tai angela a te Atua, i te kite anga i te
 au tuatua katoa i te ao nei.

Kua karanga atura te ariki kia Ioaba, 21
 I na, kua tika iaku taua tuatua ra i
 teianei: e tenana ka aere, e akaoki
 mai i te tangata ou ra ia Abasaloma.
 Kua tipapa iorū Ioaba ki raro tona 22
 mata i te one, e kua tupou iora, kua
 akameitaki atura i te ariki: kua ka-
 rangā aturū Ioaba, Kua kite atura
 to tavini nei i teianei rā e kua kite aroa-
 ia mai au e koe, e taku pu e te ariki,
 ko koe, e te ariki, i akatika mai i te
 inangaro o to tavini. Riro aturū 23
 Ioaba, aere atura ki Gesura, e kua
 arataki mai ia Abasaloma ki Ierusa-
 lema. Kua tuatua maira te ariki, E 24
 ariu aia ki tona ngutuare, auraka ra
 aia kia kite mai i toku mata. Kua
 oki mairū Abasaloma ki tona uarai
 ngutuare, kare ra i kite i te mata o te
 ariki.

Kare ra e tangata i akapaapaia i 25
 Iseraela katoa ra mari ra ko Abasaloma
 i te purotu: mei te tapuae mai, e tac
 ua atura ki te take upoko ra, kare rava
 e kino. E kia pakoti oki aia i tona 26
 mimiti ra, e akapera oki aia kia tac ki
 te ope mataiti ra, no te teimaa i pakoti
 ei aia ra; e kia aite aia i te mauru o
 tona mimiti, e rua ia anere te sekela i
 te teimaa i te toka aite a te ariki
 ra. Ka toru a Abasaloma tamariki 27
 i anau, okotai oki tamaine, ko Ta-
 mara te ingoa: e vaine tu meitaki taua
 vaine ra.

Ka rua akera o Abasaloma mataiti 28
 i te noo anga i Ierusalemā, kare akera i
 kite i te mata o te ariki ra. Kua 29
 tono akērū Abasaloma i te karere kia
 Ioaba kia tono ake aia iaia ki te ariki
 ra; kare akera aia i tae mai kiaia ra,
 e kia tono akaou rai aia i te karere i
 te tu rua o te tono anga mai, kare aia i
 keu mai. Kua tuatua maira aia ki 30
 tona au tavini, I na, tera ake te kainga
 o Ioaba, tei vaitata ki toku ra, e kerite
 oki tei roto ra: ka aere e tutungi ki

te ai. Kua tutungi iora te au tavini o
 Abasaloma i tana kainga ra ki te ai.
 31 Kua tu mairū Ioaba, kua aere maira
 kia Abasaloma ki te ngutuare ra, e
 kua tuatua maira kiaia, Eaa to au ta-
 vini i tutungi ei i toku nei kainga ki
 32 te ai? Kua karanga aturū Abasaloma
 kia Ioaba, I na, i tono oki au i te ka-
 rere kia koe, i te tuatua anga atu e,
 E aere mai ana koe ki ku nei, kia
 tono au ia koe ki te ariki ra, e karanga
 atu e, Eaa au i aratakaia mai ei mei
 Gesura mai? ngari ake au naringa au
 i reira e teia noa'i: e tenana kia kite
 au i te mata o te ariki ra; e te ara ua
 nei rai au, ka rave aia e ta iaku kia
 33 mate. Kua aere mairū Ioaba ki te
 ariki ra, kua akakite maira kiaia: e
 kia tuatua Abasaloma e ia, kua aere
 iora aia ki o te ariki ra, kua tupou iora
 aia ki te ariki i raro tona mata i te
 one: e kua ongi iora te ariki ia Abasa-
 loma.

PENE XV.

*Ko Abasaloma i te koperepere anga, e
 te pikikaa anga, i riro ei te au iaia:
 kua oro a Davida; e kua aere mairū
 Abasaloma ki Ierusalemā.*

- 1 **E** I muri ake i te reira, kua akatea-
 teamamao iorū Abasaloma i te au
 kariota, e te au ipo, e te au tangata
 oki e rima ngauru ei oro na mua iaia.
- 2 E kua tu akērū Abasaloma i te popongi
 roa, tu ua iora i te pae arataa, e aere
 tika atu ei ki te ngutupa ra: e te tua-
 tua ta tera ra tangata kia aere mai ki
 te ariki ra kia akatakaia, ei reirū
 Abasaloma e kapiki atu ei kiaia, e ka-
 rangā atu ei e, No teea oire koe? Ei
 reira aia e tuatua mai ei e, No tetai i
 te au kopu o Iseraela nei to tavini nei.
- 3 Ei reirū Abasaloma e karanga atu ei
 kiaia e, I na, kua meitaki rai taua tua-
 tua, e kua tika oki; kare ra e tangata
 i akonoia e te ariki ei akarongo ia koe.
- 4 Kua karanga atu rai oki a Abasaloma,
 Naringa au e akariroia ei akava i te
 enua nei, e ko te tangata ravarni, e
 māroanga tana e te tuatua, kia aere
 mai aia kiaku nei, e naku aia e akatika
 5 atu! E kia akavaitata mai te tangata
 kiaia e tupou, kua rave tika atu tona
 6 rima iaia, kua ongi atu. E kua perū
 Abasaloma kia Iseraela katoa, kia aere
 mai ki te ariki kia akatakaia te tuatua:
 kua perū Abasaloma i te keia i te nga-
 kau o te tangata o Iseraela.
- 7 E ope akera nga mataiti e a ngauru
 ra, kua tuatua mairū Abasaloma ki te
 ariki, Teia taku tuatua kia koe, tuku

ake ana koe iaku e aere au ki Heberona, ka akono ei i taku i tia ra kia Iehova. E tia oki ta to tavini i tia ra, iaku i noo i Gesura i Arama, ka tuatua i au ra e, Kia akaoki mai a Iehova iaku ki Ierusalem ra, e akamori au ia Iehova i reira. Kua karanga atura te ariki kiaia, Ka aere ma te au. Kua tu iora aia e aere atura ki Heberona. Kua tono rā Abasalama i te au mata *ei tutaka* e pini ua ake te au kopu ravarai o Isaraela, tuatua akera, I te akarongo anga kotou i te tangi pu ra, ei reira kotou e karanga'i e, Kua akaari-kia Abasalama i Heberona ra. E rua oki anere tangata i aru ia Abasalama mei Ierusalem atu, ko tei ikiaia ia; i aere vare ua ra ratou, kare ia i kite i te mea i aere ei. Kua tono akerū Abasalama e tiki ia Ahitophela i Gilo, ko to Davida ia ako, i tona ra oire i Gilo, rokoa atu te akatusia ra i te tusia. Maroirōi akera taua aronga kotikoti kupenga ra; te maata rava ra te tangata no Abasalama.

Kua aere maira tetai karere kia Davida ra, kua tuatua maira, Tera te ngakau o te au tangata o Isaraela tei ia Abasalama. Kua tuatua maira Davida ki te au tavini katoa i kapiti katoa iaia ra i Ierusalem, Ka tu, e oro tatou; kare oki e ora ia Abasalama ra; kia ngakoikoi kotou i te aere, ka rokoa vave uaia mai aea tatou e ia, e rokoa iora tatou e te kino; e ko te taia mai aea teianei oire ki te mata koke. Kua karanga atura taua au tavini o te ariki ra ki te ariki, I na, e rave to au tavini nei i ta to matou pu i ta te ariki ra e tuatua maira. Kua aere iora te ariki, e tona katoa ngutuare i muri ake iaia. Vaoia iora nga vaine palake okotai ngauru ei tiaki i te are. Riro atura te ariki, e te au tangata katoa i muri ake iaia ra, noo iora i tetai ngai i te mamao ke ra. E kua aere iora te au tavini katoa nona i mua iaia ra, e te Kereti katon ra, e te Peleti katoa ra, e to Gata katoa, (e ono ia anere i te tangata,) ko tei aru mai ia iaia mei Gata maira, kua aere ua ia na mua i te ariki ra.

Kua tuatua maira te ariki kia Itai i Gata ra, Ean oki koe i aru mai ei ia matou nei? ka oki ki toou ra ngai, e noo ki o te ariki ra: e tangata ke oki koe, e te tuaru oki. I nanai ua mai oki koe na, e tika aina oki au kia akauoa aere ua ia koe ki runga e ki raro i rotou ia matou nei? i na te aere ua nei au i toku aerenga; ka oki koe e akaoki koe i to au taake: ei ia koe te

21 aroa e te tuatua-mou. Kua karanga aturū Itai ki te ariki ra, na ko atura, Te ora rā Iehova, e te ora ra taku pu te ariki ra, ei taua ngai ra e nooia e taku pu e te ariki ra, ei te mate e ei te ora, ei reira tikai to tavini nei. Kua tuatua maira Davida kia Itai, Ka aere ana na mua. Kua aere iorā Itai i Gata na mua, e tona au tangata ravarai, e te au tamariki katoa i kapiti mai kiaia ra. E to te au tapere katoa ra, e te tangata ravarai i to ratou aere anga, aue iora ratou ma te reo maata: kua na raro ua atura te ariki uarai i te kauvai ra ko Kiderona, e kua aere atura te au tangata ravarai ki tetai pae kauvai ki te arataa i te medebara ra.

24 E i na, ko Zadoka katoa, e te au ngati Levi ravarai, i te apai katoa anga i te aruna o te koreromotu a te Atua; e kua tuku iora ratou i te aruna a te Atua ki raro; e kua aere aturū Abiatarā ki runga e ope rava akera te au tangata katoa i te riro mei roto mai i taua oire ra. E kua tuatua maira te ariki kia Zadoka, Ka akaoki ana i te aruna a te Atua ki roto i te oire; e kite aroania mai au e Iehova ra, ka akaoki mairai ia aia iaku, e akakite mai ia kiau, e tona noonga: Kia pera maira aia i te tuatua anga mai kiau e, Kare oku mataora anga atu ia koe, i na, teia au, ka rave mai aia iaku i tei inanga-roia e ia. Kua tuatua maira oki te ariki kia Zadoka taunga ra, Kare ainei ko koe te akara? Ka oki ki te oire ma te au, e nga tamariki katoa aaui ra; te tamaiti naau ko Ahimaaza, e ko Ioatana te tamaiti a Abiatarā ra. I na, ka noo rai au i ko nei i te ngai mataatā i te medebara nei, e kia tae mai te tuatua no ko na mai ia kotou na kia kite au. Kua akaoki aturū Zadoka raua ko Abiatarā i te aruna a te Atua ki Ierusalem: noo iora raua i reira.

30 E aere iorā Davida na runga i te pae maunga ra ko Oliveta; aere ua atura ma te aue, kua tapokia tona mimiti, e te vai ua ra tona vaevae: kua tapoki iora te au tangata ravarni ki ona i to ratou mimiti, e kua aere anake iora ratou ki runga ma te aue.

31 E kua akakite maira tetai kia Davida, na ko maira, Tera katoā Ahitophela tei roto katoa i te aronga i kotikoti kupenga i o Abasalama. Kua karanga aturū Davida, E Iehova e, teia taku tuatua kia koe, e akariro koe i te ako a Ahitophela ei neneva. E tac aturū Davida ki runga i te take maunga ra, te akamori ra aia i te Atua, i na, ko Husai i Araki, kua aere maira

e aravei mai iaia ma te kakau ngangae,
e ma te one ki runga i tona mimiti:
Koia ta Davida i karanga atu e, Kia 33
kapiti katoa mai koe kiaku nei, ka riro
koe e mea teiaa naku: Kia oki ra koe 34
ki te oire ra, ka karanga atu ei kia
Abasaloma e, Ei tavini au noou, e te
ariki e; *mei iaku katoa i riro* ei tavini
no to metua na, ei tavini katoa au
noou: ka riro te ako a Ahitophela i te
ruri keia e koe i reira. Kare ainei tei 35
ko na katoa nga taunga ko Zadoka raua
ko Abiatarā? e te au mea katoa taau e
kite no ko i te are o te ariki ra, ko taau
ia e akakite atu ki nga taunga kia Za-
doka raua ko Abiatarā. I na oki a 36
raua puke tamariki tei i o raua ra oki,
ko Ahimaaza a Zadoka, e ko Ionatana
a Abiatarā ra; e akapera kotou ia raua
i te akau mai i te au tuatua ravarai ta
kotou e kite ra. Oki atura te oa o 37
Davida ra ko Husai, ki roto i te oire, e
kua tomo mairā Abasaloma ki roto i
Ierusalemā.

PENE XVI.

*Te tapepe pikikau a Ziba ra; e te
tuatua kino a Simeī ia Davida: te
tuatua a Husai; e te ako a Ahito-
phela.*

E TOPA iti ua maira te take *maunga* 1
ia Davida ra, i na, kua aravei ua
mairai te tavini o Mephiboseta ra ko
Ziba iaia, ma nga asini ra e rua, ma te
nooanga katoa ra, e te au areto oki e
rua anere, e te au kaui vine okotai
anere, e te au kaui suke okotai anere,
e okotai oki ue wina. Kua karanga 2
atura te ariki kia Ziba, Eaa te reira?
Kua tuatua mairū Ziba, No te au
tangata o te ariki ra nga asini ei noo
anga, e te au areto, ma te suke ra, ei
kai ia na te au tangata ou ra; e te
wina ra ei inu maunga ia na te aronga i
paruparu i te aere anga i te medebara
ra. Kua karanga atura te ariki, Teiea 3
te tamaiti a to pu ra? Kua tuatua
mairū Ziba ki te ariki ra, I na, tei Ie-
rusalema: te tuatua ra oki aia, Akonei
to Iseraela e akaoki mai ei i te basileia
o toku metua kiaku nei. Kua karanga 4
atura te ariki kia Ziba, I na, tera mai
taau i tei *mouria* e Mephiboseta ra.
Kua tuatua akērū Ziba, Te tupou atu
nei au e, kia kite aroaia mai au e koe,
e taku pu e te ariki e.

E tae atura te ariki ra ko Davida ki 5
Bahurima, i na, kua aere ua maira te-
tai tangata no te kopu o te ngutuare o
Saula, ko Simeī te ingoa, te tamaiti a
Gera ra: kua aere maira aia ki vao, e

6 kua akakino aere. Kua pei maira aia
i te toka kia Davida, e te au tavini ka-
toa o te ariki ra o Davida: e te au
tangata ravarai, e te aronga toa katoa,
tei te pae katau e te pae kaui nona ra.
7 Kua tuatua mairū Simeī i taua akakino
anga nona ra, E aere, e aere, e tenana
tangata ta tangata e, e tenana tangata
8 kino e: Te akaoki nei a Iehova i te
toto katoa o te ngutuare o Saula ki
runga ia koe, i riro ei te au ia koe ra;
e te tuku nei a Iehova i te basileia ki
te rima o to tamaiti o Abasaloma ra: e
i na, kua rokoia koe e toou orai kino, e
tangata ta tangata oki koe.

9 Kua tuatua mairū Abisai te tamaiti
a Zeruia ki te ariki, Eaa ra teianei
puaka-aoa mate i akakino mai ei i taku
pu i te ariki nei? teia taku tuatua kia
koe, e tuku akena koe iaku e aere au e
10 tipu mai i tona mimiti. Kua karanga
atura te ariki, Eaa atu au ia kotou, e
te au tamariki a Zeruia? E vao u
kia akakino ua mai ana; *peneiake* kua
tuatua mai a Iehova kiaia e, Ka aka-
kino ia Davida. Koai iora te karanga
11 atu e, Eaa koe i pera'i? Kua karanga
aturū Davida kia Abisai, e tona au
tavini katoa, I na, taku tamaiti nei, no
roto iaku uorai nei, te umuuum mai
nei iaku e ta: ka tanga atu ei i teianei
tangata ngati Beniamina? E vao u
atu, kia akakino ua mai ana; kua tua-
12 tuaia mai aia e Iehova. E riro pā
Iehova i te akara mai i toku nei tuma-
tetenga; ka riro a Iehova i te apai mai
i te meitaki noku akonei i taua akakino
13 nona nei. Te aere ua rā Davida e tona
au tangata na te arataa, te aere katoa
rā Simeī na te tumu maunga na reirao,
ma te akakino rai, e ma te pei i te toka
14 kiaia, e ma te titiri ua i te one-pueu.
E kua tae maira te ariki e te au tangata
ravarai, kua roiroi, e kua pupuā iora
i reira.

15 Kua tae mairū Abasaloma, e te au
tangata katoa ra, ko to Iseraela ravarai,
ki Ierusalemā, e tei reira katoā Ahito-
16 phela. Kua aere maira taua oa o
Davida ra, ko Husai i Araki ra, kia
Abasaloma, e kua tuatua mairū Husai
kia Abasaloma, Kia ora te ariki! Kia
17 ora te ariki! Kua karanga aturū Aba-
saloma kia Husai, Ko toou takinga-
meitaki aia teia ki to oa na? eaa koe i
18 kore ei i aru i to oa na? Kua tuatua
mairū Husai kia Abasaloma, Auraka;
ko ta Iehova ra, e ta teianei au ta-
ngata, e ta Iseraela katoa i iki ra, koia
19 taku pu, e ei i ona ra au noo ei. E
tenana, ei iaai ra oki au, mairi ra i te
tamaiti nana uorai? mei iaku rai oki

i rave ki mua i te aroaro o to metua na, e pera katoa au ki mua i toou na aroaro.

Kua karanga aturā Abasaloma kia 20
Ahitophela, Ka akataka ana i ta kotou
tuatua i ta tatou e rave ra. Kua tua- 21
tua mairū Ahitophela kia Abasaloma,
Ka aere ana koe ki roto i te au palake
a to metua, i vaooia e ia iou nei ei tiaki
i te are nei; kite akera to Iseraela ka-
toa ia koe e kua ririia koe e to metua
na; ketaketa akera te rima o te au ta-
ngata ravarai i o ou nei. Kua totoa 22
akera ratou i te are kakau ki runga i
taua are ra; kua tomo aturā Abasa-
loma ki roto i te au palake a tona
metua ra ki mua i te aroaro o to Ise-
raela katoa ra. Ko te ako ta Ahito- 23
phela i ako maira i taua au rā ra, *riri*
atura mei te mea e ui ra i te tuatua a
te Atua; ko te tu katoa ia i taua ako a
Ahitophela ra, ia Davida, e ia Abasa-
loma katoa ra.

PENE XVII.

Te tuatua a Ahitophela i akarukeia ra:
te tuatua a Husai i apaiia kia Da-
vida ra; e to Ahitophela akanonoa
anga iaia uarai.

KUA tuatua mairū Ahitophela kia 1
Abasaloma, E tuku mai koe kia
iki au i te au tangata okotai ngauru i
te tausani e rua ara, e ka tu au e
aruaru ia Davida i teianei po: Ro- 2
koia atu e au aia ra, kua roiroi ra, e
kua parukaua tona rima, e naku e aka-
matakū atu: e ka oro te au tangata ra-
varai ki ona ra; ka ta au i te ariki
anake ra: E ka akaoki mai au i te au 3
tangata katoa kia koe ra: okotai roa
oki au tangata e kimi, e ope roa'i te
au tangata i te oki mai: au iora to te
au tangata ravarai. E mea meitaki 4
taua tuatua ra ia Abasaloma, e i te
aronga pakari katoa o Iseraela ra.
Kua tuatua mairū Abasaloma, Ka tiki 5
ana ia Husai i Araki katoa ra, e aka-
rongo katoa tatou i te tu o tana tuatua.
Kua aere mairū Husai kia Abasaloma 6
ra, kua karanga aturā Abasaloma kiaia,
na ko atura, Kua akapera maira ta
Ahitophela tuatua; ka akarongo atu
ainei tatou i tana? e kare ra, e aka-
kite maira koe i taua.

Kua tuatua mairū Husai kia Aba- 7
saloma, Ko te tuatua ta Ahitophela i
tuku maira, kare ia te meitaki i teianei.
Kua tuatua maira oki a Husai, Kua
kite oki koe e tangata toa to metua, e
tona katoa au tangata, e kua mamae to
ratou ngakau, mei te daba o te mede- 8

bara i riro te anaunga ra: e tangata
tamaki oki to metua ra, e kare aia e
moe kapiti ua ki roto i te au tangata
9 ra. I na, kua pipini aia i teianei ki
roto i tetai vaarua, e ki roto i tetai ngai
ke atu, e kia rokoia uaia mai tetai pae
o kotou i te inga i tei muatangana ra,
ei reira te tangata ravarai e akarongo
e karanga atu e, Kua taia te au ta-
10 ngata i aru ia Abasaloma nei. E te
tangata toa, i tau tona ngakau ki te
ngakau o te liona ra, ka taikaia ia:
kua kite oki to Iseraela ravarai e ta-
ngata toa uritumu toou metua, e toa
maata anake te aronga i aru katoa iaia
11 ra. E teianei, teia taku tuatua, e aka-
putuputu mai ia Iseraela ravarai kia
koe ra, mei Dana e tae ua atu ki Bere-
seba, e mei te one taatai ra kia tataui;
e naau uarai e aere ki taua tamaki ra.
12 Rokoia atu aia e tatou i te ngai e kitea
atu ei aia ra, topaia iora aia e tatou mei
te au e topa ki runga i te one: e kare
rava aia e te au tangata katoa e kapiti
13 kiaia ra e toe e okotai iti ake. E kia
tomo aia ki roto i te oire, e rave mai to
Iseraela katoa i te taura i taua oire ra,
ka kika'i ki raro i te kauvai, e kia
kore rava atura tetai toka mea ngiti e
14 kitea i reira. Kua tuatua akērā Aba-
saloma e to Iseraela katoa ra, E ngari
ake te tuatua a Husai i Araki i ta Ahi-
trophela ra. Kua akakoroia e Iehova e
akakore i te tuatua meitaki a Ahito-
phela, kia apai mai a Iehova i te kimo
ki runga ia Abasaloma ra.

15 Kua karanga aturā Husai ki nga
taunga ra, kia Zadoka raua ko Abia-
tara, I ako ta Ahitophela ako anga ia
Abasaloma e te aronga pakari i Iseraela
nei; e kua pera oki taku ra ako anga.

16 E tenana, e tono viviki i te karere, e
akakite kia Davida, e karanga atu e,
Auraka koe e noo i te ngai mataataa i
te medebara nei i teianei po, e aere
viviki ra ki tetai pae *vai*; ko te apu-
kuia aea te ariki e te au tangata katoa
17 ki ona ra. Te tatari mairū lonatana
raua ko Ahimaaza i Eni-rogela; kare
rai oki e tika kia kitea raua i te tomo
ua anga ki roto i te oire: kua aere iora
tetai vaine, e kua akakite ia raua;
kua aere iora oki raua kua akakite ki
18 te ariki ra kia Davida. Kitea iora
raua e tetai tamaiti, e kua akakite kia
Abasaloma: aere viviki atura raua e
tae atura ki te are o tetai tangata i
Bahurima, e ruavai tei roto i te paepae
nona ra, kua tomo iora raua ki roto
19 i taua *ruavai* ra. Kua rave iora te
vaine ra i tetai tapoki, kua tapoki iora
i te nia o taua ruavai ra, e kua totoa

iora i te sitona i reruia ra ki runga ; e
 kare rava ia mea i kitea. E tae maira
 ngu tavini o Abasaloma ki te are o taua
 vaine ra, kua karanga atura, Teieā
 Ahimaza raua ko Ionatana? Kua
 tuatua maira taua vaine ra, Tera tei
 tera pae vai. E kimiia atura raua, e
 kare akera i kitea, kua oki maira ki
 Ierusalemā. E riro maira ratou, kua
 aere maira raua ki vao i taua ruavai
 ra, e kua aere, kua akakite ki te ariki
 ra kia Davida, e kua karanga atura
 kia Davida, Ka tu, ka aere viviki ki
 tetai pae vai: kua pera oki ta Ahi-
 tophela tuatua ia kotou. Kua tu akērā
 Davida, e te au tangata katoa ki ona
 ra, kua aere atura ki tetai pae i Iori-
 dana. E ao akera kare rava tetai i
 toe i te tae ki tetai pae o Ioridana ra.

E kia akarā Ahitophela e, kare ake-
 23
 ra tana ako i akonoia, kua tuku iora
 te nooanga ki runga i te asini ra, kua
 tu iora, aere atura ki tona are, ki
 tona uaoari oire ; kua akonokono atura
 i tona ngutuare, kua akanonoa iora
 iaia uaoari, e mate atura, e tanumia
 iora ki roto i te tanumanga o tona me-
 tua ra.

Kua tac aturā Davida ki Mahanaima. 24
 E kua tae mai oki a Abasaloma ki
 tetai pae i Ioridana, koia e to Iseraela
 katoa. Kua akariro aturā Abasaloma
 25
 ia Amasa ei kapena no te nuku ci tu-
 pau ia Ioaba : e tamaiti ia taua Amasa
 ra na tetai tangata ko Ietera te ingoa,
 e ngati Isemaela, ko tei aere tika kia
 Abigaila ki te tumaine a Nahasa, e
 tuakana no Zeruia, i te metua vaine o
 Ioaba ra. Kua patia iora Iseraela e 26
 ko Abasaloma katoa i te puakapa i te
 enua ra i Gileada. E tac aturā Da-
 27
 vida ki Mahanaima, kua apai mairā
 Sobi te tamaiti a Nahasa, no Raba no
 te tamariki a Amona, e ko Makira te
 tamaiti a Amielā i Lo-debara, e ko
 Barazilai i Gileada i Rogelima ra, I te
 28
 au roi, e te kapu, e te āriki karakara, e
 te sitona, e te kerite, e te faraoa, e te
 sitona tunu paka, e te phuli, e te pipi,
 e te kuli ra, E te meli, e te batā, e te
 29
 mamoe, e te u bovi, na Davida, e na te
 au tangata e aere katoa iaia ra, e kai :
 kua tuatua oki ratou, E mate to teianei
 au tangata i te aere anga mai na te
 medebara i te pongi, e te roiroi, e te
 kaki vai.

PENE XVIII.

To Davida akara anga i te nuku nona
 ra, e te ikuiku mamate anga i te
 tangata ia Abasaloma: kua tamaki

ratou, kua eke to Abasaloma pae, kua
 taia aia, e kua apaiū mai te tuatua
 kia Davida: tonu aue.

- 1 **K**UA tatau iorū Davida i te au ta-
 ngata ki ona ra, e kua tuku ake-
 ra aia i te kapena tausani, e te kapena
- 2 anere, ki runga ia ratou. Kua tuku
 aturā Davida i te toru o te tuanga o
 taua au tangata ra i te rima o Ioaba, e
 tetai tuanga ei te rima ia o Abisai te
 tamaiti a Zeruia ra e taeake no Ioaba,
 e tetai tuanga ei te rima ia o Itai i
 Gata ra. Kua tuatua maira te ariki
 ki te au tangata ra, E aere katoa au
- 3 nei. Kua karanga atura te au tangata
 ra, Auraka koe e tae: kia ati matou
 ra, kare ratou e akono mai ia matou ;
 e pou ua atu te afa o matou i te mate,
 kare rai ratou e akono mai: okotai
 ngauru ua atu te tausani o matou nei
kia mate, ko koe ra auraka kia mate:
 e teianei tera te meitaki, e tauturu
 mai koe ia matou no roto i te oire na.
- 4 Kua tuatua maira te ariki kia ratou,
 Ko tei tika ia kotou ra, ko taku ia.
 Kua tu ua iora te ariki i te pae o te
 ngutupa ra, e kua aere anake maira te
 tangata ki vao e anere iora, e tausani
- 5 iora. Kua akaue maira te ariki ia
 Ioaba, e ia Abisai, e ia Itai, na ko
 maira, E akaperepere ana kotou i taua
 tangata ou ra ia Abasaloma iaku nei.
 Kua rongo te tangata ravarai i taua
 ikuiku anga a te ariki ra ki te au kapena
 katoa ia Abasaloma ra.
- 6 Kua aere atura te tangata ki te ngai
 atea e tamaki ia Iseraela; riro atura
 te tamaki anga i roto i te vaorakau i
- 7 Epheraima; Taia iora to Iseraela i
 reira ki mua i te aroaro o te au tavini
 o Davida; e pou maata tei reira i taua
- 8 rā ra, okotai takau i te tausani. Kua
 raapu oki te tamaki anga i taua au ta-
 pere katoa ra e pini ua ake: e maata
 ua atura tei pou i te vaorakau, i tei
 pou i te koke i taua rā ra.
- 9 Rokoia uaia iorū Abasaloma e te au
 tavini o Davida: te noo rā Abasaloma
 ki runga i tetai mule, aere atura taua
 mule na raro ake i te au rara mamaata
 ale ra, ii akera tona mimiti i runga i
 taua ale ra, tautau ua iora aia i rotopu
 ko te rangi i runga e te one i raro ;
 aere ke atura taua mule i raro ake
- 10 iaia ra. Kua kite maira tetai tangata
 e kua akakite ia Ioaba, kua tuatua
 maira, I na, kua kite au ia Abasaloma
 i te tautau ua anga i runga i tetai ale
- 11 ra. Kua karanga aturā Ioaba ki taua
 tangata i tuatua mai kiaia ra, I na oki
 koe, kua kite, eaa i kore ei koe i ta

atu ei iaia i reira ki raro i te one?
 Kua oronga atu ia au i nga *sekela* ario
 raungauru naau i reira, e tetai tatua.
 Kua tuatua maira taua tangata ra kia 12
 Ioaba, Rauka ua iaku te au *sekela* ario
 e kia okotai ua atu i te tausani ki roto
 i toku nei rima, kare au e tuku i toku
 rima e rave ua atu i te tamaiti a te
 ariki ra, kua rongo oki matou i te
 ariki i te ikuiku anga mai ia koe, e
 ia Abisai, e ia Itai, i te karanga anga
 mai e, Kia matakite, auraka tetai e
 rave kino i taua tangata ou ra ia Aba-
 saloma. Naringa au i akapera i te 13
 pikikaa ra, ko au uorai ia tutaki:
 kare rave e mea ngaro i te ariki, e riro
 katoa oki koe orai i te rave katoa mai
iaku. Kua karanga aturā Ioaba, Kua 14
 oti ua au i te tavare ia koe na. Kua
 rave iora i nga tao e toru i tona rima,
 kua ko atura na roto i te ngakau o
 Abasaloma, te ora ua ra aia i roto i
 taua ale ra. Kua akapini ua maira 15
 nga tangata tino ngauru ko tei apai i
 te taoonga *tamaki* a Ioaba ra, kua ta
 iora ia Abasaloma e mate atura.

Kua akatangi iorā Ioaba i te pu, 16
 kua oki maira te au tangata kare akera
 i arumaki ia Iseraela: kua tāpu oki a
 Ioaba i te au tangata ra. Kua rave 17
 iora ratou ia Abasaloma, e kua uri
 atura ki roto i tetai vaarua maata i
 roto i taua vaorakau ra; e kua uri
 akera i te au toka ki rungao iaia e
 utua maata ua atu; ati anake iora Ise-
 raela ki te puakapa, ki tonao, ki tonao.

I rave anā Abasaloma, i tona ora anga 18
 ra, e kua akatu i tetai menema nona,
 tei te ngai mataataa a te ariki ra; kua
 tuatua akera oki aia, Kare oki aku e
 tamaiti ei akamou i toku nei ingoa:
 tapaia iora taua menema ra i tona
 uorai ingoa: te tuatuaia nei oki i
 teianei rā, Ko te menema o Abasa-
 loma ra.

Kua tuatua mairā Ahimaaza te ta- 19
 maiti a Zadoka ra, E tuku ake koe
 iaku, e oro ana au, e apai i te tuatua ki
 te ariki ra, e kua tutaki mai a Iehova
 i tona au enemi. Kua karanga aturā 20
 Ioaba kiaia, Auraka koe e apai i te
 tuatua i teianei rā, kia tae ra ki tetai
 rā e tika ia kia apai i te tuatua: auraka
 ra koe e apai i te tuatua i teianei rā,
 no te mea kua mate te tamaiti a te
 ariki ra. Kua karanga aturā Ioaba 21
 kia Kusi, Ka aere, ka akakite atu ki
 te ariki i taau i kite ra. Kua tupou
 iorā Kusi ki raro ki mua ia Ioaba, e
 kua oro iora. Kua tuatua akaou mairā 22
 Ahimaaza te tamaiti a Zadoka kia Ioa-
 ba, E tuku ua ana koe iaku, e aru ana

au ia Kusi, e akatika mai koe. Kua
 karanga aturā Ioaba, E oro oki koe i
 te aa, e taku tamaiti, kare oki aau e
 23 tuatua i rauka? E tuku ua ra koe
 iaku, e oro ana au. Kua karanga
 atura aia, Ka oro. Kua oro a Ahima-
 aza na te ngai mataataa, e kua emo
 iorā Kusi iaia.

24 Te noo ua rā Davida i rotopu i nga
 pa e rua ra: tei rungao te tiaki ra i te
 patu tei taua pa ra i runga akera: kua
 nānā akera tona mata, kua akara iora,
 e i na, e tangata te oro ua maira.

25 Kua kapiki atura te tiaki, kua akakite
 ki te ariki. Kua tuatua maira te ariki,
 Keia anake ua ra, e tuatua ia tei tona
 vaa. Te ngakoiko maira taua tangata

26 ra, e vaitata rave maira. Kua akara
 iora te tiaki i tetai tangata te oro
 maira; kua kapiki atura te tiaki ki
 te tiaki pa, kua karanga atura, I na,
 te oro ua maira tetai. E kua tuatua
 maira te ariki, E tuatua katoa ia tei

27 iaia. Kua karanga akaou atura taua
 tiaki ra, Te manako nei au, ko te oro
 o te tangata i mua ra, e tau ia ki te
 oro o Ahimaaza, te tamaiti a Zadoka
 ra. Kua tuatua maira te ariki, E tan-
 gata meitaki ia, te apai maira i te
 tuatua meitaki.

28 Kua kapiki aturā Ahimaaza, e kua
 karanga atura ki te ariki, Kua au!
 Kua tipapa iora ki raro i te one ki mua
 i te ariki, kua karanga atura, Kia aka-
 meitakia to Atua ra ko Iehova, ko tei
 tuku mai i te au tangata i akateitei i
 to ratou rima i taku pu i te ariki ra.

29 Kua tuatua maira te ariki, Te ora ra
 te tangata ou ra ko Abasaloma? Kua
 karanga aturā Ahimaaza, Ka tono mai
 ei a Ioaba i tetai tavini o te ariki ra e
iaku oki to tavini nei, kite atura au e
 keukeu maata, kare ra au i kite e eaa
 30 ra. Kua tuatua maira te ariki, E ta-
 pae ake, e tu ua io na. Kua tapae
 akera aia, kua tu ua iora i reira.

31 E i na, kua tae mairā Kusi; kua
 tuatua mairā Kusi, E tuatua teia, e
 taku pu e te ariki e; kua tutaki mai
 oki a Iehova ia koe i teianei rā i te
 aronga katoa i tu mai e tamaki ia koe

32 ra. Kua karanga atura te ariki kia
 Kusi, Te ora ra te tangata ou ra ko
 Abasaloma ra? Kua tuatua mairā
 Kusi, Kia riro ua atu te au enemi o
 taku pu o te ariki, e te aronga katoa e
 tu mai e rave kino ia koe, mei taua

33 tangata ou ra te tu. Kua tumatetenga
 iora te ariki, e kua aere atura ki runga
 i te pia i runga i te ngutupa ra, aue
 iora: kua tuatua ua iora i te aere ua
 anga, Aue koe, e taku tamaiti, e Abasa-

Ioana e! e taku tamaiti, e taku tamaiti, e Abasaloma e! naringa ko au tei mate ei tupau ia koe, e Abasaloma, e taku tamaiti, e taku tamaiti e!

PENE XIX.

Te akakore nei a Ioaba i te aue o Davida: te akaoki ra te au tangatu i te ariki ki Ieruselema.

E KUA akakiteia aturā Ioaba, I na, 1
te aue ra te ariki, te eva ra ia 2
Abasaloma. E kua akarioria taua ora 3
no ratou i taua rā ra ei aue anga no te 4
tangata katoa: rongo akera oki te au 5
tangata i taua rā ra e, te aue ra te 6
ariki i te tamaiti nana ra. Kua aere 7
keia ua atura te au tangata i taua rā ra 8
ki roto i te oire, mei te tangata e oro i 9
te akama kia ati i te tamaki ra. E 10
kua puroku te ariki i tona mata, e kua 11
kakaao ua iorate ariki ma te reo maata, 12
E taku tamaiti e, e Abasaloma e! e 13
Abasaloma e! e taku tamaiti, e taku 14
tamaiti! Kua aere aturā Ioaba ki roto 15
i te are o te ariki ra, e kua karanga 16
atura, Kua akama to au tavini ravarai 17
ia koe i teianeī rā, ko tei akaora io nei ia 18
koe, e to au tamaroa, e to au tamaine, 19
e to au vaine, e to au palake; Ko koe kare 20
inangaro atu i toou au taunga, i anoano 21
atura koe i to au enemi; kua akakite 22
pu mai oki koe i teianci rā, e kare koe 23
i akono mai i te aronga mamaata ia 24
koe nei, e te au tavini; kua kite oki 25
au i teianci rā, naringa te ora nei a 26
Abasaloma, e ko matou nei tei mate 27
i teianci rā, e mea tika ia ia koe. E 28
teianci, ka tu ki runga, ka aere ki vao, 29
ka akapapa i te ngakau o to au tavini: 30
te taputou nei oki au ia Iehova e, kia 31
kore koe e tae ki vao ra, kare rava tetai 32
tangata e toe ia koe i teianci po; e kino 33
maata oki te reira ia koe i te au mea 34
katoa i rokoia'i koe ra, mei to mea 35
ngiti anga mai e teia noa'i. Kua tu 36
maira te ariki kua noo maira i te ngu- 37
tupa. E akakiteia atura te au tangata 38
katoa e, i na, te noo maira te ariki i te 39
ngutupa. Kua aere maira te tangata 40
ravarai ki mua i te ariki; kua ati 41
anake oki Iseracla ki tona are, ki tona 42
are.

Kua tauctono iora te au tangata 1
katoa i te au kopu katoa i Iseracla, 2
na ko akera, I akaora io nei oki 3
te ariki ia tatou i te rima o to tatou 4
au enemi, e nana oki tatou i akaora 5
i te rima o te Philiseti; e teianci, 6
kua oro ke aia i te enua nei ia Abasalo- 7
ma. E ko Abasaloma ra oki, ko tei 8
akatainuia ia e tatou no runga ia tatou 9
321

nei, kua mate ia i te tamaki. E tei-
aneī, eaa i kore ei kotou e tuatua i te
ariki e akaoki mai?

- 11 Kua tono akera te ariki ra ko Davida
i te karere ki nga taunga ra kia Zadoka
raua ko Abiatara ra, i te tuatua anga e,
E karanga atu ki te aronga pakari i
Iuda ra, na ko atura, Eaa kotou i taope
ei i te akaoki anga mai i te ariki ki tona
are? ko tei tae rava akenei te tuatua a
Iseracla katoa ki te ariki, ki tona are
- 12 ra. Ko toku ra oki ai taeake, ko
kotou ia, ko toku ia ivi, ko toku ia
kiko: eaa oki kotou i taope ei i te aka-
- 13 oki mai i te ariki ra? E karanga katoa
atu kia Amasa, Ko toku ia ivi, e ko
toku ia kiko, ko koe: kia pera mairai
te Atua kiaku nei, e kia maata mairai,
kia kore koe e akarioria ei kapena no
te nuku i mua i toku aroaro, ei tupau
- 14 ake ia Ioaba, e tuatau ua atu. Kiro
maira te ngakau o te ngati Iuda ravarai
mei te ngakau o te tangata okotai ra:
i tono ei ratou i te karere ki te ariki ra,
i tuatua'i e, E oki mai koe e to au
- 15 tavini katoa ra. Kua oki maira te
ariki, e kua tae ki Ioridana. E kua
aere maira Iuda ki Gilagala, kia aere e
aravei i te ariki ra, e arataki i te ariki
ki tera pae Ioridana.
- 16 E ko Sime i te tamaiti a Gera, e ngati
Beniamina i Bahurima, aere viviki atura
aia, e to Iuda katoa ra, kia aravei i te
- 17 ariki ra ia Davida. E to Beniamina
okotai tausani katoa: e ko, Ziba, e tavini
no te ngutuare o Saula, e ana au
tamariki okotai ngauru ma rima ra, e
te au tavini tai takau ra; e kua na
mua ratou i te ariki ra i te aere na
- 18 runga i te vai ra ko Ioridana. I oia
oki tetai vaka ei apai i te ngutuare o
te ariki, e te rave oki i ta te ariki e
anoano ra. E tipapa iorā Sime i te
tamaiti a Gera ki mua i te aroaro o te
ariki ra, iaia i tae mai ki tetai pae
- 19 Ioridana; E kua tuatua maira aia ki
te ariki, Auraka taku pu e uri mai i
taku ara ki runga iaku nei, auraka oki
koe e manako i tei rave māroia e to
tavini nei, i te rā ka riro mai ei taku pu
ra te ariki nei, mei Ieruselema maira,
kia akono te ariki i te reira i tona nga-
- 20 kau. Kua kite oki to tavini nei e kua
ara au: e i na, i teianeī, ko au to te
ngutuare katoa o Iosepha i na mua mai
i teianeī rā kia aravei atu i taku pu i te
- 21 ariki ra. Kua tuatua maira te tamaiti
a Zeruia ra ko Abisai, na ko maira,
Aurakā Sime i kia taia i taua mea nei,
koia i akakino i tei akatainuia e Iehova
- 22 ra? Kua karanga aturā Davida, Eaa
atu au ia kotou, e te au tamariki a
Y

Zeruia, kia riro mai oki kotou ei enemi noku i teianei rā? E mate ainei oki tetai tangata i Iseraela i teianei rā? Kare ainei tei kite au e ko au te ariki i rungao ia Iseraela i teianei rā? Kua 23 karanga atura te ariki kia Simeī i reira, Kare koe e mate. Kua taputou atura te ariki kiaia.

Kua aere maira te utaro o Saula ra, 24 ko Mephiboseta, kia aravei i te ariki ra; kare rai i rapakau i tona vaevae, kare oki aia i akamanea i tona kumikumi, kare oki i tatā i ona kakau, mei te rā mai i riro ei te ariki ra, e tae ua akera ki te rā i oki mai ei ma te au. Iaiaoki i aere mai ki Ierusalemā, e aravei 25 i te ariki ra, kua karanga atura te ariki kiaia, Eaa i kore ei koe i aru mai iaku ra, e Mephiboseta? Kua tuatua maira 26 aia, E taku pu e te ariki, kua pikikania au e taku tavini nei: kua karanga oki to tavini e, Ka akautā ana i tetai noo-anga noku ki runga i te asini ei noo anga noku, e aere au ki te ariki ra; no te mea e pirikoki to tavini nei. Kua 27 tapepe pikikaa ra aia i to tavini kia koe, e taku pu e te ariki: e tau ra taku pu i te ariki ra, ki tetai angela a te Atua, e tenana, e rave koe i tauu e inangaro ra. No te mate anake to te ngutuare katoa 28 o toku tupuna ki mua ia koe, e taku pu e te ariki: e kua akanoo oki koe i to tavini nei i rotapu katoa i te aronga i kai i tauu orai kaingakai. E tika aina oki iaku kia karanga akaou atu rai au ki te ariki? Kua karanga atura te 29 ariki kiaia, Eaa oki koe i tuatua akaou mai ei i tauu tuatua? Teia taku tuatua, E rave korua ko Ziba e tua i taua kainga ra. Kua tuatua mairā Mephi- 30 boseta ki te ariki, E rave katoatoa atu aia, i na, kua tae mai taku pu te ariki ki tona orai ngutuare ma te au.

E kua aere mairā Barezilai i Gilcada 31 mei Rogelima mai, e aere katoa raua ma te ariki ki tetai pae Ioridana, kua arataki atura iaia ki tetai pae Ioridana. Kua ruaine rava rā Barezilai, kua tae 32 ki te varu o te ngauru anga o te mataiti: i angai va ana aia i te ariki iaia i noo i Mahanaima; e tangata taoiaua oki aia. Kua karanga atura te ariki kia Barezilai, 33 Taki aere katoa taua, e naku koe e angai i Ierusalemā. Kua tuatua mairā Ba- 34 rezilai ki te ariki, Mei te aa ra te roa o toku nei a'o, ka tae katoa atu ei taua ko te ariki ki Ierusalemā. Kua tae au 35 ki te varu ngauru anga o toku nei mataiti i teianei rā: e kite ainei au i te meitaki e te kino? e kite ainei oki to tavini i taku e kai nei e taku e inu nei?

e tika aina oki au kia akarongo i to imene tane e te imene vaine? Eaa e tika i kia riro rai to tavini ei teiaa ki 36 taku pu ki te ariki? E aere katoa to tavini ma te ariki i tetai ngai iti ki tetai pae Ioridana: e caa te ariki e tu- taki mai ei iaku ki tenana tutaki? 37 Teia taku tuatua kia koe, ka taku koe i to tavini, kia oki ua ana, kia mate atu au i toku uaorai oire, i vaiatao i te tanumanga o toku metua tane e toku metua vaine ra. Ka akara ana rai to tavini ia Kimihama; koia te ka aere atu i to tere, e taku pu e te ariki; ka 38 rave ei koe i tauu e inangaro iaia. Kua karanga atura te ariki, Ko Kimihama te ka aere ko maua katoa, e ko tauu e anoano ra, ko taku ia e rave iaia: e ko tauu e anoano iaku nei, ko taku ia e 39 rave ia koe na. Kua aere te tangata katoatoa ki tetai pae i Ioridana. E tae atura te ariki ki tetai pae, kua ongi akera te ariki ia Barezilai, e kua akaora atura iaia; oki iora aia ki tona ngai. 40 Riro atura te ariki ki Gilagala, e Kimihama katoa i te aere katoa anga: e to Iuda katoa i te arataki anga i te ariki, e ko tetai pae o to Iseraela katoa.

E i na, kua aere maira to Iseraela ravarai ki te ariki ra, e kua tuatua maira ki te ariki, Eaa ra to matou ai taeake ko to Iuda nei i rave keia ua mai ei ia koe, e kua arataki mai i te ariki e tona ngutuare, e te au tangata katoa i o 42 Davida ki teia pae Ioridana? Kua karanga atura to Iuda katoa ra ki to Iseraela, No te mea e piri maata to te ariki ia matou nei: eaa oki kotou i riri ei i te reira? I kai ana ainei oki matou i ta te ariki *kai*, e e apinga ainei tana i 43 o mai na matou nei? Kua tuatua maira to Iseraela ki to Iuda, na ko maira, Okotai ngauru matou i te piringa atu i te ariki, e *piri* maata to matou ia Davida i to kotou: eaa iora oki kotou i akavaavaa mai ei ia matou nei, kare akera i akauiteite katoa ana i te tuatua ia matou nei e akaoki mai i to tatou ariki? E viviki maata ra to te tuatua a to Iuda ki ta to Iseraela.

PENE XX.

Te kaitamaki rā Seba ia Davida. Ko Amasa i te taingaia e Ioaba: kua tipuia te mimiti o Seba ra.

1 **T**EI reira tetai tangata kanga, ko Seba te ingoa, e tamaiti aia na Bikeri, e ngati Beniamina: kua akatangī iora aia i te pu, e kua tuatua akera, Kare a tatou tuanga ia Davida, kare a tatou puapunga i te tamaiti a

Iese: ei te puakapa, e Iseraela e. Kua akaruke maira to Iseraela katoa ia Davida, e kua aru atura ia Seba te tamaiti a Bikeri ra: kua piri maira to Iuda ki to ratou ariki: mei Ioridana mai e tac rava atura ki Ierusalemā.

Tae aturā Davida ki tona ngutuare i Ierusalemā, kua rave iora te ariki i nga palake tino ngauru, tana i vaoo ei tiaki i te are, kua tuku iora ia ratou ki roto i te are tapekānga, e kua angai atura *ki te kai*, kare ra i aere atu ki roto kia ratou. Popaniia iora ratou, e kua noo takaua iora ratou, e tac ua atura ki te rā i mate ei ra.

Kua karanga atura te ariki kia Amasa, E akaputuputu mai koe i to Iuda i eianeī puke rā e toru nei, e ei ko nei katoa oki koe. Kua aere aturā Amasa e akaputuputu mai i to Iuda; roa atura aia, kare akera i akono i nga rā i akakiteia atu kiaia ra. Kua karanga aturā Davida kia Abisai, I teianci, ka maata ta Seba te tamaiti a Bikeri kino e rave ia tatou i ta Abasalomā: i teianeī, ka rave koe i te au tavini o to pu nei, e arumaki atu, ko te rauka aca te oire patuia ra iaia, ko te ora atu. Kua aru atura to Ioaba au tangata iaia, e te Kereti, e te Peleti, e te aronga toa katoa ra; riro atura ratou mei Ierusalemā atu, e aruaru ia Seba, te tamaiti a Bikeri ra.

E tae atura ratou ki te toka maata i Gibeona ra, kua aere iorā Amasa na mua ia ratou. I tatuania te kakau i akakakauia e Ioaba ra i tetai tatua, tei reira tetai koke te akautā uaia ra ki te kōkōno i te vai ra, e te aere ua ra aia kua akatopa ua atura aia i taua *vai* ra. Kua karanga aturā Ioaba kia Amasa, Te ora ra koe, e taku teina? Kua rave akera to Ioaba rima katau i te kumikumi o Amasa e ongi iaia. Kare akerā Amasa i kite i te koke i to roto i tetai rima o Ioaba; kua puta iora aia ia *Ioaba* i taua *koke* ra i te iō kōkōno ra, topa iora te ngakau ki raro i te one, kare akera i *ko* akaou; mate rava akera aia.

Kua aruaru aturā Ioaba, raua ko tona taeake ko Abisai, ia Seba te tamaiti a Bikeri ra. Kua tu ua iora tetai tangata o Ioaba i vaiata iaia, e kua karanga atura, Ko tei akatika ia Ioaba, e ko tei anoano ia Davida ra, *ka aru* aia ia Ioaba. Te takaviriviri rā Amasa i to roto i tona uarai toto i te pne arataa ra. I akara ra taua tangata ra e, kua tu ua i te au tangata ravarai ra, e rave akera aia ia Amasa, e apai atura ki roto i te kainga, akaruke iora taua arataa

ra, e kua tapoki atura iaia ki tetai kakau, te akara atura oki aia e, kia tac te au tangata katoa kiaia ra, kua tu anake iora. E kia apai keia atura aia i te arataa ra, kua aere iora te au tangata ravarai i te aru anga atu ia Ioaba, e te arumaki anga atu ia Seba te tamaiti a Bikeri ra. Aere ua aturā *Seba* na roto i te au kopu ravarai o Iseraela, e tac ua atura ki Abela-bete-maaka, e ki to Beerota katoa: e kua akaputuputua ratou, e kua aru atura iaia ra.

Kua aere maira ratou, e kua akapini iaia i Abela-bete-maaka, e kua akāu iora ratou i te one i taua oire ra, i mua mai i te patu i vao ra: kua tutuki iora te au tangata ravarai o Ioaba i taua patu ra kia ngaangaa atu ki raro.

Kua kapiki ua maira tetai vaine pakari no roto i taua oire ra i reira, Ka akarongo mai ana, ka akarongo mai ana; teia taku tuatua kia kotou, e karanga atu ana kia Ioaba, e aere mai aia ki ko nei,

kia karanga atu ua kiaia ra. E vaiata maira aia kiaia, kua karanga atura taua vaine ra, Ko Ioaba ainei koe? Kua tuatua maira aia, Ko au ia. Kua karanga atura aia kiaia, Ka akarongo mai na i te tuatua a to tavini vaine nei. Kua tuatua maira aia, Te akarongo nei au. Kua karanga atura aia, na ko atura, Matau oki ratou i te tuatua i muatangana, i te na ko e, E u meitaki ana i Abela; ka akaoti atu ei.

Te noo ua nei au ma te au e te akono meitaki i Iseraela nei, e te kimi mai nei koe i te oire, e tetai metua vaine i Iseraela nei, e ta; caa koe e apuku ei

i te tuanga a Iehova? Kua tuatua mairā Ioaba, na ko maira, Auraka, auraka au kia pera, kia apuku au i

teianeī oire e kia pou. Kare ia tena: ko tetai tangata no te maunga ra ko Epheraima, ko te tamaiti a Bikeri, ko Seba tona ingoa, kua akateitei iō nei i tona rima i te ariki nei ia Davida: koia anake te tuku mai, e aere ke ia au i te oire nei. Kua karanga atura taua vaine ra kia Ioaba, I na, ka tiria mai te mimiti o taua tangata ra ki ko nei kia koe nei na runga i te patu nei.

Aere atura taua vaine ra ma tona pakari ki te tangata ravarai; e tipuia iora te mimiti o Seba te tamaiti a Bikeri e ratou, e kua titiri atura ki vao mai kia Ioaba ra. Kua akatangī iora aia i te pu, kua akaruke maira te tangata ravarai i taua oire ra, aere atura ki te ngutuare tikai. Kua oki iorā Ioaba ki Ierusalemā ki te ariki ra.

Tei rungā Ioaba i te nuku katoa o

Iseraela: e ko Benaia te tamaiti a Iehoiada tei runga ia i te Kereti, e tei runga i te Peleti: E ko Adorama tei 24 runga ia i te apinga uipa: e ko Iehosaphata te tamaiti a Ahiluda, ko te akakite tuatua ia: E ko Seva, ko te tata 25 tuatua ia: e ko Zadoka e ko Abiatarā, ko nga taunga ia: E ko Ira katoa i 26 lairi, e tangata maata ia i o Davida ra.

PENE XXI.

No te onge maata ra i akaoko ei to Gibeona: te au ivi o Saula e to tana au tamariki i te tanu angaia: te ngati Rephai oki kua mate.

E ONGE tei taua tuatau ia Davida 1 ra, tera mataiti, tera mataiti, ka toru akera mataiti; kua ui aturā Davida kia Iehova. Kua tuatua mairā Iehova, No Saula, e tona ngutuare ta tangata, koia i ta i to Gibeona ra. Kua 2 tiki atura te ariki ra i to Gibeona, e kua karanga atura kia ratou; (kare oki to Gibeona i te tamariki a Iseraela, e toenga ra no te ngati Amori; kua taputou oki te tamariki a Iseraela kia ratou e, ka akaora: ko Saula ra no tona maroiroi i te tamariki a Iseraela e ta Iuda, kua kimi atura aia ia ratou e ta.) Kua karanga aturā Davida ki 3 to Gibeona, E akapea atu au kia kotou? e eaa te tapokiangaara, kia akameitaki mai kotou i te tuanga a Iehova nei? Kua tuatua maira to Gibeona 4 kiaia, Kare matou e rave i te ario e te auro a Saula, e no tona ngutuare; e auraka rava tetai tangata o Iseraela nei kia mate ia koe ia matou nei. Kua karanga atura aia, Ko ta kotou e tuatua maira, ko taku ia e rave. Kua 5 tuatua maira ratou ki te ariki, Ko te tangata i umuunu ia matou kia pou ra, ko tei kimi ia matou kia pou rava i te taia i te au tapere katoa i Iseraela nei, Ko nga tamariki ra nana kia tokoiu ake te tuku mai kia matou nei, kia riia e matou ki mua ia Iehova i Gibe i o Saula ra, ta Iehova i iki ra. Kua karanga atura te ariki, Naku e tuku atu.

Kareka ko Mephiboseta, te tamaiti a Ionatana, te tamaiti a Saula ra, i vaoia ia e te ariki; no te taputou a Davida ia Ionatana te tamaiti a Saula ia Iehova ra. Kua rave atura te ariki i nga tamariki tamaroa a Rizepa i te tamaine a Aia ra, toko rua tana i anau ia Saula ra, ko Aramoni raua ko Mephiboseta; e nga tamariki tamaroa toko rima a te tuaine o Mikala te tamaine a Saula, tana i anau ia Aderiela te tamaiti a Barezilai i Mehoolati ra: Kua tuku 9

atura aia ia ratou ki te rima o to Gibeona, e kua ri atura ratou ia ratou ki runga i te tuavi ki mua i te aroaro o Iehova: mate iora ra ratou toko itu katoa, i te tuatua akaū te mate anga, i nga rā mua o te akaū kerite.

- 10 Kua rave akera te tamaine a Aia ra ko Rizepa i te kakau paoa, kua totoa iora nona uorai ki runga i te mato ra, mei tei muatangana mai o taua tuatau mou ra e tae ua atura ki te topa anga mai o te ua no te rangi mai ki runga ia ratou, kare rava e manu i to mai ki runga ia ratou i te ao, e kare 11 oki e terio o te ngangere i te po. E kua akakiteia akera kia Davida i ta Rizepa i rave, ta te tamaine a Aia, te 12 palake a Saula ra. E kua aere aturā Davida, e kua rave maira i te au ivi o Saula, e te au ivi o tana tamaiti ra ko Ionatana, i te au tangata o labesa-gileada, ko tei keiaia e ratou i te mataara i Bete-sani, ka akautaiā i te Philiseti ra, ka ta ai te Philiseti ia Saula i Gila- 13 boa ra: Kua apai maira aia i te au ivi o Saula, e te au ivi o tana tamaiti ra ko Ionatana; e kua akaputuputu katoa maira ratou i te au ivi o nga ta- 14 ngata i riia ra. Kua tanu iora ratou i te au ivi o Saula, e to te tamaiti to Ionatana, i te tapere ra ko Beniamina i Zela ra, i te tanumanga o tona metua ra o Kisa: e ko te au mea katoa ta te ariki i ikuiku maira, ko ta ratou ia i rave. E i muri ake i te reira, akarongoia maira ratou e te Atua i taua enua ra.
- 15 Te tamaki akaou maira te Philiseti ia Iseraela; aere aturā Davida ki raro, e tona katoa au tangata, e kua tamaki atura i te Philiseti: kua paruparu oki 16 a Davida. E ko Isebi-benoba, e ngati Rephai, e toru anere sekela te vao o tana korare i te teimaa, e kua tatuaia aia ki te koke ou, kua manako aia e ta 17 ia Davida ra. I turuia maira aia e te tamaiti a Zeruia e Abisai, e kua ta atura aia i taua Philiseti ra, e mate rava akera. Kua taputou atura te au tangata o Davida kiaia, na ko atura, Kua 18 oti ua taua i te aru mai ia matou nei i te tamaki, ko te mate aea ia koe te lampea a Iseraela.
- 18 E i muri akera, kua tamaki akaou maira te Philiseti i Goba: mate iorā Sapha ia Sibeai i Husa, e ngati Rephai. Kua tupu akaou iora te tamaki i te Philiseti rai i Goba, mate iora te taeake o Golia i Gata ra ia Elihanana te tamaiti a Iaira-oregima i Betelehema, e tau tana korare ki te rakau maata a te raranga kakau ra.

E kua tupu akaou rai te tamaki i 20
Gata, tei reira tetai tangata roa, e ono
ona maikao i te rima okotai, e ono oki
maikao i te vaevae okotai, tai takau ma
a; e ngati Rephai katoa oki aia. E kia 21
akakino maira aia ia Iseraela, mate
iora ia ia Ionatana te tamaiti a Simea,
e tacake no Davida. Ko eianei puke 22
tangata toko a ta taua ngati Rephai
ianau i Gata ra; e kua mate i te rima
o Davida, e te rima o tona au ta-
vini ra.

PENE XXII.

*E salamo akameitaki i te Atua i te ora
i orongaia mai e ia.*

KUA karanga aturā Davida kia 1
Iehova i te au tuatua o teianci
imene, i te rā i akaoraia i aia e Iehova
i te rima o tona katoa ra au enemi, e te
rima o Saula: Kua karanga atura aia, 2
Ko Iehova taku mato, e taku punanga,
e toku nei ora: Ko te Atua o toku
mato, koia taku ka irinaki atu: taku 3
paruru, e te tara o toku ora, toku are
teitei, e toku pinanga, toku ora: te
akaora nei koe iaku i te takinga-kino.
E kapiki au ia Iehova, e tau iaia kia 4
akameitakiia; e ka ora iora au i toku
au enemi.

Kua akapiniia au e te ngaru o te 5
mate, matakua rava akera au i te vai
puke o te paieti kore ra; Kua aka- 6
piniia au ki te taura o ade ra; kua
tukuia te maunu o te mate iaku: Kua 7
kapiki au ia Iehova i toku tumate-
tenga ra; kua tautopa au ki taku
Atua: e kua akarongo aia i toku reo
i tona nao ra, kua *taerava* toku aue ki
roto i tona taringa.

Kua ngaueue iora te enua, e kua 8
ruteitete; kua keukeu iora te anumu
o te rangi, e kua ngaueue, no te mea
kua riri aia. Kua peke akera te auai 9
no roto i tona putaiu, e te ai kakai
ra no roto i tona vaa; kua ka iora te
ngarau ai i te reira. Kua tuku akaaka 10
katoa mai aia i te rangi, e kua eke
maira; e poiiri pangopango tei raro ake
i tona vaevae.

Kua noo aia ki runga i te kerubi, e 11
kua rere: kua kitea aia ki runga i te
peau o te matangi. Kua akapini aia 12
iaia uarai ki te poiiri, ko tona ia noo-
anga, ko te vai poiiri, e te tumurangi
patapatatue o te rangi ra. No te 13
kakā o tona aroaro, ka atura te ngarau
ai ra.

Kua tuku mairā Iehova i te mangu- 14
ngu i runga i te rangi ra, kua akakite
maira tei Teitei i tona reo. Kua akai- 15

nana iora aia i tana kakao e akapueu-
rikiriki ke ia ratou; te uira, ati atura
16 ratou. Kua kitea iora te papa o te
moana i reira, kua kitea iora te au
tumu o te enua, i te akamura anga
mai o Iehova, i te aruru anga i te a'o o
tona riri.

17 Kua itac maira aia i tona rima mei
runga mai, kua rave maira iaku; kua
toto maira iaku no raro i te au vai ma-
18 ata ra. Kua akaora akera aia iaku i
toku enemi ririnui ra, i tei makitakita
mai iaku ra; no te mea e ririnui to
19 ratou i toku. Kua rokoia putia au e
ratou i te rā i tumatetenga i au ra; ko
Iehova ra toku turu.

20 Kua apai katoa aia iaku ki te ngai
atea; kua akaora aia iaku, no te mea
21 te mataora maira aia iaku. Kua tu-
taki mairā Iehova iaku i tei tau i taku
tuatua-tika: kua nite i te viivii kore
o toku rima tana tutaki anga mai iaku:
22 No te mea kua akono au i te au arataa
o Iehova, e kare rai au i akaruke kino
ua i taku Atua.

23 No te mea tei mua tana katoa ra au
tuatua-tau iaku; e tana au ture, kare
24 rai au i akaruke i te reira; E tiratira-
tu katoa toku ki mua iaia, e kua tiaki
25 au iaku orai i toku kino: Kua tutaki
mai a Iehova iaku i tei tau ki te
tuatua-tika naku ra; ko tei tau ki
te viivii kore noku i mua i tona
aroaro.

26 I te tangata e aroa ua ra, e aroa ua
katoa koe: e te tangata tiratiratu ra,
27 e tiratiratu katoa tauu. I te tangata e
viivii kore ra, e viivii kore katoa tauu;
kareka te tangata ketaketa ra, e riro
28 katoa koe i te māro. Ko te aronga i
tairoia ra e akaoraia ia e koe ra: tei
runga ra oou mata i te aronga nengo-
nengo ra, kia tukuia ia e koe ki raro.

29 Ko koe rai, e Iehova, toku nei lame-
pa: e akamārama mai oki a Iehova i
30 toku nei poiiri. Ia koe rai i mama atu
ei au na roto i te takanava toa ra; kua
31 taea te patu e au i taku Atua. Ko te
Atua ra, kua tika rava tona aerenga;
e tuatua timata uaia ta Iehova: ko te
paruru aia ki te aronga katoa e irinaki
iaia ra.

32 Koai tikai te Atua mari ra ko Ie-
hova? koai oki te mato mari ra ko to
33 tatou Atua? Ko te Atua toku ririnui,
e toku mana: ko tei akatikaoru ua i
34 toku arataa. Te akaaita nei aia i toku
vaevae nei ki to te aili; e te aka-
tinamou nei aia i toku turanga i te ngai
teitei.

35 Te apii nei aia i toku rima i te ta-
maki: kua aatia e oku nei rima te

ana vao ra. Kua oronga katoa mai 36
koe kiaku i te paruru ora naau: e na
toou maru i maata'i au. Kua akaatea 37
koe i toku takainga vaevae i raro ake
iaku; kia kore oku vaevae e paeke.

I aruaru atura au i toku au enemi, e 38
kua pou ratou iaku; e kare au i oki, e
ope akera ratou i te pou. Kua pou 39
ratou iaku, e kua taia ratou, e kare
rava akera ratou i tu mai ki runga:
kua topa oki ratou ki raro ake i toku
vaevae. Naau oki au i tatua ki te ma- 40
roiroid i te tamaki: e te aronga i tu ki
runga iaku nei, kua tuku akaaka koe ki
raro ake iaku.

E kua oronga mai oki koe i te kaki 41
o toku au enemi; kia pou iaku tei ma-
kitakita mai iaku ra. Kua akara ra- 42
tou, e kare e ora; kua akara ia Iehova,
e kare aia i ki mai. Pūpū atura 43
au ia ratou, e ungaungātiti rava akera,
mei te one-pueu ra; e takatakaiia e au
mei te vari i te arataa ra, e kua oora
atura ia ratou.

I te karo anga o toku au tangata, 44
kua akaora mai koe iaku, e kua tukua
au e koe ki runga i te au etene; ko te
aronga kare i kitea e au ra, ka tavini
ia iaku. Te pa enua ke ke ra, ka ta- 45
tomō ia kiaku: tei te kite anga mai
iaku ra, ka akarongo mai ratou iaku.
Te pa enua ke ke ra, ka mae ia, e ka 46
matakū ratou i roto i to ratou au pu-
nanga ra.

Te ora rā Iehova! e kia akamei- 47
takiia taua Mato noku ra! e kia
akateiteia te Atua o te mato e ora'i au
ra! Ko te Atua ko tei akaako mai 48
iaku ra, ko te tuku akaaka mai i te
tangata ki raro ake iaku ra, I te ara- 49
taki anga iaku i toku au enemi ra: e
kua akateitei koe iaku i runga ravao i
tei mōro mai iaku; kua akaora koe
iaku i te tangata rotoriri ra. E tei- 50
anci e akameitaki au ia koe, e Iehova,
i rotopu i te au etene ra, e imene aka-
papaai rai au i toou ingoa. Koia e 51
punanga ora i tona ariki; e te akakite
maira i te aroa ki tei akamainuia e aia,
kia Davida, e tona uanga, e tuatau ua
atu.

PENE XXIII.

*Te au tuatua openga, e te imene
openga, i talaia e Davida: te au
ingoa o to Davida au toa nunui.*

TEIA nga tuatua openga a Da- 1
vida.

Ta te tamaiti a Iese ta Davida i tua-
tua; ta te tangata i akateitei ravaia:
tei akatainua e te Atua o Iakoba; te

atu salamo mataora a Iseraela ra i tua-
tua: Te tuatua nei te Vaerua o Iehova
iaku nei, e tei toku vaa nei tana tuatua.
3 Kua tuatua mai te Atua o Iseraela
kiaku nei, ko te Mato o Iseraela tei
tuatua mai,

Ei tuatua-tika ta te tutara ki ru-
ngao i te tangata nei, ko te ka tutara
ma te matakū i te Atua ra: Mei te mā-
rama popongi kia iti te rā ra; mei te
popongi tumurangi kore, e te rangi ma-
kemake ra; mei te rakau rikiriki e tupu
no roto i te enua ra, i muri ake i te ua
5 ra. Kore uorai mei te reira toku nei
ngutuare ki mua i te Atua ra; kua
akaaiteite ra aia i te koreromotu mutu
kore iaku nei, e mea akono meitakiia i
te au va'i katoa ra, e kua akatinamouia
ia; ko toku ia ora ko te reira ra, e
toku katoa ra inangaro, kore uorai aia
e akatupu i te reira.

6 Kareka to Beliala, e tau ratou ra-
varai ki te rakau taratara e akarukeia
ia, kare e tika kia rave atu ia ratou i
7 te rima: Ko te tangata ra e rave ra,
kia paruruia ia ki te auri e te pu
korare e tikai; e ka ta'u ravaia ratou
ki te ai i taua ngai ra.

8 Teia te au ingoa o te au tangata toa
ki o Davida ra: Te Takemoni, ko tei
noo i te nooanga, tei maata ia i rotopu
i nga kapena ra; koia oki ko Adino te
Ezena: kua tāki iora i tana korare,
kua ta i te au tangata e varu anere, i
te tainga okotai.

9 E muri ake iaia, ko tetai i aua nga
tangata toa toko toru i o Davida ra, ko
Eleazara te tamaiti a Dodo ra, e ngati
Ahoi, ka akakino ei ratou i te Philis-
seti i akaputupuia ra i te tamaki, e
10 te ati ra to Iseraela: Kua tu akera aia
ki runga, kua ta i te Philiseti e piri
rava akera tona rima ki te mouranga
koke ra, e kua ngenge tona rima: e
autu maata ta Iehova i rave i taua rā
ra; e aru iora te au tangata iaia e rave
ua i te apinga.

11 E i muri ake iaia, ko Sama te ta-
maiti a Agee te Harari ra. E kua
putuputu te Philiseti i te takanava
okotai, tei reira tetai kainga kua ki i
te kerite: kua ati iora te tangata i te
12 Philiseti. Tu ua iora ra aia i rotopu
i taua kainga ra, kare rava akera i pa,
e kua ta iora i te Philiseti; e autu
maata iora ta Iehova i rave iaia.

13 Aere atura nga tangata toko toru
no taua pupu e toru ngauru ra, e tac
atura ki raro kia Davida ra ki te ana a
Adulama, i te tuatau akaū: te puaka-
paia ra te nuku Philiseti i te o ra i
14 Rephaima. Te noo rā Davida i taua

punanga ra, e tei Betelehema te Philiseti i te tiaki anga. Kua kaki akera 15
 Davida i te vai, e kua tuatua akera, Naringa tetai e oronga mai i tetai munga vai, i te ruavai i Betelehema, i te pae ngutupa ra e! Kua tiki ua 16
 atura aua nga tangata toa toko toru ra na roto ua atu i te nuku Philiseti ra, e kua uti iora i te vai i taua ruavai i te pae ngutupa i Betelehema ra, kua rave maira, e kua apai maira kia Davida ra: kare akera aia i inu, kua riringi ra ki mua ia Iehova. E kua tuatua akera aia, Auraka au, e Iehova, kia akapera; e inu ainei oki au i te toto o eianei puke tangata, ko tei akaruru ua i to ratou ora i te tiki anga i teineivai? Kare akera aia i inu. I pera aua nga tangata toa toko toru ra.

E ko Abisai, te tacake o Ioaba, te 18
 tamaiti a Zeruia ra, ko tei maata ia i nga tangata toko toru. E kua tūki akera aia i tana korare ki runga, ta atura i te au tangata e toru anere; rauka iora iaia te ingoa i nga tangata toko toru ra. Ko te tangata ia i maata i aua nga tangata toko toru ra, riro atura aia ei kapena i rungao; kare rai i taea iaia nga tangata toko toru i muatangana ra.

E ko Benaia te tamaiti a Iehoiada, 20
 e tamaiti aia na tetai tangata toa i Kabazeela, kua maata katoa tana au ravenga; e rua katoa aua puke liona tuputupua i ta i Moabi: e kua eke aia ki raro e kua ta rai i tetai liona i roto i te vaarua i te tuatau kiona. Kua ta 21
 oki aia i tetai tangata Aiphiti, e tangata tu meitaki; e korare oki tei te rima o taua tangata Aiphiti ra; aere atura aia kiaia ra, ma te rakau tokotoko, e kua aō iora taua korare i te rima o te Aiphiti ra, kua ta atura iaia ki te korare nana uarai. I akapera 22
 aturā Benaia te tamaiti a Iehoiada, i rauka i tona ingoa i nga tangata toa toko toru nei. Kua maata aia i te au 23
 tangata e toru ngauru ra; kare ra i taea iaia nga tangata toko toru i muatangana ra. Tukuia akera aia e Davida no rungao i tona ra pupu vaeau.

Ko Asahela te taake o Ioaba, kua 24
 tetai i nga tangata e toru ngauru ra; ko Elahanana te tamaiti a Dodo i Betelehema ra, Ko Sama i Harodi, ko 25
 Elika i Harodi ra, Ko Heleza i Palito, 26
 ko Ira te tamaiti a Ikesa i Tekoa ra, Ko Abiezera i Anatoti, ko Mebunai i 27
 Husa, Ko Zalmona i Aholi, ko Ma- 28
 harai i Netopha, Ko Heleba te tamaiti 29
 a Baana i Netopha, ko Itai te tamaiti a Ribai no ko i Gibeā ra no te au

30 tamariki a Beniamina, Ko Benaia i Piratoni, ko Hidae no ko i nga kau-
 31 vai i Gaasa ra, Ko Abi-alabona i 32
 Araba, ko Azamaveta i Baraumi, Ko Eliaba i Saalaboni, no te tamariki a 33
 Iasena, ko Ionatana, Ko Sama i Harari, ko Ahiamā te tamaiti a Sarare i Harari, 34
 Ko Elipheleta te tamaiti a Ahasabai i Maaka, ko Eliama te tamaiti a Ahito-
 35 phela i Gilo, Ko Hezerai i Karamela, ko 36
 Paarai i Arabi ra, Ko Igala te tamaiti a 37
 Natana i Zoba, ko Bani i Gada, Ko Zeleka ngati Amona, ko Nahari i Bec-
 38 roti, e apai taoonga tumaki na Ioaba te 39
 tamaiti a Zeruia, Ko Ira i Ituri, ko Gagera i Ituri, E ko Uria ngati Heta: e toru ngauru ma itu, i te katoatoa anga.

PENE XXIV.

Te ara a Davida i te tatau anga i te au tangata: te utunga i tukuia mai ki runga i te enua, kua moki te maki-mate i tana taturuara anga: kua akatuia tetai atarau na Iehova ki runga i te alona a Arauna.

- 1 **E** KUA tupu akaou akera te riri o Iehova ia Iseraela, e kua akakokoia mairā Davida e tetai enemi ia ratou, kia tuatua aia e, Ka tu, ka tatau ia
- 2 Iseraela e ia Iuda. Kua karanga atura oki te ariki kia Ioaba i vaiatao iaia ra, ko te kapena oki no te nuku ra, Ka aere na roto i te au kopu ravara i o Iseraela nei, meī Dana e tae ua atu ki Bere-seba, ka tatau ei i te au tangata, kia kite au i te rainga o te au tangata.
- 3 Kua tuatua mairā Ioaba ki te ariki, Maata ua atu rai te tangata, kia aka-maata mairai to Atua ra ko Iehova, e kia riro te tangata okotai ei anere, e kia kite oki to mata, e taku pu e te ariki, i te reira: eaa ra oki koe i mataora atu ei i te reira ravenga, e taku pu e te
- 4 ariki? Tupu atura ra ta te ariki ra tuatua, kare ta Ioaba, e ta te au kapena o taua nuku ra. Aere aturā Ioaba e te au kapena o te nuku ra ki vao mai i mua i te aroaro o te ariki ra, e tatau i te au tangata o Iseraela ra.
- 5 E aere atura ki tetai pae Ioridana, patia iora i te puakapa i Aroera i te pae katau o te oire, i rotapu i te kauvai i
- 6 Gada ra i te pae Iazera. Aere atura ratou ki Gileada, e te enua ra ko Taatima-hodesi; e tae atura ratou ki Dana-iaana, e riro atura oki ki Sidona.
- 7 E kua tae atura ratou ki te punanga etacta o Turia ra, e te au oire ravara i o te ngati Hevi, e te ngati Kanaana; e aere atura ratou ki Bere-seba ki te pae

i apatonga ra i Iuda ra. E pini rava 8
akera ia ratou tua enua ra, kua tae
maira ki Ierusalemā, kua ope akera
nga marama e iva e nga rā oki okotai
takau. Kua tuku mairā Ioaaba i te 9
rainga o taua au tangata i tatauia ra ki
te ariki. To Iseracla e varu anere i te
tausani i te tangata toa e koke te tao-
onga; e to Iuda ra e rima ia anere anga
i te tausani i te tangata.

Kua akaapa maira to Davida ngakau 10
iaia, kua oti akera te au tangata i te
tatauia. Kua karanga aturā Davida
kia Iehova, Kua ara rava au ko au i
akapera: e teianei, teia taku tuatua kia
koe, e Iehova, e akakore mai koe i te
ara a to tavini nei; e ravenga neneva oki
taku i rave io nei. E ao akera oki, kia 11
tu mai a Davida ki runga, kua tae maira
te tuatua a Iehova ki te peroveta ra kia
Gada, ko ta Davida ia akara, kua tua-
tua maira, Ka aere, e karanga atu kia 12
Davida, Tena ko mairā Iehova, E toru
eia puke mea taku e akakite atu kia
koe, ko tetai taau e rave kia akapera
atu au kia koe. Kua aere mairā Gada 13
kia Davida, e kua akakite maira kiaia,
e kua tuatua maira kiaia, Kia rokoia
mai ainei koe e te onge e kia itu ake
mataiti i to enua nei? e kia toru ainei
oou marama i te oro anga ki mua i toou
au enemi, te arumaki ua maira ratou ia
koe? e kia toru ainei rā maki-mate i
to enua nei? E tenana e akamaara, ka
akara i taku ra tuatua kia akaoki atu
au ki tei tono mai iaku nei. Kua 14
karanga aturā Davida kia Gada, E
iroiro ngata maata toku: e teianei ei te
rima o Iehova tatou; te maata nei tona
aroa: auraka ra au ei te rima o te
tangata nei.

Kua tuku mairā Iehova i te maki- 15
mate ki runga ia Iseracla mei te po-
pongi mai e tae ua atura ki te ati-
anga i akonoia ra; mate iora te tangata
e itu ngauru i te tausani, mei Dana mai
e tae ua akera ki Bere-seba. Kia 16
akatika ra te angela i tona rima kia pou
Ierusalemā iaia, kua tataraara iorū
Iehova i taua kino ra, e kua karanga
atura ki te angela i ta i taua au tangata
ra, Kua oti ua: ka tāpu ana i to rima

i tenana. Teiwaitatao te Angela a Ie-
hova ki te alona a Arauna ngati Iebusi
17 ra. E kua karanga aturā Davida kia
Iehova i te kite anga ake aia i taua
angela i ta i te tangata ra, kua na ko
atura, I na, kua ara au, kua rave au i te
kino: kareka i teianei au mamoe, i aa
ua ana ratou? teia taku tuatua kia koe,
ei runga to rima iaku nei, e ei
runga katoa i te ngutuare o toku
metua.

18 Kua aere mairā Gada kia Davida i
taua rā ra, e kua karanga atura kiaia,
Ka aere ki runga, e akatu i tetai atarau
na Iehova i runga i te alona a Arauna
19 ngati Iebusi ra. Aere aturā Davida
ki runga, i ta Gada i tuatua maira, i ta
20 Iehova i akaue maira. Kua akara
mairā Arauna, e kite maira i te ariki e
tona au tavini i te aere anga mai
kiaia, e aere aturā Arauna ki vao,
e kua tupou atura ki te ariki i raro
21 tona mata i te one. Kua karanga
aturā Arauna, Eaa te mea i tae mai ei
koe, e taku pu e te ariki, ki to tavini
nei? Kua tuatua mairā Davida, E oko
i te alona naau nei, e akatu i tetai
atarau na Iehova, kia moki te maki-
22 mate i te tangata nei. Kua karanga
aturā Arauna kia Davida, E rave koe,
e taku pu e te ariki, e apai i taau e
anoano ra: i na, teia te bovi ei tusia
karakaratio, teia oki te au pūpā, e te
au apinga no runga i te au bovi, ei vaie.
23 Ko taua au mea katoa ra ta Arauna,
mei te ariki, i apai ua na te ariki.
E kua karanga aturā Arauna ki te
ariki, Kia kiteia mai oki koe e to
24 Atua e Iehova. Kua tuatua maira
te ariki kia Arauna, Auraka; ei
oko rai au, e oko rava atu ia koe:
auraka taku ei apinga i oko koreia e
au kia apai ei tusia karakaratio na taku
Atua ra na Iehova. Oko aturā Davida
i taua alona ra, e nga bovi, i te au
25 sekela ario e rima ngauru ra. Kua
akatu iorū Davida i tetai atarau na
Iehova i reira, e kua apai i te tusia
karakaratio, e te tusia au ra. Kua
akarongoia akera ratou e Iehova i taua
enua ra, moki akera te maki-mate ia
Iseracla.

BUKA MUA A TE AU ARIKI RA.

PENE I.

*To Davida ruaine anga ra, e te paru-
paru anga oki: kua akateitei a Ado-
nia iaia uarai: kua akaitiia Solo-
mona ei ariki: kua rokoia Adonia
e te matakū.*

KUA ruaine te ariki ra ko Davida,
kua maata tona mataiti, e kua
tapoki ratou iaia ki te kakau, kare ra
aia i maana. Kua karanga atura tona
au tavini kiaia i reira, Ei vaine ou ei
paretenia te kimiia no taku pu no te
ariki: e kia tu aia ki mua i te aroaro o
te ariki, e e matuapuru aia iaia, e moe
oki aia i tona keke, kia maana taku pu
te ariki ra. Kua kimi iora ratou i tetai
vaine ou manea i te au tapere katoa i o
Iseraela, e kitea iora tetai Sunami ko
Abisaga, e kua arataki maira iaia ki te
ariki. E vaine manea rava taua vaine
ou ra, e kua matuapuru mai, e kua
raverave i te kai na te ariki: kare ra te
ariki i kite atu iaia.

Kua akateitei akerā Adonia te ta-
maiti a Hagita ra, tuatua akera, Ko au
te ariki: kua rave akera aia i te au
kariota, e te aronga akaoro ipo, e te au
tangata oki e rima ngauru ei oro na
mua iaia. Kare rava akenci aia i aka-
auaia e tona metua, i te tuatua anga atu
e, Eaa koe i akapera'i? E tangata tu
meitaki roa oki aia; i muri ake aia ia
Abasalama i te anau anga. E kua riro
tana au tuatua kia Ioaba te tamaiti a
Zeruia, e kia Abiataranga taunga ra, e kua
aru raua, e kua tauturu ia Adonia.
Kareka te taunga ra ko Zadoka, e ko
Benaia te tamaiti a Iehoiada, e ko Na-
tana peroveta, e ko Simeia, e ko Rei, e te
aronga toa no ko ia Davida ra, kare ia
i piri kia Adonia ra. Kua ko aturā
Adonia ra i te mamoe, e te bovi, e te
puaka matu ra, i te pae toka i Zohelata,
i vaitata i Eni-rogela, e kua karanga
atura ki tona au taenae ravarai, ki te au
tamariki a te ariki ra, e to Iuda katoa
ra, te au tavini o te ariki ra: Karekū
Natana peroveta, e ko Benaia, e te

aronga toa, e tona taenae ko Solomona,
kare i karangaia atu e ia.

- 11 Kua karanga aturā Natana ki te
metua vaine o Solomona kia Bateseba
i reira, na ko atura, Kare koe i kite e,
kua ariki a Adonia te tamaiti a Hagita
ra, e kare oki to tatou pu ko Davida i
- 12 kite? E teianci, e aere mai, taku ia
tuatua kia koe, e ako ua atu au ia koe,
kia ora oki koe, e kia ora oki to tamaiti
- 13 ko Solomona. E tu koe e aere ki te
ariki ra kia Davida, ka karanga atu ei
koe kiaia, Kare aina koe, e taku pu e
te ariki, tei taputou mai ki to tavini
vaine ra, i te tuatua anga mai e, Ko
taau tamaiti tikai ko Solomona te ka
riro ei ariki i muri ake iaku ra, e koia
te ka noo ki runga i toku nei terono?
- 14 E teianci, eaa Adonia i ariki ei? I na,
te tuatua ia ra koe ki te ariki ra, ko
au katoa ia ka aere ki roto i muringao
ia koe, ka akarava atu ei i taau tuatua.
- 15 Aere aturā Bateseba ki roto ki te
ariki ra ki roto i te pia ra: kua ruaine
rava te ariki; te raverave rā Abisaga i
- 16 Sunami i ta te ariki ra. Kua tupou
iorā Bateseba ki raro, kua tatomo atura
ki te ariki. Kua tuatua maira te ariki
- 17 kiaia, Eaa toou anoano? Kua karanga
atura aia kiaia, E taku pu e, kua ta-
putou koe i to Atua ra ia Iehova ki to
tavini vaine nei, e kua tuatua mai koe
e, Ko to tamaiti tikai ko Solomona te
ariki i muri ake iaku ra, e koia te ka
- 18 noo ki runga i toku nei terono. E
teianci, i na, ko Adonia te ariki; e
kare oki koe i kite, e taku pu e te ariki:
- 19 E kua ko aia i te bovi e te puaka matu,
e te mamoe e manganui, e kua tuatua
aia i te au tamariki ravarai a te ariki
ra, e ia Abiataranga taunga ra, e ia Ioaba
te kapena o te nuku ra: kareka ko to
tavini ko Solomona, kare ia i tuatuaia
mai. E ko koe, e taku pu e te ariki, tei
runga maira te mata o Iseraela katoa ia
koe, kia akakite atu koe kia ratou e,
koai te ka noo ki runga i te terono o
taku pu o te ariki ra i muri ake iaia.
- 21 Kare ra, kia moe taku pu te ariki ki o

tona ai metua ra, ka riro maua ko taku tamaiti ko Solomona i te akaapaia mai i reira.

E i na, te karanga ua atura aia ki te ariki ra, ko Natana peroveta tei tomo katoa mai ki roto ra. E kua karanga atura ratou ki te ariki, na ko atura, i na, teia oki a Natana peroveta. E tae maira aia ki roto ki te ariki ra, kua tupou iora aia ki mua i te ariki i raro te mata i te one. Kua karanga aturā Natana, E taku pu e te ariki, kua tuatua aina koe e, Ko Adonia te ariki i muri ake iaku nei, ko te ka noo ia ki runga i toku nei terono? Kua aere atura oki aia ki raro i teianei rā, e kua ko i te hovi, e te puaka matu, e te mamoe e manganui, kua tuatuaia e ia te au tamariki ravarai a te ariki ra, e te au kapena o te muku ra, e te taunga ra ko Abiatarā; e i na, te kai ra ratou e te inu ra ki mua i tona aroaro, te tuatua ra e, Kia ora te ariki ra ko Adonia. Kareka to tavini nei, ko au, e ko Zadoka taunga, e ko Benaia te tamaiti a Iehoiada, e to tavini ra oki ko Solomona, kare ia i tikiia mai e ia. Naau ainei taua tuatua nei, e taku pu 27 e te ariki? e kare oki koe i akakite mai ki to tavini nei, i te ka noo ki runga i te terono o taku pu o te ariki ra i muri ake iaia.

Kua tuatua maira te ariki ra ko 28 Davida, na ko atura, E karanga atu ana kia Bateseba e aere mai. Kua aere maira aia ki roto ki mua i te ariki, e kua tu maira ki mua i te aroaro o te ariki ra. Kua taputou iora te ariki, na ko akera, Te ora rā Iehova, ko tei akaora i toku vaerua i te au tumatetenga katoa ra: Mei taku rai oki i taputou 30 atu kia koe i te Atua o Iseracla ko Iehova ra, ka tuatua i au ra e, Ko taua tamaiti tikai ra ko Solomona te ariki i muri ake iaku ra, e koia te ka noo ki runga i toku ra terono ei kauono ake iaku nei; ka akapera tika rai au i teianei rā. Kua tupou iorā Bateseba i 31 raro te mata i te one, tatomo atura ki te ariki, e karanga atura, Kia ora koe, e taku pu e te ariki ra, e Davida, e tuatua au atu.

Kua tuatua maira te ariki ra ko 32 Davida, E karanga atu ana ia Zadoka taunga, e ia Natana peroveta, e ia Benaia te tamaiti a Iehoiada. E kua aere maira ratou ki mua i te aroaro o te ariki. Kua tuatua maira te ariki kia 33 ratou, E arataki katoa kotou i te au tavini o to kotou nei pu, ka akanoo atu ei i taku tamaiti ra ia Solomona ki runga i taku orai mule, ka arataki atu ei ki raro ki Gihona: E na Zadoka 34

taunga, e na te peroveta ra na Natana, e akatainu iaia i reira, ei ariki no Iseracla: ka akatangi ei kotou ki te pu, ka tuatua i e, Kia ora te ariki ra ko Solomona.

35 Ka aru katoa mai ei kotou i muri iaia; kia aere mai aia ra, ka noo ei ki runga i toku nei terono; koia oki te ariki ei kauono ake iaku nei: koia tei akonoia e au ra ei tutara ki runga ia Iseracla, e 36 ki runga ia Iuda. Kua karanga aturā Benaia te tamaiti a Iehoiada ra ki te ariki, na ko atura, Amene; kia pera katoa mai oki a Iehova, ko te Atua no 37 taku pu no te ariki ra. E mei ia Iehova i piri mai ki taku pu ki te ariki, kia piri i katoa mai aia kia Solomona, e kia akamaataia mai tona terono, i to te terono o taku pu to te ariki ra to Davida.

38 Aere aturā Zadoka taunga, e te peroveta ra ko Natana, e ko Benaia te tamaiti a Iehoiada, e te Kereti, e te Peleti, ki raro, e kua akanoo ia Solomona ki runga i te mule a te ariki ra a Davida, e kua arataki iaia ki 39 Gihona. Kua rave akērā Zadoka taunga i tetai nio manongi no roto i te Are, e kua akatainu atura ia Solomona. Kua akatangi iora ratou i te pu; e kua karanga atura te au tangata katoa, Kia ora te ariki ra ko Solomona. Kua aru katoa maira te au tangata ravarai i muri iaia, e kua akatangi te au tangata i te koe, e kua rekareka i te rekareka maata, keukeu atura te enua i te aruru.

41 Te akarongo ua rā Adonia, e te au manuiiri katoa ki ona ra, kua pangia akera te kaki i te kai. E kite akērā Ioaba i te tangi o taua pu ra, kua tuatua akera aia, Eaa ra teia mutamuta 42 maata, e te keukeu i te oire nei? Te tuatua ua ra aia, i na, ko Ionatana maira, te tamaiti a Abiatarā taunga ra: kua karanga aturā Adonia kiaia, E aere mai ki roto nei; e tangata tau meitaki koe, ka riro taua tuatua i te 43 meitaki. Kua karanga aturā Ionatana kia Adonia, na ko atura, Kua akariro tikai to tatou pu te ariki ra ko Davida 44 ia Solomona ei ariki. E kua tono katoa te ariki ia Zadoka taunga, e te peroveta ra ia Natana, e ia Benaia te tamaiti a Iehoiada, e te Kereti, e te Peleti, e kua akanoo ratou iaia ki 45 runga i te mule a te ariki ra: E na Zadoka taunga, raua ko Natana peroveta ra, i akatainu iaia ei ariki i Gihona; i aere mai ei ratou ma te rekareka, keukeu atura te oire. Ko taua aruru 46 ia i kitea e kotou ra. E te noo rā Solomona ki runga i te terono o te

basileia nei. E kua aere mairai te au 47
tavinu o te ariki e akaora i to tatou pu
i te ariki ra ia Davida, i te tuatua anga e,
Kia akameitakiia e te Atua to Solomona
ingoa i toou ra ingoa, e kia akamaataia
tona terono i toou ra terono. Kua tupou
iora te ariki ki raro i rungao i te roi
ra. E kua tuatua katoa maira te ari- 48
ki, Kia akameitakiia mai te Atua o
Iseracla ko Ichova, ko tei oronga mai
i tetai ei noo ki runga i toku nei tero-
no i teianeia rā, kua kite io nei oki
toku mata. Rokoia iora te au ma- 49
nuiri katoa i o Adonia ra e te matakū,
kua tu akera ki runga, aere atura, ki
tona aerenga, ki tona aerenga.

Matakū akerā Adonia ia Solomona, 50
kua tu akera, aere atura, tūpu atura i
nga tara o te atarau ra. E akakiteia 51
aturā Solomona, i na koia ra, I na, kua
matakū a Adonia i te ariki ra ia Solo-
mona: i na oki, kua tūpu i nga tara o
te atarau ra, e te tuatua akera e, E
taputou mai te ariki ra ko Solomona
kiaku akonei e, kare aia e ta mai i tona
tavinu nei ki te koke. Kua tuatua 52
akerā Solomona, Kia akono meitaki
aia ra, kare rava tetai io rauru ona e
topa ki raro i te one, kia kitea ra tana
ravenga kino, ka mate ia. Kua tono 53
akera te ariki ra ko Solomona, e kua
tuku maira ratou iaia ki raro mei
runga mai i taua atarau ra. Kua aere
maira aia, e kua tupou ki raro ki mua
i te ariki ra ia Solomona: kua tuatua
mairā Solomona kiaia, E aere ki to
ngutuare.

PENE II.

*Te tuatua openga a Davida kia Solo-
mona; e tona ra mate: tapuāia
Davida e Solomona: kua tāia Ado-
nia: kua akakoreāi Abiatar i te
taoonga taunga: kua akautungāi
Ioaba ma Simeia, ki te mate.*

TE vaiata maira te rā e mate ei a 1
Davida; e kua ikuiku atura aia i
tana tamaiti ia Solomona, na ko atura,
Te aere nei au na te ara o to te ao ka- 2
toa nei: e tenana, e akamaroiroi, e
akatangata tikai koe; E akono rai i 3
te ikuiku a to Atua ra a Ichova, e
aere na tona au arataa, e akono i tana
au akonoanga, e tana au akanenga, e
tana au tuatua-tau, e tana au tuatua-
akakite, mei tei tataia i roto i te ture a-
Mose ra, kia manuia koe i taua katoa
e rave ra, e ta au ngai katoa tauu e 4
ariu ra: Kia akatupu ravaia e Ichova
tana tuatua i tuatua mai iaku ra, ka
na ko mai ei ra e, Kia akono tikai tauu

au tamariki i to ratou aerenga, kia aere
ratou na te tuatua-mou ki mua iaku
nei, ma to ratou ngakau katoa, e ma to
ratou vaerua katoa, kare koe e ngere i
te tangata kia noo ki runga i te terono i
Iseracla nei; (kua pera maira aia.)

- 5 Kua kite rai oki koe i ta Ioaba te
tamaiti a Zeruaia i rave iaku nei; tana
oki i rave i nga kapena toko rua o te
nuku o Iseracla nei, ia Abenera te ta-
maiti a Nera ra, e ia Amasa te tamaiti
a Ietera, i ta uaia e ia i te au tikai
nei, kua ta'e iora te toto tamaki iaia,
tuku iora aia i te toto tamaki ki runga
i te tatua o tona taukupu, e i runga i
nga tamaka nonai runga i ona vaevae.
- 6 E tenana, e akono koe i tauu ravenga
pakari, auraka oki tona mimiti inaina
- 7 kia tae au ua atu ki te vaarua ra. E
akakite ra koe i te aroa ki te au ta-
mariki a Barczilai i Gileada ra, ei roto
katoa ratou i te aronga e kaikai i taua
ra kaingakai: kua pera oki to ratou
aere anga mai kiaku, ka oro ei au i to
- 8 tuakana ia Abasaloma ra. E i na,
tena katoa oki a Simeia te tamaiti a
Gera, e ngati Beniamina i Bahurima,
ko tei katarā mai iaku ki te katarā
kino i te rā i riro ei au ki Mahanaima
ra: kua aere maira aia kua aravei mai
iaku i Ioridana, e kua taputou atura au
kiaia ia Ichova, kua karanga atura au,
Kare koe e tamate ravaia e au ki te
- 9 koke. E tenana, auraka aia kia noo
tangata ara kore ua na: e tangata pa-
kari oki koe, kua kite koe i tauu e
rave iaia ra; kia tae rai tona mimiti
inaina ki te vaarua ma te toto.
- 10 Moc aturā Davida e tona ai metua
katoa, e tanumia iora ki roto i te oire
- 11 o Davida. E to Davida au rā i te
ariki anga i Iseracla ra, e a ia ngauru
anga i te mataiti: e itu ona mataiti
i te ariki anga i Heberona, e toru
ngauru e toru ara i te mataiti, i te
- 12 ariki anga i Ierusalemā. E noo iorā
Solomona ki runga i te terono o tona
metua ra o Davida; e kua akamou ra-
vaia tona ra au.
- 13 Kua aere mairā Adonia, te tamaiti a
Hagita, ki te metua vaine o Solomona
ra kia Batsela. E kua karanga atu-
ra aia, I aere au mai ainei koe? Kua
- 14 tuatua maira aia, E au. Kua tuatua
mairai aia, E manga tuatua taku kia
koe ra. Kua karanga atura aia, E
- 15 tuatua au mairai koe. Kua tuatua
maira aia, Kua kite oki koe e, tei iaku
taua au nei, e kua akonoia au nei o
Iseracla katoa e, ei iaku rai taua au
ra: kua ruri keia ra taua au nei, e kua
riro ki toku teina: nana rai oki na

Iehova. E teianei, okotai aku tuatua 16
kia koe na, auraka koe e akakore mai.
Kua karanga atura aia kiaia, E tuatua
ua mairai koe. E kua tuatua maira 17
aia, E karanga atu koe ki te ariki ra
kia Solomona, taku ia tuatua kia koe,
(kare oki aia e akakore mai i taau,) e o
mai aia i te Sunami ra, ia Abisaga, ei
vaine naku. Kua karanga aturā Ba- 18
teseha, Kua tika; e tuatua rai au i
taau ra ki te ariki ra.

Aere aturā Bateseha ki te ariki ra 19
kia Solomona, e tuatua kiaia i ta Ado-
nia ra. Kua tu akera te ariki ki runga
e aravei atu iaia, e kua tupaon iora aia
ki raro ki mua iaia, e kua noo rai ki
runga i tona terono, e kua akaue i te-
tai nooanga kia tukuia mai no te metua
vaine o te ariki ra; kua noo iora aia i
tona rima katau. Kua karanga atura 20
aia, Okotai ua aku tuatua iti taku e
patī ia koe; auraka koe e akakore
mai. Kua tuatua maira te ariki kiaia,
E tuatua mai, e taku metua: kare
oki au e akakore atu i taau. Kua ka- 21
ranga atura aia, E tuku koe i te Su-
nami ra ia Abisaga ki to tuakana ra
kia Adonia, ei vaine *nana*.

Kua tuatua maira te ariki ra ko 22
Solomona ki tona metua vaine, na ko
maira, Eaa oki koe i pati mai ei i te
Sunami ra ia Abisaga na Adonia? ka
pati katoa mai nona i te au, e tuakana
oki aia noku; nona oki, e no Abiatarā
taunga ra, e no Ioaba te tamaiti a
Zeruia ra. Kua tšputou atura te ariki 23
ra ko Solomona ia Iehova i reira, na ko
atura, Kia mate aia i tuatua'i Ado-
nia i tenana tuatua, e *kare ra*, kia
pera mai te Atua iaku nei, e kia maata
mairai. E teianei, te ora rā Iehova, 24
tei akatinamou mai iaku nei, e kua
tuku iaku ki runga i te terono o toku
metua nei o Davida, e kua akonokono
i tetai ngutuare noku, mei tana oki i
tuatua maira, akonei a Adonia e mate
ei. Kua akaue atura te ariki ra ko 25
Solomona ia Benaia te tamaiti a Ie-
hoiada: kua ta atura aia iaia e mate
rava akera.

Kua karanga atura te ariki kia 26
Abiatarā taunga ra, Ka aere ki Ana-
tota, ki toou orai au kninga; e tau
oki ia koe te mate: kare ra au e ta ia
koe i teianei, no te mea kua apai koe i
te aruna o te Atua o Iehova ki mua i
toku metua ra ia Davida, e no te mea
kua rokoia katoaia koe e te mate i te
au mate katoa o toku metua ra. Opa- 27
ra keia aturā Abiatarā e Solomona,
auraka aia ei taunga *maata* na Ie-
hova: kia tupu te tuatua a Iehova,

tana i tuatua i Silo, i te ngutuare o
Eli ra.

28 Kua tae atura te rongo kia Ioaba :
kua aru oki a Ioaba ia Adonia, kare
ra aia i aru ia Abasaloma. Oro aturā
Ioaba ki te Are o Iehova, e kua tāpu
29 i nga tara o te atarau ra. E kua aka-
kiteia atura ki te ariki ra kia Solo-
mona e, Kua oro a Ioaba ki roto i te
Are o Iehova; e i na, tei te pae ata-
rau ra aia. Kua tono akerā Solomona
ia Benaia te tamaiti a Iehoiada, e kua
30 karanga atura, Ka tiki ka ta. E tae
aturā Benaia ki te Are o Iehova ra, e
kua karanga atura kiaia, Te na ko
maira te ariki, E aere mai. Kua tua-
tua maira aia, Eiaa; ei ko nei au mate
ei. Kua aere mairā Benaia, kua aka-
kite maira ki te ariki, na ko maira,
Kua pera mairā Ioaba, e kua na ko
mai oki kiaku.

31 Kua karanga atura te ariki kiaia, E
akapera i tana i tuatua maira, ei *reira*
rai ta ai, *ka rare* ka tanu ei; kia mā
ia koe te toto ara kore i maringi ia
Ioaba, iaku nei, e te are katoa o toku

32 metua. E akaoki a Iehova i tona
toto ki runga i tona uorai mimiti, koia
i ta i nga tangata toko rua, e *puke ta-
ngata* tuatua-tika e te meitaki maata
i tona uorai, i tei taia e ia ki te koke,
kare toku metua ko Davida i kite,
hoia oki ko Abenera te tamaiti a Nera,
te kapena o te nuku o Iseraela ra, e
ko Amasa te tamaiti a Ietera, te kape-
na o te nuku o Iuda. Kia oki mairai

33 to raua toto ki runga i te mimiti o
Ioaba, ki runga katoa i te mimiti o
tona uanga e tuatua ua atu: kareka
ki runga ia Davida, e tona ra uanga,
e tona ra ngutuare, e tona ra terono,
ei au ia no ko mai ia Iehova ra e tua-

34 tau ua atu. Kua aere aturā Benaia
te tamaiti a Iehoiada ki runga, kua
rave atura iaia, e kua ta iaia: e kua
tanumia atura ki roto i tona uorai are

35 i te medebara ra. Tupauia akerā
Ioaba e te ariki ia Benaia te tamaiti a
Iehoiada i runga i te nuku ra: tupauia
akera oki a Abiatarā e te ariki ia Za-
doka taunga.

36 Kua tono atura te ariki e kua tiki
ia Simeia, e kua karanga atura kiaia,
Ka akatu i tetai are noou i Ierusalemā
nei, ka noo ei i reira, e auraka e tomo

37 ki vao i tetai ngai ke. Ko te rā oki e
aere ei koe ki vao, e kua topa ia koe te
kauvai nei ko Kiderona, kia kite pu
tikai koe e, ka mate rava koe ra: ei
runga i toou uorai mimiti toou ra
38 toto. Kua tuatua mairā Simeia ki te
ariki, E tika ia taua tuatua ra; tauu

i tuatua mai na, e taku pu e te ariki, ka pera rai to tavini. Noo iorā Sime i i Ierusalem e manganui akera te rā.

Kia ope ra nga mataiti e toru ra, kua 39
oro atura nga tavini toko rua o Sime i
kia Akisa te tamaiti a Maaka ra, te ari-
ki no Gata. I akakiteia mai a Sime i, i
tuatuaia mai, Ina, tera nga tavini noou
ra tei Gata. Kua tu akērā Sime i, e 40
kua tuku akera i te nooanga ki runga i
tana asini, aere atura ki Gata kia
Akisa ra, e kimi i nga tavini nona:
aere aturā Sime i, e kua taoi maira
nga tavini, mei Gata mai. E aka- 41
kiteia akērā Solomona, Ko ko a Sime i
i Gata mei Ierusalem atu nei, e kua
oki mai. Kua tono akera te ariki e 42
tiki i a Sime i, e kua karanga atura
kiaia, Kare ainei au i akataputou atu
ia koe ia Iehova, e kua akakite pu
tikai an kia koe, ka na ko atu ei au ra
e, Kia kite mai koe, ko te rā e riro ei
koe ki vao, ka aere ci koe ki tera
ngai ki tera ngai, ka mate tikai koe
ra? ka tuatua mai ei koe ra e, Kua
tika tena tuatua taku e akarongo nei.
Eaa oki koe i kore ci i akono i te tapu- 43
toui a Iehova, e te akauenga taku i
akaue atu kia koe ra? E kua karanga 44
atu rai te ariki kia Sime i, Kua kite oki
koe i te au kino katoa, (to ngakau tei
kite,) taau i tuatua ki toku metua ra
kia Davida: te akaoki nei rai a Ie-
hova i taua kino noou ra ki runga i
toou na mimiti; Ka ora rai oki te 45
ariki ra ko Solomona, ka akatinamouia
rai te terono o Davida ki mua i te
aroaro o Iehova, e tuatua ua atu.
Kua akaue akera te ariki ia Benaia 46
te tamaiti a Iehoiada; e aere atura ki
vao, kua ta atura iaia, e mate rava
akera. Kua akatinamouia akera te au
i te rima o Solomona.

PENE III.

*To Solomona akaipoipo anga i te ta-
maine a Pharaō: tanu opai anga i
te tusia i Gibeoni, e tana moe: lana
tuatua i nga vaine akaturu.*

AKAAITEITE akērā Solomona i 1
te tuatua ki te ariki o Aiphiti ia
Pharaō, e kua rave akera i te tamaine
a Pharaō, e kua arataki maira ki roto
i te oire o Davida, e kia oti akera te
are nona uorai i te akatuia, e te are
o Iehova, e te patu o Ierusalem e pini
ua ke. Te apai ua ra te tangata i te
tusia ki te au ngai teitei, no te mea
kare e are i akatuia no te ingoa o Ie-
hova, e tae ua maira ki taua tuatua ra. 2

3 Inangaro ua rai a Solomona ia Iehova,
ma te aere i te au akonoanga a tona
metua a Davida; te apai ua ra aia i te
tusia, e te tutungi ua ra i te tumiama
i te au ngai teitei.

4 Aere atura te ariki ki Gibeona e
apai i te tusia i reira; ko te ngai teitei
maata oki ia: okotai tausani a Solo-
mona tusia karakaratio i apai ki runga

5 i taua atarau ra. I Gibeona to Iehova
mama anga mai kia Solomona i te moe
i te po: kua tuatua maira te Atua, Ka
pati mai i taku e oronga atu naau.

6 Kua karanga aturā Solomona, E ta-
kinga-meitaki maata taau i akakite
mai ki toku metua, ki to tavini kia
Davida, koia oki i aere ki mua ia
koe, i te tuatua-mou, e te tuatua-tika,
e te tiratiratu o te ngakau ia koe;
kua vaoia e koe teianei takinga-meitaki
maata nona, ko koe i oronga i
tetai tamaiti nana, ei noo ki runga i

7 tona terono, mei tei teianei rai rā. E
teianei, e taku Atua, e Iehova, kua
akariro mai koe i to tavini nei ei ariki ei
kauono ake i toku metua ia Davida; e
tamaiti ua oki au: kare au i kite i te

8 aere ki vao, e i te oki mai ki roto. Tei
rotapu oki to tavini nei i te au tangata
noou, i ikiia e koe ra, e aronga maata,
kare e ope kia tatua, kare oki e tika

9 kia tatua i te maata. E teianei, ei
ngakau kite taau e o mai no to tavini
nei; kia tika kia tuatua ki toou nei
iti-tangata, kia kite au i te meitaki e
te kino; koai oki te tika kia tuatua ki
teianei aronga maata noou ra?

10 Mareka rava akera te Atua, ko Solo-

11 mona i pati i taua mea ra. Kua ka-
ranga atura te Atua kiaia, No te mea
i pati mai koe i taua mea nei, kare koe
i pati mai kia akaroaia toou a'o; kare
oki i pati mai i te apinga maata naau
orai; kare oki i pati mai e kia mate to
au enemi; kua pati maira i te kite

12 kia kite koe i te tuatua-tau ra; I na,
kua tika iaku taau i tuatua mai nei;
i na, te oronga nei au i te ngakau ka-
rape e te kite noou; kare ouu e aite i
muao ia koe, e kare rai ouu e aite e

13 tupu a muri atu. Teia oki au ka or-
onga atu i tei kore i patia mai e koe
ra, i te apinga, e te akangateitei: kare
rava atu tetai o te au ariki ra e aite

14 kia koe i toou katoa ra au rā. Kia
aere koe na toku nei au arataa, e
akono i taku nei au akonoanga, e taku
nei au akauenga, mei to to metua mei ia
Davida i aere ra, e akaroaia e au toou
ra au rā i reira. Kua ara akērā Solo-
mona; e i na, e moe taua mea ra.

15 Aere atura aia ki Ierusalem, kua tu

ua iora ki mua ake i te aruna korero-
motu a Iehova, e kua apai i te tusia
karakaratio, e te tusia au, e kua aka-
kaingakai atura na tona au tavini ra-
varai.

Kua acre maira i reira e toko rua 16
puke vaine akaturi ki te ariki ra, kua
tu maira ki mua iaia. Kua karanga 17
atura tetai vaine ra. E taku pu, ko au
ma teianei vaine, okotai o maua are i
te noo anga, e anau akera taku tamaiti
ma tana katoa i roto i taua are ra. E 18
po toru akera taku tamaiti i te anau
anga, kua anau katoa ta teianei vaine :
okotai rai o maua noo anga ; kare rava
e tangata ke i roto i taua are ra, ko
maua anake ra i roto i taua are ra.
Mate iora te tamaiti a taua vaine nei 19
i te po ; no te mea kua mocia e ia a
runga. Kua tu maira aia ki runga 20
i te turuaipo, kua rave maira i taku
tamaiti tei taku pae, te moe ua ra to
tavini vaine nei, e kua tuku iora ki roto
i tona uaorai keke, e kua tuku maira
i taua tamaiti mate nana ra ki roto i
toku keke. E kia tu au ki runga i te 21
popongi e angai i taku tamaiti ki te u,
i na, kua mate : kia maara ra au i taua
popongi ra, i na, kare ia i taku tamaiti,
taku i anau. Kua tuatua maira tetai 22
vaine, Kare ; ko te tamaiti ora ra taku,
ko tauu tamaiti tei mate. Kua tuatua
maira tetai, Kare ; ko tei mate tauu
tamaiti, ko tei ora ra taku tamaiti.
Kua pera atura raua ki mua i te aro-
aro o te ariki.

Kua tuatua akera te ariki, Te tuatua 23
maira tetai, Taku teia tamaiti e ora nei ;
ko tauu tamaiti tei mate : te tuatua
maira oki tetai, Kare ; ko tauu tamaiti
tei mate, ko taku tamaiti tei ora. Kua 24
karanga atura te ariki, Ka apai mai ana
i tetai koke. Kua apai maira ratou i te
koke ki mua i te aroaro o te ariki. Kua 25
karanga atura te ariki, Ka tipu i te ta-
maiti i ora ra i rotapu, e apai atu i tetai
pae na tetai, e tetai pae na tetai. Kua 26
tuatua maira te vaine nana te tamaiti
ora ra ki te ariki, te aue ra tona nga-
kau i tana tamaiti, e kua tuatua maira,
E taku pu, e tuku atu i te tamaiti ora
kiaia ; auraka rava kia taia. Kua tua-
tua maira tetai, Auraka katoa ta taua,
e tipu. Kua karanga atura te ariki, 27
na ko atura, Ka tuku atu i te tamaiti
ora nana, auraka rava e taia : koia te
metua vaine tikiri. Kite akera to Ise-
28 raela katoa i taua akava anga a te
ariki ra ; kua matakau akera ratou i te
ariki : kua kite oki e, tei roto iaia te
pakari no ko mai i te Atua ra, kia
tuku mai i te tuatua-tau ra.

PENE IV.

*Te aronga rangatira maaata i o
Solomona, e te tupu meitaki anga o
tona basileia : tona pakari maata.*

1 RIRO atura Solomona ei ariki no Ise-
2 raela katoa. Teia oki te aronga ma-
maata nona ra ; Ko Azaria, te tamaiti a
3 Zadoka taunga ra, Ko Eliorepha raua
ko Ahia, nga tamariki a Sisa, e tata
tuatua ia : ko Iehosaphata te tamaiti
4 a Ahiluda, ko te akakite tuatua ia : E
ko Benaia te tamaiti a Iehoiada, tei
runga ia i te nuku ra : e ko Zadoka e
5 ko Abiatar, ko nga taunga ia : E ko
Azaria te tamaiti a Natana, tei runga
ia i te aronga i akataoongaia ; e ko Za-
buda te tamaiti a Natana, ko te tan-
gata ia e maata, e ona tikai oki no te
6 ariki : E ko Abisara, tei runga ia i te
ngutuare ; e ko Adonirama te tamaiti
a Abada, tei runga ia i te apinga uipa.
7 Tino ngauru ma rua o Solomona
aronga i akataoongaia i runga ia Ise-
raela katoa, ko tei roi i te kai na te
ariki e tona katoa ra ngutuare : ko te
tangata ko tona marama i tona mataiti
8 i te roi anga i te kai. Teia to ratou
ingoa ra : ko te tamaiti a Hura, i te
9 maunga ra ko Ephraïma : Ko te ta-
maiti a Dekera, i Makaza, e Sala-
bima, e Bete-semes, e Eloni-bete-
10 hanana : Ko te tamaiti a Heseda i
Arubota ; tei iaia ko Soko, e te tapere
11 katoa ra ko Hephra : Ko te tamaiti
a Abinadaba, i te tapere katoa ra ko
Dora ; tei iaia te tamaine a Solomona
12 ko Thaphate, ei vaine nana : Ko Baana
te tamaiti a Ahiluda ; tei iaia Taanaka,
e Megido, e ko Bete-seana katoa, i vai-
tata i Zaretana i raro ake i Iezereela,
mei Bete-seana e tae ua atu ki Abela-
13 mehola, e topa maira Iokemeama : Ko
te tamaiti a Gebera, i Ramota-gileada ;
tei iaia oki te au oire ra o Iaira te ta-
maiti a Manase ra, i Gileada ra ; tei
iaia oki te tapere ra ko Aragoba, i Ba-
sana ra, e ono katoa ngauru anga i te
oire maata, ma te patu e te tea veo ra :
14 Ko Ahinadaba te tamaiti a Ida, tei iaia
15 Mahanaima : Tei Naphatali a Ahim-
maza ; e kua rave atura aia i te ta-
maine a Solomona ia Basemata ei
16 vaine nana : Ko Bana te tamaiti a
17 Husai, tei Asera, e tei Alota : Ko Ie-
hosaphata te tamaiti a Parua, tei Isa-
18 kara : Ko Simeï te tamaiti a Ela, tei
19 Beniamina : Ko Gebera te tamaiti a
Uri, tei te motia ra, tei Gileada ia, tei
te enua o Sihona ariki o te ngati
Amori, e tei te enua o te ariki o Ba-

sana ko Oga; e tera rai tetai kavana tei te enua.

Ko Iuda, e ko Iseraela, e aronga 20 maata ia, mei te one taatai ra ia i te maata, i te kai anga e te inu anga, e te akarekareka anga ia ratou.

Tei ia Solomona te au i te pa enua 21 katoa, mei te vai mai e tae ua atu ki te enua o te Philiseti, e tae ua atu ki te pae i Aiphiti ra: kua apai mai ratou i te apinga, e kua tavini iora ratou ia Solomona, e ope rava akera tona au rā i te ora anga nei.

Ko ta Solomona kai i te rā okotai 22 ra, e toru ia ngauru kora faraoa meitaki rava, e ono ngauru kora faraoa akino ake; Okotai ngauru bovi mātū 23 ra, e rua ngauru bovi aere ua, okotai anere mamoe, e te aili, e te zabi, e te kemura, e te moa akamatuia ra. Tei 24 iaia anake oki te au i te enua katoa i teia pae vai, mei Tiphesa e tae ua atura ki Gaza, e te au ariki katoa i teia pae vai; e au oki tona i tona au tavini ravarai e pini ua ake. Noo ua iora Iuda 25 raua ko Iseraela ma te au, ko te tangata katoa i raro ake i tana vine, e tana suke, mei Dana mai e tae ua atura ki Bere-seba, e ope rava akera to Solomona au rā. E a ngauru tausani 26 a Solomona vairanga ipo no te au kariota nona, okotai ngauru ma rua i te tausani i te au tangata akaoro ipo. E na taua au rangatira ra i kimi i te 27 kai na te ariki ra na Solomona, e na te aronga katoa i tae mai ki te kaingakai a te ariki a Solomona, ko te tangata ko tona marama, kare rava e ape toe. E 28 te kerite e te mauku na te au ipo, e te au bekare, tei apaiia e ratou ki te ngai i nooia e te aronga ranjaitira ra, ko te tangata ko tana, ko te tangata ko tana.

Kua oronga mai te Atua i te karape, 29 e te kite, kia Solomona, e mea maata roa, e te maoraora maata o te ngakau, mei te one taatai ra. Maata rava atura 30 to Solomona karape i to te aronga katoa i te itinga o te rā ra, e to Aiphiti katoa ra. Maata rava atura tona ka- 31 rape i to te tangata ravarai; i to Etana i Ezera, e to Hemana, e to Kalakola, e to Darada, nga tamariki a Mahola: tutuki atura tona rongo e pini ua ake te pa enua ravarai. E toru tausani 32 ana maseli i tuatua: okotai tausani ana sire e rima ara. Kua tuatua oki 33 aia i te rakau, mei te arezi i runga ia Lebanona, e tae ua atu ki te isopa e tupu i runga i te patu ra: e kua tuatua oki aia i te au puaka, e te au manu, e te au mea e totoro aere ua ra,

34 e te ika. Kua aere mai oki te tangata ravarai e akarongo i te tuatua pakari a Solomona, no ko i te ui ariki katoa o te enua nei, ko tei akarongo i te tuatua karape nana ra.

PENE V.

Te aroa rā Hirama ia Solomona, e nana e tiki i te rakau no te iero: te angaanga maata i raveia e Solomona ra.

- 1 **K**UA tono maira te ariki o Turia ra ko Hirama i tona au tavini kia Solomona ra; kite akera aia i te rongo e kua akatainuia aia ei ariki ei tupau i tona metua: i anoano ua ana oki a
- 2 Hirama ia Davida. Kua tono akerā Solomona i te karere kia Hirama,
- 3 karanga atura, Kua kite oki koe e, kare akera i tika i toku metua ia Davida kia akatu aia i tetai are no te ingoa o tona ra Atua no Iehova, no te mea kua pini takakaiia aia e te tamaki, e kua tukuia akenei e Iehova tona au
- 4 *enemi* i raro ake i tona tapuae. I teianei ra, kua oronga taku Atua ra ko Iehova i te au noku e pini ua ake, kare
- 5 oki e *enemi*, kare oki e kino. E i na, te akakoro nei au i tetai are e akatu no te ingoa o taku Atua no Iehova, ta Iehova oki i tuatua mai ki toku metua ra kia Davida, ka tuatua mai ei ra e, Na to tamaiti, taku e akanoo ki runga i to terono ei tupau ia koe ra, nana e
- 6 akatu i te are no toku nei ingoa. E tenana, e akane koe i te tangata e tipu i te arezi naku i Lebanona; ka kapiti katoa atu te au tavini noku ki toou ra au tavini: e taau apinga e akakite maira, ko taku ia e apai atu ki te au tavini noou ra: kua kite oki koe kare e tangata i o matou nei e aite ki to Sidona i te kite i te tipu rakau ra.
- 7 E kite akerā Hirama i te tuatua a Solomona, mareka rava akera aia, kua tuatua akera, Kia akameitakiā Iehova i teianei rā, ko tei oronga mai i tetai tamaiti pakari na Davida ei ariki i run-
- 8 gao i teianei aronga maata. Kua tono akerā Hirama i te karere kia Solomona, tuatua maira, I manako ua ana au i taau i tono mai i te karere kiaku nei: kua tika iaku taau i tuatua maira, naku e rave, i te arezi, e te
- 9 berusi. Na toku ra au tavini e kika mai mei Lebanona mai e taatai; e naku e akapanta na tai e tae ua atu ki te ngai taau e akakite mai kiaku, ka vaoo atu ei i reira, ka rave mai ei koe ra: ka akatika maira koe i toku anoano, naau e akaangai mai i toku ra au

tangata ki te kai. Kua oronga mairā 10
Hirama i te arezi e te berusi na Solo-
mona, e maa akera tona anoano. Kua 11
apai aturā Solomona, okotai takau
tausani kora sitona na Hirama ei kai
na tona ra ngutuare, okotai takau oki
kora inu rerua: ko tei apaiia ia e
Solomona kia Hirama, i tera mataiti i
tera mataiti. Kua oronga maira oki 12
a Iehova i te pakari no Solomona, tana
oki i tuatua maira: au iora ta Solomona
raua ko Hirama; e kua papau iora
raua i ta raua koreromotu.

Kua akataka iorā Solomona i te 13
urupu tangata no roto ia Iseraela
katoa; e taua urupu tangata ra, e toru
ia ngauru i te tausani. Kua tono atura 14
aia ia ratou ki Lebanona, okotai
ngauru i te tausani i te marama oko-
tai, e ope rava ake ratou ra; okotai o
ratou marua i Lebanona, e rua ma-
rama i te ngutuare: e ko Adonirama
to rungao i taua urupu ra. E itu oki 15
ngauru i te tausani to Solomona tangata
e apai i te apainga; e varu ngauru i te
tausani anga i te aronga tarai *toka* i
runga i te maunga; Taka atura to 16
Solomona au tangata akamaroiroi i
rungao i taua angaanga ra, e toru ia
tausani e toru anere, ko te akakite ia i
te au tangata i rave i taua angaanga ra.
Kua akauc akera te ariki, e kua rave 17
maira ratou i te toka mamaata, te toka
apinga, e te toka taraiia, ei akamou i
te papa o taua are ra. Kua tarai iora 18
te au rave angaanga a Solomona, e te
au rave angaanga a Hirama, e te au
Gibeli, e kua akonokono i te rakau e
te toka ei akatu i taua are ra.

PENE VI.

*Te iero o Solomona i akatuia ra, e te
au pia e te apinga i roto ra.*

TEI te a o te anere anga e varu 1
ngauru ara o te mataiti, ka aere
mai ei te tamariki a Iseraela mei te
enua maira mei Aiphiti, tei te a ra o
te mataiti i te au o Solomona i runga
ia Iseraela, i te marama ko Zifa, koia
te rua o te marama, i patu ei aia i te
are o Iehova. E taua are i akatuia e 2
te ariki ra e Solomona no Iehova ra,
e ono ia ngauru i te kubiti i te
roa, e rua ngauru i te pararauare, e
toru ngauru i te kubiti i te teitei. E te 3
tomoanga i mua i te nao i taua are ra,
okotai takau ia kubiti i te roa, i aite
katoa i te pararauare o te are; te pa-
rarauare okotai ia ngauru i te kubiti ki
mua atu i taua are ra. E kua anga 4
aia i te māramārama no taua are ra,

kua akamouia ki te mea kopekapeka.
5 Kua anga oki aia i te pia rikiriki e
pini ua ake, kua topiriia ki te pae
patu are e kako rava ake, i to te nao
e to te ngai-tuatua katoa; kua akapia
6 aereia e ia e pini ua ake. Ko te pia
ki ko nei atu, e rima ia kubiti i te pa-
rarauare, e tei rotopu atu, e ono ia ku-
biti i te pararauare, e te toru ra, e itu
ia kubiti i te pararauare: i te pae i
vao mai i taua are ra i akatoe akera
aia i tetai ngai e pini ua ake, kia kore
te au rango e akamouia i roto i te patu
7 o taua are ra. I te patu angaia oki
taua are ra, i patuia ia ki te toka aka-
maneaia, ou i apaiia mai ei ra: e kare
atura e amara, e te toki, e te au auri
katoa, i te kitea anga i te *hokina* i roto
8 i taua are ra, ka patuia'i ra. Tei tei
rotopu ake pia ra, e tomoanga ia tei te
pae katau i taua are ra: aere takani-
mo ua atura ratou ki runga e tae atu-
ra ki te pia i rotopu ra, e mei taua pia
9 i rotopu ra e tae atura ki te toru ra. I
pera oki aia i te akatu anga i taua are
ra, e oti akera; e kua tapoki i taua are
ra ki te rango e te tapaanga arezi.
10 Kua anga iora oki aia i te au pia e pini
ua ake taua are ra, e rima kubiti i te
teitei: e akairi uaia iora ki rungao i
taua are ra i te rango arezi.

11 Kua tae maira te tuatua a Iehova
12 kia Solomona, na ko maira, I tenana
are taua e akatu ra, i aere koe i taku
ra au akonoanga, e i rave koe i taku
ra tuatua-tau, e kua akamako tikai koe
i taku katoa au akauenga, kia tau to
aerenga ki te reira; ka akatupu au i
taku tuatua ia koe i reira, taku i tuatua
13 ki to metua ra kia Davida. E ka noo
rai au i rotopu i te tamariki a Iseraela,
kare oki au e akaruke i toku ra iti-ta-
ngata ia Iseraela.

14 Kua akatu akērā Solomona i taua
15 are ra, e oti rava akera. E oti akera
te patu o taua are ra i te patuia, kua
vai akera aia i roto ki te rakau, ki te
au tapaanga rakau arezi, mei te taua
mai i taua are ra e tae rava akera ki
rungao; kareka te taua i raro i taua
are ra, kua tapoki aia i te *reira* ki te
16 tapaanga berusi. Kua tapoki akera
aia i nga pae o taua are ra, ko te taua
i raro e to runga katoa i nga paruru ra
ki te tapaanga arezi, e okotai takau
akera i te kubiti: i rave oki aia i te
reira ei ngai-tuatua i roto ra, *koia oki*
17 ei ngai-tapu rava ra. Toe iora e a
ngauru i te kubiti no te are i vao, no
18 te nao. I akatikitikiia te arezi i te
are i roto ra, ei ponapona, e ei tiare
puera: e arezi anake; kare rava e

toka i kitea. E taua are i roto ra, ko 19
 tei akonoia e ia ei ngai-tuata ra, ei
 reira te aruna koreromotu a Iehova vai
 ei. Tei mua atu nei pae i taua ngai- 20
 tuatua ra, e tai takau ia kubiti i te
 roa, okotai takau oki ia kubiti i te
 pararauare, okotai takau oki kubiti i te
 teitei: e kua tapokiia e ia ki te auro
 meitaki; e kua tapoki katoa aia i te
 atarau arezi. I tapokiia a roto i taua 21
 are ra ki te auro meitaki e Solomona:
 e kua anga oki aia i te pirianganaoa
 auro no te paruru ki mua i te ngai-tua-
 tua ra; e kua tapokiia te reira ki te
 auro. E kua tapoki katoaia taua are 22
 katoa ra e ia ki te auro, e oti rava ake-
 ra te are; e taua atarau katoa i vaitata
 i te ngai-tuata ra, kua tapoki katoaia
 ki te auro.

E i roto i taua ngai-tuata ra kua 23
 anga iora aia i nga kerubi olive e rua,
 okotai ngauru te kubiti i te teitei.
 Okotai peau i taua kerubi ra, e rima 24
 ia kubiti, e tetai peau i taua kerubi ra,
 e rima ia kubiti; ko te peka o tetai
 peau e tae ua atu ki te peka o tetai
 peau, okotai ngauru ia kubiti. Okotai 25
 ngauru ia kubiti to tetai kerubi: okotai
 rai ariteanga nga kerubi e rua rava-
 rai, okotai rai tu. Okotai ngauru 26
 kubiti te teitei i te kerubi okotai, e mei
 te peira katoa tetai kerubi. Kua tuku 27
 akera aia i nga kerubi i rotopu i taua
 are i roto ra: e kua totoa akera nga
 peau o aua nga kerubi ra, e tukia atura
 te peau o tetai i te pae pia, e kua tukia
 katoa te peau o tetai kerubi i tetai pae
 pia; e kua tukia oki to tetai ra peau
 e to tetai i rotopu i taua are ra. E 28
 kua tapokiia e ia aua nga kerubi ra ki
 te auro. E kua akatikitiki aereia e ia 29
 taua paruru pia ra e mei te kerubi te
 tu, e mei te tamara, e te tiare puera,
 to roto e to vao katoa ra. E kua ta- 30
 pokia e ia te taua o taua are ra, to
 roto e to vao katoa, ki te auro. Kua 31
 tarai iora aia i nga pa olive no te to-
 moanga i taua ngai-tuata ra; te
 rakau no rungao i nga kopa ngutupa
 ra, e rima aiteanga e tau ia i taua are
 ra. E nga pa ra e olive ia; e kua 32
 akatikitiki e ia a rungao ki te ke-
 rubi, e te tamara, e te tiare puera ra,
 e kua tapoki i aua nga pa ra ki te
 auro; e kua akaauro katoa ki rungao
 i nga kerubi, e nga tamara ra. E kua 33
 tarai katoa oki aia i nga kopa olive no
 te pa o taua nao ra e a aro. E berusi 34
 aua nga pa e rua ra: e rua kapaanga i
 tetai pa ka eu ei, e rua oki kapaanga
 ki tetai pa ka eu ei. Kua akatikitiki 35
 iora aia i te kerubi ki rungao, e te ta-

mara, e te tiare puera; e kua tapoki
 akera i te reira ki te auro akaaiteiteia
 ki rungao i tei akatikitikiia ra.

36 Kua patu iora aia i te kezere i roto
 ra, e toru ia tupati toka i taraiia ra,
 okotai oki tupati rango arezi.

37 Tei te a o te mataiti te tamou angaia
 te tango o taua are o Iehova ra, i te

38 marama ra ko Zifa; E tae akera ki te
 ngauru ma tai o te mataiti, i te marama
 ra ia Bula, koia oki te marama varu
 ra, oti rava akera taua are ra kare e
 va'i toc, ma tona ra oki tu tikai i ako-
 noia ra. E itu akera ona mataiti i te
 akatu anga.

PENE VII.

*Te akatu rā Solomona i te are nona
 uaoari, e tetai oki no te tamaine a
 Pharao ra. Te angaanga i raveia
 e Hirama.*

1 **K**AREKA i te akatu angā Solomona
 i tona uaoari are, okotai ia ngau-
 ru i te mataiti e toru ara. E oti rava
 2 akera taua are nona ra. Kua akatu
 akera i te are no te vaorakau i Leba-
 nona ra: okotai anere kubiti i te roa,
 e rima oki ngauru kubiti i te para-
 rauare, e toru ngauru kubiti i te teitei,
 i tukua ki rungao i nga pou arezi e a
 3 tupati, e nga tea arezi ki rungao i te
 au pou ra. E i tapokiia i rungao i te
 arezi i runga i taua au tea i tukua ki
 rungao i te au pou e a ngauru ma
 4 rima ra, okotai ngauru ma rima i te
 4 tupati okotai. E toru oki tupati mā-
 rāmārama, e aua nga tupati e toru ra,
 kua anga tikai tetai māmārama ki
 5 tetai māmārama. E te au ngutupa
 ravarai, e te au pou no taua au māmā-
 rārama ra, i tarai akaaroaroia; e kua
 anga tikai tetai māmārama ki tetai
 6 māmārama e toru katoa tupati. Kua
 anga iora aia i te tomoanga i te au pou
 ra; e rima ngauru te kubiti i te roa,
 e toru ngauru te kubiti i te pararauare:
 tei mua te tomoanga i taua au pou ra;
 e tetai pae pou e te rango patapa-
 7 tatue tei mua ia. E kua anga iora aia
 i tetai tomoanga no te terono ei reira
 aia akava'i i te tangata, koia te tomo-
 anga akava anga: e kua tapokiia ki te
 arezi mei tetai pae taua e tae rava ake-
 ra ki tetai pae.

8 E tona uaoari are e nooia e ia ra, e
 pia ia tei muri mai i taua tomoanga ra,
 okotai rai tu angaanga. Kua anga
 iora oki a Solomona i tetai are no te
 tamaine a Pharao i moeia e ia ra,
 okotai rai tu e taua tomoanga nei.

9 E toka memetaki anake aua nga

are nei, e toka taraiaia, i niteia, kua
kekcia ki te keke, to roto e to vao,
mei te tango mai e tae ua mai ki
runga i te oka ra, e *kua pera katoa* i
vao ake i te paepae maata. E toka 10
memeitaki oki tei taua tango ra, e au
toka mamaata, okotai ngauru te kubiti
i te toka okotai, e varu kubiti i tetai
toka. E i rungao ra, e toka memei- 11
taki ia, e au toka taraiaia, i aiteia, e te
arezi. E te kezere maata i vao ake, e
toru ia tupati toka tarai, okotai tupati
tea arezi, no te kezere i roto i te
are o Iehova ra, e no te tomoanga o
taua are ra.

Kua tonu akera te ariki ra ko Solo- 13
mona, kua tiki maira ia Hirama mei
Turia mai. E tamaiti aia na tetai 14
vaine takaua, no te kopu o Naphatali,
no Turia ra te metua tane: ko tei kite
ia i te rave i te veo; kua ki rava aia i te
karape, e te kite, e kua pikipiki aia i te
rave i te au angaanga vao katoa ra. E
kua aere maira aia ki te ariki ra kia Solo-
mona, e kua rave iora i te au angaanga
katoa nana. Kua akato iora aia i nga 15
pou vao e rua, okotai ngauru ma varu
i te kubiti i te teitei i te pou okotai;
okotai ngauru e rua ara te kubiti te
taura e kako ci te pou okotai. Kua 16
anga iora oki aia i e rua tapoki vao
akatoia ra, e tuku ki rungao i auanga pou
ra: e rima kubiti te teitei i tetai tapo-
ki, e rima kubiti te teitei i tetai tapoki:
E te au kupunga kopekapeka, e te ci pi- 17
rianganaoa, no auanga tapoki ra i rungao
i nga pou ra; e itu no tetai tapoki, e
itu oki no tetai tapoki. Kua anga 18
iora oki aia i nga pou, ma te remuna e
rua tupati, no rungao i nga tapoki i vai
i runga i te kauru o *nga pou ra*, i
akapiniia i te kupunga no tetai tapoki;
e kua pera katoa oki i tetai. E nga 19
tapoki i rungao i nga pou ra, e a ia kubiti,
e angaanga akatiareia i roto i te tomo-
anga ra. E i rungao ra, i te ngai i pue- 20
ngunu i vaitata i te kupunga, i runga i
nga tapoki i vao i rungao ei nga pou e
rua ra, e puke tupati remuna ia; e rua
anere i runga i tetai tapoki, e rua anere
i runga i tetai tapoki. E kua akatu 21
akera aia i nga pou i roto i te tomoanga
o te nao ra; e kua akatu akera aia i te
pou i te pae katau, tapa iora i tona
ingoa ko Iakina; e kua akatu akera aia
i te pou i te pae kaui, tapa iora i tona
ingoa ko Boaza. E tei rungao i aua 22
nga pou ra te angaanga akatiareia:
oti rava akera te angaanga i nga pou ra.

Kua anga oki aia i tetai kiura aka- 23
toa, tetai nia e tae ua atu ki tetai nia,
okotai ngauru ia kubiti, e mea taka-

puna ia, e rima kubiti i te teitei; e toru
ngauru te kubiti i te taura e pini ei kia
24 akapini. E i raro ake i taua nia ra, e
ponapona i te akapini anga ia, okotai
ngauru i te kubiti okotai, i te akapini
anga i taua kiura ra: e rua tupati i
taua au ponapona ra, okotai rai akato
25 angaia, ka akatoia i te *kiura ra*. Ki
runga i nga bovi okotai ngauru ma rua
te vao angaia; ko e toru ra, te akara tika
ra ia ki te pae i apatokerau, ko e toru oki,
te akara tika ra ia ki te pae i te opunga
o te ru, ko e toru ra, te akara tika ra ia
ki te pae i apatonga, e ko e toru ra
oki, te akara tika ra ia ki te pae i te
itinga o te ru ra: kua tukuia taua kiura
i rungao i aua nga *bovi* ra, tei roto
26 anake nga toe ra. E te patapatatue ra,
mei te rima nei rai te pararauare, e
te nia ra, mei te nia kapu ra ia te tu i
te anga angaia, mei te tiare lili ra.
E rua tausani bato e ki ei.

27 Kua anga katoa oki aia i te turanga
vao okotai ngauru: e a kubiti te roa i
tetai turanga, e a oki kubiti te para-
28 rauare, e toru kubiti te teitei. Teia te
tu o te angaanga i aua nga turanga ra:
te vai ra nga tea, e aronga tea ra tei
29 rotapu ia i nga tapa ra: E taua aronga
tea i rotapu i nga tapa ra, e liona ia, e
bovi, e te kerubi: e tei runga i aua
nga tapa ra, i runga ake, e i raro ake
oki i aua nga liona ra, e nga bovi, e puke
30 va'i i tipiri meitaki roaia ia. E a
porotata vao to te turanga okotai, e nga
vao no roto ra: e tei nga poo e a ra, ko
nga vaevae ia, e vaevae akatoia i raro
ake i taua kiura ra, i te pae o nga to-
31 piranga katoa ra. E te vao ra tei
roto ia i te tapoki, okotai kubiti i te
teitei: kareka te vao i *vao*, aiteite ake
okotai ia kubiti, e kubiti toiangia te
rua, kua aite ki te angaanga o te tu-
ranga: e i vaitata i te vao ra kua koti-
kotia ia e a aro, kare te mea takapuna,
32 e te reira oki au tea. E ko raro ake i
taua au tea ra, ko nga porotata e a ia; e
kua akamouia nga pu i roto i taua tu-
ranga ra: te teitei o taua porotata ra,
okotai ia kubiti, e kubiti toiangia te rua.
33 E te angaanga i aua nga porotata ra,
mei te angaanga porotata kariota te tu:
ko nga pu i roto ra, e nga momonoanga
ra, e nga tapa i vao ake, e nga tea, e
34 mea akato anakeia ia. E a oki nga
vaevae tei nga poo e a i taua turanga
ra: e aua nga vaevae ra no te turanga
35 tikai ia. E to rungao i taua turanga
ra, kua akapiniia ia ngai, okotai afu
kubiti te teitei: e tei runga tikai i taua
turanga ra, te au mangamanga, e te
36 au tea, te vairanga. E tei runga i te

au tapaanga i rungao i te au mangama-
nga ra, e i runga katoa i te tapa, kua
kokoti iora aia i te kerubi, e te liona, e
te tamara, i te au ngai atea ra, e te au
topirianga e pini ua ake. I pera aia i te
anga i nga turanga okotai ngauru ra:
okotai rai akatoa anga, okotai rai aite-
itanga, okotai rai tu o aua nga mea
katoa ra.

Kua anga iora aia i nga kiura veo 38
okotai ngauru: e a ngauru i te bato i
te kiura okotai: e a kubit i te para-
raure i te kiura okotai: okotai kiura ki
runga i tona turanga okotai, i aua nga
turanga okotai ngauru ra. Kua tuku 39
akera aia i nga turanga e rima ra i te
pae katau o te are ra, e rima oki i te
pae kau i taua are ra: kua tuku akera
aia i te kiura i te pae katau i te poo i te
itinga o te rā ra, e anga tika ki apa-
tonga i taua are ra.

Kua anga katoa oki a Hirma i te au 40
kiura, e te au taipu, e te au kapu. Oti
rava akera ia Hirama te au angaanga
katoa tana i rave na te ariki ra na Solo-
mona, no te are o Iehova: Nga pou ra, e 41
nga kapu no runga i nga tapoki i vaoo i
runga i nga pou e rua ra; e nga kupenga
ei tapoki i nga kapu i vaoo i runga i nga
pou ra; E a oki anere i te remuna no nga 42
kupenga e rua ra, e rua tupati remuna
no te kupenga okotai, ei tapoki i nga
kapu e rua no runga i nga pou ra;
E nga turanga okotai ngauru ra, e nga 43
kiura i vaoo i runga i aua nga turanga
okotai ngauru ra; Okotai oki kiura, e 44
nga bovi okotai ngauru ma rua i raro
ake i taua kiura ra; E te au pani, e te 45
au taipu, e te au kapu ra: e taua au
mea katoa nei, ta Hirama i anga na te
ariki ra na Solomona, no te are o
Iehova, e veo kakā anake ia. Tei te 46
ngai mataataa i Ioridana te akatoa
angaia ia e te ariki, tei te ngai ka-
rakaraca i te va i Sukota e Zaretana.
E vaoo uaia iora taua au mea ravarai 47
ra e Solomona, kare i aiteia, no te
maata, kare oki i kitea te teiaa o taua
veo ra. Anga iora oki a Solomona i te 48
au mea ravarai no te are o Iehova ra:
te atarau auro ra, e te kaingakai auro,
i vaooia i te areto o te aouro ra; E 49
nga menure auro meitaki ra, ei te pae
katau e rima, ei te pae kau e rima, i
mua i te ngai-tuatua ra, e nga tiare, e
nga lamapa, e nga pakoti auro, Nga 50
kapu ra, e nga matipi ra, e nga kapu i
pipiia ra, e nga punu, e te mekete auro
meitaki ra; e nga inere auro, no nga
pa i te are i roto i te ngai-tapu roa ra,
e no nga pa i te are o te nao ra.

Oti rava akera te au angaanga katoa 51

i te raveia e te ariki ra e Solomona, no
te are o Iehova. Kua apai mairā Solo-
mona i te au mea i akatakaia e tona
metua e Davida; i te ario, e te auro, e
te au kapu, tei tukuia e ia ki roto i te
uipānga apinga no te are o Iehova.

PENE VIII.

*Te tomo anga o te iero ta Solomona i
akatu ra; tana pure i te tomo anga
ra, e tana ra au tusia.*

- 1 **K**UA akaputuputu mairā Solomona
i te aronga pakari i Iseraela, e to
rungao i te au kopu ra, te au mataiapo
tutara o te tamariki a Iseraela, ki Ieru-
salema, ki te ariki ra kia Solomona, kia
apai mai ratou i te aruna koreromotu a
Iehova, mei roto mai i te oire o Da-
vida, koia oki Ziona. Kua uipa maira
te au tangata ravarai o Iseraela ki te
ariki ra kia Solomona, i te oroa, i te
marama ra ia Etanima, koia te mara-
3 ma itu ra. Kua aere maira te aronga
pakari katoa o Iseraela; e kua rave iora
4 te kau taunga i te aruna. E kua apai
maira ratou i te aruna a Iehova, e te
Are uipānga, ki runga, e te au mea
tapu ravarai i roto i taua Are ra; ko
tei apaiia mai ia e te kau taunga e te
5 ngati Levi. E te ariki ra oki ko Solo-
mona, e Iseraela katoa i te uipa katoa
anga i reira ki mua i te aruna, te apai
ra i te mamoc, e te bovi, ei tusia, kare e
6 tika kia tatau i te maata. E kua apai
maira te kau taunga i te aruna korerom-
motu a Iehova ki tona ra vairanga, ki
te ngai-tuatua i te are, ki roto i te ngai-
tapu rava ra, i raro ake i nga peau o
7 nga kerubi ra. Kua oora mai oki nga
kerubi i o raua peau e rua ra na runga
i te vairanga aruna, e ngaro oki te
aruna e nga amo katoa ra i nga kerubi.
8 I kitea nga ope amo i roto i te ngai-
tapu rava ra, i mua ake i te ngai-tua-
tua, no te roa, kare ra i kitea i
vao: e te vai ua ra i reira e tac rava
9 akenei ki teianei rā. Kare o roto i
taua aruna ra, mari ra i aua nga papa
toka e rua ra, ta Mose i tuku i reira i
Horeba ra, ka papau ei a Iehova i te
koreromotu ki te tamariki a Iseraela,
ka aere mai ei ratou mei te enua maira
mei Aiphiti.
10 E kia riro mai te kau taunga ki vao
i taua ngai-tapu ra, ki rava akera te
11 are o Iehova ki te tumurangi. Kare
atura te kau taunga e mou kia rave i
ta ratou taoonga i taua tumurangi ra:
kua ki oki te are o Iehova ki te kakā
12 o Iehova. Kua tuatua akērā Solo-
mona, i tuatua mai oki a Iehova e, ei

roto i te tumurangi poihi aia noo ei.
Kua akatu tika au i tetai are nooanga 13
noou, ei ngai nooanga tika noou e tua-
tau ua atu. Kua anga maira te mata 14
i te ariki, kua akaora maira i te ui-
pānga katoa o Iseraela, kua tu ua
maira te uipānga katoa o Iseraela ki
runga; Kua tuatua akera aia, Kia aka- 15
meitakiia te Atua o Iseraela ko Iehova,
ko tei akatupu ua i tona rima i ta tona
uaorai vaa i tuatua ki toku metua kia
Davida, i te na ko anga e, Mei te rā 16
mairai i arataki mai ei au i toku ra au
tangata ia Iseraela mei Aiphiti mai,
kare au i iki i tetai oire i roto i te au
kopu ravarai o Iseraela nei, ei akatu
anga are, kia vaoaia toku nei ingoa i
reira; kua iki ra au ia Davida, ei run-
ga ia i toku nei au tangata ia Ise-
raela. Ko roto ra i te ngakau o toku 17
metua ra o Davida *te marako*, e akatu
i tetai are no te ingoa o te Atua o Ise-
raela no Iehova. Kua tuatua mairā 18
Iehova ki toku metua kia Davida, No
te mea, ko roto i toou ngakau e akatu
i tetai are no toku nei ingoa, kua tika
taau no te mea ko roto ia i toou nga-
kau. Auraka ra koe e akatu i taua 19
are nei; na to tamaiti ra, taua e anau
ra, nana e akatu i te are no toku nei
ingoa. E kua tupu io nei ia Iehova te 20
tuatua tana i karanga ra, kua tupu io
nei oki au ei tupai i toku metua ia
Davida, e noo nei au ki runga i te
terono o Iseraela, ta Iehova i tuatua
maira, e kua akatu io nei au i te are no
te ingoa o te Atua o Iseraela no Ie-
hova. E kua akonoia e au tetai vai- 21
ranga no te aruna, tei reira *nga papa*
koreromotu a Iehova ra, tana i papau
ki to tatou ai metua ra, ka arataki mai
ei aia ia ratou mei te enua maira mei
Aiphiti.

Te tu ua rā Solomona ki mua i te 22
atarau a Iehova, ki mua i te aroaro o
te uipānga katoa o Iseraela, te oora
tika atura aia i ona rima ki runga i te
rangi: Kua karanga atura, E te Atua 23
o Iseraela, e Iehova e, kare atu e Atua
e aite kia koe, i runga i te rangi, e i
raro katoa i te enua nei, i te akono i te
koreromotu, e te aroa, ki to au tavini,
ko tei aere i mua ia koe ma to ratou
ngakau katoa; Ko tei akono tikaia e 24
koe tauu i tuatua mai ki to tavini ki
toku metua kia Davida: na toou vaa i
tuatua i tei akatupuia e to rima mei tei
teianei rā. E tenana, e te Atua o Ise-
raela, e Iehova, e akono rai koe i tei
tuatuaia e koe ki to tavini ki toku me-
tua kia Davida, ka na ko ei ra e, Kare
koe e ngere i te tangata kia noo ki

mua i toku aroaro ki runga i te terono
o Iseraela; kia akono mairai to au
tamariki i to ratou aerenga, e kia tau
to ratou aerenga ki mua iaku, mei ia
26 koe katoa i aere na mua iaku ra. E
teianei, e te Atua o Iseraela, teia taku
tuatua kia koe, kia tupu tika tauu
tuatua i tuatuaia e koe ki toku metua,
ki to tavini kia Davida.
27 Ka noo tika mairai ainei te Atua
ki runga i te enua nei? ina, te rangi nei,
e te rangi o te au rangi ra, kare rai koe
e o; ka tanga'i oki i teianei are i aka-
tuia e au nei! E akono maira koe i te
pure a to tavini nei, e tana e pati nei,
e taku Atua, e Iehova, e akarongo mairai
koe i te kapiki e te pure ta to tavini e
29 pure ki mua ia koe i teianei rā: Kia
puera mai o mata i te po e te ao ki
teianei are, ki te ngai tauu i tuatua
maira, Ei reira toku ingoa vaoaia: ka
akarongo mai ei koe i te pure e pureia
30 e to tavini ki teianei ngai, E akarongo
mairai koe i te pure a to tavini, e ta to
au tangata ia Iseraela, kia pure tika mai
ratou ki teianei ngai; e akarongo mai
koe i reira i toou ra nooanga i te rangi
ra, e kia rongu koe ra, e akakore mai i
ta ratou ara.
31 Kia ara tetai tangata i tona tangata
tupu, e akataputouia atura aia, e kua ta-
putou iora i ko nei, ki mua i to atarau i
32 roto i teianei are: E akarongo mai koe i
runga i te rangi ra i reira, ka tuku mai ei
i te tuatua-tau ki to au tavini nei, i te
akaapa anga mai koe i tei apa ra, e te
uri anga mai i tana ara ki runga i tona
orai mimiti; e te akatika anga mai i
tei tika ra, i te tuku anga mai i tei tau
ki te tuatua-tika nana ra.
33 Kia eke to au tangata ko Iseraela ki
mua i te enemi, no te mea kua ara
ratou ia koe; e kia anga maira kia koe,
e kia aaki i to ingoa, e kua pure, e kua
pati i to ratou anoano kia koe i roto i
34 teianei are: E akarongo mai koe i
runga i te rangi ra i reira, e akakore
mai i te ara a to au tangata ia Ise-
raela, e akaaki mai ia ratou ki te enua
taau i oronga mai ki to ratou ai me-
tua ra.
35 Kia momaniia te rangi ra, e kare e
ua, no te mea kua ara ratou ia koe;
kia pure tika maira ratou ki ko nei ki
teianei ngai, e kia aaki i to ingoa ra, e
kia akaruke i ta ratou ara, kua oti ratou
36 i te tairoia e koe ra: E akarongo mai
koe i runga i te rangi ra i reira, e aka-
kore mai koe i te ara a to au tavini, e a
to au tangata ia Iseraela; e akakite
mai koe kia ratou i te ara meitaki kia
aere ratou ra; ka oronga mai i te ua

ki runga i to enua nei, i tei orongaia mai e koe ki to au tangata nei ei tuanga.

Kia rokoia te enua nei e te onge, te 37
maki-mate, te veravera, te pucka, te
akeride, e te anue; e kua akapiniia
ratou e to ratou au enemi i te au oire i
to ratou enua; *kia rokoia* e tera mate, e
tera maki; Ko te au pure katoa e te au 38
patiangā e patiia e te au tangata katoa,
e to au tangata katoa e Iseraela nei, i te
tangata katoa i kite i te kino o tona uorai
ngakau, e kua oora tika mai i ona puke
rima ki teianei are: Ei reira koe e aka- 39
rongo mai ei i runga i te rangi i te
ngai tauu e noo ra, ka akakore mai ei
i te ara, e e rave, e akatau mai oki
koe i te *tuatua* ki te tangata katoa kia
tau ki tona aerenga, ko koe oki te kite
i tona ngakau; ko koe, ko koe anake
ra, tei kite i te ngakau o te tamariki
katoa a te tangata nei: Kia matakū 40
oki ratou ia koe i te au rā katoa i to
ratou noo anga i te enua tauu i oronga
mai ki to matou nei ai metua ra.

I te tangata ke ra, kare to Iseraela i 41
toou nei au tangata, no toou nei ingoa i
tae mai ei mei te enua mamao maira;
Ka akarongo oki ratou i toou ingoa i 42
te maata, e to rima marōrō, e to rima i
akatikaia ra; kia aere maira aia, e kia
pure tika mai ki teianei are: E aka- 43
rongo mai koe i reira i runga i te
rangi i te ngai tauu e noo ra, ka akatika
mai ei i ta taua tangata ke i kapiki ia
koe ra; kia kite to te ao katoa nei i
toou ingoa, kia matakū ia koe, mei toou
katoa ra iti-tangata mei ia Iseraela nei;
kia kite oki ratou i teianei are i aka-
tua e au nei, e kua tapaia i te ingoa
noou ra.

Kia aere toou iti-tangata e tamaki i 44
to ratou au enemi, na te arataa tauu e
tono ia ratou, kia pure maira ratou kia
Iehova ki teianei oire i iikiia e koe ra, e
teianei are i akatua e au no toou ra
ingoa: E akarongo mai koe i reira, i 45
runga i te rangi ra, i ta ratou pure e ta
ratou i pati ra, e tupae mai koe ia ratou.

Kia ara ratou ia koe, (kare atu oki e 46
tangata e kore ei te ara,) e kua riri
iora koe ia ratou, e kua tuku atu koe
ia ratou ki te enemi, e kua apai tuika-
ia atu ratou e ratou ki te enua o te
enemi, ki te *enua* mamao, e kare ra, te
enua vaitata; Kia akamaaraa to ratou 47
ngakau i te enua i apai tuikaia i ratou
ra, e kua ariu mai, e kua pure mai ia
koe i taua enua i tuikaia i ratou ra, kia
tuatua mai e, Kua ara matou, kua
tatipake matou, kua rave matou i te
kino; E kia anga maira ratou kia koe 48

ma to ratou ngakau katoa ra, e ma to
ratou vaerua katoa, i te enua o to ratou
enemi tei apai tuikaia ia ratou, e kua
pure ratou ia koe ma te anga ki to ra-
tou ra enua, i orongaia mai e koe no
to ratou ai metua ra, ki te oire i iikiia
e koe ra, e te are i akatua e au no
49 toou ra ingoa: E akarongo mai koe i
reira, i runga i te rangi i te ngai tauu
e noo ra, i ta ratou pure, e ta ratou i
50 pati ra, e tupae mai koe ia ratou, Ka
akakore mai ei koe i te ara a to au
tangata i ara ai ia koe ra, e te au ara
katoa i riri ei koe ra, e akatupu oki
koe i te aroa i te aronga i apai tuikaia
ia ratou ra, kia aroa mairai ratou ia
51 ratou: Ko toou ra ia au tangata ko
ratou, e ko tauu ia tuanga, tauu oki i
arataki mai mei Aiphiiti maira, mei
52 rotopu i te umu auri ra. Kia puera
oou mata i te pure a to tavini, e te
pure a to au tangata ia Iseraela, e
akarongo koe ia ratou i te au mea ka-
toa ta ratou e tautopa atu ia koe ra.
53 Kua akataka keia ratou e koe mei roto
mai i to te ao katoa nei, ei tuanga naau
orai, tauu rai oki i tuatua i to tavini ra
ia Mose, ka arataki mai ei koe i to
matou ai metua mei Aiphiiti mai, e
taku Atu e Iehova e.

54 E oti akera ia Solomona i te pure
i teianei pure katoa, e teianei patiangā,
kia Iehova ra, kua tu akera aia ki
runga mei mua mai i te atarau a Ieho-
va, mei te tuku anga i te turi ki raro,
e kua oora akera i ona rima ki runga i te
55 rangi. Kua tu iora aia, e kua akaora
maira i te uipānga Iseraela ravari,
56 ma te reo maata, na ko maira, Kia
akameitakiū Iehova, kua oronga mai
aia i te au ki tona ra au tangata kia
Iseraela, mei tana oki i tuatua maira;
kare oki tetai reo i topa i te au tuatua
memeitaki katoa tana i tuatua mai
57 i tona tavini ra ia Mose. Ei vaitata
katoa to tatou Atua ko Iehova ia tatou
nei, mei iaia katoa i vaitata mai i to
tatou ai metua ra: auraka rava aia e
vaoa mai ia matou, auraka katoa e
58 akaruke ia matou: E kia akaariu aia
i to matou nei ngakau kiaia uorai,
kia aere katoa matou na tona katoa au
aerenga, e kia akono i tana ra au
akauenga, e tana ra au akonoanga, e
tana au tuatua-tau, tana i akaue mai i
59 to tatou ai metua ra. E kia vai marie
rai tuku nei au tuatua, i pureia e au
ki mua i te aroaro o Iehova ra, i vai-
tata i to tatou Atua ia Iehova i te po e
te ao, kia tupae mai aia i tona tavini,
e to te au tangata nona to Iseraela, i
tei tau ia ratou, i te au rā katoa nei:

Kia kite to te ao katoa nei e ko Iehova 60
 anake ra te Atua, kare atu. E aka- 61
 tau oki i to kotou ngakau ki to tatou
 Atua kia Iehova, kia aere na tana ra
 au akonoanga, e kia akono i tana au
 akauenga, mei te teianei rā.

Kua apai te ariki, e Iseraela katoa, i 62
 te tusia ki mua i te aroaro o Iehova.
 Kua apai aturā Solomona i te au tusia 63
 au, tana ia i apai kia Iehova, okotai
 takau ma rua i te tausani i te hovi,
 okotai anere e rua ngauru i te tausani
 i te mamoe. I pera te ariki e to Ise-
 raela katoa i te akatapu anga i te are o
 Iehova. I taua rā ra te akatapu anga 64
 e te ariki te *ngati* i rotapu i te kezere i
 mua i te are o Iehova: i reira oki te
 au tusia karakaratio, e te tusia kai, e
 te tongaua no te tusia au ra: no te
 mea e iti te atarau veo i mua ia Ie-
 hova kia āriki i te au tusia karakaratio,
 e te tusia kai, e te tongaua no te tusia
 au ra. E oroā ta Solomona i akono i 65
 reira, e ko Iseraela katoa i te kai anga,
 e aronga maata, mei te tomoanga i Ha-
 mata mai e tae ua atura ki te kauvai i
 Aiphiti ra, ki mua i te aroaro o to
 tatou Atua ko Iehova, po itu, e po itu
 mai, okotai ngauru ma a i te rā. E 66
 tae akera ki te varu o te rā ra, kua
 tuku ua atura aia i te tangata: kua
 akameitaki maira ratou i te ariki, e
 aere atura ki to ratou au puakapa, ma
 te perepekavana e te rekareka o te
 ngakau, i te au meitaki katoa ta Iehova
 i rave i tona tavini ia Davida, e ia
 Iseraela i tona au tangata.

PENE IX.

*Te tu rua anga o to te Atua aere aka-
 kite anga mai kia Solomona i te orama
 ra: te au oire tana i o ake kia Hi-
 rama; tona takinga i te au ngati
 Kanaana i toe ra; e tona au pai i te
 akatere anga ki Ophira.*

E OTI akera te are o Iehova i te 1
 akatua e Solomona, e te are o
 te ariki, e te au mea katoa ta Solomona
 i anoano i te rave, Kua mama mairū 2
 Iehova kia Solomona ra, ko te tu rua
 ia i te mama anga mai, mei iaia katoa
 i mama mai kiaia i Gibeona. Kua 3
 tuatua mairū Iehova kiaia, Kua aka-
 rongo au i tauu pure e tauu pati anga,
 i tauu i pure mai ki mua iaku ra: kua
 akatapuia e au taua are i akatuaia e
 koe ra, ei reira toku ingoa vaoo ei e
 tuatau ua atu; ei reira oki toku mata
 e toku ngakau ka vaoo atu ei i te au
 rā katoa. Kareka ko koe ra, kia na 4
 mua tikai koe iaku i te aere mei to to

metua ra mei to Davida i aere ra, ma
 te akono meitaki o te ngakau, e ma te
 tiratiratu, i te rave i taku i akaue atu
 ia koe ra, kia akono koe i taku ra au
 akonoanga, e taku ra au tuatua-tau:
 5 Ei reira au ka akamou ei i te terono i
 toou ra basileia ki runga ia Iseraela e
 tuatau ua atu, taku oki i karanga atu
 ki to metua ra kia Davida, ka tuatua'i
 au ra e, Kare koe e ngere i te tangata
i te noo ki runga i te terono o Iseraela.
 6 Kia anga ke ra kotou, e ta kotou au
 tamariki, e kia kore e aru mai iaku, e
 kia kore oki e akono mai i taku au akau-
 enga, taku ra au akonoanga i tukua atu
 e au ki mua i to kotou aroaro, kia aere
 rai kotou e kia akarongo i te au atua ke,
 7 e kia akamori ia ratou: Ka tipu keia e
 au Iseraela i reira i te enua i orongaia
 e au no ratou ra; e teianei are, i aka-
 tapuia e au i toku nei ingoa, ka akaruke
 keia e au e kia ngaro atu; ka riro oki
 Iseraela ei amuamunga, e ei tuatua-
 8 anga, i te tangata ravarai. E teianei
 are e teitei nei, ka riro ei vavaranga, e
 ei avirianga na te tangata katoa e na
 reira te aere; ka riro i te tuatua mai
 e, Eaa rā Iehova i akapera mai ei ki
 9 teianei enua, e teianei are? Ei reira
 e karangaia atu ei e, No te mea kua
 akaruke ratou i to ratou Atua ia
 Iehova, tei arataki mai i to ratou ai
 metua mei te enua maira mei Aiphiti,
 e kua opu atu ratou i te au atua ke, e
 kua akamori ia ratou, e kua akarongo
 ia ratou ra: i apai mai ei a Iehova
 i teia katoa nei au kino ki runga ia
 ratou.

- 10 E ope akera te au mataiti okotai
 takau ra, e oti akera nga are e rua i
 te akatuaia e Solomona, i te are o Ie-
 11 hova, e te are o te ariki ra, No te mea
 kua oronga mai te ariki o Turia ra ko
 Hirama i te arezi e te berusi, e te
 auro, na Solomona, e na akera tona
 inangaro, kua apai atura te ariki ra ko
 Solomona i te au oire no Hirama, oko-
 12 tai takau, i te enua ra i Galilea. Kua
 aere mairū Hirama mei Turia mai e
 atoro i taua au oire ra i o maia mai e
 Solomona; kare akera i tau iaia.
 13 Kua tuatua akera aia, Eaa teianei au
 oire tauu i o mai noku nei, e taku tae-
 ake? Tapa iora aia i taua au oire ra,
 ko te enua ra ko Kabula, *te ingoa*
uaorai ia e tae rava akenei ki teianei
 14 rā. Kua akau mairū Hirama i te au
 taleni auro na te ariki, okotai anere o
 rua ngauru.
 15 Teia te mea e akatakaia'i tetai pouon
 tangata e Solomona; ei akatu i te are
 o Iehova, e te are nona uaorai, e Milo,

e te patu i Ierusalemā, e ia Hazora, e Megido, e Gezera. Kua aere maira te 16 ariki o Aiphiti ra ko Pharaō, e kua rauka Gezera iaia, kua ka i te ai, e kua pou te ngati Kanaana i noo i taua oire ra i te taia, e kua oronga mai no te tamaine no te vaine a Solomona ei ōra; E kua akatu akērā 17 Solomona ia Gezera, e ia Bete-horona i raro ra, E Baalata, e Tadamora i te 18 medebara, i te enua ra, E te au oire vairanga apinga ravarai na Solomona, e te au oire no te au kariota, e te au oire no te aronga akaoro ipo ra, e te au mea katoa ta Solomona i anoano i te patu i Ierusalemā, e Lebanona, e i te enua katoa o tona ra basileia. Ko te au 20 tangata katoa i toe ra i te ngati Amori, te ngati Heta, te Perizi, te ngati Heva, e te ngati Iebusi, kare to te tamariki a Iseraela, E tamariki ra na te 21 aronga i vaioia i runga i te enua ra, tei kore i pou i te tamariki a Iseraela, ka ta Solomona ia i akataka ei tau-taunga e tae rava akenei ki teianei rā. Kareka te tamariki a Iseraela, 22 kare ratou i akataviniā e Solomona; ei tangata ia no te tamaki, ei tavini nona, ei ui rangatira, e aronga kapena, ei aronga kavana no te au kariota nona, e te akaoro ipo ra. Ko te aronga 23 ia i maata i te au rangatira i rungao i te anganga a Solomona, e rima anere, e rima oki ngauru, tei ia ratou te tuatua i te aronga i rave i taua anganga ra.

E tae maira te tamaine a Pharaō 24 mei te oire mai o Davida ra ki tona ra are i akatua e Solomona nona ra: kua akatu akera aia ia Milo i reira.

Ka toru akera o Solomona apai anga 25 i te tusia karakaratio, e te tusia au, ki runga i te atarau i akatua e ia na Iehova, i te mataiti okotai; e kua tutungi aia i te tumiama ki runga i te reira, ki mua i te aroaro o Iehova. Oti rava akera taua are ra iaia.

Kua tarai oki a Solomona i te au 26 pai i Eziona-gebera, i vaitata i Elota, i taatai i te tai muramura, i te enua ra i Edoma. Kua akauc akērā Hi- 27 rama i tona uarai au tavini e kapiti katoa i te au tavini o Solomona ki runga i te pai, e aronga pai karape i te anguanga moana. E aere atura ratou 28 ki Ophira, e kua rave maira i te auro, e a anere e rua ngauru i te taleni, e kua apai maira ki te ariki ra kia Solomona.

PENE X.

Te ariki vaine o Seba i te aere anga mai kia Solomona ra: to Solomona apinga maata roa, e te ngateitei: tona au meitaki.

- 1 E KITE akera te ariki vaine i Seba i te rongo ia Solomona i te ingoa o Iehova, kua aere maira aia e ui kiaia i
- 2 te tuatua pikipiki ra. Koia ma te urupu maata rava i te tae anga mai ki Ierusalemā; ma te kamela i te apai anga mai i te rakau kakara, e te auro maata ua atu, e te toka memeitaki; e tae atura aia kia Solomona, kua karangaranga atura aia iaia i te au tuatua
- 3 ravarai i roto i tona ngakau. Kua matara maira ia Solomona te au mea ravarai tana i ni maira, kare rava au tuatua ngaro i te ariki tei kore i aka-
- 4 kiteia atu kiaia. E kite akera taua ariki vaine i Seba ra i to Solomona pakari maata, e te are i akatua e ia,
- 5 E te kai i tana ra kaingakai, e te nonoo anga o tona au tavini, e te tu anga o te aronga i piri kiaia ra, e to ratou kakau, e te aronga apai kapu nona; e te kakenga nona i aere ei aia ki runga ki te are o Iehova; kare atura e vae-
- 6 rua o roto iaia. Kua karanga atura aia ki te ariki, E tuatua-mou rai taku i rongo i toku ra enua, i tauu ravanga
- 7 e toou pakari. Kare ra au i akarongo i taua au tuatua ra, e kia tae maira au, e kite pu akenei oku mata nei: e i na, kare rai te afa i akakiteia mai kiaku nei: kua maata rava atura toou pakari e toou mana i tei akarongoia e au ra.
- 8 E ao to te au tangata noou nei, e ao to teia au tavini nona, e tu ua rai i vaitata ia koe nei, ka akarongo ei i te tuatua pakari naau ra! Kia akameitakiia to Atua, ko Iehova, ko tei mataora mai ia koe, e kua akanoo ia koe ki runga i te terono o Iseraela nei; no to Iehova aroa mutu kore ia Iseraela, i akariro ei aia ia koe ei ariki, ei rave i te tuatua-tau e te tuatua-tika.
- 10 E kua oronga atura aia i te auro na te ariki okotai anere e rua ngauru i te taleni, e te rakau kakara e mea maata, e te toka memeitaki: kare atu e rakau kakara i te maata i tae mai, mari ra ko tei orongaia mai e te ariki vaine i Seba,
- 11 ki te ariki ra kia Solomona. E te au pai katoa o Hirama, i tei uta mai i te auro mei Ophira mai, kua uta katoa mai i te rakau ra, i te alamuga, mei Ophira mairi, e mea maata roa, e te
- 12 toka memeitaki. Kua rave iora to ariki i taua rakau ra i te alamuga ei

toko no te are o Iehova, e no tona uo-
rai are, e te kinura, e te nabala, na te
aronga imene ra: kare ia alamuga i te
tae anga mai, e te kitea anga, e tae
rava akenei ki teianei rā. Kua oronga 13
atura te ariki ra ko Solomona i ta te
ariki vaine i Seba i anoano ra, i te au
mea ravarai tana i pati ra, taka atura
ta Solomona i oronga atu kiaia i tei tau
ki te ariki ra. Oki atura aia, aere
atura ki tona uorai enua, koia ma
tona au tavini.

E te teiaa o te auro i tae mai kia 14
Solomona i te mataiti okotai ra, e ono
ia anere e ono ngauru ma ono i te
talenī auro: Te taka atura *tei rauka* 15
mai iaia i te aronga i akaputuputu ra,
e ta te aronga i oko i te rakau kakara
ra, e ta te ui ariki i Arabia ra, e te
aronga kavana o te enua ra. Kua 16
anga iora te ariki ra ko Solomona i te
paruru e rua anere, e auro tupakiia;
okotai paruru ra e ono ia anere *sekela*
auro. Kua anga iora oki *aia* i e toru 17
anere paruru, e auro tupakiia; okotai
paruru e toru ia mina i te auro: kua
tuku akera te ariki i te reira ki roto i
te are i te vaorakau i Lebanona ra.

Kua anga iora te ariki i te terono 18
maata sene ra, e kua vai ki te auro
meitaki ra. E ono takanga to tana 19
terono ra, e mea takapuna ia i muri
mai: e te vai ra te mouranga-rima i te
nooanga i tetai pac, e tetai pac, e nga
liona e rua i te tu anga i vaitata i aua
nga mouranga-rima ra. E te au liona 20
okotai ngauru ma rua i tetai pac e tetai
pac i te tu ua anga ki runga i nga ta-
kainga ra e ono ra. Kare rava ia mea
i te anga angaia i te au basileia katoa
ra. E te au kapu inu ravarai a te 21
ariki ra, a Solomona, e auro anake ia,
e te au ariki ravarai i te are i te vaor-
akau i Lebanona, e auro meitaki anake
ia; kare rava e mea ario; kare i ako-
noia ei apinga i te au rā o Solomona ra.
E pai Taresisa to te ariki tei te moana, 22
e te au pai katoa o Hiram i Taresisa
ra; okotai rai riro anga e toru katoa
mataiti; i te apai anga mai i te auro, e
te ario, e te sene, e te kuri-tangata, e
te teki.

Tu ke rava atura te ariki ra ko 23
Solomona i te apinga e te pakari i te ui
ariki katoa i te ao nei. Kua kimi 24
maira to te ao katoa nei ia Solomona,
kia akarongo ratou i tana tuatua pakari
i tukuia mai e te Atua ki roto i tona
ngakau. E kua apai ratou, te tangata 25
katoa ra, i tana uorai taoonga-rima, i
te au mea ario, e te au mea auro, e te
kakau, e te taoonga tamaki, e te rakau

kakara, e te ipo, e te mule, ei apinga,
26 to tera mataiti, tera mataiti. Kua
akaputuputu iorā Solomona i te ka-
riota, e te au tangata akaoro ipo; oko-
tai tausani e a anere ona kariota, e
okotai ngauru ma rua i te tausani i te
au tangata akaoro ipo, ko tei akanooia
e ia i roto i te au oire kariota, e i te
27 ariki i Ierusalemā. Riro atura te ario
i te ariki, mei te toka ra te tu i Ieru-
salema: e te arezi mei te sukamino i te
28 o ra, i te maata. E aronga ipo tei
apaaia mai mei Aiphiti maira na Solo-
mona; na te urupu tangata oko o te
ariki i rave i taua anana *ipo* ra ma te
29 akono i te oko mou ra. E rauka maira
e kua apaaia maira te kariota okotai
mei Aiphiti mai i te au *sekela* ario e
ono anere, e te ipo ra, okotai ia anere e
rima ngauru; e mei te reira katoa kia
apaaia mai e ratou na te au ariki ngati
Heta ra, e te au ariki i Arama ra.

PENE XI.

*Te au vaine a Solomona; i akamori ei
aia i te idolo; i riri ei te Atua: tona
au enemi: tona matenga; e tona
tupau.*

1 **I**NANGARO aturā Solomona i te
vaine ke ke e manganui, ratou ka-
toa e te tamaine a Pharao, ko te vaine
ngati Moabi, e te ngati Amona, te ngati
2 Edoma, te Sidona, te ngati Heta; No
te pa enua ta Iehova i tuatua mai ki
te tamariki a Iseraela ra, Auraka ko-
tou e aere atu ki roto ia ratou ra,
auraka oki ratou e aere atu ki roto ia
kotou na: ka riro i te akaariuia e ra-
tou to kotou ngakau kia aru i to ratou
au atua: kua riro rava to Solomona
3 ngakau kia ratou. E itu anere ana
vaine, e ui ariki anake, e toru anere i
te palake, anga ke atura tona ngakau i
4 taua au vaine nana ra. Tangata me-
tua akera oki a Solomona, kua akaa-
nga keia iora tona ngakau e te au vaine
nana ki te au atua ke: kare akenei
tona ngakau i tau ki tona Atua kia Ie-
hova, mei te ngakau o tona metua ra
5 ko Davida. Kua aru atura oki a Solo-
mona ia Asetoreta, i te atua vaine no
Sidona, e te aru anga atu ia Moloka, i
te idolo viivii a te ngati Amona ra.
6 Kua rave oki a Solomona i te kino i
mua i te aroaro o Iehova, kare akera i
aru totomapu tikai ia Iehova, mei to tona
7 metua mei to Davida i aru ra. Kua
akatu akera Solomona i tetai ngai tei-
tei no Kemosa, no te idolo viivii o
Moabi ra, ki runga i te tuaivi i mua
atu ia Ierusalemā, e no Moloka, i te

idolo viivii o te tamariki a Amona ra. E kua pera katoa aia i te au vaine ke nana ra, ko tei tutingi i te tumiama, e kua apai i te tusia na to ratou uorai au atua.

Riri akerā Iehova ia Solomona, no te mea kua anga ke tona ngakau i te Atua no Iseraela ia Iehova, ka rua akera oki ona akakite anga mai kiaia, E kua ikuiku aia iaia i taua au mea nei, e auraka aia e aru i te au atua ke: kare akera i aia i akono i ta Iehova i ikuiku mai *kiaia* ra. Kua tuatua mairā Iehova kia Solomona. Ko koe rai i akapera maira, kare koe i akono i taku koreromotu, e taku nei au akonoanga, i akaueia atu e au ia koe ra, ka aacia e au telanei basileia ia koe, e ka oronga au ki toou ra tavini. Kare ra au e akapera i toou nei tuatau, no te metua no Davida; kia tac ra ki te rima o to tamaiti ka aae keia'i e au. Kare ra au e aae takiri mai i te basileia katoa; ka apai ra au i tetai kopu na to tamaiti, no toku tavini no Davida, e no Ierusalemia i ikia e au nei.

Kua akatupu akerā Iehova i tetai enemi no Solomona, ko te ngati Edoma ra ia Hadada: e uanga no te ariki i Edoma taua *tangata* ra. Ka noo ei oki a Davida i Edoma ra, e riro atura te kapena o te nuku ra ko Ioaba ki runga e tanu i te aronga mate ra, kua oti akera te au tane i Edoma i te taia; (Ka ono akera oki o Ioaba marama i te noo anga i reira e to Iseraela katoa, e ope rava akera te au tane i Edoma i te tipu keia.) Oro aturā Hadada i reira, koia e tetai pae ngati Edoma, e aronga tavini o tona metua, ma ia katoa ra, aere anake atura ki Aiphiti; e tamaiti iti a Hadada i reira. Aere atura ratou mei Midiana atu, e tac atura ki Parana: e kua arataki atura ratou i te tangata mei Parana atu, aere atura ki Aiphiti, kia Pharao ki te ariki o Aiphiti ra; e kua oronga maira aia i te are nona, e kua akono atura i te kai nana, e kua oronga i te kainga nona. Kite puia mai a Hadada e Pharao, e kua oronga atura aia i te taake o tana uorai vaine ei vaine nana, i te tuaine o te ariki vaine ra ia Tahapene. Anau akera ta taua tuaine o Tahapene i te tamaiti nana ia Genubata, e topa ua atura te u ia Tahapene i te ngutuare o Pharao: kapiti katoa aturā Genubata ki te ngutuare o Pharao, i roto i te au tamariki a Pharao. Kite akerā Hadada i Aiphiti e kua moe katoā Davida ki o tona ai metua katoa ra, e kua mate te kapena o te nuku ra ko Ioaba,

kua karanga aturā Hadada kia Pharao, E toku akena koe iaku, e aere au ki toku ra enua. Kua tuatua mairā Pharao kiaia, Eaa taua mea toe iaku nei, i anoano ei koe e aere ki toou ra enua tika? Kua karanga atura aia, Kare rava ia: e toku ua ra koe iaku.

Kua akatupu akera te Atua i tetai enemi rai nona, i te tamaiti a Eliada ia Rezona, ko tei akaruke i tona pu i te ariki o Zoba ia Hadadezera: Kua akaputuputu iora aia i te tangata kiaia ra, e riro atura ei kapena no tetai takanava, ka ta ai a Davida ia ratou i Zoba; riro atura ratou ki Damaseko, e kua noo ratou i reira, e kua au atura ratou i Damaseko. E enemi aia no Iseraela e ope rava akera to Solomona au rā, te taka ra te takinga-kino o Hadada: e kua makitakita aia ia Iseraela, riro atura aia ei ariki no Arama.

E ko Ieroboama te tamaiti a Nebata no Zereda i Epharata ra, e tavini no Solomona, ko Zerua te ingoa o tona metua vaine, e vaine takaua, kua akateitei aia i tona rima i te ariki. Teia te mea i akateitei ei aia i tona rima i te ariki: kua akatu a Solomona ia Milo, e kua patu aia i te au va'i i ngaangaa i te oire o tona metua ra o Davida. E tangata kaumaiti taua tangata ra ko Ieroboama: te kite ra oki a Solomona i te maroiroi o taua tangata ra, kua akariro atura iaia ei rungao i te apinga uipa i te ngutuare o Iosepha. Tei taua tuatau ra, te aere uū Ieroboama mei Ierusalemia atu, e kua aravei akera te peroveta ra ko Ahia i Silo iaia i te arataa; kua kakau aia ki te kakau ou; ko raua anake ra i te ngai atea: Kua opu akerā Ahia i taua kakau ou i runga iaia ra, kua aae iora e okotai ngauru e rua ara aenga: Kua karanga atura aia kia Ieroboama, Ka rave mai koe e kia okotai ngauru aenga naau uorai: te na ko maira oki te Atua o Iseraela ko Iehova, I na, e aae au i te basileia i te rima o Solomona ra, ka tukua atu e au nga kopu okotai ngauru kia koe: (Okotai ra ona kopu e toe no toku tavini no Davida, e no Ierusalemia, te oire i ikia e au no roto i te au kopu katoa o Iseraela nei.) No te mea kua akaruke ratou iaku, e kua akamori i te atua vaine o to Siona ia Asetoreta, e ia Kemosa i te atua no Moabi, e ia Moloka i te atua no te tamariki a Amona, e kare akenei i aere na toku nei arataa i te akono anga i tei tika ki mua i oku nei mata, e taku nei au akonoanga, e taku nei au tuatua-tau, mei tona metua mei ia

Davidā. Kare ra au e rave katoatoa 34
mai i te basileia i tona rima: ei
ariki rai aia i te au rā katoa o tona ora
anga nei, no toku tavini no Davidā, i
ikiia e au ra, no te mea kua akonoaia i
taku au akauenga, e taku au akonoanga.
E rave ra au i taua basileia nei i te 35
rima o tana tamaiti, e ka oronga atu au
i nga kopu tino ngauru ra kia koe. Ka 36
oronga ra au i tetai kopu no tana
tamaiti, kia vai ua mairai ta toku
tavini ta Davidā mori ki mua iaku i
Ierusalemā nei, i te oire i ikiia e au
noku orai ei vairanga no toku nei
ingoa. Ko koe taku e ka rave, e ka 37
riro koe ei ariki ki runga katoa i ta to
ngakau e anoano ra; ei ariki oki koe
ki runga ia Iseraela. Ka riro oki kia 38
akarongo mai koe i taku katoa e akaue
ia koe, e kia aere koe i toku ra au arataa,
e kia rave koe i tei tika i toku mata nei,
i te akono anga i taku nei au akonoanga
e taku nei au akauenga, mei ta toku
tavini i rave mei ta Davidā, ei vaitata
katoa au ia koe, e naku e patu i te are
mou noou, mei taku i rave i to Davidā,
e ka oronga oki ia Iseraela kia koe;
E no reira au e tairo ei i te ngutuare o 39
Davidā, auraka ra ei mea mutu kore.
No reira Solomona i umuūu ei ia Iero- 40
boamā e ta; kua tu akērū Ieroboama
e kua oro ki Aiphiti, ki te ariki o
Aiphiti kia Sisaka, noo atura i Aiphiti
e mate aturū Solomona. E te toenga 41
o te tuatua ia Solomona, e te au mea
katoa tana i rave ra, e tona oki pakari,
kare ainei tei taita ki roto i te buka
angaanga a Solomona? E to Solo- 42
mona tuatau i te ariki anga i Ierusa-
lema ki runga ia Iseraela katoa e a ia
ngauru i te mataiti. Kua moe iorū 43
Solomona ki o tona ra ai metua, e
tanumia iora aia i roto i te oire o tona
metua ra o Davidā; tupauia akera aia
i te au e tana tamaiti ra e Rehob-
oama.

PENE XII.

*Te uruoa anga o te ngati Iseraela i
Sekema e akaariki ia Rehoboama;
koia kure i akarongo i te tuatua a te
au tangata metua, i akaruke ei nga
kopu tino ngauru iaia; akuiki iora
ratou ia Ieroboama ei ariki no ratou:
te tumaki o Rehoboama i akakoreia e
te perovea.*

AERE aturū Rehoboama ki Sekema: 1
kua ope rava oki to Iseraela i te
tae mai ki Sekema e akaariki iaia. E 2
kite akērū Ieroboama te tamaiti a
Nebata i te noo anga i Aiphiti ra; (i

oro oki aia ki reira i mua i te aroaro o
te ariki ra o Solomona, e kua noo oki a
3 Ieroboama i Aiphiti ra;) Kua tono
akera ratou e tiki iaia. Kua aere mairū
Ieroboama e to Iseraela katoa, e tuatua
4 kia Rehoboama, na ko atura, E teiaa
rava to te zugo a to metua i runga ia
matou: e tenana, e akamāmā ake ana
koe i te angaanga maata a to metua, e
te zugo teiaa tana i toku mai ki runga
ia matou nei, ka tavini atu ei matou
5 ia koe i reira. Kua tuatua maira
aia kia ratou, E aere kotou, e kia
po toru ra, ka oki akaou mai ei
kiaku nei. Aere atura taua aronga
tangata ra.
6 Kua ui akera te ariki ra ko Rehob-
oama ki te aronga tangata metua i tu
ki mua i tona metua ia Solomona i te
ora anga ra, na ko akera, Eaa ta kotou
tuatua kia karanga atu au ki
7 teianei aronga? Kua tuatua maira
ratou kiaia, na ko maira, Ei tavini koe
no teianei aronga tangata i teianei rā,
ka tavini atu ei koe kia ratou, e kia
karangaranga atu koe kia ratou, e ei
tuatua meitaki taua e karanga atu kia
ratou, ka riro ia ratou ei tavini noou
8 e tuatau ua atu. Akaruke akera aia i
te tuatua a taua aronga tangata metua
i toku mai kiaia ra, e kua ui atura ki
te au tangata ou, okotai rai pakari ka-
toa anga ma ia katoa, e ko tei tu oki i
9 mua iaia: Kua karanga atura aia kia
ratou, Eaa ta kotou tuatua, kia karanga
atu tatou ki teianei aronga, ko tei tua-
tua mai kiaku nei, tei na ko mai e, E
akamāmā ana koe i te zugo i tukua mai
e to metua ki runga ia matou nei?
10 Kua tuatua maira taua aronga tangata
ou ra, okotai rai pakari katoa anga ma
ia katoa ra, na ko maira, E na ko atu
koe ki te au tangata i tuatua mai kia koe
ra, ko tei tuatua mai e, E teiaa maata
to te zugo ta to metua i toku mai ki
runga ia matou nei, e tamāmā mai koe
i taua zugo ra ia matou nei; e na ko
atu koe kia ratou, Ka maata toku
maikao-rima iti nei i te taukupu o
11 toku metua: Kua toku rai oki toku
metua i te zugo teiaa ki runga ia kotou,
ka maata rava ra ta kotou zugo iaku;
i pāpū toku metua ia kotou ki te pāpū
tikai, ka pāpū ra au ia kotou ki te
sekopio.
12 Kua aere mairū Ieroboama e te tan-
gata katoa kia Rehoboama ra i te po
toru, ta te ariki oki i tuatua maira,
ka tuatua mai ei ra e, E oki akaou
13 mai kotou kia tae ki te po toru. Kua
tuatua tuivaiva maira te ariki ki taua
aronga tangata ra, akaruke akera oki

aia i te tuatua ta te au tangata metua i tuatua ra; E kua karanga atura 14 aia kia ratou i te tuatua a te au tangata ou, na ko atura, Kua akateimaia toku metua i te zugo ki runga ia kotou, e akamaata ra au i taua zugo no kotou na; i pāpā oki toku metua ia kotou ki te pāpā tikai, ka pāpā ra au ia kotou ki te sekopio. Kare atura 15 te ariki i akarongo i taua au tangata ra: no ko mai oki ia Iehova ra taua mea nei, kia tupu tana tuatua ta Iehova i tuatua ia Ahia i Silo ra, kia Ieroboama te tamaiti a Nebata ra. E kite akera 16 to Iseraela katoa e, kare te ariki i akarongo mai ia ratou, kua karanga atura te au tangata ki te ariki ra, na ko atura, Eaa ta matou puapinga ia Davida nei? kare a matou tuanga i te tamaiti a Iese: ei to kotou au puakapa, e Iseraela e; e tenana, e Davida, e roi i toou uorai ngutuare. Aere. anake atura to Iseraela ki to ratou au puakapa. Kareka te tamariki a Iseraela 17 i noo i te no oire i Iuda ra, e au to Rehoboama ki runga ia ratou. Kua 18 tono akera te ariki ra ko Rehoboama ia Adorama, no runga aia i te apinga uipa ra; peia iora aia e to Iseraela katoa ki te toka, mate rava akera; kua akamaroiroi iora te ariki ra ko Rehoboama kia tae aia ki runga i te kariota, e oro ki Ierusalem. Kaitamaki iora Iseraela i te ngutuare 19 o Davida, e tae rava akenei ki teianei rā.

Kite akera to Iseraela ravarai e kua 20 oki mai a Ieroboama, kua tono akera i te tiki iaia e aere mai ki taua uruanga ra, e kua akaariki iaia ki runga ia Iseraela katoa: kare rava e tangata i aru i te ngutuare o Davida, mari ra ko te kopu o Iuda anake ra.

E tae akerū Rehoboama ki Ierusalem, kua akaputuputu maira aia i to te ngutuare o Iuda, e to te kopu o Beniamina, okotai anere e varu ngauru i te tausani, ko te aronga toa i iikiia ia, e tamaki i te ngutuare o Iseraela, e akaoki mai i te au kia Rehoboama te tamaiti a Solomona ra. Kua tae 22 maira te tuatua a te Atua ki te tangata no te Atua ra kia Semaia, na ko maira, E karanga atu ki te ariki o Iuda kia 23 Rehoboama te tamaiti a Solomona ra, e te ngutuare katoa o Iuda raua ko Beniamina ra, e te toenga o te au tangata ra, e na ko atu, Te na ko 24 mairā Iehova, Auraka kotou e tae, auraka oki e tamaki ki to kotou ai tacake ki te tamariki a Iseraela; ka oki te tangata ravarai ki tona orai

ngutuare; naku oki taua mea nei. Kua akarongo akera ratou i taua tuatua a Iehova ra; e kua oki ratou kua aere, ta Iehova oki i tuatua maira.

- 25 Kua akatu akerū Ieroboama i te oire ra ia Sekema, i te maunga ra i Ephraïma, e kua noo oki ki reira; e kua aere atura aia, e kua akatu akera ia 26 Penuela. Te tuatua ua rā Ieroboama i roto i tona uorai ngakau, Ei teianei ka oki ei te basileia ki te ngutuare o 27 Davida: Kia tae teianei aronga tangata ki Ierusalem e apai i te tusia ki te are o Iehova, ka riro i te oki akaou te ngakau o teianei aronga ki to ratou pu tikai ra kia Rehoboama, ki te ariki o Iuda ra, e ka ta ratou iaku, ka oki akaou atu ei ki te ariki o Iuda kia 28 Rehoboama ra. Kua kimi iora te ariki i te ravenga, e kua anga iora i nga kafa auro e rua ra, e kua karanga atura ki to Iseraela, Angaanga maata ta kotou i te aere ua anga ki Ierusalem; i na to atua, e Iseraela e, ko tei arataki mai ia koe mei te enua maira 29 mei Aiphiti. Kua tuku iora aia i tetai i Betela, e kua vaoo iora tetai i 30 Dana. Riro atura taua mea ra ei ara: aere anake atura te au tangata e akamori i tetai e tae ua atura ki Dana. 31 Kua akatu iora aia i te are tupu i te ngai teitei, e kua akariro i to roto i te tangata rikiriki ei taunga, kare to te au 32 tamariki a Levi ra. Kua akono aturū Ieroboama i te oroa, i te varu o te marama, i te rā okotai ngauru ma rima otāua marama ra, mei te oroa i Iuda ra; e kua apai aia i te tusia ki runga i te atarau tana i akatu i Betela ra, ei tusia na nga kafa i angia e ia ra, e kua akanoo aia i te aronga taunga i Betela, no te au 33 ngai teitei tana i akatu ra. Kua apai aia i te tusia ki runga i te atarau i akatuia e ia i Betela ra, i te rā okotai ngauru ma rima i te varu o te marama, koia te marama tei kimiia e tona uorai ngakau; e kua akono aia i te oroa na te tamariki a Iseraela: e kua apai aia i te tusia ki runga i te atarau, e kua tutungi i te tumiama.

PENE XIII.

Te rima o Ieroboama i marō, e te ora i te pure a te peroveta: kua vore taua peroveta ra i te pikikaa a tetai, e kua mate i te liona.

- 1 E I NA, kua aere maira tetai tangata no te Atua ki Betela, mei Iuda mai, i te tuntua na Iehova; te tu ua rā Ieroboama i te pae atarau ei tutungi

i te tumiama. Kua kapiki atura aia i 2
taua atarau ra, i tuatuaia mai e Iehova,
na ko atura, E tera ra atarau e, e tera
ra atarau, te na ko mairā Iehova, I na, e
anau mai tetai tamaiti i te ngutuare o
Davida, ko Iosia te ingoa; ka apai aia
i te aronga taunga o te au ngai teitei ki
runga ia koe ra, i tei tutungi i te
tumiama ki runga ia koe ra, ka tutu-
ngia oki te au iwi tangata ki runga ia
koe ra. Kua tuku maira aia i te akairo
i taua rā ra, na ko maira, Teia te akairo
ta Iehova i tuatua maira, I na, ka ngaa
taua atarau nei, e te reu ai e vai i
runga, ka maringi ia ki raro.

Kite akera te ariki i te tuatua a te 4
tangata no te Atua, i tei kapiki i te
atarau i Betela ra, kua akatika mairā
Ieroboama i tona rima i runga i taua
atarau ra, tuatua maira, Ka opu ana;
marō atura taua rima i akatika e ia
ra, e kare atura i tika kia akaoki mai.
Ngaa iora oki taua atarau ra, e te reu ai
i runga i taua atarau ra, kua maringi ia
ki raro, i te akairo ta te tangata o te Atua
i tuku i te tuatua a Iehova. Kua tuatua
maira te ariki, na ko maira ki taua
tangata no te Atua ra, E taupota atu
koe ki to Atua ra kia Iehova, e pure
koe iuku, kia akaoraia rai toku rima
nei. Kua taupota atura taua tangata
no te Atua ra kia Iehova, akaoraia
akera te rima o te ariki, riro atura mei
tei muatangana ra. Kua tuatua maira
te ariki ki taua tangata no te Atua ra,
Aere katoa taua, ki te are akera, e
kaikai, e tutaki atu oki au ia koe.
Kua karanga atura taua tangata no te
Atua ra ki te ariki, Oronga ua mai koe
i tetai pae i te are noou, kare au e tae
atu ki roto, e kare oki au e kaikai, kare
e inu i te vai i teianei ngai; Kua
ikuikuia mai oki au e te tuatua a
Iehova, na ko maira, Auraka e kaikai,
auraka e inu i te vai, auraka e oki na
te arataa e aereia e koe ra. Oki atura
aia na tetai ara ke, kare i na te ara
tana i aere mai ki Betela ra.

Te noo ra tetai peroveta taito i Be- 11
tela; e kua aere maira te au tamariki
nana, kua akakite maira i te au anga-
anga i raveia e te tangata no te Atua i
Betela i te reira rā: ko te au tuatua
tana i karanga atu ki te ariki ra, kua
akakite katoa ratou ki to ratou metua
i te reira. Kua karanga atura te me- 12
tua kia ratou, I naca akenei oki aia i te
aere? kua kite nga tamariki i te ara i
aereia e taua tangata no te Atua ra,
mei Iuda mai. Kua karanga atura aia
ki nga tamariki nana ra, Ka tuku ana i
te nooanga ki runga i te asini naku.

Kua tuku ratou i te nooanga ki runga i
te asini nana: e kua noo aia i runga,
14 E kua aru atura i te tangata no te
Atua ra, rokoia atu te noo ra ki raro
ake i tetai ale; kua karanga atura aia
kiaia, Ko taua tangata no te Atua ra
ainei koe mei Iuda mai? Kua tuatua
15 maira aia, Ko au. Kua karanga atura
aia, E aere taua ki te ngutuare e kaikai.
16 Kua tuatua maira aia, Kare au e tika
kia aere atu, kare au e tae atu ki roto
i to are; kare au e kaikai, kare oki au e
17 inu i te vai ia koe na i teianei ngai; I
tuatuaia mai oki au e Iehova, i na koia
mai au, Auraka koe e kaikai, auraka e
inu i te vai i reira, auraka oki koe e oki
18 na te ara e aereia e koe ra. Kua
karanga atura aia kiaia, E peroveta
katoa oki au mei ia koe katoa na, e kua
tuatuaia mai au e tetai angela i akaueia
e Iehova, na ko maira, E akaoki mai
iaia ki roto i to are, kia kai aia i te
kai, e kia inu aia i te vai. Kua
19 pikikaa aia iaia. E kua oki atura aia
raua katoa, e kua kaikai aia i roto i
tona are, e kua inu oki i te vai.

20 Te noo katoa ra raua i taua kainga-
kai ra, kua tae maira te tuatua a Iehova
21 ki taua peroveta i akaoki iaia ra: Kua
kapiki maira ki taua tangata no te Atua
mei Iuda maira, na ko maira, Te tuatua
mairā Iehova, No te mea, kare
akenei koe i akarongo i te tuatua a Ie-
hova, e kare akenei koe i akono i te
ikuiku i ta to Atua ra i ta Iehova i
22 ikuiku mai ia koe ra, Kua oki maira
koe, e kua kai i te kai, e kua inu i te
vai i teianei ngai, ta Iehora oki i tua-
tua mai kia koe e, Auraka e kaikai,
auraka e inu i te vai; kare to kopapa
e tae ki te tanumanga o to ai me-
tua ra.

23 E pangia akera aia i te kai, e kua
inu i te vai, kua tuku aia i te nooanga
ki runga i te asini nana, na taua peroveta
24 veta taua i akaoki maira. E riro atura
aia, kua aravei maira tetai liona iaia i
te arataa, mate atura aia: vaoo ua iora
tona kopapa i te arataa, kua tu iora te
asini i vaitata, e kua tu katoa iora te
25 liona i vaitatao i taua kopapa ra. E i
na, te aere ua ra etai puke tangata na
reira, e kua kite oki i taua kopapa ra i
te vaoo ua anga i te arataa ra, e taua
liona ra i te tu ua anga i vaitatao i taua
kopapa ra: e kua aere maira ratou
kua akakite maira i taua oire ra i nooia
e taua peroveta taito ra.

26 E kite akera taua peroveta i akaoki
mai iaia i te arataa ra, kua tuatua
akera aia, Ko taua tangata no te Atua
ra ia, ko tei kore i akarongo i te tuatua

a Iehova : i oronga'i a Iehova iaia ki te liona, i etietia'i aia, e i mate ei, mei te tuatua a Iehova tana i tuatua mai kiaia ra. Kua karanga atura aia ki te au 27 tamariki nana ra, na ko atura, Ka tuku i te nooanga ki runga i te asini naku. Kua tuku oki ratou i te nooanga ki runga. Aere atura aia e rokoia atu 28 te vai ua ra te kopapa i te arataa ra, e te asini e te liona i te tu katoa anga i waitata i taua kopapa ra : kare te kopapa i kaingaa e te liona, kare oki te asini i etietia. Kua rave atura taua peroveta 29 ra i te kopapa o taua tangata no te Atua ra, kua tuku akera ki runga i te asini, kua akaoki maira ; i aere mai oki taua peroveta taito ra ki roto i te oire, e aue, e e tanu iaia. Kua tuku iora aia i 30 taua kopapa nona ra ki roto i tona uaorai tanumanga ; kua aue iora iaia, na ko akera, E ae oki koe, e taku taeake e ! E oti akera aia i te tanumia 31 e ia ra, kua tuatua maira aia ki te au tamariki nana ra, na ko maira, Kia mate au ra, e tanu kotou iaku ki roto i te tanumanga i tanumia'i te tangata no te Atua ra ; ei te pae toku ra ivi ki tona : I te tuatua oki tana i kapiki i 32 te tuatua a Iehova i te atarau i Betela, e te au arc katoa i te ngai teitei i roto i te au oire i Samaria ra, ka ope rave ia i te tupu.

E oti akera taua tuatua nei, kare a 33 Ieroboama i akaruke i tana ravenga kino, kua oki ra e kua rave i to roto i te tangata rikiriki ei taunga no te au ngai teitei : ko tei anoano, kua rave akera e akataoonga iaia, riro atura aia ei taunga no te au ngai teitei ra. Riro 34 atura taua mea nei ei ara i te ngutuare o Ieroboama, e akataka keia atura, e pou rava akera i te ao katoa nei.

PENE XIV.

Ko Ieroboama i te tono poiri anga i tana vaine ki te peroveta ra kia Ahia, e ui i taua tamaiti maki : e tuatua tumatetenga tana i akakite atu kiaia. Te tuatua ia Rehoboama.

I TE reira tuatau, rokoia iora te tamaiti a Ieroboama ko Abia e te maki. Kua tuatua maira Ieroboama ki tana vaine, Ka tu, taku ia tuatua kia koe, ka akatu ke ia koe orai, kia koro koe e kitea e, ko te vaine a Ieroboama ; e aere koe ki Silo : i na, tei reira Ahia peroveta ra, ko tei tuatua mai kiaku ra e, ka riro au ei ariki i runga i teianei au tangata. E taoti katoa atu i nga areto okotai ngauru i to rima, e te areto rikiriki, e tetai ariki meli, ka aere atu

ei kiaia ra : ka akakite mai aia kia koe 4 i te ka tupu i te tamaiti nei. Kua pera oki taua vaine a Ieroboama ra, kua tu akera oki aia ki runga, aere atura ki Silo, e tac atura ki te ngutuare o Ahia. Kare akera i Ahia e kite mai kia akara : kua mou oki tona 5 mata i te ruaine anga. Kua tuatua maira Iehova kia Ahia, I na, te aere maira te vaine a Ieroboama e ui kia koe i tetai mea i tana tamaiti ; kua maki oki aia : e akono meitaki ra i tauu tuatua anga atu kiaia ; ka riro oki aia kia tae mai i te akatutu vaine ke ra.

6 Rongo akera Ahia i te pakuku o tona vaevae, i te tomo anga mai i te ngutupa, kua karanga atura aia, Ka tomo mai koe, e te vaine a Ieroboama ; eaa oki koe e pikikaa mai ei e vaine ke ? i tonokia mai oki au kia koe ma te tua-

7 tua tumatetenga. E aere, e karanga atu kia Ieroboama, Te na ko maira te Atua o Iseraela ko Iehova, No te mea kua akateitei au ia koe i rotupu i te au tangata nei, e kua akariro au ia koe ei ariki ki runga i toku au tangata nei ia

8 Iseraela ; E kua aaeia mai e au te basileia i te ngutuare o Davida, e kua oronga atu kia koe : kare akenei ra koe i aite ki toku tavini ra kia Davida, ko tei akono i taku au akauenga, e tei aru mai iaku ma tona ngakau katoa ra, i te akono anake anga i tei tau ki toku

9 mata nei ; Kua maata ra te kino tauu i rave i te aronga ravarai i na mua ia koe ra : kua aere oki koe e kua anga i te au atua ke noou ra, e te idolo i akatoia ra, ei akakoko mai iaku kia riri, e kua akaruke koe iaku ki muri i to tua :

10 I na, i teianei, ka apa mai au i te kino ki runga i te ngutuare o Ieroboama, e ka tipu keia e au te au tane ki o Ieroboama, mopani uaia'i e ngaro ua atu aia i roto ia Iseraela nei : ka vaere uaia e au te toenga o te ngutuare o Ieroboama, mei te tangata e vaere i te

11 teita ra, e kare akera. To Ieroboama kia mate ua i roto i te oire ra, na te puaka-aoa e kai ; e tei mate ua i roto i te kainga ra, na te manu o te reva e kai :

12 na Iehova oki i karanga. E tenana, ka tu koe ki runga, e aere ki toou orai ngutuare : e kia tae to vaevae ki roto i te

13 oire ra, ka mate te tamaiti. E na to Iseraela katoatoa e aue iaia, e tanu oki iaia ; koia anake ra oki to Ieroboama e rauka'i te vaarua, no te mea, te vai ra tetai mea meitaki i roto iaia i te Atua o Iseraela ia Iehova, i te ngutuare o Ieroboama. Ka riro oki a Iehova i te akatupu i tetai ariki no Iseraela, motu ke iora te ngutuare o

Ieroboama iaia i tana rā ra: ena ra oki, kua vave na mai! Ka ta oki 15
 a Iehova ia Iseraela mei te kakao e
 ruruia ki raro i te vai ra, ka kiriti tumu
 oki aia ia Iseraela i teime i enua mei-
 taki, i orongaia mai e ia ki to ratou ra
 ai metua, ka pueurikiriki ke oki ratou
 iaia e kia topa mai te vai nei, no te mea
 kua akatu ratou i te au Asetoreta, i te
 akakoko anga atu ia Iehova kia riri. E 16
 ka akaruke aia ia Iseraela no te ara a
 Ieroboama, kua ara oki aia, e kua ara
 oki Iseraela iaia.

Kua tu akera te vaine a Ieroboama 17
 ra, riro atura, e tae atura ki Tireza: e
 tei te tae anga atu ki te tomoanga ki
 roto i te ngutupa ra, mate iora taua
 tamaiti ra; Kua tanu iora ratou iaia; 18
 e kua aue oki Iseraela katoatoa iaia, i
 ta Iehova oki i tuatua maira, i tuatuaia
 mai e ia i tona tavini ia Ahia peroveta ra.

E te toenga o te tuatuaia Ieroboama, 19
 tana tamaki anga, e te tu o tona au, i
 na, kua tataia ki roto i te buka, te tuatua
 ra no te au rā o te ui ariki o Iseraela
 ra. E to Ieroboama au rā i te mou 20
 anga i tona au, okotai takau na rua i te
 mataiti: kua moe iora aia ki o tona katoa
 ra ai metua, tupauia akera aia i te au
 o tana tamaiti ra e Nadaba.

Tei ia Rehoboama te tamaiti a Solo- 21
 mona te au i Iuda. Tei te a ngauru
 ma tai o te mataiti i riro ei te au ia
 Rehoboama, okotai ngauru ma itu ona
 mataiti i te ariki anga i Ierusalem, i
 te oire i ikiia e Iehova no roto i te au
 kopu katoa o Iseraela, ei vairanga no
 tona ra ingoa. E te ingoa o tona metua
 vaine, ko Naama ia, e ngati Amona.
 E rave kino ta Iuda i mua i te aroaro 22
 o Iehova, e kua akakoko ratou iaia kia
 varcae i te au ara i raveia e ratou ra, e
 kua maata rava ta ratou i rave i ta to
 ratou ai metua katoa. Kua akatu 23
 katoa oki ratou i te au ngai teitei, e te
 tiki, e te Asetoreta, ki runga i te au
 ngai teitei katoa, e ki raro ake i te au
 rakau marumaru katoa ra. E sodoma 24
 oki te vai ra i taua enua ra: e te rave
 anake ra ratou i te au peu viiui a to
 te pa enua, i tuarua e Iehova ki mua
 i te aroaro o te tamariki a Iseraela.

E tae akera ki te rima o te mataiti i 2
 taua ariki ra ko Rehoboama, kua aere
 maira te ariki o Aiphiti ra ko Sisaka ki
 Ierusalem e tamaki: E kua apai ke 21
 atura i te au apinga no te are o Iehova,
 e te au apinga o te are o te ariki ra;
 kua akaope rava atura aia; e kua apai
 aia i te au paruru auro katoa i angai e
 Solomona ra. Kua anga iora te ariki 27
 ko Rehoboama i te au paruru vao

ei tupau, e kua tuku atura ki te rima
 o te rangatira o te vaeau, ko tei tiaki i
 te tomoanga o te are o te ariki ra. E
 kua aere te ariki ki roto i te are o
 Iehova, na te aronga vaeau iapai, e kua
 akaoki mai ki roto i te pia vaeau.

29 E te toenga o te tuatua ia Rehoboama, e tana katoa i rave, kare ainei
 kua tataia ki roto i te buka, te tuatua
 30 no te au rā o te ui ariki i Iuda ra? E
 tamaki rai ta Rehoboama raua ko Iero-
 31 boama, kare i akapaki. Kua moe iorā
 Rehoboama ki o tona ra ai metua, e
 tanu katoaia ki o tona raai metua i te
 oire o Davida, e te ingoa o tona metua
 vaine, ko Naama ia, e ngati Amona.
 Tupauia iora aia i te au e tana ra tamaiti
 e Abiama.

PENE XV.

Te tuatua i te au o Abiama, Asa, Nadaba, e ko Baasa ra.

1 **E** TAE akera ki te ngauru ma varu
 o to te ariki ra o to Ieroboama te
 tamaiti a Nebata ra mataiti, i ariki ei a
 2 Abiama ki runga ia Iuda. E toru ona
 mataiti i te ariki anga i Ierusalem.
 Ko Maaka te ingoa o tona metua vaine,
 3 e tamaine na Abisalom. Aere atura
 aia na te au ara katoa a tona metua,
 i tei raveia e ia i mua ake iaia ra: kare
 oki tona ngakau i tau ki tona Atua kia
 Iehova ra, mei te ngakau o tona tu-
 4 puna o Davida. No Davida ra, kua
 oronga maira tona Atua ko Iehova i
 tetai lamepa nana i Ierusalem, e kia
 akateiteia tana tamaiti i muri ake iaia,
 5 kia akatinamouia Ierusalem: No te
 mea kua rave a Davida i te mea tika ki
 mua i te aroaro o Iehova, e kare i anga
 ke i te au mea ravarai tana i akaue mai
 kiaia ra, e ope rava ake ona au rā i te
 ora anga nei, mari ra i te tuatua ia
 6 Uria ngati Ileta ra. E tamaki rai
 ta Rehoboama e Ieroboama e ope rava
 akera ona au rā.

7 E te toenga o te tuatua ia Abiama, e
 te au mea katoa i raveia e ia ra, kare
 ainei kua tataia ki roto i te buka, te
 tuatua no te au rā o te ui ariki o Iuda
 ra? E tamaki oki ta Abiama raua ko
 8 Ieroboama. Moe iorā Abiama ki o
 tona ra ai metua; kua tanumia iora
 aia i te oire o Davida: tupauia akera
 aia i te au e tana tamaiti ra e Asa.

9 E tae akera ki te mataiti e tai takau
 o te ariki o Iseraela o Ieroboama, i riro
 10 ei a Asa ei ariki no Iuda. E rua takau
 akera ona mataiti okotai ara i te ariki
 anga i Ierusalem. Ko Maaka te
 ingoa o tona tuvuna vaine, e tama-

ine na Abisaloma. E kua rave a 11
Asa i te mea tika ki mua i te aroaro
o Iehova mei ta tona metua katoa
ra mei ta Davida. Apai ke atura 12
aia i te au sodoma i taua enua ra,
e kua akaruke atura i te au idolo i
angaia e nga metua nona ra. E tona 13
tupuna vaine ko Maaka, kua akangere
aia iaia i te au, no te mea kua anga aia
i tetai idolo no Asetoreta; kua pou
akera ia Asa taua idolo ra, ta'u iora ia
ki te ai i te pae kauvai ra i Kiderona.
Kare ra i ope te au ngai teitei i te apai 14
keia: kua tika rava ra to Asa ra nga-
kau ia Iehova e ope rava akera ona au
rā. E kua apai maira aia i te au 15
apinga i akatapuia e tona ra metua, e
te au apinga i akatapuia e ia uarai, i
te ario e te auro, e te au āriki, ki roto
i te are o Iehova.

E tamaki rai ta Asa raua ko te ariki 16
o Iseraela ko Baasa, e ope rava akera
to raua au rā. Aere atura oki te ariki 17
o Iseraela ko Baasa e rave ia Iuda,
e kua patu iora ia Rama, kia kore
rava e tangata e tae ki vao, e e aere ki
te ariki o Iuda kia Asa ra. Kua rave 18
iorā Asa i te ario ravarai e te auro i toc
i te au apinga i te are o Iehova, e te
au apinga i te are o te ariki ra, e kua
tuku atura ki te rima o te au tavini
nona ra: e kua akau atura te ariki ra ko
Asa i te reira kia Bene-adada, te tamaiti
a Taberimona, te tamaiti a Heziona ra,
ki te ariki o Arama i noo i Damaseko
ra, na ko atura, Ei koreromotu ta 19
taua, mei ta toku metua e toou ra me-
tua; i na, tera mai te apinga naau, i te
ario e te auro; e aere mai, e akatitkau
i te koreromotu naau i te ariki o Ise-
raela ia Baasa ra, kia aere ke aia iaku
nei. Kua akarongo mairā Bene-adada 20
i te ariki ra ia Asa, e kua tono akera
aia i te au kapena o te au nuku nana
ra, e tamaki i te au oire i Iseraela, e ta
iora ratou ia Iiona, e ia Dana, e ia Abe-
la-bete-maaka, e ia Kinerota katoata,
e te enua katoa o Naphatali. E kite 21
akerā Baasa i te reira, kore akera i te
patu ia Rama, noo iora i Tireza. Kua 22
akakite akera te ariki ko Asa i tana
tuatua kia Iuda katoata ra; kare te-
tai i vaooia: kua rave akera ratou i te
au toka i Rama, e te rakau i tei patuia
e Baasa ra; kua rave iora te ariki ra
ko Asa i te reira, kua patu iora ia
Geba i o Beniamina, e Mizpe.

Te toenga o te au tuatua katoa ia 23
Asa ra, e tona rinui katoa, e te au
mea katoa i raveia e ia ra, e te au oire
i akatua e ia ra, kare ainei kua tatau
ki roto i te buka, te tuatua no te au rā

o te au ariki o Iuda ra? E tae akera
ki tona ruaine anga ra maki iora ona
24 puke vaevae. Moc iorā Asa ki o tona
ra ai metua, e tanumia iora ki o tona
ra ai metua i te oire o tona metua ra ko
Davida: tupauia akera aia i te au e
tana ra tamaiti e Ichosaphata.

25 E tae akera ki te rua o te mataiti o
Asa ariki no Iuda ra, i ariki ei a Na-
daba te tamaiti a Ieroboama ki runga
ia Iseraela, e rua akera ona mataiti i te
26 ariki anga ki runga ia Iseraela. Kua
rave iora aia i te kino ki mua i te aro-
aro o Iehova, aere atura na te arataa o
tona metua, e tana ara i ara ai a Ise-
raela iaia. E ko Baasa te tamaiti a
27 Ahia, no te ngutuaru o Isakara, kua
kotikoti kupenga akera iaia. Mate
iora ia ia Baasa i Gibetona, no te Phi-
liseti ia oire; kua tamaki atura oki a
Nadaba e Iseraela katoa ia Gibetona.
28 Tei te toru o to Asa ariki no Iuda ma-
taiti, i mate ei aia ia Baasa, e riro akera
29 te au iaia ra. E riro akera aia ei ariki,
ta atura aia i te ngutuaru-ravarai o
Ieroboama; kare akera aia i akatoc i
to Ieroboama i uti i te a'o, pou takiri
rava iaia, mei te tuatua oki a Iehova, i
tuatuaia mai e ia i tona tavini ko Ahia
30 i Silo ra: No te ara a Ieroboama i
ravcia e ia, e ta Iseraela i rave i te tua-
tua nana ra, i te akakoko oki tana i
akakoko mai i te Atua o Iseraela ia
Iehova kia riri.

31 E te toenga o te tuatua ia Nadaba,
e tana katoa i rave ra, kare ainei
kua tataia i roto i te luka, te tuatua no
32 te au rā o te au ariki o Iseraela? E
tamaki rai ta Asa raua ko Baasa ariki
o Iseraela, e ope rava akera to raua
puke rā.

33 Tei te toru o to Asa ariki no Iuda
mataiti, i riro ei a Baasa te tamaiti a
Ahia ei ariki no Iseraela katoata i
Tirezā, okotai takau akera mataiti e a
34 ara. Kua rave aia i te kino ki mua i
te aroaro o Iehova, aere atura na te
arataa o Ieroboama, e tana ara i ara ai
Iseraela iaia.

PENE XVI.

*Te totou a Iehu ia Baasa: te au o
Ela i muri ake: te tuatua ia Zi-
meri, Omeri, Tibenī, e Ahaba.*

1 **K**UA tae maira te tuatua a Iehova
kia Iehu te tamaiti a Hanani ia
2 Baasa, i te na ko anga mai e. No te
mea kua akateitei au ia koe mei raro
mai i te one-pueu ra, e kua akariro au
ia koe ei ariki i runga i toku ra au
tangata ia Iseraela nei; e kua aere koe

na te arataa o Ieroboama, e kua ara toku au tangata nei ko Iseraela ia koe, ei akakoko iaku kia riri i taua au ara na ratou ra: I na, ka apai keia e au te uanga o Baasa, e te uanga o tona ra ngutuare; e ka akariro au i toou ra ngutuare mei te ngutuare o Ieroboama te tamaiti a Nebata ra. To Baasa kia mate i roto i te oire ra, na te puka-aoa ia e kai; e tona rai kia mate i te kainga ra, na te manu ia o te rewa e kai.

E te toenga o te tuatua ia Baasa, e tana i rave, e tona ririnui, kare ainei kua tataia ki roto i te buka, te tuatua no te au rā o te au ariki o Iseraela? Kua moe iorā Baasa ki o tona katoa ra ai metua, e tanumia iora i Tireza: tupauia akera aia i te au e tana tamaiti ra e Ela. I pera mai te tuatua a Iehova i te peroveta ra ko Iehu te tamaiti a Hanani ia Baasa ra, e tona katoa ra ngutuare, i te au kino katoa tana i rave i mua i te aroaro o Iehova, i te akakoko anga atu iaia kia riri i te angaanga a tona rima, i te akaaitete anga ki te ngutuare o Ieroboama; e no reira aia i mate ei i te Atua.

E tac akera ki te mataiti okotai takau ma ono o Asa ariki no Iuda ra, i ariki ei a Ela te tamaiti a Baasa ra ki runga ia Iseraela i Tireza, e rua akera mataiti. Tona tavini ra oki ko Zimeri, e kapena no tetai pae kariota nona ra, kua kaitamaki akera aia iaia, e te aka-kona ra aia i te kava i Tireza i roto i te are o Araza, e akaaere no tona ngutuare i Tireza ra. Kua tomo akērā Zimeri ki roto, kua ta atura iaia, e mate rava akera, i te mataiti okotai takau ma itu o Asa ariki no Iuda, riro akera te au iaia uorai. E tei te riro anga te au iaia, e kua mou aia ki runga i tona terono, kua ta aia i te ngutuare katoa o Baasa ra: kare rava tetai tane i toe i taua kopu-tangata ra, kare oki e taunga i vaooia. Kua perā Zimeri i taua ngutuare katoa o Baasa ra, i te tuatua ta Iehova i tuatua mai kia Baasa ia Iehu peroveta ra; No te au ara katoa a Baasa ra, e te ara a tana tamaiti ra ko Ela, i raveia e raua ra, i ara ai oki Iseraela, i akakoko ei oki i te Atua o Iseraela ko Iehova kia riri i to ratou au idolo.

E te toenga o te tuatua ia Ela, e te au mea katoa tana i rave ra, kare ainei kua tataia ki roto i te buka, te tuatua no te au rā o te ui ariki o Iseraela ra?

Tei te tai takau ma itu o te mataiti o Asa ariki no Iuda ra i ariki ei a Zimeri i Tireza, e po itu akera. Te patia

ra to te au tangata ra puakapa i Gibetona, no te Philiseti ia oire i reira. 16 Kite akera taua aronga i roto i te puakapa ra, e i tuatuaia e. Kua kaitamaki a Zimeri, e kua ta i te ariki: kua iki iora to Iseraela katoa ra i te kapena o te nuku ra ia Omeri, ei ariki ki runga ia Iseraela ki roto i te puakapa, i taua rā ra. 17 Kua aere aturā Omeri e to Iseraela katoa mei Gibetona atu, 18 kua tamaki atura ia Tireza. Kite akērā Zimeri kua rauka taua oire ra, kua aere atura aia ki roto i te punanga i te are o te ariki ra, kua tutungi iora aia i taua are o te ariki ra ki runga iaia uorai i te ai, mate atura, No te ara tana i rave, ka rave ei aia i te kino ki mua i te aroaro o Iehova ra, i te aere anga na te arataa o Ieroboama, e te ara tana i rave, i ara ai oki Iseraela. 20 E te toenga o te tuatua ia Zimeri, e te kaitamaki nana ra, kare ainei kua tataia ki roto i te buka, te tuatua no te au rā o te au ariki o Iseraela ra? Kua mavete akera Iseraela ki e rua pae, ko tetai pae ra, aru atura ia Tibeni te tamaiti a Ginata, e akaariki iaia; e tetai pae ra, aru atura ia Omeri. Autu iora ra te au tangata i aru ia Tibeni te tamaiti a Ginata i te au tangata i aru ia Omeri: e mate iorā Tibeni, riro atura te au ia Omeri. 23 Tei te toru o te ngauru okotai ara o Asa ariki no Iuda ra mataiti, i ariki ei a Omeri ki runga ia Iseraela, okotai ngauru ma rua mataiti: e ono ona mataiti i te ariki anga i Tireza. Kua oko aia i te tuaivi ra ko Samaria ia Semera, i nga taleni ario e rua; e kua akatu akera i tetai oire ki runga i taua tuaivi ra, tapa iora i te ingoa ia Semera i te pu o taua maunga ra, ko 25 Samaria. Kua rave iora rā Omeri i te kino i mua i te aroaro o Iehova, kua maata ua atu rai tona kino i te aronga 26 ravarai i na mua iaia ra. Kua aere oki aia na te arataa katoa o Ieroboama te tamaiti a Nebata ra, e tana au ara i ara ai Iseraela iaia, ei akakoko i te Atua o Iseraela ko Iehova kia riri i to ratou au idolo.

E te toenga o te tuatua ia Omeri, i raveia e ia ra, e te mea ririnui nana i raveia e ia ra, kare ainei kua tataia ki roto i te buka, te tuatua no te au rā o te au ariki o Iseraela? Moe iorā Omeri ki o tona ai metua katoa ra, e tanumia iora i Samaria: tupauia akera aia i te au e tana tamaiti ra e Ahaba.

29 Tei te mataiti e toru ngauru ma varu o Asa ariki no Iuda ra, i ariki ei a

Ahaba, te tamaiti a Omeri, i Iseracla
 ra: e rua ngauru e rua ara mataiti to
 Ahaba, te tamaiti a Omeri, ariki anga
 ki runga ia Iseracla i Samaria. Kua 30
 rave iorā Ahaba, te tamaiti a Omeri, i
 te kino i mua i te aroaro o Iehova,
 maata rava atura tana i tei na mua
 katoa iaia ra. E mei te mea e, e iti 31
 ia ara kia akono aia i te au ara a Iero-
 boama te tamaiti a Nebata ra, kua rave
 iora aia i te tamaine a te ariki o to
 Sidona, a Etebaala, ia Iezebela ei vaine
nana, kua aere atura kua akamori ia
 Baala, e kua akarongo iaia. Kua akatu 32
 oki aia i tetai atarau na Baala i roto
 i te are o Baala i akatuia e ia i Samaria.
 Kua anga iora oki a Ahaba i tetai Asc- 33
 toreta; maata rava atura to Ahaba
 akakoko anga atu i te Atua o Iseracla
 ia Iehova kia riri, i to te au ariki
 katoa o Iseracla i na mua iaia ra.

Tei tona ra tuatua to Hicla i Betela 34
 akatu anga ia Ieriko: kua akamou aia
 i te tango o taua oire ra i te *matenga* o
 tana tama mua ra ia Abirama, e tei te
matenga o tana tama openga ra ia Se-
 guba, i akatu ei aia i te au ngutupa;
 mei te tuatua a Iehova, i tuatuaia mai
 e Iosua te tamaiti a Nuna ra.

PENE XVII.

*Te totou o Elia ia Ahaba ra: kua
 angaiiū Elia e te manu i Kirita, e
 oti akera, na te vaine takau i Zare-
 phata aia i angai: tana ravenga
 manu i reira.*

KUA tuatua mairā Elia i Tisibi, i 1
 Gilcadda, kia Ahaba, Te ora ra te
 Atua o Iseracla ko Iehova, taku e tu
 ua nei ki mua i tona aroaro, kare e au
 ia, kare oki e ua, i eia nei puke mataiti,
 mari ra kia tuatuaia e au ra.

Kua tac maira te tuatua a Iehova 2
 kiaia, na ko maira, E aere koc e ariu
 tika atu ki te itinga o te rā ra, ka pi- 3
 pini atu ei i te pae kauvai ra ko Kerita,
 i vaitata i Ioridana. E ka riro oki koe 4
 i te inu i taua kauvai ra; e kua aka-
 ucia e au te au orebi ei angai ia koc i
 reira. Aere atura aia, e kua pera i ta 5
 Iehova i tuatua maira: aere atura oki
 aia, e kua noo iora i taua kauvai ra i
 Kerita, i vaitata i Ioridana. E kua 6
 apai maira te orebi i te areto e to
 puaka i te pongoi, e te areto e te puaka
 i te aia; e kua inu ua aia i taua kauvai ra.

E roa poto akera, marō atura taua 7
 kauvai ra, no te mea kare e ua i taua
 enua ra. Kua tac maira te tuatua a 8
 Iehova kiaia, na ko maira, Ka tu, e 9
 aere ki Zarephata i Sidonia, ka noo ei

i reira; i na, kua iku naia e au tetai:
 vaine takaua i reira nana koc e angai.
 10 Kua tu akera aia, e aere atura ki Zare-
 phata; e tae atura aia ki te ngutupa o
 te oire, i na, e vaine takaua, te koi aere
 ra i te vaie: kua kapiki atura aia
 kiaia, kua karanga atura, E apai mai
 ana i tetai manga vai i roto i i te āriki
 11 kia inu au, taku ia tuatua kia koe. E
 te aere atura aia e tiki i *taua vai ra*,
 kua kapiki atura aia kiaia, e karanga
 atura, Apai katoa mai i tetai manga
 12 areto i to rima na. Kua tuatua maira
 aia, Te ora ra to Atua ko Iehova, kare
 rava aku e areto iti, mari ra tetai
 manga faraoa okotai rima e ki, tei roto
 i te paero, e tetai manga inu i roto i te
 āriki: e i na, te koi aere nei au i tetai
 manga vaie, ka aere ei au ki roto, ka
 tunu ei na maua ma taku tamaiti, ka
 13 kai ei maua, ka mate atu ei. Kua
 karanga aturā Elia kiaia, Auraku e
 matakū; e aere ra e akapera tauu i
 tuatua ra: e timata ana ra i te rave i
 tetai va'i iti naku, ka apai mai ei kiaku
 nei, ka rave ei i tauu e ta to tamaiti.
 14 Te tuatua maira oki te Atua o Iseracla
 ko Iehova, Kare te paero faraoa e iti,
 kare oki e pou te āriki inu, e tae ua
 atu ki te rā e apai mai ei a Iehova i te
 15 ua i te enua nei. Kua aere atura aia,
 e kua rave i ta Elia i tuatua maira:
 kua kai iora aia, e ko *Elia*, e tona
 katoa ngutuare, e *manganui akera* te
 16 rā. Kare oki taua paero faraoa ra i iti,
 kare oki te āriki inu i pou, i ta Iehova
 oki i tuatua mai ia Elia.

17 E i muri ake i te reira, rokoia iora
 te tamaiti a taua vaine ra, te pu vaine
 ngutuare, e te maki; e maki maata
 tona, kare atura e a'o i toe i roto iaia.
 18 Kua tuatua maira aia kia Elia, Eaa
 taku ia koc, e te tangata no te Atua
 na? i aere mai ainei koe kiaku nei, e
 akakite akaou mai i taku nei ara, e kia
 19 mate oki taku tamaiti? Kua karanga
 atura aia kiaia, O mai ana to ta-
 maiti. Kua rave maira aia iaia, tei
 runga i tona umauma te *vairanga*, kua
 apai atura iaia i tei runga pia i nooia
 e ia orni, kua tuku iora iaia ki runga i
 20 tona uarai roi. E kua kapiki atura
 aia kia Iehova, kua karanga atura,
 E taku Atua, e Iehova e, kua apai
 mai oki koe i te kino i te vaine takaua
 taku e noo nei, i mate ei tana tamaiti?
 21 Kua tipapa akera aia ki runga i taua
 tamaiti ra, e ka toru akera ona tipapa
 anga, kua kapiki atura kia Iehova, e
 karanga atura, E taku-Atua, e Iehova
 e, teia taku tuatua kia koc, e akaoki mai
 koe i te vaerua o teianei tamaiti ki roto

iaia. Kua akarongo mairā Iehova i te 22
reo o Elia ra; e kua oki maira te vae-
rua o taua tamaiti ra iaia, e kua ora
aia. Kua rave akerā Elia i taua ta- 23
maiti ra, kua apai maira ki raro, mei
runga mai i taua pia i runga ra, e ki
roto i te are, e kua apai atura ki tona
metua vaine ra; e kua karanga aturā
Elia, I na, kua ora to tamaiti. Kua 24
tuatua maira taua vaine ra kia Elia,
Ko te mea teia i kite ei au e, e tangata
koe no te Atua, e te tuatua a Iehova i
to vaa, e tuatua-mou ia.

PENE XVIII.

*Tonokiā Elia kia Ahaba: tana tuatua
kiaia: te uipa anga i runga i Karamela:
tana ua te tusia i ka ua i te
ai: te matenga o te au peroveta o
Baala; e te ua maata i te rauka
anga.*

E MANGANUI akera te rā i topa, 1
kua tae maira te tuatua a Iehova
kia Elia, i te toru o te mataiti, na ko
maira, E aere, e akakite ia koe uorai
kia Ahaba; e naku e apai atu i te ua
ki runga i te enua nei. Kua aere iorā 2
Elia e akakite iaia orai kia Ahaba. Te
maata ra te onge i Samaria ra. Kua
karanga aturā Ahaba kia Obadia, ko
te akaaere ia o tona ngutuare, (Te
maata ra to Obadia ra matakua ia Ie-
hova: Ka ta ai oki a Iezebela i te au 4
peroveta a Iehova ra, kua rave akerā
Obadia i tetai anere peroveta, kua
uuna, taki rima ngauru i roto i te ana
okotai, e kua angai ki te areto e te vai.)
Kua tuatua mairā Ahaba kia Obadia, 5
E aere koe na runga i te enua katoa
nei, e te au punavai ravarai ra, e te au
kauvai katoa; penejake ko te kiten
atu te ngangaere rikiriki, kia ora te au
ipo, e te au mule, ko te ope takiri aea
te au punka i te mate. Kua kokoti 6
iora raua i te enua, ka aere ei na run-
ga; riro aturā Ahaba na tona ara,
koa anake ra; riro aturā Obadia na
tona ara, koia anake ra.

Te aere ua rā Obadia, e i na, kua 7
aravei akerā Elia iaia, e kua kite akera
aia iaia, kua tipapa iora aia i raro te
mata, kua tuatua akera, Ko toku pu
ra ainci koe ko Elia? Kua tuatua 8
maira aia kiaia, Ko au: e aere, e ka-
ranga atu ki toou pu, I na, *tera ake* a
Elia. Kua karanga atura aia, Eaa ra
taku nei ara, i tuku ei koe i to tavini
ki roto i te rima o Ahaba kia mate au?
Te ora ra to Atua ko Iehova, kare rava 10
e enua, kare e basileia i toa, i kore ei
i tonokia te tangata e taku pu, i te kimi

ia koe: e kia tuatua mai ratou e, Kare
ua, kua akataputou atu aia i taua enua
ra, e tana basileia ra, e kare koe i kiten.
11 E tenana, te tuatua maira koe, E aere,
e akakite i toou pu, I na, *tera ake* a Elia.
12 Tei te riro anga au ra, ka riro te Vae-
rua o Iehova i te apai ke ia koe, e
kare e kitea atu e au; e kia aere au e
kia akakite kia Ahaba, e kare aia e
kite ia koe, ka riro aia i te ta mai
iaku: e teianci, i matakua ua ana to
tavini ra *ko au* ia Iehova mei toku ou
13 anga mairai. Kare koe i akakiteia
mai, e taku pu, i taku nei ravenga ka
ta ai a Iezebela i te au peroveta a Ie-
hova, e kua uuna au i tetai anere ta-
ngata i te au peroveta no Iehova, e
rima ngauru i roto i te ana okotai, e
kua angai au ia ratou ki te areto e te
14 vai? E tenana, te tuatua mai na koe
e, E aere, e akakite ki toou pu, I na,
tera ake a Elia; ka riro oki aia i te ta
15 mai iaku. Kua tuatua mairā Elia,
Te ora rā Iehova Sabaota, taku e tu
ua i mua i tona aroaro, ka akakite
tika atu au iaku orai kiaia i teia-
nei rā.
16 Aere aturā Obadia e aravei ia Aha-
ba, e kua akakite kiaia: e kua aere
17 mairā Ahaba e aravei ia Elia. E kia
akerā Ahaba ia Elia, kua tuatua mairā
Ahaba kiaia, Ko koe ainci tei taeko ia
18 Iseraela nei? Kua karanga atura aia,
Ka au tei taeko ia Iseraela; ko koe
ra, e te ngutuare o to metua, ko kotou
i akaruke i te au akauenga a Iehova, e
19 kua aru koe i te au Baala. E tenana,
e tono i te karere e akaputupu ia Ise-
raela ravarai, e aere mai kiaku nei ki
te maunga nei ki Karamela, e te au
peroveta o Baala e a katoa anere e ri-
ma ngauru, e te au peroveta o Ase-
toreta e a anere, ko tei kaikai i te
20 kaingakai a Iezebela. Kua tono akerā
Ahaba i te karere ki te au tamariki ra-
varai o Iseraela, e kua akaputupu
mai i te au peroveta ki te maunga
ra ki Karamela.
21 Kua aere mairā Elia ki te au ta-
ngata katoa ra, e kua tuatua maira,
Mei te aa te roa o tenana ekoko rua
anga? ko Iehova te Atua ra, e aru
iaia: ko Baala ra, e aru iaia. Kare
22 akera i te tangata i ki mai kiaia. Kua
tuatua mairā Elia ki te au tangata,
Ko au, ko au anake nei tei toe i te au
peroveta a Iehova; kareka te au peroveta
a Baala, e a ia anere e rima ngau-
23 ru. O mai ana e rua bovi na matou,
ka rave ei ratou i tetai bovi na ratou
ōrai, ka tipupu ei, ka tuku ei ki runga
i te vaie, auraka ra ei ai e tukuia i

raro ake: e naku rai e rave i tetai bovi, ka tuku ei ki runga i te vaie, auraka ei ai i *raro ake*: Ka tautopa'i 24 kotou i te ingoa o to kotou au atua, ka tautopa oki au i te ingoa rai o Iehova: e te atua e iō mai i *te apai anga mai* i te ai, koia te Atua. Kua tuatua maira te au tangata ravarai, na ko maira, E *tuatua* meitaki taua tuatua nei. Kua 25 tuatua mairā Elia ki taua au peroveta o Baala ra, E rave ana kotou i tetai bovi na kotou, e timata na i te rave i *te reira*; e manganui oki kotou; ka tautopa'i kotou i te ingoa o to kotou au atua, auraka ra ei ai e tukuia i *raro ake*. Kua rave iora ratou i taua bovi 26 e i mairā na ratou ra, kua akonokono iora, kua tautopa iora i te ingoa o Baala, mei te popongi mai e avatea atura, i te kapiki ua anga e, E Baala, e akarongo mai ia matou. Kare rava ra e reo; kare e ki mai. Kua rere aere ratou ki runga i taua atarau i angaia e ratou ra. E avatea akera, 27 kua aviri mairā Elia, kua tuatua maira, E kapiki reo nui atu: e atua oki aia; tei te kimi paa i te manako; e kare ra, tei te angaanga; e kare ra, tei te arataa; e kua moe paa aia, e kia akaaraia e tika'i. Kua kapiki reo nui atura 28 ratou, e kua kotikoti iora ia ratou orai, ta ratou ia ravenga, ki te matipi, e te ko, e kua i ua maira te toto ki runga ia ratou. E taupeupe akera te rā, kua 29 tamou atura ratou i ta ratou au peu, e tae ua atura ki te apai anga i te tusia *aiai* ra, e kare e reo, kare e iō mai, kare ratou i akonoia mai.

Kua tuatua mairā Elia ki te au ta- 30 ngata katoa, E aere mai ana ki ku nei kiaku nei. Kua aere maira te au tangata ravarai i vaitatao kiaia. Kua patu akaou iora aia i te atarau a Iehova i ngaanga ra. Kua rave iorā Elia 31 i nga toka okotai ngauru ma rua, aite akera ki nga kopu i te tamariki a Iakoba, ta Iehova i tuatua maira, na ko maira e, Ko Iseraela toou ingoa: Kua 32 akatu akera aia i tetai atarau i te ingoa o Iehova i taua au toka ra; kua akarua-rua akera aia e pini ua ake taua atarau ra, e o nga āriki ua e rua sea. Kua 33 koroata iora aia i te vaie, kua kotikoti iora taua bovi ra, kua tuku akera ki rungao i taua vaie ra, e kua tuatua akera, E akaki ana i nga āriki e a ki te vai, ka riringi ki rungao i te tusia karakaratio, e ki rungao i te vaie ra. E kua tuatua maira aia, E pera akaou 34 kia rua. Kua pera akaou ratou kia rua. Kua tuatua maira aia, E pera akaou kia toru. Kua pera oki ratou

35 kia toru. Kua ta'e aere ua iora taua vai ra, e pini ua ake taua atarau ra: ki rava akera taua rua ra ki te vai.

36 E tac akera ki te apai anga i te tusia *aiai* ra, kua akavaitata maira te peroveta ra ko Elia, kua karanga atura, E te Atua no Aberahama, no Isaaka, e no Iseraela, e Iehova e, e akakite mai koe i teianei rā, ko koe te Atua i Iseraela nei, e ko au toou tavini, e no te mea kua tuatuaia mai au e koe ra, i rave ei au i taua au mea katoa nei. E akarongo mai iaku, e Iehova, e akarongo mai, kia kite teianei aronga e ko koe te Atua ko Iehova, e e akaariu 37 oki koe i to ratou ngakau. Kua topa maira te ai a Iehova i reira, pou iora te tusia karakaratio, e te rakau, e te toka, e te one, e i mitimitia ra taua 38 vai i roto i te rua ra. E kite akera te au tangata katoa ra i *te reira*, kua tipapa iora ki raro te mata: kua tuatua akera, Ko Iehova, koia te Atua; ko 40 Iehova, koia te Atua. Kua tuatua mairā Elia, E opu ana i te au peroveta a Baala; auraka rava tetai kia ora. Kua opu iora ratou ia ratou; kua aratiki mairā Elia ia ratou ki te kauvai ra ki Kisona, e kua ta iora ia ratou i reira.

41 Kua tuatua mairā Elia kia Ahaba, E aere, e kaikai, e inu oki: e ua maata teia e aruru mai nei. Aere aturā 42 Ahaba e kaikai e inu oki. Aere aturā Elia ki runga i te take maunga ra i Karamela; kua tipapa iora aia ki raro i te one, kua tuku iora i te mata i ro- 43 topu i nga turi, E kua tuatua maira ki tona tavini, E aere ki runga i tenana, e akara tika ki tai. Kua aere iora aia ki runga, e kua akara, e kua karanga atura, Kare ua. Kua tuatua maira aia, E aere e kia itu ua atu i te aerenga.

44 E tac akera ki te itu o te aerenga, kua karanga atura, I na, e tumurangi iti te tupu maira no raro maira i te tai, mei te rima tangata nei te tu. Kua tuatua maira aia, E aere ki runga, e karanga atu kia Ahaba, E akonokono i *te kariota naau*, e aere ki raro, ko te 45 rokoia aea koe e te ua. E kare akera i mamia, kua kerekere iora te rangi i te tumurangi e te matangi, ko te ua iora oki e mea maata. Kua akaoro iorā 46 Ahaba e tac atura ki Iezereela. Tei runga maira te rima o Iehova ia Elia; kua tatua iora aia i tona taupuku, kua oro iora na mua ia Ahaba, e tae ua atura ki te tomoanga i roto ia Iezereela.

PENE XIX.

Ko Elia i akamatakua e Iezebela, oro atura ki te medebara, e kua pati atura i te mate: kua tauturu mui tetai angela iaia i te kai: tae atura aia ki Horeba: kua mama mai te Atua kiaia; e kua tono iaia, e aere e akatainu ia Hazaela, Iehu, e ia Elisaia.

KUA akakite akera Ahaba kia Iezebela i ta Elia i rave; e kua ope te au peroveta i te taia e ia ki te koke. Kua tono akera Iezebela i te karere kia Elia ra, tuatua maira, Kia pera mai te au atua *kiaku*, e kia maata mairai, kia kore koe e riro mei tetai o ratou penei apopo. E kite akera aia, kua tu akera aia, aere atura kia ora, e tae atura ki Bere-seba ki o Iuda ra, vaoo iora i tona tavini i reira. Aere atura aia uaorai na te medebara e okotai akera ra i te aerenga; aere atura e kua noo iora ki raro ake i tetai rotema: kua pati atura i te mate; e tuatua akera, Kua oti ua; e teianei, e Iehova, kua rave mai koe iaku; kare oki oku e meitaki maata i toku ai metua ra. Te akavai ua ra aia e kua moe ki raro ake i tauna rotema ra, e i na, kua akatukia ua maira tetai angela iaia, kua na ko maira kiaia, Ka tu, ka kai. Kua akara iora aia, e i na, *te vai maira* tetai areto, *tei te pae urunga nona ra*, kua tunuia ki runga i te ngarau, e tetai ariki vai. Kua kai iora aia, e kua inu, e kua moe akaou atura ki raro. Kua oki akaou maira te Angela a Iehova kua akatukia akaou maira, ko te tu rua ia, e kua tuatua maira, Ka tu, ka kai; no te mea e ngai mamao roa *tei akonoia* naau ra. Kua tu akera aia, kua kai, e kua inu, e kua aere atura i te maroiroi o taua kai ra e rua takau akera ra, e e rua takau oki po, *e tae atura* ki Horeba ki te maunga o te Atua ra.

Tae atura aia ki reira ki roto i tetai ana, e kua noo iora aia i reira; e i na, *kua tae maira* te tuatua a Iehova kiaia, na ko maira kiaia, Te akapea ua na koe i ko na, e Elia? Kua karanga atura aia, Maroiroi ua na au i te Atua Sabaota ia Iehova: kua akaruke te tamariki a Iseraela i taua ra koreromotu, kua uri i taua au atarau ki raro, kua ta i te au peroveta naau ki te koke; e ko au nei, ko au anake nei *tei toe*; e te kimi mai nei ratou iaku nei kia mate. Kua tuatua maira aia. E aere, e runga i te maunga tu ua i ki mua i te aroaro

o Iehova. E i na, kua aere a Iehova na reirao, ko te matangi maata iora, e te uriia, i te akangaangaa anga i te au maunga, e te vava'i anga i te au mato, ki mua i te aroaro o Iehova; kare ra Iehova i roto i taua matangi ra: e muri akera i te matangi, ko te ngaueue enua iora; kare ra Iehova i roto i taua ngaueue enua ra: E oti akera te ngaueue enua, e ai; kare akera Iehova i roto i taua ai ra: e oti akera te ai, e reo iti poepoe maira.

- 13 E kite akera Elia i taua tuatua nei, kua puroku aia i tona mata ki tona kakau, aere atura ki vaoo, tu ua iora i te tomoanga ki roto i te ana ra. E i na, tetai reo maira kiaia, na ko maira, Te akapea ua na koe i ko na, e Elia?
- 14 Kua karanga atura aia, Maroiroi ua na au i te Atua Sabaota ia Iehova: no te mea kua akaruke te tamariki a Iseraela i taua ra koreromotu, kua uri i taua au atarau ki raro, e kua ta i te au peroveta naau ki te koke; e ko au nei, ko au anake ra *tei toe*; e te kimi mai nei ratou iaku nei kia mate. Kua tuatua maira Iehova kiaia, E aere, ka oki, mei te medebara atu nei ko Damaseko: e kia tae koe *ki reira*, e akatainu
- 16 koe ia Hazaela ei ariki no Arama: E akatainu oki koe ia Iehu te tamaiti a Nimesi, ei ariki no Iseraela: e akatainu oki koe ia Elisaia te tamaiti a Saphata no Abela-mehola, ei peroveta ei tupua i
- 17 koe ra. E ko *tei ora* i te koke a Hazaela ra, na Iehu ia e ta; ko *tei ora* i te koke
- 18 a Iehu ra, na Elisaia ia e ta. E vaoo iora au i e itu tausani tangata o Iseraela *noku uaorai*, ko *tei kore* i tuku i te turi ki raro kia Baala, ko *tei kore* i ongi atu te vaa iaia.
- 19 Aere atura aia, e kite atura ia Elisaia te tamaiti a Saphata, rokoia atu te arote ra i nga zugo bovi okotai ngauru ma rua; *tei iaia oki* te ma rua: aere ua atura Elia na vaiatao iaia ra, e kua titiri akera i tona kakau ki rungao iaia.
- 20 Kua akaruke iora aia i taua au bovi ra, e kua oro atura na muri ia Elia, e kua karanga atura, *E aere* ana au e ongi i toku metua tane e toku metua vaine, ka aru atu ei ia koe. Kua tuatua maira aia kiaia, E aere, e oki: i aa atu
- 21 oki au ia koe? Kua oki atura aia, kua rave iora i e rua bovi, kua ta iora, e kua tao iora, no runga te bovi te rakau *ei vaie*, e kua apai na te au tangata, e kai iora ratou. Kua tu akera aia i reira, kua aru atura ia Elia, piri atura kiaia.

PENE XX.

To Bene-adada tamaki anga i to Samaria, e to Arama tainga angaia ra: ia te peroveta tuatua kia Ahaba, koia i tuku ua ia Bene-adada.

KUA akaputuputu iora te ariki o 1
katoa nana: e toru ngauru ma rua
ariki i te kapiti anga mai kiaia ra, e te
aronga akaoro ipo, e te au kariota: kua
aere maira aia e tamaki ia Samaria,
kia pou iaia. Kua tonu mai ana aia i 2
te au karere ki roto i te oire ki te ariki
o Iseraela kia Ahaba ra, ko tei tuatua
mai kiaia e, Te na ko mairā Bene-adada,
To ario e to auro, naku ia; to au vaine 3
e to au tamariki, e tae ua atu ki tei
meitaki rava ra, naku ia. Kua karanga
atura te ariki o Iseraela, na ko atura, 4
E taku pu e te ariki e, taau oki i tua-
tua mai na, noou katoa au nei, e taku
katoa ra. Kua oki maira taua au 5
karere ra, e kua tuatua maira, Te na ko
mairā Bene-adada, tuatua maira, Kua
tono au i te karere kia koe, e tuatua
kia koe e, E tuku mai koe i to ario, e to 6
auro, e to au vaine, e to au tama-
riki ra, kiaku nei; Ka tonu ra au i
toku au tavini kia koe penci apopo, e
ka kimi aere ratou i roto i to are, e i
roto i te are o to au tavini; e tei mata-
ora i to mata, ka rave to ratou rima, e
apai mai.

Kua tiki atura te ariki o Iseraela i 7
te aronga pakari katoa o te enua ra, e
kua karanga atura, E akono meitaki
ana, ko taku ia tuatua kia kotou, e
akara i taua tangata nei te kimi nei i
te kino: kua tonu mai oki aia i te karere
i te au vaine naku nei, e taku au tama-
riki, e taku ario, e taku auro; e kare
oki i tāpuia atu e au. Kua tuatua 8
maira te aronga pakari katoa e te
tangata katootoa kiaia, Auraka e aka-
rongo, auraka e akatika atu. Kua 9
karanga atura aia ki taua au karere a
Bene-adada ra, E karanga atu ki taku
pu ki te ariki, Taau i tonu mai ki to ta-
vini nei i muatangana akera, kua tika ia
iaku: kareka i tona, kare ia e tika iaku
te reira. Okī atura te au karere ra,
apai atura i taua tuatua ra. Kua tonu 10
mairā Bene-adada i te karere kiaia, e
kua tuatua maira, Kia pera mai te au
atua kiaku, e kia maata mairai, kia
toe te kapu-rima one-pueu o Samaria
kia tatau, i te au tangata katoa e aru
iaku. Kua karanga atura te ariki o 11
Iseraela, na ko atura, E karanga atu

*ki to kotou pu, Auraka tei akamou i te
taoonga tamaki ra e akatietie mei te
mea te kiriti ra.*

- 12 Kite akērā Bene-adada i te reira tua-
tua, te inu ra i te kava ki roto i te au
puakapa, koia katoa ma te au ariki ra,
kua tuatua akera aia ki tona au tavini,
E akamou ana i te tamaki. E kua aka-
mou iora ratou e rave i taua oire ra. E
i na, kua aere maira tetai peroveta ki te
ariki o Iseraela ra kia Ahaba, tuatua
maira, Te na ko mairā Ichova, Kua kite
ainei koe i teianeī aronga i te maata? i
na, e tukuia atu e au ki roto i to rima i
teianeī rā; e ka kite oki koe e ko Ichova
14 au. Kua karanga aturā Ahaba, Naai e
rave? Kua tuatua maira aia, Te na ko
mairā Ichova, Na te au tangata ou no te
aronga kavana o te au tapere nei. Kua
karanga atura aia, Naai e akamou i te
tamaki? Kua tuatua maira aia, Naau.
15 Kua tatau iora aia i taua au tangata
ou no te aronga kavana o te au tapere
ra, e rua atura anere, e toru ngauru e
rua ara: e oti akera te reira, kua tatau
iora i te au tangata ravarai i to Iseraela
katoa ra, e itu ia tausani.
16 E avatea akera, kua aere iora raton
ki vao. Karekā Bene-adada e te au
ariki e toru ngauru ma rua e tauturu
mai iaia, te inu ra ia i te kava kona i
17 roto i te puakapa. Te au tangata ou
no te aronga kavana o te au tapere ra
te riro ana ki vao; kua tonu akērā
Bene-adada i te akara, e kua tuatua
maira ratou kiaia, na ko maira, E
tangata tera mei roto mai i Samaria ra.
18 Kua karanga atura aia, I aere au mai
ratou, e rave ora ua ia; i aere tamaki
19 mai, e rave ora ua ia rai. Kua aere
maira taua au tangata ou ra no te au
kavana o te au tapere ra, mei roto mai
i te oire, e kua aruia ratou e te nuku.
20 Ta iora ia, ko te tangata ko tana, e ope
rava akera ratou: oro atura to Arama;
e ko Iseraela i te aruaru anga i murio:
kareka te ariki o Arama ko Bene-adada,
kua ora atura na runga i tetai ipo, e te
21 aronga akaoro ipo katoa ra. Aru ua
atura te ariki o Iseraela i te tainga i te
au ipo e te au kariota, ta iora i to
Arama, e pou maata rava.
22 Kua aere maira te peroveta ki te
ariki o Iseraela, e kua tuatua maira ki-
aia, E aere, e akamaroiroi ia koe uaoari,
e akamaara marie i tauu ravenga; kia
tae oki ki tona tuatua, ka tae mai ei te
ariki o Arama e tamaki rai ia koe.
23 Kua karanga atura te au tavini o te
ariki no Suria ra kiaia, E atua no te
maunga to ratou au atua; i maroiroi ei
ratou ia tatou nei, ei te ngai mataatāa

ra tatou kia tamaki *akaou*, ka riro ia tatou te maroiroi i reira. E akapera 24 oki koe, E tuku ke te ui ariki, ratou katoa i tona ngai, i tona ngai, e tupau maira i te kapena: Ka tatou *akaou* ei i te tangata e kia niteite katoa mei tei pou io nei, ko te ipo rai te ipo, ko te kariota rai te kariota; ei te ngai mataataa rai tatou tamaki ei, e ka riro ia tatou te maroiroi i reira. Kua akarongo atura aia i ta ratou tuatua, e kua akapera atura.

E tae akera ki te tuatau tikai, kua 26 tatou iorū Bene-adada i to Arama, e aere atura ki Aphēka, e tamaki ia Iseraela. Tatauia iora oki te tamariki a Iseraela, 27 e tu akera i te kai, e kua aere e tamaki ia ratou, kua patia iora te tamariki a Iseraela i te puakapa e aite akera kia ratou, mei nga anana rikiriki puaka-nio e rua ra; kareka to Arama ra, kua ki ia te enua.

Kua aere maira te tangata no te 28 Atua, kua tuatua maira ki te ariki no Iseraela, na ko maira, Te na ko mairū Iehova, No te mea kua tuatua mai to Arama e, E atuā Iehova no te maunga, kare ra aia i te atua no te ngai mataataa, ka tuku katoa atu au i teianci aronga maata ki roto i to rima na, e ka kite oki kotou e ko Iehova au. E po itu akera 29 ratou i te vaoa anga ki roto i te puakapa, te aite ra tetai e tetai: kia tae ra ki te po itu, kua akaaravei akera ratou e tamaki: ta iora te tamariki a Iseraela i te to Arama, okotai anere i te tausani i te tangata aere ua, i te rū okotai. Kua 30 oro iora te toenga ki te oire ra ko Aphēka; topaiā iora taua toenga ra e te patu, e rua ngauru ma itu i te tausani. Kua oro iora oki a Bene-adada ki roto i taua oire ra, ki roto i tetai pia ki roto rava ra.

Kua karanga atura tona au tavini 31 kiaia, I na, kua rongo akenci matou e, ko te au ariki o te ngutuare no Iseraela, e ariki aroa ua ia: e teia ta matou tuatua kia koe, e rave matou i te kakau paoa e tatua ia matou, e te taura ei runga i to matou kaki, ka aere ei matou ki vao ki te ariki o Iseraela: peneiake ko te ora koe. Kua tatua 32 iora ratou ki te kakau paoa, e *kua tuku* i te taura ki runga i to ratou kaki, e kua aere maira ki te ariki o Iseraela ra, e kua na ko maira, Te tuatua nei to tavini ko Bene-adada, Kia ora au. Kua karanga atura aia, Te ora ra aia? ko toku ia taenae. Kua akono marie 33 taua aronga tangata ra, e kua mou vave akera i tei mei ko iaia ra, e kua tuatua akera, Ko to taeake ko Bene-adada te

ora ra. Kua karanga atura aia, Ka aere kotou ka arataki mai iaia. Kua aere mairā Bene-adada kiaia ra; kua tuku ua maira aia iaia ki runga i te kariota. 34 Kua tuatua mairā *Bene-adada* kiaia, Te au oire o to metua i raveia e te metua noku ra, ka akaoki ia au; e nnau e anga i te arataa noou i Damaseko, mei tei angaia e toku metua i Samaria ra. *Kua karanga atura Ahaba*, Ko taku ia koreromotu *ia koe*, ka tuku atu ei au ia koe. Kua papau iora aia i taua koreromotu ra iaia, e kua tuku atura kia aere ana.

35 Kua tuatua maira tetai tangata no te au tamariki a te peroveta ra ki tetai tangata, i tuatuaia mai e Iehova, E ta mai koe iaku, ko taku ia tuatua kia koe. Ekare atura i tika i taua tangata 36 i te ta iaia. Kua karanga atura aia kiaia, No te mea kare akenei koe i akarongo i te tuatua a Iehova, i na, kia riro ke koe iaku nei, ka mate koe i tetai liona. E kia taka ke atura aia iaia, kua rokoia iora aia e tetai liona, mate atura 37 aia. Kua aravei atura aia i tetai tangata, e kua karanga atura, E ta mai koe iaku, ko taku ia tuatua kia koe. Kua ta atura taua tangata ra iaia, e paruparu atura aia i te tainga 38 anga. Aere atura taua peroveta ra, e kua tapapa maira i te ariki i te pae arataa ra, e kua tapoki iora iaia uaoari kia ngaro ki tetai ri ki runga i te mata 39 ra. Te oro ua maira taua ariki ra na reira, kua kapiki atura aia ki te ariki; kua karanga atura, Kua tae rava to tavini i rotou i te tamaki anga ra; e i na, kua tapae maira tetai tangata, kua arataki maira i tetai tangata kiaia nei, kua tuatua maira, E tiaki ana koe i teianci tangata: e kia ngaro aia ra, ko koe uaoari te oko, e kare ra, e tutaki 40 mai koe i tetai taleni ario. E i na, varenga ke akera to tavini i tera mea i tera mea, kare ua ra taua tangata ra. Kua tuatua maira te ariki o Iseraela kiaia, Ko taau rai ia utunga; naau uaoari i akataka ra. Kua tatara rapu- 41 rapu iora aia i taua ri i runga i tona mata ra; kite akera te ariki o Iseraela 42 e, ko tetai ia o te au peroveta ra. Kua karanga atura aia kiaia, Te na ko mairū Iehova, No te mea kua tuku ua ake nei koe i tetai tangata i roto i to rima na, i akonoia e au kia mate rava, e tenana, ko koe uaoari te oko iaia, e toou ra au tangata ei tutaki i tona ra au 43 tangata. Aere atura te ariki o Iseraela ki tona ngutuare ma te ongoongo e te riri, e tae atura ki Samaria.

PENE XXI.

Te mainaina o Ahaba i te mea kare a Nabota i pa mai i tona kainga vine ra: i te tuatua pikikaa a Iezebelua kua peiū Nabota ki te toka: te utunga o Ahaba i akahiteia e Elia.

E I muri ake i te reira au mea, kua 1
tupu iora teia: E kainga vine
to Nabota i Iezereela, tei Iezereela,
i vaitata i te are o te ariki o Samaria ra
o Ahaba. Kua karanga aturā Ahaba 2
kia Nabota, na ko atura, O mai ana te
kainga vine noou ra ei kainga rakau
rikiriki noku, no te mea te vaitata nei
ki toku ra are: e naku e o atu i tetai
kainga vine meitaki maata noou ei tu-
taki; e te tau ra ia koe te moni, naku e
oko atu e kia oko na marie. Kua tua- 3
tua mairā Nabota kia Ahaba, Kia tāpu
mai a Iehova iaku, auraka au e oronga
atu i te kainga ipukarea o toku ai me-
tua noou. Kua aere iorū Ahaba ki te 4
ngutuare ma te ongoongo e te riri, no
te tuatua ta Nabota i Iezereela i tuatua
mai kiaia; kua karanga mai oki aia e,
Kare au e pa i te kainga ipukarea no
toku ai metua noou. Kua moe iora
aia ki runga i tona roi, e kua anga ke
tona mata, e kare akera e kai i te
kai.

Kua aere maira tana vaine ko Ieze- 5
bela kiaia ra, kua tuatua maira kiaia,
Eaa ra te mea i tumatetenga'i toou nga-
kau, e kare koe e kai i te kai? Kua 6
karanga atura aia kiaia, No te mea kua
tuatua au kia Nabota i Iezereela, kua
karanga atura au kiaia, O mai ana te
kainga vine ouu e oko ki te moni; e
kare ra, kia inangaro koe, naku e apai
atu i tetai kainga vine ei oko: e kua
tuatua maira aia, Kare au e pa i toku
kainga vine noou. Kua tuatua maira 7
tana vaine ko Iezebelua kiaia, Ko koe
ainei te ariki ki rungao ia Iseraela? ka
tu, ka kai i te kai, e kia rekareka to
ngakau: naku ia e apai atu i tana kainga
vine o Nabota i Iezereela ra noou. 8
Kua tata iora aia i te leta i te ingoa o
Ahaba, e kua topiri i te topiri nona; e
kua akau akera i taua leta ra ki te
aronga pakari, e te aronga mamaata, no
te oire i nooia e Nabota ra. Kua na 9
ko akera aia i te tata i roto i taua
leta ra, E tutu ana i te neseteiānga, ka
tuku ei ia Nabota ki runga ravao i te
au tangata ra: Ka arataki mai ei i 10
toko rua puke tangata kanga ki mua i
tona aroaro, e na raua e tapepe mai
iaia, ka na ko ei e, Kua akakino koe i
te Atua ma te ariki ra. Ka rave ei ka

apai ki vao, ka pei ei ki te toka, kia
mate.

- 11 Kua akapera oki te au tangata no
tona oire, te aronga pakari, e te aronga
mamaata i noo i tona oire ra, i ta Ieze-
bela i akau mai kia ratou, mei tei taitaia
i te leta tana i akau kia ratou ra.
- 12 Kua tutu aere ratou i te neseteiānga, e
kua tuku atura ia Nabota ki runga
- 13 ravao i taua au tangata ra. Kua aere
maira e toko rua puke tangata kanga, e
kua noo ki mua iaia; kua tuatua akera
aau puke tangata kanga ra ia Nabota, i
te tapepe anga mai iaia ki mua i te
aroaro o te au tangata, na ko maira,
Kua akakino a Nabota i te Atua ma
te ariki ra. Kua apai iora ratou
iaia ki vao mai i taua oire ra, e kua
pei iaia ki te toka, e mate rava akera.
- 14 Kua tono akera ratou i te veka kia
Iezebelua, karanga atura, Kua peiū Na-
bota ki te toka, e kua mate rava.
- 15 E kite akērā Iezebelua e, kua peiū
Nabota, e kua mate rava, kua karanga
aturā Iezebelua kia Ahaba, Ka tu, ka
rave i te kainga vine o Nabota i Ieze-
reela, tei kore i orongaia mai e ia kia
koe i te moni ra: kare oki a Nabota i
- 16 ora, kua mate ia. E kite akērā Ahaba
e, kua mate a Nabota, kua tu akērā
Ahaba ki runga, e aere ki raro e rave i
te kainga vine o Nabota i Iezereela ra.
- 17 Kua tae maira te tuatua a Iehova
- 18 kia Elia i Tisibi ra, na ko maira, Ka
tu, ka aere e aravei atu i te ariki o Ise-
raela ia Ahaba i Samaria: i na, tei
roto aia i te kainga vine o Nabota ra,
kua aere oki aia ki reira e rave i taua
- 19 kainga ra. E naau e karanga atu
kiaia, na ko atu, Te na ko mairū Ie-
hova, Kua ta oki koe, e kua rave oki?
E karanga atu rai koe kiaia, e na ko
atu, Te na ko mairū Iehova, I te ngai
i mitimitia'i te toto o Nabota e te
puaka-aoa ra, e mitimiti katoa'i te
puaka-aoa i toou toto, i toou tikai.
- 20 Kua karanga aturū Ahaba kia Elia,
Kua kitea au e koe, e toku enemi?
Kua tuatua maira aia, Kua kitea rai
koe e au: no te mea kua oronga koe ia
koe uorari ei rave i te kino i mua i te
- 21 aroaro o Iehova. I na, ka apai mai au
i te kino ki runga ia koe na, e ka raveia
e au tōou ra uanga, e te au tane katoa
na Ahaba ka tipu keia e au, mōpani uaia'i
- 22 aia ra e ngaro ua atu i roto ia Iseraela; E
ka akariro au i toou ra ngutuare mei te
ngutuare o Ieroboama te tamaiti a Ne-
bata ra, e mei te ngutuare o Baasa te ta-
maiti a Ahia ra, i te akakoko oki tauu
i akakoko mai iaku kia riri, i ara ai
- 23 oki Iseraela ia koe ra. Ia Iezebelua,

kua tuatua mai oki a Iehova iaia, na ko maira, Ka kaiiā Iezebela e te puaka-aoa i raro ake i te patu i Ieze-reela. To Ahaba kia mate i roto i te 24 oire ra, na te puaka-aoa ia e kai; e tei mate i te kainga ra, na te manu o te reva e kai. Kare oki a Ahaba e aite, 25 ko tei oronga iaia uarai ei rave i te kino i mua i te aroaro o Iehova, i ta te vaine nana i ta Iezebela i tomatoma ra. E mea rikarika maata rava tana i rave, 26 i te aru anga i te au idolo ra, mei te au mea katoa ta te ngati Amori i rave ra, tei tuarua e Iehova i mua i te aroaro o te tamariki a Iseraela ra.

Tei te akarongo anga mai a Ahaba i 27 teianei au tuatua, kua aae iora aia i ona kakau, kua tuku akera i te kakau paoa ki runga iaia, e kua nesetela iora, moe iora ki roto i taua kakau paoa ra, e kua aere marie iora. Kua tae maira te tua- 28 tua a Iehova kia Elia i Tisibi, na ko maira, Te kite ra koe i ta Ahaba ta- 29 kaaka anga mai ki mua iaku nei? no te mea kua taakaaka mai aia ki mua iaku nei, kare au e apai mai i taua kino nei i tona tuatau; kia tae ra ki to te tamaiti ra tuatau, ka apai mai ei au i taua kino nei ki runga i tona ngutuare.

PENE XXII.

Te kapiti o Iehosaphata e Ahaba i te tamaki: ko Ahaba i te vavare anga i te au peroveta pikikua ra: tona matenga i Ramota-gileada i ta Mikaia i karanga ra. Te tuatua ia Iehosaphata.

KA toru akera mataiti ma te ta- 1 maki kore ia Arama raua ko Iseraela. Kia tae ra ki te toru o te 2 mataiti, kua aere maira te ariki o Iuda ko Iehosaphata ki raro ki te ariki o Iseraela. Kua tuatua akera te ariki o 3 Iseraela ki te au tavini nona ra, Kare kotou i kite e no tatou Ramota-gileada, e te noo ua nei tatou, kare rai i rave i te rima o te ariki o Arama? Kua 4 karanga atura aia kia Iehosaphata, E tae katoa ainei koe ki Ramota-gileada i te tamaki? Kua tuatua mairā Iehosaphata ki te ariki o Iseraela, Tei toou ra anoano e pera katoa au; tei toou ra au tangata e pera katoa toku; e tei te aronga ipo naau ra, e pera katoa taku ra aronga ipo.

Kua tuatua rā Iehosaphata ki te 5 ariki o Iseraela, Ka ui ana rai i ta Iehova tuatua i tenana, ko taku ia tuatua kia koe. Kua akaputupu maira 6 te ariki o Iseraela i te au peroveta e a katoa paa anere i te tangata, e kua ka-

ranga atura kia ratou, Ka aere ainei au ki Ramota-gileada ki te tamaki, e auraka ainei? Kua tuatua maira ra- 7 tou, Ka aere; na te Atu oki e oronga mai ki te rima o te ariki. Kua tuatua akērā Iehosaphata, Kare atu rai a Iehova e peroveta toe i ko nei, kia ui 8 tatou kiaia ra? Kua tuatua maira te ariki o Iseraela kia Iehosaphata, Oko- 9 tai nei tangata i toe, ko Mikaia te tamaiti a Imela, kia ui rai tatou kia Iehova iaia: kua makitakita ra au iaia; kare oki aia e totou meitaki mai iaku nei, ko te tuatua kino anake ra. Kua karanga aturā Iehosaphata, Auraka te 10 e pera mai.

9 Kua karanga atura te ariki o Ise- 10 raela i tetai rangatira, na ko atura, Arataki viviki mai ia Mikaia te tamaiti a Imela ra. Te noo maira te ariki o Iseraela, e te ariki o Iuda ko Iehosaphata, ki runga i o raua puke terono, kua kakau i to raua kakau, tei te ngai atea i te tomoanga i te ngu- 11 tupa i Samaria; e te totou anake ra te au peroveta ki mua ia raua. E puke 12 tara auri oki tei angaia e Zedekia te tamaiti a Kenaana, e kua tuatua akera, Te na ko mairā Iehova, Ko tauu teia 13 kia uketu i to Arama ra, e kia pou 14 atu ratou ia koe. E kua pera te au peroveta ravarai i te totou, na ko maira, E aere ki Ramota-gileada e kia manuia atu; na Iehova oki e tuku 15 mai ki te rima o te ariki.

13 Ko taua karere ra i aere e tiki ia 14 Mikaia ra, kua karanga atura kiaia, na ko atura, I na oki, i ta te au peroveta tuatua ki te ariki ra, e meitaki 15 anake ia ma te vaa okotai: e tenana, teia taku tuatua kia koe, kia aiteite katoa tauu tuatua ki ta ratou, ei tua- 16 tua meitaki rai. Kua tuatua mairā Mi- 17 kaia, Te ora rā Iehova, ko ta Iehova e akakite mai kiaku ra, ko taku ia e tuatua.

15 E tae maira aia ki te ariki ra, kua 16 karanga atura te ariki kiaia, E Mikaia, e aere ainei tatou ki Ramota-gileada ki te tamaki, e auraka ainei? Kua tuatua maira aia, E aere, e kia manuia atu: 17 na Iehova oki e tuku mai ki te rima o te ariki. Kua karanga atura te ariki kiaia, Takiia taku akataputou anga atu ia koe e, ei tuatua-mou anake ra tauu e tuatua mai kiaku nei i te ingoa o Iehova ra. Kua tuatua maira aia, Akara atura au ia Iseraela ravarai, kua pueurikiriki ke ki runga i te au maunga, mei te mamoe kare e tiaki: e kua tuatua mairā Iehova, Kare o ratou nei pu: e oki te tangata katoa ki te

ngutuare ma te au. Kua karanga 18
atura te ariki o Iseraela kia Iehosa-
phata, Kare au i tuatua kia koe e, kare
aia e totou meitaki mai iaku, ko te
kino anake ra?

Kua tuatua mairai oki aia, E aka- 19
rongo mai ana koe i te tuatua a Ie-
hova: Kua kite au ia Iehova i te noo
anga ki runga i tona ra terono, e to te
rangi katoa ra nuku i te tu ua anga i
vaitata iaia i tona pae katau e tona
pae kaui. E kua ui aturā Iehova, 20
Naai e akanauru atu ia Ahaba, kia aere
aia ki runga e kia inga i Ramota-
gileada? Kua tuatua maira tetai i
tana, e kua tuatua maira oki tetai i
tana. Kua aere maira tetai vaeua, 21
kua tu maira ki mua ia Iehova, e kua
tuatua maira, Naku aia e akanauru
atu. Kua karanga aturā Iehova kiaia, 22
E akapeca? Kua tuatua maira aia, E
aere au ei vaeua pikikaa i roto i te vaa
o te au peroveta katoa nana ra. Kua
karanga atura aia, Naau rai e akana-
uru, ka tupu oki taau: e aere e aka-
pera. E teianei, i na, kua tuku mai a 23
Iehova i te vaeua pikikaa ki roto i te
vaa o taua au peroveta katoatoa naau
nei; e kino oki ta Iehova i akakite mai
ia koe ra.

Kua aere iorā Zedekia te tamaiti a 24
Kenaana i vaitata, kua moto atura ia
Mikaia i te paparinga ra, e kua kara-
nga atura, I naeu io nei te Vaeua o
Iehova i te akaruke anga iaku e te ka-
ranga anga atu kia koe? Kua tuatua 25
mairā Mikaia, I na, ka kite koe, kia
tae ki te rā e aere ei koe ki roto i tetai
pia i roto rava ra ka pipini atu ei.
Kua karanga atura te ariki o Iseraela, 26
Ka rave ia Mikaia, e akaoki atu kia
Amona ki te kavana o te oire ra, e kia
Ioasa ki te tamaiti a te ariki; E ka- 27
ranga atu ei, Te na ko maira te ariki,
E tuku ana i teianei tangata ki roto i
te are tapekūnga ra, ka angai atu ei
iaia ki te kai a tei tapekaia ra, e te vai
a tei tapekaia ra, e kia oki mai au ma
te au. Kua tuatua mairā Mikaia, Kia 28
oki akaou mai koe ma te au, kare ia i
Iehova taku i tuatua na. E kua ka-
ranga atura aia, E akarongo mai, e te
au tangata katoa.

Kua riro atura te ariki o Iseraela, e 29
te ariki o Iuda ko Iehosaphata, ki Ra-
mota-gileada. Kua tuatua maira te 30
ariki o Iseraela kia Iehosaphata, Ka
akatu ke au iaku uorai, ka aere ei ki
te tamaki; e kakau ra koe ki toon ra
kakau. Kua akatu ke iora te ariki o 31
Iseraela iaia orai, e kua aere atura ki
te tamaki ra. Kua akaue atura te

ariki o Arama, e karanga atura ki te
au kapena kariota e toru ngauru ma
rua iaia ra, Auraka kotou e tamaki ua
atu ki te tangata rikiriki, e tei ma-
maata, mari ra ki te ariki o Iseraela
anake ra. E kia akara mai te au
kapena o te au kariota ra ia Iehosa-
phata, kua tuatua akera ratou, Ko te
ariki rai teia o Iseraela ra. Kua ariu
akera ratou e tamaki iaia; kua kaku
ua rā Iehosaphata. E kite akera oki
te au kapena o te au kariota ra e, kare aia
i te ariki o Iseraela, kua anga ke maira
ratou, kare akera i aruaru atu iaia.

34 Kua akainana ua iora tetai tangata
i te ana, tu iora te ariki o Iseraela i ro-
topu i te topirianga tapoki-umauma
ra: kua karanga atura aia ki te tangata
akaoro kariota nona ra, E ariu ke atu
koe, ka kave iaku ki vao i te nuku nei;
35 kua mate au. Tupu atura te tamaki
i taua rā ra; kua turuia iora taua ariki
ra i roto i te kariota ra, i te tamaki
anga i to Arama, e aiāi iora, mate
atura: e kua ta'e maira te toto mei
roto i te puta i rotopu tikai i taua ka-
36 riota ra. E tae akera ki te topa anga o
te rā ra, e akakite aereia iora taua
nuku ra, na ko iora, E aere te tangata
katoa ki tona uorai oire, e tona uorai

37 enua. Mate iora taua ariki ra, e tae
atura ki Samaria; tanu iora ratou i
38 taua ariki ra i Samaria. Kua orei
iora ratou i te kariota, e kua orei katoa
oki i te au taoonga tamaki, i taua
vai ra i Samaria; kua mitimiti iora te
au puaka-aoa i te toto nona, i ta Ie-
hova oki i tuatua maira.

39 E te toenga o te tuatua ia Ahaba, e
te au mea katoa i raveia e ia, e te are
sene i angaia e ia, e te au oire katoa i
akatuia e ia, kare ainei kua tātāia ki
roto i te buka, te tuatua no te au rā o te
40 ui ariki o Iseraela? Moe iorā Ahaba ki
o tona ai metua; tupauia akera aia i te
au e te tamaiti nana ra e Ahazia.
41 Kia tae ki te a o te mataiti o te ariki
o Iseraela ra o Ahaba, i ariki ei a Ie-
hosaphata te tamaiti a Asa ki runga ia
42 Iuda. Tei te toru o te ngauru o to
Iehosaphata mataiti e rima ara i ariki
ei aia: okotai takau ma rima ona ma-
tāiti i te ariki anga i Ierusalem. Ko
Azuba te ingoa o te metua vaine nona
43 ra, e tamaine na Silehi. E aere atura
aia na te au arataa katoa o tona metua
o Asa; kare aia i tatipake i te reira, i
te rave anga i te mea tika i mua i te
aroaro o Iehova. Kare ra te au ngai
teitei i akarukeia; te apai ua ra te au
tangata i te tusia, e te tutungi ua ra i
te tumiama, ki runga i te au ngai teitei.

Au akera ta Iehosaphata i te ariki o 44
Iseraela.

E te toenga o te tuatua ia Ichosa- 45
phata, e tona ririnui i akakiteia, e tana
oki tamaki, kare ainei kua tataia ki roto
i te buka, te tuatua no te au rā o te au
ariki o Iuda ra?

Te toenga oki o te aronga sodoma, i 46
tei toe i te tuatau o tona metua o Asa
ra, kua apai keia ia i taua enua ra.

Kare o Edoma ariki i reira, *ko tetai* 47
tangata ke ra tei akatakaia ei ariki.

Kua tarai oki a Iehosaphata i te pai 48
Taresisa e ano ki Ophira i te auro.

Kare akera i tae: ngaangaa iora oki 49
te au pai i Eziona-gebera. Kua tua-
tua mairā Ahazia te tamaiti a Ahaba
kia Iehosaphata, E tuku katoa toku
nei au tavini e toou ra ki runga i te
pai. Kare atura i tika ia Iehosaphata.

50 Moe iorā Iehosaphata ki o tona ai
metua, e tanumia iora ki o tona ai me-
tua i roto i te oire o tona ra metua o
Davida; tupauia akera aia i te au e te
tamaiti nana ra e Iehorama.

51 E tae akera ki te mataiti okotai ngau-
ru ma itu o te ariki o Iuda ra o Ieho-
saphata, i ariki ei a Ahazia te tamaiti a
Ahaba ra ki runga ia Iseraela i Sama-
ria, ka rua akera ona tamaiti i te ariki

52 Kua rae ki runga ia Iseraela. Kua rave
aia i te kino i mua i te aroaro o Iehova,
aere atura na te arataa o tona metua
tane, e te arataa o tona metua vaine, e
te arataa o Ieroboama te tamaiti a Ne-

53 bata, i ara ai Iseraela ra: Kua tavini
atu oki aia ia Baala, e kua akamori oki
iaia, e kua akakoko atura i te Atua o
Iseraela ia Iehova kia riri, i te au mea
katoa ta tona metua i rave ra.

TE

BUKA RUA A TE AU ARIKI RA.

PENE I.

Te kaitamaki o Moabi. Te tuatua ia
Ahazia ariki no Iseraela. Teravenga
mana a Elia.

EMATE aturū Ahaba, kua kaita- 1
maki iora Moabi ia Iseraela. I 2
topa anū Ahazia i na roto i te maramā-
rama i tona pia i runga ra i Samaria, e
kua makia: e kua tono akera aia i te au
karere, e kua karanga atura kia ratou,
E aere, e ui kia Baala-zebuba i te atua
no Ekerona, i toku ora anga i teianei
maki. Kua tuatua maira te Angela a 3
Iehova kia Elia i Tisibi, Ka tu, e aere,
kia aravei atu i te au karere a te ariki
o Samaria, ka karanga atu ei kia ratou,
No te mea kare e Atua i Iseraela nei, i
aere ei kotou e ui ei ki te atua no
Ekerona kia Baala-zebuba? E teianei, 4
te na ko mairā Iehova, Kare koe e eke
mai ki raro i tenana roi tauu e moe
ra, ka mate tikai ra koe. Aere aturū
Elia.

Kua oki anake maira nga karere 5
kiaia ra, kua ui atura aia kia ratou,
Eaa kotou i oki mai ei? Kua tuatua 6
maira ratou kiaia, E tangata tei aravei
mai ia matou, e kua tuatua mai kia
matou, Ka aere, ka oki atu ki te ariki

ki tei tonono mai ia kotou na, ka karanga
atu ei kiaia, Te na ko mairā Iehova,
No te mea kare e Atua i Iseraela nei, i
tono ei koe i te au karere e ui ki te
atua o Ekerona kia Baala-zebuba? E
tenana, kare koe e eke mai ki raro i
tenana roi tauu e moe na, ka mate tikai 7
ra koe. Kua ui atura aia kia ratou,
Eaa te tu o taua tangata i aere mai e
aravei ia kotou na, tei tuatua mai oki
8 kia kotou i taua au tuatua ra. Kua
tuatua maira ratou kiaia, E tangata
uruuru aia, e kua tatuaia tona taukupu
ki te tatua kiri puaka. Kua tuatua
maira aia, Ko Elia i Tisibi.

9 Kua tonono akera aia i tetai kapena rima
ngauru, e tona *pupu* rima ngauru ra.
Kua aere atura aia kiaia ra: e i na, te
noo ra aia ki runga i te take maunga
ra. Kua karanga atura aia kiaia, E te
tangata no te Atua e, te tuatua maira
te ariki, E eke mai ana koe ki raro.
10 Kua tuatua mairā Elia, e kua na ko
maira ki taua kapena rima ngauru ra,
E tangata au no te Atua ra, ka riro i
te topa mai te ai no runga i te rangi,
pou iora koe e to rima ngauru ra.
Kua topa maira te ai no te rangi mai,
pou iora aia e tona rima ngauru ra.
11 Kua tonono akaou atura aia i tetai ka-

pena rima ngauru, e tona *pupu* rima ngauru ra. Kua karanga atura aia kiaia, na ko atura, E te tangata o te Atua ra, te tuatua maira te ariki, E eke vave mai koe ki raro nei. Kua 12 tuatua mairā Elia kia ratou, na ko maira, E tangata au no te Atua ra, e riro i te topa mai te ai no te rangi mai, pou iora koe e to rima ngauru ra. Kua topa maira te ai a te Atua no te rangi mai, pou iora aia e tona rima ngauru ra. Kua tono akaou atu rai 13 aia i te toru o te kapena rima ngauru, e tona *pupu* rima ngauru ra. Kua aere atura te toru o te kapena rima ngauru ra ki runga, kua aere oki, kua tuku i te turi ki raro ki mua ia Elia ra, kua akateni atura iaia, e kua karanga atura kiaia, E te tangata no te Atua ra, teia taku tuatua kia koe, kia ora au, e teianei rima ngauru, i to au tavini nei, ia koe: I na, kua topa mai oki te ai 14 no te rangi mai, e pou iora nga kapena rima ngauru ra, to tetai e to tetai, e nga rima ngauru katoa ra: e teianei kia ora au ia koe. Kua tuatua 15 maira te Angela a Iehova kia Elia, E aere katoa ki raro: auraka e matakua iaia. Kua tu akera aia ki runga, aere atura ma ia katoa ki raro ki te ariki ra.

Kua karanga atura aia kiaia, Te na 16 ko mairā Iehova, No te mea kua tono koe i te au karere e ui ki te atua no Eke-rona kia Baala-zebuba, kare ainei no te kore e Atua i Iseraela nei kia ui koe i tana tuatua? e tenana, kare koe e eke mai i tenana roi taau e moe na, ka mate tikai ra koe. Mate iora oki aia, 17 mei te tuatua a Iehova ta Elia i tuatua maira. E no te mea kare ana tamaiti, riro akera te au kia Iehorama ra, i te rua o te mataiti o Iehorama te tamaiti a Iehosphata ariki no Iuda.

E te toenga o te tuatua ia Ahazia ra, 18 te au mea tana i rave ra, kare ainei kua taitaia ia ki roto i te buka, te tuatua no te au rā o te ui ariki o Iseraela ra?

PENE II.

Ko Elia ka riro ke ra, aru aereia atura e Elisaia; mavele atura Ioridana iaia, aere atura raua ravarai ki tetai pae: raveia maira aia ki runga i te rangi: riro maira te vaerua iaia kia Elisaia; e kua rave katoa aia i te ravenga muna.

TE manako rā Iehova e rave mai ia 1 Elia na roto i tetai puaoio ki runga i te rangi, kua aere iorā Elia raua ko

2 Elisaia mei Gilagala atu. Kua karanga aturā Elia kia Elisaia, Ei ko nei koe, taku ia tuatua kia koe; te tono nei a Iehova iaku ki Betela. Kua tuatua mairā Elisaia, Te ora rā Iehova, e te ora katoa ra koe uaorai, kare au e akaruke ia koe. Aere atura raua ki Be- 3 tela. Kua aere maira te au tamariki peroveta i Betela kia Elisaia, e kua tuatua maira kiaia, Te kite ra aina koe ka raveia mai to pu e Iehova akonei i runga i to upoko na? Kua karanga atu- 4 ra aia, A, kua kite au; e muteki ua ana kotou. Kua karanga aturā Elia kiaia, E Elisaia, ei ko nei koe, taku ia tuatua 5 kia koe; te tono nei oki a Iehova iaku ki Ieriko. Kua tuatua maira aia, Te ora rā Iehova, e te ora katoa ra koe uaorai, kare au e akaruke ia koe. Kua 6 tae atura raua ki Ieriko. Kua aere maira te au tamariki peroveta i Ieriko kia Elisaia, e kua tuatua maira kiaia, Te kite ra aina koe ka raveia mai to pu e Iehova i teianei rā i runga i to upoko na? Kua karanga atura aia, A, 7 kua kite au; e muteki ua ana kotou. Kua karanga atu rai a Elia kiaia, Ei ko nei koe, taku ia tuatua kia koe; 8 te tono nei a Iehova iaku ki Ioridana. Kua tuatua maira aia, Te ora rā Iehova, e te ora katoa ra koe uaorai, kare au e akaruke ia koe. Kua aere kapipiti 9 iora raua. Kua aere iora oki te au tangata e rima ngauru no te au tamariki peroveta, e kua tu ua i te atea ke ra: te tu ua raua i te pae Ioridana. 10 Kua rave iorā Elia i tona kakau, kua pokaikai iora, e kua ta iora i taua vai ra, mavele atura, e kua aere ua iora raua ki tetai pae na runga i te one marō. 11 E tae atura raua ki tetai pae, kua tuatua akērā Elia kia Elisaia, E pati mai e akapea atu au ia koe, ka rave keia atu ei au ra. Kua tuatua mairā Elisaia, Teia taku tuatua kia koe, Kia 12 rua mairai taku i tenana vaerua i roto ia koe na. Kua karanga atura aia, E mea rauka ngata taau i pati mai na: 13 kia kite mai koe iaku, kia raveia mai au ra, ka akaperai mai koe, kia kore ra, kare e akaperai. Te aere ua ra raua, karangaranga ua'i, e i na, e kariota ai, e te au ipo ai, taka ke akera raua; riro aturā Elia na roto i te puaoio ki runga i te rangi. 14 Te kite aturā Elisaia, e kua kapiki atura, E taku metua e! e taku metua! te kariota o Iseraela e te au akaoro ipo 15 ra! Kare akera aia i kite akaou atu iaia; kua rave iora aia i tona uaorai kakau, kua aae rua iora aia. Kua

rave iora aia i te kakau o Elia i topa maira mei runga mai iaia ra, e kua oki maira, tu ua iora i te pae Ioridana; Kua rave iora aia i taua kakau o Elia i 14 topa maira mei runga mai iaia ra, kua ta iora i taua vai ra, kua tuatua akera aia, Teiea te Atua o Elia ra ko Iehova? kia ta iora aia i taua vai ra, mavete atura: kua aere ua iorā Elisaiā ki te-tai pae. Kia kite ra te au tamariki 15 peroveta iaia, i te akara anga i Ieriko ra, kua tuatua akera ratou, Te vai ra te vauerua o Elia i runga ia Elisaiā. Kua aere maira ratou e aravai iaia, e kua tupou akera ratou orai ki mua iaia ki raro i te one. Kua tuatua maira ratou 16 kiaia, I na, e rima ngauru teia aronga tangata maroiroi i o matou i te au tavini nei; e tuku ana koe ia ratou, ko ta matou ia tuatua kia koe, kia aere ua ana e kimi i to pu; penciake kua apai keia aia e te Vauerua o Iehova, e kua tuku uaia ki runga i tetai maunga, e kare ra, ki roto i tetai o. Kua karanga atura aia, Auraka e tonokia. E kia 17 tuatua raurau maira iaia, e kua akama ua iora, kua karanga atura aia, Ka tono. Kua tono atura ratou i taua aronga tangata e rima ngauru ra; e kua kimi iora ratou e po toru akera, kare ra i kitea. E kia oki akaou maira ra- 18 tou kiaia ra, (tei Ieriko rai aia i te noo anga,) kua karanga atura aia kia ratou, Kare au i karanga atu kia kotou, Auraka e aere?

Kua tuatua maira te au tangata o te 19 oire kia Elisaiā, I na oki, teia ta matou tuatua kia koe, teianci oire, e mea tura-ranga meitaki, kua kite oki koe, e taku pu: ko te vai ra tei kino, e te maemo ua nei te au mea o teianci enua. Kua 20 karanga atura aia, E apai mai i tetai kumete ou, ka tuku ei i te tai ki roto. Kua apai maira ratou kiaia. Kua aere 21 iora aia ki taua punavai ra, e kua titiri atura i te tai ki roto, e kua tuatua akera, Te na ko mairā Iehova, Kua akaoraiā e au teianci vai; kare atura e mate e te maemo oki. Kua ora akera 22 taua vai ra e tae rava akenci ki teianci rā, i te tuatua oki i tuatuaia e Elisaiā ra.

E mei reira oki riro atura ki Betela; 23 e te aere ua ra aia ki runga na te arataa ra, kua aere maira te tamariki mei roto mai i te oire, e kua amuamu maira kiaia, kua tuatua maira kiaia, E aere ki runga, e tenana upoko pakiko; e aere ki runga, e tenana upoko pakiko e. Kua ariu akera aia ki muri, kua akara 24 atura ia ratou, e kua katara atura i te ingoa o Iehova. Kua aere maira nga

daba e rua mei roto mai i te ngai vaorakau, etieti uaia iora taua aronga ta- 25 mariki e a ngauru ma rua ra. Mei reira oki aere atura aia ki te maunga ra ki Karamela, e mei reira oki kua oki maira ki Samaria.

PENE III.

Te au o Iehorama, e te kaitamaki o Mesa ra: te eketumu o Moabi.

1 **E** TAE akera ki te ngauru ma varu o te mataiti o te ariki o Iuda ra o Iehosaphata, i ariki ei a Iehorama te tamaiti a Ahaba ra ki runga ia Iseraela i Samaria; e okotai ngauru ma rua 2 ona mataiti i te ariki anga. Kua rave oki aia i te kino i mua i te aroaro o Iehova; kare ra i aiteite ki tona metua tane e tona metua vaine: kua akaruke oki aia i te tiki ra ia Baala i angaia e 3 tona ra metua tane. Kua piri ra aia ki te au ara a Ieroboama te tamaiti a Nebata, i ara ai Iseraela; kare ia aia i akaruke i te reira.

4 Kua akau maira te ariki o Moabi ko Mesa, ko tei angai i te puaka i te apinga uipa na te ariki o Iseraela, okotai oki anere i te tausani anga i te arenio, okotai anere oki i te tausani i te mamoe 5 toa, e te uru katoa ra. Kia mate rā Ahaba, kua kaitamaki iora te ariki o 6 Moabi i te ariki o Iseraela. Kua aere iora taua ariki ra ko Iehorama ki vao mai i Samaria i te reira tuatua, e kua tatau iora ia Iseraela katoatoa.

7 Aere akera aia e kua tono i te veka ki te ariki o Iuda kia Iehosaphata, karanga atura, Kua kaitamaki io nei te ariki o Moabi iaku nei; e tae katoa aina koe 8 kia aere taua e tamaki ia Moabi? Kua tuatua maira aia, Ka tae ia au: kua tau au ia koe, kua tau toku au tangata ki toou ra au tangata, kua tau taku au ipo 8 ki tauu ra au ipo. Kua karanga atura aia, E naea tatou kia aere? Kua tuatua maira aia, E na te medebara i Edoma ra.

9 Riro atura te ariki o Iseraela, e te ariki o Iuda, e te ariki o Edoma, kua nere takanimo ua ra e po itu; kare oki e vai na te nuku, e na te au puaka e 10 aere katoa ra. Kua tuatua akera te ariki o Iseraela, Aue! kua akaputuputu mai a Iehova i eianci puke ariki toko toru, e tuku atu ia ratou ki roto i te 11 rima o Moabi e! Kua tuatua akera Iehosaphata, Kare ainei e peroveta na Iehova i ko nei, kia ui tatou i ta Iehova iaia ra? Kua tuatua maira tetai tavini o te ariki o Iseraela, na ko maira, Teia oki a Elisaiā te tamaiti a Saphata, ko tei riringi i te vai ki runga i te rima o

Elia ra. Kua tuatua mairā Iehosa- 12
phata, Tei iaia te tuatua a Iehova.
Kua aere iora te ariki o Iseraela, e
Iehosaphata, e te ariki o Edoma, ki raro
kiaia ra. E kua karanga aturū Elisaiā 13
ki te ariki o Iseraela, Eaa taku kia koe?
e aere koc ki te au peroveta a to metua
tane ra, e te au peroveta a to metua
vaine. E kua tuatua maira te ariki o
Iseraela kiaia, Eliaa; kua akaputuputu
mai a Iehova i eianeī puke ariki toko
toru nei, e tuku ia ratou ki roto i te
rima o Moabi. Kua karanga aturū 14
Elisaiā, Te ora rā Iehova Sabaota ra,
taku e tu ua ki mua iaia ra, no te mea
i akono au i te aroaro o te ariki o Iuda
ia Iehosaphata, naringa kare, kare au e
akara atu kia koe, kare e akono ua atu
ia koe. E tenana, e arataki maira i 15
tetai akatangi kinura. E te akatangi
taua akatangi kinura ra, tei runga
maira te rima o Iehova iaia. Kua tuatua 16
maira aia, Te na ko mairū Iehova, E
akauruara aere ana i teianci o. Te na ko 17
maira oki a Iehova, Kare kotou e kite i
te matangi, kare oki kotou e kite i te
ua; ka ki ra tera ra o ki te vai, kia inu
kotou, e ta kotou au puaka, e te au
bovi katoa na kotou. E mea māmā 18
oki te reira i mua i te mata o Iehova;
ka tuku katoa mai aia i to Moabi ki to
kotou rima. Ka ope rava oki te au 19
oire i patuia i te taia e kotou, e te au
oire katoa i inangaroia ra, ka ope oki
te au rakau mēmeitaki i te tipuia e
kotou, ka ope oki te au ruavai i te
popaniia, e te au kainga meitaki ra
oki, ka kino ia kotou ki te toka.
E ao akera e apaiia i te tusia kai, e i na, 20
te ta'e maira te vai na te ara mei
Edoma mai, ki rava akera te enua ki
te vai.

E kite akera to Moabi katoa e kua 21
tae mai te au ariki e tamaki ia ratou,
kua akaputuputu iora ratou, e te aro-
nga katoa e tika kia rakei ki te taoonga
tamaki, e tei pakari atu, e kua tu ua
iora ratou i te kotinga o to ratou enua.
Kua tu akera ratou i te popongi rava, 22
te kakū maira te rā ki runga i taua
vai ra, te kite ua ra to Moabi i taua vai
ra i tetai pae, kua muramura mei te
toto ra: Kua tuatua akera ratou, E 23
toto teia: kua ope te au ariki i te
mate, kua ta ratou ia ratou uaoari: e
tenana, e Moabi, ei te noni i te apinga.
E tae atura ratou ki te puakapa o Ise- 24
raela, kua tu maira to Iseraela, kua ta
maira i to Moabi, ati atura ratou i
mua ia ratou: te ta aere ua ratou i to
Moabi e tae ua atura ki to ratou uao-
rai enua. Ngaanga atura te au oire 25

ia ratou, e te au kainga mēmeitaki ka-
toa ra, kua titiri te tangata ravarai i
te toka ki rungao, tanao, tanao, e ki
atura; e kua akakiaia te au ruavai ka-
toa, e te au rakau mēmeitaki, kua pou
ia i te tipuia: te au toka ra o Kira-
haraseta tei toe; akapiniia akera e te
aronga maka e pou iora.

26 Kite akera te ariki o Moabi e tam-
maki ririnui, kua rave iora aia i te au
tangata e koke te taoonga e itu anere,
e tipu aere e tae ua atu ki te ariki o
27 Edoma, kare akera i tika. Kua rave
akera aia i te tama mua nana uaoari,
ko te tupau tika mai iaia i te au ra,
kua apai atura iaia ei tusia karakara-
tio ki runga i te patu ra. Ototo rava
akera te riri ia Iseraela; akaruke maira
ratou iaia, oki atura ki to ratou uaoari
enua.

PENE IV.

*Ko Elisaiā i te akamaata anga i te
inu a te vaine takaua ra: te tūkinga-
meitaki o te vaine Sunema: taua ta-
maiti i te rauka anga: e kia mate
taua tamaiti ra, kua akaorāia e
Elisaiā.*

1 **K**UA kapiki ua maira tetai vaine
na tetai i te au tamariki peroveta
kia Elisaiā, tuatua maira, Kua
mate to tavini ko taku tane nei; kua
kite oki koe e, kua matakū to tavini
ia Iehova: e teia mai nei te tangata
nana te ou i tiki mai i aku tamariki
2 toko rua nei ei tavini. Kua karanga
aturū Elisaiā kiaia, E akapeea atu au
ia koe? e akakite mai kiaku: eaa
taua i roto i te are? Kua tuatua maira
aia, Kare rava o roto i te are o to tavini
3 vaine, mari ra e pani inu. Kua ka-
rangā atura aia, E aere ua ana koe, e
pati aere i to au tangata tupu katoa ra
i te āriki, auraka ei apinga to roto;
4 auraka kia iti. E kia tae mai koe ki
roto ra, e topiri mai i te pa ia koe e o
puke tamariki, ka akato ei ki roto i
taua au āriki ra, e ko tei ki ra, ka tuku
5 ke atu ia. Riro atura aia, kua topiri
iora i te pa iaia e nga tamariki ra, ko
tei apai mai i taua āriki ra kiaia ra, e
6 nana oki i akato. E ki akera taua
au āriki ra, kua karanga atura aia ki
te tamaiti, E apai mairai tetai āriki.
Kua tuatua maira aia kiaia, Kare atu
rai e āriki. Kore akera taua inu ra.
7 Kua oki maira aia kua akakite ki taua
tangata no te Atua ra. Kua karanga
atura aia, E aere, e oko i te inu, e
kia oko na taua ou ra, e te toenga ra,
naau ia e na to tamariki.

E tae akera ki tetai rā te aere rā 8
 Elisaiā ki Sunema, tei reira tetai vaine
 taotau; e kua māro maira aia iaia e
 kai i te kai. E muri akera, kia aere
 aia na reira ra, kua tapae aia ki roto e
 kai i te kai. Kua karanga atura aia 9
 ki tana tane, I na, te kite nei au i
 teianei tangata e aere putuputu mai
 ki o tana nei, e tangata tapā ia no te
 Atua. E akatu taua i tetai pia iti ki 10
 runga i te patu nei, taku ia tuatua kia
 koe, e tuku ei taua i tetai roi nona, e
 tetai kaingakai, e tetai nooanga, e tetai
 lamepa: e kia tae ua mai aia ki o taua
 nei, ka tapae mai aia ki reira. E tae 11
 akera ki tetai rā, kua aere maira aia ki
 reira, e kua tapae akera ki roto i taua
 pia ra, e kua moe iora i reira. Kua 12
 karanga atura aia ki te tavini nona ra
 kia Gehazi, E kapiki atu ana i te
 vaine Sunema. Eoti akera aia i te
 kapikiā e ia, kua tu ua maira ki mua
 iaia. Kua karanga atura aia kiaia, E 13
 karanga atu koe kiaia e, I na, i aka-
 maroiroi ua ana oki koe ia maua i te-
 nana akamaroiroi anga; e akapecā
 atura maua ia koe? Kia karangaia
 atu ainei koe ki te ariki, e te kapena
 o te nuku nei ainei? Kua tuatua
 maira aia, Te noo nei au i roto i toku
 uaoari au tangata nei. Kua tuatua 14
 maira aia, E akapecā atura aia? Kua
 karanga aturā Gehazi, Kare ana e tamai-
 ti, e kua ruaine oki te tane. Kua 15
 tuatua maira aia, E kapiki atu ana
 kiaia. Eoti akera aia i te kapikiā atu,
 te tu ua maira i te ngutupa. Kua ka-
 rangā atura aia, Mei teianei, i te tua-
 tau i akonoia ra, e tamaiti taua ka
 ikiiki. Kua tuatua mairai aia, Aura-
 ka, e taku pu, e te tangata o te Atua
 ra, auraka ana koe e pikikaa mai i to
 tavini vaine nei.

Kua to iora taua vaine ra, e kua 17
 anau maira te tamaiti kia tae ki te
 tuatau ra, te tuatau i akonoia ra, ta
 Elisaiā i tuatua mai kiaia ra. E pa- 18
 kari akera taua tamaiti ra, e tae akera
 ki tetai rā, kua aere iora aia ki vao ki
 te metua ra ki te aronga kokoti sitona
 ra. Kua karanga atura aia ki te me- 19
 tua tane, Toku mimiti, toku mimiti.
 Kua karanga atura aia ki tetai tamaiti,
 E apai ana ki tona metua vaine ra.
 E apaiia atura aia e ia, e tae atura ki 20
 tona metua vaine ra, kua nō iora aia
 ki runga i te ūā, e avatea akera, mate
 iora. Kua aere aia ki runga, kua tuku 21
 atura ki runga i te roi o taua tangata
 no te Atua ra, topiri atura i te pa iaia,
 aere atura. Kua kapiki atura aia ki 22
 tana tane, karanga atura, E tono mai

koe i tetai i te au tamariki iora, e te-
 tai asini, ko taku ia tuatua kia koe, e
 oro ana au ki te tangata no te Atua 23
 ra, ka oki mai ei au. Kua tuatua
 maira aia, Eaa koe ka aere ei i teianei
 rā? Kare teia te marama ou, kare
 oki te sabati. Kua karanga atura aia, 24
 Ka meitaki rai. Kua tuku atura aia i
 te nooanga ki runga i te asini, e kua
 karanga atura ki te tavini, Akaoro, kia
 viviki, auraka e aere marie, kia tua- 25
 tuaiia ra e au. Riro atura aia, e tae
 atura ki te tangata no te Atua ra, ki te
 maunga ra ki Karamela.

E kia akera mai taua tangata no te
 Atua ra iaia i te atea ke ra, kua tua-
 tua akera aia ki tona tavini kia Gehazi,
 I na, tera ake taua vaine Sunema ra: 26
 E oro atu ana koe kia aravei atu, ko
 taku ia tuatua kia koe, ka karanga atu
 ei, Te meitaki na koe? te meitaki na to
 tane? te meitaki na te tamaiti? Kua 27
 tuatua maira aia, Meitaki. Kia tae
 ra aia ki te tangata no te Atua ra ki
 runga i te maunga ra, kua opu iora aia
 i tona vaevae. Kua akavaitata mairā
 Gehazi e tute ke atu. Kua tuatua
 maira te tangata no te Atua ra, E vao 28
 ua atu, e tumatetenga tona i te ma-
 mae ngakau; e kua uunaia ia e Iehova
 iaku nei, kare ia i akakite mai
 kiaku ra. Kua karanga atura aia, 29
 Naku aina i pati i te tamaiti ia
 koe, e taku pu? kare ainei au i ka-
 rangā atu e, Auraka e pikikaa mai
 iaku? Kua tuatua maira aia kia Ge-
 hazi i reira, Ka tatua ana i to taupupu,
 ka rave ci i te rakau naku ra i to
 rima, e aere: kia aravei ua atu koe
 i tetai tangata, auraka e aroa atu, e
 kia aroa mai tetai ia koe ra, auraka e
 ki atu: ka tuku ei i taku rakau ki
 runga i te mata o taua tamaiti ra. 30
 Kua karanga atura te metua vaine o
 taua tamaiti ra, Te ora rā Iehova, e te
 ora ra koe uaoari, kare au e akaruke ia
 koe. Kua tu akera aia ki runga, e 31
 kua aru maira iaia. Riro aturā Ge-
 hazi na mua ia raua, e kua tuku atura
 i te rakau ki runga i te mata o taua
 tamaiti ra; kare ra e reo, kare oki e
 rongo anga. Kua oki maira aia e ara-
 vei iaia, e kua tuatua maira, na ko
 maira, Kare rai i ara te tamaiti ra. 32
 E kia tomo a Elisaiā ki roto i te are, i
 na, kua mate taua tamaiti ra, kua
 tukuia kia runga i tona roi. 33
 Kua aere atura aia ki roto i reira, e
 kua topiri iora i te pa ia raua toko rua,
 34 kua pure atura ia Iehova. Aere atura
 aia ki runga, e kua tipapa iora ki runga
 i taua tamaiti ra, kua topiri akera tona.

vaa ki tona vaa, e tona mata ei runga
ia i tona mata, e tona rima ei runga ia i
tona rima; e kua tipapa iora ki runga iaia
ra; kua maana akera te tino o taua ta-
maiti ra. Kua oki iora, kua oriori aere 35
ua i roto i te are ra; e kua aere iora oki
ki runga, kua tipapa iora ki rungao
iaia: kua maretie iora taua tamaiti ra
e itu akera maretie anga, e kua puera
akera te mata o te tamaiti. Kua ka- 36
ranga atura aia kia Gehazi, na ko atura,
E kapiki ana i taua vaine Sunema ra.
Kua kapiki atura aia. E tae maira aia
ki roto kiaia ra, kua karanga atura aia,
E rave ana i to tamaiti. Kua tomo 37
akera aia ki roto, e kua tipapa iora ki
raro i tona vaevea, tupou iora ki raro
i te one, kua rave iora i tana tamaiti,
aere atura ki vao.

Kua tae akaou atura Elisaia ki 38
Gilagala: e kua onge taua enua ra, te
noo ra te au tamariki peroveta ki mua
iaia: kua karanga atura aia ki te ta-
vini nona ra, Ka tuku ana i te pani
maata ki runga i te ai, ka tunu ei i te
kai na te au tamariki peroveta nei.
Kua aere iora tetai ki vao e koi aere i 39
te rakau rikiriki, e kitea iora te poue
ngangaere, kua koi aere iora i te ua
poue ngangaere, e ki akera te kakau,
e kua aere maira kua ruru ki roto i
te pani kai: kare akera oki ratou i
kite. Kua riringi iora i taua kai ra 40
kia kai taua au tangata ra. Te kai
ra ratou i taua kai ra, kua kapiki
maira ratou, kua tuatua mairai, E te
tangata no te Atua e, e mate tei roto
i te pani nei. Kare atura e tika ia ra-
tou kia kai. Kua tuatua ua akera aia, 41
Eapai mai ana i te faraoa. E kua tuku
iora aia ki roto i te pani; e kua karanga
atura aia, E riringi na te au tangata
nei, kia kai. E kare rava akera e kino
to roto i taua pani ra.

Kua aere maira tetai tangata mei 42
Baala-salisa mai, apai maira i te kai
popo na te tangata o te Atua ra, okotai
takau areto kerite, e te sitona katoa-
toa i roto i tana pute ra. Kua ka-
ranga atura aia, E apai atu na te au
tangata nei, kia kai ratou. Kua tuatua 43
maira te tavini, E akapecu! e tuku
ainei oki au i teia ki mua i te aroaro
o te tangata katoa okotai anere nei?
Kua karanga atura aia, E apai na te
tangata, kia kai ratou; te tuatua mai-
ra oki a Iehova, Ka kai ratou, e ka toe
oki. Kua tuku atura aia i taua aro- 44
nga areto ra ki mua ia ratou, e kua
kai iora, e kua toe, ta Iehova oki i
tuatua maira.

PENE V.

*Ko Naamana i te ora anga i tona
maki ra e lepera, e te piri anga
i taua lepera kia Gehazi no tana
pikikaa.*

- 1 **KO** Naamana kapena o te nuku o
te ariki o Arama ra, e tangata mau-
ta aia i tona ra pu, e te akangateitei,
no te mea kua oronga mai a Iehova i
te ora no Arama ra iaia: e tangata
- 2 toa oki aia, e lepera ra. I aere ua ana
tetai au takanava tangata no Arama ki
vao, e kua rave mai i tetai tamaine iti
no te enua maira no Iseraela ei tuikaa;
tei mua i te aroaro o te vaine a Naa-
- 3 mana taua tamaine ra. Kua ka-
ranga atura aia ki tona pu vaine,
Naringa toku pu i tae ki te peroveta
i Samaria ra e! ka ora oki
- 4 tona lepera ra iaia. Kua aere iori
Naamana ki roto, e kua akakite atu-
ra ki tona pu, karanga atura, Te na
ko maira te tamaine iti no te enua mai
- 5 o Iseraela. Kua tuatua maira te ariki
o Arama ra, E aere, e aere ua ki reira,
e naku e akau i te leta ki te ariki o
Iseraela. Aere atura aia, e kua apai
katoa i nga taleni ario okotai ngauru
i tona rima, e e ono tausani sekela auro,
- 6 okotai oki ngauru i te kakau. Kua
apai atura aia i taua leta ra ki te ariki
o Iseraela, karanga atura, I tenana,
kia tae atu teianei leta kia koe na,
e akaora koe i taku tavini ia Naa-
mana i tona lepera ra; i na, kua
- 7 tono oki au iaia kia koe na. E oti
akera taua leta ra i te tatauia e te
ariki o Iseraela, kua aae iora i ona
kakau, e kua tuatua akera, E Atua
ainei oki au nei, e tei iaku ainei te
ta e te akaora, i tono mai ei teianei
tangata kiaku nei e akaora i te tangata
i te lepera nei? e teianei, e akainara
meitaki io na, ko taku ia tuatua kia
kotou, te kimi nei teianei tangata i te
ara ei tapepe anga mai iaku.
- 8 Kite akera te tangata no te Atua ra
ko Elisaia e, kua aae te ariki o Iseraela
i ona kakau, kua tono akera aia i te
karere ki te ariki ra, na ko akera, Eaa
koe i aae ei i o kakau na? tuku mai ia
Naamana ki ko nei kiaku nei, ka kite
oki aia e, e peroveta tei Iseraela nei.
- 9 Kua aere mairi Naamana ma te au
ipo nana, e ma te kariota nona, e kua
tu maira i te ngutupa are o Elisaia ra.
- 10 Kua tono mairi Elisaia i te karere
kiaia, tuatua maira, Ka aere ka pai e
kia itu pai anga i Ioridana, ka oki
akaou mai toou kiko tikai, e ka mu

koe. Riri akerā Naamana, aere atura, 11
e kua tuatua akera, I na, i manako oki
au e, e aere tika mai aia ki vao kiaku
nei, ka tu mai ei, ka kapiki atu ei i te
ingoa o tona ra Atua ko Iehova, ka
arapaki mai ei tona rima ite ngai *maki*
ra, e akaora i te lepera. Kare ainei 12
ko Abana e ko Pharapara, nga vai i
Damaseko nei, tei maata i te meitaki i
te au vai katoa o Iseraela? kare ainei
e tika kia pai au i reira ka mā atu ei?
Kua ariu akera aia, aere atura ma te
riri. Kua akavaitata maira ra te au 13
tavini nona, e kua tuatua maira, E
taku metua e, naringa ainei ei tuatua
maata ta taua peroveta ra i tuatua mai
kia koe, kare ainei koe e rave i *te*
reira? ka tangata atu ei i tenana tuatua,
Ka pai ka mā atu ei? Kua aere atura 14
aia ki raro, kua pai atura i Ioridana, e
itu akera pai anga, ta te tangata no te
Atua oki i tuatua maira: oki akaou
maira tona kiko mei to te tamaiti ou
ra, mā atura aia.

Kua oki maira aia e tona katoa ra 15
au tangata ki taua tangata no te Atua
ra, e kua aere iora kua tu maira ki
mua i tona aroaro: e kua tuatua maira,
I na, kua kite atura au e, kare rava e
Atua i te ao katoa nei, mari i Iseraela
nei: e teianei, teia taku tuatua kia koe
ra, e rave mai koe i tetai apinga i to
tavini nei. Kua karanga atura aia, 16
Te ora nei a Iehova, taku e tu ua ki
mua i tona aroaro, kare au e rave.
Kua manono ua maira aia e rave; kare
akera i tika iaia. Kua tuatua mairā 17
Naamana, Teia taku tuatua kia koe,
kare aia e tika kia orongaia mai no
to tavini nei, tetai manga one kia teina
nga mule e rua nei? kare oki to tavini
eapai akaou i te tusia karakaratio, e te
tusia katoa, ki te au atua ke, mari ra
kia Iehova anake. Teia ra tetai mea 18
e akakore mai a Iehova i te ara a to
tavini nei; kia tae ra toku pu ki roto i
te are o Rimona akamori ei i reira, e
kia irinaki aia ki runga i taku rima
nei, e kua tupou oki au ki raro i roto i
te are o Rimona: kia tupou ra au ki
raro i roto i te are o Rimona ra, e aka-
kore mai a Iehova i te ara a to tavini i
taua mea ra. Kua karanga atura aia 19
kiaia, E aere ma te au. E akaruke
atura aia iaia e topa iora i tetai
ngai iti.

Ko Gehazi ra, te tavini o te tangata 20
no te Atua ra o Elisaia, kua tuatua akera
aia, I na, kua akaperepere io nei taku
pu i tera ra tangata Arama ia Naamana,
kare ake nei oki aia i āriki atu i ta
tona rima i apai maira: te ora nei rā

Iehova, ka oro ana au na muri iaia, 21
kauka mai tetai apinga naku. Kua
aru aturā Gehazi ia Naamana. E kia
akara mai a Naamana *iaia* i te oro anga
mai na muri iaia, eke iora aia mei
runga mai i te kariota e aravei iaia, e
kua karanga atura, Te meitaki na?
22 Kua tuatua maira aia, Te meitaki nei:
i tonokia mai au e taku pu, te tuatua
maira, I na, i teianei, kua aere mai nei
nga tangata ou kiaku no te au tamariki
peroveta, mei te maunga mai mei Ephe-
raima: teia taku tuatua kia koe, o mai
ana te taleni ario okotai nei, e nga
kakau oki e rua, no raua. Kua tuatua
mairā Naamana, Kia tika ia koe, e rave
mai i nga taleni e rua. Kua manono
maira aia, e kua ruru iora i nga taleni
ario e rua, ki roto i nga pute e rua, e
nga kakau oki e rua, kua tuku atura ki
runga i nga tavini ona toko rua; e kua
24 apai atura raua na mua iaia. Kia tae
ra aia ki te tuaivi ra, kua rave atura
aia i *nga mea* i to raua ra rima, e kua
momono akera ki roto i tetai are; kua
tuku atura i nga tangata ra, riro atura
25 raua. Kua aere iora aia ki roto, tu
ua iora ki mua i tona pu. Kua tuatua
mairā Elisaia kiaia, Mei e mai koe, e
Gehazi? Kua karanga atura aia, Kare
26 to tavini nei i aere ke. Kua tuatua
maira aia kiaia, Kare i reira katoa toku
ngakau, ka oki mai ei taua tangata ra
mei runga mai i te kariota e aravei ia
koe ra? E taime ainei teia kia rave i
te ario ra, e kia rave i te kakau, e te
kainga olive, e te kainga vine, e te ma-
moc, e te bovi, e te tavini tane, e te
27 tavini vaine? E teianei, te lepera o
Naamana ka piri mai ia kia koe, e ki
toou ra uanga e tuatua na nga. Aere
atura aia ki vao mei mua mai i tona
aroaro, e lepera ia mei te kiona ra.

PENE VI.

*Ko Elisaia i te akariro anga i te auri
ei mea mānu ua: tona akakite anga
i te tuatua muna a te ariki o Arama:
tana ravenga i te nuku Arama: te
onge kino; e tona orai ora anga i te
rima o te ariki o Iseraela.*

1 **K**UA tuatua maira te au tamariki
peroveta kia Elisaia, I na oki
teianei ngai ta matou e noo ua i ko
nei ia koe nei, e ngai kokota ia tatou
2 nei. Teia ta matou tuatua kia koe, e
aere tatou ki Ioridana, ka rave ei i te
rakau, taki tai rakau i te tangata oko-
tai, ka akatu ei tatou i tetai ngai no
tatou i reira ei noo anga. Kua karanga
3 atura aia, E aere kotou. Kua tuatua

maira tetai, Kia tika ia koe, taki aere katoa tatou. Kua karanga atura aia, Kua tika, ka aere au. Aere katoa atura oki aia e ratou katoa. E tae atura ratou ki Ioridana, kua tipu iora ratou i te rakau. Te tipu ra tetai i te rakau, kua topa iora te tapae ki raro i te vai : kua kapiki ua maira, tuatua maira, Aue, e taku pu e ! e mea ori oki teia. Kua karanga atura taua tangata o te Atua ra, I ea te topa anga? Kua akakite akera aia i taua ngai kiaia ra. Kua tipu iora aia i tetai rakau iti, kua titiri atura ki taua ngai ra ; te mānu ua maira taua auri ra. Kua karanga atura aia i reira, Ka rave. Kua akatika atura aia i tona rima, rave maira.

Kua tamaki maira te ariki o Arama ia Iseraela, e kua akaaitete akera i te tuatua ki tona au tavini ra, tuatua akera, Ei tera ngai, ei tera ngai *patia'i* toku puakapa. Kua tono akera taua tangata o te Atua ra i te karere ki te ariki o Iseraela, karanga atura, Kia matakite, auraka koe e aere na te ngai i mea ra ; kua tae mai oki to Arama ki raro ki reira. Kua tono atura te ariki o Iseraela i te tangata ki taua ngai i akakiteia mai e te tangata no te Atua ra, e kua ako *mamaoia* oki aia, e kua ora akera aia, kare oki te tu tai, e kare oki te tu rua ua. Iroiro ngata iora te ngakau o te ariki o Arama i taua mea ra ; kua tiki atura aia i tona au tavini, e kua karanga atura kia ratou, Kare kotou e akakite mai kiaku, e koai ua ake i o tatou te uriuri ki te ariki o Iseraela? Kua tuatua maira tetai tavini nona ra, Kare, e taku pu e te ariki : mari ra ko Elisaia peroveta, tei Iseraela aia, e nana e akakite ki te ariki o Iseraela i te tuatua i tuatuaia e koe i roto i to pia moe ra. Kua karanga atura aia, E aere, e atoro i te ngai i nooia e ia ra, kia tono au i te tiki iaia. E kua tuatuaia mai aia, kua na koia mai, I na, tei Dotana aia.

Kua tono akera aia i te ipo, e te kariota, e te nuku maata ra : kua aere iora ratou i te po, e kua akapini akera i taua oire ra. E kia ara te tavini o te tangata o te Atua ra i te akirata, e aere atura ki vao, i na, e nuku ma te ipo e te kariota, te akapini maira i te oire. Kua karanga atura tona tavini kiaia, Aue, e taku pu e ! akapea tatou nei? Kua tuatua maira aia, Auraka e matakau : e maata oki to tatou pae, e iti to ratou. Kua pure aturā Elisaia, e karanga atura, E Iehova e, teia taku tuatua kia koe, e akapuera koe i tona mata kia kite aia. Kua akapuera

akerā Iehova i te mata o taua tangata ou ra ; kite atura aia : e i na, kua ki te maunga i te ipo e te kariota ai, i te akapini anga ia Elisaia ra.

18 E kia eke maira ratou ki raro kiaia ra, kua pure aturā Elisaia kia Iehova, e karanga atura, E ta mai koe i teianei au tangata kia matapoia, ko taku ia tuatua kia koe. Taia iora ratou ki te 19 matapo, ta Elisaia i tuatua ra. Kua karanga aturā Elisaia kia ratou, Kare teia i te arataa, kare oki teia i te oire : ka aru mai iaku, e naku kotou e arataki ki te tangata i kimiia e kotou na. Kua 20 arataki ra aia ia ratou ki Samaria. E tae maira ratou ki roto i Samaria, kua karanga aturā Elisaia, E Iehova e, e akapuera koe i te mata o teianei aronga, kia kite ratou. Kua akapuera akera Iehova i to ratou mata, e kite akera ratou ; e i na, tei rotou i Samaria ra. 21 Kite akera te ariki o Iseraela ia ratou, kua karanga atura aia kia Elisaia, E taku metua, ka ta ainei au? ka ta 22 ainei au? Kua tuatua maira aia, Auraka koe e ta : e ta oki koe i tei tui-kaa ia koe i te koke naau e te ana naau? ei kai te tuku mai ki mua i to ratou aroaro e te vai, kia kai ratou e kia inu, ka aere ei ki to ratou ra pu. 23 Kua akonokono iora aia i te kai maata na ratou : e kua kai anake ratou, e kua inu anake, kua tuku atura ia ratou, aere atura ki to ratou pu. Kare akera nga takanava no Arama i tae akaou mai ki te enua o Iseraela.

24 E i muri ake i te reira, kua akaputputu iora te ariki o Arama ra ko Bene-adada i te nuku katoa nona, kua 25 aere atura e tamaki i Samaria. E onge maata tei Samaria : e i na, kua tamaki atura ratou i taua oire ra, e oko na akera te mimiti asini i te au ario e varu ngauru i te sekela, e te a o te tuanga o te kaba tutae rupe i te sekela 26 ario e rima, i te maata o te onge. Te aere ua ra te ariki o Iseraela na runga i te patu, kua kapiki ua maira tetai vaine kiaia, tuatua maira, E tauturu 27 mai, e taku pu e te ariki e. Kua karanga atura aia, Kia kore a Iehova e tauturu mai ia koe, ei ea taku e tauturu ei? ei te alona ainei? e ei te 28 taomiainga vine ainei? Kua karanga atura te ariki kiaia, Eaa tikai koe? Kua tuatua maira taua vaine ra, Teianei vaine tei tuatua mai kiaku c, O mai ana te tamaiti naau, e kai tatou iaia akonei, e apopo tatou ka kai ei i 29 taku. Kua tunu iora matou i taku tamaiti, e kua kai : kua karanga atura au kiaia kia popongi ake, O mai ana to

tamaiti e kai tatou iaia; e kua uuna io nei aia i tana tamaiti. E kite akera 30 te ariki i te tuatua a taua vaine ra, kua aae iora aia i ona kakau; e kua aere na runga i te patu, kua akara iora te au tangata, e i na, e kakau paoa *tona* tei runga i tona kiri. Kua tuatua 31 akera aia, Kia pera mai te Atua iaku, e kia maata mairai, kia vaoo mairai te upoko o Elisaiā te tamaiti a Saphata i runga iaia i teianei rai rā.

Te noo ua rā Elisaiā i roto i tona ua- 32 orai are, e te aronga pakari te noo katoa i ona ra; kua tono akera *te ariki* i te-tai tangata i vaitata iaia: kare ra i tae mai taua karere ra kiaia, ka karanga i aia ki taua aronga pakari ra, *Kare* kotou i kite e, kua tono mai teianei tamaiti na te ta tangata i te karere, e rave i toku nei upoko? E akara meitaki ana, kia tae mai taua karere ra, e tipori i te pa, e kia vaoo ua ana aia i reira: kare aina tei murio iaia te pakuku o te vae- 33 vae o tona pu? Te karanga ua ra aia 33 kia ratou, i na, kua aere mairai te karere ki raro kiaia: kua tuatua akera aia, I na, no ko mai ia Iehova ra teianei kino; eaa atu rai taku kia tiaki ia Iehova?

PENE VII.

Te totou rā Elisaiā i te kai maata i Samaria: kua takatakaiia te kavana akarongo kore i raro ake i te vaevae tangata, e mate rava akera.

KUA karanga aturā Elisaiā, E 1 akarongo mai ana i te tuatua a Iehova: te na ko mairā Iehova, Penei apopo *ka okoiā* i te sea faraoa pueu i te sekela okotai, e kia rua oki sea kerite i te sekela okotai, i te ngutupa i Samaria nei. Kua tuatua maira tetai 2 kavana i reira, tei irinakiia te rima o te ariki ra, ki te tangata no te Atua ra, na ko maira, I na, naringā Iehova e akangutupa aere i te rangi ra, e tika paa ia. Kua karanga atura aia, I na, 3 ka kite o mata, kare ra koe e kai.

Te noo ra nga tangata lepera toko a 3 tei te tomoanga i te ngutupa ra: e kua tuatua akera ratou ki tetai ki tetai, Eaa tatou ka noo ua i ko nei kia mate ua 4 atu tatou? Kia tuatua tatou e, E tomo tatou ki roto i te oire, e onge oki to te oire, ka mate tatou i reira: e kia noo tatou i ko nei, ka mate rai tatou. E tenana, aere mai, e oro tatou ki te nuku o Arama; kia akaoraia tatou ra, kua ora ia; e kia taia tatou ra, ko te 5 tu rai ia, ka mate rai. Kua tu akera ratou i te maru aiai, e aere ki te puakapa o Arama ra: kia tae ra ratou ki

te pae o taua puakapa o Arama ra, kare 6 ua e tangata. E aruru kariota, e te aruru ipo, ta te Atua i akatupu, e mei te aruru nuku maata ra, kia akarongo mai te nuku o Arama ra: e kua tuatua akera ratou ki tetai ki tetai, I na, kua 7 ou te ariki o Iseraēla i te au ariki o te ngati Heta, e te au ariki o Aiphiti, e aere mai e tamaki ia tatou. Kua tu 8 akera ratou i taua maru aiai ra, e kua oro atura, vaoo iora i to ratou au puakapa, e ta ratou au ipo, e ta ratou au asini, e te puakapa katoa ra i te vaoo ua anga, 9 oro atura kia ora. E tae atura ana nga lepera ra ki te pae o te puakapa anga ra, kua tomo akera ratou ki roto i tetai puakapa, kua kaikai iora e kua inu, e kua apai i te ario, e te auro, e te kaka- 10 kau, e kua aere kua uuna; e kua oki maira, e kua tomo ki roto i tetai puakapa, e kua apai katoa iora, e kua aere kua uuna.

Kua tuatua ua akera ratou ratou 9 uarai, Kare ta tatou i te mea meitaki, e rā tuatua meitaki oki teia rā, e te muteki ua nei tatou: kia noo ua ra tatou e kia ao, ka rokoia tatou e te kino: i teianei, taki aere tatou, e aere e akakite ki te ngutua o te ariki ra.

Kua aere mairai ratou e kua kapiki ki 10 te tiaki ngutupa o te oire: e kua karanga atura ratou kia ratou, na ko atura, Aere atura matou ki te puakapa o Arama ra, e i na, kare ua e tangata i reira, kare oki e reo tangata, kareka te ipo te erekia ra ia, e te asini i te ere angaia, e te ua puakapa i te vaoo ua 11 anga. Kua kapiki aia ki te au tiaki ngutupa, e akakite akera ratou ki roto ki te ngutua o te ariki ra.

Kua tu maira taua ariki rai te po, 12 kua tuatua maira ki te au tavini nona ra, E akakite ana au kia kotou i ta Arama i rave ia tatou: kua kite oki ratou e kua mate tatou i te pongi; e tenana kua akaruke mai ratou i te puakapa, e kua pipini ratou ki roto i te kainga, kua na ko akera, Kia akaruke ratou i te oire, e opu ora ua tatou ia 13 ratou, ka aere ei ki roto i te oire.

Kua karanga atura tetai i taua au 14 tavini nona ra, na ko atura, Teia taku tuatua kia koe, ka rave ratou i e rima o nga ipo e toe nei, tei toe ia i te oire nei, (i na, mei te maata katoa ratou i Ise- 15 raela tei toe i te oire nei; i na oki, mei te maata katoa i te Iseraēla tei pou ra:)

e tono tatou e akara *Kia kite*. Kua 15 rave akera ratou i nga ipo kariota e rua, ta te ariki ia i tono e atoro i taua nuku Arama ra, karanga atura, E aere e

e tae atura ki Ioridana: e i na, kua ki te arataa i te kakau e te āriki akaru-keia e to Arama i to ratou rapurapu. Kua oki maira nga karere, e kua akakite maira ki te ariki. Aere atura te 16 au tangata ki vao, noni iora te puakapa o Arama. Oko ua akera te sea faraoa pueu i te sekela okotai, e nga sea kerite e rua i te sekela okotai, ta Iehova oki i tuatua maira. Kua akono atura 17 te ariki i taua kavana nona te rima i irinakiia e ia ra, ei tiaki i te ngutupa: kua takatakai uaia ra aia e te tangata i taua ngutupa ra, mate iora aia, ta te tangata no te Atua i tuatua ra, ko tei tuatua mai ka aere mai ei te ariki ki raro kinia ra. Kua tupu rai mei ta 18 taua tangata o te Atua ra i tuatua ki te ariki, ka na ko ei ra e, E rua sea kerite i te sekela okotai, okotai oki sea faraoa pueu i te sekela okotai, penei apopo ka okoi'i i te ngutupa i Samaria nei: Ka tuatua mai ei taua kavana ki 19 te tangata o te Atua ra, ka na ko mai ei ra e, I na oki, naringā Iehova e aka-ngutupa aere i te rangi ra, e tika paa ia: ka karanga atu ei aia, I na, ka kite oki o mata, kare ra koe e kai. Tupu atura 20 taua tuatua kiaia ra; takatakaiia iora aia e te tangata i taua ngutupa ra, mate rava akera aia.

PENE VIII.

Te vaine Sunema i te akaoki angaia te kainga ra: te matenga o Bene-adada, e te riro anga te au ia Hazael: te au-kino o Iorama, e tona puta anga i to Arama.

I TUATUA anā Elisaia ki taua vaine 1 ra tana i akaora i te tamaiti ra, karanga atura, Ka tu, ka aere, ko koe e toou ra ngutuare, ka noo atu ei i taua ngai e rauka i te noo: e onge oki teia i tuatua e Iehova; te ka tae oki ki runga i te enua nei e itu ia mataiti. Kua tu akera taua vaine ra, e kua 2 akono atura i ta te tangata o te Atua i tuatua maira: aere atura oki aia e tona ngutuare katoa, noo atura ki o te Philiseti e itu akera mataiti. E ope 3 akera aua nga mataiti e itu ra, kua oki maira taua vaine ra mei te enua mai o te Philiseti ra: i aere aia e pati i tona kainga e tona are i te ariki ra. Te karangaranga ua ra te ariki ki te 4 tavini o te tangata o te Atua ra kia Gehazi, te tuatua ra, E akakite mai ana koe i te au mea mamaata ravarai ta Elisaia i rave ra. Te akakite ra aia 5 ki te ariki i te tangata mate i akaoraia e ia, e i na, *te aere maira taua vaine*

nana te tamaiti i akaoraia e ia ra, e pati i te ariki i tona are e te kainga katoa nona. Kua tuatua mairā Gehazi, E taku pu e te ariki, teia taua vaine ra, e teia oki te tamaiti ta Elisaia i akaora 6 ra. Kua ui atura taua ariki ra ki te vaine, e kua akakite maira oki aia. Kua akono atura te ariki i tetai tangata taoonga, karanga atura, E akaoki mai koe i tana aua kia toe, e tei uaia e taua kainga ra mei te rā mai i akaruke mai ei aia i te enua nei e teia noa'i.

7 Aere aturā Elisaia ki Damaseko; te mate ra te ariki o Arama ra ko Bene-adada i te maki; e tuatuaia atura aia, na koia atura, Teia mai nei te tangata 8 no te Atua ra. Kua karanga atura te ariki kia Hazael, E rave ana koe i tetai apinga i to rima na, e aere, e aravei atu i te tangata no te Atua ra, ka ui ei kiaia i te tuatua a Iehova, e karanga atu, Ka ora ainei au i teianci 9 maki? Kua aere aturā Hazael e aravi iaia, e kua apai katoa i tetai taoonga-riina i te au mea memetaki katoa i Damaseko ra, e a ngauru i te kamela i te apai anga, e kua aere maira, kua tu ua maira ki mua iaia, e kua tuatua maira, Ko to tamaiti ra ko Bene-adada ariki o Arama nei, tei tono mai iaku kia koe nei, te na ko maira, 10 Ka ora ainei au i teianci maki? Kua karanga aturā Elisaia kiaia, E aere, e karanga atu kiaia, Ka ora tika rai oki koe; kua akakite mairā Ie- 11 hova kiaku ka mate tikai ra aia. Kua akara atura aia i tona mata, tamou atura i te akura, e kua akama ua atura aia, kua aue iora taua tangata o te Atua ra. 12 Kua tuatua mairā Hazael, Eaa oki koe i aue ei, e taku pu? Kua karanga atura aia, No te mea kua kite au i te kino taua e ka rave i te tamariki a Iseraela nei: to ratou au punanga etneta ka ia ia koe ki te ai, e to ratou au tangata ou ra ka taia ia e koe ki te koke; e ta ratou au tamariki ka pāpāia ia e koe e kia ungaungātiti rava, e ta ratou au vaine nui ra ka tuaki naia e 13 koe ra. Kua tuatua mairā Hazael, Eaa to tavini, i te puka-aoa nei, e tika'i kia rave aia i tenana mea maata? Kua karanga aturā Elisaia, Kua akakite mai a Iehova kiaku e, e ariki koe no Arama nei. Akaruke maira aia ia Elisaia, 14 aere atura ki tona ra pu; ko tei tuatua mai kinia e, I peea mai a Elisaia kia koe? Kua karanga atura aia, I tuatua mai ana koe i te au tikaia koe. Kia 15 aia kiaku e, ka ora tikai ia koe. Kia ao akera kua rave iora aia i te kakau, patapatue, kua takū ki raro i te vai, e kua oora akera ki runga i tona mata, e B 2

māte iora aia: riro akera te au kia Hazaela ei tupau iaia.

E tae akera ki te rima o te mataiti o 16
Iorama te tamaiti a Ahaba ariki o Ise-
raela, ko Ichosaphata te ariki o Iuda i
reira, i ariki ei a Iehorama te tamaiti a
Ichosaphata ariki no Iuda. Kua tae 17
aia ki te toru ngauru ma rua o tona ra
mataiti i ariki ei aia; e varu akera ona
mataiti i te ariki anga i Ierusalemā.
Aere atura aia na te arataa o te ui 18
ariki o Iseraela, mei to te ngutuare o
Ahaba: te tamaine oki a Ahaba tana
vaine: i rave ua ra aia i te kino i mua
i te aroaro o Iehova. Kare rai a Ie- 19
hova i akapou ia Iuda no tona tavini no
Davida, tana oki i tuatua mai kiaia ra
e, e oronga mai i tetai mori kia vai rai
nana, e na tana tamariki.

Tei tona au rā to Edoma kaitamaki 20
anga i te rima o Iuda, e kua akaariki i
tetai ariki no ratou orai. Aere aturū 21
Iehorama ki Zaira, e te au kariota ka-
toa ki ona ra: e kua tu akera aia i te po,
ta iora i to Edoma i akapini mai iaia, e
te au kapena o te au kariota: oro atura
te au tangata ki to ratou au puakapa.
Kaitamaki rai Edoma i te rima o Iuda 22
e tae rava akenei ki teianei rā. Kua kai-
tamaki katoa Libena i te reira tuatua.

E te toenga o te tuatua ia Iehorama, 23
e tana katoa i rave ra, kare ainei kua
tatahi ki roto i te buka, te tuatua no
te au rā o te au ariki o Iuda? Moe 24
iorā Iehorama ki o tona ai metua, e
tanumia iora ki o tona ai metua rai i te
oire o Davida: tupauia akera i te au e
te tamaiti nana ra e Ahazia.

Tei te ngauru ma rua o te mataiti o 25
Iorama, te tamaiti a Ahaba ariki o Ise-
raela, i ariki ei a Ahazia, te tamaiti a
Iehorama, no Iuda. Tei te mataiti 26
tai takau ma rua to Ahazia i ariki ei
aia: okotai ona mataiti i te ariki anga
i Ierusalemā. Ko Atalia te ingoa o
tona metua vaine, e utaro na te ariki o
Iseraela na Omeri. Aere atura oki aia 27
na te arataa o te ngutuare o Ahaba, e
kua rave i te kino i mua i te aroaro o
Iehova, mei te ngutuare o Ahaba: no te
ngutuare aia no Ahaba, e unonga oki aia
nana. Kua kapiti katoa aia ia Iorama, 28
te tamaiti a Ahaba, i te tamaki i te ariki
o Arama ia Hazaela, i Ramota-gileada:
puta iorā Iorama i to Arama ra. Kua 29
oki iora taua ariki ra ko Iorama ki Ieze-
reela, kia akaorai te au puta i puta i aia
i to Arama i Rama, ka tamaki ei aia i te
ariki o Arama ia Hazaela. Kua aere iorā
Ahazia te tamaiti a Iehorama ariki no
Iuda, e akara ia Iorama te tamaiti a Aha-
ba i Iezereela, no te mea kua makiia aia.

PENE IX.

*Te au o Ahazia, e te kaitamaki a Iehu
ra: te matenga kino o Iezebela.*

- 1 **K**UA karanga aturū Elisaia peroveta
ki tetai i te au tamariki peroveta
ra, e kua na ko atura kiaia, Ka tatua
ana i to taukupu, ka rave ei i teianei
ue manongi i to rima, ka aere ei ki
- 2 Ramota-gileada: E kia tae koe ki reira,
ka kimi ei ia Iehu te tamaiti a Iehosa-
phata te tamaiti a Nimesi, ka aere koe
ki roto, ka akatu mai koe iaia i rotopu
i te au taeake nona ra, arataki ei ki
- 3 roto i tetai pia ki roto rava ra; Ka
rave ei i taua ue manongi ra, ka riringi
atu ei ki runga i tona mimiti ra, ka ka-
ranga atu ei, Te na ko mairā Iehova, Te
akatainu nei au ia koe ei ariki no Ise-
raela. Ka eeu ei koe i te pa, ka oro ei,
- 4 auraka e noo. Aere atura taua tangata
ou ra, taua tangata ou ra te peroveta, ki
- 5 Ramota-gileada. E tae atura aia ra, i na,
te noo maira te au kapena o te nuku ra;
kua karanga atura aia, E tuatua taku
kia koe, e te kapena. Kua tuatua
mairā Iehu, Kiai ia matou katoa nei?
Kua karanga atura aia, Kia koe, e te
- 6 kapena e. Kua tu akera aia, aere atu-
ra ki roto i te are; kua riringi atura
aia i te manongi ki runga i tona mi-
mimi, e kua karanga atura kiaia, Te
na ko maira te Atua o Iseraela, ko Ie-
hova, Te akatainu nei au ia koe ei
ariki i runga i te au tangata o Iehova,
- 7 i runga ia Iseraela. E naau e ta i te
ngutuare o to pu ra o Ahaba, kia tu-
taki au i te toto o toku ra au tavini, to
te au peroveta, e te toto o te au tavini
ravarai o Iehova, i te rima o Iezebela.
- 8 Ka ope takiri oki te ngutuare o Ahaba
i te pou; ka tipu atu au i te au tane i o
Ahaba, momani uaia'i e kiangaro i Ise-
raela nei: Ka akariro au i te ngutuare
o Ahaba, mei te ngutuare o Ieroboama
te tamaiti a Nebata, e mei te ngutuare
- 10 o Baasa te tamaiti a Ahia ra: E na te
puaka-aoa e kai ia Iezebela i te kainga
i Iezereela, kare e tanumia. Kua eeu
akera aia i te pa, e kua oro maira.
- 11 Kua aere mairā Iehu ki vao ki te au
tavini o tona ra pu: kua karanga atura
tetui kiaia, Te meitaki na? eaa tera ra
neneva i aere mai ei kia koe na? Kua
tuatua maira aia kia ratou, Kua kite
kotou i taua tangata nei e tana tuatua.
- 12 Kua karanga atura ratou, Taeke ua; e
akakite maira i tenana kia matou nei.
Kua tuatua maira aia, Kua akapera
maira aia kiaku, tuatua maira, Te na
ko mairā Iehova, Te akatainu nei au

ia koe ei ariki i runga ia Iseraela. Kua rave viviki atura te tangata katoa 13 i tona kakau, tonao, tonao, kua tuku iora ki raro ake iaia i te kakeanga ki runga ra, kua akatangī iora i te pu, karanga atura, Ko Iehu te ariki. Kua 14 kotikoti kupenga iorā Iehu, te tamaiti a Iehosaphata, te tamaiti a Nimesi, e ta ia Iorama. I tiaki ua anā Iorama e Iseraela katoa ia Ramota-gileada, no te ariki o Arama no Hazaela. Kua oki 15 ra taua ariki ra ko Iorama ki Iezereela kia akaorāia aia i te au puta i puta'i aia i to Arama ra, ka tamaki ei aia i te ariki o Arama ra ia Hazaela. Kua tuatua akērā Iehu, Kia tika ia kotou ra, auraka rava ei tangata kiu riro ki vao mai i teianei oire, kia aere e akakite i teianei tuatua i Iezereela. Kua 16 oro iorā Iehu na runga i te kariota, aere atura ki Iezereela; tei reira oki a Iorama te noo anga. E kua tae mai oki te ariki o Iuda ko Ahazia ki raro, e atoro ia Iorama.

Te tu ra tetai tiaki i runga i te 17 punanga i Iezereela ra, e kua kite aia i te pouou tangata o Iehu i te aere anga mai, e kua tuatua akera, E pouou tangata tera ake. Kua tuatua akērā Iorama, Ka rave tetai tangata akaoro ipo, ka unga atu ei kia aravei ia ratou, ka karanga atu ei e, E *tere au tena?* Aere atura tetai tangata ki runga i te 18 ipo, e aravei atu iaia, e kua karanga atura, Te na ko maira te ariki, E *tere au tena?* Kua tuatua mairā Iehu, Ei au oki too? e na muri mai koe iaku. Kua tuatua maira taua tiaki ra, na ko maira, Kua tae rava oki taua karere kia ratou ra, e kare ua i oki mai. Kua 19 tonono atura aia i tetai, ko te toko rua ia, na runga i te ipo ra, e kua tae atura kia ratou ra, karanga atura, Te tuatua maira te ariki, E *tere au tena?* Kua tuatua mairā Iehu, Ei au oki too? e na muri mai koe iaku. Kua tuatua 20 maira taua tiaki ra, na ko maira, Kua tae katoa aia kia i ratou ra, e kare ua i oki mai: mei te oro o Iehu te tamaiti a Nimesi ra tona oro; te oro viviki maira oki.

Kua tuatua akērā Iorama, E akono- 21 kono. Kua akonokonoia iora te kariota nona ra. Kua aere iora te ariki o Iseraela ko Iorama, e te ariki o Iuda ko Ahazia, na runga i o raua kariota; e aere raua e aravei ia Iehu, e kua aravei iaia i roto i te kainga o Nabota i Iezereela ra. E kite akērā Iorama ia 22 Iehu, kua karanga atura aia, E *tere au too?*, e Iehu? Kua tuatua maira aia, Eaa tena au, te maata rava ra te aka-

turi e te purepure o to metua vaine ra 23 o Iezebela? Kua akaanga akērā Iorama i ona rima, kua oro iora, e kua tuatua akera kia Ahazia, E kotikoti kupenga, 24 e Ahazia e. Kua totō akērā Iehu i te ao o tana ana ma tona ririnui katoa, tu iorā Iorama i te tua, mama atura te kakao na roto i te pukuatu, kua 25 topa iora aia i roto i tona kariota. Kua karanga aturā Iehu ki te kapena nona kia Bidekara, E rave, e titiri ki roto i tetai pae i te kainga o Nabota i Iezereela ra: e akamaara oki koe, ia taua i oro na muri i te metua nona ia Ahaba, kua tuku iorā Iehova i teianei 26 apainga ki runga iaia, na ko akera, Te tuatua mairā Iehova, mei taku i kite i nanai i te toto o Nabota, e te toto o ana puke tamariki; ka tutaki tikai au ia koe i roto rai i teianei kainga, ko ta Iehova ia tuatua. E tenana e rave ka titiri iaia ki roto i tenana kainga, ta 27 Iehova oki i tuatua maira. Kia akara ra te ariki o Iuda ko Ahazia i te reira, kua oro iora aia na te ara o te aere o te kainga ra. Kua aru aturā Iehu iaia, e kua tuatua akera, Ka ta katoa iaia i roto i te kariota. Kua *pera atura ratou* i te kake anga i Gura, i vaitata i Ibeleama. Kua oro iora aia ki Megido, 28 mate iora i reira. Apai akera tona au tavini iaia i roto i te kariota ki Ierusalem, tanumia iora aia ki roto i tona uaoari tanumanga ki o tona ai metua 29 i te oire o Davida. Tei te mataiti okotai ngauru ma tai to Iorama te tamaiti a Ahaba, i riro ēi a Ahazia ei ariki i runga ia Iuda.

30 E tae mairā Iehu ki Iezereela, kite akērā Iezebela; kua amo iora i tona tuke-mata i te peni, e kua akamanea i tona rauru, e kua akara maira na roto 31 i te maramarama. Te tomo rā Iehu na te ngutupa, kua tuatua akera aia, E au ainei to Zimeri tei ta i tona pu? 32 Kua nānā akera tona mata ki runga i taua maramarama ra, e kua tuatua akera, Koai, Koai tei toku nei pae? Kua akara maira e tokotai puke eunu- 33 ka. Kua karanga atura aia, Ka uri mai iaia ki raro nei. Kua uri maira ratou iaia ki raro: kua i ua maira tona toto ki runga i te patu, e ki runga katoa i te au ipo, ko tei takatakai 34 mai ki runga iaia. Kua tomo akera aia ki roto, kua kai iora aia e kua inu oki, e kua tuatua akera, E aere i tenana, e akara i taua vaine katarāia nei, ka tanu atu ei: e tamaine oki aia na 35 te ariki. Kua aere oki ratou e tanu iaia: e kare rava i kitea, mari ra ko te ipu katu, e nga tapuae, e nga kapu-

rima. Kua oki akaou maira ratou, 36
kua akakite maira kiaia. Kua tuatua
maira aia, Ko ta Iehova teia tuatua,
tana i tuatua mai i tona tavini ia Elia
i Tisibi ra, ka na ko mai ei ra e, Ei
te tapere ei Iezereela e kai ei te puaka-
aoa i te kopapa o Iezebela: Ka riro 37
oki te ivi o Iezebela mei te teita ki
runga i te kainga i taua tapere ra ko
Iezereela; kare oki ratou e tuatua e,
Teiā Iezebela.

PENE X.

*Ko te au tamariki a Ahaba i te mate
anga; e te aronga akamori ia Baala
i te tuinga angai.*

E ITU ngauru a Ahaba tamariki 1
tamaroa i Samaria. Kua tata iorā
Iehu i te leta, e kua akau atura ki Sa-
maria, ki te au kavana o Iezereela, ki
te aronga pakari, e te aronga i angai i
te au tamariki a Ahaba, na ko atura,
Tae atura teianei tuatua kia kotou, e 2
tei ko i o kotou te au tamariki a to
kotou pu, e kariota oki tei ko na i o
kotou na, e te ipo, e te oire patuia, e
te taonga tamaki; E kimi io na ko- 3
tou i tei meitaki, e tei tau, i taua au
tamariki a to kotou pu ra, ka tuku atu
ei ki runga i te terono o tona metua,
ka tamaki ei i te tamaki i te ngutuare 4
o to kotou pu. Kua maata ra to ratou
matakū, e kua tuatua akera, I na, toko
rua oki ariki kare akera i mou ki mua
iaia; ka tangā atu ia tatou nei ka
mou ei? E tō rungaio i taua ngutuare 5
ra, e to runga oki i te oire, e te aronga
pakari oki, e te aronga i angai i *te au
tamariki a Ahaba*, kua tono akera i te
karere kia Iehu, na ko maira, E tavini
matou noou ra, e taua e tuatua mai kia
matou nei, na matou ia e rave; kare
matou e akaariki na atu i te tangata,
naau ra e rave i tei tau i toou mata.

Kua tata *akaou* atura aia kia ratou, 6
ko te rua ia o te leta, karanga atura,
Noku kotou na, e akorongo mai kotou
i toku nei reo, e tipu ke atu kotou i te
au mimiti o te au tamariki a to kotou
pu, ka aere mai ei kiaku nei i Ieze-
reela nei kia penei apopo. Tera oki
taua au tamariki a te ariki e itu ngau-
ru ra, tei te au tangata mamaata o te
oire tei angai ia ratou. E tae atura 7
taua leta ra kia ratou, kua opu iora
ratou i te au tamariki a te ariki, kua
ta, e itu ngauru tangata, kua aao akera
i te au mimiti ki roto i te āriki, e kua
akau akera ki Iezereela kiaia ra. Kua 8
aere maira tetai karere, kua akakite
maira kiaia, tuatua maira, Kua apai

maira ratou i te au mimiti o te au
tamariki a te ariki. Kua tuatua mai-
ra aia, E vaoo ua atu i te tomoanga
ngutupa ra, kia rua putunga, e kia ao.
9 E ao akera, kua aere iora aia ki vaoo,
kua tu ua iora, e kua karanga atura ki
te au tangata katoa, E tuatua-tika ta
kotou: i na, kua kotikoti kupenga
oki au i toku ra pu e ta atura iaia:
naai ra teia aronga katoa nei i ta?
10 Kia kite maira kotou i tenana, kare
rava tetai va'i i te tuatua ta Iehova i
tuatua i te ngutuare o Ahaba e topa
ua atu ki raro i te one; kua rave oki
a Iehova i tana i tuatua mai i tona ta-
11 vini ra ia Elia. Kua ta iorā Iehu i
tei toe i te ngutuare o Ahaba i Ieze-
reela, e te aronga mamaata katoa ra, e te
au oa tumanava nona ra, e te au tau-
nga nana, kare rava tetai i vaooia.
12 Kua tu akera aia ki runga, aere atu-
ra ki Samaria: kia tae ra ki te are
13 pakoti anga i te arataa ra, Kua aravei
akerā Iehu i te au taake o te ariki o
Iuda o Ahazia, e kua karanga atura,
Koai kotou? Kua tuatua maira ratou,
E au taake matou no Ahazia; e te
aere nei matou ki raro e aroa i te au
tamariki a te ariki, e te au tamariki a
14 te ariki vaine. Kua karanga atura
aia, E opu ora ua ia ratou. Kua opu
ora ua iora ratou, e kua ta ia ratou i
te vaarua o te are pakoti anga, e a
ngauru na rua tangata; kare takiri
tetai o ratou i vaooia.
15 E riro atura aia, kua kitea e iā Ie-
honadaba te tamaiti a Rekaba, *ko tei
aere mai* e aravei iaia: kua aroa atura
aia iaia, e kua karanga atura kiaia, Te
tau ra ainei toou ra ngakau *ki toku*,
mei toku nei ngakau e tau ki toou
ra ngakau? Kua tuatua mairā Ie-
honadaba, Koia ia. Koia tikai'ra, o mai
ana to rima. Kua oronga maira oki
aia i tona rima; e kua tuku maira aia
16 iaia ki runga i te kariota. Kua tuatua
maira aia, E aere mai ana kia kite koe
i toku nei maroiroi ia Iehova. Kua
akanoo iora ratou iaia ki runga i te
17 kariota. E tae atura aia ki Samaria,
kua ta iora aia i ta Ahaba i toe i Sa-
maria, e tairipoti rava akera aia iaia, i
te tuatua oki ta Iehova i tuatua mai
kia Elia ra.
18 Kua akaputuputu iorā Iehu i te ta-
ngata ravarai, e kua karanga atura
kia ratou, Kua akamori itiiti a Ahaba
ia Baala, e maata atura to Iehu aka-
19 mori anga iaia. E tenana, e tiki i te
au peroveta katoa a Baala kiaku nei,
te au tavini katoa nona, e te au taunga
katoa nana; auraka rava kia toe: e

tusia maata oki taku na Baala; e ko
 tei toc ra, kare ia e ora. E pikikaa ra
 ta Iehu, kia pou takiri te aronga i ara-
 ara ia Baala iaia. Kua tuatua akerā 20
 Iehu, E tutu ana, ei uruoaanga tapu ta
 Baala. Kua tutu akera oki ratou.
 Kua tono akerā Iehu e pini ua ake 21
 Iseraela katoa; e kua ope takiri rava
 maira te aronga i araara ia Baala,
 kare rava e tangata toe i te tae mai.
 Kua aere maira oki ratou ki roto i te
 are o Baala, ki rava akera te are o
 Baala, mei tetai tara e tae ua atura
 ki tetai tara. Kua karanga atura 22
 aia ki te tiaki i te pia kakau, E
 apai mai i te kakau no te aronga katoa
 e araara ia Baala. Kua apai maira
 aia i te kakau no ratou. Kua aere 23
 iorā Iehu, e ko Iehonadaba te ta-
 maiti a Rekaba, ki roto i te are o Ba-
 ala, e kua karanga atura ki te aronga
 araara ia Baala, E kimi e akara *kia*
kitea e, kare i ko nei i o kotou nei te-
 tai tavini no Iehova, mari ra ko te
 aronga araara ia Baala anake ra.

E kia aere ratou ki roto e apai i 24
 te tusia, e te tusia karakaratio, kua
 akonoia e Iehu te au tangata e a
 takau ki vao, e kua karanga atura,
 Kia ora tetai o te au tangata taku
 e apai mai ki roto i te kotou rima,
ko te tuku iaia, koia uaorai te tu-
 taki i taua tangata ra. E oti akera 25
 taua tusia karakaratio ra i te apaiia,
 kua karanga aturā Iehu ki te aronga
 toa e te au kapena, E aere ki roto, ka
 ta ia ratou, auraka rava tetai kia tae
 mai ki vao. Kua ta iora ratou ia ra-
 tou ki te mata koke; e kua titiri mai
 te au toa e te au kapena *ia ratou* ki
 vao, e kua tomo atura ratou ki roto i te
 oire i te are o Baala. E kua apai maira 26
 ratou i te au tiki no roto i te are o
 Baala, e kua tutungi i te reira ki te ai.
 E kua akangaanga iora ratou i te 27
 tiki no Baala, e kua vava'i iora ratou
 i te are o Baala, e akariroia atura ei
 tiringa teita e tae rava akenei ki teia-
 nei rā. Pou rava akerā Baala i Ise- 28
 raela ia Iehu.

I te ara ra a Ieroboama te tamaiti a 29
 Nebata ra i ara ni Iseraela, ko nga kafa
 auro i Betela e i Dana, kare ia te reira
 e akarukeia e Iehu ra. Kua tuatua 30
 mairā Iehova kia Iehu, No te mea e
 mea meitaki tauu i te rave anga i te
 mea tika ki mua i toku mata nei, e kua
 rave koc i te ngutuare o Ahaba i tei
 tau i toku ngakau nei, e tae ua atu ki
 te a o te uki ra ka noo ei tauu ra tama-
 riki ki runga i te terono o Iseraela nei.
 Kare akerā Iehu i akono kia aere mei 31

tei tau ki te ture a te Atua o Iseraela
 a Iehova ma tona ngakau katoa: kare
 oki aia i akaruke i te ara a Ieroboama
 i ara ai Iseraela ra.

- 32 I te reira au rā ra to Iehova timata
 anga i te tipu ke i nga matamata ia
 Iseraela: kua taia oki ratou e Hazaela
 33 i te au tapere katoa i Iseraela: Mei
 Ioridana mai i te itinga o te rā ra; te
 enua katoa ra ko Gileada, ko te ngati
 Gada, e te ngati Reubena, e te ngati
 Manase, mei Aroera, i te pae o te kau-
 vai ra ko Aranona, e tae ua atu ki
 Gileada e Basana.
 34 E te toenga o te tuatua ia Iehu, e te
 au mea katoa tana i rave ra, e tona ra
 maroiroi katoa, kare ainei kua tataia ki
 roto i te buka, te tuatua no te au rā o te
 35 au ariki o Iseraela? Moe iorā Iehu ki
 o tona ra ai metua; kua tanu iora ratou
 iaia i Samaria. Tupauia akera aia i te
 36 au e tana tamaiti ra e Iehoahaza. E
 to Iehu ra au rā i te ariki anga ki runga
 ia Iseraela i Samaria, okotai takau ma
 varu ia mataiti.

PENE XI.

*Ko Ioasa i te ora anga i te ta a Atalia
 ra: tona akaariki angaia; e te ma-
 tanga o Atalia.*

- 1 **K**ITE akerā Atalia te metua vaine
 o Ahazia ra e, kua mate tana
 tamaiti, kua tu akera aia, e kua pou
 iaia i te ta te uanga ariki katoa ra.
 2 Karekū Iehoseba, te tamaine a te ariki
 ra a Forama, e tuaine oki no Ahazia ra,
 kua rave akera ia Ioasa te tamaiti a
 Ahazia, i keiaia e ia no roto i te au
 tamariki a te ariki i taia ra; e kua
 uuna akera ratou iaia, koia katoa ma
 te iikiiki nona, ki roto i tetai pia moe,
 3 ia Atalia, kare akera i aia i taia. Ngaro
 iora aia ma ia katoa i roto i te are o
 Iehova e ono mataiti. Riro akera te
 au ia Atalia i taua enua ra.
 4 Kia tae ra ki te itu o te mataiti, kua
 tono akerā Iehoiada e tiki i te au
 kavana o te au anere, e te au kapena,
 e te aronga vaeau, e kua arataki mai
 ia ratou kiaia ki roto i te are o Ie-
 hova, e kua papau i te koreromotu kia
 ratou, e kua tuku i te taputou kia
 ratou i roto i te are o Iehova. Kua
 akakite akera aia kia ratou i te tamaiti
 5 a te ariki. Kua akaue atura aia ia
 ratou, karanga atura, Teia ta kotou e
 rave: ko te pae toru o kotou o te aro-
 nga e tomo mai ki roto i te sabati, ei
 tapapa ia, i te ngai e tapapa i i te are o
 6 te ariki ra; E tetai pae toru, ei te
 ngutupa ia ei Sura; e tetai pae toru,

ei te pa i muri mai i te aronga vaeau :
e akapera kotou i te tapapa i te ngai
e tapapa'i i te are, kia kore e vava'ia.
E kia rua oki tuanga to te aronga katoa
o kotou, e aere ki vao i te sabati: na
ratou e tapapa i te ariki i te ngai e
tapapa'i i te are o Iehova. E na
kotou e takako rava i te ariki, te
tangata katoa ma te au taoonga i te
rima: e ko tei tomo mai ki roto i taua
upati tangata ra, kia mate atu ia: ei
vaitatao kotou i te ariki, kia tomo ki
vao, e kia aere mai ki roto.

Kua akapera te au kapena o te au
anere, i ta Iehoiada taunga i akaue
maira e ope ua ake: kua iki iora ratou
i to ratou au tangata, i te tomo mai i
te sabati, e ko tei aere ki vao i te
sabati, ratou katoa, e kua aere maira
kia Iehoiada taunga ra. Kua apai
atura taua taunga ra i te au korare, e
te au paruru, a te ariki ra a Davida, ki
te au kapena o te au anere ra, i roto i
te are o Iehova. Kua tu ua iora taua
aronga vaeau ra ma te au taoonga ka-
toa i te rima, tanao, tanao, e pini ua
ake te ariki, mei tetai poo are i te pae
katau ra e tae ua atura ki te poo are i
te pae kaui, na te pae atarau e te are
ra. Kua arataki maira aia i te mataiti
a te ariki ra, e kua tuku i te korona ki
runga iaia, e kua *tuku iora* i te ture
kiaia; kua akaariki akera ratou iaia, e
kua akatainu iaia; e kua pokarakara
ratou i te rima, e kua tuatua akera,
Kia ora te ariki.

E kite akera Atalia i te mutamuta o
te au vaeau e te tangata, kua aere
maira aia ki te au tangata ki roto i te
are o Iehova: Kua akara iora aia, e
i na, te tu ua maira te ariki i te pae
pou, ko te ravenga tikai ia, e i vaitata
i te ariki ko te aronga mamaata ia, e te
aronga akatangi i te pu: rekareka
rava akera te tangata katoa o te
enua ra, e kua akatangi i te au pu.
Kua aae iorā Atalia i ona kakau, kua
kapiki atura, E kaitamaki, e kaita-
maki. Kua akaue akera Iehoiada
taunga i te au kapena anere, te aronga
rangatira i taua nuku ra, e karanga
atura kia ratou, Arataki atu iaia ki vao
i te tupati tangata ra: e te aru iaia ra,
e ta ki te koke. I tuatua ana oki te
taunga, Auraka aia e taia i roto i te are
o Iehova. Kua opu atura to ratou
rima iaia; e tae atura aia ki te arataa
e tomo ei te au ipo i te are o te ariki
ra: taia iora aia i reira.

Kua papau iorā Iehoiada i te ko-
reromotu i te ariki raua ko Iehova e
te au tangata ravarai, ei tangata ratou

no Iehova; e *tetai koreromotu* oki i te
18 au tangata e te ariki. Kua tomo atura
te au tangata katoa o te enua ki roto i
te are o Baala, kua vava'i atu i te reira;
i te au atarau e to reira au tiki, kua
vava'i takiri ravaia e ratou; e kua ta
atura i te taunga o Baala ra ko Matana
ki mua i te au atarau ra. Kua aka-
taka iora te taunga ra i te aronga aka-
19 taoongaia i te are o Iehova. Kua rave
akera aia i te au kapena anere, e te au
kavana, e te au vaeau, e te tangata
ravarai o te enua ra, e kua arataki
maira ratou i te ariki ki raro, mei te
are o Iehova maira, e kua na te ngu-
tupa o te vaeau ra te aere ki roto i te
are o te ariki. E kua noo iora aia ki
20 runga i te terono o te ui ariki. Ma-
reka rava akera te tangata katoa o te
enua ra: e te vai au ua ra te oire, mate
ua ake a Atalia ki te koke i *vaitata* i te
21 are o te ariki ra. Tei te itu o to Ioasa
mataiti i ariki ei aia.

PENE XII.

*I te ora anga o Iehoiada e au meitaki
to Ioasa ra: te tamaki o Hazael:
te apinga i o atua e Ioasa kiaia: te
matenga o Ioasa.*

1 **E** TAE akera ki te itu o te mataiti
i te au o Iehu, i ariki ei a Ioasa;
ka a akera ngauru ona mataiti i te ariki
anga i Ierusalem. Ko Zibia te ingoa
2 o tona metua vaine no Bere-seba. Kua
rave aturā Ioasa i te mea tika i mua i
te aroaro o Iehova, e ope rava ake tona
au rā i apiia'i aia e Iehoiada taunga ra.
3 Kare ra i akarukeia te au ngai teitei
ra: te apai ua ra te au tangata i te
tusia, e te tutungi ra i te tumiama, i te
au ngai teitei ra.
4 Kua karanga aturā Ioasa ki te kau
taunga. Te au moni tapu i apiia'i mui
ki roto i te are o Iehova, te moni a te
aronga katoa i tatauia ra, te moni
akaora i te vaeua i akonoia no te ta-
ngata katoa, e te moni katoa ta te nga-
kau o te tangata i anoano i te apai mai
5 ki roto i te are o Iehova. Na te kau
taunga e akaputuputu no ratou, te
tangata katoa tana e tau ra; ka rave
akaou ei i te au ngai i ngaangaa i te are
nei, kia kitea atu taua au ngai ngaangaa
6 ra. Tae rava atura ra ki te mataiti oko-
tai takau ma toru o te au o te ariki ra
ko Ioasa, kare i oti i te kau taunga ra
taua au ngai ngaangaa i taua are ra.
7 Kua karanga atura taua ariki ra ko
Ioasa ia Iehoiada taunga, e te kau
taunga katoa ra, e kua karanga atura
kia ratou, Eaa ra kotou i kore ei i tuā

i te au ngai ngaangaa o te are nei? Oti ra ua kotou i te rave i te moni i te au tangata i tau ia kotou na, e tuku maira kotou i taua moni ra kia tuāia te au ngai i ngaangaa i te are nei. Kua akatika akera te kau taunga ra, kua oti ua ratou i te rave i te moni a te au tangata ra, e auraka ratou e rave i te au ngai ngaangaa o te are ra.

Kua rave akērā Iehoiada taunga i tetapi pia, e kua ou aia i tetai rua i te tapoki o taua pia ra, kua tuku iora ki te pae atarau, ki te pae katau kia tomo mai ki roto i te are o Iehova: e kua tuku iora te taunga i tiaki i te ngutupa i te au moni katoa, i apaiia mai ki roto i te are o Iehova, ki roto. E koia rai kia akara ratou e, kua maata te moni i roto i taua pia ra, kua nere maira ki runga te tata tuatua a te ariki, e te taunga maata, kua tatau iora i te moni i rauka i roto i te are o Iehova, e kua ao iora ki roto i te au pute. E oti akera taua moni ra i te tataua, kua tuku iora ratou ki te rima o te aronga i rave i taua ngaangaa ra, ko tei akara i taua are o Iehova ra: e pou akera ia ratou i te tutaki aere i te au taunga tarai rakau, e te aronga patu, tei rave i te ngaangaa i taua are o Iehova ra, E tei te au taunga, e te tara i toka, e tei te oko rakau oki, e te toka taraiia ra, ei tuā i te au ngai i ngaangaa i te are o Iehova, e tei te au mea katoa i okoia ei tuā i taua are ra; Kare ra ratou i anga no te are o Iehova i te au kapu ario, e te au pakoti, e te au kapu, e te au pu, e te au āriki auro, e te au āriki ario, i taua moni i apaiia mai ki roto i te are o Iehova ra: Kua apai ra ratou i te reira na te tangata rave angaanga, i oti ei i taua moni ra te are o Iehova. Kare ra ratou i akaaita i te tuatua i te au tangata, ia ratou i tuku atu i taua moni ra ei tutaki na te rave angaanga: no te mea kua akono ratou i te mea mou ra. Te moni tuta-kingaara, e te moni tarangaara, kare ia i apaiia mai ki roto i te are o Iehova: na te kan taunga ia.

Kua nere iora te ariki o Arama ra i ko Hazaela ki runga, kua tamaki atura ia Gata, e rauka iora: kua anga akērā Hazaela i tona mata e aere ki runga ki Ierusalem. Kua rave akera te ariki o Iuda ra ko Ioasa i te au mea tapu, ta Iehosaphata, e ta Iorama, e ta Ahazia, ta nga ariki o Iuda, nga metua nona, i akatapu ra, e te au mea tapu katoa nana orai, e taurā katoa i kitea i roto i te uipānga apinga i te are o Iehova, e te are katoa o te ariki, e kua akau

akera ki te ariki o Arama ra kia Hazaela: kua akaruke maira aia i Ierusalem.

- 19 E te toenga o te tuatua ia Ioasa e tana katoa i rave, kare ainei kua tātāia ki roto i te buka, te tuatua no te au rā o te au ariki o Iuda ra? Kua tu maira tona au tavini, kua kotikoti kupenga akera, e kua ta iora ia Ioasa i te are o
- 20 Milo, ka eke atu ei ki Sila ra. Na Iozakara te tamaiti a Simeata, e na Iehozabada te tamaiti a Somera, nga tavini nona ra, i ta iaia, e mate atura; tanumia iora aia e ratou ki o tona ai metua ra i te oire o Davida; tupauia akera aia i te au e te tamaiti nana ra e Amazia.

PENE XIII.

Te au kino o Iehoahaza: te au o Ioasa i muri ake. Te matenga o Elisaia; e te tangata mate i te ora anga i tona ivi.

- 1 TAE akera ki te okotai takau ma toru o te mataiti o Ioasa, te tamaiti a Ahazia, ariki no Iuda ra, i ariki ei a Iehoahaza, te tamaiti a Iehu, i runga ia Iseraela i Samaria, okotai ngauru ma itu ona mataiti i te ariki
- 2 anga. Rave atura aia i te kino i mua i te aroaro o Iehova, aru atura aia i te ara a Ieroboama te tamaiti a Nebata, i ara ai Iseraela; kare aia i akaruke i te reira. Tupu akera te riri o Iehova ia Iseraela, e kare aia i tivata i te tuku ia ratou ki roto i te rima o te ariki o Arama ra ko Hazaela, e te rima oki o Bene-adada te tamaiti a
- 4 Hazaela ra. Kua pati akatenga iorā Iehoahaza i mua i te aroaro o Iehova, e kua akarongo mairā Iehova iaia: no te mea te kite ra aia i to Iseraela tinai-mate angaia, i ta te ariki o Arama
- 5 i tinai-mate mai ia ratou. Kua oronga mairā Iehova i tetapi akaora no Iseraela, kua aere iora ratou ki vao mei raro mai i te rima o Arama ra: noo iora te tamariki a Iseraela i to ratou uaorai puakapa, mei te muatangana
- 6 ra. Kare ra ratou i akaruke i te ara a te ngutuare o Ieroboama, i ara ai Iseraela, kua na reira ra ratou te aere; e ko Asoretora ra, te vai ua ra oki i Samaria. E rima ngauru anga anake ua to te aronga akaoro ipo i vaioia e ia ia Iehoahaza, e te au kariota oki okotai ngauru, e te au tangata aere ua ra okotai ia ngauru anga i te tausani; kua pou oki ratou i te ariki o Arama ra, e kua riro ratou iaia mei te one-pueu i te pāpā anga.

E te toenga o te tuatua ia Iehoahaza, e te au mea katoa tana i rave, e tona ririnui, kare ainei kua tatau ki roto i te buka, te tuatua no te au rā o te au ariki o Iseraela ra? Moe iorā Iehoahaza ki o tona ra ai metua: e tanumia iora aia e ratou i Samaria; tupauia akera aia i te au e te tamaiti nana ra e Ioasa.

Tei te toru ngauru ma itu o te mataiti o te ariki o Iuda o Ioasa, i ariki ei a Ioasa te tamaiti a Iehoahaza i runga ia Iseraela i Samaria ra, okotai ngauru ona mataiti e ono ara i te ariki anga. I rave aia i te kino ki mua i te aroaro o Iehova; kare rava aia i akaruke i te au ara katoa a Ieroboama, te tamaiti a Nebata ra, i ara ai Iseraela; kua na reira ra aia te aere. E te toenga o te tuatua ia Ioasa, e tana katoa i rave ra, e tona ririnui, i tamaki ei aia ki te ariki o Iuda kia Amazia ra, kare ainei kua tatau ki roto i te buka, te tuatua no te au rā o te au ariki o Iseraela ra? Moe iorā Ioasa ki o tona ai metua, e kua noo mairā Ieroboama ki runga i tona ra terono: tanumia iorā Ioasa i Samaria ki o te ui ariki o Iseraela ra.

Rokoia iorā Elisaiā e te maki, te maki i mate ei aia ra. Kua aere atura te ariki o Iseraela ko Ioasa ki raro kiaia ra, e kua aue iora ki runga i tona mata, e kua karanga atura, E taku metua e! e taku metua e! te kariota o Iseraela, e nga akaoro ipo katoa ra. Kua tuatua mairā Elisaiā kiaia, E rave ana i te ana e te au kakao. Kua iora aia i te ana e te au kakao. Kua tuatua maira aia ki te ariki o Iseraela, Ka tuku ana i to rima ki runga i te ana. Kua tuku iora aia i tona rima ki runga i te ana: kua tuku iorā Elisaiā i ona rima ki rungao i nga rima o te ariki. Kua tuatua maira aia, E kiriti ana i te māmāmarama i te pae i te itinga o te rā. Kua kiriti akera oki aia. Kua tuatua mairā Elisaiā, E akainana. Kua akainana atura aia. Kua tuatua maira aia, E kakao akaora ia na Iehova, e kakao ora ia ia Arama: ka ta oki koe i to Arama i Apheka e pou atura ia koe. Kua tuatua maira aia, Ka rave i te au kakao. Kua rave iora aia. Kua tuatua maira aia ki te ariki o Iseraela, Ka ta ki raro i te one. Kua ta iora ka toru akera tainga, oti ra ua. Riri akera tana tangata no te Atua iaia ra, e kua tuatua maira, Naringa koe i tataki rima, e kia taki ono i te tainga; kua pou takiri rava ia Arama i te taia e koe i reira, e teianei e toru ua o Arama tainga ia koe.

20 Mate iorā Elisaiā, e tanumia iora e ratou. Kua akarato ua mai te au takanava Moabi i taua enua ra i te mua o te mataiti. Te tanu ra to Iseraela i tetai tangata, i na, kua kite atura ratou i tetai takanava; kua titiri atura ratou i taua tangata ra ki roto i te tanumanga o Elisaiā ra; e kia tukuia taua tangata ra ki raro, e tukia atura i te au ivi o Elisaiā, te ora ua aia ra, e kua tu ua maira ki runga i tona vaevae.

22 Takinga-kino ua mairai te ariki o Arama ra ko Hazael ia Iseraela e ope rava akera te au rā o Iehoahaza; Kua aroa mairā Iehova ia ratou, e kua tangi mai ia ratou, e kua akono mai aia ia ratou, no tana koromotu ia Aberahama, ia Isaka, e ia Iakoba, e kare rai aia i akapou ia ratou, kare rai i tuaru ia ratou i mua i tona mata e teia noa'i.

24 Mate iora te ariki o Arama ra ko Hazael; tupauia akera aia i te au e te tamaiti nana ra e Bene-adada. Rauka akaou akera ia Ioasa te tamaiti a Iehoahaza i te rima o Bene-adada, te tamaiti a Hazael, te au oire i rauka iaia, i te rima o Iehoahaza i tona metua, i te tamaki ra. Ka toru akera ona eke anga ia Ioasa, e kua rauka akaou maira taua au oire o Iseraela ra.

PENE XIV.

Te au meitaki o Amazia ra: to Edoma eke anga iaia: tona eke anga ia Ioasa, e tona matenga i tona orai au tangata: tupauia aia e Azaria. Te au kino o Ieroboama: tupauia aia e Zekaria.

1 TEI te rua o te mataiti o Ioasa te tamaiti a Iehoahaza ariki no Iseraela, i riro ei a Amazia te tamaiti a Ioasa ei ariki no Iuda. Kua tae aia ki te mataiti tai takau ma rima i ariki ei aia, okotai takau ma iva ona mataiti i te ariki anga i Ierusalem. Ko Iehoadana te ingoa o tona metua vaine no Ierusalem. Kua rave aia i te mea tika i mua i te aroaro o Iehova, kare ra i aite ki ta tona metua ki ta Davida: kua tau ra tana i rave ki ta tona metua ra ki ta Ioasa i rave ra. Kare ra te au ngai teitei i akarukeia: te apai ua ra te tangata i te tusia, e te tutungi ua ra i te tumijama, ki runga i taua au ngai teitei ra. E akatinamouia akera te au i tona rima, kua ta atura aia i nga tavini nona, tei ta i tona metua i te ariki ra. Kare ra aia i ta i te au tamariki a taua au ta tangata ra: i tei tatau oki ki roto i te buka ture a Mose ra, i ta Iehova i akaue maira, i te na ko anga mai e, Auraka te metua kia

taia i *te ara a* te tamariki, auraka te tamariki kia taia i *te aru a* te metua; ka mate ra te tangata katoa i tana uaoari ara. Kua ta iora aia i to Edo-
ma, okotai ngauru i te tausani i te tangata i te o tai ra, rauka iora iaia Sela i te tamaki anga ra, tapa iora te ingoa ko Iokateela, e tae rava akenei ki teianei rā.

Kua tono akerū Amazia i te au karere kia Ioasa, te tamaiti a Iehoahaza, te tamaiti a Iehu ra, ariki no Iseraela ra, karunga atura, E aere mai, taua e akarakara i to taua mata. Kua tono maira te ariki o Iseraela ko Ioasa ki te ariki o Iuda kia Amazia, tuatua maira, Na tetai rakau taratara i Lebanona i tono mai i te karere ki tetai arezi i Lebanona, na ko maira, O mai ana to tamaine ei vaine na taku tamaiti: kua aere ua maira tetai terio monoaavo no Lebanona, takatakaiia iora taua rakau taratara ra. Kua eke rai oki Edo-
ma ia koe, e kua parau to ngakau na; ka akaticitie koe i *te reira*, e noo marie ua koe i to ngutuare ra; eaa-koe e mūro mai ei kia kino, e kia inga atu koe, ko koe e Iuda katoa ra?

Kare akerai a Amazia i akarongo. 11 Kua aere iora te ariki o Iseraela ko Ioasa ki runga; e kua akarakara akera aia raua ko te ariki o Iuda ko Amazia i to raua mata i Bete-semesa, i o Iuda ra. Eke iora Iuda i mua ia Iseraela; e 12 kua oro anake iora ratou, te tangata katoa ki tona uaoari puakapa. Kua 13 rave iora te ariki o Iseraela ko Ioasa i te ariki o Iuda ia Amazia te tamaiti a Ioasa, te tamaiti a Ahazia, i Bete-semesa, e kua aere maira ki Ierusalem, e kua vava'i i te patu i Ierusalem, mei te ngutupa i Ephraïma e tae ua atura ki te ngutupa i te poo patu ra, e a anere i te kubiti. E kua rave aia i te 14 auro e te ario, e ope rava ake, e te au āriki katoa i kitea i roto i te are o Iehova, e i roto katoa i te au apinga no te are o te ariki ra, e te tangata oki, e kua oki atura ki Samaria.

E te toenga o te tuatua ia Ioasa, tana 15 i rave ra, e tona ririnui, e tana tamaki anga ki te ariki o Iuda kia Amazia ra, kare ainei kua tatau ki roto i te buka, te tuatua no te au rā o te au ariki o Iseraela? Moe iorū Ioasa ki o tona ra 16 ai metua, e tanumia atura i Samaria ki o te au ariki o Iseraela ra; tupauia akera aia i te au e tana tamaiti ra e Ieroabama.

Te ora ua rā Amazia, te tamaiti a 17 Ioasa, ariki no Iuda, i muri ake i te matenga o Ioasa te tamaiti a Iehoahaza

ariki no Iseraela ra, okotai ngauru ma 18 rima i te mataiti. E te toenga o te tuatua ia Amazia ra, kare ainei kua ta-
taia ki roto i te buka, te tuatua no te 19 au rā o te au ariki o Iuda ra? Kua kotikoti kupenga akera ratou iaia i Ierusalem; kua oro iora aia ki Lakisa; kua tono atura ra ratou i te tangata na muri iaia ki Lakisa, ta atura iaia i reira. Kua akauta maira ratou iaia 20 na runga i te au ipo: tanumia iora aia i Ierusalem, ki o tona ra ai metua i te oire o Davida.

21 Kua rave iora to Iuda katoa ia Azaria, okotai ngauru ma ono ona mataiti, e kua akaariki akera iaia ei tupau i 22 tona metua ia Amazia ra. Kua patu akera aia ia Elata, e kua akaoki maira kia Iuda, ka moe ei te ariki ki o tona ra ai metua.

23 E tae akera ki te okotai ngauru ma rima o to Amazia, te tamaiti a Ioasa, ariki o Iuda, mataiti, i ariki ei a Ieroabama, te tamaiti a Ioasa ariki o Iseraela, i Samaria; e a ngauru ma tai 24 ona mataiti i *te ariki anga*. Kua rave aia i te kino i mua i te aroaro o Iehova: kare aia i akaruke i te au ara ravarai a Ieroabama te tamaiti a Nebata, i ara 25 ai Iseraela. Rauka akaou maira iaia to Iseraela au tapere, mei te tomo-
anga ki roto i *te oire ra* ko Hamata, e tae ua atu ki te roto i te ngai mataataa ra, i te tuatua oki a te Atua o Iseraela ra a Iehova, tana i tuatua mai i tona tavinu ra ia Iona, te tamaiti a Amitai ra, i te peroveta i Gata-hephera ra. 26 Te kite ra oki a Iehova e, e mate maata rava to Iseraela; e kare oki i *kitea* te tangata i te mopaniia, kare i toe, kare atura o Iseraela e tau-
turu. Kare oki a Iehova i tuatua 27 mai e, e taparapara takiri aia i te ingoa o Iseraela i raro ake i te rangi nei: kua ora iora ratou iaia i te rima o Ieroabama, te tamaiti a Ioasa ra.

28 E te toenga o te tuatua ia Ieroabama, e tana katoa i rave ra, e tona maroiroi, e tana tamaki, e te rauka anga iaia Damaseko, e Hamata, no Iseraela, no Iuda oki i *muatangana akera*, kare ainei kua tatau ki roto i te buka, te tuatua no te au rā o te au ariki o Iseraela? 29 Moe iorū Ieroabama ki o tona ra ai metua, i te au ariki o Iseraela; tupauia akera aia i te au e tana tamaiti ra e Zekaria.

PENE XV.

Te au meitaki o Azaria ra; e te tuatua no te au o Zekaria ra, e nga ariki o Iseraela toko a.

TEI te mataiti tai takau ma itu o 1
te ariki o Iseraela o Ieroboama, i 2
ariki ei a Azaria te tamaiti a Amazia ariki no Iuda ra. Tei te mataiti okotai 3
ngauru ma ono ra, i ariki ei aia, ka rima akera ngauru ma rua ona mataiti i te 4
ariki anga i Ierusalem. Ko Iekolia te ingoa o tona metua vaine no Ierusalem. Kua rave aia i te mea tika ki 5
mua i te aroaro o Iehova, mei ta tona metua, mei ta Amazia i rave ra. Kare 6
ra te au ngai teitei i akarukeia; te apai ua ra te tangata i te tusia, e te tutungi 7
ua ra i te tūmiamā, ki runga i te au ngai teitei ra. Taia iora taua ariki 8
ra e Iehova, riro atura aia ei lepera e tac ua atura ki te rā i mate ei 9
aia ra, e kua noo i tetai are ke. E te tamaiti a te ariki ko Iotama, tei runga 10
ia i taua ngutuare ra i te akava anga i te tangata o taua enua ra.

E te toenga o te tuatua ia Azaria, e 6
tana katoa i rave ra, kare ainei kua tatau ki roto i te buka, te tuatua no te 7
au rā o te au ariki o Iuda? Moe iorā Azaria ki o tona ra ai metua; tanumia 8
atura aia ki o tona ra ai metua i roto i te oire o Davida; tupauia akera aia i 9
te au e tana tamaiti ra e Iotama.

TEI te toru ngauru ma varu to te 8
ariki o Iuda, to Azaria, mataiti, i ariki ei a Zekaria, te tamaiti a Ieroboama, i 9
runga ia Iseraela, i Samaria, ka ono akera marama. Kua rave aia i te kino 10
i mua i te aroaro o Iehova, mei ta te ai metua katoa nona ra; kare aia i akaruke 11
i te au ara a Ieroboama, te tamaiti a Nebata ra, i ara ai Iseraela ra. Kua 12
kotikoti kupengū Saluma te tamaiti a Iabesa iaia, e kua ta iora iaia ki mua i 13
te aroaro o te tangata, e mate atura aia, riro akera te au iaia orai.

E te toenga o te tuatua ia Zekaria, i 11
na, kua tatau ia ki roto i te buka, te tuatua no te au rā o te au ariki o Ise- 12
raela. Ko te tuatua teia ta Iehova i 13
tuatua mai kia Iehu, ka na ko mai ei ra, Ka noo to au tamariki ki runga i 14
te terono o Iseraela e kia tae ua atu ki te a o te uki ra. Tupu atura oki te reira.

TEI te mataiti e toru ngauru ma iva 13
to te ariki o Iuda to Uzias, (koa oki a Azaria,) i ariki ei a Saluma te tamaiti 14
a Iabesa; okotai ona marama katoa i te ariki anga i Samaria. Kua aere oki 14
a Menahema te tamaiti a Gadi ki runga

mei Tireza atu, e tae atura ki Samaria, kua ta iora ia Saluma, te tamaiti a Iabesa, i Samaria, e mate atura, riro akera oki te au iaia orai.

15 E te toenga o te tuatua ia Saluma, e te kotikoti kupenga i raveia e ia ra, i na, kua tatau ia ki roto i te buka, te tuatua no te au rā o te au ariki o Iseraela. 16
Kua ta iorā Menahema ia Tiphesa, e to roto katoa ra, e to reira au tapere mei Tireza mai: to me a kare ratou i kiriti mai i te au ngutupa kiaiā, no reira aia i ta ai; kua rave aia i te au vaine nui katoa i reira ra, kua eere.

17 Tei te toru ngauru ma iva to te ariki o Iuda to Azaria mataiti, i ariki ei a Menahema te tamaiti a Gadi ki runga ia Iseraela, okotai ngauru ona mataiti 18
i te ariki anga i Samaria ra. Kua rave aia i te kino ki mua i te aroaro o Iehova: kare aia i akaruke i te ara a Ieroboama, te tamaiti a Nebata, i ara ai Iseraela ra, e ope ravaake tona ua rā 19
ra. Kua aere maira te ariki o Asura ko Pula e tamaki i taua enua ra: kua apai aturā Menahema i te au taleni ario okotai tausani na Pula, kia tauturu mai aia iaia, e kia akatinamouia te au i tona 20
rima. Kua uumuumu aturā Menahema i taua moni ra i runga ia Iseraela, i te aroaro taioia katoa ra, e rima ngauru i te sekela ario i te tangata okotai, e apai ki te ariki o Asura. Oki atura taua ariki no Asura ra, kare akera i noo mai i taua enua ra.

21 E te toenga o te tuatua ia Menahema, e tana katoa i rave ra, kare ainei kua tatau ki roto i te buka, te tuatua no te 22
au rā o te au ariki o Iseraela? Moe iorā Menahema ki o tona ra ai metua; tupauia akera aia i te au e tana ra tamaiti e Pekahia.

23 Tae akera ki te rima o te ngauru o te mataiti o te ariki o Iuda ra o Azaria ra, i ariki ei a Pekahia te tamaiti a Menahema i runga ia Iseraela i Samaria, e rua akera ona mataiti i te ariki 24
anga. Kua rave aia i te kino i mua i te aroaro o Iehova; kare aia i akaruke i te ara a Ieroboama, te tamaiti a Nebata 25
ra, i ara ai Iseraela ra. Ko Peka ra te tamaiti a Remalia, tetai kapena nona ra, kua kotikoti kupenga akera iaia ra, koia e ko Aragoba, e ko Arie, e te au tangata o Gileada, e rima ngauru ra, kua ta iora iaia i Samaria i roto i te punanga o te are o te ariki: mate rava akera aia, riro akera te au iaia uarai.

26 E te toenga o te tuatua ia Pekahia, e tana katoa i rave ra, i na, kua tatau

ia ki roto i te buka, te tuatua no te au rā o te au ariki o Iseraela ra.

Tae akera ki te rima ngauru ma 27
rua o te mataiti o te ariki o Iuda ra o
Azaria, i ariki ei a Peka te tamaiti a
Remalia i runga ia Iseraela i Samaria,
okotai takau akera ona mataiti i te
ariki anga. Kua rave aia i te kino i 28
mua i te aroaro o Iehova; kare aia i
akaruke i te au ara a Ieroboama, te
tamaiti a Nebata ra, i ara ai Iseraela ra.
Tei te tuatau o te ariki o Iseraela o 29
Peka, i tae mai ei te ariki o Asura, ko
Tigelata-pilesara, e kua rauka iaia ko
Iiona, e ko Abela-bete-maaka, e ko
Ianoa, e ko Kedesa, e ko Hazora, e ko
Gileada, e ko Galilea, te enua katoa o
Naphatali, e kua apai ia ratou ei tuikaa
ki Asura ra. Kua kotikoti kupenga 30
akerā Hosen te tamaiti a Ela ia Peka
te tamaiti a Remalia, e kua ta atura
iaia, e mate rava akera aia, riro akera
te au iaia uorai, i te mataiti tai takau
o Iotama te tamaiti a Uzira.

E te toenga o te tuatua ia Peka, e tana 31
katoa i rave ra, i na, kua tataia ia ki
roto i te buka, te tuatua no te au rā o
te au ariki o Iseraela ra.

Tei te rua o te mataiti o te ariki o Ise- 32
raela o Peka te tamaiti a Remalia, i ariki
ei a Iotama te tamaiti a Uzira ariki no
Iuda. Tei te mataiti okotai takau ma 33
rima i ariki ei aia; okotai ngauru ma
ono ona mataiti i te ariki anga i Ierusa-
lema. Ko Ierusu te ingoa o tona metua
vaine, e tamaine na Zadoka. Kua rave 34
aia i te mea tika i mua i te aroaro o
Iehova: kua akono atura aia i ta tona
metua i ta Uzira i rave ra. Kare ra i aka- 35
rukeia te au ngai teitei: te apai ua ra te
tangata i te tusia, e te tutungi ra i te tu-
miamia, ki runga i taua au ngai teitei ra.
Nana oki i patu i te ngutupa teitei o te
are o Iehova.

E te toenga o te tuatua ia Iotama, e 36
tana katoa i rave ra, kare ainei kua tataia
ki roto i te buka, te tuatua no te au rā o te
au ariki o Iuda ra? Tei taua tuatau ra 37
ta Iehova timata anga i te tono i te ariki
o Arama ra ia Rezina, e ia Peka te ta-
maiti a Remalia, ei rave ia Iuda. Moe 38
iorā Iotama ki o tona ra ai metua, e ta-
numia iora ki o tona ra ai metua, i
roto i te oire o tona ra tupuna o Davida:
tupauia akera aia i te au e te tamaiti
nana ra e Ahaza.

PENE XVI.

Te au kino o Ahaza, e tana ou anga ia
Tigelata-pilesara.

TAE akera ki te ngauru ma itu o 1
Peka te tamaiti a Remalia matai-
381

ti, i ariki ei a Ahaza te tamaiti a Io-
2 tama ariki no Iuda. Tei te mataiti
okotai takau o Ahaza i ariki ei aia,
okotai ngauru ma ono ona mataiti i te
ariki anga i Ierusalem; kare ra aia
i rave i te mea tika i mua i te aroaro o
tona Atua o Iehova, mei tona tupuna
3 ra mei ia Davida. Aere atura ra aia
na te arataa o te au ariki o Iseraela;
e kua apai atura i tana uorai tamaiti na
roto i te ai, mei te ravenga rikarika a te
au etene, ko tei tuarua e Iehova i mua
i te aroaro o te tamariki a Iseraela ra.
4 E kua apai aia i te tusia, e kua tutungi
i te tumiamia, ki runga i te au ngai
teitei, e ki runga i te au tuaivi, e ki
raro ake i te au rakau marumaru ka-
toa ra.

5 Kua aere mai te ariki o Arama ra
ko Rezina, e te ariki o Iseraela ra ko
Peka te tamaiti a Remalia ra, e ta-
maki mai ia Ierusalem; e kua tamaki
maira ia Ahaza, kare akera i autu.

6 Rauka iora Elata i te ariki o Arama
ra ia Rezina i reira no Arama, e te
ngati Iuda i Elata ra, tuarua ke atura
ia; e kua aere maira to Arama ki
Elata, e kua noo i reira e tac rava

7 akenci ki tei nei rā. Kua tono akera
Ahaza i te au karere ki te ariki o Asu-
ra ra kia Tigelata-pilesara, karanga
atura, Ko to tavini oki au, e to tamai-
ti: e aere mai ana koe e akaora iaku
i te rima o te ariki o Arama, e te rima
oki o te ariki o Iseraela, ko tei tu mai

8 ki runga e tamaki iaku nei. Kua rave
akerā Ahaza i te ario e te auro, i kitea
i roto i te are o Iehova, e i roto i te
tipunga apinga i te are o te ariki ra, e
kua akau atura ei taonga-rima na te

9 ariki o Asura ra. Kua akarongo
maira taua ariki o Asura ra kiaia;
kua aere iora oki taua ariki o Asura
ra, kua tamaki iora i Damaseko, e
rauaka iora, e kua apai i te au tangata
ei tuikaa ki Kira, e kua ta iora ia
Rezina.

10 Kua aere iora taua ariki ra ko
Ahaza ki Damaseko, e aravei i te ariki
o Asura ra ia Tigelata-pilesara, kito
akera aia i te atarau i Damaseko ra;
kua akau akera te ariki ra ko Aha-
za kia Uria taunga ra i te arite-
anga o taua atarau ra, i te tu e tau

11 tikai i te ravenga. Kua akatu akera
Uria taunga i tetai atarau, e aiteite
tikai te tu i tei akaua mai e te ariki
ra e Ahaza mei Damaseko maira: kua
pera oki a Uria taunga ra i te rave, ka
rokoia mai ei e taua ariki ra e Ahaza
12 mei Damaseko maira. E tae maira
te ariki mei Damaseko maira, kua kite

maira te ariki i taua atarau ra; kua akavaita maira te ariki ki taua atarau ra, e kua apai i te tusia ki rungao. Kua tutungi akera aia i te tusia kara- 13 karatio nana, e te mineka nana, e kua riringi i te neseka nana, e kua pipi i te toto o tana tusia au ki runga i taua atarau ra. E kua apai maira oki aia 14 i te atarau veo i mua i te aroaro o Iehova, mei mua mai i taua are ra, mei rotopu mai i taua atarau ou ra e te are o Iehova, e kua tuku atura ki te pae i apatokerau i tana atarau ou ra. Kua akaue maira te ariki ra ko Ahaza 15 kia Uria taunga ra, tuatua maira, Ko te tusia karakaratio popongi te tutungi ki runga i te atarau maata ra, e te mineka aia ra, e te tusia karakaratio a te ariki ra, e te mineka nana, e te au tusia karakaratio a te tangata ravarai o te enua nei, e ta ratou au mineka, e ta ratou au neseka; ka pipi ei i te toto katoa o te au tusia karakaratio ki rungao, e te toto katoa o te au tusia: kareka te atarau veo nei, e ui ana au ki reira. Kua perā Uria taunga ra i 16 tei akaueia mai e te ariki ra e Ahaza. Kokoti keia iora e te ariki ra e Ahaza 17 i tei runga i te tapa o te au turanga hura, e kua tuku keia iora taua kiura ra; e kua tuku iora i te kiura ki raro no runga mai i te au bovi veo i raro akera, e vaoia iora ki runga i te patu toka ra. E te tapoki no te sabati 18 angaia e ratou i roto i te are, e te tomoanga o te ariki i vao mai, i ruri keia e ia i te are o Iehova, no te ariki o Asura ra.

E te toenga o te tuatua ia Ahaza, i 19 raveia e ia ra, kare ainei kua tataia ki roto i te huka, te tuatua no te au rā o te au ariki no Iuda ra? Moe iorā 20 Ahaza ki o tona ra ai metua, e tanumia iora ki o tona ai metua i roto i te oire o Davida: tupauia akera aia i te au e tana tamaiti ra e Hezekia.

PENE XVII.

Ko Hosea e tona au kino; e to Samaria i te apai ke angaia ei tuikaa: e au enua ke tei akanooia i Samaria: ta ratou ravenga ko ratou i pou i te liona.

TEI te mataiti okotai ngauru ma 1 rua o te ariki o Iuda o Ahaza, i ariki ei a Hosea te tamaiti a Ela i Samaria i runga ia Iseraela, e iva ona mataiti i te ariki angu. Kua rave oki 2 aia i te kino i mua i te aroaro o Iehova, kare ra mei te au ariki o Iseraela i mua ake iaia ra. Kua aere maira te 3

ariki o Asura ra ko Salamanasera e tamaki iaia; riro atura oki a Hosea ei tavini nona, e kua apai i te taunga 4 nana. Kitea iora ra ta Hosea kotikoti kupenga anga i te ariki o Asura ra; i tono ana oki aia i te karere ki te ariki o Aiphiti kia So, e kare i apai mai i te apinga mataiti na te ariki o Asura: no reira aia i popaniia'i e te ariki o Asura, e riia'i oki i roto i te 5 are tapekunga. Kua aere iora oki taua ariki o Asura ra na rotopu i te enua katoa ra, e kua aere iora ki Samaria, e kua tamaki atura e toru akera mataiti. 6 E tae akera ki te iva o te Hosea mataiti i rauka'i Samaria i te ariki o Asura ra, e kua apai keia akera Iseraela ki Asura, e kua akanooia ratou i Hala, e i Habora i te vai i Gozana, e te au oire o te ngati Madai.

7 I akaperna'i ratou, no te mea kua ara te tamariki a Iseraela i to ratou Atua ia Iehova, ko tei arataki mai ia ratou mei te enua maira mei Aiphiti, mei raro mai i te rima o te ariki o Aiphiti ra o Pharao, e kua mataka oki 8 ratou i te au atua ke, E kua aere oki na te au ravenga a te pa enua i tuaru keia e Iehova i mua i te aroaro o te tamariki a Iseraela, e tei akatupuia e 9 te au ariki o Iseraela ra. Kua rave pōiri ua iora oki te tamariki a Iseraela i te au mea tika kore i to ratou Atua ia Iehova, e kua patu iora ratou i te au ngai teitei i to ratou au oire katoa, mei te punanga o te au tiaki e tae ua 10 atu ki te oire patuia ra. E kua akatu akera i te au tiki no ratou, e te au Asetoreta, i te au tuaivi teitei katoa ra, e ki raro ake i te au rakau marumaru 11 katoa ra. I reira, ki runga i taua au ngai teitei katoa ra, ta ratou tutungi anga i te tumiama, mei te pa enua i apai keia e Iehova i mua ia ratou; kua rave ratou i te au mea kino ei akakoko 12 anga atu ia Iehova kia riri. Kua akamori oki ratou i te au idolo, i tei tuatuaia mai ratou e Iehova ra e, Auraka 13 kotou e akapera. Kua akakite maira oki a Iehova kia Iseraela, e kia Iuda, i te au peroveta katoa, e te au akara katoa ra, na ko maira, E ariu mai kotou i to kotou au aereanga kino, e akono i taku ra au akauenga, e taku ra au akonoanga, tei tau ki te ture katoa taku i akaue atu ki to kotou ai metua, e taku i akau atu kia kotou i te rima o taku au tavini te au peroveta ra. Kare rai ratou i akarongo mai, kua akamāroketaketa ra ratou i to ratou kaki, mei te kaki o to ratou ai metua, tei kore i akarongo i to ratou

ra Atua ia Iehova. Kua akaruke 15
 oki ratou i tana au akonoanga, e te
 koreromotu nana tana i papau ki to
 ratou ai metua; e te au tuatua-akakite
 nana, tana i akakite kia ratou ra; kua
 aru atura ratou i te au mea puapinga
 kore, e kua puapinga kore ia ratou, e
 kua aru i te pa enua i akapiniia ratou,
 ko tei ikuikuia mai ratou e Iehova e,
 auraka ratou e akapera. Kua akaruke 16
 ra ratou i te au akauenga katoa a to
 ratou Atua a Iehova, e kua anga i te
 tiki i akatoia, i nga kafa e rua ra, e
 kua anga oki ratou i te au Asetoreta, e
 kua akamori i to te rangi katoa ra, e
 kua tavini atura ia Baala. E kua 17
 tuku ratou i ta ratou au tamariki
 tamaroa e te au tamariki tamaine na
 roto i te ai; e na ratou oki te taura-
 atua e te purepure, e kua oronga ratou
 ia ratou orai ei rave i te kino i mua
 i te aroaro o Iehova, ei akakoko iaia
 kia riri. I tupu ei te riri maata o 18
 Iehova ia Iseraela, e kua akataka ke
 atu ia ratou kia ngaro atu; kare i toe,
 mari ra ko te kopu o Iuda anake ra.
 Kare oki Iuda i akono i te au akaue- 19
 nga a to ratou Atua a Iehova, aere atura
 ra na te au akonoanga ta Iseraela i aka-
 tupu ra. Akaruke takiriia iora te uanga 20
 o Iseraela e Iehova, e kua tairo atura ia
 ratou, e kua oronga ia ratou ki te
 rima o te aronga i rave kino mai, e
 peke ke atura ratou i mua i tono aro-
 aro. Kua aae maira oki aia i te 21
ngati Iseraela i te ngutuare o Da-
 vida; e kua akaariki ratou ia Ierobo-
 ama te tamaiti a Nebata, e na
 Ieroboama i tuaru ia Iseraela kia kore
 e aru ia Iehova, e kua ara maata rava
 ratou iaia. Kua aere oki te tamariki 22
 a Iseraela na te au ara katoa a Ierobo-
 ama tana i rave ra; kare ia ratou i
 akaruke i te reira. E ioa poto akera, 23
 akataka ke aturū Iehova ia Iseraela
 kia ngaro atu, tana i tuatua mai i tona
 au tavini peroveta katoa ra. Riro atu-
 ra Iseraela mei roto atu i tona uarai
 enua e tae atura ki Asura, e tae rava
 akenei ki teianei rā.

E kua apai maira te ariki no Asura. 24
i te tangata no Babulonia, e no Kuta,
 e no Ava, e no Hamata, e no Sepha-
 ravaima, e kua akanoo i te au oire i
 Samaria ra, ei tupau i te tamariki a
 Iseraela: riro atura Samaria kia ratou,
 e kua noo i to reira au oire. To ratou 25
 ra noo anga i reira i muatangana ra,
 kare ratou i matakū ia Iehova; i tuku
 mai ei a Iehova i te au liona i rotou ia
 ratou, e *manganui* tei mate rava. E kua 26
 karanga atura ratou ki te ariki o Asu-

ra, na ko atura, Ko te pa enua i apaiia
 e koe e kua akanooia i te au oire i Sa-
 maria ra, kare ia i kite i te peu a te
 atua no taua enua ra; i tuku mai ei
 aia i te au liona i rotou ia ratou, e i
 na, kua pou ratou i te au liona, no te
 mea kare ratou i kite i te peu a te
 27 atua o taua enua ra. Kua akaue mai-
 ra te ariki o Asura ra, na ko maira, E
 kave ana i tetai taunga i aratakiia mai
 e kotou na mei reira mai; e nana e
 noo i reira, e nana ratou e apii i te
 ravenga a te atua no taua enua ra.
 28 Kua aere maira tetai taunga i reira ta
 ratou i arataki mai mei Samaria maira,
 e kua noo i Betela, e kua apii aia ia
 29 ratou i te matakū ia Iehova. Kua
 rapa ra te pa enua katoa i te au atua
 no ratou uarai, e kua tuku ki roto i
 taua au ngai teitei ta to Samaria i anga
 ra, kua pera to te pa enua katoa i ta
 30 ratou au oire i nooia e ratou ra. Kua
 rapa akera to Babulonia ia Sukota-
 benota, kua rapa akera to Kuta ia
 Neregala, kua rapa akera to Hamata
 31 ia Asima. Kua rapa akera to Ava ia
 Nibahaza e ia Tarataka; kua tutungi
 oki to Sepharavaima i ta ratou au
 tamariki i te ai na Adarameleka raua
 ko Anameleka, nga atua no Sephara-
 vaima. Kua matakū rai ratou ia Ie-
 hova, kua akataoonga ra ratou i to roto
 i te tangata rikiriki i o ratou, ei taunga
 no te au ngai teitei ra, ko tei apai i te
 tusia na ratou ki roto i te au are no
 33 taua au ngai teitei ra. Kua matakū
 ratou ia Iehova, kua akamori ra i to
 ratou orai au atua; mei te peu o te pa
 enua no reira mai ratou.
 34 Te akono ua ra ratou i te au peu
 taito, e tae rava mai ki teia rā, kare
 oki a Iehova ta ratou e matakū, kare
 oki e rave i tei tau ki te au peu, e te
 au akonoanga, e te ture, e te akauenga,
 ta Iehova i akaue mai ki te tamariki a
 Iakoba, tei tapaia e ia ia Iseraela ra;
 35 Tei papauia e Iehova te koreromotu
 kia ratou, e tei ikuikuia e ia, ka nakoia
 mai e, Auraka kotou e matakū i te au
 atua ke, auraka kotou e tupou ki raro
 kia ratou, auraka e akamori ia ratou,
 36 auraka e apai i te tusia kia ratou: Ko
 Iehova ra, ko tei arataki mai ia kotou
 mei te enua maira mei Alphiti, ma te
 mana maata, e ma te rima akatikaia
 ra, koia ta kotou e matakū, koia ta
 kotou e akamori, e apai oki kotou i te
 37 tusia nana. E te au peu ra, e te au
 akonoanga, e te ture, e te au akaue-
 nga, i tafia e ia no kotou, ko ta kotou
 ia e akono, auraka e tivata; auraka
 ra kotou e matakū i te au atua ke.

Te koreromotu ra i papauia e au ia 38
 kotou ra, auraka kotou e tangaro i te
 reira; auraka oki e matakū i te au
 atua ke. Ko to kotou ra Atua ko Ie- 39
 hova, ko ta kotou ia e matakū, e nana
 kotou e akaora i te rima o to kotou au
 enemi katoa ra. Kare akera ratou i 40
 akarongo, rave atura ratou i ta ratou au
 peu taito ra. Kua matakū to teianei 41
 pa enua ia Iehova, e kua akamori oki
 i to ratou uarai au idolō akatikitiia
 ra, mei ta to ratou ai metua ra, kua
 pera katoa ta ratou au tamariki, e to
 ratou au mokopuna, e tae rava akenei ki
 teianei rā.

PENE XVIII.

*Te au o Hezekia, e to Senakeribu tamaki
 anga ia Iuda ra.*

E TAE akera ki te toru o to Hosea 1
 te tamaiti a Ela ariki no Iseraela
 mataiti, i ariki ei a Hezekia, te tamaiti 2
 a Ahaza ariki no Iuda ra. Kua tae
 aia ki te okotai takau ma rima o tona
 mataiti i ariki ei aia, okotai takau ma
 iva ona mataiti i te ariki anga i Ierusa-
 lema. Ko Abi te ingoa o tona metua
 vaine, e tamaine na Zekaria. Kua rave 3
 aia i te mea tika i mua i te aroaro o
 Iehova, i te au mea katoa ta tona ra
 tupuna ta Davida i rave ra. Kua aka- 4
 ruke aia i te au ngai teitei, e kua aka-
 ngaangaa i te au tiki, e kua tipu i te
 au Asetoreta, e kua vava'i oki i te ovi
 veo ra i angaia e Mose ra: kua tutungi
 oki te tamariki a Iseraela i te tumiama
 ki te reira e tae rava akera ki taua au
 rā ra: karanga iora oki aia e, E veo 5
 ua tena. Kua irinaki aia i te Atua o
 Iseraela ia Iehova; kare oki ona e
 arite i muri ake iaia i te au ariki katoa
 o Iuda ra, kare oki i mua iaia ra. 6
 Kua piri tikai aia kia Iehova, kare aia
 i akapaki i te aru iaia, kua akono ra
 aia i tana au akauenga ta Iehova i
 akaue mai ia Mose ra. Tei iaia oki a 7
 Iehova; e kua manuia tana i te au
 ngai katoa i aereia e ia ra; kua kai-
 tamaki iora aia i te ariki o Asura ra,
 kare aia i akarongo iaia. Kua pou te 8
 Philiseti iaia, e tae ua atura ki Gaza,
 e to reira oki au tapere, mei te puna-
 nga o te aronga tiaki e tae ua atu ki te
 oire patua ra.

E tae akera ki te a o taua ariki ra o 9
 Hezekia mataiti, ko te itu ia o to
 Hosea te tamaiti a Ela to te ariki o Ise-
 raela mataiti, kua aere maira te ariki o
 Asura ko Salamanesera ki Samaria, e
 tamaki mai i te reira. E ope akera nga 10
 mataiti e toru ra, rauka iora ia ratou :

tei te ono o to Hezekia mataiti, tei te
 iva o to te ariki o Iseraela to Hosea
 11 mataiti, i rauka'i Samaria. Kua apai
 akera te ariki o Asura ia Iseraela ki
 Asura, e kua tuku iora ia ratou i Hala,
 e i Habora i te vai ra i Gozana, e te
 12 au oire katoa o to Madai: No te mea
 kare ratou i akarongo i te reo o to ra-
 tou Atua o Iehova, kua akaatikau ra i
 te koreromotu nana ra, kare ratou i
 akarongo, kare oki i rave ua atu i ta
 te tavini o Iehova i ta Mose i akaue
 maira.

13 Tei te mataiti okotai ngauru ma a o
 te ariki ra o Hezekia, i aere mai ei te
 ariki o Asura ko Senakeriba, e tamaki
 i te au oire katoa i akaketaketaia ra i
 14 Iuda, e kua rauka iora. Kua tono
 akera te ariki o Iuda ko Hezekia i te
 karere ki Lakisa ki te ariki o Asura,
 tuatua akera, Kua ē au; ka oki koe,
 e tauu e tuku ua mai ki runga iaku
 nei, naku e akakoromaki. Kua akono
 atura te ariki o Asura i te au taleni
 ario e toru anere, e te au taleni au-
 ro e toru ngauru, na te ariki o Iuda na
 15 Hezekia e kimi. Kua apai oki a He-
 zekia i te ario katoa i kitea i roto i te
 are o Iehova, e i roto katoa i te uipā-
 16 nga apinga i te are o te ariki ra. I
 reira to Hezekia kokoti anga i te auro
 no runga i te ngutupa o te nao o Iehova,
 e te au pou i vaiia e te ariki o Iuda ra
 e Hezekia, e kua apai atu na te ariki o
 Asura.

17 Kua tono maira te ariki o Asura ia
 Taratana, e ia Rabasaris, e ia Rabasake,
 mei Lakisa mai ki te ariki ra kia He-
 zekia, ma te nuku maata e tamaki
 ia Ierusalem. E aere atura ratou ki
 Ierusalem. E tae akera ratou ki
 runga, kua tu iora i te pae o te vai ko
 ra o te roto ki runga ra, tei te ara me-
 tua i te kainga o te tamatangī kakau ra.
 18 E kia kapikiia mai te ariki e ratou ra,
 kua aere mairā Eliakima te tamaiti a
 Hilikia ki vao kia ratou, no runga ia i
 te ngutuare, e ko Sebenā tata tuatua
 ra, e ko loa te tamaiti a Asapha aka-
 19 mou tuatua ra. Kua tuatua mairā
 Rabasake kia ratou, Ka tuatua ana
 kotou kia Hezekia e, Te na ko maira
 te ariki maata, te ariki no Asura ra,
 Eaa tena irinaki anga i irinaki ei koe
 20 na? Te tuatua ra koe e, (e tuatua vaa
 ua ra.) E kite toku e te ririnui kia
 tamaki. E tenana, koai toou irinaki
 anga, i kaitamaki mai ei koe iaku nei?
 21 I na, i teianei, te irinaki ra koe i tenana
 tokotoko kakao aati ia Aiphiti ra, ko
 te puta te rima o te tangata kia irinaki
 ra, e mama atu: koia te ariki o Aiphiti

ra, ko Pharao, i te aranga katoa e irinaki
kiaia. Kia tuatua maira kotou kiaku 22
e, Te irinaki nei matou ki to matou
Atua kia Iehova: kare ainei aia, nona
te au ngai teitei, e te au atarau i apai
keia e Hezekia ra, tei tuatua oki kia
Juda e Ierusalem, Ei mua i teianei
atarau i Ierusalem nei kotou akamori
ei? E tenana, teia taku tuatua kia 23
koe, ka tuku ana i te tutaki ki toku pu,
ki te ariki o Asura ra, e naku e oronga
atu i te au ipo naau e rua tausani, penei-
ake ko te tika ia koe kia tuku i te
akaoro ki rungao. E akapea oki koe 24
e tika i kia akaanga ke atu i te kapena
okotai, tei iti roa i roto i te au tavini o
toku pu akera, irinaki ua'i koe kia
Aiphiti i te kariota e te au aranga akaoro
ipo ra? I aere ua mai ainei oki au, 25
kare nei a Iehova, e rave i teianei ngai
e kia pou? Na Iehova rai i tuatua mai
kiauku e, Ka aere, ka rave i taua enua
nei e kia pou atu.

Kua tuatua mairū Eliakima te ta- 26
maiti a Hilikia, e ko Sebena, e ko Ioa,
kia Rabasake, Ei reo Arama taau e
tuatua mai *kia matou*, ki to au tavini
nei, ta matou ia tuatua kia koe, kua
kite oki matou; auraka ra e tuatua
mai kia matou i te reo ngati Iuda nei,
ko te rongo aea te taringa o te au
tangata i runga i te patu nei. Kua 27
karanga aturū Rabasake, *kia ratou,*
I tono mai ainei toku pu iaku e ka-
ranga atu ki toou pu anake ra, e kia
koe oki, i teianei au tuatua? e auraka
ki te au tangata e noo ki runga i te
patu ra, kia kai ratou i to ratou orai
repo, e kia inu oki i to ratou orai mimi,
ma kotou katoa ra?

Kua tu ua mairū Rabasake i reira, e 28
kua kapiki nui maha i te reo ngati
Iuda, kua tuatua maira, na ko maira,
E akarongo mai ana i te tuatua a te
ariki maata, te ariki no Asura: Te na 29
ko maira te ariki, Auraka kotou e va-
vare ia Hezekia: kare oki e tika iaia
kia akaora ia kotou i toa rima.
Auraka oki kotou e vavare ia Hezekia 30
e e irinaki ia Iehova, ka na ko mai ei,
Na Iehova tatou e akaora, e kare teia-
nei oire e orongaia ki te rima o te
ariki o Asura ra. Auraka e akarongo 31
ia Hezekia: te na ko maira oki te ariki
no Asura ra, O mai kotou i te apinga
naku, ka uri mai ei kotou kiauku nei, e
kai ua ia te tangata katoa i tana uorai
vine, e tana uorai suke, e inu oki te
tangata katoa i te vai no roto itona orai
puna: E kia tae mai au ra, e aratiki ia 32
kotou ki te enua mei to kotou katoa ra
cnuu: e enua sitona e te wina, e enua

areto e te kainga vine, e enua inu olive
e te meli, e ka ora kotou, kare oki e
mate: auraka ra e akarongo kia Hezekia
kia akanauru mai aia ia kotou, kia na
ko mai e, Na Iehova tatou e akaora.
33 Kua akaora ainei te au atua no te pa
enua ra i to ratou enua i te rima o te
34 ariki o Asura ra? Teia te au atua no
Hlamata, e no Araphada? teia te au
atua no Sepharavaima? no Hena, e no
Iva? kua akaora ainei ratou ia Samaria
35 i toku nei rima? Koai to te au atua katoa
o te pa enua nei i akaora i to ratou enua i
toku nei rima, ka ora i Ierusalem ia
36 Iehova i toku nei rima? Kua muteki
ua ra te au tangata, kare rava i ki atu
kiaia; kua akaue mai oki te ariki, na
ko maira e, Auraka rava e ki atu.
37 Kua aere mairū Eliakima te tamaiti a
Hilikia, no runga ia i taua ngutuare ra,
e ko Sebena tata tuatua ra, e ko Ioa
te tamaiti a Asapha akamou tuatua ra,
kia Hezekia ra, ma te kakau acaia ra, e
kua akakite maira kiaia i te au tuatua
a Rabasake.

PENE XIX.

Ko Hezekia i te tono anga i te karere
kia Isaia ra.

1 **E** KITE akera te ariki ko Hezekia,
kua aae iora aia i ona kakau, e
kua tapoki iaia orai ki te kakau paoa,
aere atura ki roto i te are o Iehova.
2 Kua tono akera aia ia Eliakima, no
runga i te ngutuare, e ia Sebena tata
tuatua, e tei pakari o te kau taunga
ra, ma te tapokii ki te kakau paoa,
kia Isaia peroveta, te tamaiti a Amoza
3 ra. Kua karanga atura ratou kiaia,
Te na ko mairū Hezekia, E rā tuma-
tetenga teianei rā, e te akamura, e te
akakino; kua vaitata oki te tamariki i
te auau, e kare e maroiroi e anau mai
4 ei. Pencieake ko te akarongo mai to
Atua ra ko Iehova i te au tuatua katoa
a Rabasake, ta toa ra pu, ta te ariki
no Asura, i tono mai e akakino i te
Atua ora nei; pencieake ko te patoi mai
to Atua ko Iehova i te au tuatua tana
i akarongo ra: e pure oki koe i *taau*
pure i tenana, i te toenga tangata i
kitea nei.
5 Kua aere iora te au tavini o te ariki
6 ra ko Hezekia kia Isaia. E kua tuatua
mairū Isaia kia ratou, E na ko
atu kotou ki to kotou pu: Te na ko
mairū Iehova, Auraka e matakū i te
au tuatua taau i akarongo akenei, ta te
au tavini o te ariki o Asura i akakino
7 iaku ra. I na, e vaerua ke taku e aka-
atu ki roto iaia ra, e rongo tana e aka-

rongo, e ka oki aia ki tona orai enua ;
ka inga oki aia iaku i te koke i tona
uaorai enua.

E oki aturā Rabasake, rokoia atu te
tamaki ra te ariki no Asura kia Libe-
na : kua kite ana oki aia e, kua akaru-
ke mai aia i Lakisa. Kua akakiteia mai-
ra aia i reira, na koia maira, I na oki,
te ariki o Kusa ra ko Tiraka, kua aere
mai aia e tamaki ia koe : kua tono akaou
aia i te karere kia Hezekia, na ko atura,
E akapera kotou, kia karanga atu ki te
ariki o Iuda ra kia Hezekia ra, e na ko
atu, Auraka koe e vare i to Atua taau
e irinaki na, kia na ko mai e, Kare
Ierusalem e tukuia atu ki te rima o te
ariki o Asura ra. I na, kua akarongo
oki koe i ta te au ariki o Asura i rave i
te pa enua katoa ra, kua taitaipakoko
ravaia ia : e ko koe ainei te ka ora? Kua
akaora ainei te au atua o te pa enua i
te aronga i pou i toku ai metua ra ; ia
Gozana, e ia Harana, e ia Rezepha, e
te au tamariki i Edena i Telasara? Teia
iora te ariki no Hamata, e te ariki
o Araphada, e te ariki o te oire
ra o Sepharavaima, no Hena, e no
Iva?

Kua āriki mairā Hezekia i taua leta
ra i te rima o te au karere ra, e kua
tatau iora : aere aturā Hezekia ki
runga i te are o Iehova ra, e kua oora
atura i te reira ki mua i te aroaro o
Iehova. E kua pure iorā Hezekia ki
mua ia Iehova, na ko atura, E te
Atua o Iseraela, e Iehova e, e tei noo i
rotopu i nga kerubi, ko koe te Atua,
ko koe anake ra, no te au basileia katoa
o te ao nei ; naau oki te au rangi e te
enua nei i anga. E ariu mai i to tari-
nga, e Iehova, e akarongo mai ; e aka-
puera mai i to mata, e Iehova, e akara :
e akarongo mai koe i te au tuatua a
Senakeriba tana i akau mai ei akakino
i te Atua ora nei. E tuatua-mou rai,
e Iehova, kua tairipotia te au etene, ma
to ratou enua, e te au ariki no Asura,
E kua titiri i to ratou au atua ki roto
i te ai : kare oki ratou i te atua, e mea
anga e te rima tangata, e rakau e te
toka, i pou ei ia ratou. E teianei, e
to matou Atua, e Iehova, ko taku ia
tuatua kia koe, e akaora koe ia matou
i tona rima, kia kite te au basileia ka-
toa o te ao nei e, ko koe ra te Atua, e
Iehova, ko koe anake.

Kua tono akērū Isia te tamaiti a
Amoza i te karere kia Hezekia, ka-
ranga atura, Te na ko maira te Atua o
Iseraela ko Iehova : Taau i pure mai
iaku nei i te ariki o Asura ia Senake-
riba, kua akarongoia e au. Teia te

tuatua ta Iehova i tuatua mai iaia :

Te tamaine paretenia o Ziona tei aka-
vaavaa ia koe, e kua kata aviriia koe e
ia ; kua takirikiri te tamaine o Ierusa-
lema i te upoko ia koe. Koia taau i
akavaavaa mai e i akakino mai? e i
akateitei mai koe i to reo iaia ra, e i
akara i to mata ki runga ra? i Tei
Tapu i Iseraela nei. Kua akakino mai
koe i te Atua i te rima o te au karere
naau ra, e kua tuatua e, Kua tae au
ma te maata katoa o taku aronga ka-
riota ki te take rava o te au maunga
ra, ki te pac i Lebanona ra ; e kua
motu iaku te au arezi teitei nona, e te
au berusi akaperepere nona ra : kua
tomo au ki roto i te nooanga i te ko-
tinga nona ra, te vaorakau o te kainga
rupepe nona ra. Kua koia e au e
kua inu i te vai ke ; e kua tamarō au i
toku tapuae i te au vai katoa i Ai-
phiti ra!

Kare koe i kite takere e, naku i rave
i te reira? e kua akakoroia e au mei
tupua roa mai? e teianei kua akatu-
puia e au, kia riro ia koe te au oire i
patua ei ututua akatanea ra. I riri
iti ei to reira au tangata, kua tumate-
tenga ratou, e kua rere te mauri ; kua
riro ratou mei te ngangaere o te kainga
ra, e mei te rakau rikiriki tupu ou ra,
mei te ngangaere i runga i te are ; e
mei te sitona paapaa ua, kare i ope i te
tupu ra. Ko toou ra noo anga, e toou
ra aere anga ki vao, e toou ra aere anga
mai ki roto, e toou riri iaku ra, kua
kiteia e au. No te mea ko toou riri
iaku ra, e taau tuatua akatokū, kua
tae rava mai ia ki oku nei taringa : ka
tuikau ei au i taku matau i roto i to
putaiu, e taku tavaa ki roto i to tangā,
ka akaoki ei au ia koe na te ara taau i
aere maira.

Teia oki taau akairo, Ka kai kotou
i tei tupu ua i teianei mataiti, e i te rua
o te mataiti, i tei tupu i te reira ra ; e
kia tae ki te toru o te mataiti, ka ruru
ia kotou ka kokoti ei, ka tanu ei i te
kainga vine, ka kai ei i te ua o te reira.
Ka riro oki te toenga i ora maira no te
ngutuare o Iuda, i te toro te aka ki
raro, e ka ua oki ki runga : Ka riro
oki te toenga no Ierusalem atu, e te
aronga i ora ra no te maunga ia Ziona :
na te maroiroi o Iehova Sabaota teia
e rave.

I tenana, te na ko mairā Iehova, i
te ariki no Asura ra, Kare aia e tae
mai i roto i teianei oire, kare tana
kakao e akainana mai i reira, kare aia
e aere mai ma te paruru ki mua atu
nei, kare aia i akāū i te one i reira.

Ka oki rai aia na te ara i aereia mai e 33
ia; e kare aia e tac mai ki roto i teia-
nei oire, te pera mairā Iehova; Naku 34
oki e tiaki i teianei oire kia ora, noku
uaorai, e no toku tavini no Da-
vida.

Kua aere iora te Angela a Iehova i 35
taua po ra ki vao, kua ta iora i to te
puakapa o Asura ra, okotai anere, e
varu ngauru ma rima, i te tausani: e
kia tu mai te aronga i *toe* kia popongi
ake, i na, e turuma anake. Riro atura 36
te ariki no Asura ra ko Senakeriba,
aere atura, e oki atura, e noo atura i
Nineve. E te akamori ra aia i roto i 37
te are o tona ra atua o Niseroka, kua
ta iora ana puke tamariki ko Aderame-
leka raua ko Sarezera iaia ki te koke;
oro atura ra raua ki te enua ra ko Ara-
rata. Tupauia akera aia i te au e tana
tamaiti ra e Esarahadana.

PENE XX.

*Ko Hezekia, no te mea i akakiteia tona
mate, pure iora; e kua akaroaia te
a'o: te akairo i o maiia: to te ngati
Juda tuikaa anga i akakite mamaoia
mai.*

TEI taua au rā ra, mate iorā Heze-
kia i te maki, e maki mate. Kua
aere maira te peroveta ra ko Isaia te
tamaiti a Amoza kiaia ra, e kua tuatua
maira kiaia, Te na ko mairā Iehova, Ka
akonokono ana i to ngutuare; ka mate
oki koe, kare e ora. Kua ariu akera
aia i tona mata ki te pae paruru, e kua
pure kia Iehova, karanga atura, Teia
taku tuatua kia koe, e Iehova e, e aka-
maara mai koe iaku i toku nei aerenga
ki mua ia koe ma te tuatua-mou, e ma
te ngakau tiratiratu, e kua rave au i te
mea tika i mua i to mata. Aue iorā
Hezekia, e aue maata. E kare a
Isaia i topa tika ki vao i te pacpae i
rotopu ra, i tac mai ei te tuatua a
Iehova kiaia, na ko maira, Ka oki, e
karanga atu ki te kapena o topu ra iti-
tangata kia Hezekia, Te na ko mairā
Iehova, te Atua o to tupuna ra o Da-
vida, Kua akarongo au i tauu pure, kua
kite au i toou roi-mata: i na, ka aka-
ora au ia koe: kia tac ki te po toru ra,
ka aere ei koe ki runga ki te are o
Iehova. E kapiti katoa atu au i toou
ra au rā, okotai ngauru ma rima i te
matuiti: e naku koe e akaora, e teianei
oire katoa, i te rima o te ariki o Asura
ra; e naku e tiaki i teianei oire noku
orai, e no toku tavini no Davida. Kua
karanga aturā Isaia, Ka rave i tetai
kou suke ra: kua rave iora ratou, kua

topiri ki runga i taua maki ra, kua
ora aia.

- 8 Kua tuatua mairā Hezekia kia Isaia,
Eaa te akairo e ka akaoraia au e Ie-
hova; e ka tac au ki runga i te are
o Iehova kia tac ki te po toru ra?
- 9 Kua karanga aturā Isaia, Teia tauu
akairo no ko ta Iehova ra, e ka rave
rai a Iehova i tana i tuatua maira: Ka
aere ainei te maru ata *ki runga i te
akairo rā akera* ki mua e kia topa nga
kotinga okotai ngauru, e ka akaoki
ainei ki muri e kia ngauru te kotinga
kia topa? Kua tuatua mairā Hezekia,
E mea māmā ua kia aere te maru ata
ki mua e kia ngauru te kotinga kia
topa: auraka, e akaoki ra te maru ata
ki muri e kia ngauru te kotinga kia
topa. Kua kapiki aturā Isaia peroveta
kia Iehova: e kua akaoki maira aia i
taua maru ata ra e okotai ngauru akera
kotinga i topa, kua aere oki ki mua ki
runga i te akairo rā a Ahaza.
- 12 I reira to Berodaka-baladana te ta-
maiti a Baladana, ariki no Babulonia,
unga anga mai i te leta, ma te apinga
na Hezekia: kua rongo akera e i mate
- 13 anā Hezekia i te maki. Akarongo
akerā Hezekia ia ratou, e kua akakite
atura i te are vairanga apinga katoa
nana, i te ario, e te auro, e te au rakau
kakara, e te manongi meitaki ra, e te
au are taoonga ravarai nona ra, e te au
mea katoa i kitea i roto i te uipānga
apinga nana: kare rava e apinga i toe i
roto i tona are, e tona katoa ra basileia,
i kore i akakiteia e Hezekia ra. Kua
aere mairā Isaia peroveta ki taua ariki
ra kia Hezekia, e kua tuatua maira
kiaia, I peea mai nga tangata nei? mei
ea mai i aere mai ei ratou kia koe nei?
Kua karanga aturā Hezekia, Mei te
enua mamao mai ratou, mei Babulonia
mai. Kua tuatua maira aia, Eaa ta
ratou i kite i roto i to are na? Kua
karanga aturā Hezekia, Kua kite ra-
tou i te au mea katoa i roto i toku are
nei: kare takiri rai aku e apinga toe i
te akakiteia e au kia ratou.
- 16 Kua tuatua mairā Isaia kia Hezekia,
E akarongo mai ana i te tuatua a Ie-
hova: I na, te vaiata maira te au rā,
ka ope takiri ei te apinga i roto i to
are, e ta to ai metua i akaputuputu ra,
e tae rava akenei ki teianei rā, i te
apaaia ki Babulonia: kare rava e aka-
toeia, te pera mairā Iehova: E to te
au tamariki aau, no roto ia koe ra, tauu
e anau ra, na ratou ia e apai ke; ka
riro oki ratou ei eunuka i te are o te
ariki o Babulonia. Kua karanga aturā
Hezekia kia Isaia, E tuatua meitaki ta

Iehova taau i tuatua maira. Kua karinga atura aia, Kare ainei ei au e te tuatua-mou i toku nei au rā?

E te toenga o te tuatua ia Hezekia, e 20
tona katoa oki maroirōi, e te vai puna i
raveia e ia, e te akata-ranga i tae mai
ei te vai i roto i te oire, kare ainei kua
tataia i roto i te buka, te tuatua no
te au rā o te au ariki no Iuda? Moe 21
iorā Hezekia ki o tona ra ai metua:
tupauia akera aia i te au e tana tamaiti
ra e Manase.

PENE XXI.

*Te au o Manase ra, e no Amona: kua
taiā Amona, e kua tupauia aia e
Iosia.*

TEI te mataiti okotai ngauru ma 1
rua i ariki ei a Manase, e rima
ngauru ma rima ona mataiti i te ariki
anga i Ierusalemā. Ko Hepheziba te
ingoa o tona metua vaine. Kua rave 2
ra aia i te kino i mua i te aroaro o Ie-
hova, mei te au mea viivii a te pa enua,
ta Iehova i tuaru ke ki mua i te tama-
riki a Iseraela ra. Kua akatu akaou 3
oki aia i te au ngai teitei i vava'lia e
tona metua ra e Hezekia; e kua akatu
aia i te atarau na Baala, e kua anga i
te Asetoreta, mei ta te ariki o Iseraela,
mei ta Ahaba; e kua akamori i te
nuku katoa o te rangi ra, e kua tavini 4
atura ia ratou. E kua akatu aia i te
au atarau i roto i te are o Iehova, tei
tuatuaia maira e Iehova e, Ei Ieru-
salema toku nei ingoa vai ei. Kua 5
akatu oki aia i te au atarau no te nuku
katoa o te rangi, i roto i nga kezere e
rua i te are o Iehova. E kua tuku aia 6
i tana uarai tamaiti na te ai; e kua
akara oki i te tumurangi, e te akara-
kara, e te taura vaerua kino, e te pure-
pure; e raveanga kino maata tana i mua
i te aroaro o Iehova, ei akakoko iaia kia 7
riri. E kua akatu aia i te idolo koti-
kotiia no Asetoreta, nana i anga, ki roto
i te are, ta Iehova oki i tuatua mai kia
Davida, e ki tana tamaiti kia Solo-
mona, Ei roto i teianei are, e Ierusa-
lema, i iklia e au no roto i te au kopu
katoa o Iseraela, ka vaoo ei au i toku
nei ingoa e tuatua ua atu: Kare oki 8
au e apai ke akaou i te vaevae o Ise-
raela i te enua i orongaia e au ki to
ratou ai metua; kia akamako ra ratou
e kia rave i te au mea katoa taku i
akaue atu kia ratou ra, e te au mea
katoa a te ture ta toku tavini ta Mose
i ikuiku ia ratou ra. Kare ra ratou i 9
akarongo, e maata ra ta ratou kino i
rave i te pikikaa a Manase ra, i ta te

pa enua ravarai i pou ia Iehova i mua
i te aroaro o te tamariki a Iseraela ra.

- 10 Kua tuatua mairā Iehova i tona au
tavini i te au peroveta ra, na ko maira,
11 No te mea, na te ariki o Iuda na Ma-
nase i rave i teianei au mea viivii, e
kua maata rava te kino tana i rave i ta
te ngati Amori i mua iaia ra, e kua ara
12 katoa Iuda iaia i tona au idolo: E teia-
nei, te na ko maira te Atua o Iseraela
ko Iehova, I na, kua vaitata au i te
apai mai i te kino ki runga ia Ierusa-
lema e ia Iuda, ka poturi nga taringa
13 ravarai e rua o te aronga katoa e aka-
rongo ra. E tatakai au i te ao o Sama-
ria ki runga katoa ia Ierusalemā, e te
aite o te ngutua o Ahaba; ka tamā
au ia Ierusalemā mei te tangata e tamā
i te kapu ra; i te orei anga, e te tati-
14 poki anga i to runga pae ki raro. E
akaru ke oki au i te toenga o taku ra
tuanga, e ka tuku atu ia ratou ki te
rima o to ratou ra au enemi; ka riro
15 ratou ei noninga, ei auinānga na to
ratou au enemi; No te mea kua rave
ratou i te kino ki mua iaku nei, e kua
akakoko mai ratou iaku kia riri, mei te
rā mairai i tae mai ei to ratou ai metua
mei Alphiti mai, e tae rava akenei ki
16 teianei rā. Maata roa atu oki te toto
i maringi ara kore ua ia Manase, e ki
rava akera Ierusalemā, mei tetai pae
mai e tae akera ki tetai pae; te taka
ra te ara i ara ai Iuda iaia, i te rave
anga i te kino i mua i te aroaro o
Iehova ra.
- 17 E te toenga o te tuatua ia Manase,
e tana katoa i rave ra, e te ara i raveia
e ia ra, kare ainei kua tataia ki roto i
te buka, te tuatua no te au rā o te au
18 ariki o Iuda ra? Moe iorā Manase ki
o tona ra ai metua, e tanumia iora ki
roto i te kainga i tona uarai are, i te
kainga o Uza ra: tupauia akera aia i
te au e tana tamaiti ra e Amona.
- 19 Tei te mataiti tai takau ma rua
o Amona i ariki ei aia, e rua oki ona
mataiti i te ariki anga i Ierusalemā.
Ko Mesulemeta te ingoa o tona metua
vaine, e tamaine na Haruza no Iotaba.
20 Kua rave ra aia i te kino i muai te aro-
aro o Iehova, mei ta tona metua ra mei
21 ta Manase i rave ra. Aere atura aia na
te arataa i aerua e tona ra metua, e te
au idolo i akamoriā e tona ra metua
kua akamori katoa aia, e kua tavini atu
22 ia ratou: Akaru ke iora aia i te Atua o
tona ra ai metua ko Iehova, e kare i
23 aere na to Iehova arataa. Kua koti-
koti kupenga akera te au tavini o
Amona iaia ra, e kua ta iora i te ariki
24 i roto i tona uarai are. Kua ta atu-

ra ra te au tangata rikiriki ra i te aronga katon i kotikoti kupenga i te ariki ra ia Amona; e kua rave akera te au tangata rikiriki ra, kua akariki akera i tana tamaiti ia Iosia ei tupau iaia.

E te toenga o te tuatua ia Amona 25
tana i rave ra, kare ainei kua tataia ki roto i te buka, te tuatua no te au rā o te au ariki o Iuda? Tanumia iora aia 26
ki roto i tona uarai tanumanga ki roto i te kainga o Uza ra: tupauia akera aia i te au e tana tamaiti ra e Iosia.

PENE XXII.

*Te au meitaki o Iosia, e tana akono
anga i te tuatua a te Atua ra.*

TEI te mataiti varu o Iosia i ariki 1
ei aia, e toru ngauru ma tai ona mataiti i te ariki anga i Ierusalemia. Ko Iedida te ingoa o tona metua vaine, e tamaine na Adiaa no Bosekata. Kua 2
rave aia i te mea tika ki mua i te aroaro o Iehova, aru marie atura i te aere-
nga o tona tupuna o Davida, kare i anga ki te pae katau e te pae kaui.

E tae akera ki te ngauru ma varu o 3
te mataiti o te ariki ra o Iosia, kua tono akera te ariki ia Saphana, te tamaiti a Azalia, te tamaiti a Mesulama tata tua-
tua, ki te are no Iehova, karanga atura, E aere kia Hilikia taunga maata ra, e 4
tatau aia i te ario i apaiia mai ki roto i te are o Iehova, i tei akaputupuia e
te aronga tiaki ngutupa i te au tangata nei: Ka tuku ei ratou ki roto i te rima 5
o te aronga i akamaroiroi i te rave i te angaanga i te are o Iehova: ka tuku
atu ei ki te aronga i rave i te angaanga i te are o Iehova, ei tuā i te au ngai 6
ngaangaa i taua are ra, Ki te au tau-
nga tarai are, e te aronga e patu, e te au tarai toka, ei oko rakau oki, e te
toka taraiia, ei tuā oki i taua are nei, Kare ra i tatauia te moni i tukuia atu 7
ki to ratou rima, no te mea kua akono ratou i te mea mou ra.

Kua karanga aturā Hilikia taunga 8
maata kia Saphana tata tuatua, Kua kitea e au te buka ture i roto i te are o Iehova. Kua tuku mairā Hilikia i
taua buka ra kia Saphana, e kua tatau iora aia. Kua aere mairā Saphana tata 9
tuatua ki te ariki ra, kua akakite maira i taua tuatua ra ki te ariki, na ko maira, Kua tatauia e to au tavini nei
te moni i kitea i roto i te are, e kua tukuia ki te rima o te aronga i akama-
roiroi i te angaanga, kia raveia i roto i te are o Iehova. Kua tuatua mairā 10
Saphana tata tuatua ki te ariki, na ko

maira, E buka ta Hilikia taunga i o mai kiaku nei. Kua tatau iorā Saphana ki mua i te aroaro o te ariki.

11 Kite akera te ariki i te tuatua i roto i te buka ture ra, kua aae iora aia i ona
12 kakau. Kua akaue atura te ariki ia Hilikia taunga, e ia Ahikama te tamaiti a Saphana, e ia Akabora te tamaiti a Mikaila, e ia Saphana tata tuatua, e ia Asaia e tavini no te ariki, na ko maira, 13
E aere kotou, ka ui kia Iehova iaku, e te au tangata, e to Iuda katoa ra, i te tuatua i roto i teianei buka i kitea io nei: kua maata oki te riri o Iehova i te tupu anga ia tatou, no te mea kare to tatou ai metua i akarongo i te au tuatua i roto i teianei buka, kia rave i te au mea katoa i tatau ia tatou i reira. 14
Kua aere iorā Hilikia taunga, e ko Ahikama, e Akabora, e ko Saphana, e ko Asaia, kia Hulada peroveta vaine ra, (i te vaine na Saluma te tamaiti a Tikava, te tamaiti a Harasa, e tiaki kakau.) ko tei noo i tetai pae i Ierusalemia, kua karangaranga iora ratou.

15 Kua tuatua maira aia kia ratou, Te na ko maira te Atua o Iseraela ko Iehova, E karanga atu kotou ki te tangata 16
i tono mai ia kotou kiaku nei, Te na ko mairā Iehova, I na, ka apai mai au i te kino ki runga i teianei ngai, e ki runga i to reira au tangata ra, ko te au tuatua ravarai i roto i te buka i tatauia e te 17
ariki o Iuda ra: No te mea kua akaruke ratou iaku, e kua tutungi i te tumianna na te au atua ke, kia akakoko mai ratou iaku kia riri i te au angaanga katoa a to ratou rima; e teianei, ka ka toku riri i teianei ngai, e kare rava e 18
tamateia. Kareka te ariki o Iuda, tei tono mai ia kotou e ui kia Iehova, e na ko atu kotou kiaia, Te na ko maira te Atua o Iseraela ko Iehova, i te au tau- 19
tua taua i akarongo ra, No te mea kua maru toou ngakau ra, e kua taakaaka loe ia koe orai ki mua i te aroaro o Iehova, i to kite anga i te tuatua i tua-
tuaia e au i teianei ngai, e to ko nei au tangata, e ka riro ratou i te tanea e te kataraiia, e kua aae koe i o kakau, e kua aue koe ki mua iaku; kua akarongo katoa au ia koe, te tuatua mairā Iehova. 20
I na, ka kapiti katoaia koe e au ki to ai metua ra, e ka apaiia koe ki tou tanumanga ma te au; kare to mata e kite i te au kino katoa taku e apai mai ki runga i teianei ngai. E kua apai maira ratou i taua tuatua ra ki te ariki ra.

PENE XXIII.

Ko Iosia i te tatau anga i te ture ki te tangata katoa i te nupānga i Ierusalem: te papau akaou anga i te koreromotu; e te akalore anga i te akamori idolo: te pa-a i te akono angaia: tona matenga ia Pharao noko.

KUA tono akera te ariki, e kua 1
akaputupu maira kua i te
aronga pakari katoa o Iuda e to Ierusa-
lema. Aere atura te ariki ki runga i
te are o Iehova, e te au tangata katoa
no Iuda, e to Ierusalem katoa ra, e te
kau taunga, e te au peroveta, e te tan-
gata ravarai, mei tei iti e tae ua atu ki
tei maata: e kua tatau atura aia ki roto
i to ratou taringa i te au tuatua katoa i
taua buka koreromotu, i kitea i roto i te
are o Iehova ra. Kua tu ua iora te
ariki i te pae pou ra, kua papau iora i
tetai koreromotu ki mua i te aroaro o
Iehova, e aru ia Iehova, e o akono i
taua au akaucanga, e tana au tuatua-
akakite, e tana au akonoanga, ma te
ngakau katoa, e te vaeua katoa, e kia
akatinamouia te au tuatua no teianei
koreromotu, i tataia i roto i teianei
buka. E kua akatika atura te au tan-
gata ravarai i taua koreromotu ra.

Kua akaue atura te ariki i te taunga 4
maata ra ia Hilikina, e te kau taunga
tauturu, e te au tiaki ngutupa, e rave
mai i te au kapu katoa i angaia na
Baala i roto i te nao o Iehova, e ta
Asetoreta, e ta to te nuku katoa o te
rangi ra: e kua tutungi aia i te reira
ki te ai ki vao mai i Ierusalem i roto i
te au kainga i Kiderona, kua apaiia te
reu o te reira ki Betela. Kua akakore
oki aia i te au taunga idolo, tei akonoia
e te au ariki no Iuda ei tutungi i te
tumiama ki runga i te au ngai teitei, i
roto i te au oire o Iuda ra, e te au ngai
katoa i vaiata i Ierusalem; e ko tei
tutungi i te tumiama na Baala, ki te
rā, e te marama, e ki te au etu o te ara
o te rā, e to te au nuku katoa o te rangi
ra. Kua rave maira aia ia Asetoreta
mei roto i te are o Iehova, ki vao i Ie- 5
rusalema, ki te kauvai ra ko Kiderona,
e kua tutungi iora ki te ai i taua kau-
vai ra i Kiderona, e kua takataki iora
e ungangātiti rava akera, kua titiri
aere i te reu na runga i te tanumanga
o te tangata ao ra. Kua vava'i aia i te
au are o te au sodoma, i vaiata i te are
o Iehova, i te ngai i rarangaia e te au
vaine te au are no Asetoreta ra. E
kua apai ke atura aia i te kau taunga
ravarai i te au oire o Iuda ra, e kua
viivii iaia te au ngai teitei i tutungiia e

te kau taunga te tumiama, mei Geba
mai e tae ua atura ki Bere-seba. Kua
vava'i oki aia i te au ngai teitei i te au
ngutupa ra, i te tomoanga o te ngutupa
o te kavana o te oire ra o Iosua, i te
pae kaui i te ngutupa o te oire ra.
9 Kare oki te au taunga o te au ngai
teitei i akavaitata mai ki te atarau a
Iehova i Ierusalem, kua kai ra ratou
i te areto akaopue kore i rotou i to
ratou ai taeake. E kua viivii iaia To-
pheta, i te o o te tamariki a Hinoma,
kia kore te tangata e apai i tana tama-
roa e tana tamaine i na roto i te ai kia
11 Moleka. E kua apai ke atura aia i te
au ipo i tukuia e te au ariki no Iuda no
te rā, i te tomoanga i te are o Iehova, i
te pia o Natana-meleka eunuka, tei
vao ua ake, e kua tutungi aia i te kari-
ota no te rā ra ki te ai. E nga atarau i
vao i runga o te are o Ahazi, tei
angaia e te au ariki o Iuda ra, e nga
atarau i angaia e Manase i roto i nga
kezere e rua i te are o Iehova, kua va-
va'ia ia e te ariki, e pou atura, e kua
titiri i te reu ki raro i te kauvai ra i
13 Kiderona. E kua viivii katoa i te
ariki nga ngai teitei i muao i Ierusa-
lema, tei te pae katau i te maunga aka-
tareva ke, i akatuaia e te ariki o
Iseraela ra e Solomonona no Asetoreta,
e idolo viivii no to Sidona, e no Kemosa,
i te idolo viivii no to Moabi, e no Meli-
koma, i te idolo viivii o te tamariki a
14 Amona. E kua vava'i aia i te au tiki
ra, e kua tipu i te au Asetoreta, e kua
akaki i to ratou au ngai ra ki te ivi
tangata.
15 E te atarau oki i vao o Betela, i te
ngai teitei i angaia e Ieroboama te
tamaiti a Nebata, i ara ai Iseraela iaia,
taua atarau ra e te ngai teitei katoa ra,
kua vava'ia ia e ia, e kua tutungi i te
idolo no taua ngai teitei ra ki te ai, e
kua takataki e ungaungātiti rava ake-
ra, e kua ka katoa Asetoreta iaia. Tei
te arii anga o Iosia ra, kite atura aia
i te au vairanga tupapaku ki runga i
te maunga ra, e kua akaue akera e tiki
i te au ivi i roto i taua au vairanga
tupapaku ra, e kua tutungi akera ki
runga i te atarau, viivii atura, ta Ie-
hova oki i tuatua maira, ta taua tangata
no te Atua i akakite ra, ko tei akakite
17 mai i taua tuatua nei. Kua tuatua
maira aia, Eaa tera akairo taku i kite
nei? Kua tuatua maira to te oire kiaia,
Ko te tanumanga ia o te tangata no te
Atua ra, ko tei aere mai mei Iuda mai,
e kua akakite i teianei au mea tnau i
rave io nei i te atarau i Betela nei.
18 Kua tuatua maira aia, E vao ua ana
ia; auraka rava e tangata e rave ua

atu i tona au ivi. Kua vaoo ua iora 19
ratou i tona au ivi, e te ivi katoa o te
peroveta mei Samaria maira. E te au
are katoa no te au ngai teitei i roto i te
au oire i Samaria, ta te au ariki o Ise-
raela i anga, ei akakoko anga atu ia
Iehova kia riri, kua apai keia ia e Iosia ;
e kua rave aia i te reira mei tana katoa
i rave i Betela ra. Kua ta oki aia i te 20
kau taunga ravarai no te au ngai teitei
ki runga i te au atarau i vai ua i reira,
e kua ta'u aia i te ivi tangata ki runga
i taua au atarau ra, oki maira aia ki
Ierusalem.

Kua akaue atura te ariki i te tangata 21
ravarai, karanga atura, E akono kotou
i te pasa na to kotou Atua na Iehova,
i tei tatau i roto i teia buka koreromotu
nei. Kare takiri ia e pasa i akonoia, 22
mei te au rā mai o te au akava ko tei
akava ia Iseraela nei, e te au rā katoa o
te au ariki o Iseraela, e te au ariki no
Iuda. Tei te mataiti okotai ngauru ma 23
varu ra o te ariki ra o Iosia, i akonoia'i
taua pasa nei na Iehova i Ierusalem.

E te au taura vaerua kino, e te au 24
purepure, e te au teraphi, e te au idolo,
e te au mea viivii katoa i kitea i te
enua ra i Iuda e Ierusalem, kua aka-
rukeia ia e Iosia, kia akatupu aia i te
au tuatua a te ture i tatau i roto i te
buka i kitea e Hilikia taunga i roto i
te are o Iehova ra. Kare takiri i ariki 25
e aite iaia mei muatangana mai, tei
ariu kia Iehova ma te ngakau katoa, e
ma te vaerua katoa, e ma te ma-
roiroi katoa, kia tau ki te ture
katoa a Mose ra; kare oki ona e
aite i tupu i muri ake. Kare rā Ie- 26
hova i akaruke i te otooto anga o tona
riri maata, taua riri nona i tupu ia
Iuda ra, no te akakoko anga ta Manase
i akakoko mai iaia ra; Kua tuatua 27
maira oki a Iehova, E apai ke katoa
atu au ia Iuda kia ngaro atu iaku nei,
mei iaku i apai ke atu ia Iseraela, e ka
akaruke au i teianei oire i Ierusalem
i iikia e au ra, e te are taku i karanga
ra, Ei reira toku ingoa vaoo ei. E te 28
toenga o te tuatua ia Iosia, e tana ka-
toa i rave ra, kare ainei kua tatau ki
roto i te buka, te tuatua no te au rā o
te au ariki o Iuda ra?

Tei tona ra au rā, to te ariki o Aiphiti 29
to Pharao-neko aere anga ki runga, e
tamaki i te ariki o Asura i te vai ra ko
Eupharate: kua aere iora taua ariki ra
ko Iosia e tamaki iaia; mate iora aia
iaia i Megido ka kite ei aia iaia ra.
Kua uta mate ua tona au tavini iaia 30
ki runga i te kariota mei Megido mai, e
kua apai maira ki Ierusalem, e kua

tanu atura iaia ki roto i tona uaorai
tanumanga. Kua rave akera te ta-
ngata rikiriki ia Iehoahaza te tamaiti a
Iosia ra, e kua akatainu iaia, akariro
atura iaia ei ariki ei tupau i tona
31 ra metua. Tei te mataiti tai takau ma
toru o Iehoahaza i ariki ei aia; e toru
akera ona marama i te ariki anga i
Ierusalem. Ko Hamutala te ingoa o
tona metua vaine, e tamaine na Ieremia
32 i Libena. Kua rave aia i te kino i mua
i te aroaro o Iehova, mei ta te ai metua
33 katoa nona i rave ra. Kua tapeka iorā
Pharao-neko iaia i Ribila i te enua ra
ko Hamata, auraka tona ei au i Ieru-
salem; kua tuku iora i te apinga uipa
ki runga i taua enua ra, okotai anere
34 taleni ario, okotai oki taleni ario. Kua
akariro a Pharao-neko ia Eliakima te
tamaiti a Iosia ei ariki, ei tupau mai i
tona metua ia Iosia ra, e ruri ke akera
i te ingoa ia Iehoiakima, kave ke atura
aia ia Iehoahaza; riro atura aia ki Ai-
35 phiti, mate atura i reira. Kua apai aturā
Iehoiakima i taua ario ra e te auro kia
Pharao; kua tuku akera ra i te apinga
uipa ki runga i te enua, kia tari mai te
ario i akaueia mai e Pharao: kua umu-
umu atura aia i te ario e te auro i te au
tangata o te enua, akono atura i tei
akaaiteteia ki runga i te tangata katoa
ra ka apai ei na Pharao-neko.

36 Tei te mataiti tai takau ma rima o
Iehoiakima i ariki ei aia; okotai ngau-
ru ma tai ona mataiti i te ariki anga i
Ierusalem. Ko Zebuda te ingoa o
tona metua vaine, e tamaine na Pedaia
37 i Ruma ra. Kua rave aia i te kino i
mua i te aroaro o Iehova mei ta te ai
metua katoa nona ra.

PENE XXIV.

*Te au kino o Iehoiakima: to Iehoiakina
e to Ierusalem riro tuikua anga ki
Babulonia. Te au kino o Zedekia.*

1 **TEI** tona au rā to te ariki o Babu-
lonia to Nebukanza aerenga mai
ki runga, riro aturā Iehoiakima ei
tavini nona e toru akera mataiti: kua
akaruke iora aia iaia i reira ra, e kua
2 kaitamaki iora. Kua unga mairā Ie-
hova i nga takanava Kaleda, e nga
takanava Arama, e nga takanava Moa-
bi, e nga takanava ngati Amona: kua
tono mai oki aia ia ratou e tamaki
ia Iuda kia pou, i te tuatua ta Ie-
hova i tuatua mai i tona au tavini
3 i te au peroveta ra. E mea akaueia
mairai e Iehova i rokoia mai ei Iuda
i teia, ei apai ke atu ia ratou i mua
i tona mata, no te au ara ravarai ua

Manase i rave ra; E no te toto ara kore i maringi iaia: kua ki oki Ierusalemaki te toto ara kore, kare ia te reira i akakoreia e Iehova.

E te toenga o te tuatua ia Iehoiakima, e tana katoa i rave ra, kare ainei kua tataia i roto i te buka, te tuatua no e au ra o te au ariki o Iuda ra? Moe iorā Iehoiakima ki o tona ra ai metua: tupauia akera aia i te au e tana tamaiti ra e Iehoiakina. Kare akera i te ariki o Aiphiti i akaruke akaon i tona enua: kua rauka oki ta te ariki o Aiphiti apinga i te ariki o Babulonia, mei te kauvai o Aiphiti maira e tac rava akera ki te vai ra ko Eupharate.

Tei te mataiti okotai ngauru ma varu o Iehoiakima i ariki ei aia, e toru akera ona marama i te ariki anga i Ierusalem. Ko Nehuseta te ingoa o tona metua vaine, e tamaine na Elenatana i Ierusalem ra. Kua rave aia i te kino i mua i te aroaro o Iehova, mei ta tona ra ai metua katoa i rave. I reira te tac anga mai o te au tavini o te ariki o Babulonia o Nebukaneza ki Ierusalem, e kua tamaki iora i taua oire ra. Kua aere maira te ariki o Babulonia ko Nebukaneza e rave i taua oire ra, e na tona au tavini i tamaki atu. Kua aere iora te ariki o Iuda ko Iehoiakima ki vao ki te ariki o Babulonia, koia ma tona metua vaine, e tona au tavini, e te au kapena nona ra, e te aronga akataoongaia ra: riro atura aia ki te ariki o Babulonia i te varu o te mataiti o tona ra au. E kua apai ke atura aia i te apinga ravarai o te are o Iehova, e te apinga o te are o te ariki, e kua tipupua te au ariki auro katoa i angia e te ariki o Iseracla e Solomonua i roto i te nao o Iehova, ta Iehova oki i akakite maira. E kua apai keia e ia to Ierusalem katoa, e te aronga mamaata katoa, e te au tangata toa katoa, okotai ngauru i te tausani, i te tuikaa, e te au taunga tarai rakau, e te au tupaki auri katoa: kare akera i korakora toc, mari ra ko te aronga ao ra o te enua ra. E kua apai aia i Iehoiakima ki Babulonia, e te metua vaine katoa o te ariki, e nga vaine a te ariki ra, e te au eunuka, e te aronga mamaata o te enua ra, ko tei apaiia e ia ei tuikaa, mei Ierusalem mai e tac rava akera ki Babulonia. E te aronga taotiau katoa, e itu tausani, okotai oki tausani taunga tarai rakau e te tupaki auri, te aronga toa katoa no te tamaki ra, tei kaveia ia e te ariki o Babulonia ei tuikaa ki Babulonia.

Kua akariro atura te ariki o Babu-

lonia ia Matania, e taeake no tona metua, ei ariki, ei tupau mai iaia, e kua ruri ke akera i tona ingoa ia Zedekia. Tei te mataiti tai takau ma tai o Zedekia i ariki ei aia, okotai ngauru ma tai ona mataiti i te ariki anga i Ierusalem. Ko Hamutala te ingoa o tona metua vaine, e tamaine na Ieremia i Libena ra. Kua rave aia i te kino i mua i te aroaro o Iehova, mei ta Iehoiakima katoa i rave. Te vai ra oki te riri o Iehova ia Ierusalem e ia Iuda, e peke ke atura ratou i mua i tona aroaro: kua kaitamaki rā Zedekia i te ariki o Babulonia.

PENE XXV.

Te pou anga o Ierusalem: te koiti anga o to Zedekia mata, e tona riro angaki Babulonia. To Gedalia riro anga ei kavana no tei toe i te enua; kia taia aia e Isemacla, kua oro nga toe ki Aiphiti.

1 **E** TAE akera ki te iva o te mataiti o tona ra au, tei te ngauru ra o te marama e te ngauru oki o te rā o taua marama ra, i tac mai ei te ariki o Babulonia, ko Nebukaneza, koia, ma tona nuku katoa, e rave ia Ierusalem, e kua patia iora i te puakapa i reira, e kua patu iora i te patu i reira e pini 2 ua ake. Ko te tamaki ua anga ia i taua oire ra e tac ua atura ki to te ariki ra ki to Zedekia mataiti okotai ngauru 3 ma tai. E tac akera ki te a o te marama e te iva oki o te rā, i maata'i te onge i taua oire ra, e kare rava e kai 4 na te tangata rikiriki. Ngaangaa atura taua oire ra, e kua oro iora te au tangata toa ravarai i te po, i na te ngutupa i rotapu i nga patu e rua, ki te pae kainga o te ariki ra; (kua akapiiia oki taua oire ra e te Kaleda,) aere tika atura ratou ki te ngai atea. 5 Kua aru atura te nuku o te Kaleda i te ariki, e rokoia iora i te ngai mataataa i Ieriko ra: pneurikiriki ke atura 6 tona nuku katoa iaia. Kua opu atura i te ariki, e kua arataki maira ki Ribila ki te ariki o Babulonia ra; kua tuku 7 ratou i te utunga iaia. Kua ta rava iora ratou i nga tamariki a Zedekia ki mua i ona mata, koiti akera i nga mata o Zedekia, kua tapeka iora iaia ki te tapeka vao, kave atura iaia ki Babulonia. 8 E tac akera ki te rima o te marama, i te rā itu o taua marama ra, ko te ngauru ma iva ia o te mataiti o te ariki o Babulonia o Nebukaneza, i tac ia a Nebuzaradana, kapena no te vaeau,

e tavini no te ariki o Babulonia, ki
Jerusalemā. E kua ta'ua iora e ia te
are o Iehova, e te are o te ariki, e te
au arc katoa i Jerusalemā; kua ope
rava te au are manaata ra i te ka
i te ai iaia. Kua vava'i iora te nu-
ku Kaledca ravarai o taua kapena va au
ra, i te au patu o Jerusalemā e pini ua
ake. E te toenga o te au tangata i
vaooia i roto i te oire, e tei riro no te
ariki o Babulonia, te toenga o taua aro-
nga katoa ra, kua apai keia ia e te ka-
pena o te vacau e Nebuzaradana.
Kareka te arongi ao, kua vaooia ia e
te kapena o te vacau, ei tope vine, e ei
tatani.

E nga pou veo i roto i te are o Ie-
hova, e nga turanga, e te kiura veo
i roto i te are o Iehova, kua vava'ia ia
e te Kaledca, e kua apai i to reira veo
ki Babulonia. E te au pani, e te au
tuipu, e te au pakoti, e te au kapu, e te
au mea veo katoa ia te kua taunga i
rave ra, kua apai keia ia. E te au
āriki ai, e te au kapu, to te au mea
auro, ei auro ia, e to te ario, ei ario ia,
ko tei apai keia ia e te kapena o te au
vacau ra. Nga pou e rua ra, te kiura
okotai, e nga turanga, i angaia e Solo-
mona no te are o Iehova; ko te veo o
taua au mea katoa ra kare ia e aite.
Okotai ngauru ma varu i te kubitī te
teitei i te pou okotai; e te tapoki i
runga, e veo ia; e te teitei o taua tapoki
ra, e toru ia kubitī; e te ei, e te re-
muna i rungao i taua tapoki ra e pini
ua ake, e veo anake ia; e te rua oki
o te pou ra, e te ei katoa, okotai rai tu.

Kua rave atura te kapena o te vacau
i te taunga maata ra ia Seraia, e te tau-
nga tauturu ra ia Zephania, e nga tiaki
ngutupa toko toru: E kua rave iora aia i
tetai eunuka i roto i te oire i tukua ki
rungao i te au tangata tamaki ra, e
nga tangata toko rima e tu ki mua i te
aroaro o te ariki ra, i kitea i roto i te
oire, e te tata tuatua maata no te nuku
ra, ko tei akaputupu mai i te tangata
rikiriki, e te au tangata oki e ono
ngauru; no taua enua ra i kitea i roto i
te oire: Kua rave iorā Nebuzaradana
kapena o te vacau ia ratou, kave atura
ki te ariki o Babulonia ki Ribila:
Kua ta iora te ariki o Babulonia ia ra-
tou, pou akera ratou i te mate i Ribila

i te enua ko Hamata. Riro akera
Iuda i te apai keia i to ratou ra enua.

22 Kareka te au tangata i toe i taua
enua ra i Iuda, tei vaooia e te ariki o
Babulonia e Nebukaneza, kua akariro
aia ia Gedalia, te tamaiti a Ahikama,
te tamaiti a Saphana ra, ei kavana.

23 E kite akera te au kapena katoa o te
au nuku, ko ratou e te au tangata e,
kua akariro te ariki o Babulonia ia
Gedalia ei kavana, kua aere maira kia
Gedalia ra ki Mizepa; ko Isemaela te
tamaiti a Netania, e ko Iohanaa te
tamaiti a Kareka, e ko Seraia te tamaiti
a Tanumeta i Netopha, e ko Iaazania
te tamaiti a tetai ngati Maaka, ko ra-
tou e to ratou au tangata. Kua tapu-
tou aturā Gedalia kia ratou, e to
ratou au tangata, e kua karanga atura
kia ratou, Auraka e matakū i te au
tavini o te Kaledca: e noo ua i te
enua, ma te tavini atu ki te ariki o
Babulonia, e meitaki ia kotou i reira.

25 Kia tae ra ki te itu o te marama, kua
aere mairā Isemaela te tamaiti a Neta-
nia, te tamaiti a Elisama, no te kopu
ariiki, e nga tangata katoa tino ngauru
i piri kiaia, kua ta iora ia Gedalia, e
mate atura aia, e te au ngati Iuda, e

26 te Kaledca ki ona ra i Mizepa. Kua
tu akera te tangata ravarai, mei tei iti
e tae ua atu ki tei maata, e te au
kapena o te au nuku, aere atura ki
Aiphiti: kua matakū oki ratou i te
Kaledca.

27 E tae akera ki te toru ngauru ma
itu o te mataiti o te tuikaa anga o te
ariki o Iuda o Iehoiakina, e te okotai
ngauru ma rua o te marama, e te oko-
tai takau ma itu o te rā i taua marama
ra, kua akateiteia te upoko o te ariki
o Iuda o Iehoiakina, i roto mai i te are
tapekūnga ra, e te ariki o Babulonia e
Evile-merodaka, i te mataiti i ariki ei

28 aia: Kua tuatua meitaki atura oki aia
kiaia, e kua akateitei akera i tona tero-
no i to te au ariki ki ona i Babulonia;

29 E kua akatu ke aia i ona kakan no te
are tapekūnga ra: e kua kai aia i te kai
ki mua iaia e ope rava akera ona au rā
i te ora anga nei. E tana ra tuanga
kai, e mea tamou ia, i orongaia e te
ariiki; e mea akono tikaia no te au rā
katoa, e ope rava ake ona au rā i te
ora anga nei.

PARALEIPOMENO BUKA MUA.

PENE I.

*Te anauanga mei ia Adamu mai, e
tae roa akenei kia Iakoba, e to ratou
uunga e tae roa akenei kia Irama.*

ADAMU, Seta, Enosa, Kainana, 1,2
Maalalecla, Iareda, Enoka, Me- 3
tusela, Lameka, Noa, Sema, Irama, e 4
Iapheta.

Nga tamariki a Iapheta; ko Go- 5
mera ia, e ko Magoga, e ko Madai, 6
e ko Iavana, e ko Tubala, e ko Me- 7
seka, e ko Tirasa. Nga tamariki a 8
Gomera ra; ko Asekanaza ia, e ko 9
Riphata, e ko Togarama. Nga ta- 10
mariki a Iavana ra; ko Elisa ia, e 11
ko Taresisa, ko Kitama, e ko Roda- 12
nina.

Nga tamariki a Hama; ko Kusa ia, 8
e ko Mizeraima, ko Phuta, e ko Kana- 9
ana. Nga tamariki a Kusa ra; ko 10
Seba ia, e ko Havila, e ko Sabata, e ko 11
Raama, e ko Sabataka: nga tamariki 12
a Raama ra; ko Seba ia, e ko Dedana. 13
Anau akera ta Kusa ko Nimrod: 14
riro atura aia ei tangata mana i te ao 15
nei. Anau akera ta Mizeraima, ko te 16
ngati Luda ia, e te ngati Anumi, e te 17
ngati Lehabi, e te ngati Naphetuhi, 18
E te ngati Paterusi, e te ngati Kaselui, 19
(nana te Philiseti,) e te ngati Kapla-
tori. Anau akera ta Kanaana, ko
Sidona ko tana ia tama mua, e ko
Heta, Te ngati Iebusi katoa, e te ngati
Amori, e te ngati Giregasi, E te ngati
Hevi, e te ngati Araki, e te ngati Sini,
E te ngati Aravadi, e te ngati Zemari,
e te ngati Hamati.

Nga tamariki a Sema ra; ko Elama 17
ia, e ko Asura, e ko Arepakasada, e 18
ko Luda, e ko Arama, e ko Uza, e ko 19
Ilula, e ko Getera, e ko Meseka.
Anau akera ta Arepakasada ko Sala,
anau akera ta Sala ko Ebera. Anau
akera ta Ebera puke tamariki toko
rua: ko Pelega te ingoa o tetai, no
te mea tei tona au rā i kokotiiāi
te enua; ko Iokatana te ingoa o tona

20 tuakana. Anau akera ta Iokatana ko
Alemodada, e ko Selepha, e ko Hazare-
21 maveta, e ko Iera, E ko Adorama,
22 e ko Uzala, e ko Dikela, E ko Obala,
23 e ko Abimaela, e ko Seba, E ko
Ophira, e ko Havila, e ko Iobaba; na
Iokatana anake ia tamariki.

24,25 Sema, Arepakasada, Sala, Ebera;
26 Pelega, Reu, Seruga, Nahora, Tera,
27 Aberama, koia oki Aberahama.

28 Nga tamariki a Aberahama; ko Isa-
29 aka ia raua ko Isemacla. Teia to ra-
tou au uki: Ta Isemacla tama mua,
ko Nebaiota ia, e ko Kedara, e ko
30 Adabecla, e ko Mibesama, Ko Mises-
ma, e ko Duma, ko Masa, ko Ha-
31 dara, e ko Tema, Ko Ietura, ko
Naphisa, e ko Kedema. Ko te au
tamariki ia a Isemacla.

32 E nga tamariki a te palake a Abera-
hama ta Ketura i anau iaia, ko Zime-
rana ia, e ko Iokasana, e ko Medana, e
ko Midiana, e ko Isabaka, e ko Sua.
E nga tamariki a Iokasana; ko Seba
33 ia, e ko Dedana. Nga tamariki a
Midiana ra; ko Ephā ia, e ko Ephera,
e ko Hanoka, e ko Abida, e ko Eledaa.
Na Ketura anake ia au tamariki.

34 Anau akera ta Aberahama ko Isa-
aka. E ta Isaaka tamariki; ko Esau ia
rauā ko Iseraela.

35 Nga tamariki a Esau ra; ko Eli-
phaza ia, ko Reuela, e ko Ieusa, e ko
36 laalama, e ko Kora. Ta Eliphaza au
tamariki ra; ko Temana ia, e ko
Omara, ko Zepho, e ko Gatama, ko
Kenaza, e ko Timena, e ko Amale-

37 ka. Nga tamariki a Reuela ra; ko
Nahata ia, ko Zera, ko Sama, e ko
Miza.

38 E nga tamariki a Seira ra; ko Lo-
tana ia, e ko Sobala, e ko Zibeona, e
ko Ana, e ko Disona, e ko Ezera, e
39 ko Disana. E nga tamariki a Lotana
ra; ko Hori ia, e ko Heniana: e ko to
40 Lotana tuaine, ko Timena ia. Nga
tamariki a Sobala ra; ko Alavana ia,
e ko Manaata, e ko Ebala, ko Sepho,
e ko Onama. Nga tamariki a Zibe-

ona ra; ko Aia ia, e ko Ana. Ko ta 41
Ana ra tamaiti; ko Disona ia. E ta
Disona puke tamariki; ko Hemerana
ia, e ko Esebana, e ko Itarana, e ko
Kerana. Nga tamariki a Ezera ra; 42
ko Bilana ia, e ko Zauavana, ko Akana.
Nga tamariki a Disana; ko Uza ia, e
ko Arana.

Teia te au ariki i rauka te au i te 43
enua ra i Edoma, kare rai e ariki i
rauaka te au i runga i te tamariki a
Iseracla; ko Bela te tamaiti a Beora:
e te ingoa o tona oire ko Dinaba ia.
E mate aturā Bela ra, tupauia akera 44
aia i te au e Iobaba te tamaiti a Zera i
Bozara ra. E mate aturā Iobaba, tu- 45
pauia akera aia i te au e Husama no
te enua o te ngati Temani. E mate 46
aturā Husama, tupauia akera aia i te
au e Hadada te tamaiti a Bedada; i
tei ta ia Midiana i te enua ra i Moabi;
e te ingoa o tona oire ko Avita ia. E 47
mate aturā Hadada, tupauia akera aia
i te au e Samala i Masareka ra. E 48
mate aturā Samala, tupauia akera aia
i te au e Saula i Rehobota i te pae vai
ra. E mate aturā Saula, tupauia ake- 49
ra aia i te au e Buala-hana te tamaiti
a Akabora ra. E mate aturā Baala- 50
hana, tupauia akera aia i te au e Ha-
dara, e te ingoa o tona oire ko Pau ia;
e te ingoa o tona vaine ko Mehetabela
ia, te tamaine na Matereda, te ta-
maine a Mezahaba. E mate aturā 51
Hadara.

Teia te au kavana o Edoma, koia te
kavana ra ko Timena, te kavana ra ko
Alava, te kavana ra ko Ieteta, Te 52
kavana ra ko Aholibama, te kavana ra
ko Ela, te kavana ra ko Pinona, Te 53
kavana ra ko Kenaza, te kavana ra ko
Temana, te kavana ra ko Mibizara,
Te kavana ra ko Magidiela, te kavana 54
ra ko Irama. Ko nga kavana ia o
Edoma.

PENE II.

*Te tamariki a Iseracla: te uanga o
Iuda ra.*

TEIA te au tamariki a Iseracla; ko 1
Reubena, ko Simeona, ko Levi, e
ko Iuda, ko Isakara, e ko Zebuluna,
ko Dana, ko Iosepha, e ko Beniamina, 2
ko Naphatali, ko Gada, e ko Asera.

Nga tamariki a Iuda ra; ko Era ia, 3
e ko Ouana, e ko Sela; toko toru ta
te tamaine a Sua ngati Kanaana i anau
kiaia. E ko Era tama mua a Iuda, e
kino tona i mua i te aroaro o Ichova;
e mate iora aia iaia. Anau akera ta 4
te unonga nana ta Tamara iaia, ko

Phareza, e ko Zara. Toko rima a Iuda
tamariki.

- 5 Nga tamariki a Phareza ra; ko
- 6 Hezerona ia, e ko Hamula. Nga ta-
- mariki a Zara ra; ko Zimeri ia, e ko
- Etana, e ko Hemana, e ko Kalakoli, e
- 7 ko Dara: toko rima, oti ra ua. E te
- tamaiti a Karimi; ko Akana ia, te ta-
- ngata i taeke ia Iseracla, e kua ara iora
- 8 i nga apinga i taumaia ia ra. E ta
- 9 Etana ia tamaiti; ko Azaria ia. E
- nga tamariki oki a Hezerona, tana i
- anau ra; ko Ieramecla ia, e ko Rama,
- 10 e ko Kalubai. Anau akera ta Rama
- ko Aminadaba; anau akera ta Amina-
- daba ko Naasona, e mataiapo tutara
- 11 ia ki o te tamariki a Iuda; Anau akera
- ta Naasona ko Salamona, anau akera
- 12 ta Salamona ko Boaza, Anau akera ta
- Boaza ko Obeda, anau akera ta Obeda
- 13 ko Iese, Anau akera ta Iese ko Eliaba,
- te tama mua ia, e ko Abinadaba te toko
- 14 rua, e ko Simea te toko toru, Ko Neta-
- 15 necla te toko a, ko Radai te toko rima,
- Ko Ozema te toko ono, ko Davida te
- 16 toko itu: Ko Zeruia raua ko Abigaila
- nga tuaine nona. E ta Zeruia puke
- tamari i; ko Abisai ia, e ko Ioba, e
- 17 ko Asahela, toko toru. Anau akera ta
- Abigaila ko Amasa: e to Amasa metua
- tane ko Ietera ngati Isemaela.
- 18 Anau akera ta Kalebha te tamaiti a
- Hezerona i tana vaine ia Azuba, e ia
- Ieriota: teia nga tamariki tamaroa
- nana, ko Iesera, e ko Sobaba, e ko
- 19 Aradona. E mate aturā Azuba, rave
- iorā Kalebha ia Epharata ei vaine nana,
- 20 anau maira tana ko Ilura. Anau
- maira ta Hura ko Uri, e anau maira ta
- Uri ko Bezaleela.
- 21 E muri akera kua moe iorā Heze-
- rona ki te tamaine a Makira, te metua
- tane no Gileada, e kua tae aia ki te ono
- ngauru o te mataiti i akaipoipo ei aia
- 22 iaia; anau maira tana ko Seguba. Anau
- akera ta Seguba ko Iaira, okotai tikau
- ma toru ona oire i te enua ra i Gileada.
- 23 Rauka iora iaia ra Gesura, e Arama, e
- nga oire katoa o Iaira, e Kenata, e to
- reira katoa au oire, e ono ngauru au
- oire ra. No te au tamariki a Makira
- te metua o Gileada tana au oire katoa
- 24 ra. E muri ake i te matenga o Heze-
- rona i Kalebha-epharata, kua anau iora
- te vaine a Hezerona ko Abia, ia Asura,
- te metua no Tekoa.
- 25 Te au tamariki a Ieramecla te tama
- mua na Hezerona; ko Rama ia, te tama
- mua, e ko Buna, e ko Orena, e ko
- 26 Ozema, e ko Ahia. E vaine ke oki ta
- Ieramecla, ko Atara te ingoa; ko te
- 27 metua vaine ia no Onama. Nga ta-

mariki a Rama te tama mua na Ierameela; ko Maaza ia, e ko Iamina, e ko Ekerā. Nga tamariki a Onama; ko 28 Samai ia, e ko Iada. Nga tamariki a Samai ra; ko Nadaba ia, e ko Abisura. E te ingoa o te vaine a Abisura, ko 29 Abihaila ia, anau maira tana ko Ahebana, e ko Molida. Nga tamariki a 30 Nadaba ra; ko Seleda ia, e ko Apaima: mate aturā Seleda ma te tamariki kore. E ta Apaima tamaiti; ko Isi ia. 31 E ta Isi tamaiti; ko Sesana ia. E te tamaine a Sesana, ko Ahelai ia. Nga 32 tamariki oki a Iada, te taeake no Samai; ko Ietera ia, e ko Ionatana: mate aturā Ietera ma te tamariki kore. Nga tamariki a Ionatana ra; ko Pe- 33 leta ia, e ko Zaza. Ko nga tamariki ia a Ierameela.

Kare a Sesana e tamaiti, e tamaine 34 ra. E tavini ra to Sesana no Aiphiti ko Iara tona ingoa. Kua oronga mairā 35 Sesana i tana tamaine na tona tavini na Iara ei vaine, e kua anau maira tana ko Atai. Anau maira ta Atai ko Natana, 36 anau maira ta Natana ko Zabada. Anau maira ta Zabada ko Ephalala, 37 anau maira ta Ephalala ko Obeda. Anau maira ta Obeda ko Iehu, anau 38 maira ta Iehu ko Azaria. Anau maira 39 ta Azaria ko Heleza, anau maira ta Heleza ko Eleasa, Anau maira ta 40 Eleasa ko Sisamai, anau maira ta Sisamai ko Saluma, Anau maira ta Sa- 41 luma ko Iekamia, anau maira ta Iekamia ko Elisama.

Nga tamariki a Kaleba te taeake no 42 Ierameela; ko Mesa tana tama mua, te metua tane no Zipha; e ko Maresa tana tamaiti te metua no Heberona. Nga tamariki a Heberona; ko Kora ia, 43 e ko Tapua, e ko Rekema, e ko Sema. Anau maira ta Sema ko Rahama, te 44 metua no Iorokoama: anau maira ta Rekema ko Samai. E ko ta Samai 45 tamaiti, ko Maona ia; te metua Maona no Bete-zura. Anau maira ta 46 te palake a Kaleba ta Ephe, ko Harana ia, e ko Moza, e ko Gazeza: anau maira ta Harana ko Gazeza. Nga ta- 47 mariki a Iadai ra; ko Regema ia, e ko Iotama, e ko Gesana, e ko Peleta, e ko Ephe, e ko Saapha. Anau maira 48 ta te palake a Kaleba ta Maaka ko Sebera, e ko Tirahana. Anau katoa 49 maira oki tana ko Saapha, te metua no Madamana, ko Seva te metua no Makabean, e te metua no Gibeā: e te tamaine a Kaleba ko Akesa ia.

Teia nga tamariki a Kaleba te tamaiti a Hura, te tama mua na Epharata; ko Sobala te metua no Kiriata-

51 iearima, Ko Salama te metua no Betelehema, ko Haropha te metua 52 no Bete-gadera. E tamariki tamaroa ta Sobala, ta te metua o Kiriata- 53 iearima; ko Haroe, e tetai pac i te Kiriata-icearima; ko te Itare ia, e te Pui, e te Sumati, e te Misera: no reira 54 to Zorea e to Esetaola. Te au tamariki a Salama; ko Betelehema, e te Netopha, te Atarota, te ngutuare o loaba, e tetai pac Manaeti, e to Zora. 55 E te au kopu-tangata o te aronga tata tuatua i noo i Iabeza; te Tirati, te Simeni, e te Sukati. E ngati Keni anake ia, na Hemata te metua no te ngutuare o Rekaba.

PENE III.

Te anauanga mei ia Davida mai, e tae rava ki te au uki e toru ngouru ra.

1 **T**HEIA nga tamariki a Davida, tana i anau i Heberona: te tama mua ra, ko Amanona ia, ia Ahinoama e vaine Iez-reela: te toko rua ra, ko Daniela, 2 ia Abigaila e vaine Karamela: Te toko toru ra, ko Abasaloma te tamaiti a Maaka, te tamaine na te ariki o Gesura na Talemai: te toko a ra, ko Adonia te 3 tamaiti a Hagita: Te toko rima ra, ko Sephatia ia Abitala: te toko ono ra, ko 4 Itercamā, i te vaine nana ia Egela. I Heberona ia puke tamariki i te anau anga toko ono; e itu ona mataiti e ono oki marama i te ariki anga i reira: e toru ngauru ra ona mataiti e toru ara 5 i te ariki anga i Ierusalemā. Teia oki anapuke tamariki i anau i Ierusalemā; ko Simea, e ko Sobaba, e ko Natana, e ko Solomona, toko a, ia Batesua e ta- 6 maue na Amicla: ko Ibahara katoa, 7 e ko Elisama, e ko Eliphaleta, E ko 8 Noga, e ko Nephega, e ko Iaphia, E ko Elisama, e ko Eliadi, e ko Eliphe- 9 leta, toko iua. Na Davida anake ia au tamariki, te taka ra ta te au palake tamariki, e ko Tamara to ratou tuaine. 10 E te tamaiti a Solomona, ko Rehoboama ia, ko tana tamaiti ra ko Abia ia, ko tana tamaiti ra ko Asa ia, ko tana 11 tamaiti ra ko Ichosaphata ia, ko tana tamaiti ra ko Iorama ia, ko tana tamaiti ra ko Ahazia ia, ko tana tamaiti 12 ra ko Ioasa ia, Ko tana tamaiti ra ko Amazia ia, ko tana tamaiti ra ko Azaria ia, ko tana tamaiti ra ko Iotama ia, 13 ko tana tamaiti ra ko Ahaza ia, ko tana tamaiti ra ko Hezekia ia, ko 14 tana tamaiti ra ko Manase ia, Ko tana tamaiti ra ko Amona ia, ko tana ta-

maiti ra ko Iosia ia. Ta Iosia ra au 15
tamariki; ko Ioanana te tama mua, te
toko rua ra, ko Iehoiakima ia, te toko
toru ra, ko Zedekia ia, te toko a ra, ko
Saluma ia. E ta Iehoiakima puke ta- 16
mariki; ko tana tamaiti ra, ko Iekonia
ia, ko tana tamaiti ra, ko Zedekia ia.

E nga tamariki a Iekonia tape- 17
kaia ra; ko Salatiela tana tamaiti, ko 18
Malakirama oki, e ko Pedaia, e ko Se-
nazara, ko Iekania, ko Hosuma, e ko
Nedabia. E nga tamariki a Pedaia; 19
ko Zerubabela ia, e ko Sime; nga
tamariki a Zerubabela ra; ko Mesu-
lama ia, e ko Hanania, e ko Selomita
tuaine no ratou: E ko Hasuba, e ko 20
Ohela, e ko Berekia, e ko Hesadai, e
ko Iusaba-heseda, toko rima. E nga 21
tamariki a Hanania; ko Peletia ia, e
Iesania: nga tamariki a Rephaia, nga
tamariki a Aranana, nga tamariki a
Obadia, nga tamariki a Sekania. E 22
nga tamariki a Sekania; ko Semaia ia:
e te au tamariki a Semaia ra; ko Ila-
tusa ia, e ko Igeala, e ko Baria, e ko
Nearia, e ko Saphata, toko ono. E 23
nga tamariki a Nearia ra; ko Elieonai
ia, e ko Hezekia, e ko Azerikama, toko
toru. E nga tamariki a Elieonai; ko 24
Hodia ia, e ko Elisiba, e ko Pelua, e
ko Akuba, e ko Iohanana, e ko Delaia,
e ko Anani, toko itu.

PENE IV.

*Te uanga rai o Iuda ia Kaleba te ta-
maiti a Hura, e ia Asura te tamaiti
a Hezerona. Ko Iabeza e tana pure.
Te uanga o Sela, e Simeona. Te
pou anga o Gedora, ma te ngati
Amaleka i Seira.*

TE au tamariki a Iuda ra; ko Pha- 1
reza ia, ko Hezerona, e ko Karini,
e ko Hura, e ko Sobala. Anau maira 2
ta Reaia, te tamaiti a Sobala, ko Iahata;
anau maira ta Iahata ko Ahumai, e ko
Lahada. Ko nga kopu-tangata ia no to
Zorea. Teia to Etama metua; ko Ie- 3
zerecla, e ko Isema, e ko Idebasa: e te
ingoa o to ratou tuaine ko Hazelele-
poni: E ko Penuela ia te metua no 4
Gedora, e ko Ezera te metua no Husa.
Ko nga tamariki ia a Hura, te tama
mua na Ephrata, te metua no Betele-
hema. Toko rua a te metua o Tekoa 5
a Asura vaine, ko Hela e ko Naara.
Anau maira ta Naara kiaia, ko Abu- 6
zama, e ko Hephra, e ko Temeui, e
ko Ahasetari: ko nga tamariki ia a
Naara. Nga tamariki a Hela ra; ko 7
Zereta ia, ko Iezoaara, e ko Etenana.
Anau maira ta Koza ko Anuba, e ko 8

Zobebe, e nga kopu-tangata o Aharcia
9 te tamaiti a Aruma. E kua maati
Iabeza i te meitaki i to tona ai tacake:
tapa iora te metua vaine i tona ingoa ko
Iabeza, tuatua akera, Anau mai au
10 iaia ma te aue. Kua tautopa aturu
Iabeza ki te Atua no Iseraela, na ko
atura, Naringa koe e akameitaki roa
mai iaku e, e akamaata mai i toku nei
ngai e, e ei iaku nei to rima e, e tiaki
mai oki koe iaku auraka ei kino e, ko
te riro aea ei aue noku e! Kua oro-
nga maira te Atua i tana i pati ra.

11 Anau maira ta te tacake o Sua ta
Keluba ko Mehira, koia te metua no
12 Esetona. Anau maira ta Esetona ko
Bete-rapha, e ko Pasca, e ko Tehina,
te metua no Ire-nahasa. Ko nga ta-
13 ngata teia no Reka. Ko ta Kenaza
puke tamariki; ko Otenicla ia, e ko
Seraia; e ko ta Otenicla puke tama-
14 riki, ko Hatata. Anau maira ta Meo-
notai ko Ophera: anau maira ta Seraia
ko Ioaba, te metua o to te o ra o te au
taunga, e au taunga rave angaanga oki
15 ratou. Ko nga tamariki a Kaleba te
tamaiti a Iephune; ko Iru ia, ko Ela,
e ko Naama: e ko nga tamariki a Ela
16 ra; ko Kenaza ia. Ko ta Iehalelela
puke tamariki; ko Zipa ia, e ko Zipha,
17 ko Tiria, e ko Asarccla. Ko ta Ezera
puke tamariki; ko Ietera ia, e ko Me-
reda, e ko Ephera, e ko Ialona; e anau
maira tana ko Miriam, e ko Samai, e
18 ko Iseba te metua o Esetemoa. Anau
maira te vaine nana ta Iehudia, ko
Iereda te metua o Gedora, e ko He-
bera te metua o Soko, e ko Iekutiela
te metua o Zanoa. Ko nga tamariki ia
a Bitia te tamaine a Phraai i raveia e
19 Mereda. E nga tamariki a te vaine
nana na Hodia te tuaine no Nahama, te
metua no Keila i Garami, e ko Esete-
20 moa i Maaka. Nga tamariki a Simona
ra; ko Amanona ia, e ko Rina, ko
Bene-hana, e ko Tilon. Ko ta Isi ra
puke tamariki; ko Zoheta ia, e ko
Bene-zoheta.
21 Nga tamariki a Sela te tamaiti a
Iuda ra; ko Era ia te metua o Leka, e
ko Lada te metua o Maresa, no te au
kopu-tangata o te are o ratou te anga-
anga i te oronga meitaki ra, no te are
22 o Asebea. E ko Iokima, e te au ta-
ngata no Kozela, e ko Ioasa, e ko
Sarapha, lei ia ratou te au i Moabi, e
Iasubi-Iehema. Mea taito ia au mea.
23 Ko te aronga potera ia, ko tei noo i roto
i te au rakau rikiriki e te pae kainga
ra: noo iora ratou i reira i o te ariki
ra, ei rave i tana angaanga.
24 Nga tamariki a Simeona ra; ko Ne-

mucla ia, e ko Iamina, ko Iariba, ko Zera, ko Saula; Ko tana tamaiti ra ko Saluma ia, ko tana tamaiti ra ko Mibesama ia, ko tana tamaiti ra ko Misama ia. E nga tamariki a Misama; ko tana tamaiti ra ko Hamuela ia, ko tana tamaiti ra ko Zakura ia, ko tana tamaiti ra ko Sime'i ia. Okotai ngauru ma ono a Sime'i tamariki e toko ono tamaine; kare ra i maata te tamariki a tona au taake, kare oki to ratou au kopu-tangata i maata, mei te tamariki a Iuda ra. Noo atura ratou i Bere-scha, e i Molada, e i Hazarasuala, E i Bila, e i Ezema, e i Tolada, E i Betucla, e i Horama, e i Zikelaga, E i Bete-marekabota, e i Hazara-susima, e i Bete-birei, e i Saarina. Ko to ratou ia au oire e tae rava akenei ki te au o Davida. E to ratou au vila, ko Etama, e ko Aina, ko Rimona, e ko Tokena, e ko Asana, e rima ia puke oire. E to ratou au vila katoa i akapini anga i taua au oire ra, e tae ua atu ki Baala. Ko to ratou ia noo anga, e ko to ratou teia anauanga.

E ko Mesobaba, e ko lameleka, e ko Iosa te tamaiti a Amazia, E ko Ioela, e ko Iehu te tamaiti a Iosibia, te tamaiti a Seraia, te tamaiti a Asicla, E Eliocnai, e ko Iaakoba, e ko Iesohaia, e ko Asaia, e ko Adiela, e ko Iesimiela, e ko Benaia, E ko Ziza te tamaiti a Siph'i, te tamaiti a Alona, te tamaiti a Iedia, te tamaiti a Simeri, te tamaiti a Semaia; Ko taua aronga i akakiteia nei te ingoa, e matniapo tutara anake ia i to ratou au kopu-tangata; e te ngutuare o to ratou ai metua tupu atura i te maata anga. Aere atura ratou ki o Gedora i to anga atu, ki te pae i te itinga o te ra ra i taua o ra, e kimi i te kai na ta ratou au anana. E kua kite atura ratou i to ngai kai maata e te meitaki, e te enua takatakaiu, e te noo marie ua, e te kanga kore; no ko ra i o Iama ra to reira tangata mei tupua mai. E taua aronga i tataia te ingoa nei, i te au ra o te ariki o Iuda o Hezekia, kua aere atura ratou e ta i to ratou puakapa, e te au are katoa i kitea i reira, e kua tairipoti rava ia ratou, e tae rava akenei ki teianei ra, e kua noo iora i reira ei tupau ia ratou; no te mea e kai to reira na ta ratou au anana.

Ri-ro atura oki *tetai pae* o ratou to te tamariki a Simeona, e rima anere tangata, ki te maunga ra ki Seira, e to ratou au kapena ko Peletia, e ko Nearia, e ko Iephaia, e ko Uziela, nga tamariki a Isi. Ta iora ratou i te toe-

nga o to Amaleka i ora ra, e kua noo iora i reira e tae rava akenei ki teianei ra.

PENE V.

Te uanga o Reubena i te tama mua a Iakoba: to Gad i to te kopu veenga o Manase; e to ratou riro tuikaa anga.

- 1 **T**E au tamariki a Reubena, te tama mua a Iseraela, (koa orai oki te tama mua; no te mea ra, kua akaviivii aia i te roi o tona metua tane, kua apai keia te meitaki o te tama mua ra ki te au tamariki a Iosepha, te tamaiti a Iseraela ra: kare oki i na te tama mua kia tatau i te anauanga. Ranka ua te meitaki i te anauanga ia Iosepha, kua maata atura Iuda i tona ra ai taake, e i ranka maira te mataiapo tutara iaia.)
- 2 Te au tamariki a Reubena, te tama mua a Iseraela; ko Hanoka ia, e ko Palu, ko Hezerona, e ko Karimi. Te tamariki a Ioela ra; ko tana tamaiti ra ko Semaia ia, ko tana tamaiti ra ko Goga ia, ko tana tamaiti ra ko Sime'i ia, ko tana tamaiti ra ko Mika ia, ko tana tamaiti ra ko Reaia ia, ko tana tamaiti ra ko Baala ia, ko tana tamaiti ra ko Becra ia, ko tei apai *tuikaaia* e te ariki o Asura e Tigelata-pilesera: ko tei maata ia i te ngati Reubena. E tona ra ai taake i to ratou ra au kopu-tangata, kia tatania to ratou uki i te anauanga, ko Ioela te mataiapo, e ko Zekaria, E ko Bela te tamaiti a Azaza, te tamaiti a Sema, te tamaiti a Ioela, ko tei noo i Aroera ra, e tae ua atura
- 9 ki Nebo e Baala-meona: E te pae katoa i te itinga o te ra tei noo katoaia e ia, e tae ua atu ki te tomoanga atu i te medebara i te pae o te vai ra ko Eupharate: kua maata oki ta ratou au
- 10 puaka i te enua ra i Gileada. E i te au ra o Saula ra kua tamaki iora ratou i te Hagara, ko tei inga i to ratou rima: noo iora ratou i to ratou ra au puakapa, e pini ua akera *te pae* i te itinga o te ra i te enua ra i Gileada.
- 11 Noo maira te tamariki a Gada i te pae i aite kia ratou, i te enua ra i Basana e tae atura ki Salaka: Ko Ioela te mataiapo, e ko Saphama i muri ake, o ko Ianai, e ko Saphata, i Basana.
- 13 E to ratou au taake no te ngutuare o to ratou ai metua, ko Mikaela ia, e ko Mesulama, e ko Seba, e ko Iorai, e ko Iakana, e ko Zia, e ko Ebera, toko itu.
- 14 Teia te au tamariki a Abihaila te tamaiti a Huri, te tamaiti a Laroa, te tamaiti a Gileada, te tamaiti a Mi-

kaela, te tamaiti a Iesisai, te tamaiti a Iado, te tamaiti a Buza; Ko Ahi te 15 tamaiti a Abadiela, te tamaiti a Guni, ko te mataiapo ia i te ngutuare o to ratou ai metua. E noo ratou i Gileada 16 i Basana, e to reira au oire, e te au kainga katoa ra i Sarona, i to ratou au kotinga. I tatauia ratou ravarai i to 17 ratou anauanga i te au rā o te ariki o Iuda o Iotama, e te au rā oki o te ariki o Iseraela o Ieroboama.

Te au tamariki a Reubena, e te ngati 18 Gada, e tetai pac i te kopu o Manase, e aronga toa anake, e rave rai i te paruru e te koke, e te akainana ana, e kua karape i te tamaki, e a ia ngauru e a ara i te tausani, e itu oki anere, e ono ngauru ara, ko tei tac ia ki te tamaki. Kua tamaki iora ratou i te Hagara, e 19 ia Ietura, e ia Naphisa, e ia Nadaba. Kua tauturuia ratou kia rave ia ratou, 20 e kua orongaia maira te Hagara i to ratou rima, e te aronga katoa i piri mai ia ratou: kua kapiki atura oki ratou ki te Atua i taua tamaki anga ra, e kua kite maira aia ia ratou; no te mea, kua irinaki ratou iaia. E kua apai ke ratou 21 i ta ratou au puaka, e rima ngauru i te tausani i te kamela, e rua anere e rima ngauru i te tausani i te mamoc, e rua tausani i te asini, okotai anere i te tausani i te tangata. E manganui 22 oki tei topa ki raro kua mate rava, no te mea, na te Atua taua tamaki ra. Noo iora ratou ei tupau ia ratou e tac ua atura ki to ratou uaoari tuika anga.

Noo iora te au tamariki o te kopu 23 veenga o Manase i taua enua ra: mei Basana e tac ua akera ki Baala-heremona, e ki Senira e tac ua atura ki te maunga ra ki Heremona, e kua maata atura ratou. Teia oki te aronga mataiapo i te ngutuare o to ratou ai metua, ko Ephra, e ko Isi, e ko Eliela, e ko Azeriela, e ko Ieremia, e ko Hodavia, e ko Iadicha, taua aronga mataiapo ra i te ngutuare o to ratou ra ai metua, e aronga toa ia, e aronga rongonui ia. Ara iora ra ratou i te Atua o to ratou 25 ai metua, e kua akaturi aere ratou i te au atua o te au tangata o te enua ra, tei pou i te Atua ki mua i to ratou aroaro. Kua akaarara maira te Atua o Iseraela 26 i te ngakau o te ariki no Asura no Pula, e te ngakau oki o Tigelata-pilesera e ariki rai no Asura, apai ke atura aia ia ratou, i te ngati Reubena, e te ngati Gada, e te kopu veenga o Manase, kave atura ia ratou ki Hala, e ki Habora, e ki Ara, e ki te vai i Gozana, e tac rava akenei ki teianei rā.

PENE VI.

Te au tamariki a Levi ra te kau tauunga ra: te au oire no te kau tauunga e te ngati Levi.

- 1 **N**GA tamariki a Levi ra; ko Geresona ia, ko Kohata, e ko Merari.
- 2 Nga tamariki a Kohata ra; ko Amerama, ko Izahara, e ko Heberona, e ko Uziela.
- 3 Nga tamariki a Amerama ra; ko Aaron ia, e ko Mose, e ko Miriapa. Nga tamariki a Aaron ra; ko Nadaba ia, e ko Abihu, ko Eleazara, e ko Itamara.
- 4 Anau maira ta Eleazara ko Phinehaza, anau maira ta Phinehaza ko Abisua, Anau maira ta Abisua ko Buki, anau maira ta Buki ko Uzi,
- 6 Anau maira ta Uzi ko Zerahia, anau maira ta Zerahia ko Meraiota, Anau maira ta Meraiota ko Amaria, anau
- 8 maira ta Amaria ko Ahituba, Anau maira ta Ahituba ko Zadoka, anau
- 9 maira ta Zadoka ko Ahimaaza, Anau maira ta Ahimaaza ko Azaria, anau
- 10 maira ta Azaria ko Iohanana, Anau maira ta Iohanana ko Azaria, koia tei rave i te taongata taunga i roto i te are i akautia e Solomona i Ierusalem ra:
- 11 Anau maira ta Azaria ko Amaria, anau
- 12 maira ta Amaria ko Ahituba, Anau maira ta Ahituba ko Zadoka, anau
- 13 maira ta Zadoka ko Saluma, Anau maira ta Saluma ko Hilikia, anau
- 14 maira ta Hilikia ko Azaria, Anau maira ta Azaria ko Seraia, anau maira
- 15 ta Seraia ko Ieozadaka. Riro aturū Ieozadaka ei tuikaa, ka kavē ai Iuda ma Ierusalem e Ichova i te rima o Nebukanceza ra.
- 16 Ko ta Levi ra puke tamariki; ko Geresona ia, e ko Kohata, e ko Merari.
- 17 Teia oki te ingoa o nga tamariki a Geresona; ko Libeni, e ko Simi. Ko nga tamariki a Kohata ra; ko Amerama ia, e ko Izahara, e ko Heberona, e ko Uziela.
- 18 Ko nga tamariki a Merari ra; ko Mahali ia, e ko Musi. Ko nga koputangata ngati Levi teia i to ratou ra ai metua. Ta Geresona; ko tana tamaiti ra ko Libeni ia, ko tana tamaiti ra ko Iahata ia, ko tana tamaiti ra ko Zima ia, Ko tana tamaiti ra ko Ido ia, ko tana tamaiti ra ko Zera ia, ko tana tamaiti ra ko Ieaterai ia. Te au tamariki a Kohata; ko tana tamaiti ra ko Aminadaba ia, ko tana tamaiti ra ko Korā
- 23 ia, ko tana tamaiti ra ko Asira ia, Ko tana tamaiti ra ko Elekana ia, ko tana tamaiti ra ko Ebiasapa ia, ko tana tamaiti ra ko Asira ia, Ko tana tamaiti

ra ko Tahata ia, ko tana tamaiti ra ko Uriela ia, ko tana tamaiti ra ko Uzia ia, ko tana tamaiti ra ko Saula ia. Te 25 tamariki a Elekana; ko Amasai ia, e ko Ahimota. *Ko ta* Elikana ia: ta 26 Elikana ra au tamariki; ko tana tamaiti ra ko Zophai ia, ko tana tamaiti ra ko Nahata ia, Ko tana tamaiti ra ko Eli- 27 aba ia, ko tana tamaiti ra ko Iero-hama ia, ko tana tamaiti ra, ko Elikana ia, *ko tana tamaiti ra, ko Samuela ia.* Nga tamariki a Samuela ra; *ko Ioela* 28 te tana mua, e ko tei muri ake ko Abia ia. Nga tamariki a Merari; ko 29 Mahali ia, ko tana tamaiti ra ko Li-beni ia, ko tana tamaiti ra ko Simi ia, ko tana tamaiti ra ko Uza ia, Ko tana 30 tamaiti ra ko Simea ia, ko tana tamaiti ra ko Hagia ia, ko tana tamaiti ra ko Asaia ia.

Teia oki *te au tangata* ta Davida i 31 akataka i runga o i te angaanga imene i roto i te are o Ichova, kua vaio uaia oki te aruna i reira. Kua tavini iora 32 ratou ma te imene ki mua i te sekene i te Are upanga ra, e oti rava akera te are o Ichova i te akauia i Ierusalem e Solomona; e mei reira oki rave atu-ra ratou i ta ratou taonga i akonoia ra. Teia oki taua aronga i raverave ra e ta 33 ratou oki au tamariki. To te au tamariki a Kohata: ko Hemana tumu imene, te tamaiti na Ioela, te tamaiti na Samuela, Te tamaiti na Elikana, te 34 tamaiti na Ierohama, te tamaiti na Eliela, te tamaiti na Toa, Te tamaiti 35 na Zuphe, te tamaiti na Elikana, te tamaiti na Mahata, te tamaiti na Amasai, Te tamaiti na Elekana, te tamaiti 36 na Ioela, te tamaiti na Azaria, te tamaiti na Zephania, Te tamaiti na Ta- 37 hata, te tamaiti na Asira, te tamaiti na Ebiasapa, te tamaiti na Kora, Te ta- 38 maiti a Izahara, te tamaiti a Kohata, te tamaiti a Levi, te tamaiti a Ise-raela.

E tona tacake ko Asapha, te tu na 39 ra ki tona rima katau: ko Asapha te tamaiti a Berakia, te tamaiti a Simea, Te tamaiti a Mikaela, te tamaiti a 40 Baaseia, te tamaiti a Malakia, Te ta- 41 maiti a Etini, te tamaiti a Zera, te tamaiti a Adaia, Te tamaiti a Etana, te 42 tamaiti a Zima, te tamaiti a Simeia, Te 43 tamaiti a Tahata, te tamaiti a Geresona, te tamaiti a Levi.

To ratou oki ai tacake i te au tama- 44 riki a Merari, *ko tui tu* i te rima kaui ra: ko Etana te tamaiti a Kisi, te tamaiti na Abadi, te tamaiti na Maluka, Te tamaiti na Haasabia, te tamaiti na 45 Amazia, te tamaiti na Hilikia, Te ta- 46

maiti a Amezi, te tamaiti a Bani, te 47 tamaiti a Samera, Te tamaiti a Mahali, te tamaiti a Musi, te tamaiti a Merari, te tamaiti a Levi.

48 I akonoia oki to ratou ai taeake te ngati Levi no te au angaanga katoa o 49 te sekene i te are o te Atua ra. E apai rā Aarona ma tana tamariki i to runga i te atarau tusia karakaratio, e to te atarau tumiama; e na ratou te au angaanga katoa a te ngai-tapu rava ra, e ei apai oki i te tapokiangaara na Iseraela, i tei akaueia mai e te tavini o te Atua ra e Mose.

50 Teia nga tamariki a Aaron; ko tana tamaiti ra ko Eleazara ia, ko tana tamaiti ra ko Phinehaza ia, ko tana 51 tamaiti ra ko Abisua ia, Ko tana tamaiti ra ko Buki ia, ko tana tamaiti ra ko Uzi ia, ko tana tamaiti ra ko 52 Zeraia ia, Ko tana tamaiti ra ko Meraiota ia, ko tana tamaiti ra ko Amaria ia, ko tana tamaiti ra ko Ahi- 53 tuba ia, Ko tana tamaiti ra ko Zadoka ia, ko tana tamaiti ra ko Ahima-za ia.

54 Teia oki te ngai i nooia e te au tamariki a Aaron i to ratou au puna-nga i to ratou au tapere, te au kopu-tangata ngati Kohata ra; to ratou 55 oki te tuanga mua ra. E kua orongaia mai ta ratou i te enua o Iuda, ko Heberona, e to reira au kainga 56 e pini ua ake. Kareka te au kainga i taua oire ra, e to reira au vila, kua orongaia ia kia Kaleba te tamaiti a 57 Iephune ra. E ki te au tamariki a Aaron kua oronga ratou i te au oire akapuanga, ko Heberona, e ko Libena, e to reira au kainga; e ko Iatira, e ko 58 Esetemon, e to reira au kainga, E ko Hilena e to reira au kainga, ko Debra 59 e to reira au kainga, E ko Asana e to reira au kainga, e ko Bete-semesa e to 60 reira au kainga. To te au oire o te kopu o Beniamina; ko Geba e to reira au kainga, e ko Alemeta e to reira au kainga, e ko Anatota e to reira au kainga. To ratou au oire katoa i to ratou au kopu-tangata, okotai ngauru ia ma toru.

61 E te toenga o te au tamariki a Kohata, to te kopu-tangata i te kopu o Levi, okotai ngauru ia oire i oronga kelerioia mai, no roto i te tuanga o te kopu veenga, koia te kopu veenga 62 o Manase ra. E to te au tamariki a Geresona, i to ratou ra au kopu-tangata, okotai ngauru ma toru oire i orongaia no roto i te kopu o Isakara, e no roto i te kopu o Asena, e no roto i te kopu o Naphatali, e no

roto i te kopu o Manase i Basana. To 63
te au tamariki a Merari ra, okotai
ngauru ma rua oire i *oronga* kelerora, i
to ratou ra au kopu-tangata, no roto i
te kopu o Reubena, e no roto i te kopu
o Gada, e no roto i te kopu o Zebuluna.
Kua *oronga* te tamariki a Isaraela ki 64
te ngati Levi, i taua au oire nei, e to
reira au kainga. I tuku kelerora mai 65
ta ratou no roto i te kopu o te tamariki
a Iuda, e no roto oki i te kopu o te
tamariki a Simeona, e no roto oki i te
kopu o te tamariki a Beniamina, ko
teianeī *ia* aronga oire, i akaikiia te in-
goa nei.

E oire katoa i to ratou au tapere, to 66
tetai pae kopu-tangata i te au tamariki
a Kohata, no roto i te kopu o Ephe-
raima. Ko Sekema tei *oronga* mai 67
no ratou, e oire akapunga i te maunga
ra i Epheraima, e to reira au kainga;
ko Gezera katoa e to reira au kainga,
E ko Iokemeama e to reira au kainga, 68
E ko Bete-horona e to reira au kainga,
E ko Ajalona e to reira au kainga, e ko 69
Gata-rimona e to reira au kainga: E 70
no roto i te kopu veenga o Manase ra;
ko Anera e to reira au kainga, e ko
Bileama e to reira au kainga: no te
kopu-tangata toenga no te au tamariki
a Kohata *ia*. *Kua orongaia* no te au 71
tamariki a Geresona, ko Golana i Ba-
sana, no roto i te kopu-tangata o te
kopu veenga o Manase, e to reira au
kainga, e ko Asetarota e to reira au
kainga: E no roto i te kopu o Isakara 72
ra; ko Kedesa e to reira au kainga,
e ko Daberata e to reira au kainga,
E ko Ramota e to reira au kainga, e ko 73
Anema e to reira au kainga: E no roto 74
i te kopu o Asera ra; ko Masala e to
reira au kainga, e ko Abadona e to
reira au kainga, E ko Hukoka e to 75
reira au kainga, e ko Rehoba e to reira
au kainga: E no roto i te kopu o Na- 76
phatali; ko Kedesa i Galilea e to reira
au kainga, e ko Hamona e to reira au
kainga, e ko Kiriataima e to reira au
kainga.

No roto i te kopu o Zebuluna *kua* 77
oronga no tetai pae o te au tamariki
a Merari, ko Remona e to reira au
kainga, ko Tabora e to reira au kainga:
E tae akera ki tetai pae Ioridana i 78
vaitata i Ieriko, i te pae i te itinga o te
rā i Ioridana ra, *kua orongaia* no ratou
no roto i te kopu o Reubena, ko Bezera
i te medebara e to reira au kainga, e
ko Iahaza e to reira au kainga, Ko 79
Kedemota katoa e to reira au kainga,
e ko Mephaata e to reira au kainga:
E no roto i te kopu o Gada; ko 80

Ramota i Gileada e to reira au kainga,
e ko Mahanaima e to reira au kainga,
81 E ko Hesebona e to reira au kainga,
e ko Iazera e to reira au kainga.

PENE VII.

*Te au tamariki a Isakara ra, e na
Beniamina; ta Naphatali, ta Ephe-
raima, e ta Asera.*

- 1 **N**GA tamariki a Isakara ra; ko
Tola *ia*, e ko Pua, ko Iasuba, e ko
- 2 Simerona, toko a. Nga tamariki a
Tola ra; ko Uzi *ia*, e ko Rephaia, e ko
Ieriel, e ko Iamai, e ko Ibesama,
e ko Semuella, e aronga mataiapo
ia i te ngutuare o to ratou metua
ra o Tola: e aronga toa ririnui *ia* i to
ratou ra au uki; i te au rā o Davida
ra, okotai takau tausani ma rua ratou,
- 3 e ono oki anere, kia tatau ra. E te
tamariki a Uzi; ko Izarahia *ia*: e nga
tamariki a Izarahia ra; ko Mikaela *ia*,
e ko Obadia, e ko Ioela, e ko Isia, toko
- 4 rima: e ui mataiapo anake *ia*. E no
roto *ia* ratou ra, i to ratou ra anauanga,
i te ngutuare o to ratou ra ai metua, e
aronga takanava toa tamaki *ia*, e toru
ngauru e ono ara i te tausani: e ma-
nganui oki ta ratou vaine e te tamariki.
- 5 E to ratou ai taeake i te au kopu-ta-
ngata katoa i o Isakara, e aronga toa
ririnui anake *ia*, i te tatau angaia to ra-
tou ra au uki katoa, e varu *ia* ngauru
e itu ara i te tausani.
- 6 Ta Beniamina; ko Bela *ia*, e ko
- 7 Bekera, e ko Iediaela, toko toru. Ko
ta Bela ra tamariki; ko Ezeboha *ia*, e
ko Uzi, e ko Uziela, e ko Ierimota, e
ko Iri, toko rima; e ui mataiapo *ia* i te
ngutuare o to ratou ai metua, e aronga
toa ririnui i te tatau angaia, i to ratou
ra uki ra, okotai takau ma rua i te
- 8 tausani, e toru ngauru, e a ara. E nga
tamariki a Bekera ra; ko Zemira *ia*, e
ko Ioasa, e ko Eliezera, e ko Elioenai,
e ko Omeri, e ko Ierimota, e ko Abia,
e ko Anatota, e ko Alameta. E tama-
- 9 riki anake *ia* na Bekera. E to ratou
tu i te rainga, i to ratou anauanga i to
ratou au uki; e aronga mataiapo i te
ngutuare o to ratou ai metua, e aronga
toa ririnui, okotai takau *ia* i te tausani
- 10 e rua oki anere. Ta Iediaela tamariki;
ko Bilehana: ko ta Bilehana au tama-
riki; ko Ieusa *ia*, e ko Beniamina, e ko
Ehuda, e ko Kenaana, e ko Zetana, e ko
- 11 Taresisa, e ko Ahisaara. Nga tamariki
anake *ia* na Iediaela; e aronga mata-
iapo tutara, e aronga toa ririnui, okotai
ngauru ma itu *ia* i te tausani, e rua
oki anere, e tau *ia* kia aere ki te ka-

ronga tamaki. Ko Supima oki, e ko 12
Hupima, nga tamariki ia a Ira; ko
Husima ra, e tamaiti ia na Ahera.

Nga tamariki a Naphatali ra; ko 13
Iahaziela ia, e ko Guni, e ko Iezera, e
ko Saluma, nga tamariki ia na Bila.

Nga tamariki a Manase; ko Aseriela, 14
ta tana vaine ra i anau: anau maira ta
te palake Arama nana ra, ko Makira te
metua o Gileada: Kua akaipoipo iorū 15
Makira i te tuaine no Hupima raua ko
Supima, ei vaine *nana*, ko Maaka tona
ingoa; e te ingoa o te toko rua ko
Zelophehada ia: e puke tamaine oki
ta Zelophehada. Anau maira te vaine 16
a Makira ra ko Maaka e tamaiti, tapa
iora aia i te ingoa ko Peresa; e te
ingoa o tona taeake, ko Seresa ia; e
ana puke tamariki ko Ulama e ko
Rakema. E te tamariki a Ulama ra; 17
ko Bedana ia. Ko nga tamariki teia a
Gileada, te tamaiti a Makira, te tamaiti
a Manase. E tona tuaine ko Hamole- 18
keta, anau maira tana ko Isoda, e ko
Abiezera, e ko Mahala. Ko nga tama- 19
riki a Semida ra; ko Ahiana ia, e ko
Sekema, e ko Likehi, e ko Aniamia.

Ko ta Ephernima au tamariki; ko 20
Sutela ia, ko tana tamaiti ra ko Bereda
ia, ko tana tamaiti ra ko Tahata ia, ko tana
tamaiti ra ko Elada ia, ko tana tamaiti ra
ko Tahata ia, Ko tana tamaiti ra ko Za- 21
bada ia, e ko tana tamaiti ra ko Sutela
ia, e ko Ezera, e ko Eleada, ko tei taia e
te tangata uenua ra e to Gata, no te mea
i aere mai ratou ki raro e noni i ta
ratou au puaka. Kua aue iora to ratou 22
metua ko Ephernima *ia ratou* e ma-
nganui te rā, e kua aere maira te au
taenke e akarekareka mai iaia. Kua 23
moe iora aia i tana vaine, e kua to iora,
e anau maira e tamaiti, tapa iora i te
ingoa ko Beria, no te mea tei roto i tona
ngutuare te tumatetenga. Ko Sera te 24
ingoa o tana tamaine; nana i patu i te
oire ra ko Bete-horona i raro, e to
runga katoa, e ko Uzena-sera. Ko tana 25
tamaiti ra ko Repha ia, e ko Resepha
oki, ko tana tamaiti ra ko Tela ia, ko
tana tamaiti ra ko Tabana ia, Ko tana 26
tamaiti ra ko Laudana ia, ko tana ta-
maiti ra ko Amiuda ia, ko tana tamaiti
ra ko Elisama ia, Ko tana tamaiti ra 27
ko Nona ia, ko tana tamaiti ra ko
Iosua ia.

E to ratou au kainga e te au nooanga, 28
ko Betela ia, e to reira au vila; ko
Naarana oki, tei te itinga o te rā; ko
Gezera oki e to reira au vila, tei te
opunga o te rā; ko Sekema oki e to
reira au vila, e ko Gaza e to reira au
vila: E tei te au pae enua o te tama- 29

riki a Manase, ko Bete-seana ia e to
reira au vila, ko Taanaka e to reira au
vila, ko Megido e to reira au vila, ko
Dora e to reira au vila. I reira te au
tamariki a Iosepha te tamaiti a Isaraela,
i te noo anga.

30 Te au tamariki a Asera ra; ko
Iimina ia, e ko Isua, e ko Isuai, e ko
31 Beria, e ko Sera to ratou tuaine. E
nga tamariki a Beria; ko Hebera ia,
e ko Malakiela, te metua o Birazavita.
32 Anau akera ta Hebera ko Iapheleta, e
ko Somera, e ko Hotama, e ko Sua
33 to ratou tuaine. Ko nga tamariki a
Iapheleta; ko Pasaka ia, e ko Bimeala,
e ko Asavata. Ko nga tamariki ia a
34 Iapheleta. Ko nga tamariki a Samera;
ko Ahi ia, e ko Roga, ko Ielhuba, e ko
35 Arama. Ko nga tamariki a tona taeake
a Helema; ko Zopha ia, e ko Imena, e
36 ko Selesa, e ko Amala. Ko nga tama-
riki a Zopha; ko Sua ia, e ko Harene-
phara, e ko Suala, e ko Beri, e ko
37 Imera, ko Bezera, e ko Oda, e ko
Sama, e ko Silesa, e ko Iterana, e ko
38 Beera. Ko nga tamariki a Ietera; ko
Iephune ia, e ko Pisipa, e ko Ara.
39 Ko nga tamariki a Ula ra; ko Ara ia, e
40 ko Haniela, e ko Rezia. Ko te au ta-
mariki anake ia a Asera, e aronga ma-
taiapo i te ngutuare o to ratou ai metua,
e aronga ikinia e te toa ririnui, e mataia-
po tutara anake ia. E te aronga e tau
kia aere ki te karonga tamaki, kia
tataua to ratou anauanga, okotai takau
ia ma ono i te tausani i te tangata.

PENE VIII.

*Te au tamariki e te aronga mamaata o
Beniamiana.*

1 **A**NAU akera ta Beniamina, ko Bela
te tama mua ia, ko Asebel te
2 toko rua, ko Ahara te toko toru, Ko
Noha te toko a, e ko Rapha te toko
3 rima. Ko nga tamariki a Bela ra; ko
4 Adara ia, e ko Gera, e ko Abiuda, E
5 ko Abisua, e ko Naamana, e ko Ahoa, E
ko Gera, e ko Sephuphana, e ko Hurama.
6 Ko nga tamariki teia a Ehuda: ko to
Geba teia aronga mataiapo tutara, ko
7 tei apaiia ki Manahata: Ko Naamana,
e ko Ahia, e ko Gera oki, tei apai ia
ratou ra; anau akera tana ko Uza, e ko
8 Ahihuda. Anau akera ta Saharaima
i te enua ra i Moabi, i muri ake i te tuku
anga ia ratou; ko Husima, e ko Baara,
9 nga vaine ia nana. Anau akera tana i te
vaine nana ia Hodesa, ko Iobaba, e ko
10 Zibia, e ko Mesa, e ko Malekama, E
ko Ieuza, e ko Sakaia, e ko Mirama.
Ko nga tamariki ia nana, e aronga ma-

taiapo tutara. Anau akera tana ia 11
Husima ko Ahituba, e ko Elepaala.
Ko ta Elepaala puke tamariki; ko 12
Ebera ia, e ko Misama, e ko Samera;
ko tei patu ia Ono, e ia Loda, e to reira
au vila: Ko Beria katoa, e ko Sema; 13
ko nga mataiapo tutara ia i to Aialona,
ko tei ati to Gata ia ratou ra: E ko 14
Ahio, ko Sasaka, e ko Ieremota, E 15
ko Zebedai, e ko Arada, e ko Adera,
E ko Mikaela, e ko Isepa, e ko Ioha, 16
ko nga tamariki ia a Beria ra; E ko 17
Zebedai, e ko Mesulama, e ko Hezeki,
e ko Hebera, E ko Isemcerai, e ko 18
Iezilia, e ko Iobaba, ko nga tamariki
ia a Elepaala; E ko Iakima, e ko Zi- 19
keri, e ko Zabadi, E ko Elienai, e ko 20
Zilitai, e ko Eliela, E ko Adaia, e ko 21
Beraia, e ko Simerata, ko nga tamariki
ia a Simi; E ko Isapana, e ko Ebera, 22
e ko Eliela, E ko Abedona, e ko Zikeri, 23
e ko Hanana, E ko Hanania, e ko 24
Elama, e ko Anetotia, E ko Iphedeia, 25
e ko Penuela, ko te au tamariki ia na
Sasaka; E ko Sameserai, e ko Scharia, 26
e ko Atalia, E ko Iaresia, e ko Elia, e 27
ko Zikeri, ko te au tamariki ia a Iero-
hama. E aronga mataiapo tutara teia i 28
to ratou ra anauanga, e aronga mataiapo.
E noo taua aronga nei i Ierusalem.
Te noo rā *Iehiela* i Gibeona, te metua 29
no Gibeona; ko Maaka te ingoa o te
vaine nana ra: E te tama mua nana ra 30
ko Abadona ia, e ko Zura, e ko Kisa, e
ko Baala, e ko Nadaba, E ko Gedora, 31
e ko Ahio, e ko Zakera. Anau akera 32
ta Mikelota ko Simca. E noo katoa
ratou ki o to ratou ai tacake i Ierusa-
lema, i vaiata i to ratou au tacake.

Anau akera ta Nera ko Kisa, anau 33
akera ta Kisa'ko Saula, anau akera ta
Saula ko Ionatana, e ko Malekisua, e
ko Abinadaba, e ko Esebaala. Ko 34
ta Ionatana tamaiti ko Meri-baala;
anau akera ta Meri-baala ko Mika. Ko 35
nga tamariki a Mika ra; ko Pitona ia,
e ko Meleka, e ko Turea, e ko
Ahaza. Anau akera ta Ahaza ko 36
Ichonda, anau akera ta Ichonda ko
Alameta, e ko Azamaveta, e ko
Zimeri; e anau akera ta Zimeri ko
Moza, Anau akera ta Moza ko Bi- 37
nea: ko tana tamaiti ra ko Rupha
ia, ko tana tamaiti ra ko Eleasa
ia, ko tana tamaiti ra ko Azela ia:
Toko ono a Azela tamariki, teia to ra- 38
tou puke ingoa, ko Azerikama, ko
Bokeru, e ko Isemaela, e ko Searia,
e ko Obadia, e ko Hanana. Ko te au
tamariki anake ia a Azela. E nga ta- 39
mariki a tona taenke a Ezekia, ko
Ulama ia tana tama mua, ko Ieusa te

toko rua, e ko Elipheleta te toko toru.
40 E aronga toa rinui anake taua au
tamariki a Ulama ra, e aronga akai-
nana ana, e manganui ta ratou tama-
riki, e te utaro, okotai anere e rima
ngauru. To te au tamariki anake ia a
Beniamina.

PENE IX.

*Te aronga i noo i te enua ra i muri
ake i te tuikaa anga.*

- 1 **T**AATAUIA oki Iseracla katoatoa i
to ratou ra anauanga; e i na, kua
tataia iora ratou i roto i te buka a te
au ariki o Iseracla, e o Iuda, ko tei
apai keia ki Babulonia i ta ratou ra ara.
- 2 Te aronga i noo ana i to ratou ra
enua, i to ratou ra au oire, *ko teia ia*,
ko to Iseracla, te kau taunga, te ngati
- 3 Levi, e te au Netini. To te au tamariki
a Iuda i noo i Ierusalem, e to te
au tamariki a Beniamina, e to te au
tamariki a Epheraima, e ta Manase;
- 4 Ko Utai ia te tamaiti a Amiuda, te
tamaiti a Omeri, te tamaiti a Imeri,
te tamaiti a Bani, no te au tamariki a
- 5 Phareza te tamaiti a Iuda. E to te
Silo ra; ko Asaia te tama mua, e tana
- 6 ra au tamariki. E to te au tamariki
a Zera ra; ko Ienela, e to ratou ai
taenke, e ono ia anere e iva ngauru.
- 7 To te au tamariki a Beniamina; ko
Salu te tamaiti a Mesulama, te tamaiti
- 8 a Hodavia, te tamaiti a Hasenua, E
ko Ibeneia te tamaiti a Ierohama, e ko
Ela te tamaiti a Uzi, te tamaiti a Mi-
keri, e ko Mesulama te tamaiti a
- 9 Sephatia, te tamaiti a Reuela, te ta-
maiti a Ibenia; E to ratou ai taenke,
i to ratou anauanga, e iva ia anere e
rima ngauru e ono ara. E aronga
mataiapo tutara anake ia i te ngutuare
o to ratou ai metua.
- 10 To te aronga taunga ra; ko Iedaia,
11 e ko Icoiariba, e ko Iakina, E ko
Azaria te tamaiti a Hilikia, te ta-
maiti a Mesulama, te tamaiti a Za-
doka, te tamaiti a Meraiota, te tamaiti a
Ahituba, e kavana ia i te are o te
- 12 Atua; E ko Adaia te tamaiti a Iero-
hama, te tamaiti a Pasahura, te ta-
maiti a Malekia, e ko Maasia te tamaiti
a Adiela, te tamaiti a Iazera, te ta-
maiti a Mesulama, te tamaiti a Mes-
13 lemita, te tamaiti a Imera. Taua
aronga mataiapo ra i te ngutuare o to
ratou ai metua, e to ratou ai taenke,
okotai ia tausani e itu anere e ono
ngauru; e aronga tangata maroiroi ia
i te rave anga i te taonga i te are o te
Atua.

E to te au ngati Levi ra : no te au 14
 tamariki a Merari ra ; ko Semaia ia,
 te tamaiti a Hasuba, te tamaiti a Aze-
 rikama, te tamaiti a Hazabia ; E ko 15
 Bakabakara, ko Heresa, e ko Galala,
 e ko Matania te tamaiti a Mika, te ta-
 maiti a Zikeri, te tamaiti a Asapha ;
 E ko Obadia te tamaiti a Semaia, te 16
 tamaiti a Galala, te tamaiti a Iedu-
 tuna, e ko Berekia te tamaiti a Asa,
 te tamaiti a Elikana, tei noo i te au
 vila o te au Netopha. E te aronga tiaki 17
 ngutupa ; ko Saluma ia, e ko Akuba,
 e ko Talemona, e ko Ahimana, e to ra-
 tou ai taeake : ko Saluma ra te ta-
 ngata maata. Tei te ngutupa o te ariki 18
 ra i te pae i te itinga o te rā ra, nga
 tiaki ngutupa : te reira i te au pupu
 tamariki a Levi ra. Ko Saluma te 19
 tamaiti a Kore, te tamaiti a Ebiasapa,
 te tamaiti a Kora, e to na ra au taeake,
 no te ngutua o tona metua, i te ngati
 Kora, ko rungao ia i te rave anga i te
 taoonga, e aronga tiaki ngutupa no te
 Are : *mei* to ratou ai metua i tiaki i
 te tomoanga o te puakapa o Iehova ra.
 E ko Phinehaza te tamaiti a Eleazara, 20
 te kavana ia ki rungao ia ratou i mua-
 tangana, kua vaitatū Iehova iaia ra.
 E ko Zekaria te tamaiti a Meselema 21
 te tiaki ngutupa ia i te Are upianga.
 Tana aronga katoa i ikiia ei tiaki ngu- 22
 tupa ra, e rua ia anere okotai ngauru
 ma rua. I tatauia tana aronga ra i to
 ratou anauanga, i to ratou au vila, *mei*
 ta Davida e te akara rā Samuela i
 akono i ta ratou ra taoonga. Tei ia 23
 ratou atura, e tei ta ratou au tamariki,
 te tiaki i te au ngutupa i te are o Ie-
 hova, koia te are o te sekene, kua tiaki
 pupu ia. I akanooia te aronga tiaki i 24
 nga pae e a o te iero ra ; tei te pae i
 te itinga o te rā, e te opunga o te rā,
 tei te pae i apatokerau, e i apatonga.
 E to ratou ai taeake i noo i to ratou au 25
 vila, e aere katoa mai, tatakai po itu *ka*
aere mai ei, e akapera ua atu rai ratou.
 E tana au ngati Levi ra, ko nga tiaki 26
 ngutupa mamaata toko a ra, *kua aka-*
nooia i ta ratou ra taoonga, e tei run-
 gao i te au pia, e te au vairanga
 apinga, i te are o te Atua ra. I aka- 27
 pini ei ratou i tana are o te Atua ra i
 te noo anga, no te mea tei ia ratou te
 tiaki, e te eou ānga oki i *te au pa* i te
 au popongi katoa ra, tei ia ratou ia.
 E tei tetai pae o ratou te tiaki i te au 28
 āriki no te angaanga, kia tatauia kia
 apai mai ki roto e ki vao. Kua akonoia 29
 oki tetai pae ei tiaki i tana au āriki ra,
 e te au apinga katoa o te ngai-tapu
 ra, e te faraoa pueu, e te winā, e te

manongi, e te tumiama, e te au rakau
 30 kakara. Na te au tamariki a te kau
 taunga i anga i te manongi i te rakau
 31 kakara. E na Matitia ngati Levi, te
 tama mua na Saluma, e ngati Kora,
 tei iaia te tiaki i runga i te au mea i
 32 tunu panii ra. E tetai pae taeake o
 ratou, o te ngati Kohata, tei runga ia
 i *te rarerave* i te areto o te aroaro, e
 te akanoonoo marie anga i te au sa-
 33 bati katoa ra. Teia te aronga imene,
 e mataiapo metua ngati Levi anake,
tei noo ua i roto i te au pia, kua vao
 ua ia ratou, no te mea kua rave uaorai
 ratou i te angaanga i te po e te ao.
 34 Ko te au mataiapo metua ngati Levi
 teia, e aronga mataiapo ia i to ratou
 ra anauanga ; kua noo tana aronga ra
 i Ierusalemā.
 35 I Gibeona to te metua tane o Gibe-
 ona ra ko Iehiela i te noo anga, ko
 36 Maaka te ingoa o te vaine nana. E te
 tama mua nana ra ko Abadona ia, e
 ko Zura, e ko Kisa, e ko Baala, e ko
 37 Nera, e ko Nadaba, E ko Gedora, e ko
 Ahio, e ko Zekaria, e ko Mikelota.
 38 Anau akera ta Mikelota ko Simeama ;
 tei Ierusalemā ratou katoa i te noo
 anga e to ratou ai taeake katoa ra, i
 39 vaitata i to ratou au taeake. Anau
 akera ta Nera ko Kisa, anau akera ta
 Kisa ko Saula, anau akera ta Saula ko
 Ionatana, e ko Malekisua, e ko Abina-
 40 daba, e ko Esebaala. Ko ta Ionatana
 tamaiti ko Meri-baala ia, anau akera
 41 ta Meri-baala ko Mika. Ko ta Mika
 ra puke tamariki ko Pitona ia, e ko
 42 Meleka, e ko Tarea, e ko Ahaza. Anau
 akera ta Ahaza ko Iara, anau akera
 ta Iara ko Alemeta, e ko Azemaveta,
 e ko Zimeri ; anau akera ta Zimeri ko
 43 Moza. Anau akera ta Moza ko Binea ;
 e ko tana tamaiti ra ko Rephaia ia, ko
 tana tamaiti ra ko Eleasa ia, ko tana
 44 tamaiti ra ko Azela ia. Toko ono a
 Azela tamariki, teia to ratou au ingoa,
 ko Azerikama, ko Bokern, ko Ise-
 maela, ko Searia, ko Obadia, e ko
 Hanana ; ko nga tamariki ia a Azela.

PENE X.

*E tuatua no te ora anga e no te ma-
 tenga kutoa o Saula ra.*

- 1 **K**UA tamaki maira te Philiseti ia
 Iseraela ; e kua ati iora to Ise-
 raela i te Philiseti, tarawa aere ua iora
 ki runga i te maunga ra ko Gilaboa,
 2 kua mate rava. Kua aruaru viviki
 atura te Philiseti ia Saula, e nga ta-
 mariki nana ; kua ta iora te Philiseti
 ia Ionatana, e ko Abinadaba, e ko Ma-

lekisua, nga tamariki ia a Saula. Riro atura te tamaki ki runga ia Saula i reira, e kua tu iora aia i te aronga akainana kakao, puta iora aia i taua aronga akainana kakao ra. Kua karanga aturā Saula ki te apai taoonga tamaki nana ra, Ka unui ana i te koke naau ra, e ko mai iaku i te reira e kia mama rava; ko te aere mai aea teianei aronga peritome koreia, e ko te takinga-kino mai aea iaku. Kare ake-ra i tika i taua apai taoonga tamaki nana ra; kua maata rava oki tona mataku. Kua rave iorā Saula i te koke, e kua akainga ua iora aia ki rungao. E kia akara maira taua apai taoonga nana ra e kua mate a Saula, kua akainga ua iora aia ki rungao i te koke, mate iora. Ko Saula, kua mate ia, e nga tamariki nana toko toru, e te ngutuare katoa nona, okotai rai mate anga. Kite akera to Iseraela katoa i noo i te o ra o *Iezereela*, e kua ati ratou, e kua mate a Saula e nga tamariki nana, kua akaruke iora ratou i to ratou au oire, e kua oro; e kua aere maira te Philiseti, kua noo iora ki roto.

E ao akera, kia aere mai te Philiseti e tatara i te kakau o te aronga i mate ra, kua kitea e ratou a Saula e nga tamariki ana, kua mate i runga i te inaunga ra ko Gilaboa. Kua taratara iora ratou i tona kakau, e oti ake-ra, kua rave iora i tona mimiti, e nga taoonga tamaki nana ra, e kua tono i te karere e pini ua ake taua enua o te Philiseti ra, e akakite aere ki to ratou au idolo ra, e ki te tangata ravarai. Kua tuku iora ratou i te taoonga tamaki nana ra ki roto i te are o Dagona. Kite akera to Iabesa-gileada i ta te Philiseti i rave ia Saula ra, Kua tu akera te aronga toa ravarai, e kua rave maira i te kopapa o Saula ra, e nga kopapa o nga tamariki ana ra, e kua apai maira ia ratou ki Iabesa, e kua tanu iora i to ratou au ivi ki raro ake i tetai ale i Iabesa, e kua neseteia iora e po itu akera.

Mate iorā Saula i tana ara i rave ia Iehova ra, i te akono kore i te tuatua a Iehova, e te ui ki te taura vacrua kino; Kare oki aia i ui kia Iehova, i mate ei aia iaia, ruria akera te au ki te tamaiti a Iese ra kia Davida.

PENE XI.

Ko Davida i te ariki anga i Heberona ra: i te maroiri o Ioaba i rauka iaia Iebusi: to Davida au toa nunui.

- 1 **K**UA akaputuputu maira to Iseraela katoatoa kia Davida ra ki Heberona, tuatua maira, I na, ko toou
- 2 ra ivi ko matou ia e toou ra kiko. I muatangana iora oki, ka ariki ei a Saula ra, ko koe tei arataki ia Iseraela ki vao, e naau i akaoki mai ia Iseraela: e kua tuatua mai oki to Atua ra ko Iehova kia koe, Naau e angai i toku iti-tangata ia Iseraela; e ei tutara oki koe i toku ra iti-tangata ia Iseraela.
- 3 Kua aere anake maira te aronga pakari o Iseraela ki te ariki ra ki Heberona; kua papau iorā Davida i tetai korcromotu ia ratou i Heberona ki mua i te aroaro o Iehova; kua akatainu iora ratou ia Davida ei ariki ki runga ia Iseraela, i te tuatua oki a Iehova ia Samuela ra.
- 4 Kua aere iorā Davida e Iseraela ravarai ki Ierusalem, koia oki Iebusi; tei reira te ngati Iebusi, te aronga ue-nua ra, *i te noo anga*. Kua tuatua maira to Iebusi kia Davida, Kare koe e aere mai i ko nei. Rauka iora ra te punanga o Ziona ia Davida, koia oki
- 6 te oire no Davida. Kua karanga aturā Davida, Ko tei pou ana iaia te ngati Iebusi ra, ka riro ia ei maata e te kapena. E ko Ioaba te tamaiti a Zerua tei riro ana ki runga, e koia tei maata.
- 7 Kua noo iorā Davida ki roto i tana punanga ra; tapai iora e ratou ko
- 8 te oire o Davida. Kua patu akera aia i taua oire ra e pini ua ake, mei Milo mai e pini ua ake: ko te toenga ra o taua oire ra, kua patu akaouia ia
- 9 e Ioaba. Te tupu ra oki to Davida mana e maata ua atura: no te mea tei iaia Iehova Sabaota.
- 10 Teia oki nga tangata toa maata i o Davida ra, ko tei tauturu mai iaia, *ratou* e to Iseraela katoa oki, kia rauka iaia te basileia, i te akaariki anga atu iaia, i ta Iehova oki i tuatua mai ia
- 11 Iseraela ra. Teia oki te tatau anga i taua aronga toa i o Davida ra; Ko Iasobeama ngati Hakemoni, ko tei maata ia i nga kapena ra: kua tāki atura i tana korare, ta atura i te *aronga tangata* e toru anere i te tainga okotai.
- 12 E muri ake iaia, ko tetai i aua nga tangata toa toko toru ra, ko Eleazara
- 13 te tamaiti a Dodo e ngati Ahohi. I

vaitata aia ia Davida i Phasa-damima, ka putupu e te Philiseti ki reira i te tamaki ra, i reira tetai kotinga kainga i ki i te kerite; oro atura te tangata i mua i te aroaro o te Philiseti. Tu 14 iora ratou i roto i taua kainga ra, e kua akaora atura, ta iora i te Philiseti; ora rava atura *ratou* ia Ichova, e ora maata rava atura.

Aere atura e toko toru no taua aro- 15 nga mamaata ra e toru ngauru ra, e tae atura ki raro kia Davida ra ki te mato ra, ki te ana a Aduluma; te puakapaia ra te nuku Philiseti i te o ra i Rephaima. Tei roto a Davida i taua 16 punanga ra, e tei Betelchema te Philiseti i te tiaki anga. Kua kaki akerā 17 Davida i te vai, e kua tuatua akera, Naringa tetai e oronga mai i tetai mangu vai i te ruavai i Betelchema, i te pae ngutupa ra e! Kua tiki ua 18 atura aua nga tangata toko toru ra na roto ua atura i te nuku Philiseti ra, e kua uti iora i te vai i taua ruavai i te pae ngutupa i Betelchema ra, kua rave maira, e kua apai maira kia Davida ra; kare akerā Davida i inu, kua riringi ra ki mua ia Ichova. E kua tuatua 19 akera aia, Auraka rava au, e taku Atua, kia akapera; ka inu ainei oki au i te toto o eianei puke tangata, ko tei akaruru ua i to ratou mate? Kua akaruru oki ratou i to ratou mate, i te apai anga mai i *teianei vai*. Kare akera aia i inu. I pera aua nga tangata 20 toa toko toru ra.

E ko Abisai te taeake o Ioaba, ko 20 tei maata ia i nga tangata toko toru ra: kua tiki akera aia i tana korare ki runga, ta atura i te au tangata e toru anere; rauka iora iaia te ingoa i nga tangata toko toru ra.

Ko te tangata ia i maata i aua nga 21 tangata toko toru ra, riro atura aia ei kapena i rungao; kare rai i taea iaia nga tangata toko toru i *muatangana* ra. Ko Benaia te tamaiti a Iehoiada, e 22 tamaiti aia na tetai tangata toa i Kabazeela, kua maata katoa tana au ravenga; e rua katoa ana puke liona tuputupua i ta i Moabi: e kua eke aia ki raro e kua ta rai i tetai liona i roto i te vaarua i te tuatau kiona. Kua ta oki aia i 23 tetai tangata Aiphiti, e tangata roa, e rima kubiti te roa; e korare rai oki tei te rima o taua tangata Aiphiti ra, mei te menura a te raranga kakau ra; aere atura aia kiaia ra, ma te rakau tokoto- 24 toko, kua aō iora taua korare ra i te rima o te Aiphiti ra, kua ta atura iaia ki te korare nana uarai. I akapera atura Benaia te tamaiti a Iehoiada, i rauka i

tona ingoa i nga tangata toa toko toru nei. 25 I na, kua maata rai aia i te au tangata e toru ngauru ra; kare ra i taea iaia nga tangata toko toru i *muatangana* ra. Tukuia akera aia e Davida no runga i tona ra pupu vacau.

26 Ko Asahela oki tetai i taua aronga toa no te nuku ra, e taeake no Ioaba; ko Elihanana te tamaiti a Dodo i Bete- 27 lehema ra, Ko Samota i Harori, e ko 28 Heleza i Peloni, Ko Ira te tamaiti a Ikasa i Tekoa ra, ko Abiezera i Anatota, 29 Ko Sibekai i Husai, ko Ila i Aholi, 30 Ko Maharai i Netopha, ko Heleda te 31 tamaiti a Baana i Netopha, Ko Itai te tamaiti a Ribai no ko i Gibeā ra, no te au tamariki a Beniamina, ko Benaia 32 i Piratoni, Ko Hurai no ko i nga kau- 33 vai i Gaasa ra, ko Abicla i Araba, Ko Azamaveta i Baraumi, ko Eliaba i 34 Saalaboni, Ko nga tamariki a Hasema i Gizoni, ko Ionatana te tamaiti a Sage 35 i Harari ra, Ko Ahima te tamaiti a Sakara i Harari ra, ko Eliphala te ta- 36 maiti a Ura, Ko Hepera i Mekera, 37 ko Ahia i Peloni, Ko Hezero i Karamela, e ko Naarai te tamaiti a Ezibai 38 ra, Ko Ioela te taeake o Natana ra, ko 39 Mibara te tamaiti a Hageri, Ko Zeleka ngati Amona, ko Naharai i Beroti, e apai taonga tamaki na Ioaba te tamaiti 40 a Zerua ra, Ko Ira i Ituri, ko Gareba 41 i Ituri, Ko Uria ngati Heta, ko Zabada 42 te tamaiti a Ahalai, Ko Adina te tamaiti a Siza e ngati Reubena, tetai ia kapena o te ngati Reubena, e te au 43 tangata katoa oki e toru ngauru, Ko Hanana te tamaiti a Maaka, e ko Iosaphata i Mitini, Ko Uzai i Asetera, ko Sama e ko Iehiela nga tamariki a Ho- 45 tama i Aroera, Ko Iedielia te tamaiti a 46 Simeri, e tona taeake ko Ioa i Tizi, Ko Eliela i Mahavi, e ko Ieribai, e ko Iosavia, nga tamariki a Elanaama, e ko 47 Itema ngati Moabi, Ko Eliela, e ko Obeda, e ko Iasiela i Mesoba.

PENE XII.

Te aronga i kapiti mai kia Davida ki Zikelaga; e te au takavana i tae mai kiaia ki Heberona.

1 **T**EA i te aronga i aere mai ki Zikelaga kia Davida ra, ka pipini ei aia ia Saula te tamaiti a Kisa ra: e aronga toa ratou ko tei tauturu mai 2 iaia i te tamaki. To Beniamina ra, i te au taeake o Saula ra, ko *teianei ia*, e ana te taonga, e peke oki te toku *kia maka*, e peke oki te kakao *kia akainana* i roto i te ana, e rua rima te katau e te 3 kau; Ko Ahiezera, ko tei maata ia, e

ko Ioasa, nga tamariki a Sema i Gibeā; e ko Iezia, e ko Peleta, nga tamariki a Azamaveta; e ko Bernaka, e ko Ichu i Anatota, E ko Isemaia i Gibeona, ko 4
 tei rinui ia i roto i taua toru ngauru ra, e i rungao i taua toru ngauru ra; e ko Ieremia, e ko Ichazia, e ko Iohanna, e ko Iosabada i Gedera, Ko Eluzai, 5
 e ko Ierimota, e ko Bealia, e ko Semaria, e ko Sephatia i Haruphi, Ko Elikana, e ko Iesia, e ko Azarecla, e ko Ioezera, e ko Iasobeama i Kora, E ko Ioela, e ko Zebadia, nga tamariki a Ierohama i Gedora. To te ngati Gada 8
 i akataka ia ratou orai e kua aere mai ki runga i te punanga i te medebara kia Davida ra, e aronga tangata rinui ia, e aronga toa ko te tauia ki te tamaki, ko tei mou ia i te korare e te paruru, ko tei tau to ratou mata ki te mata liona, e mei te au zabi ki runga i te au maunga ra te viviki; Ko Ezera tei mua, 9
 ko Obadia te toko rua, ko Eliaba te toko toru, Ko Mismana te toko a, ko 10
 Ieremia te toko rima, Ko Atai te toko 11
 ono, ko Eliecl te toko itu, Ko Iohannana 12
 te toko varu, ko Elizabada te toko iva, Ko Ieremia te ngauru, ko Makabana i 13
 te ngauru ma tai. Ko te au tamariki 14
 a Gada taua aronga ra, e aronga kapena no te nuku: ko tei iti ra okotai anere tana, e ko tei maata ra okotai ana tausani. Ko taua aronga ra ia i aere ki 15
 tetai pae Ioridana i te marama mua ra, ka pani rava'i te vai i runga i nga nia ra; pueurikiriki ke atura ia ratou to te o katoa ra, i te pae i te itinga o te rā e te opunga o te rā.

E tae maira tetai pae i te au tamariki 16
 a Beniamina, e ta Iuda, ki te punanga kia Davida ra. Kua aere atura Davida 17
 ki vao e aravei ia ratou, e kua karanga atura kia ratou, na ko atura, E tere au to kotou e tauturu mai iaku, e tau katoa toku ngakau kia kotou: i aere maira kotou e tuku pikikaa mai iaku ki toku nei au enemi, kare ra oku e takinga-kino i toku nei rima, na te Atua o to tatou ai metua e akara mai, e e tutaki mai. Kua uruia iora te tangata maata i taua 18
 au kapena ra, ko Amasai, e te Vaerua i reira, e kua tuatua akera, Noon matou nei, e Davida, e no toou ra pac, e tenana tamaiti a Iese e; ei au! ei au toou, ei au oki to tei tupae mai i koe ra; ko to Atua oki tei tauturu mai i koe. Kua āriki mairā Davida ia ratou i reira, e kua akariro ia ratou ei aronga kapena no te au takanava ra.

Kua topiri maira tetai pae o Manase 19
 kia Davida, iaia i kapiti katoa ki te Philiseti e tamaki atu ia Saula ra:

kare ra ratou i tupae ia ratou: i aka-
 okiia maira aia e te aronga mamaata o te Philiseti, ka kimi ei ratou ra, tuatua akera, Kia kapiti rai aia ki tona pu ra 20
 kia Saula, ko to tatou au mimiti te tutaki. Te aere ua ra aia ki Zikelaga, kua aere maira no ko i o Manase ra, ko Adana, e ko Iozabada, e ko Iediacla, e ko Mikaela, e ko Iozabada, e ko Eliu, e ko Zilitai, e kapena no te 21
 au tausani i o Manase ra. Kua tauturu ratou ia Davida i te takanava ngati Amaleka ra: e aronga toa anake oki ratou, e au kapena no te nuku ra. 22
 Te aere ua maira oki ratou i tera rā i tera rā e tauturu ia Davida i taua tuatua ra, e riro ua atura tona ei nuku maata mei te nuku a te Atua ra. 23
 Teia te tu o te rainga o taua au takanava i aere mai, kua rakeia no te tamaki, kia Davida ki Heberona ra, e ruri te basileia o Saula kiaia, ta Ie- 24
 hova i tuatua maira. To te au tamariki a Iuda ra, e ono ia tausani, e varu anere, ma te korare e te paruru, ma te 25
 raki no te tamaki. To te au tamariki a Simeona, e aronga toa e tau ki te tamaki, e itu ia tausani, okotai 26
 anere. To te au tamariki a Levi ra, e 27
 a ia tausani, e ono anere. E ko Icholiada te arataki i te ngati Arona, e toru 28
 ana tausani, e itu anere. E ko Zadoka, e tangata ou, e toa rinui, e te au kapena e rua ngauru e rua ara, no te 29
 ngutuare o toa metua tane. To te au tamariki a Beniamina, te au tacake o Saula ra, e toru ia tausani; te tiaki ra oki te maata o ratou i te ngutuare o 30
 Saula ra. To te au tamariki a Ephraïma ra, okotai takau ia tausani, e varu anere, e aronga toa anake, e te rongo-
 nui i te ngutuare o to ratou ai metua 31
 ra. To te kopu veenga o Manase ra, okotai ia ngauru ma varu i te tausani; ko tei akaikiia to ratou ingoa, e aere mai e 32
 akaariki ia Davida. To te au tamariki a Isakara ra, to ratou aronga mamaata ra e rua ia anere, e aronga karape i te kite, ko tei kite i te ravenga e tau ei ia Iseraela i taua tuatua ra, e akarongoia mai oki e to ratou ai tacake katoa ra. 33
 To te ngati Zebuluna, ko tei tac ki te tamaki ra, ko tei kakape i te tamaki, i te au taoonga tamaki katoa ra, e rima ia ngauru i te tausani tel aere mai, ko tei akono tikai i te tupati ra: kare ia te 34
 aronga ngakau rua. To te ngati Naphtali ra, okotai tausani ia aronga kapena, e toru ngauru ma itu i te tausani i te tangata, ma te paruru e te 35
 korare. To te ngati Dana ra, e aronga kakape i te tamaki, e rua ngauru ma

varu i te tausani, e ono oki anere. To 36
 te ngati Asera ra, ko tei tae ki te ta-
 maki, ko tei kakape i te tamaki ra, e a
 ia ngauru anga i te tausani. E to te 37
 ngati Reubena, e te ngati Gada, e te
 kopu veenga o Manase, i tetai pae
 Ioridana ra, ma te au taonga tamaki
 katoa kia tamaki ra, okotai ia anere e
 rua ngauru i te tausani. Ko taua 38
 aronga tamaki katoa nei, ko tei akono
 tikai i te tupati ra, tei aere katoa mai
 ia ma te ngakau meitaki ki Heberona,
 ei akaariki ia Davida ki runga ia Ise-
 raela katoa ra; okotai katoa ia ngakau
 to te toenga o Iseraela ravarai ra, e aka-
 ariki rai ia Davida. I reira ratou ia 39
 Davida ra, ka toru akera ra, i te kai
 anga e te inu anga: e mea akonokonoia
 oki e to ratou au taeake na ratou. E 40
 te aronga i waitata mai oki ia ratou ra,
 ko Isakara, e ko Zebuluna, e ko Na-
 phatali, tei akaoro mai i te kai na runga
 i te asini, e te kamela, e te mule, e te
 bovi, i te manga, te faraoa, te au kou
 suke, e te au kaui vine, e te wina, e te
 inu, e te bovi, e te mamoe e mangamui:
 kua mareka oki Iseraela.

PENE XIII.

*Te aruna i te apai angaia mai i Ki-
 riata-iarima: ko Uza i taua, i
 akarukeia'i te aruna ki o Obeda-
 edoma.*

KUA tuatua iorā Davida ma te au 1
 kapena no te au tausani, e no te
 au anere, e te rangatira ravarai. Kua 2
 karanga aturā Davida ki te uipānga
 katoa o Iseraela, Kia tika ia kotou na,
 e te tau ra ki to tatou Atua kia Iehova,
 e tono tatou i te karere ki to tatou au
 taeake e pini ua ake, ko tei toe i te
 enua katoa i Iseraela nei, e ia ratou
 katoa i te kau taunga, e te au ngati
 Levi, i to ratou au oire, e te au kainga,
 e akapututupu mai ki o tatou nei: E 3
 apai mairai tatou i te aruna a to tatou
 Atua ki o tatou nei: kare oki tatou i
 ui tika ki reira i te tuatau ia Saula.
 Kua tuatua maira te uipānga katoa ra 4
 e akapera ratou: e mea tika oki taua
 tuatua ra ki te tangata ravarai. Kua 5
 akapututupu katoa mairā Davida ia
 Iseraela katoa ra, mei Sihora i Aiphiti
 ra, e tae ua atura ki te tomoanga
 i te oire ra ko Hamata, e apai
 mai i te aruna a te Atua i Kiria-
 iearima. Kua aere iorā Davida e 6
 Iseraela katoa ki runga ki Baala, koia
 o Kiriata-iarima, ki o Iuda ra, e apai
 mai i te aruna a te Atua a Iehova, ko
 tei noo i rotopu i nga kerubi, ko tei tau-

7 topaia tona ingoa i reira. Kua akauta
 maira ratou i taua aruna a te Atua ra
 ki runga i tetai porotata ou, mei roto i
 te are o Abinadaba; e na Uza e Ahio i
 8 aratiki mai i taua porotata ra. Kua
 imene nui a Davida e Iseraela katoa ki
 mua i te aroaro o te Atua, e kua aka-
 tangi iora i te kinura, e te nabala, e te
 tophie, e te sumebalo, e te au pu.
 9 E tae atura ratou ki te alona a Ki-
 dona, kua akatika aturā Uza i tona rima
 e mou i te aruna, kua turorirori ia oki
 10 nga bovi. Kua tupu akera te riri o
 Iehova ia Uza, e kua ta iora iaia, koia i
 tuku i tona rima ki runga i te aruna;
 mate rava akera aia i reira ki mua i te
 11 aroaro o te Atua. Mainaina iorā
 Davida, i te mea kua rave iorā Iehova
 ia Uza, i tapai'a taua ngai ra ia Perezau-
 za, e tae rava akenei ki teianei rā.
 12 Kua matakua iorā Davida i te Atua i
 taua rā ra, na ko atura, E tika aina
 oki kia apai i te aruna a te Atua kiaku
 13 nei? Kare akera a Davida i apai mai
 i te aruna ki ona uaorai ki te oire o
 Davida, apai ke atura ki te are o Obeda-
 14 edoma i Gata ra. Kua vaoa ua iora te
 aruna a te Atua i te kopu-tangata o
 Obeda-edoma ra i roto i tona are, e toru
 akera marama. Kua akameitaki mairā
 Iehova i te ngutua o Obeda-edoma, e
 te au mea katoa nana ra.

PENE XIV.

*Te takinga-meitaki o Hirama ia Da-
 vida: tana au vaine, e te au tama-
 riki: te eke anga o te Philiseti iaia.*

KUA tono maira te ariki o Turia ra
 ko Hirama i te au karere kia Da-
 vida, ma te rakau ra e arczi, e te aronga
 tarai toka, e te taunga tarai rakau, ei
 akatu i tetai are nona.
 2 E kia akarā Davida e kua akatina-
 mouia aia e Iehova ei ariki ki runga ia
 Iseraela, e kua akateitei ravaia tona au
 3 no tona ra au tangata no Iseraela; Kua
 rave rai a Davida i etai vaine rai nana
 i Ierusalem, e kua anau mairai ta
 Davida tamariki tamaroa e te tamaine.
 4 Teia oki te au ingoa o nga tamariki
 tana i anau i Ierusalem ra; ko
 Samua, e ko Sobaba, ko Natana, e ko
 5 Solomona, E ko Ibahara, e ko Elisua,
 6 e ko Eliphaleta, e ko Noga, e ko Ne-
 7 phega, e ko Iaphia, E ko Elisama, e ko
 Beeliada, e ko Elipheleta.
 8 E kite akera te Philiseti e kua aka-
 tainuiā Davida ei ariki ki runga ia
 Iseraela katoa ra, kua aere anake maira
 te Philiseti e kimi ia Davida. Kite
 akera oki a Davida, kua aere atura e

aravei ia ratou ra. Tae maira oki 9
te Philiseti e kua akamatoa iora ia
ratou uorai i te o ra ko Rephaima. E 10
kua ui aturā Davida ki te Atua, na ko
atura, Ka aere ainei au ki runga e ta-
maki i te Philiseti? ka tuku mai
ainei koe ia ratou ki toku rima nei?
Kua tuatua mairā Iehova kiaia, E
aere ki runga; ka tuku au ia ratou
ki to rima na. Kua aere atura ra- 11
tou ki runga ki Baala-perazima, e
kua ta iorā Davida ia ratou i reira.
Kua tuatua akerā Davida, Kua ngaa-
ngaa rava io nei toku au enemi i te
Atua i toku nei rima, mei te vai e
ngaa ra: tapa iora i te ingoa o taua ngai
ra ia Baala-perazima. I reira to ratou 12
au atua i te akaruke angaia, kua akaue
aturā Davida, kua ka atura ia ratou ki
te ai.

Kua aere akaou maira oki te Phil- 13
seti, e kua akamatoa akaou ia ratou
orai i taua o ra. Kua ui akaou aturā 14
Davida ki te Atua; kua tuatua maira
te Atua kiaia, Auraka ratou e aruaia; e
anga ke ra koe ia ratou, ka na ko mai
ei i te aere kia ratou na te pae baka ra.
E kia akarongo koe i te ngaee anga i te 15
kauru o taua au baka ra, ka aere ei koe
ka tamaki ei: kua riro oki te Atua kua
na mua ia koe e ta i taua nuku Phil-
iseti ra. E kua perā Davida i ta te 16
Atua i akaue mai kiaia ra; e kua ta
iora ratou i te nuku Philiseti ra, mei
Gibeona mai e tae ua atura ki Gezera
ra. Tutuki atura te rongo o Davida e 17
pini ua ake te pu enua ravarai; kua
tuku iorā Iehova i te matakū iaia ki
runga i te pa enua katoa.

PENE XV.

*Te aruna i te apai angaia mai ki Ieru-
salema mei i o Obeda-edoma mai.*

KUA akatu iorā Davida i te au are 1
nona i roto i te oire o Davida, e
kua akonokono iora i tetai vairanga no
te aruna a te Atua, e kua patia i tetai
puakapa no te reira.

Kua tuatua akerā Davida, Auraka 2
rava ei tangata kia apai i te aruna a te
Atua, mari ra ko te ngati Levi anake:
ko tei ikiia ia e Iehova ei apai i te
aruna a te Atua, e ei raverave i mua
iaia, e tuatua ua atu. Kua akaputu- 3
putu mairā Davida ia Iseraela katoa ki
Ierusalem, e apai mai i te aruna a
Iehova ki tona vairanga, i akonoia e ia
no te reira. Kua akaputuputu mairā 4
Davida i te au tamariki a Arona, e te
ngati Levi; To te au tamariki a Ko-
hata; ko Uriela ko te mataiapo ia, e 5

tona ra au tacake okotai anere e rua
6 ngauru: To te au tamariki a Merari
ra; ko Asaia ia te mataiapo, e tona ra
ai taeake e rua anere e rua ngauru:
7 To te au tamariki a Geresoma ra; ko
Ioela ia te mataiapo, e tona ai tacake
8 okotai anere e toru ngauru: To te au
tamariki a Elizapana ra; ko Semaia
ia te mataiapo, e tona ra ai taeake e
9 rua ia anere: To te au tamariki a He-
berona ra; ko Eliela ia te mataiapo, e
10 tona ra ai taeake e varu ia ngauru: To
te au tamariki a Uziela ra; ko Amina-
daba ia te mataiapo, e tona ra ai taeake
okotai ia anere okotai ngauru ma rua.
11 Kua tiki aturā Davida i nga taunga ra
ia Zadoka raua ko Abiatar ra, e te au
ngati Levi, ia Uriela, ia Asaia, e ia
Ioela, ia Semaia, e ia Eliela, e ia Ami-
12 nadaba, Kua karanga atura kia ratou,
Kotou te aronga mataiapo tutara ngati
Levi: e akatapu ia kotou orai, kotou e
to kotou ai taeake ra, ka apai mai ei i
te aruna a te Atua o Iseraela a Iehova
ki te ngai i akonoia e au no te reira.
13 No te mea kare kotou i apai ua mai i
muatangana akera, i akangaa mai ei to
tatou Atua ko Iehova ia tatou nei, no
te mea kare tatou i kimi iaia mei tei
14 akakitcia maira. Kua akatapu iora te
kau taunga e te au ngati Levi ia ratou
orai, kia apai ratou i te aruna a te Atua
o Iseraela a Iehova.
15 Kua apai ua mai oki te au tamariki
a Levi i te aruna a te Atua ma nga amo
ki runga i to ratou pakuivi, i ta Mose
oki i akaue mai i te tuatua a Ie-
hova ra.
16 Kua karanga aturā Davida ki te au
mataiapo ngati Levi ra, e akono ratou
i to ratou ai taeake ei aronga imene
i te akatangī i te au mea i akatangia
ra, kia akatangī ratou i te nabala, e te
kinura, e te sumebalo, ma te akateitei
17 i te reo ma te rekareka. Kua akataka
iora te ngati Levi ia Hemana te tamaiti
a Ioela ra; e i tona ra au taeake, ko Asa-
pha ia te tamaiti a Berekia; e i nga ta-
mariki a Merari to ratou au taeake, ko
18 Etana te tamaiti a Kusaia; E to ra-
tou au taeake i muri ake ia ratou, ko
Zekaria, ko Beni, e ko Iaaziela, e ko
Semiramota, e ko Iehiela, e ko Uni, e
ko Eliaba, e ko Benaia, e ko Maaseia,
e ko Matitia, e ko Eliphele, e ko Mike-
ncia, e ko Obeda-edoma, e ko Ieielā, e
19 aronga tiaki ngutupa ia. Te aronga
imene ra, ko Hemana, ko Asapha, e
ko Etana, ei akatangī i te sumebalo veo
20 ra; E ko Zekaria, e ko Aziela, e Semi-
ramota, e ko Iehiela, e ko Uni, e ko
Eliaba, e ko Maaseia, e ko Benaia, ei

nabala akareo vaine ta ratou; E ko 21
Matitia, e ko Eliphele, e ko Mikenia, e
ko Obeda-edoma, e ko Ieila, e ko
Azazia, ei kinura reo akaaka ta ratou ei
arataki. Ko Kenania e kavana ngati 22
Levi, ei te tumu imene ia, kua akakite
oki aia i te tu imene, no te mea kua
karapeaia. E ko Berekia, e ko Elikana, 23
e tiaki ngutupa ia no te aruna ra. E 24
ko Sebania, e ko Iehosaphata, e ko
Netancela, e ko Amasai, e ko Zekaria,
e ko Benaia, e ko Eliezera, nga taunga
ra, ko tei akatangia i te pu na mua i te
aruna a te Atua: e ko Obeda-edoma,
e ko Iehia, e tiaki ngutupa ia no te
aruna.

Kua aere atura oki a Davida, e te 25
aronga pakari o Iseraela, e te au ka-
pena tausani ra, e apai mai i te aruna
koreromotu a Iehova ki runga, ma te
rekareka, i roto i te are o Obeda-edoma.
E no te mea kua tupae mai te Atua i 26
te au ngati Levi ra tei apai mai i te
aruna koreromotu a Iehova ra, kua
apai ratou i nga bovi e itu, e nga rama
e itu, ei tusia. Te kakau ra Davida ki 27
te kakau orongā meitaki, e te au ngati
Levi katoa tei apai mai i taua aruna
ra, e te aronga imene, e ko Kenania,
e tumu imene ma te aronga imene:
tei runga oki ia Davida tetai ephoda
vavai ra. Kua apai maira Iseraela 28
katoa i te aruna koreromotu a Iehova
ra, ma te maeva, e ma te tangi o te
au pu tu ke ke, e ma te au sumebalo, e
kua akatangia ma te au nabala, e te au
kinura. E tae maira te aruna korero- 29
motu a Iehova ki te oire o Davida, te
akara ra te tamaine a Saula ko Mikala,
na roto i tetai māramārama, kite atura
i te ariki ra Davida i te ura anga e
te nanave anga ki mua i te aruna ra:
kua akavaavaa atura aia iaia i roto i
tona ngakau.

PENE XVI.

*Ko Davida i te tuku anga mai i te
salamo e akameitaki ia Iehova.*

KUA apai maira ratou i te aruna 1
a te Atua, e kua tuku iora ki
rotopu i te Are i akatuia e Davida no
taua aruna ra: e kua apai ratou i te
au tusia karakaratio, e te au tusia au,
ki mua i te aroaro o te Atua ra. E oti 2
akera ia Davida te au tusia karakaratio,
e te au tusia au, i te apaii, kua akaora
aia i te tangata i te ingoa o Iehova.
Kua tna iora aia ki to Iseraela ravarai, 3
ki te tane ma te vaine, i tetai manga
areto, e tetai manga puaka, e tetai
āriki wina.

4 Kua akataka iora aia i tetai pae
ngati Levi ei rave i te angaanga ki mua
i te aruna a Iehova, e kia tuatua, e kia
akameitaki, e kia akapaapaa i te Atua
5 no Iseraela ko Iehova: Ko Asapha tei
maata ia ratou ra, e ko muri ake iaia,
ko Zekaria ia, ko Ieila, e ko Semira-
mota, e ko Iehiela, e ko Matitia, e ko
Eliaba, e ko Benaia, e ko Obeda-edoma:
e ko Ieila ma te au nabala e te au
kinura; karekū Asapha, kua akatangia
6 ia i te au sumebalo ra; Ko nga tau-
nga ra ko Benaia raua ko Iahaziela, te
mou ra ia i te au pu ki mua i te aruna
koreromotu a te Atua ra, kare i tuku-
moe.

7 Tei taua rā ra ta Davida tuku anga
i teianci akapaapaa anga muatangana
ia Iehova, ki roto i te rima o Asapha e
tona ai taake:

8 E akameitaki ia Iehova, e tautopa i
tona ingoa; e akakite i tana au ravenga
9 ki rotopu i te tangata. E imene iaia,
e imene iaia i te salamo, e tuatua i te
au angaanga taka ke ravarai nana ra.
10 E akapaapaa kotou i te ingoa tapu
nana; kia rekareka te ngakau o te aro-
nga i kimi ia Iehova. E kimi ia
11 Iehova e tona rinui: e kimi tamou i
12 tona mata. E akamaara i tana au
angaanga taka ke tana i rave ra; i tana
ra au semeio, e te au tuatua-tau a tona
13 vaa; E te uanga o tona tavini o Ise-
raela e, e te au tamariki a Iakoba,
14 i iikiia e ia e. Koia to tatou Atua, ko
Iehova, ko tana tuatua-tau tei te pa
enua katoa ia.

15 E akamaara rai kotou i tana korero-
motu, aua e tukumoe; te tuatua tana i
akaue maira, e tausani ua atu te uki;
16 Te koreromotu tana i papau kia Abera-
17 hama, e tana taputou ia Isaaka; Tana
i akatinamou kia Iakoba ei ture; e ia
18 Iseraela ei koreromotu mutu kore, I te
tuatua anga mai e, Ka oronga au i te
enua ra ko Kanaana noou; ei kelero
19 tuanga na kotou; Te iti ra oki kotou
kia tatau, e aronga iti rava, e te ta-
20 ngata ke ke oki, i reira. Ka riro ei
ratou mei tetai iti-tangata atu e tae ua
atura ki tetai iti-tangata, e mei tetai
basileia, e tae ua atura ki tetai papaki
21 tangata; Kare ratou i tukua e ia kia
takinga-kinioa e te tangata ra; e ui
22 ariki oki tei akoia e ia ia ratou, Ka na
ko ei ra e, Auraka e akatukia ua mai i
tei akatamua e au, e taku au peroveta
auraka e takinga-kinioa.

23 E imene ia Iehova, e to te ao katoa
nei; e akakite i te ora nana i tera rā i
24 tera rā. E akakite i tona kakā ki te
au etene, te angaanga taka ke nana ki

te au tangata ravarai. E maata oki a 25
Iehova, e kia maata tona akameitaki
angaia: kia matakua oki aia, auraka
te au atua katoa. Te au atua ravarai 26
no te au etene ra, e idolo ia: ko Ie-
hova ra tei anga i te au rangi ra. Te 27
kakā e te akangateitei tei mua ia i tona
mata; te ririnui e te mataora tei tona
ia ngai.

E o atu kia Iehova, e te uanga o te 28
au tangata e, e o atu kia Iehova i te
kakā e te ririnui. E o atu kia Iehova 29
i te kakā e tau ki tona ra ingoa, e apai
mai i te mineka, e aere mai ki mua
iaia; e akamori ia Iehova ma te aka-
ngateitei tapu. Kia ruketekete kotou 30
ki mua iaia, e te pa enua ravarai ra:
kua akamouia oki teianei ao, kare ia e
ngaueue. Kia mareka te au rangi ra, 31
e kia rekareka te enua; ka tuatua i
rotopu i te pa enua e, Ko Iehova te
ariki. Kia aruru te tai e tona ki katoa 32
ra; kia pereperekavana te au kainga,
e to roto katoa ra. Ei reira e pingapi- 33
ngareka'i te au rakau o te vaorakau, ki
mua i te aroaro o Iehova, te aere maira
oki aia e akava i te enua nei.

E akapaapaa ia Iehova: e meitaki 34
oki tona; e tu oki tona aroa e rimua.
Ka tuatua'i kotou e, Kia ora matou, e 35
te Atua o to matou ora, e akaputupu
ia matou, e akaora ia matou i te au
etene, kia akameitaki matou i to ingoa
tapu ra, kia akatietie matou i te aka-
paapaa anga ia koe. Kia akameitakiia 36
te Atua o Iseraela ko Iehova e tuatau,
e tuatau na atu. Kua tuatua maira te
tangata katoa, Amene, e kua aka-
paapaa ia Iehova.

Kua akanooiū Asapha ma tona au 37
taeke e ia ki mua i te aruna korero-
motu a Iehova, ei rave tamou i te anga-
anga ki mua i te aruna, i tei akonoia i
te au rā katoa ra: E ko Obeda-edoma 38
e to ratou ai taake e ono ngauru ma
varu: ko Obeda-edoma te tamaiti a
Iedutuna raua katoa ko Hosa, ei tiaki
ngutupa ia: Kareka ko Zadoka taunga, 39
e tona ai taake taunga, tei mua ia i te
sekene a Iehova, i te ngai teitei i Gi-
beona, E apai i te tusia karakaratio na 40
Iehova ki rungao i te atarau tusia ka-
rakaratio i te popongi e te aiāi, kare e
tukumoe, e mei tei tataia i roto i te
ture a Iehova, tana i akaue ia Iseraela
ra; E tei reira katoā Hemana, e ko 41
Iedutuna, e tetai pae iikiā ra, i akaikiā
te ingoa, ei akameitaki ia Iehova, no te
mea e tu tona aroa e rimua: Ratou katoa 42
ko Hemana e Iedutuna ma te au pu e
te au sumebalo, e te au mea akatangi
na te Atua ra, no te aronga e akatangi

ra. E te au tamariki a Iedutuna, e
43 aronga tiaki ngutupa ia. Aere atura
te tangata ravarai, ko te tangata ki
tona ra ngutuare: kua oki mairā Da-
vida e akaora i tona ra ngutuare.

PENE XVII.

*Te akakoro rā Davida i te akatu i te
are o te Atua ra: kua akatikaia te
manako, kare ra e tika e nana e
akatu: te meitaki i akakiteia mai no
tona uanga: tana pure.*

1 **T**E noo rā Davida i roto i tona ra
are, kua tuatua akērā Davida ki
te peroveta ra kia Natana, I na, te noo
nei au i roto i te are arezi, kareka te
aruna kororomotu a Iehova *te vai nei* i
2 roto i te paruru. Kua karanga aturā
Natana kia Davida, Ko ta to ngakau e
manako ra, e rave ia; tei ia koe oki te
3 Atua. Kia tae ra ki te reira po, kua
tae maira te tuatua a te Atua kia Na-
4 tana, na ko maira, E aere, e karanga
atu ki toku tavini kia Davida, Te na ko
mairā Iehova, Auraka koe e akatu i
5 tetai are ei nooanga noku: Kare rai
oki au i noo i te are mei iaku rai i ara-
taki mai ia Iseraela, e tae rava akenei
ki teianei rā; e tika ra au i te aere anga
ki tera puakapa ki tera puakapa, ki tera
6 sekene *ki tera sekene*. I te au ngai
katoa ra taku i aere na e Iseraela
katoa ra, i tuatua ainei au ki tetai i te
aronga kavana i Iseraela, i taku i akaue
e tiaki i toku ra au tangata, i karanga
ntu ainei oki au e, Eaa i kore ei kotou
7 i akatu mai i tetai are arezi noku? E
teianei, e na ko atu koe ki toku tavini
kia Davida, Te na ko mairā Iehova
Sabaota, No ko koe i te koro mamoe ra
i te rave angaia mai e au, i te aru aere
anga i te au mamoe, ei tutara no
rungaō i toku ra au tangata ia Iseraela:
8 E i vaitata katoa au ia koe i toou au
acerenga katoa, e kua tipu keia e au to
au enemi katoa i mua ia koe; e kua
akariro oki au i toou ra ingoa kia aite
ki te ingoa o te aronga mamaata i te
9 enua nei. Ka akono oki au i tetai
ngai no toku ra au tangata no Ise-
raela, e naku ratou e tanu, e ka noo
ratou i to ratou ngai tikai, kare oki e
akaumu keia, kare oki te tamariki
kikino e taeko akaou mai mei tei mua-
10 tangana ra, Mei te tuatua mairai i
akono ei au i te aronga akava no rungaō
i toku au tangata ia Iseraela; ka vi
oki to au enemi katoa iaku. Te aka-
kite nei rai oki au ia koe, e na Iehova e
11 patu i toou na are. Kia ope oki toou
ra au rā, kia riro koe ki o toou ra ai

metua, ka akatu au i toou ra uanga i
muri ake ia koe, tetai tamaiti naau na;
e naku e akamou i tona au. Nana e 12
akatu i tetai are noku, e naku e akati-
namou i tona terono e tuatau ua atu.
Ei metua au nona, e ci tamaiti aia 13
naku : kare oki toku aroa e kiritiia mai
iaia, mei iaku i kiriti i tei mua ia koe
ra : Ka akatinamou ra au iaia ki roto i 14
toku are nei, e i roto i toku basileia, e
tuatau ua atu : ka akatinamouia oki
tona terono e tuatau ua atu.

Ko teia katoa nei au tuatua, e teia 15
katoa nei orama, ko ta Natana ia i tua-
tua kia Davida.

Aere atura te ariki ra ko Davida ki 16
roto, e kua noo ki mua ia Iehova, e kua
tuatua akera, Koai au nei, e te Atua e
Iehova e ! eaa oki toku nei ngutuare i
arataki mai ei koe iaku e teia noa'i?
E mei te mea oki, e iti rai te reira ia 17
koe, e te Atua e, kua tuatua mairai
koe i te are o to tavini e a muri roa
atu, e kua akonoia au e koe mei te mea
e tangata maata, e te Atua e Iehova e.
Eaa atu rai ta Davida tuatua kia koe, 18
i tenana akangateitei i o maiia mai ki
to tavini nei? kua kite oki koe i to
tavini nei. E Iehova e, no toou ra 19
tavini, e no toou orai ngakau, i rave ei
koe i teianei mea mamaata, i te akakite
anga mai i taua au mea mamaata katoa
nei. E Iehova e, kare ouu e aite, kare 20
atu oki e Atua ko koe anake ra, ta
matou uaorai i rongo i to matou ta-
ringa. Koai oki ia enua i te ao nei, 21
e tau ki toou na au tangata kia Ise-
raela, tei tikiia e te Atua, ei akaora ei
tangata nona uaorai, kia kitea toou
ingoa maata e te matakuaia, i te tuaru
anga atu i te pa enua ki mua i te aro-
aro o toou ra au tangata, i akaoraia e
koe i Aiphiti ra? Kua akariro oki 22
koe i toou ra au tangata ia Iseraela ei
tangata noou orai e tuatau ua atu; e
kua riro oki koe, e Iehova, ei Atua no ra-
toui. E teianei, e Iehova, kia akatinamou- 23
ia rai te tuatua tauu i tuatua io nei ki to
tavini nei, e tona ra ngutuare, e tuatau
ua atu, e rave oki i tauu i tuatua io nei.
Kia akatinamouia, e kia akamaataia 24
toou ingoa e tuatau ua atu, kia tuatuaia
e, Ko Iehova Sabaoth, ko te Atua ia no
Iseraela, te Atua ia no Iseraela : e kia
akatinamouia te ngutuare o to tavini o
Davida ki mua ia koe na. Kua aka- 25
kite mai oki koe, e taku Atua, ki to
tavini nei, e naau e patu i te are nona;
i maroiroi ei oki to tavini i te pure ki
mua ia koe. E teianei, e Iehova, ko 26
koe anake te Atua, e kua akakite mai
koe i taua tuatua meitaki nei ki to

27 tavini : E teianei, kia tika ia koe ra, e
akameitaki mai i te are o to tavini nei,
kia vai marie rai ki mua ia koe e tuatau
ua atu; kua akameitaki oki koe, e
Iehova, e ka meitaki rai e tuatau ua
atu.

PENE XVIII.

*Te Philiseti e te ngati Moabi i te eke
anga ia Davida ra : taia oki a Ha-
dadezera e to Arama : kua tono mai
a Tou i tana tamaiti ma te apinga :
te au apinga i rauka ia Davida kua
akatakaia e ia na Iehova.*

- 1 **E** I MURI ake i te reira, ta iorā
Davida i te Philiseti, vi atura ra-
toui : riro maira Gata e to reira au vila
i roto i te rima o te Philiseti.
- 2 E kua ta iora aia ia Moabi; riro
maira to Moabi ei aronga tavini no
Davida, e kua tari maira i te taūnga.
- 3 Kua ta iorā Davida i te ariki o Zoba
ko Hadadezera e tae ua atu ki Hamata,
iaia i aere e akamou i tona au i te pae
- 4 vai ra ko Eupharate. Rauka iora ia
Davida te au kariota iaia okotai tausani,
e te au tangata akaoro iou ra e itu tau-
sani, e te au tangata aere ua okotai takau
ia tausani; e kua tipu iorā Davida i te ua-
ua-vaevae o te au iou kariota ra, i vaooia
ra tei tau i te au kariota okotai anere.
- 5 E kia aere mai to Arama i Damaseko
e tauturu ia Hadadezera i te ariki o
Zoba, taia iora e Davida to Arama ra,
okotai takan e rua ara i te tausani i te
- 6 tangata. Kua tuku iorā Davida i te
au tiaki i Arama i Damaseko; riro
atura to Arama ei tavini no Davida, e
kua apai mai i te taūnga. Kua ora
iorā Davida ia Iehova i te au aerenga
- 7 katoa nona ra. Kua rave akerā Da-
vida i te au paruru auro i runga i te au
tavini o Hadadezera, e kua apai maira
- 8 ki Ierusalem. E kua rave maira oki
a Davida i te veo maata no ko no Tiba-
hata, e no Kuna, no nga oire o Hada-
dezera, tei raveia e Solomona ei kiuru
veo, e nga pou, e te au āriki veo ra.
- 9 Kite akera te ariki o Hamata ko
Tou e, kua taia e Davida te nuku katoa
- 10 o te ariki o Zoba ko Hadadezera; Kua
tono maira i tana tamaiti ko Hadorama
ki te ariki ra kia Davida, e aroa atu iaia,
e akaora oki iaia, no te mea kua tamaki
aia ia Hadadezera, e kua ta iaia; te
tamaki ra oki a Hadadezera ia Tou.
Kua apai mairā Hadorama i te au
āriki auro katoa ma te ario, e te veo.
- 11 Kua akatakaia te reira e Davida na
Iehova, e te ario, e te auro, i raveia
mai no te pa enua ke ra; no Edoma, e

no Moabi, e no ko i te tamariki a Amona, e no ko i te Philiseti ra, e no ko ia Amaleka.

Ta iora oki a Abisai te tamaiti a 12 Zeruia i to Edoma i te o tai ra, okotai ngauru ma varu i te tausani. Kua 13 tuku iora aia i te aronga tiaki i Edoma; e kua riro maira to Edoma katoatoa ei tavini no Davida. Kua ora iorā Davida ia Iehova i te au aerenga katoa nona ra.

Riro maira te au ia Davida i runga 14 ia Iseraela katoatoa ra, e kua rave aia i te tuatua-tau e te tuatua-tika i tona katoa ra au tangata. E te tamaiti a 15 Zeruia ra ko Ioaba, tei runga ia i te nuku ra; e te tamaiti a Ahiluda ko Iehosaphata, ko te akairo tuatua ia; E te tamaiti a Ahituba ko Zadoka, e 16 te tamaiti a Abiatarā ko Abimeleka, ko nga taunga ia, e ko Savasa te tata tuatua; E te tamaiti a Iehoiada ko 17 Benaia, tei runga ia i te Kereti, e te Peleti; e nga tamariki a Davida ko tei maata ia, e noo i vaitata i te ariki ra.

PENE XIX.

Te au karere a Davida i tonokia e akapapa i te manava o Hanuna ra: takinga-kinoia ratou; tupu atura te tamaki.

E MURI akera i te reira, mate iora 1 e ariki o te tamariki a Amona ko Nahasa, tupauia akera aia i te au e tana tamaiti ra. Kua tuatua akērā 2 Davida, E takinga-meitaki atu au ia Hanuna te tamaiti a Nahasa, no te mea kua takinga-meitaki tona metua iaku. Kua tono aturā Davida i te au karere ei akapumaana iaia, i tona metua ra. E kua tae atura nga tavini o Davida ki te enua o te tamariki a Amona, kia Hanuna ra, ei akapumaana iaia ra. Kua 3 tuatua maira te au kavana o te tamariki a Amona kia Hanuna, Te akanga-teitei nei aia Davida i to metua tane i taau na akara anga, koia i tono mai i te akapumaana ia koe na? kare aia i te tere tutaka to taau au tavini nona nei, e kimi aere oki, e kia uritumuia te enua nei? Kua rave akērā Hanuna i aua 4 nga tavini o Davida ra, kua varu iora i te tanga, kua kokoti iora oki i o ratou kakau i rotopu i te iā, e kua tuku atura kia aere ana. Kua aere iora etai kua 5 akakite atura kia Davida i tei raveia ki nga tangata ra; kua tono atura aia i te karere e aravei ia ratou; kua maata rava oki te akama o aua nga tangata ra: e kua karanga atura te

ariki, Ka noo i Ieriko na, e kia tupu to kotou kumikumi, ka oki mai ei.

- 6 Te kite ra te tamariki a Amona e kua kino ratou ia Davida; kua akau akērā Hanuna e te tamariki a Amona i te au taleni ario okotai tausani, ei ou i te kariota e te aronga akaoro ipo no Mesopotamia, e to Arama-maaka, e to 7 Zoba. Kua ou atura ratou i te au tangata akaoro ipo ra e toru ngauru ma rua i te tausani, e te ariki o Maaka, e tona ra au tangata, ko tei aere mai, e kua patia i te puakapa ki mua ia Medeba. Kua akaputuputu katoa te tamariki a Amona mei roto mai i te au oire, e aere mai ki te tamaki. 8 E kite akērā Davida i te reira, kua tono atura aia ia Ioaba e te nuku 9 tangata toa ravarai ra. Kua aere maira te tamariki a Amona ki vao, kua akamou iora i te tamaki ki mua i te ngutupa i te oire; kareka te au ariki ra ko tei aere katoa mai, tei roto ia i te kainga ko ratou anake ra.
- 10 Kia akara akērā Ioaba e kua mou te tamaki ki mua e ki muri, kua iki iora aia i te aronga memeitaki i Iseraela ra, e kua akamou i te tamaki i to Arama.
- 11 E te toenga o te tangata ra, kua tuku akera ia ki raro ake i tona taenake ia Abisai: e na ratou i akamou ei tamaki 12 i te tamariki a Amona. E kua tuatua akera aia, I maroiroi to Arama iaku, e tupae mai koe iaku; i maroiroi ra te tamariki a Amona ia koe, naku koe e 13 tupae atu. E akamaroiroi, e akaketa-keta tatou no to tatou nei au tangata, e te au oire o to tatou Atua; e na Ie- 14 hova e rave i tei meitaki iaia ra. Kua akavaitata iorā Ioaba e te au tangata i ona e tamaki i to Arama ra; ati atura 15 ratou na mua iaia. Te akara maira te tamariki a Amona e te ati ra to Arama, kua ati katon oki ratou i mua i te aroaro o tona taenake o Abisai, e kua tomo ki roto i te oire. Kua oki mairā Ioaba ki Ierusalem.
- 16 E kite akera to Arama e kua taia ratou i mua ia Iseraela, kua tono akera i te au karere e kua arataki maira i to Arama i tetai pae vai ra: e ko Sopaka te kapena no te nuku o Hadadezera, 17 tei na mua ia ratou. E kia akakiteia akērā Davida, kua akaputuputu maira aia ia Iseraela ravarai ra, e kua aere iora aia ki tetai pae Ioridana, e tae atura ki runga ia ratou, e kua akamou iora i te tamaki ia ratou. E akamou akērā Davida i tana tamaki ra i to Arama ra, 18 kua tamaki maira ratou iaia. Ati atura ra to Arama i mua ia Iseraela, pou iora te au kariota o Arama e itu

anere ia Davida, e a oki ngauru i te
tausani i te tangata aere ua; ta rava
atura oki ia Sopaka kapena o te nuku
ra. Kite akera te au tavini o Hada- 19
dezera e, kua taia ratou i mua ia Ise-
raela, kua akamoeau akera ratou ia
Davida, e kua riro atura ei tavini
nona; kare akera i tika i to Arama
i te tauturu akaou i te tamariki a
Amona.

PENE XX.

*Ko Raba i te tamaki angaia e Ioaba,
e te au tangata roa i te ta rava angaia
e te au tavini no Davida.*

E OPE akera te mataiti, tae akera 1
ki te tuatau i aere ei te au ariki *ki
te tamaki*, kua arataki aturā Ioaba i te
nuku maata rinui, taitaipakoko iora
i te enua o te tamariki a Amona, e kua
aere atura e kua tamaki ia Raba. Noo
iorā Davida i Ieruselema. Ta aturā
Ioaba ia Raba, tairipoti rava akera ia.
Kua rave aturā Davida i te korona o 2
to ratou ariki i runga i tona mimiti,
kite akeraia e, okotai taleni auro i te
teiaa; e te au toka memeitaki i roto ra;
tukuia iora ki runga i te mimiti o
Davida: e mangauni oki te apinga no
roto i taua oire ra te apai angata mai.
E kua arataki maira aia i te au tangata 3
i roto ra ki vao, e kua tuku atura ki
te keke, e te haese auri, e te tapae.
Kua perā Davida ki te au oire katoa o
te tamariki a Amona. Kua oki mairā
Davida e te tangata katoa ki Ierusa-
lema.

E muri akera, kua tupu iora te ta- 4
maki i Gezera i te Philiseti ra; mate
iorā Sapha ia Sibehai i Husa, e ngati
Rephai: vi iora ratou.

Kua tupu iora oki te tamaki i te 5
Philiseti rai; kua ta iorā Elihanana te
tamaiti a Iaira ia Lahimi, e taeake ia no
Golia i Gata ra, e tau tana korare ki
te rakau maata a te raranga kakau.

E kua tupu akaou rai te tamaki i 6
Gata, tei reira tetai tangata roa, okotai
takau ma a maikao, taki ono i te rima
okotai, taki ono oki i te vaevae okotai,
e ngati Rephai katoa oki aia. E kia
akakino maira aia ia Iseraela, mate
iora aia ia Ionatana te tamaiti a Simea,
e taeake no Davida. Ko eiane puke
tangata ta taua ngati Rephai i anau i
Gata ra; e kua mate i te rima o Da- 7
vida, e te rima o tona au tavini ra.

PENE XXI.

*Te ara a Davida i te tatau anga i te
au tangata ra: te utunga i tukua
mai ki runga i te enua: kia tata-
ruara aia i moki ei te maki-mate:
kua akatuaia tetai atarau na Iehova
ki runga i te alona a Arauna.*

KUA tu maira tetai enemi o Ise-
raela, kua akakoko ia Davida
2 kia tatau aia ia Iseraela. Kua karanga
aturā Davida kia Ioaba e te aronga
mamanta i taua iti-tangata ra, E aere
e tatau ia Iseraela, mei Bere-seba e tac
ua atu ki Dana; ka apai mai ei i taua
tatau ra ki ku nei kiaku nei, kia kite
3 au. Kua tuatua mairā Ioaba, Kia aka-
maata mai a Ichova i tona iti-tangata
e kia riro tetai ei anere: e taku pu e te
ariki, kare ainei ratou i te tavini anake
no taku pu? eaa oki taku pu i anoano
ei i te reira? eaa oki aia i anoano ei i
te akatupu i te ara ia Iseraela nei?
4 Tupu atura ra ta te ariki ra tuatua,
kare ta Ioaba. Riro aturā Ioaba e
pini ua ake Iseraela katoa, e kua oki
maira ki Ieruselema.
5 Kua tuku mairā Ioaba i te rainga o
taua au tangata i tatauia ra kia Davida.
To Iseraela katoaia ra okotai tausani
ia i te tausani anga, e okotai anere oki
i te tausani, e koke te taoonga: to Iuda
ra e a ia anere anga i te tausani e itu
oki ngauru tausani ara, e koke te tao-
6 onga. Kare ra Levi e Beniamina i
tatauia i o ratou ra: e tuatua viivii ia
Ioaba ta te ariki i akaue maira.
7 Mainaina akera oki te Atua i taua
8 mea ra; i ta ai aia ia Iseraela. Kua
karanga aturā Davida ki te Atua, Kua
ara rava au, ko au i akapera: e teiane,
teia taku tuatua kia koe, e akakore
mai koe i te ara a to tavini nei; e
ravenga neneva oki taku i rave io nei.
9 Kua tuatua mairā Iehova ki te aka-
ra a Davida kia Gada, na ko maira,
10 E aere, e karanga atu kia Davida, e
na ko atu, Te na ko mairā Iehova, E
toru eia puke mea taku e akakite atu
kia koe: ko tetai taua e rave kia aka-
11 pera atu au kia koe. Kua aere mairā
Gada kia Davida, e kua tuatua maira
kiaia, Te na ko mairā Ichova, E rave
12 ana koe, I te onge e kia toru ake ma-
taiti; e kare ra, kia eke koe ki mua i
te araro o to au enemi e kia toru ma-
rama to aru angaia e te koke a to au
enemi; e kare ia, i te koke a Iehova
ra, i te maki ki runga i te enua nei, e
te Angela a Iehova i te ta aere anga e
pini ua ake te au tapere katoa o Ise-

raela nei. E teianei, e akamaara ana i taku ra tuatua kia akaoki atu au ki tei tonono mai iaku nei. Kua karanga aturā Davida kia Gada, E iroiro ngata maata toku; e teianei ei te rima o Iehova au; te maata nei tona aroa; auraka ra au ei te rima o te tangata nei.

Kua tuku mairā Iehova i te maki-
14 mate ki runga ia Iseraela; pou iora to Iseraela i te mate e itu ngauru i te tau-
15 sani. Kua tonono akera te Atua i tetai angela ki Ierusalem, kia pou iaia ra; te akapou ra oki aia, kua akara mairā Iehova, e kua tataraua i taua kino ra, e kua tuatua maira ki te angela i akapou ra, Kua oti ua, e tāpu ana i to rima i tenana. Te tu ua ra te Angela a Iehova i vaiata i te alona a Arauna, ngati Iebusi ra. Kua nānā akera to
16 Davida mata ki runga, kite akera i te Angela a Iehova i te tu ua anga i te va i rotapu i te rangi, e te enua, ma te koke i te rima kua unuia, te akatikaia ra ki runga ia Ierusalem. Kua tipapa iorā Davida ki raro te mata, e te aronga pakari katoa, ma te kakau paou. Kua karanga aturā Davida ki
17 te Atua, Kare ainei ko au tei akaue i te au tangata nei kia tataua? ko au tei araia e tei rave rai i te kino nei; kareka i teia au mamoe ra, i aa ua ana ratou? ei runga iaku nei to rima, e taku Atua e Iehova, vaoo ei, e ei runga katoa i te ngutuaru o toku metua, ko taku ia tuatua kia koe: auraka ra ei runga i to iti-tangata nei e kia mate ratou ra.

Kua akaue maira te Angela a Iehova ia Gada kia tuatua aia kia Davida e, e aere a Davida ki runga ka akatu ei i tetai atarau na Iehova, i roto i te alona a Arauna ngati Iebusi ra. Aere aturā
19 Davida i taua tuatua a Gada ra, i tuatuaia mai e ia i te ingoa o Iehova. Kua ariu mairā Arauna, kite maira i te Angela: pipini iora aia e nga tamariki katoa toko a ana ra. Te pāpū rā
21 Arauna i te sitona. Te aere aturā Davida kia Arauna, kua akara mairā Arauna kite maira ia Davida, e kua aere maira aia mei roto mai i taua alona ra, e kua tupou maira kia Davida i raro te mata i te one ra. Kua karanga aturā
22 Davida kia Arauna, E o mai koe i te alona nei kiaku, ei te oko tikai taua ia e o mai kiaku, kia akatu au i tetai atarau ki runga na Iehova; kia moki te maki-mate i te tangata nei. Kua tua-
23 tua mairā Arauna kia Davida, E rave au atu noou, ka rave ei koe, e taku pu e te ariki, i tei tau meitaki ki ona mata ra. I na, kua oronga atu au i te

au bovi ei tusia karakaratio, e te au pāpū ra ei vaie, e te sitona ei mineka; taua au mea katoa ra taku e oronga atu *naau*. Kua karanga atura te ariki ra ko Davida kia Arauna, Auraka; ei oko tikai ra taku e oronga atu: kare oki au e rave i taua ra na Iehova, kare oki au e apai i te au tusia karakaratio oko kore. Kua oronga aturā
25 Davida kia Arauna ei oko i taua ngai ra, e ono anere sekela auro i te teiaa tikai ra. Kua akatu akera Davida i tetai atarau na Iehova i reira, e kua apai i te au tusia karakaratio, e te au tusia au, e kua tauatopa atura ia Iehova; e kua iō maira aia iaia i te ai no te rangi mai ki runga i taua atarau tusia karakaratio ra. Kua akaue
27 mairā Iehova i te angela ra; e kua momono akera aia i tana koke ki roto i te vai.
28 I taua tuatau ra, kite akera Davida e kua iō mai a Iehova iaia i roto i te alona a Arauna ngati Iebusi ra, kua
29 apai atura aia i te tusia i reira. Te sekene oki a Iehova, i angaia e Mose i te medebara, e te atarau tusia karakaratio, tei te ngai teitei ia i Gibeona
30 i taua tuatau ra. Kare akera i tika ia Davida kia aere ki mua i te reira, ka ui ei ki te Atua: kua matakau oki aia i te koke a te Angela a Iehova.

PENE XXII.

Ko Davida i te akateateamamao anga i te Iero e akatu.

1 **K**UA tuatua akera Davida, Teia te are o te Atua ra ko Iehova, teia oki te atarau tusia karakaratio na Iseraela.
2 Kua akaue aturā Davida e akapututu mai i te aronga tangata ke i te enua ra i Iseraela; e kua tonono akera aia i te tarai toka, ei tarai i te toka ei
3 patu i te are o te Atua ra. Kua akonokono iorā Davida i te auri e manganui ei nairo no te au^a pa i te au ngutupa, e no te topirianga; e te veo e
4 manganui kare i aiteia; E te arezi kare e ope kia tatau: to Sidona oki e to Turia te apai mai i te arezi e manganui kia Davida. Te tuatua ra oki a
5 Davida, Ko taku tamaiti nei ko Solomona, *te vai ou nei aia* e te pakari kore, e te are te ka akatuia nei no Iehova, *ka riro ia* ei maata, ei teitei, ei rongonui, e ei kaka, e pini ua ake te pa enua katoa nei: e teianei ka kopi oki au i te apinga no te reira. Kua kopi atura oki a Davida i te apinga maata ka mate atu ei ra.

Kua tiki atura aia i tana tamaiti ia Solomona i reira, kua ikuiku atura iaia e akatu i tetai are no te Atua o Iseraela no Iehova. Kua karanga aturā Davida kia Solomona, E taku tamaiti, ko au nei rai, ko roto oki i toku ngakau e akatu i tetai are no te ingoa o taku Atua no Iehova: Kua tae maira ra te tuatua a Iehova kiaku nei, na ko maira, E toto maata tei maringi ia koe, e tamaki maata taau: auraka koe e akatu i te are no toku nei ingoa, no te mea e toto maata tei maringi ia koe ki mua i toku mata ki runga i te enua nei. I na, ka anau mai tetai tamaiti naau, ka riro aia ei tangata noo ua; naku oki e oronga i te au nona e pini ua ake i tona katoa ra au enemi: ka riro oki tona ingoa i te tapaia ia Solomona, naku oki e oronga mai i te au; e te noo ua ia Iseraela i tona ra au rā. Nana e akatu mai i tetai are no toku nei ingoa; ei tamaiti aia naku, ei metua oki au nona; e ka akatinamou oki au i te terono a tona ra au ki runga ia Iseraela e tuataua au atu. E tenana, e taku tamaiti, ei vaitatā Iehova ia koe; kia manuia taau, e e akatu i te are o to Atua o Iehova, tana oki i tuatua maira ia koe ra. Kia oronga mairā Iehova i te pakari e te kite kia koe, e kia ikuiku mai aia ia koe ia Iseraela, kia akono koe i te ture a to Atua ra a Iehova. Ei reira e manuia mai ei taau, kia akono tikai koe i te au akonoanga, e te au tuatua-tau, ta Iehova i ikuiku ia Mose ra ia Iseraela; e kaumaiti, e akamaroiroi; auraka e mataku, auraka e tumatetenga. I na, i teia nei, i toku tumatetenga anga ra kua kopi au i te *apinga* no te are o Iehova, okotai anere anga i te tausani i te taleni auro, okotai oki tausani anga i te tausani i te taleni ario; e te veo e te auri kare ia e aite; kua maata rava oki: e te rakau katoa, e te toka, tei kopiiia e au; e naau e akarava atu i te reira. E te aronga taunga oki e manganui, tena ia koe ra; i te aronga kite i te tarai toka e te rakau; e te aronga karape oki no te au angaanga katoa ra. Tena te auro, te ario, e te veo, e te auri, kare e tika kia tataua. Ka tu, ka rave, e ei vaitata katoao a Iehova ia koe.

Kua akaane katoa akerā Davida i te au mataiapo ravarai i Iseraela ra, kia tauturu mai i tana tamaiti ia Solomona, na ko maira, Kare ainei tei vaitata katoa to kotou Atua ra ko Iehova ia kotou? kare ainei aia i oronga mai oki i te au kia kotou e pini ua ake? kua oronga mai oki aia i to te enua nei ki

roto i toku nei rima; e kua vi te enua ki mua i te aroaro o Iehova, e ki mua i tona nei iti-tangata. E tenana, e akamou ana i to kotou ngakau e to kotou vaerua, ei te kimi i to kotou Atua ra ia Iehova; ka tu i tenana, ka rave kotou i te ngai-tapu a te Atua ra a Iehova, kia apaiia mai te aruna koreromotu a Iehova, e te au āriki katoa i akatapuia na te Atua ra, ki roto i te are, te ka akatuaia no te ingoa o Iehova.

PENE XXIII.

Ko Solomona i te ariki anga, e te tataua i te ngati Levi ra.

- 1 **E** RUACHINE akerā Davida, e kua ope ona au rā, kua akaariki aia i tana tamaiti ia Solomona ki runga o ia Iseraela.
- 2 Kua akaputuputu maira aia i te ui ariki katoa o Iseraela, e te kau taunga,
- 3 e te au ngati Levi. I tatauia oki te ngati Levi na tei tae ki te toru ngauru o te mataiti e runga atu; e te rainga o to ratou katu, i te *tatau* taki tai anga, e toru ia ngauru e varu ara i te 4 tausani. E tai takau ma a i te tausani no roto i taua aronga ra, ei runga ia i te angaanga i te are o Iehova; ko e ono ra tausani ei aronga rangatira ia, e ei 5 akava; Ko e a ra tausani ei tiaki ngutupa ia; ko e a oki tausani ei akamei-taki ia ia Iehova i te au taoonga i angaia e au ei akameitaki.
- 6 Kua tua pupu iorā Davida ia ratou i roto i te au tamariki a Levi ra: ko Geresona, e ko Kohata, e ko Merari.
- 7 To te ngati Geresona; ko Laadana ia, e 8 ko Simeī. Nga tamariki a Laadana; ko tei maata ko Iehiela ia, e ko Zetama, 9 e ko Iocla, toko toru. Nga tamariki a Simeī; ko Selomita, e ko Haziela, e ko Harana, toko toru. Ko nga ranga 10 tira metua ia i o Laadana. Nga tamariki oki a Simeī; ko Iahata ia, ko Zina, e ko Ieusa, e ko Beria. Ko nga 11 tamariki ia na Simeī toko a. Ko Iahata tei maata, e ko Ziza i muri ake: ko Ieusa ra e ko Beria, kare e maata 12 ta raua puke tamariki; okotai oki o raua ngutuare metua te tataua anga.
- 12 Ko nga tamariki a Kohata ra; ko Amerania ia, ko Izahara, ko Heberona, 13 e ko Uziela, toko a. Ko nga tamariki a Amerama; ko Aarona, e ko Mose; e kua akatakaiū Aarona kia akatapu aia i te au mea tapu rava ra, koia e tana au tamariki e tuataua au atu, ei tutungī i te tumiama i mua i te aroaro o Iehova, ei rave i te taoonga iaia, e ei akaora i te 14 tangata i tona ra ingoa, e tuataua au atu.

Karekū Mose te tangata o te Atua ra, 14
no te kopu o Levi ana puke tamariki i
te tatau. Nga tamariki a Mose ra; ko 15
Geresoma ia, e ko Eliezera. To te au 16
tamariki a Geresoma, ko Sebuēla tei
maata. Nga tamariki a Eliezera; ko 17
Rehabia tei maata. Kare atu a Eliezera
e tamariki, kareka te au tamariki a
Rehabia, e manganui ia. To te au 18
tamariki a Izahara; ko Selomiti tei
maata. To te au tamariki a Heberona; 19
ko Ieria tei maata, ko Amaria te toko
rua, ko Iahaziela te toko toru, e ko
Iekameama te toko a. To te au tama- 20
riki a Uziela; ko Mika tei maata, e ko
Iesia te toko rua.

Ko nga tamariki a Merari; ko Mahali 21
e ko Musi. Ta Mahali puke tamariki;
ko Eleazara e ko Kisa. Mave atura 22
oki a Eleazara, kare ana tamariki tama-
roa, e tamaine ra: raveia iora ratou e to
ratou au taeake e te au tamariki a Kisa.
Nga tamariki a Musi ra; ko Mahali ia, 23
e ko Edera, e ko Ieremota, toko toru.

Ko nga tamariki ia a Levi i te ngu- 24
tuare o to ratou ai metua; e aronga
mataiapo tutara, i tataua to ratou ingoa
i to ratou upoko, ko tei tae ki te mataiti
tai takau ra e ko runga atu, ko tei rave
i te peu i te taonga i te are o Iehova.
Kua tuatua akera oki a Davida, Kua 25
oronga mai oki te Atua o Iseraela ko
Iehova i te au ki tona iti-tangata, e ka
noo ia ratou i Ierusulema e tuatua ua
atu: Kare oki te ngati Levi e apai 26
akaoi i te sekene e to reira au kapu
katou, i te peu no te reira. E teianei, i 27
te ikuiku openga a Davida ra, ko te
ngati Levi, ko tei tae ki te mataiti tai
takau, tei tataua, e ko runga atu: No 28
te mea, ko to ratou turanga tei te rima
ia o te au tamariki a Aarona i te rave
anga i te taonga i roto i te are o Iehova;
ei runga i te au kōzere, e te au pia, e
kia tamā oki i te au mea tapu katou, e
rave oki i te angaanga i te are o te Atua
ra; e *Eakanoono* oki i te areto o te aroaro 29
ra, ei *kimi* oki i te faraoa pueu no te
minaka, e no te kai rikiriki akaopue
kore, ko tei *tumu* auri *uata*, e tei farai
pania; e te akono tikai i te tu e te
maata i te arite anga; E kia tu oki i te 30
au popongi katou, e te au aiati katou, e
akameitaki e e akapaapa ia Iehova;
E kia apai ma te tukumoe kore, ki 31
mua i te aroaro o Iehova, i te au tusia
karakaratio katou na Iehova, i te au
sabati, te au marama ou, e te au oroa
akonoia ra, te tatau anga e tau i tei
akaueia kia ratou ra: E kia akono ra- 32
tou i tei ikuikuia i te Are uipānga, e
te ikuikuia i te ngai-tapu, e te ikuiku

oki i te au tacake no ratou i te au ta-
mariki a Aarona, i te rave anga i te
taoonga i te are o Iehova.

PENE XXIV.

*Te au tamariki a Aarona tua kele-
roia ra.*

- 1 **T** *EIA* te akataka anga i te au tama-
riki a Aarona. Ko ta Aarona au
tamariki, ko Nadaba ia, e ko Abihu, e
2 ko Eleazara, e ko Itamara. Mate iorā
Nadaba raua ko Abihu te ora ra te
metua, e kare a raua tamariki: kua
rave iorā Eleazara raua ko Itamara i
3 te taoonga taunga ra. Kua tua marie
iora oki a Davida ia raua, ko Zadoka no
te au tamariki a Eleazara, e ko Ahime-
leka no te au tamariki a Itamara ra, ta
4 raua ia taoonga ka rave ei raua ra. No
te mea ra kua rai te aronga mataiapo
tei kitea i roto i te au tamariki a Elea-
zara i te au tamariki a Itamara, e *aka-
peraia* i te tuanga: to te au tamariki
a Eleazara okotai ngauru ma ono aro-
nga mataiapo i te are o to ratou ai
metua, e to te au tamariki a Itamara e
varu ia i te ngutuaire o to ratou ai me-
5 tua. Tua kelerōia iora ratou tetai e
tetai; e aronga kavana no te ngai-tapu,
e te aronga kavana *no te are* o te Atua
ra, no te au tamariki ia a Eleazara, e
no te au tamariki katou a Itamara ra.
6 E na Semaia te tamaiti a Netaneela
tata tuatua, ngati Levi ra, i tata ia
ratou i mua i te aroaro o te ariki, e te
ui ariki *katou*, e ia Zadoka taunga, e
ko Ahimeleka te tamaiti a Abiatara, e
te au mataiapo tutara o te kau taunga
e te ngati Levi: *okotai* ngutuaire ma-
taiapo i tataia no Itamara, okotai i to
Eleazara.
7 Rauka maira te kelero mua ia Ieolia
8 riba, te rua ia Iedaia, Te toru ra ia
9 Harima, te a ra ia Seorima, Te rima
ra ia Malakia, te ono ra ia Miamina,
10 Te itu ra ia Koza, te varu ra ia Abia,
11 Te iya ra ia Iesua, te ngauru ra ia Se-
12 kania, Te ngauru ma tai ra ia Eliasiba,
13 te ngauru ma rua ra ia Iakima, Te
ngauru ma toru ra ia Hupa, te ngauru
14 ma a ra ia Iesebeaba, Te ngauru ma
rima ra ia Bilega, te ngauru ma ono
15 ra ia Imera, Te ngauru ma itu ra ia
Hezira, te ngauru ma varu ra ia
16 Aphase, Te ngauru ma iya ra ia Pe-
tahia, te tai takau ra ia Iehzekela,
17 Te tai takau ma tai ra ia Iakina, te tai
18 takau ma rua ra ia Gamula, Te tai
takau ma toru ra ia Delaia, te tai takau
19 ma a ra ia Maazia. Ko te au pupu
teia i ta ratou akono anga ka aere ei i

te are o Iehova, ko tei tau ia ia ratou ia Aaron a i to ratou metua, ta te Atua no Iseraela ta Iehova i akaue mai kiaia ra.

E te toenga o nga tamariki a Levi 20
 • *ko teia ia*: Ko te tamariki a Amerama; ko Subaela ia: e te tamariki a Subaela ra; ko Iehedeia. *E ta Itamara ra*; 21 ko Rehobia: to te tamariki a Rehobia ra; ko Isia tei maata. Ko ta Izara; 22 ko Selomota ia: to te tamariki a Selomota ra; ko Iahata ia. Ko nga tama- 23 riki a *Heberona ra*; ko Ieria te *tama mua*, ko Amaria te toko rua, ko Iahaziela te toko toru, ko Iekameama te toko a. Ko nga tamariki a Uziela ra; 24 ko Mika ia: to te tamariki a Mika ra; ko Samira. Ko te taane o Mika ra, 25 ko Isia ia: to te tamariki a Isia ra; ko Zekaria ia. Ko nga tamariki a Merari 26 ra; ko Mahali ia, e ko Musi: ko nga tamariki a Iaazia; ko Beno. Ko nga 27 tamariki a Merari ia Iaazia ra; ko Beno ia, e ko Sohama, e ko Zakura, e ko Iberi. Ko ta Mahali ra; ko Elca- 28 zara ia, kare ra ana e tamariki. *E* ko 29 Kisa: ko te tamaiti a Kisa ra; ko Ierameela. Ko nga tamariki katoa a Musi 30 ra; ko Mahali, e ko Edera, e ko Ierimota. Ko nga tamariki ia a te ngati Levi i te ngutuare o to ratou ai metua. Kua tuku katoa te reira i te kelero 31 mei to ratou ai taeeke katoa, i te au tamariki a Aaron, i mua i te aroaro o te ariki ra o Davida, e o Zadoka, e o Ahimeleka, e te au mataiapo tutara o te kau taunga e te ngati Levi ra, te aronga mataiapo tutara, e to ratou ai taeeke i muri ake, okotai rai aite.

PENE XXV.

Te au pupu imene tai takau ma a i tatau ra.

KUA akataka iorā Davida e te au 1 kapena no te nuku ra, *i tetai papaki* no te angaanga a nga tamariki a Asapha, e ta Hemana, e ta Iedutuna; ei imene ma te kinura, e te nabala, e te sumebalo; e akono oki i te maata o te aronga e rave ra i ta ratou angaanga. To te tamariki a Asapha ra; ko Za- 2 kura ia, e ko Iosepha, e ko Netania, e ko Asareela, nga tamariki a Asapha: ei vaitatao ia Asapha ra kia imene aia i te akakite anga a te ariki ra. To 3 Iedutuna: nga tamariki a Iedutuna ra; ko Gedalia ia, e ko Zeri, e ko Iesania, ko Hasabia, e ko Matitia, toko ono: ei vaitatao ratou i to ratou ai metua ia Iedutuna, iaia i imene ma te kinura, i te akameitaki anga e te akapaapa anga ia Iehova. To Hemana: nga tamariki 4

a Hemana; ko Bukia ia, ko Matania, ko Uziela, ko Sebuela, e ko Ierimota, ko Hanania, ko Hanani, ko Eliata, ko Gidaleti, e ko Romamiti-czera, ko Iosebekasa, ko Maloti, ko Otira, e ko 5 Mahaziota. E puke tamariki anake ia na Hemana i te akara a te ariki i te tuatua a te Atua ra, kia akateitei i te tara. E kua o mai te Atua i te au tamariki na Hemana, okotai ngauru ma 6 a tamaroa, toko toru oki tamaine. Kua topiri mairai taua aronga katoa nei ki to ratou metua i te imene anga *i roto* i te are o Iehova, ma te sumebalo, te nabala, e te kinura, no te akamori anga i te are o te Atua, i te akakite anga a te ariki kia Asapha, e kia Ie- 7 dutuna, e kia Hemana. To ratou maata kia tatau ra, e to ratou ai taeeke katoa ra, ko tei apiia i te imene ia Iehova ra, ko te aronga katoa i karape ra, e rua ia anere, e varu ngauru, e varu ara.

8 Kua tuku iora ratou i te kelero i to ratou ra au pupu, te tangata rikiriki e te aronga mamaata; te tumu korero e 9 te tama karakia katoa. Rauka maira te kelero mua ra, ei ia Iosepha na Asapha ra: te rua ra, tei ia Gedalia ia, koia, ma tana au tamariki, e ona taeeke 10 katoa ra, okotai ia ngauru ma rua: Te toru ra, tei ia Zakura ia; *koia*, e tana au tamariki, e ona taeeke ra, okotai 11 ngauru ma rua: Te a ra, tei ia Izeri ia, *koia*, e tana au tamariki, e ona taeeke 12 ake ra, okotai ngauru ma rua: Te rima ra, tei ia Netania ia, *koia*, e tana au tamariki, e ona taeeke ra, okotai ngau- 13 ru ma rua: Te ono ra, tei ia Bukia ia, *koia*, e tana au tamariki, e ona taeeke 14 ra, okotai ngauru ma rua: Te itu ra, tei ia Iesarela ia, *koia*, ma tana au tamariki, e ona taeeke ra, okotai ngauru 15 ma rua: Te varu ra, tei ia Iesania ia, *koia*, ma tana au tamariki, e ona taeeke 16 ake ra, okotai ngauru ma rua: Te iwa ra, tei ia Matania ia, *koia*, ma tana au tamariki, e ona taeeke ra, okotai ngau- 17 ru ma rua: Te ngauru ra, tei ia Simeia ia, *koia*, ma tana au tamariki, e ona taeeke 18 taeeke ra, okotai ngauru ma rua: Te ngauru ma tai ra, tei ia Azareela ia, *koia*, ma tana au tamariki, e ona taeeke 19 ake ra, okotai ngauru ma rua: Te ngauru ma rua ra, tei ia Hasabia ia, *koia*, ma tana au tamariki, e ona taeeke 20 ake ra, okotai ngauru ma rua: Te ngauru ma toru ra, tei ia Subaela ia, *koia*, ma tana au tamariki, e ona taeeke ra, oko- 21 tai ngauru ma rua: Te ngauru ma a ra, tei ia Matitia ia, *koia*, ma tana au tamariki, e ona taeeke ra, okotai

ngauru ma rua: Te ngauru ma rima 22
 ra, tei ia Ieremota ia, *koa*, ma tana
 au tamariki, e ona taeake ra, okotai
 ngauru ma rua: Te ngauru ma ono 23
 ra, tei ia Hanania ia, *koa*, ma tana
 au tamariki, e ona taeake ra, okotai
 ngauru ma rua: Te ngauru ma itu ra, 24
 tei ia Iosebekasa ia, *koa*, ma tana au
 tamariki, e ona taeake ra, okotai ngau-
 ru ma rua: Te ngauru ma varu ra, tei 25
 ia Hanani ia, *koa*, ma tana au tama-
 riki, e ona taeake ra, okotai ngauru
 ma rua: Te ngauru ma iva ra, tei ia 26
 Maloti ia, *koa*, ma tana au tamariki,
 e ona taeake ra, okotai ngauru ma rua:
 Te tai takau ra, tei ia Eliata ia, *koa*, 27
 ma tana au tamariki, e ona taeake ra,
 okotai ngauru ma rua: Te tai takau 28
 ma tai ra, tei ia Oтира ia, *koa*, ma tana
 au tamariki, e ona taeake ra, okotai
 ngauru ma rua: Te tai takau ma rua 29
 ra, tei ia Gidaleti ia, *koa*, ma tana au
 tamariki, e ona taeake ra, okotai ngau-
 ru ma rua: Te tai takau ma toru ra, 30
 tei ia Mahaziota ia, *koa*, ma tana au
 tamariki, e ona taeake ra, okotai ngau-
 ru ma rua: Te tai takau ma a ra, tei 31
 ia Romamiti-czera ia, *koa*, ma tana
 au tamariki, e ona taeake ra, okotai
 ngauru ma rua.

PENE XXVI.

*Te aronga tiaki ngutupa i te akataka
 aere angata ra. Tei te ngati Levi te
 tiaki i te au apinga o te are o te
 Atua, te au mea i akatapuia. Te au
 rangatira ma te au akava.*

I TE tuanga i te aronga tiaki ngu- 1
 tupa ra: To te ngati Kora ra; ko
 Meselemlia ia te tamaiti a Kora, na te
 au tamariki a Asapha. Nga tamariki 2
 oki a Meselemlia; ko Zekaria ia te tama
 mua, ko Iediaela te toko rua, ko Ze-
 badia te toko toru, ko Iateniela te toko
 a, Ko Elama te toko rima, ko Ieho- 3
 hanana te toko ono, ko Elioenai te toko
 itu. Nga tamariki oki a Obeda-edo- 4
 ma; ko Semaia ia te tama mua, ko
 Iehozabada te toko rua, ko Ioa te
 toko toru, e ko Sakara te toko a, e ko 5
 Netancela te toko rima, Ko Amiela te
 toko ono, ko Isakara te toko itu, ko
 Peulatai te toko varu, kua akamei- 6
 taki oki te Atua iaja. Ko ta te ta-
 maiti oki ta Semaia, kua anau katoa
 te tamariki nana, ko tei mana ia i te
 ngutuare o to ratou metua: e aronga 7
 tangata ririnui ratou. Nga tamariki
 a Semaia ra; ko Oteni ia, e ko Re-
 phaela, e ko Obeda, e ko Elizabada,
 e to ratou puke taeake ko Eliu e ko

Semakia, ko nga tangata ririnui ia.
 8 Ko nga tamariki anake ia a Obeda-
 edoma: ko te reira ta Obeda-edoma e
 ta ratou tamariki, e to ratou ai taeake,
 e ono ngauru e rua ara, ma te ririnui,
 e te maroiroi, i te rave anga i te anga-
 9 anga. E ko Meselemlia ko *tana* au
 tamariki e *ona* puke taeake, okotai ia
 ngauru ma varu, e puke tangata riri-
 10 nui ia. E ko Hosa ia, no te au tama-
 riki a Merari ra, e puke tamariki *tana*;
 ko Simeri ia, ko te mataiapo ia, kare
 ra aia i te tama mua, akariroia atura aia
 11 e tona metua i te mataiapo; Ko Hili-
 kia te toko rua, ko Tebalia te toko
 toru, ko Zekaria te toko a: te au tam-
 12 ariki katoa, e te au taeake o Hosa ra,
 okotai ia ngauru ma toru: No roto
 i teianci aronga te aronga tiaki ngu-
 tupa i te tuangaia, *koa* no roto i te au
 tangata nunui ei rave i te angaanga i
 te are o Iehova, *tei* anga mai tetai pia
 ki tetai ra.
 13 Kua tuku iora ratou i te kelero, te
 tangata rikiriki e te aronga mamaata i
 te ngutuare o to ratou ai metua, i te
 14 au ngutupa katoa. Riro maira te ke-
 lero *no te ngutupa* i te itinga o te rā ra
 kia Selemia; kua tuku iora ratou i te
 kelero no tana tamaiti no Zekaria, e
 tangata kite i te tuatua; riro maira
 15 tana kelero i te pae i apatokerau. I
 te pae i apatonga kia Obeda-edoma, e
 tei tana au tamariki te are o Asupima.
 16 I te pae i te opunga o te rā ra kia Supi-
 ma e Hosa ra, e te ngutupa ko Sale-
 keta, i te pae ara akateiteia ra; ko
 tei anga mai tetai pia ki tetai ra.
 17 Toko ono ngati Levi tei te pae i te iti-
 nga o te rā ra, toko a oki tei te pae i
 apatokerau ra i te au rā katoa; toko a
 oki tei te pae i apatonga ra i te au rā
 18 katoa; e tei Asupima toko rua e toko
 rua. Tei Parabara tei te pae i te opu-
 nga o te rā ra, toko a i te aratara ra;
 19 toko rua i Parabara ra. Ko te au tua-
 nga teia i te au tiaki ngutupa i te au
 tamariki a Kora, e te au tamariki a
 Merari.
 20 E to te ngati Levi ra, ko Ahia ia
 i runga i te au apinga o te are o te
 Atua ra, e i te au apinga akatapuia ra.
 21 To te au tamariki a Laadana; te au
 tamariki a Laadana ngati Geresona,
 mataiapo tutara; to Laadana ngati
 22 Geresona, ko Iehieli ia. Ko nga tam-
 ariki a Iehieli; ko Zetama ia, e tona
 taeake ko Ioela, tei runga ia i te au
 23 apinga o te are o Iehova. To te ngati
 Amerama, te ngati Izahara, to Hebe-
 24 rona, e te ngati Uziela: E ko Sebuella
 te tamaiti a Geresoma, te tamaiti a

Mose ra. *tei runga ia i te au apinga.*
 E tona ra ai taake ia Eliezera, ko 25
 Rehabia te tamaiti nana, ko tana
 tamaiti ra ko Iesiaia ia, ko tana tamaiti
 ra ko Iorama ia, ko tana tamaiti ra
 ko Zikeri ia, ko tana tamaiti ra ko
 Selomiti ia. Ko taua Selomiti ra, e tona 26
 ra ai taake, *tei runga ia i te au apinga*
katoa i akatapuia ra, ta te ariki ra ta
Dauida, e te au mataiapo tutara, te au
kapena no runga i te au tausani, e to
runga oki i te au anere, e te aronga
mamaa o te nuku, i akatapu ra. No 27
 roto i te au apinga i rauka i te tamaki,
tei akatapuia e ratou no te angaanga i
te are o Iehova. E te au mea katoa 28
 ta te akara ra ko Samuela, e ta Saula
 te tamaiti a Kisa, e ta Abenera te ta-
 maiti a Nera, e ta Ioaba te tamaiti a
 Zeruia, i akatapu ra, ko taua au apinga
 ravarai i akatapuia ra, *tei te rima o*
Selomiti ia, e tei tona ra ai taake.

To te ngati Izahara, ko Kenania e 29
 tana ra au tamariki, *tei runga ia ia*
Iseraela ei aronga rangatira e ei akava,
i te au tuatua a te tangata i vao ra. E 30
 to te Heberona, ko Hasabia, e tona ai
 taake, e aronga maroiroi, okotai tau-
 sani e itu anere, e aronga rangatira ia i
 roto ia Iseraela, i te pae i te opunga o
 te rā i Ioridana, i te au angaanga katoa
 a Iehova, e te raverave i ta te ariki ra.
 I to Heberona ra; ko Ieria tei maata i 31
 roto i to Heberona, i te au anauanga o
 tona ai metua: ka kimia'i ratou i te
 mataiti e rua takau i te au ia Dauida
 ra, kitea iora te au tangata maroiroi i
 roto ia ratou i Iazera i Gileada. *Koia,* 32
 e tona ra ai taake, e aronga tangata
 maroiroi, e rua ia tausani e itu anere,
 e aronga mataiapo tutara, ko tei akari-
 roia e te ariki ra e Dauida ei kavana i
 runga i te ngati Reubena, e te ngati
 Gada, e te kopu veenga o Manase, no
 te au tuatua katoa a te Atua, e te au
 tuatua katoa a te ariki ra.

PENE XXVII.

Te au kapena o te nuku ra, e te aronga
mamaa o te au kopu ra, e to runga
i te au mea katoa a te ariki uarai a
Dauida.

KO te tamariki a Iseraela i tatauia 1
 ra, te aronga mataiapo tutara e te
 au kapena o te au tausani, e no te au
 anere, e to ratou aronga rangatira tei
 rave i te angaanga a te ariki ra i te au
 pupu; ko tei aere mai ma te akono i
 te marama, e kua aere ki vao ma te
 akono i te marama e ope rava akera te
 au marama katoa o te mataiti nei,

okotai pupu ra, okotai takau ia ma a
 2 i te tausani. To runga i te pupu mua
 ra, e te marama mua, ko Iasobeama
 ia te tamaiti na Zabadiela: e tei tona
 ra pupu okotai ia takau ma a i te tau-
 3 sani. No te au tamariki a Perez, ko
 te tangata maata ia i te au kapena o te
 nuku katoa o ra no te marama mua
 4 ra. To runga i te pupu i te rua o te
 marama ra, ko Dodai ia, e ngati Aho-
 hi; e te rangatira i tona pupu ra ko
 Mikilota ia; e tei tona ra pupu okotai
 5 ia takau ma a i te tausani. Te toru o
 te kapena o te nuku no te toru o te
 marama, ko Benaia ia te tamaiti a Ie-
 hoiada, e taunga maata: e tei tona ra
 pupu okotai ia takau ma a i te tausani.
 6 Ko taua Benaia nei tei maata i te au
 tangata e toru ngauru, e tei runga rai
 aia i taua toru ngauru ra: tei tona ra
 oki pupu te tamaiti nana ko Amiza-
 7 bada. Te a o te kapena no te a oki o
 te marama, ko Asahela ia, e taake no
 Ioaba; e muri ake iaia ko tana tamaiti
 ra ko Zebadia: e tei tona ra pupu oko-
 8 tai ia takau ma a i te tausani. Te
 rima o te kapena no te marama e rima
 ra, ko Samuta ia ngati Izarahi: e tei
 tona ra pupu okotai ia takau ma a i te
 9 tausani. Te ono o te kapena no te
 marama e ono ra, ko Ira ia te tamaiti
 a Ikasa i Tekoa ra: e tei tona ra pupu
 10 okotai ia takau ma a i te tausani. Te
 itu o te kapena no te marama e itu ra,
 ko Heleza ia i Peloni, no te au tamariki
 a Ephraïma: e tei tona ra pupu
 11 okotai ia takau ma a i te tausani. Te
 varu o te kapena no te marama varu
 ra, ko Sibekai ia i Husa no te ngati
 Zara: e tei tona ra pupu okotai ia
 12 takau ma a i te tausani. Te iva o te
 kapena no te marama iva ra, ko Abie-
 zera ia, i Anatota, no te ngati Benia-
 mina: e tei tona ra pupu okotai ia
 13 takau ma a i te tausani. Te rau-
 ngauru o te kapena no te marama
 ngauru ra, ko Maharai ia i Netopha,
 no te ngati Zara: e tei tona ra pupu
 14 okotai ia takau ma a i te tausani. Te
 ngauru ma tai o te kapena no te ma-
 rama okotai ngauru ma tai ra, ko Be-
 naia ia i Piratoni, no te au tamariki a
 Ephraïma: e tei tona ra pupu okotai
 15 ia takau ma a i te tausani. Te ngauru
 ma rua o te kapena no te marama oko-
 tai ngauru ma rua ra, ko Heladai ia i
 Netopha, no Oteniela: e tei tona ra
 pupu okotai ia takau ma a i te tausani.
 16 Teia oki to runga i te au kopu o
 Iseraela: te kavana o te ngati Reu-
 bena ra, ko Eliezera ia te tamaiti a
 Zikeri: to te ngati Simeona ra, ko

Sephatia ia te tamaiti a Maaka ra: To 17
te ngati Levi ra, ko Hasabia ia te ta-
maiti a Kemuela: to Aarona ra, ko
Zadoka ia: To Iuda ra, ko Eliu ia, 18
tetai taake o Davida: to Isakara ra,
ko Omeri ia te tamaiti a Mikaela: To 19
Zebuluna ra, ko Isamaia ia te tamaiti
a Obadia: to Naphatali ra, ko Ieri-
mota ia te tamaiti a Azericla: To te 20
au tamariki a Ephraïma ra, ko Ilosea
ia te tamaiti a Azazia: to te kopu
veenga o Manase ra, ko Ioela ia te ta-
maiti a Pedania: To te kopu veenga o 21
Manase i Gileada ra, ko Ido ia te ta-
maiti a Zekaria: to Beniamina ia,
ko Iaasiela ia te tamaiti a Abenera:
To Dana ra, ko Azarecla ia te tamaiti 22
a Ierohama. Ko nga kavana ia o te
au kopu o Iseraela.

Kare ia Davida i tatau ia ratou i tei 23
kore i tae ki te takau okotai o tona
maiti: no te mea kua tuatua mai a
Iehova e, e akamaata mai aia ia Ise-
raela mei te au etu o te rangi ra. Ti- 24
mata iorū Ioaba te tamaiti a Zeruia
i te tatau, kare ra i akaoti, no te mea
kua rokoia iora Iseraela e te riri i te
reira; kare taua tataunga i tataia ki
roto i te tuatua no te au rā a te ariki
ra a Davida.

E tei runga i te apinga a te ariki ra, 25
ko Azamaveta ia te tamaiti a Adielā:
e tei runga i te au arc vairanga apinga
i roto i te kainga ra, i roto i te au
oire, e te au vila, e i roto i te au
punanga ra, ko Ionatana ia te ta-
maiti a Uzia: E to runga i te anga- 26
anga i te kainga ko tei kenu i te one
ra, ko Ezeri ia te tamaiti a Keluba:
To runga i te au kainga vine ra, ko 27
Simci ia i Rama: kareka to runga i
tei roto i te au kainga vine ra, i roto i
te vairanga winā ra, ko Zabadi ia i
Siphimi. E to runga i te au rakau 28
olive e te au sukamino i te ngai ma-
taataa ra, ko Baalahanana ia i Gēdera:
e to runga i te au vairanga inu ra, ko
Ioasa ia: E to runga i te au bovi i angaiia 29
i Sirona, ko Sitaria ia i Sirona: e to ru-
nga i te au bovi i te au o, ko Saphata ia
te tamaiti a Adelai: To runga i te au ka- 30
miela ra, ko Obili ia e ngati Isemaela:
e to runga i te au asini ra, ko Ichedeia
ia i Meronota: E to runga i te au ma- 31
moe ra, ko Iaziza ia i Hagari ra. E
aronga rangatira anake taua aronga nei
no te apinga a te ariki ra a Davida.

E tetai metua o Davida ra ko Iona- 32
tana, e tangata ako pakari ia, e tata
tuatua oki: e ko Ichielā te tamaiti a
Hakemoni, tei iaia nga tamariki a
te ariki ra. E ko Ahitophela ko te 33

ako ia i te ariki: e ko Husai i Araki,
34 e oa ia no te ariki: E muri akera ia
Ahitophela, ko Ichoiada ia te tamaiti a
Benaia, e ko Abiatarā: e te kapena o
te nuku o te ariki ra, ko Ioaba ia.

PENE XXVIII.

*Te ikuiku mamate angā Davida i tana
tamaiti ia Solomonā.*

- 1 **K**UA akaputuputu mairā Davida i
te aronga mamaata ravarai o Ise-
raela ki Ierusalemā, te aronga ma-
maata no te au kopu ra, e te au kapena
no te au takanara, ko tei rave i te
angaanga a te ariki, e te au kapena
tausani, e te au kapena anere; e te
aronga katoa i tiaki i te au apinga katoa
a te ariki ra. e te au anara puaka, e
tana au tamariki, e te aronga rangatira
ra, e te aronga toa uritumu, e te au
2 tangata toa katoa ra. Kua tu maira te
ariki ra ko Davida ki runga, e kua
tuatua maira, E akarongo mai ana, e
taku au taake, e taku au tangata e:
Ko roto oki i toku ngakau e e akatu i
tetai are ei vairanga no te aruna ko-
reromotu a Iehova, e ei takainga vae-
vae no to tatou Atua, e kua kopī oki
3 au i te apinga no taua are ra: Kua tua-
tua maira te Atua kiaku e, Auraka
koe e akatu i te are no toku nei ingoa,
no te mea e tangata tamaki koe, e kua
4 maringi te toto ia koe. Kua iki maira
ra te Atua o Iseraela ko Iehova iaku ei
ariki i runga ia Iseraela ra e tuatau
ua atu, auraka te are katoa o toku ra
metua: kua iki oki aia ia Iuda ei
tutara; e to te ngutuare o Iuda ra, ko
te ngutuare ia o taku metua; e to roto
i te au tamariki o taku metua ra, ko
au nei rai tana i anoano e akaariki ki
5 runga ia Iseraela katoa: E to roto i te
au tamariki ravarai naku ra, e manga-
nui oki te tamariki ta Iehova i oronga
mai naku, kua iki aia i taku tamaiti ra
ia Solomonā, ei noo ki runga i te terono
o te basileia o Iehova i runga ia Iseraela
6 nei. E kua tuatua maira aia kiaku,
Ko to tamaiti ra ko Solomonā te ka
akatu i te are noku, e te au kezere
noku: koia tei ikiia e au ei tamaiti
7 naku, e ei metua oki au nona. Ka
akatinamou oki au i tona basileia e
tuatau ua atu, kia maroiroi aia, mei
teianei rā, i te rave anga i taku ra au
akauanga, e te au tuatua-tau naku ra.
8 E teianei, i mua i te aroaro o Iseraela
katoa toa ra te upinga a Iehova, to
tatou Atua oki i te akarongo anga mai,
e akono kotou e e kimi i te au akane-
nga ravarai a to kotou Atua a Iehova:

kia noo rai kotou i taua enua meitaki nei, ka vao e oki no ta kotou au tamariki e kainga kai mātū i muri ake ia kotou e tuatau ua atu. E ko koe oki, e taku tamaiti e Solomona e, kia kite pu koe i te Atua o to metua nei, ka akamori e iaia ma te ngakau meitaki rava, e ma te manako tika roa: e kimi oki a Iehova i te ngakau katoa ra, e te kite ra aia i te akakoroanga o te au manako katoa: kia kimi koe iaia ra, ka kitea atu aia e koe; kia akaruke ra koe iaia, ka akaruke rava mai aia ia koe e tuatau ua atu. E tenana, kia 10 matakite; kua iki oki a Iehova ia koe e akatu i te are no te ngai-tapu; kia maroiroi, e ka rave.

Kua o aturā Davida ki tana tamaiti 11 ra kia Solomona i te tu o te tomoanga, e to reira au are, e to reira au vairanga apinga, e to reira au pia i runga, e to reira au pia i roto ra, e no te ngai o te tapoki aruna ra. E te tu o te au 12 mea ravarai i rauka iaia, *no ko mui ia* i te Vaeua ra, i te au kezere o te are o Iehova, e no te au pia katoa e pini ua ake, no te au vairanga apinga no te are o te Atua, e no te au vairanga o te au apinga i akatapuia ra: E te akono anga o te au pupu taunga 13 e te ngati Levi, e te rave anga i te au angaanga i te are o Iehova, e te au āriki katoa e raveia i roto i te are o Iehova. *Kua apai* aia i te auro aiteia 14 no te *au mea* auro, no te au apinga katoa e *tau* no te angaanga katoa ra; e te *ario* aiteia no te au mea ario, no te au apinga ravarai e *tau* no te angaanga katoa ra. E to te au menure auro, e 15 to te reira au lamepa auro, kua akonoia te auro i te aite anga no te au menure, e no te reira au lamepa: e to te au menure ario kua aiteia te ario, to te menure, e to te reira au lamepa, e to tei tau i taua au menure ra. *Kua* 16 *apai oki* aia i te auro aiteia no te au kaingakai no te areto o te aroaro ra, no te au kaingakai katoa; e te ario katoa no te au kaingakai ario: E te auro 17 meitaki no te kokai, e no te au kapu ra, e te au āriki katoa: e no te au kapu auro ra, akono atura i te aite no te au kapu ravarai; e no te au kapu ario katoa ra, akono atura i te aite: E to te atarau tumiama, e auro mei- 18 taki ia, akono atura i te aite; e te auro oki i tau i te tu o te kariota o nga kerubi, ko tei totoa mai i to raua *peau*, kia ngaro te aruna koreromotu a Iehova ra. Ko taua au mea katoa 19 ra, kua akakite pu mai a Iehova *kiaku* i te tu *tikai* o taua angaanga katoa ra

ki runga i te tuatua tata ra, i *tona* rima ki runga iaku nei.

- 20 Kua karanga aturā Davida ki tana tamaiti ra kia Solomona, E akamaroiroi, kia kaumaiti, e e rave: auraka e matakau, auraka e tumatetenga: *ka riro* oki te Atua ra ko Iehova, te Atua noku ra, e i vaitatao ia koe; kare aia e aere ke, kare e akaruke ia koe, e kia oti rava atu te au angaanga katoa no te au peu no te are o Iehova.
- 21 I na oki, te au pupu taunga e te au ngati Levi, *tena tei ia koe* e rave i te au peu ravarai i te are no te Atua ra: e no te au angaanga katoa, no te au peu katoa, te au tangata i tika te ngikau i te rave, e tei karape i te rave ra, *ka riro ia* e i vaitatao ia koe: te aronga mamaata nei, e te tangata ravarai, tei ia koe anake i te rave i taua e akaue ra.

PENE XXIX.

Te reo iku o Davida ki te aronga mamaata kia apai i te tusia ra; e te mutenga o Davida.

- 1 **K**UA karanga atu rai te ariki ra ko Davida ki taua uipānga katoa ra, Ko taku tamaiti nei ko Solomona, koia anake ta te Atua i iki ra, *te vai* ou ua nei aia e te pakari kore, te maata nei oki te angaanga: kare oki taua are nei no te tangata, no te Atua ra no Ie- 2 hova: Kua kopi oki au i te apinga ma toku maroiroi katoa no te are o taku Atua, e auro no te *au mea* auro ra, e te ario no te *au mea* ario ra, e te veo no te *au mea* veo, e auri no te *au mea* auri, e rakau oki no te *au mea* rakau ra; e te toka sema, e te *au toka* e i taroto, e au toka kakū e te tu matatini ra, e te au toka memeitaki katoa ra, e 3 te toka sisa e manganui. E no toku nei oki anoano i te are o toku Atua, te vai nei toku ra apinga noku orai, i te auro e te ario, ko taku ia e oronga nei no te are o taku Atua, te taka ra tei 4 kopiia e au no taua are tapu nei, E toru tausani taleni auro, e auro Ophira, e itu oki tausani i te taleni auro meitaki ra, e i tapokii taua are ra i roto: 5 Ko te auro ra no te *au mea* auro ra ia, e te ario no te *au mea* ario ia, e no te au angaanga katoa e *ravia* e te rima o te aronga taunga ra. E teianei, koai te tangata e tika iaia kia aere ma te rima i ki kia Iehova ra i teianei rā? 6 Te ui matalapo tutara ra, e te aronga mamaata i runga i te au kopu o Israela ra, e te au kapena no te au tausani, e no te au anere, e te au rangatira

i te angaanga a te ariki ra, kua oronga
ua mai ia; E kua apai maira i te auro
no te angaanga i te are o te Atua, e
rima tausani i te taleni, okotai ngauru
i te tausani i te dareki, e te ario ra
okotai ia ngauru i te tausani i te ta-
leni, e te vao ra okotai ia ngauru ma-
varu i te tausani i te taleni, okotai
anere i te tausani i te taleni auri. E
te aronga tei ia ratou te toka *memei-
taki* ra, kua oronga ia no te uipānga
apinga no te are o Iehova, i te rima o
Iehiela te Geresona. Mareka rava
akera te tangata i te mea kua oronga
ua ratou; e ma te ngakau meitaki i te
oronga ua anga kia Iehova: mareka
katōa akera te ariki ra ko Davida e
rekareka maata.

Kua akameitaki aturā Davida ia Ie-
hova i reira ki mua i te aroaro o taua
uipānga katōa ra: e kua karanga aturā
Davida, Kia akameitakiia koe, e
tuatau e tuatau ua atu, e te Atua o to
matou metua o Iseraela, e Iehova.
Tei ia koe, e Iehova, te maata, e te
mana, e te kakā, e te autu, e te tapu-
nui: to runga i te rangi ra, e to runga
i te enua, *noou* anake ia; tei ia koe te
au, e Iehova, e ko koe tei teitei ei
upoko i te au mea katōa nei. No ko
na mai ia koe na te apinga e te aka-
ngateitei, e ko koe tei tutara ki rungao
i te au mea katōa; e tei to rima te
ririnui e te maroiri; e tei to rima i te
akamaata mai, e te oronga mai i te
maroiri ki te *tangata* katōa nei. E
teianei, e to matou Atua, te akamei-
taki nei matou ia koe, e te akapaapaa
nei i toou ingoa kakā. Kōai ra au nei,
e eaa toku nei au tangata, e tika'i ia
matou kia apai ua atu mei teianei te
tu? No ko na mai ia koe na te au
mea katōa nei, e no roto i taua ta ma-
tou i apai atu kia koe na. I mua ia
koe ra e aronga tangata ke oki matou,
e te purutia, mei to matou ai metua
katōa ra: to matou au rā i te ao nei e
tau ia ki te ata, kare rava e mouranga.
E to matou Atua, e Iehova e, ko teia
katōa nei au apinga, i uipāia e matou
ei akatu i te are noou, no to ingoa tapu
ra, no ko na mai i to rima na, ko koe
unorai te Pu. Kua kite oki au, e taku
Atua, e unuunumou rai koe i te nga-
kau, e e mea mataora naau te tirati-
ratu. Kareka au nei, kua apai ua au i
taua au mea katōa nei ma te tiratiratu
o toku nei ngakau: e teianei, kua kite
au ma te rekareka i to au tangata e
noo nei, i te oronga ua anga i *ta ratou*
kia koe ra. E te Atua no to matou ai
metua ra, no Aberahama, no Isaka, e

no Iseraela, e Iehova, e tamou koe i
teianei ki roto i te akakoroanga o te au
manako ngakau o to au tangata, e tua-
tau ua atu, e akonokono i to ratou
ngakau kia koe: E oronga mai oki
koe ki taku tamaiti nei kia Solomona i
te ngakau tika tikai, kia akono aia i
taau au akauenga, taau au tuatua-aka-
kite, e tauu au akonoanga; e kia rave
aia e kia akatu i te are i te apinga i
kopiā e au.

Kua karanga aturā Davida ki taua
uipānga katōa ra, E teianei, e akamei-
taki i to kotou Atua ra ia Iehova. Kua
akameitaki atura taua uipānga katōa
ra i te Atua o to ratou ai metua ra ia
Iehova, e kua tupou to ratou mimiti
ki raro e kua akamori ia Iehova, e
kua *tupou akera* ki te ariki. E ao
akera i taua rā ra, kua ta iora ratou i
te au tusia na Iehova, e kua apai i te
au tusia karakaratio na Iehova, okotai
tausani i te bovi, okotai tausani i te
mamoe toa, okotai oki tausani i te are-
nio, e to ratou au neseke, e te au
tusia katōa e manganui na Iseraela ra-
varai: Kua kai iora ratou e kua inu
ki mua i te aroaro o Iehova i taua rā
ra ma te rekareka maata. Kua akaa-
riki aknou akera ratou i te tamaiti a
Davida ia Solomona, ko te tu rua ia, e
kua akatainu ratou *iaia* i ta Iehova i
anoano ei ariki maata, e ko Zadoka ei
tangata ia. Kua noo iorā Solomona ki
runga i te terono a Iehova, ei ariki ei
tupau i tona metua ia Davida, e kua
manuia tana; e kua akarongo maira
Iseraela katōtoia iaia. E te aronga
mamaata katōa, e te aronga mana, e te
au tamariki ravarai a te ariki rā a Da-
vida, tei tatomo marie katōa ki te ariki
ra kia Solomona. Kua akamaata rava
mairā Iehova ia Solomona i mua i te
aroaro o Iseraela katōa, e kua oronga
maira i te kakā ariki kiaia, kare ia i
orongaia mai ki tetai ariki no Iseraela
i mua iaia.

Pera atura te tamaiti a Iese rā
Davida i te ariki anga i runga ia Ise-
raela katōa. E te au rā i ariki ei aia
ki runga ia Iseraela, e rua takau ia ma-
taiti; e itu ona mataiti i te ariki anga
i Heberona, e toru ngauru ma toru
i te ariki anga i Ierusalem. Mate
ruaine ua atura aia, kua ope tona au
rā, ma te apinga maata, e ma te aka-
ngateitei: tupauia akera aia i te au e
te tamaiti nana ra e Solomona.
E te au angaanga a te ariki rā a Da-
vida, ko mua e ko muri, i na, kua
tataia ia i roto i te tuatua a te akara ra
a Samuela, i roto oki i te tuatua a Na-

tana peroveta, e i roto i te tuatua a te akara ra a Guda; Ma te tuatua katoa 30 o tona ra au, e tona ra ririnui, e te au tuatau i te na runga anga iaia, e te na

runga anga ia Iseraela, e te na runga anga i te au basiléia o te pa enua ra-varai.

PARALEIPOMENO BUKA RUA.

PENE I.

Te tusia e te orama na Solomona i Gibeona ra.

KUA akatinamouia mai te tamaiti 1 a Davida ko Solomona i tona ra au; tei iaia rai tona Atua ko Iehova, e kua akamaata rava maira iaia. Kua 2 karanga aturā Solomona kia Iseraela katoatoa, ki te au kapena no te au tausani, e no te au anere ra, e te au akava, e te au kavana, i Iseraela katoa ra, e aronga mataiapo tutara. Kua aere 3 iorā Solomona e te uipānga katoa ki te ngai teitei i Gibeona; tei reira oki te Are uipānga o te Atua i angaia e te tavini o Iehova ra e Mose i te mede- 4 bara. Kareka te aruna a te Atua kua apaiia mai ia e Davida mei Kiriata-icairima, ki te ngai i akonoia e Davida no te reira; kua patia oki aia i tetni puakapa no te reira i Ierusalemā. E 5 te atarau veo i angaia e Bezalela, te tamaiti a Uri, te tamaiti a Hura, tei reira te vairanga ki mua i te sekene o Iehova; e kua ui aturā Solomona e te uipānga katoa i reira. Kua aere atura 6 oki a Solomona ki runga ki taua atarau veo ra i mua i te aroaro o Iehova, e vaoo i te Are uipānga ra, e kua apai i te tusia karakaratio ki runga okotai katoa tausani.

Kua mania maira te Atua kia Solomona i taua po ra, e kua tuatua maira 7 kiaia, Ka pati mai i taku e oronga atu naau. Kua karanga aturā Solomona ki te Atua, E takinga-meitaki maata 8 tauu i akakite mai ki toku metua kia Davida, e kua akariro koe iaku ei tupau iaia i te au nei. E teianei, e te 9 Atua e Iehova, kia akatinamouia tauu i tuatua mai ki toku metua ra kia Davida: kua akariro oki koe iaku ei ariki ki runga i te tangata nei e tau ki te one-pueu o te enua nei i te maata. O 10 mai ana i tenana te pakari e te kite

kiaku nei, kia aere au ki vao e kia oki mai ki roto ki mua i te aroaro o teianei aronga tangata: e tika oki iaia kia akava i teianei iti-tangata noou i te 11 maata? Kua tuatua maira te Atua kia Solomona, No te mea ko te inangaro ia o toou ngakau, e kare akenei koe i pati mai i te apinga maata, te 12 taoiau, e te akangateitei, e to au enemī kia mate, e kare oki i pati mai e kia roa te a'o; kua pati maira koe i te pakari e te kite noou uorai, kia tika ia koe i te akava i toku nei au tangata, 13 tei akaarikiia koe e au ei ariki ki runga 12 ra; Kua orongaia te pakari e te kite kia koe ra; ka oronga atu oki au i te apinga maata, e te taoiau, e te akangateitei, kare e aite to te au ariki i muao ia koe, kare katoa oki oou e aite a 13 muri atu. Kua oki iorā Solomona mei taua ngai teitei mai i Gibeona ra ki Ierusalemā, mei mua mai i te Are uipānga ra, ariki iora aia ki runga ia Iseraela ra.

14 Kua akaputuputu iorā Solomona i te kariota e te au tangata akaoro ipo ra: okotai tausani e a anere ona kariota, okotai ngauru ma rua i te tausani i te au tangata akaoro ipo, ko tei akanoia e ia i roto i te au oire kariota ra, 15 e i te ariki oki i Ierusalemā. Riro atura te ario e te auro i te ariki mei te toka ra i Ierusalemā; e kua riro, te arezi iaia mei te sukamino i te o ra, i 16 te maata. E aronga ipo ta Solomona i apaiia mai mei Aiphiiti maira, e na te urupu tangata oko o te ariki i rave i taua anana ipo ra ma te akono i te oko 17 mou ra. Kua tiki mai vatou ki runga e kua apai mai i te kariota okotai mei Aiphiiti mai, i te au sekela ario e ono anere; e te ipo ra, okotai ia anere e rima ngauru: e mei te reira katoa kia apaiia mai e ratou na te au ariki ngati Heta ra, e te au ariki i Arama ra.

PENE II.

*Te aronga rave angaanga a Solomona
i te akatu anga i te iero ra.*

KUA akakoro akerā Solomona e 1
akatu i tetai are no te ingoa o Ie-
hova, e tetai are katoa no tona basileia.
Kua tatau iorū Solomona i e itu ngau- 2
ru i te tausani tangata ei apai apai-
nga, e varu oki ngauru tausani tangata
ei tarai *toka* i runga i te maunga,
e toru oki tausani e ono anere ei aku-
maroiroi ia ratou.

Kua tonokērā Solomona i te karere 3
ki te ariki i Turia ra kia Hirama, ka-
ranga atura, Mei tauu takinga i toku me-
tua ra ia Davida, e kua akau mai i te
au arezi ei akatu i te are nona ei noo
anga, e *akapera katoa mai koe iaku nei*.
I na oki au, te akatu nei au i tetai are 4
no te ingoa o taku Atua no Iehova, ka
akatapu ei nona ra, ei tutungi anga i
te tuiamia ki mua iaia, e no te kai o
te aroaro vaoa tamou ra, e no te tusia
karakaratio i te popongi e te aia, i te
au sabati, e te au marama ou ra, e no
te au oroa tapu no to matou Atua no
Iehova: *ei akonoanga* na Iseracla teia 5
e tuatau ua atu. E are maata oki taua
are e akatuia e au nei, to matou Atua
oki tei maata i te au atua katoa ra. E
tika oki iaai kia akatu i te are nona, i
na oki te rangi nei, e te rangi o te au
rangi ra, kare rai aia e o? koai oki au
nei, ka akatu ei au i te are nona, mari 6
ra ei tutungi anga tuiamia ki mua
iaia? E tenana, e tono mai koe i tetai
tangata karape i te rave i te auro, e te
ario, e te veo, e te auri, e te *kakau*
purapura, e te muramura, e te kere-
kere, e te kite oki i te kotikoti, *kia*
rave katoa aiu e te aronga karape katoa
i oku nei i Iudea nei, e Ierusalemā, tei
akaputputuia e taku metua e Davida.
E akau katoa mai i te au arezi, e te au
berusi, e te au alamuga i Lebanona:
kua kite oki au e toou te tangata i kite
i te tipu i te rakau i Lebanona; e i na, 8
ka kapiti katoa toku ra au tavini ki
toou ra au tavini, Ei akonokono i te
rakau naku e kia maata: teia are nei
oki taku e akatu nei, *ka riro* ci are
maata e te tu ke. E i na, ka oronga 10
atu oki au ki toou ra au tavini e tipu i
te rakau ra, okotai takau i te tausani i
te kora sitona reruia, okotai takau i te
tausani i te kora kerite, okotai takau
oki i te tausani i te bato wina, okotai
takau oki i te tausani i te bato inia.

Kua tata maira te ariki o Turia ra 11
ko Hirama i te tuatua, tana i akau kia

Solomona, No te mea e aroa to Iehova
i tona iti-tangata, i akaariki ei aia ia
12 koe ki runga ia ratou. E kua karanga
atu rai a Hirama, Kia akameitakiia te
Atua o Iseracla ko Iehova, ko tei anga
i te rangi e te enua; ko tei oronga mai
i tetai tamaiti pakari ki te ariki ra kia
Davida, tei iaia te karape e te kite, kia
akatu i te are no Iehova, e te are oki
13 no tona basileia. E teianei, kua tonok-
kia atu e au tetai tangata karape, e
14 kite maata, ko Hirama-abiu. E ta-
maiti na tetai tamaine a Dana, no
Turia tona metua tane, kua karape i te
rave i te auro, e te ario, te veo, te auri,
te toka, e te rakau, te *kakau* purapura,
te mea kerekere, e te orongā meitaki,
e te muramura; e i te kotikoti oki i te
au kotikotianga katoa ra: e te kimi
oki i te au ravenga katoa kia tuatuaia
mai aia ra, e toou katoa ra oki au
tangata karape, e te au tangata karape
katoa a taku pu ra a to metua a Davida.
15 E teianei, i te sitona ra, e te kerite, te
inu, e te wina ra, i tei tuatuaia mai e
koe, e taku pu, e akau ua mai aia ki
16 tona nei au tavini: E na matou e tipu
mai i te rakau i Lebanona ra, e kia iu
roa koe; e na matou e paata mai kia
koe na tai e ki Iopa; e naau e apai ki
runga ki Ierusalemā.

17 Kua tatau iorū Solomona i te au
tangata katoa, *koia* te au tangata ke i
te enua ra i Iseracla nei, mei te tatou
anga i tatauia'i ratou e tona metua e
Davida; e kua kitea iora, okotai anere
e rima ngauru ma toru i te tausani, e
18 ono oki anere. E kua akono atura aia
i to te reira, e itu ia ngauru i te tausani
ei apai apainga, e varu oki ngauru i te
tausani ei tarai *toku* i runga i te mau-
nga, e toru oki tausani e ono anere i
runga oki akakite ki te tangata i te
angaanga.

PENE III.

*Te turanga e te akatu anga i te
iero ra.*

KUA timata iorū Solomona i te
akatu i te are o Iehova i Ieru-
salema, i te maunga ra ko Moria, i tei
akakiteia ki tona metua kia Davida, i
te ngai i akonokonoia e Davida i te
2 alona a Arauna ngati Iebusi ra. I te
rā rua e te marama rua, i te a o te ma-
taiti i ariki ei aia ra, i timata'i aia i te
akatu i *taua are* ra.

3 Tera oki nga tumu i te are o te
Atua ta Solomona ka akatu. Ko te
tiroa i te kubitī ra, mei tei muatangana
aite anga, e ono ngauru i te kubitī, e te

tipoto ra, okotai takau ia kubiti. E te 4
tiroa o te tomoanga i te tuapoto, kua
aiteite ki te tipoto o te are, okotai takau
i te kubiti, e te teitei ra okotai anere
e okotai takau ia; e kua vaiia i roto ra
ki te auro meitaki ra. E te are maata 5
ra, kua tapokiia ia ki te rakau ra ki te
berusi, e kua vaiia ki te auro meitaki;
e te tamara i te kokoti angaia ki rungao
e te pirianganaoa. E akamanea aereia 6
iora taua are ra ki te toka meitaki
maata e te manea; e te auro ra e auro
ia no Paravaima ra. Kua vai oki aia i 7
te are ra, te au tea ra, te au pou ra, e
te au paruru ra, e te au pa ra, ki te
auro; e kua kotikoti i te kerubi ki
runga i te au paruru ra.

Kua anga oki aia i te are tapu roa ra, 8
okotai rai aite i te tiroa e te tipoto o
taua are ra, okotai takau i te kubiti;
okotai takau oki kubiti i te tipoto: e
kua vai oki aia ki te auro meitaki ra, e
ono anere i te taleni. E te teiaa o te 9
naio ra, e rima ia ngauru i te sekela
auro ra. E kua vai oki aia i te au pia
i runga ra ki te auro.

E kua anga iora aia i nga kerubi e 10
rua kotikotiia i roto i te are tapu roa
ra, e kua vai ia ki te auro. E ko nga 11
peau o aua nga kerubi ra, okotai takau
ia i te kubiti i te roa: okotai peau ra e
rima ia kubiti, e kua taea te pae are:
e tetai peau ra, e rima ia kubiti, kua
taea ia te peau o tetai kerubi. E tetai 12
peau o tetai kerubi, e rima ia kubiti, e
kua taea te pae are: e tetai peau e rima
ia kubiti, e kua tukia te peau o tetai
kerubi. Okotai takau kubiti i kapi i 13
te peau o aua nga kerubi ra i te totoa
angaia ra; te tu ua ra raua ki runga
i to raua vaevae, e te ariu ra nga mata
ki te are. Kua anga iora oki aia i te 14
paruru kerekere, e te purapura, e te
muramura, e te orongū meitaki; e
anga iora i te kerubi i rungao.

Kua anga iora oki aia ki mua mai i 15
taua are ra i nga pou e rua, e toru
ngauru e rima ara i te kubiti i te roa, e
te tapoki i rungao i aua nga pou ra, e
rima ia kubiti i te teitei. Kua anga 16
oki aia i te pirianganaoa, mei tei te
ngai-tuatua ra, e kua tuku akera ki
rungao i te kauru o nga pou ra; e kua
anga oki i te au remuna okotai anere,
e kua tuku akera ki rungao i taua au
pirianganaoa ra. Kua akatu akera aia 17
i nga pou ki mua i te nao, okotai tei te
rima katau, okotai oki tei te rima kaui;
e kua tapa iora i te ingoa o tei te rima
katau ia Iakina, e te ingoa o tei te rima
kaui ko Boaza ia.

PENE IV.

*Te atarau veo i te angaangaia e
Solomona ra.*

1 **K**UA anga oki aia i tetai atarau veo,
okotai takau kubiti i te tiroa,
okotai takau kubiti i te tipoto, okotai
ngauru oki kubiti i te teitei.

2 Kua anga oki aia i tetai kiura aka-
toia ra, tetai nia e tae ua atu ki tetai
nia, okotai ngauru ia i te kubiti, e
mea takapuna ia; e rima kubiti i te
teitei; e toru ngauru te kubiti i te
3 taura e pini ei kia akapini. E i raro
ake i taua nia ra e tu bovi anake ia, e
pini ua ake; okotai kubiti okotai ngauru,
e pini ua ake te kiura ra. E rua tupati
4 bovi, okotai rai akato angaia. Ki ru-
nga i nga bovi tai ngauru ma rua te
vaio angaia; ko e toru ra te akara tika
ra ia ki te pae i apatokerau, ko e toru
ra te akara tika ra ia ki te pae i te
opunga o te rā ra, ko e toru ra te
akara tika ra ia ki te pae i apatonga,
ko e toru ra oki te akara tika ra ia ki
te pae i te itinga o te rā ra; kua
tukuia taua kiura ra ki rungao i aua
5 nga bovi ra, e tei roto anake nga toe. E
te patapatuae ra mei te rima nei rai te
pararauare, e te nia ra mei te nia kapu
ra ia te tu i te angaangaia, mei te tiare
lili ra. E toru tausani bato e o ki
• roto.

6 Kua anga iora aia i nga kiura okotai
ngauru, kua tuku akera e rima ki
te rima katau, ko e rima oki ki te rima
kaui, ei orci anga: te au apinga i apaiia
ei tusia karakaratio ra, kua oreia ia i
reira; kareka te kiura maata ra ei
orci anga ia no te kau taunga ra.

7 Kua anga iora oki aia i nga menure
auro okotai ngauru, i to ratou tu tikai,
kua tuku iora ki roto i te nao, ko e
rima ra, ei te rima katau ia, ko e rima
oki, ei te rima kaui.

8 Kua anga oki aia i te au kaingakai
okotai ngauru, e kua tuku iora ki roto
i te nao, ko e rima ra, ei te pae katau
ia, ko e rima ra, ei te pae kaui. E kua
anga iora oki i te au kapu auro okotai
anere.

9 Kua anga oki aia i te kezere na te
kau taunga, e te kezere maata ra, e te
au pa no nga kezere ra, e kua tapoki
10 aua nga pa ra ki te veo. Kua tuku
iora aia i te kiura ra i te pae katau i te
poo i te itinga o te rā, e anga tika ki
apatonga ra.

11 Kua anga oki a Hiram a i te au pani,
e te au taipu, e te au kapu ra. Kua
akaoti akera Hiram a i te anganga tana

i rave na te ariki ra na Solomona, no te are o te Atua: Nga pou e rua ra, e nga kapu ra, e nga tapoki ki rungao i nga pou e rua ra, e nga angaanga kupenga e rua ra, ei tapoki i nga kapu e rua o te tapoki ra i runga i nga pou ra; E remuna oki e a anere ra no nga kupenga e rua ra, e rua tupati remuna no te kupenga okotai, ei tapoki i nga kapu i runga i te tapoki i runga i nga pou ra. Kua anga oki aia i te au turanga *kiura*; 14 e te au kiura oki i rungao. Okotai 15 oki kiura, e te au bovi okotai ngauru ma rua i raro ake; Te au pani katoa, e te au taipu, e te au kokai, e te au mea katoa ra, tei angaia e Hirama-abiu i te veo kakā ra na te ariki na Solomona, no te are o Iehova. Tei te ngai matantaa i Ioridana te akato angaia ia e te ariki, tei te ngai karakaraea i te va i Sukota e Zeredata: Anga iorā Solomona i taua au mea katoa ra e manga-nui: e kare akerai i kite i te veo i te maata. Anga iorā Solomona i taua au mea ravarai no te are o te Atua ra; e te atarau auro katoa, e nga kaingakai i *vaioia* i te areto o te aroaro ra; E nga 20 menure, e to reira au lamera e ka ki mua ake i te ngai-tuata ra, mei tei akakiteia ra, e auro meitaki ia; Nga 21 tiare oki, e te au lamera, e te au pakoti auro, e auro meitaki maata ia; E te au 22 matipi oki, e te au kapu, e te au punu, e te au āriki ai, e auro meitaki ia: E te tomoanga i te are, to reira oki nga pa i roto ra no te ngai-tapu roa ra, e te au pa i te are o te nao, e auro ia.

PENE V.

Te aruna i apaiia ki roto i te ngai-tapu ra: ki rava te iero ki to te Atua ra kakā.

OTI rava akera te au angaanga katoa i te raveia e Solomona, no te are o Iehova: e kua apai mairā Solomona i te au apinga *ravarai* i akatakaia e tona metua e Davida; e te ario, e te auro, e te au apinga katoa ra, tei tukuia e ia ki roto i te uipānga apinga no te are o te Atua.

Kua akaputuputu mairā Solomona i te aronga pakari i Iseraela, e te rungao i te au kopu ra, e te au mataiapo tutara o te tamariki a Iseraela, ki Ierusalem, kua apai mai ratou i te aruna kororomotu a Iehova mei roto mai i te oire o Davida, koia oki Ziona. Kua uipa maira te au tangata Iseraela ravarai ki te ariki ra, i te oroa ra, koia te mara-rama itu ra. Kua aere maira te aro-

nga pakari katoa o Iseraela; e kua 5 rave iora te ngati Levi i te aruna. E kua apai maira ratou i te aruna, e te Are uipānga, ki runga, e te au mea tapu ravarai i roto i taua Are ra, ko tei apai katoaia mai ia ki runga e te kau 6 taunga te ngati Levi. E te ariki ra oki ko Solomona, e te uipānga Iseraela katoa i te akakatoatoa anga i reira ki mua i te aruna, te apai ra i te mamoe, e te bovi, ei tusia, kare e tika kia tatau 7 i te maata. E kua apai maira te kau taunga i te aruna kororomotu a Iehova ki tona ra vairanga, ki te ngai-tuata i te are ra, ki roto i te ngai-tapu rava, i raro ake i nga peau o nga kerubi ra. 8 Kua oora mai oki nga kerubi i o *raua* peau na runga i te vairanga aruna, e ngaro oki te aruna e nga amo katoa i 9 nga kerubi. E no te roa o te amo i kitea uaia i te openga i taua aruna ra i mua ake i te ngai-tuata ra, kare ra e kitea i vao; e te vai ua ra i reira e tae 10 rava akenei ki teianei rā. Kare o roto i taua aruna ra mari ra i aua nga papa e rua ra, ta Mose i tuku i reira i Horeba ra, ka papau ei a Iehova i te kororomotu ki te tamariki a Iseraela, ka aere mai ei ratou mei Aiphiti maira. 11 E kia riro mai te kau taunga ki vao i taua ngai-tapu ra: kua ope oki te kau taunga i kitea maira i te akatapua, kare oki ratou i tiaki i te pupu i reira: 12 E te au ngati Levi, te aronga imene, te pupu katoa o Asapha, to Hemana, to Iedutuna, e ta ratou au tamariki e to ratou au taeake, kua kakau ki te orongā meitaki ra, e ma te au sumebalo, e te au nabala, e te au kinura, i te tu ua anga i te pae i te itinga o te rā i te atarau ra, e te kau taunga katoa okotai anere e rua ngauru, ma te au pu i te 13 akatangia anga: Kua kapiti akera te aronga akatangia pu e te aronga imene i te reo okotai, i te akapaapa anga, e te akameitaki anga ia Iehova: e kia akateitei akera ratou i te reo ma te au pu, e te au sumebalo, e te au mea e akatangia ra, i te akapaapa anga ia Iehova, i te na ko anga e, E meitaki oki tona, ka tu oki tona aroa e rimua; kua ki maira taua are ra ki 14 te tumurangi, te are o Iehova; E kare atura te kau taunga e mou i te raverave no taua tumurangi ra: kua ki oki te are o te Atua ki te kakā o Iehova.

PENE VI.

Ko Solomona i te akaora anga i te tangata, e te akameitaki anga i te Atua : tana pure i te ainga i te iero.

KUA tuatua mairā Solomona, I tuatua mai oki a Iehova e, ei roto i te tumurangi poihi aia noo ei. Kua akatu ra au i te are nooanga noou; ei ngai nooanga noou e tuatau ua atu. Kua anga maira te mata o te ariki, kua akaora maira i te uipānga katoa o Iseraela: kua tu ua maira te uipānga katoa o Iseraela ki runga.

Kua tuatua akera aia, Kia akameitakia te Atua o Iseraela ko Iehova, ko tei akatupu ua i tona rima i ta tona uorai vaa i tuatua ki toku metua kia Davida, i te na ko anga e, Mei te rā mairai i arataki mai ei au i toku ra iti-tangata mei te enua maira mei Aiphiti ra, kare au i iki i tetai oire i roto i te au kopu ravarai o Iseraela nei ei akatu anga are, kia vaoaia toku nei ingoa i reira; e kare au i iki ua atu i tetai tangata ei tutara ki runga i toku ra tangata ia Iseraela: Kua iki ra au ia Ierusalemā; ei reira toku ingoa vai ei; e kua iki au ia Davida, ei runga ia i toku nei au tangata ia Iseraela. Ko roto ra i te ngakau o toku metua ra o Davida te *manako*, e akatu i tetai are no te ingoa o te Atua o Iseraela no Iehova. Kua tuatua mairā Iehova ki toku metua kia Davida. No te mea, ko roto i toou ngakau e akatu i tetai are no toku nei ingoa, kua tika tauu no te mea ko roto ia i toou ngakau. Auraka ra koe e akatu i taua are nei; na to tamaiti ra, tauu e anau ra, nana e akatu i te are no toku nei ingoa. Kua tupu io nei ia Iehova te tuatua tana i karanga ra; kua tupu io nei oki au ei tupau i toku metua ia Davida, e te noo nei au ki runga i te terono o Iseraela, ia Iehova i tuatua maira, e kua akatu io nei au i te are no te ingoa o te Atua o Iseraela no Iehova. E kua tuku au i te aruna ki roto, i teti reira *nga papa* koreromotu a Iehova ra, tana i papau ki te tamariki a Iseraela ra.

Te tu ua ra aia ki mua i te atarua i Iehova, ki mua i te aroaro o te uipānga katoa o Iseraela ra, e te oora tika atura i ona rima: I anga ana oki a Solomona i tetai paata veo, e rima kubiti i te tiroa, e rima kubiti oki i te tipoto, e toru kubiti i te teitei, e kua vaoaia i rotopu i te kezere ra; kua tu iora aia ki runga i te reira, e kua tuku iora i

tona turi ki raro ki mua i te uipānga katoa o Iseraela ra, e te oora atura aia i ona rima ki runga i te rangi. E kua karanga atura, E te Atua o Iseraela, e Iehova e, kare atu e Atua e aite kia koe i te rangi, e i te enua nei; tei akono i te koreromotu, e te aroa, ki to au tavini, ko tei aere i mua ia koe ma to ratou ngakau katoa: Ko tei akono tikaia e koe tauu i tuatua mai ki to tavini ki toku metua kia Davida: Na toou vaa i tuatua i tei akatupua e to rima mei tei teianei rā. E tenana, e te Atua o Iseraela, e Iehova, e akono rai koe i tei tuatuaia e koe ki to tavini ki toku metua kia Davida, ka na ko ei ra e, Kare koe e ngere i te tangata kia noo ki mua i toku aroaro ki runga i te terono o Iseraela; kia akono mairai to au tamariki i to ratou aere-nga, e kia tau to ratou aere ki taku ture, mei ia koe katoa i aere na mua iaku ra. E teianei, e te Atua o Iseraela, e Iehova, kia tupu tikaia tauu tuatua i tuatuaia e koe ki to tavini kia Davida.

18 Ka noo tika mairai ainei te Atua ki o te tangata nei ki runga i te enua? i na, te rangi nei, e te rangi o te au rangi ra, kare rai koe e o: ka tangai oki i teianei are i akatuaia e au nei! E akono maira koe i te pure a to tavini nei, e tana e pati nei, e taku Atua, e Iehova, e akarongo mairai koe i te kapiki, e te pure, ta to tavini e pure ki mua ia koe: Kia puera mai o mata i te po e te no ki teianei are, ki te ngai tauu i tuatua ra e vaioia e koe to ingoa i reira; kia akarongo mai ei koe i te pure e pureia e to tavini ki teianei ngai. E akarongo mairai koe i te pure a to tavini, e ta to au tangata ta Iseraela, kia pure tika mai ratou ki teianei ngai; e akarongo mai koe i reira i toou ra nooanga i te rangi ra, e kia rongu koe ra, e akakore mai i ta ratou ara.

22 Kia ara tetai tangata i tona tangata tupu, e akataputouia atura aia, e kua taputou iora i ko nei, ki mua i to atarua i roto i teianei are: E akarongo mai koe i runga i te rangi ra i reira, ka tuku mai ei i te tuatua-tau ki to au tavini nei, i te tutaki anga mai i tei ara ra, e te uri anga mai i taua ara ki runga i tona orai mimiti; e te akatika anga mai i tei tika ra, i te tuku anga mai i tei tau ki te tuatua-tika nana ra.

24 Kia eke to au tangata ko Iseraela ki mua i te enemi, no te mea kua ara ratou ia koe; e kia anga maira e kia aaki i to ingoa, e kua pure ratou e kua

pati i to ratou anoano ki mua i to aroaro i teianei are: E akarongo mai koe 25 i runga i te rangi ra i reira, e akakore mai i te ara a to au tangata ia Iseraela, e akaoki mai ia ratou ki te enua taau i oronga mai no ratou e to ratou ra ai metua.

Kia momaniia te rangi ra, e kare e 26 ua, no te mea kua ara ratou ia koe; kia pure tika maira ratou ki ko nei ki teianei ngai, e kia aaki i to ingoa ra, e kia akaruke ratou i ta ratou ara, kua oti ratou i te tairoia e koe ra: E akarongo mai koe i runga i te rangi ra i reira, e akakore mai i te ara a to au tavini, e a to au tangata ia Iseraela; e akakite mai koe kia ratou i te ara meitaki kia aere ratou ra; ka oronga mai ei i te ua ki runga i to enua nei, i tei orongaia mai e koe ki to au tangata nei ei tuanga.

Kia rokoia te enua nei e te onge, e 28 te maki-mate, te veravera, e te pueka, te akerride, e te anue; e kua akapiniia ratou e to ratou au enemi i te au oire i to ratou enua; *kia rokoia* e tera mate, e tera maki; Ko te au pure katoa e 29 te au patiangia e patiiia e to au tangata katoa, e to au tangata katoa e Iseraela nei, i te tangata katoa i kite i tona uaoari mate, e tona uaoari kino, e kua oora tika mai i ona puke rima ki teianei are: Ei reira koe e akarongo mai ei i 30 runga i te rangi i te ngai taau e noo ra, ka akakore ei i te ara, e akaaiteite mai koe i te tutaki ki te tangata katoa kia tau ki tona au aerenga, ko koe oki te kite i tona ngakau; ko koe anake rai oki te kite i te ngakau o te au tamariki a te tangata nei: Kia matakau oki 31 ratou ia koe, e kia aere na to au arataa, i te au rü katoa i to ratou ora anga ki runga i te enua taau i oronga mai ki to matou nei ai metua ra.

I te tangata ke ra, kare to Iseraela i 32 toou nei au tangata, no to ingoa maata ra i tae mai ei mei te enua mamao mai, e no to rima marörö, e to rima i akatikaia ra; kia aere mai ratou, e kia pure tika mai ki teianei are: E akarongo mai koe i reira i runga i te rangi i te ngai taau e noo ra, ka akatika mai ei i ta taua tangata ke ra i kapiki ia koe ra; kia kite to te ao katon nei i toou ingoa, e kia matakau ia koe, mei toou katoa ra iti-tangata mei ia Iseraela nei; kia kite oki ratou i teianei are i akatuia e au nei, e kua tapaia i te ingoa noou ra.

Kia aere toou iti-tangata e tamaki i 34 to ratou au enemi, na te arataa taau e tono ia ratou, kia pure maira ratou

kia koe ki teianei oire i iikiia e koe ra, e teianei are i akatuia e au no toou ra 35 ingoa: E akarongo mai koe i reira i runga i te rangi ra i ta ratou pure, e ta ratou i pati ra, e tupae mai koe ia ratou.

36 Kia ara ratou ia koe, (kare atu oki e tangata e kore ei te ara,) e kua riri iora koe ia ratou, e kua tuku atu koe ia ratou ki te enemi, e kua apai tuikaia atu ratou e ratou ki te enua mamao, e

37 kare ra, *te enua* vaitata; Kia akamaara-ara to ratou ngakau i te enua i apai tuikaia'i ratou ra, e kua ariu mai, e kua pure mai ia koe i taua enua i tuikaia'i ratou ra, kia tuatua mai e, Kua ara matou, kua tatipake matou, kua rave

38 matou i te kino; E kia anga maira ratou kia koe ma to ratou ngakau katoa ra, e ma to ratou vaeua katoa, i taua enua i tuikaia'i ratou ra, e kua apai tuikaia e ratou i reira, e kua pure tika mai ki to ratou nei enua, i orongaia mai e koe no to ratou ai metua ra, e te oire i iikiia e koe ra, e te are i akatuia

39 e au no toou ra ingoa: E akarongo mai koe i reira, i runga i te rangi, i te ngai taau e noo ra, i ta ratou pure e ta ratou i pati ra, e tupae mai koe ia ratou, ka akakore ei koe i te ara a to au tangata i ara ai ia koe ra.

40 E teianei, e taku Atua, teia taku tuatua kia koe, e akapuera mai koe i o mata, e akarongo mai oki o taringa i

41 te pure i *pureia* i teianei ngai: E teianei, ka tu mai, e te Atua, e Iehova, ei toou akaangaroia ngai, ko koe e te aruna o to maroiroi: kia akakakauia te kau taunga naau, e te Atua, e Iehova, ki te ora, e kia rekareka toou

42 aronga tapu ra i te meitaki. E te Atua, e Iehova e, auraka kia akaanga keia te mata o tei akamainuia e koe ra: e akamaara i te aroa i to tavini ia Davida.

PENE VII.

E ai no te rangi mai ei akatika i te pure a Solomona.

- 1 **E** KIA akaoti akerü Solomona i tana pure, kua topa maira te ai no te rangi mai, pou rava akera te tusia karakaratio, e te au tusia; ki rava akera te are i te kakä o Iehova.
- 2 Kare akera te kau taunga i o ki roto i te are o Iehova, no te mea kua ki te are o Iehova i te kakä o Iehova. E
- 3 are o Iehova i te kakä o Iehova. E kite akera te au tamariki katoa a Iseraela i te ai i te topa anga mai, e te kakä o Iehova ki runga i taua are ra, kua tupou iora to ratou mata ki rarq i

te one ki runga i te paepae ra, e kua akamori, e kua akameitaki ia Iehova, no te mea, e meitaki tona, e tona aroa ka tu ia e rimua.

Kua apai atura te ariki e te au tangata katoa i te au tusia kia Iehova. Kua apai atura te ariki ra ko Solomona i te tusia e tai takau ma rua i te tausani i te bovi, okotai anere e rua ngauru i te tausani i te mamoe: i akapera te ariki e te tangata ravarai i te akatapu i te are o te Atua. Te akono ra te kau taunga i ta ratou taonga: e te au ngati Levi ma te au mea tangi na Iehova ra, i angaia e te ariki ra e Davida, ka imene ei a Davida ia ratou ei akameitaki ia Iehova, no te mea ko tona aroa ka tu ia e rimua: e i mua mai ia ratou ra, ko te kau taunga ia i te akatangia anga i te pu, e ko Iseraela katoa kua tu ua iora. Kua akatapua oki e Solomona *te ngai* i rotopu i te kezere i mua i te are o Iehova: i reira oki aia i te apai anga i te au tusia karakatio, e te tongaua o te au tusia au ra, no te mea kare akera e o te au tusia karakatio e te au mineka, e te tongaua, i te atarau veo i angaia e Solomona ra.

I reira oki a Solomona e ko Iseraela ravarai, e uipanga maata ua atu, mei te tomoanga ki roto ia Hamata e tae ua atura ki te kauvai ra i Aiphiti, i te akono anga i te oroa e rā itu akera. Kia tae oki ki te rā varu ra, e uruoanga tapu ia ta ratou; e rā itu atura te akatapu anga i te atarau ra, e rā itu oki to te oroa. E tae akera ki te tai takau ma toru o te rā i te marama itu ra, kua tuku na atura aia i te au tangata kia aere ua ana ki to ratou au puakapa, ma te perepererekavana e te rekareka o te ngakau, i te au meitaki ta Iehova i rave ia Davida, e ia Solomona, e ia Iseraela i tona au tangata.

E oti akera te are o Iehova ia Solomona, e te are o te ariki; e kua oti meitaki rava akera iaia te au mea katoa tei tupu i roto i te ngakau o Solomona e rave i te are o Iehova, e tona katoa ra are. Kua mama mairā Iehova kia Solomona i te po, e kua tuatua maira kiaia, Kua akarongo au i tauu pure, e kua iikiia e au teianei ngai noku uorai ei are tusia. Kia moma nia e au te rangi e kare atura e ua, e kia akaue au i te akaride e kai i te enua, e kia tuku atu au i te maki i toku ra au tangata; Kia taakaaka mai toku ra iti-tangata, tei tapai i toku ra ingoa, ia ratou orai, e kia pure, e kia kimi mai i toku nei mata, e kua ariu

mai i to ratou au aerenga kino ra; ei reira au e akarongo ei i runga i te rangi, e ka akakore au i ta ratou ara, e ka 15 akaora au i to ratou enua. E teianei ka akapueria oku mata, e ka akarongo mai oku taringa i te pure i *pureia* i teianei ngai. I teianei, kua iikiia e au e kua akatapua oki teianei are, kia vai rai toku ingoa i reira e tuatau na atu; ei reira oki oku mata e toku ngakau ka 17 vaoo atu ei i te au rā katoa. Kareka ko koe ra, kia na mua tikai koe iaku i te aere, mei to to metua ra mei to Davida i aere ra, e kia rave koe i te au mea katoa taku i akaue atu ia koe ra, e kia akono i taku au akonoanga e taku 18 ra au tuatua-tau: Ei reira au ka akamou ei i te terono i toou ra basileia, mei iaku ra oki i akakororomotu ki to metua kia Davida, ka na ko ei au ra e, Kare koe e ngere i te tangata ei tutara 19 ki runga ia Iseraela. Kia anga ke ra kotou, e kia akaruke mai i taku nei au akonoanga e taku nei au akauenga i tukuia atu e au ki mua ia kotou, e kia aere rai kotou e kia akarongo i te au 20 atua ke, e kia akamori ia ratou: Ka kiriti tumuia i ratou e au i reira i toku enua i orongaia e au no ratou; e teianei are, i akatapua e au i toku nei ingoa, ka akaruke keia e au e kia ngaro atu; e ka akariroia e au ei amumuanga e ei tuatuaanga i te au tangata ravarai. E teianei are e teitei nei, ka riro ei vavaranga na te tangata ravarai e na reira te aere; ka riro i te tuatua mai e, Eaa rā Iehova i akapera mai ei ki teianei enua, e teianei are? 22 Ei reira e karangaia atu ei e, No te mea kua akaruke ratou i te Atua o to ratou ai metua ia Iehova, tei arataki mai ia ratou mei te enua maira mei Aiphiti, e kua opu atu ratou i te au atua ke, e kua akamori ia ratou, e kua akarongo ia ratou ra; i apai mai ei aia i teia katoa nei au kino ki runga ia ratou.

PENE VIII.

Te au are o Solomona: te tanaine a Pharao i apaiia ki tona ra are.

1 **E** OPE akera te au mataiti okotai takau ra, kua oti akera ia Solomona te are o Iehova, e te are nona 2 uorai, Kua patu akera Solomona i te au oire i akaokii maui e Hirama kia Solomona, e kua akamori i te tamariki a 3 Iseraela i reira. Kua aere iorā Solomona ki Hamata-zoba, e rauka iora 4 iaia. Kua akatu iora aia ia Tadamora i te medebara ra, e te au oire vairanga

apinga katoa, i patuia e ia i Hamata. Kua akatu oki aia ia Bete-horona i 5 runga ra, e ia Bete-horona i raro ra, ko nga oire akaketaketaia ki te au patu, e te au ngutupa, e te au tea; E ia Baalata, e te au oire vairanga 6 17 apinga katoa na Solomona, e te au oire katoa no te au kariota, e te au oire no te aronga akaoro ipo ra, e te au mea katoa ia Solomona i anoano i te patu i Ierusalem, e i Lebanon, e i te enua katoa o tona ra basileia.

Ko te au tangata katoa i toe i te 7 ngati Heta, e te ngati Amori, e te Perizi, e te ngati Heva, e te ngati Iebusi, kare i to Iseraela ra, E tamariki ra na te aronga i vaioia i runga i te enua ra, tei kore i pou i te tamariki 8 a Iseraela, ko ta Solomona ia i akataka ei tautauunga e tae rava akenei ki teianei ra. Kareka te tamariki a Ise- 9 raela, kare i akatavinia ratou e Solomona kia rave i tana angaanga; ei tangata ia no te tamaki, e ei ui rangatira no te au kapena nona, e ei aronga kavana no te au kariota, e no te aronga akaoro ipo nona ra.

E maata i te au rangatira no te ariki 10 ra no Solomona, e rua ia anere e rima ngauru, ko tei rungao ia i te tangata.

Kua arutaki mairā Solomona i te ta- 11 maine a Pharao mai roto mai i te oire o Davida, ki te are i akatuia e ia nona ra: i karunga oki aia e, Auraka taku vaine e noo i te are o te ariki o Iseraela o Davida, no te mea kua tapu ia are i te aruna a Iehova i tae mai i reira.

Kua apai aturū Solomona i te au 12 tusia karakarato na Iehova, ki runga i te atarau a Iehova, i akatuia e ia ki mua i te tomoanga ra; I te au rā 13 katoa i te apai anga i tei akaueia mai e Mose, i te au sabati, e te au marama ou, e te au rā oroa tapu, e toru apai anga i te mataiti okotai, i te croa i te areto akaopue kore, e te oroa no te au ebedoma, e te oroa no te patia anga puakapa ra.

Kua akataka atura i tei akonoia e 14 tona metua e Davida i te au pupu taunga i ta ratou ra taonga, e te ngati Levi i ta ratou i ikuikuia mai, kia akameitaki e kia rave i ta ratou angaanga i mua i te aroaro o te kau taunga ra, i tei akonoia i te au rā katoa ra: e te au tiaki ngutupa i to ratou ra au pupu, i te au ngutupa katoa ra: kua pera mai oki te tangata no te Atua ra ko Davida i te akaue anga mai. E kare ratou i 15 akaruke i te akaue a te ariki ki te kau taunga e te au ngati Levi, i te au mea katoa ra, e te au apinga. Kua oti i te 16

akonoia te au angaanga ravarai a Solomona, mei te rā mairai i akamouia i te tango o te are o Iehova, e tae ua atu ki te akaoti takiri anga ra. Kua oti takiri rava oki te are o Iehova ra.

17 Kua aere aturū Solomona ki Ezionagebera, e ki Elota i te pac i taantai ra i 18 te enua ra ko Edoma. Kua akau aturū Hirama i te au pai nana, i te rima o tona au tavini, e te aronga karape i te angaanga moana; e kua aere atura ratou e te au tavini katoa o Solomona ki Ophira, e kua rave maira i te au taleni auro e a anere e rima ngauru, e kua apai maira ki te ariki ra kia Solomona.

PENE IX.

Te ariki vaine o Seba i te aere anga mai kia Solomona ra: to Solomona apinga maata roa, e te ngateitei: tona au meitaki; e tona matenga.

1 **E** KITE akera te ariki vaine i Seba i te rongo ia Solomona, kua aere maira aia e ui ia Solomona i te tuatua pikipiki ki Ierusalem, e ma te urupu maata rava; ma te kamela i te apai anga mai i te rakau kakara, e te auro maata ua atu, e te toka memetaki: e tae atura aia kia Solomona ra, kua karangaranga atura aia iaia i te au tuatua rava rai i roto i tona ngakau. E 2 kua matara maira ia Solomona te au mea ravarai tana i ui maira: kare rava ana tuatua ngaro ia Solomona tei 3 kore i akakiteia atu kiaia. E kite akera taua ariki vaine i Seba ra i to Solomona pakari, e te are i akatuia e 4 ia, E te kai i tana ra kaingakai, e te nonoo anga o tona au tavini, e te tu anga o te aronga e piri kiaia ra, e to ratou kakau, e te aronga apai kapu nona, e to ratou kakau; e te kake- 5 nga nona i aere ei aia ki runga ki te are o Iehova; kare atura e vaerua o roto iaia. Kua karanga atura aia ki te ariki, E tuatua-mou rai taku i rongo i toku ra enua, i tauu ravanga e toou 6 pakari. Kare ra au i akarongo i ta ratou au tuatua, e kia tae maira au, e kite pu akenei oku mata nei: e i na, kare rai te afa o toou pakari i akakiteia mai kiaia nei; kua maata 7 rai koe i tei akarongoia e au ra. E ao to te au tangata noou nei, e ao to teia au tavini noou, e tu ua rai i vaitata ia koe nei, ka akarongo ei i te tuatua pakari 8 naau ra. Kia akameitakia to Atua, ko Iehova, ko tei mataora mai ia koe, e kua akanoo ia koe ki runga i tona terono ei ariki na to Atua na Iehova. No te mea kua aroa to Atua ia Iseraela,

e kia akatinamouia ratou e tuatau ua
atu, i akaariki ei aia ia koe ki runga ia
ratou, ei rave i te tuatua-tau e te tua-
tua-tika.

E kua oronga atura aia i te auro
na te ariki okotai anere e rua ngauru
i te taleni, e te rakau kakara e mea
maata, e te toka memaitaki: kare ia
rakau kakara i kitea mei ta te ariki
vaine i Seba i o mai na te ariki ra
na Solomona.

E te au tavini o Hirama, e te au ta-
vini katoa o Solomona, i tei uta mai
i te auro mei Ophira mai, kua uta
katoa mai i te au rakau ra, i te ala-
muga, e te toka memaitaki. Kua rave
iora te ariki i tana rakau ra i te
alamuga ei kakenga no te are o Iehova,
e no te are katoa no te ariki, e te
kinura e te nabala, na te aronga imene,
kare ia *rakau* i kitea mai i taua enua
ra i Iuda mei tupua mai. Kua oronga
atura te ariki ra ko Solomona i ta te
ariki vaine i Seba i anoano ra, i te
au mea ravarai tana i pati ra, e maata
rava oki i tana iapai mai na te ariki
ra. Oki atura aia, aere atura ki tona
uaorai enua, koia ma tona au tavini.

E te teiaa o te auro i tae mai kia
Solomona i te mataiti okotai ra, e
ono ia anere e ono ngauru ma ono i
te taleni auro; Te taka ra ta te au
tangata oko aere, e ta te aronga i oko ra, i
apai mai. E kua apai maira te au ariki
katoa i Arabia, e te au kavana o te pa
enua, i te auro e te ario kia Solomona.
Kua anga iora te ariki ra ko Solomona
i te paruru e rua anere, e auro tu-
pakiia; okotai paruru ra e ono ia
anere *sekela* auro tupakiia. E kua
anga iora aia i e toru anere paruru,
e auro tupakiia; e toru anere oki
sekela to te paruru okotai i te auro ra:
kua tuku akera te ariki i te reira
ki roto i te are i te vaorakau i Leba-
nona ra.

Kua anga iora te ariki i te terono
maata sene ra, e kua vai ki te auro
meitaki ra. E ono takainga to taua
terono ra, e auro oki te tukuanga
vaevae, kua tamouia ia ki te terono, e
te mouranga-rima i tetai pae e tetai pae
i te nooanga, e nga liona e rua i te tu
anga i waitata i aua nga mouranga-rima
ra. E te au liona okotai ngauru ma
rua i tetai pae e tetai pae, i te tu ua
anga, ki runga i nga takainga ra e ono
ra. Kare rava ia mea i te anga angaia
i te au basileia katoa ra. E te au
kapu inu ravarai a te ariki ra a Solo-
mona, e auro anake ia, e te au uriki
ravarai i te are i te vaorakau i Le-

banona, e auro meitaki anake ia: kare
rava e mea ario; kare i akonoia ei
21 apinga i te au ra o Solomona ra. Ko
te au pai o te ariki ra, e te au tavini o
Hirama, tei aere ki Taresisa: e kia
tae ki te toru o te mataiti e oki mai
ei taua au pai Taresisa ra, i te apai
anga mai i te auro, e te ario, e te sene, e
te kuri-tangata, e te teki.

22 Tu ke rava atura te ariki ra ko
Solomona i te apinga e te pakari i te ui

23 ariki katoa i te ao nei. Kua kimi
maira te au ariki katoa o te ao nei
ia Solomona, kia akarongo ratou i tana
tuatua pakari i tukuia mai e te Atua

24 ki roto i tona ngakau. E kua apai
ratou, te tangata katoa ra i tana
uaorai taoonga-rima, i te au mea ario,
e te au mea auro, e te kakau, e te tao-
onga tamaki, e te rakau kakara, e
te ipo, e te mule, ei apinga, to tera

25 mataiti, tera mataiti. E a tausani a
Solomona vairanga ipo e te kariota,
okotai ngauru ma rua i te tausani
tangata akaoro ipo; ko tei akanoia
e ia i roto i te au oire kariota, e i te
ariki i Ierusalem.

26 Au atura aia ki rungao i te au ariki
katoa, mei te vai mai, e tae ua atura
ki te enua o te Philiseti, e tae ua

27 atura ki te pae i Aiphiti ra. Riro
atura te ario i te ariki, mei te toka ra
te tu i Ierusalem; e te arezi mei te

28 sukamino i te o ra, i te maata. Kua
apai maira ratou i te au ipo kia Solo-
mona mei Aiphiti mai, e mei te pa
enua katoa oki.

29 E te toenga o te tuatua ia Solomona,
mei muatangana mai e tae ua atu ki
te openga, kare ainei kua tatania ki
roto i te bua a Natana peroveta, e
i roto oki i te totou a Abia i Silo ra, e
i roto i te au orama a Ido akara ra ia

30 Ieroboama te tamaiti a Nebaa? E a
ngauru o Solomona mataiti i te ariki
anga i Ierusalem ki runga ia Iserael
31 katoa ra. Moe atura Solomona ki
o tona ra ai metua, e tauumia iora aia
i roto i te oire o tona metua ra o
Davida: tupauia akera aia i te au e
tana tamaiti ra e Rehoboama.

PENE X.

*Te ngati Iseraela i te uipa anga i
Sekema e akaariki ia Rehoboama:
koa kare i akarongo i te tuatua a te
au tangata metua, i akaruke ei nga
kopu tino ngauru iaia.*

1 AERE atura Rehoboama ki Sekema:
kua ope rava oki to Iseraela i te
2 tae mai ki Sekema e akaariki iaia. E

kite akērā Ieroboama te tamaiti a Nebata i Aiphiti, i oro oki aia i reira i mua i te aroaro o te ariki ra o Solomona, kua oki mairā Ieroboama mei Aiphiti mai. Kua tono akera ratou e tiki iaia. Kua aere mairā Ieroboama e to Iseraela katoa, e tuatua kia Rehoboama, na ko atura, E teiaa rava to te zugo a to metua i runga ia matou ; e tenana, e akamāmā ake ana koe i te angaanga maata a to metua, e te zugo teiaa tana i tuku mai ki runga ia matou nei, ka tavini atu ei matou ia koe i reira. Kua tuatua maira aia kia ratou, E oki mairai kotou ki ko nei kiaku nei kia po toru ake. Aere atura taua aronga tangata ra.

Kua ui akera te ariki ra ko Rehoboama ki te aronga tangata metua i tu ki mua i tona metua ia Solomona i te ora anga ra, na ko akera, Eaa ta kotou tuatua kia karanga atu au ki teianei aronga? Kua tuatua maira ratou kiaia, na ko maira, Kia takingameitaki koe i teianei aronga tangata, e te taurekareka ra taua tuatua kia ratou, e kia karanga atu koe kia ratou i te tuatua meitaki, ka riro ia ratou ei tavini noou e tuatau ua atu. Akaruke akera aia i te tuatua a taua aronga tangata metua i tuku mai kiaia ra, e kua ui atura ki te au tangata ou, okotai rai pakari katoa anga ma ia katoa, e ko tei tu oki i mua iaia : Kua karanga atura aia kia ratou, Eaa ta kotou tuatua kia karanga atu tatou ki teianei aronga, ko tei tuatua mai kiaku nei, tei na ko mai e, E akamāmā ana koe i te zugo i tukuia mai e to metua ki runga ia matou nei? Kua tuatua maira taua aronga tangata ou ra, okotai rai pakari katoa anga ma ia katoa ra, na ko maira, E na ko atu koe ki te au tangata i tuatua mai kia koe ra, ko tei tuatua mai e, E teiaa maata to te zugo ta to metua i tuku mai ki runga ia matou nei, e tamāmā mai koe i taua zugo ra ia matou nei; e na ko atu koe kia ratou, Ka maata rava toku maikao-*rima* iti nei i te taukupu o toku metua : Kua tuku rai oki toku metua i te zugo teiaa ki runga ia kotou, ka maata rava ra ta kotou zugo iaku : i pāpā toku metua ia kotou ki te pāpā tikai, ka pāpā ra au ia kotou ki te sekopio.

Kua aere mairā Ieroboama e te tangata katoa kia Rehoboama ra i te po toru, ta te ariki oki i tuatua maira, ka tuatua mai ei ra e, E oki akaou mai kotou kia tae ki te po toru. Kua tuatua taivaiva maira te ariki kia ratou ;

kua akaruke oki te ariki ra ko Rehoboama i te tuatua a te au tangata metua; E kua karanga atura aia kia ratou i te tuatua a te aronga ou ra, na ko atura, Kua akateimaa oki toku metua i te zugo ki runga ia kotou, e maata rava ra taku i te teiaa : i pāpā oki toku metua ia kotou ki te pāpā tikai, ka pāpā ra au ia kotou ki te sekopio. Kare atura te ariki i akarongo i taua au tangata ra : no ko mai oki i te Atua ra taua mea nei, kia akatupu a Iehova i tana tuatua tana i karanga ia Ahia i Silo ra, kia Ieroboama te tamaiti a Nebata ra. E kite akera to Iseraela katoa e, kare te ariki i akarongo mai ia ratou, kua karanga atura te au tangata ki te ariki ra, na ko atura, Eaa ta matou puapinga ia Davida nei? kare a matou tuanga i te tamaiti a Iese : ei to kotou au puakapa, e Iseraela e : e tenana, e Davida, e roi i toou uorai ngutiuare. Aere anake atura to Iseraela ki to ratou au puakapa : Kareka te tamariki a Iseraela i noo i te au oire i Iuda ra, e au to Rehoboama ki runga ia ratou. Kua tono akera te ariki ra ko Rehoboama ia Adorama, no runga aia i te apinga uipa ra; peiia iora aia e te tamariki a Iseraela ki te toka, mate rava akera; kua akamaroiroi iora te ariki ra ko Rehoboama kia tae aia ki runga i te kariota, e oro ki Ierusalema. Kai-tamaki iora Iseraela i te ngutiuare o Davida, e tae rava akenei ki teianei rā.

PENE XI.

Te nuku a Rehoboama i te akaputupu-putu angaia e tamaki ia Iseraela ; i akaketaia e te Atua : kua akaketa-ketaia te au oire o Iuda. Te au ngati Levi e te kau taunga, e te au tangata meitaki, i te tavaitai anga ki Ierusalema.

E TAE akērū Rehoboama ki Ierusalema, kua akaputupu iora i to te ngutiuare o Iuda e to Beniamina, okotai anere e varu ngauru i te tau-sani, ko te aronga toa i ikiia ia, e tamaki ia Iseraela, e akaoki mai i te au kia Rehoboama. Kua tae maira te tuatua a Iehova ki te tangata no te Atua kia Semaia, na ko maira, E karanga atu ki te ariki o Iuda kia Rehoboama, te tamaiti a Solomona, e kia Iseraela katoa i o Iuda e i o Beniamina, e na ko atu, Te na ko mairā Iehova, Auraka kotou e tae, auraka oki e tamaki ki to kotou ai taeake ;

ka oki te tangata ravarai ki tona orai ngutuare, naku oki taua mea nei. Kua akarongo akera ratou i te au tuatua a Ichova, e kua oki, kare i tamaki ia Ieroboama.

Noo iorū Rehoboama i Ierusalemā, e kua patu i te au oire ei punanga i Iuda ra. Kua patu aia ia Betelehema, e ia Etama, e ia Tekoa, E ia Bete-zura, e ia Soko, e ia Adulama, E ia Gata, e ia Maresa, e ia Zipha, E ia Adoraima, e ia Lakisa, e ia Azeka, E ia Zora, e ia Aialona, e ia Heberona, e aronga oire akaketaketaia i o Iuda ra, e i o Beniamina. E kua akaketaketa atura aia i te au punanga ra, kua tuku oki i te aronga kapena i roto i te reira, e te kai maati, e te inu, e te вина. E kua tuku oki aia i te au paruru e te au korare i roto i taua au oire ra, e ketaketa rava atura iaia: tei iaia oki Iuda e Beniamina.

Kua aere ua maira te kau taunga e 13 tengati Levi i o Iseraela katoa ra kiaiā, mei to ratou au tapere katoa ra. Kua akaruke iora oki i te au ngati Levi i to ratou au pae, e to ratou au kainga, e kua aere tika mai ki Iuda e Ierusalemā: no te mea kua akarukeia ratou e Ieroboama e te au tamariki nana, auraka ratou e rave i te taonga taunga ia Ichova: E kua akatakaia e ia uorai te aronga taunga no te au ngai teitei, e no te au demoni, e no te au kafa i angaia e ia ra. E te taka atura oki te aronga i akamou i to ratou ngakau i te kimi i te Atua o Iseraela ia Ichova, no roto i te au kopu katoa o Iseraela, ko tei aere katoa ki Ierusalemā, e apai i te tusia ki te Atua o to ratou ai metua ra kia Ichova. Ketaketa atura te basileia o Iuda ia ratou, maroiroi atura oki a Rehoboama te tamaiti a Solomonā, e toru akera mataiti: ka toru akera oki o ratou mataiti i te aere anga na te aratua o Davida e ia Solomonā.

Kua rave iorū Rehoboama ia Mahalata, te tamaine na Ierimota, te tamaiti na Davida, ei vaine nana, e ia Abihaila, te tamaine na Eliaba, te tamaiti na Iese; E kua anau te tamariki nana; ko Ieusa, e ko Semaria, e ko Zahama. E muri ake iaia, kua rave 20 iora ia Maaka, te tamaine na Abasalomā; e kua anau maira tana ko Abia, e ko Atai, e ko Ziza, e ko Selomita. E maata to Rehoboama inangaro ia 21 Maaka, i te tamaine a Abasalomā, i te au vaine ravarai nana, e te au palake nana ra; (okotai ngauru ma varu oki ana vaine, e ono ngauru i te palake;

okotai takau ma varu oki ana tamariki tamaroa, e ono ngauru tamaine i anau:) Kua akariro aturū Rehoboama ia Abia te tamaiti a Maaka ei kavana maata i te au taake nona ra: i manako oki aia e akaariki iaia. E ravenga pakari tana, kua tuku atura i te au tamariki katoa nana ra i te au tapere katoa e pini rava akera Iudea e Beniamina, i te au oire katoa i akaketaketaia ra; e kua akataka aia i te kai e maata ua atura na ratou: e kua kimi iora aia i te au vaine e manganui na ratou.

PENE XII.

Ko Rehoboama no te akaruke ia Ichova i tukuiā i ki te rima o Sisaka.

- 1 **E** KETAKETA akera te basileia ia Rehoboama, kua maroiroi akera aia uorai, kua akaruke iora aia, e
- 2 Iseraela katoa, i te ture a Ichova. E tae akera ki te rima o te mataiti o taua ariki ra ko Rehoboama, kua aere maira te ariki o Aiphiti ra ko Sisaka e tamaki ia Ierusalemā, no te mea kua ara ratou
- 3 ia Ichova. E te au kariota okotai ngauru ma rua i te anere, e ono ngauru i te tausani i te au tangata akaoro ipo, e te aronga katoa i aere katoa mai mei Aiphiti maira, kare e ope kia tau; to Lubia, to Suki, e to Kusa.
- 4 E rauka akera iaia te au oire i akaketaketaia i o Iuda ra, e aere maira ki Ierusalemā.
- 5 Kua aere mairū Semaia peroveta kia Rehoboama ra, e te ui mataiapo katoa o Iuda i uipa i Ierusalemā ia Sisaka, e kua karanga atura kia ratou, Te na ko mairū Ichova, Kua akaruke kotou iaku, e te akaruke katoa nei au
- 6 ia kotou i te rima o Sisaka. Kua taakaka iora te ui mataiapo o Iseraela e te ariki ia ratou uorai; e kua tuatua akera ratou, E tuatua-tika ta Ichova.
- 7 E kia akara mairū Ichova e, kua taakaka ia ratou uorai, kua tae maira te tuatua a Ichova kia Semaia, na ko maira, Kua taakaka ratou ia ratou uorai; e teiunei kare ratou e pou iaku, ka oronga atura au i tetai manga ora iti no ratou; kare oki toku riri e maringi rava atu ki runga ia Ierusalemā i te rima o Sisaka. Ka riro ra ratou ei au tavini nona; kia kite ratou i taku anguanga, e te anguanga a te au basileia o te pa cnua ra.
- 9 Kua aere maira te ariki o Aiphiti ra ko Sisaka ki Ierusalemā e tamaki; e kua apai ke atura i te au apinga o te are o Ichova, e te au apinga o te are o te ariki ra; kua akaope rava atura aia:

e kua apai katoa aia i te au paruru auro i angaia e Solomona. Kua anga 10 iora te ariki ko Rehoboama i te au paruru veo ei tupau, e kua tuku atura ki te rima o te rangatira o te vaeau, ko tei tiaki i te tomoanga o te are o te ariki ra. E kua aere te ariki ki roto 11 i te are o Iehova, kua tiki mai ia te aronga vaeau, e kua akaoki mai ki roto i te pia vaeau. E kia taakaaka aia iaia 12 uorai, kua anga ke akera Iehova i tona riri iaia, kare akera i rave takiri mai iaia kia mate: e i Iuda katoa ra oki te tu meitaki katoa ra i reira.

Maroiroi akera te ariki ra ko Rehoboama, e au oki tona i Ierusalem. Tei te a ngauru ma tai o te mataiti i riro ei te au ia Rehoboama, okotai ngauru ma itu ona mataiti i te ariki anga i Ierusalem, i te oire i ikiia e Iehova no roto i te au kopu katoa o Iseraela, ei vaianga no tona ra ingoa. E te ingoa o tona metua vaine, ko Naama ia e ngati Amona. E kua rave 14 aia i te kino, no te mea kare tona ngakau i akono tikai i te kimi ia Iehova.

E te au tuatua ia Rehoboama, tei 15 muatangana e tae ua atu ki te openga ra, kare ainei kua tautia ki roto i te tuatua a Semaia peroveta, e te tuatua anauanga a Ido akara ra? E tamaki rai ta Rehoboama raua ko Ieroboama kare i akapaki. Kua moe iorā Rehoboama ki o tona ra ai metua, e tanu- 16 nia iora i roto i te oire o Davida; tupauia iora aia i te au e tana tamaiti ra e Abia.

PENE XIII.

Te au o Abia, e to Ieroboama pou anga iaia.

E TAE akera ki te ngauru ma varu 1 o to te ariki ra to Ieroboama mataiti, i ariki ei a Abia ki runga ia Iuda. E toru ona mataiti i te ariki anga i Ierusalem. Ko Mikaia te ingoa o tona metua vaine, e tamaine na Uriela no Gibeā ra. E tamaki oki ta Ieroboama raua ko Abia. Kua akamou iorā Abia 3 i te tamaki, e nuku tangata tamaki anake tona, e a anere te tausani e aronga tangata ikiia: kua akamou iorā Ieroboama i te tamaki e rave iaia, e varu ia anere anga i te tausani e aronga tangata ikiia, e aronga toa anake.

Kua tu aturū Abia ki runga i te maunga ra ko Zemairama, tei te maunga ra ko Epheraima, e kua karanga atura, E akarongo mui ana, e Ieroboama, e Iseraela katoa oki: Kare 5 kotou i kite e, na te Atua no Iseraela

na Iehova i oronga mai i te basileia ra i runga ia Iseraela no Davida, e tautau ua atu, nona, e no tana au tamariki, ei 6 koreromotu tai? E ko Ieroboama te tamaiti a Nebata, te tavini no Solomona te tamaiti a Davida ra, kua tu mai ia 7 kua kaitamaki i tona ra pu. E kua kapiti katoa mai kiaia te tangata kaiga, e te upokoango, ko tei akamaroiroi ia ratou orai e tamaki ia Rehoboama te tamaiti a Solomona ra, te vai ou rā Rehoboama e te ngakau pakari kore i reira, e kare akera aia i mou ki mua ia 8 ratou. E tenana, te manako na kotou e pou ia kotou te basileia o Iehova i te rima o te au tamariki a Davida; e aronga maata rai oki kotou, e tei ia kotou na nga kafa auro, ta Ieroboama 9 i anga ei atua no kotou. Kare ainei kotou i tuaru ke i te kau taunga na Iehova, te au tamariki a Aarona, e te ngati Levi, e kua akariro ua io nei kotou i te tangata ei au taunga na kotou mei ta te pa enua ke ra? e kia aere mai te tangata e akataoonga iaia uorai ma te bovi ou e nga rama e itu, e riro ia ei taunga na te au mea kare i te 10 atua ra. Kareka matou nei, ko Iehova ia to matou Atua, e kare akenei matou i akaruke iaia: e te kau taunga, tei rave i te angaanga na Iehova ra, e tamariki ia na Aarona, e te rave nei oki te au ngati Levi i tu ratou anga- 11 anga: E te tutungi nei ratou, i te au popongi katoa nei, e te au aiai katoa nei, i te tusia karakaratio na Iehova, e te tuniama kakara ra: e te areto o te aroaro nei, te akamoonoo marie nei ki runga i te kaingakai auro meitaki ra; e te menure auro e to reira au lamepa kia tutungiā i te au aiai katoa nei: te akono nei oki matou i tei ikuikuia mai e to matou Atua e Iehova; kua 12 akaruke ra kotou iaia. E i na, teia uorai te Atua tei ia matou ei kapena, e te kau taunga katoa nana ma te au pu e akatangi atu i te tangi akapoitirere ia kotou. E te au tamariki a Iseraela e, auraka kotou e tamaki i te Atua o to kotou ai metua ra ia Iehova; kare e manuia ta kotou.

Kua akaueia ra e Ieroboama te kotipu e na muri mai ia ratou; tei mua mai oki ratou ia Iuda, e tei muri mai 14 oki ia ratou te kotipu. E kia akara tika Iuda ki muri, i na, tei mua tetai tamaki e tei muri tetai; kua kapiki atura ratou kia Iehova, e kua akatangi 15 iora te kau taunga i te au pu. Kua maeva iora te au tangata no Iuda; e te maeva ua ra te au tangata no Iuda, eke iorā Ieroboama i te Atua, e Ise-

raela katoa, i mua i te aroaro o Abia e ko Iuda. Ati atura te tamariki a Ise- 16
raela i mua i te aroaro o Iuda; e kua
tuku maira te Atua ia ratou ki roto i
to ratou rima. Kua ta aturā Abia e 17
te au tangata nona, e pou maata ua
atura: e rima anere i te tausani anga
i te tangata ikiia no Iseraela, tei topa
mate takiri rava i reira ra. Vi atura 18
te tamariki a Iseraela i reira; autu atura
te tamariki a Iuda, no te mea, te iri-
naki ra ratou i te Atua o to ratou ai
metua ia Iehova. Kua aru aturā Abia 19
ia Ieroboama, e riro maira iaia *cianei*
puke oire, ko Betela e to reira au vila, e
ko Iesana e to reira au vila, e ko Ephero- 20
ama i etaeta akaou i te au rā o Abia ra:
taia iora oki aia e Iehova, e mate rava
akera.

Tupu aturā Abia i te etaeta anga, c 21
kua akaiipoipo atura i te au vaine okotai
ngauru ma a, e anau maira oki tana au
tamariki tamaroa tai takau ma rua, e te
au tamaine oki okotai ngauru ma ono.

E te toenga o te tuatua ia Abia e 22
tona au aerenga, e tana au tuatua, kua
tataia ia ki roto i te tuatua a te peroveta
ra a Ido.

PENE XIV.

*Te au o Asa; tona akaruke anga i te
au idolo, e te akaketaketa anga i te
au oire: to Zera eke anga iaia, koia
i kapiki ki tona Atua.*

MOE aturā Abia ki o tona ra ai 1
metua, e tanumia iora aia i te
oire o Davida: tupauia akera aia i te
au e tana tamaiti ra e Asa. Au iora
to te enua i tona au rā e okotai ngauru
akera i te mataiti.

Rave aturā Asa i te meitaki e te tika 2
i mua i te aroaro o tona ra Atua o Ie-
hova. Kua apai ke atura aia i te au
atarau no te au atua ke ra, e te au
ngai teitei, e kua vava'i i te au tiki, e
kua tipu i te au Asetoreta: E kua 4
akaue atura ia Iuda e kimi i te Atua
no to ratou ai metua ia Iehova, e e
akono oki i te ture e te akauenga ra.
E kua apai ke atura aia i te au ngai 5
teitei i roto i te au oire katoa o Iuda,
e te au tiki rā: e au oki to taua basi-
leia ra i mua i tona aroaro. E kua 6
patu oki aia i te au oire akaketaketa
i Iuda ra; e au oki to taua enua ra,
kare oki ana e tamaki i te reira au
mataiti; no te mea, kua oronga mai a
Iehova i te au nona. I karanga'i aia 7
kia Iuda e, Ka aere tatou e patu i te
au oire nei, e akapini ei ki te patu, e

te punanga, te au ngutupa, e te au tea,
koi vai ake te enua i mua ia tatou nei:
no te mea kua kimi tatou i to tatou
Atua ia Iehova, kua kimi tatou iaia, i
oronga mai ei aia i te au no tatou e
pini ua ake. Kua patu iora oki ratou,
e kua manuia oki.

8 E nuku ta Asa i o Iuda e toru ia
anere i te tausani, e korare te taoonga
e te au paruru; e rua oki anere e varu
ngauru i te tausani i o Beniamina, e
paruru te taoonga e te au ana: e aro-
nga toa uritumu anake ia.

9 Kua aere mairā Zera i Kusa e
tamaki ia ratou, e te nuku katoa, okō-
tai ngauru i te anere anga i te tausani,
e te au kariota e toru anere; kua aere

10 maira aia ki Maresa. Kua aere aturā
Asa e tamaki iaia, e kua akamou iora
ratou i te tamaki i te o ra ko Zephata

11 i Maresa ra. Kua kapiki aturā Asa ki
tona ra Atua kia Iehova, e kua karanga
atura, E Iehova e, kare te mea rave-
ngata ia koe kia tupae mai i te riri iti
i rotou i te aronga katoa e manganui:
e tauturu mai ia matou, e to matou
Atua, e Iehova e; te irinaki nei oki
matou ki runga ia koe, e no toou
ingoa e aere atu ei matou e tamaki i
teianei aronga maata. Ko koe to ma-
toui Atua, e Iehova; auraka ta te ta-
ngata kia tupu i tauu ra. Mate iora

12 to Kusa ia Iehova i mua i te aroaro
o Asa, e i mua i te aroaro o Iuda; ati

13 atura to Kusa. Kua aru aturā Asa e
te au tangata ravarai ia ratou e tae
atura ki Gerara: e eketumu rava to
Kusa, e kare i etaeta akaou; pou
atura oki ratou i mua ia Iehova, e i
mua i te nuku nana ra; e apinga ma-
ata oki to taua eke ra i te riro anga kia

14 ratou. Tairipotia iora e ratou te au
oire e pini ua ake Gerara ra; kua rokoa
iora oki ratou e te matakua ia Iehova:
nonia iora oki e ratou taua au oire
katoa ra; e apinga maata oki tei kitea
15 i roto ra. Pou iora oki te au vairanga
puaka ia ratou, e kua rave akera i te
au mamoe e te au kamela e manganui,
oki maira ki Ierusalem.

PENE XV.

*I te tuatua a Azaria i papau ei a Asa,
to Iuda, e to Iseraela e manganui, i
te kororomotu i te Atua. Tona tu-
puna i te akakore angaia; e te apinga
tapu i te apai angaia ki roto i te are
o te Atua.*

1 **T**EI runga maira te Vaerua o te
Atua ia Azaria te tamaiti a Odeda:
2 Kua aere atura aia e aravei ia Asa, e

kua karanga atura kiaia, E akarongo mai ana iaku, e Asa, e Iuda ravarai ma Beniamina: Tei ia kotou a Iehova, ko kotou i piri mai kiaia ra; kia kimi kotou iaia, ka kitea aia e kotou; kia akaruke ra kotou iaia, ka akaruke aia ia kotou. E manganui oki te rā kare o Iseraela Atua tikai, kare e taunga kia api mai, kare oki e ture. To ratou ra tumatetenga anga ra, kua ariu ratou ki te Atua o Iseraela kia Iehova, e kua kimi ratou kiaia, kitea iora aia e ratou. Kare oki e au i te reira tuatau, to tei aere ki vao, e to tei aere mai ki roto, e tumatetenga maata to runga i te tangata ravarai o te enua nei. Pou iora tetai enua i tetai enua, e tetai oire i tetai oire: kua tairoia oki ratou e te Atua i te au mate katoa. E akamaroiroi ra kotou, auraka kia parukaua to kotou rima; ka tutakia oki ta kotou angaanga.

E kite akerā Asa i teianei au tuatua, e te totou na te peroveta ra na Odeda, kua akamaroiroi iora aia, e kua apai ke atura i te au idolo viivii no te enua katoa ra no Iuda e no Beniamina, e no te au oire i rauka iaia i te maunga ra i Epheraima, e kua patu akaou iora i te atarau a Iehova ki mua i te tomoanga o te are o Iehova: Kua akaputuputu maira aia ia Iuda katoatoa e ia Beniamina, e te au tangata ke katoa no Epheraima mai, e no Manase, e no Simeona: kua uri ua maira oki ratou kiaia no roto ia Iseraela e manganui, i te kite anga akera ratou e te piri maira tona Atua ko Iehova iaia. Uipa akera ratou i Ierusalemia kia tae ki te toru o te marama, i te mataiti okotai ngauru ma rima i te au o Asa. E kua apai atura ratou na Iehova i taua rā ra, e itu anere i te bovi, e itu tausani oki i te mamoe, no roto i te apinga noniia e ratou ra. Kua papau iora ratou i te koreromotu e kimi i te Atua o to ratou ai metua ia Iehova, na to ratou ngakau katoa, e to ratou vaerua katon; E te tangata ravarai kare e kimi i te Atua o Iseraela ia Iehova ka taia ia, mei tei iti e tae ua atu ki tei maata, mei te tane e te vaine katoa. Kua taputou atura ratou ma te reo teitei kia Iehova, e ma te maeva, e te au pu tu ke ke oki. Mare- ka rava akera Iuda katoatoa i taua taputou ra: kua taputou oki ratou ma to ratou ngakau katoa, e kua kimi ratou iaia ma to ratou anoano katoa; e kua kitea oki aia e ratou: e kua oronga mai a Iehova i te au ia ratou e pini ua ake.

16 E ko Maaka te tupuna vaine o te ariki ra o Asa, kua akangere aia iaia i te au, no te mea kua anga aia i tetai idolo no Asetoreta; kua pou akera ia Asa taua idolo nona ra, e kua takatakai atura, e kua ta'u ki te ai i te pae kau- vai ra i Kiderona. Kare ra i ope te au ngai teitei i te apai keia i Iseraela: kua tika rava ra te ngakau o Asa e ope rava akera tona au rā. E kua apai maira aia i te au apinga i akatapuia e tona ra metua, e tei akatapuia e ia uaorai, i te ario e te auro, e te au āriki ra, ki roto i te are o te Atua ra. E kare atura e tamaki e tae rava akera ki te mataiti e toru ngauru ma rima i te au o Asa ra.

PENE XVI.

To Asa irinaki anga ia Bene-adada: te ako a Hanani iaia.

1 **E** TAE akera ki te mataiti e toru ngauru ma ono o te au o Asa, kua aere maira te ariki o Iseraela ko Baasa e tamaki ia Iuda, e kua patu iora ia Rama, kia kore rava e tangata e tae ki vao, e e aere ki roto ki te ariki o Iuda 2 kia Asa ra. Kua rave mairā Asa i te ario e te auro, no roto i te au apinga i roto i te are o Iehova, e no roto i te are o te ariki, e kua akau atura kia Bene-adada ki te ariki o Arama i noo 3 i Damaseko ra, na ko atura, Ei koreromotu ta taua mei ta toku metua e toou ra metua; i na, tera mai te ario e te auro naau: e aere mai, e akaatikau i te koreromotu naau i te ariki o Iseraela ia Baasa, kia aere ke aia iaku nei. 4 Kua akarongo mairā Bene-adada i te ariki ra ia Asa, e kua tono akera aia i te au kapena o te au nuku nana ra, e tamaki i te au oire i Iseraela, e ta iora ratou ia Iiona, e ia Dana, e ia Abela- maima, e te au oire vairanga apinga 5 katoa i Naphatali: E kite akerā Baasa i te reira, kua kore akera i te patu ia Rama, akapaki akera i tana anga- 6 anga. Kua arataki atura te ariki ra ko Asa ia Iuda katoa ra; kua rave akera ratou i te au toka i Rama ra, e te rakau i tei patuia e Baasa ra, kua rave iora i te reira, kua patu iora ia Geba, e Mizepe. 7 I reira to Hanani akara ra aere anga mai ki te ariki no Iuda ra kia Asa, e kua tuatua maira kiaia, No te mea kua irinaki koe i te ariki o Arama ra, kare i irinaki i to Atua ia Iehova, e teia- nei, kua ora te nuku o te ariki o Ara- 8 ma i to rima na. Kare ainei te nuku maata to Kusa, e to Lubia, e te kari-

ota i te maata, e te aronga akaoro ipo? no te mea ra kua irinaki koo ia Iehova, kua tuku maira aia ia ratou ki to rima. Te uira nei nga mata o Iehova e pini ua ake te ao katoa nei, kia oronga mai aia i te maroiroi ki te aronga i tika te ngakau iaia. E ravenga neneva tauu i tenana: e teianei e tamaki rai tauu. Riri akerā Asa i taua akara ra, e kua tuku atura iaia ki roto i te are tapekūnga; no taua *tuatua* nei oki aia i riri ei iaia. Kua takinga-kino maira oki a Asa i tetai papaki i taua au tangata ra i te reira tuatau.

E i na, te au tuatua ia Asa, tei mua-tangana e tae au atu ki te openga, i na, kua tataia ki roto i te tuatua a te au ariki o Iuda e no Iseraela ra. E tae akera ki te mataiti e toru ngauru maiva i te au o Asa, kua makia iora tona vaevae, tupu ua atura tona maki ki runga, kare ra aia i kimi ia Iehova i taua maki nona ra, i te aronga rapakau maki ua ra.

Moe iorā Asa ki o tona ra ai metua, mate atura i te a ngauru ma tai o te mataiti o tona ra au. Kua tanu iora ratou iaia i roto i tona uaorai menema i paioa e ia nona uaorai i te oire o Davida, kua tuku iora ratou iaia ki runga i te vairanga, kua oti i te akakia ki te rakau kakara, e te *manongi* i tanga akaputua i te ravenga a te iromanongi ra; e ai maata ua atu tei ka ia ratou iaia.

PENE XVII.

Te au meitaki o Iehosaphata ra.

TUPAUIA akera aia i te au e tana tamaiti ra e Iehosaphata, e kua akamaroiroi iora iaia uaorai ia Iseraela. Kua tuku iora aia i te aronga toa i roto i te au oire katoa i akaketaketaia i Iuda ra, e kua akanoo oki i te au vacau i taua enua ra i Iuda, e te au oire i Epheraima, i tei rauka i tona metua ia Asa ra. Tei vaitatao a Iehova ia Iehosaphata, no te mea kua akono aia i te aerenga mua, o tona metua ra o Davida, e kare i kimi i te au Baala. Kimi atura ra i te Atua o tona metua, e kua aere i tana au akauenga, kare i te au ravenga a to Iseraela. Kua akatinamou mairā Iehova i te au i tona rima; e kua oronga mai to Iuda ravara i te apinga na Iehosaphata; e apinga maata rava tana, e kua akangateitei ravaia. Maroiroi akera tona ngakau i te arataa a Iehova: e kua apai keia e ia te au ngai teitei e te au Ascoreta i Iuda ra.

7 E tae akera ki te toru o te mataiti o tona ra au, kua tono akera aia ki te aronga mameata i ona ra, kia Benehaila, e kia Obadia, e kia Zekaria, e kia Netaneela, e kia Mikaia, kia apii i te au oire o Iuda: Ko ratou e te ngati Levi, ko Semaia, e ko Netania, e ko Zebadia, e ko Asaela, e ko Semiramota, e ko Iehonatanana, e ko Adonia, e ko Tobiaa, e ko Toba-adonia, ngati Levi ia; ratou katoa ko Elisama, e ko Iehorama, nga taunga. E kua apii atura ratou i Iuda, e tei ia ratou te buka ture a Iehova: e kua aere ua iora ratou na roto i te au oire ravara i Iuda, e kua apii i te tangata.

10 Rokoia iora te au basileia i te pa enua katoa e pini ua ake Iuda e te matakū ia Iehova, e kare akera ratou i tamaki mai ia Iehosaphata.

11 Kua apai maira tetai pac Philiseti i te apinga kia Iehosaphata, e te ario uipa, e kua apai maira to Arabia i te mamoe kiaia, e itu tausani, e itu anere i te rama, e itu oki tausani e itu anere i te puaka-nio toa.

12 Tupu rava aturā Iehosaphata i te maata, e kua patu aia i te au punanga, e te au oire vairanga apinga, i Iuda ra.

13 E angaanga maata oki tana i te au oire i Iuda ra: kareka te aronga tamaki, te aronga toa uritumu, tei Ierusalemia ia.

14 Teia oki to ratou rainga kia tataui te ngutuare o to ratou ai metua: To te au kapena no runga i te au tausani o Iuda ra, ko Adana te kapena; e toru oki anere i te tausani anga i te aronga toa uritumu.

15 i te kapiti katoa anga kiaia. E te kapena i muri ake iaia ra ko Iehohanana ia, e tei iaia e rua anere e varu ngauru

16 i te tausani. E muri ake iaia ko Amasia ia te tamaiti a Zikeri, ko tei oronga ua iaia uaorai no Iehova; e tei iaia oki te au tangata e rua anere i te tausani anga, aronga toa uritumu.

17 E to Beniamina, ko Eliada ia, e toa uritumu, e tei iaia te au tangata e rua anere anga i te tausani ma te ana e te

18 paruru. E muri ake iaia ra ko Iehoza-bada ia, e tei iaia okotai anere e varu ngauru i te tausani i te aronga i aka-

19 matauia i te tamaki. E tu teianei aronga i vaitata i te ariki, te taka atura tei tukuia e te ariki ki roto i te au oire i akaketaketaia ra e pini ua ake Iuda katoa ra.

PENE XVIII.

Te kapiti anga o Iehosaphata e Ahaba i te tanaki: ko Ahaba i te vavare anga i te au peroveta pikikaa: tona

matenga i Ramota-gileada i ta Mikaia i karanga ra. Te tuatua ia Iehosaphata.

E APINGA maata e te akangateitei 1
maata to Iehosaphata, e kua topiri 2
akaipoipo atura aia kia Ahaba. E ope 3
akera etai mataiti ra, aere atura aia ki 4
Samaria kia Ahaba ra. E manganui 5
ta Ahaba mamoe e te bovi i ta nana, e 6
na te au tangata i aru mai iaia ra, e 7
kua akanauru maira iaia kia tae katoa 8
ki Ramota-gileada. Kua tuatua maira 9
te ariki o Iseraela ra ko Ahaba ki te 10
ariki o Iuda kia Iehosaphata, E tae 11
katoa ainei koe ki Ramota-gileada? 12
Kua karanga atura aia, Tei toou ra 13
anoano, e pera katoa au; tei toou ra au 14
tangata e pera katoa toku; ei te tamaki 15
ra, ei pera katoa tatou.

Kua tuatua rā Iehosaphata ki te 4
ariki o Iseraela, Ka ui ana ra i ta Ie- 5
hova tuatua i tenana, ko taku ia tua- 6
tua kia koe. Kua akaputupu maira 7
te ariki o Iseraela i te au peroveta e a 8
katoa aere i te tangata, e kua karanga 9
atura kia ratou, Ka aere ainei tatou ki 10
Ramota-gileada ki te tamaki, e auraka 11
ainei? Kua tuatua maira ratou, Ka 12
aere, na te Atua oki e oronga mai ki te 13
rima o te ariki.

Kua tuatua akerā Iehosaphata, Kare 6
atu rai a Iehova e peroveta toe i ko 7
nei, kia ui tatou kiaia ra? Kua tuatua 8
maira te ariki o Iseraela kia Iehosa- 9
phata, Okotai nei tangata toe kia ui 10
tatou kia Iehova iaia: kua makitakita 11
ra au iaia; kare oki aia e totou meitaki 12
mai iaku nei, ko te tuatua kino anake 13
uaorai tana e teia noa'i; ko Mikaia te tamaki 14
mai i Imela. Kua karanga aturā Ieho- 15
saphata, Auraka te ariki e pera mai.

Kua karanga atura te ariki o Iseraela 8
i tetai rangatira, na ko atura, Arataki 9
viviki mai ia Mikaia te tamaiti a Imela 10
ra. Te noo maira te ariki o Iseraela 11
e te ariki o Iuda ko Iehosaphata, ki 12
runga i o raua puke terono ra, kua 13
kakau i to raua kakau, tei te ngai 14
atea i te tomoanga i te ngutupa i 15
Samaria ra; e te totou anake ra te au 16
peroveta ki mua ia raua. E puke 17
tara auri oki te angia e Zedekia te 18
tamaiti a Kenaana, e kua tuatua akera, 19
Te na ko mairā Iehova, Ko tauu teia 20
kia uketu i to Arama ra, e kia pou 21
atu ratou ia koe. E kua pera te au 22
peroveta ravarai i te totou, na ko mai- 23
ra, E aere ki Ramota-gileada, e kia 24
manuia atu; na Iehova oki e tuku mai 25
ki te rima o te ariki.

Ko taua karere ra i aere e tiki ia 12

Mikaia ra, kua karanga atura kiaia, 1
na ko atura, I na oki, i ta te au pero- 2
veta tuatua ki te ariki ra, e meitaki 3
anake ia ma te vaa okotai: e tenana, 4
teia taku tuatua kia koe, kia aiteite 5
katoa tauu tuatua ki ta ratou, ei tua- 6
tua meitaki rai. Kua tuatua mairā 7
Mikaia, Te ora rā Iehova, ko ta taku 8
Atua e akakite mai *kiaku* ra, ko taku 9
ia e tuatua.

14 E tae maira aia ki te ariki ra, kua 15
karanga atura te ariki kiaia, E Mikaia, 16
ka aere ainei tatou ki Ramota-gileada 17
ki te tamaki, e auraka ainei? Kua 18
tuatua maira aia, E aere kotou ki run- 19
ga, e kia manuia atu, ka tukuia mai 20
ia ratou ki to kotou rima. Kua ka- 21
rangā atura te ariki kiaia, Takiā taku 22
akataputou anga atu ia koe e, ei tuatua- 23
mou anake ra tauu e tuatua mai kiaku 24
nei i te ingoa o Iehova ra? Kua tua- 25
tua maira aia, Akara atura au ia Ise- 26
raela ravarai, kua pueurikiriki ke ki 27
runga i te au maunga, mei te namoe 28
kare e tiaki: e kua tuatua mairā Ie- 29
hova, Kare o ratou nei pu: e oki te 30
tangata katoa ki te ngutuare ma te au.

17 Kua karanga atura te ariki o Iseraela 18
kia Iehosaphata, Kare au i tuatua kia 19
koe e, kare aia e totou meitaki mai 20
iaku, ko te kino anake ra?

18 Kua tuatua mairai oki aia, E aka- 19
rongo mai ana koe i te tuatua a Ie- 20
hova: Kua kite au ia Iehova i te noo 21
anga ki runga i tona ra terono, e to te 22
rangi katoa ra nuku i te tu uua anga i 23
tona rima katau, e tona rima kaui; E 24
kua ui aturū Iehova, Naai e akanauru 25
atu i te ariki o Iseraela ia Ahaba, kia 26
aere aia ki runga e kia inga i Ramota- 27
gileada? Kua tuatua maira tetai i 28
tana, e kua tuatua maira oki tetai i 29
tana. Kua aere maira tetai vaerua, 30
kua tu maira ki mua ia Iehova, e kua 31
tuatua maira, Naku aia e akanauru 32
atu. Kua karanga aturū Iehova kiaia, 33
21 E akapeca? Kua tuatua maira aia, E 34
aere au ei vaerua pikikaa i roto i te vaa 35
o te au peroveta katoa nana ra. Kua 36
karanga atura aia, Naau rai e akanauru, 37
ka tupu oki tauu; e aere e akapera. 38

22 E teianci, i na, kua tuku mai a Iehova 23
i te vaerua pikikaa ki roto i te vaa o 24
tauu au peroveta naau nei; e kino oki 25
ta Iehova i akakite mai ia koe ra.

23 Kua aere iorū Zedekia te tamaiti a 24
Kenaana i vaitata, kua moto atura ia 25
Mikaia i te paparinga ra, e kua ka- 26
rangā atura, I naca io nei te Vaerua o 27
Iehova i te akaruke anga iaku e te 28
24 karanga anga atu kia koe? Kua tua- 29
tua mairā Mikaia, I na, ka kite koe, 30

kia tae ki te rā e aere ei koe ki roto i tetai pia i roto rava ra ka pipini atu ei. Kua karanga atura te ariki o Iseraela, 25 E rave kotou ia Mikaia, e akaoki atu kia Amona ki te kavana o te oire ra, e kia Ioasa ki te tamaiti a te ariki: E 26 karanga atu ei, Te na ko maira te ariki, E tuku ana i teianei tangata ki roto i te are tapekānga ra, ka angai atu ei iaia ki te kai a tei tapekaia ra, e te vai a tei tapekaia ra, e kia oki mai au ma te au. Kua tuatua mairā Mikaia ra, 27 Kia oki akaou mai koe ma te au, kare ia ta Iehova taku i tuatua nei. E kua karanga atura aia, E akarongo mai, e te au tangata katoa.

Kua riro atura te ariki o Iseraela, e 28 te ariki o Iuda ko Iehosaphata, ki Ramota-gileada. Kua tuatua maira te 29 ariki o Iseraela kia Iehosaphata, Ka akatu ke au iaku orai, ka aere ei ki te tamaki; e kakau ra koe ki toou ra kakau. Kua akatu ke iora te ariki o Iseraela iaia orai, e kua aere atura ratou ki te tamaki ra. Kua oti oki te au 30 kapena o te au kariota e tu i vai-tata iaia i te ikuikua e te ariki o Arama ra, i te na koia atu c, Auraka kotou e tamaki ua atu ki te tangata rikiriki, e te tangata maata, mairi ra ki te ariki o Iseraela anake ra. E 31 kia akara mai te au kapena o te au kariota ra ia Iehosaphata, kua tuatua akera ratou, Ko te ariki rai teia o Iseraela ra. Kua ariu akera ratou e tamaki iaia; kua kaku ua rā Iehosaphata, e kua tupae mai a Iehova iaia; e akaanga keia akera ratou e te Atua. E kite akera oki te au kapena o te au kariota ra e, kare aia i te ariki o Iseraela, kua anga ke maira ratou, kare akera i aruaru atu iaia.

Kua akainana ua iora tetai tangata 33 i te ana, tu iora te ariki o Iseraela i rotou i te topirianga tapoki-umauma ra: kua karanga atura aia ki te tangata akaoro kariota ra, E ariu ke atu koe, e kave iaku ki vao i te nuku nei; kua mate au. Tupu atura te tamaki 34 i taua rā ra; kua turua iora te ariki o Iseraela i roto i te kariota e tamaki rai i to Arama, e aiaia ua atura: e tei te topa anga o te rā ra, mate iora aia.

PENE XIX.

Ko Iehosaphata tei akamurua e Iehu peroveta: tana ravenga tau kia meitaki te enua nona ra.

TE oki ra te ariki o Iuda ko Iehosaphata ki tona ngutuare i Ierusalem ma te au. Kua aere maira te 2

tamaiti a Hanani ko Iehu akara ra, e aravei iaia, e kua tuatua maira ki te ariki ra kia Iehosaphata, E tika ainei kia tauturu koe i te aronga kino; e anoano rai koe i tei makitakita ia Iehova? i *tupu* ei te riri ia koe no ko mai ia Iehova. Te vai nei rai te au mea meitaki i roto ia koe ra, ko koe i apai ke i te au Asetoreta i te enua nei, e kua akonokonoia oki toou ngakau i te kimi i te Atua.

4 E kua noo iorā Iehosaphata i Ierusalem, e kua oki aia kua aere na roto i te au tangata, mei Bere-seba e tae ua atura ki te maunga ra ki Ephraïma, e kua akaoki mai ia ratou ki te Atua o 5 to ratou ai metua kia Iehova. E kua akono atura aia i te aronga akava i te enua ra; i te au oire katoa i akaketa-ketaia i Iuda ra, i tera oire, i tera oire.

6 Kua karanga atura aia ki taua aronga akava ra, Kia matakite i ta kotou e rave na; kare na te tangata ta kotou e akava na, na Iehova ra, tei vaiata oki aia ia kotou i te tuatua akava anga ra.

7 E tenana, kia vai rai te matakua ia Iehova ki runga ia kotou, kia matakite, e akono tikai: kare oki e ngai apa i to tatou Atua ia Iehova, kare e akono anga i te tu o te tangata, kare e rave anga tutaki.

8 Kua akono atura oki a Iehosaphata i tetai papaki i Ierusalem i te au ngati Levi, e tetai pae taunga, e tetai pae i te au mataiapo tutara i Iseraela, ei akava i te tuatua ia Iehova ra, e te tuatua i tauetonoia, ka oki ei ratou ki Ierusa-

9 lema. E kua ikuiku atura aia ia ratou, na ko atura, E pera rai kotou ma te matakua ia Iehova, ma te tuatua-mou,

10 e te ngakau apa kore. Kia apaiia mai te tuatua a to kotou ai taeake e noo i roto i to ratou au oire; i te toto e te toto, e tetai pae taunga, e te au akonoanga, e te au tuatua-tau ra; e ako kotou ia ratou kia kore ratou e tatipake ia Iehova ra, ko te tae mai aea te riri ki runga ia kotou, e ki runga katoa i to kotou ai taeake: e akapera kotou, e kare kotou e tatipake.

11 E i na, ia Amaria i te taunga maata tei runga ia ia kotou i te au tuatua ravaraia a Iehova; e ko Zebadia te tamaiti a Isemaela te kavana i te ngutuare o Iuda, ei te au tuatua ia a te ariki ra: ei aronga rangatira oki te au ngati Levi ki mua ia kotou. E akamaroiroi, e ka rave, e ei vaiata Iehova i te aronga meitaki.

PENE XX.

Te pure a Iehosaphata i te takako anguia e te nuku o te pa enua ra: to ratou matenga ia ratou uaorai, te akara ua ra to Iseraela: te apinga maatu i te rauka anga. Te au pai o Iehosaphata i te ngaangaa anga, koia i kapiti kia Ahazia.

E I muri ake oki i te reira, kua aere maira te tamariki a Moabi, e te tamariki a Amona, ko ratou e *tetai aronga ke oki* kare te ngati Amona, e tamariki ia Iehosaphata. Kua aere maira *tetai aronga* kua akakite maira kia Iehosaphata, na ko maira, E aronga manta tera, te tiki maira ia koe mei tetahi pae tai mai mei Arama; e i na, tei Hazazona-tamara ratou, koia Enegedi. Kua matakū iorū Iehosaphata, e kua akonokono iora e kimi ia Iehova, e kua tutu aere i te neseteia anga e pini ua ake Iudea katoa ra. Kua akaputupu maira Iuda e kimi ia Iehova kia *turuia* mai, mei roto mai oki i te au oire katoa o Iuda to ratou aerenga mai e kimi ia Iehova.

Kua tu mairā Iehosaphata i roto i te uipānga o Iuda e Ierusalemā, i roto i te are o Iehova, ki mua i te kezere ou ra, E kua karanga atura, E te Atua o to matou ai metua e, e Iehova e, kare ainei koe i te Atua i runga i te rangi? ko tei tutara ki rungao i te au basileia katoa o te ao nei? kare ainei tei to rima te mana e te ririnui, e kare rava e tangata e tika kia patoi atu ia koe? Kare ainei ko koe, e to matou Atua, i tuaru ke i to teianei enua i mua i te araro o to au tangata ia Iseraela, e kua oronga mai no te uanga o to oa ra ko Aberahama, e tuatau ua atu? E kua noo ratou i reira, e kua akatu i te ngaitapu i reira no toou ra ingoa, kua tuatua e, Kia rokoia mai matou e te kino ra, mei te koke ra, te utunga, e te maki-mate, e te onge, kia tu matou ki mua i teianei are, ki mua oki i toou araro, (tei roto oki i teianei are toou ra ingoa,) e kia kapiki atu matou kia koe i to matou ra mate, e akarongo mai koe i reira, e e tauturu mai. E teianei, i na, te tamariki a Amona, e ko Moabi, e te maunga ra ko Seira, ko tei kore i akatikaia mai e koe kia rave Iseraela, ia ratou i aere mai mei Aiphiti maira, anga ke maira oki ratou ia ratou, e kare i akapou ia ratou; E i na, i te takinga-kino maira ratou ia matou nei, kua aere maira e tuaru ia matou i te tuanga naau nei, taau i o mai kia

12 matou nei ei nooanga. Kare ainei koe e akava ia ratou, e to matou Atua? kare oki o matou nei ririnui, kia tamariki atu i teianei aronga maata, e aere mai e tamaki ia matou nei; kare oki matou i kite i te ravenga kia rave: tei runga ia koe ra to matou mata. Te tu ua ra Iuda katoa ki mua ia Iehova, e ta ratou au tamariki varevare, ta ratou au vaine, e ta ratou au tamariki.

14 Kua aere maira te Vaerua o Iehova ki runga ia Iahaziela, te tamaiti a Zekaria, te tamaiti a Benaia, te tamaiti a Ieielā, te tamaiti a Matania, e ngati Levi, no te au tamariki a Asapha, i 15 rotapu i te uipānga ra; E kua tuatua maira aia, E akarongo mai ana, e Iuda katoatoa ra, e to Ierusalemā, e te ariki e Iehosaphata: Te na ko mairā Iehova kia kotou, Auraka kotou e matakū, auraka oki e tumatetenga i teianei aronga maata; kare na kotou te tamaki, 16 na te Atua ra. Apopo kotou e aere ei ki raro kia ratou; i na, te na runga maira ratou i te kakenga ra ko Ziza; ka rokoia atu e kotou tei te openga mai o te kauvai ra, i te pae i te mede- 17 bara ra ko Ieruēla. Kare kotou e tamaki i tenana, e akamou ua kotou, e tu ua mai kotou, e e akara i te ora a Iehova i o kotou na; e Iuda, e Ierusalemā katoa, auraka e matakū, auraka e tumatetenga; apopo e aere ei ki vao ka aravei ia ratou; tei ia kotou oki a 18 Iehova. Kua tupou iora te mimiti o Iehosaphata ki raro te mata i te one: kua tipapa maira to Iuda katoatoa, e to Ierusalemā, ki raro i mua i te araro 19 o Iehova, ma te akamori ia Iehova. E te au ngati Levi no te au tamariki a Kohata, e no te au tamariki a Kora, kua tu maira ki runga e imene ma te reo maata teitei ki te Atua no Iseraela kia Iehova.

20 Kua tu akera ratou ki runga i te popongi roa, aere atura ki te medebara ki Tekon: te aere ua ra ratou, kua tu ua mairā Iehosaphata, e kua tuatua maira, E akarongo mai ana, e Iuda, e to Ierusalemā; e akarongo i to kotou Atua ia Iehova, ka akatinamouia kotou; e akarongo i te au peroveta nana, 21 ka manuia ta kotou. E oti akera tana tuatua anga ki te au tangata, kua akataka atura i te aronga imene kia Iehova, ei akameitaki mā te akangateitei tapu, ka aere ei ratou na mua i taua nuku ra, ka tuatua'i e, E akameitaki ia Iehova, ka tu oki tona aroa e rimua. 22 E tei te tumu anga ratou i taua imene ra kia akameitaki ia Iehova, kua tuku a Iehova i te kotipu e rave

i te tamariki a Amona, e ia Moabi, e i te maunga ra i Seira, tei aere mai e tamaki ia Iuda; e kua ta ia ratou orai. Kua tamaki atura te tamariki a Amona e Moabi i to te maunga ra to Seira, e ta e kia pou takiri rava ratou: e pou akera to te maunga ra to Seira, kua tupae ua atura i te tainga ia ratou orai. E tae atura to Iuda ki te punanga tiaki anga i te medebara, kua akara atura ratou i taua aronga maata ra, e i na, e aronga kopapa mate anake i topaia ki runga i te one, kare rava i ora. E kia aere a Iehosaphata e te au tangata ravarai nona e rave i te apinga ra, kua kitea e ratou i runga i te au kopapa mate ra e apinga maata rava, e te au pœ memeitaki, ko tei taratarai ia e ratou no ratou orai, kare akera e maranga i te apai: ka toru akera o ratou rû i te rave anga i te apinga i te maata. E tae akera ki te po a kua akaputu putu akera ratou i te o ra i Beraka: i reira oki ratou i te akameitaki anga ia Iehova: i tapai'i taua ngai ra, i te o ra, ko Beraka, e tae rava akenei ki teianei rā.

Kua oki anake maira to Iuda e to Ierusalem, e ko Iehosaphata katoa na mua ia ratou, e aere ki Ierusalem ma te rekareka; kua akarekareka mai oki i Iehova ia ratou i to ratou au enemi. Kua aere maira oki ratou, ma te au nabala, e te au kinura, e te au pu, ki Ierusalem, ki te are o Iehova. Rokoia iora te au basileia o te pa enua, e pini ua ake, e te matakû i te Atua, i te kite anga ratou e kua tamaki aturā Iehova i te au enemi o Iseraela. Noo marie iora te basileia o Iehosaphata: kua oronga mai oki tona Atua i te au nona e pini ua ake.

Au iora to Iehosaphata ki runga ia Iuda: kua tae aia ki te toru ngauru ma rima o tona mataiti i ariki ei aia, e okotai takau ma rima ona mataiti i te ariki anga i Ierusalem. Ko Azuba te ingon o te metua vaine nona, e tamaine na Silehi. E aere atura aia na te arataa o tona metua o Asa; kare aia i tatipake i te reira, i te rave anga i te mea tika i mua i te aroaro o Iehova. Kare ra te au ngai teitei e akarukia; 33 kare oki te au tangata i akonokono tika i to ratou ngakau ki te Atua o to ratou ai metua ra.

E te toenga o te tuatua ia Iehosaphata, tei mua e tae ua atu ki te openga, i na, kua oti i te taitaia ki roto i te tuatua a Iehu te tamaiti a Hanani ra, ko tei taitaia i roto i te tuatua a te ui ariki o Iseraela.

35 E muri ake i te reira, kua topiri atura te ariki o Iuda ko Iehosaphata ki te ariki o Iseraela, kia Ahazia, nana te ravenga kino maata ra: I kapiti aia kiaia e tarai i te pai e ano ki Taresisa: kua tarai iora ratou i te pai i Eziona-gebera. Kua totou iorā Eliezera te tamaiti a Dodava i Maresa ia Iehosaphata, tuatua akera, No te mea kua topiri koe kia Ahazia, kua ngaangaa taua angaangaa ia Iehova. Ngaangaa atura te au pai, kare atura i tae ki Taresisa.

PENE XXI.

Te matenga o Iehosaphata: ko Iehorama i te tainga i tona ra au taeake: tona au kino. Te totou a Elia i te tupu anga: to Iehorama matenga i rikarika, e te tauu mangaia.

1 MOE iorā Iehosaphata ki o tona ai metua, e tanumia iora ki o tona ai metua i roto i te oire o Davida, tupauia akera aia i te au e te tamaiti nana ra e Iehorama.

2 E aronga teina oki tona, i te au tamariki a Iehosaphata, ko Azaria, e ko Iehiela, e ko Zekaria, e ko Azaria, e ko Mikaela, e ko Sephatia: e aronga tamariki anake ia na te ariki o Iseraela na Iehosaphata. E apinga maata ta to ratou metua i oronga mai no ratou, i te ario, e te auro, e te apinga memeitaki, e te au oire i akaketaketaia i Iuda ra: kua oronga ra aia i te basileia kia Iehorama; no te mea te tama mua aia. E kia rauka ia Iehorama te basileia o tona metua, kua akamaroiri aia iaia uoara, e kua ta atura i tona au teina katoa ki te koke, e tetai aronga mataiapo katoa i Iseraela ra.

5 Tei te toru ngauru ma rua o to Iehorama mataiti i ariki ei aia; e varu akera ona mataiti i te ariki anga i Ierusalem. Aere atura aia na te arataa o te ui ariki o Iseraela, mei to te ngutuare o Ahaba: te tamaine oki a Ahaba tana vaine: i rave ua ra aia i te kino i mua i te aroaro o Iehova. Kare rai a Iehova i akapou i te ngutuare o Davida, no te koreromotu i papauia e ia kia Davida, e no te mea kua tuatua mai aia e oronga mai aia i tetai mori nana, e na tana au tamariki katoa e tuatau ua atu. 8 Tei tona au rā to Edoma kaitamaki anga i te rima o Iuda, e kua akaariki i 9 tetai ariki no ratou orai. Kua aere iorā Iehorama e te ui mataiapo nona, e te au kariota katoa ki ona ra; e kua tu iora aia i te po e kua ta atura i to Edoma i akapini mai iaia, e te au

kapena o te au kariota. Kaitamaki 10
rai Edoma i te rima o Iuda e tae rava
akenei ki teianci rā. Kua kaitamaki
katoa maira oki Libena i te rima nona
i te reira tuatau; no te mea kua aka-
ruke aia i te Atua o tona ra ai metua ia
Iehova. Kua akatu iora oki aia i te 11
ngai teitei i te au maunga ra i Iuda ra,
e nana i akariro i to Ierusalemā ei
akaturi, e kua akaapo katoa oki ia
Iuda.

Kua tae maira tetai leta kiaia na 12
Elia peroveta, na ko maira, Te na ko
maira te Atua o to tupuna ra o Davida
ko Iehova, No te mea kare akenei koe
i aere na te arataa o to metua o Iehosa-
phata, e te arataa o te ariki o Iuda o
Asa, Kua aere ra koe na te arataa o te 13
au ariki o Iseraela, e kua akariro oki ia
Iuda e to Ierusalemā katoa kia akaturi,
mei te au akaturiangā o te ngutuare o
Ahaba, e kua ta oki i to ai teina no te
ngutuare o to metua ra, tei meitaki
ake ia koe ra; I na, e mate maata ta 14
Iehova e tuku ki runga i to au tangata
nei, e to au tamariki, e to au vaine, e to
au apinga ravarai: E ka rokoia koe e 15
te maki maata rava, ka makiia to
kopu; e manganui akera te rā ka
topa'i to ngakau ki vao i te maata o
taua maki ra.

Kua akaamara akerā Iehova i te 16
ngakau o te Philiseti e tamaki ia Ieho-
rama, e to Arabia katoa oki i vaitata i
to Kusa: E kua aere maira ratou ki 17
Iuda, e kua akangaangai aere, e kua
apai ke akera i te au mea ravarai o te
are o te ariki ra, e te au tamariki nana,
e te au vaine katoa; kare akera i te ta-
maiti toe nana, mari ra te tamaiti
openga ra ko Iehoaiaza. E i muri 18
ake i te reira au mea katoa, taia maira
aia e Iehova i te maki ora kore ki roto
i tona kopu. E roa akera, e ope akera 19
nga mataiti e rua, kua topa iora tona
ngakau ki vao, i taua maki nona ra;
mate iora aia i te maata o te maki ra.
Kare tona au tangata i tutungi i te ai
iaia, mei te tutungi anga i te au metua
nona ra. Kua tae aia ki te toru 20
ngauru ma rua o ona mataiti i ariki ei
aia, e varu akera oki ona mataiti i te
ariki anga i Ierusalemā. I aere oki aia
ma te anoano koreia, kua tanu ra
ratou iaia i roto i te oire o Davida, kare
ra i tukua ki roto i te menema o te ui
ariki ra.

PENE XXII.

*Te ariki ra ko Ahazia i te taingaia e
Iehu ra: te uanga ariki ravarai
mari ra ko Ioasa i te pou anga ia
Atalia; e te riro anga o te au iaia.*

- 1 **A** KAARIKIIA akera tana tamaiti
openga ra ko Ahazia e to Ierusa-
lema ei tupau mai i tona metua; kua
taia oki nga tuakana e te takanava ta-
ngata i aere katoa ratou e to Arabia ki
te puakapa. Riro atura te au ia Ahazia
te tamaiti a Iehorama ariki no Iuda.
- 2 E rua takau ma rua o to Ahazia mataiti
i ariki ei aia, okotai oki ona mataiti i te
ariki anga i Ierusalemā. Ko Atalia te
ingoa o tona metua vaine, e utaro na
- 3 Omeri. Aere atura oki aia na te au
arataa o te ngutuare o Ahaba: ko tona
metua vaine te ako iaia i te rave i te
- 4 kino ra. I rave ei aia i te kino i mua
i te aroaro o Iehova, mei te ngutuare o
Ahaba ra: ko ratou oki tei ako iaia i
muri ake i te matenga o tona metua, e
- 5 mate atura aia uorai. Kua aite oki
tona aerenga ki ta ratou i ako ra, e kua
kapiti katoa aia ia Iorama, te tamaiti a
Ahaba ariki o Iseraela, i te tamaki i te
ariki o Arama ia Hazael i Ramota-
gileada: puta iorā Iorama i to Arama
- 6 ra. E kua oki iora aia ki Iezereela,
kia akaorai te au puta i puta'i aia i
Rama, ka tamaki ei aia i te ariki o
Arama ia Hazael. Kua aere iorā
Ahazia te tamaiti a Iehorama ariki no
Iuda, e akara ia Iorama te tamaiti a
Ahaba i Iezereela, no te mea kua
- 7 makiia aia. Ko to Ahazia ia mate i
akonoia e te Atua, koia i aere kia
Iorama: tae atura oki aia, kua aere
katoa iora aia e Iorama katoa e tamaki
ia Iehu te tamaiti a Nimesi, tei aka-
tainuia e Iehova e tipu ke i te ngutuare
- 8 o Ahaba. E te akautunga rā Iehu i
te ngutuare o Ahaba, e kitea iora te ui
ariki o Iuda, e te au tamariki a te au
tacake o Ahazia, ko tei tauturu ia Aha-
zia, kua ta atura aia ia ratou. E kua
kimi aia ia Ahazia: e rauka iora aia ia
ratou, (kua pipini oki aia i roto i Sama-
ria,) kua arataki maira iaia kia Iehu:
e mate atura aia i te taia, kua tanu
atura ratou iaia: kua tuatua akera ra-
tou, No te mea e utaro aia na Iehosa-
phata, ko tei kimi ia Iehova ma tona
ngakau katoa ra. Kare oki te ngutuare
o Ahazia e maroiroi kia tāpu i te basileia.
- 10 Kite akerā Atalia te metua vaine o
Ahazia ra e, kua mate tana tamaiti,
kua tu akera aia, kua pou iaia i te ta
te uanga ariki katoa o te ngutuare o

Iuda. Karekū Iehoseba, te tamaine a 11
te ariki ra, kua rave akera ia Ioasa te
tamaiti a Ahazia, i keiaia e ia no roto i
te au tamariki a te ariki i taia ra; e kua
tuku iaia e te iikiiki katoa nona ki roto
i tetai pia moe. I perā Iehoseba te
tamaine na te ariki ra na Iehoramā, te
vaine oki na Iehoiada taunga ra, ko te
tuaine oki aia no Ahazia, i te uuna
anga iaia ia Atalia, kare akera aia i ta
iaia. Ngaro iora aia mā ratou katoa 12
i roto i te are o te Atua e ono mataiti.
Riro akera te au ia Atalia i taua
enua ra.

PENE XXIII.

Manea akera te au mea katoa ia Iehoiada, akaariki akērā ia Ioasa. Te malenga o Atalia.

TAE akera ki te itu o te mataiti, 1
kua akamaroiroi iorā Iehoiada iaia
orai, e kua papau akera i te korero-
motu ki te au kapena no runga i te au
anere ra, ko Azaria te tamaiti a Iero-
hama, e ko Isemaela te tamaiti a Ieho-
hanana, e ko Azaria te tamaiti a Obeda,
e ko Maaseia te tamaiti a Adaia, e ko
Elisaphata te tamaiti a Zikeri. Kua 2
naere akapini iora ratou i Iudea ra, e
kua akaputuputu mai i te ngati Levi
no roto i te au oire katoa i Iuda, e te
aronga mataiapo tutara i Isaraela, e
kua aere mai ratou ki Ierusalema.
Kua papau iora taua uipānga katoa ra 3
i te koreromotu i te ariki i roto i te are
o te Atua ra. I tuatua ana oki aia kia
ratou, I na, te tamaiti a te ariki, ei
ariki aia, i ta Iehova oki i tuatua mai i
te au tamariki a Davida ra. Teia ta 4
kotou e rave; ko te pae toru o kotou to
te kau taunga, e to te ngati Levi, ko
tei tomo mai ki roto nei i te sabati, ei
tiaki ngutupa ia; E tetai pae toru ei 5
te are ia o te ariki ra; e tetai pae toru
ei te ngutupa i raro ia: e te au tangata
katoa, ei roto ia i te au kezere o te are
o Iehova. Auraka ra ei tangata e 6
tomo mai ki roto i te are o Iehova,
mari ra ko te kau taunga, e te au ngati
Levi ko tei rave i te angaanga ra; e tae
mai ratou ki roto, no te mea kua tapu
ratou; kareka te tangata ravarai e
akono ia i te au *pupu* tiaki a Iehova.
Ka tu akapini oki te au ngati Levi i te 7
ariki, ko te tangata ko tana taonga i
tona rima e pini ua ake; e kia tomo
mai tetai tangata ake ki roto i te are,
ka taia ia: ei waitata ra kotou i te
ariki kia tomo mai aia ki roto ra, e kia
tomo aia ki vao. Kua pera oki te au 8
ngati Levi, e Iuda katoa ra, i te rave i

te au mea katoa ta Iehoiada taunga i
tuatua maira, e kua rave te tangata
katoa i tona au tangata i akonoia ko
tei aere mai ki roto i te sabati, e te
aronga katoa e aere ki vao i te sabati:
kare oki a Iehoiada taunga i akatopa i
9 te au pupu ra. Kua apai aturā Ieho-
iada taunga ki te au kapena o te au
anere i te au korare, e te au paruru tu
ke ke, a te ariki ra a Davida, i roto i
10 te are o te Atua. E kua tuku aia i te
tangata ravarai e akapini tikai i te
ariki, ko te tangata ko tana taonga i
te rima, mei te pae katau o te are e tae
ua atu ki te pae kaui o te are, na te
11 pae atarau e te are ra. Kua arataki
maira ratou i te tamaiti a te ariki, e
kua tuku i te korona ki runga iaia, e
kua *tuku iora* i te ture *kiaia* ra; kua
akaariki akera ratou iaia. E na Ieho-
iada e ana puke tamariki i akatainu
iaia; e kua tuatua akera, Kia ora te
ariki.
12 E kite akērā Atalia i te mutamuta o
te tangata i te oro anga e te akapaapaa
anga i te ariki, kua aere maira aia ki
te au tangata ki roto i te are o Iehova:
13 Kua akara iora aia, e i na, te tu ua
maira te ariki ki te pae pou i te tomo-
anga ki roto, e i waitata i te ariki ko
te aronga mamaata ia, e te aronga aka-
tangi i te pu: rekareka rava akera te
tangata katoatōa o te enua ra, e kua
akatangi i te pu: e te aronga imene
ma te au mea katoa i akatangi ra, e te
aronga katoa e apii i te imene akapaap-
paa. Kua aae iorā Atalia i ona kakau,
e kua tuatua akera, E kaitamaki, e
14 kaitamaki. Kua arataki mairā Ieho-
iada taunga ra i te au kapena anere tei
tukuia ki runga i te nuku ra, e kua
karanga atura kia ratou, Arataki atu
iaia ki vao i te tupati tangata ra; e te
aru iaia ra, e ta ki te koke. I tuatua
ana oki te taunga, Auraka aia e taia i
15 roto i te are o Iehova. Kua opu atura
to ratou rima iaia: e tae atura aia ki
te arataa e tomo ei te au ipo i te are o
te ariki, kua ta iora ratou iaia i reira.
16 Kua papau iorā Iehoiada i te korero-
motu nana uaorai, e te au tangata
katoa mā te ariki, ei tangata ratou no
17 Iehova. Kua tomo atura te tangata
ravarai ki roto i te are o Baala, e kua
vava'i atu i te reira; mā te au atarau e
to reira au tiki, kua vava'i takiri ra-
vaia e ratou; e kua ta atura i te tau-
nga o Baala ra ko Matana ki mua i te
18 au atarau ra. Kua akataka akērā Ieho-
iada i te aronga akataongnia i te are
o Iehova, i te rima o te kau taunga te
au ngati Levi, te akatakaia e Davida i

roto i te are o Iehova, ei apai i te au
tusia karakaratio na Iehova, i tei tataia
i roto i te ture a Mose, ma te rekareka
e te imene i akonoia e Davida. E kua 19
tuku aia i te aronga tiaki ngutupa i te
au ngutupa i te are o Iehova, kia kore
rava tei viivii e tomo ua atu ki roto.
Kua rave akera aia i te au kapena 20
anere, e te aronga mamaata, e te au
kavana o te au tangata ra, e te tangata
ravarai o te enua, e kua arataki maira
i te ariki ki raro, mei te are o Iehova
maira: e kua na roto ratou i te ngu-
tupa teitei e tae maira ki te are o te
ariki ra, e kua tuku iora ratou i te
ariki ki runga i te terono o te basileia
ra. Mareka rava akera te tangata ka- 21
toa o te enua ra: e te vai ua na ra te
oire, mate ua ake a Atalia ki te koke.

PENE XXIV.

*E au meitaki to Ioasa i te ora anga o
Iehoiada; e muri akera te tatipake
ra e kua taia.*

TEI te itu o to Ioasa mataiti i 1
ariki ei aia, e a ngauru oki ona
mataiti i te ariki anga i Ierusalema.
Ko Zibia te ingoa o tona metua vaine
no Bere-seba. Kua rave aturū Ioasa 2
i te mea tika i mua i te aroaro o
Iehova, e ope rava akera te au rā o
Iehoiada taunga ra. Kua rave akērū 3
Iehoiada i nga vaine nana toko rua;
kua anau ana puke tamariki tamaroa e
nga tamaine.

E i muri ake i te reira ko roto i te 4
ngakau o Ioasa e tuā i te are o Iehova.
Kua akaputuputu maira aia i te kau 5
taunga, e te au ngati Levi, e kua ka-
ranga atura kia ratou, E aere kotomu ki
te au oire o Iuda, e ori aere i te moni ia
Iseraela katoa ra, ei tuā i te are o to
kotou Atua, i tera mataiti, i tera ma-
tāiti; e akamaroiroi oki kotou i te rave
kia oti vave. Kare ra te ngati Levi i
akamaroiroi. Kua karanga atura te 6
ariki ki te taunga maata ra kia Iehoi-
iada, e kua na ko atura kiaia, Eaa i
kore ei koe i umuūmu atu i te au
ngati Levi, e apai mai i te apinga uipa
na Iuda, e na Ierusalema, i akonoia e
Mose e te tavini o Iehova, e na te
uipānga o Iseraela, no te Are kite ra? 7
Na te au tamariki oki a taua vaine
paieti kore ra a Atalia i vava'i i te are
o te Atua: e kua apai oki ratou i te au
mea ravara i akatapua no te are o Ie-
hova na Baala. E kia akauēia mai ra-
tou e te ariki ra, kua tarai iora ratou i
tetai pia, e kua tuku akera ki vao mai i
te ngutupa o te are o Iehova. Kua tutu 9

aere iora ratou na roto ia Iuda e Ieru-
salema katoa, e apai mai i te apinga
uipāia ra kia Iehova, i tei *tukuia atu*
e te tavini o te Atua ra e Mose ki ru-
10 nga ia Iseraela i te medebara ra. Kua
mareka akera te aronga mamaata ka-
toa e te tangata ravara, e kua apai
mai ki roto, e kua titiri i *ta ratou i*
uipa maira ki roto i te pia e ope akera.
11 E i te tuatahi i apaiia mai ei taua
pia ra ki roto ki te aronga taonga a
te ariki ra i te rima o te ngati Levi,
e kite akera ratou e moni maata, kua
aere maira te tata tuatua a te ariki,
e te tangata taonga o te taunga ma-
ta ra, kua kiriti akera i te moni i
taua pia ra, e kua rave, e kua akaoki
ki te vairanga ra. I pera ratou i tera
rū, i tera rū, e uipa akera te moni e
12 manganui. Kua apai atura te ariki
raua ko Iehoiada i te reira ki te aronga
e rave i te angaanga i te peu i te are o
Iehova ra; e kua tutaki atura i te tau-
nga tarai toka, e te tarai rakau, ei tuā i
te are o Iehova; e te aronga tupaki
auri, e te veo, ei akaketaketa i te are o
13 Iehova ra. Kua maroiroi rai te aro-
nga rave angaanga ra, e kua oti takiri
taua angaanga ra i to ratou rima, riro
atura te are o te Atua ia ratou ra te
ketaketa *takere* rai te ketaketa.
14 E oti akera ia ratou ra, kua apai
maira ratou i te toenga o te moni, ki
mua i te aroaro o te ariki ra e ia Ie-
hoiada; kua anga akera ratou i te reira
ei ariki no te are o Iehova, ei ariki no
te angaanga e te tusia karakaratio; e
te au punu, e te au ariki auro e te ario
ra. E kare akera ratou i tukumoe i
te apai i te au tusia karakaratio i roto
i te are o Iehova, i te au rā katoa o
Iehoiada ra.
15 Ruaine atura rā Iehoiada, e kua ope
ona au rā, i mate ei ra; kua tae aia
ki te anere okotai, e toru ngauru ma-
tāiti ara, i mate ei ra. Tanumia iora
16 aia e ratou i te oire o Davida i roto i
te au ariki ra, no te mea e meitaki
tana i rave ia Iseraela i te Atua, e
tona are.
17 E mate aturū Iehoiada, kua aere
maira te aronga mamaata i Iuda ra, e
kua tupou maira ki te ariki. E kua
18 akarongo atura te ariki kia ratou. Kua
akaruke maira ratou i te are o te Atua
o to ratou ai metua o Iehova, e kua
araara i te au Asetoreta, e te au idolo;
rokoia maira Iuda e Ierusalema e te
19 riri i taua ara na ratou ra. Kua tono
mairai aia i te au peroveta kia ratou e
akaoki mai ia ratou kia Iehova; e
kua akakite pu atura ratou i *ta ra-*

teu *ara*: kare ra ratou i tuku mai i te taringa.

Tei runga ua maira te Vaeua o te 20
Atua ia Zekaria te tamaiti a Iehoiada tangata ra, te tu ua ra aia i rungao i te tangata, e kua tuatua maira kia ratou. Te na ko maira te Atua, Eaa kotou i tatipake ei i te au akauenga a Iehova, i kore ei i manuia ta kotou? no te mea kua akaruke kotou ia Iehova, kua akaruke katoa mai oki aia ia kotou. Kua 21 kotikoti kupenga akera ratou iaia, e kua pei iora iaia ki te toka, i te akaue nga a te ariki, i roto i te kezere i te are o Iehova. Kare akera i te ariki ra ko 22 Ioasa i maara i te takinga-maitaki a tona metua a Iehoiada iaia, kua ta oki aia i tana tamaiti: ko tei tuatua mai oki i te matenga ra e, Na Iehova *teia* e akara mai, e e futaki mai.

E ope akera te mataiti, kua aere 23 maira te nuku o Arama ki runga e tamaki iaia: kua tae maira ratou ki Iuda e Ierusalem, pou rava akera te aronga mamaata katoa o te au tangata i te mate i roto i te au tangata ra, kua akau atura i ta ratou apinga tini ki te ariki o Damaseko. E nuku iti 24 rava oki to Arama i tae maira, e nuku maata rava ra ta Iehova i tuku ki to ratou rima, no te mea kua akaruke ratou i te Atua o to ratou ai metua ia Iehova. E kua akautunga atura ratou ia Ioasa; Akaruke maira 25 oki ratou iaia, kua maata rava tona au maki, kua kotikoti kupenga akera nga tavini nona e ta iaia, i te toto oki o nga tamariki a Iehoiada tangata ra, e kua ta rava atura ratou iaia ki runga i tona roi, e mate atura: kua tanu atura ratou iaia i roto i te oire o Davida, kare ra i tanu i te menema o te au ariki ra. Teia oki nga tangata i 26 kotikoti kupenga iaia ra: ko Zabada te tamaiti a te vaine Amona a Simc-ata; e ko Iehozabada te tamaiti a te vaine Moabi a Simirita.

Ko tana au tamariki, e te maata o te 27 teiaa i *tukuia* ki runga iaia, e te patu akaou anga i te are o te Atua, i na, kua oti i te tataia i roto i te tuatua a te au ariki. Tupauia akera aia i te au e te tamaiti nana ra e Amazia.

PENE XXV.

Te au o Amazia, e te pou anga o te ngati Edoma iaia: tona tatipake angaia: tona eke anga ia Ioasa, e tona matenga.

KUA tae a Amazia ki te mataiti i tai takau ma rima i ariki ei aia,

okotai takau ma iva ona mataiti i te ariki anga i Ierusalem. Ko Iehoadana te ingoa o tona metua vaine no Ierusalem. Kua rave aia i te mea tika i mua i te aroaro o Iehova, kare ra i tika maitaki rava te ngakau. E akatinamouia akera te au iaia ra, kua ta atura aia i nga tavini nona, tei ta i 3 tona metua i te ariki ra. Kare ra aia i ta i ta ratou au tamariki, i tei tataia oki ki roto i te ture i te luka a Mose, i ta Iehova i akaue maira, i te na ko 4 anga mai e, Auraka te metua kia taia i *te ara a* te tamariki, e auraka te tamariki kia taia i *te ora a* te metua; ka mate ra te tangata katoa i tana u-orai ara.

5 Kua akaputuputu mairā Amazia ia Iuda, e kua akariro atura ia ratou ei kapena no runga i te au tausani, e ei kapena no runga i te au anere, no te au are o *to ratou* ai metua e pini ua ake Iuda e Beniamina katoa: e tei tae ki te mataiti okotai takau e runga atu, tei tataua ia, e te kitea anga iora e toru anere i te tausani anga i te *tangata* memaitaki, e *tika* kia aere ki te karo tamaki, ko tei rave i te korare e 6 te paruru. Kua ou atura oki aia okotai anere i te tausani anga i te tangata i te aronga toa anake no roto ia Iseraela, i te au taleni ario okotai 7 anere. Kua aere maira ra tetai tangata no te Atua kiaia ra, na ko maira, E te ariki e, auraka te nuku o Iseraela kia aru ia koe; kare oki a Iehova i tau ia Iseraela, te au tamariki katoa a Ephe- 8 raima. Kia aere ra koe ra, e pera rai, e akamaroiroi i tenana tamaki: ka inga koe i te Atua i mua i te enemi: e tika oki i te Atua kia tupae mai, e 9 kia akainga ki raro. Kua tuatua mairā Amazia ki taua tangata no te Atua ra, E akapea ra matou i te au taleni ario okotai anere i orongaia atu e au ki te nuku o Iseraela? Kua karanga atura te tangata no te Atua ra, E tika ia Iehova kia akaoki mai e maata ua 10 atu rai. Kua akataka aturā Amazia ia ratou, *koa* taua aronga mei Ephe- raima maira, kia oki ki te ngutua: riri rava akera ratou ia Iuda, oki atura ratou ki te ngutua e ma te riri maata. 11 Kua akamaroiroi iorā Amazia iaia orai, e kua arataki i tona ra au tangata, aere atura ki te o tai ra, e kua ta atura i to Seira, okotai ngauru i te tausani. 12 E okotai ngauru oki i te tausani i *vao* ora uaiā, kua arataki tuikaia e te tamariki a Iuda, e kua kave ia ratou ki runga rava i te mato ra, e kua uri atura ia ratou ki raro mei runga mai

i taua mato ra, paifi rava akera ratou. Kareka te aronga toa i akaokila e Amazia ra, kia kore ratou e tae katoa ki te tamaki, kua aere atura ia ki te au oire i Iuda, e Samaria, e tae na atura ki Bete-horona, ta iora i te au tangata e toru tausani, e manganui te apinga i nonia ra.

E tae mairā Amazia mei te tainga i 14 te ngati Edoma, kua apai katoa maira i te au atua o te au tamariki o Seira, e kua akatu akera ia ratou ei atua nona, e kua tupou iora aia ki raro ki mua ia ratou, e kua tutungi i te tumiama kia ratou. Tupu atura te riri o Iehova ia 15 Amazia, e kua tono atura aia i tetai peroveta kiaia, ko tei karanga atu kiaia e, Eaa te mea i kimi ei koe i te au atua o te au tangata, kare i akaora i to ratou uaoari au tangata i toou na rima? E te tuatua ua ra aia kiaia, kua tuatua maira te ariki kiaia, Kua akonoia ainei koe ei ako i te ariki? ka muteki ana; eaa koe kia tuia'i? Kua muteki ua iora taua peroveta ra, kua tuatua akera ra, Kua kite au e kua akakoro tikai te Atua ia koe kia mate rava, no te mea ko koe i akapera mai, e kare i akarongo mai i taku i ako atura.

Kua kimi iora te ariki o Iuda ra ko 17 Amazia i te tuatua, e kua tono akera i te karere kia Ioasa, te tamaiti a Iehoa-haza, te tamaiti a Iehu, ariki no Iseraela ra, karanga atura, E aere mai, taua e akarakara i to taua mata. Kua tono 18 maira te ariki o Iseraela ko Ioasa ki te ariki o Iuda kia Amazia, tuatua maira, Na tetai rakau faratara i Lebanona i tono mai i te karere ki tetai arezi i Lebanona, na ko maira, O mai ana to tamaine ei vaine na taku tamaiti: kua aere ua maira tetai terio momoavao no Lebanona, takatakaiia iora taua rakau taratara ra. Te tuatua ua ana koe, I 19 na, kua pou te ngati Edoma iaku; e kua parau to ngakau na kia akatiatie: e noo marie ua koe i to ngutuare na; eaa koe e mūro mai ei kia kino, e kia inga atu koe, ko koe e Iuda katoa rai?

Kare akera i Amazia i akarongo: 20 no ko mai oki i te Atua kia riro ratou ki te rima o to ratou au enemi, no te mea te kimi ra ratou i te au atua no Edoma ra. Kua aere atura te ariki ko 21 Ioasa ki runga, e kua akarakara oki raua i to raua puke mata, koia e te ariki o Iuda ko Amazia, i Bete-semesa i o Iuda ra. Eke iora Iuda i mua ia 22 Iseraela; e kua oro anake iora ratou, te tangata katoa ki tona uaoari puakapa. Kua rave iora te ariki o Iseraela 23 ko Ioasa i te ariki o Iuda ia Amazia,

te tamaiti a Ioasa, te tamaiti a Iehoa-haza, i Bete-semesa, e kua apai mai ki Ierusalem, e kua vava'i i te patu i Ierusalem, mei te ngutupa i Epheraima e tae ua atura ki te ngutupa i te poo patu, e a anere i te kubiti. E kua rave aia i te auro e te ario, e ope rava ake, e te au āriki katoa i kitea i roto i te are o te Atua, tei Obeda-edoma, e te au apinga o te are o te ariki ra, e te tangata oki, e kua oki atura ki Samaria.

25 Te ora ua rā Amazia, te tamaiti a Ioasa, ariki no Iuda ra, i muri ake te matenga o Ioasa te tamaiti a Iehoa-haza ariki no Iseraela ra, okotai ngauru ma rima i te mataiti. E te toenga o te tuatua ia Amazia ra, tei mua ra e te openga, i na, kare aina kua tataia i roto i te tuatua a te ui ariki no Iuda e no Iseraela?

27 E i muri ake i to Amazia anga ke anga i te aru anga ia Iehova, kua kotikoti kupenga iora ratou iaia i Ierusalem; kua oro iora aia ki Lakisa: kua tono atura ra ratou i te tangata na muri iaia ki Lakisa, ta atura iaia i rei- 28 ra. Kua akauta maira ratou iaia na runga i te au ipo; e kua tanu atura iaia ki o tona ra ai metua i te oire i Iuda.

PENE XXVI.

E au meitaki to Uzia i te tuatua ia Zekaria: tona lepera angaia, koia i rave i te tuoonga tuunga.

1 **K**UA rave iora to Iuda katoa ia Uzia, okotai ngauru ma ono ona mataiti, e kua akaariki akera iaia, ei 2 tupau i tona metua ia Amazia ra. Kua patu akera aia ia Elota, e kua akaoki maira kia Iuda, ka moe ei te ariki ki o tona ra ai metua.

3 Tei te mataiti okotai ngauru ma ono ra i ariki ei a Uzia ra, ka rima akera ngauru ma rua ona mataiti i te ariki anga i Ierusalem. Ko Iekolia oki te ingoa o tona metua vaine no Ierusa- 4 lema. Kua rave aia i te mea tika ki mua i te aroaro o Iehova, mei ta tona 5 metua, mei ta Amazia i rave ra. Te kimi ra aia i te Atua i te au rā o Zekaria ra, ko tei kite i te au orama a te Atua ra: e te kimi ra aia ia Iehova ra, kua akamanuia maira te Atua i tana 6 ra. Kua aere atura aia e kua tamaki atura i te Philiseti, e kua ngaangaa te patu i Gata iaia, e te patu i Iabene, e te patu i Asadoda, e kua patu i te au oire i vaiata ia Asadoda, e i roto i te 7 au Philiseti. Kua tauturu maira te Atua iaia i te tamaki anga i te Philis-

seti, e te tamaki anga i to Arabia i tei
noo i Gura-baala, e te tamaki anga i
te au Meuni. E kua apai mai te
ngati Amona i te apinga na Uzia: e
tutuki atura tona rongo e tae ua atura
ki te tomoanga atu i Aiphiti ra; kua
maroiroi rava oki aia. Kua patu iora
oki a Uzia i te au punanga i Ierusa-
lema i te ngutupa i te poo patu ra, e
te ngutupa i te o ra, e i te poo i *taua*
patu ra, e kua akaketaketa oki i te
reira ra. Kua patu oki aia i te au pu-
nanga i te medebara, e manganui te
ruavai i koia: e puaka manganui oki
tana, i te au o ra, e te au ngai mataataa
katoa; e te aronga tatanu, e te aronga
tope vine i runga i te au maunga, e i
runga ia Karamela: e mea taureka-
reka oki nana te tatanu. E nuku 11
tangata tamaki ta Uzia, ko tei aere ta-
kanava na ka tamaki ei, ko tei taniaa
e te rima o te tata tuatua e Iicila, e te
kavana ra e Maaseia, tei te rima o
Hanani, tetai kapena a te ariki ra.
Te aronga mataiapo tutara i te tatau 12
anga e rua ia tausani e ono anere, e aro-
nga toa anake. E ko raro ake i to 13
ratou rima e nuku katoa ia, e toru
anere ma itu i te tausani e rima oki
anere, e karo tamaki anake ma te
ririnui, ei tupae i te ariki i *tona*
au enemi. Kua kimi iorā Uzia na 14
ratou, na taua nuku katoa ra, i te
au paruru, e te au korare, e te au
pare, e te au tapoki-umauma, e te au
ana, e te au toka maka. Kua anga 15
iora oki aia i Ierusalemia i te ravenga i
kimiia e te aronga karape, ka tuku ei
ki runga i te au punanga, e ki runga i
te au ngai i paruruia ra, ka akainana i
oki te kakao e te toka maata. Tutuki
atura tona rongo ki te pa enua katoa;
i tupae maataia mai oki aia, e keta-
keta ua atura oki aia.

Ketaketa akera ra aia, kua akatei- 16
teia tona ngakau e mate atura: kua
rave oki aia i te ara i tona Atua ia
Iehova ra, kua aere oki aia ki roto i te
nao o Iehova e tutungi i te tumiama
ki runga i te atarau tumiama ra. Kua 17
aru aturā Azaria taunga iaia, koia e te
kau taunga na Iehova, e varu ngauru
e aronga kaumaiti anake: Kua patoi 18
atura ratou i te ariki ra ia Uzia, e kua
karanga atura kiaia, Kare oki koe *tei*
akonoia ei tutungi i te tumiama na
Iehova, e Uzia, na te kau taunga ra na
te au tamariki a Aarona, ko tei aka-
tapu tikaia ei tutungi i te tumiama: e
aere koe ki vao i tenana ngai-tapu; kua
ara oki koe; kare oki tena e *riro* ei
meitaki noou i te Atua ia Iehova ra.

19 Riri akērā Uzia, e *kua rave iora* i
tetai ariki i tona rima e tutungi rai i
te tumiama: e te riri ua ra aia i te kau
taunga ra, kua tupu iora te lepera k
runga i tona rae i mua i te aroaro o te
kau taunga ra, i roto rai i te are o
Iehova, i vaiata i te atarau tumiama
20 ra. Kua akera atura te taunga maata
ra ko Azaria, e te kau taunga katoa ra,
iaia, e i na, kua leperaia tona rae, kua
turaki atura ratou iaia ki vao; e kua
rapurapu katoa oki aia uorai i te aere
ki vao, no te mea kua taia aia e Iehova.
21 Riro atura taua ariki ra ko Uzia ei le-
pera e tae ua atura ki te rā i mate ei
aia ra, e kua noo lepera ua ki roto i
tetai are ke; kua akataka keia oki aia
i te are o Iehova: e tana tamaiti ko
Iotama, tei runga ia i te ngutuare o te
ariki, i te akava anga i te tangata no
taua enua ra.
22 E te toenga o te tuatua ia Uzia, tei
mua e tei muri, kua taitaia ia e Isaia
23 peroveta, te tamaiti a Amozar. Moe
iorā Uzia ki o tona ra ai metua; tanu-
mia atura aia ki o tona ra ai metua i
roto i te kainga tanumanga a te au
ariki ra; kua tuatua akera oki ratou,
E lepera aia. Tupauia akera aia i te au
e tana tamaiti ra e Iotama.

PENE XXVII.

*Te au meitaki o Iotama, e te pou anga
o te ngati Amona iaia.*

1 **K**UA tae a Iotama ki te mataiti tai
takau ma rima i ariki ei aia;
okotai ngauru ma ono ona mataiti i te
ariki anga i Ierusalemia. Ko Ierusa te
ingoa o tona metua vaine, e tamaine na
2 Zadoka. Kua rave aia i te mea tika i
mua i te aroaro o Iehova, mei ta tona
metua mei ta Uzia i rave ra. Kare ra
aia i aere ki roto i te nao o Iehova; e
3 te vai kino ua ra te au tangata. Kua
patu aia i te ngutupa teitei i te are o
Iehova, e ki runga katoa i te patu ra o
Ophela e ngai maata tei patuia e ia.
4 E kua akatu aia i te au oire ki runga i
te au maunga o Iuda, e i roto oki i te
au vaorakau ra, kua patu aia i te au are
tiaki, e te au punanga katoa ra.
5 E kua tamaki oki aia i te ariki o te
ngati Amona, e eke iora ratou iaia. E
kua apai maira te tamariki a Amona i
te au taleni ario okotai anere i taua
mataiti ra, e te au kora sitona okotai
ngauru i te tausani, okotai ngauru oki
i te tausani i te kerite. Kua pera te
tamariki a Amona i te apai mai, i te
6 mataiti rua, e te toru. Mana aturā
Iotama, no te mea kua akonokono aia

i tona arataa i mua i te aroaro o tona Atua o Iehova.

E te toenga o te tuatua ia Iotama, e te au tamaki katoa nana ra, e tona au aereanga, i na, kua taitaia ia i roto i te tuatua a te au ariki o Iseraela e Iuda. Kua tae aia ki te mataiti tai takau ma rima i ariki ei aia, okotai ngauru ma ono ona mataiti i te ariki anga i Ierusalem. Kua moe iorā Iotama ki o tona ra ai metua, e kua tanu iora ratou iaia i roto i te oire o Davida: tupauia akera aia i te au e te tamaiti nana ra e Ahaza.

PENE XXVIII.

E au kino to Ahaza, e tona eke anga maata ia Arama: i te tuatua a Odeda i akaokiiā to Iuda i tuikaoria ra e to Iseraelu. Kua tiki a Ahaza i to Asura, kare ra ratou i tauturu mai iaia: i tona tumatenga kua aku-maata aia i tona kino.

KUA tae a Ahaza ki te tai takau i tona mataiti i ariki ei aia, okotai ngauru ma ono ona mataiti i te ariki anga i Ierusalem; kare ra aia i rave i te mea tika i mua i te aroaro o Iehova, mei tona tupuna ra mei ia Davida; Aere atura ra aia na te arataa o te au ariki o Iseraela, e kua anga oki i te au idolo akatoia na Baala. E kua tutungi aia i te tumiama i te o te tamaiti a Hinoma, e kua tutungi i tana au tamariki i te ai, mei te au mearikarika a te au etene, ko tei tuarua e Iehova i mua i te aroaro o te tamariki a Iseraela ra. Kua apai aia i te tusia, e kua tutungi i te tumiama, ki runga i te au ngai teitei, e ki runga i te au tuaivi, e ki raro ake i te au rakau marumaru katoa ra. I tuku ei tona Atua ko Iehova iaia ki te rima o te ariki o Arama ra; ta atura ratou iaia, e manganui te tangata i apai tuikaaria e ratou, e kua apai ki Damaseko ra. E i tuku katoaia oki aia i te rima o te ariki o Iseraela, ko tei ta iaia ma te pou maata ra. Mate iora oki ia Peka te tamaiti a Remalia i Iuda okotai anere e rua ngauru i te tausani i te rā okotai, e aronga toa anake; no te mea kua akaruke ratou i te Atua o to ratou ai metua ia Iehova. E na tetai tangata ririnui no Ephernaima na Zikeri, i tamate takiri i te tamaiti a te ariki ra ia Maaseia; e ia Azerikama te kavana o te are, e ia Elikana i vaaita i te ariki ra. E na te tamariki a Iseraela i apai tuikaia i to ratou au taeake, e rua anere i te tausani, i te au vaine, te au tama-

roa, e te au tamaine; e kua rave maira i ta ratou apinga e mea maata, e kua apai i te apinga ki Samaria.

9 I reira ra tetai peroveta a Iehova, ko Odeda te ingoa; e kua aere iora aia e aravei i taua nuku ra, i to ratou aereanga ki Samaria ra, e kua karanga atura kia ratou, I na, no te mea e riri to te Atua o to kotou ai metua to Iehova ia Iuda, i tuku mai ei aia ia ratou ki to kotou na rima, e kua ta makitakita ua kotou ia ratou e tae rava atura ki runga i te rangi ra. E tenana te akakoro na kotou i te au tamariki a Iuda e Ierusalem, ei akariro ei tavini tane e ei tavini vaine no kotou; kare ainei e ara katoa to roto ia kotou uarai i to 11 kotou Atua ia Iehova? E tenana, e akarongo mai ana kotou iaku, e akaoki rai kotou i tenana au tuikaia, i rave tuikaia mai e kotou no roto i to kotou ai taeake na: tei runga rai oki ia kotou 12 te riri maata o Iehova. Ko tetai pae ui mataiapo no te au tamariki a Ephernaima, ko Azaria te tamaiti a Iehohannana, ko Berekia te tamaiti a Mesilemota, e ko Iehizakia te tamaiti a Saluma, e ko Amasa te tamaiti a Hadalai, kua tu maira ki runga kua patoi maira i taua aronga i aere mai mei te 13 tamaki maira, E kua tuatua maira kia ratou, Auraka kotou e arataki mai i tenana au tuikaia i ko nei; kua maata oki ta tatou ara i mua i te aroaro o Iehova, te anoano na kotou i te akamaata mai i to tatou kino e ta tatou ara; kua maata oki ta tatou ara, e te ootoo ra 14 te riri ia Iseraela. Kua akaruke maira te au toa taoonga tamaki ra i te au tuikaia e te apinga, ki mua i te aroaro o te ui mataiapo e taua uipānga katoa 15 ra. Kua tu maira te au tangata i akaikiia ra te ingoa, kua rave akera i te aronga tuikaia, e kua akakakau atura i te aronga i vai taaka ua ra, no roto i taua apinga ra; e kua akakakau oki ia ratou, e kua akatamaka oki ia ratou, e kua angai e kua akainu ia ratou, e kua akatainu oki ia ratou, e kua akauta i te aronga katoa i apikepike ra ki runga i te au asini, e kua kave ia ratou ki Ieriko, ki te oire tamara ra, ki to ratou ra taeake; e kua oki atura ratou ki Samaria.

16 I reira to taua ariki ra to Ahaza tononga i te karere ki te ui ariki o Asura, 17 kia tupae mai ratou iaia. Kua aere akaou mai oki te ngati Edoma, e kua ta ia Iuda, e kua apai keia te au tui- 18 kaa. Kua akaratopuia oki te au oire i te tapere i raro ra e te Philiseti, e to te pae i apatonga i Iuda ra,

e kua rauka ia ratou Bete-semesa, e Aialona, e Gederota, e Soko ma to reira au vila, e Timina ma to reira au vila; e te noo ra oki i reira. Kua tuku akaa- 19
kaia iora oki Iuda e Iehova, no Ahaza no te ariki o Iseraela: kua mako kore oki Iuda iaia, kua maata rava oki tana ara ia Iehova. Kua aere maira te 20
ariki o Asura ko Tilegata-pilenesera kiaia, kare ra aia i akaketaketa mai, e taeko ra iaia. Kua rave iora oki a 21
Ahaza i tetai apinga *no roto* i te are o Iehova, e *no roto* oki i te are o te ariki ra, e ta te aronga mataiapo, e kua oronga na te ariki o Asura ra; kare ra aia i tauturu mai iaia.

E kia rokoia aia e te tumatetenga ra, 22
kua maata rava tana ara ia Iehova i reira: ko tana ariki ra ko Ahaza teia. Kua apai oki aia i te tusia ki te au atua 23
no Damaseko, ko tei ta mai iaia ra; kua tuatua akera oki aia, no te mea kua tupae mai te au atua o te au ariki o Arama ra ia ratou, ka apai au i te tusia kia ratou, kia tupae mai oki ratou iaku. Riro atura ratou ei mate nona, e no Iseraela katoa. Kua aka- 24
putuputu mairā Ahaza i te au āriki o te are o te Atua ra, e kua tipupu oki i taua au āriki o te are o te Atua ra, e kua topiri i te au pa o te are o Iehova; e kua anga aia i te atarau nana uaorai i te au poo *arataa* katoa i Ierusalem. E kua anga aia i te ngai teitei i te au 25
oire ravarai o Iuda, ei tutungi anga tumiama na te au atua ke ra, akariri atura i te Atua o tona ra ai metua ia Iehova.

E te toenga o te tuatua iaia, e te 26
acerenga katoa nona, ko tei mua e tei muri, i na, kua tataia i roto i te tuatua a te au ariki o Iuda e o Iseraela. Moc 27
iorā Ahaza ki o tona ra ai metua, e tanumia atura e ratou i roto i te oire ra ia Ierusalem; kare ra ratou i apai iaia ki roto i te menema o te au ariki o Iseraela: tupaia akera aia i te au e tana tamaiti ra e Hezekia.

PENE XXIX.

Te au meitaki o Hezekia, e te akatupu akaou anga i te akamori i te Atua, e te tamā anga i te nao.

TEI te tamaiti tai takau ma rima o 1
Hezekia ra i ariki ei aia, okotai takau ma iva ona tamaiti i te ariki anga i Ierusalem. Ko Abia te ingoa o tona metua vaine, e tamaine na Zekaria. Kua rave aia i te mea tika i 2
mua i aroaro o Iehova, i te au mea

katoa ta tona ra tupuna ta Davida i rave ra.

- 3 I te marama mua e te mataiti mua o tona ra au, kua kiriti akera aia i te au pa i te are o Iehova, e kua tuā iora.
- 4 Kua arataki maira aia i te kau taunga e te au ngati Levi, e kua akaputuputu maira ia ratou i te arataa i te itinga o
- 5 te rā ra, E kua karanga atura kia ratou, E akarongo mai ana iaku, e te au ngati Levi e! E akatapu ia kotou orai i tenana, e akatapu oki i te are o te Atua o to kotou ai metua o Iehova, e apai ke oki i te mea viivii i roto i te
- 6 ngai-tapu nei. Kua ara oki to tatou ai metua, e kua rave i te kino ki mua i te mata o to tatou Atua o Iehova, e kua akaruke iaia, e kua anga ke to ratou mata i te nooanga o Iehova, e
- 7 kua iki te tua *iaia*. Kua topiri oki ratou i te au pa o te tomoanga, e kua tamate i te au lamepa, e kare akenei i tutungi i te tumiama, e kare oki i apai i te tusia karakaratio i te ngai-tapu,
- 8 na te Atua no Iseraela. I rokoia mai ei Iuda e Ierusalem e te riri o Iehova, e kua tuku aia ia ratou kia rokoia e te tumatetenga, e te vavaranga, e te avirianga, ta kotou oki e kite ma to kotou
- 9 mata na. I na oki, no taua mea nei, i inga'i to tatou ai metua i te koke; e ta tatou au tamaroa, e te au tamaine, e ta tatou au vaine, te vai tuikaa ua ra.
- 10 E teianci, ko roto ia i toku nei ngakau e papau i te koreromotu i te Atua o Iseraela ia Iehova, kia akaanga keia
- 11 tona riri maata ia tatou nei. E taku au tamariki e, auraka kotou e vare i tenana: ko kotou oki tei ikia e Iehova kia tu kotou ki mua iaia, ei tavini nona, e ei rave i te taoonga ki mua iaia, e ei tutungi i te tumiama.
- 12 Kua tu maira te au ngati Levi, ko Mahata te tamaiti a Amasai, e ko Ioela te tamaiti a Azaria, no te au tamariki ngati Kohata: e to te au tamariki a Merari; ko Kisa te tamaiti a Abadi, e ko Azaria te tamaiti a Iehalele: e to te ngati Gersona; ko Ioa ia te tamaiti a Zima, e ko Edena
- 13 te tamaiti a Ioa ra: E to te au tamariki a Elizapha ra; ko Simeri, e ko Ieila: e to te au tamariki a Asapha; ko Zekaria, e ko Matania: E to te au tamariki a Hemana; ko Iehiela ia, e ko Simeai: e to te au tamariki a Iedutuna; ko Semaia, e ko
- 15 Uziel. Kua akaputuputu iora ratou i to ratou au tacake, e kua akatapu ia ratou orai, e kua aere mai, i tei akaueia mai e te ariki, i te tuatua a Iehova,
- 16 kia mā te are o Iehova. Kua aere

atura te kau taunga ki roto rava i te
 are o Iehova, e tamā mai, e kua rave
 mai i te mea viivii katoa, i kitea e ra-
 tou i roto i te nao o Iehova, i roto i te
 kezere i te are o Iehova; kua rave
 iora te au ngati Levi e kua apai ki
 vao ki te kauvai ra ki Kiderona. I te 17
 rā mua o te marama mua ta ratou
 akatapu anga, e tae akera ki te rā varu
 i taua marama ra, kua tae ratou ki te
 tomoanga o te are o Iehova: e po varu
 akera oki, tapu atura te are o Iehova;
 e tae akera ki te rā okotai ngauru ma
 ono i te marama mua ra, oti rava akera.
 Kua aere atura ratou ki roto ki te 18
 ariki ra kia Hezekia, e kua karanga
 atura, Kua mā rava ia matou te are
 o Iehova, e te atarau tusia karakaratio,
 e to te reira au āriki ravarai, e te kai-
 ngakai no te areto o te aroaro ra, e to
 reira au āriki katoa ra. E te au āriki 19
 katoa, ta te ariki ra ta Ahaza i toa ra
 au i akanoa ra, ka tatipake ei ra aia,
 kua rave matou, e kua akatapu; e i
 na, tei mua ia i te atarau a Iehova.
 Kua tu maira te ariki ra ko Heze- 20
 kia i te popongi roa, e kua akaputu-
 putu mai i te aronga kavana o te oire,
 e kua aere ki runga ki te are o Iehova.
 E kua apai maira ratou i nga bovi e 21
 itu, e nga rama e itu, e nga arenio e
 itu, e nga puaka-nio toa e itu, ei tara-
 ngaara na te basileia, e na te ngai-
 tapu, e na Iuda. E kua akaue aia i te
 kau taunga i te au tamariki a Aarona
 e apai ei tusia ki runga i te atarau a
 Iehova. Kua ko iora ratou i te au 22
 bovi, e kua āriki maira te kau taunga i
 te toto, e kua pipi ki runga i te ata-
 rau; e kua ko iora oki ratou i te au
 rama, e kua pipi ratou i te toto ki
 runga i te atarau; e kua ko oki i nga
 arenio, e kua pipi i te toto ki runga i
 te atarau. Kua apai maira ratou i 23
 nga puaka-nio toa ra ei tarangaara ki
 mua i te aroaro o te ariki e te uipānga
 katoa ra: e kua tuku iora ratou i to
 ratou rima ki rungao. E kua ko iora 24
 te kau taunga, e kua apai i to ratou
 toto ki runga i te atarau ei taranga-
 ara, ei tapokiangaara na Iseraela rava-
 rai: kua akaue mai oki te ariki e, na
 Iseraela ravarai te tusia karakaratio e
 te tarangaara katoa. Kua tuku iora 25
 aia i te ngati Levi ki roto i te are o
 Iehova ma te au sumebalo, e te au na-
 bala, e te au kinura, i tei akaueia mai
 e Davida, e ta te akara a te ariki ra ta
 Gada, e ta Natana peroveta: ko te tu
 ia o ta Iehova i akaue mai i tana ra au
 peroveta. Kua tu ua maira te au 26
 ngati Levi, ma taua au mea i akata-

ngia e Davida ra, e te kau taunga ma
 27 te au pu. Kua akaue aturā Hezekia
 e apai i te tusia karakaratio ki runga
 i te atarau, e tei te timata anga i taua
 tusia karakaratio ra i te apai, ko te
 imene a Iehova i te tumu katoa anga,
 ma te au pu katoa ra, e te au mea aka-
 tangi i kimiia e te ariki o Iseraela ra e
 28 Davida. Kua akamori atura taua
 uipānga katoa ra; e kua imene oki
 te aronga imene, e kua tangi oki te
 au pu, e oti rava akera taua tusia ka-
 rakaratio ra.
 29 E oti akera taua au mea i te apaiia
 ra, kua tupou iora te ariki e te tangata
 ravarai i reira ra ki raro, e kua aka-
 30 mori atura. Kua akaue akera Heze-
 kia ariki e te ui mataiapo katoa i te au
 ngati Levi, e imene kia Iehova i te au
 tuatua a Davida, e ta Asapha akara ra.
 Kua imene iora ratou ma te rekareka;
 e kua tupou iora to ratou mimiti, kua
 31 akamori atura. Kua karanga aturā
 Hezekia, na ko atura, Tenana, kua
 akataoonga kotou ia kotou uarai no
 Iehova, e akavaitata mai, e apai mai oki
 i te au tusia, e te au tusia akameitaki,
 ki roto i te are o Iehova nei. Kua apai
 maira taua uipānga ra i te au tusia e te
 au tusia akameitaki; e te aronga nga-
 kau oronga ra, kua apai ia i te au
 32 tusia karakaratio. E i te tataua anga
 i taua au tusia karakaratio i apaiia mai
 e te uipānga ra, e itu ia ngauru i te
 bovi, okotai anere rama, e rua anere
 arenio: ei tusia karakaratio anake ia
 33 au mea ra na Iehova. E te au mea i
 akataupia ra, e ono ia anere i te bovi,
 34 e toru tausani i te mamoe. E iti ra
 taua aronga taunga ra, kare atura e
 ope te au tusia karakaratio i te oore:
 i tauturu mai ei te au taeake no ratou,
 te au ngati Levi, ia ratou, e oti akera
 taua angaanga ra, e kia oti oki *tetai*
pae taunga i te akatapu ia ratou orai:
 e tiratiratu maata oki to te ngakau o
 te au ngati Levi kia akatapu ia ratou
 35 orai, i to te kau taunga. Kua maata
 rava oki taua au tusia karakaratio ra,
 e te tongaua no te au tusia au ra, e te
 au neseka no te au tusia karakaratio
 ra. Tika akera te rave anga i te
 36 angaanga i te are o Iehova. Mareka
 rava akera Hezekia, e te tangata rava-
 rai, i te mea i akateateamamao mai
 ci te Atua i taua aronga tangata
 ra: kare akera oki e mamia taua rave
 anga ra.

PENE XXX.

E pasa maata tei tutu aereia i te tuatua a Hezekia ra: e te au atarau idolo i te akaruke angiaa.

KUA tonono akerū Hezekia i te karero kia Iseraela ravarai e kia Iuda, e kua tata i te leta kia Epheraima raua ko Manase, e aere mai ratou ki te are o Iehova i Ierusalem, e akono i te pasa a te Atua o Iseraela a Iehova. Kua oti oki i te uruoanga tuatua a te ariki, e te ui mataiapo, e te uipānga katoa, i Ierusalem, e akono i taua pasa ra kia tae ki te rua o te marama. Kare akera oki i tika ia ratou kia akono i taua tuatau ra, no te mea kare i rava te kau taunga tei akatapu ia ratou uaoari, kare oki i ope meitaki mai te au tangata ki Ierusalem. Tika meitaki akera taua tuatua ra i te mata o te ariki, e i te mata o te uipānga katoa ra. Kua akakoro akera ratou e tutu aere ia Iseraela katoa ra, i Bere-seba e tae ua atu ki Dana ra, e aere mai ratou e akono i te pasa na te Atua o Iseraela na Iehova, i Ierusalem ra: kua roa oki to ratou akono kore anga i tei tataia mai. Kua aere iora te au karere ma te leta na te ariki e na te ui mataiapo e pihii ua ake Iseraela e Iuda ra, ma te akaua e te ariki, i te na ko anga atu e, E te au tamariki a Iseraela e, e anga akaou mai kia Iehova ki te Atua o Aberahama, no Isaaka, e no Iseraela, e nana e oki mai ki te toenga o kotou, i tei ora i te rima o te ui ariki o Asura ra. Auraka oki kotou kia arite ki to kotou ai metua, e to kotou ai taeake, ko tei rave i te ara i te Atua o to ratou ai metua ia Iehova, i akaruke ei aia ia ratou kia tanea, ta kotou oki e kite ra. E tenana, auraka e akapaketaketa i to kotou kaki, mei to kotou ai metua ra; e oronga mai kotou i te rima kia Iehova, ka tomo ei ki tona ngai-tapu, i akatapuia e ia ra e tuatua ua atu; ka akamori ei i to kotou Atua ia Iehova, kia akaanga ke oki aia i tona riri maata ia kotou. Kia anga mai oki kotou kia Iehova, ka aroaia mai to kotou ai taeake, ma ta kotou au tamariki, e te aronga i tuikaa'i ratou ra, ka tae akaou mai oki ratou ki te enua nei: e takingameitaki oki to to kotou Atua to Iehova e te aroa, kare oki aia e anga ke i tona mata ia kotou, kia oki mai kotou kiaina. Kua aere iora aua nga karere ra ki tera oire, ki tera oire, na te enua ra ko Epheraima, e Manase, e tae ua atura

ki Zebuluna: kua kata aviriia maira
11 ratou, e kua taitoitioia maira. Ko te-tai pac ra o Asera, e to Manase, e to Zebuluna, kua taakaaka ia ratou orai, e
12 kua aere maira ki Ierusalem. Kareka ko Iuda, kua oronga mai te rima o te Atua i te ngakau okotai i te akono i te akauenga a te ariki e ta te ui mataiapo, ta Iehova oki i tuatua maira.
13 E aronga maata tei putuputu mai i Ierusalem e akono i te oroa kai akaopue kore, i te rua o te marama, e uipānga maata ua atu. Kua tu akera ratou, e kua apai ke atura i te au atarau i Ierusalem, e te au atarau tumiama ravarai, kua apai ke atura, e kua akaruke ki raro i te kauvai ra i Kiderona.
15 E tae akera ki te rā okotai ngauru ma a ra i te marama rua, i ko ei ratou i te pasa: akama akera te kau taunga e te au ngati Levi, e kua akatapu iora ia ratou orai, e kua apai mai i te au tusia karakaratio ki roto i te are o Iehova.
16 Kua tu ua maira ratou i to ratou turanga tikai, i tei akakiteia mai, tei tau ki te ture a te tangata o te Atua ra a Mose: kua pipi atura te kau taunga i te toto, i *tukuia mai* e te rima o te
17 ngati Levi ra. E manganui oki to roto i taua uipānga ra, kare i akatapuia: i tukuia'i te ko i te pasa ra ki te ngati Levi, i te aronga katoa kare i mā ra,
18 kare i akatapuia no Iehova. E manganui oki te tangata, to Epheraima, e to Manase, to Isakara, e to Zebuluna, kare ia i tamā ia ratou uaoari, kua kai rai ratou i te pasa, tei kore oki e tau i tei tataia maira. Kua pure rā Hezekia ia ratou, na ko atura, *Na te Atua* meitaki ra na Iehova e akakore mai i te
19 ara, A te aronga i akonokono i to ratou ngakau i te kimi i te Atua, i te Atua o to ratou ai metua ia Iehova, kore ua ratou i *tamāia* i te tamā e tau ki te
20 ngai-tapu nei. Kua akarongo aturā Iehova ia Hezekia, e kua akaora akera
21 i te au tangata ra. Kua akono atura te tamariki a Iseraela i tae mai ki Ierusalem i te oroa kai akaopue kore ra ma te rekareka maata, e po itu akera: kua akameitaki te au ngati Levi e te kau taunga ia Iehova, i tera rā i tera rā, ma te au mea i tangi nui ia Iehova
22 ra. Kua tuatua akamaru mairā Hezekia ki te au ngati Levi i akakite i te kite meitaki ia Iehova; kua kai iora ratou i taua oroa ra e ope rava ake nga rā e itu ra, ma te apai i te tusia au, o te aaki anga atu i *te ara* ki te Atua o to ratou ai metua kia Iehova.
23 Kua uruoanga katoa taua aronga maata katoa ra e akono ia i nga rā kia itu

mairai ; e kua akono oki ratou i *taua oroa ra* ka itu akera oki rā ma te rekareka. Kua apai atura oki te ariki o 24 Iuda ra ko Hezekia i te au bovi okotai tausani, e te au mamoe oki e itu tausani, na te uipānga tangata ; e na te au mataiapo i oronga i te au bovi okotai tausani, e te au mamoe oki okotai ngauru i te tausani, na te uipānga : e manganui te kau taunga i akatapu ia ratou uorai. E te uipānga katoa i 25 Iuda ra, e te kau taunga, e te ngati Levi, e te uipānga katoa i aere mai no roto ia Iseraela, e te au tangata ke mei roto mai i te enua o Iseraela, e tei noo katoa i Iuda, kua rekareka ia. E 26 rekareka maata tei Ierusalemā : mei ia Solomona te tamaiti a Davida ariki no Iseraela mairai, kare ia e aite i Ierusalemā nei.

Kua tu maira te kau taunga, te 27 ngati Levi, e kua akaora i te au tangata : e kua akarongo mairā *Iehova* i to ratou reo, e kua tae rava ta ratou pure ki te nooanga tapu nona i te rangi ra.

PENE XXXI.

Te au idolo i te akaruke angaia, e te ngati Levi i akonoia ra.

E OTI rava akera te reira, kua 1 aere iora Iseraela katoa i tae mai i reira ki te au oire i Iuda, e kua vava'i i te au tiki, e kua tipu i te au Asetoreta, e kua uri i te au ngai teitei ki raro, e te au atarau i Iuda ravarai e Beniamina ra, e Ephraïma katoa oki e Manase, e pou rava akera ia ratou. Kua oki anake iora te tamariki a Iseraela, te tangata katoa ki to ratou uorai kainga, ki to ratou au oire.

Kua akono atura oki a Hezekia i te 2 au pupu taunga, e te ngati Levi ki ta ratou ra au angaanga ; i te kau taunga e te ngati Levi i ta ratou rave anga, *ei apai* i te au tusia karakaratio, e te tusia aia, e rave i te angaanga, ei akameitaki, e te akapaapna i te au ngutupa o te puakapa o Iehova. *Kua akataka iora oki aia* i tetai pae no roto i ta te ariki uorai apinga ; no te tusia karakaratio, no te tusia karakaratio popongi e to te aia, e no te tusia karakaratio sabati, e no te au marama ou, e no nga oroa i akonoia ra, i tei tataia i roto i te ture a Iehova. E kua akaue atura aia i to 4 Ierusalemā e apai mai i te kau taunga, e ta te ngati Levi ra tuanga *na ratou*, kia akamaroiroi ratou i te ture a Iehova.

E tae atura taua akauenga ra, kua 5

tari maira te tamariki a Iseraela i te popo o te sitona, e mea maata, te wina, e te inu, e te meli, e tei tupu katoa i te kainga ra ; e te ngauru i te au mea katoa ra, kua tari maira ratou ki roto 6 e manganui. E ko Iuda oki, e te au tamariki a Iseraela, i noo i roto i te au oire o Iuda ra, kua apai katoa mai ratou i te ngauru o te bovi, e te mamoe, e te ngauru i te au mea tapu ra, i akatapuia na to ratou Atua na Iehova, e kua akaututua aereia ia e ratou ra. 7 Tei te toru o te marama te tari angaia taua au ututua ra, e tae akera ki te 8 itu o te marama i akaoti ei. E tae mairā Hezekia, e te aronga marama, e kite akera i taua au ututua ra, kua akameitaki atura ia Iehova, e ia Ise- 9 raela i tona iti-tangata. Kua ui akera Hezekia ki te kau taunga e te ngati 10 Levi i taua au ututua ra. E na Azaria taunga maata no te ngutuaere o Zadoka i karanga atu kiaia, na ko atura, Mei te tari anga mairai *te au tangata* i te apinga ki roto i te are o Iehova, e kai maata ta matou, e e maata oki te toe : kua akameitaki mai oki a Iehova i tona tangata ; e te toenga, koia teianei mea matou.

11 Kua akaue aturā Hezekia kia akono-
konoia nga pia apinga i roto i te are o
12 Iehova ; kua akonokono oki ratou, E
kua apai maira ratou i te apinga tini i
orongaia maira, e te ngauru, e te au
mea i akatapuia ra ma te pikikaa kore ;
e ko Kononia te ngati Levi te kavana i
runga, e ko tona taerake ko Sime i te
13 tauturu. E ko Iehiela, e ko Azazia, e
ko Nahata, e ko Asahela, e ko Ierimota,
e ko Iozabada, e ko Eliela, e ko Ise-
makia, e ko Mahata, e ko Benaia, e
akamaroiroi ia i raro ake ia Kononia, e
te taerake nona ra ia Sime i, ko tei
akauaia mai ia e te ariki ra e Hezekia,
e te kavana i te are o te Atua ra ko
14 Azaria. E ko Kora, te tamaiti a Iam-
mina, te ngati Levi ra, te tiaki ngu-
tupa i te pae i te itinga o te rā ra, tei
runga ia i te au apinga oronga ua na te
Atua ra, ei tua i te au apinga a Iehova,
15 e te au mea tapu rava ra. E ei tau-
turu iaia, ko Edene ia, e ko Miniamina,
e ko Iosua, e ko Semaja, e ko Ama-
ria, e ko Sekania ; *no ratou* te taoonga
i te apai i *tetai tuanga* na to ratou ai
taerake i roto i te au oire o te kau tau-
nga ra, i to ratou ra au pupu, ko te
16 aronga maata e te aronga iti : E te au
tane ra, e na te toru o te mataiti i te
tatau e ko runga atu, (te aronga i tae
mai ki roto i te are o Iehova taua

tuanga no te reira rū,) no ta ratou angaanga e rave i to ratou ra au pupu; Te kau taunga e te au ngati Levi, kua 17 tatauia ia i te ngutuare o to ratou ai metua, ko tei tae ki te mataiti tai takau e ko runga atu, i ta ratou rave anga i to ratou au pupu; E ta 18 ratou au tamariki katoa ra, ta ratou au vaine, e ta ratou au tamaroa, e ta ratou au tamaine, i roto i te uipunga katoa ra, kua tatau katoaia ia; no te aronga i akatapu rava ia ratou orai i ta ratou au taonga. E ta te tamariki a 19 Aaron, te kau taunga ra, tei roto i te au kainga i te au tapere i te pae o to ratou au oire, i te au oire katoa ra, kua apai te au tangata i akakiteia te ingoa ra i ta ratou tuanga, ta te aronga tamaroa i roto i te kau taunga, e te au ngati Levi i tatau katoaia to ratou anau-anga i roto ia ratou ra. Kua akaperā 20 Hezekia e pini ua ake Iuda katoa ra, i te akono anga i te mea meitaki e te mea tika, e te pikikaa kore, i mua i te aroaro o tona Atua o Iehova. E te 21 au angaanga ravarai tana i timata i te rave no te arc o te Atua ra, e no te ture, e no te au akauenga, i te kimi anga i tona Atua, kua akonoia e ia ma te ngakau katoa, i manuia'i tana ra.

PENE XXXII.

To Senakeriba kaitamaki anga mai ia Ierusalem, e te pou anga o tona nuku. Te maki o Hezekia, e te mea i ora'i aia.

E OTI akera tejanei au mea, e kua 1 akatinamouia ia, kua aere maira te ariki o Asura ko Senakeriba, e kua tomo ki roto ia Iuda, kua patia iora i te puakapa e tamaki i nga oire i akaketaketaia ra, manako akera e ka rauka iaia nona orai. E kite akerā Hezekia 2 e tera ake a Senakeriba, e te akakoro ra aia e tamaki ia Ierusalem, Kua akaaitete akera aia i te tuatua ki te ui matainapo, e te aronga toa, e momani i te au punavai i vao mai i te oire: e kua tauturu maira ratou iaia. E man- 3 ganui oki te tangata tei putuputu mai, e kua momani atura ratou i te au punavai ravarai, e te kauvai i ta'e tikai na rotou i te enua ra, e kua tuatua akera, Kia maata ainei te vai i te kitea anga, ka rokoia mai ei e te ui ariki o Asura 4 ra? Kua akamaroiroi iora oki aia, e kua patu i te patu i ngaangaa ra e ope ua ake, e kua akatu e tae ua atu ki te punanga ki runga; e tetai patu ke rai na vao, e kua akaketaketa iora oki aia 5

ia Milo i te oire o Davida, e kua anga oki i te au korare e te au paruru e 6 manganui. Kua akono atura aia i te kapena no te tamaki i runga i te au tangata, e kua akaputuputu maira ia ratou i vaitata iaia i te arataa i te ngutupa o te oire, e kua tuatua akamaru atura aia kua ratou, na ko atura, 7 E akamaroiroi, e kia kaumaiti, auraka e matakui, auraka e tumatetenga i te ariki o Asura, e taua aronga maata katoa e aru iaia ra; tei ia tatou te 8 maata e iti ua tei iaia. E rima tangata tei iaia; ia tatou nei ra, ko to tatou Atua ia ko Iehova, ei tupae ia tatou, e ei karo i ta tatou tamaki. Irinaki marie akera te au tangata i te au tuatua a te ariki o Iuda ra a Hezekia. 9 E i muri akera i te reira, kua tono maira te ariki o Asura ra, ko Senakeriba, i te au tavini nona ki Ierusalem, (kareka ia uarai e te aronga mana katoa nona, *te tamaki ra ia ia Lakisa*,) ki te ariki o Iuda kua Hezekia, e kia Iuda katoa ra, i noo i Ierusalem ra, 10 karanga atura, Te na ko maira te ariki o Asura ko Senakeriba, Te irinaki na kotou ki te aa, i noo ei kotou i roto i te punanga i Ierusalem? 11 Kare ainei ko Hezekia tei akanauru ia kotou, kia mate kotou i te pongi e te kaki vai, i te na ko anga e, Na to tatou Atua na Iehova e akaora ia tatou 12 i te rima o te ariki o Asura? Kare ainei ko taua Hezekia rai tei apai ke i te au ngai teitei nona, e tana au atarau, e kua akaue ia Iuda e ia Ierusalem, i te na ko anga atu e, Okotai rai a kotou atarau kia akamori, ka tutungi ei i te 13 tumiama ki rungao i te reira? Kare kotou i kite i tei raveia e au e toku ai metua i te tangata ravarai no te pa enua ra? te tika ra te au atua no taua pa enua ra kua akaora i to ratou enua 14 i toku rima nei? Koai to te au atua o taua pa enua i pou takiri i toku ai metua ra, i tika'i iaia kua akaora i tona tangata i toku nei rima, ka ora'i kotou 15 i to kotou Atua i toku nei rima? E tenana, auraka kotou e vare ia Hezekia, auraka kua akanauruia i te reira, auraka e akarongo iaia: kare oki e atua i to te pa enua, e te au basileia i tika kua akaora i tona au tangata i toku nei rima, e te rima oki o toku ai metua ra: ena e tika'i i to kotou Atua kua akaora ia kotou i toku nei rima? 16 E maata rava maira oki ta tona au tavini tuatua kino i te Atua ia Iehova, 17 e i tona tavini oki ia Hezekia. E kua

tata oki i te au leta akakino i te Atua o Iseraela ia Iehova; e te tuatua akakino anga atu iaia, i te na ko anga atu e, Mei te au atua no te pa enua ke ra kare i akaora i to ratou au tangata i toku rima nei, kare katoa te Atua o Hezekia e akaora i tona iti-tangata i toku nei rima. Kua kapiki nui atura 18 ratou i te reo ngati Iuda, ki te au tangata o Ierusalem a runga i te patu ra, ei akamataku anga ia ratou, e ei akatumatenga anga ia ratou; kia rauka te oire ia ratou. Kua tuatua 19 akakino atura ratou i te Atua o Ierusalem, mei te au atua o to te pa enua ke, tei angaia e te rima tangata nei.

E no te reira, kua pure iora te ariki 20 ra ko Hezekia, e te peroveta ra ko Isaia te tamaiti a Amoza, e kapiki atura ki runga i te rangi. Kua tono mairā Ie- 21 hova i tetai angela, pou iora te aronga toa ravarai i te mate, e te aronga mama-ata, e te au kapena, i te nuku o te ariki o Asura. Kua oki atura aia ma te mata akama ki tona uorai enua. E tae atura aia ki roto i te are o tona ra atua, na raua tei na roto mai i tona uorai kopu aia i ta ki te koke i reira. Kuaakaora iora oki a Iehova ia Hezekia, 22 e to Ierusalem katoa, i te rima o te ariki o Asura ko Senakeriba, e te rima o te pa enua katoa, e kua tiaki ia ratou e pini ua ake. E aro- 23 nga maata oki tei apai mai i te apinga na Iehova ki Ierusalem, e te taoonga-rima oki na te ariki o Iuda na Hezekia: e mei reira oki, akangateitei uaia atura aia e te pa enua ravarai kia akara mai.

Tei taua au rā rai oki to Hezekia 24 mate anga i te maki, e maki mate, e kua pure iora aia ia Iehova: e kua tuatua maira aia kiaia, e kua tuku maira aia i te akaio ora nona ra. Kare rā Hezekia i apai i tei tau i 25 taua meitaki i *orongaia mai* nona ra; parau akera tona ngakau: i tupu ei te riri iaia, e ia Iuda, e Ierusalem. Kua taakaaka iora rā 26 Hezekia iaia orai i taua ngakau parau nona ra, koia, e to Ierusalem katoa; kare akera ratou i rokoia mai e te riri o Iehova i te au rā o Hezekia ra.

E apinga maata e te kakā maata ta 27 Hezekia: kua anga aia i te vairanga ario nona, e te auro, e te toka memei-taki, e te rakau kakara, e te paruru, e te au mea katoa i mataora'i; E te 28 au are vairanga no te sitona, e te wina, e te inu; e te au vairanga oki no te

puaka e manganui, e te vairanga no te 29 au anana. Kua akatu oki aia i te au oire nona uorai; e manganui te au anana mamoe e te bovi: e apinga maata ua atu oki ta te Atua i oronga mai nana. Kua popani iora oki taua Hezekia nei i te vai i runga i Gihona, e kua tatakī marie maira ki raro ki te pae i te opunga o te rā i te oire o Davida. E ta Hezekia katoa 30 ra au angaanga kua manuia anake ia. Kareka i te mea i te au karere ra i te aronga mamaata i Babulonia ra, tei tonokia mai kiaia e ui i te semcio i raveia i taua enua ra, i vaodia iora aia e te Atua ci timata anga iaia, kia kite i te au mea katoa i roto i tona ngakau.

32 E te toenga o te tuatua ia Hezekia, e te meitaki nona, i na, kua tataia ia i roto i te orama a Isaia peroveta, te tamaiti a Amoza ra, e i roto i te tuatua a te ui ariki o Iuda, e o Iseraela. 33 Moc iorā Hezekia ki o tona ra ai metua, e kua tanu ratou iaia ki roto i te menema meitaki rava o te au tamariki a Davida: e kua akangateitei atura to Iuda ravarai e to Ierusalem aia i tona matenga ra. Tupauia akera aia i te au e te tamaiti nana ra e Manase.

PENE XXXIII.

Te au kino o Manase ra: kia riro tuikaa aia, i tataraara'i aia, e kua akaokiiā mai: te au kino o Amona, e tona matenga.

1 **T**EI te mataiti okotai ngauru ma rua i ariki ei a Manase, e rima ngauru ma rima ona mataiti i te ariki 2 anga i Ierusalem. Kua rave ra aia i te kino i mua i te aroaro o Iehova, mei te au mea viivii katoa a te pa enua ke, ta Iehova i tuaru ki mua i te tamariki a Iseraela ra. 3 Kua akatu akaou oki aia i te au ngai teitei i vava'ia e tona metua ra e Hezekia; e kua akatu aia i te au atarau na Baala, e kua anga oki i te au Asetoreta, e kua akamori i te nuku katoa o te rangi ra, e kua tavini atura ia 4 ratou ra. Kua akatu oki aia i te au atarau i roto i te are o Iehova, tei tuatuaia mai e Iehova ra e, Ei Ierusalem toku nei ingoa vao e i tuatua ua atu. 5 Kua akatu oki aia i te au atarau no te nuku katoa o te rangi ra, i roto i nga 6 kezere e rua i te are o Iehova. Kua tuku oki aia i tana tamariki na te ai i te o o te tamaiti a Hinoma; e kua akono aia i te tumurangi, e te akarakara, e te

taura vaerua kino, e te purepure, e te tauratua, e ravenga kino maata tana i mua i te aroaro o Iehova, ei akakoko iaia kia riri mai. Kua akatate akerai oki aia i tetai idolo i akatikitikiia e ia uorai ki roto i te are o te Atua, i tei tua-tuaia mai e te Atua kia Davida, e ki tana tamaiti ra kia Solomona, Ei roto i teianei are, e i Ierusalem, i ikiia e au i mua i te aroaro o te au kopu katoa o Iseraela, ka vao e au i toku nei ingoa e tuatau ua atu: Kare oki au e apai ke akaou i te vaevae o Iseraela e kia taka ke te enua, i ikiia e au no to kotou ra au metua; kia akono maira ratou i te au tuatua ravarai i ikuikuia atu e au kia ratou ra, i te ture katoa, e te au akonoanga, e te au tuatua-tau, ia Mose ra. Kua akatareva ke aturā Manase ia Iuda e to Ierusalem, kia maata to ratou kino i to te pa enua, i tairipotiia e Iehova i mua i te aroaro o te tamariki a Iseraela ra. Kua tuatua mai oki a Iehova kia Manase, e te au tangata nona ra: kare akerai ratou i akarongo mai.

I apai mai ei a Iehova i te au kape- 11 na o te nuku o te ariki o Asura ki runga ia ratou, ko tei opu ua ia Manase i roto i te rakau taratara, e kua tapeka iaia ki te tapeka vea, e kua apai atura iaia ki Babulonia. Kia tairora ra aia ra, 12 kua kimi aia i tona Atua ia Iehova ra, e kua taakaaka rava iaia orai ki mua i te aroaro o te Atua o tona ra ai metua, E kua pure oki aia iaia: e kua kiteia 13 mai aia e ia, e kua akarongo maira aia i tana i pati, e kua akaoki mai aia iaia ki Ierusalem ki tona uorai basileia. Kua kite pu tikai a Manase i reira e, ko Iehova te Atua.

E muri ake i te reira, kua patu iora 14 aia i te patu ki vao mai i te oire o Davida, i te pae i te opunga o te rū i Gihona, i te o, e tae ua atura ki te tomoanga i te ngutupa ika ra, e akapini rava akerai e tae ua atura ki Ophela, e kua akateitei ravaia ki runga kia teitei, e kua tuku akerai i te aronga kapena tamaki ra ki roto i te au oire akaketaketaia i Iuda katoa ra, E kua 15 apai ke atura aia i te au atua ke, e te idolo, i roto i te are o Iehova ra, e te au atarau katoa i akatuia e ia i te mau-nga o te are o Iehova, e Ierusalem katoa, e kua akaruke atura ki vao mai i te oire. Kua patu akaou akerai aia i 16 te atarau a Iehova, e kua apai i te tusia au ki rungao, e te tusia akameitaki, e kua akaue ia Iuda e akamori i te Atua o Iseraela ia Iehova. Te apai ua 17 ra te tangata i te tusia ki runga i te au

ngai teitei, ki to ratou Atua anake ra kia Iehova.

- 18 E te toenga o te tuatua ia Manase, e te pure nana ki tona ra Atua, e te tuatua oki ta te au akara i tuatua mai kiaia i te ingoa o te Atua o Iseraela o Iehova, i na, kua tataia ia i roto i te 19 tuatua a te au ariki o Iseraela. Ko tana oki pure, e te akarongo angaia; e tana katoa ra au ara, e te tatipake anga, e te au ngai i akatuia e ia te au ngai teitei, e te akatu anga i te au Asetoreta e te au idolo kotikotitia ra, kare aia i taakanaia ra: i na, kua tataia i roto i te tuatua a te au akara ra.
- 20 Moe iorā Manase ki o tona ra ai metua, e kua tanu ratou iaia ki roto i tona uorai are: tupauia akerai aia i te au e tana tamaiti ra e Amona.
- 21 Tei te mataiti tai takau ma rua o Amona i ariki ei aia, e rua oki ona mataiti i te ariki anga i Ierusalem.
- 22 Kua rave ra aia i te kino i mua i te aroaro o Iehova, mei ta tona metua ra mei ta Manase i rave: kua apai oki a Amona i te tusia ki te au idolo akatikitiki katoaia i angaia e tona metua e Manase, e kua tavini atura ia ratou;
- 23 Kare oki i taakaaka iaia uorai i mua i te aroaro o Iehova, mei ta tona metua mei ta Manase i taakaaka iaia uorai ra; kua rave ua aturā Amona i te ara na 24 rungao na rungao. Kua kotikoti kupenga akerai tona au tavini iaia, e kua ta iaia i roto i tona uorai are.
- 25 Kua ta atura ra te tangata rikiriki i te aronga ravarai i kotikoti kupenga e ta i te ariki ra ia Amona; e kua rave akerai te tangata rikiriki, e kua akaariki akerai i tana tamaiti ia Iosia ei tupau iaia.

PENE XXXIV.

Te au meitaki o Iosia ra, e te au idolo i te pou anga iaia: te buka ture i te kite angaia; e te koreromotu i te papau angaia.

- 1 TEI te mataiti varu o Iosia i ariki ei aia, e toru ngauru ma tai ona mataiti i te ariki anga i Ierusalem. Kua rave aia i te mea tika i mua i te aroaro o Iehova, e kua aere na te arataa o tona metua o Davida, kare i anga ke na te rima katau e na te rima kaui.
- 3 Tae akerai oki ki te mataiti varu o tona ra au, i te vai ou anga aia ra, kua timata aia i te kimi i te Atua o tona tupuna o Davida: e tae akerai ki te mataiti okotai ngauru ma rua, kua timata atura aia i

te tamā ia Iuda, e ia Ierusalemā, i te au
ngai teitei, e te au Asetoreta, e te au idolo
akatikitikiā, e te au idolo akatoia ra. Kua
vava'ia oki te au atarau a Baala i 4
mua i tona aroaro; e te au tiki rū i rungao
ra, kua tipuia e ia; e te au Asetoreta, e
te au idolo akatikitikiā, e te au idolo
akatoia, kua akangaangaia ia, e kua
takatakaiā e ungaungātiti rava akera,
e kua ruru i rungao i te tanumanga
o te aronga i apai i te tusia kia ra-
toui ra. E kua tutungi oki aia i te au
ivi o te au taunga ra ki rungao i ta ra-
toui au atarau, e kua tamā iora ia Iuda
e Ierusalemā. E i roto i te au oire o 6
Manase, e Ephraïma, e Simcōna, e
tae ua atura ki Naphatali, kua kimi
aere rai aia na roto i to ratou au are e
pini ua ake. Kua vava'i oki aia i te au
atarau e te au Asetoreta, e kua pāpā i
te au idolo e ungaungātiti rava akera,
e kua tipu i te au tiki rū katoa, e
pini rava akera taua enua katoa ra
ko Iseraela, kua oki maira ki Ieru-
salemā.

E tae akera ki te ngauru ma varu o 8
te rnataiti o tona ra au, kua mā akera
iaia taua enua ra, e te are, kua tono
akera aia ia Saphana te tamaiti a Aza-
lia, e ia Maascia kavana o te oire, e
ko Ioa te tamaiti a Ioahaza akairo tua-
tua ra, e tuā i te are o tona ra Atua o
Iehova. E tae atura ratou ki te tau-
nga maata ra kia Hilikia, kua tuku
atura ratou i te moni i apaiā mai ki
roto i te are o te Atua, tei akaputupu-
tua e te au ngati Levi tiaki ngutupa
no ko ia Manase ra e no Ephraïma, e
no ko i te toenga ravarai o Iseraela, e
no ko ia Iuda katoa e Beniamina; e
kua oki maira ratou ki Ierusalemā.
Kua tuku akera oki ratou ki roto i te 10
rima o te aronga i akamaroiroi i te
angaanga i te are o Iehova, e kua tuku
akera ratou ki te aronga i rave i te
angaanga i te are o Iehova, ei tuā rai
kia eteta rai te are: Ki te aronga 11
taunga, e te aronga i patu i te are ta
ratou i oronga atu, ei oko i te toka
tarai, e te rakau ei tupaupau, e ei tea
no nga are, i vava'ia e te au ariki no
Iuda ra. Rave akera taua au tangata 12
ra i te anganga ma te pikikā kore;
e te aronga akamaroiroi ra, ko Iahata
ia, e ko Obadia, nga ngati Levi, no te
au tamariki a Merari; e ko Zekaria,
e Mesulama, no te au ngati Kohata ia
ei arataki, e te au ngati Levi katoa i
karape i te *akatangi* i te au mea e aka-
tangia ra. Kua tuku katoaia oki te 13
ngati Levi, ei au tata tuatua, e ei au
rangatira, e ei au tiaki ngutupa, ki ru-

ngao i te aronga apai i te apainga, ei
akamaroiroi, e te au rave angaanga ka-
toa i te au peu ra.

14 Te tiki ra ratou i te moni i apaiā
mai mei roto i te are o Iehova, i kite
atu ei a Hilikia taunga i te buka ture
15 a Iehova i te rima o Mose ra. Kua
karanga aturā Hilikia kia Saphana
tata tuatua, na ko atura, Kua kitea e
au te buka ture i roto i te are o Iehova.
Kua tuku mairā Hilikia i taua buka ra
5 16 kia Saphana ra. Kua kave aturā Sa-
phana i tana buka ra ki te ariki ra, e
kua karanga atura ki te ariki, na ko
atura, *Te anganga* katoa i tukuia mai
ki te rima o to au tavini nei, kua ra-
veia ia e ratou. Kua akaputupu-
17 ratou i te moni i kitea i roto i te are o
Iehova, e kua tukuia atu e ratou ki te
rima o te aronga akamaroiroi, e te
rima o te aronga i rave i te angaanga
18 ra. Kua karanga aturā Saphana tata
tuatua ra ki te ariki, na ko atura, E
buka ta Hilikia taunga i o mai kiaku.
Kua tataua iorā Saphana i mua i te
aroaro o te ariki.
19 E kite akera te ariki i te tuatua i
roto i te ture ra, kua aae iora aia i ona
20 kakau. Kua akaue atura te ariki ia
Hilikia, e ia Ahikama te tamaiti a Sa-
phana, e ia Abadona te tamaiti a Mika,
e ia Saphana tata tuatua, e ia Asaia
21 tavini no te ariki, na ko atura, E aere,
ka ui kia Iekova iaku, e te aronga i toe
i Iseraela e Iuda katoa, i te au tuatua
i te buka i kitea io nei: te maata ra oki
te riri o Iehova i te maringi anga mai
ki runga i ratou, no te mea, kare ake-
nei to ratou ai metua i akono i te tuatua
a Iehova, i te rave anga i te au mea
katoa i taita ki roto i taua buka nei.
22 Kua aere aturā Hilikia e te *aronga*
katoa i tuatua mai e te ariki ra, kia
Hulada peroveta vaine ra, (i te vaine a
Saluma te tamaiti a Tikevata, te ta-
maiti a Hasara, e tiaki kakau ra;) i
noo i tetai pae i Ierusalemā, e kua
karanga atura ratou kiaia i taua tua-
tua ra.
23 Kua tuatua maira aia kia ratou, Te
na ko maira te Atua o Iseraela ko Ie-
hova, E karanga atu kotou ki te tanga-
24 ta i tono mai ia kotou kiaku nei, Te
na ko mairā Iehova, I na, ka apai mai
au i te kino ki runga i teianei ngai, e
ki runga i to reira au tangata, koia rai
te au taumaa katoa i taita i roto i te
buka i tatauia e ratou ki mua i te aro-
25 aro o te ariki o Iuda ra: No te mea
kua akaruke ratou iaku, e kua tutungi
i te tumiama na te au atua ke, kia
akakoko mai ratou iaku kia riri i te au

angaanga katoa a to ratou rima ; e teiane-
nei, ka riringiia atu toku riri ki runga
i teiane nei, kare e tamateia. Kare- 26
ka te ariki o Iuda, tei tono mai ia
katou e ui kia Iehova, e na ko atu
kotou kiaia, Te na ko maira te Atua
o Iseraela ko Iehova, i te tuatua taau
i akarongo ra, No te mea kua maru 27
toou ngakau, e kua taakaaka koe ia
koe uorai i mua i te aroaro o te Atua ;
i te kite anga i tana tuatua i teiane
ngai, e to ko nei au tangata, e kua
taakaaka koe ia koe uorai ki mua
iahu nei, e kua aae koe i ouu kakau,
e kua aue iora koe ki mua i toku
aroaro nei ; kua akarongo katoa au
ia koe, te tuatua mairā Iehova. I na, 28
ka kapiti katoa koe e au ki to ai me-
tua ra, e ka apaiia koe ki toou tanu-
manga ma te au ; kare to mata e kite i
te au kino katoa taku ka apai mai
ki runga i teiane nei, e ki runga
katoa i to ko nei tangata. Kua apai
mairai ratou i taua tuatua ki te ari-
ki ra.

Kua tono akera te ariki, e akaputu- 29
putu mai i te aronga pakari katoa o
Iuda e to Ierusalemā. Aere atura te 30
ariki ki runga i te are o Iehova, e te
au tangata katoa o Iuda, e to Ierusa-
lema, e te kau taunga, e te au ngati
Levi, e te tangata ravarai, mei tei
manta e tae au atu ki tei iti ; kua tatau
iora aia ki roto i to ratou taringa i te
au tuatua ravarai i roto i taua buka
koreromotu, i kitea i roto i te are o
Iehova ra. Te tu ua ra te ariki i tona 31
turanga ra, kua papau iora i te korero-
motu i mua i te aroaro o Iehova, e aru
ia Iehova, e e akono i tana au akaue-
nga, e tana au tuatua-akakite, e tana
au akonoanga, ma te ngakau katoa, e
ma te vaerua katoa, i te akono tika
anga i te au tuatua i te koreromotu, i
tataia i roto i taua buka nei. Kua aka- 32
maroiroi iora aia i to Ierusalemā katoa
e noo maira, e Beniamina, e akatika i
taua tuatua ra. Kua akono atura to
Ierusalemā i te koreromotu a te Atua,
te Atua o to ratou ai metua ra. Kua 33
rave iorā Iosia e kua akaruke i te au
mea viivii katoa o te pa enua no te
tamariki a Iseraela, e kua akamaroiroi
atura i to Iseraela katoa e noo maira
kia akamori, kia akamori oki i to ratou
Atua ia Iehova. Kare akera ratou i
akapaki i te aru i te Atua o to ratou ai
metua ia Iehova, e ope rava akera ona
au rā.

PENE XXXV.

*Ko Iosia i te akono meitaki anga i
tetai pasa maata ra : taia aia e
Phurao-neko.*

- 1 **K**UA akono aturā Iosia i te pasa
na Iehova i Ierusalemā : e kua
ko ratou i te pasa i te rā okotai ngauru
- 2 ma a i te marama mua ra. Kua tuku
atura aia i te kau taunga ra i ta ratou
au taoonga, e kua akamaroiroi ia ratou
kia rave i te angaanga i te are o Iehova.
- 3 Kua karanga atura aia ki te ngati Levi,
ko tei akatapua no Iehova, tei apii ia
Iseraela ravarai, E tuku ana i te aruna
tapu ki roto i te are, i akatua e Solo-
mona, te tamaiti na Davida ariki no
Iseraela ra : kare atura oki e apai aereia
ki runga i to kotou pakuivi : e rave oki
kotou i ta to kotou Atua i ta Iehova, e
- 4 ta tona ra au tangata ta Iseraela. Kia
akateateamamao ia kotou i te ngutuare
o to kotou ai metua, e to kotou au
pupu, i tei tataia e te ariki o Iseraela e
Davida, e tei tataia e tana tamaiti oki e
- 5 Solomonā. E tu oki kotou i roto i te
ngai-tapu ra, i te akono anga oki i te
tuanga i te ngutuare o te ai metua i to
kotou ai taake, e tamariki a te au
tangata ra, e i te tuanga i te au kopu-
6 tangata ngati Levi ra. E ko oki kotou
i te pasa, e akatapu ia kotou orai, e
akateateamamao i to kotou ai taanke,
kia mako tikai ratou i te tuatua a Ie-
hova ia Mose ra.
- 7 Kua oronga aturā Iosia no roto i te
anana, i te au arenio e te au punua
puaka-nio, na te tangata, na te aronga
katoa i tae maira, ei apai anga no taua
pasa ra, ka toru ngauru i te tausani, e
toru tausani oki i te bovi : no roto i ta
- 8 te ariki uorai te reira. E te aronga
mamaata ki ona ra, kua oronga ua
katoa ratou ki te tangata, ki te kau
taunga, e ki te au ngati Levi ; ko Hili-
kia, e ko Zekaria, e ko Iehiela, nga
kavana ia i te are o te Atua ra, ko tei
oronga na te kau taunga ra ei apai anga
no taua pasa ra, e rua tausani e ono
- 9 anere, e toru oki anere i te bovi. Ko
Konania katoa, e ko Semaia e ko Ne-
tameela, nga taake nona ra, e ko Hasa-
bia, e ko Ieielā, e ko Iozabada, e
rangatira no te ngati Levi, ko tei oro-
nga na te ngati Levi ei apai anga no
taua pasa ra, e rima tausani, e rima
oki anere, i te bovi.
- 10 Vave akera taua ravenga ra, e te kau
taunga i te tu ua anga i to ratou ngai,
e te au ngati Levi i to ratou ra au
pupu, i ta te ariki oki i akaue maira.

Kua ko iora ratou i te pasa ra, e na te 11
kau taunga i pipi i te toto i to ratou
rima, e na te au ngati Levi i oore.
Kua akataka ke atura ratou i te au 12
tusia karakaratio, kia tika kia oronga
atu i ta te tuanga a te au kopu-tangata
o te au tangata ra, kia apai atu na
Iehova, i tei tataia i roto i te buka a
Mose: e kua pera oki *ratou* i te au
bovi ra. Kua tunu paka iora ratou i 13
te pasa i te ai, i tei akonoia ra: kareka
tetai pae i taua au *tusia* tapu ra, kua
tunu vaiia ia i roto i te pani, e te pani
maata, e te pani rikiriki, e kua tua
nauunau iora ki te tangata ravarai. E 14
oti akera, kua akamaroiroi iora i ta
ratou uorai, e ta te kau taunga: no te
mea e *anguanga* ta te kau taunga, te
au tamariki a Aarona, te apai ra ia i te
au tusia karakaratio, e te tongaua, e po
ua atura; akamaroiroi ei te ngati Levi
i ta ratou orai, e ta te kau taunga ra te
tamariki a Aarona. E te aronga imene, 15
te au tamariki a Asapha, tei to ratou ia
turanga, i tei akaucia mai e Davida, e
ko Asapha, e ko Hemana, e ko Iedu-
tuna te akara a te ariki ra: te *tiaki ra*
oki te au tiaki ngutupa i te au ngutupa
katoa; kare ratou e tika kia akaruke
i ta ratou angaanga, na to ratou ai tae-
ake, te au ngati Levi oki i akonokono i
ta ratou.

Teateamamao rava akera taua anga- 16
anga a Iehova ra i te rā okotai, kia
akono i te pasa, e kia apai i te au tusia
karakaratio ki runga i te atarau a Ie-
hova, i tei akaucia mai e te ariki ra e
Iosia. Akono atura te tamariki a Ise- 17
raela i tae maira i taua pasa ra, i te
reira tuatau, e te oroa i te kai akaopue
kore ra, e po itu akera. Kare ia e 18
pasa i kitea i Iseraela, mei ia Samuela
peroveta mairai: kare oki te au ariki
katoa o Iseraela i akono i te pasa mei
ta Iosia i akono, e te kau taunga, e te
au ngati Levi, e ta Iuda katoa, e ko
Iseraela i tae maira, e to Ierusalem
katoa oki. Tei te mataiti okotai ngau- 19
ru ma varu i te au o Iosia ra i ako-
noia i taua pasa nei.

I muri ake i te reira, e manca akera 20
te are ia Iosia, kua aere maira te ariki
o Aiphiti ko Neko ki runga e tamaki
ia Karekemisa, i Eupharate, e kua aere
aturā Iosia e tamaki iaia. Kua tono 21
maira aia i te au karere kiaia, na ko
maira, Eaa taku ia koe, e tenana ariki
no Iuda? kare tei ia koe taku e tamaki
ra i teianei rā, tei tetai ngutuaru ke
ra: kua akaue mai oki te Atua iaku e
kia ngakoikoi i te rave: auraka koe e
māro mai i te Atua, tei iaku nei oki

22 aia, kia kore koe e mate iaia. Kare
akerai a Iosia i anga ke i tona mata
iaia, kua akatu ke iora ra i tona uao-
rai tu, kia tamaki atu aia iaia, kare
akerai i akarongo i te au tuatua a
Neko no ko i te vaa o te Atua ra, kua
aere iora kua tamaki i te o ra i Me-
23 gido. Kua akainana maira te aronga
ana i te ariki ra ia Iosia; kua karanga
atura te ariki ki tona au tavini, E apai
24 ke kotou iaku, kua puta roa au. Kua
rave maira tona au tavini iaia mei roto
mai i taua kariota ra, e kua tuku iora
iaia ki roto i te rua o te kariota nona;
e kua akaoki maira ratou iaia ki Ieru-
salema, mae iora aia, e taumia iora i
roto i *tetai* menema no tona ra ai
metua. Aue iora Iuda katoa e Ieru-
salema ia Iosia ra.
25 Aue iora oki a Ieremia ia Iosia: e
akaiki rai te au imene tane katoa e te
au imene vaine ia Iosia kia aue ratou, e
tae rava akenei ki teianei rā, e ako-
noanga oki na Iseraela: i na, kua oti
oki i te tataia i roto i te tuatua
aue ra.
26 E te toenga o te tuatua ia Iosia, e te
meitaki nona, mei tei tataia i roto i te
27 ture a Iehova, E tana au angaanga, tei
mua e tei muri, i na, kua tatnia i roto
i te buka a te au ariki o Iseraela e
no Iuda.

PENE XXXVI.

No te au o Iehoahaza, e no Iehoiakima,
no Iehoiakina, e no Zedekia ra.

1 **K**UA rave iora to te enua ia Iehoah-
haza te tamaiti a Iosia, e kua
akaariki atura iaia ei tupau i tona
2 metua i Ierusalem. Tei te mataiti
tai takau ma toru o Iehoahaza i ariki
ei aia, e toru oki ona marama i te ariki
3 anga i Ierusalem. E apai keia aia i
Ierusalem e te ariki o Aiphiti, e kua
tuku iora te taunga ki runga i te enua,
okotai anere taleni ario, okotai oki
4 taleni auro. Kua akariro atura te
ariki o Aiphiti i tona taenake ia Elia-
kima ei ariki no Iuda e Ierusalem, e
ruri akera i tona ingoa ia Iehoiakima.
Kua rave iorā Neko i te tuakana ia
Iehoahaza, e kua apai atura ki Ai-
phiti.
5 Tei te mataiti tai takau ma rima o
Iehoiakima i ariki ei aia, okotai ngau-
ru mai tai ona mataiti i te ariki anga i
Ierusalem; e kua rave aia i te kino i
mua i te aroaro o tona Atua o Iehova.
6 Kua aere maira te ariki o Babulonia ko
Nebukaneza e tamaki iaia, e kua taepa-
•iaia ki te taepa vea, e kua apai ki Ba-

bulonia. E kua apai katoaia e Nebukaneza tetai pae apinga no te are o Iehova ki Babulonia, e kua tuku iora ki roto i te iero nona i Babulonia.

E te toenga o te tuatua ia Iehoiakima, e te au mea viivii tana i rave, e tei kitea i roto iaia, i na, kua tataia ia i roto i te tuatua a te au ariki o Iseraela e no Iuda: tupauia akera aia i te au e tana tamaiti ra e Iehoiakina.

Tei te mataiti varu ra o Iehoiakina i ariki ei aia, e toru oki ona marama okotai ngauru rā i te ariki anga i Ierusalem: kua rave aia i te kino i mua i te aroaro o Iehova. E ope akera te mataiti, kua tonu maira te ariki ra ko Nebukaneza i tetai tangata, e kua kave mai iaia ki Babulonia, e te au apinga memeitaki no te are o Iehova, e kua akariro atura i tetai taeake nona ko Zedekia ei ariki nona i Iuda e Ierusalem.

Tei te mataiti tai takau ma tai o Zedekia i ariki ei aia, okotai ngauru ma tai ona mataiti i te ariki anga i Ierusalem. Kua rave aia i te kino i mua i te aroaro o tona Atua o Iehova, kare oki i taakaaka iaia orai i mua i te peroveta ia Ieremia, *i te tuatua anga mai* no ko i te vaa o Iehova. Kua kaita-maki oki aia i te ariki ra ko Nebukaneza, tei akataputou atura iaia i te Atua: kua akaketaketa iora ra aia i tona kaki, e kua akamārokiakia atura i tona ngakau, kare akera i anga mai ki te Atua o Iseraela kia Iehova.

Maata rava atura oki ta te kau tau-nga mamaata katoa ra ara, e te au tangata, i te au ravenga viivii a te etene; e kua akaviivii i te are o Iehova tei akatapuia e ia i Ierusalem. Kua tonu maira te Atua o to ratou ai metua ko Iehova i te rima o te au karere nona kia ratou ra, kare i tukumoe i te tono anga; no te mea te aroa ra aia i tona iti-tangata e tona uaorai nooanga: Kua taitoito ra ratou i te au karere a te Atua, e kua akavaavaa i

tana tuatua, e kua takinga-kino i te au peroveta nana, e tupu rava akera te riri o Iehova i tona tangata, e kare rava akera e ravenga e ora'i. I tuku mai ei aia i te ariki o te Kaleda, tei ta ua i to ratou au tangata ou ki te koke, i roto i te are, i to ratou ngaitapu, kare rava i aroa i te tangata ou, e te potiki tamaine ou, i te tangata metua, e tei piko ki raro i te ruaine: tuku katoaia atura e ia ki roto i tona rima. E te au ariki katoa o te are o te Atua, te mea maata e te mea riki-riki, e te apinga tini no te are o Iehova, e no te apinga a te ariki, e ta te ui mataiapo katoa, kua apai katoaia e ia ki Babulonia. Kua tutungi oki ratou i te are o te Atua *ki te ai*, e kua vava'i i te patu i Ierusalem, kua tutungi oki i te au are ariki ki te ai, e kua vava'i i te au apinga memeitaki ravarai ra. E te aronga i ora i te koke ra, kua kave aia ia ratou ki Babulonia; e riro atura ei tavini nona, e no tana au tamariki, e tae rava akera ki te au i te basileia ra i Peresia: Kia tupu te tuatua a Iehova i te vaa o Ieremia, kia vaio uaia ta taua enua ra sabati; te vai tanca ua ra oki, te akono rai ia i te sabati, e e itu ngauru anga i te mataiti.

Tae akera ki te mataiti mua o te ariki o Peresia ra ko Kuro, kia tupu te tuatua a Iehova i te vaa o Ieremia, i akaaraara atu ei a Iehova i te ngakau o te ariki o Peresia ra o Kuro, kia tataia tetai *tue*, e kia tutu aereia e pini ua ake tona enua, na ko atura, Te na ko maira te ariki o Peresia ko Kuro, Kua oronga mai te Atua no te rangi ko Iehova i te au basileia katoa o te ao nei kiaku; e kua ikuiku mai aia iaku e akatu i tetai are nona i Ierusalem, i Iuda ra. Koai tei *toe* i roto ia kotou na i tona au tangata katoa? Kia piri mai oki tona Atua ra ko Iehova iaia, e aere aia ki runga.

E Z E R A.

PENE I.

Te tuatua a Kuro: te akonokono ra te tangata e oki: te au apingu o te iero i te akuoki angaia mai.

TA E akerā ki te mataiti mua o te ariki o Peresia ra ko Kuro, kia tupu te tuatua a Iehova i te vaa o Ieremia, i akaaraara atu ei a Iehova i te ngakau o te ariki o Peresia ra o Kuro, kia tutu aercia e pini ua ake i tona basileia, o kia tataia oki, i te na ko angaia e, Te na ko maira te ariki o Peresia ko Kuro, Kua oronga mai te Atua no te rangi ko Iehova i te au basileia katoa o te ao nei kiaku; e kua ikuiku mai aia iaku e akatu i tetai are nona i Ierusalemā, i Iuda ra. Koai tei toe i roto ia kotou i tona katoa au tangata na? Kia piri mai oki tona Atua iaia, e aere aia ki runga ki Ierusalemā i Iuda ra, ka akatu ei i te are no te Atua o Iseraela no Iehova, ko te Atua aia, i Ierusalemā. E tei toe i te au ngai katoa tana i noo ra, e tauturu mai to reira au tangata iaia, i te ario, e te auro, e te apinga, e te au puaka, e tetai apinga apai ua no te are o te Atua i Ierusalemā.

Kua tu maira te ui mataiapo tutara i Iuda e Beniamina, e te kau taunga, e te au ngati Levi, e te aronga katoa e akataeia te ngakau e te Atua, e aere ki runga e akatu i te are o Iehova i Ierusalemā. E kua turu maira to reira ravarai ia ratou e pini ua ake, i te au āriki ario, i te auro, i te apinga, e te au puaka, e te au mea meitaki ra, te taka ra te au mea katoa i apai uaia ra.

Kua apai maira te ariki ra ko Kuro i te au āriki no roto i te are o Iehova, i apaiia mai e Nebukaneza mei Ierusalemā mai, e kua tukuia e ia ki roto i te are o tona ra au atua; Ko te au apinga ia ta te ariki o Peresia ta Kuro i apai mai i te rima o Miteredata te tiaki apinga, e kua tatau atura ki mua

9 ia Sesebazara, e ariki no Iuda. Teia taua au mea i tatauia ra: e toru ngauru kapu auro, okotai tausani kapu ario, 10 okotai takau ma iva matipi; E toru ngauru āriki auro, e a anere okotai ngauru āriki ario akino ake, e okotai 11 tausani āriki ke ra. Te katoatoa anga o taua au āriki auro e te ario ra, e rima ia tausani e a anere. Ko taua au mea katoa ia ta Sesebazara i apai mai, ma te aronga katoa i tuikaia ra, ko tei aere katoa mai ki Ierusalemā mei Babulonia maira.

PENE II.

Te aronga i oki mei Babulonia mai, e ia ratou apinga i uipa.

TE I A te au tamariki no taua enua ra, tei aere mai mei roto mai i te tuikaa, no te aronga i apai keia ra, ta Nebukaneza ta te ariki o Babulonia i apai ke ki Babulonia, e kua aere akaou maira ki Ierusalemā e Iuda, te tangatā 2 katoa ki tona oire; Ko tei aere katoa mai ratou ko Zerubabela, ko Iesua, ko Nehemia, ko Seraia, ko Rclaiā, ko Moredekai, ko Bilasana, ko Mizipara, ko Bigavai, ko Rehuma, ko Baana: Ko te tatau anga ia o te tangata no 3 Iseraela: Te au tamariki a Parosa, e rua ia tausani, okotai anere, e itu ngauru 4 ru ma rua. Te au tamariki a Sephatia, e toru ia anere, e itu ngauru ma rua. 5 Te au tamariki a Ara, e itu ia anere, e itu ngauru ma rima. Te au tamariki 6 a Pahata-moabi, no te au tamariki a Iesua, e ta loaba, e rua ia tausani, e 7 varu anere, okotai ngauru ma rua. Te au tamariki a Elama, okotai ia tausani, 8 e rua anere, e rima ngauru ma a. Te au tamariki a Zatu, e iva ia anere, e a 9 ngauru ma rima. Te au tamariki a Zakai, e itu ia anere, e ono ngauru. 10 Te au tamariki a Bani, e ono ia anere, 11 e a ngauru ma rua. Te au tamariki a Bebai, e ono ia anere, e rua ngauru 12 ma toru. Te au tamariki a Azagada, okotai ia tausani, e rua anere, e rua

ngauru ma rua. Te au tamariki a 13 Adonikama, e ono ia anere, e ono ngauru ma ono. Te au tamariki a Bi- 14 gevai, e rua ia tausani, e rima ngauru ma ono. Te au tamariki a Adina, e a 15 ia anere, e rima ngauru ma a. Te au 16 tamariki a Atera, ta Hezekia, e iva ia ngauru ma varu. Te au tamariki a 17 Bezai, e toru ia anere, e rua ngauru ma toru. Te au tamariki a Iora, oko- 18 tai ia anere, okotai ngauru ma rua. Te au tamariki a Hasuma, e rua ia 19 anere, e rua ngauru ma toru. Te au 20 tamariki a Gibara, e iva ia ngauru ma rima. Te au tamariki a Betelehemu, 21 okotai ia anere, e rua ngauru ma toru. Te au tangata no Netopha, e rima ia 22 ngauru ma ono. Te au tangata no 23 Anatota, okotai ia anere, e rua ngauru ma varu. Te au tamariki a Azama- 24 veta, e a ngauru ma rua. Te au tama- 25 riki a Kiriata-learima, ta Kephira, e Beerota, e itu ia anere, e a ngauru ma toru. Te au tamariki a Rama e ta 26 Gaba, e ono ia anere, e rua ngauru ma tai. Te au tangata no Mikemasa, 27 okotai ia anere, e rua ngauru ma rua. Te au tangata no Betela e to Ai, e 28 rua ia anere, e rua ngauru ma toru. Te au tamariki a Nebo, e rima ia 29 ngauru ma rua. Te au tamariki a 30 Magabisa, okotai ia anere, e rima ngauru ma ono. Te au tamariki a te- 31 tai Elama ra, okotai ia tausani, e rua anere, e rima ngauru ma a. Te au ta- 32 mariki a Harima, e toru ia anere, e rua ngauru. Te au tamariki a Loda, ta 33 Hadida, e ta Ono, e itu ia anere, e rua ngauru ma rima. Te au tamariki 34 a Ieriko, e toru ia anere, e a ngauru ma rima. Te au tamariki a Senaa, e toru ia 35 tausani, e ono anere, e toru ngauru.

Te kau taunga ra: te au tamariki a 36 Iedaia, no te ngutuare o Iesua, e iva ia anere, e itu ngauru ma toru. Te au 37 tamariki a Imera, okotai ia tausani, e rima ngauru ma rua. Te au tamariki 38 a Pasahura, okotai ia tausani, e rua anere, e a ngauru ma itu. Te au ta- 39 mariki a Harima, okotai ia tausani, okotai ngauru ma itu.

Te au ngati Levi: to te au tamariki 40 a Iesua, e Kadimiela, to te au tamariki a Hodavia, e itu ia ngauru ma a. Te 41 aronga imene: te au tamariki a Asapha, okotai ia anere, e rua ngauru ma varu.

Te au tamariki a te aronga tiaki 42 ngutupa: te au tamariki a Saluma, te au tamariki a Atera, te au tamariki a Talamona, te au tamariki a Akuba, te au tamariki a Hatita, te au

tamariki a Sobai, ratou katoa, okotai ia anere, e toru ngauru ma iva.

43 Te au Netini: te au tamariki a Zihai, te au tamariki a Hasupha, te au 44 tamariki a Tabaota, Te au tamariki a Kerosa, te au tamariki a Siaha, te au 45 tamariki a Padona, Te au tamariki a Lebana, te au tamariki a Hagaba, te 46 au tamariki a Akuba, Te au tamariki a Hagaba, te au tamariki a Sa- 47 lamai, te au tamariki a Hanana, Te au tamariki a Gidela, te au tamariki a 48 Gahara, te au tamariki a Reaia, Te au tamariki a Rezina, te au tamariki a 49 Nekoda, te au tamariki a Gazama, Te au tamariki a Uza, te au tamariki a 50 Pasea, te au tamariki a Besai, Te au tamariki a Asana, te au tamariki a Meunima, te au tamariki a Nephu- 51 sima, Te au tamariki a Bakabuka, te au tamariki a Hakupha, te au tamariki 52 a Harahura, Te au tamariki a Baze- luta, te au tamariki a Mehida, te au 53 tamariki a Haresa, Te au tamariki a Barakosa, te au tamariki a Sisera, te 54 au tamariki a Tama, Te au tamariki a Nezia, te au tamariki a Hatipha.

55 Te au tamariki a te au tavini no Solomona: te au tamariki a Sotai, te au tamariki a Sophereta, te au tamariki a 56 Peruda, Te au tamariki a Iaala, te au tamariki a Darakona, te au tamariki a 57 Gideli, Te au tamariki a Sephatia, te au tamariki a Hatila, te au tamariki a Pokerita, a Zebaima, te au tamariki a 58 Ami. Te au Netini katoa, e te au tamariki a te au tavini no Solomona, e toru ia anere, e iva ngauru ma rua.

59 Teia te aronga i aere mai mei Tele- mela mai, Tele-haresa, Keruba, Adana, e Imera; kare akera i tika ia ratou kia akakite mai i te are o to ratou me- tua tane, e to ratou anauanga, i te 60 kitea anga e no Iseracla ratou: Te au tamariki a Delaia, te au tamariki a Tobia, te au tamariki a Nekoda, e ono ia anere, e rima ngauru ma rua.

61 Te au tamariki a te kau taunga ra: te au tamariki a Habia, te au tamariki a Koza, te au tamariki a Barezilai; ko tei rave i te vaine no te au tamaine a Barezilai i Gileada, e 62 tapuia akera i to ratou ingoa: Kimi iora ratou i ta ratou tuatua i roto i te aronga i tatauia to ratou anauanga, kare akera i kitea: riro atura ratou mei te mea e kua viivii, kua akataka 63 keia i te taoonga taunga ra. Kua karan- ga atura te kavana kia ratou, au- raka ratou e kai i te au mea tapu rava ra, e kia tu maira tetai taunga ki runga ma te Urima e te Tumima.

Te maata anga o taua uipānga ka- 64
toa ra, e a ia ngauru ma rua i te
tausani, e toru anere, e ono ngauru ;
Te taka ra to ratou au tavini, e to 65
ratou au tavini vaine, to ratou e
itu ia tausani, e toru anere, e toru
ngauru ma itu ; e rua oki anere tane
imene, e te vaine imene, i roto ia ratou
ra. Ta ratou au ipo ra, e itu ia anere, 66
e toru ngauru ma ono ; e ta ratou au
mule, e rua ia anere e a ngauru ma
rima. Ta ratou au kamela, e a ia 67
anere, e toru ngauru ma rima ; te au
asini, e ono ia tausani, e itu anere, e
rua ngauru.

E tae atura tetai pae i taua au ma- 68
taiapo tutara ra ki te are o Iehova i
Ierusalemā, kua oronga ua ratou i te
apinga no te are o te Atua kia akatuia
i tona ra ngai : Kua oronga oki ratou i 69
tei tau ia ratou *kia oronga* ki roto i te
uipānga no te angaanga, e ono ngauru
ma tai tausani dareka auro, e rima oki
tausani mina ario, okotai oki anere i te
kakau no te kau taunga.

Kua noo iora te kau taunga, e te au 70
ngati Levi, e tetai pae tangata, e te
aronga imene, e te au tiaki ngutupa, e
te au Netini, i roto i to ratou uarai
au oire, e to Iseraela katoa i roto i to
ratou uarai au oire.

PENE III.

*Te atarau i te akatu angaia, e te tango
o te nao i te akamou angai ra, ma te
maeva rekareka e te aue.*

E TAE akera ki te itu o te marama, 1
ko te tamariki a Iseraela i roto i
te au oire, e au tangata ra, kua uipa
katoa maira, mei te tangata okotai, i
Ierusalemā. Kua tu mairā Iesua te 2
tamaiti a Iozadaka, e tona ai taeake te
kau taunga, e Zerubabela te tamaiti a
Salatiela, e tona ai taeake, e kua akatu
iora i te atarau a te Atua o Iseraela, ei
apai i te tusia karakaratio ki rungao,
tei tataia i roto i te ture a te tangata o
te Atua ra a Mose.

Kua akatu akera ratou i taua atarau 3
ra ki tona turanga tikai ; *te vai* ra oki
te matakū i runga ia ratou, no te au
tangata i taua pa enua ra : e kua apai
ratou i te au tusia karakaratio ki ru-
ngao na Iehova, e tusia karakaratio no
te popongi e no te aiāi. Kua akono 4
oki ratou i te oroa patia anga puakapa
ra, tei tataia ra oki, e *kua apai* i te au
tusia karakaratio i tauaia no te au rā
ra, tei akakiteia maira ; e tau tikai ki
to te au rā katoa ; E i muri ake i te 5
reira, ko te tusia karakaratio tamouia

ia, to te au marama ou, e to te au oroa
akonoia katoa ra no Iehova i akatapua
ra, e to ratou ravarai tei apai ua i te au
6 mea oronga uaia ra na Iehova. Mei
te rā mua mai o taua marama itu ra,
kua timata iora ratou i te apai i te
tusia karakaratio na Iehova. Kare ra
te tango o te nao o Iehova i akamouia.
7 Kua apai oki ratou i te moni na te au
taunga tarai toka, e te tarai rakau ; e
te kai, e te mea inumia, e te inu, na to
Sidona, e to Turia, kia apai mai ratou
i te arezi i Lebanona ki taatai ra ki
Iopa, ko tei akatikaia mai e te ariki o
Peresia e Kuro kia ratou.

8 E tae akera ki te rua o te mataiti o
to ratou aerenga mai ki te are o te
Atua i Ierusalemā, i te rua oki o te
marama, kua timata iorā Zerubabela
te tamaiti a Salatiela, e Iesua te ta-
maiti a Iozadaka, e to ratou ai taeake
i toe i te kau taunga e te au ngati
Levi, e te aronga katoa i aere mai mei
te tuikaa mai ki Ierusalemā ; e kua
akono atura i te ngati Levi, ko tei tae
ki te takau okotai o te mataiti e runga
atu, i te akamaroiroi i te angaanga i te
9 are o Iehova. Kua tu mairā Iesua e
tana au tamariki, e tona ai taeake, ko
Kadamiela e tana au tamariki, te au
tamariki a Iuda, kua tavaitai i te aka-
maroiroi anga i te aronga rave anga-
anga i te are o te Atua : te au tamariki
a Henadada, e ta ratou au tamariki, e
to ratou au taeake te ngati Levi.

10 E kia akanou te au taunga i te
tango o te nao o Iehova, kua akanoo
iora ratou i te kau taunga ma to ratou
kakau e te pu katoa ra, e te au ngati
Levi, te au tamariki a Asapha, ma te
au sumebalo, ei akapaapaa ia Iehova,
i tei akonoia e te ariki o Iseraela e Da-
11 vida. Kua imene pupu iora ratou i te
akapaapaa anga, e te akameitaki anga
ia Iehova, no te mea e meitaki tona,
e tu oki tona aroa e rimua ia Iseraela.
Maeva atura te tangata katoa, e maeva
maata, i te akameitaki anga ia Iehova,
no te mea kua tamouia te tango o te
12 are o Iehova. E manganui ra to te
kau taunga, e te au ngati Levi, e te
aronga mataiapo tutara, e aronga ta-
ngata metua, tei kite i tei muatangana
are, kia akamouia ra te tango o teiānei
are ki mua i to ratou mata, kua aue
atura ma te reo maata ; e manganui
13 oki tei maeva nui i te rekareka : Kare
atura te tangata i kite i te reo i maeva
i te rekareka, e te reo aue o te tangata
ra : e maeva maata oki to te tangata, e
kua tae rava te maorooro ki te ma-
mao ke.

PENE IV.

*Te au enemi o te ngati Iuda i te tapepe
anga ia ratou kia Aretakasasetu :
kua akakoreia te patu anga i te are.*

KITE akera te au enemi o Iuda e
to Beniamina e, te akatu ra te au
tamariki a te tuikaa i te nao no te
Atua o Iseraela no Ichova; Kua aere
maira ratou kia Zerubabela, e ki te
aronga mataiapo tutara ra, e kua ka-
ranga atura kia ratou, E angaanga
katou tatou : te kimi nei oki matou i
to kotou Atua, mei ia kotou katou na ;
e kua apai matou i te tusia nana, mei
te tuatua mairai o te ariki o Asura ra,
ko Esara-hadona, tei arataki mai ia
matou i ku nei. Kua karanga aturū
Zerubabela, e ko Iesua, e tetai aronga
mataiapo tutara i Iseraela kia ratou,
Kare a kotou i ko nei kia akatu i te are
no to matou Atua; na matou uaorai e
patu i te are no te Atua o Iseraela no
Ichova, i ta te ariki o Peresia ta Kuro
i ikuiku mai ia matou nei. Kua aka-
paruparu maira to taua enua ra i te
rima o to Iuda, e kua taeko iora ia ra-
tou i te patu anga ra, E kua tutaki
atu oki i te au tangata korero ei aka-
tareva ke *kia kore e tupu* ta ratou i aka-
koro ra, e ope rava akera to te ariki o
Peresia au rā to Kuro, e tae ua atura
ki te au o te ariki o Peresia ra ko
Dariu. E tae akera ki te au o Aha-
sueru, i te mua tikai o tona au, kua
tata iora ratou i te tuatua tapepe i to
Iuda e to Ierusalem. E tae akera ki
te au rā o Aretakasasetu, kua tata iorū
Biselama, ko Miteredata, ko Tabcela,
e to ratou ui katou ra, ki te ariki o
Peresia kia Aretakasasetu; i tata reo
Arama ia, e kua akakiteia te ariteanga
i te reo Arama. Ko Rehuma te tan-
gata mana ra, e ko Simisai tata tua-
tua, ko tei tata i tetai leta i te tapepe
anga ia Ierusalem ki te ariki ra kia
Aretakasasetu, na ko ia taua leta ra :

Kua tata iora te tangata mana ra ko
Rehuma, e ko Simisai tata tuatua, e to
ratou ui katou ra; to Dina, to Aphara-
sateka, to Tarepela, to Apharesa, to
Arekeva, to Babulonia, to Susaneke, to
Dehava, to Elama, E te toenga o te
pa enua i apaiia mai e te tangata maata
e te mana ra ko Asenepera, e kua akanoo
i roto i te au oire i Samaria, e te toenga
i teia pae vai, e koia ua atu rai. Teia
te tu o taua leta ta ratou i akau atu
kiaia, ki te ariki ra kia Aretakasasetu;
Toou nei au tavini, te au tangata o teia
pae vai, e koia ua atu rai. Kia kite mai

koe, e te ariki e, ko te au ngati Iuda i
aere mai ki ko nei kia matou nei, mei ko
na mai ia koe na, kua tae mai ratou ki
Ierusalem nei, e te patu nei i taua
oire kaitamaki e te kino ra, kua aka-
mouia te tango, e te akatu nei i te au
13 patu. Kia kite mai oki koe, e te ariki
e, kia akatuia teianei oire, e kia oti i
te patu, kare ratou e oronga mai i te
telo, te taunga, e te au peu, iti iora te
14 apinga o te ariki i akonoia ra. E teia-
nei, no ko na mai no te are o te ariki
ra to matou meitaki i te rauka anga,
kare oki e tika ia matou kia akara ua
atu i te ariki i te tuku akaaka angaia, i
akaunga atu ei matou i teianei tuatua
15 ei akakite ki te ariki; E kia kimiia i
roto i te tuatua tata a to ai metua; e
ka kitea e koe i roto i taua tuatua tata
ra, e kite koe e oire kaitamaki taua
oire nei, e te takingu-kino i te ui ariki
e te pa enua; i roto i taua oire ra te
tuatua kaitamaki mei tnpua mai i te
akatupu angaia; no reira oki i pou ei
16 taua oire nei. Te akakite nei matou
ki te ariki e, kia akatu akaouia teianei
oire, e kia oti akaou te patu, kare rava
aau e tuanga i teianei pae vai.
17 Kua akau akera te ariki i te leta ei
tuatua anga atu i ta te tangata mana
ra i ta Rehuma, e ta Simisai tata tua-
tua, e to ratou ui katou i noo i Sama-
18 ria, e to te aronga o tera pae vai ra, Kia
ora, e koia ua atu rai. Te leta i akauia
mai e kotou kia matou nei, kua oti i te
akakite puia mai ki mua iaku nei.
19 E kua akaue akenei au, e kua kimiia,
e kua kitea oki e, e oire mao teianei
oire mei taito mai i te au ariki, e kua
akatupua te kaitamaki e te meameaau
20 ra i roto i taua oire ra. E ui ariki
mana oki ko runga ia Ierusalem i mua-
tangana, e tei ia ratou te au i runga i
te pu enua katou i tetai pae vai; e kua
orongaia te telo, te taunga, e te au peu
21 katou ra, kia ratou. E tenana, e aka-
kite aere i te ture, e kia noo ua taua
aronga tangata ra, auraka taua oire e
akatua ra, e kia tae atu na tetai ture
no ko nei atu iaku nei. E tenana, e
akamaroiroi, e akono kotou i taua tua-
tua nei, auraka kia kore, ko te tupu aea
te ngere i te ui ariki ra.
23 E kia tatauia te leta a te ariki ra
a Aretakasasetu i mua i te aroaro
o Rehuma, e Simisai tata tuatua,
e to ratou ui ra, aere viviki atura
ratou ki Ierusalem ki te ngati Iuda, e
kua akakore atura i ta ratou patu anga
24 na te rima e te ririnui: Kore akera
taua angaanga i te are o te Atua i Ie-
rusalema ra. Kore rava akera e tae

ua atura ki te mataiti rua i te au o te ariki o Peresia ko Dariu.

PENE V.

Te iero i rave akaouia i te tuatua a nga peroveta ra: te leta a Tatanui kia Dariu.

KUA totou iora nga peroveta ra, 1
ko Hagai peroveta e ko Zekaria 2
te tamaiti a Ido, ki te ngati Iuda i noo 3
i Iuda e Ierusalem, i te ingoa o te 4
Atua o Iseraela, kia ratou. Kua tu 5
mairā Zerubabela te tamaiti a Salatiela 6
ki runga, e ko Iesua te tamaiti a Iozadaka, 7
kua timata iora i te patu i te are 8
o te Atua i Ierusalem: raua ma nga 9
peroveta a te Atua i te turu anga mai 10
ia ratou.

I reira te aere anga mai o Tatanai, e 3
kavana no teia pae vai nei, e ko Setarabozanai, e to raua ui katoa ra, e kua 4
tuatua maira kia ratou, Naai i akaue 5
mai ia kotou e patu i teianei are, e 6
e tuki akaou i teianei patu? Kua aka- 7
kite atura matou kia ratou i te au 8
ingoa o te aronga i tuki i taua patu ra. 9
Te akara maira ra te mata o to ratou 10
Atua i te aronga pakari ngati Iuda ra, 11
e kare atura ratou i akaruke i taua 12
angaanga ra, e tae ua maira te tuatua 13
kia Dariu. Kua tata iora oki ratou i 14
tetai leta i taua tuatua nei.

Teia te tu o te leta ta Tatanai ka- 6
vana i teianei pae vai, e ko Setarabozanai, e tona ui katoa ra te Apharaseka i teianei pae vai, i akau atu ki 7
te ariki ra kia Dariu: I na koia te 8
tata i roto i taua leta ra, i akaouia e ratou 9
kia ra: Ki te ariki ra kia Dariu, 10
kia ora koe. Kia kite mai koe, e te 11
ariki, e kua aere matou ki te enua ra 12
ki Iudea, ki te are o te Atua maata, 13
e tukiia akera ki te toka taraiia, e 14
te rakau oki i te tuku angaia ki runga 15
i te patu ra, te rave naunauia ra taua 16
angaanga nei, e te manuia ra ta to 17
ratou rima. Kua ui atura matou ki 18
taua aronga pakari ra, karanga atura 19
matou kia ratou, na ko atura, Naai i 20
akaue mai ia kotou e akatu i teianei 21
are, e e tuki i teianei patu? E kua ui 22
atura matou kia ratou i to ratou ingoa, 23
kia akakite atu kia koe, e kia tataia 24
e matou te ingoa o to ratou aronga 25
mamaata. E kua akapera maira ratou, 26
i te tuatua anga mai kia matou, na ko 27
maira, E tavini oki matou no te Atua 28
o te rangi e te enua, e te patu nei i te 29
are i patuia i taito roa ra, ta tetai 30
ariki maata o Iseraela i patu ra, e oti 31
rava akera. Kia akakokoia atura te 32

Atua o te rangi e to matou ai metua 1
ra kia riri, kua oronga atura aia 2
ratou ki te rima o te ariki o Babulonia 3
o Nebukaneza, te Kaleda, ko tei va- 4
va'i i teianei are, e kua apai ke atura te 5
13 tangata ki Babulonia. Tac akera ki 6
te mataiti mua o te ariki o Babulonia 7
o Kuro, kua tata te ariki ra ko Kuro 8
i te ture e patu i taua are o te Atua ra. 9
14 E te au āriki auro e te ario no te are 10
o te Atua ra, tei ravcia e Nebuka- 11
neza no roto i te iero i Ierusalem, e 12
kua apai i te reira ki roto i te iero ki 13
Babulonia, kua raveia te reira e te 14
ariki ra e Kuro no roto i te iero i 15
Babulonia, e kua tukuia atu ki tetai 16
tangata ko Sesabazara te ingoa, tei aka- 17
15 kavania e ia ra; E kua karanga atura 18
kiaia, Ka rave i teianei au āriki, e 19
aere, e apai ki roto i te iero i Ierusa- 20
lema, e kia akatuia te are o te Atua 21
16 i tona ra ngai. Kua aere maira i reira 22
taua Sesabazara ra, e kua akamou i 23
te tango i te are o te Atua i Ierusa- 24
lema: e mei reira mairai, e tae rava 25
akenei ki teianei i te patu ua anga, e 26
kare oki i oti.

17 E tenana, kia tika, e te ariki, e ki- 1
miia i roto i te are apinga o te ariki ra, 2
i Babulonia ra, i te kitea anga e, e ture 3
tei tukuia mai e te ariki ra e Kuro, e 4
akatu i taua are o te Atua i Ierusalem 5
nei; e na te ariki e tuku mai i tana 6
tuatua i taua mea ra kia matou nei.

PENE VI.

Te tuatua a Dariu, e te iero i te oti anga, e te akatapu angaia.

KUA akatupu iora te ariki ra ko 1
Dariu i tetai ture, e kimi i roto 2
i te are vairanga tuatua, i te ngai 3
2 vaoia'i te apinga i Babulonia. Ekitea 4
iora i Akemeta, i te are o te ariki i te 5
enua o te Madai, tetai pokai tuatua, 6
e te tuatua i tataia i roto, i te na ko 7
3 anga e: Tei te mataiti mua o te ariki 8
ra o Kuro, kua akatupu iora te ariki 9
ra ko Kuro i tetai ture, i te are o te 10
Atua i Ierusalem, Kia patuia taua 11
are ra, te ngai ta ratou i apai i te au 12
tusia ra, e kia akamou ketaketaia te 13
tango i taua are ra; e ono ngauru te 14
kubiti i te teitei, e ono ngauru oki te 15
4 kubiti i te tipoto: Kia toru tupati 16
toka taraiia, e okotai oki tupati rakau 17
ou: ei ko nei ei te are o te ariki nei 18
5 te apinga i te oko: Kia akaokia oki 19
te au āriki auro e te ario no roto i te 20
are o te Atua ra, tei raveia mai e Ne- 21
bukaneza no roto i te iero i Ierusa- 22
lema, e kua apai mai ki Babulonia 23

nei, e apai akaouia, ki te iero i Ierusalem, ka tuku atu ei ki te ngai tika i roto i te are o te Atua ra. E tenana, e Tatanai, e kavana i tera pae vai, e ko Setara-bozanai, e to korua ui katoa ra i te Apharasateka ra, i tera pae vai, e aere ke kotou i taua ngai ra. E vaoo ua atu taua angaanga are no te Atua nei; e vaio ua atu te kavana o te ngati Iuda, e te aronga pakari ngati Iuda, kia akatu ua ana i taua are no te Atua nei i tona ra ngai. Kua akatupuia oki e au tetai ture, e ta kotou e rave atu i taua aronga pakari ngati Iuda ra, i te patu anga i taua are no te Atua nei: no roto i te apinga a te ariki ra, i tei upaia mai i tera pae vai, ka rave ei i te moni ka tuku atu ei ki taua au tangata ra, auraka kia akakoreia. E kia oronga tikaia atu ta ratou au mea anoano i te au rā katoa ra, auraka e ti-vata, i te au bovi, e te au rama, e te au arenio, ei tusia karakaratio na te Atua no te rangi, te sitona, te tai, te wina, e te inu, i tei akonoia e te kau taunga i Ieruselema ra: Kia apai ratou i te au tusia aunga kakara ki te Atua no te rangi, e kia pure oki i te ariki, e tana au tamariki, kia ora. Teia oki tetai aku ture, ko te tangata e ruri ke i teianei ture, kia kiritiia te rakau o tona are, e kia akatuia taua *rakau* ra, kia riia aia ki runga, e kia riro ua atu tona are ei ti-ringa teita no te reira. E na te Atua, na tei akamou i tona ingoa i reira, e rave i te au ariki e te tangata katoa kia mate, kia rave to ratou rima, e kia akakore, e kia pou ia ratou taua are o te Atua i Ieruselema ra. Naku na Dariu i akatupu i taua ture nei; kia maroiroi te rave kia oti vave.

Ei reira te kavana o teianei pae vai ko Tatanai, e ko Setara-bozanai, e to raua ui katoa ra, i ta te ariki ra i ta Dariu i akaue maira, kua rave naunau iora ia.

Kua rave iora te aronga pakari ngati Iuda kua patu, e kua manuia atura ta ratou, i te totou a Hagai peroveta ra, e ta Zekaria te tamaiti a Ido ra. Kua patu iora ratou, e oti rava akera, i te akauenga a te Atua o Iseracla, e te akauenga oki a Kuro, e ko Dariu, e ko Aretekasaseta ra ariki no Peresia. Oti rava akera taua are ra i te rā toru o te marama ra ko Adara; ko te ono ia o te mataiti i te au o te ariki ra o Dariu.

Kua akono atura te tamariki a Iseracla, te kau taunga, te au ngati

Levi, e te toenga o te au tamariki i tuikaia ra, i te akatapu anga i te are o te Atua nei ma te rekareka; E kua apai atura i te akatapu anga i taua are o te Atua ra, okotai anere i te bovi, e rua anere i te rama, e a anere i te arenio; e no te tarangaara na Iseracla ravarai, okotai ia ngauru ma rua i te puaka-nio toa, kua aite ki te tatauanga i te au kopu o Iseracla. Kua akono atura ratou i te kau taunga i ta ratou au tuanga, e te au ngati Levi i to ratou au pupu, i te anganga a te Atua i Ieruselema; mei tei tataia i roto i te buka a Mose ra.

Akono atura te au tamariki i tuikaia ra i te pasa i te rā okotai ngauru ma a i te marama mua ra. Okotai rai oki tamā angaia to te kau taunga e te ngati Levi, kua mā katon ratou, e kua ko i te pasa na te au tamariki katoa i tuikaia ra, e na to ratou ai taenake te kau taunga, e na ratou uaorai. E te tamariki a Iseracla, i aere mai mei roto mai i te tuikaia anga ra, e te aronga katoa i akataka ke ia ratou orai i te viivii o te enua etene, kia kimi i te Atua o Iseracla ia Ichova, kua kai ia, E kua akono i te oroa i te kai akaaru kore ra ma te rekareka, e po itu akera: na Ichova oki ratou i akarekareka mai, e kua akaariu mai i te ngakau o te ariki o Asura kia ratou, ei akamaroiroi mai i to ratou rima i te rave anga i te anganga i te are o te Atua, i te Atua o Iseracla.

PENE VII.

Ko Ezera i te aere anga ki Ieruselema, e te tuatua a Aretekasaseta.

E I muri ake i teianei au tuatua, i te au o te ariki o Peresia o Aretekasaseta, ko Ezera te tamaiti a Seraia, te tamaiti a Azaria, te tamaiti a Hilikia, Te tamaiti a Saluma, te tamaiti a Zadoka, te tamaiti a Ahituba, Te tamaiti a Amaria, te tamaiti a Azaria, te tamaiti a Meraiota, Te tamaiti a Zerahia, te tamaiti a Uzi, Te tamaiti a Buki, Te tamaiti a Abisua, te tamaiti a Phinchasa, te tamaiti a Eleazara, te tamaiti a Arona taunga maata ra: Mei Babulonia mai taua Ezera ra; e tata tuatua karape i te ture a Mose, i o maiia mai e te Atua o Iseracla e Ichova: e kua oronga maira te ariki i te au mea katoa tana i anoano ra, i tei tau ki te rima o tona Atua ra ko Ichova ki runga iaia. Kua

aere iora ki runga tetai pae i te tamariki
a Iseraela, e to te kau taunga, e te
ngati Levi, e te aronga imene, e te au
tiaki ngutupa, e te au Netini, ki Ieru-
salema, i te itu o te mataiti ia Aret-
kasaseta ariki ra. E kua tae aia ki
Ierusalemia i te rima o te marama, ko
te itu ia o to te ariki ra mataiti. Tei
te *rā* mua oki o te marama okotai ra
tona aerenga mai mei Babulonia mai,
e tae akera ki te *rā* okotai o te marama
rima ra i tae ei aia ki Ierusalemia, i tei
tau ki te rima takinga-meitaki o
tona Atua i runga iaia. Kua akono-
kono ua ana oki a Ezera i tona ngakau
e kimi, e e rave, i te ture a Iehova, e
apii oki ia Iseraela i te au akonoanga
e te au tuatua-tau.

Teia te tu o te leta i orongaia mai e
te ariki ra e Aretkasaseta kia Ezera
taunga ra, te tata tuatua, e tata i te au
tuatua i akaucia mai e Iehova, e tana
katoo au akonoanga, kia Iseraela :

Ko Aretkasaseta, ariki no te au
ariki ra, kia Ezera taunga ra, e tata i
te ture a te Atua no te rangi nei, kia
ora ana, e koia ua atu rai. Teia taku
ture e akatupu nei, ko ratou te tangata
ravarai o Iseraela, e te kau taunga
nana, e te au ngati Levi, i toku nei
enua, kia anoano ua i te aere ki runga
ki Ierusalemia, e aru ratou ia koe : No
te mea kua tonokia koe e te ariki, e
nga tumu korero nona toko itu nei, kia
ui koe i Iuda e Ierusalemia, i te ture
a to Atua tei to rima na ; E kia apai
oki i te ario e te auro, i ta te ariki e ta
te aronga tumu korero nona ra i apai
ua atu ki te Atua o Iseraela, tei Ieru-
salema tona nooanga. E te au ario e
te au auro katoa e rauka ia koe i te
enua katoa nei i Babulonia, e te apinga
oronga ua a te tangata nei, e ta te kau
taunga, i apai ua no te are o to ratou
Atua i Ierusalemia : *E rave* koe i taua
moni ra e oko vave i te au bovi, te au
raima, te au arenio, e to reira mineka,
e te neseka katoa no reira, ka apai ei
ki runga i te atarau i te are o to kotou
Atua i Ierusalemia ra. E te toenga o
te ario, e te auro, ko tauu e maara,
e te au tacake noou ra, e rave i *tauu*
mea ra, ko te rave ia, kia tau ki te
anoano o to kotou Atua. E te au ariki
oki i orongaia atu kia koe ra no te
angaanga i te are o to Atua, e toku i te
reira ki mua i te aroaro o te Atua i
Ierusalemia. E te toe ra tetai mea e
tau no te are o to Atua, e tei tau ia koe
kia oronga atu, kia orongaia mei roto
i te are vairanga apinga a te ariki ra.
Ko au, ko te ariki nei ko Aretkasa-

seta, te akatupu nei au i tetai ture ki
te au tiaki apinga katoa i tera pae vai,
e rave kotou i tenana i ta Ezera taunga,
te tata i te ture a te Atua no te rangi,
22 e umuumu atu ia kotou na, E tae ua
atu ki te taleni ario okotai anere, e te
kora sitona okotai anere, e te bato wina
e kia okotai anere, e te bato inu e kia
okotai anere, e te tai oki auraka e
23 akono i te *maata*. E tei ikuikuia
mai e te Atua o te rangi ra, kia rave
vivikiia ia no te are o te Atua no te
rangi ra : eaa oki i vaoaia i te riri i te
enua o te ariki nei e tana au tamariki ?
24 E te akakite atu nei oki matou kia
kotou, kare e tau ki te ture, kia toku
i te telo, te taunga, e te au peu, ki ru-
nga i te kau taunga, e te au ngati Levi,
te aronga imene, te au tiaki ngutupa,
te au Netini, e te aronga i rave i te
25 angaanga i taua are o te Atua ra. E
ko koe oki e Ezera, i te pakari oki o
to Atua, i roto i to rima ra, e akataka
koe i te aronga akava, e te kavana, kia
akava ratou i te au tangata i tera pae
vai ; te aronga oki i kite i te au ture a to
Atua ; e apai atu oki ia ratou i tei kore i
26 kite ra. E te tangata kare e akono i te
ture a to Atua, e te ture a te ariki, kia
akautunga vaveia atu ia, i te mate ra,
e te tuaru ra, e te noni ra, e te tapeka ra.
27 Kia akameitakiia te Atua o to tatou
ai metua ko Iehova, ko tei toku mai i
teia *manako* ki roto i te ngakau o te
ariki, e akamana i te are o Iehova i
28 Ierusalemia : E kua akatupu i te ta-
kinga-meitaki iaku i mua i te ariki, e
tona ra au tumu korero, e te aronga
mana katoa i o te ariki ra. Maroiroi
akera oki au, no te mea tei runga iaku
te rima o toku Atua ra o Iehova ; e
kua akaputupu iora oki au i te aronga
manaata o Iseraela kia aere katoa i
taua tere noku ra.

PENE VIII.

*Te au ingoa o te aronga i aru ia Ezera
ra : to ratou aerenga, e te tae anga
ki Ierusalemia.*

1 **TEIA** taua aronga mataiapo tutara
ra, teia oki te tuatua anauanga i te
aronga i aere ki runga ko au katoa ra,
mei Babulonia mai, i te au o te ariki
2 ra o Aretkasaseta. To te au tama-
riki a Phineasa ra ; ko Geresoma ia :
to te au tamariki a Itamara ; ko Da-
niela ia : to te au tamariki a Davida
3 ra ; ko Hatusa ia. To te au tamariki
a Sekania ra, to te au tamariki a Pha-
rosa ra ; ko Zekaria ia : koia e te au
tane, i te tatau katoa angaia te anau-

anga, okotai anere e rima ngauru. To te au tamariki a Pahata-moabi ra; ko Elioenai te tamaiti a Zeraia ia, koia e te au tane ra, e rua anere. To te au tamariki a Sekania ra; te tamaiti a Iahaziela ia, koia e te au tane ra, e toru anere. To te au tamariki katoa a Adina ra; ko Ebede te tamaiti a Ionatana ia, koia e te au tane ra, e rima ngauru. To te au tamariki a Elama ra; ko Iesia te tamaiti a Atalia ia, koia e te au tane ra, e itu ngauru. To te au tamariki a Sephatia ra; ko Zebadaia te tamaiti a Mikaela ia, koia e te au tane ra, e varu ngauru. To te au tamariki a Ionaba ra; ko Obadia te tamaiti a Iehiela ia, koia e te au tane ra, e rua anere okotai ngauru ma varu. To te au tamariki a Selomita ra; te tamaiti a Iosiphia ia, koia e te au tane ra, okotai anere e ono ngauru. To te au tamariki a Bebai ra; ko Zekaria te tamaiti a Bebai ia, koia e te au tane ra, okotai takau ma varu. To te au tamariki a Azagada ra; ko Iohana te tamaiti a Hakatana ia, koia e te au tane ra, okotai anere okotai ngauru. To te au tamariki openga a Adonikama, teia to ratou ingoa; ko Elipheleta ia, ko Ieila, e ko Semaia, ko ratou e te au tane ra, e ono ngauru. E to te au tamariki katoa a Bigavai; ko Utai, e ko Zabuda, ko ratou e te au tane ra, e itu ngauru.

Kua akaputuputu iora au ia ratou ki te pac vai e ta'e tika ki Ahava ra; po toru matou i te noo anga i reira i roto i te are piritunga: e kia akara nercia e au taua au tangata ra, e te kau taunga, kare atura e tamariki na Levi i te kitea angaia e au. Kua tono atura au e tiki ia Eliezera, e ia Ariela, e ia Semaia, e ia Eli-natana, e ia Iariba, e ia Eli-natana, e ia Natana, e ia Zekaria, e ia Mesulama, ko nga tangata mamaata ia; e ia Ioiariba, e ia Eli-natana, e puke tangata kite ia. Kua tonono atura au ia ratou ma te tuatua kia Ido, te mataiapo no te ngai ra no Kasiphia, e kua akakite atura au i ta ratou kia karanga atu kia Ido, e tona ai taeake i te au Netini, i te ngai ra i Kasiphia, e kia arataki mai ratou i te aronga raverave no te are o to tatou Atua. E no te takinga-meitaki o to matou Atua i runga ia matou, kua arataki mai ratou i tetai tangata kite, no te au tamariki a Mahali, te tamaiti a Levi, te tamaiti a Iseraela; e ko Serebia, e tana au tamariki, e tona au taeake, okotai ia ngauru ma varu; E ko Hasabia, koia e ko Iesia no te au

tamariki a Merari, tona ra au taeake, e ta ratou au tamariki, okotai takau; E to te au Netini, i tei akonoia e Davida e te aronga mamaata katoa ra no te rave i te angaanga a te ngati Levi, e rua anere e rua ngauru i te Netini: e kua akakite katoa to ratou au ingoa. Kua akakite atura au i tetai nese-teiaanga i reira, i te vai ra ko Ahava, kia taakaaka matou ia matou uaoari ki mua i te aroaro o to matou Atua, kia kimi oki i tetai ara meitaki no matou, e no ta matou au tamariki, e ta matou au apinga katoa. Akama akera oki au kia pati atu i te ariki i te takanava ton, e te au tangata akaaro ipo, ei tauturu ia matou i te enemi i te arataa ra: no te mea i tuatua ana matou ki te ariki, i na ko ana e, Te rima o to matou Atua tei runga ia i te aronga katoa i kimi iaia ei meitaki; *te vai* ra tona mana e tona riri i te aronga i akaruke iaia. Kua neseteia iora matou, e kua pati akatenga i to matou Atua i taua mea ra: e kua akarongoia mai matou e ia. Kua akataka atura au i tei mamaata i te kau taunga okotai ngauru ma rua, ko Serebia, ko Hasabia, ko rana e nga taake no raua tino ngauru; E kua aite atura au kia ratou i te ario, e te auro, e te au ariki ra, ei terume no te are o to matou Atua, ta te ariki, e ta ona tumu korero, e te aronga mamaata nona ra, e ko Iseraela katoa i reira, i oronga maira: Aite atura oki au i roto i to ratou rima e ono anere e rima ngauru i te taleni ario, e te ariki ario ra okotai ia anere taleni, e te auro okotai anere i te taleni; Okotai takau oki kapu auro, okotai tausani i te dareka; e rua kapu veo kakā meitaki, mei te auro katoa ra te meitaki. Kua karanga atura au kia ratou, Kua tapu kotou no Iehova; e te au kapu kua tapu katoa ia; e te ario, e te auro, e apinga apai uaia ia na te Atua o to kotou ai metua na Iehova. E akamaroiroi, e tiaki i taua au apinga ra, e kia aite kotou ki mua i te aroaro o te aronga mamaata o te kau taunga e te ngati Levi, e te ui mataiapo tutara i Iseraela nei, i Ierusalem, i roto i te au pia o te are o Iehova. Kua rave iora te kau taunga, e te au ngati Levi, i taua ario ra, e te auro, e te au ariki, kua oti i te aiteia ra, e apai ki Ierusalem ki te are o to tatou Atua ra. Akaruke iora matou i taua vai ra ko Ahava, i te *rā* okotai ngauru ma rua i te marama mua ra, e aere ki Ierusalem: tei runga oki ia matou te rima o to ma-

tou Atua, e kua akaora aia ia matou i te rima o te enemi, e te aronga i moe-
tapapa ia matou i te arataa ra. Tac 32
maira oki matou ki Ierusalem, e kua
noo iora e po toru akera.

E tae akera ki te a o te rā, i aiteia'i 33
te ario, e te auro, e te au āriki, i roto
i te are o te Atua, i te rima o Mere-
mota te tamaiti a Uria taunga; i reira
katoā Eleazara te tamaiti a Phinehaza;
ko ratou e ko Iozabada te tamaiti a
Iesua, e ko Noadia te tamaiti a Binui,
e ngati Levi anake; Kua ope rava 34
i te tataua e i te aiteia; e kua
tataia taua aiteanga katoa ra i taua rā
tikai ra.

E te au tamariki a te aronga i apai 35
keia ra, ko tei aere mai no te tuikaa
anga ra, kua apai ia i te tusia karaka-
ratio na te Atua o Iseraela, okotai ngau-
ru ma rua i te au bovi na Iseraela
ravarai, e iva ngauru ma ono i te rama,
e itu ngauru ma itu i te arenio, okotai
ngauru ma rua i te puaka-nio toa, ei
tarangaara: ei tusia karakatio anake
te reira na Iehova. Kua apai atura 36
ratou i te tuatua a te ariki ra ki te au
kavana tauturu a te ariki ra, e te aro-
nga mana katoa i teianei pae vai: e
kua tauturu mai ratou i te au tangata, e
te are o te Atua ra.

PENE IX.

*To Ezera aue anga, e tana pure i te
Atua no te tangata ma te auki i
te ara.*

E OTI akera te reira, kua aere maira 1
te aronga mamata kiaku nei, kua
tuatua maira, Te au tangata o Iseraela, e
te kau taunga, e te au ngati Levi, kare
i akataka ke ia ratou i te au tangata o te
pa enua nei; i te rave katoa anga i to
ratou au mea viivii, i ta te ngati Ka-
naana, te ngati Heta, te Perizi, te ngati
Iebusi, te ngati Amona, te ngati Moabi, 2
to Aipliti, e te ngati Amori. Kua rave
oki ratou i ta ratou au tamaine na ratou
orai, e na ta ratou au tamariki: e kua
iropu ua te uanga tapu ki te au tangata
no taua pa enua nei; e te aronga ma-
mata e te aronga kavana, tei maata ia i
taua ara nei. E tei teakarongo anga atu 3
au i te reira tuatua, kua aae au i toku
kakau, e toku moili, e kua uuti au i te
rauru o toku mimiti, e toku kumikumi,
e kua noo iora ma te poitirere. Kua 4
akaputuputua maira kiaku te aronga
ravarai ko tei rutetete i te au tuatua
a te Atua o Iseraela, no te ara a te aro-
nga i apai keia ra; noo poitirere ua

iora au e tae ua atura ki te apai anga i
te tusia aia ra.

- 5 E i te apai anga i te tusia aia ra,
kua tu akera au i taua teiaa noku ra;
kua ngae iora oki toku kakau ra, e toku
moili, kua tuku iora au i oku turi ki
raro, kua oora akera i oku rima ki taku
- 6 Atua kia Iehova, E kua karanga atura,
E taku Atua e, kua akama au e kua
aringaringa oki, kia nānā ua atu au i
toku mata kia koe, e taku Atua: kua
pani io nei oki ta matou ara ki runga
i to matou upoko, e kua tae taua ara
maata ua matou nei ki runga i te au
- 7 rangi. Mei te au rā mairai o to matou
ai metua ra e tae ua akenei ki teianei
rā, kua maata rai ta matou ara; e no
ta matou ara i tukuia'i matou, to ma-
tou au ariki, e to matou kau taunga, ki
te rima o te au ariki no te pa enua nei,
ki te koke, ki te tuikaa, e kia noniia, e
- 8 te mata akama, mei tei teianei rā. E
teianei va'i iti poto ake, kua takinga-
meitaki mai to matou Atua ko Ie-
hova ia matou, i te vaoo ua anga mai
i tetai toenga kia ora, i te oronga anga
mai i tetai mouranga i toa nei ngai
tapu; kua mārama to matou mata i to
matou Atua, e kua oronga mai tetai
manga a'o no matou i to matou tapeka
- 9 anga nei. E aronga tapekaia oki ma-
tou; kare ra to matou Atua i akaruke
mai ia matou nei i to matou tapeka
anga ra, kua akatupu ra aia i te aroa ia
matou i mua i te au ariki no Peresia,
kia oronga mai i tetai manga a'o no
matou nei, kia akatu i te are o to matou
Atua, e kia meitaki akaou toa au ngai
i pou, e kia oronga mai i te patu no ma-
tou i Iuda nei e Ierusalem. E teianei,
- 10 e to matou Atua, e akapeea atu
oki matou i teianei? kua akaruke oki
11 matou i taua au akauenga, I taua i
akaue mai i to au tavini ra i te au peroveta,
ka tuatua mai ei ra e, Te enua ta
kotou e aere e noo nei, e enua viivii ia,
no te viivii o to te pa enua nei, e ta ra-
tou au ravenga rikarika: kua ki rava
oki te reira i ta ratou au ravenga viivii,
mei tetai matamata e tae ua atu ki
- 12 tetai matamata; E tenana, auraka e
orongaiia ta kotou au tamaine ki ta
ratou au tamaroa, auraka oki e rave i
ta ratou au tamaine na ta kotou au ta-
maroa; auraka rava e kimiia te au no
ratou, e te meitaki no ratou, e tuatua
ua atu: kia maroiroi oki kotou, e kia
kai kotou i te meitaki o te enua nei, ka
vaoo ei ei ipukarea no ta kotou au ta-
13 mariki e tuatua ua atu. E teianei tei
iri mai ki runga ia matou i ta matou
nei au ravenga kino, e ta matou nei ara

maata, ko koe oki, e to matou Atua, kua akaiti koe i *ta matou* utunga, kare e aite ki ta matou nei ara, e kua oronga mai oki koe i te oramei teianei; E tika 14 ainei oki kia atikau akaou matou i taau au akauenga, ka akaaiteite ei i te tuatua i te aronga i *rave* i teianei au mea viivii? kare ainei koe e riri mai ia matou e pou takiri rava matou nei, e kia kore rava e toe te tangata kia ora? E 15 te Atua o Iseraela, e Iehova e, e tuatua-tika taau; te vai nei rai matou, kua ora, mei tei teianei rā: i na, teia matou tei mua i to aroaro ma ta matou au ara *katoa*, no te reira i kore ei matou nei e mou ki mua ia koe na.

PENE X.

Te tatarara a te au tangata, e te ariu anga ki te meitaki.

E OTI akera te pure a Ezera, e kua 1 aaki aia i *te ara*, ma te aue e ma te tipapa ua ki raro ki mua i te are o te Atua, kua akaputupu maira kiaia no roto ia Iseraela ra tetai uipānga maata ua atu, te tane e te vaine, e te tamariki: e aue maata oki to te tangata. Kua 2 tuatua mairā Sekania te tamaiti a Iehiela, no te au tamariki a Elama, kua na ko maira kia Ezera, Kua ara matou i to matou Atua, kua rave i te au vaine ke no te tangata o te enua nei: e teianei, te vai nei rai te manakoanga no Iseraela i taua mea nei. E teianei, e papau ana tatou i te kororomotu ki to 3 tatou Atua, e tuku ke atu i taua au vaine katoa nei, e ta ratou au tamariki, taau i tuatua na, e taku pu, e ta te aronga katoa e rutetete i te akauenga a to tatou Atua; e kia akaperaia ia mei te tau i te ture ra. Ka tu; e tau 4 oki teianei tuatua ia koe: e na matou koe e tauturu atu: e akamaroiroi, e rave.

Kua tu akera Ezera, kua tuku atura 5 te taputou ki tei mamaata i te kau taunga ra, te ngati Levi, e kia Iseraela ravarai, e akapera ratou i taua tuatua ra. Kua taputou iora ratou.

Kua tu mai a Ezera mei mua mai i 6 te are o te Atua ra, e kua aere atura ki roto i te pia o Iohanana te tamaiti a Eliasiba: e tae atura ki reira, kare i kai i te kai, kare i inu i te vai: te aue ra oki aia i te ara a te aronga i apai keia ra. Kua akakite aere atura ra- 7 toutou i te tuatua ki to Iuda, e Ierusalem, ki te au tamariki katoa no te tuikaanga ra, kia akaputupu mai ratou ki Ierusalem; E te kore e tae 8 maira e po toru akera, i te tuatua a te ui mataiapo e te aronga pakari ra, ka

riro tana apinga katoa, e ka akataka keia aia uaorai i te uipānga o taua aronga i apai keia ra.

- 9 Kua putupu maira to Iuda ravarai e to Beniamina ki Ierusalem i taua potoru ra. Tei te iva o te marama, tei te takau okotai o te *rā* i taua marama ra; te noo ua ra te au tangata katoa i roto i te ngai atea o te are o te Atua, te rutetete ra i taua mea ra, e te ua 10 maata. Kua tu akera te taunga ra ko Ezera ki runga, e kua karanga atura kia ratou, Kua ara kotou, e kua rave i te au vaine ke, i maatai te ara a Iseraela. E tenana, ka aaki i *ta kotou ara* 11 ki te Atua o to kotou ai metua ra kia Iehova, e rave oki i tei tau iaia; e akataka ke oki ia kotou orai i te au tangata o te enua nei, e teianei au vaine ke. Kua tuatua maira taua uipānga katoa ra, na ko maira, ma te reo maata, Ko taau rai i tuatua maira, kua tika ia 13 matou kia rave. Te maata nei rai te tangata, e tuatau ua maata oki teia, kare matou e tika kia noo ua ki vao, kare oki teia i te angaanga no te *rā* okotai e te rua; e manganui oki matou 14 i rave i taua ara nei. E akataka ana ra te aronga maata katoa i to matou nei uipānga, e aere mai oki te aronga katoa i to matou nei au oire, i rave i te vaine ke ra, i te taime i akonoia ra, e te aronga pakari katoa no te au oire ravarai, e to reira au akava, kia ruri keia to riri maata o to tatou Atua ia tatou nei i taua ara ra.
- 15 Ko Ionatana te tamaiti a Asahela anake ra, e ko Iahazia te tamaiti a Tikeva, tei rave i taua *angaanga* ra: e ko Mesulama, e ko Sabetai ngati Levi, te tauturu ia raua.
- 16 E kua akapera te au tamariki i tuikaanga ra. Kua akatakaia iora te taunga ra ko Ezera, e tetai pae i taua aronga mataiapo tutara ra, i te ngutuare o ratou ai metua ra, kua akakiteia i te ingoa, noo iora ratou ki raro i te *rā* okotai i te marama okotai ngauru e kimi i taua 17 tuatua ra. E tae akera ki te *rā* mua i te marama mua ra, ope rava akera te au tangata i rave i te vaine ke ra.
- 18 Kitea iora to roto i te au tamariki a te kau taunga ra, i tei rave i te vaine ke ra: to te au tamariki a Iesua, te tamaiti a Ioizadaka, e toa ai taacake; ko Maascia, e ko Eliezer, e ko Iariba, e 19 ko Gedalia. Kua oronga maira ratou i to ratou rima e tuku ke ratou i ta ratou au vaine: e no te mea kua ara, *kua apai ratou* i tetai rama no roto i te 20 anana no ta ratou ara. E to te au tamariki a Imera ra; ko Hanani, e ko

Zebadaia. E to te au tamariki a H- 21
rima ra; ko Maaseia, e ko Elia, e ko
Semaia, e ko Iehiela, e ko Uzia. E to 22
te au tamariki a Pasahura; ko Elieo-
nai, ko Maaseia, ko Isemaela, ko Ne-
taneela, ko Iozabada, e ko Elasa. To 23
te ngati Levi katoa; ko Iozabada, e ko
Simeï, e ko Kelaia, koia oki ko Kelita,
ko Petaia, ko Iuda, e ko Eliezera. E 24
to te aronga imene katoa; ko Eliasiba:
e to te au tiaki ngutupa; ko Saluma, e
ko Telema, e ko Uri. E to Iseraela 25
katoa ra: to te au tamariki a Parosa;
ko Ramia, e ko Iezia, e ko Malekia, e ko
Miamina, e ko Eleazara, e ko Malekia,
e ko Benaia. E to te au tamariki a 26
Elama; ko Matania, ko Zekaria, e ko
Iehiela, e ko Abadi, e ko Ieremota, e
ko Elia. E to te au tamariki a Zatu; 27
ko Elieonai, ko Eliasiba, ko Matania, e
ko Ieremota, e ko Zabadi, e ko Aziza.
E to te au tamariki a Bebai; ko Ieho- 28
hanana, ko Hanania, ko Zabai, ko
Atalai. E to te au tamariki a Bani; 29
ko Mesulama, ko Maluka, e ko Adaia,
ko Iasuba, e ko Seala, e ko Ramota. E 30

to te au tamariki a Pahata-moabi; ko
Adana, e ko Kelala, ko Benaia, ko Ma-
seia, ko Matania, ko Bezaleela, e ko Bi-
nui, e ko Manase. E to te au tamariki
a Harima; ko Eliezera, ko Isia, ko
32 Malakia, ko Semaia, ko Simcona, ko Be-
niamina, ko Maluka, ko Samaria. To
33 te au tamariki a Hasuma; ko Matenai,
ko Matata, ko Zabada, ko Elipheleta,
34 ko Ieremai, ko Manase, ko Simeï. To
te au tamariki a Bani; ko Maadai, ko
35 Amerama, e ko Ucla, ko Benaia, ko
36 Bedeia, ko Kelu, ko Vania, ko Mere-
37 mota, ko Eliasiba, ko Matania, ko
38 Matenai, e ko Iaasau, E ko Bani, e ko
39 Binui, ko Simeï, E ko Selemia, e ko
40 Natana, e ko Adaia, ko Makenadebai,
41 ko Sasi, ko Sarai, ko Azareela, e ko
42 Selemia, ko Semaria, ko Saluma, ko
43 Amaria, ko Iosepha. To te au tamariki
a Nebo; ko Ieila, ko Matitia, ko Za-
bada, ko Zebina, ko Iadau, e ko Ioela,
44 ko Benaia. E vaine ke anake ta teia-
nei aronga: e tetai pae o ratou, kua
anau ta ratou tamariki i taua au
vaine ra.

NEHEMIA.

PENE I.

*Kite akerā Nehemia i te tu o Ierusa-
lema, kua neseteia iora, e kua pure.*

TE tuatua a Nehemia te tamaiti a 1
Hakalia ra.

Tae akera ki te marama ra ia Kisi-
leu, i te mataiti okotai takau ra, iaku i 2
Susana i te are ariki ra, Kua aere
mairā Hanani, tetai tacake oku ra, koia
e ko etai tangata no Iuda; kua ui
atura au kia ratou i te au ngati Iuda i
ora ra, ko tei toe i te tuika ra, e ia 3
Ierusalem katoa oki. E kua tuatua
maira ratou kiaku, Te toenga, ko tei
toe i te aronga i tuika, i noo ei i te
enua ra, e tumatefenga manta to ratou,
e te akakino angua: te vai ngaangau
ua nei oki te patu o Ierusalem, e te au
ngutupa kua ka i te ai.

E kite akera au i te reira tuatua, 4
kua noo au ki raro ma te aue, e kua
mii ua au i etai puke rū, e kua neseteia

au, e kua pure ki mua i te aroaro o te
5 Atua o te rangi, E kua karanga atura
au, Te pure atu nei au ia koe, e te
Atua no te rangi, e Iehova, e te Atua
mnaa e te matakua, ko tei akono i te
koreromotu e te aroa i te aronga i
inangaro iaia, e kua mako i tana au
6 akauenga: E akarongo mai to taringa
i teianei, e akapuera mai oki o mata,
kia rongo koe i te pure a to tavini,
taku e pure ua atu ki mua ia koe i
teianci, i te po e te ao, i te au tamariki
a Iseraela, i to au tavini; e te aaki nei
au i te au ara a te tamariki a Iseraela,
ta matou i rave ia koe nei: ko au e te
ngutua katoa o toku metua, kua ara
7 katoa ia. E takinga-kino to matou ia
koe, kare rai i akono i te au akauenga,
e te au akonoanga, e to au tuatua-tau
ra, tauu i akauc mai ki to tavini ra kia
8 Mose. Te pure atu nei au kia koe, e
akamaara i te tuatua taau i akauc i to
tavini ra kia Mose, ka na ko ei ra e, I
rave kotou i te kino, e akapueurikiriki

ke atu au ia kotou ki te pa enua: Kia 9
 ariu maira ra kotou kiaku ra, e kia
 akono mai i taku nei au akauenga, e
 kua rave i te reira; akangaoro ua
 kotou e tae ua atu ki te openga rava o
 te rangi ra, ka akaputuputua mairai
 ratou e au mei reira mai, e ka apai
 mairai au ia ratou ki te ngai i ihiia e
 au ei vairanga no toku nei ingoa. E 10
 teianei, ko toou teianei au tavini, e
 toou ia au tangata, i akaorua e koe i
 toou ra mana maata, e toou rima ma-
 rorō. Te pure nei au kia koe, e te 11
 Atu, kia akarongo mai to taringa i te
 pure a to tavini nei, e te pure a to au
 tavini ra, i tei anoani i te matakū i
 toou ra ingoa: e te pati atu nei au ia
 koe, e akamanuia mai i ta to tavini
 i teianei rā, kia aroaia mai nia e teianei
 tangata. E apai kapu oki au na te
 ariki.

PENE II.

*Te tuatua i te rauka anga ia Nehemia,
 e kua aere mai ki Ierusalemā: kia
 ako aia, kua rave ratou i te patu,
 vaoo te enemi kia riri ua mai.*

E TAE akera ki te marama ra ia 1
 Nisana, i te mataiti tai takau o te
 ariki ra o Aretakasaseta, *te vai ra* te
 wina ki mua i tona aroaro: kua rave
 iora au i taua wina ra, e kua tuku
 atura ki te ariki ra. Kare rai *toku*
mata i kinokino ana i mua i tona aro-
 aro. Kua tuatua maira te ariki kiaku, 2
 Eaa te mea i kinokino ci to mata na,
 kare oki koe i maki? e aue ngakau
 tena. Matakū rava akera au i reira;
 E kua karanga atura ki te ariki, Kia 3
 ora te ariki e tuatau ua atu: eaa te
 mea, e kore ei e kinokino toku mata, te
 vai tanea ua ra te oire, te ngai menema
 o toku ai metua, e kua ka te au ngu-
 tupa i te ai? Kua tuatua maira te 4
 ariki kiaku i reira, Eaa taua e pati
 mai? Pure atura au e te Atua no te
 rangi. E kua karanga atura au ki te 5
 ariki, Kia tika i te ariki, e te aroa
 maira koe i to tavini nei, e tono koe
 iaku ki Iudea, ki te oire o te au me-
 nema o toku ai metua ra, kia patu au i 6
 te reira. Kua tuatua maira te ariki
 kiaku, (te noo katoa ra te ariki vaine i
 waitata,) Mei te aa ra te roa o taua tere
 noou ra? e aea koe e oki mai ci? Kua
 akakite atura au i *toku* ron, e kua tika 7
 i te ariki i te tono iaku ra. Kua ka-
 rangā atura oki au ki te ariki, Kia tika
 ia koe, e te ariki, ci leta te o mai
 kiaku nei na te au kavana i tera pae
 vai, kia tuku ratou iaku kia aere ua

8 ana e tae ua atu au ki Iudea ra; E
 tetai leta na Asapha i te tiaki i te ngai
 vaorakau a te ariki ra, kia oronga mai
 aia i te rakau, ei rakau no te au ngu-
 tupa o te iero no te are, e no te patu o
 te oire, e no te are taku e tomo ki roto
 ra. Kua akatika maira te ariki i taku
 ra, no te rima takinga-meitaki o toku
 Atua i runga iaku ra.

9 E tae atura au ki te au kavana i
 tera pae vai, e kua tuku atura au i te
 au leta a te ariki ra. I tono ana te ariki
 i te aronga kapena o te nuku, e te au
 tangata akaoro ipo ci kave iaku. Kite 10
 akera Sanabalata te Horoni, e Tobia
 tavini ngati Amona e, tera maira tetai
 tangata i aere mai e kimi i te meitaki
 o te tamariki a Iseraela, ongoongo rava
 akei a raua i te reira.

11 Tae atura au ki Ierusalemā, e po
 12 toru akera au i reira. Kua tu akera
 au ki runga i te po, ko au, e ko e toko-
 tai tangata katoa; kare rai oki au i
 akakite ua atu i tetai tangata i ta toku
 Atua i tuku mai ki roto i toku ngakau
 kia rave i Ierusalemā: e kare oki o
 reira e puaka mari ra ko te puaka i

13 nooia e au ra. Aere atura au ki vao
 i te po, na te ngutupa o te o ra, na mua
 atu rai i te ruavai tanina ra, e tae ua
 atura ki te ngutupa repo ra, atoro
 akera au i te au patu ngaa ra i Ierusa-
 lema, e te au ngutupa i pou i te ai ra.

14 Aere ua atura au e tae ua atura ki te
 ngutupa o te punavai ra, e te va'a te
 ariki ra: kare ra e ara e o atu ei te

15 puaka i raro iaku ra kia aere. Kua
 aere iora au i taua po ra na te pae kau-
 vai, e kua akara iora i te patu, e kua
 oki maira au, e kua tomo na te ngu-

16 tupa o te o ra, e kua oki atura. Kare
 oki te au kavana i kite i taku i aere ra,
 e taku i rave; kare rai oki au i akakite
 ki te ngati luda, e te kau taunga, e te
 aronga mana, e te au kavana, e te aro-
 nga e toe e akamaroiroi i te angaanga.

17 Kua karanga atura au kia ratou,
 Te kite ra kotou i to tatou tumate-
 tenga, e te vai tanea ua ra Ierusalemā,
 e kua ka te au ngutupa i te ai; ka aere
 tatou e tuki i te patu o Ierusalemā, kia

18 kore tatou e akakino akaouia. Kua
 akakite atura au i te rima takinga-
 meitaki o taku Atua i runga iaku; e
 te tuatua oki ta te ariki i tuatua mai
 kiaku ra. Kua tuatua maira ratou, E
 tu tatou ki runga e patu. Kua akama-
 roiroi iora ratou i to ratou rima no
 taua *angaanga* meitaki ra.

19 Kite akera Sanabalata te Horoni, e
 Tobia tavini ngati Amona, e ko Ge-
 sema te Arabia ra, kua taitoitō maira

ratou ia matou, e kua akavaavaa mai ia matou, e kua na ko maira, Eaa tena mea ta kotou i rave na? e kaitamaki ainei kotou i te ariki? Kua karanga 20 atura au kia ratou, na ko atura kia ratou, Na te Atua o te rangi e akamanuia i ta matou nei; e teianei, ka tu matou ko tona au tavini e patu: kare rai a kotou tuanga, kare a kotou puapinga, kare oki e manakoanga, i Ierusalemā nei.

PENE III.

Te au ingoa o te aronga i tuki i te patu ra.

KUA tu akera te taunga maata ra 1 ko Eliasiba ki runga, e tona ra ai tacake taunga, e kua patu iora i te ngutupa mamoe ra; kua akatapu iora ratou, e kua akatu i to reira au pa; mei te punanga maira o Mea e tae ua atura ki te punanga o Hananeia, ko ta ratou ia i akatapu ra. E vaiatao iaia 2 ra, kua patu iora te au tangata o Ieriko. E vaiatao ia ratou ra, kua patu iorā Zakura te tamaiti a Imeri ra.

Kareka te ngutupa ika ra, na te au tamariki ia a Hasenaa i patu, na ratou 3 katoa i akamou i to reira nga tea, e kua akatu i to reira nga pa, to reira nga loka, e to reira nga tea ra. E vaiatao ia ratou ra, kua patu iorā Meremota, te tamaiti a Uria, te tamaiti a Kozā. E vaiatao ia ratou ra, kua 4 patu iorā Mesulama, te tamaiti a Berekia, te tamaiti a Meszabeela. E vaiatao ia ratou ra, kua patu iorā Zadoka te tamaiti a Baana. E vaiatao ia ratou ra, kua patu iora to Tekoa ra; kare ra to ratou aronga mamaata i tuku ana i to ratou kaki ki te angaanga a to ratou Atū.

E te ngutupa taito ra, na Iehoiada 6 te tamaiti a Pasea, e ko Mesulama te tamaiti a Besodeia, i patu; na ratou i akamou i to reira nga tea, e kua akatu i to reira nga pa, e to reira nga loka, e to reira nga tea ra. E vaiatao ia ratou 7 ra, kua patu iorā Melatia te Gibeona, e ko Iadona te Meronota, te au tangata no Gibeona, e no Mizepa, e tae ua atu ki te terono o te kavana i teianei pae vai. E vaiatao iaia, kua patu iorā Uziela, 8 te tamaiti a Hamaia, e tupaki auro. E vaiatao iaia, kua patu iorā Hanania te tamaiti a tetai taunga akaputu vairaku; kua vaoia oki Ierusalemā e tae ua atura ki te patu pararauare ra. E vai- 9 tatao ia ratou ra, kua patu iorā Rephaia, te tamaiti a Hura, te kavana no tetai pae Ierusalemā. E vaiatao ia ratou ra, 10

kua patu iorā Iedaia, te tamaiti a Harumapha, i vaiata i tona uaoari are. E vaiatao iaia, kua patu iorā Hatusa 11 te tamaiti a Hasabenia. Ko Malekia, te tamaiti a Harema, e ko Hasuba, te tamaiti a Pahata-moabi, ko tei patu i te ngai toc, e te punanga o te au umu 12 ra. E vaiatao iaia, kua patu iorā Saluma te tamaiti a Haloheza, te kavana o tetai pae Ierusalemā, koia ma tana au tamaine.

13 Te ngutupa o te o ra, na Hanuna ia i patu, e te au tangata no Zanoa; na ratou i patu, e kua akatu i to reira nga pa, to reira nga loka, e to reira nga tea; e te patu oki okotai tausani i te kubiti e tae atura ki te ngutupa repo 14 ra. Kareka te ngutupa repo ra, na Malakia ia i patu, te tamaiti na Rekaba, te kavana no tetai pae i Bete-hakerema; nana i patu, e kua akatu i to reira nga pa, to reira nga loka, e to reira nga tea oki. Kareka te ngutupa 15 o te punavai ra, na Saluna te tamaiti a Kole-hoze ia i patu, te kavana o tetai pae i Mizepa; nana i patu, e kua tapoki, e kua akatu i to reira nga pa, to reira nga loka, e to reira nga tea, e te patu i te vai ra ko Siloa, i te pae kainga o te ariki ra, e te arataa e eke ei ki raro mei te oire mai o Davida.

16 E muri ake iaia, kua patu iorā Nehemia te tamaiti a Azabuka, te kavana o tetai pae i Bete-zura, mei te ngai i anga tika ki te au menema o Davida, e tae ua atu ki te vai i angaia ra, e i te are 17 o te aronga toa ra. E muri ake iaia, kua patu iora te ngati Levi, ko Rehuma te tamaiti a Bani. E vaiatao iaia, kua patu iorā Hasabia, te kavana o tetai pae i Keila, i tona ra ngai. E 18 muri ake iaia, kua patu iora tona tacake ko Bavai, te tamaiti a Henadada, te kavana o tetai pae i Keila.

19 E vaiatao iaia, kua patu iorā Ezere te tamaiti a Iesua, te kavana i Mizepa, i tetai ngai i anga katoa i te kakenga ki runga i te vairanga taonga tamaki i te 20 poo ra. E muri ake iaia, kua patu maroiroi iorā Baruka, te tamaiti a Zabai, i te pae i toc, mei taua poo maira, e tae ua atu ki te ngutupa o te are o 21 Eliasiba taunga maata ra. E muri ake iaia, kua patu iorā Meremota te tamaiti a Uria, te tamaiti a Kozā, i tetai ngai, mei te pa o te are o Eliasiba, e tae ua atura ki te openga mai o taua are o 22 Eliasiba ra. E muri ake iaia, kua patu iora te kau taunga, te au tangata no te 23 ngai mataataa ra. E muri ake iaia, kua patu iorā Beniamina raua ko Hasuba, i vaiata i to raua are. E muri

ake iaia, kua patu iorā Azaria te tamaiti a Maaseia, te tamaiti a Anania, i tona pae are. E muri ake iaia, kua patu iorā Binui te tamaiti a Henadada i tetai ngai, mei te are o Azaria ki te ngai i mingi maira, e tae ua atura ki te poo ra. Ko Palala, te tamaiti a Uzai, 25 i anga katoa i te poo e te punanga i piko tika mai ki vao i te are teitei o te ariki, i vaiata ki te paepae o te are tapekanga ra. E muri ake iaia, ko Pedaia te tamaiti a Parosa. E te au 26 Netini tei noo i Ophela, kua patu iora i te ngai i anga tika ki te ngutupa yai i te pae i te itinga o te rā ra, e te punanga i akaārō ua mai ki vao. E 27 muri ake ia ratou ra, kua patu iora to Tekoa ra i tetai ngai, tei anga tika ki te punanga maata i akaārō ua mai ki vao, e tae ua atura ki te patu ki Ophela. Kua patu iora te kau taunga 28 mei te ngutupa ipo ra i runga maira, te tangata katoa i vaiata i tona are. E muri ake ia ratou ra, kua patu iorā 29 Zadoka te tamaiti a Imera, i tei anga tika ki tona are. E muri ake iaia, kua patu iorā Semaia, te tamaiti a Sekania, i te tiaki i te ngutupa i te pae i te itinga o te rā ra. E muri ake iaia, kua 30 patu iorā Hanani, te tamaiti a Selechia, e ko Hanuna, te toko ono o te au tamariki a Zalapha, i tetai ngai. E muri ake ia ratou ra, kua patu iorā Mesulama te tamaiti a Berekia, i tei anga tika ki tona pia. E muri ake iaia, kua patu 31 iorā Malekia, te tamaiti a tetai tupaki auro ra, e tae ua atu ki te ngai o te au Netini, e to te aronga oko ra, e anga tika akera ki te ngutupa ra ko Miphekada, e te kakenga ki runga i te poo ra. E taua kakenga ki runga i te poo 32 ra, e te ngutupa mamoe ra i rotopu iora, na te aronga tupaki auro e te aronga oko ra i patu.

PENE IV.

*Te aviri ra te au enemi, te pure rā
Nehemia ma te tapapa.*

KITE akērā Sanabalata e, te tuki 1 ra matou i te patu, makitakita akera aia, e riri rava akera, e kua aviri maira i te ngati Iuda. Kua karanga atura aia ki mua i tona au taeake, e te nuku katoa i Samaria, na ko atura, 2 Te aa ua ra tera ra au ngati Iuda riri-iti ra? ka vaoia ainei ratou? ka apai ainei ratou i te tusia? ka oti ainei ia ratou i te rā okotai? ka rave akou ainei ratou i te au toka i ka i te ai no roto i te patu ngaangaa ra? *Te tu ua* 3 *ra te ngati Amona ra ko Tobia i vaiata*

iaia, e kua tuatua akera aia, Kia kake 4 ua tetai suoli i tera ra patu toka, ta ratou i tuki akera, ka ngaoro ia ki raro. 4 E akarongo mai, e to matou Atua; kua akavaavaia mai oki matou: e akaoki i te akakino na ratou i runga i to ratou uoara mimiti, e tuku atu koe ia ratou 5 kia pou i te enua e tuika: Auraka kia tapokiia to ratou kino, auraka kia taparaparaia ta ratou ara i mua ia koe: kua akakoko oki ratou kia riri i 6 mua i te aronga tuki patu nei. Kua tuki ra matou i taua patu ra, te patu katoa ra kua topiriia mai ia tetai pae ra: kua tae oki te ngakau o te tangata ki taua angaanga ra. 7 Kite akērā Sanabalata, e Tobia, e to Arabia, e te ngati Amona, e te Asadoda e, kua tukiiia te patu i Ierusalem, e kua vaiata te au ngai i ngaangaa i te 8 popaniia ra, riri rava akera ratou; Kua kotikoti kupenga akera ratou raravi, e aere mai e tamaki ia Ierusalem, e kia riro taua angaanga ra ei mea kino. 9 Kua pure iora ra matou i to matou Atua, kua akataka i te aronga e tapapa ia ratou i te po e te ao, i te matakua ia 10 ratou. Kua tuatua maira Iuda, Kua atiau te maroiroi o te aronga apai i te apainga, e te maata nei te teita; kare teiane ratou e oti ia tatou kia tuki ra. 11 E te tuatua ra oki te au enemi, Kare ratou e kite, kare oki e akara mai, e tae ua atu ei tatou ki rotopu tikai ia ratou, ka ta ai ia ratou, e akakore i taua 12 angaanga ra. Kua aere maira te au ngati Iuda i noo i vaiata ia ratou, e kua tuatua maira kia matou, kua ngauru oki te tuatua anga, Mei te au ngai katoa ta kotou e noo ra ka oki mai ei ia 13 matou nei. Kua akanoo iora au i te au tangata, i te au ngai i raro i muri mai i te patu, i te au ngai i runga ake, kua akanoo oki au ia ratou, i to ratou au kopu-tangata, ma to ratou au koke, to ratou au korare, e to ratou 14 au ana. Kua akara atura au, e kua tu ki runga, e kua karanga atura ki te aronga mamaata, e te au kavana, e te toenga o te au tangata, Auraka kotou e matakua ia ratou: e akamaara i te Atua, i te maata e te matakuaia ra, ka tamaki ei kotou kia ora to kotou au taeake, ta kotou au tamaroa, e ta kotou au tamaine, ta kotou au vaine, e to kotou au are. 15 Kite akera to matou au enemi e kua kitea e matou, e kua riro ta ratou tuatua ei mea puapinga kore i te Atua, kua oki anake atura matou ki te patu, ko te tangata ko tana angaanga e pini 16 ua ake. Mei te reira rā mairai, tetai

pae tavini oku ra i te ravo anga i te angaanga, e tetai pae tei mou ua i te au korare, te au paruru, e te au ana, e te au tapoki-umauma; e te au kavana tei muri mai ia i te ngutuare ra o Iuda. Te aronga i tuki i runga i te patu ra, e 17 te aronga i apai i te apainga, e te aronga i akauta i rungio, kua rave rima okotai ua i te angaanga, e tetai rima tei rave i te taoonga tamaki. Te aro- 18 nga tuki patu ra, kua riria tana koke ki tona taukupu ra, ka tuki ei i te patu ra. E ko tei akatangia i te pu ra tei vaitatao ia iaku. Kua karanga atura au ki te 19 aronga mamaata, e te au kavana, e te toenga o te au tangata, E angaanga maata, e te tuputupua, e kua taka ke tatou i runga i te patu nei, tei te mamao ke rai tetai e tetai. I te ngai 20 ra ka kite ei kotou i te tangi o te pu ra, e oro mai kotou i reira kia matou nei: na to tatou Atua e tamaki i ta tatou tamaki.

Kua tauta iora maton i taua anga- 21 anga ra: e na tetai pae i mou i te au korare, mei te popongi mai e kia kitea mai te au etu ra. Kua karanga atura 22 au ki te au tangata i reira, E moe te tangata katoa e tona tavini i roto i Ierusalema nei, ei tiaki ia tatou nei i te po, e kia ao ka rave ei i te angaanga. Kare akerai au, e taku au tae- 23 ake, e te au tavini noku, e te au vacau i aru mai iaku ra, kare akerai matou i kiriti i to matou kakau, *uere ioru* te tangata katoa ma tana taoonga i te tiki vai.

PENE V.

To tailaia ra te ngati Iuda i te mea kua riro ei kaiou: i te ako a Nehemia kua akakorcia taua ou ra.

E AUE maata to te au tangata, e ta 1 ratou au vaine, i to ratou ai taeake i te ngati Iuda. Kua tuatua maira 2 oki tetai pae, E manganui matou, e ta matou tamariki tamaroa ma te tamaine: e kua rave iora matou i te sitona kia kai matou e kia ora. Kua 3 tuatua maira oki tetai pae, Kua riro to matou nei au kainga tei te ou, te au kainga vine, e te au are, kia oko matou i te sitona, no te onge nei. E 4 kua tuatua maira oki tetai pae, Kua pati matou i te moni i to matou au kainga e te au kainga vine, ei taunga na te ariki. E i na, okotai oki o ma- 5 tou arite e to matou au taeake, ta matou au tamariki ma ta ratou katoa ra au tamariki: e i na, teia matou ka akariro i ta matou au tamaroa e te au

tamaine ei aronga ao, e kua riro tikai oki ta matou au tamaine ei aronga ao i *teiane* rai: kare oki e tika ia matou *kia oko akaou*; kua riro oki to matou au kainga e te au kainga vine, tei ia etai ke.

6 Kite akera au i to ratou aue, e taua 7 au tuatua ra, riri rava akera au. Kua akacatu iora toku ngakau i te ravenga, e kua akamura atura au i te aronga mamaata, e te au kavana, e kua karanga atura au kia ratou, Te umumu na kotou i te oko, kotou katoa i to kotou ai taeake. Kua akono iora au 8 i tetai uipanga maata ia ratou. Kua karanga atura au kia ratou, Kua oko akaonia e matou, i tei tau katoa ia matou, to tatou au taeake ngati Iuda, tei okoia atu ki te au etene; e ka oko ainei oki kotou i to kotou ai taeake? e ei roto ia tatou uorai nei ainei ratou oko ei? Kua muteki ua iora ratou, 9 kare i ki mai. Kua karanga atura oki au, Kare te mea meitaki ta kotou e rave na; kare ainei e tika ia kotou kia aere ma te mataku i to tatou Atua, no te akakino anga o te au etene, to tatou 10 au enemi? Ko au katoa oki, e toku ra au taeake, e toku au tavini, e tika katoa ia kia umumu atu i te moni, e te sitona, ia ratou: e akaruke tatou i taua peu oko ra, taku ia tuatua kia 11 kotou. E akaoki ana kia ratou, i teiane rai ra, i to ratou au kainga, to ratou au kainga vine, to ratou au kainga olive, e to ratou au are, e okotai anere o te tuanga o te moni, e te sitona, e te wina, e te inu, ta kotou i umumu ia ratou ra, ko taku ia tuatua kia kotou. 12 Kua tuatua maira ratou, E akaoki matou, kare atu matou e umumu i ta ratou; ka pera matou i taua i tuatua mai na. Kua karanga atura au ki te kau taunga, e kua tuku atu au i te taputou kia ratou e, e akono ratou i 13 taua tuatua ra. Kua ruru au i taku pareu, e kua karanga atura au, Kia pera mai te Atua i te ruru i te tangata ravarai i tona ngutuare, e tana angaanga, tei kore i akono i taua tuatua nei, kia akaperaiia aia i te ruru, e kua riringiia ki vao. Kua tuatua maira taua uipanga katoa, Amene; e kua akameitaki ia Iehova. E kua akono atura te tangata i taua tuatua ra. 14 E mei te tuatua mairai i akonoia'i au nei ei kavana no ratou i te enua ra i Iuda, mei te mataiti tai takau maira, e tae ua akera ki te mataiti tai takau e okotai ngauru ma rua i te au i te ariki ra ia Aretakasaseta, okotai ngauru ma rua i te mataiti, kare au e taku au tae-

ake katoa i kai i te kai a te kavana. Kareka te au kavana i muatangana ra, 15
kua teiaia ia te tangata ia ratou, e kua
rave ia i ta ratou, i te areto, e te wina, e
rua takau sekela ario i te rā okotai; e
kua akaapo katoa te au tavini no ra-
tou ki runga i te au tangata: kare ra au
i akapera, no te mea te matakū ra au i
te Atua. E kua rave taniou oki au i 16
teianci patu, kare oki taniou o ko i te
kainga: i putuputu mai oki toku ra au
tavini katoa ki te ngai angaanga. Oko- 17
tai oki anere e rima ngauru ngati Iuda
e te aronga kavana i taku ra kaingakai,
te taka atura tei aere mai kia matou no
te au etene i waitata maira. Okotai 18
oki bovi, e te mamoe meitaki e ono, i
akonoia naku no te rā okotai; e te moa
katoa oki i te rave katoa anga naku, e
kua po ngauru katoa ra, e wina ia e
manganui te tu: e kare au i umuumu
atu i ta te kavana ra kai, no te mea e
teiaa maata tei runga i taua au tangata
nei. E akamaara mai iaku, e taku 19
Atua e, kia meitaki au, mei taku oki i
rave i teianci au tangata.

PENE VI.

*Te ravenga a te au enemy ei akataitaitaia
ia ratou: e pakari maata to Nhe-
mia, e te matakū kore.*

KITE akerā Sanabalata, e ko To- 1
bia, e te Arabia ra ko Gesema, e
tetai pae enemy katoa ra e, kua tukia
e au te patu ra, e kare e ngai ngaanga
i toe; (kare ra i akatua e au te au pa i
te tomoanga i reira;) Kua tonono mairā 2
Sanabalata raua ko Gesema i te karere
kiaku, na ko maira, E aere mai ki tetai
o te au vila i te ngai mataatā i Ono ra,
ei reira tatou aravei ei. Te manako 3
takinga-kino ra raua iaku. Kua tonono
atura au i nga karere kia raua, karanga
atura, E angaanga maata taku e rave
nei, kare e tika iaku kia aere ki raro
na: eaa e tika'i iaku kia akaruke i te
angaanga kia mutu, ka aere atu ei ki
ko na kia kotou na? E ka a akera 4
karere anga mai kiaku nei mei te reira
rai te tu, e kua pera rai oki taku tua-
tua anga atu kia raua ra.

Kua tonono mairā Sanabalata i tona 5
tavini kiaku i reira, okotai rai ia tu, ko
te tu rima ia, ma te leta i tatarāia i te
rima. Teia tei tatarāia i roto i taua leta 6
ra: Kua tuatua aereia i te pa enua nei,
e ko Gasemu tei tuatua mai, e kai-
tamaki toou manako e to te au ngati
Iuda: i tuki ei koe i tenana patu, kia
riro koe ei ariki no ratou, i tei tau i
taua au tuatua nei. E kua akatakāia 7

e koe te au peroveta kia tuatua aereia
koe i Ierusalemā, e kia tuatua ra e, E
ariki tei Iuda nei: e teianci, ka riro
taua rongō nei i te tuatuaia ki o te ariki
ra. E tenana e aere mai, e akaaitēte 8
ana tatou i te tuatua. Kua tonono atura
au i te karere kiaia, na ko atura, Kare
rava ia au mea i raveia i taua i tuatua
maira, na toou uarai ngakau tena i
9 kimi. E tuatua akamatatu oki ta ra-
tou katoa ia matou, na ko akera, E
akaparuparuia to ratou rima kia kore e
oti ta ratou angaanga. E teianci, e
akaketaketa mai, e te Atua, i oku nei
rima.

10 Kua aere iora au i reira ki te are o
Semaia te tamaiti a Delaia, te tamaiti a
Mehetabeela, ko tei popaniia i roto ra;
e kua tuatua maira aia, Taki aere taua
i roto i te are o te Atua i roto i te nao
ra, ka topiri ei taua i te au pa o te nao:
ka aere mai oki ratou e ta ia koe; ei te
11 po ratou e aere mai ei e ta ia koe. Kua
karanga atura au, E tika aia ia ta-
ngata mei iaku nei kia oro? koai ia
tangata mei iaku nei e oro ki roto i te
nao kia ora? kare au e tomo ki roto.
12 E i na, kite atura au e, kare aia tei
tonokia mai e te Atua; kua ouia ra aia
e Tobia raua ko Sanabalata, i totou
13 mai ei aia i taua tuatua iaku ra. I
ouia ra aia kia matakū au, e kia pera
au, e kia araia, kia rauka ta ratou
tapepe anga mai iaku, e kia akakinoia
14 au e ratou. E akamaara mai koe, e
taku Atua, ia Tobia raua ko Sanaba-
lata, i ta raua nei au angaanga, e te
peroveta vaine katoa ia Noadia, e tetai
aronga peroveta i anoano i te akama-
taku mai iaku.

15 E tae akera ki te tai takau ma rima
o te rā i te marama ra ia Elula, oti
rava akera taua patu ra, e rima ngauru
16 e rua ara i te rā i oti ei. E kite akera
to matou au enemy katoa, e kia akara
mai oki te au etene e pini ua ake ia
matou, kua taitaia rava iora ratou i to
ratou uarai mata: te kite ra oki ratou
e, e mea raveia mai taua angaanga nei e
to matou Atua.

17 E manganui oki ta te aronga ma-
maata i Iuda leta i akau kia Tobia i
taua au rā ra, e ta Tobia oki i tae mai
18 kia ratou. E manganui oki to Iuda i
taputou atu kiaia, no te mea e unonga
aia no Sekania te tamaiti a Ara; e tana
ra tamaiti ko Iohanana, kua rave aia i
te tamaine a Mesulama te tamaiti a
19 Berekia ra ei vaine nana. Kua aka-
kite mai oki ratou ki mua iaku i tana
au tuatua meitaki, e taku ra au tuatua
kua apaiia e ratou kiaia. E kua akau

mai a Tobia i te au leta ei akamataku mai iaku.

PENE VII.

Te tiaki ia Ierusalemia i tukuia kia Hanani raua ko Hanania. Te aronga i oki mei Babulonia mai.

E OTI akera te patu i te tukiia, e kua mou te au pa iaku, e kua akonoia te aronga tiaki ngutupa, e te aronga imene, e te au ngati Levi, Kua tuku atura au i taku tacake ia Hanani, e ia Hanania i te tiaki i te are o te ariki ra, i te akamaroiroi ia Ierusalemia, e tangata pikikaa kore oki aia, e te maata ra tona matakau i te Atua i te tangata e manganui. Kua karanga atura au kia raua, Auraka kia eua vaveia te au pa i Ierusalemia nei, e kia veravera te rā; e te tu ua ra ratou i waitata ka tipiri ei i te au pa, ka momono ei i te tea: ka tuku ei i te au tiaki i to Ierusalemia nei, ko te tangata ko tana tiaki anga, e te tangata katoa ei tona uaoari pae aere *tiaki ci*. Te maata ra oki taua oire e te pararauare, e iti ra te tangata i roto, e kare te au aere i akatuia.

Kua tuku maira taku Atua i te manako ki roto i toku ngakau, e akaputupu mai i te aronga mamanta, e te au kavana, e te au tangata, kia tatauia i to ratou anauanga. E kua kitea iora e au tetai tuatua anauanga no te aronga i aere mai i muatangana ra, e kua tataia oki ki roto.

Teia te au tamariki no taua enua ra, tei aere mai mei roto mai i te tuikaa, no te aronga i apai keia ra, ta Nebukaneza ta te ariki o Babulonia i apai ke, e kua aere akaou maira ki Ierusalemia e Judea, te tangata katoa ki tona oire; Ko tei aere katoa mai ratou ko Zerubabela, ko Iesua, ko Nehemia, ko Azaria, ko Raamia, ko Nahamani, ko Moredekai, ko Bilisana, ko Mizepereta, ko Bigivai, ko Nehuma, ko Baana: Ko te tatau anga ia o te tangata no Isaraela: Te au tamariki a Parosa, e rua ia tausani, okotai anere, e itu ngauru ma rua. Te au tamariki a Sephatia, e toru ia anere, e itu ngauru ma rua. Te au tamariki a Ara, e ono ia anere, e rima ngauru ma rua. Te au tamariki a Pahata-moabi, no te au tamariki a Iesua e Ioaba, e rua ia tausani, e varu anere, okotai ngauru ma varu. Te au tamariki a Elama ra, okotai ia tausani, e rua anere, e rima ngauru ma a. Te au tamariki a Zatu ra, e varu ia anere, e a

14 ngauru ma rima. Te au tamariki a Zakai ra, e itu ia anere e ono ngauru.
 15 Te au tamariki a Binui ra, e ono ia anere, e a ngauru ma varu. Te au tamariki a Bebai ra, e ono ia anere, e rua ngauru ma varu. Te au tamariki a Azagada ra, e rua ia tausani, e toru anere, e rua ngauru ma rua. Te au tamariki a Adonikama ra, e ono ia anere, e ono ngauru ma itu. Ta au tamariki a Bigivai ra, e rua ia tausani, e ono ngauru ma itu. Te au tamariki a Adina ra, e ono ia anere, e rima ngauru ma rima. Te au tamariki a Atera ra, ta Hezekia ra, e iva ngauru ma varu. Te au tamariki a Hasuma ra, e toru ia anere, e rua ngauru ma varu. Te au tamariki a Bezai ra, e toru ia anere, e rua ngauru ma a. Te au tamariki a Hariphia ra, okotai ia anere, okotai ngauru ma rua. Te au tamariki a Gibeona ra, e iva ngauru ma rima. Te au tangata no Betelehema, e no Netopha ra, okotai ia anere, e varu ngauru ma varu. Te au tangata no Anatota ra, okotai ia anere, e rua ngauru ma varu. Te au tangata no Bete-azamaveta ra, e a ngauru ma rua.
 29 Te au tangata no Kiriat-icarima, Kephira, e Beerota, e itu ia anere, e a ngauru ma toru. Te au tangata no Rama, e no Gaba, e ono ia anere, e 31 rua ngauru ma tai. Te au tangata no Mikemasa, okotai ia anere, e rua ngauru ma rua. Te au tangata no Betela, e no Ai, okotai ia anere, e rua ngauru ma toru. Te au tangata no Nebo ke, e rima ngauru ma rua. Te au tamariki a Elama ke, okotai ia tausani, e 35 rua anere, e rima ngauru ma a. Te au tamariki a Harima, e toru ia anere, e 36 rua ngauru. Te au tamariki no Ieriko ra, e toru ia anere, e a ngauru ma rima.
 37 Te au tamariki no Loda, no Hadida, e Ono ra, e itu ia anere, e rua ngauru ma tai. Te au tamariki a Senaa ra, e toru ia tausani, e iva anere, e toru ngauru.
 39 Te kau taunga ra: te au tamariki a Iedaia, no te ngutuare o Iesua ra, e iva ia anere, e itu ngauru ma 40 toru. Te au tamariki a Imera ra, okotai ia tausani, e rima ngauru ma rua.
 41 Te au tamariki a Pasahura, okotai ia tausani, e rua anere, e a ngauru ma itu. Te au tamariki a Harima ra, okotai ia tausani, okotai ngauru ma itu.
 43 Te au ngati Levi ra: te au tamariki a Iesua ra, ta Kadamiela, no te au tamariki a Hodeva, e itu ia ngauru ma 44 a. Te aronga imene ra: te au tama-

riki a Asapha ra, okotai ia anere, e a ngauru ma varu.

Te aronga tiaki ngutupa : te au tamariki a Saluma, te au tamariki a Atera, te au tamariki a Talanona, te au tamariki a Akuba, te au tamariki a Hatita, te au tamariki a Sobai, okotai ia anere, e toru ngauru ma varu.

Te au Netini ra : te au tamariki a 46 Ziha, te au tamariki a Hasupha, te au tamariki a Tabaota, Te au tamariki a 47 Kerosa, te au tamariki a Sia, te au tamariki a Padona, Te au tamariki a 48 Lebana, te au tamariki a Hagaba, te au tamariki a Salama, Te au tamariki 49 a Hanana, te au tamariki a Gidela, te au tamariki a Gahara, Te au tamariki 50 a Reaia, te au tamariki a Rezina, te au tamariki a Nekoda, Te au tamariki a 51 Gazama, te au tamariki a Uza, te au tamariki a Phasea, Te au tamariki a 52 Besai, te au tamariki a Meunima, te au tamariki a Nephisesima, Te au ta- 53 mariki a Bakabuka, te au tamariki a Ilakupha, te au tamariki a Harahura, Te au tamariki a Bazalita, te au ta- 54 mariki a Mehida, te au tamariki a Haresa, Te au tamariki a Barekosa, te 55 au tamariki a Sisera, te au tamariki a Tama, Te au tamariki a Nezia, te au 56 tamariki a Hatipha.

Te au tamariki a te au tavini o Solo- 57 mona : te au tamariki a Sotai, te au tamariki a Sophereta, te au tamariki a Perida, Te au tamariki a Iaala, te au 58 tamariki a Darakona, te au tamariki a Gidela, Te au tamariki a Sephatia, te 59 au tamariki a Hatila, te au tamariki a Pokereta, e ta Zebaima, te au tamariki a Amona. Taua au Netini katoa ra, e 60 te au tamariki katoa a te au tavini o Solomon, e toru ia anere, e iva ngauru ma rua.

Teia te aronga i aere mai mei 61 Tele-mela mai, Tele-haresa, Keruba, Adona, e Imera : kare ra i tika ia ratou kia akakite mai i te are o to ratou metua tane, e to ratou anauanga, i te kitea anga e no Iseraela ratou : Te 62 au tamariki a Delaia, te au tamariki a Tobia, te au tamariki a Nekoda, e ono ia anere, e a ngauru ma rua.

E ta te kau taunga ra : te au tamariki a Habaia, te au tamariki a Koza, te au tamariki a Barezilai, ko tei rave i te tamaine a Barezilai i Gilcada ei vaine nana, e tapai iora i to ratou ra ingoa. Kua kimi iora taua aronga ra i ta ratou tuatua anauanga i roto i te aronga i tatauia to ratou anauanga, kare akera i kitea : riro atura ratou mei te aronga viivii, e kua akataka keia i te

65 taoonga taunga. Kua karanga atura te kavana kia ratou, auraka ratou e kai i te au mea tapu roa ra, e kia tu maira tetai taunga ma te Urima e te Tumima.

66 Te maata anga o taua uipunga katoa ra, e a ia ngauru ma rua i te tausani, e 67 toru anere, e ono ngauru ; Te taka ra te au tavini tane, e te au tavini vaine, e itu ia tausani i te reira, e toru anere, e toru ngauru ma itu : e to roto ia ratou ra, e 68 tane imene, e te vaine imene. Ta ratou au ipo ra, e itu ia anere, e toru ngauru ma ono : ta ratou au mule, e 69 rua ia anere, e a ngauru ma rima : Te au kamela, e a ia anere, e toru ngauru ma rima : te au asini, e ono ia tausani, e itu anere, e rua ngauru.

70 E kua oronga maira tetai pae ui mataiapo tutara ra i te apinga no taua angaanga ra. Kua oronga maira te kavana ki roto i te uipunga ra, okotai tausani dareka auro, e rima ngauru i te kapu, e rima anere e toru ngauru i

71 te kakau no te kau taunga. E kua oronga maira oki tetai pae ui mataiapo tutara ki roto i te uipunga apinga no taua angaanga ra, e rua ngauru tausani dareka auro, e rua tausani e rua anere 72 mina ario. E tei orongaia mai e te toenga o te au tangata ra, e rua ngauru ia tausani dareka auro, e rua tausani mina ario, e ono ngauru ma itu i te kakau no te kau taunga.

73 Te noo ra te kau taunga, e te au ngati Levi, e te au tiaki ngutupa, e te aronga imene, e tetai pae tangata, e te au Netini, e Iseraela katoa oki, i to ratou au oire ; kia tac ra ki te itu o te marama, tei roto i to ratou au oire, te tamariki a Iseraela.

PENE VIII.

Te tu o te tataua anga e te akarongo anga i te ture ra. Kua akonoia te orou patia anga puakapa.

1 **E** TE tangata ravarai kua akaputu-putu maira mei te tangata okotai ki roto i te arataa ki mua atu i te ngutupa vai ra ; e kua karanga atura ratou ki te tata tuatua ra kia Ezera, e apai mai i te buka ture a Mose, ta Ie- 2 hova i akaue mai kia Iseraela ra. Kua apai maira te taunga ra ko Ezera i te ture ki mua i te aroaro o taua uipunga ra, te tane e te vaine, e te aronga katoa e kite i te tuatua kia tatauia ra, i te ra 3 mua i te marama itu ra. Kua tataua iora aia i taua tuatua ra, i roto i te arataa ki mua atu i te ngutupa vai ra, mei te popongi mairai e avatea ua atura, ki

mua i te aroaro o te tane e te vaine, e te aronga katoa e kite ra: *akurongo tika atura* te taringa o te tangata ravarai i taua buka ture ra. Te tu ua ra taua tata tuatua ra ko Ezera ki runga i tetai paata rakau, i angua e ratou no taua mea ra; e tei tona rima katau ko Matitia ia te tu anga, e ko Sema, e ko Anaia, e ko Uria, e ko Hilikia, e ko Maascia: e tei tona rima kaui, ko Pedaiia ia, e ko Missela, e ko Malekia, e ko Hasuma, e ko Hasebadana, ko Zekaria, e ko Mesulama. Kua eeu akerū Ezera i taua buka ra ki mua i te aroaro o te tangata ravarai ra; te teitei ra oki aia i runga i te au tangata ravarai, e tei te eeu anga aia i taua *buka* ra, kua tu anake maira te tangata ki runga. Kua akameitaki aturā Ezera i te Atua maata ra ia Iehova. Kua tuatua maira te tangata ravarai, ma te tūki i te rima ki runga, Amene, Amene: kua tupou iora to ratou mimiti ki raro, e kua akamori ia Iehova ma te mata ki raro i te one. E ko Iesua, e ko Bani, e ko Serebia, ko Iamina, ko Akuba, ko Sabetai, ko Hodiia, ko Maascia, ko Kelita, ko Azaria, ko Iozabada, ko Hanana, ko Pelaia, e te au ngati Levi, na ratou i akakite ki te tangata i te ariteanga o taua ture ra: *te tu ua ra* te tangata i to ratou ra turanga. Tatau taka meitaki iora ratou i taua buka ra i te ture a te Atua, e kua akakite i te ariteanga, e kite akera ratou i tei tatauia ra.

Kua karanga atura te kavana ra ko Nehemia, e te taunga tata tuatua ra ko Ezera, e te au ngati Levi tei apii i te au tangata, ki te tangata katoa ra, E rā tapu teia no Iehova to kotou Atua ra; auraka e mii, auraka e aue. Kua aue oki te tangata ravarai i te kite anga i te au tuatua a te ture ra. Kua karanga atura aia kia ratou, E aere, e kai i te kai matu, e inu i te vai mangaro, ka akau atu ei i tetai tuanga na te aronga e ngere ra; e rā tapu oki *teia* no to tatou Atua: auraka e iriia; ko te rekareka ra no ko ia Iehova ra to kotou ia maroiroi. Kua muteki iora te tangata katoa i te au ngati Levi, na ko atura, Auraka e tuatua, e rā tapu oki teia; auraka kotou e aue. Kua aere atura te tangata ravarai e kai, e inu oki, e akau oki i tetai vai *ki tei ngere* ra, e rekareka maata oki ratou, no te mea kua kite ratou i te au tuatua i tuatuaia mai kia ratou ra.

E tae akera ki te rā rua, kua kuku maira te aronga matanipo tutara ra no te au tangata katoa ra, te kau taunga, e te au ngati Levi ra, kia Ezera tata

tuatua ra, kia kite ratou i te au tuatua 14 i roto i te ture ra. E kitea iora e ratou tei tatauia i roto i te ture, ta Iehova i akaue mai ia Mose e, kia noo te tamariki a Iseraela i roto i te au are piritanga e tika'i, i te oroa i te marama 15 itu ra; E kia tutu aere ratou e akakite i roto i to ratou au oire katoa, e i Ierusalem, na ko atura, E aere ki te mauanga, e rave mai i te au rara olive, e te au rara olive ngangaere, e te au rara maire, e te au rara tamara, e te au rara rakau maata ra, ei aronga are piritanga mei tei tatauia ra.

Kua aere atura te tangata ki vao, e kua apai maira i taua *ua mea* ra, e kua anga iora te tangata katoa i te au are piritanga no ratou ki runga i to ratou are, e i roto i to ratou au paepae, e i roto i te au kezere i te are o te Atua, e i roto i te arataa i te ngutupa vai ra, e i roto i te arataa i te ngutupa Ephe- 17 raima. Kua anga iora taua upānga katoa ra, i oki mai mei roto i te tuikaa anga ra, i te au are piritanga, e kua noo oki i raro ake i taua au are piritanga ra: kare oki te tamariki a Iseraela i pera mei te tuatau mairai o Iesua te tamaiti a Nuna, e tae ua atura ki taua rā ra. Maata rava akera te rekareka. 18 Tatau iora aia i taua buka ture a te Atua ra i tera rā i tera rā, mei te rā mua mai e tae ua atura ki te rā openga ra. Kua akono atura oki ratou i taua oroa ra e po itu akera; e tae akera ki te rā varu ra, ei uruoanga tapu ia, i tei tuatuaia maira.

PENE IX.

Te neseteia anga, e tataraara anga o te au tangata ra: te aaki anga ara a te ngati Levi e te koreromotu anga e akono i te ture.

1 **E** a i taua marama nei, kua kuku maira te tamariki a Iseraela ma te neseteia, e te kakau paao; e ma te one i 2 runga ia ratou. Kua akataka atura te uanga o Iseraela i te au tangata ke katoa, e kua tu ua iora e kua aaki i ta ratou au ara, e te au ara a to ratou ai 3 metua. Kua tu ua iora ratou i to ratou turanga, e kua tatau iora i te buka ture a to ratou Atua a Iehova, tetai kuata i taua rā ra; e to tetai kuata rā 4 ra, e anki anga ia i ta ratou ara, e kua akamori i to ratou Atua ia Iehova. 4 I reira te au ngati Levi, ko Iesua, e ko Bani, ko Kademiela, ko Sebania, ko Buni, ko Serebia, ko Bani, e ko Kenani, i te tu anga ki runga i te paata

ra, e kua kapiki nui atura ki to ratou
Atua kia Iehova. E te au ngati Levi, 5
ko Iesua, e ko Kademielā, ko Bani, ko
Hasabania, ko Serebia, ko Hodiia, ko
Sebania, e ko Petaia, kua tuatua akera,
Ka tu ki runga, e akameitaki i to ko-
tou Atua ia Iehova e tuatau e tuatau
ua atu: kia akameitakiia oki toou ra
ingoa kakā, ko tei teitei rava i runga
rava ra, kare e taē e te akameitaki e
te akapaapaa. Ko koe, ko koe anake 6
ra ko Iehova; naau rai te rangi i anga,
te rangi o te au rangi ra, e to ratou au
nuku katoa ra, te enua, e te au mea
katoa i rungao ra, te tai e te au mea
katoa i roto ra, e naau oki ratou ravarai
i tiaki; e te nuku o te rangi, tei aka-
mori ia koe. Ko koe te Atua ko Ie- 7
hova, ko tei iki ia Aberama, e naau aia
i arataki mai mei Ura mai i o te Kale-
den, e naau i tapa i tona ingoa ia Abe-
rahama; E kua kite atura koe i tona 8
ngakau i te pikikaa kore ki mua i to
aroaro ra, e kua papau i te koreromotu
kiaia ra, e oronga mai i te enua o te
ngati Kanaana, to te ngati Heta, to te
ngati Amori, e to te Perizi, e to te ngati
Iebusi, e to te Geregasi, e oronga mai
no tona ra uanga, e kua akatupu koe i
taua au tuatua naau ra; no te mea e
tuatua-tika taau: E kua akara koe i 9
te tumatetenga anga o to matou ai me-
tua i Aiphiti, e kua akarongo i to ratou
nue i te tai muramura ra; E kua aka- 10
kite i te au semeio e te au ravenga taka
ke ki runga ia Pharao, e tona katoa ra
au tavini, e ki runga katoa i te tangata
tini o tona enua; kua kite oki koe e, e
ravenga parau ta ratou ia ratou ra.
Rauka iora toou ingoa mei tei teianci
rai rū. Kua mavete iora te tai ia koe 11
ki mua i to ratou aroaro, aere ua atura
ratou na rotou i te tai ra, i runga i te
oue marō; e kua titiri iora koe i te
aronga i takinga-kiino mai ia ratou ki
raro i te moana, mei te toka ki raro i
te au vai maata ra. E kua arataki oki 12
koe ia ratou i te pou tumurangi i te ao;
e i te po ra i te pou ai, ei akamūrama i
to ratou arataa kia aere ratou ra. E 13
kua eke mai oki koe ki raro ki runga i
te maunga ra i Sinai, e kua tuatua mai
koe kia ratou i runga i te rangi ra, e
kua oronga mai koe i te au tuatua-tau
tikai no ratou e te au ture mou, te au
akonoanga meitaki, e te au akauenga
ra; E kua akakite mai kia ratou i to 14
sabati tapu ra, e kua tuku mai i te au
akauenga, e te au akonoanga, e te au
ture, i to tavini ra ia Mose; E kua oro- 15
nga mai i te kai no te rangi mai i to ratou
pongi anga, e kia kaki vai ratou, kua

oronga mai i te vai na ratou no roto
i te mato; e kua tuatua mai kia
ratou kia aere ratou ki roto noo ei
i te enua, taau i taputou e oronga mai
no ratou.

- 16 Kareka ratou, e to matou ai metua, e
ravenga parau ta ratou, e kua akamāro
ketaketa akera i to ratou au kaki, kare
akerai i akarongo i taau au akauenga
17 ra. Kare akerai i mako, kare oki i
akamaara i taau au ravenga taka ke i
raveia e koe i rotou ia ratou; akamāro
ketaketa akera ra i to ratou au kaki, e
i to ratou meameaau anga kua akono i
tetai kapena kia oki ki to ratou ao anga
ra: kareka koe, e Atua koe, e akakore
mairai i te ara, e te aroa ua, e te aka-
perepere mai, kare rava e riri vave, e
te takinga-meitaki maata, kare akerai
18 koe i akaruke mai ia ratou. E kia
anga oki ratou i te kafa akato na ratou,
e kia karanga ra e, Ko to atua teia tei
arataki mai ia koe mei Aiphiti mai, e
maata rava akera oki ta ratou au aka-
19 kooanga ia koe; Kare akerai koe i
akaruke ia ratou i te medebara, no toou
aroa tumatātini: kare rai taau pou tu-
murangi ra i akaruke mai ia ratou i te
ao, ei arataki ia ratou na te arataa; e
te pou ai oki i te po, ei turama no
ratou, i te arataa ta ratou i aere ra.
20 Kua oronga mai oki koe i toou Vaerua
meitaki ei ako mai ia ratou, e kare oki
i karapiiia e koe taau māna i to ratou
vaa, e kua oronga mai oki koe i te vai ta
21 ratou i kaki. E a ngauru oki ou ma-
tāiti i te angai anga mai ia ratou i te
medebara, kare rava ratou i ngere;
kare akerai to ratou kakau i piro, e
22 kare to ratou vaeae i ē. E kua oro-
nga mai oki koe i te au basileia ra e te
pa enua no ratou, kua tua takiriia e koe
tei ia ratou: tei ia ratou te enua o
Sihona, e te enua o te ariki o Hesebona,
23 e te enua o Oga ariki no Basana. E
kua akamaata oki koe i ta ratou au ta-
mariki mei te au etu o te rangi ra, e
kua arataki koe ia ratou ki te enua
taau i tuatua mai ki to ratou ai metua,
24 e aere ratou ki roto noo ei. Kua aere
atura oki te au tamariki ki roto, e kua
noo i taau enua ra, e kua vi iora to te
enua ia koe i mua ia ratou, i te ngati
Kanaana, e kua tuku mai koe ia ratou
i to ratou au rima, to ratou ui ariki, e
te tangata tini o te enua ra, kia rave
25 ratou i ta ratou i anoano ra. E aronga
oire ketaketa tei pou ia ratou, e te enua
kai maata; e kua noo i te au are i ki i
te au mea memeitaki katoa, te au rua-
vai kua oti i te koia, te kaininga vine, e
te kaininga olive, e te au rakau kai e

manganui: kua kai iora oki ratou, e merengoa akera, e poria atura, mareka rava akera ratou i to takinga-meitaki maata ra.

Kare rai ratou i akono, e kua mea-
meanu iora ratou ia koe, akaruke iora i 26
taau ture ki muri i to ratou tua, e kua
ta i te au peroveta naau, tei ako mai ia
ratou, kia anga mai ratou ia koe, maata
ua atura ta ratou akakoko anga ia
hoe ra. I tuku ei koe ia ratou ki te 27
rima o to ratou au enemi, ko tei taeko
mai ia ratou: kia rokoia ra ratou e te
tumatetenga, kua kapiki atu ratou kia
koe, e kua akarongo mai koe i runga i te
rangi ra: e no to aroa tumatatini, kua
oronga mai koe i te au akaora no ratou,
ko tei akaora ia ratou i te rima o to ra-
tou au enemi. E au iora to ratou, kua 28
oki akaou ratou e rave i te kino ki mua
ia koe: i vaooia ratou e koe ki te
rima o to ratou au enemi, tei tutara ki
runga ia ratou: kia oki ra ratou, e kia
kapiki atu kia koe ra, kua akarongo
mai koe i runga i te rangi; e manga-
nui toou akaora anga atu ia ratou, no
toou ra aroa; E kua ako atu oki ia 29
ratou ei akaoki mai ia ratou ki te ture
naau ra: e ravenga parau ra ta ratou,
e kare i akarongo i taau au akauenga
ra, kua ara ra ratou i taau au tuatua-
tau, (kia rave oki te tangata i te reira,
ka ora ia nia i te reira;) kua kiriti iora
i te pakuivi, e kua akaketaketa i to
ratou kaki, kare akera i akarongo. E 30
manganui rai toou mataiti i te akakoro-
maki anga ia ratou, e te ako anga oki
ia ratou i te Vaerua noou i te au peroveta
naau ra; e kare akera i ratou i
ariu mai i te taringa: no reira koe i
tuku ei ia ratou ki roto i te rima o te
au tangata no te pa enua. No toou ra 31
aroa maata, kare akera koe i tairiiri-
poti rava ia ratou, e kare oki i akaruke
ia ratou; e Atua takinga-meitaki oki
koe e te aroa.

E teianei, e to matou Atua, te Atua 32
maata, te ririnui e te matakuiu, ko tei
akono i te koreromotu e te aroa ra, au-
raka kia iti ia koe te au tumatetenga
katou i rokoia mai ei matou nei, to
matou ui ariki, to matou aronga mana,
e to matou kau taunga nei, e to matou
au peroveta, e to matou ai metua, e i
runga katou i toou ra iti-tangata, mei
te tuatau mairai o te au ariki o Asura
ra e tae rava akenei ki teianei rā. E 33
tuatua-tika taau i te au mea katou i
apaaia mai ei ki runga ia matou nei;
kua rave oki koe i te tika, kua rave ra
matou i te kino: Kare oki to matou 34
ui ariki, to matou aronga mana, to

matou kau taunga, e to matou ai
metua, i akono i taau ture, kare oki i
akarongo i taau au akauenga, e taau ra
au tuatua-akakite i taau i akakite mai
kia ratou ra. Kare oki ratou i aka-
rongo ia koe i to ratou ra basileia, taau,
i to takinga-meitaki maata, i oronga
mai no ratou ra, i roto oki i taau enua
maata e te kai meitaki, taau i tuku mai
ki mua ia ratou ra, kare ua ratou i aka-
ruke i ta ratou au ravenga kino. I na
matou i teianei rā kua riro ei tavini, e
te enua taau i o mai ki to matou ai me-
tua, kia kai ua ratou i te ua o te reira,
e to reira meitaki, i na, kua riro matou
ei tavini i taau enua nei. E kua ua iora
ia i te kai maata na te au ariki i tukua
mai e koe ki runga ia matou nei, no ta
matou nei au ara: e te tutara nei oki
ratou ki runga i to matou nei au ko-
papa, e ta matou nei au puaka, te rave
nei i ta ratou i anoano; e tumatetenga
maata oki to matou. E no taau au
mea katou ra kua papau matou i tetai
koreromotu maroiroi, e kua tata; e na
to matou aronga mamaata, te au ngati
Levi, e te kau taunga, i topiri.

PENE X.

*Te ingoa o te aronga i akatika i te ko-
reromotu, e te tu o te tuatua.*

- 1 E TAUA aronga i topiri ra, ko te ka-
vana ia ko Nehemia, te tamaiti a
- 2 Hakalia ra, e ko Zidikia, Ko Seraia, ko
- 3 Azaria, ko Ieremia, Ko Pasahura, ko
- 4 Amaria, ko Malakia, Ko Hatusa, ko
- 5 Selania, ko Maluka, Ko Harima, ko
- 6 Meremota, ko Obadia, Ko Daniela, ko
- 7 Ginetona, ko Baruka, Ko Mesulama,
- 8 ko Abia, ko Miamina, Ko Maazia, ko
- 9 Bilagai, ko Semaia: ko te kau taunga
- 9 ia. E te au ngati Levi ra: ko Iesua
ia te tamaiti a Azania, ko Binui to te
au tamariki a Henadada, ko Kada-
10 miela; E to ratou ai taeko, ko Seba-
nia, ko Hodia, ko Kelita, ko Pelain, ko
- 11 Hanana, Ko Mika, ko Rehoba, ko
- 12 Hasabia, Ko Zakura, ko Serebia, ko
- 13 Sebania, Ko Hodia, ko Bani, ko Be-
14 ninu. Te aronga rangatira o te tangata
ra; ko Parosa ia, ko Pahata-monbi,
- 15 ko Elama, ko Zatu, ko Bani, Ko Buni,
- 16 ko Azagada, ko Bebai, Ko Adonia, ko
- 17 Bigavai, ko Adina, Ko Atera, ko Hizi-
- 18 kia, ko Azura, Ko Hodia, ko Hasuma,
- 19 ko Bezai, Ko Haripa, ko Anatota, ko
- 20 Nebai, Ko Magapinsa, ko Mesulama,
- 21 ko Hezira, Ko Meszabeela, ko Zado-
- 22 ka, ko Iadua, Ko Pelatin, ko Hanana,
- 23 ko Anaia, Ko Hosen, ko Hanania, ko
- 24 Hasuba, Ko Haloheza, ko Pileha, ko

Sobeka, Ko Rehuma, ko Hasabana, ko 25
Maaseia, Ko Ahia, ko Hanana, ko 26
Anana, Ko Maluka, ko Harima, ko 27
Baana.

E te toenga o te tangata, te kau 28
taunga ra, te au ngati Levi, te au tiaki
ngutupa, te aronga imene, te au Netini,
e te aronga katoa i akataka ke mai ia
ratou orai i te au tangata no te pa enua
ra, i te ture a te Atua, ta ratou au
vaine, ta ratou au tamariki tamaroa, e
ta ratou au tamaine, te aronga katoa i
kite ra, tei taka te tuatua ia ratou; Kua 29
topiri atura ratou ki to ratou ai taeake,
ki to ratou aronga mamaata ra, e kua
taputou iora ratou ma te taumaa e, e
aere ratou na te ture a te Atua ra, i tei
tukuia mai e te tavini o te Atua ra e
Mose, e akamako, e e rave i te au
akauenga katoa a to tatou Atua a Iehova,
e tana katoa au tuatua-tau ra, e
tana au akonoanga; E kare matou e 30
oronga i ta matou au tamaine na te tangata
o te enua, kare oki e rave i ta ratou
au tamaine na ta matou au tamariki:
E kia apai mai te au tangata o te 31
enua i te apinga, e te kai, i te ra sabati,
e oko ra, kare matou e oko i ta ratou i
te sabati, e te ra tapu ra: e vaoa ua
ana oki matou i te enua i te mataiti itu
ra, kare oki e umuumu atu i te oko.

Kua akataka oki matou i te au ako 32
noanga na matou orai e, e oronga matou
i te tuanga toru i te sekela i te au mataiti
katoa, no te peu i te are o to tatou
Atua; No te kai o te aroaro, e no te
mineka i apai tamouia ra, e no te tusia
karakaratio i apai tamouia, no te au
sabati, no te au marama ou, no te au
oroa akono tamouia ra, e no te au mea
tapu ra, e no te au tarangaara, ei tapoki
i te ara a Iseraela, e no te au angaanga
katoa o te are o to tatou Atua. Kua 34
tuku iora matou i te au kelerio i te apai
anga mai i te rakau a te kau taunga,
te au ngati Levi, e te tangata katoa,
kia apaiia mai ki te are o to tatou Atua,
i te au ngutuare o to matou ai metua, i
te tuatua i akonoia ra i te au mataiti
katoa ra, ei tutungi anga ki runga i te
atarau o to tatou Atua o Iehova, i tei
tataia ki roto i te ture ra: E apai mai 35
oki i te popo o to matou enua, e te popo
o te au rakau kai katoa, i te au mataiti
katoa, ki te are o Iehova; E ta matou 36
au tamaroa tama mua ra, e ta matou
au puaka, mei tei tataia i roto i te ture
ra: te anaunga mua o ta tatou au bovi,
e ta tatou au mamoe, e apai ki te are o
to tatou Atua, ki te kau taunga ko tei
rave i te taoonga i roto i te are o to ta-
tou Atua: E ka apai mai oki matou i 37

te mua o ta matou faraoa oiia ra, e tei
apaiia e matou, e te au ua o te au rakau
ravarai, i te wina, e te inu, ki te kau
taunga ra, ki te au pia no te are o to
tatou Atua ra; e te ngauru o to tatou
kainga ki te au ngati Levi, kia rave
taua au ngati Levi ra i te ngauru i to
38 matou au oire katoa i tanuia ra. Ka
vaitata katoa oki te taunga e tamaiti
na Aaroni ki te au ngati Levi, kia rave
te au ngati Levi i te ngauru: e na te
au ngati Levi e apai mai i te ngauru
no taua ngauru ra ki te are o to tatou
Atua, ki te au pia ra, ki te are uipanga
39 apinga ra. Na te au tamariki a Ise-
raela e te au tamariki a Levi, e apai
mai i te sitona i apaiia ra, te wina ou,
e te inu, ki te au pia ra, tei reira te au
ariki o te ngai-tapu ra, e te kau taunga
e rave ra, e te au tiaki ngutupa, e te
aronga imene; kare oki matou e akaru-
ruke i te are o to tatou Atua.

PENE XI.

*Te aronga karana, te au tangata i akatika
ua e noo i Ierusalem, e tei iki
keleroia ra: e noo ra tetai pae i te au
oire ke.*

- 1 **N**OO iora te aronga kavana no te au
tangata katoa i Ierusalem: e te
au tangata i toe ra kua tuku iora i te
kelero, kia tae mai te ngauru o te tangata
kia noo i roto i te oire tapu i Ierusalem,
ko e toko iva ra, ei roto ia i
2 te au oire ra *noo ei*. Kua akameitaki
maira te tangata i te au tangata katoa i
tei akatika ua mai ratou orai e noo i
Ierusalem.
- 3 Teia oki taua aronga mamaata i taua
enua ra i noo i Ierusalem: te noo ra
oki te tangata katoa i roto i te au oire o
Iuda, ko te tangata ki tona kainga i
roto i to ratou au oire; ko Iseraela, te
kau taunga, e te au ngati Levi, e te au
Netini, e te au tamariki a te aronga
4 tavini o Solomon: Te noo ra tetai
pae i te au tamariki a Iuda i Ierusalem,
e te au tamariki a Beniamina: To te au
tamariki a Iuda; ko Ataiia te tamaiti a
Uzia, te tamaiti a Zekaria, te tamaiti a
Amaria, te tamaiti a Sephathia, te tamaiti
a Mahalaleela, no te au
5 tamariki a Perez; E ko Maaseia te
tamaiti a Baruka, te tamaiti a Kolahoz,
te tamaiti a Hazaiia, te tamaiti a Adaia,
te tamaiti a Ioariba, te tamaiti
6 a Zekaria, te tamaiti a te Silo. Te au
tamariki katoa a Perez, i noo i Ierusalem
ra, e a ia anere, e ono ngauru
7 ma varu i te aronga toa anake. Teia
oki te au tamariki a Beniamina; ko

Salu te tamaiti a Mesulama, te tamaiti a Ioeda, te tamaiti a Pedaia, te tamaiti a Kolaia, te tamaiti a Maaseia, te tamaiti a Itiela, te tamaiti a Iesua. E muri ake iaia, ko Gabai, ko Salai, e iva ia anere, e rua ngauru ma varu. E te tamaiti a Zikeri ko Ioela, to ratou ia akamaroiroi: e te tamaiti a Senua ra ko Iuda, ko te toko rua ia i runga i taua oire ra.

To te kau taunga ra: ko Iedaia te tamaiti a Ioariba, ko Iakina; Ko Seraia te tamaiti a Hilikia, te tamaiti a Mesulama, te tamaiti a Zadoka, te tamaiti a Meraiota, te tamaiti a Ahituba, ko te kavana ia i te are o te Atua. E to ratou au taeake i rave i te angaanga i te are ra, e varu ia anere, e rua ngauru ma rua: e ko Adaia te tamaiti a Ierohama, te tamaiti a Pelalia, te tamaiti a Amezi, te tamaiti a Zekaria, te tamaiti a Pasahura, te tamaiti a Malakia, E toa ra ai taeake, e aronga mataiapo tutara ia, e rua ia anere, e a ngauru ma rua: e ko Amasai te tamaiti a Azarela, te tamaiti a Ahasai, te tamaiti a Mesilemota, te tamaiti a Imnera, E to ratou ai taeake, e aronga toa uritumu, okotai ia anere, e rua ngauru ma varu: e to ratou akamaroiroi ra, ko Zabadiela ia, te tamaiti a Hagadolima ra. E to te au ngati Levi ra: ko Semaia te tamaiti a Hasuba, te tamaiti a Azirikama, te tamaiti a Hasabia, te tamaiti a Buni; E ko Sabetai, e ko Iozabada, ko nga tangata mamanta ia i o te ngati Levi ra, tei runga ia i te au angaanga ki vao atu i te are o te Atua ra. E ko Matania te tamaiti a Mika, te tamaiti a Zabadi, te tamaiti a Asapha, ko te arataki ia i te akameitaki e te pure: e ko Bakabukia, ko te toko rua ia i roto i toa ra au taeake, e ko Abada te tamaiti a Samua, te tamaiti a Galala, te tamaiti a Iedutuna. Te au ngati Levi katoa i roto i te oire tapu ra, e rua ia anere, e varu ngauru ma a. E te aronga tiaki ngutupa ra, ko Akuba, ko Talamona, e to raua au taeake tei tiaki i te au ngutupa ra, okotai ia anere, e itu ngauru ma rua.

E te toenga o Isernela, to te kau taunga, e te au ngati Levi, tei roto ia i te au oire katoa o Iuda, ko te tangata ko toa kainga. Kareka te au Netini, i Ophela ia te noo anga: e to runga i taua au Netini ra, ko Ziha ia raua ko Gisipa. Te akamaroiroi oki i te au ngati Levi i Ierusalemara, ko Uzi ia te tamaiti a Bani, te tamaiti a Hasabia, te tamaiti a Matania, te tamaiti a

Mika. To te au tamariki a Asapha ra, te aronga imene i rungao i te angaanga i te are o te Atua ra. E mea akaueia oki e te ariki ia ratou, e i tuanga ta ratou ta te aronga imene i te au ra katoa ra. E ko Petahia te tamaiti a Mesezabeela, no te au tamariki a Zera te tamaiti a Iuda ra, tei te rima ia o te ariki i te au tuatua ravarai a te tangata ra.

E *manganui* oki te ngati Iuda i noo i roto i te au vila i to ratou au kainga, i Kiriata-araba e to reira au vila, e i Dibona e to reira au vila, e i Ikabezeela e to reira au vila, E i Iesua, e i Molada, e i Bete-pheleta, E i Hazarasuala, e i Bere-seba e to reira au vila, E i Zikelaga, e i Mekona e to reira au vila, E i Ene-rimona, e i Zarea, e i Iarec-muta, I Zanoa, i Adulama, e to reira au vila, i Lakisa e to reira au kainga, i Azeka, e to ratou au vila. Noo iora ratou mei Bere-seba e tac ua atu ki o i o Hinoma ra. Te au tamariki oki a Beniamina, mei Geba mai, i Mikemasa, e Aiia, e Betela, e to ratou au vila, I Anatota, i Noba, i Anania, I Hazora, i Rama, i Gitaima, i Hadida, i Zeboma, i Nebalata, I Ioda, e i Ono, e te o o te rave angaanga.

E to te au ngati Levi au nooanga tei Iuda, e tei i o Beniamina.

PENE XII.

Te kau taunga e te au ngati Levi i aru mai ia Zerubabela. Te uanga taungu nunui. Te ravenga i te akatapu anga i te au patu; e te angaanga a te kau taunga ma te ngati Levi i roto i te iero.

TEIA oki te kau taunga e te au ngati Levi i aere katoa mai ratou ko Zerubabela te tamaiti a Salatiela, e ko Iesua: ko Seraia, ko Ieremia, ko Ezera, Ko Amaria, ko Maluka, ko Hatasa, Ko Sekania, ko Rehuma, ko Meremota, Ko Ido, ko Gineto, ko Abia, Ko Miamina, ko Maadia, ko Bilega, Ko Semaia, e ko Ioariba, ko Iedaia, Ko Salu, ko Amoka, ko Hilikia, ko Iedaia. Ko tei maata i te kau taunga ra ia, e to ratou ai taeake, i te 8 au ra o Iesua ra. E te au ngati Levi: ko Iesua, ko Binui, ko Kademiela, ko Serebia, ko Iuda, ko Matania, koia e toa ra au taeake, ko tei runga ia i te 9 akameitaki anga. E ko Bakabukia, e ko Uni, e to raua puke taeake, ko tei runga ia ratou i te au *pupu* tiaki. Anau akera ta Iesua ko Ioiaikima, anau akera ta Ioiaikima ko Eliasiba, e anau akera

ta Eliasiba ko Ioiada, Anau akera ta 11
Ioiada ko Ionatana, anau akera ta Iona-
natana ko Iadua.

I te au rā o Ioiakima, te kau taunga 12
mataiapo tutara ra: ta Seraia ra, ko
Meraia ia; ta Jeremia ra, ko Hanania
ia; Ta Ezera ra, ko Mesulama ia; ta 13
Amaria ra, ko Iehohanana ia; Ta Me-
liku ra, ko Ionatana ia; ta Sebania ra,
ko Iosepha ia; Ta Harima ra, ko Adana 15
ia; ta Meraiota ra, ko Helekai ia; Ta 16
Ido ra, ko Zekaria ia; ta Ginetona ra,
ko Mesulama ia; Ta Abia ra, ko Zi- 17
keri ia; ta Miniamina ra, ko Moadia
ra, ko Piletai ia; Ta Bilega ra, ko 18
Samua ia; ta Semaia ra, ko Ionatana
ia; Ta Ioiariba ra, ko Matenai ia; ta 19
Iedaia ra, ko Uzi ia; Ta Salai ra, ko 20
Kalai ia; ta Amoka ra, ko Ebera ia;
Ta Hilikia ra, ko Hasabia ia; ta Ie- 21
daia ra, ko Netaneela ia.

Te au ngati Levi i tataia, i te au rā o 22
Eliasiba, o Ioiada, o Iohanana, e o Iadua,
e aronga mataiapo tutara: e te kau taunga oki, e tae rava akera ki te
au o Dariu i Peresia ra. Te au tamariki a Levi ra, te aronga mataiapo tutara ra, kua tataia ia i roto i te buka,
te tuatua no te au rā ra, e tae rava akera ki te au rā o Iohanana te tamaiti a Eliasiba ra. E te aronga mamaata 24
ngati Levi ra: ko Hazabia ia, ko Serebia, e ko Iesua te tamaiti a Kade-
miela, e to ratou ai taeake ko tei anga mai kia ratou, ei akapaapaa, e ei akameitaki, i te akauenga oki a te tangata o Atua ra a Davida, i tera pupu i tera pupu. Ko Matania ia, e ko Ba- 25
kabukia, ko Obadia, ko Mesulama, ko Talamona, ko Akuba, e aronga tiaki ngutupa ia, ko tei tiaki i te pupu i te tomoanga i te au ngutupa ra. *Kua ora* 26
taua aronga ra i te au rā o Ioiakima te tamaiti a Iesua, te tamaiti a Iozadaka, e te au rā oki o te kavana ra o Nehemia, e no Ezera taunga tata tuatua ra.

E tae akera ki te akatapu anga i te 27
patu o Ieruselema, kua kimi ratou, e kua arataki mai i te au ngati Levi, mei te au ngai katoa i *noia* e ratou ra, ki Ieruselema, kia akono ratou i taua akatapu anga ra ma te rekareka, ma te akameitaki, ma te imene, *ma* te au sumebalo, te au nabala, e te au kinura. E te au tamariki a te aronga imene ra, 28
kua akaputuputu mai ratou orai, mei te ngai mataatan e pini ua ake Ieruselema, e mei te au vila i te au Netopha; E mei te are ra mei Gilagala, e mei te 29
au kainga i Geba ra e Azumaveta: kua akatu oki taua aronga imene ra i te au vila no ratou e pini ua ake Ieruselema.

30 Kua tamā iora te kau taunga e te au ngati Levi ia ratou uaorai; e kua tamā iora oki i te au tangata, e te au ngutupa, e te patu.

31 Kua arataki atura au i te ui mataiapo o Iuda ki runga i taua patu ra, e kua akataka atura au i e rua *pupu* mamaata ei akameitaki, kua aere iora *tetai pupu* na runga i te patu na te pae katau, na te pae ki te ngutupa repora: 32 E muri ake ia ratou ra, ko Hosai, e 33 *tetai* pae mataiapo no Iuda, E ko Azaria, ko Ezera, e ko Mesulama, Ko Iuda, e ko Beniamina, e ko Semaia, e ko 35 Jeremia, E *tetai* pae tamariki tamaroa a te kau taunga ra ma te au pu katoa; *koa* ko Zekaria te tamaiti a Ionatana, te tamaiti a Semaia, te tamaiti a Matania, te tamaiti a Mikaia, te tamaiti a 36 Zakura, te tamaiti a Asapha: E tona au taeake, ko Semaia, e ko Azaraela, ko Milalai, ko Gilalai, ko Maai, ko Netaneela, e ko Iuda, ko Hanani, ma te au taoonga akatangia a te tangata no te Atua ra a Davida, e ko Ezera tata 37 tuatua tei na mua ia ratou. E tae akera ki te ngutupa vai puna, tei anga tika mai kia ratou, kua aere iora ratou na te ara nukanuka i te oire o Davida, na runga i te patu, i runga atu i te are o Davida, e tae ua akera ki te ngutupa vai i te pae i te itinga o te rā ra.

38 Kua aere iora *tetai pupu* i anga akera *kia ratou*, ei akameitaki, e ko au i muri ake ia ratou, e *tetai* pae o te au tangata i runga i te patu ra, mei te punanga o te au umu maira, e tae ua 39 akera ki te patu pararauare ra; E mei runga mai i te ngutupa i Epheraima ra, e mei runga mai i te ngutupa takere, e mei runga mai i te ngutupa ika ra, e te punanga i o Hananeela, e te punanga o Mea ra, e tae ua atura ki te ngutupa mamoe ra: e tu ua akera ratou i te ngutupa i te are tapekanga 40 ra. Kua tu ua iora au nga *pupu* e rua ra ei akameitaki i roto i te are o te Atua, ko au, e *tetai* pae o te aronga ka- 41 vana katoa ra: E te kau taunga ra; ko Eliakima, ko Maasia, ko Miniamina, ko Mikaia, ko Elieonai, ko Zekaria, e ko Hanania, ma te pu anake; 42 E ko Maaseia, e ko Semaia, e ko Eleazar, e ko Uzi, e ko Iehohanana, e ko Malekia, e ko Elama, e ko Ezera. E te aronga imene ra kua imene ma te reo teitei, e ko Iezerahia *to ratou* 43 akamaroiroi. E tusia maata oki tei apaiia e ratou i taua rā ra, e kua rekareka; na te Atua oki ratou i akarekareka ma te rekareka maata: kua mareka katoa te au vaine e te au tama-

riki: e tei te mamao ke ra te reka-
reka o Ierusalemia i te akarongo angaia
mai.

Kua akonoia tetai pae i reira no 44
runga i te au pia vairanga apinga ra,
no te au mea i apaiia ra, no te popo e
no te ngauru, ei akaputuputu i roto
i taua au pia ra, i to roto i te au kai-
nga i te au oire, te au tuanga i ako-
noia e te ture na te kau taunga, e te au
ngati Levi: rekareka akera oki Iuda
i te mea te tu maira te kau taunga e
te au ngati Levi ra. E kua akono 45
atura te aronga imene e te au tiaki ngu-
tupa ra, i te mea e tau no te akamori
anga i to ratou Atua, e to te tamā anga,
tei akaueia mai e Davida, e tana tamai-
ti e Solomona. Tei te au rā oki o Da- 46
vida e Asapha taito ra, i akonoia'i te
rangatira o te aronga imene, ei imene
i te akapaapaa e te akameitaki i te
Atua. E kua oronga mai to Iseraela 47
ravara'i i te au tuanga, ko te rā ko tana
tuanga i te au rā katoa ra, na te aronga
imene e te au tiaki ngutupa, i te au rā
o Zerubabela, e te au rā o Nehemia:
e te au mea tapu ra kua akataka ia na
te ngati Levi; e kua akataka te ngati
Levi na te au tamariki a Aaronra.

PENE XIII.

*Te kino i tupu ra, e te akakore angaia
e Nehemia ra.*

KUA tatauia iora i roto i te buka a 1
Mose i taua rā ra, ki te taringa
o te au tangata ra; e kitea iora te tua-
tua i te tata angaia i roto e, auraka e
ngati Amona e te ngati Moabi kia o i
roto i te uipunga a te Atua e tuatua
ua atu; No te mea kare ratou i aravei 2
mai i te tamariki a Iseraela ma te kai
e te vai, ou atura ra ia Balaama ei rave
ia ratou, e kia taumaa aia ia ratou:
riro atura taua taumaa ra ei meitaki
i to tatou Atua. E kite akera ratou i 3
taua ture ra, kua akataka ke atura ra-
tou i taua aronga maata iropu ua ra
ia Iseraela.

Kare oki te reira i tupu ra, tei ia 4
Eliasiba taunga te akamaroiroi i te pia
no te are o to tatou Atua, te piri ra aia
kia Tobia: E kua akonokono oki aia i 5
tetai pia maata nona, e i reira te vao
angaia te mineka i muatangana, te tu-
miamia, e te au āriki ra, e te ngauru o
te sitona, te wina ou, e te inu, ko tei
akaueia mai na te au ngati Levi, e na
te aronga imene, e te aronga tiaki ngu-
tupa; e te au mea i apaiia na te kau
taunga: Kare ra au i Ierusalemia i rave- 6
ia'i taua au mea katoa ra. Tac akera oki

ki te mataiti e toru ngauru ma rua o
te ariki o Babulonia ra o Arctekasaseta,
aere atura au ki te ariki ra, e ope akera
tetai au rā, tukuia iora au e te ariki:
7 Kua oki maira au ki Ierusalemia, kite
akera au i taua mea kino i raveia e
Eliasiba ra ia Tobia, i te akonokono
anga i tetai pia nona i roto i te kezere
8 i te are o te Atua. Ongoongo rava
akera au: e kua akaruke atura au i
te are apinga a Tobia ki vao mai i te
9 pia. Kua akaue atura au, e kua tamā
maira ratou i te au pia ra; e kua
akaoki maira au i te au āriki o te are o
te Atua, te mineka, e te tumiamia.
10 Kite atura oki au i ta te au ngati
Levi au tuanga kare i orongaia atu kia
ratou: kua oro anake oki te au ngati
Levi, e te aronga imene, ko tei rave i
te angaanga ra, ki tona kainga ki tona
11 kainga. Kua māro atura au i te
aronga kavana, kua karanga atura, Eaa
te are o te Atua i akarukeia'i? Kua
akaputuputu iora au ia ratou, e kua
tuku atura oki ki to ratou turanga.
12 Kua apai maira to Iuda katoa ra i te
ngauru o te sitona, e te wina ou, e te
inu, ki roto i te au are uipunga ra.
13 Kua akono atura au i te aronga tiaki i
taua uipunga apinga ra, ko Selemia
taunga ra, e ko Zadoka tata tuatua ra,
e to te au ngati Levi ra, ko Pedaia: e
ei vaiata ia ratou ra, ko Hanana te
tamaiti a Zakura, te tamaiti a Mata-
nia: kua manakoia oki ratou e aronga
pikikaa kore, e ta ratou taonga ei tua
14 apinga no to ratou au taake. E aka-
maara mai koe iaku, e taku Atua, i
teia: auraka koe e taparapara ke atu i
te au takinga-meitaki noku i raveia e
au no te are o taku Atua, e te au anga-
anga no te reira ra.
15 Kite atura au i taua au rā ra i te
aronga i takatakai i te au taomiaanga
wina i te sabati, e te apai anga mai i te
au ruru sitona, e te akauta anga i te
apinga ki runga i te au asini; e te
apai anga mai ratou i te rā sabati i te
wina, te ua vine, e te suke, e te au
apainga katoa, ki roto i Ierusalemia; e
kua akanamua atura au ia ratou i te rā
16 i oko ei i te kai ra. E kua apai maira
to Turia i noo i reira ra i te ika, e te au
apinga ke katoa, e kua oko ki te au
tamariki a Iuda i te sabati, i roto rai i
17 Ierusalemia. Kua māro atura au i te
aronga mamaata o Iuda ra, e kua
karanga atura au kia ratou, Eaa teianei
mea kino i raveia e kotou nei, i akanoa'i
18 kotou i te rā sabati nei? Kare ainei to
kotou ai metua i akapera, i apai mai
ei to tatou Atua i teia katoa nei au

kino ki runga ia tatou nei, e ki runga i teianei oire? E te akamaata ra kotou i te riri o te Atua ia Iseracla nei i akanoa'i kotou i te sabati nei. E maru- 19 maru akera i nga ngutupa i Ierusalem a i mua ake i te sabati, kua akaue atura au e kia topiriia nga ngutupa, e iku atura e auraka e eeu akaouia e kia oti roa te sabati; e kua tuku atura au i tetai pae tavini oku ki nga ngutupa ra, e auraka ei apainga e apaia mai ki roto i te rā sabati. Moe iora te aronga 20 oko, e tei oko i te au apinga ravarai ra, ki vao mai i Ierusalem, kua tu tai e kua tu rua i te pera anga. Kua aka- 21 mura atura au ia ratou, na ko atura, Eaa kotou i moe ei ki vao mai i te patu nei? I pera akaou kotou, ka opu toku rima ia kotou. Mei reira mairai kare atura ratou i oki mai i te sabati. Kua 22 akaue atura au i te au ngati Levi, e tamā ia ratou orai, e aere mai ratou e tiaki i nga ngutupa ra, e kia tapu oki te rā sabati. E akamaara mairai koe iaku, e taku Atua, i teia katoa, e akaperepere mai koe iaku i te maata oki o toou aroa.

Kite atura oki au i taua au rā ra i te 23 au ngati Iuda, kua akaipoipo i te vaine Asadoda, e to Amona, e to Moabi. E 24 tuatua Asadoda oki tetai pae tuatua a ta ratou au tamariki ra, kare atura e tika kia tuatua mai i te tuatua a te ngati Iuda, ta tetai pae ra e ta tetai pae ra i te tuatua anga. Kua māro atura 25

au, e kua akakino atura au ia ratou, e kua pāpū au i to tetai pae, e kua utiuti i to tetai pae rauru, e kua akataputou atura ia ratou kia taputou i te Atua, na ko atura, Auraka kotou e oronga i ta kotou au tamaine na ta ratou au tamaroa, auraka oki e rave i ta ratou au tamaine na ta kotou au tamaroa, e na 26 kotou uarai oki. Kare ainei te ariki o Iseracla ko Solomona i ara i taua au mea nei? kare ra ona e aite i te ariki i te pa enua katoa e manganui, e te akaperepere oki e tona Atua, i akariro ei te Atua iaia ei ariki no Iseracla ravarai; kua ara katoaia ra aia i taua au 27 vaine ke ra. Ko kotou ainei ta matou e akarongo, i te rave anga i teianei kino maata, e ara atura i to tatou Atua i te akaipoipo anga i te vaine ke ke? 28 Ko tetai tamaiti ra a Ioiada, te tamaiti a Eliasiba taunga maata ra, e unonga aia no Sanabalata te Horoni; 29 tuaru atura au iaia e riro atura. E akamaara koe ia ratou, e taku Atua, no te mea kua viivii te taoonga taunga ia ratou, e te koreromotu oki a te kau taunga, e ta te au ngati Levi. 30 Tamā atura au ia ratou i te au tangata ke ra, e kua akono atura au i te taoonga a te kau taunga e te au ngati Levi, ko te tangata ko tana taoonga; 31 E no te apai anga rakau ra i te rā i akonoia ra, e no te popo ra. E manako mai koe iaku, e taku Atua e, kia meitaki oki au.

ESETERA.

PENE I.

Ko Ahasueru i te akatupu anga i te kaingakai, e te ariki vaine kare i tae.

I TE au rā o Ahasueru, ko Aha- 1 sueru teia tei iaia te au i te au enua okotai anere e nga ngauru ma itu, mei Inidia mai e tae ua atura ki Kusa: Tei tana au rā ra, to te ariki to Ahasueru noo anga ki runga i te terono o tona ra basileia, i te are ariki ra i Susana, I te toru o te mataiti o tona ra 2 au, akatupu iora aia i tetai kaingakai na te aronga mamaata katoa nona, e te 3

au tavini nona; te mana o to Peresia e to Madai i mua i tona aroaro, te aronga nunui, e te au kavana o te au enua: 4 Akakite atura aia i te apinga maata o tona ra basileia kakā, e te ngateitei o tona ra tapunui, e manganui te rā, okotai anere e varu ngauru i te au rā. 5 E ope akera ia au rā, kua akatupu iora te ariki i tetai kaingakai e po itu akera, na te au tangata katoa i kitea i te are o te ariki i Susana, te aronga mamaata e te tangata rikiriki, i roto i te paepae i te kainga i te are o te ariki 6 ra; Te paruru o taua are ra e kakau teatea, e te memaitaki, e te kerekere, i

akamouia i te au taura vavai meitaki ra e te purapura, ki te au tatai ario, e nga pou toka inuina : te au nooanga irinaki anga, e auro ia, e te ario, i runga i te taua toka inuina muramura, e te purapura, e te teatea, e te kerekere. E kua oronga ratou kia inu ki roto i te au kapu auro, te au kapu ra tu ke tetai e tetai, e te wina ariki e manganui i tei tau ki te ariki ra. Kua akonoia te ture i taua inu manga ra ; kare i akatinaia : kua pera oki te ariki ki te aronga katoa i akataoongaia i tona arc, e e akono ratou i to te tangata katoa ra anoano. Koia katoa te ariki vaine ko Vaseti, kua akatupu katoa aia i tetai kaingakai na te au vaine, i roto i te arc ariki no te ariki ra ko Ahasueru.

E tae akera ki te itu o te rā, kia rekareka te ngakau o te ariki ki te wina, kua akaue atura aia ia Melumana, ia Bizeta, ia Harabona, ia Bigeta, e ia Abageta, ia Zetara, e ia Karakasa, i nga eunuka toko itu, ko tei tavini i mua i te aroaro o te ariki ra o Ahasueru, E arataki mai i te ariki vaine ra ia Vaseti ki mua i te ariki ma te korona ariki katoa, e akakite ki te tangata e te ui ariki katoa i tona meitaki : e purotu oki tona kia akara atu. Karc akera i te ariki vaine ra ko Vaseti i tae mai i te akaue a te ariki i te rima o te au eunuka, riri rava akera te ariki, ootoo rava akera te riri i roto iaia.

Kua karanga atura te ariki ki te au tangata pakari, ko tei kite i te au tuatua ra, (i pera oki te ravenga a te ariki i te aronga katoa i kite i te ture e te tuatua-tau : Te noo vaitata maira iaia ko Karesena, ko Setara, ko Adamata, ko Taresisa, ko Meresa, ko Maresuna, e ko Memukana, e aronga mamaata ia toko itu no Peresia, e no Madai, ko tei kite i te mata o te ariki, e tei ia ratou oki te taoonga mana i te basileia ra ;) E akapea tatou i te ariki vaine nei in Vaseti, i tei tau ki te ture, koia kare i akono i te tuatua a te ariki ra a Ahasueru i te rima o te au eunuka ? Kua tuatua mairā Memukana ki mua i te aroaro o te ariki e te ui ariki ra, Karc ko te ariki anake ra tei takinga-kinia e te ariki vaine e Vaseti, ko te ui ariki katoa ra, e te au tangata katoa i te au enua katoa o te ariki nei o Ahasueru. Ka riro oki taua ravenga a te ariki vaine nei i te kitea puia e te au vaine katoa, e ka akavaava mai oki ratou i ta ratou au tane i to ratou mata, kia kitea te rongo e, kua akaue te ariki ra ko Ahasueru i te ariki vaine ia

Vaseti kia aratakiia mai ki mua i tona 18 aroaro, e kare akera aia i tae. Koia katoa te au vaine rangatira i Peresia e to Madai ko te kite i taua ravenga a te ariki vaine nei, ka riro i te tuatua i teianei rā ki te aronga mamaata katoa i o te ariki nei ; *tupu atura* te akavaava e te riri maata. Kia tika i te ariki, ei ture ariki tana e akatupu, e kia tataia oki ki roto i te au ture a to Peresia e to Madai, kia kore rava e akakoreia, E aurakū Vaseti e acre *akao* mai ki mua i te aroaro o te ariki o Ahasueru ; e tuku atu oki te ariki i tona kainga ariki ra no tetai ko tei meitaki ake iaia. E kia oti te ture a te ariki tana e akatupu ra i te akakiteia e pini ua ake tona basileia, (e mea maata oki,) ka riro te au vaine ravarai i te tatomo marie ki ta ratou au tane, ko tei mamaata i te rikiriki. 21 Tau meitaki rai taua tuatua rai te ariki e te ui ariki katoa ra ; e kua akapera oki te ariki i ta Memukana i tuatua 22 maira : Kua akau akera oki aia i te au leta ki te au enua katoa o te ariki ra e pini rava akera taua au enua ra, i te tuatua i tataia e to reira enua, e ki te au tangata katoa i to ratou uorai reo e, kia tutara te au tane katoa ki runga i tona uorai ngutuare, e kia tutu aereia ia i te reo o te au tangata katoa ra.

PENE II.

Ko Vaseti i akataka koia, tupavia akera e Esetera. E kotikoti kupenga tei akakiteia e Moredakai, e kua tutaia taua mea ra ki roto i te tuatua o te au rā.

E I MURI ake i teianei au tuatua, anga akera te riri o te ariki ra o Ahasueru, kua manako akera aia ia Vaseti, e tana i rave, e tei akakoroia iaia ra. Kua karanga atura te au tavini o te ariki tei tavini iaia ra, Ei aronga paretania ou purotu te kimi na 3 te ariki : E akataka ana ra te ariki i te au rangatira i te au enua katoa i tona ra basileia, e na ratou e akapututu mai i te au paretania ou purotu katoa ki te arc o te ariki ra i Susana, ki te arc o te au vaine, i raro ake i te rima o te eunuka a te ariki ra o Hegai, tei tiaki i te au vaine ra ; e kia orongaia te au peu no to ratou tamā anga : 4 E te vaine i tau meitakiia e te ariki ra, ei ariki vaine ia ei tupau ia Vaseti. Mareka akera te ariki i tana tuatua ra ; e kua pera atura iaia. 5 Tei taua are ariki ra ko Susana tetai ngati Iuda, ko Moredakai te ingoa, e

tamaiti na Iaira, te tamaiti a Sime, te tamaiti a Kisa, e ngati Beniamina; Ko tei apai katoaia mei Ierusalem atu i roto i te au tuikaara, ratou e te ariki o Iuda ko Iekonia, tei apai keia e te ariki o Babulonia ra e Nebukaneza. E nana i angai ia Hadasa, koia oki ko Esetera, e tamaine na tetai metua nona, kare oki ona metua tane, kare oki e metua vaine, e vaine manea i te tupu anga e te mata rekā; ko tei raveia ia e Moredekai ei tamaine nana uaorai, i te matenga o tona metua tane e te metua vaine ra.

E kitea akera te akauenga a te ariki, e tana ture ra, e manganui oki te vaine o i putuputu ki te are ariki ra i Susana, i te tiakianga ia Hegai, kua arataki katoaia Esetera ki te are o te ariki ra, ki te rima o Hegai ko tei tiaki i te au vaine ra: Mareka rava akera aia i taua vaine ra, e kiteia aia e ia; kare akera i roa kua apai atura i te au peu o te tamā anga, e tana ra au tuanga i akonoia ra, e nga paretenia toko itu, no roto i te are o te ariki ra, i tau kia orongaia atu nona: e kua tuku atura aia iaia e tana katoa ra au paretenia ki te *ngai* meitaki rava i te are o te au vaine ra. Kare a Esetera i aaki i tona iti-tangata, e tona kopu-tangata: kua oti oki aia i te ikuia e Moredekai e, auraka aia e aaki. Kare akera Moredekai i tivata i te aere na anga i te au rā katoa ra i mua ake i te paepae i te are o te ad vaine ra, kia kite aia ia Esetera i te meitaki anga e te ka tupu iaia ra.

Kua oti anake te au marama okotai ngauru ma rua, ko ta te ture ia tuatua i te au vaine, e arataki tatakī taia ake te au vaine ki te ariki ra kia Ahasueru: ko te tu ia o te au rā i ope i te tamā anga, e ono marama no te manongi ra e mura, e ono oki marama no te au rakau kakara, e te au mea i rave katoaia e te au vaine no te tamā anga ra. Kia aratakiia te vaine ki te ariki ra, ko tana ra i anoano i te rave no roto i te are o te au vaine ra, e apai ki te are o te ariki ra, kua orongaia atu ia. Kia aia i e aere ei, e kia no e oki mai ei ki roto i te rua o te are o te au vaine ra, ki te eunuka a te ariki ra kia Sasagaza, ko tei tiaki i te au palake: kare aia e oki akaou ki roto i te ariki ra, kia kore te ariki e taurekareka maira iaia, e kia kore te ingoa e akai-kia maira.

E tae akera kia Esetera, ki te tamaine a Abihaila e metua no Moredekai, ko tei rave iaia ei tamaine nana ra, i te

acre ki roto i te ariki ra, kare akera aia i pati, mari ra ko ta te eunuka ra a te ariki ra ta Hegai, ko tei tiaki i te au vaine ra, i tuku mai. E i tauia mai a Esetera ki mua i te aroaro o te aronga ravarai i akara mai iaia ra. Aratakiia aturā Esetera ki te ariki ra kia Ahasueru, ki roto i te are o te ariki ra, i te marama okotai ngauru, i te marama ra ia Tebeta, i te itu o te mataiti o tona ra au. Maata rava atura to te ariki inangaro ia Esetera i te au vaine ravarai, akaperepereia mai oki aia e ia e te tauia mai oki i te au paretenia katoa; i tuku mai ei oki aia i te korona ariki ki runga i tona mimiti, e kua akariro iaia ei ariki vaine ei tupan ia Vaseti. Kua akatupu iora te ariki i tetai kaingakai maata, i te kaingakai a Esetera, na te ui ariki e te au tavini katoa nona ra; e kua tuku atura aia i te akaangaro ki te au cnua, e kua oronga i te au apinga i tei tau ki te ariki ra.

E kia putuputu akaouia ra te au paretenia ra, te noo ua mairā Moredekai ki te ngutupa o te ariki ra; Kare oki a Esetera i aaki i tona iti e tona kopu-tangata, tei ikuikuia mai aia e Moredekai ra; e akarongo rai oki a Esetera i ta Moredekai i akaue mai, mei iaia katoa i akarongo ka angaiia i aia e ia ra.

E tei taua au rā ra ia Moredekai i noo i te ngutupa o te ariki ra, kua riri iora nga eunuka toko rua a te ariki ra, e puke tiaki ngutupa, ko Bigatana e ko Teresa, e kua kimi iora i te ravenga e ta i te ariki ra ia Ahasueru. Kite akera oki a Moredekai i taua mea ra, e kua akakite atura ki te ariki vaine ra kia Esetera; e kua akakite akera Esetera ki te ariki, e te ingoa o tona kite ko Moredekai. E makitoro marieia iora taua tuatua ra, e kua kitea; riia atura raua ravarai ki runga i te rakau: tataia iora ki roto i te buka, te tuatua o te au rā, i mua i te aroaro o te ariki ra.

PENE III.

Ko Hamana i akateiteia e te ariki, kare ra i taurekarekaia e Moredekai: i tona makitakita iaia i kimi ei aia i te ravenga kia pou rava te ngati Iuda.

E I MURI ake i teianei au mea, kua akamaata maira te ariki ra ko Ahasueru ia Hamana, te tamaiti a Hamedata e ngati Agaga, e kua akateitei akera iaia, tuku atura tona noo-

anga i rungao i to te aronga mamaata ki ona ra. Kua tuturi iora te au tavinu ravarai o te ariki, *tei noo* i te ngutupa o te ariki, ki raro ra, e kua akangateitei ia Hamana: kua pera oki ta te ariki i akaue iaia. Kare rā Moredekai i tuturi ki raro, kare oki i akangateitei atu. Kua karanga atura te au tavinu o te ariki i *noo* i te ngutupa o te ariki kia Moredekai, Eaa koe i akaatikau ei i te akauenga a te ariki ra? E kia tuatua tamou mai ratou kiaia, kare e rā i tukua, e kare akerai aia i akarongo atu, kua akakite akera ratou kia Hamana, kia kite ratou i ta Moredekai au tuatua i te tupu anga: kua akakite oki aia kia ratou e ngati Iuda aia. E kite akērū Hamana kare a Moredekai e tuturi ki raro, kare oki e akangateitei atu iaia, ki rava akērū Hamana i te riri. E mea akavaavaia i tona manako kia opu tona rima ia Moredekai anake ua ra, kua akakiteia oki aia e ratou i to Moredekai iti-tangata: umuumu atūrū Hamana kia pou takiri iaia i te mate te ngati Iuda ravarai e pini ua ake i te basilcia katoa o Ahasueru, ko te au tangata no Moredekai.

E tae akera ki te marama mua, koia oki te marama ra ia Nisana, i te mataiti okotai ngauru ma rua o te ariki ra o Ahasueru, kua tuku iora ratou i te Pura, koia te kelero nei, ki mua ia Hamana i tera rā i tera rā, i tera marama i tera marama, e tae akera ki te ngauru ma rua ra, koia te marama ra ko Adara. Kua tuatua mairū Hamana ki te ariki ra kia Ahasueru, Te noo aere nei tetai papaki tangata, kua pueurikiriki keia ra i roto i te au tangata i te au enua katoa i toou nei basilcia, e tu ke oki ta ratou au ture ki ta te tangata katoa nei; kare oki e akono i te ture a te ariki nei: kare oki a te ariki puapinga kia vaoia taua au tangata nei. Kia tika i te ariki ra, kia tataia te tuatua kia taia ratou: e naku e apai atu i te ario e okotai ngauru i te tausani e taleni na te aronga e rave i te angaanga, ka apai mai ei ki roto i te uipānga apinga a te ariki ra. Kiriti akera te ariki i te momono-rima nona i runga i tona rima, e kua tuku atura kia Hamana, te tamaiti a Hamedata te ngati Agaga, ki te enemi o te ngati Iuda. Kua karanga atura te ariki kia Hamana, Ko te ario kua orongaia ia naau, e te au tangata katoa oki, kia rave koe i taua e anoano ia ratou ra.

Tikiia atura te au tata tuatua a te 12
 ariki i reira, i te rā okotai ngauru ma

toru i te marama mua ra, e tataia iora te au mea katoa ta Hamana i akaue atu, ki te au kavana tauturu no te ariki ra, e te au kavana i runga i te au enua katoa, e te ui rangatira katoa o te au tangata ravarai i te au enua katoa ra, i tataia i te reo o te tangata katoa ra; i tataia ma te ingoa o te ariki ra o Ahasueru ki rungao, e i akairoia ki te 13 momono-rima o te ariki ra. E akauia atura te au leta ra e te aronga apai leta ki te au enua ravarai o te ariki ra, e ta, kia mate, e kia pou takiri, te au ngati Iuda ravarai, ko tei ou, e ko tei ruaine, te au tamariki mea riki, e te au vaine, i te rā okotai, i te rā okotai ngauru ma toru i te marama okotai ngauru ma rua ra, koia te marama ra ko Adara, e 14 ei noni oki i ta ratou apinga ra. Ko te tu ia o taua tuatua i tataia ra ei ture, kia akakite aereia ki te au enua katoa, e te au tangata katoa ra, e akateatea-mamao ratou kia tae ki taua rā ra. 15 Riro anake atura te aronga apai leta ra, i rapurapu i te tuatua a te ariki ra, e tukuia akera taua ture ra i te are o te ariki ra i Susana. Noo iora te ariki raua ko Hamana e inu; kareka taua oire ra ko Susana, kua tumatetengaia ia.

PENE IV.

Te aue maata o Moredekai e to te ngati Iuda katoa. Te nesetia i akonoia e Esetera e te ngati Iuda.

1 **K**ITE akērū Moredekai i taua au mea katoa i akatupuia ra, kua aae iorā Moredekai i ona kakau, e kua kakau iora ki te kakau paoa e te reu ai, aere atura i rotopu i te oire, kakaoa ua 2 atura ma te aue maata ua atu; E kua aere rava maira ki mua tikai i te ngutupa o te ariki ra: kare oki te tangata e tomo i te ngutupa o te ariki ma te 3 kakau paoa. E te au enua katoa, i tae atu ei te tuatua e te ture a te ariki ra, e aue maata to te au ngati Iuda i reira, e te nesetia, e te aue roi-mata, e te eva kaku; e manganui te moe ua ma te kakau paoa e te reu ai. 4 Kua aere atura te ui vaine e te au eunuka o Esetera, e kua akakite atura kiaia. Aue rava akera te ariki vaine ra; e kua akau atura aia i te kakau e akakakau ia Moredekai, ka rave ke mai ei i tona kakau paoa ra: kare akerai aia i 5 rave atu. Kua karanga atūrū Esetera kia Hataka, tetai eunuka a te ariki, tei akonoia ei tavinu iaia ra, kua tuku atura te tuatua iaia kia Moredekai, kia 6 kite aia e, eaa tena? e no te aa? Aere

aturā Hataka kia Moredekai ki te arataa o te oire ra, ki mua i te ngutupa o te ariki ra. Kua akakite mairā Moredekai i taua au mea i rokoia mai ei aia ra, e te rainga o te moni ta Hamana i akakite e, nana e apai ki te uipānga apinga a te ariki ra, kia mate te au ngati Iuda iaia. Kua oronga maira oki aia i tetai tu o taua ture i taitaia i Susana e ta ia ratou ra, kia akakite atu aia kia Esetera, e kia akakite pu tikai atu kiaia, e kia ikuiku mamate atu iaia kia aere aia ki roto i te ariki ra, kia pati akatenga atu iaia, e kia akateni atu iaia, kia ora tona au tangata. Kua aere aturā Hataka, e kua akakite atura kia Esetera i te au tuatua a Moredekai.

Kua tuatua akaou mairā Esetera kia Hataka, e kua tuku maira kiaia i te tuatua kia Moredekai, Kua kite te au tavini ravarai o te ariki, e te tangata katoa no te au enua o te ariki ra, e ture teia te rai nei, e te tangata te tane e te vaine katoa kia aere ua mai ki te ariki ra ki te paepae i roto ra, kare i tuatuaia, e taia ia, kia kore te ariki e akatika atu i te sepeta auro kia ora: kare ra au i tuatuaia mai e aere ki roto ki o te ariki ra e toru akenci ngauru anga o te rā. Kua akakite atura ratou kia Moredekai i te au tuatua na Esetera. Kua karanga aturā Moredekai e na ko atu kia Esetera, Auraka koe e manako e, ko koe te ka ora i te ngati Iuda katoa ra, i te mea tei roto koe i te are o te ariki ra. Kia muteki ua rai oki koe i tenana, ka tupu mai te tauturu no te ngati Iuda e te ora na tetai ngai ke mai; kareka koe e te ngutuare o to metua, ka pou ia; i kite aai e, ko te mea teia i rauka'i ia koe te au i teianei tuatau?

Kua tuatua mairā Esetera kia ratou, e karanga atu kia Moredekai, E tiki, e akaputuputu mai i te au ngati Iuda katoa i kitea i Susana nei, e e neseteia kotou iaku nei, auraka e kai, auraka oki e inu, e kia po toru ake, i te po e te ao: e neseteia katoa au e te au vaine katoa i oku nei; kare ua atu rai te tau ki te ture, ka aere rai au ki roto i te ariki ra: e kia mate au, mate ua atu au. Aere aturā Moredekai e kua pera aia i ta Esetera i akaue mai iaia ra.

PENE V.

To Esetera aere ua anga atu ki te ariki ra; kiteia maira aia e te ariki: ko te ariki raua ko Hamana tei karangaia e ia kia aere mai ki tana

inumanga. To Hamana riri ia Moredekai, e te ringa i akatuia nona i te tuatua a te vaine.

1 **E** TAE akera ki te toru o te rā, kua kakau iorū Esetera ki te kakau ariki nona, e kua tu ua iora ki te paepae i roto rava i te are o te ariki, i anga tika mai ki te are o te ariki ra: te noo maira te ariki ki runga i te terono ariki i roto i te are o te ariki, 2 tei anga tika ki te ngutupa are ra. E kia akara mai te ariki i te ariki vaine ia Esetera i te tu ua anga i roto i te paepae, kiteia maira aia e ia; e kua akatika maira te ariki i te sepeta auro i roto i tona rima kia Esetera, kua akavaitata aturā Esetera, kua akatukia 3 atura i te kauru i taua sepeta ra. Kua tuatua maira te ariki kiaia, Eaa toou anoano, e te ariki vaine e Esetera? eaa tauu e pati mai? ka orongaia atu ia kia koe e tae ua atu ki tetai veenga i te 4 basileia nei. Kua karanga aturā Esetera, Kia tika i te ariki ra, e aere mai te ariki, e ko Hamana, akonei ki te inumanga i akonokonoia e au nana ra. 5 Kua tuatua maira te ariki, E tuatua ana kia Hamana e akangakoikoi, e akapera i ta Esetera i tuatua maira.

Kua aere atura te ariki raua ko Hamana ki te inumanga ta Esetera i akonokono ra. Kua tuatua maira te ariki 6 kia Esetera i taua inumanga winā ra, Eaa toou na anoano? ka orongaia atu ia kia koe: eaa tauu e pati mai? ka akatikaia ia e tae ua atu ki tetai veenga 7 o te basileia nei. Kua karanga aturā Esetera, na ko atura, Toku anoano, e 8 taku e pati; Te kite aroaia maira au e te ariki ra, e kia tika i te ariki i te oronga mai i toku anoano, e te akatika mai i taku e pati atu, e aere mairai te ariki e ko Hamana ki te inumanga naku e akonokono na raua, e apopo au e pera'i i ta te ariki i tuatua mai nei.

9 Aere aturā Hamana i taua rā ra ma te rekareka, e te nanave anga o te ngakau; kia akara rā Hamana ia Moredekai i te ngutupa o te ariki ra, e kare aia i tu ki runga, e kare oki i keu ua ake iaia, ki rava akērū Hamana i te 10 riri ia Moredekai. Akakoromito iora rā Hamana; e tae atura aia ki te ngutuare, kua tono atura i te tiki i te au 11 oa e tana vaine ra ia Zeresa. Kua akakite aturā Hamana i te kakā, te apinga maata nana, e te maata o tana au tamariki, kia ratou, e te au mea katoa i akamaataia i aia e te ariki, e kua akateiteia aia i te au tavini e te ui ariki i o te 12 ariki ra. E kua karanga atura oki a

Hamana, E te ariki vaine katoa ko Esetera, kare rava ana tangata i tuku katoa mai ki roto i te inumanga tana i akonokono na te ariki, mari ra ko au anake, e kua tuatua katoaia mai au e aere katoa apopo maua ko te ariki ki ona ra. Eaa ra to reira puapinga, te 13 akara ua nei au i taua ngati Iuda ra ia Moredekai i te noo ua anga i te ngutupa o te ariki ra?

Kua tuatua maira tana vaine ra ko 14 Zeresa, e te au oa katoa nona ra, Ei ringa te akatuia kia rima ngauru i te kubiti i te teitei, e karanga atu oki ki te ariki apopo e kia riia Moredekai ki rungao; ka aere rekareka ua atu ei korua ko te ariki i taua inumanga ra. Mareka rava aturū Hamana i taua tuatua ra; e kua akaue atura i taua ringa ra kia akatuia.

PENE VI.

Ko Ahasueru i te tatua anga i te tuatua i te takinga-meitaki o Moredekai: tona akangateitei angaia nei ta Hamana i tuatua e ua ki te ariki ra.

KARE rava te ariki i varea e te 1 moe i taua po ra, kua akaue atura aia i te buka vairanga tuatua no te au rā ra kia apaia mai, e tatauia iora ia ki mua i te araro o te ariki ra. E 2 kiten iora te tuatua i tataia ra e, na Moredekai i akakite ia Bigatana raua ko Teresa, nga eunuka a te ariki toko rua, tei tiaki i te ngutupa ra, tei umuumu i te ariki ra ia Ahasueru e ta.

Kua ui atura te ariki, Eaa te tutaki 3 e te meitaki i o atuia atu no Moredekai i te reira? Kua tuatua maira te au tavini o te ariki tei tavini iaia ra, Kare rava e meitaki i o atuia atu nona. Kua karanga atura te ariki, Koai tei 4 roto i te paepae? Ko Hamana tei aere mai ki roto i te paepae ki vao i te are o te ariki, e tuatua ki te ariki e ri ia Moredekai ki runga i te ringa i akatuia e ia nona. Kua tuatua maira te au 5 tavini o te ariki kiaia, I na, ko Hamana te tu ua maira i roto i te paepae. Kua karanga atura te ariki, E tuku ua 6 mai ki roto nei. Kua aere mairā Hamana ki roto. Kua karanga atura te ariki kiaia, E akapeeāia atu te tangata ta te ariki i anoano i te akangateitei atu? Te manako ra to Hamana nga- 7 kau, Koai ra ta te ariki i anoano i te akangateitei mari ra ko au? Kua tuatua mairā Hamana ki te ariki, Te tangata i anoanoia e te ariki i te akangateitei, Kia apaia mai te kakau ariki ta 8 te ariki i matau i te kakau ra, e te ipo

ta te ariki i matau i te noo, e te korona ariki i tukuia ki runga i tona mimiti: 9 E tuku oki i taua kakau nei e te ipo ki te rima o tetai tangata maata rava i te mana i o te ariki ra, e kia akakakau ratou i te tangata ki te reira, i ta te ariki i anoano i te akangateitei, e kia akaroia i runga i te ipo na roto i te arataa o te oire, ka kapiki aere ei na mua iaia e, E akaperāia te tangata ta 10 te ariki i anoano i te akangateitei. Kua karanga atura te ariki kia Hamana, E akangakoikoi, ka rave i taua kakau ra, e te ipo, tauu i tuatua ra, ka pera atu ei ki te ngati Iuda nei kia Moredekai, te noo ra i te ngutupa o te ariki nei, auraka rava e akatopa i tetai tuatua 11 tauu i tuatua maira. Kua rave aturū Hamana i taua kakau ra e taua ipo ra, e kua akakakau atura ia Moredekai, e kua arataki iaia ki runga i te ipo na roto i te arataa o te oire ra, e kua kapiki atu- 12 ra na mua iaia, E akaperāia te tangata ta te ariki i anoano i te akangateitei ra.

12 Kua aere akaou mairā Moredekai ki te ngutupa o te ariki ra. Karekā Hamana, aere viviki atura ki tona are ma te aue e ma te purokua tona mimiti. 13 Kua akakite aturū Hamana ki tana vaine kia Zeresa, e te au oa katoa nona ra, i taua au mea katoa i rokoia mai ei aia ra. Kua tuatua maira te au tangata pakari nona, e te vaine katoa nana ko Zeresa, kiaia, E ngati Iudā Moredekai, tauu i inga ana i mua iaia, kare aia e rauka ia koe, ka inga ra koe ki 14 mua iaia. E te karangaranga ua ra ratou kiaia, ko te eunuka maira a te ariki, e kua rapurapu ua iora i te arataki ia Hamana ki te inumanga i akonokonoia e Esetera ra.

PENE VII.

Te pati rā Esetera kia ora aia ma tona iti-tangata. Riia Hamana ra i runga i te ringa i akatuia e ia no Moredekai.

1 KUA aere iora te ariki rana ko Hamana e inu ki o te ariki vaine ra 2 ki o Esetera. Kua karanga akaou atura te ariki kia Esetera i te inumanga winā i te rā rua ra, Eaa toou anoano, e te ariki vaine e Esetera? ka orongaia atu ia kia koe: eaa tauu e pati mai? ka akatikaia ia e tae ua atu ki tetni 3 veenga i te basileia nei. Kua tuatua maira te ariki vaine ko Esetera, kua na ko maira, Te kite aroaia maira au e koe, e te ariki e, e kia tika oki i te ariki, teia toku anoano, kia ora au, teia oki 4 taku e pati atu, kia ora toku ra au ta-

ngata : Kua oko naia oki matou, ko au e toku ra au tangata kia mate rava, kia ta ravaia, e kia pou takiri. Naringa oki matou i okoia ei tavini tane e ei tavini vaine, kua muteki ua ia au, kua ngere ra te ariki i reira kare e oko na ta te enemi kia apai mai. Kua karanga atura te ariki ra ko Ahasueru, kua na ko atura ki te ariki vaine ra kia Esetera, Koai ia tangata, e teica ia, tei akakiia tona ngakau e akapera? Kua tuatua mairā Esetera ra, Ko te tangata ekai ra e te enemi, ko teianeī ia tangata kina ko Hamana. Mataku rava akerā Hamana i mua i te aroaro o te ariki e te ariki vaine ra.

Kua tu akera te ariki i tana inumanga winā ra ma te riri, aere atura ki roto i te koro i te are o te ariki ra: kua tu mairā Hamana kua pati akatenga i te ariki vaine ia Esetera kia ora; kua kite iora e te akakoro ra te ariki i te kino nona. Kua oki maira te ariki mei roto mai i te koro i te are o te ariki ra ki roto i te ngai inumanga winā ra; rokoia mai te tipapa ua rā Hamana ki runga i te roi i moeia e Esetera ra. Te tuatua ua ra te ariki, E rave ainei oki aia i te ariki vaine i mua i toku aroaro nei i roto i te are? Tei te mama anga atu taua tuatua ra mei roto mai i te vaa o te ariki, kua tapoki atura ratou i to Hamana mata. Kua karanga atura te tai cunuka ko Harabona ki mua i te ariki, I na katoa te ringa e rima ngauru i te kubiti i te teitei, ta Hamana i akatu no Moredekai, nana te tuatua meitaki i te ariki ra, te tu ua ra ia i roto i te are o Hamana. Kua karanga atura te ariki, Ka ri iaia i runga. Kua i 10 atura ratou ia Hamana ki runga i te ringa i akatua e ia no Moredekai. A nga akera te riri o te ariki.

PENE VIII.

Moredekai i te akateiteia : te au ngati Iuda i te akatika ia ratou uorai, e to ratou rekureka maata.

Tei taua rā ra te oronga angaia mai i te ariki e Ahasueru te ngutuare o te enemi o te ngati Iuda ko Hamana ki te ariki vaine kia Esetera. Kua aere mairā Moredekai ki mua i te aroaro o te ariki; kua akakite oki a Esetera iaia e piri aia nona. Kua kiriti akera te ariki i tona momono-rima i raveia mai e ia ia Hamana ra, e kua tuku akera kia Moredekai. Kua tuku akerā Esetera ia Moredekai ki runga i te ngutuare o Hamana.

Kua karanga akaou aturā Esetera ki

mua i te aroaro o te ariki, e tipapa marie iora i tona pae vae vae, e kua pati akatenga atura iaia ma te roi-mata, kia tuku ke atu aia i te kino i *akatupua* e Hamana ngati Agaga ra, e tana ravenga i akakoroia e ia i te au ngati Iuda. 4 Kua akatika maira te ariki i te sepepa auro kia Esetera. Kua tu akerā Esetera, tu ua iora ki mua i te aroaro o te ariki; Kua karanga atura, Kia tika i te ariki ra, e te kite aroaia maira au e ia, e e mea tika taua tuatua nei i mua i te aroaro o te ariki, e te mataora maira aia iuku nei, e tata i te tuatua akakoro i te au tuatua i akakoroia e Hamana to tamaiti a Hamedata te ngati Agaga ra, tana i tata ra e kia pou rava te au ngati Iuda i te mate i te au enua katoa o te ariki ra: Akapeca ra oki au nei e tika i kia akakoromaki i te akara anga atu i kino te ka tae mai ki runga i toku nei au tangata? e akapeca oki au e tika i kia akakoromaki i te akara anga atu i 7 te tainga i toku ra kopu-tangata? Kua tuatua maira te ariki ra ko Ahasueru ki te ariki vaine ra kia Esetera, e te ngati Iuda ra kia Moredekai, I na, kua orongaia e au te are o Hamana kia Esetera, e kua riia aia e ratou ki runga i te ringa ra, no te mea kua akatika atura aia i tona rima ki runga i te 8 ngati Iuda ra. E tata katoa korua i ta korua tuatua i anoano i te ngati Iuda ra, ma te ingoa katoa o te ariki, e akairo oki i te momono-rima o te ariki: ko te tuatua oki i tataia ma te ingoa o te ariki, e kua akairoia ki te momono-rima o te ariki, kare rava ia e tangata e tika i kia akakoro. 9 Tikiia atura oki te au tata tuatua a te ariki, i te toru o te marama, koia te marama ra ko Sivana, i te tai takau ma toru o te rā; ko ta Moredekai i akaue maira ko tei tataia ia, ki te au ngati Iuda, e te au rangatira, e te kavana, ma te au kavana tauturu, i runga i te au enua ra, mei Inidia mai e tae ua atura ki Kusa, okotai anere e rua ngauru ma itu i te enua; ko te au enua katoa kua tataia i te tuatua tikai, e ki te au tangata katoa i to ratou reo, e ki te au ngati Iuda i te tuatua tikai, 10 e i to ratou reo. Kua tata iora aia ma te ingoa o te ariki ra ko Ahasueru, e kua akairo atura ki te momono-rima o te ariki ra, e kua akau atura i taua au leta ra i te aronga apai: leta na runga i te au ipo, i na runga i te au ipo oro viviki, e te au mule te anau a te ipo ra. 11 Kua orongaia atu e te ariki ki te ngati Iuda, i roto i te au oire ravarai, kia akaputuputu ratou, e kia akamaroiroi

ia ratou naorai kia ora, kia rave e ta, e kia mate, e kia pou, te aronga toa katoa i o te au tangata e no te enua ra, kia opu mai ia ratou, te au tamariki mea riki, e te au vaine katoa, ei noni oki i ta ratou apinga ra, Kia okotai rai 12
rū i te au enua katoa o te ariki ra o Ahasueru, koia te *rā* okotai ngauru ma toru i te marama okotai ngauru ma rua, koia te marama ra ko Adara: E kia akakite aereia te tu o taua ture 13
i taitia ra ki te au enua katoa e ki te au tangata katoa ra, kia akateateama-
mao te ngati Iuda e kia tae ki taua rū ra, kia akaoko atu ratou orai i to ratou au enemy. Riro atura te aronga apai 14
Ieta na runga i te au ipo oro viviki ra, e te au mule, i akangakoikoi i te tua-
tua a te ariki i te akarapurapu anga ra. Tukuia akera taua ture ra i te are o te ariki ra i Susana.

Riro aturū Moredekai ki vao mei 15
mua atu i te aroaro o te ariki ra ma te kakau ariki i te *kakau anga*, te *kakau*
kerekere e te tatea, e ma te korona maata auro ra, e ma te kakau oronga meitaki e te purapura; mareka rava akera taua oire ra ko Susana e kua re-
kareka. E mārama to te ngati Iuda, e 16
te meitaki, e te rekareka, e te aka-
ngateiti. E tae akera te tuatua e te 17
ture a te ariki ki te au enua katoa, e te au oire katoa, kua mareka akera te ngati Iuda e te pingapingareka, te pokai,
e te rū meitaki ia no *rutou*: e manga-
nui oki te tangata no taua enua ra i riro mai ei ngati Iuda; rokoia iora oki
ratou e te matakū i te au ngati Iuda.

PENE IX.

*Te au enemy o te ngati Iuda i te tai-
ngaia ra. Te pokai ia Purima i te
akutaka angaia.*

TAE akera ki te ngauru ma rua o te 1
marama, i te marama ra ko Adara,
i te rū okotai ngauru ma toru o taua
marama ra, kua vaitata te *taime*
e tupu ei te tuatua e te ture a te ariki
ra, i te rū i manako ei te enemy o te
ngati Iuda e vi ia ia ratou, (riro atura
ra, e ko te ngati Iuda tei mana ki run-
gao i te aronga i riri mai ia ratou ra:)
Kua akaputuputu iora te au ngati Iuda 2
i to ratou au oire e pini ua ake i te au
enua katoa o te ariki ra o Ahasueru, e
opu atu to ratou rima i te aronga i
umuumu mai ia ratou kia takinga-ki-
no: e kare rava akera e tangata e
tika i kia mou i mua ia ratou; kua ro-
koia oki te tangata ravarai e te ma-
taku ia ratou. E te au kavana katoa 3

o te au enua ra, e te au tanturu, e te
au rangitira, e te aronga akataaongaia
i o te ariki ra, kua tauturu ratou i te
au ngati Iuda; no te mea kua rokoia
4 ratou e te matakū ia Moredekai. Ma-
ta atura oki a Moredekai i te are o te
ariki ra, riro atura oki tona rongo e
pini ua ake te au enua katoa ra, tupu
ua atura oki taua tangata ra ko More-
5 dekai i te maata anga. Pou atura te
au enemy o te au ngati Iuda i te taia e
ratou ki te koke, e mate atura, e pou
atura ratou, e kua rave atura i to ratou
anoano i te aronga i makitakita mai ia
6 ratou. E i roto oki i te are o te ariki
ra i Susana, e rima anere o te tangata
7 i tamate ravaia e te au ngati Iuda. E
ko Parasnadata, e ko Dalaphona, e
8 ko Asaphata, E ko Porata, e ko Ada-
9 lia, e ko Aridata, E ko Paramasata, e
ko Arisai, e ko Aridai, e ko Vaiezata,
10 Te au tamariki tino ngauru a Hamana
te tamaiti a Hamedata, te enemy o te
ngati Iuda, kua taia ia e ratou; kareka
te apinga no taua noni ra, kare to
ratou rima i rave ua atu i te *reira*.
11 Tei taua rū ra, te rainga o tei taia i
te are o te ariki ra i Susana, kua apaiia
12 mai ia ki mua i te ariki ra. Kua ka-
ranga atura te ariki ki te ariki vaine
kia Esetera, Kua taia e te ngati Iuda
te au tangata e rima anere, e kua mate
takiri rava, i te are o te ariki ra i Su-
sana, e te au tamariki katoa a Hamana
tino ngauru, mei te aa ra ta ratou i
rave i te au enua katoa o te ariki nei?
e tenana, eaa toou anoano? ka akatikain
atu ia; eaa taua e pati mai nei? ka
13 raveia ia. Kua tuatua mairū Esetera,
Kia tika i te ariki ra, e tuku ua atu
koe apopo ki te au ngati Iuda i Susana,
kia pera akaou mei te ture i *raveia* i
nakonei, e ka ri rai te au tamariki a
Hamana tino ngauru katoa ki runga i
14 te ringa ra. Kua akaue atura te ariki
e akapera: tukuia iora te ture i Susana
; riia iora te au tamariki a Hamana
15 tino ngauru katoa. Kua akaputuputu
iora te au ngati Iuda i Susana i te rū
okotai ngauru ma a i te marama ra ko
Adara, e kua ta iora i te au tangata e
toru anere i Susana, kareka te apinga
no taua noni ra, kare to ratou rima i
rave ua atu i te *reira*.
16 Kareka tetai papaki ngati Iuda i
roto i te au enua o te ariki ra, kua aka-
putuputu iora, e akamaroiroi ia ratou
orai kia ora, e akaangaro akera i to
ratou au enemy; mate iora to ratou au
enemy e itu ngauru ma rima i te *tausani*
ia ratou, kareka te apinga no taua noni
ra, kare to ratou rima i rave ua atu i

te reira. E tae akera ki te rā okotai 17
 ngauru ma toru i te marama ra ko
 Adara, e te ngauru ma a oki o *te rā* i
 taua *marama* ra, kua akaangaro iora
 ratou, akariro atura ia ei rā kaingakai
 e te rekareka. Kareka te au ngati 18
 Iuda i Susana tei te *rā* okotai ngauru
 ma toru to ratou uipānga, e te *rā* okotai
 ngauru ma a; e i te *rā* okotai ngauru
 ma rima o taua *marama* ra, kua aka-
 angaro iora, akariro atura ei rā kainga-
 kai e te rekareka. I akariro ei te au 19
 ngati Iuda i noo i te au vila, i roto i
 te au oire patu koreia ra, i te rā okotai
 ngauru ma a i te marama ra ia Adara,
 ei *rā* rekareka, e te kaingakai, ei rā
 meitaki, e ei akau anga i te tuanga na
 tetai e na tetai.

Tata iorā Moredekai i taua au tuatua 20
 nei, e kua akau atura i te au leta ki te
 au ngati Iuda ravarai i te au enua ka-
 toa o te ariki ra o Ahasueru, ko tei
 vaitata e tei te mamao ke, Ei akamou 21
teia i o ratou ra, kia akono ratou i te
 rā okotai ngauru ma a, e te ngauru ma
 rima o te rā, i te marama ra ko Adara,
 i te au mataiti katoa ra; Ko nga rā ia 22
 i rauka'i to te ngati Iuda akaangaro i
 to ratou au enemi, e te marama i aka-
 riroia'i to ratou aue ei rekareka, e to
 ratou eva ei rā meitaki: kia akariro
 ratou i aua nga *rā* ra ei rā kaingakai,
 e ei rekareka anga, e ei akau anga i te
 tuanga na tetai e na tetai, e kia oro-
 ngaia atu te apinga na te aronga ao.
 Kua akatika maira te au ngati Iuda e 23
 akapera ta ratou i rave ra, mei ta
 Moredekai i tata mai kia ratou; No te
 mea na te enemi o te au ngati Iuda 24
 katoa, na Hamana te tamaiti a Hame-
 data e ngati Agaga, i akakoro i to te
 ngati Iuda mate, e kua tuku i te Pura,
 koia te kelero nei, e rave ia ratou kia
 pou, e kia pou takiri rava; Kia tae rā 25
Esetera ki roto i te ariki ra, kua akauc
 aia i roto i te au leta e kia akaokiia
 mai tana ravenga kino tana i akakoro i
 te au ngati Iuda ki runga i tona orai
 mimiti, e kia riia aia e tana au tama-
 riki ki runga i te ringa ra. Tapa iora 26
 ratou i aua nga rā ra ia Purima, no te
 tuatua ra ko Pura. E no te au tuatua
 katoa o teianei leta, e te au mea
 katoa ta ratou i kite ra, e tei rokoia mai

27 ratou ra, Kua akono oki te au ngati
 Iuda, e akatika ratou orai, e to ratou
 uanga, e te aronga katoa e kapiti mai
 kia ratou e, e akono tikai ratou i aua
 nga rā e rua i te au mataiti katoa ra,
 kare e akatopaia, mei tei taitaia mai e
 te tuatau i *akonoiu* no ratou ra; E kia 28
 manakoia eianei puke rā, e kia ako-
 noiā, i te au uki katoa ra, i te au kopu-
 tangata ravarai, i te au enua katoa, e
 te au oire katoa; e auraka rava eianei
 puke rā Purima kia topa i te au ngati
 Iuda nei, e auraka rava kia ngaropoina
 i to ratou ra uanga.
 29 Kua tata iora te ariki vaine ra ko
 Esetera, te tamaine na Abihaila, e ko
 Moredekai ngati Iuda, ma to *rau* ra
 mana katoa, ei akatinamou i teia leta
 rua ia Purima. E kua akau atura aia 30
 i te au leta ki te au ngati Iuda katoa, i
 te au enua okotai anere e rua ngauru
 ma itu i te basileia o Ahasueru, ma te
 31 au tuatua au e te tuatua-mou; Ei
 akatinamou i aua puke rā Purima i te
 taine i *akonoiu* ra, i ta te ngati Iuda ra
 i ta Moredekai, e ta te ariki vaine ra i
 ta Esetera, i akono no ratou, e ta ratou
 orai oki i akakoro no ratou, e to ratou
 uanga, te au tuatua i te neseteia anga, e
 32 te pure. Mou rava atura taua au tuatua
 Purima ra i te tuatua a Esetera, e
 kua taitaia ia i roto i te buka.

PENE X.

*Te mana o Ahasueru, e te ngateitei o
 Moredekai.*

1 **K**UA tuku iora te ariki ra ko Aha-
 sueru i te taūnga ki runga i te
 2 enua ra, e i te pa enua o te moana. E
 te au angaanga katoa a tona ra mana,
 e tona ririnui, e te akakite anga i te
 maata o Moredekai, ka akateiteia'i aia
 e te ariki ra, kare ainei kua taitaia ia i
 roto i te buka, te tuatua no te au rā na
 te au ariki no Madai e no Peresia?
 3 Te piri ra oki te ngati Iuda ra ko
 Moredekai i te ariki ra ia Ahasueru, e
 te maata ra oki aia i o te ngati Iuda, e
 te kitea maira aia e te rai katoa o tona
 ra ai taeake, i te kimi anga i te mei-
 taki no tona iti-taungata, e te tuatua
 anga i te *tuatua* au ki tona katoa ra
 uanga.

TE BUKA A IOBU.

PENE I.

Te apinga mui e te paieti o Iobu; e te takinga-kino o Satani ra: te pou anga o tana apinga ravarai, e tona akameitaki anga i te Atua.

TEI te enua ra ko Uza tetai tangata, 1
ko Iobu te ingoa; e tangata apa kore, e te tiratiratu, i te matakua anga i te Atua, e te akaruke anga i te kino. E anau maira ana puke tamariki tamaroa toko itu, e nga tamaine toko toru. E ko ana puke apinga, e itu 2
tausani ia i te mamoe, e toru tausani kamela, e okotai tausani i te bovi, e rima anere asini ua, e te ngutuare tangata e manganui ua atu; tu ke atura aia i te maata i to anatole katoa ra.

Aere iora tana ra au tamariki tamaroa kua akatupu umukai ngutuare, ratou ravarai i tona orai rā anau ra; e kua tono e tiki i nga tuaine toko toru no ratou ra, kia kai, e kia inu ma ratou katoa ra. E ope akera nga rā kaingakai ra, kua tiki aturū Iobu e akatapu ia ratou, e kua tu akera aia i te popongi metua, e kua apai i te tusia karakaratia na ratou ravarai e pini ua ake: te karanga ra oki a Iobu, Peneiake kua ara taua au tamariki naku nei, e kua akakino i te Atua i to ratou ngakau. I pera oki a Iobu i te au rā katoa ra.

E tae akera ki tetai rā, kia aere mai te au tamariki a te Atua e akakite ia ratou uorai kia Iehova, kua aere katoa mairā Satani i rotopu ia ratou. E kua karanga aturū Iehova kia Satani, Mei e mai koe? Kua tuatua mairā Satani kia Iehova, na ko maira, Mei te oriori anga i te enua nei, e te anere ua anga i reira. E kua karanga aturū Iehova kia Satani, Kua akamaara ainei koe i toku tavini ia Iobu, kare oki ona e aite i runga i te enua nei, e tangata apa kore e te tiratiratu, i te matakua anga i te Atua, e te akaruke anga i te kino? Kua tuatua 9

mairā Satani kia Iehova, na ko maira, E matakua oko kore ua ainei a Iobu i te Atua? Kare ainei tei koropiniia aia e koe, e tona ra are, e tana katoa ra au mea ravarai e pini ua ake? kua akameitaki koe i ta tona rima i rave ra, e kua maata tana apinga i te enua nei.

10 Ka akatika ua atura koe i to rima i tenana, ka rave atu ei i tana e kia ope rava, kare aia e kore i te akakino ia koe ki mua i to mata. E kua karanga aturū Iehova kia Satani, I na, ko tana katoa ra, tei to rima ia; auraka ra to rima e rave ua atu iaia orai. Aere aturū Satani mei te aroaro atu o Iehova.

13 E tae akera ki tetai rā, te kaikai ra tana au tamariki tamaroa, e tana au tamaine, e te inu ra i te wina, i te are o to ratou tuakana: Te aere maira tetai karere kia Iobu, e kua na ko maira, Te arote ra te au bovi, e te kaikai ra te

15 au asini i waitatao ia ratou: Kua noni ua maira te ngati Seba ia ratou, e kua apai keia; e kua taia e ratou te au tavini ki te mata koke ra; e ko au anake uorai tei ora mai nei e akakite 16 kia koe. E te tuatua ua ra aia, te aere maira tetai, e kua na ko maira, Kua topa maira te ai a te Atua no te rangi mai, ka atura te au mamoe, e te au tavini, e kua pou iora ratou; e ko au anake uorai tei ora mai nei e akakite

17 kia koe. Te tuatua ua ra aia, kua aere maira tetai, e kua na ko maira, Kua akataka iora te Kaleda e nga takanava e toru, e kua noni iora i te au kamela, e kua apai ke atura ia ratou, e kua taia oki te au tangata ou ki te mata koke; e ko au anake uorai

18 tei ora mai nei e akakite kia koe. Te tuatua ua ra aia, kua aere maira tetai, e kua na ko maira, Te kaikai ra to au tamariki tamaroa, e to au tamaine, e te inu ra i te wina, i roto i te are o to ratou tuakana: E i na, ko te medeviviki maira na runga mai i te mede- 19 bara, mou maira i nga poo e a o te are ra, inga iora ki runga i taua au tangata

ou ra, e mate iora ratou; e ko au anake uaoari tau ora mai nei e akakite kia koe.

Kua tu mairā Iobu ki runga i reira, 20 e kua aeae i tona kakau, e kua varu i tona upoko, e kua akainga iora ki raro i te one, kua akamori, E kua tuatua 21 akera, I aere taaka ua mai au mei roto i te kopu o taku metua vaine, e ka oki taaka ua atu rai au ki reira: na Iehova i oronga mai, e na Iehova i rave mai; kia akameitakiia te ingoa o Iehova. Kare a Iobu i araia i taua au 22 mea katoa nei, e kare oki i akaapa i te Atua.

PENE II.

Te kimi akaou rā Satani i te rarenga ia Iobu, e te akatupu ra i te maki ki runga iaia. Te ako rā Iobu i tana vaine i tana tuatua kino. Nga oa o Iobu toko toru.

ETAE akera ki tetai rā, kia aere mai 1 te au tamariki a te Atua e akakite ia ratou uaoari kia Iehova, kua aere katoa mairā Satani i rotupu ia ratou, e akakite iaia uaoari kia Iehova. E kua 2 karanga aturā Iehova kia Satani, Mei ea mai koe? E kua tuatua mairā Satani kia Iehova, na ko maira, Mei te oriori anga i te enua nei, e te aere ua anga i reira. E kua karanga aturā 3 Iehova kia Satani, Kua akamaara ainei koe i toku tavini ia Iobu, kare ona e aite ki runga i te enua nei, e tangata apa kore, e te tiratiratu, i te matakua anga i te Atua, e te akaruke anga i te kino? e te tāpu ua nei rai aia i tona meitaki, akakoko ua mai ei koe iaku 4 kia rave arā kore ua atu au iaia kia mate. Kua tuatua mairā Satani kia Iehova, e kua na ko maira, Ei kiri no te kiri, e riro oki ta te tangata katoa ra ei oko i tona ora. Kia akatika ua 5 atura koe i to rima i tenana, ka rave atu ei i tona ivi e tona kiko, kare aia e kore i te akakino ia koe ki mua i to mata. E kua karanga aturā Iehova 6 kia Satani, I na, tei to rima ia aia; auraka ra koe e rave i tona ora.

Aere aturā Satani mei te aroaro atu 7 o Iehova, e kua ta atura ia Iobu ki te ee mamae, mei tona tapuae e tae ua atu ki tona take upoko. Kua rave iora aia i tetai vānga kapu karaea ei raraku iaia 8 uaoari; e kua noo iora ki raro i roto i te reu.

Kua karanga atura tana vaine kiaia, 9 Te tāpu ua nei koe i toou meitaki? ka akakino atu i te Atua, ka mate atu ei. Kua tuatua maira aia kiaia, Te tuatua 10

nei koe mei tetai o te au vaine neneva e tuatua ra. E āriki ainei tatou i te meitaki mei ko mai i te Atua, e auraka tatou e āriki katoa i te kino? Kare rai te vaa o Iobu i ara i teia katoa nei au mea.

- 11 Kia akarongo akera nga oa o Iobu toko toru ra i taua au kino katoa i rokoia mai ei aia ra, kua aere anake maira ratou mei to ratou uaoari ngai maira; ko Eliphaza ngati Temana, e ko Biladada ngati Sua, e ko Zophara i Naama: kua akakoro oki ratou ravarai e aere mai e tangi iaia, e akapumaana 12 oki iaia. E nānā akera ratou i o ratou mata i te atea ke, kare i kite e koia, kua akateitei akera to ratou reo, kua aue iora; e kua aeae iora ratou ravarai i te kakau tonao tonao, e kua titiri akera i te one-pueu ki runga i te rangi e 13 topa maira ki runga i to ratou mimiti. Kua nonoo katoa ratou mā ia katoa ki raro i te one, e itu akera po e itu oki no, e kare rava tetai i ki ua atu kiaia: te kite ra oki ratou e, e tumatetenga maata tona.

PENE III.

Te katara na rā Iobu i te rā i anau mai ei aia ra, e te maata ra tona anoano ki te raaru.

- 1 **E**MURI ake i te reira, kua amama akērā Iobu i tona vaa, e kua ka- 2 tara iora i tona rā. E kua tuatua iorā Iobu, kua na ko akera,
- 3 Kia kore ua te rā i anau ei au nei, e te po i tuatuaia'i e, Kua toia e tamaroa.
- 4 Kia riro taua rā ra ei poiri, auraka te Atua kia na runga mai i te akono i te reira, auraka te mārāma kia 5 kakā mai ki runga i te reira. Kia takinokinoia te reira i te poiri e te marumaru; kia toakia mai te tumurangi ki runga i te reira; kia rikarikaia i te rā 6 akapoiriia. Ko taua po ra, kia opukia ia e te poiri; auraka kia kapitia mai ki te au rā katoa o te mataiti, auraka 7 kia akaia mai ki roto i te tatauanga o te au marama. I na, kia viaiavare na taua po ra, auraka te reo rekareka kia 8 o mai i reira. Na ratou e katara, na tei katara i te rā; ratou tei karape i 9 te akaara ia Leviatana. Tona au etu aia ki poiri ia: kia tiaki te reira i te mārāma, e kare ra; e te mārāma po- 10 pongi auraka mai e kitea: No te mea kare i momani i te ngutupa o te kopu iaku, kare oki i uuna ke atu i te aue i oku nei mata.
- 11 Eaa au i kore ei i mate mei roto mai i te kopu ra? i kore ei au i unui rava

iaku i tae mai ki vao mei roto i te kopu? Eaa i tauturu mai ei nga turi iaku? e nga u oki, kia ngoteia e au ra? Kua tiraa ia au i teianei, e kua 13 muteki ua, kua moe ia au: e kua aka-anga i taku roi i reira, *Matou* ma 14 nga ariki, e nga tumu korero o te enua nei, ko tei patu i te au ngai meamea no ratou uaorai; *Matou* e te ui ma- 15 taiapo no ratou te auro, tei akaki i to ratou au are ki te ario: E kare ra, 16 mei te tamaiti tiria ngaro ua ra, kua kore ia au; mei te tamaiti varevare, kare i kite i te marama. Kua akapaki 17 te aronga kino i te akamanamanata i reira; e ei reira tei roiroi e akaangaro i ei. *Ei reira* te aronga i tapekaia e 18 noo matakua kore ua'i i te *ngai* okotai; kare ratou e akarongo i te reo o te taki-nga-kino. Tei reira te aronga rikiriki 19 e te aronga nunui; e kua tiamia mai te tavini i tona pu.

Eaa i orongaia mai ei te marama ki 20 tei tumatetenga ra, e te ora ki tei mamac te ngakau; Ki tei noinoi i te mate, 21 e kare ra; e tei keri ua ra, e iti te keri i te apinga uunaia ra; Ki tei rekareka 22 maata, e kia kite ua ake ratou i te vaarua, kua perepererekavana ia; Ki te 23 tangata e akangaroia tona arataa, ki tei koropiniia e te Atua? Kua na mua 24 nei toku aue i taku nei kai, e te mari-angi ua nei toku kakaoa anga mei te vai. Ko taku tikai oki i matakua ra, 25 tei rokoia mai ia e au, e taku oki i rikarika ra, ko tei iri mai ia ki runga iaku. Kare oku e au, e kare au e 26 muteki ua ana, e kare rai e tukutuku ua anga iaku; e kua tupu mairai te tumatetenga.

PENE IV.

Te tuatua a Eliphaza ia Iobu e, no te tuatua kino e mate ei te tangata i te Atua: tana orama.

KUA karanga atura te ngati Tema- 1 na ra ko Eliphaza, na ko atura, E kinokino ainei koe, kia karanga- 2 ranga ua atu matou kia koe? E tika ra iaai kia kore e tuatua? I na, e manga- 3 nui tei akoia e koe, e kua akamaroi-roia e koe te rima ngavarivari. Kua 4 turuaia tei turori ua ra i taau ra tuatua, e te turi akamuru ua, kua ketaketa ia koe. I tenana ra, kua rokoia koe e 5 taua mea ra, e kua potopoto toou a'o; kua akatukia mai ia koe, e kua tuma- tetenga koe. Kare ainei to matakua i 6 te *Atua* toou irinakiaanga, e toou manakonakoanga i te apa kore anga o toou ra au aereanga?

7 Ka akamaaraara ana, ko taku ia tua-
tua kia koe, Koai ia tangata kore ki
mate? Kiea te aronga tuatua-tika i te
8 tipu ke angaia? Mei taku rai oki i
kite, ko tei arote i te kino, e tei ruru i
9 te ara, ko ta ratou rai ia e kokoti. E
mate ratou i te matangi a te Atua, e i
10 te a'o o tona putaiu e pou ei ratou. Te
ngunguru o te liona, e te reo o te liona
taae, e te nio o te au liona ou, kua aka-
11 aitia ia. Te mate nei te liona ririnui
i te kai kore, e te au punua a te liona
tinana, kua pueurikiriki keia ia.
12 E manga tuatua tei apai poiriia mai
kiaiu nei, e kite atura taku taringa i
13 tetai ngai mea ngiti o te reira. I te
au manako no te orama i te po ra, ka
rokoia mai ei te tangata nei e te moe
14 tinainai, Rokoia iora au e te matakua,
e te ruketekete, e taku au ivi katoa ra
15 tei ru ua. Kua na mua iaku tetai
vaerua i te aere; te maranga ua ra te
16 ii iaku: Kua tu ua iora, kare ra au
i kite i tona tu: e turuma ra tei mua
i taku mata, kare ua e mu, e te rongu
ra au i tetai reo:
17 E rai ainei ta te tangata nei tuatua-
tika ita te Atua? e rai ainei to te ta-
ngata nei viivii kore i to Tei anga iaia
18 ra? I na, kare tona au tavini i irina-
kia e ia; e te karanga nei aia e auouo
19 to tana au angela: Ka tanga atu ei i
te aronga e noo i te are one nei, e te
ratou tumu, ko te one-pueu ia, tei pa-
ruparu ki mua i te aroaro o te neu?
20 Te pou ua nei ratou mei te popongi mai
e tae ua atu ki te aiai: te mate takiri
nei rai ratou ma te akono koreia atu.
21 Kare ainei e ngaro ua te meitaki i roto
ia ra'ou? te mate nei ratou, e kare rai
i rauka te kite.

PENE V.

*Te kino o te akono kore, e e openga
kino to te tangata tuatua kino ra, e e
meitaki to tei akono i te ako a te
Atua.*

KA kapiki na i tenana, peneiake ko
te ae mai tetai ia koe: e ko teica
taau ka ariu atu i te aronga tapu ra?
2 E mate rai te tangata neneva i te riri,
3 e te auouo e mate ia i te vareae. Kua
kite au i te neneva i te toro anga i te
aka: kare e roaia ra e, kua akakino
4 atura au i tona nooanga. Tei te atea
ke rai te ora i tana ra au tamariki, e kua
aaitia ratou i te ngutupa, e kare ua e
5 akaora. Te pou ra ta ratou mou i te aro-
nga pongi, e tae rava atu ki tei roto i
te rakau taratara i te aru angaia, e te
apuku uaia nei ra ta ratou apinga e te

kaki vai. Kare oki te maki i to raro 6
i te one-pucu i te tae anga mai, e kare
oki te tumatetenga i to roto i te enua i 7
te tupu anga mai; I anau mairai te
tangata no te tumatetenga, mei te pu-
rapura ai e peke ki runga.

Ka kimi tika au ki te Atua, e ki te 8
Atua au e tuku atu ei i taku tuatua:
Ko tei rave i te au mea mamaata, e te 9
kitea koreia kia kimi, i te au mea
umereia tei kore e pou kia tatau: Ko 10
tei oronga mai i te ua ki runga i te
enua nei, e kua tuku mairai i te vai ki
runga i te au kainga: E akateitei i te 11
aronga akaaka ki runga; e ei akanga-
teitei i te aronga aue i te ora: Ko tei 12
taruri ke i te kimianga a te aronga
pakari, kare atura to ratou rima e tika
i te rave i ta ratou i akakoro ra. Te 13
taii nei aia i te aronga pakari i to ratou
uaorai pakari: e te akapuapinga kore
nei aia i te akakoroanga a te aronga
pikikaa. Ko te poiuri ta ratou e aravei 14
i te ao, e te aa aere ua ra ratou i te
avatea mei tei te po ra. Te akaora nei 15
ra aia i te aronga ao i te koke, i to
ratou vaa, e i te rima o te aronga riri-
nui. No reira i rauka'i to te ao ra 16
manakonakoanga, e te kino ra, te
topiriia nei ia te vaa.

I na, e ao to te tangata tei akoia 17
mai e te Atua: e tenana, auraka koe e
akavaavaa i te ako a te Mana katoatoa:
Nana oki i akanamae, e nana oki i 18
vai: nana oki i akaparuparu, e na
tona rima i akaora. Kia taki ono ua 19
atu toou tumatetengaanga, nana koe
e akaora: e tae ua atu ki te itu ra,
kare rai te kino e akatukia mai ia koe.
I te onge ra, nana koe e akaora i te 20
mate: e i te tamakira, i te mana koke
ra. E uunaia koe i te mate ra i te 21
arero: e kare oki koe e matakui i te pou
kia tae mai. E katangia e koe te pou 22
e te onge: kare oki koe e matakui i te au
terio o te enua nei. E tau noou te au 23
toka o te kainga nei: e e au oki tauu i
te au terio o te enua nei. E kite oki 24
koe e e au tei toou puakapa; e atoro
oki koe i toou ngutuare, e kare rai e
tatipake. E kite oki koe e ka manta 25
toou uanga, e tauu anau mei te nga-
ngaere o te enua nei. Kia pakari 26
tikai ka tae ei koe ki te vaarua, mei te
ruru sitona i akaputuia i tona tua-
tau.

I na! ko ta matou ia i kimi io nei, 27
koia tikai teia; ko tauu ia e akarongo
mai, e kia kite oki koe ei maitaki noou
uaorai.

PENE VI.

*Te akakile nei a Iobu e kare aia i aue
ua. Te anoano rai i te mate. Te
mamae ra aia i ta te au o a ra tua-
tua.*

- 1 **K**UA tuatua mairā Iobu, na ko
maira,
- 2 Angairi toku mate nei i arite tikaia
nei, e toku tumatetenga nei i kapiti
- 3 katoaia ki roto i te aite akateiaa e! I
teianei rai oki ka iti ia te one taatai i te
teiaa: i viviki roa'i taku nei au tuatua.
- 4 Te au kakao a te Mana katoatoa tei
roto mai nei iaku nei, e na te kavangu
o te reira i pou ei taku vaerua; e te
au mea matakui a te Atua te tupati
marie nei ki runga iaku nei.
- 5 E aue ainei te asini momoavao i te ngai
ngangaere? e e ungā ainei te bovi ki
- 6 runga i tana kai? E tika ainei te mea
mangarongaro kia kai auraka ei tai? e
te tui nei ainei te numata ua moa?
- 7 Ko te au mea ra kare rava i tauia atu
e au ra, ko tei riro mai ia ei kai aue
naku.
- 8 Angairi i rauka mai taku e pati
nei; angairi oki te Atua e oronga mai i
- 9 taku e inangaro nei! Angairi i tika i
te Atua i te aati mai iaku; angairi i
tika iaia kia tuku mai i tona rima, e
tipu ke iaku!
- 10 E vai rai toku rekareka i reira, e
rere ua oki au i te rekareka i te
mate; auraka aia e akaperepere, kare
oki au i uuna i te au tuatua a Tei
Tapu ra.
- 11 Eaa toku nei ririnui, e manakonako
ei au? eaa toku nei openga, kia akaroa-
12 ia e au toku nei a'o! E ririnui toka
ainei toku nei ririnui? e e kiko veo
13 ainei toku? Aue! kare ua e tauturu
o roto iaku, e te turu iaku nei, kua
akataka keia ia.
- 14 E tau te tangi a te oa ki te makiia
ra: kua akaruke ra aia i te matakui i
- 15 te Mana katoatoa ra. Kua pikikaa
mai toku aronga taenke mei te peka
vai ra, mei te vai ta'e o te au o ra e
- 16 mimie ua ra: Ko tei kerepuruia i te
vai toka, e ngaro atura te kiona ki roto
- 17 ra: I te tuatau i maanana i ra, kua
ngaro ia ratou; kia pukakā ra, kua
- 18 kore ia i to ratou vairanga: To ratou
aerenga i te ta'e anga ra, kua mingi ke
ia; i te aere ra ratou ki te kore anga, e
- 19 ngaro ntura; Te au motuanga tangata
no Tema tei akara, e te au takanga ta-
ngata no Seba kua tapapa i te reira:
- 20 Kua tumatetenga ratou, no te mea, ko
to ratou ia irinakianga; kua tae ratou

ki reira, e kua akama atura. E teia- 21
nei e mea puapinga kore rai kotou: te
kite nei kotou i *toku* tuku akaaka-
anga, e te matakua na kotou. I tua- 22
tua ana ainei au, Apai mai ana kiaku
nei? e, No roto i ta kotou apinga, e o
mai tetai naku? E, Kia ora au ia 23
kotou i te rima o te enemi? e, Akaora
kotou iaku i te rima o te aronga riri-
nui ra?

E apii mai iaku, e naku e muteki 24
ua: e taku ngai i e ra, ka akakite mai
kiaku. E mea taka meitaki te au 25
tuatua-tika! teia ra te tuatua i taka i
ta kotou akamura? Te manako nei 26
ainei kotou e akamura mai i te au tua-
tua ua, te au tuatua oki a tei kore rava
e manakoanga, e *riro* ei matangi ra?
Koia tika rai, te tinai-mate nei kotou 27
i te matiroeroe, e te ko nei kotou i *te*
vuaria no to kotou oa. E tenana, kia 28
tika ia kotou na, ka akara mai iaku;
te mua tikai i to kotou na mata, me
pikikaa au. E ariu mai, ko taku ia 29
tuatua, auraka e akariroia ei ara; koia
ia, e ariu akaou mai, ko taku rai tei
tika i taua mea nei. E ara ainei tei 30
toku nei arero? Kare ainei au i kite i
te mea kino kia tongi au?

PENE VII.

*Te akatika rā Iobu i tona inangaro ki
te mate, no te mea e tumutetenga
maata tona.*

KARE ainei i akonoia to te ta- 1
ngata nei tuatua i te ao nei? e
tona puke rā mei te au rā o tei ouia
ra? Mei te tavini e anoano maata i 2
te maru aiai ra, e mei tei ouia ra e ta-
papa i te *tutaki* no tana angaanga:
Koia katoa au, kua tukuia mai te au 3
marama rekareka kore noku, e te au po
noongata tei akonoia mai noku. Kia 4
akāvāi au ki raro, kua tuatua au e,
Aea ra au e tu ei ki runga, e kore
atura te po? kua roiroi au i te takau-
riuri ua anga e tae ua atu ki te ao anga
ra. Kua vaiia toku kopapa ki te iro, e 5
te tikipa repo; kua mimirotu toku kiri,
e kua pe. E viviki to te au rā noku 6
nei i to te kauta a te raranga kakau rā,
e te ope ua nei ma te manakonakoanga
kore.

E akaniara ana e, ko toku nei ora, 7
e matangi ua ia: kare oku mata e kite
akaou i te meitaki. Kare oki te mata 8
o tei kite mai iaku ra e akara *akaou*
mai iaku: tei runga maira ouu mata
inku, e kua kore ia au. Mei te tumu- 9
rangi e peke nei, e kua ngaro; koia
katoa tei eke ki raro i te vaarua, kare

10 e oki mai. Kare aia e oki akaou ki
tona ngutuare, kare rai tona ngai e
11 kite akaou mai iaia. I kore ei au e
tāpu i toku vaa; e tuatua rai au i te
tumatetengaanga o toku vaerua; e ka
aue rai au i te mamacanga o taku
ngakau.

12 Ko te tai ainei au, e e tanina, i toku
mai ei koe i te tiaki ki runga iaku?
13 Kia karanga au e, E mareka au i taku
roi nei, e amaru ake taku maki i toku
14 nei moenga; Te akapoitirere maira
koe iaku ki te moe i reira, e te akari-
15 karika maira iaku ki te orama: I ina-
ngaro ei taku vaerua kia kukumiia
mai, e kia mate rava, auraka teianei
16 au ivi. Kua iu au; auraka au kia
ora roa atu: Ka toku ake ana iaku;
kare oki e puapinga toku nei puke
rā.

17 Eaa te tangata nei, i manako nui
mai ei koe iaia? e i akono ei toou nga-
18 kau iaia? I atoro ei koe iaia i te au
popongi katoa ra, i timata mai ei koe
19 iaia kare e tukumoe? Kia aa koe e
ariu ke atu ei iaku nei, e e vaoi iaku
kia toku ua ana au i taku uavare?
20 Kua ara ia au; e akapea atu au ia
koe? E tei tiaki i te tangata nei, eaa
oki koe i akatu ei iaku ei pa naau,
e kua riro au ei mea teiaa noku uorai?
21 Eaa oki koe i kore ei i akakore i taku
nei ara, ka apai ke atu ei i toku nei
kino? Ka moe oki au i tenana ki raro
i te one-pueu; ka kimi oki koe iaku
kia popongi ake, e kare ra au.

PENE VIII.

*Te akatika nei a Biladada i te rave-
nga a te Atua ra.*

KUA karanga aturā Biladada ngati 1
Sua, na ko atura,
2 Mei te aa te roa o tenana tua'ua
naau? e te au tuatua a to vaa mei te
3 matangi viviki ra? E ruri ke ainei te
Atua i te tuatua-tau? e te ruri ke nei
ainei te Mana katoatoa i te tuatua-tika?
4 Ara ua rai taau au tamariki iaia, e kua
akarukeia ratou e ia no ta ratou ara;
5 Kia tika ra ia koe i te kimi i te Atua i
tenana, e kia pure oki koe ki te Mana
6 katoatoa ra; Angairi e tuatua-tika
taau e te tiratiratu; e riro tikai aia i
te ara mai ia koe i tenana, e e akama-
7 nuia i to nooanga tuatua-tika ra. Mea
ngiti ua rai taau i mua ua nei, ka
maata rava ia taau i te openga.
8 Ka ui ana, ko taku ia tuatua kia
koe, i tei muatangana ra uki, e i te
ratou ra ai metua taau e akonokono i
9 te kimi atu: Ko tatou nei oki, no
2 K 2

nanai ua nei ia, e te kite kore, no te mea ko to tatou puke rā i te ao nei, e tau ia ki te ata : Kare ainei na ratou 10 e apii mai ia koe, e akakite mai kia koe, ka tuku mai ei i tetai aronga tua-tua no roto i to ratou ngakau ?

E tupu ainei te gome auraka ei 11 vari ? e tupu ainei te rauo auraka ei vai ? I te vai uriuri anga ra, kare i 12 kokotia ra, ko te mimiro vave ana ia i te au rakau katoa ra. Koia katoa 13 te aerenga o te aronga ravara i aka-ngaropoina i te Atua; e te manako-nakoanga o te pikikaa ra, e kore ia : Ka pe oki tona manakonakoanga, e te 14 are o te tukutukuraonui tona irinaki-anga. Ka irinaki aia ki tona ra are, 15 kare ra e mou : ka tāpu piri oki aia i te reira, kare ra e roa i te vairanga ra. Kare te rā i iti ra, te uriuri ra aia, e 16 te toro ra tona rara na runga i tona kainga. Ko tei taviri aere tona au 17 aka na runga i te putunga *toka*, e kua kite i te ngai toka. Kia mate aia iaia 18 i tona ra ngai, e riro aia i te uuna iaia, e te na ko ra e, Kare au i kite ia koe. I na, ko te manga rekareka teia o tona 19 ra aerenga, e na raro rai i te one tetai i te tupu.

I na, kare te Atua e akaruke i te 20 tangata apa kore, kare oki aia e mou atu i te rima o te aronga rave tuatua kino. E akaki mairai aia i to vaa ki 21 te kata, e to reo ki te rekareka. Ko te 22 aronga e riri mai ia koe ra, e vaiia ia ki te akama; e te puakapa o te aronga kino, e kore rava ia.

PENE IX.

Kua akatikā Iobu i te Atua; e makiia ra tei meitaki e tei kino katou; kare e tika kia akaapa i te tangata koia i rokoia e te maki.

KUA tuatua mairā Iobu, na ko 1 maira,

Kua kite au e, koia tila rai te reira 2 ra : akapeea ra e tika'i te tangata nei i mua i te Atua? Kia inangaro aia i 3 te māro mai iaia, tausani ua atu tana kare ua a te tangata nei e okotai iti ake. Te pakari o te ngakau, e te 4 mana o te ririnui : koai tei māro atu iaia, e kua tupu tana? Ko tei apai 5 ke atu i te au maunga, e kare ratou i kite : ko tei tatipoki ia ratou i tona ra riri : Ko tei akangaueue i te enua, e 6 taka ke atura i tona vairanga, e kua ruketekete iora tona au pou : Ko tei 7 akaue i te rā, e kare aia e iti mai : e kua sigiloia e ia te au etu : Koia 8 anake rai tei oora mai i te au rangi ra;

e tei takai ki runga i te au ngaru 9 o te moana : Ko tei anga ia Uresa, Oriona, e ia Matariki, e te au pia i te 10 pae i apatonga ra. E ravenga maata tana i rave ra, kare e kitea kia kimi; e te au mea umereia, kare e ope 11 kia tataua.

11 I na, na ki nei aia iaku nei i te aere, e kare au i kite : e te aere atura, kare 12 ra au i kite iaia. I na, te apai ke nei aia, e naai e akakore? naai e karanga 13 atu kiaia, Te aa ana koe? Kia kore te Atua e akaanga ke i tona riri, e 14 tupou te aronga tuatutu nengonengo i raro ake iaia. Ka tanga atu ei iaku 15 kia karanga atu iaia, ka akataka'i taku aronga tuatua ki mua iaia? Iaia ra, e 16 tuatua-tika uarai taku, kare au e ki atu, ka pure ra au ki taku akava. 17 Angairi au i kapiki, e kua ūe maira aia; kare rai au e akatika e kua aka- 18 rongo mai aia i toku reo. No te mea te aati nei aia iaku ki te uria, e te 19 akamaata ara kore ua maira i taku au puta. Kare aia e vaoa ua iaku kia uti 20 ua ana i toku a'o, te akaki ua maira oki aia iaku ki te maramara. Kia 21 tuatua au i te ririnui, i na, koia tei ririnui : e i te tuatua-tau ra, koai te ka 22 riro mai ei kite naku? Kia akatika au iaku orai, na toku vaa au e akaapa : 23 kia karanga iora au, Kare aku ara, na te reira e akakite i toku māro. Angairi 24 kare aku ara, kare rai au e akono iaku uarai : ka akavaavaa rai au i toku ora.

25 Ko tetai rai teia, no reira au i tua-tua'i e, Te mate nei te apa kore, e te 26 aronga kino, iaia. Kia taia viviki aereia e tetai mate, e kata aia i te 27 timata anga o te aronga ara kore. Kua orongaia te enua ki te rima o te aronga kino : te tapoki nei ra aia i nga mata 28 o to reira ra au akava; e kare ra, teiea iora, e koai aia tei pera?

29 E viviki maata to toku au rā nei i to te orooro : te rere ke nei te reira, e 30 kare i kitea te meitaki. Kua riro ke mei te au pai tere viviki : mei te auto 31 kia rere mai ki runga i tana kai. Kia tuatua oti au e, Ka akangaropoina au 32 au i toku maki, ka akatu ke au i taku mata, e ka akapumaana au iaku uao- 33 rai; Te mataka nei au i toku nei au tumatetenga katoa, kua kite rai au e, kare koe e tuatua iaku i te ara kore.

34 Kua ara au ra, eaa iora oki te pua- 35 pinga o taku māro anga? Orei ua rai au iaku ki te vai kiona, e kia 36 tamā au i oku rima ki te pua; E uria au e koe ki raro i te kopua vari, e e akaviiviiia au e toku uarai kakau. 37 Kare oki aia i te tangata mei iaku

nei, ka karanga atu ei au kiaia, e kia aravei katoa maua i te akavaanga. Kare oki e akaongi ia maua, ka tuku 33 ei i tona rima ki runga ia maua rava-rai. Kia rave ke ra aia i tana rakau 34 pāpā iaku nei, e auraka au kia rikarika i te matakū iaia ra: Kua tuatua ia au 35 i reira, ma te matakū kore iaia; kare ra mei te reira iaku nei.

PENE X.

Te ui rā Iobu ki te Atua i te mea i maata rava'i tona tuamatelenga.

KUA ia rava toku vaerua i toku 1 nei ora anga; ka tuku au iaku uaorai kia aue ua na; e tuatua rai au ma te mamae o toku nei vaerua. Ka 2 karanga atu ana au ki te Atua, Auraka e akaapa ua mai iaku; e akakite mai koe i te mea i māro mai ei koe iaku nei. E mea meitaki ainei ia koe kia 3 akateiaa ua mai, e kia akavaavaa mai i te anguanga a to rima na, e kia mūrāma ia koe te tuatua a te aranga kino? E mata tangata ainei toou? e mei ta te 4 tangata ainei taau akara anga? Te tau ra ainei toou ra puke rā ki to te tan- 5 gata nei puke rā, toou ra au mataiti ki te au rā o te tangata nei, I ui ei koe i toku nei kino, e i kimi ei koe i 6 taku nei ara? Kua kite rai koe e kare au i te tangata kino; kare ra e tangata 7 e ora i tei tae ki toou ra rima.

Na to rima i akaite iaku, e kua 8 anga iaku, e kua takapini marie; e te akapou nei rai koe iaku. E akamaara, 9 ko taku ia tuatua ia koe, e mei te karakara taau i anga iaku; e e akaoki akaou ainei koe iaku ki te one-pueu? Kare ainei koe i riringi iaku nei mei 10 te u ra, e kua tatoka iaku mei te u toka rā? Kua vai koe iaku ki te kiri 11 e te kiko, e kua akaketaketa iaku ki te ivi e te uaua. Ko te ora e te aka- 12 perepere taau i toku mai kiaku nei, e no toou tiaki anga i ora'i toku vaerua. Kua uuaa iora koe i taua au mea 13 nei i roto i toou ngakau: kua kite rai au e tei ia koe rai taua mea nei.

Kia rave au i te ara ra, te akairo 14 maira koe iaku i reira, e kare au e matara ia koe mei roto i taku ara. E kino toku ra, e ae oki au; e te vai 15 tuatua-tika nei au, kare au e akateitei i toku upoko. Kua ki au i te akama; e teiane, ka akara mai ana koe i toku maki nei; Te aere nei oki te reira ki te 16 maata anga. Te arumaki mai nei koe iaku nei mei te liona tae ra: e te aka- 17 kite akaou maira koe ia koe uaorai ei mea taka ke ki runga iaku. Te aka-

taka akaou nei koe i toou aranga kite ki runga iaku, e te akamaata maira to riri ootoo ki runga iaku; kua na rungao na rungao te au nuku tamaki iaku nei.

- 18 Eaa oki koe i rave mai ei iaku mei roto i te kopu? Naringa au i mate e, e auraka rava tetai mata i kite iaku! 19 Kua riro au i reira mei te mea kare; e mei roto i te kopu atu toku apai angaia ki te vaarua. 20 Kare ainei e iti ua oku nei puke rā? kua oti ua ana, ka vao ake ana iaku, 21 kia amaru iti ua ana au, Ka riro atu ei ki te ngai kare e oki akaou mai, ki te enua poiri oki e te maru-mate: 22 Enua poiri, te poiri tangatonga o te maru-mate; kare ua e marikonga, e arite tona mūrāma ki te poiri tango-tango.

PENE XI.

Te ako nei a Zophara ia Iobu, i te mea kua akatika aia iaia uaorai. Te akakite ra aia i to te Atua maata anga, e te meitaki o te tatarara.

- 1 **K**UA karanga aturū Zophara i Naama, na ko atura, 2 Kare ainei te tuatua maata e karangaia atu? e akatikaia ainei te tangata 3 vaavaa nunui? E muteki ua ainei te tangata i taau tuatua-tika kore? e kia 4 taitoito ua mai koe, kare ainei e tangata ei taakama atu? I tuatua ana oki koe e, Kua tika taku nei tuatua, e kare 5 oku e viiui i toou na mata. Angniri ra te Atua e tuatua ua mai, e kia 6 amama ua mai tona vaa ia koe; E kia akakite mai aia kia koe i te tuatua ngaro poti o te pakari ra, tei papa rua 7 ra ia i te au mea kitea katon ra! e kite koe i reira e, kua akangaropoina te 8 Atua i tetai pae o taau ara. 9 E kitea ainei te Atua ia koe kia kimi? e kitea puia ainei te Mana 10 katoatoa ia koe? Mei te au rangi i te teitei; e naea taau e rave? E oonu maata i to ade; eaa taau ngai e kite? 11 E roa rava to te reira aite i to te enua, e pararaare maata to te reira i to te 12 moana. Nana e opu ra, e kua tapeka, e kua uipa ki te akavaanga, koai tei 13 tika kia patoi atu iaia? Kua kite aia i te au tangata pikikaa: e te akara katoa maira aia i te ara; e ana e kare aia e 14 akono mai. Te inangaro ra te tangata neneva kia manakoia e e pakari tona, tau uaorai te tangata nei, i tona ana anga, mei te punua asini momoavao. 15 Kia akateateamamao koe i to ngakau, e kia akatika atu koe i ouu rima

kiaia; E te vai ra te ara i to rima na, e 14
 akaruke takiri rava atu ia, e auraka e
 vaoa na te kino kia vai i toou au pua-
 kapa. E nānā koe i to mata ki runga 15
 ma te kotuutuu kore i reira; koia ia,
 e maroiroi koe, e kare e matakū: Ka 16
 akangaropoina oki koe i toou mate, e
 kia akamaara ra, e riro ia mei te vai
 puke i mate vave ra: E riro oki taua 17
 tuatau ra i te mārama e iti to te avatea;
 tei roto koe i te poiiri i tenana, e arite
 ra koe ki te popongi i reira. Kare koe 18
 e ngaucue, no te mea te vai ra te
 manakonakoanga; te akama ra koe i
 tenana, ka noo marie ra koe i reira ma 19
 te matakū kore. Ka akāvai oki koe
 ki raro, e kare oki tetai e akamataku-
 taku mai; e manganui rai te ka ta-
 tomo ki mua i to aroaro. E avarevare 20
 te mata o te aronga kino, e kore roa
 to ratou akapuanga, e riro to ratou
 manakonakoanga mei te unui anga vae-
 rua ra.

PENE XII.

*Te patoi nei a Iobu ia Zophara, e te
 ako nei iaia.*

KUA tuatua mairā Iobu, na ko maira, 1
 Ka kotou tika rai nga tangata
 kite, e me mate kotou ra, ko te mate rai 2
 ia o te pakari. Te kite katoa nei rai
 au mei ia kotou katoa na; kare au i iti 3
 ia kotou: koai oki tei kore i kite i te-
 nana au tuatua? Kua riro au mei tei
 akavaavaia e tona ra oa, ko tei kapiki 4
 atu ki te Atua, e kua ūe maira ia iaia:
 kua kata aviriia te tangata tuatua-tika,
 e te tiratiratu. Mei te lamepa akarū- 5
 keia, i te manako o tei noo ponuiau
 ua ra, te tangata i vaitata tona vaevae i
 te paeke.

Te noo au ua ra te au puakapa o te 6
 aronga keia, e te aronga i akakoko atu
 i te Atua ra, te vai ngaucue kore ua ra
 ia; e te akaki maira te Atua i to ratou 7
 rima ki te apinga. Ka ui ana ra ki te
 au puaka, e na ratou e apii mai ia koe;
 e te au manu o te reva nei, e na ratou 8
 e akakite mai kia koe: E kare ra, ka
 karanga atu ki te enua, e nana e apii
 mai ia koe: e na te au ika o te tai e
 akakite mai kia koe. Koai to roto ia 9
 ratou ravarai tei kore i kite e, na te
 rima o Iehova teia i rave? Tei tona 10
 rima te a'o o te au mea ravarai e ora
 nei, e te vauerua o te au tangata katoa
 nei.

Kare ainei na te taringa nei e timata 11
 i te tuatua? e na te vaa e tongi i tana
 kai? Tei te aronga taito te pakari; e 12
 te kite tei te maata ia o te au rā ra.

Tei iaia oki te pakari e te ririnui, tei 13

14 iaia oki te ako e te kite. I na, ko tana
 i vava'i ra, kare te reira e tika kia
 patu akaouia: kia momani aia i te
 tangata ki roto, kare rava e matara 15
 anga. I na, nana i tāpu i te vai, e mate
 akera ia: nana oki i tuku mai ki vao,
 e kua nina ravaia te enua. Tei iaia te 16
 ririnui e te pakari: e tei akatatipakeia
 ra, e tei akatatipake, tei iaia ia. Te 17
 akariro nei aia i te aronga tumu korero
 ei tuikaa, e te aronga akava kua akari- 18
 roia ei neneva. Te mana a te au ariki
 tei matara iaia, e te tatua nei aia i to
 19 ratou taupuku ki te taura. Te akariro
 nei aia i te kau taunga ei tuikaa, e te
 20 uri nei i te aronga mana ki raro. Te
 akakore nei aia i te korero a te aronga
 tuatua-mou, e te apai ke nei i te kite o
 21 te aronga ruaine ra. Te riringi nei
 aia i te akavaavaia ki runga i te aronga
 mana, e te tatara nei aia i te tatua o te
 22 toa. Te uaki nei aia i te au mea ngaro
 ra o te poiiri, e te kika nei i te maru-
 23 mate ki roto i te mārama. Te aka-
 maata nei aia i te au enua, e kua aka-
 pou atura: te akapararauare nei aia i
 24 te au enua, e kua akaoti akaou. Te
 rave ke nei aia i te manako o tei maata
 i te au tangata o te enua nei, e kua
 akauoa aere aia ia ratou i te medebara
 25 arataa kore. Te aa aere ua ra ratou i
 roto i te poiiri, e kare e mārama, e kua
 turori ua ratou iaia mei te konā kava
 ra.

PENE XIII.

*Te tapepe nei a Iobu i tona au oa i te
 tuatua pae tai: ko te Atua tona iri-
 nakiangā: te inangaro ra aia kia
 kite i tana ara, e te mea i tairo mai
 ei te Atua iaia.*

INA, kua kite taku mata i taua au
 mea katoa nei; kua akarongo oki
 2 taku taringa, e kua kite. Ko ta kotou
 i kite ra, kua kite katoa au: kare au i
 iti ia kotou.
 3 E karanga tika atura au ki te Mana
 katoatua, e te inangaro nei au ko maua
 ko te Atua ka akataka'i i taku tuatua.
 4 Ko kotou ra, e aronga kimi tuatua pi-
 kikaā ia, e aronga rapakau puapinga
 5 kore anake kotou. Angauri oki kotou e
 muteki takiri rava atu e! ko to kotou
 ia pakari ko te reira ra.
 6 Akarongo mai ana ra kotou i taku
 nei tuatua i tenana, e ta toku vaa nei
 ka akataka, ta kotou ia e akarongo
 7 mai. Ei tuatua kino ainei ta kotou no
 te Atua? e ko te tuatua pikikaā ainei ta
 8 kotou e tuatua nona? E akara atu ai-
 nei kotou i tona tu? e māro ainei kotou
 9 no te Atua? E meitaki ainei kia kimi

matatio mai aia ia kotou? e vare ainei
aia ia kotou, mei te tangata i pikikaia
nei? E akamura tikaia mai kotou e 10
ia, kia taopa pikikaa atu kotou i te ta-
ngata. Kare ainei kotou e mataka i te 11
mekameka nona? kare ainei kotou e
rokoia e te koiriria iaia? Ta kotou au 12
tuatua i tangaakaputuia ra, e reu ua ia;
ta kotou au ututua ra, ei ututua vari ia.

Ka muteki ua ana kotou, e kia tua- 13
tua ana au, na te rokoia au e tetai mea
ke, vaoa atu ia kia tae mai. E aka- 14
peea oki, ka rave rai au i toku kiko ki
toku nio, e ka tuku rai au i toku ora ki
roto i toku rima? Ta oti mai aia iaku, 15
ka irinaki atu rai au iaia; e akatika ra
au i toku uaoari au aerenga ki mua i
tona aroaro. Ko te ora oki aia noku: 16
kare oki te pikikaa e tae ki mua i tona
aroaro.

E akarongo meitaki mai na kotou i 17
taku tuatua; e taku i akakite atu na,
i to kotou pukai taringa. I na, kua 18
akataka ana au i *taku* tuatua i tenana;
kua kite au e ka akatikaia mairai au.
Koai te tangata te ka taumaro mai iaku 19
ra? e muteki ua ia au i reira, e mate
ua atu.

Auraka ra koe e rave i nga mea e 20
rua iaku nei; e kare au e uuna iaku
uaoari ia koe i reira: Kia atea ke atu 21
to rima iaku nei: e auraka au e mataka
i te mekameka noou ra. Ka kapiki 22
mai ei koe, e naku e io atu: e kare ra,
ko au te kapiki atu, e naau e tuatua
mai kiaku ra. Kua peea te rai o toku 23
kino ma taku ara? Ka akakite mai
iaku kia kite au i toku kino, ma taku
ara. Eaa oki koe i uuna'i i to mata, e 24
i akono mai ei koe iaku ei enemi noou?
E aeae ainei koe i te rau i peke i te 25
matangi ra? e arumaki ainei koe i te
kata maro? Te tata nei oki koe i te au 26
mea maramara iaku nei, e te uri maira
i te au ara a toku ou anga ki runga
iaku. Te momono katoa nei koe i oku 27
vaevae ki roto i te patiti, e te akara
matariki nei i toku katoa nei au aere-
nga; te akapini ra koe i oku tapuae ki
te akairo. Kua pou oki au, mei te mea 28
pe ra, mei te kakau i pou i te neu ra.

PENE XIV.

*Te pati akatenya nei a Iohu i te aroa o
te Atua no te a'o potu o te tangata
nei, e te tapapa marie nei aia ki tona
tu ke anga.*

KO te tangata ta te vaine e anau 1
nei, e iti ua ona puke ra, e te ki
oki i te pekapeka. Te tupu nei aia mei 2
te tiare, e kua motu iora: te rere nei

oki aia mei te ata ra, e kare i mou
3 mai. E akapuera ainei oki koe i ona
mata ki runga i te reira, e e arataki ai-
nei koe iaku ki te akavaanga, e ko koe
4 katoa ra? E rauka iaai te mea viivii
kore no roto i te mea viivii? kare rava
5 ia. E teianei kua akonoia ona puke
ra, tei ia koe te rainga o tona au ma-
rama, kua akonoia e koe tona au ko-
6 tinga, kare aia e topa mai: E ariu ke
mai koe iaia, kia akaangaro ai ana aia,
kia taea tona ra, mei to te tangata i
ouia ra.

7 E manakonakoanga oki tei te rakau
ra e, kia tipuia ra, e pukai taringa
akaou ia, e kare e kore te mea tupu ou
8 ra. E pakari oti tona aka i raro i te
one, e mate atura te tumu ki runga i te
9 enua; Kia ongi i te vai ra, e tupu
akaou ia, e e tupu akaou tona au rara
10 mei te rakau tanu ra. Ko te tangata
nei ra, te mate nei ia, e popo ua iora:
te mate nei oki te tangata, e teiea
iora ia?

11 *Mei* te vai nei e kore i te roto ra,
e te pou nei te vai puke, e kua maro:
12 Kua pera rai te tangata nei, te moe nei
ki raro, e kare e tu mai: e kia kore
rava te au rangi ra, kare ratou e ara
mai, e kare e akatuia mai, i to ra-
tou moe.

13 Naringa koe e akapipini iaku ki
ade e, angairi koe e uuna iaku, e kia
riro ke toou riri, angairi koe e akataka
i te taime noku, ka maara mai ei iaku
14 nei! Kia mate te tangata nei, ka ora
akaou ainei aia? E tapapa rai au i
oku puke ra i akonoia ra e kia ope, o
tae rava atu ki toku tu ke anga ra.
15 Naau e kapiki mai, e naku e io atu kia
koe: e tangi rai koe ki te angaanga a
to rima ra.

16 Te tatau mai na koe i toku au ta-
kainga i tenana: kare ainei koe i tiaki
17 ua i runga i taku ara? Kua topiria
taku ara i roto i te pute, e kua tuuia e
koe toku kino.

18 Te maunga i topa ra, te kore nei ia,
e te uri keia nei te mato i tona vai-
19 ranga. Te pou nei te toka i te vai: e
te pou nei te one enua i te maata o te
vai; e to te tangata nei manakona-
20 koanga te pou katoa nei ia koe. Te
upokotu ua nei rai koe iaia kare e
tukumoe, e riro atura aia: te akatu ke
nei koe i tona mata, e kua tuku atu
21 iaia kia aere na. Kua akangateiteia
tana au tamariki, e kare aia i kite; e
kua taakaakaia ratou, kare ra aia i
22 kite ua atu. E riro ra tona tino i
runga iaia i te mamae, e tona ra vaerua
i roto iaia i te aue.

PENE XV.

Te tapepe nei a Eliphaza ia Iobu i te paiei kore, koia i akatika iaia orai; te akakite ra aia e, e kino rai to te tangata kino, i ta te aronga taito ru tuutua.

KUA karanga aturā Eliphaza ngati 1
Temana, na ko atura,
Ei manako tarevakaua ainei ta te 2
tangata pakari kia tuatua mai, e e
akaki ua ainei i tona kopu ki te ma-
ake? Ei tuatua puapinga kore ainei 3
tana kia taumāro mai? e i te au tua-
tua apinga kore? Koia ia, te akapua- 4
pinga kore nei koe i te mataku, e te
akatopa nei koe i te pure ki mua i te
araro o te Atua. Na to vaa oki i 5
akakite mai i toou kino, kimi ua i koe
i te arero o te aronga pakari. Na toou 6
orai vaa koe i akaapa, kare au: koia
ia, te tapepe nei toou reo ia koe uaorai.

Ko koe ainei to te tangata nei i 7
anau ana? e ko koe ainei tei angaia ou
te au tuaiui nei? Kua akarongo ainei 8
koe i te tuatua muna a te Atua? e te
tāpu nei ainei koe i te pakari noou
uaorai? Eaa taau i kite, e ko matou o 9
nei te kite kore? tei taka ia koe, e
kare o roto ia matou nei? Tei i o 10
matou te aronga taito, e tei inaina te
mimiti, tei maata to ratou au rā i to
toou metua ra. E mea ngiti ainei 11
nau ta te Atua akapumaana anga? te
manga tuatua i tuatua maruia atu kia
koe na? Eaa koe i apai keia i e to 12
ngakau? e i ukiuki ei o mata ki te aa,
I patoi ei to ngakau i te Atua, e i ma- 13
ringi ua mai ei to tuatua no roto i to
vaa? Eaa oki te tangata nei, ka viivii 14
kore ei aia? e ta te vaine nei i anau, ka
riro ei tana ei tuatua-tika? I na, i 15
tona aronga tapu ra, kare aia i irinaki
atu; kare oki te au rangi ra i te mea
viivii kore ki mua i ona mata. Ka 16
tanga atu ei oki i te mea rikarika e te
viivii ra i te tangata nei, ko tei inu ua
i te kino mei te vai ra!

Ka akarongo mai ana kiaku, e naku 17
e akakite atu kia koe; ko taku i akara
ra, ko taku ia e akakite atu; I ta te 18
aronga pakari i akakite, no to ratou au
tupuna mai, e kare i uuna: Ko tei 19
orongaia te enua kia ratou anake ra, e
kare e tangata ke i na roto ia ratou.

E tumatenga to te tangata kino e 20
ope rava ake ona puke rā; e mea kitea
kore ia to te takinga-kino ra au ma-
tuiti. Tei roto i ona taringa te rongu 21
rikarika: ei te autu nei e rokoia putia
uaia i aia e te akapou. Kare ona ma- 22

nako e ka oki mai aia mei roto mai i te
poiri, e te tapapaia maira aia e te koke.

23 Te koka aere ua ra aia i te ori kai, i te
na ko anga e, Teiea ua akera? kua kite
aia e te vaitata maira te rā poiri ki
24 tona rima. E riro na te tumatenga
e te mamae e akamataku mai iaia; e
re aia ia raua, mei tei re i te ariki i tei
25 akonokonoia no te tamaki ra. Te aka-
tika ra oki aia i tona rima e patoi i te
Atua, e te akaketaketa ra iaia orai ki
26 te Mana katoatoa ra. Te oro pu ua
ra aia ki runga iaia ma te kaki *etaeta*,
ma te ngai patapatatue o te paruru
27 nona ra: No te mea kua akaki aia i
tona mata ki te matu, e kua akangene-
ngene i tona taukupu ki te matu.
28 Kua tanea te au oire tana i noo ra, i
roto i te au are noo koreia e te tangata,
29 i tei akonoia ei aronga ututua. Kare
aia e riro ei tangata apinga nui, kare
oki tana apinga e mou mai, kare oki te
meitaki o te reira ra e akapararau-
30 reia ki runga i te enua nei. Kare aia
e ora mai i taua poiri ra; e riro na te
mura ai e tamarō i tona au rira, e i te
a'o o tona vaa e peke ke ei aia.
31 Auraka tei pikikaaia ra e irinaki ki
te mea puapinga kore: ko te puapinga
32 kore oki tana tutaki. Kare e tae ki
tona tuatau, e tupu ei teia, kare oki
33 tona rara e vaoou mata ua mai. Ka
makaiore tona ua mei te vine ra, e ka
ngaoro tona pua tiare mei te olive ra.
34 E riro te uipānga o te tangata pikikaa
i te ikoke ua, e ka oki te au puakapa o
35 te rave tutaki ra i te ai. Kua to ratou
i te kino, e anau maira i te mea puap-
pinga kore, e te akonokono ra to ratou
kopu i te pikikaa.

PENE XVI.

*Te akamura nei a Iobu i tona au oa i
to ratou tangi kore anga mai iaia:
e te akatika nei aia iaia uaorai.*

1 **K**UA tuatua mairā Iobu, na ko
maira,
2 E manganui taku tuatua i akaro-
ngo mei tana katoa na: e aronga
akapumaana manamanata anake kotou
3 na. Ka ope ainei te au tuatua tareva-
kaua? e ena te mea i ketaketa mai ei
4 koe kia tuatua? E tika katoa iaku
kia tuatua mei ia kotou katoa na:
angairi kotou mei iaku nei, e tika ka-
toa iaku kia akaututua ua i te tuatua
ki runga ia kotou, e kia takirikiri
5 katoa atu i toku mimiti ia kotou. E
riro ra taku vaa i te akamaroiro atu ia
kotou, e te keukeu anga o toku ngutu
6 i te akamaru atu i to kotou aue. Kia

tuatua ra au ra, kare toku mate o maru: e *kia* akatupua ua au ra, eaa taku ngai i māmā?

Kua potopoto ra taku a'o iaia i tenana; kua pou ia koe toku ra iti rava-rai. Kua natinatia au e koe, kua riro ia ei kite: e te tu ua maira te ikoke noku ei patoi iaku, e te tapepe maira ki mua tikai i toku mata nei. Te aeae ra tona riri, e te makitakita maira iaku: te tete maira aia i tona nio ki runga iaku; te anaana maira nga mata o toku enemi ki runga iaku. Kua akaamama ratou i to ratou vaa ki runga iaku; kua papaki akakino maira ratou i toku paparinga; kua uipa anake ratou ki runga iaku.

Kua toku te Atua iaku ki te aronga paieti kore, e kua uri iaku ki roto i te rima o te aronga kino. Te noo au ua ra au, e kua atiati roaia au iaia: kua opu mai aia i toku kaki, e kua akau-ngauaiti maira aia iaku, e kua akatu aia iaku ei pa nana. Kua akapini maira te aronga akainana ana nona iaku, kua momotu taka ke nga pukuatu noku iaia, e kare e akaperepere mai; kua maringi taku au iaia ki raro i te one. Te āru ua maira aia iaku, kua na rungao tetai āruna i tetai āruna, mei te toa ririnui ra tona oro anga mai ki runga iaku.

Kua tuia e au te kakau paoa ki runga i toku nei pakiri, e kua viivii iaku toku tara ki raro i te one-pueu. Kua kutekute toku mata i te aue anga, e te i oku topiri-mata te marumate i te vairanga; Kare ra no te tuatua-tika kore i roto i oku nei rima: kare oki taku pure i viivii.

E te enua nei c, auraka koe e tapoki i toku nei toto, e auraka ei ngai no toku aue anga. E teianei i na, tei te rangi te kite iaku, e tei akono mai iaku ra, tei runga ia. Te amuamu maira toku ra au oa iaku: te riringi atu nei ra oku mata i te *roi-mata* ki te Atua. Angairi i tika i te tangata nei kia tuatua ki te Atua, mei te tangata e tuatua ki tona ra oa! Eia ua mai mataiti kia ope, ka aere ei au na te ara kare e oki mai.

PENE XVII.

No te takinga-kino o te tangata nei i te aronga i makimuki, te tuatua rā Iobu ki te Atua: tei te mate tona manakoanga.

KUA pou toku a'o, kua mutu toku au rā, kua vave te vaarua noku. Kare ainei tei iaku nei te aronga

aviri? e *kare ainei* te akara tamou nei 3 toku mata i ta ratou akakoko? Ka akataka ana i tenana i tetai paruru noku ia koe na; koai te ka rave mai i 4 toku rima? No te mea kua uunaia e koe te kite i to ratou ngakau; kare 5 rai koe e akangateitei ia ratou. Ko tei toma i tona aronga oa kia keiaia, ka kore ia nga mata o ana puke tamariki. 6 Kua akariro aia iaku ei tuatuaanga na te tangata nei; kua riro au ei mea 7 viivii na ratou. Kua aveave oki toku mata i te aue, e kua riro toku nei au 8 melo katoa mei te ata ra. E vavariaia teia e te aronga tiratiratu, e tu oki te aronga ara kore ki runga ei 9 patoi i te pikikua. E tamou rai te tangata tuatua-tika i tona arataa, e tei viivii kore te rima ra, e tupu atu rai 10 tona maroiroi i te maata anga. Kareka ko kotou katoa na, okiria kotou, ka aere i tenana; kare oki e tangata pakari i kitea e au i roto ia kotou. 11 Kua kore oku puke rā; taku au akakoroanga, e tei manakoia e taku 12 ngakau, kua motu ke ia. Kua taruri keia te po ei ao: e te marama kua 13 piri tika mai ia ki te poiri. Te manako nei au ki te vaarua, ko toku ia are: kua ora au i toku roi i roto i te 14 poiri. Kua tuatua ana au ki te pe, Ko toku metua tane koe: ki te toke, Ko toku metua vaine, e ko toku 15 tuaine. Teiea iora toku manakona-koanga i tenana? ko toku manakona-koanga ra, koai te ka kite atu i te 16 reira? Ka eke ratou ki raro ki te ngutupa o te vaarua, i te ngai i ta-okotai ua'i i te akaangaroiaanga i te one.

PENE XVIII.

Te tapepe nei a Biladada ia Iobu i te mārō e te akakoromaki kore: te au mate o te tangata kino.

KUA karanga aturā Biladada ngati Sua, na ko atura, 2 Aea ra ta kotou tuatua e mutu ei? ka akono meitaki, ka karanga atu ei 3 matou. Eaa matou i akarioria'i mei te puaka, e i akavaavaia'i ki mua i to 4 kotou mata? Te aeae nei aia iaia orai i tona riri: e akarukeia ainei te enua noou? e ka akataka keia ainei te mato i tona vairanga? 5 Ko te marama oki o te aronga kino, e tamateia ia, kare oki te panapana anga 6 o tana ai e kakā mai. E riro te marama ei poiri i tona puakapa, e tana mori ki runga iaia ra, e tamateia ia.

Te aerenga maroiroi nona, e akako-
piriia ia, e riro oki na tana uorai tua-
tua ako e opara iaia ki raro. Na tona
orai vaevae i taci iaia ki te kupenga, e
te aere ra aia na runga i te ereere. E
piritia tona poo vaevae e te vaooni, e
mouia aia e te aronga āru. Kua uunaia
te ereere nona ki raro i te one, e tei te
arataa tona i te tuku anga. E akapi-
niia aia e te au mea matakutaku e
pini ua ake, e mei te mea te arumaki
maira, e oro ua atura aia. E pou tona
maroiroi i te onge, e te noo maira te
mate ki tona taakaokao. Na te reira
e pou ei te ketaketa anga o tona kiri:
na te tama mua o te mate e kai i tona
ririnui. Tana i irinaki ra, e kiriti
tumuia ia i tona ra puakapa, e i te
reira e tae atu ei aia ki te ariki i mata-
kuia ra. Ka vai rai te matoku i roto
i tona ra puakapa, no te mea, kare ia
nona: ka ruruia te teio ki rungao i
tona nooanga. E marō tona au aka i
raro, e tona rara i runga ra, e tipuia
ia. E ngaro te manako iaia i runga i
te enua nei, e kare ona e ingoa e vai i
roto i te arataa. E arumakia aia mei te
mārama atu ki te poiwi, e iaia keia aia i
te ao nei. Kare ana e tamaiti, kare e
mokopuna i roto i tona iti-tangata,
kare oki e uraura toe i roto i tona ra
au kaina. Ka va ua te au uki e na
muri mai iaia i tona ra tuatua, mei
tei na mua iaia i rokoia e te matakau.
Ko te tu tikai ia o te nooanga o te
tangata kino, e ko te ngai rai teia o tei
kore i kite i te Atua.

PENE XIX.

*Te aue nei a Iobu i te takinga-kino o
tona au oa iaia: te manako i te
Akaora iaia te mea e papa'i tona
ngakau.*

KUA tuatua mairū Iobu, na ko
maira,
Mei te aa ra te roa o tenana aka-
ongoongo anga mai i toku vaerua, e e
atiati ei kotou iaku i tenana au tuatua?
Kua ngauru akenei a kotou akakino
anga mai iaku: e kare ua kotou i akama
kokotou i akapoturi ua mai iaku. I tati-
pake ua rai au, tei iaku uorai taku tati-
pake te vairanga. Kia inangaro kotou
i te akateitei ki runga iaku, e e akakite
iaku i toku kino: Kia kite maira
kotou, ko te Atua tei taakaaka mai
iaku, e nana au nei i akapini i tana
kupenga.

I na, te kapiki nei au i te taki-
nga-kino, kare ra au i akarongoia mai:

te kapiki nui nei au, kare ra e tuatua-
tau. Kua taia aia i toku arataa kare
au e tika kia aere, e kua tuku aia i te
poiwi ki runga i toku ra au mataara.
Kua kiriti aia i toku kakū i runga iaku
nei, e kua rave aia i te korona i runga i
toku upoko. Kua akapou aia iaku
e pini ua ake, e kua kore au nei: e kua
kiriti tumuia toku manakonakoanga
mei te rakau ra. Kua tutungi aia i
tona riri ki runga iaku, e kua akariro-
ia au e ia mei te au enemi nona. Kua
takiruru maira te au toa nona, e kua
akāū i te arataa no ratou kiaku nei, e
kua moetapapa e pini ua ake toku nei
puakapa. Kua akataka ke aia i toku
ra au taakea kia atea ke iaku, e kua
riro toku au taunga ei au tangata ke
iaku nei. Kua kore toku ra au ta-
ngata tupu, e kua akangaropoina toku
aronga oa matau iaku. Tei noo i
toku ra ngutuare, e toku ra au tavini
vaine, tei tuatua iaku e e tangata ke:
kua riro au e tangata ke i to ratou
akara anga. Kua kapiki atu au ki toku
tavini tane, kare ra aia i ki mai; kua
tuatua akarekareka atura toku vaa
iaia. Kua riro toku a'o ei mea ke i
taku vaine, aue ua rai au i taku uorai
au tamariki. Kua akavaavaa mai oki
te au tamariki mea riki iaku; kia tu
au ki runga ra, kua tuatua kino mai
ratou iaku. Kua akaviivii mai toku au
oa tumanava ravarai iaku; e te aronga
taku i anoano ra, kua akatangata ke
ratou iaku. Te piri nei toku ivi ki
toku kiri, e ki toku kiko, e kua ora
io nei au ma toku kiri nio anake ra.
E aroa mai iaku, e aroa mai iaku,
e taku au oa e; no te mea, ko te rima
o te Atua tei akatukia mai iaku. Eaa
kotou i pera'i i te aruaru iaku mei ta
te Atua ra, e kare ainei kotou i ma-
reka i toku tino nei?
Angairi taku nei au tuatua i tataia
e! angairi i kokotia ki runga i te
papa e! Ki te toi auri, e te tapou, i te
kokoti angaia ki runga i te mato e tua-
tau ua atu!
Kua kite oki au e, te ora ra toku
ra Akaora, e kia tae ki te openga ra ka
tu mai ei aia ki runga i te enua nei:
E oti akera taku kiri, kua pou teianei
kopapa, e kore oti taku tino, e akara
rai au i te Atua: Ka akara au uorai
iaia, ko toku ra mata, auraka to tetai
ke ra, te akara; pou ua rai to roto roa
iaku nei. Kia karanga ra kotou e, E
naea tatou kia takinga-kino iaia? kua
kitea i reira tetai tapepanga na kotou
iaku nei. Kia matakau oki kotou i te
mata koke: ko te koke oki ta te riri ra

tutuki, kia kite kotou e *te vai ra* te akavaanga.

PENE XX.

Te akakite nei a Zophara i te tu o te tangata rave ara, e tona openga.

KUA karanga aturā Zophara i Na-
ama, na ko atura,

No toku manako ka karanga atu ei au, e no toku rapurapu i roto iaku nei. Kua rongo au i te ako akakino iaku, e no te ngakau kite noku ra ka tuatua'u au.

Kare ainei koe i kite i teia mei taito mai, ka akanooia'i te tangata ki runga i te enua nei, E e potu rai te autu anga o te aronga kino, e to te pikikaa ra rekareka mei te kamo anga mata nei ia? Tac ua atu tona nengonengo ki runga i te rangi, e te tumurangi kia taea ravaia e tona mimiti; E mate rava aia mei te apinga viivii ra e tuatau ua atu : na te aronga i kite iaia e tuatua e, Teica aia nei? E peke ke atu aia mei te moe, e kare e kitea kia kimi : e ngaro rava atura aia mei te orama i te po ra. Te mata i akara iaia, kare e akara akaou atu ; kare oki tona ngai e kite akaou atu iaia. E taparu aere tana au tamariki i te ao, e na tona uaeorai rima e akaoki i ta ratou au apinga. Ki ua rai tona au ivi i te ara ngaro, ka takoto rai ma ia katoa ki raro i te one-pueu.

Venc ua rai te tuatua kino i tona vaa, e kua nuna aia i te reira i raro ake i tona arero; Akaperepere *oti* aia i te reira, e kare i akaruke; kua vaoo marie rai i roto i tona vaa : Kua akatu keia te kai i roto i tona kopu, e kua riro ei au asepi i roto iaia. Ko te apinga i apukuia e ia, ka ope ia i te ruaki ki vao : na te Atua ia e akaruaki i te reira mei roto i tona kopu. Ko te kavangu asepi tana e ngote : e mate aia i te arero o te vipera. Kare aia e kite i te au matavai, te au kauvai, e te ta'e a vai ua anga o te meli, e te bata. Ka akaoki aia i tana i rauka i te angaanga, e kare aia e kai : e aite tana e akaoki ra ki tana apinga i te maata, e kare ona e rekareka anga. No te mea kua takinga-kino aia, kua akaruke i te ao; kua rave ua aia i te are kare i akatuia e ia; Kare rava oki aia e kite i te ki anga o tona kopu, e tana kai inangaro kare e akatoeia. No tana kai kare e toe; i kore ei tana apinga e kimiiia'i. I te vai maata anga o tana apinga nui, e pini tona i reira : e rokoia aia e te au rima akapekapeka ravarai. Te akaki

ra aia i tona kopu, te uri maira *te Atua* i te oototo anga o tona riri ki runga iaia, e te kai ra aia, te akatopa ua maira *i taua riri ra* ki runga iaia. Ka oro aia i te mouranga auri, e ka puta mama aia i te ana veo. Kua kiritiia te reira, e kua riro mai mei roto i te kopapa; e te koke kanapanapa no roto i tona au ; kua rokoia aia e te rikarika. Kua uunaia nga mea poiiri ravarai ei apinga nana : e pou aia i te ai pupui koreia; e tei vaooia i roto i tona ra puakapa, ka kino ia. Na te rangi e akakite i tona kino; e ka tu mai te enua e patoi iaia. E riro ke ia te apinga o tona are, e e kore ua ia i te rā e riri ei *te Atua ra*. Ko te tuanga ia o te tangata kino i te Atua ra, e te kelero i akonoia e te Atua nana.

PENE XXI.

Te patoi nei a Iobu i ta Zophara, i te mea te rauka nei to te paieti kore meitaki i teianei ao.

KUA tuatua mairā Iobu, na ko maira,
2 Akarongo meitaki mai ana kotou i taku nei tuatua, e ei akapumaana anga teia na kotou. Ka akakoromaki mai kotou iaku kia karanga atu au e kia oti taua tuatua naku nei, ka taitoito mai ei. Kareka au nei, ko te tangata ainei taku e tuatua nei? angairi *ko te reira*, eaa ka kore ei i potopoto taku a'o? E akara mai kotou iaku, ka va atu ei, ka tuku ei te rima ki runga i te vaa. Te rikarika nei au i te maara ua anga atu, e kua rokoia taku kiko nei e te rurutakina.
7 Eaa te mea i ora'i te aronga kino nei, i ruaine ei, e i maata'i i te mana?
8 Kua akatinamouia to ratou uanga ki mua i to ratou araro, ma ratou katoa, e ta ratou au tamariki ki mua i o ratou mata. *Te vai* au ua ra to ratou au are kare e matakua anga, kare oki te pāpā a te Atua i runga ia ratou. Te nui nei ta te bovi toa na ratou, kare e kore; e te anau nei ta ratou bovi ua, e kare tana punua e maemo. Te tuku nei ratou i ta ratou au tamariki mei te anana, e te ura nei ta ratou au tama-
12 riki. Te rutu nei ratou i te pa'u e te kinura, e te rekareka nei ratou i te tangi koe. Te akaope nei ratou i to ratou puke rū i te meitaki, e mei te kamo anga mata nei, riro atura ki raro i te vaarua. E kua tuatua ratou ki te Atua, Kia atea ke atu ia matou nei; kare oki matou i inangaro i te kite i toou ra au arataa : Eaa te Mana ka-

toatoa, ka tavini atu ei tatou iaia? eaa oki ta tatou puapinga e rauka, kia pure atu tatou iaia?

I na, kare tei to ratou uarai rima 16 to ratou meitaki i te *vairanga*: ei te atea ke atu te tuatua a te aronga kino iaku nei. Kua putuputu ainei te mori 17 o te aronga kino i te tamate angaia? e to ratou mate i te tae anga mai ki runga ia ratou? ei tona riri e tua'i aia i te au mate? Kua tu a ngangaere 18 ratou ki mua i te matangi ra, e mei te ota i apai keia e te uria ra. Te vaio 19 nei te Atua i tana ara no tana ra au tamariki: te akautunga maira te *Atua* iaia, tena aia ka kite. Ka kite tona 20 orai mata i tona mate, e ka inu aia i te riri o te Mana katoatoa. Eaa oki aia 21 ka rekareka'i i tona ngutuare i muri ake iaia, tei akaopeia tona au mara-rama?

Naai e apii atu i te Atua i te 22 kite? tei akatau maira i te utunga i te aronga teitei.

Te mate nei ra tetai, e kua noo marie 23 te maroiroi, kare rava e mamea, kare oki e kino. Kua ki te ngai i moe ei 24 tana au anana ki te u, e te maru nei tona au ivi i te matu. E te mate nei 25 ra tetai ma te ngakau mamea maata, e kare i topa meitaki tana kai. Oko- 26 tai rai o ratou moe anga ki raro i te one-pueu, e ka tapokiia ratou e te toke.

I na, kua kite au i to kotou manako, 27 e te patoi ta kotou e kimi ei mate noku nei. Te tuatua nei oki kotou, 28 Teia te are o te ariki *kino*? e teia te puakapa nooanga o te aronga kino? Kare ainei kotou i ui i te aronga i 29 aere na te ara? e *kare ainei* kotou i kite i ta ratou au akairo e, Te taporo- 30 poroia nei te aronga kino no te rā e mate ei ra? e i te rā tutaki anga ra ka aratakiia ratou ki vao ra? Naai 31 ra e akakite i tona aerenga ki mua i tona mata? e naai e tutaki atu iaia i tana i rave ra? E apaiia atura aia 32 ki te vaarua, e ka tapapaia *tona* menema. Nga vānga one o te o ra 33 te ka maru i runga iaia, e e arua aia e te tangata katoa, mei tei na mua iaia kare e pou kia tatou. Eaa oki au e 34 pumaana'i i tenana tuatua puapinga kore, te vai ra oki te pikikaa i ta kotou tuatua?

PENE XXII.

Te akakite nei a Eliphaza e kare a te Atua puapinga i rauka i te meitaki o te tangata nei: te tapipe nei aia ia Iobu i te ara e manganui, ma te ako iaia kia taturara.

- 1 **K**UA karanga aturā Eliphaza ngati Temana, na ko atura,
- 2 E riro ainei ta te tangata nei ei puapinga i te Atua, mei tei pakari
- 3 e puapinga iaia uarai? Te perepere-kavana nei ainei te Mana katoatoa i taau ra tuatua-tika? e puapinga ainei
- 4 *tana*, ko koe i akatika oro ua i toou ra au arataa? No te matakau ainei
- 5 ia koe e māro mai ei aia ia koe? e kapiti katoa ainei aia ia koe i te akava-
- 6 anga? Kare ainei toou i te kino maata? e taau ra au ara kare e ope kia tatou.
- 7 Kua rave puapinga kore ua koe i te tutaki i to taacake, e kua tatara koe i te
- 8 kakau o te aronga putaua. Kare koe i akainu i tei kaki ra ki te manga vai, e ka-
- 9 re koe i pa i te kai na tei pongi. Kareka te tangata mana ra, tei iria te enua;
- 10 e kua noo te tangata toliau i reira.
- 11 Kua akaoki puapinga kore ua koe i te au vaine takaua, e kua aatiia e *koe*
- 12 nga rima o te aronga matiroeroe. E tenana kua akapiniia koe e te ercere, e kua tamanamanataia koe e te matakau,
- 13 kare i roaia; E te poiri, kare e utoa ia koe; ngaromia iora koe e te vai e manganui.
- 14 Kare ainei tei te au rangi teitei te Atua? ka akara ana oki i te teitei o
- 15 te au etu nunui! E te tuatua maira koe, Eaa te Atua e kite ei? e tika ainei iaia kia akava na roto i te tumu-
- 16 rangi poiri? Te vaiia ra aia e te tumurangi patapatatue, e kare aia e kite mai; e te aere ra aia na rungao
- 17 i te tua o te rangi ra. Kua akairo ainei koe i te arataa taito, tei takaiia
- 18 e te au tangata kikiro? Ko tei tipu keia kare i tae ki te tuatau, kua ninaia
- 19 to ratou tumu e te vai kava: Ko tei karanga ki te Atua, Kia atea ke atu ia matou nei: e eaa ta te Mana
- 20 katoatoa ravenga ia ratou? Kua akaki ra aia i to ratou au are ki te meitaki: ei te atea ke atura ia te tuatua
- 21 a te aronga kino iaku nei. Kua akara te aronga tuatua-tika, e kua rekareka: e kata oki te aronga ara kore ia ratou.
- 22 Kua tipu ke ravaia to matou au enemi, e kua pou to ratou apinga nui i te ai.
- 23 Ka akamatau ana koe iaia i tenana, ka noo ei ma te au: e rokoia mai koe

e te meitaki i reira. E āriki koe i te ture 22
 no roto i tona vaa, ko taku ia tuatua ia
 koe, e e vaio marie i tana tuatua i roto
 i to ngakau na. Kia oki akaou koe 23
 ki te Mana katoatoa, e patuia koe, ka
 tuku ke atu koe i te tuatua kino e kia
 atea ke atu i toou ra au puakapa. Ka 24
 tangaa kaputu koe i te auro mei te
 one-pueu i reira, e te auro Ophira mei
 te toka kauvai ra. E riro oki te 25
 Mana katoatoa ei auro naau i reira,
 e mei te ario katoa e manganui naau.
 E rekareka oki koe i te Mana katoatoa 26
 i reira, e nānā oki to mata ki te Atua
 ra. Ka pure koe kiia, e ka akarongo 27
 maira aia ia koe, e ka apai atu koe i
 taau i tia ra. Ka akakoro koe i tetai 28
 mea, e ka akatinamouia te reira naau:
 e e kakū mai te mārāma ki runga i
 toou ra au arataa. Kia akaingāia te 29
 tangata ki raro, naau e tuatua e, *Te*
vai nei te teitei; e te tangata akaaka
 ra, nana ia e akaora. Ka ora oki te 30
 tangata ara iaia; e na te viivii kore o
 to rima ra i akaoraia i aia.

PENE XXIII.

*Te anoano nei a Iobu kia tae vae aia
 ki muu i te aronro o te Atua, no te
 mea kua irinaki aia ki tona ra
 aroa.*

KUA tuatua mairā Iobu, na ko 1
 maira,
 Kua maata rava toku mate i teianci 2
 rā: kua rai te teima o te rima i runga
 iaku i te aue noku. Angairi au i
 kite i te ngai e kitea aia e au kia 3
 kimi! ka tae ia au e ki tona nooanga
 tikai! Kua akataka ia au i taku 4
 tuatua ki mua i tona aroaro, e akaope
 rava taku vaa i te tuatua i reira. E 5
 kite ia au i te au tuatua tana ka tuatua
 mai iaku i reira, e e taka ia tana 6
 tuatua anga mai iaku. E taumāro
 mai ainei aia iaku i tona mana maata? 7
 Kare; ka tauturu maira aia iaku. E
 taumāro te aronga tuatua-tika ma ia 8
 katoa i reira; e e ora ia au i taku
 akava e tuatau ua atu. I na, te aere 9
 nei au ki mua, kare ua ra aia i reira;
 e te oki nei ki muri, kare ra aia i
 kitea atu e au: Ki te pae kaui, i te 10
 rave anga angaanga nana, kare ra au
 i kite: te pipini ra aia ki te pae katau,
 kare ra i kite e au.

Kua kite ra aia i te arataa taku 10
 i aere na: kia oti au i te timataia e
 ia, e riro au mei te auro i reira. Kua 11
 mou toku vaevae ki tona ra takaiinga,
 kua akono au i tona arataa, e kare i
 anga ke. Kare au i akaruke i tei 12

akaueia mai e tona vaa; inangaro
 maata toku i te tuatua a tona vaa i
 13 taku tuanga kai. Okotai ua oki ona
manako, e naai aia e ruri ke? e ta tona
 vaerua i anoano ra, ko tana ia e rave.
 14 Te rave ra oki aia i tei akakoroia noku
 ra: e tei iaia te au mea e manganui
 15 mei te reira te tu. I koiriria i au i
 mua i tona aroaro: te mataku nei au
 16 kia maara ua atu iaia. Te akataitaia
 nei oki te Atua i toku ngakau, e te
 akatumatetenga nei te Mana katoatoa
 17 iaku: Kare oki au i tipu keia i mua
 ake i taua poiri ra, e kare aia i tapoki
 i te poiri i toku nei maata.

PENE XXIV.

*Manganui te tuatua kino kare i aka-
 utungaia i teianci ao, te vai atura
 tona rā.*

KARE oki te au taime i ngaro i te
 Mana katoatoa, no te aa ra te aro-
 nga i kite iaia i kore ei i kite i tona
 2 rā? Te rave ke nei *etai* i te kena
 kainga; te noni ua ra ratou i te au
 3 anana, e te angai ra. Te ia ke nei
 ratou i te asini a te matiroeroe, e te
 rave nei ratou i te bovi a te vaine
 4 takaua ei tutaki. Te tute ke nei ratou
 i te aronga putaua i te arataa: uipa
 akera te ao o te enua i te pipini ia
 5 ratou. I na, te aere ra ratou ki ta
 ratou angaanga, mei te au asini momo-
 avao i te medebara; i te tu pongoi
 anga kia rauka te kai: ko te mede-
 bara ta ratou kai, e ta te tamariki oki.
 6 Te kokoti ra ratou i ta ratou sitona
 i te kainga: e te koi ra ratou i te
 7 kainga vine o te aronga kino. Te aka-
 noo kakau kore ua ra ratou i te aronga
 putaua, e kare ua e tapoki i te anu.
 8 Kua mauu ratou i te ua o te maunga,
 e no te tapoki kore i piri ei ki te mato
 9 ra. Ei runga i te u e aō ei ratou i
 te matiroeroe, e te rave nei ratou i to
 10 runga i te ao ra ei tutaki. Te tuku
 nei ratou i te aronga putaua kia aere
 ma te kakau kore, e kia apai i
 11 te ruru sitona ma te pongi ra; Te
 taomi nei ratou i te mori i roto i to
 ratou au are, te takataki ra i te vine,
 e te mate ra i te kaki vai.
 12 Te ngunguru ua nei te tangata mei
 roto mai i te oire, e te kakaoa nei te
 vaerua o tei puta ra: kare ra te Atua
 13 i akono i taua kino ra. Ko te aronga
 teia kare i tau ki te mārāma; kare
 ratou i kite i tona ra au arataa, kare
 oki ratou e noo i tona ra au mataara-
 14 i te mārāma anga e tu ei te ta tangata,

kia mate te ao, e tei putaua, iaia; e kia po ra kua riro ei keia. E tapapa 15 rai te mata o te akaturi i te poiri, te na ko ra e, Kare e mata e akara mai iaku, ka puroku ei i tona mata. Kia 16 poiri e vava'i ei ratou i te are, e kia ao kua akangaro aere ratou: kare ratou i kite i te marama. E riro oki 17 te popongi ei maru-mate ia ratou: e rokoia iora ratou e te rikarika o te maru-mate i te kitea anga atu. Mei 18 te apinga māmiā ratou na runga i te kiriauai; kua katarāia ta ratou tuanga i te enua nei; kare aia e anga na te arataa o te au kainga vine.

Te pou nei te vai kiona i te marō e 19 te pukākā, e te aronga ara i te vaerua. E akangaropoina te kopu iaia; ka 20 nanave te toke i te kai anga iaia; kare rava aia e maara akaouia atu; e ka aatiia te kino mei te rakau ra.

Kua takinga-kino aia i tei pa, kare i 21 anau tama na: e kare i takinga-meitaki atu i te vaine takaua. Te kika 22 nei aia i te aronga mana i tona ririnui; e kia tu aia ki runga ra, kare e tu- 23 ngata e manako i te ora. Te tuku ra 23 aia iaia kia noo ponuiaau ua, e kia anga marie te roi; tei runga ra tona mata i to ratou au aerenga. Kua aka- 24 teiteiia ratou i tetai manga tuatau potou ua, e kare ua, e kua tuku akaa- 25 kaaia ratou ki raro; mei te au mea katoa kua akaputua ratou ki roto i te menema, e kua kokotiiia mei te kaui sitona ra. E kare i te reira ra, naai 25 e akaapa mai, taku, ka akariro ei i taku tuatua ei mea puapinga kore?

PENE XXV.

Te akakite nei a Biladada, kare te tangata e akatikaia ki mua i te aroaro o te Atua.

KUA karanga aturā Biladada ngati 1 Sua, na ko atura,
Tei iaia te mana e te mataku angaia; 2 tei iaia te akamoeau i te au ngai teitei nona. E ope ainei te au nuku nana kia 3 tatau? e koai tei kore i itiiia e tona marama? Eaa oki te tangata nei e 4 tikaia mai ei ki mua i te Atua? e caa te mea e mā ai ta te vaine i anau ra? I na, i te marama nei, kare ia i kakū 5 mai; e te au etu, kare ia i te mea viiui kore ki mua i tona mata: Ka 6 tangai oki i te tangata nei, e toke ia! e te tamaiti a Adamu, e toke oki ia!

PENE XXVI.

Te akamura nei a Iobu ia Biladada i te aroa kore nona ra. E mea kitea koreia te mana o te Atua kia kimi.

KUA tuatua mairū Iobu, na ko 1 maira,
2 Ko te tauturu naau i te tangata paruparu e? e te ora oki o te rima 3 matutu kore ia koe e? Te ako naau i te tangata kite kore e? e te taka 4 meitaki anga oki te tuatua ia koe e? 4 Koai taau i tuatua maira? e toai te vaerua i riro mai no roto ia koe?
5 Te ruketeketē nei te aronga ririnui i mate i raro ra; te vai, e tei noo i 6 reira. Te vai ua ra ade ki mua iaia, 7 e kare o te mate e tapoki. Kua totoa atura aia i te pae i apatokerau i rungao i te atea ka ua, e kua akauta i te enua 8 ki runga i te kore. Kua kou aia i te vai i roto i te tumurangi patapatatue nona: e kare taua tumurangi i raro 9 ake i te reira ra i motu. Te uuna nei aia i te aro o tona ra terono, e te tapoki nei aia i te reira i tona tumurangi. 10 Kua akapini aia i te moana ki te kotinga, e tae ua atu ki te kore anga 11 o te marama e te poiri. Kua ruketeketē te au pou o te rangi, e kua 12 poitirere, i te akamura nana. Te akamarino nei aia i te tai i tona mana, e no te kite nona i mate ei te ngaru 13 teitei. Kua puipui aia i te rangi i te Vaerua nona; na tona rima i anga 14 i te Ovi rere ra. I na, ko tetai pae teia o tona ra au aerenga. Ko te tuatua koumuumu ua nei tei rongoa nona! ko te mangungu ra o tona mana, koai ra te ka kite?

PENE XXVII.

Te akakite pu tikai nei a Iobu i te pikikaa kore o tanu ra tuatua: te puapinga kore o to te pikikaa mana-koanga, e te taruri ke anga i to te tangata kino ra meitaki ei kino.

TAMOU aturā Iobu i taua tuatua 1 nana ra, na ko akera,
2 Te ora ra te Atua, ko tei kopae i taku nei tuatua-tau; e te Mana katoa- 3 toa, ko tei akamamae mai i toku 3 vaerua; I te vai ua anga o toku ora i roto iaku nei, e te nō a te Atua i 4 roto i oku rua putaiu; Kare rava toku vaa e tuatua i te kino, kare oki 5 taku arero e tuatua pikikaa. Kare takiri ra au e akatika ia kotou: e mate ua atu au, kare rai au e pa i te tuatua-

tika naku ra. Taku tuatua-tika taku e tāpu nei, e kare au e pa : kare toku ngakau e tapepe mai iaku i toku au rā katoa.

Kia riro toku enemy mei te tangata kino, e tei tu mai ki runga ei patoi mai iaku, mei te tangata tuatua-tika kore ra. Eaa oki to te tangata kino manakoanga, rauka ua'i tana apinga, kia rave mai te Atua i tona vaerua? E akarongo mai ainei te Atua i tona aue, kia rokoia aia e te tumatetenga? E akarekareka ainei aia iaia orai i te Mana katoatoa? e tamou ainei aia i te kapiki atu ki te Atua?

E apii au ia kotou i ta te rima o te Atua i *rave*: kare au e uuna i ta te Mana katoatoa ra. I na, kua kite kotou ravarai na; eaa oki kotou i riro ei ei mea puapinga kore anake? Ko ta te tangata kino tuanga teia i te Atua ra, ko te kelero *teia* te ka rauka i te takinga-kino i te Mana katoatoa ra. Kia akamaataia mai tana au tama-riki ra, no te koke ia; kare oki tona uanga e merengo i te kai. Ko tona aronga i toe ra, ka riro ratou na te mate e tanu; e kare tana au vaine takaua e aue. Akaputuputu ua rai aia i te ario mei te one-pueu ra, e kua roi i te kakau mei te vari ra; E roi ua oki aia, e na te aronga tuatua-tika ra e kakau, e na te aronga ara kore e tua i te ario. Te anga nei aia i tona are mei te neu ra, e mei te are piriranga i akatuia e te tiaki ra. E moe te tangata apinga nui ki raro, kare ra aia e kapitii ki tona *uaorai*: te akaara ra aia i ona mata, e kare ra. Te rokoia putia ua ia mai aia e te au mea rikarika mei te vai *puke* ra: ei te poaia e keiaia'i e te uria. Te apai keia ra aia e te maoake, e riro ke atura: taitaipakokoia atura aia i tona ngai. Te titiri viviki ua maira aia i *te mate* ki runga iaia, e kare e akaperepere: ka oro tika aia mei roto i tona rima kia ora. E pokarakara ra *te tangata* i to ratou rima iaia, e e ia keia aia i tona ra ngai ma te taitoitoe.

PENE XXVIII.

Te vai nei te kite i te au pou, ko te pakari tikai ra, ko te matakua ia i te Atua.

E RUA tikai oki to te ario, e e vairanga to te auro i tamāia'i e te tangata nei; No roto i te enua te auri i te ko angia, e no roto i te toka te veo i te akata'e anga mai. Te akaka-

kore nei *te tangata* i te poiri, e te kimi matatio nei aia, e tae rava atu ki te au toka no roto i te poiri, e te maru-mate. Ei te atea ke i te ngai tangata i ko ei aia i te vaarua, kua tautau ua ratou, kua tua ua te vae-vae: ei te atea ke i te tangata nei kua peke a moari ua ratou. Kareka te enua nei, no reira te kai i te rauka anga: ko to raro akera kia uria mai, kua aite ia ki te ai. Tei roto i tona ra au toka te vairanga o te saphira: e tei roto iaia te one auro. Ko te arataa teia kare i kitea e te manu, kare oki te mata o te aie i kite ua ake: Kare te au puaka taa e takai ua atu i reira, e te liona kare i aere na runga. Tei tuku nei aia i tona rima ki runga i te mato pakari; te tatipoki nei aia i te au maunga ma te tumu katoa. Tei kokoti nei aia i te au matavai na roto i te mato; e te kite ra tona mata i te au mea memetaki katoa ra. Kua akakore aia i te ta'e anga o te vai; e kua tukui i te apinga ngaro ki te ngai mārama.

Eiea ra te pakari e kitea atu ei? e teiea to te kite ra vairanga? Kare e tangata i kite i te oko i te reira; kare oki i kitea i te enua o tei ora nei. Te tuatua maira te moana, Kare i ku nei iaku nei: e te tuatua maira te tai, Kare i ku nei iaku nei. Kare te auro meitaki e apaiia ei oko i te reira, kare oki te ario e akateiaaia atu ei tutaki i te reira. Kare te reira e akaiteia ki te auro Ophira, ki te sema meitaki, e te saphira. Te auro, e te kerusitalo, kare ia e tau i te reira: *kare ia* e okoia i te au poe auro tamāia ra. Eiea te punga muramura, e te poe, e taikuia: kua maata oki to te pakari meitaki i to te penini. Kare oki te topazio i Kusa e akatauia i te reira, kare oki e oko na ki te auro meitaki ra.

Noea ra te pakari i te tae anga mai? e teiea to te kite vairanga? Kua uuna keia oki i te au mata o te aronga katoa e ora nei, e kua tāpuia i te au manu o te reva nei. Te tuatua maira te pou e te mate, Ko te rongo ta maua i akarongo akenei i to maua taringa.

Ko te Atua ra tei kite i tona ae-renga, e koia tei kite i tona ngai. E tae au atu ki te au openga o te enua nei, kua akara oki aia, e kua kite aia i to raro ake i te au rangi katoa ra. Iaia i anga i te akateiaa matangi ra; e kua akatau marie i te vai ki te aite; iaia i anga i te ture no te ua,

e te aerenga no te uira mangungu ra: I reira tona akara anga, e kua akakite 27 mai; kua akonokono aia i te reira, e kua kimi pu tikai. E kua karanga 28 atura aia ki te tangata, I na, ko te mataku i te Atu ra, ko te pakari ia, e te akaruke i te kino ra, ko te kite ia.

PENE XXIX.

Te aue nei a Iobu i tona mana maata, e te ngateitei, i muatangana.

KUA tamou ua aturā Iobu i taua 1 tuatua nana ra, na ko atura, Angairi au i teianei mei tei nga 2 marama i topa akenei e, mei tei te au rā i tiaki mai ei te Atua iaku nei e; Ka kakā mai ei tana lamepa ki 3 runga ake i toku upoko, e no tona marama i aacre ei au na roto i te poiiri; Mei iaku i te au rā o toku ou 4 anga ra, ka vai ei te muna a te Atua ki runga i toku puakapa; Ka noo 5 ei te Mana katoatoa iaku nei, e kua akapini mai taku au tamariki ra iaku; Ka orei ei au i oku ruatapuac ki te 6 u, e kua maringi a vai ua mai te mori noku no roto i te au mato ra.

Iaku i aere ki te ngutupa na roto i 7 te oire, e kua akanoo i taku nooanga i te arataa ra; Kua akara mai te au tangata ou iaku, e kua pipini: e kua 8 tu tu ua maira te aronga ruaine ki runga: Kua muteki te au kavana, 9 kare i ki, e kua tapoki i to ratou vaa ki te rima: Kua tāpu ua te aronga 10 nunui i to ratou reo, e piri ua atura to ratou arero ki to ratou vaa.

Tei te akarongo anga mai te taringa 11 ra, kua akameitaki maira iaku; tei te akara anga mai te mata ra, kua riro ia ei kite noku: No te mea kua 12 akaora au i te ao kia kapiki mai, te matiroeroe oki, e tei kore rava ona e tauturu. Te akaora a tei vaitata 13 i te mate ra, tei iri mai ia ki runga iaku: e kua imene ua te ngakau o te vaine takaua iaku i te rekareka. Kua 14 kakau au i te tuatua-tika, e pini akera au; e kua riro taku tuatua-tau mei te kakau pu e te korona. Kua riro 15 au ei mata no te matapo, e ei vaevac au no te pirikoki. Ei metua au no 16 te ao: e te tuatua kare i kiteia e au ra, kua kimiia ia e au. Kua aati au 17 i te nio-ponga o te tangata kino, e kua aōia mai e au te apinga i riro i tona nio. I tuatua'i au e, Ei roto i toku 18 nei konga e mate ei au, e ka aka-maata au i oku puke rā mei te onetea. Kua toro roa toku ra aka na te pae 19

vai, e kua iri mai te au i runga i toku au rara e ao ua akera te po. 20 Te vai ou ra toku kakā i roto iaku nei, e te vai ketaketa ra taku ana i toku rima.

21 Kua akarongo mai ratou iaku, e kua tatari mai, e kua muteki kia akoia 22 atu e au ra. Kia oti taku tuatua, kare ratou i tuatua mai; e kua topata iora taku tuatua ki runga ia ratou. 23 Kua tapapa mai ratou iaku mei te tapapa ua ra; e kua amama ua to ratou vaa mei tei tapapa i te ua 24 openga ra. Kia katangia atu ratou e au ra, kare ia ratou i manako e e tika; kare oki ratou i akaruke i te marama o toku mata. Naku i iki 25 i to ratou arataa, e ko au tei maata, e kua noo au mei te ariki i roto i tona nuku, e mei tei akapumaana i te aronga aue.

PENE XXX.

To Iobu teitei maata e te mana, riro atura eimea akavaavaa, e te meitaki kua riro ei kino.

I TEIANEI ra, ko tei iti to ratou 1 puke rā i toku nei, tei kata aviri mai iaku, kare oki to ratou au metua e tau iaku kia akanoo i roto i te au 2 kuri o te anana naku nei. I te maroiroi oki o to ratou rima caa ia puapinga iaku nei, tei topakā ua 3 te ruaine anga? No te pongi e te onge i iloke ua'i ratou; i te ngangau aere anga i te medebara, te ngai vaia- 4 vare ua, e te mica ua. I te uuti anga i te malua no roto i te ngangacre, e te aka retema, ei kai na ratou. 5 Kua tuaru keia ratou i roto i te tangata, kua kapikiia ratou na muri 6 mei te mea e keia; Kia noo i roto i te au o rikarika ra, i roto i te au vaarua o tē enua, e i roto i te au mato ra: 7 I roto i te ngangacre to ratou ungū aere ua anga; i raro ake i te au rakau taratara to ratou akaputuputu anga: 8 E tamariki na te neneva, e anau na te tangata kikino: kua arumaki naia ratou mei runga atu i te enua nei. 9 Kua amoamoia ra au e ratou i teianei, e kua riro au ei tuatuaanga na 10 ratou. Kua akaviivii mai ratou iaku, e rere ke ratou iaku, e kare i tukumoe i te tutua i te uavare i mua i toku 11 aroaro. No te mea kua tatara aia i tana tavaa, e kua tairo mai iaku, kua tatara katoa ratou i te tavaa ki 12 mua iaku. E takanga tamariki tei tu mai i toku rima katau ra; te tute ke nei ratou i oku vaevac, te akāū

nei ratou i te au arataa kia mate au ra.
Kua takinokino aere ratou i toku ara-
taa, kua akamaata ratou i toku mate,
kare ua e tauturu ia ratou. Kua oro
maira ratou *ki runga iaku*, mei te mea
e na roto i tetai ngaa maata ra: kua
akataka roa maira ia ratou uorai i
taua mate maata ra. Kua uria maira
te au mea matakutaku ki runga iaku:
kua peke ia ratou toku meitaki mei
te matangi ra: e kua kore te ora noku
mei te tumurangi ra.

E tenana, kua taravai rava toku
vaerua i roto iaku; kua rokoia au e te
au rā tumatetenga. Kua koputaputaia
toku au ivi i te po nei i roto iaku: e te
ngangau mai iaku ra kare ua e akapaki.
No te ririnui o toku *maki* i roto ei te
reira ei kakau noku: e kua piri maira
iaku mei te kaki pona. Kua uri aia
iaku ki roto i te vari, e kua riro au
mei te one-pueu e te reu. Te kapiki
nei au kia koe, kare ra koe e akarongo
māi iaku: te tu nei au ki runga, *kare*
ra koe e akono mai iaku. Kua riro
koe ei takinga-kino iaku: i te ririnui
o to rima kua rave viviki maira koe
iaku. Te apai nei koe iaku ki runga i te
matangi; te akaoro nei koe iaku *na*
runga, te akangaevaeva rava nei koe
iaku. Kua kite oki au e ka arataki koe
iaku ki te mate, e ki te are i akonoia
no te aronga katoa e ora nei. Kare ra aia
e akatika atu i toa rima ki te vaarua,
aue ua'i ratou i taua akapou nana ra.

Kare ainei au i aue i tei rokoia e te
tumatetenga? *kare ainei* i mameu toku
ngakau i te aronga putaua? I tapapa
oki au i te meitaki, e rokoia iora e
te kino: i tiaki oki au i te marama,
e rokoia iora e te pōiri. Kua ori au
toku ngakau, kare e akaea anga: kua
rokoia au e te au rā makimaki. Te
aere nei au ki te kerekere, kare ra e na
te rā; te tu nei au ki runga ei aue ua
i roto i te uipānga. Kua riro au ei
taeake no te au teni, e ei ao no te au
ione. Kua kerekere taku kiri i runga
iaku nei, e kua ka aku ivi i te vera-
vera. Kua riro katoa taku kinura ei
aue, e taku koe *kua riro mei* te reo o
te aronga aue ra.

PENE XXXI.

*Te akakite nei a Iobu i te pikikaa kore
nana i te au akonoanga e mangauui.*

KUA papau au i te kororomotu i oku
nei mata; eaa ra au ka akara atu
ei ki te paretania? Eaa oki te tuanga a
te Atua no runga mai? e te kelerua a te
Mana katoatoa no te ngai teitei mai?

3 Kare ainei i te mate no te aronga
kino? e te mate tu ke no te aronga
4 rave tuatua kino? Kare ainei aia i
kite i toku nei au aerenga, e kua ta-
tauia toku au takainga ravarai?

5 E aerenga tatipake toku ra, e kua
ngakoikoiko toku vaevae ki te pikikaa;
6 E akateiaa aia iaku ki roto i te arite
tikai, kia kite te Atua i te pikikaa
7 kore noku ra. I anga ke toku takainga
i te arataa ra, e kua aru taku ngakau i
oku mata, e kua mou tetai mea topata
8 ki runga i oku rima; Kia ruru ua atu
au, e na tetai ke e kai; e kia kiriti
tumuia toku paū kai.

9 Kua vare toku ngakau i te vaine, e
kua moetapapa au i te ngutupa o toku
10 oa; Kia riro taku vaine ei taviri *sitona*
na tetai ke, e kia moeia aia e etai ke.
11 E riro oki te reira e ara maata; e ara
12 *akautungaia* e te aronga akava. E riro
oki te reira ei ai e pou rava atu ei,
e ope roa'i te au mea tupu naku ra i te
kiriti tumuia.

13 I akavaavaa ana au i te tuatua a
toku tavini tane, ma toku tavini vaine,
14 i to ratou māro anga mai iaku; Aka-
peea ra au i reira kia tu mai te Atua?
e kia atoro mai aia, naea au i te kara-
15 nga anga atu kiaia? Kare ainei aia
tei anga iaku i roto i te kopu i anga
katoa iaia? kare ainei okotai *Atua* tei
anga ia maua katoa i roto i te kopu.

16 Naringa au kua akangere i te ao i ta
ratou inangaro, e kua mata nevanava
te vaine takaua iaku i te tapapa anga;
17 E kua kai i taku manga kai ko au
anake uorai, e kare te matiroeroe i
18 kai katoa i te reira; Mei toku ou anga
ra te angai anga iaia, mei te metua ra,
e mei te kopu mai o toku metua vaine
i te arataki anga iaia;

19 E kua kite au i te tangata i te mate
ua anga i te kakau kore, e te ao i te
20 tapoki kore; E kare tona taukupu i
akameitaki mai iaku, e *kare* aia i ma-
anaana i te uruuru o taku au mamoe;
21 E kua apai au i toku rima ki runga i
te matiroeroe, ka kite ei au i toku ra
22 mana i te ngutupa ra: Kia topa toku
pakuivi i toku papa i reira, e kia
23 aatiia toku rima i te ponaanga ra. *Kua*
riro oki te mate no ko i te Atua ra ei
mea rikarika naku, e no tona mana
kare i tika iaku *kia rave*.

24 E kua akariro au i te auro ei manako-
anga noku, e kua karanga au ki te auro
mā meitaki ra, *Ko koe* toku irinaki-
25 anga; E kua rekareka au i te mea kua
maata toku apinga, e no te mea kua
maata tei rauka i toku rima;

26 Kua akara au i te rā i toa kakā

anga mai, e te marama i tona kakā
aere anga; E kua vīro poiuri ua atura 27
toku ngakan i reira, e kua ongi toku
vaa i toku rima: E riro katoa te reira 28
ei ara e akautungaia e te akava: kua
uuna ia au i reira i te Atua i runga ra.

Kua rekareka ainei au i te mate o 29
tei riri mai iaku ra, e kua akateitei
ainei au iaku uorai ka rokoia mai ei
aia e te kino ra? Kare oki au i pa i 30
toku vaa kia ara, i te pati anga i te ka-
tara ki runga i tona vaerua.

Kare ainei te au tangata o toku ra 31
puakapa e tuatua e, Koai tei kiki i tana
kai, e kare i merengo ana? Kare te 32
tangata ke i moe ua i te arataa:
kua kiriti au i toku ngutupa ki te
tangata aere i te ara.

E kua tapoki au i taku ara mei ia 33
Adamu, i te uuna anga i toku kino i
roto i toku umauma: Kia rokoia au e 34
te tumatetenga ki mua i te uipānga
maata i reira ra, e kia vi au i te aka-
vaavaa o te au kopu-tangata ra; kia
muteki ua au, e auraka e tomo ki vao.

Naringa i akarongo mai tetai i taku! 35
i na taku akairo e, na te Mana katoa
e tuatua mai iaku, e na toku enemi
e tata i te tapepeanga iaku nei. E 36
tuku tikaia e au ki runga i toku pa-
kuivi, e kua akamou ki runga iaku mei
te korona ra. E tatau atu au i te 37
rainga o toku ra au takainga iaia; e
akavaitata atu au iaia ra mei te aere o
te ariki ra.

Kua akakino mai toku kainga iaku, 38
e kua aue katoa te au rua arote o te
reira; Kua kai ua au i tona ua e kare 39
e tutaki, e kua potopoto te a'o o te au
tangata kainga iaku: Ei rakau tara- 40
tara te tupu mai auraka ei sitona, e te
ngangaere puapinga kore auraka ei
kerite. Oti ra ua te tuatua a Iobu.

PENE XXXII.

*Te riri nei a Eliu ia Iobu, e tona ra
puke oa toko toru ra.*

AKAPAKI akera aua nga tangata 1
toko toru ra i te tuatua ia Iobu, no
te mea e tangata tuatua-tika aia i tona
uorai mata. Kua tupu akera te riri o 2
Eliu te tamaiti a Barakela, e ngati Buza,
no te kopu-tangata o Rama; i tupu tona
riri ia Iobu, no te mea kua akatika aia 3
iaia uorai kare te Atua. Tupu akera
oki tona riri i nga ona nona toko toru,
no te mea kare a ratou tuatua i kitea
kia karanga atu, akaapa ua'i ratou ia 4
Iobu. I tapapa ana oki a Eliu e kia
oti ta Iobu tuatua, no te mea ko ratou
tei pakari iaia. Kia akara rā Eliu e 5

kare e tuatua o roto i te vaa o aua nga tan-
ngata toko toru ra, kua tupu akera tona
6 riri. Kua tuatua akērā Eliu te tamaiti
a Barakela, ngati Buza ra, na ko atura,

Te vai ou nei au, e kua pakari rava
kotou; i taitaia'i au, e kua matakua
akera i te akakite atu i toku manako ia
7 kotou. I na ko akera au, Tei te au rā
te tuatua, e na tei rai te mataiti e apii
8 mai i te pakari. E vaerua ra tei roto i
te tangata nei, e na te uru o te Mana
9 katoa toa i kite ei aia. Kare oki tei te
aronga nunui te kite: e kare oki te
10 aronga taito i kite i te tuatua-tau. I
karanga atu ei au e, Ka akarongo mai
ana iaku; e akakite katoa atu au i
toku nei manako.

I na, i tiaki ua ana au i ta kotou tua-
tua; kua akarongo au i to kotou ma-
nako, ia kotou i kimi marie i ta kotou
12 ka tuatua. E kua akamaaraa au i ta
kotou, e i na, kare tetai o kotou i aka-
muteki ia Iobu, e i tipange atu i tana
13 tuatua: Ko te tuatua aca kotou e, Kua
rauka ia matou te kite; na te Atua aia
14 e opara ki raro, kare te tangata. Kare
oki aia i tuatua tika mai kiaku i tana
tuatua; kare oki au e rave i ta kotou
tuatua ei tuatua anga atu kiaia.

Kua va ua ratou, kare atura a ratou
tuatua; kua akapaki ta ratou tuatua.
16 Iaku i tapapa ra, no te mea kare ratou
i ki, kua tu ua ra, kare i karanga ua
17 atu; *I na ko akera au e*, Ka akakite
atu rai au i taku ra ngai, e akakite
18 katoa au i toku manako. Kua ki oki
au nei i te tuatua, e te rapurapu nei te
19 vaerua i roto iaku nei. I na, toku
kopu mei te wina kare e pupu anga;
kua vaitata i te ngaa mei te ue kiri ou
20 ra. E tuatua ua ana au e kia maru
ake au: ka vevete ana au i oku ngutu,
21 e ka akakite atu. Teia taku tuatua ia
kotou, auraka rava au e kite na atu i te
tu o te tangata, e auraka au e tuatua
22 taparu ua atu ki te tangata. Kare oki
au i kite i te tuatua taparu atu; kare e
roa e riro ei Tei anga iaku i te apai ke
iaku.

PENE XXXIII.

*Te akakite nei a Eliu kia Iobu ei tua-
tua anga iaia ma te pikikaa kore ei
tupau i te Atua; e no to te Atua
maata i kore ei aia i akakite ua mai
i tana i rave ra ki te tangata nei;
kia tatarara i toku mai ei aia i te
orama, te maki, e tetai au mea ke.*

ETENANA, e Iobu, ka akarongo
mai koe i taku tuatua nei; e te
au tuatua katoa naku nei, ko tana ia e

akarongo marie mai. I na, kua akamama au i toku vaa i teianei, tei roto i toku vaa toku arero i te tuatua anga. Tei tika i taku ngakau, ko taku ia e tuatua: e taku i kite ra, ko ta toku vaa ia e tuatua atu ma te apa kore. Na te Vaeua o te Atua au i anga, e na te a'o o te Mana katoatoa toku ora. Te tika ra ia koe, ka patoi mai; ka akatupati marie na i *taau tuatua* ki mua iaku nei, ka tu ketaketa ua mai na koe. I na, ko taau rai oki i inangaro, ei kauono au na te Atua: e karakaraea katoa oki au i te anga angaia. I na, kare koe e matakau mai i toku nei mekameka, kare oki toku rima e teiaa ki runga ia koe.

Koia tika rai, i tuatua ana koe i roto i oku nei pukai taringa, e kua rongo au i te aruru o *taau tuatua*, i te na ko anga e, E viivii kore toku, kare e kino, kare aku ara; kare oki e kino i roto iaku: I na, te kimi ra aia i te tapepe-anga iaku, e enemi au nona i tana tuatua anga; Te momono nei aia i oku i vaevae ki roto i te patiti, e te akara matariki maira aia i toku nei au aere-nga ravarai.

I na, kare koe e akatikaua i tenana i tuatua, tera taku tuatua kia koe, e maata to te Atua i te tangata nei. Eaa iora oki koe i maoro atu ei iaia? kare oki aia e akakite mai i te au tuatua katoa nana. E tatakai tai ra ta te Atua i tuatua anga mai, e tatakai rua oki, kare ra i akonoia e te tangata nei. I na roto i te moc, i te orama i te po ra, kia rokoia te tangata e te moc tinainai, i te takoto ua anga ki runga i te roi; Ei reira aia e akapuata'i i to te tangata nei taringa, e kua tuku mai i te ako ia ratou, Ei akaarii anga mai nana i te tangata i tana angaanga, e kia ngaro atu te nengonengo o te tangata nei. Te akaora nei aia i tona vaerua i te vaarua, e tona ora i te riro anga i te koke.

Kua akoia oki aia i te mamac e i runga i tona roi, e te katikati anga o tona ra au ivi kare i tukumoe: Te toanu ua ra tona manava i te kai, e tona ngakau i te kai meitaki roa. Kua pou tona kiko, kare rava e kitea atu; e tona au ivi i kitea koreia ra, te tu ua nei ia ki vao. Te akavaita ra oki i tona vaerua ki te vaarua, e te ora nona ki te aronga akapou.

Angairi tei iaia tetai karere, ei aka-kite i te tuatua, taki tai to roto i te tausani katoa ra, ei akakite ki te tangata i tona tiratiratu: Ei reira aia e aroa mai ei iaia, e kua karanga e, E akaora iaia auraka kia tae ki te va-

rua: kua kiteia e au te tapokiangara. E maata oki te poria o tona ra tino i to te tamariki ra: e oki aia ki te au ra o tona ou anga ra: E pure aia ki te Atua, e ka aroa mai aia iaia: e akara oki aia i tona mata ma te rekareka: e tutaki mai oki aia i te tangata nei i tei tau i te tuatua-tika nana. E te akara maira aia i te tangata nei, e kia karanga aia e, Kua ara au, e kua akamimi i te mea tika, e kare ua aku puapinga i rauka; E akaora maira aia i tona vaerua i reira kia kore e tae ki te vaarua, e ka kite tona ora i te marama.

I na, te rave nei te Atua i taua au mea katoa nei, kua tu rua, kua tu toru, i te tangata nei, Ei akaoki mai i tona vaerua mci te vaarua mai, kia akamaramaia ki te marama o tei ora nei.

E akono meitaki mai, e Iobu, e akarongo mai iaku: e noo muteki ua mai koe, kia karanga atu au. E te vai na taau tuatua, ka tuatua mai: e tuatua koe, te inangaro nei oki au i te akatika ia koe. E kare ra, e akarongo mai koe iaku; e muteki ua mai koe, e naku e apii atu ia koe i te pakari.

PENE XXXIV.

Te tapepe nei a Eliu ia Iobu, koia i karanga e, e tuatua-tika kore ta te Atua.

KUA tamou iorū Eliu i tana tuatua, na ko akera,
E akarongo mai i taku tuatua, e te aronga pakari e; e ko kotou oki, e te aronga kite, ariu mai i to kotou taringa iaku. Ko te taringa oki tei timata i te tuatua, mei te vaa e tongi i te kai. Ka iki tatou i te tuatua-tau na tatou uaorai: kia kite tatou uaorai i tei meitaki.
I tuatua ana oki a Iobu e, E tuatua-tika taku: e kua akaruke te Atua i taku nei tuatua-tau: Ko tauna tuatua-tau naku ra te akariroia ei pikikaa: e puta ora kore toku, e kare e ara.
Koia ia tangata e aite kia Iobu, ko tei inu i te akavaavaa mci te vai ra? Te piri aere ra aia ki te aronga rave tuatua kino ra, e te aere ra ma te aronga paietu kore ra. I tuatua ana oki aia e, Kare a te tangata nei e puapinga, kia taurekareka aia i te Atua.
E tenana, e akarongo mai kotou iaku, e te au tangata kite ra: kia atea ke atu te tuatua kino i te Atua; e te ara i te Mana katoatoa. E tutaki atu oki aia i ta te tangata ra angaanga, e ei iaia e rauka'i ta te tangata katoa ra

kia tau ki tona ra aerenga. Kare ta- 12
kiri te Atua e rave i te tuatua kino, e
kare oki te Mana katoatoa e taruri ke
i te tuatua-tau. Koai tei poroki mai 13
kiaia i te enua nei? koiu tei akonokono
i te ao katoa nei? Naringa tona nga- 14
kau i manako iaia, e tika ia iaia i te
akaoki i tona vacrua e te a'o nona kiaia
uaorai; Ope roa akera te tangata katoa 15
i te mate, e riro akaou atura te tangata
ei one-pueu.

Te kite ra koe i tenana, e akarongo 16
mai i teia; e anga mai i to taringa ki
te reo o taku nei tuatua. Eia iaia ainei 17
te au i tei makitakita ki te tuatua-tika?
e akaapa ainei koe iaia i tei tika maata
roa ra? Koai tei karanga atu ki te 18
ariki ra, E kanga koe? e ki te ui ariki
ra, E aronga kino kotou? *Ka tanga* 19
atu ei kiaia tei kore e akono mai i te
tu o te ui ariki, ko tei kore i maata i te
akono i te aronga apinga nui iti iora te
aronga putaua? na tona uaorai rima
oki i anga ia ratou ravarai. I te kamo 20
anga mata e mate ei ratou, i te tu-
ruaipo e ngauue ei te tangata, e kare
akera: e e riro ke atura te aronga
mana, kare e rima. Tei runga oki i to 21
te tangata nei au aerenga ona mata, e
te akara maira aia i tona ra au takainga
ravarai. Kare e poiiri, kare e maru- 22
mate, ei pipini anga no te aronga rave
tuatua kino ra. Kare oki aia i roa i 23
te akamaara anga mai i te tangata nei,
ka tae ei aia ki te akavaanga ma te
Atua. E akaungaunguti aia i te 24
aronga ririnui, kare e kimi anga, e e
akateitei i tetai aronga ke ei tupau ia
ratou. Kua kite oki aia i ta ratou 25
angaanga, kua uriapaka ravaia ratou i
te po ra, paiti iora ratou. No te 26
mea e aronga kino ratou, kua ta aia ia
ratou i te ngai i akaraia e te tangata;
No te mea kua ariu ke ratou mei te
aru anga iaia, kare oki i manako i tona 27
katoa ra au arataa: E kua tae rava
maira te aue o te ao kiaia, e kua aka- 28
rongo aia i te aue o te aronga i tinai-
mateia ra. Kia akamaru maira aia ra, 29
naai e akapekapeka? e kia puroku aia
i tona mata, koai tei kite atu? i te
enua katoa ra, e i te tangata oko-
tai: Kia kore e riro te au ki te 30
tangata kanga, ko te taiia aea te au
tangata.

E mea tika tikai oki kia karanga atu 31
ma te Atua, Kua akoia au, kare au e
ara akaou: Ko tei kore i kitea e au ra, 32
e apii mai koe iaku: i rave ana au i te
kino ra, kare au e pera akaou. E akono 33
ainei aia i taau ra i te tutaki anga mai, i
te na ko anga e, Tei tika ia koe ra,

e tei kore i tika, auraka taku uaorai?
e tenana ka tuatua ana i taau i kite
34 ra. Kia riro te au tangata kite i te
tuatua mai iaku, e te tangata pakari
35 i te akarongo mai iaku. I tuatua
ua na Iobu ma te kite kore, e mea
36 pakari kore oki tana tuatua. Teia
toku inangaro, kia timata tikaia ta
Iobu e ope rava akera, koia i akatika
mai i te tuatua a te au tangata kino.
37 Kua kapiti oki aia i te meameaau
ki tana ara, kua pokarakara aia i ona
rima i rotopu ia tatou, e kua aka-
maata aia i tana tuatua ki te Atua.

PENE XXXV.

*Kare te tangata nei e tika kia akaaite
ki te Atua, no te mea, kare te mei-
taki e te kino e tae kiaia.*

1 **K**UA karanga atura oki a Eliu,
na ko atura,
2 E mea tika ainei teia i toou na ma-
nako, taau i karanga ra e, Kua maata te
tuatua-tika naku ra i ta te Atua?
3 Kua tuatua oki koe e, Eaa toku mei-
taki, e eaa taku puapinga, angairi kare
4 au i rave i te ara? Tera oki taku ngai
tuatua e tuku atu kia koe, e to au oa
katoa ki ko na kia koe na.
5 Ka nianā na koe ki te rangi, e ka
akara; ka akara oki ki te au tiao rangi,
6 e teitei maata ia i toou. Kia rave
koe i te ara ra, kua aa oki koe kiaia?
e te maata ra taau au ara, eaa taau
7 i rave atu iaia? E te tika ra taau
tuatua, eaa taau e o atu nana? e eaa
8 tana e rauka mai i to rima na? Ko
te tangata mei ia koe ra te ka kino i
taau ra ara, e te tamaiti a te tangata
te ka meitaki i taau ra tuatua-tika.
9 I te rai takinga-kino te akatupuaia
nei te aue i te tangata nei: te aue
nei ratou i te rima o te aronga riri-
10 nui. Kare ra tetai e tuatua e, Teia
te Atua tei anga iaku ra, ko tei oro-
11 nga mai i te imene i te po ra? E
maata tana i apii ia tatou i ta te au
puaka i o enua nei, e e pakari maata
tana i o mai no tatou i to te au manu
12 o te reva nei. Te aue ua ra ratou i
reira, kare ra aia i tuatua mai, no te
nongonengo o te aronga kino.
13 Kare rava oki te Atua e akarongo
i te pure puapinga kore, kare oki te
Mana katoatoa e akono mai i te roira.
14 Tuatua un rai koe e, kare koe e kite
atu iaia; tei mua iaia te tuatua-tau:
15 e tenana, e irinaki koe iaia. I teia-
nei ra, no te mea e puapinga kore
ua te tuku anga mai i tona riri, e
kare i akara matariki mai i te ara:

I amama puapinga kore ua mai ci a 16
Iobu i tona vaa; e kua akamaata aia i
tana tuatua ma te kite kore.

PENE XXXVI.

*Te akakite nei a Eliu e tuatua-tika
te au tuatua a te Atua ra.*

KUA karanga atu rai a Eliu, na 1
ko atura,

E akakoromaki iti ua mai koe, e 2
naku e akakite atu e, te vai nei rai *taku*
tuatua no te Atua. Ka tiki roa au i 3
taku kite ki te ngai mamao, e e tuku au
i te tuatua-tika i Tei anga iaku ra.
Kare takiri taku nei tuatua e *rivo ei* 4
pikikaa: tei mua ia koe na tei karape
i te kite.

I na te Atua, e ririnui *tona*, e kare 5
tetai e akavaavaia e ia; e ririnui i
te mana e te kite. Kare aia e akaora 6
i te aronga kino: e tuku maira aia
i te tika ki te ao. Kare aia e aka- 7
taka ke i ona mata i te aronga tuatua-
tika ra: tei runga ia i te terono o
te ui ariki; kua akanoo rava aia ia 8
ratou e tuatau ua atu, e kua akatei-
teia ratou. E kia tapekaia *ratou* ki 8
te auri, e kua akamouia ki te taura
ra i te mate; Kua akakite aia ia ratou 9
i ta ratou angaanga i reira, e ta ratou
au ara, no te mea kua maata. Kua aka- 10
puata oki aia i to ratou taringa ki
te alko, e kua akaue ia ratou kia oki
mai i te tuatua kino. Kia akarongo 11
mai ratou e kia tavini *kiaia*, e ope
to ratou au rā i te meitaki, e to ratou
au mataiti i te rekareka. Kia kore ra 12
ratou e akarongo ra, e pou ratou i te
koke, e ka mate ratou ma te kite kore.
Ko te pikikaa ngakau ra tei akaputu- 13
putu i te riri: kare ratou e kaku kia
tapekaia ratou e ia. Ei to ratou ou 14
anga ra e mate ei, tei rotapu oki ratou
i te aronga viivii i te ora anga. E 15
akaora aia i te ao i tona maki anga,
e kua akapuata i to ratou taringa i te
tinai-mate anga.

Koia katoa koe, kua apai tika aia ia 16
koe mei te ngai piripiri nei ki te ngai
atea, kare e piripiri o reira; e tei tu-
kuia ki runga i taau ra kaingakai kua
ki ia i te matu. Kua akatika tikai ra 17
koe i te tuatua a te aronga kino; ka piri
rai taua tuatua ra e te utunga, ki tetai
ki tetai. No te mea, *te vai ra* te riri 18
otooto, *kia matakite*, ko te rave ke aea
aia ia koe i te tainga *okotai*: kia maata
ua atu te oko, kare koe e matara mai i
reira. E manako mai ainei aia i taau 19
ra apinga? *kare*, kare te auro, e te riri-
nui katoa o te mana ra.

20 Auraka e anoano i te po, te roto ke nei
21 oki te au tangata i to ratou ra ngai. Kia
matakite, auraka e anga ki te kino: kua
iki oki koe i te reira, kare i te maki.
22 I na, te akateiteia te Atua i tona
orai mana: koai tei aite iaia i te apii
23 anga? Naai i akakite iaia i tona ara-
taa? e naai i karanga atu e, Kua rave
24 koe i te kino? E akamaara koe, kia
akamaata rai koe i tana angaanga, tei
25 akaraia e te tangata nei. Te kite nei
te au tangata ravarai i te reira; e kiteia
e te tangata mei te ngai mamao mai.
26 I na, e maata te Atua, kare e kitea e
tatou; te tatauanga o tona au mataiti,
27 kare e tika kia kimi. Nana oki i apai
i te au topata vai ki runga; e kua topa
28 maira ei ua, no roto i taua kou ra; Ta
te au tumurangi i akatopa, kua maata
rava maira ki runga i te tangata.
29 Koai te kite i te oora anga o te au
tumurangi, te aruru o tona ra pua-
30 kapa? I na, te oora ra aia i tona mura-
ma na rungao i te reira, e kua tapoki i
31 te takere o te moana. I taua au mea
ra i akava'i aia i te au tangata; kua
oronga mai aia i te manga e kua
32 maata. Te tapoki nei aia i te uira i
nga kapu-rima *nona* ra, e nana eakauo
33 i te ka taia e taua *uira* ra: I te aka-
kite anga atu i tona au oa ki te reira,
te uipunga o tona riri i te aronga kino.

PENE XXXVII.

*Kia matakua te Atua i tana ra au
angaanga mana e tika'i.*

TE ruketeketete nei oki taku ngakau
i te reira, e te ngaeue nei e taka
2 ke i tona vairanga. Ka akarongo
marie ana i te kokokina anga o tona
reo, e te aruru i riro mai no roto i tona
3 vaa. Tei raro ake i te rangi katoa nei
te koraparapa anga, tana uira oki ki
4 te au openga o te enua ra. E muri
akera i te reira, kua katakatata iora te
reo: e reo mana tona i te mangungu;
kare ra aia e tūpu i te *urua* ka aka-
5 rongoa'i tona reo. E mangungu ume-
reia te reo o te Atua; e au mea ma-
maata tana e rave nei, kare e kitea e
6 tatou. Kua tuatua oki aia ki te
kiona, Ei runga koe i te enua nei; e
te ua taa oki, e te ua kutukututu o
7 tona ra ririnui. Kua topiri aia i te
rima o te tangata ravarai; kia kite te
8 tangata ravarai i tana ra angaanga: Ei
reira te au terio e aere ei ki roto i te
au vaarua, e kua noo marie i to ratou
9 ra au ana. No te pae i apatonga to
puaiio i te tac anga mai; e te anu no
10 te pac i apatokeran. I te a'o o te

Atua i toka'i te vai: e te vai pararauare i ketaketa'i. Te peke katoa 11 nei oki te tumurangi kerekere i te rangi marie; te pueurikiriki nei te tumurangi pararauare i te marama nana: Te pera nei ra aia i te fioi i to 12 ratou aerenga i tana tuatua: kia rave ratou i tana i akaue atu ia ratou ra ki runga i te enua i nooia nei. Ei ako 13 anga atu, e kare ra, no tona enua, e kare ra, no tona ara, iapai mai ei aia i te reira.

E akarongo mai koe i teia, e Iobu; 14 ka noo marie ana, e akamaaraa i te au angaanga taka ke a te Atua. Kua 15 kite ainei koe i ta te Atua akataka anga i te reira, e tana akakakā anga i tana tumurangi ki te uira? Kua kite 16 ainei koe i te aiteite anga i te au tumurangi, te au angaanga taka ke a te Kite katoatoa ra? I te mea i maa- 17 naana'i to kakau, kia akanoo marie aia i te enua i te matangi e tonga? Ko 18 koe katoa ainei mai ia i te oora anga i te rangi, tei māro mei te akaata aka-toia ra? E apii mai koe ia matou i ta 19 matou e karanga atu kiaia; kare oki e taka ia matou no te poiri. E aka- 20 kiteia atu ainei aia e te tuatua nei au? kia tuatua te tangata kiaia ra, e riro aia i te apuku rava ia. I teianei oki, 21 kare i tika i te tangata kia akara i te marama kakā i roto i te au tumurangi: kia arara maira te matangi ra, mā atura ia. No ko i te pae i apa- 22 tokerau te kakā mei te auro: tei te Atua ra te mekameka matakutaku. I 23 te Mana katoatoa ra, kare i kitea e tatou kia kimi: tei maata i te mana, e te tuatua-tau, te maata na atura te tuatua-tika nana: kare aia e takinga- 24 kino. E teianei, kia maku te tangata iaia e tika'i; kare anake oki aia e akono mai i tei pakari te ngakau ra.

PENE XXXVIII.

Te tuatua nei te Atua ia Iobu, na i o'o i te puaoio.

KUA tuatua mairū Iehova kia 1 Iobu na roto i te puaoio, na ko maira,

Koni teia e akapouri i te ako, i te 2 tuatua anake ra kare i kite ra? Ka tatua ana i to taukupu e akatangata tikai; e ui ana oki au ia koe, e naau e akakite mai iaku.

Iea koe iaku i akatumu i te enua 4 nei? ka akakite mai na, penciake te kite na koe. Naai iuku i te au arite- 5 anga? kua kite oki koe na! e naai i akatika i te taura na rungao? I aka- 6

mouia tona au tango ki runga i te aa? 7 e naai iuku i te toka kapeutara? Ka imene katoatoa'i te au etu popongi, e kua maeva ua te au tamariki a te Atua i te rekareka.

8 E naai i topiri i te moana ki te au pa, ka maringi mai ei, mei te mea no 9 roto i te kopu ra? Iaku i akariro i te tumurangi ei tapoki nana, e te poiri 10 patapatatue ra ei vai nana, Iaku oki i rave i te ngai i akonoia e au nana, e 11 kua tuku i te au tamou e te au pa, Ka tuatua'i e, E tae mai koe ki ku nei, tira ua: ei ko nei to au ngaru nengo- 12 nengo e akamutuia'i!

12 Tei toou ra au rā ainei te akaue angaia e koe te popongi; e kua akakite atu ainei koe ki te ata ao i tona ngai; 13 Kia opu aia i te au peau o te enua, kia ruru keia te aronga kino e kia taka ke 14 atu? Kua ruri keia mei te karakaraea ki te sigilo ra; e kua tu ua mai te api- 15 nga tini mei tei kakauia ra. Kua tapuia to ratou marama i te aronga kino, e kua aitia te rima teitei.

16 Kua taea ainei ia koe te au tumu o te moana? e kua na raro ainei koe i te 17 aere anga i te au ngai oonu? Kua kiritiia ainei te au pa o te mate ia koe? e kua akara ainei koe i te au ngutupa 18 o te maru-mate ra? Kua kite ainei koe i te pararauare o te enua? te kite ra koe, e akakite mai, e ope rava ake.

19 Teica te arataa ki te ngai i nooia e te marama ra? e te poiri oki, teica tona 20 ngai, Kia arataki koe i te reira ki tona kotinga, e kia kite koe i te arataa e tae 21 ei ki tona ngutuare? Kua kite ainei koe, no te mea kua anau ana koe i reira? e no te mea kua maata roa toou 22 ra puke rā?

22 Kua tomo ainei koe ki roto i te au are vairanga o te kiona? e kua akara ainei koe i te au are vairanga o te 23 barada, Taku i tangaakaputu no te tuatua tumatetenga, no te rā tamaki e te karonga tamaki ra?

24 Na teica arataa i tua aereia'i te mā-rama, e matoa pu ua'i te maoake ki 25 runga i te enua nei? Naai i vevete i to te vai puke ra aerenga, e te arataa 26 no te uira mangungu; Kia uaia to te enua tangata kore, i te medebara, kare 27 o reira e tangata; Ei akamaui i te enua vai a vare ua, e te tanea; e kia kao te rakau rikiriki tupu ou ra?

28 E metua ainei to te ua? e naai te au 29 topata au nei i anau? No roto i toai ra kopu te vai toka? e te kephura no 30 te rangi, naai aia i anau? Kua uunaia te vai ra mei te toka, e kua mou keta- keta ravaia te kiriatāi.

E mou ainei ia koe te akapumaana 31
o Matariki, e mataara ainei te au tapeka
o Oriona? E tika ainei ia koe kia 32
akaiti mai i te au etu o te ara o te rā i
to ratou tuatau? e kia aratiki mai ia
Uresa e tana au tamariki? Te kite ra 33
ainei koe i te au ture o te rangi? e naau
ainei i tuku i te rangi ia ratou i runga
i te enua?

E tae ainei to reo ki runga roa i te 34
au tumurangi ra, e ngaro iora koe i te
vai maata i runga ia koe? E tika 35
ainei ia koe i te akaunga i te uira? e
nere mai ainei ratou, ka tuatau mai ei
kia koe e, Teia matou? Naai i tuku 36
i te pakari i te ngai i roto roa? e naai i
oronga i te kite ki te ngakau? E ope 37
iaai te au tumurangi kia tatua i tona
pakari? e maringi iaai te au ue o te
rangi ra, Kia riro te one-pueu ei vari, 38
e kia piriakita te au vāvanga one ra?

Naau ainei e arumaki i te kai na te 39
liona? e pangia akera te kaki o te au
liona ou, Kia pipini ratou ki roto i to 40
ratou au vaarua, kia noo ki roto i to
ratou ngai e moeta-papa'i ra? Naai 41
i kimi i te kai na te orebi, kia aue
tana ra au punua ki te Atua, kia uoa
aere ua ratou no te mea kua ngere i
te kai?

PENE XXXIX.

*No te puaka-nio momoavao ra, e no te
aiki. No te asini momoavao, e no te
reema. No te renanima, te ipo, te
mwa, e te acto.*

KUA kite ainei koe i te tuatau e 1
anau ei te au puaka-nio momo-
avao? naau ainei e tiaki i te au aiki kia
anau mai? E tika ainei ia koe kia ta- 2
tau i te rainga o te au marama i akaopeia
e ratou? e te tuatau e anau ei ratou, te
kite ra ainei koe? Kua akamangi 3
maira ia ratou uorai ki raro, e anau
iora ta ratou au punua, kore akera to
ratou mamae. Maroiroi atura ta ratou 4
au punua, ra'i akera ratou i te ngai atea
ka ua; aere ke atura, e kare e oki akaou
mai kia ratou.

Naai i tuku i te asini momoavao kia 5
aere ua ana? e naai i tatara i te au ta-
peka o te asini momoavao? Tei aka- 6
riroia e au te medebara ei are nona, e
te enua taitai ei nooanga nona. Te
kata ua maira aia ki te urupu o te oire, 7
e te vaa o te arumaki kare aia i akono
mai. Ko te au maunga ko tana ia one- 8
kai, e te au rakau tupu ou katoa ra tana
i kimi aere.

E riro ainei te reema ei tavini noou, 9
e noo ainei aia ki vaitatao i tauu ra vai-

10 ranga kai? E mou ainei te reema ia
koe i te taura ki runga i te rua arote?
e arote ainei aia i te au o i murio ia
11 koe? E irinaki ainei koe iaia, no te
mea e ririnui tona? e tuku ainei koe
12 i tauu angaanga kiaia? Te manako ra
ainei koe iaia, ei apai mai i tauu ra
sitona ki te ngutuare, e ei akaputuputu
ki tauu ra vairanga?

13 Te takapakapa navenave o te peau
renanima e! ko te peau ainei, e te uru-
14 uru, o te kasida? Kua tuku aia i tona
ua ki raro i te one, e kua tamaanaana i
15 te reira ki roto i te one-pueu, E kare i
manako e ka takaia e te vaevae, e ka
16 ngaangaa i te puaka momoavao. Kua
akono kore aia i tana uorai anaunga,
mei te mea kare tana: angaanga pua-
17 pinga kore tana i te matakau kore; Na
te Atua oki aia i akangere i te pakari,
kare oki i oronga mai i te kite nona.
18 Kia akamaroiroi ra aia iaia uorai o
oro, kua kata aia i te ipo ma tona ka-
toa ra akaoro.

19 Naau ainei i oronga i te ririnui ki te
ipo ra? naau ainei i vai i tona kaki ki
20 te mangungu? Naau ainei i rere ei aia
mei te akere ra? e te maata o tona
21 mapu anga, e mea rikarika ia. Te eru
ra aia i te o, e te rekareka ra i te riri-
nui: te aere atura e aravei i te rakau
22 tamaki. Te kata ra aia i te matakau, e
kare ua e taitaia; e kare e oki mai i te
23 mata koke ra. E kerekere puapinga
kore ua te pia kakao ki runga iaia, te
24 korare kanapanapa e te tao. Kua
apuku ua i te enua i te akataae e te
riri: kare rai oki e mou kia tangi te
25 pu ra. I te tangi anga o te pu ra, te
na ko ra aia, E tika oki; e te ongi ra i
te tamaki i te ngai mamao, te maeva
o te kau toa, e te aoa-tamaki.

26 Noou ainei te pakari i rere ei te neza
ra, e i tota'i ona peau ki te pae ki apa-
27 tonga ra? E naau ainei i akaue i te
aeto i rere ei ki runga ra, ka anga'i
28 tona koanga ki runga take ra? Ki
runga i te mato tona noo tamou anga,
ki runga i te puku mato ra, e te ngai
29 ketaketa. I reira tana kimi anga i te
kai, te kite ra ona mata i te mamao
30 ke. Na tana au punua oki e ngote i
te toto: e tei te vairanga o tei taia ra,
tei reira aia.

PENE XL.

*Te taakaaka nei a Iobu ki mua i te
araro o te Atua: ta te Atua tuatua
kia Iobu: te Behemota.*

1 KUA tuatua mairai a Iehova kia
Iobu, na ko maira,

E tika ainei i tei māro mai ki te 2
Mana katoatoa kia apii mai *iaia*? na
tei ako mai i te Atua ra, e tuatua mai.

Kua karanga aturū Iobu kia Ichova, 3
na ko atura,

I na, e viivii toku! e akapecā atu au 4
ia koe? E tapoki ana au i toku vaa ki
toku rima. Okotai akenei aku tuatua 5
anga; kare ra au e tuatua akaou: ka
rua akenei; kare ra au e mūro.

Kua tuatua mairū Ichova kia Iobu 6
na roto i te puaiōio, na ko maira,

Ka tatua na i te taupupu e akata- 7
ngata tikai: ka ui ana au ia koe; e
naau e tuatua mai iaku. E akakore 8
katoa ainei koe i taku ra tuatua-tau?
E akaapa mai ainei koe iaku, kia aka- 9
tikaia koe? Kua aite ainei toou rima
ki to te Atua? e kua aite ainei toou reo
mangungu ki tona? Ka akamana ia 10
koe uorai i tenana ki te mekameka, e
te ngateitei; ka akakakau ia koe uo-
rai ki te kakā, e te meitaki. Ka tuku 11
ana i te ototoo anga o te riri: ka akara
i tei nengonengo, ka taakaaka atu ci.
Ka akara i tei nengonengo, ka tuku ei 12
ki raro: e ka takatakai i te aronga kino
ki raro i to ratou ngai. E uuna katoa- 13
toā atu ia ratou i raro i te one-pueu;
e tapoki i to ratou mata i te ngai ngaro.
Ei reira au e aaki atu ci kia koe, e 14
ora koe i toou uorai rima katau.

I na oki te Behemota, taku i anga 15
ma koe katoa na; e ngangaere tana i
kai mei ta te bovi ra. I na tei tona 16
taupupu tona maroiroi, e tona ririnui
tei nga uaua ia o tona kopu. Kua 17
akatika aia i tona iku mei te arezi; e te
au uaua o tona ūā, kua taviriviri ka-
toaia ia. *E tau* tona au ivi ki nga 18
potonga vao pakari: e tau tona au ivi
ki te auri katoatoa. Ko tei maata ia i 19
te au angaanga a te Atua: e tika i Tei
anga iaia i te akatake atu i tana koke
kiaia. Kua riro oki na te au maunga 20
i akatupu mai i tana kai, e tei reira te
au terio katoa o te enua i te kanga aere
anga. Ei raro ake i te rakau maru- 21
maru tona moe anga, i roto i te raro-
kakao, e te ngai vai. Na te rakau 22
marumaru i tapoki iaia ki to ratou
marumaru; e kua akapiniia aia i te
arebe o te kauvai ra. I na, kia puke 23
ua mai te vai ra, kare aia e rapurapu;
kare aia e taitaia, kia viviki ua maira
Ioridana ki tona vaa. *Naai* aia e rave 24
ki mua i ona mata, ka tuikau ei i tona
putaiu ki te matau?

PENE XLI.

*Te mana o te Atua i te kitea anga i te
apinga maata ra i te Leviatana.*

E RAUKA ainei Leviatana ia koe 1
kia ii ki te matau? e tika ainei ia
koe kia taomi i tona arero ki raro ki te
2 taura? E tika ainei ia koe kia tui i
tona putaiu ki te taura? e puta ainei
3 tona tanga ia koe ki te tara? E maata
ainei tona taparu anga mai ia koe? e
4 tuatua maru mai ainei aia ia koe? E
papau mai ainei aia i te koromotu ia
koe? e rave ainei koe iaia ei tavini
5 mou? E amirimiri ainei koe iaia mei
te manū ra? e tapaka ainei koe iaia na
6 to au tamaine ra? Na te au manuiiri
ainei e kai iaia? e tua ainei ratou na te
7 aronga oko? E ki ainei tona kiri ia
koe ki te auri akatara? e tona mimiti
8 ki te ko ika? Ka tuku ana i to rima
ki runga iaia, akamaara i te tamaki,
ka akapaki atu ei.

I na, e mea puapinga kore kia mana-
konako atu iaia: i te akara anga anake
ra, kare ainei kua taitaia takere ua?
10 Kare rava e toa e tika'i kia akaara
atu: koai ra tei tika kia mou ki mua
11 iaku? E tika iaai kia opu mai iaku
kia akatika atu au i *tana*? To raro
ake i te rangi katoa nei, naku ia.

Kare au e uuna i tona au melo, e
tona ririnui, e te taonga tamaki mei-
13 taki nona. Naai e eua i te vai o tona
kakau? naai e tomo ki roto i nga pa
14 nio e rua nona ra? Naai e eua i
te pa o tona mata? nga pa nio nona
e pini ua ake e mea rikarika ia.
15 Tona paruru ketaketa ra, ko tona ia
akaparanunga, kua topiri fakiriia mei
16 te sigilo piri. Kua piri rava ia tetai
ki tetai, kare ua te matangi e o ki roto
17 ra. Kua akapiriia tetai ki roto i tetai,
kua tapiri pu uaia ratou, e kare ua e
18 tika kia akataka keia. I tona maretia
anga ra, kua pura ia te ai, e kua tau
ona mata mei nga topiri-mata o te
19 popongi. E rama mura tei puroro mai
no roto i tona vaa, e te rere atura te
20 pura ai. E auai tei pupu mai no roto
i ona rua putangiu, mei to te pani kia
21 pupu ra, e mei te pani maata ra. E
ka te ngarau i te a'o nona, e mura ai
22 tei puroro mai no roto i tona vaa. Te
noo maira te ririnui i runga i tona
kaki, e te ura maira te taitaia ki mua
23 iaia. Kua akapiri roaia te kiko ngene-
ngene nona: kua piriakita rava ia te
24 reira; kare rava e ngaucue. E tau
tona pukuatu ki te toka i te ketaketa,
e kua aite ki te toka mulo raro i te

māro. Kia tu aia ki runga ra, kua 25
matakū te aronga ririnui i reira: e no
te rikarika i u aere ua'i ratou. Kare 26
te koke a te tangata i ko atu iaia e
mou: te korare, te tao, e te oto. E 27
ngangaere te auri nei iaia, te veo ra, e
rakau pe iā. Kare aia e oro i te ka- 28
kao: e te toka maka ra, kua riro iā
iaia mei te ngangaere ra. Kua riro 29
oki te rakau tamaki ei ngangaere iaia:
te kata ra aia i te ruru anga i te ko-
rare. E toka kokoi tei raro ake iaia: 30
e au mea makoikoi tana i oora na
runga i te vari. Kua pupu te moana 31
iaia mei te pani ra: e kua riro te tai
ra mei te kapu manongi ra iaia. Te 32
inuinu maira te ara i muri ake iaia; e
ana iā e kua inaina te moana. Kare 33
ona e arite ki runga i te enua nei, tei
angaia e auraka e matakū o roto iaia.
Te akara ra aia i te au mea teitei rava- 34
rai: ko te ariki oki aia i runga i te au
tamariki nengonengo katoa ra.

PENE XLII.

*To Iobu tuku akaaka anga ki mua i te
aroaro o te Atua: to te Atua akatiku
anga iaia, e te akaapa anga i tona
au oa: to Iobu meitaki, te roa anga
o tona a'o, e tona mutenga.*

KUA karanga aturā Iobu kia Ieho- 1
va, na ko atura,

Kua kite au e, e tika ia koe te au 2
mea katoatoa, e kare taau i manako ra
e tika kia akakore. Koai teia e tanga- 3
rongaro i te tuatua i te kite kore?
kua tuatua au i tei kore i kitea e au
ra; e au mea taka ke rava iaku nei,
kare i kitea e au. Tera taku tuatua 4
kia koe, e akarongo mai koe, e naku e
karanga atu: e ui atu au ia koe, e naau
e akakite mai kiaku. I kite akenci au
ia koe i te kite taringa nei; i teianei 5
ra, te akara nei taku mata iā koe; E
teianei te akaviivii nei au iaku uorai,
e te tatarara nei au i raro i te one-
puei e te reu.

E oti akera tana au tuatua nei i te 7
tuatuaia atu e Iehova kia Iobu, kua
karanga aturā Iehova kia Eliphaza
ngati Temana, Kua tupu toku riri iā
koe, e nga oa katoa noou ra toko rua;
kare oki ta kotou tuatua i tau iaku,

8 mei ta toku tavini mei ta Iobu. E
tenana, ka rave kotou i nga bovi e itu
ra, e nga rama oki e itu, na kotou, ka
aere atu ei ki toku tavini ra kia Iobu,
ka apai ei i tetai tusia karakaratio na
kotou; e na taku tavini na Iobu e pure
ia kotou: koia taku tangata e kite atu;
ko te rave aea au ia kotou *kia tau i ta*
kotou tuatua neneva; kare oki i tau ta
kotou tuatua iaku, mei ta taku tavini
9 mei ta Iobu. Kua aere iorā Eliphaza
ngati Temana, e ko Biladada ngati
Sua, e ko Zophara i Naama, e kua pera
ia te Iehova i akaue mai ia ratou ra: e
kua kite mairai a Iehova ia Iobu.

10 Kua ruri ke akērā Iehova i tana
cketumu anga o Iobu ra, kia oti ake
tana pure i nga oa nona ra: e kua ta-
taki rua mairā Iehova i ta Iobu api-
nga i tei rauka iaia i muatangana ra.
11 Kua aere anake maira tona au taake
katoa kiaia i reira, e tona au tuaine
katoa, e te au oa takere ravarai nona
ra, e kua kai iora i te manga ki ona ra
ki roto i tona orai are: e kua tangi iora
ratou iaia, e kua akarekareka akera
iaia i te au kino katootoa i apaiia mai e
Iehova ki runga iaia: e kua apai atura
te tangata katoa i tetai manga moni
nana, e tetai poe auro e pini ua akera
ratou katoa ra.

12 Akameitaki roa akērā Iehova i to
Iobu openga i to tona muatangana:
okotai ngauru ma a oki ana tausani i
te mamoe, e ono tausani i te kamela, e
rua tausani i te bovi, okotai tausani
asini ua.

13 Toko itu oki ana puke tamariki ta-
14 maroa, e toko toru tamaine. Tapaia
iora te ingoa o tei mua ra ia Iemi-
ma; e te ingoa o te toko rua ra ia
Kezia; e te ingoa o te toko toru ra ia

5 15 Kerene-apuka. E kare rava i kitea i
taua enna katoa ra te vaine e tau ki te
au tamaine a Iobu i te memetaki: e
kua oronga maira to ratou metua tane
i tetai tuanga i roto katoa i to ratou au

16 tungane. E muri ake i te reira, te ora
ua rā Iobu e okotai akera anere e a
ngauru i te mataiti, e kua kite i tana
au tamariki, e te au tamariki katoa a
auna nga tamariki nana ra, e a katoa
17 uki ra. Mate iorā Iobu kua ruaine, e
ma te iu i tona ra puke rā.

TE BUKA SALAMO.

SALAMO I.

E AO to te tangata, kare e aere i te ako a te paieti kore, kare e tu i te arataa o te aronga rave ara ra, kare oki e noo i te nooanga o te aronga taitoito ra. Ko tei inangaro ra i te ture a Iehova; e tei tana ture tona manako anga i te po e te ao. E tau aia ki te rakau i tanumia ki te pae kauvai ra, ko tei ua i tona ra tuatau tikai, e ko tei kore roa i mac tona rau; ko tana katoa e rave ra, te meitaki ra ia.

Kare mei te reira te aronga kino ra; e tau ia ki te ota e pueu ua i te matangi ra. E kore ci e mou te aronga kino i te akavaanga, e te rave ara i te nupanga o te aronga tuatua-tika ra. Te tau maira oki a Iehova i te aerenga o te aronga tuatua-tika ra; kareka te aerenga o te aronga kino ra, ko te mate ia.

SALAMO II.

E AA te au etene i oripu ua'i, e te au tangata nei i manako ci i te mea puapinga kore? Te tu ra te ui ariki o te enua nei ki runga, e te kapiti katoa ra te ui rangatira, e māro ia Iehova, e tana i akatainu ra, *Te na ko ra*, Tatou e momotu i ta raua tapeka e taka ke atu, e akaruke takiri tatou i ta raua au taura ia tatou nei.

Ko tei noo ki runga i te au rangi ra te ka kata mai; ka taitoitoia ratou e te Atu. Ei reira aia e tuatua mai ci kia ratou i tona riri, e tumatetenga roa akera ratou iaia i tona riri maata, *Te tuatua maira aia*, Kua akatainu ra au i taku ariki i runga i toku maunga tapu ra, i Ziona.

E akakite atu au i tei akonoia ra; kua tuatua mai a Iehova kiaku e, Ko taku Tamaiti koe; i nakonei koe i

8 akaanauia'i e au. Ka pati mai kiaku, e naku e oronga i te au etene ci tuanga naau, e te au enua openga ci apinga naau. E ngaangaa ratou ia koe i te pāpā auri, e ungaungātiti roa ia koe mei te kapu a te potera ra.

10 E tenana, e te ui ariki ra, kia pakari kotou; e āriki i te ako, e te au 11 akava o te enua nei. E akamori ia Iehova ma te matakū; E rekareka, 12 ma te rutetete; Ka ongi ana i te Tamaiti ra, ko te riri aea aia, mate iora kotou i te arataa ra; kare oki tona riri e roaia kua tupu; e ao to te aronga e irinaki iaia.

SALAMO III.

E SALAMO NA DAVIDA, IAIA I ORO I TANA TAMAITI IA ABASALOMA.

1 **E** IEHOVA e, kua maata toku au enemi! e manganui tei tu mai ki 2 runga e māro mai iaku! E manganui tei tuatua iaku nei, Kare roa ona e ora i te Atua. Sela.

3 Kareka koe, e Iehova, e paruru koe noku e pini ua ake; ko toku kakā, e 4 naau toku mimiti i akateitei. Te kapiki nei toku roo kia Iehova, e te akarongo maira aia iaku i tona maunga 5 tapu ra. Sela. Kua akāvai au ki raro, e kua moc; e itirere akera oki au, na Iehova oki au i tauturu mai. 6 Kare au e matakū i te tangata e kia ngauru ua atu te tausani, ko tei akapini a enemi mai iaku e pini ua ake.

7 Ka tu, e Iehova; kia ora au, e taku Atua: kua taia e koe te tanga o toku au enemi katoa, kua aatiia e koe te nio o te aronga kino ra. No ko mai te ora ia Iehova ra: *te vai ra* toou ra meitaki ki runga i toou orai ra iti-tangata. Sela.

SALAMO IV.

NA TE TUMU IMENE, I RUNGA I TE NEGINOTA. E SALAMO NA DAVIDA.

KIA kapiki atu au ra, e akarongo mai, e te Atua, e tei akatika mai iaku ra; kua akaorai mai au e koe i *toku* tumatetenga anga ra: e aroa mai iaku, e akarongo mai i taku pure.

Mei te aa te roa, e te tamariki a te tangata na, o *to kotou akariro anga* i toku nei kakā, ei mea akama? to kotou inangaro anga i te puapinga kore, e te kimi anga i te pikikaa? Sela. Kia kite maira kotou, kua iikiia e Iehova te tangata paieti ra nona uaorai; ka akarongo mai a Iehova kia kapiki atu au kiaia. Te tupu ra te riri ra, auraka ra e rave i te ara: ka akaetu ana i to kotou ngakau, ki runga i to kotou au roi, akaroua ua'i. Sela. Ei tusia tuatua-tika ta kotou e apai; ka irinaki atu ei ia Iehova.

Manganui tei tuatua e, Naai e akakite mai i te meitaki kia tatou nei? E nānā mai, e Iehova, i te marama o to mata ki runga ia matou nei. Kua oronga mai koe i te rekareka i roto i toku ngakau, kua maata ia i to ratou i te tuatau i akamaataia i te sitona e te wina ra. E akāwai rai au ki raro ma te ora, e ka moc rai oki, no te mea, naau anake ra, e Iehova, i noo ei au ma te ora.

SALAMO V.

NA TE TUMU IMENE, I RUNGA I TE NEHILOTA. E SALAMO NA DAVIDA.

E AKARONGO mai, e Iehova, i taku tuatua, e akono mai i toku nei ngunguru anga: E akarongo mai i toku kapiki anga, e taku ariki, e taku Atua; te pure atu nei oki au ia koe. Te kite maira koe, e Iehova, i toku reo i te popongi; ei te popongi au e akataka atu ei i *taku pure* kia koe ma te tapapa marie.

Kare oki koe i te Atua e mareka mai i te kino; kare oki o te kino ra e noo anga ia koe. Kare oki te neneva e mou i mua ia koe; te riri ra koe i te aronga katoa i rave i te mea tika kore ra. Ka pou te aronga pikikaa ia koe: ko te ta tangata ra, e te tangata pikikaa ra, ko ta Iehova ia e rikarika ra. Kareka au nei, no te aroa maata noou ra, e tae atu rai au ki toou are, ka akamori ei ma te matakua ia koe i to nao tapu ra.

Ka arataki koe iaku, e Iehova, i taau

ra tuatua-tika; no toku au enemi nei, e akatikaoru ua i to arataa i mua o iaku. Kare roa e tuatua-mou o roto i to ratou vaa; ko te kino anake ra to roto ia ratou: mei te vaarua turuma i tuera ua ra to ratou karaponga: e na 10 to ratou arero e pikikaa mai. Ei tangata ara ratou ia koe, e te Atua; e kia inga ratou i ta ratou orai tuatua; e no ta ratou ara e manganui e akaruke ke atu koe ia ratou, kua kaitamaki oki ratou ia koe.

11 Ko te aronga katoa ra e irinaki ia koe ra, kia rekareka ia, kia akateitei te reo i te rekareka auraka kia mutu, no te mea, ko koe te tiaki ia ratou; e te aronga katoa i inangaro i to ingoa ra, 12 kia rekareka anake ia ia koe: No te mea naau oki, e Iehova, i akameitaki i te tangata tuatua-tika ra, e kua akapiniia aia e to aroa mei te paruru ra.

SALAMO VI.

NA TE TUMU IMENE, I RUNGA I TE NEGINOTA, EI REO MARU. E SALAMO NA DAVIDA.

AURAKA e akamura mai iaku ma te riri, e Iehova, auraka e pūpū mai iaku i te riri maata noou ra. E aroa mai koe iaku, e Iehova, te apikepiki nei au: e akaora koe iaku, e Iehova, kua mamae oki toku au ivi; 3 Kua tumatetenga roa oki toku vaarua: aea ra koe e *tauturu mai ei*, e Iehova?

4 E oki mai, e Iehova; kia ora toku vaarua, kia ora oki au i te aroa noou 5 ra. Kare roa tei mate e akamaara ia koe; koai oki to ade e akameitaki ia koe? Kua rarangoa au i toku nei ngengeti ua anga; te mau nei toku roi i te au po katoa nei; toku roi-mata te 7 akamaau i toku nei roi; Kua naonao toku mata i te aue; kua rarangoa au i rotopu i toku au enemi katoa.

8 Kia atea ke atu kotou, e te aronga i rave i te kino: kua akarongo mai oki 9 a Iehova i taua reo aue noku nei: Kua akarongo mai a Iehova i taku i pati atu, kua āriki mai a Iehova i taku 10 pure. E akama toku au enemi rava-rai, e e tumatetenga rava, e akaokiia ratou, e rokoia vaveia e te akama.

SALAMO VII.

E IMENE NA DAVIDA TANA I IMENE KIA IEHOVA, NO TE TUATUA A TE NGATI BENIAMINA RA, A KUSA.

E TAKU Atua, e Iehova, te irinaki nei au ia koe; kia ora au, e aka-

ora iaku i te aronga katoa e takinga-
kino mai iaku nei; Ko te riro aea aia
mei te liona i te aeae anga iaku; i te
etieti ungaunga roa anga iaku, e kare e
akaora.

E taku Atua, e Iehova, i akapera au
ra, e te vai nei te ara i toku rima;
Kua takinga-kino atu au i toku on,
(kua akaora ra au iaia i tei enemi ara
kore ua iaku nei:) Kia aruaru taua
enemi ra ka rave mai iaku; kia taka-
takāi aia iaku ki raro i te one, e toku
kakā nei, kia tuku aia ki raro i te vari.
Sela.

Ka tu, e Iehova, ma te riri; ka
akateitei ia koe uaorai, i te riri maata o
toku au enemi; ka ara iaku nei; e
akataka ana i te akavaanga. Kia taka-
pini mai te au tangata i uipa ra ia koe;
e tenana, e oki koe ki runga i te ngai
teitei ra no ratou. Na Iehova e akava
i te au tangata ra: e akava mai koe
iaku, e Iehova, e ei iaku ia tei tau i te
tuatua-tika naku ra, e te pikikaa kore
i roto iaku nei. Kia akamutuia te
kino o te aronga kino ra, e akatinamou
ra koe i te aronga tuatua-tika: e Atua
tuatua-tika oki, *koe*, ko tei kimi i te
ngakau, e te manako.

Tei te Atua toku paruru; e akaora aia
i te aronga ngakau tiratiratu ra. E
akava tuatua-tika te Atua; i kore ei te
Atua i tukutuku i te riri *ki te aronga
kino* ra. Kia kore aia e ariu ra, ka aka-
kina aia i tana koke; kua akamingi
aia i tana ana e kua vave. Kua akaaitē
maricia te rakau e mate ei aia ra: kua
akainana aia i tana au kakao mura ra.

I na! kua to aia i te kino, e kua
nui i te kanga; e mea pikikaa ra tana
e anau. Kua ko aia i te rua, e kua
oonu; e inga ra aia ki roto i taua rua i
koa e ia orai. Ka oki mai tona kino
ki rungao i tona uaorai mimiti; ka
iri mai oki tona rotoriri ki runga i te
take upoko nona uaorai. E akamei-
taki au ia Iehova kia tau i te tuatua-
tika nana, e imene akameitaki au i te
ingoa o Tei Teitei ra o Iehova.

SALAMO VIII.

NA TE TUMU IMENE, NA RUNGA I TE
GITITA. E SALAMO NA DAVIDA.

E TO matou Atua, e Iehova, Kua
teitei to ingoa e pini ua ake te pa
enua katoa nei! e toou ra kakā kua
tukuia e koe ki rungao i te au rangi
ra! No roto i te vaa o te tamariki
e te kai u i akono ei koe i te ma-
roi-roi no toou au enemi ra, kia muteki
atu te enemi, e te ukumu ra.

3 Kia akara au i to au rangi i te
angaanga a to maikao-rima na; te ma-
4 rama e te au etu tauu i anga ra; Eaa
te tangata nei, i manako mai ei koe
iaia? e ta te tangata nei tamaiti, i
5 akono mai ei koe iaia? I raro iti ake
aia i te au angela i te anga anga e koe
ra, e kua akakorona koe iaia i te kakā
6 e te mana. Kua akariro koe iaia ei
kavana i te au angaanga a to rima;
kua tukuia e koe te au mea katoa nei
7 ki raro ake i ona vaevae: Te au ma-
moe e te au bovi katoa; e te au puaka
8 katoa o te ngangaere ra, Te au manu
o te reva, e te ika o te tai, tei na te
ara moana i te aere ra.
9 E to matou Atua, e Iehova, kua tei-
tei toou ingoa e pini ua ake te pa enua
katoa nei!

SALAMO IX.

NA TE TUMU IMENE, NA TE AU TAMAROA,
EI AKAREO VAINÉ. E SALAMO NA DA-
VIDA.

E AKAMEITAKI rai au ia *koe*, e
Iehova, i toku ngakau katoa nei;
e akakite au i te au angaanga taka ke
2 katoa naau ra. E rekareka au ma te
umere parua ia koe; e imene aka-
meitaki au i toou ingoa, e Tei Teitei,
3 Ka akaokūia'i toku au enemi ra, kua
inga ratou, e mate atura ki mua i to
4 aroaro ra. Kua akatika mai oki koe i
te tuatua-tau e te tuatua-tika naku ra;
kua noo koe ki runga i te terono ma te
5 akono i te tuatua-tika. I akamura ana
koe i te au etene, kua akapou i te aro-
nga kino; kua tangaro roaia e koe to
6 ratou au ingoa e tuatau ua atu. Kua
pou te au enemi i te taitaipakokoia;
kua tairipotūia e koe te au oire;
kua kore katoa te maara anga ia
ratou!
7 Ka tu rā Iehova e rimua; kua ako-
nokono aia i tona terono ei akava anga.
8 Kua akava oki aia i to te ao nei ma te
tuatua-tika, ka akatika oru ua aia i ta
9 te au tangata ma te apa kore. E aka-
puanga oki a Iehova no te aronga i ta-
kinga-kinoia, e akapuanga i te tuatua
10 tumatetenga. Te aronga i kite i toou
ra ingoa, ka irinaki ia ia koe; ko
tei kimi oki ia koe ra, e Iehova, ko
tei kore roa ia e akarukeia e koe ra.
11 E imene akameitaki kia Iehova, tei
noo i Ziona; e akakite i te au tangata
12 ra i tana i rave ra: Ko tei kimi i te
toto ra, ko tei manako ia ia ratou; e
kare i ngaropoina iaia te aue o tei tai-
roia ra.
13 E aroa mai koe iaku, e Iehova e, ka

akara mai i toku nei tumatetenga i te aronga i riri mai iaku nei, e tei akatu mai iaku mei te ngutupa mai o te mate ra; Kia akaope au i taku akameitaki 14 ia koe i te au ngutupa o te tamaine o Ziona: e rekareka au i te ora naau ra.

Kua topa te au etene ki roto i te 15 vaarua i koia e ratou: kua ii to ratou vaevae ki roto i te kupenga i uunaia e ratou orai. Te kitea ra Iehova i te 16 tuatua-tau tana i rave ra; e te taui anga i te tangata kino i te angaanga i raveia e tona uaorai rima. Iligaiona. Sela. Ka uria te tangata kino ki te 17 po, te pa enua ravarai kare i manako i te Atua ra. Kare oki te tangata 18 rikiriki e akangaropoina roaia atu; kare oki te irinakiaanga o te tangata ao ra e akangere roaia.

Ka tu, e Iehova; auraka kia tupu ta 19 te tangata: kia akavaia te au etene ki mua i toou orai aroaro. E tuku, e Ie- 20 hova, i te matakū ki runga ia ratou; kia kite te pa enua e, e tangata ratou. Sela.

SALAMO X.

EAA koe, e Iehova, i akaatca'i? eaa 1 koe i pipini ei i te tuatua tumate- 2 tanga nei? No te nengonengo o te tangata kino i takinga-kino mai ei aia i te tangata rikiriki: kua iia ratou i te 3 akakoroanga ta ratou i kimi ra. Te akatietie ra te tangata kino i te inangaro o tona ra ngakau, te akameitaki ra te noinoi apinga i ta Iehova i akaviivii ra. No te nengonengo i kore ei i kimi 4 te tangata kino iaia; kare te Atua i roto i tona katoa ra au manako. E 5 aerenga manua anake tona au aerenga: taau ra au tuatua-tau, tei runga roa ia, kare e utoaia atu; tona katoa ra au enemī, kua akavaavaa aia ia ratou. Kua tuatua oki aia i roto i tona 6 ngakau, Kare au e ngaueue; kare rai au e kino e tuatua ua atu. Kua ki tona 7 vaa i te tao, e te pikikaa, e te takinga-kino: tei raro ake i tona arero te kino e te tuatua mingi. Te pipini ua ra aia 8 ki roto i te au ngai ngarongaro o te au vila ra; ei roto i te au vaarua aia i ta ai i te aronga ara kore: e tiroi mata- 9 riki poiuri ua aia i te aronga ao. E moe- tapapa ra aia mei te liona i roto i tona rua ra; te moe tapapa ra aia, kia rauka te tangata rikiriki; kua opukia te tangata rikiriki, kia toto aia iaia ki roto i tana kupenga. Kua akaopuku rava 10 aia ki raro, kua akaiti iaia uaorai, kia inga te ao ki roto i tana ra mauu pakari. Kua tuatua oki aia i roto i 11

tona ngakau, Kua ngaropoina ia i te Atua; kua uuna ke tona mata; kare roa teia e akaraia mai.

12 Ka tu, e Iehova; e akateitei i to rima, te te Atua e! auraka tei tairoia nei 13 e akangaropoina roaia e koe. Eaa te aronga kino i akavaavaa'i i te Atua? kua tuatua aia ki roto i tona ngakau e, 14 Kare koe e ui mai. Te akara maira koe; te kite maira oki koe i te kino, e te aue, kia tutakia te reira e to rima na: e oro te tangata ao ra kia koe; ko 15 koe te tauturu o te matiroeroe. E aati ana koe i te rima o te paietī kore e te tangata kino ra: e kimi matatio koe i tana ravenga kino, e kare atu i toe. 16 Ko Iehova te ariki e tuatua ua atu: kua pou te aronga etene i tona enua. 17 Kua akarongo mai koe, e Iehova, i te anoano o tei akaaka ra: kua akatina-mou koe i to ratou ngakau, kua akarongo to taringa: Kia akaoko atu koe i te matiroeroe e tei takinga-kinoia, e auraka te tangata kia tuaru akaouia i te enua nei.

SALAMO XI.

NA TE TUMU IMENE. E SALAMO NA DAVIDA.

1 TE irinaki nei au ia Iehova; eaa kotou i tuatua mai ei kiaku e, Ka rere mei te manu ki runga i to kotou 2 ra maunga; I na! kua akamingi te aronga kino i te ana, kua akonokono i ta ratou kakao ki runga i te ao, ei akainana poiuri atu i tei tiratiratu te ngakau 3 ra; Me uritumuia te au tumu ra, e akapea atu te tangata tuatua-tika? 4 Ko Iehova, tei roto i tona ra uao tapu, ko Iehova, tei te rangi tona ra terono; te akara maira tona mata, e te timata maira tona topiri-mata i te tamariki a te tangata nei. Te timata maira Iehova i te tangata tuatua-tika: kareka te tangata kino, e tei inangaro i te takinga-kino, kua riri roa tona ngakau iaia. E akatopa mai aia i te mura ai, e te teio, ki runga i te aronga kino ra, e te uria maata rikarika; ko te tuanga ia i ta ratou kapu. Te inangaro ra oki a Iehova tuatua-tika ra i te tuatua-tika: Te akara nei tona ngata i te tangata tiratiratu.

SALAMO XII.

NA TE TUMU IMENE, EI REO MARU. E SALAMO NA DAVIDA.

1 KIA ora, e Iehova e; kua kore akenei nei oki te tangata paietī; e te aronga tuatua-mou ra, kua kore akenei 2 i o te tamariki a te tangata nei. E

tuatua puapinga kore ta ratou e tuatua nei, ki tetai ki tetai: ma te vaa kope-
repere ua, e te ngakau rua ta ratou e
tuatua nei. E akakore anake a Ie-
hova i te au vaa koperepere ua; te
arero e tuatua i te tuatua nengonengo
ra: To te aronga e tuatua ra e, Ka
tupu ta to tatou arero e tuatua nei; no
tatou uaoral to tatou vaa; koai tei maata
i runga ia tatou nei?

No te takinga-kino i tearonga ao ra,
no te kaku anga o te aronga akaaka, e
tu ei au nei, te tuatua mairā Iehova;
ka tuku au ia ratou ki te ngai e ora i te
aronga e akaviivii mai ia ratou. E
tuatua iro koreia te tuatua a Iehova;
mei te ario i tamāia i roto i te āriki one
ra, i tatakī itua te tamā anga. Naau,
e Iehova, e tapapa ia ratou, e tiaki ia
ratou i taua uki nei e tuatua ua atu.
Kia akateiteia te tangata viivii ra, te
ori aere ua ra te aronga kino e pini ua
ake i reira.

SALAMO XIII.

NA TE TUMU IMENE. E SALAMO NA DAVIDA.

MEI te aa ra te roa o to akangaropoi-
na anga iaku, e Iehova? e tuatau
ua atu? mei te aa ra te roa o to uuna
anga i to mata iaku nei? Mei te aa te
roa o toku cumiumi anga i roto i toku
nei vaerua, ma te manae e po ua atu
te rā i roto i toku nei ngakau? mei te
aa te roa o to taku enemi akateitei anga
i runga iaku nei?

E akono mai, e akarongo mai iaku,
e taku Atua, e Iehova: e akamārama
mai i toku mata, ko te rokoia aea au e
te moe mate ra; Ko te tuatua mai
aea toku enemi e, Kua re aia iaku; ko
te rekareka aea toku enemi me turori
au ra.

Te irinaki nei ra au i te aroa noou
ra; ka rekareka toku ngakau i te ora
naau ra; Ka imene au kia Iehova, kua
takinga-meitaki mai oki aia iaku.

SALAMO XIV.

NA TE TUMU IMENE. E SALAMO NA DAVIDA.

TE tuatua ra te neneva i roto i tona
ra ngakau, Kare e Atua. Kua
kino ratou, e ta ratou i rave ra, e mea
viivii roa ia, kare rava tetai i rave ake i
te meitaki. Ko Iehova i runga i te ra-
ngi tei akara mai ki raro nei, i runga i
te tamariki a te tangata nei, peneiake
ko te kitea atu tetai tangata kite, tei
kimi i te Atua. Kua ope rava i te
aere ke, kua kino anake: kare rava
tetai i rave i te meitaki, e okotai iti ake.

4 Kare rava ainei tei rave i te mea
kino ra i kite? ko tei kai i toku ra au
tangata mei te kai anga kai ra, e kare
rava e kapiki ua atu kia Iehova ra.
5 Kua rokoia ratou e te matakū maata i
reira: no te mea tei te uki tangata tua-
6 tua-tika ra te Atua. Kua taakama
kotou i te ako a te akaaka ra; no te
mea ko Iehova tona akapuanga.
7 Naringa i rauka te ora o Iseraela no
roto mai ia Ziona e! kia akaoki mai a
Iehova i tona ra au tangata i tuikaa ra,
ka pereperēkavana Iakoba, ka rekareka
oki Iseraela.

SALAMO XV.

E SALAMO NA DAVIDA.

1 **K**OAI, e Iehova, te ka purutia i
toou ra puakapa? koai te ka noo
i to maunga tapu ra?
2 Ko te tangata aerenga tiratiratu, ko
tei akono i te tuatua-tika ra; e ko
tei tuatua i te tuatua-mou i roto i tona
3 ra ngakau. Ko tei kore i urutōe tona
arero, ko tei kore i takinga-kino i tona
tangata tupu, ko tei kore i āriki i te
4 tuatua kino i tona taunga. Ko tei
akavaavaa i te tangata viivii ra; e
akangateitei ra i te aronga i matakū ia
Iehova: ko tei taputou ra, kino ua'i
5 aia orai, kare e taeke ua. Ko tei kore
i toku i tana moni ki te ou ra; ko tei
kore i rave i te tutaki ei akaapa i te ta-
ngata ara kore ra. Ko tei akapera i
te rave i taua ua mea nei, kare e nga-
ueue e tuatau ua atu.

SALAMO XVI.

E PE'E NA DAVIDA.

1 **E** TIAKI koe iaku, e te Atua e, te
irinaki nei oki au ia koe. *E taku*
vaerua, kua tuatua koe kia Iehova e,
Ko toku Atua koe; kare toku meitaki
3 e tae atu kia koe na; Ko te aronga tapu
ra i te enua nei, e te aronga memei-
taki, ko ratou anake taku e mataora
4 nei. Ka akamaataia to ratou tumate-
tenga, tei rapurapu i te aru i tetai *atua*
ke: ta ratou neseka toto ra, kare au e
apai, kare oki toku vaa e akaiki ua atu
5 i to ratou ingoa. Ko Iehova, ko taku
ia tuanga, e taku kapu: ko koe tei
6 akono mai i toku nei kelerō. Kua topa
akenei taku tuanga i te ngai meitaki;
e te meitaki nei au i toku nei kainga.
7 Ka akameitaki au ia Iehova, ko tei
ako mai iaku; te apii maira toku ma-
8 nako iaku i te po. Kua tuku au ia
Iehova ei mua ua rai iaku; tei toku
9 rima katau aia kare au e ngauene. I

mareka'i toku ngakau, e te rekareka nei toku kakā; ka moe katoa oki toku kopapa nei ma te tiaki. Kare oki koe 10 e vaoo i toku vaerua i ade; kare oki koe e tuku i to Mea Tapu ra kia kite i te pe. Ka akakite mairai koe iaku i 11 te ara ora; tei mua i to aroaro te ki anga o te rekareka; tei to rima katau te perepererekavana e tuatau ua atu.

SALAMO XVII.

E PURE NA DAVIDA.

E AKARONGO mai i te tika, e 1 Iehova, e akono mai koe i taku e kapiki nei; e akarongo mai i taku pure no roto i te vaa pikikaa kore. Ko koe uorai te tuku mai i te tuatua- 2 tau iaku nei; na to mata e akara i tei tiratiratu. Kua timata koe i toku 3 ngakau; kua atoro mai koe iaku i te po; kua tamā koe iaku, e kare ua i kitea e koe ra; kua akakoro au e, au- 4 raka toku vaa e tatipake. Kareka i ta te tangata nei ravenga, no te tuatua a to vaa, i matakite ci au i te au aerenga o te ta tangata ra. E turu mai koe i 5 toku aerenga i toou na au aratan, kia kore e paeke oku puke vaevae.

Te kapiki nei au ia koe, ka akarongo 6 mairai koe iaku, e te Atua; e ariu mai to taringa iaku nei, e akarongo mai i taku tuatua. E akakite i to aroa taki- 7 nga-meitaki i vavaria ra, e tei akaora i to rima katau te aronga i irinaki ia koe, i tei tu mai ki runga e māro mai ia ratou. Tiaki mai koe iaku mei te 8 koringo-mata ra; e uuna iaku i raro ake i to maru peau ra, I te aronga kino ko tei takinga-kino mai iaku nei, 9 i toku au enemi e akapini mai iaku nei e ta. Kua pini ratou i to ratou orai 10 tongaua: te tuatua nengonengo mairai to ratou vaa. To matou aratua kua 11 akapiniia e ratou i teianei; te tiroi-matariki mairai kia akatirua ia matou ki raro i te one: Mei te liona i rapu- 12 rapu i tana kai; e mei te liona ou e pipini i te ngai ngaro ra.

Ka tu, e Iehova, e akangere atu iaia, 13 e taakaaka atu, kia ora toku vaerua i te tangata kino, i te koke naau ra: I te 14 rima noou, e Iehova, i te reira papaki tangata, te tangata o teianei ao, tei te ora anga nei ta ratou tuanga; tei aka- 15 kia to ratou kopu e koe ki to apinga ngaro: kua mareka ta ratou au tamariki; e te vaooia nei te toenga o ta ratou apinga na ta ratou tamariki me a riki ra. Kareka au nei, ka kite au i 15 to mata ma te tuatua-tika; kia ara au

ra, ka mareka rai au i toku tau anga atu kia koe.

SALAMO XVIII.

NA TE TUMU IMENE. *E SALAMO NA TE TA- VINI O IEHOVA RA NA DAVIDA, KO TEI KARANGA ATU KIA IEHOVA I TE AU TUATUA O TEIANEI IMENE I TE RĀ I AKAORAIA, I AIA E IEHOVA I TE RIMA O TONA KATOA RA AU ENEMI, E TE RIMA O SAULA: KUA KARANGA ATURA AIA,*

- 1 **T**E inangaro atu nei au ia koe, e
- 2 Iehova, e toku maroiri. Ko Ie- hova taku mato, e taku punanga, e toku nei ora; toku Atua, toku mato, koia taku ka irinaki atu; taku paruru e te tara o toku ora, toku are teitei.
- 3 E kapiki au ia Iehova, e tau iaia kia akameitakiia; e ka ora iora au i toku au enemi.
- 4 Kua akapiniia au e te taura o te mate; matakau rava akera oki au i te
- 5 vai puke o te paieti kore ra; Kua akapiniia au ki te taura o ade ra; kua
- 6 tukuia te maunu o te mate iaku: Kua kapiki au kia Iehova i toku tumate- tanga ra; e kua kapiki atura au ki taku Atua; e kua akarongo aia i toku
- 7 reo i tona nao ra, e kua tae toku aue ki mua iaia, ki roto i tona taringa.
- 8 Kua ngaueue iora te enua, e kua rutetete; e kua kenken atura te au
- 9 tumu o te maunga, e kua ngaueue, no te mea kua riri iaia. Kua peke akera te auai no roto i tona putaiu, e te ai kakai ra no roto i tona vaa; kua ka
- 10 iora te ngarau ai i te reira. Kua tuku akaaka katoa mai aia i te rangi, e kua eke maira: e poiri pangopango tei raro ake i tona vaevae.
- 11 Kua noo aia ki runga i te kerubi, e kua rere; rere atura oki aia na runga i
- 12 te peau o te matangi. Kua akariro aia i te poiri ei tapoki nona, te vai poiri, e te tumurangi patapatatue o te rangi
- 13 ra, tona are e pini ua ake aia ra. No te kakā o tona aroaro, peke atura te au tumurangi patapatatue nana ra, te ba- rada, e te ngarau ai ra.
- 14 Kua tuku mairā Iehova i te mangungu i runga i te rangi ra, kua aka- kite maira Tei Teitei i tona reo, i te
- 15 barada e te ngarau ai ra. Kua akai- nana iora aia i tana kakao, e akapue- rikiriki ke ia ratou; kua akakora- parapa atura aia i te uira, ati atura
- 16 ratou. Kua kitea iora te papa o te moana i reira, e kua kitea iora te au tumu o te emua, i to akamura anga mai, e Iehova, i te aruru anga i te a'o o to riri.

Kua itae maira aia i *tona rima* mei 16
runga mai, kua rave maira iaku; kua
toŋo maira iaku no raro i te au vai maata
ra. Kua akaora akera aia iaku i toku 17
enemi ririnui ra, i tei makitakita mai
iaku ra; no te mea, e ririnui to ratou i
toku. Kua rokoia putia au e ratou 18
i te rā i tumatetenga i au ra; ko Iehova
ra toku turu.

Kua apai katoa aia iaku ki te ngai 19
atea; kua akaora aia iaku, no te mea
te mataora maira aia iaku. Kua tu- 20
taki mairā Iehova iaku i tei tau i taku
tuatua-tika: kua aite i te viivii kore o
toku rima tana tutaki anga mai iaku:
No te mea kua akono au i te au ara- 21
taa o Iehova, e kare rai au i akaruke
kino ua i toku Atua.

No te mea tei mua tana katoa ra au 22
tuatua-tau iaku; e tana au ture, kare
rai au i akaruke i te reira; E tira- 23
tiratu katoa toku ki mua iaia, e kua
tiaki au iaku orai i toku kino: Kua 24
tutaki mai a Iehova iaku i tei tau ki te
tuatua-tika naku ra; ko tei tau ki te
viivii kore o toku nei rima i mua i
tona aroaro.

I te tangata e aroa ua ra, e aroa ua 25
katoa koe; e te tangata tiratiratu ra, e
tiratiratu katoa taau. I te tangata e 26
viivii kore ra, e viivii kore katoa taau;
kareka te tangata ketaketa ra, e riro
katoa koe i te māro. Ko te aronga i 27
tairoia ra, e akaoraiā ia e koe ra: ko te
mata teitei ra, ka tukuia ia e koe ki
raro.

Ko koe rai te ka tutungi i taku 28
lamepa: e akamārama mai iaku Atua
a Iehova i toku nei pōiri. Ia koe 29
rai i mama atu ei au na roto i te taka-
nava *toa* ra; e kua taea te patu e au i
taku Atua. Ko te Atua ra, kua tika 30
rava tona aereanga; e tuatua timata
uaia ta Iehova: ko te paruru aia ki te
aronga katoa e irinaki iaia ra.

Koai tikai te Atua mari ra ko Ie- 31
hova? koai oki te mato mari ra ko to
tatou Atua? Ko te Atua i tatua mai 32
iaku ki te maroiroi, e kua akariro i
toku nei arataa ei mea apa kore. Te 33
akaaita nei aia i toku vaevae nei ki to
te aili; e te akatinamou nei aia i toku
turanga i te ngai teitei.

Te apii nei aia i toku rima i te ta- 34
maki: kua aatiia e oku nei rima te ana
veo ra. Kua oronga katoa mai koe 35
kiaku i te paruru ora naau; e na to
rima katau i tauturu mai iaku; e na
toou maru i maata i au. Kua akaate 36
koe i toku takainga vaevae i raro ake
iaku: kia kore oku vaevae e packe.

I aruaru atura au i toku au enemi, 37

e rokoia atu ratou e au; e kare au i
38 oki, e ope akera ratou i te pou. Kua ta
au ia ratou, e kare atura i tika ia ratou
kia tu mai ki runga: kua topa ratou
39 ki raro ake i toku vaevae. Naau oki
au i tatua ki te maroiroi i te tamaki: e
te aronga i tu ki runga iaku nei, kua
tuku akaaka koe ki raro ake iaku.

E kua oronga mai oki koe i te kaki
o toku au enemi; kia pou iaku tei ma-
41 kitakita mai iaku ra. Kua kaku ra-
tou, e kare e ora: kua *kaku* kia
42 Iehova, e kare aia i ki mai. Pāpā
atura au ia ratou, e ungaungātiti rava
akera, mei te one-pueu i te matangi
ra; akaruke atura au ia ratou mei te
vari i te arataa ra.

I te karo anga o te tangata ra, kua
akaora mai koe iaku, e kua tukuia au
e koe ki runga i te au etene; ko te
aronga kare i kitea e au ra, ka tavini
44 ia iaku. Tei te kite anga mai iaku ra,
ka akarongo mai ratou iaku: te pa
45 enua ke ke ra, ka tatomo ia kiaku. Te
pa enua ke ke ra, ka mae ia, e ka ru-
tetetete ratou i roto i to ratou au pu-
nanga ra.

Te ora rā Iehova! e kia akamei-
tākiiā taua Mato noku ra! e kia aka-
47 teiteiia te Atua e ora i au ra! Ko te
Atua ko tei akaoko mai iaku ra, ko tei
akavi mai i te tangata i raro ake iaku
48 ra, I te akaora anga iaku i toku au
enemi ra: e kua akateitei koe iaku i
runga ravao i tei māro mai iaku; kua
akaora koe iaku i te tangata rotoriri ra.
49 E teianei e akameitaki au ia koe, e
Iehova, i rotopu i te au etene ra, e
imene akapaapaa rai au i toou ingoa.

E ora mātā tana i oronga mai ki
tona ariki; e te akakite maira aia i
te aroa ki tei akamainuia e ia, kia Da-
vida, e tona uanga, e tuatau ua atu.

SALAMO XIX.

NA TE TUMU IMENE. E SALAMO NA DAVIDA.

1 **T**E tuatua nei te au rangi i te kakā
o te Atua; e te akakite nei te
2 reva i te angaanga a tona rima. Te apii
nei tetai ao i tetai i te tuatua, te aka-
kite nei oki tetai po i tetai i te kite.
3 Kare e korero, kare e tuatua, kare to
4 ratou reo i kitea. Kua tae ra to ratou
akaaita ki te pa enua katoa, e ta ratou
tuatua ki te kotinga o teianei ao.

Kua akatu aia i to te rā puakapa i
5 roto ia ratou; Ko tei aere mai mei te
tane ou ra mei roto mai i tona ra pia, e
mei te tangata maroiroi e rekareka
6 kia oro i te oroanga. Mei tetai pae
rangi tona aere anga mai, e tae ua atu

ki tetai pae i tona akapini anga, e kare rava tetai mea i ngere i tona maana.

Ko te ture a Iehova kare e apa, i te akaariu anga i te vaerua; te tuatua-akakite a Iehova, e mea mou ia, e pakari ei te kamakura. Te akonoanga a Iehova, e mea tika ia, e rekareka i te ngakau; te akauenga a Iehova, e mea viivii kore ia, e marama'i te mata nei. Te mataku ia Iehova, e mea viivii kore ia. ka tu ia e rimua; te tuatua-tau a Iehova, e mea mou ia, e mea tika anake ia. E apinga anoano maataia ia i to te auro, i te auro maata ra e te memaitaki; e venereka ia i to te meli i te topatapata anga no roto i te meli-kerio.

Na te reira oki i apii mai i to tavini; 11
tei te akono i te reira te tutaki maata. Koai oki tei kite i tana uarai au ara? 12
e tamā mai koe iaku i te au ara kitea koreia nei; E tāpu mai koe i to tavini 13
i te ara māro; auraka roa te reira kia kaurunga mai iaku: ei reira au e meitaki ei, kore akera oki te ara maata iaku nei. Kia tikaia mai te tua-tua a toku vaa, e te manako o toku ngakau, i mua i to aroaro, e Iehova, e toku mato, e toku akaora.

SALAMO XX.

NA TE TUMU IMENE. E SALAMO NA DAVIDA.

KIA akorongioa mai koe e Iehova i te rā tumatetenga; kia akatikaia mai koe e te ingoa o te Atua o Iakoba; Kia tuku mai i te tauturu kia koe mei roto mai i te ngai-tapu, e kia akamaroiro mai ia koe mei roto mai ia Ziona; Kia manakoaia taau au mineka ravarai, e kia ārikiia taau au tusia karakaratio. Sela. Kia oronga mai aia i ta to ngakau i anoano ra, e kia akatupu i taau i akakoro ra. Kia rekareka matou i te ora naau, e i te ingoa o to matou Atua, ka akatu ei matou i te reva: kia akatikaia mai e Iehova te au mea katoa taau i pati ra.

Kua kite pu tikai au, e akaorū Iehova i tei akamainuia e ia; ka iō mai aia iaia i te au rangi tapu nona ra, i te ririnui akaora o tona rima katau ia. Te irinaki nei tetai pae i te au kariota, e tetai pae i te au ipo; e akaiki ra matou i te ingoa o to matou Atua ra, ko Iehova. Kua tukuia ratou ki raro, e kua inga; kua tu ra matou ki runga, e keta akera te turanga. E akaora, e Iehova; kia akarongo mai te ariki ia matou kia kapiki atu matou ra.

SALAMO XXI.

NA TE TUMU IMENE. E SALAMO NA DAVIDA.

KA rekareka te ariki i te ririnui noou, e Iehova; e i te ora naau ra, eaa ua tona rekareka i te maata! 2
Kua oronga mai koe i ta tona ngakau i anoano ra, e kare koe i tāpu i ta tona 3
vaa i pati ra. Sela. Kua na mua ua koe iaia ma te apinga meitaki roa ra: kua tuku koe i te korona auro meitaki ki 4
runga i tona mimiti. Kua pati atura aia i te ora ia koe, e kua oronga mai koe nona i te au rā roa kare rava e 5
mutu ra. E kākā maata tona i te ora naau: te ngateitei e te mana tei tukuia 6
mai e koe ki runga iaia. Kua oronga mai koe i te meitaki mutu kore nona: kua akarekareka mai koe iaia i te reka- 7
reka o to mata ra. No te mea te irinaki nei te ariki ia Iehova, e i te aroa o Tei Teitei ra, kare rava aia e ngaueue. 8
Ka kitea e to rima toou katoa au enemi: ka kitea e to rima katau tei 9
makitakita ia koe ra. Kia tae ki te taime e riri ei koe, ka akariro ei koe ia ratou mei te umu e ka ra: ka apuku a Iehova ia ratou i te riri nona, ka pou 10
takiri roa oki ratou i te ai. Ka akapouia e koe ta ratou anau i te enua nei, e to ratou au uanga i roto i te tamariki 11
a te tangata nei: No te mea kua rauvanangananga ratou i te kino noou; e takinga-kino ta ratou i akakoro, kare 12
ra i tika. Ka akariroia ratou e koe ei pa i taau ra au kakao, tei akataua e koe ki runga i te ao naau ia ratou. 13
Kia akateiteia koe, e Iehova, i toou ra ririnui: ka imene matou, e e aka-paapaa i toou ra mana.

SALAMO XXII.

NA TE TUMU IMENE, I RUNGA I TE AIELETA-SAHARA. E SALAMO NA DAVIDA.

ETAKU Atua! e taku Atua! eaa koe i akaruke mai ei iaku? i atea'i koe i te tauturu iaku, e i te tuatua o 2
toku nei ngunguru anga? E taku Atua, te kapiki nei au i te ao, kare ra koe i tuatua mai; e i te po oki, kare ra 3
oku akaea anga ra. Ko koe ra Tei Tapu ra, e tei noo i rotapu i te akamei- 4
takianga o Iseraela. I irinaki ana to matou ai metua ia koe; kua irinaki ratou, e kua akaoraiia ratou e koe. 5
Kua kapiki ratou ia koe, e kua aka-oraiia; i irinaki ana ia koe, e kare i aka-ma. 6
E toke ra au nei, kare te tangata; e 2 M

akakinoanga na te tangata, e ta te tangata ia akavaavaaanga. Te aronga 7
katoa e akara mai iaku nei, te kata
aviri maira iaku; kua akatiiti ratou i
te ngutu, kua takirikiri ratou i te mi-
miti, *te na ko ra*, I irinaki ana aia ia 8
Iehova, kia ora aia: kia akaora aia
iaia, i na e mataora aki ana nana.
Nauu ra au i rave mai mei roto i te
kopu: i moe matakū kore ua'i au ia
koe i runga i nga u o toku metua vaine.
Kua tukuia atu au kia koe mei te 10
kopu mai: ko toku Atua oki koe mei
te kopu mairai o toku metua vaine.

Auraka e akamamao ke atu iaku; 11
te vaitata mai nei oki te tumatetenga;
kare atu oki e tauturu. E mangauni 12
te bovi i akapini mai iaku: te au *bovi*
ririnui o Busana tei takako mai iaku
nei. Kua amama maira to ratou vaa 13
iaku, *mei* te liona ngunguru ra kia
kimi i te kai. Mei te vai i riringia 14
ra au, e kua manuku anake toku au
ivi: mei te tapou nei toku ngakau; kua
taravai i roto i toku kopu nei. Kua 15
marō toku maroirōi mei te vūnga kapu
karakaraea ra; e kua piri toku arero
ki toku tanga; e kua tuku koe iaku ki
raro i te one mate ra. Kua akapiniia 16
au e te au puaka-aoa: kua takako
roaia e te uipūnga tangata kino ra:
kua puta oku puke rima e oku puke
vaevae ia ratou. E rauka iaku kia ta- 17
tau i toku au ivi katoa: te akara ua
maira, te tiroi matariki maira iaku.
Te tua nei ratou i toku au kakau no 18
ratou, e te akatopa kelero nei i toku
pereue.

Auraka koe, e Iehova, e akamamao 19
ke atu iaku nei; e toku maroirōi, kia
ngakoikoi mai koe i te tauturu mai
iaku. E akaora koe i toku vaerua i te 20
koke nei; taku akaperepere i te riri o
te punka-aoa. Kia ora au i te vaa o te 21
liona: i akarongo ana oki koe iaku i
runga i nga tara o te reema ra.

E akakite au i to ingoa i toku ra au 22
taeake: e akapaapaa au ia koe i roto i
te uipūnga ra. Ko kotou ko tei ma- 23
taku ia Iehova ra, e akapaapaa kotou
iaia; kotou ravarai te au uanga o Ia-
koba, koia ta kotou e akakakā; e kotou
katoa te au uanga o Iseraela, e matakū
kotou iaia. Kare oki aia i akavaavaa, 24
kare oki i akakino, i te tairoanga o tei
tairoia ra: kare oki i uuna i tona mata
iaia; kia kapiki ra aia kiaia ra, kua
akarongo maira aia. Ko koe taku e 25
akapaapaa i roto i te uipūnga maata ra;
ka akatupu au i taku i tia ra i mua i
te aroaro o te aronga e matakū iaia ra.
Ka kai te aronga akaaka e kia mere- 26

ngo: ko tei kimi ia Iehova ra ka aka-
paapaa ratou iaia: ka ora rai to kotou
ngakau e tuataua au atu.

- 27 To te au openga katoa o te enua nei,
ka akamaara, e ka ariu mai kia Iehova:
ka ope te au kopu-tangata o te ao nei i
28 te akamori iaia. No Iehova oki te ba-
sileia; e koia te kavana i te pa enua.
29 Ka kai te aronga apinga o te enua nei e
ka akamori: te aronga katoa e tae ki
raro i te one ka tupou ki mua iaia, e
30 tei kore e ora iaia orai. Na tetai pae
uanga e akarongo iaia: e ka tataua ia
31 ei uki no te Atua. Ka tae mai ratou, e
e akakite i tana ra tuatua-tika ki tetai
aronga tangata te ka anau mai e, nana
teia i rave.

SALAMO XXIII.

E SALAMO NA DAVIDA.

- 1 **K**O Iehova toku tiaki; kare rava
2 au e ngere. Te akamoe nei aia
iaku i te au ngai ngangaere ruperupe
ra; te arataki nei aia iaku na te pae i
3 te vai ta'e marie. E akaoki rai aia i
toku vaerua: e arataki rai iaku na te
au ara tuatua-tika, no tona ra ingoa.
4 E kia aere ua atu au na te o ra o te
maru-mate, kare rai au e matakū i te
kino: tei vaitata katoa koe iaku; to
rakau e to tokotoko tei akapumaana
5 mai iaku. Kua akanoonoo koe i tetai
kaingakai naku ki mua i te aroaro o
toku au enemī; kua akatainu koe i
toku mimiti ki te manongi; te ki nei
6 taku kapu. Ka riro rai te meitaki,
e te aroa, i te aru mai iaku i te au rā
katoa o toku nei ora anga: e ka noo
rai au i roto i te aro o Iehova e roa ua
atu oku puke rā.

SALAMO XXIV.

E SALAMO NA DAVIDA.

- 1 **N**O Iehova te enua, e tona ki katoa
2 ra; te ao nei, e tei noo i reira.
3 Nana ia i akatinamou i te reira ki ru-
nga i te au tai, e kua akamou aia i te
reira ki runga i te moana.
4 Naai e kake i te maunga o Iehova?
5 e koai te tu i tona ra ngai tapu? Ko
tei mā te rima, e te ngakau vii-
vii kore; ko tei kore i akaiki i tona
vaerua i te tuatua pikikaa, kare oki i
6 taputou ma te pikikaa. Tona te mei-
taki e rauka mai no ko ia Iehova ra, e
te tuatua-tika no ko i te Atua o tona
7 ra ora. Ko te uki teia i kimi iaia; ko
tei kimi i to mata, e te Atua o Iakoba.
Sela.
E akateitei ana i to kotou upoko,

e te au ngutupa e! e kia akateitei ka-
toaia kotou, e te au pa vaio ngata e!
kia o atu te ariki kakā ki roto na. Koai
teia ariki kakā? Ko Iehova ia, ko tei
mana e te ririnui; ko Iehova ia e
mana i te tamaki anga ra.

E akateitei ana i to kotou upoko, e te
au ngutupa e! e kia akateiteia kotou,
e te au pa vaio ngata e! kia o atu te
ariki kakā ki roto na. Koai teia ariki
kakā? Ko Iehova Sabaota ia, koia taua
ariki kakā ra. Sela.

SALAMO XXV.

E SALAMO NA DAVIDA.

TE apai atu nei au i toku vaerua kia
koe, e Iehova: E toku Atua, te
irinaki atu nei au ia koe; auraka au
kia akama; auraka toku au enemi kia
maeva i runga iaku. Auraka anake
oki tei tapapa ia koe ra kia rokoia e te
akama; ko tei rave pikikaa ua i te ara
ra, kia akama atu ia.

E akakite mai koe kiaku i to au ara-
tan, e Iehova; e apii mai koe iaku i
to au aerenga. E arataki koe iaku i te
tuatua-mou naau ra, e apii mai oki
iaku; ko koe oki te Atua o toku ora;
te irinaki nei au ia koe e po ua atu te
rā: E akamaara koe i to au aroa maata,
e Iehova, e toou takinga-meitaki, tei
mei ito mairai. Auraka koe e manako
mai i te kino, e te au ara, o toku ou
anga ra; manako maira koe iaku ma
te aroa noou ra, no toou takinga-meitaki
ra, e Iehova.

Meitaki to Iehova e te tiratiratu ra:
e apii mai ei aia i te aronga ara i te
arataa. E arataki aia i te aronga nga-
kau maru ma te tuatua-tau; e apii
mai aia i te aronga ngakau maru i
tona orai arataa. Te au aerenga katoa
o Iehova, ko te aroa ia e te tuatua-
mou, ki te aronga i akono i tana kore-
romotu e tana au tuatua-akakite.
Maata ua rai taku nei ara, e Iehova, e
akakore mairai koe, i toou ra ingoa.

Koai te tangata i matakua ia Iehova?
ka akakite aia kiaia i tana arataa kia
inangaro ra. Ka noo tona vacrui ma
te meitaki; e ka riro te enua ki tona
ra uanga. Te tuatua-muna a Iehova
ra, tei te aronga ia i matakua iaia ra; e
ko ratou tana e akakite mai i te kore-
romotu nana ra. Te ana ua nei rai toku
mata kia Iehova; no te mea e riro aia
i te kiriti mai i toku vaevae i te
maunu ra.

E ariu mai iaku, e aroa mai iaku; 16
e tumatetenga oki toku e te noongata.
Kua maata io nei te mamae o toku 17

ngakau: e akaora koe iaku i toku au
18 tumatetenga nei. E akara mai koe
i toku mate e toku mamae; e e aka-
kore mai koe i taku au ara katoa nei.
19 Ka akara ana i toku au enemi; kua
maata oki ratou: e te viviki maira
20 to ratou makitakita iaku. Tiaki mai
koe i toku vaerua, kia ora oki au ia
koe: auraka au kia rokoia e te akama;
21 te irinaki nei oki au ia koe. Kia ora
au i te apa kore o te tiratiratu: te ma-
nako nei oki au ia koe.
22 E te Atua e, kia ora Iseraela ia koe
i tona katoa ra au tumatetenga.

SALAMO XXVI.

E SALAMO NA DAVIDA.

TEI ia koe te tuatua iaku, e Iehova;
i aere ua ana oki au ma te apa
kore: i irinaki ana oki au ia Iehova;
2 kare au e paeke. E unuunumou mai
koe iaku, e timata mai, e Iehova; e
akamakitoro marie mai koe i toku ma-
3 nako e toku ngakau. Ko to takinga-
meitaki ra, tei mua ia i toku mata: e
i aere ana au i te tuatua-mou naau ra.
4 Kare au i noo i roto i te au tangata
tarevakaua, kare oki i kapiti i roto i te
5 aronga pikikaa. E mea riri naku te
uipānga tangata ara; kare oki au i noo
6 i roto i te aronga kino. Ka orei au i
oku puke rima i te apa kore; ka aka-
7 pini atu ei au i to atarau, e Iehova: Ka
akakite atu ei ma te reo akameitaki,
ka tataui ei oki i taua katoa ra au
8 angaanga taka ke ra. Kua inangaro
au, e Iehova, i te vairanga o to are, e
te ngai i noo ei toou ra kakā.
9 Auraka kia kapiti katoaia toku vae-
rua ki to te aronga rave ara, e ko au
10 katoa nei ki to te aronga toto ra: *Te
vai ra* te ravenga kino i roto i to ratou
rima; kua ki oki to ratou rima katau
11 i te tutaki. Kareka au nei, te aere
nei au ma te apa kore; e akaora koe
12 iaku, e aroa mai oki iaku. Te takai
nei toku vacvae i te ngai maniania; ka
akameitaki rai au ia Iehova i roto i te
au uipānga ra.

SALAMO XXVII.

E SALAMO NA DAVIDA.

KO Iehova toku mārama e toku
ora: koai oki taku e matakua atu?
ko Iehova te maroiri o toku ora; e
2 matakua oki au iaia? I te aerenga mai
o te au tangata kikino ra, e kai i toku
kiko, toku ra au enemi, e tei māro mai
iaku ra, kua turori iora ratou, inga
3 iora. Patia ua mairai te nuku i te
2 M 2

puakapa iaku nei, kare toku ngakau e matakū: tupu ua mairai te tamaki iaku nei, e irinakianga ia toku i reira.

Okotai aku mea anoano ia Iehova 4
ra, ko taku ia e umuumu ua nei; kia noo rai au i roto i te are o Iehova e ope roa ake oku puke rā i te ora anga nei, kia akara au i te meitaki o Iehova, e 5
kia ui marie au ki roto i tona nao. I te rā tumatetenga oki, e uuna aia iaku i roto i tona puakapa; e akapipini aia iaku i roto i te ngai ngaro i tona ra are; 6
e tuku aia iaku ki runga i te mato. E i teianei aia akateitei ci i toku mimiti, ki runga i toku nei au enemi e pini rava ake: e e apai au ki roto i tona ra are i te tusia rekareka; e imene oki au, e imene akameitaki oki au ia Iehova.

E akarongo mai, e Iehova, kia kapiki atu au ma toku reo; e aroa mai oki koe iaku, e e iō mai koe iaku. *Ia koe i tuatua mai e*, E kimi mai kotou i toku mata; te karanga ra toku ngakau kia koe, Ka kimi ia au i to mata, e Iehova. Auraka koe e uuna ke atu i to mata iaku nei; auraka to tavini e kopae riri uaia: kua tauturu mai oki koe iaku; auraka au e akaruke keia, auraka koe e akatitima iaku, e te Atua o toku ora. Akaruke ua toku metua 10
tane e toku metua vaine iaku, ei reirā Iehova e rave mai ei iaku.

E apii mai koe, e Iehova, i toou ra 11
arataa, e arataki iaku na te arataa tikai, no toku nei au enemi. Auraka koe e 12
oronga iaku ki te inangaro o toku au enemi: e aronga kite pikikaa oki tei tu mai e māro iaku, e to tei otooto maira te takinga-kino.

Te manako nei au e rauka iaku te 13
meitaki o Iehova, i te enua o tei ora nei. Tiaki ia Iehova: e akamaroiroi; 14
e nana e akamaroiroi mai i to ngakau ra: e tenana e tiaki rai koe ia Iehova.

SALAMO XXVIII.

E SALAMO NA DAVIDA.

TE kapiki atu nei au kia koe, e 1
toku mato, e Iehova e; auraka koe e taringa turi mai kiaku; ko te muteki ua aea koe kiaku ra, ko te riro aea au mei te aronga i riro ki raro i te vaarua ra. E akarongo mai koe i te 2
reo o taku patiangā, kia pure atu au ia koe, kia apai au i toku rima ki runga i to ngai-tuatua tapu ra. Auraka au kia 3
totō uaia ma te aronga kino katoa ra, e i te aronga i rave i te ara ra, ko tei tua-

tua i te tuatua au ki to ratou tangata tupu, e *te vai ra* te kino i roto i to 4
ratou ngakau. E tutaki mai koe ia ratou kia tau i ta ratou angaanga, e kia tau i te kino ta ratou i rave ra: e tutaki mai ia ratou kia tau i te angaanga a to ratou rima; e akautunga 5
marie atu koe ia ratou. No te mea kare ratou i akono i te angaanga a Iehova, e tei raveia e tona rima, ka tairipoti rava aia ia ratou, e kare e patu akaouia.

6 Kia akameitakiā Iehova, kua aka- 7
rongo mai oki aia i taku i pati ra. Ko Iehova toku maroiroi e toku paruru; te irinaki nei toku ngakau iaia, e kua turuia mai au: i maata'i te rekareka o toku nei ngakau; e akameitaki oki au iaia i taku imene.

8 Ko Iehova to ratou maroiroi, e e maroiroi akaora tona i tei akamainuia 9
e ia ra. Kia ora toou ra au tangata, e kia meitaki taau ra tuanga: e akaangui oki ia ratou, e kia teitei ua atu ratou e tuataua ua atu.

SALAMO XXIX.

E SALAMO NA DAVIDA.

EO atu kia Iehova, e te aronga 1
mana e, e o atu kia Iehova te 2
kakā e te ririnui. E o atu kia Iehova te kakā e *tau* ki tona ingoa; e akamori ia Iehova ma te akangateitei tapu ra.

3 Tei runga tei te moana te reo o Iehova: te aruru maira te mangungu o te Atua kakā ra: ko Iehova tei runga i te moana maata ra. E ririnui to te reo o Iehova; e mana maata to te 5
reo o Iehova. Te reo o Iehova tei akangaangā i te au arezi; na Iehova oki i akangaangā i te au arezi i 6
Lebanona. E akarere aia ia ratou mei te kafa; ko Lebanona e ko Siri- 7
ona mei te reema ou ra. Na te reo o Iehova i akapueurikiriki ke i te mura 8
ai. Na te reo o Iehova i akangaueue i te medebara; na Iehova i akangaueue 9
i te medebara ra ko Kadesa. Na te reo o Iehova i anau ei te au aili, e i veravera ua'i te ngai vaorakau; e te au mea katoa i roto i tona ra nao tei akakite i tona kakā.

10 Te noo rā Iehova ki runga i te deluvi; te noo ra oki a Iehova ei ariki e 11
tuataua ua atu. Ka oronga mai a Iehova i te maroiroi no tona ra au tangata; e akameitaki mai a Iehova i tona au tangata i te au.

SALAMO XXX.

E SALAMO E IMENE I TE AINGA ARE NO
DAVIDA.

KA akateitei au ia koe, e Iehova; 1
kua akatu oki koe iaku ki ru-
nga, e kare koe i vaoa ua atu i toku au
enemi kia rekareka ua ana iaku. E 2
taku Atua, e Iehova, i kapiki ua ana
au kia koe; e kua akaora koe iaku.
Kua akaoki mai koe, e Iehova, i toku 3
vaerua mei ade mairai: kua akaora
koe iaku, kia kore au e tac ki raro i te
vaarua ra.

E imene ia Iehova, e te aronga tapu 4
nona e; e akapaapaa i tona tapu,
ei manakoanga. Mei te kamoanga 5
mata nei tona riri i te *potu*; ka *vai*
ra tona akaperepere ra e mutu
ua atu te a'o: kia tapae ua mai te
aue i te aiai, ka *riro ra* i te rekareka
kia popongi.

I te meitaki anga noku ra, kua tua- 6
tua rai oki au e, Kare au nei e nga-
ueue e tuatau ua atu. No to aka- 7
perepere anga mai, e Iehova, i aka-
tiuamou tika'i koe i toku maunga:
kua uuna iora koe i to mata, tuma-
tetenga akera au. Kua kapiki iora 8
au kia koe, e Iehova: e kua pati
akatenga atura au kia Iehova. Eaa 9
te puapinga kia rave mate roaia au;
kia riro roa au ki raro i te vaarua?
e akameitaki ainei te one ia koe? e
akakite ainei i te tuatua-mou naau
ra? E akarongo mai, e Iehova, e 10
aroa mai koe iaku: e Iehova, ei tau-
turu koe noku. Kua akariro koe i 11
te aue noku ra ei rekareka: naau i
tatara i te kakau paoa noku ra, e kua
akakakau mai koe iaku ki te rekare-
ka; E teianei, e akameitakiia koe 12
e *taku* kakā; e kare rava e muteki:
e Iehova, e taku Atua, e akameitaki
rai au ia koe e tuatau ua atu.

SALAMO XXXI.

NA TE TUMU IMENE. E SALAMO NA DAVIDA.

TE irinaki nei au kia koe, e Ie- 1
hova; auraka au kia akama e
tuatau ua atu; e akaora iaku i taau
ra tuatua-tika. Ka tuku mai ana 2
i to taringa kiaku nei; kia nga-
koikoi mai koe i te akaora iaku: ei
mato ctaeta koe noku, ei are akapu-
anga kia ora au. E mato oki koe 3
noku, e akapuanga oki koe noku:
e no toou ra ingoa, e arataki mai koe,
e e akakite mai kiaku. E totō koe 4
iaku ki vao i te kupenga i uunaia e

ratou noku nei: ko koe oki toku ma-
roiroi.

5 Te tuku atu nei au i toku vaerua
ki to rima: kua akaora koe iaku, e
6 te Atua tuatua-mou, e Iehova. E
aronga riri naku tei akamori i te au
mea pikikaa puapinga kore ra: ka-
reka au nei, tei ia Iehova toku iri-
7 nakianga. Ka pereperckavana au e
ka rekareka au i toou ra aroa: i akara
ana oki koe i toku tumatetengaanga;
kua kate mai koe i toku vaerua i te
8 au mato *noku* nei; Kare oki koe i
momani iaku ki roto i te rima o te
enemi: kua tuku ra koe i toku vae-
vae ki te ngai atea.
9 E aroa mai koe iaku, e Iehova,
kua tumatetenga oki au: kua nao-
nao toku mata i te aue, toku vaerua
10 e toku kopu. Kua potopoto toku a'o
i te aue, e toku au mataiti i te mii:
kua kore roa toku maroiroi i te ara
naku nei, e kua popo toku nei au ivi.
11 Kua riro au ei akakinanga na toku
au, enemi katoa, e maata atu rai ia
ki toku au tangata tupu, e ei rika-
rikaanga na toku au taunga: te aro-
nga i kite mai iaku i te atea ke ra,
12 kua oro ke ia iaku. Kua akangaropoi-
naia au mei te tangata mate, kare i
maaraia; kua riro au mei te kapu i
13 tanganga ra. Kua rongo oki au i
te akakino a te tangata tini nei: *kua*
akapiniia au e te akamataku e kako
roa ake, ia ratou i akaaitete i te tua-
tua e rave iaku nei: kua kimi i ta
ratou ravenga kia mate au.
14 Kareka au nei, i irinaki ana au ia
koe, e Iehova: i tuatua ana au e, Ko
15 koe taku Atua. Tei to rima oki
toku au taime: kia ora au ia koe i
toku au enemi, e tei takinga-kino mai
16 iaku nei. Kia kakā mai to mata i
to tavini: kia ora oki au i toou ra
17 aroa. E Iehova e, auraka au kia aka-
ma, te kapiki nei oki au ia koe: kia
akama ra te aronga kino, kia muteki
18 ratou ki roto i te vaarua. Kia aka-
mutekiia te vaa pikikaa, tei tuatua
kino mai i te aronga tuatua-tika ra,
no te nengonengo e no te akaavaava.
19 Te maata oki o te au mea memei-
taki naau, i tei vaiola e koe no te
aronga i mataka ia koe ra! i tei ako-
noia no te aronga i irinaki ia koe
ra, ki mua i te aroro o te tamariki
20 a te tangata nei! E uuna koe ia
ratou i te ngai ngaro o to aroro ra,
i te nengonengo anga o te tangata ra:
e akapipini koe ia ratou i roto i *to*
sekene ra, i te tauetono anga o te
21 vaa tangata ra. Kia akameitakiia

Iehova, ko tei akakite mai i tona talinga-meitaki maata kiaku, *mei te mea e*, tei roto au i te oire akake-taketaia ra. I tuatua ana oki au i 22
taua rapurapu anga noku ra e, kua akataka keia au i mua i to mata na; kua akarongo maira koe i toku nei reo i te pati anga atu, iaku i kapiki atu kia koe ra.

Ko Iehova ta kotou e inangaro, 23
e te aronga tapu katoa nona e: te akaora nei a Iehova i te aronga pikikaa kore, e akautunga nui aia i tei akanengonengo ra. Kia matutu, e 24
nana e akamaroiroi mai i to kotou ngakau, ko kotou ravarai, e te aronga e manakonako atu ia Iehova ra.

SALAMO XXXII.

E PE'E NA DAVIDA.

E AO tona, to te akakoreia tana 1
ara, to tei tapokiiia tona kino! E ao to te tangata, kare i tapepeia 2
e Iehova i te ara, e kare e pikikaa o roto i tona ngakau.

Iaku i muteki ua ra, kua kino roa 3
oku au ivi, i te ngunguru anga noku e po au atu te rā. Te teimaa maira 4
oki to rima i runga iaku i te po e te ao; toku mauu ra, kua riro ia mei te marō o te tuatua paroro ra. Sela. Kua aaki atura au i taku ara 5
kia koe ra; e kare au i uuna i taku nei apa: i tuatua akera oki au e, E aaki au i taku ara kia Iehova ra; e kua akakore mai koe i te kino o taua ara naku ra. Sela.

No reira e pure atu ei te aronga 6
paletti katoa ra ia koe, i te taime e kiteia mai ei ra: ko te ka kore roa ia e taca e te vai puke maata ra. Ko 7
koe toku pipinianga; ka akaora koe iaku i te tumatetenga; e akapini mai koe iaku ki te imene ora. Sela.

E apii atu au ia koe, e akakite 8
atu ei kia koe i taua arataa kia aere ra; e ako atu au ia koe; ei runga ia koe toku mata *vaoo ei*. Auraka 9
kia aiteia ki te ipo, e te mule, kare o ratou e kite ra, ko tei akamouia te tanga ki te tavaa, kare oki e akavaitata mai kia koe.

E manganui to te aronga kino ra 10
aueanga; kareka tei irinaki ia Iehova ra, ka pini takakaaia aia e te aroa. Kia rekareka e kia pereperekavana 11
ia Iehova, kotou e te aronga tuatua-tika ra; e maeva i te rekareka, kotou katoa, e te aronga i tiratiratu te ngakau ra.

SALAMO XXXIII.

- 1 **E** REKAREKA ia Iehova, e te aro-
nga tuatua-tika e; e tau te akamei-
2 taki i te aronga tiratiratu. E akamei-
taki ia Iehova i te kinura; e imene
3 iaia ki te nabala ao ngauru ra. E imene
iaia ki te imene ou; akatangi meitaki
ana kia tangi nui.
- 4 E tika te tuatua a Iehova, e te tua-
tua-mou oki tana katoa au angaanga.
5 Inangaro aia i te tuatua-tika e te tua-
tua-tau: te ki nei te enua i te takinga-
6 meitaki o Iehova. Na te tuatua a Ie-
hova i oti ei te au rangi: e to ratou
7 katoa ra nuku i te a'o o tona vaa. Kua
akaputupu aia i te tai o te moana kia
ututua; kua vaoo aia i te moana ki
roto i te are vairanga.
- 8 Kia matakau te pa enua ravarai ia
Iehova; kia koiriria to te ao katoa
9 nei iaia: Kua tuatua oki aia, e kua oti
rai; kua akaue aia, e kua mou atura.
10 Te akakore nei a Iehova i te uruoanga
a te au etene; te akariro nei i tei aka-
koroia e te au tangata ra ei mea pua-
11 pinga kore. Te akakoro a Iehova ra,
ka tu ia e rimua; te manako o tona
12 ngakau ki tera uki ki tera uki. E ao
to te enua ko Iehova to ratou Atua;
te au tangata i ikiia e ia ei toanga
nana.
- 13 Ko Iehova tei akara mai na runga
mai i te rangi; te akara maira i te au
14 tamariki ravarai a te tangata nei: Te
ngai i nooia e ia ra, tana ia akara anga
15 mai i to te ao katoa nei: Koia anake
ra tei akaarite i to ratou ngakau, e
koia tei kimi matatio mai i ta ratou
16 katoa i rave ra. Kare e ariki i
ora i te rainga o tona nuku, kare e
17 tangata maroiroi i ora i te ririnui. E
mea puapinga kore te ipo ei ora;
kare oki e tangata e ora i tona ri-
rinui.
- 18 I na! tei runga to Iehova mata i te
aronga i matakau iaia; i runga i te aro-
19 nga i irinaki i tona ra aroa: E akaora i
to ratou vaerua i te mate, e kia ora oki
20 ratou i te onge ra. Te tapapa nei to
tatou vaerua ia Iehova: ko to tatou ia
21 tauturu, e to tatou ia paruru. E reka-
reka oki to tatou ngakau iaia; te iri-
naki nei oki tatou i tona ingoa tapu.
22 Kia vai marie rai to aroa, e Iehova, ki
runga ia matou, mei ia matou nei e iri-
naki atu ia koe ra.

SALAMO XXXIV.

E SALAMO NA DAVIDA, IAIA I AKATU KE
IAIA UAORAI KI MUA IA ABIMELEKA; KO
TEI TUARU ATU IAIA, E KUA AERE ATURA
AIA.

KA akameitakirai au ia Iehova, kare
e tivata; kia vai tamou rai te
akameitaki iaia i roto i toku nei vaa.
E akapaapa toku vaerua ia Iehova;
ka kite te aronga akaaka i te reira, e
ka rekareka. E akamaata tatou ia Ie-
hova; tatou katoa e akateitei i tona
ingoa.

Kua kimi au ia Iehova, e kua iō
maira aia kiaku, e kua akaora iaku i te
au mea katoa taku i matakū ra. Kua
akara ratou iaia, e kua akamāramaia
mai, kare oki to ratou au mata i akama.
Kua kapiki atura taua tangata i mate
nei, e kua akarongo mairā Iehova, e
kua akaora atura iaia i tona katoa ra
au tumatetenga. Te patia nei te Ange-
la a Iehova i te puakapa, e pini ua ake
te arongu i matakū iaia, e kua akaora
ia ratou.

Ka tongi ana kia kite i te meitaki o
Iehova! e ao to te tangata i irinaki iaia
ra. E matakū ia Iehova, ko kotou te
aronga tapu nona ra! kare oki e ngere
anga to te aronga i matakū iaia ra.
Kua ngere te au liona ou, e kua mate i
te pongi; kareka tei kimi ia Iehova ra,
kare rava e ngere i te meitaki.

E aere mai ana, e te au tamariki ra,
e akarongo mai iaku; ka apii au ia ko-
toutu kia matakū ia Iehova. Koai ia
tangata tei inangaro i te ora, tei anoano
kia kite i te meitaki i tona au rā? E
tāpu i to arero i te kino, e to vaa au-
raka e tuatua i te tuatua pikikaa. E
kopae i te kino, e rave i te meitaki; e
kimi i te au, e aruaru atu.

Tei te aronga tuatua-tika ra to Ie-
hova mata, e tei ta ratou kapiki tona
taringa. E mata ke ra to Iehova i te
aronga i rave i te kino ra, kia kore roa
e manakoia i te ao nei. Te kapiki nei te
aronga tuatua-tika, e te akarongo mairā
Iehova, e te akaora nei aia i ratou i to
ratou au tumatetenga katoa ra. Te
vaitata nei a Iehova i te aronga ngakau
paruparu ra; e te akaora nei aia i te
aronga ngakau taitaia. Manganui to
te tangata tuatua-tika ra mate; e akao-
raia ra aia e Iehova i taua au mea ka-
toa ra. Nana e tiaki i tona ra au ivi
katoa, kare rava tetai e aatia. Ka mate
te aronga kino i te kino: e tei makitakita
i te aronga tuatua-tika ra, ka akaapaia ia.

E akaorā Iehova i te vaerua o tona ra au

tavini: kare oki tetai i irinaki iaia ra
e akaapaia.

SALAMO XXXV.

E SALAMO NA DAVIDA.

E AKATIKA mai koe iaku, e Ie-
hova, i te aronga i māro mai iaku
nei: tamaki tika atu koe i te aronga i
tamaki mai iaku nei. Ka rave ana i
te paruru e te tapoki, ka tu mai ei ki
runga ka tauturu mai ei iaku. Ka unui
ana i te korare, ka taii i te ara i te aro-
nga e takinga-kino mai iaku; e tuatua
mai ki toku vaerua, Ko au toou ra
ora.

Kia raungara e kia akama te aronga
i kimi mai iaku kia mate; kia aka-
okiia ki muri e kia aringaringa te aro-
nga i akakoro i te kino noku. Kia
riro ratou mei te ota i mua i te ma-
tangi ra; e na te Angela a Iehova e
arumaki ia ratou. Kia poiri to ratou
arataa, e te patea; e na te Angela a
Iehova e aruaru atu ia ratou. Kare
oki e ara i tukū ei ratou i te maunu
iaku ki raro i te vaerua; kare oki e
ara i ko ei ratou i te rua kia mate au.

Ka rokoia aia e te mate manako koreia
ra; koia uaorai te ka ei i te kupenga
tana i tukū ra; ka rokoia aia e taua
mate rai.

Ka mareka ra toku vaerua ia Ie-
hova, ka rekareka rai i te ora nana.

Ka riro toku au ivi katoa ra i te tuatua
e, E Iehova, koai tei tau kia koe, ko
tei akaora i tei akaaka ra i te tangata
maroiri maata i tona ra, i tei akaaka,
e te putaua ra, i te āru ra?

E aronga kite pikikaa tei tu mai ki
runga, kua tapepe maira iaku i tei
kore i kitea e au ra. Kua tutaki mai
ratou i toku meitaki ki te kino, kia
akangeria toku vaerua. Ko au nei ra,
ia ratou i mate i te maki ra, kua kakau
au i te kakau paoa: kua taakaaka au i
toku vaerua ma te nesetia: kua oki
ua maira taku pure kua tupu i roto i
toku ngakau. Mei te taunga ra, e
mei te taake ra, taku akono anga; mei
tei mii i tona metua vaine i tupou ei au
ki raro ma te aue. I toku tumate-
tenga anga ra, te rekareka ra ratou,
e kua uipa akera; kua uipa te aronga
akakino iaku, e kare au i kite; kua
aue mai iaku, kare oki i tukumoe: I
rotopu i te aronga viivii taparu kai ra,
to ratou pakati anga i to ratou nio
iaku.

E te Atu, mei te aa ra te roa o toou
akara ua anga mai? e akaora koe i
toku vaerua i te au mate ta ratou i

akakoro ra, taku akaperepere i taua au liona ou ra. Ka akapaapa au ia 18
koe i roto i te uipānga maata ra i
reira; ka akapaatu au ia koe i rotopu
i te au tangata ririnui. Auraka te au 19
enemi pikikaa noku ra kia rekareka
iaku; *auraka* tei riri ara kore ua iaku
e ukiuki i te mata *iaku*. Kare rava 20
oki a ratou e tuatua au kia tuatua, te
kimi ra ratou i te pikikaa i te aronga
e noo marie ua i te enua ra. Kua 21
amama nui to ratou vaa iaku, e kua
tuatua, Eitoa, eitoa, kua kite atura to
matou mata i *ta matou i anoano*.

Kua kite koe, e Iehova, auraka koe 22
e muteki ua: e te Atu, auraka koe e
akamamao ke atu iaku nei. Ka ara, e 23
taku Atua, e akatika mai iaku; e
akaaraa koe, e taku Atu, i taku nei
tuatua. E makitoro mai koe iaku, e 24
taku Atua e Iehova, i te tuatua-tika
naau, e auraka ratou kia rekareka
iaku. Auraka ratou kia tuatua i 25
roto i to ratou ngakau e, Eitoa, ko
to matou ia anoano! auraka ratou kia
tuatua e, Kua pou aia i te apukuia e
matou. Kia rokoia katoaia ratou e te 26
akama, e kia tumatetenga, tei reka-
reka i toku nei mata; kia vaiia ratou
ki te akama e te kino, tei akateitei ia
ratou uorai iaku nei.

Kia macva ra e kia pingapingareka, 27
te i akatika i te tuatua-tika naku nei;
aia ratou e tukumoe i te tuatua e, Kia
akamaataia Iehova, ko tei mataora i
te meitaki o tona tavini. Ei reira 28
toku vaa ka tuatua'i i te tuatua-tika
naau, e kare rai e tivata i te akapaapa
ia koe.

SALAMO XXXVI.

NA TE TUMU IMENE. E SALAMO NA TE
TAVINI O IEHOVA RA NA DAVIDA.

TE tuatua nei te ara a te tangata 1
kino i roto i toku ngakau e,
Kare rava e mataka i te Atua ki
mua i tona ra mata: Te koperepere 2
ua ra aia iaia uorai i tona uorai mata;
kare aia i kimi i tona uorai kino ka
rikarika atu ei: E kino oki tei te 3
tuatua a tona vaa e te pikikaa; kua
kore akenei aia e akono tikai, e te rave
i te mea meitaki: Te kimi ra aia i te 4
kino i rungao i tona roi; te māro ra
aia i te arataa kare rava e meitaki ra;
e kare aia e rikarika i te kino.

Kua tae toou takinga-meitaki, e 5
Iehova, ki rungao i te au rangi ra; te
tuatua-mou naau ki rungao i te au tu-
murangi ra. E tau te tuatua-tika 6
naau ki te au maunga o te Atua ra;

taau ra au tuatua-tau mei te oonu
maata ra! te ora nei te tangata e to
7 puaka katoa ia koe, e Iehova! Te
meitaki o toou ra takinga-meitaki, e te
Atua e! i akaruru ei te au tamariki a
te tangata ki raro ake i te maru o to
8 peau ra. E merengo roa ratou i te
kai meitaki o to are; e inu oki ratou
9 i te kauvai o to rekareka ra. Tei ia
koe oki te tumu o te ora, e i toou ra
mārama e kite ei matou i te mā-
rama.

10 E tamou rai koe i to takinga-meitaki
ki te aronga i kite ia koe ra, e te tua-
tua-tika naau ki te aronga i tiratiratu
11 te ngakau ra. Auraka te vaeava o te
nengonengo e akavaitata mai kiaku
nei, auraka te rima o te aronga kino e
12 akakeu mai iaku. I reira te aronga
i rave i te kino i te inga anga: kua
oparaia ratou ki raro, kare oki e tika
kia tu mai ki rungao!

SALAMO XXXVII.

E SALAMO NA DAVIDA.

AURAKA koe e kinokino i te aro-
nga tuatua kino; auraka e
2 vareae i tei rave i te ara ra; Kare oki
e roa kua motu mei te ngangere ra, e
mae atura mei te rakau rikiriki rupe-
3 rupe ra. E irinaki kia Iehova, ka
rave ei i te meitaki; e noo koe i te
enua *i reira*, e kare koe e kore i te
4 angaiia mai. Kia mataora oki koe ia
Iehova; e nana e oronga mai i ta to
5 ngakau e anoano ra. E uri atu i to
aerenga ki rungao ia Iehova; e irinaki
iaia, e nana e akatupu i *te reira*;
6 Nana e apai mai i to tuatua-tika mei
te mārama, e taau tuatua-tau mei te
7 avatea ra. E akatupua ua ia Iehova,
ma te tiaki marie atu iaia; aua koe e
kinokino i te tangata i manuia i tona
aerenga, i te tangata i akatupu i te
8 akakoroanga kino ra. Akapakia te
makitakita, e akaruke i te riri otooto:
auraka toou ra kinokino kia tae roa ki
te rave i te mea kino.

9 Ka riro oki te aronga i rave i te kino
ra i te tipu keia; ko te aronga ra i
tapapa ia Iehova ra, ko ratou te
10 ka noo i te enua. E roa potu ake,
e kare ua te tangata kino ra, koia
tika rai, ka akara koe i tona ngai, e
11 kare ua! Kareka te aronga maru ra,
ka noo ia i te enua, e ka rekareka
12 ratou i te maata o te au ra. Te aka-
koro ra te tangata kino i te kino i te
tangata tuatua-tika, e te pakati ra tona
13 nio iaia: Te kata ra te Atu iaia: te
14 kite ra e, te vaitata maira tona rā. Kua

unui te aronga kino i te koke; kua akamangi i te ana, kia inga te maru e te aronga ao ki raro, kia mate tei tiratiratu te aerenga. Ka puta to 15 ratou orai ngakau ki ta ratou koke, e k aati uaia ta ratou ana.

iti uaorai ta te tangata tuatua-tika 16 ra, e ngari ia i ta te aronga kino apinga, e kia maata roa atu. Ka aati uaia oki 17 te rima o te aronga kino; e tauturuia ra te aronga tuatua-tika e Iehova. Te 18 kite mairā Iehova i te au rā o te aronga apa kore, e ta ratou tuanga e tika ia i te vai marie anga: I te tuatau tumate- 19 tenga, kare ratou e akama; e i te tuatau onge ra, ka merengo ia ratou. Ka 20 reka te aronga kino, ka mate ia! te au enemi o Iehova ra, ka tau ia ki te tongaua arenio ra, ka peke ia ratou; mei te auni ka peke ei ratou. E pati te 21 tangata kino ra, e kare e akaoki mai, e takinga-meitaki ra to te aronga tuatua-tika, e e oronga ua mai; Ko tei 22 akameitakiia oki e ia ra, ka riro ia ratou te enua; kareka ko tei kataria e ia ra, ka tipu keia ia. Kua akatinamouia 23 e Iehova te rua-tapuae o te tangata *meitaki*, e te mareka ra aia i tona aerenga. Inga uaorai aia, kare e topa takiri roa 24 ki raro, no te mea te mou mairā Iehova i tona rima. I vai ou ana au, e teianei 25 kua ruaine; kare ra au i kite i te tangata tuatua-tika i te akaruke angaia, e tona uanga i te pati aere anga i te kai. Kare aia e akapaki i te takinga-meitaki, e te oronga ua i ta te pati ra; e te akameitakiia ra tona uanga.

E akaruke i te kino, ka rave i te 27 meitaki; kia noo ua rai koe e tuatau ua atu. E mea inangaro oki na Iehova 28 te tuatua-tau, kare oki aia e akaruke i tona aronga tapu ra. E vai rai ratou e tuatau ua atu; kareka te uanga o te aronga kino ra, ka tipu keia ia. Ka 29 riro te enua no te aronga tuatua-tika, ka noo tamou rai ratou i reira. E tuatua 30 tarape tei te vaa o te tangata tuatua-tika ra, e tuatua-tau tei tona arero kia tuatua mai. Te ture a tona Atua tei 31 roto ia i tona ngakau: kare oki tona vaeve e paeke. Te tiaki ra te tangata 32 kino i te tangata tuatua-tika, te kimi ra i te *ravenga* e mate ei iaia. Kare rā 33 Iehova e vaoa ua atu iaia i tona rima, kare oki e akaapa iaia kia akavaia ra.

E tiaki atu ia Iehova, e akono tikai i 34 tona arataa, e nana koe e akateitei kia rauka ia koe te enua: e ka kite koe i te mate o te aronga kino ra. Kua kite 35 au i te tangata kino i te riro anga ei akareionga, e te akamaata anga iaia uaorai mei te rakau maori ruperupe ra :

36 Ngaro rava atura ra aia, e i na, kare ua! koia tika rai, kimi atu rai au iaia, e 37 kare rava aia i kitea. E akairo ana i te apa kore, ka akara oki i te tiratiratu; 38 e openga *meitaki* to te tangata au; Kareka te aronga tatipake ra, ka pou anake ia; ko te openga o te aronga 39 kino ra ko te tipu keia. Te ora o te aronga tuatua-tika ra, no ko ia ia Iehova ra, *koia* to ratou maroiroi i te tuatau tumatenga. E tauturu mai a Iehova, e ka akaora aia ia ratou: e akaora aia ia ratou i te aronga kino ra: e akaora aia ia ratou, no te mea te irinaki ra ratou iaia.

SALAMO XXXVIII.

E SALAMO NA DAVIDA, EI MANAKO ANGAKO.

1 **E** IEHOVA, auraka koe e akamara mai iaku i toou riri, auraka e pāpā mai iaku ma to riri maata ra. Kua 2 mou ra oki to au kakao i roto iaku, e kua teimaa roa to rima i runga iaku. 3 Kare e ngai paruparu kore i toku nei kiko i te riri noou ra; kare e akamaruanga i toku nei au ivi i taku nei ara. 4 Kua na runga taku nei au aia i toku mimiti: mei te apainga teimaa kare e 5 maranga iaku nei. Kua aunga kino toku au puta, e kua pe, no toku nei manako kore. 6 Kua mingi rava au ki raro, kua tumatenga roaia au: te aere ua nei au 7 ma te aue e po ua atu te rā. Kua pini toku taupuku i te veravera, e kare e ngai 8 paruparu kore i toku nei kopapa. Kua apikepiki au; kua paruparu roa au; te kakaao ua nei au i te ngarepurepu anga 9 o toku ngakau. E te Atua e, tena toku anoano tei mua anake ia ia koe; kare oki toku nei ngeneti anga i ngaro ia 10 koe. Kua potopoto toku a'o, kua kore toku maroiroi: e te mūrāma i vai i toku mata nei, kare ua. 11 Toku au oa e tei akapereperecia e au, kua akaatea ke te turanga i toku maki nei: e te au tangata tupu nei, tei te 12 atea ke ia te turanga. E te aronga e kimi mai iaku nei kia mate, te toku nei te maunu *iaku*; ko tei kimi mai iaku kia kino ra, te tuatua ia i te tuatua kikino, te kimi ra i te pikikaa e po 13 ua atu te rā. Kua riro ra au mei te turi kare i akarongo; e mei te murare 14 kare i ngae te vaa. Kua riro au mei te tangata kare e akarongo, e kare e patoia- 15 nga o roto i tona vaa. Ko koe oki, e Iehova, taku e irinaki nei; naau e tuatua mai *iaku*, e taku Atua, e taku Atua. 16 I pera rai au, ko te rekareka aca

ratou iaku, ko te akatietie *aea* ratou iaku me paeke toku vaevae; Kua vai-
tata oki au i te turori, e te vai tamou
nei toku mii ki mua iaku nei. E aaki
atu rai au i toku nei ara, e e aue rai au
i toku nei kino. Te maroiroi nei rai
toku nei au enemi, te ririnui nei; e
te aronga i makitakita puapinga kore
ua mai iaku nei, kua maata roa ia. Te
tutaki maira ratou i te kino no te mei-
taki; e enemi ratou noku, ko au i aru i
te mea meitaki ra.

Auraka koe e akaruke iaku, e taku
Atua, e Iehova; auraka roa koe kia
mamao ke atu iaku: Kia ngakoiko
mai koe, e taku Atu, e taku ora, i te
tauturu iaku.

SALAMO XXXIX.

NA TE TUMU IMENE, NA IEDUTUNA. E
SALAMO NA DAVIDA.

I TUATUA ana au e, E akono rai
au i toku ra au aerenga, kia kore
toku arero e ara: evaio rai au i te
tavaa i toku nei vaa, koi vai ake te
tangata kino ki mua iaku nei. Te
muteki rava ra au, kare akera i tuatua
i te mea meitaki, e kua taorioriia toku
mamae. Maana akera toku ngakau i
roto iaku, e te akamaara ua ra au, kua
ka akera te ai: e kua tuatua iora toku
arero, *na ko akera*,

E akakite mai koe, e Iehova, i toku
nei openga, e kua peca te rainga o
toku nei puke rā, kia kite au nei i
toku paruparu. I na! kua akariroia e
koe toku nei puke rā ei rima okotai! e
toku nei ora anga mei te puapinga kore
ia i mua ia koe ra! koia tika, te tangata
ravarai nei i te meitaki anga nei rai, e
puapinga kore anake ia. Sela.

Koia tika rai, te aruaru nei te tan-
gata ravarai i te ata ua: koia tika
rai, e tauta anga puapinga kore rai
tana: te akaputu ra aia i *te apinga*, e
kare aia i kite i *te tangata* e riro ei
nana. E teiane, e te Atu, eaa taku e
tatai nei? tei ia koe anake toku ma-
nakonakoanga. E akaora koe iaku i
taku au ara katoa ra; auraka au e
akariroia ei akakinoanga na te neneva.
Kua muteki ua au, kare au e tuatua,
no te mea naau i rave mai. E apai
ke atu koe i taua pāpā naau ra:
kua rarangoa oki au i te tainga a to
rima. Kia tairo nui koe i te tangata
i *tana ra* ara, kua pou roa oki tona
inuini ia koe mei te *kakau e pou* i te
ane ra: e puapinga kore tika rai to te
tangata katoa nei. Sela.

E akarongo mai i taku pati anga, e

Iehova e, e ariu mai i to taringa i taku
kapiki anga: auraka koe e muteki ua
mai i toku nei roi-mata; e tangata ke
oki au nei ia koe; e te purutia, mei
toku katoa nei ai metua. Ka vaoo iti
ua ana au, kia maroiroi ake, ka riro
atu ei au, kua ngaro atu ei.

SALAMO XL.

NA TE TUMU IMENE. E SALAMO NA
DAVIDA.

I AKI marie atura an ia Iehova, e
kua anga maira aia kiaku, e kua
akarongo i toku kapiki anga. Kua
totō aia iaku ki vao i taua vaarua rika-
rika ra, no roto i te vari pipiriri ra; e
kua toku aia i toku vaevae ki runga i
te papu, e kua akatinamou oki i toku
au aerenga. E kua toku mai aia i te
imene ou ki roto i toku nei vaa, e
imene akameitaki i to tatou Atua: e
manganui te ka akara, e ka matakua
iaia, e irinaki oki ratou ia Iehova.

E ao to te tangata tei akariro ia
Iehova ei irinakianga nona, e kare i
akono i te nengonengo, e tei tatipake
ki te tuatua pikikaa. E manganui, e
taku Atua, e Iehova, te au angaanga
taka ke i raveia e koe ra, e toou ra
manako ia matou nei: kare e tika kia
tatau ua atu ki mua ia koe na; e aka-
kite au, e tuatua oki au i *te reira*; kare
ra e tika kia tatau atu i te maata.

Kare koe i inangaro i te tusia e te
mineka; e *kopapa ra* ma nga taringa
puta, ko taua ia i akono noku: te
tusia karakaratio e te turangaara kare
koe i umuimu mai. Kua karanga
atura au i reira, I na, te aere nei au!
kua tataia te tuatua noku i roto i te
pokaikai tuatua ra; E mea tau naku
te rave i toou anoano, e taku Atua; *te
vai nei* oki tauu ture tei roto i toku nei
ngakau. I tuatua ana au i te tuatua-
tika i roto i te uipūnga maata; i na!
kare rava toku vaa i muteki i *te reira*,
kua kite oki koe, e Iehova. Kare au i
uuna i te tuatua-tika naau i roto i toku
ngakau; kua akakite rai au i to tuatua-
mou e te ora naau, kare au i uuna i to
takinga-meitaki e to tuatua-mou, i te
uipūnga maata ra.

Auraka koe e apai ke i to aroa ua
iaku, e Iehova e; na to takinga-meitaki
e to tuatua-mou e tiaki ua mairai
iaku. Kua pini takakoia oki au e te
kino kare e ope kia tatau; kua rokoia
au e taku nei au ara, kare e tika kia
nānū ua atu au ki runga ra: kua maata
roa ia i te rauru o toku nei mimiti; i
taitaia roa i toku ngakau i roto iaku

nei. Kia tika ia koe, e Iehova, e aka-
ora iaku: kia ngakoiko mai, e Iehova,
e tauturu mai iaku. Kia akama ratou, 14
e kia raungara ratou katoa ra, ko tei
kimi mai iaku nei kia mate: kia aka-
okiia ratou e kia aringaringa, tei ina-
ngaro i toku kino. Ko te pou te ka 15
rauka ia ratou ei tutaki i ta ratou mea
akama, ko tei tuatua kiaku nei e, Ei-
toa! Eitoa! Ko te aronga katoa ra i 16
kimi ia koe ra, ka mataora ia ratou, e
ka rekareka ia ia koe: e te aronga i
inangaro i te ora naau ra, ka tuatua
tamou ia ratou e, Kia akamaataia Ie-
hova. Ko au nei ra, kua akaaka au e 17
te puapinga kore; te manako mai nei
ra te Atu iaku: ko koe toku tauturu e
toku ora; auraka e tavare, e taku
Atua.

SALAMO XLI.

NA TE TUMU IMENE. E SALAMO NA
DAVIDA.

E AO to tei akono mai i te tangata
rikiriki ra: ka akaoraia aia e Ie-
hova i te tuatau tumatetenga ra. Na
Iehova aia e tiaki, e akaora oki iaia, e
akameitakiia aia i te enua nei: auraka
ra koe e toku iaia ki te anoano o tona
au enemi. Na Iehova e akamaroiroi
mai iaia i tona roi maki ra; e naau e
ceu i tona roi katoa i te maki anga-
ia ra.

Kua tuatua oki au, E Iehova, e aroa
mai iaku; e akaora iaku, kua ara oki
au ia koe ra. E tuatua kino ta toku
au enemi iaku. Aea ra aia nei ka mate
atu ei, e ngaro atu tona ingoa? E kia
aere mai tetai e akara iaku ra, kua ta-
pikipiki ua mai tana tuatua: te aka-
putuputu ra tona ngakau i te kino iaia
uaorui; e kia riro ke aia ra, e tuatua'i.
Te aronga katoa i makitakita mai iaku
ra, te koumuumu katoa iaku; te kimi
ra i te ravenga e kino ei au ra, *na ko*
maira, E kino maata teia e maringi ua
mai ki runga iaia, e tena ngai tana i
moe ra, kare ia e tu akaou mai. E ko
toku oa akaperepere nei oki i irinakiia
e au ra, tei kai katoa i taku nei kai,
ko tei akateitei i tona poo vaevae
iaku nei.

Ko koe ra, e Iehova, e aroa mai 10
iaku, e akatu iaku ki runga, kia tutaki
atu au ia ratou. Ko te mea teia i kite
ei au e, kua akaperepere mai koe iaku,
ko toku enemi nei kare rai aia i maeva
ki runga iaku. Kareka au nei, e tau-
turu mai koe iaku i taku nei apa kore,
ka toku oki koe iaku nei ki mua i to
aroaro e tuatau ua atu.

13 Kia akameitakiia te Atua o Iseraela
ra ko Iehova, mei tupua roa mairai e
tuatau ua atu. Amene, e Amene!

SALAMO XLII.

NA TE TUMU IMENE. E PE'E NA TE TAMA-
RIKI A KORA.

1 MEI te aili e aue aere i te au vai
peka ra, koia katoa toku vaerua i
2 te aue aere anga ia koe, e te Atua e. Te
kaki nei toku vaerua i te Atua, i te Atua
ora ra; aea ra au e tae atu ei, e akakite
atu ci ki mua i te aroaro o te Atua?
3 Toku roi-mata nei, taku ia kai i te po
e te ao, i tuatua mai ei ratou i te au
4 ra katoa nei, Teica to Atua na? Te
akamaara nei au i taua au mea ra, e te
riringi nei i toku vaerua i roto iaku
nei: iaku oki i aere ma te tangata
katoa ra, kua aere marie atu matou
ki te are o te Atua ra, ma te reo rekare-
reka e te akameitaki; ma te maata
katoa o te tangata i te akono anga i
5 te oroa tapu ra. Eaa koe i taitaia'i,
e taku vaerua? eaa oki koe i ngare-
purepu ei i roto iaku nei? e irinaki
i te Atua; ka akameitaki rai au iaia,
tei mua oki i tona aroaro te ora.
6 E taku Atua e, kua taitaia toku vae-
rua i roto iaku nei; E teianei, te aka-
maara nei au ia koe mei te enua maira
mei Ioridana; mei ko i te Heremoni, e
7 te maunga ra ko Mizara. Te kapiki
nei tetai moana ki tetai moana i te
aruru anga o to au vai rere; to au kare
katoa ra, e to au ngaru ra, kua na ru-
8 nga ua iaku nei. Ka akaue mairā
Iehova i tona takinga-meitaki i te ao,
e i te po ka vai rai tana imene iaku
nei; taku pure i te Atua e ora'i au
9 nei. Ka tuatua atu au ki te Atua,
E taku mato, eaa koe i akapoina'i
iaku nei? eaa au i aue aere ei i te taki-
10 nga-kino o te enemi nei? Mei te
atiati anga o toku nei au ivi, te akakino
o toku au enemi nei; i tuatua ua mai
ei ratou i te au ra katoa, Teica to Atua
11 na? Eaa koe i taitaia'i, e toku vaerua?
eaa koe i ngarepurepu ei i roto iaku
nei? e irinaki i te Atua; ka akamei-
taki rai au iaia, ei ora ia no toku nei
mata, e ei Atua noku.

SALAMO XLIII.

1 E MAKITORO mai koe iaku, e
taku Atua, e akatika mai i taku
tuatua, i te enua aroa kore nei; kia
ora oki au ia koe i te tangata pikikaa e
2 te tuatua-tika kore. Ko koe oki te
Atua o toku nei maroiroi; eaa koe i

akaruke ei iaku? eaa au ka aue aere ei
i te takinga-kino o te enemy nei? E 3
akakite u ma i to marama e te tua-
tua-mou; e na te reira e arataki iaku
nei; kia aratakiia au e te reira ki to
maunga tapu, e ki to au puakapa ra.
Ei reira au e akavaitata atu ei ki te 4
atarau a te Atua, ki te Atua, toku nei
rekareka maata ua atu: e ka akameitaki
au ia koe ma te kinura, e te Atua, e 5
taku Atua. Eaa koe i taitaia'i, e taku
vaerua? eaa koe i ngarepurepu ei i roto
iaku nei? e irinaki e te Atua; ka aka-
meitaki rai au iaia, ei ora ia no toku
nei mata, e ei Atua noku.

SALAMO XLIV.

NA TE TUMU IMENE; NA TE TAMARIKI A
KORA. E PE'E.

E TE Atua e! kua rongo to matou 1
taringa, kua akakiteia mai matou
e to matou ai metua, i taau i rave i
to ratou puke rā, i te au rā taito ra.
Na to rima i tuaru ke i te au etene, 2
e kua tanu mai koe ia ratou *ei tupau*;
kua tairipoti koe i taua aronga ra, kua
akatupu ra koe ia ratou. Kare oki 3
i rauka te enua i ta ratou orai koke,
kare oki ratou i ora i to ratou orai
rima; ko toou ra rima katau, e to
rima, e te marama o to mata; no te
mea kua tau roa koe ia ratou.

E te Atua, ko koe rai toku ariki, 4
e akaue koe i te ora no Jakoba: Ko
koe ra ka opara atu ei matou i to ma-
tou au enemy; ka takatakai matou i tei
māro mai i toou ra ingoa: Kare oki au 6
e irinaki i taku orai ana, kare oki au e
ora i taku orai koke. Ko koe tika rai
tei akaora ia matou i to matou au
enemy, e ko tei akaakama atu i te aro-
nga i makitakita mai ia matou nei. 7
Tei te Atua to matou nei akatieie
anga e po ua atu te rā, e toou te ingoa ta
matou e akapnapaa kare e vata. Sela.

Kua kopae ra koe, e kua akaakama 9
mai koe ia matou, e kare ua koe i te
aere katoa anga ma to matou au nuku.
Te akaoki nei koe ia matou ki muri 10
i mua i te aroaro o te au enemy, e te
pou nei matou i te aronga e makitakita
mai ia matou nei. Kua tuku koe ia 11
matou, kia pou, mei te mamoe ra, e
kua akangaoro ia matou i roto i te au
etene. Te oko nei koe i toou ra ta- 12
ngata i te apinga kore, e kare oki taau
e maata ra i te oko ia ratou. Kua aka- 13
riro koe ia matou ei akakinoanga na to
matou au tangata tupu, ei akavaavaa-
anga, e ei avirianga, na te aronga e ta-
kako mai ia matou nei. Kua akariro 14

koe ia matou ei tuatuaanga na te au
etene, e ei takirikiri anga upoko na te
15 au tangata nei. Te vai ua nei rai toku
aringaringa ki mua iaku nei, e te tapo-
16 kiia nei au e toku mata akama; I te
reo o te akavaavaa e te akakino; i
mua i te aroaro oki o te enemy ra, e te
ukeumu ra.
17 Kua rokoia mairai matou i taua au
mea katoa ra; kare rava koe i ngaro-
poina ia matou; kare oki i pikikaa i
18 te koreromotu naau ra. Kare to ma-
toutu ngakau i oki ki muri *ia koe ra*,
kare oki to matou takaianga i tati-
19 pake i toou arataa. Kua akaatiati ra
koe ia matou i te ngai teni ra, e kua
oora koe i te maru-mate ki runga
20 ia matou. Naringa i ngaropoina ia
matou te ingoa o to matou Atua, nari-
nga oki i akatika ana to matou rima ki
21 te atua ke, Kare aina te Atua e kimi i
te reira? tei kitea e ia te au muna-
22 ngaro *katoa* o te ngakau. Noou ra
matou i taia'i i te au rā katoa ra; kua
akonoia nei te mamoe no te mate ra.
23 E ara! eaa koe i moe ei, e te Atua?
ka tu, auraka *matou* e akaruke ta-
24 kiri ravaia! Eaa koe i tapoki ei i
to mata, kua akapoina koe i to matou
tumatetenga, e to matou takinga-
25 kino angaia? Kua tuku akaakaaia
matou ki raro i te one: kua piri
to matou kopu ki raro i te enua.
26 Ka tu ki runga, ei tauturu no ma-
tou; e akaora ia matou i te aroa
noou ra.

SALAMO XLV.

NA TE TUMU IMENE, I RUNGA I TE SO-
SANIMA; NA TE TAMARIKI A KORA.
E PE'E; E IMENE NO TEI AKAPEREP-
REIA RA.

TE pupu nei toku ngakau i te tuatua
meitaki: ka tuatua ana au i tei
akaaiteia e au no te ariki ra; e *riro*
oki toku arero mei te peni o te ta-
ngata tata viviki i te tuatua.
2 E meitaki manta toou i to te ta-
mariki a te tangata nei: kua mari-
ngi te meitaki ki runga i to vaa na;
i tamou ei to te Atua akameitaki ia
3 koe ra. E tatua ana to koke ki to
uā, e tei ririnui ra, toou ra ka'ā e
4 toou ra mana; E ma toou ra mana,
ka akaoro ei ma te manuia, ei *aka-*
tupu i te tuatua-mou, e te maru, e te
tuatua-tika; e na to rima katau e
5 apii ia koe i te au mea rikarika. Ka
topa te au tangata i raro ia koe! ka
kokoi te au kakao noou ra, i te nga-
kau o te au enemy o te ariki.

To terono, e te Atua, e vai rai e 6
tuatau ua atu: e sepeta tuatua-tika
te sepeta o toou ra basileia. I ina- 7
ngaro koe i te tuatua-tika, e te rika-
rika ra koe i te kino; i akatainu ei
te Atua, to Atua ra, ia koe, ki te ma-
nongi ra o te rekareka e maata rava
atura i toou ua oa ra. Ko te mura, e 8
te aloc, e te kuziou, ko toou ia kakau;
no ko i te au are sene o Mini te
akarekareka maira ratou ia koe. E 9
aronga tamaine no te ui ariki to roto
i tei akaperepereia e koe na; tei to
rima katau te ariki vaine te tu anga
ma te auro Ophira.

E akarongo mai, e tera ra tamaine, 10
e akamaara, e ariu mai i te taringa;
e akapoina atu i toou ra au tangata,
e te ngutuare o to metua ra; Ei reira 11
e roto ei te ngakau o te ariki ki toou
ra meitaki: ko toou ra Atu oki aia,
e akamori rai koe iaia. Na te tamaine 12
a Turia e apai mai i te mineka, na
te aronga apinga nui e anoano mai
kia kiteia atu e koe.

Manea maata to te tamaine a te 13
ariki i roto ra: kua akamaneia tona
kakau i te auro. Ka aratakiia aia 14
ki te ariki ra ma te kakau manea
maata, tona au oa paretenia i te aru
anga iaia, ka aratakiia ratou kia koe.
Ka aratakiia ratou ma te rekareka e 15
te pereperekaana: ka tomo oki ratou
ki roto i te are o te ariki ra. E tu- 16
pauia mai to ai metua ra i te au ta-
mariki naau, ko taau ia e akaariki i
te pa enua katoa ra.

Ka akariro oki au i to ingoa ra, ei 17
ingoa manakoia, e pini rava ake te
au uki katoa ra; ka akameitaki ei
te au tangata ia koe, e tuatau e tua-
tau ua atu.

SALAMO XLVI.

NA TE TUMU IMENE; NA TE TAMARIKI A
KORA. E IMENE AKAREO VAINÉ.

KO te Atua to tatou akapuanga 1
e te maroiroi, e tauturu vaitata
roa ia kia rokoia e te tumatetenga: E 2
kore ei tatou e mataka, kia keukeu
te enua, e kia uriia te au maunga
ki raro ki rotou i te tai: Kia aruru 3
te tai e tikitiki akera, kia ngaueue
te au maunga i tona ngaru. Sela.

E vai te vai nei, e na tona au peka 4
vai e akarekareka i te oire o te Atua,
i te ngai-tapu ra i te au puakapa o
Tei Teitei ra. Ko te Atua tei rotou 5
iaia ra, kare ia e tarū: na te Atua
ia e tauturu vave mai. Kua mu- 6

tamuta roa te au etene, kua oripu 7
ua te au basileia; kua tuku maira i
tona reo, taravai ua iora te enua.
7 Tei ia tatou a Iehova Sabaota ra:
te Atua o Iakoba to tatou akapu-
anga. Sela.
8 E aere mai ana, e akara i ta Ie-
hova i rave, te au ngai i akataneia
9 e ia i te enua nei. Kua akakore aia
i te tamaki e tae rava akenei ki te
openga enua; kua aati aia i te ana,
e kua tipupu i te korare; e kua ta'uaia
10 te kariota ra i te ai. E akatupua
ana, kia kite mai e, ko au te Atua;
ka akateiteia au i o te au etene, ka
11 akateiteia au i te enua nei. Tei
ia tatou a Iehova Sabaota ra; te
Atua o Iakoba to tatou akapuanga.
Sela.

SALAMO XLVII.

NA TE TUMU IMENE. E SALAMO NA TE
TAMARIKI A KORA.

1 E POKARAKARA ana i to kotou
rima, e te au tangata katoa e:
e maeva i te Atua i te reo akateitei
2 ra: Ko Tei Teitei roa ra, ko Iehova,
te matakaia ia, ko te ariki maata ia
3 ki runga i te enua katoa nei. Nana
i tuku i te au tangata i raro ake ia
tatou, e te pa enua i raro ake i to tatou
4 vaevae: Nana i iki i to tatou tua-
nga no tatou, te ngai meitaki a Ia-
koba tana i inangaro ra. Sela.
5 Te kake nei te Atua ma te maeva;
ko Iehova ma te kokina o te pu ra!
6 E imene akapaapaa i te Atua, e imene
akapaapaa; e imene akapaapaa i to
7 tatou ariki, e imene akapaapaa. Ko
te Atua oki te ariki i te enua katoa
nei: ko ta kotou ia e imene akapaa-
8 paa ma te kite ra. Tei te Atua te
au i runga i te au etene; te noo ra
te Atua ki runga i tona ra terono
9 tapu. Tei reira te au kavana o te
au tangata te uipa anga, te au tangata
no te Atua o Aberahama: no te Atua
oki, ko tei akateitei roaia ra, te au
paruru o te enua nei.

SALAMO XLVIII.

E IMENE, E SALAMO NA TE TAMARIKI A
KORA.

1 E MAATĀ Iehova, e kia maata
tona akapaapaa angaia, i te oire o
to tatou Atua, i tona ra maunga tapu.
2 Manea to te turanga, e rekarekaanga
no te enua katoa, tana maunga ra
ko Ziona, tei te pae i apatokerau ra,
3 te oire o te ariki maata: I roto i

tona ra au punanga, ko te Atua te akapuanga i kitea.

I na oki, kua uipa te ui ariki; 4
kua na reira anake i te aere. Kia 5
akara ra ratou, kua va ua iora;
kua tumatetenga iora, riro viviki 6
atura. Rokoia iora ratou e te rute-
tetete i reira; te mamae maata, mei to 7
te anau tamariki ra. I te matangi ra
e maanke e akangaangaa'i koe i te 8
au pai Taresisa ra. Mei ta ta-
tatu i akarongo akenei, koia rai ta
tatou i kite, i te oire o Iehova Sa-
baota ra, i te oire o to tatou Atua:
na te Atua ia e akatinamou e tuatau 9
ua atu. Sela.

Kua akamaara matou i to aroa taki- 9
nga-meitaki, e te Atua e, i rotopu
i toou uorai nao. Mei toou katoa ra 10
ingoa, e te Atua, koia katoa te akamei-
taki ia koe e tac na atu ki te openga o
te enua ra: kua ki oki to rima katau 11
i te tuatua-tika ra. Kia mareka i
maunga ra ko Ziona, kia pingapinga-
reka te au tamaine i Iuda, i te au tua-
tua-tau naau ra.

E akapini ana ia Ziona, ka takako 12
iaia e pini ua ake, ka tataui i to reira au
are teitei. Ka akara meitaki ana i 13
te au patu akaketaketa, e akamaara
i tona au punanga: ei tuatua anga na
kotou i tera atu uki. Ko te Atua nei 14
rai oki to tatou Atua e tuatau e tuatau
ua atu: e arataki rai oki aia ia tatou
e mate ua atu.

SALAMO XLIX.

NA TE TUMU IMENE. E SALAMO NA TE
TAMARIKI A KORA.

E AKARONGO i teia, e te au ta- 1
ngata katoa ra, e ariu mai i to
kotou taringa, e to te ao katoa ra; 2
Ko tei akaaka, e tei teitei, ko te aronga
apinga nui, e te aronga ao katoa ra.
Ka tuatua oki toku vaa i te tuatua 3
karape, e te manako anga o toku nga-
kau ra, ei te kite ia. E tuku au i toku 4
taringa ki te parabole; ka tatara au i
taku tuatua ngaro i runga i te kinura.

Eaa au kia mataka i te au rā kikino 5
nei, kia pini au i te kino o te aronga moe-
tapapa ra? Te aronga i irinaki i ta ra- 6
tatu ra apinga, ko tei akatiei e te
maataanga o ta ratou apinga; Kare 7
rava e tika i te tangata kia akaora i
tona taake, e kare ana tutaki kia apai
ki te Atua e rauka mai ei aia ra; Ko 8
te oko oki o te vaerua, e maata ua atu
ia, e ko te kore rai ia e tuatau ua atu;
Kia ora ua mairai aia e tuatau ua atu, 9
e auraka roa kia tae ki te pe. Kua 10

kitea oki e te mate nei te tangata pa-
kari; ko te neneva ra, e te tangata
kite kore, te mate katoa nei ia, e te
vaooia nei ta ratou apinga ra na etai
11 ke. Ko to ratou manako e ka vai rai
to ratou au are e tuatau ua atu; to
ratou au nooanga e tae ua atu ki te au
uki katoa ra; te akatapa ra ratou i to
ratou ingoa i to ratou au kainga ra.
12 Kare oki te tangata ma te meitaki
katoa ra e vao tamouia; e tau ia ki
te au puaka, e mate ua ia.
13 Ko to ratou ia aereanga nei, to te
aronga neneva ra; e te akatika nei rai
ta ratou tamariki i ta ratou tuatua.
14 Sela. Kua tukua ratou ki ade mei te
mamoe ra; na te mate ratou e tiaki;
e na te aronga tiratiratu, kia tae ki
te popongi ra, e tutara ki runga ia
ratou; to ratou manea ra, ka pou ia i
15 te vaerua, i to ratou nooanga. Na te
Atua ra e akaora i toku vaerua i te
ririnui o ade, e ka rave mairai aia
iaku. Sela.

16 Auraka rava koe e mataka kia api-
nga maataia ta tetai, kia akamaataia te
17 manca o tona ra are: Kia mate oki aia
ra, kare ana e apinga e apai; kare oki
18 tona manca e aru iaia ki raro ra. Tona
ora anga ra, kua akameitaki aia iaia
uorai, e ka akapaapaia koe, kia rave
19 koe i te meitaki noou uorai; Ka riro
ra aia ki te uki o tona ra ai metua, ko
te kore rava e kite akaou mai i te mā-
20 rama. Ko te tangata, ma te meitaki
katoa ra, e kare aia i kite ra, e tau ia
ki te au puaka ra, e mate ua ia.

SALAMO L.

E SALAMO NA ASAPHA.

TE Atua maata ra, ko Iehova, 1
teia e tuatua nei; te kapiki nei i
te enua nei, mei te itinga mai o te rā e
2 tae ua atu ki te topanga. Mei Ziona
mai, te ngai i tu ke i te manea, ko te
3 Atua ia i te kakā anga mai. Te aere
maira to tatou Atua, kare e muteki ua;
e ai te ka na mua iaia i te kai aere anga,
e uria maata te ka kapini mai iaia.
4 Ka kapiki aia ki te au rangi i runga
ra, e te enua nei, ka akava'i i tona au
5 tangata: Kia akaputupuia mai toku
aronga tapu ki mua iaku, ko tei papau
i te koreromotu kiaku nei ma te tusia.
6 E na te au rangi e akakite mai i tana
tuatua-tika; ko te Atua uorai oki te
akava. Sela.
7 E akarongo mai, e taku au tangata
e, e naku e karanga atu; e Iseraela e,
e naku e akakite kia koe; ko te Atua,
8 ko toou uorai Atua, ko au nei. Kare

au e akamura ia koe i taau ra au tusia ;
 e taau ra au tusia karakaratio i vai ta-
 mou ana ki mua iaku nei. Kare au e 9
 rave i te bovi no roto i toou ara, te
 puaka-nio toa no roto i taau anana ;
 Naku katoa te au terio o te ngangaere 10
 ra ; te au puaka i runga i te au mau-
 nga ra e tausani ua atu. Kua kite au 11
 i te au manu katoa o te au maunga ra,
 e te au puaka momoavao o te enua ra,
 naku ia. Naringa au i pongi ra, kare 12
 au e karanga atu kia koe ; noku oki te
 ao nei, e toa ki katoa ra. Ka kai 13
 ainei au i te kiko bovi, ka inu ainei oki
 i te toto puaka-nio? Ko te akamei- 14
 taki ra te apai atu ki te Atua, e aka-
 tupu oki i taau i tia ra ki Tei Teitei ra.
 Ka kapiki mai ei kiaku i te rā tuma- 15
 tetenga, naku koe e akaora, ka aka-
 meitaki mai ei koe iaku.

Kareka te tangata kino ra, te tuatua 16
 maira te Atua, Eaa tika naau kia aka-
 kite koe i taku nei au akonoanga? e
 kia akaiki oki to vaa na i taku nei 17
 koreromotu? E mea riri oki naau
 kia apiia, e kua akaruke koe i taku 18
 tuatua i muri ia koe. Kia akara koe i
 te keia ra, kua akatika atu koe iaia, e
 kua kapiti katoa ki te aronga akaturi 19
 ra. Kua tuku koe i to vaa ki te kino,
 e te akatupu ra to arero i te pikikaa. 20
 Te noo ra koe ma te akakino i to
 taenake ; te urutoe ra koe i te tamaiti a
 toou uorai metua vaine. Te pera ra 21
 koe, e kua muteki ua atu au, te ma-
 nako ra koe e mei ia koe katoa na au :
 ka akamura au ia koe i toou ra kino,
 e akataka marie atu au i mua i to 22
 mata na.

E akamaara na kotou i teia, e te 22
 aronga akangaropoina ua i te Atua, ko
 te aeia aea kotou e au, e kare rava e
 akaora. Ko tei apai i te akameitaki 23
 ra, kua akapaapa mai ia iaku, e ko te
 nere na te ara tikai ra, ka akakite au
 kiaia i te ora a te Atua.

SALAMO LI.

NA TE TUMU IMENE. E SALAMO NA DAVIDA,
 KIA AERE MAI TE PEROVETA RĀ NATANA
 KIAIA RA I MURI AKE I TONA AERE ANGA
 ATU KI ROTO KIA BATESEBA.

E AROA mai koe iaku, e te Atua e, 1
 i toou ra takinga-meitaki ; no te
 maata o toou ra aroa, e taparapara koe
 i taku nei au ara. E orei takiri mai 2
 koe iaku i toku nei kino ; e tamā mai
 iaku i taku nei ara. Te aaki nei oki 3
 au i taku nei ara, e te vai ua nei rai
 toku kino i mua iaku. I mua i to aro- 4
 aro, toou anake ra, i ara ai au nei, e i

mua i to mata i rave ei au i teianei
 kino : kia tika taau me tuatua koe, kia
 5 apa kore taau me akava koe. I na, i
 anau mai au ma te ara ! e i toia au e
 6 taku metua vaine ma te kino. I na,
 ko te tuatua-mou no roto ra taau e
 inangaro ! e akakite mai koe iaku i te
 7 pakari i te ngai ngaro ra. E tamā mai
 koe iaku i te isopa, ei reira an e mā
 ai ; e orei koe iaku, e maata'i toku tea-
 8 tea i to te kiona. E akakite mai koe
 kiaku i te navenave e te rekareka, kia
 9 mareka te au ivi i aatia e koe ra. E
 uuna ke atu koe i to mata i taku nei
 au ara, e taparapara i toku nei au kino
 10 ravarai. E anga ana koe i te ngakau
 mā i roto iaku nei, e taku Atua, e
 akaou ana oki koe i te vaeua tika tikai
 11 i roto iaku nei. Auraka koe e tuaru
 iaku i mua i to aroaro nei, auraka oki
 e rave ke atu i to Vaeua Tapu iaku
 nei.

12 E akaoki mai kiaku i te rekareka
 o te ora naau ra ; e kia tauuruia mai
 13 au e te ngakau oronga ra. *Ei reira* au
 e akakite ei ki te aronga tatipake i toou
 au arataa, e e akaariuia mai te rave
 14 ara ra kia koe. Kia ora au ia koe i te
ara toto ra, e te Atua e, te Atua e ora'i
 au nei ; e na toku vaa e imene nui i
 15 taau ra tuatua-tika. E vevete ana koe,
 e te Atua, i toku vaa, e na toku vaa e
 16 akapaapa ia koe. Kare oki te tusia
 taau i anoano, naringa *ko te reira*, kua
 orongaia ia e au ; kare oki koe e taure-
 17 kareka i te tusia karakaratio. Ko ta
 te Atua tusia ra, ko te ngakau paruparu
 ia ; ko te ngakau paruparu, e te aue
 ra, kare ua te Atua e akavaavaa i te
reira.

18 Ei takinga-meitaki toou ia Ziona, i
 te aroa noou ra ; e patu oki koe i te au
 19 patu i Ieruselema nei. Ei reira koe e
 mareka'i i te tusia tuatua-tika, e te
 tusia karakaratio katoatoa ra : ei reira
 te au bovi e apaiia'i ki runga i taau ra
 atarau.

SALAMO LII.

NA TE TUMU IMENE. E PE'E NA DAVIDA ; I
 TO TE NGATI EDOMA RA I TO DOEGA AERE
 ANGA ATU KIA SAULA RA, E TE TUATUA
 ANGA ATU E, KUA TAE MAIKĀ DAVIDA KI
 TE ARE O AHIMELEKA.

1 EAA koe i akatietie ei i te kino, e
 tenana tangata mana ra? Ko te
 takinga-meitaki o te Atua kare e rā e
 2 tivata. Te akakoro ra to arero i te
 kino, mei te varu koi i tatipake ra.
 3 Ko te kino taau i inangaro ra, kare te
 meitaki : te pikikaa ra, kare kia tua-

tua i te tuatua-tika. Sela. Te inangaro ra koe i te au tuatua ravarai o mate ei ra, e tenana arero pikikaa.

Ka mate takiri rava koe i te Atua; ka rave mai aia, e kiriti ravaia koe i *toou* ra puakapa, e ka uritumuia koe i te enua o te aronga e ora nei. Sela. Ka kite te aronga tuatua-tika, e ka matakū, ka katangia aia e ratou ra: I na! ko te tangata teia, kare i akariro i te Atua ei maroiroi nona, irinaki atura ra i te maata o tona ra apinga, e kua akamaroiroi iaia uaorai i tana tuatua kino.

Ko au nei ra, mei te olive ruperupe au i te are o te Atua; te irinaki nei oki au i te takinga-meitaki o te Atua ra, e tuatau e tuatau ua atu. E aka-meitaki au ia koe e tuatau ua atu i taau i rave nei; ka irinaki oki au i toou ra ingoa; e meitaki oki te reira i mua i to aronga tapu ra.

SALAMO LIII.

NA TE TUMU IMENE, NA RUNGA I TE MAHALATA. E PE'E NA DAVIDA.

TE tuatua ra te neneva i roto i tona ra ngakau, Kare e Atua. Kua kino ratou, e ta ratou i rave ra, e mea viivii roa ia: kare rava tetai i rave ake i te meitaki. Ko te Atua i runga i te rangi tei akara mai ki raro nei, ki runga i te tamariki a te tangata nei, peneiake ko te kitea atu tetai tangata kite, tei kimi i te Atua. Kua ope roa i te aere ke, kua pini ravarai i te kino; kare rava tetai i rave i te meitaki, e okotai iti ake.

Kare rava ainei tei rave i te mea kino ra i kite? ko tei kai i toku ra au tangata *mei* te kai anga kai ra, kare rava e kapiki ua atu ki te Atua ra. Kua rokoia ratou e te matakū maata i te ngai matakū kore, kua akapueurikiriki oki te Atua i te ivi o te aronga i akapini mai ia koe ra; kua taakamaia ratou e koe, no te mea kua akavaavaia ratou e te Atua.

Naringa i rauka te ora o Iseraela no roto mai ia Ziona e! kia akaoki mai te Atua i tona iti-tangata i tuikaa ra, ka pereperekavana Iakoba, ka rekareka oki Iseraela.

SALAMO LIV.

NA TE TUMU IMENE, I RUNGA I TE NEGINOTA. E PE'E NA DAVIDA, I TE AERE ANGA ATU TO ZIPHA RA KIA SAULA, I TE TUATUA ANGA ATU E, KARE AINEI A

DAVIDA TEI AKAPIPINI IAIA ORAI I O MATOU RA?

E AKAORA mai koe iaku, e te Atua, i toou ra ingoa, e akatika mai oki koe iaku i toou ra ririnui. E te Atua e, e akarongo mai i taku pure; e ariu mai to taringa i te tuatua a toku nei vaa. Kua tu mai oki te au tangata ke e rave iaku, e te kimi maira te aronga takinga-kino ra iaku kia mate: kare ratou i toku i te Atua ki mua ia ratou. Sela.

I na! ko te Atua te tauturu iaku; *tei ia ratou* te Atua, tei te aronga e turu mai i toku vauerua. E akaoki mai aia i te kino ki runga i toku au enemi: e tipu ke atu koe ia ratou i taau ra tuatia-mou. Ka apai ua rai au i te tusia kia koe; ka akameitaki rai au i toou ra ingoa, e Iehova, e meitaki oki *te reira*; Kua akaoraia oki au e koe i te au tumatetenga katoa nei; e kia akara toku mata i *te matenga* o toku nei au enemi.

SALAMO LV.

NA TE TUMU IMENE, I TE NEGINOTA. E PE'E NA DAVIDA.

E ARIU mai i to taringa, e te Atua, i taku pure; auraka kia puroku i to mata i taku i pati nei; E akono mai ana kiaku nei, e akarongo mai; te mānu aere ua nei au i toku pēkapeka anga, e te ngunguru nei au, No te reo o te enemi; no te takinga-kino o te aronga kino: te uri mai nei ratou i te ara ki runga iaku, e te akateitei nei ia ratou uaorai ma te riri iaku nei. Kua mamae roa toku ngakau i roto iaku nei; kua rokoia au e te rikarika mate ra. Kua rokoia au e te matakū e te rutetete; e kua ta-poki roaia au e te koiriria. Kua tuatua akera au, Naringa tikai e peau toku mei to te kukupa! e rere ke ia au i reira e akaangaroi ei: I na, e rere ke au ki tetai ngai manao, ka noo ua'i i roto i te medebara. Sela. E aere viviki ia au ki te pipinianga, i te matangi viviki nei i te uria.

E akakore, e te Atua, kia mavete o ratou arero: i kite ana oki au i te takinga-kino e te taumāro i roto i te oire nei. Te akipini nei ratou i te reira, i te po e te ao, na runga i te au patu ra; e tei rotopu ra, ko te kino ia e te aue.

Kino maata tei rotopu iaia; kare oki te pikikaa e te tapikipiki e taka ke i to reira au arataa. Kare oki e enemi tei akakino mai iaku ra; e tika iaku kia akakoromaki i *te reira*; kare oki e ta-

ngata e makitakita mai iaku tei aka-
maata ki runga iaku ra; e tika ia iaku
kia pipini iaia: Ko koe ra, ko te ta- 13
ngata i aite iaku ra; ko taku tangata
mātau, e toku oa. E tuatua mēmeitaki 14
ta taua i tuatua ra; e kua aere katoa
taua ki te are o te Atua ra. Ka 15
rokoia uaia mai ratou e te mate; e
aere ora ua ratou ki raro i ade ra: e
ara oki tei to ratou au nooanga tei ro-
topu ia ratou.

Kareka au nei ka kapiki au ki te 16
Atua, e na Ichova e akaora iaku. I te 17
aia, e te popongi, e te avatea, ka pure
ei au, ka kapiki nei au, e ka akarongo
mai aia i toku rue. Kua akaora aia 18
i toku vaerua ma te au, i tei tamaki
mai iaku nei: e manganui oki tei piri
mai kiaku. Ka akarongo mai oki te 19
Atua iaku, e ka taakaana aia ia ratou;
koia ko tei noo mei tupua roa mai.
Sela. No te mea te vai ua mairai to
ratou tu, i kore ei ratou i matakū i te
Atua. Te rave nei tona rima i tei noo 20
au ua i ona ra, kua akaatikau aia i
tana koreromotu iaia ra. E pateka 21
maata tona vaa i to te bata ra, e tamaki
ra tei tona ngakau. Tana tuatua e
maru maata ia i to te manongi ra, e
tau ra ki te au koke i unuiia ra.

E toku koe i tauu apaianga kia Ic- 22
hova ra, e nana koe e tauturu mai;
kare rava aia e vaoa ua atu i te tangata
tuatua-tika kia akangauecia ra. Ka- 23
reka i tera, e te Atua, naau e toku ki
raro i te vaarua o te mate ra: ko te au
tangata toto ra e te pikikaa ra, kare ia
e tae i rotou i to ratou ra puke rā ka
mate ei; e irinaki ra au ia koe.

SALAMO LVI.

NA TE TUMU IMENE, I RUNGA I TE IONATA-
ELEMA-REHOKIMA. E PE'E NA DAVIDA, I
TE OPUKINGA ANGAIA E TE AU PHILISETI
I GATA RA.

E AROA mai koe iaku, e te Atua 1
e, e anoano apuku ua to te tangata
nei iaku; te takinga-kino maira aia
iaku i te au rā katoa nei i te tamaki
anga mai. E anoano apuku ua maira 2
to toku au enemi iaku i te au rā katoa
nei; e manganui tei tamaki mai iaku,
ma te nengonengo. Kia rokoia au e 3
te matakū ra, ka irinaki au ia koe ra.
Ei roto au i te Atua ka akapaapaa'i 4
au i tana tuatua; ka irinaki au i te
Atua, kare e matakū; eaa ta te kopapa
ua nei puapinga kia rave mai iaku?

Te ruri ke nei ratou i taku nei tua- 5
tua i te au rā katoa nei; to ratou au
manako iaku nei, e kino anake ia.

- 6 Te uipa ra ratou, te pipini ra ratou,
te akairo maira ratou i toku ruata-
puae, ka tapapa'i ratou i toku vaerua.
7 Ka ora ainei ratou i te kino? e titiri
atu koe i te au tangata ki raro, ma
8 te riri, e te Atua e. Kua tataua e koe
toku nei au aerenga; ka toku ana koe i
toku nei roi-mata ki roto i tauu ra āri-
ki: kare ainei i roto i tauu ra tuatua?
9 Me kapiki atu au *kia koe na*, ei reira e
oki ei toku au enemi ki muri; kua kite
au i te reira, no te mea tei iaku te Atua.
10 Ei roto au i te Atua ka akapaapaa'i
i tana tuatua! ei roto au ia Ichova ka
11 akapaapaa'i i tana tuatua! Ka irinaki
au i te Atua, kare au e matakū; eaa
ta te tangata nei puapinga kia rave mai
iaku?
12 Tei runga iaku, e te Atua, taku i tia
ia koe ra; ka apai atu oki au i tana tia
13 ra kia koe ma te akameitaki. Kua aka-
ora oki koe i toku vaerua i te mate:
kare ainei koe e *akamaroiroi mai* i oku
puke vaevae kia kore e paeke, kia aere
au ki mua i te Atua i te mūrāma o te
aronga i ora ra?

SALAMO LVII.

NA TE TUMU IMENE, I RUNGA I TE ALE-TASE-
HITA. E PE'E NA DAVIDA, IAIA I ORO IA
SAULA I ROTO I TE ANA RA.

- E** AROA mai iaku, e te Atua e, e
arua mai; te irinaki nei oki toku
vaerua ia koe: ei roto i to maru peau
toku akapuanga, e kia taka ke *teianei*
2 au mea tumatetenga. Ka kapiki au ki
te Atua, ki Tei Teitei ra; ki te Atua ko
tei akatupu i *te au mea katoa* noku.
3 Ka tono mai ia aia i te veka no te rangi
mai kia ora au, ka akakino atu ei iaia
ko tei anoano i te apuku ua mai iaku.
Sela. Na te Atua e tono ua mai i tona
4 aroa, e tana tuatua-mou. *Te noo nei*
toku vaerua i rotou i te au liona; te
moe nei au i *rotou* i te au tangata e ka
ua nei to *ratou riri*; to ratou au nio,
e korare ia, e te kakao, e to ratou au
5 arero, e koke kokoi ia. Kia akateiteia
koe, e te Atua, ki rungao i te au ran-
gi; toou kakā ki rungao i te enua
6 katoa nei. E kupenga tei tukua e ratou
no toku takaianga vaevae; e kua
taakaakia toku vaerua; e vaarua tei
koia e ratou ki mua iaku: ko ratou
uorai ra tei topa ki roto. Sela.
7 Kua mou toku ngakau, e te Atua,
kua mou toku ngakau; ka imene au,
8 e akameitaki rai au. E ara, e toku
kakā; e ara, e te nabala e te kinura!
9 e ara rai au i te popongi akirata! Ka
akameitaki au ia koe, e te Atua, i rotou
2 N

i te au tangata nei; ka imene au ia
koe i rotapu i te au enua. Kua maata 10
oki to aroa e tae ua atu ki te au rangi
ra; e taau tuatua-mou ra e tae ua atu
ki te au tumurangi ra. Kia akateiteia 11
koe, e te Atua, ki rungao i te au rangi;
toou kakā ki rungao i te enua katoa nei.

SALAMO LVIII.

NA TE TUMU IMENE, I RUNGA I TE ALE-TA-
SEHITA. E PE'E NA DAVIDA.

TE tuatua nei aina kotou i te mea 1
koma kore ra, i te tuatua-tika ti-
kai? te tiratiratu ra ainei ta kotou
akava anga, e te au tamariki a te ta-
ngata nei? Te akakoro ra to kotou 2
ngakau i te mea kino, te akaaiteite
nei i te takinga-kino a to kotou rima
i te enua nei. Te akatitima ra te 3
aronga kino mei te kopu mai; kua
aere ke ratou mei te anau anga mai,
i te tuatua aere anga i te pikikaa!
To ratou kava e tau ia ki te kava ovi 4
ra, mei to te asepi turi e momani i
tona taringa; Ko tei kore rava e aka-
rongo i te reo o te akararata ra, ka-
rape ua rai ta ratou akararata anga.

Atiati koe, e te Atua, i to ratou nio i 6
roto i to ratou vaa; e atiati koe, e Ie-
hova, i te nio ponga o taua au liona
ou ra. Kia roroma ratou mei te 7
vai e roroma nei; *kia riro* tona au
kakao me akatanoia ra, mei te mea e,
kua atiati. Kia riro ratou mei te pu-
puraroara e ta'e ra i te aere ke anga: 8
Mei te maemo a te vaine, kare e kite i
te rā ra. Kare rai to kotou au pani i
maana i te rakau taratara ra, ka aka-
pueurikiriki ke aia ia ratou i te puaiio 9
ra, i te ora ua anga e ma te riri.

Ka mareka te tangata tuatua-tika, me 10
kite aia i te akaoko anga ra: me orei
aia i tona vaevae i te toto o te aronga
kino. Ei reira te tangata ka tuatua i e, 11
E tutaki tika rai ta te aronga tuatua-
tika; e Atua tika rai ko te akava i te
ao nei.

SALAMO LIX.

NA TE TUMU IMENE, I RUNGA I TE ALE-
TASEHITA. E PE'E NA DAVIDA, I TE TONO
ANGAIA MAI E SAULA TE KARERE, E
TIAKI I TE ARE E TA IAIA.

KIA ora au, e taku Atua, i toku nei 1
i au enemi; e akatika mai koe iaku
i tei tu a enemi mai iaku nei. Kia ora 2
au i te aronga i rave i te kino ra, e aka-
ora iaku i te au tangata toto ra. I na, 3
te moetapapa ra ratou iaku kia mate;
kua kuku mai te aronga mana ra iaku:

kare ra no taku ara, e Iehova, kare oki
4 no toku kino. Kare ua e ara te oro ua
maira ratou, te akonokono ra ia ratou
uaorai; e ara ana, e akara mai, ei tau-
5 turu iaku. E ara koe, e te Atua Sa-
baota, e Iehova, e te Atua o Israela
e, e tutaki atu i te au etene ravarai:
auraka e akaperepere i taua au rave
ara pikikaa katoa ra. Sela.

6 E oki mai ratou i te aia; aoa iora
mei te puaka-aoa ra, ka akapini aere
ua'i i te oire nei. I na! te puroro nei *te*
kino no roto i to ratou vaa; e koke oki
7 tei to ratou ngutu: *e te na ko nei ratou*,
8 Koai tei akarongo ra? Ko koe ra, e Ie-
hova, te kata ra koe ia ratou: e taitoitoi-
9 anga te au etene katoa naau. *No tona*
maroiroi, ka tapapa atu ei au ia koe: ko
te Atua oki toku punanga eteata.

10 Na te Atua e aroa mai iaku nei, e
tauturu mai iaku: na te Atua e aka-
kite mai i toku au enemi i *te pou anga*.

11 Auraka kia ta ravaia, ko te ngaropoina
aea toku au tangata nei; e akapueuri-
kiriki ke ra koe ia ratou i toou orai
mana; e uri koe ia ratou ki raro, e te

12 Atua, e to matou paruru. I te ara a to
ratou vaa, te tuatua a to ratou au ngutu,
e to ratou nengonego, kia riro atu ra-
tous; e te tao e te pikikaa ta ratou i tua-
13 tua ra. Kia pou, kia pou *ratou* i te riri,
e auraka roa kia toe; kia kite ratou e
tae ua atu ki te openga o te enua nei e,
tei te Atua te au ia lakoba. Sela.

14 E kia oki mairai ratou i te aia; aoa
iora mei te puaka-aoa ra, ka akapini

15 aere ua'i i te oire nei. Kia ori aere ua
ratou e *kimi* i te kai, e ao akera te po

16 auraka kia pangia te kaki ra. Kareka
au nei ka imene i te maroiroi noou ra,
ka imene nui au i te popongi i te

aroa noou ra; no te mea ko koe te aka-
puanga noku nei; e te pipinianga i te

17 rā i tumatetenga'i ra. E taku maroi-
roi, ka imene au ia koe na! ko te Atua,

te Atua i aroaia mai ei au ra, ko toku
ia akapuanga.

SALAMO LX.

NA TE TUMU IMENE, I RUNGA I TE SUSANA-
EDUTA. E PE'E NA DAVIDA EI APII ANGA;
I TANA TAMAKI ANGA ATU IA ARAMA-NA-
HARAIMA, IA ARAMA-ZOBA ORI, I REIRA
IOABA TE OKI ANGA MAI, E TE TAINGA I
TO EDOMA RA, OKOTAI NGAURU MA RUA I
TE TAUSANI I TE O TAI RA.

1 **E** TE Atua e, kua akarukeia matou
e koe, e kua pueurikiriki ke ra
matou; i riri ana oki koe, e anga akaou
2 maira koe kia matou nei. Kua ngaueue
te enua ia koe, kua ngaangaa ia koe: e

tuakapi ana koe i taua au ngaangna ra,
te keukeu nei oki. E au mea teina tu-
kituki taau i akakite mai i to au tangata
nei; kua akainu koe ia matou i te wina
e turori ei ra. Kua oronga mai koe i
tetai reva no te aronga i matakū ia koe,
kia akateiteia no te tuatua-mou. Sela.
Kia ora te akaperepereia e koe ra, kia
ora i to rima katau, e akarongo mai oki
koe iaku nei.

Te tuatua ra te Atua i roto i te ngai-
tapu nona ra e! Ka rekareka'i au, ka tua
au ia Sekema, ka kotikoti oki au i te o
ra i Sukota: Noku Gileada, noku katoa
Manase; e ko Ephraïma, e maroiroi
ia no toku upoko; ko Iuda ra, ko taku
ia tuku ture; Ko Moabi ra, ko taku ia
orooringa; ka titiri au i toku tamaka
ki runga ia Edoma; ka maeva ana ra
koe, e Philisetia, ki runga iaku.

Naai au e arataki ki taua oire keta-
keta ra? naai au e arataki ki Edoma?
Kare ainei koe, e te Atua, ko tei aka-
ruke ia matou nei, e kare koe i aere
katoa, e te Atua, i to matou ra au nuku?
O mai ana te tauturu kia matou i te
tumatetenga nei; e mea puapinga kore
oki te tauturu tangata nei. E maroiroi
matou i te Atua kia rave ra; e nana
e takatakai i to matou au enemi ki
raro.

SALAMO LXI.

NA TE TUMU IMENE, I RUNGA IA NEGINOTA.

E SALAMO NA DAVIDA.

E AKARONGO mai, e te Atua, i
taku i pati nei, e akono mai oki i
taku nei pure. Te kapiki nei au ia koe
i te openga o te enua nei, i te pōiri pu
ua anga o toku nei ngakau; e arataki
koe iaku ki te mato taca koreia e au i
te teitei. Kua mātuaia oki koe ei aka-
puanga noku; ei punanga etaeta i te
enemi. Ka noo au i to puakapa e
tuatau au atu; ka ora au i raro ake i te
tapoki o nga peau ouu ra. Sela. Kua
akarongo mai oki koe, e te Atua, i taku
i tia ra, kua oronga mai koe *kiaku* i te
tuanga a te aronga i matakū i toou
ingoa.

Ka akamaata koe i te au rā o te ariki
ra; tona au mataiti ki tera uki ki tera
uki. Ka noo aia ki mua i te aroaro o
te Atua e tuatau ua atu: e akonokono
koe i te aroa e te tuatua-mou, ei aka-
ora iaia. E pera ua rai au i te imene
akapaapaa i toou ra ingoa e tuatau ua
atu; e rave rai au i taku i tia ra i tera
rā i tera rā.

SALAMO LXII.

NA TE TUMU IMENE, NA IEDUTUNA. E SA-
LAMO NA DAVIDA.

TE tiaki nei toku vaerua i te Atua
anake: nona mai oki toku ora.
2 Koia anake ra toku papa e toku ora;
toku akapuanga, kare au e ngaueue
3 rava. Mei te aa te roa o to kotou
akakoro anga i te kino i te tangata,
kotou ravara i te akaungaungātiti roa
anga *iaia*, mei te patu kopupu ua ra,
4 e te koro i ngaueue ra? Oti ra ua ta
ratou i kimi, ko te titiri iaia ki raro i
tona ngai teitei: te anoano ra ratou i
te pikikaa; te akameitaki nei to ratou
vaa, te tao ra ra i roto. Sela.
5 E taku vaerua, ko te Atua anake taau
e tiaki: tei iaia oki toku manakoanga.
6 Koia anake ra toku papa e toku ora:
toku akapuanga, kare au e ngaueue.
7 No ko i te Atua ra toku ora e toku
kakā; ko toku ia punanga e ketaketa'i,
8 toku akapuanga, ko te Atua ia. E
irinaki iaia, e te au tangata e, i te au tua-
tau katoa! e riringi i to kotou ngakau
ki mua iaia! ko te Atua *anake* ra to
tatou akapuanga. Sela.

9 E mea puapinga kore anake te au ta-
ngata rikiriki akaaka, e te au tangata
teitei ra, e pikikaa ia; kia tuku kapipiti
katonā ki roto i te aite akateiaa ra, e
māmā maata to ratou i to te puapinga
10 kore. Auraka e irinaki ki te takinga-
kino, auraka oki e parau i tei noniia
ra: te maata ra te apinga ra, auraka e
11 akamou te ngakau *ki reira*. Okotai
akenei a te Atua tuatua anga; ka rua
akenei oku akarongo anga e, no te Atua
12 te mana! Tei ia koe katoa, e te Atua,
te aroa; e tutaki maira oki koe i te ta-
ngata kia tau i tana i rave ra.

SALAMO LXIII.

E SALAMO NA DAVIDA, IAIA I NOO I TE
MEDEBARA I IUDA RA.

TE Atua, ko koe oki toku Atua:
ka kimi vave au ia koe: te kaki
nei toku vaerua ia koe: te anoano nei
toku kopapa ia koe, i te enua marō nei,
2 e te kaki vai, e te vai kore. Kia kite
au i to mana e to kakā, mei iaku i kite
3 ia koe i te ngai-tapu ra. E meitaki
maata oki tei to takinga-meitaki i tei te
ora, ka akameitaki ei toku vaa ia koe.
4 Ka pera rai au i te akameitaki ia koe
i toku nei ora anga; ka apai au i oku
5 puke rima i toou ra ingoa. Ka mere-
ngo toku vaerua mei tei te tongaua

e te matu ra, ka akapaapaa oki toku vaa *ia koe* ma te ngutu rekareka; Kia manako au *ia koe* i runga i toku roi, kia akamaara au *ia koe* i te au atianga ra.

Ko koe oki tei tauturn mai iaku ra: e teianei ka rekareka au i roto i to maru peau ra. Te topiri tikai nei toku vaerua *kia koe*: e te mouia nei au e to rima katau ra. Ko te aronga ra e kimi mai iaku *kia mate* ra, ka riro *ia ratou* ki raro roa i te enua ra. Ka tukuia ratou na te ririni nui o te koke ra; ka riro ratou ei tuanga na te suoli. Ka rekareka ra te ariki i te Atua: te aronga ravarai e taputou iaia ra, ka rekareka *ia*; e te vaa o tei tapikipiki ra, ka momaniia *ia*.

SALAMO LXIV.

NA TE TUMU IMENE. E SALAMO NA DAVIDA.

ME pure au ra, e te Atua, e akarongo mai i toku reo: ei maru-maru koe noku i te matakū i te enemi. E akapipini koe iaku i te tuatua muna a te aronga kino ra, te oripu ua anga a te aronga rave i te mea tika kore ra; Ko tei akakoi i to ratou arero mei te koke ra; e kua akatano i ta ratou au kakao, *koia* te tuatua mamae ra; Kia akainana pōiri ratou i te aronga apa kore ra: kare e mamia te akainana ra ratou, kare i matakū: Te akamaroiroi ra ratou *ia ratou* uaorai i taua ravenga kino nei; te akaentu marie ra ratou i te uuna anga i ta ratou au maunu; kua tuatua ratou, Kitea teia iaai? Te kimi ra ratou i te tuatua kikino, *te na ko ra*, Kua rauka tikai ta matou i akakoro: e mea oonu te ngakau e te manako i roto *ia ratou* ravarai.

Na te Atua ra e akainana i te kakao *ia ratou*: puta iora ratou kare e roaia. Ka iri ta ratou tuatua ki runga *ia ratou* uaorai; e te aronga katoa i akara mai *ia ratou* ra, ka rere ke *ia*. Ei reira te tangata katoa ra ka matakū ei, e ka akalite i te angaanga a te Atua, ka akono marie oki ratou i tana ravenga. Ka rekareka te aronga tuatua-tika ra *ia Iehova*, e ka irinaki iaia; e te aronga katoa i tiratiratu te ngakau ra, ka akatietie ratou.

SALAMO LXV.

NA TE TUMU IMENE. E SALAMO, E IMENE NA DAVIDA.

TE tiaki marie ra te paapaa *ia koe*, i e te Atua, i Ziona; e tei tiaia ra, 548

2 ka orongaia atu *ia* *kia koe* ra. E tei akarongo i te pure ra e, ka tae te tangata ravarai *kia koe* na. Kua autu te tuatua kino iaku nei; *kareka* ta matou au ara, ka tapokiia *ia* e koe ra. 4 E ao to te tangata i ikiia e koe, e kua akavaitataia mai e koe *kia noo* i roto i toou ra au paepae: ka mataora *ia* matou i te meitaki no toou ra arc, no toou ra nao tapu.

5 Na te au mea matakū, e te tika ra, taau, ta te Atua e ora'i matou nei, i tuatua mai *kia* matou nei; ko tei irinakiia e to te au openga o te enua katoa nei, e to te ngai mamao i te moana 6 ra: Ko tei akamou i te au maunga ra i tona ra ririnui; kua tatuaia aia e te 7 mana: Ko tei akamarino i te aruru o te tai, te aruru o tona au ngaru ra, e te 8 oripu ua anga o te tangata nei. To te au ngai openga roa ra, kua rokoia *ia* e te matakū i taau ra au akairo: ko te aerenga mai o te popongi, e te aia, kua akarekarekaia *ia* e koe ra.

9 Kua atoro mai koe e kua akamaui i te enua; kua maata roa i te meitaki *ia* koe i te kauvai a te Atua ra, tei ki i te vai, e meitaki akera *ia* koe *te enua* ra, akonokono iora koe i te sitona na 10 ratou. Kua akamaui nui maira koe i tona au tuaivi ki te vai, kua akata'e maira koe i te ua ki te au rua arote ra, kua akamaru maira koe i te reira ki te tua ua ra: kua akameitaki mai 11 koe i tei tupu ra. Te akakorona nei koe i te mataiti i toou ra meitaki, e te topatapata maira te meitaki i te au 12 aerenga noou ra; Te topatapata maira ki runga i te au one-kai i te medebara, e te rekareka nei te au tuaivi e pini 13 rava ake. Te au kainga nei, kua kakau *ia* ki te au anana mamoe; kua kapi pu ua oki te au o i te sitona; te maeava nei i te rekareka, e te imene nei.

SALAMO LXVI.

NA TE TUMU IMENE. E IMENE, E SALAMO.

1 **E** MAEVA i te rekareka i te Atua, 2 e te pa enua katoa e; E imene ei akakakā i tona ingoa: e akairo i tona 3 kakā ei akapaapaa anga iaia. E karanga atu ki te Atua, E au ravenga matakū taau! no toou ra mana maata e tatomo mai ei to au enemi *ia* koe ra. 4 E akamori te pa enua katoa nei *ia* koe, ka imene oki *ia* koe; ka imene i toou ingoa. Sela. 5 E aere mai e akara i te au angaanga a te Atua! e mea matakū tana i rave i 6 te tamariki a te tangata nei. Kua aka-

riro aia i te tai nei ei one marō! kua na raro ua ratou na te moana i te aere ua! i reira to tatou rekareka anga iaia. Te mana nei aia i tona ririnui e tuataua atu; te akara tamou ra tona mata i te au etene: auraka te aronga māro ra e akateitei ia ratou uorai. Sela.

E te au tangata nei e, e akameitaki i to tatou Atua, kia akaronzoia oki te reo i te akameitaki anga iaia: Ko tei tiaki i to tatou vaerua e ora'i, e kare e tuku i to tatou vaevae kia ngaueue. Kua timataia matou e koe, e te Atua e; kua tamāia matou e koe mei te ario i tamāia ra; Kua arataki koe ia matou ki roto i te kupunga, kua tuku koe i te apinga teiaa ki runga ia matou. Naau i akaoro i te tangata na runga i to matou mimiti: kua na roto matou i te ai e te vai; kua arataki ra koe ia matou ki te enua apinga.

Ka tomo au i to are ma te tusia karakaratio; ka akatupu au i taku au tia ia koe ra, Tei tuatuaia e toku ngutu, e ta toku vaa i akakite i toku tumatetenga anga ra. Te tusia karakaratio matu ra taku e apai atu kia koe ra, te rama matu katoa: te bovi e te puaka-nio, taku ia e apai. Sela.

E aere mai, e akarongo, ko kotou ravarai e matakui i te Atua ra; e naku e akakite i tana i rave i toku nei vaerua. Kua kapiki atura toku vaa iaia, e kua akateitei toku aroo iaia; Naringa ra te akatiki ra toku ngakau i te kino, kare au i akarongoia mai e te Atua. Kua akarongo tikai ra te Atua; kua akono mai i taku i pati atu. Kia akameitakiia te Atua, koia, kare i kopae i taku nei pure, e tona aroa iaku nei.

SALAMO LXVII.

NA TE TUMU IMENE, I RUNGA I TE NEGINOTA. E SALAMO, E IMENE.

E AROA mai ia matou, e te Atua e, e akameitaki mai ia matou, e akakakū mai oki i to mata ki runga ia matou. Sela. Kia kitea to aereinga i te enua nei, te ora naau ki te au etene katoa ra. Kia akameitaki te au tangata ia koe, e te Atua e! kia akameitaki te tangata katoatoa ia koe!

Kia rekareka te au enua, e kia imene i te rekareka; naau oki e akava i te au tangata ma te tuatua-tika, e te au tangata o te enua nei naau e arataki. Sela. Kia akameitaki te au tangata ia koe, e te Atua e, kia akameitaki te tangata katoatoa ia koe. *Ei reira* e

ua maata mai ei te enua, e na te Atua, na to tatou uorai Atua, e akameitaki mai ia tatou nei! Ka akameitaki mai-rai te Atua ia tatou nei, e ka riro te au openga katoa o te enua ra i te matuku iaia.

SALAMO LXVIII.

NA TE TUMU IMENE. E SALAMO, E IMENE NA DAVIDA.

K IA tu mai te Atua, kia akapueu-rikiriki keia tona au enemi! e te aronga i makitakita iaia ra, kia rere ke atu ia i mua i tona mata! Mei te auai e peke ra, kia peke katoa ratou: mei te tapou e ta'e i te ai ra, kia pera to te aronga kino mate i mua i te aroaro o te Atua. Kia rekareka ra te aronga tuatua-tika; kia perepere-kavana ki mua i te aroaro o te Atua; e kia maata to ratou rekareka.

E imene i te Atua, e imene akameitaki i tona ingoa; e akateitei iaia i tei akaoro na roto i te au medebara; ko ia tona ingoa: e rekareka kotou ki mua i tona aroaro. Ko te Metua o te au matiroeroe, e te Akava o te au vaine takaua, ko te Atua ia i tona nooanga tapu. E tuku oki te Atua i te taki tai i te nguare tangata; e tei tapekaia ki te auri pirianganaoa ra, nana ia e tatara; kareka tei māro ra, ka noo ia i te enua marō.

E te Atua e, ia koe i aere na mua i toou ra au tangata: ia koe i aere na roto i te medebara ra: Sela: Kua ngaueue te enua, kua taravai oki te au rangi, i te aroaro o te Atua, ko Sinai katoa ra, i te aroaro o te Atua, te Atua o Iseraela. Kua maringi maira ia koe te ua maata, e te Atua e, e te tuanga roiroi naau ra, kua turua e koe: Kua noo oki toou ra pupu tangata i rotou i te reira; no toou ra meitaki, e te Atua, i akonokono ei koe i ta te aronga ao.

Kua tuku maira te Atua ra i te tuatua, e na tetai nuku maata i akakite. Te au ariki o te au nuku ra, kua ati, kua ati; e tei noo i te ngutare ra, kua tua i te apinga noni. Moe uorai kotou ki raro i te pae pakiumu ra, *ka riro kotou mei* te peau kukupa i tapokia i te ario, e *tei tikotikoti aereia* tona uru-uru i te auro rengarenga ra. Kia pueu-rikiriki ke atura taua au ariki ra i roto iaia i te Mana katoatoa ra, kua *teateia* te reira mei te kiona i Zalemoma ra. E maunga Atua te maunga ra ko Basana; e maunga teitei te mau-

nga ra ko Basana. Eaa kotou i va- 16
reac ei, e te au maunga teitei ra, i
te maunga ta te Atua i anoano ei noo-
anga nona? Ka noo tikai a Iehova i
rāra e tuatau ua atu. Te au kariota 17
a te Atua ra, e rua ia ngauru i te tau-
sani; manganui *oki* te tausani anga;
tei rotopu te Atua ia ratou i roto i te
ngai-tapu ra *mei* *tei* Sinai. Kua riro 18
koe ki runga, kua arataki koe i te tui-
kaa e manganui ra; e kua rauka ia koe
te apinga no te tangata ra; e no te
aronga māro katoa ra, kia noo te
Atua ra ko Ia, i *ratou* ia ratou.

Kia akameitakiia te Atua i tera rā i 19
tera rā, ko te akateiaa ia matou i te
meitaki, ko te Atua ia to matou nei
ora. Sela. Ko to matou nei Atua, 20
ko te Atua ia e ora'i; no te Atua oki
no Iehova, i ora'i *latou* i te au mate
nei. Kua ta ra te Atua i te upoko o 21
tona au enemī, te katu rauru o te aro-
nga i aere ua atu rai i ta ratou ara.
Kua tuatua oki te Atua, Ka akaoki mai 22
au ia *ratou* mei Basana maira; e aka-
oki mai au ia *ratou* mei taatai maira
mei te moana; Kia takū koe i to vae- 23
vae ki roto i te toto o te au enemī, e
kia *mitimiti* katoaia te reira e te arero
o to au puaka-aora ra.

Toou ra au aerenga, e te Atua, te 24
akaraia nei e ratou; te aerenga o taku
Atua, o toku ariki, i te ngai-tapu ra.
Kua na mua te aronga imene, muri- 25
ngao te aronga i akatangi i te au *peu*,
i rotopu i te au paretenia i te akatangi
anga i te tuphe ra: E uipa kotou i te 26
akameitaki i te Atua, e te anau a Ise-
raela, e *akameitaki* i te Atua. Teia oki 27
Beniamina, tangata ou ra, ko to ra-
tou ia arataki, te au ariki o Iuda to
ratou ia pupu; te au ariki o Zebuluna;
te au ariki o Naphatali.

Kua akae ana to Atua i toou ra 28
maroiroi; e akamaroiroi ana, e te
Atua, i taau i rave no matou nei. No 29
toou ra nao i Ierusalemā ka apai mai
ei te ui ariki i te apinga naau. E aka- 30
mura atu koe i te terio o te rarokakao
ra, te uipānga o te au bovi toa ra, e te
au bovi ou ra, ko te au tangata ra;
kia tatomo ratou ravarai ma te manga-
ario i te *rima*: e akapueirikiriki ke
koe i te aronga i anoano i te tamaki.
E tac mai te aronga nunui mei Aiphiti 31
mai; ka rapurapu mai oki Etiopia i
te oronga i tona rima ki te Atua.

E te au basileia o te ao nei, e imene 32
kotou i te Atua, e imene akameitaki i
te Atua; Sela: Iaia i tei oro na runga i 33
te rangi o te au rangi taito ra; i na, te
tuku maira aia i tona reo, e reo ma-

34 ngungu! E tuku atu i te ririnui ki te
Atua; tei runga ia Iseraela tona mana,
e tei te au tumurangi ra tona ririnui.
35 E matakū maataia te Atua, i tona ngai-
tapu ra; ko te Atua o Iseraela; ko
tei oronga mai i te maroiroi, e te riri-
nui, ki tona ra tangata: kia akamei-
takiia te Atua.

SALAMO LXIX.

NA TE TUMU IMENE, I RUNGA IA SOSANIMA.
E SALAMO NA DAVIDA.

- 1 **E** AKAORA koe iaku, e te Atua e:
2 te maremo nei au i te vai: Kua
topa au ki raro i te vari ooko, kare
rava e turanga: kua tae au ki te vai
oonu roa; kua na runga iaku te vai
3 puke. Kua potopoto toku a'o i te aue
anga: kua marō toku karaponga: kua
ruarua toku mata i te tiaki anga i taku
4 Atua. E iti te rauru o toku upoko
i te aronga i makitakita ara kore ua
mai iaku; te mana nei toku au enemī
pikikaa i anoano mai iaku nei kia
mate: tei iaku te akaoki i tei kore i
5 raveia e au ra. E te Atua e, kua kite
koe i toku auono; e taku nei au apa,
6 kare ia ingaro ia koe. E tenana, au-
raka noku nei ratou e akama'i, tei
tapapa atu kia koe, e te Atua Sabaoa,
e Iehova; auraka noku nei ratou e rau-
ngara'i, tei kimi ia koe, e te Atua o
Iseraela.
7 Noou tikai i akakoromaki ei au i te
akakino; i purokuia'i toku mata i te
8 akama. Kua riro au ei tangata ke ki
toku au taeake nei, e mei te tangata ki-
tea kore ki te au tamariki a toku metua
9 vaine ra. No te mea kua riro roa au i
te maroiroi i to are; te akakino a te
aronga i akakino ia koe ra, kua iri
10 mai ia ki runga iaku. Kia aue au ra
e *kia tuakaaka* i toku vaerua ma te
neseteia, kua akariroia ia ei akakino
11 anga iaku. Kia kakau au ki te kakau
paoa ra, kua riro au ei tuatuaanga na
12 ratou. Te aronga i noo i te ngutupa
ra tei tuatua akakino mai iaku; *kua*
riro au ei amuamuanga na te aronga
konā kava.
13 Kareka au nei, tei ia koe taku pure,
e Iehova; *ia koe*, e te Atua, i te tuatau
e kiticia mai ei ra; e akarongo mai koe
iaku i te aroa maata noou ra, te tua-
14 tua-mou oki o te ora naau ra. E kiriti
koe iaku i te vari nei kia kore au e
maremo; kia ora au i te aronga i ma-
kitakita mai iaku nei, o i te vai oonu.
15 Auraka te vai puke kia ta'e na ru-
nga iaku; e auraka au kia apukuia e
te moana; auraka te vaarua kia mo-

mani i tona vaa iaku nei. E akaro- 16
ngo mai iaku, e Iehova, e mea meitaki
roa oki te takinga-meitaki noou ra : e
akono mai iaku i te aroa maata noou
ra. Auraka oki koe e uuna i to mata i 17
to tavini nei; te tumatetenga nei oki
au : kia ngakoikoi i te akarongo mai
iaku. E akavaitata mai ki toku vae- 18
rua kia ora; kia ora oki i toku nei au
enemi. Kua kite koe i te akakino 19
iaku, toku akama, e toku aringaringa;
tei mua oki i toou aroaro toku au
enemi katoa ra. Kua paruparu toku 20
ngakau i te akakino; kua vaitata rava
au i te mate: i tapapa oki au i tei aroa
mai, e kare ua; e te akapumaana mai,
kare rava i kitea e au. Kua apai mai 21
ratou i te lone ei kai naku; e i toku
kaki vai anga ra, kua apai mai i te
vinga e inu.

Ka riro ta ratou kaingakai ra ei 22
maunu i mua ia ratou; e te mea i
meitaki ei ratou ei kupenga. Ka avare- 23
vare to ratou mata kare e tika kia
akara; ka ruketeketete uaorai oki to
ratou taukupu. Riringi mai i to riri 24
akaoko ra ki runga ia ratou, e kia ro-
koa ratou e te otooto anga o toou ra
riri. Ka riro to ratou au punanga i te 25
tanea; e kare rava e tangataia to ratou
au puakapa. Te takinga-kino nei ra- 26
tou i tei taia e koe ra, e te tuatua aka-
taitaia mai nei ratou i tei paruparu ia
koe ra. E kapiti koe i te ara ki ta ra- 27
tou ra ara: e auraka ratou e o mai ki
tauu ra tuatua-tika. Ka taparaparaia 28
ratou i te tuatua a te aronga e ora ra;
kare e tataia i roto i te aronga tuatua-
tika ra.

Kareka au nei, kua akaaka ia, e te 29
tataia: na te ora naau, e taku Atua, e
apai iaku ki runga. Ka akapaapaa au 30
i te ingoa o te Atua i te imene; ka
akamaata au iaia i te akameitaki; E 31
mea tau maata to te reira ia Iehova, i
to te bovi tara pakari, e te maikuku ra.
Ka kite tei akaaka ra i te reira ma te 32
rekareka; to ratou ngakau, to te
kimi i te Atua ra, ka ora ia. E aka- 33
rongo mai oki a Iehova i te aronga
akaaka ra, e kare oki e akavaavaa i
tona tangata i tapekaia ra. Na te au 34
rangi e na te enua e akapaapaa iaia;
te moana e te au mea katoa e tere
aere i reira. Ka akaora rai oki te 35
Atua ia Ziona, e nana e patu i te au
oire i Juda ra; ka noo oki ratou i reira,
kia riro kia ratou: Ka riro ia ki te 36
uanga o tona au tavini, e te aronga i
inangaro i tona ra ingoa te ka noo i
reira.

SALAMO LXX.

NA TE TUMU IMENE. E SALAMO NA DAVIDA,
EI MANAKO ANGA.

- 1 **K**IA ora au ia koe, e te Atua; kia
ngakoikoi, e Iehova, e tauturu
- 2 mai iaku. Kia akama ratou, e kia
raungara, ko tei kimi mai iaku nei kia
mate: kia akaokiiia ratou ki muri, e
kia aringaringa, tei inangaro i toku
- 3 kino. Ko te akama te ka rauka ia ra-
tou ei tutaki, ko tei tuatua *kiaku* nei e,
- 4 Eitoo! Eitoo! Ko te aronga katoa
ra i kimi ia koe ra, ka pereperekavana
ia ratou, e ka rekareka ia ia koe; e te
aronga i inangaro i te ora naau ra, ka
tuatua ua rai ratou e, Kia akamaatuu
- 5 Iehova. Ko au nei ra, kua akaaka au,
e te puapinga kore; kia ngakoikoi mai
koe kiaku, e te Atua: ko koe toku
tauturu e toku ora; auraka e tavare, e
Iehova.

SALAMO LXXI.

- 1 **T**E irinaki nei au ia koe, e Iehova,
auraka au kia rokoa e te akama
- 2 e tuatua ua atu. E akaora koe iaku i
te tuatua-tika naau kia ora; e ariu mai
- 3 koe i to taringa, kia ora au. Ei pu-
nanga etaeta koe noku, kia ora tamou
rai au ki reira: i akaue ana koe kia
akaoraia au; ko toku mato e toku aka-
- 4 puanga oki koe. E akaora koe iaku, e
te Atua, i te rima o te tangata kino, i
te rima o te tangata tuatua-tika koe e
te takinga-kino.
- 5 Ko koe toku manakoanga, e taku
Atu; toku irinakianga, e Iehova, mei
- 6 toku ou anga mairai. I mouria ana au
e koe mei te kopu mai: naau i rave
iaku mei roto mai i te kopu o toku me-
tua vaine ra: ka tamou rai au i te aka-
- 7 meitaki ia koe. Kua riro au ei vava-
ranga na te tangata e manganui: ko
- 8 toku punanga etaeta ra koe. Kia ki
oki toku vaa i te akameitaki ia koe, i te
akateitei ia koe, e po ua atu te ra.
- 9 Auraka e akaruke iaku i te ruaine
anga ra: me paruparu au ra, auraka
- 10 e taka ke iaku. Te tuatua nei oki
toku au enemi iaku; e te urua nei te
- 11 aronga i kimi mai iaku kia mate. Te
tuatua ra ratou, Kua akarukeia aia e te
Atua; e aruaru, e rave iaia, kare oki e
- 12 akaora. E te Atua e, auraka koe o
akamamao ke atu iaku; e taku Atua,
kia ngakoikoi i te tauturu iaku.
- 13 Te au enemi i toku nei vauerua kia
akama, kia pou; kia vaiia ki te aka-
kino e te akama, tei kimi i toku nei

kino. Ka manako rai au ia koe, kare 14
e tukumoe, ka akameitaki rai au ia koe
na rungao na rungao. Na toku vaa e 15
akakite i te tuatua-tika naau, te ora
naau, e po ua atu te rā: kare ra e tika
iaku kia tataui i te maata. Ka tamou 16
rai au i te aere i te maroiroi oou, e te
Atu ra, e Iehova! ka akakite au i taau
tuatua-tika, taau anake ra.

Naau, e te Atua, i apii mai iaku 17
mei toku ou anga mai: e kua akakite
au i taau ra au angaanga i umereia e
teia no'i. Me ruaine oki au, e me 18
inaua toku mimiti, e te Atua e, auraka
koe e akaruke mai iaku, kia akakite
rai au i toou ra mana ki *teiane* uki;
to ririnui ki te tangata ravarai te ka
aere mai. Kua teitei roa oki te tuatua- 19
tika naau, e te Atua, e tei rave i te au
angaanga maata; e te Atua e, koai tei
aite ia koe? I akakite ua mairai koe 20
iaku i te au tumatetenga e manganui,
e te maata; ka akaora akaou mairai
oki koe iaku, e ka akatu akaou mairai
koe iaku mei te au ngai oonu o te
enua ra.

Ka riro koe i te akamaata mairai i 21
taua maata noku nei, e akapumaana
mairai koe iaku e pini ua ake. Ka 22
akameitaki rai au i te tuatua-mou naau
ma te nabala; ka imene au ia koe, e
taku Atua, ma te kinura, e Tei Tapu i
Iseraela nei e. Ka rekareka toku vaa, 23
me imene au ia koe ra; e taku vaerua, i
akaoraia e koe ra. Ka tuatua toku vaa 24
i te tuatua-tika naau e po ua afu te rā;
kua akama oki, kua raungara oki, te
aronga i kimi i toku nei kino.

SALAMO LXXII.

NO SOLOMONA.

E O mai ana, e te Atua, te au tua- 1
tua-tau naau ra na te ariki; e te
tuatua-tika naau ra na te tamaiti a te
ariki. Ka akava aia i to au tangata 2
ma te tuatua-tika, e toou ra aronga
akaaka ma te tuatua-tau. Ka apai te 3
au maunga i te au ki te au tangata, e
te au tuaivi oki, ma te tuatua-tika.
Nana e akataka i te tuatua i tei akaaka 4
i o te au tangata ra; te tamariki a te
aronga apinga kore ra, nana e akaora,
ka atiati takiri rava oki aia i tei taki-
nga-kino ra.

Ka vai rai to ratou matakua ia koe, 5
mei te rā e te marama e vai nei, i tera
uki i tera uki. Ka eke mai aia mei te 6
ua ki runga i te ngangaere motu ou ra;
mei te tua ua i akamaui i te enua nei.
I tona ra au rā e ruperupe ei te aronga 7
tuatua-tika; e maata roa oki te au, e

8 ope ua atu te marama. Ka riro aia ei
ariki mei tetai tai e tae ua atu ki tetai
tai, e mei te vai ra e tae ua atu ki te
9 openga o te enua. To te medebara ra,
ka tupou ia ki raro iaia, e ka mitimiti
10 tona au enemi i te one-puen. Ka uipa
mai te au ariki no Taresisa e to te pa
enua rikiriki i te apinga; te au ariki
no Seheba e to Seba te ka apai mai i te
11 taoonga-rima. Ka ope takiri te au
ariki i te tupou ki mua iaia; ka ope
12 akea te pa enua i te tavini kiaia. Ko
tei putaua ra me kapiki maira, nana ia
e akaora; e tei akaaka ra, e kare ona e
13 tauturu. Ka akaperepere aia i tei
apikepika ra e tei putaua, e akaora oki
aia i te au vaerua o te aronga ao ra.
14 Ka akaora aia i to ratou vaerua i te
takinga-kino e te rotoriri ra, e to ratou
toto, ka riro ia ei mea apinga nana.
15 E tika aia i te ora anga, e ka oro-
ngaia mai te auro o Seba ra nana; ka
pure tamou oki *te tangata* iaia, ka
akameitaki oki ratou iaia, kare e rā e
16 tukua. E manga sitona okotai rima i
ki i te enua nei, i runga i te take o te
au maunga ra; e tei tupu ra ka ngace
ia mei ia Lebanona ra; ka ruperupe to
te oire ra mei te rakau rikiriki o te
17 enua nei. Ka vai rai tona ingoa e tua-
tau ua atu: ka vai rai tona ingoa mei te
rā ra: ka meitaki oki *te tangata* iaia,
ka ope akea te pa enua i te akameitaki iaia.
18 Kia akameitakiia te Atua, te Atua o
Iseraela ko Iehova, koia anake ra tei
19 rave i te au mea taka ke ra. Kia aka-
meitakiia oki tona ingoa kakā e tuatau
ua atu: kia akakiia oki te pa enua ra-
varai ki tona kakā; Amene, e Amene.
20 Te au pure a te tamaiti a Iese ra a
Davida, kua ope ia.

SALAMO LXXIII.

E SALAMO NA ASAPHIA.

E TAKINGA-MEITAKI tikai to 1
te Atua ia Iseraela, i te aronga
2 ngakau mā ra. Kareka au nei, kua
vaitata toku vacvae i te paeke; me
3 turori oki toku takainga; Iaku i va-
reac i te aronga neneva, ka kite ei au i
te meitaki o te aronga kino ra.
4 Kare oki o ratou e mamae i te ma-
tenga: *te vai* maroiroi rai to ratou riri-
5 nui. Te tumatetenga o te tangata nei
kare ua ia ratou; kare oki ratou i tai-
6 roia mei to etai aronga tangata. I aka-
pinia'i ratou e te nengonengo mei te
pirianganana; kua valia ratou e te taki-
7 nga-kino mei te kakau ra. Kua ngene-
ngene to ratou mata i te matu; te
inangaro o *to ratou* ngakau, e mea anga

kore ia. Te aviri ra ratou ma te tua-
tua kikino; te nengonengo ra ratou i
te tuatua takinga-kino ra. Te patoi ra
to ratou vaa i te au rangi ra, te aare ra
to ratou arero i te enua *katoa* nei. E
oki rai tona au tangata i ku nei, e te vai
i ki ei te *kapu* tei tatauia no ratou. E
nei i te tuatua ra oki ratou, Eaa te Atua e
kite ei? e e kite aina to Tei Teitei ra?

I na, ko te aronga kino teia, e te vai
tamou nei rai to ratou meitaki, te tupu
ra i te maata anga ta ratou apinga. E
tamā anga puapinga kore tikai toku e
toku nei ngakau, e te orei anga oki i
toku rima i te apa kore: Kua tairoia
ra au e po ua atu te rā, e kua pāpāia
kare e pōpōngi e vata. Kia pera oki
taku tuatua mei te reira ra, i na! kua
pikikaa ia au i te uki tamariki naau ra.

Iaku ra i kimi kia kite au i taua mea
nei, e mea pikipiki ia iaku: Kia aere
ra au ki roto i te ngai-tapu a te Atua
ra, kite akera au i to ratou openga.
Kua tuku tikaia ratou e koe ki te ngai
pateka; kua titiri takiriria ratou e koe
kia mate rava atu. Perepereta ia to
ratou mate e! i pou takiri roa atu ei
ratou i te mataka maata ra. Mei te
moemoea kia ara te *tangata* ra, koina
katoa koe, e te Atua; kia tu koe ki
runga ra, ka akaviivii roa atu ei koe i
to ratou ra tu.

Ka taitaia'i toku ngakau, e putaputa
akera to roto iaku. Manako kore
toku, e te kite kore: mei te puaka
ra au i mua ia koe. Ei ia koe rai au; 23
na to rima katau i mou mai iaku. Ka
raro rai koe i te aratika iaku i taua ra
tuatua, e te openga iora ka apui koe
iaku ki te ao.

Koai ra toku ki runga i te au rangi
ra? kare takiri tetai i te enua nei tei
anoanoia e au, mari ra ko koe? Kia
paruparu toku kopapa e toku ngakau
katoa, ko te tauturu rai o toku ngakau,
e taku ra tuanga, ko te Atua ia, e tua-
tau ua atu. I na oki, te aronga e aka-
titima ia koe ra, ka pon ia: te aronga
oki e akaruke ia koe ra, ka tamate ra-
vaia ia. E mea meitaki ra iaku kia
akavaitata atu ki te Atua: kua irinaki
au i te Atua ra, ia Iehova, kia akakite
rai au i taua katoa ra au angaanga.

SALAMO LXXIV.

E PE'E NA ASAPHIA.

EAA koe, e te Atua, i akaruke ta-
kiri mai ei ia *matou*? e ootoo na
rai ainei to riri i te mumoe o taua
orai koro? E akamaara mai i taua ra
uipānga, i okoia e koe i mutangana ra,

to tuanga aiteia i akaornia e koe ra: i
teianei maunga ko Ziona, i nooia e
koe ra. E takai nui mai koe ki te
ngai i taitaipakoko roaia ra, i te au
takinokinoanga katoa a te enemi i roto
i te ngai-tapu ra. Te tuoa nei to au
enemi i te uipānga naau ra: te akatu
nei i to ratou au reva ei akairo. Mei
te *tangata* i kitea i te apai anga i te
tapae ki runga i te vaorakau, Kua
vava'i ratou i teianei i te au angaanga
akamanea o te *iero*, ki te toi ma.
7 amara. To ngai-tapu ra, kua ta'u naia
e ratou ki te ai; te vairanga no toou
ra ingoa, kua akaviivii ia i te *tuku*
8 *anga ki raro* i te one ra. I tuatua ra-
tou i roto i to ratou ngakau e, Tautou e
akapou rava ia ratou katoa; kua ka
ia ratou te au ngai uipānga katoa a te
9 Atua i te enua nei. Kare ua ta tatou
au akairo i te kitea anga: kare ua oki e
peroveta, e kare oki e tangata, i ro-
topu ia tatou nei, i kite i te roa anga.

10 Mei te aa ra te roa, e te Atua, i ta te
enemi akakino anga? e akakino tamou
11 rai ainei te enemi i toou ingoa? Eaa
oki koe i akaaki ei i to rima, to rima
katau oki? kua oti ana i to umauma
12 na. Ko koe oki, e te Atua, toku ariki
mei tupua mai; ko tei akatupu i te ora
13 i te enua nei. Naau i vee i te ai i to
ririnui; te au mimiti o te au tanina,
kua ngaangaa ia ia koe i te moana:
14 Naau i akangaangaa i te au mimiti o
Leviatana; e kua oronga koe i te reira
ei kai na te au tangata i te medebara.
15 Naau i akangaangaa i te punavai e te
vai puke ra; naau i tamarō i te au vai
16 mamaata ra. Noou te ao, e noou ka-
toa te po: naau i akonokono i te mā-
17 rama, e te rā. Kua akonoia e koe te
au kotinga ravarai o te enua: te akaū
e te paroro, kua akonoia e koe ra.
18 E akamaara koe i teia, e Iehova, e
kua akakino te enemi; kua akakino
oki te aronga manako kore i toou ra
19 ingoa. Auraka kia orongaia to kukupa
ki te manu taac ra: auraka e akapoina
takiri rava i to au tangata i tairoia ra.
20 E akono ana i te koreromotu ra; ko te
au ngai poi o te enua nei, kua ki ia i
21 te nooanga o te takinga-kino ra. Au-
raka tei taakaakia ra kia oki ma te
akama; kia akapaapaa ra te aronga ao
22 e te putaua i toou ra ingoa. Ka tu, e
te Atua; e akataka ana i taua uarai
tuatua: e akamaara i ta te manako
kore ra akakino anga ia koe kare e rā
23 i tukua. Auraka te reo o toou au
enemi kia ngaropoina ia koe; te ana
atura te oripu ua anga o tei māro mai
ia koe ra kare i vata.

SALAMO LXXV.

NA TE TUMU IMENE, I RUNGA I TE ALE-
TASEHITA. E SALAMO, E IMENE NA
ASAPHIA.

TE akameitaki nei matou ia koe, e
te Atua, te akameitaki nei ma-
tou: na taau ua angaanga taka ke i
akakite e, te waitata nei to ingoa.

Rauka akera iaku te tuatua tau ra,
ka akava au ma te tiratiratu. Te enua
nei e to te enua katoa ra, kua taravai
ia: kua akatinamou ra au i to reira au
pou. Sela.

Kua tuatua au ki te aronga kanga
akatieie ra, Auraka e akatieie: e te
aronga kino ra, Auraka e akateitei i te
tara; Auraka e akateitei i ta kotou
tara ki runga roa; *auraka* e tuatua ma
te kaki eteata. Kare oki no te itinga
o te rā, e no te opunga o te rā, kare
oki no apatonga, i teitei ei. Ko te
Atua uaoari ra te akava; ko tei ta-
akaaka i tetai, e kua akateitei i tetai.

Tei te rima oki o Iehova tetai kapu,
kua ki i te wina muramura, irokia ra,
nana e riringi aere i te reira; kareka
te ota ra, na te aronga kino katoa o te
enua nei e kumu i *te reira* ka inu ei.
Ka va aere ua rai au e tuatua ua atu, e
imene akapaapaa au i te Atua o Iakoba.

Ka ope oki te au tara o te aronga
kino i te tipu keia e au, ko te au tara o
te aronga tuatua-tika ra, ka akatei-
teitia ia.

SALAMO LXXVI.

NA TE TUMU IMENE, NA RUNGA I TE NEGI-
NOTA. E SALAMO, E IMENE NA ASAPHIA.

KUA kitea te Atua i Iuda: te
maata ra tona ingoa i Iseracla.
Tei Salema tona puakapa, e tei Ziona
tona nooanga. I reira aia i te atiati
anga i te au kakao ana ra, te paruru, e
te koke, e te tamaki ra. Sela.

E manea maata toou e te meitaki, i
to te au maunga i *ki* i te apinga ūru ra.
Te aronga ate nui ra, kua auinaia ia, te
moe ra ratou i ta ratou moe: e kare
anake oki to taua au tangata riri-
nui ra i te kite anga i to ratou rima.
I toou ra akamura anga mai, e te Atua
no Iakoba, te kariota e te ipo katoa ra,
kua tinainai i te moe.

Ko koe, ko koe tei matakū maataia:
e koai te ka mou ki mua i to mata me
riri koe? Kua kitea to tuku anga
utunga mei te rangi mai; matakū
kera te enua, e kua muteki iorn, Ka
tu mai ei te Atua ki runga e akataka i

te utunga, kia ora te aronga maru ka-
toa i te enua nei. Sela.

- 10 Ka akameitakiia oki koe i te riri o
te tangata nei; te toenga o taua riri ra
11 naau ia e tāpu. E tia, e ka akatupu i
taua tia ra i to kotou Atua ra ia le-
hova: e te aronga katoa ki ona ra, e
pini rava ake, e apai ia i te taoonga-
rima kiaia i tei tau kia matakūia ra.
12 E kokoti ke aia i te ngakau parau o te
ui ariki ra; e mea matakū oki aia na te
au ariki o te enua nei.

SALAMO LXXVII.

NA TE TUMU IMENE, NA IEDUTUNA.
E SALAMO NA ASAPHIA.

- 1 **K**UA kapiki toku reo i te Atua:
toku reo *tei kapiki* i te Atua, e
2 kua akarongo maira aia iaku. I toku
rā tumatetenga kua kimi au i te Atū;
kare au i tukumoe i te akatika atu i
toku rima *kiaia* i te po: kua kopae
3 toku vaerua i te akapumaana. Kua
manako au i te Atua, e kua tumate-
tenga atura: kua aue oki au, e kua
rere a mate ua toku vaerua. Sela.
4 Te tāpu ara ua nei koe i toku mata;
te tumatetenga nei au, kare e tika kia
5 tuatua. Te manako nei au i te au rā
taito; te au mataiti i muatangana ra:
6 Te maara nei au i taku imene i te po:
te koreromoko nei au ki toku ngakau;
e te akacatu marie nei toku vaerua:
7 E akarukeia ainei, e te Atū, e tuatan
ua atu? kare roa ainei aia e aroa akaou
8 mai? Kua kore roa ainei tona takinga-
meitaki? kua kore ainei tana i tuatua
ra e tae ua atu ki te au uki katoa ra?
9 Kua ngaropoina ainei to te Atua aroa?
kua papani ainei aia i tona aroa i te
riri? Sela.
10 Kua tuatua akera au, Ko toku aue
anga teia; e taruri keia ra e te rima
11 katau o Tei Teitei ra. E akamaara
ana au i te angaanga a Iehova: ka aka-
maara rai au i taua ra angaanga taka
12 ke i taito ra. Ka akamaara rai au
i taua ra au angaanga katoa, ka tuatua
13 rai au i taua i rave ra. E te Atua e,
tei te ngai-tapu toou ra arataa; koai te
Atua e aite ki *to tatou nei* Atua i te
maata?
14 E Atua ravanga taka ke rai koe:
kua akakite koe i toou ra mana i te
15 tangata nei. Na to rima i akaora i toou
ra au tangata, te au tamariki a Iakoba e
Iosepha. Sela.
16 Kua akara te tai ia koe, e te Atua,
kua akara te tai ia koe, kua rokoa e te
matakū: koia ia, kua ngaranga akera
17 te moana. Kua riringi maira te au

tumurangi i te vai: kua kokina maira
te au rangi: kua ana atu ana maira oki
te au kakao naau ra! I roto i te pua- 18
ioio te aruru o taau ra mangungu!
no te uira i mārama'i te ao nei: ko te
enua uaorai tei ngaueue, e kua rutete-
tete! Ko te tai toou ra arataa, e te 19
moana maata toou ra aerenga; kare
ra toou takainga vaevae i kitea. Kua 20
arataki koe i toou iti-tangata mei te
anana, i te rima o Mose raua ko
Aarona.

SALAMO LXXVIII.

E PE'E NA ASAPHIA.

E AKARONGO mai, e toku au ta- 1
ngata, i taku ra ture: e ariu mai
i to kotou taringa ki te tuatua a toku
vaa. Ka tuatua toku vaa i te maseli: 2
ka akakite au i te tuatua pikipiki taito
ra. Ko ta tatou i akarongo e kua kitea, 3
e kua akakite mai to tatou ai metua kia
tatou: Kare *te reira* e unaia e tatou i 4
ta ratou au tamariki, ka akakite ra
tatou ki tetai uki atu, i te akameitaki
anga ia Iehova, e tona mana, e te anga-
anga taka ke i raveia e ia ra.

Kua tuku mai aia i te tuatua-aka- 5
kite na Iakoba, e kua akono i te ture
na Iseraela, tana i akaue mai i to tatou
ai metua, kia akakite atu ratou ki ta
ratou ra au tamariki: Kia kite te uki i 6
pa'u atu; te au tamariki e anau mai;
kia tu ki runga, e kia akakite atu ratou
ki ta ratou ra au tamariki: Kia aka- 7
riro ratou i te Atua ei irinakianga no
ratou, auraka e akangaropoina i ta te
Atua ra au angaanga, e akono ra ratou
i tana ra au akauenga: E auraka ratou 8
kia aite ki to ratou ra ai metua, ei uki
māroketaketa e te meameaau; e uki
kare i akonokono i to ratou ngakau, e
kare to ratou vaerua i tika tikai i te
Atua.

Te au tamariki a Epheraima, e aro- 9
nga toa e ana te taonga ra, ko tei iki
maira te tua i te rā tamaki ra, Kare ia 10
i akono i te koreromotu a te Atua, kare
akera i tika ia ratou kia anere i tana ra
ture: Akapoina atura ratou i tana ra 11
au angaanga, e te au angaanga taka ke
tana i akakite kia ratou: Te au mea 12
taka ke i raveia e ia ki mua i te araro
o to ratou ai metua, i te enua ra i Ai-
phiti, i te kainga ra i Zoana:

Kua va'i aia i te tai kia tac ra- 13
tou kia aere; e kua akaututua aia i te
vai, vaoo atura kia auau. I te ao ra, 14
kua arataki aia ia ratou i te tumu-
rangi ra, e te po ra e ao ua ake, i te
mārama ai ia. Kua akangaangaa aia i 15

nga mato i te medebara, e kua akainu
maira *ki te vai* mei te moana maata ra.
16 Kua akata'e mai aia i te vai peka no
roto i te mato ra, e kua ta'e maira te
vai mei te au kauvai ra.

17 Kua tamou rai ratou i te rave i te
ara iaia, i te akariri anga atu i Tei
18 Teitei i te medebara ra. Kua akakoko
ratou i te Atua i to ratou ngakau; i te
pati anga i te kai ta ratou i kaki ra.
19 Kua tuatua kino oki ratou i te Atua,
kua na ko akera, E tika aina i te Atua
kia akanoonoo mai i te kaingakai i te
20 medebara nei? Ta ua mairai aia i te
mato, e kua maringi ua maira te vai, e
kua ta'e maira *mei* te au vai peka ra, e
tika katoa aina iaia kia oronga mai i te
kai? e rauka ainei iaia te kinaki na
tona au tangata nei?

21 Kite akera Iehova i *te reira*, kua
riri iora; ka akera te ai ia Iakoba,
22 tupu akera oki te riri ia Iseraela; No
te mea, kare ratou i akarongo i te
Atua, kare oki i irinaki i te ora nana.
23 Kua akaueia ra e ia te au tumurangi
runga ra, e kua kiritia e ia te au ngu-
24 tupa o te rangi ra; E kua akatopa
ua maira i te māna ki runga ia ratou ei
kai; e te sitona no te au rangi ra tei
25 orongaia mai e ia na ratou: Kua kai te
tangata katoa i te kai a te aronga mana;
kua tuku maira aia i te kai na ratou
e kia merengo tikai.

26 Kua akaarara maira aia i te maake
mei te rangi mai; e na tona ririnui i
27 akaarara mai i te marangai: Kua aka-
topa maira i te kinaki ki runga ia ra-
tou mei te one-pueu ra, e te manu
28 peau mei te one taatai ra. Kua akatopa
maira aia i *te reira* i rotou i to ratou
puakapa, e pini rava ake to ratou ra
29 nooanga. Kua kai iora ratou e pangia
rava akera: kua apai mai oki aia i ta
30 ratou i kaki ra. Kare ratou i tāpu i to
ratou kaki: e te vai ua ra ta ratou kai
31 i to ratou vaa, I rokoia mai ei ratou e
te riri o te Atua; mate iora te aronga
matu o ratou ra iaia, e taia iora te ta-
ngata memeitaki o Iseraela.

32 Oti akera taua au mea katoa ra, kua
ara akaou iora ratou, e kare i akarongo
33 i te au angaanga taka ke nana ra. I
akapou ei aia i to ratou au rā i te pu-
pinga kore, e to ratou au mataiti i te tu-
34 matetenga. Kia ta aia ia ratou ra, kua
kimi iora ratou iaia i reira: e kua anga
35 tika mai e kua uiui ki te Atua. Kua
manako akera ratou e, ko te Atua to
ratou mato; e ko te Atua ko Tei Teitei
36 ra, to ratou ia Ora. Kua koperepere
ua ra to ratou vaa iaia, e kua pikikaa
37 iaia to rotou arere: Kare oki to ratou

ngakau i tau meitaki iaia, kare oki ratou i akono tikai i tana koreromotu.

Koia ra, no te ki i te aroa, kua ta- 38
poki akera i *ta ratou* ara, kare akera i
tamate *ia ratou*; kua akaoki putuputu
ra aia i te riri nona ra, kare oki tona
riri i akaope takiriia: Kua manako 39
oki aia ia ratou e e tangata: e a'o e
peke ua ra, e kare e oki mai. Te pu- 40
tuputu o ta ratou meameaanu anga atu
iaia i te medebara e! ta ratou aka-
ongoongo anga atu iaia i te ngai mo-
tutaa e! Koia ia, kua na runga na 41
runga ratou i te akakoko i te Atua,
e kua akaongoongo atu i Tei Tapu i
Iseraela nei. Kare ratou i manako i 42
tona rima, e te rā i akaora'i aia ia ra-
tou i te enemi: Te au akairo tana i 43
rave i Aiphiti; e te au angaanga taka
ke nana i te kainga ra i *Zoana*: I te 44
akairo anga i ta ratou au vai ei toto,
e ta ratou au vai peka ra, kare atura e
tika kia inu. Kua tuku atura i te 45
rango i rotopu ia ratou, e pou iora; e te
rana, e mate atura ratou. Kua oronga 46
oki aia i ta ratou kai na te anue; e ta
ratou i angaanga ra na te akeride. Kua 47
tamate iora aia i ta ratou au vine i te
barada, e ta ratou au sukamino i te
anu. Kua oronga aia i ta ratou au 48
puaka ki te barada, e ta ratou au anana
ki te atituri. Kua uri ua maira i tona 49
riri maata ki runga ia ratou, te riri
maata, e te makitakita, e te tumate-
tenga, i te tono anga mai i te au
angela kikino ra. Kua akamaka aia i 50
te arano tona riri, kua tuku ua atu aia
ia ratou orai no te mate, kua oronga ua
atu aia ia ratou no te maki-mate ra.
Kua ta aia i te au tama mua ravarai 51
no Aiphiti, te muatangana o to ratou
ririnui i te au puakapa o *Hama* ra.
Kua arataki ra aia i tona orai tangata 52
mei te mamoe ra, e kua tiaki aia ia
ratou mei te anana i te medebara ra.
Kua arataki aia ia ratou ma te ora, e 53
kare ratou i matakū: kua pou oki to
ratou au enemi i te apukuia e te tai ra.
Kua arataki aia ia ratou ki te pae 54
o tona ra ngai-tapu, ki teianei maunga
i rauka i tona rima katau. Kua tuaru 55
aia i te au etene ki mua ia ratou, e kua
akaate i te tuanga na ratou ki te taura,
e kua akanoo i te au kopu o Iseraela
i to ratou ra puakapa.

Kua akakoko ra ratou e kua akariri 56
i te Atua, i Tei Teitei ra, e kare i akono
i tana ra tuatua-akakite. Kua akati- 57
tima rai ratou, e kua pikikaa, mei to
ratou ai metua ra; kua oki akaou i *te*
tu taito ra mei te ana i taraia te ao ra.
Kua akariri ratou iaia i to ratou au 58

ngai teitei ra, e kua akavareae atura
59 iaia i to ratou au idolo kotikotia. Kia
akarongo te Atua i *te reira*, kua riri
iora, e kua akaviivii roa ia Iseraela.

60 E kua akaruke iora aia i te puakapa
i Silo ra, i te Are tana i noo i roto i te
61 tangata nei. Kua tuku atura aia i
te aruna o tona maroiroi ei tuikaa,
e tona kakā ki te rima o te enemi.
62 Kua tuku atu oki aia i tona orai au ta-
ngata no te koke; riri akera oki aia i
63 tana orai tuanga. Pou iora to ratou
au tangata ou i te ai, e kare ta ratou
64 au paretenia i akaipoipoia ra. Kua
inga ta ratou au taunga i te koke, e
kare ta ratou au vaine takana i aue.
65 E *roa poto akera*, kua ara maira
te Atua mei te ara moe ra, mei te ta-
66 ngata ririnui i maeva i te wina ra. E
kua ta iora i tona au enemi i muri ra:
kua tuku atura te akakino mutu kore
67 kia ratou. Kua akaruke oki aia i te
puakapa o Iosepha; e kare oki i iki i
68 te kopu o Epheraima: I iki akera ra
i te kopu o Iuda, te maunga ra ko
69 Ziona tana i inangaro ra. Kua patu
iora aia i tona ngai-tapu ra mei *te are*
teitei ra, mei te enua tana i akatina-
70 mou e tuatua ua atu. I iki akera aia i
tona tavini ia Davida, tana i rave mai
71 mei te koro mamoe ra; Kua arataki
maira aia iaia mei te aru anga i te au
mamoe i akangote i te u ra, kia angai
aia i tona tangata ia Iakoba, e ia Ise-
72 raela tana ra tuanga. Kua angai aia ia
ratou ma te ngakau apa kore, e kua
arataki aia ia ratou i te karape o tona
rima.

SALAMO LXXIX.

E SALAMO NA ASAPHIA.

1 **E** TE Atua e, tei roto mai nei te
etene i taua ra tuanga; kua aka-
viiivii ratou i to nao tapu ra, kua aka-
2 riro ia Ierusalemā ei au ututua. Kua
oronga ratou i te au kopapa mate
ra o to au tavini ei kai na te au manu o
te reva nei; te kopapa o to aronga
tapu ra na te au terio o te enua nei.
3 Kua akamaringi ratou i to ratou toto
mei te vai ra e pini ua ake Ierusalemā
4 nei, e kare rava e tangata ei tanu. Kua
riro matou ei akakinoanga na to matou
au tangata tupu; e ei akavaavaaanga,
e ei avirianga, na te aronga *ravarai* e
pini ua ake matou nei.
5 Mei te aa ra te roa, e Iehova? ka
akamou riri ua atu rai ainei koe? ka
ka ua rai ainei to vareae mei te ai ra?
6 E riringi mai i to riri ki runga i te au
etene kare i kite ia koe ra, e ki runga i

te au basileia kare i tautopa i toou ra
ingoa: Kua pou oki Iakoba ia ratou,
e kua tanea tona nooanga ia ratou.
Auraka e akamaara i ta matou au ara
takere ra; na to aroa akaperepere ra e
turu vave mai ia matou; kua tuku
akaaka roaia oki matou nei.

E tauturu mai ia matou, e te Atua e
ora'i matou nei, no te kakā o toou
ingoa: kia ora oki matou i toou ra
ingoa; e tapoki mai oki i ta matou ara.
Eaa e tika'i i te au etene kia tuatua
mai e, Teiea to ratou Atua? kia kitea
ra aia i o te au etene ki mua i to matou
nei mata, i te akaoko anga atu i te toto
o to au tavini i akamaringia ra. Kia
tae atu te aue o tei tapekaia ki mua ia
koe; no te maata o toou ra maroiroi,
e akaora koe i te aronga i akonoia no te
mate: Kia taki itu a taau akaoki anga
i roto i te umauma o to matou tan-
gata tupu nei, i te akakino ta ratou i
akakino ua mai ia koe, e te Atua. Ei
reira matou ko toou nei au tangata, te
anana oki o taau ra koro, e akamei-
taki ei ia koe e tuatau ua atu; e ta-
mou rai matou i te akameitaki anga
atu ia koe i tera uki i tera uki.

SALAMO LXXX.

NA TE TUMU IMENE, I RUNGA I TE SOSA-
NIMA-EDUTA. E SALAMO NA ASAPHIA.

E AKARONGO mai, e te Tiaki o
Iseraela e, ko tei arataki ia Iose-
pha mei te anana ra: ko tei noo ki
runga i nga kerubi ra, e akakakā mai.
Ki mua i te aroaro o Ephraïma, e ko
Beniamina, e ko Manasse ra, e akama-
roiroi koe, e aere mai e akaora ia ma-
tou. E akaoki mai ia matou, e te
Atua e, kia kakā mai oki to mata, e
ka ora ia matou.

Eaa te roa, e te Atua Sabaota, e Ie-
hova, i toou riri anga i te pure a to au
tangata nei? Kua angui koe ia ratou
ki te kai roi-mata, e kua tuku mai i te
roi-mata na ratou e inu e kua maata.
Kua akariro koe ia matou ei tauetono-
anga na to matou au tangata tupu; e
te kata aviri ua maira to matou au
enenii. E akaoki mai ia matou, e te
Atua Sabaota e, kia kakā mai oki to
mata ra, e ka ora ia matou.

E vine taau i rave mai mei Aiphiti
maira; kua vaere koe i te au etene, e
kua tanu iora i te reira. Kua akaatea
koe i te ngai ki mua i te reira, e kua toro
tona aka, e kua kapi akera te enua.
Kua ngaromia te au maunga i te maru
nana, e te au arezi teitei i tona au rara.
Kua toro tona mangamanga ki taatai, e

12 tona au rara ki te vai maata ra. Eaa
oki koe i vava'i ci i tona au koro, e kua
akiakia e te aronga katoa e aere na
13 te ara? Te ketuia nei e te puaka toa
o te vaorakau ra, e te kaininga nei e te
au puaka ae o te ngangere ra.
14 E te Atua Sabaota e, e oki mai, ko ta
matou ia tuatua kia koe, e akara mai
koe i runga i te rangi kia kite, e atoro
15 mairai koe i taua vine nei; Te rakau
oki i tanumia e to rima katau nei, e te
mangamanga taau i akaetaeta naau
16 uorai. Kua tipuia ia, e kua ta'u naia
ki te ai: kua mate ia i te akamura o to
17 mata ra. Ei runga to rima i te tangata
i to rima katau ra, ei runga i te ta-
maiti a te tangata i akaetaetaia e koe
18 noou uorai ra. Kare oki matou e
akatitima ia koe i reira: e akamaroiroi
mai ia matou, e na matou e tautopa i
19 toou ra ingoa. E akaoki mai ia matou,
e te Atua Sabaota, e Iehova e, kia kakā
mai to mata ra, e ka ora ia matou.

SALAMO LXXXI.

NA TE TUMU IMENE, I RUNGA I TE GITITA.
E SALAMO NA ASAPHIA.

E IMENE ma te rekareka i te Atua,
i to tatou maroiroi: e imene nui i te
2 Atua o Iakoba. E tumu i te salamo,
e ta i te tuphe, te kinura tangi meitaki,
3 e te nabala. E akatangi i te pu i te
marama ou ra, i te taimie i akonoia ra,
4 i te rā ora tapu no tatou ra: E akono-
anga oki te reira na Iseraela, e ture na
5 te Atua o Iakoba. Akono atura aia i
te reira ei tuatua-akakite ia Iosepha,
iaia i aere atu ki te enua ra ki Aiphiti;
kua akarongo au i te reo i kitea korcia
e au ra:
6 Kua apai ke atura au i te apainga i
tona pakuivi; kua ora iora tona rima
7 i te rave anga i te tapora. I toou
tumatetenga ra, kua kapiki mai koe, e
kua akaora atu au ia koe: kua akakite
au kia koe i te mangungu i te ngai
ngaro ra: kua timata au ia koe i te vai
8 ra i Meriba. Sela. E akarongo mai,
e taku iti-tangata, kia akakite atu au
kia koe: naringa Iseraela e akarongo
9 mai iaku e! Auraka ei atua ke i roto
ia koe; auraka koe e akamori i te
10 atua ke. Ko au toou Atua ko Iehova,
ko tei arataki mai ia koe mei te enua ra
mei Aiphiti: e amama tika mai to vaa,
11 e naku e akaki atu. Kare ra toku iti-
tangata i akarongo mai i toku reo, e
12 kare Iseraela i akono mai iaku. Kua
tuku rava atura au ki te ketaketa o to
ratou orai ngakau, e kua aere atura ra-
tou i ta ratou uorai tuatua.

Naringa tikai toku iti-tangata i aka- 13
 rongo mai kiaku e, i aere tikai Iseraela
 i toku au arataa e! Kare rava e roa kua 14
 tutu akaakaia e au to ratou au enemi,
 e kua ariu tika au i toku rima ki runga
 i tei mōro mai ia ratou ra. E tatomo 15
 tika te aronga i riri ia Iehova kiaia;
 kia vai rai to ratou taima e tuatau ua
 atu. Kua angai ia au ia ratou i reira i 16
 te sitona meitaki, e kua akamerengo au
 ia koe i te meli no roto i te mato ra.

SALAMO LXXXII.

E SALAMO NA ASAPHA.

TE tu ua ra te Atua i te upānga o 1
 te aronga mana ra; te akava ra
 aia i rotopu i te au atua ra.

Mei te aa ra te roa o ta kotou akava 2
 anga tika kore, e te akono anga atu i
 te tu o te aronga kino ra? Sela. E 3
 akatika ana i te aronga ao e te mati-
 roeroc ra; e rave i tei tika i te aronga
 i takinga-kinoia e te putaua. E aka- 4
 ora i te aronga ao e te apinga kore, kia
 akaoraia ratou i te rima o te aronga
 kino ra. Kare ratou i kite, kare e ma- 5
 nako; te aere ua ra ratou na te poi-
 ri: i turori ei te au tumu katoa o te enua
 nei. Kua tuatua akera au e, E atua 6
 kotou, e tamariki anake kotou na Tei
 Teitei. Ka mate ra kotou mei te tangata
 nei rai, e inga oki kotou mei tetai o te 7
 ui ariki ra.

Ka tu, e te Atua e, e akava i to te 8
 ao; ka riro oki te pa enua katoa nei
 noou.

SALAMO LXXXIII.

E IMENE, E SALAMO, NA ASAPHA.

AURAKA koe e muteki ua, e te 1
 Atua e; auraka koe, e te Atua, e
 noo ua, ma te tuatua kore. I na oki, 2
 te mutamuta nei to au enemi; e te aro-
 nga i riri mai ia koe ra, kua akateitei
 i te upoko. Kua kimi ratou i te ravenga 3
 pakari i toon ra au tangata, kua akataka
 oki ratou i te tuatua i te aronga i uu-
 naia e koe ra. Kua tuatua ratou, E 4
 aere mai tatou e tipu ke atu, auraka
 ratou *kia riro* ei enua; e auraka te
 ingoa ra o Iseraela kia manako akaouia 5
 atu. Kua uipa katoatoa i ta ratou tua-
 tua anga: kua kororomotu ra ratou ia
 koe: Te au puakapa o Edoma, e te ngati 6
 Isemacla; to Moabi, e to Hagara;
 To Gebala, e to Amona, e to Amaleka; 7
 to Philiseti, e to Turia katoa ra. Kua 8
 kapiti katoa Asura ia ratou: kua riro
 ei rima no te au tamariki a Lota ra.
 Sela.

9 E akapera koe ia ratou mei *tauu* i
rave ia Midiana; mei ia Sisera, mei ia
 10 Iabina i te kauvai ra ia Kisona. Mate
 iora *oki* ratou i Eni-dora, riro atura ei
 11 teita no te enua. E akariro i to ratou
 aronga mamaata mei ia Oreba, e mei
 ia Zeeba; e to ratou ui ariki ravarai
 12 mei ia Zeba, e mei ia Zalamuna; Ko
 tei karanga e, Tatou e rave i te au
 nooanga o te Atua no tatou uaorai.
 13 Akariro koe ia ratou, e taku Atua,
 mei te teita ra; mei te ngangaere i
 14 mua i te matangi. Mei te vaorakau e
 pou i te ai ra, e mei te maunga e mura
 15 i te ai; E akapera koe i te aruaru ia
 ratou i te uria noou ra, e akatumate-
 16 tenga ia ratou i te puaoio noou ra. E
 akaki i to ratou mata ki te akama, kia
 kimi ratou i toou ra ingoa, e Iehova.
 17 Kia akama ratou e kia raungara e tua-
 tau ua atu; kia rokoia ratou e te
 18 ngarangara, e kia mate atu: Kia
 kite ratou e, ko Iehova toou ingoa,
 e ko koe anake Tei Teitei i te enua
 katoa nei.

SALAMO LXXXIV.

NA TE TUMU IMENE, I RUNGA I TE GITITA.
E SALAMO NA TE TAMARIKI A KORA.

1 **E** MEA mataora toou ra au pua-
 2 kapā, e Iehova Sabaota! Te ano-
 ano nei toku ngakau, e te noinui nei i
 te au paepae o Iehova: te aue nei toku
 ngakau e toku kopapa i te Atua ora ra.
 3 Kua rauka i te zephura te are nona, e
 i te kopekapeka te koanga nona uaorai,
 ei anau anga i tana ra punua; ko
 taau ra au atarau, e Iehova Sabaota,
 e taku ariki, e taku Atua.
 4 E ao to te aronga i noo i toou ra are:
 kare ratou e akapaki i te akapaapaa ia
 5 koe. Sela. E ao to te au tangata ko
 koe to ratou maroiroi ra; tei to ratou
 6 ngakau te au arataa. Aere ua ratou na
 te o ra ko Baka, kua ko ratou i te
 punavai i reira; e na te ua oki e akaki
 7 i te au rua. Ka aere rai oki ratou mei
 te maroiroi ki te maroiroi, e kitea atura
 ratou ki mua i te aroaro o te Atua i
 Ziona.
 8 E te Atua Sabaota, e Iehova, e aka-
 rongo mai i taku pure: e anga mai i
 to taringa kiaku nei, e te Atua o Ia-
 9 koba e. Sela. E te Atua, to matou
 paruru ra, e akara mai ana, e akono
 mai i tei akatainuia e koe ra. E mei-
 10 taki maata to te rā okotai i roto i te au
 paepae noou ra, i to *te au rā* e tausani
 ua atu. E anoano maata toku i te tiaki
 i te ngutupa i te are o taku Atua, i te
 noo i te au puakapa o te aronga kino ra.

E rā oki e te paruru te Atua ra ko Iehova: ka aronga mai a Iehova i te meitaki e te kakā: kare rava ona meitaki e tāpu i te aronga aerenga tiratiratu ra. E Iehova Sabaoth e, e ao to 12 te tangata e irinaki ia koe ra.

SALAMO LXXXV.

NA TE TUMU IMENE. E SALAMO NA TE TAMARIKI A KORA.

KUA takinga-meitaki mai koe, e 1 Iehova, i toou ra enua: kua akaoki mai koe i te tuikaa o Iakoba ra. Kua akakore koe i te ara a to au tangata ra, kua tapoki koe i to ratou au kino katon. Sela. Kua akakore koe 2 i toou riri katoa, kua anga ke atura koe i te ototoo anga o toou ra riri. E akaariu koe ia matou, e te Atua e ora'i matou nei, e akamutu oki koe i to riri ia matou nei.

Ka riri mai koe ia matou e tuatau ua atu? ka tamou rai koe i to riri i tera uki i tera uki? Kare ainei koe e akamaroiroi akaou mai ia matou, kia mareka to au tangata ia koe ra? E akakite mai koe, e Iehova, i toou ra aroa, e o mai te ora naau ia matou nei.

E akarongo ana au i ta te Atua ra, i ta Iehova, e tuatua mai; e tuatua mai oki aia i te au ki tona ra au tangata, e ki tona ra aronga tapu; auraka ra ratou e ariu akaou ki te mea neneva. Te 9 waitata tika rai te ora nana ki te aronga i matakua iaia ra, kia noo te kakā i to tatou nei enua.

Ko te aroa e te tuatua-mou, kua 10 aravei ia raua; ko te tuatua-tika e te au, kua oongi raua. Ka tupu mai te tuatua-mou no roto i te enua; ka akara mai oki te tuatua-tika mei te rangi mai! Na Iehova oki e oronga mai i te mea meitaki, e ka ua mairai to tatou enua. 13 Na mua iaia te tuatua-tika i te aere, e nana e arataki kia na te arataa o tona orai ruatapuue.

SALAMO LXXXVI.

E PURE NA DAVIDA.

EARIU mai i to taringa, e Iehova, e akarongo mai iaku: kua akaaka oki au e te puapinga kore. E tiaki koe i toku vaerua, kua tapu oki au; kia ora, e taku Atua, to tavini i irinaki ia koe nei. E aroa mai koe iaku, e te Atua; te kapiki atu nei au ia koe, kare e rā e tukua. E akarekareka mai i te vaerua o to tavini; te apai atu nei au i toku vaerua kia koe, e taku Atua e. Te meitaki ra oki koe, 5

e te Atua, e kua tika ia koe i te akakore mai i te ara nei, e te aroa maata i te 6 aronga katoa e kapiki atu ia koe. E akarongo mai, e Iehova, i taku pure, e akono mai i te reo o taku patiangā. 7 I te rā e tumatetenga'i au ra e kapiki rai au ia koe ra; ka akarongo mai oki koe iaku nei.

8 Kare ouu e aite, e te Atua, i roto i te au atua ra, kare oki e *angaanga* e arite 9 ki taau ra angaanga. Te pa enua ravarai i angaia e koe ra, ka tae mai ia e akamori ia koe, e te Atua, ka akakakā'i 10 i toou ra ingoa. E maata oki koe, e te angaanga taka ke taun e rave ra: ko koe te Atua, ko koe anake ra.

11 E apii mai koe, e Iehova, i toou ra arataa, kia aere au i taau ra tuatua-mou; kia tavaitai toku ngakau i te 12 matakua anga i to ingoa. Ka akameitaki rai au ia koe, e te Atua ra, e taku Atua, ma toku ngakau katoa ra; e akakakā rai au i to ingoa e tuatau ua 13 atu. Kua maata oki toou aroa iaku; kua akaora oki koe iaku i ade i raro roa ra.

14 E te Atua e, kua tu mai te aronga nengonengo ki runga iaku; e te uipānga o te aronga takinga-kino tei kimi mai iaku kia mate; kare oki ratou i toku 15 ia koe ki mua ia ratou ra. Ko koe ra, e te Atua, e Atua takinga-meitaki koe e te aroa, te akakoromaki roa, e maata oki i te tangi e te tuatua- 16 mou. E akono mairai koe iaku, e e aroa mai; o mai ana toou ra maroiroi ki to tavini nei, kia ora oki te tamaiti 17 a to tavini vaine nei. E akakite mai koe i tetai akairo ei meitaki noku, kia kite mai te aronga i makitakita mai iaku nei, ka akama atu ei; ko koe oki, e Iehova, tei tauturu mai iaku, e tei akapumaana mai iaku.

SALAMO LXXXVII.

E SALAMO, E IMENE NA TE TAMARIKI A KORA.

TE tumu nona ra, tei runga ia i te 2 au maunga tapu ra. Te maata ra to Iehova inangaro i te au ngutupa o Ziona, i te au puakapa katoa o Iakoba ra. E au mea kakā tei tuatuaia mai ia koe, e te oire o te Atua ra e. Sela.

4 Ka akaiki au ia Rahaba, e ia Babulonia, i te aronga i kite iaku ra; i na, ko Philisetia, e ko Turia, ratou katoa ko Kusa; I reira teia i te anau anga. 5 E ia Ziona ra, ka riro i te tuatuaia e, I reira teineani tangata, e tera tangata, i te anau anga: e nana oki, na Tei

Teitei, e akatinamou iaia. Ka akakiteia e Iehova i te tata anga i te au tangata, I reira teianei tangata i te anau anga. Sela. Ka imene oki ratou mei tei rere ua i te rekareka, *ka tuatua'i e*, Ko toku au tumu katoa, tei roto ia ia koe ra.

SALAMO LXXXVIII.

E SALAMO, E IMENE NA TE TAMARIKI A KORA. NA TE TUMU IMENE, I RUNGA I TE MAHALATA IANOTA. E PE'E NA HEMANA NGATI EZERA RA.

E IEHOVA e, te Atua e ora'i au nei! te kapiki nei au ia koe i te po e te ao. Kia tae atu taku pure ki mua ia koe na: e ariu mai i to taringa ki toku nei aue. Kua ki oki toku vaerua i te tumatenga, e kua vaitata roa au ki ade. Kua tatania au nei no te aronga e riro ki te vaarua; mei te tangata au kare rava e maroiroi: Tei rotapu i te aronga mate toku moenga; mei te aronga taia ra e moe i te vaarua ra, tei kore e manako akaouia e koe ra, e tei tipu keia e to rima ra. Kua toku koe iaku i roto i te vaarua oonu roa ra; i roto i te ngai pouri, i te au ngai oonu. Te taomi nui nei to riri ki runga iaku nei, e kua akataitaita mai koe *iaku* ki taau au kare katoa ra. Sela. Kua toku mamao ke atu koe i te aronga i kite mai iaku ra; kua akariro koe iaku ei mea rikarika na ratou: kua momani roaia au, kare e tika kia aere ki vao. Kua ruarua toku mata i te rai maki: te kapiki nei au ia koe, e Iehova, kare e rā e tukua; te akatika atu nei au i oku rima kia koe.

Ka akakite mai ainei koe i *taau* ra ravenga taka ke ki te aronga i mate ra? na tei mate ra ainei e tu mai e akameitaki ia koe ra? Sela. Ka akakiteia ainei toou takinga-meitaki i roto i te vaarua ra? taau ra tuatua-mou i roto i te ngai epou ei? Ka kitea ainei taau ra angaanga taka ke i roto i te pouri? e taau ra tuatua-tika i te enua e ngaropoti ei ra?

Te kapiki nui nei au ia koe, e Iehova; ei te popongi taku pure e tae atu ei ia koe. Eaa koe i akaruke ei i toku vaerua, e Iehova? *ea* koe i uuna'i i to mata iaku nei? E mate toku, e te paruparu, mei *toku* ou anga mairai; i akakoromaki ana au i te matakau no ko na ia koe na; te tumatenga roa nei rai au. Kua na rungao to riri viviki ra iaku; kua tipu keia au i te au ravenga matakau naau. Kua akapini mai ratou iaku mei te vai ra, e

po ua atu te rā; kua takako ravaia au 18 e te reira. Ko tei aroa mai *iaku* ra, e te taunga, kua toku keia ia e koe ra; tei kite mai iaku ra, tei roto ia i te pouri.

SALAMO LXXXIX.

E PE'E NA ETANA NGATI EZERA RA.

KA imene au i te aroa o Iehova e tuatau ua atu: na toku vaa e akakite i te tuatua-mou naau, i tera uki i tera uki. Kua tuatua oki au e, Ka tika te aroa i te vai marie anga: tei te au rangi tikai ra taau ra tuatua-mou i te akatinamou angaia: Kua papauia e au te koreromotu i te iikiai e au ra, kua taputou au i toku tavini ra ia Davida, E akatinamou rai au i toou ra uanga e tuatau ua atu, e e patu au i toou ra terono e tae ua atu ki te au uki katoa. Sela.

E na te au rangi e akameitaki i taau ra ravenga taka ke, e Iehova; taau ra tuatua-mou i roto i te uipānga o te aronga tapu. Koai oki to te au rangi ra, e aite kia Iehova? *koai* tei arite kia Iehova, i rotapu i te au tamariki a tei mana ra? E Atua matakau roaia i te uipānga o te aronga tapu ra, e kia akatacauia e te aronga i akapini iaia ra.

E te Atua Sabaota, e Iehova, koai tei aite ia koe? e mana *toou*, e Iehova, e te akapiniia ra koe e taau ra tuatua-mou. Tei ia koe te au i te tikitiki anga o te moana; kia tupu toa kare, naau e akamarino. Kua atiati koe ia Rahaba, mei tei taia ia ra; na to rima marōrō i akapueurikiriki ke i to au 11 enemi. Naau te au rangi nei, naau katoa te enua; te ao e toa ki katoa 12 ra, naau i anga. Ko apatokerau, e ko apatonga, naau i anga: ko Tabora, e ko Heremona, tei imene nui i toou ra 13 ingoa. E rima marōrō toou, e ririnui 14 tei to rima: e teitei to rima katau. Ko te tuatua-tika ra, e te tuatua-tau, ko te tumu ia o toou ra terono: ko te aroa ra, e te tuatua-mou, te ka na mua ia i to mata.

E ao to te au tangata i kite i te reo rekareka ra: e aacre rai ratou, e Iehova, i te mārāma o to mata ra: E rekareka ratou i to ingoa e po ua atu te rā, e ka teitei ratou i te tuatua-tika 17 naau ra. Ko koe oki te kakā o to ratou maroiroi; e na te akaperepere aau 18 ra e teitei ei to matou tara. Ko Iehova oki to matou paruru; e Tei Tapu i Iseraela nei, ko to matou ia ariki.

I reira taau tuatua orama anga mai

i to Mea Tapu ra, e kua tuatua maira, Kua tuku au i te tauturu ki runga i tei mana ra; kua akateitei au i tei iikia e au no roto i te au tangata nei. Kua kitea e au toku tavini ko Davida; kua akamainu au iaia i toku manongi tapu ra. Na toku uaoari rima aia e akatinamou, na toku uaoari rima oki aia e akamaroiroi. Kare roa te enemi e umuunu i tana; kare oki aia e kino i te tangata kino. Ka pāpāia e au tona au enemi ki mua i tona mata; ka taia e au te aronga i makitakita mai iaia ra. Ei iaia te tuatua-mou naku e toku aroa vai ei; e teitei oki tona tara i toku nei ingoa. Ka tuku au i tona rima kau ki runga i te tai, e tona rima katau ki runga i te vai. E kapiki mai aia iaku e, Ko toku Metua koe, taku Atua, e te mato e ora'i au ra. Ka akariro au iaia ei tama mua naku, kia teitei aia i te au ariki o te enua nei. Ka vaoo rai au i toku aroa iaia e tua-tau ua atu; e taku koreromotu iaia ra, ka akatinamouia ia. Ka akamou au i tona ra uanga e tuatua ua atu; e tona terono, mei te au rā o te au rangi ra ia. Kia akaruke tana au tamariki i taku ture, e kare i aere na taku ra tuatua-tau; Kia akaatikau ratou i taku ra akonoanga, e kare i akono i taku ra au akauenga, Ka tutaki atu au i ta ratou ara ki te rakau, e to ratou kino ki te kavivi. Ko toku ra takinga-meitaki, kare ia e apai keia iaia, kare oki te tuatua-mou naku ra e poka. Taku koreromotu kare e akaatikauia e au, kare oki e ruri ke i tei na roto mai i toku vaa. Okotai akenei oku taputou anga i toku uaoari tapu e, Kare au e pikikaa ia Davida: Ka vai rai tona uanga e tuatua ua atu, e tona terono mei te rā ia ki mua iaku ra. Ka akamouia ia e tuatua ua atu mei te marama; e mei te kite pikikaa kore ki runga i te rangi ra. Sela.

I teianei ra, kua akaruke koe, e kua akaviivii, kua riri koe i taau i akamainu ra. Kua akakore koe i te koreromotu i to tavini nei; kua akaviivii koe i tona korona i raro i te one. Kua vava'i koe i te au koro katoa nana, kua uritumuia e koe tona au punanga eta-eta. Te ūruia ra aia e te aronga katoa i e aere na te arataa; kua riro aia ei akakinoanga na tona ra au tangata tupu. Kua akateitei koe i te rima katau o tei māro mai iaia; kua akarekareka koe i tona katoa ra au enemi. Kua akamana rai koe i te mata o tana koke, e kare atura aia e mou i te tamaki anga ra. Kua akakore koe i tona kakū, e kua

tiria e koe tona terono ki raro i te one. 45 Kua akapoto koe i te au rā o tona ou anga; kua vai koe iaia ki te akama. Sela.

46 Mei te aa ra te roa, e Iehova, o toou pipini anga? e ka ua rai ainei to riri mei te ai? E akamaara i te poto o toku nei taime: eaa oki koe i anga ai i te au tangata ravarai ei mea puapinga kore? Koai te tangata e ora e kare e kite i te mate? ka ora tona vaerua i te rima o ade? Sela. Teiea, e te Atu, to au takinga-meitaki takere ra, taau i taputou i te tuatua-mou naau kia Davida ra? E akamaara, e te Atu, i te akakino anga i to au tavini nei; tei runga i toku umauma te akakino a te tangata nei e manganui: Ta to au enemi i akakino mai, e Iehova, ko tei akakino i te ruatapuae o tei akamainuia e koe ra. 52 Kia akameitakiā Iehova e tuatua ua atu. Amene, e Amene.

SALAMO XC.

TE PURE A TE TANGATA O TE ATUA RA
A MOSE.

1 **E** TE Atu, ko koe to matou akapua-
2 anga i tera uki i tera uki. Kare ua te au maunga nei i anau, kare oki te enua e te ao katoa nei i angia e koe ra, ko koe rai koe, e te Atua, mei tupua roa mai e tuatua ua atu.
3 Te akaoki nei koe i te tangata ki te mate; te tuatua ra oki koe, E oki, e te tamariki a te tangata na. Ia koe ra oki, okotai tausani ua atu i te mataiti, e tau ia ki te rā okotai i topa ra; e mei te araanga i te po ra. Te riro nei ratou ia koe mei te riro vai puke ra; mei te varea moe ra ratou: i te popongi ra, 6 mei te ngangaere e tupu ra ratou; Ko tei kao, e tei tupu i te popongi ra; i te aiā ra, kua tipuia, e kua mae atura.
7 Koia teia kua pou matou i toou riri, e kua ngarangara matou i toou maki-
8 takita. Kua tuku koe i ta matou ara ki mua ia koe; ta matou apa ngaro i 9 roto i te marama o to mata ra. Kua topa akenei to matou au rā katoa i toou ra riri: Kua pou to matou au mataiti
10 mei te manako ra: Te au rā o to matou au mataiti, e itu ia ngauru i te mataiti; e kia tae ki te varu i te ngauru i te mataiti i te maroiroi, e riro ra taua maroiroi ra ei roiroi e ei taitaia anga; kare oki e mamia, motu ke atura, rere atura matou.
11 Koai ra tei kite i te vivikianga o toou ra riri, e toou ra makitakita, mei te 12 mataka e tau ia koe ra? E apii mai ia matou i te tatau i to matou puke rā,
2 O

kia riro to matou ngakau ki te pakari.

E ariu mai koe, e Iehova, aca ra 13
ia? e akaongi mai koe i to au tavini
nei. E akamataora vave mai koe ia 14
matou i toou ra aroa, kia marea matou,
e kia perepere kavana, i to matou katoa
nei au rā *toe*. E akarekareka mai ia 15
matou e kia aite ki te au rā i tumate-
tenga'i matou ra; te au mataiti i aka-
koromaki ei matou i te kino ra. E 16
akakite mai i tauu ra angaanga ki to au
tavini nei, e toou ra kakā ki ta ratou
ra tamariki. Kia vai mairai te aka- 17
perepere o to matou nei Atua, o Iehova,
ki runga ia matou nei, e te angaanga a
to matou nei rima, e akatinamou koe ki
runga ia matou; koia ia, te angaanga a
to matou rima, e akatinamou koe i te
reira.

SALAMO XCI.

KO tei noo i raro ake i te tapoki o 1
Tei Teitei ra, ka moc aia i raro
ake i te maru o tē Mana katoatoa ra.
Te tuatua nei au kia Iehova, *Ko koe* 2
toku akapuanga, e toku pinanga; taku
Atua, e taku i irinaki nei. Nana tika
rai koe e akaora i te maunu a te kimi
manu ra, i te maki-mate kino ra. Ka 3
tapoki aia ia koe i toa ra uruuru, e ka
ora koe i raro ake i ona puke peau: ko
tana ra tuatua-mou, ko *toou* ia paruru,
e te tapoki. Kare koe e matakū i tei 4
matakūia i te po ra; te kakao e rere i
te ao ra; Te maki-mate e aere ua i te
poiri ra; te pou e pou ei i te avatea
ra. E tausani te ka topa i to pae, e 5
ngauru atura ia te tausani i to rima
katan: kare ra e vaitata mai kia koe.
Ko to mata anake ra te ka akara, e ka 6
kite koe i te tutaki a te aronga kino.

No te mea kua akariro koe ia Ie- 7
hova ei akapuanga, Tei Teitei ra ei
noanga ora ra; Kare rava koe e rokoa 8
e te kino, kare oki te maki-mate ra e
akavaitata ōfai ki toou ra puakapa. Ka
ikuiku oki aia i tana ua angela ia koe,
ei tiaki ia koe i toou au aerenga katoa 9
ra. Ka mou oki ratou ia koe i *to ratou* 12
ra rima, ko te tukia ua atu aca koe i
to vaevae ki te toka. Ka takai ua atu 13
koe ki runga i te liona taac, e te aspi;
i te liona ou, e te tanina, tauu ka taka-
takai.

No te mea te inangaro maira aia 14
iakū, ka akaora au iaia: ka akateitei
au iaia ki runga, no te mea te kite ra
aia i toku ra ingoa. E kapiki mai aia 15
iakū ra, e naku e karanga atu kiaia; ei
vaitatao au iaia kia rokoa e te tuma-

tetenga; e akaora atu au iaia, e aka-
16 ngateitei atu au iaia. Ka akamataora
atu au iaia i te a'o roa, e akakite au
kiaia i te ora naku.

SALAMO XCH.

E SALAMO, E IMENE, NO TE RĀ SABATI.

E MEA meitaki te akameitaki ia
Iehova, e te imene akameitaki i
2 to ingoa, e Tei Teitei e: I te akakite i
to takinga-meitaki i te popongi, e te
tuatua-mou naau i te au aia *katoa* ra;
3 Ki runga i te mea ao okotai ngauru ra,
e te nahala, ki runga i te kinura tangi
meitaki ra.
4 Te akarekareka maira oki koe iaku,
e Iehova, i tauu i rave ra: ka umere
parua au i te angaanga a to rima.
5 Kare rai te maata o tauu ra angaanga,
e Iehova! te oonu maata o toou ra ma-
6 nako! Kare ra te tangata manako
kore i kite, e te neneva ra, kare aia
i akono i teia.
7 Me tupu te aronga kino mei te nga-
ngaere, e me ruperupe katoa te aronga
i rave i te kino ra; i *ruperupe* ia, kia
8 tipu akaruke takiri roaia ra. E ko
koe, e Iehova, e tika koe i te teitei
9 anga e tuatau ua atu. I na oki, to au
enemi, e Iehova, i na to au enemi, ka
pou ia; te aronga katoa i rave i te kino
ra, ka akapueurikiriki keia ra.
10 Ko toku nei ra tara, ka akateiteia
ia e koe mei to te reena ra: kua
11 akatainuia au i te manongi ou. Ka
kite toku mata i toku au enemi i *te*
ingu anga; ka akarongo toku taringa i
te pou o te aronga kino, i tu mai e
māro mai iaku ra.
12 Ka ruperupe te tangata tuatua-tika
mei te tamara ra; ka tupu ia mei te
13 arezi i Lebanona ra. Ko tei tanumia
i roto i te are o Iehova ra, ka ruperupe
14 ia i te au paepae o to tatou Atua: Ka
ua rai ia e tae ua atu ki te ruaine
anga ra; ka ki i te tapou, e e vai ota
15 ua ra: E akakite anga atu e, e tira-
tiratu ta toku mato, ia Iehova, e kare
rava e tuatua-tika kore o roto iaia.

SALAMO XCHH.

KO Iehova te ariki, kua akakakauia
ki te mana: kua akakakauia Ie-
hova ki te ririnui; kua tatua aia iaia
uaorai: kua mou oki te ao nei, kare rava
2 e ngaueue. Kua akamouia ana toou
terono mei tupua roa mai: mei taito
mairai koe.
3 Te teitei nei te au ngaru, e Iehova,
te teitei nei te reo o te au ngaru ra; e

taua au ngaru ra, te teitei nei te ati-
anga. Ko Iehova, i te ngai teitei ra, e
ririnui tona i to te aruru o te tai ra, te
au ngaru maata o te moana ra. Ko
taau tuatua-akakite ra, e tuatua-mou
tikai ia; ko te tapu tei tau ki toou ra
are, e Iehova, e ope roa ake te au rā
katoa ra.

SALAMO XCIV.

E TE Atua ra, e Iehova, ko tei aka-
oko ra, e te Atua, ko tei akaoko
ra, e akakakā mai. E aere koe ki ru-
nga, e te akava o te enua nei: e tuku
mai i te tutaki ki tei nengonengo ra.
E Iehova, mei te aa te roa o to te ta-
ngata kikino, mei te aa te roa o to te
tangata kikino akateitei?

E tuatua ua ainei ratou, e akakite
ua ainei, i te tuatua ketaketa? ka ope
ainei te aronga tuatua kikino ra i te
akatietie ua aua? Ko toou uorai au
tangata, e Iehova, ta ratou e tinai-
mate nei; e te takinga-kino nei i taau
ra tuanga. Te ta rava nei ratou i te
vaine takaua e te tangata ke, e te ta-
mate tukiri nei ratou i te aronga mati-
roeroe, E te tuatua nei ratou, Kare a
Iehova e akara mai; kare te Atua o
Iakoba e akono mai.

Kia kite mai kotou, e tei maata i te
kite kore i te tangata nei; ko kotou
oki, e te au neneva na, aea kotou e kite
ei? Kare ainei tei anga i te taringa
nei e akarongo? kare ainei tei anga
i te mata nei e akara? Ko tei pāpā i te
au etene ra, kare ainei e ako mai? ko
tei akakite i te tangata nei i te karape,
kare ainei e kite? Te kite nei a Ie-
hova i te au manako o te tangata nei e,
e mea puapinga kore anake ia.

E ao to te tangata, taau i ako, e Ie-
hova, taau i apii i roto i taau ra ture;
Kia rauka iua te akaangaroiaanga i te
rū tumatetenga, kia oti te vaarua i te
koa no te tangata kino ra; Kare oki a
Iehova e akaruke i tona au tangata,
kare e kopae i tana ra tuanga. E ariu
i te utunga ki te tuatua-tika: e te aronga
ravarai e tiratiratu te ngakau ra, te ka
aru i te reira.

Koai te akatika iaku i te aronga e
rave i te kino ra? koai te tu ki runga e
akatika iaku i te aronga takinga-kino
ra? Aurakā Iehova i tauturu mai
iaku, kua noo takere toku vaerua ki te
ngai muteki ua. Iaku i karanga ra,
Te paeke nei toku vaeae, kua turu
mai to takinga-meitaki iaku, e Iehova.
I rotopu i toku nei manako mirimiri-
ngata i roto iaku nei, na to akapu-

maana e akarekareka mai i toku vae-
rua.
20 Ka tauoaoa ainei koe ma te terono
tuatua kino, ko tei akatika i te takinga-
21 kino na runga i te ture ra? Te kapiti
maira ratou e rave i te tangata tuatua-
tika kia mate, e te akaapa nei i te toto
22 o te ara kore ra. Ko Iehova ra toku
tauturu; e ko toku Atua te mato
23 o toku nei punanga. Nana e apai
mai i to ratou kino ki runga ia ratou
uorai, e ka tipu ke atu aia ia ratou
ma ta ratou ara katoa; na to ma-
tou Atua, na Iehova, ratou e tipu ke
atu.

SALAMO XCV.

TATOU, e imene ia Iehova: e
imene nui i te mato e ora i tatou
2 nei. E aere tatou ki mua i tona aroaro
ma te akameitaki, ma te salamo e
imene nui atu ei iaia.
3 E Atua maata oki a Iehova, e Ariki
maata i runga i te au atua katoa ra.
4 Tei tona rima te ngai oonu o te enua
nei: e te teiteianga o te au maunga
5 ra, nona ia. Nana te tai, nana oki i
anga: e na tona rima i anga te one
marō.
6 E aere mai tatou, e akamori ma te
tupou ki raro; e tuturi tatou ki mua i
te aroaro o tei anga ia tatou nei ia Ie-
7 hova: Koia oki to tatou Atua, ko ta-
tou oki te au tangata o tana ra koro, te
au mamoe o tona rima.

Kia tika ia kotou i teianei rā i te
8 akarongo i tona reo, Auraka e aka-
mārokiakia i to kotou ngakau, mei
tei te akakoko anga ra; mei tei te ti-
9 mata anga, i te medebara ra; I ta to
kotou ai metua timata anga mai iaku
ra, kua akakoko mai iaku, kite ua i
10 ratou i taku ra au angaanga. Ka a
akera ngauru anga oku mataiti i te
ongoongo anga i taua uki ra, e kua
tuatua akera au, E aronga ngakau apa
ratou, e kare ratou i kite i toku ra au
11 aerenga; Ko tei taputouia e au i toku
riri anga ra e, auraka roa ratou kia o i
toku ra akaangaroiaanga.

SALAMO XCVI.

E IMENE ia Iehova i te imene ou:
e imene ia Iehova, e te pa enua
2 katoa nei. E imene ia Iehova, e aka-
meitaki i tona ingoa; e akakite i te ora
3 nana i tera rā i tera rā. E akakite
i tona kakā i rotopu i te au etene; tana
ra au angaanga taka ke i roto i te au
tangata katoa ra.

E maata oki a Iehova, e kia maata tona akapaapaa angaia: Kia matakuaia oki aia, auraka te au atua katoa. Te au atua ravarai o te au etene ra, e idolo ia: ko Iehova ra tei anga i te au rangi ra. Te kakā e te akangateitei tei mua i tona mata; te ririnui, e te manea, tei tona ia ngai-tapu.

O atu kia Iehova, e te uanga o te au tangata c, o atu kia Iehova te kakā e tau ki tona ra ingoa: ei taoonga-rima te apai mai me tomo ki tona ra au pae-pae. E akamori ia Iehova ma te akangateitei tapu ra; kia rutetete kotou ki mua iaia, e te pa enua ravarai ra: Ka tuatua i rotou i te pa enua e, ko Iehova te ariki: e akamou katonāia teianci ao, kare ia e ngaueue. Te akava aia i te au tangata ma te tuatua-tika.

Kia mareka te au rangi ra, e kia re-kareka te enua, kia aruru te tai e tona ki katoa ra. Kia pereperekavana te au kainga e to roto katoa ra; ei reira e pingapingareka i te au rakau katoa o te vaorakau ra, Ki mua i te aroaro o Iehova; te aere maira oki aia, te aere maira oki aia, e akava i te enua nei: e akava aia i to te ao nei ma te tuatua-tika, e te au tangata ra ma te tuatua-mou nana ra.

SALAMO XCVII.

KO Iehova te ariki; kia rekareka te enua; e te au enua rikiriki e mangauui ra, kia mareka ia. Te takakoi ra aia e te au tumurangi e te poi: ko te tuatua-tika ra, e te tuatua-tau, ko te tumu ia o tona terono. Te aere ra te ai na mua iaia, e te ka ra tona au enemi e pini ua ake. Kua mārama te enua i tona ra uira: kite akera te enua, rutetete iora. Kua tararavi te au maunga mei te tapou i te aroaro o Iehova, i te aroaro o te Atu o te enua katoa ra. Te akakite maira te au rangi i te tuatua-tika nana, e te kite ra te tangata ravarai i tona kakā.

Kia akama te aronga ravarai i akamori i te au atua akatikitikiia ra; ko tei nengonengo i to ratou uorai au idolo: e akamori iaia, e te au atua katoa ra! Kua rongu Ziona, e kua rekareka; e te pingapingareka nei te au tamaine o Iuda, i te tuatua-tau naau, e Iehova. E teitei maata toou, e Iehova, i te pa enua katoa nei: tei runga rava koe i te au atua katoa ra.

Ko kotou, tei inangaro ia Iehova, kia 10

rikarika i te kino ra; te tiaki ra aia i te vaerua o tona aronga tapu ra; te akaora ra aia ia ratou i te rima o te aro-
11 nga kino ra. Kua ruruia te mārama na te aronga tuatua-tika ra, e te rekareka na te aronga e tiratiratu te ngakau
12 ra. E rekareka kotou, e te aronga tuatua-tika, ia Iehova; e akapaapaa i tona tapu ei manakoanga.

SALAMO XCVIII.

E SALAMO.

E IMENE ia Iehova i te imene ou; e au mea taka ke oki tei raveia e ia: no tona uorai rima katau, e tona
2 rima tapu, i riro mai ei te re iaia. Kua akakite maira Iehova i te ora nana; ki mua i te mata o te au etene ra, te akakite angaia te tuatua-tika nana ra.
3 Tona aroa, e tana tuatua-mou, kua manakoia e ia i te ngutuaere o Iseraela: kua kite te au openga katoa o te enua i te ora a to tatou Atua.
4 Kia aruru te enua katoa i te akameitaki ia Iehova; kia puroro te reo rekareka, e maeva, ma te akameitaki i
5 te imene. E imene ia Iehova ma te kinura; ma te kinura e te reo imene.
6 Ma te au pu e te tangi o te supheri, te kokina anga i te akameitaki i te Ariki ra, ia Iehova.
7 Kia aruru te tai e tona ki katoa, te
8 ao, e tei noo ki rungao. Kia pokarakara te au vai i to ratou rima: kia
9 maeva katoatoa te au maunga, Ki mua i te aroaro o Iehova; te aere maira oki aia e akava i te enua: ka akava aia i to te ao, ma te tuatua-tika, e te au tangata, ma te tiratiratu.

SALAMO XCIX.

KO Iehova te ariki; kia rutetete te au tangata! te noo ra aia ki runga i nga kerubi: kia keukeu te
2 enua. Te maata nei a Iehova i Ziona; e teitei roa tona i to te tangata
3 katoa ra. Kia akameitaki ratou i to ingoa maata e te matakū; e tapu oki
4 te reira, e te mana. Te inangaro ra te ariki i te tuatua-tau; te akatinamou ra koe i te tiratiratu; te tuatua-tau e te tuatua-tika tau i rave i o Iakoba ra.
5 E akateitei ana i to tatou Atua ra, ia Iehova, ei tona ra takainga-vaevae akamori ei, te tapu ra oki aia.
6 Ko Mose rau ko Aarona, i roto i te kau taunga nana, e ko Samuela, i roto i te aronga i kapiki i tona ra ingoa; ia ratou i kapiki ia Iehova ra, kua tuatua
7 maira aia kia ratou. I roto i te pou

tumurangi ra tana tuatua anga mai kia ratou; kua akono ratou i tana au tuatua-akakite, e te akonoanga, tana i tuku mai kia ratou. Naau, e to matou 3
Atua, e Iehova, i tuatua mai kia ratou; e Atua akakore ara koe ia ratou, tutaki ua'i koe ia ratou i ta ratou ra ravenga kino. E akateitei 9
ana i to tatou Atua ia Iehova, e ci tona ra maunga tapu akamori ei: te tapu ra oki to tatou Atua ko Iehova.

SALAMO C.

E SALAMO AKAMEITAKI.

KIA aruru te enua katoa i te akameitaki ia Iehova. E akamori 1
ia Iehova ma te rekareka; e acre mai ki mua i tona aroaro ma te imene. Kia 2
kite kotou ko Iehova anake ra te Atua: nana tatou i anga, e nona oki 3
tatou: e aronga tangata nona, e te mamoe no tana ra koro.

E tomo ki tona au ngutupa ma te 4
akameitaki; tona ra au paepae ma te imene akameitaki: e akapaapaa kotou iaia, e akameitaki i tona ingoa. E 5
meitaki oki to Iehova; e tona aroa, ka tu ia e rimua: e tana ra tuatua-mou, ki tera uki ki tera uki.

SALAMO CI.

E SALAMO NA DAVIDA.

KA imene au i te aroa e te tuatua- 1
tau: ka imene au ia koe, e Iehova.

Ka akono au i te arataa apa kore; 2
aca ra koe ka acre mai ei kiaku nei? ka aacre ua au ma te ngakau apa kore i 3
roto i toku uarai nei ngutuare. Kare au e tuku i tetai mea kino ki mua i toku mata; e riri ia au i te ravenga a 4
tei tatipake ra; kare oki te reira e piri mai kiaku nei. Te tangata ngakau 5
māro ra, ka akataka keia ia i oku nei; kare au e kite atu i te tangata kino. Ka tipu keia e au tei urutoe poiuri ua i 6
tona ra tangata tupu; ko te mata akateitei e te ngakau parau, kare rava au e akakoromaki iaia. Ei runga toku 7
mata i te aronga pikikaa kore i te enua nei, kia noo ratou i oku nei: ko te tangata aerenga apa kore ra, ko 8
toku ia tavini. Ko tei rave i te pikikaa ra, kare ia e noo i toku nei are: ko tei tuatua i te tuatua tapikipiki, kare ia e mou ki mua i toku mata. Ka pou tetai pae o te aronga kino nei i te tipu keia e au i te au popongi katoa nei, e ope rava akera i te oire

o Iehova nei te aronga i rave i te mea kino ra.

SALAMO CII.

E PURE NA TE TANGATA E AUE RA, KIA 1
ROKOA E TE TUMATETENG RA, E TE RIRINGI RA I TANA TUATUA TAITAJA KI MUA I TE AROARO O IEHOVA.

E IEHOVA e, e akarongo mai i 1
taku pure, kia tae atu oki toku 2
reo kia koe ra. Auraka koe e uuna i to mata iaku i te rā e tumatenga'i au ra; e ariu mai to taringa kiaku nei: i te rā e kapiki atu ei au ra, e akarongo vave mai koe iaku. 3
Kua ngaro oki oku nei puke rā mei te auai ra, e kua ka oku nei au ivi mei 4
te vaie marō ra. Kua taia toku ngakau, e kua mac mei te ngangere ra; kua ngaropoina oki iaku taku nei 5
kaingakai. Kua piri toku au ivi ki 6
toku nei kiri i toku aue ua anga. Mei te kate o te medabara ra au; mei te 7
kusa o te ngai motutaa ra. Te tapapa nei au, e mei te manu iti ra au, koia anake ra ki runga i te are. 8
Te akakino mai nei toku au enemi iaku e po ua atu te rā; no te maata o te riri iaku, kua taputou ratou iaku: 9
No te mea te kai nei au i te reu mei te kai ra, e kua irokia taku e inu nei ki te 10
roi-mata, No toou ra makitakita e toou ra riri: Kua apai oki koe iaku ki 11
runga, ei akaruke anga ki raro. Mei te maru-ata e peke ra toku nei au rā, e kua mac au mei te ngangere ra. 12
Kareka koe, e Iehova, ka tu koe e rimua, e te manako anga ia koe i tera 13
uki i tera uki. Ka riro koe i te tu mai ki runga e aroa ia Ziona: no te mea, ko te tuatua e kiteia mai ei aia ra, koia oki te tuatau i akonoia ra, kua tae. 14
Te pingapingareka nei oki to au tavini i te au toka nona nei, e te tangi nei i 15
to reira one ra. Ei reira te au etene e matakui ei i to ingoa, e Iehova, e te au ariki katoa o te ao nei i toou ra kakā; 16
Kia patu a Iehova ia Ziona, kia kitea 17
mai aia ma tona uarai kakā; E akonoia e ia te pure a tei putaua, e kare e 18
akavaavaa i ta ratou pure. Kia taitaia teia no tetui uki atu, kia akapaapaa te 19
aronga te ka angaia ra ia Iehova: No te mea kua akara mai aia ki raro i tona ngai-tapu teitei ra; i runga i te rangi to Iehova akara anga mai i te enua 20
nei; E akarongo i te ngunguru anga o tei tapekaia ra: kia tuku i te aronga i 21
akonoia no te mate: Kia akakiteia to Iehova ingoa i Ziona, e te akameitaki 22
iaia i Ierusalemia; Kia uipa katoatoa

mai te au tangata ra, e te au basileia, e akamori ia Iehova.

Kua akakore mai aia i toku maroiroi 23 i te arataa ra, kua akapoto aia i oku puke rā, Kua tuatua iora au, E taku 24 Atua, auraka au e apai keia i rotopu i toku nei au rā; e *vai rai oki* tou ra mataiti e ope roa ake te au uki katoa ra. Naau i akamou te enua, i taito 25 roa ra; te au rangi oki, na toou ia rima i anga. Ka riro ra te reira i te pou, e 26 toe ra koe; e ka piro ratou ravarai mei te kakau ra: ka kopaeia ratou e koe mei te kakau ra: kopae ua rai ratou, Ko 27 koe rai koe, e kare rava toou ra mataiti e ope. Ka akamouia te au tamari- 28 riki a to au tavini, e to ratou ra nanga ka akatinamouia ki mua ia koe ra.

SALAMO CIII.

E SALAMO NA DAVIDA.

E AKAMEITAKI ia Iehova, e taku 1 vaerua; e to roto katoa iaku nei, i tona ra ingoa tapu. E akameitaki ia 2 Iehova, e taku vaerua, e auraka tona katoa ra au takinga-meitaki e akangaro- poinaia: Koia tei akakore i taau katoa 3 ra au apa; ko tei akaora i toou katoa ra au maki; Ko tei akaora ia koe i te 4 mate; ko tei akakorona ia koe i te takinga-meitaki e te aroa; Ko tei akame- 5 rengo i toou ruaine anga ki te meitaki, kia akaouia rai koe mei te aeto ra.

Te rave rā Iehova i te tuatua-tika, 6 e te tuatua-tau, ki te aronga katoa i takinga-kinoia ra. Kua akakite aia i 7 tona au aerenga kia Mose; tana au angaanga ki te tamariki a Isernela. E aroa e te takinga-meitaki to Iehova; 8 kare e riri vave, te maata ra te aroa. Kare aia e tamou i te akamua mai: 9 kare oki e vaoo māro i *tona riri* e tua- tau ua atu.

Kare akenei aia i akaoko mai ia 10 tatou e kia aite ki ta tatou au ara; kare oki i tutaki mai ia tatou e kia aite ki to tatou au kino. Mei te teitei o te 11 au rangi i runga i te enua nei, mei te reira te maata o tona aroa i te aronga i matakua iaia ra. Mei te itinga o te 12 rā e taka ke i te opunga o te rā ra, ko tana ia akataka ke anga i ta tatou au ara ia tatou nei. Mei te aroa o te 13 metua ki *tana ra* au tamariki, ko to Iehova ia aroa ki te aronga i matakua iaia ra.

Kua kite oki aia i to tatou tu; te 14 manako ra aia e, e one tatou nei. I te 15 tangata nei, e tau tona au rū ki tengangere nei; mei te tiare i roto i te ngangere ra tona ruperupe anga. Kua 16 arara oki te matangi na rungao ra, kua

kore ia, e tona ngai i *tupu ei* ra, kare e kite akaou iaia.

17 Kareka te aroa o Iehova, mei tupua roa mai ia, e ka tu e rimua ki te aro- nga i matakua iaia ra, e tana ra tuatua- tika ki te tamariki a te au tamariki; 18 Ki te aronga i akono i tana ra korero- motu, e tei akamaara i tana ra au ikuikuanga e rave ra. Kua akamou a Iehova i tona ra terono ki runga i te au rangi; e kua kauraro te au mea katoa nei i tona ra basileia. 20 E akameitaki ia Iehova, e te au angela nana e, ko tei maata i te riri- nui, e kua akono i tana akaungia, i te akarongo anga i tona reo kia tuatua. 21 E akameitaki ia Iehova, e tona katoa ra au nuku; te au tavini nona ra, 22 ko tei rave i tana i inangaro ra. E akameitaki ia Iehova, e tana katoa ra au angaanga, i te au ngai katoa ra i tona ra au; e akameitaki ia Iehova, e taku vaerua.

SALAMO CIV.

E AKAMEITAKI ia Iehova, e taku vaerua. E taku Atua, e Ie- hova, ko koe tei maata roa; kua vaiia koe ki te kakā e te mana. 2 I te akakakau anga ia koe uaorai ki te mārama mei te kakau ra: i te oora anga i te au rangi ra mei te paruru. 3 I te rangorango anga i tona ra au pia ki te vai: i te rave anga i te au tumu- rangi ei kariota nona: i te aere anga na runga i te peau ra o te matangi: 4 I te akariro anga i te au angela nana ra mei te matangi, e te au tavini nona 5 mei te ai mura. Nana i akamou i te tumu o te enua, kia kore roa e ngaueue e tuatau ua atu. 6 Kua tapoki oki koe i te reira ki te moana mei te kakau ra: tu iora te au vai i runga atu i te au maunga. 7 Kia akamurua e koe ra, rere atura; i te kokina o to mangungu ra, kua 8 ngakoikoī atura i te aere. Kua kake ratou i te au maunga, kua eke ratou i te au o, ki te ngai i akonoia e koe no 9 ratou ra. E kotinga tei akonoia e koe, kare ia e topa ia ratou: kare e oki akaou mai e akaniia i te enua. 10 Kua tuku mai koe i te au vai pupui ei vai peka, ko tei ta'e aere na roto 11 i te va o te au maunga ra: I reira te au terio o te enua nei i te inu manga; te au asini momoavao i te akapangia 12 anga i to ratou kaki. I vaitatao te au manu o te reva i te noo anga, ko tei 13 tangi i roto i te au rara ra. Te aka- mauu nei koe i te au tuaivi no roto

i toou ra au pia; te ki nei te enua i taau i akaau mai.

Te akatupu nei koe i te ngangaere 14 na te au puaka, e te rakau rikiriki na te tangata: te rauka nei te kai no roto i te enua; E te wina, e rekareka'i 15 te ngakau o te tangata nei, te manongi, e inuini ei tona mata, e te areto, e maroiroi ei te ngakau tangata nei. Te au rakau o Iehova ra, kua pakari 16 ia; te au arezi i Lebanona ra, tana i tanu ra; Tei koangaia e te au manu 17 ra: te au berusi ra, to te kasida ra are; Te au maunga teitei ra, no te puakania momoavao ia; te au mato ra, e akapuanga ia no te saphana.

Kua anga aia i te marama no te tua- 19 tau i akonoia ra: kua kite oki te rā i tona topa anga. Naau i apai mai i 20 te pōiri, e kua pō iora; ei reira te au terio katon o te vaorikan ra e totoro mai ei: Te au liona ou i te ngunguru 21 aere anga i te kai, e te kimi anga i ta ratou kai i te Atua. Kua iti maira te 22 rā, kua oki ratou, e kua moe i roto i to ratou au vaerua: Kua aere iora te 23 tangata ki te angaanga nana, e tana e rave ra, e aiai atu.

Tumatatini taau ra angaanga, e Ie- 24 hova e! e au ravenga pakari anake rai taau: kua ki te enua nei i taau ra apinga. E tenana oki tai maata e te 25 pararauare, tei reira te au mea totoro aere ua ra, kare e ope kia tatau ra; te au mea rikiriki ra, e te mamaata katoa ra. Tei reira te au pai i te tere aere 26 anga: e taua Leviatana ra taau i anga i te tarekareka aere anga. Te tiaki 27 anake ra te reira ia koe ra, kia rauka ta ratou kai i te tuatua tikai ra. Ko 28 taau i oronga ra, ko ta ratou ia i rave: kua eeu koe i to rima ra, kua ki ia ratou i te meitaki: Kua puroku koe i 29 to mata ra, tumatetenga ia to ratou: kua rave mai koe i to ratou a'o, kua mate ratou, e kua oki akaau ki to ratou ra one. Kua tono maira koe i to Vae- 30 rua, kua angaia ratou: e kua rave akaau koe i te aro o te enua.

E vai rai te kakā o Iehova e 31 tuatau ua atu; te rekareka nei a Iehova i tana uarai ra angaanga. Kua 32 akara ua aia ki te enua, kua rutetete ia; kua akatukia ua aia i te au maunga ra, kua peke te auai ki runga. Te ora 33 nei au ra, ka imene rai au kia Iehova; te vai nei au ra, ka imene akameitaki au i taku Atua. Kia pereperekevana 34 aia i toku maaraara anga; ka rekareka oki au ia Iehova. Te aronga rave 35 ara ra, ka pou ia i te enua nei; e te aronga kikino ra, kare rava ia: e aka-

paapaa ia Iehova, e taku vaerua e. Alelu Ia.

SALAMO CV.

- 1 **E** AKAMEITAKI ia Iehova; e kapiki i tona ingoa; e akakite i tana i rave ki rotupu i te au tangata.
- 2 E imene iaia, e imene iaia i te salamo; e tuatua i te au angaanga taka ke
- 3 ravarai nana ra. E akapaapaa kotou i tona ra ingoa tapu: kia rekareka te ngakau o te aronga i kimi ia Iehova
- 4 ra. E kimi ia Iehova, e tona ra riri-
- 5 nui; e kimi tamou i tona mata. E akamaaraara i tana au angaanga taka ke tana i rave ra; tana ra au ravenga taka ke, e te au tuatua-tau a tona vaa;
- 6 E te uanga o tona tavini o Aberahama e, e te au tamariki a Iakoba i ikiia e ia e!
- 7 Koia to tatou Atua ko Iehova; tei te pa enua katoa ia tana ra au tuatua-tau.
- 8 E tamou aia i tona manako i tana ra kororomotu; te tuatua tana i akaue mai-
- 9 ra e tausani ua atu te uki; Te kororomotu tana i papau ia Aberahama, e
- 10 tana i taputon ia Isaaka; Tana i akatinamou ia Iakoba ei akonoanga; ia Ise-
- 11 rael, ei kororomotu mutu kore, Ka tuatua'i ra e, Ka oronga atu au i te enua
- 12 ra ko Kanaana noou, ei kelero tuanga na kotou; I to ratou iti anga ra, kare i
- 13 maata kia tatau ra, te varavara ra, e te tangata ke ke oki i reira. To ratou aere anga ra, mei tetai vaka tangata e tae ua atura ki tetai vaka tangata, mei tetai basileia e tae atura ki tetai
- 14 papaki tangata: Kare ratou i tukua e ia kia takinga-kinoia e te tangata ra; e ui ariki oki tei akioa e ia ia ratou,
- 15 *ka na ko ei ra e*, Auraka e akatukia ua mai i tei akatainuia e au, e taku ra au peroveta, auraka e takinga-kinoia.
- 16 Iaia i apai mai i te onge ki runga i te enua ra; kua akakore atura i te
- 17 au kai katoa ra: Kua tonokia ana tetai tangata i reira i mua ia ratou, ko
- 18 Iosepha, kua okioa ia ei tavini: I ma-mae tona vaevae i te tapeka, kua puta
- 19 oki aia i te auri; E tae akera ki te tuatau i tupu ei tana tuatua; kua ti-
- 20 mataia aia e te tuatua a Iehova. Kua tono akera te ariki i te karere e tatara iaia; te kavana o te au tangata ra,
- 21 tei tuku iaia: Kua akariro atura ia iaia ei rangatira i tona ra ngutuare, ei iaia anake ra te tuatua i tana katoa
- 22 ra au apinga; Kia tapeka aia i tona ra ui ariki kia anoano ra, e kia akakite ki tona aronga pakari i te tuatua ka-

rape. Riro atura oki a Iseraela ki 23
Aiphiti, e kua noo a Jakoba i te enua o
Hama ra. I reira aia i te akamaata roa 24
anga i tona tangata, e maroiroi atura
ratou i to ratou au enemi. Akaariu 25
aturaira to rotou ngakau kia makitakita
i tona ra au tangata, e kia pikikaa i tona
au tavini.

Kua tonu akera aia i tona tavini ia 26
Mose, e ia Aarona i ikiia e ia. Na 27
raua i akakite i tana au akairoi rotapu
ia ratou, e te au ravenga taka ke i te
enua o Hama ra. Kua tuku atura aia 28
i te poiri, e kua poiri ario, e kare ratou
i taitoitai mai i tana tuatua. Kua 29
akariro aia i ta ratou au vai ei toto;
pou iora to ratou au ika i te mate. Ki 30
rava akera to ratou enua i te rana; i
roto roa i te au pia o te ui ariki ki o
ratou ra. Kua akaue akera aia, e kua 31
aere maira te au rango; e te kutu e
pini akera to ratou enua. Kua akariro 32
akera aia i ta ratou ua ei barala, e te
kanapanapa anga uira i to ratou enua.
Kua ta atura aia i ta ratou au vine 33
e te au suke; e kua atiati akera i te
au rakau o to ratou ra enua. Kua 34
tuatua aia, e kua aere maira te ake-
ride; e te anue, kare e ope kia tataui,
Ko tei kai pou takiri i te au rakau 35
rikiriki o to ratou ra enua, e pou rava
akera te au ua *katoa* o to ratou au kai-
nga ra.

Kua ta oki aia i te au tama mua ra- 36
varai o to ratou ra enua; te mua tikai
o to ratou rinui. Kua arataki mai 37
aia ia ratou ma te ario, e te auro; e
kare rava tetai i apikepikē i to ratou
katon ra au kopu. Kua rekareka Ai- 38
phiti i to ratou riro anga; kua rokoia
oki ratou e te matakua ia ratou. Kua 39
oora aia i tetai tumurangi ei maru-
maru, e tetai ai ei mārama i te po.
Kua pati mai ratou, e kua apai mai 40
aia i te manu, e kua merengo ratou
iaia i te kai o te rangi. Kua va'i aia i 41
te mato, e kua maringi maira te vai;
kua ta'e a vai aere ua atura na te au
ngai marō ra! I manako ra oki aia i 42
tana tuatua tapu ki tona tavini kia
Aberahama: I arataki mai ei aia i 43
tona au tangata ma te rekareka; tei
ikiia e ia ma te imene ra. Kua oro- 44
nga maira aia i te pa enua o te au
etene kia ratou, e kua riro maira kia
ratou ta te au tangata ra angaanga: Kia 45
akono ratou i tana ra au akonoanga,
e kia akarongo i tana ra au ture. Ale-
lu Ia.

SALAMO CVI.

- 1 **A**LELU Ia. E akapaapaa ia Iehova;
e meitaki oki tona; e tu oki tona
2 aroa e rimua. E tika iaai kia akaiki
i te au ravenga mana a Iehova? e ope
3 iaai tona meitaki kia akakite? E ao
to te aronga i akono i te tuatua-tau;
i tei rave i te tuatua-tika kare e tuku-
4 moe. E akamaara mai koe iaku, e
Iehova, i te akaperepere *naau*, i toou
ra au tangata tikai: kite mai oki koe
5 iaku i te ora naau ra; Kia kite oki au
i te meitaki o te aronga i ikiia e koe
ra; kia rekareka oki au i te rekareka
a to iti-tangata ra, kia akapaapaa *katoa*
au ma taau ra tuanga.
- 6 Kua ara matou ma to matou ai me-
tua katoa ra; kua rave matou i te
kino, kua rave matou i te mea tika
7 kore. Kare to matou ai metua i ma-
nako i to au angaanga taka ke i Ai-
phiti; kare ratou i akamaara i temaata
anga o toou ra au aroa, kua akakoko
ra ratou *iaia* i taatai, i te tai mura-
8 mura ra. Kua akaora ra aia ia ratou i
tona ra ingoa, kia kitea oki tona mana
9 maata. Kua akamura aia i te tai mu-
ramura, e kua marō atura: e kua ara-
taki aia ia ratou na te moana ra, mei te
10 mea e kua na te medebara. Kua aka-
ora aia ia ratou i te rima o tei makita-
kita mai ia *ratou* ra, e kua ora iora ra-
11 tou iaia i te rima o te enemi ra. Nga-
romia iora to ratou au enemi i te tai;
12 kare takiri tetai o ratou i toe. Kua
akatika ratou i tana tuatua i reira, kua
imene akamecitaki ratou iaia.
- 13 Ngaropoina vave atura ia ratou tana
au angaanga; kare i tiaki i tana tua-
14 tua. Kua maata rava atura to ratou
kaki i te medebara, e kua timata
atu i te Atua i te ngai motutaa ra.
- 15 Kua akatika atura aia i ta ratou i pati
ra, kua tuku maira ra i te ikoke i to
16 ratou vaeua. Kua vareae oki ratou ia
Mose i roto i te pūkapa ra, e ia Aa-
17 rona i akatapuia e Iehova ra. Kua
amama te enua e kua apuku ia Data-
na, e tangaro iora te pouou o Abirama.
- 18 Kua ka iora te ai i rotapu i to ratou
pououanga, kua ka akera te aronga ki-
kino i te ai.
- 19 I Horeba ta ratou anga anga i te
kafa, e kua akamori atura i te tu i aka-
20 toia ra. Kua akariro oki ratou i to
ratou kakā ei tu no te bovi e kai i te
21 ngangaere ra. Kua ngaropoina ia ra-
to te Atua i akaora ia ratou ra; ko
tei rave i te au mea nunui i Aiphiti;
22 Te au angaanga taka ke i te enua o

Hama ra; te au mea matakutaku i te tai muramura ra. I tuatua mai ei aia 23 e, e tamate rava aia ia ratou, aua tana i iki ra ko Mose, i tu mai i te va ki mua iaia, ei akatioi ke i taua riri akapou nona ra.

Kua akavaavaa atura ratou i te enua 24 meitaki ra, kare akera i akarongo i tana tuatua: Kua urutoe ra ratou i 25 to ratou au puakapa, kare akera i akarongo i te reo o Iehova. I akatika 26 atu ei oki aia i tona rima ia ratou, kia inga ratou i te medebara; E kia inga 27 to ratou uanga i roto i te au etene ra, e kia pueurikiriki ke ratou iaia i te pa enua ra.

Kua kapiti oki ratou kia Baala-pe- 28 ora, e kua kai oki i te tusia a tei mate ra. Ko ta ratou ia akakoko anga atu 29 iaia kia riri, i ta ratou ra ravenga; rokoia iora ratou e te maki-mate. Kua 30 tu mairā Phinehasa, kua akaoko i taua apa ra, kore akera taua maki-mate ra. Riro atura te reira ei tuatua-tika 31 nana, i tera uki i tera uki, e tuatau ua atu.

Kua akariri oki ratou iaia i te vai o 32 Meriba, e rokoia iorā Mose e te kino ia ratou: Kua akaongoongo oki ratou 33 i tona ngakau, i kino ei te tuatua a tona vaa.

Kare oki i pou ia ratou to te pa 34 enua, ta Iehova i tuatua mai kia ratou ra: Kua iropu ua ra ratou i roto i te 35 au etene ra, e kua api i ta ratou au ravenga ra. Kua akamori oki ratou i 36 to ratou au idolo; e riro atura ei mauu no ratou. Kua akatusia ratou 37 i ta ratou au tamariki tamaroa e ta ratou au tamaine na te au demoni: Maringi ua atura te toto ara kua 38 ratou; te toto o ta ratou au tamariki tamaroa e ta ratou au tamaine, ta ratou i akatusia na te au idolo i Kanaana: viivii akera taua enua ra i te toto: E 39 kua viivii ratou i ta ratou orai au angaanga, e kua akaturi aere i ta ratou uarai ra au peu.

I tupu ei oki te riri o Iehova i tona 40 uarai au tangata, e kua akaviivii atura i tana uarai tuanga. E kua oronga 41 atura aia ia ratou i te rima o te au etene; e te aronga i makitakita mai ia ratou ra tei tutara ki runga ia ratou. Kua akaaoia ratou e to ratou au enemi, 42 e kua akakauraoia ratou i to ratou rima. Tuatini akera tana akaora anga 43 ia ratou; e kua akariri ua mairai ratou iaia i ta ratou tuatua, e kuauku aka- 44 akaia ratou i to ratou kino. Kua ako- 44 no mairai aia i to ratou tumatetenga, kia kite aia i to ratou kapiki: Kua 45

akamaara rai aia i tana kororomotu ia ratou, e kua tatarara aia no tona ra 46 aroa maata. Kua akatupu aia i te aroa ia ratou, i te aronga katoa i apai ia ratou ei tuikaa.

47 E akaora ia matou, e to matou Atua, e Iehova e, e akaputuputu ia matou mei roto atu i te au etene ra, kia akameitaki matou i to ingoa tapu ra, kia rekareka matou i te akapaapaa anga ia koe ra.

48 Kia akameitakiia te Atua o Iseraela ia Iehova, mei tupua mairai e tuatau ua atu; e tuatua mai oki te tangata katoatoa ra, Amene. Alelu Ia.

SALAMO CVII.

1 **E** AKAMEITAKI ia Iehova: e meitaki oki tona, ka tu oki tona 2 aroa e rimua. Kia pera tei akaoraia e Iehova, i tei akaoraia e ia i te rima o 3 te enemi ra; E kua akaputuputu mai ia ratou mei te au enua mai; mei te 4 itinga o te rā e mei te opunga o te rā, mei apatokerau mai e mei apatonga.

4 I uoa ua ana ratou na te medebara, na te arataa vaiavare ua: kare i kitea 5 e ratou tetai oire ei nooanga. Ma te pongi e te kaki vai, kua ngaeva ua to 6 ratou vaerua i roto ia ratou. Kua kapiki ra ratou ia Iehova i to ratou tumatetenga ra, e kua akaora iora aia ia 7 ratou i to ratou au mate ra. Kua arataki oki aia ia ratou i te arataa tikai ra, e tae atura ratou ki te oire nooanga 8 ra. Kia akameitaki oki ratou ia Iehova i tona ra aroa, e te au angaanga taka ke nana i te tamariki a te tangata nei. 9 Ko te mate oki i te kaki vai, kua akamerengoa ia e ia, e tei aati i te pongi ra, kua akakiia ia e ia ki te meitaki.

10 Ko tei noo i roto i te poiri e te marumate, i tapekaia ki te auri, e te tumata- 11 tetenga; No te mea kua taitoitō ratou i te tuatua a te Atua, e kua akatokā i 12 te ako a Tei Teitei. I tuku akaaka'i oki aia i to ratou ngakau i te roiroi; inga iora ratou ki raro e kare rava e 13 tauturu. I to ratou tumatetenga ra kua kapiki ratou ia Iehova, e kua akaora aia ia ratou i to ratou au mate ra. 14 Kua arataki maira aia ia ratou mei roto i te poiri e te marumate, e kua atiati taka ke atura i to ratou au tapeka. Kia akameitaki oki ratou ia Iehova i tona ra aroa, e te au angaanga taka ke nana i te tamariki a te 15 tangata nei. Kua ngaanga oki iaia te au pa veo; e kua tipu keia e ia te au tea auri.

17 Te aronga neneva ra no ta ratou ara

i rave ra, e ta ratou ra tuatua kino, i
makiiā'i: Te rikarika ra ratou i te au 18
kai katoa ra, e te vaiata maira te ngu-
tupa o te mate ia ratou. I to ratou 19
tumatetenga ra kua kapiki ratou ia
Iehova, e kua akaora aia ia ratou i to
ratou ra au mate. Kua tuku maira 20
aia i tana tuatua e kua ora iora ratou,
e kua ora akera ratou iaia i to ratou ra
au mate. Kia akameitaki *oki* ratou ia 21
Iehova i tona ra aroa, e te au anga-
anga taka ke nana i te tamariki a te
tangata nei. E akatusia ratou i te 22
tusia akameitaki, e e akakite ratou i
tana au angaanga ma te imene.

Te aronga i na tai te aere i na runga 23
i te au pai ra, tei te moana maata ra ta
ratou ra taoonga, Ko ratou tei kite i te 24
angaanga a Iehova, e tana ia ravenga
taka ke i te moana ra. Kua akae *oki* 25
aia, e kua tupu maira te uria, e teitei
roa maira te kare. E kake atura ratou 26
ki runga i te rangi, kua eke ki raro i
te oonu; taravai rava akera to ratou
ngakau i te tumatetenga. Kua anini e 27
kua turorirori ratou mei te tangata
konā kava ra, e ope rava akera ta ra-
tou ravenga. I to ratou tumatetenga 28
ra, kua kapiki ratou ia Iehova, e kua
akaora aia ia ratou i to ratou ra au
mate. Kua akariro aia i taua uria 29
ra ei marino; e tona au kare ra, kua
akamutekiiā ia. Kua mareka ratou no 30
te mea kua marino te *tai*; e kua apai
aia ia ratou ki to ratou tapaeanga i
anoano ra. Kia akameitaki *oki* ratou 31
ia Iehova i tona ra aroa, e te au anga-
anga taka ke nana i te tamariki a te
tangata nei. E akateitei ratou iaia i 32
roto i te uipunga o te tangata ra, e
akapaapaa iaia i roto i te uipunga o te
aronga pakari ra.

Te akariro nei aia i te vai puke ei 33
medebara, e te vai mapia ra ei ngai
papa-marō; Te kainga uua ra ei one 34
pariri, no te ara a te aronga i noo i
reira. Te akariro nei aia i te mede- 35
bara ei vai puna; e te ngai one marō
ra ei vai mapia. E kua akanoo aia i 36
tei mate i te pongi ra i reira, kia ako-
nokono ratou i tetai oire nooanga; E 37
kia ruru i te ua i te kainga, e kia tanu
i te kainga vine, kia ua mai te kai e
kia maata. Kua akameitaki *oki* aia ia 38
ratou ra, kua maata roa ratou i reira, e
kare ua ta ratou au puaka e tukua
uaia kia iti. Te *oki* akaou ra ratou 39
ki te iti anga, e kua taakaakaa, i te
takinga-kino, te tumatetenga, e te aue.
Kua akavavava aia i te ui ariki, e kia 40
uon aere ua ana ratou na te medebara
arataa kore ra. Te akateitei nei ra aia 41

i te putaua mei roto mai i te maki ra, e
te akariro nei i *tona* kopu-tangata mei
42 te anana ra. Ka kite mai te aro-
nga tiratiratu i *teia* ma te rekareka,
e momani anake ia *oki* te kino i tona
43 vaa. Ko tei pakari ra, e ko tei akono i
teianei au mea, ka kite ratou i te aroa
takinga-meitaki o Iehova ra.

SALAMO CVIII.

E IMENE, E SALAMO NA DAVIDA.

- 1 **K**UA mou toku ngakau, e te Atua;
ka imene au, e e akameitaki rai
- 2 au ma toku kakā katoa ra. E ara, e te
nabala, e te kiura! i te popongi aki-
- 3 rata e ara rai au. Ka akameitaki au
ia koe, e Iehova, i rotopu i te au ta-
- 4 ngata; ka imene au ia koe i rotopu i te
pa enua. Kua maata *oki* to aroa e tae
ua atu ki te au rangi ra: e taua tuatua-
- 5 mou ra e tae ua atu ki te au tumu-
rangi ra. Kia akateiteia koe, e te
Atua, ki rungao i te au rangi; e toou
kakā ki rungao i te enua katoa nei.
- 6 Kia ora tei akaperepereia e koe ra;
kia ora *oki* i to rima katau ra, e aka-
- 7 rongo mai *oki* koe iaku nei.
- 7 Te tuatua ra te Atua i roto i te ngai-
tapu nona ra e! Ka rekareka'i au, ka
tua au ia Sikema, ka kotikoti *oki* au i
- 8 te o ra i Sukota: Noku Gileada, noku
katoa Manase; e ko Epheraima, e ma-
- 9 roiroi ia no toku upoko; ko Iuda ra,
ko iaku ia tuku ture; Ko Moabi ra,
- 10 ko taku ia orooringa; ka titiri au i
toku tamaka ki runga ia Edoma; ka
maeva ia au ki runga ia Philisetia.
- 11 Naai au e arataki ki taua oire keta-
keta ra? naai au e arataki ki Edoma?
- 11 Kare ainei *koe*, e te Atua, ko tei aka-
ruke ia matou nei, e kare koe i aere
katoa, e te Atua, i to matou ra au nuku?
- 12 O mai ana te tauturu kia matou i te
tumatetenga nei; e mea puapinga kore
- 13 *oki* te tauturu tangata nei. E maroiroi
matou i te Atua kia rave ra; e nana e
takatakai i to matou au enemi ki raro.

SALAMO CIX.

NA TE TUMU IMENE. E SALAMO NA
DAVIDA.

- 1 **E** TE Atua, e tei akameitakia e au
nei, auraka koe e muteki ua mai;
- 2 No te mea, te amama ua maira te vaa
o te tangata kino, e te vaa o te pikikaa,
iaku; kua tuatua kino mai iaku nei
- 3 ma te arero pikikaa. Kua takako mai
ratou iaku i te tuatua makitakita, e
kua tamaki ara kore ua mai iaku nei.
- 4 No toku nei aroa i enemi mai ei ratou

iaku; kareka au nei, ei te pure au. Kua pera ratou i te tutaki mai i te kino iaku no *toku nei* takinga-meitaki, e te makitakita no toku nei aroa.

E akanoo koe i tetai tangata kino ki runga iaia, e kia tu mai a Satani i tona rima katau. Me akavaia aia, kia akaapaia aia, e kia riro tana pure ei ara. Kia akaitiia tona au rā, e tana taonga, kia riro ia ki tetai ke. Kia riro tana au tamariki ei matiroeroe, e tana vaine ei takaua. Kia riro tana au tamariki i te uoa aere ua e te oriori *kai*, kia ngaki onge ratou i to ratou au ngai tanea ra. Kia ope roa tana apinga i te aōia e te tangata ou, e kia pou oki tana angaanga i te noniia e te tangata ke. Auraka roa tetai kia takinga-meitaki mai iaia, e tana katoa ra au matiroeroe, auraka rava kia aroaia mai. Kia tipu keia atu tona katoa ra au uanga; kia taparaparaia to ratou ingoa i te uki a muri nei. Te au ara a tona ra ai metua kia manakoia e Iehova, e auraka te ara a tona metua vaine kia taparaparaia. Kia vai marie rai ki mua i te aroaro o Iehova, kia tangaro takiriia te manako iaia i te enua nei; No te mea kare aia i manako e takinga-meitaki, kua takinga-kino ra aia i te tangata ao e te putaua, e kia mate roa iaia tei paruparu te ngakau. Koia ra i inangaro i te kaitara, kia iri mairai te reira ki runga iaia: koia oki kare i inangaro i te meitaki ra, kia taka ke atu ia iaia. E mei iaia i vai iaia uorai ki te katara mei te kakau ra, kia o tikai ia te reira mei te vai ki roto i tona ngakau, e mei te inn ki roto i tona au ivi. Kia vai tikai ia ki runga iaia mei te kakau i vaiia iaia ra, e mei te tatua i tatuaia iaia kare i tivata ra. Ei tutaki teia na Iehova i toku ra au enemi; na te aronga i tuatua kino mai i toku nei vaerua.

Ko koe ra, e taku Atu, e Iehova, e akatika mai koe iaku i toou ra ingoa: e akaora koe iaku i te takinga-meitaki maata noou ra. E akaaka oki toku e te putaua, e kua paruparu toku ngakau i roto iaku nei. Kua riro au mei te ata e peke ra: te taa aere ua nei au mei te akeride nei. Kua paruparu oku nei puke turi i te neseteia, e kua kore te matu o toku kopapa. Kua riro au ei akakinoanga na ratou; te tiroi matariki maira ratou iaku; te takirikiri ra te mimiti!

E tauturu mai koe iaku, e taku Atu, e Iehova: e akaora koe iaku i toou ra aroa: Kia kite oki ratou e, ko to rima teia, e naau, e Iehova, i rave i

28 teia. Kia katara mai ratou, ei akaora taau; kia tu mai ratou ki runga, kia akaakamaia atu raiau; ko to tavini nei ra, kia akarekarekaia mai ia. Kia valia toku ra au enemi ki te akama, e kia tapokiia ratou i te aringaranga mei te kakau ra. E akameitaki maata roa au ia Iehova i toku nei vaa; e akaapaapa au iaia i rotou i te tangata 31 tini ra: No te mea e tu aia i te rima katau o tei akaaka ra, e akaora iaia i te aronga e akaapa mai i tona vaerua.

SALAMO CX.

E SALAMO NA DAVIDA.

1 **K**UA karanga aturā Iehova ki toku Atu, Ka noo koe ki toku rima katau nei, e kia akarioia e au to au enemi ei pange vaevae noou. E akatae atu a Iehova i te sepeta o toou ririui mei Ziona atu nei, e ariki oki koe i rotou i to au enemi ra. E puareinga roa to toou ra au tangata, i te rā o toou ra mana, ma te akangateitei tapu ra; toou ra uanga, mei te au ia o te kopu o te popongi.

4 Kua taputou a Iehova, kare e tata-raara, E taunga koe e tuatau ua atu, mei ia Melekizedeka te tu.

5 Na te Atu i to rima katau ra, e ta i te ui ariki, i te rā e riri ei aia ra; Ka akava aia i o te au etene ra, e kia ki ua atu te enua i te tangata mate; ka ta oki aia i tei maata no te pa enua e manga-nui. Ka inn oki aia i te kauvai na te pae arataa: no reira aia ka akateitei ei i te upoko ki runga.

SALAMO CXI.

1 **A**LELU Ia. Ka akameitaki au ia Iehova ma te ngakau katoa, i roto i te kapitanga o te aronga tiratiratu, e te nupanga ra.

2 E angaanga maata fa Iehova; e mea kimiia e te aronga e mataora i te reira

3 ra. E angaanga meitaki tana e te kakā, ka tu oki tana tuatua-tika e rimua.

4 Kua akariro oki aia i tana au angaanga taka ke ei manakoanga; e takingameitaki maata e te aroa to Iehova.

5 Kua oronga mai aia i te kai ki te aronga i matakau iaia ra; ka manako tana mou rai aia i tana ra koreronotu. Kua akakite mai aia ki tona ra au tangata i tana ra ravenga mana, i te oronga anga mai i te tuanga a te au etene na ratou.

7 Ko te tuatua-mou e te tuatua-tau, ko te au angaanga ia a tona rima; e ko tana au ikuikuanga, e mea mou anake

8 ia: Ka mou rai te reira e tuatau ua

atu; *No te mea* i raveia ma te tuatua-
mou e te tiratiratu. Kua akau mai aia 9
i te ora no tona ra au tangata; kua
akaue aia i tana ra koreromotu *kia mou*
e tuatau ua atu: e ingoa tapu oki e te
matakaia tona.

Ko te akamataanga o te pakari ra, 10
koa te mataka ia Iehova ra: e kite
maata to te aronga ravarai i akono i te
reira; e tika te akapaapaa iaia i te vai
marie anga.

SALAMO CXII.

ALELU Ia. E ao to te tangata i 1
matau ia Iehova, tei rekareka
maata i tana ra au akauenga. E mana 2
oki tona uanga i te enua nei; e meitaki
oki te uki a te aronga tiratiratu ra. E 3
apinga nui tei tona are, e te taongaia: e
tika oki tana tuatua-tika i te vai marie
anga. Ei te piori nei e iti mai ei te 4
mārama ki te aronga tiratiratu; te
takinga-meitaki, e te aroa, e te tuatua-
tika. E takinga-meitaki to te tangata 5
meitaki e te oronga; e rave aia i tana
au peu ra ma te akono. Kare oki aia e
ngaue e tuatau ua atu; ka manakoaia 6
te aronga tuatua-tika e tuatau ua atu.
Kare aia e matau i te rongo kino ra; 7
kua mou tona ngakau i te irinaki anga
ia Iehova. Kua akatinamouia tona 8
ngakau kare e matau, e kite ua atu
aia i *te inga anga* o tona au enemi.
Kua tua marie aia i *tana apinga*, kua 9
oronga aia ki te aronga ao; e tika tana
tuatua-tika i te vai marie anga; ka
akateiteia tona tara ma te paapaa ra.
Ka kite te tangata kino ma te aue, ka 10
pakati aia i tona nio e ngaro atura: te
irinakianga o te aronga kino ra, ka
pou ia.

SALAMO CXIII.

ALELU Ia. Akapaapaa, e te au 1
tavini o Iehova, e akapaapaa i te
ingoa o Iehova. Kia akapaapaaia te 2
ingoa o Iehova, i teianei, e e tuatatau
ua atu. Mei te itinga mai o te rā e 3
tae ua atu ki tona opunga, kia aka-
paapaaia te ingoa o Iehova.

E teitei to Iehova i to te pa enua 4
ravarai, tona kakā i to te au rangi ra.
Koai tei tau ki to tatou Atua kia Ie- 5
hova? ko tei noo i te ngai teitei. Te
tuku akaaka nei ra aia *iaia orai* i te 6
akara anga mai ki raro, ki runga i te au
rangi, e ki runga i te enua. Te aka- 7
teitei nei aia i te akaaka ra no raro
mai i te one ra, kua akateitei i tei
putauna no raro i te tiringa teita; I te 8

akanoo anga *iaia* i rotopu i te aronga
mamaata ra, i rotopu i te aronga ma-
maata ra i tona uorai iti-tangata. Ko 9
tei akanoo i te vaine anau tama kore i
te ngutuare ra, ei metua vaine reka-
reka i *tana* ra au tamariki. Ale-
lu Ia.

SALAMO CXIV.

IA Iseraela i aere maira mei Aiphiti
mai; te ngutuare o Iakoba mei
roto i te aronga tangata reo ke ra;
2 Riro atura Iuda ei mea tapu nona;
Iseraela, tona mana anga.
3 Kua kite te tai, e kua rere ke; ko
4 Ioridana, kua oki atura ki muri! Kua
rere te au maunga mei te rama ra,
te au tuaivi mei te anaunga o te
anana ra.
5 Eaa tika! koe, e te tai, i rere ke ei
koe? e Ioridana, i oki ei koe ki muri?
6 E te au maunga, i rererere ei mei te
rama ra? te au tuaivi, mei te anaunga
o te anana ra?
7 Kia ngaueue koe, e te enua e, i te
aroaro o te Atua ra; i te aroaro o te
8 Atua o Iakoba: Ko tei akariro i te
mato ei vai puna, te toka tama ra ei vai
mapia.

SALAMO CXV.

AURAKA kia matou nei, e Iehova,
auraka kia matou nei; e tuku
atura te kakā ki toou orai ingoa, no
toou ra aroa, e taau ra tuatua-mou.
2 Eaa e tika! kia tuatua mai te etene e,
3 Teiea to ratou Atua i tenana? Tei te
rangi ra to matou Atua, i te rave anga
4 i tana i anoano ra. Ko to ratou ra au
idolo ario e te auro, e angaanga ia na
5 te rima tangata nei. E vaa to ratou,
kare ra e tuatua; e mata to ratou, kare
6 ra e akara; E taringa to ratou, kare
ra e akarongo; e putaiu to ratou, kare
7 ra e ongi; E rima to ratou, kare ra e
rave; e vaevae to ratou, kare ra e
aere; Kare rava oki to ratou kara-
8 ponga e tika kia tuatua. Ko te aro-
nga i anga ia ratou, okotai o ratou tu ma
ratou ra, e te aronga katoa i irinaki ia
ratou.
9 E Iseraela e, e irinaki koe ia Ie-
hova: koia to ratou tauturu e to ratou
10 paruru. E te ngutuare o Aaron e, e
irinaki koe ia Iehova: koia to ratou
11 tauturu e to ratou paruru. Ko kotou
tei matau ia Iehova, e irinaki ia Ie-
hova: koia to ratou tauturu e to ratou
12 paruru. Kua manako mai a Iehova ia
tatou, ka akaora aia *ia tatou*; ka aka-

SALAMO CXV. CXVI.

ora aia i te ngutuare o Iseraela; ka akaora aia i te ngutuare o Aarona. Ka 13
akaora aia i te aronga i matakua ia Ie-
hova, i te aronga rikiriki e te aronga
mamaata katka ra.

Ka akamaata ua mai a Iehova ia 14
kotou; ko kotou, e ta kotou au tamariki. Kua akameitakiia kotou e 15
Iehova, i tei anga i te au rangi e te
enua nei. Te au rangi ra, na Iehova ia 16
au rangi; kareka te enua nei, kua oron-
ga mai aia na te tamariki a te ta-
ngata nei.

Kare oki tei mate e akapaapaa mai 17
ia Iehova; e te aronga katoa e riro ki
raro ki te ngai muteki ra. Ka aka- 18
meitaki ra matou ia Iehova, i teianei, e
e tuataua ua atu. Alelu Ia.

SALAMO CXVI.

E INANGARO toku ia Iehova, 1
koia i akarongo mai i toku reo, e
taku i pati atu. No te mea kua ariu
mai tona taringa kia iku nei, e kapiki rai
au *iaia* e mutu ua atu toku nei a'o. 2
I akapiniia au e te au taura o te mate; 3
i rokoia au e te au tumatetenga o ade:
i rokoia au e te tumatetenga e te 4
mamae. Kua kapiki iora au i te ingoa
o Iehova; E Iehova e, te pati atu nei
au kia koe, e akaora koe i toku vaerua. 5
Ko te takinga-meitaki e te tuatua-tika
ta Iehova; e aroa oki to tatou Atua. 6
E tiaki mai a Iehova i te aronga vare-
vare: i toku akaakaia au, e kua akaora
aia iaku.

E oki, e taku vaerua, ki toou ra aka-
ngaroia, kua takinga-meitaki mai
oki a Iehova ia koe. Kua akaora
koe i toku vaerua i te mate, toku mata
i te roi-mata, e toku vaevae kia kore
e inga. E aere rai au ki mua ia 9
Iehova, i te enua o te aronga e ora
nei. Kua akarongo au, tuatua ua 10
rai au e, Kua maata roa io nei
toku mate: Kua tuatua au i toku 11
rapurapu anga ra, E pikikaa anake to
te tangata nei.

Ea na taku e apai atu na Iehova, i 12
te au takinga-meitaki katoa nona iaku
nei? Ko te kapu ora taku ia e apai ki 13
runga, ka kapiki ei i te ingoa o Iehova.
Ka akatupu au i taku i tia ia Iehova, i 14
teianei ki mua i te aroaro o tona katoa
ra au tangata. E mea apinga i mua i 15
te aroaro o Iehova te mate o tona ra
aronga tapu.

Koia tika rai, e Iehova, no te mea ko 16
au to tavini, to tavini, te tamaiti a to
tavini vaine, kua matara ia koe toku
nei au tapeka. Ka apai au i tetai tusia 17

SALAMO.

akameitaki kia koe, ka kapiki ei au i
18 te ingoa o Iehova. Ka akatupu au i
taku i tia ia Iehova, i teianei ki mua i
19 te aroaro o tona katoa ra au tangata, I
roto i te au paepae i te are o Ie-
hova ra; i rotopu ia koe, e Ierusalem
e. Alelu Ia.

SALAMO CXVII.

E AKAPAAPAA ia Iehova, e te
1 pa enua katoa e: e akapaapaa
2 iaia, e te au tangata katoa na. Taki-
nga-meitaki maata tona ia tatou nei,
e te tuatua-mou a Iehova, ka tu ia e
rimua. Alelu Ia.

SALAMO CXVIII.

E AKAMEITAKI ia Iehova, e
1 meitaki oki tona: ka tu oki tona
2 aroa e rimua. Kia pera Iseraela i
teianei, ka tu oki tona aroa e rimua.
3 Kia pera te ngutuare o Aarona i
teianei, ka tu oki tona aroa e rimua.
4 Kia pera te aronga i matakua ia Ie-
hova i teianei, ka tu oki tona aroa e
rimua.
5 Iaku i rokoia e te tumatetenga ra,
kua kapiki au ia Iehova; kua akarong-
o mairā Iehova iaku, e *kua tuku*
6 *iaku* i te ngai atea. Tei iaku a Ie-
hova, kare au e matakua; eaa ta te
7 tangata kia rave mai iaku? Tei iaku
a Iehova ei tauturu iaku ra, ka kite
au i te *inga angu* o te aronga i ma-
8 kitakita mai iaku ra. E mea mei-
taki te irinaki ia Iehova, i te irinaki
9 i te tangata nei. E mea meitaki te
irinaki ia Iehova, i te irinaki i te ui
ariki ra.
10 Kua akapini mai te au etene katoa
iaku; no te ingoa ra o Iehova, pou
11 iora ia iaku. Kua na rungao oki, e
kua na rungao i te akapini iaku; no te
ingoa ra o Iehova, pou iora ia iaku.
12 Kua akapini mai ratou iaku mei te
debure ra: mei te ai ngangaere ra,
kare akera e mamia, mate iora: no te
ingoa oki o Iehova, pou iora ia iaku.
13 Kua turaki nui mai koe iaku kia inga
14 au; na Iehova ra au i tupae mai. Ko
toku ia maroiroi, e ko taku ia imene, ko
Iehova; kua riro mai oki aia ei ora
noku.
15 Te reo rekareka e te ora tei te au
puakapa o te aronga tuatua-tika ra:
e ravenga maroiroi tei te rima katau
16 o Iehova. E teitei to te rima katau
o Iehova: e ravenga maroiroi tei te
17 rima katau o Iehova. Kare au e mate;
ka ora ra au, ka tuatua akaou rai au

i te angaanga a Iehova. Kua pāpā 18
nui mairai a Iehova iaku nei, kare
ra aia i toku u a iaku no te mate.

Ka kiriti ana iaku i te au ngutupa 19
tuatua-tika; ka tomo au na reira, e
akameitaki au ia Iehova. Ko te ngu- 20
tupa teia no Iehova; e na reira te
aronga tuatua-tika i te tomo. E aka- 21
meitaki au ia koe; kua akarongo
mai oki koe iaku, e kua riro koe ei ora
noku.

Ko te toka i akarukeia e te aronga 22
patu are ra, ko tei akariroia ei toka
tiavā. Ko ta Iehova teia i rave; e mea 23
vavaria oki i mua i to tatou nei mata.
Ko te rā teia i akonoia e Iehova; 24
ka rekareka tatou e ka perepereka-
vana i te reira ra. Kia ora i teianei, 25
e Iehova, te pati atu nei au; te pati
atu nei au, e akameitaki mai i teianei,
e Iehova e. Kia ora aia ko tei aere 26
mai ma te ingoa o Iehova: te akaora
atu nei matou ia kotou nei roto atu
i te are o Iehova. Ko te Atua ra, ko 27
Iehova ia, ko tei akamārama mai ia
tatou nei: ka tākai ana i te tusia ki
te taura ki runga i te au tara o te ata-
rau nei.

Ko taku Atua koe, ka akameitaki 28
rai au ia koe; ko taku Atua, ka aka-
teitei rai au ia koe. E akameitaki ia 29
Iehova; e meitaki oki tona; ka tu oki
tona aroa e rimua.

SALAMO CXIX.

EAO to te aronga apa kore i te 1
arataa, ko tei aere na te ture a
Iehova. E ao to tei akono i tana au 2
tuatua-akakite, ko tei kimi iaia ma te
ngakau katoa. Kare oki ratou i rave i 3
te ara: kua aere ratou na tona ra au
arataa. Kua akaue mai koe, kia akono 4
tikai matou i taau au ikuikuanga.
Naringa i tano tikai toku nei au aere- 5
renga i te akono marie anga i taau au
akonoanga! Ei reira au kare e aka- 6
ma'i, kia akono au i taau ra au akau-
enga katoa. E akameitaki au ia koe 7
ma te ngakau tiratiratu, kia kite au
i taau ra akatauanga tuatua-tika. Ka 8
akono au i taau ra au akonoanga; au-
raka e akaruke takiri mai iaku.

E akapea te tangata ou i te tamā anga 9
i tona arataa? i te akono marie anga kia
tau ki taau ra tuatua. Kua kimi au ia 10
koe ma toku ngakau katoa: auraka au
kia tatipake i taau ra au akauenga.
Kua uuna au i taau tuatua ki roto 11
i toku ngakau, kia kore au e ara ia koe
ra. Kua akameitakiia koe, e Iehova! 12
e apii mai koe iaku i taau ra au ako-

13 noanga. Te akakite nei toku ngutu
i te au tuatua-tau katoa no roto i toou
14 ra vaa. Te rekareka nei au i te arataa
o taau au tuatua-akakite, e iti rava
15 to te apinga tini ravara: Ka aka-
maara rai au i taau ra au ikuikuanga,
16 e akono rai au i taau ra au arataa. Ka
rekareka au i taau ra au akonoanga;
kare rava e ngaropoina iaku taau
tuatua.

17 Kite meitaki mai koe i to tavini nei,
kia ora au, e kia akono au i taau tua-
18 tua. E akapuera mai koe i oku nei
mata, kia kite au i te au mea taka ke i
19 roto i taau ra ture. E tangata ke au
i te enua nei, auraka e uuna i taau ra
20 au akauenga iaku nei. Kua taravai
toku vaerua i te inangaro anga i taau
ra au tuatua-tau kare e rā e tukua.
21 Kua akamura koe i te aronga nengo-
nengo i tei kataraiia ra, ko tei aka-
22 ruke i taau au akauenga. E akataka
ke koe i te akakino e te akavaavaa
iaku nei; kua akono oki au i taau au
23 tuatua-akakite. Kia noo te ui ariki e
tuatua kino iaku ra, ka akamaara rai
24 to tavini i taau ra au akonoanga. Ko
taau au tuatua-akakite, ko taku ia e
mataora, tei ako mai iaku.

25 Te piri nei toku vaerua ki te one;
e akamaroiroi mai koe iaku i taau i
26 tuatua maira. Kua akakite au i toku
au aerega, e kua akarongo mai koe
iaku; e apii mairai koe iaku i taau
27 ra au akonoanga. E akakite mai koe
kiaku i te arataa i ikuikuia e koe ra,
kia tuatua au i te au angaanga taka ke
28 naau ra. Kua taravai toku ngakau i
te aue: e akamaroiroi mai koe iaku
29 i taau i tuatua maira. E akamamao
ke atu i te arataa pikikaa iaku, toku
30 aroa mai koe iaku i taau ra ture. Kua
anoano au i te arataa tuatua-mou:
taau ra au tuatua-tau, kua tukua ia
31 ki mua iaku. Kua pirikita au ki
taau au tuatua-akakite: e Iehova,
32 auraka au kia taakamaia. Ka oro au
na te arataa taau i akaue maira,
kia akamaoraoraia e koe toku nei
ngakau.

33 E apii mai koe iaku, e Iehova, i te
arataa ra o taau au akonoanga, e ka
akonoia e au e *tae ua atu* ki te openga
34 ra. E apii mai koe iaku, kia akono
au i taau ture, ka akono rai au i te reira
35 ma te ngakau katoa ra. E arataki koe
iaku na te arataa ra o taau au akauenga;
36 e mea mataora oki naku te reira. E
akaariu i toku ngakau ki taau au tua-
tuatua-akakite, e auraka ki te noinoi
37 apinga. E akaariu ke i toku mata kia
kore e akara i te mea puapinga kore;

akamaroiroi koe iaku i toou ra arataa.
E akatinamou koe i taau tuatua ki 38
to tavini nei, tei matakua ia koe ra.
E akaoki ke atu koe i te akakino taku 39
e matakua nei; te meitaki nei oki taau
au tuatua-tau iaku nei. I na! te 40
anoano nei au i taau ra au ikuikuanga;
e akamaroiroi mai iaku i te tuatua-tika
naua ra.

E akatae mai to aroa kiaku nei, e 41
Iehova: i te ora naau, i taau oki i
tuatua maira. Ei reira au nei e tika'i 42
kia patoi atu i tei akakino mai iaku
nei: no te mea te irinaki nei au i taau
tuatua. Auraka e kiriti takiriri te 43
tuatua-mou i toku nei vaa; te irinaki
nei au i te au tuatua-tau naau ra. Ka 44
akono tamou rai au i taau ra ture, e
tuatau, e tuatau ua atu. Ei reira au 45
e aere mateatea ua'i, kia kimi au i
taau au ikuikuanga. Ka tuatua katoa 46
oki au i taau au tuatua-akakite ki mua
i te aroaro o te ui ariki, kare oki au
e akama. Ka mataora rai au i taau 47
ra au akauenga, tei inangaroia e au
nei. E akatika atu au i oku puke rima 48
ki taau au akauenga, taku i inangaro
nei; ka akamaara rai au i taau ra au
akonoanga.

E akamaara i taau tuatua ki to 49
tavini nei, i taau i akariro ei irinaki-
anga noku ra. Ko toku teia pumaana 50
kia mate au ra; na taau tuatua oki
i akamaroiroi iaku. E taitoitoe maata 51
to te aronga nengonengo iaku ra; kare
ra au i ariu ke mai i taau ra ture.
Te manako nei au i taau ra au tuatua- 52
tau taito, e Iehova, e kua akapumaana
au iaku orai. Kua rokoia au e te 53
koiriria i te aronga kino, ko tei aka-
ruke i taau ture. Ko taau ra au akono- 54
anga, ko taku ia imene, i te are o toku
tutarere anga nei. Te manako nei 55
au i toou ra ingoa, e Iehova, i te po;
e kua akono au i taau ra ture. Ko 56
toku ia maru, ko au i akono i taau ra
au ikuikuanga.

Ko koe taku nei tuanga, e Iehova; 57
kua akakoro au e akono i taau tuatua.
Te umuumu nei au ma te ngakau katoa 58
nei kia kite mai koe iaku; e aroa mai
iaku i taau i tuatua maira. Kua ma- 59
nako au i toku au aerenga, e kua
akaoki i oku puke vaevae ki taau au
tuatua-akakite. Te ngakoikoi nei au, 60
kare i tavare, i te akono anga i taau
ra au akauenga. Kua akapiniia au e 61
te mauu a te aronga kino, kare rai
i ngaropoina taau ture iaku nei. Ei 62
te turuipo au e tu ei ki runga e aka-
meitaki ia koe, no taau au akatauanga
tuatua-tika. E tangata tau oki au 63

ki te aronga ravani e matakua ia koe
ra; e te aronga e akono i taau ra au
64 ikuikuanga. Kua ki te enua nei, e
Iehova, i te takinga-meitaki oou na:
e apii mai koe iaku i taau ra au ako-
noanga.

65 Te takinga-meitaki nei koe i to
tavini, e Iehova, i taau oki i tuatua
66 maira. E akakite mai koe kiaku i te
akono meitaki e te karape: te irinaki
nei oki au i taau ra au akauenga.
67 Kare au i maki ra, kua aere ke au;
i teianei ra te akono nei au i taau tua-
68 tua. E meitaki toou, e te takinga-
meitaki; e apii mai iaku i taau ra au
69 akonoanga. Kua akatupu te aronga
nengonengo i te tuatua pikikaa iaku:
te akono nei ra au ma te ngakau katoa
70 i taau ra au ikuikuanga. Kua matu
to ratou ngakau mei te tongaua: te
pingapingareka nei ra au i taau ture.
71 Meitaki akera au ko au i maki ra,
no te mea kua kite akera au i taau
72 ra au akonoanga. Meitaki maata to
te ture a to vaa ra iaku, i te auro e te
ario e kia tausani ua atu.

73 Na to rima au i anga e kua akaaite i
toku tu: e apii mai koe iaku kia kite au
74 i taau ra au akauenga. Ko te aronga
i matakua ia koe ra, ka rekareka ia
kia akara mai iaku, no te mea kua iri-
75 naki au i taau tuatua. Kua kite au,
e Iehova, e tuatua-tika taau ra au tua-
tua-tau, e no te tuatua-mou naau ra i
76 tairo mai ei koe iaku ra. E teianei
kia riro toou aroa ei akamaru mai iaku,
i taau oki i tuatua mai ki to tavini nei.
77 Kia riro mai oki to aroa maata ra iaku,
kia ora au; kua mataora oki au i taau
78 ture. Kia akama atu te aronga ne-
ngonengo; kua takinga-kino ua mai
ratou iaku; te manako ua nei ra au
79 i taau ra au ikuikuanga. Ko te aro-
nga i matakua ia koe ra tei ariu mai
kiaku nei; e tei kite i taau au tuatua-
80 akakite. Kia apa kore toku ngakau
i taau ra au akonoanga, kia kore rava
au e akama.

81 Kua ngaeva ua toku vaerua i te ora
naau; te irinaki nei ra au i taau tuatua.
82 Te poepoe nei toku mata i taau tuatua;
i te na ko anga e, Aea koe e akamaru
83 mai ei iaku? Mei te ue kiri i roto i te
auai ra au; kare rai i ngaropoina taau
84 ra au akonoanga iaku. Takiia o to
tavini nei au rü? aea ra koe e akau-
tunga mai ei i tei takinga-kino mai
85 iaku? Kua ko te aronga nengonengo
i te vaarua iaku: ko tei kore e akono
86 i taau ra ture. E tuatua-mou anake
taau ra au akauenga; kua takinga-
kino ara kore ua mai ratou iaku; turu

mai koe iaku. Me pou takiriia au e ratou i te ao nei, kare ra au i akaruke i taau ra au ikuikuanga. E akamaroiroi mai koe iaku i te aroa noou ra: kia akono au i te tuatua-akakite a to vaa na.

Ka tu koe, e Iehova, e rimua: te akatinamouia ra taau tuatua i te au rangi ra. *E vai rai* te tuatua-mou naau i tera uki i tera uki: kua akatinamou koe i te enua, e te vai marie nei. Taau i akono ra, te vai ua nei ra ia e tae rava akenei ki teia-nei rā; e tavini anake te au mea i *angaia* ra noou. Auraka au i pinga-pingareka i taau ra ture, kua mate ia au i toku tumatetenga anga ra. Kare takiri e ngaropoina iaku taau au ikuikuanga; kua akamaroiroiia au e koe i te reira. Noou au nei; akaora iaku, te kimi nei oki au i taau ra au ikuikuanga. Te tapapa maira te aronga kino kia mate au ia ratou: te akamaara nei ra au i taau au tuatua-akakite. Kua kitea e au te openga o te au mea memaitaki katoa nei; ko taau ra akauenga, te pararauare maata roa ra ia.

Te maata rava nei toku inangaro i taau ra ture! ko toku ia maaraaraanga i te au rā katoa nei. E kite maata toku ia koe i te au akauenga naau ra, i to toku au enemi ra; e tika oki i te vai marie anga i waitata iaku. E kite maata toku i to taku au orometua katoa ra: no te mea te akaatu nei au i taau au tuatua-akakite. E kite maata toku i to te aronga taito ra; no te mea te akono nei au i taau ra au ikuikuanga. Te tāpu nei au i oku puke vaevae i te au arataa kikino ravarai, kia akono au i taau tuatua. Kare au i akaruke i taau ra au tuatua-tau: no te mea kua apii mai koe iaku. Ko te vene o taau nei tuatua i toku nei tongi anga e! *e veneraka ia to te reira* i to te meli i toku nei vaa. No taau ra au ikuikuanga i rauka'i iaku te kite; i rikarika'i au i te au arataa pikikaa ravarai.

E lamepa taau tuatua i toku nei vaevae, e turama no toku nei arataa. Kua taputou au, e akono au i te reira ra, e akono rai au i te au akatauanga tuatua-tika naau ra. E mate maata toku: e akamaroiroi mai koe iaku, e Iehova, i taau i tuatua maira. Te pure atu nei au ia koe, e Iehova, e āriki mai koe i ta toku vaa e oronga ua atu nei, e apii mai koe iaku i taau ra au tuatua-tau. Tei toku rima nei toku vaerua, kare i tukumoe: kare rai i ngaropoina iaku

110 taau ture. Kua toku te aronga kino i te maunu iaku; kare rai au i tatipake i taau ra au ikuikuanga. Te inangaro nei au i taau au tuatua-akakite ei tuanga naku e tuatua ua atu; ko ta toku ngakau oki ia rekarekaanga. Te akaarii nei au i toku ngakau kia rave tamou i taau ra au akonoanga, e tae ua atu ki te openga.

113 Te rikarika nei au i te au manako ekoko ra, te inangaro nei ra au i taau ture. Ko toku akapuanga koe e toku paruru; te irinaki nei au i taau tuatua. Kia atea ke atu kotou iaku nei, e te aronga ravenga kino ra, ka akono rai au i te au akauenga a taku Atua. 116 E mou mai koe iaku i taau i tuatua maira, kia ora au; e auraka au kia 117 akama i taku e irinaki nei. E tāpu mai koe iaku, ka ora ia au i reira; ei reira au e akono tamou ei i taau au 118 akonoanga. Te aronga ravarai i akaruke i taau ra au akonoanga, kua takatakaia e koe ki raro: e mea puapinga kore oki to ratou pikikaa. Kua akakoreia e koe te aronga kino katoa o te enua nei *mei* te ota: i inangaro atu ei au i taau ra au tuatua-akakite. 120 Te rutetete nei toku kopapa i te matakua ia koe, e te matakua nei au i taau ra au tuatua-tau.

121 Kua akatupu au i te tuatua-tau e te tika; auraka e akaruke ua iaku ki te aronga takinga-kino mai. Ei tutaki koe no to tavini kia meitaki aia; auraka te nengonengo e takinga-kino mai iaku. Kua poepoe toku mata i te ora naau, e i te tuatua o taau ra tuatua-tika. Ko taau e rave i to tavini nei, kia tau ia ki toou ra aroa; e apii mai oki iaku i taau ra au akonoanga. 125 Ko to tavini oki au; e apii mai iaku, kia kite au i taau ra au tuatua-akakite. Ko te taima teia, e Iehova, kia angaanga koe: kua akakore oki 127 ratou i taau ture. I maata'i toku inangaro i taau au akauenga, i to te 128 auro, i te auro i mā meitaki ra. I manako ei au i taau ra au ikuikuanga katoa, e mea tika anake; te rikarika nei ra au i te au arataa pikikaa ravarai.

129 E mea vavaria taau ra au tuatua-akakite; i akono ei oki toku vaerua i te reira. Tei te ceu anga o taau ra tuatua e mārama'i, e kite ei te tangata 131 kamakura ra. Kua amama au i toku vaa e nga akera; kua anoano oki au 132 i taau au akauenga. E akono mai koe iaku, e aroa mai oki iaku, mei taau ra oki i mātāu i te aronga i inangaro mai i toou ra ingoa. E akaai-

teite ana koe i toku aerenga ki taau
ra tuatua; e auraka rava e kino kia
akaapo mai ki runga iaku. E akaora 134
koe iaku i te takinga-kino o te ta-
ngata nei; ei reira au e akono ei i
taau ra au ikuikuanga. E akakakā 135
mai i to mata ki runga i to tavini nei;
e apii mai oki i taau ra au akonoanga.
Te maringa a vai ua nei toku roi- 136
mata, no te mea kare ratou i akono i
taau ra ture.

E tuatua tika taau, e Iehova, e te 137
tiratiratu oki taau ra au tuatua-tau.
E tuatua-tika taau au tuatua-akakite 138
taau i akaue maira, e e tuatua-mou
anake ia. Kua pou roa au i toku nei 139
maroiroi, no te mea kua akapoina
toku au enemi i taau tuatua. E tua- 140
tua mā meitaki roa taau tuatua; i
inangaro ei oki to tavini i te reira.
Iti ua rai au, e te akavaavaia, kare 141
rai i ngaropoina iaku taau au ikuiku-
anga. Ko taau ra tuatua-tika, e tua- 142
tua-tika mutu kore ia; e taau ra ture,
ko te tuatua-mou ia. Kua rokoia au 143
e te tumatetenga e te mamae: te ma-
taora nei ra au i taau ra au akauenga.
Te tikaanga o taau ra au tuatua-aka- 144
kite, e mea mutu kore ia; e apii mai
iaku i te reira kia ora au.

Te kapiki nei au ma te ngakau ka- 145
toa ra; e akarongo mai, e Iehova: e
akono au i taau ra au akonoanga. Te 146
kapiki nei au ia koe: e akaora koe
iaku; e e akono ia au i taau ra au
tuatua-akakite. Kua tu au ki runga 147
kare rai i ao, e kua kapiki atu: te
irinaki nei au i taau tuatua. Kua 148
ara ana toku mata i te au araanga po
ra, kia akamaara au i taau ra tuatua.
E akarongo mai i toku reo, i toou ra 149
oki aroa; e Iehova, e akamaroiroi
mai koe iaku i taau ra au tuatua-tau.
Te waitata mai nei te aronga e aru i 150
te kino ra; te aronga i manao ke i
taau ra ture. Te waitata maira oki 151
koe, e Iehova, e te au akauenga ka-
toa naau ra, e tuatua-mou ia. Kua 152
kite takere ana au i taau ra au tua-
tua-akakite, e kua akatinamouia e koe
e tuatau ua atu.

E akara mai koe i toku nei mate, e 153
e akaora iaku; kare oki taau ture i
ngaropoina iaku. E akatika mai 154
koe i taku nei tuatua, e e akaora
iaku; e akamaroiroi mai koe iaku i
taau tuatua. E mea manao te ora i 155
te aronga kino ra; kare oki ratou e
kimi i taau ra au akonoanga. Te 156
maata nei toou aroa, e Iehova: e aka-
maroiroi mai koe iaku i taau ra au
tuatua-tau. E manganui te takinga- 157

kino iaku, e e akaenemi mai; kare
ra au i akaruke i taau au tuatua-aka-
kite. Kua akara au i te aronga i rave
i te ara, e kua aue oki au; no te mea
159 kare ratou i akono i taau tuatua. E
akamaara mai i toku nei anoano i
taau ra au ikuikuanga: e akamaroi-
roi mai koe iaku i toou ra aroa, e Ie-
160 hova. E tuatua-mou taau mei mua-
tangana mai, e taau ra au akatauanga
tuatua-tika katoa, e vai rai ia e tuatau
ua atu.

161 Kua takinga-kino ara kore ua mai
te ui ariki iaku; te mataku nei ra
162 toku ngakau i taau tuatua. Te reka-
reka nei au i taau tuatua, mei te ta-
163 ngata i kitea e ia te apinga maata. E
rikarika toku e te makitakita i te
tuatua pikikaa; kareka taau ture, ko
164 taku ia i inangaro. Taki itu aku
akameitaki anga ia koe i te rā okotai,
i taau ra tuatua-tika i akatauia ra.
165 E au maata to te aronga i inangaro
i taau ture; kare o ratou e turorianga.
166 I tiaki ua ana au i te ora naau, e Ie-
hova; e kua akono au i taau ra au
167 akauenga. Te akono nei toku vaerua
i taau au tuatua-akakite: inangaro
168 maata toku i te reira. Ko taau ra au
ikuikuanga, e taau ra au tuatua-aka-
kite, kua akonoia e au; ko toku nei au
aerenga katoa oki, tei mua ia ia koe ra.
169 Kia tae atu toku reo kia koe, e Ie-
hova, e apii mai koe iaku i taau ra
170 tuatua. Kia tae oki taku pati anga i
mua ia koe; kia ora oki au i taau i tua-
171 tua maira. E akameitaki ua atu
toku vaa, kia apiiia au e koe i taau
172 ra au akonoanga. Ka tuatua nui
toku arero i taau ra tuatua; e mea
tika oki te au akauenga katoa naau
173 ra. E tauturu to rima iaku; e mea
174 iikiia e au taau ra au ikuikuanga. Te
anoano nei au i te ora naau, e Iehova;
e taau ra ture, e mea mataora ia naku.
175 Kia ora taku vaerua, kia akameitaki
ia koe ra; e na taau ra au tuatua-tau
176 e tauturu mai iaku. Kua aere ke au
mei te manao e ngaro ra; e kimi koe
i to tavini; kare oki i ngaropoina iaku
taau ra au akauenga.

SALAMO CXX.

E IMENE AKANUKANUKA.

1 I TOKU tumatetenga ra, kua kapiki
atura au ia Iehova, e kua tuatua
2 maira aia kiaku. E Iehova, kia ora
toku vaerua i te vaa pikikaa, e te
3 arero taekae ua. Akapeeaa atu koe,
e te vaa pikikaa? akapeeaa atu koe,
4 e te arero taekae ua? E tau te reira ki
2 P

te kakao kokoi a te aronga ririnui, e te ngarau retama e ka ra.

Aue oki au nei e, ko au e purutia i Meseke, ko au e noo i te puakapa i Kedara! E noo anga roa toku i roto i te aronga kare e tau ki te au: E au taku; kia tuatua ra au, e tamaki ta ratou.

SALAMO CXXI.

E IMENE AKANUKANUKA.

E AKARA ainei toku mata ki te au tuaiui? e rauka ainei te tauturu iaku i reira? No ko ia Iehova ra te tauturu iaku, ko tei anga i te au rangi e te enua.

Kare aia e tuku ua i to vaevae kia paeke ua ana: kare tei tiaki ia koe e varea e te moe: I na, ko tei tiaki ia Israela ra, kare ia e varea e te moe, kare oki e moe. Ko Iehova te tiaki ia koe: ko Iehova to maru i to rima katau ra. Kare koe e taia i te rā i te ao, e te marama i te po.

Na Iehova koe e tiaki i te au kino katoa ra; nana e tapapa i to vaerua. Na Iehova e tiaki i to aere anga atu, e to oki anga mai, i teianei, e tuatau ua atu.

SALAMO CXXII.

E IMENE AKANUKANUKA.

MAREKA raya akera au e te aronga katoa i tuatua mai kiaku e, Taki aere tatou ki te are o Iehova. E tu o matou vaevae i roto i to ngu-tupa, e Ierusalem e. I patuia Ierusalem e mei te oire, topiri akitaia te au are ra. I reira te au kopu kia aere ki runga ra; te au kopu a Iehova, ki te tuatua-akakite na Israela, e akameitaki i te ingoa o Iehova. I reira te au terono akava ra i te akamou angaia, te au terono o te ngutuare o Davida.

E pure ia Ierusalem e kia au; e meitaki to te aronga i inangaro ia koe. Ei au to roto i toou ra au patu; ei meitaki to roto i toou ra au punanga. No toku ra ai taeake, e no toku ra au oa, i tuatua i au i teianei, Ei au to roto ia koe ra. No te are o to tatou Atua ra o Iehova, ka kimi ei au i te meitaki noou ra.

SALAMO CXXIII.

E IMENE AKANUKANUKA.

TE nānū atu nei au i toku mata kia koe, e tei noo ki runga i te au

2 rangi ra. I na! mei te mata o te au tavini e akara i te rima o to ratou ra au pu: mei te mata o te tavini vaine e akara i te rima o to na pu vaine ra; koia katoa to tatou mata i te akara anga ki to tatou Atua kia Iehova ra, e kia aroa mai aia ia tatou nei.

3 E aroa mai ia matou, e Iehova, e aroa mai ia matou: kua akaki roaia

4 matou ki te tuatua akakino. Kua akaki roaia to matou vaerua ki te akakino a te aronga noo ponuiaua ua, ki te akatokā o te aronga nengonengo ra.

LAMO CXXIV.

E IMENE AKANUKANUKA. NA DAVIDA.

AURAKĀ Iehova i ko nei katoa ia tatou nei, kia pera mai oki Israela: Aurakā Iehova i ko nei katoa ia tatou nei, ka tu mai ei te tangata e māro mai ia tatou nei; Kua apuku ora uaia tatou e ratou ra i reira, i te ototoo anga o to ratou riri ia tatou.

4 Kua nina uaia tatou e te vai i reira, kua na rungao ia tatou taua vai puke ra i te ta'e anga; Kua na rungao ia tatou taua vai nengonengo ra i te oro i reira.

6 Kia akameitakiā Iehova, ko tei kore i oronga ia tatou ei kai na to

7 ratou ra nio. E tau tatou ki te manu i ora i te erecere a te ere manu ra; kua motu te ere, e kua ora io nei tatou.

8 Tei te ingoa o Iehova to tatou tauturu, ko tei anga i te au rangi e te enua nei.

SALAMO CXXV.

E IMENE AKANUKANUKA.

TE aronga i irinaki ia Iehova ra, ka vai ia mei te maunga ra mei ia Ziona, kare e keukeu e tuatau ua atu.

2 Mei te au maunga ra e akapini ia Ierusalem e, koia katoa Iehova i te akapini anga i tona tangata, i teianei,

3 e tuatau ua atu. Kare te rakau a te aronga kino e vao tamouia ki runga i te tuanga a te aronga tuatua-tika ra; ko te akatika ua atu aca te aronga tuatua-tika i to ratou rima ki te ara.

4 E takinga-meitaki to Iehova ki te aronga memeitaki ra, ki te aronga e tiratiratu te ngakau ra. Ko te aronga ra e ariu ke ki to ratou au ara mingi ra, okotai rai o ratou arataki angaia e Iehova e te aronga rave ara ra: ei au ra to Israela.

SALAMO CXXVI.

E IMENE AKANUKANUKA.

I TE akakore angaia e Iehova e 1
 tuikaānga o Ziona, e tau tatou ki te 2
 aronga moemoeaia. Ki akera to tatou
 vaa i te kata i reira, e to tatou ahero i 3
 te rekareka; kua tuatua akera to roto
 i te etene ra, E angaanga maata ta Ie- 4
 hova i rave ia ratou nei. E angaanga 5
 maata ta Iehova i rave ia matou nei: i 6
 rekareka'i matou nei.

E akaoki mairai, e Iehova, i to 4
 matou ra au tuikaā, mei te au vai ta'e 5
 i apatonga ra. Ko tei ruru ma te roi- 6
 mata ra, ka kokoti ia ma te rekareka.
 Ko tei aere oki ma te aue ra, i te apai 6
 aere anga i te ua e ruru aere ra, ka oki
 akaou mairai ia ma te rekareka, i te
 apai katoa anga mai i tana ra au
 ruru.

SALAMO CXXVII.

E IMENE AKANUKANUKA. NA SOLOMONA.

KIA kore a Iehova e patu i te are 1
 ra, e angaanga puapinga kore ta 2
 te aronga i patu ra: kia kore a Iehova
 e tiaki i te oire ra, e ara anga puapinga
 kore to te tiaki ra. E mea puapinga 2
 kore ia kotou kia tu ki runga i te
 popongi ra, e kia po roa ra ka moe ei,
 kai ua rai te kai aue ra; e oronga mai
 oki aia i te moe ki tona ra aronga
 akaperepere.

I na, te tamariki ra, e tuanga ia no 3
 ko ia Iehova ra; ta te kopu i anau ra,
 e tutaki ia. Mei te kakao i te rima o 4
 te aronga ririnui ra, koia katoa te
 tamariki o te ou anga ra. E ao to te 5
 tangata i ki tona pia kakao ia ratou!
 kare ratou e rokoia e te akama, ei
 te ngutupa ra ka pou ei to ratou au
 enemi.

SALAMO CXXVIII.

E IMENE AKANUKANUKA.

E AO to te aronga katoa i mataka 1
 ia Iehova; ko tei aere na tonara 2
 au arataa. Ka kai tikai koe i ta to rima
 i angaanga ra; e ao toou, e ka meitaki 3
 tau. Ka riro tauu vaine i toou ra
 pae are, mei te vine uua ra; e tauu au
 tamariki i te akapini anga i tauu ra
 kaingakai, mei te olive tupu ou ia.

I na, i akaperaia to taua tangata ra 4
 meitaki, to tei mataka ia Iehova ra. 5
 Na Iehova koe e akameitaki, mei ko
 mai i Ziona ra; ka kite oki koe i te
 meitaki anga o Ierusalem, e ope ua

6 atu toou ra puke rā. Ka kite oki koe
 i te tamariki a to tamariki ra, te au
 oki i runga ia Iseraela.

SALAMO CXXIX.

E IMENE AKANUKANUKA.

E TUMATETENGA maata toku 1
 ia ratou mei toku ou anga mairai, 2
 kia pera mai Iseraela i teianei. E
 tumatetenga maata toku ia ratou mei 3
 toku ou anga mairai, kare ra au i riro
 ia ratou. Kua arote te aronga arote 4
 ra na runga i toku tua, kua akaroa
 oki i ta ratou au rua arote. 5
 Na Iehova tuatua-tika ra, i kokoti
 akataka ke i te taura o te aronga kino 6
 ra. Te aronga ravarai i riri ia Ziona
 ra, kia akama ia, e kia akaokiia ki 7
 muri. Kia riro ratou mei te nga-
 nguere i runga i te are ra, i tei kore 8
 i tupu ra, i mae ei ra: Ko tei kore i
 ki te rima o te aronga kokoti ra, e te
 umauma oki o te aronga e akaputu-
 putu i te ruru ra. Kare oki te aronga
 e na reirao e tuatua e, Kia ora kotou
 ia Iehova; te akaora atu nei matou ia
 kotou i te ingoa o Iehova.

SALAMO CXXX.

E IMENE AKANUKANUKA.

NO roto i te ngai oonu toku kapiki 1
 anga atu ia koe, e Iehova: E 2
 taku Atu, e akarongo mai i toku reo;
 e ariu mai to taringa i taku e pati atu.
 Naringa koe, e Iehova, e akairo ana i 3
 te au ara nei, e te Atu, koai te ka
 mou? Tei ia koe ra te akakore i te 4
 ara, kia matakua oki koe ra.
 Te tiaki nei au ia Iehova, toku vae- 5
 rua teia e tiaki nei, e te irinaki nei au
 ki tana tuatua: Te tiaki nei toku vae- 6
 rua i te Atu, e iti to te au vaeau e tiaki
 i te popongi ra: koia rai ia, e iti to te 7
 au vaeau e tiaki i te popongi ra. Kia
 irinaki Iseraela ia Iehova; tei ia Ie- 8
 hova oki te aroa, e tei iaia oki te ora
 maata roa ra. E riro aia i te aka-
 ora ia Iseraela i tana katoa ra au
 ara.

SALAMO CXXXI.

E IMENE AKANUKANUKA. NA DAVIDA.

E IEHOVA, kare toku ngakau i 1
 nenongenengo, kare oki toku mata
 i akateitei; kare oki au i umuumu i te 2
 au mea mamaata, i te au mea i teitei
 roa atu iaku nei. Koia tikai, kua toku
 akaaka oki au, e kua akanā iaku orai;
 mei te tamaiti i topa te u o te metua

vaine ra au: mei te tamaiti i topa te u
ra toku nei vaerua. Kia irinaki rai
Iseracla ia Iehova, i teianci, e tuatau
ua atu.

SALAMO CXXXII.

E IMENE AKANUKANUKA.

E IEHOVA, e akamanako mai ia
Davida, e tona katoa ra au tuma-
tetenga; Iaia i taputou kia Iehova, e
kua tia i Tei Mana i o Iakoba, Kare
rai au e tomo i te puakapa ra, i toku
are, kare oki au e aere ki runga i toku
roi; Kare au e oronga i te moe ki toku
mata, te tiromoe ki toku topiri-mata:
Kia kitea ra e au tetai ngai no Iehova,
tetai nooanga no Tei Mana i o Iakoba
nei.

I na, kua akarongo akenei tatou i
Epherata; kua kite akenei tatou i te
au kainga i Ieari ra. Taki aere tatou
ki roto i tona ra puakapa; tatou e aka-
mori i tona pae vaevae. Ka tu, e Ie-
hova, *ka tomo* ki roto i to akaangaro-
anga; ko koe e te aruna o to maroiroi.
Kia akakakauia te au taunga naau ki
te tuatua-tika, e kia maeva toou aronga
tapu ra i te rekareka.

No to tavini nei, no Davida, auraka
koe e akaanga ke i te mata o tei aka-
mainuia e koe ra. E tuatua-mou ta
Iehova i taputou kia Davida, kare rava
oki aia e ariu ke i taua mea ra. No te
uanga o to kopu taku e tuku ki runga
i to terono. Kia akono mai taua ra au
tamariki i taku kororomotu, e taku au
tuatua-akakite, taku eapii atu ia ratou,
ka noo katoa ta ratou au tamariki ki
runga i to terono e tuatau ua atu.

Kua iki oki a Iehova ia Ziona, kua
inangaro aia ei nooanga nona:

Ko toku akaangaroanga teia e tua-
tau ua atu; ei ko nei au noo ei, ko toku
ia inangaro. Ka akameitaki roa au i
te au kai nana: ka merengo tona au
tangata rikiriki i te kai iaku. E aka-
kakau rai au i tona au taunga ki te
ora, ka imene nui oki tona aronga tapu
ra i te rekareka. Ei reira au e aka-
tupu ei i te tara o Davida; kua akono
au i tetai lamepa no tei akatiniuia e au
ra. E akakakau au i tona au enemi ki
te akama; e kakā ra tona korona i
runga iaia uorai.

SALAMO CXXXIII.

E IMENE AKANUKANUKA. NA DAVIDA.

I NA oki, te meitaki e te mataora, i
kia noo katoa te au taake ma te
tau tikai! E tau ki te manongi mei-

taki roa ra i runga i te mimiti, ko tei
ta'e tika ki raro i te kumikumi, te
kumikumi o Aarena; tei ta'e tikai ki
raro ki te kaki o tona kakau: E tau ia
ki te au i topa ki runga ia Heremona;
tei topa ki runga i te au maunga i
Ziona ra; i reira Iehova te akaue anga
i te meitaki, i te ora mutu kore.

SALAMO CXXXIV.

E IMENE AKANUKANUKA.

I NA kotou, e te au tavini o Iehova,
e akameitaki anake kotou ia Iehova,
te aronga i tu i roto i te are o Iehova i
te po ra. E apai to kotou au rima ki
runga ki te ngai-tapu ra, ka akamei-
taki ei ia Iehova. Kia akameitaki mai
a Iehova ia koe, mei ko mai i Ziona ra,
ko tei anga i te au rangi e te enua nei.

SALAMO CXXXV.

ALELU Ia. E akapaapaa i te
ingoa o Iehova; e te au tavini o
Iehova, e akapaapaa. Kotou, ko tei tu
mai ki roto i te are o Iehova; ki roto
i te au paepae no te are o to tatou
Atua. E akapaapaa ia Iehova, e mei-
taki oki to Iehova; e imene i tona ra
ingoa, e mea mataora oki.
Kua iki oki a Iehova ia Iakoba nona
orai, ia Iseracla ei apinga akaperepere
nana. Kua kite oki au e maata Ie-
hova, e kua maata to tatou Atua i te au
atua ravarai. Te rave nei a Iehova i
tana katoa i anoano ra, ki runga i te au
rangi, e te enua nei, i te tai, e te au
ngai oonu katoa ra. Nana i akapeke i
te kou ki runga mei te openga mai o te
enua ra; kua tuku mai aia i te uira
ma te ua; kua apai mai aia i te ma-
tangi no roto i tona ra au uipānga.
Nana i ta i te au tama mua i Aiphiti;
ta te tangata e ta te au puaka katoa:
Kua tuku mai aia i te semele e te
akairo i rotapu ia koe, e Aiphiti, ki
runga ia Pharao e tona au tavini katoa.
Ko tei ta i te au etene e manganui, e
kua ta i te au ariki mana ra; Ko Si-
hona, ariki no te Amori ra, e ia Oga,
ariki no Basana; e to te au basilcia
katoa i Kanaana ra; E kua oronga
maira i to ratou enua ei tuanga; ei
tuanga na tona ra au tangata na Ise-
racla.
Toou ra ingoa, e Iehova, ka tu ia e
rimua; te manakoanga ia koe, e Ie-
hova, i tera uki i tera uki. E akatikā
Iehova i tona ra tangata; e tataraara
aia i tona ra au tavini.
Te au idolo no te etene, e ario ia e te

auro, e angaanga na te rima tangata. E vaa to ratou, kare ra e tuatua; e 16 mata to ratou, kare ra e akara; E 17 taringa to ratou, kare ra e akarongo; kare oki e a'o o roto i to ratou vaa. Ko te aronga i anga ia ratou, okotai o 18 ratou tu ma ratou; te aronga katoa i irinaki ia ratou ra.

E akameitaki ia Ichova, e te ngu- 19 tuare o Iseraela; e akameitaki ia Ichova, e te ngutuare o Aarona; E aka- 20 meitaki ia Ichova, e te ngutuare o Levi; e akameitaki ia Ichova, kotou, ko te matakū ia Ichova ra. Kia aka- 21 meitakiā Ichova na Ziona atu nei, ko tei noo i Ierusalemā. Alelu Ia.

SALAMO CXXXVI.

E AKAMEITAKI ia Ichova, e 1 meitaki oki tona: ka tu oki tona aroa e rimua. E akameitaki i te Atua 2 no te au atua ra: ka tu oki tona aroa e rimua. E akameitaki i te Atū o te 3 au atu ra: ka tu oki tona aroa e rimua: Iaia, nana anake te au ravenga taka ke 4 roa: ka tu oki tona aroa e rimua: Iaia, ko tei anga i te au rangi i *tona* ra pa- 5 kari: ka tu oki tona aroa e rimua. Ko tei oora i te enua na runga i te moana: 6 ka tu oki tona aroa e rimua. Ko tei anga i nga turama mamaata ra: ka tu 7 oki tona aroa e rimua: I te rā ei kavana i te ao ra: ka tu oki tona aroa e 8 rimua: I te marama e te au etu ei kavana i te po: ka tu oki tona aroa e 9 rimua. Ko tei ta i te au tama mua i Aliphiti ra: ka tu oki tona aroa e 10 rimua: E kua arataki maira ia Iseraela mei roto ia ratou: ka tu oki tona 11 aroa e rimua: Ma te rima marōrō e 12 te rima akatikaia: ka tu oki tona aroa e rimua. Ko tei va'i rua i te tai mura- 13 mura ra: ka tu oki tona aroa e rimua: E kua arataki ia Iseraela na roto ra: 14 ka tu oki tona aroa e rimua. Kua ruru ngaoro atura ra ia Pharaō, e tana 15 nuku i te tai muramura ra: ka tu oki tona aroa e rimua. Ko tei arataki 16 i tona ra au tangata na roto i te medebara: ka tu oki tona aroa e rimua. Ko tei ta i te au ariki mana ra: ka tu 17 oki tona aroa e rimua. E kua tamate rava i te ui ariki mamaata: ka tu oki 18 tona aroa e rimua: Ko Sihona, ariki 19 no te Amori: ka tu oki tona aroa e rimua: E ko Oga, ariki no Basana: 20 ka tu oki tona aroa e rimua: E kua 21 oronga i to ratou enua ei tuanga: ka tu oki tona aroa e rimua: Ei tuanga na 22 tona ra tavini na Iseraela: ka tu oki tona aroa e rimua. Kua manako mai 23

aia ia tatou i to tatou akaaka anga: ka 24 tu oki tona aroa e rimua. E kua akaora ia tatou i to tatou au enemi: 25 ka tu oki tona aroa e rimua. Nana i oronga mai i te kai ki te au mea katoa nei: ka tu oki tona aroa e rimua. 26 E akameitaki i te Atua o te au rangi ra: ka tu oki tona aroa e rimua.

SALAMO CXXXVII.

I TE pae vai ra i Babulonia to matou 1 noo anga ki raro, e kua aue iora 2 matou i te manako anga ia Ziona. Ki runga i te au arehe, i rotou iora, te akautā angaia to matou au kinura: 3 I reira te aronga i tuikaa'i matou ra, i te akaue anga i te imene; e te aronga i riro mai ei matou, *tei patī* i te rekareka, *na ko waira*, E imene mai ana i tetai imene no Ziona. 4 Eaa matou e tika'i kia imene i te 5 imene a Ichova i te enua ke nei? E Ierusalemā, kia ngaropoina koe iaku, 6 kia ngaropoina katoa i toku rima katau nei *tana tuoonga*. Kia piri toku arero ki toku vaa nei, kia kore au e manako ia koe: kia kore au e akateitei ia Ierusalemā ei mea rekareka maata naku. 7 Akamaara, e Ichova, i te au tamari- riki a Edoma, ko tei tuatua i te rā *ka tumateyanga* i Ierusalemā, Ka uritumu ana, ka uritumu ana, e tae rava atura 8 ki te papa. E te tamaine a Babulonia, ko te ka akataneaia e, e ao tona to te tutaki atu ia koe mei taau i rave mai ia 9 matou nei. E ao tona to te rave i taau au tamariiki vavareve, e kua pūpū ua ki runga i te mato ra.

SALAMO CXXXVIII.

E SALAMO NA DAVIDA.

E AKAMEITAKI au ia koe ma 1 toku ngakau katoa nei; e imene akameitaki au ia koe ki mua i te aro- 2 aro o te au atua. E akamori tika atu au i to nao tapu ra, ka akameitaki atu ei i toou ingoa, no toou aroa e no taau tuatua-mou; kua akamaata oki koe i taau tuatua e kua maata i to ingoa ka- 3 toa ra. I te rā i kapiki atu ei au ra, kua tuatua mai koe kiaku; kua oronga mai koe i te maroiroi ki toku vauerua. 4 Ka ope te au ariki katoa o te enua nei i te akameitaki ia koe, e Ichova; 5 kia kite ratou i te tuatua a to vaa. Ka imene ratou i te au arataa o Ichova; 6 e kakū maata oki to Ichova. Teitei ua rai a Ichova, ka akono mairai aia i tei akaaka; kareka te neugonengo ra, ei te mamao ke aia e akara mai ei.

Me aere ua au na roto i te tumate-
tenga ra, ka akamaroiroia mai au e koe
ra, na to rima e tāpu i te riri o toku
au enemi ra; e na to rima katau orai
e akaora iaku. Na Iehova e akatupu
mai i *teia* iaku nei: ka tu, e Iehova,
to aroa e rimua: auraka ana koe e
akaruake i te angaanga a to rima.

SALAMO CXXXIX.

NA TE TUMU IMENE. E SALAMO NA DAVIDA.

E IEHOVA, kua ununumouia au
e koe, e kua kitea oki au. Kua
kite koe i toku noo anga ki raro, e toku
tu anga ki runga; kua kite koe i toku
nei manako i te atea ke. Kua unu-
numou tikai koe i toku aerenga e toku
moe anga ki raro, e kua kite koe i toku
au aerenga katoa nei. Kare rava oki
e tuatua o roto i toku vaa, i toe i te
kitea puia e koe, e Iehova. Kua aka-
piniia au e koe i muri e i mua, e kua
tuku koe i to rima ki runga iaku. E
mea taka ke ia iaku taua kite ra; kare
e taee e au i te teitei.

E aere tika au nei kua e *ngaro ei* i
to vaerua? e rere tika au kua e *ngaro*
atu ei i to mata? Kia kake au ki ru-
nga i te au rangi ra, tei reira koe!
kia totoa oki au i toku roi i ade, i na,
tei reira koe! Kia rave au i te peau o
te popongi, ka noo ei i te openga mai o
te tai ra: Na to rima e arataki iaku i
reira, e na to rima katau e mou mai
iaku. Kia tuatua oki au e, Na te
pouri e tapoki mai iaku, ka riro tikai
te po ei mārāma i te akapini anga
iaku; Kare ra e mea e ngaro ia koe
i te poi; *ia koe ra*, okotai ra tu kakā
to te po e to te ao; okotai rai tu te
pouri e te mārāma.

Naau i anga i to roto iaku ra: naau
i tapuki iaku i roto i te kopu o toku
metua vaine ra. Ka akameitaki au ia
koe, e mea matakū e te taka ke oki
toku anga angaia: e mea vavaria taua
au angaanga, kua kite pu tikai oki toku
vaerua. Toku nei kopapa kare ia i
ngaro ia koe, ka angaia au i te ngai
ngaro ra, i rave maneaia i te ngai aka-
aka o te enua nei. Kua kite oki to
mata i toku tu, i toku vai oti kore anga
ra; e kua tataia *toku au melo* katoa,
i te au rā *katoa* i te rave angaia, e kare
ua tetai i taua au mea ra i *oti*. Ko te
meitaki o to au manako iaku nei, e te
Atua e! te maata roa anga kia ta-
tauaia e! Kia tatauaia e au ra, e maata
ia te reira i te one *tataai*; kia ara au
ra, te vaiata ua rai au ia koe!

Ka mate tika rai te aronga kino 19

ia koe, e te Atua; e teianeia ka aere
ke kotou iaku nei, e te au tangata
toto e. Ko tei māro mai ia koe ma
te tuatua kino; ko toou ra au enemi,
tei akateitei puapinga kore ua ia ra-
tou uorai. Kare ainei tei riri au i
te aronga i riri mai ia koe, e Iehova?
e te atata nei au i te aronga i tu mai e
māro ia koe? E makitakita maata
toku ia ratou, e makitakita maata roa;
23 e enemi tikai ia ratou noku. E unu-
numou mai koe iaku, e te Atua, kia
kite oki koe i toku ngakau; e timata
mai iaku, e kia kite koe i toku ma-
24 nako: E akara mai i te aerenga kino e
vai nei i roto iaku nei, e e arataki koe
iaku i te arataa e tika i te vai marie
anga te *meitaki* ra.

SALAMO CXL.

NA TE TUMU IMENE. E SALAMO NA DAVIDA.

K IA ora au ia koe, e Iehova, i te
tangata kino ra; e akaora koe
iaku i te tangata takinga-kino; Ko tei
kimi i te kino i roto i te ngakau; ko
tei kuku i te au rā katoa nei i te ta-
maki. Kua akakokoi ratou i to ratou
arero mei to te ovi ra; te kavangu
asepi tei roto i to ratou ngutu. Sela.
4 E tapapa koe iaku, e Iehova, i te rima
o te tangata kino; kia ora oki au ia
koe i te tangata takinga-kino; ko tei
5 akakoro i te taii i toku vaeae. Kua
tuku te aronga nengonengo i te maunu
iaku, e te taura; kua oora ratou i te
kupenga i te pae arataa; kua tuku i te
ereere iaku. Sela.
6 Kua tuatua oki au kia Iehova, Ko
taku Atua koe; e akarongo mai, e Ie-
7 hova, i te reo o taku pati anga. E taku
Atu, e Iehova, toku Ora rinui ra,
kua tapoki koe i toku mimiti i te rā
8 tamaki ra. Auraka koe e akatika, e
Iehova, i te inangaro o te aronga kino
ra; auraka ta ratou kimi anga ravenga
kino kia tupu, ko te akateitei *aea*
9 ratou ia ratou uorai. Sela. Ko te
mimiti o tei akapini mai iaku nei,
kia tapokiia ratou ki te kino o to
10 ratou uorai vaa. Ka topa mai te
ngarau mura ki runga ia ratou; ka ti-
tiria ratou ki roto i te ai; ki roto
i te au vaerua oonu ra; kia kore e tu
11 akaou mai. Auraka te tangata tuatua
kino e akatinamouia ki runga i te enua
nei; e aruaru te kino i te tangata taki-
nga-kino ra kia mate takiri atu.
12 Kua kite oki au e tauturu mai a Ie-
hova i te tuatua a te tangata akaaka,
13 te tuatua-tau a te aronga ao. Na te
aronga tuatua-tika e akameitaki i toou

ra ingoa; te aronga tiratiratu te ka
noo ki mua i to aroaro.

SALAMO CXLI.

E SALAMO NA DAVIDA.

E IEHOVA, te kapiki atu nei au ia
koe; e ngakoikoi mai koe iaku
nei; kia kapiki au ia koe ra, e aka-
rongo mai koe i toku reo. Kia ana
atu taku pure ki mua ia koe *mei* te
tumiama ra; te apai anga o toku rima
ki runga *mi* te mineka aia ra. E
tuku mai koe, e Iehova, i te tiaki i
toku nei vaa, ei tiaki i te ngutupa o
toku nei ngutu. Auraka toku ngakau
kia tae ki te mea kino ra, ka rave ei
i te angaanga kikino, ma te au tangata
i rave i te mea kino ra; e ta ratou au
kai memetaki ra, auraka rava au e kai
ua atu.

Ka pāpā mai te tangata tuatua-tika
ra iaku, e mea takinga-meitaki ra ia;
ka akamura mai oki aia iaku ra, *ka*
riro ia mei te manongi meitaki ra,
kare toku mimiti e paruparu i *te reira*:
ka pure rai oki au me rokoia ratou e te
tumatetenga ra. Kia uria to ratou au
akava na runga i te ngai tokatoka ra, ei
reira ratou e akarongo mai ei i taku
nei tuatua, e mea meitaki oki te reira.
Mei te tangata kia tipu e kia pāpā i *te*
vai ki runga i te enua nei, kua pueu-
rikiriki ke to matou au ivi i te nia o te
rua nei.

Tei ia koe ra, e te Atu, e Iehova,
toku mata; te irinaki nei au ia koe;
auraka toku vaerua kia akaruke taki-
riia. Kia ora au i te maunu ta ratou i
tuku mai iaku ra; e te au ere a te aro-
nga i rave i te kino ra. Kia inga katoa
atu te aronga kino ra i roto i ta ratou
orai au kupenga; kareka au nei, kia
aere ua atu ia *ma te ora*.

SALAMO CXLIH.

E PE'E NA DAVIDA, E PURE NANA I ROTO I
TE ANA RA.

E KAPIKI au ma toku reo ia Ie-
hova; ma toku reo i te pati anga
atu kia Iehova. E riringi ua atu au i
toku manako ki mua i toa aroaro; e
akakite au kina i toku tumatetenga. I
te tumatetenga roa o toku vaerua i roto
iaku nei, te kite ra koe i toku aerenga
i reira. I roto i te arataa taku i aere
ra, kua tuku poiiria e ratou tetai
maunu iaku i reira. Kua ariu au ki te
rima katau e kua akara, kare rava ra e
tangata i kite mai iaku: kare rava oku
e oroanga; kare rava tetai i akono mai

5 i toku vaerua. Kua kapiki atura au ia
koe, e Iehova, i *reira*; kua karunga
atura au, Ko koe toku akapuanga,
taku ra tuanga i te enua o te aronga
e ora nei.

6 E akono mai koe i taku e kapiki
nei, kua tuku akaaka roaia oki au
nei: e akaora koe iaku i te aronga ta-
kinga-kino mai iaku nei; e ririnui oki
7 to ratou i toku. Kia ora toku vaerua i
te are tapekānga nei, kia akameitaki
au i toou ra ingoa. *Ei reira* te aro-
nga tuatua-tika, e akapini mai ei iaku
nei, kia pera mai toou takinga-meitaki
iaku nei.

SALAMO CXLIH.

E SALAMO NA DAVIDA.

E IEHOVA, e akarongo mai i taku
nei pure; e ariu mai i to taringa
ki taku e pati nei: e akarongo mai
iaku i taau ra tuatua-mou, e taau ra
2 tuatua-tika. Auraka e akava mai i to
tavini nei; kare rava oki tetai o te
aronga e ora nei e akatikaia i mua i to
3 aroaro. Kua takinga-kino mai te ene-
mi i toku nei vaerua; kua tukiparu
roaia au ki raro i te one; kua akanoo
aia iaku i roto i te poiiri, mei te aronga
4 i mate takere ra. I tumatetenga roa i
toku vaerua i roto iaku nei; kua tupu-
tupua toku ngakau i roto iaku nei.
5 Te manako nei au i te tuatau taito ra;
te akamaaraara nei au i taau ra au
angaanga katoa; te akacatu ua nei au
6 i te au angaanga a to rima ra. Te
akatika nei au i toku rima kia koe ra;
te anoano nei toku vaerua ia koe mei te
enua papa-marō ra. Sela.

7 E akarongo vave mai koe iaku, e
Iehova; kua taravai toku vaerua: au-
raka koe e uuna i to mata iaku; kua
tau oki au ki te aronga e riro ki raro i
8 te rima ra. E akakite mai koe iaku i to
aroa i te popongi; te irinaki nei oki au
ia koe: e akakite mai koe kiaku i toku
arataa kia aere ra; te apai atu nei oki
9 au i toku vaerua kia koe. E akaora
koe iaku i toku au enemi, e Iehova; e
10 pipini atu au i roto ia koe ra. E apii
mai koe iaku kia rave au i to inangaro;
ko koe oki taku Atua: e meitaki to
toou Vaerua; e arataki koe iaku na
11 te enua o te aronga tiratiratu. E aka-
maroiroi mai koe iaku, e Iehova, i toou
ra ingoa; no taau ra tuatua-tika e tu-
ku koe i toku vaerua i te tumatetenga
12 nei. E tipu ke atu oki i toku au enemi
i te aroa noou ra, e akapou oki i te aro-
nga katoa i takinga-kino mai i toku
vaerua: ko au oki toou tavini.

SALAMO CXLIV.

E SALAMO NA DAVIDA.

KIA akameitakiā Iehova, toku 1
akapuanga, ko te apii mai i toku
rima i te tamaki, oku maikao-rima i
te tamaki anga ra. Ko toku meitaki, 2
e toku punanga; toku are teitei, e te
akaora iaku; toku paruru, e taku e iri-
naki nei; ko tei akavi i toku au ta-
ngata i raro iaku nei. E Iehova, eaa 3
te tangata nei i kite mai ei koe iaia?
te tamaiti a te tangata i akono ei koe
iaia? E tau te tangata ki te puap- 4
pinga kore; tona au rā mei te ata e
peke ra.

E Iehova, e tuku akaaka mai te au
rangi ra, ka eke mai ei; e akatukia ua
atu i te au maunga, e ka peke te auai.
E tuku mai i te uira, kia pueurikiriki
ke ratou; e akainana i te au kakao
naau, kia pou atu ratou. E akatika 5
mai i to rima no runga mai, e opu mai
e akaora iaku i te vai maata nei; i te
rima o te au tangata ke ke ra: E tua-
tua puapinga kore oki tei to ratou vaa,
e to ratou rima katau, e rima katau ia 6
no te pikikaa.

Ka imene au i te imene ou ia koe, e 9
te Atua e; e imene akameitaki au ia
koe i te nabala ao ngauru ra. Ko koe 10
tei oronga mai i te ora no te au ariki,
ko tei akaora i tona tavini i Davida
i te koke e mate ei ra. E opu mai e 11
akaora iaku i te rima o te au tangata
ke ke ra; e tuatua puapinga kore oki
tei to ratou vaa, e to ratou rima katau,
e rima katau ia no te pikikaa.

Kia riro ta matou au tamariki i to 12
ratou ou anga ra, mei te rakau tupu
meitaki ra; ta matou au tamaine, mei
te toka i te kapen tara ra, i akama-
nenia mei to te are ariki ra. Kia ki to 13
matou au are vairanga apinga ki tera
apinga tera apinga: kia riro ta matou
au anana ei tausani ua atu, kia ngauru
oki te tausani i to matou au arutaa:
Kia ririnui ta matou au bovi i te anga- 14
anga; auraka e vava'i anga mai ki
roto, auraka ei ati anga ki vao; auraka
ei aue anga i to matou au arataa. E ao 15
to te oronga, mei te reira te tu: e ao to
te oronga, ko Iehova to ratou Atua.

SALAMO CXLV.

E SALAMO AKAMEITAKI NA DAVIDA.

EAKATEITEI au ia koe, e taku 1
Atua, e te ariki; ka akameitaki
rai au i toon ra ingoa e tuatua e tua-
tau ua atu. Ka akameitaki rai au ia 2

koe i te au rā katoa nei; ka akapaapaa
au i to ingoa e tuatua e tuatau ua
3 atu. E maatā Iehova e kia akapaapaa
maataia; kare oki tona maata e kitea
4 kia kimi. E akameitakiā taau au
angaanga mei tetai uki e tae ua atu ki
tetai, e na ratou e akakite i taau ra
5 angaanga mana. E tuatua au i te nga-
teitei kakā o toou ra mana, e taau ra
6 au ravenga taka ke. E tuatua ratou
i te ririnui anga o taau au ravenga
matakū, ka akakite oki au i toou maata
7 anga. E tuatua rai ratou i te inanako-
anga o toou ra meitaki maata, ka imene
nui oki i taau ra tuatua-tika.

8 E takinga-meitaki e te aroa to Ie-
hova; kare e riri vave, e te akapere-
9 pere maata. Takinga-meitaki to Ie-
hova ki te tangata ravarai; e *te vai* ra
tona aroa akaperepere ki runga i tana
10 katoa ra au angaanga. Ka akapaapaa
taau katoa ra au angaanga ia koe, e
11 Iehova, e na toou aronga tapu e aka-
meitaki ia koe. E tuatua ratou i te
kakā o toou ra basileia, e karanga-
12 rangā ua oki i toou ra ririnui, i te aka-
kite anga ki te tamariki a te tangata
nei i tona ra mana, e te mana kakā o
13 tona ra basileia. Ko toou ra basileia,
e basileia mutu kore ia, e toou ra
mana, ka tae ia ki te au uki ravarai.

14 Te mou rā Iehova i te aronga katoa
e inga ra; kua akatu i te aronga katoa
15 e piko ki raro. Te akara nei te mata
o te au mea katoa nei ia koe, e te oron-
ga maira koe i te kai na ratou i te
16 tuatau tikai. Te oora nei koe i to
rima, e te akamerengo nei i te kaki o
17 te au mea ora katoa nei. E tuatua-
tika ta Iehova i tona katoa ra au aere-
nga: e te takinga-meitaki i tana katoa
18 ra au angaanga. Te vaitata mairā Ie-
hova i te aronga i kapiki atu iaia, i te
aronga i kapiki atu iaia ma te pikikaa
19 kore. E akatika iaia i te anoano o te
aronga i matakū iaia; ka akarongo mai
aia i ta ratou kapiki, e ka akaora oki
20 aia ia ratou. Te tapapa nei a Iehova i
te aronga katoa i inangaro iaia; kareka
te aronga kino katoa ra, ka akapouia ia
e ia.

21 Ka tuatua toku vaa ma te akapaa-
paa ia Iehova; e kia akameitaki te
tangata ravarai i tona ra ingoa tapu e
tuatatau ua atu.

SALAMO CXLVI.

1 **A**LELU Ia. E akameitaki ia Ie-
2 hova, e toku vaerua. E akapaapaa
au ia Iehova kōi vai ake toku ora:
ka imene au i taku Atua kōi vai ake

au nei. Auraka e irinaki ki te ui ariki, i te tamaiti a te tangata nei, kare oki ona ora. Te riro nei oki tona vaerua, te oki nei aia ki tona ra one; kore rava atura tana i akakoro i taua rā ra. E ao tona tei te Atua o Iakoba te tauturu iaia; tei tona Atua tei ia Iehova tona irinakianga.

Ko tei anga i te au rangi e te enua, te tai, e te au mea katoa i roto ra; ko tei akono i te tuatua-mou e tuatau ua atu; Ko tei akatika mai i te aronga i takinga-kinoia; ko tei oronga mai i te kai na tei pongi ra. Ko Iehova tei tatara i tei tapekaia ra. Ko Iehova tei akapuera i *te mata o* tei matapo ra; ko Iehova tei akatu i tei taakaakaia ra; ko Iehova tei inangaro i te aronga tuatua-tika ra. Te tiaki nei a Iehova i te aronga tangata ke ke ra, te tauturu nei aia i te matiroeroe e te vaine takaua ra, kareka te aereaga o te aronga kino ra, e tatipoki roaia ia.

Ka vai ariki mairai a Iehova e tuatau ua atu; ko to Atua, e Ziona, e tae ua atu ki te au uki katoa ra. Alelu Ia.

SALAMO CXLVII.

ALELU Ia. E mea meitaki oki te inene akameitaki i to tatou Atua; e mea mataora oki ia; e mea tae te akameitaki. Ko Iehova tei patu ia Ierusalem; nana e akaputupu i to Iseraela i pueurikiriki ke ra. Kua rapakau aia i te aronga ngakau paruparu ra, e kua tākai i to ratou au puta. Kua ope te au etu i te tatuaia e ia; nana i tapa i to ratou katoa ra au ingoa. E maata to tatou Atua, e te mana maata; tona kite, e mea kitea koreia kia kimi. Te tauturu nei a Iehova i tei akaaka ra, te titiri nei ra i te aronga kino ki raro i te one.

E inene ma te akameitaki ia Iehova; e inene ma te kinura i to tatou Atua; Ko tei tapoki i te rangi ki te au tumurangi ra: ko tei akono i te ua no te enua. Ko tei akatupu i te ngaingaere ki runga i te au maunga: Te angai nei aia i te au puaka ki te kai, e ta te orebi ou e kapiki atu iaia ra. Kare aia e rekareka i te maroiroi o te ipo ra; kare aia e marea ki te vacvae tangata ra. E tau rā Iehova ki te aronga e matakua iaia ra, ki te aronga e irinaki ki tona aroa.

E akameitaki ia Iehova, e Ierusalem; e akapaapaa i to Atua, e Ziona. Koia tei akaketaketa i te au tea o toou ra au ngutupa; e kua akameitaki i tau au tamariki i roto ia koe. Nana i 14

akatupu i te au i toou ra au kotinga; e kua akamerengo ia koe ki te sitona meitaki maata. Kua akau aia i tana tuatua i te enua nei: te oro viviki nei tana tuatua. Kua oronga mai aia i te kiona mei te uru-mamoe ra; te akapueurikiriki ke nei i te kephura mei te reu ai ra. Kua uri ua aia i tona vai toka ngaangaa ra ki raro: koai tei mou ki mua i te anu nana? Kua tuku mai aia i tana tuatua, e kua taravai iora ratou; kua akaarara maira aia i te matangi, kua ta'e iora te vai. Kua akakite aia i tana tuatua kia Iakoba; i tana au akonoanga e tana au tuatua-tau kia Iseraela. Kare aia i pera ki te pa enua ravarai; e tana ra au tuatua-tau, kare ia ratou i kite. Alelu Ia.

SALAMO CXLVIII.

ALELU Ia. E akameitaki ia Iehova i te au rangi ra: e akameitaki kotou katoa, *ko tei noo* i runga ra. E akameitaki iaia, kotou katoa, e te au angela; e akameitaki iaia, ko kotou ravarai, e te au nuku nona ra. E akameitaki iaia, e te rā, e te marama: e akameitaki iaia, e te au etu mārama. E akameitaki iaia, e te rangi o te au rangi ra; e ko kotou, e te au vai i runga i te au rangi ra. Ko te reira te akapaapaa i te ingoa o Iehova; kua tuatua oki aia, e oti iora ratou i te angaia. Kua akamou oki aia ia ratou e kia mou e tuatau ua atu; kua akaiteite aia i te akonoanga e kare rava ratou e tatipake. E akameitaki ia Iehova i runga i te enua nei: te au tanina ra, e te au ngai oonu katoa; Te ai, e te barada; te kiona, e te kou ra; te matangi uriia ra, e akatupu i tana ra tuatua; Te au maunga, e te au tuaivi katoa; te au rakau kai ra, e te au arezi katoa; Te au terio, e te au puaka ravarai; Te au mea totoro aere ua ra, e te manu peau; Te au ariki o te enua nei, e te tangata katoa; te aronga mana, e te au akava katoa o te enua; Te au tangata ou, e te au paretenia; te au tangata metua, e te au tamariki ra: Ko te reira te akameitaki i te ingoa o Iehova; tona anake ra oki te ingoa kia akateitei; tei runga roao tona kakū i te enua nei, e te au rangi ra. Koia i akateitei i te tara o tona tangata, koia tei akameitakiia e tona aronga tapu katoa; koia oki tona ra au tangata akaperepere, te tamariki a Iseraela. Alelu Ia.

SALAMO CXLIX.

ALELU Ia. E imene i te imene ou 1
ia Iehova; e akapaapaa iaia i te 2
uipunga o te aronga tapu ra. Kia 3
rekareka Iseracla i Tei anga iaia ra; 4
kia rekareka te tamariki a Ziona i to 5
ratou Ariki. Kia akapaapaa ratou i 6
tona ingoa ma te ura; kia imene 7
ratou iaia ma te tuphe, e te kinura. 8

Te tau rā Iehova i tona tangata; 4
e akamanea aia i tei akaaka ra ki te 5
ora. Kia rekareka te aronga tapu ma 6
te kakā; kia imene nui ratou i runga 7
i to ratou au roi; Ei to ratou vaa te 8
akangateitei i te Atua; e ei koke ma- 9
tarua i to ratou rima; Ei akaoko atu 1
i te au etene ra; ei tutaki atu i te au 2
tangata ra; Ei ruru i to ratou au 3
ariki ki te pirianganaoa, e to ratou 4
aronga mana ki te tapeka auri: Ei 5

akautunga atu ia ratou i tei tataia ra:
ko te akangateitei teia no te aronga
tapu katoa nona ra. Alelu Ia.

SALAMO CL.

ALELU Ia. E akapaapaa i te Atua 1
i tona uorai tapu: e akapaapaa 2
iaia i te reva mana nona ra. E aka- 3
paapaa iaia i tana ra au ravenga mana; 4
e akapaapaa iaia i tona mana maata 5
meitaki ra. E akapaapaa iaia ma te 6
tangi o te pu ra; e akapaapaa iaia ma 7
4 te nabala e te kinura. E akapaapaa 8
iaia ma te tuphe e te ura; e akapaapaa 9
5 iaia ki te mea ao e te koe. E aka-
paapaa iaia ma te sumehalo tangi 1
maru; e akapaapaa iaia ma te sume- 2
6 halo tangi teitei. Ko tei uti i te a'o ra,
kia akapaapaa anake ia ia Iehova.
Alelu Ia.

TE MASELI A SOLOMONA.

PENE I.

*Te akoia nei te tangata kia akono i te
tuatua, e kia matakū i te Atua.*

TE masei a te ariki o Iseracla, a 1
Solomona, te tamaiti a Davida; 2
Kia kite i te pakari, e te ako; ei aka- 3
kite i te au tuatua kite; Kia ārikiia ta 4
te pakari i apii mai, te tuatua-tika, e 5
te tuatua-tau, e te apa kore; E o atu 6
te pakari ki te kamakura; te kite, e 7
te akono meitaki, ki te tangata ou. 8
E riro te tangata pakari i te akarongo, 9
e e tupu te kite, e rauka te kite 1
tikai i te tangata akono meitaki; E 2
kite ci i te masei, e te aiteite anga; 3
te reo o te aronga pakari, e ta ratou 4
tuatua pikipiki. 5

Ko te akamataanga o te kite ra, ko 7
te matakū ia ia Iehova; ko te pakari 8
ra e te ako ra, ko tei akavaavaia ia e 9
te neneva. 1

E akarongo mai, e taku tamaiti, ki 8
te apii a to metua tane, e auraka e aka- 9
ruke i te ture a to metua vaine ra: 1

9 *E riro oki te reira ei pare manea ki*
runga i to upoko ra, e ei pirianganaoa
10 *auro ki runga i to kaki na.* E taku
tamaiti, kia akanaurua mai koe e te
aronga rave ara ra, auraka koe e
11 akatika atu. Kia tuatua mai ratou e,
Taki aere tatou, tatou e tapapa i te
tangata kia mate, tatou e moctapapa ki
te aronga ara kore e kare e tumu;
12 Tatou e apuku ora ua ia ratou, mei ia
ade ra; kia pou takiri, mei te aronga
13 e riro ki te vaarua ra; E kitea e
tatou te apinga meitaki roa ra, e ki to
14 tatou au are i te apinga āru; Ei ku
nei katoa tatou; kia okotai rai pute
15 apinga na ratou katoa ra: E taku
tamaiti, auraka koe e kapiti katoa ki
to ratou mataara; kiritia mai to vac-
16 vae i taua aerenga no ratou ra: Te
oro ra oki to ratou vaevae ki te kino, e
te rapurapu ra ratou i te akamaringi
17 toto. Totoa anga puapinga kore to te
kupenga ki mua i te mata o te manu
18 ra: Ko te reira ra aronga, te tapapa
nei ia ki to ratou uorai toto: te tuku
nei ratou i te creere kia mate ratou
19 uorai. Ko te tu ia o te aronga katoa

e morimori i te apinga; e riro ke oki te aronga i rauka ta ratou ra.

Te kapiki nui nei te pakari ki te 20
ngai atea ra; te puroro maira tona reo
ki te au arataa. I rotou i te uipunga 21
mutamuta ra aia i te kapiki ua anga,
i te tomoanga i te au ngutupa; ki roto
i te oire i te akakite anga aia i tana 22
tuatua, *i te na ko anga e*, Mei te aa te
roa, e te aronga kite kore, e inangaro
ei kotou i te tuatua puapinga kore ra?
e ko kotou te aronga akavaavaa, e reka-
reka'i i te akavaavaa, e te aronga ne-
neva ra, i te inangaro kore anga i te 23
kite? E ariu mai kotou i taku e ako
atu nei: i na, e riringi ua atu au i taku
vaerua ia kotou, e akakite pu tikai au
ia kotou i taku nei tuatua. No te 24
mea kua kapiki atu au, e kare i tika ia
kotou; kua akatika atu au i toku
rima, e kare rava e tangata i akono 25
mai; Kua ope ra taku i ako atu i te
akarukeia e kotou, e kare i akono mai
i taku i akaapa atu: E kata katoa au 26
kia rokoia kotou e te kino ra; e tai-
toitoi atu au, kia rokoia kotou e ta
kotou e matakau ra; Kia rokoia kotou 27
e ta kotou e matakau mei te uria ra,
kia oro mai to kotou tumatetenga mei te
puaoio ra; e rokoia iora kotou e te
mate e te mamea maata. Ei reira 28
ratou e kapiki mai ei iaku, kare ra au
e ki atu; e kimi vave mai ei ratou
iaku, kare ra ratou e kite mai iaku:
Ko ratou oki kare i inangaro i te kite, 29
e kare i anoano i te matakau ia Iehova:
Kare i anga mai ki taku tuatua; kua 30
ope ra taku i ako atu i te akavaavaa e
ratou. E teianci, e kai ratou i tei 31
tupu i to ratou uaorai aerenga, e ka iu
oki ratou i ta ratou uaorai i akakoro
ra. Ka mate oki te aronga manako 32
kore ko ratou i tatipake ra, e na te
irinakianga o te aronga neneva ra
ratou e akapou. Ko tei akarongo mai 33
iaku ra, ka noo marie ua ia ma te ora;
e akaea ua aia ma te matakau kore i te
kino.

PENE II.

*Ko tei rauka te kite tikai ra e riro i te
akono i te pa'iti.*

E TAKU tamaiti, kia āriki mai koe 1
i taku nei tuatua, e kia vaio marie
i taku au akauenga ia koe; Kia ariu 2
mai koe i to taringa ki te pakari, e kia
kimi marie to ngakau i te kite ra; 3
Kapiki nui koe i te kite, e kia akateitei
i to reo *kia rauku* te kite ra; Kia kimi 4
pu tikai koe iaia mei te ario ra, e kia
makitoro marie koe iaia, mei te apinga

5 uunaia ra: Ei reira koe e kite ei i te
matakau ia Iehova, e e rauka ia koe te
6 kite i te Atua. Ko Iehova oki tei
oronga mai i te pakari: no roto i tona
7 vaa te kite e te karupe. Te vaoa ua
ra aia i te ora no te aronga tiratiratu;
e paruru aia no te aronga aerenga apa
8 kore ra. Ko tei tapapa i te au ma-
taara o te tuatua-tau ra, te tiaki ra oki
aia i te aerenga o tona ra aronga tapu.
9 Ei reira koe e kite ei i te tuatua-tika e
te tuatua-tau, e te tiratiratu; te au
10 mataara memcitaki katoa ra. Kia o
mai te pakari ki roto i to ngakau na, e
kia riro te kite ei mea mataora i to vac-
11 rua ra; Na te akono meitaki e tapapa
ia koe *i reira*; e na te kite e tiaki
12 ia koe; Kia ora koe i te arataa o
te tangata kino ra, i te tangata e tua-
13 tua i te tuatua akatoatoa ra; Ko tei
akaruke i te arataa tiratiratu ra, e kua
14 na te ara poiri te aere; Ko tei reka-
reka i te rave anga i te kino, e kua
navenave i te akatoatoanga a te tu-
15 ngata kino; Ko tei māro i to ratou au
aerenga, e te mingi ra to ratou arataa:
16 Kia ora oki koe i te vaine ke ra, i te
17 akaturi, nana te tuatua taparu; Ko
te i akatitima i te tiaki *iaia* i tona ou
anga ra, e kua ngaropoina iaia te kore-
18 romotu a tona ra Atua. Te eke ra
oki tona are ki raro i te mate; e tona
au arataa ki raro i te au turuma.
19 Kare rava tei aere ki ona ra e oki
mai, kare takiri e tae ki te ara ora.
20 E tenana, e na te ara o te tan-
gata memcitaki te aere, e akono
marie i te ara o te aronga tuatua-tika
21 ra. Na te aronga tiratiratu oki e noo
i te enua, e te aronga apa kore te ka
22 akatinamouia ki reira; Ka tipu keia
ra te aronga kino i te enua nei, e
te aronga rave ara ra, ka kiriti tu-
muia ia.

PENE III.

*Te ako nei a Solomona kia akono, e
kia akarongo.*

E TAKU tamaiti, auraka e akanga-
ropoina i taku nei ture; e kia
akono marie toou ngakau i taku nei au
2 akauenga: E au ra roa oki, e te au
mataiti ora, e te au, ta te reira e kapiti
3 katoa mai kia koe ra. Auraka rava te
aroa e te tuatua-mou e taka ke ia koe
ra: e ri piri tikai ki runga i to kaki
4 papa o toou ngakau: E kite aroaia
mai koe i reira, e te manako meitaki
maataia mai, ki mua i te aroaro o te
5 Atua e te tangata katoa nei. E iri-

naki kia Iehova ma to ngakau katoa
ra; auraka ra e irinaki ki toou uarai
kite. Auraka e akangaropoina iaia i
toou katoa ra au aerenga; e nana e
akakite kia koe i toou ra au arataa.
Auraka koe kia pakari i toou uarai
mata: ko Iehova ra taau e matakau,
ka akaruke ei i te kino. Ko te ora ia
no toou ra au uaua, ko te matu ia no
toou ra au ivi. E akangateitei atu ia
Iehova i taau ra au apinga, e te mataiū
o taau katoa ra apinga kia tupu: Ka
ki rava te au are vairanga apinga oou
ra i reira, e ki oki taau au āriki i te
wina ou e maringi ua atu. Auraka
koe e akavaavaa, e taku tamaiti, i te
ako a Iehova, auraka oki e noongata i
tana pāpā anga mai. Ko tei akapere-
pereia e Iehova ra, ko tana ia e pāpā
mai; mei te metua i te tamaiti, tana i
akaperepere ra.

E ao to te tangata i kitea iaia te
pakari, e te tangata i rauka iaia te kite
ra: Ko te apinga oki i oko māi aia ra, e
meitaki maata ia i to te ario; e kia
maata oki aia ra, e *meitaki maata ia* i
to te auro meitaki ra. E meitaki
maata tona i to te poe: e te au mea
katoa i inangaroia e koe ra, kare rava
ia e aite kiaia. E au rā roa tei tona
rima katau; te apinga nui e te aka-
ngateitei, tei te rima kaui ia. Tona
au arataa, e arataa mataora ia; e e au
tei tona ra au aerenga katoa. Ko te
rakau ora aia i te aronga e opu iaia: e
ko tei tāpu iaia, e ao tona. Kua aka-
mou a Iehova i te tumu o te enua nei i
te pakari; kua akatinamou aia i te au
rangi i te kite. Na tona kite i puroro
mai ei te moana, e i topatapata mai ei
te au o te au rangi ra.

E taku tamaiti, auraka roa teia
kia ngaro ke atu i to mata; e
tāpu koe i te pakari meitaki e te
akono; Ko te ora ia no toou ra vaerua,
e ko te apinga manea ia ki runga i
toou ra kaki. Ei reira koe e aere
ua'i na toou ra arataa ma te ora, e kare
to vaevae e turori. Kia moe koe ki
raro ra, kare ia e matakau: koia ia,
ka moe ua koe ki raro, e e rekareka
taau moe. Me viviki mai te akama-
taku, auraka e matakau; e te tairipoti
anga o te aronga kino kia vaitata mai:
Ko Iehova oki toou irinakianga, e
nana e tiaki i to vaevae kia kore e pi-
ritia.

Auraka koe e tāpu i te meitaki i te
tangata e tau iaia ra, e tei to rima
rai *taua meitaki ra* kia o atu. Auraka
koe e karanga ki to tangata tupu ra,
E aere, e oki akaou mai, apopo au e

o atu ei *kia koe* ra; e te vai ra oki
taua mea ra tei ia koe. Auraka koe
e kimi i te kino i to tangata tupu ra,
te noo meitaki ua ra oki aia ki vaitata
ia koe. Auraka koe e māro ua atu
ki te tangata kare e ara ra: e kare aia
i takinga-kino mai ia koe ra.
Auraka koe e vareae i te tangata
takinga-kino, e auraka e aere na tona
katoa ra au arataa: E mea viviki oki
na Iehova te aronga māro ra, tei te
aronga tuatua-tika ra tana muna. Tei
te are o te aronga kino te katara a
Iehova: te akameitaki ra aia i te noo-
anga o te aronga tuatua-tika ra. Te
akavaavaa nei aia i te aronga e aka-
vaavaa: kareka te aronga akaaka, te
kite aroa nei aia *ia ratou*. E rauka te
kākā i te aronga pakari; ko te akatei-
tei anga o te aronga neneva ra, ko te
akama ia.

PENE IV.

*Te ako nei a Solomon a i te au tuatua
tana i kite ki tona ra metua.*

E AKARONGO mai, e te au tama-
riki ra, i te ako a te metua tane;
e akono marie mai kia rauka ia kotou
te kite. Ko te tuatua meitaki oki
taku e akakite atu kia kotou; auraka
kotou e akaruke i taku nei ture. E
tamaiti *mokau* oki au na toku ra
metua tane; te akaperepere e te anau
tai, i mua i te aroaro o toku ra metua
vaine. E kua apii mai aia iaku, e
kua na ko maira, E tāpu marie to
ngakau i taku nei tuatua; e akono
i taku au akauenga, e ora oki koe i
reira. E aruaru i te pakari, e aruaru i
te kite: auraka e ngaropoina; auraka
e ariu ke i te tuatua a toku vaa nei.
Auraka e akaruke iaia, e nana e ta-
papa ia koe: kia inangaro marie koe
iaia, e nana koe e tiaki. Ko te pa-
kari rai te mea meitaki; e aruaru i
te pakari: e te au mea katoa e rauka
ia koe ra, e aruaru rai i te kite. E
akateitei koe iaia, e nana e akateitei
ia koe; e takave koe iaia, e nana e
akangateitei atu ia koe. Nana e oro-
nga mai i te pare manea no to upoko
na: e korona kākā tana e tuku mai ki
runga ia koe ra.
E akarongo mai, e taku tamaiti,
e āriki mai i taku nei tuatua; e e riro
toou ra au mataiti i te maata i te ora
anga nei. Ko te mataara o te pakari
taku e apii atu ia koe nei; te arataki
nei au ia koe na te au ara tika ra.
Kare e kopiri toou vaevae me aere;
e kia oro ua koe, kare koe e turori.

E mou piri tikai i te ako; auraka roa 13
e tukua; e tāpu marie i te reira; ko
toou ia ora. Auraka e ē ua atu i te 14
arataa o te aronga kino ra, auraka oki
e aere na te arataa o te au tangata
kino ra. Kia ataata i te reira; eiaa 15
e tikoti ua atu na rungao; e ariu ke
atu; e aere ke. Kia kore oki ratou 16
e rave i te mea kino ra, kare ratou
e varca e te moe; kua ngere ia ratou i
te moe, kia kore e inga *tetai tangata* ia
ratou ra. Ko te kai a te tangata kino 17
ra ta ratou e kai, e te wina a te ta-
kinga-kino ra ta ratou e inu. Ko te 18
arataa oki o te aronga tuatua-tika ra,
e tau ia ki te mārama kakā ra, ko
tei tupu ua te kakā anga e tae ua atu
ki te avatea tikai ra. Ko te arataa 19
ra o te aronga kino ra, e tau ia ki te
poiri; kare ratou i kite i ta ratou e
turori ra.

E taku tamaiti, e akono meitaki mai 20
i taku nei au tuatua; e ariu mai i to
taringa ki taku e tuatua nei. Auraka te 21
reira engaro ko i to mata na; e tāpu ma-
rie ra i te reira ki roto rava i to nga-
kau na. Ko te ora oki te reira ki te 22
aronga i kite atu ia ratou ra, e ora
oki to ratou au kopapa katoa i te reira.
I te au mea katoa taau ka tapapa ra, kia 23
maata taau tapapa anga i to ngakau;
ko te tumu oki te reira o te ora. Te 24
mūro o te vaa ra, e tuku ke atu ia
ia koe ra; e te vaa ketaketa, e aka-
atea ke atu ia ia koe ra. E akara 25
tika atu to mata *ki mua ia koe*, e anga
i to topiri-mata ki mua atu ia koe.
E akamaara meitaki i te arataa o to 26
vaevae, e e akatinamouia toou katoa
ra au aerenga. Auraka e tapae 27
ki te pae katau e te pae kaui; e tāpu
ra i to vaevae, auraka ei kino.

PENE V.

*Te akamatutu nei a Solomona i te
aronga e vare i te tuatua a te aro-
nga akaturi.*

E TAKU tamaiti, e akono mai i 1
toku nei pakari, e ariu mai i to
taringa ki toku nei kite; Kia tāpu 2
marie i *toou* ra akono, e kia vai marie
oki te kite i toou ra vaa. Te topata 3
ua maira oki te meli na te vaa o te
vaine akaturi; e maata ua atu te pa-
teka o tona vaa i to te manongi ra:
E kavangu ra tona openga mei te lone; 4
mei te koke matarua ra te kokoi. Te
eke nei tona vaevae ki raro i te mate; 5
te piri nei tona tapuae ki ade. Ko 6
te akamaara aea koe i te ara ora; te

tu ke ra tona aerenga, kare e kitea e
koe.

7 E tenana, e te au tamariki, e aka-
rongo mai iaku, e auraka e akaruke i
8 te tuatua a toku vaa. Kia atea ke
atu toou aerenga iaia; auraka e aka-
vaitata atu ki te ngutupa o tona are:
9 Ko te riro atu aea toou ra inuina kia
etai ke ra, e toou ra au mataiti ki te
10 takinga-kino ra: Ko te nanave aea
te tangata ke i taau ra apinga, e *ko te*
riro aea taau ra angaanga ki te are
11 o te tangata ke ra; E tae akera ki te
openga, kua mii ua iora koe, kia ngao
koe, e kia ikoke roa to kopapa i te
12 maki, E kua na ko iora koe, Eaa
ra au i makitakita'i i te apii? e taku
13 ngakau iakavaavaa'i i te ako? E i kore
ei i akarongo i te reo o tei apii mai
iaku, e kare i ariu i taku taringa ki tei
14 ako mai iaku ra? Me rokoia oki au e te
au kino katoa ra, i rotopu i te nipanga
e te akaputuputuanga ra.

15 E inu i te vai i taau uorai āriki, e
te vai ta'e ra no roto i taau uorai
16 puna. Kia ta'e aere ua na vao taau
vai pupui ua, e *taau* au vai peka, na
17 roto i te au arataa. E vao te reira
naau anake uorai, auraka ei tangata
18 ke ke e *rave* katoa. Kia akameita-
kiiia taau vai puna: e kia rekareka
19 koe i te vaine o toou ou anga ra. *Kia*
riro aia mei te aili te inangaro! e mei
te iale te manea! kia mataora ua rai
koe i nga u nona; e kia mareka
20 mou koe i tona inangaro. Eaa oki
koe, e taku tamaiti, i taurekareka'i ki
te akaturi, e i takavekave ei ki runga
21 i te vaine ke? Tei mua oki i te mata
o Ichova to te tangata nei aerenga, e te
akamaara na ra aia i tona katoa ra
22 au aerenga. Te ii nei te rave ara i
tana ra au ara, e kua mou aia i te
23 taura o tona ra kino. E mate aia
koina kare i apiia, e no te rai neneva
ra, aere ke atura.

PENE VI.

*Auraka te akatau, e te kanga, e te tau
kore, e te taitoitō.*

K IA riro koe, e taku tamaiti, ei
tutaki no to oa ra; e kua tuku
2 koe i to rima ia etai ke; Kua ii koe
i te tuatua a to vaa; kua mou koe i
3 ta to vaa i tuatua ra: E akapera,
e taku tamaiti, kia ora koe, tei te rima
oki koe o to oa ra; e aere, ka taakana
ia koe uorai, e tuatua raurau atu koe
4 ki to oa na. Auraka to mata e moe,
auraka oki to topiri-mata e varea e
5 te moe; Ka oro, mei te zabi e oro ke i

te maunu ra, e mei te manu i te erecere
a te kimi manu ra.

Ka aere ana *ka akara* i te ro, e te-
nana tangata moe ua; ka akamaara
i tana ravenga, kia pakari koe: Kare
oki ona arataki, *kare* e tutara, *kare*
e akamatutu; Te roi ra i tana kai i te
tuatau tikai ra, e kia mou ra e aka-
putuputu ei aia i tana kai. Mei te aa
te roa o toou na moe, e tenana tangata
moe ua? aca koe e ara ai i taau moe?
Ei manga moe iti rai, ei akāvai anga
i i rai, e tapeka iti ua atu rai te rima
ei manga moe rai! E rokoia mai
koe e te putaua mei te tuitarere ra, e
toou ra ngere anga mei te tangata tao-
onga tamaki ra.

Ko te tangata puapinga kore ra, te 12
tangata kanga ra, te aere ra ia ma
te vaa ketaketa ua. E kamokamo ua 13
oki tona mata, e akairo mai tona vae-
vae, e apii mai tona rima; Te aka- 14
koro ra tona ngakau i te tuatua kino;
kare aia e akapaki i te kimi i te kino;
te akatupu ra aia i te karo. E rokoia 15
uaia mai aia e te mate, kare e roaia;
mei te kamoanga mata ra, mate rava
akera aia, e kare roa e ora.

Eia nga mea e ono ra ta Ichova e 16
riri nei, e te itu oki, e mea viivii katoa
ia na tona vaerua: Ko te mata teitei, 17
te arero pikikaa, e te rima i maringi
ei te toto ara kore ra; Ko te nga- 18
kau i akakoro i te tuatua kino ra, te
vaevae e oro viviki e rave i te kino,
Te kite pikikaa, e tuatua i te tuatua 19
pikikaa ra, e ko tei akatupu i te karo
i rotopu i te au taeake ra.

E tāpu meitaki, e taku tamaiti, 20
i te akaua e to metua tane, e auraka e
akaruke i te ture a to metua vaine:
E mou piri tika ua rai i te reira ki 21
roto i to ngakau; e akaci marie i te
reira ki runga i to kaki. Kia aere koe 22
ra, na taua mea ra koe e arataki; kia
moe koe ra, nana koe e tiaki; e kia
ara koe ra, nana e tuatua mai kia koe.
E lamepa oki te akauenga, e turama 23
oki te ture; e te ako i te apii anga,
ko te ara ora ia: Ei tāpu ia koe i te 24
vaine kino; i te arero taparu o te
vaine ke ra. Auraka to ngakau kia 25
inangaro ki tona ra meitaki; e auraka
koe kia riro ki tona ra akara anga mai.
No te vaine akaturi oki i ope ei te 26
kai; kareka te vaine moikea ra, te
aruaru maira ia ki te apinga maata ra
ki te vaerua. E tika ainei i te tangata 27
kia tuku i te ai ki roto i tona uma-
uma, e kare ainei e ka tona kakau?
E tika ainei i te tangata kia aere na 28
runga i te ngarau ka ra, e kare ainei

29 tona vaevae e pakapaka? Koia katoa
tei akavaitata atu ki te vaine na tetai
ke; ko tei rave ua atu iaia kare e
30 tuatuaia i te ara kore. Kare e aka-
rukeia te keia, kia keia ei akapangia i
31 tona kaki kia mate i te pongi ra; Kia
kitea ra, e tataki itu ia tana kia akaoki
mai; e ope rava tei tona ra are i te
32 apai mai: Ko tei akaturi i te vaine
ra, e neneva maata ia; ko tei akapera
33 ra, kua ta ia i tona uaorai vaerua. Ko
te puta, e te akama, te ka rauka iaia;
kare oki te akakino iaia e orei keia.
34 Viviki maata oki to te tangata riri i te
vaevae; kare aia e akaperepere i te rā
35 e tutaki ei ra. Kare aia e rave i te
apinga akaora; kare oki e maru, kia
apaaia atu te apinga e kia maata ua
atu.

PENE VII.

*Te akamaroivōi nei a Solomonā, kia
tau meitaki te tangata i te akono
meitaki.*

1 **E** TAKU tamaiti, e akono mai i
taku nei tuatua, e vaoa marie oki
i taku nei au akauenga ki ko na kia koe
2 na. E akono i taku nei au akauenga,
e ora ia koe; e taku nei ture mei to
3 koringo-mata ra. E ri ki runga i
o maikao-rima ra, e tata ki runga i te
4 papa ra o to ngakau na. E karanga
atu koe ki te pakari ra, Ko taku tuaine
koe; e karanga koe ki te kite ra e,
5 no toou ra ia kopu-tangata; Kia tāpu
raua ia koe i te vaine ke, i te vaine
ke ra e taparu tana tuatua.
6 *Iaku i tu ua* i te māramārama i
toku ra are, kua akara atura au na
roto i te ngutupa māramārama noku
7 ra; Kite atura au i rotopu i te aronga
kite kore ra; akara atura au i rotopu
i te au tangata ou ra, i tetai tangata
8 ou manako kore; Te aere ua ra aia
na te arataa i vaitatao i tona ngai; e te
aere marie ra aia na te ara e tae atu
9 ei ki tona are; I te mareureu anga,
i te aiai ra, e te pōiri rava anga *oki* o
10 te po ra: E i na, kua aravei maira taua
vaine ra iaia, e te kakau o te akaturi
ra te kakau, e te pakari oki o te nga-
11 kau. (E vaine tuatua maata, e te ako
ngata, kare tona vaevae e mou i te
12 ngutuare; Roa iti ake tei te ngai atea,
roa iti ake tei te arataa, e ei te au poo
13 are ra aia, e tapapa mai ei.) Kua opu
maira aia iaia, e kua ongi maira, kua
na ko maira kiaia, ma te mata akama
14 kore, E tusia au tei iaku; i apai ana
15 au i te tia naku i teianei rā. I aere
mai ei au kia aravei atu ia koe ra, e

kimi marie ia koe, e kua kitca atura koe e au. Kua akamanea au i taku 16
roi ki te mea manea, i te āriki roi, i te
kakau meitaki no Aipihiti ra. Kua 17
takakara au i taku roi ki te mura, te
aloe, e te kinamo. E aere mai taua, 18
e akaope rava te inangaro e ao ua ake :
taua e akanavenave marie ki runga
ia taua uorai. Kare ra oki *taku* tane 19
ki te ngutuare, kua aere ki te ara
mamao. Kua taoti te pute ario i te 20
rima : kia tae ki te marama ou aia e
oki mai ei ki te ngutuare.

No te rai o tana ra tuatua kopere- 21
pere ua, vare ua atura aia ; no te aka-
rekareka maata o tona vaa, riro atura
aia. Aru ua atura aia i reira ra, mei 22
te bovi e aere ki te tainga ra, e mei
te kanga i tapekaia ra ki te pāpāanga.
E puta ua atura tona ate ki te ko ; 23
mei te manu e rere ki te ereere ra,
kare oki i kite e, kia mate aia i *tu-*
kui'i.

E tenana, e te au tamariki, e akaro- 24
ngo mai iaku i teianei, e akono mai i te
tuatua i toku nei vaa. Auraka rava to 25
ngakau e tapac ua atu i tona ra arataa ;
auraka koe e aere ke na tona ra au ma-
taura. E manganui te inga iaia ma te 26
paruparu : e aronga maroiri rai e man-
ganui tei mate takiri iaia. Tei te 27
arataa e tae ei ki ade ra tona are, e tae
rava atu ki raro ki te vairanga o te
mate ra.

PENE VIII.

*Te tu o te kite tikai e te akonoanga mei-
taki tiku ra.*

KARE ainei te kapiki nei te pa- 1
kari ? e te akateiti nei te kite i
tona reo ? Tei runga i te au ngai tei- 2
tei, ki te pac arataa ra, i te tutaki anga
o te au ara, te tu ua anga aia. Tei te 3
au ngutupa maata ra, ka tomo atu ei
ki roto i te oire ra, tei te au tomoanga
ngutupa *iti* rai oki, te kapiki ua anga 4
aia, Kia kotou rai, e te au tangata nei,
taku e kapiki atu ; *kia kotou*, e te au 5
tamariki a te tangata nei, toku reo i *te*
kapiki anga atu. E te au kite kore e,
kia kite i te pakari : e te au neneva e, 6
ei ngakau mārama to kotou. E akar-
ongo mai ; ko te tuatua memetaki
oki taku e karanga atu ; e te tuatua 7
tiratiratu oki ta toku vaa e tuatua.
E tuatua oki taku vaa i te tuatua-mou ; 8
e *riro* oki te pikikaa ei mea rikarika
na taku vaa. Te au tuatua na toku nei
vaa, e tuatua-tika anake ia ; kare rava 9
o reira e piko, kare e māro. E tuatua
taka anake ia ki tei kite ra, e te ti-

ratiratu oki, i te aronga i rauka te
kite ra.

- 10 Kia maata te āriki mai i taku nei
ako i to te ario ; e te kite oki i to
11 te auro meitaki roa ra. E meitaki
maata oki to te pakari i to te au poe ; e
te au mea katoa i inangaroia ra, kare
12 ia e arite i te reira. Ko au nei ko te
pakari, te noo nei au ki o te akono mei-
taki, e te rauka nei te kite i te au ra-
13 vanga karape. Matakū *toku* ia Iehova,
te rikarika nei au i te kino ; te ngakau
parau, e te akamaata, e te aereanga
kino, e te vaa māro, ko taku ia e rika-
14 rika nei. Tei iaku nei te tuatua, e te
pakari tikai ; tei iaku te kite, tei iaku
15 te ririnui. Noku i ariki ei te au ariki,
e i akatupu ei te ui ariki ra i te tua-
16 tua-tika. Noku i tutara'i te ui ariki
ra, e te aronga mana, te au akava ka-
17 toa o te enua nei. Te inangaro nei au
i te aronga e inangaro mai iaku ra ; e
tei kimi vave mai iaku ra, e kite ia ra-
18 tou iaku. Tei iaku te apinga maata, e
te akangateitei ; te apinga vaio ngata, e
19 te tuatua-tika. E ua meitaki maata
tei iaku i to te auro, i to te auro mei-
taki roa ra ; e taku nei apinga i te ario
20 mā meitaki ra. Te arataki nei au na
te ara tuatua-tika ra, na rotupu i te au
21 arataa tuatua-tau ra : Kia akamaata
au i te apinga a te aronga i inangaro
mai iaku ra ; e ta ratou au vairanga e
akakia e au.
- 22 Ia Iehova ra au i akamata'i aia i
tana angaanga ; ou tana au angaanga,
23 mei taito mairai. Kua akatainuiua au
nei taito mairai ; ou te akamata anga
i te *angaanga nei*, ou te enua nei.
- 24 Kare oki e tai ra, i vai ana au ; kare
oki e au punavai maata i te pupui
25 anga ; Kare i tatumuia te au maunga,
26 kare oki te au tauivi, i vai ana au ; Kare
oki aia i anga i te enua, e te au ngai
atea, e te ungaungā one muatangana
27 o te ao nei. Iaia i tamou i te au rangi
ra, tei reira au : iaia i akairo takapuna
28 i te moana : Iaia i akamou i te au tu-
murangi i runga ra : iaia i akamatutu
29 i te au tumu o te moana : Iaia i akono
i te kotinga o te tai ra, kia kore taua
tai ra e na rungao i te ngai tana i tou
ra : iaia i akono i te au tumu o te
30 enua ra : Tei vaitaita katoa uorai au
iaia i reira mei te tamaiti angai ra : e
te mataora ua ra au i te au rā katoa ra,
i te rekareka tamou marie anga ki mua
31 i tona aroaro ; I te rekareka marie
anga i te enua e noia e te tangata nei ;
e tei te au tamariki a te tangata ra
toku mataora anga.
- 32 E tenana, e akarongo mai iaku, e te

au tamariki e; e ao oki to te aronga e
akono mai i toku nei au aereanga. E 33
akarongo mai i te ako, kia pakari, au-
raka rava e anga ke i te reira. E ao to 34
te tangata e akarongo mai iaku ra, ko
tei tapapa marie i te au rā katoa i te
au ngutupa noku ra, ko tei tiaki marie
i nga pou ngutupa noku ra. Ko tei 35
kite mai iaku ra, kua kite ia aia i te
ora, e akaperepera mai oki aia e Ie-
hova. Ko tei tareva ke ra iaku nei, 36
kua takinga-kino ia i tona uorai vae-
rua; te aronga katoa i makitakita mai
iaku nei, kua inangaro ia i te mate.

PENE IX.

*Te tu e te meitaki o te akono meitaki, e
te kino o te akono kore.*

KUA akatu te pakari i tona are, 1
kua tarai aia i nga pou nona e
itu ra: Kua ko aia i tana au puaka; 2
kua irokia e ia tana wini; kua āriki-
riki katoa aia i tana kaingakai. Te 3
unga nei aia i tona au tavini vaine
ei karere aere i te tangata; te kapiki
nei aia i te au ngai teitei o te oire, Ko 4
tei auouo ra, e ariu mai aia ki ku
nei; ko tei kite kore ra, te karanga
atura aia kiaia, E aere mai, e kai i 5
taku nei kai, e inu oki i te wini i
irokia e au ra. E akaruke i te aronga
neneva, kia ora; e na te ara kite i te 6
aere. Ko tei ako atu i te akavaavaa
ra, ka rauka iaia te akama; e ko tei
akamura atu i te tangata kino ra, e titou- 7
tou tana. Auraka e ako atu i te aka-
vaavaa ra, ka riria mai aea koe e ia:
e ako ra i te tangata pakari, e ka
akaperepera mai koe e ia. E apii 9
atu i te tangata pakari, e e tupu tona
pakari: e apii i te tangata tuatua-tika;
e e tupu tona kite. Ko te akamata- 10
anga o te pakari ra, ko te matakū ia ia
Iehova: e te kite i te au mei tapu ra,
ko te kite ia. E maata rava oki ouu 11
puke rā iaku, e e kapiti katoaia mai
kia koe tetai aronga mataiti i te ora
anga ra. Kia pakari koe ra, nouu 12
uorai toou pakari; e kia taitoitō mai
koe ra, ko koe uorai te kino i te
reira.

E tuatua maata tei te vaine neneva: 13
e manako kore *tona*, e te kite kore ra.
Te noo ua ra aia ki te ngutupa o tona 14
are, ki runga i te nooanga, i te au
ngai teitei o te oire ra, E kapiki atu ki 15
te aronga e aere ua na te arataa; ko
tei aere na to ratou au ara tika ra: Ko 16
tei auouo ra, e ariu mai aia ki ku nei:
e te tangata kite kore ra, te karanga ra
aia kiaia, E mangaro to te vai keiaia 17

ra; e te manga i *kai* poiria ra, e mei-
taki ia. Kare aia i kite e turuma mate
rava tei reira; e tei raro rava tana
tei ade.

PENE X.

*Teianei pene, e tae ua atu ki te takau
ma rima, no te meitaki ia, e no te kino.*

TE au Maseli na Solomona.
E tamaiti kite ra, e rekarekaanga ia
na te metua tane: kareka te tamaiti
neneva ra, e aucanga ia na tona metua
2 vaine. E apinga rauka anga kino ra,
kare ia e puapinga e rauka: kareka te
mea tika ra, e ora oki te mate i te reira.
3 Kare te vaeua o te aronga tuatua-
tika e paeua ia Iehova: kareka te api-
nga a te aronga kino ra, e ravea keia
4 ia e ia. E putaua tona to tei angaanga
ma te rima akataua: kareka te rima
5 o te maroiroi ra, e apingaia ia. Ko tei
akaputupu i te tuatau mou ra, e
tamaiti pakari ia: ko tei moe ua i te
mou ra, e tamaiti akatupu akama ia.
6 *Te vai ra* te meitaki ki runga i te
upoko o te tuatua-tika ra: te tapokiia
ra te vaa o te aronga kino e te takinga-
7 kino. E akameitakiia te aronga tua-
tua-tika kia maaraia ra: kareka te
ingoa o te aronga kino ra, ka pe ia.
8 Tei pakari te ngakau ra, e āriki mai ia
i te akauenga: kareka te neneva tua-
9 tua ua ra, ka inga ia. Tei apa kore
tona aerenga, te aere ra ia ma te ma-
taku kore: ko tei akamingi ra i tona
10 aerenga, e akakiteia ia. Ko tei kamo-
kamo i tona mata, kua akatupu ia i te
aue: kareka te neneva tuatua ua ra,
11 ka inga ia. Te vaa o te tangata tua-
tua-tika ra, e punavai ia no te ora: te
tapokiia ra te vaa o te aronga kino ra e
12 te takinga-kino. Na te riri e akatupu
i te taumaro: kareka te aroa ra, e ta-
13 poki ia i te au ara katoa ra. Tei te vaa
o te tangata kite ra te tuatua pakari
i te kitea anga: e *te vai ra* te pāpā no
14 te tua o te neneva ra. Te akaputu ra
te aronga pakari i te kite: ko te mate
ra tei vaitata mai i te vaa o te neneva.
15 Te apinga a te tangata tauia ra, ko
tona ia oire matutu: ko te mate ra o
te aronga ao ra, ko to ratou ia putaua.
16 No te ora te angaanga a te aronga tua-
tua-tika ra: ko te apinga a te aro-
nga kino kia rauka ra, no te ara ia.
17 Ko tei tāpu i te apii ra, tei te ara ora
ia: ko tei akaruke ra i te ako ra, e
18 aere ke ia. Ko tei tapokipiki i te ma-
kitakita ra, e vaa pikikaa *tona*: ko tei
tuatua ra i te tuatua akakino ra, e

neneva ia. Te maata ra i te tuatua ra, 19
 kare e kore te ara: ko tei tāpu ra i
 tona vaa, e pakari tona. Te arero o te 20
 aronga tuatua-tika ra, mei te ario ta-
 māia ra ia: kareka te ngakau o te
 aronga kino ra, kare ia e puapinga. E 21
 manganui te akaangaiia e te vaa o te
 aronga-tuatua-tika ra: te mate ua nei
 ra te neneva i te kite kore. Na Ie- 22
 hova te meitaki i apinga'i te apinga,
 kare oki e kapiti katoaia mai te kino i
 te reira. Mei te neneva e navenave 23
 i te rave anga i te mea kino ra: koia
 katoa *te rave* i te meitaki ra i te ta-
 ngata kite. Ka rokoaia mai te tangata 24
 kino i tana e matakū ra: e akatikaia
 maira te inangaro o te aronga tuatua-
 tika ra. Mei te puaiio e peke ra, 25
 koia katoa te tangata kino, kare ra ia:
 e akatinamouia ra te tangata tuatua-
 tika e tuatau ua atu. Mei te vinega 26
 i te nio ra, e mei te auai i te mata ra,
 koia katoa te tangata moc ua i te aro-
 nga i tono iaia ra. Tei te matakū ia 27
 Iehova e roa'i *to te tangata nei* puke
 rā: e akapotoia ra te mataiti o te
 aronga kino. Ta te aronga tuatua- 28
 tika e tapapa ra, e rekareka ia *openga*:
 ko tei irinakia ra e te aronga kino ra,
 ka kore ia. E punanga ketaketa te 29
 arataa o Iehova no te aronga apa kore:
 ko te mate ra to te aronga i rave i te
 tuatua kino ra. Kare rava te aronga 30
 tuatua-tika ra e ngauue: kare ra te
 aronga kino e noo ki te enua. Te tua- 31
 tua pakari tei tukuia mai e te vaa o te
 tangata tuatua tika ra: ko te arero ra
 o te tangata māro ra, e kokoti keia ia.
 Kua kite te vaa o te aronga tuatua- 32
 tika ra i te tuatua e tau ei ra: ko te
 vaa ra o te aronga kino ra, e māro ia.

PENE XI.

E MEA viivii na Iehova te aite tau 1
 kore ra: kareka te toka tika ra, e
 mea tau ia iaia. Kua tupu te ngakau 2
 parau ra, tei muringao te akama: tei te
 aronga akaaka ra te pakari. Na te 3
 tuatua-tika a te aronga tiratiratu ra
 ratou e arataki: e mate ra te aronga
 rave ara ra i te māro. Kare e puapi- 4
 nga to te apinga i te rā e riri ei ra:
 kareka te tuatua-tika ra, e ora ia i *te*
reira kare e mate. Na te tuatua-tika 5
 a te tangata apa kore ra e akatika-
 oru ua i tona arataa: e inga ra te ta-
 ngata kino i tona uarai kino. E ora 6
 te aronga tiratiratu i ta ratou tuatua-
 tika: e ii ra te aronga rave ara i to
 ratou uarai kino. Kia mate te ta- 7
 ngata kino ra, ka kore tana i manako

ra: e tei tapapaia ra e te aronga tua-
 8 tua-tika kore ra, e kore ia. E aka-
 oraia te tangata tuatua-tika i te tumate-
 tenga: e kauonoia maira aia e te
 9 tangata kino ra. Te mate nei te au
 taunga o te tangata pikikaa ra i *tona*
uorai vaa: te ora nei ra te aronga
 10 tuatua-tika ra i te kite. Kia meitaki
 te aronga tuatua-tika ra, te rekareka
 ra te oire: kia mate ra te aronga kino
 11 ra, kua maeva *anake* ia. E teitei te
 oire i te akaora a te aronga tiratiratu:
 te tatipokia nei ra i te vaa o te aronga
 12 kino. Te tangata pakari kore ra, e
 akavaavaa aia i tona tangata tupu: ka-
 reka te tangata kite ra, e muteki ua ia.
 13 E akakite aere rai te tangata mono-
 mono korero i te tuatua muna: kareka
 te tangata ngakau pikikaa kore ra,
 14 e uuna ia. No te ako kore ra, e inga'i
 te tangata: kia maata ra te aronga ako
 15 ra, ko te ora ia. Ko tei riro ei tutaki
 i tetai ke ra, ka pekapeka ia: ko tei
 kore ra e tau iaia te tutaki, kua ora ia.
 16 E tāpu ra te vaine akono meitaki i te
 ngateitei: e te aronga rinui, e tāpu ia
 17 i te apinga ra. Te takinga-meitaki nei
 te tangata aroa i tona uorai vacrua:
 kareka te ngakau kino ra, te takinga-
 18 kino ia i tona uarai kopapa. Te
 angaanga nei te tangata kino i te anga-
 anga pikikaa: ko tei ruru ra i te
 tuatua-tika ra, e tutaki tika ia *tana*.
 19 Mei te tuatua-tika e *arataki i te ta-*
ngata ki te ora: koia katoa tei aruaru
 ki te kino ra, *te ruperupe* ra ia ki te
 20 mate. Ko tei māro te ngakau ra, e
 mea viivii ia na Iehova; ko tei apa
 kore ra te aerenga ra, e mea mataora
 21 ia nana. *Tuikau* ua te rima tetai ki
 tetai, kare e kore te tangata kino i te
 akautungaia: ka ora ra te uanga o te
 22 aronga tuatua-tika. Mei te poe auro
 ki roto i te putaiu o te puaka ra, koia
 te vaine mata meitaki e kare e akono
 23 ra. E meitaki anake tei inangaroia e
 te aronga tuatua-tika ra: ko tei tapa-
 paia ra e te aronga kino ra, ko te riri
 24 ia. E oronga rai tetai, e te maata ra
 tana i te tupu anga: e karapii kino rai
 25 tetai, e *riro atura* ei putaua. Te ta-
 ngata oronga ra, e matu ia: e tei
 tamauu ki te vai ra, ka tamauu katoaia
 26 mai ia. Ko tei tāpu i te sitona ra,
 e kataraina ia e te tangata: e *iri maira*
 te akameitaki ki runga i te upoko o te
 27 tangata e oko mai. Ko tei kimi marie
 i te meitaki *kia rave* ra, e kiteia mai
 ia: ko tei kimi ra i te kino ra, ka ro-
 28 koia mai ia aia e te reira. Ko tei iri-
 naki ki tana apinga, ka inga ia: kareka
 te tuatua-tika ra, ka ruperupe ia mei

te rara ra. Ko tei tamanamanata i 29
tona uorai ngutuare, ko te matangi
tana e rauka: e *riro* oki te neneva ei
tavinii no te ngakau pakari. Te ua 30
o te aronga tuatua-tika ra, e rakau ora
ia: e tei rauka iaia te vaerua ra, e
pakari tona. I na, e tutakiiia mai te 31
tangata tuatua-tika i te enua nei; ka
tanga atu ei ki te tangata kino, e te
rave ara.

PENE XII.

KO tei inangaro i te apii ra, kua 1
inangaro ia i te kite: ko tei ma-
kitakita i te ako ra, *te vai* manako kore
ua ra ia. E akaperepereia mai te ta-
ngata meitaki e Iehova ra: e akaapa
ra aia i te tangata i kimi i te tuatua
kino. Kare e tangata e akatinamouia
i te tuatua kino: kare ra te aka o te
aronga tuatua-tika e akakeuia. Te
vaine akono meitaki ra, e korona ia no
tana ra tane: ko tei akatupu ra i te
akama ra, ko te pe ia o tona ivi. Te
au manako o te aronga tuatua-tika ra,
e mea tau ia: ko tei kimiia ra e te
aronga kino ra, e pikikaa ia. Te au
tuatua a te aronga kino ra, e tapapa
toto ia: e ora ra ratou i te vaa o te
aronga tiratiratu ra. E tairipotiia te
aronga kino, e kare ua ra: ka mou ra
te are o te aronga tuatua-tika. E aka-
meitakiiia te tangata e kia tau ki tona
ra pakari: ko te ngakau ketaketa
ra, e akavaavaia ia. E meitaki to
tei akaviiviiia, e tei tavini tona, i tei
akateitei ra, e kare ana e kai. E
akono rai te tangata tuatua-tika ra
i tana ra puaka kia ora: ko te aroa ra
o te aronga kino ra, ko te takinga-
kino ia. Ko tei tanu i tona kainga, e 11
maata tana kai: ko tei aru aere ra i te
mea puapinga kore, e neneva ia. Te 12
morimori nei te tangata kino i te ku-
penga a te paietii kore: e tupu ra *te kai*
i te aka a te aronga tuatua-tika ra. Te ii 13
nei te tangata kino i te ara a *tona* vaa:
e ora maira te tangata tuatua-tika i te
tumatetenga. E rauka to te tangata 14
nei meitaki i te ua o *tona* vaa: e tuta-
kiiia mai te angaanga a te rima tangata
nei kiaia. E mea tika te aerenga o te
neneva i tona uorai mata: ko tei aka-
rongo ra i te ako ra, e pakari *tona*. E 16
akakite ua mai te neneva i tona riri i
reira ra: ko te tangata akono ra, e ta-
pokii ia i te akama. Ko tei tuatua i te
tuatua-mou ra, e akakite mai ia i te
tuatua-tika: kareka te kite pikikaa ra,
ko te pikikaa *tana e tuatua*. Te ta- 18
ngata vaa karea ua ra, e tau ia ki te

koputaputa koke ra: ko te arero ra o
te aronga pakari ra, mei te vairakau ia.
19 Te vaa tuatua-mou ra, ka akatinamouia
ia e tuatua ua atu; kareka te arero
pikikaa ra, mei te kamoanga mata ua
20 ia. E pikikaa tei te ngakau o te aro-
nga e kimi i te kino: te aronga ra i
akatau i te tuatua au ra, e rekareka ia.
21 Kare e rokoa e te tumatetenga te ta-
ngata tuatua-tika ra; ka ki ra te ta-
22 ngata kino i te kino. E mea viivii na
Iehova te vaa pikikaa; ko tei rave ra
i te tuatua-mou ra, e mea mataora ia
23 ratou nana. Ko te tangata akono ra,
e vaio marie aia i *tona* kite: ko te
ngakau ra o te neneva ra, e akakite ua
24 mai ia i te neneva. Te rima o te ma-
roiroi ra, e mana ia: ko te akatau ra,
25 ka tautauinga ia. E aue tei te ngakau
o te tangata ra, e piko ia ki raro: oko-
tai rava ra tuatua meitaki ra, rekareka
26 akera ia. E meitaki maata to te ta-
ngata tuatua-tika i to tona ra tangata
tupu: te vare nei ra te aronga kino i te
27 ratou aerenga. Kare te tangata akatau
e tao i tei rauka iaia i tana arumaki
anga: ko te apinga ra o te tangata
28 maroiroi ra, e mea meitaki ia. Tei te
arataa tuatua-tika ra te ora: kare oki
e mate i te reira arataa.

PENE XIII.

EAKONO te tamaiti pakari i te
1 apii a te metua tane ra: kare ra
2 te akavaavaa e akono i te ako. E kai
te tangata i te meitaki i te ua o te vaa:
kareka te vaerua o te aronga rave ara
3 ra, ko te takinga-kino ia. Ko tei ta-
papa i tona vaa, kua tiaki ia i tona
ora: ko te amama ua ra i tona vaa, e
4 mate tona. Te inangaro ua ra te vae-
rua o te tangata moe ua, kare ra ana:
kareka ko te vaerua o te akamaroiroi
5 ra, ka akamatuia ia. Te tangata tua-
tua-tika ra, e riri aia i te tuatua piki-
kaa: e viivii ra to te tangata kino, e o
6 riro ia i te akama. Ko te tuatua-tika
te tūpu i te aronga apa kore i to ratou
aerenga: e tatipokiia ra te rave ara e
7 te kino. Te pikikaa nei tetai mei te
mea e tangata apinga, e kare ana: te
akapeu putaua nei oki tetai, e te maata
8 ra tana apinga. Te oko e ora'i te ta-
ngata nei, ko tona ia apinga: kareka to
tangata ao ra, kare ia e kite i te aka-
9 kino. Te mārama o te aronga tuatua-
tika ra, e rekareka ia: kareka te la-
mepa o te aronga kino ra, ka tamateia
10 ia. Ko te ngakau parau anake te mea
e tupu ei te karo: kareka te aronga i
akarongo i te ako ra, te reira te pakari.

Te apinga i rauka i te ravenga puapi- 11
nga kore ra, ka iti ia: ko tei rauka ra
i te rima opu tikai ra, ka maata ia.
Kia tavareia te apinga tapapaia ra, e 12
aati te manava: kia tupu ra te mea
inangaroia ra, e tau ia ki te rakau ora.
Ko tei akavaavaa i te tuatua ra, e aka- 13
pouia ia: ko tei matakau ra i te akaue-
nga ra, ka tutakia ia. Te ture a te 14
aronga pakari, e tumu ia no te ora: e
akaariu ke atu ei i te ereere o te mate.
E akaperepercia mai te tuatua pakari 15
meitaki ra: ko te aerenga ra o te aro-
nga rave ara ra, e mea manamanata ia.
E angaanga te tangata akono katoa ma 16
te kite: kareka te neneva ra, e akapucu
ia i tana tuatua neneva. E tupu te 17
pekapeka i te karere tuatua kino ra:
kareka te karere pikikaa kore ra, e tau
a ki te ora. Te putaua e te akama, 18
tei te tangata kare e tika kia apiia ra:
ko tei akono i te ako ra, ka akangatei-
teia ia. Te rauka anga mai i tei ina- 19
ngaroia ra, e mea meitaki ia i te nga-
kau nei: e te akaruke i te mea kino
ra, e mea viivii ia na te neneva. Ko 20
tei kapiti katoa i tona aerenga ki to te
aronga pakari ra, ka pakari katoa ia:
ko tei kapiti ra ki te aronga neneva ra,
e mate ia. Te arumaki nei te kino i te 21
aronga rave ara: ko te meitaki ra to
ka orongaia ki te aronga tuatua-tika
ra. Te vaoaia nei te kainga o te ta- 22
ngata meitaki no te tamariki a te
au tamariki ra: e te vaoaia nei te api-
nga a te tangata ara na te aronga tua-
tua-tika. Te kainga o te ao i tanumia 23
ra, tei maata ia i te kai: ko tetai pae
ra, no te kite kore ra, tei rokoia e te
kino. Ko tei vaoa ua te pūpū ra, kua 24
riri ia i tana tamaiti: ko tei aroa ra iaia,
e ako ia iaia i reira ra. E kai te ta- 25
ngata tuatua-tika e kia pangia te kaki:
e paeua ra te kopu o te aronga kino.

PENE XIV.

TE patu ra te vaine pakari ra i tona 1
ra are: kareka te neneva ra, te
rave ra tona rima e vava'i ki raro. Ko 2
tei aere ma te tiratiratu ra, te matakau
ra ia i Ichova: ko tei akamingi ra i
tona aerenga, kua akavaavaa ia iaia.
E rakau nengonengo tei te vaa o te 3
neneva ra: te ora ra te aronga pakari
i to ratou vaa. Kare e bovi ra, kare ia
i repo te vairanga: tei te ririui ra o 4
te bovi ra te apinga maata. Kare te
kite tuatua-mou ra e pikikaa: kareka 5
te kite pikikaa ra, ko te pikikaa anake
ra ia tana e tuatua. Te kimi ra te
akavaavaa i te pakari, e kare e hitea: e 6

rauaka ngoie ra te kite i te tangata
7 akono. Kia atea atu koe i te aroaro o
te tangata neneva ra, kare ra te vaa
8 kite i te kitea angaia e koe ra. Kia
kite aia i tona aerenga, ko te pakari ia
o te tangata akono ra: ko te tuatua
neneva ra a te aronga neneva ra, e pi-
9 kikaa ia. Te kata ra te aronga neneva
ra i te ara: tei i o ra te aronga tirati-
10 ratu ra te kiteia mai. Te kite ra te
ngakau i tona uarai kino: kare oki e
tika i tetai ke kia rave katoa mai i tona
11 rekareka. E vava'ia te are o te aronga
kino: e ruperupe ra te puakapa o te
12 aronga tiratiratu. E ana rai te tangata
i te arataa e, e mea tika i tona ra ma-
nako; ko te openga ra o taua arataa ra,
13 ko te mate ia. Kata ua rai te tangata
te aue ra te ngakau; e te openga o taua
14 kata ra, ko te aue ia. E ia te ngakau
akatitima ra i tana uarai ravenga: e
te tangata meitaki ra i tei tupu iaia
15 uarai. Te akaronga ra te kite kore i
te au tuatua katoa ra: te akara mei-
taki ra te tangata akono ra i tona ta-
16 kainga. Te matakau ra te tangata pa-
kari, e te akaruke ra i te kino: te rave
nengonengo ua ra te neneva ra ma te
17 matakau kore. Te tangata rotoriri ra,
e ravenga neneva tana: e te tangata i
kimi i te ravenga kino ra, te ririia ra
18 ia. Te rave nei te kite kore i te mea
neneva ei tuanga: kareka te tangata
akono ra, kua akakoronia ia ki te
19 kite. Te tupou nei te tangata kino ki
mua i te aroaro o te tangata meitaki:
e te aronga kino ra i te ngutupa o te
20 aronga tuatua-tika. Te ririia ra te ao
e tona uarai tangata tupu: e manga-
21 nui ra te oa o te aronga apinga. Ko tei
akaviivii i tona ra oa, kua ara ia: ko
tei takinga-meitaki ra i te ao ra, e mei-
22 taki tona. Kare ainei e tatipake tei
kimi i te kino ra? ko tei kimi ra i te
mea meitaki ra, no ratou te aroa e te
23 tuatua-mou. E puapinga anake rai tei
te au angaanga katoa ra: tei te tuatua
24 vaa ua ra te putaua. Te apinga te ko-
rona ia o te aronga pakari: ko ta te ne-
25 neva ra apinga, ko te neneva ia. E ora te
vaerua i te kite tuatua-mou ra: kareka
te kite pikikaa ra, e pikikaa tana e tua-
26 tua. Tei te matakau i te Atua te ma-
nako matutu: e riro oki aia ei akapu-
27 anga no tana ra au tamariki. Te ma-
taku ia Ichova ra, e tumu ia no te
ora, e akaariu ke atu ei i te ereere
28 o te mate. Tei te maata o te tangata
te ngateitei o te ariki: e tei te tangata
29 kore to te ariki ia mate. Ko tei kore
e riri vave ra, e kite maata tona: ko
tei rapurapu ra te ngakau ra, kua aka-

teitei ia i te tuatua neneva. Tei te 30
maki kore o te ngakau, ko to te kopapa
ia ora: kareka te vareae, ko to te ivi
ia pe. Ko tei takinga kino i te ao ra, 31
kua akakino ia i Tei anga iaia: ko tei
takinga-meitaki ra i te ao ra, kua aka-
ngateitei ia iaia. Te tuaru keia nei te 32
tangata kino ma tona katoa ra kino: e
irinakianga ra to te tangata tuatua-tika
i te mate anga ra. Te vai ra te pakari 33
ki roto i te ngakau o te tangata kite
ra: e i rotopu i te aronga neneva ra,
e mea kitea ua ia. E teitei te enua i 34
te tuatua-tika: tei te kino ra i akaki-
noia i te tangata nei. Te tavini pakari 35
ra, te akaperepereia ra ia e te ariki:
ko tona riri ra, tei iaia ra tei akatupu
i te akama ra.

PENE XV.

KO te tuatua maru ra tei akaanga 1
ke i te riri: kareka te tuatua
akakoko ra, ko te riri ia te tupu. E 2
riro te kite ra ei mea apinga i te vaa o
te tangata pakari ra: kareka te vaa o
te neneva ra, te akamaringi ua ra ia i
te tuatua neneva. Tei te au ngai katoa 3
nei to Iehova mata, i te akara anga i te
kino e te meitaki. Ko te arero tuatua
meitaki ra, e rakau ora ia: kareka te 4
arero tuatua kino ra, e mea mamae ia
no te vaerua. E akaviivii te neneva
i te apii a tona metua tane: ko tei 5
akono i te ako ra, e pakari tona. E 6
apinga maata tei te are o te tangata
tuatua-tika ra: e manamanata ra tei
te apinga a te tangata kino. Te aka- 7
pucurikiriki nei te vaa o te aronga
pakari i te kite: kare ra i pera te
ngakau o te neneva ra. Te tusia a te 8
ronga kino ra, e mea rikarika ia na
Iehova: ko te pure ra a te aronga tira-
tiratu ra, e mea tau ia nana. Te rika- 9
rika rā Iehova i te aerenga o te tangata
kino: ko tei aru ra i te tuatua-tika ra,
te akaperepere ra ia iaia. Te tangata 10
e akaruke i te mataara ra, e mate tona
kia akoia mai: ko tei riri i te ako ra, e
mate rava ia. Te vai ua ra ade e te 11
mate ki mua i te aroaro o Iehova: ka
tanga atu ei te ngakau o te tamariki a
te tangata nei. Kare te akavaavaa e 12
mareka mai ki tei ako mai iaia ra:
kare oki aia e aere ki o te aronga
pakari. Tei te rekareka o te ngakau 13
e meitaki ei te mata: kia aue ra te
ngakau ra e kinokino ei te vaerua. Te 14
kimi ra te ngakau o te tangata kite ra
i te kite: ko te vaa o te neneva ra, te
kai ra ia i te tuatua neneva. E rā 15
kino anake to te tangata maki ra:

kareka tei meitaki te ngakau ra, e
16 pokai tamou ia tana. Iti ua rai taou
ma te matakau rai ia Iehova ra, e mei-
taki ia i te apinga maata roa ma te
17 pekapeka. Meitaki ia kai anga i te
rukou anake ra ma te aroa, i te bovi
18 matu ma te riri. Te tangata rotoriri
ra, e akatupu ia i te karo: ko tei kore
ra e rapurapu i te riri ra, e au ia karo
19 iaia. Te mataara o te tangata akatau
ra, mei te koro rakau taratara ra ia:
ko te mataara ra o te aronga tiratiratu
20 ra, mei te arataa metua ra ia. E reka-
reka te metua tane i te tamaiti pakari
ra: ko te tangata neneva ra, e aka-
21 vaavaa ia i te metua vaine. E mea
rekareka te tuatua neneva i te tangata
pakari kore ra: kareka te tangata kite
22 ra, ka tiratiratu tona ra aerenga. Kare
e uruoanga tuatua ra, kare tei aka-
koroia e tupu: kia maata ra te aro-
23 nga ako ra, kua mou ia. E rekareka
te tangata i te tuatua a tona vaa: te
tuatua oki i tuatuaia i te tuatua e tau
24 ei, e meitaki roa ia. Tei runga te ma-
taara ora i te tangata pakari ra, kia
25 akaruke aia ia ade i raro ra. Te are o
te aronga parau ra, e akangaangaia ia
e Iehova: e akamou ra aia i te kotinga
26 hainga o te vaine takaua ra. Te rika-
rika rā Iehova i te manako o te ta-
ngata kino: e mea tau ra nana te tua-
27 tua a te aronga viivii kore. Ko tei
morimori ua i te apinga ra, kua aka-
pekapeka ia i tona ngutuare: ko tei
makitakita ra i te tutaki ra, ka ora ia.
28 Te kimi ra te ngakau o te aronga tua-
tua-tika ra i te tuatua kia tuatua:
kareka te vaa o te aronga kino, kua
29 riringi ua mai i te tuatua kino. Tei
te mamae ke a Iehova i te aronga
kino: e akarongo maira aia i te pure a
30 te aronga tuatua-tika. Te rekareka
nei te ngakau me mārama te mata: e
matua te ivi i te rongu meitaki ra.
31 Te taringa e akarongo i te ako ora ra,
e tika ia i te noo anga i roto i te aronga
32 pakari ra. Ko tei akaruke i te apii ra,
kua akavaavaa ia i tona uorai vaerua:
ko tei akarongo ra i te ako ra, te rauka
33 ra ia te kite. Ko te matakau ia Iehova
ta te pakari i apii mai; e kia na mua
te akaaka e rauka i te ngateitei.

PENE XVI.

TE teateamamao o te ngakau, tei te
tangata ia: ko te tuatua a te vaa
2 ra, no ko ia ia Iehova ra. Te mā
anake ra to te tangata nei au aerenga
i tona uorai mata: te kimi matatio
3 rā Iehova i te vaerua. E tuku atu i

taau angaanga kia Iehova ra, e ka aka-
tinamouia taau i akakoro ra. Kua
angā Iehova i te au mea katoa nei
nona uaorai, e te aronga kino katoa
no te rā kino ra. Te rikarika rā
Iehova i te aronga katoa i parau te
ngakau ra: *tuikau ua rai* te rima,
kare aia e kore i te akautungaia. Te
tamāia nei te ara e te aroa e te tuatua-
mou; e te akaruke nei *te tangata* i te
kino i te matakū ia Iehova. Kua tau
anake to te tangata nei aerenga kia Ie-
hova ra, kua akaongi aia i tona au
enemi kiaia ra. E ngari ake te apinga
iti poepoe ma te tuatua tika ra, i te
apinga maata rava ra ma te tika kore.
Te kimi ra te ngakau tangata i tona
aerenga na Iehova ra e akakite i tona
takainga. E i tuatua taka meitaki to te
vaa o te ariki e *tika'i*, kia kore e tati-
pake tona vaa kia tuku i te utunga.
Te akaio tika e te aite, no ko ia ia Ie-
hova ra: te au toka katoa o te pute
ra, nana ia. Kia rikarika te ui ariki
ra i te tuatua kino e *tika'i*: *tei* te tua-
tua-tika oki e mou ei te terono. Te
vaa tuatua-tika ra ta te ui ariki e tau
atu e *tika'i*; e kia inangaro marie ra-
tou i te aronga i tika te tuatua e tika'i.
E tau te riri o te ariki ra ki te karere
ta tangata: e maru ra i te tangata
pakari. Tei te marama o te mata o te
ariki ra te ora; e tau oki tona aka-
perepere anga mai ki te tumurangi ua
openga ra. Kare ainei te pakari te
meitaki maata kia rauka i to te auro?
e te mea inangaroia ko te kite kia
rauaka, auraka te ario? Te arataa o te
aronga tiratiratu ra, ko te akaruke ia
i te tuatua kino: ko tei akono i tona
arataa, kua aknora ia i tona uaorai vac-
rua. Ko te parau to te mate ra na
mua, e te ngakau nengonengo ra, to te
inga ia na mua. Mea meitaki kia
akaaka te ngakau e te aronga akaaka
katoa ra, i te tua i te apinga ma te
aronga parau katoa ra. Ko tei pakari
i tona akonoanga, e rauka iaia te mei-
taki: e ao ra tona, to tei irinaki kia
Iehova. Ko tei akono ra, e karangaia
i te tangata ngakau pakari: e no te
meitaki o tona vaa e tupu ei te kite.
Ko tei rauka iaia te pakari ra, e puua-
vai ia no te ora; ko te api ra a te aro-
nga neneva ra, e tuatua neneva ia.
Na te ngakau o te tangata pakari e
akakite ki te vaa i te akono, e na *te
reira* e akakite ki te vaa i te kite. *E
tau* te tuatua meitaki ki te topatapata
meli ra, e vene i te vauerua nei, e ora
oki to te ivi. E ana rai te tangata i te
arataa e, e mea tika; ko te openga ra

26 o taua arataa ra, ko te mate ia. Ko te
tangata i rave i te angaanga ra, i anga-
anga ia nona uaorai; na tona uaorai
27 vaa oki i umuumu mai kiaia: Te ta-
ngata kanga ra, te keri ra ia i te kino;
28 e tei tona vaa te ai i te mura anga. E
akatupu rai te tangata māro i te taue-
tono: e na te koumuumu tuatua ra, e
akataka ke i te aronga taunga tuma-
nava. Ko te tangata tackinga-kino ra,
e vare tona oa iaia, e kua arataki iaia
na te arataa kare e meitaki: E topiri
aia i tona mata ei kimi anga i te tuatua
mingi: kua kakati oki i tona ngutu, e
31 kua rave iora i taua kino ra. E korona
kakā te upoko inaina, kia rokoia atu
32 tei te arataa tuatua-tika ra. Tei kore
e rapurapu i te riri ra, e meitaki maata
tona i to te aronga ririnui; e tei vi
tona uaorai vauerua, i tei pou iaia te
33 oire. Kua tukuia te kelero ki roto i te
āriki; tei ia Iehova anake ra te aka-
taka anga.

PENE XVII.

1 **E** NGARI ake te manga kai mea
ngiti marō ma te au, i te are i ki
2 i te tusia ma te karo. Te tavini pa-
kari ra, e tutara ia ki runga i te tamaiti
kanga ra, e tu oki i te tuanga e te au
3 tacake ra. Ko te zarepha to te ario e
te kura to te auro: ko Iehova ra tei
4 timata i te ngakau. E akaronga te
tangata rave ara i te vaa pikikaa; e
ariu oki te tangata pikikaa i tona ta-
5 ringa ki te arero kino. Ko tei aka-
vaavaa i te ao ra, kua akakino ia i Tei
anga iaia ra: e ko tei rekareka i te
kino ra, kare e karangaia e kare e ara.
6 E korona no te tangata pakari te au
utaro; e te kakā o te tamariki ra, ko
7 to ratou ia metua. Kare te tuatua
meitaki e tau i te neneva: ka tanga
atu ei te vaa pikikaa ki te ariki ra.
8 Te apinga oronga ua ra, *mei* te toka
meitaki ia i te mata o tei rave: te au
ngai katoa tana i ariu ra, kua meitaki ia.
9 Ko tei tapoki i te ara ra, kua aruaru kia
tauia mai ia: ko tei akakite ra i te tua-
tua ra, e taka ke te taunga tumanava
10 iaia. E meitaki to te ako i te tangata
pakari ra, i te pūpū i te neneva e kia
11 anere ua atu *te tuanga*. Ko te meamea
anake ra tei kimia e te tangata kino:
e tonokia mai oki te karere manava
12 kino kiaia ra. E ngari ake te tangata
kia aravei i te daba i riro tona au
punua ra. *i te aravei* i te neneva ma
13 tona ra neneva. Ko tei tutaki te mei-
taki ki te kino ra, kare te kino e taka
14 ke i tona ra are. *E tau* te akamata-

anga karo ki te ngaa anga vai ra: e
 akaruke ra i te karo ra, ka tupu aea te
 riri. Ko tei akatika i te tangata kino 15
 ra, e ko tei akaara i te tangata tuatua-
 tika ra, e mea viiui katoa raua na
 Iehova. Eaa te puapinga o te moni ki 16
 te rima o te neneva ra? kia rauka
 ainei te pakari? kare oki *tona* ngakau
 e *tau i te reira*. E aroa mairai te tau- 17
 nga i te au tuatau katoa ra, i anau
 maira te taake no te tuatau e tuma-
 tetenga'i ra. Ko te tangata kare e 18
 kite ra, e rave ia i te rima, riro atura
 ei tutaki no tona ra oa. Ko tei ina- 19
 ngaro i te karo ra, kua inangaro ia i te
 ara: ko tei akateitei i tona ngutupa,
 kua kimi ia i te mate. Te ngakau 20
 maira ra, kare te meitaki i kitea e ia: e
 te arero ketaketa ra, e rokoia ia e te
 kino. E neneva tana i anau ra, ko te 21
 aue tana e rauka: e te metua o te
 kanga ra, kare ona rekareka anga. E 22
 meitaki to te ngakau rekareka *mei* te
 vairakau ra: e maro ra te ivi i te
 ngakau taitaia. E rave te tangata kino 23
 i te apinga no roto i te umauma ra, kia
 akamingi aia i te aerenga o te tuatua-
 tau. Tei mua i te aroaro o te tangata 24
 kite ra te pakari: kareka te mata o te
 neneva ra, tei te openga mai ia o te
 enua. Te tamaiti neneva ra, e auenga 25
 ia na te metua tane, e te mamea oki no
 tei anau mai iaia ra. Kia akautunga 26
 atu i te tangata tuatua-tika ra, kare ia
 i te mea meitaki; e *kare rai e meitaki*
 kia moto atu i te aronga tutara i *ta ra-*
tou tuatua-tika. Ko tei kore e rapu- 27
 rapu i te tuatua ra, kua rauka iaia te
 kite: ko te tangata kite ra, e ngakau
 meitaki tona. Ko te neneva katoa ra 28
 oki, kia muteki ua, e karangaia ia i te
 tangata pakari: e tei topiri marie i
 tona vaa, e *karangaia ia* i te ta-
 ngata kite.

PENE XVIII.

KO tei tau kore i tetai ke, kua keta- 1
 keta ra i *tona uarai* manako;
 kua makitakita aia ki te au tuatua pa-
 kari katoa ra. Kare te neneva ra e 2
 mareka i te kite, kia kitea ra *te manako*
 i roto i tona uarai ngakau. Kua tae 3
 mai te tangata kino ra, kua tae katoa
 mai te akavaava; e te akama *kia tae*,
kua tae katoa ia te akakino. *Mei* te 4
 moana te tuatua o te vaa tangata; ko
 te punavai o te pakari ra, *mei* te matū-
 vai e ta'e ra. Kare e meitaki kia kite 5
 atu i te mata o te tangata kino, kia
 akainga atu te tangata tuatua-tika i te
 akavaanga. Na te vaa o te neneva aia 6

i arataki ki roto i te taumaroanga; e na
 tona uarai vaa i karanga atu kia *taia*
 7 mai. Te vaa o te neneva ra, ko tona
 ia mate: tona vaa te ereere e *mou ei*
 8 tona vaerua. E kai venevene ia te
 tuatua a te monomono korero ra, aere
 rava atura ki raro rava i te kopu ra.
 9 Ko tei akatau i tana ra angaanga, e
 taake ia no te kaimoumou. Te ingoa
 o Iehova ra, e punanga ketaketa ia: te
 oro nei te aronga tuatua-tika ki reira,
 11 e kua ora iora. To te tangata apinga
 nui ra apinga, ko tona ia oire ketaketa,
 e mei te patu teitei ra ia i tona
 12 manakoanga. Kare rai i mate ra te
 parau ra te ngakau tangata, ko te
 akaaka ra to te akangateitei ra na
 13 mua. Ko tei tuatua vave mai e kare
 i akakiteia atu, e neneva tona, e ka
 14 akama ia aia. E akakoromaki te
 vaerua tangata i tona ra mate; kia
 puta ra te vaerua ra e tika iaia kia
 15 akakoromaki i te reira? Te rauka ra
 i te ngakau o te tangata akono ra te
 kite; e te kimi ra te taringa o te ta-
 16 ngata pakari i te kite. Na te taoonga-
 rima o te tangata ra e akamaka i tona
 ara, i tae atu ei aia ki mua i te aroaro
 17 o te aronga mana. Ko tei na mua i
 te *akakite* i tana tuatua, e *ana nei* e te
 tika ra *tana*; te aere maira ra tei
 18 patoi iaia, ei reira aia e kitea'i. Na te
 kelero e akakore i te taumaro, e na
 te reira e vavao i te aronga mana.
 19 Te taake ra kia riri, e *tau ia* i te
 oire ketaketa; e *to ratou* taumaroa-
 nga, e tau i te tamou *aui* o te puna-
 20 nga ra. E ki te kopu o te tangata i
 te ua o tona vaa: e pangia tona kaki
 21 i ta tona vaa e akatupu. Tei te arero
 te mate e te ora te vairanga: e te
 aronga e tau i te reira na ratou e kai.
 22 Ko tei rauka iaia te vaine ra, e meitaki
 rai tana i rauka, e akaperepereia mai
 23 aia e Iehova. E akarekareka rai ta te
 ao: kareka te tangata apinga, e tua-
 24 tua taivaiva ia tana. Ko te tangata
 i takinga-meitaki ia etai ke ra, e tau-
 ngia ia tona; te vai nei ra te oa e piri
 meitaki tona i to te taake.

PENE XIX.

E MEITAKI to te ao tei aere ma
 1 te apa kore, i tei mingi tana tua-
 2 tua, e tei neneva rai oki. Kare oki
 te mea meitaki kia kore te vaerua e
 kite; ko tei rapurapu oki *tona* vaevae
 3 i te aere, kua ara ia. Na te neneva o
 te tangata i akamingi i tona aerenga;
 e kua riri iora tona ngakau ia Iehova.
 4 E apinga maata ra, e maunganui ia i te

taunga: e akarukeia ra te ao e tona
 ra tangata tupu. Kare te kite piki- 5
 kaa ra e akangereia i te utunga; e tei
 tuatua i te tuatua pikikaa ra, kare ia 6
 e ora. E manganui tei aruaru kia
 kiteia mai e te ariki ra: e e taunga
 anake te tangata katoa nei no te 7
 tangata oronga. Kare te au taake
 ravarai o te ao e tau atu iaia; ka 8
 tanga atu ei ki tona au taunga, *kare*
ainei ratou e akaatea ke atu iaia? e
 aru rai aia ia ratou ma te tuatua, kare 9
 ra ratou e akono mai. Tei rauka iaia
 te pakari ra, kua aroa aia i tona uorai
 vaerua: ko tei tāpu marie i te kite ra,
 ka rauka iaia te meitaki. Kare te 10
 kite pikikaa ra e akangereia i te utu-
 nga; e tei tuatua i te tuatua pikikaa
 ra, ka mate ia. Kare te taoliau e tau 11
 i te neneva; ka tanga atu ei ki te
 tavini kia tutara aia ki runga i te ui
 ariki ra. Na te akono o te tangata i 12
 kore ei i riri vave; ko tona ia meitaki,
 koia i akakore i te ara. Mei te ngu-
 nguru o te liona te riri o te ariki: ko 13
 tona ra akaperepere, mei te au ia i
 runga i te ngangare. Ko te tamaiti
 neneva ra, ko te tumatetenga ia o tona 14
 metua tane; e te vaine rotoriri, e
 are tuturu ia kare i tukumoe. Te are
 e te apinga, e ipukarea ia no ko mai i
 nga metua: kareka te vaine akono 15
 meitaki ra, no ko ia ia Iehova ra. Ko
 i te akatau ra, e rokoia e te moe tinai-
 nai; e te tangata maromaroa ra, ka
 mate ia i te pongi. Ko tei akono i te 16
 akaunga ra, kua akono ia i tona uo-
 rai vaerua: ko tei kore e mako i tona
 aerenga, ka mate ia. Ko tei aroa i te 17
 ao ra, kua oronga aia i te apinga na
 Iehova; e nana rai e tutaki mai iaia i
 taua mea ra. E ako atu i to tamaiti 18
 koi vai ake te manakoanga; e auraka
 to ngakau kia inangaro i tona mate.
 Te tangata rotoriri maata ra, e mate 19
 ia; kia akaora koe iaia, kia pera
 akaou rai koe e tika'i. E akarongo i te 20
 ako, e āriki i te apii, kia pakari koe
 i tou openga. E manganui te manako 21
 i roto i te ngakau o te tangata; ko te
 akakoro a Iehova ra te ka mou. Ko 22
 te manca o te tangata ra, ko tona ia
 takinga-meitaki: e meitaki to te ta-
 ngata putaua i te tangata pikikaa.
 Ko tei matakū ia Iehova, no ratou te 23
 ora; ka vai merengo ua rai ratou;
 kare e rokoia e te kino. E tuku te 24
 tangata akatau i tona rima ki roto i te
 kapu, kare ra e rave e akaoki ki tona
 vaa. E pāpā i te akavaavaa, e pakari 25
 te kite kore i reira: e ako atu i te
 tangata kite ra, e rauka tona kite i

26 reira. Ko tei keia i ta te metua tane
 ra, e tei tuaru ke i te metua vaine, e
 tamaiti akatupu ia i te akama e te
 27 akakino. Ka oti ana, e taku tamaiti,
 i te akarongo i te apii e tatipake ei te
 28 tuatua kite. E akavaavaa te kite
 tangata kino ra i te tuatua-tau: e te
 apuku ua ra te vaa o te tangata kino ra
 29 i te kino. Te vaooia ra te utunga no
 te aronga akavaavaa, e te pāpā no te
 tua o te aronga neneva ra.

PENE XX.

1 E AKAVAAVA tei te winā, e
 kanga maata tei te kava kona:
 kare i te tangata pakari tei vare i te
 2 reira. Te matakū i te ariki ra, mei te
 ngunguru ia o te liona: ko tei aka-
 koko atu iaia kia riri ra, kua ara aia
 3 i tona orai vaerua. E paapua te ta-
 ngata me akaruke i te tumūro: ka-
 rekā te aronga neneva katoa ra, ka riri
 4 rai ratou. Kare te moe ua e arote i
 te tuatau anu; e ori ra aia i te tuatau
 5 mou ra, e kare tana e rauka. Te
 manako i roto i te ngakau tangata, mei
 te moana ia; e rauka maira taua
 6 manako rai i te tangata kite. E ma-
 nganui te tangata i tuatua i to ratou
 uorai takinga-meitaki: i te tangata
 7 tuatua-mou ra, kitea iaai? E aere
 rai te tangata tuatua-tika ma te piki-
 kaa kore: e meitaki tana au tamariki
 8 i muri ake. Kia noo te ariki ki runga
 i te terono akavaanga ra, ka pueriki-
 9 riki te au kino katoa i tona mata. Koai
 te tika kia karanga e, Kua mā toku
 ngakau iaku, kua tumā au iaku uorai
 10 i taku nei ara? Te au toka e manga-
 nui te tu, e te au aite e manganui te
 tu, e mea rikarika katoa ia na Iehova.
 11 E tac ua atu ki te tamariki i te kite
 angaia i ta ratou ra au ravenga; i te
 meitaki anga, e te tika anga i te ako-
 12 noanga. Te taringa e akarongo ra, e
 te mata e akara ra, na Iehova raua
 13 katoa ia ianga. Auraka e inangaro ki
 te moe, ka rokoia aea koe e te putaua;
 e akapuera ana i to mata, e maata ia
 14 tauu kai. Te tuatua maira tei aere
 mai e oko ra, E mea kino, e mea
 kino; kia viro ke ra aia ra, ei reira e
 15 akatieie ei. Te vai ra te auro, e te
 au poc e manganui: ko te vaa kite ra,
 16 ko te poc meitaki roa ia. Ka rave i
 te kakau o te riri ei tutaki i tetai, e
 tana ra apinga no te kai ou tangata ke
 17 ke ra. E mea meitaki na te tangata te
 kai pikikaa; ko muri akera, e ki
 18 tona vaa i te one. Kia rai te ui e
 taka'i tei manakoia ra; e kia akakito

meitakiia mai ka rave ei i te tamaki. 1
 Kona te taoui tuatua ra, kua akakite aere 19
 i te tuatua ngaro: e teianei, auraka e
 ki atu i tei taparu mai i tona vaa. 20
 Ko tei tao i tona metua tane e tona 20
 metua vaine, ka tamateia tona lamepa
 ki roto i te poiiri pangopango ra. E 21
 rauka viviki ua mai ta *taui* tuanga i te
 muatangana ra; kare ra te openga e
 akameitakiia. Auraka e karanga e, 22
 E tutaki atu au i taua kino nei; e
 tapapa marie ra ia Ichova, e nana koe
 e akaora. E mea rikarika na Ichova 23
 te au toka tu ke ke; e te aite pikikaa
 ra, kare ia i te mea meitaki. Na Ie- 24
 hova oki to te tangata nei aerenga;
 koui oki te tangata i kite i tona uarai
 arataa? E ara te tangata kia rapurapu 25
 tona vaa i te mea tapu ra; e kia oti te
 tia ka ui ei. E pucurikiriki ke te aro- 26
 nga kino i te ariki pakari, e kua apai
 i te porotata na runga ia ratou. Te 27
 vnerua o te tangata nei, ko te lamepa
 ia na Ichova, ei makitoro marie i te
 au mea katoa i roto i te ngakau ra.
 Te aroa e te tuatua-mou i ora'i te 28
 ariki; i mou ei oki tona terono i te
 aroa. Ko te ririnui te inuino o te ta- 29
 ngata ou ra; ko te inaina o te upoko
 ra, ko te akamanea ia o te aronga
 pakari. Tei te ngaa o te maki ra e 30
 peke ei te kino, koia katoa te pāpā i
 te au ngai katoa i roto i te nga-
 kau ra.

PENE XXI.

E AU matāvai te ngakau o te 1
 ariki i te rima o Ichova, te aka-
 ariu ra aia ki tana ngai i inangaro.
 E mea tika anake rai te au aerenga 2
 o te tangata nei i tona orai mata: te
 kimi matatio rā Ichova i te ngakau.
 Tei te akono i te tuatua-tika, e te 3
 tuatua-tau, ko te mea meitaki maata
 ia ia Ichova i to te tusia. Te mata 4
 teitei, e te ngakau parau, e te lamepa
 o te aronga kino, e ara *anake* ia. Te 5
 kimianga o te aronga maroiroi ra,
 tei runga ia i te apinga maata: ka-
 reka ta te aronga rapurapu ua ra, tei 6
 te putaua ia. Te apinga i rauka i te
 arero pikikaa, e mea puapinga kore i
 akapucu keia na te aronga e kimi i 7
 te mate. Na tei āruia e te aronga
 kino ratou e akamataku; no te mea,
 kare e tika ia ratou kia rave i te tuatua- 8
 tau. Te aerenga o te tangata ra, e
 mea mingimingi ia e te tu ke: kareka 9
 te tangata viivii kore, te tika ra tana
 tuatua. E mea meitaki te noo i te
 ākapi-tara ki runga i te taua are ra,

i te noo i te are maata ma te vaine
 kavauvau. Te inangaro ra te ngakau
 o te tangata kino i te mea kino; kare
 oki tona tangata tupu e kiteia mai e ia.
 11 Kia akautungaia te akavaavaa, te
 pakari ra te aronga manako kore; e
 kia akoia atu te tangata pakari ra, te
 12 rauka ra iaia te kite. Te akamaara
 marie ra te tangata tuatua-tika i te
 are o te tangata kino, te tairipoti anga
 o te aronga kino no te tuatua kino.
 13 Ko tei popani i tona taringa i te aue
 o te ao ra, e aue katoa aia uarai, e kare
 14 e akarongoia mai. E anga te riri i te
 apinga apai poiiri uaia, e te tutaki kave
 15 poiiri ua ra, e *anga* ia riri maata. E
 mea rekareka na te aronga tuatua-
 tika kia rave i te tuatua-tau; ko te
 16 mate ra to te aronga rave ara ra. Ko
 te tangata kia akaruke i te arataa o te
 kite ra, ei te uipunga aia o te aronga
 17 mate ra noo ei. Ko tei aruaru i te
 mea navenave ra, *ka riro* ei tangata
 apinga kore; ko tei inangaro i te wina,
 18 e te inu ra, kare aia e apingaia. *E*
riro te tangata kino ei oko no te aronga
 tuatua-tika; e te rave ara no te aro-
 19 nga tiratiratu. E mea meitaki kia
 noo ua ki te enua motutaa, i te *noo*
 20 *ki* o te vaine tamaki e te rotoriri. Ko
 te apinga meitaki roa ra, e te ma-
 nongi, tei te nooanga o te aronga pa-
 kari ra: kareka te tangata neneva
 21 ra, e pou rava ia iaia. Ko tei auaru
 i te tuatua-tika e te aroa, e rauka iaia
 te ora, te tuatua-tika, e te ngateitei.
 22 E taea te oire o te aronga ririnui e te
 tangata pakari, e kua uri i tona pa-
 23 rururu ketaketa ki raro. Ko tei tapapa
 marie i tona vaa e tona arero, kua
 tapapa aia i tona uarai ngakau kia
 24 kore e rokoia e te tumatetenga. Ko
 te parau, e te akavaavaa māro tona
 ingoa, to tei ootoo ua mai tona riri
 25 ngakau parau. E mate te akatau i
 tona uarai inangaro; no te mea kare
 tona rima e tika kia rave i te anga-
 26 anga. Te noinoini ua ra aia e po ua
 atu; e oronga ra te tangata tuatua-
 27 tika e kare e tūpu. Te tusia a te
 aronga kino, e mea viivii ia; ka tanga
 atu ei kia apaiia mai ma te manako
 28 kino? E mate te kite pikikaa ra;
 na te tangata akarongoua oki e akakite
 29 i te tuatua-tika. E akaketaketa te ta-
 ngata kino i tona mata: kareka te tira-
 tiratu ra, e akonokono aia i tona aerenga.
 30 Kare e pakari, kare e kite, kare e tua-
 31 tua kimiia, e *tupu ei* ia Ichova. Kua
 akonoia te ipo no te rā tamaki: ko
 te re ra, no ko ia ia Ichova ra.

PENE XXII.

KO te ingoa tei meitaki i te apinga 1
maata ra; e te kite meitakiia 2
mai i te ario e te auro ra. Ka aravei 3
rai te tangata apinga e te tangata 4
apinga kore katoa: na Iehova ratou 5
katoa ia i anga. E kite mamao te ta- 6
ngata akono i te kino, e kua pipini 7
iora; te aere ua atura te kite kore, e 8
mate atura. Te tutaki o te taakaaka 9
e te matakua ia Iehova, ko te apinga 10
nui ia, ko te ngateitei ia, ko te ora ia. 11
Ko te rakau taratara e te ereere, tei te 12
arataa o te aronga ketaketa: ko te tapa- 13
pa ra i tona ngakau, e riro aia i te atea ke 14
atu. E apii i te tamaiti i te arataa e 15
tika'i iaia kia aere ra; e kia pakari aia 16
ra, kare e akaruke i tana *arataa* ra. 17
Te tutara ra te tangata apinga i te 18
ao; e *kua riro* te ori ei tavini no tei 19
oriia. Ko tei ruru i te kino ra, ko 20
te puapinga kore tana e kokoti; e pou 21
oki aia i te rakau o tona ra riri. 22
E akameitakiia te tangata oronga; no te 23
mea e oronga aia i tana kai na te ao. 24
E tuaru ke atu i te akavaavaa, e riro 25
katoa te taumaro i reira; kore akera 26
ia te karo e te akakino. Ko tei ina- 27
ngaro i te ngakau ma ra, no te vaa 28
reka nona ra e *riro ei* te ariki ei taunga 29
nona. Te tiaki ra te mata o Iehova 30
i te kite; e taiipoti ra aia i te tuatua 31
a te rave ara. Te tuatua ra te tangata 32
akatau, E liona tera tei vao akera, 33
ka mure au i te arataa. E vaarua 34
oonu te vaa o te vaine akaturi: ko tei 35
ririia e Iehova ra, ko te inga ia ki 36
roto ra. Kua mou rava te neneva ki 37
roto i te ngakau o te tamariki: na te 38
papa ra, na te ako, e akataka ke atu 39
iaia. Ko tei takinga-kino i te ao kia 40
apinga tana uorai, e tei apai i *te api-* 41
nga na te aronga apinga nui, e *rokoia* 42
tikaia e te putaua.

E ariu mai i to taringa, e akarongo 17
mai i te tuatua a te aronga pakari, e 18
tavaitai oki i to ngakau i toku nei kite. 19
E mea mataora oki kia mou piri tikai 20
koe i te reira ki roto i to ngakau na; 21
e kia vaio ua mai *oki* ki roto i to vaa 22
na. Kia irinaki rai koe ia Iehova, i 23
akakite atu ei au ia koe, ia koe tikai, 24
i teianei au tuatua i teianei ra. Kare 25
ainci au i tata ana i te tuatua meitaki 26
ia koe ra, i te tuatua ako ra e te kite: 27
I te akakite anga atu kia koe i te taka 28
meitaki anga o te tuatua-mou ra; 29
kia akakite atu koe i te tuatua-mou ki 30
te aronga e tono mai i te karere ia 31
koe ra?

22 Auraka e rave i ta te tangata pu-
taua, no te mea e putaua aia; e tei
maki ra, auraka kia takinga-kinoia i
23 te ngutupa: Na Iehova oki e akatika
mai ia *ratou* i ta ratou tuatua, e e aia
aia i te vaerua o te aronga i aia i ta
24 ratou. Auraka e akataunga atu ki te
tangata rotoriri; e auraka e piri katoa
atu ki te aerenga o te tangata riri ma-
25 ata ra: Ko te apii katoa aea koe i tona
aerenga, e mou iora to ngakau i te
26 ereere. Auraka e kapiti katoa ki roto
i te aronga e mou te rima ra; ki roto
i te aronga e riro ei tutaki no te kai
27 ou ra. Kare aau kia apai ei oko ra,
ea oki to roi i raro ake ia koe ru e
28 raveia'i? Auraka e kiriti i te kena
kainga taito ra, ta to au metua iuku
29 ra. Te akara ra koe i te tangata i
maroiroi i tana taonga? ei mua i te
aroaro o te ui ariki aia e tu ei; kare
aia e tu ki mua i te aroaro o te aronga
tarevakaua ra.

PENE XXIII.

KIA noo koe e te kavana katoa ki
1 te kaingakai ra, ka akamanako
marie i tei tukuia mai ki mua i to
2 aroaro na: Te akavaitata na ra oki
koe i te matipi ki to karaponga me koi
3 maata rava koe: Auraka e kaki atu i
tana ra au kai memetaki ra; e kai
4 pikikaa *anake* oki te reira. Auraka
e akaope i te ririnui ki te apinga kia
maata; auraka e irinaki ki toou uorai
5 pakari. Ka anaana rai koe i o mata
ki runga i te mea e kare nei ia? te
rave nei oki te reira i te peau; te rere
ke nei mei te aeto ki runga i te rangi
6 ra. Auraka koe e kai i te mangu a te
karapii, auraka koe e kaki i tana ra
7 au kai memetaki ra. Ko tona ra
manako i roto i tona ngakau, ko koia
uorai ia: e riro aia i te karanga mai
e, Ka kai, ka inu; kare ra tona nga-
8 kau i tae kia koe. Tana manga mea
ngiti tauu i kai ra, e ruakia ia e koe
ki vao; mounou atura tauu tuatua
9 akameitaki ra. Auraka e tuatua ki
mua i te aroaro o te neneva ra; e riro
aia i te akavaavaa i te tuatua pakari
10 naau ra. Auraka e kiriti i te kena
kainga taito ra: auraka e kai i te
11 kainga o te aronga matiroeroe; Ko to
ratou oki Akaora, e ririnui *tona*; e
nana e akatika i ta ratou tuatua ia koe
12 ra. E tavaitai i to ngakau ki te apii,
13 e to taringa ki te tuatua kite ra. Au-
raka e tapu i te ako ki te tamaiti: kia
papa koe iaia ki te rakau ra, kare ia
14 aia e mate. Kua papa koe iaia ki te

rakau ra, kua ora tona vaerua ia koe
e *kare e tae* ki ade.

E taku tamaiti e, kia pakari toou ra 15
ngakau, ka rekareka ia toku ngakau,
toku uaorai nei rai. Ka rekareka to 16
roto iaku nei, kia tuatua toou vaa i te
tuatua tiratiratu. Auraka to ngakau e 17
vareae i te aronga rave ara: *kia noo*
ra ma te matakua ia Iehova e po ua
atu te rā; Te vai ra oki te openga, 18
kare oki taau e irinaki ra e akakoreia.
E akarongo mai, e taku tamaiti, kia 19
pakari koe, e e arataki i to ngakau
na te arataa. Auraka koe e kapiti 20
katoa ki te aronga i kona i te wina ra:
ki roto i te aronga e kaituauau i te
puaka. Ko te konā kava oki, e te 21
kaki nui ra, ka putaua ia; e na te moc
ua e akakakau mai ki te kakau ngae-
ngae. E akarongo mai i to metua tane 22
i anau ei koe ra, e auraka e akavaavaa
i to metua vaine me ruaine aia ra.
E oko i te tuatua-mou, e auraka rava 23
e oko akaouia atu; te pakari, e te ako,
e te kite. E rekareka maata ia te 24
metua o te tangata tuatua-tika ra; e
tei anau i te tamaiti pakari, e rekareka
katoa ia iaia. E rekareka to metua 25
tane e to metua vaine, e tei anau ia koe
ra, ka rekareka ia. O mai na to nga- 26
kau kiaku nei, e taku tamaiti e; e akara
marie oki to mata i toku nei au arataa.
E *tau* oki te vaine akaturi ki te vaarua 27
oonu; e te vaine ke ra, *mei* te vaarua
piripiri ia. Te moctapapa ra oki aia, 28
mei te mea kia rauka te apinga ra;
e manganui to roto i te tangata nei i
araja iaia.

Koai tei aue nei? koai tei mii? koai 29
tei taumāro? koai tei vaavaanunui?
koai tei paruparu ara kore ua? toai te
mata kutekute? Te aronga noo roa 30
i te *inu* anga wina ra; ko tei uipa e
inu i te wina irokia ra. Auraka e 31
akara i te wina kia muramura mai,
kia panapana i roto i te kapu ra, e
topa ngoie iora ki raro. Kia tae oki 32
ki te openga ra, e tau tona kakati ki to
te ovi, rato atura oki tona kava mei to
te zephoni ra. E riro oki to mata i te 33
akara i te vaine ke; e tupu oki te
manako kino ki roto i to ngakau na.
E riro oki koe mei te tangata i moc ki 34
rotupu i te moana ra; mei tei moe ki
runga i te kauru tira ra. E *riro* koe i 35
te *karanga* e, Kua pāpā mai ratou iaku,
kare ra au i mate; kua ta mai ratou
iaku, kare ra au i rongō ana; kia ara
na au ra, e kimi atu rai au.

PENE XXIV.

1 **A**URAKA koe e vareae i te tangata
2 kapiti kia ratou. Te kimi ra oki to
ratou ngakau i te mate, e te tuatua nei
3 to ratou vaa i te takinga-kino. E pa-
tuaia te are i te pakari; e e akatina-
4 mouia i te kite: E ki oki te au pia
ra i te kite ki te au apinga memeitaki
5 katoa i inangaroia ra. E ririnui to te
tangata pakari, e te tangata kite, e aere
6 ia tona maroiroi i te maata. E tenana,
kia rai te kimi anga i te tuatua pakari,
ka rave ei koe i te tamaki: tei te
maata i te kimi i te tuatua ra te ora.
7 E teitei to te tuatua pakari, kare e taea
e te neneva ra: kare aia e tika kia
8 tuatua i te ngutupa ra. Ko tei aka-
tupu i te ravenga kino ra, e karangaia
aia i te tumu no te kimi i te kino ra.
9 Te manako neneva ra, e ara ia; e mea
viivii ra na te tangata nei te akavaa-
10 vaa. Kia potopoto to a'o i te rā i eke
11 ei ra, kua iti roa toou maroiroi. E
akaora i te aronga i aratakiia e ta; te
aronga i waitata i te mate ra: kia kore
12 ra koe e rave, Kia karanga koe e, I
na, kare matou i kite iaia; kare ainei
tei kimi matatio i te ngakau nei e
akamanako? *kare ainei* tei tiaki mai
i to vaerua ra e kite? *kare ainei* aia e
akautunga mai i te tangata nei i tana
13 ra angaanga? E kai i te meli, e taku
tamaiti, no te mea e *manga* meitaki;
e te melikerio, *no te mea* te vene ra ia
14 i to kaki? Koia katoa te kite i te tua-
tua pakari ki toou ra vaerua, kia rauka
ia koe ra: te vai ra oki te openga, kare
oki taau e irinaki ra e akakoreia.
15 Auraka koe e moctapapa, e tera ra
tangata kino, i te ngutua o te tuatua-
tika ra; auraka koe e tamoana i tona
16 akaangaroia: Kia taki itu ua atu
te inga anga o te tangata tuatua-tika,
e tu akaou mai aia; e nina roaia ra te
17 aronga kino e te kino. Auraka koe e
rekareka kia inga to enemi ra, e kia
turori ua aia, auraka to ngakau kia
18 rekareka: Ko te akara mai aē Iehova,
ko te kinokino aea aia, e kua ruri ko
akera tona riri i runga iaia ra *ki runga*
19 *ia* koe. Auraka koe e ongoongo i te
aronga kino, auraka oki koe e vareae
20 i te aronga tuatua kino ra: Kare oki o
te tangata kino ra tutaki *meitaki*; e te
laniepa o te aronga kino ra, ka tama-
21 teia ia. E taku tamaiti, ko Iehova
taau e matakua, e te ariki: auraka e
kapiti ki te aronga e akatupu i te pecu
22 ke ke ra; E rokoia uaia mai to ratou

mate, kare e roaia; koai oki te kite i to ratou mate no ko mai ia raua ra?

Teia katoa te au mea a te aronga pa- 23
kari:

Kare te mea meitaki kia akono i te tu o te tangata i te akava anga. Ko 24
tei karanga ki te tangata kino ra, E tangata tuatua-tika koe; e kataraua aia e te tangata, to te pa enua te ka akaviivii iaia: Ko te aronga ra i aka- 25
mura *iaia*, e taurekarekaia atu ia, e ka tae mai te meitaki maata ki runga ia ratou. E ongia te putaiu o te reira 26
tangata, ko tei tuatua mai i te tuatua meitaki ra. E akateateamamao i taau 27
ra angaanga ki vao, ka akatau marie ei kia tau taau ki te kainga; ka akatu ei i toou are i muri ake. Auraka koe kia 28
riro ei kite taeke ua i to tangata tupu ra; *auraka* to vaa kia pikikaa i *talai ke*. Auraka e karanga e, Mei tana i 29
rave mai kiaku nei, e pera katoa au kiaia; e tutaki atu au i taua tangata nei i tana ra angaanga. Iaku i aere 30
ake na roto i te kainga o te tangata akatau ra, e na roto i te kainga vine o te tangata kite kore; I na, kua 31
ngaromia rava i te ngangaere, e kua kapi i te mauku mango, e kua ngaoro te patu toka ra ki raro. E kite akera au 32
ra, kua maara marie iora au; akara atura au, rauka iora te ako iaku: Ei manga moe iti rai, ei akavai anga 33
iti rai, e tapeka iti ua atu rai te rima, ei manga moe rai; E rokoia mai koe 34
e te putaua mei te tuitarere ra; e toou ra ngerenga mei te tangata ta-oonga tamaki ra.

PENE XXV.

E tuatua no te ui ariki, e no te au mea e tupu ei te kino ra.

TEIA katoa nga maseli a Solomon 1
i akaputuia e te au tangata no te ariki o Iuda ra ko Hizekia.

E kakā te Atua kia uuna i te tuatua: 2
e kakā ra te ariki kia kimi matatio i te tuatua ra. I te teitei ra, tei te rangi ia, e te oonu ra, tei te enua ia, e te ngakau o te ui ariki ra, e mea taea kore *katoa* ia. E akataka ke ana te ota i te ario ra, rauka iora te ario tikai i te tangata i akataka ra: E 3
akataka ke ana te tangata kino i te aroaro o te ariki ra, e ka tinamouia iora tona terono e te tuatua-tika. Au- 4
raka e akapaapaa ia koe uaorai ki mua i te aroaro o te ariki ra, auraka koe e tu ki to te aronga nunui ra tura: 5
E mea meitaki oki kia karangaia mai koe, Ka aere mai ana ki runga nei; 7

i te tukuia koe ki raro ki mua i te aroaro o te ariki ra, ta to mata e akara 8
3 ra. Auraka e raparapu ana i te akatupu i te taumaro ra: e akapeca oki koe kia tae ki te openga ra, me taakamaia koe e to tangata tupu 9
9 ra? E akataka marie ua atu koe i taau tuatua ki to tangata tupu ra, auraka koe e aaki i *tana* ra tuatua 10
10 muna ki tetai ke: Ko te taakama mai aea tei akarongo ra ia koe, e kare atura e ngaro te akakino ia koe ra. 11
11 Mei te lemoni auro i roto i te vai-ranga ario ra, ko te tuatua ia me tua- 12
12 tuaia i te taime tikai ra. *Mei* te poe auro ra, e te apinga manca auro meitaki ra, *koia* te ako tangata pa- 13
13 kari ki te taringa akarongo ra. Mei te anuanu kiona i te tuatua akaū ra, *koia* te karere meitaki i te tangata i tono iaia ra; meitaki akera 14
14 te ngakau o tona pu iaia. *Mei* te tumurangi, e te matangi kare e ua ra, *koia* tei akatieie puapinga kore ua i *tana i karanga* e ka oronga. 15
15 E maru mai te kavana i te akakoromaki roa; e e atiatu te ivi i te arero 16
16 maru. Kua kitea ainei te meli ia koe? ko te pangia nei rai te pangia kia kai, ko te ki rava aea to *kopu*, ko te ruaki 17
17 aea ki vao. Auraka e aere putuputu ki te ngutuare o to tangata tupu ra, ko te iu aea aia ia koe, e kua riri iora ia 18
18 koe. E rupo ia, e koke ia, e ana keo-keo ia, tei riro ei kite pikikaa i tona ra 19
19 tangata tupu. *E tu a nio* ati, e te vae-vae ngaui, te irinaki ki te kite pikikaa 20
20 i te tuatua e tumatetenga i ra. *Mei* tei kiriri i te kakau i te rā anu ra; e *mei* te vinega i *riringia* ki runga i te natarona ra, *koia* te tumu i te amu i te 21
21 tangata ngakau tumatetenga ra. Te pongi ra to enemi, e akaangai atu ki te kai; te kaki ra oki aia, e akainu atu ki 22
22 te vai; Kua akaputu oki koe i te ngarau ka ki runga i tona upoko i reira; e na Iehova e tutaki mai ia koe 23
23 ra. *Mei* te matangi ra e akarua, e topa i te ua ra, *koia* katoa te arero kounumumu ra, e *tupu ei* te mata riri 24
24 ra. E mea meitaki te noo i te akapitara ki runga i te taua are ra, i te noo i te are maata ma te vaine kavauvau. 25
25 *Mei* te vai anu i te tangata i kaki ra, *koia* te tuatua meitaki mei te enua ma-mao mai. *Mei* te punavai i taveuia ra, e *mei* te vai pupui e tarepona ra, *koia* te tangata tuatua-tika kia inga ki mua 26
26 i te aroaro o te tangata kino ra. Kare te mea meitaki kia kai maata i te meli; *koia* katoa, te kimi i tona orai kakā, 27
27 *kare ia* i te kakā. *Mei* te oire koro 28

kore e te ngaangaa ra, *koia katoa* te tangata kare i akavi i tona uorai vaerua.

PENE XXVI.

E tuatua no te neneva, e no te aronga moe ua.

MEI te kiona i te tuatau akaū ra, 1
e mei te ua i te mou ra, koia 2
katoa te ngateitei kare e tau i te 3
neneva ra. Mei te zephura e rere 4
aere ua ra, mei te kopekapeka e okioki 5
ua mairai, koia te tao ara kore ra kare 6
e tae na mai. Ko te taura pāpū ra, no 7
te ipo ia, te tavaa, no te asini ia, ko te 8
rakau ra, no te tua ia o te neneva ra. 9
Auraka e akatau katoa atu i tauu tuatua 10
ki te neneva ra i tana ra tuatua 11
neneva, ko te riro katoa atu aea koe 12
mei iaia katoa te tu. E akatau katoa 13
atu i tauu tuatua ki te neneva ra i tana 14
ra tuatua neneva, ko te riro aea aia ei 15
tangata pakari i tona ra manako anga. 16
Mei te tangata pirikoki ra, te inu ra i 17
te takinga-kino, *koia* tei toni i te ne- 18
neva ei apai i tana tuatua. *Mei* te 19
vaevae o te pirikoki e paruparu ra, 20
koia katoa te maseli i te vaa o te ne-
neva ra. Mei te tangata e ri piri i te
toka ki roto i te kapu maka ra, koia
katoa te tangata e akangateitei atu i te
neneva ra. *Mei* te rakau taratara i te
rima o te konū kava ra, koia katoa te
maseli i te vaa o te aronga neneva ra.
Na Tei maata, tei anga i te au mea
katoa, nana oki i tutaki i te neneva, e
nana rai i tutaki i te aronga tareva ke.
Mei te kuri e oki ki tona ra ruaki, 11
koia katoa te neneva e oki rai ki tana
tuatua neneva. Te akara ra koe i te 12
tangata i pakari i tona uorai manako
anga? e manakonakoanga ake to te ne-
neva i tona. Te na ko maira te tangata 13
akatau, E liona tei te aratua akera; e
liona taac tei te ara metua. *Mei* te pa 14
e takataka ua ki runga i tona ra ingere,
te pera katoa ra te tangata akatau ki
runga i tona ra roi. E tuku te tangata 15
akatau i tona rima ki roto i te kapu, e
mea roiroi ra nana kia apai i taua rima
ra ki te vaa. E pakari maata to te ta- 16
ngata moe ua ra i tona uorai manako
anga, i nga tangata katoa toko itu tei
tika ia ratou te tuatua meitaki ra. 17
Mei tei opu ua i te taringa o te kuri ra, 18
koia tei tapae ua atu ki ta tetai ke ra
karo anga. Mei te tangata neneva ra, 19
pei aere ei te komotu ai, e te ana e
mate ei ra: Koia te tangata i pikikaa i 20
tona ra tangata tupu ka tuatua atu ei e,
Kare ainei taku i te takataka? Kare 20

e vaie ra, e mate ia ai: e kare oki e
taoi tuatua ra, e kore katoa te karo.
21 *Mei* te vaie ki runga i te ngarau ka ra, e
mei te rakau ki runga i te ai; koia ka-
toa te tangata māro ra, kia akatupu i te
22 karo ra. E kai venevene ia te tuatua
a te monomono korero; aere rava
23 atura ki raro roa i te kopu ra. *Mei* te
ota ario i tukuia ki runga i te āriki
karakaraca ra, *koia* te vaa koperepere,
24 e te ngakau kino. Ko tei riri ra, te
pikikaa ra ia tona vaa, e te vaoa ra i te
25 pikikaa ki roto iaia; Kia tuatua mei-
taki mai i tana tuatua, auraka e aka-
rongo atu; *te vai* ra oki ki roto i tona
26 ngakau e itu tuatua viivii. Ko tei
tapoki i te riri i te pikikaa, e akakite
puia tona kino ki mua i te uipanga
27 *katoa*. Ko tei ko i te vaarua ra, koia
uorai te ka topa ki roto: e oki mai
oki te toka ki runga i te tangata i aka-
28 taka ra. E riri te arero pikikaa ki te
aronga i takinga-kinoia e ia ra, e ko te
mate te tupu i te vaa akarekareka
ua ra.

PENE XXVII.

E tuatua no te tangata inangaro iaia uorai, e no te inangaro mou.

AURAKA koe e akatieie i to
1 apopo; kare oki koe i kite i te
2 ka tupu i te rā okotai nei rai. Na
tetai ke koe e akapaapaa, auraka toou
uorai vaa: ei tangata ke, auraka na
3 toou uorai vaa; Teimaa to te toka,
teimaa katoa to te one; teimaa maata
ra to te riri o te neneva i aua nga mea
4 katoa e rua ra. Takinga-kino to te
makitakita, e te riri ra, mei te ua kava
ia; koia ra te tangata e mou i mua i
5 te vareue? E ngari ake te kauvae
akakite ateaia mai, i te inangaro kia
6 uua ia. E mea meitaki te putaputa
no te taunga; ko te ongiongi o te
7 enemi ra, e mea pikikaa ia. Tei
pangia te kaki ra, e akaviivii ia i te
melikerio; ko tei pongi ra, kava
8 uorai e vene ia iaia. Mei te manu
kia akaruke i tona koanga, koia katoa
9 te tangata kia akaruke i tona ngai. E
rekareka te ngakau i te manongi e te
takakara; e pera rai te tuatua maru a
10 te tangata nei ki tona ra oa. Auraka
e akaruke i to oa, e te oa o to metua
tane; kia kore koe e tae ki te are o to
taukana i te rā e eke ei ra; e ngari
ake oki to te tangata tupu kia vaitata
11 mai, i te tuakana i te atea ke ra. E
taku tamaiti, kia pakari koe, kia rekareka
toku ngakau, kia tika iaku kia
pato i tei akakino mai iaku nei.

E akara mamau ua tei akono ra i te 12
kino, e kua pipini iora: te aere ua
atura te kite kore, e mate atura. Ka 13
rave i te kakau o tei riro ei tutaki i
tetai, e tana ra apinga no tei kai ou
vaine ke ra. Ko tei akamaata te reo, 14
e te tu vave anga i te popongi metua i
te akameitaki anga i tona taunga, e
akariroia ia ei katara nona. *E are* 15
kare e akapaki i te tuturu i te rā
uriia ra, e te vaine kavauyau ra, oko-
tai rai ia. Ko tei uuna iaia kua uuna 16
i te matangi, e te manongi o tona rima
katau, ko tei akakite *iaia uaurai*. Na 17
te auri i akakina i te auri; e na te ta-
ngata e akakina i te mata o tona tau-
nga. Ko tei tiaki i te suke ra, e kai 18
ia i te ua no rungao; e ko tei tiaki i
tona pu, e akangatceitai ia. Mei te 19
mata e *tau* i te mata i raro i te vai ra,
koia katoa te ngakau tangata i te *tau*
anga ki te tetai. Ko ade e te mate 20
kare rava e iu anga; koia katoa te
mata tangata, kare katoa ia e iu. Mei 21
te zarepha e *timata* i te ario, e te
kura i te auro; *kua timata* katoaia te
tangata i te vaa e akapaapaa mai iaia
ra. Reru ua koe i te neneva ki te 22
auri, e te sitona katoa ki roto i te
āriki ra, kare e taka ke te tuatua ne-
neva iaia.

Ka akara meitaki ana kia kite koe i 23
te tu i to anana mamoe, e akono mei-
taki okii *taau* au bovi: Kare oki te 24
apinga maata e vaoou ngata mai; e te
korona, ka riro ainei ki te au uki
katoa? Te kao ra te ngangaere, e te 25
kitea maira te rakau tupu ou, e kua
akaputupuia te rakau rikiriki o te
maunga. Te au punua mamoe ra, ei 26
kakau ia noou ra; e te puaka-nio toa
ra, ei oko ia i te kainga *noou*. E rava 27
te u o te puaka-nio ua ei kai naau, ei
kai oki na to ngutuare katoa ra, e ei
kai oki na to au tavini vaine katoa ra.

PENE XXVIII.

*E tuatua no te tangata kino, e no te
akono meitaki.*

TE ati ua ra te tangata kino, kare e 1
tangata i te arumaki mai: kua
tu a liona ra te aronga tuatua-tika i te
mataku kore. E takinokino au tei 2
taua enua ra, e manganui tona
ariki; ei tangata akono meitaki ra,
oki atura ia ki te akono anga tikai.
E kavana putaua tei takinga-kino i te 3
ao ra, e *tau* ia i te uriia maata kare e
manga e toc ra. Te aronga i akaruke 4
i te ture ra, kua akapaapaa ia i te aro-
nga kino: ko tei akono ra i te turo

5 ra, kua patoi ia ia ratou. Kare te
aronga kanga e kite i te tuatua-tau
ra; ko te aronga ra i kimi ia Ichova
6 ra: e kite ia i te au mea katoa ra. E
ngari to te ao tei aere ma te apa kore
ra, i tei upokoango *tona* aereanga,
7 maata ua atu ei te apinga. Ko tei
akono i te ture ra, e tamaiti pakari ia:
ko te oa ra o te kaituauau ra, kua ta
8 akama ia i tona metua tane. Ko tei
akamaata i tona apinga i te rave tutaki
e te oko tika kore ra, kua akamaata
9 aia na tei takinga-meitaki i te ao. Ko
te ariu ke i tona taringa kia kore e
kite i te ture, e *riro* tana pure ei mea
10 viiui. Ko tei akatatipake i te ta-
ngata tiratiratu ra kia aere na te ara
kino ra, koia uaurai te ka inga ki roto
i tona uaurai vaarua: ko te meitaki ra
11 tei rauka i te aronga apa kore ra. Te
pakari ra te tangata apinga i tona
uaurai manako anga, kua akamakiki-
toro marieia ra aia e te ao kite ra.
12 Kia rekareka te aronga tuatua-tika ra,
kua meitaki rava ia: kia teitei te
aronga kino ra, kua pipini te tangata
13 i *reira*. Ko tei tapoki i tana ara, kare
ia e manuia: ko tei aaki ra e kua
14 akaruke, e aroaia ia. E ao to te ta-
ngata kare i tivata i te mataku ra;
ko tei akaketaketa ra i tona ngakau,
15 e rokoa ia e te kino. *Mei* te liona
ngunguru ra, e te daba mate pongi ra,
koia te kavana akono ngata ki runga i
16 te au tangata rikiriki. Ko te ariki
kite kore ra, e takinga-kino maata ia:
ko tei kore ra e noinui i te apinga ra,
17 e roa ia ona puke rā. Ko te tangata
teiaia i te toto nana i akamaringi ra,
te oro ra ia ki te vaarua, auraka aia
18 kia opukia mai e te tangata ra. Ko
te ai aere ma te apa kore ra, e ora ia;
ko tei akaupokoango ra i *tona* aere-
19 nga, e topa pu ua ia i *reira* ra. Ko
te i tanu i tona kainga, e rai ia tana kai:
ko tei piri aere ra ki te tarevakaua
20 ra, e rai ia tona putaua. Ko te tangata
pikikaa kore ra, te maata ra tona mei-
taki; ko tei rapurapu ra i te aka-
putu i te apinga kia maata, kare e kore
21 te ara. Kia akono i te tu o te ta-
ngata i te *akava ara*, kare ia te mea
meitaki; okotai rava manga kai iti
kia apai atu ki te *reira* tangata, e ara
22 aia. Te tangata maata noanoa, te ru-
purapu ra ia kia maata te apinga;
kare ra aia i kite e, ka rokoa mai aia
23 e te putaua. Ko tei kauvae atu i te
tangata ra, e kite aroaia mairai aia i
muri ake, i tei taparu atu tona arero
24 *kiaia*. Ko tei keia i ta te metua tane,
e ta te metua vaine, ka karanga i e,

kare i te ara : e tau aia kia kapiti ki
te aronga ta tangata ra. Te tangata 25
ngakau akatietie ra, kua akatupu aia
i te tamaki : ko tei irinaki ra kia Ie-
hova, e akamatuia ia. Ko tei irinaki 26
ki tona uorai ngakau, e neneva ia :
ko tei akapakari marie ra i tona ae-
renga, e ora ia. Ko tei oronga i ta te 27
ao ra, kare aia e ngere : ko tei uuna
i tona mata ia ratou ra, e maata te
katara e iri ki runga iaia. Kia aka- 28
teiteia te aronga kino, te pipini nei
te tangata : kia mate ra ratou, te maa-
ta ra te aronga tuatua-tika.

PENE XXIX.

*E tuatua no te tangata akono mei-
taki, e no te riri, e no te tauetono.*

KO tei ako putuputuia, e kua aka-
ketaketa iora i te kaki, e viviki
mai tona mate, e kare e ravenga e
ora ia. Kia akamaataia te aronga tua-
tua-tika ra, kua rekareka te tangata :
kia tutara ra te tangata kino ra, kua
ane make te tangata. Ko tei ina-
ngaro i te tuatua pakari, kua akare-
kareka aia i tona metua tane : ko te
tauoaoa ra i te vaine akaturi, kua kai-
moumou aia i tona apinga. E akati-
namouia te enua i te tuatua-tau a te
ariki : ko tei rave ra i te ou ra, kua
fairipotiia e ia. Ko tei tuatua akare-
kareka ua atu i tona ra tangatu tupu,
kua totoa aia i te kupenga ei taii i
tona vaevae. E ii te tangata kino i
tana uorai ara : e imene ra te tangata
tuatua-tika, e rekareka iora. E 7
akono te tangata tuatua-tika ra i ta
te ao ra tuatua : kare ra te tangata
kino ra e kite ua atu i te reira. Te
aronga akavaavaa ra, e tupu te kino
ia ratou ki roto i te oire : na te aro-
nga pakari ra e akaoki i taua riri ra.
Kia taumaro te tangata pakari i te 9
neneva ra, riri ua atu kia riri, kata
ua atu oki kia kata, kare e akaea-
anga. E riri te ta tangata ki te aro-
nga apa kore : e kimi ra te aronga
tiratiratu kia ora te vaerua. E akaope 11
te neneva i tona manako ki vao : kare-
ka te tangata pakari, e tūpu ia e kia
rao iti ake. Ko te kavana kia aka- 12
rongo i te tuatua pikikaa ra, e riro
tona katoa ra au tavini i te kino. E 13
aravei te ao e te tangata takinga-kino :
na Iehova i akamārama i te raua ka-
tona ra mata. Te ariki ko tei akava i 14
te ao ma te tuatua-mou, e akatinamouia
tona terono e tuatua ua atu. Na te 15
pāpā e na te ako e akapakari atu : ko
te tamaiti ra kia akaruke takiriia ra,

16 e riro te metua vaine i te akama. Te
maata ra te aronga kino i te tupu anga,
te maata katoa ra te ara : e kite ra te
aronga tuatua-tika ra i to ratou inga.
17 E ako atu koe i to tamaiti, e mareka
koe iaia i reira : koia rai ia, e rekareka
18 to ngakau iaia. Kare e oramaia mai,
e akono kore ia tangata i reira : e ao
19 ra tona, to tei akono i te ture ra. Kare
ia tavini e akarongo i te reo, tei kite i
20 i tana reo ra e kare e ki mai. Te kite
ra koe i taua tangata rapurapu ua kia
tuatua ra? manakonako roa ake tei
21 te neneva ra i te iaia. Ko tei rave
akaperepere i tona tavini mei te mea
ngiti aha mairai, e riro aia i te akono
22 atu iaia ei tamaiti i te openga ake. E
akatupu te tangata rotoriri i te karo, e
te tangata riri maata ra, e maata ia
23 tana ara. E inga te tangata i tona
uorai parau : e akangateiteia ra te
24 tangata ngakau akaaka. Ko tei kapiti
i ta te keia ra, kua riri aia ki tona orai
vaerua : te kite ra aia i te taputou anga
25 ra, kare ra e aaki. E rokoia e te ii tei
matuku i te tangata ra : ko tei irinaki
26 ia Iehova ra, e ora ia. E manganui
tei aruaru kia kiteia mai e te kavana ra :
no ko maira ia Iehova ra ta te tangata
27 nei tuatua-tau. Te tangata tuatua-tika
kore ra, e mea viivii ia i te aronga tua-
tua-tika : e tei tiratiratu i tona aerenga,
e mea viivii ia i te tangata tuatua
kino ra.

PENE XXX.

*Te tuatua no Agura, tona akarongo, e
te pure nana ra.*

TE tuatua a Agura te tamaiti a
Iake, koia te totou, ta taua tangata
i akakite atu kia Itiela ra, kia Itiela
oki raua ko Ukala.
2 E manako kore maata toku i to te
tangata katoa, e kare oki toku kite e
3 tau i to te tangata nei. Kare oki au i
apiia mai i te tuatua pakari, kare oki
4 au i kite i te au mea tapu ra. Koai
tei tae ki runga i te rangi? e tei eke
mai? koai tei akaputuputu i te mata-
ngi ki roto i tona rima? koai tei kou i
te moana ki roto i te kakau ra? koai
tei akatinamou i te au openga katoa o
te enua nei? koai tona ingoa, e te ingoa
katoa o tana tamaiti? kua kite ainei
5 koe? E viivii kore anake to te au tua-
tua a te Atua ra; e paruru aia no te
6 aronga e irinaki kiaia ra. Auraka koe
e kapiti atu i tetai tuatua ki tana, ko
te kauvae mai aea aia ia koe, e kua
kitea iora e pikikaa taua.
7 E rua aku mea inangaro ia koe, e te
Atua e; te ora nei au ra, auraka koe e

tāpu i *te reira* iaku: E akataka ke atu koe i te tuatua puapinga kore e te pikikaa iaku nei: auraka e tukuia mai te putaua e te apinga nui iaku nei: e akaangai mai koe iaku ki te kai e tau iaku ra: Ko te ki ua aea oki au, e kua uuna iora au *ia koe*, ko te karanga *aea* oki au e, Koai a Iehova? e ko te putaua *aea* oki au, e kua keia iora au, e ko te akaiki *puapinga kore* ua *aea* au i te ingoa o taku Atua ra.

Auraka e tapepe atu i te tavini ki 10 tona pu, ko te tao mai aea aia ia koe, e kua kitea iora e, e ara taau.

Te vai ra te uki e tao i to ratou metua tane, kare oki e akameitaki i to ratou metua vaine: E uki *oki* tei mā i oreia to ratou ra viivii: E uki ra, aue 13 te teitei o to ratou mata e, e to ratou topiri-mata i te apai teitei angaia e! E uki ra, e tau to ratou nio i te koke, 14 e to ratou nio ponga ra *mei* te matipi ia, kia pou te ao i te enua nei, e te aronga putaua i roto i te tangata katoa nei.

Ioko rua a te oluke puke tamaine, e 15 *kupiki* ua, O mai, o mai.

E toru cia mea e vai nei kare rai e iu; e *te vai nei rai* te a, kare rai i karanga mai e, Kua oti ua: Ko ade; e te 16 kopu pa; te enua kare i iu i te vai; e te ai, kare rava e karanga e, Kua oti ua.

Te mata e taitoito i te metua tane, e 17 kua akavaavaa te ako a te metua vaine, na te orebi o te o e pao mai ki vao, e na te anau a te aeto e kai.

E toru oku nei mea kitea kore; e 18 te a oki kare rai i kitea e au: Te aerenga o te aeto kia na roto i te reva nei; te aerenga o te ovi kia na runga i te mato ra; te aerenga o te pai kia na rotapu roa i te moana, e te akonoanga o te tangata i te paratenia.

Teia katoa te akonoanga o te vaine 20 akaturi: kua kai iora e kua orei i te vaa, e kua na ko akera, Kare aku ara i rave.

E toru cia mea e ngaeue ci te enua 21 nei; e *te vai nei rai oki* te a, kare katoa e meitaki: I te tavini kia akariroia ei ariki; e te neneva kia ki aia i te kai; E te vaine ririia kia akaipoipoia; e 23 te tavini vaine kia riro ei kauono i tona pu vaine ra.

E a cia mea riki poepoe e *vai* nei, te 24 maata nei ra to ratou pakari: Te roa na, kare ra o ratou e ririnui, te akaputu nei ra ratou i ta ratou kai i te tuatau mou ra; Te saphana, kare ra 26 tou i te aronga matutu, te anga nei ra

ratou i to ratou au are ki roto i te 27 mato; Te akerride ra, kare oki o ratou ariki, e akapupu ra ratou ravarai kia 28 aere ra; E mou te tukutukuraonui i nga rima *nona*, e tei roto aia i te are o te ui ariki.

29 E toru cia mea e aere meitaki nei; e *te vai nei* te a, e mea manea roa te 30 aerenga: Ko te liona, ko tei ririnui ia i te au terio katoa ra, kare rava e anga 31 ke kia akaaravei ra; Te ipo tamaki ra; e te puaka-nio toa ra; e te ariki tei iaia te tangata.

32 Kua rave koe i te tuatua neneva no te parau noou ra, e kua manako koe i te kino ra, *ka topiri* i to vaa ki to 33 rima. Mei te u kia taviriia ra e rauka'i te bata ra; e te putaiu kia romiia ra e ta'e ci te toto; koia katoa kia māro i te akakoko atu ka tupu ci te karo.

PENE XXXI.

Te ako a Lemuela kia akono meitaki, eiaa e rave i te kino ra.

1 **T**E tuatua a te ariki ra a Lemuela. Te tuatua totou ta tona metua vaine i apai atu kiaia.

2 E peca atu au, e taku tamaiti? e peca, e te tamaiti o taku kopu nei?

3 peca, e te tamaiti o taku tia e? Auraka e oronga i toou ra ririnui ki te vaine, e tauu ra akonoanga ki te mea

4 e mate ci te au ariki ra. Kare e tau i te ui ariki, e Lemuela e, kare e tau i te ui ariki i te inu i te wina; e te

5 aronga mana i te kava kona: Ko te inu aea ratou, e ko te ngaropoina ture, e kua akamingi ke iora i te tuatua a te tangata i takinga-kinoia ra.

6 E apai i te kava kona ki te tangata i waitata i te mate, e te wina na te tangata

7 i mamae te ngakau ra. Ka inu aia ka akangaropoina'i tona putaua, e auraka e manako akaou i tona mamae.

8 E amama i to vaa i te tuatua a te tangata kare e tika kia tuatua ra; i te

9 tangata katoa i waitata i te mate ra. E amama i to vaa, e akava ma te tuatua-tika, e akatika i te ao e te putaua.

10 Koai te tangata kua kitea e ia te vaine akono meitaki ra? kare te au poe

11 nei e tau iaia. Te irinaki ra te ngakau o tana tane ra iaia, kare rava oki aia e

12 akangeria i te apinga. E riro aia i te takinga-meitaki mai iaia e kare e taki-

13 nga-kino, e mutu ua atu tona a'o. Te kimi ra aia i te uru puaka, e te orongū,

e te rave rekareka ra tona rima i te angaanga.

14 E tau aia ki te pai a te aronga oko ra; no te enua mamao mai

tana kai kia apai mai. Kare rai i ao 15
tika i tu ei aia ki ringa, e kua apai i
te kai na to te ngutuare, e tetai tua-
nga na te au tavini vaine. Te manako 16
ra aia ki te kainga, e kua oko; kua
tanu i te kainga vine i tei raveia e tona
rima. Kua tatua aia i tona taukupu 17
ki te maroiroi, e te akamatutu ra aia i
tona rima. Te kite ra aia e te meitaki 18
ra tana i rave ra; kare oki tona mori e
tamateia i te po. Te tāpu ra tona rima 19
i te kisura; e te mou ra tona kapu-
rima i te pheleke. E ora aia i ona 20
puke rima ki te ao; e kua akatika ua
i tona rima ki te putaua ra. Kare aia 21
i ngarangara i tona ngutuare i te tua-
tua kiona ra; kua tataki rua anake ia
i te kakau e pini ua ake ratou ra. Te 22
anga ra aia i te āriki roi manea nona
uaorai; e vavai oki tona kakau i tu-
kuia ki te vairakau uriuri. Te kitea 23

uaia ra tana tane i roto i te au ngutupa
ra; kia noo aia ki rotopu i te ui ma-
24 taiapo o te enua ra. Kua anga aia i
te orongā e kua oko; e te purekau, e
25 kua oko atu ki te aronga oko ra. Te
maroiroi e te ngateitei tona kakau; e
26 rekareka oki aia a muri atu. E tuatua
tona vaa i te pakari; e te ture ra i te
27 takingi-meitaki tei tona arero. E
akara aia i te akonoanga o tona ngu-
tuare, e kare i kai i te manga i rauka i
28 te akatau ra. E tu tana au tamariki
ma te akaora iaia; e tana tane katoa,
29 ma te akapaapaa iaia: E manganui te
vaine akono meitaki, ko koe ra tei tu
30 ke ia ratou katoa. E mutu rai te ma-
nea; e te purotu, e kore ia: ko te
vaine ra e matakua ia Iehova ra, e aka-
31 paapaa ia. E orongaia atu tei raveia
e tona rima; e akapaapaa mai tei ra-
veia e ia i te au ngutupa ra.

KOHELETA,

KOIA OKI TE OROMETUA.

PENE I.

*E mea puapinga kore ta te tangata ka-
toa nei akono anga.*

TE au tuatua a te Orometua ra, a te 1
tamaiti a Davida, te ariki i Ieru-
salema ra.

Te tuatua nei te Orometua. E puap- 2
pinga kore maata teia; e mea puapi-
nga kore maata; e mea puapinga kore 3
anake rai. Eaa ta te tangata nei puap-
pinga i rauka i tana katoa ra au anga-
anga, tana e tauta ua nei i raro ake i 4
teianei rā? Te kore nei tetai uki, e te
kitea maira tetai uki: kareka te enua 5
nei, te vai ua nei rai ia. Te iti nei oki
te rā, e te opu nei rai oki te rā ki raro,
e te viviki ra ki te ngai i iti mai ei aia 6
ra: Te tere ua ra aia na te pae ki
apatonga, e mei reira oki kua oki
maira ki te pae ki apatokerau. Te 7
orooro akapini aere ua nei rai te mata-
ngi, e mei reira oki kua orooro akapini
akaou rai taua matangi ra. Te ta'e
nei te au kauvai katoa nei ki roto i te
tai; kare ra te tai e maringi ke ua atu;
te ngai no reira mai te au kauvai ra,
te oki akaou nei ratou ki taua ngai

8 rai. Te au mea katoa e pera ta ratou
angaanga i te maata; kare rava e
tangata e tika'i kia tataua ra; kare
oki te mata e iraira i te akara anga
atu, kare oki te taringa e ki kia aka-
rongo atu.

9 Eaa taua mea i tupu i muatangana
ra, mari ra i teia e tupu akaou nei?
Eaa taua mea i raveia ra, mari ra ko
teia e rave akaouia nei? kare rava e
10 mea ou i raro ake i te rā nei. Te vai
nei ainei te mea e tika'i kia karanga e,
Ka akara na, e mea ou teia? kua pera
rai taua mea nei i muatangana, i te au
11 tuatau taito ra ou tatou nei. Kare nei
ra te maaraanga i te au mea taito ra,
kare katoa e maaraanga i te au mea e
tupu a muri ake, i te aronga e kitea
mai a muri atu.

12 Ko au nei, ko te ariki no Isernela, i
13 Ierusalema, ko te Orometua ia. E
kua tavaitai marie toku ngakau i te
kimi, e te makitoro marie ma te pa-
kari oki, i te au mea katoa i raveia i
raro ake i teianei rangi: ko taua anga-
anga kino nei teia i o maiia mai e te
Atua i te au tamariki a te tangata
nei, kia roiroi ratou i te rave anga.

14 Kua maaraia e au te au angaanga

katoa i raveia i raro ake i te rā nei; e
i na, e mea puapinga kore anake, e *mei*
te mea e te kai ra i te matangi. Ko tei 15
aupeupe ra, kare ia e rauka i te aka-
tika: kare oki tei kore ra e tika kia
tatau. Kua karangaranga ana au i 16
taku ngakau, e kua na ko iora, I na,
kua akamaataia au, e kua topa iaku i
te pakari te aronga katoa i na mua
iaku i te noo ki Ierusalemā; e maata
oki te pakari e te kite i rauka i toku
ngakau. Kua tavaitei marie oki au i 17
toku ngakau kia kite i te pakari, e kia
kite-oki i ta te neneva e te auouo: e
kite iora oki au i te reira e, te kai ra
i te matangi. Te maata ra oki te pa- 18
kari, te maata katoa ra te manamanata,
e ko tei akamaata i *tona* kite ra, kua
akamaata ia i te aue.

PENE II.

*Ta te tangata nei kimi anga i te mei-
taki, e mea openga kore ia.*

KUA karanga iora au ki toku uaorai 1
ngakau, Aere mai, e timata
ana i te rekareka, e kimi oki i te nave-
nave: e i na, e puapinga kore katoa te
reira. Kua karanga atura au ki te 2
kata, Kua nenevaia koc: e te rekareka,
Eaa ia puapinga?

Kua ui au ki toku uaorai ngakau 3
e, ei runga au i te wina, te arata-
kiia ra toku ngakau e te pakari; e ei
te kanga au, kia kite oki au i taua
meitaki ra, e angaanga ua'i te tamariki
a te tangata nei i raro ake i teianci
rangi, e ope rava ake to ratou puke rā
i te ora anga nei. Kua rave au i te 4
au angaanga nunui; kua akatu au i
tetai aronga are; kua tanu au i te kai-
nga vine: Kua rave au i te kaininga
manea noku, e te ngai vaorakau, e kua
tanu i te au rakau kai e manganui *te*
tu ki roto; Kua ko oki au i etai vaa-
rua no te vai, ei tamauu i te au rakau
tupu ou i tanumia ra: Kua rauka iaku
te tavini tane e te tavini vaine, e *ta-*
rini rai toku i anau ki roto i toku ra
are; e manganui taku anana bovi e te
mamoe, e iti ta te au tangata katoa i
noo i Ierusalemā i mua iaku nei: Kua 8
akaputupu tu oki au i te ario e te auro,
e te au apinga manea na te ui ariki, e
no te au enua; kua tiki oki au i te
tane imene e te vaine imene, e i tei
inangaroia e te tamariki a te tangata
ra, te vaine oki, e te au palake ra.
Riro atura au ei tangata maata, e te 9
apinga maata taku i te aronga katoa i
noo i Ierusalemā i mua iaku ra; e te
vai nei oki taua pakari noku ra iaku

10 nei. E ko tei inangaroia e toku mata
ra, kare ia i tāpuia e au; kare au i
akangere i taku ngakau i te au mea
katoa e rekareka i ra; kua rekareka
oki taku ngakau i te au mea katoa i
raveia e au ra; oti ra ua taku i rauka ko
te reira i taua au angaanga katoa naku
11 ra. Kia maara ra au i taua au anga-
anga i raveia e taku rima ra, e te au
angaanga katoa i raveia e au ra, i na,
e mea puapinga kore anake, e te kai
i te matangi, kare rava oki e puapinga
i raro ake i te rā nei.
12 Kua ariu akera au e akamaara i te
pakari, e te neneva, e te auouo; e ariki
tei na mua ra, eaa ta te tangata nei e
*rau*ka tei na muri, mari ra ko tei ra-
13 veia e ia ra? E kite akera au e te
tu ke ra te pakari i te neneva, mei
14 te mūrāma e tu ke i te poiiri nei. Ko
te tangata pakari ra, tei te mimiti tona
mata; te aere ua ra te neneva na roto
i te poiiri: kua kite rai oki au e, okotai
rai openga to te tangata katoa ra.
15 Kua na ko iora au i roto i toku nga-
kau: Okotai rai tu openga to te neneva
e toku uaorai, eaa iora te puapinga o
toku nei pakari? te karanga ra au i
roto i taku ngakau, E puapinga kore
16 katoa to te reira. Kare oki e tamou
tikaia te manako anga, to te tangata
pakari e to te neneva; e ope rava oki
te au mea e *vai* nei i te akangaropo-
inaia i te au rā a muri nei; e peea to
te tangata pakari nei matenga? mei to
17 te neneva katoa ra. Mainaina atura au
i teianci ora anga; no te mea te kino-
kino nei au i te angaanga i raveia e au
i raro ake i teianci rā; e mea puapinga
kore anake rai e te kai i te matangi.
18 Mainaina roa akera au i taku ra au
angaanga i angaanga e au i raro ake i
teianci rā; no te mea teia au ka vaio i
taua au mea ra na te tangata e na muri
19 mai iaku nei; E koai oki tei kite iaia
e c tangata pakari, e c neneva? e riro
ra aia ei pu i taku katoa nei angaanga
i rave pakaria e au i raro ake i teianci
rā. E mea puapinga kore katoa to te
20 reira. Kua maara iora au e akaruke i
te manako i te au angaanga katoa i
raveia ra, taku i rave i raro ake i te
21 rā nei. Te angaanga ra oki tetai ma
te pakari, e te kite, e te karape; ko
tetai ra ko tei kore i tauta i te rave,
tana ia i vaio ei tuanga nana. E mea
puapinga kore katoa te reira, e te kino
22 maata. Eaa iora ta te tangata i tana
katoa ra au angaanga, e te manama-
nata o tona ra ngakau, i rave ua'i aia i
te angaanga i raro ake i te rā nei?
23 E aue anake tei tona katoa ra au rā, o

te mamea i tana ra au angaanga, e te po katoa ra kare tona ngakau e meitaki i te moe. E mea puapinga kore katoa tei te reira.

Kare ainei e meitaki no te tangata 24 nei kia kaikai, e kia inu, e kia kite tona ngakau i te meitaki i tana ra angaanga? E te kite nei oki au e na te rima ia o te Atua i oronga mai. Koai oki *te tangata* e tika'i kia kai, e 25 kia rave i tona inangaro, mari ra ko au nei? Ko te tangata oki i meitaki ki mua i tona aroaro, te oronga ra *te Atua* i te pakari, e te kite, e te reka-reka: i te rave ara ra, kua akono aia i te anguanga ra, i te akaputuputu, vaoa kia ututua ua, kia apai atu aia na tana tangata i meitaki ki mua i te Atua. E mea puapinga kore katoa te reira e te kai ua i te matangi.

PENE III.

Te kimi anga o te tangata i te meitaki i teianvi akono anga, e mea puapinga kore ia.

E TUATAU to te au mea katoa nei, 1 e e taime to te au akakoroanga katoa i raro ake i te rangi nei: E taime to te anau, e e taime to te mate; e 2 taime to te tanu, e e taime to te kiriti i tei tanumia ra; E taime to te ta, e e taime to te akaora; e taime to te vava'i ki raro, e e taime to te patu ki runga ra; E taime to te aue, e e taime to te 3 kata; e taime to te nui, e e taime to te ura; E taime to te akaruke i te toka, e e taime to te akaputuputu i te toka; e taime to te takave, e e taime to te 4 takave kore; E taime to te rauka anga, e e taime to te riro anga; e taime to te tūpu, e e taime to te akaruke; E taime to te aae, e e taime to 5 te pananaki; e taime to te muteki ua, e e taime to te tuatua; E taime to te aroa, e e taime to te riri; e taime to 6 te tamaki, e e taime to te akamoeau. Eaa ta te rave angaanga puapinga i 7 rauka i tana angaanga? Kua kite au i 10 te angaanga i akonoia e te Atua na te tamariki a te tangata nei, kia tauta rai ratou i te reira. Kua akamanea aia i te 11 au mea katoa i te tuatua tikai ra; e kua tuku aia i *te manuko* i te teianei ao ki roto i to ratou ngakau; i kore ei te tangata i kite i te angaanga a te Atua, mei te akamataanga mai e tae ua atu ki te openga. Kite akera au e, kare atu e 12 meitaki i tana au mea ra, mari ra kia rekareka *te tangata* e kia takinga-meitaki i te ora anga nei. Kareka ra kia 13 laikai anake ra te tangata e kia inu, e

kia rave aia i te meitaki no tana katoa ra au angaanga; e mea o maiia mai ia e te Atua. Te kite nei oki au e, ko ta

te Atua e rave ra, ka tu ia e rimua; kare e tika tetai mea ngiti kia topiri katoa atu, e kare katoa e tika tetai mea ngiti kia rave mai: kua pera oki te Atua kia matakua *te tangata* iaia.

15 Te mea i tupu i muatangana ra, kua tupu ia i teianei; e te tupu a muri atu, kua tupu takere ana ia; te akaoki maira oki te Atua i tei tupu takere ana.

16 Kua akara rai oki au i raro ake i te rā nei i te ngai akavaanga, e *te vai ra* te tuatua kino i reira; e te ngai tuatua-tika ra, e tei reira te tuatua kino 17 i *te vairanga*. Kua na ko iora au ki roto i toku ngakau, E riro te Atua i te akava mai i te aronga tuatua-tika e te aronga kino katoa ra: no te mea e tuatua to te au mea katoa i akakoroia ra, e to te au angaanga katoa ra.

18 Kua na ko iora au ki roto i toku ngakau i te tu o te tamariki a te tangata nei, te timata nei te Atua ia ratou, kia kite ratou e kua tau ratou uoara nei 19 ki te puaka. Okotai rai tu openga to te tamariki a te tangata nei e to te puaka katoa ra; okotai o ratou rokoia angaia mai: te mate nei tetai, e te pera katoa nei tetai i te mate; okotai oki o ratou katoa ra a'o; e kare atura te tangata i tu ke i te puaka; e meu 20 puapinga kore anake rai. Te aere nei ratou katoa ki te ngai okotai; no te one-pueu anake nei ratou, e te oki anake nei ratou ki te one-pueu rai.

21 Koai te kite i te vaeua tangata e riro ki runga ra? e te vaeua o te puaka e riro ki raro i te one ra? Te kite nei oki au e, kare atu e mea meitaki i te tangata nei, mari ra kia rekareka aia i tana ra au angaanga; ko te reira oki tana tuanga i *akonoia*: naai oki aia e akaoki mai e akara i te au mea e tupu i muri ake kia riro aia ra?

PENE IV.

No te takinga-kino i maata'i te kino i te tangata nei.

1 **T**E oki ra au te akamaara ra i te au takinga-kino katoa i raveia i raro ake i te rā nei: e i na, te roi-mata o te aronga i takinga-kinoia ra, kare ra o ratou e akapumaana: e te mana oki tei te pae takinga-kino ra; kare ra o ratou e akapumaana.

2 Kua akameitaki iora au i tei mate ra, tei mate takere ana, i te aronga e ora nei, ko e ora e teia 3 noa'i. Ko tera ra tei maata i te mei-

taki i to raua katoa, ko tei kore i anau mai, ko tei kore i kite i te anga-anga kino i raveia i raro ake i te rā nei.

Kua akara iora au i te au mea katoa 4 i raveia, e te au angaanga tika katoa ra; kua vareae katoaia oki te reira e te tangata tupu nei. E mea puapinga kore katoa te reira e te kai i te matangi.

E tapeka ua te neneva i ona puke 5 rima, e kua kai i tona uorai kopapa. E ngari ake te rima okotai kia ki i te manga *mu* te au, i nga rima katoa e rua kia ki *ma* te pekapeka e te kai i te matangi ra.

Kua maara akaou rai au i te mea 7 puapinga kore i raro ake i te rā nei. Te noo ua ra tetai tangata *koa anake* 8 *ra* kare e tokorua; kare ana tamaiti, kare oki e taeake; kare rava ra e ope-nga i tana katoa ra angaanga, kare roa oki tona mata e iurira i te apinga: kare oki e *kuranga* e, Naai ra teia i angaangaia e au nei, e te akangere nei i toku uorai vaeua i te au mea meitaki? E mea puapinga kore katoa oki te reira, e te angaanga kino roa.

E meitaki nga tangata toko rua 9 i te takitai; no te mea e tutaki meitaki ta raua i ta raua angaanga. Kia 10 inga oki tetai ra, na te tokorua e rave e akatu ki runga; te tangata okotai ra kia inga ra, e ae oki aia, kare oki *ona* e tokorua ei akatu iaia ki runga. Nga tangata toko rua oki kia moe 11 ra, e maana ia; eaa ra oki e maana i te takitai? Maroiroi maata to te tangata 12 kia rave mai i tetai ra, e tika ia raua katoa kia rave atu iaia ra; e te taura e toru enui ra, kare ia e motu vave.

E ngari oki te tamaiti ao ra ma te 13 pakari i te ariki ruaine ma te neneva ra, te kore roa e akarongo mai i te ako ra. Mei roto mai aia i te are ta- 14 pekūnga ra i akaarikiia'i, anau ao mai oki aia i tona uorai ra basileia tikai. To te enua katoa e ora nei, tei aere na 15 raro ake i teianci rā, ko taku ia i kite i te aru anga atu i te tokorua o te *ariki ou*, ko tei vaitata i te tu mai ei kauno iaia. Kare e ope anga to te 16 tangata, te aronga e aere na mua ia ratou ra; te aronga ra e aere mai na murio kare e rekareka tikai iaia. E mea puapinga kore katoa teia, e te kai i te matangi ra.

PENE V.

E matakite i te rare anga i te tuatua tareva ke i te akono anga i te tuatua a te Atua ra.

- 1 **E** MATAKITE i to vaevae kia aere ki te are o te Atua ra; e kia rapu-rapu koe i te akarongo ra, auraka *kia rapurapu* i te apai i te tusia a te neneva ra; kare oki ratou i maara e, te rave ra ratou i te kino.
- 2 Auraka to vaa kia viviki, auraka kia rapurapu ua to ngakau kia tuatua i te tuatua ki mua i te aroaro o te Atua: tei te rangi oki te Atua, tei te enua nei oki koe: kia mea ngiti oki taau
- 3 tuatua *kia tuatua*. Mei te moemoea no te rai o te angaanga e tupu ei; *i kitea'i* oki te reo o te neneva ra i *tana*
- 4 tuatua maata. Kia tia koe i te tia ki te Atua ra, e akamaroiroi i te akatae; kare oki aia e marea i te neneva ra;
- 5 e tenana e apai i taau i tia ra. E ngari oki kia kore koe e tia, ko te tia
- 6 aea koe e kare e akatae. Auraka to kopapa kia ara i to vaa; e auraka koe e karanga ki te karere *a te Atua* ra, Kua ē teia. Eaa te mea kia akariri atu oki i te Atua ki toou ra reo, e kia akakore aia i te angaanga a to rima
- 7 ra? Mei te moe putuputu ra oki, e mea puapinga kore ia, koia katoa te tuatua nei kia akamaataia ra; e tenana, ko te Atua taau e mataku.
- 8 Kia akara koe i te ao i te takinga-kino angaia ra, e te ruri ke anga i te tuatua-tau e te tuatua-tika i te enua nei, auraka koe e poitirere roa i taau mea ra; ko tei teitei ra oki tei akara i taau tangata teitei ra; e ko tei tu ke rava i te teitei ra *tei akara* ia raua katoa.
- 9 Ko tei tupu ki runga i te enua ra, na te tangata katoa ia: ko te ariki oki
- 10 no roto rai i te kainga ra tana kai. Ko tei inangaro i te ario ra, kare ia e marea i te ario; e tei inangaro i te apinga nui ra, *kare ia e marea* i te apinga e kia maata ra. E mea puapi-
- 11 nga kore katoa te reira ra. Te maata ra te apinga, te maata katoa ra te aronga i kai: e eaa ta te aronga apinga ra puapinga, mari ra ko te mata te akara ua
- 12 atu? E meitaki te moe o te tangata rave angaanga ra, iti oti, e rai oti, tana kai: no te ki kopu ra o te tangata apinga nui ra i ngere ei aia i te moe.
- 13 E kino maata tei kitea iaku i raro ake i teianei rā, i te apinga nui i vaoia ei
- 14 kino no te pu ra. Te pou nei oki taua

apinga ra i te angaanga kino: e e tamaiti tana e anau ra, e kare rava ana puapinga e vaoo i tona rima. Mei 15
iaia oki i anau taaka ua mai mei roto i te kopu mai o tona metua vaine ra; e pera aia kia oki ra, mei iaia oki i aere maira; kare oki ana puapinga i tana angaanga i rave ra, e tika'i iaia kia taoi katoa atu i tona rima. Teia katoa oki 16
tetai kino mamae, koia e oki ua ra mei iaia katoa i aere maira: eaa oki tana i rauka, tei angaanga no te matangi ra? E kia akaope ua aia i nga 17
rā nona i te kaikai ma te poiri, e ma te aue maata oki, ma te mamae, e ma te manamanata.

I na taku i kite nei: e mea mei- 18
taki, e te tau oki i te tangata nei, kia kaikai, e kia inu, e kia rave aia i te meitaki i te au angaanga katoa tana i rave i raro ake i te rā nei, e kia ope rava ake ona puke rā i o mailia mai e te Atua nona ra: ko tana oki teia 19
tuanga; Ko te tangata katoa ta te Atua i oronga mai i te apinga nui e te meitaki ra, kua oronga katoa mai ia i te kai i taua mea ra; e rave aia i tana tuanga, ka rekareka'i i tana ra angaanga: e mea o mailia mai ia e te Atua. Kare aia e maata rava i te 20
maara i tona ra puke rā i te ora anga nei, kia oronga mai te Atua i te rekareka ki roto i tona ngakau.

PENE VI.

Te puapinga kore o te apinga akaputua, e kare i raveia ra.

TE vai nei tetai kino i kitea e au i raro ake i teianci rā; e apinga maata oki i te tangata nei: I te tangata, ta te Atua i oronga mai i te apinga nui, e te meitaki, e te ngateitei, e kua ope rava ta tona vaerua i inangaro, kare e toe: kare ra te Atua i oronga mai i te meitaki nona e tika'i kia kai i taua mea ra, kua nanave ra te tangata ke i te kai i te reira. E mea puapinga kore katoa te reira, e te maki mamae. Kia anere ua atu ta te reira tangata tamariki, e roa ua atu ona mataiti i te ao nei; maata oti ona puke rā i te ora anga nei, e kare rai tona ngakau e mareka i te meitaki, e kare ona e tanumanga; teia taku tuatua, ko te maemo nei, e ngari ake ia i te reira tangata. Aere 4
puapinga kore ua mai oki aia, e riro atura na te poiri, e kua tapokiia tona ingoa i te poiri; Kare rai oki i kite i te rā, e kare e mea i kitea: e akana anga ako tona i to tetai. E kia rua 6

ua atu ona tausani i te mataiti, kare rava ona e rekareka: kare ainei te tangata katoa nei e aere ki te ngai okotai?

- 7 No te vaa ta te tangata katoa nei angaanga; kare rava ra e pangia tona 8 kaki. Eaa iora ta te tangata pakari puapinga i tu ke i ta te neneva ra? e ta te ao, i kite i te akono i tona aere ngia ki rotupu i te aranga e ora nei?
- 9 E ngari ake tei rauka ua mai, i te apeape ke anga o te manako; e mea puapinga kore katoa te reira, e te kai i te matangi.
- 10 Te au mea i vai nei kua tapa takereia te ingoa, e kua kitea oki te tu o te tangata nei: auraka oki aia e taumāro mai ki tei maata tona 11 ririnui i tona. E manganui te au mea, e maata'i te puapinga kore, eaa ta te 12 tangata nei puapinga e rauka? Koi oki te kite i te mea e meitaki ei te tangata i te ora anga, i nga rā katoa i tona ora anga puapinga kore nei, tei peke ke ua mei te ata ra? e tika oki iaia kia akakite atu ki te tangata i te ka tupu i muri ake iaia, i raro ake i te rā nei?

PENE VII.

Te tuatua no te rongo meitaki, te akakoromaki, e te kite.

- 1 **E** MEITAKI maata to te ingoa meitaki i to te manongi meitaki ra; e te rā e mate ci ra i te rā anau anga.
- 2 E mea meitaki te aere ki te are aue anga, i te aere ki te are kaingakai; ko te openga oki te reira o te tangata katoa ra; e riro oki te aranga i ora i te akamaara 3 i te reira. E ngari ake te aue i te kata; e meitaki oki te ngakau i te 4 mata aue. Tei te are aue ra te ngakau o te tangata pakari; ko te ngakau ra o te neneva ra, tei te are rekareka 5 ia. E mea meitaki kia akarongo i te akamura a te tangata pakari ra, i te akarongo i te pe'e a te aranga neneva 6 ra. Mei te rakau taratara e patapatatā i raro ake i te pani ra, koia te kata o te neneva ra: e mea puapinga kore katoa oki te reira.
- 7 E akanenevaia oki te tangata pakari i te takinga-kino; e tatipake ra 8 te ngakau i te apinga taparu. E ngari ake te openga ra i te akamataanga ra; e mea meitaki te tangata ngakau akakoromaki i te tangata ngakau pa- 9 rau ra. Auraka kia rapurapu ua to ngakau i te riri: tei te manava o te neneva ra te riri i te vai marie 10 anga. Auraka koe e karanga e, Eaa

te mea i meitaki ei tei muatangana ra au rā i teianeī *au rā*? kare oki koe i ui meitaki i te reira tuatua.

E mea meitaki te pakari ma te 11 tuanga, e mea puapinga ia i te aronga e akara i te rā nei; E akapuanga oki 12 tei te pakari, e akapuanga tei te moni; teia ra te meitaki o te pakari, na taua pakari oki e oronga mai i te ora i te aronga pu ra. E akamaara i te au 13 angaanga a te Atua: e tika iaia kia akatika i tana i akamingi ra? E reka- 14 reka i te rā meitaki ra; e akamaaraara ra i te rā e tumatetenga'i ra: kua tuku vaitaitaia teia e te Atua ki vaitatao i tera, kia kore te tangata e kite i tei vaitata i te iri mai ki runga iaia ra.

Teia ravarai nei taku mea i kite i te 15 au rā puapinga kore noku nei: e tangata tuatua-tika tei mate i tana ra tuatua-tika; e te roa nei te *a'o* o te tangata kino i tana ra tuatua kino: Auraka koe e maata ua i te ketaketa 16 kia tika, auraka oki e akapakari maata rava; eaa oki taua puapinga kia ta ia koe uorai? Auraka e akamaata rava 17 te kino, auraka oki kia nenevaia; eaa oki koe e *rapurapu* ei i te mate kare i tae ki to tuatau tikai? E meitaki toou 18 kia mou piri tika koe i teia, e auraka to rima e pa i te reira: ko tei mataku i te Atua ra, e ora ia i nga *kino* ravarai. Matutu maata ta te pakari i o mai na 19 te aronga i pakari ra, i ta nga kavana tino ngauru ki roto i te oire ra. Kare 20 takiri e tangata tuatua-tika i te enua nei, ko tei rave i te tuatua meitaki, e kare rava e ara. Auraka koe e akono 21 i te au tuatua katoa i tuatuaia ra; ko te kite aea koe i to tavini i te akakino anga ia koe. Kua kite oki to ngakau 22 na, e manganui taua akakino anga i etai ke.

I timata meitaki ana au i taua au 23 tuatua katoa nei: i karanga oki au e, Kia pakari oki au; kua taka ke rava ra iaku: Tei te mamao ke ia, e te oonu 24 maata oki, e kitea iaia ra?

Kua tavaitai oki au i toku ngakau 25 kia kite, e kia kimi e kia kite i te pakari, e te mea i tupu ei *te au mea katoa nei*, kia kite oki te kino o te tuatua neneva ra, e te neneva a te aronga neneva: E kite iora au e mea kino 26 maata rava e iti te mate nei, te vaine ngakau erere e te kupenga; tona rima, e pirianganaoa ia: ko tei meitaki ki mua i te aroaro o te Atua ra, e ora ia iaia, e riro ra te tangata ara iaia. I na, te na ko nei te Orometua, teia 27 taku i kite i *te akaitete* anga i tetai

tuatua ki tetai, kia kitea te mea i *tupu* 28 ei ra; E te kimi ua nei rai taku vaerua i teianeī, kare ra i kitea; okotai aku tangata i kite ki roto i nga tangata katoa okotai tausani; kareka te vaine okotai roa ra, kare ia i kitea ki roto i 29 te reira katoa ra. I na, teia anake ra tei kitea e au e, kua anga te Atua i te tangata ma te tiratiratu, kua kimi ra ratou i te kino e manganui.

PENE VIII.

Kia akaiteteia te ariki e tika'i, e akono katoa i to te Atua inanguro.

- 1 **K** OAI tei aite ki te tangata pakari? koai tei kite i te aiteanga o te *au mea katoa* nei? e kakā te mata tangata i te pakari; e oki mai ei te akana kore i tona ra mata.
- 2 *Teia* taku *tuatua kua koe*, E akono i te akauenga a te ariki, no te taputou
- 3 oki a te Atua. Auraka e aere mei mua mai i tona aroaro ma te tumatetenga: auraka e māro ua atu i te mea kino ra; te rave ra oki aia i tana
- 4 i inangaro. Tei te tuatua a te ariki te mana; e koai te karanga atu kiaia e, Eaa na koe?
- 5 Ko tei akono i te akauenga ra, kare ia e kite i te kino: e akono rai oki te ngakau o te tangata pakari i te taima
- 6 e te tuatua-tau. Te vai ra oki te taima e tau ei te au mea katoa i akakororia ra; e mate maata ra to te tangata i te reira; Koia kare i kite i te au mea e tupu ra: e tika oki iaia kia akakite atu iaia i te au mea te ka
- 7 tupu ra?
- 8 Kare o te tangata nei mana ki runga i te vaerua kia tāpu i taua vaerua ra; kare oki e mana i te rā e mate ei ra: kare rava e oroanga i te reira tamaki; kare oki te aronga rave ara ra e ora i te reira.
- 9 Kua ope te reira i te kiteia e au, o kua tavaitai au i toku ngakau i te au angaanga katoa i raveia i raro ake i te rā nei; e i tetai tuatua te tutara ra tetai tangata ki rungao i tetai, ei mate nona
- 10 uorai: E kua kite oki au i te aronga kino i te tanu angaia, e ngaro atura; mei te ngai tapu atu ratou i te riro anga, ngaropoina atura i roto rai i te oire ta ratou i akapera ra: e mea puapinga kore katoa oki te reira.
- 11 No te mea kare te utunga no te tuatua kino ra i tuku vaveia atu, i māro ketaketa'i te ngakau o te tamariki i te tangata nei i te rave i te kino
- 12 ra. Rave ua rai te rave ara e ka anere ua atu i *te rave anga*, e rea ua

atu rai *ona puke rā*; kua kite ra au e meitaki to te aronga i matakū i te Atua, tei matakū ki mua i tona aroaro: Kare ra o te aronga kino e meitaki, 13 kare oki *ona puke rā* e akaroaia, *mari ra* mei to te ata rā; koia kare i matakū ki mua i te aroaro o te Atua ra.

Teia katoa tetai mea puapinga kore 14 i raveia i te ao nei: te vai nei te aronga tuatua-tika, i rokoia mai i tei tau i te angaanga a te aronga kino rā; e te aronga kino, i rokoia mai i tei tau i te angaanga a te aronga tuatua-tika ra: kua na ko iora au, E puapinga kore katoa ia. Kua akameitaki atura au i 15 te rekareka; kare oki o te tangata nei meitaki i raro ake i te rā nei, mari ra kia kua, e kia inu, ka rekareka'i: ko tei vaiola mai ia nana i tana ra rave anga angaanga, koi vai ake *ona puke rā* i te ora anga nei, ta te Atua i oronga mai noma i raro ake i te rā nei.

Kia tavaitai ra toku ngakau kia kite 16 i te pakari, e kia kite oki au i te au angaanga i raveia i te ao nei; (kare oki i te ao, e kare oki i te po, to tetai mata e kite i te moe;) E te kite ra oki 17 au, i te au angaanga katoa a te Atua ra, kare i kitea e te tangata nei, te au angaanga katoa i raveia i raro ake i te rā nei: e kimi ua atu rai te tangata kia kite, kare rai e kitea e ia; koia rai, kia akamaaraa ua te tangata pakari kia kite, kare rai e kitea e ia.

PENE IX.

*Okotai aite to te tangata kino nei ope-
nga, e to te tangata meitaki, i teia-
nei ao.*

KUA tavaitai marie au i toku nga- 1 kau ki taua au mea katoa nei, e taua au mea katoa nei tei kimi tikaia ia e au ra. *Kite akera au e*, te aronga tuatua-tika e te aronga pakari, e ta ratou katoa ra au angaanga, tei te rima ia o te Atua; kare ra e tangata e kite i te inangaro e te inangaro kore, i te au mea katoa ki mua ia ratou ra. Okotai 2 rai aite to te tangata katca nei *kia rokoia mai*; okotai rai tu rave i te tangata tuatua-tika, e te tangata kino; i te tangata meitaki, i te tangata mā, e te tangata viivii; i te tangata tusia, e te tangata tusia kore: ta te tangata meitaki *kia rokoia mai*, koia katoa ta te rave ara: ta te tangata e tao ra, e te tangata e matakū kia tao ra. Teia te 3 kino i te au mea katoa i raveia i raro ake i te rā nei, i te mea okotai rai aite to te tangata katoa ra *kia rokoia mai*: te ki nei oki to te tamariki a te tangata

nei ngakau i te kino, *te vai ra oki te* tuatua neneva ki roto i to ratou ngakau i te ora anga nei, e oti akera, *aere* 4 *atura ratou* ki te aronga i mate ra. Te kapiti ra aia i roto i te aronga katoa i ora ra, e manakonakoanga tona; e ngari ake to te kuri kia ora ra i to te 5 liona kia mate. Kua kite oki te aronga e ora nei e ka mate ratou: kare ra a te aronga i mate ra e tuatua i kitea: kare oki a ratou tutaki toe i *te enua nei*; kua akangaropoinaia oki ra- 6 tou. To ratou aroa, e to ratou riri, e to ratou vareac, kua kore anake ia; kare oki a ratou e tuanga e tuatau ua atu i te au mea katoa i raveia i raro ake i te rā nei.

7 Ka aere i toou aerenga, ka kai i tauu kai ma te rekareka; ka inu ei i tauu wina ma te pereperekaavana o te ngakau; kua ārikiia oki tauu anga- 8 anga e te Atua i tenana. Kia vai teatea ua mairai toou kakau; e auraka to 9 upoko e ngere i te manongi ra. E noo ki to vaine ra ma te rekareka, e inangaro koe iaia e kia ope roa te au rā o toou na ora anga puapinga kore, toou na oki au rā puapinga kore ta *te Atua* i oronga mai noou i raro ake i te rā nei: ko tauu ia tuanga i te ora anga nei, e i tauu ra au angaanga. i 10 raveia e koe i raro ake i te rā nei. Ko tei kitea e koe ta to rima e rave ra, ka rave ma to ririnui rā; kare oki e angaanga, kare e kimianga, kare oki e kite, kare oki e pakari, i roto i te vaarua tauu e aere na.

11 E manganui oki toku kite anga i te ao nei e, kare tei te *raveva* viiviki te emo e mo ei, e kare tei te maroiroi e *riri ei* te re. e kare tei te aronga pakari te kai, e kare tei te aronga kite meitaki te apinga, e kare tei te karape te kiteia mai; e tuatau ra, e te manuia ua, to te 12 tangata katoa ra. Kare rava e tangata i kite i tona ra tuatau: mei te ika i rauka ki roto i te kupenga kino ra, e te manu kia rauka i te ereere ra, ko to te tamariki a te tangata ia mou anga i te ereere i te tuatau kino ra, me rokoia putia uua mai ratou.

13 Teia ra toku tuatua pakari i kite i raro ake i te rā nei, e mea maata oki i 14 toku *manako anga*: *Te vai ra tetai oire iti*, e te tangata ki roto kare e tokorai; kua aere maira tetai ariki maata e rave, e kua patu iora aia i te 15 patu maata ei rave anga: Te noo ra tetai tangata pakari, e ao ra, ki roto; e ora iora taua oire ra i te pakari noma: kare ra e tangata i manako mai i taua 16 tangata ao ra. Kua karanga iora au e,

E meitaki to te pakari i to te ririnui; ko te pakari ra o te no ra, e akavaa-vaia ia, e kare e akono tikaia tana tuatua. E akono maricia te tuatua 17 maru a te aronga pakari ra, i te vaavaa nunui ua a te kavana neneva ra. E 18 mea meitaki te pakari i te taonga tumaki: okotai ra tangata rave ara ra, e meitaki maata tei kore iaia.

PENE X.

E tuatua no te akono meitaki, e no te akono kino.

NO te rango mate i kino ei e i pirau 1 ei te manongi a te tangata iro-manongi ra; *koua katoa* te manga tuatua neneva okotai ra i te tangata rongonui i te pakari e te ngateitei.

Te ngakau o te tangata pakari, tei 2 tona rima katau ia; te ngakau o te neneva ra, tei tona kaui ia. E kia aere ua taua neneva ra na te arataa ra, te ngere ua ra aia i te pakari, e kua karanga ki te tangata katoa e, kua neneva aia.

Kia tupu te riri o te tangata tutara 4 ia koe ra, auraka e akaruke i to ngai; tei te tuku maru ua oki e anga ai te riri maata rava. Teia oki tetai kino 5 i kitea e au i raro ake i te rā nei, e ē ia no te ariki uorai: Te akateitei roaia nei te neneva ra, e te noo nei te aronga apinga nui ki te ngai akaaka. 6 Kua kite au i te aronga tavini i te na runga anga i te ipo, e te ui ariki i te aere ua anga na raro i te enua mei te tavini.

Ko tei ko i te vaarua ra, nana uo- 8 rai e topa ki roto; e tei vava'i i te koro ra, e kakatiia aia e te ovi. Ko tei apai ke i te toka ra, e paruparu aia i te reira, e ko tei pūpū i te vaie ra, e riro i te pepe. Te mania ra te auri, e kare 10 i akakinaia te mata ra, kia akamaata aia i te ririnui i reira; na te pakari ra e akakite mai i te ravenga. Kua 11 kakati ua mai te ovi, kare i akarekarekaia: kare e puapinga to te akarekareka i reira. E kiteia mai te tuatua 12 a te tangata pakari; na te vaa ra o te neneva ra e apuku iaia uorai. Ne- 13 neva te akamataanga o te tuatua o tona vaa, e te openga o tana tuatua, ko te neneva kino ia. E akamaataia ta te 14 neneva ra tuatua; kare oki e tangata i kite i te tupu a muri ake: e tika oki iaia kia akakite iaia i te ka tupu a muri ake? Te roiroi ra te neneva i tana 15 uorai anganga; kare oki aia i kite i te arataa kia aere ki te oire.

E tamaiti mea ngiti toou ra ariki, e 16

tera ra enua, e ae oki koe, e te kaikai 17 ra te au ariki ki o ou ra i te popongi. E no toou, e tera ra enua, tei riro toou ariki ei tamaiti na te aronga mana, kia kaikai te au ariki ki o ou ra i te tu- 18 tau tikai ra, ei akamatutu, auraka ei akakonānga! Tei te akaruke ta- 19 kiri e pe ei te are, e tei te akatan o te rima ra e tuturu ei te are. I akonoia te kaingakai ei *akatupu* i te kata, e rekareka te aronga e ora nei i te wina: tei te moni ra e rauka'i taua au mea katoa ra.

20 Auraka e tao i te ariki, auraka i roto i toou manako, auraka oki e tao i te tangata mana i roto i toou ra pia moe: na tetai manu o te reva e apai i taua reo ra, e na tetai mea peau ra e akakite i taua tuatua ra.

PENE XI.

Te akono meitaki, e te oronga, e te manako i te mate e te akavaanga, i akatikaia nei.

ETITIRI i taua sitona ki runga i te 1 vai; e manganui akera te rā i 2 topa, rauka *akaou* atura ia koe. Eapai ua atu te tuanga ki nga tangata toko 3 itu, e ki e toko varu ua atu; kare oki koe i kite i te kino te ka tupu ki runga 3 i te enua nei. Te ki ra te au tumu- rangi i te ua, e topa mai ia ki runga i te enua nei: e kia inga te rakau ki te pae ki apatonga ra, e te pae ki apa- tokerau ra, ki taua ngai i topaia ra, ka vai rai taua rakau i reira ra.

4 Ko tei tiaki i te matangi ra, kare aia e ruru i te ua; e ko tei akara i te tumurangi ra, kare aia e kokoti. 5 Mei ia koe kare i kite i te aereanga o te vaerua ra, e te tupu anga o te ivi ki roto i te kopu nui ra; kare katoa koe i kite i ta te Atua ra angaanga, tana ravenga i te au mea katoa nei. 6 Ei te popongi ka ruru ei i taua ua, e ei te ai ai auraka e tāpu ua i to rima: kare oki koe i kite i te ka tupu, me ko teia, me ko tera, peneiake ko te meitaki kapipiti katoa ra. 7 E mea meitaki tika rai te mūranga, e mea mataora te mata kia akara i te 8 rā ra: Rai ua atura to te tangata nei au mataiti i te noo anga, e kia rekareka aia i taua au *matuiti* katoa ra; e akamaanara aia i te au rā pōiri, ka maata rai oki te reira; *ko te riro oki* tei toe ra ei mea puapinga kore anake 9 ia. Ka rekareka, e tenana tangata ou, i toou na ou anga, e kia rekareka oki to ngakau i te au rā o toou na ou anga; e aere ua koe na te au arataa na toou

uaorai ngakau, e aruaru oki i ta to mata e inangaro ra; e apaiia ra koe e te Atua ki te akavaanga i taua au mea katoa ra, kia kite mai oki koe. E teianei e akataka ke atu i te mea 10 e pekapeka'i to ngakau, e akataka ke atu oki i te mea e kino ei to kopapa; te tamariki mea riki anga ra oki e te ou anga, e mea puapinga kore ia.

PENE XII.

Ei te ou anga o te tangata nei akamaara'i i Tei anga iaia ra: nga kino o te ruaine anga: tei tika kia akono.

E TENANA e akamanako i Tei 1 anga ia koe i to ou anga ra, kare i tae ki te au rā kino ra, e kare i tae ki te au mataiti, e karanga'i koe ra e, Kare rava oku e mataora anga: E 2 kare rai te rā e te mūrāma, e te mārāma, e te au etu, i pōiri, e kare rai i oki te au tumurangi i te ua i mao ra: *E kare rai i tae* ki te rā e ruketekete 3 ei te aronga i tiaki i te are, e piko ei oki te aronga maroiroi ra ki raro; e kore ei oki te au tavini e taviri ra, no te mea kua iti, e tei na roto i te mārāmārāma i te akara ra, kua popaniia ia i te pōiri; E kua topiriia nga ngutupa i te arataa ra, e kare i kitea te aruru o te taviri anga ra; kia tu ua ki runga i te tangi o te manu ra, e kua tuku akaakaia te au tamaine atu pe'e ra; Kia mataka i te au 5 *ngai* teitei, e kia matakaia te arataa ra; kia ruperupe oki te sekadi ra, e teiaa oki te kereteki ra, e te kaki

ra, e kore roa ia; kia riro te tangata ki tona nooanga roa, e kia aere te aronga aue ra na roto i te au arataa: 6 E kare rai te taura ario i tuku paruparua, e kare te kapu auro i ngaa, e kare te ue i ngaa i te punavai ra, e kare 7 te porotata i ngaa i te āriki. Ei reira te one-pueu e oki ei ki raro i te enua no reira aia ra, e oki ra te vaerua ki te Atua i oronga maira. 8 Te tuatua nei te Orometua, E mea puapinga kore maata teia; e mea puapinga kore te au mea katoa nei. 9 Te maata ra te pakari o te Orometua, te maata ra tana apii anga ki te tangata kia kite; e kua kimi tikai, e kua akamakitoro marie aia, kua akapapa marie i te maseli e manganui. 10 Kua kimi te Orometua kia kitea te tuatua te ka ārikiia ra: e ko tei tataia ra, e mea tiratiratu ia, e te tuatua-mou. E tau te tuatua a te aronga pakari ra ki te ko, e mei te nairo akamou meitakiia ra; te aronga e uipa ra, kua akonoia ia e te tiaki okotai 12 ra. E teianei kia akarongo koe, o taku tamaiti, ia ratou: kia akapapa tini i te buka ra, kare e akaeaanga, e roiroi te kopapa ra kia maata te kimi i te tuatua. 13 E akarongo ana tatou i te akaotianga o taua au tuatua katra nei; Ko te Atua te mataka atu, e akono oki i tana au akauenga: ko ta te tangata 14 katoa ia e pini ua ake. E apai oki te Atua i te au tuatua katoatoa ki to akavaanga, e te au mea ngaro katoa ra, te au mea meitaki, e te kino katoa ra.

TE SIRE A SOLOMONA.

PENE I.

TE sire tu ke a Solomona. 1 Kia ongi mai aia iaku ki te ongi o tona vaa: ko to inangaro oki tei meitaki maata i to te wina ra. Mei te 3 aunga rai oki o to manongi meitaki ra, ko toou ia ingoa, manongi maringi ia, i inangaro mai ei te au paretenia ra ia koe. E totō koe iaku, ka aru 4

rai matou ia koe: kua arataki te ariki iaku ki tona ra au pia. E rekareka matou, e pingapingareka oki ia koe; e manako rai matou i toou inangaro, e iti te manako i te wina; te aronga tiratiratu tei inangaro ia koe. 5 Kerekere toku, e tupu meitaki ra, e te au tamaine i Ierusalemā e; mei te au puakapa i Kedara, mei te au 6 paruru o Solomona. Auraka ra e akara mai iaku, i te mea kua kerekere

au, i te mea kua akatu keia au e te
rā. Kua riri mai te au tamariki a
toku metua vaine iaku; kua tuku mai-
ra ratou i te tiaki i te au kainga vine
ra iaku: kare ra au i tiaki i toku
uaorai kainga vine. E akakite mai
iaku, e tei akaperepereia e taku vauerua
e, i taau angai anga i te *anana naau* ra;
e taau akaangari anga i te avatea ra.
Eaa oki au e tika'i kia uoa aere ua ki
roto i te au anana a to au oa ra?

Kare koe i kite, e tera ra vaine tu ke
i te purotu i te au vaine katoa ra, e aere
koe na te ruatapuue o te anana ra, ka
akaangai i taau ra au punua puaka-
nio ki te pae puakapa o te aronga
tiaki ra.

Te akaaite nei au ia koe, e taku aka-
perepere e, ki tetai ipo i te kariota a
Pharao ra. Manea to to paparinga i to
te tupati *poe* ra, e to kaki i te ei *auro*
ra. E anga ra matou i te ei auro noou
ra, e te au *poe* ario katoa ra.

Te *noo* ra te ariki i tana ra kainga-
kai, te aunga atura te narido noku ra.
E ruru mura taku akaperepere nei
noku; ei runga i taku umauma aia
moe ei e ao ua ake. E putunga tiare
kaphara taku akaperepere nei, no te
au kainga vine i Eni-gedi.

I na, e manea toou, e taku akapere-
pere e! i na, e manea toou, e mata ku-
kupa toou ra.

I na, te manea ra koe, e taku aka-
perepere e! te meitaki ra, e to tatou
roi totoaia nei, i te uriuri *meitaki* e!
E arezi te tea o to tatou arc, e e berusi
to tatou au kao.

PENE II.

E TIARE au no Saronā; e mea
lili ua oki no te au o ra!

Mei te lili i rotopu i te au rakau ta-
ratarā ra, koia katoa taku akaperepere
i rotopu i te au vaine ra.

Mei te lemoni i rotopu i te au rakau
o te vaorakau ra, koia katoa taku
akaperepere nei i rotopu i te au tangata
ra: te inangaro nei au i te noo ki
raro ake i tona marumaru, te vene
nei oki tana kai iaku kia kai ra. I
arataki ana aia iaku ki te are wina,
e tana reva i *soraia* ki runga iaku, ko
te inangaro ia. E akamatutu mai
iaku ki te vine; e tauturu mai ki te
lemoni; te mate ua nei rai au i te
inangaro. Tei raro ake tona rima
kau i taku-upoko, e te takave nei tona
rima katau ki runga iaku.

Te ako atu nei au ia kotou, e te au
tamaine i Ierusalemā, i te au zabi, e te

au aili o te ngangaere ra, auraka kotou
e akaitirere, auraka oki e akaara, i
taku akaperepere nei, e kia inangaro
ua aia uaorai.

8 Te reo no taku akaperepere nei! I
na, te rere aere maira aia na runga i te
au maunga, te rere aere maira na ru-
9 nga i te au tuaivi. E tau taku akapere-
pere nei ki te zabi, e te aili ou:
i na, kua tu ua maira aia ki muri mai i
to matou patu ra; kua akara mai na
roto i te māmāmāra; kua akakite
iaia uaorai na roto i te kopekapeka
10 *māmāmāra* ra. Kua tuatua maira
taku akaperepere, na ko maira kiaku,
Ka tu, e taku akaperepere e, e taku
11 purotu e, ka aere mai: I na oki, kua
kore akenei te tuatua paroro; kua
12 mao te ua, kua kore; Te kitea maira
te tiare ki runga i te enua nei; kua
tae ki te tangi anga *o te manu* ra, e te
kitea nei te tangi o te kukupa ki to
13 tatou nei enua; Te kao nei te suke i
tona ua puku, e te aunga nei te tiare o
te vine nei: ka tu, e taku akapere-
14 pere, e taku purotu, e aere mai; E
taku kukupa e, *kia kite atu au ia* koe
na roto i te kapi mato ra, na roto i te
ngai pipiniia i te au mato ra, kia kite
oki au i to mata na, kia akarongo oki
au i to reo na; e maru oki tei to reo,
e te meitaki oki to mata.

15 Ka opu ana i te au suoli, i te au
suoli mea ngiti ra, i kino ei te au vine
ra: kua pua tiareia oki ta tatou au
16 vine. Noku oki taku akaperepere,
e nona katoa oki au nei: te kaikai ra
17 aia i rotopu i te au lili ra. Kia ao, e
kia peke ke atu te maruao, e oki mai,
e taku akaperepere e; kia riro koe mei
te zabi, e mei te aili ou, ki runga i te
au maunga ra i Betera.

PENE III.

1 **I**AKU i *moe* i te po, ki runga i taku
roi ra, kua kimi au iaia i tei akapere-
pereia e taku vauerua ra; kua kimi au
2 iaia, kare ra aia i kitea atu e au. E tu
au e aere na roto i te oire; na roto i
te au aratua, e na te au ara metua ra,
e kimi au iaia i tei akaperepereia e
taku vauerua ra: kua kimi au iaia, kare
3 ra aia i kitea atu e au. E kitea iora
au e te aronga tiaki i to ratou akapini
anga i te oire; *kua na ko atura au*,
Kua kite ainei kotou iaia i tei akapere-
4 pereia e taku vauerua nei? Kare akera
ratou i topa tikai iaku ra, kite atura
au iaia i tei akaperepereia e taku vae-
rua ra. Kua tāpu atura au iaia, o
kare akera au i pa, arataki roa atura

au iaia ki te ngutuare o taku metua vaine, ki roto i te pia nona no tei to iakura.

Te ako atu nei au ia kotou, e te au tamaine i Ierusalemā, i te au zabi, e te au aili o te ngangare ra, auraka kotou e akaitirere, auraka e akaara, i *taku* akapereperē nei, e kia inangaro ua aia uaorai.

Eaa teia mei te medebara mai, mei te au pou auai, i takakaraia ki te mura ra, ma te tumiama, e te au vairakau katoa a te aronga oko ra? I na! e roi apaapai ia no Solomonā: te akapiniia ra e te kau tangata maroiroi e okotoru, e aronga toa anake no Iseraia. E koke anake ta ratou taoonga, e aronga maroiroi i te tamaki; tei te ūa anake ta ratou au koke i te vai ua anga, no te matakutaku i te po ra. Na te ariki ra na Solomonā i anga nona uaorai taua roi nei, no Lebanona te rakau. E ario anake te au pou i angaia e ia ra, e auro te turanga, e purapura te pute, kua totoaia tei rotopu ra ngai ki te inangaro, na te au tamaine i Ierusalemā. Ka aere ana, te au tamaine a Zionā, ka akara i te ariki ra ia Solomonā, ma te korona ta te metua vaine i akakorona mai iaia, i te rā i akaipoipoia i aia ra, i te rā i rekareka i tona ngakau ra.

PENE IV.

I NA! te manea ra koe, e taku akaperepere e; i na! te manea ra koe; e nga mata ouu, i raro ake i to makave rauru ra, e tau ia ki to te kukupa ra: to rauru, e tau ia ki te anana puakano, e vai aere i te maunga ra i Gileada. E aite to nio ra ki te anana mamoe pakoti ouia, i te aere anga mai mei raro mai i te orei anga ra; ko tei tatakai rua anake te punua ra, e kare rava tetai o ratou i ngere ra. E tau to ngutu ki te ao kutekute ra, e to reo ra tei navenave. Mei te vānga remuna ra toou ia puke paparinga i raro ake i to makave rauru ra. E tau to kaki ki te punanga o Davida, i patuia ei vairanga taoonga tamaki; okotai tausani i te paruru i akautiaia ki reira, e taoonga anake no te aronga ririnui ra. E aite toou puke u ra ki nga aili ou e rua ra, e maunga na te zabi, tei roto i te lili te kaikai anga. Kia ao ra kia peke ke atu te maruao, ei runga au i te maunga mura nei, e te tunaivi tumiama nei. Manea toou e pini ua ake, e taku akaperepere e; kare rava ouu e tioutou.

8 E aere mai kiaku nei, e taku vaine, e akaruke ia Lebanona, e aere mai kiaku nei, e akaruke ia Lebanona. Na te take o Amana i te akara mai, na te take o Senira, e Heremona; na te au nooanga o te au liona, na te au maunga o te nemera. Kua riro taku ngakau ia koe, e taku tuaine, e taku vaine; kua riro taku ngakau ia koe i to mata na, okotai rava ra, i te piria nganaoa okotai o to kaki na. E manea maata tei to inangaro, e taku tuaine, taku vaine e! e meitaki maata tei to inangaro i to te winā! e te aunga o to manongi i te au takakara katoa ra! 11 To vaa na, e taku vaine e, mei te melikerio i te topata anga mai: e meli e te u tei raro ake i to areo; e te aunga o to kakau na, e tau ia ki te aunga o Lebanona. E kainga koropiniia taku tuaine, taku vaine; e vai puipui popaniniia, e punavai sigiloia. E kainga remuna tei tanumia e koe ra, e te ua memetaki ra, te kaphara, e te narido; 14 Te narido, e te karakemia, te kane, e te kinamo, e te au rakau tumiama katoa ra; te mura e te aloe, e te au rakau kakara katoa ra: Te punavai o taua kainga nei, e tumu ia no te vai ora, mei Lebanona te ta'e anga mai. 16 Ka ara, e te matangi ra e te akarua e! e arara katoa mai koe, e te tonga ra! ei angiangi mai ki runga i taku kainga nei, kia kitea tona kakara i te maringi anga mai. Kia tomo mai taku akaperepere ki roto i tona nei kainga, e kia kai aia i te kai memetaki no reira.

PENE V.

1 KUA tae mai au ki roto i taku kaiinga nei, e taku tuaine, e taku vaine e; kua akaputuputu au i taku mura, e taku rakau kakara ra; kua kai au i taku melikerio e te meli: kua inu au i taku winā ma te u katoa ra. E kai, e aku au oa e, e inu oki; koia rai ia, e inu nui, e aku au akaperepere e! 2 Te moc ra au, kareka toku ngakau, te ara ua ra ia; e reo no taku akaperepere! te topāpā ra, kua karanga maira, Ka kiriti ake ana iaku, e taku tuaine, e taku akaperepere; e taku kukupa, e taku manea: kua ki oki toku mimiti i te au, taku makave rauru ra i te topatapata au o te po ra. 3 Kua kopae au i toku kakau, eaa e tika i kia kakau akaou? kua orei au i toku vaevae, eaa e tika i kia tarepo 4 akaou? Kua momono maira taku

akaperepere i tona rima na te vaarua
pa ra, tangi atura taku ngakau iaia.
 Kua tu akera au e kiriti i *te pa* ki taua
 akaperepere noku ra; i te topata na ra
 te mura no runga i toku rima, e te mura
 kakara maata no runga i toku maikao-
 rima ra, ki runga i te mouroanga o te loka
 ra. Kua kiriti akera au ki taua aka-
 perepere noku ra; kare ra taku aka-
 perepere, kua riro ia; kare atura oku
 vaerua i *te manako anga atu* i tana
 tuatua: kua kimi au iaia, kare atura
 aia i kitea atu e au: kua kapiki oki au
 iaia, kare ra aia i tuatua mai. Kitea
 iora au e te au tiaki i to ratou akapini
 anga i te oire; kua pāpā mai ratou
 iaku, e kua paruparu iora au; kua
 aō mai te aronga tiaki patu i te arai-
 mata noku. Teia tāku ako ia kotou, e
 te au tamaine i Ierusalemā nei, Penci-
 ake ko te kitea atu e kotou taua akape-
 repere noku nei, eaa ta kotou e karanga
 atu kiaia? Te mate nei au i te inangaro.

Eaa te ngai meitaki tu ke i taua
 akaperepere noou ra i to *tetai* ke ra
 akaperepere, e tera ra vaine i tu ke i te
 meitaki i te au vaine katoa nei? eaa te
 ngai tu ke i taua akaperepere noou ra i
 to *tetai* ke ra akaperepere, i pera mai
 ei koe i te porokiroki ia matou nei?

E teatea to taua akaperepere noku
 nei, e te muramura oki, koia tei tu ke
 i te tangata katoa e okotai ngauru i te
 tausani. Tona upoko ra, *mei* te auro
 meitaki roa ra ia, tona au makave rau-
 ru i te mingimingi, mei te orebi i
 te kerekere ra; Ona mata ra, mei to te
 kukupa ia kia oriaia ki te u ra, e te
 noo marie anga ki te nia o te kauvai
 ra: Ko nga paparinga nona ra, e ta-
 numanga tiare kakara ra ia; ko nga
 ngutu ona ra, mei te lili *kutekute* ia,
 ma te manongi ra e mura i te topata-
 pata anga. Ko nga rima nona ra, e
 tapeka auro ia i akapiniia ki te tare-
 sisa: tona kopapa ra, e sene kakā ia,
 i tarotia ki te saphira; Nga vaevae
 ra, e pou toka inuina ia, i akamouia
 ki runga i te turanga auro meitaki ra:
 tona mata e tau kia Lebanonā, e mea
 akaieie mei te arci ra. Tona vaa, e
 meitaki maata rava ia, kua pini takiri
 rava aia i te meitaki. Ko te tu ia o
 taua akaperepere noku ra; e ko te tu
 ia o toku nei oa, e te au tamaine i Ie-
 rusalemā e.

PENE VI.

TEIEA atura taua akaperepere no-
 ou ra, e tera ra vaine i tu ke i te
 meitaki i te au vaine katoa nei? i tapae

tika akenei kiea taua akaperepere noou
 ra, kia kimi katoa matou e koe katoa
 oki?

- 2 Aere atura taku akaperepere nei ki
 roto i tona ra kainga, ki te au tanu-
 manga rakau kakara ra, e kaikai i roto
 i te au kainga ra, e koi aere oki i te
- 3 au lili. No taku akaperepere au nei, e
 noku oki taku akaperepere: tei rotapu
 aia i te au lili i te kaikai anga.
- 4 Manea maata toou, e taku akapere-
 pere e, mei ia Tireza, e te tau maataia,
 mei ia Ierusalemā, e te matakaia, mei
- 5 te *nuku* reva ra. E ariu ke atu na to
 mata iaku nei, kua riro oki au ki ko
 na: to rauru, e tau ia ki te anana
 puaka-nio, e vai aere i te maunga ra
- 6 ko Gileada. E tau to nio ra ki te
 anana mamoc, i te aere anga mai mei
 raro mai i te orei anga ra, ko tei tataki
 rua anake te punua ra, e kare rava
- 7 tetai o ratou i ngere. Mei te vānga
 remuna ra, koia oou paparinga ra i
 raro ake i to makave rauru ra.
- 8 Okotoru ariki vaine *ki roto i toku*
akera ure, okoa oki palake, e te pare-
- 9 tenia oki kare i tataua. Koia anake
 nei ra taku kukupa, taku manea; ko
 te akaperepereia o tona metua vaine,
 ko tei akameitakiia e tei anau mai iaia
 ra. Kua akara mai te au vaine iaia, e
 kua akameitaki mai iaia, te au ariki
 vaine, e te au palake, e kua akapaapa
 mai ratou iaia.
- 10 Koai teia e akara nei mei te popongi
 ra, mei te marama te manea, mei te
 rā te kakā, mei te *nuku* reva ra te ma-
 takaia?
- 11 Aere atura au ki raro ki roto i te
 kainga betuni, e atoro i te kai a te o
 ra; kia kite atu i te vine i te ruperupe
 anga, te remuna i te pua tiare angaia.
- 12 Kare ra au i kite, kua riro takere au i
 taku ngakau, mei te kariota o Ami-
 nadiba ra.
- 13 Ka oki mai, ka oki mai, e te vaine
 Sulami e; ka oki mai, ka oki mai, kia
 akara atu matou ia koe.

E akara kotou i te vaine Sulami ki
 te aa? Mei te mea *te akara ra matou*
 i te au pupu o nga nuku e rua ra.

PENE VII.

- 1 **T**E manea o to vaevae, i roto i te
 tamaka ra, e teiane tamaine ariki
 e! Mei te poe ra te paupauanga o nga
 iū noou ra, i angaia e te rima karape
- 2 meitaki ra. To pito ra, *mei* te kapu
 taviri meitakiia ra, i ki i te wina iro-
 kia ra: to kopu ra, e tau ia ki te
 putunga sitona ra, i akapiniia ki te

lili ra. Nga u noou, e tau ia ki nga
 aili ou e rua, e maanga na te zabi. To
 kaki ra, e tau ia ki te punanga sene;
 to mata ra, *mei* nga vai vairanga ika i
 Hesebona ra, i te pae ngutupa ki Be-
 te-rabimi; to putaiu ra, mei te punanga
 i Lebanona, i anga tika mai ki Da-
 maseko ra. To upoko i runga ia koe
 ra, e tau ia kia Karamela; e to au
 putiki ra, mei te purapura ia; e kua
 mou te ariki ki roto i te au makave ra.
 Toou oki tu i te manea, e te meitaki e,
 e *taku* akaperepere e, kia meitaki!
 Toou ra teitei, e tau ia ki te rakau ra e
 tamara, e nga u noou ra, e tau ia ki te
 kaui *vine* ra. Kua na ko akera au, E
 kake au ki taua tamara nei, e mou au
 ki tona mangamanga: koia rai ia, e
 riro to u mei te au kaui vine ra, e te
 aunga o to a'o ra, mei te lemoni ia;
 E to vaa ra, mei te wina meitaki ra ia;
 na *taku* akaperepere, tei topa meitaki
 ua ki raro ra, tei tere ua na roto i te
 vaa o tei moe ua ra. No *taku* akapere-
 pere au nei, e tei iaku nei tona ina-
 ngaro.

E aere mai, e *taku* akaperepere e,
 ka aere taua ki roto i te kainga ra: ei
 roto i te au vila taua noo ei. Ei te
 popongi roa taua ka aere ei ki te au
 kainga vine ra; e akara taua i te vine
 i te ruperupe anga, te vine ou i te
 ua anga, e te remuna i te pua angaia:
 ei reira au e akakite atu ei ia koe i
 toku nei inangaro. Te aunga maira te
 au dudai, e tei to tatou au ngutupa te
 au *kai* memetaki katoa ra: te mea ou
 e te mea taito, kua vaoia e au naau, e
taku akaperepere e.

PENE VIII.

ANGAIRI koe mei *taku* tungane
 e, ko tei ngote i te u o *taku* me-
 tua vaine e! ka kitea i koe e au ki vao
 ra, kua oongi ua au ia koe, kare au e
 akakinoia i reira. E arataki au ia koe,
 e apai au ia koe ki roto i te are o *taku*
 metua vaine ra, nana e apii mai iaku
 ra: kua akainu ia au ia koe ki te wina
 takakaraia ra, no te vai o toku nei re-
 muna. Tei raro ake tona rima kaui
 toku upoko, e te takave nei tona rima
 katau ki runga iaku.

4 Te ako atu nei au ia kotou, e te au
 tamaine i Ierusalem nei, auraka kotou
 e akaitirere, auraka e akaara, i *taku*
 akaperepere nei, e kia inangaro ua aia
 uorai.

5 Koai teia e aere mai mei te mede-
 bara, irinaki ua'i ki runga i tei aka-
 perepereia e ia ra?

I raro ake i tera ra lemoni toku
 akatu anga ia koe ki runga: i reira
 koe te anau angaia mai e to metua
 vaine: i reira koe te anau angaia mai e
 tei to ia koe ra.

6 E akamou koe iaku ei sigilo ki
 runga i to ngakau na, ei sigilo ki ru-
 ngao i o puke rima ra: e viviki
 maata to te inangaro mei to te mate
 ra; tangi kore to te varcae mei to te
 vaarua ra: tona mura e mura ai ia,
 7 mei te uira o Iehova ra. Maata
 ua rai te vai, kare te inangaro e mate
 kia pi, kare katoa e mate i te vai
 puke: kia oronga te tangata i te au
 apinga katoa o tona ra are, ei oko i te
 inangaro, e akavaavaa ravaia mai aia.

8 E teina iti to matou, e kare tona u i
 puku: akapeca tatou i taua teina iti no
 matou nei, me karangaia mai aia e
 9 *akaipoipo* ra? Kia akatauia aia ki te
 koro ra, e patu tatou i tetai punanga
 ario ki runga: e kia akatauia aia ki
 te pa, e popani tatou iaia ki te rakau
 ra ki te arezi.

10 Ko au uorai nei te koro, e oku
 puke u nei, e puke punanga ia; i kite
 aroaia mai ei au ki mua i tona mata.

11 E kainga vine to Solomon a ki Baala-
 hamona; kua ou aia i taua kainga vine
 ra ki te aronga tiaki, e te oko i taua
 kai ra kia apai mai, tataki tai tausani
 12 ario ta te tangata okotai ra. Noku
 taua kainga vine nei, tei ia koe atura i
 tenana, e Solomon a, okotai tausani *aku*
moni ario i rauka; e rua anere oki te
 tutaki ta te aronga i tiaki i te kai o te
 reira ra.

13 E tei noo ki roto i te au kainga ra
 e, te akarongo nei *taku* au oa i to reo
 ra: kia rongo katoa atu oki au i to
 reo ra.

14 Kia ngakoikoi mai, e *taku* akapere-
 pere e, kia riro koe mei te zabi, e mei
 te aili ou, ki runga i te au maunga
 rakau lakara ra.

TE BUKA A TE PEROVETA RA A

ISAIA.

PENE I.

Te akoia nei te au tangata o Ziona, ko ratou i akakoko ia Iehova.

TE orama a Isaia, te tamaiti a 1
Amoza, tana i kite, ia Iuda, e Ie-
rusalema, i te au rā o Uzia, Iotama,
Abaza, e Hezekia, i te ui ariki no
Iuda ra.

E akarongo mai, e te au rangi e, e 2
ariu mai i to taringa, e te enua e! ko
Iehova oki teia e tuatua nei: Kua
angai au i te tamariki, e kua maata
ratou iaku, ko ratou ra, kua akaruke
mairai ia iaku. Kua kite te bovi i
tona pu, e te asini i te vairanga kai a 3
tona ra pu: kare ra Iseraela i kite;
kare oki toku ra au tangata i akama-
nako. Aue ia enua ara e! e iti-tangata 4
teiaa i te kino! e uanga rave tuatua
kino! e tamariki akatupu kino! kua
akaruke ratou ia Iehova; kua akaviivii
ratou i Tei Tapu i Iseraela nei; kua
oki rava ki muri. Kia pūpū akaouia 5
ainci kotou? ka akamaata ainei kotou
i te akatitima? kua makiia te upoko
katoa ra, e te ngakau katoa ra kua pa-
raparu. Mei te tapuae e tae ua atu 6
ki te upoko ra, kare rava e ngai ora; e
puta *anake* ra, e te putoto, e te maki
ou; kare i romiia, kare i tākaiia, kare
oki i maoroia ki te manongi. Kua
tanea to kotou enua; to kotou au oire,
kua ta'u naia ki te ai; to kotou enua,
kua kaingaia e te tangata ke ke ki
mua tikai i to kotou mata; kua tanea 7
oki, mei tei taitaipakokoia e te tangata
ke ke. Toe uaorai nei te tamaine a
Ziona, mei te are piritanga i roto i te
kainga vine ra, mei te are tiaki i roto i
te koro kukuma, mei te oire i koro-
piniia i te tamaki ra. Aurakā Iehova 8
Sabaota ra i vaoo i tetai toenga iti
rava, kua riro tatou mei ia Sodoma,
e kua arite tatou ia Gomora ra.

Ka akarongo mai i te tuatua a Ie- 10
hova, e te ui kavana o Sodoma e! ka
ariu mai i to kotou taringa ki te ture
a to tatou Atua, e te au tangata o Go-

11 mora e! Te tuatua mairā Iehova,
Eaa taku puapinga i ta kotou au tusia
e manganui? kua iu au i te au tusia
rama karakaratio ra, e te tongaua o te
au puaka i angaiia ra: e te toto bovi,
e to te au arenio, e to te au puaka-nio
12 ra, kare au e mareka atu. Kia aere
mai kotou ei akakite ki mua i toku
aroaro nei, naai i umuumu i te reira
i to kotou na rima, kia takai kotou i
13 toku ra au paepae? Auraka e apai
akaou mai i te au mineka puapinga
kore; te rakau kakara ra, e mea viivii
ia naku; te au marama ou, e te au
sabati, te uruoanga tapu i tutu ne-
reia, e te au rā i akatapuia, kare e tika
14 iaku kia akakoromaki i te kino. Ta
kotou au marama ou ra, e ta kotou au
oroa akatakaia ra, kua riri roa taku
vaerua i *te reira*; e apainga teiaa ia
naku; kua roiroi au i te apai anga.
15 Kia oora mai oki i to kotou rima,
e puroku au i oku mata ia kotou; e
kia akamaata kotou i te au pure, kare
au e akarongo atu; kua ki oki to ko-
16 tou rima i te toto. E orei ia kotou
kia mā kotou; e tuku ke atu i te kino
ta kotou e rave ra ki mua i oku nei
mata; kua oti ana i te rave i te kino:
17 E apii i te rave i te meitaki; e kimi i
te tuatua-tau; e akaora i tei takinga-
kinoia ra; e akatika i ta te matiroeroe;
e tauturu i te vaine takaua ra.
18 E tenana, te tuatua mairū Iehova, e
akatikatika ana tatou i te tuatua: aite
ua rai ta kotou au ara ki te mea kute-
kute ra, e teatea ia mei te kiona ra;
muramura ua rai mei te mea ekoeko
ra, e riro ia mei te uru-mamoe ra *te*
19 *teatea*. Kia tika ia kotou, e kia aka-
rongo ra, e kai ia kotou i te meitaki o
20 te enua nei: Kia kore ra e tika ia ko-
tou ra, e kia patoi mai, ka pou kotou i
te koke: te tuatua maira oki te vaa o
Iehova.
21 Aue oki te oire tuatua-tika, i riro ia
ei akaturi e! i ki ana i te tuatua-tau
ra; tei roto iaia te tuatua-tika te vai-
ranga; i teianei mai, e aronga ta ta-
22 ngata ia. Kua riro taau ario ei ota;

e taau wina, kua irokia ki te vai: E 23
akono ngata to au ariki ra, e aronga
kapiti no te keia; te inangaro anake
ra ki te apinga, e te kimi ra i te tutaki;
kare ratou i akatika i ta te matiroeroe,
e kare te tuatua a te vaine takaua e
tae atu ki mua ia ratou.

E teianei, te tuatua maira te Atu ra, 24
ko Ichova Sabaota, Tei Ririnui i Ise-
raela nei: Aue! e anga taku riri i te
aronga i māro mai iaku nei, e tutaki
marie atu au i toku au enemi: E aka- 25
oki atura au i toku rima ki runga ia
koe; e tamā takiri atu au i te ota ia
koe, e akataka ke rai au i te mea e
kino ei koe ra. E akaoki mai au i to 26
au akava ra mei tei muatangana ra, e
te au tumu korero naau ra mei tei te
akamataanga ra: e muri ake i te reira,
ka tapaia koe e, Te oire tuatua-tika ra,
Te oire pikikaa kore ra. E akaorai 27
Ziona i te tuatua-tau, e tana i akaariuia
maira i te tuatua tika. Okotai rai pou 28
anga to te aronga kaitamaki e te rave
ara ra; e te aronga i akaruke ia Ie-
hova ra, e pou ia. E akama oki kotou 29
i te au ale ta kotou i anoano ra, e ari-
ngaringa kotou i te au kainga ta kotou
i iki ra. Ka riro kotou mei te ale i 30
mae te rau ra, e mei te kainga vai kore
ra. E riro tei maroiroi mei te mauku
ra, e tana i angaanga ra mei te pura ai;
raua katoa i te ka katou anga, e kare
rava e tamateia atu.

PENE II.

*Te meitaki o te au rā openga, e te tapu-
nui o to Ichova akava anga.*

TE tuatua ta Isia, te tamaiti a 1
Amoza ra, i kite, ia Iuda, e Ie-
rusalema.

E riro kia tae ki te au rā openga ra, 2
e akatinamouia'i te maunga ra o te are
o Ichova ki runga i te take o te au
maunga ra; e akateiteia ia ki runga
i te au tuaivi ra, e putuputu ua mai-
rai te au etene katoa ra ki reira. E 3
manganui te tangata e aere ma te tua-
tua e, Aere mai, ka aere tatou ki ru-
nga i te maunga o Ichova, ki te are o
te Atua o Iakoba; e nana e apii mai
ia tatou i tona au aerenga; e ka aere
tatou na tona ra au arataa. I na Ziona
atu oki te ture i te riro anga atu, e te
tuatua a Ichova, i na Ierusalemata atu
ia. Nana e akava i rotopu i te au
etene, e e akataka i te tuatua i ro-
topu i te tangata katoa e manganui;
e tupaki oki ratou i ta ratou au koke
ei auri arote, e ta ratou au korare ra, ei
tipi tope ia: kare tetai enua e tamaki

mai ki tetai enua i te koke, kare oki
ratou e apii akaou i te tamaki.

5 E te ngutuare o Iakoba e! e aere
mai kotou, taki aere tatou na te mā-
rama o lehova.

6 Kua akaruke tikai koe i toou au ta-
ngata, i te ngutuare o Iakoba, no te mea
kua ki ratou i te au peu no anatoles
mai; e i te au purepure, mei to te Phi-
lisseti ra; e kua akaaiteite ratou i te
tuatua i te tamariki tangata ke ke ra.

7 Kua ki oki to ratou enua i te ario e te
auro: kare oki e ope ta ratou au api-
nga; e kua ki oki to ratou enua i te
ipo, kare rai oki e ope ta ratou au ka-

8 riota. Kua ki oki to ratou enua i te
idolo; te tupou ra ratou ki raro i te
angaanga a to ratou uarai rima, i ta
to ratou uarai maikao-rima i anga.

9 E kua tukuia te tangata rikiriki ki
raro; e kua taakaakaaia te tangata
taoia; kare ra koe e akakore i ta
ratou ara.

10 Ka aere ki roto i te mato, ka pipini
atu ei koe ki raro i te one-pucu, i te
matau ia Ichova, e i te kakā o tona

11 tapunui. Te mata teitei o te tangata
nei, e taakaakaaia ia, e te teitei o te ta-
ngata nei, e tukuia ia ki raro, e ko Ie-
hova anake ra te ka akateiteia i te
reira rā.

12 E rā oki to Ichova Sabaota, kare ia
e tau i tei parau e tei teitei; e te au
mea katoa i akateiteia, e tuku aka-

13 akaaia ia ki raro. E kare e tau i te au
arezi i Lebanona, i te roroa e tei aka-
teiteia ra; e kare e tau i te au ale o

14 Basana ra. E kare e tau i te au
maunga teitei, e kare e tau i te au

15 tuavi tei teitei ra. E kare e tau i te
au punanga i akateiteia ra, e kare e
tau i te au patu i akaketaketaia ra.

16 E kare e tau i te au pai i Taresisa,
e kare e tau i te au angaanga manca i

17 inangaroia ra. E tukuia te parau o
te tangata ra ki raro, e te teitei o te ta-
ngata ra, e taakaakaaia ia; e ko lehova
anake ra te ka akateiteia i te reira rā.

18 E te au idolo ra, e ngaro ke roa ia iaia.

19 E ka aere oki ratou ki roto i te au
anaanū mato ra, e ki roto i te au vaarua
o te enua nei, no te matau ia lehova,
e te kakā o tona ra tapunui, kia tu
maiaia e akaruketekete i te enua nei

20 i te matau. E kia tae i te reira rā,
e titiri ei te tangata i tona au idolo
ario, e tona au idolo auro, tana uarai i
anga ei akamori anga nona uarai, na

21 te kiore e na te peka; Ka aere ei ki
roto i te au ākapi mato, e ki roto i te
ruarua mato ra: no te matau ia Ie-
hova, e i te kakā o tona ra tapunui,

kia tu mai aia e akaruketekete i te enua nei i te mataku. Kua oti ana i te irinaki ki te tangata, tei te ruaputaiu oki tona a'o: eaa oki aia ka manakoia atu ei?

PENE III.

Te mate maata e tupu i te ara.

1 NA oki, ko te Atu ra, ko Iehova Sabaota, te akataka ke nei i te au tokotoko e te au turu, ia Ierusalem e ia Iuda; te turu areto nei kia ope, e te turu vai nei e ope rava ake; Te tangata ririnui, e te tangata toa; te akava, e te peroveta; te taura-atua, e te tangata ruaine; Te rangatira rima ngauru ra, e te tangata mana; te tumu korero oki, te taunga karape, e te koumuumu karape. E akariro au i te tamariki ei ui ariki no ratou, e te varevae ei kavana no ratou. E takinga-kinoia te tangata tetai ki tetai, te tangata katoa i tona uarai tangata tupu; e akateitei te tamariki i runga i te tangata ruaine, e te tarevakaua i tei teitei.

Kia opu te tangata i tona taake, no te ngutuaere o tona ra metua, *ka na ko atu ei e*, Ka aere mai koe ei ariki no matou, e kakau oki toou; e ei to rima teianei mate: E i te reira rā aia e taputuu atu ei, i te na ko anga atu, Kare takiri au e riro ei akaora; kare ua e manga, kare oki e kakau, i toku kainga: auraka au e akarioia ei kavana no te au tangata nei. Te turororori nei oki Ierusalem, e te inga nei Iuda: no te mea, te tau kore nei to ratou arero, e ta ratou au ravenga, ia Iehova, ei akariri atu i nga mata o tona kakā. Te akaapa nei to ratou uarai mata ia ratou: te akakite pu nei oki i ta ratou ara mei ia Sodoma ra; kare ratou i uuna; e ae oki to ratou vaerua! na ratou uarai oki i kimi i to ratou mate.

E karanga atu ki te aronga tuatua-tika ra e, e meitaki ia *to ratou*; e kai oki ratou i te ua i ta ratou i rave ra. E ae oki te tangata kino ra: e mate ia *tona*: ka tukuia mai te tutaki a tona rima inia.

Ko toku nei iti-tangata, e tamariki tei takinga-kino ia ratou, e vaine tei kavana ia ratou. E toku iti-tangata e, na toou au arataki i arataki ke ia koe, e na ratou i akakore i te arataa o to aronga i aere i te ara.

Kua tu a Iehova e akatika i tana, kua tu aia ki runga e akava i te au tangata. Ei te akava angū Iehova e aravei ei i te aronga pakari o tona ra

iti-tangata, e to ratou ui ariki; kareka kotou, kua pou te kainga vine ia kotou; tei to kotou au are te apinga aō a te tangata rikiriki ra. Eaa tika kotou, i takinga-kino ei i toku au tangata, e i uuki ei i te mata o te tangata rikiriki? te tuatua maira te Atu ra, ko Iehova Sabaota.

16 Kua tuatua maira oki a Iehova, No te mea kua ngakau parau te au tamaine a Ziona, e kua aere ma te akaroroa i te kaki, e ma te mata kaipaipa ra, e titorangi ua te aerenga ra, e te kerekere anga to ratou vaevae me aere: 17 E akapakiko ei te Atu i te take upoko o te au tamaine a Ziona, e na Iehova e 18 akakite i to ratou akama. E kia tae ki taua rā ra, ka ravea keia i te Atu ra te mea manca o te au tatua vaevae ra, e te kakau kupenga ra, e te au 19 tarae marama nikau ra: Te au poe taringa akatautau ra, te au tatua rima 20 ra, e te au tapoki-mata ra; Te au tākai upoko ra, te au pirianganaoa vaevae ra, e te au tatua ra, e te au pia takakara ra, e te au peu akapopo marie ra; 21 Te au momono-rima ra, e te au poe putaitu ra: Te au kakau akamana ra, e te au pona; te au kakau pu ua ra, e 23 te au pute rikiriki ra; Te au akanta ra, e te au kakau auaro memeitaki; te au puvaavaa ra, e te au vai mata ma- 24 maata ra. E kauonoia te kakara ra ki te ee pirau; e kauonoia oki te tatua meitaki ra ki te taura; e kauonoia te rauru iri ra ki te pakiko; e kauonoia te kakau pu ra ki te kakau paoa; te akairo tungia ki te ai ra ei kauono i te purotu.

25 E inga toou au tangata ra i te koke; e toou au toa uritumu ra i te tamaki 26 ra. E tona au ngutupa, ka aue e ka mii; e ka noo meamea ua aia ki raro i te one.

PENE IV.

E riro Ziona ei akapuangā.

1 E KIA tae ki taua rā ra, ka opu mai ei nga vaine toko itu i te tane okotai, ka na ko mai ei, E kai matou i ta matou uarai kai, e kakau matou i to matou uarai kakau; ko to ingoa ua ra te tapa mai ki runga ia matou nei; e apai ke atu i te akakino ia matou.

2 E i taua rā ra e riro ei te Atava o Iehova ra, ei manca e te kakā; e tei tupu i runga i te enua ra, ei mea akakie, e ei meitaki, i to Iseraela i ora 3 maira. E riro oki tei toe i Ziona ra, e tei noo i Ierusalem ra, i te tuatunua

c e tapu : te aronga ravarai i tataia i
 roto i te aronga ora i Ierusalemā ra.
 Kia ope i te oreia e te Atu te viivii o
 te au tamaine a Ziona ra ; e kia apai
 keia te toto o Ierusalemā i rotopu iaia
 ra, i te vaerua tuatua-tau, e te vaerua
 ai ra ; Ei reirā Iehova e anga ai ki
 runga i te au ngai ravarai i te maunga
 ra i Ziona, e ki runga katoa i te au ui-
 pānga nona ra, i te tumurangi i te ao
 ra, e te auai ; e te kakā o te ai mura i
 te po : e e *riro* te *reira* ei tapoki ki
 runga i taua kakā katoa ra. E riro oki
 tetai puakapa ei tamaru anga i te ao i
 te vera ; e ei oroanga, e ei akapuanga,
 i te uriia e te ua ra.

PENE V.

*Te parabole o te kainga vine o Iehova :
 te ara maata a tona iti-tangata, e ta
 ratou utunga.*

I TEIANEI e imene au ki taku aka-
 perepere, i tetai imene a taku aka-
 perepere no tona kainga vine ra.

E kainga vine to taku akaperepere
 ki runga i tetai maunga ruperupe ra.
 Kua ko aere iora aia, e kua akaope
 iora i te au toka ki vao, e kua tanu iora
 i te vine meitaki : e kua akatu aia i te
 are tiaki i rotopu, e kua pao iora i te
 vairanga winā i roto : i manako iora
 aia e ka ua mai i te vine tikai, e vine
 kava ra tei uaia mai.

E teianei, e to Ierusalemā, e te au
 tangata no Iuda, e akataka ana kotou i
 te tuatua iaku e taua kainga vine noku
 nei, ko taku ia tuatua ia kotou. Ean
 ua atu te ravenga toe i taua kainga
 vine noku ra, mari ra i taku i rave
 ra? ean iora, iaku i manakonako i te
 vine tikai i te ua anga mai, i ua mai ei
 i te vine kava ra?

E teianei, e akakite atu au ia kotou
 i taku e ka rave ki taua kainga vine
 noku nei : e apai ke au i te koro, kia
 pou rava i te kaingaia ; e vava'i au
 i te patu, kia takatakaiia ki raro ra ;
 E akatanea roa au i te reira ; kua e
 topetopeia, kare oki e kenuia ; e tipuia
 ra te rakau taratara e te tataramoa i
 roto ra ; e akaue oki au i te au tumu-
 rangi, auraka ratou e ua mai i te ua i
 rungao.

Ko taua kainga vine o Iehova Saba-
 ota ra, ko te ngutuare ia o Iseraela,
 e te au tangata no Iuda ra, ko tana ia
 pāu rakau mataora : kua tapapa oki
 aia i te tuatua-tau, e i na, e ta tangata ;
 i te tuatua-tika, e i na, ko te aue ra !

E ae oki ia kotou, to tei kapiti atu i
 te are ki te are, to tei kapiti atu i tetai

kainga ki tetai kainga, e kare atu e
 ngai toe, toe uorai kotou anake ua ra
 9 i rotopu i te enua ra. *Kua akakite
 mai* a Iehova Sabaota ra ki toku nei
 taringa : E riro tikai te au are e ma-
 nganui i te tanea, manganui tei nunui
 10 e tei manca, kare ia e tangataia. Kia
 ngauru ua atura te ekena i te kainga
 vine, okotai ua bato *wina* te ka rauka
 mai, e okotai komera te ua, e epha
 okotai te ka rauka mai.
 11 E ae oki te aronga e tu vave i te
 popongi ra, kia aruaru atu ki te kava
 kona ; ko tei noo roa i te aia kia vera
 12 ratou i te winā. E ko te kinura e te
 nabala, te pa'u, e te koe, e te winā, tei
 to ratou ia au pokai ; kareka te rave-
 nga a Iehova, kare ratou i akono, e te
 angaanga a tona rima, kare ia ratou i
 akara.

13 I riro tuikaa'i toku ra iti-tangata i
 te kite kore ; e kua mate to ratou aro-
 nga taoiau i te pacua, e te tangata
 tini i o ratou, kua mate ia i te kaki
 14 vai. I maata'i to adē kaki, e i amama
 ua'i tona vaa kare e aite ; e kua eke
 anake atura to ratou aronga mana, e to
 ratou au tangata tini, e te urupu ka-
 ravau, e koia ko tei rekareka i roto iaia
 ra. E te tangata rikiriki, kua tukua
 15 ki raro ; e te tangata maata, kua taa-
 kaakaia ; e te mata teitei oki, kua tu-
 16 kuia ki raro : E ko Iehova Sabaota ra
 te akateiteia i te tuatua-tau, e akata-
 puia te Atua, ko Tei Tapu ra, i te tua-
 17 tua-tika. Ei reira te au arenio e kai
 aere ua'i, e na te au *anana* ke e kai i
 te au ngai tanea o te aronga apinga
 nui ra.

18 E ae oki ia ratou, to tei totō i te
 kino i te taura o te ara ra, e te utunga
 19 i te taura porotata ra : Ko tei karanga
 e, Kia rapurapu aia, kia akavave aia
 i tana angaanga kia kite tatou : e kia
 tupu vave te tuatua a Tei Tapu i Ise-
 raela nei, kia tae mai ia, kia kite tatou.
 20 E ae oki ia ratou, to tei tuatua i te
 kino ra e meitaki, e te meitaki ra o
 kino ; tei tuatua i te pōiri ra e mārama,
 e te mārama e pōiri ; tei tuatua i te
 maamaa ra e vene, e te vene ra e
 21 maamaa. E ae oki ia ratou, to tei
 karape i to ratou uorai mata, e tei pa-
 kari i to ratou uorai manako anga !
 22 E ae oki ia ratou, to tei ririnui i te
 inu winā ra, e tei maroiroi kia iro i te
 23 kava kona ra : Ko tei akatika i te aro-
 nga ara no te oko, e tei akakore i te
 tuatua-tika a te aronga tuatua-tika ra !
 24 E teianei, mei te ngangaere e pou i
 te ai ra, e mei te mauku e pou i te ai
 mura ra ; ka riro katoa oki to ratou

tumu mei te mea pe ra, e to ratou pua, e peke ia ki runga mei te one-pueu ra: no te mea kua akaviivii ratou i te ture a Iehova Sabaota ra, e kua akaruke i te tuatua a Tei Tapu i Iseraela nei. No reira i ka ai te riri o Iehova ki tona 25
ra iti-tangata, e kua akatika aia i tona rima ia ratou, kua ta iora aia ia ratou: e kua ngaueue iora te maunga, riro atura to ratou au kopapa mei te teita i rotopu i te au arataa ra. Kare akera i tona riri i anga ke, te akatika ua mai-rai oki tona rima.

E akatu oki aia i tetai reva no te pa 26 enua mamao ra, e mitimiti aia ia ratou i to te openga mai o te enua ra; e i na, e aere mai ratou ma te viviki maa-ta: Kare rava tetai o ratou i roiroi, 27 kare oki i arara aere; kare ua tetai i tirotiromoe, kare oki i moe; kare to ratou tatua taukupu i matara, e kare oki te itiki o to ratou au tamaka i matara. Kua makukui roa ia ta ratou 28 au kakao, e kua akamangingia ta ratou ana; te matikao o ta ratou au ipo ra, e manakoia ia e toka tama ra, e to ratou au porotata ra, mei te puaioio ia. To 29 ratou ngunguru anga, e tau ia ki to te liona tinana ra; e mei te au liona ou kia ngunguru ratou: e ngunguru, ka aō ei ratou i te kai; e na ratou e apai ke, e kare ua e rauka akaou mai. Kia 30 tac ki taua rā ra e aruru mai ei ratou, mei te aruru o te tai ra: e kia akara oki tetai ki raro i te one, i na, e poiiri tumatetenga, kua ave oki te mūrāma i te rangi poiiri ra.

PENE VI.

Kua akara orama aturā Isaia i te kakā o Iehova: to te tangata tu māro ketuketa: e toenga ua te ka ora.

I TE mataiti i mate ei te ariki ra ko 1 Uzia, akara atura au i te Atu, i te noo anga ki runga i te terono teitei, e tei runga roa, e kua ki oki te nao i tona ra aveave. Te tu ua ra nga seraphi i vaiatata iaia, taki ono o ratou katoa ra peau; ko e rua ra, ei tapoki ia i tona mata, ko e rua ra, ei tapoki ia i tona vaevae, ko e rua ra, ei rere anga ia. E kua kapiki iora ki tetai ki tetai, na 3 ko akera, E tapu, e tapu, e tapu, to Iehova Sabaota; kua ki te ao katoa nei i tona kakā. Kua ngaueue iora 4 nga pange turuki i te reo o tona kapiki anga, ki akera oki te are i te auai.

Kua tuatua akera oki au, E ae oki 5 au nei! kua mate au e, e tangata vaa

viivii oki au, e te noo nei au i rotopu i te tangata vaa viivii; kua akara oki oku mata nei i te ariki, ia Iehova Sabaota ra. Kua rere maira tetai seraphi kiaku nei, e tei tona rima tetai ngarau ka, i raveia mai e ia i te piringoi 7 mei runga maira i te atarau ra: Kua akatukia maira ki taku vaa, na ko maira, I na, kua akatukia teia i to ngutu; kua akataka keia to kino, e kua akakoreia taau ara.

8 Kua akarongo atura au i te reo o te Atu, i te na ko anga e, Koai taku e tono? koai te ka aere no tatou? Kua karanga atura au, I na, teia au; ko au 9 taau e tono. Kua tuatua maira aia, Ka aere, ka karanga atu ki teianei aronga: E akarongo rai kotou, kare ra e kite; e akara rai oki kotou, kare ra e 10 utoa. E akamatorutoru i te ngakau o teianei aronga; e akateimaa i o ratou taringa, e e topiri i o ratou mata; ko te akara aea o ratou mata, e ko te rongo aea o ratou taringa, ko te kite aea o ratou ngakau, e ko te akaariuia mai, e ko te akaoriaia aea oki ratou. 11 Kua karanga atura au e, Mei te aa te roa, e te Atu e? Kua tuatua maira aia, Kia pou rava te au oire e kare rava e tangata, e te au are e kia kore rava e tangata i roto, e kia tanea rava 12 te enua ra; Kia apai ke ravaia e Iehova te au tangata, ka maata oki te tanea i rotopu tikai i te enua. 13 Toe ua rai oki te ngauru o te tangata ra, ka pou akaou rai oki te reira i te mate: mei te ale ra, e te aluna, tipu uaia ra ki raro, te toe ra tona tumu: e riro taus tumu ra e uanga tapu.

PENE VII.

Kare te akakoroanga o nga ariki o Iseraela ma Arama e mauia: te tuatua totou i te Mesia: no Asura te mate o to Iuda.

I TE au rā o Ahaza, te tamaiti a 1 Iotama, te tamaiti a Uzia, ariki no Iuda, kua aere maira te ariki no Arama ko Rezina, e ko Peka te tamaiti a Remalia, ariki no Iseraela, e kaitamaki kia Ierusalemā, kare akera i rauka ia 2 raua. E kua akakiteia te ngutuare o Davida, i te na ko anga e, Kua tauturuia Arama e Epheraima: te ngaueue ua ra tona ngakau, e te ngakau o tona au tangata ra, mei te au rakau o te vaorakau i ngaueue ua i te mata- 3 ngi ra. Kua tuatua mairā Iehova kia Isaia, E aere koe i tenana e aravei ia Ahaza, ko koe ma to tamaiti ra ia

Sare-iasuba, ki te openga mai o te vai ko ra o te roto ki runga ra, ki te arataa o te kainga o te tamatangi kakau ra; E karanga atu oki koe kiaia, Kia matakite, e akatupua ua; auraka e mataku, auraka oki e parukaua to ngakau, i nga aveave o eiane puke komotu ka nei, i te riri maata o Rezina, ma Arama, e to te tamaiti a Remalia ra. No te mea kua akakoro Arama i te kino ia koe, Epheraima, e te tamaiti a Remalia, i te na ko anga e, Aere mai ka aere tatou ki runga e rave ia Iuda, e tamanamanata atu, e kokoti mai i tetai pae no tatou uorai; e ko te tamaiti a Tabeala nei, ta tatou ia e akaiki, ei ariki i reira: Te na ko maira te Atu ra ko Iehova, Kare ia e mou, kare oki e tupu. Upoko ua rai Damaseko no Arama, upoko ua rai oki Rezina no Damaseko; kare e ope te mataiti okotoru ma rima, e ngaunga'i Epheraima, kare atura e karangaia e tangata: Upoko ua rai oki Samaria no Epheraima, upoko ua rai te tamaiti a Remalia no Samaria. Kia kore kotou e akarongo ra, kare rava kotou e akati-namouia.

Kua tuatua akaou maira oki a Iehova kia Ahaza, na ko maira, E pati koe i tetai akairo ki to Atua ra kia Iehova; e pati ki raro roa ra, e kare ra, ei runga rava. Kua karanga atura Ahaza, Kare au e pati, kare oki au e akakoko atu ia Iehova.

Kua tuatua maira aia, E tenana, e 13 akarongo mai, e te ngutuare o Davida e; E apinga iti ainei kia tamanamanata kotou i te tangata, ka tamanamanata katoa'i kotou i taku Atua? E 14 tenana, na te Atu uorai e oronga i tetai akairo no kotou; i na, e nui te paratenia, e e tamaiti tana e anau, e e tapaia tona ingoa ko Imanuela. Kia 15 kite aia i te kopae atu i te kino, e te rave i te meitaki, e kai ei aia i te bata, e te meli. Kare oki te tamaiti e kite 16 i te kopae i te kino e te rave i te meitaki, e akarukeia'i taua enua, taua i akapou ra, e nga ariki toko rua nona ra.

E rokoa mairai koe e Iehova, e toou 17 katoa ra au tangata, e te ngutuare katoa o toou ra metua, i te au ra kare i kitea mai, e mei te ra mairai i akaruke ei Epheraima ia Iuda ra; koia te ariki o Asura. E i taua ra ra, c 18 mitimiti ei a Iehova ki te rango, i te openga mai o te au kauvai i Aiphiti ra, e te debure, i te enua ra i Asura: E 19 tae anake mai oki ratou, e ka to anake

ratou ki runga o te aronga o i akarukeia ra, e ki roto i te au ruarua mato ra, e ki runga i te au rakau taratara ra, e ki runga i te ngangaere ra. 20 Kia tae ki taua ra ra, e varu ei te Atu ki te varu ouia ra, ki te au tangata i tetai pae vai ra, ki te ariki no Asura ra, i te upoko, e te uruuru vaevae; e te kumikumi katoa ra, i te pakoko 21 katoa anga. E kia tae ki taua ra ra, kia angai te tangata i te tinana bovi ou okotai ua ra, e nga mamoe e rua ra; 22 No te rai o te u ta ratou e o maira, e kai ei aia i te bata: ko te bata oki e te meli ta ratou katoa e kai, ko tei toe i 23 rotapu i te enua nei. E te au kainga vine katoa ra, okotai tausani te vine ki roto, okotai oki tausani i te manga ario e oko na'i ra, e riro ia, kia tae ki te reira ra, ei rakau taratara, e ei 24 tataramoa. Ma te kakao katoa e te ana kia aere mai ratou ki reira; e riro oki te enua katoa ra, ei rakau taratara 25 e ei tataramoa. E te au tuaivi katoa etika kia kenu i te ko one ra, kare koe e tae ki reira i te mataku i te rakau taratara e te tataramoa ra; e riro ia ra, ei aerenga no te bovi; ei takatakai-anga oki no te au mamoe.

PENE VIII.

Te totou ia Damaseko e Samaria: ko Iehova te akapuanga o tei mataku iaia: te mate o tei akamori idolo.

1 **K**UA tuatua mairai Iehova kiaku, Ka rave koe i tetai tatauanga maata, ka tata'i ki runga o ki te peni a te tangata ra, Mahera-salala-hasa-baza. 2 Kua rave atura au i nga kite pikikaa kore ra, ko Uria taunga ra, e ia Ze- 3 karia te tamaiti a Ieberekia ra. E aere atura au ki te peroveta vaine ra; e nui iora aia, e anau maira e tamaiti. Kua tuatua mairai Iehova kiaku, Ko Mahera-salala-hasa-baza tauu ingoa 4 kia tapa iaia. Kare oki taua tamaiti ra e kite i te tuatua e, E pa e, e ake e, e apai keia'i te apinga o Damaseko, e te apinga o Samaria, ki mua i te aroaro o te ariki no Asura ra. 5 Kua tuatua akaou mairai a Iehova 6 kiaku, na ko maira, No te mea kua akaruke teianei aronga i te vai i Siloa, tei ta'e marie ra, e kua paapaa ia Re- 7 zina, e te tamaiti a Remalia ra; E teianei, i na, te apai maira te Atu ki runga ia ratou, te vai o te kauvai ra, tei ririnui, e tei viviki, koia te ariki no Asura, e tona katoa ra kakā: e e puke aia na runga i tona au kauvai

rikiriki katoa ra, e e maringi katoa ia na rungao i tona au nia ra: E na roto aia ia Iuda i te aere; i te puke aere anga, e te tamoa katoa anga, e taca roaia te kaki; e tae te totoa anga o ona peau ki te pararauare roa o toou enua, e Imanuela e!

E akataae mai kotou, e te au tangata na, e ka atiitia kotou; e ariu mai i te taringa, e to te pa enua mao katoa ra: e rakei ia kotou, e ka atiitia kotou; e rakei ia kotou, e ka atiitia kotou: E kimi marie i te tuatua, e riro ra ei mea puapinga kore; e tuatua kotou i te tuatua, kare ra e mou: tei ia matou oki te Atua.

Kua na ko maira oki a Iehova 11 kiaku, ma te rima ririnui, e kua ako maira iaku e, auraka au e aere na te arataa o teianei aronga, na ko maira, Auraka kotou e karanga e, E kotikoti 12 kupenga, i te au mea ta teianei au tangata e karanga nei e, E kotikoti kupenga; auraka oki kotou e matakui i ta ratou e matakui ra, auraka oki e ngaragara. Ko Iehova Sabaota ra, 13 ta kotou e akatapu; koia oki ta kotou e matakui, e ta kotou e ngaragara. E 14 riro oki aia ei akapuanga; ei toka tukiaanga ra, e ei mato turorianga ki nga ngutuare e rui o Iseraela ra; ei maunu e ei ereere i to Ierusalem. E 15 manganui te ka turori i te reira, e e inga, e paruparu, e ii, e e rauka. Ka ruru ana i te tuatua-akakite, ka 16 sigilo ana i te ture, no taku au pipi.

E tatari oki au i te Iehova, ko tei 17 uuna i tona mata i te ngutuare no Iakoba, e manakonako rai au iaia. I 18 na, ko au, e te au tamariki ta Iehova i oronga mai naku ra, ei au akairo oki e ei umereanga i Iseraela nei; na Iehova Sabaota ra, ko tei noo i te maunga ra i Ziona. E kia tuatua 19 mai ratou kia kotou, E kimi atu ki te au taura vaerua kino, e ki te au purepure, kia ratou oki tei kiokio mai, e ko tei mutamuta ra; auraka ainei te tangata e kimi tika atu ki to ratou Atua? e kimi atu ainei i ta tei ora ki tei mate?

Ei te ture, ei te tuatua-akakite: 20 kia kore ta ratou tuatua e tau ki te reira tuatua, kare atura e marama i ratou. E aere ra ratou na rotou i te enua nei, ma te tinai-mate e te pongi; e kia mate ratou i te pongi ra, e maki-takita maata ia ratou uorai, ka tao ei ratou i to ratou ariki, e to ratou ra Atua; e ka akara oki ki runga. E 22 ka akara oki ratou ki te enua nei; e i

na, e tumatetenga e te poiri; e poiri patapatatue, e ka tuarua ki roto i te poiri.

23 Kare oki e vaoia te poiri i te ngai i tumatetenga ana i *muatangana*: mei iaia oki i taakaaka i muatangana i te enua o Zebuluna, e te enua o Naphatali; koia oki, i te openga ra, kua akangatei i aia i te aereanga i taatai, i tera pae Ioridana, ko Galilea i o te etene ra.

PENE IX.

Te meitaki e tupu i te au o te Mesia ra: to Iseraela mate i to ratou ngakau parau, te pikikaa, e te mero.

1 **T**E aronga i aere ua na te poiri ra, kua akara ia i te marama maata: te aronga i noo ki te ngai maru-mate, 2 kua itia ratou e te marama. Kua akamaata koe i taua enua ra, i tei kore i akamaataia te rekareka; e *teianei ra*, te rekareka ra ratou ki mua ia koe mei te rekareka i te tuatua mou ra, mei te rekareka oki o te aronga e 3 tua i te apinga noni ra. Ko te zugo o tana ra apainga, te rakau ki runga i tona pakuivi, te rakau o tei tao mai iaia ra, kua aitia e koe, mei tei te ra 4 i *mate ei* Midiana ra. I riro ei te au tamaka o te aronga i akatamakaia ra i te tamaki, e te au kakau i akatakaviria i roto i te toto ra, no te ai; ei vaie ta'u anga ai ia.

5 Kua anau mai oki tetai tama na tatou, kua orongaia mai tetai tamaroa na tatou: ei runga i tona ra pakuivi te au vai ei: e tapala tona ingoa ia Umere, Tumu korero, te Atua Mana, te Metua no te tuatua mutu kore, te 6 Ariki no te au. Kare e mutu te tupu anga o *tona* ra basileia, e *tona* au, e *noo aia* ki runga i te terono o Davida, e ki runga i tona ra basileia, ei akatinamou, e ei akamatutu i te reira, ma te tuatua-tau, e te tuatua-tika, i teianei, e tuatua ua atu. Na te marioi o Iehova Sabaota e rave i te reira.

7 E manga tuatua ta te Atua i tono kia Iakoba, e kua iri ki runga ia Iseraela. 8 Ka kite oki te au tangata ravarai, ko Epheraima, e to Samaria katoa, ma te ngakau parau e te akateitei, i te na ko 9 anga e, Kua ngaoro oki te karakaraea ki raro, ei toka tarai ra ta tatou e patu: kua tipuia te sukamino, e *tanu* 10 ra tatou i te arezi ei tupau. E akatupu katoa mai ei a Iehova i te au enemi o Rezina ei rave iaia, e nana e 11 akaraiki tamaki i tona au enemi: To

Arama i mua, e te Philiseti i muri; ka apuku rava akera ratou ia Iseraela ma te vaa amama ua. Kare akera tona riri i anga ke, te akatika ua mairai oki tona rima.

Kare oki te au tangata nei i anga 12 mai kiaia i tei pūpū mai ia ratou ra; kare oki ratou i kimi ia Iehova Sabaota ra. E tipu ke atu ei a Iehova ia 13 Iseraela nei, i te upoko, e te iku, i te rara tamara, e te mauku, i te rā okotai. Ko te tangata metua, e te tangata akangateitua, ko te upoko iia; e te peroveta e apii i te tuatua pikikaa ra, ko te iku ia. Na te au arataki o 15 teianei au tangata ratou i arataki ke: e ko tei aratakiia ra e ratou, e pou katoa ia. E teianei kare te Atu e re- 16 kareka i to ratou au tangata ou, kare oki aia e aroa i ta ratou au tamariki matirocroe, e te au vaine takaua ra; no te mea e aronga pikikaa anake ratou, e te rave tuatua kino ra, e tuatua neneva anake kare e vaa toc. Kare akera tona riri i anga ke, te akatika ua mairai oki tona rima.

Te ka nei oki te kino mei te ai ra: 17 e pou te rakau taratara e te tataramoā; e e mura oki ki te vaorakau pipiripi ra; e peke oki ratou ki runga mei te kou auai ra. No te riri o Iehova Sabaota ra i pakapaka'i te enua nei, e riro oki te tangata nei mei te vaie no te ai ra: kare oki te tangata e akaperepere e tae ua atu ki tona taeake. Ka āru aia ki te pae katau, e 19 e pongi rai; e kai oki i te pae kaui, kare ra e pangia te kaki: e kai oki te tangata ravarai i te kiko o tona uorai rima: Ko Manase ia Epheraima; e 20 ko Epheraima ia Manase: e kapiti ra raua i te rave ia Iuda. Kare akera tona riri i anga ke, te akatika ua mairai oki tona rima.

PENE X.

E totou i to Senakeriba kaitamaki ia Iuda, e tona mate viviki.

E AE oki to tei akatu i te ture kino 1 ra, to te au tata tuatua tei tata i te tuatua takinga-kino ra; Ei akatarevake anga atu i te aronga putaua i te tuatua-tau, ei akangere atu i te mea tika i te aronga ao o toku nei ititangata; kia riro te au vaine takaua ei 2 apinga na ratou, e kia noni oki ratou i ta te au matirocroe. E akapeea ra 3 kotou kia tac ki te rā e rokoia atu ei ra, e i te mate e tae mai mei te ngai mamao mai? e oro tika kotou kiaai kia tauturuia mai? e eiea kotou e

vaao ei i to kotou ra au tangata nuni? Kia kore ratou e taakaaka ki raro i te aronga i tapekaia, ka inga ratou e te aronga i taia katoa ra. Kare akera tona riri i anga ke, te akatika ua mairai oki tona rima.

5 Aue to te tangata Asura e, te rakau o toku nei riri e, e no toku nei riri te 6 rakau i vai i tona ra rima! E akaunga atu au iaia ki te enua pikikaa ra, e porokiroki atu au iaia ki te aronga ririia e au ra; kia akaputuputu aia i te aronga tamaki, e kia apai ke i tei noniia ra; e kia takatakai aia ia ratou ki raro mei te vari o te au arataa ra. 7 Kare ra aia i pera i te manako, e kare i pera te akakoroanga o tona ngakau; kareka te ta, tei tona ia ngakau, e kia 8 tipu i te au enua kare e iti. Te tuatua maira oki aia, Kare ainei toku nei ui 9 rangatira ei ui ariki anake rai? Kare ainei Kalano i aite kia Karekemisa? kare ainei Hamata e aite kia Arepada? kare ainei Samaria e aite kia Dama- 10 seko? Mei toku rima i rave i te au basileia idolo, e to ratou au tiki ra, ko tei meitaki i to Ierusalem e to Samaria; Mei taku oki i rave i to Samaria e tona ra au idolo, kare ainei au e akapera katoa atu kia Ierusalem e tona katoa ra au tiki?

12 E riro ra, kia ope te au angaanga katoa a te Atu i te raveia e ia ki runga i te maunga ra ko Ziona, e ki runga ia Ierusalem, e tutaki ei au i tei tupu i te ngakau parau o te ariki no Asura, e te akara anga nengonengo o tona mata. 13 Kua tuatua oki aia e, No taku rima ririnui i tika'i iaku i te rave, e no toku nei karape; kua pakari oki au: kua apai keia e au te kena kainga o te au enua ra, kua noniia e au ta ratou apinga i akaputuputu ra; e mei te toa ririnui ra, kua tuku oki au i te aronga 14 i noo i te enua ra ki raro: Kua kitea e toku rima te apinga o te au tangata, mei te koanga i kitea ra; e mei te tangata i akaputu i te ua manu i akarukeia ra, kua pera katoa taku akaputuputu anga i ta te pa enua katoa; kare ua tetai i akakapakapa ua ake te peau, e i amama ua ake te vaa, 15 e i kiokio ua mai oki. E akateitei ainei te tapae ki tei rave e tipu? e akateitei ainei te keke ki tei rave iaia e keke? mei te mea e, na te rakau pūpū e takirikiri ki tei apai iaia ra; mei te mea oki, na te rakau e apai i te mea rakau kore.

16 E teianei na te Atu, na Iehova Sabaota ra, e apai atu ei i te ikeke ki runga i te aronga poria nona ra, e ki

raro ake i tona kakā e tutungi ei aia i te ka anga, mei te ai vera ra. E riro i te Mārama o Iseraela ra ei ai, e Tei Tapu nona ra ei ai mura: e ta'u rava aia, e e akapou i tana rakau taratara, e tana au tataramoa ra, i te rā okotai. E tei manea oki no tona vaorakau, e 18 no tona kainga ua meitaki ra, mei te vaerua e tae ua atu ki te kopapa, te ka pou ia iaia: e ka roroe oki ia, mei te tangata maki i rorocia nei. E ko te 19 toenga rakau o tona vaorakau ra, e iti ia, e ope ua ake i tetai tamaiti iti kia tata.

E kia tae ki taua rā ra, kare te toenga 20 o Iseraela ra, e tei ora i te ngutuaere o Iakoba, e irinaki akaou i tei ta mai ia ratou; e irinaki ra ratou ia Iehova, i Tei Tapu i Iseraela nei, ma te piki-kaa kore. E oki maira tetai toenga, 21 tetai toenga no Iakoba, ki te Atua ki Tei Mana ra. Arite ua rai toou au tangata, e Iseraela e, ki te one i taatai, e toenga ua te ka oki mai. Te akaotia-ki i akakoroia ra kua maringi ua i te tuatua-tika: Tana akaotianga i aka- 23 koroia ra, na te Atua ra, na Iehova Sabaota, e rave i rotopu i te enua katoa nei.

E teianci, te na ko maira te Atua 24 ko Iehova Sabaota, Auraka e maku, e taku iti-tangata, i noo ki Ziona ra, i te tangata Asura ra: e ta mairai aia ia koe ki te rakau, e apai aia i tana rakau ki runga ia koe, mei ta Aiphiti ra. E kia rakoau itio ra e 25 anga atura taua riri ototoo ra, e toku riri i to ratou mate. Na Iehova Sabaota ra e apai i tetai ta ki runga iaia, mei te tainga ia Midiana, ki te mato ra ki Oreba: e riro oki te rakau nana ki runga i te tai ra, e apai aia i te reira ki runga, mei tei Aiphiti ra. E kia tae ki taua rā ra, e apai keia'i 27 tana apainga i to pakuivi, e tana zugo i runga i to kaki ra; e kua akakoreia oki te zugo no te akatainu anga ra.

Tei Aiata mai nei aia; i na roto 28 atura aia ia Migirona te aere; ei Mikemasa vaoo ei aia i tana au apainga; Kua topa ia ratou te ngai 29 o iti; ei Geba ratou e moe ei; kua raungara Rama; kua ati Gihea o Saula. E akateitei i toou reo, e te 30 tamaine a Galima e: e akarongo mai, e Laia e, e Ania e, e Anatota e! Kua aere Mademena; kua ati to 31 Gebima. Ei Noha aia noo ei akonei; 32 e ruru aia i tona rima ki te maunga i te tamaine a Ziona, ki te maunga ra o Ierusalem.

I na, na te Atua ra, na Iehova Sa- 33 baota ra, e tipu i te māngamanga ma

te aruru maata; e kokotia oki te aro- nga roroa ki raro, e taakaakaa te aro- 34 nga teitei. E tipupu oki aia i te ngai piri o te vaorakau ra ki te auri, e inga Lebanona i te rima marōrō.

PENE XI.

Te au meitaki o te Mesia: to te au etene tuatua angaia, e to Iseraela akaoki angaia.

1 **E** TUPU tetai tupu ou no roto i te tumu ra o Iese; e no roto mai i tona au aka e tupu mai ei tetai uri 2 uua. Ka noo ua mairai te Vaerua o Iehova ki runga iaia, te Vaerua o te pakari e no te karape; te Vaerua o te ako e no te mana; te Vaerua no te 3 kite, e no te matakau ia Iehova. E maata oki tona kite i te matakau ia Iehova; kare aia e akava ua i ta ona mata i akara ra, kare katoa e akatika 4 ua i ta ona taringa i akarongo ra: I te tuatua-tika ra ka akava mai ei aia i te aronga ao ra, e akatika oki aia ma te tuatua-tau, no te aronga maru o te enua nei: e ta aia i te enua nei i te rakau ra i tona vaa, e i te a'o o tona vaa e tamate ei aia i te tangata kino: 5 E te tuatua-tika ra, ko te tatua ia o tona taukupu; e te tuatua-mou ra, ko tona ia ruru manava. 6 Ei reira te lukō e noo katoa'i raua ko te arenio; e te nemera e te punua puaka-nio, e kapiti katoa ia ki te moe anga; e te kala, e te liona ou, e te bovi angaia ra, okotai rai kapiti anga mai; e na tetai tamaiti mea ngiti e 7 arataki. Te bovi ua ra e te daba tinana ra, okotai rai ia one-kai; okotai rai moe anga to te anaunga: e kai oki te liona i te ngangere mei te bovi 8 katoa ra. E kanga ua te tamaiti kai u ki te vaerua o te asapi, e ki runga i te koanga o te zepho ra e toku ei te tamaiti i topa ake te u i tona rima. 9 Kare ratou e kanga, kare oki e mea e mate ei, i toku katoa nei maunga tapu: no te mea, ka ki te enua i te kite ia Iehova, mei te vairanga tai e ki i te tai ra.

10 E kia tae ki taua rā ra, ko taua aka o Iese ra tei tu ki runga ei reva no te tangata, te ka kimiia ia e te pa enua: e kakā marie oki tona aka- angaroia ra.

11 E i te reira rā, e akatika akaou ei te Atua i tona rima e akaora i te toenga o tona iti-tangata, ko tei toe i Asura ra, e i Aiphiti, e i Patarosa, e i Kusa, e i Elama, e i Sinara, e i Hamata, e i 12 te au enua o te moana ra. E akatu

aia i tetai reva ki runga no te pa enua ra, e e akaputuputu mai aia i to Ise-
raela i tuarua ra, e kapiti mai oki to
Iuda i akapueurikiriki keia ra, mei
nga openga mai o te enua e a katoa
ra. E topa te vareae o Epheraima, e 13
te au enemi i o Iuda e tipu keia:
kare Epheraima e vareae ia Iuda, kare
oki Iuda e riri ia Epheraima. E rere 14
ratou ki runga i te ua o te Philiseti ki
te pae i te opunga o te rā ra; e pou
katoa oki te au tamariki no te itinga o
te rā ra ia ratou; e rave oki to ratou
rima ia Edoma raua ko Moabi; e aka-
rongo mai oki te tamariki a Amona ia
ratou. E akapou rava oki a Iehova i 15
te arero i te tai i Aiphiti ra, e ruru
katoa aia i tona rima ki runga i te vai
ra i tana matangi viviki maata ra, e ka
ta aia i te reira ra kia itu ta'anga ra; e
na runga uaorai ratou i te aere kare e
mauu te vaevae. E e vai ra te arataa 16
tika no te toenga o tona ra au tangata,
ko tei toe i Asura ra; mei to Iseraela
i te rā i aere mai ei aia mei Aiphiti
maira.

PENE XII.

*E akameitaki te aronga akarongo i te
Atua.*

KIA tae ki taua rā ra, e tuatua'i koe, 1
E akameitaki au ia koe, e Ie-
hova: i riri mai oki koe iaku ra, kua
anga keia ra toou riri, e kua akapu-
maana mai koe iaku. I na, ko toku 2
ora, ko te Atua ia; e irinaki au, e
kare au e matakū: ko toku oki ia ma-
tutu, e toku ia imeneanga, ko te Atua ra
ko Iehova; e kua riro mai aia ei ora
noku. E ka uti kotou i te vai ma te 3
rekareka no roto i te au punavai ora
ra. E i te reira rā ka tuatua'i kotou, 4
E akameitaki kotou ia Iehova, e ka-
piki atu ki tona ingoa, e akakite ki
te tangata tana au ravenga, e akakite
marie kotou e kua akateiteia tona
ingoa. E imene kotou ia Iehova; i 5
te ravenga meitaki tu ke tana i rave
ra: kua kitea ia te reira i te ao
katoa nei. E kapiki nui, e maeva, e 6
tei noo i Ziona ra e: te maata ra oki
Tei Tapu i Iseraela nei i rotapu ia
koe ra.

PENE XIII.

To Babulonia pou anga.

TE tuatua ia Babulonia, ta Isaia te 1
tamaiti a Amoza i kite.

Ei runga i te maunga rakau kore 2
ka akatu ei i te reva, ka akateitei ei i
te reo kia ratou, ka kamo atu ei i te

rima: kia tomo ratou ki te au ngutupa
3 o te ui ariki. I akaue ana au i te kau
toa noku i akatakaia ra, e kua karanga
au ki toku aronga maroiroi no toku
riri, i te aronga nengonengo akatietie
4 noku ra. Te mutamutaanga o te
aronga ki runga i te maunga, mei to
mea e papaki maata ra! e maoroanga
no te au basileia oripu ua ra, no te au
etene i akaputuputu ki te ngai okotai!
na Iehova Sabaota ra e akaputuputu
5 i te nuku katoa ra kia tamaki. Mei
te enua mamao mai ratou, mei te piri-
tanga rangi mai, ko Iehova e te au
taoonga tamaki no tona ra riri, ei rave
i te enua katoa nei kia pou.

6 Ka aue ana kotou; kua vaitata oki
te rā o Iehova; ei mate no ko mai i te
7 Mana katoatoa me tae mai. No reira
e parukaau'i te au rima katoa, e tu a
8 vai oki te ngakau o te tangata katoa; E
rokoia mai ratou e te matakū; e opukia
mai ratou e te mamae e te aue; mei
to te vaine anau ra to ratou mamae;
e va ua ratou ia ratou uaorai; e aite
oki to ratou mata mei te mura ai ra.

9 I na, te vaitata mai te rā o Ie-
hova! e rā tangi kore e te riri oto-
oto, e te riri anga kore; kia tanea ta-
kiri te enua ra; e te au tangata ara
i roto iaia ra, ka akapou ravaia ia e ia.
10 Te au etu oki no te rangi ra, e to
reira au pupu, kare ia e mārama mai;
ka akapoiria te rā i tona aere mai
anga, kare oki te marama e pa mai i
11 tona mārama. E tutaki atu au i teia-
nei ao i tona kino, e te aronga kino i
ta ratou ara; e akakore au i te nengo-
nengo o te aronga parau, e e taakaaka
au i te akateitei o te aronga akamataku
12 ra. E akariro au i te tangata nei ei
mea apinga maata i te auro ra; i te
tangata okotai nei rai i te toka auro
13 no Ophira ra. E akangaueue oki au i
te au rangi ra, e ka ruketeketete te enua
kia taka ke i tona vairanga, i te riri o
Iehova Sabaota ra, e i te rā e mura'i
14 tona riri. E riro oki ratou mei te
zabi arumakiaia ra, mei te mamoe e
kare e tangata i te akaputuputu mai:
e anga anake ratou ki to ratou uaorai;
e ati anake ratou, te tangata katoa ra,
15 ki tona uaorai enua. Te au tangata
katoa kia rokoia atu, e ko mama ra-
vaia ia; e tei pipini ra, e inga anake
16 ia i te koke. E tuparua ta ratou au
tamariki kai u ki mua i to ratou mata;
e āruia to ratou au kainga, e kuku-
miia oki ta ratou au vaine.

17 I na, te akatu nei au i to Madai ei
rave ia ratou, ko te ka kore e akono
i te ario; e kare oki ratou e rekareka

i te auro. E taia te au tangata mapu 18
i te ana e ungaunga atu; e to roto
i te kopu ra kare ratou e aroa; kare
oki to ratou mata e tangi ua atu ki
te tamariki. E ko Babulonia, te 19
manea o te au basileia ra, te meitaki
o te parau o te Kaledea ra, ka arite
ia ia Sodomā e Gomora ra, tei tutua-
muia e te Atua. Kare e tangata aka- 20
oua, kare oki e nooia i tera uki i tera
uki: kare oki te Arabia e patia i tona
puakapa i reira; kare oki te au tiaki
mamoe e anga i te koro mamoe i reira.
Ei reira ra te au tera no te ngangaere 21
e moe ei; e ki oki to ratou au are i
te lulu; ei reira oki te punua ione e
noo ei; e e rerere oki te au puaka-
nio momoavao ki reira. E aua ua te 22
au kuri momoavao ki roto i te au kainga
ariki ra, e te au teni i to ratou au
are manea ra. Kua vaitata oki tona
tuatau, e kare tona au rā e akama-
maoia.

PENE XIV.

*To Isaraela akaoki angaia mai e te
Atua, to Babulonia pou, to Asura
eke, e to Philistia mate, i akakiteia
mai.*

E AROA oki a Iehova ia Iakoba, 1
e e iki akaou rai aia ia Isaraela,
e ka akanoo oki aia ia ratou ki runga
i to ratou uorai enua: e ka kapiti ka-
toa mai oki te tangata ke ke ia ratou
ra, e e piri mai oki ki te ngutunare o Iako-
ba. E rave oki te au tangata ia ratou, e 2
arataki atu ki to ratou ngai tikai ra: e
ka riro oki ratou no te ngutunare o Ise-
raela, ei tavini tane e ei tavini vaine,
i te enua o Iehova ra: e ka akatuikaa
atu ratou i te aronga i tei akatuikaa
mai ia ratou ra; e tutara oki ratou ki
runga i te aronga i takinga-kino mai
ia ratou.

E kia tae ki te rā e akaanga'i a Ie- 3
hova i toou ra roiroi, e toou ra mataku,
e te angaanga maata i tukuia mai ki
runga ia koe ra, Ka atu atu ei koe i 4
teianci pe'e i te ariki no Babulonia, ka
na ko ei e, Aue te tangata takinga-
kino i kore e! te umumu auro i kore 5
e! Te rakau a te tangata ara kua
aatiia e Iehova, te sepeta a te au ka-
vana ra; Ko tei ta riri rava i te au 6
tangata, ma te ta akapaki kore; ko tei
kavana ki runga i te pa enua ma te
riri, ko tei rave kino nei, e kare e
akaperepere. Kua noo ponuiaau ua te 7
ao katoa nei, kua akaanga te roi; kua
puroro ua mai to ratou reo inene.
Koia rai ia, ko te au berusi teia e 8

rekareka nei ia koe, e te au arezi o 1
Lebanona, i te na ko anga e, Mei toou
taakaaka angaia, kare ua e tipu i tae
9 mai kia matou nei. Ko ake i raro ra te
akakeuia nei ia koe, kia aravei ia
koe, i toou aereanga atu; noou i akaara'i
aia i te aronga mana i mate ra, te
aronga nunui katoa o te enua nei ra;
te akatutu anake ra te au ariki o te
10 pa enua i to ratou au terono. E tua-
tua anake mai ratou, e na ko mai ia
ia koe, Ko koe nei oki, kua riro katoa
koe mei ia matou nei i te parukaua? 11
Kua akaitiaia koe kia matou nei? Kua
tukuia toou parau ki raro i te vaarua,
te aruru oki o to au nabala ra: kua
totoia te pe i raro ake ia koe, e kua 12
tapokitia koe ki te toke. Ko toou oki
topa mei te rangi mai, e te Etu kakā,
tamaiti a te popongi e! ko toou oki
tipu angaia ki raro roa i te one, e tei
13 akavi aere i te pa enua e! Kua ka-
ranga ra koe i roto i toou ngakau e, E
kake atu au ki runga roa i te rangi ra,
ki runga ake i te au etu o te Atua e
akateitei ei au i toku terono; e noo 14
au ki runga i te maunga uipānga ra,
ki te au ngai mamao ki te pae ki apa-
14 tokerau: E kake atu au ki runga ake i
te au tumurangi; kia aite au i Tei
15 Teitei ra. E tukuia ra koe ki raro
roa i te po, ki te pae oonu rava o te
16 vaarua ra. Te aronga e kite ia koe ra,
ka akara matariki ua maira ia koe, ka
akamaara tikai ia koe, *ku na ko ei e*, Ko
te tangata ainei teia i ruketekete ei te
17 enua katoa nei, i ngaeue ei te au
17 basileia? I riro ei te ao nei mei te
medebara, e i pou takiri ei te au oire;
kare takiri i tuku i tona au tuikaa kia
18 aere ua na te kainga? Te au ariki
katoa o te pa enua ra, te taravarava
anake ra ki raro ma te manea, i tona
19 menema i tona menema. Kua aka-
rukeia ra koe ki vao mai i to vaarua
ra, mei te rara rakau i akaviiviiia ra;
i vaiia ki tei taia ra, ki tei puta i te
koke ra, i tei riro ki raro ki te au toka
o te vaarua ra; mei te ivi i takata-
20 kaitia e te vaevea ra. Kare koe e
kapiti katoaia kia ratou i te tanuma-
nga, no te mea, kua pou ia koe toou
uorai enua, toou uorai au tangata
kua taia e koe: kare rava te uanga
o te aronga rave tuatua kino e aka-
21 paatuia. E akateateamamao i te ta i
tana au tamariki i te ara a to ratou au
metua ra; ko te tu aea ratou ki ru-
nga e rave i te enua *no ratou*; ko
te ki aea te ao nei i te oire ia ratou.
22 Te tuatua maira oki a Iehova Sa-
baota, E tu au e rave ia ratou; e tipu

ke atu i te ingoa i Babulonia nei, e nga toenga; te tama, e te mokopuna: te tuatua mairā Iehova. E e akariro 23 au iaia ei nooanga no te kephoda ra, e ei vai punapuna anake: e pakoko takiri au iaia ki te pakoko o te mate, te tuatua mairā Iehova Sabaota ra.

Kua taputou oki a Iehova Sabaota 24 ra, na ko maira, Ko taku oki i maara ra, ko te reira te ka tupu; e ko taku i akakoro ra, ko te reira te ka mou: Kia pou te ngati Asura i toku nei 25 enua, e kia takatakaiia aia ki runga i toku ra au maunga i raro ake i te vae: ei reira tana zugo i runga ia ratou e taka ke ei, e e kore ei tana apainga i runga i to ratou pakuivi. Ko 26 te tuatua teia i akakoroia no te pa enua katoa nei: teia oki te rima i akatikaia ra na rungo i te au enua katoa ra. Kua akakoro oki a Iehova Sa- 27 baota ra, e naai oki e akakore? tona rai te rima i akatikaia, e naai e akaoki mai?

Te mataiti i mate ei te ariki ra ko 28 Ahaza i akakiteia mai teianei tuatua:

Auraka e rekareka, e Philisetia, e 29 pini ua ake koe na, i te mea kua aati te rakau i pāpā ia koe ra; e zepho oki te ka tupu na roto i te ovi ra, e tona uanga ei ovi rere aere ia mei te ai ra. E kaikai te ao kino ra, e e moe reka ua 30 te tangata putaua ra: ka ta ra ua i toou ra tumu ki te onge, e te totoenga noou ra, e taia ia. E raungara, e te 31 ngutupa e, kia pukaoa, e te oire e; aue koe, e Philisetia katoatoa e, kua tarawai rava! e auai tei peke mai mei apatokerau, e kare ua teia i taka ke i roto i tona nuku ra.

Eaa te ka karangaia atu ki te au ka- 32 rere a te pa enua nei? Kua akatinamouia Ziona e Iehova, e rauka te akapuanga no te aronga ao o tona ra au tangata ki reira.

PENE XV. XVI.

*To Moabi rokoia anga e te tumate-
tenga.*

TE tuatua ia Moabi ra.

Koia tika rai, i te po tamaki, i pou takiri ei Ara i Moabi; koia tika rai, i te po tamaki, i pou takiri ei Kira i Moabi. Te aere akera ratou ki te marae, e ki 2 Dibona, ki te au ngai teitei, aue ei: e aue Moabi ia Nebo, e ia Medeba: kua mangore anakeia to ratou upoko, kua varu anakeia te au kumikumi. I 3 tona ra au arataa kua kakau ratou i te kakau paoa: a ki runga i tona ra au are,

e ki roto i tona ra au ngai atea, kua 4 kakaoa anake ratou; kua eke akaou ki raro ma te aue. Kua aue kapi-ki ua Hesebona, e ko Eleale: kua rongoia to ratou reo ki Iahaza: te au toa akatara katoa i Moabi i te kaku katoa anga; kua tumatetenga roa tona 5 vauerua i roto iaia. Te aue nei toku ngakau ia Moabi; tona aronga i ati e tae ua atu ki Zoara ki Egelata-Selisia: te kake ra ratou i te kakenga i Luita ma te aue; i te ara i Horonaima kua 6 tuma ratou i te eva eketumu ra. Te au vai oki i Nimerima, kua kore ia: kua mac oki te mauku, kua pou te ngangaere, kare ua e mea ruperupe 7 toe. E teianei ta ratou apinga maata i rauka ra, e te au mea i akaputupu marieia e ratou, kua apai naia ki 8 pae o te riu arebe ra. Kua pini takako ravaia oki te kotinga o Moabi i te eva kakau; kua tae rava tona ngunguru ki Egelaima; e tona kakaoa ki 9 Bere-Elima. Ki ua rai oki te au vai i Dimona i te toto: e maata rai oki taku e apai ki runga ia Dimona, te au liona ki runga i to Moabi i ora ra, e ki runga katoa i tei toe i te enua nei.

E AKAUNGA atu i te punua ma- 1 moe ki te kavana o te enua ra, mei Sela atu ki te medebara ra, ki te 2 maunga ra o te tamaine a Ziona. Mei te manu i taviuia i te koanga, e rere aere ua ra, ka pera katoa oki te au tamaine a Moabi ki te ngai aereia i 3 Aranona ra, i te na ko anga e, E tuku atu i te ako; ka kimi i te tuatua-tau; e akariro i toou marumaru mei te po i te avatea nei rai; e uuna i tei tuaruia ra; auraka e aaki i tei oro ra: 4 To Moabi i akarukeia ra, kia noo ua ana ia kia koe na; ei paruru koe no ratou i te ta aere ra. Kua kore akenei oki te takinga-kino; kua kore te ta aere; ko tei takatakai mai ia tatou ki 5 raro na, kua takoreia i te enua nei. E akatinamouia oki te terono i te aroa: e noo oki tetai ki rungao ma te tuatua-mou, i te puakapa o Davida, tetai Akava te ka kimi marie i te tuatua-tau, e te ka akatupu i te tuatua-tika. 6 I akarongo ana tatou i te parau no Moabi; e ngakau parau maata tona: tona akateitei, e te ngakau parau, e tona riri: e mea puapinga kore ra tana 7 pikikaa. No reira e kakaoa'i Moabi no Moabi, ka kakaoa'i taua enua katoa ra; e aue kotou no te au tumu no Kira-haraseti; kua taia tika oki ra- 8 tou. Kua mac aere oki te au kainga

o Hesebona: te vine no Sibema, kua
aantiia e te ui mataiapo o te pa enua ra
te au rara memetaki nona ra, tei tae
tika ki Iazera, tei tae roa ki te mede- 9
bara: kua toro ua atura tona ua rara e
tae ua atura ki tetai pae tai ra. E teia-
nei e aue au mei te aue o Iazera i te
vine i Sibema: e tamaau au ia koe i
toku roi-mata, e Hesebona e, e Eleale e:
kua rokoia oki toou mou e toou mou
vine e te aoa tamaki. E kua rave keia 10
te rekareka, e te pereperekavana i te
kainga uua ra; kare ratou e imene, e
kare oki e maeva ki roto i te kainga
vine ra: kare te takatakai e takatakai
i te wina i roto i te au ariki ra: kua
akakore akenei au i te maeva. E teia- 11
nei, ka tangi toku ngakau nei mei te
tangi kinura ra ia Moabi, e to roto
iakua nei ia Kira-haraset. Ka riro oki 12
e kia akakite ua rai Moabi iaia orai, e
kia akaroioi aia iaia orai ki runga i te
ngai teitei, e kia tomo aia ki roto i tona
uaorai ngai tapu e pure, kare ra e ma-
nuia.

Teia te tuatua i tuatuaia e Iehova ia 13
Moabi i muatangana; i teianci ra, kua 14
tuatua mairā Iehova, na ko maira, Kia
oti nga mataiti e toru ra, mei te mata-
iti o tei ouia ra, e akaitia'i te aronga
nunui o Moabi, na kua uupu maata
katoatoa ra; ka riro oki te totoenga e
tokoitua, e te matutu kore.

PENE XVII.

*Te totou ia Damaseko, e Epheraima:
ka okotai o raua mate, no te mea i
kapitiiu tu raua tuatua: ko Iuda ra
te ka ora.*

TE tuatua ia Damaseko ra. 1
I na, ka apai keia Damaseko ra e
kare atura e oire, ka riro ra ei ututua
puapinga kore. Ka akaruke roaia te 2
au oire o Aroera: ka vaoia na te au
anana, e moc ratou ki raro, e kare na e
tangata e akamataku atu. E kore oki 3
te punanga i Epheraima, e te au i Da-
maseko ra, e te toenga o Arama ra: e
riro oki ratou mei te kakā o te au ta-
mariki a Iseraia, te tuatua mairā
Iehova Sabaota ra.

E kia tae ki taua rā ra, e iti ei te 4
kakā o Iakoba, e riro oki te poria o
tona kopapa ei ikoke. E riro oki mei 5
te tangata kia akaputoputu i te sitona
ra, e kua kokoti maira tona rima i te
au kaui sitona; ka riro ia mei te koi
aere anga i te au kaui sitona i te o ra i
Rephaima. E manga toenga te ka 6

vaoia, mei tei te ruu anga olive ra,
taki rua ake e taki toru ake mea ua ki
runga i te tamoko o te rara teitei roa
ra; taki a oki e taki rima ki runga i
te au rara uua ra; te tuatua maira te
Atua o Iseraia ko Iehova.

7 I te reira rā e akono ei te tangata i
Tei anga iaia ra, e akara'i oki ona mata
8 ki Tei Tapu i Iseraia ra. Kare aia e
akono i te au atarau i te angaanga a
tona rima, kare oki e akara i ta tona
uaorai maikao-rima i anga ra, e te au
Asetoreta ra, e te au tiki rā ra.
9 I te reira rā e riro ei te au oire i
akaketaketaita ra mei tei akarukeia i
te ngangaere, e i te vaorakau teitei,
ko tei akarukeia e ratou ki mua i te
aroaro o te tamariki a Iseraia ra: e
10 ka tanea rava akera ia. No te mea
kua akangaropoina koe i te Atua e
ora'i koe ra, e kare koe i akamaara i te
papa e maroiroi ei koe ra: kia tanu
koe i te rakau manea ra, e kia tanu oki
11 i te kopura no tetai one ke ra: Aka-
pini ua rai koe i te reira ki te koro
i te rā i tanu ei koe ra; e pua ua rai
taau i tanu ra i te popongi; ka riro ke
ra te mou i te rā e rauka'i, e e riro ia
ei aue anga kore.

12 Aue te aruru o te urupu tangata e
manganui ua atu, mei te aruru tai ra
to ratou aruru anga; te aruru o te pa
enua e, mei te aruru o te tai maata ra
13 to ratou aruru. E aruru ua rai te pa
enua mei te aruru o te tai maata ra: e
kauvae maira aia ia ratou, e e oro ke
atu ratou; e akapueia ratou mei te
ota i runga i te tuaivi ki mua i te ma-
tangi ra, e mei te teita ra ki mua i te
14 puaiio ra. I te aia ra, i na, e tu-
matetenga! kare oki e ao ra, e kare na
ratou! Ko te tuanga teia a te aronga
i takinga-kino ia tatou; ko te tuanga
teia a te aronga i āru ia tatou nei.

PENE XVIII.

E pou to Kusa i te Atua.

EKOE, e te enua tamaru pean e!
ki tera atu pae i te au vai i Kusa
2 ra e: Ko tei akaunga i te au karere
na te moana ra, na runga i te vaka
gome na runga i te kiriaivai ra e, i te na
ko anga e, Ka aere, e tera ra au karere
viviki e, ki te enua ririnui e te toa,
i te au tangata taee mei taito maira e
teia noa'i; ki te enua mana maata, e
tei takatakai ki raro, i tei kotia tona
3 enua i te vai ra. Ko kotou katoa,
ko tei noo i te ao nei, e tei noo ki te enua
nei, kia akatua te reya ki runga i to

maunga, ka akara kotou ! e kia akatangia i te pu ra, ka akarongo kotou !

Kua na ko mai oki a Iehova kiaku, 4
E noo uorai au, e e akono marie, i toku nooanga tikai ; e riro au mei te mārama kakā me iti te rā, mei te tumurangi kou i te veravera akaū ra. Kare e tae ki te mou, kua kore te pua 5
tiare anga ra, e kua riro te pua ei vine para aere ra, ei reira aia e kokoti ei i te au mangamanga ki te matipi, e e tipu aia i te au atava ka apai ke atu. E akaruke katoaia ratou na te au manu 6
taae o te maunga ra, e na te au puaka taae o te enua ra ; e kai oki te au manu taae i te reira e ope ua atu te mou ra, e kai oki te au puaka taae o te enua i te reira e ope ua atu te onge.

E i te reira tuatau e apaiia'i te atinga 7
kia Iehova Sabaota ra, na te enua rinirini e te toa, na te enua taae mei taito mai e teia noa'i ; i te enua mana maata, e te takatakai ki raro, ko tei kotia oki tona enua i te vai ra ; ki te ngai o te ingoa o Iehova Sabaota ra, ki te maunga ra ko Ziona.

PENE XIX.

To Aiphiti tumatetenga : te neneva o tona ui ariki : to ratou tuatua angaia ei tangata no te Atua : te tuatua meitaki ia Aiphiti, Asura, e Iseraela.

TE tuatua ia Aiphiti ra. 1

I na, ka akaora a Iehova na runga i te tumurangi tere viviki, e ka aere ki raro ki Aiphiti ; e rutetetete te au idolo i Aiphiti ki mua i tona aroaro, e tu a vai oki te ngakau o Aiphiti i roto iaia. E akarakei tamaki au i to Aiphiti i to Aiphiti : e tamaki oki ratou ko te tangata ko tona uorai taake, ko te tangata ko tona uorai tangata tupu : tetai oire ki tetai oire, tetai basileia ki tetai basileia. E parukaua te ngakau o Aiphiti i roto iaia ; e e akakore oki au i tana tuatua ako ; ka kimi oki ratou ki te au idolo, e te taura vaerua kino ra, e ki te au akarakara etu ra, e te au purepure. E oronga ra au i to Aiphiti ki tetai pu takinga-kino, e na tetai ariki taae e tutara ki runga ia ratou, te tuatua maira te Atua ra ko Iehova Sabaota ra. 4

Ei reira te tai e akakoreia'i, e mate 5
oki te vai, e e papa-marō. E kaakaa te au ta'eanga vai ra ; te au vai ko i Aiphiti ra, e pou e marō rava akera : te au kakao e te mauku, ka mate ia. 6

7 Te au kainga ngangae i te pae vai ra, tei te nia vai ra, e tei rurua ki te pae vai ra, e kenakena ia, e riro ke ia, e 8
kore rava akera. E mii oki te aronga ravakai, e te aronga katoa i titiri i te matau ki roto i te vai ra, ka aue ia ; e te aronga i tuku i te kupenga ki raro 9
i te vai ra, e apikepikē ia. E te aronga e anga i te orongā i perua ra, e riro i te tumatetenga, e te aronga e ranga i te kakau teitea ra.

10 E vava'ia tona ra au pou, te aronga rave angaanga i ouia ra, e taitaia ia te 11
ngakau. Te ui ariki oki no Zoana, e neneva ia ; te tangata pakari i taua au tumu korero no Pharao ra, kua riro ta ratou tuatua ei mea puapinga kore : eaa e tika'i ia kotou kia karanga atu 12
kia Pharao, E tama au na te tangata karape, e tama na te au ariki taito ra ?

12 E tenana, teica toou aronga pakari ra ? na ratou e akakite mai kia koe i tenana, me te kite ra ratou uorai, i ta Iehova Sabaota ra i akakoro ia Aiphiti ra. 13
Kua riro te ui ariki no Zoana ei aronga neneva ; kua vare te ui ariki o Nopha ; na te aronga nunui i tona katoa ra au kopu i tareva ke ei to Aiphiti.

14 Kua irokia e Iehova ki roto ia ratou te ngakau māroketaketa ua : e na ratou i akatareva ke ia Aiphiti i tana au angaanga katon, mei te konā kava e 15
turori aere i tona ruaki anga. E kare ua a Aiphiti e angaanga, e tika'i i te upoko, e te iku, te mangamanga, e te 16
mauku, kia rave ra. I te reira rā e riro ei to Aiphiti mei te vaine ra : e rutetetete ratou, e e matakū, i te rurua anga o te rima o Iehova Sabaota ra, tana oki e rurua ki runga ia ratou ra.

17 Ka riro oki te enua ra o Iuda ei matakauanga na to Aiphiti, kua taiku anakeia ra, kua matakū ia ratou, no te akakoro a Iehova Sabaota ra, tana i akakoro iaia ra.

18 I te reira rā, e riro nga oire e rima ra i te enua ra i Aiphiti, i te tuatua anga i te reo Kanaana, e te taputou anga atu kia Iehova Sabaota ra ; e tapuia oki tetai o aua nga oire ra, Ko 19
te oire ia o te Rā ra. Kia tae ki taua rā ra, ei atarau ta Iehova ki rotou i te enua ra i Aiphiti, e tetai pou na Iehova i te pae o te reira ki vaitata 20
uorai ; Ei akairo oki te reira, e ei kite na Iehova Sabaota ra, i taua enua ra i Aiphiti ; e ia ratou i kapiki ia Iehova i te aronga i takinga-kino maira, kua tono atu aia i tetai akaora, e tetai aka- 21
tika, o kua akaora aia ia ratou. E akakite mai oki a Iehova iaia uorai ki to Aiphiti, e kite oki to Aiphiti ia Ie-

hova, kia tae ki taua rā ra, e akamori
oki ratou *iaia* ma te tūsia e ma te mi-
neka; e tia oki ratou i te tia ia Iehova,
e ka akatae oki i te reira. E ta oki 22
a Iehova i to Aiphiti: e ta oki e nana
oki e akaora; e ariu oki ratou kia Ie-
hova, e nana e akarongo mai i ta ratou
e pati ra, e ka akaora ia ratou.

Ei arataa metua kia tae ki taua rā 23
ra, mei Aiphiti e tae ua atu ki Asura;
e aere mai oki to Asura ki Aiphiti, e
aere oki to Aiphiti ki Asura; e kapiti
oki to Aiphiti ki to Asura i te akamori
anga. Kia tae ki taua rā ra, e riro ei 24
Iseraela e, ko te tokotoru ia, ratou
katoa ko Aiphiti e ko Asura, ei mei-
taki i rotopu i te enua nei. Na Iehova 25
Sabaota ra e akaora, i te na ko anga e,
Kia ora toku ra iti-tangata to Aiphiti,
e to Asura te angaanga a taku rima, e
to Iseraela taku ra tuanga.

PENE XX.

*To Aiphiti, e to Kusa akatuikaa
angaia.*

I TE mataiti i aere ei a Taratana ki 1
Asadoda, (i tonokia aia e te ariki
no Asura ra e Saragona,) kua tamaki
iora aia ia Asadoda, e rauka akera; I 2
reira ta Iehova tuatua anga mai ia
Isaia te tamaiti a Amozā ra, na ko
maira, E aere e tatara i te kakau paoa
i to taukupu ra, e kiriti oki i to ta-
maka i to vaevae ra. E kua pera
atura aia, i te aere taaka ua anga, ma
te tamaka kore. E kua tuatua mai 3
Iehova, Mei taku tavini mei ia Isaia i
aere taaka ua, e ma te tamaka kore, ei
akairo ia te reira, e ei vavaranga oki,
no nga mataiti e toru ra, no Aiphiti, e
no Kusa: E pera te ariki no Asura i te 4
arataki i te au tuikaa o Aiphiti, e to
Kusa i eke ra, te aronga ou e te ruaine,
ma te taaka ua e te tamaka kore, ma
te tapoki kore i muri, te mea i akama'i
to Aiphiti. E matakua oki e e akama 5
ratou i to Kusa i ta ratou i irinaki ra,
e ia Aiphiti i ta ratou i akatietie ra.
E i te reira rā ka tuatua'i to taua enua 6
ra, I na, ko te tu ia o to tatou irinaki-
anga, i tei oroia atu e tatou e tauturu
mai, kia ora tatou i te ariki no Asura
ra: e akapeea ra oki tatou e ora'i?

PENE XXI.

*Te tuatua ia Babulonia, ia Duma, e
ia Arabia.*

TE tuatua no te medebara o te 1
tai ra.

Mei te puaioa i apatonga ra i te oro

anga mai; te aere maira aia mei te
medebara, mei te enua rikarika maira.
2 E orama rikarika tei akakiteia mai
kiaku nei; te āru aere nei te āru, te
ta aere nei oki te ta tangata ra. E
aere ki runga, e Elama e; e akamou i
te tamaki, e Madai e; kua akakore au
3 i te aue anga katoa ra. E teianei kua
pini toku taukupu i te mamae: kua
rokoia au e te mamae, mei te mamae
akaanau tamariki ra: kua akarukete-
keteia au, kare e tika kia akarongo:
kua akapekapekaia mai au, kare e
4 tika kia akara. Kua ruri keia toku
ngakau, kua rokoia au e te rikarika:
te aia inangaroia e au ra, kua aka-
5 roioia ei mea matakua naku. Kua vave
te kaingakai, kua akanoaia te tiaki, kua
kaikai, kua inu: ka tu, e te ui ariki
e; e akamainu i te paruru tamaki.
6 Kua na ko maira oki te Atu kiaku,
Ka aere, ka akanoo i te mata ta-
maki; ko tana i kite ra, e akakite
7 mai aia. Kite atura aia i te au taka-
nava ipo ra kua tataki rua, te au ta-
kanava asini, e te au takanava kamela;
e kua akarongo marie ua atura aia.
8 Kua kapiki ua maira aia mei te liona
ra, E taku atu e, te tapapa nei au e po
ua atu te rā, e tu oki au i toku tiaki
anga nei, e ao ua ake te au po katoa
9 nei: E i na, te aere anake maira teia:
e aronga takanava tangata, te au ipo
ra, kua tataki rua ia. E kua karanga
maira aia, na ko maira, Kua pou, kua
pou Babulonia! e tona au atua idolo
katoa, kua akaungaungātiti roaia ki
raro i te one.
10 Aue taku e pāpā nei e! e te sitona
i taku alona nei e! ko taku oki i kite
ia Iehova Sabaota ra, te Atua o Ise-
raela ra, ko taku i akakite atu kia
kotou na.
11 Te tuatua ia Duma ra.
Te kapiki ua maira tetai kiaku no
Seira mai, E te tiaki ra e, eaa to teia-
nei po? e te tiaki ra e, eaa to teianei
12 po? Kua tuatua maira taua tiaki ra,
Kua vaiata te ao, e te po katoa oki;
kua inangaro kotou i te ui mai, ka ui
mai kotou: e ariu, e oki mai.
13 Te tuatua ia Arabia ra.
Ei roto i te rarorakau i Arabia ko-
tou ka moe ei, e tera ra pouou tangata
14 no Dedana ra e. Ei vai te apai atu
na tei kaki ra, e to te enua ra e to
Tema e, ei kai te apai atu ki tei oro ra.
15 Kua ati oki ratou i te mata koke, i te
mata o te koke i kiritiia ra; e ki mua
i te ana i akamingia ra, e ki mua oki
i te aroaro o te tamaki rikarika ra.
16 Kua na ko maira oki te Atu kiaku,

Kare e ope te mataiti, mei te mataiti o te oire ouia ra, e kore ei te manea katoa o Kedara ra: E te toenga o te au tangata 17 ana ra, te au tangata maroiri i Kedara ra, ka akaitiia ia: ko Iehova oki, te Atua no Iseraela, tei tuatua mai.

PENE XXII.

Te kino o Ierusalem ka tamaki mai ei to Asura: to Sebena akakore angaiu, e tona tupau angaiu e Eliakima.

TE tuatua o te o orama ra. 1

Eaa tikai koe i tenana, i ope ei toou katoa i te kake ki rungao i te au are? Ko koe oki ko tei kapi i te koma ra, te oire vaavaa nunui e, te oire rekareka e! kare oki toou tangata i taia ra, i taia i te koke; kare oki mate i te tamaki. Kua ope rava to au kavana katoa i te ati, kua ope ra ratou i te riia kare ra na te aro-nga ana; te aronga katoa i kitea i roto ia koe ra, kua mou katoa ia; e te aro-nga katoa i oro mai mei te ngai mamao mai. I tuatua'i oki au e, E anga ke kotou iaku; ka aue ua ana au i te aue maata, auraka e mario i te akarekareka mai iaku, i te mate anga o te tamaine a toku ra iti-tangata.

E ra karavau anga, e te takatakai anga ki raro, e te oripu ua anga; no ko mai i te Atu ra, ia Iehova Sabaota ra, i te o orama ra: te kakaoa anga i runga i te au patu ra, e te kapiki anga ki te au maunga ra. Te apai akera Elama i te pia ana ra, ma te kariota e te aronga akaoro ipo ra, e kua kiriti Kira i te vai o te paruru tamaki ra. Kua ki oki toou au o memeitaki i te kariota, e ei te ngutupa te aronga akaoro ipo i tupati marie ei.

E kua apai keia te paruru mata o Iuda, e kua akara oki koe, i taua ru ra, ki te putunga taoonga tamaki ki te are o te vaorakau ra. E te au ngai i ngaa-ngaa i te oire o Davida, kua kite kotou e e manganui: e kua akaputupu oki kotou i te vai no te puna i raro ra. E kua tatau kotou i te au are i Ierusalem ra, e kua vava'i oki kotou i te au are ei akaketaketa i te patu. Kua ko kotou i tetai puna ki rotupu i nga patu e rua ra, ei *ariki* vai no te puna taito ra: kare ra kotou i akara kiaia i tei rave i taua mea nei; e ko tei akono i te reira i taito ra, kare kotou i kite *iaia*.

Kua kapiki ra te Atu ra ko Iehova 12 Sabaota ra, i taua ru ra, ki te aue e ki te mii; ki te mangore i te upoko, e

13 kia kakau i te kakau paoa. E i na, ko te rekareka e te pereperekavana, te tainga anga bovi, e te ko anga mamoe, e kai anga puaka, e te inu manga wina! e kai tatou, e e inu oki; apopo oki tatou e mate ei!

14 Kua akakite mai a Iehova Sabaota ra ki oku taringa nei; Kare takiri taua ara na kotou nei e matara e mate ua atu kotou, te tuatua maira te Atu ra ko Iehova Sabaota.

15 Te na ko maira te Atu ra, ko Iehova Sabaota, Ka aere, aere koe ki te tangata mou apinga ra, kia Sebena, tei runga oki aia i te ngutuare nei, *ka karanga atu ei kiaia*,

16 Eaa tauu ki ku nei? e koai oki toou ki ku nei, i pao ei koe i te menema nouu ki ku nei? tei pao ra oki aia i te menema nona ki runga take ra, ko tei paopao i te nooanga nona i roto i te

17 moto ra! I na, ka titiri takiriia koe e Iehova ki vao ma te viviki maata, ka

18 opu nui rava aia ia koe, E takirikiiri aia ia koe, ka titiri ke atu ei, mei te toka i *makaia*, ki te ngai atea ra: ei reira koe e mate ei, e ei reira e *vaooia* i tauu au kariota manea; e koe, te mea

19 e akama'i te ngutuare o to atu ra. E tuaru ke atu au ia koe i toou ra ngai, e totōia koe ki raro i to tura-nga ra.

20 E i te reira ra e karanga atu ei au ki toku tavini, kia Eliakima, te tamaiti a

21 Hilikia: E akakakau au iaia ki te kakau nouu, e akamatutu au iaia ki te tatua nouu ra; e toou ra au taku e tuku atu ki tona rima; e riro oki aia ei metua no to Ierusalem, e no te

22 ngutuare o Iuda. E naku e toku i te taviri o te ngutuare o Davida ki runga i tona pakuivi; nana e eeu, e kare e topiriia; e nana e topiri, e kare rava e

23 ceuia. E naku aia e tamou mei te nairo i te ngai pakari; e riro oki aia ei terono kakā i te ngutuare o tona me-

24 tua: E akautaiia te kakā katoa o te ngutuare o tona metua ki runga iaia; te uanga e te uri, te au kapu rikiriki katoa, e te au kapu pararauare ra, e tae ua atu ki te au kapu oonu katoa.

25 Te na ko mairā Iehova Sabaota ra, E i taua ru ra, taua nairo i patitiia ki te ngai pakari ra, e apai keia ia; e tipuia ia, e ka inga atu ki raro; e tei akautaiia ki rungao ra, e kokoti keia ia: na Iehova oki i tuatua mai.

PENE XXIII.

Te pou anga maata o Turia ra.

TE tuatua ia Turia ra. 1

Ka aue, e te au pai i Taresisa e, kua pou oki; kare e are toe, e kare rai e tomo anga ki roto! no ko mai i te enua ra no Kitima te akakite anga mai kia ratou. Ka muteki na, e tei noo i te motu; e tei akakia i te aronga oko no Sidona, kia na tai ra. Te ua o Sihora, ki rotopu i te vai maata ra; te mou o te vai ra, ko tana ia apinga uipa; riro atura aia ci okoanga na te pa enua. Kia akama koe, e Sidona e! i tuatua ana oki te moana, te punanga o te moana, na ko maira, Kare au i mamae; e kare au i anau tama na; e kare i angai tamariki, e kare i rapu i te au paretenia. Mei tei te rongo ia Aiphiti ra, ka mamae rava'i ratou i te rongo ia Turia ra. E aere tika kotou ki Taresisa, ka aue kotou, e tei noo i te motu e. Ko to kotou ainei teianci oire i rekarekaia ra, i vai ana mei ito mai? te apai keia ra aia e tona uao-rai vaevae kia purutia aere i te ngai mamao.

Koai tei akakoro i teianei tuatua ia Turia nei, ki te oire i tua i te korona; tona au tangata oko, ei i ariki anake ia, tona aronga oko aere, ko ratou te ui rangatira o te enua nei? Na Iehova Sabaoia i akakoro; kia viivii te nengonengo o te au mea manea katoa; ei akavaavaa i te aronga mana katoatoa o te enua nei. Akanina i to enua, mei tei *ninaia* e te vai ra, e te tamaine a Taresisa e: kare rava oki e mouranga toe. Kua akatika aia i tona rima ki runga i te tai, kua akangaueue aia i te au basileia: kua tuatua Iehova ia Kanaana, kia vava'ia tona au punanga. Kua tuatua oki aia, Kua oti ana koe i te rekareka, e tenana paretenia takinga-kinoia, e te tamaine a Sidona: ka tu, ka aere atu ki Kitima, kare rai oki koe e mou i reira.

I na oki te enua o te Kaledaea; kare ia aronga i karangaia e tangata i mutangana, e aronga kokaua i te medebara, i akamouia ratou e to Asura ra: kua patu ratou i to ratou au punanga; kua vava'ia ratou i tona ra au are ariki; kua tutuamu rava ratou iaia. Ka aue kotou, e te au pai i Taresisa e, kua pou takiri oki to kotou akapunga.

E kia tac i te reira rā, ka akangaro-poinaia'i Turia e kia ope te au mataiti e itu ngauru ra, mei te au rā o te ariki okotai ra: e kia ope ra taua au mataiti e itu ngauru ra, e atu ei Turia i te pe'e, mei ta te vaine akaturi ra. Ka rave i te kinura, ka aere ei na roto i te oire, e tera ra vaine akaturi akangaro-

poina roaia e; ka akatangi meitaki i te au ao; kia manganui te pe'e, kia 17 manako akaouia koe. E kia ope te au mataiti e itu ngauru ra, e atoro mai a Iehova ia Turia; e oki aia ki tona ra oko anga apinga, e akaturi katoa atu aia ki te au basileia katoa ra, i te pa 18 enua katoa o te ao nei. E tana ra au apinga e tana mea e rauka i te oko, e tapu ia na Iehova: kare e akaputupu-tuia, e kare oki e vaioia i te vairanga; e riro ra tana e rauka na ratou na tei noo ki mua ia Iehova, ei manga kia rava, e te kakau inuina.

PENE XXIV.

Te tuatua no te mate o to Isaraela i te ariki o Babulonia.

1 I NA, te riringi nei a Iehova i te enua, e kia pou rava; te tatipoti rava nei, e te akapeurikiriki i tona 2 tangata. E riro oki, mei ta te tangata ra, ka pera rai ta te taunga; mei ta te tavini tane ra, ka pera rai ta te pu; mei ta te tavini vaine ra, ka pera rai ta te rangatira vaine; mei ta te tangata e oko atura, ka pera rai ta te oko maira; mei ta te tangata ori apinga ra, ka pera rai ta te o atu; mei ta te tangata 3 ou ra, ka pera rai ta tei ouia ra. Kua uriapaka ravaia te enua, e kua pou i te ariua; na Iehova oki teia i tuatua. 4 Kua aue te enua, kua mae; kua paruparu to te ao, kua mae; kua paruparu te aronga teitei o te enua nei. 5 Kua viivii te enua i raro ake i tona au tangata ra; kua ara oki ratou i te ture ra; kua ruri keia tei akonoia ra; kua akaatikauia te koreromotu mutu 6 kore ra. I pou ei te enua i te katara; e kua akautungaia te aronga e noo ki reira: i ope roa'i te tangata o te enua nei i te ka i te ai; e te tangata i vaoo- 7 ia ra, kare e toko rai. Kua mii te wina ou, te takupe nei te vine; te aronga katoa i rekareka te ngakau ra, 8 kua aue ia. Kua kore te tangi rekareka o te pa'u ra; te mutamuta o te aronga i rekareka ra, kua kore ia; te tangi rekareka o te kinura, kua kore. 9 Kare raton e inu i te wina ma te pe'e; te kava kona, kua maamaa ia i te aro- 10 nga i inu ra. Kua vava'ia te oire tanea ki raro: kua popaniia te au are 11 katoa, kare e tomoia. E kakunga wina tei te an arataa; kua kore roa te rekareka, te perepere kavana o te enua, 12 kua riro ke ia. Ko te tanea ua te apinga toc i te oire nei; e kua tutukiia 13 te pa ki raro ma te kokina maata. Ka akaperaia oki ki rotopu i te enua ra,

ki rotou i te au tangata ra; mei te olive i ruriu ra; mei te koi aere anga ra, kia oti te mou vine ra.

Ka akateitei ra raton i to ratou reo, 14 ka imene ei; i te tapunui o Iehova ka maeva'i ratou mei te moana mai. E 15 teianei, e akakakū kotou ia Iehova i te au ngai ai ra, i te pa enua o te moana, i te ingoa o te Atua o Iseraela ko Iehova. Mei te kotinga roa mai o te 16 enua to tatou akarongu anga i te imene, E paapaa anga to Tei Tuatua-tika e!

Kua na ko atura au, Taku mate e! taku mate e! E ae oki au e! te āru aere nei rai te aronga āru; koia ia, te āru apinga aere nei rai te aronga āru. Ko te matakū, e te vaarua, e te ereere, 17 tei runga ia ia koe, e to te enua nei e. E e riro oki, ko tei oro i te reo akama- 18 tautu ra, ka topa ia ki roto i te vaarua; e tei ora i te vaarua ra, ka piri ia i te ereere: e kua akatuerua i te au ngutupa o te rangi ra, e kua ngaeue te tumu o te enua nei. Kua akangaueue roaia 19 te enua nei, kua akapueurikiriki takiri ravaia te enua nei, kua akarukete-kete maata ravaia te enua. Kua arara 20 aere te enua mei te konā kava ra, e te keukeu ki tera ngai, ki tera ngai, mei te roi tautau ra; te vai teianei nei oki tana ara ki runga iaia; e inga oki aia, e kare e tu akaou mai.

E kia tae i te reira rā, e akautungū 21 Iehova i te nuku o te rangi i runga ra, e te ui ariki o te enua ra ki runga i te enua nei. E akaputua mai 22 ratou katoa ra, mei tei tapekaia ra i roto i te vaarua ra; e popani takiriia ratou ki roto i te are tapekānga ra; e kia ope nga rā e manganui e atorua mai ei ratou. Ka rokoia te marama e 23 te tumatetenga, e te rā oki e te akama, kia riro te au ia Iehova Sabaota ra i te maunga ra ko Ziona, e i Ierusalemā, ma te kakā ki mua i te aroaro o te aronga taito nona ra.

PENE XXV.

Te akameitaki ra te peroveta i te Atua, no te meitaki te ka rauka kia tae i te au rā openga, e no te pou o Moabi.

E IEHOVA e, ko toku Atua oki 1 koe; e akateitei au ia koe, e akameitaki au i toou ingoa; e au mea taka ke oki taau i rave; te au tuatua takere naau ra, e tuatua pikikaa kore anake ia, e te tuatua-mou. Kua aka- 2 riro oki koe i te oire ei ututua; te oire i akaketaketaia ra ei mea ngaangaa: te are ariki o te au tangata ke,

kia kore rava ei oire; kare rava e patu 3 akaouia ra. E teianei e akakakū te aronga ririnui ia koe; te oire o te pa enua rikarika ra, e matakū ia ia koe. 4 Kua riro oki koe ei punanga no te tangata rikiriki; ei punanga no tei ngere i tona pini anga ra; ei akapuanga i te uria ra; ei marumaru i te veravera rā; i te riri o tei matakaia ra, mei te 5 uria ki runga i te patu ra. Mei te pukakū i te enua vera ra, e akakore rai koe i te mutamuta o te au tangata ke; mei te pukakū i te marumaru tumurangi patapatatue ra, te pe'e reka- 6 reka o tei matakaia ra i te akakore angaia.

6 Ei reira Iehova Sabaota ra e rave ei na te tangata katoa, i teianei maunga, i tetai pokai, e kai memeitaki ra, te kaingakai wina i runga i te ota; e kai matu roa ra, te wina i runga i te ota i 7 akaareare meitakia ra. E ei teianei maunga aia e akakore ei i te tapoki i tapokii'i te mata o te tangata katoa ra, e te vai i rarangaia i rungao i te au 8 enua katoa ra. Nana e akakore rava i te mate e tuatau ua atu; e na te Atua ra na Iehova e orei i te roi-mata i te au mata ravarai; e akakore aia i te akakino i tona iti-tangata i te enua katoa nei: na Iehova oki teia i tuatua nei.

9 Kia tae i taua rā ra, e pera'i ratou e, I na, ko to tatou Atua teia; kua tapapa tatou kiaia, e ka akaora aia ia tatou: ko Iehova teia; ta tatou i tapapa na; e rekareka tatou, e kia pereperekavana oki i te ora nana.

10 E i teianei maunga e vai marie ei te rima o Iehova; e takatakiaia ra Moabi i tona ra ngai, mei te ngangaere i takata- 11 kaia ei taru. E akatika aia i tona rima i rotou ia ratou, mei tei akatika i tona rima kia kau: e nana oki e tuku i to ratou ngakau parau ki raro, e te rave- 12 nga pikikaa katoa a to ratou rima. E te punanga i taua patu teitei ra, nana e tuku ki raro, kia taakaaka roaia; e aite ki te one, ki te one-pueu.

PENE XXVI.

E akapaapaa ia Iehova ma te reka-reka.

KIA tae i te reira rā e imeneia'i teianei imene i te enua ra i Iuda; E oire ketaketa to tatou; ko te ora ta te Atua e akono, ei patu, e ei paruru. 2 Ka eeu na kotou i te au pa, kia tomo mai te enua tuatua-tika, i tei tāpu i te 3 tuatua-mou ra, ki roto. Ko tei ngaeue kore te manako ra, taau ia e

tiaki, e ei au nuingangare *tona*, koia i irinaki ia koe. E irinaki kotou ia Iehova e tuatua ua atu: ko ia tika rai oki a Iehova, e Mato mutu kore ia.

Kua taakaaka oki aia i te aronga nooanga teitei: te oire teitei ra, ko tana ia i tuku ki raro; kua tuku aia i te reira ki raro rava i te one; kua akarite aia i te reira ki te one-pueu. E takatakaiaia te reira e te vaevae; te vaevae o te aronga ao, te tapuvae o te aronga apinga kore.

E aerenga tiratiratu to te aronga tuatua-tika; kua akatikaoru ua koe, e Tei Tika e, i te aerenga o te aronga tuatua-tika. Tei te arataa o taau ra tuatua-tau matou, e Iehova e, i te ta-papa anga ia koe; i toou ra ingoa, e kia akamaara matou ia koe ra, ko te inangaro ia o to matou vauerua. Taku vauerua tei inangaro ia koe i te po ra; koia ia, ko taku vauerua i roto roa ra tei kimi ia koe i te popongi roa ra: kia *kitea* taau au tuatua-tau i te enua nei, te apii ra to te ao nei i te tuatua-tika i *reira*. Kia akaperepercia te tangata kino, kare aia e apii i te tuatua-tika: ei te enua tiratiratu ra aia e rave ei i te tuatua-tika kore, kare rai aia e akono i te tapunui o Iehova.

E Iehova e, kua apai takere anaia to rima ki runga, kare ra ratou e akara: e kite ra ratou ma te akama; na *toou* matutu i *toou* au tangata ra, e na te ai oki a toou au enemī, ratou e akapou. E Iehova e, kua akono rai koe i te au no matou: ta matou au angaanga katoa oki, naau rai i rave no matou. E to matou Atua, e Iehova, e aronga atu ke, kare koe, i tei kavana mai ia matou nei: ko koe anake ra, ko toou ingoa, ta matou e akapaapaa. Kua mate ratou, kare rava e ora; e turuma anake ra, kare ratou e tu mai ki runga: kua tiki mai oki koe, e kua rave akamate roaia ratou; e kua akakore roa koe i te manakoanga ia ratou.

Kua akamaata koe i te enua nei, e Iehova e, kua akamaata koe i te enua nei: kua akakakāia koe: kua akaatea koe i te au kotinga katoa o te enua nei. E Iehova e, i te pini anga ra to ratou kimi anga ia koe ra; kua pati ratou ma te taakaaka ra i *reira*, te *iri* ra te ako naau ki runga ia ratou. Mei te vaine nui ra, kia vaitata i te anau ra, kua rokoia e te mamae ra, kua aue ua i tona mamae anga; kua pera rai oki matou, i to matou taka ke anga i to aroaro, e Iehova e. Kua to oki matou; kua mamae matou; kua tu a matangi ua ta matou i anau; kare i

rauka te ora ia matou i te enua nei, kare oki to te ao nei i anau mai. 19 Toou ra aronga mate, e ora ia, to *ratou* kopapa mate, e tu akaou ia: e ara, e imene, e tei noo ki te one-pueu: mei te au o te ngangaere ra, toou ra au, ka akapuaki mai oki te enua i te aronga i mate ra.

20 E aere mai, e taku iti-tangata e, e tomo ki roto i to au pia ra, e topiri marie i toou au pa ia koe: e pipini ei koe i tetai manga taime iti kia okotai ake kamoanga mata, kia ngaro ke 21 atu taua riri ototoo nei. I na oki, te aere mairā Iehova mei tona ra ngai, e tutaki i to te enua nei i ta ratou ara; e na te enua e akakite mai i te toto i roto iaia ra, e kare oki aia e tapoki akaou i tona au tangata i taia ra.

PENE XXVII.

To te Atua tiaki anga i tona kainga vine.

1 **K**IA tae ki taua rā ra e tutaki ei a Iehova, ki te koke māro, e te maata, e te pakari, nona ra, ia Leviatana, i te ovi rere ra, e ia Leviatana, te ovi mingimingi ra, e ka ta oki aia i te tanina i raro i te moana ra.

2 I te reira rā, i te kainga vine i akaperepercia nei, e imene kotou: Ko au, ko Iehova, e tiaki iaia nei: e tamauu au iaia ki te vai kare e tukua: e tiaki au iaia i te po e te ao nei, kia 4 kore e rave kinoia. Kare e makitakita o roto iaku: naringa e tamaki ta tatou ko te rakau taratara e te tataramoa! e oro pu ua atu au ki runga i te reira, e ka kapipti katoa ia iaku. 5 Kia opu ra tetai iaku ei akapuanga, ka ongi mai aia iaku; ka ongi mairai aia iaku.

6 I te au rā a muri atu e toro ei to aka o Iakoba: e kao oki Iseraela, e e pua oki, e kapi te enua katoa nei i 7 *tona* ua. Kua ta ainei aia iaia, mei tana i ta i tei ta iaia ra? kua arite ainei tona tainga mei to tei ta mai 8 iaia ra? I taumāro rikiriki rai koe iaia i tona tuku ke angaia: i te rā maoake oki aia i apai ke ei iaia i tana 9 matangi viviki: Ko te mea teia e mā ai te ara a Iakoba; ko teia anake ra te openga, ko te apai ke anga i tana ara: kia akariro aia i te au toka roarai o te atarau ra, mei te ngaika i pueurikiriki ke ra; kare e tu akaou te au Asereteta e te au tiki rā.

10 E riro ra te oire akaketaketaia ra i te tanea; ei kainga akarukeia ra, e

vaioia mei te medebara; ei reira te kafa e kaikai aere ei, ei reira rai moe ei; e kai aere oki aia i te rau mau tupu ou i reira. Kia mae tona au mangamanga, e aatiia ia: e aronga vaine te ka aere mai ka tāu ci ki te ai. E aronga kite kore rai ratou: e kore ei Tei anga ia ratou e aroa ia ratou, e ko Tei anga ia ratou, kare e akaperepere mai ia ratou.

E kia tae ki taua rā ra, ei koi anga olive ta Iehova, mei te mangaanga o te vai ra e tae ua atu ki te kauvai i Aiphiti ra, e e koi aere aia tatakai tai ia kotou, e te au tamariki a Ise-raela e. E kia tae ki taua rā ra, e akatangia i te pu maata ra, e ko tei vaiata i te mate i te enua ra o Asura te ka aere mai, e ko tei akapucuriki-rikiia i te enua ra i Aiphiti, e akamori oki ratou ia Iehova, i te maunga tapu ra i Ierusalemā.

PENE XXVIII.

E mate maata to te aronga takeo ra i Epheraima: ko te Mesia i akakiteia ei pange i Ziona: e mate to te aronga akarongo kore.

E AE oki to te korona akaparau o te aronga i kona i Epheraima, e te tiare mae ua ra o to ratou tu manea kakā; to te aronga i te openga mai o te o tutupu meitaki ra, o tei nenevaia i te wina ra. I na, tei te Atu te tangata maroiri okotai, e te ririnui, e arite aia ki te uriia ua toka, te uriia akapou, mei te vai puke ririnui ra i te maringi viviki anga mai, e titiri rava aia ia ratou ki raro i te one i tona rima. E takatakaiia te korona akaparau o te aronga kona i Epheraima ki raro ake i te vaevae: E riro oki te tiare mae ua o to ratou tu manea kakā ra, i te openga mai o te o tutupu meitaki ra, mei te suke rere to mua o mua akaū ra; na te kite uaia e tetai, i te vai ua anga ki tona rima, kua pou takere i te apukuia.

Kia tae ki taua rā ra e riro ei a Iehova Sabaota ra ei korona kakā, e ei tarae manea, i te toenga o tona ra iti-tangata; E ei vaerua tuatua-tau oki i te aronga i noo i te akatau anga tuatua ra, e ei maroiri no te aronga i akaoki i te tamaki ki te ngutupa ra.

Kua ē rai oki te reira i te wina; e kua arara aere i te kava kona; kua ē rai te taunga e te peroveta katoa i te kava kona; kua vi ratou i te wina; kua arara aere ratou i te kava kona; kua ē ratou i te orama; kua turori i te akatau anga tuatua. Kua ki te au

kaingakai katoa i te ruaki, e te au mea viivii, kare e ngai toe.

9 E apii aia iaai kia kite? e koai ia aronga tana e akakarape kia kite i te rongo? i te *tamariki* i topa te u ra, te kore e paria te u ia ratou. Kua na rungao oki te akauenga i te akauenga, kua na rungao te akauenga i te akauenga; kua na rungao te ture i te ture, na rungao te ture i te ture; ki ku nei tetai va'i iti, ki ko atu tetai va'i iti.

11 Koia tikai, ei vaa murare, e te reo ke ke, ka tuatua'i aia ki teianei iti-tangata; No te mea i tuatua ana aia ia ratou e, Teia te akacaanga, e akanoo kotou i tei roiroi; teia te akangaroia; kare ra ratou i akarongo. Ka riro ra te tuatua a Iehova kia ratou, kia na rungao te akauenga i te akauenga, na rungao te akauenga i te akauenga; kia na rungao te ture i te ture, na rungao te ture i te ture; ki ku nei tetai va'i iti, ki ko atu tetai va'i iti; kia inga tiraa aere ua atu rai ratou ki muri, e kia aati, e kia ii, e kia rauka.

14 E teianei ka akarongo mai kotou, e te aronga taitoito, i te tuatua a Iehova, kotou tei kavana i teianei aronga, ko tei noo i Ierusalemā nei. No te mea kua tuatua kotou e, E kororomotu ta matou e te mate, e kua akatau ta matou tuatua ia ade; kia na rotapu tikai taua mate maata ra te aere, kare ia e akavaitata mai ia matou nei: kua akariro oki matou i te pikikaa ei punanga, e kua pipini matou i raro ake i te taekae ua: E teianei te na ko maira te Atu ra ko Iehova, I na, te akamou nei au i tetai toka i Ziona ei pange, e toka timataia, e toka meitaki maata i te kapeu tara, e pange ngaueue kore: ko tei akarongo ra, kare ia e rapu-rapu. E arite atu au i te tuatua-tau ki te tatau, e te tuatua-tika ra ki te arite tatau; e pakoko uaia te punanga pikikaa e te na toka; e te pipinianga ra, e ngaromia ua ia e te vai.

18 E ko ta kotou kororomotu e te mate ra, e akaatikauia ia, e ta kotou tuatua akatau ia ade ra, kare ia e mou; kia na rotapu tikai taua mate maata ra te aere, e takatakaiia kotou ki raro e te reira. Kua na rotapu anake te aere ra, kua opukia ia kotou: i tera popongi i tera popongi, e na rotapu rai ia te aere, i te po, e te ao: e rikarikaia te rongo anake ra. E potu oki te roi kia akatika te tangata ki rungao; kua aoaoa te tapoki kare e pini kia moe ki roto. Ka tu mai oki a Iehova mei tei te maunga ra

i Perazima, ka riri aia mei tei te o ra i Gibeona; kia rave aia i tana anga-anga, tana angaanga tu ke ra; e kia akatupu aia i tana ravenga, tana ravenga tu ke ra. E teianei ra, auraka kotou e akavaavaa, ka akaketaketaia aca to kotou au ruru: e tuatua akapou i akakoroia taku i akarongo akenei, i te Atu ra, ia Ichova Sabaota, i teia katoa nei enua.

E anga mai i to kotou taringa, e akarongo mai i toku reo; ka akono tikai, ka akarougo mai ei taku tuatua. E arote ainei te tangata arote e po ua atu te rā kia ruru i te ua? e kenu ua rai ainei, e e akaungaunga i te vānga one o tona enua? Manea akera te one iaia, kare ainei aia e ruru aere i te kuze, e kua titiri aere i te kumina, e kua ruru oki i te sitona ma te arite, e te kerite e te olura, ki tona ngai ki tona ngai? Na tona Atua oki i ako marie mai iaia kia akono, e kua apii mai kiaia. Kare oki te kuze i pāpāia ki te porotata pūpū; kare oki te porotata i akatakāia ki runga i te kumina; e pāpāia ra te kuze ki te rakau, e te kumina ki te pūpū ra. Kia reru uaia te sitona e tika'i; no te mea kare aia e pūpū tamou mai i te reira ra, e e akaungaunga i te tipi o tana ra porotata; kare oki e akaparuparu i tana ra au puaka. No ko katoa teia ia Ichova Sabaota ra, tana te tuatua umere maataia, e te ravenga maata.

PENE XXIX.

E mate maata to Ierusalemia ra: te pou anga o tona au enemi, e tona akaora angaia.

E AE oki Ariela e, Ariela e, te oire i nooia e Davida e! ei mataiti rai te mataiti, ka akono atu rai te au oroa. E tinai-mate rai au ia Ariela; e vai oki te auc e te mii ki reira; ka riro rai oki te reira ei Ariela iaku nei. E akapini au ia koe i te puakapa; e e rave akapini au ia koe i te koro; e akāū oki au i te punanga ia koe. E tuku akaakaia koe ki raro rava, mei te mea no raro mai i te repo tauu tuatua anga mai; e rikiriki mai touu reo mei raro mai i te one-pueu ra, e mei raro mai i te one touu reo, mei to te taura vaeua kino ra, e ei raro koe i te one-pueu koumuumu ua mai ei kia tuatua.

Kareka te urupu maata o to au enemi ra, e riro ia mei te ungaungū one mea ngiti ra, e te maata katoa o taua aronga e mataka roaia ra, mei te ota ia i

akapueu keia ra: e kare te reira e roaia, 6 i te kamoanga mata nei rai. E atoroia mai koe e Ichova Sabaota ra, ma te mangungu, e te ngamerue enua, e te reo maata; ma te uriia, e te tipi, e te mura o te ai kakai ra. Mei te moe oki, mei te rikamoe i te po ra, mei te reira katoa te tangata katoa o te pa enua ra, ko tei tamaki ia Ariela; te aronga katoa e tamaki atu, e tei tackinga-kino atu iaia, e te punanga katoa nona ra. Mei te mate pongi kia rokoia e te moemoea, e ana ra aia e, te kaikai ra; kia ara maira, kare ua e pangia tona kaki: mei te tangata e kaki vai ra kia rokoia e te moemoea, e ana ra aia e, te inu ra aia; kia ara maira, i na, kua uti ua te manava, e kua maata rai te kaki vai: e pera rai te tangata katoa o te pa enua ra, ko tei tamaki ki te maunga ra kia Ziona.

9 Ka nonoo ana kotou, kia va ua ana; akanavenave kotou, e kia akamatapoia mai: kua kona ratou, kare ra i te wina; kua turoirorori ratou, kare ra i 10 te kava kona. Kua riringi oki a Ichova i te vaeua moe maata ki rungao ia kotou na, e kua tapiri aia i to kotou mata, te au peroveta; e to kotou mimiti, to te au akara ra, tana ia i ta- 11 poki. E kua riro taua orama katoa ra mei te tuatua ki roto i te buka i topiriia ra ia kotou, tei tukuia atu ki te tangata kite i te tatau tuatua ra, ka na ko atu ei, Ka tatua ana koe i teia, taku ia tuatua kia koe: e te tuatua maira aia, Kare e rauka iaku; no te 12 mea kua topiriia. E kia tukuia oki taua buka ra ki te tangata kite kore i te tatau tuatua, ka na ko atu ei e, Ka tatua mai ana koe i teia, taku ia tuatua kia koe: te tuatua maira aia, Kare au i apiia i te tatau tuatua.

13 I tuatua mai ei te Atu, No te mea te topiri mai nei teianei aronga iaku i to ratou vaa, e te akameitaki maira to ratou ngutu iaku, tei te atea ke ra to ratou ngakau iaku nei; e to ratou matakau iaku nei, e mea apii unia i te tua- 14 tua a te tangata anake ra: E teianei, i na, e rave atu rai au i te ravenga vavariaia i teianei aronga, e ravenga vavariaia, e te poitirere; kare atu oki te karape o to ratou aronga karape ra, e te kite o to ratou aronga akono ra, e ngaro ke ia.

15 E ao oki to ratou to tei kimi i te mea oonu e uuna i ta ratou ravenga ia Ichova, tei te poiira ta ratou anganga, e ko te akapera e, Naai tatou e akara 16 mai? koai te kite mai ia tatou? Te aronga manako ketaketa e! e aka-

ariteia ainei te potera ki te karaea? e tuatua ainei oki te angaanga ki te taunga, Kare aia i anga iaku? e tuatua ainei tei angaia ki tei anga iaia, Kare ona e kite?

Ka roa ainei ka kore ei e arite Le-
banona ki te kainga ua maata, e e ma-
nakoia'i te kainga ua maata ra ei enua
rarorakau ra? Kia tae ki te reira rā e
akarongo ei te turi i te tuatua o te
buka, e mei roto mai i te kareureu, e
te poiri, e kite ei te mata o te aronga
matapo tikai ra. E akamaata te aronga
maru i to ratou rekareka ia Iehova, e
rere ua te tangata putaua i te reka-
reka i Tei Tapu ia Iseraela ra. Ko
tei rikarikaia ra oki, kua kore ia; kua
pou oki te taitoitō, e ko tei aruaru i te
kino ra, kua tipu keia ia. Ko tei
akaapa i te tangata i te tuatua, e kua
tuku oki i te ereere i tei ako mai i te
ngutupa ra, e kua akatatipake puapi-
nga kore ua i te aronga tuatua-tika ra.

E teianei, te na ko mairā Iehova ki
te ngutuare o Iakoba ra, ko tei akaora
ia Aberahama ra, Kare Iakoba e
akama akaou, kare oki e tea akaou tona
rae. Kia kite oki tana au tamariki i
te angaanga a toku rima i rotupu ia
ratou ra, e riro na ratou uarai e aka-
tapu i toku nei ingoa; e e akatapu
ratou i Tei Tapu i o Iakoba ra, e
ruketekeke oki ratou i te Atua o Ise-
raela ra. E te aronga i ē te ngakau
ra e rauka te kite i reira, e te aronga
i upokoango ra, e akarongo ia i te ako.

PENE XXX.

*E mea kino te akono kore i ta te Atua
tuatua; e meitaki to tei akono: to
Asura pou anga.*

Te tuatua mairā Iehova, E ae oki te
tamariki meameaau e, tei aka-
taka i te tuatua ra e kare ra iaku nei;
ko tei riringi i te neseka e kare ra ta
toku Vacrua; kia na rungao te ara i te
ara: Ko tei aere oki e aere ki raro ki
Aiphiti, e kare i ui mai i toku nei vaa;
kia akamaroiroi ratou ia ratou uarai i
te maroiroi o Pharaō, e kia irinaki ki
raro ake i te maru ra i Aiphiti. E
riro ra te maroiroi o Pharaō ei akama
no kotou; e to kotou irinaki i te maru
ra ia Aiphiti ei tumatetenga no kotou.
Tei Zoana oki to ratou ui ariki, e ta
ratou au karere, kua tae ia ki Hanesa.
Akama anake iora ratou i taua aronga
ra, kare oki a ratou puapinga e rauka
i reira, kare oki ratou e riro mai ei
tauturu, e ei meitaki, ei mea akama ra,
e ei akakino ia ratou.

6 Te tuatua no te au puaka i te
pae i apatonga:

Na rotupu i te enua eke e te mamae
maata, no reira mai te liona tinana ra,
e te liona taee ra, e te vipera, e te ovi
ai rere aere ra, ei runga i te pakuivi o
te au punua asini i apai ei ratou i ta
ratou apinga, e ta ratou apinga memei-
taki ki runga i te puku o te kamela,
na taua au tangata i puapinga kore ei
ratou ra. E kou ua Aiphiti, e tauturu
puapinga kore ua ratou: i tuatua'i au i
te reira, Ko Rahaba akatau.

8 Ka aere ana, ka tata ki runga i te
papa ki mua ia ratou, e e tata i te leta
ra ki roto i tetai buka; ka vao ei no
te au rā a muri atu, ei kite e tuatau ua
9 atu. E aronga meameaau teianei aro-
nga, e tamariki pikikaa, e tamariki
10 akarongo kore i te ture a Iehova. Ko
tei tuatua ki te au akara ra, Auraka e
akara; e i te aronga e orama ta ratou
ra, Auraka e akakite mai i te mea tika
ra; ei tuatua koperepere ua ra ta kotou
e tuatua mai kia matou nei, ei tuatua
11 pikikaa te akakite mai: E anga ke
atu kotou i tenana aereanga; e tatipake
i tenana mataara, e akangaro ke
atu i Tei Tapu i Iseraela ia matou
nei.

12 I na ko mai ei Tei Tapu i Iseraela
nei, No te mea kua akaviivii kotou i
teianei tuatua; e kua irinaki kotou ki
te takinga-kino, e te tareva ke; e kua
13 irinaki takiri ua i te reira. E teianei,
e riro teianei kino ia kotou na, mei te
ngaa i vaitata i te ngaoro ra, mei te
patu teitei kia kopupu mai, ko te kore
e roaia kua ngaa, mei te kamoanga mata
14 nei rai. E vava'iia ia, mei te tangata
e vava'i i te kapu potera ra; tei aka-
ungaunga ravaia e ia, kare aia i aka-
perepere: e kare ua e kitea ake tetai
vānga i te au vānga katoa ra e tika'i
kia āriki mai i tetai manga ai i te
paaki umu ra, e taipu mai oki tetai
manga vai i roto i te puna ra.

15 Te na ko maira oki te Atu ra ko
Iehova, Tei Tapu i Iseraela nei; Tei
te ariu mai kotou ma te noo ua e ora'i
kotou; tei te akatupua ua e te irinaki
e maroiroi ei kotou; kare akera i tika
16 ia kotou: Kua tuatua ra kotou e, Au-
raka; ei runga ra matou i te ipo e oro
atu ei; e teianei, e oro rai kotou: Na
runga matou i te ipo oro viviki ra; e
teianei, e viviki katoa ratou ko te aru-
maki ia kotou. E ati ua tetai tausani
i te akamura o te tangata okotai; e ati
oki kotou i te akamura o nga tangata
toko rima; e toe rikiriki ua ake kotou
mei te reva ki runga i te take maunga,

e mei te akairo ki runga i tetai tuaivi ra.

E tapapa rā Iehova, kia takinga-
meitaki aia ia kotou, e e tu aia ki runga
kia aroa aia ia kotou: e Atua tuatua-
tau oki a Iehova: e ao to ratou katoa
tei tapapa marie iaia ra. Ka noo
tika rai te au tangata i Ziona ki Ierusa-
lema: kare kotou e aue ua rai; tei te
kakunga o to kotou reo e maata roa i
tona aroa; tei te akarongo anga mai
aia ra, nana ia e āe mai ia kotou. Oro-
nga aue mairai a Iehova ia kotou i te
kai aue, e te vai o te takinga-kino,
kare ra to kotou au orometua e pipini
akaou, e kite ra to kotou mata i to
kotou au orometua: E na to kotou
taringa e akarongo i tetai manga tua-
tua i muri mai ia kotou, i te na ko
anga, Teia te ara, e na reira te aere;
kia anga kotou i te pae katau, e kia
anga kotou i te pae kaui. E viivii oki
ia kotou te vai o to kotou au idolo ario
akatikitikiia ra, e te akamanea o to
kotou au tiki auro akatoia ra: e aka-
ruke kotou i te reira, ei mea viivii ia;
ka karanga atu kotou i te reira, Kia
atea ke atu ia.

Ei reira aia e oronga mai ei i te ua
no ta kotou au ua, ta kotou e ruru i te
enua ra; e te kai e tupu ki runga i te
enua ra, e riro ia ei meitaki e ei
maata: i taua rā ra e kaukai ei ta
kotou au puaka i te ngai atea ra. E
na te au bovi e te au asini, e arote i te
enua ra, e kai i te kai rapakauia ra, i
tamaia ki te petuo e te ruru. E riro
oki ki runga i te au maunga teitei
katoa, e tei runga i te au tuaivi teitei
katoa, te au peka vai e te aronga mata
vai, kia tae ki te rā pou maata, e
inga'i te au punanga ra. E e riro oki
te mārāma o te mārāma mei te mārāma
o te rā, e te mārāma o te rā ra, ka
taki itu ia, mei te mārāma o nga rā e
itu katoa ra; i te rā e vai ei a Iehova
i te paruparu o tona ra au tangata, e
kia akaora aia i te maki o ta ratou
pāpāanga ra.

I na, te aere maira te ingoa o Iehova
mei te ngai mamao mai, te ka ra tona
riri, e kua maata ua atura te auai:
kua ki tona vaa i te riri akaoko, e mei
te ai kakai ra tona arero: E tau tona
a'o ki te vai puke e maringi ua ra, e
taea ravaia ia te kaki i rotopu iora; e
ruru aia i te pa enua i te petuo o te
mate, e vaoia oki ki roto i te vaa o te
au tangata ra tetai tavaa, ei arataki ko
atu ia ratou. E imene ra ta kotou,
mei tei te po e akonoia te ravenga
tapu; e te rekareka o te ngakau ra,

mei te mea kia aere ma te vivo katoa
ra, kia aere ki te maunga o Iehova ra,
ki te mato o Iseracla ra. E na Ie-
hova e akakite i te reo kakā nona kia
rongoia, e kia kitea oki te tuku anga
mai o tona rima, ma te ootoo anga o
te riri, e ma te mura o te ai kakai ra,
ma te ua maata, te uria, e te ua toka
ra. I te reo oki o Iehova e pāpāia to
Asura ki raro: nana aia e pāpā i te
rakau. E te au ngai katoa e na reira
te rakau akonoia i te aere, ta Iehova
ka akanoo marie ki runga iaia ra, e
kapiti katoaia ki te pa'u e te kinura: e
ma te tamaki oripu ua tana e tamaki
atu kiaia ra. Mei taito maira oki te
akataka angaia o Topheta; koia ia, no
te ariki oki i akatakaia: kua akaonou
ravaia, kua akaateaia oki: e putunga
ai e te vaie maata ua atu; na te a'o o
Iehova, mei te teio e ta'e ra, e tu-
tungi atu.

PENE XXXI.

*To Iseracla mate, ko ratou i irinaki
kia Aiphiti: e ora Ziona ia Ie-
hova: e akarukeia te au idolo: ko
Asura ka pou i te koke.*

E AE oki ia aronga e aere ki Ai-
phiti kia tauturuia mai; e kua
akairi ki runga i te ipo ei turu, e kua
irinaki ki te kariota, no te mea e ma-
nganui; e ki runga i te tangata aka-
oro ipo, no te mea e ririnui; kare ra e
akara ki Tei Tapu i Iseracla nei, e
kare e kimi atu ia Iehova ra. E pa-
kari rai oki tona, e e tuku mai aia i te
kino, kare aia e akaoki i tana tuatua:
e riro aia i te tu mai e rave i te ngu-
tuare tuatua kino ra, e rave oki i tei
tauturu mai i te aronga rave tuatua
kino ra. Ko to Aiphiti ra, e tangata
ia, e kare i te Atua; e ta ratou au ipo
ra, e kiko ia, e kare ia i te vaerua:
kia akatikā Iehova i tona rima, e ta-
pepa te tauturu, e e inga tei tauturuia
mai; pou katoatoa akera ratou i te
mate.

Kua na ko mai oki a Iehova kiaku
nei, Mei te liona e ngunguru ra, e te
liona ou oki, ki rungao i tana ra kai,
putuputu ua maira te au tiaki mamoe
e manganui e rave iaia, kare takiri aia
e mataka i to ratou reo, e kare oki e
vi i ta ratou koma anga: ka pera rai
to te Atua Sabaota ra to Iehova eke
anga mai e tamaki no te maunga ra no
Ziona, e no to reira tuaivi. Mei te au
manu e akakoukou i ta ratou ana-
nga, e pera katoā Iehova Sabaota i te
tiaki anga ia Ierusalem, i te tiaki

anga oki kia ora; i te rere anga atu ki
mua e akaora *taia* ra. E oki akaou
kotou kiaiā tei akaruke takiriā e
kotou, e te au tamariki a Ise-
raela e.

E riro kia tae ki taua rū ra, e aka-
ruke ei te tangata katoa i tona au idolo
ario, e tona au idolo auro, tātō kotou
uaorai rima i anga no kotou kia ara.
E ka inga to Asura i te koke, kare ra i
ta te tangata; i te koke oki Nana, na
tei kore i te tangata nei, e pou ei aia.
E oro oki aia i te mata koke ra, e e
taaoia tona au tangata ou i ikiia ra.
E no te rai matakū ra e aere atu ei aia
ki tona punanga pakari ra; e tuma-
tetenga roa te ui rangatira nona i te
reva ra, te tuatua mairā Iehova, tei
Ziona tana ai, e tona umu ra tei Ieru-
salema.

PENE XXXII.

E basileia meitaki to te Mesia.

I NA, e tutara mai tetai ariki ma te
tuatua-tika ra, e e kavana oki te
ui ariki ra ma te tuatua-tau. E riro
oki tetai tangata mei te punanga i te
uriā ra, mei te pipiniānga i te ma-
tangi maata ra; mei te au vai ta'e i te
ngai keremārō ra, mei te marumarū
o tetai mato maata i te enua papa-marō
ra. E kare e pōiri te mata o te aronga
i kite; e te taringa o te aronga e aka-
rongo ra, e akarongo iā. E te ngakau
rai oki o te aronga rapurapu ua ra, e
rauka katoa te kite; e te arero o te
muraro ra, e tuatua meitaki iā e te
tika. Kare oki te tangata kino e tua-
tua akaouia i te takinga-meitaki; e te
manava kino e kore e tuatuaia i te oro-
nga. E tuatua ua rai oki te tangata
kino i te tuatua kino, e kimi rai oki
tona ngakau i te ara; i te rave anga i
te pikikaa, e te tuatua akaapa anga atu
iā Iehova; kia ngere ua rai te vaerua o
tei pongi ra, e kia akatikī aia i tei kaki
ra i te manga vai ra. Kareka te ma-
nava kino ra, e ravenga kino tana: to
akakoro ra i te tuatua takinga-kino ra;
kia i te ao i te tuatua pikikaa, e te tan-
gata rikiriki, kia tuatua aia i te tuatua-
tau. Kareka te tangata oronga ra, e aka-
koro rai i te tuatua oronga; e akatina-
mouia oki aia i taua tuatua oronga ra.

E te au vaine, e noo ponuāua ua ra,
ka tu, ka akarongo mai i toku reo; e
te au tamaine matakū kore ua ra, ka
ariu te taringa ki taku tuatua. Kia
topa iti ua ake ei te mataiti e akamana-
manataia'i kotou, e te au vaine matakū
kore ra: kua kore oki to te vine ra,
kare e tae te akaputupu tu anga. Kia

ruketeke, e kotou, e tei noo rekareka
ua e; kia tumatetenga, tei noo matakū
kore ua e: ka taratara i te kakau, kia
vai taaka ua; e tatua i to kotou tau-
12 kupu. Kua papaki ratou i te umauma,
no te kainga manea ra, no te vine ua
13 meitaki ra. Ki runga i te enua o toku
ra iti-tangata e tupu ei te rakau tara-
tara e te tataramoa; koia tika, na run-
ga rai i te au are rekareka ravarai ra,
14 i te oire rekareka ra. Ka akarukeia
oki te are ariki; te apinga nui o te oire
ra, ka akaruke uia; te tuaivi e te are
tiaki anga e riro ei au ana e tuatau ua
atu; ei rekarekaanga no te asini mo-
moavao, ei kaingakai na te au anana;
15 E kia riringiia mai te Vaerua no runga
mai ki runga iā tatou nei: ei reira te
medebara e riro ei ei kainga ua mei-
taki, e ka manakoa tei kainga ua mei-
16 taki ra, ei rarorakau. E noo te
tuatua-tau i te medebara i reira, e te
tuatua-tika ra, e noo iā ki roto i
17 kainga ua meitaki ra. E ko ta te
tuatua-tika angaanga, ko te au iā; e te
openga o te tuatua-tika ra, ko te peka-
peka kore iā, e te matakū kore, e
18 tuatau ua atu. E noo oki toku ra iti-
tangata ki roto i te are au nuingangare,
e te nooanga matakū kore, e te ngai
19 kanga koreia mai; E topa mai oki te
ua toka, i te inga anga o te rarorakau
ki raro; e e tuku akaaka ravaia oki te
20 oire ki raro. E ao to kotou to tei
ruru i te ua na te au ngai vai katoa ra;
e kua akaunga atu i te vaevae o te bovi
ma te asini ki reira.

PENE XXXIII.

*Te mate o te au enemi o to te Atua ra
iti-tangata, e te meitaki o tei irinaki
iāia.*

E AE oki koe, e tei āru aere, e kare
koe i āruia mai; e tei āo ra, e
kare koe i āoia mai! kia oti tauu āru
anga ra, ei reira koe e āruia mai ei;
kia roiroi koe i te āo aere, e āo mai ei
2 ratou iā koe ra. E Iehova e, e aroa
mai koe iā matou; te tapapa nei ma-
tou iā koe; ei rima koe no ratou i te
au pojongi katoa nei; ei ora oki no
3 matou i te tuatau taitaia ra. Kua
oro anake te tangata i te reo rikarika
ra; iā koe i tu mai ki runga ra, pueu-
4 rikiriki ke atura iā te pa enua. E
akaputupuia ra ta kotou apinga pou,
mei te akaputupu anga o te anue ra;
mei te akeride e oro atu e oro mai, ko
to ratou iā oro ki runga i te reira.
5 Kua akateiteiā Iehova; tei runga oki
aia te noo anga: kua akaki aia iā Ziona

i te tuatua-tau e te tuatua-tika. Koia
rai te mou o toou ra tuatau, ko te
maata ia o te ora, te pakari, e te kite;
ko te matakua ia Iehova, ko tona ia
apinga nui. I na oki to ratou Ariela!
kua ngongoro ua te aue ki vao: kua
maata te aue o te au karere akamoeau.
Kua tanca te au ara metua; kua kore
e aercia e te tangata; kua akaatikau
aia i te koreromotu; kua akaviivii i
te au oire, e kare aia e akono ua atu i
te tangata. Te aue ua ra te enua; 9
kua maeaea: kua akama Lebanona;
kua mae ua: kua riro Sarona mei te
medebara; e kua akatarau Basana e
Karamela.

Te tuatua mairā Iehova, Ei teianei au 10
e tu ei; ei teianei au e akangateiteia'i:
ei teianei au e akateitei ei iaku uorai
ki runga. E nui kotou i te ota, e teita 11
ta kotou e anau mai: ko to kotou
uorai riri te ai e pou ei kotou na. E 12
riro oki te au tangata mei te ta'uanga
ngaika ra: mei te rakau taratara i
tipuia, e pou akera i te ai.

E akarongo mai ana, e to te atea ke 13
ra, i taku i rave; e aaki mai kotou, e
tei vaiata nei, i toku nei mana. Kua 14
matakua te aronga ara i Ziona; kua ro-
koia te aronga pikikaa e te ruketekete.
Koai to tatou e tika kia noo i te ai ka-
kai ra? koai to tatou e tika kia noo i
te ai mate kore?

Ko tei acre ma te tuatua-tika ra, e 15
ko tei tiratiratu tana tuatua; ko tei
akaviivii i te apinga i rauka i te taki-
nga-kino; ko tei ruru i ona rima i te
ou pikikaa ra; ko tei popani i ona ta-
ringa i te taiku anga toto ra; e ko tei
topiri i ona mata i te kite anga i te kino
ra: Koia te ka noo ki te au ngai tei-
tei ra; ko te pinanga mato ra, ko tona
ia pinanga; e orongaia mai tana kai;
kare e kore tana vai.

E kite o mata i te ariki ma tona ka- 17
ton ra manea: e kite oki ratou i te au
enua mamao ra. E akamaaraa to
ngakau i te rikarika i topa ra. Teica 18
te tata tuatua ra? teica te rave i te
apinga uipa ra? teica te tatou i te au
are punanga ra. Kare koc e kite akaou 19
i taua aronga taee ra, taua aronga tua-
tua oonu kare e tika ia koc kia akaro-
ngo ra; te reo murare kare e rongoia
atu. Akara koc ia Ziona, te oire no ta 20
tatou au oroa tapu ra; kia kite o mata
ia Ierusalemia i te nooanga au, i te
puakapa ngaueue kore: e kare tetai o
tona au titi e kiriti akaouia, e kare
rava tona au taura katoa ra e motu.
Ka riro rā Iehova tapukakā ra ei au 21
vai ta'e no tatou i reira, ei kauvai pa-

rarauare; kare te pai ma te oe e tac na
reira, kare oki te pai maata e na reira
22 te akatere. Ko Iehova oki to tatou
akava; ko Iehova ta tatou tuku ture;
ko Iehova to tatou ariki; nana tatou e
23 akaora. Kua mataratara toou au
taura; kare oki to ratou tira e mou ia
ratou; kare e rauka ia ratou kia uti i
te kie: ei reira te'apinga pou e manga-
nui i tuaia'i; na te pirikoki i āru ua i
24 te apinga pou ra. Kare oki to reira e
karanga e, Kua maki au: te au ta-
ngata e noo i reira, kua apai keia ta
ratou ara.

PENE XXXIV.

*Te pou anga o te au enemi o te au ta-
ngata no te Atua i akakiteia mai,
e te meitaki o te aronga i irinaki
iaia.*

1 **E** AKAVAITATA mai, e te pa enua
e, ka akarongo mai: e akono mai,
e te au tangata e: kia akarongo mai te
enua, ma tona ki katoa ra; te ao, e tei
2 tupu katoa i reira. Te vai nei oki te
riri o Iehova ki runga i te pa enua ra-
varai, e tona riri maata, tei runga ia
i to ratou ra nuku katoatoa ra: kua
akatakaia ratou e ia no te mate, kua
3 tukua ratou kia taia. E to ratou i
taia ra e akaruke ua atuia ia; e i to
ratou au ivi ra e peke ei te aunga kino
ki runga, e ta'e a vai ua te au mau-
4 nga i to ratou toto. E kore rai to te
rangi ra nuku katoa ra; e pokaikaia
te rangi mei te tuatua i pokaikaia ra:
e to ratou au nuku katoa ra e topa, mei
te rau vine i topa ra, e mei te rau para
o te suke ra.
5 Ka kona taku koke i runga i te ra-
ngi: i na, e topa ki runga ia Edoma,
ki runga i te aronga i akatakaia e au
6 no te mate. Kua ki te koke a Iehova i
te toto; kua inuini i te tongaua; i te
toto o te au arenio e te au puaka-nio,
i te matu o te pukatu o te au rama ra:
e tusia oki ta Iehova i Bozara, e e tai-
nga maata oki i te enua ra i Edoma.
7 Okotai rai topa anga to ratou e te au
reema katoa ra, te au bovi e te au bovi
toa katoa ra; e kona to ratou enua i te
toto ra, e e ngarungarua to ratou one i
8 te matu. E rā akaoko anga oki ta
Iehova, e mataiti tutaki anga ei aka-
tika ia Ziona.
9 E riro tona ra aronga kauvai ei ta-
pou, e tona one-pueu ei teio, e e riro
10 oki tona enua ei tapou mura. Kare o
tamateia i te po e te ao; e tika tona
auni i te peke anga ki runga e tuatau
ua atu: e vai tanca ua ra aia, i tera uki

i tera uki : kare e aereia e te tangata e
tuatau ua atu. Ko te kate e te kephoda 11
te ka noo i reira; e i reira rai noo ei
te lulu e te orebi : e akatika aia i te
tataura akatanea na runga iaia ra, e
ka tuku oki te au toka aite o te puapi-
nga kore i reira. E te aronga nunui i 12
ona ra, kare ia kia karanga atu ratou ei
kavana *ki runga ia ratou*; e te ui ariki
i ona ra, e riro ia i te kore roa. E tu- 13
puia tona au are ariki i te rakau tara-
tara ra; te mauku mangleo, e te tata-
ramoa, i roto i tona ra au pinanga; e
riro oki ei nooanga no te au teni, ei
paepae no te au tamaine a te ione ra.
E aravei te au puaka taac o te nganga- 14
ere e te au kuri momoavao i reira; ka
kapiki oki te puaka-nio toa uruuru ki
tona tokorua i reira; ei reira katon
te lulu e to ei, e kitea iora tona aka-
angaroia e i reira. Ei reira oki te 15
ovi rere e koanga'i, ka tuku ei i tona
ua, ka akapana'i, e ka akaputupu i te
anau i raro ake i tona maru; e riro
katoa te au aeto ra i te putupu i
reira, ka tatakai rua ratou ravarai e
pini ua ake.

E kimi ana kotou i te tuatua a Ie- 16
hova, e tataua marie : kare rava tetai o
teia e ngaro ke; e kare rava tetai ua e
ngere i te toa : na tona vaa oki i tua-
tua mai, e na tona Vaeura uaorai ratou
i akaputupu. Kua tuku akera aia i 17
te kelero no ratou, e na tona rima oki i
tataura i ta ratou tuanga : e riro ia ra-
tou e tuatau na atu, e noo rai ratou i
reira i tera uki i tera uki.

PENE XXXV.

*E tuatau meitaki tei akukite mamaoia
mai.*

Te medebara, e te ngai vaiavare ua, 1
e rekareka ia no ratou ra; e reka-
reka rai te enua ngangare, e e puu oki
mei te tiare. E maata ia i te puu tiare
anga, e rere ua i te rekareka e te 2
imene : e orongaia mai nona te kakā o
Lebanona; te manea o Karamela, e o
Sarana; e kite te reira i te kakā o Ie-
hova, te manea o to tatou Atua. E 3
akaketaketa na kotou i te rima apike-
pike, e e akapakari kotou i te turi ru
ua ra. E karanga atu kotou ki te
ngakau taitaia, Kia maroiroi; auraka e
matakū : i na to kotou Atua : e tac 4
mai ia te akaoko; te tutaki a te Atua
ra : koia orai te aere mai, e akaora ia
kotou.

Ei reira e akapueria'i te mata o te 5
matapo ra, e e akaputaita'i te taringa
o te turi ra. Ei reira te pirikoki e 6

rererere aere ei mei te aili, e imene
mai oki te vaa o te murare : e pupu
oki te vai na te medebara, e te au mata
7 vai i te ngai tuamarō ra. E riro te vai
pikikaa ua ei roto, e te enua keremārō
ra ei vai pupui : i te nooanga o te au
teni ra, i te ngai i moe ei, e tupu ei te
8 mauku e te gome ra. Ei reira oki
tetai ara metua, e tetai arataa oki, e
karangaia oki te reira, i te arataa tapu;
kare rava e tangata viivii e na reira te
aere; e riro ra no ratou, no te aere i te
ara ra; auouo ua rai ratou ra, kare ia
9 e tatipake. Kare o reira e liona; kare
oki e puaka taac e tac mai i reira, kare
rava tetai e kitea atu ki te reira ngai :
10 ko tei okoia ra te na reira te aere. E
ko tei akaoraia e Iehova te ka oki mai,
e tac mai ratou ki Ziona ma te imene,
e te rekareka mutu kore i runga i to
ratou upoko : e rauka ia ratou te reka-
reka e te perepererekavana, ko te aue ra,
e te mii, e rere ke atu ia.

PENE XXXVI.

*To Senukeriba tamaki anga mai i
Iudea.*

TA E akera i te mataiti okotai ngau-
ru ma a o te ariki ra o Hezekia,
kua aere maira te ariki no Asura ra, ko
Senakeriba, e tamaki i te au oire rava-
rai i Iuda i akaketaketaia ra, e rauka
2 iora. Kua tono akera te ariki o Asura
ra ia Rabasake, mei Lakisa mai, ki te
ariki ra kia Hezekia, ma te nuku
manta, ki Ieruselema. E kua tu iora i
te pae o te vai ko ra o te roto ki runga
ra, tei te ara metua i te kainga o te ta-
3 matangi kakau ra. Kua aere mairā
Eliakima te tamaiti a Hilikia ki vao
kiaia ra, no runga ia i te ngutuare, e
ko Sebera tata tuatua ra, e ko Ioa te
tamaiti a Asapha akamou tuatua ra.
4 Kua tuatua mairā Rabasake kia ra-
tou, Ku tuatua ana kotou kia Heze-
kia, Te na ko maira te ariki maata,
5 te ariki no Asura ra, Eaa tena irinaki-
anga i irinaki ei koe na? *Te tuatua ra
koe e*, Teia taku tuatua, (e tuatua vaa
ua ra,) E kite *toku* e te ririnui kia ta-
maki. E tenana, koai toou irinaki-
anga, i kaitamaki mai ei koe iaku nei?
6 I na, te irinaki ra koe i tenana toko-
toko kakao aati ia Aiphiti ra; ko te
puta te rima o te tangata kia irinaki ra,
e mama atu : koia te ariki o Aiphiti
ra, ko Pharao, i te aronga katoa i iri-
7 naki iaia. Kia tuatua maira koe
kiaku e, Te irinaki nei matou ki to ma-
tou Atua kia Iehova : kare ainei aia,
nona te au ngai teitei, e te au atarau, i

apai keia e Hezekia ra, tei tuatua oki
kia Iuda e Ierusalemā, Ei mua i teia-
nei atarau kotou akamori ei? E te- 8
nana, teia taku tuatua kia koe, ka tuku
ana i te tutaki ki toku pu, ki te ariki o
Asura ra, e naku e oronga atu i te au
ipo naau e rua tausani, peneiake ko te
tika ia koe kia tuku i te akaoro ki ru-
ngao. E akapeca oki koe e tika'i kia 9
akaanga ke atu i te kapena okotai, tei
iti roa i roto i te au tavini o toku pu
akera, irinaki ua'i koe ia Aiphiti i te
kariota e te aronga akaoro ipo ra? I 10
aere ua mai ainei oki au, kare nei a
Iehova, e rave i teianei enua kia pou?
Na Iehova rai i tuatua mai kiaku e,
Ka aere, ka rave i taua enua nei, e kia
pou atu.

Kua tuatua mairā Eliakima, e ko 11
Sebena, e ko Ioa, kia Rabasake, Ei reo
Arama taau e tuatua mai *kia matou*,
ki to au tavini nei, ta matou ia tuatua
kia koe; kua kite oki matou; auraka
ra e tuatua mai kia matou i te reo
ngati Iuda nei, *ko te rongo aea* te
taringa o te au tangata i runga i te
patu nei. Kua karanga aturā Raba- 12
sake *kia ratou*, I tono mai ainei toku
pu iaku e karanga atu ki toou pu anake
ra, e kia koe oki, i teianei au tuatua?
e auraka ki te au tangata e noo ki
runga i te patu ra, kia kai ratou i to
ratou uorai repo, e kia inu i to ratou
uorai mimi, ma kotou katoa ra?

Kua tu ua mairā Rabasake i reira, 13
e kua kapiki nui maira i te reo ngati
Iuda, na ko maira, E akarongo mai
ana i te tuatua a te ariki maata, te
ariki no Asura: Te na ko maira te 14
ariki, Auraka kotou e vavare ia Heze-
kia: kare oki e tika iaia kia akaora
ia kotou. Auraka oki kotou e vavare
ia Hezekia e i irinaki ia Iehova, ka na
ko mai ei, Na Iehova tatou e akaora,
kare teianei oire e orongaia ki te rima
o te ariki o Asura ra. Auraka e aka- 16
rongo ia Hezekia: te na ko maira oki
te ariki no Asura ra, O mai kotou i te
apinga naku, ka uri mai ei kotou kia-
ku nei; e kai ua ia te tangata katoa i
tana uorai vine, e tana uorai suke, e
inu oki te tangata katoa i te vai no
roto i tona uorai puna: E kia tae mai 17
ua ra, e arataki ia kotou ki te enua mei
to kotou katoa ra enua; e enua sitona
e te wina, e enua areto e te kainga
vine: Ko te akanauru aē Hezekia ia 18
kotou, kia na ko mai e, Na Iehova
tatou e akaora. Kua akaora ainei te
au atua o te pa enua ra i to ratou enua
i te rima o te ariki o Asura ra? Teia 19
te au atua no Hamata, e no Araphada?

teia te au atua no Sepharavaima? kua
akaora ainei ratou ia Samaria i toku
nei rima? Koai to te au atua katoa o
te pa enua nei i akaora i to ratou enua
i toku nei rima, ka ora'i Ierusalemā ia
21 Iehova i toku nei rima? Kua muteki
ua ra ratou, e kare rava i ki atu kiaia;
kua akaue mai oki te ariki, na ko
22 maira e, Auraka rava e ki atu. Kua
aere mairā Eliakima te tamaiti a Hili-
kia, no runga ia i taua ngutuare ra, ko
Sebena tata tuatua ra, e ko Ioa te ta-
maiti a Asapha akamou tuatua ra, kia
Hezekia ra, ma te kakau aeaia ra, e
kua akakite maira kiaia i te au tuatua
a Rabasake.

PENE XXXVII.

*Ko Hezekia i te tono anga i te karere
kia Isaia: to Asura taia angaia e
te Angela a Iehova.*

- 1 **E** KITE akera te ariki ra ko Heze-
kia, kua aae iora aia i ona kakau,
e kua tapoki iaia ora'i ki te kakau paoa,
aere atura ki roto i te are o Iehova.
- 2 Kua tono akera aia ia Eliakima, no
runga i te ngutuare, e ia Sebena tata
tuatua, e tei pakari o te kau taunga ra,
ma te tapokia ki te kakau paoa, kia
Isaia peroveta, te tamaiti a Amoza ra.
- 3 Kua karanga atura ratou kiaia, Te na
ko mairā Hezekia, E rā tumatetenga
teianei rā, e te akamura, e te akakino:
kua vaiata oki te tamariki i te anau, e
- 4 kare e maroiri e anau mai ei. Pe-
neiake ko te akarongo mai to Atua ra
ko Iehova i te au tuatua a Rabasake,
ta tona ra pu, ta te ariki no Asura, i
tono mai e akakino i te Atua ora nei;
peneiake ko te patoi mai to Atua ko
Iehova i te au tuatua tana i akarongo
ra: e pure oki koe i *taau* pure i te-
nana, i te toenga tangata i kitea nei.
- 5 Kua aere iora te au tavini o te ariki
- 6 ra ko Hezekia kia Isaia. E kua tua-
tua mairā Isaia kia ratou, E na ko atu
kotou ki to kotou pu; Te na ko mairā
Iehova, Auraka e matakū i te au tua-
tua taau i akarongo akenei, ta te au
tavini o te ariki o Asura i akakino iaku
- 7 ra. I na, e vaeua *ke* taku e akao atu
ki roto iaia ra, e rongo tana e akarongo,
e ka oki aia ki tona uorai enua; ka
inga oki aia iaku i te koke i tona uo-
rai enua.
- 8 E oki aturā Rabasake, rokoia atu
te tamaki ra te ariki no Asura kia Li-
bena: kua kite ana oki aia e kua aka-
9 ruke mai aia i Lakisa. Kua akakiteia
maira aia i reira, i na koia maira, Ko
te ariki o Kusa ra, ko Tiraka, kua

aere mai aia e tamaki ia koe: e kito akera aia, kua tono atura aia i te karere kia Hezekia, na ko atura, E akapera kotou, kia karanga atu ki te ariki o Iuda ra kia Hezekia ra, e na ko atu, Auraka koe e vare i to Atua taau i irinaki na, kia na ko mai e, Kare Ierusalem e tukuia atu ki te rima o te ariki o Asura ra. I na, kua akarongo oki koe i ta te au ariki o Asura i rave i te pa enua katoa ra, kua taitaipakoko ravaia ia: e ko koe ainei te ka ora? Kua akaora ainei te au atua o te pa enua i te aronga i pou i toku ai metua ra; ia Gozana, e ia Harana, e ia Rezepha, e te au tamariki i Edenai Telasara? Teia iora te ariki no Hamata, e te ariki o Araphada, e te ariki o te oire ra o Sefharavaima, no Hena, e no Iva?

Kua ariki mairā Hezekia i taua leta ra i te rima o te au karere ra, e kua tataua iora: aere aturā Hezekia ki runga i te are o Iehova ra, e kua oora atura i te reira ki mua i te aroaro o Iehova. E kua pure iorā Hezekia kia Iehova, na ko atura, E te Atua o Iseracla, e Iehova Sabaotha, e tei noo ki rotou i nga kerubi, ko koe te Atua, ko koe anake ra, no te au basileia katoa o te ao nei; naau oki te au rangi e te enua nei i anga. E ariu mai i to taringa, e Iehova, e akarongo mai; e akapuera mai i to mata, e Iehova, e akara: e akarongo mai koe i te au tuatua katoa a Senakeriba, tana i akau mai ei akakino i te Atua ora nei. E tuatua-mou rai, e Iehova, kua tairipotia te au etene, na to ratou enua, e te au ariki no Asura, E kua titiri i to ratou au atua ki roto i te ai; kare oki ratou i te atua, e mea angaia ia e te rima tangata, e rakau e te toka, i pou ei ia ratou. E teianei, e to matou Atua, e Iehova, e akaora koe ia matou i toa rima, kia kite te au basileia katoa o te ao nei e, ko Iehova koe, ko koe anake ra.

Kua tono akerū Isaia te tamaiti a Amoa i te karere kia Hezekia, karanga atura, Te na ko maira te Atua o Iseracla ko Iehova, Taau i pure mai iaku nei i te ariki o Asura ia Senakeriba: Teia te tuatua ta Iehova i tuatua mai iaia ra:

Te tamaine paretenia a Ziona tei akavaavaa ia koe, kua kata aviriia koe e ia; kua takiriki te tamaine a Ierusalem i te upoko ia koe. Koi taau i akavaavaa mai e i akakino mai? e i akateitei mai koe i to reo iaia ra, e i akara'i to mata ki nga runga ra? i Tei

24 **Tapu i Iseracla nei.** Kua akakino mai koe i te Atua i te rima o te au tavini noou ra, e kua tuatua e, Kua tae au ma te maata katoa o taku aronga kariota ki te take rava o te au maunga ra, ki te pac i Lebanona ra; e kua motu iaku te au arezi teitei nona, e te au berusi akaperepere nona ra: kua tomo au ki roto i te ngai teitei i te kotinga nona ra, te vaorakau o te kaininga ruperupe nona ra. Kua koia e au e kua iuu i te vai; e kua tamarō au i toku tapuae i te au vai katoa i Aliphiti ra!

26 Kare koe i kite takere e, naku i rave i te reira? e kua akakoroia e au, mei tupua roa mai? e teianci kua akatupuia e au, kia riro ia koe te au oire i patuia ei ututua akatanea ra. I riri iti ei to reira au tangata; kua tumatetenga ratou e kua rere te mauri; kua riro ratou mei te ngangaere o te kainga ra, e mei te rakau rikiriki tupu ou ra; mei te ngangaere i runga i te are; e mei te sitona paapaa ua, kare i ope i te 28 tupu ra. Ko toou ra noo anga, e toou ra aere anga ki roto, e toou riri iaku ra, 29 kua kiteia e au. No te mea ko toou riri iaku ra, e tauu ra tuatua akatokā, kua tae rava mai ia ki oku nei taringa: ka tuikau ei au i taku matan i roto i to putaiu, e taku tavaa ki roto i to tanga, ka akaoki ei au ia koc na te ara tauu i aere maira.

30 Teia oki tauu akairo, Ka kai kotou i tei tupu ua i teianei mataiti, e i te rua o te mataiti, i tei tupu i te reira ra; e kia tac ki te toru o te mataiti, ka ruru ia kotou ka kokoti ei, ka tanu ei i te kainga vine, ka kai ei i te ua o 31 te reira. Ka riro oki te toenga i ora maira no te ngutuaru o Iuda, i te toro te aka ki raro, e ka ua oki ki runga: 32 Ka riro oki te toenga no Ierusalem atu, e te aronga i ora ra no te maunga ia Ziona: na te maroiroi o Iehova Sabaotha teia e rave.

33 I tenana, te na ko mairū Iehova, i te ariki no Asura ra, Kare aia e tae mai ki roto i teianei oire; kare tana kakao e akainana mai i reira, kare aia e aere mai ma te paruru ki mua atu nei, e 34 kare oki e akāu i te one i reira. Ka oki rai aia na te ara i aereia mai e ia; e kare aia e tae mai ki roto i teianci oire, te tuatua mairū Iehova. 35 Naku oki e tiaki i teianei oire kia ora, noku uorai, e no toku tavini no Davida.

36 Kua aere iora te Angela a Iehova ki vao, kua ta iora i to te puakapa o

Asura ra, okotai anere, e varu ngauru ma rima, i te tausani: e kia tu mai te aronga i toe kia popongi ake, i na, e turuma anake.

Itiro atura te ariki o Asura ra ko 37
Senakeriba, aere atura, e oki atura, e
noo atura i Nineve. E te akamori ra 38
aia i roto i te are o tona ra atua o
Niseroka, kua ta iora ana puke tama-
riki ko Aderameleka raua ko Sarczera
iaia ki te koke; oro atura ra raua ki
te enua ra ko Ararata. Tupauia akera
aia i te au e tana tamaiti ra e Esara-
hadona.

PENE XXXVIII.

*To Hezekia akaora auiaia e Iehova i
te maki: tana imene akameitaki i te
Atua.*

TEI tana au rā ra, mate iorā He- 1
zekia i te maki, e maki mate.
Kua aere maira te peroveta ra ko Isaia
te tamaiti a Amoza kiaia ra, e kua tua-
tua maira kiaia, Te na ko mairā Ie-
hova, Ka akonokono ana i to ngutuare;
ka mate oki koe, kare e ora. Kua ariu 2
akerū Hezekia i tona mata ki te pae
paruru, e kua pure iora kia Iehova, E
kua na ko atura, Teia taku tuatua kia
koe, e Iehova e, e akamaara mai koe
iaku i toku nei aere nga ki mua ia koe
ma te tuatua-mou, e ma te ngakau
tiratiratu, e kua rave au i te mea tika
i mua i to mata. Aue iorā Hezekia, e
aue maata.

Ei reira te tac anga mai o te tuatua 4
a Iehova kia Isaia, na ko maira, Ka
aere, ka karanga atu kia Hezekia, Te
na ko mairā Iehova, te Atua o to
tupuna ra o Davida, Kua akarongo au
i tauu pure, kua kite au i toou roi-
mata: i na, e kapiti katoa atu au ki
toou ra au rā, okotai ngauru ma rima
i te mataiti: E naku koe e akaora, e
teianei oire katon, i te rima o te ariki 6
o Asura ra; e naku e tiaki i teianei
oire. Teia tauu akairo no ko ia Iehova
ra, e ka rave rai a Iehova i tana i tua-
tua maira: I na, te akaoki nei au i te
maru ata ki runga i te akairo rā, tei
topaia e te rā i te akairo rā o Ahaza, e
kia okotai ngauru ake akairo taku e
akaoki. Kua oki maira te rā ki muri
okotai ngauru akera akairo, i te au
akairo i topaia e ia ra.

Te tuatua a te ariki o Iuda ra a 9
Hezekia i tata, iaia i maki ra, e kua
ora iora i taua maki nona ra:

Kua tuatua oki au e, E i rotopu tikai 10
i oku puke rā, e tomo ei au i te ngu-
tupa o ade; kua ngere au i te toenga o

11 toku ra au mataiti. I karanga ana oki
au e, Kare au e kite akaou ia Iehova,
ia Iehova oki i te enua o te aronga i ora
nei: kare au e kite akaou i te tangata
nei, ma te aronga e noo i te ao nei.
12 Kua kiritia toku nei nooanga, e kua
akataka keia iaku nei, mei te puakapa
o te tiaki mamoe ra: kua atuatuia e au
toku ora mei ta te raranga kakau ra:
kua kokotitia au e ia i te dela: rā tai
13 uaia au ia koe ra. I akatupua na au e
ao ua akera, mei te liona ra aia i te
atiati anga i toku nei au ivi: rā tai
14 uaia au ia koe ra. Mei te susa, mei
te agura i nanunanu ei au: i aue ua
oki au mei te kukupa ra: kua era ua
oku mata i te nānā ua anga ki runga:
e Iehova, kua mate au: e tauturu mai
koe iaku.

15 E akapea atu au? kua tuatua mai
oki aia kiaku, e nana uorari i rave.
Toku nei puke mataiti toe, e aere
marie rai au, no te mamae maata o
16 toku vaerua nei. E te Atua, no teia-
nei au mea e ora i te tangata, tei taua
au mea anake rai te ora o toku nei
vaerua: kua akakore oki koe i toku
maki, e kua akaora mai koe iaku.
17 I na, kua akariroia toku mamae maata
ei au: kua tangi maira koe i toku vae-
rua i roto i te vaerua mate: e kua aka-
ruke koe i taku au ara katoa nei ki
18 muri mai i to tua ra. Kare oki te
vaerua e akameitaki mai ia koe, kare
oki e tika i te mate kia akapaapa mai
ia koe: kare te aronga e aere ki raro
i te vaerua ra e manakonako ki to
19 tuatua-mou naau ra. Na tei ora, na
tei ora, nana e akameitaki ia koe, mei
iaku nei i teianei rā: na te metua e
akakite ki te tamariki i tauu ra tuatua-
mou. Kua rave a Iehova i te akaora
iaku: e imene ei tatou i taku au imene,
e ope na ake te au rā katoa o to tatou
ora anga nei i roto i te are o Iehova.
21 Kua tuatua anā Isaia, E rave ratou
i tetai kou suke, e ka topiri i te reira
ki runga i te maki, e ka ora ia aia.
22 I tuatua ana oki a Hezekia, Eaa te
akairo e ka tac au ki runga i te are o
Iehova?

PENE XXXIX.

*Te au veka i tonokia mai kia Heze-
kia: to Hezekia nengonengo: te
tuikaa anga i akakiteia.*

I REIRA to Merodaka-baladana,
te tamaiti a Baladana, ariki no
Babulonia, unga anga mai i te leta
ma te apinga na Hezekia: kua rongo
akera oki aia e i mate ana aia i to

maki, e kua ora iora. Mareka rava akerā Hezekia ia ratou, e kua akakite atura aia kia ratou i te are vairanga apinga nona, i te ario, e te auro, e te au rakau kakara, e te manongi meitaki ra, e te au are taonga ravarai nona ra, e te au mea katao i kitea i roto i te uipānga apinga nana: kare rava e apinga i toe i roto i tona are, e tona katao ra basileia, i kore i akakiteia e Hezekia ra.

Kua aere mairā Isaia peroveta ki taua ariki ra kia Hezekia, e kua tuatua maira kiaia, I peea mai nga tangata nei? mei ea mai i aere mai ei ratou kia koe nei? Kua karanga aturā Hezekia, Mei te enua mamao mai ratou, mei Babulonia mai, i tae mai ei kiaku nei. Kua tuatua maira aia, Eaa ta ratou i kite i roto i to are na? Kua karanga aturā Hezekia, Kua kite ratou i te au mea katao i roto i toku are nei: kare takiri rai aku e apinga toe i te akakiteia e au kia ratou.

Kua tuatua mairā Isaia kia Hezekia, E akarongo mai ana i te tuatua a Iehova Sabaota: I na, te vaiata maira te au rā, ka ope takiri ei te apinga i roto i to are, e ta to ai metua i akaputupu ra, e tae rava akenci ki teianei rā, i te apaiia ki Babulonia: e kare rava e akatoeia, te tuatua mairā Iehova. E to te au tamariki aau, no roto ia koe ra, tauu e anau ra, na ratou ia e apai ke; e ka riro oki ratou ei eunuka i te are o te ariki o Babulonia. Kua karanga aturā Hezekia kia Isaia, E tuatua meitaki ta Iehova, tauu i tuatua maira. E kua karanga atura aia, Ei au oki, e te tuatua-mou, i toku nei puke rā.

PENE XL.

Te evangelia i tutuia: te karere o te Atu, e tona aerenga mai: te tapunui o Iehova.

E AKAPUMAANA kotou, e akapumaana kotou i toku ra au tangata, te tuatua maira to kotou Atua. E tuatua maru atu kotou kia Ierusalem, e karanga atu kiaia, Kua ope tona tamaki anga e kua akakoreia tana ara: kua rauka oki iaia i te rima o Iehova *te tutaki*, kua papa rua te aite i tana ra au ara ravarai.

E reo o tetai i te tutu aere anga i te medebara; E akameitaki i te arataa o Iehova: e akatika ua i te medebara i tetai ara metua no to tatou Atua. Kia ope te au o i te akakiia, e kia ope te au maunga e te au tuavi i te taakaakia:

e akatika uaia te ara mingi, e te au ngai pukupuku ra e *akariroia* ei mena mania ua. E akakiteia mai te kakā o Iehova, ka okotai rai kitenga to te tangata ravarai: ko te vaa oki o Iehova tei tuatua mai.

Te na ko maira tetai reo, Ka kapiki. Kua karanga atura au, Eaa taku e kapiki? E ngangaere te tangata katao nei, e tona manea, mei te tiare ia o te kainga nei. Te mae ua nei te ngangaere, te macaea nei te tiare, te arara maira oki te a'o o Iehova ki rungao ra: e ngangaere tika rai te tangata nei. Te mae nei te ngangaere, te macaea nei te tiare: kareka te tuatua a to tatou Atua, e tu ia e rimua.

E kake koe ki runga i te maunga teitei, e tei apai mai i te tuatua meitaki ki Ziona nei; ka akateitei na i toou reo ma te ririnui, e tei apai mai i te tuatua meitaki ki Ierusalem nei: ka akateitei na, auraka e matakū; ka karanga atu ki te au oire o Iuda, Ka akara na i to kotou Atua! I na, e aere mai te Atua ra ko Iehova ma te mana, e na tona uaoari rima e akatupu i tana: i na, tei iaia uaoari tana tutaki, e tana angaanga ra tei mua ia i tona aroaro. E angai aia i tana anana mei te tiaki mamoe ra: e akaputu aia i te au punua i tona rima, e ei runga *ratou* i tona umauma kia apai, e e arataki marie aia i te au tinana akangote punua ra.

Koai tei aite i te moana i tona kapurima; e kua anga oki i te rangi i te angaonu; e kua akao oki i te one-pueu o te enua nei ki roto i te aite; e kua aite i te au maunga ra i te aite akateiana ra, e te au tuavi ra i te aite tautau?

Koai tei aite i te Vaerua o Iehova; mei te mea koia tona tumu korero i apii atu ei kiaia? Koia koai ka akaiteite ei i te tuatua, e *naai* aia i apii mai, e i akakite mai i te arataa tuatua-tau ra; e i akakite mai iaia i te pakari, e i akakite mai iaia i te arataa o te karape?

I na, e tau te pa enua nei mei te to-pata okotai no roto i te bakete, e kua manakoia mei te ungaunga one ki runga i te aite tautau ra: i na, te pa enua nei, mei te ungaunga one okotai kia rave aia ra. Kare oki Lebanona e rava ei vaie; e to reira au puaka, kare e rava ei tusia karakaratio. E tau te pa enua katao mei te mea kare ra ki mua iaia; e iti ia i tona manako i to te kore ua, e te puapinga kore.

Koai ta kotou e akaite ki te Atua? I na, caa ta kotou tu kia akatau kiaia? Te akato nei te rave angaanga i te tiki, e

te vai nei te taunga ki te auro, e te anga nei i te pirianganaoa ario. Ko 20
 tei ngere i te terume no te putaua, te iki ra ia i te rakau pe kore; kua kimi iora i te taunga karape, e anga i te-tai tiki akatikitikiia e kore e ngaueue ra.

Kare kotou i kite? kare rai kotou i 21
 akarongo? kare kotou i akakiteia mai mei te akamata anga mai? kare kotou i kite mei te akatumu anga mai o te enua nei? Nana na tei noo ki rungao 22
 i te tua o te enua nei, e mei te kereteki ua te aronga e noo i reira ra iaia; ko tei totoa i te rangi mei te kakau paruru ra, e kua oora oki i te reira mei te puakapa ei noanga; Ko tei aka- 23
 riro i te ui ariki ei mea puapinga kore: ei mea tarevakaua te au akava o te enua nei iaia. Kare oki ratou 24
 i tanu tikaia, kare i rururu tikaia, kare to ratou aka i toro tika ki raro i te one ra: e kare rai aia i pupui tika ki runga ia ratou ra, kua mae takere ratou: e kua riro ke atura ratou i te puaiio, mei te ota ra.

Koai ta kotou e akaaite mai kiaku 25
 nei? e aite au nei iaai? te tuatua maira Tei Tapu ra. Ka nānā na i to 26
 kotou mata ki runga, ka akara: naai te reira i anga? te arataki ra aia i taua au nuku ra ki vao ma te tatauia: kua tapa anakeia to ratou au ingoa e ia; no tona ra ririnui, e te mana maata, i kore ei tetai i ngaro.

Eaa iora oki koe i tuatua'i, e Ia- 27
 koba, e i na ko mai ei, e Iseraela e, Kua ngaro toku nei aerenga ia Iehova, e kua kopacia taku nei tuatua e taku Atua? Kare koe i kite? kare koe i 28
 akarongo? e mutu kore to te Atua ra, ko Iehova, ko tei anga i te enua e tae ua atu ki te openga ra; kare aia e paruparu, e kare oki e roiroi; kare oki tona kite e kitea me kimi. Te oronga 29
 nei aia i te maroiroi no tei paruparu; e te akamaata nei aia i te maroiroi no tei apikepiki. E potopoto te a'o o te 30
 aronga mapu, e mate oki i te roiroi, e te au tangata ou, e inga takiri roa ia ki raro: Ko te aronga ra e tapapa ia 31
 Iehova, e rauka ia te maroiroi ou; e rere ratou ki runga i te peau mei to te au acto ra; e oro ratou e kare e roiroi; e aere atu rai oki ratou, e kare ia e potopoto te a'o.

PENE XLI.

Te ako mairā Iehova i tona au tangata, i tona aroa ia ratou, e te puapinga kore o te au idolo.

- 1 **K**A akarongo muteki ua mai ana iaku nei, e te pa enua taatai e; kia akamaroiroi mai te au tangata i te maroiroi ou: kia akavaitata mai ratou; ka tuatua mai ei; e akavaitata 2
 2 taton ka akatau ci i te tuatua. Koai tei akatupu i te tangata tuatua-tika i te pae i te itinga o te rā, tana oki i karanga e aru iaia? kua tuku aia i te au enua kiaia, e kua eke te au ariki iaia, kua riro ta ratou koke mei te one-pueu iaia, e mei te ota puia keia ta 3
 3 ratou ana. Kua arumaki ra ia ia ratou; e kua aere ua ra ma te ora; i na te ara kare i takaiia e tona vaevae. 4
 4 Naai i akonokono e kua rave oki? nana na tei tuatua ki te au uki mei te akamata anga mairai; ko au ia ko Iehova, te muatangana, e tei te aka-openga, ko au nei rai. 5
 5 Kua akara te au enua taatai, e kua matakū; kua ruketeketete te au openga o te enua nei; kua akavaitata mai 6
 6 ratou; e kua aere mai. Kua tauturu ratou ravarai i tona naorai tangata tupu; e kua tuatua ki tona taeake, E 7
 7 akamaroiroi. Kua akamaroiroi maira te akatikitiki rakan i te tupaki auro; ko tei tamaniania i te amara i te tupakipaki ki runga i te pange ra; te tuatua ra aia e, E mea meitaki te tapou nei: e kua patiti ra aia ki te nairo, kia kore e akakueia. 8
 8 Ko koe ra, e Iseraela e, ko toku ia tavini; ko koe oki, e Iakoba, taku ia i iki, te uanga o toku oa o Aberahama: 9
 9 Ko taku ia i rave mai mei te openga mai o te enua ra; e kua kapiki atu ia koe mei tona kotinga roa mairai; e kua karanga atu au kia koe, Ko toku tavini koe; kua ikiia koe e au, kare 10
 10 oki au e akaruke ia koe. Auraka e matakū, te vaitata katoao au ia koe: auraka e taitaia, ko au oki toon Atua: e akamaroiroi au ia koe; koia ia, e tauturu au ia koe; koia ia, e mou au ia koe i toku rima katau tuatua-tika 11
 11 ra. I na, te aronga ravarai i riri mai ia koe ra, e akama ia, e akatumate-tengaia; ka riro ratou ei puapinga kore; tei māro mai ia koe ra, e pou 12
 12 ia. Naa ratou e kimi, kare ra ratou e kitea atu e koe, te au tangata i māro mai ia koe ra: e riro ratou mei te mea kare ra, e mei te puapinga kore, te au 13
 13 tangata i tamaki mai ia koe ra. Ko au oki to Atua ra, ko Iehova, ko tei akamaroiroi i to rima katau ra; ko tei tuatua atu ia koe e, Auraka e matakū, naku koe e tauturu. 14
 14 Auraka e matakū, e tera ra toke e Iakoba; e ko kotou, te aronga paruru

paru o Iseraela e; te na ko mairā
Iehova, Ko au toou tauturu, e toou ra
Akaora, ko 'Tei Tapu i Iseraela nei.
I na, ka akariro au ia koe ei porotata 15
pāpā sitona ou, ma te nio taratara: e
naau e pāpā i te au maunga, e unga-
ungaroa akera, e naau e akariro i te au
tuaivi mei te ota ra. Naau ratou e 16
ruu, e ka puia keia ratou e te ma-
tangi; e na te puaiio ratou e aka-
pueu ke: e rekareka ra koe ia Ie-
hova; e rere ua koe i te rekareka i
'Tei Tapu i Iseraela nei. Te ao, e te 17
aronga apinga kore kua kimi i te vai, e
kare ra, te pakapaka ua ra to ratou
arero i te kaki vai: Naku na Iehova e
akono atu ia ratou; e kare au, te Atua
o Iseraela, e akaruke ia ratou: Naku 18
e ko i te au ta'eanga vai i te au ngai
teitei ra, e te vai pupui i rotopu i te au
o ra: e akariro au i te medebara ei
punavai, e te enua keremārō ra ei vai
pupui ua ra. E akatupu au i te are- 19
zi i te medebara, te sitima, te maire,
e te rakau mori; e tanu oki au i te
berusi, i te enua marō ra, te paina, e
te tasura, i te tanu anga okotai; Kia 20
akara ratou, e kia kite, e kia aka-
maaraa, e kia kite pu tikai e, na te
rima o Iehova teia i rave, e na 'Tei
Tapu i Iseraela nei i anga.

E tuku mai i ta kotou tuatua, te 21
tuatua mairā Iehova; e akakite mai i
ta kotou tuatua ketaketa, te pera maira
te ariki o Iakoba. E akavaitata mai 22
ratou, ka akakite mai kia tatou i te au
mea te ka tupu: te au mea taito ta
ratou e akakite mai eaa ia, kia kimi
oki tatou, e kia kiten te openga o te
reira au mea; e kare ra, e akakite
mai i te au mea te ka tupu a muri atu.
E akakite mai i te au mea te ka tupu 23
a muri nei, e kite ei matou e, e atua
kotou: koia ia, ka rave i te mea mei-
taki, e kare ra, ka rave i te kino, kia
tumatetenga matou, e kia mataku
katoa oki. I na, e iti rai kotou i te 24
puapinga kore; e ta kotou e rave ra, e
iti ia i te puapinga kore rai; e viivii
maata tona to tei inangaro ia ko-
tou na.

Kua akatu au i tetai no te pae i 25
apatokerau ra, e nana e aere mai; e
kapiki mai aia i toku nei ingoa mei te
itinga mai o te rū ra: e takatakai aia
ki runga i te ui ariki ra, mei te ngaika
ra; mei te potera e takatakai i te kara-
karaa ra. Naai i akakite mai mei te 26
akamata anga mairai, e kite ei tatou
nei? mei muatangana mai oki, kia
karanga atu tatou e, Kua tika ia?
Kare rava tetai i akakite mamao mai;

kare rava tetai i tuatua mai; koia ia,
kare rava tetai i kite i ta kotou tuatua.
27 Ko au ana tei tuatua kia Ziona, I na,
i na ratou nei: e kua oronga i te
karere tuatua rekareka kia Ierusalem.
28 Kua akara iora au e, kare e tangata;
e ki roto oki ia ratou ra, e kare ua e
tumu korero, iaku i ui atu ia ratou, e
29 tika kia tuatua mai. I na, e mea pu-
apinga kore anake ratou, ta ratou anga-
anga e mea puapinga kore rai; to
ratou au idolo i akatoia ra, e matangi
ia, e te tarevakaua.

PENE XLII.

*To te Mesia akono anga meituki i mua
i to te ao nei: kua akoiia te tangata
no te akarongo kore.*

- 1 **K**A akara ana i toku tavini, taku
e tauturu nei; tei iikia e au ra,
kua rekareka rava toku ngakau iaia;
kua tukuia e au toku Vaeua ki runga
iaia: nana e tuku atu i te tuatua-tau
2 ki te au etene. Kare oki aia e kapiki,
e kare e akateitei, kare oki e akakite
ua i tona reo kia rongoia i te arataa.
3 Te kakao paruparu ra, kare aia e aati;
e te lamapa matemate ra, kare aia e
tinai; e kia akatupu ravaia e ia te
4 tuatua-tau nana. Kare aia e apike-
pike, e kare rai e paruparu, e kia aka-
tiamonia e ia te tuatua-tau i te enua
nei: e tatari mai oki te pa enua taatai
i tana ture.
5 Te na ko maira te Atua ra, ko Ie-
hova, ko tei anga i te au rangi ra, e ko
tei oora i te reira; ko tei totona oki i
te enua, e tei tupu ki rungao ra; ko
tei oronga mai i te a'o no te au tangata
i rungao ra, e te vaeua no te aronga e
6 aere i reira: Ko au ko Iehova, tei
kapiki atu ia koe i te tuatua-tika: e
naku e tāpu i to rima; e tiaki oki au
ia koe, e e oronga ia koe ei koreromotu
na te au tangata, ei turama no te etene:
7 Ei akapuera i te mata o te matapo:
kia tukua mai te tuikaia i tapekaia ra;
te aronga i noo i te pōiri mei roto mai
i te are tapekānga ra.
8 Ko au ko Iehova; ko toku ia ingoa;
kare au e oronga i toku ra kaka no
tetai ke, e te akameitaki iaku ra no te
9 au idolo akatikitikia ra. Tei muata-
ngana iora au tuatua; i na, kua tupu ia
te reira; e te akakite nei au i te tua-
tua ou: kare i tupu, te akakite atea
nei au ia kotou i te reira.
10 E imene i te imene ou kia Iehova;
te akameitaki iaia mei te openga mai
o te enua ra; ko kotou ko tei aere ki
te moana, e to reira ki katoa ra; te

au enua taatai ra, e tei noo i reira. Kia kapiki nui te medebara e to reira 11 au oire; te au vila i nooia e Kedara ra: ka imene mai oki te aronga i noo i Sela ra: ka maeva oki ratou i runga i te au take maunga ra. Ka oronga 12 ratou i te kakā kia Iehova, e ka akakite ratou i tona meitaki ki te au enua taatai ra.

E aere rai a Iehova mei te tangata 13 ririnui ra; e akatupu aia i tona riri mei te tangata tamaki ra; e kapiki nui aia; e e aoa oki; e e akakite aia i tona ririnui i tona ra au eneni:

E muteki anga roa akenei toku; 14 kua akatupua akenei au; kua tāpu au iaku uorai: e kapiki nui au mei te vaine kia anau ra; e utiuti naunau au i toku a'o, e e akaca rai oki. E 15 akatanca au i te au maunga e te au tuaivi, e te au ngangaere katoa ki runga, e mae ia iaku; e akariro au i te au kauvai ei enua papa-marō, e e tamarō oki au i te au punavai. E arn- 16 taki au i te matapo na te ara kare i kitea e ratou ra; na te au ara kare i kitea e ratou ra; e akatae rai au ia ratou na reira: e akariro au i te pōiri ei mārama ki mua ia ratou, e te au ara mingimingi ra ei tikaoru ua: e pera au ia ratou, e kare au e akaruke ia ratou. Kua oki ratou ki muri, kua 17 mate i te akama, ko tei irinaki ki te au idolo akatikitikiia ra; ko tei karanga atu ki te au idolo akatoia ra, Ko kotou to matou atua.

Ka akarongo mai na, ko kotou, e te 18 aronga taringa turi e; e akara mata-riki mai, ko kotou, e te aronga matapo, kia kite kotou. Koai atu tei matapo, 19 mari ra ko toku tavini nei? e tei turi, mari ra ko tei tonokia atu e au, i taku karere nei? koai atu tei matapo, mari ra ko tei apa kore nei? e tei matapo, mari ra ko tei tavini o Iehova nei? Te kite ra oki koe i te au mea e ma- 20 nganui, kare ra i utoa; te puata ua ra nga taringa, kare ra i akarongo. Te mataora mairā Iehova no tana uo- 21 rai tuatua-tika; nana e akamaata e nana e akateitei i te ture. Ko teianei 22 ra aronga, kua pou ia, e kua āruia; kua mou anake ratou ki roto i te rua, e kua uunaia ki roto i te are tapekūnga; kua riro ratou mei te apinga noni e kare e akaora; mei te mea āruia ra, e kare tetai e karanga e, E akaaki.

Koai to kotou e akarongo i teianei? 23 ko te ka akono, e e akarongo a muri atu? Naai i oronga ia Iakoba ei apinga 24 noni, e ia Iseraela no te aronga āru? kare ainei a Iehova; i ara ai ratou ra?

nona te au arataa kare i tika ia ratou i te aere, e nana te ture i akono koreia 25 e ratou ra? No reira aia i riringi mai ei i te veravera o tona riri ki runga iaia; e te ririnui o te tamaki: akapiniia akera aia i te ai mura, kare ra aia i akono i te reira; ka akera aia, kare ra aia i akamanaako.

PENE XLIII.

Te akapumaana mai nei te Atua i tonu iti-tangata: to te tangata kino maula, e to te Atua aroa ua, kua akakiteia.

- 1 TEIANEI ra, te na ko mairā Ie- hova; ko tei anga ia koe, e Iakoba; e ko tei akaaite ia koe, e Iseraela: Auraka e matakū, kua akaoraia koe e au; naku i tapa i toou ingoa na;
- 2 noku koe. Kia aere koe na raro i te moana, ei vaitata rai au ia koe; e kia na raro i te vai ta'e, kare koe e ninaia; kia aere koe na roto i te ai, kare koe e pakapaka; kare oki te mura ai e mou
- 3 mai ki runga ia koe. Ko au oki toou Atua, ko Iehova; Tei Tapu i Iseraela nei, ko toou ia Akaora: kua oronga au ia Aiphiti ei oko ia koe; ko Kusa,
- 4 e ko Seba, ei tutaki noou. No te mea e apinga tumanava koe ki mua i oku mata, kua akateiteia koe; no toku inangaro ia koe, i oronga'i au i te au tangata ei tutaki noou, e te au enua
- 5 ei ora noou. Auraka koe e matakū; ei vaitata rai au ia koe: e arataki mai au i toou uanga mei te itinga o te rā mai; e akaputuputu mai au ia koe
- 6 mei te opunga o te rā mai; E karanga atu au kia apatokerau, Ka toku mai; e kia apatonga, Auraka e tāpuia: e arataki mai i taku au tamariki tama- roa mei te au ngai mamao mai, e taku au tamaine mei te au openga mai o te
- 7 enua nei; Te aronga katoa i tapaia i toku nei ingoa: ko tei angaia e au kia kakā au ra; naku i akaaite i tona tu;
- 8 e naku rai i anga. E arataki mai i te aronga matapo, mata ua rai to ratou; e te turi, taringa ua rai to ratou.
- 9 Kia putuputu te pa enua katoa, e kia takiruru mai te au tangata katoa. Koai to rotupu ia ratou e akakite mai i teia, e akakite mai i te au mea taito? e toku mai ana i to ratou aronga kite
- 10 Te tuatua mairā Iehova, Ko kotou toku kite, e toku tavini i ikiia e au ra: kia kite kotou, e kia akarongo mai iaku, e kia kite e, ko Au ia. Kare e Atua i angaia i mua iaku, e

ko muri ake iaku, kare rai ia. Ko au, 11
ko au nei ko Iehova; kare rava oki e
Akaora mari ra ko au. Kua akakite 12
au, e kua akaora oki au, ko au tei aka-
kite, e kare oki tetai *atua* ke i rotapu
ia kotou: e tenana, ko kotou toku
kite e, ko au te Atua, te tuatua mairā
Iehova. Ou te taima nei, ko Au 13
rai ia; e kare rava e akaora i tei tac
ki toku rima: e rave rai au, e naai
e akakore?

Te na ko mairā Iehova, to kotou 14
Akaora, Tei Tapu i Iseraela nei: No
kotou i unga'i au i te karere ki Babu-
lonia, e naku i vava'i i te au arai keta-
keta katoa nona ra ki raro, e te au
Kaleda e rekareka i to ratou au pai
ra. Ko au ko Iehova, ko Tei Tapu 15
ki o kotou nei, ko tei anga ia Iseraela,
ko to kotou Ariki. Te na ko mairā 16
Iehova, ko tei anga i te ara na raro i te
tai, e te arataa na te moana maata ra;
Ko tei arataki mai i te kariota e; 17
ipo, te nuku, e te urupu toa maata ra;
okotai o ratou oropapa anga ki raro;
kare e tu akaou mai: i tamateia iora
ratou, e mate atura mei te vavai *mori*
ra: Auraka e manakoia tei muata- 18
ngana ra au mea, e tei taito ra au
peu, auraka e akonoia atu: I na, e 19
mea ou taku e rave nei; i teianei rai
e tupu ei; e kare ainei kotou e akono
i te reira? koia ia, i te medebara e
anga ai au i tetai arataa; e tetai aro-
nga vai ta'e i te enua marō. Na te 20
au terio o te vaorakau e akangateitei
mai iaku, te au teni, e te au tamaine o
te ione ra: no te mea kua oronga au i
te vai i te medebara, te vai ta'e i te
ngai papa-marō ra, ei vai no toku ra
iti-tangata, i ikiia e au ra. I angaia e 21
au teia iti-tangata nei noku uorai; na
ratou e akameitaki mai iaku.

Kare ra koe i tautopa mai iaku, e 22
Iakoba e, e kua akamaromaroa rai koe
iaku, e Iseraela. Kare koe iapai mai i 23
te arenio o taua tusia karakaratio iaku
nei; kare oki koe i akateitei mai iaku
i taua ra au tusia: kare au i akateiaa
ia koe i te minaka, e kare oki i aka-
roiroi ia koe i *te umuumu anga atu* i
te tumiama. Kare koe i oko i te to 24
venevene naku i te moni; e kare oki
au i akaiuia e koe i te tongaua o taua
au tusia: kua akateiaa maira koe iaku
i taua ra au ara; kua akaroiroi mai
koe iaku i toou kino. Ko au, ko au 25
nei rai, ko tei taparapara i taua ra au
tuatua kino noku uorai, e kare oki au
e manako akaou i taua ra au ara.

E akakitekite mai kia maara atu 26
au: kia aite katoa i ta taua akavaanga:

e akakite mai i *taau tuatua*, kia tikaia
mai oki koe. Ko to metua maata tei
aria; e to au orometua ra, kua ara ia
28 iaku nei. I viivii ei iaku te aronga
nunui o te ngai-tapu, i tuku atu ei au
ia Iakoba ei mea taumaia, e ia Ise-
raela, kia akakinoia.

PENE XLIV.

E mea puapinga kore te idolo.

1 **E** AKARONGO mai ana ra, e taku
tavini e Iakoba; e Iseraela i ikiia
2 e au ra: Te na ko mairā Iehova, ko
tei anga ia koe na, ko tei akatupu ia
koe, mei te kopu mairai nana koe i
tauturu; Auraka koe e maku, e taku
tavini, e Iakoba: e ko koe oki, e Iesu-
3 runa, i taku i iki ra. E riringi oki au
i te vai ki rungao i tei kaki ra, e te
vai ta'e ki runga i te enua keremaro
ra: e riringi atu au i toku Vaueru ki
rungao i toou uanga ra; e te ora naku
4 ra ki rungao i taua anau. E e tutupu
oki ratou i rotapu i te ngangaere ra,
5 mei te au arebe i te pae vai ra. E
tuatua mai tetai, No Iehova au; e e
tapaia tetai i te ingoa o Iakoba; e e
tata to tetai ra rima, No Iehova; e e
paapaa tetai i to Iseraela ra ingoa.
6 Te na ko maira te ariki o Iseraela
ra, ko Iehova, e tona Akaora, ko Ie-
hova Sabaota ra; Ko au te muata-
ngana, e ko au oki te akaopenga; e
7 kare atu Atua mari ra ko au. Koai
tei akakite, mei iaku nei? kia akakite
aia, e kia akonokono aia i taua mea
noku nei, mei te tuatau mairai i aka-
noo ei au i taua aronga taito ra: i to
au tuatua e tupu nei i teianei, e te ka
tupu a muri ake, na ratou e akakite
8 mai kia ratou nei. Auraka kotou e
maku, auraka e taitaia: kare ainei
au tei akakite kia koe mei muatangana
mairai? e kua akakite rai oki au, ko
kotou rai toku kite. Te taka atura
ainei te Atua mari ra ko au? kare rava
atu oki e mato ke; kare roa i kitea
atu e au.

9 E puapinga kore anake to te aronga
i rave i te idolo akatikitikia ra; e ta
ratou au mea mataora ra, kare ia e pu-
apinga; ko ratou uorai te kite ia ratou;
kare ratou i akara, kare oki i kite, kia
10 akama ratou. Koai tei anga i tetai
atua, e kua akato i te tiki ra, e kare ia
11 e puapinga? I na, e akama anake te
aronga katoa i kapiti kiaia ra; e tan-
ngata ua oki te aronga taunga katoa ra:
kia putuputu anake mai ratou; kia tu
mai ratou ki runga; e riro ia i te ma-
taku, e akama katoatoa ia.

Kua anga iora te taunga i te toki; 12
 kua raverave iora i roto i te ngarau; e
 akamanea iora ki te amara; kua anga
 iora i te reira i tona rima rinui: kua
 pongi iora aia, kore akera tona matutu:
 kare akera aia i inu vai, aati akera te
 manava. Kua akatika iora te kape- 13
 neta i te tataura; kua tata iora i tona
 tu ki te mea keokeo; kua anga iora ki
 te toi ra: e kua akaarite marie oki ki
 te kamepa; kua anga iora mei te ta-
 ngata te tu; mei to te tangata nei tu
 manea; kia vai marie ua rai ki roto i
 te are. Kua tipu iora i te arezi nana 14
 uaorai, kua rave oki i te terezi, e te
 ale; e kua rave iora oki i te au rakau
 nana uaorai no roto i te vaorakau; kua
 tanu oki aia i te arana, e na te ua e
 akatupu. Kia riro oki ei vaie na i te 15
 tangata: kua rave oki i te reira ei
 murumuru iaia uaorai; kua ta'u iora i
 te umu, kua tunu i te areto: kua anga
 iora oki aia i te atua, kua akamori
 atura; kua anga iora i te idolo kotiko-
 tiia ra, e kua tupou ki raro i te reira.
 Kua ta'u oki aia i tetai pae ki te ai; 16
 na runga i tetai pae kua kai aia i te
 puaka; kua tunu iora oki aia i te kai
 tunu, e pangia akera tona kaki; kua
 murumuru iaia uaorai, e kua na ko
 akera, Oti ra oki, kua maana atura au,
 kua kite au i te ai. Ko te toenga ra, 17
 kua anga iora ia ei atua, ei idolo koti-
 kotiiia nona: tupou iora aia ki raro i te
 reira, kua akamori atura; e kua pure
 atura i te reira, e kua na ko atura,
 Kia ora au ia koe; ko koe oki toku
 atua.

Kare ratou i kite, kare i utoa; kua 18
 piri oki to ratou mata i kore ei ratou i
 kite; to ratou ngakau i kore ei i utoa.
 Kare oki tetai i maara ua ake i tona 19
 ngakau: kare i utoa, kare oki i kite kia
 tuatua e, Kua ta'ua e au tetai pae ki
 te ai; kua tunu oki au i te areto ki
 runga i te ngarau; kua tunu oki au
 i te puaka, e kua kai: e anga ainei au
 i te pae toe ei mea viivii? e tupou ainei
 au ki raro i te tumu rakau nei? Te 20
 kai ra aia i te reu ai: te arataki keia ra
 aia e te ngakau vure ua, i kore ei i
 tika'i iaia kia akaora i tona vaerua, e
 kia tuatua e, Kare ainei te tuatua piki-
 kaa tei toku rima katau nei?

E akamaara i teianei au mea, e Ia- 21
 koba, e Iseracla; ko toku tavini oki
 koe: naku koe i anga; ei tavini koe
 noku: e Iseracla, kare koe e ngaro
 iaku. Kua akakoreia e au taau au ara 22
 mei te tumurangi, e toou au kino mei
 te tumurangi putapatatue: e oki mai
 iaku nei, kua okoia koe e au. Ka 23

imene kotou, e te au rangi e, na Iehova
 oki i rave: e maeva kotou, e te au
 ngai akaaka o te enua nei: kia puroro
 ua mai te imene ia kotou, e te au
 maunga; e ko koe oki e te vaorakau, e
 te au rakau katoa i roto ra: kua oko
 oki a Iehova ia Iakoba, e kua akamei-
 takia aia i Iseracla.

- 24 Te na ko mairā Iehova, toou Aka-
 ora; ko tei anga ia koe mei te kopu
 mairai: Ko au ko Iehova ko tei anga i
 t: au mea katoa ra; ko au anake tei
 oora i te au rangi; naku uaorai i totoa i
 25 te enua; Ko tei akapekapeka i te au
 akaoro a te aronga pikikaa ra, e kua
 akariro i te aronga tauratua ei ne-
 neva; ko tei akaoki i te aronga pakari
 ki muri, e kua akariro i to ratou kite
 26 ei neneva; Ko tei akatinamou i te
 tuatua a tona tavini, e kua akatupu oki
 i te ako a tana ra au karere; ko tei
 tuatua ia Ierusalem, E tangataia koe;
 e i te au oire o Iuda, E patuia kotou,
 e tona ra au ngai pou naku e akatu
 27 akaou: Ko tei karanga atu ki te mo-
 ana, Kia marō koe, naku e tamarō
 28 i toou au vai: Ko tei tuatua ia Kuro
 ra, *Koia* taku tiaki; nana ia e akatupu
 i toku anoano katoa: i te na ko anga
 atu ia Ierusalem, Ka patuia koe na;
 e i te nao ra, E akamouia taau ra
 pange.

PENE XLV.

*Ko Kuro tei tuatuaia e Iehova ei rave
 i tana angaanga.*

- 1 **T**E na ko nei a Iehova ki tei aka-
 tainuia e ia ra, kia Kuro, tei tā-
 puia e au i tona rima katau ra; kia
 eke te pa enua iaku ki mua i tona aro-
 aro, e kia matara iaku te taukupu o te
 ui ariki ra; kia kiritiia te au pa eeu
 rua ki mua iaia, e kare oki te au pa e
 2 topiriia: Ko au te na mua ia koe i te
 aere, e naku e akamarua ia i te au
 ngai pukupuku ra: e akangaanga rava
 au i te au pa vao ra; e te au auri ta-
 3 mou pa ra, naku ia e tipupu atu. E
 oronga atu au ia koe i te au apinga
 no te poiiri, e te au apinga i uuna ravaia
 ki raro i te ngai ngarongaro ra; kia
 kite oki koe e, ko au ko Iehova; ko te
 Atua no Iseracla, tei tapa i toou ingoa.
 4 No toku tavini, no Iakoba, e no Ise-
 racla taku i iki ra, i tapiaia koe e au
 i toou ingoa: kua paapaa rai au i to
 ingoa, kore ua rai koe i kite iaku nei.
 5 Ko au ko Iehova, e kare atu; kare
 atu Atua mari ra ko au: naku koe i
 tatua, kore ua rai koe i kite iaku nei;
 6 Kia kite ratou mei te itinga o te rā ra,

e mei te opunga mai o te rā, e kare atu, ko au anake ra; ko Iehova au, e kare atu; Naku te mārāma i rave, e naku i akatupu i te poihi: naku i akamoe i te au, e naku katoa te kino i anga: naku, na Iehova, i rave i taua au mea katoa nei. Kia topata mai no runga mai, e te au rangi e; e kia riringi mai oki te au tumurangi i te tuatua-tika: kia eua oki te enua, e kia tupu mai te ora, e kia tupu te tuatua-tika i tenana; naku, na Iehova, i anga i te reira.

Aue tona, to tei mārō ki Tei anga iaia ra! tetai vānga kapu potera no tetai au vānga kapu potera i te one nei. E karanga atu ainei te karakaraea ki te potera, Eaa taua e anga na? e taua ra angaanga e tuatua ainei, Kare ona rima? Aue tona, to tei karanga atu ki te metua tane, Eaa taua e akaanau mai? e ki te metua vaine, Eaa taua e anau nei?

Te na ko mairā Iehova, Tei Tapu i Iseraēla nei, e Tei anga iaia; E ui mai ainei kotou iaku i te au mea e tupu i taku au tamariki nei? e te angaanga a toku rima, e akaue mai ainei kotou iaku? Naku uarai te enua nei i anga, e te tangata katoa i rungao, naku rai i anga: e na toku uarai rima i oora i te rangi; e naku i akaue i to reira au nuku ravarai ra. Kua akatu au iaia i te tuatua-tika, e o akatika ua au i tona katoa ra au arataa: nana e patu i toku oire, e nana e tuku i taku au tuikaa; kare ra to te oko, e kare to te tutaki: te tuatua mairā Iehova Sabaota ra. Te na ko mairā Iehova, Te apinga no Aiphiti, e te oko na Kusa, e to Seba tangata teitei ra, te ka aere mai kia koe ra, ei tangata nouu: e aru ratou ia koe; ma te piri-anganaoa katoa i te aru anga: e tupou ratou ki raro i mua ia koe; e pati akatenga atu ratou ia koe, i te na ko anga atu e, Tei ia koe tika rai te Atua, e kare atu; kare atu Atua.

Koia tika rai, e Atua tangaro koe i koe uarai, e te Atua no Iseraēla, e te Akaora e! Ka akama ratou, e ka tumatetenga, ratou ravarai ra: e aere anake ratou ma te rapu ua tei tarai i te idolo. E ora ra Iseraēla ia Iehova, i te ora mutu kore ra: kare kotou e akama, e kare e tumatetenga, e tuatau e tuatau ua atu. Te na ko maira oki a Iehova, ko tei anga i te au rangi ra; koia te Atua, ko tei akaaiti i te enua e nana i anga; nana i akatinamou, kare ra aia i anga ei mea puapinga kore ua; kua anga ra aia kia tangataia: Ko au ko Iehova, e kare atu. Kare au

i tuatua i te ngai ngaro, i te ngai poihi o te enua nei: kare au i tuatua ki te uanga o Iakoba, E kimi puapinga kore ua mai kotou iaku. Ko au ko Iehova, ko tei tuatua i te tuatua-tika, te akakite nei au i te au mea tiratiratu.

20 E akaputu mai kotou, e aere mai; e uipa katoa mai, e tei ora mai no roto i te pa enua ra: e kamakura to te aronga i apai aere i te idolo rakau; ko tei pure ki te atua kare e tika kia akaora mai.

21 E akakite aere, kia akavaitata mai ratou; koia ia, kia tavaitai oki i ta ratou tuatua anga ra: koai tei akakite mai i taua tuatua nei mei ito mai? koai tei akakite mai mei taua tuatua mairai? kare ainei ko au nei ko Iehova, e kare atu e Atua ko au anake ra? e Atua tuatua-tika e te Akaora; kare atu mari ra ko au. E akara mai kotou iaku, kia ora, e te au openga mai o te enua ra: ko au oki te Atua, e kare

23 atu. Kua taputou au iaku uarai; kua riro te tuatua no roto i toku nei vaa: e tuatua-tika, e kare rava e oki mai; E tuturi te au turi katoa ki raro ki mua iaku, e taputou te au vaa katoa

24 ra. Ka riro i te na ko ra e, Tei ia Iehova anake ra te tuatua-tika, e te maroiroi noku: e e aere mai aia kiaia; ka akama anake ra te aronga katoa i

25 riri mai iaia ra. E i ia Iehova te au uanga katoa o Iseraēla e tikaia mai ei, e ka akatietie ei.

PENE XLVI.

Te kino anga o Babulonia e tona au idolo: to Iehova akaora anga i tona ra au tangata: kare te idolo e aite iaia.

1 **T**E piko rā Bela ki raro; kua tupou a Nebo: kua akautaiā to ratou au idolo ki runga i te puaka, e ki runga i te au beme; e tei apai aereia e kotou ra kua akautaiā ki runga, ei apainga teiaa na te au puaka roiroi

2 ra. Kua tupou ratou, kua piko anake ki raro; kare atura e tika ia ratou kia akaora i ta ratou apainga ra, kua riro katoa ratou uarai ei tuikaa.

3 E akarongo mai iaku, e te ngutuare o Iakoba; e kotou ravarai, e te toenga o te ngutuare o Iseraēla; tei iikiiki aereia e au mei te kopu mairai; e tei apaiia mei te anau anga mairai:

4 E ruaine ua atu rai kotou, ko au nei rai au; e tae ua atu ki te inaina anga o to kotou upoko, naku kotou e apai; naku i anga, e maranga kotou iaku; naku rai oki kotou e apai, e naku e akaora.

Koai ta kotou e akatau mai iaku, e kia aite *iaku*? e akaaite kotou iaku *kiaia*, kia aiteite maua? Te riringi ua ra ratou i te auro no roto i te pute, e te akaaite nei ra ratou i te ario ki te aite tautau; te ou nei i te taunga auro, e kua anga iora aia i te reira ei atua: te tupou nei ratou ki raro, e kua akamori atura. Kua taoka ratou iaia ki runga i te pakuiui; kua apai aere; kua akatu oki ratou iaia ki tona ngai, e kua tu ua maira aia; kare aia e akaruke i tona ra turanga: e kia kapiki ua atu tetai kiaia, kare ra aia e iō mai; kare e tika kia akaora iaia i tona ra tumatetenga.

Ka akamanako i te reira, e e akatangata oki: ka akataka ana i te manako, kotou e te aronga ara e! E akamaara i tei muatangana ra au mea i tei taito ra; ko au oki te Atua, e kare atu; ko au te Atua, e kare atu e aite iaku nei: I te akakite anga i te openga mei te muatangana mairai, e mei te au tuatau taito mairai i te au mea e kare i tupu ra: i te na ko anga e, Ko taku te tuatua te ka mou, e tei inangaroia e au ra, ko taku ia e rave: I te kapiki anga atu i te aeto mei te itinga o te rā mai, te tangata i akonoia e au ra, mei te enua mamao mai: kua tuatua oki au, e naku rai e akatupu; kua akakoro rai au, e naku ia e rave.

E akarongo mai iaku, e te aronga ngakau ketaketa: ko tei atea ke i te tuatua-tika ra: Te akavaitata nei au i te tuatua-tika naku ra; kare oki e mamao ke: e te ora naku, kare ia e tavarevareia: e oronga oki au i te ora i Ziona, no Iseracla toku nei kakā.

PENE XLVII.

To Ichova tutaki anga i to Babulonia.

KA eke mai, ka noo ki raro i te one-pucu, e te tamaine paretania o Babulonia; e noo ki raro i te one, auraka ei terono, e te tamaine o te Kaledca: kare atura koe e tuatuaia i te aneane e te paruparu. Ka rave i te taviri, ka taviri i te sitona: ka kiriti i te vai o to makave rauru, ka tatakā ana i to kakau ki runga: vaoo uanga vaevae; e na raro i te vai te aere. Ka eeuia koe kia vai taaka ua, e kitea toou akama: ko au uorai te tutaki atu, e kare rava au e akaperepere i te tangata. Ko to tatou Akaora, ko Ichova Sabota tona ingoa, Tei Tapu i Iseracla nei. E noo muteki ua; e aere koe ki roto i te poihi, e te tamaine o te Kaledca:

5 kare oki koe e tuatua akaouia e, Ko te ariki vaine o te au basileia ra.
6 I riri ana au ki toku ra iti-tangata; kua viivii atura taku ra tuanga iaku, e kua tuku atura au ia ratou ki to rima: kare roa ratou i aroaia mai e koe; kua akateiaa tukituki ra koe i taau zugo ki
7 runga i te ruaine ra. E kua na ko akera koe, E vai ariki vaine ua au nei e tuatau ua atu: kare to ngakau i maara meitaki i te reira ra; kare koe
8 i manako i to reira openga ra. E tenana, e akarongo maira i teia, e tei akarekareka ua ra, ko tei noo varea- au ua: ko tei tuatua i roto i to ngakau na e, Ko au nei, e kare atu mari ra ko au; kare au e noo vaine takaua, kare au e kite i te tamariki i te ngaro ke
9 anga: E rokoia maira koe i cianci puke mea e rua, mei te kamoanga inata nei, i te rā okotai nei, te au tamariki i te ngaro ke anga, e te noo vaine takaua anga: e rokoia uaia mai koe kare e raveravenia; maata oki taau au peu purepure, e rai ua rai oki taau
10 au ravenga kebere. Kua irinaki ra koe ki taau tuatua kino: kua na ko oki koe, Kare au i kitea mai. Kua tareva ke ia koe i to pakari, e toou ra kite; i tuatua'i koe ki roto i to ngakau ra, Ko au nei ia, e kare atu ko au
11 anake nei rai. E tenana, e rokoia mai koe e te kino; kare koe e kite i te peke anga atu: e rokoia mai oki koe e te mea manamanata; kare rava e matara ia koe: e rokoia vaveia mai oki koe e te pou maata, kare ra koe e kite.
12 Ka tamou ana i to au kebere, e te akamaata katoa anga o to au peu purepure, taau i tauta ana mei to tamariki anga mairai: peneiake ko te puapi- ngaia taau; peneiake ko te maroiroi
13 koe. Kua roiroi koe i te maata anga o taau tuatua: ko tei akara i te au rangi ra, tei akara matariki i te au etu ra, ko tei akakite atea mai i te au mara- ma ou nei, kia tu maira ratou i tenana e akaora ia koe, i te au mea i rokoia
14 mai ei koe ra. I na, e tu a teita ua ratou; e ka ratou i te ai; kare ratou e ora ia ratou uorai i te ririnui o te ai mura ra: kare ia e ngarau ei murumuru; kare roa e manga ai kia noo
15 ki vaitatao. Ko te tu ia o teianei aronga ia koe, i taau i rave katoa i te anguanga ra; i taau i kapiti i te oko anga mei to ou anga mairai. Ka aere anake ra ratou ki tona ngai, ki tona ngai; kare rava tetai e akaora ia koe.

PENE XLVIII.

E akaorā Iehova i tona au tangata no tona ra ingoa.

E AKARONGO mai i teia, e te ngutuaru o Iakoba; kotou, e tei tapaia i te ingoa ra ia Iseraela; e tei no te tumu vai ra o Iuda i te ta'e anga mai; tei taputou i te ingoa o Iehova, e ko tei akaiki i te Atua no Iseraela; kare ra ma te tuatua-mou, e kare rai ma te tuatua-tika. No te oire tapu ratou i ta ratou uorai tuatua anga, e te iri-naki ra ratou i te Atua no Iseraela; ko Iehova Sabaota ra, tona ingoa. Kua akakite au i tei muatangana ra au mea mei te akamataanga mairai; e riro atura ia no roto i toku nei vaa; e kua akakite oki au i te reira; kua rave viviki oki au i *te reira*, e tupu atura ia. No te mea kua kite au i toou mōro; e uaua auri toou kaki; e toou rae, e veō ia; I akakite atu ei au ia koe mei te akamataanga mairai; kare te reira i tupu, i akakite atu ei au ia koe ra: ko te karanga aea koe, Na taku idolo te reira i rave; e na toku tiki kotikotiia, e toku tiki i akatoia ra i akaue i te reira. Ko taau oki i akarongo ra; ka akara na i taua au mea katoa ra; kare ainei kotou e akakite i *te reira*? mei teianeī tuatua kua akakite atu au ia koe i te au tuatua ou, ko tei uunāia ra, e kare koe i kite i te reira. Kua angaia ra i teianeī, e kare mei te akamataanga mai; kare rai oki koe i rongo i te reira mei ito mai; ko te karanga aea koe e, I na, kua kite ana au i te reira. Koia ia, kare oki koe i akarongo; kare oki koe i kite; kare oki i taito roa te putata anga o to taringa: kua kite oki au e e riro koe i te pikikaa, e kua tapaia koe ia Meameaau mei te kopu mairai.

No toku ingoa nei ra e tavare ei au i toku riri; e no te akameitaki iaku e tāpu ei au i *te reira* ia koe; kia kore au e tipu takiri atu ia koe ra. I na, i to tamā ana au ia koe, kare ra mei te ario ra; kua timata au ia koe ki roto i te umu o te maki ra. Noku uorai, noku uorai, i akapera'i au; eaa e tika'i kia akakinoia'i toku nei ingoa? kare rava au e oronga i toku nei kakā ki tetai ke.

E akarongo mai iaku, e Iakoba, e Iseraela, i tei tuatuaia e au ra: ko au nei ia: ko au te muatangana; ko au rai te akaopenga. Na toku rima i aka-tumu i te enua, na toku rima katau i totoa i te au rangi: kia kapiki atu au kia ratou, kua tu katoatoa maira ratou.

14 E uipa mai kotou ravarai, e akarongo mai: koai to ratou i akakite mai i teianeī au mea? Ko tei anoanoia e Iehova ra, te ka rave i tona inangaro kia Babulonia, e tona te rima e iri ki

15 runga i te Kaleda ra. Ko au, ko au tei tuatua; koia rai, ko au tei kapiki atu iaia; naku aia i arataki mai; e e riro tona aerenga i te manuia.

16 E akavaitata mai kiakū nei, e akarongo mai kotou i teia: kare au i tuatua ngaro ana mei ito mairai: i te tuatau i tupu ei, tei reira au; e teianeī, kua tonu mai te Atua ra ko Iehova

17 iaku, e tona Vaeua. Te na ko mairā Iehova, toou Akaora, Tei Tapu i Iseraela nei: Ko au toou Atua ra ko Iehova, ko tei akakite ia koe i te mea e puapinga'i koe na; ko tei arataki ia koe na te aratia e tau ei kia aere koe

18 ra. Angaii koe i akarongo mai ki te au akauenga naku! kua riro ia toou au mei te vai ta'e ra; e taau tuatua-tika mei te ngaru moana ra: E toou uanga

19 ra, mei te one taatai ra ia; e ta to kopu i anau ra, mei ta tona katoa ra ia kopu; kare i tipu keia; kare oki tona ingoa i akakoreia i mua iaku nei.

20 E aere mai kotou mei roto i Babulonia; e rere mai mei *te enua* o te Kaleda; ka akakite i *te reira* ma te reo imene; e tuatua i te reira; e kia puroro atu te reo i te openga mai o te enua ra; e tuatua kotou, Kua akaorā

21 Iehova i tona tavini ia Iakoba. Kare ratou i kaki vai i te au medebara ra tei aratakiia ratou e ia: kua akata'e mai aia i te vai no roto i te mato no ratou: kua vava'i iora aia i te mato, kōi ua

22 maira te vai. Te tuatua mairā Iehova, Kare rava o te aronga rave ara ra e au.

PENE XLIX.

To te Mesia akaruke angaia e te ngati Iuda: tonu tonokia anga ki o te elene: to te Atua aroa maata ki tona iti-tangata.

E AKARONGO mai iaku, e te pa enua taatai e; e akono mai, e te au tangata i te atea ke ra; kua tuatua mairā Iehova iaku mei te kopu mairai; kua taiku aia i toku ingoa mei toku

2 anau anga mairai. Kua akariro aia i toku vaa ei koke kokoi; kua uuna aia iaku ki roto i te maru o tona rima; e kua akariro aia iaku ei kakao akainu-inuia: kua uuna aia iaku ki roto i tona

3 pia kakao. E kua tuatua maira aia kiaku, Ko toku tavini koe: e Iseraela,

4 nouu e akameitakiia'i au nei. Kua

karanga atura au, Roiroi puapinga kore toku, kua akaope puapinga kore ua au i toku matutu, e ei mea tarevakaua: tei ia Iehova ra taku tuatua, e taku tutaki, tei taku Atua ia.

E teianci, te tuatua mairā Iehova, ko tei akatupu mai iaku meci te kopu mai ei tavini nona, ei akaaki mai ia Iakoba kiaia ra, kia kore Iseraela e akakatoaia maira, e manea rai au i te mata o Iehova; e ka riro mai toku Atua ra ei paapaaanga naku. Kua tuatua mairai aia kiaku, E mea ngiti tena ia koe, ko koe i riro mai ei tavini noku, ei akatupu i te au kopu o Iakoba, e ei akaaki mai i tei akatocia i o Iseraela: e oronga katoa au ia koe ei turama no te etene, ei ora naku e tae ua atu ki te openga mai o te enua nei. Te na ko mairā Iehova, te Akaora o Iseraela, Tei Tapu iaia ra, i tei akaavaaia e te tangata ra, i tei akavii-viia e te enua ra, i tei tavini i te au kavana ra: E tu mai te au ariki kia akara mai iaia ra; e te ui ariki katoa e akamori mai iaia; no Iehova nana te tuatua-mou ra, no Tei Tapu i Iseraela nei. koia oki tei iki ia koe ra.

Te na ko mairā Iehova, Kua akarongo au ia koe i te taine tau ra; kua tauturu au ia koe i te rā e ora i ra: e naku e akaora ia koe, e oronga au ia koe ei kororomotu na te au tangata nei; ei akāū aere i te enua, kia akanoia te au kainga i akaruke uaia ra; Kia tuatua koe ki te aronga i tapekaia ra, Ka aere ki vao; to roto i te poiri, Ka akakite mai ia kotou. E kai aere ratou na te pac arataa; e ki rungao i te au tuuivi katoa, ko ta ratou ia onekai. Kare ratou e pongi, kare oki e kiki vai; kare oki ratou e taia i te veravera, e te rā: na tei aroa ia ratou ratou e arataki, e nana e taki aere ia ratou ki te au punavai pupui ua ra. E anga oki au i te arataa na runga i te au maunga ravarai noku ra, e ka akāūia taku ra au ara metua. I na, e aere mai teia meci te enua mamao mai: e i na, no apatokerau teia, e no te opunga o te rā ra: e teia no te enua ra o te ngati Sini. Ka imene, e te au rangi e; ka rekareka, e te enua e; e te au maunga, kia puroro ua mai te imene: kua akapumaana mai a Iehova i tona ra iti-tangata, e tona aronga i maki ra, kua aron mai aia ia ratou.

Kua tuatua ra Ziona, Kua akaruke mai a Iehova iaku; e kua akangaropoina mai toku Atua iaku. E tika nei i te vaine kia akangaropoina i tana tamaiti kaiu, e kare atura e tangi ki te

tamaiti a tona uarai kopu? a, e tika ia ratou kia akangaropoina, kare ra au e akangaropoina ia koe. I na, kua tata au ia koe ki runga i oku kapu-rima; e te vai ua maira to au patu ki mua iaku nei. E rapurapu ua mai taau au tamariki; te aronga i pou ei, e i tanea i koe ra, e aere ua ratou ki vao mei roto ia koe.

Ka nānā ana to mata, ka akarau aere e pini ua ake; kua akaputupu anake mai teianci aronga, e aere mai kia koe ra. Te tuatua mairā Iehova, Te ora nei au, e akakakau ia koe ia ratou ravarai ra, meci te mea akamanca ra; e ka akamou aere ia ratou ki runga ia koe, meci te vaine akaipoipo ou ra. Toou oki au ngai tanea, e tei akarukeia ra, e to enua i pou ra, ei teianci ia e piripiri ei no te rai o te tangata; e te aronga i pou ei koe ra, ka akamao keia ia. Te au tamariki tamaroa, i ngere ei koe, e tuatua mairai ratou ki roto i oua ra pukai taringa; Kua riro teiane nei ngai ei ngai piripiri iaku; e akaatea ana iaku kia noo au. E riro oki koe i te tuatua ki roto i te ngakau ra, Naai i akaanaui mai i teiane aronga naku? kua ngere oki au i te tamariki, e noongata roa akera; e tuikaa oki, e te tuarua; naai teia i rapu? I na, toe iora ko au anake; koea ua akera teia aronga nei?

Te na ko maira te Atua ra ko Iehova, I na, e apai au i toku rima ki runga i te pa enua ra, e akateitei au i taku reva ki runga i te au tangata ra: e e apai mai ratou i to au tamariki ki roto i to ratou umauma, e to au tamaine na runga i to ratou pakuivi i te apai anga. E te au ariki e riro ei akaangui noou, e ta ratou au vaine ei metua vaine akaangai naau: e tupou ratou ki raro to ratou mata i te enua ia koe ra, e mitimiti ratou i te one-pueu o toou vaevae ra; e kite oki koe e ko Iehova au: kare oki ratou e akama tei tatari iaku nei.

E rauka mai ainei te apinga noni kia riro i te tangata ririnui? e ka akaoaia ainei tei riro tikai ei tuikaa? Te na ko maira rā Iehova, Te au tuikaa i riro i te tangata ririnui, e riro akaou mai ia; e te apinga noni i rauka i te tangata taae ra, e rauka akaou mai ia: ko te aronga oki e mūro mai ia koe ra, naku e mūro atu; e naku e akaora i to au tamariki. E naku e akaangai i tei tatinga-kino ia koe ra i to ratou uarai kiko; e kona ratou i to ratou uarai toto meci te kona wina ou ra: e kite oki te tangata katoa e, ko au toou ra

Akaora ko Iehova, e ko Tei Mana i Iakoba nei, ko te Akaora ia ia koe.

PENE L.

To te ngati Iuda kopae angaia no te akarongo kore: ko te Atua te irinaki-anga tikui.

TE na ko mairā Iehova, Teica te 1
tuatua kopae a to kotou metua vaine, i tuku ke atu ei au iaia ra? e koai to roto i taku aronga kai ou ra, tei apai atu au ia kotou ei ou? I na, no ta kotou au ara i apaiia'i kotou ei ou; e no ta kotou tuatua kino i tukua keia'i to kotou metua vaine. Eaa te mca i 2
kore ei te tangata, iaku i aere ra? iaku i kapiki ra, i kore ei tetai i iō mai? Kua poto ainei toku rima e kare e tika kia akaora? e kare ainei oku e mana kia akaora? I na, i taku akamura anga, kua marō te moana iaku: e akariro oki au i te au vai ei ngai papamarō; kua pirau ta ratou ika i te vai kore, e mate atura i te kaki vai. Te 3
akakakau nei au i te rangi ki te kerekere, e te tapoki nei ia ratou ki te kakau paoa.

Kua oronga mai te Atua ra ko Iehova 4
kiaku i te arero o te aronga i apiia; kia tika iaku kia tauturu atu i tei roiroi ki te tuatua: te akaara nei aia iaku i tera popongi; i tera popongi: te akaara nei aia i toku taringa, kia akarongo au mei te aronga i apiia ra. Kua akaputata te Atua ra ko Iehova i 5
toku taringa, e kare oki au i akarongo ngata; kare oki au i kotoe ki muri. Kua tuku ua atu au i taku tua ki te aronga i pāpā mai, e oku paparinga ki te aronga i utiuti i te kumikumi: kare au i uuna ke atu i toku mata i te aka- 6
vaavaa, e i te tutua uavare. E tauturu mairai te Atua ra ko Iehova iaku; i kore ei au i akama: i akaketaketa'i au i taku mata mei te toka tama ra; kua kite oki au e kare au e akama. Ko te akatika mai iaku nei, te vaitata 8
nei ia; koāi te ka māro mai iaku? tu katoa mai aia maua katoa: koai taku enemi? kia akavaitata mai aia iaku nei. I na, na te Atua ra na Iehova e 9
tauturu mairai iaku; koai te akaapa mai iaku nei? i na, e piro anake ratou mei te kakau nei; e pou ratou i te neu.

Koai to roto ia kotou e matakau ia 10
Iehova; tei akarongo i te reo o tona tavini, ko tei aaere ua na te poiri, e kare e mārama? e irinaki aia i te ingoa o Iehova, o kia akaea aia ki runga i tona Atua. I na, ko kotou roa- 11

rai ko tei tutungi i te ai, tei akapini ia kotou uaorai ki te rama ra; e aere kotou i te mārama o ta kotou ai, e i te rama i tutungiia e kotou na. Teia ta kotou e rauka i toku rima nei: e moe kotou ki raro ma te aue ra.

PENE LI.

Te akakiteia nei a Aberahama ei akaraunga, kia irinaki te ngati Iuda i te Atua i te meitaki tana i tuatua no ratou.

- 1 E AKARONGO mai kotou iaku, e tei 1
kimi ia Iehova ra: ka akara ana ki te mato i paoia mai ei kotou na, e ki te tipoko i te vaarua i koia mai ei 2
kotou. Ka akara ana ki to kotou metua tane kia Aberahama, e kia Sara i anau mai ei kotou na: okotai ua aia iaku i kapiki atu ei; kua akaora ra au 3
iaia, e kua akamaata au iaia. E aroa oki a Iehova ia Ziona; te au ngai tanea katoa ki ona ra, nana ia e aroa; e nana e akariro atura i tona ngai medelara mei ia Edene, e tona ngai papamarō ra mei te kainga o Iehova; e kitea te rekareka, e te perepererekavana i roto iaia; te akameitaki, e te reo imene ra. 4
E akono mai iaku, e toku aronga tangata e; e anga mai i to kotou taringa, e toku iti-tangata e: na ko nei atu oki te ture iaku nei, e akamou oki au i te tuatua-tau naku ei turama no 5
te au tangata. Kua vaitata te tuatua-tika naku ra; te ora naku kua riro atura; e na toku rima e tuku i te tuatua-tau ki te au tangata; e tapapa mai te au enua taatai iaku, e irinaki mai oki ratou i toku nei 6
rima. Ka nānā ana to kotou mata ki runga i te au rangi, ka akara oki ki raro ki runga i te enua nei: e peke ke oki te rangi mei te auai, e piro oki te enua mei te kakau ra, e pera rai to tei noo i reira i te mate katoa anga; kareka te ora naku, e tika ia i te vai ranga, e kare oki te tuatua-tika naku ra e poka. 7
E akarongo mai iaku, e te aronga i kite i te tuatua-tika ra, e te aronga tei to kotou ngakau te ture naku ra; auraka kotou e matakau i te akakino a te tangata, auraka oki kotou e tumatete- 8
nga i ta ratou taitoitou. E pou oki ratou i te neu mei te kakau ra, e kai-ngaia ratou e te ane mei te uruuru mamoe ra: kareka te tuatua-tika naku ra, e tika ia i te vai ranga, e te ora naku ra, ki tera uki ki tera uki.

Ka ara, ka ara, ka akakakau ana ki te 9
ririnui, e te rima o Iehova e: ka ara,
mei tei te au rā i taito ra, i te au uki ta-
kere ra. Kare aima ko koe tei ta ia Rahabā,
i puta'i oki te tainā ra? Kare ainei 10
ko koe tei tamarō i te tai, i te tai moana
maata ra; ko tei akariro i te tai moana
maata ra ei arataa, ei aerenga no te aro-
nga i akaorāia ra? E oki akaou mai-
rai oki tei okoia e Iehova, ka aere mai 11
ei ki Ziona ma te imene ra; e te rekā-
reka mutu kore i runga i to ratou
upoko: e rauka ia ratou te rekareka e
te pereperēkavāna; ko te mii ra, e te
aue, e rere ke atu ia.

Ko au, ko au nei rai, tei akapumaana 12
ia kotou: koai oki koe i matakū ei
koe i te tangata te ka mate, e te tamaiti a
te tangata nei, te ka riro ei ngangaere ua
ra? Ka akangaropoina'i oki koe i tei 13
anga ia koe ra ia Iehova, ko tei totoa
i te au rangi ra, e kua akatumu oki i
te enua; e i matakū ua rai koe, e kare
e rā e tukua, i te riri viviki o te taki-
nga-kino ra, mei te mea e kua vaiata
aia i te rave mai e ta? e tenana, teiea
iora te riri viviki o taua takinga-kino
ra? Kare e roaia kua matara te tui- 14
kaa; kare oki aia e mate i roto i te
vaarua; kare rai oki e ngere i te kai.

Ko au oki to Atua ra ko Iehova; ko 15
tei akamarino i te tai kia aruru tona
au ngaru ra: ko Iehova Sabaota ra
tona ingoa. E kua tuku au i taku 16
tuatua ki roto i to vaa na, e kua tapo-
ki au ia koe i te marumaru o toku
rima na i: kia patia koe i te au rangi, e
kia akatumu i te enua; e kia tuatua
kia Ziona, Ko koe toku ra iti-tangata.

Ka ara, ka ara; e tu ki runga, e 17
Jerusalem! ko tei inu i te rima o Ie-
hova i te kapu o tona ra riri viviki;
kua tae ki te ota o te kapu rurutakina
i te inumia e koe, kua tatāu oki koe i
te reira. Kare rava tetai ei arataki 18
iaia i te au tamariki ravarai tana i
anau ra; kare rava tetai ei mou i tona
rima i te au tamariki katoa tana i
rāpu ra. Kua rokoia koe i cianci 19
puke mea e rua; naai koe e tangi
atu? ko te pou e te mate, te onge e
te koke: naai? naku rai koe e akapu-
mana atu. Kua rere a mate ua ra to 20
au tamaroa ki raro, te tarava aere ua
ra i te openga mai o te au arataa ka-
toa ra, mei te hovi momoavā i te ku-
penga ra: kua ki ratou i te riri viviki
o Iehova, i te akamura a toou ra Atua.

E teianci e akarongo mai koe i teia, 21
e tei makila ra, e tei kona ra, kare ra i
te wina: Te na ko maira to Atua ra ko 22
Iehova, e to Atua ra tei akatika mai i

te tuatua a tona ra iti-tangata; I na,
ka rave mai au i te kapu rurutakina i
to rima na, te ota o te kapu ra o toku
riri viviki; kare rava koe e inu akaou 23
i te reira. E tuku ra au i te reira ki
te rima o te aronga i takinga-kino mai
ia koe ra; ko tei tuatua mai ia koe e,
Ka piko ki raro, kia aere matou na
runga: e kua tuku koe i to tua ki
raro mei te one, e mei te arataa, i te
aronga i aere na reira.

PENE LII.

*Te meitaki maata o te au tangata i
okoia e te Atua: to ratou rekareka i
te akarongo anga i te tuatua mei-
taki.*

1 **K**A ara, ka ara; ka kakau ana i to
ririnui, e Ziona: ka kakau ana i
to kakau manea, e Ierusalem: e tera
ra oire tapu e: oti ra ua oki te tomo
mai ki roto ia koe ra, te peritome kore,
2 e te viivii. Ka ruru ana i te one-
pueu ia koe ra; ka tu ki runga, ka
noo ei ki to nooanga, e Ierusalem: e
tatara ana ia koe i te ri ki runga i to
kaki na, e tera ra tamaine tuikaa a
3 Ziona ra e. Te na ko maira oki a Ie-
hova, I oko kotou ia kotou uaoria i te
puapinga kore; ka oko akaouia rai
4 kotou kare ra i te moni. Te na ko
maira oki te Atua ra ko Iehova, I aere
oki toku ra iti-tangata ki Aiphiti i
muatanga e purutia ki reira: e kua
takinga-kinoia ratou e to Asura ra i te
5 openga nei. E tenana, te na ko mairā
Iehova, eaa, taku i ko nei i riro puā-
pinga kore ua'i toku ra iti-tangata?
te aua ra te aronga e tutara ki runga
ia ratou, te tuatua mairā Iehova; e te
akakino tukumoe koreia nei toku nei
6 ingoa i te au rā katoa. E teianei, e kite
toku ra iti-tangata i toku nei ingoa; e
teianci, e kite ratou kia tae i te reira
rā e, ko au ia, ko tei tuatua maira: i
na, ko au.

7 Te manea o te vaevae o te karere ki
runga i te maunga, o tei apai mai i te
tuatua meitaki ra, o tei tutu aere i te au
ra; o tei apai mai i te tuatua mei-
taki ra, o tei tutu aere i te ora
ra; o tei tuatua mai kia Ziona, Tei to
8 Atua ra te au! Ka akateitei to au
tiaki i to ratou reo; e maeva katoatoa
to ratou reo; e akara oki ratou te
mata e te mata, kia akaoki mai a Ie-
hova ia Ziona.

9 Kia puroro ua atu te rekareka; kia
maeva katoatoa, e te au ngai pou i
Jerusalem: kua akapumaana oki a
Iehova i tona iti-tangata; kua akaora

aia ia Ierusalem. Kua kuku a Ie- 10
hova i tona rima tapu ki mua i te mata
o te pa enua katoa ra; e ka kite te au
openga katoa o te enua ra i te ora a to
tatou Atua.

Ka aere kotou, ka aere kotou, ka 11
aere kotou ki vao; auraka e arapaki
ua atu i tetai mea viivii ra; e aere
kotou ki vao mei rotopu mai iaia ra;
kia mā kotou, e tei apai i te au āriki a
Iehova ra. Kare ra kotou e aere ra- 12
purapu ua; kare rai e ati aere: ko
Iehova oki te ka na mua ia kotou; e
te Atua no Iseraela te ka na muri mai
ia kotou.

I na, e manuia toku tavini; ka aka- 13
teiteia aia, ka apaiia aia ki runga, e e
akateitei rava akeraia. E aronga 14
maata tei va ua ia koe: kua tu ke oki
te akakinoanga i tona mata i to te tan-
gata katoa ra, e tona tu i to te tama-
riki a te tangata nei: Ka pipi katoa 15
oki aia i te au enua e manganui; e to-
piri oki te au ariki i to ratou vaa ki
mua iaia: e akara oki ratou i tei kore
i akakiteia atu ia ratou ra; e tei kore
i rongoa e ratou ra, ko ta ratou ia e
kite.

PENE LIII.

To te Mesia mate anga ei tarangaara.

KOAI tei akarongo i ta matou tua- 1
tua? e koai tei akakiteia mui i
te rima o Iehova?

Mei te tupu ou paruparu ra oki aia 2
i te tupu anga i mua ia ratou, e mei te
aka i te one marō ra: kare ona tu e te
manea, ka kite atu ei tatou iaia; kare
oki ona tu manea, ka inangaro atu ei
tatou iaia. Kua akavaavaia aia, e 3
kua kopacia e te tangata; e tangata
aue, e kua mātāu oki i te tumatetenga:
e kua puroku *te tangata i to ratou*
mata iaia; i akavaavaia aia, e kare
aia i manako meitakiia e tatou nei.

Kua rave tika ra aia i to tatou paru- 4
paru, e kua maranga iaia to tatou aue;
i manako ra tatou e, e tainga utunga
tona, i pāpāia e te Atua, e i tairoia ra.
Kua koia ra aia no ta tatou au ara ra, 5
kua akaparuparuia aia no to tatou au
kino: e te pāpā i auia'i to tatou, tei
runga ia iaia; e no tona au puta i
ora'i tatou. Kua aere ke anake tatou 6
mei te mamoe ra; kua arga tatou ka-
ton, ko te tangata ko tona uorai ara; e
kua akairi a Iehova ki runga iaia i *te*
utunga o ta tatou katoa nei au ara.

Kua takinga-kinoia oki aia, e kua 7
tinai-mateia aia, kare ra tona vaa i ki

atu: i aratakiia aia mei te arenio ki te
tainga, e mei te mamoe e muteki ki
mua i te araro o tei pakoti i tona uru
ra, kare katoa oki tona vaa i tuatua
8 mai. Kare i tāpuia, kare rai i akau-
tungaia, i apai keia'i aia ra: e naai tona
uki e akakite? i tipu keia oki aia i te
enua o te aronga e ora nei; no te ara
9 a toku iti-tangata i taiaia'i aia. Kua
akatakaia tona vaarua ki o te aronga
kino ra, tei te tangata apinga ra aia
ka mate ei ra; kare oki ana tuatua
kino i rave, kare katoa e pikikaa o roto
i tona vaa.

10 Kua tika ra ia Iehova i te akaparuparu
iaia; kua akamamae aia *iaia*;
kia akariroia ra tona vaerua ei tuta-
kingaara, e uanga tana e kite, e aka-
roa aia i tona au rā, e te inangaio o Ie-
11 hova, e manuia ia i tona rima. I te
mamae o tona vaerua, e kite ia aia i *te*
openga, e e marea rava: no tona uo-
raiki kite ka akatika'i toku tavini tuatua-
tika i te tangata e manganui; ka apai
12 oki aia i ta ratou au ara. E teiauei e
tua atu oki au i *tetui tuanga* nana ma
te aronga nunui katoa; e tua aia i te
apinga noni ma te aronga mana; no te
mea kua riringi aia i tona vaerua e tae
ua atura ki te mate: e kua kapiti ka-
tonia aia e te aronga rave ara ra; e
kua apai aia i te ara a te tangata e ma-
nganui, e nana oki i pure no te aronga
rave ara ra.

PENE LIV.

*E maata to to te Atua iti-tangatu i o te
elene.*

1 **K**A maeva, e tei pa, kare i anau e;
kia puroro ua te reo maeva, e
kapiki nui, e tei kore i mamae i te ta-
mariki e: kua maata oki ta te takaua
ra tamariki i ta te vaine noo tane ra
2 tamariki, te tuatua maiā Iehova. E
akaatea ana to turanga puakapa; kia
tofiā te paruru o to nooanga ki te
atea ke: auraka e taporoporo; e aka-
roa i to au taura, e akamou piri tikai i
3 to au titi. E tupu oki koe i te maata,
i te pae katau, e te pae kaui; e nooia
te pa enua e toou ra uanga, e tangataia
4 oki te au oire tanea ra ia ratou. Au-
raka e matakū; kare oki koe e akama:
auraka oki e tumatetenga; kare oki koe
e akaakamaia: e akangaropoina oki
koe i te akama i to ou anga ra; e te
akakino i to takaua anga ra, kare ia
5 koe e manako akaou i *te reira*. Ko
Tei anga oki ia koe ra, ko to tane ia;
ko Iehova Sabaota tona ingoa; e to
Akaora ra, ko Tei Tapu ia i Iseraela

nei; e tapaia aia Te Atua o te au enua katoa nei.

Mei te vaine akarukeia, e kua aue tona ngakau, kua kapiki a Iehova ia koe ra: te vaine oki i akaipoipo i te ou anga ra, e akarukeia iora, te tuatua maira to Atua ra: I te kamoanga mata iti nei i akaruke ei au ia koe; e akaputu maira au ia koe ma te aroa maata. I te otooto anga riri i uuna'i au i toku mata ia koe i te kamoanga mata okotai, i te aroa mutu kore ra e aroa atu ei au ia koe; te tuatua maira to Akaora ra ko Iehova. *Mei* te vai ia Noa ra teia iaku nei: mei taku oki i taputou i te vai ia Noa ra, e kare e nina akaouia te enua ra; koia katoa taku i taputou ia koe ra, e kare au e riri, kare oki e kauvae ia koe na. E 10 taka ke oti te au maunga, e ngaueue oti te au tuaivi; kare ra toku takinga-meitaki ia koe e taka ke, e te korero-motu au naku ra, kare ia e ngaueue; te tuatua maira tei aroa mai ia koe ra, ko Iehova.

E tei maki, e tei pāpūia e te urīia, e 11 kare e akapumaanaia; i na, e akamou au i taau au toka ki te ngaika manea, e taau ra au pange ki te saphira; Ei 12 kadekade taau au pukupuku punanga kia anga au, e toou ra au pa, ei akade ia; e taau ra au kotinga ravarai, ei toka memetaki ia. E te au tamariki 13 katoa naau ra e apiia e Iehova; e ei au nuingangare to te au tamariki naau ra. E akatinamouia koe i te tuatua- 14 tika: ei te atea ke te takinga-kino ia koe; kare oki koe e matakū; e i te rikarika, kare oki te reira e akavaitata mai ia koe ra. I na, me uipa ratou, 15 kare ia iaku nei: ko tei uipa e rave ia koe ra, e uri mai ia ia koe. I na, te 16 tupaki auri ra, naku ia i anga, ko tei pupui i te ngarau e ka akera, e kua anga iora i te taoonga i tana uaorai angaanga; e naku oki i anga i te akapou ra kia pou. Te taoonga ra noou i 17 angaia'i ra, kare ia e manuia; e te au vaa katoa e patoi ia koe, i te akava-anga ra, naau ia e akaapa atu. Ko te tuanga teia o te au tavini o Iehova; e tei iaku ia ratou tuatua-tika, te tuatua mairā Iehova.

PENE LV.

Te ako mai nei te peroveta i to te ao kia akarongo i te Mesia ra.

E TE aronga katoa i kaki ra e! ka 1 aere mai ki te vai nei; e te aronga moni kore ra, ka aere mai, e oko, e e kai; koia ia, e aere mai, e oko ua i

te wina e te u, auraka ei moni, auraka 2 oki ei oko. Eua kotou i oronga atu ei i te moni i te mea manga kore? e ta kotou angaanga i te mea merengo kore? ka akarongo meitaki mai ana iaku, ka 3 kai ei i te mea meitaki; e kia mareka to kotou vaerua i te kai matu ra. E akaariu mai i to kotou taringa, ka aere mai ei kiaku nei: e akarongo mai, e ora ia to kotou vaerua; e naku e papau i te kororomotu mutu kore ia kotou, i te au takinga-meitaki ia Davida ra, i te mea pikikaa kore ra.

4 I na, kua oronga au inia ei Kite no te au tangata nei, ei Arataki, e ei Ka- 5 vana no te au tangata nei. I na, te enua kitea koreia e koe ra, naau ia e karanga atu, e te enua kare i kite ia koe ra, te ka oro mai ia ia koe ra; no to Atua no Iehova, e no Tei Tapu i Israela nei; ko koe oki tana i aka-teitei.

6 E kimi kotou ia Iehova, koi kitea ake aia, e kapiki kotou iaia, koi vaitata 7 mai aia: Kia akaruke te tangata kino i tona aerenga, e te tangata tuatua-tika kore i tona manako: ka oki ei aia 8 kia Iehova, e nana aia e aroa mai; e ki to tatou Atua, te maata ra oki iaia te akakore i te ara.

8 Kare oki toku ra au manako i to kotou ra au manako, kare oki to kotou ra au aerenga i toku ra au aerenga, te 9 tuatua mairā Iehova. *Mei* te rangi nei oki e teitei maata tona i to te enua, koia katoa toku ra au aerenga e teitei i to kotou ra au aerenga, e toku ra au

10 manako i to kotou ra au manako. Mei te ua e topa nei, e mei te kionia, no runga mai i te rangi ra, e kare i oki akaou ki re'ra, kua tamaau ra i te enua, e kua akatupu ra, e kua akauua mai oki i tana, i rauka'i oki te ua i te aronga e rurū, e te kai i te aronga e kai ra: 11 Koia katoa taku tuatua no roto i toku nei vaa; kare e oki puapinga kore ua mai kiaku nei, e tupu ra tei akakoroia e au ra; e manuia oki te mea i akaue atu ei an ra.

12 E aere kotou ma te rekareka, e aratakiia kotou ma te au: e akapuroro ua mai te au maunga e te au tuaivi i te imene rekareka na mua ia kotou, e te au rakau katoa o te kainga ra, e pokara 13 ia to ratou rima. E kauonoia te rakau taratara i te berusi; e kauonoia oki te tataramoa ki te maire: e riro oki ei vavariaanga na Iehova, ei akiro mutu kore, ko te kore rava e akakoreia ra.

PENE LVI.

*Te ako mai nei te peroveta i te tangata
kia akono meitaki.*

TE na ko mairā Iehova, E akono i 1
te tuatua-tau, e rave i te tuatua-
tika: kua vaitata mai oki te ora naku
i te tao mai, e te tuatua-tika naku i te
akakiteia mai. E ao to te tangata e 2
rave i teia, e te tamaiti a te tangata kia
tāpu tikai i te reira; ko tei akono i te
sabati, e kare te reira i viivii iaia ra,
tei tāpu i tona rima auraka takiri e
rave i te kino. E auraka te tamaiti a 3
te tangata ke ra, ko tei piri kia Iehova
ra, e tuatua, i te na ko anga e, Kua
akataka ke ravaia au e Iehova i tona
ra iti-tangata: auraka katoa te eunuka
e karanga e, I na, e rakau marō au.
Te na ko maira oki a Iehova ki te au 4
eunuka, ko tei akono i toku ra au
sabati, e ko tei rave i tei tauia e au
ra, e kua tāpu piri i te koreromotu
naku ra: Ko taku ia e oronga ki roto i 5
toku nei are, e ki roto i taku nei au
patu, i te tuanga e te ingoa, ko tei
meitaki ia i te au tamaroa e te au
tamaine: e ingoa mutu kore taku e o
atu no ratou, kare rava e tipu keia. E 6
te au tamariki o te tangata ke, ko tei
piri kia Iehova ra, ei akamori iaia, e
kia inangaro oki i te ingoa o Iehova,
kia riro ei au tavini nona; te aronga
katoa e akono i te sabati, kare te reira
i viivii ia ratou, e ko tei tāpu piri i
taku koreromotu; Ko ratou rai oki 7
taku e aratuki ki toku maunga tapu
ra, e akarekareka au ia ratou i roto i
toku are pure anga: e marekaia mai
ta ratou au tusia karakaratio, e ta
ratou tusia, ki runga i taku atarau; e
tapaia oki toku are, I te are pure anga
no te tangata ravarai.

Te tuatua maira te Atu ra ko Iehova, 8
ko tei akaputupu mai i te ngati Ise-
raela i akarukeia ra, E akaputu mai-
rai au i tetai papaki ke rai kiaia ra,
auraka tei oti i te akaputua kiaia ra.

E kotou, e te au terio ravarni o te 9
kainga ra, e aere mai ka kai; kotou e
te au terio katoa o te vaorakau ra. E 10
aronga tiaki matapo tona: e aronga
kamakura anake, e kuri muteki ua
anake, kare e aoa; e moe ua, e te
akāvai ki raro, e te inangaro moe
anake. Koia ia, e kaki nui to teianei 11
au kuri; kare rai i kite i te pangia
anga o te kaki; e aronga tiaki kare i
kite i te apii atu; kua anga anake ra-
tou ki to ratou uorai arataa; te ta-
ngata ki tana ra apinga, mei tona uorai

12 ngai. E aere mai e tupo wina ta tatou;
tatou e akakona ia tatou uorai ki te
kava kona; e mei teianei rā, mei te
reira katoa apopo i te maata, e kia
maata ua atu rai.

PENE LVII.

*Mate anga meitaki to te aronga tua-
tua-tika: to Iuda māro anga i te
akamori idolo: e meitaki to tei
tataraara: e kino to te aronga
kino.*

TE mate nei te tangata tuatua-tika, 1
e kare rava tetai e akamanako; e
te apai keia nei te tangata takinga-
meitaki, e kare e tangata i kite e, no te
kino *te ka tupu* i apai keia i te tangata
2 tuatua-tika. E aere ia aia ma te au;
e akaangaro ratou ki runga i to ratou
roi, ko tei na te ara tikaoru ua te
aere.
3 E akavaitata mai ana ra kotou i ko
nei, e te au tama a te vaine purepure
ra, e te uanga o te tane akaturi, e te
4 vaine akaturi. Koai ta kotou i aviri
na? e i akaaita i kotou i te vaa, e i
atoro ei te arero? Kare aina kotou i
te tamariki meameaau, e uanga piki-
5 kaa? I te akameneva anga ia kotou
uorai i te idolo i raro ake i te au rakau
rupepe katoa ra; e te ta anga i te au
tamariki ki roto i te au o ra, ki raro ake
6 i te ngaangaa mato ra? Tei te au *toka*
maniania o te o ra taau tuanga; ko te
reira, ko te reira taau ia tuanga: ko te
reira taau i riringi atu i te neseke, e
taau i apai i te mineka. E rekareka
7 ainei au i te reira au mea? Tei runga
i te maunga teitei roa te apai angaia
e koe to roi; e kua tae rava koe ki reira,
8 i te apai anga i te tusia. Tei muri
mai i te pa, e te kopa ngutupa ra, te
vao angaia e koe toou manakoanga:
kua akakite koe ia koe uorai ki *tetai*
ke kare iaku, kua riro ki runga; kua
akamaata koe i to roi; e kua akatau
koe i te koreromotu ia ratou; kua inangaro
oki koe i to ratou roi; e kua
9 akono i te ngai. Kua apai koe i te
manongi no te ariki ra; e kua akamaata
koe i to au manongi meitaki ra:
e kua tono ke rava koe i taau au ka-
rere, e kua taakaaka koe ia koe uorai
10 e tae ua atu ki ade. Kua roiroi koe i
toou ra aereanga mamao: kare ra koe i
karanga e, Kare atura e manakonako-
anga: kua rauka ia koe te mea i ora i
to rima, i kore ei koe i paruparu roa.
11 Koai oki tena i matakū ei koe na? e
koai taau i tumatetenga ra, i pikikaa
mai ei koe, e kare i akamaara mai

iaku, kare oki i akaeatu i to ngakau na? kare ainei no te mea e muteki anga roa akenei toku, i kore ei koe i matakau mai iaku? E akakite ra au i 12 te tuatua-tika naau ra, e taau ra au angaanga; kare ra au e puapinga i te reira. Me aue koe ra, na te uipānga 13 *idolo* naau ra e akaora ia koe; e peke ke ra ratou ravarai i te matangi; e puen ke ia i te a'o: ko tei irinaki maira kiaku ra, nona ia te enua, e koia te ka noo ki toku maunga tapu ra.

E ka tuatua akeraia, E akāu kotou, 14 e akāu kotou i te one, e anga i te ara; e apai ke i te tukiaanga i te ara o toku ra iti-tangata. Te na ko maira oki 15 Tei Teitei, e Tei akateiteia, ko tei noo i te ao mutu kore, ko Tapu tona ingoa ra: Ei te ngai teitei e te tapu au e noo ei, e ei iaia oki tei tataraara, e tei akaaka te vaeua ra, ei akamatutu i te vaeua o tei akaaka ra, e ei akamaroi-roi oki i te ngakau o tei tataraara. Kare oki au e māro ua rai e tuatau ua 16 atu, kare oki au e akamou ua atu rai i toku riri: ko te kore takiri aea te vaeua ki mua iaku, e te au vaeua i angaia e au ra.

No tana ra ara morimori apinga i 17 riri ei au, e kua pūpū atura au iaia: kua uuna au iaku uorai, e riri akera au; aere ua atura aia ma te ketaketa na te arataa o tona uorai ngakau. Kua kite au i tona au aerenga, e naku 18 aia e akaora: e naku aia e arataki, e e akaoki atu au i te pumaana nona, e tona katoa ra aronga i aue ra. Naku 19 i anga i ta te vaa e ua ra; ei au, ei au no tei te atea ke ra, e no tei vaitata mai, te tuatua maira Iehova; e naku aia e akaora. E tau ra te aronga kino ra 20 ki te tai oripu ua nei; kare rava oki e akaea anga; na tona au ngaru oki e akapeke i te vari, e te repo. Kare 21 rava o te aronga kino ra e au, te tuatua maira taku Atua.

PENE LVIII.

Te akono anga pikikaa i te au rarenga: e meitaki to tei tataraara e tei akono i te sabati.

E KAPIKI nui, auraka e taporo- 1 poro: e akateitei i to reo mei te pu ra, ka akakite ki toku ra ititangata i ta ratou tuatua kino, e te ngutuare o Iakoba i ta ratou au ara. Ko au nei ra, te kimi maira ia ratou, i 2 tera rā, i tera rā; e kia kite oki ratou i toku ra au aerenga, ko to ratou ia inangaro; mei te enua i rave i te tuatua-tika ra, e kare i akaruke i te akonoanga

a tona ra Atua: te ui maira oki ratou iaku i te akonoanga o te tuatua-tika ra; e mea inangaro na ratou i te akavaitata atu ki te Atua.

- 3 Eaa matou i neseteia'i, e kare koe i akara mai? i akamamae ei i to matou vaeua, e kare koe i akono mai? I na, i te rā e neseteia'i kotou ra, te rekareka ra kotou: e ta kotou angaanga i *akne* kia raveia ra, kua umuumu kotou e kia ope rava. I na, te neseteia na kotou ei māroanga, e ei tauetonoanga, e kia moto kotou i te rima kukumu takinga-kino; auraka kotou e akapera i te neseteia mei tei teianei rā, i te akateitei anga i to kotou reo ki runga roa
- 5 ra. Mei te reira ainei te neseteia inangaroia e au ra; e rā e taakaaka'i te tangata i tona vaeua? kia tapou tona upoko ki raro mei te agemona, e kia toatoa i te kakau paa ma te reu umu ei roa nona? E karanga ainei koe e, ko te reira te neseteia, e e rā tau na Iehova?
- 6 Kare ainei teia te nesetia taku i inangaro ra? kia tatara i te au ruru o te kino; kia akakore i te apainga teiaa ra, kia akaoraia tei takinga-kinoia, e kia antiia e kotou te au zugo ravarai?
- 7 Kare ainei kia tuaia taau kai na te aronga i pongi ra, e kia arataki i te ao i takinga-kinoia ra ki te ngutuare, kia kite koe i te putaua, kia akakakau koe iaia, e auraka koe e uuna ia koe uorai
- 8 i toou uorai kopapa? Ei reira toou marama e puroro mai ei mei te popongi ra; e e tupu viviki mai ei toou ora: e na mua oki taau tuatua-tika ia koe te aere; e te kakā o Iehova te ka na
- 9 muri mai ia koe ra. E kapiki koe i reira, e ka iō mai a Iehova; e kaku koe, e ka tuatua mai aia, I na, teia Au.

- Kia akakore koe i te zugo i rotopu ia koe ra, i te tounga i te rima, e te tuatua kino ra; Kia riro ua atu toou vaeua ki tei pongi ra, e pangia akera te kaki o tei rokoia e te tumatenga ra; ei reira toou marama e iti mai ei i roto i te poiiri, e ka tu a avatea toou poiiri.
- 11 E arataki a Iehova ia koe i reira kare e tukumoe, e nana e akamerengo i to vaeua i te onge kino maata, e nana e akamatutu i toou au ivi: e riro oki koe mei te kainga i tamauu meitakiia ki te vai ra; e mei te punavai, tei kore
 - 12 rava tona vai e mate ra. E na toou ra uanga e patu akaou i te au ngai nzaoro taito ra: e patu akaou koe i te au tango o te au uki e mangaui; e e tapaia koe e, ko te Akairiiri patu ngaro ra, te Rave akaou i te arataa e nooia ra.

Kia tāpu koe i to vaevae i te sabati 13
i te rave anga i toou uorai inangaro i
toku rā tapu; e kia karanga koe i te
sabati e, ei rā inangaroia, te mea tapu
no Iehova, e mea meitaki; e kia aka-
meitaki koe i te reira, i te rave kore i
taau ra au peu, kare e kimi i toou ra
anoano, e kare e tuatua i *tauu uorai*
tuatua: E rekareka koe ia Iehova i 14
reira: e naku koe e akanoo ki runga i
te au ngai teitei o te enua nei, e e
angai ia koe ki te tuanga a toou metua
ra a Iakoba: ko te vaa oki o Iehova
tei tuatua mai.

PENE LIX.

*E mate maata to te aronga ara: tei te
Atua anake te ora.*

I NA, kare te rima o Iehova i poto i 1
kore ei e tika iaia kia akaora; kare
oki tona taringa i turi, i kore ei e tika
kia akarongo. Na ta kotou ra au ara i
akataka ke ia kotou e to kotou Atua,
e na ta kotou tuatua kino i unua'i aia i
tona mata ia kotou, i kore ei aia i aka-
rongo mai. Kua viivii oki to kotou
rima i te toto, e to kotou maikao-rima
i te kino; kua tuatua pikikaa to kotou
vaa, kua nanu ua to kotou arero i te
tuatua kino. Kare rava tetai i aruaru
i te tuatua-tika, e kare rava tetai i
māro i te tuatua-mou: te irinaki ra
ratou i te puapinga kore, e te tuatua
ra i te pikikaa; te nui ra ratou i te
kino, e te anau maira i te ara. Te aka-
pana ra ratou i te ua zephoni; e te
raranga ra ratou i te pungaverevere o
te tukutukuraonui: ko tei kai i to
ratou ua, e mate ia; e i tei ngaa ra
kua puroro maira te vipera. Kare to
ratou pungaverevere e riro ei pena,
kare oki ratou e pini i ta ratou anga-
anga kia tapoki; ta ratou au angaanga,
e angaanga kino ia, e te angaanga
o te tatinga-kino, tei roto ia i to kotou
rima. Te ooro nei to ratou vaevae ki
te kino, e te rapurapu nei ratou i te
akamaringi i te toto ara kore ra: to
ratou manako ra, e manako kino anake
ia; ko te pou, e te mate, tei to ratou
ia au aerenga. Ko te ara au ra, kare
ia ratou i kite; e kare rava e tuatua-
tau i to ratou au aerenga; kua anga
ratou i te au ara mingi no ratou uo-
rai: ko tei na reira te aere ra, kare ia
i kite i te au.

I taka ke roa atu ei te tuatua-tau ia 9
matou nei, e kare nei rai matou e rokoia
e te tuatua-tika: te tapapa nei matou ki
te mārama, e i na, e poiiri; te kakā, e
te aere ua nei ra matou na roto i te

poiiri. Te aa ua nei matou ki te patu,
mei te matapo ra; e te aa aere nei
matou mei te mea e, kare e mata; te
turorirori ua nei matou i te avatea mei
te po ra; mei te aronga e mate ua i te
11 ngai kai maata. Te ngunguru nei
matou katoa mei te daba ra, e te aue
ua nei matou nei mei te kukupa ra:
te tapapa nei matou ki te tuatua-tau
ra, e kare akera; i te ora oki, e tei te
12 atea ke atu rai ia matou nei. Kua
maata oki ta matou au ara ki mua ia
koe, e te tapepe mai nei ta matou au
ara ia matou: e tei ia matou nei rai ta
matou au ara; e te kite nei matou i to
matou au kino.

13 Kua mcameaau matou, e kua piki-
kaa ia Iehova; e kua oki ki muri
kare i aru i to matou Atua: kua tuatua
i te tuatua kino, e te akatitima; kua kimi
e kua tuatua ma te ngakau, i te tuatua
14 pikikaa. E kua oki te tuatua-tau ra ki
muri, e te tu ua ra te tuatua-tika i te
atea ke: kua turori ua oki te tuatua-
mou i te arataa; e kare akera e tika i te
tuatua tiratiratu ra kia tomo mai.
15 Koia ia, kua kore ua te tuatua-mou;
e ko tei akaruke i te kino ra, ko tei pou
ia i te āru.

Kua akara mairā Iehova, e riri iora
aia, no te mea, kare e tuatua-tau. Kua
akara iora aia e kare e tangata, va ua
iora i te akatika kore: kua rave iora
tona uorai rima i te ora naa; e na
tana uorai tuatua-tika i tauturu iaia.
17 E kua aao iora aia i te tuatua-tika ei
paruru umauma ra, e te pare ra o te
ora tei runga i tona upoko; kua kakau
iora aia i te kakau akaoko ei kakau
nona, e kua vai iora iaia uorai ki te
18 matutu mei te kakau pu ra. Mei ta
ratou i rave ra, kapera rai tana kia tu-
taki ra, ei riri otooto to tona aronga
ekai ra; ei oko to te au enemi nona
ra; e tutaki atu rai aia i te au enua
19 taatai ra. E matakū oki to te opunga
o te rā i te ingoa o Iehova, e to te iti-
nga o te rā ra i tona kakā: kia tae
mai te enemi mei te vai puke ra, na te
Vaerua o Iehova e akatu i tetai reva
20 kiaia ra. E tae maira oki te Akaora
ki Ziona, e kia ratou tei akaruke i te
kino ki o Iakoba; te tuatua mairā Ie-
21 hova. Kareka au nei, te tuatua mairā
Iehova, teia taku koreromotu ia ratou:
Toku Vaerua i runga ia koe na, e
taku tuatua i tukuia e au ki roto i to
vaa na, kare *te reira* e taka ke mei
roto i to vaa ra, e te vaa katoa o toou
ra uanga, e te vaa katoa o to ratou ra
uanga, te tuatua mairā Iehova, i teiane
e tuatau ua atu.

PENE LX.

Te inuinu o to te Atua iti-tangata.

KA tu ki runga, kia mārāma koe, 1
kua tae mai oki toou mārāma, e
kua iti mai te kakā o Iehova ki runga
ia koe. I na oki, e tapokiia oki te
enna nei e te poiiri, e te au tangata i te
poiiri tangotango ra: e iti mairā Iehova
ki runga ia koe, e kitea ua ia mai oki
tona kakā ki runga ia koe ra. E aere
mai oki te pa enua ki toou ra mārāma,
e te au ariki oki ki te kakā o toou ra
kake anga ki runga.

Ka nānā ana to mata ki runga e 4
akara e pini na ake; kua putuputu ka-
toatoa mai ratou, e aere mai ratou kia
koe ra: e tae mai to au tamariki tamaro-
a mei te ngai mamao mai, e to au
tamine e apai taokupuia mai ia. E i
reira koe e kite ei, e e rekareka oki, e
ruketekete oki to ngakau, e ka akama-
taia; ka akaariua mai oki te
maata o te moana kia koe ra; ka tae
mai te au apinga no te au enua kia koe
ra. E kapi koe i te rai o te kamela,
te au kamela ou no Midiana e no
Epha; ko ratou katoa to Seba i te
aere anga mai: e apai mai ratou i te
auro e te tumiama; e ka akakite ratou
i te akameitaki ia Iehova. E akaputu-
putu anakeia mai te au anana i Kedara
ia koe; e riro oki te au rama i Ne-
baiota ia koe: e tae ratou ki runga i
taku atarau ma te marekaia mai, e
toku arc manca, naku rai e akama-
nanea.

Koai ra teia e tere nei mei te tumu-
rangi? e mei te aronga kukupu e rere
i to ratou au vaarua ra? E tapapa
mai te au enua taatai iaku, e te au pai
o Taresisa i mua, i te apai anga mai i
to au tamariki mei te ngai mamao
mai; ta ratou ario, e ta ratou auro
katoa ra; no te ingoa o toou Atua ra,
ko Iehova, e no Tei Tapu i Ise-
raela, kua akamanea oki aia ia
koe.

E na te au tamariki a te au tangata 10
ke ra e patu i taau au patu, e e rave-
ravia mai koe e to ratou au ariki ra:
i pāpā oki au ia koe i toku riri nei, i
toku takinga-meitaki ra e aroa atu ei
au ia koe. E amamaua to au ngutupa 11
kare e tukumoe; i te po e te ao
katoa kare e topiriia: kia apai mai
ratou i te apinga o te pa enua kia koe,
e kia aratakiia mai to ratou au ariki.
Ko te enua ra, e te basileia ra, kare e 12
kauraro ia koe ra, e mate ia; koia ia,
e akatanca ravaia ia au enua. Te 13

kakā o Lebanona, te ka tae mai ia kia
koe, te berusi, te paina, e te tasura
katoa; ei akamanea i toku ngai-tapu
ra; e e akakakā au i toku takinga
14 vaevae. E te au tamariki a te aronga
i takinga-kino mai ia koe ra, te ka
aere mai ma te tupou ki raro ki mua
ia koe ra; e te aronga katoa i akavii-
vii mai ia koe ra, ko te ka tipapa mai
ia ki raro i to tapuae: e tapa oki ra-
tou ia koe, ko te oire no Iehova;
ko te Ziona o Tei Tapu i Iseraela
nei.

15 Ko koe i akarukeia ra, e i ririia oki,
kare akera e tangata i aere na rotapu
ia koe ra, e akariro au ia koe ei aka-
teiteianga mutu kore, e ei rekareka-
16 anga, i tera uki, i tera uki. E ngote
rai koe i te u o te pa enua ra, e ngote
koe i te u o te au ariki ra; e kite oki
koe e ko au nei toou Ora, ko Iehova;
e ko tei Akaora ia koe ra, ko Tei
17 Mana ia ki o Iakoba nei. E kauonoia
mai e au te veo ki te auro; e kauonoia
mai e au te auri ki te ario; e kauonoia
mai te rakau ki te veo; e kauonoia
mai te toka ki te auri: e akariro au i
toou au akara ei au; e taau au telona
ei tuatua-tika.

18 Kare te takinga-kino e kitea akaouia
i toou ra enua, te pou, e te mate, i roto
i toou ra kotinga; e tapa ra koe i taau
ra au patu, Ko te ora ia; e toou ra au
19 ngutupa, Ko te akameitaki ia. Kare
te rā e riro akaou ei mārāma noou i te
ao; e kare rai te mārāma e akamā-
rama mai ia koe ki te mārāma: e riro
rā Iehova ei mārāma mutu kore noou,
e toou Atua ra, ko toou ia manea,
20 Kare toou rā e opu akaou; e kare oki
toou mārāma e mate akaou: e riro oki
a Iehova ei mārāma mutu kore noou,
e toou au rā aue ra, e ope rava ia.
21 E riro oki toou au tangata ei aro-
nga tuatua-tika anake: e noo oki ratou
i te enua e tuatau ua atu: ko te uri ia
i tanumia e au ra, e angaanga ia na
22 taku rima, kia akakakāia au ra. E
riro te mea ngiti okotai ei tausani; e
ko tei mea ngiti poepoe ra, e riro ia ei
enua maroiroi: naku, na Iehova,
e akarapurapu i te reira i tona
tuatau.

PENE LXI.

*To te Mesia tu: te meitaki e te akono-
angu o te aronga akarongo.*

TEI runga iaku te Vaeura o te Atua
ra o Iehova; no te mea na Iehova
au i akatainu, ei akakite i te tuatua
rekareka ki tei tairoia ra; kua tōno

mai aia iaku ei vāi i te aronga ngakau
paruparu, ei tutu aere i te ora ki te
tuikaa, e ei ceu i te are tapekānga i tei
tapekaia ra; E i tutu aere i te mataiti
inangaroia e Iehova, e te rā akaoko
anga na to tatou Atua; ei akapumaana
i te aronga ravarai i mii ra; E i akare-
kareka i te aronga i aue i Ziona, ei oron-
ga atu no ratou te manea ei pau i te
reu ai, te manongi ra o te rekareka no
te aue; te kakau pu ra i te akamei-
taki no te vaeua akaroeroe; ka ta-
paia ratou, Ko te au rakau tuatua-
tika, ei pau rakau na Iehova, kia aka-
kaiia aia.

E na ratou e patu i te au ngai nga-
oro taito ra, e patu akaou oki i te au
ngai tanee takere ra; e akamana oki
i te au oire i tanee ra, tei pou i tera
uki i tera uki. E na te tangata ke e
c tu mai e angai i ta kotou au anana;
e te au tamariki a te tangata ke ra *te
riro* ei tanu-kai, e ei tope vine, na ko-
tou. E tapaia kotou, i te kau taunga
na Iehova: e tapaia kotou, i te au
tavinu o to tatou Atua: e kai kotou
i te meitaki o te au enua nei, e aka-
tietie kotou i to ratou ra kakā.

E pokirua mai ta kotou ei pau i to
kotou akama; e rekareka ratou i ta
ratou tuanga *ei pau* i te tumatetenga: e
pokiruaia mai to ratou *meitaki* i to ra-
tou ra enua; e riro te rekareka mutu
kore ia ratou. Ko au ko Iehova tei
inangaro i te tuatua-tau, e mea maki-
takita naku te mea āru e te takinga-
kino: e naku e oronga atu i ta ratou
tutaki ma te tuatua-mou, e ei korero-
motu mutu kore taku e papau atu kia
ratou: E vavariaia to ratou au uanga
i rotou i te pa enua ra, e ta ratou e
anau ra i rotou i te au tangata ra: e
tuatua mai te aronga katoa e akara ia
ratou e, ko ratou te au tamariki i aka-
meitakiia e Iehova.

E rekareka maata au ia Iehova; e
reue ua taku vaeua i te rekareka i
taku Atua; kua akakakau mai oki aia
iaku i te kakau ra i te ora; kua tapoki
aia iaku i te kakau pu ra i te tuatua-
tika; mei te tane akaipoipo ou e aka-
manea iaia orai ki te mea inanea, e mei
te vaine akaipoipo ou e akamana iaia
uaorai ki te au poe ra. Mei te enua
nei oki e akakao mai i tana au mea
tupu ou ra, e mei te kainga nei e aka-
tupu i te au mea i rurua i roto iaia;
ka pera katoa ta te Atua ra ta Iehova
akatupu angu mai i te tuatua-tika,
e te akameitaki, ki mua i te pa enua
katoa ra.

PENE LXII.

*To te peroveta inangaro maata kia
rai to te Atua iti-tangata: te au
tiaki.*

1 **N**O Ziona nei i kore ei au e muteki
ua'i, e no Ierusalemā nei i kore ei
au e noo ua'i, e kia puroro atu tana
tuatua-tika mei te mea kakā; e te ora
2 nona mei te turama e mura ra. E kite
te pa enua i te tuatua-tika naau ra, e
te au ariki katoa i toou ra kakā: e
e tapaia koe i tetai ingoa ou, na te vaa
3 o Iehova e tapa. E riro oki koe ei
korona manea i te rima o Iehova, ei
pare ariki i te rima o toou Atua ra.
4 Kare koe e tapa akaouia atu, E tei
akarukeia e; kare oki toou enua e
tuatua akaouia, E tei tanee e e tapaia
ra koe. E te mea mataora naku; e toou
enua, Tei akaipoipoia ra; ka mataora
oki a Iehova ia koe, e e akaipoipoia toou
5 enua. *Mei* te tangata ou oki e aka-
ipoipo i te paretenia nei, e akaipoipo
katoa to au tamariki tamaroa ra ia
koe: e mei te tane akaipoipo ou e
rekareka i tana vaine, e rekareka i to
Atua ra ia koe.

6 Kua tukuia e au te tiaki ki runga i
to au patu, e Ierusalemā, e po ua atu
te rā, e ao ua ake te po, kare ratou e
muteki ua: e kotou oki tei akapaana
i te ingoa o Iehova, auraka kotou e
7 muteki ua: E auraka e vao iaia kia
noo ua ana, e kia akatinamou aia, e
kia akariro aia ia Ierusalemā ei aka-
8 meitakianga i te ao nei. I taputōu
anā Iehova i tona rima katau, e i tona
rima mana, Kare rava au e oronga
akaou i taau sitona ei kai na toou au
enemi; e kare oki te au tamariki a te
tangata ke ra e inu akaou i taau wina,
9 tei roia e koe ra. Ko te aronga ra e
kokoti i te reira, ko te ka kai ia, ka
akameitaki ei ia Iehova; e te aronga
e koi aere i te *vine* ra, ko te ka inu
rai ia i roto i toku au paepae tapu ra.

10 Ka aere kotou, ka aere kotou na roto
i te au ngutupa; e akateatamamao ana
i te ara no te au tangata ra; e akāū ki
runga, e akāū i te arataa ki runga; au-
raka ei tokatoka; e akatu i tetai reva ki
11 runga no te au tangata ra. I na, kua
akakiteia e Iehova, kua tae ki te openga
mai o te enua nei: E karanga atu ko-
tou ki te tamaine a Ziona, I na, te
aere maira toou Ora; i na, tei iaia
uaorai tana tutaki, e tana angaanga ra,
12 tei mua ia i tona aroaro. E tapaia
oki ratou, I te aronga tapu, tei okoin
e Iehova ra: e e tapaia oki koe, I

tei kimiia ra, Te oire kare i akaru-
keia ra.

PENE LXIII.

To te enemī pou anga i te Mesia ra.

KOA! teia i aere mai mei Edoma 1
mai? mei Bozara mai ma te ka-
kau tukuia? Teia ko tei manea i tona ka-
kau, i te aere anga ma te maata o tona
ririnui? Ko au ia, ko tei tuatua i te tu-
tua-tika, ko tei mana kia akaora ra. Eaa 2
i kutekute ei toou kakau? e mei to te
tangata i takatakai i te taomianga wina
toou ra kakau? Ko au anake rai tei 3
takatakai i te taomianga wina; kareka
te au tangata ra, kare rava ia, ko au
anake ra: kua takatakai oki au ia ra-
tou ma toku riri: e kua takatakai au
ia ratou ma toku riri akaoko ra; i ii 4
ua mai ei to ratou toto ki runga i toku
kakau; e kua avaava iaku toku kakau
katoa nei. No te mea tei toku ngakau
te rā akaoko anga, e kua tae ki te ma-
taiti o tei okoia e au ra. Kua akara 5
iora au, e kare rava e tauturu; e kua
va ua iora au, no te mea, kare rava e
toko: i rauka'i i toku uorai rima te
ora naku; e na toku uorai riri i turu
mai iaku. Kua takatakai au i te au
tangata i toku riri, e atiati akera ra-
tou iaku i toku ra riri akaoko; ma-
ringi iora to ratou toto iaku ki raro i
te one.

Ko te aroa o Iehova taku e akaiki 7
ra, te akameitaki ia Iehova, i te au
mea katoa ta Iehova i oronga mai no
tatou; e te takinga-meitaki maata ki
te ngutuare o Iseraela, tana i oronga
no ratou; no tona aroa, e te takinga-
meitaki maata nona ra. I tuatua oki 8
aia e, E iti-tangata rai oki ratou noku,
e tamariki ia kare e pikikaa mai;
riro atura aia ei Akaora no ratou. I 9
to ratou katoa ra au mate kare aia i te
enemi, na te angela ra o tona aroaro
ratou i akaora; no tona inangaro e
tona tangi i oko ei aia ia ratou; e nana
ratou i apai, e kua maranga ratou iaia,
i te au rā katoa mei ito mairai. Kua 10
meameaau ra ratou, e kua akariri i
tona Vaerua Tapu: riro iora aia ei
enemi no ratou, e kua tamaki maira ia
ratou.

Kua akamaara ra aia i te au rā taito 11
ra, ko Mose, e tona iti-tangata, i te na
ko anga e, Teiea aia i arataki mai ia
ratou mei raro mai i te tai ra, e te tiaki
katoa o tana ra anana? teiea oki aia i
tei tuku i tona Vaerua Tapu ki roto
iaia ra? I te arataki anga i te rima 12
katau o Mose, i tona uorai rima kakā;

i te vevete anga i te moana na mua ia
ratou, kia akariro aia i tona ingoa ei
13 *ingoa* ngaro kore? I te arataki anga
ia ratou na te moana? mei te ipo i te
medebara ra, kare ratou i turori. Mei
14 te puaka e eke ki raro i te o ra, na te
Vaerua o Iehova i akaanga i tona roi:
i pera toou arataki anga i toou iti-ta-
ngata, kia riro toou ei ingoa kakā ia
koe.

15 Ka akara mai na koe mei te rangi
mai, ka akara mai mei toou hooanga
tapu e te kakā: teiea toou ra maroifoi
e to ririnui? te tangi o toou ngakau, e
toou aroa iaku nei, kua tāpuia ainei?
16 Ko koe rai to matou Metua, kore ua
atu a Aberahama i te kite mai ia ma-
tou nei, e kore ua oki a Iseriela i te
akono mai ia matou: ko koe, e Ie-
hova, ko to matou ia Metua, ko to
matou ia Akaora; mei tupua roa mai
17 toou ingoa. Eaa koe, e Iehova e, i
akatareva ke ei ia matou i toou ra au
arataa? eaa koe i akapactaeta'i i to
matou ngakau kia kore e mataka ia
koe? e oki mai i to au tavini nei, i te
18 au kopu oki o tauu ra tuanga. E noo
anga potu ua to toou ra au tangata
tapu: kua takatakaiia toou ngui-tapu
19 e to matou aronga enemi. Kua roa
akenei matou *mei te mea* e kare koe i
te kavana no matou nei; mei te aronga
kare i tapai a toou ra ingoa.

PENE LXIV.

*Te pure ra te au tangata o te Atua kia
mārama.*

1 **A**NGAIRI koe e aae mai i te rangi,
ka eke mai ei; kua ta'e mai te
au maunga ki raro ki mua i to aroaro
2 na! Mei te vaie rikiriki marō e ka i te
ai, mei te vai e pupu i te ai; e aka-
kite i to ingoa ki to au enemi ra, kia
ruketekete te pa enua ki mua i to aro-
3 aro ra. Ia koe oki i rave i te au mea
matau ra, kare i manakioa e matou;
kua eke maira koe, kua ta'e te au
maunga ki raro ki mua i to aroaro na.
4 Mei taito mairai kare i akarongoia,
kare i kiteia e te taringa, kare i aka-
raia e te mata, tetai atua ke mari ra
ko koe, i te rave akapera anga na tei
5 tapapa iaia ra. E aravei rai koe i tei
rekareka e tei rave i te tuatua-tika; ko
ratou tei akamaara ia koe i toou ra au
aerenga: i ua, kua riri koe, kua ara
oki matou: no te reira au mea kare e
6 mutu, ka ora ia matou. Mei te apinga
viivii ra oki matou katoa nei; e ta
matou katoa ra tuatua-tika mei te ka-
kau i akarukeia ra; kua mae anake

matou mei te rau rakau ra, e kua puia
keia akenei matou e ta matou au ara,
mei *te mea i puia* e te matangi ra.
Kare rava e tangata e kapiki ki toou
ra ingoa, ko tei akamaroiroi iaia uo-
rai e tāpu ia koe: i uuna ke atu ei koe
i to mata ia matou nei, e kua akapou
rava koe ia matou i te ririnui i to ma-
toui au kino.

E tenana ra, e Iehova e, ko koe rai
to matou Metua; e karakaraea matou,
e ko koe tei anga ia matou; e anga-
anga anake matou na to rima. Au-
raka e akaope rava i to riri, e Iehova,
auraka oki e akamaara tamou ua mai i
to matou kino: i na, ka akara mai na,
ta matou ia tuatua ia koe; e iti-tan-
ngata anake oki matou noou. Kua
riro to au oire tapu ra ei medebara,
kua riro Ziona ei medebara, kua tanca
Jerusalem. To matou are tapu e te
manea, tā to matou au metua i aka-
mori ia koe i roto ra, kua ka rava ia i
te ai; e te au mea katoa ta matou i
inangaro ra, kua pou rava ia. E noo
ua ainei koe i teianei au mea, e Ie-
hova? e muteki ua ainei koe, ka aka-
maata ua mai ei te mate ki runga ia
matou nei?

PENE LXV.

*To te etene riro anga ei iti-tangata no
Iehova: to Iuda kopae angiaua no te
akarongo kore: te mate o te aronga
kino, e te meitaki o te aronga mei-
taki: Ierusalem ou.*

KUA akarongo au i te aronga kare
i ui iaku; kua kitea au e te aro-
nga kare i kimi iaku: i tuatua ana oki
au e, I na ko au, I na ko au, ki te
enua kare i tapaia i toku nei ingoa. I
akatika ua ana au i oku rima e po ua
akenei te rā ki te aronga meameaau,
ko tei aere na te arataa meitaki kore,
i ta ratou uorai i kimi ra; Ki te aro-
nga i akaongoongo mai iaku ki mua
tikai i toku nei mata kare i tukumoe;
ko tei apai i te tusia i roto i te koro
ra, e te tutungi anga oki i te rakau
kakara ki runga i te toka karakaraea
ra: Ko tei noo ki roto i te au vaarua,
e ko tei moe ki roto i te au menema,
ko tei kai i te kiko puaka maori ra, e
te vai o te au mea viivii tei roto ia i ta
ratou au kapu ra: Ko tei tuatua, Kia
aten ke atu koe; auraka e akavaitata
mai iaku; e tapu maata oki toku i
toou. E auai ratou i roto i toku pu-
taiu, e ai ka ua rai e po ua atu te rā.

I na, kua tatau i mua i toku aroaro:
oti ra ana au i te muteki ua, e

tutaki ra au, e tutaki atu ki roto i to
7 ratou uorai umauma, I to kotou au
kino, e te au kino o to kotou ra au
metua katoa, te tuatua mairā Iehova;
ko tei tutungi i te rakau kakara ki
runga i te au maunga, e kua akakino
iaku ki runga i te au tuaivi: e teianei,
e akaaite atu au ki roto i to ratou
umauma, i te utunga o ta ratou anga-
anga taito ra.

8 Te na ko mairā Iehova, Mei te
vina ou i kitea i roto i te kaui vine ra,
e kua karanga iora tetai, Auraka e
rave kinoia; *te rai* ra oki te meitaki
tei roto: e pera rai au i toku ra au
tavini, kia kore ratou e pou takiri iaku.
9 E arataki mai au i tetai uanga no ko ia
Iakoba ra, e tetai e noo i te maunga
noku ra no ko ia Iuda ra: e e riro *te*
enua ki tei iikiia e au ra, e na toku
10 aronga tavini e noo ki reira. E riro
oki Saronā ei koro no te au anana, e
te o ra o Akora, ei moeanga no te au
bovi: na toku ra iti-tangata tei kimi
mai iaku ra.

11 Ko kotou ra, ko tei akaruke ia Ie-
hova, e kua akangaropoina i toku ra
maunga tapu, e kua ārikiriki i te kai-
ngakai na Gada, e kua akaki i te ne-
12 seka na Mēni. E teianei, ko kotou
taku e tatau no te koke; e piko anake
kotou ki raro kia taia: no te mea,
iaku i kapiki atu, kare akera kotou i
iō mai; iaku oki i karanga atu, kare
ra kotou i akarongo mai: kua rave ra
kotou i te kino ki mua i toku mata
nei, e kua iki ra kotou i tei inangaro
koreia e au ra.

13 E teianei te na ko maira te Atu ra
ko Iehova, I na, e kaikai toku aronga
tavini, e pongi ra kotou; i na, e inu
toku ra aronga tavini, e mate ra kotou
i te kaki vai: i na, e rekareka toku ra
14 aronga tavini, e akama ra kotou: I na,
e imene toku au tavini i te rekareka
ngakau ra, e pukaou ra kotou i te
mamae ngakau ra, e evakaku oki i te
15 atiatia anga o te vaerua. Ka vao oki
kotou i to kotou ingoa ei katarā i toku
ra aronga iikiia: na te Atu ra oki na
Iehova kotou e ta: ka tapa aia i tona
16 au tavini i tetai ingoa ke. Ko tei
akaora oki iaia uorai i te enua nei, ka
akaora aia iaia uorai ki te Atua tu-
tua-mou ra; e ko tei taputou i te enua
nei, e taputou ia i te Atua tuatua-mou
ra; no te mea kua ngaropoina te au
mea pekapeka i mutungana, kua uuna
keia ia oki i mua i oku mata.

17 I na oki, te anga nei au i te rangi ou
e te enua ou: kare oki tei muata-
ngana ra e maaraia, kare e akama-

nako akaouia atu. E rekareka ra ko-
 tou, e e rere ua i te rekareka e tuatau
 ua atu, i taku e anga nei: i na oki, te
 anga nei au ia Ierusalem e i akapaa-
 paaanga, e tona ra iti-tangata ei reka-
 rekaanga. E rekareka maata oki au
 ia Ierusalem, e e pingapingareka au i
 toku ra iti-tangata: kare oki e kitea
 akaouia i roto iaia, te reo aue, e te reo
 evakaku. Kare e kitea akaouia ki
 reira te mataiti no nga rā *iti ua*, e te
 tangata metua, kare i akaopeia tona
 au rā: e tamariki ua tei mate i te ma-
 taiti okotai anere ra; e te tangata rave
 ara tei mate i te mataiti okotai anere
 ra, e katariaia ia. E patu ratou i te au
 are, e na ratou uorai e noo; e na
 ratou e tanu i te au kainga vine, ka
 kai ei i te kai i reira. Kare ratou e
 patu, e na tetai ke e kai: mei te au rā
 o te rakau nei te au rā o toku ra iti-ta-
 ngata; e rekareka tei iikiā e au ra, i
 te anguanga a to ratou uorai rima.
 Kare ratou e angaanga puapinga kore
 ua; kare e anau tamariki kia mate
 vave ua: e uanga oki ratou i akamei-
 takiā mai e Iehova, ratou e ta ratou
 katoa ra au tamariki. E riro oki ia,
 ou ratou e kapiki mai ei, kua iō takere
 atu au; e te tuatua ua maira ratou, te
 akarongo ra au. Ko te luko e te are-
 nio okotai rai kai katoa anga, e kai oki
 te Iiona i te ngangare mei te bovi ra:
 kareka te ovi, ko te one-pueu tana kai.
 Kare ratou e kanga, kare oki e mea e
 mate ei i toku katoa nei maunga tapu,
 te tuatua mairā Iehova.

PENE LXVI.

*E akamori ia Iehova ma te ngakau e
 tika'i, e auraka e aruaru ravenga
 ua: e rekareka to tei akaaka: e
 mate maata to tei kino, e te mōro.*

TE na ko mairā Iehova: Ko te au
 rangi toku terono, e te enua nei
 ko toku takainga vaeae: teica tena
 are ta kotou e akatu na noku? e teica
 taua ngai akaangaroiaanga noku ra?
 Na toku rima oki i anga i taua au mea
 katoa nei; e i vai ana oki taua au mea
 katoa ra, te tuatua mairā Iehova: teia ra
 taku tangata e akara atu, ko tei akaaka,
 e tei tataraara te ngakau, e tei rukete-
 kete i taku tuatua. Ko tei ta i te bovi
 ra, kua ta ia i te tangata; te akatusia i
 te arenio ra, kua tipu ia i te mimiti o
 te kuri; ko tei apai i te mineka ra, *kua
 apai* ia i te toto puaka maori: ko tei
 tutungi i te tumiama, e idolo tana e
 akameitaki; ko ratou uorai tei iki i

to ratou uorai aerenga; e te rekareka
 ra to ratou ngakau i ta ratou au mea
 4 viivii. E iki katoa au i to ratou ra au
 mea tumatetenga; e ta ratou e mataku
 ra, ko taku ia e apai mai ki runga ia
 ratou; no te mea ko au tei kapiki atu,
 e kare rava tetai i iō mai, ko au tei
 karanga atu, e kare rava ratou i akaro-
 ngo mai: kua rave ra ratou i te kino
 ki mua i oku mata, e kua iki ra ratou i
 tei inangaro koreia e au ra.

5 E akarongo mai i te tuatua a Iehova,
 e tei ruketekete i tana tuatua: Ko to
 kotou au taenake, i riri mai ia kotou ra,
 ko tei titiri ia kotou ki vao no toku
 nei ingoa; tei karanga e, Kia akaka-
 kua Iehova: e kitea maira aia ei reka-
 rekaanga no kotou, kareka ratou, e
 6 akama ia. E reo i te mutamuta ua
 anga no roto i te oire! e reo no roto
 i te nao! te reo o Iehova i te tutaki
 anga i tona au enemi!

7 Ou aia i mamae mai ei, kua anau
 takere; e kare i mamae tika, kua anau
 8 tana e tamaroa. Koai tei akarongo
 akenei i te tuatua mei teianei? koai tei
 kite i te au mea mei teianei te tu? o
 enua katoa ainei tei mamae i te rā
 okotai? e anau ainei te enua katoatoa
 i te kamoanga mata nei? tei te mamae
 anga ra oki i anau mai ei ta Ziona au
 9 tamariki. E akavaitata ainei oki au
 ki te anau, e auraka e akaanau rava?
 te tuatua mairā Iehova: e akaanau
 ainei au, ka papani atu ei? te tuatua
 maira to Atua.

10 E rekareka kotou ma Ierusalem
 katoa, e rere ua kotou i te rekareka
 iaia, kotou, e te aronga katoa e aroa
 iaia ra: kia maata to kotou rekareka
 iaia, kotou katoa ko tei aue iaia ra;
 11 Kia ngote kotou, e kia pangia te kaki i
 te u ra i te akapumaana nana ra; kia
 akate mai kotou i te u, ka rekareka'i
 12 i te maata o tona ra kakū. Te na ko
 maira oki a Iehova: I na, te toto nei
 au i te au ki runga iaia mei te vai ra,
 e te apinga a te au enua mei te vai
 ta'e ra: e ngote kotou i te u, e apai
 taokupu aereia; e ki runga i nga turi
 13 kotou e akatutua'i. Mei tei akapu-
 maanaia e tona ra metua vine, ko
 toku ia akapumaana ia kotou; ei Ie-
 rusalem oki kotou e akapumaanaia'i.
 14 E kite oki kotou, e rekareka oki to ko-
 toutu ngakau, e ruperupe oki to kotou
 aronga ivi mei te rakau rikiriki mata
 ra: e kitea te rima o Iehova e tona ra
 au tavini, e riri ra aia i tona ra au
 enemi.

15 I na oki, te aere mairā Iehova ma
 te ai ra, e tona ra, au kariota mei te

puaoio ra, e akapuangi mai i tona riri ma te veravera maata; e te akamura nana ma te mura ai ra. E taumāro mai oki a Iehova i te ai, e ma te koke katoa nana ki runga i te tangata katoa ra, e ka manganui ta Iehova tangata taia.

Ko ratou ko tei akatapu ia ratou uarai, e kua tamā ia ratou uarai, ki roto i te au koro ra, i te aru anga i te mea okotai, ki rotapu i te aronga i kai i te puaka maori, e te mea viivii ra, e te kione nganguere ra; okotai o ratou akapou angaia, te tuatua mairā Iehova.

Ko au nei ra, kua tae mai oki ta ratou ravenga, e to ratou manako ra, *ki mua iaku nei*; e akaputupu mai au i te au enua ravarai, e te au reo katoa; e ka aere mai oki ratou, ka kite oki ratou i toku ra kakā. E tuku atu au i te akairo ia ratou, e te aronga i ora mairā, taku ia e akaunga ki te au enua ra, ki Taresisa, ki Pula, ki Luda akainaina ana ra, ki Tubala e ki Iavana, ki nga enua mamao i taatai ra: ki tei kore i akarongo i toku ingoa, e kare i kite i toku ra kakā: e na ratou e akakite i toku ra kakā ki rotapu i te au

20 etene. E na ratou e apai mai i to kotou au tacake katoa, mei te au enua katoa, ei minaka na Iehova: na runga i te au ipo, e te au kariota, e te au porotata ra, e te au mule, e te au bekare ra, ki toku maunga tapu ra, ki Ierusalemā, te tuatua mairā Iehova, mei te au tamariki a Iseracla i apai mai i te minaka ki roto i te āriki viivii kore i te are o Iehova. Ko to roto katoa ia ratou taku ia e rave, ei kau taunga, e ei au ngati Levi, te tuatua mairā Iehova.

22 Mei te rangi ou nei oki, e te enua ou, taku e anga, e vai ua mai ki mua iaku nei, te tuatua mairā Iehova, ka pera rai to kotou uanga, e to kotou ingoa,

23 i te vai ua anga. E mei tetai marama ou oki e tae ua atu ki tetai marama ou, e mei tetai sabati e tae ua atu ki tetai sabati, ko te aere anga mai ia o te tangata katoatoa, ka akamori ei ki mua i toku aroaro, te tuatua mairā Iehova. E aere oki ratou ki vao ka akara'i i te au ivi o te tangata i meamecau mai iaku: kare oki to ratou tunga e mate, e to ratou ai kare e tamateia; e riro oki ratou ei rikarikaanga na te tangata katoa.

TE TUATUA A TE PEROVETA RA A

I E R E M I A.

PENE I.

To Ieremia akataka angaia ki te angaanga peroveta, e te tuatua i tona tuuturu angaia i te rare anga.

TE tuatua a Ieremia, te tamaiti a Hilikia, tetai o te kau taunga i Anatota, i te enua o Beniamina ra: I tae mai te tuatua a Iehova kiaia i te au rā o Iosia, te tamaiti a Amona, ariki no Iuda, i te mataiti okotai ngauru ma toru o tona au. I tae mai oki i te au rā o Iehoiakima, te tamaiti a Iosia, ariki no Iuda, e ope ua atu te mataiti okotai ngauru ma tai i te au o Zedekia, te tamaiti a Iosia, ariki no Iuda, e tae roa akera i te apai tuikaa anga ia Ierusalemā i te marama e rima ra.

4 I reira te tuatua a Iehova i te tae anga mai kiaku nei, i te na ko anga mai, Kare koe i angaia e au i roto i te kopu, i kite ei au ia koe; e kare koe i topa ki vao i te kopu ra, i akatakaia'i koe e au; kua akonoia koe e au, ei

6 peroveta no te pa enua. Kua karanga atura au, Aue! e taku Atu e Iehova e! i na, kare au i kite i te tuatua: e ta

7 maiti ua oki au nei. Kua tuatua mairā Iehova kiaku, Aua koe e karanga e, E tamaiti ua au: ko te aronga ravarai taku e tono ia koe ra, ko taau ia e aere; e ko te au mea katoa taku e akaue kia koe ra, ko taau ia e tuatua.

8 Auraka e matakū i to ratou mata: ei vaitata katoa au ia koe ei akaora ia

9 koe, te tuatua mairā Iehova. Kua akatika mairā Iehova i tona rima, e kua akatukia maira i toku vaa: e kua

tuatua mairā Iehova kiaku, I na, kua
tuku atu au i taku tuatua ki roto i to
vaa. Ka akara na, kua tuku atu au ia
koe i teianei rā ki rungao i te pa enua,
e te au basileia ra, kia kiriti tumu, e
kia vava'i ki raro, e kia pou, e kia uri
ki raro, kia akatu, e kia tanu.

Kua tae maira oki te tuatua a Ie-
hova kiaku nei, i te na ko anga mai:
Eaa taau e akara ra, e Ieremia? E
kua karanga atura au, E rara sekadi
taku e akara nei. E kua tuatua mairā
Iehova kiaku, Kua tika taau i akara ra:
e akarapurapu oki au i te akatupu i
taku nei tuatua. Kua tae maira oki te
tuatua a Iehova kiaku nei, ko te tu
rua ia, i te na ko anga mai, Eaa taau e
akara ra? e kua karanga atura au, Te
akara nei au i tetai pani, te pupu ua
maira; e kua anga mai te vaa mei
apatokerau mai. Kua tuatua mairā
Iehova kiaku, Mei apatokerau mairai e
pupu mai ei te kino ki runga i to te
enua katoa na. I na oki, e kapiki atu
au ki te au kopu-tangata katoa o te au
basileia i apatokerau, te tuatua mairā
Iehova; ka aere mai ratou, ka akatu
ei i to ratou terono, tonao, tonao, i te
tomoanga o te au ngutupa i Ierusa-
lema ra, e ki rungao i to reira au patu
e pini na ake, e ki rungao i te au oire
ravarai o Iuda. Te e akakite atu au i
taku utunga ia ratou, no te ratou au
tuatua kino katoa ra; ko te akaruke
iaku, e kua ta'u i te au rakau kakara ki
te au atua ke, e kua akamori oki ratou
i te angaanga a to ratou uaoari rima.

E temana, ka tatua ana koe i toou
taokupu, ka tu, ka karanga atu kia ra-
tou i te au mea katoa taku e akaue atu
kia koe na: auraka koe e taiaia i to
ratou mata, ko te akatumatetengaia
aea koe e au ki mua ia ratou. E i na,
kua akariroia koe e au i teianei rā, mei
te oire i akaketaketaina, e mei te pou
auri, e mei te patu veo i te enua katoa
nei; i te au ariki o Iuda, tona ui mata-
iapo, tona ra kau taunga, e te au ta-
ngata o te enua ra; E tamaki mai oki
ratou ia koe, e kare ra koe e rauka ia
ratou; tei ia koe oki au, ei akaora ia
koe, te tuatua mairā Iehova.

PENE II.

*Te tuatua nei te Atua i tona ra au ta-
ngata i tona ra takinga-meitaki: ko
to ratou kino te tumu o to ratou au
mate.*

E KUA tae mairai te tuatua a Ie-
hova kiaku nei, na ko maira, Ka
aere, ka kapiki atu i te taringa o to Ie-

russalema, ka karanga atu, Te na ko
mairā Iehova, Te akamaara nei au ia
koe, te takinga-meitaki i toou ou anga,
te inangaro anga i toou akaipoipo anga-
ia ra, ia koe i aru aere iaku na te me-
debara ra, na te enua kare i tanumia
ra: E mea tapu Iseracla na Iehova i
reira, te popo o tana mea tupu ra: ko
tei kai i te reira ra, kua ara ia; kua
rokoia ratou e te kino, te tuatua mairā
Iehova.

4 E akarongo mai i te tuatua a Iehova,
e te ngutuare o Iakoba, e te au kopu-
tangata katoatoa o te ngutuare o Ise-
raela e: Te na ko mairā Iehova, Eaa
taku ara i kitea e to kotou au metua
iaku nei, i akaatea roa atu ei ratou
iaku, e i aru aere ei i te mea puapinga
kore, e riro atura ei mea puapinga
6 kore. Kare oki ratou i tuatua e, Teiea
a Iehova, i tei arataki mai ia matou
mei te enua mairā mei Aiphiti; tei
arataki ia matou na roto i te medebara
ra, na roto i te enua kai kore, e te rua-
rua, na roto i te enua marō ka ua, e te
maru-mate, na roto i te enua aere koreia
e te tangata, e tei kore i nooia e te ta-
ngata. I amtaki mai oki au ia kotou
ki te enua kai maata; kia kai kotou i
te kai o te reira, e te meitaki o te
reira; e tae maira kotou ki reira ra,
viivii iora toku enua ia kotou, e kua
akararo atura kotou i taku tuanga ei
8 mea rikarika. Kare te kau taunga i
karanga e, Teiea a Iehova? e te aronga
oki i mou i te ture ra, kare i kite mai
iaku: kua ara katoa te au tiaki iaku
nei, e kua totou te au peroveta ia
Baala, e kua aru aere atura i te au
9 mea puapinga kore. E teianei, te tua-
tua mairā Iehova, E mūro atu rai au
ia kotou; e te au tamariki a ta kotou
10 au tamariki, taku ia e mūro atu. E
aere atura kotou ki te au enua o te
ngati Kitima ra, ka akara'i; e tono oki
i te karere ki Kedara, ka akamaara
tikai e, ka akara, i te kitea anga atu
11 tetai mea mei teia te tu. Kua oko
ainei tetai enua i to ratou atua? kare
oki ratou i te Atua? kareka toku iti-
tangata, kua oko ratou i to ratou kakā i
12 te mea kare ua e puapinga. Kia iti-
mangamanga kotou, e te au rangi e, i
taua mea ra, kia koiriria, e kia rau-
ngara roa kotou, te tuatua mairā Ie-
13 hova. No te mea, ka rua akenei ara
i raveia e toku iti-tangata nei; kua
akaruke akenei ratou iaku, te tumu o
te vai ora; e kua pao i te au āriki vai
no ratou uaoari, e au āriki ngaanga
ia, kare e mou te vai ki roto.

14 E tavini ainei Iseracla, e anau ainei

aia i te ngutuare uorai? Eaa iora aia
 i riro ei ei nonianga? Kua ngunguru 15
 mai te au liona ou ra ki runga iaia,
 kua tuku mai i to ratou reo; e kua
 akataneia e ratou tona enua: kua
 ta'u naia tona au oire ki te ai, e kare ua
 e tangata. Kua pou oki toou take 16
 upoku i te au tamariki a Nopha, ma
 Tahapene. Kare ainci naau uorai te 17
 ara i akaperaia'i koe, no te mea kua
 akaruke koe i to Atua ra ia Iehova, iaia
 i arataki ia koe na te arataa? E teia- 18
 nei, eaa taau i te arataa e *tac atu ei* ki
 Aiphiti, kia inu i te vai ra ia Sihora? e
 eaa oki taau i te arataa e *tac atu ei* ki
 Asura ra, kia inu i te vai o taua vai ra? 19
 Na toou uorai kino e ako ia koe, e na
 taau kotocanga ki muri e akamura mai
 ia koe: kia kite mai koe e kia akara e,
 e mea kino maata, e te manae, ko koe
 i akaruke i toon ra Atua ia Iehova; e
 kare ouu matakua iaku nei i roto ia koe
 na, te tuatua maira te Atua ra ko Ie-
 hova Sabaota. Kua aati takere ana 20
 koe i taau zugo, e kua motu keia e
 koe te au tapeka ia koe ra; e kua tua-
 tua koe, Kare au e akarongo atu; kua
 riro ra koe i runga i te au tuaivi katoa,
 e i raro ake i te au rakau ruperupe ra-
 varai, i te akaturi aere anga. Kua 21
 tanu oki au ia koe ei vine meitaki, ei
 kopura meitaki tikai: eaa io nei koe i
 akaroiroia'i ei rara kino no tetai vine
 ke? Orei ua ra koe ia koe uorai ki te
 natarona, e rave atu rai te pua e kia
 maata, kua akaroiroia rai tocu kino ki
 mua iaku, te tuatua maira te Atua ra ko
 Iehova? Eaa e tika'i ia koe kia ka- 23
 ranga e, Kare oku e viivii? kare au i
 aru aere i te au Baala? ka akara ana i
 toou aerenga ki roto i te o ra; kia kite
 koe i taau i rave ra: *mei* te bekari
 viviki i oro aere i tona au aerenga,
Mei te asini momoavao i mitau i te 24
 medebara, no tona inangaro i ongiongi
 ei aia i te matangi; i tona ra tuatau,
 naai e akaoki mai? kare anake ratou e
 akaroiroi ia ratou uorai i te kimi anga
 atu iaia; i tona ra marama e kitea aia
 e ratou. Auraka e pa i to vavae kia 25
 kiritia te tamaka, e to karaponga i te
 kaki vai: kua tuatua ra koe e, Kare ua
 e manakonakoanga: kua inangaro oki
 au i te tangata ke ke, e e aru rai au ia
 ratou. Mei te keia i akama me kitea 26
 ra, kua akama katoa te ngutuare o
 Iseraela; ko ratou, to ratou ui ariki,
 to ratou ui mataiapo, e to ratou kau
 taunga, ma to ratou au peroveta. I te 27
 tuatua anga atu ki te rakau e, Ko koe
 toku metua tane; e ki te toka nei,
 Naau au i anau: kua iki oki ratou i to

ratou tua kiaku, e kare te aro: i te
 tuatau ra i rokoia'i ratou e te kino, ka
 tuatua mai ei ratou e, Ka tu koe ki
 28 runga, ka akaora ia matou nei. Teia
 ra toou au atua taau i anga ra? ko ra-
 tou te tu ki runga e akaora ia koe i
 toou tuatau kino ra; kua aiteite oki
 toou au atua, e Iuda e, ki toou au oire
 29 i te maata. Eaa kotou e ketaketa mai
 ei kiaku nei? kua ara anake oki kotou
 30 iaku, te tuatua mairi Iehova. E pāpā
 anga puapinga kore taku i ta kotou au
 tamariki; kare ua ratou i akarongo
 mai i te ako: kua pou ta kotou au
 peroveta i ta kotou uorai koke, mei te
 pou liona ra.
 31 E tera ra uki tangata e! ka akara
 mai i te tuatua a Iehova. I riro ainei
 au ei medebara ia Iseraela? ei enua
 poiri ainei? eaa oki i tuatua mai ei
 toku iti-tangata, E aronga titima ma-
 tou, kare matou e oki akaou atu ia
 32 koe na? E ngaropoina ainei i te pare-
 tenia tana peu akamanca, e te vaine
 akaipoipo ou tona tatua? kua akanga-
 ropoina ra toku iti-tangata iaku, i te
 33 au rā kare e ope kia tatua. Eaa koe e
 akameitaki ei i toou aerenga i te kimi
 anga i te inangaro? e kua apii katoa
 koe i te aronga kino i toou au aerenga.
 34 Kua kitea oki te toto ki runga i to
 tapa kakau, te toto o te aronga ao ara
 kore ra: kare ra i kitea e au i te kimi
 oonu anga, i runga ra i teia aronga
 35 ravarai. Kua tuatua ra koe e, No te
 mea kare aku ara e riro aia i te aka-
 anga ke i tona riri iaku nei. I na, e
 akava atu au ia koe na, no te mea kua
 36 tuatua koe e, Kare aku ara. Eaa koe
 i koka aere ua'i i te taruri ke anga i
 toou aerenga? ka akama rai koe ia
 Aiphiti, mei ia koe i akama ia Asura
 37 ra. Koia ia, ka aere atu koe mei ko
 nei atu ma nga rima ouu ki runga i
 toou mimiti: kua akarukeia oki e Ie-
 hova taau i irinaki na, e kare koe e
 manuia ia ratou.

PENE III.

*Okotai rai aite to Iuda akamori idolo
 i to Iseraela: te akoia nei raua
 ravarai kia tataraara kiu aroaia
 mai: te kino i tupu i te ara: tei te
 Atua ra te ora.*

1 **T**E tuatuaia nei, Kia kopae atu
 tetai tane i tana vaine, e kia aere
 ke aia iaia, e riro atura na tetai tane
 ke, e oki akaou mai aina aia kiaia?
 kare ainei e viivii rava te reira enua?
 kua akaturi aere ra koe ki te au tane e
 manganui, e oki akaou maira koe kiaku

nei, te tuatua mairā Iehova. Ka nānā 2
ana i to mata i te au ngāi teitei, ka
akara i te ngāi i kore e koe i mocia'i.
I noo na ana koe i te au arataa i te
tiaki ua anga mei te Arabia i te mede-
bara ra; kua viivii rava te enua i to
akaturi, e to kino. I kore e oki te ua
i paria mai, e kare rai te ua openga; e
tei ia koe te rae o te vaine akaturi ra,
e mea tau kore ia koe te akama. Kare
ainei koe mei ko nei atu e kapiki mai
kiaku e, E taku metua, ko koe te tiaki
i toku ou anga ra? Ka akamouri
ainei aia e tuatau ua atu? e tamouia
ainei e kare e mutu? i na, kua tuatua
oki koe, e kua rave i te kino i tika ia
koe kia rave ra.

Kua tuatua mairai oki a Iehova iaku
i te au rā o te ariki ra o Iosia, Kua kite
ainei koe i ta Iseraela akatitima i rave?
Kua aere akenei aia ki runga i te au
maunga teitei katoa ra, e ki raro i te
au rakau ruperupe ravarai, e kua aka-
turi ki reira. E kia ope teia au mea
katoa nei i te raveia e ia, karanga
atura au e, Ka oki mai na koe kiaku
nei. Kare ra aia i oki mai. E kua
kite oki tona tuakana pikikaa ra ko
Iuda. E kite akera au, no te māro o
Iseraela akatitima i te akaturi i kopae
atu e i au iaia, e i toku atu e iaia i te
tuatua kopae; kare rai tona tuakana
pikikaa ko Iuda i mataka, kua aere ra
e kua rave katoa aia uarai i te pecu aka-
turi. E viivii roa akera te enua i te
rongonui o tana akaturi, e kua akaturi
aere ki te toka e ki te rakau. E oti 10
roa akera, kare rai tona tuakana pikikaa
ko Iuda i oki mai kiaku ma tona nga-
kau katoa, ma te pikikaa ra, te tuatua
mairā Iehova. E kua tuatua mai a 11
Iehova kiaku, E ngari ake ta te aka-
titima ra, ta Iseraela akatika anga iaia
uarai, i ta Iuda pikikaa ra.

Ka aere ka tutu aere i teianei tua- 12
tua ki te pae ki apatokerau, ka na ko
atu e. Ka oki mai koe, e Iseraela
akatitima e, te tuatua mairā Iehova;
e kare au e akatopa atu i toku riri ki
runga ia kotou; e aere oki toku, te
tuatua mairā Iehova, kare au e aka-
mouriri e tuatau ua atu. E aaki mairā 13
koe i toou kino e, kua ara rai koe i
toou Atua ra ia Iehova, e kua koka
aere ua koe ma te au tangata ke, ki
raro eke i te au rakau ruperupe katoa-
tona; e kare akenei kotou i akarongo
i toku reo, te tuatua mairā Iehova.
Ka oki mai, e te au tamariki akati- 14
tima e; te tuatua mairā Iehova, aka-
ruke ua rai au ia kotou, ka rave rai au
ia kotou, tataki tai i te oire, e tataki

rua i te kopu-tangata, ka arataki e i au
15 ia kotou ki Ziona. E e oronga atu au
i te tiaki no kotou e tau ki toku uarai
ngakau, ko te ka angai ia kotou ki te
16 kite e te pakari. E kia akamaataia ra
kotou, e kia rai ki runga i te enua ra,
i taua au rā ra, te tuatua mairā Iehova,
kare ratou e tuatua akaou, Te aruna o
ta Iehova kororomotu; kare oki e tupu
ki roto i to ratou ngakau; kare oki
ratou e maaraia atu; kare oki e atoro
17 akaouia; kare rai e anga akaouia. I
te reira tuatau e tapaia i Ierusalem,
Ko te terono o Iehova; e uipa ana-
keia te pa enua ki reira, ki Ierusalem,
ki te ingoa o Iehova ra: kare oki
ratou e aru akaou i te ketaketa o to
18 ratou uarai ngakau kino. I te reira
au rā e aere atu e te ngutuare o Iuda
ma te ngutuare o Iseraela, e aere kapi-
piti mai raua, mei te enua mairā i apa-
tokerau, ki te enua i akanouia e au to
19 kotou ai metua ra. Kua karanga ra au
e, Eaa e tika'i iaku kia toku mai ia
koe ki rotou i te au tamariki ra? ka
oronga atu e i taua enua inangaroia
noou ra, te tuanga meitaki roa atu o te
pa enua ra? e kua tuatua iora au e,
Ka kapiki mai koe kiaku nei, E taku
Metua e; e kare koe e anga ke i te aru
20 anga mai iaku nei. Koia ia, mei te
vaine i akaruke pikikaa i tana tane, kua
pera rai ta kotou pikikaa anga mai
iaku nei, e te ngutuare o Iseraela e, te
21 tuatua mairā Iehova. E reo tei kitea
i runga i te au ngāi teitei, te aue, e te
pure anga, o te au tamariki a Iseraela:
no te mea kua akamingi ratou i to
ratou aerenga, kua akangaropoina
22 ratou i to ratou Atua ia Iehova. E
oki mai kotou, e te au tamariki akati-
tima e, ka akaouia e au to kotou aka-
titima anga. I na, te aere atu nei
matou ia koe, ko to matou Atua oki
23 koe, ko Iehova. E pikikaā tika rai to
te au tuaivi, e to te au maunga ra e
manganui ua atu; tei to tatou Atua
tikai ra, tei ia Iehova, te ora o Iseraela.
24 Na te mea akama i akapou i te apinga
a to matou ai metua mei to matou ou
anga mairai; ta ratou mamoe ma te
bovi; ta ratou au tamaroia, e ta ratou
25 au tamaine. Te moc nei matou ki
raro ma to matou akama, e te tapokiiia
nei matou e to matou uarai aringa-
ringa: no te mea kua ara akenei
matou i to matou Atua ra ia Iehova;
ko matou e to matou au metua, mei to
matou ou anga mairai, e tae rava aka-
nei ki teianei rā, e kare akenei i aka-
rongo i te reo o to matou Atua ra o
Iehova.

PENE IV.

Te akoia nei kia tataraara: te tu o te au mate te ka tupu i akakiteia: e aue anga no te au mate o Iuda.

KIA tika ia koe, E Iseraela e, i te 1
oki mai, ka oki mai koe kiaku
nei, te tuatua mairā Iehova: e kia tika
ia koe i te tuku ke atu i taau au mea
viivii, i mua i toku aroaro nei, kare
koe e uoa aere i reira. E kia taputou
ra koe, Te ora rā Iehova, ma te tua-
tua-mou, te tuatua-tau, e te tuatua-
tika; e akameitaki mai ei te pa enua
ia ratou uorai iaia i reira, e iaia rai e
akatietie ei ratou.

Te na ko maira oki a Iehova, ki te
au tangata no Iuda, e to Ierusalemā, E
kenu kotou i to kotou one ou ra, e au-
raka e ruru i te ua ki roto i te rakau
taratara. Ka peretome ana ia kotou
uorai no Iehova, e ka rave ke atu i te
kiri mua o to kotou ngakau, e te au
tangata no Iuda, e to Ierusalemā: ko
te otooto ua atu aea toku riri mei te ai
ra, e ka iora, kare e rauka kia pi
mai, no te kino o ta kotou au ra-
venga.

E akakite kotou i Iuda, e tutu aere
i Ierusalemā; e na ko atu, Ka akata-
ngi ana kotou i te pu i te enua nei: e
kapiki nui, ka na ko atu ei, Ka akapu-
tuputu ia kotou uorai, e taki aere
tatou ki roto i te au oire i akaketake-
taia ra. Ka akatu ana i te reva i
Ziona; ka ati, auraka e akatutu mai;
teia oki au ka apai mai i te kino mei
apatokerau mai, e te mate maata.
Kua riro mai te liona no roto i tona
ngai ngangaere ra: tei te ara maira te
ta i te pa enua; kua akaruke aia i
tona ngai ei akatanea i toou enua; ka
tamoanaia toou au oire, kare roa e
tangataia. Ka akakakau ana kotou
ki te kakau paoa i te reira, e papaki
ana i te umauma, ka aue ei; no te
mea kare te riri maata o Iehova i aka-
anga keia ia tatou nei. E te tuatua
mairā Iehova, kia tae ki taua rā ra, e
mate ei te ngakau o te ariki, e te nga-
kau o te ui ariki; e ka tumatetenga te
kau taunga, e ka va ua te au pero-
veta.

Kua karanga atura au, Aue! e to
Atu e Iehova e! kua akatareva ke
rava koe i teianei au tangata, e Ierusa-
lema katoa, i te na ko anga e, Ei au to
kotou: e kua taea ravaia te vaerua e
te koke.

I te reira tuatan e tuatuaia'i ki teia- 11

nei au tangata, e ki Ierusalemā; E ma-
tangi veravera no ko i te au tuaivi i te
medebara, i te ara o te tamaine a toku
iti-tangata, kare oki te matangi tairiiri
ota e te tamā; E matangi maata rava
ra mei reira mai te ka tae mai ia iaku
nei; ei teianei oki e akakite atu ei au
13 i taku akaapa anga kia ratou. I na,
mei te tumurangi aia kia aere mai,
mei te puatoio ra tona au kariota: e
viviki roa tona au ipo i to te au acto-
ra, e ae oki ia tatou! kua pou oki
14 tatou. E tamā na i to ngakau i te
kino, e Ierusalemā e, kia ora koe. Mei
te aa te roa o to manako kino i te vai
15 ua anga ki roto ia koe ra? E reo oki
tei kapiki mai mei Dana maira, e te
akakite ua maira i te mate mei te
16 maunga maira i Epheraima. E aka-
kite kotou ki te pa enua; i na! e
akakite atu ia Ierusalemā; te aere
maira te au mata tamaki mei te enua
mamao mai, e kapiki nui ratou i te au
17 oire o Iuda. E koropini ratou iaia
mei te au tiaki kainga ra; no te mea
kua meameaau maira aia iaku nei, te
18 tuatua mairā Iehova. No toou aerenga
e taau i rave ra i rokoia'i koe i teia au
mea nei; ko te tu ia o toou kino; e
mea maramara oki: no te mea kua
tae rava atu ki to ngakau.
19 E taku ngakau, e taku ngakau e!
kua mamae, kua tae rava ki te paruru
o toku ngakau, kua ori ua toku ngakau
ki roto iaku nei, kare e tika iaku kia
muteki ua, no te mea, kua kite koe,
e toku vaerua, i te tangi anga o te pu, e
20 te aoa tamaki. Ko te mate na rungao
i te mate i te akakite angaia, kua pou
takiri te enua katoatoa; kare e mamia,
kua pou toku au are puakapa; e toku
au paruru kakau, mei te kamo anga
21 mata ia. Mei te aa ra te roa o toku
akara anga atu i te reva? e te akarongo
oki i te tangi anga o te pu?
22 Kua nenevnia oki toku iti-tangata;
kare ratou i kite mai iaku; e tamariki
auouo ratou, kare oki o ratou kite:
kua pakari ratou i te rave i te kiino,
kareka te rave i te meitaki, kare ua o
ratou kite.
23 Akara iora au i te enua, e i na! e
utonga kore, kare e marikonga! te au
rangi oki, e kare ua o ratou mārama.
24 Akara iora au i te au maunga, e i na!
te ngaueue ra, e te keukeu rava ra te
25 au tuaivi katoa ra. Akara iora au, e i
na! kare ua e tangata; e kua rere ke
26 te au manu katoa o te reva nei. Akara
iora au, e i na! te enua i ua meitaki
ana ra, kua riro ia ei medebara, e kua
ope akea tona au oire i te ngaangaa, ki

mua i te aroaro o Iehova, ki mua oki i te ootoo anga o tona riri.

Te na ko maira oki a Iehova, Ka 27
 riro te enua katoatoa nei i te tanea, kare ra au e akaope takiri. Ko te mea 28
 teia ka aue ei te enua nei, e kerekere ei oki te au rangi i runga ra; kua tuatua oki au, kua akakoro au, e kare au e tatarara, e kare au e oki. I te muta- 29
 mutaanga o te au akuoro ipo ra, e te au toa ana ra, e ati ei te au oire rava-
 rai; e oro ratou ki roto i te au vaora-
 kau poiri ra; e kake ki runga i te au mato ra; e ope te au oire i te akari-
 keia, kare rava e tangata e noo ki roto. E ko koe, e tei pou e! e akapeea ua 30
 akera koe? kakau ua rai koe ki te kakau kutekute ra, akamanea ua rai koe ki te manea auro, akamaata ua rai koe i o mata ki te pene; e mea puapinga kore toou akamanea anga ia koe uaorai; ka akaviivii mai taau au tane ia koe, ka kimi rai ratou ia koe e ta. I akarongo ana au i te aue mei to 31
 te vaine i rokoia e te mamae anau ra, mei te aue o tei anau i tana tama mua ra; te aue o te tamaine a Ziona, te eva ua ra, te ikape ra i tona rima. *I te na ko anga e*, E ae oki au nei e! te taitaia ua nei toku vaerua i te aronga ta tangata nei.

PENE V.

Te akaoko a te Atua i te tangata, i to ratou kite kore, te akamori idolo, te akaviivii i te tuatua a te Atua, te pikikaa, te takinga-kino, e te akatika i te au peroveta pikikaa.

KA oro ana kotou na roto i te au 1
 arataa o Ierusalem a nei, ka akara'i i tenana kia kite, ka kimi oki i tona au ngai atea ra, peneiake ko te kiten ia kotou te tangata e okotai ua ake, tei rave i te tuatua-tau, e ko tei kimi i te tuatua-mou; e naku e akakore i tana ara. Tuatua ua rai ratou 2
 e, Te ora rā Iehova, e taputou pikikaa rai ta ratou. E Iehova e, kare ainei o mata tei runga i te tuatua-mou? kua pāpā akenei koe ia ratou, kare ra ratou i aue; kua akapou koe ia ratou, kare ra i tika ia ratou kia āriki mai i te ako: kua akamāro keta ua ratou i to ratou mata e ngari ake te mato; kare i tika ia ratou i te oki mai. I 4
 karanga akera au e, Koia tika rai, e aronga ao ratou; e kua nenevaia; i kore ei i kite i te arataa o Iehova, e te tuatua-tau a to ratou Atua. E aere au 5
 ki te au tangata nunui, ka tuatua au kia ratou; kua kite ia ratou i te arataa

o Iehova, te tuatua-tau a to ratou Atua: kua aati takiri ra ratou i to zugo, kua motu ia ratou te au taura 6
 tapeka. E teianei ka mate ratou i te liona no te vaorakau; e pou ratou i te luko aiāi; e na tetai nemera e tapapa i to ratou au oire: te tangata katoa e tomo ki vao ra, e acae uaia ia: no te mea kua manganui ua atura ta ratou tareva ke anga, e kua akamaataia to 7
 ratou kotoe anga ki muri. Eaa e tika'i iaku kia akakore i taua ara naau nei? kua akaruke taau au tamariki iaku nei, e kua taputou *i te au mea ke* kare i te Atua ra: iaku oki i angai ia ratou e ki roa akera, kua akaturi atura ratou i reira, e kononinoni iora e kua manomano ki roto i te au are o te au 8
 vaine akaturi ra. *Kua aite* ratou i te popongi ki te ipo toa i angaiia ra: i te miti anga te tangata katoa i te vaine a 9
 tona tangata tupu. Auraka ainei au e tutaki atu i teianei au mea? te tuatua mairā Iehova; e auraka ainei toku vaerua e akaoko atu i te enua mei teia te tu?

10 E kake kotou na runga i tona au koro e akapou; auraka ra e akaope rava; e apai ke atu i tona au rara, no 11
 te mea, kare ia i ta Iehova. E ravanga pikikaa maata oki ta raua katoa kiaku nei, raua ko te ngutuare o Iseraela, e o Iuda katoa; te tuatua mairā Iehova. 12
 Kua uuna akenei ratou ia Iehova, i te na ko anga e, Kare ia aia; kare oki tatou e rokoia e te kino, kare rai oki tatou nei e kite i te koke ma te onge: 13
 E riro ra te au peroveta ei matangi ua, e kare e tuatua o roto ia ratou; ka 14
 akaperaia oki ratou uaorai. I na ko mai ei te Atua Sabaata ra ko Iehova, No te mea kua pera mai ta kotou tuatua, i na, e akariro au i taku tuatua i roto i toou vaa na ei ai, e teianei au tangata ei vaie, ka pou oki ratou i te 15
 reira. I na, te arataki mai nei au i tetai enua mamao ei rave ia kotou, e te ngutuare o Iseraela, te tuatua mairā Iehova; e enua rinui, e enua taito; e enua kare koe e kite i tona reo, e kare koe e rongi i ta ratou me tuatua 16
 mai. Mei te vaerua turuma amama ua ra to ratou pia kakao, e tangata 17
 rinui anake ratou. E pou ia ratou taau mou, e taau areto, te ka kaininga tikaia e to au tamaroa e to au tamaine: e pou ia ratou taau au anana mamoe, e taau au anana bovi: e pou ia ratou taau au vine, e taau au suke: e pou ia ratou toou oire akaketaketaia ra, taau 18
 e irinaki na, i te koke. Kareka i taua au rā ra, te tuatua mairā Iehova, kare

au e akaope takiri ia kotou. E riro 10
oki me tuatua mai kotou e, No te aa i
pera mai ei to tatou Atua ra ko Iehova
ia tatou nei? ei reira koe ka karanga
atu ei kia ratou ra, Mei ia kotou i aka-
ruke mai iaku ra, e kua akamori i te au
atua ke i to kotou uaorai enua, e pera
rai kotou i te tavini anga i te ta-
ngata ke ke i tetai enua kare to kotou
uaorai.

E akakite kotou i teia i te ngutuare 20
o Iakoba, e tutu aere oki i Iuda ra, i
ta na ko anga e, E akarongo mai ana
koti i teia, e te iti-tangata neneva e,
o te kite kore; e mata to ratou, kare
ra e akara: e taringa to ratou, kare ra
e akarongo mai: Te tuatua mairā Ie-
hova, Kare ainei kotou e matakū mai
iaku nei? kare ainei kotou e rukete-
kete ki mua i toku aroaro? ko tei
akono i te one ei kotinga no te tai, i
te akonoanga mutu kore, e kare aia e
na runga i te reira: atuatu ua maira
te au ngaru, kare rai e rauka; aruru
ua maira ratou, kare ra ratou e na ru-
ngao i te reira. Kareka teianci au ta-
ngata, e ngakau akatitima, e te mea-
meau to ratou; kua akatitima ratou,
e kua aere ke. Kare oki ratou e tua-
tua ma to ratou ngakau, Tatou ka ma-
taku i to tatou Atua ra ia Iehova i
tenana, ko tei oronga mai i te ua no
tatou i tona tuatua, ko te ua mua, e te
ua openga ra: te au ebdoma akaū i
akonoia ra, ko tana ia i vao no tatou.
Kua akatareva keia ra taua au mea ra 25
e to kotou au kino, e no ta kotou ra au
ara i tāpu ei te meitaki ia kotou. Kua 26
kitea atura oki te aronga kikino i ro-
topu i toku iti-tangata: ko tei moe-
tapapa marie mei tei tuku i te mauu
ra; te akamoe ra ratou i te ere, te opu
ra ratou i te tangata. Mei te panta i 27
ki i te manu ra, kua ki katoa to ratou
au are i te pikikaa: i riro ei ratou ei
aronga nunui, e te apinga maata; Kua 28
poria ratou, kua inuini: koia ia, kua
taopa ua ta ratou tuatua i te tangata
kino: kare ra ratou i akatika i te tua-
tua, te tuatua a te matiroeroe, e te
manuia rai ta ratou; kare ra te tua-
tua-tika a te aronga apinga kore i aka-
tikaia e ratou. Auraka ainei au e 29
tutaki atu i teianci au mea? te tuatua
mairā Iehova; kare ainei toku vae-
rua e akaoko atu i te enua mei teia
te tu?

E mea vavaranga e te rikarika tei 30
raveia i te enua nei; Kua totou piki- 31
kaa te au peroveta; e i ta ratou e
tutara'i te kau taunga; e mea inangaro
oki na toku iti-tangata kia pera: e

akapeea ra kotou kia tae ki te ope-
nga ra?

PENE VI.

*Te nuku i tonokia mai e rave ia Iuda,
no te mea kua maata te ara: kua
akamaroioria te peroveta e te Atua.*

- 1 E ATI kotou, e te au tamariki a
Beniamina, mei rotoupu atu i Ie-
rusalema, ei Tekoa akatangi ei i te pu,
ei Bete-akerema ta'u ei i te ai ei aka-
iro: kua kitea oki te kino i te aerenga
mai mei apatokerau mai, e pou maata
- 2 ua atu. E akapou au i te tamaine a
Ziona, te vaine purou e te paruparu.
- 3 E aere mai te au tiki, ma ta ratou au
anana, kiaia ra; e ka patia ratou i te au
are puakapa e pini ua ake iaia ra; ka
angui aere ratou ki tona ngai ki tona
- 4 ngai. E akateamamao kotou i te
tamaki iaia; e tu, ka taki aere tatou
ki runga i te avatea nei; aue oki tatou
e! kua taa oki te rā, kua rooroa oki te
- 5 ata aiai nei. Ka tu, ka taki aere tatou i te
po, tatou e vava'i i tona au are ariki ra.
- 6 Kua na ko mai oki a Iehova Sabaota, Ka
tipu kotou i te au rakau; e akaū atu i te-
tai ngai teitei ia Ierusalem: ko te oire
teia te ka tutakia; tei roto oki iaia te
- 7 au takinga-kino ravari. Mei te puna-
vai e pupui ua mai i tona vai, kua
pera aia i tona kino i te pupui ua mai
arua: ko te takinga-kino e te āru tei
akarongoia i roto iaia ra; ko te ma-
mac, e te pūpū, tei mua ia i toku aroaro
- 8 nei kare i tukumoe. E āriki mai koe
i te ako, e Ierusalem e, ko te taka ke
aea toku Vaeua ia koe; ko te akata-
nea aea au ia koe, ei enua noo koreia.
- 9 Te na ko mairā Iehova Sabaota; e aki
takiri ratou i te totoenga o Iseraela
mei te vine; ka akaoki mai i to rima,
mei te tangata aki vine, ki te au kete
- 10 ra. Koni taku e tuatua, e taku e ako
atu, kia akarongo mai ratou? i na, kua
peritome koreia to ratou taringa, kare
e tika ia ratou i te akarongo mai: i na,
e mea akakinoia na ratou te tuatua a
Iehova; kare ratou e rekareka i te
- 11 reira. I ki roa'i au i te riri ototoo o
Iehova; kua roiroi au i te tāpu ua
anga: e riringi atu au ki runga i te au
tamariki i te au ngai atea, e ki runga i
te uipānga o te au tangata au katoa
ra: e riro oki te tane ma te vaine ka-
toa, te tangata metua, e tei ope rava
- 12 tona au rā. E e riro to ratou au are
ia etai ke, te au kainga e ta ratou au
vaine katoa; ka akatika atu oki au i
toku rima ki runga ia ratou e noo i te
- 13 enua, te tuatua mairā Iehova. Mei

tei iti oki i o ratou e tae ua atu ki te nunui i o ratou, kua ope roa ki te morimori apinga; e mei te peroveta e tae ua atu ki te tangata, kua rave anake i te mea pikikaa. E kua akaora 14 pakiri ua ratou i te puta o te tamaine a toku iti-tangata, i te na ko anga e, Ei au, ei au; e kare ua e au. I akama 15 ainei ratou ka rave ei ratou i te mea viivii ra? kare, kare takiri ratou i akama; kare ratou i kite i te akama: E teianei e inga ratou ma te aronga i inga ra: i te tuatua e tutakia atu ei ratou e au, e opariaia ia ratou ki raro, te tuatua mairā Iehova.

Te na ko mairā Iehova, Ka tu ua 16 kotou ki te au arataa, ka akara'i; ka ui ei ki te au arataa taito ra, i te ara meitaki, e kia na reira te aere, e kitea ia kotou te akangaroiainga no to kotou vaerua. Kua tuatua iora ra ratou, Kare matou e ano. Kua tuku 17 oki au i tetai aronga tiaki ki rungao ia kotou, i te na ko anga e, Ka akarongo mai na i te tangi o te pu. Kua tuatua iora ra ratou, Kare matou e akarongo atu. E teianei, ka akarongo mai, e 18 pa enua, e kia kite, e tenaua uipānga, i te au mea i rotupu ia ratou. Ka 19 akarongo mai, e te enua e; i na, e apai mai au i te kino ki rungao i teianei iti-tangata, te ua oki o to ratou uorai manakoanga; kare oki ratou i akarongo mai i taku tuatua, e taku nei ture, kua akaruke ra i te reira. Ean 20 te puapinga o te rakau kakara i riro mai kiaku nei mei Seba mai, e te to venevene mei te enua mamao mai? ta kotou au tusia karakaratio, kare ia e tau, e kare na au e rekareka i ta kotou au tusia. I na ko mai ei oki a Iehova, 21 I na, e tuku au i te tukiaanga ki mua i teianei au tangata, e ka tukia te au metua ma te au tamariki i te reira; ka okotai rai matenga o te tangata tupu ma tona oa. Te na ko mairā 22 Iehova, I na, te aere maira tetai aronga tangata mei te enua mai i apatoke-rau, e enua maata oki te ka akautia mai mei te openga mai o te enua nei; E mou ratou i te au ma te tao; e tae 23 ratou, kare e tangi; e aruru to ratou reo mei te ti ra; na runga *auake* mai ratou i te ipo mei te kau toa i tupati marie; ei tamaki mai ia koe, e te tamaine a Ziona e. Ko te rongō anake 24 ra te akarongoia e tatou, kua parukaua to tatou rima; kua rokoia te tumatetenga, mei to te vaine e auau ra te mamae. Auraka e aere ki te kainga, 25 aua e aere na te arataa ra; no te koke oki o te enemi, e mea maku e pini

26 ua ake. E te tamaine a taku iti-ta-
nzata e, ka kakau ana koe ki te ka-
kau paoa, ka akatakaviri ei ki raro i
te reu ai: ka aue ei mei te aue ta-
maiti okotai ra, ei aue mamae muata
tikai ra: ka tae viviki mai oki te āru
ki rungā ia tatou.
27 Kua akariro au ia koe ei timata, e ei
tutaki i rotupu i toku iti-tangata, kia
kite oki koe, e kia timataia to ratou
28 aerenga. E aronga akatitima kino
anake ratou, i te monomono korero
aere anga; e veo ua e te auri; e
29 aronga takinokino ratou ravarai: Kua
ka te pupui; kua pou te manga tapou
i te ai. E puapinga kore ta te tamā
kia tamā; kare oki te aronga kino i
30 akataka keia ra. E ario akarukeia, ko
ta ratou ia e tapa ia ratou, kua aka-
rukeia oki ratou e Iehova.

PENE VII.

*Te akoia nei te tangata kia tata-
raura: kua akamuria ratou i te
keia, te ngakau parau, te takinga-
kino, te akamori idolo, e te ravenga
viivii.*

1 **T**E tuatua i tae mai kia Ieremia, no
ko mai ia Iehova ra, i te na ko
2 anga mai e, Ka tu ua ana koe i te ngu-
tupa o te are o Iehova, e ei reira koe e
akakite ei i teianei tuatua, ka na ko
atu ei,
Ka akarongo mai ana i te tuatua a
Iehova, e to Iuda ravarai, ko tei tomo
mai na roto i teianei au ngutupa e aka-
mori ia Iehova. Te na ko maira te
3 Atua no Iseraela ra ko Iehova Sabaota,
Ka akameitaki ana i to kotou aerenga
e ta kotou ravenga, e ka akanooia ko-
4 tou e au ki teianei ngai. Auraka
kotou e irinaki ki te tuatua pikikaa,
i te na ko anga mai e, Te nao o
Iehova, Te nao o Iehova, Te nao o
5 Iehova, teia. Kia akameitaki tikai
kotou i to kotou aerenga e ta kotou
ravenga; kia rave tikai kotou i te tua-
tua-tau, i te tangata nei e tona tangata
6 tupu; Kare e takinga-kino i te tangata
ke, te matiroeroe, ma te vaine takaua
ra; e kare e akamaringi i te toto ara
kore i teianei ngai; kare oki e aru aere
7 i te au atua ke i kino ei kotou na: E
akanoo au ia kotou i teianei ngai i
reira, i te enua taku e oronga atu ki to
kotou au metua ra, e tuatua e tuatua ua
8 atu. I na, te irinaki nei kotou i te
9 tuatua pikikaa, kare e puapinga. E
keia ainei kotou, e ta ua i te tangata, e
e akaturi, e e taputou pikikaa, e e tu-
tungi i te rakau kakara kia Baala, e e

aru aere i te au atua ke, tei kore i kitea
e kotou; Ka aere mai ei, ka tu mai ei, 10
ki mua i toku aroaro nei, ki roto i teia-
nei are, i tapaia i toku nei ingoa, ka
tuatua mai ei, Kua akaoraia matou nei,
kia rave rai i taua au mea viivii katoa
nei? Kua riro ainei teianei are, tei 11
tapaia i toku nei ingoa, ei ana no te
aronga keia i to kotou na mata? i na,
ko au uorai tei kite, te tuatua mairā
Iehova. Ka aere ra kotou i teianei ki 12
toku ra ngai, ki Silo, tei vaooia e au
toku ingoa i muatangana, ka akara'i i
taku i rave i te reira, no te ara a toku
iti-tangata a Iseracla. E teianei, no 13
te mea kua rave kotou i taua au
ravenga katoa nei, te tuatua mairā
Iehova, e kua tuatua au ia kotou, i te
tu popongi anga ka tuatua'i, e kare ra
kotou i akarongo mai; e kua kapiki
atura au ia kotou, kare ra kotou i jō
mai; Ka rave ei au ki te are, i tapaia i 14
toku nei ingoa, ta kotou e irinaki na, e
ki te ngai i orongaia e au no kotou, e
no to kotou au metua ra, mei taku i
rave ia Silo ra. E ka tuaru atu au ia 15
kotou i mua i toku aroaro nei, mei
taku i tuaru i to kotou au taeake
ravarai, te uanga katoatoa no Ephie-
raima.

E teianei, auraka koe e pure i teia- 16
nei iti-tangata, auraka koe e apai atu i
tetai kapiki e tetai pure no ratou,
auraka rai e pati mai kiaku nei; kare
oki au e akarongo atu ia koe. Kare 17
ainei koe i akara i ta ratou e rave ana
i roto i te au oire o Iuda, e i te au
arataa i Ierusalemā? Te koi aere ra 18
te au tamariki i te vaie, te ta'u ra te
au metua tane i te ai, e te oi ra te au
vaine ra i te faraoa, ei areto na te ariki
vaine o te au rangi ra, e ei riringi atu
oki i te neseka ki te au atua ke, ei
akakoko mai iaku kia riri au. Ko au 19
ainei ta ratou i akakoko mai, te tuatua
mairā Iehova? kare ainei ko ratou
uorai, kia akama to ratou uorai
mata? I na ko mai ei te Atua ra ko 20
Iehova, I na, toku nei riri, e toku nei
riri akaoko, ka riringia ki rungao i
teianei ngai, ki runga i te tangata, e ki
runga i te puaka, e ki runga i te au
rakau kainga, e ki runga i te au kai i
te enua ra; ka ka oki te reira, e kare
rava e tamateia.

Te na ko mairā Iehova Sabaota, te 21
Atua no Iseracla ra, E kapiti katoa
atu i ta kotou tusia karakaratio i ta
kotou au tusia ra, e ka kai i te kiko ra.
Kare oki au i karanga atu ki to kotou 22
au metua, e kare i akaue kia ratou, i
te rā i arataki mai ei au ia ratou mei

te enua maira mei Aiphiti, i te tuatua
no te au tusia karakaratio, e te au
23 tusia ra; Teia ra te tuatua taku i
karanga atu kia ratou, i te na ko anga
e, Ka akarongo mai kotou i toku nei
reo, ka riro ei au ei Atua no kotou, e
ka riro ia kotou ei iti-tangata noku:
ka aere kotou na te au aerenga katoa
taku e akaue kia kotou, kia meitaki
24 oki kotou na. Kare ra ratou i aka-
rongo mai, kare oki i anga mai i to
ratou taringa, kua aere ra ratou i te
tuatua, e te manako o to ratou uorai
ngakau kino, e kua kotoe atura ki
25 muri, e kare i aere ki mua. Mei te rā
mairai i tae mai ei to kotou au metua,
mei te enua maira mei Aiphiti, e tae
rava akenei ki teianei rā, taku tono
anga atu i toku katoa ra au tavini te
au peroveta, i te tu popongi anga i tera
rā, i tera rā, e te tono anga atu ia
26 ratou: Kare ra ratou i akarongo mai
iaku, kare oki i anga mai i to ratou
taringa, kua akaketaketa ra ratou i to
ratou kaki: e kino maata ta ratou i
27 rave i ta to ratou au metua ra. Ka
tuatua ua atu rai koe i teia katoa nei
au tuatua kia ratou; kare ra ratou e
akarongo mai ia koe: ka kapiki ua atu
rai oki koe ia ratou; kare ra ratou e
28 ki mai. E teianei, e karanga atu koe
kia ratou, Ko te enua teia tei kore i
akarongo i te reo o to ratou Atua ra ko
Iehova; kare oki i āriki i te ako: kua
kore te tuatua-mou, e kua akataka keia
ia i to ratou vaa.

29 Ka mangore ana i to rauru, e ka
titiri ke atu, ka akatupu ana i te aue i
te au ngai teitei; no te mea kua aka-
rukeia e Iehova, e kua tuaruia, te uki
30 tangata o toa ra riri. Kua rave oki
te au tamariki a Iuda i te kino ki mua
i toku mata nei, te tuatua mairā Ie-
hova: kua tuku ratou i ta ratou au
mea viivii ki roto i te are i tapaia i
31 toku nei ingoa, ei akaviivii atu. Kua
akatu oki ratou i te au ngai teitei i
Topheta, i te o o te tamaiti a Hinoma,
ei ta'u anga i ta ratou au tamariki
tamaroa e te au tamaine ki te ai; i tei
kore i akaueia e au ra, kare oki te
32 reira i o ki toku ngakau. E teianei,
I na, te vaiata maira te au rā, te tua-
tua mairā Iehova, e kore ei te reira e
tuatuaia ia Topheta, e te o o te tamaiti
a Hinoma, ko te o tainga ra: e ka
tanu ratou i te tangata ki Topheta, e
33 kapi roa akera kare e ngai toe. E riro
oki te au ivi o teianei iti-tangata ei kai
na te au manu o te reva, e na te au
puaka o te enua nei; e kare tetai e fia
34 atu. E e akakoreia e au i te au oire o

Iuda, e i te au arataa i Ierusalema ra, te reo rekareka, e te reo perepere-kavana, te reo o te tane ou, e te reo o e vaine akaipoio ou ra: ka riro oki e enua i te tanea.

PENE VIII.

Te akaapaia nei te tangata i te tata-raara kore: kua akakiteia ta ratou utunga: e aueangu no te au mate.

TE tuatua mairā Iehova, kia tae ki 1
te reira tuatau, ka apai mai ei ratou i te au ivi o te au ariki no Iuda, e te au ivi no te ui ariki, e te au ivi no te kau taunga, e te au ivi no te au peroveta, e te au ivi o te Ierusalema ra, i to ratou au menema. E tauaki uaia ia 2
au ivi i te rā, e te marama, e te nuku katoa o te rangi ra; i ta ratou i inangaro ra, e ta ratou i akamori ra, e ta ratou i aru aere ra, e ta ratou i kimi ra, e ta ratou i tupou ana ki raro ra: kare e akaputupuia, kare oki e tanumia; ka riro ra ei teita ki runga i te enua. E ko te mate te ka inangaroia, 3
kare te ora, e te toenga ravarai o teiane nei ngutuare kino, i tei toe aere i te au ngai katoa taku i tuaru ia ratou, te tuatua mairā Iehova Sabaota.

E karanga atu rā koe kia ratou, Te 4
na ko mairā Iehova; E inga ainei ratou ki raro, e kare e tu akaou ki runga? e ariu ke atu ainei, e kare e oki mai? Eaa oki teiane iiti-tangata no Ierusalema i kotoe ki muri, i te kotocanga matu kore? kua mou piri tikai ratou ki te pikikaa: kare i tika ia ratou i te oki mai. I akarongo atura au 5
e kua kite au; kare ra i tika ta ratou tuatua: kare akera tetai i tataraa i tona kino, i te na ko anga e. I aa ua ana au? kua anga anake ratou ravarai i tona uorai aerenga, mei te ipo e oro pu ua ki roto i te tamakianga. Kua 7
kite oki te kasida o te reva nei i tona tuatau i akonoia; te akono ra oki te kukupa, e te susa, e te agura, i to ratou tuatau e aere mai ei; kare ra toku iiti-tangata i kite i te tuatua-tau a Iehova. Eaa koton i tuatua'i e, E 8
pakari to matou, e tei ia matou te aere a Iehova? koia tika, i na, e angaanga puapinga kore rāi tana, e puapinga kore te peni a te tata tuatua. Kua 9
akama te aronga pakari, kua tumate-tenga, e kua rauka; i na! kua kopae ratou i te tuatua a Iehova; e te pakari ra, eaa to roto ia ratou? E teiane, i 10
oronga au i ta ratou au vaine na etai ke, to ratou au kainga no te aronga e noo i reira; no te mea, mei tei iti ra e

tae ua atu ki tei maata, kua riro roa atu ratou ravarai ki te morimori apinga, mei te peroveta e tae ua atu ki te tanganga, kua pini katoatia i te pikikaa. E 11
kua akaora pakiri ua ratou i te puta o te tamaine o toku iiti-tangata, i te na ko anga e, Ei au, ei au; e kare ua e 12
au. I akama ainei ratou ko ratou i rave i te mea viivii? kare; kare rava oki ratou i akama, kare ratou i kite i te akama: e teiane, e inga ratou ma te aronga e inga ra: i te tuatau e tutakia atu ei ratou e au ra, e oparaia ratou ki raro, te tuatua mairā Iehova.

Te tuatua mairā Iehova, E akapoti takiri au ia ratou; kare e ua to runga i te vine, kare rai e suke to runga i te suke, ka mae katoa oki te rau; e ka 13
tuku atu au ia ratou ki te ka na runga ia ratou te aere. Eaa tatou nei e noo ua'i? ka uipa ia kotou uorai, ka aere ei tatou ki roto i te au oire akaketaketaia, ka noo muteki ua'i tatou i reira: kua akamuteki uaia mai tatou e 14
to tatou Atua ra e Iehova, e kua oronga mai i te vai kavangu kia inu tatou, no te mea kua ara tatou ia Iehova. 15
Kua tatari tatou ki te au, e kare rava e meitaki; i te tuatau akaora, e i na, 16
ko te tumatetenga! Kua kitea maira te mapu anga o tana au ipo mei Dana mai: kua ngaueue te enua katoa i te reo o te aue anga o tana au ipo ririnui; kua tae mai oki ratou, e kua pou ia ratou te enua; e te au mea katoa i reira: te oire, ma ratou katoa e noo i 17
roto. I na oki, te tono nei au i te ovi ia kotou, e zephoni ia, tei kore e akarongo i te akarekareka, e e kakati mai ratou ia kotou, te tuatua mairā Iehova.

Kua riro te rekareka i roto iaku nei ei aue; toku ngakau i roto iaku nei 18
kua taitaia. I na, ko te reo aue o te tamaine a toku ra iiti-tangata, mei te au enua mamao mai: Kare ainei a Iehova i Ziona? kare ainei tona ariki i roto iaia ra? no te aa ratou i akakoko mai ei iaku i to ratou au idolo kotikotia ra, e te au mea puapinga kore no 19
tetai ngai ke mai? Kua kore akenei te mou, e kua topa akenei te akau, 20
kare ra tatou nei i ora. No te mamae o te tamaine o toku iiti-tangata i mamae rava'i au; kua akaevaeua au; kua rokoia au e te tumatetenga. Kare ainei e vairakau i Gilenda? kare ainei o reira e taunga? eaa te mea i kore ei i 21
ora te maki o te tamaine a toku ra iiti-tangata?

PENE IX.

Te akaapa nei te tangata i te kunga, e te pikikau, e te akarongo kore.

ANGAIRI ei vai toku upoko nei, e 1
 oku mata nei ei punavai roimata, kia aue ua ana au i te po e te ao i tei taia i te tamaine a toku ra ititangata! Angairi ei are piritanga toku i te medebara mei to te tangata tuitarere; kia akaruke atu au i toku ititangata, kia aere ke atu! no te mea e aronga akaturi anake ratou; e uipānga tangata pikikaa. E kua akamingi ratou i to ratou arero *mei* te ana ra, i te au tuatua pikikaa: kare ra ratou i ririnui i te tuatua-mou i runga i te enua nei; te ana atura ratou mei tetai kino e tae ua atu ki tetai kino, e kare akera ratou i kite iaku, te tuatua mairā Iehova. Kia matakite te tangata ravarai i tona uorai tangata tupu, e auraka oki e irinaki ki tona uorai taeake: no te mea e pikikaa tikai te au taeake ravarai, e aere oki te au tangata tupu ravarai ma te monomono korero. E pikikaa oki te tangata ravarai i tona uorai tangata tupu, kare oki e tuatua i te tuatua-mou: kua akamātau oki ratou i to ratou arero i te tuatua pikikaa; kua akaroiroi ratou ia ratou uorai i te rave anga i te kino. Tei rotupu i te pikikaa toou na noo- 6
 anga; no te pikikaa i kore ei i tika ia ratou kia kite mai iaku nei, te tuatua mairā Iehova. I na ko mai ei a Iehova Sabaota, I na, e akataravai au ia ratou, e te timata ia ratou; e akapea atu oki au i te tamaine a toku ititangata nei? Mei te kakao i mate ei ra to ratou arero; ko tei tuatua i te pikikaa: ma te vaa, kua tuatua aia i te au ki tona tangata tupu, kareka ma te ngakau ra, te moetaapapa ra ia iaia. Te 9
 tuatua mairā Iehova, Auraka ainei au e tutaki atu ia ratou i taua au mea nei? auraka ainei toku Vaerua e akaoko atu i te enua mei te reira te tu? No te au maunga e akatupu ei au i te aue, e te mii, e no te au ngai one kai i te medebara ra i te pee tangi; no te mea kua pou te reira i te ai, e kare ua e tangata e na reira te aere; kare rai i kite i te aue anga o te au puaka; mei te au manu o te reva e tae ua atu ki te au puaka, kua rere ke anake ia; kua aere. E akariro au ia Ierusalemā ei 11
 au ututua, ei vaarua no te au teni; e akariro au i te au oire o Iuda ei tanea, kare rava e tangataia. Koai te tangata pakari, e kite i teia? e tei tua-

tuaia atu e te vaa o Iehova, tei tika iaia kia akakite, i te mea i pou ei te enua, e i akatanea ravaia'i mei te medebara, kare e tangata e na reira te 13
 aere? E kua tuatua mairā Iehova, No te mea kua akaruke ratou i taku nei ture, taku i toku atu ki mua ia ratou, e kare oki i akarongo i toku nei reo, e 14
 kare oki i na reira te aere; Kua aru aere ra i te au manako o to ratou uorai ngakau, e i te au Baala, ta to ratou 15
 ai metua i apii mai ia ratou: I na ko mai ei a Iehova Sabaota, te Atua no Iseraela; I na, e angai atu au ia ratou, teia ititangata nei, ki te rakau maa-maa, e e akainu atu ia ratou ki te vai 16
 kavangu. E akapuerikiriki ke au ia ratou ki rotupu i te pa enua, ko tei kore i kitea e ratou, e to ratou ai metua katoa: e e unga atu au i te koke ei aru ia ratou, e kia pou ratou iaku nei. 17
 Te na ko mairā Iehova Sabaota, E akamaara na kotou, e e kapiki atu i te au vaine aue ra, kia aere mai ratou; e e tiki atu i te aronga karape, kia aere 18
 mai ratou: E kia rapurapu ratou i te tumu i te pee tangi ia tatou nei, kia eke te roimata i to tatou nei mata, e kia kōii te vai i to tatou topiri mata. 19
 Te kitea ra oki te reo aue mei Ziona mai; Kare ra e eke ia tatou ei! kua maata to tatou tumatetenga; no te mea kua akarukeia e tatou te enua, kua vava'ia oki e ratou to tatou au are. 20
 E teianei ka akarongo mai kotou, e te au vaine e, i te tuatua a Iehova, e kia āriki mai to kotou taringa i te tuatua a tona vaa; e apii oki i ta kotou au tamaine i te eva, e te au vaine katoa i tona uorai tangata tupu i te pee tangi. 21
 No te mea kua kake mai te mate na runga i to tatou maramarama, kua tomo ki roto i to tatou au are ariki ra, kia tipu keia te au tamariki ki vao, te au 22
 tangata ou i te au arataa. E tuatua, Te na ko mairā Iehova, E inga te au kopapa tangata ki raro, mei te teita ki rungao i te enua, e mei tei topa i te rima o te tangata kokoti *silona* ra, e kare oki e tangata i te koi aere. 23
 Te na ko mairā Iehova, Auraka tei pakari ra e akatietie i tona pakari, auraka oki tei ririnui e akatietie i tona ririnui, auraka oki tei apinga nuia ra 24
 e akatietie i tona apinga nui: Ko tei akatietie ra, teia tana e akatietie, kōia i kite, e kua kite tikai aia iaku nei e, ko Iehova au, ko tei rave i te takinga-meitaki, te tuatua-tau, e te tuatua-tika, ki runga i te enua nei: ko taku ia au mea inangaro, te tuatua mairā Iehova,

I na, te tuatua mairā Iehova, te vai- 25
tata mai nei te au rā, e tutaki atu ei
au i to te peritome ravarai, e to te per-
ritome kore katoa oki; ia Aiphiti, e ia 26
Iuda, e ia Edoma, e te au tamariki a
Amona, e ia Moabi, e ia ratou katoa e
varu i to ratou parata, ko tei noo i te
medebara: e peretome kare anakcia
oki to taua au enua katoa ra, e e nga-
kau peretome kore katoa oki to tengu-
tuare katoatoa o Iseraela.

PENE X.

*E kore roa te au idolo e tau ia Iehova
kia ariteia ra: te pou anga o te are
puakapa: te au tiaki auouo; e te
anana kino i te pueurikiriki anga.*

E AKARONGO mai i te tuatua ta 1
Iehova e tuatua nei kia kotou, e
te ngutuare o Iseraela e: Te na ko 2
mairā Iehova, Auraka kotou e apii i to
te au etene ra aereanga, e auraka e ma-
taku i te au akairo o te rangi ra; kua 3
matakū oki te au etene i te reira. E
akonoanga puapinga kore anake ta te
au tangata ra: e rakau tipuia no roto 4
i te vaorakau ra, te angaanga ia a nga
rima o te taunga ki te tapae. Kua
akamanea oki ratou i te reira ki te 5
ario e te auro; kua akamou oki ratou i
te reira ki te nairo e te amara, kia
kore e ngaueue. Kua tu ua mei te 6
rakau tamara, kare ra e tuatua mai:
e apapai aereia ratou e tika'i, kare oki
e tika ia ratou kia aere na. Auraka e 7
matakū atu ia ratou, kare oki e tika
ia ratou kia takinga-kino mai; kare
rai oki o roto ia ratou kia takinga-mei-
taki mai. Kare oki ouu e aite, e Ie- 8
hova e; te maata ra koe, e te maata
ra toou ingoa i te mana. Koai tei kore
e matakū ia koe, e te ariki o te pa 9
enua e? e mea tau ia oki ia koe; kare
oki tetui, i to ratou aronga pakari ka-
toa i te pa enua ra, e to ratou au basi-
lcia katoa, e aite kia koe. Kua auouo 10
ua ratou ravarai, e te neneva: e apii
anga puapinga kore to te rakau. E
ario tupakiia tei apaiia mai mei Tare-
sisu mai, e te auro mei Upbaza mai, te
angaanga a te taunga, e a nga rima 11
oki o te taunga akato ra: e kakau
uriru e te kerekere to ratou: te
angaanga anake ia a te aronga ka-
rape. Ko Iehova ra te Atua mou, 10
koia te Atua ora, e te Ariki au mutu
kore: i tona riri e ruketeketeki ei te
enua, kare e tika kia akaruru mai
te pa enua i tona riri maata. E aka-
pera ta kotou tuatua anga atu kia 11
ratou, ko te au atua kare i anga i

te au rangi ma te enua nei, e pou
anake ia i runga i te enua nei, e i raro
12 ake i teianci au rangi. Nana i anga te
enua i tona mana, e nana i akamou te
ao katoa nei i tona ra pakari, e i tona
13 kite i totoa'i aia i te au rangi ra. Kua
tuatua anake tona reo, kua maata ua
atu te vai ki runga i te au rangi, e
akapeke mai aia i te mauu mei te
opega mai o te enua nei; e nana
e akatupu i te uira ma te ua, e kua
apai mai aia i te matangi no roto i
14 tona ua vairanga. Kua auouo anake
te au tangata i te kite kore, kua aka-
ma te au taunga akato ravarai i te
tiki: e pikikaa oki tona idolo akatoia
15 ra, kare oki e a'o o roto ia ratou. E
puapinga kore ua ratou, e angaanga
na te tareva ke: i te tuatua e tutaki-
16 ia'i ratou ra, ka pou ia ratou. Kare
te tuanga a Iakoba i aite ki te reira:
ko te Taunga oki aia no te au mea
katoa; e ko Iseraela te aite o tana
tuanga: ko Iehova Sabaota tona ingoa.
17 E akaputu na i taau ua apinga i te
enua nei, e tei noo ki roto i te puna-
18 nga e. Te na ko maira oki a Iehova;
I na! e maka au i te tangata no teia-
nei enua ki te *maka anga* okotai, e
e tairo oki au ia ratou, e ka kite oki
ratou.
19 E ae oki au, i toku maki e! kua
mamae toku puta: kua tuatua akera
au e, E maki tikai oki teia, e kia aka-
20 koromaki au e tika'i. Toku are pu-
kapa, kua pou ia, e kua motumotu
taku au taura ravarai; kua aere ke
atu na aku tamariki iaku nei, e kare
nei ratou: kare ua tetai kia patia
akaou i toku are puakapa, e kia akatu
21 i toku paruru. Kua auouo te au tiaki,
e kare akera i kimi ia Iehova: i kore ei
ratou i manuia'i, e ta ratou anana ka-
22 toatoa kua pueurikiriki keia. I na, te
aruru o te rongu kua tae maira, e muta-
muta maata ua atu mei te enua maira
mei apatokerau, ei akatanea i te au
oire o Iuda, ei vaarua no te au teni.
23 Kua kite oki au, e Iehova e, e kare
tei te tangata uorai tona aereanga:
kare tei te tangata e aere nei, i te
akono i tona uorai takainga tapuae.
24 E pāpā mai iaku, e Iehova e, ma to
tuatua-tau ra, auraka ma to riri, ko
25 te kore roa aea au ia koe. Ka riringi
atu koe i to riri otooto ki runga i te pa
enua, tei kore i kite ia koe, e ki runga
i te au kopu-tangata kare i kapiki ki
toou ingoa: kua pou oki a Iakoba i te
kaingaia e ratou, kua pou takiri, e kua
akatanea ratou i tona nooanga.

PENE XI.

Te koreromotu a te Atua, e te akono kore angaia e ratou ra : to ratou, e to te au tangata Anatotā, rokoia anga e te kino, ko ratou i kotikoti kupenga ia Ieremia.

TE tuatua i tae mai kia Ieremia no ko ia Iehova ra, na ko maira, Ka akarongo mai ana kotou i te tuatua o teianei koreromotu, e karanga atu koe ki te au tangata no Iuda, e ki te aro-
nga e noo i Ierusalemā; E ka karanga atu koe kia ratou, Te na ko maira te Atua no Iseraēla ra ko Iehova, Kia katarāia te tangata tei kore e akarongo i te tuatua o teianei koreromotu, Taku i akaue atu ki to kotou ai metua i te rā i arataki mai ei au ia ratou mei te enua maira mei Aiphiti, mei roto mai i te umu auri, ka na ko atu ei, E akarongo mai i toku reo, e ka rave oki i te au mea katoa taku e akaue atu ia kotou ra: e riro iā kotou ei iti-tangata noku i reira, e e riro oki au ei Atua no kotou: Kia akatupu oki au i te taputou taku i taputou atu ki to kotou ai metua ra, e oronga au ia ratou i te enua e tae a vai ua te u e te meli mei tei teianei rā. Te āe atura au, e na ko atura, Amene, e Iehova. E kua tuatua mairā Iehova kiaku, E tutu aere koe i teia katoa nei au tuatua i te au oire o Iuda, e i te au arataa i Ierusalemā, i te na ko anga e, E akarongo mai kotou i te au tuatua o teianei koreromotu, ka rave ei. I tuatua raurau atura oki au ki to kotou ai metua i te rā i arataki mai ei au ia atou mei te enua maira mei Aiphiti, e tae roa akenei ki teianei rā, i te tu popongi anga, ka tuatua raurau atu ei, i te na ko anga e, Ka akarongo mai kotou i toku reo. Kare ra ratou i akarongo, kare oki i anga mai i to ratou taringa, kua aere ra ratou katoa na te ketaketa o to ratou uaorai ngakau kino: i apai mai ei au i te au tuatua katoa o teianei koreromotu, taku i akaue atu e rave; kare ra ratou i rave.

E kua tuatua mairā Iehova kiaku nei, E kotivaka tei kitea i roto i te au tangata no Iuda, e i roto i tei noo i Ierusalemā. Kua oki akaou atu ratou ki te au ara a to ratou ai metua taito, tei kore i tika kia akarongo mai i taku au tuatua; e kua aru aere ratou i te au atua ke ei akatuvini atu ia ratou: kua akaatikau te ngutuare o Iseraēla, e te ngutuare o Iuda, i taku nei kore-

romotu, taku i papau atu ki to ratou ai metua ra. I na ko mai ei a Iehova, I na, teia au ka tuku atu i te kino ki runga ia ratou, kare oki ratou e ora kia oro; e kia kapiki ua mai oki ratou kiaku, kare au e akarongo atu ia ratou. Ei reira e aere ei te au oire o Iuda e tei noo i Ierusalemā, e kapiki atu ki te au atua ta ratou i tutungi atu i te rakau kakara ra: kare takiri ra ratou e ora ia ratou i to ratou tuatua kino. Kua aite oki toou au atua ki toou au oire i te rainga, e mei te rainga o te au arataa i Ierusalemā, te au atarau tanu i akatu no taua mea akama ra, e au atarau tutungi anga rakau kakara ia Baala. E teianei, auraka koe e pure no taua au tangata nei, auraka e kapiki, e auraka oki e pati akatanga no ratou: kare oki au e akarongo me kapiki mai ratou kiaku i to ratou kino ra. Eaa ta taku akaperepere ra puapunga ki roto i toku nei are, e kua rave ana i te au peu kino e manganui, e kua riro ke ia te kiko tapu ia koe ra? ia koe i rave i te kino ra, te akatietie ra koe i reira. E olive ruperupe, e te manea, e te ua meitaki, ko toou ia ingoa ia Iehova: ma te reo aruru maata kua tau aia i te ai ki runga i te reira, e kua atiatia tona au rara. Na Iehova Sabaota tei tanu ia koe ra, i akakite mai i te kino noou, no te kino i te ngutuare o Iseraēla, e te ngutuare o Iuda, ta ratou i rave ia ratou uaorai, i te akakoko anga mai iaku, i te tutungi anga i te rakau kakara kia Baala. Kua akakite mairā Iehova iaku, o kite akera au: kua akakite maira oki koe iaku i ta ratou au ravenga. Mei te arenio rarata ua ra au kia aratakiia e ta; e kare au i kite e te akakoro maira ratou e rave iaku, i te na ko anga e, Tatou ka tipu i te rakau ma te ua katoa i runga, e akataka ke atu tatou iaia i te enua o tei ora nei, kia kore e maara akaonia atu tona ingoa. Ko koe ra, e Iehova Sabaota e, ko tei akava ma te tuatua-tika ra, tei kimi matatio i te manako, e te ngakau, e kite au i toou riri akaoko ia ratou: no te mea kua akakite atu na au i taku tuatua kia koe. E teianei, te na ko mairā Iehova i te au tangata no Anatotā, ko tei aruau ia koe e ta, i te na ko anga e, Auraka koe e totou i te ingoa o Iehova, ka mate aea koe i to matou nei rima: I na ko mai ei a Iehova Sabaota, I na, e tutaki atu au ia ratou: e mate te au tangata ou i te koke; ta ratou au tamariki tamaroa, e te au tamaine, ka mate ia i te onge e

Kare ua o ratou uraura e toe: e apai 23
mai oki au i te kino ki rungao i te au
tangata o Anatota, ko te mataiti ia e
tutakia'i ratou ra.

PENE XII.

*Te pure a Ieremia ia ratou, e to ratou
mate i mairi ake.*

E TUATUA-TIKA taau, e Iehova 1
e, e akatika ua maira koe, kia
tuatua ua atu au kia koe, kia tuatua
ua au ia koe i te tu o te tuatua-tau
naau: no te aa i manuia'i te aerenga o
te aronga kino? e noo rekareka ua
ainei te aronga katoa i rave i te peu
pikikaa maata? Naau ratou i tanu, e 2
kua toro oki to ratou aka: kua tupu
oki ratou, koia ia, kua ua mai ratou i
te ua; kua vaiata koe i to ratou vaa,
kua mamao ra i to ratou manako. Ko 3
koe ra, e Iehova, kua kite ia iaku nei:
kua akara mai koe iaku, e kua timata
koe i toku ngakau e tei ia koe rai: e
totō mai koe ia ratou mei te mamoe no
te tainga ra, e e akataka atu koe ia
ratou no te rā tainga ra. Mei te aa te 4
roa o to te enua aue anga, e e mae ci
te ngangaere i te au kainga ravarai, no
te ara a te aronga e noo ki reira? kua
pou te au puaka, e te au manu; ko ra-
tou i na ko mai ei, kare aia e kite i to
matou openga.

I roiroi ra koe i te oro anga ko koe 5
e te aronga oro ua ra, eaa e tika'i ia koe
kia taemoemo ma te au ipo ra? e te
noo rekareka na koe i te enua au ra, e
akapea ra koe me puke a Iordana? 6
Ko to au taenke katoa oki, e te ngutu-
are o to metua ra, ko ratou katoa tei
pikikaa mai ia koe; koia ia, ko ratou
tei kapiki nui aere mai ki murio ia
koe: auraka e akarongo atu ia ratou,
kia tuatua meitaki mai ratou kia koe.

Kua akaruke au i toku are, e kua 7
vaoo ua au i taku ra tuanga; kua oro-
nga au i tei akaperepere roaia e taku
vaerua i te rima o tona au enemi. Kua 8
riro taku tuanga nei mei te liona i roto
i te vaorakau ra kiaku; kua akateitei
mai aia i tona reo kiaku nei: i riri atu
ei au iaia. Mei te huaina taee taku 9
tuanga iaku nei; te au manu taee
e pini ua ake iaia, ka aere mai kotou;
e akaputuputu katoa mai, e te au pu-
aka o te ngangaere ra, ka aere mai e
kai. Kua pou toku kainga vine i te 10
aronga tiaki e manganui, kua taka-
takaiia e ratou taku tuanga i raro ake
i te vaevae, kua akariro ratou i taku
tuanga inangaro ei medebara atea ka ua.

11 Kua akataneania e ratou te reira, e no
tona tu atea ka ua ra i aue ei aia iaku;
kua akataneania oki te enua katoatoa,
kare ra e tangata e akaeatu i tona nga-
12 kau. Kua tae mai te aronga āru i ru-
nga i te au ngai teitei katoa i te mede-
bara: ka kai aere oki te koke a le-
hova mei tetai matamata o te enua e
tae ua atu ki tetai matamata o te enua:
kare rava oki e au to te tangata katoa.
13 I ruru ana ratou i te sitona, e tatara-
moa ra taratou e kokoti: kare a ratou
puapinga e rauka i to ratou roiroi; e
akama oki ratou i tei rauka ia kotou,
14 no te riri maata o Iehova. Te na ko
mairā Iehova ki toku au tangata tupu
takinga-kino katoa nei, ko tei ta i te
tuanga e akanooia e au toku ra iti-ta-
ngata ko Iseracla; I na, e kiriti tumu
atu au ia ratou i to ratou enua ra, e e
kiriti mairai au i te ngutuea o Iuda
15 mei roto mai ia ratou ra. E oti akera
ratou i te kiritiia e au ra, e oki au, e e
aroa akaou atu rai ia ratou, e e akaoki
mai au ia ratou, ko te tangata ki taua
tuanga, ko te tangata ki tona uorai
16 enua. E kia tika ia ratou i te apii
tikai i te aerenga o toku iti-tangata, e
kia taputou i toku ingoa, Te ora rā le-
hova, mei ta ratou i apii mai i toku iti-
tangata kia taputou kia Baala ra; ei
reira ratou e patuia'i ki rotapu i toku
17 iti-tangata. Kia kore ra ratou e aka-
rongo ra, e kiriti tumu atu au i taua
enua ra, e kia pou takiri ratou, te tua-
tua mairā Iehova.

PENE XIII.

*I te tatua kino kua akakiteia to ratou
akakino angata: no ta ratou au ara
e manganui i akaapa roaia ra.*

K UA nako mairā Iehova kiaku, Ka
aere ka tiki i tetai tatua orongū
noou, ka tatua na i to taupuku, auraka
2 ra e takū ki te vai. E tiki atura au i
taua tatua ra, i ta Iehova i tuatua maira,
e kua tatua iora au i toku taupuku.
3 Kua tae maira te tuatua a Iehova ki-
aku nei, ko te tu rua ia, i te na ko
4 anga mai, Ka rave i te tatua ra i rauka
ia koe ra, tei to taupuku ra, e ka tu,
ka aere ki Eupharate, ka uuna atu ei
ki reira ki roto i tetai vaarua mato.
5 Aere atura oki au, e kua uuna iora i te
reira ki te pae i Eupharate, mei ta le-
6 hova i akaue mai kiaku nei. E ope
akera te au rā e manganui, kua tuatua
mairā Iehova kiaku nei, Ka tu, ka
aere ki Eupharate, ka rave mai i te ta-
tua taku i karanga atu kia koe e uuna

i reira. Kua aere atura au ki Eupharate, e kua kerī iora, e kua rave mai i te tatua i te ngai i uunaia'i e au ra, e i na, kua kino taua tatua ra, kare ua e puapinga. E kua tae maira te tuatua a Iehova kiaku nei, i te na ko anga e,

Te na ko mairā Iehova, ka pera rai taku akakino anga i te nengonengo o Iuda, e te nengonengo maata o Ierusalemā. Ko teianei iti-tangata kino, tei kore e tika kia akarongo i taku tuatua, ko tei aere na te ketaketa anga o to ratou uorai ngakau, e ko tei aru aere i te au atua ke, kia tavini atu ia ratou, e kia akamori atu ia ratou ra, e riro ratou mei teianei tatua, tei kore rava ia e puapinga. Mei te tatua nei oki e piri ki runga i te taukupu tangata nei, kua pera rai taku topiri anga mai iaku nei i te ngutuare katoa o Iseraela, e te ngutuare o Iuda, te tuatua mairā Iehova; kia riro mai ratou ei iti-tangata noku, e ei ingoa, e ei akameitaki, e ei akamanca: kare ra ratou i akarongo mai.

Teia oki tetai tuatua taua e akakite kia ratou; Te na ko maira te Atua no Iseraela ra ko Iehova, E akakia te au āriki katoa i te wina: e e riro ratou i te tuatua kia koe, Kare ainei matou uorai i kite pu tikai e, ka akakia te au āriki katoa i te wina? E i reira koe ka karanga atu ei kia ratou, Te na ko mairā Iehova, I na, e akaki atu au i te aronga ravarai e noo ki teianei enua, e te au ariki e noo ki runga i te terono o Davida, e te kau taunga, e te au peroveta, e te aronga katoa e noo i Ierusalemā, ki te kona. E e titiri pu ua au i tetai ki runga i tetai, ko te au metua ma nga tamariki katoa, te tuatua mairā Iehova: kare au e tangi atu, e kare au e akaperepere, kare rava au e aroa atu, e kia pou takiri ratou.

E akarongo mai kotou, e kia arii mai te taringa; e auraka e akateitei: kua tuatua mai oki a Iehova. O atu te kakā i to kotou Atua ra ia Iehova, ko te akapoiri mai aea aia, e ko te turoirori aea to kotou vaevae ki runga i te au maunga poiira, e ko te tatari aea kotou i te mārāma, akariroia iora e ia ei maru-mate, akapoiri kerekere atura. Kia kore ra kotou e akarongo mai i te reira, ka irica taku vaerua i te ngai ngarongaro i to kotou ngakau parau; e ka aue ua atu taku mata, ma te roimata i te maringi anga, no te mea kua riro tuikaā atura te anana a Iehova.

E karanga atura kite ariki, e kite ariki vaine, Ka taankaā korua, e ka noo ki raro; ka tukuia oki ki raro, mei runga i

to korua upoko, te korona o to korua akamanā. Ka popaniia oki te au oire i apatonga, e kare ua tetai e vai: e arataki tuikaāia Iuda, ko ratou katoatua te ka arataki tuikaāia. Ka nānā ana to kotou mata ki runga, ka akara ia ratou ko tei aere mai mei apatokerau mai: teiea te anana i orongaia atu ia koe ra, te anana manea nāu ra? Ka akapeea koe kia tutaki mai aia ia koe na? kua apii oki koe ia ratou ei kapena, e ei rangatira i rungao ia koe na: kare ainei koe e rokoia e te mamae mei to te vaine anau ra?

E kia tuatua koe ki roto i to ngakau ra, Eaa au i rokoia'i i teianei au mea? No te rai o toou kino, i euaia to pareu, e i aunaia'i te tapoki o to poo vaevae. E tika ainei i te tangata Kusa kia akatu ke i tona kiri, e te namera i tona au kotututu, ei reira e tika'i ia kotou kia rave i te meitaki, ko tei mātau i te rave i te kino. E teianei e akapucirikiriki ke atu au ia ratou, mei te ota i pueu ke i te mata-angi o te medebira ra. Ko taua teia kelerō, e taua ia tuanga, i akaariteia e au, te tuatua mairā Iehova: no te mea kua akangaropoina mai koe iaku nei, e kua irinaki ki te pikikaa. E teianei e eua atu au i toou na pareu ki mua ia koe, kia kitea toou akama. Kua kite au i taua akaturi anga, e taua mimiti anga, te akakoro anga o taua akaturi anga, ki runga i te au tuaivi i te au kainga, e taua au peu viivii. E ae oki koe, e Ierusalemā e, kare ainei e tika ia koe kia tamāia? Aea atura ia?

PENE XIV.

No te onge maata ra, e kare a Iehova e akarongo ua atu ia ratou.

TE tuatua na Iehova i tae mai kia Ieremia, no te onge.
 2 Kua aea Iuda, e kua paruparu tona au ngutupa; kua kerekere roa ki te one rava; e te aue o Ierusalemā, kua riro atura ia ki runga. Kua unga oki te au tangata nunui i ta ratou au tamariki ki te vai; e tae atura ki te au puna ru, kare ua e vai i kitea; kua ooki maira ratou ma te āriki ua; kua akama iora ratou, e kua tumateienga, e puroku atu-
 4 ra i to ratou mimiti. No te mea kua ngwangaa ua te one, kare oki e ua i te enua nei; kua akama te aronga arote, kua tapoki iora i to ratou mimiti. Kia anau akera oki te aili i roto i te kainga, akaruke iora i tana punua, no te mea
 6 kare e ngangaere. E kua tu ua te au

asini momoavao ki runga i te au ngai teitei, kua ongiongi ratou i te matangi mei te au teni; kua aninia to ratou mata, no te mea kare e ngangare.

Akaapa ua mairai to matou kino ia 7
matou nei, e Iehova e, e angaanga koe, no toou uaorai ingoa: kua manganui akenci to matou kotoe anga ki muri; kua ara akenci matou ia koe. E te 8
manakoanga o Iseraela e, tona Akaora i te tuatau tumatetenga e, eaa koe e akatangata ke ua i te enua nei? e mei te tangata tuitarere e tapae ua mai e moe i te po okotai ua. Eaa koe e arite 9
ei ki te tangata poitirere ua, mei te tangata mana e kare e rauka i te aka- ora? tei rotopu rai oki koe ia matou nei, e Iehova e, e kua akaikiia toou ingoa ki runga ia matou; auraka koe e akaruke ia matou.

Te na ko mairā Iehova ki teianei 10
iti-tangata, E inangaro koka aere pera to ratou, e kare akenci ratou i tāpu i to ratou vaevae, i kore ei a Iehova i kite mai ia ratou; ka akamaara ra aia i to ratou kino i teianei, e e tutaki mai aia i ta ratou au ara. I tuatua mai ei a 11
Iehova kiaku, Auraka koe e pure no teianei iti-tangata kia meitaka ratou. Kia nesetia ratou ra, kare au e aka- 12
rongo i ta ratou kapiki; e kia apai mai ratou i te tusia karakaratio, e te mineka, kare au e āriki atu i te reira: i te koke ra, e i te onge, e i te maki- mate, e akapou roa'i au ia ratou.

Kua karanga atura au e, Aue, e te 13
Atu e Iehova e! i na, te tuatua mairā te au peroveta kia ratou e, Kare kotou e kite i te koke, e kare rai kotou e ro- koia e te onge; ko te au nuingangare ra taku e oronga atu ia kotou i teianei ngai. E kua tuatua mairā Iehova 14
kiaku, E pikikaa ta te au peroveta i totou i toku nei ingoa: kare au i tono ia ratou, e kare i akaue atu ia ratou, e kare rai au i karanga ua atu kia ratou: e orama pikikaa, e te kescma, e te mea puapinga kore, e te pikikaa o to ratou uaorai ngakau. ko ta ratou ia i totou mai ia kotou. I na ko mai ei a Ie- 15
hova i te au peroveta, tei totou i toku nei ingoa, e kare au i tono ia ratou, na ratou uaorai i tuatua e, Kare e tae mai te koke e te onge ki teianei enua; i te koke rai, e te onge, e pou ei taun au peroveta ra. E te au tangata ta ratou 16
i totou ra, e titiriia ki vao i te au arataa i Ierusalemā, no te onge, e te koke; e kare o ratou kia tanu ia ra- tou; ko ratou, e ta ratou au vaine, e ta ratou au tamariki tamaroa, e ta ra- tou au tamaine: e riringi atu oki au i

17 to ratou kino ki runga ia ratou. Teia rai taau tuatua ka karanga atu ei kia ratou; Kia eke ua te roi-mata i toku mata, i te po e te ao, e auraka rava e akapaki: no te mea kua paruparu te tamaine paretenia o toku iti-tangata i te paruparu maata, i te tainga mamae 18
maata. Kia aere au na te au kainga, i na, te aronga i taia i te koke! e kia tomo au ki roto i te oire, i na, te aro- nga i pae ua i te onge! koia ia, te oko aere ua oki te taunga e te peroveta i runga i te enua nei, e kare rai i kite.

19 Kua akaruke takiri ainei koe ia Iuda? kua akaviivii rava ainei to Vae- rua ia Ziona? eaa koe i pāpā'i ia matou, e kare ua o matou e akaora? kua tatari matou ki te au, e kare ua e meitaki; e i te tuatau e ora'i ra, e i na, ko te 20
matakū! Te aaki nei matou, e Iehova, i to matou au kino, e te ara a to matou ai metua ra: kua ara akenci matou ia 21
koe. Auraka koe e akaviivii mai, no toou ra ingoa, auraka koe e akakino i te terono o toou kakū: e akamaaraara, e auraka koe e akaatikau i taau kore- 22
romotu ia matou. Te vai ra ainei to roto i te au mea puapinga kore o te etene e tila kia tuku mai i te ua? E na te au rangi ainei e oronga mai i te tua ua? kare ainei ko koe, e to matou Atua, e Iehova? i tapapa'i matou ia koe; no te mea naau teia katoa nei au mea i rave.

PENE XV.

Te akaruke roa anga, e te au mate o te ngati Iuda.

1 **E** KUA tuatua mairā Iehova kiaku nei; Tu ua mai a Mose ma Sa- muela ki mua i toku aroaro nei, kare toku manako e tau atu ki teianei iti- tangata: e tuaru atu ia ratou i mua i toku aroaro, e kia aere ke atu ratou. 2
E riro ia, kia tuatua mai ratou ia koe ra e, E aere matou keia? ei reira koe ka karanga atu ei kia ratou, Te na ko mairā Iehova; To te mate ra, ei te mate ia; e to te koke ra, ei te koke ia; e to te onge ra, ei te onge ia; e to 3
te tuikaa ra, ei te tuikaa ia. E a aku mea e tuku ki runga ia ratou, te tuatua mairā Iehova; ko te koke ei ta, e te au kuri ei kika aere, e te au manu o te reva, e te au puaka o te enua, ei kai e 4
k'a pou. E e tuku atu au ia ratou kia akaanataia i te au basileia katoa o te enua nei, no Manase, te tamaiti a Heze- kia, ariki no Iuda, i tana oki i rave i 5
Ierusalemā ra. Koai oki te ka aroa

atu ia koe, e Ierusalama e? e naai e tangi atu ia koe? e naai e tapae ua atu e ui i toou ra meitaki? Kua akaruke akenei koe iaku, te tuatua mairā Iehova, kua oki koe ki muri: no reira au i akatika'i i toku rima ki runga ia koe, e akapou atu ia koe; kua roiroi oki au i te aroa anga. E i roto i te e u ngufupa o te enua ra, i akapueu atu ei au ia ratou ki te tairi; kua akangere atu au ia ratou i te tamariki, kua akapou atu au i toku iti-tangata, kare oki ratou i ariu mai i to ratou au aerenga. Kua maata oki ta ratou au vaine takaua ki mua iaku nei, e iti te one i taatai: kua aratakiia mai e au ki runga ia ratou, ki runga oki i te oire metua, tetai tangata ou ra, ko tei noni aere i te avate a ua ra: kua akatopa vivikiia e au ki runga iaia te tumatetenga e te matakū. Ko tei anau e kua taki itu, te paru-paru ra ia: kua unui roa tona vaerua; kua opu tona rā i te vai ua anga o te ao; kua akama aia e kua aringaranga: e te toenga o ratou ra, naku e oronga atu no te koke ki mua i te aroaro o to ratou au enemi, te tuatua mairā Iehova.

E ae oki au e, e taku metua vaine! 10 ko koe i anau mai iaku ei tangata kakaro, ei tangata taumāro tuatua ki te enua katoatoa! kare oki au i toku atu i taku moni ei ou, kare rai te au tangata i toku mai i te moni kiaku ei ou; e te tao anake ra ratou iaku. Kua tuatua mairā Iehova, Kare ainei 11 au i akaora ia koe kia meitaki? kare ainei koe i tikaia e au i te enemi, i te tuatau kino, e i te tuatau mate?

E rauka ainei te auri kia aati, te 12 auri i apatokerau, e te veo? Taau ra 13 apinga, e taau ra au putunga apinga, taku ia e oronga atu ei apinga noni, kare no te oko, no taau ra au ara ravarai, i toou ra au kotinga katoa. E akariro au ia koe ei tavini no toou 14 au enemi ki te enua kitea koreia e koe ra: kua tutungia oki te ai i toku riri, te ka ka i runga ia kotou.

Ko koe tei kite, e Iehova e: e aka- 15 maara mai koe iaku, e e atoro mai iaku nei! e akaoko mai koe i te aronga e takinga-kino mai iaku ra; auraka au e ravea keia i te roa anga o toou riri: noou oki i akakoromaki ei au i te aka- 16 kino, kia kite mai koe. Kua kitea 16 taau au tuatua, e kua kai atura au; e ko taau tuatua, ko toku ia rekareka anga, e te pereperekavana anga o toku ngakau: kua tapaiia oki au i toou ra ingoa, e te Atua Sabaotara, e Iehova e. Kare au i noo i te uipānga o te aronga 17

akavaavaa, kare oki au i rekareka; no toou rima i noo ua ana ko au anake ua: kua akaki mairai koe iaku nei ki te makitakita maata. Eaa toku nei mamea i kore ei i mutu, e toku puta e mea ora kore, kare e tika kia akaora? e riro ainei koe iaku nei mei te kauvai pikikaa? te vai mou kore?

19 E tenana, te na ko mairā Iehova, Kia oki mai koe, ei reira au e akaoki mai ia koe, e ka tu koe ki mua i toku aroaro nei: e kia akataka koe i te meitaki e te kino, e riro koe ei vaa tikai noku i reira: kia oki mairā ratou kia koe; auraka ra koe e oki atu kia 20 ratou. E e akariro au ia koe ki teianei iti-tangata, ei patu veo akaketa-ketaia ra: e tamaki ua mai ratou kia koe ra, kare ra koe e rauka ia ratou: no te mea ko au tei vaitata ia koe ei akaora ia koe, e e ora koe iaku, te tua- 21 tua mairā Iehova. E e ora oki koe iaku i te rima o te aronga kino, e e akaora atu au ia koe i roto i te rima o te aronga rikarika ra.

PENE XVI.

Kino maata to te ngati Iuda i to ratou au metua ra: to ratou akaoki angaia mai mei te tuikau maira: to te pa enua ariu anga kia Iehova i to ratou au idolo pikikaa.

1 **K**UA tac maira oki te tuatua na Iehova kiaku nei, na ko maira, 2 Auraka koe e akaipoipo i te vaine, e auraka taau ei tamariki tamaroa e te 3 tamaine i teianei ngai. Te na ko maira oki a Iehova, i te au tamariki tamaroa e te au tamaine, tei anau i teianei ngai; e to ratou au metua vaine i anau mai ei ratou ra, e to ratou au metua tane i anau ei ratou ra i teia- 4 nei enua; i te au mate mamea e mate ei ratou; kare ratou e auia; kare oki e tanumia; e riro ra ratou ei teita ki runga i te enua nei: e pou oki ratou i te koke, e te onge; e e riro to ratou au kopapa ei kai na te au manu o te reva, e na te au puaka o te enua. 5 Te na ko maira oki a Iehova, Auraka koe e tomo i te are aue ra, auraka rai koe e nere e tangi, e e aue ia ratou: no te mea, kua rave keia e au taku au i teianei iti-tangata, te tuatua mairā Iehova, te takinga-meitaki, e te aroa. 6 E mate te aronga nunui e te aronga rikiriki i teianei enua: kare ratou e tanumia, e kare oki e auia atu, kare tetai e tapatapai iaia uorai, e kare oki 7 e mangoreia te upoko no ratou: E

kare oki ratou e vava'i i te aroto no te akaevaeva, ei akarekareka iaia i tei mate ra; e kare oki ratou e akainu atu ia ratou ki te kapu o te rekareka no tona metua tane, e no tona metua vaine.

Auraka koe e tomo i te are kainga-kai, ka noo katoa'i ma ratou katoa, i te kaikai anga, e te inu anga. Te na ko maira oki a Iehova Sabaota, te Atua o Iseraela; i na, teia au ka akakore i teianci ngai, ki mua i to kotou nei mata, e i to kotou nei au rā, te reo rekareka, e te reo maevakata, te reo no te tane akaipoipo ou, e te reo no te vaine akaipoipo ou.

E oti akera teianci au tuatua i te akakiteia atu e koe ki teia iti-tangata nei, e kia tuatua mai ratou kia koe e, No te aā Iehova i akakite mai ei i taua kino maata katoa nei no matou? eaa to matou kino? eaa ta matou ara i raveia e matou i to matou Atua ia Iehova? Ei reira koe ka karanga atu ei kia ratou, No te mea kua akaruke mai to kotou ai metua iaku, te tuatua mairā Iehova, e kua aru aere i te au atua ke, e kua tavini atu ia ratou, e kua akamori atura ia ratou, e kua akaruke akenci iaku, e kare i akono i taku ture: E kino maata ta kotou i rave i ta to kotou ai metua ra; i na oki, kotou ravarai i te aru aere anga i te ketaketa o tona uaoari ngakau kino, ko au nei ra, kare ia kotou i akarongo mai. E teianci, e tuaru atu au ia kotou i teianci enua, ki te enua kitea koreia e kotou, ko kotou, e to kotou ai metua katoa ra; e ei reira kotou ka tavini atu ei ki te au atua ke i te po e te ao; kare au e akaperepere atu ia kotou i reira.

E tenana, i na, e tae mai te au rā, 14 te tuatua mairā Iehova, kare e tuatua akaouia, Te ora rā Iehova, ko tei aratiki mai i te tamariki a Iseraela mei te enua maira mei Aiphiti; Kareka ra, 15 Te ora rā Iehova, ko tei aratiki mai i te tamariki a Iseraela mei te enua i apatokerau mai, e mei te au enua katoa tana i tuaru ia ratou: e akaoki mairai oki au ia ratou ki to ratou enua, taku i oronga atu no to ratou ai metua ra.

I na, e unga atu au i te au ravakai 16 e manganui, te tuatua mairā Iehova, e ka tautai ratou ia ratou; e i muri ake, e unga atu au i te aronga arumaki e manganui, e ka arumaki ratou ia ratou, na runga i te au maunga ravarai, e na runga i te au tuaiui katoa, e na roto i te au vaarua mato ra. Tei 17

runga oki oku mata i to ratou au aere-
renga katoa: kare ratou i ngaro ki
mua i toku aroaro nei; kare oki to
18 ratou kino i ngaro i oku nei mata. E
na mua au i te tatakai rua i te tutaki i
to ratou au kino, e ta ratou au ara: no
te mea kua viivii toku enua ia ratou, e
kua akaki ratou i taku tuanga i te au
kopapa o ta ratou au mea viivii, e te
19 rikarika. E Iehova e, toku ririnui,
e toku akapuanga, toku punanga i te
rā tuamatetenga; e tae roa mai te pa
enua kia koe mei te au openga mai o
te enua, ka na ko mai ei e, E pikikaa
tikai ta to matou ai metua ra, e tare-
vakaua, e te puapinga kore ta ratou.
20 Ei tangata ainei te anga i te atua, e
21 kare i te atua ratou uaoari? E teia-
nei, i na, i toku apii anga atu ia ratou
i teianci, e akakite atu au ia ratou i
toku rima e toku mana; e e kite
ratou e, ko Iehova toku nei ingoa.

PENE XVII.

*Te tuikaa anga o te ngati Iuda i ta
ratou au ara: tei te irinaki kia
Iehova te meitaki: no te Atua te
ora: te akonoanga e tau i te sa-
bati.*

1 **K**UA tataia te ara a Iuda ki te
peni auri, e ki te keokeo semira:
kua kotikotia ia ki runga i te papa o
to ratou ngakau, e ki runga katoa i te
2 au tara o ta kotou au atarau; E te
maara ua nei rai ta ratou au tamariki
i ta ratou au atarau, e to ratou au
Asetoreta ra, i rotou i te au rakau
ruperu, i runga i te au tuaiui teitei
3 ra. E toku maunga e, to apinga i roto
i te kainga e, e to au apinga katoa, ko
tuku ia e oronga atu ei apinga noni; e
to au ngai teitei e ara ai ra, i toou au ko-
4 tinga katoa. E ko koe, ka akaruke
koe i tauu tuanga, taku i oronga atu
naau; e e akariro au ia koe ei tavini
na toou au enemi, i te enua kitea ko-
reia e koe na: no te mea kua ka te ai
ia kotou i toku nei riri, e kare ua atu
e mutu te ka anga.

5 Te na ko mairā Iehova, Kia kata-
raia te tangata e irinaki ki te ta-
ngata ra, ko tei akariro i te tangata ei
rima nonā, e tei akaruke tona ngakau
6 ia Iehova. E riro aia mei tei vai
taaka au i te ngai motutaa ra, kare i
kite i te meitaki me tae mai; ka noo
ua ra aia i te ngai veravera o te me-
debara, i te enua taitai, tei kore i noia
7 ra. E ao to te tangata e irinaki kia
Iehova, e ko Iehova tona manakonga.
8 E riro oki aia mei te rakau i tanumia i

te pae vai ra, ko tei akatoro i tona au aka na te pae kauvai, kare i kite i te veravera i te tae anga mai; ka vai kerekere ua mairai tona rau; e kare e akono i te mataiti ua kore ra, e kare oki e tukumoe i te uua mai.

E pikikaa maata to te ngakau i te au mea katoa nei, e kua kino takiri: koai te kite? Ko au ko Iehova, tei kimi matatio i te ngakau, tei timata i te manako; kia oronga atu au ki te tangata katoa ra i tei tau i tona ra au aerenga, tei tau i te ua o tana e rave ra. *Mei* te kera e parai ki runga i te ua, e kare tana i tuku ra, koia te tangata i rauka te apinga, e kare ra te rauka anga tika: i rotopu i tona au rā e akaruke ei aia i taua au mea ra, e i tona openga ra, e riro ia ei neneva.

E terono kakū i akateiteia mei mua- tangana mairai, to tatou ia ngai-tapu. Te irinakianga o Iseraia, ko Iehova ia: ko te aronga katoa e akaruke ia koe ra, e akama ia, e te akaruke iaku ra, e tataia ki runga i te enua nei, no te mea kua akaruke ratou ia Iehova, i te tumu o te vai ora. Rapakau mai koe iaku, e Iehova, e ka meitaki ia au; e akaora mai koe iaku, e ka ora ia au: ko koe oki tei akapaapaia e au nei.

I na, te tuatua maira ratou nei iaku, Teica te tuatua na Iehova? tukua mai ia i tenana. Kare oki au i akakave ke iaku uaorai i te angai anga i murio ia koe ra: kare rai au i inangaro i te rā e mate ei ra, kua kite oki koe: to roto oki i toku nei vaa, tei mua tika ia i to aroaro. Auraka koe e riro ei mea ma- taku iaku: ko toku akapuanga oki koe i te rā e kino ei ra. Kia taaka- maia te aronga takinga-kino mai iaku ra, auraka ra au kia taakamaia: kia akamatakuia ratou, auraka ra au kia akamatakuia: e tuku mai koe ki runga ia ratou taua rā kino ra, e kia pou rava ratou i te mate poki- rua ra.

Kua na ko mairā Iehova iaku; Ka aere ki te ngutupa o te au tamariki o te au tangata nei, tu ua'i, i tei tomoia mai e te ui ariki o Iuda, kia aere mai ki roto ra, tei tomoia atu e ratou kia aere ki vao ra, e i te au ngutupa katoa i Ierusalem: E karanga atu koe kia Ierusalem, E akarongo mai kotou i te tuatua a Iehova, e te au ariki o Iuda e, e to Iuda katoa ra, e kotou katoa to Ierusalem, tei na teianei au ngutupa te tomo: Te na ko mairā Iehova; E ma- takite ia kotou, auraka ei apainga e

apaia i te rā sabati, auraka e apaia mai na roto i te au ngutupa i Ierusa-
22 lema nei: Auraka oki ei apainga e apaia mai no roto i to kotou au are i te rā sabati; auraka oki kotou e rave i te au angaanga katoa ra, kia tapu ra te rā sabati ia kotou, taku oki i akaue
23 atu ki to kotou au metua ra: Kare ra ratou i akarongo, kare oki i ariu mai i to ratou taringa, akaketaketa iora ra ratou i to ratou kaki, kia kore e akarongo, e kia kore e ariki i te ako.
24 E riro oki, kia akarongo marie maira kotou iaku, te tuatua mairā Iehova, e kia kore e apai mai i te apainga na roto i te au ngutupa o teianei oire i te rā sabati, kia tapu ra ia kotou te rā sabati, e kare roa e angaanga i raveia
25 i reira: E au ariki, e te ui mataipao, te ka tomo mai na te au ngutupa o teianei oire i reira, i te noo anga ki runga i te terono o Davida, e te oro anga na runga i te au kariota, e na runga i te au ipo, ko ratou, e te aronga nunui katon, te au tangata no Iuda, e tei noo i Ierusalem; e e vai rai oki
26 teianei oire e tuatau ua atu. E tae mai oki te tangata no roto i te au oire o Iuda, e no te pae i vaitatao i Ierusa- lema, e no te enua o Beniamina, e no te ngai atea, e no te au maunga, e no apatonga, i te apai anga mai i te au tusia karakaratio, e te au tusia, e te au mineka, e te tumiama, e te apai anga mai i te tusia akameitaki, ki te are o
27 Iehova. Kia kore ra kotou e akarongo mai iaku ra, e kia akatapu i te rā sabati, auraka e apai i te apainga, ka tomo ei i te au ngutupa i Ierusalem i te rā sabati; ei reira au e tutungi ei i te ai i tona au ngutupa, e pou oki te au are ariki i Ierusalem i te reira, e kare oki e tamateia.

PENE XVIII.

Te mana o te Atua i akakiteia i te angaanga a te potera: ta Iuda utu- nga, e ta Ieremia pure.

1 **T** E tuatua no ko ia Iehova i tae mai kia Ieremia ra, i te na ko anga mai e,
2 Ka tu, ka aere ki raro ki te are o te potera ra, ei reira au e akakite atu ei ia
3 koe i taku nei tuatua. Kua aere atura au ki raro i te are o te potera ra, e i na, to anga ra aia i tetai mea ki runga
4 i te au porotata ra. Kino iora te kapu karakarara i angaia e ia i te rima o te potera ra: kua rave akaou iora aia, ei kapu ke ia, ta te potera uaorai i ina-
5 ngaro kia anga ra. E kua tae maira

te tuatua a Iehova kiaku nei, na ko maira,

Kare ainei e tika iaku kia rave, mei ta teianei potera, ia kotou, e te ngutuare o Iseraela e, te tuatua mairā Iehova? I na, mei te karakaraka i roto i te rima o te potera, koia katoa kotou i toku nei rima, e te ngutuare o Iseraela e. Kia tuatua au i tetai enua, e tetai basileia, i te kiriti tumu anga, e te vava'i anga ki raro, e te akapou anga; Kia ariu ke maira taua enua, i tuatuaia e au ra, i to ratou ra kino, e tatarara au i taua kino i manakoia e au e toku ki reira ra. E kia tuatua au i tetai enua, e tetai basileia, i te patu anga ki runga, e te tanu anga; Kia rave ra aia i te kino ki mua i toku aroaro, kia kore e akarongo mai ki toku reo, e tatarara au i taua meitaki ra taku i tuatua e rave kia meitaki aia ra.

E teianei, teia taku tuatua, e karanga atu ki te au tangata no Iuda, e te aronga e noo ki Ierusalem, e na ko atu, Te na ko mairā Iehova, I na, te akakoro nei au i te kino ia kotou, e te kimi nei au i te ravenga ia kotou: e ariu mai kotou, ko te tangata katoa i tona uaorai aerenga kino, e akameitaki ana i to kotou au aerenga e ta kotou au ravenga. Kua tuatua maira ratou, Kare ia o reira manakoanga; e aru ra matou i to matou uaorai manako, e rave matou katoa i te inangaro o tona uaorai ngakau kino. E teianei, te na ko mairā Iehova, Ka ui ki te pa enua i tenana, koai tei akarongo i te au mea mei teia te tu? e mea rikarika rava tei raveia e te paretania a Iseraela nei. E kore ainei te kiona o Lebanona i runga i te mato i te kainga? e maro ainei te kauvai rikiriki ta'e anuanu ra?

Kua akangaropoina ra toku iti-ta ngata iaku, kua tutungi ratou i te rakau kakara i te mea puapinga kore: kua akaturori ratou ia ratou i to ratou aerenga, i te au aerenga taito; kia aere ua na te au mataara, te arataa kare i akaiua ra. Kia akariroia to ratou enua ei mea tanea, e ei akavaavaaanga mutu kore: e va ua te tangata katoa me aere na te pae, e e takirikiri oki i tona upoko. Mei te matangi ra e maoake, ka akapueu au ia ratou ki mua i te enemi; ko te tua taku e akakite atu kia ratou, kare te aro, i te rā e eke ei ratou ra.

Kua na ko iora ratou, Ka taki aere tatou, ka kimi i te ravenga ia Ieremia; kare oki te taunga e ngere i te ture, e te tangata pakari i te ako, e te peroveta i te tuatua; aere mai tatou, ka taiaia

i te arero, auraka tatou e akono ua atu i tana tuatua.

19 E akono mai iaku, e Iehova e, e akarongo mai i te reo o taku au enemi nei. 20 E tutakiia mai ainei te meitaki i te kino? kua ko ra ratou i te vaarua no toku vaerua. Akamanako mai koe i toku tu anga ki mua ia koe, ei tuatua i te meitaki no ratou, ei akaanga ke 21 atu i toou riri ia ratou. E teianei, e toku atu koe i ta ratou au tamariki no te onge, e kia tukuia oki ratou ki te ririnui o te koke: kia akangereia ta ratou au vaine i te tamariki, e kia takaua ratou; kia tukuia to ratou au tangata ki te mate, e kia taia to ratou au tangata ou i te koke i te tamaki 22 anga. Kia akarongoia te aue i to ratou au are, kia tuku viviki mai koe i tetai urupu toa ki runga ia ratou: no te mea kua ko ratou i te vaarua kia rauka au, e kua toku poiri ratou i te creere 23 kia ii taku vaevae. Kua kite ua ana ra koe, e Iehova e, i ta ratou au tuatua katoa iaku nei, kia mate au; auraka koe e akakore i to ratou kino, e ta ratou ara i mua i to aroaro ra, auraka e tapara keia; kia tatipokia ra ratou ki raro ki mua ia koe ra; i te tuatau e riri ei koe ra, e rave koe ia ratou.

PENE XIX.

Te pou o Ierusalem a i kitea i te kapu a te potera i ngaa ra.

1 **T**E na ko mairā Iehova; Ka aere ka tiki i tetai āriki one na te potera, e tetai papaki tangata pakari no roto i te au tangata nei, e tetai aronga pakari 2 katoa no roto i te kau taunga ra. Ka aere ei koe ki te o o te tamaiti a Hinoma, ki mua mai i te ngutupa potera ra, e naau e akakite ki reira i te au tuatua taku e karanga atu kia koe ra. 3 E karanga atu koe, E akarongo mai i te tuatua a Iehova, e te au ariki o Iuda e, e tei noo i Ierusalem ra: Te na ko maira te Atua o Iseraela ra, ko Iehova Sabaota; I na, ka apai mai au i te kino ki runga i teianei ngai, e poturi nga taringa o te aronga katoa e 4 akarongo ra. No te mea kua akaruko mai ratou iaku, e kua akaviivii ratou i teianei ngai, e kua tutungi i te rakau kakara i reira no te au atua ke, kare i kitea e ratou, ko ratou, e to ratou au metua, e te au ariki no Iuda; e kua akaki i teianei ngai i te toto o te aronga ara kore; Kua akatu oki i te au ngai teitei o Baala, ei ta'u anga i ta ratou au tamariki i te ai, ei tusia karakatio na Baala, i tei kore i akaueia e

au ra, e kare i tuatua ua ake, kare oki i tupu i toku nei ngakau. E teiane, i na, te vaitata maira te au rā, te tuatua mairū Iehova, kare teiane nei e karanga akaouia Ko Topheta, e Te o o te tamaiti a Hinoma, Ko te o tainga ra. E akakore oki au i te tuatua a Iuda, e ta Ierusalema, i teiane nei; e inga oki ratou iaku i te koke ki mua i to ratou au enemi, e i te rima oki o te aronga i kimi mai ia ratou kia mate: e ka oronga oki au i to ratou au kopapa ei kai na te au manu o te reva, e na te au puaka o te enua nei. E akariro oki au i teiane oire ei tanea, e ei akavaavaaanga: te aronga e na reira te aere te ka va ua, e ka akavaavaa i tona ra au mate katoa. E e akaangai au ia ratou ki te kiko o ta ratou au tamariki tamaroa, e te kiko o ta ratou au tamaine; e kai oki ratou katoa i te kiko o tona uarai oa, i taua eke ra, taua koropini anga ra, ta to ratou au enemi, e te aronga i kimi mai ia ratou kia mate, i akapini mai ia ratou. Ei reira koe ka akangaa'i i taua āriki ra ki mua i te araro o te aronga i aere ma koe katoa ra; Ka karanga atu ei koe kia ratou, Te na ko mairā Iehova Sabaota: ka pera rai au i te akangaa-ngaanga anga i teiane nei iti-tangata, e teiane nei oire, mei tana i akangaaanga i te āriki a te potera ra, ko tei kore rava e tika kia anga akaou ra; e tanu oki ratou i Topheta, e kapi akera, kare e o kia tanu. E pera taku e rave i teiane nei ngai, e tei noo katoa i reira, te tuatua mairū Iehova, e kia riro ua atu teiane oire mei ia Topheta. E te au are o Ierusalema, e te au are o te ui ariki no Iuda, e riro ia mei taua ngai ra, mei ia Topheta, i te viivii; e te au are katoa i tungia te rakau kakara, i to ratou taua ki rungao ra, no te au nuku katoa o te rangi ra, e te riringi anga i te au neseka na te au atua ke ra.

Kua aere mairā Ieremia mei Topheta mai, ki te ngai ta Iehova i tono atu iaia e totou ra; e tu ua maira ki roto i te kezere o te are o Iehova; e kua tuatua maira ki te tangata katoa ra, Te na ko maira te Atua no Iseraela ra, ko Iehova Sabaota, I na, ka apai mai au i te au kino katoa ki rungao i teiane nei oire, e te au oire katoa no reira ra, tei akakiteia atu e au iaia ra; no te mea kua akaketaketa io nei ratou i to ratou kaki, kia kore e akarongo mai i toku nei tuatua.

PENE XX.

Pasahura, no te mea i moto ia Ieremia, i tapai'i te ingoa ou: tona mate i akakiteia: to Ieremia auc anga i te au kino tana i kite i te rave anga i tana angyaanga.

- 1 **A**KARONGO akera te taunga ra ko Pasahura, te tamaiti a Imera, ko te kavana oki aia o te are o Iehova, i te au tuatua ta Ieremia i totou ra:
- 2 Kua ta iorā Pasahura i te peroveta ra ia Ieremia, e tuku atura iaia ki roto i te patiti, i te ngutupa teitei i o Beniamina ra, i vaitatao i te are o Iehova.
- 3 E ao akera, tukuia iorā Ieremia e Pasahura mei roto mai i te patiti ra. Kua karanga aturā Ieremia iaia i reira, Kua tapuia toou ingoa e Iehova, auaka ia Pasahura, ko Mataku-takapini ra.
- 4 Te na ko maira oki a Iehova, I na, ka akariro au ia koe ei mataku anga maun uarai, e na to au oa katoa ra; e inga oki ratou i te koke a to ratou au enemi, ka akara oki o mata: e e oronga oki au ia Iuda ravarai ra i te rima o te ariki no Babulonia, e nana ratou e apai ki Babulonia ei tuikaa, e e ta oki
- 5 ia ratou ki te koke. E naku e oronga i te ririnui o teiane nei oire, e tana au angaanga katoa ra, e tona au mea memaitaki katoa ra, e te au apinga katoa o te au ariki no Iuda; ko taku ia e oronga ki roto i te rima o to ratou au enemi, te ka āru ia ratou, ka rave oki ia ratou, e ka apai ia ratou ki Babulonia. E ko koe oki, e Pasahura e, e te aronga katoa e noo i to are ra, e aere anake ia ei tuikaa: e tomo oki koe ki Babulonia, e ei reira koe e mate ei, e ei reira koe e tanumia'i, ko koe, e to au oa katoa, te aronga oki taua i totou atu ma te pikikaa.
- 7 Kua akanauru mai koe iaku, e Iehova e, e kua vare iora au: ko koe tei ririnui iaku, e ko taua atura tei tupu; kua riro au ei kataanga i te au rā katoa nei, e te aviri maira te tangata
- 8 katoa iaku nei. Mei te tuatua oki i tuatua'i au, iaku i aue, e i kapi ki te takinga-kino, e te ārunga ra, kua akariroia te tuatua a Iehova ei akakino-anga iaku, e ei akavaavaaanga i te au
- 9 rā katoa. Karanga iora ra au e, kare au e akaiki iaia, e kare au e tuatua akaou i tona ra ingoa; riro atura ra mei te ai ka i roto i toku ngakau ra, kua popaniia ki roto i toku ra au ivi; roiroi akera au i te akakoromaki ua anga, e kare atura e tika *kia akatupa ua.*

Kua akarongo oki au i te akakino- 10
 anga o te tangata katoa e manganui, e
 te matakū e pini ua ake. *Te na ko*
ra ratou, E akakite mai koe, e na
 matou rai e akakite atu. Te tapapa
 anake maira taku au o a ra i toku
 inga anga: *te na ko ra ratou*, Pe-
 neiake ko te akanaurua aia, ka autu
 ei tatou iaia, ka akamoupuku atu ei
 tatou iaia. Tei iaku rā Ichova, ei toa 11
 rikarikaia ia; e riro ei te aronga
 takinga-kino iaku ra i te turori, kare
 oki ratou e autu: kua akama roa ratou,
 kare oki ta ratou i manuia: ei akama
 mutu kore *to ratou*, kare e ngaro. E 12
 Ichova Sabaota ra e, ko tei timata i te
 aronga tuatua-tika ra, ko tei akara i
 te manako i roto, e te ngakau ra; kia
 kite au i to riri akaoko ki runga ia
 ratou: kua tuku ua oki au i taku tua-
 tua kia koe ra.

Ka imene ia Ichova, ka akapaapaa 13
 ia Ichova, no te mea, kua akaora aia i
 te vaerua o tei akaaka, i te rima o te
 takinga-kino ra. Kia katarāia te rā i 14
 anau mai ei au ra: auraka te rā i anau
 mai ei taku metua vaine iaku ra kia
 akameitakiā: Kia katarāia te tangata 15
 ko tei akakite ki taku metua tane, i te
 na ko atu e, Kua anau mai taau e
 tamarara; ei akarekareka nui anga atu
 iaia. Kia riro te reira tangata mei te 16
 au oire i tatipokiā e Ichova, e kare i
 tataraara: kia kite aia i te aue i te
 popongi, e te aua i te avatara. Koia 17
 kare i ta iaku i roto i te kopu; e kia
 riro taku metua vaine ei vaarua noku,
 e kia vai ua rai tona kopu i te nui anga
iaku. Eaa te mea i anau mai ei au 18
 mei roto mai i te kopu ra, kia kite i te
 roiroi e te aue, e kia ope rava oku puke
 rā i te akama?

PENE XXI.

Te ui nei a Zedekia i te openga o tana
tamaki ra: e pini maata tei akakite
mamaoia mai.

TE tuatua i tae mai kia Ieremia, no 1
 ko mai ia Ichova ra, ka tono atu
 ei te ariki o ko Zedekia ia Pasahura,
 te tamaiti a Melakia, e ia Zephania, te
 tamaiti a Maaseia taunga ra, kiaia, i te
 na ko anga atu e,

Teia taku tuatua kia koe, Ka ui atu 2
 koe kia Ichova ia matou nei; no te mea,
 te tamaki nei te ariki o Babulonia ko
 Nebukanesa ia matou nei; penciake
 ko te rave mai a Ichova ia matou i
 tana katoa ra au ravenga taka ke, e kia
 oki atu aia ia matou nei.

Kua tuatua mairā Ieremia kia ratou, 3

4 E na ko atu kotou kia Zedekia: Te na
 ko maira te Atua o Iseracla ra, ko Ie-
 hova, I na, e ruri ke au i te au taonga
 tamaki i roto i to kotou rima, ta kotou
 e tamaki atu ki te ariki o Babulonia, e
 ki to Kaledea ra, tei na vao mai i te au
 patu ra i te akapini mai ia kotou, e
 akaputuputu au ia ratou ki rotapu i
 5 teianei oire. Ko au uaorai te tamaki
 atu ia kotou, ma te rima akatikaia, e
 ma te rima marōrō, ma te riri, e ma te
 riri ototo, e ma te riri viviki maata.
 6 E ta oki au i to teianei oire, i te ta-
 ngata e te puaka: ka mate oki ratou i
 7 te maki ririnui. E muri ake i te reira,
 te tuatua mairā Ichova, ko te ariki o
 Iuda ra ko Zedekia, e tona ra au ta-
 vini, e te au tangata, e tei toe i te oire
 nei, no te maki-mate, e no te koke, e
 no te onge, taku ia e tuku atu i te rima
 o te ariki o Babulonia, ia Nebukanesa,
 e te rima o to ratou au enemi, e te
 rima o te aronga i kimi mai ia ratou
 kia mate; e nana ratou e ta ki te mata
 koke; kare rava aia e aroa ia ra-
 tou, kare e akaperepere, kare oki e
 tangi atu.

8 E karanga atu koe ki teianei iti-
 tangata, Te na ko mairā Ichova; I na,
 te tuku nei au i te ara ora ki mua ia
 9 kotou, e te ara mate. Ko te noo ki
 roto i teianei oire, e mate ia i te koke,
 e te onge, e te maki-mate: e te aere ra
 ki vao, e kua oronga iaia uaorai ki te
 rima o te Kaledea e akapini mai ia ko-
 tou ra, e ora ia aia, e riro tona ora ei
 10 apinga nana. Kua tuku oki au i toku
 mata ki runga i teianei oire kia kino,
 auraka kia meitaki, te tuatua mairā
 Ichova: e tukuia te reira ki te rima o
 te ariki o Babulonia, e ka ta'u aia i te
 reira ki te ai.

11 Kareka te are o te ariki o Iuda ra,
 E akarongo mai kotou i te tuatua a
 12 Ichova; E te ngutare o Davida, te na
 ko mairā Ichova, Ka rave na i te tua-
 tua-tau i te popongi ra, ka akaora atu
 i tei āruia i te rima o te takinga-kino
 ra; ko te riro atu aea taku riri ototo
 mei te ai ra, e ka atura, e kare e ta-
 mate, no te kino o ta kotou au ravenga
 13 ra. I na, kare au e tau ia koe, e tei
 noo i te o ra, te mato i te ngai mataa-
 ta, te tuatua mairā Ichova; ko kotou
 ko tei karanga e, Koai te ka eke mai
 ki raro ia tutou nei? naai e tomo mai i
 14 to tatou au are? E tutaki atu au ia
 kotou kia tau i ta kotou ravenga, te
 tuatua mairā Ichova: e tutungi au i
 te ai i tona ra vaorakau, e e pou katoa-
 toa oki ia e pini ua ake.

PENE XXII.

*Te akoia nei kia tataraara: te utunga
a Saluma raua ko Konia.*

KUA na ko mairā Iehova, Aere ki raro ki te are o te ariki o Iuda, ka karanga atu ei koe i teianei tuatua ki reira, Ka na ko atu ei,

E akarongo mai i te tuatua a Iehova, e te ariki o Iuda e, tei noo ki runga i te terono o Davida, ko koe, e to au tavini, e to au tangata, tei na teianei au ngutupa i te tomo ra: Te na ko mairā Iehova, Ka rave ana i te tuatua-tau, e te tuatua-tika, ka akaora atu i tei pou i te āru i te rima o te takinga-kino; e te tangata ke, e te matiroeroc, e te vaine takaua, auraka e tinai-mateia atu, auraka e takinga-kinoia atu, auraka oki te toto ara kore kia maringi i teianei ngai. Kia rave tikai oki kotou i teianei tuatua, e ui ariki te ka tomo na roto i te au ngutupa o teianei are, e te noo anga ki runga i te terono o Davida, e te oro anga na runga i te au kariota, e i runga i te au ipo, koia ma tona katoa ra au tavini, e tona katoa ra au tangata. Kia kore ra kotou e akarongo mai i teianei au tuatua, te tuatua mairā Iehova, kua taputou au iaku uorai, e riro tikai teianei are i te tanca. Te na ko maira oki a Iehova, i te are o te ariki o Iuda ra, Ko Gileada koe iaku nei, te upoko o Lebanona ra; e akariro tikaia ra koe e au ei medebara, ei au oire noo koreia. E naku e alonokono atu i te akapou ia koe ra, ko te tangata ravarai ma tana taoonga; e na ratou e tipu i te au arezi inangaro naau ra, e uri atu oki ki roto i te ai. E manganui te enua te ka aere na vaitaao i teianei oire, ma te tuatua te tangata ravarai ki tona tangata tupu, Eaa i pera'i Iehova i te rave i teianei oire maata? Ei reira ratou e karangaa atu ei, No te mea, kua akaruke ratou i te koreromotu a to ratou Atua, a Iehova, e kua akamori i te au atua ke, e kua tavini atura ia ratou.

Auraka kotou e aue ki tei mate ra, auraka e tangi iaia: kia maata ra te aue i tei riro ke ra: kare oki aia e oki akaou mai, e te enua i anau ei aia ra, kare ia e kite. Te na ko maira oki a Iehova ia Saluma, i te tamaiti a Iosia, ariki no Iuda ra, ko tei riro iaia te au ei tupau i tona metua, ia Iosia ra, ko tei riro atu mei ko nei atu; Kare aia e oki akaou mai ki ku nei. Tāua ngai ra i arataki tuikaia atu ei aia e ratou ra, ei reira aia e mate ei,

kare aia e kite akaou mai i teianei enua.

- 13 Aue tona, to tei akatu i tona are ma te tuatua-tika kore, e tona au pia ki runga ra ma te tau kore, ko tei akaue i tona tangata tupu kia rave ua i te angaanga, kare e oko, kare oki e tutaki
- 14 atu iaia i tana angaanga; Ko tei karanga e, e akatu au i tetai are maata noku uorai, e te au pia pararauare i runga; e te tarai anga i te mūramārama nona uorai, e te akaapapa anga ki runga ki te arezi; e te amo anga
- 15 ki te muramura. E noo ariki ua rai ainei koe, ko koe i akatu ke i toou are i te arezi? kare ainei toou metua i kikai, e i inu oki, e kua rave i te tuatua-tau, e te tuatua-tika? meitaki atura
- 16 oki aia i reira; Kua akatika aia i te tuatua a te aronga ao, e tei putaua ra, meitaki akera ia i reira: kare ainei teia te kite mai iaku ra? te tuatua mairā
- 17 Iehova. Kareka oou mata, e toou ngakau, tei runga anake ia i te au mea i noinoia e koe ra, e tei runga rai i te toto ara kore kia maringi, e tei runga i te takinga-kino, e tei runga i te āru,
- 18 kia raveia. I na ko mai ei a Iehova kia Iehoiakima, i te tamaiti a Iosia, ariki o Iuda, Kare ratou e aue iaia, i te na ko anga e, Aue, e taku taue! kare oki ratou e aue iaia, i te na ko anga e, Aue, e te Atua e,
- 19 Aue tona manea e. Mei te tanu anga i te asini tona tanumanga, e kika uaia, e akarukeia atu ki vao mai i te au ngutupa o Ierusalem.
- 20 Ka aere ki runga ki Lebanona, ka kapiki ua'i; e ei runga ia Basana, akateitei ei i to reo, ka kapiki ua atu ei ki runga ia Abarima: te aronga katoa i inangaro mai ia koe ra, kua pou anake
- 21 ia. Kua karanga atu oki au ia koe i to meitaki anga ra, kua tuatua maira koe, Kare au e akarongo atu. Ko toou ia tu rai mei toou ou anga mai, kare oki koe i akarongo mai i toku reo.
- 22 E pou to au tiaki i te matangi, e te aronga i inangaro mai ia koe ra, e riro keia ia ei tuikaa; ei reira tikai koe e akama'i, e e aringaringa'i oki, i
- 23 toou au kino katoa. E to Lebanona e, ko tei anga i to koanga ki roto i te au arezi ra, kare ra e tangi ia koe kia rokoia mai koe e te mamac, e mamac
- 24 mei to te vaine anau ra. Te tuatua mairā Iehova, Te ora nei au ra, riro uā Konia, te tamaiti a Iehoiakima, ariki no Iuda, ei sigilo ki runga i toku rima katau, e kiritia koe e au i reira;
- 25 E e oronga atu au ia koe ki te rima o te aronga i kimi mai ia koe kia mate,

e te rima katoa o te aronga no ratou te mata taau e mataka ra; i te rima oki o te ariki o Babulonia ko Nebukanesa ra, e i te rima katoa o te Kaleda. E titiri ke atu au ia koe, e to metua 26 vaine nana koe i anau ra, ki tetai enua ke, kare kotou i anau i reira; e ei reira kotou e mate ei. Kareka te enua ta 27 ratou i inangaro kia oki maira, kare ratou e oki mai ki reira. E idolo 28 ngaangaa ainei, e te akaviiviiia, teianci tangata ko Kouia? e e ariki inangaro koreia ainei aia? eaa ra oki ratou i titiri keia'i, koia e tona uanga katoa ra, e kua uria ki runga i te enua kare i kitea e ratou? E te enua e! e te enua 29 c! e te enua e! e akarongo mai i te tuatua a Iehova. Te na ko mairā Ie- 30 hova, E tata kotou i teianci tangata, ei anau tama kore, ei tangata kare e manuia i tona ra au rā: kare rava oki tona uanga e manuia, ma te noo ki runga i te terono o Davida, e te tutara akaou anga ki runga ia Iuda.

PENE XXIII.

Ka tutakiiia te au tiaki kino: ka akaputuputuia ru te anana: te Rara tuatua-tika: e tuatua ako, e te matuku, no te au peroveta pikikaa.

AUE te au tiaki, e tei akapou, e kua 1 akapueurikiriki, i te au mamoe taku e angai ra, te tuatua mairā Iehova! Te na ko maira oki te Atua no Iseraela, ko Iehova, i te aronga tiaki, tei angai i toku ra au tangata; Kua akapueurikiriki kotou i taku anana, e kua ia keia, e kare kotou i atoro ua 2 atu ia ratou: i na! ka tutaki atu au ia kotou i te kino ta kotou i rave, te tuatua mairā Iehova.

E akaputuputu maira au i te totoe- 3 nga o taku anana, i te au enua katoa i inia atu ei ratou e au ra, e akaoki mai au ia ratou ki ta ratou uorai koro; e ka riro oki ratou i te tupu e maata ua atura. E toku oki au i te 4 tiaki ki runguo ia ratou, te ka angai ia ratou ra: kare atura ratou e mataka akaou, kare oki e tumatetenga, e kare oki tetai e ngaro, te tuatua mairā Iehova. I na, e tae maira te au rā, te 5 tuatua mairā Iehova, e akatupu ei au i tetai Rara tuatua-tika no Davida, e e tutara oki tetai ariki, e e manuia, e ka rave i te tuatua-tau, e te tuatua-tika, i te enua nei. I tona ra au rā e ora ai 6 Iuda, e e noo mataka kore ei Iseraela: e teia oki te ingoa e tapai nona, Ko Ie- 7 hova ta tatou tuatua-tika ra. E teianci, i na, te tuatua mairā Iehova,

e tae maira te au rā, e kore ei ratou e tuatua akaou e, Te ora rā Iehova, ko tei arataki mai i te tamariki a Iseraela, 8 mei te enua ra i Aiphiti: Kareka, te ora rā Iehova, ko tei apai mai, e kua arataki, i te uanga o te ngutuare o Iseraela, mei te enua i te pac i apato- kerau ra, e mei te au enua katoa i tuarua atu ei ratou e au ra, ka noo oki ratou ki runga i to ratou uorai enua.

9 No te au peroveta i paruparu rava'i toku ngakau i roto iaku nei, e kua ruketeketete toku au ivi katoa nei; kua riro au mei te tangata i kona ra, e mei te tangata i vi rava i te wina ra, no Ie- hova, e te au tuatua tapu nana ra. 10 Kua ki oki te enua nei i te aronga akaturi; e no te taputou pikikaa i aue ei te enua; kua marō te au ngai nga ngaere o te medelara; kua kino to ratou aerenga, e kare oki to ratou riri- 11 nui i tika. Te peroveta katoa, e te taunga, kua kanga anake ia; te kite nei au i to ratou kino i roto i toku are 12 nei, te tuatua mairā Iehova. E teianci, e riro to ratou arataa mei te ngai pateka i roto i te poihi, e arumakiiia ratou, e e inga i reira: e apai mai oki au i te kino ki runga ia ratou, te ma- 13 taiti oki i tutakiiia ratou, te tuatua mairā Iehova. Kua kite oki au i te mea neneva i te au peroveta i Samaria ra; kua totou oki ratou ia Baala, e kua akatareva ke ratou i toku ra iti- 14 tangata ia Iseraela. Kua kite oki au i te mea rikarika i te au peroveta i Ie- rusalema: i te rave anga i te akaturi, e te aere anga ma te pikikaa, kua akamaroiri ratou i te rima o te aro- 15 nga rave kino, e kare atura te tangata e ariu mai i tona ra kino; kua riro anake ratou mei ia Sodoma iaku, e tei 16 noo i reira mei ia Gomora. E teianci, te na ko mairā Iehova Sabaota, i te au peroveta ra; I na, e angai au ia ratou ki te lone, e o atu te vai kavangu no ratou, ei inuanga: no te mea, na te au peroveta i Ierusalem te riro anga atu te tuatua kanga, e pini ua akenei te enua katoa nei. 17 Te na ko mairā Iehova Sabaota, Au- raka e akarongo atu i te tuatua a te au peroveta, ko tei totou ia kotou: tei akapikikaa ia kotou ki te mea puapi- nga kore: kua tuatua i te orama no to ratou uorai ngakau, e kare i to roto i te vaa o Iehova. I te tuatua ua anga 18 atu ki te aronga i akavaavaa mai iaku ra, kua tuatua mai a Iehova e, Ei au to kotou; te anere ua ra te tangata katoa i te inangaro o tona uorai nga-

kau, ka na ko ua'i ratou e, Kare kotou e rokoa e te kino. Koai oki te noo i 18
 te uruoanga a Iehova, e kua akara
 atu, e kua akarongo atu, i tana tuatua?
 koai te akono tikai i tana tuatua e
 kua akarongo atu? I na, te puaoio a 19
 Iehova, te riro atura ma te viviki, e
 puaoio akapou maata rava: ei runga i
 te mimiti o te aronga kino ra e topa
 viviki atu ei. Kare te riri o Iehova e 20
 oki, e kia raveia e ia, e kia akatupuia
 e ia, te au akakoroanga o tona ngakau;
 kia tac ki te au rā openga ra e kite pu
 tikai kotou i te reira. Kare au i tono 21
 i taua au peroveta ra, na ratou uorai
 i oro ua: kare au i karanga atu kia
 ratou, na ratou uorai i totou ua:
 Angairi ra ratou i noo i toku ra uruo- 22
 anga ra, e i akakite i taku tuatua ki
 toku ra iti-tangata, kua akaariua ra-
 tout i to ratou ra aereanga kino, e te
 kino ta ratou i rave ra, i reira.

E Atua vaitata ainei au, te tuatua 23
 mairā Iehova, e kare te Atua no te
 atea ke ra? E tika iaai kia uuna iaia 24
 uorai i te au ngai ngaro ra, e kia kore
 e kitea atu e au ra? te tuatua mairā
 Iehova. Kare ainei tei kapi te au ran-
 ghi e te enua katoa iaku nei? te tuatua
 mairā Iehova. Kua kite au i ta te au 25
 peroveta i karanga ra, tei totou pikikaa
 ua ma toku ra ingoa, i te na ko anga e,
 E moe taku, e moe taku. Mei te aa 26
 ra te roa o te reira i te vai ua anga ki
 roto i te ngakau o te au peroveta, tei
 totou mai i te pikikaa? e au peroveta
 oki no te pikikaa o to ratou uorai
 ngakau ra. Te manako ra kia aka- 27
 ngaropoina toku iti-tangata i toku nei
 ingon, i ta ratou au moe, ta ratou ra-
 varai e akakite ra ki tona uorai tan-
 gata tupu, mei to ratou ai metua i
 akangaropoina i toku ingoa ia Baala.
 E moe ta te peroveta ra, e akakite 28
 mai aia i tana ei moe; e tei iaia taku
 ra tuatua, e tuatua aia i taua tuatua
 naku ra ma te tika. Eaa to te ota i te
 sitona ra? te tuatua mairā Iehova.
 Kare ainei taku tuatua nei mei te ni? 29
 tuatua mairā Iehova; e mei te amara,
 i pueurikiriki ei te mato ra? E teia- 30
 nei, i na, kua riri au ki te au peroveta,
 te tuatua mairā Iehova, tei keia mai i
 taku tuatua, ko te tangata ko tona
 uorai tangata tupu. I na, kua riri 31
 au i te au peroveta, te tuatua mairā
 Iehova, tei akapateka i to ratou arero,
 ka na ko ei e, Te tuatua maira. I na, 32
 kua riri au i te au peroveta moe piki-
 kaa ra, te tuatua mairā Iehova, ko
 tei akakite i te reira ra, e kua akata-
 reva ke i toku ra iti-tangata, i ta

ratou pikikaa, e ta ratou akatietie
 anga; kare ra au i tono ia ratou, kare
 oki i akaue ua atu ia ratou: kare
 rava oki teianei iti-tangata e puapi-
 ngaia ia ratou, te tuatua mairā Iehova.

33 E kia ui mai teianei iti-tangata ia
 koe, e tetai peroveta, e tetai taunga,
 kia na ko mai e, Eaa te apainga na Ie-
 hova? e na ko koe ia ratou i reira,
 Eaa ia apainga? e akaruke atu au
 34 ia kotou, te tuatua mairā Iehova. E
 te peroveta, e te taunga, e te au tan-
 gata ra, e tuatua mai, Te apainga na
 Iehova; e tutaki atu au i taua tangata
 35 ra, e tona katoa ra ngware. E na ko
 anake kotou kia tuatua, ko te tangata
 ko tona uorai tangata tupu, ko te
 tangata ko tona uorai taeake; Kua
 akapeca mairā Iehova? Eaa ta Iehova
 36 tuatua? Kareka te apainga na Ie-
 hova, auraka kotou e taiku akaou i te
 reira; ko ta te tangata ra tuatua, ko
 tana ia apainga; kua riri ke oki kotou
 i te tuatua a te Atua ora ra, i ta to tatou
 37 Atua ra, ta Iehova Sabaoa ra. E na
 ko atu koe ki te peroveta ra, I peea
 mairā Iehova ia koe ra? Eaa ta
 38 Iehova tuatua? I mūro ra kotou i te
 tuatua e, Te apainga na Iehova; te
 na ko mairā Iehova i te reira, No te
 mea te tuatua ra kotou i teianei tua-
 tua, Te apainga na Iehova, tono ua
 rai au i te karere kia kotou, i te na
 ko anga atu e, Auraka kotou e tuatua
 39 e, Te apainga na Iehova; E teianei,
 I na, ko au nei, ka akangaropoina ta-
 kiri au ia kotou, ka akaruke atu ei au
 ia kotou; e te oire taku i oronga atu
 ia kotou, e to kotou ai metua ra, e
 40 taka ke atu ia i toku mata nei. E
 tuku mai oki au i te akakino mutu
 kore ki runga ia kotou, e te akama
 mutu kore, kare rava e ngaro ra.

PENE XXIV.

*Te akakite nei e akaokiiā mai te
 tuikaa, i te akauro ra i te suke mei-
 taki e te kino.*

1 **K**UA akakite mairā Iehova iaku, e
 i na, e puke āriki suke e rua, kua
 tukuia nai i mua mai i te nao o Ie-
 hova ra, i muri ake i to te ariki no
 Babulonia to Nebukanesa apai tui-
 kaa anga ia Iekonia, te tamaiti a
 Iehoiakima, ariki no Iuda ra, e te
 ui ariki katoa no Iuda, e te aronga
 tarai rakan, e te aronga tupaki
 auri, mei Ierusalem atu, e kua arata-
 2 kiia atura ratou ki Babulonia. Tetai
 āriki suke ra, e mea meitaki roa ia,
 mei te suke para vave ra: e tetai

āriki suke, e mea kino roa ĩa, kare e tika kia kai i te kino ra. Kua tuatua mairā Iehova iaku, Eaa taau e akara na, e Ieremia? kua karanga atura au, E suke; te suke meitaki ra, e mea meitaki roa ĩa; e te mea kino ra, e mea kino roa ĩa, kare e tika kia kai i te kino. I reira te tae anga mai i te tuatua a Iehova kiaku nei, na ko mairā, Te na ko mairā te Atua o Ise-raela ra ko Iehova; Mei teianei au suke meitaki nei, ka pera toku kite anga i te au tuikaa no Iuda, i ungaia e au mei ko nei atu i te enua o te Kaleden, kia meitaki ratou. E akatano au i oku mata ki runga ia ratou kia meitaki, e akaoki mai au ia ratou ki teianei enua; e patu au ia ratou ki runga, e kare e tuku ki raro; e tanu au ia ratou, e kare e kiriti. E oronga au ia ratou i te ngakau e kite mai ei iaku ra e, ko au ko Iehova: e riro oki ratou ei iti-tangata noku, e riro oki au ei Atua no ratou; ka ariu mai oki ratou iaku ma te ngakau katoa ra. Kareka ra te au suke kikino ra, e kore e tika kia kai i te kino, te na ko mairā Iehova, Mei te reira taku akariro anga i te ariki no Iuda ra ia Zedekia, e te ui ariki ki ona ra, e te toenga o Ierusalema, tei akatoeia ki runga i te enua nei, e tei noo katoa i te enua i Alphiti: E tuku atu au ia ratou no te manamanata, e te kino, i te au basileia katoa o te ao nei, kia riro ei akakinoanga, e ei amuamuanga, e ei tuatuaanga, e ei taouanga, i te au ngai katoa taku i tuaru atu ia ratou ra. E akaunga atu oki au i te koke i roto ia ratou, e te onge, e te maki-mate; e pou rava atu ratou i runga i te enua nei, tei orongoia e au no ratou, e no to ratou ra au metua.

PENE XXV.

Te ako nei a Ieremia i te ngati Iuda i to ratou akarongo kore i te au peroveta: te au mataiti e itu ngauru o to ratou tuikaa anga i akakitiu, e te pou anga o Babulonia.

TE tuatua i tae mai kia Ieremia i te au tangata katoa no Iuda ra, i te mataiti a o Iehoiakima, te tamaiti a Iosia, ariki no Iuda, ko te mataiti mua ra o te ariki o Babulonia ra ko Nebukanesa;

I ta te peroveta ra i ta Ieremia i karanga atu ki te au tangata katoa o Iuda ra, e to Ierusalema katoa ra, i te na ko anga e, Mei te mataiti okotai ngauru ma toru mai o Iosia, te tamaiti

a Amona, ariki no Iuda, e tae rava akenei ki teianei rā, ko te tai takau ma toru teia o te mataiti, ko te tae anga mai ĩa o te tuatua a Iehova iaku, e kua karanga atura au ia kotou, i te tu popongi anga, e te tuatua anga; 4 kare ra kotou i akarongo mai. Kua tono mai oki a Iehova i tona katoa ra au tavini i te au peroveta ia kotou, i te tu popongi anga, e te tono anga; kare ra kotou i akarongo, e kare i ariu mai 5 i to kotou taringa kia akarongo: I te na ko anga atu e, Ka ariu mai ana kotou katoa i tenana i tona ra aereanga kino, e te kino o ta kotou ravenga ra, ka noo ei kotou i te enua nei, ta Iehova i oronga mai no kotou, e no to kotou ai metua, e tuatau, e tuatau ua 6 atu. E auraka e aru aere i te au atua ke, i te tavini anga atu ia ratou, e te akamori anga atu ia ratou; e auraka e akakoko mai iaku kia riri i te au angaanga a to kotou rima ra, e kare oki au e rave kino ua atu ia kotou. 7 Kare ra kotou i akarongo mai iaku, te tuatua mairā Iehova, kia akakoko mai kotou iaku kia riri i te au angaanga a to kotou rima ra, kia kino atu kotou. 8 E teianei, te na ko mairā Iehova Sabota; No te mea kare kotou i akarongo mai i taku tuatua nei, I na, e tono atu au, e rave mai i te au kopu-tangata katoa i te pae ki apatokerau ra, te tuatua mairā Iehova, e toku tavini katoa, i te ariki o Babulonia, ia Nebukanesa, e arataki mai au ia ratou ki runga i teianei enua, e ki runga i tei noo i reira, e ki runga i teia katoa nei au enua, e pini ua ake, e akapou roaia ratou, e akariro oki au ia ratou ei vavaranga, e ei akavaavaaanga, e ei tanca, 10 e tuatau ua atu. E e apai keia e au te reo rekareka ia ratou, e te reo maevakata, e te reo o te tane akaipoipo ou, e te reo o te vaine akaipoipo ou, e te aruru taviri sitona, e te mārāma o te mori 11 ra. E riro te enua katoa nei i te tanea, e ka riro ei vavaranga; e riro oki taua au enua nei ei tavini no te ariki o Babulonia, e kia itu ngauru i te mataiti. E riro oki ĩa, kia ope aua nga mataiti e itu ngauru ra, e tutaki atu au i te ariki no Babulonia, e taua enua ra, te tuatua mairā Iehova, i ta ratou ara, e te enua o te Kaleden, e akariro atu au i te reira ei tanca e tuatau ua 13 atu. E e akatae atu au ki runga i taua enua ra, te au tuatua katoa taku i tuatua i te reira ra, te au tuatua katoa i taina ki roto i teianei buka, tei totouia e Ieremia, i te pa enua 14 katoa ra. No te mea ka taaoia ratou

e te au enua e manganui, e te au ariki nunui katoa ra, e tutaki atu oki au ia ratou e kia aite i te ratou angaanga, e kia aite ki tei raveia e to ratou uaorai rima.

Te na ko mairā oki te Atua o Ise-15
raela ko Iehova iaku nei; ka rave
mai na i te kapu wina o teianei riri
otooto i toku rima nei, ka akainu
atu ei i te au enua katoa, taku e
tono atu ia koe ra kia ratou: Ka 16
inu oki ratou, e ka turorirori, e ka
nenevaia, i te koke taku e akaunga
atu ki roto ia ratou. Kua rave atura au 17
i te kapu i te rima o Iehova, e kua
akainu atura au i te au enua katoa, i
ta Iehova i tono iaku ra: Ia Ierusa- 18
lema, e te au oire o Iuda ra, e te au
ariki, e te ui ariki no reira, kia aka-
taneaia atu ratou, e ei vavaranga, e ei
akavaavaanga, e ei katara, mei tei
teianei rai rii. Ko te ariki o Alphiti 19
ra ko Pharao, e tona au tavini, e te ui
ariki ki ona ra, e te tangata katoa
nona; E te au tangata katoa i irokia 20
ra, e te au ariki katoa o te enua ra o
Uza, e te au ariki katoa o te enua o te
Philiseti, e ia Askelona, e ia Gaza, e
ia Ekerona, e te toenga no Asedoda,
ia Edoma, e ia Moabi, e te au tama- 21
riki a Amona; E te au ariki katoa i 22
Turia ra, e te au ariki katoa i Sidona,
e te au ariki i te enua i taatai ra; Ia 23
Dedana ra, e ia Tema ra, e ia Buza ra,
e te aronga katoa e varu i to ratou
parata, E te au ariki katoa i Arabia 24
ra, e te au ariki katoa no te aronga i
iro uaiā, tei noo i te medebara ra; E te 25
au ariki katoa i Zimeri, e te au ariki
katoa i Elama ra, e te au ariki katoa i
Media, E te au ariki katoa i te pae i 26
apatokerau ra, tei vaitata mai e tei ma-
mao ra, tetai e tetai, e te au basileia ka-
toa o te ao nei, ki runga i te enua nei:
e na muri ia ratou te ariki o Sesaka i
te inu. E ka karanga atu koe kia ratou, 27
Te na ko mairā Iehova Sabaota ra, te
Atua o Iseraela, Ka inu kotou, e kia
kona, e kia ruaki, e kia inga atu, e au-
raka e tu akaou mai, i te koke taku e
akaunga atu ki roto ia kotou na. E 28
kia kore e tika ia ratou kia rave mai i
te kapu i to rima ra e inu, e karanga
atu koe kia ratou i reira, Te na ko
mairā Iehova Sabaota ra, E inu tika
rai kotou. Ina, te akamata nei au i te 29
apai mai i te kino ki runga i te oire i
tapaia i toku nei ingoa, e ko kotou ai-
nei te ka kore roa atu e akautungaia?
Kare oki kotou o kore i te akautunga-
ia; e kapiki atu oki au i te koke kia
na runga i tei noo i te enua katoa

nei, te tuatua mairā Iehova Sabao-
ta ra.

30 E totou atu oki koe kia ratou i teia-
nei au tuatua katoa, e na ko atu koe
kia ratou,

E ngunguru a Iehova no runga mai,
e mei tona ra nooanga tapū e tuku mai
ei aia i tona reo; e ngunguru nui mai
aia ki runga i tona nooanga; e maeva
aia, mei tei takatakai i te vine ra, i te
31 au tangata katoa o te enua nei. E
aruru te ka tae ki te openga o te enua
ra; e taumūroanga ta Iehova i te au
enua ra, e akava oki aia i te au tangata
katoa ra; e tuku atu aia i te aronga
kino i te koke, te tuatua mairā Iehova.

32 Te na ko mairā Iehova Sabaota ra; I
na, ka riro atura te kino mei tetai
enua e tae atura ki tetai enua, e akatu-
puia tetai puaiio maata, mei te ope-
nga mai o te enua ra. E ko tei mate

33 ia Iehova ra, kia tae ki te reira rā, e
riro ia mei tetai openga mai o te enua,
e tae au atu ki tetai openga o te enua
ra; kare ratou e tangia, e kare e aka-
putuia, e kare e tanumia; e riro ra ei

34 teita ki runga i te enua nei. Ka aue,
e te au tiaki, e puknoa, e ko kotou oki,
e te aronga nunui o te anana nei, ei
roto i te reu ai kotou takaviriviri ei;
ko to kotou au rā e mate ei ra, kua ope
ia; e e akapueurikiriki ke atu au ia
kotou; e ka topa oki kotou ra mei te

35 āriki inangaroia ra. Kare e ngai e oro
ci to te aronga tiaki, kare oki e aka-
puanga to te aronga nunui o te anana

36 ra. E reo aue no te aronga tiaki, e te
pukaao no te aronga nunui o te anana
ra; no te mea kua kino ia Iehova ta

37 ratou i kai ra. E te au nooanga au ra,
kua pou ia, no te riri maata o Iehova.

38 Kua akaruke aia i tona pinanga, mei te
liona ou ra, kua tanea oki to ratou
enua i te rinui o te takinga-kino ra,
e no tona ra riri otooto.

PENE XXVI.

*Me mate a Ieremia, koia i akakite i te
tuatua a te Atua ma te pikikaa kore.*

1 **I** TE akamatunga o te au o Iehoa-
kima, te tamaiti a Iosia ra, ariki no
Iuda, i tae mai ei teianei tuatua, no ko
2 ia Iehova ra, i te na ko anga e, Te na
ko mairā Iehova, Tu ua na koe ki roto
i te kezere i te are o Iehova, ka kara-
nga atu ei ki te au oire katoa i Iuda
ra, tei aere mai e akamori i roto i te
are o Iehova ra, i te au tuatua katoa
taku e akauc atu ia koe ra e tuatua kia
ratou; auraka tetai tuatua e akatoeia:
3 Penciake ratou ko te akarongo mai, e

ko te ariu mai te tangata katoa i tona
uaorai aerenga kino, kia tataraara oki
au i te kino taku e akakoro nei e rave
ia ratou, no te kino o ta ratou ravenga.
E karanga atu koe kia ratou, Te na ko
mairā Iehova; Kia kore e tika ia ko-
toui i te akarongo mai iaku ra, e aacre
i taku nei ture, i tukuia atu e au ki
mua ia kotou. E akarongi i te tuatua
a toku au tavini i te au peroveta ra,
taku i tono atu ia kotou, ma te tu po-
pongi anga e kua tono, kare ra kotou i
akarongo ra; E akariro au i teianei
are mei ia Silo i reira, e e akariro au i
teianei oire ei katara i te au enua ka-
toa o te ao nei.

Te akarongo maira oki te kau tau-
nga, e te au peroveta, e te tangata ka-
toa ra, ia Ieremia, i te tuatua anga i tei-
anci au tuatua i roto i te are o Iehova.
E ope akera te au tuatua katoa, ta Ie-
hova i akaue mai ia Ieremia ra, i te
tuatuaia e ia i te tangata katoa ra, kua
opu atura te kau taunga, e te au perov-
eta, e te tangata katoa, iaia, na ko atu-
ra, Ka mate takiri koe na. Eaa koe
i totou ci i te ingoa o Iehova, i te na
ko anga mai e, E riro teianei are mei
ia Silo, e teianei oire i te tanea, kare e
tangataia? Putuputu maira te tan-
gata katoa ia Ieremia ra ki roto i te
are o Iehova. Kite akera te ui ariki
o Iuda i teianei au mea, aere atura ra-
tou, mei te are o te ariki ra, ki te are o
Iehova, e kua noo iora i te tomoanga i
te ngutupa ou i te are o Iehova. E
kua tuatua maira te kau taunga, e te
au peroveta, ki te ui ariki ra, e te tan-
gata katoa ra, na ko atura, E tau tei-
anci tangata i te mate; koia i totou i
teianei oire i ta kotou i akarongi i to
kotou taringa. Kua tuatua mairā Ie-
remia ki taua ui ariki ra, e te tangata
katoa ra, na ko maira, Ko Iehova tei
tono mai iaku kia totou au i teianei
are, e teianei oire, i te au tuatua katoa
ta kotou i akarongo ra. I teianei ra,
ka akameitaki ana kotou i to kotou au
aerenga, e ta kotou au ravenga ra, ka
akarongo ei i te reo o to kotou Atua ra
o Iehova; e tataraarā Iehova i reira i
te kino tana i akakite mai ia kotou ra.
Kareka au nei, i na, tei to kotou ia
rima au; ka rave kotou i tei meitaki,
e tei tika, i to kotou na mata, iaku nei.
Kia kite pu tikai kotou, e kia mate au
ia kotou ra, e iri tikai te toto ara kore
ki runga ia kotou, e ki runga katoa i
teianei oire, e ki runga katoa i tei noo
i reira ra: koia tika rai, kua tonokia mai
au o Iehova ia kotou, kia tuatua au i
teia katoa nei au tuatua i to kotou ra

16 taringa. Kua karanga atura te ui ariki,
ma te tangata katoa, ki taua kau tau-
nga ra, e te au peroveta, Kare teianei
tangata e tau i te mate; kua tuatua
mai oki aia ia tatou i te ingoa o to ta-
17 tou Atua, o Iehova. Kua tu maira
oki e tokotai no te aronga pakari o te
enua ra, e kua tuatua maira ki taua
uipānga tangata katoa ra, na ko maira.
18 Ko Mika te Moresi, tei totou i te au
rā o Hezekia ra, ariki no Iuda ra, e
kua tuatua ki te au tangata katoa no
Iuda, na ko maira, Te na ko mairā
Iehova Sabaota ra, E aroteia Ziona
mei te kainga ra, e riro oki Ierusalem
ei au ututua, e te maunga ra i te are
nei, mei te au ngai vaorakau teitei. I
tamate rava ainei te ariki o Iuda ko
Hezekia, e to Iuda katoa ra, iaia? kare
ainei aia i matakua ia Iehova, e kua
pure marie ki mua i te aroaro o Iehova
ra, e kua tataraara iorū Iehova i taua
kino tana i tuatua mai ia ratou [ra?]
Te rave nei ra tatou i te kino maata i
to tatou uaorai au vaerua.
20 Tera katoa tetai tangata i totou ma
te ingoa o Iehova, ko Uriia, te tamaiti
a Semaia ra, no Kiriata-iearima; totou
iora aia i teianei oire, e teianei enua,
mei te au tuatua katoa a Ieremia ra.
21 Kite akera te ariki ra ko Iehoiakima,
e te aronga nunui katoa nona ra, e te
ui ariki katoa ra, i taua au tuatua nana
ra, kua kimi atura te ariki iaia e ta;
kite akērā Uriia, matakua iora, oro atu-
22 ra, e tae atura ki Aiphiti. Kua tono
atura ra te ariki ra ko Iehoiakima i te
tangata ki Aiphiti, ia Elenatana, te
tamaiti a Akabora, e nga tangata ke ke
katoa i te aere katoa anga ki Aiphiti.
23 Kua arataki maira ratou ia Uriia mei
Aiphiti maira, e kua apai atura iaia ki
te ariki ra kia Iehoiakima, e kua ta
atura aia iaia ki te koke, e kua uri ua
atura i tona kopapa ki roto i te tanu-
24 manga tangata rikiriki ra. Tei ia Ie-
remia ra te rima o Ahikama, te tama-
iti a Saphana, kia kore aia e tukuia
atu ki te rima o te tangata kia ta mai
iaia ra.

PENE XXVII.

*Te pou o te ui ariki i akakiteia i te zugo
e te au tapeka.*

1 **I** TE akamatānga o te au o Iehoa-
kima, te tamaiti a Iosia, ariki no
Iuda, i tae mai ei teianei tuatua kia Ie-
remia, no ko ia Iehova ra, na ko
maira,
2 Te na ko mairā Iehova kiaku, Ka
anga koe i tetai rurū, e tetai au zu-

go, ka momono ei i te reira ki te runga i to kuki na. Ka akau atu ei i te reira ki te ariki no Edoma, e te ariki no Moabi, e te ariki o te au tamariki a Amona, e te ariki no Turia, e te ariki no Sidona, i te rima o te au karere i aere mai ki Ierusalemā nei, ki te ariki o Iuda, kia Zedekia ra. E poroaki atu koe ia ratou kia tuatua ki to ratou ra au pu, Te na ko mairā Iehova Sabaota ra, te Atua no Iseraela; E na ko atu kotou i to kotou ra au pu; Naku i anga te enua nei, te tangata, e te puaka katoa ki runga i te enua ra, i te mana mata noku, e toku rima i akatikaia ra; e naku i oronga ki tei tau i toku nei mata. E teianei, kua orongaia e au tei katoa nei au enua i te rima o toku tavini, i te ariki o Babulonia, ia Nebukanesa, e te au puaka katoa o te kainga, tei orongaia e au ei apinga nana. E ka tavini te au enua katoa iaia, e tana tamaiti, e tana atu oki tamaiti, e tae ua atu ki te tuatau no tona uorai enua, ei reira ratou e taaoia'i e te au enua e manganui, e te au ariki nunui e manganui ra. E riro ia, ko te enua e te basileia e kore e akarongo iaia ra, i te ariki o Babulonia, ia Nebukanesa ra, e kare e pa to ratou kaki ki te zugo o te ariki o Babulonia, e tutaki atu au i te reira enua, i te koke, e te onge, e te maki-mate, te tuatua mairā Iehova, e pou roa akera ratou i tona rima. E tenana, auraka kotou e akarongo i ta kotou au peroveta, e ta kotou au tauratua, e te aronga moe, e ta kotou au akara etu, e ta kotou au purepure, ko tei tuatua ia kotou, i te na ko anga e, Auraka kotou e tavini atu ki te ariki o Babulonia: No te mea e pikikaa ta ratou i totou mai ia kotou na, kia taka ke roa kotou i to kotou enua, e kia tuaru keia kotou e au ra, e kia mate atu kotou.

Ko te au enua ra e tuku mai i to ratou kaki ki raro ake i te zugo o te ariki o Babulonia, e kua tavini oki iaia, e vao uaiā rai ratou e au ki to ratou uorai enua, te tuatua mairā Iehova, e na ratou e tanu, e na ratou e noo i reira.

Kua karanga atura oki au ki te ariki o Iuda ia Zedekia, i taua au tuatua katoa nei, na ko atura, Tuku mai na i to kotou kaki ki te zugo o te ariki o Babulonia, i te tavini anga atu iaia, e tona ra au tangata, kia ora. Eaa kotou i anoano ei ki te mate, ko koe ma to au tangata katoa ra, i te koke, e te onge, e te maki-mate ra, mei ta Iehova oki i karanga i te enua e kore e tavini

14 atu ki te ariki o Babulonia? Auraka oki kotou e akarongo i te tuatua a te au peroveta i tuatua mai kia kotou e, tei na ko mai e, Auraka kotou e tavini atu ki te ariki no Babulonia; pikikaa ta ratou i totou mai kia kotou na.

15 Kare oki au i tono ia ratou, te tuatua mairā Iehova; te totou pikikaa na ra ratou i toku nei ingoa, kia tuaru keia atu kotou e au, e kia mate atu kotou, ko kotou, e taua au peroveta i totou mai kia kotou na.

16 Kua karanga atura oki au ki te kau taunga, e ki taua au tangata katoa ra, na ko atura, Te na ko mairā Iehova, Auraka e akarongo atu i te tuatua a ta kotou au peroveta, tei totou atu kia kotou ra, i te na ko anga atu e, I na, te au āriki o te are o Iehova e akaoki vaveia mai ia i tenana, mei Babulonia mai: pikikaa oki ta ratou i totou atu ia kotou. Auraka e akarongo atu ia ratou: ka tavini atu ki te ariki o Babulonia, kia ora: eaa oki teianei oire e akataneia'i? E peroveta ratou ra, e tei ia ratou te tuatua a Iehova ra; e pure ratou i tenana kia Iehova Sabaota ra, kia kore e apaiia te au āriki i toe i roto i te are o Iehova, e i roto i te are o te ariki o Iuda, e i roto katoa i Ierusalemā, ki Babulonia. Te na ko maira oki a Iehova Sabaota ra, i te au pou ra, e te ima ra, e te au turanga ra, e te toenga o te au āriki ra, i vaoia

19 ki roto i te oire nei, Tei kore i apai katoaia e te ariki o Babulonia e Nebukanesa ra, ka apai tuika'i aia ia Iekonia, te tamaiti a Iehoiakima, ariki no Iuda, mei Ierusalemā atu e Babulonia roa ra, e te aronga nunui katoa

20 no Iuda, e no Ierusalemā ra: Te na ko maira oki a Iehova Sabaota ra, te Atua no Iseraela, i te au āriki i toe i roto i te are o Iehova, e i te are o te ariki o Iuda, e i Ierusalemā; E apaiia ia ki Babulonia, e ei reira ratou vai ei, e tae ua atu ki te rā e atoro atu ei au ia ratou, te tuatua mairā Iehova; ei reira au e rave mai ei ia ratou, e akaoki mai ia ratou ki teianei ngai.

PENE XXVIII.

Te totou pikikaa a Hanania e, e akaokiā mai te au kapu ma Iekonia: to Hanania mate.

1 **T**EI taua mataiti ra oki, i te aka-matānga o te au o Zedekia, ariki no Iuda, i te a o te mataiti, e te rima o te marama, i tuatua mai ei a Hanania, te tamaiti a Azura ra, e peroveta i Gibeona, kiaku, i roto i te are o Ie-

hova, ki mua i te aroaro o te kau taunga, e te tangata katoa ra, na ko maira, Te na ko mairā Iehova Saba-
 2 ota ra, te Atua o Iseraela, na ko maira, Kua aatiā e au te zugo a te ariki o Babulonia. E rua tikai mataiti toe e
 3 akaoki mai ei au ki teianei ngai i te ariki katoa o te are o Iehova, ta te ariki o Babulonia ta Nebukanesa i rave mei ko nei atu, e apai atura ki
 4 Babulonia: E ko Iekonia, te tamaiti a Iehoiakima, ariki no Iuda, e te au tuikaa katoa o Iuda, tei tae ki Babulonia, taku ia e akaoki mai ki teianei
 ngai, te tuatua mairā Iehova; e aati oki au i te zugo a te ariki o Babulonia.

Kua karanga aturā Ieremia peroveta ra ki te peroveta ra kia Hanania, ki mua i te aroaro o te kau taunga, e ki mua i te aroaro o te tangata katoa, i tu ua mai i roto i te are o Iehova, Kua karanga atura oki te peroveta ra ko Ieremia, Amene; kia pera mai a Iehova, kia akatika mai a Iehova i taau au tuatua taau i totou mai, kia akaoki mairai i te au āriki no te are o Iehova, e te au tuikaa katoa i Babulonia, ki teianei ngai. Akarongo mai ana ra koe i teianei tuatua taku e karanga atu nei i to taringa, e i te taringa o te au tangata katoa nei; Te au peroveta i muatangana ra, ou au nei, ou oki koe, mei taito mairai, kua totou ia i te au enua e manganui, e i te au basilēia nunui ra, i te tamaki oki, e te kino, e te maki-mate. Te peroveta kia totou mai i te tuatua au ra, kia tupu te tuatua a taua peroveta ra, e kitea meitakiā i taua peroveta ra, e na Iehova tikai aia i tono mai.

Kua rave atura taua peroveta ra ko Hanania i te zugo i runga i te kaki o te peroveta o Ieremia, kua aati iora. E kua karanga aturā Hanania ki mua i te aroaro o te tangata katoa ra, na ko atura, Te na ko mairā Iehova, Mei te reira taku aati i te zugo a te ariki o Babulonia, a Nebukanesa ra, i runga i te kaki o te pa enua katoa i eianei puke mataiti e rua nei. Aere atura taua peroveta rā Ieremia i tona aereanga.

I reira te tae anga mai o te tuatua Iehova kia Ieremia ra, kia oti te zugo i te aatiā e te peroveta ra e Hanania, i runga i te kaki o te peroveta ra o Ieremia, na ko maira, Aere ka karanga atu kia Hanania, e na ko atu, Te na ko mairā Iehova, Kua aatiā e koe te zugo rakau, ei zugo auri ra taau o anga ei tupau. Te na ko maira oki a

Iehova Sabaota ra, te Atua no Iseraela; Kua tuku au i te zugo auri ki runga i te kaki o teianei au enua katoa, kia tavini atu ratou ki te ariki o Babulonia ia Nebukanesa ra; e tavini ratou iaia: e kua oronga katoa atu au i te au puaka o te ngangaere ra nana.

15 Kua karanga atura te peroveta ra ko Ieremia, ki te peroveta ra ko Hanania, Ka akarongo mai ana, e Hanania e; Kare a Iehova i tono mai ia koe ra: kua akairi ra koe i teianei iti-
 16 tangata ki runga i te pikikaa. I na ko mai ei a Iehova, I na, ka akaruke au ia koe i runga i te enua nei; ei teianei mataiti koe e mate ei, ko koe i tuatua i te incameau ia Iehova.
 17 Mate atura taua peroveta ra ko Hanania i taua mataiti ra, i te itu o te marama ra.

PENE XXIX.

Te tono nei a Ieremia i te leta i te au tuikaa i Babulonia, ei akakite anga i te mate rikarika o nga peroveta pikikaa ko Ahaba raua ko Zedekia.

1 **I**NEIA te au tuatua i te leta a te peroveta ra a Ieremia i akau, mei Ierusalemā atu, ki te toenga o te aronga pakari o te au tuikaa ra, e te kau taunga, ma te au peroveta, e te tangata katoa, i apai tuikaā e Nebukanesa ki
 2 Babulonia, mei Ierusalemā atu; I muri ake i te riro anga o te ariki ra ko Iekonia, ma te ariki vaine, e te au eunuka, e te ui ariki o Iuda, e to Ierusalemā, e te aronga tarai rakau ra, e te aronga tupaki auri, mei Ierusalemā atu; I te rima o Elasa, te tamaiti a Saphana, e o Gemaria, te tamaiti a Hilikia ra, i ta te ariki o Iuda ta Zedekia i akaunga ki Babulonia, ki te ariki o Babulonia ia Nebukanesa ra, na ko akera,

4 Te na ko mairā Iehova Sabaota ra, te Atua o Iseraela, ki te au tuikaa katoa ra, ki taku i akaue kia apai tuikaā ki Babulonia, mei Ierusalemā atu nei; E akatu kotou i te are, e ka noo ki roto, e tanu oki i te kainga, ka
 6 kai ei i te kai o te reira ra; E rave i te vaine, e akaanau tama i te tamariki tamaroa, e te tamaine; e rave oki i te vaine na ta kotou au tamariki, e oronga oki i ta kotou au tamaine na te tane, kia anau mai oki ta ratou, i te tamaroa e te tamaine; e kia rai oki
 7 kotou i reira, auraka kia iti. E kimi oki kotou i te au no taua oire ra, tei apai tuikaā kotou e au ra i reira, e e pure kia Iehova i te reira; ko to te

reira au, ko to kotou katoa rai ia au. Te na ko maira oki a Iehova Sabaota 8
ra, te Atua o Iseracla; Anraka ta kotou au peroveta i roto ia kotou ra, e ta kotou au tauratua, e pikikaa mai ia kotou, auraka oki kotou e akarongo i to kotou aronga moe, ta kotou e akamoe ra. E pikikaa oki ta ratou i to 9
tono ia kotou i toku nei ingoa, kare au i tonono ia ratou, te tuatua mairā Iehova. Te na ko maira oki a Iehova. Kia ope 10
nga mataiti e itu ngauru i Babulonia ra, e atoro atu ei au ia kotou, e e akatupu au i taku tuatua meitaki ia kotou i reira, i te akaoki anga mai ia kotou ki teianei ngai. Kua kite oki au i te 11
au akakoroanga taku i akakoro ia kotou nei, te tuatua mairā Iehova, e akakoroanga au ia, kare to te kino, kia oronga atu au i ta kotou i manako ra i to kotou openga. E kapiki mai oki 12
kotou iaku, e aere oki kotou e pure mai iaku, e naku e akarongo atu ia kotou. E kimi mai oki kotou iaku, e 13
kitea au e kotou, kia kimi mai kotou iaku ma te ngakau katoa ra. E kitea 14
au e kotou, te tuatua mairā Iehova: e e ruri ke au i taua tuikaa anga no kotou ra, e akaputupu mai au ia kotou, mei te au enua katoa mai, e mei te au ngai katoa i tuarua atu ei kotou e au ra, te tuatua mairā Iehova; e arataki akaou mai au ia kotou ki taua ngai i toku atu ei au ia kotou kia apai tuikaiaia ra.

No te mea, kua tuatua mai kotou e, 15
Kua akutupu io nei a Iehova i te au peroveta na tatou ki Babulonia nei; Te na ko mairā Iehova i te ariki e 16
noo ki runga i te terono o Davida, e i te au tangata katoa e noo i teianei oire, i to kotou au tacake, kare i riro katoa i tenana tuikaa anga ra: Te na ko 17
mairā Iehova Sabaota ra, I na, ka akaunga atu au i te koke ki runga ia ratou, te onge, e te maki-mate; e akariro au ia ratou mei te suke kino roa ra, tei kore e tika kia kai i te kino. E aru atu au ia ratou i te koke, te 18
onge, e te maki-mate; e toku atu au ia ratou no te manamanata i te au basilicia katoa i te ao nei, ei taoanga, e ei vavaranga, e ei akavaavaaanga, e ei akakinoanga, i te au enua katoa ra, tei tuarua atu ratou e au ra; Ratou 19
kare i akarongo mai ki taku nei tuatua, te tuatua mairā Iehova, iaku oki i tonono atu i toku au tavini i te au peroveta, ma te tu popongi oki, e te tonono anga atu, kare ra kotou i akarongo ra, te tuatua mairā Iehova. E tenana, e 20
akarongo mai kotou i te tuatua a Ie-

hova, e to te tuikaa katoa ra, tei tonokia e au ki Babulonia mei Ierusalem atu nei: Te na ko mairā Iehova Sabaota ra, te Atua no Iseracla, ia Ahaba, te tamaiti a Kolaia ra, e ia Zedekia, te tamaiti a Maaseia, tei totou atu ia kotou i te tuatua pikikaa i toku nei ingoa ra; I na, e toku atu au ia raua ki te rima o teariki o Babulonia, kia Nebukanesa ra; e nana 22
raua e ta ki mua i to kotou mata; E no raua ka raveia i te tuatua akakino e te au tuikaa katoa o Iuda i Babulonia ra, i te na ko anga e, Kia akariroa koe e Iehova mei ia Zedekia, e mei ia Ahaba, i tei tunuia e te ariki o 23
Babulonia ki te ai. No te mea kua rave raua i te tuatua neneva i Iseracla nei, e kua akaturi i te au vaine a to raua tangata tupu ra, e kua tuatua i te tuatua pikikaa i toku nei ingoa, kare oki au i akaue atu ia raua; kua kite oki au, ko au uaoari te kite, te tuatua mairā Iehova. 24
E ka karanga katoa atu koe kia Semaia te Nehelemi ra, e na ko atu, 25
Te na ko mairā Iehova Sabaota ra, te Atua no Iseracla, na ko maira, No te mea kua akau koe i te au leta i toou uaoari ingoa, ki te au tangata katoa i noo i Ierusalem, e kia Zephania, te tamaiti a Maaseia taunga ra, e te kau taunga katoa ra, i te na ko anga e, 26
Kua akariro a Iehova ia koe ei taunga ei tupau ia Iehoiada taunga ra, kia riro kotou ei aronga toroa i te are o Iehova, ko te nenevaia oki tetai tangata atu, e ko te karanga iaia uaoari e peroveta, kia toku atu koe iaia ki roto i te patiti ra, e ki roto i te 27
are tapekānga. E tenana, eaa koe i kore ei i akamura atu ia Ieremia no Anatota, ko tei akariro iaia uaoari ei peroveta kia kotou na? No te mea kua akau mai iaia i te tuatua kia matou ki Babulonia, i te na ko anga mai e, E roa te tuatau: e patu kotou i te are, ka noo ei ki roto; e tanu oki i te kainga, ka kni ei i te ua o te reira. 28
Kua tataua iora te taunga ra ko Zephania i taua leta ra ki mua i te aoroaro o 29
te peroveta ra ko Ieremia. I tae mai ei te tuatua a Iehova kia Ieremia, i te na ko anga mai, E tonono atu koe ki to te au tuikaa katoa ra, ka na ko atu ei, Te na ko mairā Iehova ia Semaia te Nehelemi ra; No te mea kua totou atu a Semaia kia kotou na, kare oki au i tonono iaia ra, e nona kotou i irinaki ei 32
ki te tuatua pikikaa ra: E teianei, te na ko mairā Iehova, I na, e tuta i atu au ia Semaia te Nehelemi ra, e tonono ra

uanga: e kare rava tetai tangata nona e noo ki rotopu i teianei iti-tangata; kare oki aia e kite i te meitaki taku e rave i toku nei au tangata, te tuatua mairā Iehova; no te mea kua tuatua aia i te meameaau ia Iehova nei.

PENE XXX.

Te akakite nei te Atua kia Ieremia i te oki anga o te au tuikaa.

TE tuatua no ko ia Iehova ra i tac 1
mai kia Ieremia ra, na ko mairā,
Te na ko mairā Iehova, te Atua no 2
Iseraela, na ko mairā, Ka tata koe i te
au tuatua katoa taku e karanga atu 3
kia koe ra ki roto i te buka. I na
oki, e tac mairā te au rā, te tuatua
mairā Iehova, e ruri ke ci au i te
tuikaa anga o toku ra iti-tangata, ia 4
Isernela, e ia Iuda, te tuatua mairā
Iehova; e akaoki mai au ia ratou ki
te enua i orongaia e au ki to ratou
au metua ra, e na ratou e noo i
reira.

Teia oki te au tuatua ta Iehova i 4
tuatua ia Isernela, e ia Iuda.

Te na ko mairā oki a Iehova; e reo 5
rurutakina tei akarongoa e tatou, e
mataka, e kare e au. Ka ui ana i 6
tenana, ka akara, e anau mai ainei
oki te tane? eaa ra oki au i kite ci i te
tangata katoa, ma te rima i runga i
te taukupu, mei tei te mamac anau
ra, e te au mata katoa i te purautea
anga. Aue! e rā maata taua rā ra, 7
kare rava e aite: ko te tuatua mana-
manata ia no Iakoba; e ora ra aia i te
reira ra. E riro ia, kia tac ki taua rā 8
ra, te tuatua mairā Iehova Sabaota ra,
e aati au i tona zugo i runga i to kaki
na, e to au tapeka e atiatia keia e au, e
kare oki te au tangata ke e tano akaou
mai iaia. E tavini oki ratou ki to 9
ratou Atua ra kia Iehova, e ki to ratou
ariki ia Davida, taku e akatu ki runga
no ratou ra.

E tenana, auraka koe e mataka, e 10
toku tavini, e Iakoba e, te tuatua
mairā Iehova: auraka oki koe e ma-
taku, e Isernela e; i na oki, naku koe
e akaora i te ngai mamao ra, e to
uanga, mei te enua mai i tuikaa i ratou
ra; e oki mai a Iakoba, e e akaanga i
te roi, e e noo marie, e kare e tangata
e akamataka mai. No te mea tei ia 11
koe au nei, te tuatua mairā Iehova, ei
akaora ia koe: akaope roa'i au i te
au enua katoa tei akapueurikiriki keia
atu koe e au ra, kare au e rave akaope
ia koe: e ako atura au ia koe ma te

tuatua-ia, kare ra e tuku uaia koe
ma te ako kore.

12 Te na ko mairā Iehova, e paruparu
ora kore toou, e puta maata toou.
13 Kare ua e akatikatika i tauu tuatua ci
akaora ia koe; kare e vairakau e ora'i
14 koe na. Kua akangaropoinaia koe e
te aronga katoa i inangaro ia koe ra;
kare ratou i kimi ia koe; kua ta o i
au ia koe ki te ta o te enemi, te pūpū o
te taac, no te maata o toou ra kino; e
15 tauu ra au ara kua akamaataia. Eaa
koe i aue ci i toou ra paruparu? kare
toou maki e ora; no te rai o toou ra
kino; e kua akamaataia tauu ra
au ara, i rave ei au i taua au mea
16 ra ia koe. Ko te aronga katoa ra i
pon ei koe ra, e pou katoa ia; e ope
roa oki to au enemi katoa i te akatui-
kaaia; e te aronga i noni ei tauu ra, e
riro katoa ratou ei apinga noni, e ko
tei āru ia koe ra, ko te ka orongaia ia
17 e au kia āruia. E akaoki mai oki au i
te ora noou, e naku e akaora i toou au
puta, te tuatua mairā Iehova; no te
mea kua tapaia koe e ratou, E mea aka-
rukea, ko Ziona teia tei kore i akonoia
e tetai.
18 Te na ko mairā Iehova; I na, e ruri
ke au i te tuikaa anga o te au puakapa
o Iakoba ra, e tona ra au nooanga te
ka aroaia e au; e patuia oki te oire ki
runga i tona uaoari tauvi, e akatuia te
19 are ariki, ko te tu takere rai te tu. E
no roto ia ratou te akameitaki i te pu-
roro anga mai, e te reo no te aronga
akarekareka ra: e naku oki ratou e
akamaata, kare ia ratou e iti; e naku
ratou e akangateitei atu, e kare ia ratou
20 e varavara. E riro ta ratou au tama-
riki ra mei tei muatangana ra, e aka-
tinamouia to ratou uipānga ki mua
iakū nei, e te aronga i takinga-kino
21 mai ia ratou, naku ia e tutaki. E to
ratou Akangateitei Okotai ra, no roto
ia ia ratou uaoari, e to ratou Kavana,
no roto rai ia ia ratou uaoari i te tupu
anga; e naku aia e akatae mai, e e
akavaitata mai aia kiaku nei: koai oki
teia tei akatae mai i tona ngakau kia
akavaitata mai iaku nei? te tuatua
22 mairā Iehova. E ci tangata kotou
noku, e ci Atua au no kotou.
23 I na, te puaoio a Iehova te riro
atura ma te viviki, e puaoio pon
maata ua atu: ei runga i te mimiti
o te aronga kino e topa viviki ei.
24 Kare te riri maata o Iehova e oki
mai, e kia rave aia, e kia akatupu
aia, i tei akakoroia e tona ngakau:
kia tao ki te au rā openga ra e kite
tika'i kotou i te reira.

PENE XXXI.

*To Iseraela oki anga mai i te akakite
angaia ra : te korcromotu ou, e mea
mou ia.*

E I taua tuatau ra, te tuatua mairā 1
Iehova, e riro ei au ei Atua no te
au kopu-tangata katoa o Iseraela, e ei
tangata ratou noku.

Te na ko mairā Iehova, Ko Iseraela, o 2
au tangata i toe i te koke, i kite aroaia
ratou i te medebara, iaku i aere ei akaa-
nga i to ratou roi. Kua kiteia e au 3
Iehova, mei taito mairai, *ko ko mairā*,
Koia ia, kua inangaroia oki koe e au i te
inangaro muti kore ra; i akatae mai ei 4
au ia koe i te aroa takinga-meitaki. E
patu akaou au ia koe, e e patuia koe, e
te paretania ra e Iseraela e: e aka-
manea akaouia koe ma te au tuphe
naau ra, ka aere katoa'i i te ura anga e
te aronga akarekareka ra. E tanu 5
akaou koe i te kainga vine ki runga i
te au maunga i Samaria: ka tanu te
aronga tatanu, ka kai anoanoa oki i *tei*
ua ra. Ka tac oki te rā, ka kapiki ci to 6
aronga tiaki i runga i te maunga ra i
Epheraima, Ka tu kotou, ka aere tatou
ki Ziona, ki to tatou Atua ra, kia Ie-
hova. Te na ko mairā oki a Iehova, 7
Ka imene ma te rekareka ia Iakoba,
ka maeva i rotopu i tei maata i te pa
enua ra: tutu aere ua kotou, akamei-
taki rai kotou, e na ko, E Iehova e, e
akaora i to iti-tangata, i te toenga o
Iseraela. I na, e arataki mai au ia 8
ratou mei te enua i apatokerau mai, e
akaputuputu mai au ia ratou mei te
au openga mai o te enua ra; ko ratou,
e te matapo, e te pirikoki katoa ra,
te vaine nui, e tei rokoia katoaia e te
mamac ra: e aronga maata te ka oki
mai ki ku nei. E aere mai ratou ma 9
te aue, e ma te pure katoa ra ratou,
kia arataki mai au: e arataki au ia ra-
tou ki te au vai peka ra, e na te ara
maniania, kare ia ratou e turori i reira:
kua riro oki au ei metua no Iseraela,
e ko Epheraima, ko taku ia tama
mua.

Akarongo mai i te tuatua a Ie- 10
hova, e te pa enua e, o akakite kotou
ki te au enua taatai ra, ka na ko atu
ei, Ko tei akapueu ia Iseraela, nana ia 11
e akaputuputu iaia, e nana aia e tiaki,
mei te tiaki ra e tiaki i tana ra anana.
Kua akaora oki a Iehova ia Iakoba, e
kua okoia aia e ia i te rima o tei rinui
iaia ra. E aere mai oki ratou, e imene 12
oki ratou, i te au ngai teitei i Ziona, e
maringi ua mai ratou i te takinga-

meitaki a Iehova, i te sitona, e te wina
ou, e te inu, e te au punua a te anana,
e ta te au bovi: e riro oki to ratou vae-
rua mei te kainga i tamaau meitakiia
i te vai ra; e kare oki ratou e paru-
13 paru akaou. Ei reira te paretania e
rekareka'i i te ura anga, e te au tangata
ou ma tei ruaine katoa ra: e akariro
oki au i to ratou aue ei rekareka, e
akapumana oki au ia ratou, e aka-
rekareka oki au ia ratou i to ratou aue
14 ra. E akamerengo oki au i te vaerua
o te kau taunga i te matu, e pangia te
kaki o toku au tangata i te meitaki
naku, te tuatua mairā Iehova.

Te na ko mairā Iehova, e reo tei
kitea i Rama, te aue e te mii maata
roa; ko Rahela i te iriea anga i tana au
tamariki, e kare rava akera i na i ana
tamariki, no te mea kare nei ratou.

Te na ko mairā Iehova, Ka tūpu
na to reo i te aue, e to mata i te roi-
mata na: e tutakiia mai oki taau anga-
anga ra, te tuatua mairā Iehova; e oki
17 mai ia ratou i te enua o te enemi. Te
vai na te manako anga tei toou openga,
te tuatua mairā Iehova, e oki mai oki
to au tamariki ki to ratou uarai ko-
tinga.

Kua akarongo oki au ia Epheraima
i te aue anga iaia naorai; *kua na ko*
akera, Kua ako mai koe iaku, e kua
akoia au, mei te bovi kare i tamātaua
ra: e akaariu koe iaku, e kua akaariuia
ia au i *reira*, ko koe oki toku Atua ko
19 Iehova. Oti akera oki toku akaariu
angaia, kua tataraara iora au; e oti
akera toku apii angaia, kua papaki iora
au i taku ūā: akama akera au, koia ia,
kua aringaranga oki, no te mea kua
apai au i te akakino o toku ou anga ra.

E tamaiti akaperepere ainei a Ephe-
raima naku? e tamaiti inangaroia ainei
aia? mei taku oki tuatua anga atu iaia,
kua manako tamou atu rai au iaia: e
teianei, kua tangi toku ngakau iaia; e
aroa atu rai au iaia, te tuatua mairā
Iehova.

Ka akatu ana i te akairo arataa ra
naau, ei rakau roa taau e akatu: ka
anga na to ngakau ki te arataa, te ara
i aereia e koe ra: ka oki, e te paretania
ra e Iseraela, ka oki ki teia au oire
22 noou ra. Mei te aa te roa o tenana
ekoko, e tera ra tamaine kotoc ki muri
e? te rave nei a Iehova i tetai mea ou
i te enua nei, E pini te tane i te vaine.
23 Te na ko mairā Iehova Sabaoa ra, te
Atua no Iseraela; E tuatua akaou ra-
tou i teianei tuatua i te enua o Iuda, e
i tona ra au oire, kia akaoki mai au i
to ratou tuikaa anga ra; Kia ora na

koe ia Iehova, e te Nooanga tuatua-tika e, te Maunga tapu ra e. Ka noo 24 oki Iuda i reira, e te au oire katoa ra, te aronga tanu-kai, e te aronga katoa i tiaki i te anana ra. Kua akamerengo 25 oki au i te vaeua i roiroi ra, e kua akapangia oki au i te au vaeua katoa i paruparu ra. Kua iitire akerā au i 26 reira, e kua nūnā akerā; e kua anga marie akerā taua moe noku ra.

I na, e tae maira te au rā, te tuatua 27 mairā Iehova, e ruru atu ei au i te ngutuare o Iseraela, e te ngutuare o Iuda, i te uanga o te tangata, e te uanga o te puaka. E riro oki mei iaku i 28 tapapa ia ratou, ei kiriti, e ei vava'i ki raro, ei uritumu, ei ei akapou, e ei akatumatetenga; ka tiaki katoa au ia ratou, ei patu, e ei tanu, te tuatua mairā Iehova.

I te reira au rā, kare ratou e ka- 29 ranga akaou e, Kua kai te au metua i te vine kava, e kua mania te nio o te tamariki. E mate ra te tangata katoa 30 i tana uorai ara: te tangata katoa i kai i taua vine kava ra, tona uorai te nio e mania ra.

I na, e tae maira te au rā, te tuatua 31 mairā Iehova, e papau ei au i te ngutuare o Iseraela, e te ngutuare o Iuda, i tetai koreromotu ou: Auraka mei te 32 koreromotu taku i papau i to ratou ra au metua, i te rā i rave ei au i to ratou rima, e arataki mai ia ratou mei te enua maira mei Aiphiiti; e kua akaa- 33 tikauia iora e ratou taua koreromotu naku ra, akaruke iora au ia ratou, te tuatua mairā Iehova: Tēia ra te kore- 34 romotu taku e papau i te ngutuare o Iseraela, i muri ake i te reira au rā, te tuatua mairā Iehova, E tuku au i taku ture ki roto ia ratou, e taitaia e au ki runga i to ratou ngakau; e e riro au ei 35 Atua no ratou, e riro oki ratou ei tangata noku. Kare oki ratou e apii 36 akaou, ko te tangata ko tona tangata tupu, ko te tangata ko tona taeake, i te na ko anga atu e, Kia kite kotou ia Iehova: e kite katoa oki ratou iaku, ko tei mea ngiti i o ratou, e tae 37 ua atu ki tei maata i o ratou, te tuatua mairā Iehova: e akakore oki au i ta ratou ara, e kare au e manako akaou i to ratou kino.

Te na ko mairā Iehova, ko tei tuku 35 i te rā ei mārāma no te ao, e te au akonoanga o te marama, ma te au etu, ei mārāma no te po; ko tei akamarino i te tai kia aruru tona au ngaru ra; ko Iehova Sabaota ra tona ingoa: Kia 36 taka ke atu teianei au akonoanga i mua iaku nei, te tuatua mairā Iehova, ei

reira katoa e kore ei te uanga o Ise- 37 raela i mua iaku nei, e kare atura ia e vaka tangata e tuatau ua atu. Te na ko mairā Iehova; Kia tika te rangi ki runga ra kia aite, e kia kitea te tumu o te enua nei ki raro kia kimi, ei reira au e akaruke ei i te uanga katoa o Iseraela, no te au mea katoa ta ratou i rave ra, te tuatua mairā Iehova.

38 I na, e tae maira te au rā, te tuatua mairā Iehova, e patu akaouia i te oire nei no Iehova, mei te punanga o Hananeela e tae atu ki te pa ki te poo patu 39 ra. E tatakī tikaia te taura aite ra, i te tika ua anga, na runga i te tuaivi ra 40 o Gareba, e akapiniia Goata, E taua o kopapa mate katoa ra, e te reu ai, e te au kainga katoa, e tae ua atu ki te kauvai ra ki Kiderona, e tae ua atu ki te poo patu i te ngutupa ipo, i te pae i te itinga o te rā ra, e tapu ia no Iehova; kare e kiritiia, e kare oki e uritumu akaouia e tuatau ua atu.

PENE XXXII.

Ko Ieremia i te tapeka angaia e te ariki ra e Zedekia: to te ngati Iuda tuikaa anga i akakite akaouia, e to ratou akaoki angaia mai.

1 **T**E tuatua i tae mai kia Ieremia no ko ia Iehova ra, i te mataiti okotai ngauru o Zedekia ariki no Iuda, i te ngauru ra e ma varu o te mataiti o Nebukanesa ra:

2 Te akapini ua ra te nuku o te ariki o Babulonia ia Ierusalemia i reira: te tapekaia ra te peroveta ra ko Ieremia ki roto i te kezere o te are tapekānga ra, i roto i te are o te ariki o Iuda.

3 Kua tapekaia oki aia e te ariki o Iuda e Zedekia, na ko atura, Eaa oki koe i totou ei, e i na ko mai ei e, Te na ko mairā Iehova, I na, ka tuku atu au i teianei oire ki roto i te rima o te ariki

4 o Babulonia, e rauka oki iaia; Kare oki te ariki o Iuda ra ko Zedekia e ora i te rima o te Kaleda, e tuku tikaia ra aia ki te rima o te ariki o Babulonia, e tuatua atu aia kiaia, tona vaa ki tona vaa, e na tona mata e akara atu i tona 5 atu mata; E nana e arataki ia Zedekia ki Babulonia, e ei reira aia noo ei e kia atoroia atu e au ra, te tuatua mairā Iehova: tamaki ua atu kotou ki to Kaleda, kare rai kotou e manuia.

6 Kua tuatua mairā Ieremia, I tae maira te tuatua a Iehova kiaku nei, na 7 ko maira, I na, Hanameela, te tamaiti a Saluma, i to metua ra, te ka aere mai kia koe ra, e ka na ko mai e, Eoko koe i te kainga noku i Anatota: i te

ture oki i te oko akaou anga ra, e tau
 ia ia koe kia oko ra. Kua aere mairā
 Hanameela, te tamaiti na toku ra metua,
 kiaku nei, ta Iehova oki i tuatua
 maira, ki roto i te kezere o te are tape-
 kanga ra, e kua na ko maira kiaku,
 Teia taku tuatua kia koe, e oko koe i
 te kainga noku i Anatota, i te enua o
 Beniamina: taua tunga ra oki, e te
 oko katoa, tei tau ia ia koe kia oko;
 e oko koe noou uorai: kite akera au e,
 na Iehova ia tuatua. Oko atura au i
 taua kainga ra i Anatota ia Hanameela,
 i te tamaiti a toku metua ra, e kua
 akaaite atura au i te moni, e okotai
 ngauru ma itu i te sekela ario. Kua 10
 tata atura au ki roto i tetai tuatua, e
 kua sigilola iora, e akatakaia iora au i
 te aronga kite ei kite, e kua akaaite
 iora au i te moni ki roto i te aite tau-
 tau. Kua rave iora au i te tuatua oko 11
 ra, i tei sigilola ra, i tei tau i te ture, e
 to reira akonoanga, e tei kore i sigilola.
 Kua tuku atura i taua tuatua oko ra 12
 kia Baruka, te tamaiti a Neria, te ta-
 maiti a Maaseia, ki mua i te aroaro o
 Hanameela, i te tamaiti a toku metua
 ra, e ki mua katoa oki i te aroaro o te
 aronga i kite ra, tei tataia ki roto i te
 tuatua oko ra, ki mua katoa oki i te
 aroaro o te au ngati Iuda katoa ra, tei
 noo ki roto i te kezere o te are tape-
 kanga ra. E kua ako atura au ia Ba- 13
 ruka ki mua i to ratou mata, na ko
 atura, Te na ko mairā Iehova Sabaota 14
 ra, te Atua no Iseraia; Ka rave na i
 nga tuatua i tataia nei, i teianei tuatua
 oko, tei sigilola, e teianei tuatua, tei
 kore i sigilola; ka tuku ei ki roto i
 tetai āriki karakarara, kia vaio ngata e
 kia manganui ua atu te rā. Te na ko 15
 maira oki a Iehova Sabaota ra, te
 Atua no Iseraia; E rauka akaou mai-
 rai te are, e te kainga, e te kainga vine
 i teianei rai enua.
 Pure atura au kia Iehova, i muri 16
 ake te tuatua oko i te tuku angaia e au
 kia Baruka, te tamaiti a Neria ra, e
 kua na ko atura, Ave, e te Atu e! e 17
 Iehova! I na, naau te rangi nei i anga,
 e te enua, i te mana maata noou ra, e
 to rima i akatikaia ra; kare rava e
 mea rave ngata ia koe: Ko tei akakite 18
 i te aroa ki te tungata e tausani ua atu,
 e ko tei tutaki i te ara a te au metua
 ra ki runga i te umauma o ta ratou au
 tamariki i muri ia ratou ra: ko te
 Atua Maata, ko tei Ririnui, ko Iehova
 Sabaota ra, ko tona ia ingoa; Ko tei 19
 maata kia tuatua ra, e te ravenga rau
 ra: ko tei puera ua to mata ki runga i
 te au aerenga katoa o te tamariki a te

tangata nei: ei akaatunga i te tangata
 katoa, kia tau marie i tona aerenga,
 20 kia tau i te ua o tana i rave ra: Ko
 tei akakite i te semeio e te ravenga
 taka ke i te enua ra i Aiphiti, e tae
 rava akenei ki teianei rā, e ia Iseraia
 nei, e te tangata katoa ra; e kua rauka
 21 ia koe te ingoa, mei tei teianei rā; E
 kua arataki mai koe i to au tangata ia
 Iseraia mei te enua maira mei Aiphiti,
 ma te semeio, e te ravenga taka ke, e
 ma te rima ririnui, e te rima akatikaia
 22 ra, e te rikarika maata; E kua oronga
 i teianei enua no ratou, tauu i taputou
 atu i to ratou au metua e e oronga no
 ratou, e enua ta'e a vai ua te u e te
 23 meli; E kua tomo ratou ki roto, e kua
 noo ki reira; kare ra ratou i akarongo
 i to reo, kare oki i aere i tauu ra ture;
 e te au mea katoa tauu i akaue ia ratou
 e rave, kare ia ratou i rave: i tuku
 mai ei koe i teianei au kino katoa kia
 24 iri ki runga ia ratou. I na, kua tae ta
 ratou ravenga tamaki ki te oire nei e
 rave, e kua tukua te oire ki te rima o
 te Kaledaia tei kaitamaki maira, i te
 koke, e te onge, e te maki-mate: e
 tauu oki i karanga ra, kua tupu ia; e i
 25 na, te kite ra oki koe. E kua tuatua
 maira koe kiaku, e te Atu, e Iehova
 e; E oko koe i te kainga i te moni, e
 akataka oki i te kite ei kite; e kua
 orongaia te oire ki te rima o te Kale-
 dea.
 26 I reira te tuatua a Iehova i te tae
 anga mai kia Ieremia ra, na ko maira,
 27 I na, ko au ko Iehova, te Atua no te
 tangata katoa nei; te vai ra ainei tetai
 28 mea e kare e tika iaku kia rave ra? E
 teianei, te na ko mairā Iehova, I na, e
 oronga au i teianei oire ki te rima o te
 Kaledaia, e ki te rima o te ariki o Ba-
 bulonia, ko Nebukanesa ra, e rauka oki
 29 iaia: E na te Kaledaia, e tamaki mai
 ki teianei oire, e aere mai, e ta'u oki i
 teianei oire ki te ai, e kia ka atu; e te
 au are katoa, tei ta'ua e ratou i te ra-
 kau kakara na Baala ki rungao ra, e
 kua riringi oki i te neseka na te au
 atua ke, ei akakoko mai iaku kia riri.
 30 I rave ua ana oki te tamariki a Ise-
 raela, e te tamariki a Iuda, i te mea
 kino anake ra ki mua iaku nei, mei to
 ratou ou anga mairai: ko te akakoko
 anake ra iaku kia riri, ta te tamariki
 a Iseraia i rave i to ratou rima, te
 31 tuatua mairā Iehova. Toku riri, e
 toku riri ootoo ra, ta teianei oire i
 akatupu io nei, mei te rā mairai i aka-
 tu ei ratou i te reira, e tae ua akenei ki
 teianei rā, kia akataka keia e au ra i
 32 mua i toku mata nei. I te au kino ka-

toa oki a te tamariki a Iseraela, e te tamariki a Iuda, ta ratou i rave, ei akakoko mai iaku kia riri; ratou, to ratou au ariki, to ratou ui ariki, to ratou kau taunga, e to ratou au peroveta ra, e te au tangata o Iuda, e tei noo i Ierusalemā. Kua iki mai oki ratou i 33 te tua iaku nei, kare te aro; e iaku oki i apii ia ratou, ma te tu popongi anga, e te apii anga atu, kare ra ratou i akarongo mai, ka āriki mai ei i te ako. E kua akatu mai ratou i to ratou mea 34 viivii ki roto i te are i tapaia i toku nei ingoa, kia viivii atu te reira. E kua 35 akatu ratou i te au ngai teitei o Baala, i te o o te tamaiti a Hinoma, ei akatac anga atu i ta ratou au tamaroa e ta ratou au tamaine kia Moleka; i tei kore i akaueia e au, kare oki i o ki roto i toku nei ngakau; rave iora ratou i te reira mea viivii kia arāia Iuda.

I teianei ra, te na ko maira te Atua o 36 Iseraela, ko Ichova, i teianei oire, ta kotou e karanga nei e, Kua tukua atu ki te rima o te ariki o Babulonia, i te koke, e te onge, e te maki-mate; I na, 37 e akaputuputu mai au ia ratou mei te au enua katoa mai i tuarua atu ei ratou e au i te riri noku ra, e te riri oto-oto noku ra, e te riri maata ra; e arataki mai au ia ratou ki teianei ngai, e akanoo au ia ratou i ku nei, ma te ora: Ei tangata oki ratou noku, e ei Atua 38 au no ratou: E oronga atu au i te ngakau okotai no ratou, e te aereanga okotai, kia matakū mai ratou iaku i te au rā katoa, kia meitaki ratou, e ta ratou tamariki i muri ake ia ratou: E papau 40 au i te koremotu mutu kore ia ratou, e kare oki au e ariu ke ia ratou ra, kia takinga-meitaki ia ratou ra; e tuku oki au i te matakū iaku ki roto i to ratou ngakau, e kare oki ratou e akaruke mai iaku ra. E e rekareka au ki ru- 41 nga ia ratou i te takinga-meitaki anga atu ia ratou, e tanu tikai au ia ratou ki teianei enua, ma toku ngakau katon, e ma toku vaerua katon. Te na ko 42 maira oki a Ichova, Mei iaku i apai mai i teianei kino maata katoa ki runga i teianei iti-tangata, e apai katoa mai oki au ki runga ia ratou i te au meitaki katoa taku i karanga ia ratou ra. E okoia te au iainga i teianei 43 enua, ta kotou i karanga na e, Kua tanea, kare e tangata, kare oki e puaka; Kua tukua atu ki te rima o te Kaleden. E kainga rai ta te tangata nei e oko ki 44 te moni, e te tuatua katoa i te tata angaia, e te sigilo anga, e te akataka anga i te kite *ei kite*, i te enua o Beniamina, e i vaitata katoa uorai i Ieru-

salema, e te au oire o Iuda, e te au oire i te maunga, e te au oire katoa i te ngai akaaka, e te au oire katoa i te pae i apatonga: e ruri ke oki au i to ratou tuikaa anga, te tuatua mairā Iehova.

PENE XXXIII.

Te akakite nei te Atua i te au tuikaa e akaoki meitakiia maira: te Rara tuatua-tika.

- 1 **IAE** maira oki te tuatua a Iehova 1
kia Ieremia, ko te tu rua ia, te tapeka uaia ra aia ki roto i te kezere o te are tapekanga, na ko maira.
- 2 Te na ko mairā Iehova, ko Tei anga i te reira ra, ko Iehova tei akaaite i te reira, e tei akatinamou i te reira;
- 3 ko Iehova tona ingoa; E kapiki mai kiaku, e naku e iō atu kia koe, e e ravenga maata taku e akakite atu kia koe, e te taac kore, kare i kitea e koe
- 4 ra. Te na ko maira oki te Atua o Iseraela ko Ichova, i te au are o teianei oire, e i te au are o te au ariki o Iuda, tei ngaungna i te au ravenga
- 5 tamaki, e te koke; Te aere maira ratou e tamamaki ki te au Kaleden, ka riro ra i te akaki i te reira ki te au kopapa tangata mate; i tei taia e au i toku riri, e te riri ototoo noku nei, i uuna'i oki au i toku mata i teianei oire, no to ratou au kino katoa. I na, ka apai mai 6 au i te meitaki, e te ora, e naku ratou e akaora, e akakite ua atu au i te au nuingangare no ratou, e te tuatua-mou.
- 7 E naku e akaoki mai i to Iuda i tuikaa ra, e te au tuikaa o Iseraela; e e patu au ia ratou mei tei muatangana ra.
- 8 E ka tamā au ia ratou i to ratou au kino katoa ra, i ara ai ratou iaku nei; e akakore oki au i to ratou katoa au kino, i ara ai ratou ra, e i tatipake ua'i ratou
- 9 iaku nei. E riro te reira ei ingoa rekareka iaku nei, ei akameitaki, e ei akangateitei, i te au enua katoa o te ao nei, te ka akarongo i te au meitaki katoa taku e rave no ratou ra: e riro ratou i te matakū e te ruketekete, i to au meitaki katoa ra, e te au mea manua katoa ra, taku e rave no te reira
- 10 ra. Te na ko mairā Iehova; Ka akarongo akaouia i teianei ngai, i ta kotou i karanga ra e, Kua tanea, kare e tangata, e kare oki e puaka, i te au oire o Iuda nei, e te au arataa i Ierusalemā, tei vai tanea ua, kare e tangata, e kare
- 11 oki e nooin, e kare oki e puaka, Te reo rekareka, e te reo pereprekavana. te reo o te tane akaipoipo ou, e te reo o te vaine akaipoipo ou, te reo o te aro-nga i tuatua e, E akameitaki ia Ie-

hova Sabaota ra: e meitaki oki to Iehova; e tu oki tona aroa e rimua; e to te aronga i apai mai i te tusia aka-meitaki ki roto i te are o Iehova. E akaoki mai oki au i te tuikaa o teianei enua, mei te muatangana ra, te tuatua mairā Iehova. Te na ko mairā Iehova 12 Sabaota ra; E riro akaou i teianei ngai, i tei tanca nei, kare e tangata, e kare oki e puaka, e i te au oire katoa nei, ei nooanga no te aronga tiaki mamoe, e ei ngai akamoe aere anga i te au anana ra. I roto i te au oire no te au mau- 13 nga, i roto i te au oire no te ngai aka-aka, e i roto i te au oire i te pae i apa-tonga, e i roto i te enua o Beniamina, e i roto i te au ngai i vaiatao i Ieru-salema, e i roto i te au oire o Iuda ra, e na reira rai te au anana te aere, na roto i te rima o tei tatau ra, te tuatua mairā Iehova.

I na, e tae mai te au rā, te tuatua 14 mairā Iehova, e akatupu ei au i taua mea meitaki ra, taku i akakite i te ngutuare o Iseraela, e te ngutuare o Iuda. I te reira au rā, e i te reira 15 tuatau, e akatupu ei au no Davida, i te Rara tuatua-tika ra; e nana e rave i te tuatua-tau, e te tuatua-tika, i te enua nei. I te reira au rā e ora i Iuda, 16 e e noo ponuiaau ua mai oki Ierusa-lema: teia oki *te ingoa* e tapaia nona, Ko IEHOVA TA TATOU TUATUA-TIKA ra. Te na ko mairā oki a Iehova; 17 Kare ravā Davida e ngere i te tangata ei noo ki runga i te terono i te ngu-tuare o Iseraela; Kare oki e ngere te 18 kau taunga ngati Levi i te tangata i mua iaku nei, ei apai i te tusia karaka-ratio, e te tutungi i te mineka, e te aka-tusia marie ua anga, i te au rā katoa.

E kua tae maira te tuatua a Iehova 19 kia Ieremia, kua tuatua maira,

Te na ko mairā Iehova; Kia tika ia 20 kotou kia akaatikau i taku nei korero-motu i te ao nei, e taku nei korero-motu i te po nei, e auraka ua atu ei ao e te po i to raua tuatau; Ei reira taku 21 koreromotu ki toku tavini nei kia Da-vida e akaatikau katoaia'i, e ngere ei oki aia i te tamaiti i te noo anga ki runga i tona terono ei ariki; e te kau taunga ngati Levi, toku aronga tavini. Mei te nuku o te rangi kare e ope kia 22 tatau ra, e te one taatai kare e tika kia aite ra: mei te reira toku akamaata anga i te uanga o taku tavini ra o Da-vida, e te au ngati Levi e tavini mai inku nei.

Kua tao maira oki te tuatua a Ie- 23 hova kia Ieremia, na ko maira,

Kare ainei koe i kite i ta teianei au 24

tangata e tuatua nei, i te na ko anga mai? Nga kopu e rua nei i ikiia e Iehova ra, ratou tei akarukeia e ia. E kua akavaavaa ratou i toku ra au ta-ngata, mei te mea kare ratou e riro akaou ei enua tangata ki mua ia ra-tou ra.

- 25 Te na ko mairā Iehova; Kua kore taku nei koreromotu i te ao e te po nei, e kua kore iaku te au akonoanga o 26 te rangi e te enua; Ei reira au e aka-ruke ei i te uanga o Iakoba, e to te tavini noku ra, to Davida, e kare atura au e rave i tona uanga ei au kavana ki runga i te uanga o Aberahama, e to Isaaka, e to Iakoba: e akaoki mai au i to ratou i tuikaa ra, e aroaia ratou e au ra.

PENE XXXIV.

Te akakite nei a Ieremia kia Zedekia e e riro aia e te oire katoa ra.

- 1 **T**E tuatua i tae mai kia Ieremia no ko ia Iehova ra, ka tamaki mai ei te ariki o Babulonia, ko Nebukanesa, e te nuku katoa nana, e te au basilcia katoa o te ao nei i raro ake iaia ra, e te tangata katon oki, kia Ierusalem, e te au oire katoa no reira ra, i te tuatua anga mai, 2 Te na ko maira te Atua o Iseraela ra, ko Iehova, ka aere ka karanga atu kia Zedekia, ariki no Iuda, e na ko atu koe kiaia ra, Te na ko mairā Iehova, I na, e toku au i teianei oire ki roto i te rima o te ariki o Babulonia, e 3 nana e ta'u ki te ai. Kare koe e ora i tona rima, e opu tikaia ra koe, e tu-kuia koe ki roto i tona rima; e akara oki o mata i nga mata o te ariki o Ba-bulonia, e nana e tuatua mai, tona vaa ki toou vaa, e riro oki koe ki Babu- 4 lonia. E akarongo mai na ra, e te ariki o Iuda, e Zedekia, i te tuatua na Iehova; te na ko mairā Iehova ia koe, 5 Kare koe e mate i te koke: E mate au ua koe, e ma te tutungi anga ai o to ai metua ra, te au ariki i muatangana, ou iu nei koe, e akapera ratou i te tu-tungi i te ai ia koe ra; ka aue ei ia koe ra, *ma te tuatua e*, Aue, e te atu o! kua tuatua oki au i taua tuatua 6 nei, te tuatua mairā Iehova. E kua karanga atura te peroveta ra ko Iere-mia ki te ariki o Iuda ra kia Zedekia, i teia katoa nei au tuatua i Ierusalem, 7 Ka tamaki mai ei te nuku o te ariki o Babulonia ra ia Ierusalem, e te au oire toa katoa i Iuda ra; ia Lakisa, e ia Azeka; ko nga totoenga ia teia o te

au oire o Iuda ra, e au oire akaketa-ketaia.

Te tuatua i tae mai kia Ieremia, no ko mai ia Iehova ra, i muri ake i te papau angaia e te ariki ra e Zedekia i te koreromotu ki te au tangata katoa i Ierusalem, kia tutuia te tuku ua ia ratou; Kia tuku ua atu te tangata katoa i tona tavini tane, e te tangata i tona tavini vaine, kia aere ua ana, i te ngati Ebera tane, e te ngati Ebera vaine ra; auraka e umuumu atu i te angaanga ia ratou, i tona taeake ngati Iuda ra.

E kua akarongo anake maira te ui ariki, e te tangata katoa, i te akatauia i taua koreromotu ra, e tuku anake te tangata katoa i tona tavini tane, e tona tavini vaine, kia aere ua ana, e kare atura e umuumu akaou atu i te angaanga ia ratou, kua akarongo ratou, e kua tuku atura ia ratou. Kua oki akaou ra ratou i muri ake, e kua akaoki i taua au tavini tane, e te au tavini vaine, i tei tukuia e ratou ra, kia aere ua na; e kua taao atura ia ratou, ei tavini tane, e ei tavini vaine. I tae mai ei te tuatua a Iehova kia Ieremia, no ko mai ia Iehova ra, na ko maira, Te na ko maira te Atua o Iseraela, ko Iehova, E koreromotu taku i papau i to kotou ra au metua, i te rā i arataki mai ei au ia ratou, mei te enua maira mei Alphiti, mei te are i tavini ei ra, na ko atura, Kia ope nga mataiti e itu ra, ka tuku ua kotou te tangata katoa i tona uaorai taeake ngati Ebera ra, tei okoia atu ia koe ra, ka ono akera ona mataiti i te tavini anga ia koe ra, e tuku ua atu koe iaia i reira kia aere ua ana. Kare ra to kotou au metua i akarongo mai iaku, kare oki i ariu mai i to ratou taringa. E ia kotou oki i ariu io nei i nakonei, e kua rave kotou i te mea tika i toku nei akara anga, i te akakite anga atu i te tangata tupu katoa ra i te tuku ua, e kua papau kotou i te koreromotu ki mua iaku i te are i tapaia i toku nei ingoa: Kua oki iora kotou, e kua viiui ia kotou taua ingoa noku ra, kua rave akaou te tangata katoa i tona tavini tane, e te tangata katoa i tona tavini vaine, tei tuku uaia e kotou kia rave ua i to ratou uaorai inangaro; e kua taao atu ia ratou, ei tavini tane, e ei tavini vaine, no kotou na. E teianei, te na ko mairā Iehova, Kare kotou i akarongo mai iaku ra, i te akakite anga atu i te tuku ua te tangata katoa i tona taeake, e tona ra tangata tupu: i na, te akakite nei au i te tuku ua ia kotou, te tuatua mairā Iehova, ki te koke ra,

e te maki-mate ra, e te onge ra; e tuku atu au ia kotou i te manamanata 18 i te au basileia katoa o te ao nei. E tuku atu au i te au tangata, i ara i te koreromotu naku ra, tei kore i akono i te tuatua o taua koreromotu ra, ta ratou i papau ki mua iaku nei, ka va'i ei ratou i te kafa i rotou, e kua aere 19 na rotou i nga tapānga ra; Te au ariki no Iuda e te au ariki no Ierusalem, e te au eunuka, e te kau taunga, e te tangata katoa o te enua ra, tei aere na rotou i nga tapānga kafa ra; 20 E tuku atu au ia ratou ki te rima o to ratou au enemi, ki te rima o te aronga i kimi mai ia ratou kia mate: e riro oki to ratou au kopapa ei kai na te au manu o te reva nei, e na te au puaka o 21 te enua nei. E te ariki no Iuda ko Zedekia, e te ui ariki katoa ki ona ra, e orongaia e au ki roto i te rima o to ratou au enemi, e ki roto i te rima o te aronga e kimi mai ia ratou kia mate, e ki roto i te rima o te nuku o te ariki o Babulonia, tei riro atura ki 22 runga ra ia kotou nei. I na, naku e akaue, te tuatua mairā Iehova, e akaoki mai au ia ratou ki teianei oire; e na ratou e tamaki mai i te reira, e ka rauka ia ratou, e ka tutungi iora ki te ai; e akatanea katoa oki au i te au oire o Iuda, e kare rava e nooia.

PENE XXXV.

Te akaapa nei a Ieremia i te ngati Iuda akarongo kore i te akarongo o te ngati Rekabi.

1 **T**E tuatua i tae mai kia Ieremia, no ko ia Iehova ra, i te au rā o Iehoiakina, te tamaiti a Iosia ra, ariki no Iuda, na ko maira, 2 Ka aere ki te are o te ngati Rekabi, ka karanga atu ei kia ratou, e arataki mai oki ia ratou ki roto i te are o Iehova, ki roto i tetai pia ra, ka oronga 3 atu ei i te wina na ratou kia innu. Kua arataki maira au ia Iaazania, te tamaiti a Ieremia, te tamaiti a Habazinia ra, e tona au taeake, e te au tamariki ravarai nana, e te ngutuare 4 katoatoa o te ngati Rekabi ra. I arataki mai au ia ratou ki roto i te are o Iehova, ki roto i te pia o te au tamariki a Hanana, te tamaiti a Igedalia, e tangata no te Atua, ki vaiatao i te pia o te ui ariki ra, ki runga ake i te pia o Maaseia, te tamaiti a Saluma, tiaki 5 ngutupa ra. Kua tuku atura au i te au kapu i ki i te wina, ki mua i te aroaro o te au tamariki o te ngutuare o te ngati Rekabi, e te au kapu rikiriki

katoa, e kua karanga atura au kia ratou, Ka inu kotou i te wina. Kua tuatua maira ratou, Kare matou e inu i te wina: ko Ionadaba te tamaiti a Rekabi, to matou metua ra, tei poroaki mai ia matou, na ko maira, Auraka kotou e inu i te wina, kotou, e ta kotou au tamariki, e tuatau ua atu: Auraka oki kotou e patu i te are, auraka e ruru i te ua, auraka oki e tanu kainga vine, auraka oki o reira ia kotou; ei roto ra kotou i te puakapa noo ei, e ope ua atu to kotou puke rā, kia rai to kotou au rā i te ora anga i runga i te enua, ta kotou i noo tangata ke ke ua ana. Kua akarongo oki matou i te reo o Ionadaba, te tamaiti a Rekabi, to matou metua ra, i te au mea katoa tana i poroaki mai ia matou, kia kore e inu i te wina i to matou au rā katoa nei, ko matou, ta matou au vaine, ta matou au tamaroa, e ta matou au tamaine; Kare oki i patu i te are ei nooanga no matou: kare oki o matou kainga vine, kare oki e koro, e kare e ua rakau: Noo ua ana ra matou ki roto i te puakapa, e kua akarongo, e kua rave, i te au mea katoa ta to matou metua, ta Ionadaba, i poroaki mai ia matou. Kia tae maira te ariki o Babulonia ra, ko Nebukanesa, ki teianei enua, kua na ko akera matou, Ka aere mai, ka aere tatou ki Ierusalemā no te nuku oki o te Kaleden, e no te nuku katoa o Suria; i noo ei matou i Ierusalemā nei.

Kua tac maira te tuatua a Iehova kia Ieremia ra i reira, na ko maira, Te na ko mairā Iehova Sabaota ra, te Atua no Iseraela, Ka aere ka karanga atu ki te au tangata no Iuda, e to Ierusalemā ra, Kare ainei kotou e āriki i te ako, ka akarongo mai ei i taku nei tuatua? te tuatua mairā Iehova. I te au tuatua a Ionadaba, te tamaiti a Rekabi, tana i poroaki ki te au tamariki nana ra, e auraka e inu i te wina ra, kua akonoia ia; kare oki ratou i inu e tac rava akenei ki teianei rā, kua akarongo ratou i te iku a to ratou metua ra; ko au katoa oki tei karanga atu kia kotou, ma te tu popongi anga, e te tuatua anga atu, kare ra kotou i akarongo mai iaku. Kua tono atu oki au i te au tavini katoa noku ra, i te au peroveta, i te tu popongi anga, e te tono anga atu, i te na ko anga atu c, E ariu mai na kotou, te tangata katoa i tona ra aerenga kino, e akameitaki ana i ta kotou e rave ra, auraka e aru i te au atua ke, i te tavini anga ia ratou; ka noo ei ki te enua i orongaia

e au no kotou, e no to kotou au metua ra; kare ra kotou i ariu mai i to kotou taringa, kare oki i akarongo mai iaku. No te mea, te au tamariki a Ionadaba, te tamaiti a Rekabi, kua akono i te iku a to ratou metua, tana i iku mai ia ratou ra; kare ra teianei aronga i akarongo mai iaku nei: E tenana, te na ko maira te Atua Sabaota ra, ko Iehova, te Atua o Iseraela; I na, ka apai mai au i te au kino katoa ki runga ia Iuda, e ki runga i to Ierusalemā katoa ra, i taku i tuatua ia ratou ra; no te mea kua tuatua au ia ratou e kare ra ratou i akarongo mai, kua kapiki atu au ia ratou, kare ra ratou i iō mai.

Kua karanga aturā Ieremia ki te ngutuare o te ngati Rekabi ra, Te na ko mairā Iehova Sabaota ra, te Atua o Iseraela; No te mea, kua akarongo kotou i te iku a to kotou metua ra a Ionadaba, e kua akono i te au poroaki katoa nana ra, e kua rave i te au mea katoa tana i akaue mai ia kotou; E teianei, te na ko mairā Iehova Sabaota ra, te Atua o Iseraela, Kare ravā Ionadaba te tamaiti a Rekabi e ngere i te tangata i te tu anga ki mua iaku e tuatau ua atu.

PENE XXXVI.

Te akaue nei a Ieremia ia Baruka kia tata i te totou nana ra: kua ta'u naita te pokaikai tuatua e te ariki: tana utunga: e pokaikai ke tei tataia.

E TAE akera ki te a o te tamaiti o Iehoiakima, te tamaiti a Iosia, ariki no Iuda ra, i tae mai ei teianei tuatua kia Ieremia, no ko ia Iehova ra, na ko maira,
2 Ka rave ana koe i tetāi buka pokaikai ra, ka tata i te au tuatua katon taku i karanga atu kia koe ra, ia Iseraela, ki runga, e ia Iuda, e i te au enua katon, mei te rā mairai i tuatua atu ei au ia koe ra, mei te au rā mai o Iosia ra, e tac ua maira ki teianei rā.
3 Peneiake ko te akarongo mai te ngutuare o Iuda i te au kino katoa i akakorōia e au e tuku ki runga ia ratou ra, e ko te oki mai ratou, te tangata katoa i tona ra aerenga kino, kia akakore atu au i to ratou kino e ta ratou ara. Kua karanga aturā Ieremia kia Baruka, te tamaiti a Neria ra: kua tata iorū Baruka i te vaa o Ieremia i te au tuatua katoa a Iehova i tuatua mai kiaia ra, ki runga i tana buka pokaikai
5 ra. Kua karanga aturā Ieremia kia Baruka, na ko atura, Kua tapekaia au,

kare au e tika kia aere ki roto i te are o Iehova: Ko koe ra te aere, ka tatau ei i te pokaikai, taau i tata i toku nei vaa, i te au tuatua a Iehova, i te taringa o te au tangata, ki roto i te are o Iehova, i te rā neseteia anga; e i te au taringa o to Iuda katoa ra, tei aere mai mei roto mai i to ratou au oire, e tatau katoa atu koe kia ratou. Penei-ake ratou ko te tuku akaaka mai i ta ratou pure ki mua i te aroaro o Iehova, e ko te ariu mai oki, te tangata katoa i tona ra aerenga kino: e riri maata oki, e te riri ootoo, ta Iehova e tuatua nei i teianei aronga tangata. Kua pera oki a Baruka, te tamaiti a Neria ra, i ta te peroveta ra, ta Ieremia, i akaue mai kiaia ra, i te tatau anga i roto i te buka i te au tuatua a Iehova, i roto i te are o Iehova ra. E tae akera ki te mataiti rima o Iehoiakima, te tamaiti a Iosia ra, ariki no Iuda, e te iva o te marama, i akakite aere ei ki to Ierusalema katoa, e te au tangata katoa i aere mai mei roto i te au oire o Iuda, i te neseteia anga, i mua ia Iehova, i Ierusalema. Kua tatau iorā Baruka i roto i taua buka ra i te au tuatua a Ieremia, i roto i te are o Iehova, i te pia o Gemaria, te tamaiti a Saphana tata tuatua ra, i roto i te kezere teitei ra, i te tomoanga i te ngutupa ou i te are o Iehova, i te taringa o te au tangata katoa ra.

E akarongo akerū Mikaia, te tamaiti a Gemaria, te tamaiti a Saphana, i te au tuatua katoa a Iehova, i roto i taua buka ra. Aere atura aia ki raro i te are o te ariki ra, e ki roto i te pia o te tata tuatua ra; e i na, tei reira anake te ui ariki i te noo anga, ko Elisama tata tuatua ra, e ko Delaia, te tamaiti a Semaia ra, e ko Elanatana, te tamaiti a Akabora, e ko Gemaria, te tamaiti a Saphana, e ko Zedekia, te tamaiti a Anania, e te ui ariki katoa ra. Kua akakite aturū Mikaia kia ratou i te au tuatua katoa tana i akarongo ra, ka tatau ei a Baruka i taua buka ra, i te taringa o te au tangata ra. Kua tono akera te ui ariki katoa ia Iehudi, te tamaiti a Netania, te tamaiti a Selamia, te tamaiti a Kusi, kia Baruka, e karanga atu e, Te pokaikai taau i tatau i te taringa o te au tangata ra, ka rave ia i to rima, ka aere mai. Kua rave iorā Baruka, te tamaiti a Neria, i taua pokaikai ra i tona rima, e kua aere maira kia ratou ra: Kua karanga atura ratou kiaia, Ka noo ana ki raro, ka tatau mai ei i to matou

nei taringa. Kua tatau iorā Baruka i to ratou taringa. E ope akera taua tuatua ra i te akarongoia e ratou ra, kua matakū ua iora ratou tetai e tetai: e kua karanga atura kia Baruka, E riro matou i te akakite ki te ariki i teia katoa nei au tuatua. Kua ui maira ratou kia Baruka, na ko maira, Ka akakite mai na koe kia matou i tenana; i akapeea koe i te tata anga i teianei au tuatua i tona vaa? Kua karanga aturā Baruka kia ratou, Tona uorai vaa tei tuatua mai i teia katoa nei au tuatua, e kua tata atura au ki te inika ki runga i te buka. Kua tuatua maira taua ui ariki ra kia Baruka, Ka aere ka pipini, korna ko Ieremia, e auraka e tangata e kite i to korua ngai. Aere atura ratou ki roto i te ariki ra, ki roto i te kezere; vaiu iora taua pokaikai ra ki roto i te pia o Elisama, i te tata tuatua ra; e kua akakite atura i taua au tuatua katoa ra i te taringa o te ariki ra. Kua tono akera te ariki ia Iehudi e tiki i taua pokaikai ra; kua rave iora aia i roto i te pia o Elisama tata tuatua ra; e kua tatau a Iehudi i te taringa o te ariki ra, e i te taringa o te ui ariki katoa i tu ki vaiatao i te ariki ra. Te noo na ra te ariki ki roto i te pia no te tuatua anu ra, i te iva o te marama, e te ka ua maira te ai i te vairanga ai ki mua iaia. E ope akera nga takiahi tuatua e toru e a i te tatauia e Iehudi, kua koki iora aia ki te matipi a te tata tuatua ra, e kua titiri ki runga i te ai e vai ua mai i te vairanga ai ra, e ope roa akera taua pokaikai ra i te ka i te ai e vai ua i te vairanga ai ra. Kare ra taua ariki ra, e te au tavini katoa nona ra, tei akarongo i taua au tuatua katoa ra, i matakū, kare oki i aae i to ratou kakau. Pati akatenga atura oki Elanatana, e Delaia, e Gemaria, i te ariki ra, e auraka e tungia taua pokaikai ra ki te ai; kare rava aia i akarongo ia ratou. Kua akaue atura te ariki i Ierameela, te tamaiti a te ariki ra, e ia Seraia, te tamaiti a Azariela, e ia Selemia, te tamaiti a Abedeela, e rave ia Baruka tata tuatua ra, e te peroveta ra Ieremia: kua uuna rā Iehova ia raua. E kua tae maira te tuatua a Iehova kia Ieremia, i muri ake i te pokaikai i te tutungi angaia e te ariki, e te au tuatua i tataia e Baruka i te vaa o Ieremia, na ko maira, Ka rave rai koe i tetai pokaikai rai, ka tata'i ki rungao i te au tuatua katoa i tataia i muatangana, i tei rungao i tei muatangana ra pokaikai, i tei tutungiia e te

nriki o Iuda, e Iehoiakima ra. E ka- 29
 ranga atu oki ki te ariki o Iuda, kia
 Iehoiakima, Te na ko mairā Iehova,
 Kua tungia e koe taua pokaikai nei,
 kua na ko maira, Eaa koe i tata'i ki
 rungao? e i na ko ei oki, e aere mairai
 te ariki o Babulonia, e e pou roa teia-
 nei enua iaia, e e kore iaia te tangata
 e te puaka katoa oki i reira? E teia- 30
 nei, te na ko mairā Iehova, i te ariki o
 Iuda ia Iehoiakima, Kare rava ona e
 okotai iti ake e noo ki runga i te te-
 rono o Davida; e akaruke keia tona
 kopapa mate, kia vai ua ana i te vera-
 vaki i te ao, e te anu i te po. E tu- 31
 tahi atu ua iaia, e tona katoa ra uanga,
 e tona katoa ra au tavini, i ta ratou
 ara; e apai mai oki au ki runga ia
 ratou, e ki runga katoa i to Ierusalem,
 e ki rungao i te au tangata no Iuda,
 i te au kino katoa taku i tuatua ia
 ratou ra, kare ra ratou i akarongo
 mai.

Kua rave iorā Ieremia i tetai pokai- 32
 kai ke, e kua tuku atura kia Baruka,
 te tamaiti a Neria tata tuatua ra: kua
 tata iora aia ki runga i te reira i te
 vaa o Ieremia, i te au tuatua katoa no
 te buka, ta te ariki o Iuda ta Iehoi-
 akima i tutungi ki te ai: e kapiti ka-
 toaia mai oki te tuatua i reira, mei te
 reira rai te tu e manganui.

PENE XXXVII.

*I akaruke te tamaki no te mea te vai-
 tata maira to Aiphiti: kua tiki naiā
 Ieremia e Zedekia, ko tei akakite
 mai e, ka oki mai te Kaleda: kua
 eke a Zedekia e kua tapekaia.*

TUPAUIA akera te au o Konia, te 1
 tamaiti a Iehoiakima e te ariki ra
 ia Zedekia, te tamaiti a Iosia ra, tei
 akaarikiia e te ariki o Babulonia e
 Nebukanesa, ei ariki no te enua ra no
 Iuda. Kare ra aia, e tona au tavini 2
 katoa, e te au tangata katoa o te enua,
 i akarongo i te au tuatua a Iehova,
 tana i tuatua i te peroveta ra ia Iere-
 mia. Kua tono akera te ariki ra ko 3
 Zedekia ia Ienkala, te tamaiti a Sele-
 mia, e ia Zephania, te tamaiti a Maa-
 seia taunga ra, ki te peroveta ra, kia
 Ieremia, na ko atura, Ka pure koe i
 tenana i to tatou Atua ra ia Iehova ia
 tatou nei. Te aere ua mairā Ieremia 4
 ki roto, e te tomo ua ra ki vao, i taua
 au tangata ra: kare oki aia i tapekaia
 e ratou ki roto i te are tapekānga.
 Kua aere mai oki te nuku o Pharao
 mei Aiphiti mai: akarongo akera te 5
 Kaleda e akapini ia Ierusalem, i te

rongo ia ratou, akaruke maira ratou ia
 Ierusalem.

- 6 Kua tae maira te tuatua a Iehova ki
 te peroveta ra kia Ieremia i reira, na
- 7 ko maira, Te na ko maira te Atua o
 Iseraela ra, ko Iehova; E na ko atu
 kotou ki te ariki o Iuda, tei tono mai ia
 kotou kiaku nei, e ui iaku ra; I na,
 taua nuku no Pharao, tei aere mai e
 tanturu ia kotou ra, e oki ia ki to
- 8 ratou ra enua, ki Aiphiti. E oki akaou
 mai oki te Kaleda e tamaki i teianci
 oire, e rave i te reira, e na ratou e
- 9 tutungi ki te ai. Te na ko mairā Ie-
 hova; Auraka kotou e vare, i te na ko
 anga e, Ka akaruke takiri te Kaleda
 ia tatou: kare oki ratou e aere ke.
- 10 Angairi rai i pou roa te nuku katoa o
 te Kaleda ia kotou, i te tamaki anga
 mai ia kotou ra, toe iora te aronga
 putaputa anake i roto ia ratou ra, e tu
 mairai te tangata katoa ra ki runga,
 i roto i tona puakapa, e tutungi i teianci
 oire ki te ai.
- 11 E kia riro atura te nuku o te Kale-
 dea mei mua mai i Ierusalem i te
- 12 matakū i te nuku o Pharao, Aere
 aturā Ieremia mei Ierusalem atu, i
 aere atura ki te enua o Beniamina, kia
 rauka tana tuanga i reira i rotou i te
- 13 au tangata ra. E tae atura aia ki te
 ngutupa ki o Beniamina ra, tei reira
 tetai kapena no te aronga vaeau, ko
 Iriia te ingoa, te tamaiti na Selemia,
 te tamaiti a Hanania; kua opu iora aia
 ia Ieremia peroveta, e kua na ko atura,
- 14 Te aere ra koe ki o te Kaleda. Kua
 tuatua mairā Ieremia, E pikikaa tena;
 kare au e aere ki o te Kaleda. Kare
 akera ra aia i akarongo iaia: kua rave
 iorā Iriia ia Ieremia, e kua arataki
- 15 atura ki te ui ariki ra. Te riri ra te
 ui ariki ia Ieremia, e kua pāpā iora
 iaia, e kua tuku atura iaia ki roto i te
 are tapekānga, i te are o Ionatana tata
 tuatua ra: ko tei akariroia ia e ratou
 ei are tapekānga ra.
- 16 E tae aturā Ieremia ki roto i te are
 tapekānga ra, e ki roto i te au pia riki-
 riiki ra, e manganui akera to Ieremia
- 17 au rā i reira; Kua tono atura te ariki
 ra ko Zedekia, e kua arataki maira
 iaia: kua ui pōiri ua atura te ariki
 kiaia i roto i tona ra are, na ko atura.
 E tuatua ainei tena no ko mai ia Ie-
 hova ra? kua tuatua mairā Ieremia,
 E tuatua ia: kua tuatua mai oki aia, E
 tukuia atu koe ki roto i te rima o te
- 18 ariki no Babulonia. Kua karanga atu-
 rā Ieremia ki te ariki ra kia Zedekia,
 Eaa taku nei ara ia koe ra, e toou au
 tavini ra, e teianci katoa au tangata,

i uri ua'i kotou iaku ki roto i te are tapekānga? Teica iora ta kotou au 19 peroveta tei totou ia kotou na, i te na ko anga atu e, Kare te ariki o Babulonia e tae mai e rave ia kotou, e teianei enua? E tenana, e akarongo mai, 20 ko taku teia tuatua kia koe, e taku atu, e te ariki: kia kiteia mai taku pati anga i tenana ki mua ia koe ra; auraka koe e akaoki iaku ki roto i te are o Ionatana tata tuatua ra, ka mate aea au i reira. Kua akaue atura te ariki ra ko Zedekia, kia tuku ratou ia Ieremia ki roto i te kezere o te are tapekānga, e kia oronga mai ratou i te areto okotai nana, no te rā okotai, no roto i te arataa o te tunu-kai ra, e kia ope roa te au areto o te oire i te pou. Noo iorā Ieremia ki roto i te kezere o te are tapekānga ra.

PENE XXXVIII.

I tapepe pikikaaiā Ieremia i tapekaia'i ki roto i te vaarua vari: i te tuatua a Ebede-meleka i tukuia'i aia ki voo: tana tuatua ki te ariki.

KUA akarongo a Sephatia, te tamaiti a Matana, e Gedalia, te tamaiti a Pasahura, e Ieukala, te tamaiti a Selemia, e Pasahura, te tamaiti a Malekia, i te au tuatua ta Ieremia i tuatua ki te tangata katoa ra, i te na ko anga e, Te na ko mairā Iehova, Ko tei toe ki roto i teianei oire, e mate ia i te koke, i te onge, e te maki-mate: ko tei aere ra ki o te Kaleda ra, e ora ia; e riro oki tona ora ei apinga nona, e ora ia aia. Te na ko mairā Iehova, E oronga tika ia teianei oire ki roto i te rima o te nuku o te ariki o Babulonia, ka rave oki ratou i te reira. I karanga atu ei te ui ariki ki te ariki ra, Kia mate atu teianei tangata e tika'i, ta matou ia tuatua kia koe: no te mea nona i paruparu ei te rima o te aronga toa i toe i te oire nei, e te rima o te tangata katoa nei, koia i pera i te tuatua anga mai kia ratou: kare oki teianei tangata i kimi i te meitaki no teianei iti-tangata, ko te kino ra. Kua tuatua maira taua ariki ra ko Zedekia i reira, I na aia, tei to kotou rima ia: kare oki a te ariki tuatua kia ketaketa kotou. Kua rave iora ratou ia Ieremia, e kua uri atura iaia ki roto i te vaarua, ki o te tamaiti a te ariki ra, ki o Malekia, tei roto i te kezere o te are tapekānga ra: i tatau-raiā Ieremia e ratou i te tuku anga ki raro ra: kare e vai i roto i taua vaarua ra, e vari anake ra: topa iorā Ieremia ki roto i taua vari ra.

7 Akarongo akera te ngati Kusa ra ko Ebede-meleka, tetai o te au eunuka, i roto i te are o taua ariki ra, e kua uri ratou ia Ieremia ki raro i te vaarua; te noo ua ra te ariki i te ngutupa ki o 8 Beniamina ra; Kua aere iorā Ebede-meleka ki vao i te are o te ariki ra, e kua karanga atura ki te ariki, na ko 9 atura, E taku atu e te ariki, e takinga-kino to teianei au tangata i te au mea katoa ta ratou i rave i te peroveta nei ia Ieremia, tei uria e ratou ki roto i te vaarua; e mate takiri oki aia i reira i te pongi, kare atura o te oire nei e 10 manga. Kua akaue atura te ariki ia Ebede-meleka te ngati Kusa ra, na ko atura, E rave katoa koe i te tangata kia toru ake ngauru, ka nuti mai ei i te peroveta ra ia Ieremia ki runga mei roto mai i te vaarua ra, ka mate aea 11 aia. Kua rave aturā Ebede-meleka i taua au tangata ra, aere atura ki roto i te are o te ariki ra, i raro ake i te pia apinga ra; kua rave iora i te kakau motumotu, e te ngaengae, e kua tataura iora i te tuku anga ki raro kia Ieremia 12 ki roto i te vaarua ra. Kua karanga aturā Ebede-meleka ngati Kusa kia Ieremia, Ka tuku ana i tenana aeaenga kakau e te motumotu ra ki raro ake i to keke ra, ki raro ake i te taura 13 ra: Kua pera aturā Ieremia. Kua uuti iora ratou ia Ieremia ki runga i taua taura ra, rave akera iaia mei roto mai i taua vaarua ra: noo ua iorā Ieremia ki roto i te kezere i taua are tapekānga ra.

14 Kua tono akera te ariki ra ko Zedekia, e kua arataki maira i te peroveta ra ia Ieremia kiaia uaorai, ki roto i te toru o te tomoanga, ki roto i te are o Iehova. Kua tuatua maira te ariki kia Ieremia ra, Ka ui au kia koe i tetai mea; auraka koe e uuna iaku.

15 Kua karanga aturā Ieremia kia Zedekia, Kia akakite atu au kia koe ra, kare ainei koe e tamate rava mai iaku? o kia ako atu au ia koe ra, kare koe e 16 akarongo mai iaku. Kua taputou pouri ua ra te ariki ra ko Zedekia kia Ieremia, na ko atura, Te ora rā Iehova, tei anga i to taua nei vaerua, kare au e ta ia koe, kare oki au e tuku atu ia koe ki te rima o teianei au tangata, tei kimi 17 mai ia koe kia mate. Kua karanga aturā Ieremia kia Zedekia, Te na ko maira te Atua Sabaota ra, ko Iehova, te Atua o Iseraela; Kia tika ia koe kia aere atu ki te ui ariki ki o te ariki o Babulonia, e ora to vaerua i reira, e kare teianei oire e ka i te ai i reira; ka ora oki koe, e to kopu-tangata katoa

ra: Kia kore ra e tika ia koe kia aere 18
 atu ki te ui ariki ki o te ariki o Babu-
 lonia, e tukuia teianei oire i reira ki te
 rima o te Kaleda, e na ratou e tu-
 tungi ki te ai, e kare rai oki koe
 e ora i to ratou rima. Kua tuatua 19
 maira te ariki ra ko Zedekia kia Iere-
 mia, Te mataku nei au i te au ngati
 Iuda i uri ki o te Kaleda, ko te
 tukuia aea au e ratou ki to ratou ra
 rima, e ko te akainainaia aea au e
 ratou. Kua karanga atuā Ieremia, 20
 E are ratou e tuku ia koe. E aka-
 rongo mai ana koe i tenana i te reo o
 Iehova, taku e karanga atu kia koe
 nei: e meitaki ia toou i reira ra, e ka
 ora oki toou vaueru. Kia kore ra e 21
 tika ia koe kia aere, teia ta Iehova tua-
 tua i akakite mai iaku nei: I na oki,
 te au vaine katon i toe ki roto i te are
 o te ariki o Iuda, e aratakia mai ia ki
 te ui ariki ki o te ariki o Babulonia, e
 na ko mai oki taua au vaine ra, Na to
 au oa akaperepere koe i akakoko, e
 kua tupu ta ratou ia koe: kua piritia
 to vaeava ki raro i te vari ra, e kua
 kotoc akenei ratou ki muri. E ara- 23
 taki mai oki ratou i taua au vaine
 katoa, e taua au tamariki ki te Ka-
 ledea: kare katoa koe e ora i to ratou
 rima, e rauka ra koe i te rima o te
 ariki o Babulonia: e noou e ka ai teia-
 nei oire ki te ai. Kua tuatua mairā 24
 Zedekia kia Ieremia i reira ra, Auraka
 rava teianei au tuatua e akakiteia ki te
 tangata katoa nei, e kare oki koe e
 mate. Kia kite ra te ui ariki nei, e i 25
 tuatua ua ana taua, e kia aere mai ra-
 tou kia koe ra, e kia tuatua mai e, E
 akakite mai kia matou i taua i tuatua
 ki te ariki ra, auraka e uuna ia matou
 nei, kare oki koe e mate ia matou; e
 ta te ariki oki i tuatua mai kia koe ra:
 Ei reira koe ka karanga atu ei kia ra- 26
 tou, I tuku akaaka ua atura au i taku
 pati anga ki mua i te aroaro o te ariki
 ra, e auraka aia e akaoki iaku ki te
 are o Ionatana, kia mate i reira. Kua 27
 are anake maira te ui ariki kia Iere-
 mia ra, e kua ui maira kiaia: e kua
 akakite atura aia kia ratou i taua au
 tuatua katoa nei, mei ta te ariki i
 akaue mai kiaia ra. Akaaru maira
 ratou iaia: kare oki taua mea ra i
 kitea. Noo ua aturā Ieremia ki roto 28
 i te kezere o te are tapekanga ra, e tae
 ua atura ki te rā i rave ia i Ierusalem:
 e i reira oki aia i te rave anga ia Ieru-
 salema ra.

PENE XXXIX.

*Ierusalemia i pou: Zedekia i akama-
 tapoia, e apaiia ki Babulonia, ma te
 tangata katoa i te riro tuikua anga:
 te tuatua ia Ebede-meleka.*

- 1 **T**A E akera ki te iva o te mataiti o te
 ariki o Iuda ra o Zedekia, e te
 ngauru o te marama, i tae mai ei te
 ariki o Babulonia ra ko Nebukanesa, e
 te nuku katoa nana, ki Ierusalemia, e
- 2 kua akapini maira. E tae akera ki to
 Zedekia ra mataiti okotai ngauru ma
 tai, i te a o te marama, i te iva oki o te
 rā i taua marama ra, i ngaanga i taua
- 3 oire ra. Kua tomo iora te ui ariki
 katoa ki o te ariki o Babulonia ra ki
 roto, e kua noo iora ki te ngutupa i
 rotou ra, Ko Neregala-sarezara, ko
 Samagira-nebo, ko Saresikima, te ra-
 ngatira o te au eunuka, ko Neregala-
 sareza, te rangatira o te au magoi,
 e te aronga katoa i toe i te ui ariki ki
 o te ariki o Babulonia ra.
- 4 E kite akera te ariki o Iuda ra ko
 Zedekia, e te au toa katoa ra, ia ratou,
 ati iora ratou, aere atura ki vao mai i
 taua oire ra i te po, na te kainga o te
 ariki ra, na te ngutupa i rotou i nga
 patu e rua ra: nere atura aia na te pae
- 5 o te ngai mataataa ra. Kua arumaki
 atura te nuku o te Kaleda ia ratou, e
 rokoia aturā Zedekia ki te ngai mataa-
 ta i Ieriko ra: kua opu iora ratou iaia,
 e kua arataki maira ratou iaia ki te
 ariki o Babulonia kia Nebukanesa, i
 Ribila, i te enua o Hamata ra; e kua
- 6 akautunga atura aia kiaia. Kua ta
 iora te ariki o Babulonia i nga tama-
 riki a Zedekia i Ribila, ki mua tikai i
 ona mata: kua ta katoa iora te ariki o
 Babulonia i te ui ariki katoa o Iuda ra.
- 7 E kua koiti akera aia i nga mata o
 Zedekia, e kua tapeka iora aia iaia ki
 te tapeka veo, e apai iaia ki Babulonia
- 8 ra. Kua tutungi iora te Kaleda i te
 are o te ariki, e te au are o te au ta-
 ngata ra, ki te ai, e kua vava i iora i te
- 9 au patu i Ierusalemia. E te toenga o
 te tangata tei toe i roto i te oire, e te
 aronga i aere takere atura kiaia ra, e te
 aronga katoa i toe i taua au tangata ra,
 apaiia atura e te kapena o te aronga
 vaeau e Nebuzaradana ki Babulonia.
- 10 Ko te au tangata rikiriki ra, tei kore
 rava a ratou, kua vaoia ia e te kapena
 o te aronga vaeau e Nebuzaradana, i te
 enua ra i Iuda, e kua oronga mai oki i
 te au kainga vine, e te au kainga katoa,
 no ratou i taua rā ra.
- 11 Kua poroaki maira oki te ariki o
 Babulonia ra ko Nebukanesa ki te ka-

pena o te aronga vaeau ra kia Nebuzaradana, ia Ieremia, na ko maira, Ka rave koe iaia, ka akara meitaki atu 12 iaia, auraka rava e takinga-kino atu; ko tana ra e tuatua mai kia koe ra, e pera atu koe kiaia. Kua tono akera te 13 kapena o te aronga vaeau ra ko Nebuzaradana, e ko Nebu-sabana, te rangatira o te au eunuka, e ko Nerezalasarezara, te rangatira o te au magoi, e te uiriki katoa ki o te ariki o Babulonia; Kua tono oki ratou e kua rave 14 maira ia Ieremia, me i roto mai i te kezere o te are tapekanga ra, e kua tuku atura iaia kia Gedalia, te tamaiti a Ahikama, te tamaiti a Saphana, kia arataki iaia ki te ngutuare: noo ua iora aia i rotou i te au tangata ra.

Tae maira oki te tuatua a Iehova kia 15 Ieremia, i tona tapeka angaia ki roto i te kezere o te are tapekanga ra, na ko maira, Aere ka karanga atu kia Ebemeleka ngati Kusa, na ko atu, Te na ko mairā Iehova Sabaotha ra, te Atua o Israela; I na, ka akatupu au i taku tuatua ki runga i teianei oire kia kino, auraka kia meitaki; e ka tupu ia oki ki mua i to aroaro i taua rā ra. E 17 akaora ra au ia koe i taua rā ra, te tuatua mairā Iehova: kare oki koe e orongaia atu ki te rima o te au tangata taau i matakura ra. E akaora tikai oki 18 au ia koe, e kare koe e inga i te koke, e riro ra toou ora ei apinga noou: no te mea kua irinaki koe iaku nei, te tuatua mairā Iehova.

PENE XL.

I tukuiā Ieremia e te Kapena ra e Nebuzaradana; kua aere ki Gedalia; kua uia katoa mai te ngati Iuda i toa kiaia: kare te kotikoti kupenga a Isemaela i akatikaia e Gedalia.

TE tuatua i tae mai kia Ieremia ra, 1 no ko mai ia Iehova ra, kia oti aia i te tukuiā e te kapena vaeau e Nebuzaradana i Rama ra; i te rauka anga ra, i tapeka katoaia oki aia i te pirianganao i rotou i te aronga tui-kaa katoa ra i Ierusalem e Iuda, ko tei apaiā ki Babulonia ra.

Kua rave iora te kapena vaeau ia 2 Ieremia, e kua na ko atura kiaia, Na to Atua ra na Iehova i tuatua mai i teianei kino ki teianei ngai. E kua 3 apai mai oki a Iehova, e kua rave mai i tana i tuatua maira: no te mea kua ara kotou ia Iehova ra, e kare i akarongo i tona reo, i rokoia mai ei kotou i teianei mea. E tenana, i na, kua 4 tukuiā koe e au i te au pirianganao i

runga i to rima na i teianei rā. E mea meitaki ia koe ra kia aere katoa 5 taua ki Babulonia, ka aere mai; e naku e akara meitaki atu kia koe ra: e mea kino ia koe kia aere katoa mai ki Babulonia, auraka: i na, te vāia ra te enua katoa ki mua ia koe ra: ko tei meitaki ia koe ra, e tei tau ia koe ra kia aere, ka aere ki reira. E kare akera aia i oki, *kua karanga atura oia*, Ka oki mari kia Gedalia, te tamaiti a Ahikama, te tamaiti a Saphana, tei akariroia e te ariki o Babulonia ei kavana ki runga i te au oire i Iuda nei, ka noo atu ei ki ona raki rotou i te au tangata nei: e kare ra, ko te ngai i tau ia koe i te aere, ka aere. Kua oronga maira te kapena o te aronga vaeau i te manua nana, e tetai apinga, e kua tuku na 6 atura iaia. Aere atura oki a Ieremia kia Gedalia, te tamaiti a Ahikama, ki Mizepe; noo iora ki ona raki i rotou i te au tangata i vaoia ki runga i te enua ra.

7 Akarongo akera te au kapena o te au nuku i noo ki te ngai atea ra, ratou e to ratou katoa ra au tangata e, kua akariroia Gedalia e te ariki o Babulonia ei kavana no te enua, e kua tukuiā kiaia te au tane, e te au vaine, e te tamariki, e tetai pae tangata riki-riki no te enua ra, tei kore i apai katoa 8 ki Babulonia; Kua aere maira ratou ki Mizepe, kia Gedalia ra, ko Isemaela oki, te tamaiti a Netania ra, e ko Ioanana, e ko Ionatana, nga tamariki a Karea ra, e ko Seraia, te tamaiti a Tanumeta, e nga tamariki a Ephai i Netopha, e ko Iezania, te tamaiti a tetai ngati Maaka, ko ratou, 9 e to ratou au tangata. Kua taputou aturā Gedalia, te tamaiti a Ahikama, te tamaiti a Saphana, kia ratou, e to ratou au tangata, na ko atura, Auraka e matakura i te tavini atu ki te au Kaleda: e noo ua i te enua nei, ma te tavini atu i te ariki o Babulonia, e meitaki ia kotou i reira. Kare au nei, i na, ei Mizepe au noo ei, ei tavini no te au Kaleda, te ka aere mai ki o tatou nei: kareka kotou, e akaputupu mai kotou i te wina, e te kai mou ra, e te inu olive, ka tuku ei ki roto i ta kotou au vairanga ra, ka noo 10 ua i ki roto i to kotou au oire i rauka ia kotou ra. Kia akarongo oki te au ngati Iuda katoa i Moabi, e i roto i te au tamariki a Amona, e i Edoma oki, e tei noo i te au enua katoa ra, e kua orongaia e te ariki o Babulonia tetai toenga no Iuda, e kua akariro aia ia

Gedalia, te tamaiti a Ahikama, te tamaiti a Saphana, ei kavana ki runga ia ratou; Kua oki anake maira te au ngati Iuda, mei te au ngai katoa maira i tuarua atu ei ratou ra, e kua aere maira ki te enua ra ki Iudea, kia Gedalia ki Mizepe ra, e kua akaputuputu iora i te wina e te au kai mou ra e manganui.

Kua aere katoa mairā Ioanana, te tamaiti a Karea, e te au kapena no te nuku i noo i te ngai atea ra, kia Gedalia, ki Mizepe ra, E kua karanga atura kiaia, Te kite meitaki ra ainei koe, e kua tono mai te ariki o te tamariki a Amona ra, ko Baalisa, ia Isemaela, te tamaiti a Netania, e ta ia koe kia mate? Kare akerā Gedalia, te tamaiti a Ahikama, i akarongo atu ia ratou. Kua karanga poiri aturā Ioanana, te tamaiti a Karea, kia Gedalia, i Mizepe, na ko atura, Teia taku tuatua kia koe, e toku ake ana koe iaku, ka aere au e ta ia Isemaela, te tamaiti a Netania ra, e kare rava e tangata e kite: eaa aia ka ta mai ei ia koe, e puerikiriki ke atura te au ngati Iuda katoa, te aronga i putuputu mai ia koe ra, e te toenga o Iuda kia pou? Kua tuatua mairā Gedalia, te tamaiti a Ahikama, kia Ioanana, te tamaiti a Karea ra, Auraka rava koe e pera: no te mea e tuatua pikikaa taau ia Isemaela.

PENE XLI.

Ko Gedalia e te au toa ki ona i te mate anga ia Isemaela; i akaorara ra te aronga i riro tuikaa iaia.

E TAE akera ki te itu o te marama, i aere mai ei Isemaela, te tamaiti a Netania, te tamaiti a Elisama, no te kopu ariki ra, e te aronga nunui ki o te ariki ra, tino ngauru puke tangata ma ia katoa ra, kia Gedalia, te tamaiti a Ahikama, ki Mizepe; e kua kai iora ratou katoa i te manga i Mizepe. Kua tu mairā Isemaela, te tamaiti a Netania ra, e nga tangata katoa tino ngauru tei iaia ra, kua ta iora ia Gedalia, te tamaiti a Ahikama, te tamaiti a Saphana, i te koke, e mate roa akera aia, tei akarioia e te ariki o Babulonia ei kavana ki runga i te enua ra. E te au ngati Iuda katoa ki ona ra, ki o Gedalia ra, i Mizepe, e te au Kaleda i kitea i reira ra, te aronga toa, ko tei taia katoa ia e Isemaela. E tae akera ki te po rua i taua tainga nana ia Gedalia ra, e kare e tangata i kite ra, Te aere maira tetai aronga tangata, mei Se-

kema mai, e mei Silo mai, e mei Samaria mai, e oko a puke tangata ra, ma te tanga varuia ra, e ma te kakau aeaia, e ma te tapatapaaia ratou uo-
6 Iehova. Kua aere iorā Isemaela, te tamaiti a Netania ra, mei Mizepe atu e akaaravei ia ratou, aere marie ua atura ma te aue: e kia aravei atura aia ia ratou, kua karanga atura aia kia ratou, Aere mai kia Gedalia, te
7 tamaiti a Ahikama ra. E tae atura ratou ki rotopu i taua oire ra, kua ta iorā Isemaela, te tamaiti a Netania ra, ia ratou, e kua uri ki roto i te vaarua, koia ma te au tangata katoa tei iaia
8 ra. Kitea iora nga tangata tino ngauru, no roto ia ratou, tei tuatua mai kia Isemaela, Auraka matou e taia: e apinga oki ta matou i roto i te au kainga ra, i te sitona, e te kerite, e te inu olive, e te meli. Kore akera aia e rave, kare i ta ia ratou i roto i
9 to ratou au taeake ra. Taua vaarua ra ta Isemaela i uri i te au kopapa mate tana i ta, no Gedalia ia, e mea angaia ia e te ariki e Asa, i te matakua i te ariki o Iseraela ko Baasa ra: ko tei akakiia ia e Isemaela, te tamaiti a Netania, ki te aronga i taia] ra.
10 Arataki tuikaaia atura te totoenga ravara i te tangata i Mizepe e Isemaela, te au tamaine a te ariki ra, e te au tangata katoa i toe i Mizepe ra, i tei tukuia atu e te kapena vaeau e Nebuzaradana kia Gedalia, te tamaiti a Ahikama, ei tiaki: ko Isemaela, te tamaiti a Netania, tei arataki tuikaa ia ratou, e riro atura aia kia aere atu ki o te au tamariki a Amona ra.
11 Akarongo akerā Ioanana, te tamaiti a Karea, e te au kapena katoa o te au nuku tei iaia ra, i te au kino katoa i raveia e Isemaela te tamaiti a Netania ra, Kua rave atura oki ratou i te au tangata katoa, aere atura e tamaki ia Isemaela, te tamaiti a Netania ra, e rokoa atura aia i te
13 vai maata i Gibeona ra. Kite akera taua au tangata katoa i Isemaela ra ia Ioanana, te tamaiti a Karea, e te au kapena katoa o te au nuku tei iaia, re-
14 kareka akera ratou. Kua ariu anake atura te au tangata katoa, ta Isemaela i arataki tuikaa mai mei Mizepe atu, oki atura kia Ioanana, te tamaiti a
15 Karea ra. Ora atura rā Isemaela, te tamaiti a Netania, i te rima o Ioanana, e nga tangata katoa oki toko varu, aere atura ki te au tamariki a Amona.
16 Kua rave akera oki a Ioanana, te ta-

maiti a Kareā, e te au kapena katoa o te au nuku ki ona, i te toenga ravarai o te tangata i rauka mai iaia ia Isemaela, te tamaiti a Netania, i Mizepe, i muri ake i te, tainga ia Gedalia, te tamaiti a Ahikama, i te aronga maroiroi no te tamaki ra, ma te au vaine, e te au tamariki, e te au eunuka, tana i akaoki mai mei Gibeona mai: Aere atura ratou e 17
noo atura ki te nooanga o Kimihama, i waitatao i Betelehema, i te arataa e aere ei ki Aiphiti, No te Kaleda: te 18
matakū ra oki ratou ia ratou, no te men, kua tā Isemaela, te tamaiti a Netania, ia Gedalia, te tamaiti a Ahikama, tei akariroia e te ariki o Babulonia ei kavana no te enua ra.

PENE XLII.

Ko Ioanana ma i te tuatua anga ia Ieremia e ui i te Atua ia ratou; e ui pipikaa ua ra ta ratou.

KUA akavaitata maira oki te au kapena katoa o te au nuku ra, e ko Ioanana, te tamaiti a Kareā, e ko Iezania, te tamaiti a Hosaia, e te tangata katoa, mei tei iti e tae ua atu ki tei maata, E kua karanga atu ki te peroveta ra kia Ieremia. Teia ta matou tuatua kia koe, kia kiteia mai e koe ta matou pati anga, e pure oki koe ki to Atua ra kia Iehova, ia matou nei, e i te toenga katoa nei; (kua iti oki matou, e toe nei, rai ua i matou, te kite ua nei oki o mata; e) Kia akakite mai to Atua 3
ra ko Iehova i te arataa kia aere matou, e te mea e tau ia matou kia rave ra. Kua karanga atura te peroveta ra ko Ieremia kia ratou, kua akarongo oki au; i na, naku e pure ki to kotou Atua ra kia Iehova, i ta kotou i tuatua maira; e ko ta Iehova e tuatua mai kinku ra, ko taku ia e akakite atu kia kotou, o kare rava ia mea e vaoia e 4
au. Kua karanga atura ratou kia Ieremia, Ei kite tikai a Iehova e te pikikaa kore i rotopu ia tatou nei, e ko ta to Atua ra ta Iehova e tono mai ia koe e akakite kia matou nei, kia kore ra matou e pera. I te meitaki e te kino katoa, e akarongo rai matou i te reo o to matou Atua ra ia Iehova, ta matou e tono atu ia koe nei; 5
kia meitaki oki matou, kia akarongo i te reo o to matou Atua ra ko Iehova.

E reo akera nga po okotai ngauru ra, kua tae maira te tuatua a Iehova kia Ieremia ra. Kua kapiki atura aia ia Ioanana, te tamaiti a Kareā ra, e te au kapena katoa o te au nuku ki

ona ra, e te au tangata katoa oki, mei 9
te iiti e tae ua atu ki tei maata, E kua karanga atura kia ratou, Te na ko maira te Atua o Iseraēla ra, ko Iehova, i ta kotou i tono iaku nei ei akakite i ta kotou pati anga ki mua i tona aroaro; 10
I tika ia kotou i te noo ki teianei enua, e patuia kotou e au ki runga, e kare e tuku ki raro; e tanumia kotou e au, e kare e kiriti: kua tataraara oki au i te 11
kino taku i raveo ia kotou nei. Auraka e matakū i te ariki o Babulonia, ta kotou e matakū ra; auraka aia e matakūia atu, te tuatua mairā Iehova: ei waitata oki au ia kotou, ei akaora, e 12
kia ora kotou i tona rima. E akakite atu oki au i te aroa ia kotou, kia aroa mai aia ia kotou, e ka akaoki aia ia kotou i to kotou uorai enua. Kia kara- 13
nga ra kotou e, Kare matou e noo i teianei enua, e kare e akarongo i te reo o to kotou Atua ra, o Iehova, Kia na ko ra, Eiaa; e aere rai matou ki te enua ra ki Aiphiti, kia kore matou e kite i te tamaki, kia kore oki kia akarongo i te tangi o te pu ra, kia kore oki e mate i te pongi; ei reira matou 15
e noo ei: E teianei ka akarongo mai, e te toenga o Iuda e, i te tuatua a Iehova, Te na ko mairā Iehova Sabaota ra, te Atua o Iseraēla; Kia māro rai kotou e anga rai to kotou mata e aere ki Aiphiti, e aere rai ki reira noo ci; 16
E riro ia kotou i te rokoia atu e taua koke ra ta kotou e matakū ra, i te enua ra i Aiphiti; e taua onge ra, ta kotou e matakū ra, te ka aru aere i waitatao ia kotou ki reira ki Aiphiti; 17
e ei reira kotou e mate ei. E riro oki te tangata katoa, ko tei ariu i to ratou mata e aere ki Aiphiti noo ei, i te mate i te koke, e te onge, e te maki-mate: kare rava tetai e toe, e kare rava e ora i te kino taku e 18
apai ki runga ia ratou. Te na ko maira oki a Iehova Sabaota ra, te Atua o Iseraēla; Mei toku riri, e toku riri ototoo i riringia ki runga i tei noo i Ierusalem; e riringi katoaia toku riri ototoo ki runga ia kotou kia tae kotou ki Aiphiti: e riro oki kotou ei kataaraanga, e ei yavara- 19
ranga, e ei taoanga, e ei akakino-anga; e kare rava kotou e kite akaou i teianei ngai. I te tuatua a Iehova ia kotou, e te toenga o Iuda; Auraka kotou e aere ki Aiphiti: ia kite pu tikai kotou, kua akakite ua atu oki au 20
kia kotou i teianei rā. Kua pikikaa ra kotou i to kotou uorai vaerua; na kotou oki i tono iaku ki to kotou Atua ra kia Iehova, e kua na ko mai, E

nae koe ki to matou Atua ra kia Iehova ia matou; e te au mea katoa ta to matou Atua ra ta Iehova i tuatua maira, ko taau ia e akakite mai kia matou, e ko ta matou ia e rave. E 21
 Eua akakite atu au kia kotou i teianei ra; kare ra kotou e akarongo i te reo o to kotou Atua ra, o Iehova, e te au mea katoa oki tana i tono iaku kia kotou. E teianei, kia kite pu tikai kotou 22
 e, e mate kotou i te koke, e te onge, e te ma'i-mate, i tenana ngai ta kotou e tangaro na e aere kia noo.

PENE XLIII.

Ioanana i te akarongo kore anga i te tuatua a Ieremia ra.

Te OPE akera ta Ieremia tuatua 1
 i anga i te tangata katoa ra, i te au tuatua katoa a to ratou Atua, a Iehova, i te hokio mai ei aia e to ratou Atua ra o Iehova, i teia katoa nei au tuatua; Eua tuatua mairā Azaria, te tamaiti a Ieremia, e ko Ioanana, te tamaiti a Kareia, e te au tangata ngakau parau katoa ra, i te na ko anga kia Ieremia ra. E pikikaa taau i tuatua mai: kare to matou Atua ra, ko Iehova, i tono mai ia koe kia tuatua mai c, Auraka kotou e aere ki Aiphiti ka noo ei i reira: Ko Baruka ra, te tamaiti a Neria ra, te akakoko ia ia koe ia matou nei, kia tukuia matou ki te rima o te Ahideia, kia mate matou ia ratou, e ka apai tuikaa ia matou ki Babulonia. Kare akērā Ioanana, te tamaiti a Kareia ra, e te au kapena katoa o te au nuku ra, e te tangata katoa ra, i akarongo i te reo o Iehova, kia noo ua i te enua ra o Iuda. Kua rave 5
 akērā Ioanana, te tamaiti a Kareia ra, e te au kapena katoa o te au nuku ra, i te toenga ravarai o Iuda, ko tei oki mai mei te au enua katoa i tuarua atu ei ratou ra, kia noo ki te enua ra i Iuda; I te au tane, e te au vaine, e te au tamariki, e te au tamaine a te ariki ra, e te au tangata katoa i vaaoia e te kapena o te au vaeau ra e Nebusardana, ia Gedalia, te tamaiti a Ahikama, te tamaiti a Saphana, e te peroveta ra ko Ieremia, e ko Baruka, te tamaiti a Neria ra. Tono iora ratou i te enua ra ia Aiphiti: kare oki ratou i akarongo i te reo o Iehova: e tae atura ratou ki Tahapene.

Kua tae maira te tuatua a Iehova 8
 kia Ieremia i Tahapene, na ko maira, Ka rave koe i etai toka maata i to rima na, ka uuna'i ki roto i te karakaraca ra, i te umu karakaraca, i te tomoanga

i te are o Pharao, i Tahapene, ki mua i te aroaro o te au tangata o Iuda ra, 10
 Ka karanga atu ei koe kia ratou, Te na ko mairā Iehova Sabaota ra, te Atua o Iseraia; I na, e tono au e arataki mai i toku tavini i te ariki o Babulonia ra ia Nebukanesa, e akamou au i tona terono ki runga i eiane'i puke toka i unuaia e au nei; e nana e totoa i te āriki terono na rungao 11
 ra. E kia aere mai aia, ka ta aia i te enua nei i Aiphiti; i to te mate ra, ei te mate ia; e to te tuikaa ra, ei te tuikaa ia; e to te koke ra, ei te koko ia. 12
 E tutungi oki au i te ai ki roto i te are o te au atua o Aiphiti; e nana ratou e ta'u ki te ai, e ka apai tuikaa aia ia ratou: e kakau oki aia i taua enua ra ia Aiphiti, mei te tiaki mamoe e kakau i tona ra kakau; ka aere atu ei aia 13
 mei reira atu ma te au. E nana e va'ā i te au tiki i roto i te are rā ra, i te enua ra i Aiphiti; e te au are o te au atua i Aiphiti ra, nana ia e ta'u ki te ai.

PENE XLIV.

Te akakite nei a Ieremia i te au ara a te ngati Iuda, e te mate o ratou tei rave māro i te ara i Aiphiti: to Aiphiti pou.

TE tuatua i tae mai kia Ieremia, 1
 no te au ngati Iuda katoa i noo i te enua ra i Aiphiti, tei noo i Migadola, e i Tahapene, e i Nopha, e i te enua ra i Patero, na ko maira, 2
 Te na ko mairā Iehova Sabaota ra, te Atua o Iseraia; kua akara kotou i te au kino katoa taku i apai mai ki runga ia Ierusalem, e te au oire katoa i Iuda ra; i na oki ratou, kua riro ei tanea i teianei rā, e kare rava e tangata 3
 i noo i reira, No ta ratou ara i raveia, ei akakoko mai iaku kia riri ra, i te aere anga atu e tutungi i te rakau kakara ei akamori anga i te au atua ke, kare i kitea e ratou ra; ko ratou, ko kotou, e to kotou au metua ra. 4
 Kua tono katoa atu oki au i toku au tavini katoa ia kotou ra, i te au peroveta ra, i te tu popongi anga ra, e te tono anga atu, i te na ko anga atu, Auraka ana kotou e rave i teianei mea viivii maata, taku i makitakita ra. 5
 Kare ra ratou i akarongo mai, kare i anga mai i to ratou taringa, kia oki mai i to ratou kino ra, e auraka e tutungi i te rakau kakara i te au atua ke 6
 ra. I riringia atu ei te riri ootoo noku e te riri noku ra, e kua ka te au oire i Iuda ra, e te au arataa i Ierusalem; e kua pou roa ratou, e kua tanea,

mei tei teianei rai rā. E teianei, te na ko maira te Atua Sabaota ra, ko Iehova, te Atua no Iseraela, Eaa kotou i rave ei i teianei kino maata i to kotou au vaerua, i te kokoti ke anga atu i te tane ma te vaine, i te tamaiti mea ngiti e te kai u, i roto ia Iuda nei, e kare tetai e akatoeia: Ta kotou i akakoko mai iaku kia riri i te angaanga a to kotou rima, i te tutungi anga i te rakau kakara no te au atua ke i te enua ra i Aiphiti, ta kotou i aere e noo ra; kia akataka keia kotou, e kia riro kotou ei taoanga, e ki akakinoanga, i roto pu i te au enua katoa o te ao nei? Kua ngaro ainei ia kotou te kino o to kotou au metua ra, e te kino o te au ariki o Iuda, e te kino o ta ratou au vaine ra, e to kotou uaorai kino, e te kino o ta kotou au vaine, i raveia e ratou i te enua ra i Iuda, e i roto i te au arataa i Ierusalemā ra? Kare rai ratou i akaaka e tac roa akenei ki teianei rā, kare oki ratou i mataku, kare oki i aere i taku nei ture, e taku nei au akonoanga, taku i tuku atu ki mua ia kotou, e ki mua katoa i to kotou au metua ra. E teianei, te na ko mairū Iehova Sabaota ra, te Atua no Iseraela; I na, ka anga atu au i toku mata ia kotou kia kino, e kia tipu ke atu ia Iuda katoa ra. E rave oki au i te toenga o Iuda, i tei anga i to ratou mata e aere ki te enua ra ki Aiphiti, e noo i reira, e pou ratou ravarai i te enua ra i Aiphiti; e inga ratou i te koke, e pou oki ratou i te onge, mei tei iti e tae ua atu ki tei maata; e mate ratou i te koke e to onge: e riro oki ratou ei kataraanga, e ei vavaranga, e ei taoanga, e ei akakinoanga. E naku e tutaki i tei noo i te enua i Aiphiti, mei taku i tutaki ia Ierusalemā, i te koke, e te onge, e te maki-mate ra: Kare rava oki to roto i te toenga o Iuda ra e ora, kare e toe, i tei aere mai e noo ki ku nei ki te enua nei i Aiphiti, ka oki ei ki te enua ra i Iuda, ta to ratou ngakau i manako e, e oki ki reira noo ei: kare rava oki tetai e oki, mari ra te aronga e oro. Kua tuatua anake maira te au tane, i tei kite e kua tutungi ta ratou au vaine i te rakau kakara i te au atua ke ra, e te au vaine katoa oki i tu mai ki vaitata iora, e urupu maata, te au tangata katoa oki i noo ki te enua ra i Aiphiti, i Patero ra, kia Ieremia, na ko maira, Ko te tuatua taau i tuatua mai kia matou i te ingoa o Iehova ra, kare matou e akarongo atu ia koe ra. Ka rave tika rai matou i tei riro atu

no roto i to matou vaa, i te tutungi anga i te rakau kakara ki te ariki vaine o te rangi ra, e te riringi anga i te neseka nana, mei ta matou rai oki i rave, matou e to matou au metua, to matou au ariki, e to matou ui ariki ra, i te au oire o Iuda e te au arataa i Ierusalemā ra: ka maata i ta mea kai e te meitaki oki, e kare i kite i te kino. Mei to matou akaruke au, i tana tutungi anga rakau kakara ma te ariki vaine o te rangi ra, e te riringi anga i te neseka nana ra, e ngere au a to matou i te au mea katoa nei, e kua pou matou i te koke, e te onge. Eia matou oki i tutungi i te rakau kakara no te ariki vaine o te rangi ra, e i riringi oki i te neseka nana, ko matou anake ra ainei tei rave i te areto nana, e kare ta matou au tane katoa, i te akamori anga iaia, e te riringi anga i te neseka nana? Kua karanga aturū Ieremia ki te tangata katoa i reira ra, ki te au tane, e te au vaine, te au tangata katoa oki i tuatua mai kiaia ra, na ko atura, I te rakau kakara ta kotou i tutungi i te au oire i Iuda ra, e i te au arataa i Ierusalemā ra, kotou, e to kotou au metua, e to kotou au ariki, e to kotou ui ariki ra, e te au tangata no te enua ra, kare ainei a Iehova i akamaara i te reira? e kare ainei i tupu i tona ngakau? Kare akera ra i tika ia Iehova kia akakoromaki i te kino o ta kotou au ravenga, te au mea viivii ta kotou i rave ra; i riro ei to kotou enua i te tanea, e ei vavaranga, e ei taoanga, e kare i nooia, mei tei teianei rā. No te mea kua tutungi kotou i te rakau kakara, e no te mea kua ara kotou ia Iehova, e kare i akarongo i te reo o Iehova, e kare i aere i tana ra ture, e tana ra akonoanga, o tana ra au tuatua-akakite, i rokoia mai ei kotou i teianei kino, mei tei teianei rā. Kua karanga atu rai a Ieremia ki te au tangata katoa, e te au vaine katoa, E akarongo mai kotou i te tuatua a Iehova, e to Iuda katoa, i te enua ra i Aiphiti ra: Te na ko mairū Iehova Sabaota ra, te Atua o Iseraela, tuatua maira; ko kotou, e ta kotou au vaine katoa, na to kotou rai vaa i tuatua ra, e na to kotou rima i rave ra, ka na ko mai ei ra e, Ka rave tikai matou i ta matou i tia ra, tei tiaia o matou ra, e tutungi i te rakau kakara no te ariki vaine o te rangi ra, e i riringi i ta matou neseka nana; e riro tikai kotou i te rave i ta kotou i tia ra, e

akatu pu ia i ta kotou i tia ra. E teia- 26
nei, e akarongo mai kotou i te tuatua a
Iehova, e to luda katoa e noo i te enua
ra i Aiphiti; I na, kua taputou au i
toku nei ingoa maata, te tuatua mairā
Iehova, kare rava toku nei ingoa e
tuatua akaouia e te vaa o tetai tangata
no luda, i te na ko anga e, Te ora ra
te Atu ra ko Iehova, e pini ua ake te
enua katoa nei i Aiphiti. I na, e ta- 27
papa au ia ratou kia kino, auraka kia
meitaki: e pou oki te tangata katoa
no luda i noo i Aiphiti ra, i te koke,
e te onge, e ope roa akera ratou. E 28
te aronga i ora i te koke ra, ko te ka
oki atu mei te enua atu i Aiphiti nei,
ki te enua ra ki Iuda, e aronga iti ia
kia tatau ra, e kite oki te totoenga
tangata katoa o Iuda, tei aere mai ki
te enua nei ki Aiphiti, e noo i reira,
i te tuatua te ka tupu ra, ko taku ra,
e ko ta ratou. E ko teia ta kotou 29
akairo, te tuatua mairā Iehova, e ka
tutaki au ia kotou i teianei ngai, kia
kite oki kotou e, e tupu tikai taku
tuatua ia kotou nei, kia kino ra: Te 30
na ko mairā Iehova, I na, e tuku au i
te ariki o Aiphiti ra ia Pharao-ho-
phara, ki roto i te rima o tone ra au
enemi, e ki roto i te rima o te aronga
e kimi mai iaia kia mate ra; mei iaku
oki i tuku i te ariki o Iuda ia Zede-
kia, ki roto i te rima o te ariki o Ba-
bulonia ia Nebukanesa, i tona ra en-
mi, i tei kimi iaia kia mate ra.

PENE XLV.

*Te matakū rā Baruka, kua akapu-
maana rā Ieremia iaia.*

TE tuatua ta te peroveta ra ta Ieremia i karanga atu kia Baruka, te tamaiti a Neria, kia oti ake teianei tuatua i te tataia e ia ki roto i tetai buka i te vaa o Ieremia, i te a o te mataiti o Iehoiakima, te tamaiti a Iosia, ariki no Iuda, na ko maira, Te na ko maira te Atua o Iseracla ko Iehova ia koe, e Baruka; I tuatua ana oki koe c, E ae oki au nei e! kua kapiti katoa mai a Iehova i te mii ki toku mamae nei; kua roiroi au i toku ngengeti ua anga, e kare oku e akaenanga i kitea. E na ko atu koe kiaia, Te na ko mairā Iehova; I na, ko taku i patu ra, ko taku ia e vava'i ki raro, e ko taku i tanu ra, ko taku ia e kiriti, koia te enua katoa nei. Te kimi ra ainei koe i te meitaki maata noou uaorai? Auraka e kimiia: i na oki, te apai mai nei au i te kino ki runga i te tangata katoa ra, te tuatua mairā Iehova: e

oronga atura au i te ora noou ei api-
nga, i te au ngai katoa taau e aere na.

PENE XLVI.

*Te akakite nei a Ieremia i te pou o
te nuku o Pharao i Eupharate: te
pou o Aiphiti ia Nebukanesa: kua
akapumaanaia Iakoba.*

- 1 **T**E tuatua a Iehova i tae mai kia Ieremia, no te pa enua ra;
- 2 No Aiphiti ra, no te nuku a te ariki o Aiphiti ra ko Pharao-neko, i te pae vai ra i Eupharate i Karekemira ra, tei taia e te ariki o Babulonia e Nebukanesa, i te mataiti a o Iehoiakima, te tamaiti a Iosia, ariki no luda ra.
- 3 Ka akonokono ana i te megani e to
- 4 paruru, ka akavaitata ki te tamaki. Ka ri anai te au ipo; e kake kotou, e te aronga akaoro ipo ra, ka tu ua atu ei ma to kotou au pare; ka akainuini ei i te au korure, ka kakau na i te kakau tamaki.
- 5 Eaa te mea i te akara anga atu au kua matakū ratou? kua oki ki muri, e te aronga ririnui, kua taia ia ki raro, kua ati viviki ra, kare i akara ki muri: kua akapiniia e te matakū, te tuatua
- 6 mairā Iehova. Auraka tei viviki ra e oro ke, auraka tei ririnui e ora; tei te pae i apatokerau ra; i te nia o te vai ra ko Eupharate, kua turori ratou, e
- 7 kua inga. Koai teia e akakiki mai mei te vai, tei oro viviki ua mai tona
- 8 vai mei te vai puke ra? Ko Aiphiti tei akakiki mei te vai; e tei oro viviki ua mai tona vai mei te vai puke ra; kua na ko aia, E kake atu au, kia ninaia te enua iaku, e akapou au i te
- 9 oire, e tei noo katoa i reira. Ka kake ana i te au ipo; kia akataae kotou, e te au kariota; e tuku mai i te aronga ririnui, ko Kusa, e ko Phuta, i tei rave i te paruru ra; e te ngati Luda,
- 10 ko tei karape i te akainana ana ra. Ko te rā ra teia no te Atu no Iehova Sabaota, e rā akaoko anga ra, kia akaoko atu aia i tona ra au enemi: ka kai oki te koke, ka iu, e ka kona i to ratou toto: e tusia oki ta te Atu ra, ta Iehova Sabaota ra, i te enua i te pac i apatokerau, i te pae vai i Eupharate ra. Ka aere ki runga ki Gileada, ka rave ci i te vairakau, e te tamaine paretenia a Aiphiti ra: e mea puapinga kore taau rave anga i te vairakau e manganui; kare ouu e ora.
- 12 Kua kite te pa enua i toou akama anga, e kua ki te enua i toou reo aue: kua turori oki te toa i te toa, kua inga kapipiti raua.

Te tuatua ta Iehova i tuatua mai 13
ki te peroveta ra kia Ieremia, no te
aerenga mai o te ariki o Babulonia ra ko
Nebukanesa, e ta i te enua ra i Aiphiti.

E akakite kotou i Aiphiti, e akakite 14
pu i Migadola, e akakite pu i Nopha,
e Tahapene, e karanga atu kotou, Takai
ketaketa na, ka akateatamamao ia
koe uorai; kua akapou oki te koke e
pini ua ake koe nei. Eaa te mea e 15

turakiia'i to au tangata ririnui ra?
kare akera ratou i mou, no te mea na
Iehova ratou i opara ki raro. E ma- 16
nganui tana i akaturori, e kua inga rai
tetai ki runga i tetai: i tuatua'i ratou
e, Ka tu, aere mai ka aere ki to tatou
ra au tangata, e ki to tatou enua i
anau ei ra, i te koke akapou nei. Kua 17

kapiki atura ratou i reira, Ko te ariki
o Aiphiti ra ko Pharao, kua pou; kua
topa tona tuatua i akonoia ra. Te ora 18
nei au, te tuatua maira te Ariki, nona
te ingoa ko Iehova Sabaota ra, Koia
ia, mei ia Tabora i rotou i te au
maunga ra, e mei ia Karamela i taatai,
e aere mai aia. Ka akateatamamao 19

ana i taau au apinga no te tuikaanga,
e te tamaine i noo i Aiphiti ra: e riro
oki Nopha i te tanea, e pou, e kare
rava e nooia. Kua tu a bovi ua ou 20
manea ua atu Aiphiti, te aere maira
ra te mate, mei te pae i apatokerau
mai, i te aere anga mai. E tau tona 21

ra au tangata ouia i roto iaia ra i te
bovi akamatuia ra; kua ariu ke ra oki
te reira katoa ra, kua ati katoatoa ra,
kare rava i mou mai; no te mea kua
tae ki to ratou rā e mate ei ra; e te
tuatau e tutakiia'i ratou ra. E riro te 22

tangi o tona reo mei to te ovi; ka aere
oki ratou ma te nuku tamaki, e ma te
au tapae ka aere atu ei ratou iaia, mei
te aronga pari rakau ra. Ka tipu ra- 23
tou i te vaorakau nana, te tuatua mairā
Iehova, kore ua ra e ope kia kimi; e
maata oki ratou i to te akeride, te kore
e ope kia tatua ra. Kua taakamaia te 24

tamaine o Aiphiti; kua orongaia atu ki
te rima o te tangata i te pae i apatoke-
rau ra. Kua tuatua mairā Iehova Sa- 25
baota ra, te Atua o Iseraela; i na, e
tutaki au ia Amona i No ra, e ia Pha-
rao, e ia Aiphiti, e tona katon ra au
atua, e to ratou au ariki; koia oki a
Pharao, e te aronga katoa e irinaki
iaia: E tuku atu au ia ratou ki te 26

rima o te aronga i kimi mai ia ratou
kia mate; ki te rima o te ariki o Ba-
bulonia o Nebukanesa, e te rima o
tona au tavini; e tangataia ra te reira
a muri ake, mei tei te au rā taito ra,
te tuatua mairā Iehova.

27 Auraka ra koe e matakū, e taku ta-
vini e Iakoba e, auraka katoa koe e tai-
taia, e Iseraela e: e i na, e akaora au
ia koe mei te ngai mamao mai, e toou
ra uanga mei te enua mai i tuikaan'i
ratou; e oki mai oki Iakoba, ka
akaea marie ei, e e noo matakū kore ua,
28 kare oki tetai e akamatakū mai. Au-
raka koe e matakū, e taku tavini e
Iakoba, te tuatua mairā Iehova: ei
vaitata katoa uorai au ia koe; rave
akaope uorai au i te pa enua katoa i
taku i tuaru atu ia koe ra, kare ra au
e rave akaope ia koe, e ako ra au ia
koe ma te tuatua-tau, kare oki au e
tuku ua ia koe ma te ako kore.

PENE XLVII.

Te pou ron anga o to Philiseti ra.

1 **T**E tuatua a Iehova i tae mai ki te
peroveta ra, kia Ieremia, i te Phil-
seti, kare Gaza i taia e Pharao ra.

2 Te na ko mairā Iehova: i na, e vai
te puke maira mei te pae i apatokerau
ra, e riro ei vai puke maata, e niniaia
te enua, e te au mea katoa i rungao ra;
i te oire, e te aronga katoa e noo i
reira; ei reira e aue ei te au tangata, e
te aronga katoa e noo i te enua nei, e
3 pukaoa ia, i te pakuku o te takatakai
anga vaevae o tana au *ipo* ririnui ra, i
te aruru o te au kariota ra, te kutu-
kututu o te porotata ra, kare te au
metua e akara mai ki muri ki te ta-
mariki ra, no te paruparu o *to ratou*

4 rima; No te rā e tae mai nei e pou
roa'i to te Philiseti, kia tipu keia te au
tauturu i toe i Turia e Sidona: e pou
oki te Philiseti ia Iehova, te toenga
5 o te enua o Kaphatori. Kua rokoia
Gaza e te katu pakiko; kua tipu keia
Asekalona, e te toenga o to ratou o
ra: aea koe e akapaki ei i te tapatapai
6 ia koe uorai? E te koke a Iehova e,
aea ra koe e noo marie ei? ka oki ki
roto i to vai, ka akaea na, ka noo.

7 Eaa e tika'i kia noo marie, i tei poroa-
kiia e Iehova ra, ia Asekalona, e i te
pae taatai ra? kua akonoia ia e ia i
reira.

PENE XLVIII.

*Te akautunga anga ia Moabi no to
ratou kino ra; e akaoraia ra i te au
rā openya.*

1 **N**O Moabi.

Te na ko mairā Iehova Sabaota ra,
te Atua o Iseraela; E ae oki Nebo e!
kua pou: kua tumatetenga Kiriataima,

kua rauka: kua tumatetenga Misigaba, e kua matakū oki. Kare Moabi e akameitaki akaouia i Hesebona; kua akakoro oki ratou i te kīno nona: *kua na ko e*, Taki aere tatou e kokoti ke atu tatou iaia, auraka e karangia atu e tangata. E ko koe katoa e Mademena: e akamutekīia ia, e arua koe e te kōke ra. E reo aue mei Horonaima mai, i te pou e te mate maata. Kua pou Moabi; te kitea ra te aue o te tamariki nana. Koia ia, i te kakenga i Luita, e kake ei ma te aue ua atu rai; i te ekenga i Horonaima, kua rongo te enemi i te aue pou. Ka ati kotou, kia ora kotou, kia riro ua atu kotou mei te taaka ua i te medebara ra. No te mea te irinaki ra koe ki taau angaanga e to apinga, e rauka katoa koe: e riro Kemosa ei tuikaa, te kau taunga nana, e te ui ariki katoa ki ona ra. E tae mai te ūru ki te au oire katoa ra, kare tetai oire e ora: e pou katea te o, e pou te ngai mataata, ta Iehova rai oki i tuatua maira. O atu te peau kia Moabi, kia rere ke atu aia ra: kia tanea atu tona au oire, auraka rava ei tangata to roto ra. Kia kataraiā tei rave i te angaanga a Iehova ma te maromaroā, kia kataraiā tei tāpu i tana koke i te toto. I nianiaau ua ana Moabi mei tona ou anga mairai, kua noo ua aia ki runga i tana ota, kare oki aia i pukao keia, ki tera ūriki, ki tera ūriki, kare oki aia i riro ei tuikaa: i mou ei tona tu ki roto iaia, kare tona kakara i akatu keia. E teianei, i na, e tae mai te au rā, te tuatua mairā Iehova, e tono atu ei au i te aronga akata'e, e akata'e ke atu ratou iaia, e kia pou rava tana au ūriki, e kia ngaangaa tana au ue. E akama oki Moabi ia Kemosa, mei te ngutuare o Iseraela i akama i to ratou irinakianga ia Betela. Eaa oki kotou i tuatua'i e, Te maroiroi 14 nei matou, e tangata ririnui i te tamaki? Kua ūruia Moabi, e kua peke 15 tona au oire ki runga, e te au tangata ou iklia nona ra, kua riro ki raro ki te tainga, te tuatua maira te Ariki, ko Iehova Sabaota ra tona ingoa. Te vaiata ra te tumatetenga o Moabi i te tae mai, e te viviki maira tona mate. Ka aue iaia, e te aronga katoa e akapini mai iaia nei; e ko kotou katoa oki i te kite i tona ingoa, ka tuatua, Aue te rakau maroiroi i atiati e! te rakau manea e! Ka eke mai na ki raro i toou na parau, ka noo ki runga i te one marō, e tera ra tamaine i noo i Dibona; te kake atura te ūru ia Moabi e rave ia koe, e nana e vava'i i to akapu-

19 anga ketaketa ra. Tu ua ki te pae arataa, ka akara'i, e tei noo i Aroera; e i tei ati ra ka ui atu, e te vaine i ora maira, ka na ko atu ei, Kua aiaa? 20 Kua tumatetenga Moabi, no te mea kua ngaangaa aia ki raro: ka kakao kotou, ka aue; e akakite kotou ki 21 Aranona e, kua pou rava Moabi. Kua riro mai te tuatua-tau ki runga i te enua mataataa ra, ki runga ia Holona, e ki runga ia Iahaza, e ki runga ia Me-phata, E ki runga ia Dibona, e ki runga ia Nebo, e ki runga ia Bete-dibela- 23 taima, E ki runga ia Kiriataima, e ki runga ia Bete-gamula, e ki runga ia 24 Bete-meona, E ki runga ia Keriotā, e ki runga ia Bozara, e ki runga i te au oire katoa i te enua ra i Moabi, tei te 25 mamao ke, e tei vaiata mai. Kua kokoti keia te tara o Moabi, e kua aatiia tona rima, te tuatua mairā Ie- 26 hova. Akakona ua atu kotou iaia: no te mea kua akamaata aia iaia uaorai ia Iehova; kia takaviri ua Moabi i tona ruaki anga, kia riro katoa oki aia ei 27 avirianga. Kare ainei Iseraela i riro ei avirianga naau? rokoia atu ainei aia tei roto i te au keia? mei te tuatai i tuatua'i koe iaia, kua takirikiri koe i to 28 mimiti. Ka akaruke i te au oire, ei roto i te mato noo ei, e te au tangata no Moabi, e kia riro mei te kukupa, tei anga i tona koanga i te nia o te vaarua ra. 29 Kua akarongo matou i te nengone-ngo o Moabi, nengonengo maaga ua atu tona; tona akamaata, e tona akateitei, tona akaparau, e te teitei o tona 30 ngakau. Kua kite au i tona riri, te tuatua mairā Iehova; kare ra e pera, kare rai e pera i te tupu tana pikikaa. 31 E teianei e kakaon au ia Moabi, e aue au ia Moabi katoatoa ra; e mii au i te 32 au tangata i Kira-harasetā. E aue au ia koe i te aue ia Iazera, e te vine i Sibema: kua toro to au rara ki te pae tai ra; kua tae rava te reira ki te tai i Iazera; kua rokoia taau mou e te vine 33 akaū i te noni. Kua apai keia te rekareka e te perepere kavana i te kainga uua, i te enua oki o Moabi; e te wina no te taomi anga ra, kua akakoreia e au ra: kare tetai e takatakai ma te maeva; e te maeva kare atura 34 te maeva. Kua akateitei i to ratou reo, mei te aue anga mai o Hesebona, e tae ua atu ki Eleale, e ki Iahaza; mei Zoara e tae ua atu ki Horonaima, mei te bovi ua mataiti toru ra: e te 35 au vai i Nimirima, kua pou ia. E akakore oki au i Moabi, te tuatua mairā Iehova, i tei apai tusia ki runga

i te ngai teitei ra, e tei tutungi i te
 rakau kakara no tona ra au atua. E 36
 teianei e tangi toku ngakau ia Moabi
 mei te vivo ra, e tangi a vivo ua toku
 ngakau i te au tangata o Kira-haraseta:
 no te mea, ko te apinga i rauka iaia ra,
 kua pou ia. Kare e upoko toe i te 37
 mangoreia, kare e kumikumi too i te
 varuia: tei runga i te au rima katoa te
 tapatupai, e tei runga i te au taukupu
 te kakau paoa. Tei runga i te au ta- 38
 poki are o Moabi, e i roto i te au arataa
 katoa ra, ko te aue anake ra ia: kua
 akangaangaa au ia Moabi, mei te kapu
 kare i inangaroia, te tuatua mairā Ie-
 hova. Aue te ngaangaa nona ki raro 39
 e! ta ratou ia e pukaoa maira; aue te
 iki a Moabi i te tua ma te akama e!
 e riro oki Moabi ei aviranga, e ei ma-
 takuanga, na te tangata katoa e pini ua
 ake iaia ra. Te na ko maira oki a Ie- 40
 hova; i na, e rere aia mei te acto ra,
 ka totoa i tona peau ki runga ia Moabi.
 Kua pou te au oire, kua poitirere te au 41
 punanga, e riro oki te aronga rinui i
 te reira rā i Moabi, mei te ngakau o te
 vaine kia rokoia e te anau ra. E pou 42
 oki Moabi, kare atura ia e tangata, no
 te mea kua akateitei aia iaia uorai ia
 Ichova ra. Te matakau, e te vaarua, e 43
 te ereere, tei runga ia ia koe, e tei noo
 i Moabi e! te tuatua mairā Ichova. Ko 44
 te oro i te matakau ra, e topa ia ki roto
 i te vaarua; e ko tei kake mai i roto i
 te vaarua ra, e mou ia i te ereere: e
 akatae atu au ki runga iaia, koia oki
 Moabi, te mataiti e tutakiia i ratou, te
 tuatua mairā Ichova. Tu ua maira te 45
 aronga i oro ki raro ake i te maru o
 Hesebona no te maroiroi; puroro ua
 maira te ai mei roto mai i Hesebona,
 e te mura ai mei roto mai i Sihona, e
 ka pou te pae o Moabi, e te ngai teitei
 o te au tamariki vaavaa nunui. E ae 46
 oki koe, e Moabi e! kua mate te au
 tangata o Kemosa: kua apai tuikaana e
 ratou taau au tamaroa, kua riro katoa
 oki to au tamaine ei tuikaa. E ruri ke 47
 ra au i te tuikaanga o Moabi, kia tae
 ki te au rā openga ra, te tuatua mairā
 Ichova. Oti ra ua te tuatua-tau ia
 Moabi.

PENE XLIX.

*Ta Amona, Edoma, Damaseko, Ke-
 dara, Hazora, e Elama, utunga.*

NO te au tamariki a Amona. 1

Te na ko mairā Ichova; Kare ainei
 a Iseraela e tamariki? kare ainei ona
 e tangata kainga? Eaa iora oki a

Milekoma i noo ci i te enna ra o Gada?
 e tona ra au tangata i noo ci i tona au
 2 oire? E teianei, i na, te tae maira te
 au rā, te tuatua mairā Ichova, e
 kitea i iaku i Raba, ki o te au tamariki
 a Amona, te aoa tamaki; e riro oki
 aia ei ututua tanea; e ka tana au ta-
 maine i te ai; e riro oki Iseraela ei
 tangata kainga no ratou, tei riro ei
 tangata kainga nona ra, te tuatua
 3 mairā Ichova. Ka kakaoa, e Hese-
 bona e, kua pou oki Ai: ka aue
 kotou, e te au tamaine i Raba, ka
 kakau kotou i te kakau paoa, ka aue
 ei, ka oro aere ua i na roto i te au
 koro; e riro oki a Milekoma ei tuikaa,
 e te kau taunga nana, e te ui ariki
 4 katoa ki ona ra. Eaa oki koe i aka-
 tietie ei i te o ra? toou o t'e a vai ua
 ra, e tera ra tamaine akatitima, e iri-
 naki i tana ra apinga, e ko te karanga
 5 e, Koai te ka tae mai kiaku nei? I na,
 e apai mai au i te matakau ki runga ia
 koe, te tuatua maira te Atu ko Ichova
 Sabaota ra, no ko i te aronga katoa e
 akapini mai ia koe ra; e arumakia te
 tangata katoa i mua atu iaia, e kare
 6 tetai e akaoki mai i tei ati ra. E muri
 akera i te reira, e ruri ke au i te tui-
 kaaanga o te tamariki a Amona ra, te
 tuatua mairā Ichova.
 7 No Edoma.

Te na ko mairā Ichova Sabaota ra,
 Kua kore ainei te pakari i Temana?
 kua kore ainei te tuatua i te aronga
 akono ra? kua ngaro ke ainei to ratou
 8 pakari? Ka rere, ka iki te tua, ei te
 ngai oonu noo ei, e tei noo i Dedana e;
 ko te tumatetenga oki o Esau te ka
 tukuia e au ki runga iaia, koia te tua-
 tau o toku tutaki anga atu iaia ra.
 9 Kia tae mai te aronga aki vine kia
 koe ra, kare ainei ratou e akatoe i te
 totoenga vine? e keia tei aere mai i te
 po ra, kare ainei ratou e āru e kia
 10 pangia te kaki? Kua vaoa taaka ua
 ra au ia Esau, kua eueia e au tona ra
 au pipinianga, e kare aia e ngaro kia
 pipini: kua kino tona uanga, e tona ra
 au taeake, e tona ra au tangata tupu,
 11 e kua kore aia! Ka vaoa i taau au
 matiroeroe, ka akaonia ratou e au, e
 taau au vaine takana, kia irinaki ratou
 12 iaku. Te na ko maira oki a Ichova,
 I na, te aronga kare i akautungaia kia
 inu i taau kapu ra, kua inu tikaia ra-
 tou; e akakore rava ainei taau
 utunga? Kare koe e ngere i te utunga,
 13 e inu tika rai koe ra. Kua taputou
 oki au iaku uorai, te tuatua mairā Ie-
 hova, e riro Bozara ei vavaranga, e ci
 akakinoanga, ei pou oki, e ei taoanga,

e riro tona katoa au oire ei ngai akaruke tamouia. Akarongo akenei au i 14
te rongo no ko ia Iehova ra, e kua tonokia tetai karere ki te pa enua, E akaputuputu mai kotou, e aere mai ki runga iaia; koia ia, ka tu ki runga e tamaki. I na oki, ka iti koe iaku i 15
rotopu i te pa enua nei, e te akavaavaaia i rotopu i te au tangata ra. Kua 16
vare koe i toou ra matakau angaia, e te parau o to ngakau, e tei noo ki roto i te akapi mato ra, e tei ia koe te teitei o te tuaivi ra: anga ua koe i to koanga ki runga mei to te aeto ra, e tukuia koe e au ki raro i reira, te tuatua mairā Iehova. E riro oki Edoma 17
ei vavaranga, e te au tangata katoa kia aere na reira ra, e poitirere ia: e aviri oki i tona ra au mate katoa. Mei tei te uritumu anga ia Sodoma e 18
ia Gomora, e te au ngai i reirao, te tuatua mairā Iehova, kare rava e tangata e noo i reira, e kare oki ta te tangata nei tamaiti e purutia i reira. I 19
na, mei te liona i te puke anga o Ioridana, ka aere mai ei aia ki taua nooanga ketaketa ra: e kamo oki toku mata e oro ke ua aia iaku mei reira atu: koai oki te tangata iikiia ra kia akono atu au ki runga i te reira? koai oki tei tau iaku nei? e koai te tika kia aravei mai iaku? koai oki taua tiaki ra te ka mou ki mua iaku nei? E teianei e akarongo mai kotou 20
i te tuatua na Iehova, i tuatuaia e ia ia Edoma: e tana au akakoroanga i akakoroia e ia i te au tangata o Te- mana: koia ia, ko tei iti rava i roto i te anana ra, te ka kika ia ratou: koia ia, e akatanea aia i to ratou au nooanga ma ratou katoa. Te ngaueue nei te 21
enua i te aruru o to ratou ingaanga; ko te aue ra, kua akarongoia te aruru ki te tai kutekute ra. I na, e kake aia ki runga e rere mei te aeto ra, e totona aia i tona peau na runga ia Bozara: e i taua rā ra, e riro te ngakau o te aronga ririnui i Edoma, mei te ngakau o te vaine kia rokoia e te anau ra.

No Damaseko. 23

Kua tumatetenga Hamata e ko Arephada: no te mea kua akarongo ratou i te rongo kino ra: kua taravai ratou: kua ori ua te tai, kare e tika kia akaca ra. Kua paruparu Damaseko: kua 24
ariu aia e oro ra, kua rokoia aia e te matakau; kua opukia aia e te mamae, e te aue, mei to te vaine kia rokoia e te anau ra. Aue, kare e vaoia te oire rongonui e! te oire rekareka naku e! E teianei e inga tona au tangata ou ki 26

roto i tona au arataa, e tona katoa ra au tangata tamaki, e tipu keia ia i taua rā ra, te tuatua mairā Iehova 27
Sabaota ra. E tutungi au i te ai i te patu o Damaseko ra, e ka pou te au are ariki o Bene- adada.

28 No Kedara, e te au basileia i Hazora, te ka taia e te ariki o Babulonia e Nebukanesa.

Te na ko mairā Iehova, Ka tu kotou, ka aere ki runga ki Kedara, e kia noniia te au tangata o te itinga o te rā. E raveia e ratou, to ratou au pua- kapa, e te au anana; ta ratou au paruru, e ta ratou au āriki ra, e ta ratou au ka- mela, ka raveia e ratou na ratou uo- rai; e kapiki oki ratou ia ratou, Te 30
matakau e pini ua ake. Ka rere, e kia atea ke atu kotou; ei te ngai ngaro- ngaro noo ei, e tei noo i Hazora ra: te tuatua mairā Iehova; kua akakoro te ariki o Babulonia ko Nebukanesa i te akakoroanga ia kotou, e kua kimi aia i 31
te ravenga ia kotou. Ka tu, ka aere ki runga i te enua noo ponuiaau ua, e tei noo ma te matakau kore, te tuatua mairā Iehova: kare oki o ratou pa, kare oki e tamou pa; te taka ke ra to 32
ratou noo anga. E riro ta ratou au kamela ei apinga noni, e te maata anga o ta ratou au puaka ei mea āruia, e akapueu ke atu au ia ratou i nga rua matangi katoa ra, te aronga e varu i to ratou parata; mei te au ngai katoa mai to ratou mate kia apai mai au ra, 33
te tuatua mairā Iehova. E riro Hazora ei nooanga no te au teni, kia tanea e tuatau ua atu: kare rava e tangata e noo i reira, kare oki tetai ta- maiti a te tangata e purutia i reira.

Te tuatua a Iehova i tae mai ki te peroveta ra kia Ieremia, ia Elama i te akamatānga o te au o te ariki o Iuda ra ko Zedekia, na ko maira, 35
Te na ko mairā Iehova Sabaota ra, I na, e aati au i te ana o Elama, ko te 36
maata ia o to ratou ririnui. E apai mai au i nga matangi e a ki runga ia Elama, no nga ompenga e a o te rangi ra; e akapueurikiriki ke au ia ratou i taua au matangi katoa ra: e kare rava e enua, e kore ei e taca e to 37
Elama i akarukeia ra. E akamataku oki au ia Elama ki mua i te aroaro o to ratou au enemi, e ki mua oki i te aro- aro o te aronga e kimi mai ia ratou kia mate ra; e apai mai au i te kino ki runga ia ratou, te viviki oki o toku nei riri, te tuatua mairā Iehova; e unga atu au i te koke na muri ia ratou,

e kia pou takiri ratou iaku: E akatu 38
au i taku terono i Elama, e akapou au
i te ariki e te ui ariki katoa i reira,
te tuatua mairā Iehova.

E riro ia ra i te au rā openga ra, 39
e ruri ke au i te tuikaā anga o Elama,
te tuatua mairā Iehova.

PENE L.

*Ko Babulonia i te akautungaua ei
tuoko anga atu: to Iseracla akaora
angaia.*

TE tuatua i tuatuaia e Iehova ia 1
Babulonia, e te enua ra o te Ka-
ledea, i te perovetu ra ko Ieremia.

E akakite kotou ki rotopu i te pa 2
enua, e tutu aere, e akatu i te reva ki
runga ra, e tutu aere, anraka e uuna:
ka tuatua e, Kua rauka Babulonia,
kua tumatetenga Bela, kua ngaangaa
Merodaka, tona au idolo, kua tuma-
tetenga ia, e kua ungaungā titi te au
tiki nona ra. Te aere mai nei tetai 3
enua mei te pae i apatokerau e rave
iaia, ka akatanea i tona enua, kare e
tangata e noo i reira; ko te tangata,
e tae ua atu ki te puaka katoa, ka riro,
ka aere.

I te reira au rā, e i te reira tuatau, 4
te tuatua mairā Iehova, e tae mai ei
te tamariki a Iseracla, ko ratou e te
tamariki a Iuda katoa, e aere ua ratou
ma te aue kia aere ra, i te kimi anga
i to ratou Atua ra ia Iehova. E ui
ratou i te ara ki Ziona, ma te ariu to
ratou mata ki reira, e te na ko anga 5
e, Aere mai, tatou e topiri atu kia
Iehova, i tetai koreromotu mutu kore
na tatou, tei kore rava e ngaro ra. E
mamoe ngaro toku ra iti-tangata: na
to ratou au tiaki i arataki ke ia ratou,
kua akaanga ke ratou ia ratou ki runga
i te au maunga; kua aere ratou ki
tera maunga, ki tera tuaivi, e kua nga-
ropoina ia ratou to ratou akacaanga. 7
Kua pou ratou e te aronga ravarai i
kite ia ratou ra, e kua tuatua to ratou
au enemi, Kare a tatou ara, no te mea
kua ara ratou ia Iehova, i te nooanga
tuatua-tika ra, ia Iehova oki, te irinaki-
anga o to ratou au metua ra.

E aere ke kotou mei roto atu i Ba- 8
bulonia, e aere ke i te enua o te Ka-
ledea, e kia riro mei te puaka-nio toa
ki mua i te au anana ra. I na oki, e
uiāpanga enua nunui no te enua i te
pae i apatokerau, taku e akatu, e e
arataki mai ki runga ia Babulonia:
e tupati marie oki ratou kia rave iaia,
e rauka oki aia ia ratou i reira: to
ratou au ana ra, mei to te toa pakari

ra, kare e oki puāpanga kore ua mai.
10 E riro oki te Kaledea ei āpinga noni:
e iu te aronga katoa e noni iaia ra, te
11 tuatua mairā Iehova. No te mea kua
rekareka kotou, no te mea kua aka-
tietie, e te aronga i ta i taku tuanga,
no te mea kua poria anake kotou mei
te hovi ua e kai ngangare ra, e kua
12 aue mei te ipo toa e aue ra; E tuma-
tetenga maata to kotou metua vaine,
e akama tei anau ia kotou: i na, ei
openga mai aia no te pa enua ra, ei
medebara, ei enua papa-marō, ei enua
13 motutaa. Kare ia e nooia i te riri o
Iehova, e riro ra i te tanea rava: te
aronga katoa e aere na vaitatao ia
Babulonia e riro i te va ua, e te aviri,
14 i tona katoa ra au mate. Akatupati
marie kotou e rave ia Babulonia e pini
ua ake: e kotou ravarai tei akamangi
i te ana ra, ka ana iaia, auraka e ta-
poroporo i te kakao: no te mea kua
15 ara aia ia Iehova ra. Ka maeva i
runga iaia e pini ua ake: kua oronga
aia i tona rima: kua ngaoro tona au
patu: kua uria tana koro ki raro: no
te mea e akaoko anga na Iehova: tu-
taki marie atu iaia; mei tana oki i
rave maira, e pera katoa kotou kiaia.
16 E tipu i te ruru ua i Babulonia, e tei
rave i te kokoti i te tuatau mou ra:
no te mata koke akapou, i ariu ei
ratou katoa ki tona uaoara au tangata, e
oro oki ratou katoa ki tona uaoara enua.
17 E anana mamoe akapucu keia Ise-
racla, kua pueurikiriki keia e te au
liona: kua pou ana oki aia i te ariki o
Asura ra, e ko teia tei rave i te openga
nei, kua ngangau i tona au ivi ra, koia
te ariki o Babulonia ra, ko Nebukanesa.
18 E teianei, te na ko mairā Iehova Sa-
baota te Atua o Iseracla, I na, e tu-
taki au i te ariki o Babulonia, e tona
enua, mei taku oki i tutaki i te ariki
19 o Asura ra; E akaoki maira au ia
Iseracla ki tona uaoara nooanga, ei
runga aia ia Karamela kai ei, e ei Ba-
sana; e ei runga i te maunga ra i
Epheraima, e ei Gileada, e merengo
20 ei tona vaeua. I te reira au rā, e i te
reira tuatau, te tuatua mairā Iehova,
e kimiā tei kino o Iseracla, e kare ra,
e te ara a Iuda, e kare e kitea: e aka-
kore oki au i ta ratou ara i tei vaooia e
au ra.
21 Ka aere ki runga i te enua ra ko
Merataima, e ki runga i tei noo i
Pekoda: e akatanea, e akapou rava, i
muri ia ratou, te tuatua mairā Iehova,
ka rave i te au mea katoa taku i akaue
22 atu ia koe ra. E aruru tamaki tei te
enua nei; e te pou maata rava ra

Aue te amara o te ao katoa nei, i te 23
tipu keia, e te ngaanga rava e! aue,
ko Babulonia i riro ei vavaranga no
te pa enua ra e! Kua tuku oki au 24
i te erere ia koe, e rauka iora koe,
e Babulonia, i te vare anga ra: kua
kitea koe, e kua rauka katoa koe, no
te mea kua mōro koe ia Iehova ra.
Kua macu ia Iehova te vairanga taoo- 25
nga tamaki nana ra, e kua rave mai
i te taoonga no tona ra riri ototo: e
angaanga oki ta te Atu, ta Iehova
Sabaota ra, i te enua o te Kaleda ra.
E aere mai kotou iaia mei te openga 26
roa mai, kiriti kotou i tona au are vai-
ranga kai: e akāū iaia ki runga vao
kia ututua ra, e kia pou takiri aia ra:
auraka roa tana ei toe. Ta i te au 27
bovi toa ravarai nana; e tuku atu ia
ki raro kia taia: e ae oki ia ratou! kua
tāe oki i to ratou rā, te tuatau e tuta-
kaia i ratou. Te reo o te aronga i oro, 28
e kua ora mei te enua mai i Babulonia
ra, e akakite i te riri akaoko o to
tatou Atua o Iehova i Ziona, te aka-
oko i tona ra nao. Akaputupu mai 29
te aronga ana i Babulonia: kotou ka-
toa tei akamingi i te ana ra, ka patia
na i te puakapa iaia e pini ua ake,
auraka roa tona kia ora atu: tutaki
marie atu kia tau i tana ra angaanga;
e mei tana katoa i rave ra, e pera katoa
iaia: no te mea e ngakau parau tona
ia Iehova ra, i Tei Tapu i Iseraela nei.
E teianci, ka inga tona ra au tangata 30
ou i te au arataa nona ra; e te au tan-
gata tamaki katoa nona ra, e tipu
keia ia i taua rā ra, te tuatua mairā
Iehova. I na, kare au e tau ia koe 31
na, e tera ra nengonengo maata e, te
tuatua maira te Atu ko Iehova Sa-
baota ra: kua tāe oki toou ra rā, te
tuatan e tutakiia i koe e au ra. E 32
turori oki tei parau ra, e inga, e kare
rava e akatu iaia: e tutungi au i te
ai ki roto i tona ra au oire, e pou oki e
pini ua ake iaia ra.

Te na ko mairā Iehova Sabaota ra, 33
I taotaomi uaia te tamariki a Iseraela
e te tamariki a Iuda katoa ra: ko tei
rave ia ratou ei tuikaa ra, kua tāpu
rava ia e kare rava i tuku ia ratou.
E ririnui to ratou Akaora ra, ko Ie- 34
hova Sabaota ra tona ingoa: nana e
akatika rava mai i ta ratou tuatua, e
kia noo marie ua te enua nei, e kia
ruketekete to Babulonia. Ei koke 35
to rungao i te Kaleda, te tuatua mairā
Iehova, ei runga katoa i te noo i Ba-
bulonia; ei runga i tona ra ui ariki,
ei runga i tona ra aronga pakari. Ei 36
koke to runga i te au tangata pikikaa,

e te tu a neneva ua ratou: ei koke to
runga i tona au tangata ririnui, e
37 na ratou e matakua ua; Ei koke to
runga i ta ratou au ipo, ei runga katoa
i ta ratou au kariota, ei runga katoa
i te aronga iropu ua i roto iaia ra, e
riro ia ratou mei te vaine ra; ei koke
to runga i tona au apinga ra, e pou ia
38 te reira i te āru; E mate tana au vai,
e marō ia ratou: no te mea e enua
tiki kotikotia ra, e te akaneneva ua ra
39 ia ratou uarai i to ratou au idolo. E
teianci e noo te au puaka taee o te
ngangaere, raton katoa ma te au puaka
momoavao i reira, e te au tamaine a
te ione te ka noo katoa i roto iaia:
kare rava e tangata akaouia e tuatau
ua atu, kare e noia i tera uki, i tera
40 uki. Mei ta te Atua i tatipoki ia
Sodoma e ia Gomora, e te au oire katoa
i reira ra, te tuatua mairā Iehova,
kare rava e tangata e noo i reira: e te
tamaiti a te tangata, kare rava e pu-
41 rutia ua atu i reira. I na, e iti-tangata
te ka tae mai no apatokerau mai, e
enua maata, e te au ariki no te enua
mamao i te arangaranga katoa anga
42 mai e manganui: Ka mou piriakita
ratou i te ana, e te korare: e taee
ratou, kare e aroa mai: e aruru to ra-
tou reo mei te tai ra, ei runga i te ipo
ratou akaoro ei, ma te tupati marie
mei te tangata tamai ra, ei rave ia
koe ra, e te tamaine a Babulonia ra.
43 Kua akarongo te ariki o Babulonia i
te rongo ia ratou, paruparu iora ona
rima: kua rokoia aia e te tumatetenga,
e te mamac, mei to te vaine anau ra.
44 I na, mei te liona i te pukenga o Iori-
dana, kia aere mai aia ki te noonga
ketaketa ra: e kamo oki toku mata,
e ka oro oki ratou na runga iaia. Koai
oki te tangata ikiia ra kia akono atu
au ei rave iaia? koai oki tei tau iaku
nei? e koai te tika kia aravei mai
iaku? koai oki taua tiaki ra te ka mou
45 ki mua iaku nei? E teianci e aka-
rongo mai kotou i te tuatua a Iehova,
i akakoroia e ia ia Babulonia; e tana
akakoroanga i akakoroia e ia i te enua o
te Kaleda ra: na tei iti rava i roto
i taua anana ra e kika ia ratou: e aka-
tanea oki aia i to ratou au nooanga
46 ma ratou katoa ra. I te reo ra, Kua
rau ka Babulonia, kua ngaueve te
enua, e kua akarongoia te aue i te pa
cua ra.

PENE LI.

*Te riri maata o te Atua ia Babulonia,
ei taoko ia Iseraela.*

TE na ko mairā Iehova, I na, e
 1 akatupu au i tetai matangi mate
 ia Babulonia, e te aronga katoa e noo
 i roto iaia ra, ko tei tu e māro mai
 iaku ra. E tono au i te aronga tairiiri
 ki Babulonia ra, e na ratou aia e tai-
 riiri, e e riringi atu i tona enua: e rave
 ra ratou iaia e pini ua ake, i taua rā kino
 ra. E akamingi te tangata ana i tana
 ana ki te tangata ana ra, e kiaia rai e
 tu ki runga ma te rakei tamaki: au-
 raka e akaperepere i te au tangata ou
 nona ra; e rave akapou rava kotou i
 te nuku katoa nana ra. E pera tei
 4 taia i te inga aere i te enua o te Kale-
 dea, tei ko akamama ravaia i te au
 arataa nona ra. Kare oki Iseraela i
 6 akarukeia, e Iuda katoa, e tona ra
 Atua, e Iehova Sabaota ra; ki ua'i to
 ratou enua i te ara i Tei Tapu i Ise-
 raela nei. E rere ke atu kotou mei
 6 roto mai i Babulonia, kia ora te tan-
 gata katoa iaia uaorai: kia kore
 kotou e tipu keia i taua kino nona ra,
 ko te tuatau oki teia o te akaoko anga
 na Iehova; e nana e tuku atu i tana
 utunga. E kapu auro Babulonia i te
 7 rima o Iehova, i te akakona anga atu i
 te enua katoa ra; kua inu te pa enua i
 tana wina ra, e neneva'i te pa enua ra.
 Kare e mamia, kua inga Babulonia e
 kua pou: ka kakaoa kotou iaia, ka
 rave i te vairakau i te mamac nona,
 peneiake aia ko te ora. Ka akaora
 tika matou ia Babulonia, kare ra aia i
 ora: ka vaoa atu iaia, taki aere tatou
 katoa ki tona uaorai enua: kua tae rava
 oki tana utunga ki runga i te au rangi
 ra, e kua apaiia ki runga e tae rava atu
 ei ki te reva ra. Kua tukuia mai e
 10 Iehova ta tatou tuatua-tika ra: ka
 aere mai tatou e akakite i Ziona nei, i
 te angaanga a to tatou Atua a Iehova.
 Ka akakina i te au kakao, ka akaki i
 11 te au paruru tamaki: kua akaarara
 mai a Iehova i te vaerua o te au ariki
 ngati Madai ra: ko tana oki i akakoro
 ia Babulonia nei, e akapou rava ia;
 ko te taokoanga ia oki na Iehova, te
 taokoanga i tona ra nao. E i te pac
 12 patu i Babulonia akatu ei i te reva, e
 akaketaketa i te tiaki, e tuku i te
 vaeau, e akataka ana i te aronga moe-
 tapapa: mei ta Iehova oki i akakoro
 ra, kua pera aia i tana i tuatua ra, ki
 tei noo i Babulonia. E tei noo i te
 13 nia o te au vai e manganui, e tei maata
 ua atu taua ra apinga, kua tae toou ra
 openga, e te arite o toou noinoi anga
 apinga. Kua taputou a Iehova Sa-
 14 baota ra iaia uaorai, E akaki au ia koe
 ki te tangata mei te anue, e ka maeva

15 ratou ki runga ia koe. Kua anga aia i
 te enua i tona ra mana, kua akatina-
 mou aia i te ao nei i tona ra pakari, e
 kua totoa aia i te rangi i te karape
 2 nona. Kia tuku mai aia i tona reo, e
 aruru anga vai tei runga i te rangi ra,
 e te akapeke nei aia i te kou mei te
 openga maira o te enua ra; te anga nei
 3 aia i te uira e te ua, e te tuku maira
 aia i te matangi no roto i tona ra au
 17 vairanga ra. Kua riro te tangata ka-
 toa nei ei neneva i tona kite, e kua
 taakamaia te au taunga katoa i te tiki
 kotikotia ra: e pikikaa tona tiki aka-
 toia ra, kare oki e a'o o roto ia ratou.
 18 E mea puapinga kore ratou, e anga-
 anga na te aronga tareva ke; kia tae
 ki te tuatau e tutakia'i ratou ra, e pou
 19 ia. Kare te tuanga a Iakoba e tau i
 te reira; ko te Taunga oki aia no te
 au mea katoa nei: e ko Iseraela te
 aite o tana tuanga: ko Iehova Sabaota
 tona ingoa.
 20 E tapae tamaki koe noku, e au
 taoonga tamaki, ei ia koe e akapueuri-
 kiriki ei au i te pa enua; ei ia koe ra
 21 e pou ei iaku te au basileia; Ei ia koe
 e akapueurikiriki ei au i te ipo e tei
 noo ki rungao ra; ei ia koe e akapueuri-
 kiriki ei au i te kariota e tona akaoro
 22 katoa ra; Ei ia koe oki e akapueuriki-
 riki ei au i te tane e te vaine; ei ia
 koe ra e akapueurikiriki ei au i tei pa-
 kari e tei ou; ei ia koe ra e akapueuri-
 kiriki ei au i te tane ou e te paretenia;
 23 Ei ia koe e akapueurikiriki ei au i te
 tiaki e tana anana; ei ia koe ra e aka-
 pueurikiriki ei au i te arote e te zugo
 puaka nana; ei ia koe ra e akapueuriki-
 riki ei au i te au kapena e te au kavana.
 24 E taoko atu au ia Babulonia, e tei noo
 katoa i Kaleda, i te au kino katoa ta
 ratou i rave ia Ziona, ki mua i to
 kotou mata, te tuatua mairā Iehova.
 25 I na, kare au e tau ia koe, e tera ra
 maunga akatareva ke e, i tei akapou i
 te enua katoa ra, te tuatua mairā Ie-
 hova: e akatika au i toku rima ki runga
 ia koe ra, e akataka atu au ia koe na
 runga i te mato ra, e akariro au ia koe
 26 ei maunga ka: Kare oki tetai toka ka-
 peutara ra e rauka ia ratou ki ko na ia
 koe ra, e tetai toka no te pange ra; e
 vai tanea rava ra koe e tuatau ua atu,
 27 te tuatua mairā Iehova. E akatu
 kotou i tetai reva i te enua nei, e aka-
 tangi i tetai pu i te pa enua ra, e
 akateateamamao i te au enua e rave
 iaia, e akaputupu i te au basileia
 e rave iaia, ko Ararata, e ko Mini, e
 ko Asekenaza; e akataka na i tetai
 kapena e rave iaia, ka tuku maina i te

au ipo mei te anue uruuru ra. Ka 28
akatecamamao i te pa enua na e rave
iaia, te au ariki ngati Madai, to ratou
au kapena, e to reira au kavana, e te
enua katoa no tona ra au. Ka ruke- 29
tekete oki taua enua nei, e ka aue:
ko ta Iehova oki i akakoro ia Babu-
lonia nei, e ope ia i te tupu, ei aka-
tanea i te enua ra ia Babulonia, au-
raka ei tangata. Kua kore te aronga 30
ririnui o Babulonia e tamaki, kua noo
anake i te punanga: kua kore to ratou
ririnui; kua riro ratou mei te vaine
ra: kua ka tona au are, e kua aatiia
tona au tea. E oro tetai taui leta e 31
akaaravei atu i tetai taui leta, e tetai
karere e akaaravei atu i tetai karere, e
akakite ki te ariki o Babulonia, e kua
riro tetai pae o tona oire; E kua ro- 32
koia uaia te au tomoanga, e kua ku te
au kakao i te ai, e kua tumatetenga te
au tangata tamaki. Te na ko maira 33
oki a Iehova Sabaotha ra, te Atua o
Iseraela, e tau te tamaine ra a Babu-
lonia i te alona, te tuatua teia e pa-
pāia'i aia: kia rakotio e rokoia mai ei
aia e te tuatua akāu ra.

Na te ariki o Babulonia na Nebuka- 34
nesa i kai iaku, e kua pou rava au;
kua riro au iaia mei te ariki kare o
roto ra; kua apuku aia iaku mei te
tanina ra, kua akaki aia i tona kopu i
te kai memetaki naku nei, e kua aka-
ruke aia iaku. Te takinga-kino i 35
raveia kiaku ki taku kopapa nei, ei
runga ia ia Babulonia, ka pera mai tei
noo i Ziona ra; e taku toto nei, ei
runga ia i tei noo i Kaleda, ka pera
mai Ierusalemā ra. E teianei, te na
ko mairā Iehova, I na, ka akatika 36
au i taua tuatua, ka taoko au i te riri
i iri mai ki runga ia koe ra; e akamarō
atu au i te tai nona, e tamarō au i
tona au punavai. E riro Babulonia ei 37
au ututua, ei nooanga no te au teni; e
ei vavaranga, ei avirianga, e kare e ta-
ngataia. E ngunguru katoa ratou mei 38
te liona: e mei te anau liona i te aka-
tutu anga ia ratou uaorai. Kia maana 39
ratou e akatupu ei au i ta ratou au
kaingakai, e akakona au ia ratou, kia
rekareka ratou, e kia moe i te moc-
anga mutu kore, e kare e ara akaou, te
tuatua mairā Iehova. E arataki au ia 40
ratou mei te punua mamoc ki te tainga
ra; mei te rama e te puaka-nio toa
katoa ra. Aue te riro anga o Sesaka e! 41
aue te poitirere o tei akamcitakiia e te
enua katoa nei e! aue a Babulonia e
riro ei avirianga i to pa enua e! Kua 42
tae mai te tai ki runga ia Babulonia:
kua ninaia aia i te rai o tona au ngaru.

43 Kua riro tona au oire i te tanea, e
enua papa-marō, e e medebara; e enua
e kare rava e tangata e noo i reira, e
kare rava ta te tangata nei tamaiti e na
44 reira te aere. E tutaki atu au ia Bela
i Babulonia, e akarunaki mai au na tona
vaa i tei apukua e ia: kare oki te au
enua e uipa akaou mai kiaia ra: e te
patu katoa oki o Babulonia ka ngaoro
45 ia. Aere kotou ki vao mei rotou mai
iaia, e taku iti-tangata e; kia ora oki
te tangata katoa iaia uaorai, i te riri
46 viviki o Iehova ra. E ko te taitaia aea
to kotou ngakau, e ko te matakau aea,
i te rongo i akarongia i te enua nei, e
tae mai te rongo i teia mataiti, e i muri
ake i *tera* mataiti, e rongo e te takinga-
kino, ki runga i te enua nei, tetai ka-
47 vana i tetai kavana. E teianei, i na, o
tae maira te au rā, e tutaki atu ei au i
te au idolo i Babulonia, e rokoia tona
au enua katoa i te tumatetenga, e inga
aere ua oki tona aronga i iaia i roto iaia
48 ra. Ei reira te au rangi e te enua ka-
toa, e to roto katoa ia ratou ra, e imene
ei ia Babulonia: na te pae i apatokerau
mai oki e tae mai te āru iaia, te tuatua
49 mairā Iehova. Mei ia Babulonia i
inga'i i tei mate i Iseraela nei, koia katoa
tei Babulonia to te enua katoa nei i te
50 inga anga. Ko kotou ko tei ora i te
koke ra, ka aere, auraka e tu ua; e
akamanako ia Iehova i te atea ke ra, e
akamanako katoa ia Ierusalemā i roto i
51 te ngakau. Kua akama matou, no te
mea kua akarongo matou i te akakino
ra: kua ngaro to matou mata i te aka-
ma, no te mea kua tomokia mai e te
tangata ke ke te au ngai tapu i te aro o
52 Iehova. E teianei, i na, te tuatua
mairā Iehova, e tae maira te au rā, e
tutaki atu ei au i tona au idolo: e ngu-
nguru ua te aronga i puta ra e pini ua
53 ake tona ra enua. Thea ua te au rangi
ia Babulonia, akapakari ua tona puna-
nga e teitei ua ake, naku e tuku mai te
au āru iaia; te tuatua mairā Iehova.
54 E reo aue mei Babulonia mai, e te pou
maata mei te enua mai o te Kaleda.
55 No te mea kua pou Babulonia ia Ie-
hova, e te akakore nei te aruru maata
iaia ra, aruru ua'i tona au ngaru mei
te tai maata ra, e varovaro ua maira
56 to ratou tangi; Kua tae mai oki to
āru iaia, ia Babulonia, e tona au ta-
ngata ririnui kua riro, kua ope rava ta
ratou au ana i te aatiia; e Atua taoko
57 oki a Iehova, e nana e taoko marie. E
akakona atu au i tona ui ariki e tona
aronga pakari, e tona ra au kapena, e
te au kavana, e tona aronga ririnui: e
moe oki ratou i te moe anga mutu

kore, kare e ara akaou mai, te tuatua maira te ariki, ko Iehova Sabaota ra tona ingoa. Te na ko mairā Iehova 58 Sabaota, Te patu pararauare i Babulonia, e uritumu takiriria ia, e tona au ngutupa teitei, e ka ia i te ai; anga-anga pu apinga kore atura ta te aro-nga i rave, roiroi anga puapinga kore to te au tangata no te ai: e ka roiroi ratou.

Te tuatua a te peroveta ra a Iere- 59 mia, i akaue atu ia Seraia, te tamaiti a Neria, te tamaiti a Maaseia, iaia i aere ma te ariki o Iuda ra i Zedekia ki Babulonia ra; i te a o te mataiti o tona ra au. E ariki noo marie oki taua Seraia ra.

Kua tata iorā Ieremia ki roto i te 60 buka okotai, i te au kino katoa e apaiia mai ki runga ia Babulonia, teia katoa nei au tuatua i taitaia nei no Babulonia. Kua karanga aturā Ieremia kia Seraia, 61 Kia tae koe ki Babulonia ra, ka akara oki koe, e ka tatua koe, i teianei au tuatua katoa, Ei reira koe ka tuatua'i e, 62 E Iehova, kua tuatua ana koe i teianei ngai, e tipu ke atu, e auraka rava tetai e toe i reira, mei te tangata e tae ua atu ki te puaka, kia tanea ra te reira e tuatua ua atu. E ope akera taua tua- 63 tua i te tatauia e koe ra, ka ri ei koe i tetai toka ki rungao, ka tiora atu ei ki rotapu i te Eupharate: Ka tuatua'i koe 64 e, Ka pera to Babulonia tomo anga, e kare e tu akaou mai, no te kino taku e apai ki runga iaia ra: e roiroi oki ratou. Oti ra ua te tuatua a Ieremia.

PENE LII.

*Te meameaau anga o Zedekia, e Ieru-
salema i te pou anga: te veo e tetai
au mea o te iero i te apai angaia ki
Babulonia.*

TEI te mataiti e rua ngauru ma tai 1
o Zedekia i ariki ei aia, okotai
ngauru ma tai ona mataiti i te ariki
anga i Ierusalem. Ko Hamutala te
ingoa o tona metua vaine, e tainaine
na Ieremia ra, no Libena. Kua rave
oki aia i te kino ki mua i te aroaro o
Iehova, mei te au mea katoa ta Ichoia-
kima i rave ra. I akaperaia oki, no te
riri o Iehova ia Iuda e ia Ierusalem, e
kia akaruke keia atu ratou e ia mei
mua i tona aroaro, kaitamaki iora oki
a Zedekia i te ariki o Babulonia.

E tae akera ki te iva o te mataiti o 4
te au nona, i te ngauru o te marama, e
te ngauru oki o te rā, i taua marama
ra, i tae mai ei te ariki o Babulonia,
ko Nebukanesa, koia e te nuku katoa

nona, ki Ierusalem, e kua patia iora i
te puakapa i reira, e kua patu iora i te
5 patu i reira e pini ua ake. Akapiniia
iora taua oire ra e tae akera ki te ma-
taiti okotai ngauru ma tai o te ariki ra
6 o Zedekia. I te a o te marama, e te
iva o te rā i taua marama ra, te maata
ra te onge i taua oire ra, e kare rava e
manga ta te tangata o te enua ra.
7 Ngaangana iora te oire, ati anake atura
te au tangata tamaki, akaruke maira
taua oire ra i te po, i na te ngutupa i
rotapu i nga patu e rua ra, i te pae o
te kainga o te ariki ra; (tei mua mai
te Kaleda e i taua oire ra e pini ua
ake:) aere atura oki ratou na te ngai
8 mataataa. Kua arumaki maira ra te
nuku o te Kaleda i te ariki, e rauka
iorā Zedekia i te au ngai mataataa i
Ieriko ra; pueurikiriki ke atura tona
9 nuku katoa iaia. E kua opu iora ra-
tou i te ariki, e kua arataki maira ki
Ribila, ki te ariki o Babulonia ra, i te
cnuu o Hamata; e kua tuku maira aia
10 i te utunga iaia. Kua ta iora te ariki
o Babulonia i nga tamariki a Zedekia
ra ki mua i ona mata: e kua ta iora oki
aia i te ui ariki katoa o Iuda i Ribila
11 ra. E kua koiti akera aia i nga mata
o Zedekia ra; e kua tapeka iaia ki te
tapeka veo ra, e kua apai atura te ariki
o Babulonia iaia ki Babulonia, e kua
tuku atura iaia ki roto i te arc tape-
kanga e tae ua atura ki te rā i mate ei
aia ra.

12 E i te rima o te marama, i te ngauru
o te rā i taua marama ra, i te mataiti
okotai ngauru ma iva i te au o te ariki
o Babulonia ra ko Nebukanesa, i tae
mai ei te kapena no te vacuu ra ko
Nebuzaradana, ko tei tu i mua i te aro-
aro o te ariki o Babulonia, ki Ierusa-
13 lema. E kua tungia te arc o Iehova,
e te arc o te ariki; e te au are katoa o
Ierusalem, e te au are katoa o te aro-
nga nunui ra, kua tungia e ia ki te ai:
14 E kua vava'i te nuku katoa o te Kale-
dea ki o te kapena o te aronga vacuu, i
te au patu katoa i Ierusalem e pini ua
15 ake. E to te au tangata rikiriki ra, e
te toenga o te au tangata i roto i te oire,
e te aronga i uri, i tei uri ana ki o te
ariki o Babulonia, te totoenga o taua
aronga maata ra, ko tei apai tuikaia ia
e te kapena o te vacuu e Nebuzaradana.
16 Kareka tetai pae o te au tangata riki-
riki ra no taua cnuu ra, kua vaoia ia e
te kapena o te vacuu ra e Nebuzara-
17 dana, ei tope vine, e ei tatanu. E nga
pou veo i roto i te arc o Iehova, e nga
vairanga, e te ima veo i roto i te arc o
Iehova, kua vava'ia ia e te Kaleda, e

kua ope to reira veo i te apaia ki Babulonia. E te au pani, e te au taipu, e 18
te au pakoti, e te au kapu, e te au punu, e te au ariki veo katoa ra, i ta ratou i raverave ra, ko tei apai keia ia. E te au hesani, e te au ariki ai, e te au 19
kapu, e te au pani, e te au vairanga mori, e te au punu, e te au kapu; to te au mea auro ra, ei auro ia, e to te au mea ario, ei ario ia, ko ta te kapena o te vaeau i apai ke. Nga pou e rua ra, 20
e te ima okotai, e nga bovi veo okotai ngauru ma rua, i raro ake i aua nga vairanga ra, i angaia e te ariki e Solomona no te are o Iehova: te veo no taua au ariki katoa nei, kare ia e arite. Nga pou oki, okotai ngauru ma varu i 21
te kubiti i te teitei i te pou okotai; e te taura e pini ei taua pou ra, okotai ngauru ia e ma rua i te kubiti; e a maikao-rima taua pou ra i te patapata-tue: te puerakaua ra i roto. E te ta- 22
poki i runga ra, e veo ia; e te teitei o te tapoki okotai ra, e rima ia kubiti; e kupenga e te remuna ki runga i taua tapoki ra e pini ua ake, e veo anake ia. E mei te reira katoa te rua i nga pou, e remuna katoa ia. E iva ngauru e 23
ono ara aua nga remuna i anga ki nga rua matangi katoa ra; okotai anere remuna ki runga i taua kupenga ra e pini ua ake. Kua rave iora te kapena 24
o te vaeau ra i te taunga maata ra ia Sernaia, e te taunga tauturu ra ia Zephania, e nga tiaki ngutupa ra toko toru: Kua rave aia i tetai eunuka no 25
roto i te oire ra, tei tukuia i runga i te au tangata tamaki ra; e nga tangata toko itu o ratou tei akara i te mata o te ariki ra, tei kitea i roto i te oire; e te tata tuatua maata no te nuku ra, ko tei akaputuputu mai i te tangata o te enua ra; e te au tangata katoa e ono ngauru no taua enua ra, i kitea i rotopu

26 i taua oire ra. Ko ta te kapena oki o te vaeau ta Nebuzaradana i rave, e kua arataki atura ia ratou ki te ariki o Babulonia ki Ribila. Kua ta iora te ariki o Babulonia ia ratou, e mate rava akera i Ribila, i te enua o Hamata. Apai keia atura Iuda ei tuikaa i tona uo-rai enua. 28
Teia nga tangata i apai tuikaasia e Nebukanesa: i te mataiti itu ra, e toru tausani e rua ngauru ma toru ngati 29
Iuda: I te mataiti okotai ngauru ma varu o Nebukanesa ra, kua apai tuikaa aia i te au tangata e varu anere, e toru ngauru ma rua mei Ierusalem: 30
I te mataiti e rua ngauru ma toru o Nebukanesa, i apai tuikaasia'i e te kapena o te vaeau ra ko Nebuzaradana, e au tangata e itu anere e a ngauru ma rima, e ngati Iuda: e taua au tangata katoa ra, e a ia tausani e ono oki anere. 31
E tae akera ki te toru ngauru ma itu o te tuikaa anga o te ariki o Iuda ko Iehoiakina, i te ngauru ma rua o te marama, e te rā e rua ngauru ma rima i taua marama ra, kua akateitei maira te ariki o Babulonia ra ko Evilimero-daka, i te mataiti i ariki ei aia ra, i te mimiti o te ariki o Iuda ia Iehoiakina, e kua tuku iaia ki vao i te are tapekā- 32
nga ra, E kua tuatua meitaki atura aia kiaia, e kua akateitei akera aia i tona terono i to te au ariki terono ki 33
ona i Babulonia, E kua kopac atura i tona kakau no te tapekānga ra: e kua kai aia i te manga ki mua i tona aroaro e ope roa ake ona puke rā i te ora anga 34
nei. E tana ra tuanga kai, e tuanga tamou ia, i orongaia kiaia e te ariki o Babulonia, ko te rā ko te tuanga, e tae ua atu ki tona rā e mate ei, te au rā katoa o tona ora anga nei.

TE AUE O IEREMIA.

PENE I.

Te tumatetenga anga o Ierusalem, te aaki nei i tana ara maata.

AUE te noo miea ua o te oire e, tei 1
ki ana i te tangata e! kua riro ia
730

mei te vaine takaua, tei maata i rotopu i te au enua ra! ko tei ariki vaine i rotopu i te au motia ra, kua riro ia ei tautauinga!

2 E aue maata tona i te po nei, e te vai ra tona roi-mata ki runga i tona pa-

paringa: kare rava e akapumaana i te aronga katoa i inangaro mai iaia ra: e pikikaa anake ta te au oa nona, kua riro ratou ei enemi nona.

Kua riro Iuda ei tuikaa no te takinnga-kino, e no te angaanga maata: te noo ra aia ki roto i te au etene, e kare e akaeaanga e kitea e ia: rokoia uaia mai aia i roto i te tumatetenga e te aronga ravarai i takinga-kino ra.

Kua aue to Ziona au arataa, no te mea kare tetai e tae mai ki te au oroa tapu ra: kua tanea te au ngutupa katoa nona ra: kua mii tona aronga tauanga, kua tumatetenga te aronga paretenia nona, e kua mamac aia.

Ko tona aronga enemi, ko tei upokotu ia, e tona ra au ekai, ko tei manuia ia; no te mea ko Iehova tei akatumatetenga mai iaia no te maata o tana ra au ara: kua riro tana au tamariki ki te tuikaa auga ki mua i te aroaro o te enemi.

E te manea o te tainaine a Ziona ra, kua ope ia i te riro ke: kua riro tona ui ariki mei te aili kare roa a ratou e kai, e kua riro ma te maroiroi kore ki mua i te aroaro o te arumaki ra.

Kua maara Ierusalemia i te au ra i mate ei, e i tumatetenga ia aia ra, i te au mea i inangaroia nana i te au ra i muatangana, ka topa ia tona au tangata ki roto i te rima o te enemi, kare ona e tauturu: kua akara mai te au enemi iaia, kua kata aviri mai ratou i tona au mate.

E ara maata a Ierusalemia i rave; no reira aia i akataka keia i: te aronga katoa i akapaatu iaia ra, kua akaviivii atu iaia, no te mea kua kite ratou i tona vai taaka ua; koia katoa uaoari tei mii ua, e kua ariu ki muri.

Te vai ra tona viivii ki tona tapa kakau; kare ra aia i manako i tona opeanga; i tuku akaaka ravaia iaia ki raro: e kare ona e akapumaana. Ka akara mai, e Iehova, i toku nei tumatetenga: no te mea kua akateitei te enemi.

Kua oora te enemi i tona rima na runga o te au mea i inangaroia nana: kua kite oki aia i te au etene i te tomo anga ki roto i tona ra ngai-lapu, i tei akaucia e koe e, auraka e tomo ua atu ki roto i toou ra uipanga.

Kua mii tona au tangata katoa, kua kimi ratou i te manga; kua oronga ratou i ta ratou mea inangaro ei oko kai ei akaoki mai i te vaerua: ka akara mai e Iehova, ka akamanako mai; no te mea kua riro au ei mea viivii.

E puapinga kore ainei na kotou ravarai, tei aere na te ara? e nana mai,

e akara, i te tu o te aue e tau i toku nei aue, i tei akairiia mai ki runga iaku nei, i ta Iehova i akatumatetenga mai iaku, i te ra i ootoo mai ei tona riri.

13 Kua tuku maira aia i te ai no runga mai ki roto i toku nei au ivi, e kua vi ratou i te reira: kua totoa mai aia i te kupenga no toku vaevae, kua akaoki aia iaku ki muri: kua akamea ua mai aia iaku, kua rere a mate ua e po ua atu te ra.

14 Te zugo o taku ara nei, kua tamouia ia e tona uaoari rima: kua taviriia ia; kua tae ki runga i toku kaki; kua tuku aia i te ririnui noku ra ki raro, kua orongaia au e te Atu ki to ratou rima, kare e tika iaku kia tu ki runga.

15 Kua akavaavaa mai te Atu i toku aronga ririnui katoa i rotopu iaku nei: kua kapiki aia i te uipanga i runga iaku nei, kia pali toku au tangata ou nei: kua takatakaia e te Atu mei tei te taomi anga wina ra, i te tamaine paretenia a Iuda nei.

16 Ko te au mea teia i aue ei au nei; toku mata, toku mata te maringi a vai ua nei, no te mea ko te akapumaana, te akaoki mai i toku vaerua, tei te atea ke ia iaku: kua miea ua taku au tamariki ra, no te mea kua autu te enemi.

17 Kua oora mai Ziona i ona rima, kare ra ona e akapumaana: kua ikuiku a Iehova i te tuatua ia Iakoba ki tona au enemi e akapini mai iaia ra, kua riro Ierusalemia mei te mea viivii i rotopu ia ratou ra.

18 E tuatua-tika ta Iehova; no te mea kua patoi au i tona vaa: e akarongo mai, ko taku ia tuatua kia kotou, e te au tangata katoa nei, e akara mai i toku nei aue: toku au paretenia, e toku au tangata ou, kua riro ia ei tuikaa.

19 Kua kapiki au ki tei inangaro mai iaku ra, kua pikikaa maira ratou iaku: toku kau taunga e toku au tangata pakari, kua unui ravaia i roto i te oire, i te kimi anga i te kai na ratou uaoari ei akaoki mai i to ratou vaerua.

20 Ka akara mai, e Iehova; no te mea e mate toku: kua ori ua toku manava; kua ruri ke toku ngakau i roto iaku nei: no te mea kua maata toku meameanu anga: na te koke e akangere mai i te atea ke ra, e tei te ngutuare nei, ko te mate ia.

21 Kua akarongo ratou iaku i te ngengeti anga: kare ra e akapumaana iaku ra: kua akarongo toku au enemi katoa i toku nei tumatetenga; e kua rekareka ratou i te mea naau i rave: e

tuku maira koe i te rā i akakiteia mai e koe ra, kia riro ratou mei iaku katoa nei.

Kia tae mai to ratou au kino katoa 22
ki mua ia koe ra; ka rave atu ei ia ratou, mei taau i rave mai iaku nei i taku nei au ara katoa: kua maata rava nei toku ngengeti anga, e toku ngakau nei kua taitaia rava.

PENE II.

*Te aue nei te peroveta ia Ierusalem:
e kimi ra i te aroa.*

AUE te akapouri anga o te Atu i te 1
tamine a Ziona i te riri nona c!
kua uri mai aia mei te rangi e raro roa i te enua nei i te manea o Iseracla, kare oki i maara i tona takainga vac-vae i te rā riri nona e!

Kua apuku uaia e te Atu ma te aroa 2
kore i te au nooanga ravarai o Iakoba ra: kua uritumu aia ki raro ma te riri i te au akapuanga ketaketa o te tamine a Iuda; kua tuku rava aia ia ratou ki raro i te one: kua viivii iaia te basileia e te ui ariki i reira.

Kua kokoti ke atu aia ma te riri 3
otooto i te au tara katoatoa o Iseracla: kua akanriu ke aia i tona rima katau i te aroaro o te enemi, e kua ka iora ki o Iakoba mei te ai mura akapou e pini ua ake.

Kua akamingi aia i tana ana mei te 4
ekai: e kua akatano maira i tona rima katau e aite ki te enemi, kua ta iora aia i te au mea katoa inangaroia e te mata ra i te puakapa o te tamine a Ziona: kua riringi mai aia i tona riri otooto mei te ai ra.

I riro maira te Atu mei te enemi: 5
kua apuku aia ia Iseracla, kua apuku aia i tona katoa ra au are ariki: e kua uritumu aia i te au punainga ketaketa nona, e kua akamaata aia i te auc e te mii i te tamine a Iuda.

Kua vava'i aia i tana koro mei to te 6
kainga ra: kua akakore i tona ngai uipanga: kua akangaro ravā Iehova i Ziona nei, i te au oroa tapu, e te sabati, e i te otooto anga o tona riri, kua akaviivii aia i te ariki ma te taunga.

Kua akaruke te Atu i tana atarnu, 7
e kua akavaavaa aia i tona ngai-tapu; kua oronga mai aia ki roto i te rima o te enemi i te au patu o tona ra au are ariki; kua mutamuta ratou ki roto i te are o Iehova, mei tei te rā oroa tapu ra.

Kua manako a Iehova e vava'i i te 8
patu o te tamine a Ziona; kua aka-

tika oki aia i te tataura, kare aia 9
akaoki i tona rima i te akapou anga: i aue ei te patu e te koro iaia; okotai o raua mii anga.

Kua topa rava tona au pa ki raro i 9
te one; kua vava'i aia e kua aati i tona au tea: tona ariki e tona ui ariki ra, tei rotapu ia i te au etene: kare o ture; kare oki a te au peroveta nona e orama i kitea ia Iehova ra.

Te noo ua ra ratou ki raro i te one, 10
te muteki ua ra te aronga pakari o te tamine a Ziona: kua ai ratou i te one-pueu ki runga i to ratou upoko; e kua tatua ia ratou uaorai i te kakau paoa: te tupou nei te au paretenia o Ierusalem i to ratou mimiti ki raro i te one.

Kua poepoe toku mata i te roi- 11
mata, kua ngarepurepu toku ngakau, kua riringiia taku ate ki raro i te one, no te pou o te tamine a toku nei au tangata; te rere a mate ua oki te varevare e te kai u ki roto i te au arataa o te oire nei.

Te tuatua nei ratou ki to ratou 12
au metua vaine, Teica te sitona e te wina? te rere a mate ua ra ratou mei tei puta i roto i te au arataa o te oire nei, e kua unui akera to ratou vaerua ki roto i te umauma o to ratou metua vaine.

Eaa taku kia akakite atu kia koe? 13
caa taku kia akaaite atu ia koe, e tera ra tamine a Ierusalem e? e akatau atu au ia koe ki te aa, kia akapumaana atu au ia koe, e tera ra tamine parctenia a Ziona e? mei te moana toou na pou i te maata: koni te rapakau ia koe?

Kua akara to au peroveta i te mea 14
puapinga kore e te neneva nouu: kare ratou i akakite mai i taau ara kia ruri keia toou tuikaa anga; kua akara ra ratou i te apainga puapinga kore nouu ra, ei tuaru anga.

Te aronga katoa e aere na te ara nei 15
te pokarakara nei to ratou rima ia koe ra; te aviri nei ratou, e te takirikiri nei i to ratou upoko, ki te tamine a Ierusalem, *te na ko ra*, Ko taua oire ainei teia i karangaia nei i te tu ke roa i te manea, e rekarekaanga no te ao katoa?

Kua amama anake te vaa o to au 16
enemi ia koe: kua aviri e kua pakati i to ratou nio: kua karanga ratou e, Kua apuku uaia aia e tatou: koia ia, ko to tatou teia rā i tapapa ra; kua rauka ia tatou, kua kitea.

Kua rave a Iehova i tana i akakoro 17
ra; kua akatupu aia i tana tuatua i tei

akaueia e ia i te au rā i muatangana : kua uritumuia ia e ia ma te aroa kore : e kua rekareka te enemi iaia ki runga ia koe, e kua teitei iaia te tara o to au ekai.

Kua kapiki to ratou ngakau ki 'te 18
Atu, E te patu o te tamaine a Ziona, kia maringi a kauvai ua te roi-mata i te po e te ao: auraka koe e akaanga-roi; auraka te tamaine a to mata ra e akapaki.

Ka tu, ka kapiki nui i te po: i te 19
momua o te ara anga ra, riringi a vai ua i to ngakau ki mua i te mata o te Atu: ka akateitei na i to rima kiaia, kia ora oki to au tamariki varevare ra, ko tei mate ua i te pongi i te openga mai o te au arataa katoa nei.

Ka akara mai na, e Ichova, e aka- 20
manako i taau i akapera maira. E kai ainei te vaine i ta ratou i anau ra, i te tamariki iikiikiia e te rima? E taia ainei te taunga ma te peroveta ki roto i te ngai-tapu o te Atu ra?

Ko te tamaiti iti e te ruaine i te moe 21
anga ki raro i te one i te au aratna ra: kua inga taku au paretenia e taku au tangata ou ra i te koke: i te rā i riri ei koe ra kua ta koe; e kua tamate rava koe ma te aroa kore.

Kua kapiki koe, mei tei te rā ako- 22
noia ra, ki toku au mea rikarika ra e pini ua ake; e tae akera ki te rā i riri ei a Ichova ra, kare i ora, e kare i toe: ko tei iikiikiia e au ra, e kua pakari iaku ra, kua pou ia i toku enemi.

PENE III.

*Te mii nei te peroveta i te tu o te tan-
gata, e te ako nei aia iu ratou kia
akatupua na; e te irinaki i te aroa o
te Atua, ko ratou i aroaia mai ana i
muatangana.*

KO au te tangata i kite i te mate 1
i te rakau o tona riri. Kua arataki aia iaku e kua apai iaku na roto i te poiri, e kare na te mūrana. Koia ia, 3
kua anga akaou maira aia i tona rima e rave iaku e ope ua atu te rā.

Kua akapou mai aia i toku kiko e 4
toku kiri; e kua akaati aia i toku au ivi. Kua patu mai aia i runga iaku, 5
e kua ta mai i toku upoko, e te mamae nei. Kua akanoo aia iaku ki te au 6
ngai poiri, mei te aronga i mate takere ana ra. Kua koropini mai aia 7
iaku, e kare atura au e tae ki vao: kua akateiaa mai aia i taku pirianga-naoa nei.

E kia kaku atu au e kia kapiki 8

maata, kua popani aia i taku pure ki 9
vao. Kua ari aia i taku arataa ki te toka taraiia ra, e kua akamingi aia i taku arataa.

10 E daba moctapapa mai aia iaku, e liona i roto i te au ngai pipini anga.

11 Kua akaanga ke aia i toku ra au arataa, e kua aae mai iaku; kua akamen-

12 mea ua mai aia iaku. Kua akamingi aia i tana ana e kua akatu iaku ei pa no te kakao.

13 Kua akatae rava aia i te au kakao no tona pia ki roto i taku pukuatu ra.

14 E avirianga au no toku au tangata katoa; ko to ratou ia amuamuanga e

15 po na atu te rā. Kua akaki mai aia iaku ki te mea manmaa, e kua akakona aia iaku ki te mea kavangu ra.

16 Kua aati oki aia i taku nio ki te kirikiri, kua tapoki aia iaku i te reu

17 ai. Kua akataka ke atura koe i toku vaerua i te au: e te meitaki ra, kua

18 ngaro ia iaku. Kua karanga iora au, Kua kore toku matutu e toku irinaki-anga ia Ichova:

19 Te manako anga i toku nei maki e toku nei tumatetenga, e lone ia e te

20 kavangu. Te maara nei nui toku vaerua i te reira, e kua akapikoia ki raro

21 i roto iaku. Teia ra ta taku ngakau e maara nei, e teianci e manakonako anga toku.

22 No te aroa tini o Ichova i kore ei tatou i pou, no te mea kare tona tangi

23 e mutu. E mea ou i te au popongi katon nei: to tuatua-mou, e mea maata

24 ia. Ko Ichova taku nei tuanga, te pera nei taku vaerua; no reira au i irinaki atu ei iaia.

25 Meitaki to Ichova kia ratou tei tapapa iaia ra, ki te vaerua i kimi iaia

26 ra. Meitaki oki kia manakonako atu rai, e kia tiaki marie, i te ora na Ie-

27 hova. E meitaki no te tangata kia apai i te zugo i tona ou anga ra.

28 Te noo meamea ua aia ma te muteki, no te mea kua tukuia ia e ia ki runga

29 iaia. Kua tuku ua atu aia i tona vaa ki raro i te one-puen; peneiake e ma-

30 nakonakoanga. Kua oronga ua atu aia i tona paparinga ki tei ta mai: kua akakiia aia ki te akakino.

31 Kare oki te Atu e akaruke e tuatau 32
ua atu: Tuku ua mai aia i te mate, e aroa mairai aia, e kia tau ki te maata

33 anga o tona aroa. Kare oki aia e toku inangaro mai i te mate, e te auc ki te tamariki a te tangata nei.

34 I te takataakai anga ki raro ake i te vaevae te aronga ravarai i tapekaia i

35 te enua nei. I te ruri ke anga i te tuatua-tau a te tangata nei ki mua i te

aroaro o Tei Teitei ra, I te akakore i 36
ta te tangata nei tuatua, kare te Atu e
kite mai i te reira.

Koai teia e tuatua nei e kua tupu 37
iora, tei kore i akaueia e te Atu?
Kare no roto i te vaa o Tei Teitei e tae 38
mai ei te meitaki e te kino. Eaa i 39
kinokino ei to tangata ora nei? te tan-
gata i te utunga o tana ara. E kimi 40
tatou, e e unuunumou marie, i to
tatou au aerenga, ka oki ei kia Iehova
ra. Tatou e apai i o tatou ngakau, ma 41
o tatou rima ki te Atua i runga i te
rangi ra. Kua ara matou, e kua mea- 42
meaau; kare koe i akakore mai; Kua 43
tapoki koe ia matou i to riri, e kua aru-
maki mai: kua ta koe, kare koe i
tangi mai. Kua tapoki koe ia koe 44
uaorai ki te tumurangi, kia kore te
pure e tae atu ki roto ra. Kua aka- 45
riro koe ia matou ei para, e te mea
akaruheia, i rotou i te au tangata nei.
Kua amama te vaa o to matou au 46
enemi katao ia matou nei. Kua ro- 47
koia matou e te matakua e te creere, te
tanea, e te akapou. Te maringi a 48
kauvai ua nei toku mata i te pou o te
tamaine a toku iti-tangata. Te ta'e ua 49
nei toku mata, kare i tukumoe, kare i
tivata, E kia akara mai a Iehova ki 50
raro, kia akono mai i runga i te rangi ra.
No taku mata nei i mamae ei toku 51
ngakau i te au tamaine katao o toku
nei oire. Te aronga i enemi ua mai 52
iaku nei kare e ara ra, kua arumaki
ua mai iaku mei te manu ra. Kua 53
tipu ratou i toku ora i roto i te
vaarua, e kua uri mai i te toka ki
runga iaku. Kua ta'e te vai na runga 54
i toku mimiti; kua na ko akera au,
Kua tipu keia au. Kua kapiki au i 55
to ingoa, e Iehova, mei roto i te
vaarna ra ki raro: Kua akarongo oki 56
koe i toku reo: auraka koe e ariu ke
i to taringa i toku nei ngengeti anga, i
toku nei kapiki. Kua akavaitata mai 57
koe i te rā ka kapiki atu ei au ia koe
ra: kua tuatua mai koe, Auraka e ma-
taku. Kua akatika koe, e te Atu, i te 58
au tuatua a toku vaarua; kua oko oki
koe i toku ora. Kua akara mai koe, 59
e Iehova, i toku takinga-kino angaia, e
akatika mai koe i taku tuatua. Kua 60
akara mai koe i ta ratou au akamou-
pukuanga katao ra, to ratou au mana-
koanga iaku nei. Kua akarongo koe 61
i ta ratou akakino, e Iehova, ta ratou
au manakoanga katao iaku nei; Te 62
vaa o tei akaenemi mai iaku, e ta
ratou akakoroanga iaku nei e po ua
atu te rā. Ka akara ana i to ratou 63
noo anga ki raro, e to ratou tu anga ki

64 runga, ko au rai to ratou amu. E tu-
taki mai koe ia ratou, e Iehova, kia
65 tau i tei raveia e to ratou rima. E
oronga koe i te ngakau māro no ratou,
66 ei ia ratou te katara naau. E aru-
maki koe ia ratou ma te riri, kia pou
atu ratou ia koe i raro ake i te au
rangi o Iehova.

PENE IV.

*Te auueia nei Ziona e te aakiia nei
tana ara: te tuatua ia Edoma.*

1 **A**UE te auro i moneneu ua e! e te
auro meitaki rava ra i te tu ke
e! te au toka tapu ra i te akaruke aere
i te openga mai o te au arataa katao
2 e! Te au tamariki memeitaki a Ziona,
e tau ki te auro meitaki roa ra, aue,
kua manakoia mei te āriki one i
3 angaia e te rima o te potera ra! Te
oronga nei oki te au tanina ra i te u,
te akangote nei i ta ratou au punua:
riro atura ra te tamaine a toku iti-ta-
ngata nei ei aroa kore, mei te au ione
4 o te medebara. Kua piri te arero o
te kaiu ki tona vaa i te kaki vai: kua
pati te au tamariki i te kai, e kare
5 rava e tangata e o atu na ratou. Te
aronga i kai i te manga memeitaki ra,
tei rere a mate ua i roto i te au arataa
ra: ko tei pakari i te kakau anga i te
muramura ra, kua tiraa ua ia ki runga
6 i te tiringa teita. Kua akamaataia to
mate o te tamaine a toku nei au ta-
ngata, i te utunga a Sodoma, ko tei
uritumu uaia mei te kamo anga mata
7 nei, kare i raveia e te rima nei. Tona
au Nazira ra, e viivii kore ia i to te
kiona, e teatea maata to ratou i to te u
nei, e kutekute maata to ratou tino i
to te peninima, e te inuina mei to te
8 saphira ia: *I teianei* e kerekere maata
to ratou mata i to te poiiri, e kare ratou
i kitea i te au arataa nei: kua piri to
ratou kiri ki to ratou ivi, kua mimi-
9 roia, e kua riro mei te rakau ra. E
ngari ake to tei taia i te koke nei, i tei
mate ua i te onge; kua unui uaia oki
teianei aronga, i koputa roaia, no te
mea kua ngere i te manga o te enua
10 nei. Na te rima o te vaine tangi nei
i tunu i ta ratou uaorai tamariki, kua
riro ia ei kai na ratou i te pou anga i
te tamaine a toku nei iti-tangata.
11 Kua akatupu a Iehova i te riri akaoko
nana, kua riringi ua aia i te viviki o
tona riri; e kua tutungi i te aii Ziona,
12 e kua pou tona au tumu ra. Kare oki
te au ariki o te enua ma to tei noo i te
ao katao nei i manako e, e o te ekai e
te au enemi ki roto i te au ngutupa i

Ierusalem. No te ara teia a tona ra 13
 au peroveta, e te kino o tona ra kau
 taunga, ko tei akamaringi ki rotupu
 iaia ra i te toto o te aronga tuatua-
 tika ra. Kua uoa aere ua ratou ki 14
 roto i te au arataa mei te matapo, kua
 akaviivii oki ratou ia ratou uarai i te
 toto, e kare ua atura to ratou kakau e
 tika kia arapaki ua atu. Kia atea atu, 15
 e te aronga viivii, kua kapiki mai
 ratou kia ratou; kia atea atu, kia
 atea atu, auraka e akatukia; e
 kia rere ke ratou e kia ori ua,
 kua na ko maira to roto i te etene
 ra, Kare ratou e oki e noo. Kua aka- 16
 pucu te mata o Iehova ia ratou, e kare
 rava e akono akaou ia ratou; kare oki
 ratou i akangateitei i te aroaro o te kau
 taunga, e kare i kite ua atu i te aronga
 pakari. Kareka matou nei, kua poe- 17
 poe to matou mata i te *tiaki anga* i to
 matou tauturu puapinga kore; i to
 matou tapapa anga, kua tapapa matou
 ki te enua kare e tika i te akaora ia
 matou. Kua moetapapa ratou i to 18
 matou aerenga, e kare atura e tika kia
 aere na roto i to matou au arataa; te
 waitata maira to matou openga; kua
 ope to matou puke rā; kua tac ki to
 matou openga. E viviki maata to tei 19
 arumaki ia matou i to te au acto o te
 au rangi ra, kua arumaki mai ratou ia
 matou ki runga i te au maunga, e i
 roto i te medebara to ratou moetapapa
 anga ia matou. Te a'o o to matou rua 20
 putaiu nei, tei akatainuia e Ichova ra,
 tei rauka i roto i to ratou au vaarua
 ra; ei raro ake i tona marumaru, ta
 matou i karanga ra e, e ora'i matou i
 roto i te pa enua nei. Kia rekareka, 21
 e kia pereperekavana marie, e te
 tamaine a Edoma e, i tei noo ki te enua
 ra o Uza; e tae katoa taua kapu nei ia
 koe, e riro oki koe i te akakonaia e ka
 vai taaka ua. Kua rava atura taua 22
 utunga, e te tamaine a Ziona, kare aia
 e apai tuikaa akaou ia koe, e tutaki
 mai aia i toou kino, e te tamaine a
 Edoma e, no taua ara, e apai tuikaa ei
 aia ia koe.

PENE V.

*E pure e e akakite anga i te mate
 maata na te akaaka.*

1 **A**KAMANAKO mai, e Iehova, i
 tei iri mai ki runga ia matou
 nei! e akono mai, e akara mai i to
 2 matou akakino. Kua ruri kcia to
 matou tuanga tei ia etai ke, e to matou
 3 au are tei te tangata ke ke. E aronga
 matiroeroe matou, kare e metua tane,
 to matou au metua vaine mei te au
 4 vaine takaua. Ei moni e inu ei matou
 i to matou vai, e no te oko i riro mai
 5 ei ta matou vaie. Ma te *zugo* i runga
 i o matou kaki te takinga-kinoia nei
 matou; te angaanga nei matou kare e
 6 akacaaanga. Kua oronga matou i te
 rima ki to Aiphiiti, e ki to Asura, kia
 7 pangia oki matou i te kai. Kua rave
 oki to matou au metua i te ara, e kare
 nei; e tei runga ia matou ta ratou au
 8 ara. E tavini tei tutara ki runga ia
 matou, e kare rava e akaora e ora'i i
 9 to ratou rima. Te rauka nei ta matou
 kai ma te kitea kore te ora, no te koke
 10 i te medebara. Kua kerekere to matou
 pakiri mei te paakiumu ra, no te onge
 11 paka na. Te au vaine i Ziona kua
 kukumi uaiia e ratou; te au paretenia
 12 i te au oire i Juda ra. Kua riia ki
 runga te ui ariki ki te rima: kare i
 13 akangateiteiia te aronga pakari: Kua
 rave ratou i te au tangata ou ei taviri
sitona, e kua inga te tamariki ki raro
 14 ake i te vaie. Kua kore te au tangata
 pakari i te ngutupa, te au tangata ou
 15 i ta ratou i akatangi ra. To matou
 rekareka ngakau ra, kua kore ia; kua
 riro to matou ura anga, ei aue anga.
 16 Te korona o to matou upoko, kua topa
 ia: e ae oki tatou, kua ara oki tatou.
 17 No reira i taitaia'i to tatou ngakau, no
 teianei au mea i ave ei to tatou mata;
 18 No te maunga ra ko Ziona, ko tei
 tanea ra ia, e kua aere ua te suoli na
 19 rungao. Kareka koe, e Iehova, e tika
 koe i te noo anga e tuatuu ua atu; e
 20 toou terono, i tera uki, i tera uki. Eaa
 koe e akangaropoina tamou ua mai ia
 matou nei? e akaroa ua ainei koe i
 21 toou akaruke anga mai ia matou? E
 akaariu koe ia matou ia koe, e Iehova,
 kua ariu ia matou i reira; akaou mai
 koe i to matou puke rā mei tei taito
 22 ra. Kua akaruke takiri mai oki koe
 ia matou nei; e riri maata ua atu toou
 ia matou nei.

TE BUKA A TE PEROVETA RA A

EZEKIELA.

PENE I.

*Te tuatua i totou ei a Ezekielia i Ke-
bara, e te orama tana i kile i nga
Kerubi ra, nga porotata e a, e te
kaka o Iehova.*

E TAE akera ki te toru ngauru o
te mataiti, e te a o te marama, e
te rima oki o te rā i taua marama ra,
tei rotoupu au i te au tuikaa i te vai ra
i Kebara, kiritia akera te rangi, e kite
atura au i te orama a te Atua. I te
rima o te rā i taua marama ra, ko te
mataiti rima ia o te tuikaa anga o te
ariki ra ko Iehoiakima, Ko te tae pu
tika anga mai ia o te tuatua a Iehova
kia Ezekielia, te tamaiti a Buzi, taunga
ra, i te enua o te Kaleda, i te vai ra
ko Kebara; e tei runga maira te rima
o Iehova iaia i reira.

E kua akara iora au, e i na, e pua-
ioio i te tae anga mai no te pae i apa-
tokerau ra, tetai tumurangi maata, e
te ai i te tavriviri katoa anga ki roto
iaia orai, e te kakū e pini ua ake i te
reira, e i rotoupu ra mei te Kasemala te
tu, i rotoupu i taua ai ra. E mei ro-
topu mai i te reira mei nga mea ora
e a ra te tu. Teia oki to ratou tu;
mei to te tangata nei rai to ratou tu.
Taki a anake rai o ratou mata, taki a
oki o ratou peau e pini ua ake. E to
ratou vaevae, e vaevae tikaoru ua ia:
e to ratou maikao-vaevae ra, mei to te
maikao-vaevae o te kafa ra ia: e mei
te veo akakakūia ra to ratou tu i te
purapura anga mai. E rima tangata
oki to ratou i raro ake i o ratou peau,
i nga pae katoa e a ra; e tei ia ratou
katoa toko a ra o ratou puke mata ma
o ratou peau. Topiriia iora to ratou
peau ki tetai ki tetai; kare ratou i
aririri kia aere; aere tika ua ratou
ravarai ra na mua. E te tu o to ratou
au mata, e mata tangata to ratou ka-
toa toko a ra, e te mata liona i te pae
katau: e e mata bovi ia i te pae kaui;

e te mata aeto to ratou katoa toko a
11 ra. Ko te tu ia o to ratou au mata;
e to ratou au peau i te totoa anga ki
runga ra; e rua ake peau o ratou ra-
varai i te piri anga ki tetai ki tetai,
e ko e rua oki ei tapoki ia i o ratou
12 tino. E aere tika ua ratou ravarai ra
na mua: ta te vaerua i aere ra, kua
aere katoa ratou; kare i ariu kia aere
13 ratou ra. E te tu o aua nga mea ora
ra, e tau to ratou tu ki te ngarau ai
e mura ra, e mei te tu o te au lamepa
ra: kua peke ki runga, e kua oki
mai ki raro, na roto i aua nga mea
ora ra; e mea kakū oki taua ai ra, e
kua koraparapa maira te uira no roto
14 i taua ai ra. Kua oro iora aua nga
mea ora ra, e kua oki maira mei te
korapa anga uira ra te tu.
15 Te akara ua ra au i aua nga mea ora
ra, e i na, e porotata tei runga i te enua
nei i te pae o aua nga mea ora ra, e
16 nga aro katoa e a ra. E te tu o taua
nga porotata ra, e ta ratou angaanga,
mei te taresisa te tu: e okotai o ratou
arite e a katoa ra: e to ratou tu e ta
ratou angaanga, mei te mea e, e poro-
17 tata i rotoupu i tetai porotata. E kia
aere ratou ra, na runga i nga pae katoa
e a ra kia aere: kare oki ratou e ariu
18 kia aere. E to ratou au taua ra, e
to ratou teitei, e mea matakutaku; e to
ratou au taua ra, kua ki ia i te mata
19 e pini ua ake ratou e a katoa ra. E
kia aere aua nga mea ora ra, kua aere
katoa nga porotata i vaitatao; e kia
apaiia nga mea ora ki runga i te enua
nei, kua apai katoaia nga porotata ki
20 runga. E te au ngai katoa i aereia e
te vaerua ra, kua aere katoa ratou, i
reira oki te vaerua i te aere anga; kua
apai katoaia nga porotata i vaitatao:
tei roto oki te vaerua o taua nga mea
21 ora ra i te au porotata ra. Kia aere
tera aronga, kua aere katoa teia; e kia
tu ua tera aronga, kua tu katoa teia;
e kia apaiia tera aronga ki runga i te
enua nei, kua apai katoaia nga poro-

tata i vaitatao; tei roto oki te vaerua o taua nga mea ora rai i te au porotata.

E mei te reva nei te tu i te vairanga 22
mai i runga ake i te mimiti o au nga
mea ora ra, mei te kereke rikarikaia
ra te tu, i te oora angaia na runga ake
i to ratou upoko. E ko raro ake i taua 23
reva ra, te tika ua ra to ratou peau ki
tetai ki tetai: taki rua anake rai to ra-
tou ei tapoki i to ratou tino i teia pae,
e taki rua oki to ratou ei tapoki i to
ratou tino i tera pae. E kia aere ra- 24
tou ra, kua akarongo au i te aruru o to
ratou au peau, mei te aruru o te tai
maata ra, mei te reo o te Mana katoa-
toa ra, te reo tuatua mei te maoro o
tetai nuku ra: kia tu ua ratou ra, kua
tuku ratou i o ratou peau. E tetai 25
reo maira no roto i te reva i runga ake
i to ratou upoko, kia tu ua ratou, e
kua tuku i o ratou peau.

E ko runga i te reva ki runga i to ra- 26
tou au upoko ra, mei tetai terono te tu,
mei te toka saphira te tu: e i runga
ake te tu o te terono ra, e arite anga
mei te tu o te tangata i rungao i te
reira. Kua akara iora au mei te kase- 27
mala te tu, mei te tu o te ai ra e pini
ua ake i roto i te reira ra; mei tona
taukupu e runga akera, e mei tona tau-
kupu e raro iora, akara atura au e mei
te ai te tu, e kua pini akera aia i te
kakā. Mei te tu o te anuanua e vai i 28
roto i te tumurangi i te rā ua nei, ko
te tu ia o te kakā e pini ua ake. Ko
te tu ia teia o te arite anga o te kakā
o Iehova. E tei te kite anga atu au
ra, kua tipapa iora au ki raro te mata,
e kua akarongo atura au i te reo o tetai
i tuatua maira.

PENE II.

*To Ezekiel tonon angaia, e te tuatua
i apiia atu: te pokaikai tuatua
totou.*

E KUA tuatua maira aia kiaku, E 1
te tamaiti a te tangata na, tu ua
mai to vaevae, e e karanga atu au kia
koe. E kua tomo maira te vaerua ki 2
roto iaku, iaia i tuatua mai kiaku ra,
e kua akatu maira aia iaku i toku vae-
vae, e kua akarongo atura au iaia i tei
tuatua mai kiaku ra. E kua tuatua 3
maira aia kiaku, E te tamaiti a te ta-
ngata na, te tono nei au ia koe ki te
tamariki a Iseraela, ki te enua mea-
mea au, tei meameaau mai iaku ra: ko
ratou e to ratou ai metua tei ara iaku, 4
e tae rava akenei ki teianci rā. E
puke tamariki uouomatua oki ratou, e

te ngakau ketaketa. Te tono nei au ia
koe kia ratou; e ka karanga au koe
kia ratou, Te na ko maira te Atu ra
5 ko Iehova. E ko ratou, to ratou aka-
rongo anga, e te kore anga, (e ngutu-
are meameaau rai oki ratou,) e kite
rai ratou e, e peroveta tei noo ana i
rotopu ia ratou.

6 E ko koe, e te tamaiti a te tangata
na, auraka e matakau atu ia ratou, au-
raka oki e matakau i ta ratou tuatua,
tei ia koe oti te au rakau taratara e te
tataramoa, e kua noo koe ki rotopu i te
au sekopio: auraka e matakau i ta ra-
tou tuatua, auraka oki e kulkaravi i to
ratou mata, e ngutuare meameaau rai
7 oki ratou. E ko taku nei au tuatua
taua e karanga atu kia ratou, to ratou
akarongo anga, e te kore anga: e aro-
8 nga meameaau oki ratou. Ko koe ra,
e te tamaiti a te tangata na, e akarongo
mai koe i taku e karanga atu kia koe
nei; Auraka koe e meameaau, mei tuua
ngutuare meameaau nei: ka akaama-
ma mai koe i to vaa, e ka kai i taku e o
atu kia koe ra.

9 E i taku akara ua anga, e i na, e
rima tei tukuia mai kiaku nei; e i na,
10 e pokaikai tuatua tei roto; E kua oora
maira aia i te reira ki mua iaku nei;
e kua tataia i roto e i vao: ko te eva-
kakau, e te mihi, e te aue, tei tataia i
roto ra.

PENE III.

*Kua kai a Ezekiel i te pokaikai tua-
tua ra, kua akamaroiroia aia e te
Atua.*

1 KUA tuatua maira oki aia kiaku,
E te tamaiti a te tangata na, ka
kai i tei kitea e koe ra; ka kai i teia-
nei pokaikai, ka aere ci ka tuatua'i ki
2 te ngutuare o Iseraela. Kua aka-
amama atura au i toku vaa, e kua aka-
angaia maira aia iaku i taua pokaikai
3 ra. Kua tuatua maira oki aia kiaku,
E te tamaiti a te tangata na, kia kei-
ngaia e to kopu, e ka akaki i to nga-
kau ki teianci pokaikai, taku e o atu
kia koe ra. Kua kai iora au; e mei
te meli te tu i toku nei vaa i te vene-
recka.

4 E kua tuatua maira aia kiaku, E te
tamaiti a te tangata na, ka tu koe ka
aere ki te ngutuare o Iseraela, ka ka-
ranga atu ei i taku nei au tuatua kia
5 ratou. Kare oki koe i tonokia atu ki
te aronga tuatua ke ke, e te reo marō-
kiakia, ki te ngutuare ra o Iseraela;
6 Kare oki ki te au tangata e manganui
ma to tuatua ke ke, e te reo marokia-

kia, tei kore i kitea e koe ta ratou au tuatua. Angairi au i tono atu ia koe kia ratou ra, kua akarongo mai ana ia koe. Kare ra te ngutuaru o Iseraela e akarongo mai ia koe; kare oki ratou e akarongo mai iaku ra: kua uouomatou anake ra oki te ngutuaru o Iseraela, e te ngakau mūrokiakia. I na, kua akamaroiroi au i toou na mata i to ratou au mata, e toou rae kia maroiroi i to ratou au rac. Mei te semira ra, ketaketa maata tona i to te toka tama ra, toou ia rae i te akapakari angai e au ra: auraka e mataku, auraka oki e kakaravi i to ratou mata, e ngutuaru meameaanu oki ratou.

E kua tuatua mairai aia kiaku, E te 10 tamaiti a te tangata na, ko te au tuatua katoa naku taku e karanga atu kia koe ra, ka āriki mai i roto i to ngakau na, e akarongo mai oki to taringa. Ka tu koe ka aere ki te aronga 11 tuikaa ra, ki te au tamariki o to au tangata na, ka karanga atu ei kia ratou, ka akakite atu ei kia ratou, Te na ko maira te Atu ra ko Iehova, to ratou akarongo anga e te kore anga.

Kua apai akera te vaerua iaku, ki 12 runga, e kua akarongo atura au i te reo ngaueue maata i muri ake iaku, i te na ko anga, Kia akameitakiia te kakā o Iehova mei tona ngai atu. Akarongo 13 katoa atura au i te aruru peau o nga mea ora ra, tei tukia ki tetai ki tetai, e te aruru o nga porotata i vai-tata iora, e te aruru o te mea ngaueue maataia ra. Kua apai akera te vaerua 14 iaku ki runga, e kua apai ke atura iaku, aere atura au ma te tumatetenga e te kinokino o toku ngakau; te ririnui maira te rima o Iehova ki runga iaku nei.

Tae atura au ki taua aronga tuikaa 15 ra i Tela-abiba, ko tei noo ki te pae vai ra ko Kebara, noo atura au i te ngai ta ratou i noo ra; noo atura au i rotopu ia ratou ma te tumatetenga, e po itu akera. E ope akera aua nga po 16 e itu ra, i tae mai ei te tuatua a Iehova iaku nei, na ko maira, E te tamaiti a 17 te tangata na, kua akariro au ia koe ei tiaki ki te ngutuaru o Iseraela nei: e teianei e akarongo mai koe i te tuatua i toku nei vaa, e na ko nei atu koe iaku nei i te ako ia ratou. Kia tuatua oki 18 au ki te tangata kino ra, E mate tikai koe, e kare koe e ako atu, e kare e karanga atu, ei ako anga atu i te tangata kino i tona ra aerenga kino, e kia ora aia ra; e mate atura taua tangata kino 19 ra i tana ra ara; e umuumu maira au i te oko i tona toto ia koe ra. Kia 19

ako ra koe i te tangata kino ra, e kare aia i ariu mai i tona ra kino, e i te aerenga kino nona ra, ka mate aia i tana ra ara, kua akaora ra koe ia koe 20 uorai. E te tangata tuatua-tika ra, kia ariu maira i tana ra tuatua-tika, e kua rave iora i te ara, e kua tuku au i te turorianga ki mua iaia ra, e mate iora aia, no te mea kare koe i ako atu iaia; ka mate ia aia i tana ra ara, e kare e manakoia te tuatua-tika i raveia e ia ra; e umuumu maira au i te 21 oko i tona toto ia koe ra. Kia ako ra koe i te tangata tuatua-tika, kia kore te tangata tuatua-tika e rave i te ara ra, e kare akera aia e rave i te ara ra, ka ora ia aia, no te mea kua akoia aia: kua ora katoa oki koe ia koe uorai.

22 Tei runga maira te rima o Iehova iaku i reira; e kua tuatua maira kiaku, Ka tu, ka aere ki te ngai mataatana, ei reira au e karangaranga atu ei kia 23 koe. Kua tu akera au, e kua aere ki te ngai mataatana ra: e i na, te tu ua maira te kakā o Iehova i reira, mei te kakā taku i kite i te vai ra i Kebara: e 24 kua inga iora au ki raro te mata. Kua tomo maira te vaerua ki roto iaku i reira, e kua akatu maira iaku i toku vaevae, e kua tuatua maira aia iaku, na ko maira, Ka aere, ka popani ia 25 koe orai ki roto i to are na. E ko koe oki, e te tamaiti a te tangata na, i na, ka tuku ratou i te ruru ki runga ia koe, e ka ruruia koe i te reira, e auraka koe e tae ki vao i rotopu ia 26 ratou ra: E naku e topiri i to aroero i to tanga i runga ra, e ka riro koe ei murare, kia kore koe e ako atu ia ratou ra; e ngutuaru meameaanu oki 27 ratou. Kia tuatua atura au kia koe ra, naku e kiriti i to vaa, e naau e karanga atu kia ratou, Te na ko maira te Atu ra ko Iehova; Ko tei akarongo ra, vaoa kia akarongo ua maira: ko tei kore ra, vaoa ia kia kore ua ra: e ngutuaru meameaanu oki ratou.

PENE IV.

Te akakite nei te peroveta i te tu o to Ierusalem koropini angai, e te onge maata te ka tupu i reira.

1 **K**O koe oki, e te tamaiti a te tangata na, e rave koe i tetai toka karakarene, ka tuku ei ki mua ia koe ra, ka kotikoti ei i te oire ra ko Ierusalem 2 alema ki runga: Ka akapini ei i te reira, ka patu ei i tetai punanga tamaki ki muao ra, ka āu ei i tetai ngai teitei ki mua i te reira; ka patia atu ei oki i te puakapa, ka tuku ei

oki te au tutuki e pini ua ake. Ka 3
rave ei oki koe i tetai manga auri
parārū ka akatu ei koro auri i rotopu i
taua oire ra e ko koe : ka anga atu ei i
to mata ki te reira, e naau e akapini i
te reira, naau rai oki e kai tamaki atu
i te reira. E akairo ia te reira na te
ngutuare o Iseraela. Ka moe oki koe, 4
ei raro to kaokao kaui ra, ka tuku ei i
te ara a te ngutuare o Iseraela i ru-
ngao : e ope rava ake te au rā taau e
moe i te reira pae, ko taau ia akakoro-
maki anga i ta ratou au ara. Kua 5
tuku atu oki au ki runga ia koe i te au
mataiti o ta ratou ara, e kia aite ki te
tatau anga i nga rā e toru anere e i va
ngauru ra : ko taau ia akakoromaki
anga i te ara a te ngutuare o Iseraela
ra. E ope akera te reira, ka moe 6
akaou koe, ei raro to kaokao katau,
kia a ngauru ou rā i te akakoromaki
anga i te ara a te ngutuare o Iuda :
okotai rā okotai rai ia mataiti i te
akono angaia e au ia koe ra. E tenana, 7
ka anga koe i to mata ki te akapini
anga ia Ierusalemā, ka vao tapoki
koreia toou rima, e ka totou koe i te
reira. E i na, naku e tuku i te tapeka 8
ki runga ia koe, kare oki koe e taka-
viri ki tetai pae ki tetai pae, e kia ope
te au rā tamaki anga naau ra.

Ka rave katoa oki koe i te sitona e 9
te kerite naau, e te pola, e te odesi, e
te dekeni, e te kesemi, ka ao ei ki roto
i te āriki okotai, ka akairo ei i te
reira ei areto naau, e kia aite ki te
tatau anga o nga rā noon i te moe anga
ki raro to kaokao ra ; e toru anere e
iva ngauru ou rā i te kai anga i te
reira. E taau ra manga kia kai ra, 10
okotai takau ia sekela i te rā okotai,
kia aite ra : ei tera tuatua tera tuatua,
ka kai ei koe. E inu katoa oki koe i 11
te vai ma te aite, te ono o te tuanga
o te ina ra : ei tera tuatua, tera tuatua,
ka inu ei koe. E kai oki koe i 12
tetai areto kerite, e ei tutae tangata te
vaie kia tunu koe ki mua i to ratou
aroaro. Kua tuatua mairā Iehova, 13
Mei te reira te tamariki a Iseraela i te
kai anga i ta ratou manga viivii i ro-
topu i te au etene, taku e iia atu ia ra-
tou ra. Kua karanga atura au i reira, 14
E te Atu e Iehova ! i na, kare toku
vaerua i viivii aia : ko te mea mate
na ra oki, e tei aeacia ra, kare rai au i
kai mei toku ou anga mairai e teia noa'i
oki : kare oki te puaka viivii i tae mai
ki roto i toku nei yaa. Kua tuatua 15
mairā aia kiaku i reira, I na, kua tuku
atu au i te tutae bovi kia koe, auraka
to te tangata, ka tunu ei koe i taau kai

16 i te reira. E kua tuatua mairai oki
aia kiaku, E te tamaiti a te tangata na,
i na, e aati au i te tauturu ra i te kai i
Ierusalemā : e kai oki ratou i te kai
ma te aite, e te taporoporo ; e inu oki
ratou i te vai ma te aite, e ma te va
17 ua : Kia ngere atu rai ratou i te kai
e te vai, e kia va ua atu ki tetai ki
tetai, e kia kakao ua atu ratou i ta ratou
ara.

PENE V.

*Te utunga a Ierusalemā no to ratou
meameau anga ra.*

1 **E** KO koe, e te tamaiti a te tangata
na, ka rave koe i tetai apinga ko-
koi, i tetai reza na te varu tangā ra,
ka varu ei i to mimiti na, e i to kumi-
kumi, ka rave ei i tetai aite akateiaa
2 ei nite, e ei tua, i taau *rauru* ra. E
te toru o te tuanga ra, naau e tau
ki te ai i rotopu i taua oire ra, kia
ope nga rā akapini anga ra : ka
rave ei oki koe i tetai i taau nga
tuanga e toru ra, ka reru aere ei ki te
matipi : e tetai toru o te tuanga ra,
naau e akapuen ki te matangi ; e na-
ku e unui i te koke na muri ia ratou.
3 Ka rave oki koe i tetai pae o ratou,
auraka e rainga kia tatau, ka ri ei ki
4 roto i to tapa kakau. Ka rave akaou
ei oki koe i tetai pae o ratou, ki titiri
atu ei ki roto i te ai, kia ka atu i roto
i te ai ; e riro oki i te tae mai te ai
no roto ia ratou ki te ngutuare katoa
o Iseraela.
5 Te na ko mairā te Atu ra ko Ie-
hova ; Ko Ierusalemā teia : kua tuku
oki au iaia ki rotopu i te au etene, e te
6 akapiniia nei aia e te pa enua nei. Kua
rai tana taruri ke anga i te au tuatua-
tau naku ei kino, e iti to te au etene
ra, e taku nei au akonoanga, e iti to te
pa enua ra e pini ua ake aia ra : kua
akaruke ratou i te au tuatua-tau naku
ra, e kare ratou i aere na taku nei
7 au akonoanga. E teianci, te na ko
mairā te Atu ra ko Iehova, No te mea
kua akamaataia kotou i to te au enua
e akapini mai ia kotou na, e kare i
aere i taku nei au akonoanga, e kare
i akono i taku nei au tuatua-tau, kare
oki kotou i rave i te au tuatua-tau,
mei ta te au enua e akapini ia kotou
8 na ; E teianci, te na ko mairā te Atu
ra ko Iehova ; I na, ko au, ko au nei
rai, tei patoi ia koe, e naku e akau-
tunga atu i rotopu ia koe, ki mua i te
9 aroaro o te au enua nei. E naku e
rave i roto ia koe i tei kore i raveia
e au ra, e kare oki au e pera i te rave
akaou, no taau ra au mea viivii rava-

rai ra. E teianei e kai te au metua i 10
te tamariki i roto ia koe na; e kai oki
te au tamariki i te au metua; e naku
e akautunga atu i to roto ia koe; e toou
aronga ravarai i toe ra, naku ia e aka-
pueurikiriki ki te au matangi katoa
ra. E teianei, te ora nei au, te tuatua 11
maira te Atu ra ko Iehova; No te
mea kua akaviivii mai koe i toku nei
ngai-tapu, i taua katoa ra au mea viivii,
e taua katoa ra au mea kikino, e rave au
ia kotou e akaiti, e kare toku mata e aka-
perepere, e kare rava oki au e aroa atu.

E te toru o te tuanga ia koe ra, ka 12
mate ia i te maki-mate ra, e pou oki
i te onge i rotupu ia koe na: e te toru
oki o te tuanga ra, e inga ia i te koke
e pini ua ake koe na; e te toru oki
o te tuanga, naku ia e akapueuriki-
riki ki te au matangi katoa ra, e naku
e unui i te koke na muri ia ratou. E 13
pera au i te akatupu i toku nei riri,
e akairi au i taku riri otooto ki
runga ia ratou, e mareka akera oki
au: e kite ia ratou e, naku na Iehova
i karanga atu ma taku rinui katoa
ra, kia akatupuia taku riri otooto ki
runga ia ratou. E akariro atu oki 14
au ia koe ei enua pou, e ei akakino-
anga i rotupu i te pa enua e akapini
mai ia koe ra, ki mua i te aroaro o te
aronga katoa e na reira te aere. E riro 15
oki ia ei akakinoanga, e ei amuamu-
anga, e ei akoanga, e ei vavaranga,
na te pa enua e akapini mai ia koe
ra, kia akatupu au i te tuatua-tau
ki runga ia koe, ma te riri, ma te
riri otooto, e ma te akamura viviki
atu. Ko au teia ko Iehova e tuatua
nei. Kia akaunga atu au i te au ka-
kao kikino ra i te onge ki runga ia 16
ratou, ka mate ei ratou ra, ko taku ia
e akaunga atu kia pou kotou: e aka-
maata au i te onge ki runga ia kotou,
e ta kotou tauturu ra, ko te areto, naku
ia e nati. E unga atu au i te onge ki 17
runga ia kotou, e te au puaka kikino,
e na te reira e akangere ia koe; e te
maki-mate, e te toto, te ka na roto
ia koe; e apai mai oki au i te koke
ki runga ia koe. Ko au teia ko Iehova
e tuatua nei.

PENE VI.

*Jerusalemia i akaokoia i to ratou aka-
mori idolo: e ora tetai toenga: e
aue no te au mate.*

KUA tao maira oki te tuatua a 1
Iehova kiaku nei, na ko maira,
E te tamaiti a te tangata na, ka nga 2
atu i to mata ki te au maunga i Ise-

raela nei, ka totou atu ei ia ratou,
3 Ka na ko atu ei, E te au maunga i
Iseraela nei, ka akarongo mai i te tua-
tua a te Atu ra a Iehova; Te na ko
maira te Atu ra ko Iehova ki te au
maunga, e ki te au tuaivi, ki te au
kauvai ra, e te au o ra: I na, ko au,
ko au nei rai, e apai mai au i te koke
ki runga ia kotou, e e akakore au i ta
4 kotou au ngai teitei. E tanea ta kotou
au atarau, e ta kotou au tiki ra, e ngaa-
ngaa ia: e akainga oki au i to kotou
aronga i taia ki mua i te aroaro o to
5 kotou au idolo. E tuku oki au i te
au turuma o te tamariki a Iseraela
ki mua i to ratou au idolo; e aka-
pueurikiriki au i to kotou au ivi e
6 pini ua ake ta kotou au atarau. I to
kotou au nooanga katoa ra e pou te au
oire, e tanea oki te au ngai teitei; kia
pou oki ta kotou au atarau e kia tanea
atu, e kia ngaanga oki to kotou au
idolo e kia kore atu, e kia tipupua
to kotou au tiki ra, e kia akaruke
7 ravaia ta kotou au angaanga. E inga
oki te aronga taia i rotupu ia kotou, e
kite oki kotou e ko Iehova au.
8 E akatoe ra au i tetai toenga, kia
ora tetai pac o kotou i te koke i roto
i te au etene, kia pueurikiriki ke kotou
9 ki te pa enua ra. E to kotou e ora
ra, e akamaara mai ia iaku i rotupu
i te au etene e apai tuikaia'i ratou
ra, no te mea kua paruparu au i to
ratou ngakau akaturi, tei akaruke
iaku, e i to ratou au mata, tei riro
ki te akaturi aere ki to ratou au idolo:
e akaviivii oki ratou ia ratou uorai i
te au kino ta ratou i rave ra, i to ratou
10 au mea viivii katoa ra. E kite oki
ratou e ko Iehova au, e kare taku te
tuatua puapinga kore, i taua kino nei
taku e akatupu ia ratou ra.
11 Te na ko maira te Atu ra ko Ie-
hova; Ka papaki i to rima, ka taka-
takai i to vaevae, ka karanga atu ei,
Aue oki te au mea viivii kikino katoa
ra a te ngutuare o Iseraela e! e inga
oki ratou i te koke, te onge, e te
12 maki-mate. To te mamao ra, ka mate
ia i te maki-mate; e ko tei vaitata
ra, e inga ia i te koke; e ko tei toe
ra, e kua akapiniia, ka mate ia i te
ongē: e pera au i te akatupu anga i
13 toku riri otooto ki runga ia ratou. Ei
reira kotou e kite ei e ko Iehova au,
kia iro katoaia to ratou aronga taia i
roto i to ratou au idolo, e pini ua ake
ta ratou au atarau, ki runga i te au
tuaivi teitei, e te au take katoa o te au
maunga ra, e ki raro ake i te au rakau
rupepe katoa ra, e ki raro ake oki i

te au ale nunui katoa ra, ki te ngai ta ratou i apai i te rakau kakara ki to ratou au idolo ravarai ra. Ka akatika 14
atu oki au i toku rima ki runga ia ratou, e ka akariro au i te enua ei tanea, e ei vavaranga, e iti to te medebara i Dibelata, i to to ratou au nooanga ravarai ra: e kite ia ratou e ko Iehova au.

PENE VII.

Te pou rava anga o Iseraela, e te mate muata o te aronga i ora atu.

E KUA tae maira te tuatua a Iehova 1
ia ku nei, na ko maira, Te na ko 2
katoa maira, e te tamaiti a te tangata na, te Atu ra ko Iehova, ki te enua o Iseraela ra; E openga teia, e openga, kua tae maira ki runga i nga poo katoa e a o te enua nei. Tei runga ia 3
koe te openga i tenana, e e akatano atu au i taku riri ki runga ia koe, e e akava au ia koe i tei tau i toou ra au aerenga, e e akaoko atu au i taau katoa ra au tuatua viivii ia koe. Kare oki taku mata e akaperepere ia koe, e kare oki au e aroa atu: e akaoko ra au i toou ra au aerenga ia koe, e taau ra au mea viivii i vai i rotopu ia koe ra: ka kite oki kotou e ko Iehova au.

Te na ko maira te Atu ra ko Iehova, E kino, e kino anake, i na, kua tae mai. E openga teia kua tae maira, kua tae maira te openga: te moctapapa maira te reira ia koe; i na, kua tae maira. Kua tae te popongi ia koe, e tei noi i te enua nei e: kua tae te tuatau, te rā tumatetenga, e kare te aruru akaou anga o te au maunga ra, tei vaitata mai. Teia au ka riringi atu i toku riri otooto ki runga ia koe ra, kare e roaia, e e akaope i taku riri ki runga ia koe: e e akava au ia koe i tei tau i toou ra au aerenga, e akaoko atu au i taau katoa ra au mea viivii ki runga ia koe. Kare oki toku mata e akaperepere, kare oki au e aroa atu: e akaoko atu au ia koe i tei tau i toou ra au aerenga, e taau ra au mea viivii i vai i rotopu ia koe ra; ka kite oki kotou e, ko au teia ko Iehova tei pāpū nei.

I na, ko taau rā nei, i na, kua tae: 10
kua topa akenei te popongi; kua puatia te rakau, kua kaia te nengonengo. Kua riro te tangi kore ei rakau kino: 11
kare oki ratou ra, kare oki te tini o ratou, kare oki to ratou katoa ra, e toe: kare oki ratou e aueia. Kua 12
tae maira te tuatau, te vaitata maira te rā: auraka tei oko atu e rekareka, auraka tei riro tana ra e mii: te vai

nei oki te riri otooto ki runga i tona 13
tini katoa ra. Kare oki tei oko ra e oki mai ki tana i oko ra, toe ua'i ratou i roto i te aronga e ora ra: no te tangata tini katoa nei oki teianei orama, kare e oki mai; kare oki tetai e tika kia akaketaketa iaia orai i tona kino 14
i te ora anga nei. Kua akatangia ratou i te pu, kia teateamamao katoatoa; kare ra tetai i aere ki te tamaki: *te vai ra* oki toku riri otooto 15
ki runga i tona tini ravarai. Tei vao te koke, ko te maki-mate ra e te onge tei roto: tei vao i te kainga ra, ka mate ia i te koke; e tei roto i te oire ra, ka pou ia i te onge e te maki-mate. Ko te aronga ra e ora ra, ko te ka ora ia, e riro ia i runga i te au maunga ra, mei te kukupa o te o ra, i te aue katoatoa anga i te ara, tanuo, 17
tanuo. E riro te au rima katoa i te ngavarivari, e te au turi katoa mei te vai ra te paruka ua. E tatua ratou ia ratou uaorai ki te kakau paoa, e e tapokiiia ratou e te rikarika; e te akama tei runga i to ratou au mata ravarai, e te rauru kore ki runga i 19
to ratou au nimiti katoa. E akaruke ratou i ta ratou ario ki roto i te arataa, e riro oki ta ratou auro mei te mea viivii ra: kare oki ratou e ora i ta ratou ario, e ta ratou auro, i te rā o to Iehova riri otooto ra: kare oki to ratou vaerua e mareka i te reira, e kare oki e ki to ratou kopu i te reira: ko te turorianga oki te reira no ta 20
ratou ra ara. Kareka te meitaki o tona mea akamanea, kua tuku aia i te reira ei mea tapunui: kua anga ra ratou i te au tiki o ta ratou au mea viivii, e ta ratou au mea rikarika i reira: i akariro ei au i te reira ei mea 21
viivii ia ratou. E e oronga atu au i te reira ki te rima o te au tangata ke ei apinga noni, e ki te aronga kino o te enua nei ei arunga; e ka viivii te reira ia ratou. E ariu ke oki au i toku mata ia ratou, e ka viivii taku 22
ngai ngaro ia ratou: na te aronga aru oki e tomo ki roto i te reira, ka aka- 23
viivii ei. E anga koe i tetai piriaanga-naoa: kua ki oki te enua i te ara toto, kua ki oki te oire i te takinga- 24
kino. E apai mai oki au i tei kino o te aronga etene, e na ratou e noo ki to ratou au are: e akakore au i te nengonengo o te aronga ririnui ra; e e aka- 25
viiviiia to ratou au ngai tapu ra. Te aere maira te mate; e ka kimi ratou i 26
te au, e kare ua ra. E tae mai te tumatetenga na rungao i te tumatetenga, e te rongo na rungao i te rongo; ei

reira ratou e kimi ei i te orama ki te peroveta; e ngaro ra te ture i te taunga, e te ako i te aronga pakari ra. Ka aue te ariki, e vaiia oki te tamaiti 27 a te ariki ki te poitirere, e akaanataia oki te rima o te au tangata o te enua ra: e rave oki au ia ratou i tei tau i to ratou aerenga, e mei ta ratou au akava anga ra, ko taku ia e akava atu ia ratou; ka kite oki ratou e ko Iehova au.

PENE VIII.

Te orama a te idolo akavareae: te au mea viivii i rave poiriia ra: to te Atua riri i to ratou akamori idolo.

E TAE akera ki te ono o te mataiti, 1 i te ono o te marama, e te po rima i taua marama ra, iaku i noo ua i roto i toku are, te noo katoa maira te au tangata pakari o Iuda i mua iaku, rokoia iora au i reira e te rima o te Atua 2 ra o Iehova. Kua akara iora au, e i na, e aite mei te ai ra te tu, mei tona tankupu e ko raro, mei te ai ra, mei tona tankupu oki e ko runga, mei te kakā te tu, mei te kasemala te tu. Kua tuku maira oki aia mei te rima 3 te tu, e kua opu maira iaku ki tetai makave rauru no toku nei miniti; kua apai akera te vaerua iaku ki runga i rotopu i te rangi e te enua nei, e kua apai akera iaku i te orama a te Atua ki Ierusalema, ki te pa o te ngutupa i roto ra, i tei anga tika ki te pae i apatokerau ra; tei reira te nooanga o te idolo akavareae ra, i tei akakoko kia 4 vareae. E i na, tei reira te kakā o te Atua o Iseraela, mei te orama taku i kite i te ngai mataataa ra.

E kua tuatua maira aia kiaku nei, E te tamaiti a te tangata na, ka nānā na i to mata ki te pae i apatokerau ra. Kua nānā akera au i toku mata ki te pae i apatokerau, e i na, i te ngutupa o te atarau ra, ki te pae i apatokerau ra, teianei idolo akavareae ra, i te tomoanga ra. Kua tuatua maira oki aia 5 kiaku, E te tamaiti a te tangata na, te kite ra koe i ta ratou e rave nei? te au mea viivii maata ta te ngutuaere o Iseraela i rave i teianei ngai, kia akaruke rava au i toku ngai-tapu nei? e ariu akaou ra koe, e kite atu rai koe i te au mea viivii maata roa ra. E kua 6 arataki maira aia iaku ki te ngutupa o te kezere ra; e kia akara iora au ra, e i na, e vaarua tei roto i te patu ra. E kua tuatua maira aia kiaku, E te tamaiti a te tangata na, ka ko ana ki 7 roto i te patu ra: e kia koia e au ki

roto i taua patu ra, i na, e ngutupa. 9 Kua tuatua maira oki aia kiaku, Ka aere ki roto, ka akara i te au mea kino 10 viivii ta ratou i rave i ko nei. Aere atura au ki roto, e kite atura; e i na, te au aite anga ravara i te au mea totoro aere, e te au puaka viivii, e te au idolo ravara i te ngutuaere o Iseraela, i te kotikoti angaia ki runga i te patu 11 e pini ua ake. Kua tu ua maira oki ki mua ia ratou nga tangata e itu ngauru o te aronga pakari o Iseraela, e ko Iaaania te tamaiti a Saphana i te tu ua anga i rotopu ia ratou, e ariki tumiama anake tei te rima o taua au tangata ravara ra, peke atura te tumu-rangi tumiama patapatatue ra ki 12 runga. E kua tuatua maira aia kiaku, E te tamaiti a te tangata na, kua kite ainei koe i ta te aronga pakari o te ngutuaere o Iseraela i rave nei i te poiri, te au tangata ravara i roto i te au pia tiki nona ra? te karanga ra oki ratou, Kare a Iehova e akara mai ia tatou; kua akaruke a Iehova i te enua nei.

13 E kua tuatua maira aia kiaku nei, E ariu akaou ake koe, ka kite atu rai koe i te au mea viivii maata rava, e 14 ngari ake ta ratou e rave nei. Kua arataki maira aia iaku i reira ki te pa o te ngutupa o te are o Iehova, i te pae i apatokerau ra; e i na, e aronga vaine tei noo i reira i te aue anga ia Tamuza. 15 E kua tuatua maira aia kiaku, Kua kite ainei koe, e te tamaiti a te tangata na? e ariu akaou ake koe, ka kite atu rai koe i te au mea viivii maata rava, e 16 ngari ake teia. E kua arataki maira aia iaku ki roto i te kezere i roto ra, i te are o Iehova, e i na, tei te ngutupa o te nao o Iehova, i rotopu i te tomoanga e te atarau ra, nga tangata tai takau ma rima, ma to ratou tua i te iki angaia ki te nao o Iehova, e to ra-tou mata i te ariu anga ki te itinga o te rā ra; e te akamori ra ratou i te rā i te pae i te itinga o te rā ra.

17 E kua tuatua maira aia kiaku, Kua kite ainei koe, e te tamaiti a te tangata na? E mea māma ainei i te ngutuaere o Iuda kia rave ratou i te au mea viivii ta ratou i rave i ko nei? kua akaki oki ratou i te enua ki te takinga-kino, e kua oki mai e akakoko mai iaku kia riri; e i na, te tuku nei ratou i te rara 18 rakau ki to ratou putaiu. E teianei, e rave katoa oki au ma te riri otooto: kare toku mata e akaperepere, kare oki au e tangi atu: e tae ua mai to ratou aue maata i roto i toku taringa nei, kare au e akarongo atu ia ratou.

PENE IX.

*Te ora o tetai pae, e te male o tetai pae
i akakite oramaia mai.*

KUA kapiki katoa maira aia i te
reo maata ki roto i oku taringa,
na ko maira, Ka akavaaitata mai ana i
te aronga i poroaki ia'i teianci oire, te
tangata ravarai ma tona taoonga ta tan-
gata ra i tona rima. E i na, te aere
maira nga tangata toko ono i na te ara
i te ngutupa i runga ra, e anga tika ki
te pae i apatokerau ra, te tangata rava-
rai ma tona taoonga ta tangata ra i tona
rima; e tera tetai i rotopu ia ratou ra,
e orongā te kakau, ma te āriki inika a
te tata tuatua ra i tona kaokao: aere
anake atura ratou ki roto, tu iora ki te
pae o te atarau veo ra. Riro atura te
kakā o te Atua o Iseraela mei runga i
te vairanga i runga i te kerubi ra, ki
te turuki o te are ra. Kua kapiki
atura aia ki te tangata i kakau ki te
orongā ra, tei iaia te āriki inika a te
tata tuatua i tona kakao; E kua ka-
ranga aturā Iehova kiaia, Ka aere na
rotopu i te oire, na rotopu i Ierusalemā,
ka tuku ei i te akairo ki runga i te rae
o te au tangata i aue ua, e kua kapiki
ua, i te au mea viivii katoa i raveia i
roto ra.

Kua karanga atura oki aia ki tetai
pae, ko au tei akarongo, Ka aere kotou
na muri iaia na roto i te oire, ka ta ai:
auraka to kotou mata e akaperepere,
auraka oki kotou e araa: E ta ua i te
ruaine e te mapu, i te paretania e te
tamariki mea riki, e te vaine: auraka
ra e akavaaitata ua atu ki tetai tangata
tei runga iaia te akairo ra; e akamata
ana i ko nei na toku ngai-tapu nei.
Kua akamata atura ratou i te au tan-
gata pakari ki mua i te are ra. Kua
karanga atura aia kia ratou, Ka aka-
viivii atu i te are, e ka akaki i te au
kezere ki te aronga i taia: ka aere
kotou. Aere atura ratou, e kua ta i
roto i te oire.

E te ta ua ra ratou ia ratou, e te toe
ra au, kua tipapa iora au ki raro taku
mata, e kua kapiki atura au, na ko
atura, Aue, e te Atua ra e Iehova! e
akapou rava ainei koe i te toenga o
Iseraela, i toou riringi anga i to riri
otooto ki runga ia Ierusalemā? E kua
tuatua maira aia kiaku, Te ara a te
ngutuare o Iseraela e o Iuda, kua
maata rava ia, e kua ki te enua i te
toto, kua ki oki te oire i te māro: te
karanga nei oki ratou e, Kua akaruke
a Iehova i te enua nei, e kare a Iehova

10 e akara mai. E teianci, ko au nei,
kare taku mata e akaperepere, kare
oki au e aroa atu, e tutaki ra au i to
ratou aerenga ki runga i to ratou mi-
11 titi. E i na, taua tangata i te kakau
orongā ra, nana te āriki inika i tona
kakao ra, kua akakite maira i te tua-
tua, na ko maira, Kua akapera au mei
taau i akaue mai iaku ra.

PENE X.

*Te orama o te ngarau ka i te tiria
anga i roto i te oire, e te orama o
nga kerubi.*

KUA akara iora au, e i na, i roto i
te reva i runga ake i te upoko o
nga kerubi, te vai ua maira mei te
toka saphira i runga ake, mei te terono
te tu i te arite anga. E kua tuatua
maira aia ki te tangata i kakau ki te
orongā ra, na ko maira, Ka aere na
rotopu i nga porotata ra, i raro ake i
te kerubi, ka akaki ei i to rima ki te
ngarau ka i rotopu i nga kerubi ra, ka
titiri aere ei na runga i te oire. Aere
atura aia ki roto i mua i toku mata
nei. Te tu ua ra nga kerubi ki te pae
katau i te are ra, ka aere ei taua tan-
gata ra ki roto; e te ki ra te kezere
4 i roto i te tumurangi ra. E kua aere
atura te kakā o Iehova mei te kerubi
atu, i runga ake i te turuki o te are;
kua ki oki te are i te tumurangi, kua
ki oki te kezere i te inuina o te kakā o
5 Iehova. E te arura o nga peau o te
au kerubi te rongoa ra ia, e tae rava
atura ki te kezere ki vao ra, mei te reo
o te Mana katoatoa ra kia tuatua aia
6 ra. E riro atura oki, iaia i akaue i te
tangata i kakau ki te orongā ra, ka na
ko ei ra e, Ka rave i te ai i rotopu i
nga porotata ra, i rotopu i nga kerubi;
kua aere atura aia ki roto, e kua tu
7 ua iora ki te pae o nga porotata ra. E
kua akatika iora tetai kerubi i tona
rima i rotopu i nga kerubi ra, ki te ai
i rotopu i nga kerubi, e kua rave iora,
kua tuku akera ki te rima o tei kakau
ki te orongā ra: kua rave iora aia, e
aere atura ki vao.
8 E te kitea ra mei te rima tangata ra
te tu to nga kerubi i raro ake i nga
9 peau ra. E iaku oki i akara ra, i na, e
a katoa porotata tei te pae o nga ke-
rubi, tetai porotata ki te pae o tetai
kerubi, e tetai porotata ki te pae o tetai
kerubi: e te tu o ana nga porotata ra,
10 mei te toka taresisa ra ia. E to ratou ra
au tu, okotai rai o ratou ravarai tu e a
ra, mei te mea e porotata tei roto i tetai
11 porotata. Kia aere ratou ra, kua na

runga i nga pae katoa e a te aere; kare ratou i aririu kia aere, te ngai i akaraia e te upoko ra, kua aru anake ratou ki reira; kare ratou i ariu kia aere. E to ratou kopapa katoa, e to 12 ratou mokotua, e to ratou rima, e to ratou au peau, e te au porotata, kua ki anake i te mata e pini ua ake, e nga porotata no ratou e a ra. Kareka te 13 au porotata ra, akarongo atura au i te kapiki kia ratou, E te porotata e! Taki a anake rai mata to ratou katoa 14 ra: tei muatangana iora mata, e mata kerubi ia, e te rua o te mata, e mata tangata ia, e te toru ra, e mata liona ia, e te a ra, e mata aeto ia. E apaiia 15 akera taua nga kerubi ra ki runga. Ko taua mea ora ra teia taku i kite i te vai ra i Kebara. E kia aere iora te au 16 kerubi, kua aere katoa te au porotata na waitatao ia ratou: e kia totoa iora te au kerubi i to ratou au peau e rere ki runga i te enua nei, kare taua au porotata ra i taka i waitata iora. Kia 17 tu ua ratou ra, kua tu katoa teia: e kia marangaranga ratou ki runga, kua marangaranga katoa teia: tei roto oki ia ratou te vaerua o taua mea ora ra. Aere ke atura te kakā o Iehova mei 18 runga mai i te turuki are, tu ua iora ki runga i te au kerubi. Kua totoa 19 akera te au kerubi i to ratou au peau, e kua rere atura ki i unga i te enua nei, ki mua i taku mata nei: e kia aere ratou ki vao, ko te au porotata katoa i waitatao; e kua tu iora ki te pa o te ngutupa i te itinga o te rā i te are o Iehova; e te kakā o te Atua o Iseraela tei runga ake ia ratou. Ko taua mea 20 ora teia taku i kite i raro ake i te Atua o Iseraela i te pae vai ra ko Kebara; e kua kite oki au e kerubi ratou. Taki 21 a anake rai mata to ratou katoa ra, taki a anake oki peau; e te tu o nga rima o te tangata nei tei raro ake i to ratou au peau. E te tu o to ratou au 22 mata, ko nga mata rai ia taku i kite i te vai ra i Kebara, ko to ratou ia tu e ko ratou uaorni oki ia: e aere tikaoru ua ratou katoa ra ki mua.

PENE XI.

Te māro o te aronga tutara, tu ratou ara, e to ratou mate: ko tei riro ana ei tuikaa te ka aroaia mai.

KUA akatu akera te vaerua iaku 1 ki runga, e kua arataki maira iaku ki te ngutupa ki te pae i te itinga o te rā i te are o Iehova, tei anga ki te pae i te itinga o te rā ra; e i na, tei te pa i taua ngutupa ra nga tangata oko-

1 tai takau ma rima; e kua kite katoa au ia laazania, te tamaiti a Azura, i rotapu ia ratou, e ko Pelatia, te tamaiti a Benaia, e ui ariki ia ki o te au 2 tangata ra. Kua tuatua maira aia kia-ku i reira, E te tamaiti a te tangata na, ko te au tangata teia i kimi i te kino ra, e ko tei ako i teianei oire i te tuatua 3 kino: Ko tei karanga e, Kare i waitata; tatou e patu i te are: ko teianei oire, ko te pani ia, ko tatou ra te manga. 4 E tenana, ka totou atu koe kia ratou, totou, e te tamaiti a te tangata na. 5 Kua topa maira te Vaerua o Iehova ki runga iaku, e kua tuatua maira kiaku, Ka tuatua; Te na ko mairā Iehova; Kua na ko oki kotou, e te ngutua o Iseraela: kua kite oki au i te au mea i tupu i roto i to kotou manako, *kare* e 6 toe. Kua akamaata kotou i to kotou aronga i taia i teianei oire, e kua akaki kotou i to na arataa ki te aronga 7 taia. E teianei, te na ko maira te Atua ra ko Iehova; To kotou aronga i taia i vaoia e kotou i rotapu iora, ko ratou te manga, e teianei oire te pani; e arataki ra au ia kotou ki vao mei rotapu 8 mai i te reira ra. I mataku ana oki kotou i te koke; e ei koke taku e apai mai ki runga ia kotou, te tuatua 9 maira te Atua ra ko Iehova. Naku kotou e arataki mai ki vao mei rotapu mai i te reira ra, ka tuku atu ei ia kotou ki te rima o te tangata ke ke ra, e e tuku atu au i te utunga ki runga ia 10 kotou na. Ka inga kotou i te koke; ei te matamata o Iseraela au e akava atu ei ia kotou; e kite oki kotou e ko 11 Iehova au. Kare teianei oire e riro ei pani na kotou, kare oki kotou e riro ei manga i roto ra; ei te matamata o 12 Iseraela au e akava atu ei ia kotou: E kite oki kotou e ko Iehova au: no te mea kare kotou i aere na taku nei au akonoanga, e kare oki i rave i taku au tuatua-tau, kua rave ra i ta te au etene ra au peū e akapini mai ia kotou nei. 13 E kia totou iora au ra, mate iora Pelatia te tamaiti a Benaia. Tipapa iora au ki raro taku mata, e kua kapiki atura au ma te reo maata, e kua na ko atura, Ave, e te Atua, e Iehova! e akaope takiri ninei koe i te toenga o 14 Iseraela nei? Kua tae akaou maira te tuatua a Iehova kiaku nei, na ko maira, 15 E te tamaiti a te tangata na, to au taeake, to au taeake kopu-tangata ra, e te ngutua e katoatoa o Iseraela e ope rava ake, ko tei tuatuaia mai ia e to Ierusalemā, Kia atea ke atu kotou ia Iehova nei; kua orongaia mai teianei

enua no matou ei nooanga. E tenana, 16
e karanga atu e, Te na ko maira te
Atu ra ko Iehova; Akaruke ke ua atu
rai au ia ratou i roto i te au etene ra,
akapueurikiriki ke ua atu rai au ia
ratou i roto i te au enua ra, e riro oki
au ei ngai-tapu iti no ratou ra, i taua
au enua ra ta ratou e aere ra.

E tenana, e karanga atu, Te na ko 17
maira te Atu ra ko Iehova: Naku ko-
toun e akaputupu mai mei roto i te au
tangata ra, e e akakatoatoa mai ia ko-
toun mei roto i te au enua i pueurikiriki
ke ei kotou ra, e naku e oronga atu i te
enua o Iseraela ia kotou. E e aere mai 18
ratou ki reira, e na ratou e apai ke atu i
tona au mea kino ravarai i reira, e tona
au mea viivii ravarai i reira. E naku 19
e oronga atu i te ngakau okotai no ra-
toun, e naku e tuku i te vaerua ou ki
roto ia kotou, e naku e kiriti i te nga-
kau toka i roto ia ratou, e naku e oro-
nga atu i te ngakau maru ia ratou:
Kia aere ratou na taku nei au akono- 20
anga, e kia akono i taku nei au tuatua-
tau, ka rave ei: e ei tangata ratou
noku, e ei Atua au no ratou. Kareka 21
ko tei aru aere to ratou ngakau i te
ngakau o to ratou au mea kino ra, e ta
ratou au mea viivii ra, e tutaki atu au
i to ratou aerenga ki runga i to ratou
uaorai mimiti, te tuatua maira te Atu
ra ko Iehova.

Kua akateitei akera nga kerubi i to 22
ratou au peau i reira, e te au porotata i
vaitatno ia ratou; e tei runga ake te
kakū o te Atua o Iseraela ia ratou ra.
Riro atura te kakū o Iehova mei ro- 23
topu atu i te oire ra, e kua tu ua iora
ki runga i te maunga i te pae i te iti-
nga o te rā i taua oire ra. E kua rave 24
maira te vaerua iaku ki runga, e kua
apai iaku ki te enua o te Kaleda, ki to
te aronga tuikua ra, i roto i te orama o
te Vaerua o te Atua ra. Riro atura
taua orama i kitea e au ra ki runga.
Kua akakite atura au ki to te aronga 25
tuikua ra i te au tuatua katoa ta Iehova
i akakite mai iaku ra.

PENE XII.

*Te akakite nei te Peroveta i to Zedekia
tuikua anga: i te kai anga e te inu
anga ma te ruketekete, te akakite ra
aia i te pou o te ngati Iuda.*

KUA tae mairai oki te tuatua a Ie- 1
hova kiaku nei, na ko maira, E te
tamaiti a te tangata na, te noo ra koe i
rotopu i te ngutuare meameaa ra, e
mata to ratou kin akara, e kare i akara;
e taringa to ratou kia akarongo, e

kare i akarongo: e ngutuare meamea-
3 au oki ratou. E tenana, ko koe e te
tamaiti a te tangata na, e akateatea-
mamao i te apinga naau kia aere ra, ka
aere ei koe i te ao nei ki mua i to ra-
toun mata; ka akaruke ei koe i toou ra
ngai, ka aere ei ki tetai ngai, ki mua i
to ratoun mata: peneiake ratou ko te
akamanako, meameaa uai tava ngu-
4 tuare no ratou ra. Ei reira oki koe e
apai ei i taua ra apinga ei apinga peke
i te ao nei ki mua i to ratoun mata: ei
te aiai koe e aere ei ki mua i to ratou
mata, mei te aerenga o te aronga tei
5 riro ei tuikaa. E ko koe i na roto i te
patu ki mua i to ratou mata, ka na
6 reira'i i te apai. Ei mua i to ratou
mata koe ka apai ei i to apinga i runga
i to pakuivi, ei te kareureu anga ra
koe ka apai ei: ka vai koe i to mata,
auraka koe kia kite i te one: kua aka-
riro oki au ia koe ei akairo i te ngutu-
7 are o Iseraela. E kua akapera au, mei
tei akauia mai au ra: kua apai au i
taku apinga i te ao, mei te mea e ei
apinga no te peke, e aiai akera, kua
ko iora au na roto i te patu i toku
rima; kua apai oki au i te kareureu
anga ra, kua apai au na runga i toku
pakuivi i mua i to ratou mata.

8 E ao akera, kua tae maira te tuatua
9 a Iehova kiaku nei, na ko maira, E te
tamaiti a te tangata na, kare ainei te
ngutuare o Iseraela, te ngutuare mea-
meaa ra, i tuatua mai kia koe e, Te
10 aa ua ana koe? E karanga atu koe
kia ratou, Te na ko maira te Atu ra ko
Iehova; Teianei apainga, no te ariki
ia no Ieruselema, e te ngutuare katoa
11 o Iseraela i rotopu ia ratou ra. E
karanga atu, Ko au ta kotou akairo:
mei taku i rave ra, e akaperaia mai
ratou: e aere ia ratou, e riro oki ratou
12 ei tuikaa. E na te ariki i rotopu ia
ratou e apai na runga i tona pakuivi i
te kareureu anga, ka aere ei ki vao:
ka ko ratou na roto i te patu, kia na
reira i te apai ki vao: ka vai aia i
tona mata, kia kore e kite tona mata i
13 te one. E tuku oki au i taku kupenga
ki runga iaia, e piritia oki aia i taku
ereere: e e apai au iaia ki Babulonia,
i te enua o te Kaleda; kare ra aia e
14 kite, e mate ua atu rai aia i reira. E
te aronga katoa e topiri mai iaia ei
tauturu, e te au pupu katoa nona ra,
naku ia e akapueurikiriki ki te au ma-
tangi katoa ra; e naku e unui i te
15 koke i murio ia ratou ra. E kite oki
ratou e ko Iehova au, kia akapueu-
rikiriki au ia ratou ki roto i te au etene
katoa, e kia rururu au ia ratou ki roto i

te au enua katoa ra. E akatoe ra au i 16
tetai pae o ratou kare e rainga, i te
koke ra, i te onge ra, e i te maki-mate
ra; kia akakite ratou i ta ratou au
mea vii ravarai i rotopu i te au etene
ta ratou e aere ra; e kite oki ratou e
ko Iehova au.

E kua tae maira oki te tuatua a Ie- 17
hova kiaku nei, na ko maira, E te ta- 18
maiti a te tangata na, ka kai koe i taau
kai ma te ruketeketete, e inu koe i taau
vai ma te tumatetenga e te koiriria;
Ka karanga atu ei ki te au tangata o 19
te enua nei, Te na ko maira te Atu ra
ko Iehova i to Ierusalem, i te enua o
Iseraela; E kai ratou i ta ratou kai
ma te koiriria, e e inu i ta ratou vai
ma te tumatetenga, kia tanea to ratou
enua, e auraka rava to roto ra, no te
takinga-kino o te aronga katoa e noo i
reira. E te au oire tangata ra, e riro 20
ia i te tamoaia, e riro oki te enua i
te tanea; e kite oki kotou e ko Ie-
hova au.

E kua tae maira te tuatua a Iehova 21
kiaku nei, na ko maira, E te tamaiti 22
a te tangata na, eaa taua maseli na
kotou na i te enua o Iseraela nei, i tei
na koia ra e, Kua akaroaia te tuatau
ra, kua kore anake te au orama. E 23
tenana, e karanga atu koe kia ratou,
Te na ko maira te Atu ra ko Iehova;
E akakore au i taua maseli nei, kare
oki ratou e rave akaou i te reira ei
maseli i Iseraela nei; e karanga atu
ra kia ratou, Te waitata nei te tuatan,
e te openga o te au orama ravarai.
Kare rava oki e kitea akaou te orama 24
puapinga kore, e te kesema pikikaa, i
roto i te ngutuare o Iseraela. Ko au 25
oki ko Iehova: naku e tuatua, e te
tuatua taku e tuatua ra, ka tupu ia;
kare ia e akaroa akaouia: ei to kotou
nei oki au ra, e tera ra ngutuare mea-
meaau e, e tuatua'i au i te tuatua, e
naku e akatupu, te tuatua maira te
Atu ra ko Iehova.

Kua tae akaou maira te tuatua a 26
Iehova kiaku nei, na ko maira, E te 27
tamaiti a te tangata na, I na, te tuatua
nei te ngutuare o Iseraela, Te orama
tana i kite ra, no te au ra ia e manga-
nu'i au atu, e tei te mamao ke ra te
tuatua tana e totou ra. E tenana, e 28
karanga atu kia ratou, Te na ko maira
te Atu ra ko Iehova; Kare tetai o
taku nei au tuatua e akaroa akaouia,
ko te tuatua ra taku e tuatua, e aka-
tupuia ia, te tuatua maira te Atu ra
ko Iehova.

PENE XIII.

*Te au peroveta pikikaa i akaapaia ra,
ma te au peroveta vaine akareka-
reka ra.*

- 1 **K**UA tae maira oki te tuatua a
Iehova kiaku nei, na ko maira,
- 2 E te tamaiti a te tangata na, ka totou
koe ki te au peroveta i Iseraela nei i
tei totou ra, e karanga atu ki te aro-
nga i totou i to roto i to ratou uaorai
ngakau, Akarongo mai kotou i te tua-
3 tua a Iehova; Te na ko maira te
Atu ra ko Iehova; E mate to te au
peroveta neneva, i tei aru i to ratou
uaorai vaerua, e kare ua a ratou mea i
4 kitea! E Iseraela e, e aite to au peroveta
ki te au suoli i te ngai motutaa
5 ra. Kare kotou i aere ki roto i te au
ngai ngaa, kare oki i rave akaou i to
koro, kia mou te ngutuare o Iseraela
i te tamaki anga ra, i te ra o Iehova.
- 6 Te mea puapinga kore ta ratou i kite,
e te kesema pikikaa, i te na ko anga e,
Te tuatua maira Iehova, e kare oki a
Iehova i tono ia ratou: e te akatupu
ra ratou i te manako e e tupu ta ratou
tuatua.
- 7 Kare ainei te orama puapinga kore
ta kotou i kite ra, e te kesema pikikaa
ta kotou i tuatua ra, ta kotou oki i
karanga ana e, Te tuatua maira Ie-
8 hova, e kare rai oki au i tuatua? E
teiane, te na ko maira te Atu ra ko
Iehova; No te mea e tuatua puapinga
kore ta kotou, e ko te pikikaa ta kotou
i kite, e teiane, i na, kare au e tau ia
kotou, te tuatua maira te Atu ra ko
9 Iehova. E ka riro toku rima ki runga
i te au peroveta i tei akara i te mea
puapinga kore, e tei akatupu i te
kesema pikikaa: kare ratou e o ki
roto i te upunga o toku nei au tangata,
kare oki ratou e tataia i roto i te tata
anga a te ngutuare o Iseraela, kare oki
ratou e o ki te enua o Iseraela; e kite
oki kotou e ko te Atu ra au ko Ie-
10 hova. No te mea, koia ia, no te mea,
kua pikikaa ratou i toku ra au ta-
ngata, i te na ko anga e, Ei au; e
kare ua e au; e na tetai i patu i te
patu, e na tetai i pei ki te *ngaika* kare
11 i naneaia: E karanga atu ki te aro-
nga i pei ki te *ngaika* nane koreia ra,
e topa ia; e riro i te ua maataia; e
ko kotou, e te au ua toka maata, e
topa ia; e ngaangaa ia i te matangi
12 maata. E i na, kia ngaangaa taua
patu ra, kare ainei kotou e akaperai
mai e, Teiea iora te ngaika ta kotou i
13 pei ra? E teiane, te na ko maira te

Atu ra ko Iehova; Engaangaa ia iaku i te matangi uriia i te riri ootoo noku ra; e riro i te ua maataia i te ririnoku ra, e te ua toka maata ma te riri ootoo ra, kia pou rava. E naku e 14 akangaangaa i te patu ta kotou i pei ki te *ngaika* nane koreia ra, e naku e tuku rava ki raro i te one, e kia kitea ua atu te tango ra; e ka topa ia, e ko kotou te ka pou i rotopu iora: e kite oki kotou e ko Iehova au. E pera au 15 i te akatupu i toku riri ootoo ki runga i taua patu ra, e ki runga i te aronga i pei ki te *ngaika* nane koreia ra, ka karanga atu ei kia kotou, Kua kore taua patu nei, e te aronga katoa i pei ra. *Koia* te au peroveta a Iseraela 16 nei, ko tei totou ia Ierusalem nei, e ko tei akara i te au orama au nona, e kare rava e au, te tuatua maira te Atu ra ko Iehova.

Ka ariu katoa atu oki koe i to mata, 17 e te tamaiti a te tangata na, ki te au tamaine a to au tangata nei, ko tei totou i ta to ratou uaoari ngakau; ka totou atu oki koe ia ratou; Ka kara- 18 nga atu ei, Te na ko maira te Atu ra ko Iehova; E mate to te au vaine i tui i te au urunga i raro ake i te au poo rima ravarai, e ko tei anga i te vai upoko no te au tangata katoa, ei arumaki anga i te vaerua! E arumaki rai kotou i te au vaerua o toku nei au tangata, e e akaora ainei kotou i te au vaerua e aere mai kia kotou na? E 19 akaviivii ainei kotou iaku i rotopu i toku au tangata, i te rima kerite okotai, e i te vavānga areto ra, kia mate atu te au vaerua kare e tau te mate, e kia ora oki te au vaerua kare e tau ia ratou te ora, i ta kotou pikikaa anga i toku au tangata e akarongo i te pikikaa nei? E teianei, te na ko maira te Atu 20 ra ko Iehova; I na, kare au e tau i ta kotou au urunga, ta kotou i arumaki ua ana i te au vaerua e vare atura ratou, naku e aae i te reira i to kotou au poo rima, ka tuku atu ei i taua au vaerua ra, te au vaerua oki ta kotou i arumaki na e vare atura. E aae katoa oki au i to kotou au vai, e kia ora mai toku au tangata i to kotou rima, kare oki ratou e vaooia i roto i to kotou rima kia arumakiia; e kite oki kotou e ko Iehova au. No te mea, kua taitaia te ngakau o te aronga tuatua-tika ia kotou i te pikikaa, i tei kore i akataitai- 22 aia e au ra; e kua akaketakata kotou i te rima o te aronga kino, kia kore aia e ariu mai i tona aerenga kino ra, i te tuatua anga e ka ora aia: E teianei, 23 kare kotou e akara akaau i te mea pua-

pinga kore, e kare e rave i te kesema: ka akaora oki au i toku au tangata i to kotou na rima: ka kite oki kotou e ko Iehova au.

PENE XIV.

Te pikikaa o tetai pae i akakiteia, e to ratou mate.

- 1 **E** KUA aere maira tetai pae i te aronga pakari o Iseraela, e kua noo 2 maira i mua iaku. E kua tae maira te tuatua a Iehova kiaku nei, na ko 3 maira, E te tamaiti a te tangata na, kua akatu teianei aronga tangata i te au idolo ki roto i to ratou ngakau, e kua tuku i te turorianga o ta ratou ara ki mua i to ratou mata: e tika ainei 4 au kia uiia mai e ratou? E teianei, e karanga atu koe kia ratou, e na ko atu kia ratou, Te na ko maira te Atu ra ko Iehova; Te au tangata katoa no te ngutuare o Iseraela nei, i tei akatu i tona au idolo ki roto i tona ngakau, e kua tuku i te turorianga ra o tana ara ki mua i tona mata, e kua aere maira ki te peroveta ra, ko au ko Iehova te ka tuatua atu kiaia i tei aere maira i te maata anga o tona ra au 5 idolo; Kia ii te ngutuare o Iseraela i to ratou uaoari ngakau, no te mea kua taka ke anake ratou iaku i to ratou au idolo.
- 6 E teianei e karanga atu ki te ngutuare o Iseraela, Te na ko maira te Atu ra ko Iehova, Ka tatararaa, ka ariu ke mai i to kotou au idolo; e ka ariu ke mai i to kotou mata i to kotou katoa 7 ra au mea viivii ra. Te au tangata katoa oki no te ngutuare o Iseraela, e to te tangata ke katoa i noo na i Iseraela nei, ko tei akataka ke iaku ra, e kua akatu i tona au idolo ki roto i tona ra ngakau, e kua tuku i te turorianga ra o tana ra ara ki mua i tona mata, e kua aere maira ki te peroveta e ui iaia iaku nei, naku uaoari, 8 na Iehova, e tuatua atu kiaia: E anga oki au i taku mata ki te reira tangata, e e akariro au iaia ei akairo, e ei tuatuaanga, e e tipu ke atu au iaia i rotopu i toku nei au tangata; e kite 9 oki kotou e ko Iehova au. E kia vare te peroveta i taua tuatua tana i tuatua ra, naku na Iehova i vare ei taua peroveta ra, e akatika atu oki au i toku rima ki runga iaia, e akakore oki au iaia i rotopu i toku nei au tangata ia 10 Iseraela. E na ratou e apai i te utunga o ta ratou ara: te utunga o te ara a te peroveta ra, okotai rai ia e te utunga o te ara a te tangata i kimi i te 11 tuatua *kiaia* ra; Kia kore te ngutuare

o Iseraela e akatitima akaou iaku nei e kia kore oki ratou e viivii akaou i ta ratou katoa ra au ara; kia riro ra ratou ei tangata noku, e kia riro au ei Atua no ratou, te tuatua maira te Atu ra ko Iehova.

Kua tae maira oki te tuatua a Ie-12
hova kiaku nei, na ko maira, E te 13
tamaiti a te tangata na, kia rave te enua i te ara iaku nei, e kua maata rava te ara, e akatika au i toku rima i reira ki runga i te reira enua, e e aati au i to reira tauturu ra, i te kai, e ka apai atu au i te onge i rungao ra, e akakore oki au i to reira tangata e te puaka katoa ra: E te noo ra cianei 14
puke tangata toko toru i reira, ko Noa, ko Daniela, e ko Iobu, ko to ratou uaoari vaerua te ka ora i ta ratou ra tuatua-tika, te tuatua maira te Atu ra ko Iehova. Kia tuku atu au i te 15
au puaka taee na roto i te reira enua, e pou iora ia ratou, e riro iora te reira ei tanea, e kare atura e tangata e na reira te aere no taua au puaka ra: E 16
tei reira taua nga tangata toko toru ra, te na ko maira te Atu ra ko Iehova, Te ora nei au ra, kare te au tamariki tamaroa, e te au tamariki tamaine, e ora ia ratou; ko ratou uaoari te ka ora, e tanea ra taua enua ra. E kia apai 17
mai au i te koke ki runga i te reira enua, ka karanga'i e, E te koke, ka aere na roto i teianei enua; e pou roa akera te tangata e te puaka katoa iaku: E tei reira taua nga tangata toko 18
toru nei, te na ko maira te Atu ra ko Iehova, Te ora nei au ra, kare te au tamariki tamaroa, e te au tamariki tamaine, e ora ia ratou, ko ratou anake uaoari ra te ka ora. E kia apai atu 19
au i te maki-mate ki runga i taua enua ra, e kia riringi a toto ua atu au i toku riri otooto ki rungao, kia pou rava atu te tangata e te puaka katoa ra: E te noo ra Noa, e ko Daniela, e ko 20
Iobu, i reira, te na ko maira te Atu ra ko Iehova, Te ora nei au ra, kare te tamaroa, e te tamaine, e ora ia ratou, ko to ratou uaoari vaerua te ka ora i ta ratou ra tuatua-tika. E teianei, 21
te na ko maira te Atu ra ko Iehova; ka tanga atu ei i nga mate katoa naku e a katoa ra kia apai atu au ki runga ia Ierusalem, i te koke, e te onge, e te puaka taee, e te maki-mate, kia pou rava te tangata e te puaka katoa oki. E i na, e toe rai tetai toenga i reira, te ka aratakia mai ia, i te au tamaroa, e te au tamaine katoa ra: e i na, e aere mai ratou kia kotou na, e kite oki kotou i to ratou aerenga, e ta 22

ratou ravenga: e e akapumaanaia kotou i te au kino taku i apai ki runga ia Ierusalem, i te au mea katoa taku 23
i apai ki runga iaia ra. E na ratou e akapumaana mai ia kotou, kia akara kotou i to ratou aerenga, e ta ratou ravenga: e kite oki kotou e, kare au i rave ara kore ua taku i rave iaia ra, te tuatua maira te Atu ra ko Iehova.

PENE XV.

To Ierusalem akaruhe angaia, i kitea i te tau kore o te rara vine ki te anguanga.

- 1 **K**UA tae maira oki te tuatua a Ie-
hova kiaku nei, na ko maira, 2
E te tamaiti a te tangata na, Eaa te meitaki o te rakau nei, o te vine, i te au rakau katoa nei, i te rara rakau i roto i te au rakau o te vaorakau ra? 3
E rauka ainei i te reira te rakau e oti ei te angaanga? e rave ainei te tangata i te reira ei titi e akauta anga apinga 4
ki rungao? I na, e titiriia oki ki runga i te ai ei vaie; e pou akera tetai pae e tetai pae i te ai, e ka atura oki te ngai i rotou. Eaa te angaanga 5
e oti ei i te reira? I na oki i te vai katoatoa anga ra, kare e angaanga e oti i te reira: ka tanga atu ei oki kia pou i te ai ra e ka atura, e riro ainei i te raveia ei angaanga? 6
E teianei, te na ko maira te Atu ra ko Iehova; Mei te rakau ra e vine i roto i te au rakau i te ngai vaorakau ra, i orongaia e au no te ai ei vaie ra, e pera katoa au i te oronga i to Ieru- 7
salema. E anga au i taku mata ki runga ia ratou; e akaruhe ratou i tetai ai, e pou iora ratou i tetai ai, e kite oki kotou e ko Iehova au, kia anga 8
au i toku mata ki runga ia ratou. E tuku atu au i te enua nei kia tanea, no te mea kua rave ratou i te ara, te tuatua maira te Atu ra ko Iehova.

PENE XVI.

To Ierusalem tu i kitea i te tamaiti anau ou akaruheia, e to te Atua aroa iaia.

- 1 **K**UA tae maira oki te tuatua a Ie-
hova kiaku nei, na ko maira, E 2
te tamaiti a te tangata na, e akakite atu koe kia Ierusalem i tana ra au 3
mea viivii, E karanga atu, Te na ko maira te Atu ra ko Iehova kia Ierusalem; Toou ra tupu anga e toou ra anau anga, no te enua ra ia no Kanaana: e ngati Amori to metua tane,

e ngati Heta to metua vaine. Kareka 4
 toou ra anau anga, i te rā i anau
 mai ei koe ra, kare i tāia toou pito, e
 kare oki i oreia ki te vai kia mā koe ;
 kare oki i akataitaiia, kare oki i vaiia. 5
 Kare oki e mata i aroa mai ia koe,
 ka akapera mai ei kia koe ra, i te ta-
 kinga-meitaki anga mai ia koe ra ; i
 akaruke uaia ra koe ki vao i te ngai
 atea ka ua ra, kia akavaavaia koe, i te
 rā i anau mai ei koe ra. E iaku i 6
 aere na vaiatao ia koe ra, e kite atura
 ia koe i te viivii anga i roto i toou orai
 toto, kua karanga atura au kia koe
 i roto i toou orai toto ra, Kia ora ; koia
 rai ia, ko au tei karanga atu kia koe
 i roto i toou orai toto, Kia ora. E 7
 kua akariro au ia koe e manganui ua
 atura mei te kao tini o te kainga nei,
 e kua tupu iora koe, e kua maata, e
 riro atura koe i te manea roa atu : kua
 puku oki to u, e kua tupu to rauru,
 e kakau kore oki toou e te vai taaka
 ua. Ko au ra tei aere na vaiatao ia 8
 koe, e kua akara ua ia koe, e na, te
 na tuatau, e tuatau inangaroia ; kua
 oora oki au i toku tapa kakau ki runga
 ia koe, e kua tapoki atura i toou vai
 taaka ua anga : e kua taputou atura au
 ia koe ra, e kua papau iora au i tetai
 koreromotu ia koe ra, te tuatua maira
 te Atu ra ko Iehova, riro maira oki
 koe noku. Kua orei iora au ia koe ki 9
 te vai ; e mā roa akera to toto ra iaku,
 e kua akamainu atura ia koe ki te
 manongi. E kua akakakau ia koe ki te
 kakau tata, e kua akatamaka ia koe
 ki te kiri tekese, e kua vai oki ia koe
 ki te orongā meitaki, e kua tapoki ia
 koe ki te silika. E kua akamanea ia 11
 koe ki te peu akamanea, e kua tuku
 i nga tatua ki runga i ouu rima, e te
 pirianganao ki runga i to kaki. E 12
 kua momono akera i te poe ki roto i
 to putaiu, e nga poe taringa ki roto i
 o taringa, e tetai korona manea ki
 runga i to upoko. Manea akera koe 13
 i te auro e te ario ; e orongā meitaki
 oki toou kakau, e te silika, e te kakau
 tata ; ko te faraoa meitaki, e te meli,
 e te inu, ko taau ia kai : e manea
 maata oki toou, e riro atura koe ei
 basileia. Tutuki atura toou rongo ki 14
 te au etene i toou meitaki ; kua mei-
 taki rava oki, no te meitaki taku i toku
 ki runga ia koe ra, te tuatua maira te
 Atu ra ko Iehova.

Kua irinaki ra koe ki toou orai mei- 15
 taki, e kua akaturi aere koe no toou
 rongonui, e kua riringi ua atu koe i to
 akaturi anga ki te aronga katoa i na
 reira te aere ; nona ua ia. Kua rave 16

oki koe i toou kakau, e kua akamanea
 i te au ngai teitei *ki te kakau* e ma-
 nganui te tu, e kua akaturi i rungao :
 kare e tika kia aere *ki reira*, kare oki 17
 e peraia. Kua rave oki koe i toou ra
 au poe memeitaki, i toku auro e toku
 ario, taku i oronga atu noou, e kua
 anga koe i te tu tangata noou uaorai, e
 18 kua akaturi ia ratou, E kua rave koe i
 toou kakau tata, e kua tapoki ia ra-
 tou : e kua tuku oki koe i taku manon-
 ghi, e taku rakan kakara, ki mua ia
 19 ratou. E taku kai oki taku i o atu kia
 koe ra, i te faraoa meitaki, e te inu, e te
 meli, taku i akaangai atu ia koe ra, kua
 tuku katoa koe i te reira ki mua ia ra-
 tou ci takakara, e kua tupu oki te
 reira, te tuatua maira te Atu ra ko
 20 Iehova. E kua rave koe i to au tama-
 roa, e to au tamaine, i taau i anau iaku
 nei, e kua akatusia koe i te reira ia
 ratou kia pou rava. E iti ainei taau
 21 au akaturi anga naau nei, I ta ai koe i
 taku au tamariki ra ; e kua tuku koe ia
 ratou kia aere na roto i te ai ia ratou ra, ?
 22 Kare oki koe i akamaara, *i te rave anga*
 i taau au peu viivii katoa ra, e taau
 au akaturi anga ra, i te au rā i to ou
 anga ra, ia koe i vai taaka ua ra, e kare
 e kakau, e te vai viivii ua ra i roto i
 23 toou orai toto. E i muri ake i toou ra
 au kino katoa, (e mate, e mate toou !
 te tuatua maira te Atu ra ko Iehova ;)
 24 Kua patu io nei oki koe i tetai ngai
 teitei noou, e kua anga koe i te ngai
 teitei noou ra i roto i te au arataa oire
 25 katoa ra. Kua patu koe i toou ra ngai
 teitei i te openga arataa katoa ra, e
 naau i akaviiviiia taau meitaki noou
 ra, e kua vevete koe i ouu vaevae ki te
 aronga ravarai e na reira te aere ra, e
 kua akamaata koe i to akaturi anga.
 26 Kua akaturi oki koe ki to Aiphiti
 ki to au tangata tupu, e aronga tino
 maata ra ; e kua akamaata i to akaturi
 anga ra, ei akakoko mai iaku kia riri
 27 ra. E teiane, i na, kua akatika atu i
 toku rima ki runga ia koe, e kua akaiti
 i taau ra tuanga i akonoia ra, e kua
 tuku atu au ia koe ki te inangaro o te
 aronga i riri mai ia koe ra, ki te au
 tamaine a te Philliseti, ko tei akama
 28 taau ra peu akaturi. Kua akaturi ka-
 toa oki koe ki to Asura ra, no te mea
 kare koe i iu ; koia ia, kua akaturi koe
 29 ia ratou, e kare rai koe i iu. Kua aka-
 maata oki koe i to akaturi anga i te
 enua ra i Kanaan, e kua tae rava
 ki to te Kaledaia ; e kare rai oki koe i
 30 iu i te reira. Te maroiri kore o
 to ngakau e, te tuatua maira te Atu
 ra ko Iehova, ko koe i rave i taau au

mea katoa nei, i te angaanga a te vaine akaturi akareionga; Ko koe oki 31 i patu i to ngai teitei i te upoko mai o te au arataa katoa ra, e kua anga i to ngai teitei i roto i te au arataa oire katoa ra; kare oki koe mei te vaine akaturi ra, ko koe i akavaavaa i te oko; Mei te vaine mou ra e akaturi ua ra, 32 ko tei rave i te tangata ke ke ra kare te tane tikai! E oko ta te tangata nei 33 e apai na te au akaturi katoa ra: ko koe ra tei oronga i taau apinga ki te aronga i inangaro mai ia koe, e tutaki anga atu ia ratou, kia aere mai ratou kia koe e pini ua ake i taau akaturi anga. Kare oki koe i aite i taau aka- 34 turi anga ki te au vaine katoa, kare oki tetai i aru ia koe i te akaturi anga: ko koe i oronga i te tutaki e kare oki koe i tutakiia mai, i tu ke ei taau.

E teiane, e tera ra akaturi, e akaro- 35 ngo mai i te tuatua a Iehova: Te na 36 ko maira te Atu ra ko Iehova; No te mea, kua maringi ua mai taau mea viivii, e kua kitea toou vai taaka ua anga i taau ra akaturi anga ki te aronga inangaro mai ia koe ra, e i te au idolo katoa o taau au mea viivii ra, e te toto o to au tamariki, taau i oronga no ratou; E teiane, i na, e akaputu- 37 putu au i te aronga katoa i inangaro ia koe ra, ko ratou taau i mataora ra, e te aronga ravarai taau i inangaro ra, e te aronga ravarai taau i makitakita ra; e akaputputu mai ua ia ratou ki runga ia koe ra e pini ua ake, e e eu au i to vai taaka ua anga ia ratou e, kia kite roa ratou i to vai taaka ua anga. E akautunga atu oki au ia koe ki te 38 utunga a te vaine akaturi, e tei akamaringi i te toto ra; e oronga atu au ia koe i te toto akaoko e te vareae. E 39 tuku atu oki au ia koe ki to ratou rima, e na ratou e akangaangaa i toou ra ngai teitei, e vava'i oki i to au ngai teitei ra: e na ratou e tatara i to au kakau ra, ka rave ei i to au apinga memetaki ra, ka akaruke ua atu ei ia koe, ma te vai taaka ua, e te tapoki kore. E na ratou e arataki mai i tetai 40 pupu tangata ei rave ia koe, e na ratou e pei ia koe ki te toka, e e ko mama rava atu ia koe ki ta ratou au koke. E 41 na ratou e tutungi i to au are ki te ai, ka akaoko atu ei ia koe ki mua i te aroaro o te au vaine e manganui: e naku e akakore i taau akaturi aere anga, kare oki koe e oronga akaou i to tutaki. Ka akamutu ei au i te riri 42 ototo noku ia koe ra, e akaruke atu ei i te vareae noku ia koe ra, ka noo uai

43 au, e kare au e riri akaou. No te mea kare koe i akamaara i te au rā o toou ou anga ra, kua akariri maira koe iaku i taau au mea katoa nei; i na, i teiane, e tutaki atu au i toou aerenga ki runga i to upoko na, te tuatua maira te Atu ra ko Iehova: e kare koe e rave i teiane mea kino i taau ra au mea viivii katoa ra.

44 I na, te aronga ravarai e tuatua i te maseli, e tuatua katoa ratou i teiane maseli ia koe, i te na ko anga e, Mei te metua vaine ra, *koa katoa* te tamaine.

45 Ko koe te tamaine a to metua vaine, i tei akaviivii i tana tane, e tana au tamariki; e te teina oki koe o to au tuakana, tei akaviivii i ta ratou au tane, e ta ratou au tamariki: e ngati Heta to kotou metua vaine, e ngati Amori to 46 kotou metua tane. E ko to tuakana ra, ko Samaria ia, koia e tana au tamaine i noo i to rima kaui ra: e to teina ra, i tei noo i to rima katau ra, ko Sodoma ia, e tana au tamaine.

47 Kare ra koe i aru aere i to ratou au aerenga, e kare koe i rave mei ta ratou au ravenga viivii ra: e mea ngiti poe-poe rava ia ra *te reira*, kua maata roa ra toou kino i to ratou, i to au aerenga katoa ra.

48 Te tuatua maira te Atu ra ko Iehova, Te ora nei au, kare to teina ra ko Sodoma i rave, koia e tana au tamaine, mei taau i rave ra, ko koe e 49 taau au tamaine. I na, teia te kino o to teina ra ko Sodoma, ko te ngakau-parau, ko te kai maata, e te noo ponuinau ua ra, ko toa ia, e to tana ra au tamaine; kare ra aia i tauturu mai i

50 te rima o te ao e te putaua. Nengone-ngo akera ratou, e kua rave i te mea viivii ki mua iaku nei: no reira au i apai ke atu ei ia ratou, i tei tau ki taku i akara ra.

51 Kare oki ta Samaria au ara i rave i aite ki ta tetai pae i taau ra; kua akamaata ra koe i taau ra au mea viivii, e iti ta ratou, e kua akatika koe i ta to au tuakana ra i to au mea viivii katoa 52 taau i rave ra. Ko koe oki, ko tei akava i to ai tuakana, ei runga ia koe uaorai toou akama, i taau ra au ara taau i rave ma te viivii maata e iti ta ratou ra: e ngari ake to ratou meitaki i toou ra: e teiane, kia tumatetenga atu koe, e kia vai rai to akama ki runga ia koe ra, ko koe i akatika i toou ra ai tuakana.

53 Kia akaoki maira au i to ratou tuikaanga, i te tuikaanga o Sodoma e tana au tamaine, e te tuikaanga o Samaria e tana ra au tamaine, ei reira

au e akaoki mai ei i toou ra taikaa anga
i rotapu ia ratou ra. Kia vai rai toou 54
akama ki runga ia koe, e kia tumate-
tenga koe i te au mea katoa taau i
rave ra, ko koe i akapumaana ia ratou.
Kia oki to au taeake, ko Sodoma e 55
tana au tamaine, ki tona tu i muata-
ngana, e kia oki Samaria e tana au ta-
maine ki to ratou tu i muatangana, ei
reira koe e to au tamaine e oki ei ki
to kotou tu i muatangana. Kare oki to 56
teina ra ko Sodoma i akaiki ua ake i
to vaa i te rā i ngakau parau ei koe
ra. Kare rai i kitea toou ra kino, i te 57
tuatau i akakinoia'i koe e te au tamaine
o Suria ra, e te aronga katoa e akapini
mai iaia ra, i te au tamaine a te Phil-
seti, tei akaviivii mai ia koe e pini ua
ake. Kareka toou ra au kino, e toou 58
ra au mea viivii, kua akakoromaki koe
i te reira, te tuatua mairā Iehova. Te 59
na ko maira oki te Atu ra ko Iehova;
E akapera katoa au ia koe mei taau i
rave ra, ko tei akavaavaa i te taputou i
te akaatikau anga i te koreromotu. E 60
akamaara ra au i taku koreromotu ia
koe i toou ra ou anga, e naku e aka-
mou i tetai koreromotu mutu kore ia
koe ra. Ei reira koe e akamaara'i i 61
toou ra au aerenga, e ka akama koe,
kia āriki atu koe i to puke taeake, to
tuakana e to teina: e naku e oronga
atu kia koe ei puke tamaine, auraka ra
i te koreromotu naau ra. E akamou 62
oki au i taku nei koreromotu ia koe
na; e kite oki koe e ko Iehova au.
Kia akamaara oki koe e kia tumatete- 63
nga, e auraka to vaa e tuatua akaou i
te akama noou ra, kia anga toku riri
ia koe i te au mea katoa taau i rave
ra, te tuatua maira te Atu ra ko Ie-
hova.

PENE XVII.

*Te parabole o nga aeto e rua e te vine
i akahiteia nei.*

KUA tae maira oki te tuatua a Ie- 1
hova kiaku nei, na ko maira, E 2
te tamaiti a te tangata na, ka tuku ana
i tetai piri, e ka tuatua i tetai maseli,
ki te ngutua ra ia Iseraia; Ka kara- 3
nga atu ei, Te na ko maira te Atu ra
ko Iehova; Tetai aeto maata, ma nga
peau maata, o te rorora, e te ki i te
uruuru, e manganui oki te tu, tei aere
mai ki Lebanona, e kua rave oki i te
rara teitei roa o te arezi: Kua tope 4
oki aia i te kauru o nga rara tupu ou
ra, e kua apai atura ki te enua oko ra;
tuku iora aia i te reira ki roto i te
oire o te aronga oko ra. Kua rave 5
751

iora oki aia i tetai kopura no tana
enua ra, e kua tanu iora ki roto i te
kainga uua ra; kua tuku iora aia ki
vaitatao i te vai maata ra, kua tanu a
6 arebe ua ra. Tupu atura, riro akera
ei vine akaaka toro aere ua ra, i tei
toro mai tona au rara kiaia ra, e tona
au aka tei raro ake iaia: riro atura te
reira ei vine, e kua tupu tona au rara,
7 e tupu akera te kata. E te vai atura
tetai aeto maata, ma te peau maata, e
te uruuru e manganui: e i na, kua
ariu atura taua vine nei i tona au aka
kiaia ra, e toro atura tona au rara
kiaia, kia tamauu aia i te reira na te
8 ruarua o te tanumanga ra. I tanumia
ki te ngai onc meitaki ra ki te pae o te
vai maata ra, kia toro oki te au rara,
e kia ua oki te ua ra, kia riro oki ei
vine meitaki ra.
9 E karanga atu koe, Te na ko maira
te Atu ra ko Iehova; Ka tupu ainei?
Kare ainei e kiriti tumuia tona au aka,
ka kokoti ke atu ei i tona ua, kia mae
atura? ko te rau tupu ou ra te ka mae,
kare ra e raveia e te rima ririnui, e
kare ra e rainga te tangata, kia kiriti
10 tumuia. Ei na, tanu oti ia, ka tupu
ainei? kare ainei e mae takiri, kia
akatukia uaia ake e te maoake ra, tona
uaorai tupu anga e mae ei ka mae
rai i tona uaorai ruarua i tupu
ei ra.
11 Kua tae maira oki te tuatua a Iehova
12 kiaku nei, na ko maira, Ka karanga
atu ki tenana ngutua e meameaau ra,
Kare ainei kotou i kite i teia? e ka-
ranga atu *kia ratou*, I na, kua tae mai
te ariki o Babulonia ki Ierusalem
nei, e kua rave aia i tona ariki, e tona
ui ariki katoa, e kua riro katoa ratou
13 ma ia ki Babulonia; E kua rave
akera i te uanga o te ariki ra, e kua
papau i te koreromotu iaia ra, e kua
akataputou atura iaia ra: kua rave
katoa oki aia i te aronga tutara o te
14 enua nei: Kia riro taua basileia nei i
te akaaka rava, kia kore e tika kia aka-
teitei, kia mou marie ra i te akono
15 anga i te koreromotu nana ra. Kua
meameaau ra aia kiaia, i te tono anga
i tana au karere ki Aiphiti, kia oro-
nga mai ratou i te au ipo e te tangata
e manganui nona. E tupu ainei tana?
e ora ainei aia i tei akapera ra? e
akaatikau ainei oki aia i taua koro-
16 motu ra, e kia ora atu? Te tuatua
maira te Atu ra ko Iehova, Te ora nei
au ra, ei te ngai tikai i *noia* e te ariki,
i tei akariro iaia ei ariki ra, nana te
taputou i akavaavaaia e ia ra, e nana
te koreromotu i akaatikauia e ia ra, ei

iaia rai ei rotopu ia Babulonia aia e mate ei. Kare oki aia e manuia ia 17 Pharao, e tana nuku rininui, e te urupu maata, i te tamaki-anga i te āu-anga i te ngai teitei ki runga, e te patu-anga i te punanga, kia pou te tangata e manganui ra: No te mea kua 18 akavaavaa aia i te taputou i te akaatikau-anga i te kororomotu, e i na, kua oronga aia i tona rima, e kua rave oki aia i taua au mea katoa nei, kare oki aia e ora. E teianei, te na ko maira te 19 Atu ra ko Iehova; Te ora nei au, taua taputou naku tana i akavaavaa ra, e taku kororomotu tana i akaatikau ra, e tutaki atu ia au i te reira ki runga i tona uorai mimiti. E oora 20 au i taku kupenga ki runga iaia, e e mou aia ki roto i taku ereere, e naku aia e arataki ki Babulonia, e ei reira au e māro atu ei iaia i tana ara i rave iaku nei. E te aronga ati katoa nona 21 ra, e te aronga pupu katoa nona ra, e inga ia i te koke; e te aronga i toe ra, e akapueurikirikii ia ki nga matangi katoa ra: e kite oki kotou e ko au teia ko Iehova e tuatua nei.

Te na ko maira te Atu ra ko Ie- 22 hova; E rave katoa au i te runga i te rara teitei, i te arezi teitei ra, ka tanu ei; e tope oki au i te kauru o tona ra au rara ou, i tei paruparu ra, ka tanu ei ki runga i tetai maunga teitei e te roa. Ki runga i tetai maunga teitei i 23 Iseraela nei au tanu ei i te reira: e tnpu tona au rara, e ua oki te ua i runga, e riro oki ei arezi meitaki: e noo oki te au manu peau tu ke ke ravarai nei ki raro ake; ei roto i te maru-maru o tona ra au rara ratou noo ei. E kite oki te au rakau ravarai o te 24 kainga ra, e naku na Iehova i toku akaaki e te rakau teitei, e kua akateitei i te rakau akaaki, e kua akamarō i te rakau mata, e kua akaruperupe i te rakau marō: ko au teia ko Iehova e tuatua nei, e naku e rave.

PENE XVIII.

Te akaapa nei te Atua i te parabole o te vine kava ra: te akakile nei aia i te tikaanga o tana tuatua, e te ako nei kia tataraara.

E KUA tae maira oki te tuatua a 1 Iehova kiaku nei, na ko maira, Eaa te mea i tuatua'i kotou i teianei maseli i te enua o Iseraela nei, i na ko ei e, Kua kai te au metua i te vine kava, e kua mania te nio o te tamari-riki? Te tuatua maira te Atu ra ko 3 Iehova, Te ora nei au, kare kotou e

tau kia tuatua akaou i taua maseli i 4 Iseraela nei. I na, noku anake te au vaerua ravarai nei, mei te vaerua o te metua ra, koia katoa te vaerua o te tamaiti, noku katoa ia: ko te vaerua e rave i te ara ra, ko te ka mate ia.

5 Ei tuatua-tika ra ta te tangata nei, e kua rave i te mea tau ra e te mea tika, 6 Kare aia i kaikai ki runga i te au maunga, e kare i nānā tona mata ki te au idolo o te ngutuare o Iseraela nei, e kare oki i rave i te vaine a tona tangata tupu, e kare i akavitaita ki te vaine i akatakaia ra, E kare i taki- 7 nga-kino i tetai, e kua akaoki mai i te ou ki te kai ou ra, kare i āru i ta tetai i te aroa kore, kua oronga ra i tana kai na tei pongi ra, e kua tapoki 8 i te putaua ki te kakau ra; Kare i oronga i tana apinga ei ou, kare oki i rave i tei ouia ra, e kua unui mai i tona rima i te kino, e kua rave i te tuatua-tau tikai ki tēra tangata ki tēra ta- 9 ngata, Kua aare ra i taku ra au akonoanga, e kua akono i taku ra au tuatua-tau, kia tika tana i rave; e tuatua-tika tana, e ora tika rai ia aia, te tuatua maira te Atu ra ko Iehova.

10 Kia anau ra tana tamaiti e āru api-nga, e ta tangata, e ko tei rave mei 11 teia katoa nei au mea ra te tu, E kare oki i rave i tetai i taua au mea *memei-taki* ra; kua kaikai ra ki runga i te au maunga ra, e kua rave aia i te vaine a 12 tona ra tangata tupu, Kua takinga-kino ra i te ao e te putaua, kua āru oki ma te aroa kore, kare i akaoki mai i te ou, e kua nānā tona mata ki te au idolo, 13 e kua rave i te au mea viivii ra, Kua oronga i tana apinga ei ou, e kua rave oki i tei ouia ra: e ora ainei aia? kare aia e ora: kua rave aia i taua au mea viivii katoa ra; ka mate tikai ia aia; tei runga iaia uorai tona toto.

14 Koia oki, kia anau maira tana tamaiti, e kua kite aia i te au ara katoa ta tona metua i rave ra, e kua manako aia, e kare aia e akapera i te rave, 15 Kare i kaikai ki runga i te au maunga, kare i nānā tona mata ki te au idolo o te ngutuare o Iseraela, e kare aia i rave i te vaine a tona ra tangata tupu, 16 Kare i takinga-kino i tetai, kare i rave i te ou, kare oki i āru ma te aroa kore, kua oronga ra i tana kai i tei pongi ra, e kua tapoki i te putaua ki te kakau, 17 Kua akaoki mai i tona rima i runga i te ao, kare oki i rave i te ou, e te mea ou-ia ra, kua rave ra i taku ra au tuatua-tau, e kua aare i taku ra au akono-anga; kare aia e mate i te ara a tona 18 metua ra, e ora tika ia aia. *Kareka*

ko tona metua, no te mea e takinga-
kino aroa kore tona, e kua āru i ta
tona ra taeake ma te aroa kore, e kua
rave i te mea meitaki kore i roto i
tona ra au tangata, i na oki, ka mate
aia i tana ra ara.

Te karanga nei ra kotou e, Eaa nei 19
oki? kare ainei ta te metua nei ara tei
runga tei te tamaiti? Kua rave te ta-
maiti i te tuatua-tau, e te tuatua-tika, e
kua akono i te au akonoanga katoa
naku ra, e kua rave i te reira ra, e ora
tika ia aia. Ko te vaerua e rave i te 20
ara ra, ko te ka mate ia. Kare te ta-
maiti e apai i te ara a te metua, e kare
oki te metua e apai i te ara a te ta-
maiti te tuatua-tika a te tangata tua-
tua-tika ra, ei runga ia iaia, e te kino
o te tangata kino ra, ei runga ia iaia.
Kia ariu maira te tangata kino i te au 21
ara katoa tana i rave ra, e kua akono i
taku katoa ra au ture, e kua rave i te
tuatua-tau e te tuatua-tika, e ora tika
ia aia, kare ia aia e mate. E te au 22
ara katoa tana i rave ra, kare ia e taiku
akaouia atu kiaia: ei roto i te tuatua-
tika tana i rave ra, e ora ia aia. E 23
manga rekareka mea ngiti ake ainei
toku i te mate o te tangata kino? te
tuatua maira te Atu ra ko Iehova: e
auraka ainei kia ariu mai aia i tona ra
au arataa kia ora? Kia ariu ke ra te 24
tangata tuatua-tika i te tuatua-tika
nana, e kua rave iora i te kino, e kua
rave i te au mea viivii katoa, mei tei
ravcia e te tangata kino ra, e ora ainei
aia? te au tuatua-tika katoa i ravcia e
ia ra, kare ia e taikuia: ei roto i tana
ra, tatipake i tatipake ei aia ra, ei roto
oki i tana ra ara i ara'i aia ra, ei roto i
te reira ka mate ei aia.

E te karanga na oki kotou e, Kare 25
te akonoanga o te Atu nei i aiteite. E
akarongo mai ana, e te ngutuare o Ise-
raela nei: Ko taku ainei te akonoanga
kare i aiteite? kare ainei ko ta kotou
te akonoanga kare i aiteite? Kia ariu 26
ke te tangata tuatua-tika i te tuatua-
tika nana ra, e kua rave i te kino ra, e
kua mate aia i roto i te reira; i te
kino tana i rave ra, ka mate ei aia. E 27
kia ariu mai oki te tangata kino i tona
ra kino, i ravcia e ia ra, e kua rave i
te tuatua-tau, e te tuatua-tika, e ora
ia tona vaerua iaia orai. No te mea 28
kua akanaara aia, e kua ariu ke mai, i
te au ara katoa tana i rave ra, e ora
tika ia aia, kare ia aia e mate. E te 29
tuatua maira te ngutuare o Iseraela,
Kare te akonoanga o te Atu ra i aite-
ite. E te ngutuare o Iseraela e, kare
ainei i aiteite taku nei akonoanga?

kare ainei ko ta kotou te akonoanga
30 kare i aiteite? E teianei e akava atu
au ia kotou, e te ngutuare o Iseraela,
kotou ravarai i tei tau i to kotou au
aerenga, te tuatua maira te Atu ra ko
Iehova. Ka tataraara, e e ariu mai i
ta kotou katoa ra au ara, e auraka
kotou kia inga i to kotou au kino ra.
31 E akaruke ke atu i ta kotou au ara
katoa ra, i ara'i kotou na; e akanga-
kau ou, e te vaerua ou: eaa oki kotou
i inangaro ei ki te mate, e te ngutuare
32 o Iseraela? Kare rava oki oku e ma-
reka anga i te mate o te tangata e mate
ra, te tuatua maira te Atu ra ko Ie-
hova: e tenana, e ariu mai, kia ora.

PENE XIX.

*E aue anga i te aronga tutara, i te
parabole o nga punua liona i rauka
i te vaarua ra, e ia Ierusalemia i te
vine kiriti tuatia ra.*

1 **E** RAVE oki koe i tetai aue anga i
2 te ui ariki o Iseraela, E karanga
atu,

Eaa to metua vaine? E liona ti-
nana: kua moe aia ki raro i rotupu i
te au liona, i rotupu i te au liona ou,
3 kua angai aia i tana anaunga. Okotai
oki ana punua i pakari iaia; e riro
atura aia ei liona ou, e kua apii aia i
te aō kai aere; kua pou te tangata iaia.
4 Kite akera te pa enua i tona rongo; e
rauka iora aia ki roto i ta ratou vaa-
rua, e kua arataki atura ratou iaia ma
te pirianganaoa ki te enua ra ko Ai-
phiti. E kite akera aia i tana tatari
anga e, kua kore tana i manakonako
ra, kua rave akera aia i tetai punua
nana, e akariro atura iaia ei liona ou.
6 Kua aere ua iora aia ki runga ki raro,
na rotupu i te au liona, riro atura aia
ei liona ou, e kua apii aia i te aō kai
7 aere; kua pou te tangata iaia. E kua
kite aia i to ratou au aere ariki tanea, e
kua pou to ratou au oire iaia; tanea
atura te enua, e tona ki katoa ra, i te
8 reo ngunguru nona ra. Kua tamaki
maira te au enua iaia e pini na ake
nei roto i te au matakeinanga ra, e
kua totoa iora i ta ratou kupenga ki
runga iaia: rauka iora aia i roto i ta
9 ratou vaarua. Kua tuku iora ratou
iaia ki roto i te ngai tiaki anga ma te
pirianganaoa, e kua arataki maira iaia
ki te ariki o Babulonia: kua arataki
atura ratou iaia ki roto i te au ngai
ketaketa, kia kore tona reo kia kitea
ukaou ki runga i te au maunga o Ise-
raela.

10 Kua tau toou metua vaine ki te vine

mei ia koe rai te tu, i tanumia ki te pae vai, e ua maata tona, e te ki i te mangamanga, no te rai vai ra. E rara ketaketa 11 oki tona, ki sepeta no te aronga e tutara ra; e kua teitei aia ki runga ake i roto i te au rara nunui ra, e te teitei maira aia kia akaraia mai ma tona au rara e manganui. I kiriti tumuia ra aia ma te 12 riti ototoo, e kua uria ki raro i te one, e kua marō tona ua i te maaoake: kua aati oki te au rara ketaketa nona, e kua marō; kua pou ia i te ai. E teia- 13 nei, kua tanumia aia i te medebara, i te enua marō, e te kaki vai. E kua 14 riro atu na te ai no roto i tetai rakau o te au rara nona ra, e kua pou oki tona ua, e kare oki ona e rara ketaketa, ei sepeta e tutara i ra. Ko taua aue anga teia, e ka riro ua atu oki ei aue anga.

PENE XX.

Te patoi nei te Atua i te ui a te aronga pakari i Iseraela ra: te akakite ra aia i ta ratou au ara, e to ratou aka-oki anga mai.

E TAE akera ki te itu o te mataiti, 1 e te rima o te marama, e te ngauru o te rā i taua marama ra, kua aere maira tetai pae o te aronga pakari i Iseraela nei e ui ia Iehova, e kua noo maira i mua iaku. E kua tae maira 2 te tuatua a Iehova kiaku nei, na ko maira, E te tamaiti a te tangata na, e karanga atu ki te aronga pakari i Ise- 3 raela nei, e na ko atu kia ratou, Te na ko maira te Atu ra ko Iehova, I aere mai ainei kotou e ui iaku nei? Te tuatua maira te Atu ra ko Iehova, Te ora nei au ra, kare au e uiia mai e kotou.

Ka akava ainei koe ia ratou? ka 4 akava ainei koe, e te tamaiti a te tangata na? e akakite atu kia ratou i te au mea viivii a to ratou au metua: Ka karanga atu ei kia ratou, Te na 5 ko maira te Atu ra ko Iehova; I te rā i iki ei au ia Iseraela, ka taputou ei au i te uanga i te ngutuare o Iakoba, ka akakite atu ei au iaku uaorai kia ratou i te enua ra i Aiphiti, iaku oki i taputou atu ia ratou ra, ka 6 na ko ei ra e, Ko au ko Iehova, to kotou Atua ra; I te reira rā ka taputou atu ei au ia ratou e arataki mai ia ratou mei te enua ra mei Aiphiti, ki te enua i kimiia e au no 7 ratou ra, i tei ta'e a vai ua te u e te meli, ko te kakā ia o te au enua ravarai: I reira au i te karanga anga atu kia ratou e, E akaruke kotou ko te tangata katoa ra i te au mea viivii o

tona uaorai mata, auraka e akaviivii ia kotou ki te au idolo no Aiphiti ra: ko 8 au ko Iehova, to kotou Atua ra. Kua meameaau maira ratou iaku, e kare i tika kia akarongo mai iaku, kare oki ratou te tangata katoa ra i akaruke i te au mea viivii o to ratou mata, e kare i akaruke i te au idolo no Aiphiti ra: kua tuatua akera au, E riringi atu au i toku riri ototoo ki runga ia ratou, kia tupu ta toku riri ia ratou i 9 rotou i te enua ra i Aiphiti. No toku uaorai ra ingoa taku i rave, kia kore e viivii i mua i te mata o te au etene, i nooia e ratou ra, i taku i akakite atu ia ratou iaku uaorai ki mua i to ratou mata, i te arataki anga mai ia ratou mei te enua maira mei Aiphiti.

10 E kua arataki mai au ia ratou mei te enua ra mei Aiphiti, e kua arataki 11 ia ratou ki te medebara ra. E kua oronga atu au i taku au akonoanga kia ratou, e kua akakite atu au i taku nei au tuatua-tau kia ratou, i tei akonoia e 12 te tangata ra, e ora ia aia i te reira. E kua oronga katoa oki au i taku au sabati, ei akairo i rotou ia ratou e iaku oki, kia kite ratou e, naku, na Iehova, 13 i akatapu ia ratou. Kua meameaau maira te ngutuare o Iseraela iaku i te medebara, kare ratou i aere na taku nei au akonoanga, e kua akavaavaa ratou i taku ra au tuatua-tau, i tei akonoia e te tangata ra, e ora ia aia i te reira; e taku au sabati, kua akaviivii 14 ravaia ia e ratou. Kua tuatua iora au, e riringi atu au i toku riri ototoo ki runga ia ratou i roto i te medebara, 15 kia pou atu ratou. No toku uaorai ra ingoa taku i rave, kia kore e viivii i mua i te araro o te au etene, i tei aratakiia mai ratou e au ki vao, i mua i 16 to ratou mata. Kua taputou katoa atura oki au ia ratou i roto i te medebara e, kare au e arataki mai ia ratou ki te enua taku i oronga atu no 17 ratou, i tei ta'e a vai ua te u e te meli, ko te kakā ia o te au enua ravarai; No te mea, kua akavaavaa ratou i taku ra au tuatua-tau, e kare i aere i taku nei au akonoanga, kua akaviivii ra ratou i taku au sabati: kua aru aere oki 18 to ratou ngakau i to ratou au idolo. Kua akaperepere ra toku mata ia ratou, kare i akapou ia ratou, kare oki au i akaope takiri ia ratou i roto i te medebara.

18 Kua tuatua ra au ki ta ratou au tamariki i roto i te medebara, Auraka kotou e aru aere i te au akonoanga a to kotou au metua, auraka oki e akono i ta ratou au tuatua-tau, e auraka e

akaviivii ia kotou i to ratou au idolo: Ko au ko Iehova, ko to kotou Atua; e 19
aere kotou na taku ra au akonoanga,
e akono i taku ra au tuatua-tau, ka
rave ei i te reira; E akatapu oki i taku 20
au sabati; e riro ratou ei akairo i ro-
topu ia kotou e iaku, kia kite oki ko-
tou e, ko au ko Iehova, ko to kotou
Atua ra. Kua meameaau ra te au 21
tamariki ra iaku: kare ratou i aere
na taku ra au akonoanga, kare oki i
akono i taku ra au tuatua-tau, ka rave
ei, i tei akonoia e te tangata nei, e ora
ia aia i te reira; kua viivii taku au
sabati ia ratou: kua tuatua iora au, e
riringi atu au i toku riri otooto ki ru-
nga ia ratou, kia tupu ta toku riri ia
ratou i roto i te medebara. Kua tāpu 22
ra au i taku rima, e no toku uorai
ingoa, taku i rave, kia kore e viivii i
mua i te aroaro o te au etene, i tei ara-
takiia mai ratou e au ki vao, i mua i to
ratou mata.

Kua taputou oki au ia ratou i roto 23
i te medebara e, e akapueurikiriki
ia ratou ki roto i te au etene, e e aka-
ngaoro ia ratou i roto i te pa enua
ra; No te mea kare ratou i rave i taku 24
ra au tuatua-tau, kua akavaavaa ra ra-
tou i taku ra au akonoanga, e kua aka-
viivii i taku ra au sabati, e kua riro to
ratou mata ki te au idolo o to ratou au
metua ra. No reira au i toku ua atu 25
ei ia ratou *kia rave* i te au akonoanga
meitaki kore, e te au tuatua-tau, kare
oki ratou e ora i te reira ra; E kia 26
akaviivii ia ratou uorai i ta ratou au
atinga, ko ratou i toku i ta ratou au
tama mua ravarai i na roto ua i te ai,
kia tanea ratou iaku, kia kite oki ratou
e ko Iehova au.

E teianei, e karanga atu ki te ngu- 27
tuare o Iseraela, e te tamaiti a te
tangata na, e karanga atu kia ratou,
Te na ko maira te Atua ra ko Iehova;
Teia rai oki tetai mea i akakino mai
ci to kotou au metua iaku ra, ko ra-
tou i rave i te ara iaku nei. Kia tae 28
mai oki ratou ki te enua, taku i tapu-
tou ia ratou e oronga no ratou ra, kua
akara ratou i te au tuavi teitei katoa,
e te au rakau marumaru katoa, kua apai
ratou i ta ratou au tusia ki reira, e ei
reira ta ratou au korebana akakoko i te
apai angaia, e ei reira ta ratou rakau
kakara i te toku angaia, e ei reira ta
ratou neseka i te riringi angaia. E kua 29
karanga atura au kia ratou, Eaa te-
nana ngai teitei ta kotou e aere na? e
kua tapaia tona ingoa ko Bama, e tae
rava akenei ki teianei rā.

E tenana, e karanga atu ki te ngu- 30

tuare o Iseraela, Te na ko maira te
Atu ra ko Iehova; Kua viivii ainei
kotou mei to kotou ai metua katoa
ra? e kua akaturi aere ainei kotou
mei ta ratou au peu viivii ra? Ko
21 kotou ra i apai i ta kotou au atinga
ra, ko kotou oki i toku i ta kotou au
tamariki kia na roto i te ai ra, kua
akaviivii kotou ia kotou uorai i to
kotou au idolo ravarai, e tae rava ake-
nei ki teianei rā: e e uiia mai ainei
au e kotou, e te ngutuare o Iseraela?
Te tuatua maira te Atua ra ko Iehova,
Te ora nei au ra, kare au e uiia e
32 kotou. E tei tupu i roto i to kotou
ngakau na, kare ia e riro i reira, ta
kotou i tuatua na e, E riro matou mei
te au etene, mei te au kopu-tangata
o te pa enua ra, i te akamori anga i te
33 rakau, e te toka. Te tuatua maira
te Atua ra ko Iehova, Te ora nei au ra,
ei Ariki au ki runga ia kotou ma te
rima ririnui, e ma te rima akatikaiā,
e ma te riri otooto i te riringi anga
34 atu: E arataki mai au ia kotou mei
roto mai i te au tangata ra, e e aka-
putuputu mai au ia kotou mei te au
enua i pueurikiriki ei kotou ra, ma
te rima ririnui, e ma te rima akati-
kaia, e ma te riri otooto i te riringi
35 anga atu. E arataki au ia kotou ki
roto i te medebara o te au tangata ra,
e ei reira au e māro atu ei ia kotou,
36 to kotou mata e toku. Mei iaku i
māro atu ki to kotou ai metua i roto
i te medebara i te enua ra i Aliphi, e
pera au i te māro anga ia kotou, te
37 tuatua maira te Atua ra ko Iehova. E
tuku au ia kotou kia na raro i te
rakau ra, e e arataki mai au ia kotou
ki roto i te tapeka o te koreromotu.
38 E akataka ke au i te aranga meameaau
i roto ia kotou na, e tei rave i te ara
iaku nei: e arataki mai au ia ratou
mei te enua mai ta ratou i noo ra, kare
ra ratou e tae ki te enua o Iseraela:
e kite oki kotou e ko Iehova au.
39 Kareka kotou, e te ngutuare o Ise-
raela, te na ko maira te Atua ra ko
Iehova; Ka aere kotou, e akamori
te tangata katoa i tona au idolo, e a
muri atu oki, kia kore kotou e aka-
rongo mai iaku: auraka ra kotou e
akaviivii akaau i toku nei ingoa tapu, i
ta kotou au atinga, e to kotou au idolo.
40 Ei roto oki i taku maunga tapu, i tetai
maunga teitei i Iseraela ra, te tuatua
maira te Atua ra ko Iehova, ei reira te
ngutuare ravarai o Iseraela e akamori
iaku, ratou ravarai i runga i te enua
nei: ei reira au e kite atu ei ia ratou, e ei
reira au e rave ei i ta kotou au atinga, e

te popo o ta kotou i apai, e te au mea
tapu katoa na kotou ra. Kotou, e 41
ta kotou takakara ra, e kiteia au
e au, kia arataki mai au ia kotou
mei roto mai i te au tangata ra, e kia
akaputuputu mai au ia kotou, mei te
au enua i pueurikiriki ei kotou na;
e akatapua au ia kotou ki mua i te
au etene ra. E kite oki kotou e ko 42
Iehova au, kia arataki mai au ia kotou
ki te enua o Iseraela, ki te enua taku i
taputou atu e, e oronga no to kotou
au metua. Ei reira kotou e akama- 43
ara'i i to kotou au aerenga, e ta ko-
tou au ravenga katoa, i viivii ei ko-
tou; e ka akaviivii ia kotou uorai
ki mua i to kotou uorai mata i to
kotou au kino ravarai ta kotou i rave
ra. E kite oki kotou e ko Iehova au, 44
kia rave atu au ia kotou i toku nei
ingoa, auraka kia tau i to kotou au
aerenga kino, auraka oki kia tau i ta
kotou ravenga kino, e te ngutuare o
Iseraela, te tuatua maira te Atu ra ko
Iehova.

E kua tae mairai te tuatua a Iehova 45
kiaku nei, na ko maira, E te tamaiti 46
a te tangata na, ka anga ana i to mata
ki te pae i apatonga, ka tuku atu ei
i *taua tuatua* ki te pae i apatonga, ka
totou atu ei ki te vaorakau o te kainga
ki te pae i apatonga ra; Ka karanga 47
atu ei ki te vaorakau ki te pae i apa-
tonga ra, E akarongo mai i te tuatua a
Iehova; Te na ko maira te Atu ra ko
Iehova; I na, e tutungi au i te ai ki
roto ia koe ra, e pou oki te au rakau
mata katoa i roto ia koe ra, e te au
rakau marō katoa ra: te pura ai e
mura ra, kare ia e tamateia, e ope oki
te au mata katoa i te ku i reira, mei te
pae i apatonga e tae ua atu ki te pae i
apatokerau. E kite oki te tangata katoa 48
e, naku na Iehova i tutungi: kare oki
e tamateia. Kua karanga atura au 49
e, Aue, e te Atu ra e Iehova! te tua-
tua nei ratou iaku, Kare ainei te ma-
seli tana e tuatua nei.

PENE XXI.

*Te totou nei a Ezekielia ia Iuda e Ie-
rusalema katoa na te akairo ra e
aue: te koke kokoi kanapanapa no
te basileia katoatoa, e no te ngati
Amona.*

E KUA tae maira te tuatua a Ie- 1
hova kiaku nei, na ko maira, E 2
te tamaiti a te tangata na, e anga i to
mata ki te pae ki Ierusalem, ka tuku
atu ei i *taua tuatua* ki te pae i te au
ngai tapu ra, ka totou atu ei ki te enua

3 o Iseraela nei, Ka karanga atu ei ki te
enua o Iseraela, Te na ko mairā Iehova;
I na, kare au e tau ia koe, e ka unui au
i taku koke i tona vai, e ka tipu ke au
i te aronga tuatua-tika e te aronga
4 kino i roto ia koe na. E tenana e tipu
keia e au te aronga tuatua-tika e te
aronga kino i roto ia koe na, e riro
taku koke i teianei, i unuiia i tona
ra vai, i te rave i te tangata ravarai,
mei te pae i apatonga e tae ua atu
5 ki te pae i apatokerau: E kite oki
te tangata katoa e, kua unuiia e au, e
Iehova, taku koke i roto i te vai ra,
6 kare rava e oki akaou ki reira. Ko
koe ra, e te tamaiti a te tangata na, ka
nenge te ana ma te atiahi to taukupu;
e ma te tumatetenga maata, ka nge-
7 nge te ei, ki mua i to ratou mata. E
riro oki, kia tuatua mai ratou kia koe
ra, Eaa koe e nenge te ua'i? e karanga
atu koe, I tera ra rongo; no te mea
te aere maira: e ngaevaeva te au nga-
kau katoa ra, e ngavarivari te au
rima katoa ra, e rere a mate oki te au
vaerua katoa ra, e paruparu oki te au
turi katoa ra *mei* te vai ra: i na, te
aere maira, e riro oki i te tpu, te tua-
tua maira te Atu ra ko Iehova.

8 Kua tae mairai oki te tuatua a Ie-
hova kiaku nei, na ko maira, E te
tamaiti a te tangata na, ka totou atu,
e karanga atu, Te na ko mairā Iehova;
Ka tuatua ana, E koke, e koke, kua aka-
9 kinaia, e kua akakakāia: Kua aka-
kinaia kia maata tona pou; kua aka-
kakāia kia kanapanapa mai: e tika
ainei kia akarekareka tatou? kua aka-
10 vaavaaia te sepeta a taku tamaiti, *mei*
te au rakau katoa ra. Kua apaiia oki
kia akakakāia, kia mou rimaia: kua
akakinaia taua koke nei, e kua aka-
kakāia, kia oronga atu ki te rima o
12 te ta. Ka aue, e e kakaao, e te ta-
maiti a te tangata na: e riro oki te
reira ki runga i toku ra au tangata, ei
runga i te ui ariki katoa o Iseraela:
te matakutaku i te koke e riro ki ru-
nga i toku ra au tangata: e teianei,
13 ka papaki ana i to ūa. E timataanga
oki teia, ka akapcea ra me akavaavaa *te*
koke i te sepeta? kare e vaooia, te
14 tuatua maira te Atu ra ko Iehova. E
tenana, e te tamaiti a te tangata na,
ka totou koe, ka pokarakara i oou
rima, e kia tu toru te pokirua anga o
te koke, te koke no te aronga i taia:
te koke no te aronga nunui i taia, tei
tae rava ki roto i to ratou au pia uuna.
15 Kia ngaevaeva to ratou ngakau, e kia
maata to ratou pou, i tuku ei au i te
keokeo koke ra ki to ratou katoa ra au

ngutupa: aue! kua akakakāia, e kua akakinaia, ei ta. Ka aere koe na te au 16 arataa ra, ei te pae katanu, e na te pae kaui, ei te ngai i angaia atu to mata na. E pokarakara katoa au i oku 17 rima, e e anga taku riri ototo iaku: ko au ko Iehova tei tuatua nei.

Kua tae maira oki te tuatua a Ie- 18 hova kiaku nei, na ko maira, E aka- 19 taka katoa koe, e te tamaiti a te tangata na, i e rua ara, kia tae mai te koke a te ariki o Babulonia: no te enua okotai raua ravarai kia aere mai: ka akataka ana oki koe i tetai ngai, ei te manga anga o te ara e tae ei ki te oire. E akataka i tetai ara e 20 tae mai ei te koke ki Raba ki o te tamariki a Amona, e ki Iuda i Ierusalem akaketaketaina ra. Kua tu ua 21 oki te ariki o Babulonia ki te manga anga o te ara ra, ka manga mai ei nga ara e rua ra, i te rave anga i te kesema: kua kapiti aia i te au kakao nona ra, kua ui ki te au tiki, kua akara oki ki te ate. Tei tona rima katanu te 22 kesema no Ierusalem, kia akataka i te aronga tutuki, kia tuatua te vaa i te tainga ra, kia akateitei i te reo ma te maeva, kia tuku oki te au tutuki ki nga ngutupa, kia akāu i te one, kia patu i te punanga. E riro ra ia ratou mei te mea e, e kesema pikikaa i to ratou mata, i te aronga i taputou i te taputou ra: e riro ra aia i te akamaara i te ara, kia rauka ratou. E teianei, te 24 na ko maira te Atu ra ko Iehova; No te mea, kua akamaaraia to kotou kino, i ta kotou au ara i kitea ra, e te kitea ra ta kotou au ara i ta kotou au rave-nga katoa; no te mea kua maaraia kotou, ka riro ua kotou i te rima.

E ko koe, e tenana kanga, te ariki 25 kino i Iseraela nei, kua tae ki toou rā, te tuatua e akaoti ei te kino. Te na ko maira te Atu ra ko Iehova; Ka apai ke atu i te pare ariki, kintu i te korona: ko teia, kare teia: ka akateitei i tei akaaka, e ka taakaaka i tei teitei. Naku e taruri ke, taruri ke, taruri ke, 27 i te reira, e ka kore roa ia te reira, e kia tae mai aia ra te pu tika ra; e naku e oronga atu nona.

E ko koe oki, e te tamaiti a te ta- 28 ngata na, ka totou koe, ka karanga atu, Te na ko maira te Atu ra ko Iehova i te ngati Amona, e ta ratou akakino; ka karanga atu oki koe, Te koke, te koke, kua unuia: kua akakakāia ei ta, e ei akapou i tona kanapanapa anga ra: Te akara ra ratou i te mea pu- 29 pinga kore ia koe ra, e te kimi ra ratou i te pikikaa ia koe, ei tuku ia koe ki

runga i te kaki o tei taia ra, o te aronga kino ra, tei tae to ratou rā, te tuatua e 30 akaoti ei to ratou kino. E akaoki ainei au i te reira ki roto i tona vai? ei te ngai i angaia i koe ra, i te enua i auatia i koe ra, e akava ei au ia koe 31 ra. E e riringi atu au i toku riri akaoko ki runga ia koe ra, e pupui atu au i te ai ra i toku riri ototo ki runga ia koe, ka tuku atu ei ia koe ki te rima o te au tangata taae, e te kite i te 32 ta. E riro koe ei vaie no te ai ra; e ka vaoa ua to toto i rotou i te enua ra; kare koe e maara akaouia: ko au oki ko Iehova e tuatua nei.

PENE XXII.

Te au ara a Ierusalem, e tana utunga: te kino o te au peroveta, te kau taunga, te au ariki, e te tangata katoa.

1 **E** KUA tae maira te tuatua a Ie- hova kiaku nei, na ko maira, 2 E tenana, ko koe, e te tamaiti a te tangata, ka akava atu ainei koe, ka akava atu ainei koe, i te oire toto nei, ka akakite atu ei kiaia i tona ra au 3 mea viivii ravarai? E karanga atu ana koe, Te na ko maira te Atu ra ko Iehova; Te akamaringi nei te oire i te toto i rotou ia uorai, kia vave mai tona tuatua, e te rapa nei i te au idolo 4 ei akaviivii iaia orai i te reira. Kua ara koe i te toto i maringi ia koe ra, e kua viivii koe i toou au idolo taau i rapa na; e naau i akavaitata mai i toou ra au rā, e kua tae oki ki toou ra au mataiti: i akariro ei au ia koe ei akakinoanga na te au etene, e ei aviri- 5 anga na te au enua katoa ra. Te aronga i vaitata, ma to te atea ke katoa, te ka aviri mai ia koe, e tei viivii to ingoa na, e tei maata te pekupeka na 6 anga. I na, te au ariki o Iseraela, te tangata katoa ma tona ra rinui i roto ia koe ra, i te akamaringi anga i te toto 7 ra. I roto rai ia koe ra ta ratou akavaavaa anga i te metua tane e te metua vaine: i roto rai ia koe ra kua rave pikikaa ratou i te tangata ke: i roto rai ia koe ra ta ratou tinai-mate anga i te matiroeroe e te vaine takua. 8 Kua akavaavaa koe i taku au mea tapu ra, e kua viivii taku au sabati ia 9 koe. Tei roto ia koe te au tangata monomono korero kia maringi te toto ia ratou: e i roto ia koe rai ta ratou kaikai anga ki runga i te au maunga: i roto ia koe rai ta ratou rave anga i te 10 mea akama ra. I roto ia koe rai ta

ratou eun anga i te ngai akama a to
 ratou metua tane: i roto ia koe rai ta
 ratou tuku akaaka anga i te vaine i
 akataka keia ra. E kua rave tetai i 11
 te mea viivii i te vaine a tona tangata
 tupu; e kua rave kino oki tetai e kua
 akaviivii i te tamaine a tana vaine uo-
 rai; e i roto ia koe rai tetai i te tuku
 akaaka anga i tona tuaine, i te tamaine
 a tona metua tane. I roto ia koe rai 12
 ta ratou rave anga i te ou kia akama-
 ringi i te toto ra; kua rave koe i te
 kai ou, e te akamaata, e kua rauka
 taau i to tangata tupu ra i te äru, e
 kua akangaropoina koe iaku, te tuatua
 maira te Atu ra ko Iehova. I na, i 13
 tenana, kua papaki au i toku rima, i
 taau apinga rauka anga pikikaa, e te
 toto i maringi i roto ia koe ra. E tika 14
 ainei to ngakau kia akakoromaki, e
 ketaketa ainei to rima, kia tae ki te
 au rä e rave atu ei au ia koe ra? ko
 au teia e tuatua nei, ko Iehova, e naku
 ia e rave. E akapucurikiriki au ia 15
 koe i roto i te au etene, e akangaoro au
 ia koe i roto i te au enua ra, e e akapou
 au i toou viivii i roto ia koe ra.
 E tuanga taau i roto ia koe uorai ki 16
 mua i te araro o te au etene, e kite oki
 koe e ko Iehova au.

Kua tae maira oki te tuatua a Ie- 17
 hova kiaku nei, na ko maira, E te 18
 tamaiti a te tangata na, kua riro te
 ngutare o Iseraela ei ota iaku, e vea
 anake ratou, e te bidila, e te auri, e te
 tapou, i roto i te kura, e ota ario *anake*
 ratou. E teianei, te na ko maira te 19
 Atu ra ko Iehova, No te mea kua riro
 anake kotou ei ota, i na, e akaputu-
 putu au ia kotou i rotopu ia Ierusa-
 lema. *Mei* ta ratou e akaputupu i 20
 te ario, e te vea, e te auri, e te tapou,
 e te bidila, ki rotopu i te kura, ka
 pupui ei i te ai i rungao kia ta'e; ka
 pera au i te akaputupu ia kotou i
 taku riri nei, e taku riri ootoo, ka
 vaoo atu ei ia kotou ki reira kia ta'e
 kotou. Koia ia, e akaputupu au ia 21
 kotou, e pupui au ki runga ia kotou i
 te ai ra i taku riri nei, e ta'e oki kotou
 i rotopu i te reira. *Mei* te ario e ta'e 22
 i rotopu i te kura ra, e ta'e katoa kotou
 i rotopu i te reira; ka kite oki kotou
 e, naku, na Iehova, i riringi atu
 i taku riri ootoo ki runga ia ko-
 tou na.

Kua tae maira oki te tuatua a 23
 Iehova kiaku nei, na ko maira, E te 24
 tamaiti a te tangata na, ka karanga atu
 koe kiaia, Ko koe taua enua kare i ta-
 māia ra, e kare i topaia e te ua i te
 rä akaokoanga ra. Te kotikoti kupe- 25

nga maira tona au peroveta i roto iaia
 ra; mei te liona ngunguru ra ratou kia
 aō i te kai ra: kua pou ia ratou te
 au vaerua: kua riro ia ratou te apinga,
 e te au mea memetaki ra; e no
 ratou i rai ei tona au vaine takaua i
 26 roto iaia ra. Kua rave kino tona kau
 taunga i taku nei ture, e kua akaviivii
 i taku au mea tapu: kare ratou i
 akataka ke i te mea tapu e te mea
 noa, kare oki ratou i akakite i te *ngai*
i tu ke ei te mea viivii e te mea mā,
 kua puroku i o ratou mata i taku au
 sabati, e kua akaviiviiia au i rotopu
 27 ia ratou. Tona ra ui ariki i roto iaia
 ra, e tau ia ki te au luko e aō i te kui
 ra, kia maringi te toto, kia pou te au
 vaerua, e kia rauka ta ratou apinga i
 28 te pikikaa. E kua amo tona ra au
 peroveta ki te *ngai* nane koreia no
 ratou, i te akara anga i te puapinga
 kore, e te akakite anga ia ratou i te
 kesema pikikaa, i te tuatua anga e,
 Te na ko maira te Atu ra ko Iehova,
 e kare oki a Iehova i tuatua na ake.
 29 Kua akareionga te au tangata o te
 enua na, e kua noni aere ua, e kua
 akaanata i te ao e te putaua, koia ia,
 kua akareionga tika kore ua ratou i te
 30 tangata ke. Kua kimi oki au i tetai
 tangata i rotopu ia ratou e akairiiri i
 te ngai ngaro ra, e kia tu mai aia i
 roto i te ngai ngaa i mua iaku i taua
 enua ra, kia kore au e akapou atu:
 31 kare ra tetai i kitea e au. I riringi
 atu ei au i toku riri ootoo ki runga ia
 ratou; kua pou ratou iaku i te ai ra i
 taku riri maata: ko to ratou uorai
 aerenga taku i tutaki atu ki runga i to
 ratou uorai upoko, te tuatua maira te
 Atu ra ko Iehova.

PENE XXIII.

*Te akamori idolo a to Samaria, e to
 Iuda katoa ra: ta raua utunga.*

1 **K**UA tae maira oki te tuatua a Ie-
 2 hova kiaku nei, na ko maira, E
 te tamaiti a te tangata na, toko rua
 vaine, e puke tamaine na te metua
 3 vaine okotai ra: Kua akaturi iora raua
 i Aiphiti; i to raua ou anga ra e aka-
 turi anga, i reira te roromi anga i o
 raua puke u, e i reira ta ratou roromi
 anga i nga komata u o to raua pare-
 4 tenia anga. E to raua ra puke ingoa,
 ko Ahola te tama mua, e ko Aholiba
 tona teina: naku oki raua, anau tama
 iora raua i te au tamaroa e te au ta-
 maine. E to raua ingoa, ko Ahola, ko
 Samaria ia, e ko Aholiba ra, ko Ierusa-

lema ia. I te noo anga iaku ra kua 5
akaturi iorā Ahola; e kua riro tona.
ngakau ki tana au tane inangaro ra, ki
to Asura te au tangata tupu *nona* ra, 6
Ko tei kakau i te kakau kerekere, i te
au kapena, e te au kavana, e au tangata
ou taurekareka anake ia, e au tangata
ipo e akaoro ki runga i te ipo ra. Kua 7
akaturi iora aia ia ratou, ia ratou ra-
varai, te au tangata ikiia i to Asura ra,
e tei riro tona ngakau ia ratou ra: e
kua viivii aia i to ratou au idolo rava-
rai. Kare oki aia i akaruke i tana peu 8
akaturi mei Aiphiti mai: kua moeia
oki aia e ratou i tona ou anga, na ra-
tou oki i roromi i nga u o tona parete-
nia anga, e kua maringi maira ta ratou
peu akaturi ki runga iaia. I tuku atu 9
ei au iaia ki te rima o tana au tane
inangaro, ki te rima o to Asura ra, tei
riro tona ngakau ia ratou ra. Na ra- 10
tou i akakite i tona vai taaka ua anga:
kua rave ratou i tana au tamaroa e tana
au tamaine, e kua ta iora iaia ki te koke:
riro atura oki tona rongo i rotou i te
au vaihe; no te mea kua akautunga
ratou iaia.

Kite atura tona teina ko Aholiba, 11
kua maata atura tona akakino anga iaia
uaorai i tona inangaro tika kore i to
tetai, e i tana ra au peu akaturi, kua
maata ia i ta tona ra tuakana au peu
akaturi. Riro atura tona ngakau ki to 12
Asura, ki tona ra au tangata tupu,
e au kapena, e te au kavana, ma te ka-
kau akaieie maata, e au tangata ipo, e
akaoro ki runga i te au ipo, e au tan-
gata ou taurekareka anake ia. Kite 13
atura au e kua viivii aia, kua arataa
okotai raua ravarai. Kua akamaata 14
maira oki aia i tana peu akaturi: kia
akara oki aia i te au tangata i te tata
angaia ki runga i te patu, e au aite
anga no te Kaledaia i te tata angaia ki
te muramura, Ma te tatuia te tau- 15
kupu ki te tatua, e ma te au pare
akaive ra ki runga i to ratou upoko, e
ui ariki anake kia akara atu, mei to Ba-
bulonia e to Kaledaia, to ratou enua i
anauia i ra: E tei te akara anga i tona 16
mata, riro atura tona ngakau kia ratou,
kua unga atura te au karere kia ratou
ki Kaledaia. E kua aere maira to Ba- 17
bulonia kiaia ra, ki roto i te roi in-
angaro ra, e kua akaviivii ratou iaia ki
ta ratou peu akaturi, e viivii atura aia
ia ratou, e taka ke roa atura tona nga-
kau ia ratou. E kua akakite aia i tana 18
peu akaturi, e kua akakite i tona taaka
ua anga: e kua taka ke atura oki taku
ngakau iaia, mei taku ngakau oki i
taka ke i tona tuakana ra. Kua aka- 19

maata oki aia i tana akaturi anga, i te
akamaara akaou anga i te au ra i te
ou anga nona ra, iaia oki i akaturi aere 20
i te enua ra i Aiphiti. No te mea kua
riro tona ngakau, tei ta ratou au tane,
tei *tau* to ratou kiko ki te kiko asini, e
to ratou eke ki te eke toa ipo ra.
21 E teianei, ko koe i oki rua ki te kino
o toou ou anga ra, ka roromi ei to Ai-
phiti i nga komata u noou, e kua rave
ia koe i toou ou anga ra; E teianei, e 22
Aholiba, te na ko maira te Atu ra ko
Iehova, I na, e akatu au i taau au tane
inangaro ki runga ei tamaki ia koe, i tei
taka ke to ngakau ia ratou ra, e arataki
mai au ia ratou ei tamaki ia koe e pini 23
ua ake; To Babulonia, e to Kaledaia
ravarai, ko Pekoda, e ko Soa, e ko Koa,
e to Asura ravarai ma ratou katoa ra:
e aronga ou taurekareka anake ia ra-
tou, e aronga kapena, e te au kavana, e
aronga mataiaipo tutara e te rongonui,
e tei runga anake i te au ipo te akaoro
24 anga. E aere mai ratou ki runga ia
koe ma te kariota tamaki, e te kariota
apinga, e te au porotata ra, e ma te
urupu tangata ra, te ka akonokono i
te korare, e te paruru, e te pare kotaa,
ei tamaki ia koe e pini ua ake: e tuku
oki au i te tuatua-tau ki mua ia ratou,
e na ratou e akava ia koe i ta ratou ra
25 akava anga. E ariu au i taku vareae
kia koe, e rave viviki mai oki ratou ia
koe: e rave ke atu ratou i to putaiu, e
nga taringa ouu ra; e toou aronga i toe
ra, ka inga ia i te koke: e rave ratou i
taau au tamaroa e taau au tamaine; e
26 tei toe i ouu ra, ka pou ia i te ai. E
tatarā ratou i ouu kakau, e ka aō ratou
27 i toou aronga poc mameitaki. E aka-
pera au i te akakore i taau ra kanga
maata ia koe ra, e taau ra peu akaturi
no Aiphiti mai: kare oki koe e nānū i
to mata kia ratou, e kare e manako
28 akaou atu ia Aiphiti. Te na ko maira
oki te Atu ra ko Iehova; I na, e tuku
atu au ia koe ki roto i te rima o te aro-
nga i makitakitāia e koe ra, ki roto i te
rima o te aronga i taka ke ei to ngakau
29 ia ratou ra: E rave ratou ia koe ma te
riri, e rave anake oki ratou i taau i
angaanga ra, ka vaoo taaka ua atu ei ia
koe ma te kakau kore: e kitea uaia te
taaka ua anga o taau au peu akaturi,
taau kanga ma taau au peu akaturi ka-
30 toa ra. E akapera atu ei au kia koe,
no te mea kua aru koe i te au etene i
te akaturi anga, no te mea kua viivii
31 koe i to ratou au idolo. Kua aere koe
na te ara o to tuakana; no reira au ka
tuku atu ei i tana kapu ki to rima.
32 Te na ko maira te Atu ra ko Iehova,

E inu koe i te kapu a to tuakana, e mea oonu e te maata, e riro oki koe ci kataanga, e ci avirianga; e mea ranea maata taua kapu ra. E ki koe i te 33 mea takeo e te aue, i te kapu tumatete-nga e te pou, i te kapu a to tuakana a Samaria. E inu rava oki koe e ka 34 mitimiti i te para, ka ngangu oki koe i te vävanga o te reira, e ka kiriti akaruke koe i oou uorai puke u; ko au oki teia e tuatua nei, te tuatua maira te Atu ra ko Iehova. E teianei, te na 35 ko maira te Atu ra ko Iehova; No te mea kua akangaropoina koe iaku, e kua akaruke iaku i muri i to tua, e tenana, e akakoromaki katoa koe i taau kanga, ma taau ra au peu akaturu.

Kua tuatua maira oki a Iehova ki- 36 aku, E te tamaiti a te tangata, ka akava ainei koe ia Ahola raua ko Aholibā? e akakite ua atu koe kia raua i ta raua au mea viivii; No te mea kua 37 akaturi raua, e toto oki tei to raua rima, e kua akaturi raua i to raua au idolo; e ta raua au tamaroa ta raua i anau iaku nei, ta raua i tuku kia na roto i te ai ia ratou ra, kia pou rava. Teia oki tetai mea ta raua i rave mai iaku: kua akaviivii raua i taku ngaitapu i te rā okotai, e kua akakino i taku au sabati: Kia oti oki ta raua au 39 tamariki i te taia no to raua au idolo, kua aere maira raua ki roto i toku ngaitapu i taua rā ra, kia viivii te reira; e i na, kua akapera raua i rotou i taku are. E mei reira oki, kua tiki 40 korua i te tangata kia aere mai mei te ngai mamao mai, kua tonokia atu te karere kia ratou; e i na, kua aere mai ratou: no ratou koe i orei ci ia koe uorai, e kua amo i o mata ki te pene, e kua akamanea ia koe uorai ki te au mea manea, E kua noo koe ki runga i 41 te roi manca, ma te kaingakai kua oti i te ārikiriki ki muao, i tei vaooia e koe taku tumiama e taku manongi ki rungao. E tei iaia oki te reo o te 42 urupu vareaua ua ra: e kua arataki katoaia mai te au tangata maori ma to Sabea katoa i te medebara; ko tei tuku i te tatua ki runga i o ratou rima, e te korona manea ki runga i to ratou mimiti. Kua tuatua iora au *kiaia* ki 43 tei pakari i te akaturi anga, E akaturi ainei ratou i teianei iaia nei, iaia nei rai? Kua aere atu rai ratou ki roto iaia 44 ra, mei te aronga kia aere ki roto i te vaine akaturi: kua pera ratou i te aere ki roto ia Ahola raua ko Aholibā, i nga vaine kanga ra. E na te au tangata 45 tuatua-tika e akava ia raua, mei te

akava anga vaine akaturi ra, e mei te akava anga vaine akamaringi toto ra, e puke akaturi oki raua, e e toto tei to raua rima. Te na ko maira oki te Atu ra ko Iehova; E arataki mai au i tetai urupu ki runga ia raua, e naku e oronga ia raua kia apai keia, e kia 47 āruia. E na taua urupu ra e pei ia raua ki te toka, e e tipupu ia raua ki te koke; e ta oki ratou i ta raua au tamaroa, e ta raua au tamaine, e ta'u 48 oki i to raua au are ki te ai. E akapera au i te akakore anga i te kanga i te enua nei, kia kite te au vaine ravara, e auraka e aite i te kanga mei ta 49 korua ra. E tutaki mai ratou i ta korua kanga ki runga ia korua uorai, e na korua rai e akakoromaki i te au ara a to korua au idolo: e kite oki koton e, ko te Atu ra au ko Iehova.

PENE XXIV.

Te akakitia nei te pou o Ierusalemā i te parabolē i te pani pupu ra: ko Ezekielā kare i aue i taua vaine i mate ra, i kitea'i te mate maata ua atu o te ngai iuda.

- 1 **E** I te iva o te mataiti, e te ngauru o te marama, e te ngauru oki o te rā i taua marama ra, i tae mai ei te tuatua a Iehova kiaku nei, na ko maira, E te tamaiti a te tangata na, ka tafa na koe i te ingoa o te rā nei, o teianei rā tikai: kua akanoo oki te ariki o Babulonia i te tamaki ia Ierusalemā i teianei rai rā. Ka tuku atu i tetai maseli ki te ngutuare meameau nei, e karanga atu kia ratou, Te na ko maira te Atu ra ko Iehova; Ka akauta ana i tetai pani, ka akauta ana, 4 ka riringi i te vai ki roto ra. E akaputupu i taua au kotinga ki roto ra, i te au kotinga memeitaki ra; i te ūa muri e te ua mua, ka akaki ki te au 5 ivi memeitaki ra. Ka rave i tei meitakai tikai o te anama ra, ka ata'i oki te au ivi i raro ake, kia pupu tikai, e kia tunu ratou i toa au ivi i roto ra.
- 6 E teianei, te na ko maira te Atu ra ko Iehova; Aue te oire toto e, te pani ma te repo i te vai katoa anga i roto ra, kare toa repo i peke ki vao! kiriti takitaki mai nga kotinga; auraka kia 7 topaia i te kelero. Te vai ua ra oki toa toa i roto iaia; kua tuku iora iaia i te reira ki runga pu i te mato ra; kare akera iaia i riringi ki raro i te onc, kia tapokiiā a rungao ki te one-pueu;
- 8 Kia tupu mai te riri ototoo kia akaoko atu ia; kua tuku au i toa toa toki runga pu i te mato ra, kia kore kia

tapokiiā. E teianci, te na ko maira te 9
Atu ra ko Iehova; Aue te oire toto e!
e akamaata ua atura au i te putunga
vae no te ai. E uri rai i te vae ki 10
runga, ka ta'u i te ai, kia pou te kiko,
e iro tikai ki te vairakau, e kia ka oki
te au i vi ki te ai. Ka tuku ua atu ci 11
ma te apinga kore to roto ra ki runga i
te ngarau, e kia veravera te vao, e kia
ka, e kia ta'e tona viivii i roto ra, kia
pou roa tona repo ra. Kua potopoto 12
tona a'o i te pikikai, kare ra tona repo
maata i peke ki vao mei roto iaia ra,
tona repo i roto i te ai. E kanga tei 13
taua viivii noou ra: no te mea kua tika
iaku i te tamā ia koe, kare ra i tika ia
koe kia tamāia, kare koe e tamā aku-
ouia, e kia akairi atu au i taku riri oto-
oto ki runga ia koe ra. Naku tikai 14
oki na Iehova i tuatua, e tupu ia te
reira, naku oki e rave; kare au e oki
ki muri, kare oki au e akaperepere, e
kare rai au e tataraara; ka akava ratou
ia koe kia tau ki toou ra au aerenga, e
ki taau ra au ravenga, te tuatua maira
te Atu ra ko Iehova.

Kua tae mairai oki te tuatua a Ie- 15
hoya kiaku nei, na ko maira, E te 16
tamaiti a te tangata na, i na, teia au
ka rave ke i te inangaro o to mata i
te tainga okotai ra, auraka ra koe e
eva, auraka rai koe e aue, e auraka e
maringi to roi-mata. Aue muteki ua 17
koe, auraka e akaevaeva i te aronga i
mate, takaiakai i to pare ki runga ia koe,
e aao i o vaevae ki te tamaka, auraka
e tapoki i o ngutu, e auraka koe e kai i
te manga a te aronga aue ra. Kua 18
tuatua au ki te au tangata i te
popongi: e aiai iora mate atura taku
vaine; e ao akera kua pera au i tei
akaeaia mai au ra.

Kua tuatua maira te au tangata 19
kiaku ra, Kare ainei koe e akakite mai
i te aiteite anga o teianci au mea ia
matou nei, i pera'i koe na? E kua 20
karanga atura au kia ratou, Kua tae
maira te tuatua a Iehova kiaku nei,
na ko maira, Ka tuatua ana ki te ngu- 21
tuare o Iseraela, Te na ko maira te Atu
ra ko Iehova; I na, e akaviivii au i
taku ngai-tapu, te meitaki o to kotou
ririuiui, te inangaro o to kotou mata, e
tei akaperepereia o to kotou ngakau;
e ta kotou au tamaroa, e ta kotou au
tamaine, i vaouia e kotou na, e inga ia
i te koke. E akapera oki kotou mei 22
taku i rave ra: auraka kotou e tapoki i
to kotou ngutu, e auraka e kai i te
manga a te aronga aue ra. Ei runga i 23
to kotou mimiti to kotou au pare, e ei
runga i to kotou vaevae to kotou au

tamaka; auraka kotou e akaevaeva, e
auraka e aue; ka kakao ua ra kotou i
ta kotou au ara, e ka mii ua kotou ki
tetai ki tetai. Kua pera oki a Ezekielā 24
i te riro anga ei akairo na kotou; e
mei te au mea katoa tana i rave ra, ka
akapera rai kotou: e kia tupu teianci
tuatua e kite ei kotou e, ko te Atu ra
au ko Iehova.

25 Ko koe katoa oki, e te tamaiti a te
tangata na, kare ainei e riro i te rā ka
rave atu ei au i to ratou ririuiui, te
rekareka o to ratou kakā, te inangaro
o to ratou mata, e tei inangaroia e to
ratou ngakau, ta ratou au tamaroa, e
26 ta ratou au tamaine, Na tei ora mai i
taua rā ra e aere mai kia koe ra, ka
27 akakite ua'i ki to taringa? I taua rā
ra e ngae ei to vaa ki tei ora maira, e
ka tuatua koe, e kare e murare akaou:
e riro oki koe ei akairo na ratou; e ka
kite ratou e ko Iehova au.

PENE XXV.

*Te riri o te Atu ki te ngati Amona, te
ngati Moabi, te ngati Edoma, e te
Philiseti, ko ratou i takinga-kino i
te ngati Iuda.*

1 KUA tae maira oki te tuatua a
Iehova kiaku nei, na ko maira,
2 E te tamaiti a te tangata na, ka anga
ana i to mata ki te ngati Amona, ka
3 totou atu ei ia ratou; Ka karanga
atu ei ki te ngati Amona, Ka akarongo
mai ana i te tuatua a te Atu ra a Ie-
hova: Te na ko maira te Atu ra ko
Iehova; No te mea kua tuatua koe,
Eiton, ki taku ngai-tapu nei, ka aka-
viiviiia'i ra, e ki te enua o Iseraela, ka
akataneia'i ra; e ki te ngutuare o
4 Iuda, ka riro ei ratou ei tuikaa ra; E
tenana, i na, e tuku atu au ia koe ki te
au tangata no te itinga o te rā ei kainga
no ratou, e na ratou e akatu i to ratou
au punanga ra i roto ia koe, e anga oki
i to ratou au ngai e noo ei i roto ia
koe; na ratou e kai i taau kai, e na
5 ratou e inu i taau u. E akariro au ia
Raba ei are Kamela, e te ngati Amona
ei moeanga no te au anana ra: ka kite
6 oki kotou e ko Iehova au. Te na ko
maira oki te Atu ra ko Iehova; No te
mea, kua pokarakara koe i to rima, e
kua takatakai te vaevae, e kua rekā-
reka to ngakau ma to riri katoa i te
7 enua nei ia Iseraela; E tenana, i na,
e akatika atu au i toku rima ki runga
ia koe, e tuku au ia koe ei apinga no te
au etene; e tipu ke atu au ia koe i o te
au tangata nei, e e akakore atu au ia
koe i roto i te au enua nei: e akapou

atu au ia koe; ka kite oki koe e ko Iehova au.

Te na ko maira te Atu ra ko Iehova; 8
No te mea, te tuatua nei Moabi e ko Seira, I na, kua okotai rai aite te ngutuare o Iuda, e te au etene katoa ra; E teianei, i na, e kiritia e au te kaokao 9
o Moabi tona ra au oire, na te au oire i tona ra kotinga, te manea o te enua ra ko Bete-iesimota, ko Baalamona, e ko Kiriataima, Ko taku ia 10
e oronga atu no te au tangata o te itinga o te rā, na te ngati Amona, ei kainga no ratou, kia kore te ngati Amona e manako akouia i roto i te au enua ra. E naku e tuku atu i te 11
utunga ki runga ia Moabi; ka kite oki ratou e ko Iehova au.

Te na ko maira te Atu ra ko Iehova; 12
No te mea, kua akamoupuku aroa kore ua Edoma i te ngutuare o Iuda, e kua maata te ara, e te tutaki anga atu ia ratou; E teianei, te na ko maira te Atu 13
ra ko Iehova; E akatika katoa atu au i toku rima ki runga ia Edoma, e e tipu ke atu au i te tangata e te puaka katoa i reira; e akatanea atu au i te reira mei Temana mai; e ko ratou oki ko to Dedana, ka inga ia i te koke. E 14
e tuku au i toku riri akaoko ki runga ia Edoma i te rima o toku au tangata nei ia Iseraela: e ka rave ratou i roto ia Edoma kia tau ki toku nei riri, e toku nei riri otooto; ka kite oki ratou i taku nei akaoko, te tuatua maira te 15
Atu ra ko Iehova.

Te na ko maira te Atu ra ko Iehova; 15
No te mea e akamoupuku ta te Philiseti, e kua rave ta ratou akamoupuku anga ma te ngakau riri, kia pou roa, no te riri taito ra; E teianei, te na ko 16
maira te Atu ra ko Iehova; I na, e akatika atu au i toku rima ki runga i te Philiseti, e e tipu ke atu au i te Kereti, e e akapou atu au i te toenga i taatai ra. E e tutaki maata rava au ia 17
ratou, ma te akamura ririnui; e kite oki ratou e ko Iehova au, kia tuku atu au i toku riri akaoko ki runga ia ratou ra.

PENE XXVI.

Te akamatakuia nei Turia i tana tuatua kino ia Ierusalemā: ko Nebukanesu tei akonoia e akapou iaia: e aueanga i tona inga anga.

E TAE akera ki te ngauru ma tai 1
o te mataiti, i te rā tai o te marama ra, i tae mai ei te tuatua a Iehova kiaku nei, na ko maira, E te tamaiti a te tangata na, No te mea kua tuatua Turia ia Ierusalemā, Eitoa, 2

kua ngaangaa ia aia, ko te oire oki tei tona au ngutupa te uipānga tangata: kua ariu mai ia kiaku nei: ko au te 3
ka ki, kua tanea oki aia: E teianei, te na ko maira te Atu ra ko Iehova, I na, kare au e tau ia koe, e Turia e, e naku e tuku mai i te au enua e manganui ki runga ia koe, mei te tai e atuatu ua 4
mai i tona ngaru. E ngaangaa te au patu i Turia ia ratou, e ka rurungaoro tona ra au punanga: e naku e pakoko i te one-pueu i runga iaia, e ka akariro au iaia mei te ngai i runga roa i te 5
mato ra. Ka riro aia ei ngai tauraki anga kupenga i rotopu i te moana ra: ko au oki tei karanga, te tuatua maira te Atu ra ko Iehova: e riro oki aia ei 6
nonianga no te pa enua. E tana ra au tamaine i roto i te kainga ra, e taia ia ki te koke; e kite oki ratou e ko Iehova au.

7 Te na ko maira oki te Atu ra ko Iehova; I na, e arataki mai au i te ariki o Babulonia ia Nebukanesa ki runga ia Turia, e ariki no te au ariki ra, mei te pae i apatonga ra, ma te au ipo, e te au kariota, ma te au tangata ipo, e te au takanava, e te tangata e 8
manganui ra. Ka ta aia i to au tamaine i roto i te kainga ra ki te koke: ka anga oki aia i tetai punanga ki mua ia koe, e ka akāū i te one ki mua ia koe, e tāki oki aia i te paruru ki mua 9
ia koe. E tuku oki aia i te au tutuki ki to au patu ra, e vava'i oki aia i to 10
au punanga ki tona au tapae. E ngaromia koe i te one-pueu i te maata o tana ra au ipo: e ngauene to au patu i te aruru o te au tangata ipo, e te au porotata, e te au kariota ra, kia akao aia ki roto i to au ngutupa ra, mei te tangata e tomo ki roto i te oire kia 11
akangaangaia ra. E takatakaiia to au arataa katoa e te maikuku o tana ra au ipo: ka ta aia i to au tangata ki te koke, e to au punanga ketaketa ra, 12
ka ngaoro ia ki raro i te one. Ka āru pu ua oki ratou i to au apinga ra, ka noni oki i to au apinga oko ra: ka vava'i ratou i to au patu ki raro, ka akapou oki i to au are manea: e to au toka, e to rakau, e te one-pueu noou ra, ka tukuia e ratou ki raro i te 13
moana. E te reo o taau aronga pe'e ra e akakorcia e au; kare oki te tangi 14
o to au kinura e kitea akouia. E akariro au ia koe mei te ngai i runga roa i te mato ra: e riro oki koe ei ngai tauraki anga kupenga; kare koe e patu akouia: ko au oki ko Iehova tei karanga, te tuatua maira te Atu ra ko Iehova.

Te na ko maira te Atu ra ko Iehova 15
kia Turia; Kare ainei te au motu e
ngaeue i te aruru o toou inga anga,
kia aue te aronga i puta, kia taia aere
uaia i rotopu ia koe na? Ka eke anake 16
te au ariki o te moana ki raro mei
runga i to ratou au terono, ka kopae i
to ratou au kakau, ka tuku ke atu i to
ratou au kakau tata: ka kakau oki ia
ratou uarai ki te ruketekete; ka noo
ratou ki raro i te one, ka ruketekete
ua kare e akapaki, e ka tumatetenga
ia koe. E tuporo ratou i te pe'e tangi 17
ia koe, ka na ko atu ei kia koe, Aue
toou mate e, tei nooia e te aronga aere
ki te moana, e te oire rongonui e, tei
ririnui i roto i te moana, koia e tona
vau tangata, tei matakuia e te aronga
ravara e aere mai ki reira ra e! Ei 18
teianci e ruketekete ei te pa enua i te
ra e inga'i koe ra; ka tumatetenga te
pa enua o te moana kia ngaro koe ra.
Te na ko maira oki te Atu ra ko Ieho- 19
va; Kia akariro au ia koe ei oire tanea
ra, mei te au oire tangata kore ra; kia
apai mai au i te moana ki runga ia
koe, e ngaro atura koe i te vai maata
ra; Kia tuku au ia koe ki raro e te 20
aronga katoa i riro ki te vaarua ra, ki
te au tangata taito ra, e ka tuku ia koe
ki te ngai akaaka o te enua nei, ki te
au ngai tanea i taito ra, ma te aronga i
riro ki raro i te vaarua ra, e auraka
koe kia tangatania; e kia akono au i te
manea i te enua o te aronga e ora nei;
E akariro au ia koe ei mea matakuia, 21
e kore akera oki koe: kia kiani uaia
koe na, kare koe e kitea akaouia e
tuatau ua atu, te tuatua maira te Atu
ra ko Iehova.

PENE XXVII.

*Te apinga maata o Turia ra, e tona
tuitaipakoko angaia.*

KUA tae maira oki te tuatua a Ie- 1
hova kiuku nei, na ko maira. E 2
tenana, e te tamaiti a te tangata na, ka
atu koe i tetai pe'e tangi ia Turia;
Ka karanga atu ei kia Turia, E tei noo 3
i te tuku anga na tai ra, ko te tangata
oko na te au tangata o te pa enua e
manganui ra, Te na ko maira te Atu
ra ko Iehova; E Turia e, kua karanga
oki koe e, Kua meitaki rava au i te
purotu. Tei rotopu i te moana toou 4
ra au kotinga, kua akamanae ravaia
koe i te purotu e tei patu ia koe ra. E 5
berusi anake toou au rakau *pai*, no
Senira i te pari angaia e ratou: kua
rave ratou i te au arezi no Lebanona ei
tira pai nanu. E ale no Basana taau 6

aronga oe i te tarai angaia e ratou;
kua anga ratou i toou au nooanga ki te
sene i tarotoia ki te tasura no te enua
7 o te Kitima ra. Te orongā meitaki e
te tata no Alphiti mai, tei ooraia ei kie
naau; te kakau kerekere, e te uriuri,
no te au enua o Elisa, ko toou ia ta-
8 poki. Te au tangata no Sidona e no
Aravada, ko te oe ia ia koe: toou aro-
nga pakari i roto ia koe, e Turia e, ko
9 toou ia au pailoti. Te aronga taito no
Gebala, e te aronga karape no reira
ra, ko toou ia totamu i roto ia koe na:
te au pai katoa o te moana, e to ratou
aonga pai katoa ra, ko roto ia ia koe e
10 oko i taau ra okoanga. To Peresia, e
to Luda, e to Phuta, ko roto ia i toou
nuku, ko toou ia au tangata tamaki:
na ratou i akauti i te paruru e te pare-
kotaa i roto ia koe; na ratou i akakite
11 i toou ra mekameka. Te au tangata
no Aravada e toou katoa ra nuku, tei
runga ia i toou ra patu e pini ua ake, e
tei roto te au Gamadi i toou ra au
punanga: kua akauti ratou i to ratou
au paruru ki runga i to au patu e pini
ua ake, kua manea rava koe ia ratou.
12 Ko Taresisa taau tangata oko, no te rai
o toou ra au apinga tumatatini; i te
ario, te auri, te bidila, e te tapou, kua
13 oko ratou i taau au okoanga. Ko Ia-
vana, ko Tubala, e ko Meseka, ko taau
ia aronga oko: kua apai ratou i te tan-
gata, e te au āriki veo, ki taau ra oko-
14 anga. To te ngutua e Togarama tei
taki i te au ipo ma te au tangata ipo, e
15 te au mule, ki taau ra okoanga. Te
au tangata no Dedana, ko taau ia aro-
nga oko; e manganui te pa enua, e
aronga oko anake ia i to rima: kua o
mai ratou i te tara puaka, te sene, e te
16 eboni, ei taoonga-rima kia koe. Ko
Siria taau tangata oko, no te rai o te
au mea i angaia e koe ra; i te nepheka,
e te kakau kerekere, e te kakau tata,
e te orongā meitaki, e te punga mura-
mura, e te kadakada, ko ta ratou ia i
17 apai mai ki taau ra okoanga. Ko Iuda,
ma te enua o Iseraela, ko taau ia aro-
nga oko: i te sitona no Miniti, e te
panaga, e te meli, e te mori, e te bala-
ma, ko ta ratou ia i apai mai ki taau
18 okoanga. Ko Damaseko taau ra tan-
gata oko, i te rai o te au mea i angaia
e koe ra, e te maata o te au apinga nui
katoa ra; i te wina Helebona, e te
19 uru-manoe teatea ra. Kua apai mai
Dana raua ko Iavana i te ao iro ki
taau okoanga, e tei taau okoanga te
auri tupakiia, te kade, e te kalamu
20 ra. Ko Dedana taau tangata oko i te
kakau akaieie no te aronga akaoro ipo

ra. Ko Arabia, e te au ariki katoa o 21
Kedara, e aronga oko anake ratou i to
rima, i te au punua mamoe, e te au
mamoe toa, e te au puaka-nio: ko taau
ia aronga oko i te reira. Te au tangata 22
oko no Seba, e no Rama, ko taau ia
aronga oko, i te au rakau i tu ke rava
i te kakara ra, e te au toka memaitaki
ravarai ra, e te auro, ta ratou ia i oko
aere i taau ra au okoanga. Ko Ka- 23
rana, e ko Kane, e ko Edena, te au
tangata oko no Seba, ko Asura, e ko
Kilemada, taau ia aronga oko. Ko 24
ratou taau aronga oko i te au apinga
memaitaki ra, i te kakau kerekere, e
te angatā ra, e te au pia kakau me-
meitaki ra, i ruruia ki te taura, e e
arezi te rakau, i roto i taau ra au api-
nga oko. Kua akapaapaia koe e te 25
au pai no Taresisa i taau ra okoanga,
kua akakiia oki koe e manea rava
akera i rotou i te moana.

Kua oe ravaia koe e to aronga oe ra 26
ki raro i te vai maata ra: kua ngaangaa
koe i te maoake i rotou i te moana
ra. To apinga nui, e taau ra au oko- 27
anga, taau apinga oko ra, toou aronga
aonga pai, e taau ra au pailoti, taau
aronga totamu, e te aronga i oko aere i
taau ra au apinga, e toou aronga tangata
tamaki ravarai, i roto ia koe ra, e i
roto i to uipānga ravarai i rotou ia
koe ra, e inga anake ia i rotou i te
moana i te rā e inga'i koe ra. I te 28
aruru aue o to au pailoti e ngancue ei
te au kainga i waitatao ra. E te aro- 29
nga ravarai e rave i te oe ra, te aonga
pai, e te au pailoti katoa o te tai ra, e
eke anake mai ia ki raro mei runga
mai i to ratou au pai, e ka tu na ratou
i taatai; E ka akakite nui ratou i to 30
ratou reo ia koe, ma te aue maata, ma
te āu i te one ki runga i to ratou au
mimiti, e ka takaviri ia ratou uorai i
roto i te reu: E mangore teatea rava 31
ia ratou uorai ia koe, e ka tatua ra-
to ki te kakau paon, e aue oki ratou
ia koe ma te manae te ngakau, e ma
te mii maata. E atu oki ratou i te 32
pe'e tangi i to ratou aue anga ia koe,
ma te mii na ki runga ia koe, i te na
ko anga e, Koai ia oire e aite kia
Turia, e aite ki tei pou i rotou i te
moana ra? Ka utai'i taau ra au api- 33
nga mei te au tai maira, kua akamere-
ngo koe i te au tangata e manganui;
no te maata o taau ra apinga, e te
apinga oko naau ra, i apingaia'i te au
ariki katoa o te enua nei. I te tuata 34
e akangaangaia'i e te tai i roto i te
oonu anga o te moana, ka topa anake
taau apinga oko, ma toou uipānga

35 katoa i rotou ia koe ra. Ka tumate-
tenga te au tangata katoa o te pa enua
ia koe, e to ratou au ariki ka rokoia e
te matakau maata, ka purautea ua to
36 ratou au mata. Ka riro te aronga oko
i rotou i te au tangata i te akaviivii ia
koe; ka riro koe ei rikarikaanga, e
ka puapinga kore koe e tuatau ua atu.

PENE XXVIII.

*Te Atua i te tutaki anga i te ariki o
Turia i te ngakau parau: e aue anga
i toa kakā i ngaro i te ara:
e mate o Sidona, e to Iseraela oki mai
anga.*

1 **K**UA tae mairai oki te tuatua a Ie-
2 hova kiaku nei, na ko maira, E te
tamaiti a te tangata na, e karanga atu
koe ki te ariki o Turia ra, Te na ko
maira te Atu ra ko Iehova; No te
men, kua akateiteia toou ra ngakau, e
kua tuatua koe e, E Atua au, te noo
nei au i te nooanga o te Atua, i rotou
i te moana ra; e tangata ra koe, e kare
i te Atua, akamou ua'i koe i to ngakau
3 mei te ngakau o te Atua ra. I na, e
pakari maata toou i to Daniela; kare
rava e tuatua muna e tika ia ratou kia
uuna ia koe: No toou ra pakari e toou
ra kite i rauka'i taau ra apinga nui, i
rauaka'i te auro e te ario i roto i taau ra
5 uipānga apinga: No te maata o toou
pakari, e taau oko anga i maata'i taau
apinga, e no to apinga nui i teitei ei toou
6 ngakau: E teianei, te na ko maira te
Atu ra ko Iehova; No te mea, kua aka-
mou koe i toou ngakau mei te ngakau
7 o te Atua ra; E teianei, i na, e arataki
mai au i te tangata ke ke, te rikarikaia
e te pa enua, ki runga ia koe: e na
ratou e unui i ta ratou au koke ki te
manea o taau pakari noou ra, e na ra-
8 tou e akaviivii i toou kakā. E arataki
mai ratou ia koe ki raro i te vaarua ra,
e mate oki koe i te mate o te aronga i
9 taia i rotou i te moana. E tuatua
mairai ainei koe, E Atua au, ki mua
i te aroaro o tei ta mai ia koe ra? e
tangata oki koe, e kare i te Atua, i te
10 rima o tei ta mai ia koe ra. Ka mate
koe i te matenga o te aronga peritome
koreia i te rima tangata ke ke ra: ko
au oki tei karanga, te tuatua maira te
Atu ra ko Iehova.

11 Kua tae mairai oki te tuatua a Ie-
12 hova kiaku nei, na ko maira, E te ta-
maiti a te tangata na, ka atu anake koe
i tei pe'e tangi i te ariki o Turia ra, e
karanga atu kiaia, Te na ko maira, te
Atu ra ko Iehova; E sigilo kotikoti
tu ke roaia koe, kua ki koe i te pa-

kari, e kua manea rava i te purotu. I Edena koe i te kainga o te Atua ra; 13 te au toka memaitaki ravarai ra tei runga ake ia koe, te adama, te topazio, e te ieloma, te taresisa, te sema, e te isephe, te saphira, te nepheka, e te bereketa, ma te auro: te angaunga anga o to au pa'u e to au koe tei akonoia i roto ia koe i te rā i angai'i koe na. Ko koe te kerubi tamaru aka- 14 mainuia ra: e naku koe i akanoo: no runga koe i te maunga tapu o te Atua ra, e kua aacre ua koe na roto i te au toka ai ra. I tika tikai koe i 15 toou na au aerega mei te rā mairai i angai'i koe ra, e kia kitea uaia atu te kino i roto ia koe ra. No te maata 16 o taau au apinga oko i akakia'i koe e ratou i rotupu ki te takinga-kino, e kua ara koe na: ka titiri atu ei au ia koe mei runga i te maunga o te Atua mei te apinga viivii: ka akapou atu oki au ia koe, e te kerubi tamaru ra, mei rotupu mai i te au toka ai ra. Ko 17 toou purotu te mea i parau ei toou ngakau ra, ko toou kākā te mea i viivii ei toou ra pakari: ka titiri atu au ia koe ki raro i te one, ka tuku au ia koe ki mua i te aroaro o te ui ariki, kia akara mai ratou ia koe. No te 18 maata o toou ra au kino, e no te tika kore o taau ra oko anga, i viivii ei toou ra ngai-tapu: ka apai mai ei au i te ai no roto ia koe ra, e ka pou koe i te reira, e ka akariro au ia koe ei reu ki runga i te enua nei, ki mua i te aroaro o te aranga ravarai e akara mai ia koe ra. To roto i te au tangata 19 katoa nei i kite ia koe ra, ka va ua ratou ia koe: ka riro oki koe ei mea rikarikaia, e kare rava oki koe e tuataua ua atu.

Kua tac mairai oki te tuatua a 20 Iehova kiaku nei, na ko maira, E te 21 tamaiti a te tangata na, ka anga atu koe i to mata kia Sidona, e ka totou atu koe i te reira, E ka karanga atu, 22 Te na ko maira te Atua ra ko Iehova; I na, kare au e tau ia koe, e Sidona; e ka akakakiaia au i rotupu ia koe ra: e kite oki ratou e ko Iehova au, kia tuku au i te utunga i roto iaia, e kia akatapuaia au i roto iaia ra. E akaunga 23 atu oki au i te maki-mate ki roto iaia, e te toto ki roto i toa ra au arataa; e inga oki te aranga puta i roto iaia ki te koke, kia tac mai ki runga iaia e pini ua ake; ka kite oki ratou e ko Iehova au.

E kare atura o te ngutuaru o Ise- 24 racla ei rakau putaputa, e te mea taratara e mamea ei ra e pini ua ake

ratou ra, i tei akavaavaa mai ia ratou; ka kite oki ratou e ko te Atua 25 ra au ko Iehova. Te na ko maira te Atua ra ko Iehova; Kia akaputupu mai au i te ngutuaru o Iseraela mei roto mai i te au tangata i pueurikiriki ke ei ratou ra, ei reira au e akatapuaia i e ratou ki mua i te aroaro o te au etene, e noo oki ratou ki to ratou uao- 26 rai enua, taku i oronga no toku tavini no Iakoba. E noo ponuinau ua ra oki ratou i reira, e patu oki ratou i te are, e tanu oki i te kainga vine; koia ia, ka noo ratou ma te matakau kore, kia oti iaku i te akautunga atu ia ratou katoatoa i akavaavaa mai ia ratou e pini ua ake; e kite oki ratou e ko au to ratou Atua ko Iehova.

PENE XXIX.

Te tutaki anga atu ia Pharao i tana pikikaa ia Iseraela: te pou anga o Aiphiti, e te meitaki akaou anga kia ope nga mataiti e a ngauru: te apinga o Aiphiti ta Nebukanesa tutaki: ka akaokia Iseraela.

1 I TE mataiti okotai ngauru ra, e te ngauru oki o te marama, e te ngauru ma rua o te rā o taua marama ra, i tac mai ei te tuatua a Iehova 2 kiaku nei, na ko maira, E te tamaiti a te tangata na, ka anga koe i to mata ki te ariki o Aiphiti ia Pharao, e ka totou atu iaia, e i to Aiphiti katoatoa 3 ra: E tuatua, e e karanga atu, Te na ko maira te Atua ra ko Iehova; I na, kare au e tau ia koe, e te ariki o Aiphiti, e Pharao, i te toni maata e moe i raro i toa au kauvai, i tei karanga ra e, Noku uaoari toku kau- 4 vai, naku oki i anga noku uaoari. E tuikau au i etai matau ki roto i to tangata ra, e naku e tapiri mai i te au ika o to au kauvai ra ki runga i to au poa, e e takitaki mai au ia koe ki runga mei raro mai i to au kauvai ra, e piri oki te au ika ravarai o to au kauvai ra ki runga i to au poa ra. 5 E naku koe e akaruke ki te medehara, ko koe e te au ika katoa no to au kauvai ra; ka inga koe ki te au ngai atea ra, kare koe e apaiia ki te ngai okotai, e kare e akaputua: kua oronga au ia koe ei kai na te au puka o te enua nei, e na te au manu o te rangi. 6 E kite oki to Aiphiti ravarai ra e ko Iehova au, no te mea kua riro ratou ei tokotoko kakao ki te ngutuaru o Ise- 7 racla. Ka rave ei ratou i to rima, aati iora koe, e motu katoa atura to

ratou pakuivi; e ia ratou i irinaki ki runga ia koe, aati iora koë, ngaoi atura to ratou tankupu ia koe.

E teianci, te na ko maira te Atu ra ko Iehova: I na, e apai mai au i te koke ki runga ia koe, e ka tipu ke atu au i te tangata e te puaka i roto ia koe ra. Ka riro oki te enua ra ko Aiphiti i te tanea e te pou; e kite oki ratou e ko Iehova au: no te mea kua karanga aia e, Noku te kauvai, naku i anga. E teianci, i na, kare au i e tau ia koe, e to aronga kauvai, e ka akatanea takiri au i te enua ra ko Aiphiti e kia pou rava, mei te punanga o Siene e tae ua atu ki te kotinnga o Kusa ra. Kare rava e vaevae tangata e tae na roto i te reira ra, e kare te vaevae puaka e tae na roto i te reira, kare oki e tangataia e kia a ngauru ua atu i te mataiti. E akatanea au i te enua ia Aiphiti i roto i te au enua i tanea katoa ra, e tona au oire i roto i te au oire i pou katoa ra, e kia a rava atu i te ngauru i te mataiti i te tanea anga: e akapueurikiriki ke atu au i to Aiphiti ki te au enua, e e akangaoro rikiriki aere au ia ratou na te pa enua ra.

Te na ko maira ra te Atu ra ko Iehova; Kia ope aua nga mataiti e a ngauru ra, e akaputuputu mai ei au i to Aiphiti, mei roto i te au tangata i pueurikiriki ke ei ratou ra. E naku ia e arataki akaou mai i to Aiphiti i tui-kaa ra, e ka akaoki mai au ia ratou ki te enua o Patarosa, ki te enua i noo ei ratou ra; e ka riro ratou ei basileia akaaka i reira. Ka tu ke te reira i te akaaka i te au basileia katoa ra, kare oki te reira e akateitei akaou iaia uo-rai ki runga i te au enua ra: naku oki ratou e akaiti, kia kore ratou e tutara akaou ki runga i te au enua. Kare oki te reira e riro akaou ei iri-nakianga no te ngutuare ra no Iseraela, i te akatupu anga i te manako i ta ratou ara, kia aru mai ratou ia ratou ra: e kite ra ratou e, ko au te Atu ra ko Iehova.

E tac akera ki te takau ma itu o te mataiti, i te marama muatangana ra, i te rā tai oki o taua marama ra, i tac mai ei te tuatua a Iehova kiaku nei, na ko maira, E te tamaiti a te tangata 18 na, e angaanga maata ta te ariki o Babulonia ta Nebukanesa i akaue ki tona nuku e rave ia Turia ra, kare e mimiti toe i te pakiko, kare e pakuivi toe i te pakikokiko: kare ra ana ma tona nuku katoa e tutaki i rauka i Turia ra, i te angaanga tana i rave i

19 reira. E teianci, te na ko maira te Atu ra ko Iehova, I na, e oronga atu au i te enua ra ia Aiphiti ki te ariki o Babulonia kia Nebukanesa; e ka rave aia i tona tini, ka āru oki aia i tana apinga, e ka noni aia i tana noninga; ei tutaki te reira i tona ra nuku. 20 Kua oronga au i te enua ra ko Aiphiti nona, no tana angaanga tana i tauta i te reira, no te mea naku ta ratou i rave ra, te tuatua maira te Atu ra ko Iehova.

21 I taua rā ra e akatupu au i te tara o te ngutuare o Iseraela, e naku e o atu kia koe i te vaa amama i rotopu ia ratou; e kite oki ratou e ko Iehova au.

PENE XXX.

To Aiphiti i te pou takiri anga, e to tei tauturu mai iaia ra: i akamairoiroia te nuku Babulonia kia pou te nuku Aiphiti.

- 1 **K**UA tac mairai oki te tuatua a Iehova kiaku nei, na ko maira,
- 2 E te tamaiti a te tangata na, ka totou, ka karanga atu ei, Te na ko maira te Atu ra ko Iehova; Ka aue kotou, E
- 3 ae oki to taua rā ra! No te mea kua vaitata taua rā nei, kua vaitata oki te rā o Iehova ra, e rā tapokipoki ia; e
- 4 riro ia ei tuatua no te au etene. E tae mai oki te koke ki runga ia Aiphiti, e mamea maata tei Kusa, kia inga tei taia i Aiphiti, e ka rave keia e ratou
- 5 tona tini, e kiriti tumuia aia. Ko Kusa, e ko Phuta, e ko Luda, e te au tangata irokia ravarai, e ko Kuba, e te au tangata no te enua i koreromotu maira, ka inga ia ma ratou katoa ki te koke.
- 6 Te na ko mairā Iehova, Te aronga e tauturu ia Aiphiti ra, e inga ia; e te ririnui nengonengo nona ra, e tukua ia ki raro: mei te punanga i Siene ratou i te inga anga i te koke i roto iaia ra, te tuatua maira te Atu ra ko Iehova.
- 7 E tanea oki ratou i rotopu i te au enua i tanea ra, e tona au oire ei rotopu katoa i te au oire i tamoana uaia
- 8 ra. Ka kite oki ratou e ko Iehova au, kia tuku au i te ai ki roto ia Aiphiti, e kia ope tona au tauturu i te aka-
- 9 pouia. E i taua rā ra e riro atu ei iaku nei te au karere na runga i te pai ei akamataku i to Kusa vareasau ra, e rokoia mai ratou e te mamea maata, mei to te rā o Aiphiti ra; i na oki, te vaitata maira.
- 10 Te na ko maira te Atu ra ko Iehova: E akakore au i te tini o Aiphiti

i te rima o te ariki o Babulonia o Nebukanesa. Koia e tona katoa ra au tangata, ko tei matakua e te pa enua ra, te ka aratakiia mai ia ei akapou i taua enua ra: e unui ratou i ta ratou koke ia Aiphiti, e akaki oki i te enua ki tei taia. E tamaro oki au i te au kauvai, ka oko atu ei i te enua ki roto i te rima o te aronga kino ra: ka akatanea oki au i taua enua ra, e to roto katoa i te reira ra, i te rima o te tangata ke ke: ko au teia ko Iehova e tuatua nei.

Te na ko maira te Atu ra ko Iehova; E akapou au i te au idolo, e e akakore au i te au tiki, i Nopha ra; e kare atura e arikiia to te enua ra to Aiphiti: e naku e akatupu i te matakua i te enua ra ia Aiphiti. E akatanea oki au ia Patarosa, e e tuku au i te ai i Zoana, e e akautunga atu au ia No. E riringi atu oki au i toku riri ototo ki runga ia Sini, te ririnui o Aiphiti ra; e e tipu ke atu au i te tini o No. E e tuku au i te ai ki roto ia Aiphiti: e mamae maata to Sini, e ngaangaa oki No, e tumatetenga Nopha i te au ra katoa. Te au tangata ou i Avena e i Pibeseta, te ka inga ia i te koke: e au nga oire ra te ka riro ia ei tuikaa. E akapoiria oki te ao i Teapenesa, kia aati au i te au zugo o Aiphiti i reira: e tona ra ririnui nengonengo ra, e akakoreia ia i roto iaia ra: kareka aia ra, ka tapokiia aia e te tumurangi, e ka riro tana au tamaine ei tuikaa. E akapera au i te tuku anga i te utunga ki runga ia Aiphiti: e kite oki ratou e ko Iehova au.

E tae akera ki te mataiti okotai ngauru ma tai ra, e te marama mua ra, e te ra itu i taua marama ra, i tae mai ei te tuatua a Iehova kiaku nei, na ko maira, E te tamaiti a te tangata na, kua aati au i te rima o te ariki o Aiphiti ra o Pharaos; e i na, kare ia e vafia ei akaora, kare e takaiia e tetai takai ra, ei akaketaketa e mou ei te koke ra. E teianei, te na ko maira te Atu ra ko Iehova; I na, kare au e tau i te ariki o Aiphiti ra ia Pharaos, e aati au i ona puke rima, i tei ketaketa e tei paruparu katoaia ra; e topa oki iaku te koke i tona rima. E akapueurikiriki ke atu au i to Aiphiti ki roto i te au enua ra, e akangaoro aere au ia ratou na roto i te pa kainga ra. E akamaroiroi au i nga rima o te ariki o Babulonia, e e tuku au i taku koke ki roto i tona rima: e aati ra au i nga rima o Pharaos, e e ngunguru ua

aia ki mua iaia i te ngunguru o te tangata puta mate ra. E akamaroiroi au i nga rima o te ariki o Babulonia, e topa ra nga rima o Pharaos ki raro; e kite oki ratou e ko Iehova au, kia tuku au i taku koke ki roto i te rima o te ariki o Babulonia, e ka akatika aia i te reira ki runga i te enua ra ia Aiphiti. E e akapueurikiriki ke atu au i to Aiphiti ki roto i te au enua ra, e e akangaoro aere au ia ratou na roto i te pa kainga ra; e kite oki ratou e ko Iehova au.

PENE XXXI.

Te akakite nei kia Pharaos i te meitaki o te Ngati Asuria, e tona mate no te ngakau parau.

- 1 E TAE akera ki te mataiti okotai ngauru ma tai, e te toru o te marama, e te ra mua o taua marama ra, i tae mai ei te tuatua a Iehova kiaku nei, na ko maira, E te tamaiti a te tangata na, e karanga atu ki te ariki o Aiphiti ra kia Pharaos, e te tini nona ra; Kua aite koe kiai i te maata?
- 3 I na, e arezi i Lebanona te Asuria ma te rara manea, e te marumaru, e te teitei i te turanga; e tona tamoko, tei rotopu ia i te au rara patapatatue ra. Na te vai aia i akamaata, na te vai oonu aia i akateitei ki runga roa, ma tona au kauvai i te ta'e aere anga na tona tanuanga e pini ua ake, e kua tuku maira i tona au kauvai rikiriki ki te au rakau katoa o te kainga ra.
- 5 I akateiteia i tona roa ki runga, e kua tu ke i te au rakau katoa o te kainga ra, e kua akamaataia tona au rara, e kua tupu oki tona au rara i te roa i te rai vai i tona toroanga atu.
- 6 I roto i tona au rara te au manu katoa o te reva nei i te koanga anga, e i raro ake i tona au rara te au puaka katoa o te kainga nei i te anau anga, e i raro ake i tona marumaru te au enua nunui
- 7 katoa i te noo anga. Manea akera aia i tona maata anga, e te roa oki o tona au rara: tei tona aka oki te vai maata.
- 8 Te au arezi i roto i te kainga o te Atua kare aia i ngaro ia ratou: kare te au berusi e aite ki te au atava nona, e kare te au aremoni e aite ki te au rara nona; kare oki e rakau i roto i te kainga o te Atua e arite iaia i te manea. Kua akamanea roa au iaia i te rai rara: e kua vareae oki te au rakau katoa o Edena, i roto i te kainga o te Atua ra, iaia.
- 10 E teianei, te na ko maira te Atu

ra ko Iehova; No te mea, kua akateitei koe ia koe uorai ki runga roa, e kua akamama atu aia i tona tamoko i rotopu i te au rara patapatatue; e kua parau tona ngakau i tona teiteianga; I tuku atu ei au iaia ki roto i te rima o tei ririnui o te au etene ra, e ka riro nana e rave nui mai iaia: kua tuaru au iaia ki vao no tana ra ara. E na te au tangata ke ke, ko tei matakua e te pa enua nei, i tipu iaia ki raro, e kua akaruke atu iaia: ki runga i te au maunga e ki raro i te au o ravarai i te topa anga tona au rara, e kua atiatia tona au atava e te au kauvai katoa o te enua nei: e te au tangata katoa o te enua nei, kua eke anake ia ki raro mei roto i tona marumaru, e kua akaruke iaia. Ei runga i taua kino anga nona ra e noo ei te au manu katoa o te reva nei, e riro oki te au puaka katoa o te kainga nei ki runga i tona au rara: Kia kore te au rakau ravarai o te pae vai e akateitei ia ratou uorai i to ratou teitei anga, e auraka e akatae atu i to ratou tamoko ki rotopu i te au atava patapatatue ra, auraka katoa to ratou au rakau e tu ki runga i to ratou teitei, te au *rakau* katoa oki e inu i te vai: kua tuku anakeia oki ratou no te mate, ki te au ngai akaaka i te enua nei, i rotopu i te au tamariki a te tangata nei, e te aronga e riro ki raro i te vaarua ra.

Te na ko maira te Atu ra ko Iehova; I te rā i riro ei aia ki raro i te vaarua ra, kua akatupu au i tetai aue: kua tapoki au i te moana iaia, e kua tāpu au i te au vai puke o te reira, mou iora oki te au vai nui ra: e naku i akaevaei i Lebanona iaia, e kua aue te au rakau katoa o te kainga nei iaia. Kua ngaueue te au enua iaku i te aruru o tona ingaanga, iaku i titiri iaia ki raro i ade, e te aronga katoa e eke ki raro i te vaarua ra: e te au rakau katoa i Edena, tei ihiia e tei memeitaki i Lebanona, te au *rakau* ravarai e inu i te vai ra, rekareka akera i te au ngai akaaka o te enua nei. Ko ratou ma ia katoa i te tae anga atu ki raro i ade ra ki te aronga i taia i te koke ra, e *te aronga i riro* ei rima nona tei noo ana i raro ake i tona marumaru i rotopu i te au etene katoa ra.

E aite koe iaia i te manca e te mata i roto i te au rakau katoa i Edena? e tukuia maira koe ki raro e te au rakau katoa i Edena ki te au ngai akaaka i te enua nei: ei rotopu i te

aronga peretome korēia koe takoto ua'i, e te aronga i taia i te koke ra. Ko Pharao teia e tona tini ravarai, te tuatua maira te Atu ra ko Iehova.

PENE XXXII.

E aue anga ia Aiphiti i te pou anga i te koke a Babulonia.

- 1 **E** ngauru ma rua, i te ngauru ma rua o te marama, e te rā tai o taua marama ra, i tae mai ei te tuatua a Iehova kiaku nei, na ko maira, E te tamaiti a te tangata na, ka atu ana koe i tetai pe'e tangi no te ariki o Aiphiti ia Pharao, e na ko atu kiaia, Kua arite koe ki te liona ou o te au enua nei, e mei te teni koe i raro i te tai ra; kua rere ua mai koe mei roto i to au kauvai ra, e kua tavenu koe i te vai ki to vae-vae, e kua tarepoa to ratou au kauvai.
- 3 Te na ko maira te Atu ra ko Iehova, E teianei, e oora au i taku kupenga ki runga ia koe ra ma te urupu tangata e manganui; e na ratou koe e totō mai
- 4 ki runga i roto i taku kupenga. Ei reira au e vao ei ia koe ki runga i te enua, e akaruke au ia koe ki te ngai atea ra, e naku e akato i te au manu katoa o te reva ki runga ia koe, e ka akaki au i te au puaka o te enua katoa
- 5 nei ia koe. E e tuku au i to kiko ki runga i te au maunga, e akaki oki i te
- 6 au o ki toou ra teitei. E akamaau oki au i te enua i kau ei koe ra ki toou ra toto, e tae roa atu ki te au maunga, e ki oki te au kauvai ra ia
- 7 koe. Ka tapoki au i te rangi, kia tamate au ia koe ra, e akapoiri oki i tona ra au etu; e tapoki au i te rā ki te tumurangi, e kare oki te marama
- 8 e pa mai i tona mārama. Te au mea mārama kakā ravarai o te rangi ra, ka akapoiria e au i runga ia koe; e tuku oki au i te poiri ki runga i to enua, te
- 9 tuatua maira te Atu ra ko Iehova. E e akaanatū atu au i te ngakau o te tangata e manganui, kia tae toou mate iaku i rotopu i te pa enua ra, i roto i te
- 10 au enua kare i kitea e koe ra. E naku e akatumatetenga i te au tangata e manganui ia koe ra, e matakū rikarika to ratou au ariki ia koe ra, kia akakoraparapa au i taku koke ki mua ia ratou; e ruketeketete oki ratou kare e tivati, te tangata katoa oki i te ora nona uorai, i te rā e inga'i koe ra.
- 11 Te na ko maira oki te Atu ra ko Iehova; E tae mai te koke a te ariki o
- 12 Babulonia ki runga ia koe. I te au koke a te aronga ririnui ra e inga'i to

tini ra iaku, te aronga i rikarikaia e te pa enua nei, ratou ravarai: e takino oki ratou i te nengonengo o Aiphiti. e tona tini katoatoa ra, e pou anake ia. E pou rava oki tana au puaka i te pae o te au vai maata ra iaku; kare oki te reira e taveu akaouia e te vacvae tangata, kare oki e taveu akaouia e te maikuku puaka. E cmi to ratou au vai iaku i reira, e ka ta'e to ratou au kauvai iaku mei te mori ra, te tuatua maira te Atu ra ko Ichova. Kia akatanea atu au i te enua ra ia Aiphiti, e kia kore rava akera te au mea katoa ra i roto; kia ope rava tei noo i reira i te taia e au, ei reira ratou e kite ei ko Ichova au.

Ko te pe'e aue teia kia aue ra-tou iaia: te au tamaine o te pa enua te ka aue iaia: ka aue ratou iaia, koia oki Aiphiti, e tona tini ravarai, te tuatua maira te Atu ra ko Ichova.

E tae akera ki te mataiti okotai ngauru ma rua, e te rā okotai ngauru marima i taua marama ra, i tae mai ei te tuatua a Ichova kiaiku nei, na ko maira, E te tamaiti a te tangata na, e aue koe i te tini o Aiphiti, ka opara atu ei ia ratou ki raro, koia, ma te au tamaine o te au enua rongonui ra, ki te au ngai akaaka o te enua nei, e te aronga katoa e riro ki raro i te vaarua ra, *ma te na ko e*,

Kua tu ke roa atu koe iaia i te putu? ka eke ana ki raro, e kia akatirama koe e te aronga peritome koreia. E inga ratou i rotou i te aronga i taia i te koke ra: kua tukuia atu aia no te koke: e kika ke atu iaia e tona tini katoatoa ra. Ko tei maroiroi i roto i taua aronga ririnui ra, te ka karanga atu iaia, e tona au tauturu i rotou i ade ra: kua eke ratou ki raro, te takoto peritome koreia ra ratou, i taia i te koke ra.

Tei reira Asura e tona tini ravarai: 22 te akapini ra tona au tanumanga iaia, e aronga taia anakeia ia, i inga i te koke ra. Ko tei tukuia to ratou tanumanga ki te pae o te vaarua ra, e tona tini tei te pae ia i tona tanumanga e pini ua ake: e aronga taia anakeia, i inga i te koke ra; ko tei akatupu i te matakū i te enua o te aronga e ora nei.

Tei reira Elama e tona tini ravarai ra, 24 i te akapini anga i tona ra tanumanga, e aronga taia anakeia, i inga i te koke ra, ko tei riro ki raro ma te peritome koreia ki te ngai akaaka i te enua nei, ko tei akatupu i te matakū ia ratou i te enua o te aronga e ora nei; kua apai ra ratou i to ratou akama, e te aronga katoa e riro ki raro i te vaarua ra.

25 Kua tuku ratou i tetai roi nona i rotou i tei taia ma tona tini ravarai: kua akapiniia aia e tona au tanumanga: e aronga peritome kore anakeia, i taia i te koke: akatupu ua'i ratou i te matakū ia ratou i te enua o te aronga e ora nei, kua apai ra ratou i to ratou akama, e te aronga katoa i riro ki raro i te vaarua ra: kua tukuia aia i rotou i te aronga i taia ra.

26 Tei reira Meseka, Tubala, e tona tini ravarai ra: kua akapiniia aia e tona ra au tanumanga: e aronga peritome kore anakeia, i taia i te koke, akatupu ua'i ratou i te matakū ia ratou

27 i te enua o te aronga e ora nei. Kare oki ratou e moe ki raro ma te aronga mana katoa ra, to te peritome kore i inga ra, ko tei riro ki raro ia ade ma ta ratou taonga tamaki katoa ra: e kua pange ratou i to ratou au mimiti ki ta ratou au koke, ka vai ra ta ratou ara ki runga i to ratou au ivi, matakū uaia'i ratou e te aronga mana i te enua o te

28 aronga e ora nei. E atiitia koe i rotou i te aronga peritome koreia, ka takoto katoa koe ki raro e te aronga i taia i te koke ra.

29 Teia oki Edoma, tona au ariki, e te ui ariki katoa nona, ko tei tuku katoa ia ma to ratou ririnui ki raro, e te aronga i taia i te koke ra: ka takotokoto ratou ki raro ma te aronga peritome koreia, e te aronga i riro ki raro i te vaarua

30 ra. Tei reira te ui ariki no te pae i apatokerau ra, ratou ravarai, e to Sidona katoatoa ra, ko tei riro ki raro ma te aronga i taia ia ra; ma to ratou matakū anguia ma te akama i to ratou ririnui; e te vai peritome koreia ra ratou e te aronga i taia i te koke ra, e kua apai i to ratou akama ma te aronga katoa i riro ki raro i te vaarua ra.

31 E kite katoū Pharaō ia ratou, e ka akapumaanaia aia i tona tini ravarai ra, ko Pharaō e te nuku katoa nona i taia i te koke ra, te tuatua niira te Atu ra ko Ichova. I akatupu ana au i te matakū iaia i te enua o te aronga e ora nei, e tukuia ra aia ki rotou i te aronga peritome koreia, i tei taia i te koke ra, koiū Pharaō e te tini katoa nona, te tuatua maira te Atu ra ko Ichova.

PENE XXXIII.

Te akoia nei te au tiaki kia akono meitaki; e te akakiteia nei te tika anga i ta te Atua akono anga: e mate to te aronga akarongo ua kare i rave.

KUA tae mairai oki te tuatua a Ie-
hova kiaku nei, na ko maira, E
te tamaiti a te tangata na, e karanga
atu ki te au tamariki a to au tangata
na, e na ko atu kia ratou, Kia apai mai
au i te koke ki runga i te enua ra, e
kua rave akera to te enua i tetai tan-
gata no roto i to ratou ra kotinga, e
kua akataka iora iaia ei tiaki ia ratou:
E te kite ra aia i te koke i te aere anga
mai ki runga i taua enua ra, e kua aka-
tangi iora i te pu, ei ako i taua au tan-
gata ra; Ko tei rongo tikai i te tangi
anga o te pu ra, e kare akera aia i ako-
nokono; e kua tae maira te koke, e
riro atura aia, ei runga tona toto i tona
uaorai mimiti: Kua rongo aia i te tan-
gi anga o te pu ra, e kare akera aia i
akonokono; ei runga iaia uaorai tona
toto. Ko tei akonokono ra, ka ora aia
iaia orai. Kia akara ra te tiaki i te
koke i te aere anga mai, e kare i aka-
tangi i te pu ra, e kare i akoia taua au
tangata ra; e kua tae maira oki taua
koke ra, e riro atura tetai tangata no
roto ia ratou, kua riro aia i roto i ta-
na ara; e umuumu ra au i tona toto
ki te rima o taua tiaki ra.

Ko koe oki, E te tamaiti a te tangata
na, kua akataka au ia koe ei tiaki i te
ngutuaere o Iseraela; e tenana e aka-
rongo mai koe i te tuatua i toku nei
vaa, ka na ko nei atu ei iaku nei i te
ako ia ratou. Kia karanga atu au ki
te tangata kino. E tera ra tangata
kino, ka mate tikai koe; kia kore koe
e tuatua i te ako anga atu i taua *tan-
gata* kino i tona aerenga ra, ka mate
rai taua tangata kino ra i roto i tana ra
ara, e umuumu ra au i tona toto i toou
ra rima. Kia ako ra koe i taua tangata
kino ra i tona aerenga kia ariu mai aia
i te reira ra; e kare aia i ariu mai i
taua aerenga nona ra, ka mate aia i
roto i tana uaorai ara; kua ora ra koe
ia koe uaorai.

Ko koe oki, e te tamaiti a te tan-
gata na, e karanga atu ki te ngutuaere
o Iseraela; Te akapera nei kotou, i te
na ko anga e, Te vai nei ta matou au
ara e to matou nei au kino ki runga ia
matou nei, e kua kakao ua matou i
roto i te reira, eaa iora oki matou e
ora'i? E karanga atu kia ratou, Te
tuatua maira te Atu ra ko Iehova, Te
ora nei au, kare rava oku e mareka
anga i te mate o te tangata kino ra;
kia ariu maira te tangata kino i tona
aerenga kia ora: e ariu mai kotou,
e ariu mai kotou i to kotou au aere-
nga kino; eaa oki kotou i inangaro ei
ki te mate, e te ngutuaere o Iseraela e?

E teianci, ko koe, e te tamaiti a te
tangata na, e karanga atu ki te au ta-
mariki a toou au tangata. Kare te ta-
ngata tuatua-tika e ora i tana uaorai
tuatua-tika i te ra e ara ai aia ra: e to
kino oki o te tangata kino ra, kare aia
e inga i te reira i te ra e ariu mai ei
aia i te kino nona ra, kare katoa oki e
tika i te tangata tuatua-tika kia ora i
te ra e ara ai aia ra. Kia tuatua au ki
te tangata tuatua-tika ra, E ora tika
rai aia; e kia irinaki aia ki runga i
tana uaorai tuatua-tika, e kua rave iora
i te kino, kare e manakia te au tuatua-
tika katoa nana ra; no tona ra kino
tana i rave ra, ka mate aia i te reira:
E kia karanga atu au ki te tangata
kino ra, E mate tika rai koe na; kia
ariu maira aia i tona ra kino, e kia rave
i te mea tau e te mea tika; Kia aka-
oki mai te tangata kino i te ou pou, kia
tutaki mai i tana i keia ra, e kia aere
na te au akonoanga e ora'i, ma te rave
kore i te kino ra; ka ora tika rai aia,
kare ia e mate. Te au ara katoa tana
i rave ra, kare ia e tauku akaouia kia-
ia: kua rave aia i te mea tau e te mea
tika; ka ora tika rai aia. E te tuatua
ra te au tamariki a toou nei au tan-
gata, Kare te akonoanga o te Atu i
aiteite, kareka ratou, to ratou te ako-
noanga kare i aiteite. Kia anga ke te
tangata tuatua-tika i tana ra tuatua-
tika, e kua rave iora i te kino, ka mate
ia aia i te reira. E kia anga mai te tan-
gata kino i tona ra kino, e kua rave i
te mea tau e te mea tika, ka ora ia aia
i te reira. E te tuatua na kotou e,
Kare te akonoanga o te Atu e aiteite.
Kotou e te ngutuaere o Iseraela e, e
akautunga atu au ia kotou ravarai kia
tau i tona uaorai aerenga.
E tae akera ki te mataiti okotai
ngauru ma rua i to tatou tuikaa anga
ra, e te ngauru oki o te marama, e te
rima oki o te ra i taua marama ra, te
aere maira tetai tangata i ora mai, mei
roto mai i Ierusalemia kiaku nei, na ko
maira, Kua taia taua oire ra. Tei
runga maira te rima o Iehova iaku nei
i te aiai ake, ou i aere mai ei taua
tangata i ora maira; e kua kiriti aia i
toku vaa, e tae ua maira aia kiaku
nei i te popongi; e kua kiritia oki
toku vaa, e kare atura au i mu-
rare.
E kua tae maira oki te tuatua a Ie-
hova kiaku nei, na ko maira, E te
tamaiti a te tangata na, te aronga i
noo i tera ra au ngai pou i te enua o
Iseraela ra, te karanga nei ratou, te na
ko nei, Okotai uā Aberahama, e tei

iaia taua enua nei: kua toko rai ra
tatau; kua orongaia mai taua enua nei
no tatou ei kainga kai mātu. E teia- 25
nei, e karanga atu kia ratou, Te na
ko maira te Atu ra ko Iehova; Te kai
ra kotou ma te toto, e te nānā nei to
kotou au mata ki to kotou au idolo, e
te maringi ra te toto ia kotou: e ka
riro ainei te enua ia kotou? Te tu ua 26
ra kotou ki runga i ta kotou koke,
te rave na kotou i te mea viivii, e te rave
anake ra kotou i te vaine a tona uorai
tangata tupu: e ka riro ainei te enua
ia kotou? E akapera taua tuatua kia 27
ratou, Te na ko maira te Atu ra ko
Iehova; Te ora nei au ra, te aronga i
roto i te au ngai pou ra, ka inga ia i te
koke, e tei te ngai atea aia ra, e oron-
ga ia au iaia na te au terio kia pou;
e to roto i te punanga ketaketa ra, e to
roto i te au ana ra, ka mate ia i te
maki-mate. E akariro oki au i taua 28
enua ra ei ngai pou, e te tanca, e tona
maroiroi nengonengo ra, ka mutu ia,
ka vai tanea uaia te au maunga o Ise-
raela, kare rava e tangata e aere na
runhao. Ei reira ratou e kite ei e 29
ko Iehova au, kia akariroia e au taua
enua ra ei ngai pou, e te tanca, no ta
ratou au mea viivii ravarai i raveia e
ratou ra.

E ko koe oki, e te tamaiti a te ta- 30
ngata na, te kōumumu ua ra te au
tamariki a to au tangata ra ia koe, i te
pae patu ra e te au ngutupa are ra, e
te tuatua ra ki tetai ki tetai, te tangata
katoa ki tona uorai tarake, i te na ko
anga e, Ka taki aere, ko kotou na, e
akarongo i te tuatua no ko mai ia Ie-
hova ra. E te aere maira ratou kia 31
koe mei toku iti-tangata i aere maira,
e te noo ra ratou ki mua ia koe ra
mei toku iti-tangata katoa ra, e te aka-
rongo ra ratou i to au tuatua, kare ra
ratou e rave i taua au tuatua ra: te
maata ra to ratou aroa vaa, te riro
aturu ra to ratou ngakau ki ta ratou
apinga. E i na, kua riro koe mei te 32
pe'e inangaro mataia no ratou ra, e
mei te tangata reo meitaki ra, e tei
tika kia akatangī meitaki i te apinga
tangi ra: te akarongo ra oki ratou i
taua au tuatua, kare ra ratou e rave i
taua au tuatua ra. Kia tupu ra te 33
reira ra, (i na, e tupu mairai,) ei
reira ratou e kite ei e, e pe-
roveta tei tae mai i rotou ia ra-
tou ra.

PENE XXXIV.

*Te akoia nei te au tiaki mamoe: to
ratou mate i te Atua, e tona akono-
anga i tana anana: te basileia o te
Mesia i totouia.*

- 1 E KUA tae maira te tuatua a Ie-
- 2 hova kiaku nei, na ko maira, E
te tamaiti a te tangata na, ka totou
koe i te au tiaki mamoe ia Iseraela, ka
totou, e ka karanga atu kia ratou, Te
na ko maira te Atu ra ko Iehova ki te
au tiaki mamoe; E ae oki to te au
tiaki mamoe o Iseraela tei angai ia
ratou uorai! auraka ainei te au tiaki
3 mamoe e angai i te au anana? Te kai
ra kotou i te matu, e te akakakau nei
ia kotou ki te uru, e te ta nei kotou i
tei angaiia ra: kare ra kotou e
4 angai i te anana. Ko tei paruparu ra,
kare kotou i akamaroiroi, e tei makiia
ra, kare kotou i rapakau, e tei aati,
kare kotou i tākai, e tei akapueuriki-
riki keia ra, kare kotou i akaoki mai,
kare oki kotou i kimi i tei ngaro ra,
kua kavana ra kotou ia ratou ma te
5 takinga-kino e te aroa kore. I pue-
rikiriki ke ei ratou, no te mea kare
e tiaki mamoe: e kua riro ratou ei
kai na te au terio katoa o te ngangaero
ra, ka pueurikiriki ke ei ratou ra.
6 Kua uoa aere ua te au mamoe naku
na runga i te au maunga katoa ra, e
ki runga i te au tuaivi teitei ravarai
ra: koia ia, kua pueurikiriki taku
anana na runga i te tua enua katoatoa
ra, e kare ua tetai i aru aere, e kare ua
i kimi ia ratou.
- 7 E teianci, e te au tiaki mamoe, e
akarongo mai kotou i te tuatua a Ie-
- 8 hova; Te tuatua maira te Atu ra ko
Iehova, Te ora nei au ra, no te mea
kua riro taku anana ei aōnga, e kua
riro taku anana ei kai, na te au terio
katoa o te ngangaere ra, no te mea
kare e tiaki mamoe, kare oki taku au
tiaki mamoe i kimi i taku anana, kua
angai ra te au tiaki mamoe ia ratou
uorai, e kare i angai i taku anana;
- 9 E teianci, E te au tiaki mamoe, e
akarongo mai kotou i te tuatua a
- 10 Iehova; Te na ko maira te Atu ra ko
Iehova, I na, kare au e tau i te au
tiaki mamoe; e umuumu au i taku
anana i to ratou rima, e akakore oki
au i ta ratou akaangai anga i taua
anana nei; kare oki te au tiaki mamoe
e akaangai akaou ia ratou uorai;
e akaora oki au i taku anana i to
ratou vaa, e auraka kia riro ei kai na
ratou.

Te na ko maira oki te Atu ra ko 11
Iehova; I na, naku, naku uorai nei e
aru aere i taku au mamoe, e e kimi
oki ia ratou. Mei te tiaki mamoe e 12
kimi i tana anana i te rā i noo ei aia i
rotopu i tana au mamoe kia pueuriki-
riki ke ra; e pera katoa au i te kimi i
taku au mamoe, e ka akaora ia ratou i
te au ngai katoa i pueurikiriki ke ei
ratou i te rā tapokipoki e te pōiri.
E arataki mai au ia ratou ki vao mai i 13
te au tangata ra, e e akaputuputu mai
au ia ratou mei te pa enua mai, e e
arataki mai au ia ratou ki to ratou
uorai enua, ka akaangai ei au ia ratou
ki runga i te au maunga o Iseraela, ki
te pae o te au kauvai ra, e te au ngai
katoa i nooia i te enua nei. E 14
akaangai au ia ratou i roto i te one kai
meitaki ra, e ei runga i te au maunga
teitei o Iseraela to ratou koro: ei reira
ratou e moe ei i roto i te koro meitaki,
e ei roto i te one kai e matu ei ratou
ka kaikai ei ki runga i te au maunga o
Iseraela. Naku e akaangai i ta'u 15
anana, e naku rai e akamoe ia ratou ki
raro, te tuatua maira te Atu ra ko
Iehova. Naku e kimi i tei ngaro ra, e 16
e akaoki mai i tei ia keia, e e tākai-
kai i tei aati ra, e e akamaroiroi i tei
maki ra: kareka tei matu e tei keta-
keta, naku ia e ta, e naku e angai ia
ratou i te tuatua-tau.

Kareka kotou, e taku anana, te na 17
ko maira te Atu ra ko Iehova; I na,
naku e akatau i te tuatua i rotopu i
tetai puaka e tetai puaka, i rotopu i te
mamoe toa e te puaka-nio toa ra. E 18
mea ngiti ainei ia kotou tena one kai
meitaki i pou ia kotou, ka takatakai ei
kotou i te toenga o ta kotou one kai ki
to kotou vaevae ra? e te vai areare i
inumia e kotou, ka tavau ei kotou i te
toenga ki to kotou vaevae ra? E 19
taku anana nei, te kai nei ratou i
ta kotou i takatakai ki to kotou
vaevae; e tei tavauia e to kotou vae-
vae ta ratou e inu nei.

E teianei, te na ko maira te Atu ra 20
ko Iehova kia ratou; I na, ko au, ko
au nei rai te ka akatau i te tuatua i
rotopu i te puaka matu e te puaka
ikoke. No te mea te tute nei kotou 21
ki te kaokao e te pakuivi, e kua tui i
tei makiia ki to kotou tara, e puc-
urikiriki ke atu ei ratou ia kotou. E 22
teianei, e akaora au i taku anana, e
kare ratou e riro akaou ei noninga;
e naku e akatau i te tuatua i rotopu i
tetai puaka e tetai puaka. E naku e 23
tuku i te tiaki mamoe okotai ki runga
ia ratou, e nana ratou e angai, ko toku

tavini nei ko Davida; nana ratou o
angai, e koi te ka riro ei tiaki mamoe
24 no ratou. E ko au nei ko Iehova te
ka riro ei Atua no ratou, e toku tavini
ko Davida ei ariki ia i rotopu ia
ratou; ko au ko Iehova tei tuatua.
25 E e papau au i tetai kororomotu au ia
ratou, e naku e akakore i te au puaka
taae ki runga i te enua nei: e ka noo
meitaki ua ratou ki te medebara, e ka
26 moe oki i roto i te vaorakau. E aka-
riro au ia ratou, e te au ngai i vaitatao
ki toku maunga tapu e pini ua ake,
ei meitaki; e naku e akatopa i te tua
ua i tona tuatau; e riro ia ei tua ua
27 akameitaki. E oronga mai te rakau o
te o ra i tona ua, e e akatupu mai te
enua i tona, e ka noo matakore ua
ratou ki to ratou enua, e kite oki ratou
e ko Iehova au, kia aatiia e au te
au tapeka ra i to ratou zugo, e kia
akaoraia ratou e au i te rima o te aro-
nga i akariro ia ratou ei tavini no
28 ratou uorai. E kare atura ratou e
riro akaou ei noninga no te au etene,
kare oki ratou e pou i te terio o te
enua; e noo ra ratou ma te ora, e
kare rava tetai e akamataku mai ia
29 ratou. E naku e akatupu i tetai uri
rongonui no ratou, e kare ratou e mate
akaou i te pongi i tua enua ra, kare
oki ratou e akakoromaki akaou i te
30 akakino o te au etene ra. Ka kite ia
ratou i reira e, ko au ko to ratou Atua
ra ko Iehova, tei vaitatao ia ratou, e
ko ratou toku au tangata, te ngutare
o Iseraela, te tuatua maira te Atu ra
31 ko Iehova. Ko kotou oki taku
anana, te anana o taku nei one kai,
e tangata kotou noku, e ko au to kotou
Atua, te tuatua maira te Atu ra ko
Iehova.

PENE XXXV.

*Te tutakiia nei Edoma i to ratou riri
ki te ngati Iseraela.*

1 **K**UA tae maira oki te tuatua a
Iehova kiaku nei, na ko maira,
2 E te tamaiti a te tangata na, ariu i to
mata ki runga i te maunga ra ia Seira,
3 e ka totou atu i te reira, E karanga
atu ki te reira, Te na ko maira te Atu
ra ko Iehova; I na, kare au e tau ia
koe, e te maunga e Seira, e naku e
akatika atu i toku rima ki runga ia
koe, e e akariro au ia koe ei ngai pou
4 e te tanea. E pou to au oire iaku, e
ka riro koe i te tanea, ka kite oki koe
5 e ko Iehova au. No te mea e riri
tamou toou, e kua maringi ia koe te
toto o te tamariki o Iseraela i te riri-

nui o te koke ra, i to ratou tuatua i tumatetenga'i ra, i te tuatau i akaoti-ia'i to ratou kino ra. E teiane, te ora nei au ra, e akonokono atu au ia koe no te toto, e ei toto te ka aru aere ia koe: ko koe kare i rikarika i te toto ra, e teiane, ei toto te ka aru aere ia koe. E akapera au i te akariro anga i te maunga ra ko Seira ei ngai pou e te tanea, e naku e tipu ke atu i tei aere ki vao e tei oki mai. E naku e akaki i tona au maunga ki tona aronga i taia ra: na runga i to au tuaivi ra, e na roto i to au o ra, e na raro i to au kauvai ravarai, e inga aere ei tei taia i te koke ra. E akariro au ia koe ei ngai tanea e tuatua ua atu, e toou au oire kare ia e oki mai: ka kite oki kotou e ko Iehova au. No te mea kua tuatua koe, noku eiane enua tangata e rua nei, e eiane puke enua e rua, e na tatou e noo: e tei reira oki a Iehova. E teiane, te tuatua maira te Atu ra ko Iehova, Te ora nei au, e rave oki au e kia aire ki toou riri, e mei toou vareae, taau i rave ana no toou makitakita kia ratou; e akakite oki au iaku uorai ki rotapu ia ratou, kia akava atu au ia koe ra. Ka kite oki koe e ko Iehova au, e kua akarongo au i taau au tuatua akakino katoa taau i tuatua i te au maunga o Iseraela, i te na ko anga e, Kua akatanenia te reira, kua omaia mai no tatou kia pou. Kua akatietie mai oki kotou ki runga iaku ma to kotoi vaa, e kua akamaata kotou i ta kotou au tuatua ki runga iaku: ko au tei akarongo. Te na ko maira te Atu ra ko Iehova; Kia rekareka te enua katoatoa, e akatanea atu ei au ia koe. Mei ia koe i rekareka i te tuanga o te ngutuare o Iseraela ra, no te mea kua pou, e akapera katoa atu au ia koe: e pou katoa koe, e te maunga ra e Seira, e ko Edoma ravarai, e ope rava ake: e kite oki ratou e ko Iehova au.

PENE XXXVI.

Te enua o Iseraela kua akapumamaia i te tuatua meitaki: kua kopueia Iseraela no te ara, e ka akaaki aronuaia mai: te meitaki o te basileia o te Mesia.

E KO koe oki, e te tamaiti a te tangata na, e totou katoa koe ki te au maunga o Iseraela, e karanga atu. E te au maunga o Iseraela, e akarongo mai i te tuatua a Iehova: Te na ko maira te Atu ra ko Iehova; no te

mea kua tuatua te enemi ia kotou e, Eitoa, tei ia tatou katoa te au ngai tei-
3 tei taito ra ei nooanga: E teiane, ka totou koe, ka karanga atu, Te na ko maira te Atu ra ko Iehova, No te mea kua tanea, e kua apukuia kotou e pini ua ake, kia riro kotou ei apinga no te toenga o te au etene nei, e kua taui aercia kotou e te vaa o te aronga vaa karea ra, e kua akakinoia e te tangata
4 nei: E teiane, e te au maunga o Iseraela nei, e akarongo mai i te tuatua a te Atu ra a Iehova; Te na ko maira te Atu ra ko Iehova ki te au maunga, e ki te au tuaivi, ki te au kauvai, e ki te au o, ki te au ngai tanea ra, e ki te au oire akarukeia ra, tei riro ei noni-
5 nga, e ei maevakataanga, na te toenga o te au etene e akapini maira; E teiane, te na ko maira te Atu ra ko Iehova; Koia tika rai, i te ai o taku riri i tuatua'i au i te toenga o te au etene nei, e ia Edoma katoatoa, ko tei akairo i toku enua no ratou uorai ei nooanga, ma te ngakau katoa i te rekareka anga, ma te manako akavii-vii, kia akaruke ravaia mai ei noni-
6 nga. E teiane, e totou i te enua ra ia Iseraela, e karanga atu ki te au maunga, e ki te au tuaivi, ki te au kauvai, e ki te au o, Te na ko maira te Atu ra ko Iehova; I na, kua tuatua au ma te vareae e ma te riri ototo, no te mea, kua akakoromaki kotou
7 i te akakino o te au etene: E teiane, te na ko maira te Atu ra ko Iehova, Kua taputou au, Koia tika rai, e riro te au etene e akapini mai ia kotou i te akakoromaki i to ratou uorai akakino.
8 Kareka kotou, e te au maunga o Iseraela, e riro to kotou au rara i te toro, e ua mai oki kotou i to kotou ua na toku au tangata na Iseraela, kua vai-
9 tata rava oki ratou i te oki mai. I na oki, no kotou au nei, e ariu atu oki au ia kotou, e ka tataniua oki kotou, e ka
10 ruruia. E naku e akamaata i te tangata ia kotou, i te ngutuare katoatoa o Iseraela e ope rava ake: e tangataia te au oire, e te au ngai pou, e patuia
11 ia: E akamaata oki au i te tangata e te puaka ia kotou; e ka maata ratou e ka anau aere: e akanoo au ia kotou mei to kotou tu taito ra, e maata toku takinga-meitaki ia kotou i teiane i tei to kotou akamataanga ra: ka kite oki
12 kotou e ko Iehova au. Ei tangata ra taku e tuku kia na runga ua ana ia kotou te aere, i toku ra au tangata ia Iseraela; e riro koe ia ratou, e ei tuanga koe no ratou, kare koe e aka-

ngere akaou ia ratou. Te na ko maira 13
te Atu ra ko Iehova; No te mea te
tuatua nei ratou ia kotou, Ko te enua
kai tangata ra ko koe, e kua aka-
ngereia e koe toou au vaka tangata.
E teianei, kare e pou akaou te tangata 14
ia koe, e toou au vaka tangata, kare ia e
inga akaou ia koe, te tuatua maira te
Atu ra ko Iehova. Ko te akakino a 15
te au etene ra, kare e akarongo akaou-
ia i roto ia koe ra iaku, kare oki koe e
akakoromaki akaou i ta te au tangata
nei akaviivii anga, kare oki toou au
vaka tangata e inga akaou ia koe,
te tuatua maira te Atu ra ko Ie-
hova.

Kua tae maira oki te tuatua a Ie- 16
hova kiaku nei, na ko maira, E te 17
tamaiti a te tangata na, i te noo anga i
te ngutuare o Iseraela ki to ratou uao-
rai enua, kua viivii te reira ia ratou i
to ratou uaoari aerenga e i ta ratou au
ravenga; kua aite to ratou aerenga ki
mua iaku ra mei te viivii o te vaine i
tukua keia ra. I riringi atu ei au i 18
toto riri ootoo ki runga ia ratou, i te
toto i maringi ia ratou ki runga i te
enua nei, e no te mea kua viivii te reira
ia ratou i to ratou au idolo: E kua 19
akapueurikiriki atu au ia ratou i ro-
topu i te au etene, e kua ruru aere ia
ratou na roto i te au enua ra: mei tei
tau i to ratou aerenga e ta ratou ra-
venga i akautunga atu ei au ia ratou.
E tae atura ratou ki rotopu i te au 20
etene, i aereia e ratou ra, kua viivii
toku ingoa tapu ia ratou i reira, ia
ratou i tuatua mai kia ratou e, Ko te
au tangata teia no Iehova, e kua aere
ke mai ratou i toa enua.

Kua tangi ra au ia ratou no toku ra 21
ingoa tapu, ta te ngutuare o Iseraela i
akaviivii i rotopu i te au etene, i te ngai
i aereia e ratou ra. E teianei, e ka- 22
ranga atu ki te ngutuare o Iseraela, Te
na ko maira te Atu ra ko Iehova; kare
no kotou i akapera'i au, e te ngutuare
o Iseraela, no toku nei ra ingoa tapu,
i tei akaviiviiia e kotou i rotopu i te
au etene, i te ngai i aereia e kotou na.
E akatapu oki au i toku ingoa maata, i 23
te akaviiviiia i rotopu i te au etene, i
te viivii ia kotou i rotopu ia ratou; e
kite oki te au etene e ko Iehova au, te
tuatua maira te Atu ra ko Iehova, kia
akatapuia au i roto ia kotou ki mua i
to ratou mata. E rave mai oki au ia 24
kotou mei roto mai i te au etene ra, e
e akaputuputu au ia kotou mei roto
mai i te au enua katoa ra, e e ara-
taki au ia kotou ki to kotou uaoari
enua.

Ei reira au e pipi ei i te vai areare 25
ki runga ia kotou, e mā akera kotou:
ka tamā oki au ia kotou i to kotou au
viivii katoa, e i to kotou au idolo rava-
26 rai. Ei ngakau ou taku e o atu ia
kotou na, e ei vaerua ou taku e toku
ki roto ia kotou: e naku e kiriti i te
ngakau toka i roto i to kotou tino, e
naku e oronga i te ngakau maru ia
27 kotou. E naku e toku i toku vaerua
ki roto ia kotou, kia aere kotou na taku
ra au akonoanga, e ka akono kotou i
taku ra au tuatua-tau, e na kotou e
28 rave. Ka noo oki kotou ki runga i te
enua taku i o atu no to kotou ai metua
ra; e ei tangata kotou noku, e ei Atua
29 oki au no kotou. E naku kotou e aka-
ora i to kotou au mea viivii ravarai: e
naku e kapiki ki te sitona, e naku o
akamaata i te reira, e kare au e toku
30 atu i te onge ki runga ia kotou. E
naku e akamaata i te ua o te rakau, e
tei tupu i te kainga ra, kia kore kotou
e akakino akaouia e te au etene i te
31 onge. Ei reira kotou e akamaara'i i to
kotou uaoari au aerenga kino, e ta
kotou au ravenga tei kore i meitaki,
ka akaviivii oki kotou ia kotou uaoari
no to kotou au kino, e no ta kotou au
32 mea viivii. Kare ra no kotou i pera'i
au nei, te tuatua maira te Atu ra ko
Iehova, kia kite mai oki kotou: kia
akama oki kotou, e kia tumatenga i
to kotou uaoari au aerenga, e te ngu-
33 tuare o Iseraela e. Te na ko maira te
Atu ra ko Iehova, i te rā e mā ai kotou
iaku i to kotou au kino ravarai, ka
akanoo au ia kotou ki roto i te au oire,
34 e ka patuia te au ngai pou. E te enua
tanea ra, e tannia ia, ko tei vai tanea
uaia oki ki mua i nga mata o te aro-
35 nga ravarai i na reira i te aere. E ka
tuatua ratou e, Ko taua enua nei tei
vai tanea ua ra, kua riro ia mei te
kainga ra mei ia Edena; e te au oire
i pou, e i tanea, e i kino roa na, kua
36 koroia ia, e kua tangataia. Ei reira te
au etene i toe ia kotou e pini ua ake e
kite ei e, naku na Iehova i patu i te au
ngai i kino ra, e i tannu i tei tanea ra:
ko au ko Iehova e tuatua nei, e naku e
37 rave. Te na ko maira te Atu ra ko Ie-
hova; E kimiia ra au e te ngutuare o
Iseraela, kia akapera au ia ratou ra; o
akamaata oki au i te tangata ia ratou
38 mei te anana ra. Mei te anana tapu
ra, mei te anana i Ierusalemia i te au
oroa tapu nona ra; mei te reira te au
oire i pou e ki i te anana tangata nei:
e kite oki ratou e ko Iehova au.

PENE XXXVII.

I te tuakauanga o te au ini marō, i tupu ei te manako o Iseraela e ka oki akaou ratou ka tangata: to Iseraela ma Juda kapiti anga: te tuatuu no te basileia o te Mesia.

TEI runga maira te rima o Iehova 1
i aku e kua apalīa au i te Vaerua
o Iehova ra, e kua tuku iora iaku ki
raro i rotapu i tetai o i ki i te ivi marō,
E kua arataki aia iaku na waitatao i te 2
reira e pini rava ake: e i na, e manga-
nui i roto i taua o atea ka ua ra; e i
na, kua marō takiri. E kua tuatua 3
maira aia kiaku, E te tamaiti a te tan-
gata na, e ora ainei teianei au ivi? E
kua karanga atura au, E te Atu ra e
Iehova, ko koe oki te kite. E kua 4
tuatua maira aia kiaku, Ka totou ki
runga i teianei au ivi, ka karanga atu
ei kia ratou, E teianei au ivi marō, e
akarongo mai i te tuatua a Iehova. Te 5
na ko maira te Atu ra ko Iehova ki
teianei au ivi; I na, e tuku au i te a'o
ki roto ia kotou, e e ora ia kotou: E 6
naku e tuku i te uaua ki runga ia ko-
tou, e naku e akatupu i te kiko ki run-
ga ia kotou, e e tapoki ia kotou ki te
kiri, e tuku oki i te a'o ki roto ia ko-
tou, e e ora ia kotou: e kite oki kotou
e ko Iehova au.

Kua totou atura au mei tei akaueia 7
mai au ra: e te totou ua ra au ra, ko
te aruru maira, e i na, e keukeu anga,
e te momoko ra te au ivi, te ivi ki
tona ivi. E i taua akara ua anga noku 8
ra, i na, te tupu ua maira te uaua, e te
kiko, ki runga ia ratou, e kua tapoki
maira te kiri na rungao ia ratou: kare 9
ra e a'o o roto ia ratou. Kua tuatua
maira aia kiaku i reira, Ka totou koe
ki te a'o, ka totou, e te tamaiti a te
tangata na, ka karanga atu koe ki te
a'o ra, Te na ko maira te Atu ra ko
Iehova; Ka aere mai, e te a'o e, mei
nga matangi mai e a ra, e akapuangi
mai ki runga i te aronga i mate nei,
kia ora ratou. Kua totou atura au 10
i tana i akate mai kiaku ra, e kua
aere maira te a'o ki roto ia ratou ra, e
kua ora iora ratou, e kua tu maira
te vaevae ki runga, e nuku maata rava
atura.

Kua tuatua maira aia kiaku i reira, 11
E te tamaiti a te tangata na, ko teianei
aronga ivi, ko te ngutuare katoatona
ia o Iseraela: te tuatua nei ratou, I
na, kua marō to ratou au ivi, e kua
kore to tatou manakonaonga; ko
tatou nei oki, kua tipu keia ia. E 12

teianei, ka totou koe, e karanga atu
kia ratou, Te na ko maira te Atu ra
ko Iehova; I na, e taku au tangata e,
e uaki au i to kotou au vaarua, e e
arataki mai au ia kotou mei raro mai i
to kotou au vaarua, e e arataki au ia
13 kotou ki te enua o Iseraela. E kite
oki kotou e ko Iehova au, kia eua au i
to kotou au vaarua, e taku au tangata,
e kia arataki mai au ia kotou mei raro
mai i to kotou au vaarua ra; E naku
e tuku i taku Vaerua ki roto ia kotou,
e e ora ia kotou, e naku e akamou ia
kotou ki to kotou uorai enua: ei
reira kotou e kite ei e, naku na Ie-
hova i tuatua, e naku oki i rave, te
tuatua maira Iehova.

15 Kua tae maira oki te tuatua a Ie-
16 hova kiaku nei, na ko maira, Ko koe
oki, e te tamaiti a te tangata na, ka
rave koe i tetai rakau naau, ka tata'i
ki rungao, Na Iuda, e na te au tama-
riki a Iseraela, tona aronga oa: anga
akera oki, ka rave ei i tetai rakau ke,
ka tata'i ki rungao, Na Iosepha, te ra-
kau na Ephraïma, e te ngutuare ra-
17 varai o Iseraela, te au oa nona ra: Ka
pa'u atu ei ki tetai ki tetai kia okotai
rai rakau; e ka riro raua ei okotai i
18 roto i to rima na. E kia tuatua mai te
au tamariki a toou au tangata ra kia
koe, kia na ko mai, Kare ainei koe e
akakite mai kia matou, eaa tena kia
19 koe na? E karanga atu koe kia ratou,
Te na ko maira te Atu ra ko Iehova;
I na, e rave au i te rakau a Iosepha i
roto i te rima o Ephraïma, e nga
kopu o Iseraela, i tona ua oa, ka tuku
atu ei ia ratou kiaia, ki te rakau a
Iuda, ka akariro atu ei ia ratou ei ra-
kau okotai, ka riro oki ei okotai i toku
nei rima.

20 E aua nga rakau i tataia e koe ki
rungao ra, ei roto ia i to rima ki mua
21 i to ratou mata, Ka karanga atu ei
kia ratou, Te na ko maira te Atu ra ko
Iehova; I na, e rave mai au i te au
tamariki a Iseraela mei roto mai i te
au etene i riro atu ei ratou ra, e naku
ratou e akaputupu mai i te au ngai
katoa ra, e ka arataki ia ratou ki to
22 ratou uorai enua: E naku e akariro
ia ratou ei vaka tangata okotai ki run-
ga i te enua nei, ki runga i te au
maunga i Iseraela nei; e ka okotai
oki ariki ei ariki no ratou ravarai: e
kare oki e riro akaou e kia rua vaka
tangata, e kare e vee akaouia kia rua
23 basileia. Kare ratou e akaviivii akaou
ia ratou uorai ki to ratou au idolo, e
ta ratou au mea viivii, e ta ratou au
ara katoa ra: naku ra e akaora ia ra-

tou i to ratou au oki anga ki muri, i ara ai ratou ra, e naku e tamā ia ratou: e ei tangata ratou noku, e ei Atua oki au no ratou. E ko taku tavini ko Davida, e ariki ia ki runga ia ratou: e okotai rai tiaki ki runga ia ratou ravarai: e aare oki ratou na taku ra au tuatua-rau, e ka akono ratou i taku ra au akonoanga, ka rave oki i te reira. E noo oki ratou ki te enua i orongaia 25 e au no taku tavini no Iakoba, tei noo ia e to kotou ai metua ra; ka noo ratou ki reira, ko ratou e ta ratou au tamariki, e te tamariki a ta ratou ra au tamariki e tuatau ua atu: e taku tavini ko Davida, ko to ratou ia ariki e tuatau ua atu. E papau oki au i tetai koreromotu au ia ratou, ka riro ia ei koreromotu mutu kore ia ratou: e naku ratou e akanoo, e naku ratou e akamaata, e naku e tuku i taku ngai-tapu i rotou ia ratou e tuatau ua atu. Ei 27 i o ratou taku sekene vai ei: e ei Atua au no ratou, e ei tangata ratou noku. E kite oki te au etene e, naku na Ie- 28 hova e akatapu ia Iseraela, kia vai marie taku ngai-tapu i rotou ia ratou e tuatau ua atu.

PENE XXXVIII.

Te nuku, e te makitakita o Goga, e ta te Atua tutaki anga atu iaia.

KUA tae maira oki te tuātūā a Iehova kiaku nei, na ko maira; E te taniiti a te tangata na, e anga i to mata kia Goga i te enua o Magoga, ki te ariki o Rosa, Meseka, e Tubala, ka totou atu ei kiaia, Ka karanga atu ei, Te na ko maira te Atu ra ko Iehova; I na, kare au e tau ia koe, e Goga e, e te ariki o Rosa, Meseka, e Tubala ra. E e akaoki au ia koe ki muri, e mono au i tetai aronga matau ki roto i to tanga na; ka arataki mai ei ia koe, e toou nuku katoaia ra, i te au ipo, ma te au tangata ipo ra, ratou ravarai ma te kakau tu ke tu ke, e urupu maata ma te paruru e te megena, e ma te koke anake te mouranga: Ko Peresia, Kusa, e Phuta, ma ratou katoa ra; ma te megena anake e te parekotaa: Ko Gomera, e tona ra au motuanga ravarai; te ngutuare o Togarama no te pae i apatokerau ra, e tona ra au motuanga ravarai: ko koe ma te au tangata maata. Ka akateatea-mamao, e akateateamamao ia koe auorai, ko koe, e toou tini ravarai i putuputu mai kia koe ra, e ka riro koe ei tiaki no ratou. E kia topa te au rā e manganui e atorota mai ei koe: 8

e i te au mataiti openga ka aere mai ei koe ki roto i te enua i akaokiia mai mei te koke maira, i akaputuputuia mai mei roto i te au tangata e manga-nui, ki runga i te au maunga o Iseraela i vai tanea ua ana: kua akaokiia maira te reira mei roto mai i te au tangata ra, e ka noo ratou ma te ora e 9 ope rava ake. Ka tu a uriia toou kake anga ki runga me aere mai koe, ka riro koe mei te tumurangi e ngaro ei te enua ra, ko koe, e toou ra au motuanga ravarai, e te au tangata e manganui i te kapiti katoa anga kia koe ra.

10 Te na ko maira te Atu ra ko Iehova, e riro okotai rai tupu anga tetai aronga mea ki roto i to ngakau, e riro oki koe i te manako i te mea kino. E ka riro koe i te tuatua e, E aere au ki runga ki te enua vila koro koreia ra; e aere au ki te aronga no ponuiaau ua ra, ko tei noo ma te ora, ko tei noo anakia ma te patu kore, kare o ratou tea, kare 12 oki e pa, Kia āru i te ārunga, e kia noni i te noninga, e kia ariu i to rima ra ki runga i te au ngai tanea kia tangataia ra, e ki runga i te au tangata i akaputuputuia mai mei roto i te au enua ra, e puaka ta ratou ma te api-nga, e kua noo i rotou i te enua ra.

13 Ko Seba, e ko Dedana, e te aronga oko no Taresisa, e te au vila katoa i reira ra, te ka tuatua mai ia kia koe, I aere mai koe ei āru apinga? kua akaputuputu mai ainei koe i to au tangata ei noni apinga? ei apai i te ario e te auro, ei taki puaka, e ei apai apinga, e ei āru i te ārunga maata.

14 E tenana, e te tamaiti a te tangata na, ka totou, e karanga atu kia Goga, Te na ko maira te Atu ra ko Iehova; I taua rā ra kia noo toku au tangata ra ko Iseraela ma te matakū kore, 15 kare ainei koe i kite? E ka aere mai koe mei toou ra ngai, mei te pae i apatokerau, ko koe, e te au tangata e manganui ma koe katoa ra, ma te akaoro anake na i runga i te ipo, e urupu maata, 16 e nuku ririnui: E ka aere koe ki runga ki toku ra au tangata ia Iseraela, mei te tumurangi e ngaro ei te enua ra; ei te au iā openga e tupu ei, e naku koe e arataki ki runga i toku enua, kia kite te au etene iaku, kia akatapuaia mai au ia koe ra, e Goga, ki mua i to ratou mata.

17 Te na ko maira te Atu ra ko Iehova, Kare ainei ko koe tei tuatuaia e au i taito ra, i toku ra au tavini i te au peroveta i Iseraela nei, ko tei totou i taua au rā ra i taua au mataiti nei, e

e arataki mai ua ia koe ki runga ia ratou? E kia tae ki taua tuatau ra, i 18
te rā e aere ei a Goga ki runga i te
enua o Iseraela, te tuatua maira te
Atu ra ko Iehova, e kake hatoa mai ia
toku riri ototoo ki toku nei mata. No 19
te mea i toku varene, e i te ai o toku
riri i tuatua'i au, Koia tika rai, e nga-
ueue maata tei te enua ra ia Iseraela
kia tae ki taua rā ra; E ngaueue oki 20
te au ika o te tai, e te au manu o te
reva, e te au puaka o te enua, e te au
mea katoa e totoro aere i runga i te
enua nei, e te au tangata katoa ki ru-
nga i te tua enua nei, ki mua i toku
arorao; e uria te au maunga ki raro, e
te au i gai teitei, e topa iā, e te au patu
ravarai, e ngaoro ia ki raro i te one. E 21
naku e kapiki ki te koke ei rave iaia,
e pini ua ake toku au maunga ka-
toa nei, te tuatua maira te Atu ra ko
Iehova: te koke a tera tangata tera
tangata, ei rave ia i tona uorai taeake.
E taumāro atu au iaia ra ma te maki- 22
mate e te toto; e naku e akatopa i te
ua maata, e te ua toka māmāta, te ai
oki, e te teio, ki runga iaia, e ki
runga i te au motuanga nona ra, e ki
runga i te au tangata e manganui tei
iaia ra. E akapera au i te akanaata iaku 23
uorai, e te akatapu iaku uorai; e kite-
ia oki au e te mata o te au enua e ma-
nganui; e kite oki ratou e ko Iehova au.

PENE XXXIX.

*Te mate o Goga i te Atua, e te tanu
mangaia i Hamona-goga ra: to Ise-
raela akaora angaia.*

E TEIANEI, ko koe, e te tamaiti 1
a te tangata na, e totou ia Goga,
e karanga atu, Te na ko maira te Atu ra
ko Iehova; I na, kare au e tau ia koe, e
Goga, e te ariki o Rosa, Meseka, e
Tubala: E naku koe e akaariu ke, e 2
naku koe e arataki ke, e naku koe e
taki mai ki runga mei te pae i apato-
kerau mai, e e apai au ia koe ki runga i
te au maunga i Iseraela nei: E ta oki 3
au i to ana i to rima kaui e topa atu,
e naku e akatopa i to au kakao i to
rima katau ra. Ka inga koe ki runga 4
i te au maunga i Iseraela nei, ko koe,
e toou au motuanga ravarai, e te au
tangata katoa i ouu ra; e e oronga atu
au ia koe na te au manu tae o te au
peau ravarai nei, e na te au terio o
te enua, kia pou. E inga koe ki runga 5
i te tua o te enua ra, naku oki i ka-
ranga, te tuatua maira te Atu ra ko
Iehova. E akaunga atu au i te ai ki 6
runga ia Magoga, e i roto i te aronga

e noo vareaa uā ra i te pae taatai
ra: ka kite oki ratou e ko Iehova au.
7 E pera au i te akakite i taku ingoa
tapu ki rotapu i toku au tangata ra ia
Iseraela; kare oki e tika iaku kia aka-
viivii akaouia toku ingoa tapu: ka
kite oki te au etene e ko Iehova au,
ko Tei Tapu i Iseraela nei.
8 I na kua tae, e kua raveia, te tuatua
maira te Atu ra ko Iehova; ko taua
9 rā teia taku i karanga ra. E na te
aronga i noo i te au oire i Iseraela e
aere ki vao e ka tutungi i te au taoo-
nga tamaki ra ki te ai kia ka, i te
paruru, e te megena, e te au ana, e te
au kakao, e te au tokotoko, e te au
korare, e na ratou e tutungi ki te ai e
10 kia itu ua atu te mataiti: Kare oki
ratou e rave i te vao no te ngaugae
ra, kare oki e tipu i to te vaorakau
ra; e tutungi oki ratou i te au taonga
tamaki ra ki te ai: e na ratou e āru
atu i tei āru mai ia ratou, e ka noni
atu oki i tei noni mai ia ratou, te tua-
tua maira te Atu ra ko Iehova.
11 E kia tae ki taua rā ra, e oronga
atu ei au i tetai ngai i reira no Goga
ei tanumanga i Iseraela nei, i te o i
aereia e te tangata i te pae tai i te
itinga o te rā ra: e ka topiri te pu-
tangau o te aronga e aere; ei reira
ratou e tanu ei ia Goga, e tona tini
ravarai: e na ratou e tapa i te reira,
12 I te o o Hamona-goga. E itu oki o
te ngutuare o Iseraela marama i te
tanu anga ia ratou, kia tamā ratou
13 i taua enua ra. Na te tangata ravarai
oki o te enua e tanu; e riro oki ei
rongonui no ratou i te rā i akaka-
kāia i au ra, te tuatua maira te Atu
14 ra ko Iehova. E na ratou e akataka
i tetai aronga tangata kare e tukumoe
i te aere na roto i taua enua ra, kia
tanu, ma te aronga e aere, i te aronga
i toe i runga i te tua enua ra, ei tamā
anga atu: kia ope nga marama e itu
15 ka kimi ei ratou. E na te au tangata
aere, tei aere na roto i taua enua ra, kia
akara tetai i te ivi tangata ra, e akatu
aia i tetai akairo i vaitatao, e kia tanu-
mia e te aronga tanu i te o ra o Ha-
mona-goga. E tapaia oki te ingoa
16 o te oire ko Hamona. E pera ra-
tou i te tamā anga atu i te enua.
17 E ko koe oki, e te tamaiti a te
tangata na, te na ko maira te Atu ra
ko Iehova; E karanga atu koe ki te
au manu peau ravarai, e te au terio
katoa o te enua ra, E akaputupu-
mai kotou, e aere mai; e akaputu-
putu kotou e pini ua ake ki taku nei
tusia i akatusiaia e au na kotou, e

tusia maata ki runga i te au maunga i Iseraela nei, kia kai kotou i te kiko, e kia inu kotou i te toto. Ka kai kotou i te kiko o te aronga mana, ka inu oki i te toto o te ui ariki o te enua nei, to te au rama, e te au punua mamoe, te au puaka-nio toa, ma te au bovi ra, e mea angai anakeia no Basana. E kai oki kotou i te matu e pangia rava akera, e inu oki kotou i te toto e kona rava akera, i taku nei tusia tei akatusiaia e au na kotou. E pangia oki kotou ki taku nei kaingakai, i te ipo e tei noo i rungao, i te aronga mana, e te au tangata tamaki katoa, te tua-tua maira te Atu ra ko Iehova.

E naku e tuku i te kakā noku ki rotou i te au etene ra, ka kite oki te au etene katoa i taku nei tuatua-tau i raveia e au ra, e taku rima i tukuia e au ki runga ia ratou. Ka kite oki te ngutuare o Iseraela e, ko au to ratou Atua ko Iehova mei te reira rā ua atu rai. Ka kite oki te au etene e, no to ratou kino e riro ei te ngutuare o Iseraela ei tuikaa: no te mea kua tatipake ratou iuku i puroku ei au i toku mata ia ratou, e kua tuku atu au ia ratou ki roto i te rima o to ratou au enemi: e inga katoatoa akera ratou i te koke. Kua akanite oki au i taku i rave ia ratou ki to ratou viivii e ta ratou au ara, e kua puroku au i toku mata ia ratou.

E teianei, te na ko maira te Atu ra ko Iehova; Ei teianei au e akaoki mai ei i te tuikaa anga o Iakoba, e aroa oki au i te ngutuare ravarai o Iseraela, ka varene oki au no toku ingoa tapu; Kua akakoromaki oki ratou i to ratou akakino angaia, e ta ratou au ara katoa i ara ai ratou iaku nei, ka noo ponuiaau ua'i ratou ki to ratou ra enua, e kare e tangata i akamataku mai. Kia akaokiia mai ratou e au no roto i te au tangata ra, e kia akaputuputua mai ratou e au mei te au enua mai o to ratou au enemi, e kia akatapuia mai au ia ratou ki mua i te aroaro o te au enua e marganui ra; Ei reira ratou e kite ei e, ko to ratou Atua ra au ko Iehova, ko tei tuku atu ia ratou kia arataki tuikania ki rotou i te au etene ra: kua akaputuputu maira au ia ratou ki to ratou uaorai enua, o kare oki tetai o ratou e vaio aknouia i reira. Kare oki au e puroku akaou i toku mata ia ratou: i riringia oki e au toku vaerua ki runga i te ngutuare o Iseraela, no tuatua maira te Atu ra ko Iehova.

PENE XL.

Te orama ra i te iero ou.

- 1 **I** TE mataiti takau ma rima i to matou tuikaaanga, i te akamataanga o taua marana ra, e te mataiti okotai ngauru ma a i muri ngao i te tainga anga i taua oire ra. tei runga maira te rima o Iehova iaku i taua rā tikai ra, e kua arataki iaku ki reira.
- 2 I te orama a te Atua i te arataki anga aia iaku ki te enua o Iseraela, e kua tuku iora iaku ki runga i tetai maunga teitei roa ra, e mei te mea e tu no tetai oire tei waitatao, tei te pae i apatonga ra. E kua arataki aia iaku ki reira, e i na, *tei reira* tetai tangata, mei te vao aia te tu i te akara anga atu, e ma te ao orongā i tona rima, e tetai kakao aite; e te tu ua maira i
- 4 roto i te ngutupa. E kua tuatua maira taua tangata ra kiaku, E te tamaiti a te tangata na, ka akara ana to mata, e akarongo oki to taringa, ka akamou ei to ngakau, ki runga i te au mea katoa taku e akakite atu kia koe ra; no reira oki koe i aratakiia mai ei i ku nei kia akakite atu au kia koe ra: e te au mea katoa taua e kite ra, ko te akakite atu ia ki te ngutuare o Iseraela.
- 5 E i na, e patu tei vao mai i te are e pini ua ake, e tei te rima o taua tangata ra, e kakao aite ia e ono kubit te roa, nga kubit ia e te rima okotai; kua aite akera aia i te atea i taua patu ra, okotai ia kakao; e te teitei oki,
- 6 okotai kakao. Kua aere maira aia ki te ngutupa i anga tika ki te itinga o te rā ra, e kua kake akera na runga i to reira ara akanukanuka ra, e kua aite atura i te turuki ngutupa ra, okotai ia kakao i te pararaure, e tetai turuki oki, okotai rai
- 7 kakao i te pararaure. E te au pia rikiriki katoa ra, okotai ia kakao i te roa, e okotai oki kakao i te pararaure; e te va i rotou i te au pia rikiriki ra, e rima ia kubit; e te turuki ngutupa i te pae i te tomoanga o te ngutupa
- 8 i roto ra, okotai ia kakao. Kua aite katoa aia i te tomoanga o te ngutupa
- 9 i roto ra, okotai ia kakao. Kua aite atura aia i te tomoanga o te ngutupa ra, e varu ia kubit; e nga pou ra, e rua ia kubit; e te tomoanga o taua
- 10 ngutupa ra, tei te pae ki roto ra ia. E nga pia rikiriki no te ngutupa i te pae i te itinga o te rā ra, e toru i teia pae, e toru oki i tera pae; okotai rai aite te reira e toru katoa ra: e nga pou

oki, okotai rai aite i teia pae, e i tera pae. Kua aite iora aia i te pararauare i te tomoanga i te ngutupa ra, okotai ia ngauru i te kubiti; e te roa o te ngutupa ra, okotai ngauru ma toru ia kubiti. Te ngai i muao i taua au pia rikiriki ra, okotai ia kubiti i teia pae, okotai oki kubiti i taua ngai ra i tera pae; e te au pia rikiriki ra, e ono ia kubiti i teia pae, e ono oki kubiti i tera pae. Kua aite atura aia i te ngutupa, mei te tapoki i tetai pia rikiriki, ki te tapoki o tetai: okotai takau ma rima i te kubiti i te pararauare; kua aiteite tetai pa ki tetai pa. Kua anga iora oki aia i nga pou, e ono ngauru i te kubiti, e tae rava atu ki te pou o te paepae, e pini ua ake te ngutupa ra. E mei te aro o te ngutupa i te tomoanga ra, ki te aro o te tomoanga o te ngutupa i roto ra, e rima ia ngauru i te kubiti. E aronga maramarama kotaua to te au pia rikiriki, e to te au pou i reira i te pae ki roto i te ngutupa e pini ua ake; e maramarama katoa to te au poretiko i te pae ki roto ra e pini ua ake: e te tamara anake ki runga i te au pou ra.

Kua arataki atura aia iaku i reira ra ki roto i te paepae ki vao ra; e i na, e aronga pia, e te taua toka kua oti i te tukiiia no taua paepae ra e pini ua ake: e toru ngauru i te pia i taua patu ra. E te taua toka, i te pae o te au ngutupa, i na te tiroa i taua au ngutupa ra, ko te taua toka ia ki raro. Kua aite iora aia i te pararauare na te pae ki mua i te ngutupa ki raro ra, e te pae ki mua i te paepae ki roto i te pae ki vao, okotai ia anere i te kubiti i te pae ki te itinga o te rā e te pae ki apatokerau ra.

E te ngutupa o te paepae ki vao, tei anga ki te pae ki apatokerau, kua aite iora aia i tona roa, e tona pararauare katoa. E nga pia rikiriki oki no reira ra, e toru ia i teia pae, e toru oki i tera pae; e nga pou oki no reira ra, e nga poretiko no reira, okotai rai aite e tei muataugana ra ngutupa: e rima ngauru te kubiti i te roa, e te pararauare ra, okotai takau ma rima ia kubiti. E to reira au maramarama, e to reira au poretiko, e to reira au tamara, okotai rai aite e te ngutupa i anga ki te itinga o te rā ra; e itu nuka e tae ei ratou ki runga kia aere; e to reira au poretiko, tei te pae ia ki mua. E te ngutupa o te paepae ki roto ra, kua anga tika atu ki te ngutupa ki te pae ki apatokerau ra, e ki te itinga o te rā ra; kua aite iora aia

mei tetai ngutupa ki tetai ngutupa, okotai anere i te kubiti.

- 24 E oti akera, kua arataki atura aia iaku ki te pae ki apatonga, e i na, e ngutupa tei te pae ki apatonga: kua aite iora aia i to reira au pou, e to reira au poretiko, taua nga aite rai *te aite*. E maramarama oki to reira, e to reira au poretiko, e pini ua ake, mei te au maramarama katoa ra: e rima ngauru kubiti i te roa, e rua ngauru ma rima kubiti i te pararauare. E te au nuka e tae ei ki runga ra, e itu ia, e nga poretiko no reira ra, tei te pae ia ki mua: e tamara oki to te reira, okotai i teia pae, okotai oki i tera pae, ki
- 27 runga i nga pou i reira ra. E ngutupa oki to te paepae i roto ra i te pae ki apatonga ra: kua aite iora aia mei tetai ngutupa ki tetai ngutupa, okotai anere i te kubiti.
- 28 Kua arataki atura aia iaku ki te paepae ki roto ra, ki te ngutupa i te pae ki apatonga ra: kua aite iora aia i te ngutupa i te pae ki apatonga ra,
- 29 taua aite rai *te aite*; E to reira au pia rikiriki ra, e to reira au pou ra, e to reira au poretiko ra, taua aite rai *te aite*: e maramarama oki to roto, e i roto katoa i te au poretiko, e pini ua ake: e rima ngauru ia kubiti i te roa, e rua ngauru ma rima kubiti i te pararauare. E nga poretiko e pini ua ake, e rua ngauru ma rima ia kubiti i te
- 31 roa, e rima kubiti i te pararauare. E to reira au poretiko ra, tei te paepae ki vao ia; e tei to reira ra au pou tetai au tamara: e te kake anga ki runga ra, e varu ia nuka.
- 32 Kua arataki atura aia iaku ki te paepae ki roto i te pae ki te itinga o te rā ra: e kua aite iora aia i te ngutupa,
- 33 taua nga aite rai *te aite*. E to reira au pia rikiriki, e to reira au pou, e to reira au poretiko, taua nga aite rai *te aite*: e maramarama to roto, e i roto i to reira au poretiko, e pini ua ake: e rima ngauru kubiti i te roa, e rua ngauru
- 34 ma rima kubiti i te pararauare. E to reira au poretiko ra, tei te pae ki te paepae ki vao ia; e puke tamara tei runga i to reira au pou i teia pae e tera pae: e te kake anga ki runga ra, e varu ia nuka.
- 35 E kua arataki atura aia iaku ki te ngutupa ki te pae ki apatokerau, e kua
- 36 aite iora, taua nga aite rai *te aite*; To reira au pia rikiriki ra, to reira au pou, e to reira au poretiko, e to reira au maramarama oki, e pini ua ake: e rima ngauru kubiti i te roa, e te pararauare,
- 37 e rua ngauru ma rima ia kubiti. E to

reira au pou ra, tei te pae ia i te pae-
pae ki vao ra : e puke tamara oki tei
runga i to reira au pou ra, i teia pae e
tera pae : e to reira kake anga ki runga
ra, e varu ia nuka. Kareka te au pia, 38
e to reira au tomoanga ra, na te au pou
o te au ngutupa ra ia, i reira te tusia
karakaratio i te orei angaia.

E tei te tomoanga o te ngutupa ra, 39
ko nga kaingakai ia e rua i teia pae, e
rua oki kaingakai i tera pae, ei ko anga
i te tusia karakaratio, e te tarangara,
e te tutakingara, ki rungao. E tei te 40
pae ki vao mai, i te aerenga ki runga
ki te tomoanga i te ngutupa ki te pae
i apatokerau ra, e rua ia puke kainga-
kai; e tei tetai pae ra, i te tomoanga i
te ngutupa ra, e rua ia i puke kainga-
kai. E a puke kaingakai i teia pae, e 41
a oki kaingakai i tera pae, i te pae ngu-
tupa ra; e varu ia puke kaingakai, ei
ko anga i ta ratou au tusia ki rungao.
E nga kaingakai e a no te tusia kara- 42
karatio, e toka tarai ia, okotai kubiti e
e afa kubiti i te roa, okotai oki kubiti
e e afa kubiti i te pararauare, okotai
oki kubiti i te teitei : e kua vaoia e
ratou ki rungao te au apinga i ko ei
ratou i te au tusia karakaratio e te au
tusia katoa ra. E aronga matau oko- 43
tai rima i te pararauare i akamouia i te
pae ki roto ra e pini ua ake : e tei ru-
nga i taua au kaingakai ra te kiko o te
korehana.

E tei vao mai i te ngutupa i roto ra, 44
te au pia no te aronga imene ki roto i
te pae pae ki roto ra, ki te pae i te ngu-
tupa i apatokerau; e anga tika ia ki te
pae i apatonga : okotai oki ki te pae
ngutupa i te itinga o te rā ra, e anga
tika ia ki te pae i apatokerau. E kua 45
tuatua maira aia kiaku, Teianeia pia,
tei te pae ki apatonga te akara anga,
no te kau taunga ia, tei ia ratou te
akono anga i te are nei, E te pia, tei te 46
pae i apatokerau te akara anga, no te
kau taunga ia, tei ia ratou te akono
anga i te atarau : koia nga tamariki a
Zadoka, no roto i te au tamariki a Levi
ra, tei tae ki vaaita kia Iehova ra, ei
raverave iaia ra. Kua aite akera aia i 47
te pae pae, okotai anere kubiti i te roa,
okotai anere kubiti i te pararauare, kua
aiteite te roa e te pararauare; e tei
mua oki te atarau i te iero.

E kua arataki maira aia iaku ki te 48
tomoanga o te are ra, e kua aite iora
nga pou o te tomoanga, e rima kubiti i
teia pae, e rima oki kubiti i tera pae : e
te pararauare o te pa ra, e toru ia ku-
biti i teia pae, e toru oki kubiti i tera
pae. E te roa o te tomoanga, okotai 49

takau ia i te kubiti, e te pararauare,
okotai ngauru ma tai ia te kubiti :
e kua arataki maira aia iaku na te ara
nukanuka i kake ei ratou ki runga ra :
e puke pou oki tei te pae i te au
pou, okotai i teia pae, okotai oki i tera
pae.

PENE XLI.

*Te au aite, te au pia, e te au mea aka-
maneu o te iero ra.*

- 1 **E** MURI akera, kua arataki maira
aia iaku ki te nao, e kua aite iora
i te au pou, e ono kubiti i te pararau-
are i teia pae, e ono oki kubiti i te pa-
rarauare i tera pae, ko te pararauare
2 ia o te Are. E te pararauare o taua
pa ra, okotai ngauru ia te kubiti; e nga
pae i taua pa ra, e rima ia kubiti i teia
pae, e rima oki kubiti i tera pae : e
kua aite akera aia i te roa o te reira,
e a ia ngauru i te kubiti; e te pararau-
are ra, e rua ia ngauru i te kubiti.
- 3 Kua aere atura aia ki roto, e kua
aite iora i te pou no te pa, e rua ia ku-
biti; e te pa ra, e ono ia kubiti; e te
pararauare o taua pa ra, e itu ia kubiti.
- 4 Kua aite iora aia i te roa o te reira,
okotai takau ia kubiti; e te pararauare,
okotai takau ia kubiti, ki muao i te nao
ra : e kua tuatua maira aia kiaku, Ko
te ngai-tapu roa ra teia.
- 5 E kua aite iora aia i te patu i taua
are ra, e ono ia kubiti; e te pararau-
are o te au pia i te pae ra, e a ia ku-
biti, e pini ua ake taua are katoa ra.
- 6 E taua nga pia i te pae ra, ki rungao
tetai i tetai, e toru pa, e toru ngauru
i te pa okotai; e kua akaoia ki roto i te
patu i te are no te au pia i te pae e
pini ua ake, kia mou ratou, kare ra o
7 ratou mou i taua patu are ra. Te
akapararauareia ra taua aerenga ki
runga i taua au pia i te pae ra i te aka-
amingi aere anga : te aere ra oki ki te
pararauare anga taua aerenga o te are
ra e pini ua ake i te aere ki runga ra :
pararauare atura oki taua are ra ki ru-
nga e aere atura ki te maata anga, mei
te pia i raro roa ra i te aere ua anga na
rotopu e tae atura ki tei runga roa ra.
- 8 Kua akara atura oki au i te teitei o
taua are ra e pini ua ake : ko nga
tumu o te au pia i te pae ra, okotai ia
kakao katoaton, koia oki e ono kubiti
9 nui. Te patapatatue o te patu no te
au pia i te tua ki vao ra, e rima ia
kubiti, e te toe ra, ko te ngai ia o te au
10 pia o te tua ki roto ra. E te va i ro-
topu i taua au pia ra, okotai takau ia

kubiti i te pararauare e pini ua ake taua are ra, tetai pae, e tetai pae. E te 11 au pa no te au pia i te pae ra, tei te pae i akatoeia ia, tei te pae ki apatokerau tetai pa, e tei te pae ki apatonga tetai pa: e te pararauare o te ngai i akatoeia ra, e rima ia kubiti e pini ua ake.

Ko te patu ra ki mua i te ngai i akataka keia ra i te openga i te pae ki te opunga o te rü ra, e itu ia ngauru anga i te kubiti i te pararauare; e te koro o te ngai i patuia ra, e rima ia kubiti i te patapatatue e pini ua ake, e te roa o te reira ra, e iva ia ngauru anga i te kubiti. E kua aite atura aia i taua are 13 ra, okotai ia anere i te kubiti i te roa; e te ngai i akataka keia ra, e tei patuia ra, e te au koro katoa ra, okotai ia anere i te kubiti i te roa. E te pararauare o te aro o taua are 14 ra, e te ngai i akataka keia ra ki te pae i te itinga o te rü ra, okotai ia anere i te kubiti. E kua aite iora aia 15 i te roa o te patu ki mua i te ngai akataka keia ra, e tei muri mai oki, e te au taua rua i teia pae, e tera pae, okotai ia anere i te kubiti, e te nao ki roto ra, e te au tomoanga o te paepae ra; Nga kopu ngutupa ra, e te au maramarama kokotaua, e te au taua rua e pini ua ake nga pa e toru ki mua atu i te au ngutupa, kua tapokiiia ki te rakau e pini ua ake, mei raro i te one e tae rava atura ki runga i te au maramarama, e kua tapokiiia te au maramarama.

Ki te ngai ki rungao i te pa, e tae 17 rava atu ki te are ki roto, e ki vao, e te pae patu ravarai e pini ua ake, ko roto e ko vao katoa, i te aite anga, E 18 au kerubi tei angaia, e te au tamara, ei tamara tei tukuia i rotopu, e kerubi tei tetai pae, e kerubi ki tetai pae; e rua oki mata to te kerubi okotai; E 19 mata tangata tei anga tika ki te tamara ki tetai pae, e e mata liona tei anga tika ki te tamara ki tetai pae: ki runga i taua are katoa ra te rave angaia e pini ua ake. Mei raro i te one e 20 tae rava atu ki runga i te ngutupa taua au kerubi, e te au tamara, i te rave angaia, e ki runga oki i te patu o te nao. Kua akaaroria nga pou o te 21 nao e a aro; e ko mua i te ngai-tapu ra, okotai rai aite i te akara anga atu i tetai e tetai.

E te atarau rakau ra, e toru ia kubiti i te teitei, e te roa oki o te reira, e rua ia kubiti; e nga pou o te reira ra, e tona roa, e nga urupae ra, e rakau ia: e kua tuatua maira aia kiaku, Ko

te kaingakai teia ki mua i te aroaro o Iehova.

23 E rua oki ngutupa to te nao e te 24 ngai-tapu. Taki rua oki pa ki te pa okotai, e aatu tetai e aatu tetai; e rua pa ki tei mua ngutupa, e rua oki pa 25 ki tei muri. E rapaia iora ki runga i taua nga pa o te nao ra, tetai aranga kerubi, e te au tamara, mei tei rapaia ki runga i te au patu ra; e nga tea rakau ki rungao i te tomoanga ki vao. 26 E te au maramarama kokotaua, e te au tamara i teia pae e tera pae, tei nga pae o te au tomoanga, e tei te au pia i te pae o te are ra, e te au tea katoa oki.

PENE XLII.

Te au pia no te kau taunga ra, e to reira ra au pou.

1 **K**UA arataki atura aia iaku ki te paepae ki vao ra, te arataa kia aere ki te pae ki apatokerau ra: e kua arataki maira aia iaku ki roto i te pia ki mua mai i te ngai i akatakaia ra, ki mua oki i te patu ki te pae ki apatokerau ra. Okotai anere i te kubiti te roa ki mua i te ngutupa ki te pae ki apatokerau, e rima ngauru i te kubiti 3 te pararauare. Ki mua mai i nga kubiti etai takau no te paepae ki roto ra, e ki mua mai i te taua toka no te paepae ki vao ra, tetai taua rua i te tutaki anga ki tetai taua rua, e toru 4 pa. E ki mua mai i te au pia ra, e arataa ia, okotai ngauru i te kubiti te pararauare ki roto ra, e te ara oki okotai kubiti, tei te pae ki apatokerau 5 to reira ra au ngutupa. Te potu ra te au pia i runga ra, kua pou oki to ratou ngai i te au taua rua, i to rotopu e to 6 raro roa oki, i taua are ra. E toru oki o ratou pa, kare ra e pou mei te au pou o te au paepae ra, i maata i to te are piripiri i reira i to raro roa, e to 7 rotopu mei te one mai. Ko te patu ra ki vao ki mua mai i te au pia ra, ki te pae ki te paepae ki vao ki te pae ki mua i te au pia ra, e rima ngauru ia 8 kubiti i te roa. Te roa o te au pia i roto i te paepae ki vao ra, e rima ngauru ia kubiti: e i na, ko mua i 9 te nao ra, okotai anere ia kubiti. E tei te pae ki raro i taua au pia nei, ko te tomoanga ia ki te pae ki te itinga o te rü ra, kia na te paepae ki vao ra te aere.

10 Tei roto i te patapatatue o te patu i te paepae ki te pae ki te itinga o te rü ra, ki mua mai i te ngai i akataka keia ra, e ki mua oki i te are, te au pia.

E te arataa ki mua maira, mei te au 11
pia katoa ki te pae ki apatokerau ra,
okotai rai tu i te roa, okotai rai tu i te
pararauare: e to reira au tomo-
anga ki vao, okotai rai tu, e okotai rai
tu i te au pa mei te reira katoa ra.
E mei te reira rai te au pa o te au pia 12
ra ki te pae ki apatonga ra, e pa tei te
openga mai o te arataa ra, te arataa ki
mua mai i te patu ra kia akara tika ki
te pae ki te itinga o te rā ra, kia na
reira te aere ra.

Kua tuatua maira aia kiaku, Te au 13
pia ki te pae ki apatokerau, e te au pia
ki te pae ki apatonga ra, ki mua i te
ngai i akataka keia ra, e pia tapu
anake ia, ei reira te kau taunga e aka-
vaitata kia Iehova e kai ei i te au mea
tapu roa ra: ei reira vaio ei te au mea
tapu roa ra, te mineka, te tarangaara, e
te tutakingaara; e ngai-tapu oki taua
ngai ra. Kia tomo te kau taunga ki 14
roto ra, auraka ratou o aere ki vao i
taua ngai-tapu ra ki te paepae ki vao
ra, ei reira ra ratou vaio ei i to ratou
au kakau, i ta ratou i rave i te
taoonga ra; kua tapu oki te reira;
ka kakau ei i te kakau ke ke, ka
aere atu ei ki te au mea a te tangata
katoa.

E ope akera te are i roto i te aiteia 15
e ia, kua arataki maira aia iaku ki te
ngutupa e akara tika ki te pae ki te
itinga o te rā ra, e kua aite iora i te
reira e pini ua ake. Aite iora aia i te 16
pae ki te itinga o te rā ra ki te kakao
aite ra, e rima anere ia i te kakao, ki
te kakao aite e pini ua ake. Aite iora 17
aia i te pae ki apatokerau, e rima
anere i te kakao, ki te kakao aite e
pini ua ake. Aite iora aia i te pae ki 18
apatonga, e rima anere i te kakao, ki to
kakao aite ra.

Ariu akera aia ki te pae ki te opu- 19
nga o te rā ra, kua aite iora, e rima
anere i te kakao, ki te kakao aite ra.
Aite iora i te reira i nga pae e a: e 20
koro oki to te reira e pini ua ake, e
rima anere kakao i te tiroa, e rima oki
anere i te tipoto, ei akataka anga
atu i te ngai-tapu ra e te ngai noa.

PENE XLIII.

*Te oki anga mai o te kakā no ko i te
Atua ra ki roto i te iero: te akoia
nei kia tataraara e kia akono i te
ture: te au akonoanga no te ata-
rau.*

KUA arataki atura aia iaku ki te 1
ngutupa, te ngutupa e akara tika
ki te itinga o te rā ra: E i na, te aere 2

maira te kakā o te Atua o Iseraela,
mei te pae i te itinga o te rā mai: e
tona reo, kua aite ia ki te aruru vai
e manganui ra: e kua mārama te enua i
3 te kakā nona ra. E te tu o te orama
taku i kite ra, mei te tu o te orama i
kitea e au, iaku i aere mai e rave aka-
pou i te oire nei: e te orama ra, ko te
tu ia o te orama taku i kite ki te pae
vai ra ko Kebara; e kua tipapa
4 iora au ki raro te mata. E kua tae
maira te kakā o Iehova ki roto i te
are na te ngutupa e akara tika atu ki
5 te pae ki te itinga o te rā ra. E kua
rave maira te vaerua iaku, e kua apai
maira iaku ki roto i te paepae ki roto
ra; e i na, kua ki akera te are i te
6 kakā o Iehova. Akarongo atura au
i tetai i te tuatua anga mai kiaku i
roto i te are; te tu ua maira taua
7 tangata ra ki toku pae: E kua tua-
tua maira aia kiaku, E te tamaiti a
te tangata na, ko te vairanga teia o
toku nei terono, e te takainga teia o
toku nei tapuae, ei ko nei au e noo ei
ki rotou i te tamariki a Iseraela e
tuatau ua atu, kare oki te ngutuare o
Iseraela e akaviivii akaou i toku
ingoa tapu, ko ratou, e to ratou au
ariki, i ta ratou akaturi anga, e i te au
turuma o to ratou au ariki ki runga i
8 to ratou au ngai teitei. Ko ratou i
akapiri i to ratou turuki ki te pae i
toku turuki, e to ratou kopa ki te pae
i toku kopa, e e patu tei rotou iaku e
ratou, viivii atura toku ingoa tapu ia
ratou i ta ratou au mea viivii i raveia
e ratou: i akāpou ei au ia ratou i toku
9 riri. Teiane i ra, kia tuku ke atu
ratou i ta ratou au akaturi anga, e te
au turuma o to ratou au ariki kia
atea ke atu iaku nei, ko au e ka
noo ki rotou ia ratou i reira e tuatau
ua atu.

10 Ko koe, e te tamaiti a te tangata
na, ka akakite i teiane are ki te ngu-
tuare o Iseraela, kia akama ratou i ta
ratou au ara, e na ratou e aite i te tu
11 o taua are ra. E kia akama ratou i
te au mea katoa i raveia e ratou ra,
ka akakite atu ei kia ratou i te tu o te
are, e tona aite, e tona au tomoanga ki
vao, e tona au tomoanga ki roto, e
tona au tu ravarai, e to reira au ako-
noanga katoa, e to reira au pen katoa,
e to reira au ture katoa: ka tata oki
koe i te reira ki mua i to ratou mata,
kia akono ratou i tona au pen katoa-
toa, e tona au akonoanga ravarai, e kia
rave oki i te reira. Ko te ture teia o
te are; Ki runga i te take o te maunga
i tona kotinga e pini ua ake, e mea

tapu rava ia. I na, ko te ture ia o taua are nei.

Teia oki te aite i te atarau i te kubititi 13
biti ra: Te kubititi ra, okotai ia kubititi
e te rima okotai; tei raro pae ra, okotai
ia kubititi, okotai oki kubititi i te
pararauare, e toa urupae i te tapa o
te reira e pini ua ake, okotai ia
angaonu: ko te ngai a rungao teia o
te atarau. E mei raro i te one ra e 14
tae akera ki te nuka ki raro ra, e rua
ia kubititi, okotai oki kubititi i te para-
rauare; e mei te nuka iti e tae akera
ki te nuka maata ra, e a ia kubititi,
okotai oki kubititi i te pararauare. E 15
te atarau ra, e a ia kubititi; e mei te
atarau ra e i rungao ra, kia a ia tara.
E taua atarau ra, okotai ngauru ma 16
rua ia kubititi i te roa, okotai ngauru
ma rua i te pararauare, okotai rai aite
i te reira i nga aro katoa e a ra. E te 17
nuka ra, okotai ngauru ma a ia kubititi
i te roa, okotai ngauru ma a oki i te
pararauare, i nga aro katoa e a o te
reira ra; e te ei i rungao i te reira ra,
ei afa kubititi ia: e te pae ki raro i te
reira ra, okotai ia kubititi e pini ua ake;
e toa ara nukanuka ra, e akara tika ia
ki te itinga o te ra ra.

E kua tuatua maira aia kiaku, E te 18
tamaiti a te tangata na. te na ko maira
te Atu ra ko Iehova; Teia te au akono-
anga no te atarau ra, i te ra e
angaia'i ra te reira e ratou ra, ei apai
anga tusia karakaratio ki rungao ra, e
ei pipi anga toto ki rungao ra. Ei 19
reira koe ka o atu ei ki te kau taunga
ra ki te ngati Levi ra, no te uanga o
Zadoka, ko tei akavaitata mai iaku ra
ei raverave iaku ra, te tuatua maira te
Atu ra ko Iehova, i tetai bovi ou ei
tarangaara. E rave oki koe i te toto 20
no te reira, ka tuku atu ei ki rungao
nga tara e a ra, e ki rungao nga poo
e a o te nuka ra, e ki rungao i te ei ra e
pini ua ake: e akapera koe i te tamā
anga atu i te reira, e te akameitaki
anga atu. E naau rai e rave i te bovi 21
tarangaara, e nama te reira e tau ki te
ai ki te ngai o te are i akonoia ra, ki
vao mai i te ngai-tapu ra. E i te po 22
rua ra, ka apai koe i tetai punua puaka-
nio ma te kino kore ei tarangaara; e
tamā oki ratou i te atarau mei ta
ratou i tamā ki te bovi ra. E kia oti 23
i te tamāia e koe, ka apai koe i tetai
bovi ou kino kore, e tetai rama kino
kore no roto i te anana ra. E naau e 24
apai i te reira ki mua i te aroaro o
Iehova, e na te kau taunga e titiri i te
tai ki rungao i te reira, e na ratou e
apai i te reira ei tusia karakaratio na

25 Iehova. Kia po itu koe i te akapena
anga i te puaka-nio ei tarangaara, taki
tai i te au ra katoa ra; e akapena katoa
ratou i tetai bovi ou, e tetai rama no
roto i te anana, auraka ei kino. Kia
po itu ratou i te akameitaki anga i te
atarau, e te tamā anga i te reira; e
akatapu oki ratou ia ratou uaoari.
27 E ope akera taua au ra ra, kia tae
ki te ra varu, e ko mua atu, na te
kau taunga e apai i ta kotou au tusia
karakaratio ki rungao i te atarau,
ma ta kotou au tusia au katoa ra; e
naku koton e kite atu, te tuatua maira
te Atu ra ko Iehova.

PENE XLIV.

*Te ngutupa i te itinga o te ra ra, no te
ariki anake ia: te au akonoanga na
te kau taunga.*

1 **K**UA akaoki maira aia iaku i reira
ra na te ara i te ngutupa i te ngai-
tapu ki vao ra e akara tika atu ki te iti-
nga o te ra ra; e kua topiriia. E kua
tuatua maira Iehova kiaku; Ka topiriia
teianei pa, kare e eueia, kare rava e
tangata e tomo na reira; no te mea
kua na reira te Atua o Iseraela ko Ie-
hova i te tomo, no reira ka topiriia'i.
3 No te ariki ia; na te ariki e noo ki
reira e kai i te manga ki mua i te aro-
aro o Iehova; na te tomoanga i te
ngutupa aia i te tomo, e na reira oki
aia kia oki ki vao.
4 E kua arataki maira aia iaku na te
ara ki te ngutupa ki te pae ki apatoke-
rau ki mua i te are ra: kua akara
iora au, e i na, kua ki te are o Iehova
i te kakū o Iehova: e kua tipapa
5 iora au ki raro taku mata. E kua tua-
tua maira Iehova kiaku, E te tamaiti
a te tangata na, ka akono meitaki ana,
e akara to mata, e akarongo oki to
taringa, i te au mea katoa taku e kara-
nga atu kia koe, i te au akonoanga ra-
varai i te are o Iehova, e te au ture
koton no reira; ka akairo meitaki ana
i te au tomoanga ki roto i te are, e te
au tomoanga ki vao katoa o te ngai-
6 tapu ra. E karanga atu koe ki te aro-
nga meameaau, ki te ngutuare o Ise-
raela, Te na ko maira te Atu ra ko Ie-
hova; kua oti ana kotou i ta kotou
7 au mea viivii katoa ra, Ko kotou i ara-
taki mai i te tangata ke e peritome
korcia te ngakau, e te peritome kore
katoa i te kopapa, kia noo ki roto i to-
ku ngai-tapu, e kia viivii atu te reira,
koia toku are nei, ka apai ei kotou i
taku kai ra, te tongaua e te toto, e kua
akaatikau ratou i taku koreromotu ra i

ta kotou au mea viivii katoa ra. Kare
oki kotou i akono i tei ikuikuia mai
i taku au mea tapu ra: kua tuku ra
kotou i tetai aronga tiaki i tei ikuikuia
e au i taku ngai-tapu ra no kotou
uorai.

Te na ko maira te Atu ra ko Iehova; 9
Auraka ei tangata ke, kare i perito-
meia te ngakau, kare oki i peritomeia
te kopapa ra, e tomo ki roto i toku
ngai-tapu ra, e te au tangata ke ke
katoa i roto i te tamariki a Iseraela.
E ko te ngati Levi ra, ko tei akaatea 10
ke rava iaku nei, ka tatipake ei Ise-
raela, tei tatipake iaku i te aru angai
to ratou au idolo; na ratou rai e apai i
ta ratou uorai ara. Ei au tavini ra 11
ratou ki roto i toku ngai-tapu nei, i te
tiaki anga ki te au ngutupa o te are, e
te raverave anga i to te are: na ra-
toun e ko i te tusia karakaratio, e te
tusia, na te tangati, e ei mua ratou i to
ratou aroaro tu ei, ei raverave i ta
ratou. No te mea na ratou i rave- 12
rave i ta ratou ki mua i to ratou au
idolo, e na ratou maira i rokoia'i te
ngutuare o Iseraela e te ara; i tapu-
tou ei au ia ratou, te tuatua maira
te Atu ra ko Iehova, e na ratou rai e
apai i ta ratou ara. Kare oki ratou e 13
akavaitata mai kiaku, i te rave anga i
te toroa taunga iaku nei, kare rai e
akavaitata ki tetai o taku au mea tapu
katoa nei, ki roto i te ngai-tapu roa
ra: ei runga ra ia ratou uorai to ra-
toun akama vai ei, e ta ratou au mea
viivii i raveia e ratou ra. E akariro 14
ra au ia ratou ei aronga tiaki i tei
iku naia i te are, i te au angaanga
katoa i reira ra, e te au mea katoa e
raveia i reira. Kareka te kau taunga, 15
te ngati Levi ra, te au tamariki a Za-
doka, tei tiaki i tei iku naia i toku
ngai-tapu ra, ka tatipake ei te au
tamariki a Iseraela iaku ra, ko ratou
te ka akavaitata mai ia iaku, ei rave-
rave iaku nei; e ei mua ratou iaku tu
ei, ei apai mai i te tongaua e te toto
iaku nei, te tuatua maira te Atu ra
ko Iehova. E tomo ratou ki roto i 16
toku ngai-tapu, e akavaitata mai oki
ratou ki taku kaingakai, ei raverave
iaku nei, e tiaki oki ratou i taku
ikuiku. 17

E riro ra, kia tomo ratou ki roto i
te au ngutupa o te paepae ki roto ra,
ei kakau orongā to ratou au kakau; au-
raka rava ei uru-mamoe e tae ki runga
ia ratou, kia raverave ratou i roto i te
au ngutupa i te paepae ki roto ra, e ko 18
roto katoa ra. Ei pare orongā to ratou
ki runga i to ratou upoko, e ei pipou

orongā ki to ratou taukupu; auraka ra-
toun e tatua ua atu i te mea e pata'i te
19 ou ra. E kia aere ratou ki te paepae ki
vao, *koia oki* te paepae ki vao ki te au
tangata ra, e kiriri ratou i te au kakau
i raverave ei ratou ra, ka tuku ei ki
roto i te au piu tapu ra, ka kakau ei
ratou i tetai aronga kakau ke ra; au-
raka oki ratou e akatapu i te au ta-
20 ngata i taua kakau no ratou ra. Au-
raka oki ratou e varu i to ratou au
upoko, auraka oki e akaroroa i to ratou
rauru; e pakoti ua ra ratou i to ratou
21 au mimiti. Auraka rava te kau taunga
ravarai e inu i te winā, kia tomo ratou
22 ki roto i te paepae ki roto ra. Auraka
oki ratou e rave i tetai vaine takaua, e
tei kopacia ra, ei vaine na ratou: ei
paretenia ra ta ratou e rave no te
uanga o te ngutuare o Iseraela, e te
vaine takaua e taunga tana tane i mua-
23 tangana. E na ratou e apii i toku ra
au tangata i te *tu ke anga* i tei tapu e
tei noa ra, e akakite oki kia kite ratou
24 i tei viivii e tei mā. Ei i te tauetono-
anga, ko ratou te ka tu ki runga i te
akava anga; e akava oki ratou kia tau
ki taku ra au akavaanga: e akono oki
ratou i taku au ture, e taku au akono-
anga i toku au uipānga katoa ra, e
akatapu oki ratou i toku au sabati.
25 E auraka ratou e akavaitata ua atu ki
te tangata mate, ka viivii aea ratou:
kareka i te metua tane, e te metua
vaine, e te tamaroa, e te tamaine, e te
teina, e te tuaine kare i moe i te tane,
e tika ia kia akaviivii ia ratou uorai.
26 E oti akera aia i te tamāia, e tatau
27 atu rai ratou i nga rā e iu ra. E i te
rā e aere ei aia ki roto i te ngai-tapu
ra, ki te paepae ki roto ra, ei raverave
ki roto i te ngai-tapu ra, e apai aia i
tana tarangaara, te tuatua maira te
28 Atu ra ko Iehova. E e riro ia ei tua-
nga na ratou: ko au oki ta ratou tua-
nga: auraka kotou e oronga atu i tetai
tuanga na ratou i Iseraela nei: ko au
29 ta ratou tuanga. E kai ratou i te
mineka, e te tarangaara, e te tutaki-
ngaara; e te au mea katoa i akatapu-
30 ia ra i Iseraela nei, na ratou ia. E ko
mua o te au popo kai katoatoa ra, e te
au terume ravarai a *te tangata katoa*,
teia terume tera terume a kotou ra, na
te kau taunga ia: e na kotou e oronga
atu i ta kotou faraoa muanangana i oia
ra na te taunga, kia akairi mai aia i te
31 ora ki runga i toou ra are. Auraka te
taunga e kai i te mea mate ua, e tei
aceaia ra, i te moa e te puaka katoa
oki.

PENE XLV.

Te manga enua i akonoia no te ngaitapu, no te oire, e no te ariki: te au akonoanga na te ariki.

E KIA tua kelero kotou i te enua ei 1
nooanga, e apai kotou i tetai terume na Iehova, i tetai tuanga tapu i taua enua nei: i te roa ra, okotai takau ma rima ia tausani i te kubitī, e te pararauare, okotai ngauru ia tausani. E mea tapu oki teia e pini ua ake tona au kotinga katoa. E no roto oki i te reira, 2
e rima anere kubitī i te roa, no te ngaitapu ia, e rima anere oki i te pararauare, okotai rai aiteite e pini ua ake; e rima ngauru oki i te kubitī ei ngai atea e pini ua ake. Ko tenana te aite 3
kia aite koe i te roa okotai takau ma rima i te tausani, okotai ngauru oki i te tausani i te pararauare: e ei roto oki i te reira te ngaitapu, te ngaitapu roa ra. Tāua tuanga tapu o te enua nei, 4
no te kapu taunga ia, te au tavini o te ngaitapu, ko tei akavaitata i te rave-rave ia Iehova: ei turanga no te ratou au are, ei ngaitapu oki no te are tapu. Okotai takau ma rima oki i te tausani 5
i te roa, e okotai ngauru i te tausani i te pararauare, no te ngai Levi, no te au tavini o te are, no ratou uaorai ei nooanga, ei puke pia oki okotai takau. E na kotou e akataka i te noo anga i 6
te oire, e rima tausani i te pararauare, okotai takau ma rima tausani i te roa, ki mua mai i te terume ra i te tuanga tapu ra: no te ngutua katoa ia o Iseraela. E ei tuanga oki ta te 7
ariki i teia pae e tera pae i te terume ra i te tuanga tapu, e i te tuanga no te oire ki mua i te terume i te tuanga tapu ra, e te tuanga no te oire, ki te pae ki te opunga o te rā aere ua'i ki te pae ki te opunga o te rā ra, e te pae ki te itinga o te rā aere ua'i ki te pae ki te itinga o te rā ra: e te roa ra, ei mua mai ia i tetai i taua nga tuanga ra, mei te kotinga ki te pae ki te opunga o te rā ra, e tae ua atu ki te kotinga ki te pae ki te itinga o te rā ra. E i te enua ei Iseraela nei tona kainga kai mātu: e kare te au ariki i oku e akareionga akaou i toku au tangata; e o oronga ratou i te pae toe o te enua no te ngutua o Iseraela kia tau i to ratou au kopu.

Te na ko maira te Atu ra ko Iehova; Kua oti ana kotou, e te au ariki o Iseraela: ka akataka ke atu i te rave kino, e te āru, ka rave ana i te tuatua-tau e te tuatua-tika, e apai ke atu i ta kotou takinga-kino i toku ra au ta-

ngata, te tuatua maira te Atu ra ko 10
Iehova. E i aite tau ta kotou aite, e 11
te epha tau, e te bato tau. Kia okotai rai aite te epha e te bato, ko te ngauru o te tuanga, kia tuaia te omera, ko te bato ia, e te epha katoa, ko te ngauru ia o te tuanga o te omera: kia na te omera kia aite kia 12
tau ki reira. E te sekela, okotai takau ia gēra: e tai takau sekela, tai takau ma rima sekela, tai ngauru ma rima sekela, ko ta kotou ia mina. 13
Teia te terume kia apai kotou; ko te ono o te tuanga i te epha no roto i te omera sitona, ka oronga oki kotou i te ono o te tuanga i te epha no roto i 14
te omera kerite. Kareka te akonoanga no te inu, te bato inu ra, ko te ngauru o te bato no roto i te kora, okotai kora, okotai ngauru ia i te bato; okotai oki omera okotai ngauru ia i te 15
bato: E te punua mamoe okotai no roto i te anana e rua anere, no roto i te au one kai e matu ei i Iseraela ra; ei mineka, e ei tusia karakaratio, e ei tusia au, ei topokiangaara no ratou, te tuatua maira te Atu ra ko Iehova. 16
Na te tangata tini katoatoa e apai i teianei terume e te ariki katoa i Iseraela nei. E i te ariki oki te apai i te au tusia karakaratio, e te au mineka, e te au neseka, i te au oroa ra, e te au marama ou, e te au sabati, i te au uipānga tapu katoa o te ngutua o Iseraela: nana e akapena i te tarangaara, e te mineka, e te tusia karakaratio, ei topokiangaara no te ngutua o Iseraela. 18
Te na ko maira te Atu ra ko Iehova; I te marama mua ra, i te rā mua o taua marama ra, ka rave ei koe i tetai bovi ou e te kino kore, ka tamā ai 19
i te ngaitapu ra: E na te taunga e rave i tetai pae toto i te tarangaara ra, ka tuku atu ei ki runga i nga pou o te are ra, e ki runga i nga pou e a o te muka i te atarau ra, e ki runga oki i nga kopa ngutupa i te paepae ki roto 20
ra. E akapera katoa oki koe i te po itui i taua marama ra, no te aronga ravarai i tatipake ra, e no tei kamakura ra: e akapera kotou i te akaongi anga i taua are ra. 21
I te marama mua ra, e te po okotai ngauru ma a i taua marama ra, ei pasa ta kotou, e itu rā i taua kaingakai ra; ko te areto akaopue korēia, ko ta 22
kotou ia e kai. E i taua rā ra, e akapena te ariki i tetai bovi tarangaara nana uaorai e na te tangata katoatoa 23
o te enua nei. E i nga rā e itu i taua kaingakai ra, ka akapena aia i tetai tusia karakaratio na Iehova, taki itu

bovi, taki itu rama kino kore, i te rā okotai, e ope akera aua nga rā e itu ra: e tetai punua puaka-nio i te au rā katoa ei tarangaara. E akapena oki 24 aia i te mineka okotai epha no te bovi, okotai oki epha no te rama, okotai oki ina inu no te epha okotai. I te itu 25 o te marama, e te po okotai ngauru marima i taua marama ra, e akapera katoa oki aia i te rave i taua kaingakai ra i aua nga po e itu ra, i tei tau i te tarangaara, tei tau i te tusia karakaratio, e tei tau i te mineka, e tei tau i te inu ra.

PENE XLVI.

Te au akonoanga no te ariki i tona akamori anga i te Atua, e no te au tangata.

TE na ko maira te Atua ra ko Iehova; Te ngutupa i te paopae ki roto e akara tika atu ki te pae ki te itinga o te rā ra, e topiri tikaia ia i nga rā angaanga e ono ra; i te rā sabati ra, e kirititia ia, e i te rā no te marama ou ra, e kirititia ia. Na te ara i te tomoanga o taua ngutupa ra te ariki i te tomo i te pae ki vao ra, e ei te kopa ngutupa ra aia tu ei, e na te kau taunga e akapena i tana tusia karakaratio, e tana tusia au, e ei te turuki ngutupa aia akamori ei; ka aere ei aia ra; kare ra e topiri vaveia te pa e aia ua atu. E te tangata tini o te enua ra, ei te tomoanga i teianci ngutupa e akamori ei ki mua i te aroaro o Iehova, i te au sabati, e i te au marama ou ra. E te tusia karakaratio ta te ariki ka apai mai kia Iehova i te rā sabati, e ono punua mamoe kino kore, e te rama kino kore ra. E te mineka ra, okotai epha i te rama, e te mineka no te au punua mamoe ra, tei iaia uaorai ia, okotai oki ina inu i te epha okotai. E i te rā no te marama ou ra, okotai ia bovi ou kino kore, e nga punua mamoe e ono, e te rama okotai: e mea kino kore anake ia. E nana e akapena i te mineka, okotai epha i te bovi, o otai oki epha i te rama, e to te au punua mamoe ra, ko te rauka ua ia i te rima ra, okotai oki ina inu i te epha okotai. E kia tomo te ariki ra, na te ara i te tomoanga o taua ngutupa ra aia i te aere ki roto ra, e na reira rai aia kia oki ra.

Kia aere maira te au tangata o te enua ki mua i te aroaro o Iehova i te au uipānga tapu ra, ko tei tomo mai na te ngutupa i te pae ki apatokerau ra kia akamori, e na te ngutupa aia i te pae ki apatonga kia aere ki vao

ra; e ko tei tomo mai na te ngutupa i te pae ki apatonga ra, e na te ngutupa i te pae ki apatokerau aia kia aere ki vao: auraka aia kia na te ngutupa tana i aere maira i te oki, e na tetai 10 pae ra aia i te aere ki vao. E ko tei ariki i rotapu ia ratou ra, kia okotai rai tomo anga kia tomo ratou ra; e kia aere ratou ra, ka aere katoa ia. 11 E i te au kaingakai ra, e i te au uipānga tapu ra, te mineka ra, okotai ia epha no te bovi okotai, okotai oki epha no te rama okotai, kareka te au punua mamoe ra, tei iaia uaorai ia, okotai 12 oki ina inu i te epha okotai. Kia akapena oki te ariki i tetai tusia karakaratio apai ua, e tetai tusia au, e mea apai ua na Iehova, e kirititia te pa e akara tika ki te itinga o te rā ra nona, e nana e akapena i tana tusia karakaratio, e tana au tusia au, mei tana rai i rave i te rā sabati; ei reira aia e aere ei, e riro atura aia e topiriia i te 13 pa. E ka akapena koe i tetai tusia karakaratio na Iehova i te au rā katoa ra, e punua mamoe mataiti okotai e te kino kore, e akapena koe i te reira i te 14 au popongi katoa. E akapena katoa koe i tetai mineka i te au popongi katoa ra, i te ono o te tuanga i te epha, e te toru o te tuanga i te ina inu ra, ei pipi i te faraoa pueu ra, ei mineka na 15 Iehova, ei akonoanga tamou ia. E akapera ratou i te akapena anga i te punua mamoe, e te mineka, e te inu, i te au popongi katoa, ei tusia karakaratio apai tamou ia. 16 Te na ko maira te Atua ra ko Iehova; kia oronga te ariki i tetai apinga na tetai tamaiti ana ra, e riro ia mea ei tuanga na tana tamaiti ra, ei kainga kai mātu ia tana tuanga ra no ratou. 17 Kia oronga ra aia i tetai pae i te tuanga nona ki tetai tavini ona ra, ei iaia atu rai ia, e tae rava atu ki te Iubile; ei reira e oki akaou mai ei ki te ariki ra: e riro ra tana tuanga i o atu na tana ra au tamariki, no ratou 18 rava. Auraka ra te ariki e rave i to te au tangata ra tuanga i te tuaru anga atu ia ratou i taua tuanga no ratou ra, e oronga ra aia i tona uaorai tuanga ei tuanga no tana au tamariki: kia kore toku au tangata kia pueirikiriki ke ratou ravara i runga i tona uaorai tuanga. 19 E kua arataki maira aia iaku na te tomoanga i te pae ngutupa ra, ki roto i te au pia tapu no te kau taunga ra, e akara tika ki te pae ki apatokerau ra: e i na, tei reira tetai ngai tei nga 20 pae e rua i te opunga o te rā ra. Kua tuatua maira aia kiaku, Ko te ngai

teia e tunu ei te kau taunga i te tutaki-
ngaara, e te tarangaara, ei reira oki ratou
e keu ei i te minaka; kia kore ratou
e apai ki roto i te paepae ki vao ra,
ka akatapu ei i te au tangata ra. Kua 21
arataki maira aia iaku ki roto i te paepae
ki vao, e kua arataki aia iaku
na nga poo e a o taua paepae ra, e i
na, e paepae katoa tei taua nga poo e
a o te paepae ra. E puke paepae tei 22
topiriia mai ki nga poo e a o te paepae
ra, e a ngauru i te roa, e toru ngauru
i te pararauare: e taua nga poo e a
ra, okotai rai aite. E pa are oki tei 23
roto i reira e pini ua ake, e a katoa
e pini ua ake, i patuia ma te tunnanga
i raro ake i taua nga pa are ra e pini
ua ake. Kua tuatua maira aia iaku, 24
Ko te au ngai teia no te aronga e
tunu, ei reira te au tavini o te are
nei tunu ei i te au tusia na te ta-
ngata ra.

PENE XLVII.

*Te orama o te vai tapu, e te mitaki
no taua vai ra: te tua kelero anga
i te enua.*

EMURI akera kua arataki akaou 1
maira aia iaku ki te ngutupa o te
are ra; e i na, e vai te ta'e maira na
raro mai i te turuki o te are i te pae ki
te itinga o te rā ra: te aro oki o taua
are ra, tei te pae ia ki te itinga o te
rā, e te ta'e maira te vai na raro ake i
te pae katau i taua are ra, i te pae ki
apatonga i te atarau ra. Kua ara-
taki maira aia iaku na te ngutupa i te
pae ki apatokerau, kua arataki atura
iaku i te ara ki vao ra i te ngutupa ki
vao i te ara e akara tika atu ki te pae
ki te itinga o te rā ra; e i na, e vai
te ta'e ra na te pae katau. E kia riro
atura te tangata, tei tona rima te ao,
ki te pae ki te itinga o te rā ra, kua
aite iora aia e okotai akera tausani i te
kubiti; e kua arataki iora aia iaku na
raro i taua vai ra; e kua taea te puku
vaevae e te vai. E kua aite iora aia e okotai
akera tausani, e kua arataki iora iaku
na raro i taua vai ra; e kua tonga turi te
vai. Kua aite iora aia e okotai akera
tausani, e kua arataki iora iaku na raro;
e kua tae akera ki te taukupu te vai.
Kua aite akaou iora aia, e okotai atura
tausani, e kua riro atura ei kauvai
kare atura e tika iaku kia aere: kua
teitei oki taua vai ra, e vai e tika kia
kau aere, e kauvai kare e taea kia
aere. E kua tuatua maira aia kiaku, 6
E te tamaiti a te tangata na, kua akara
ainei koe? Kua arataki maira aia iaku

i reira, e kua akaoki atura iaku na te
7 nia o taua kauvai ra. E kia oki iora
au, e i na, e manganui te rakau tei te
nia o taua kauvai ra, tei teia pae e tei
8 tera pae. E kua tuatua maira aia
kiaku, Te ta'e tika nei teianei vai ki te
enua ki te pae ki te itinga o te rā ra,
e tae atura ki raro ki te ngai atea, e
riro atura ki roto i te tai, e kua tae
atura ki roto i te tai ra, e ora ia taua
9 tai ra. E riro ia e ko te au mea katoa
e ora ra, e tei keukeu ra, ki te au ngai
katoa i taea e taua kauvai ra, e
ora anake ia: e riro te ika i te maata
maata rava atu, no te mea e tae teia-
nei vai ki reira, e na te reira e akaora,
e ora oki te au mea katoa i taea
10 e taua kauvai ra. E riro oki ia, te au
ravakai i te tu aere ua ki runga i te
reira mei Enegedi e tae rava atu ki
Enegalaima; e riro ia ei ngai tauaki
anga kupenga; e riro oki ta ratou ika
i to ratou uarai tu, mei te ika katoa o
11 te tai maata ra, e maata ua atu. Ka-
reka te au ngai varivari no reira, e
tona au ngai ruarua ra, kare ia e ora;
12 e akarioria ia ei tai. E i te pae
kauvai ra ki runga i te nia o te reira,
i teia pae e tera pae, e tupu ei te au
rakau katoa ei manga, kare oki tona
rau e mae, kare oki tona ua e pou:
ei ua ou ta te reira e ua mai i tona au
marama ra, no te mea i na te ngai-
tapu mai to ratou vai i te ta'e anga
mai: e riro oki to reira ua ei manga, e
tona rau ei vairakau.
13 Te na ko maira te Atua ra ko Ichova;
Teia te kotinga, kia noo kotou ki taua
enua nei, i te au kopu rangauru ma-
rua i Iseraela nei: kia rua o Iosepha
14 tuanga. Ka noo katoatoa oki kotou i
taua enua ra, i taku oki i taputou,
e oronga i te reira ki to kotou ai metua
ra: ka riro oki taua enua nei ei tuanga
no kotou.
15 Teia oki te kotinga o taua enua ra ki
te pae ki apatokerau ra, mei te tai
maata ra, e te ara ki Hetelona e aere
16 atura ki Zedada; Hamata, Berota, Si-
beraima, i rotou mai i te kotinga i
Damaseko e te kotinga i Hamata; Ha-
zara-katikona i te pae kotinga ra i
17 Haurana. E te kotinga mei te tai mai,
ko Hazara-enana ia, i te kotinga i Da-
maseko, e Zaphona ki te pae ki apato-
kerau, e te kotinga ra i Hamata. Ko
18 te pae i apatokerau ia. E te pae i te
itinga o te rā ra, na Haurana kotou i te
aite, e na Damaseko, e na Gileada, e
na te enua o Iseraela i te pae Ioridana,
mei te kotinga mai e tae ua atu ki tetai
i te pae ki te itinga o te rā ra. Ko te

pae ia i te itinga o te rā ra. E te 19
pae i apatonga ra, mei Tamara mai
e tae rava atu ki te vai taumāro ra i
Kadesa, e tae rava atu ki te kauvai i te
tai maata ra. Ko te pae apatonga ia i
te pae ki apatonga. E te pae ki te 20
opunga o te rā ra, ko te tai maata ia,
mei te kotinga e tae rava atu ki te ngai
e aere ki Hamata ra. Ko te pae teia
ki te opunga o te rā ra.

E na kotou e tua i taua enua nei no 21
kotou, kia tau i te au kopu o Iseracla
nei. E ka tua kelero kotou i te reira 22
ei nooanga no kotou nei, e no te au
tangata ke ke katoa e kaiaua aere i ro-
topu ia kotou, te ka anau tama i rotopu
ia kotou: e riro oki ratou ia kotou mei
te mea anau tikai i roto i te au ta-
mariki a Iseracla; ei tuanga katoa to
ratou i o kotou, i roto i te au kopu i
Iseracla nei. E riro oki, ei te kopu 23
nooia e taua tangata ke ra, ei reira
oki tana tuanga kia oronga kotou na,
te tuatua maira te Atu ra ko Ichova.

PENE XLVIII.

*Te au tuanga na nga kopu raunga-
uru ma rua, no te ngai-tapu, no te
oire, e no te ariki: te au ngutupa
o te oire.*

TEIA te au ingoa o te au kopu ra. 1
Mei te openga i te pae ki apatoke-
rau e tae ua atu ki uta kia na Hete-
lona, aere atu ei te tangata ki Hamata,
Hazara-enana, te kotinga i Damasoko
i te pae ki apatokerau ra, ki te enua ra
i Hamata, ko nga kotinga oki teia
nona i te pae ki te itinga, *ma te opu-*
nga o te rā ra; no Dana okotai. E na 2
te kotinga o Dana, mei te pae ki te
itinga e tae rava atu ki te pae ki te
opunga o te rā ra, no Asera okotai. E 3
na te kotinga o Asera, mei te pae ki te
itinga e tae rava atu ki te pae ki te
opunga o te rā ra, no Naphatali okotai.
E na te kotinga o Naphatali, mei te 4
pae ki te itinga e tae rava atu ki te
pae ki te opunga o te rā ra, no Manase
okotai. E na te kotinga o Manase,
mei te pae ki te itinga e tae rava atu ki 5
te pae ki te opunga o te rā ra, no
Epheraima okotai. E na te kotinga o
Epheraima, mei te pae ki te itinga e tae 6
rava atu ki te pae ki te opunga o te rā
ra, no Reubena okotai. E na te kotinga 7
o Rubena, mei te pae ki te itinga
e tae rava atu ki te pae ki te opunga
o te rā ra, no Luda okotai.

E na te kotinga o Luda, mei te pae ki
te itinga e tae rava atu ki te pae ki te
opunga o te rā ra, ei reira te terume ta

kotou e apai okotai takau ma rima tau
sani i te pararauare, e te roa oki me
tetai o te au tuanga katoa ia, mei te
pae ki te itinga e tae rava atu ki te
pae ki te opunga o te rā ra: e te are
9 tapu ra, ei rotopu ia i te reira. Te te-
rume ta kotou e apai ia Ichova ra, oko-
tai takau ma rima ia tausani i te roa,
okotai oki ngauru tausani i te pararau-
10 are. No ratou oki taua terume tapu
nei no te kau taunga, i te pae ki apa-
tokerau ra, okotai takau ma rima tau-
sani i te roa, e te pae ki te opunga o te
rā ra, okotai ngauru tausani i te para-
rauare, e te pae ki te itinga o te rā ra,
okotai ngauru tausani i te pararauare,
e te pae ki apatonga ra, okotai takau
ma rima tausani i te roa: e te are tapu
11 o Ichova, ei rotopu ia i te reira. No
te kau taunga akatapuia ra *te reira* i
te au tamariki a Zadoka; ko tei akono
i te ikuiku naku ra, tei kore i tatipake
ka tatipake ei te au tamariki a Iseracla
ra, mei te au ngati Levi i tatipake ra.
12 E taua terume o te enua i apaiia nei,
e riro ia ei mea tapu rava no ratou, na
13 te kotinga o te ngati Levi ra. E ki
mua mai i te kotinga o te kau taunga
ra, ko to te ngati Levi ia, okotai takau
ma rima tausani i te roa, okotai oki
ngauru tausani i te pararauare: i te
roa katoa ra, okotai takau ma rima ia
tausani, e te pararauare, okotai ia nga-
14 uru tausani. Auraka oki ratou e oko
i te reira, auraka e okooko, auraka oki
e taka ke te popo o taua enua ra: e
mea tapu oki na Ichova.
15 E nga tausani e rima i toe i te para-
rauare ra, ki mua mai i nga tausani
okotai takau ma rima ra, ei *ngai* no ia
no te oire, ei nooanga, e ei ngai atea:
e te oire ra, ei rotopu ia i te reira. Teia
16 oki te au aite o te reira; i te pae ki apa-
tokerau, e a ia tausani e rima anere, e te
pae ki apatonga ra, e a ia tausani e rima
anere, e te pae ki te itinga o te rā ra, e a
ia tausani e rima anere, e te pae ki te
opunga o te rā ra, e a ia tausani e rima
17 anere. E te ngai atea o taua oire ra, e
rua anere e rima ngauru ki te pae ki
apatokerau, e rua oki anere e rima
ngauru ki te pae ki apatonga ra, e rua
oki anere e rima ngauru ki te pae ki te
itinga o te rā ra, e rua oki anere e
rima ngauru ki te pae ki te opunga
18 o te rā ra. E te toenga o te roa ki
mua mai i te terume tapu ra, okotai
ngauru tausani ki te pae ki te itinga o
te rā ra, okotai oki ngauru tausani ki
te pae ki te opunga o te rā ra: e ei
mua mai ia te reira i te terume tapu
ra, e tei tupu i reira ra, e riro ia ei kai

na te aronga e akaangai i te oire ra. E te aronga e akaangai i te oire ra, e 19 akaangai ia no roto i te au kopu katoa o Iseraela. Tāua terume katoa ra, oko- 20 tai takau mā rima ia i te tausani, okotai takau oki mā rima i te tausani ki tetai pae: e a aro to tāua terume tapu ra kia apai kotou, mā te tuanga katoa ra no te oire.

E te toenga ra, no te ariki ia, i teia e 21 i tera pae i te terume tapu ra, e te tuanga ra no te oire, ki mua mai i te okotai takau mā rima tausani no te terume, ki te kotinga ki te pae ki te itinga o te rā ra, e te pae ki te opunga o te rā ra, ki mua mai i te okotai takau mā rima tausani ki te kotinga ki te pae ki te opunga o te rā ra, ki mua mai i te au tuanga o te ariki ra: e riro oki te reira ei terume tapu; e te ngai-tapu no tāua are ra, ei rotapu ia. Mei te tuanga mai o te ngati Levi ra, 22 e mei te tuanga mai o te oire i rotapu ra, no te ariki ia; i rotapu i te kotinga o Iuda, e te kotinga o Beniamina, ko to te ariki ia.

Kareka te toenga o tāua au kopu ra, 23 mei te pae ki te itinga e tae rava atu ki te opunga o te rā ra, no Beniamina okotai. E na te kotinga o Beniamina, 24 mei te pae ki te itinga e tae rava atu ki te opunga o te rā ra, no Simeona okotai. E na te kotinga o Simeona, mei 25 te pae ki te itinga e tae rava atu ki te pae ki te opunga o te rā ra, no Isakara okotai. E na te kotinga o Isakara, 26 mei te pae ki te itinga e tae rava atu ki te pae ki te opunga o te rā ra, no

27 Zebuluna okotai. E na te kotinga o Zebuluna, mei te pae ki te itinga e tae rava atu ki te pae ki te opunga o te rā 28 ra, no Gada okotai. E na te kotinga o Gada, ki te pae ki apatonga ra, mei Tamara roa mai tāua kotinga ra e tae rava atu ki te vai taumāro ki Kadesa, e tae rava atu ki te kauvai ki te tai 29 maata ra. Ko tā kotou teianei enua e tua kelero ki te au kopu o Iseraela ei nooanga, e teia oki tā ratou au tuanga, te tuatua maira te Atu ra ko Iehova. 30 Teia te au tomoanga ki vao i tāua oire ra, tei te pae ki apatokerau ra, e a 31 ia tausani e rima ia anere aite. E *tupa-ia* oki te au ngutupa o te oire i te au ingoa o te au kopu o Iseraela: e toru ngutupa i te pae ki apatokerau ra; okotai ngutupa no Beniamina, okotai ngutupa no Iuda, okotai ngutupa no 32 Levi. E ci te pae ki te itinga o te rā ra, e a ia tausani e rima anere: e nga ngutupa e toru ra, okotai ngutupa no Iosepha, okotai ngutupa no Beniamina, 33 okotai ngutupa no Dana: E ci te pae ki apatonga ra, e a ia tausani e rima anere aite: e nga ngutupa e toru ra, okotai ngutupa no Simeona, okotai ngutupa no Izakara, okotai ngutupa no 34 Zebuluna. E ci te pae ki te opunga o te rā ra, e a ia tausani e rima anere, e nga ngutupa e toru ra, okotai ngutupa no Gada, okotai ngutupa no Asera, 35 okotai ngutupa no Naphatali. Okotai ngauru mā varu i te tausani i te *aite* kia akapini ra: e te ingoa o tāua oire ra mei tāua rā maira, TEI REIRA Iehova.

TE BUKA A DANIELA RA.

PENE I.

To Iehoiakima arataki tuikaā angaia ki Babulonia, te tuatua ia Daniela, Anania, Misaela, e Azaria.

I TE toru o te mataiti i te au o te 1 ariki o Iuda ko Iehoiakima, i tae mai ei te ariki o Babulonia ko Nebukanesa ki Ierusalemā, e kua akapini akera ki te nuku. E kua tuku atura 2 te Atu i te ariki o Iuda ia Iehoiakima ki tona rima, e tetai pae o te au kapu

no te are o te Atua: ko tana ia i apai ki te enua ra ko Sinara, ki roto i te are o tona ra atua; e kua apai oki aia i tāua au kapu ra ki roto i te are vairanga apinga no tona atua.

3 Kua karanga akera te ariki kia Asepenaza i tei maata i rungao i te aronga taoonga nona ra, kia arataki mai aia i e tokotai i te au tamariki a Iseraela, to te au tamariki a te ariki, e 4 to te aronga nunui katoa ra; I te au tamariki kino kore, ko tei meitaki i te

akara anga atu, ko tei karape i te au kite katoa, e tei pikipiki i te kite, e te ngakau mūrana i te au mea i apiia ra, e tei tika kia noo ki roto i te are o te ariki ra, e tei tika kia apiia atu te reo e te au peu i kitea e te au Kaleda ra. Kua akataka iora te ariki i te tuanga kai na ratou no te au rā katoa, no roto i ta te ariki uorai, e no te wina oki tana i inu ra: kia akapera i te angai ia ratou e kia toru ua atu mataiti, e kia ope ka tu atu ei ratou ki mua i te aroaro o te ariki ra. E ko Daniela tetai i roto i taua au tamariki a Iuda, ko Hanania, ko Misacla, e ko Azaria; Ko tei tapaiā te ingoa e tei maata o te aronga taoonga ra: kua tapaiā Daniela ra, ko Beletesazara ia; e ko Hanania ra, ko Sadaraka ia; e ko Misacla ra, ko Meseke ia; e ko Azaria ra, ko Abedenego ia.

Te manako ra te ngakau o Daniela e, auraka aia e viiui i taua tuanga kai a te ariki ra, e i te wina tana i inu ra: i akatu ei aia ki tei maata i taua aronga taoonga ra e, auraka aia e akaviivii iaia uorai. Kua akariroia akerā Daniela e te Atua ei tangata akaperepere maata e tei maata i taua aronga taoonga ra. Kua karanga atura tei maata i taua aronga taoonga ra kia Daniela, Te mataku nei au i taku atu i te ariki ra, ko tei akataka i ta kotou kai e ta kotou e inu: ko te akara mai aea aia i to kotou mata i te tu kino anga, kare i aite ki te au tamariki okotai rui o kotou uki ra? ko toku mimiti te ka umu-umuia mai e te ariki ei *pau* ia kotou i reira, Kua karanga aturā Daniela kia Melezara, i ta tei maata i te aronga taoonga i toku ki runga ia Daniela, Hanania, Misacla, e ia Azaria ra, Teia taku tuatua kia koe, Ka timata ua mai ana i to au tavini nei, e kia po ngauru ake; ei pipi ta ratou e o mai na matou e kai, e ei vai oki te inu. Ka akara mai ei koe i to matou mata ki mua i to aroaro na, e te mata katoa o te au tamariki e kai i te tuanga kai a te ariki ra: e tauu e kite ra, e akapera koe ki to au tavini nei. Kua akarongo atura aia ia ratou i taua tuatua ra, e kua timata iora ia ratou e po ngauru akera. E ope akera aua nga po okotai ngauru ra, te vai meitaki ra to ratou mata kia akaraia atu, e te poria oki i te tino i to te au tamariki katoa ra tei kai i te tuanga a te ariki ra. Kua rave iorā Melezara i taua tuanga kai na ratou ra, e te wina i akonoia kia inu ratou; e kua o maira i te pipi na ratou.

17 E ko aua nga tamariki toko a nei, kua oronga maira te Atua i te kite no ratou, e te pikipiki, i te au mea katoa i apiia, e te pakari: e kite oki to Daniela i te au orama katoa e te au moe. E ope akera nga rā i karangaia e te ariki e aratakia mai ei ratou ra, kua arataki maira tei maata i te aronga taoonga ra ia ratou ki mua i te aroaro o Nebukanesa ra. Kua karangaranga iora ratou ma te ariki; kare rava tetai i kitea i rotupu ia ratou ravarai e aite ia Daniela, Hanania, Misacla, e Azaria ra: i tu atu ei ratou ki mua i te aroaro o te ariki ra. E te au tuatua pakari katoa e te kite, ta te ariki i ui kia ratou ra, kite atura aia e kua tu ke e kua papa ngauru to ratou kite i to te au magoi ravarai, e to te au akara etu, e pini ua ake tona basileia katoa ra. Te ora ta rā Daniela e tae rava atu ki te mataiti mua o te ariki ra ko Kuro.

PENE II.

Kare te moe a Nebukanesa i kitea e te au Kaleda, kua akakiteia e Daniela ra.

1 E TAE akera ki te rua o te mataiti i te au o Nebukanesa, kua kite iorā Nebukanesa i tetai moe, tumatetenga roa akera tona vaerua, itirere akera aia i taua moe nana ra. Kua akaue atura te ariki i reira e karanga atu ki te au magoi, e te au akara etu, e te au purepure, e te au Kaleda, kia akakite mai ki te ariki i taua moe nana ra. E kua aere maira ratou e kua tu maira ki mua i te aroaro o te ariki. 3 E kua karanga atura te ariki kia ratou, E moe taku i moe ana, e kua tumatetenga toku vaerua kia kite au i taua moe ra. Kua tuatua maira te au Kaleda ki te ariki i te reo Arama, E te ariki e, kia ora koe e tuatua ua atu: ka akakite mai ana koe ki to au tavini nei i tenana moe, e na matou e akakite atu i te aiteanga. Kua karanga atura te ariki, na ko atura ki te au Kaleda ra, Teia taku tuatua, kia kore kotou e akakite mai kiaku i taua moe nei, e te aiteanga katoa ra, ka tipupua kotou, e e akariroia to kotou au are ei tiringa teita. 6 Kia akakite maira kotou i taua moe nei, e te aiteanga katoa ra, e apinga ta kotou e rauka iaku nei, e te tutaki, e te ngateitei maata: e tenana, e akakite mai kotou kiaku i taua moe nei e 7 te aiteanga katoa. Kua tuatua maira ratou, na ko maira, Ka akakite mai ana te ariki ki tona au tavini nei i tana

moe, e na matou e akakite atu i te aiteanga. Kua karanga atura te ariki, 8
Kua kite tikai au e, ko te taime ta kotou e anoano kia rauka, no te mea kua kite kotou i tei akonoia e au ra. Kia kore ra kotou e akakite mai kiaku 9
i taua moe nei, kare atu e tuatua ia kotou: no te mea kua akakoro kotou i te tuatua pikikaa e te kino e tuatua ki mua iaku nei, e kia topa atu taua tuatua nei: e tenama, e akakite mai kotou i taua moe ra, e kite ia au i reira e, ka tika ia kotou kia akakite mai i te aiteanga.

Kua tuatua maira te au Kaleda ki 10
mua i te ariki, na ko maira, Kare rava ia e tangata i runga i te ao katoa nei e tika kia akakite atu i ta te ariki ra tuatua: kare oki e ariki, e te matalapo, kare oki e kavana, i ui i te tuatua me tena te tu, ki te au magoi, e te au akara etu, e te au Kaleda. E tuatua 11
tu ke roa tena ta te ariki i umuumu mai na, e kare rava ia tangata e tika i kia akakite atu i te reira ki mua i te ariki, mari ra ko te au atua, ko tei kore i noo i te kopapa tangata nei. No taua tuatua nei i riri ei te ariki, e 12
otooto roa akera te riri, e kua akaue atura kia taia te aronga pakari ravarai i Babulonia. Riro atura taua tuatua 13
ra kia taia te aronga pakari; kua kimi atura ratou ia Daniela e tona au oia ra kia taia.

Kua ui meitaki ua aturā Daniela, 14
ma te akono meitaki, ki te kapena o te au tiaki i te ariki ra ia Arioka, ko tei aere e ta i te aronga pakari i Babulonia. E kua karanga atura aia ki 15
taua kapena o te ariki ra ia Arioka, na ko atura, Eaa teianei tuatua i akarapurapu uia i e te ariki? Kua akakite akērā Arioka kia Daniela i taua tuatua ra. E kua aere aturā Daniela ki 16
roto e kua pati atura ki te ariki kia tuku ua mai aia i tetai manga taime, e nana e akakite atu ki te ariki i taua ariteanga ra. Kua aere iorā Daniela 17
ki tona uaoari ngutuare, e kua akakite atura i taua tuatua ra kia Hanania, Misaela, e Azaria, i nga oia nona ra. Kia pati akatenga ratou ki te Atua no 18
te rangi, kia aroaia mai i taua tuatua ngaro ra; e kia kore a Daniela e taia, e tona au oia, ma te au tangata pakari katoa i Babulonia.

Akakiteia maira taua tuatua ngaro 19
ra kia Daniela i te orama i te po ra. Kua akameitaki aturā Daniela i te Atua o te rangi. Kua karanga aturā Daniela, na ko atura,

Kia akameitakia to te Atua ra ingoa 20

e tuatatau ua atu: tei iaia oki te pakari 21
e te ririnui: Tei iaia oki te akatu ke i te au taime e te au tuatua, tei iaia oki te tuku i te au ariki ki raro, e tei iaia oki te akatu i te au ariki ki runga: ko tei oronga mai i te pakari ki te aronga i pakari, e te kite ki te aronga i rauka 22
ia ratou te kite: Te akakite nei aia i te au mea oonu e te munangaro: koia tei kite i to roto i te poi, e tei iaia te 23
mārama i te vai ranga. Te akameitaki nei au ia koe, e te akapaapaa nei au ia koe, e te Atua o toku ai metua, ko tei oronga mai i te kite e te ririnui noku, e kua akakite mai koe kiaku i ta matou i pati atu kia koe ra: kua akakite mai oki koe kia matou i ta te ariki ra tuatua.

24 Aere aturā Daniela ki roto kia Arioka ra, tei akonoia e te ariki ei ta i te aronga pakari i Babulonia ra: aere atura aia, e kua na ko atura kiaia; Auraka e ta i te aronga pakari i Babulonia: ko au taua e arataki ki mua i te aroaro o te ariki ra, e naku e akakite 25
i te aiteangā ki te ariki. Kua rapurapu aturā Arioka i te arataki ia Daniela ki mua i te aroaro o te Ariki ra, e kua na ko atura kiaia, Kua kitea e au tetai tangata no te au tuika no Iuda ra, e nana e akakite i te aite- 26
anga ki te ariki. Kua tuatua maira te ariki kia Daniela, ko Beletesazara te ingoa, na ko maira, E tika ainei ia koe kia akakite mai kiaku i te moe taku i 27
kite ra, e te aiteanga katoa? Kua karanga aturā Daniela ki mua i te aroaro o te ariki, na ko atura, Taua tuatua ngaro ra ta te ariki i umuumu maira, kare te aronga pakari, e te aro- 28
nga akara etu, e te aronga magoi, e te aronga purepure, e tika kia akakite ki te ariki; E Atua ra tei te rangi, ko tei akakite mai ia i te au tuatua ngaro, ko tei akakite mai ia ki te ariki ra kia Nebukanesa, i te ka tupu i te au rā 29
openga ra. Ko te moe naau ra, e te rika a to upoko i runga i to roi ra, ko teianei ia; Ko koe ra, e te ariki, i tupu toua manako i runga i to roi na, i te au mea e tupu a muri atu; e koia ko tei akakite mai i te au tuatua ngaro ra, kua akakite ia kia koe i te au mea 30
e tupu a muri atu. Kareka au nei, kare teianei tuatua ngaro i akakiteia mai kiaku nei, no te mea, te maata nei toku pakari i to te aronga katoa e ora nei, kia akakiteia ra te aiteanga ki te ariki ra, e kia kite oki koe i toou manako i roto i to ngakau na. 31
Te kite ra koe, e te ariki, e i na, tetai tiki maata. Ko taua tiki maata

ra, tei tu ke tona kakā, kua tu maira
ia ki mua ia koe; e mea rikarika oki
tona tu. Te upoko o taua tiki nei, e 32
auro meitaki ia, tona umauma e nga
rima nona, e ario ia, tona kopu e nga
ūū nona, e veo ia, Nga vaevae nona ra, 33
e auri ia, e nga tapuae nona ra, e auri
tetai pae, e karakaraea oki tetai pae.
Te akara ua ra koe e kokotia maira 34
tetai toka kare ra e rima, tei tutuki
maira ki runga i nga vaevae auri e te
karakaraea i taua tiki ra, e pueuriki-
riki roa akera. Pueurikiriki katoa 35
atura te auri, te karakaraea, te veo, te
ario, e te auro, e riro atura mei te ota
i te au alona akaū; pueu ke atura i te
matangi, e kare atura o ratou e vaira-
nga i kitea: e riro atura te toka, i
tutuki i taua tiki ra, ei maunga maata,
e kapi roa akera te ao katoa nei. Ko 36
taua moe ra ia, e na matou rai e aka-
kite i te aiteanga o taua moe ra ki mua
i te araro o te ariki ra.

Ko koe, e te ariki, e ariki ia no te 37
au ariki ra: kua oronga mai oki te
Atua no te rangi i te basileia noou, te
mana, e te rinui, e te kakā. E te au 38
ngai katoa i nooia e te tamariki a te
tangata nei, te au puaka o te ngangaere,
e te au manu o te reva, kua orongaia e
ia ki roto i to rima, e kua akariro aia
ia koe ei tutara ki runga ia ratou katoa
ra. Ko koe taua upoko auro nei. E 39
i muri ake ia koe e tupu ei tetai basi-
leia ke, e iti ake ia ia koe, e tetai basi-
leia, ko te toru ia, e veo ia, ko te ka
tutara ia ki runga i te ao katoa nei. E 40
te a o te basileia, e riro ia i te maroi-
roi mei te auri ra: e mei te mea e
pueurikiriki e e paruparu te au mea
katoa i te auri, na te reira e akapueu-
rikiriki e e akaparuparu, mei te au
mea katoa e pueurikiriki e e paruparu
i te auri. E mei taua i kite ra i nga 41
tapuae e te au maikao, e karakaraea
potera tetai pae, e auri oki tetai pae, e
vevete ia taua basileia ra, ka vai rai ra
te maroiroi auri ki roto, mei taua oki i
kite ra i te auri i iro katoaia ki te
karakaraea nane ra. E mei nga mai- 42
kao-vaevae ra, e auri tetai pae, e kara-
karaea tetai pae, koia katoa taua basi-
leia nei, e riro i te maroiroi tetai pae,
e ngaanga tetai pae. E mei taua oki 43
i kite i te auri e kua irokia ki te kara-
karaea nane, e riro ratou ki te iropu
ua ki te uanga o te tangata nei: kare
ra ratou e piri ki tetai ki tetai, mei te
auri nei kare e iro ki te karakaraea. E 44
i te au rā o taua au ariki ra, e akatupu
ei te Atua no te rangi i tetai basileia,
te ka kore rava e akakoreia e tuatua

ua atu: kare oki taua basileia ra e
riro i etai ke, e riro na te reira e aka-
pueurikiriki e e akapou i taua au basi-
leia katoa ra, ka vai rai tera e tuatua ua
atu. Mei taua oki i kite ra e, i kokoti 45
uaia mai taua toka ra no roto i te
maunga kare e rima, e na te reira e
akapueurikiriki i te auri, te veo, to
karakaraea, te ario, e te auro; te aka-
kite maira te Atua maata ki te ariki i
te au mea e tupu a muri atu: e mea
tika tika oki taua moe nei, e te pi-
kikaa kore oki tona aiteanga.
46 Tipapa iorā Nebukanesa ki raro te
mata, akamori atura ia Daniela, e kua
akaue atura kia apai ratou i tetai mi-
neka e te neseka kiaiā. Kua tuatua 47
maira te ariki kia Daniela, na ko mai-
ra, Koia tika rai, e Atua to kotou Atua
no te au atua nei, e te Atua no te au
ariki nei, e te akakite oki i te tuatua
ngaro, i tika i koe kia akakite mai i
48 teianei tuatua ngaro. Kua akamaata
atura te ariki ia Daniela, e kua oronga
atura i te apinga maata nana, e akariro
atura iaia ei tutara ki runga i te mata-
keinanga katoa o Babulonia, e koia
atura te kavana maata ki runga i te
aronga pakari katoa i Babulonia ra.
49 Kua karanga aturā Daniela ki te ariki,
e kua tuku atura aia ia Sadaraka, Me-
seka, e Abedenego, ei runga ia i te au
tuatua katoa i te matakeinanga i Ba-
bulonia ra: karekū Daniela, noo atura
ia ki roto i te ngutupa o te ariki ra.

PENE III.

*To Nebukanesa akatu anga i te tiki
auro i Dura ra: to Sadaraka ma
tiria angaia ki roto i te umu ai, e to
ratou akaora angaia e te Atua.*

- 1 ANGA iora te ariki ra ko Nebuka-
nesa i tetai tiki auro, e ono nga-
uru te kubiti i te teitei, e ono oki ku-
biti i te pararauare: kua akatu akera
aia i te reira ki te ngai mataataa ra i
Dura, i te matakeinanga ra i Babu-
2 lonia. Kua tono akera te ariki ra ko
Nebukanesa e akaputupu mai i te au
ariki, te au kavana, e te au kapena, te
au akava, te aronga mou apinga, te au
tumu korero, te aronga akaaere, e te
aronga tutara katoa i te au matakei-
nanga ra, e aere mai ki te akatapu
anga i te tiki i akatuia e te ariki ra e
3 Nebukanesa. Kua akaputupu maira
i reira te au ariki, te au kavana, e te au
kapena, te au akava, te aronga mou
apinga, te au tumu korero, te aronga
akaanere, e te aronga tutara katoa i te
au matakeinanga ra, i te akatapu anga

i te tiki i akatuia e te ariki ra e Nebukanesa; e kua tu iora ratou ki mua i taua tiki i akatuia e Nebukanesa ra. Kua kapiki nui maira i reira te orooro, 4
Te akaueia atu ana kotou, e te au tangata na, e te au enua na, e te au reo ke ke katoa ra, Kia rongo ua akera kotou i te tangi o te pu, te vivo, te kinura, te sabaka, te nabala, te sume- 5
phonia, e te au mea katoa i akatangia ra, e tipapa kotou ki raro i reira ka akamori ei i te tiki auro i akatuia e te ariki ra e Nebukanesa: E ko te kore e 6
tipapa ki raro ka akamori ei, ei taua ora ra aia e titiriia'i ki roto i te umu ai kakā ra. E tae akera ki te tuatua i kite ei te au tangata katoa i te tangi o 7
te pu, te vivo, te kinura, te sabaka, te nabala, e te au mea katoa i akatangia ra, kua tipapa iora te au tangata katoa ki raro, te au enua, e te au reo ke ke katoa, e kua akamori atura i te tiki auro ta te ariki ra ta Nebukanesa i akatu ra.

Kua akavaitata maira tetai pae Kaledlea i reira, kua tapepe maira i te ngati Iuda. Kua tuatua maira ratou, na ko maira ki te ariki ra kia Nebukanesa, E te ariki e, kia ora koe e tuatua u a atu. Kua akatu koe i tetai 10
fure, e te ariki, e te tangata ravarai i kite i te tangi o te pu, te vivo, te kinura, te sabaka, te nabala, e te sume-
phonia, e te au mea katoa i akatangia ra, ko te tipapa ia ki raro ka akamori ei i te tiki auro ra: E ko te kore e 11
tipapa ki raro ka akamori ei, ka titiriia ia ki roto i te umu ai kakā ra. Teia 12
oki e tokotai puke ngati Iuda i tukuia e koe ki runga i te akonoanga o te matakeinanga ra o Babulonin, ko Sadaraka, ko Meseka, e ko Abedenego, kare 13
aia nga tangata nei i akono ia koe, e te ariki, kare ratou i araara i toou ra au atua, kare oki i akamori i te tiki auro taau i akatu ra.

Kua akaue aturā Nebukanesa, ma te 13
makitakita e te riri ootoo ra, kia taki mai ia Sadaraka, Meseka, e Abedenego. Kua taki maira ratou i reira i aia nga tangata ra ki mua i te aroaro o te ariki. Kua tuatua maira Nebukanesa, na ko maira kia ratou, E tuatua-tika 14
ainci, e Sadaraka, e Meseka, e Abedenego, e kare kotou e araara i toku nei au atua, kare oki e akamori i te tiki auro taku i akatu ra? E tenana, kia rongo kotou i te tangi o te pu, te vivo, 15
te kinura, te sabaka, te nabala, e te sume-phonia, e te au mea katoa i akatangia ra, te tipapa ra kotou ki raro, te akamori ra i te tiki i angaia e au

nei; kua tika ia: kia kore ra kotou e akamori ra, ei taua ora ra kotou ka titiriia'i ki roto i te umu ai kakā ra, e koai taua Atua ra te ka akaora ia kotou i toku nei rima? Kua karanga aturā Sadaraka, Meseka, e Abedenego, na ko atura, ki taua ariki ra, Kare ua matou i taitaia i te karanga anga atu 16
kia koe i tenana tuatua, e Nebukanesa e! Me pera oki, e tika ia i te matou Atua, ta matou e akamori nei, i te akaora ia matou i te umu ai kakā ra, e nana rai matou e akaora i to rima, 17
e te ariki. Kore oti, kare rai matou e araara i toou ra au atua, kia kite mai koe, e te ariki, kare oki e akamori i te tiki auro i akatuia e koe ra.

Ki roa akerā Nebukanesa i te riri maata i reira, e tu ke atura tona mata, ia Sadaraka, Meseka, e Abedenego: kua karanga atura aia, akaue atura, kia ta'u ratou i te umu ra e kia taki 18
itu te ta'u anga i te au ta'u anga katoa ra. E kua akaue atura aia i tei ririnui i te au tangata i tona nuku ra e ri ia Sadaraka, Meseka, e Abedenego, ka titiri ei ki roto i te umu ai kakā ra. 19
Riia iora aia nga tangata ra, ma to ratou kakau pu, to ratou au pare, to ratou au pona, e to ratou au kaka i katoa ra, e kua titiriia iora ki roto i te umu ai kakā ra. E no te mea kua 20
viviki te akaue a te ariki, e kua maata rava te kakā o te umu, mate rava akera aia nga tangata ra, ko tei rave ia Sadaraka, Meseka, e Abedenego, i 21
te mura ai ra. Ko cianei ra puke tangata toko toru, ko Sadaraka, ko Meseka, e ko Abedenego, topa iora ia ki raro ma te riia ki rotopu i taua umu ai kakā ra.

Kua itimangamanga iora te ariki ra ko Nebukanesa i reira, e kua tu viviki ua maira ki runga, kua tuatua maira, e kua na ko maira, ki te au tumu korero nona ra, Kare ainei toko toru a tatou puke tangata riia i titiri ki roto i te ai? Kua karanga atura ratou, na ko atura, ki te ariki, E te ariki, e tuatua-mou. Kua tuatua maira aia, na ko maira, I na, te kite nei au i te au tangata toko a ma te ri kore, i te aere ua anga na roto i te ai, kare ua ratou i kino; e te tu o te toko a, mei te Tamaiti ia a te Atua ra.

Kua akavaitata aturā Nebukanesa ki te vaa o taua umu ai kakā ra, kua karanga atura, e kua na ko atura, E Sadaraka, e Meseka, e Abedenego, nga tavini o te Atua teitei rava, ka aere mai ki vao, ka aere mai i ku nei. Kua aere maira Sadaraka, Meseka, e Abe-

denego, ki vao mei rotopu mai i te a-
ra. E putuputu maira te au ariki, te 27
au kavana, e te au kapena, e te au
tumu korero o te ariki ra, kua akara
iora i aua nga tangata ra, e kare o te ai
e mana ki runga i o ratou kopapa, kare
rava oki tetai io rauru o to ratou ni-
miti i ka, kare oki to ratou au kakau i
tu ke, kare oki te aunga ai i piri mai
ki runga ia ratou. Kua tuatua iora 28
Nebukanesa, na ko akera, Kia akamei-
takiia te Atua no Sadaraka, no Me-
seka, e no Abedenego, ko tei tono mai
i tana angela, e kua akaora i ona puke
tavinii i irinaki iaia ra, e kua akatu ke
akenei i ta te ariki ra tuatua, e kua
oronga ua mai i to ratou kopapa kia
kore ratou e arara, kia kore oki e
akamori i tetai atua ke, mari ra ko to
ratou uorai Atua. E teianei, e akatu 29
nei au i tetai ture, E te au tangata, te
enua, e te au reo ke ke katoa ra, kia
tuatua akakino mai i te Atua no Sada-
raka, no Meseka, e no Abedenego, e
tipupua ia, e akariroia ia to ratou au
are ei tiringa teita: no te mea kare
atu atua e tika'i kia akaora mei teia-
nei te tu.

Kua akateitei iora te ariki ia Sada- 30
raka, Meseka, e Abedenego, i taua
matakeinanga ra i Babulonia.

PENE IV.

*Te akakite rā Nebukanesa i te mutu
kore anga i te basileia o te Atua:
tana moe, e te aiteanga i akakiteia
e Daniela.*

TE ariki ra ko Nebukanesa ki te au 1
tangata katoa ra, te au enua, e te
au reo ke ke, i te noo aere anga ki te
ao katoa nei: Ei au nuingangare to
kotou. E mea meitaki i toku manako 2
kia akakite i te au akairo e te au se-
meio i raveia e te Atua teitei iaku
nei. Aue te maata o tana ra au aka- 3
iro! aue te ririnui o tana ra au semeio!
tona basileia e basileia mutu kore ia,
e tona ra au ki tera uki ki tera uki.

Ko au nei ko Nebukanesa, te noo 4
ponuiaau ua ra ki roto i toku ra are, e
te meitaki ua ra au ki roto i toku ra
kainga ariki: E kua kite au i tetai 5
moe e rokoia iora au e te mataku, e
tumatetenga roa akera au i te au ma-
nako i runga i toku roi e te rika a
toku upoko ra. I akatu ei au i tetai 6
ture e arataki mai i te aronga pakari
katoa i Babulonia ki mua iaku nei, kia
akakite mai ratou kiaku i te aiteanga
i taua moe ra. Kua aere maira i reira 7
te au magoi, te au akara etu, te au

Kaledea, e te au purepure: e kua aka-
kite atura au i taua moe ra kia ratou;
kare ra ratou i akakite mai kiaku i te
8 aiteanga i te reira ra. E i te openga
iora, kua aere mairā Daniela ki mua
iaku, ko Beletesazara tona ingoa, mei
te ingoa ia o toku atua, e no te mea tei
roto iaia te vaerua o te Atua tapu ra:
e kua akakite atura au i taua moe nei
kiaia.

9 E Beletesazara, te kavana o te au
magoi ra, no te mea kua kite au e tei
roto ia koe te vaerua o te Atua tapu
ra, e kare koe e kimingata i te au tua-
tua ngaro katoa ra, ka akakite mai ana
koe kiaku i te orama i taua moe naku
i kitea e au ra, e te aiteanga katoa ra.
10 Teia te tu o te orama o toku upoko ki
runga i toku roi; Akara atura au, e
i na, e rakau tei rotopu i te enua, e tei-
11 tei maata roa tona. Tupu atura taua
rakau ra, e pakari atura, e kua taca
rava te rangi e tona teitei, e kitea uaia
kia akara e tae ua atu ki te openga o
12 te enua katoa nei. E mea manea tona
rau, kua maata tona ua, e tei roto iaia
te kai o te au mea katoa: te au puaka
o te enua nei tei raro ake i tona maru-
maru, e tei runga i tona au rara te au
manu o te reva nei, e ko tei keingaia
13 ia e te au mea katoa nei. Kua akara
iora au i tana orama upoko noku ra i
runga i toku roi, e i na, e tiaki, e mea
tapu ia, ko tei eke mai ki raro mei te
14 rangi mai; Kua kapiki nui maira aia,
e kua na ko maira, Ka tua ana te ra-
kau ki raro, ka tipupu ei i tona au
rara, ka rurungaoro i tona rau, ka
akapueirikiriki i tona ua: kia aere ke
oki te au puaka i raro ake iaia, e te au
15 manu i runga i tona au rara. Ka vaoo
ra te tumu i te aka ki raro i te one, ma
te ruru auri oki e te voo, i roto i te
ngangaere paruparu o te kainga ra; e
kia akamauiua aia i te au no te rangi;
e tana tuanga, ei rotopu ia i te au pu-
16 aka i te ngangaere o te enua nei: Kia
akatu keia tona ngakau auraka ei nga-
kau tangata, e ei ngakau puaka tei tu-
kuia mai kiaia; e kia itu ua atu tuatau
17 i te na runga anga iaia ra. Na te au
tiaki teianei tuatua, e teia akaunga,
na te tuatua ia a te aronga tapu ra:
kia kite te aronga e ora nei, e mana
to Tei Teitei ra i te basileia o te ta-
ngata nei, e te aronga nei aia i te reira
ki tana tangata inangaro, e te tuku nei
18 i te aronga akaaka roa ki runga. Ko
taku teianei moe ta te ariki ta Nebu-
kanesa i kite. E tenana, e Beletesa-
zara e, ka akakite mai koe i tona
aiteanga, kare oki te aronga pakari

katoa i toku ra basileia e tika kia akakite mai i te aiteanga: ko koe ra ka tika ia, no te mea tei roto ia koe te vaerua o te Atua tapu ra.

Tumatetenga iorā Daniela, ko Bele- 19
tesazara tetai ingoa, e okotai akera ora, taitaia akera aia i tona manako. Kua tuatua maira te ariki, na ko maira, E Beltesazara, auraka e taitaia i te moe nei, e tona aiteanga katoa ra. Kua karanga aturā Beltesazara, na ko atura, E taku atu, e te aronga i riri mai ia koe ra taua moe nei, e te aite- 20
anga ra, e i toou ia au enemi. Te ra- kau tauu i kite ra, ko tei tupu, e pakari atura, e kua taea te rangi i tona teitei, e tei kitea uaia e tae ua atu ki te enua katoa nei: Tei manea tona rau, 21
e kua maata tona ua, e tei roto iaia te kai na te au mea katoa; e kua marumaru te au puaka o te enua ki raro ake i te reira, e tei runga i tona au rara te nooanga o te au manu o te reva: Ko koe taua rakau nei, e te ariki, kua 22
tupu koe, e kua pakari: kua tupu koe i te maata, e kua taea te rangi ra, e toou ra au i te openga mai o te enua nei. E ko koe oki, e te ariki, i kite i tetai tiaki, i tetai mea tapu ra, i te cke anga mai mei runga mai i te rangi ra, e te na ko anga mai, Ka tua ana i te rakau ki raro, ka akakore atu; ka vaoa ra te 23
tumu i te aka ki raro i te one, ma te ruru auri oki e te veo, i roto i te ngangare paruparu o te kanga ra; e kia tanauna i te au o te rangi, e ei te au puaka o te enua nei tana tuanga, e kia itu ua atu tuatau i te na runga anga iaia; Teia te aiteanga, e te ariki e, 24
teia oki te akakoroanga a Tei Teitei, tei rokoia mai ia taku atu te ariki ra. E iia ratou ia koe i rotou i te tangata nei, e riro toou nooanga i rotou i te au puaka o te enua nei, e akaangai oki ratou ia koe ki te ngangare mei te au bovi ra, e akamaui ratou ia koe ki te au o te rangi ra, e kia itu ua atu te tuatau i te na runga anga ia koe ra, kia kite koe e, tei te Teitei te au i te basileia o te tangata nei, e nana e oronga ki tana ra tangata inangaro. E ko ratou oki i karanga e 25
vaoa te tumu rakau i te aka ra; e riro noou tikai taua basileia noou nei, kia kite ra koe e, tei te au rangi te au. E teianei, e te ariki, ka āriki mai na koe i tuku nei ako, e akaruke ke atu i tauu nei au ara i te rave anga i te tuatua-tika ra, e toou au kino i te aroa anga i te ao; pe- 26
neiake ko te roao toou ra meitaki i reira. 27

28 I rokoia taua ariki ra ko Nebuka-
29 nesa e taua au mea katoa nei. E ope akera nga marama okotai ngauru ma rua, te saere ra aia i rungao i te are ariki i te basileia i Babulonia. Kua 30
tuatua iora taua ariki ra, na ko akera, Kare ainei teia ko Babulonia maata, i patuia e au nei e are no te basileia, i te mana o toku nei ririnui, e kia ngateitei atura toku mekameka nei.
31 Te vai rai taua tuatua ra i te vaa o taua ariki ra, kua topa maira tetai reo no te rangi mai, na ko maira, E te ariki, e Nebukanesa, ko koe teia i tuatuaia nei; Kua riro ke toou ra 32
basileia. Ka iia ke atu ratou ia koe i rotou i te tangata nei, e riro toou nooanga i rotou i te au puaka o te enua nei: e akaangai ratou ia koe ki te ngangare mei te bovi nei, e kia itu ua atu te tuatau i te na runga anga ia koe, e kia kite koe e, tei te Teitei te au i te basileia o te tangata nei, e kua oronga aia i te reira ki taua 33
ra tangata inangaro. Tupu atura taua tuatua nei ia Nebukanesa i taua ora rai: iia keia aia i rotou i te tangata nei, e kua kai i te ngangare mei te bovi ra, e kua kō tona kopapa i te au o te rangi, e tupu atura tona uruuru mei to te aeto ra, e tona maikuku mei to te manu ra.
34 E ope akera taua au rā ra, kua nūnā atura au ko Nebukanesa i toku mata ki runga i te rangi, e kua oki akaou maira toku kite kiaku nei, e kua aka- meitaki atura au i Tei Teitei ra, e kua akapaapaa au e kua akakite atura au iaia i tei tika i te ora anga e tuatua 35
ua atu, e tona au e au mutu kore ia, e tona basileia ki tera uki ki tera uki: E tei noo i te enua katoa nei, tei manakoa ei mea puapinga kore: e te rave nei aia i tana inangaro i rotou i te nuku o te rangi, e i tei noo i te enua nei: kare e tika i tetai kia tāpu atu i tona rima, kare oki e karanga ua atu kiaia e, Te akapeea ua ana 36
koe? I taua tuatau rai i oki mai ei toku manako kiaku nei; e te kakā o toku ra basileia, te ngateitei noku ra, e toku manea, i te oki anga mai kiaku ra; e kua kimi mai oki toku aronga tumu korero, e taku ui mataiapo, kiaku: e kua akatinamouia iora au i toku ra basileia, e kua akamaataia 37
mai toku nei mekameka. E teianei, te akapaapaa nei au, ko Nebukanesa, te akamaata nei, e te akangateitei nei, i te Ariki o te rangi, e tuatua-mou anake te au angaanga nana, e mea tau oki tona ra au aerenga: e tei saere

ma te ngakau parau ra, e tika iaia kia taakaaka.

PENE V.

Te kaingakai a te ariki ra a Belesazara na te aronga muna ki ona ra : te potonga rima i te kite anguia i te tata anga : kare te tuatua i kitea e te au magoi : kua akakiteia e Daniela.

KUA akatupu iora te ariki ra ko Belesazara i tetai kaingakai maata, na te ui mataiapo ki ona ra okotai tausani, e kua inu iora i te wina ki mua i taua tausani ra. I te inu manga i taua wina ra, kua akaue akera Belesazara e apai mai i te au kapu auro e te ario, i raveia mai e tona metua e Nebukanesa, no roto i te iero i Ierusalemia; ei inu manga na te ariki, e na te ui mataiapo katoa ki ona, e na te au vaine nana, ma tana au palake. E kua apai maira ratou i reira te au kapu auro i raveia mai no roto i te iero, i te are o te Atua i Ierusalemia; e kua inu iora te ariki, e te ui mataiapo ki ona ra, e te au vaine nana, ma tana au palake. Kua inu ratou i te wina, e kua akapaapaa i te au atua auro, e te ario, te veo, te auri, te rakau, e te toka.

Tei taua ora ra te tac anga mai te maikao-rima tangata ra, i te tata anga ki mua mai i te lamepa ki runga i te ngaika i te patu i te are o te ariki ra : e kua kite oki te ariki i taua potonga rima e tata ra. Tu ke atura te mata o te ariki i reira, e tumatenga akera aia i tona manako, kua matakara nga paupauanga taukupu nona ra, e kua pāpū iora ona turi ki tetai ki tetai. Kua kapiki nui atura te ariki e arataki mai i te au akara etu, te au Kaleda, e te au purepure. Kua karanga atura te ariki, na ko atura, ki te aronga pakari i Babulonia, Ko te tatau i teianei tuatua, e e akakite mai i te aiteanga, e akakakauia ia ki te kakau muramura, e te pirianganao auro ki runga i tona kaki, e riro oki aia i te tokotoru i te mana anga i te basileia nei. Kua aere maira i reira te aronga pakari katoa i o te ariki ra : e kare akera i tika ia ratou kia tatau i tei tataia ra, e te akakite i te aiteanga ki te ariki.

Taitaia maata roa atura taua ariki ra ko Belesazara i reira, e tu ke atura tona mata, e tumatenga pu ua oki te ui mataiapo ki ona ra. Ko te ariki i o vaine ra, no te tuatua a te ariki e ta te

ui mataiapo ki ona ra, kua aere maira ki roto i te are kaingakai : kua tuatua maira taua ariki vaine ra, na ko maira, E te ariki, kia ora koe e tuatua ua atu : auraka koe e taitaia i toou manako, auraka oki kia tu ke to mata na : Tera ake tetai tangata tei toou nei basileia, tei roto iaia te vaerua o te Atua tapu ra ; e kitea iora te mārama, e te kite, e te pakari, me i te pakari o te au atua ra, i te au rā o toou metua ra ; ta te ariki ta Nebukanesa toou metua, ta te ariki oki ta toou metua, i akariro ei kavana no te au magoi, te au akara etu, te au Kaleda, e te au purepure ; No te mea te kitea ra te vaerua meitaki, e te kite, e te karape, i te akakite anga i te aiteanga moe, e te tataranga anga i te au tuatua ekoko, i roto i taua Daniela ra, ko tei taitaia e te ariki ra, ko Belesazara : e teianei, ko Daniela te tiki atu, e nana e akakite mai i te aiteanga.

13 I aratakiia mairā Daniela i reira ki mua i te ariki ra. Kua karanga atura te ariki, na ko atura, kia Daniela, Ko koe ainei taua Daniela no te au tamariki o Iuda i tuikaa ra, ko tei arataki naia mai e taku metua e te ariki mei Iuda mai? Rongo akenei oki au ia koe, e tei roto ia koe te vaerua o te au atua, e te kitea ra te mārama, e te kite, e te pakari meitaki, ki roto ia koe. E teianei, kua aratakiia mai te aronga pakari, e te au akara etu, ki mua iaku nei, kia tatau ratou i tei tataia nei, e akakite mai oki kiaku i te aiteanga ; kare akera i tika ia ratou kia akakite mai kiaku i te aiteanga i taua mea nei ; Rongo akenei ra au ia koe, e e tika ia koe kia akakite mai i te au aiteanga, e kia akataka i te au tuatua ekoko : e teianei, kia tika ia koe kia tatau i tei tataia nei, e kia akakite mai kiaku i te aiteanga, ka akakakauia koe ki te kakau muramura, e te pirianganao auro ki runga i to kaki, e ko te tokotoru koe i te mana i teianei basileia.

17 Kua tuatua mairā Daniela, na ko maira, ki mua i taua ariki ra, Ei ia koe uorai taua apinga, e taua ra au tutaki e apai atu ia na tetai ke, e tatau ra au i tei tataia nei ki te ariki, e e akakite atu kiua i te aiteanga. Ko koe na, e te ariki, kua oronga mai te Atua teitei i tetai basileia, e te tapunui, e te kakā, e te ngateitei, ki to metua ra kia Nebukanesa : E no te tapunui tana i oronga mai nona ra, kua ruketekete te au tangata katoa, to pa enua, e te au reo ke ke, e kua ma-

takutaku, ki mua iaia ra: ko tana i inangaro ra kua ta; e ko tana i inangaro ra kua akaora; e ko tana i inangaro ra kua akateitei ki runga; e ko tana i inangaro ra kua tukuia ki raro. Kia teitei ra tona ngakau, e kia mā-rokiakia tona ngakau i te nengonengo, kua tukuia aia ki raro i te terono ariki nona ra, e kua rava keia iora e ratou tona kakū: E i ia keia atu aia i rotopu i te tamariki a te tangata nei; e kua akairoia tona ngakau mei to te puaka, e tei rotopu i te au asini momoavao tona noo anga: kua akanganai akera ratou iaia ki te ngangare mei te bovi ra, e kua kū tona kopapa i te au o te rangi ra; e kite akera aia e tei te Atua teitei te au i te basileia o te tangata nei, e nana e tuku i tana tangata inangaro ra ki runga. E ko koe oki, e te tamaiti nana, e Belesazara, kare oki koe i taakaaka i toou ngakau, kite ua'i koe i taua au mea katoa nei; Kua akateitei ra koe ia koe uaorai i te Atua o te rangi ra; e kua apai mai ratou i te au kapu o tona are ki mua ia koe, e kua iuu koe, e te ui mataiapo i ouu nei, to au vaine e to au palake, i te wini i roto ra; e kua akameitaki koe i te au atua ario, e te auro, te veo, te auri, te rakau, e te toka, ko tei kore i akara, kare oki i akarongo, kare oki i kite: e te Atua tei roto i tona rima to a'o, e tei iaia toou katoa ra au aerenga, kare koe i akakakā iaia:

I reira taua potonga rima i te apai ke angai i mua iaia ra; e teia te tuatua i taitaia maira. E teia te tuatua i taitaia ra, MENE, MENE, TEKELE, UPERESINE. Teia te aite anga i taua mea nei: MENE; Kua taitaia e te Atua to basileia, e kua akaoti. Tekele; Kua aiteia koe ki te aite, e kare i tika. Peresi; Kua taitaia toou basileia, e kua orongaia ki to Madai, e ki to Peresia. Kua akaue aturā Belesazara i reira, e kua akakakau atura ratou ia Daniela ki te kakau mura-mura, e tetai pirianganaoa auro ki runga i tona kaki, e kua tutu aere atura ratou iaia e ko te tokotoru aia i te mana anga i taua basileia ra.

I taua po rai, taita ia iora taua ariki o te Kaleda ra ko Belesazara. Riro atura taua basileia ra ia Dariu, te ngati Madai, kua tae ki te ouo ngauru ma rua o tona ra mataiti.

PENE VI.

To Daniela akateitei angaia: to te aronga mana kotikoti kupenga anga mai iaia kia mate: kua tiria aia ki roto i te vaarua liona, e kua akao-raia e te Atua.

- 1 **E** MEA meitaki ia Dariu kia akatu aia i nga kavana okotai anere e rua ngauru ki runga i taua basileia ra, ei runga ia ratou i taua basileia
- 2 katoa ra. Ei runga ia ratou ra nga akaere ia toko toru; e ko ratou nei ko Daniela tei mua: kia apai mai te au kavana i ta ratou tuatua kia ratou, e auraka kia ngere te ariki ra.
- 3 Akateiteia aturā Daniela ki runga i te au akaere e te au kavana, no te mea e ngakau meitaki roa tei roto iaia; te manako ra oki te ariki e tuku iaia
- 4 ki runga i taua basileia katoa ra. Kua kimi iora nga akaere e te au kavana i tetai tapepeanga ia Daniela i taua basileia ra; kare akera i kitea ia ratou te tapepe anga atu, e te kino; no te mea e tuatua pikikaa kore tana, kare roa oki e tatipake e te kino i kitea
- 5 iaia. Kua tuatua akera taua au tangata i reira ra, Kare rava a tatou tapepeanga e kitea i taua Daniela nei, mari ra ei te ture a tona uaorai Atua
- 6 e rauka'i. Kua akaputuputu iora aua nga akaere e te au kavana ki o te ariki ra, e kua na ko atura kiaia, E te ariki ra e Dariu, kia ora koe e tuatua au atu. I tuatua ana nga akaere ravarai o te basileia nei, e te au kavana, e te ui ariki, te au tumu koro-ro, e te au kapena, e akatu i tetai ture ariki, e kia riro oki ei ture mou, e ko te tangata kia patu i tana patianga ki tetai atua ke, e tetai tangata ke, mari ra kia koe ra, e te ariki, e titiriia ia ki roto i te vaarua o te au liona ra.
- 8 E teianei, e te ariki, e akamou koe i taua ture nei, e tata oki i te ingoa ki tei taitaia nei, kia kore e taruri keia, mei te ture a to Madai e to Peresia,
- 9 kare e taruri keia ra. Kua tata atura te ariki ra ko Dariu i tona ingoa ki taua tuatua i taitaia ra e taua ture ra.
- 10 Kite ua rai a Daniela e kua akairoia taua tuatua i taitaia ra, kua aere atura aia ki roto i tona are; e te vai tuera ua ra te au māramārama o tona pia ki te pae ki Ierusalem, tuturi iora aia ki raro, tutoru tuturi anga i te rū okotai, e kua pure iora e kua akameitaki i tona Atua, mei tana oki i rave i muata-
- 11 ngana ra. Kua akaputuputu maira

taua au tangata ra, e kua kite atura ia Daniela i te pure anga, e te pati anga atu, ki mua i tona Atua. Kua akavai-
tata iora ratou i reira, e kua tuatua
iora ki mua i te ariki ra i tana ture a
te ariki ra; Kare ainei koe i akairo
i tetai ture ra, e te tangata ravarai e
pati i tana *putianga* ki tetai atua ke,
e tetai tangata oki, mari ra ia koe, e te
ariki, e kare e ope nga ra e toru nga-
uru ra, e titiriria ia ki roto i te vaarua
o te au liona ra? Kua tuatua maira
te ariki, na ko maira, Kua tinamouia ia
tuatua, mei te ture a to Madai e to
Peresia, ko tei kore e taruri keia ra.
Kua karanga atura ratou, na ko atura,
ki mua i tana ariki ra, Ko Daniela, no
te tamariki o Iuda i tuikaa ra, kare ia
i akono ia koe, e te ariki, e te ture i
akairoia e koe, tuturu oki ana pure
anga i te ra okotai. Akarongo akera
te ariki i taua tuatua ra, kua kinokino
roa iora iaia uaroi, e kua riro takiri
tona ngakau ia Daniela e akaora iaia,
e kua tauta iora aia e topa ua atura te
ra i te akaora anga iaia. Kua aka-
putuputu maira teianei au tangata i
reira ra ki te ariki, e kua karanga
atura ki te ariki, Kia kite mai koe,
e te ariki, ko te ture a to Madai e to
Peresia, ko teia ia, Kare rava e ture, e
kare rava e tuatua, i akamouia e te
ariki ra, e tika kia akatu ke. Kua
akaue akera te ariki, e kua arataki
maira ratou ia Daniela, e kua titiri
atura ki roto i te vaarua o te au liona.
Kua tuatua maira te ariki, na ko maira
kia Daniela, Ko toou Atua, tauu i aka-
mori tamou ra, nana koe e akaora. E
kua apaiia maira tetai toka e kua tu-
kuia iora ki runga i te vaa o taua vaa-
rua ra; e kua sigiloia e te ariki ki tana
uaroi sigilo, e ki te sigilo a te ui ma-
taiapo ki ona ra, kia kore o taruri
keia te ture ia Daniela.

Kua aere atura te ariki i reira ra ki
tona orai aere ariki, e ao akera te reira
po i te neseteia anga: kare oki i ara-
takiia mai tana au palake ki mua iaia:
kare ua akera aia i varea i te moe.
Kua tu akera te ariki ki runga i te po-
pongi metua tikai, e kua aere viviki
atura ki te vaarua o te au liona. E kia
tae atura aia ki taua vaarua ra, kua
kapiki atura kia Daniela ma te reo ta-
ngi: kua karanga atura te ariki, na ko
atura, kia Daniela, E Daniela, e te
tavini o te Atua ora ra, Kua tika ainei
i toou Atua, tauu i akamori tamou ana,
i te akaora ia koe i te au liona? Kua
tuatua maira Daniela ki te ariki, E te
ariki e, kia ora koe e tuatau ua atu.

- 22 Kua tono mai taku Atua i tana angela,
e kua topiri i te vaa o te au liona, e
kare ua ratou i rave kino mai iaku: no
te mea te kitea ra te ara kore i roto
iaku nei ki mua i tona aroaro; e ki
mua katoa ia koe, e te ariki, kare oki
au i rave ana i te kino. Rekareka
rava akera te ariki i reira, e kua akaue
atura kia raveia mai a Daniela ki ru-
nga mei raro mai i taua vaarua ra. E
kua raveia maira Daniela ki runga mei
raro mai i taua vaarua ra, e kare rava e
pakiko i kitea i runga iaia, no te mea
kua akarongo aia i tona ra Atua.
- 24 E kua akaue atura te ariki, e kua
arataki maira ratou i taua aronga ta-
ngata ra i tapepe ia Daniela, kua titiri
atura ratou ia ratou ki roto i te vaarua
o te au liona, ko ratou ma ta ratou au
tamariki, e ta ratou au vaine; e kare
akera ratou i tae ki raro i te takere o
te vaarua, noniia maira ratou e te au
liona, ungaunga titi roa akera to ratou
au ivi.
- 25 Kua tata atura te ariki ra ko Dariu
i reira ra ki te au tangata katoa, te pa
enua. e te au reo e noo ki te enua katoa
nei; Ei au nuingangare to kotou. Te
akatu nei au i tetai ture, E kia rukete-
kete te tangata e pini ua ake i toku nei
basileia, e kia matakutaku, ki mua i te
aroaro o te Atua o Daniela; koia te
Atua e ora nei, e kare e ngaueue e tua-
tau ua atu, kare roa oki tona basileia e
kore, e mana oki tona e tae rava atu
ki te openga. Te akaora nei aia, e te
tuku nei kia aere, e te rave nei aia i te
semeio, e te mea umereia ki runga i te
rangi, e te enua katoa nei, ko tei aka-
ora ia Daniela i te ririnui o te au liona.
- 28 Meitaki atura taua Daniela nei i te au
o Dariu, e i te au o Kuro te Peresia.

PENE VII.

*Te orama a Daniela i nga terio e a,
e no te basileia o te Atua: kua
akakiteia mai te aiteunga o tuna
moe.*

- 1 TE mataiti mua o te ariki o Babu-
lonia ra ko Belesazara, e moe ta
Daniela i kite, e te orama upoko
nona ra ki runga i tona roi: e kua tata
iora aia i taua moe ra, e kua akakite
atura i te tumu i tana au tuatua ra.
- 2 Kua tuatua iora Daniela, na ko akera,
Akara atura au i taua orama naku i te
po ra, e i na, kua puroro ua maira nga
matangi o te rangi e a katoa ra ki ru-
nga i te tai maata ra. E kua aere
maira nga puaka nunui e a mei raro
mai i te tai ra, e tu ke anake to ratou

ki tetai ki tetai. Ko tei mua ra mei te liona ia, e puke peau aeto tona: te akara ua ra au e ope akera nga peau e peke ei ki runga mei raro i te enua nei, i te utiutia, e kua akatuia akera ki runga i nga vaevae mei te tangata, e e ngakau tangata tei orongaia atu kiaia. E i na, e puaka ke maira, ko te rua ia, mei te daba te tu, nana orai i akaru i tetai kaokao ki runga, e toru ivi kaokao i te vaa i rotopu i nga nio ra: kua karinga atura ratou kiaia, Ka tu, ka kai i te kiko e kia maata. E oti akera te reira, te akara iora au, e i na, e mea ke maira, mei te nemera, e a ona peau manu ki runga i tona tua; e a oki mimiti to taua puaka ra; e mana oki tei orongaia nona. E oti akera te reira, kite atura au i te orama i te po ra, e i na, ko te a ia o nga puaka, e mea mataku e te rikarikaia, e te ririnui maata; e nio maata auri tona: kua kai oki aia e kua akaungaunga titi, e kua takataki i te toenga ki raro ake i tona vaevae, e tu ke oki tona i to te au puaka ravarai i muatangana ra; okotai ngauru oki ona tara. Kua akamaaraa iora au i taua aronga tara ra, e i na, mea tupu maira tetai tara mea ngiti i rotopu ia ratou, ki mua akera i te reira kiriti tumuia akera nga tara i muatangana ra e toru: e i na, e mata tei teianei tara mei te mata o te tangata ra, e te vaa oki i te tuatua anga i te tuatua maata.

Te akara ra au, e kua akanooia iora te au terono, e kua noo maira To te au ra taito ra, ko tei tau tona kakau ki te kiona i te teate, e te rauru o tona upoko mei te uru-mamoe meitaki ra ia: e mura ai tona terono, e tona porotata ra, e ai kakā ia. Puroro ua maira te ai taravai mei mua mai iaia: e kua tausani oki te tausani anga i te tavini anga kiaia, e kua ngauru oki te tausani anga i te manotini i te tu anga ki mua iaia: kua noo iora te akava anga, e kua cenia te au buka. Kua akara iora au e no te tuatua maata i tuatuaia e taua tara ra; akara iora au, e i taia ia taua puaka ra, e pou akera tona kopapa, e orongaia atura ki te mura ai kakā ra. Kareka i tetai pae i taua au puaka ra, kua ravea keia akera to ratou mana: i akaroaia ra to ratou ora anga i tetai tuatau e tetai taime. Akara iora au i taua orama i te po ra, e i na, tetai mei te Tamaiti a te tangata ra i te aere anga mai na roto i te au tiao rangi ra; e kua aere maira ki To te au ra taito ra, e kua akavaitata iora ra-

14 tou ki mua iaia. E kua orongaia maira te mana, e te kakā, e te basileia nona, kia tavini atu te au tangata katoa, te pa enua, e te au roo, kiaia: tona mana, e mana mutu kore ia, kare ia e kore, e tona basileia, kare ia e pou.

15 Ko au, ko Daniela nei, kua taitaia toku vaerua i roto i te kopapa nei, e kua pekapeka au i te au orama upoko

16 noku ra. Kua akavaitata atura au ki tetai o ratou i tu ua maira, e kua ui atura au iaia i te aiteanga i taua au mea katoa nei. Kua tuatua maira aia kiaku i reira, e kua akakite mai kiaku

17 i te aiteanga o taua au mea nei. Ko au nga puaka nunui e a nei, e puke ariki ia toko a, te ka tu mai ia ki runga

18 mei raro mai i te enua nei. Ko te aro-nga tapu ra no Tei Teitei ra te ka rave i taua basileia nei, e no ratou rava atu te basileia, e tuatau, e tuatau ua atu.

19 Inangaro atura au i reira kia kite i te aiteanga o te a o au nga puaka ra, ko tei tu ke ia ratou ravarai, e mea rikarika roa, e nio auri oki tona, e tona maikuku, e vea ia; ko tei kai, e kua akaungaunga titi, e kua takataki i te

20 toenga ki tona vaevae; E nga tara okotai ngauru ki runga i tona mimiti ra, e tetai oki tei tupu ra, e topa iora e toru ki mua i te reira ra; taua tara oki e mata tona ra, e te vaa i te tuatua anga i te tuatua maata roa ra, ko tei maroiri maata tona tu i to te au oa

21 katoa nona ra. Te akara ua ra au, e kua kaitamaki maira taua tara nei ki te aronga tapu ra, e mana atura aia ki

22 runga ia ratou; E kia tac maira To te au ra taito ra, e kua tukuia mai te akava anga ki te aronga tapu no Tei Teitei ra: kua tac akera oki ki te tuatau e riro ei te basileia ki te aronga tapu ra.

23 Kua na ko maira aia, ko te a o te puaka, ko te a ia o te basileia i te enua nei, e tu ke oki tona i to te au basileia katoa ra, e pou oki te ao katoa nei i to reira, ka takataki oki ki raro, e ka

24 akaungaunga titi oki. E nga tara okotai ngauru no roto i teianei basileia, e puke ariki ia tino ngauru te ka tupu ra: e i muri ake ia ratou e tupu ei tetai; e tu ke oki tona i to tei muatangana ra, e toko toru ariki te ka mate

25 iaia. E ka tuatua aia i te tuatua akakino ki Tei Teitei ra, e tamanamanata oki aia i te aronga tapu no Tei Teitei ra, e manako oki e tururi ke i te au taime, e te au ture: e tukuia mai oki ratou, e okotai akera tuatau, e nga taa-

26 tau oki, e te vaenga o tetai tuatau. E

noia ra te akava anga, ka rave ke oki ratou i tona mana, ei akapou, e ei akakore e tae rava atu ki te openga. E 27 te basileia e te mana, e te maata katoa o te basileia i raro ake i te rangi katoa nei, ko te ka orongia ia ki te au tangata ra ki te aronga tapu no Tei Tei-tei, tona basileia e basileia mutu kore ia, e ope oki te au kavana katoa i te tavini mai e te akarongo iaia. Ko te 23 openga teia o taua tuatua nei. Kareka au nei ko Daniela, taitaia roa akera au i toku ra au manako, e tu ke atura taku mata iaku nei: vaio iora au i taua tuatua nei ki roto i toku ngakau.

PENE VIII.

Te orama a Daniela i te rama e te puaka-nio toa ra.

I TE toru o te mataiti i te au o te 1 ariki ra ko Belesazara, kua mama maira tetai orama kiaku, kia Daniela nei, i muri ake i tei mama mai kiaku i tei muatangana o tona au. Kite 2 akera au i tetai orama; i roto au i te are ariki ra i Susana i taua kite anga noku ra, i te matakainanga ra i Elama; kite akera au i te orama, e tei te pae kauvai ra au ia Ulai. Kua nānā akera 3 au i taku mata, e kite akera au, e i na, te tu ua maira ki mua mai i taua kauvai ra tetai rama e rua ona tara, e puke tara teitei; e teitei roa ra to tetai i tetai, e ko tei teitei ra, i muri ake ia tona tupu anga. Kite atura au i taua 4 rama ra i te oparapara anga ki te pae ki te opunga o te rā ra, e te pae ki apatokerau, e te pae ki apatonga; e kare rava e puaka ke e mou ki mua iaia, kare rava oki e akaora i tona ririnui; kua rave ua ra aia i tona uaoari inangaro, e tupu atura aia ki te maata anga. E te maaraara ua ra au, e i na, 5 te nere maira tetai puaka-nio toa mei te pae i te opunga o te rā ra, na runga ua i te enua e kare akera i tukia ki te one ra: e tara tu ke to taua puaka-nio ra, tei rotopu i te va mata ra. Kua 6 aere maira aia ki taua rama tara rua ra, taku i kite i te tu anga ki mua mai i te kauvai ra, e kua oro viviki ua atura aia ki runga iaia i te ototoo anga o tona ririnui. Kite atura au iaia i te 7 tae anga ki vaitatao i taua rama ra, e kua tupu atura tona riri iaia, tui atura i taua rama ra, e aati atura nga tara ona e rua ra: e kare rava e riri to te rama e mou ei ki mua iaia, kua opara ra aia iaia ki raro i te one, e kua takatakai ki rungao iaia: e kare 8 o te rama e akaora i tona riri. Tupu

atura taua puaka-nio toa ra i te maata anga; e kia ririnui aia ra, aatiia iora te tara maata ra; e i monokia mai i nga tara tu ke e a ra, i anga ki nga 9 matangi e a o te rangi ra. Kua tupu maira tetai tara mea ngiti no roto i tetai o ratou ra, ko tei tupu e maata ua atura i te pae ki apatonga, e te pae ki te itinga o te rā ra, e te pae ki te enua mataora ra. Tupu atura oki e 10 taea ravaia te nuku o te rangi ra; e kua titiri maira i tetai pae o taua nuku ra e te au etu ki raro i te one, e kua takatakai iora ki runga ia ratou. 11 Kua akamaata atura aia iaia uaoari i te ariki o taua nuku ra, akakoreia iora e ia te tusia no te au rā ra, e tona 12 ngai-tapu ra, kua uria ia ki raro. E kua tukua atura te nuku, e te tusia no te au rā ra, no te ara, e kua akaruke aia i te tuatua-mou ki raro i te one, e kua rave oki aia, e manuia atura. 13 Kua akarongo atura au i tetai tangata tapu i te tuatua anga, e kua karanga atura oki tetai tangata tapu ki taua tangata tapu i tuatua ra, Mei te aa ra te roa o te orama no te tusia o te au rā nei, e te ara akatanea ra, e orongaia i te ngai-tapu, e te nuku, kia takatakaiia ki raro ake i te vaevae? 14 Kua tuatua maira aia kiaku, E rua tausani e toru anere i te rā; ei reira te ngai-tapu e tamā ia'i. 15 E kite akera au, ko Daniela, i taua orama ra, e kia kimi oki au i te aite-anga, i na, te tu ua maira ki mua iaku 16 mei te tangata te tu i reira. E kua akarongo atura au i te reo tangata i rotopu i nga nua kauvai ra ia Ulai, i te kapiki anga, e te na ko anga e, E Gaberiel, e akataka ana koe kia kite tei- 17 anei tangata i te orama nei. Kua akavaitata maira aia ki te ngai i tua e au ra; e tae maira aia, kua matakua iora au, e kua tipapa iora au taku mata ki raro: kua tuatua maira ra aia kiaku, Kia kite mai oki koe, e te tamaiti a te tangata; ei te tuatau openga e 18 tupu ei taua orama nei. E te tuatua ua maira aia kiaku ra, inga tumate-tenga iora au taku maata ki raro i te enua: kia akatukia maira ra aia iaku, 19 e kua akatu iaku ki runga. E kua tuatua maira aia, I na, e akakite atu au ia koe i te ka tupu i te openga tikai o taua riri akaoko ra; i te tuatau oki i akonoia ra, ko te openga iora ia. 20 Ko te rama tauu i akara ma nga tara e rua ra, ko nga ariki ia no Madai 21 e no Persia. E ko te puaka-nio toa uruuru ra, ko te ariki ia no Iavana: e te tara maata i rotopu i te va mata ra,

ko te ariki muatangana ia. E aatiia 22
 iora te reira, e monokia iora e a katoa
 ra, ko nga basileia ia e a e tu mai no
 roto i taua enua ra, kare ra i tona
 mana. E i te openga mai o to ratou 23
 basileia, kia rava te aronga ara ra, e
 tu mai ei tetai ariki ma te mata toa, e
 te kite oki i te au mea e vare ei ra.
 E ririnui maata tona, kare ra i te riri 24
 nona uorai, e riro oki tana akapou
 anga ei mea umere ia, e ka manuia, e
 ka rave atu rai; e pou oki iaia te aro-
 nga maroiroi, e te aronga tapu ra.
 E no tona pakari e tupu ei te pikikaa i 25
 tona rima; E akamaata oki tona uo-
 rai ngakau iaia uorai, e manganui te
 ka pou iaia i te au: e tu mai oki aia e
 mūro ki te Ariki o te au ariki; e
 aatiia ra aia e kare e rima. E te 26
 orama o te aiai ra e te popongi i aka-
 kiteia'i ra, e tuatua-mou ia: e teianci
 e kokapi ana koe i taua orama nei, e
 roa oki tona au rā. Rere a mate ua 27
 iora au ko Daniela, e makiia iora au i
 etai puke rā; e muri akera kua tu
 akera au, e kua rave i te angaanga a
 te ariki ra; e va ua iora au i taua
 orama ra, kare ra e tangata i
 kite.

PENE IX.

*To Daniela taakaaka anga, e te pure
 anga kia akaoraiia Ierusalemā: ta
 Gaberiela tuatua kiaia.*

I TE mataiti mua o Dariu te tamaiti 1
 a Ahasueru, no te uanga o Madai,
 ko tei akaarikiia ki runga i te basileia
 o te Kaleda; I te mataiti mua o tona 2
 ra au, i kite ei au nei ko Daniela i te
 au buka ra i te raingaanga i te au ma-
 taiti, i tae mai ei te tuatua a Iehova ki
 te peroveta ra kia Ieremia, e kia itu
 ake ngauru anga i te mataiti i te tanea
 anga o Ierusalemā e ope ei. Kua anga 3
 atura au i taku mata ki te Atu ra ki
 te Atua, i te kimi anga i te pure e te
 pati anga, i te nesetēia anga e te kakau
 paoa, e te reu ai: Kua pure atura au 4
 ki taku Atua ra kia Iehova, e kua
 aaki atura au, na ko atura, E te Atu, e
 te Atua maata e te matakuia, i te
 akono marie anga i te koreromotu, e te
 aroa i te aronga inangaro mai iaia ra,
 e ia ratou oki tei akono i tana ra au
 akauenga; Kua ara matou, e kua 5
 kino matou, e kua kanga matou, e kua
 meameau matou, koia oki i te aka-
 ruke anga i tauu ra au akauenga, e
 tauu ra au tuatua-tau: Kare akenci 6
 oki matou i akarongo ki to au tavini ki
 te au peroveta ra, ko tei tuatua mai i

toou ingoa ki to matou au ariki, e to
 matou ui ariki, e to matou au metua, e
 7 te tangata katoa o te enua nei. Tei ia
 koe, e te Atu e, te tuatua-tika, kareka
 matou nei, ko te mata aringaranga ia,
 mei tei teianei rai rā; i te au tangata
 o Iuda, e tei noo i Ierusalemā, e to
 Ierusalemā ravarai e vaiata nei, e to te
 atea ke, i te au enua katoa i tauuia'i
 ratou e koe, no to ratou kino i raveia e
 8 ratou ia koe ra. E te Atu e, no
 matou rai te mata aringaranga, to ma-
 tou au ariki, to matou ui ariki, ma to
 matou ai metua, no te mea kua ara
 9 matou ia koe ra. Tei te Atu ra, tei
 to matou Atua, te aroa e te akakore
 anga i te au ara, meameau ua'i matou
 10 iaia; Kare akenci matou i akarongo i
 te reo o to matou Atua ra ko Iehova,
 kia aacre na tana au ture, tana i tuku
 mai ki mua i to matou aroaro, i te
 rima o tona au tavini te au peroveta
 11 ra. Koia tika rai, ko Ierusalemā katoa-
 toa tei ara i te ture naau ra, i te aere
 ke anga, kia kore ratou e akarongo i to
 reo; i maringi mai ei te katara ki run-
 ga ia matou nei, e te taputou i tataia
 ki roto i te ture a te tavini o te Atua ra
 a Mose, no te mea kua ara matou iaia.
 12 Kua akatinamou oki aia i tana au tua-
 tua, tana i tuatua mai kia matou nei,
 e ki to matou au akava tei akava mai
 ia matou ra, i te apai anga mai i teia-
 nei kino maata ki runga ia matou nei:
 kare rava oki e rave anga i raro ake i
 te rangi katoa nei, mei te rave ia Ieru-
 13 salema ra. Mei tei taitia ki roto i te
 ture a Mose ra, ko teia katoa nei ia au
 kino i te iri anga mai ki runga ia
 matou nei: kare ra matou i pure ana
 ki mua i te aroaro o to matou Atua ra
 ko Iehova, kia ariu ke matou i to
 matou au kino, e kia kite i tauu ra
 14 tuatua-mou. I tapapa'i oki a Iehova
 ki runga i taua kino nei, e i tuku mai
 ei ki runga ia matou nei: e tuatua-
 tika anako oki ta to matou Atua ta Ie-
 hova i te au angaanga katoa tana i
 rave nei: kare akenci oki matou i aka-
 rongo i tona reo.
 15 E teianci, e te Atu, e to matou Atua,
 ko tei arataki mai i to au tangata mei
 te enua maira mei Aiphiti, ma te rima
 ririnui, e kua rongonui ia koe toou
 ingoa, mei tei teianei rā; kua ara
 16 matou, kua rave matou i te kino. E
 te Atu, i tei tau oki ki tauu katoa ra
 au tuatua-tika, te pati akatenga atu
 nei au ia koe, kia ariu keia oki to
 riri e to riri ootoo i toou ra oire i Ie-
 rusalemā, i to maunga tapu ra; no te
 mea, no ta matou nei au ara, e no te au

ara a to matou nei ai metua, ko Ierusalemalema, e toou ra au tangata tei riro ei akakinoanga na te aronga katoa e akapini mai ia matou nei. E teianei, e 17 to matou Atua, e akarongo mai koe i te pure a to tavini nei, e tana e pati nei: no te Atua nei oki, e akakakā mai koe i to mata ki runga i to ngai-tapu i tanea nei. E taku Atua e, e ariu mai 18 i to taringa, e akarongo mai, e akapuera i o mata, e akara mai i to matou pou anga, e te oire i tapaia i toou nei ingoa: kare oki no ta matou tuatua-tika i pure atu ei matou ia koe, no toou ra aroa maata. E te 19 Atua, e akarongo mai; e te Atua, e akakore mai i te ara; e te Atua, e akono mai e e rave; auraka e tavarevare, noou uaoari, e taku Atua: no te mea kua tapaia toou oire, e toou ra au tangata, i toou uaoari ingoa.

Te tuatua ua ra au, e te pure ua ra, 20 e te aaki ua ra au i taku nei ara, e te ara a toku au tangata nei a Iseraela, e te akakite ra au i taku pati anga ki mua i te aroaro o taku Atua ko Iehova, no te maunga tapu o taku Atua; Koia rai, te tuatua ua ra au i 21 tana pure ra, ko tana tangata ra ko Gaberiel, ko taku oki i kite i te orama i muatangana, kua akangakoi-koiia mai, e kua tae maira kiaku nei i te tuatau i te mineka aiia ra. E kua 22 akakite maira aia kiaku, e kua tuatua maira aia, na ko maira, E Daniela, i aere mai nei au i tenana e oronga mai i te karape e te kite kia koe. I te 23 akamata anga i te pure naau ra i riro mai ei te tuatua, e kua aere mai nei au e akakite kia koe; no te mea kua akaperere maataia koe, e teianei kia kite koe i tana tuatua nei, e akamaara oki i te orama. E itu ngauru anga i te ebedoma i akonoia i toou ra au tangata, e toou ra oire tapu, ei papani anga atu i te tapitakeanga, ei akaoti anga atu i te au ara, e ei tapoki anga atu i te kino, e ei akaio anga mai i te tuatua-tika mutu kore ra, ei popani anga atu i te orama e te totou ra, e ei akatainu anga atu i Tei Tapu ra. E teianei kia 25 kite koe, o kia taka tikai, mei te riro anga o te tuatua, i te rave akaou e te patu ia Ierusalemalema e tae rava atu ki te Mesia te Ariki ra, e itu ia ebedoma, e nga ebedoma oki e ono ngauru ma rua; e patu akaouia oki te arataa e te koro i te tuatau pekapeka ra. E ope 26 akera nga ebedoma e ono ngauru ma rua e tipu keia i te Mesia, kare ra nona uaoari: no reira te au tangata o

te ariki e aere maira e akapou ei i te oire e te ngai-tapu; e motu ke atu oki ratou mei te riro vai puke ra, kua akonoia oki taua au pou ra e ope 27 rava akera te tamaki. E akatinamou oki aia i te koreromotu ki te tangata e manganui e okotai akera ebedoma: e i rotupu oki i taua ebedoma ra e akakore ei aia i te tusia e te mineka, e riro ei roto i te iero taua mea rikarika e akatanea ra; e tukuia oki te reira no te pou e tae ua atu ki te openga i akonoia ra.

PENE X.

To Daniela taakaaka anga iaia uaoari, e tona kite anga i tetai orama: tona tumatetenga, e to te angela akapumaana anga mai iaia.

- 1 I TE toru o te mataiti o te ariki o Peresia ra o Kuro, i akakiteia mai ei tetai tuatua kia Daniela, ko tei tapuia ko Beletesazara; e tuatua-mou rai taua tuatua ra, ko te taime ra i akonoia ra, te roa ra ia: kua kite oki aia i taua mea ra, e kua taka iaia taua 2 orama ra. I taua au rā ra i mii na ana au nei ko Daniela e e ka toru 3 atura ebedoma katoatoa ra. Kare au i kai ana i te kai memetaki, kare oki e puaka e te wina i o mai ki roto i taku vaa, kare oki au i akatainu iaku uaoari, e ope akera nga ebedoma e 4 toru katoa ra. E i te rā e rua ngauru ma a o te marama mua ra, iaku i noo ki te pae o te kauvai maata ra ko Tige-risi: Kua nānā akera au i taku mata i reira, e kua akara atura au, e i na, e tangata, kua kakauia ki te orongā, e kua tatuaia tona taukupu ki te auro mei-taki no Uphaza: Kua aite tona kopapa ki te taresisa, e mei te uira tona mata, e nga mata nona ra mei te lamapa ai ra, nga rima oki e nga vaevae nona ra, mei te vea akakakāia ra ia, e te aruru o tana tuatua anga, mei te aruru ia o tetai urupu maata ra. Ko au anake nei ko Daniela tei kite i taua orama nei: Kare oki te au tangata i vaiatao iaku ra i kite i taua orama nei; rokoia iora ra ratou e te mataku maata, e kua 8 oro atura e pipini. Toe iora ko au anake ra, e kite atura au i taua orama maata nei, e kare atura e riri toe i roto iaku nei: riro atura oki toku meitaki ra mei te mea pe ra, e kare rava oki 9 e riri i toe. Kua akarongo ra au i te aruru o tana tuatua: e i toku akarongo anga i te aruru o tana tuatua, inga tumatetenga iora au tana mata ki raro, taku mata oki ki te one.

E i na, kua akatukia maira tetai rima 10
 iaku, tei akatu mai iaku ki runga aku
 turi ma aku kapu rima. E kua tua- 11
 tua maira aia kiaku, E Daniela, e te
 tangata akaperepere maataia ra, kia
 kite mai koe i te tuatua taku e karanga
 atu kia koe na, ka tu tikai koe ki
 runga: i tonokia mai oki au ia koe
 nei i teianei. E oti akera tana tuatua
 anga i taua tuatua ra kiaku nei, tu ua
 iora au ma te ruketeketete. Kua tuatua 12
 maira aia kiaku i reira, Auraka e ma-
 taku, e Daniela: mei te rā muatangana
 mairai oki, ia koe i tuku ei i toou
 ngakau i te kimi anga i te kite ra, e te
 taakaaka anga ia koe uaorai ki mua i
 te aroaro o toou Atua, kua akarongoia
 taua au tuatua, e no taua tuatua mau
 ra i tae mai ei au nei. Ko te ariki ra 13
 o te basileia ra o Peresia tei patoi mai
 iaku e ka rua akenei ngauru ma tai i
 te rā: e i na, ko Mikaela, tetai ariki
 maata, tei aere mai e tauturu iaku; i
 roa'i oki au ki reira ki o te au ariki no
 Peresia ra. I aere mai ei oki au i 14
 tenana e akakite kia koe i te ka tupu
 ki runga i to au tangata i te au rā
 openga ra: e *manganui* oki nga rā e
 tupu ei taua orama nei.

E oti akera tana tuatua anga mai 15
 kiaku i taua au tuatua nei, Kua anga
 atura au i taku mata ki te one, e riro
 atura au ei murare. E i na, kua aka- 16
 tukia mai tetai mei te tamaiti a te
 tangata nei te tu i taku ngutu: matara
 akera toku reo i reira, e kua tuatua
 iora au, na ko atura ki tei tu ua mai ki
 mua iaku ra, E taku Atua, kua oki mai
 te aue ki runga iaku i teianei orama, e
 kare atura oku e manga riri e vai nei.
 Eaa oki e tika'i i te tavini o taku Atua 17
 nei, kia karangaranga atu ki taku Atua
 nei? kareka au nei, kare rava oku
 manga riri i toe i roto iaku nei, e kare
 rava e manga a'o toe i roto iaku nei.
 Kua akatukia akaou maira aia mei te 18
 tangata te tu ra iaku, e kua akamaroi-
 roi maira iaku. E kua tuatua maira, 19
 Auraka e mataku, e tera ra tangata
 akaperepere maataia ra: kia ora na
 koe, e akamaroiroi, koia ia, e akama-
 roiroi. E oti akera tana tuatua anga
 mai kiaku ra, kua maroiroi iora au, e
 kua karanga atura, E tuatua ua mai
 koe, e taku Atua, kua akamaroiroi mai
 oki koe iaku. Kua tuatua maira aia, 20
 Kua kite ainei koe i toku aerenga i
 aere mai ei au ia koe nei? e teianei,
 teia au ka oki e tamaki ki te ariki no
 Peresia: e kia riro au ra, i na, e riro i
 te aere mai te ariki no Iavana. E aka- 21
 kite atura ra au kia koe i tei taitaia i

roto i te tuatua-mou i taitaia ra: e kare
 rava e tauturu mai iaku i teianei au
 tuatua, mari ra ko to kotou ariki, ko
 Mikaela,

PENE XI.

*To Peresia pou i te ariki o Iavana i
 akakiteia nei: te koreromotu i pa-
 puaia, e te tamaki anga, i nga ariki
 apatokerau ma apatonga: te kai-
 tamaki e te takinga-kino o te au 'o
 Roma ra.*

- 1 **I** TAKU oki i tu i vaitatao, i te ma-
 taiti mua o Dariu te ngati Madai,
 ei akatinamou, e ei akamaroiroi atu.
- 2 E teianei, e akakite atu au ia koe i te
 tuatua-mou. I na, e toko toru rai ariki
 te ka tu mai ki runga i Peresia; e te
 toko a ra, e apinga maata roa tana i ta
 ratou katoa ra: e i te maroiroi nona, no
 tana apinga maata, e akaaraara'i aia i te
 au *tangata* katoatoa ei tamaki i te basi-
 3 leia o Iavana. Ei reira e tu mai ei
 tetai ariki ririnui, e e tutara aia ma te
 mana maata, ka rave oki aia i tana
 4 uaorai i inangaro. Kia akatinamouia
 ra aia, e pueurikiriki ei tona basileia,
 e ka tuaia ki nga matangi e a o te
 rangi ra; kare ra no tona uaorai uanga,
 kare ra e aite ki tona mana ka tutara'i
 aia ra: e kiriti tumuia oki tona basi-
 leia no tetai aronga ke atu rai kare
 ratou nei.
- 5 Ka ririnui oki te ariki no apatonga,
 e *tetai* o te ui ariki ki ona ra, e riro oki
 tona re iaia ra, e koia atura te ka
 tutara; e *riro oki* tona mana ei mana
 6 maata. E kia ope etai au mataiti e
 uipa ei ratou ra: e riro oki te tamaine
 a te ariki i apatonga ra i te aere mai
 ki te ariki no apatokerau ra e papau i
 tetai koreromotu, kare ra te mana o te
 rima e tūpua e ia, kare oki aia e mou,
 kare oki tona uanga: e tukua keia ra
 aia, e te aronga i arataki mai iaia, e
 tana katoa i anau ra, e koia katoa ko
 te tauturu mai iaia i tana au tua-
 tau ra.
- 7 No te uri ra no te aka nona tetai i te
 tu anga mai ei tupau iaia, te ka aere
 mai na te nuku katoa, e tomo oki ki
 roto i te punanga o te ariki i apatoke-
 rau, e rave oki aia ia ratou, e e riro te
 8 re iaia. E to ratou au atua, e te au
 tiki i akatoia ra e to ratou au ūriki
 ario memeitaki e te auro, ko tana ia e
 apai tuikaatu ki Aiphiti ra, e ka rai
 tona au mataiti i te tutara anga i to te
 9 ariki i apatokerau ra. E kia tae aia ki
 te basileia o te ariki i apatonga, ka oki
 mai aia ki tona uaorai enua.

Ko tana au tamariki ra, e akaaraa- 10
raia oki ratou, e urupu toa maata ta
ratou e akaputupu: e tae mairai
tetai, e maringi ua mai ia, e aere atura
oki na rotapu, ei reira aia e oki ei ka
tamaki e tae rava atu ki tona punanga.
Ka tupu oki te riri o te ariki i apa- 11
tonga, e e aere mai aia ki vao e tamaki
kiaia, ki te ariki oki i apatokerau ra,
e urupu maata tana e akamou i te
tamaki kiaia; e tukuia ra taua urupu
ra ki roto i tona rima. E kia apai ke- 12
ia e ia taua urupu ra, e akateiteia tona
ngakau, e manganui atura te tausani
anga te ka inga iaia, kare ra e riro ei
maroiroi nona. E oki mai oki te ariki 13
i apatokerau, ma te urupu maata roa
e iti tei muatangana kia akamou i te
tamaki ra, kia topa etai au mataiti
ra e tae mai ei aia ma te nuku maata e
te apinga maata. E i te reira au tua- 14
tau e manganui te ka tu mai ki runga
e tamaki ki te ariki i apatonga ra: e
te au tamariki o te aronga aru o toou
au tangata ra te ka akateitei ia ratou
uaorai, ei akatinamou i taua orama
ra; e inga ra ratou. E tae mai oki te 15
ariki i apatokerau ra, e akau oki i te
one kia teitei, e rave oki i te au oire
koroia ra, e te au rima i apatonga ra, e
te au tangata ikiia nona ra, kare ia e
mou mai, kare oki e maroiroi e mou
mai ei ra. Ko te ka aere maira e 16
tamaki iaia, e rave aia i tana uaorai
i inangaro, e kare rava e tangata e mou
ki mau iaia: ka mou ra aia ki te enua
inuinu ra, te ka pou ravaia i tona
rima.

E riro katoa oki aia i te anga i tona 17
mata e akao atu ma te ririnui o tona
basileia katoa, koia ma te aronga tira-
tiratu katoa ra; e akapera oki aia; ka
oronga oki aia i te tamaine o te au
vaine ra nana, ei takinokino iaia; kare
oki aia e mou i tona pae, e kare oki e
riro nona. E muri ake i te reira e ariu 18
ei aia i tona mata ki te au enua motu,
e manganui te ka pou iaia; na tetai
tangata mana ra e akakore i taua aka-
kino i uria ki runga iaia, e apai maira
aia i te akakino ki runga iaia uaorai.
Ei reira aia e ariu ei i tona mata ki te 19
au punanga i tona uaorai enua: e tu-
rori ra aia e inga atu, e kare e kitea.

Ei reira e tu mai ei tetai ei tupau 20
iaia, ko te ka tono i tetai umuunu
apinga aere i te inuinu o taua basileia
ra, e ope akera etai puke ra e mate
roa i aia, kare ra i te riri, e kare rai
oki i te tamaki.

E tu mai oki ei tupau iaia ra tetai 21
tangata akaviiviiia ra, kare e orongaia

atu e ratou te ngateitei o te basileia
kiaia: e aere au ua maira aia, e e rau- 22
ka iaia te basileia i te taparu. E i te
ririnui vai puke ra e ngaromia i ratou
ki mau iaia, e ka atiatia; koia tika
rai, ma te ariki katoa i akakoro- 23
motuia ra. E muri ake i te korero-
motu i papauia kiaia ra e pikikaa mai
ei aia ra: e kake mai oki aia, e riro
oki ki te maroiroi ma nga tangata toko
24 iti ua. E tomo ua aia ki roto i te
enua au ua e te ruperupe; ka rave oki
aia i tei koro i raveia e tona metua, e
nga metua o tona ra metua; ko te
apinga aru, e te apinga noni, e te au
apinga nui, ko tana ia e titiri aere i ro-
topu ia ratou: e akakoro oki aia i
tana ravenga i te au punanga ketaketa
25 ra e tae atura ki tetai tuatau. E aka-
araa oki aia i tona ririnui, e tona
maroiroi ki te ariki i apatonga ma te
nuku maata; e ka akaaraaia taua
ariki i apatonga ra e tamaki ma te
nuku maata ua atu e te ririnui; kare
ra aia e mou mai; e riro oki ratou i
te akakoro i ta ratou ravenga iaia.

26 Koia ia, na tei kai i tana ra kai e ta
iaia; e e nina uaia tana ra nuku, e
27 tei iaia e manganui ka inga ki raro. E
ko te manako o nga ariki toko rua nei,
ko te takinga-kino ia, e tuatua oki
raua i te tuatua pikikaa i te kaingakai
okotai ra; kare ra e manuia: kia tae
oki ki te tuatau i akonoia ra, ko te
28 openga iora ia. Ei reira aia e oki ei
ki tona uaorai enua ma te apinga nui; e
no te mea tei te akakore tona ngakau
i te korermotu tapu ra; ka riro aia i te
rave i tona oki anga atu ki tona uaorai
enua.

29 E i te tuatau i akonoia ra e oki
akaou ei aia ki te pae ki apatonga ra;
kare ra e riro mei tei muatangana, e
30 mei tei muri ake oki. Ko te au pai
oki no Kitima te ka aere mai e tamaki
iaia: e riro oki aia i te kinokino, e ka
oki, e ka riri rava atura ki te korero-
motu tapu ra: e kia oki ra e akatupu
ei; e kapiti oki aia i tana tuatua ki te
aronga e akaruke i te korermotu tapu
31 ra. E muri ake iaia ra e tu mai ei te
au nuku ra, e na ratou e akaviivii i te
ngai-tapu i ririnui ei ra, e ka akakore i
te tusia no te au ra ra, ka tuku mai ei
i te mea rikarika e tanea i ra ki roto.

32 E te aronga e ara i te korermotu ra e
riro i te kino maata i te taparu ra: ko
te aronga ra i kite i to ratou Atua ra,
e riro i te maroiroi, e te rave oki i te
33 ravenga. E te aronga pakari o te ta-
ngata e manganui te ka apiia e ratou
ka inga ra ratou i te koke, e te mura

ai, e i te tuikaa anga, e i te noni anga, e *manganui* te rā. E kia inga ratou 34
ra, e turuia mai ratou i te turu mea
ngiti ua: e manganui ra te ka piri mai
ia ratou ma te taparu ua. E inga oki 35
tetai pae i taua aronga pakari ra, e i ti-
mata anga atura ia ratou, e ei tamā
atu, e ei akateatea ia ratou, e tae ua
atu ki te tuatau openga ra: no te mea
te vai ra taua tuatau i akonoia ra. Ko 36
te ariki ra, e rave aia i tana uorai i
inangaro; e akateitei oki aia iaia uo-
rai, e akamaata oki iaia uorai kia tu
ke i te au atua katoa, e tuatua aia i te
au tuatua variaia i te Atua no te au
atua ra, e riro oki i te manuia, e kia
ope rava te riri i te akatupua: ko tei
akonoia ra, ko te ka rave tikaia ia.
Kare aia e akono i te Atua o tona ra ai 37
metua, e te inangaro o te vaine; kare
aia e akono i te au atua katoa ra: e
akamaata oki aia iaia uorai kia tu ke
i te au mea katoa ra. I tona ra ngai 38
aia e akangateitei ei i te atua o te au
punanga ra: e atua oki tei kore i kiten
e tona ra ai metua, ko tana ia e aka-
ngateitei, ma te auro, e te ario, e te au
toka memeitaki, e te au mea inangaroia
ra. Ka akapera oki aia i te akono i te 39
au punanga ketaketa roa ra, ma te
atua ke katoa, ko tana ia e akakite
aere, e ka akamaata atu oki i te kakā:
e akamana atu aia ia ratou ki runga i
te *tangata* e manganui, ka tua oki i te
enua kia apingaia.

Kia tae ra ki te tuatau openga e 40
opara mai ei te ariki i apatonga ra
iaia: e aereia maira aia e te ariki no
apatokerau ra, mei te puaiio ra, ma te
kariota, ma te tangata akaoro ipo ra, e
ma te kai katoa e manganui; e akao
katoa atu ki roto i te au matakeinanga,
e maringi ua atu e ka na roto i te
aere. E akao katoa oki aia ki roto i te 41
enua inuiui ra, e manganui te *enua* te
ka uritumuia atu; ko teia ra te ka
ora i taua rima nona ra, koia oki ko
Edoma, e ko Moabi, e te maata oki o
te au tamariki o Amona. E akatika 42
katoa ra oki aia i tona rima na runga i
te pa enua: e kare oki te enua ra ko
Aiphiti e ora. E mana ra aia ki runga 43
i te au apinga auro, e te ario, e ki
runga oki i te au apinga memeitaki
ravarai o Aiphiti ra: ko to Lubi, e to
Etiopia, tei tona takainga vaevae ia. E 44
pekapeka ra aia i te tuatua no te itinga o
te rā mai e no apatokerau: i aere ei aia
ma te riri maata kia pou, e kia ngaro
rava atu te tangata e manganui. E 45
tatangi oki aia i te puakapa o tona are
ariki ki rotou i nga tai ra ki runga i

te maunga tapu kakā ra; e tae ra aia
ki tona uorai openga, e kare rava ona
e tauturu.

PENE XII.

*Ko Mikaela te ka akaora ia Iseraela i
to ratou au mea tumatenga: nga
tuatau i akakiteia mai kia Daniela.*

- 1 I TE reira ra tuatau e tu mai ei te
ariki maata ra ko Mikaela, ko tei
tu mai ei tika no te tamariki a toou ra
au tangata: e i reira te tuatau mana-
manata, kare e aite mei te tupu anga
mai o te enua ra e tae rava atu ki taua
tuatau ra: e i taua tuatau ra e ora'i
toou au tangata, te aronga ravarai i
kitea e kua tataia ki roto i te buka ra.
- 2 E manganui to tei moe ki raro i te
one-pucu o te enua nei e ara mai, ei te
ora mutu kore tetai pae, e tetai pae ra,
ei te akama ia, e te akavaavaa mutu
- 3 kore. E te aronga i apii ra, e kakā
mai ia mei te kakā o te rangi ra; e ko
tei akaariu i te tangata e manganui ki
te tuatua-tika ra, mei te au etu ia, e
- 4 tuatau e tuatau ua atu. Ko koe na ra,
e Daniela, e popani i teianei au tuatua,
e sigilo atu i te buka e tae ua atu ki
te tuatau openga ra: e manganui te ka
oro ki runga e ki raro, e tupu atura
te kite i te maata anga.
- 5 Kua akara atura au nei, ko Daniela,
e i na, te tu ua maira i e toko rua rai,
tei teianei nia kauvai tetai i te tu
- 6 anga, e tei tera nia kauvai tetai. E
kua tuatua maira tetai ki te tangata i
kakau ki te orongā, ki runga ake aia i
taua kauvai ra, Mei te aa te roa e
taea'i te openga o teianei au mea i
- 7 umereia nei? Akarongo atura oki au i
te tangata i kakau ki te orongā i runga
ake i taua kauvai ra, iaia i tatakī i tona
rima katau e tona rima kaui ki runga i
te rangi, ka tuputou ei iaia i tei ora ra
e tuatau ua atu, e okotai rai tuatau, e
nga tuatau oki, e'te vaenga o tetai tua-
tau; e kia ope rava te akapueuriki-
riki ke anga o te aronga tapu ra, e ope
ei teianei au tuatua i te tupu.
- 8 Te akarongo atura au, kare ra au i
kite, e kua karanga atura au i reira, E
te Atua, eaa ra te openga i teianei au
- 9 mea? E kua tuatua maira aia, Ka
aere, e Daniela: kua popaniia taua
tuatua nei, e kua sigiloia e tae ua atu
- 10 ki te tuatau openga ra. E manganui
te ka tamāia, e ka akateteaia, e ka
timataia oki; e rave ra te aronga kino
i te kino; kare oki tetai o te aronga
kino e kite, e kite ra te aronga pa-
11 kari. E mei te tuatau e apai keia'i

te tusia no te au rā ra, e e akatuia'i te mca rikarika e tanea'i ra, e riro okotai tausani e rua anere e iva ngauru i te rā. E ao ra tona to te tapapa marie, e 12 tae rava atu ki te okotai tausani e toru

13 ngauru ma rima i te rā. E aere ra koe i toou ra aerenga, e tae ua atu ki te openga: ka akaangaroi oki koe, e ka tu atu rai koe i to keleru i te ope- nga o te au rā ra.

TE BUKA A HOSEA.

PENE I.

Te akakite nei a Hosea i te riri o te Atua i te akatitima i te akaipoipo anga ia Gomera: nga tamariki ana iaia, e te aileangu o to ratou ingoa.

TE tuatua a Iehova i tae mai ia 1 Hosea, te tamaiti a Beerī, i te au rā o Uzia, Iotama, Ahaza, e Hezekia, e au ariki no Iuda; e i te au rā oki o Ieroboama, te tamaiti a Ioasa, ariki no Iseraela.

Te akamataanga o te tuatua a Iehova ia Hosea ra. E kua tuatua 2 mairā Iehova kia Hosea, Ka aere, ka rave i tetai vaine akaturi naau, ma te tamariki akaturi: kua akaturi maata oki te enua nei, i te akaruke anga ia Iehova.

Kua aere atura aia e kua rave atura 3 ia Gomera, i te tamaine a Dibilaime; kua to iora aia, e anau maira e tamaroa. Kua tuatua mairā Iehova 4 kiaia, Kia tapaia tona ingoa ia Ieze- reela; kia roa itio oki, kua akaoko atu au i te toto o Iezereela ki runga i te ngutuare o Ichu, e akakore rava oki i te basileia o te ngutuare o Ise- 5 raela. E kia tae ki tana rā ra, ka aati ei au i te ana o Iseraela i te o o Iezereela.

Kua to akaou iora oki aia e anau 6 maira e tamaine. E kua tuatua mairā Iehova kiaia, Kia tapaia tona ingoa ia Lo-ruhama: kare oki au e aroa akaou i te ngutuare o Iseraela; e apai ke ravaia ra ratou e au. Kareka 7 te ngutuare o Iuda, e aroa ia au, e e akaora au ia ratou, i to ratou Atua ra ia Iehova; kare ra au e akaora ia ratou i te ana, e te koke, e te tamaki, e te ipo, e te akaoro ipo ra.

E akatopa iora aia i te u ia Lo-ru- 8 hama, kua to iora, e anau maira e ta-

9 maroa. Kua tuatua mairā Iehova, Kia tapaia tona ingoa ia Lo-ami: kare oki kotou i toku ra au tangata, kare 10 oki au i te Atua no kotou. I te tataua anga ra i te tamariki a Iseraela, e riro ia mei te one tantai ra, tei kore e tika kia arite e kia tataua ra: e riro oki ei te ngai i karangaia atu ei ratou ra c, Kare kotou i te tangata noku, ka riro ia ratou i te karangaia i reira 11 e, E tamariki na te Atua ora ra. Ei reira te au tamariki a Iuda e te au tamariki a Iseraela e akaputupu e, ka akataka atu ei i tetai upoko no ratou, ka aere mai ei ratou mei te enua maira: e riro oki te rā o Ieze- reela i te maata.

PENE II.

Te akamori idolo o te tangata, e te akaoko a te Atua i te reira; e tana tuatua aroa ia ratou.

E KARANGA atu kotou ki to ko- 1 tou au tacake, E Ami e; e to 2 kotou au tuaine, E Ruhama e. E mūro atu i to kotou metua vaine, e mūro atu: kare oki aia i te vaine naku, kare katoa au i te tane nana: kia 3 tuku ke atu aia i tana ra au akaturi anga i mua i tona aroaro, e tana ra au akaturi anga mei rotopu i nga u nona 3 ra; Ko te taratara aea au i tona kakau e vaoa taaka ua iora aia, e kua vaoa uao iaia mei tei te rā i anau mai ei aia ra, e kua akariro iaia mei te mode- bara, e kia riro oki aia mei te enua marō, e mate iora aia iaku i te pukā. 4 Kare oki au e aroa i tana au tamariki; no te mea e tamariki akaturi ratou. 5 Kua akaturi oki to ratou metua vaine: ko tei to ia ratou ra, kua rave ia i te pen akama: kua tuatua oki aia, E aru au i tei inangaro mai iaku ra, ko tei oronga mai i te manga naku, e te vai

naku, taku uru-mamoe e taku orongū, taku manongi e taku e inu nei.

E teianei, e koropini au iaia ki te 6
rakai taratara, e patu au iaia i te patu,
kia kore aia e kite i tona aerenga
atu. E aru aere oki aia i te aronga i 7
inangaro mai iaia, kare ra ratou e
rokoa atu e ia; e kimi oki aia i ratou,
kare ra e kite e ia: ei reira aia ka tua-
tua'i e, oki akaou au ki taku tane
metua ra; e meitaki oki toku i reira
i teianei. Kare oki aia i kite e ko au 8
tei o atu kiaia, i te sitona, e te wina,
e te manongi, e kua akamaata i tana
ario e te auro, anga iora ratou ei Baala.
E teianei e oki akaou au e rave ke 9
i taku sitona i tona taima, e taku wina
i tona tuatau, e rave mai oki au i taku
uru-mamoe, e taku orongū, i tapokii'i
tona vai taaka ua anga. E ei teianei 10
au e akakite atu ei i tona akama ki
mua i nga mata o te aronga e inangaro
mai iaia, e kare rava tetai e akora
iaia i toku rima nei. E akakore ka- 11
toa oki au i tona au mea rekareka
ravarai, tona ra au rā oroa, tona au
marama ou, e tona au sabati, e tona au
oroa tapu ravarai. E mate te au vine 12
nana, e te au suke nana, iaku, tana i
tuatua mai e, Ko taku teia oko, i ta te
aronga i inangaro mai iaku ra i oronga
mai: e akariro au i te reira ei vaor-
akau, e na te au puaka o te enua e
kai i te reira. E tutaki atu au ki 13
runga iaia i te au rō o te au Baala,
ka tutungi ei ratou i te rakau kakara
no ratou, ka akamanea'i aia iaia orai
ki te poe taringa, e te ei kaki nona, e
kua aru atura aia i te aronga i ina-
ngaro mai iaia, e kua akangaropoina
iaku, te tuatua mairū Iehova.

E tenana, i na, e skanauru atura au 14
iaia, e c arataki au iaia ki te medebara,
ka tuatua maru atu ei au iaia. E 15
oronga oki au i te au kainga vine nona
i reira, e te o o Akora ei ngutupa ma-
nakonako anga: e ei reira aia inene
ei, mei tei te au rū i tona ou anga
ra, e mei tei te rū i aere mai ei aia
mei te enua ra i Aiphiti. E riro oki 16
i taua rā ra, te tuatua mairū Iehova,
ka kapiki mai ei koe iaku, e Taku
Tane e, e kare koe e kapiki akaou mai
iaku ia Baali. E rave ke au i te au 17
ingoa o Baali i roto i tona vaa, kare
oki to ratou ingoa e akamaara akaouia
atu. E i taua rā ra e papau ei au i 18
tetai koreromotu no ratou i te au
terio o te enua nei, e i te au manu o te
reva ra, e te au mea totoro aere i runga
i te enua: e e aati au i te ana, e te
koke, e te tamaki, i te enua nei, e

19 akamoe atu au ia ratou ma te ora. E
akaau atu au ia koe naku, e tuatau ua
atu: koia tikai, e akaau atu au ia
koe naku ma te tuatua-tika, e te tua-
tua-tau, e ma te akaperepere maata, e
20 ma te aroa. E akaau atu oki au ia
koe naku ma te pikikaa kore: e ka
21 kite koe ia Iehova. E riro oki, i taua
rā ra, e akarongo au, te tuatua mairū
Iehova, e akarongo au i te au rangi,
22 e na te reira e akarongo i te enua: E
akarongo oki te enua i te sitona, e te
wina, e te inu olive; e na te reira e aka-
23 rongo ia Iezereela. E ruru au iaia
i te enua nei naku uarai; e akapere-
pere oki au iaia i tei kore i akapere-
percia ra: e karanga atu au ki te aro-
nga kare te tangata noku ra, Ko toku
ra ia au tangata; e na ratou e tuatua
mai, *Ko koe* to matou Atua.

PENE III.

*Te akakite nei te Atua i te eke maata
o Iseraela i muao i to ratou akaoki
angaia mai.*

1 **K**UA tuatua mairū Iehova iaku i
reira, Ka aere rai, ka inangaro
atu i te vaine i inangaroia e te oa, e
akaturi rai, mei te inangaro o Iehova
ki te au tamariki o Iseraela, ko tei
akara ki te au atua ke ra, e tei kaki i
2 te au kapu wina ra. Kua oko atura
au iaia naku, i te au ario okotai ngauru
ma rima ra, e tetai omera kerite, e te
3 afa omera kerite: E kua karanga atura
au kiaia, Ei ko nei koe iaku nei e kia
manganui ua atu te au rā; auraka koe
e akaturi, e auraka taau ei tane ko; e
4 riro katoa oki au naau. E noo oki te
au tamariki a Iseraela, e manganui te
rū ma te ariki kore, e ma te kavana
kore, e ma te tusia kore, e ma te tiki
kore, e ma te ephoda kore, e ma te
5 taphi kore: E muri akera e oki
mai te tamariki a Iseraela, ka kimi ei
i to ratou Atua ia Iehova, e to ratou
ariki ia Davida; e matakua oki ratou ia
Iehova, e te meitaki nona, i te au rū
openga ra.

PENE IV.

*Te akaoko a te Atua i te ara a te au
tangata, e te kuu taunga katoa ra.*

1 **E** AKARONGO mai kotou, e te au
tamariki a Iseraela e, i te tuatua
a Iehova: e māro anga oki ta Iehova i
te au tangata o te enua nei, no te mea,
kare e tuatua-mou, kare e aroa, kare
2 oki e kite i te Atua i te enua nei. I te
tao, e te pikikaa, e te ta tangata, e te
keia, e te akaturi, kua rave viviki ra-

tou, e kua taetai totō ki tetāi. E 3
 teianei, e mii te enua nei, e ka mae
 oki te aronga ravarai e noo i reira, e te
 au puaka katoa o te enua nei, e te au
 manu o te reva; e te au ika katoa o
 te tai ra, e ravea keia ia. Auraka 4
 tetāi e māro, auraka e ako atu i tetāi
 ke: kua aite oki toou au tangata i te
 aronga e māro ki te taunga ra. E tei- 5
 anei, ei te ao koe e inga i, e inga katoa
 oki te peroveta e koe katoa i te po,
 e ka tipu ke atu au i to metua vaine
 ra.

Kua tipu keia toku iti-tangata i te 6
 kite korē: no te mea kua kopae koe i
 te kite e kopae katoa au ia koe, auraka
 koe ei taunga naku nei: no te mea
 kua akangaropoina koe i te ture a to
 Atua, e akangaropoina katoa au i to au
 tamariki. Mei ia ratou i tupu ki te 7
 maata, kua pera katoa ta ratou ara
 anga iku nei: e teianei e akariro au i
 to ratou kakū ei mea akama. Te kai 8
 ra ratou i te au tarangaara a toku ra
 au tangata, e te akamou nei ratou i to
 ratou ngakau ki to ratou kino. E riro 9
 oki mei ta te tangata ra, ka pera rai ta
 te taunga: e e tutaki atu au ia ratou i
 to ratou au aerenga, e ta ratou i rave
 ra e akaoki au ki runga ia ratou. E 10
 kai oki ratou kare ra e pangia te kaki:
 E akaturi ratou, kare ra e maata, no
 to mea kua akapaki ratou i te akono ia
 Iehova. Te akaturi, e te wina, e te 11
 wina ou, i riro ke ei te ngakau.

Te ui nei toku au tangata ki to ratou 12
 au rakan, e na to ratou tokotoko e
 akakite mai kia ratou: no te ngakau
 akaturi i tatipake ei ratou, e kua riro
 ki te akaturi mei raro ake i to ratou
 Atua. Te akatusia nei ratou ki runga 13
 i te au take maunga ra, e te tutungi
 nei i te rakau kakara ki runga i te au
 tuaivi, i raro ake i te au aluna, e te au
 libene, e te ale, no te mea e marumaru
 meitaki to reira: e teianei ka riro ta
 kotou au tamaine i te kanga, e ta ko-
 tou au vaine i te akaturi. Kare au e 14
 tutaki atu i ta kotou au tamaine kia
 kanga ratou ra, e ta kotou au vaine
 kia akaturi ratou: kua tapae oki ratou
 uaorai ki o te au vaine akaturi, e kua
 akatusia ratou e te au akaturi katoa
 ra: e teianei, e riro te au tangata kite
 kore i te inga.

Kia riro au koe, e Iseraela, ki te 15
 akaturi, auraka tika ra Iuda e tati-
 pake: auraka kotou e aere ki Gilagala,
 auraka oki kotou e aere ki runga ki
 Bete-avene, auraka e taputou e, Te ora
 rā Iehova. Te kotoe nei a Iseraela ki 16
 muri mei te bovi au e kotoo ki muri

ra: e teianei e akaangai a Iehova ia ra-
 tou mei te punua mamoe i te ngai atea
 17 ra. Kua piri Epheraima ki te au
 18 idolo: e vaoo au atu iaia. Kia kore
 ake ta ratou akakona anga, kanga iora
 ratou: kua inangaro tona au kavana
 19 i te mea akama, Kua rave viviki te
 matangi iaia i tona au peau, kia akama
 ratou i ta ratou au tusia.

PENE V.

*Ta te Atua ra ulunga i te kau taunga
 e te tangata katoa.*

1 **E** AKARONGO mai kotou i teia,
 E te kau taunga e; e e akarongo
 mai kotou, e te ngutuare o Iseraela e;
 e e ariu mai i to kotou taringa, e te are
 o te ariki e; no kotou oki te tuatua-
 tau i akakiteia nei, no te mea i riro
 ana kotou ei ereere i Mizepa, e ei ku-
 2 penga totoaia ki runga ia Tabora. Te
 ta maata rava nei te aronga titima, e
 teianei, ko ratou katoa ra taku e aka-
 3 mura. Kua kite au ia Epheraima, e
 kare oki a Iseraela i ngaro iaku: e tena-
 na oki, e Epheraima, te akaturi na koe,
 4 e kua tanoanoia Iseraela. Kare ra-
 tou e kimi i te ravenga kia oki aka-
 ou ki to ratou Atua: e ngakau kanga
 oki tei roto ia ratou, e kare ratou i kite
 5 ia Iehova. Te akakite nei te nengo-
 nengo o Iseraela ki mua i tona mata;
 e teianei, e inga Iseraela ma Ephe-
 raima i ta raua ara; ko Iuda ma ratou
 6 katoa i te inga anga. Ma ta ratou au
 anana mamoe e ta ratou au bovi ka
 aere ei ratou ka kimi ia Iehova; kare
 ra ratou e kite iaia; kua aere ke oki
 7 iaia ia ratou. Kua pikikaa ratou ia Ie-
 hova: e tamariki ke ke anake ta ratou
 i anau: e teianei, e pou ratou e ta ra-
 tou au tuanga i te marama okotai.
 8 Ka akatangi ana i te pu i Gibeā, e te
 pu uipa i Rama: e kapiki nui i Bete-
 avene; tei murio iaia koe, e Beni-
 9 amina. E tanea Epheraima i te rū i
 akoia atu ei ra: kua akakite au i te ka
 tupu tikai i rotou i te au kopu o Ise-
 10 raela. Kua aite te ui ariki o Iuda ki
 te aronga e apai ke i te kena kainga:
 e riringi atu au i taku riri ki runga ia
 11 ratou mei te vai ra. Kua akateiania
 Epheraima, e kua aatia i te akava
 anga; no te mea kua aru rekareka ia
 12 i tei akauia ra. E teianei e riro au
 mei te neu ia Epheraima, e mei te pe
 13 i te ngutuare o Iuda. Kite akera Ephe-
 raima i tona maki, e Iuda i tona puta;
 kua aere iora Epheraima ki Asura, e
 kua tono ki te ariki ra kia Iareba:
 kare ra i tika iaia i te akaora ia kotou,

e to kotou puta kare i ora iaia. E 14
riro oki au mei te liona ia Epheraima,
e mei te liona ou i te ngutuare o Iuda:
ko au nei, e aeae au, e e aere ke; e
naku e apai ke atu, e kare e akaora.

E aere au, e oki au ki toku ra ngai, 15
e kia aaki mai ratou i ta ratou ara, e
kia kimi mai i toku mata: kia rokoia
ratou e te tumatenga ra, e kimi vave
mai ia ratou iaku.

PENE VI.

*Te akoia nei te tangata kia tata-
raaru.*

KA aere mai, tatou ka oki kia Ie- 1
hova ra: nana oki tatou i aeae, e
nana tatou nei e akora. Kia topa ake
nga rā e rua e akaora i aia ia tatou: e 2
i te toru o te rā e akatu ei aia ia tatou,
ka ora i tatou ki mua i tona araro.
Ei reira tatou e kite ei, kia aruaru ta- 3
tou kia kite ia Iehova: kua akonoia
tona aerenga mai mei te popongi nei;
e mei te ua aia i te tae anga mai ki
runga ia tatou nei, mei te ua openga, e
te ua muatangana i te enua nei.

E Epheraima e, e akapeea atu au ia 4
koe? E Iuda e, e akapeea atu au ia
koe? e tau oki to kotou meitaki mei te
tumurangi popongi, e mei te au e peke
vave ra. I pari ei au ia ratou i te au 5
peroveta nei: Kua mate ratou iaku i
te tuatua o taku vaa nei: e kua riro
atu na taau ra tuatua-tau mei te uira
ra. Ko te aroa oki taku i inangaro, 6
auraka te tusia; e te kite i te Atua, e
maata ia i te au tusia karakaratio.
Kua aite ratou ki te tangata e akaati- 7
kau i te koreromotu: kua pikikaa mai
ratou iaku i reira. E oire no te aro- 8
nga rave ara Gileada, kua akairoia ki
te takai anga toto. E mei te anana 9
keia e tiaki i te tangata ra, te ta nei
tetai pupu taunga i te tangata i te
arataa e tae atu ei ki Sekema: e kino
maata oki ta ratou i rave. E tuatua 10
rikarika tei kitea e au i roto i te ngu-
tuare o Iseraela: tei reira te kanga o
Epheraima, kua viivii Iseraela. E ko 11
koe katoa, e Iuda e, kua akonoia
taau mou.

PENE VII.

*Te riri nei te Atua ki te tangata i te
ara e te pikikaa.*

IAKU i taruri ke i te tuikaa anga o 1
toku ra au tangata, iaku i akaora ia
Iseraela, kitea iora te kino o Ephe-
raima i reira, e te au ravenga kino o
Samaria: kua pikikaa oki ratou; e

keia tei tomo ki roto, e te pou nei i
2 vao i te āru. Kare ratou i manako i
to ratou ngakau e, te akamaara nei au i
to ratou au kino katoa ra: e teianei,
kua akapiniia ratou e ta ratou uorai
ravenga; te vai ua nei i mua i toku
3 mata. Kua akarekareka ratou i te
ariki i to ratou kino, e te au kavana i
4 ta ratou pikikaa. E aronga akaturi
anake ratou; mei te umu ratou i ta'ua
e te keu-kai ra, ko tei akapaki i te ta'u
anga kia oti te faraoa i te oia e ia, e
5 kia ope i te akaopue. I te rā o to
tatou ariki, i maki iora te au kavana i
te vera o te wina; kua akatika aia i
tona rima ma te aronga aviri katoa ra.
6 Mei te umu to ratou ngakau i te mau-
naana kia akavaitata atu, te moe ta-
papa ua ra ratou; te moe ua ra ta
ratou keu-kai e ao ua ake te po, kia ao
ra, kua kua ia mei te ai e mura ra.
7 Mei te umu ta'u ra ratou i te vera-
vera, e kua pou ta ratou au akava ia
ratou; kua ope to ratou au ariki i te
inga: kare ua tetai i roto ia ratou i
8 kapiki mai iaku nei. Ko Epheraima,
kua iropu ua Epheraima i roto i te au
tangata: e areto uri koreia Ephe-
9 raima. Kua pou tona manga maroi-
roi i te tangata ke ke e kare aia i kite,
kua taki tai aere te uru inaina ki
10 runga iaia, e kare aia i kite. Kua
akakite oki te nengonengo o Iseraela
ki mua i tona mata: kare ra ratou i
oki mai ki to ratou Atua ra ia Iehova,
e kare oki i kimi iaia i teianei au mea
katoa.

11 E tau oki Epheraima ki te kukupa
vare ua, kare e ngakau: te kapiki nei
ratou kia Aiphiti, te aere nei ratou ki
12 Asura. Kia aere ratou ra, e totoa au
i taku kupenga ki runga ia ratou;
naku ratou e toku ki raro mei te manu
o te reva nei; e tairo au ia ratou, mei
tei akarongoia i to ratou uipānga.
13 E ae oki ratou! kua akaruke oki
ratou iaku nei: e mate to ratou! kua
ara oki ratou iaku nei: akaora ua rai
au ia ratou, kua tuatua rai ratou i te
14 tuatua pikikaa iaku nei. Kare oki ratou
i kapiki mai iaku ma te ngakau katon,
ka aue ua i ratou ki runga i to ratou
au roi: no te sitona e te wina i uipa ai
ratou; kua meameaau ratou iaku nei.
15 Ako ua rai au ia ratou, e e akaketa-
keta i to ratou rima, kua manako kino
16 mairai iaku nei. Kua oki ratou,
kare ra ki Tei Teitei: mei te ana i
vare ei ra ratou: e inga to ratou ui
ariki i te koke i te ketaketa o to ratou
arero: e akakinoia i ratou i teia i te
enua ra i Aiphiti.

PENE VIII.

Te akakite nei te Atua i te male i te akamori idolo.

EI to vaa na te pu. *E tae mai aia* 1
mei te aeto e rave i te are o Ie-
hova, no te mea kua akaatikau ratou i
te koreromotu naku nei, e kua ara
ratou i taku nei ture. *E* riro ratou i 2
te kapiki mai iaku nei, *E* taku Atua,
kua kite matou nei, ko Iseraela, ia
koc. Kua akaruke Iseraela i te mei-
taki: ka arumaki mai te enemi iaia.
Kua akaiki ratou i te au ariki, kare ra 3
ia iku nei, kua akataoonga ratou i te au
kavana, kare ra au i kite: kua anga
ratou i ta ratou ario e ta ratou auro ei
idolo, kia akataka keia ratou. *E* 4
mea rikarika taau kafa, e Samaria e;
kua ka taku riri ia ratou: mei te aa
te roa o to ratou rauka kore anga i te
apa kore? Na Iseraela oki taua mea 5
ra: na te taunga i anga, kare oki te
reira i te Atua: e riro tikai oki te
kafa a Samaria ei mura ai. Kua 6
ruru oki ratou i te matangi, e ka
kokoti ratou i te puaiolo: kare ona e
tumu, kare e faraona e rauka no roto i
te ua, e kia rauka na, na te tangata ke
ke ia e apuku i te reira. Kua apu- 7
kuia Iseraela: e teianei e riro ratou i
roto i te au enua nei mei te ariki kare
rava e tauia atu. Kua riro oki ratou 8
ki Asura, mei te asini moamoavao koia
anake uaoari: kua ou Epheraima i
te aronga e inangaro mai. Kua ou 9
aere rui oki ratou i etai aronga i ro-
topu i te au etene, e akaputuputu rai
au ia ratou i teianei, kare oki ratou e
roaia kua mamae i te apinga uipa a te
ariki o te au kavana. No te mea kua 10
akamaata Epheraima i te au atarau e
manganui ei ara, e riro te au atarau ra
ei ara nana. Kua tata au kiaia i te 11
au mea e manganui o taku nei ture,
kua akariroia ra te reira ei mea tu
ke. I te akatusia anga i taku au tusia 12
kua akatusia ratou i te kiko, e kai
iora; kare a Iehova i kite mai ia
ratou; e teianei aia e akamaara'i i to
ratou kino, e tutaki atu ei oki i ta
ratou au ara: e oki ia ratou ki Ai-
phiti. Kua akangaropoina oki Iseraela 13
i Tei Anga iaia ra, e kua patu i te au
marae; kua akamaata oki a Iuda i
te oire akaketaketia: e unga atura
au i te ai ki runga i te au oire nona,
e ka oki tona au are nunui i te
reira.

PENE IX.

Te tumatetenga e te pou maata o Iseraela i ta ratou ara.

AURAKA, e Iseraela, e rekareka i
te rekareka anga, mei ta te au
tangata ra: kua riro oki koe i te oro
kanga i to Atua ra: kua inangaro koe i
te ou i te au alona sitona katoa ra. 1
2 Kare ratou e kai i to te alona e to te
aiki *wina*, e kore oki te *wina* ou i roto
3 i te reira. Kare ratou e noo i te enua
o Iehova; e oki ra Epheraima ki Ai-
phiti, e ei Asura ratou e kai ei i te mea
4 viivii. Kare ratou e riringi i te *wina*
na Iehova: kare oki ta ratou tusia e
riro ei mea mataora nana: e riro ta
ratou kai mei te kai a te aronga e aue
ra; e te aronga katoa e kai ra, e viivii
ia: e riro oki ta ratou kai na ratou
uaoari, kare e tae ki roto i te are o
5 Iehova. E akapea kotou i te ra ui-
punga tapu, e i te ra ora na Ie-
6 hova? I na oki, kua aere ke ratou i
taua pou nei: na Aiphiti ratou e aka-
putuputu, na Memephi ratou e tanu;
te *au ngai* anoanoia no ta ratou ario, e
riro ia na te mauku mango: e tu-
puia to ratou au are puakapa i te
7 raka taratara. Kua tae ki te au ra e
akaokioia atu ei, kua tae ki te au ra e
akautungia atu ei; e kite Iseraela
i te reira: kua auouoia te peroveta,
kua nenevaia te tangata nona te vae-
rui ra, no te maata o taua ra utunga,
kua maata oki te akaongoongo anga.
8 Te tiaki atura Epheraima i te tan-
turu no ko i taku Atua: e ereere a te
kimi manu ra te peroveta i tona ra au
aerenga, e te mea i makitakita'i i te
9 are o tona Atua. Kua kino rava ra-
tou, mei tei te au ra ia Gibeia ra: e
akamaara aia i to ratou kino, e tutaki
10 mai aia i ta ratou ara. Mei te ua
vine i te medebara, ko toku ia kite
anga ia Iseraela; mei te suke mua-
tangana ki runga i te suke i te para
anga muatangana ra, ko toku ia akara
anga atu i to kotou ai metua; aere
atura ra ratou ki Baala-peora, e kua
akataka ke ia ratou orai ki taua mea
akama ra; e kua riro ratou ei mea vii-
11 vii, mei ta ratou i inangaro ra. Kareka
Epheraima, e rere ke atu tona mei-
taki, mei te manu ra; kare e anau
anga, kare e nui anga, kare e to anga.
12 E akapakari oti ratou i ta ratou au
tamariki, e akakore rai au ia ratou i
roto i te au tangata ra: e ae oki to
13 ratou, kia aere ke au ia ratou ra! Ko
Epheraima, mei ia Turia taku i kite

nei, tei tanuia ki te ngai meitaki: e anau maira ta Epheraima au tamariki na te ta tangata ra. E oronga atu kia 14 ratou, e Ichova, eaa ra taau ka oronga atu? e oronga atu kia ratou i te kopu e titiri ua i te tamariki, e te u marō ra. Tei Gilagala to ratou au kino ravarai: 15 i mainaina oki au ia ratou i reira: no te kino o ta ratou i rave ra i tuaru ke atu ei au ia ratou i toku nei are; kare au e aroa inangaro akaou ia ratou: e ui ariki meameaau anake to ratou. Kua pakia Epheraima, kua marō to 16 ratou aka, kare ratou e uaia: e kia ua ratou ra, e taia e au te tamariki akaperepere o to ratou kopu. E aka- 17 ruke taku Atua ia ratou, no te mea kare ratou i akarongo iaia: e riro ratou ei aronga mānu ka ua i roto i te au etene.

PENE X.

Te akaapaia nei Iseraela i te paietī kore e te tuatua kino.

EVINE toro ke Iseraela, te uua 1 maira i tona ua: mei te maata o tona ra ua, kua maata katoa tana ra au atarau; e mei tona ra enua i meitaki ra, i anga ai aia i te au tiki meitaki. Kua ekoko rua to ratou ngakau; 2 ei teianei ratou e akautungiaia: nana e vava'i i ta ratou au atarau ki raro, nana e akapou i to ratou au tiki. 3 Te tuatua ra ratou i teianei, Kare o tatou ariki, no te mea kare tatou i matakua ia Ichova; e akapea mai oki te ariki ia tatou nei? Kua tuatua ratou i te tuatua puapinga kore, i te taputou pikikaa anga, i te papau anga i te kororomotu ra: e te tupu nei te utunga mei te rase i roto i te arote anga o te kainga ra. No te au kafa i Bete-avene e matakua ei tei noo i Samaria ra: ko tona orai oki au tangata te ka aue iaia, e tona kau taunga katoa ra te ka rere aere ua ra, i te kakā o te reira, no te mea kua riro ke atu iaia ra. E apaiia oki aia uaorai ki Asura ei apinga na te ariki ra na Iareba: ko te akama te ka rauka ia Epheraima, e akama oki Iseraela i tana orai tuatua. 4 *Kareka* Samaria ra, kua tipu keia tona ariki mei te uka i runga i te kiriatai ra. 5 Te au ngai teitei oki no Avena, te ara a Iseraela, e akapouia ia: e tupu te au rakau taratara e te tataramoa ki runga i ta ratou au atarau; ka tuatua oki ratou ki to au maunga, Tapoki mai ia matou; e ki te au tuaivi, Topa mai ki runga ia matou. Kua ara koe, E Iseraela e, mei te au rā o Gibeā mai: to 9

tu_ua maira ratou i reira: kare ainei ratou e rokoia e te tamaki i te aronga 10 tuatua-tika kore i Gibeā? Kia tairo atu au ia ratou, ko toku ia inangaro: e putuputu mai oki te au tangata ia ratou, kia tapekaia ratou no nga ara e 11 rua na ratou ra. E bovi ua akara-rataia Epheraima, e mea inangaro nana kia takatakai i te sitona; e aere ra au na runga i tona kuki manea: naku Epheraima e akaoro: na Iuda e arote, e na Iakoba e vava'i aere i te 12 vāvānga one. E ruru i ta kotou uaorai ma te tuatua-tika, ka kokoti ei ma te aroa; ka ko aere i to kotou enua vaoa uaia ra: ko te tuatau oki teia e kimi ia Ichova, kia tae mai aia e akatopa i te tuatua-tika ki runga ia kotou. 13 Kua arote kotou i te kino, e kua kokoti i te ara; kua kai kotou i te ua piki-kaa: no te mea kua irinaki koe i toou aerenga, i te maata o toou au tangata 14 ririnui. E tupu oki te oripu ua i roto i toou ra au tangata, e toou au punanga ravarai, e pou ia, mei Bete-azebela i pou ia Salamona i te rā tamaki anga ra: kua tuparua te metua vaine ki runga i nga tamariki ra. 15 Ka akapera katoa Betela ia kotou no to kotou kino maata: ei te popongi e tipu ke ravaia i te ariki o Iseraela.

PENE XI.

Te mareka kore o Iseraela i te takinga-meitaki o te Atua.

ITO Iseraela tamariki anga i inangaro atu ei au iaia, e kua tiki au i 2 taku tamaiti i Aiphiti. Ia ratou i kapiki ra, kua aere ke ratou ia ratou i reira: kua akatusia ratou ki te au Baala, e kua tutungi i te rakau kakara 3 na te idolo kotikotia ra. Naku oki i apii ia Epheraima i te aere, i te mou anga i to ratou rima; kare ra ratou i 4 kite e ko au tei akaora ia ratou. Kua arataki au ia ratou ki te taura a te tangata nei, i te au rī ra i te aroa: e kua riro au ia ratou mei tei akamāmū i te zugo i runga i to ratou kaki, e kua 5 tuku au i te kai kia ratou. Kare aia e oki ki te enua i Aiphiti e riro ra to Asura ei ariki no ratou, no te mea kare i tika ia ratou kia akaokiiia 6 mai. E vai tamou rai te koke ki runga i tona au oire, ka pou oki tona au rara, e ka apuku ravaia, no ta 7 ratou uaorai tuatua. Inangaro akaruke iaku nei to toku ra iti-tangata: kapiki oti ratou ia ratou *kia aere mai* ki Tei Teitei ra, kare rava tetai i aka-teitei iaia.

E akapeea au i te tuku anga atu ia koe, e Epheraima e? e te akaruke anga atu ia koe, e Iseraela e? e akapeea au i te akariro anga atu ia koe mei ia Adama? e e riro ei koe mei ia Zeboima iaku? kua tu ke toku ngakau i roto iaku nei, kua tupu oki toku manako tataraara. Kare au e akatupu i te otooto anga o toku riri, kare au e ariu atu e akapou rava ia Epheraima: e Atua oki au, kare i te tangata; i Tei Tapu i rotupu ia koe ra: kare oki au e aere atu ia koe ma te riri. E aru ratou ia Iehova: kia ngunguru aia mei te liona ra: e kia ngunguru aia ra, e rapurapu mai ei te au tamariiki mei te opunga o te rā maira. E rapurapu mai ratou mei te manu mei Aiphiti mai, e mei te kukupa mei te enua maira mei Asura: e naku ratou e akanoo ki roto i to ratou uaorai au are, te tuatua mairā Iehova. Kua akapini mai Epheraima iaku ki te pikikaa, e te ngutuare o Iseraela ki te tapikipiki: Te mana nei ra Iuda i te Atua, e te vai pikikaa kore nei ia ki o tona ra aronga tapu.

PENE XII.

Te akoia nei Epheraima, Iuda, ma Iakoba.

TE kai nei Epheraima i te mutangi, e te aru aere nei i te maoake: te akamaata nei aia i te pikikaa e te āru kare e rā e tukua; e te koreromotu nei ratou ki to Asura, e te apāia nei te manongi ki Aiphiti. E taumāro anga rai oki i te Iehova ia Iuda, e e akautungu atu aia ia Iakoba ki tei tau ki tona ra au aerenga; e tutaki atu aia iaia ki tei tau ki tana ra au ravenga. I roto aia i te kopu i te opu anga i te poo vaevae o tona tuakana; e no tona ririnui e mana ariki tona i te Atua ra: Koia ia, e mana ariki tona i te Angela, tupu atura tana: kua aue aia, e kua pati akatenga atu iaia ra: i Betela tona kite anga atu iaia, e i reira tana tuatua anga mai kia tatou: Koia te Atua Sabaota ra ko Iehova; ko Iehova tona orai ingoa mou. E teianei e ariu koe ki toou ra Atua: e akono i te aroa e te tuatua-tau, e tapapa marie koe ki toou ra Atua ma te tukumoe kore.

Kareka Kanaana, e aite pikikaa tei tona rima: e mea anoano nana i te tinai-mate atu. Kua tuatua oki Epheraima, kua riro au ei tangata apinga, kua kitea e au te apinga naku: e i taku katoa ra au angaanga, kare e rauka

9 ia ratou te kino i ara ai au ra. Ko to Atua ra au ko Iehova mei te enua maira mei Aiphiti, e akanoo akaou rai au ia koe ki roto i te au puakapa, mei tei te au rā oroa tapu ra. Kua tuatua oki au i te au peroveta, e kua akamaata rai au i te orama, e te aiteanga i te au peroveta. E ara tikai tei Gileada, e mea puapinga kore tikai ratou: te akatusia nei ratou i te au bovi i Gilagala; e kua riro ta ratou au atarau, mei te au utua *toka* i te ngai arotea i te au kainga ra. Ati atura Iakoba ki te enua ra i Suria; tavini atura oki Iseraela i te vaine; e no te vaine rai i tiaki ei aia i te au *anana*. E kua arataki mai a Iehova ia Iseraela mei Aiphiti mai i te rima o te peroveta, e na te peroveta aia i tiaki. Kua akatupu ra Epheraima i te riri maata i vaoo ei tona Atua i tona toto ki runga iaia, e ka akaoki maira i tona akakino ki runga iaia.

PENE XIII.

Te nengonengo o Epheraima, e te idolo, i te akakore angaia.

KA tuatua'i Epheraima ma te rutakina kua teitei aia i Iseraela i reira; iaia ra i rave i te ara i Baala, mate iora aia. E tenana te akamaata ua maira ratou i te ara, e kua anga i tetai aronga tiki akatoia ra, e no to ratou kite kua anga i te au idolo i ta ratou ario ra, e angaanga anake ia na te aronga taunga: e te tuatua ra ratou i te reira, Te aronga e akatusia ra, e ongi ia i te au kafa. E teianei, e riro ratou mei te tumurangi popongi, e mei te au popongi, e peke ra, mei te ota e peke i te puaiioio no runga i te alona, e mei te auai no roto i te rua auai ra. Ko au ra toou Atua, ko Iehova, mei te enua maira mei Aiphiti, e kare oki ou Atua i kite mari ra ko au, kare au oki e Ora mari ra ko au. Kua kite au ia koe i te medebara, i te enua pukā maata ra. Mei ta ratou one kai, ko to ratou ia pangia anga; ki akera ratou, e teitei atura to ratou ngakau; i akangaropoina'i ratou iaku nei. I riro ei au mei te liona ia ratou, mei te nemera i te arataa i akara'i au ia ratou. Kua aravei atu au ia ratou mei te daba i ngere i tana *anaunga*, e kua aeae au i te ekaeka o to ratou ngakau, ei reira ratou i pou roa atu ei iaku mei ta te liona ra: na te au terio moamoavao ratou i aeae. E Iseraela e, kua mate koe ia koe uaorai, tei iaku nei ra te tauturu ia

koe. Teiea to ariki i tenana? kia 10
akaora oki aia ia koe i toou katoa
ra au oire; e toou ra aronga akava
taau i karanga ra e, o mai tetai ariki
noku e tetai aronga kavana? Kua 11
oronga atu oki au i tetai ariki noou
ma te riri, e kua rave ke atu au iaia
ma te riri rai. Kua ruruia te kino 12
o Epheraima, e kua vaoa marieia tana
utunga i te vairanga. E rokoia aia 13
e te mamae mei to te vaine anau ra:
e tamaiti kite kore aia; i tavarevare
ci aia i te anau anga. E akaora au ia 14
ratou i te mana o te vaarua ra; e oko
akaou atu au ia ratou mei te mate
mai: E te mate e, Teiea toou pou?
E ade e, Teiea toou mate? e ngaro te
tatarara i oku nei mata.

Uua ua rai aia i roto i tona ra au 15
taeake, e tupu mai tetai maoake, e
arara mai te matangi a Iehova mei te
medebara mai, e tana ra vai pupui, e
marō ia, e tana ra punavai, e tama-
rōia ia: e kino iaia te apinga ra i te
au āriki inangaro katoaia ra. Ka 16
tanea Samaria; no te mea kua mea-
meaau aia ki tona ra Atua; e inga
ratou i te koke; e akaungaungā titiia
tana ra au kaiu, e ta ratou au vaine
nui ra, e tuakia ia.

PENE XIV.

*Te akoia nei ratou kia tatarara, e
te meitaki a te Atua i akakiteia
mai.*

E ISERAELA e, e anga mai koe ki 1
to Atua ra ia Iehova; no te mea

2 kua inga koe i toou ra kino. Ka rave
kotou i te tuatua, ka ariu ei kia Ie-
hova: ka tuatua'i kiaia, Ka akakore
mai koe i te au kino katoa, ka āriki
mai ei ia matou ma te aroa: ka oro-
nga atu ei matou i te bovi ra o to
3 matou vaa. Kare Asura e akaora ia
matou; kare matou e oro na runga
i te au ipo: kare oki matou e tuatua
akaou ki tei angaia e to matou rima,
Ko kotou to matou Atua: ei ia
koe oki te matiroeroe ra e aroaia
mai ei.

4 Naku e akaora i to ratou kotoe ki
muri, naku e aroa ua atu ia ratou:
kua ruri keia oki taku riri ia ratou.
5 E riro au mei te au ia Iseraia: e pua
tiareia oki aia mei te lili, e toro oki
6 tona aka mei ia Lebanona. E para-
rauare ke atu tona au rara, e riro oki
tona manea mei to te olive, e tona
7 aunga mei ia Lebanona ra. E oki
mai ratou ko tei noo i raro ake i
tona marumaru; e ruperupe ra ratou
mei te sitona, e tutupu ratou mei te
vine, e tona rongo e aite ia ki te wina i
8 Lebanona ra. *E karanga iora* Ephe-
raima, Eaa taku kia rave akaou i te au
idolo? Kua akarongo au iaia, e kua
akara au iaia: mei te herusi ruperupe
ra au: no ko nei atu iaku nei toou ua.
9 Koai tei pakari, ka kite ei i teianei au
mea? e te akono meitaki, ka kite ei
aia i te reira? kua tika oki te au aere-
nga o Iehova, e na te aronga tuatua-
tika e na reira te acre: kareka te
aronga rave ara ra, e inga ia i reira.

TE BUKA A IOELA.

PENE I.

*Te ako nei a Ioela i te tangata kia ako-
no i te akaoko a te Atua ra.*

Te tuatua a Iehova i tae mai kia 1
Ioela te tamaiti a Petuela.

Akarongo mai i teia, e te au tangata 2
metua ra, e anga mai i te taringa,
kotou katoa tei noo i te enua nei. Tei
to kotou au rā ainei teia i te tpu anga,
e kare ra, tei te au rā ainei o to kotou

3 ai metua ra? E akakite ki ta kotou
au tamariki i te reira, e na ta kotou au
tamariki e akakite atu ki ta ratou au
tamariki, e na ta ratou au tamariki
4 e akakite ki tetai uki atu. Ko tei
akatoeia e te anue ra, kua pou ia i to
akeride ra; o tei akatoeia e te akeride
ra, kua pou ia i te akeride uruuru ra, e
tei akatoeia i te akeride uruuru ra,
kua pou ia i te akeride akapou ra.
5 Ka ara, e kotou te aronga akakona, e e
aue; ka evakaku, kotou katoa i inu i

te wina ra, i te wina venevene ra; kua akangereia oki to kotou vaa i te reira. Kua kake mai oki te enua tangata ki runga i toku enua ra, e aronga ririnui, e kare e ope kia tatau ra; e nio liona to ratou nio, e tei ia ratou te nio ponga o te liona ua ra. Kua pou taku vine ia ratou, e kua oore te, kiri o taku suke: kua pou rava ia ratou, e l'ua akarukeia; kua teatea te au rara re.

Ka aue mei te paretenia i tatuaia ki te kakau akaevaeva, i te tane o tona ou anga ra. Te mineka e te neseka, kua akakoreia ia i te arc o Iehova: kua aue te kau taunga, te au tavini o Iehova. Kua tanea te kainga, kua aue te enua; no te mea kua pou te sitona: kua marō te wina ou, kua iti te manongi. Kia akama kotou, e te aronga tatanu ra; ka aue kotou, e te aronga tope vine, i te sitona e te kerite; no te mea kua kore te mou o te kainga nei. Kua marō te vine, e kua mac te suke; 12 te remunā, te tamara katoa, e te kaika, kua mac te au rakau ravarai o te kainga nei; kua riorio oki te rekareka i te tamariki a te au tangata nei. Ka 13 tatua ana ia kotou uorai, e ka aue, e te kau taunga e: e kakaaoa, e te aronga raverave i te atarau ra: ka aere mai, ka moe ki roto i te kakau akaevaeva e ao ua ake, e te au tavini o te Atua e: kua akakoreia oki te mineka e te neseka i te arc o to kotou Atua.

E akatapu ana i te neseteia anga, e 14 akataka ana i tetai rā tapu, ka akaope mai i te aronga pakari, ma te aronga ravarai e noo i te enua nei, ki te arc o to kotou Atua, ko Iehova, ka kapiki atu ei kia Iehova. Aue i taua rā ra e! 15 mate ia oki no ko mai i te Mana-katoa toa e tac mai ei. Kare ainei te kai i 16 kokoti keia i mua i to tatou mata, te rekareka e te pereperekavana i te arc o to tatou Atua? Kua pe te ua rakau i 17 raro ake i to ratou vāvānga one, kua tanea te au are vairanga apinga, kua vava'ia te au are kai; kua mac oki te sitona. Ko te ngunguru o te au puaka 18 e! e te tumatetenga o te au anana bovi, no te mea kare a ratou kai; koia ia, kua pou te au anana mamoe. Ko koe 19 taku e kapiki atu nei, e Iehova e: kua pou oki te au one kai o te medebara i te ai, e kua ka te au rakau katoa o te kainga nei i te mura ai. Te kapiki 20 katoa nei te au puaka o te enua nei ia koe; no te mea kua marō te au vai ta'e, e kua pou te au one kai o te medebara i te ai.

PENE II.

Te akakite nei a Ioela i te rikarika o te akaoko a te Atua ia Ziona.

- 1 **K**A akatangi kotou i te pu i Ziona, ei akateatnamamao te akatangi i toku maunga tapu nei: kia ruketeketete te au tangata katoa o te enua nei: te aere maira oki te rā o Iehova, te vai- 2 tata maira; E rā poiri, e te poāve, e rā tumurangi e te poiri tangatangō, mei te kareureu popongi i ooraia ki runga i te au maunga: e aronga maata, e te ririnui; kare ia e aiteanga mei taito mairai, kare oki e aiteanga i te reira a muri ake, e tae ua atu ki te 3 au mataiti o tera uki tera uki. E pou ai tei na mua ia ratou: e i muri ake ia ratou, e ai mura ia: mei te kainga ra ko Edena te enua ki mua ia ratou, e i muri ake ia ratou mei te tanea o te medebara ia; e kare rava oki e apinga 4 e toc ia ratou. To ratou ra tu mei te tu ia o te au ipo ra; e mei te aronga 5 akaoro ipo ra to ratou oro. Mei te aruru o te au kariota ki runga i te au take maunga ra kia rere ratou, mei te katakata o te ai mura e pou ei te ngangaere ra, mei te au tangata ririnui 6 kia akamouia te tamaki ra. E manama maata to te tangata i mua ia ratou: e ngaro te muramura i te au 7 mata katoa nei. E oro ratou mei te tangata ririnui ra; e kake ratou i te patu mei te au tangata tamaki ra; e aere oki ratou katoa e pini ua ake na tona uorai ara, kare oki e anga ke i to ra- 8 tou tupati anga ra. Kare oki tetai e tute ua atu ki tetai; e aere rai ia i tona uorai ara e pini ua ake, e kia inga ratou ki runga i te koke ra, kare 9 ratou e puta. E oro aere ua ratou i roto i te oire; e oro ratou na runga i te patu ra, e kake oki ki runga i te au are; e tomo ratou na roto i te au mā- 10 ramārama mei te keia ra. E ngauene te enua ki mua ia ratou; e rurutakina te au rangi: ka poiri te rā e te marama, e kare akera te au etu e kakā 11 mai: E na Iehova e akakite i tona reo na mua i te nuku nana ra: kua maata ua atu oki tana puakapa: o ririnui oki tona to tei akatupu i tana tuatua: kua maata oki te rā o Iehova, e te rikarika maata; ka tika iaai kia akakoromaki?
- 12 Ei teianei rai, te tuatua mairā Iehova, e anga mai kotou kiaku nei mā to kotou ngakau katoa, e ma te neseteia, e ma te aue, e ma te mii: To 13 kotou ngakau te aae, e auraka to kotou

kakau, ka ariu ei ki to kotou Atua, kia Iehova ra: e takinga-meitaki oki tona e te aroa, kare e rapurapu i te riri, e te tangi maata, e tatarara aia i te kino i *akakivā mai*. Peneiake aia 14 ko te ariu mai, e ko te tatarara, e ko te vao mai i tetai meitaki i muri ake iaia ra; i tetai minaka, e tetai neseka, na to kotou Atua na Iehova.

Akatangi ana i te pu i Ziona, ka aka- 15 tapu ana i te neseteia, ka akataka ana i tetai rā tapu. Akaputupu i te au 16 tangata, akatapu i te aronga e uipa, akaputupu i te aronga pakari, ka akaope mai i te au tamariki, e tei ngote i te u ra: kia aere te tane akai-poipo ouia ki vao i tona pia, e te vaine akai-poipo ouia ki vao mai i tona pia ngaro. Kia aue te kau taunga, te 17 au tavini o Iehova, i te va i te tomoanga e te atarau ra; kia tuatua oki ratou, E akaperepere i toou iti-tangata, e Iehova, e auraka koe e oronga i tokelero ei akakinoanga, kia tutara te au etene ki runga ia ratou: eaa ra e tika'i kia tuatuaia i roto i te au tangata ra e, Teica to ratou Atua?

Ei reirā Iehova e vareae ei i tona 18 enua, e e tangi aia i tona iti-tangata. E tuatua oki a Iehova, ka na ko ei ki 19 tona iti-tangata, I na, e akaunga atu au i te sitona na kotou, te wina, e te manongi, e pangia oki to kotou kaki i te reira; kare oki au e akariro akaou ia kotou ei akakinoanga i roto i te au etene: E akataka manao ke atu au i 20 te *nuku* i apatokerau ra ia kotou, e e iia atu au iaia ki te enua tanea, e te papa-marō, e anga tona mata ki te tai i te itinga o te rā ra, e tona pae i muri ki te tai i te opunga o te rā ra, e peke oki tona aunga ki runga, e peke rai tona aunga kino ki runga, no te mea e au mea mamaata tana i rave.

Auraka e matakū, e te enua e, kia 21 rekareka, e kia perepererekavana, e au mea mamaata oki ta Iehova e rave. Auraka e matakū, e te au puaka o te 22 enua e: te tupu nei oki te au one kai o te medebara, kua ua oki te rakau i tana kai, te suke e te vine te akaope nei i to raua ririnui. E ko kotou oki, 23 e te au tamariki a Ziona, kia perepererekavana, e kia rekareka, i to kotou Atua ia Iehova: kua oronga mai oki aia i te ua muatangana ma te tika, e e akatopa mai aia i te ua no kotou, te ua muatangana, e te ua openga, mei tei muatangana ra. E ki te alona i te 24

sitona, e ki oki e maringi atu te au 25 vairanga i te wina e te manongi. E e akaoki mai au ia kotou i to te au maitai i kaingia e te akeride, te akeride uruuru, e te anue, e te akeride uru kore, i taku nuku maata ra taku i tono 26 atu ia kotou na. E kai oki kotou i te manga ma te maata, e te merengo, ka akameitaki ei i te ingoa o to kotou Atua ko Iehova, ko tei tu ke tana ravenga ia kotou; kare rava oki toku ra 27 iti-tangata e akama. E kite oki kotou e, tei roto au ia Iseraela, e ko to kotou Atua ra au ko Iehova, e kare atu: e kare rava toku ra iti-tangata e akama.

28 E riro oki i muri ake i te reira, e riringi atu au i toku Vaerua ki rungao i te tangata ravarai; e na ta kotou au tamariki tamaroa e ta kotou au tamaine e totou mai; e moemoesia mai to kotou au tangata pakari; e kite oki to kotou au tangata ou ra i te orama.

29 E riringi atu au i taku Vaerua ki rungao i te au tavini tane e te au ta- 30 vini vaine i te reira au rā ra. E aka-kite oki au i te piri ki runga i te au rangi, e ki runga katoa i te enua; i te 31 toto, e te ai, e te au pou anai oki. E akariroia te rā ei pōiri, e te marama ei toto, e tae ei i taua rā maata e te 32 rikarika o Iehova ra. E riro oki e, ko tei kapiki i te ingoa o Iehova, e ora ia: ei te maunga ra oki ei Ziona, e ei Ierusalemā te ora, mei ta Iehova i tuatua maira, e i roto oki i te toenga ta Iehova e kapiki ra.

PENE III.

Te akaoko a te Atua i te au enemi o tona iti-tangata.

1 I NA oki, ei te reira ra au rā, e i taua tuatua ra, kia akaoki mai au i 2 te tuikaa anga o Iuda e Ierusalemā, E akaputupu katoa mai au i te au enua katoa, e arataki mai au ia ratou ki raro i te o o Iehosaphata, ei reira au e akautunga atu ei ia ratou i toku ra iti-tangata, e taku ra tuanga ia Iseraela, ta ratou i akapueurikiriki ke ki te pa enua ra, e kua tua iora i toku ra 3 enua. Kua tua iora oki ratou i te kelero i toku ra iti-tangata; e kua oko atura ratou i te tamaiti okotai i te vaine akaturi, e kua ou atura i te tamaine 4 okotai i te wina, kia inu ratou. Eaa oki ta kotou iaku nei, e Taria, e Sidona, e te te au kotinga katoa i Paleestina e? e akaoko mai ainei kotou iaku nei? e kia akaoko mai kotou iaku nei; e akaoki atu au i ta kotou oko ki

runga i to kotou uaorai mimiti, kare e roaia; No te mea kua rave kotou i taku ario e taku auro, e kua apai kotou i taku au apinga memetaki e te inangaroia ki roto i to kotou au marae; Te au tamariki a Iuda e te au tamariki a Ierusalem tei okoia e kotou ki te au tamariki a Iavana, kia taka ke atu ratou ia kotou i to ratou ra ngai. I na, e akatu au ia ratou i tenana ngai, i tei okoia ratou e kotou na, e e akaoki atu au i te tutaki ia kotou ki runga i to kotou na upoko: E naku e oko atu i ta kotou au tamaroa e ta kotou au tamarine ki roto i te rima o te au tamariki a Iuda, e na ratou e oko atu ia ratou ki to Seba, ki to te au tangata mamao ra, kua pera mai oki a Iehova.

E tutu aere kotou i teia i roto i te au enua; Akateateamamao i te tamaki, akaara ana i te au tangata ririnui; kia akavaitata mai te au tangata tamaki ravarai; kia aere mai ratou ki runga: Ka tupaki ana i ta kotou au auri arote ei koke, e ta kotou au matipi tope rakau ra ei korare: ka tuatua'i tei apikepika ra, kua maroiroi au. E akaputupu kotou, e ka aere mai, e te au etene ravarai, e e akaputupu kotou e pini ua ake: ka tuku maira koe, e Iehova, i toou aronga ririnui ki raro i reira. Kia akaaraia mai te au etene, kia aere mai oki ki runga i te o o Iehosaphata: ei reira au e noo ei e akava i te au etene katoa e pini ua ake. Ka tuku ana kotou i te sikele ki roto, kua para oki te mou:

taki aere kotou, ka aere ki raro; kua ki oki te taomiaanga, e kua maringi na runga i te au ariki; kua maata oki ta ratou ara. E manganui, e manganui i te o e akatakaia'i ra: kua vai-tata oki te rā o Iehova i te o e akatakaia'i ra. E akapoiiria te rā e te marama, kare oki te au etu e kakā mai.

E ngunguru mai a Iehova i Ziona, e e akapuroro mai i tona reo i Ierusalem; e ngueue oki te au rangi e te enua: e riro rā Iehova ei akapuanga no tona ra iti-tangata, e ei punanga no te au tamariki a Iseraela. E kite oki kotou e, ko to kotou Atua ra au, ko Iehova, e tei Ziona te noo anga, toku maunga tapu ra; e tapu oki Ierusalem, e kare te tangata ke ke e aere na roto.

E riro oki i tana rā ra, e akatopata mai ei te au maunga i te wina ou, e ta'e a vai oki te au tuaivi i te u, e ta'e oki te vai i te au kauvai katoa i Iuda ra, e pupui mai oki tetai punavai i te are o Iehova, e ka tamauu iora i te o ra o Sitima ki te vai. Ka tanea Aiphiti, ka riro oki Edoma ei medebara motutaa ua, i to ratou takinga-kino anga i te tamariki a Iuda, no te mea kua maringi ia ratou te toto ara kore i to ratou ra enua. E tika ra Iuda i te noo anga e tuatau ua atu, e Ierusalem i tera uki, i tera uki. E akaoko atu oki au i to ratou toto kare i akaokoia ra: e noo oki a Iehova i Ziona.

TE BUKA A AMOSA.

PENE I.

Te akakite nei a Amosa i to Arama, to te Philiseti, to Turia, to Edoma, e to Amona mate, no ko i te Atua ra.

Te tuatua a Amosa, tei no roto i te au tiaki puaka i Tekoa ra, tana i kite ia Iseraela, i te au rā o Uzia ariki no Iuda, e i te au rā o Ieroboama te tamaiti a Ioasa ariki

no Iseraela, ka rua akera mataiti i mua ake i te ngaruerue anga enua ra.

E kua tuatua maira aia, E ngunguru mai a Iehova mei Ziona, e puroro mai tona reo mei Ierusalem; e aue oki te au one kai o te au tiaki mamoe ra, e te take o Karamela, e mae ia. Te na ko mairā Iehova: No nga ara e toru a Damaseko, e e a oki, e kore ei au e taruri ke i tana ra utunga; no te mea, kua pāpā ratou ia

Gileada ki te pāpā auri ra; E akaunga atura au i te ai ki roto i te are o Hazaela, e pou te au are ariki o Bene-adada i te reira. E aati oki au i te au tea i Damaseko, e kokoti ke atu au i tei noo i te o ra i Avena, e tei mou oki i te sepeta i Bete-edena, e e riro te au tangata i Arama ei tuika ki Kira, te tuatua mairū Iehova.

Te na ko mairū Iehova; No nga ara e toru a Gaza, e e a oki, e kore ei au e taruri ke i tana ra *utunga*; no te mea, kua apai tuika ratou i te tangata e kua ope rava, kia tuku atu ia ratou ki to Edoma. E akaunga atura au i te ai ki roto i te patu o Gaza, e pou oki te au are ariki i te reira. E kokoti ke atu au i tei noo i Asadoda, e tei mou i te sepeta i Asekelona; e akaoki ra au i toku rima ki runga ia Ekerona: e te toenga o te Philisei, e pou ia, te tuatua maira te Atu ra ko Iehova.

Te na ko mairū Iehova; No nga ara e toru a Turia ra, e e a oki, e kore ei au e taruri ke i tana ra *utunga*, no te mea, kua apai anake ratou i te au tuika ravarai ki to Edoma, e kare akera i akamaara i te koreromotu a te au taake. E akaunga atura au i te ai ki roto i te patu o Turia ra, e pou oki te au are ariki i te reira.

Te na ko mairū Iehova; No nga ara e toru a Edoma, e e a oki, e kore ei au e taruri ke i tana ra *utunga*; no te mea kua arumaki aia i tona taake ma te koke, e kua akaruke takiri i te aroa, e kua acae tamou tona riri, e kua akamou riri aia e tuatua ua atu. E akaunga atura au i te ai ki roto ia Temana e pou oki te au are ariki o Bozara i te reira.

Te na ko mairū Iehova; No nga ara e toru a te au tamariki a Amona, e e a oki, e kore ei au e taruri ke i tana ra *utunga*; no te mea kua tuaki ratou i te au vaine nui i Gileada, kia akamaata ratou i to ratou ra kotinga. E tutu-14 ngi ra au i te ai ki runga i te patu i Raba, e pou oki te au are ariki i te reira; ma te maeva i te rā tamaki anga ra, e ma te uriia i te rā puaioio ra. E riro tuika oki to ratou 15 ariki, koia ma te ui ariki katoa i ona ra, te tuatua mairū Iehova.

PENE II.

Te riri o te Atua ia Moabi, e ia Iuda, e ia Iseraela katoa ra.

1 **T**E na ko mairū Iehova; No nga ara a Moabi e toru, e e a oki, e kore ei au e taruri ke i tana ra *utunga*; no te mea, kua tau aia i te au ivi o te 2 ariki o Edoma ei ngaika. E akaunga atura au i te ai ki roto ia Moabi, e pou oki te au are ariki o Keriota i te reira; ka mate oki Moabi i te oripu ua, ma te maeva, e ma te tangi o te 3 pu. E tipu ke atu au i te akava i rotapu iora, e ta rai oki au i tona ui ariki ravarai ma ia katoa ra, te tuatua mairū Iehova.

4 Te na ko mairū Iehova; No nga ara a Iuda e toru, e e a oki, e kore ei au e taruri ke i tana ra *utunga*; no te mea, kua akaviivii ratou i te ture a Iehova, e kare oki i akono i tana ra au akonoanga; e na to ratou au atua pikikaa i akatatipake mai ia ratou, ko tei aru aerea e to ratou ai metua. 5 E akaunga atura au i te ai ki roto ia Iuda, e pou oki te au are ariki o Ierusalem a i te reira.

6 Te na ko mairū Iehova; No nga ara a Iseraela e toru, e e a oki, e kore ei au e taruri ke i tana ra *utunga*; no te mea, i oko ana ratou i te tangata tuatua-tika ki te ario, e te tangata riki-7 riki ki nga tamaka e rua ra. Ko tei umuamu atu nei ki te manga one-pueu o te enua nei i runga i te mimiti o te tangata rikiriki, e te ruri ke nei te aerenga o te aronga paruparu: e te aere nei te tangata ma tona uaoarai metua tane ki roto ki te vaine okotai, ei akaviivii anga i toku ingoa tapu. 8 Te akavai ra ratou ki raro ki runga i te kakau tutaki ki vaitatao i te au atarau katoa; e te wina a tei akautungaia ra, te inu nei ratou ki roto i te are o to ratou au atua.

9 Kua akapou ra au i te ngati Amori ki mua ia ratou, ko tei aite tona teitei ki te teitei o te arezi, e tona pakari mei te au aluna: kua pou ra tona ua i runga ra iaku, e tona au aka ki raro 10 ra. Kua arataki katoa oki au ia kotou mei te enua ra i Aiphiti, e kua na te medebara au i te arataki ia kotou e a ngauru i te mataiti, kia rauka ia kotou 11 te enua o te ngati Amori. E kua akatupu oki au i ta kotou au tamaroa ei peroveta, e to kotou au tangata māpu ei Nazira. Kare ainei i pera, e kotou e te au tamariki a Iseraela? 12 te tuatua mairū Iehova. Kua akainu ra kotou i te au Nazira ki te wina, e kua karanga kotou ki te au peroveta, 13 na ko atura, Auraka e totou. I na, e taotaomi atu au ia kotou ki raro mei tei taomia e te porotata i ki i te ruru

sitona ra. Ka ngere tei viviki i te 14
akapuanga, e te tangata ririnui ra,
kare aia e akamaroiroi i tona ririnui,
kare oki tei mana e ora iaia uorai:
E tei rave i te ana ra, kare ia e mou 15
mai, kare oki te vaevae viviki e ora;
kare katoa oki tei oro na runga i te
ipo ra e ora iaia uorai. E ko tei 16
ririnui i roto i te au toa uritumu ra, e
oro taaka ua aia i taua rā ra, te tuatua
mairā Iehova.

PENE III.

*Te ravenga a te Atua ia Iseraela, e te
akakite angaia taua ravenga ra.*

E AKARONGO mai kotou i teianei 1
tuatua, ta Iehova i tuatua ia
kotou, e te au tamariki a Iseraela, e no
te kopu-tangata katoa taku i arataki
mai mei te enua ra i Aiphiti, na ko
maira,

Ko kotou anake ra taku i kite i te 2
au kopu-tangata katoa o te ao nei; e
akautunga atu ei au ia kotou i ta
kotou ra au ara katoa. E aere ainei 3
e toko rua i te aerenga okotai kia kore
raua e tau? E ngunguru ainei te liona 4
ki roto i te vaorakau, e kare ana e
kai? e aue mai ainei te liona ou i roto
i tona vaarua, e kare tana i rauka? E 5
topa mai ainei te manu ki roto i te
maunu one ua nei, e kare ua e maunu
i tukuia nona? e maiti ua mai ainei
te ereere ki runga e kare ua e pua-
pinga i rauka? E akatangia ainei te 6
pu ki roto i te oire e auraka te tangata
e ruketekete? e kino ainei tei te oire,
e kare i ta Iehova i akatupu? Kare a 7
te Atua ra a Iehova mea i rave, mari
ra kia akakite i tana tuatua ngaro
ki tona ra au tavini ki te au pero-
veta. Kua ngunguru te liona, koi te 8
ka kore e matakū? kua tuatua te
Atua ra ko Iehova, koi te ka kore e
totou?

Ka akakite pu tikai ki roto i te au 9
are ariki i Asedoda, e ki roto i te au
are ariki i te enua ra i Aiphiti, e ka-
ranga atu: E akaputupu mai kotou
ki runga i te au maunga i Samaria, ka
akara i te oripu maata i roto iaia ra, e
te takinga-kino i rotopu iaia ra. Te 10
tuatua mairā Iehova, Kare ratou i kite
i te rave i te mea tika, e akaputupu
i te apinga aō e tei noniia ki roto i to
ratou au are ariki. E teianei, te na 11
ko maira te Atua ra ko Iehova: E
enemi, e ka akapini aia i te enua nei;
e nana e tuku i te ririnui i runga ia
koe ra ki raro, e to au are ariki ra, e
āruia ia.

Te na ko mairā Iehova: Mei te 12
tiaki mamoe i kiriti mai no roto i te
vaa o te liona, i nga vaevae e rua ra, e
tetai manga tarunga, e akaperai te au
tamariki a Iseraela i te kiriti angaia,
ko tei noo i te pae roi i Samaria ra, e
13 ki runga i te roi iti i Damaseko. E
akarongo mai kotou, ka akakite pu ua
atu ei ki te ngutare o Iakoba, te tua-
tua maira te Atua ra, ko te Atua Sa-
14 baota ra, ko Iehova; E kia tae ki te
rā e tutaki atu ei au i te au ara a Ise-
raela ki runga iaia ra, e tutaki katoa
atu au i te au atarau i Betela; e tipuia
nga tara o taua atarau ra, e ka topa
15 ia ki raro i te one. E naku e ta i te
are paroro, e te are akaū katoa ra, e te
au are seni, e pou ia, e te au are nunui,
e kore ia, te tuatua mairā Iehova.

PENE IV.

*Te akaapa nei ia Iseraela i to ratou
takinga-kino, te akamori idolo, e te
māro.*

AKARONGO mai ana kotou i teia-
nei tuatua, e te au bovi i Basana!
i runga i te maunga i Samaria ra; ko
tei takinga-kino i te tangata rikiriki,
e tei taotaomi i te aronga putaua; ko tei
tuatua ki to ratou au atu ra, Ka apai
2 mai ana kia inu matou. Kua tapu-
tou te Atua ra ko Iehova i tona uorai
tapu, i na, te vaitata maira te au rā ki
runga ia kotou, e ravea keia i kotou ki
te matau, e to kotou uanga ki te matau
3 ii ika ra. E na te ngai ngaa kotou i te
tomo ki vao, ratou katoa na te ngaa i
mua iaia; e titiria oki kotou ki vao i
te are ariki ra, te tuatua mairā Ie-
hova.
4 Ka aere mai kotou ki Betela nei
rave ei i te ara; ei Gilagala aka-
maata i ta kotou au ara; e apai mai i
ta kotou au tusia i te au popongi katoa
ra, e ta kotou apinga i te toru o te au
5 mataiti katoa ra. E apai i te tusia
akameitaki ma te akaopue; e tutu
aere, e akakite i te au apinga apai ua,
ko ta kotou ia e anoano, e te au tama-
riki a Iseraela, te tuatua maira te Atua
ra ko Iehova.
6 I oronga ua atu ei oki au i te nio mā
ia kotou i to kotou au oire katoa ra, e
te kai kore i to kotou au ngai katoa ra,
kare ra kotou i oki mai kiaku nei, te
7 tuatua mairā Iehova. I tāpu ei oki
au i te ua ia kotou, te vai ra oki nga
marama e toru e akaū ei; e kua aka-
topa au i te ua ki runga i tetai oire, e
kare au i akatopa i te ua ki runga i
tetai oire; kua topaia tetai pae e te ua,

c te pae kare i topaia e te ua ra, kua
mae ia. Kua aere oki nga oire e rua e 8
e toru oki ki te oire okotai, e inu i te
vai, kare ra i pangia te kaki, e kare rai
kotou i oki mai kiaku nei, te tuatua
mairā Iehova. Kua pāpā au ia kotou 9
ki te pueka e te veravera, to kotou au
o, to kotou au kainga vine, e ta kotou
au suke, e ta kotou au olive, kua pou
ia i te akeride; e kare rai kotou i oki
mai kiaku nei, te tuatua mairā Iehova.
Kua akaunga atura au i te maki-mate 10
ki rotopu ia kotou, mei tei Aiphiti ra,
kua taia e au to kotou au tangata ou ki
te koke, ma ta kotou au ipo katoa i
tuikaia ra; kua akapke au i te
aunga kino o to kotou au puakapa ki
runga i o kotou rua putaiu; e kare rai
kotou i oki mai kiaku nei, te tuatua
mairā Iehova. Kua uritumua e au 11
tetai pae o kotou, mei ta te Atua uritumua
anga ia Sodoma e Gomora; e
mei te komotu ai kotou i kiritiia mai
no roto i te ai; e kare akera kotou i
oki mai kiaku nei, te tuatua mairā
Iehova.

E teianei, e akapera au ia koe, e 12
Iseraela, e no te mea, e akapera au ia
koe ra, e akatenteamamao koe i te ara-
vei anga i to Atua, e Iseraela c. I na 13
oki, ko tei anga i te au maunga; e tei
anga i te matangi ra; e tei akakite ki
te tangata nei i tona manako; ko tei
akariro i te popongi ei poihi, e tei
aere na runga i te au ngai teitei o te
enua nei; ko te Atua Sabaota ra, ko
Iehova, tona ingoa.

PENE V.

*E aue anga ia Iseraela, e te ako anga
oki kia tataraua: e mea riri ni te
Atua ta ratou ravena pikihaa.*

E AKARONGO mai kotou i teia- 1
nei tuatua, taku e tuatua nei ia
kotou, teianei pae tangi, e te ngutuare
o Iseraela c.

Kua inga te parctenia o Iseraela; 2
kare aia e tu akaou ki runga; kua aka-
tiraia aia ki runga i tona uaorai enua,
e kare ua e tangata i te akatu iaia ki
runga. Te na ko maira oki te Atua ra 3
ko Iehova; Ko te oire i tatakai tai
tausani i te aere anga ki vao; okotai
ua ona anere te ka toe; e ko tei taki
tai anere i te aere anga ki vao, okotai
ona ngauru te ka toe, no te ngutuare o
Iseraela.

Te na ko maira oki a Iehova ki te 4
ngutuare o Iseraela, E kimi kotou
iakū, e ora ia kotou. Auraka ra e 5
kimi ia Betela; auraka oki e aere ki

Gilgala; auraka rai e na roto ka
aere ei ki Bere-seba; e riro oki Gila-
gala ei tuika, e riro oki Betela ei mea 6
puapinga kore. E kimi kotou ia Ie-
hova, e e ora ia kotou, ko te oro viviki
mai aea aia mei te ai ra ki runga i te
ngutuare o Iosepha; e pou iora ia, e
kare ua e tangata i Betela i te tamate 7
atu. E kotou, e tei akariro i te tua-
tua-tau ei lone, e tei titiri i te tua-
tua-tika ki raro i te one, *E kimi iaia*
tei anga ia Matariki e ia Oriona; tei
akariro i te maru-mate ei popongi;
tei akariro i te ao ei poihi mei te po;
ko tei kapiki ki te au ngaru o te
moana, e kua riringi i te reira ki
runga i te enua ra; ko Iehova tona 9
ingoa. Ko tei tuku viviki mai i te
mate ki runga i tei ririnui, tae maira
10 oki te mate ki runga i te punanga. Te
riri nei ratou iaia i tei ako mai i te
ngutupa ra, e te akaviivii nei iaia i tei
tuatua ma te tiratiratu.

11 E tenana, no te mea, te takatakai
na kotou ki runga i te tangata rikiriki,
e te umuumu nei kotou i tana sitona ei
tāunga: patu ua rai kotou i te are i te
toka taraiia ra, kare kotou e noo ki
roto; tanu ua rai kotou i te kainga
vine memeitaki ra, kare rai kotou e
12 inu i to reira wina. Kua kite oki au i
ta kotou au tareva ke anga e kua
manganui, e ta kotou au ara kua
maata: i te akareionga anga i te tan-
gata tuatua-tika, i te rave anga i te
oko, e te akaoki anga i te tangata riki-
13 riki i te ngutupa ra. I muteki ua i te
tangata akono i taua tuatau ra; no
14 te mea e tuatau kino te reira. Ka
kimi i te meitaki, auraka te kino, kia
ora kotou; ei vaiata katoao te Atua
Sabaota ra ko Iehova ia kotou i reira,
15 mei ta kotou i karanga ra. Kia rika-
rika i te kino, e kia inangaro i te mei-
taki, e akatinamou i te tuatua-tau i te
ngutupa; peneiake, ko te Atua Sabaota
ra, ko Iehova, ko te aroa mai i te toe-
16 nga o Iosepha. E teianei, te na ko
maira te Atua, te Atua Sabaota ra, ko
Iehova: E aue anga tei te au ngai
atea katoa ra; e tuatua oki ratou i te
au arataa katoa ra, Aue! aue! Ka tiki i
te tangata tanu-kai, ei aue, e te aronga
17 i karape i te eva, ei aue. E aue anga
apake oki tei te au kainga vine katoa
ra, e na roto oki au ia koe te aere, te
tuatua mairā Iehova.

18 E ac oki kotou to tei inangaro i te
rū o Iehova! eaa no kotou taua rā no
Iehova ra? e poihi tei taua rā ra, kare
19 e mārama. Mei te mea e te oro ra te
tangata i te liona, e te aravei maira te

daba iaia; e kua tomo aia ki roto i te are, e kua irinaki tona rima ki runga i te ngaika, oonīa maira aia e te ovi. Kare ainei e pōiri te rā o Iehova e 20 kare e mārama; te pōiri tangotango oki, e kare rava e manga kakā i roto?

E mea riri naku, e mea viivii naku 21 ta kotou aronga pokai; kare rai oki au e ongi atu i to kotou au rā tapu. Apai ua mai kotou i te au tusia kara- 22 karatio, e ta kotou au mineka, kare au e mareka atu; e kare rai au e akono i te au tusia au i ta kotou au puaka matu ra. Apai ke atu i taau au pee 23 turitiori; kare oki au e akarongo atu i te tangi o to au nabala. Kia ta'e ua 24 maira te tuatua-tau mei te vai ra, e te tuatua-tika mei te vai ta'e viiviki.

Kua apai ainei kotou i te au tusia e 25 te apinga naku, i te medebara e a akera ngauru anga i te mataiti, e te ngutua e Iseraela? E kua apai oki 26 kotou i te puakapa o to kotou Moloka, e ia Kiuna, i to kotou au tiki, te etu o to kotou atua ra, ta kotou i anga no kotou uorai. E teianei, e apai ke atu 27 au ia kotou ei tuikaa e kia topa mai Damaseko, te tuatua mairā Iehova, ko te Atua Sabaota ra tona ingoa.

PENE VI.

Te kanga o Iseraela, to ratou rokoia anga e te pou maata; e to ratou māro i te kino.

EMATE to tei noo ponuiaau ua i 1 Ziona, e to tei irinaki ki te maunga i Samaria; ko tei tapaia i te ingoa o te aronga nunui o te pa enua ra, te aere nei te ngutua e Iseraela ki reira. E aere atu kotou ki Kalane, e akara; 2 e mei reira oki ka aere atu ei ki Hamata maata ra; ka aere katoa oki ki raro ki Gata o te Philiseti: te meitaki ra ainei ia i teianei au basileia? e te maata ra ainei to ratou kotinga i to kotou ra kotinga? E ae oki kotou to tei akamamao ke atu i te rā kino ra, e ko tei akavaitata mai i te nooanga o te akareionga ra; Ko tei moe ki runga i 4 te roi seni, e tei akāvai ki runga i te nooanga roroa ra; ko tei kai i te au punua mamoe no roto i te anana ra, e te au kafa no roto i te akaangai anga ra; Ko tei tioro ki te tangi o te 5 nabala, e mei ia Davida kua kimi i te au mea akatangia ra no ratou uorai; Ko tei takumete kia inu i te wina ra, 6 e kua akatainu ia ratou uorai ki te manongi meitaki ra; kare ra ratou i aue i te mate o Iosepha. E teianei, 7

ko ratou ana te ka riro ei tuikaa, i te aronga katoa e riro ei tuikaa, e te aronga maeva kata ko tei akāvai ki raro ra, e riro ke ia.

8 Kua taputou te Atu ra ko Iehova iaia uorai, te tuatua maira te Atua Sabaota ra, ko Iehova, Te viivii nei au i te nengonengo o Iakoba, e e mea riri naku te au are ariki nona ra: e teianei, e tuku atu au i taua oire ra, e to roto 9 katoa ra. E riro oki kia toe uorai nga tangata tino ngauru ki roto i te 10 are okotai, ka mate rai ratou. E na te taake oki, na te tutungi iaia ki te ai, e rave iaia, e apai i te au ivi ki vao mai i te are ra; nana oki e karanga atu kiaia i tei te pia i roto roa i taua are ra, E tangata ainei tei ko na ia koe na? e nana e tuatua mai, Kare ua. E i reira aia ka karanga atu ei, Kia muteki na; no te mea kare e tika ia tatou 11 kia taiku i te ingoa o Iehova. I na oki, kua akaueia e Iehova, e ka ta aia i te au are nunui kia ngaoro, e te au are 12 rikiriki kia ngaangaa. E oro ainei te ipo na runga i te mato? e tika ainei kia arote i te reira ki te bovi? kua akariro ra kotou i te tuatua-tau ei kavangu, e te ua o te tuatua-tika ra ei lone. 13 E kotou tei rekareka i te mea puapinga kore e, ko tei karanga e, Kare ainei matou i opu i te tara no matou 14 uorai, i to matou uorai rinirui? I na ra, e akatupu au i tetai enua ei rave ia kotou, e te ngutua e Iseraela, te tuatua maira te Atua Sabaota ra ko Iehova; e na ratou e akareionga mai ia kotou, mei te tomoanga i Hamata ra e tae rava atu ki te kauvai i te medebara ra.

PENE VII.

Te mate i te akeride, e te ai, i kore i te pure a te peroveta ra u Amosa.

1 **K**UA na ko oki te Atua ra ko Iehova i te akakite anga mai kiaku, e i na, kua anga aia i te au akeride i te muatangana o te tupu anga o te ngangacre openga; e i na, ko te ngangaere openga ia o ta te ariki ra kokoti anga. 2 E ope takiri akera te ngangaere o te enua i te keingaia e ratou, kua karanga atura au: E te Atu ra e Iehova, e akakore mai i te ara, te pati atu nei au ia koe: koai oki a Iakoba ka 3 mou ei aia? kua iti oki aia. Kua tataraara iorā Iehova i taua mea ra: Kare ia e tupu, te tuatua mairā Iehova. 4 Kua na ko maira te Atu ra ko Iehova i te akakite anga mai kiaku nei,

e i na, kua kapiki te Atu ra ko Iehova e taumāro ki te ai: e pou iora te mona maata, e kua pou iora tetai moutia. Kua karanga atura au, Kua oti ana, e te Atu ra e Iehova, te pati atu nei au ia koe: koai oki a Iakoba ka mou ei aia? kua iti oki aia. Kua tataraara iorā Iehova i taua mea ra, Kare katoa te reira e tupu, te tuatua maira te Atu ra ko Iehova.

Kua na ko aia i te akakite anga mai kiaku: e i na, te tu ua maira te Atu ki runga i tetai patu tu tikai; ma te aite akatautau i te rima. Kua tuatua mairā Iehova kiaku, E Amosa, eaa taau e akara na? Kua karanga atura au, E aite akatautau. Kua tuatua maira te Atu, I na, e tuku au i tetai aite akatautau ki rotopu i toku ra au tangata ia Iseraela, kare au e aere tapapae akaou na vao ia ratou. E tanea oki te au ngai teitei i o Isaaka, e te au ngai-tapu o Iseraela, ka pou ia; e tu oki au e rave i te ngutuare o Ieroboama ki te koke.

Ei reirā Amazia, te taunga i Betela, i tono ei i te karere kia Ieroboama, na ko atura, Kua kotikoti kupengā Amosa nei ia koe, i rotopu i te ngutuare o Iseraela nei; kare oki i tika i te enua nei kia akakoromaki i tana katoa ra au tuatua. Te na ko maira oki a Amosa: Ka mate a Ieroboama ki te koke; e e arataki tuikaia Iseraela mei roto atu i tona uorai enua. Kua tuatua mairā Amazia kia Amosa: E tera ra Akara e, ka aere, ka rere ke atu koe ki te enua ra o Iuda, ka kaihakai ei ki reira, e ei reira ka totou ei. Auraka ra koe e totou akaou i Betela nei, no te mea ko te ngai-tapu teia no te ariki, e ko te kainga teia no te ariki.

Kua karanga aturā Amosa i reira, na ko atura, kia Amazia, Kare au i te peroveta; kare katoa oki au i te tamaiti a te peroveta; e tiaki bovi ra au, e e akaputuputu sukamino oki: Kua rave mairā Iehova iaku, ka aru aere ei au i te anana ra, e kua tuatua mairā Iehova kiaku, Ka aere, ka totou ki toku au tangata kia Iseraela.

E teianei, e akarongo mai koe i te tuatua a Iehova: Te tuatua ra koe, Auraka e totou ia Iseraela; e auraka taau tuatua e topa i te ngutuare o Isaaka: E teianei, te na ko mairā Iehova; E riro to vaine ei akaturi i teianei oire, e to au tamaroa ma to au tamaine, e inga ia i te koke, e kotitia to enua ki te tataura, e mate oki koe i te enua viivii: e riro oki

Iseraela ei tuikaa mei roto atu i tona enua.

PENE VIII.

To Iseraela openga i te waitata anga i kitea i te kete kai akai ra: te akapaia nei i te takinga-kino: te onge i te tuatua na te Atua.

- 1 **K**UA na ko oki te Atu ra ko Iehova i te akakite anga mai kiaku, e
- 2 i na, e kete kai para. Kua tuatua maira aia kiaku, E Amosa, eaa taau e akara na? Kua karanga atura au, E kete kai para. Kua tuatua mairā Iehova kiaku, ko te openga teia kua tae ki toku ra au tangata ia Iseraela: kare oki au e aere tapapae akaou na vao ia
- 3 ratou. E riro oki te au pee i te are ariki ra ei kakaoa anga i te reira rā, te tuatua maira te Atu ra ko Iehova. E manganui te au turuma, ei te au ngai katoa ka akaruke aere ua'i, auraka e koma.
- 4 E akarongo mai i teia, e te aronga i apuku ua i tei putaua ra, e tei akakore i te au tangata rikiriki ki runga i te
- 5 enua nei, i te tuatua anga e, Aea e kore ei te marama ou nei, kia oko tatou i te sitona? e te sabati, kia akaaite tatou i te sitona? e te akaiti anga i te epha, e te sekela kia maata, e te akatarere ke anga i te aite akateiaa i te pikika; Kia oko tatou i te ao ki te ario, e tei putaua ki nga tamaka e rua ra; e
- 7 kia oko i te sitona akarukeia ra. Kua taputou a Iehova ki te meitaki o Iakoba: kare rava atu e ngaro iaku ta
- 8 ratou katoa ra au ravenga. Kare ainei te enua nei e ngaruerue i te reira, e e aue oki te aronga katoa e noo ki rungao ra? kare ainei e maranga katoatoa ra ki runga mei te kauvai ra? kare ainei e taia, e e poroma ki raro mei te
- 9 kauvai i Aiphiiti ra? E kia tae ki te reira rā, te tuatua maira te Atu ra ko Iehova, ei te avatea e akaou ei au i te rā, e ei te rā rangi marie e akapouri
- 10 ei au i te enua. E akariro au i ta kotou au pokai ei auanga, e ta kotou au pee ei evakakuanga, e tuku oki au i te kakau paoa ki runga i te au taukupu katoa; e te pakiko ki runga i te au mimiti katoa; e akariro oki au i te reira mei te aue anga i te tamaiti anau tai ra, e tona openga ei rā kino maata ra.
- 11 I na, te tuatua maira te Atu ra ko Iehova, e tae maira te au rā, e unga atu ei au i te onge ki runga i te enua; kare ra i te onge kai, e te kaki i te vai, i te
- 12 akarongo ra i te tuatua na Iehova. E uoa aere ua te tangata mei tetai tai e tae rava atu ki tetai tai, e mei te pae

apatokerau e tae rava atu ki te itinga o te rā, i te oro aere anga na runga na raro i te kimi anga i te tuatua na Iehova, e kare rava ra e kitea e ratou. I taua rā ra e rere a mate ua'i te au 13 paretenia purotu ra, e te au tangata ou katoa ra, i te kaki vai; Tei taputou ki 14 te ara a Samaria, e tei tuatua e, Te ora ra to atua, e Dana; e, Te ora ra to aerenga, e Bereseba; ka inga ra oki ratou, e kare rava atu e tu akaou mai.

PENE IX.

Te akatu akaou anga i te sekene o Davida ra.

KITE atura au i te Atu i te tu ua 1 anga ki te pae atarau, e kua tuatua maira aia, Ka tupaki ana i te uri kia nganene nga kopa ngutupa: e vava'i kia pueurikiriki ki runga i to ratou mimiti ravarai; e to ratou uanga, e taia ia e au ki te koke; ko tei oro i o ratou ra, kare ia e ora, e tei topa ke i te oro anga, kare e akaorai. E ko 2 ua rai ratou ki raro e tae rava atu ki te po, ei reira taku rima e totō mai ei ia ratou; kake ua rai ratou ki runga i te rangi, naku rai e tuku ia ratou mei reira ki raro. Pipini ua rai ratou 3 ki runga i te take o Karamela, naku rai ratou e kiini e ka rave mai ia ratou i reira; e kia pipini ua rai ratou i toku mata nei ki raro rava i te takere o te moana ra, ei reira au e akaue ei i te ovi, e nana e ooni ia ratou. Riro tuikaa ua rai ratou ki mua i te 4 aroaro o to ratou au enemi, e akaue atu au i te koke i reira, e na te reira ratou e ta: e tuku au i taku mata ki runga ia ratou kia kino, auraka kia meitaki. Ko te Atu ra oki ko Iehova 5 Sabaota ra, ko tei akatukia i te enua nei, e kua taravai iora; e te aronga katoa e noo ki rungao ra, kua aue anake ia; kua maranga katoatoa oki ki runga mei te kauvai ra, e kua roroma oki ki raro mei te kauvai i Aiphiti ra. Koia ko tei patu i toa ra au 6 pia ki runga i te rangi, e kua akamou i toa ra au are ki runga i te enua nei;

ko tei kapiki ki te au ngaru o te moana, e kua riringi i te reira ki runga i te enua nei; ko Iehova tona ingoa. 7 Kare ainei kotou mei te au tamariki Kusa iaku nei, E te au tamariki a Iseraela e, te tuatua mairā Iehova? Kare ainei au i arataki mai ia Iseraela mei te enua maira mei Aiphiti? e te Philiseti mei Kaphatori mai? e to Arama mei Kina mai? 8 I na, tei runga te mata o te Atu ra o Iehova i taua basileia ara nei; e akapou atu au i te reira i runga i te enua nei: kare ra au e akapou takiri rava i te ngutuare o Iakoba, te tuatua mairā 9 Iehova. I na oki, naku e akaue, e naku e ruru i te ngutuare o Iseraela ki roto i te pa enua katoa, mei te tangata e ruru i te sitona ki roto i te ruru anga ra; kare rava ra tetai ua e topa ki 10 raro i te one. E ope rava ra te aronga ara i toku ra au tangata i te mate i te koke, ko tei karanga e, Kare taua kino nei e tae mai kia tatou, kare oki tatou e rokoia. 11 I taua rā ra e akatu ei au i te puakapa o Davida i topa ra, e naku e pananaki i te au ngai ngaangaa; e naku e akatu i te au ngai i pou, e naku e patu akaou i te reira mei tei te au rā 12 taito ra. Kia rauka ia ratou te toenga o Edoma, e te au enua katoa te ka tapai i toku nei ingoa, te tuatua mairā 13 Iehova, ko tei rave i te reira. I na, e tae maira te au rā, te tuatua mairā Iehova, e rokoia'i te kokoti e te arote, e te takatakai vine e tei ruru i te ua; e na te au maunga e akatopata mai i te wina ou, e e akataravaiia te au tuaivi 14 katoa. E naku e ruri ke i te tuikaa anga o toku ra au tangata ia Iseraela, e na ratou e patu i te au oire i pou ra, e na ratou e noo; e na ratou e tanu i te kainga vine, e e inu i te wina o te reira; e na ratou e tanu i te kainga, e ka kai 15 oki te ua o te reira. Naku oki ratou e tanu ki to ratou uorai enua: e kare ratou e kiriti akaouia i to ratou uorai enua, taku i oronga atu no ratou, te tuatua maira to Atua ra ko Iehova.

TE BUKA A OBADIA.

Te pou anga o Edoma i to ratou ra ngakau parau: tona takinga-kino i tona teina ia Iakoba, e to Iakoba aulu anga, e te ora anga.

TE orama a Obadia.

Te na ko maira te Atu ra ko Iehova ia Edoma: E rongu ta matou i akarongo akenei no ko ia Iehova ra, e kua ungaia te karere ki rotou i te pa enua ra: Ka tu mai kotou; tatou e tu ki runga e tamaki atu iaia. I na, kua akaiti au ia koe i rotou i te au etene; kua akavaavaa roaia koe. Kua vare koe i te parau o to ngakau na, e tei noo ki roto i te ngaa mato ra; tei runga toou ra nooanga; ko tei karanga i roto i tona ngakau ra e, Naai au e tuku ki raro i te one? Akateitei ua rai koe ia koe uaorai mei te aeto ra, e tuku ua rai koe i to koanga ki rotou i te au etu ra, e tukuia koe e au ki raro mei runga i reira, te tuatua mairū Iehova.

Angairi e keia tei aere mai kia koe, angairi oki e va'i are i te po, (Aue toou pou anga e,) kare ainei ratou e keia e kia iu ra, oti ra ua? Angairi e aronga aaki vine tei aere mai kia koe ra, kare ainei ratou e akatote i etai vine? Aue to Esau kimi angaia e! e tona au ngai ngaro i te tutaka angaia e! Te au tangata katoa i kapiti mai kia koe ra, tei arumaki ia koe e tae rava atu ki te kotinga; te aronga i noo au ua mai ia koe ra, ko tei pikikaa ia ia koe, e kua autu ratou ki runga ia koe: e ko tei kai i taau kai kua akamoe i te ereere ki raro ake ia koe ra; e kare e kite i roto iaia ra. Kare ainei au i taua rā ra, te tuatua mairū Iehova, e akapou i te au tangata pakari i Edoma? e te aronga kite i te maunga ra i Esau? E rokoa to aronga toa, e Temani, e te tumatetenga, kia ope takiri ratou i te tipu keia i te maunga ra i Esau.

No te ta e te rave aroa kore i to tacake ia Iakoba, e tapokia koe e te

akama, e ka tipu keia koe e tuatau ua atu. I te rā i tu mai ei koe i tetai pae ra, i te rā i apai keia'i e te tangata ke ke tona aronga maroiroi ei tuikaa, ka tomo ei te tangata ke ke i tona au ngutupa, ka tuku ei ratou i te kelero ia Ierusalem, mei tetai o ratou ra oki koe i reira. Auraka tika koe e akara mai i te rā o to tacake, i te rā i riro ei aia ei tangata ke; e auraka tika koe e rekareka ki runga i te au tamariki a Iuda i te rā i pou ei ratou ra: e auraka tika koe e tuatua akaravati i te rā i pini ei ra. Auraka tika koe e tomo ki roto i te ngutupa o toku au tangata, i te rā i tumatetenga'i ratou ra; koia ia, auraka tika koe e akara ki runga i to ratou au mate i te rā i tumatetenga'i ratou ra; auraka tika oki koe e akatika i to rima e noni i ta ratou apinga i te rā i tumatetenga'i ratou ra. Auraka tika koe e tu ua i te ara o i'i e tipu i te aronga nona i ora ra; auraka tika oki koe e pa i tona aronga i toe ra i te rā i pini ei ra. Te vaitata maira oki te rā o Iehova ki runga i te au etene katoa ra: e mei taau i rave ra, ka pera katoaia koe; e oki mai taau i rave ra ki runga i toou uaorai mimiti. Mei ta kotou oki i inu ki runga i toku maunga tapu ra, e inu katoa te au etene ravarai, e inu ratou, e apuku oki i roto ra, e riro oki ratou mei te mea kare ra.

E riro ra te aronga i ora mai i runga i te maunga ra i Ziona, e tapu oki te reira; e rauka oki te ngutuare o Iakoba i to ratou au nooanga. E riro te ngutuare o Iakoba ei ai, e te ngutuare o Iosepha ei mura ai, e te ngutuare o Esau ei teita, e na ratou e tutungi ia ratou ki te ai, e kia pou ratou; e kare rava e uraura toe i te ngutuare o Esau; na Iehova oki teia i tuatua mai. To apatonga ra te ka noo ki te maunga o Esau, e to te ngai mataatua ra i te Philiseti; e riro katoa ia ratou te au kainga o Ephraïma, e te au kainga o Samaria; e riro oki Gileada ia Beniamina. E te au tui-

kna o te nuku ra i te tamariki a Ise-
raela, i rotou i te ngati Kanaana ra, e
tae rava atu ki Zarephata; e te au
tuikau o Ierusalem a Sepharada, ei ia
ratou te au oire i apatonga ra. E 21

tae oki te aronga akaora ki runga i
te maunga ra i Ziona, ei akava i te
maunga o Esau; e riro oki te basilea
ia Iehova.

TE BUKA A IONA.

PENE I.

*Ko Iona i tonokia ki Nineve, oro ke
atura ra aia ki Taresisa: te uriaa:
to Iona tiria angaia ki raro i te
tai, e te apuku angaia e te ika
maata.*

KUA tae maira te tuatua a Iehova 1
kia Iona te tamaiti a Amitai, na
ko maira,

Ka tu, ka aere ki te oire maata ra 2
ki Nineve, e tutu aere i te reira, no te
mca kua tae rava mai to ratou kino ki
mua i taku aroaro nei.

Tu akerā Iona ki runga e oro ki 3
Taresisa, mei te aroaro atu o Iehova;
aere atura aia ki raro i lopa ra, e kite
atura i tetai pai te aere atura ki Tare-
sisa, e kua oko atura, e kua tomo atura
ki roto i te reira ra, e aere katoa ma
ratou ki Taresisa mei te aroaro atu o
Iehova. Kua tuku maira rā Iehova i 4
tetai matangi maata ki runga i taua tai
ra, maata atura oki te uriaa i taua tai
ra; manakoia iora e ka ngaa taua
pai ra. Matakū iora te aonga pai,
kua tautopa iora ratou ravarai ki
tona atua, ki tona atua, e kua titiri
atura ratou i te au apinga i runga i te
pai ki raro i te tai, kia maranga te 5
pai ki runga: karekā Iona kua aere
aia ki raro i te pae ki roto roa i te pai,
kua tiriapuia aia e te moe. Kua aka-
vaitata maira te rangatira pai kiaia, e
kua na ko maira kiaia, Eaa koe i moc
tinainai ua'i? Ka tu, ka tautopa ki to
Atua, peneiake ko te manako mai
te Atua ia tatou, kia kore tatou e
mate.

Kua tuatua ratou ravarai ki tetai ki 7
tetai: Ka aere mai, ka tua tatou i te
kelero, kia kite tatou e naai te ara, i
rokoia'i tatou e teia kino nei. Kua tua
kelero iora ratou, e riro atura te kelero

8 ia Iona. Kua karanga atura ratou
kiaia: Ka akakitē mai ana koe i
tenana kia matou i te mea i rokoia'i
tatou e teianei kino? Eaa toou na
toroa? e noea roa mai koe? koai
toou na enua? e no teea pae tangata

9 koe? Kua tuatua maira aia kia
ratou: E ngati Ebera au, e te matakū
nei au ia Iehova, i te Atua o te rangi
ra, ko tei anga i te tai e te enua marō
10 nei. Maata rava akera to te au tan-
gata iora matakū, e kua karanga
atura kiaia. No te aa ua akera koe i
akapera'i? Kua kite oki taua au tan-
gata ra e, i oro mai aia mei te aroaro
mai o Iehova, nana uarai oki i aka-
kite mai kia ratou.

11 Kua karanga atura ratou kiaia, E
akapea atu matou kia koe, kia marino
te tai ia matou nei? te aere nei oki te
tikitiki anga o te tai ki te maata anga.

12 Kua tuatua maira aia kia ratou, E
rave mai kotou iaku, ka titiri iaku ki
raro i te tai; ei reira e marino ei te
tai ia kotou: kua kite oki au e noku i
rokoia'i kotou e teianei uriaa maata.

13 Akamaroiroi iora te au tangata i te oe
e oki akaou ki uta; kare ra i rauka
ia ratou, no te mea te aere ra te tiki-
tiki anga o te tai ki te maata anga ia

14 ratou. E kua kapiki atura ratou kia
Iehova, e kua na ko atura: E tenana,
e Iehova! te pati atu nei matou kia
koe, auraka matou e mate, i te ara a
teianei tangata; auraka ei toto ara
kore kia io mai ki runga ia matou nei,
kua rave oki koe, e Iehova, i taua i

15 inangaro ra. Kua rave iora ratou ia
Iona, e kua titiri atura ki raro i te
tai: kore akera te tikitiki anga o

16 taua tai ra. Maata rava atura te
matakū o taua aronga tangata ia Ie-
hova, e kua apai ratou i tetai tusia kia
Iehova, e kua tia iora ratou.

17 Kua akonoia e Iehova tetai ika

maata ei apuku ia Iona. E i roto oki a Iona i te kopu o taua ika ra, e toru po, e toru oki ao.

PENE II.

Te pure a Iona ra, akaorua akerā aia i roto i te kopu o te ika ra: tana tuatua akameitaki.

E KUA pure aturā Iona ki tona ra 1
Atua kia Iehova, i roto i te kopu 2
o te ika ra, e kua na ko atura, I 3
kapiki atura au i toku tumatetenga 4
kia Iehova, e kua akarongo mai aia 5
iaku; i roto i te kopu o ade toku 6
kapiki anga atu, e kua akarongo mai 7
koe i toku reo. Kua titiri koe iaku 8
ki raro i te moana, i rotopu i te tai 9
ra; kua akapiniia au e te moana; 10
kua na runga mai iaku te tuātea e te 1
au ngaru katoa naau ra. Kua tuatua 2
iora au, Kua titiri keia au i mua i to 3
aroaro na, e akara akaou ra au ki to 4
nao tapu ra. Kua akapiniia au e te 5
tai, me mate au; kua pini rava au i 6
te moana; kua pokaikāia taku mi- 7
miti e te ngangaere moana. Eke 8
rava atura au ki raro i te tumu o 9
te au maunga; ko te enua ma tona au 10
tea tei tapiri tamou ia iaku: kua 1
akaoki maira ra koe i toku ora mei 2
te mate mai, e taku Atua, e Iehova. 3
Ka ngaevaeva i toku vaerua i roto 4
iaku ra, kua maara iora au ia Iehova, 5
e kua tac taku pure ki roto kia koe, 6
ki roto i to nao tapu ra. Te aronga i 7
akono i te au mea puapinga kore piki- 8
kaa ra, kua akaruke ratou i tei taki- 9
nga-meitaki mai ia ratou. Kareka 10
au nei, e apai au i te tusia naau ma te 1
reo akameitaki; taku oki i tia ra, ko 2
taku ia e apai. Tei ia Iehova te ora. 3
Kua akaue aturā Iehova i taua ika 4
ra, e kua akapuaki atura aia ia Iona 5
ki runga i te one marō.

PENE III.

Ko Iona i tono akaouia, e kua ako atura i to Nineve ra.

E KUA oki rua maira te tuatua a 1
Iehova kia Iona, na ko maira, 2
Ka tu, ka aere ki taua oire maata ra ki 3
Nineve, ka tutu aere ci ki reira i te 4
tuatua taku i karanga atu kia koe na. 5
Kua tu akerā Iona ki runga, aere 6
atura ki Nineve, i ta Iehova i tuatua 7
maira. E oire maata oki Nineve ki 8
mua i te Atua, po toru te aereanga e 9
pini ei. Kua akamata aturā Iona i te 10
aere na roto i taua oire ra, po tai akera 1
i te aere anga; kua tutu aere aia, na

ko atura, E rua takau rā toe e uritumuia i Nineve.

- 5 Kua akatika atura te au tangata o Nineve i ta te Atua; e kua tutu atura i te neseteiaanga, kua kakau atura i te kakau paoa, mei tei maata i o ratou e tae rava atu ki tei mea ngiti i o ratou.
- 6 Kua tae oki taua tuatua ra ki te ariki o Nineve, e kua tu akera aia mei runga i tona terono, kua kopae atura i tona uarai kakau, e kua tapoki iora iaia orai ki te kakau paoa, e kua noo iora
- 7 ki raro i te reu. E tutuia akera te tuatua ki Nineve katoatoa ra, i te akaue a te ariki e tona ra au tangata nunui, i te na ko anga, Auraka rava te tangata e te puaka katoa, te anana hovi e te anana mamoc, e tongi ua ake i te kai; auraka e kaikai, auraka oki e
- 8 inu vai. Kia tapokii te tangata e te puaka katoa ki te kakau paoa, e kapiki nui atu oki ki te Atua, ka ariu ke mai ei ratou ravarai i tona ra aereanga kino, e te takinga-kino o to ratou
- 9 rima. Penciake ko te ariu te Atua, e ko te tatarara, ka ariu ke ci i te otooto anga o tona riri, kia kore tatou e mate.
- 10 Kua akara maira te Atua i ta ratou angaanga, e kua ariu ke ratou i to ratou aereanga kino, e kua tatarara iora te Atua i te kino tana i karanga ra e tuku mai ki runga ia ratou, e kare akera aia i tuku mai i te reira.

PENE IV.

To Iona riri anga, e ta Iehova ravenga i te ako mai iaia.

- 1 **K**INOKINO roa akerā Iona, e
- 2 maata atura tona riri. Kua pure atura aia kia Iehova, na ko atura, E tenana, e Iehova, Kare ainei teia taku i karanga ra, iaku i noo ki toku uarai enua? i oro ci oki au ki Tare-sisa i muatangana ra; kua kite ana oki au e, e Atua aroa ua koe e te tangi, e te akakoromaki, e te takinga-meitaki
- 3 maata, e e tatarara koe i te kino. E teianei, e Iehova, teia taku e pati kia koe, ka rave mai koe iaku kia mate, e mea meitaki oki naku te mate,
- 4 e auraka au e ora. E kua tuatua mairā Iehova kiaia; Kua maata rava ainei toou riri?
- 5 Kua aere oki a Iona ki vao i taua oire ra, e kua noo iora ki te pae oire ki te itinga o te rā ra, e kua anga iora aia i tetai are piritanga nona i reira, e kua noo iora aia i raro ake i roto i te maru-maru ra, kia kite aia e ka akapeaia

taua oire ra. Kua akatupu iora te Atua ra ko Iehova i tetai kikiona, akatupuia iora na runga ia Iona, ei maru-maru i runga i tona upoko, kia ora aia i tona tumatetenga; rekareka rava akerā Iona i taua kikiona ra. Kua akono ra te Atua i tetai anue, i te pōpōngi ake apopo, momotu iora taua kikiona ra, e mae atura. E kia iti akera te rā ki runga, kua akono iora te Atua i tetai matangi vera e maoake, e ititia iora te mimiti o Iona e te rā, e kua rere a mate iora aia, e kua pati iora aia e kia mate aia: kua karanga oki aia, E mea meitaki iaku te mate i te

6 9 ora. Kua tuatua maira te Atua kia Iona, Kua riri roa ainei koe i te kikiona nei? Kua karanga atura aia, Kua 10 riri roa au e mate ua atu. Kua tuatua mairā Iehova, Kua tangi koe i te kikiona, tei kore i angaangaia e koe, e kare oki koe i akatupu; ko tei tupu mai i te po okotai, e kua mate rai i te 8 11 po okotai: E auraka ainei au nei e tangi ia Nineve, i tera ra oire maata, e ono takau tausani anga i te tangata kare i kite i to ratou rima katau e to ratou rima kaui, e te au puaka katoa oki e manganui?

TE BUKA A MIKA.

PENE I.

Te akakite nei a Mika i te riri o te Atua ia Iakoba i te akamori idolo.

TE tuatua a Iehova i tae mai kia 1
Mika te Morasi, i te au rā o Iotama, e ia Ahaza, e ia Hezekia, e puke ariki no Iuda, ko tana ia i kito ia Samaria, e Ierusalemā. E akarongo mai, e te au tangata katoa e; e akono mai, e te enua e, ma tona ki katoa ra: ei kite oki te Atua ra ko Iehova ia kotou, te Atua nei i roto i tona ra nao tapu. I na oki, te aere mai nei a Iehova mei roto i tona ra ngai; e eke mai oki aia ki raro, e takatakai i te au ngai teitei o te enua nei. E ta'e te au maunga i raro ake iaia, e ngangaa oki te au o e taka ke atura, mei te tapou ki te pae ai, e mei te vai i riringiia mai i runga i te ngai teitei. No te tatipake a Iakoba taua au mea katoa nei, e no te ara a te ngutuare o Iseraela. Eaa taua tatipake a Iakoba ra? kare ainei Samaria? eaa oki te au ngai teitei o Iuda? kare ainei Ierusalemā? Ka akariro ei au ia Samaria ei ututua i roto i te kainga, ei au tanumanga kainga vine ra; e uri oki au i tana au toka ki raro i te tairua, e kia kitea uaia tona au tango. E pūpūia tona au tiki kotikoti ravarai e unguangā titi rava, e tana au apinga akaturu, e ta'una anaia ia ki te ai, e pou

rava iaku tona katoa ra au idolo: no te mea, no te oko a te akaturi tana apinga i te akaputuputu anga, e akao-kia oki te reira ei oko na te akaturi. 8 E teianei, e aue au, e e kakaoa; ka aere taaka ua au e ma te kakau kore; e aue au mei te au teni ra, e e mii 9 au mei te au ioue ra. E puta ora kore oki tona; kua tae tika mai ia kia Iuda; e kua tae oki ki te ngutupa o toku ra au tangata, ki Ierusalemā rava. 10 Auraka e akakiteia i Gata, auraka e aue i Ako: ei Bete-aphara ka takaviri ei ia koe uarai i raro i te one-pueu. Aere ra koe, e tei noo i Saphira, ma te kakau kore e te akama; kare tei noo i Zaanana e aere atu; na te aue o Bete-ezela e ngere ei koe 11 tou i te tauturu nona. Kua taitaia ua tei noo i Marota i tona ra apinga, kua tae mai oki te kino ki raro ki te ngutupa i Ierusalemā, mei ko mai ia 12 Iehova ra. Ka akamou ana i te kariota ki runga i te puaka oro viviki ra, e tei noo i Lakisa e: nana i akamata i te ara i te tamaine a Ziona, i roto oki ia koe na te au ara i Iseraela i te kitea 14 anga. E teianei, ei apinga kopae taau e oronga atu kia Moreseta-gata; e riro te au ngutuare o Akaziba ei pikikaa 15 i te au ariki o Iseraela. E arataki atura au i tetai tangata kainga kia koe, e tei noo i Maresa: e tae mai aia ki 16 Adulama, te kakā o Iseraela. Ka

akapakiko ana i to mimiti, ka varu oki i te reira i to au tamariki akaperepere; e akamaata i to pakiko mei to te aeto ra; kua riro tuikaa oki ratou i mua ia koe.

PENE II.

Te akakore nei te Atua i te au tuatua takinga-kino.

E AE oki te aronga i kimi i te ara 1
e tei rave i te kino i runga i to ratou au roi; i te mārama anga i te popongi kua rave ratou i te reira, no te mea e tika i to ratou rima kia rave. Kua inangaro oki ratou i te au kainga, 2
e kua āru ua, e te au arc, e kua rave iora; i akapera ratou i te takinga-kino i te tangata ma tona nguare, te tangata oki ma tona kainga ipukarea. E teia- 3
nei, te na ko mairā Iehova, I na, te akakoro nei au i te kino i taua kopu- tangata ra, kare e tika ia kotou kia kiriti i to kotou kaki mei roto i te reira, kare oki kotou e aere ma te nengonengo; e riro oki te reira ci tuatua kino. I taua rū ra ka tumu 4
ei tetai i te amo ia kotou, ka pee oki i te pee aue maata, i te na ko anga e, Kua pou takiri tatou: kua kave keia te tuanga o toku ra au tangata: eaa ra oki aia i apai ke ei i te reira iaku nei! kua tua aere aia i to tatou au kainga no tei kotoc ki muri. E teia- 5
nei kare tetai e toc ia koe ra, ko tei tatakai i te tataura kelero, i te uipānga o Iehova ra. Auraka kotou e totou; na ratou e totou, te ka kore e totou i taua au mea nei: kare oki e akapaki i te aka- 6
kino. Eaa ia tuatua, e te ngutuare o Iakoba e! kua apikepikē ainei te Vaeua o Iehova? nana ainei teia i rave? kare ainei e meitaki i rauka i taku nei tuatua i te tangata aerenga tiratiratu ra? Kua tu mairai oki mei 7
toku ra au tangata mei te enemi mei ito mai: te kiriti nei kotou i te kakau momono, ma te kakau pu katon, no runga ia ratou e aere ua ma te ora, no runga oki ia ratou e oki mai mei te tamaki anga ra. Te kika nei kotou i 8
te au vaine o toku nei au tangata i to ratou au arc memcitaki ra: e te aka- ngere nei kotou i ta ratou au tamariki i toku nei kakā e tuatau ua atu. Ka 9
tu kotou, ka aere; kare oki teia i to kotou akaangaroinga: no te mea kua viivii ia, e riro ia i te pou; e eiro te reira pou i te maata ua atu. Kia 10
aere ua tetai tangata ma te manako pikikaa, ka tuatua pikikaa'i, i te na ko anga e, E totou au ia koe i te wina e 11

te kava kona, koia te peroveta na teianci au tangata.

- 12 E akaputuputu katoatoa tika rai au ia koe, e Iakoba e; e akaputuputu tika rai au i te toenga o Iseraela; e kave au ia ratou ki te ngai okotai mei te au mamoe i Bozara, mei te anana i roto i ta ratou one kai; e varakau pu ua 13
ratou i te rai o te tangata. Kua aere atura te vava'i na mua ia ratou, kua vava'i ratou, e kua na te ngutupa i te aere, kua na reira i te tomo ki vao: kua na mua to ratou ariki ia ratou, koia oki a Iehova, ko to ratou ia arataki.

PENE III.

Te takinga-kino o te ui ariki ra, e te pikikaa o te au peroveta.

- 1 **K**UA karanga atura oki au, Ka akarongo mai ana kotou, e te aronga nunui i o Iakoba ra, e ko kotou, e te au akava i te ngutuare o Iseraela; kare ainei tei ia kotou te kite i te 2
tuatua-tau? Ko kotou, ko tei riri ki te meitaki, e tei inangaro ki te kino; ko tei oore i to ratou kiri no runga ia ratou, e to ratou kiko no runga i to 3
ratou au ivi. Ko tei kai i te kiko o toku ra au tangata, e kua oore i te kiri no runga ia ratou ra: e kua atiatu i to ratou au ivi, e kua tua ia ratou mei te 4
manga i roto i te pani, e mei te puaka i roto i te pani maata. Ei reira ratou e kapiki atu ei kia Iehova, kare ra aia e ki mai ia ratou; e puroku ra aia i tona mata ia ratou i taua tua- 5
tau ra? no te mea kua kino ia ratou ta ratou au ravenga. 6
Te na ko mairā Iehova i te au peroveta, i tei akatareva ke i toku ra au tangata; i tei kakati to ratou nio, ka karanga'i e, Ei au; e tei kore i toku mai i te kai ki roto i to ratou vaa, kua akonokono ratou i te tamaki iaia. 7
E teianci ei po to kotou auraka ei orama; ei poiri to kotou auraka ei kesema; e opu oki te rū ki runga i te au peroveta, e riro oki te ao i te po 8
kerekere ki runga ia ratou. Ei reira te au akara e akama'i, e e aringaranga te au kesema; koia ia, e tapoki anake ratou i to ratou kumikumi; no te mea, kare te Atua i ki mai. 9
Kua ki tikai ra au i te maroiroi i te Vaeua o Iehova, e te tuatua-tau, e te ririnui; ei akakite kia Iakoba i tona 10
kino, e kia Iseraela i tana ara. Ka akarongo mai ana kotou i teia, e te aronga nunui i te ngutuare o Iakoba, e te ui akava i te ngutuare o Iseraela,

ko tei akaviivii i te tuatua-tau, e tei taruri ke i te au tuatua-tika ravarai: I te patu anga ia Ziona ki te toto, e 10 ia Ierusalemā ki te kino. Tei te oko 11 e akava'i to reira aronga nunui, e tei te kura e apii ei tona kau taunga: e tei te moni e totou ei tona au peroveta; irinaki ua'i ratou ki runga ia Iehova, i te na ko anga e, Kare ainei a Iehova i rotopu ia tatou nei? kare tatou e rokoaia e te kino. E teianei, 12 no kotou, ka aroteia'i Ziona mei te kainga ra, e riro Ierusalemā ei au ututua, e te maunga i te are nei ei vaorakau teitei.

PENE IV.

Te kakā, te au, te basileia, e te upokotu, o te ekalesia.

E RIRO kia tae ki te au rā openga 1 ra, e akatinamouia'i te maunga ra o te are o Iehova ki runga i te take o te au maunga ra, e ka akateiteia ia ki rungao i te au tuaivi ra, e ka uipa mai te au tangata ki reira. E manganui te enua e aere; ma te tuatua e, Aere 2 mai, ka aere tatou ki runga i te maunga o Iehova, ki te are o te Atua o Iakoba, e nana e apii mai ia tatou i tona au aerenga; e ka aere tatou na tona ra au arataa. I na Ziona atu oki te ture i te riro anga atu, e te tuatua a Iehova, i na Ierusalemā atu ia. E 3 nana e akava i rotopu i te tangata e manganui, e e akataka i te tuatua i te au enua ririnui i te atea ke ra; e tupaki ratou i ta ratou au koke ei auri arote, e ta ratou au korare ei tipi tope ia, kare tetai enua e tamaki mai ki tetai enua i te koke, kare oki ratou e apii akaou i te tamaki. E noo ra 4 ratou ravarai ki raro ake i tana uaoari vine, e ki raro ake i tana uaoari suke, e kare tetai e akamataku mai; ko te vaao oki o Iehova Sabaotha ra, tei tuatua mai. Kia aere ua te tangata ravarai 5 i te ingoa o tona uaoari atua, ka aere ra tatou i te ingoa o Iehova, o to tatou Atua, e tuatatau ua atu. I taua rā 6 ra, te tuatua mairā Iehova, e uipa mai ei au i tei pirikoki, e tei tuaruia ki vao, e tei makiia, iaku ra, e akaputupuia mai ia e au. E akariro 7 oki au i tei pirikoki ra ei toenga, e tei tuku mamaoia, ei enua ririnui; e ei ia Iehova oki te au ki runga ia ratou i te maunga ra i Ziona, i teianei e tuatatau ua atu. Ko koe oki, e te puna- 8 nga o te anana ra e, e te maunga o te tamaine a Ziona, e tae mai ia kia

koe, ko te au muatangana te ka tae mai, te basileia o te tamaine a Ierusalemā ra.

- 9 E tenana, eaa koe i kapipi nui ei? kare ainei e ariki i roto ia koe na? kua mate ainei to au tumu korero? i rokoaia'i koe e te mamac mei te vaine anau ra? Akamamae ana, akaanau 10 ana, e te tamaine a Ziona! mei te vaine anau ra; ei tenana oki koe e aere ei mei roto i te oire, ka noo ei ki roto i te koro, ka aere oki koe e tao rava atu ki Babulonia; ei reira koe e akaoraia'i, ei reira koe e okioa'i e Iehova i te rima o toou au enemi ra. 11 E teianei kua kuku mai te au enua e manganui ki runga ia koe, ko tei tuatua e, Kia viivii atu aia, e kia akara 12 o tatou mata ki runga ia Ziona. Kare ra ratou i kite i te manako o Iehova, kare oki ratou i kite i tana i akono ra; e akaputupuia okiaia ia ratou mei te au ruru sitona ki runga i te alona. 13 Ka tu, ka pāpā, e te tamaine a Ziona: e akariro oki au i toou ra tara ei auri, e akariro au i toou ra maikuku ei veo: e ungaungā titi te pa enua e manganui ia koe; e naau e akatapu atu i tei rauka ia ratou ra na Iehova, e ta ratou au apinga, na te Atua ia o te ao katoa nei.

PENE V.

Te anau anga o te Mesia, tona basileia, e te pou anga o tona au enemi.

- E** AKAPUTUPUTU marie mai 1 koe, e tera ra tamaine o te au motuanga toa ra: kua akapiniia tatou: kua taia e ratou te paparinga o te akava ra o Iseraela ki te rakau. 2 E mea ngiti rai koe, E Betelehema Epharata, kia kapiti katoa ki roto i te au tausani i Iuda ra, e tae maira aia kiaku nei mei roto mai ia koe ra, ko te ka riro ei kavana i Iseraela nei; mei ito mairai oki tona aerenga, mei tupua 3 rava mai. E teianei, ka tuku atu aia ia ratou, e kia tae ki te tuatau e anau mai ei te ka anau ra, ei reira e oki mai ei te toenga o tona au taeake ki te au 4 tamariki a Iseraela. E tu ua aia ma te angai i tana anana, ma te ririnui o Iehova, ma te mekameka o te ingoa o tona ra Atua ko Iehova, e tika marie oki ratou i te noo anga; e maata oki aia i reira e tae rava atu ki te au ope- 5 nga mai o te enua ra. E riro taua tangata nei e, ko te au ia. Kia kaitamaki mai to Asura ki to tatou nei enua, e kia takatakai aia i to tatou au

are ariki, ei reira tatou e akatupu ei ei patoi iaia i nga tiaki mamoe toko itu, e nga tangata akatainuia toko varu. E pou oki te enua ra o Asura ia ratou i te koke, e te enua o Nimeroda i te tomo anga atu: e akaoraia oki tatou e ia i to Asura, kia tae mai aia ki to tatou nei enua, e kia takai aia i to tatou nei au kotinga. E vai rai te toenga o Iakoba i rotopu i te tangata e manganui, mei te au no ko ia Iehova ra; mei te ua to-ungaunga ki runga i te ngangaere ra, tei kore ia e tiaki ki te tangata nei, kare oki e tapapa ki ta te tangata nei au tamariki. E vai rai oki te toenga o Iakoba ki roto i te au enua ra, ki roto i te au tangata e manganui, mei te liona i rotopu i te au puaka o te vaorakau ra, e mei te liona ou i rotopu i te au anana mamoe ra, kia aere ua aia na roto ra, kua takataki ia ki raro, e kua aeae e ungaunga ua ake, e kare e akaora e ora'i. E akateiticia to rima ki runga i to au ekai ra, e ka ope rava to au enemi i te tipu keia. E i taua rā ra, te tuatua mairā Iehova, e tipu keia'i e au taua aranga ipo i roto ia koe na, e e pou to au kariota iaku: E tipu keia e au te au oire o to enua, e naku e uri i to au punanga ketaketa ra ki raro: E tipu keia e au te au purepure i to rima na, e kare atura ou e akara tumurangi. E tipu keia e au to au idolo kotikotitia ra, e to au tiki i rotopu ia koe ra; e kare rava koe e akamori akaou i tei anga e to rima ra. E kiriti tumuia e au to au Aseto-reta i roto ia koe, e e pou to au oire iaku. E tutaki atu oki au ma te riri e te riri otooto, ki runga i te au enua kare i akarongo ra.

PENE VI.

To te Atua māro anga atu ki te taki-nga-kino, te kite kore, te tuatua-tika kore, e te akamori idolo.

E AKARONGO mai kotou i te nana i ta Iehova e tuatua nei: Ka tu, ka taumāro atu koe ki mua i te aroaro o te au maunga, e kia akarongo mai oki te au tuaivi i to reo. E akarongo mai kotou, e te au maunga e, i ta Iehova ra taumāro anga, e kotou e te au mato, nga tumu o te enua e; no te mea e taumāro anga ta Iehova ki tona ra au tangata, e ka mūro atu rai aia ia Iseraela. E taku au tangata e, kua akapea atu au ia koe? i te aa i roiroi ei koe iaku? e akakite mai iaku. Kua arataki mai oki au ia koe mei te

enua maira mei Aiphiti; e kua akaora au ia koe i te ngutuare tavini ra; e kua tono au ia Mose, ia Aarona, e ia Miriama, na mua ia koe. E taku aronga tangata e, ka akamaara ana i ta te ariki o Moabi ta Balaka i kimi ra, e ta Balaama te tamaiti a Beora i tuatua mai kiaia; e akamaara i tei raveia ra, mei Sitima e tae rava atu ki Gilagala, kia kite kotou i te tuatua-tika a Iehova.

6 E aere atu au ki mua i te aroaro o Iehova ma te aa, ka tupou ei iaku uao-rai ki raro ki mua i te aroaro o te Atua teitei? e aere ainei au ki mua iaia ma te tusia karakaratio? ma te kafa mataiti okotai ra? E mareka ainei a Iehova i te au rama e kia tausani? e kia ngaurn te tausani i te kauvai mori ra? e oronga ainei au i taku tama mua no taku nei ara, te ua o toku kopapa no te ara a toku vaerua? Kua akakite mai aia kia koe, e te tangata na, i te mea meitaki: e caa ta Iehova inangaro ia koe ra, mari ra ko te rave i te tuatua-tau, e kia inangaro i te aroa, e te aereanga akamako tikai i to Atua ra?

9 Te kapiki nei te reo o Iehova ki te oire, e ko tei pakari ra, e kite ia i toou ingoa; e akarongo kotou i te pāpā, e 10 tei akono mai i te reira. Te vai ra ainei ki roto i te are o te aronga kino te apinga i rauka i te kino ra, e te 11 epha mea ngiti i kataraiia ra? E ara kore ainei taku e tei iaku te au aite 12 kokino ra, e te pute toka pikikaa? Kua ki oki tona ra au tangata apinga nui i te rave aron kore, e kua tuatua tei noo i reira i te tuatua pikikaa; e arero 13 pikikaa oki tei to ratou vaa. E pāpā rai oki au ia koe ki te maki ora kore, i te akatanea anga ia koe no taua au ara. 14 Ka kaikai koe, kare ra e merengo, ka riro oki te teina i roto ia koe; ka apai ke oki koe, kare ra tetai e ora ia koe, e tei ora ia koe ra, naku ia e tuku atu ki 15 te koke. Ka ruru koe, kare ra e koki; ka takataki koe i te olive, kare ra koe e pani i te manongi; e te wina 16 ou, kare ra koe e inu i te wina. Kua akono tika ia oki te au akonoanga a Omeri, e te angaanga katoa a te ngutuare o Ahaba, e te aeere nei kotou i ta ratou ako; kia akariro atu au ia koe ei tanea, e to reira au tangata ra ei aka-vaavaaanga; ka iri mai ei te akakino i toku ra au tangata ki runga ia kotou.

PENE VII.

Te taitaia nei te ekalesia i te iti o tona au tangata.

AUE oki au nei e! kua riro oki au mei te mea e kua akaputuputu ratou i te kai mou, mei te mea e kua koi akaope i te ua vine; kare ua e kaui toe kia kai, kare e suke para i kakii e toku vaerua ra. Kua mate te tangata meitaki i runga i te enua nei, e kare ua e tangata tiratiratu i rotou i te tangata nei; te moctapapa anake ra ratou ki te toto; te arumaki ra te tangata ravarai i tona uoarai taeake ki roto i te kupenga. Kua vave tikai to ratou rima kia rave i te kino; kua pati te ariki, e te akava katoa, i te oko; e kua tuatua te tangata nui i te inangaro o tona ngakau, te tavaitai nei ratou i te taruri ke. Kua aite tei meitaki ia ratou ki te rakau taratara, e tei tiratiratu ra e ngari ake te koro rakau taratara; te vaitata maira te rā o toou ra au tiaki, e te tutaki anga ia koe; ei teiane i e tupu ei to ratou tumate-tenga.

Auraka kotou e akarongo ua atu ki te oa, auraka e irinaki ki te oa tumanava; e tiaki marie i te ngutupa o to vaa ki tei moe ki roto i to keke ra. E akakino oki te tama i tona metua tane; e tu mai te tamaine e patoi i tona metua vaine, e te unonga vaine e patoi i te metua ongoai vaine ra, e to te tangata nei au enemī, ko te au tangata ia o tona uoarai ngutuare. E akara ra au ia Iehova, e tapapa au i te Atua o toku nei ora; e akarongo mai taku Atua iaku nei.

Auraka koe e rekareka ki runga iaku, e taku enemī: inga uoarai au, e tu akaou rai au ki runga, noo uoarai au ki roto i te pōiri, e riro a Iehova ei māmara noku. E akakoromaki au i te riri o Iehova, no te mea kua ara au iaia; e kia akatika aia i taku nei tuatua, e kia rave aia i te tuatua-tau

iaku nei; e arataki aia iaku ki te māmara: e kite au i te tuatua-tika nana ra. Ei reira taku enemī e kite ei, e e ngaro aia i te akama, ko tei tuatua mai kiaku e, Teica to Atua ko Iehova? e kite taku mata iaia; ei teiane i aia e takatakaiia'i mei te vari i te au arataa ra. I te rā e patuia'i taau ra au koro, ei taua rā ra e akapararauareia'i tei akonoia nei; I taua rā ra e aere mai ei ratou kia koe mei Asura mai e Aiphiti rava, mei tetai tai e tae rava atu ki tetai tai, e mei tetai maunga e tae rava atu ki tetai maunga. Ka tanea ra te enua no te aronga i noo i reira, no te ua o ta ratou au ravenga.

14 E akaangai i to au tangata ki te rakau naau, i te anana ra i taau ra tuanga; tei noo meamea ua ki roto i te vaorakau ra, i rotou tikai i Karamela; ei Basana, e ei Gileada, ratou kaikai ei, mei tei te au rā taito ra.

15 Mei tei te au rā i aere mai ei koe mei te enua ra mei Aiphiti, ka akakite ei au iaia i te au mea umereia. E akara te pa enua, e e akama i to ratou ririnui katoa; e tapoki to ratou vaa ki te rima; e tūri oki to ratou taringa. E mitimiti ratou i te one-pueu mei te ovi ra; e ruketekete ratou i roto i to ratou au pipinianga mei te au mea to-toro o te enua nei; e matakū ratou i to tatou Atua ra ia Iehova, e e matakū oki ratou ia koe.

18 Kōai ia Atua e tau ia koe ra, i te akakore anga i te tuatua kino, e te akaruke anga i te ara, a te toenga o tana ra tuanga? kare aia e akamou i tona riri e tuatua ua atu, no te mea, e

19 mea rekareka iaia te aroa. E tangi akaou mairai aia ia tatou, e akavi mairai aia i to tatou au kino; ka riro koe i te titiri i ta ratou au ara ravarai ki raro roa i te au ngai oonu o te moana. E oronga mai koe i te tuatua-mou kia Iakoba, te aroa kia Aberahama, i taau i taputou mai ki to matou ai metua mei te au rā taito mairai.

TE BUKA A NAHUMA.

PENE I.

Te mana o te Atua e tona takinga-meitaki i tona ra au tangata.

Tē tuatua ia Nineve ra. 1
Te buka no te orama a Nahuma 2
te Elekosi ra. E Atua vareae a Iehova 3
e te akaoko; e akaoko ta Iehova, e te 4
riri ootoo; e akaoko a Iehova i tona 5
ra au ekai; e te vao marie ra aia i 6
tonu riri no tona ra au enemi. Kare 7
a Iehova e rapurapu i te riri, te maata 8
ra te mana, kare ravā Iehova e tuatua 9
ia ratou ei aronga ara kore ra: tei te 10
puaioio e tei te uriia to Iehova ra ara- 11
taa, e one-pueu te au tumurangi nei 12
no tona vaevae. Akamura atura aia i 13
te moana, e kua marō iora, kua ta-
marō oki aia i te au kauvai ravarai :
kua mae Basana, ma Karamela, e kua
mae te tiare o Lebanona. Kua nga-
ruerue te au maunga iaia, e kua ta'e te
au tuaivi, e kua marangaranga te enua
ki mua i tona aroaro; te ao, e tei noo
i rungao. Koai te ka mou ki mua i
tona mainaina? koai oki te ka mou
mai ki mua i te vera anga o tona riri?
kua maringi tona riri ootoo mei te ai
ra, kua uriia e ia te au mato ki raro.
E meitaki to Iehova, e akapuaunga
ketaketa i te rā tumatetenga ra; kua
kite oki aia i te irinaki iaia ra. E
rave akapou rava ra aia i tona ra
ngai, mei te vai puke e maringi ua
ra; e na te poiri e arumaki i tona ra
au enemi. Eaa ta kotou e manako
ana ia Iehova; e rave akapou rava aia,
kare e tu rua mai te mate i te tupu
anga. Piriakita ua ratou mei te ra-
kau taratara ra, e kona ua ratou i ta
ratou wina, ka pou rai ratou mei te
teita e marō takiri ra. No roto ia
koe tetai i te aere anga mai, ko tei
manako i te kino ia Iehova ra, e tumu
korero kino. Te na ko mairū Iehova, 12
Katoatonoti ratou, e rui oti, ka tipuia rai
ratou, e ka riro ke atura aia. Mate
ua rai koe iaku ra, kare ra koe e mate
akaou iaku. E i teianei au e aati ei i 13

tana zugo i runga ia koe ra, e e mo-
motu taka ke toou au ruru iaku ra.
14 Kua tuku mai oki a Iehova i te akaue-
nga ia koe, e kare rava tetai o toou
ingoa e ruru akaouia; e tipu ke atu
au i te au tiki kotikotia, e te au tiki
akatoia, i te are o to au atua ra; e
akariro au i te reira ei tanumanga
noou, no te mea kua tarevakaua
koe.
15 I na, tei runga i te au maunga te
vaevae o tei apai mai i te tuatua mei-
taki, o tei tutu aere i te au: e akono
koe, e Iuda, i taau ra au ravenga
tapu ra, e rave i taau i tia ra: kare
oki te tangata kino e na roto aka-
ou ia koe ra; kua tipu ke ravaia
aia.

PENE II.

*E nuku rikarika e te upokotu ta te
Atua i te rave anga ia Nineve.*

KUA tae mai tei akapueurikiriki ra
ki mua ia koe; tapapa i te pu-
nanga, kia matakite i te arataa, e ruru
kia piri te tauputu, e akamaroiroi ia
2 koe uorai ki te ririnui e kia ope. E
akaoki mai oki a Iehova i te meitaki
o Iakoba, mei te meitaki katoa o
Iseracla: pou ua'i ratou i tei akapou
ra, e kore ua'i ta ratou au rara vine.
3 Kua akakutekuteia te paruru o te
aronga ririnui nona ra; kua kakau
te aronga toa ki te kakau kutekute:
e tei te au kariota te koke ai ra, i te
rū e akonokono ei aia ra; e kua ruru-
4 ia te au berusi. Kua oro a neneva
ua te au kariota i te au arataa, kua
oro pu ua, anatu ana mai, i te au ngai
atea; mei te rama to ratou tu, mei
5 te korapa uira te viviki. Kua aka-
maara aia i tona aronga ririnui; kua
tukiakia aere ratou i to ratou aere-
nga; kua rapurapu ratou ki te pae
patu, e kua akonokonoia te paruru.
6 Kua kiritiia te au ngutupa o te vai
ra, e kua taravai ua te are o te
7 ariki. Kua vai tāka ua aia, kua
riro i te apai ki runga, ma te au

vaine i te aere aere anga mei te aere
 kukupa ra, ma te papaki i to ratou
 umauma. Tau ua rai Nineve ki te vai
 puna, mei ito mai, e ati ra ratou.
Te kapiki ra, Ka tu uao na, ka tu
 uao na; kare ra tetai e akara mai ki
 muri. Ka noni na kotou i te ario, ka
 noni katoa i te auro: kare e ope anga
 te au apinga nui: kua maata ua atu
 te au apinga inangaronga. Kua putaua
 aia, kare ua i toe, e kua pou; kua
 tu a vai ua te ngakau, kua pāpā te au
 turi; e mamae maata tei te au tau-
 kupu ravarai, e kua kerekere aere te
 au mata ravarai.

Teiea te ana o te au liona? e te ngai
 i angaiia'i te au liona ou? te ngai i
 aereia e te liona ma te liona ua ra, e
 te punua liona, e kare e akamataku
 mai? Kua aene te liona i ta te au
 punua nana e kua rava, e kua kukumi
 i ta tana ra au liona ua ra, e kua akaki
 aia i tana au ana ki te kai, e tona au
 nooanga ki te apinga āru. I na, te
 patoi atu nei au ia koe, te tuatua
 mairā Iehova Sabaota ra, e ka tona au
 kariota iaku e auai atura; e pou
 to au liona ou ki te koke, e tipu ke
 atu au i taau i noni ra i runga i te enua
 nei, e te reo o taau au karere kare e
 kitea akaou.

PENE III.

*Te akakiteia nei te openga kino rava o
 Nineve.*

AUE to te oire toto e! kua ki takiri
 ia i te pikikaa e te āru; kare te
 apinga noni iapai keia. Te kokina
 anga o te taura pāpā, e te aruru o te
 kutukututu anga o te au porotata
 ra, te oro ua anga o te au ipo, e te
 rererere anga o te au kariota; Te kake
 anga o te au tangata ipo ra, te kakā
 anga o te au koke ra, e te kanapanapa
 anga o te au korare ra: te manganui
 o tei taia ra, e te auau anga o te ta-
 ngata mate ra: kare e ope te au ko-
 papa mate, kua inga aere ratou na
 runga i te au kopapa mate: No te
 akaturi anga e manganui a te akaturi
 ra, a tei tu meitaki ra, te pu vaine o te
 aronga purepure, ko tei oko aere i te
 pa enua i tana akaturi anga, e te au
 kiato i tana purepure anga. I na,
 kare au e tau ia koe, te tuatua
 mairā Iehova Sabaota ra; e tāki au i
 to pareu i runga i to mata, e e akakite
 au ki te pa enua i toou vai taaka ua
 anga, e te au basileia i toou akama. E
 pei atu au ia koe ki te au mea viivii,
 kia viivii atu koe; e akariro atu au ia

7 koe ei matakitaiana. E riro oki
 te aronga ravarai e akara ia koe i te
 oro ke ia koe, e ka tuatua e, Kua
 pou Nineve: naai aia e tangi atu?
 8 ka kimi tika au kiea i te akapumaana
 ia koe? E meitaki maata ainei toou
 i to No-amona, tei roto oki i te au
 kauvai tona vairanga, kua akapinia aia
 e te vai; te tai tona paruru, te tai
 9 oki tona patu? Na to Kusa, e to
 Aiphiti, i akamaroiroi iaia ki te au
 nuku kare e pou kia tatau, ko Phuta
 10 e ko Lubi, ko toou ia tanturu. Iapai
 keia ra aia, riro atura ei tuikaa, i
 pāpā ungaunga titiia tana au tamariki
 i te openga mai o te au arataa katoa
 ra, i tua keleroina e ratou tona aronga
 taoiau, e i tapekaia tona au tangata
 11 nunui ki te pirianganaoa. E kona
 katoa oki koe; ka pipini rai koe;
 naau katoa e kimi i te akapuanga i te
 12 enemi. *Kua aite* to au punanga keta-
 keta ravarai ki te au suke ma te suke
 para muatangana ra, kia rurua e ratou
 ra, kua topa mai ia ki roto i te vaa o te
 13 kai ra. I na, kua tu a vaine ua toou
 ra au tangata i roto ia koe ra, ka kiriti
 amama roaia te au ngutupa o te enua
 ki to au enemi; e ka oki to au tea ki
 14 te ai. Ka utui ana koe i te vai no te
 tamakiaiana, ka akaketaketa ana i te
 au punanga: ka aere ki roto i te vari,
 ka takatakai i te karakaraca; ka aka-
 pakari atu i te umu ta'u karakaraca.
 15 Ei reira koe e pou ei i te ai; ka tipu
 keia koe e te koke; e keingaia koe e
 te reira mei to te akeride uruuru ra;
 akamaata ua atu ia koe mei te akeride
 uruuru ra; akamaata ua atu ia koe
 16 mei te akeride e maata ra. Kua aka-
 maata koe i toou au tangata oko e iti
 te au etu o te rangi ra: te matao aere
 ra te au akeride uruuru, e rere ke
 17 atura. Kua aite toou ui ariki ki te au
 akeride e maata ra, e toou au kapena
 mei te au akeride nunui ra, ko tei pua-
 kapa aere na roto i te koro i te rā anu
 ra: kia iti maira te rā ra, rere ke
 atura, e kare atura e kitea to ratou
 18 ngai e noo ra. Kua moe to aronga
 tiaki, e te ariki o Asura e: e kua akā-
 vai ua to aronga nunui ki raro; kua
 pueurikiriki toou au tangata ki runga
 i te au maunga, e kare ua e tangata i
 19 te akaputupu mai. Kare e ora
 anga i te paruparu noou ra; e puta
 kino toou; te aronga i kite i te rongo
 ia koe ra, e pokarakara ia te rima ki
 runga ia koe ra, koai oki tei kore i
 taea e taua kino tokutuku kore
 noou ra?

TE BUKA A HABAKUKA.

PENE I.

Te akaara nei a Habakuka i te tuatua o te enua i te kino.

TE tuatua ta te peroveta ta Habakuka i kite ra.

Mei te aa te roa, e Iehova, o toku kapiki anga, e kare koe i akarongo mai! o toku kapiki nui anga atu ia koe i te takinga-kino, e kare koe i akaora! Eaa ra oki koe i akakite mai ei iaku nei i te kino, akara ua'i koe i te mate nei? te vai nei oki te āru e te rave aroa kore ki mua iaku nei: e te vai nei oki te aronga e akatupu i te karo e te tauctono. No reira i parukaua'i te ture, kare oki i matere te tuatua-tau pikikaa kore ra; no te mea, kua akapini te aronga kino i te aronga tuatua-tika, i matere ei te utunga tatipake. Ka akara ana i rotopu i te au etene, ka akara ana oki, kia itimangamanga rava atu ei; e angaanga oki taku e rave i to kotou nei puke rā, akakite ua atura ia kotou, kare rai kotou e akarongo. I na oki, te akatu nei au i te Kaledoa, i te enua aroa kore e te viviki, ko tei na roto i te pararauare anga o te enua nei i te aere, kia rauka ia ratou te au kainga kare i to ratou ra. E mea rikarika ravaia e te matakua; nona orai tana tuatua-tau e tona teitei. E ngakoikoi maata oki to tana au ipo i to te au nemera ra, e te viviki oki i to te au luko aia ra; e oro nengonengo akapararauare tana au ipo; e mei te ngai mamao mai tana au ipo ra; e rere oki ratou mei te aeto e rapurapu ki tana kai kia pou. E tere akaperepere kore anake tona i aere mai ei; mei te maoakete tuoto ratou au mata; e mei te one tana au tuikaa kia akaputuputu mai. E akavaavaa aia i te au ariki, e riro atura te ui ariki ki kataanga nana; e mea takatakata ua nana te au punanga ravarai; e āu oki aia i te one ka rave ei i te reira. Ei reira e rauka iaia te maroiroi ou, ka aere atu ei aia,

e ka rave i te ara, i te na ko anga e, Ko taua mana ainei teia nona i tona ra Atua?

- 12 Kare ainei koe mei tupua roa mai, e Iehova, e taku Atua, e Tei Tapu ra? kare matou e mate. E Iehova, kua akono koe i te reira ei akautunga anga atu; akataka oki koe i te reira, e te
- 13 Mato e, ei ako anga atu. E mata ara kore rava toou, kare e tika kia akara mai i te kino, kare oki e tika ia koe kia akara mai i te tuatua-tika kore: eaa oki koe i akara mai ei i te aronga āru? e i muteki ua'i koe kia akapou te tangata kino i tei maata tana tuatua-
- 14 tika i tana uaorai? E kua akariro i te au tangata mei te ila o te tai ra, e mei te au mea totoro aere kare e kavana i
- 15 runga ia ratou ra? Kua rauka anake ia iaia i tana matau, e kua ei ratou ki roto i tana kupenga, e kua akaputuputu ia ratou ki roto i tana kupenga;
- 16 i rekareka'i aia e i akatietie ei. No reira aia i akatusia'i ki tana kupenga, e kua tutungi i te rakau kakara ki tana orai kupenga, no te mea no reira i matuaia'i tana tuanga, e i matu ei
- 17 tana kai. No reira ainei i riringi ia'i tana kupenga? e kare i taporoporo i te ta ua atu rai i te pa enua?

PENE II.

Te akakiteia nei a Habakuka, kia tapapa i te tuatua ma te akarongo e tika'i.

- 1 **E** TU au ki runga i toku are tiaki anga, e e noo marie au ki runga i te punanga, e ka tapapa uaorai au kia kite i tana e ka tuatua mai kiaku nei, e taku e ka tuatua i taku māro anga
- 2 atu. E kua tuatua mairā Iehova iaku, na ko maira, Ka tata ana i te orama, e kia kitea uaia ki runga i te au papa, kia oro ua te tangata kia tatau ra.
- 3 No te taima e akonoia ra taua orama nei, ei te openga ra e tuatua mai ei e kare e pikikaa; roa oti, ka tapapa atu rai; e tae tika mai ia, e kare e tavare-
- 4 vare. I na, ko te nengonengo, kare e

tiratiratu tona ngakau i roto iaia, ka ora ia.

E mea pikikaa tikai oki te wina: kare te tangata ngakau parau e mou ki te ngutuare, te akamaata ra oki aia i tana i anoano ra mei ia ade; mei te mate oki aia, e kare rava e iu, te akaputupu tu aia i te pa enua katoa nona uorai, e te koi aere ra te tangata katoa nona anake rai. Kare ainei taua aronga katoa nei e tumu i te amo iaia, te amo aviri iaia, ka na ko ei e, Aue tona to tei akamaata i te apinga e kare i tana uorai! mei te aa te roa? e kua akateina iaia orai ki te kai ou e manganui. Kare ainei e tu vave mai te aronga e kai ou ei koe ra? kare ainei te ka akaruketekete ia koe e ora mai? e riro atura koe ei nonianga na ratou. No te mea e manganui te enua tauu i noni ra, e riro na te toenga ravarai o te tangata nei e noni mai ia koe ra; no te toto tangata, e te rave aroa lore i te enua nei, te oire, e te aronga katoa e noo i roto ra.

Aue tona to tei rauka iaia te apinga kino no tona ra ngutuare, kia tuku aia i tona koanga ki te ngai teitei, ei akara iaia orai i te mana o te kino ra. Kua kimi koe i te akama no toou uorai ngutuare, i te tipu ke anga atu i te au tangata e manganui, e kua ara koe i toou uorai vaerua. Te kapiki maira oki te toka i roto i te patu ra, e te aē maira te ten i roto i te au rakau ra: Aue tona to tei patu i te vila i te toto ra, e tei akatinamou i te oire i te kino ra. I na, kare ainei teia no ko mai ia Ichova Sabaota ra, kia riro ta te tangata nei tautā anga no te ai, e kia akaroiroi te au tangata ia ratou uorai no te puapinga kore ra? E akakiia oki te enua nei ki te kite i te kakā o Ichova, mei te moana i ki i te tai ra.

Aue tona to tei akainu atu i tona tangata tupu, i te riringi anga i toou riri, ma te akakona anga atu iaia, kia kite i to ratou vai taaka ua anga. Kua ki koe i te akama, kare i te kakā; ka inu katoa koe, ka akakite ei i to peritome kore anga ra; te kapu i te rima katau o Ichova e tae mai ia kia koe, e ngaro atura to kakā i te ruaki akama ra. E tapokiia koe i te takinga-kino i Lebanon, mei te au puaka e mataku kia taia ra; no te toto tangata oki, e no te rave aroa kore i te enua nei, te oire, a te aronga katoa e noo ki roto ra. Eaa ta te tiki kotikotiia ra puapinga, i te mea na te taunga i

kotikoti ra, te tiki akatoia ra, e te apii i te pikikaa? tei irinakiia e te tau-nga tana uorai angaanga, i te rapa anga i te au idolo tuatua kore ra. Aue tona to tei tuatua ki te rakau, Ka ara; e ki te toka tuatua kore, Ka tu; na te reira e apii! I na, tera o, kua vafia ki te auro e te ario, kare takiri ra e 20 manga a'o o roto ra. Tei roto rā Ichova i tona ra nao tapu; kia muteki to te ao katoa nei ki mua iaia.

PENE III.

Te ruketekete nei a Habakuka i te mana o te Atua.

1 **E** PURE na te peroveta ra na Habakuka ki runga i te mea tangi 2 akapaapaa ra. I akarongo ana au i te rongo ia koe, e Ichova, matakū iora au; e Ichova e, e akatupu akaou koe i tauu angaanga i rotupu i te au mataiti ra; i rotupu i te au mataiti e akakite mai koe: i te riri anga ra, e akamaara 3 koe i te aroa. I aere mai te Atua mei Temana mai; e Tei Tapu ra mei te maunga ra i Parana. Sela. Kua kapi te rangi i tona kakā, kua ki oki te 4 enua i te paapaa iaia. Kua tau tona kakā ki to te mōrama, puroro maira te verovero no roto i tona rima: i reira 5 oki tona mana i te uuna angaia. Kua na mua iaia te maki-mate i te aere; e te maki vera tei aru i tona takainga 6 vaevae. Kua tu iora aia, e kua angaueue atura i te enua; kua akara aia, e kua akaruketekete atura i te au etene; e te au maunga taito ke ra, pueurikiriki iora, e te au tuaiui vaoongata ra, topa iora ki raro; te au aere- 7 nga taito nona. Kua kite au i te au puakapa o Kusana i te tumatetenga anga, e kua ru ua te au paruru o te 8 enua ra o Midiana. I ka ainei to Ichova riri ki te au kauvai? i tupu ainei to riri ki te au kauvai? i otooto ainei to riri ki te tai? ka akaoro ci koe na runga i te au ipo, ma to au kariota 9 akaora ra? I vai taka uaina to ana, kia tataki itu te korare, ko te tuatua ia: Sela. Kua vava'i koe i te au kau- 10 vai i te enua nei. Kua akara te au maunga ia koe, e kua ngaueue; te maringi anga o te au vai ra, riro ke atura ia; kua tuku maira te moana i tona reo, kua apai i ona rima ki runga 11 roa. Kua noo ua te rā e te marama ki roto i to raua ngai, i te marama o to au kakao i rere ra, i te kakā kanapa- 12 napa o tauu korare. Ma te riri akaoko i aere ci koe na roto i te enua, ma te riri i takataki ei koe i te au etene.

Kua aere koe ei ora no toou ra au ta- 13
ngata, ei ora no to aronga akatainuia
ra; kua paru ia koe te pu o te are o te
aronga kino, kua eou koe i te tumu e
tae rava atu ki te kaki ra. Sela. Kua 14
koia e koe tei maata i o toa ra au
kapena ra ki te rakau nana orai, tei tu
a uria ra i te aere anga mai ei aka-
pueurikiriki iaku ra, i rekareka ratou
mei te mea e kia pou ngaro ua ia ra-
tou te aronga ao. Kua na raro koe i 15
te tai ma to au ipo ra, na roto i te
auau anga o te moana maata ra. Aka- 16
rongo akera au, ngarepurepu atura
toku manava, i te rongo ua kua ru ua
taku ngutu; kua o maira te pe ki
roto i toku au ivi, kua ruketckete iora
i toku ra ngai: e akaangaroi ra au i

taua rā tumatetenga ra, kia kake mai
te au tangata e tamaki mai ia matou.
17 Kore au atu rai te pua anga o te su-
ke; kore ua atu te manga i runga i te
au vine, kore ua atu rai te olive i te ua
mai, e kore ua atu e kai ki runga i te
au kainga; pou ua atu rai te au anana
i roto i te au koro ra, e kore ua atu
18 te au hovi i roto i te vairanga ra: Ere-
kareka ra au ia Iehova, e rere ua au i
te rekareka i te Atua o toku nei ora.
19 Ko te Atua ra ko Iehova, ko toku ia
maroiroi; nana e akariro i toku vae-
vae mei to te aili, e ka aere au iaia
na runga i taku au ngai teitei. Na te
tumu imene, ma taku au pen akata-
ngi ra.

TE BUKA A ZEPHANIA.

PENE I.

*Ta te Atua tutaki anga atu ia Iuda i
tana ra au ara.*

TE tuatua a Iehova i tae mai kia 1
Zephania te tamaiti a Kusi, te ta-
maiti a Gedalia, te tamaiti a Amaria,
te tamaiti a Hizikia, i te au rā o Iosia
te tamaiti a Amona, ariki no Iuda. E
rave ke takiri ravaia e au te au mea
katoa i runga i te enua nei, te tuatua
maiā Iehova. E rave keia e au te
tangata e te puaka, e rave keia e au
te au manu o te reva e te au ika o te
tai; e te au turoriaranga ma te aronga
kino katoa ra; e tipu keia e au te ta-
ngata i runga i te tua enua nei, te tua-
tua maiā Iehova. E akatika au i taku
rima ki runga ia Iuda, e ki runga ka-
toa i to Ierusalem ravarai; e tipu ke
atu oki au i teianei ngai i te toinga o
Baala, i te ingoa o te kau taunga idolo,
ma te kau taunga ke katoa ra; E te
aronga i akamori i te au nuku o te ra-
ngi ki runga i te au are ra; e te aro-
nga i akamori e i taputou ia Iehova, e
tei taputou ia Moloka; E te aronga i
iki i te tua kia Iehova, e kare i kimi
ia Iehova, kare oki i ui iaia.

Kia muteki ua ki mua i te Atua ra ia 7

Iehova, kua vaitata oki te rā o Iehova;
kua akonokono oki a Iehova i tetai
tusia, kua akataka aia i te aronga i ka-
8 rangaa e ia ra. E i taua rā tusia na
Iehova ra, e akautunga atu ei au i te
ui ariki e te au tamariki a te ariki ra,
e te aronga katoa e kakau i te kakau
9 no tai enua ke. I taua rā rai e akau-
tunga atu ei au i te aronga ravarai e
rere na runga i te turuki ra, ko tei
akaki i te are o to ratou pu ki te rave
10 aroa kore e te pikikaa. E tupu oki i
taua rā ra, te tuatua maiā Iehova, te
reo auc no ko mai i te ngutupa ika ra,
e te eua kaku no ko mai i te rua o te
oire ra, e te ngaangaa maata no ko mai
11 i te au tuaiui ra. Ka auc, e tei noo i
Maketesa, kua ope oki te au tangata
oko i te nate; te aronga katoa i teiaa
12 i te moni, kua tipu keia ia. E i taua
tuatau ra ka kimi matatio ei au ia Ie-
rusalem ma te rama, e e akautunga
atu au i te au tangata i mārokiakia ki
runga i ta ratou ota, tei karanga i to
ratou ngakau e, Kare a Iehova e rave i
te meitaki, kare rai oki aia e rave i te
13 kino. E riro ta ratou au apinga i te
āru, e akatancaia to ratou au are; e
patu oki ratou i te au are, kare ra e
noo ki roto, e ka tanu ratou i te kainga
vine, kare ra e inu i te wina o te

reira. Kua vaitata te rā maata o Ie- 14
hova, kua vaitata, e te rapurapu roa
maira; te aruru o taua rā o Iehova ra;
ei reira e kakaoa rava atura i te tangata
ririnui. E rā riri ototoo taua rā ra, e 15
rā manamanata e te kino, e rā aka-
tanea e te pou, e rā pōiri e te po āve,
e rā tumurangi e te pōiri tangotango;
E rā akatangi pu e te aoa-tamaki, i 16
te au oire akaketaketaia ra, e te au
punanga teitei. E tuku mai au i te 17
manamanata ki runga i te au tangata
nei, e mei to te matapo ra to ratou
aere: no te mea kua ara ratou ia Ie-
hova, e riringi ravaia to ratou toto
mei tōne-pueu ra, e to ratou kiko, e
riro ia mei te repo ra. Kare e tika i 18
to ratou ario e to ratou auro i te aka-
ora ia ratou i te rā o to Iehova riri
ototoo ra; e pou roa ra te enua katoa
i te ai rā o tona vareac: e rave aka-
ope rava oki aia i te aronga ravarai e
noo i te enua nei kare e roaia.

PENE II.

*Te ako nei te peroveta i te tangata kiu
tataaraa.*

KA akamingi kotou ia kotou uao- 1
rai, e kia akamingiia kotou, e te
enua inangaro koreia ra. Kare tei
akakoroia i anau; te peke ke nei te rā
mei te ota ra; kare kotou i rokoia e te
riri viviki o Iehova ra, kare kotou i
rokoia e te rā riri o Iehova. E kimi 3
ia Iehova, e te aronga akaaka ravarai
o te enua nei, ko tei rave i te tuatua-
tau nana ra; e kimi i te tuatua-tika, e
kimi i te akaaka, penciake kotou ko te
uunaia i te rā e riri ei a Iehova ra. E 4
akarukeia Gaza, e tanca oki Ase-
kelona; e iia ke atu ratou ia Asedoda
i te avatea na, e ka kiriti tumuia Eke-
rona. Aue to tei noo i taatai, te enua 5
o te Kereti! te patoi nei te tuatua a
Iehova ia kotou; e Kanaana, te enua
o te Philiseti, e pou koe iaku, e kare
atura e tangataia. E riro a taatai ei 6
nooanga, e ei au punavai na te au tiaki
mamoe, e ei koro no te au anana. E
ka riro oki a taatai no te toenga i te
ngutua-re o Iuda, ei reira ratou kaikai 7
ei: ei roto i te au are i Asekelona ra-
tou e moe ei i te alai, na to ratou Atua
oki na Iehova e icie mai ia ratou, e ka
ruri ke oki i to ratou tuika anga.

Kua rongo au i te akakino a Moabi, 8
e te akavaavaanga a te au tamariki a
Amona, ko tei akakino mai i toku ra
au tangata, i te akateitei anga ia ratou
uaorai i to ratou ra kotonga. E teianci, 9
te tuatua mairā Iehova Sabaota ra, te

Atua o Iseraela, Te ora nei au, e riro
tikai Moabi mei ia Sodoma, e te au
tamariki a Amona mei ia Gomora; ei
ngai tatupu anga tataramoa e te vaarua
tai, ei ngai tanea e tuataua ua atu; e
noniia ratou e te toenga o toku ra au
tangata, e e nooia ratou e te toenga o
10 toku nei enua. E rokoia mai ratou e
te reira no to ratou ngakau parau, no te
mea kua akakino ratou e kua akateitei
ia ratou uaorai i te au tangata no Ie-
11 hova Sabaota ra. E riro a Iehova i te
matakaia e ratou, e akamate oki aia i
to te enua katoa nei au atua i te pongi;
e akamori te tangata katoa nei iaia, te
tangata i tona ngai, te tangata i tona
ngai, te au enua rikiriki ravarai o te
12 etene ra. E kotou katoa oki, e to
Kusa, ka taia ia kotou e taku koke.
13 E akatika oki aia i tona rima ki te pae
ki apatokerau, e akapou aia ia Asura;
e akariro oki aia ia Nineve ei ngai
tanea, e te papamarō mei te medebara.
14 E moe oki te au anana ki roto iaia; te
au terio katoa o te pa enua; ka noo
oki te kate ma te kephoda ki roto i te
au uri ngutupa nona ra; e reo te ka
tangi i te au maramarama, e riro te au
turuki i te tanea, no te mea kua vao
atea ka uaia te au angaanga arezi.

15 Ko taua oire rekareka teia ko tei noo
ponuiaua ua ra, ko tei tuatua i roto i
tona ngakau e, Ko au, e kare atu mari
ra ko au. Aue aia nei i te tanea e!
e te moe aere anga no te au puaka mo-
moavao e! e riro te au tangata katoa i
na reirao te aere i te aviri e te ruru i
te rima.

PENE III.

*Te akaapa nei ia Ierusalemia i te au
ara e manganui.*

AUE tona to tei meameaanu e te viivii, 1
2 te oire akateimaa e! Kare aia i
akarongo i te reo; kare aia i āriki i te
ako; kare aia i irinaki kia Iehova;
kare aia i akavaitata atu ki tona Atua.
3 Tona ra ui ariki i roto iaia ra, e Iona
ngunguru ia; tona ra au akava, e luko
aia ia; kare ratou e ngau i te au ivi i
4 te popongi. Tona ra au peroveta, e au
tangata tarevakaua ia e te pikikaa; e
kua akaviivii tona ra au taunga i te
mea tapu, e kua rave kino ratou i te
5 ture. Tei roto iaia a Iehova tuatua-
tika ra, kare aia e rave i te mea tika
kore; te tuku nei aia i tana tuatua-tau
ki te marama i te au popongi katoa,
kare ua e kore anga i te reira, kare ra
te tangata tuatua-tika kore e kite i te
6 akama. Kua tipu keia e au te pa

enua; kua tanea to ratou au punanga; kua meamea ua to ratou au arataa iaku, e kare ua e tangata e na reira te aere: kua pou to ratou au oire; e kare ua e tangata, kare ua e tangata kia noo. Kua tuatua oki au, Kia matakua ua mai koe iaku; kia āriki mai koe i te ako; kia Lore tona noo-anga e tipu keia, meite au mea katoa i akonoia e au nona: kua tu popongi metua ra ratou, kua akakino ratou i ta ratou au ravenga ravarai.

E tapapa mai ana ra iaku, te tuatua mairā Iehova, e kia tae ki te rā e tu ei au ki runga i taku e ka noni ra; teia oki taku i akakoro ana e akaputupu i te pa enua, e nipa mai i te au basileia; kia riringi atu au i toku mainaina ki runga ia ratou, i te vera anga o toku riri kia ope; e pou rava oki te enua katoa nei i te ai ra i toku nei vareac. Ei reira oki au e tuku atu ei i te vaa viivii kore ki te au tangata nei, kia tau-
topa katoatoa ratou i te ingoa o Iehova; kia tavini atu ratou iaia ma te manako okotai. Mei ko roa mai i te au kau-
vai i Kusa ra, te aronga e pure iaku ra, te tamaine a toku aronga i aka-
pucurikiriki keia ra, i te apai anga mai i te atinga naku ra. I taua rā ra, I
kare koe e akama i taua au ravenga katoa i ara ai koe iaku ra; ei reira oki au e akataka ke atu ei i rotopu ia koe i toou aronga akatieite, kare oki koe e akateitei akaou ia koe uorai i runga i toku maunga tapu ra. E vaoo ra au i
roto ia koe i te au tangata akaaka e te ao, e ka irinaki ratou i te ingoa o Ie-
hova. Kare te toenga o Iseraela e
rave i te kino; kare oki ratou e tuatua

i te tuatua pikikaa; kare oki e arero pikikaa e kitea i roto i to ratou vaa; ka kaikai oki ratou e ka akāvai ki raro, e kare ua tetai e akamataku mai.

14 Ka imene, e te tamaine a Ziona; ka maeva, e Iseraela; kia pereperেকavana, e kia rekareka ma te ngakau katoa, e te tamaine a Ierusalem. Kua apai keia e Iehova taua ra utunga; kua akapeke aia i toou ra au enemi; tei roto ia koe ra te ariki o Iseraela, ko Iehova: kare koe e kite akaou i te
16 kino. I taua rā ra ka tuatuaia i Ieru-
salema, Auraka e matakua; e Ziona e,
17 Auraka e parukaua to rima. Ko to Atua ra ko Iehova, tei roto ia ia koe, ko tei ririnui ia, e nana koe e akaora; e rekareka aia i runga ia koe ma te pereperেকavana, e noo marie aia i roto i tona aroa; e rekareka aia i runga ia
18 koe ma te imene. E akaputupu au i te aronga e auc i te au uipānga tapu ra, no roto oki ratou ia koe; te aronga i akakoromaki i te akakino anga iaia.
19 I na, i taua tuatau ra e rave kinoia e au te aronga katoa i kino ei koe ra: e akaora oki au i tei pirikoki, e akaputu-
putu mai au i tei tuarua ki vao, e naku e akatupu i te paapaa e te rongonui ia ratou i roto i te au enua katoa i taakama mai ia ratou. I taua tuatau
20 ra e akuoki mai ei au ia kotou, i taua tuatau rai e akaputupu ei au ia kotou: e akatupu oki au i to kotou ingoa, e te paapaa ia kotou, i roto i te pa enua katoa o te enua nei, kia taruri ke au i to kotou tuikaa anga ki mua i to kotou mate, te tuatua mairā Iehova.

TE BUKA A HAGAI RA.

PENE I.

Te akaapa nwi a Hagai i te tangata i te are o Iehova kare i raveia.

TEI te rua o te mataiti o te ariki ra i ko Dariu, tei te ono o te marama, e te rā tai i taua marama ra, te tae anga mai o te tuatua a Iehova i te peroveta ra ia Hagai, ia Zerubabela te

tamaiti a Salatiela, i te kavana i Iuda, e kia Iosua, te tamaiti a Iosedeka, i te taunga maata ra, na ko maira,

2 Te na ko mairā Iehova Sabaota ra, tuatua maira, Kua karanga teianei au tangata, Kare i tae te tuatau, te tuatau
3 e akatuaia i te are o Iehova. Kua tae maira oki te tuatua a Iehova i te pero-
4 veta ra ia Hagai, na ko maira, E kotou e, ko te tuatau ainei teia kia noo

kotou ki roto i to kotou au are apapaia
ra, e e vaoo tanea ua teianei are? E
tenana, te na ko mairā Iehova Sabaota
ra: Ka akamaaraana ana i to kotou na
au aerenga. E maata ta kotou i ruru,
e iti ra tei apaiia mai; kua kai kotou,
kare ra i merenga; kua inu kotou,
kare ra kotou i ki i tei inumia ra; kua
kakau kotou i te kakau, kare ra
tetai i maana; e tei rauka iaia te tu-
taki ra, i rauka ia no te pute motu-
motu ra.

Te na ko mairā Iehova Sabaota ra:
Ka akamaaraana ana i to kotou na au
aerenga. E aere ki runga i te maunga,
e apai mai i te rakau, ka patu ei i te
are, kia mareka au i te reira, e kia
akakakāia au, te tuatua mairā Iehova.
Ta aruaru na kotou ki te maata, e i na,
e mea ngiti ua; e kua apai mai kotou
ki te ngutuare, kua puipui au ki ru-
ngao. No te aa? te tuatua mairā Ie-
hova Sabaota ra. No toku are i vaoo
tanea uaia nei, e te oro ra te tangata
ravarai ki te aere nona uorai. I tā-
puia'i te au o te rangi i runga ia kotou,
e kare te enua nei e pa i tana kai.
Kua kapiki oki au ki te vera ki runga i
te enua, e ki runga i te au maunga ra,
ki runga i te sitona, e ki runga i te
wina ou, e ki runga i te inu olive, e ki
runga i tei tupu i runga i te enua nei,
ki runga i te tangata, e ki runga i te
puaka, e ki runga i te au angaanga ka-
toa o te rima nei.

Kua akarongo aturā Zerubabel, te
tamaiti a Salatiela, e ko Iosua, te tama-
iti a Iosedeka, te taunga maata ra, e te
toenga katoa o te au tangata ra, i te
reo o to ratou Atua ra, ko Iehova, e te
au tuatua a te peroveta ra a Hagai,
mei ta to ratou Atua ra ta Iehova i
tono iaia ra; matakū iora te tangata ki
mua i te aroaro o Iehova. Kua tuatua
iora te karere a Iehova, ko Hagai, i te
tuatua a Iehova, ki te au tangata, na
ko maira, Tei ko na au ia kotou, te
tuatua mairā Iehova. Kua akamaara
mairā Iehova i te ngakau o Zerubabel
te tamaiti a Salatiela, e kavana no
Iuda, e te ngakau o Iosua te tamaiti a
Iosedeka, te taunga maata ra, e te nga-
kau o te toenga ravarai o te au tangata
ra, e kua aere mai ratou kua rave i te
angaanga ki roto i te are o Iehova Sa-
baota ra, to ratou ra Atua; I te rā
e rua ngauru ma a i te marama ono
ra, i te mataiti rua o te ariki ra ko
Darii.

PENE II.

*Te akamaroiroi nei i te au tangata
ki te angaanga, i te kakā maata
te ka kitea mai i te rua o te are.*

- 1 I TE itu o te marama, e te rā e rua
ngauru ma tai i taua marama ra, i
tae mai ei te tuatua a Iehova i te pero-
veta ra ia Hagai, na ko maira, Ka tua-
tua ana kia Zerubabel, te tamaiti a
Salatiela, e kavana no Iuda, e kia
Iosua te tamaiti a Iosedeka, i te taunga
maata ra, e te toenga o te au tangata
ra, e na ko atu,
- 3 Koai tei toe i rotou ia kotou na ko
tei kite i teianei are i tona kakā i mua-
tangana ra? e caa ta kotou e akara ana
i tenana? kare ainei teia mei te mea
puapinga kore i tera, i to kotou na
mata? I tenana ra, e akamaroiroi, e
Zerubabel, te tuatua mairā Iehova; e
akamaroiroi, e Iosua, te tamaiti a Ie-
sedeka, te taunga maata ra; e akama-
roiroi katoa kotou, e te au tangata ra-
varai o te enua nei, te tuatua mairā
Iehova, e ka rave i te angaanga: tei ia
kotou katoa ana oki au, te tuatua mairā
Iehova Sabaota ra. Te koreromotu taku
i papau ia kotou, ka aere mai ei kotou
mei Aiphiti ra, e taku Vaerua tei ia
kotou rai i te vaoo angaia, auraka e
6 matakū. Te na ko maira oki a Iehova
Sabaota ra, okotai toe, kare e mamia, e
akangaueue ei au i te au rangi, e te
7 enua, e te moana, e te one marō: E
naku e akangaueue i te au enua katoa
ra, e e tae mai tei inangaroia e te au
enua katoa ra: e akaki oki au i teianei
are ki te kakā, te tuatua mairā Iehova
8 Sabaota ra. Naku te ario, e naku rai
te auro, te tuatua mairā Iehova Saba-
9 ota ra. Te kakā o teianei are openga,
e maata ia i to tei muatungana ra, te
tuatua mairā Iehova Sabaota ra: ei
teianei ngai au e oronga atu ei i te au,
te tuatua mairā Iehova Sabaota ra.
- 10 I te rā e rua ngauru ma a, i te ma-
rama iwa, i te mataiti rua o Dariu, i
tae mai ei te tuatua a Iehova i te pero-
veta ra ia Hagai, na ko maira, Te na
ko mairā Iehova Sabaota ra, Ka ui ana
i te ture ki te kau taunga, e na ko atu,
12 Kia apai te tangata i te kai tapu ki
roto i tona tapa kakau, e kua tukia
akera tona tapa kakau i te areto, e te
kai tunu, e te wina, e te inu, e tetai
kai ke ake, kua tapu ainei ia? Kua
tuatua maira te kau taunga, na ko
13 maira, Kare. E kua karanga aturā
Hagai, Ko te tangata i viivii i te ta-
ngata mate ra, kia tukia i tetai i taua

au mea ra, e viivii ainei ia? Kua tuatua maira te kau taunga, na ko maira, E viivii ia. Kua tuatua mairai a 14 Hagai, na ko maira, Mei te reira katoa teianci au tangata, mei te reira oki teianci enua, ki mua iaku nei, te tuatua mairā Iehova, e mei te reira rai oki te au angaanga katoa a to ratou rima, e tei apaiia e ratou ki reira, e mea viivii ia. E teianci, teia taku tuatua ia kō- 15 tou, E akamaaraa ana, mei teianci rā e i muri atu oki, kare i akamouia tetai toka ki rungao i tetai i te nao o Iehova. Mei te reira au rā mai, ka tac ei te ta- 16 nguta ki te putunga okotai takau aite ra, okotai ngauru ua i kitea; e kia aere tetai ki te taomianga wina ra, e akato mai i nga āriki e rima ngauru no roto i te taomianga ra, okotai takau ua i reira. Kua pūpū au ia kotou i te kai kopā, e te puekā, e te ua toka, i te au angaanga katoa a to kotou rima; kare ra kotou i ariu mai kiaku, te tuatua mairā Iehova. Teia taku 18 tuatua, E akamaaraa ana kotou mei teianci rā e i muri atu oki, mei te rā e rua ngauru ma a i te marama iva ra,

mei te rā mai i akamouia i te pange i te nao o Iehova, Ka akamaaraa ana. 19 Te vai nei rai ainei te ua i roto i te are vairanga? Kare rai oki te vine, e te suke, e te remunā, e te olive, i ua mai: mei teianci rā ra au e akameiaki atu ei ia kotou. 20 Kua tae akaou maira oki te tuatua a Iehova kia Hagai, i te rā e rua ngauru ma a o taua marama ra, na ko maira, Ka tuatua ana ki te kavana o Iuda, kia Zerubabela, e na ko atu, E akangaueue au i te au rangi e te enua; 22 E uritumu au i te terono o te au basileia, e te ririnui o te au basileia, i te au enua ra, e pou ia iaku; e tatipoki au i te au kariota, e te aronga i noo ki roto ra; e te au ipo ma te au akaoro ra, e inga ia ki raro, ratou ravarai ki 23 te koke a tona orai taake. Ei taua rā ra, te tuatua mairā Iehova Sabaota ra, e rave ei au ia koe, e taku tavini, e Zerubabela, te tamaiti a Salatiela, te tuatua mairā Iehova, e akariro au ia koe mei te sigilo; ko koe oki tei akonoia e au ra, te tuatua mairā Iehova Sabaota ra.

TE BUKA A ZEKARIA.

PENE I.

Ta Zekaria ako anga i te tangata kia tutuara: te orama i nga ipo ra: te tuatua maru no Ierusalem.

I TE varu o te marama, i te mataiti 1 rua o Darin, i tae mai ei te tuatua a Iehova kia Zekaria, te tamaiti a Berokia, te tamaiti a Ido, peroveta ra, na ko maira,

E riri maata to Iehova ki to kotou 2 na ai metua. E karanga atura koe kia ratou, Te na ko mairā Iehova Sabaota ra; E ariu mai kotou kiaku, te tuatua mairā Iehova Sabaota ra, e naku e ariu atu kia kotou, te tuatua mairā Iehova Sabaota ra. Auraka kotou e arite ki to kotou ai metua, i tei karangaia atu e te au peroveta i mua- 4 tangana, i te na ko anga atu e. Te na ko mairā Iehova Sabaota ra; E ariu

mai kotou i tenana i to kotou au aere- 5 nga kino, e ta kotou au ravenga kino: kare ra ratou i akarongo, e kare i akono mai iaku, te tuatua mairā Iehova. Ko to kotou ai metua, teia ra- 6 tou? e te au peroveta, e tika ainei ratou i te ora anga e tuatua ua atu? 6 Kareka taku au tuatua, e taku au akonoanga ra, taku i akaue i toku au tavini i te au peroveta ra, kare ainei i rokoia to kotou ai metua e te reira? e kua oki mai ratou ma te karanga e, Mei ta Iehova Sabaota i manako e rave ia matou nei, kia tau ki to matou au aerenga, e ki ta matou au ravenga, kua akapera mairai aia ia matou. 7 I te rā e rua ngauru ma a i te marama okotai ngauru ma tai ra, koia te marama ra ko Sebata, i te mataiti rua ia Darin ra, i tae mai ei te tuatua a Iehova kia Zekaria, te tamaiti a Berokia, te tamaiti a Ido, peroveta ra, na ko 8 mairā, E kara atura au i te po ra, e i

na, e tangata i te noo anga ki runga i tetai ipo kutekute, i roto aia i te au maire i te tu ua anga i te ngai maru-maru ra, e tei murio iaia ra tetai aro-nga ipo kutekute, e te keu, e te teatea. Kua karanga atura au, Eaa teia, e 9 taku Atu? Kua tuatua maira te angela i tuatua mai iaku ra, E akakite atu au ia koe i teia. E kua tuatua maira taua tangata i tu ua i roto i te au maire, na ko maira, Ko te aronga teia i tonokia e Iehova kia aere ua na runga na raro i te enua nei. Kua ka- 11 ranga atura ratou ki te Angela a Iehova i tu mai i roto i te au maire, na ko atura, I aere ua ana matou na runga na raro i te enua nei, e i na, te noo marie ua nei te enua katoa nei, kua akaangaroi.

Kua tuatua maira te Angela a Ie- 12 hova, na ko maira, E Iehova Sabaota ra, Mei te na ra te roa i kore ei koe e aroa mai ia Ierusalem, e te au oire o Iuda, taau i riri ua ana i nga mataiti e itu ngauru anga nei? E kua 13 tuatua mairi Iehova ki te angela i tuatua mai iaku ra i te tuatua meitaki e te pumaana. E kua tuatua maira 14 te angela i tuatua mai kiaku ra, Ka kapiki ana, ka karanga atu, Te na ko mairi Iehova Sabaota ra, Kua maroiroi roa au ia Ierusalem, e ia Ziona. E kua riri rava au ki te au etene i noo 15 ponuiaau ua ra; e riri iti oki toku, e na ratou maira te mate maata. E 16 teianci, te na ko mairi Iehova; Kua oki au ki Ierusalem ma te aroa; e patuia toku ra aro i reira, te tuatua mairi Iehova Sabaota ra, e ka akatikaia te tatura na runga ia Ierusalem. E kapiki akaou atu, e karanga 17 atu, Te na ko mairi Iehova Sabaota, Tena ka pararauare atu rai toku au oire ki te meitaki; e e akapumana akaou rai a Iehova ia Ziona, e akono rai oki aia ia Ierusalem.

Kua nanā akera au i taku mata 18 i reira, e i na, e puke tara e a. E kua 19 karanga atura au ki te angela i tuatua mai iaku ra, Eaa teia? E kua tuatua maira aia kiaku, Ko nga tara teia i pueurikiriki ei Iuda, Isernela, e Ierusalem. Kua akakite mairi Iehova 20 kiaku i nga taunga toko a. Kua ka- 21 ranga atura au, I aere mai ratou nei e rave i te aa? E kua tuatua maira aia, na ko maira, Ko nga tara ia te reira i pueurikiriki ke ei Iuda, e kare e tangata e akateitei ake te upoko: i aere maira ratou nei e akamataku atu, e ei tuku i te au tara o te pa enua ra ki raro, i tei akateitei i to ratou tara

ki te enua ra kia Iuda kia pueuriki-riki ke te reira.

PENE II.

Kua akaaitia Ierusalem a i te taura, e to Ziona akaora angaia.

- 1 **K**UA nanā atura au i taku mata, e kua akara, e i na, e tangata ma te
- 2 taura aite i tona rima. Kua karanga atura au, E aere koe kica? e kua tuatua maira aia kiaku, *Te aere nei au* e akaaitia ia Ierusalem, kia kitea
- 3 tona pararauare e tona roa. E i na, aere atura te angela i tuatua mai iaku ra, e kua aere iora tetai angela kia
- 4 aravei atu iaia. E kua karanga atura kiaia, Ka oro, ka karanga atu ki tera ra tangata ou na, e na ko atu, E nooia Ierusalem e tac ua atu ki te ngai atea ua, i te rai o te tangata e te puaka
- 5 i roto iaia ra. Te tuatua maira oki a Iehova, E riro au ei koro ai nona e pini ua ake, e ko au oki tona kakā i rotopu iaia ra.
- 6 E! e! Ka ere mai ana i tenana enua i apatokeran, te tuatua mairi Iehova, no te mea, kua rurungaoro oki au ia kotou i nga matangi e a o te rangi ra,
- 7 te tuatua mairi Iehova. E akaora ia koe uarai, e Ziona e, e tei noo ki o
- 8 te tamaine a Babulonia. Te na ko maira oki a Iehova Sabaota ra, Kua na mua i te akakite i te kakā no kotou i tono ei aia iaku ki te pa enua i pou ei kotou ra: ko tei akatukia atu oki ia kotou ra, kua akatukia ia i tona
- 9 koringo mata nei. I na oki, e ruru au i toku rima ki runga ia ratou, e riro ratou ei apinga noni na to ratou uarai au tavini: e kite oki kotou e, na Iehova Sabaota ra au i tono mai.
- 10 Ka imene, e kia rekareka, e te tamaine a Ziona: e i na oki, e aere atu au, e ei rotopu ia koe ra au e noo atu
- 11 ei, te tuatua mairi Iehova. E manganiui te enua te ka topiriia kia Iehova i taua rā ra, e riro oki ei tangata noku: e e noo au i rotopu ia koe, e kite oki koe e, na Iehova Sabaota ra au i tono mai kia koe ra. E noo oki a Iehova i Iuda, ko tana ia tuanga i te enua tapu ra, e mareka akaou rai aia
- 13 i Ierusalem. Kia muteki ua te au tangata katoa ki mua ia Iehova, kua tu oki aia ki runga i tona ra nooanga tapu ra.

PENE III.

To Ziona akameitaki akaou angaia i akakiteia mai.

KUA akakite maira aia kiaku i te 1
taunga maata ra ia Iosua, i te tu
anga ki mua i te Angela a Iehova, e
ia Satani i te tu ua anga i tona rima
katau ei patoi atu iaia. Kua karanga 2
aturā Iehova kia Satani, Na Iehova
koe e patoi atu, e Satani e; na Iehova
oki tei iki ia Ierusalem koe e aka-
mura: kare ainci teia e komotu i
kiritiia mai no roto i te ai?

Te kakau rā Iosua ki te kakau viivii, 3
tu ua'i aia ki mua i te aroaro o te
angela. Kua tuatua oki aia e kua ka- 4
ranga atura ki te aronga i tu mai ki
mua iaia, na ko atura; Ka raye atu
te au kakau viivii i runga iaia nei.
E kua karanga atura aia kiaia, Ka
akara ana, kua akataka keia e au taau
ara ia koe ra, e naku e akakakau ia
koe ki te kakau oko maata. Kua ka- 5
ranga atura aia i reira, E tuku mai
ratou i tetai korona meitaki ki runga i
tona mimiti. E kua tuku ratou i te
korona meitaki ki runga i tona mimiti,
e kua akakakau mai iaia ki te kakau.
Kua tu akera te Angela a Iehova ki
runga. E kua akakite pu ua atura te 6
Angela a Iehova kia Iosua, na ko
atura, Te na ko mairā Iehova Sabaota, 7
Kia aere koe na toku ra au arataa,
e kia akono koe i taku ra ikuiku, ei
reira koe e akava'i i toku ra are, e ka
tiaki oki i toku ra au kezere, e e oro-
nga atu au ia koe i tetai aronga ara-
taki no roto ia ratou nei e tu ua maira.

E akarongo mai ana i tenana, e te 8
taunga maata ra, e Iosua, ko koe e toou
au oa e noo ki mua ia koe ra, e au ta-
ngata taiepe oki ratou; i na oki, e aka-
tae atu au i toku tavini ra, i te RARA. 9
I na oki te toka i tukuia e au ki mua
ia Iosua, e tei runga oki i te toka oko-
tai nga mata e itu ra: i na, naku e
kokoti i te kotikoti anga i te reira, te
tuatua mairā Iehova Sabaota ra, e
naku e apai ke i te ara a taua enua ra i 10
te rā okotai. Ei taua rā ra, te tuatua
mairā Iehova, e tuatua'i kotou ra-
varai i tona orai tangata tupu ra, i
raro ake i te vine, e i raro ake i te
suke ra.

PENE IV.

*Te orama ra o nga lamepa auro e
nga rakau olive i akakiteia mai e te
angela.*

EKUA oki maira taua angela i 1
tuatua mai iaku ra, e kua akaara
maira iaku, mei te tangata i akaamua
i tana moc. E kua tuatua maira aia
kiaku, Eaa taua e akara na? E kua 2

karanga atura au, I akara na au, e
i na, e menure, e auro anake, ma te
au kapu i rungao, e tona oki puke
lamepa, e itu i rungao, e nga akata'e-
anga e itu i aua nga lamepa ra i ru-
nga roa iora. E nga olive e rua i te
pae iora, okotai i te pae katau i
taua kapu ra, e tei te pae kaui tetai. 3
E kua oki au kua tuatua atura ki te
angela i tuatua mai iaku ra, na ko
atura, Eaa teia, e taku atu? E kua
tuatua maira taua angela i tuatua mai
iaku ra, na ko maira kiaku, Kare koe
i kite i teianei au mea? E kua ka- 4
ranga atura au, Kare, e taku atu. E
kua āc maira aia e kua tuatua mai
kiaku, na ko maira, Teia te tuatua a
Iehova kia Zerubabel, te na ko
maira: Kare i te ririnu, kare rai i te
mana, na taku Vaerua ra, te tuatua 5
mairā Iehova Sabaota ra. Eaa koe,
e tenana maunga maata? ki mua i te
aroaro o Zerubabel, e riro ia koe ei
ngai marena ua; e nana e apai mai i
te toka tiavā ma te maeva, Ko te
aron, te aroa, tei te reira.

8 Kua tae maira oki te tuatua a Ie-
hova kiaku nei, na ko maira, Ko te
rima o Zerubabel tei akamou i te
pange o teianei are; e na tona rima
rai e akaoti; e lite oki kotou e na
Iehova Sabaota i tono iaku kia kotou 10
na. Koui tei akavaavaa i te rā o te
au mea rikiriki ra? kua rekareka oki
nga mata e itu o Iehova tei oro atu
e oki mai e pini na ake te enua katoa
nei, kia kite ratou i te toka aite i te
rima o Zerubabel.

11 E kua oki au, kua karanga atura
kiaia, Eaa teianei puke olive e rua i te
pae katau o te menure, e te pae kaui
12 katoa ra? E kua karanga akaou atura
au, na ko atura kiaia, Eaa nga rara
e rua o nga olive ra, ko tei riringi mai
i te *mori* auro na roto i nga akata'e
anga auro e rua ra, no roto ia raua
13 orai? E kua tuatua maira aia kiaku,
na ko maira, Kare koe i kite i teia?
Kua karanga atura au, Kare, e taku
14 atu. Kua tuatua maira aia i reira,
Ko nga tangata toko rua teia i aka-
tainuia ra, ko tei tu ki mua i te aro-
aro o te Atu o te enua katoa nei.

PENE V.

*Te orama ra o te pokaikai tuatua rere,
e te vaine i roto i te epha, i akakiteia
mai.*

EKUA nānā akaou atura au i taku 1
mata, e kua akara, e i na, e po-
2 kaikai tuatua, te rere ra. E kua tuatua

maira aia kiaku, Eaa taau e akara na? E kua karanga atura au, Te akara nei au i tetai pokaikai tuatua i te rere anga; okotai takau kubiti i te roa; okotai ngauru kubiti i te pararauare. Kua tuatua maira aia kiaku, Ko taua katarā ra teia e riro nei na runga i te tua o te enua katoa nei: ko te aronga ravarai oki e keia ra, e tipu keia ia i teia pae, mei *tei tataia* i reira ra; e te aronga ravarai oki e tao ra, e tipu keia ia i tera pae, mei te reira rai. Naku te reira e arataki atu, te tuatua mairā Iehova Sabaota ra, e tomo te reira ki roto i te are o te tangata keia, e ki roto i te are o te tangata taputou pikikaa i toku nei ingoa; e ka vai tamou rai ki rotou tikai i tona are, e pou oki te reira, te rakau ma te au toka katoa.

Kua aere maira i reira te angela i tuatua mai iaku ra, e kua na ko maira kiaku ra, Ka nānā ana i to mata i tenana, ka akara, eaa tera ra mea i aere iora. E kua karanga atura au, Eaa ra ia? E kua tuatua maira aia, E epha tera e aere iora. Kua tuatua mairai oki aia, Ko to ratou tu teia i te enua katoa nei. E i na, i apaiia akera tetai tapanga tapou punupunu ra, e te reira tetai vaine te noo ra ki roto i taua epha ra. E kua tuatua maira aia, Ko te kino teia. E kua uri atura aia iaia ki raro ki rotou i taua epha ra, e kua uri akera aia i taua toka tapou ra ki runga i te vaa o te reira. Kua nānā akera au i taku mata ki runga i reira ra, akara atura, e i na, e puke vaine toko rua te riro atura, e tei roto te matangi i to raua ra peau, e peau oki to raua mei te peau o te kasida; e maranga akera ia raua taua epha ra ki runga i te mareva i te rangi e te enua. Kua karanga atura au i reira ki te angela i tuatua mai iaku ra, E apai raua i te epha nei ki ca? E kua tuatua maira aia kiaku, E akatu i tetai are no te reira ki te enua ra ki Senara, e akatinamouia oki te reira, e ka tuku marieia oki te reira ki tona turanga.

PENE VI.

Te orama ra o nga kariota e a : nga korona o Iosua, e te tuatua o te Rara.

E KUA nānā akaou akera au i taku mata e kua akara, e i na, e puke kariota e a i te aere anga mai mei rotou i nga maunga e rua, e maunga

2 veo oki aua nga maunga ra; Tei te kariota mua ra, e au ipo kutekute ia; e tei te rua o te kariota ra, e au ipo 3 kerekere ia; E tei te toru o te kariota ra, e au ipo teatea ia; e tei te kariota a ra, e au ipo kotututu keu ia. 4 Kua karanga atura au i reira, na ko atura, ki te angela i tuatua mai iaku 5 ra, Eaa teia, e taku atu? E kua tuatua maira te angela, na ko maira, kiaku, Ko nga vacrua e a o te rangi ra teia, ko tei aere mei mua atu i te aro 6 aro o te Atu o te enua katoa nei. Ko te reira ma te au ipo kerekere io na, te aere ra ki te enua ki te pae ki apatokerau ra; e te aere ra nga mea teatea na muri; e te aere ra nga mea kotututu ki te enua ki te pae ki apatonga ra. 7 Kua aere iora nga kotututu, kua akatu e aere, e kia aaere ua atu e kia ooki mai na runga i te enua nei; e kua tuatua maira aia, Ka aere, ka aaere atu ka oki mai na runga i te enua ra; e kua aaere ua atura ratou e kua oki mai na runga i te enua ra. 8 Kua kapiki maira aia kiaku, e kua tuatua maira, na ko maira, I na, te aronga i aere ki te enua ki te pae i apatokerau ra, kua anga taku riri ia ratou i te enua i te pae i apatokerau ra. 9 E kua tae maira te tuatua a Iehova kiaku nei, na ko maira. Ka rave i to te aronga tuikaa ra, i to Heledai, e to Tobia, e to Iedaia, tei mei Babulonia mai, ka aere ei koe i taua rā ra, ka tomo ei i te are o Iosia, 11 te tamaiti a Zephania; Ka rave oki koe i te ario, e te auro, ka anga ai i nga korona, ka tuku ei ki runga i te mimiti o Iosua, te tamaiti a Iosedeka, i 12 te taunga maata ra; Ka karanga atu ei koe kiaia, ka na ko atu, Te na ko mairā Iehova Sabaota ra, i te tuatua anga mai; I na, ko taua tangata ra, ko te RARA tona ra ingoa, e tupu maira aia no roto i tona ngai, e nana e patu i 13 te nao o Iehova: Nana rai oki e patu i te nao o Iehova, e nana orai e apai i te kakā; e ka noo aia ma te mana ki runga i tona terono, e ei taunga aia ki runga i tona terono, e riro oki te tuatua au i rotou ia raua rava- 14 rai. E ka riro oki nga korona ia Helema, e ia Tobia, e ia Iedaia, e ia Hena, te tamaiti a Zephania, ei manako- 15 anga i roto i te nao o Iehova. E to te atea ke ra te ka aere mai e patu i te nao o Iehova; e kite oki kotou e na Iehova Sabaota au i tona mai kia kotou nei. Ka tupu rai teia, kia akaro-

ngo tikai kotou i te reo o to kotou Atua
ra ko Iehova.

PENE VII.

*Te ui nei te au tuhna i te neseteia, te
akuapa nei a Zekaria ia ratou.*

E TAE akera ki te a o te mataiti o
te ariki ra ko Dariu, i tae mai ei
te tuatua a Iehova kia Zekaria, i te rā
a i te marama iva ia Kisileu ra; Kua
oti akērā to Betela i te tono anga ia
Sarezera, e Reg-me-meleka ma tona
au tangata, e pure ki mua i te mata o
Iehova. E kia karanga atu ki te kau
taunga i roto i te are o Iehova Sabaota
ra, e te au peroveta, kia na ko atu e;
E aue ainei au i te rima o te marama, i
te akataka anga iaku orai, mei taku
rai oki i pera e manganui akenei te
mataiti? Kua tae maira i reira te tuatua
a Iehova Sabaota ra kiaku, na ko
maira, Ka tuatua ana ki te au tangata
katoa o te enua, e te kau taunga, ka
na ko atu, Ia kotou i neseteia, e i aue
oki i te rima o te marama, e i te itu o
te marama, i taua au mataiti e itu
ngauru ra, i neseteia ainei kotou iaku,
iaku tika nei rai? E ia kotou oki i
kaikai ra, e ia kotou oki i inu ra, kare
ainei no kotou naorai i kai ei, e i inu
ei? Kare ainei te reira te tuatua i
akakite puia mai e Iehova i te rima o
tei muatangana rai au peroveta, ka noo
ua'i Ierusalem ma te meitaki; e tona
katoa ra au oire e pini ua ake; ka tan-
gata ia'i oki te pae i apatonga e te
ngai mataataa ra?

E kua tae maira oki te tuatua a
Iehova kia Zekaria, na ko maira, Te
na ko mairā Iehova Sabaota, tuatua
maira; ka akono ana i te tuatua-tau
tikui, e takinga-meitaki atu ma te
aroa, te tangata katoa ki tona orai
taeake; Auraka oki e takinga-kino
i te vaine takaua e te matiroeroe, te
tangata ke ma te ao; auraka oki e
manako kino i roto i to kotou
ngakau, te tangata katoa ki tona orai
taeake.

Kare akera ra i tika ia ratou kia
akarongo, kua iki ra te tua ma te
meameau, e kua popani i to ratou au
taringa kia kore ratou e akarongo. E
kua akariro i to ratou ngakau mei te
toka tama, ko te akarongo aua ratou i
te ture, e te au tuatua i tonokia mai e
Iehova Sabaota i te Vaeura nona i te
rima o tei muatangana ra au peroveta;
no reira i mata mai ei te riri
no ko ia Iehova Sabaota ra. Tupu
atura oki e, iaia i kapiki ra e kare

ratou i akarongo mai; kua kapiki mai
cki ratou, e kare au i akarongo, te tua-
tua mairā Iehova Sabaota ra: Akapue-
rikiriki atura au ia ratou mei
ta te puaiio ra, ki roto i te pa enua
katoa kare ratou i kite ra. Tanea atura
te enua i muri ake ia ratou ra, e kare
rava e tangata e na roto, kare oki i oki
mai: kua akariro oki ratou i taua
enua inangaroia ra ei mea tanea.

PENE VIII.

To Ierusalem akatu akaou angaia.

E KUA tae mai oki te tuatua a Ie-
hova Sabaota ra kiaku nei, na ko
maira, Te na ko mairā Iehova Sabaota
ra; E maroiroi toku ia Ziona, e ma-
roiroi maata, e maroiroi toku iaia ma
3 te riri maata rava. Te na ko mairā
Iehova, Kua oki au kia Ziona, e noo
au ki rotopu ia Ierusalem: e karanga-
ia Ierusalem, Ko te oire tuatua-mon;
e te maunga o Iehova Sabaota ra, Ko
te maunga tapu ia.
4 Te na ko mairā Iehova Sabaota ra,
Tena ka noo aere te au tane ruaine, e
te au vaine ruaine, i roto i te au ara-
taa i Ierusalem, te tangata katoa
ma te tokotoko i te rima i te rai o te
5 ruaine. Ka ki oki te au arataa o te
oire ki te au tamariki tamaroa e te au
tamaine, i te ori aere ua anga i taua au
arataa ra.
6 Te na ko mairā Iehova Sabaota ra,
Tu ke ua rai teia i te mata o te toenga
o teianei au tangata i taua au rā ra, e
mea tu ke katoaia ainei i toku nei
mata? te tuatua mairā Iehova Sabaota
7 ra. Te na ko maira Iehova Sabaota
ra. I na, e akaora au i toku ra au
tangata i te enua i te iuinga, e te enua
8 i te opunga, o te rā ra. E naku ratou
e arataki mai, e ei roto ia Ierusalem
ratou e noo ei, e ei tangata ratou noku,
e ei Atua au no ratou ma te tuatua-
mon e te tuatua-tika.
9 Te na ko mairā Iehova Sabaota ra,
Kia maroiroi to kotou rima, e tei aka-
rongo i teianei au rā i teianei au tua-
tua i te vaa o te au peroveta, i te rā i
akamouia'i te pange o te are no Iehova
10 Sabaota ra, te nao nei kia patuia. I
mua ake oki i te reira au rā, kare a to
tangata nei e tutaki, e kare rai a te
puaka e tutaki; e kare rava e au to tei
aere ki vao e tei aere mai ki roto no
te enemi; e kua tono au i te tangata
katoa e tamaki ki tona orai tangata
11 tupu. Kare ra au e riro i teianei mei
tei te tuatua i muatangana ki te toe-

nga o teianei au tangata, te tuatua mairā Iehova Sabaota ra. E tupu oki 12 te ua, e ua mai te vine i tona ua, e tuku mai te enua i tona kai, e tuku mai oki te rangi i te au; e i te toenga o teianei au tangata, taku ia e o atu i teia katoa nei au mea. E riro oki mei 13 ia kotou i riro ei katarā i rotopu i te au etene ra, e te ngutuare o Iuda, e te ngutuare o Iseraēla: e akaora au ia kotou, e ka riro kotou ei meitaki: auraka e matakū, kia maroiroi ra to kotou rima. Te na ko maira oki a 14 Iehova Sabaota ra, Mei iaku oki i manako e akautunga ia kotou, ka akakoko mai ei to kotou au metua iaku kia riri ra, te tuatua mairā Iehova Sabaota ra, e kare au i tataraara; Kua 15 manako akaora oki au i teianei au riri, e takinga-meitaki ia Ierusalemā, e te ngutuare o Iuda: auraka e matakū.

Teia ta kotou au mea e rave; Ei 16 tuatua-mou ta te tangata katoa e tuatua ki tona tangata tupu; e akapupu kotou i te tuatua-tau tikai e te au i to kotou na au ngutupa. Auraka e ma- 17 nako kino i to kotou ngakau, te tangata katoa ki tona orai tangata tupu: e auraka e inangaroia te taputou pikikaa, e mea riri anake oki te reira naku, te tuatua mairā Iehova.

E kua tae mai te tuatua a Iehova 18 Sabaota ra kiaku nei, na ko maira, Te na ko mairā Iehova Sabaota ra, Te 19 neseteia i te *marama* a, e te neseteia i te rima, e te neseteia i te itu ra, e te neseteia i te ngauru ra, ko te ka riro no te ngutuare o Iuda ei rekarekaanga e ei pereperēkavanaanga, ei au kai-ngakai navenave oki; ei tuatua-mou ra ta kotou e inangaro e te au.

Te na ko mairā Iehova Sabaota ra, 20 E manganui rai te tangata e tae mai, e te au tangata no te au oire e manganui: Na te au tangata o tetai *oire* e 21 aere ki to tetai ka karanga atu ei, E aere viviki tatou e pure ki mua i te mata o Iehova, e kimi ia Iehova Sabaota ra; ko au rai tetai e aere. E 22 tae mai oki te au tangata e manganui, e te au enua ririnui rai e kimi ia Iehova Sabaota ra ki Ierusalemā, e e pure ki mua i te mata o Iehova.

Te na ko mairā Iehova Sabaota ra, 23 Ei taua au rā ra e opu mai ei nga tangata tino ngauru, no roto i te au reo katoa o te pa enua ra, i te tapa kakau o tetai ngati Iuda ta ratou e opu, ka na ko atu ei, Ka aere katoa tatou: kite akenei oki matou e tei ia kotou te Atua.

PENE IX.

Te akaora nei te Atua i tona ititangata: te akaora nei Ziona kia rekareka no te mea te aere maira tona Ariki.

- 1 **T**E totou ra i te tuatua a Iehova; ei runga i te enua o Hadaraka, e ei Damaseko vaoa ei, ka akara atu oki te mata o te tangata, e to te au kopu 2 katoa o Iseraēla, kia Iehova. E ia Hamata katoa e piri mai ki vaitata ki te reira; ko Turo, e Sidona, maata ua'i tona pakari.
- 3 Patu ua rai Turo i te punanga nona, e kua akaputuputu i te ario mei te onepueu ra, e te auro meitaki mei te vari 4 i te arataa ra; I na, e kikaia aia e te Atū ki vao, e e ta oki aia i tona mana i te moana, e pou oki aia orai i te ai.
- 5 E kite Asekelona i te reira, e e riro i te matakū; ko Gaza katoa oki, e ka rokoa e te mamae maata; e ko Eke-rona, no te mea, kua taakamaia aia e tona manakoanga; ka mate oki te ariki i Gaza ra, e kare Asekelona e 6 tangataia. E tangata ke te ka noo i Asedoda, e e tipu keia e au te nengo- 7 nengo o te Philiseti. E rave keia e au te toto i tona vaa, e tona ra au mea viivii i roto i tona ra nio: e e riro rai aia i te akatoaia no to tatou Atua, e riro oki aia mei te kavana i Iuda, e riro oki Ekerona mei te ngati Iebusi 8 ra. E no te nuku e patia'i au i te pua-ka i toku are e pini ua ake, kia aere oki te reira na roto, e kia oki mai oki; e kare atura ratou e aere akaouia e te takinga-kino na roto ra, te akara nei rai oki au i toku mata.
- 9 Kia rekareka maata koe, e te tamaine a Ziona e; ka maeva na, e te tamaine a Ierusalemā e; i na, te aere maira to ariki kia koe ra; e tuatua-tika tana, e tei iaia te ora; e akaaka tona, e te noo anga ki runga i te asini, e te punua oki, te anaunga a te asini.
- 10 E e tipu keia e au te karioti i Ephe- 11 raima, e te ipo i Ierusalemā; e tipu ke katoaia oki te ana tamaki; e nana e tuatua i te au ki te au etene; e riro oki tona au mei tetai tai e tae ua atu ki tetai tai, e mei te kauvai mai e tae ua atu ki te au openga o te enua ra.
- 11 Kareka katoa koe, no te toto i te koreromotu naau ra, i tuku atu ei au i to aronga i tapekāia ra ki vao i te vaa-rua, kare e vai o roto ra.
- 12 E oki mai kotou ki te akapuanga ketaketa, e te aronga manakonako i tapekāia ra e, te akakite atu nei au i teianei rā, e ka paparu taku e apai

atu kia koe ra. Kua akamingi oki au 13
ia Iuda noku uorai, kua akaki au i te
ana ia Epheraima; e kua akatupu au
i to au tamariki, e Ziona e, ci patoi i
taau ra au tamariki, e Iavana e, e kua
akariro ia koe mei te koke o te tangata
ririnui ra. E ka kitea oki a Iehova 14
no ratou, e peke tana au kakao mei te
uira ra; e na te Atu ra oki na Iehova
e akatangi i te pu, ka aere ci ma te
puaiuo i apatonga ra. Na Iehova Sa- 15
baota e akaruru ia ratou; e kai oki
ratou, e e takatakai i te au toka maka
ra; e inu oki ratou, e kapikipiki oki,
mei te mea e no te wina; e akakiia
ratou mei te kumete ra, mei nga poo o
te atarau ra. E na to ratou Atu na 16
Iehova e akaora i tona iti-tangata, e
akaora aia ia ratou i taua rā ra mei te
anana ra; e riri oki ratou mei te au
toka korona ra i te akateiti anga ia
ratou uorai i runga i tona ra enua.
I te maata oki o tona meitaki! e te 17
maata oki o tona manca e! E maroi-
roi te au tangata ou i te sitona, e te au
tamaine i te wina ou.

PENE X.

*Ko te Atu te kimi, auraka e kimiia te
au idolo.*

E PATI kotou kia Iehova i te ua i 1
te tuatau i te ua openga ra: te
anga rā Iehova i te uira, e te oronga
maira i te ua kutukututu no ratou, te
ngangacre na te tangata katoa i roto i
te koro. E tuatua puapinga kore tikai 2
ta te au teraphi, e pikikaa ta te au
tauraatua i akara ra; e moe pikikaa
ta ratou i akakite mai, kua tuatua
ratou i te mea puapinga kore ci aka-
pumaana; i uoa aere ua i ratou mei te
anana ra; e mate to ratou, no te mea
kare e tiaki. Ka akera toku riri ki te 3
au tiaki, e kua akautunga atura au i te
au puaka-nio toa ra; kua atoro maira
rā Iehova Sabaoa ra i tana anana i te
ngutuare o Iuda, e kua akariro ia ra-
tou mei te ipo meitaki nana i te tamaki
ra. No ko mai iaia te toka tiavi, no 4
ko mai iaia te nairo, no ko mai iaia te
ana tamaki, no ko mai iaia te au ka-
vana ravarai i te aerenga. E mei te 5
au toa ririnui ka takatakai ci ratou i te
enemi i te tamaki anga ki roto i te vari
i te au arataa ra; e tamaki ratou, ko
Iehova oki tei waitata mai ia ratou, e
riro oki te aronga akaora ipo ra i te
taakamaia. E naku e akamaroiroi i te 6
ngutuare o Iuda, e e akaora au i te
ngutuare o Iosepha, e akatinamou au ia
ratou, no te mea kua tangi au ia ratou;
e riro oki ratou mei te mea e kare ra-

tou i akarukeia e au ra, ko au oki to
ratou Atu ko Iehova, e naku ratou e
7 akarongo atu. E riro oki Epheraima
mei te toa ririnui ra, e rekareka to ra-
tou ngakau mei te mea e no te wina;
e kite oki ia ratou au tamariki, e reka-
8 reka iora; e rekareka to ratou ngakau
ia Iehova. Naku e mitimiti ia ratou,
e e akaputupu ia ratou; kua okoia
9 oki ratou e au, e rai oki ratou mei ia
ratou i rai ana. I akangaoro ana oki
au ia ratou i roto i te au tangata ra, e
akamaara mairai ratou iaku i te au
enua mamao ra; e ora oki ratou ma ta
10 ratou katoa ra au tamariki, ka oki
mai ei. E akaoki mai au ia ratou mei
te enua maira mei Aiphiti, e koi aere
mai au ia ratou mei Asura mai; e ara-
taki mai au ia ratou ki te enua ra ia
11 Gileada, e ia Lebanona, e kare oki
ratou e o i te rai. E na runga aia i
te tai i te aerenga, e vevete oki aia, e
ka ta aia i te au ngaru tai ra, e ka
marō te au ngai oonu ravarai o te kau-
vai ra; e tukuia oki te nengonengo o
Asura ki raro ra, e te septa o Aiphiti
12 e riro keia. E naku e akamaroiroi ia
ratou ia Iehova, e aere oki ratou na
runga na raro ma tona ra ingoa, te tua-
tua mairā Iehova.

PENE XI.

*To Ierusalem pou anga, e te aronga
i ihiu i ora ra.*

KA kiriti ana i to au pa, E Leba-
nona, kia pou to au arezi i te ai.
2 Ka aue, e te berusi, no te mea kua
inga te arezi: no te mea kua kore te
aronga memetaki ra; ka aue, e te au
aluna i Basana, no te mea kua tuaia te
3 vaorakau koroia ra. *Te kura ra* te
reo aue o te au tiaki, no te mea kua
pou to ratou meitaki; te reo ngunguru
o te au liona ou, no te mea kua pou te
nengonengo o Ioridana.
4 Te na ko maira taku Atu ra, ko
Iehova, ka akaangai ana i te anana i
5 akatakaia no te mate; Ko tei taia e to
ratou au pu, e kare e manako e kua
ara; e te aronga katoa i oko ia ra-
tou, kua tuatua anake, Kia akamei-
takiā Iehova, kua apingaia au; e kare
ua to ratou au tiaki i akaperepere ia
6 ratou. Kare oki au e akaperepere
akaou i to te enua nei, te tuatua mairā
Iehova, i na, e tuku au i te au tangata
e pini ua ake ki te rima o tona tangata
tupu, e ki roto i te rima o tona orai
ariki, e e pou te enua nei ia ratou, e
kare au e akaora ia ratou i to ratou
7 rima. E kua akaangai atura au i taua

anana i *akatakaia* no te mate ra, e te anana uruungā kino roa e! Kua rave atura au i nga rakau e rua, tapaia e au tetai ko Te aroa, e tetai i tapaia e au ko Ngaruru; akaangai atura au i taua anapa ra. E kua tipu ke atura au i nga tiaki toko toru i te marama okotai, kua iu rava oki toku vaerua ia ratou, akaruke mai oki to ratou vaerua iaku. Kua karanga iora au i reira, Kua oti ana au i te angai ia kotou; ko te mate ua ra, vaoo atu rai kia mate; e ko te ka tipu keia ra, vaoo atu kia tipu keia atu; e kia kai ua atu nga toe i to ratou naorai kiko tetai e tetai.

Kua rave atura au i taku rakau ia 10 Aroa, kua kokoti ke atura, ei akaatikau i te koreromotu i papauia e au ki te au tangata katoa ra. Akaatikauia 11 akera ia i taua rū ra, kite akera taua anana uruungā i mako mai iaku ra, e na Iehova taua tuatua ra. E kua 12 karanga atura au kia ratou, Kia meitaki i to kotou na mata, o mai taku oko; e kare ra, auraka. Kua aite iora ratou i te oko iaku i nga moni e toru ngauru. E kua tuatua mairā Iehova 13 kiaku, Ka titiri atu ki o te potera: e oko meitaki tena tei okoia mai au e ratou ra. E kua rave atura au i taua nga ario e toru ngauru ra, e kua titiri atura ki roto i te are o Iehova ki te potera ra. Kua tipu ke atura au i 14 tetai aku rakau i reira, ko Ngaruru, kia aitia te ruru taeako ia Iuda raua ko Iseraela.

Kua tuatua mairā Iehova kiaku, 15 Ka rave rai koe i te au taonga a te tiaki neneva ra. I na oki, e akatupu 16 au i tetai tiaki i te enua nei; ko tei mate aere ra, kare aia e atoro, ko tei aere ke ra, kare aia e kimi, ko tei paruparu ra, kare aia e akaora, ko tei tu ua ra, kare aia e angai; ko te kiko ra o tei matu ra tana ia e kai, e atiatia oki aia i to ratou au maikuku. Aue to 17 te tiaki puapinga kore, ko tei akaruke i te anana, ei runga i tona rima te koke, e ei runga i tona mata katau; e marō takiri tona rima, e e akapouri ravaia tona mata katau.

PENE XII.

E kapu akakona Ierusalemā, e e toka teiua i te au enemi.

TE totou ra i te tuatua a Iehova ia 1 Iseraela; te tuatua mairā Iehova, ko tei oora i te au rangi, ko tei akamou i te au tumu o te enua, e ko tei anga i te vaerua tangata i roto iaia ra. I na, e akariro au ia Ierusalemā ei 2

kapu akakona i te au tangata katoa e pini ua ake; e ka pera rai oki Iuda, 3 ka akapiniia i Ierusalemā. E i taua rū ra e akariro ei au ia Ierusalemā ei toka teiua na te au tangata katoa ra, e tipupua te aronga ravarai e akateiaa ia ratou naorai ki te reira; e akaputupuia maira te au tangata katoa o te ao nei e tamaki i te reira.

4 I taua rū ra, te tuatua mairā Iehova, e ta ai au i te au ipo katoa ki te mataku, e tei noo i rungao ra ki te neneva; ei runga ra i te ngutuare o Iuda e akapuera atu ei au i oku mata, e te au ipo katoa a te tangata ra e taia e au 5 ki te matapo. E tuatua oki te au kavana i Iuda ra i roto i to ratou ngakau, E maroiroi toku i to tei noo i Ierusalemā, i to ratou Atua, ia Iehova Sa- 6 baota ra. I taua rū ra e akariro ei au i te au kavana i Iuda mei te paakiumu i roto i te vaie ra, e mei te rama ai i roto i te ruru sitona; e pou te au tangata katoa ia ratou e pini ua ake, i te pae katau e te pae kaui, e tangataia Ierusalemā i tona orai ngai, koia oki 7 i Ierusalemā. E ka na mua anū Iehova i te akaora i te au puakapa o Iuda, kia kore te kakā o te ngutuare o Davida e te kakā o to Ierusalemā e 8 maata i to Iuda. I taua rū ra e akaruru ei a Iehova i to Ierusalemā, e tei apikepiki i roto ia ratou i taua rū ra, e riro ia mei ia Davida, e te ngutuare o Davida, e riro ia mei te Atua, mei te Angela 9 a Iehova ki mua ia ratou ra. E i taua rū ra, e aruaru ei au kia pou te pa enua katoa, tei aere mai e tamaki ia Ierusalemā ra.

10 E naku e riringi atu ki runga i te ngutuare o Davida, e ki runga i to Ierusalemā, i te vaerua aroa e te pati; e ka akara mai ratou kiaku i ta ratou i ko ra, e ka aue ratou iaia, mei tei aue i te tamaiti okotai ra, e ka mamae maata iaia, mei tei mamae i te tama 11 mua ra. E aue maata tei Ierusalemā i taua rū ra, mei te aue i Hadadad- 12 rimonā i te o ra i Megidona. E aue taua enua ra, kia taka ke te au kopu katoa ra; te kopu o te ngutuare o Davida kia taka ke, e ta ratou au vaine kia taka ke; te kopu o te ngutuare o Natana kia taka ke, e ta ratou au 13 vaine kia taka ke; Te kopu o te ngutuare o Levi kia taka ke, e ta ratou au vaine kia taka ke; te kopu o Sim- 14 mei kia taka ke, e ta ratou au vaine i toe ra, kia taka ke te au kopu katoa, e ta ratou au vaine kia taka ke.

PENE XIII.

Te punavai e euvia no te ara: e akakoreia te akumori idolo: te tipu ke angaia o te Tiaki, e te pueuriki-riki ke angaia o te au mamoe.

1 **I**TAUA rā ra e euvia'i tetai puna-
2 vai, no te ngutuare o Davida, e
no te noo i Ierusalemā, no te ara,
e no te viivii. E riro oki i taua rā ra,
te tuatua mairā Iehova Sabaota ra,
e tipu keia e au te au ingoa o te au
idolo i runga i te enua nei; kare oki
ratou e maara akaouia: e te au peroveta,
e te vaerua viivii ra, e akakoreia
e au i runga i te enua nei. E riro oki,
kia māro rai te tangata i te totou,
ei reira tona metua tane e tona metua
vaine i anau ei aia ra, e karanga atu
ei kiaia, Kare koe e ora; e pikikaa
taau i tuatua na i te ingoa o Iehova:
e na tona metua tane e tona metua
vaine, i anau ei aia ra, e ko iaia me
totou aia ra. E kia tae i taua rā ra,
e akama anake te au peroveta ra te
tangata katoa ki tana orai orama, kia
totou aia ra; kare oki i tika kia ao
ratou i te kakau uruuru ei pikikaa
anga: E tuatua anake ratou e, Kare au
i te peroveta, e tangata tanu-kai au;
e unga oki au mei toku ou anga mai-
rai. E na tetai e ui kiaia e, Eaa
oki terao au puta i roto i to rima
na? e nana e tuatua mai e, Ko nga puta
ia i puta'i au i te are o taku au oa ra.

7 Ka ara, e te koke e, i te tiaki ma-
moe naku ra, i te tangata i te tokorua
noku ra, te tuatua mairā Iehova Sa-
baota ra: ka ta i te tiaki, e ka puen-
rikiriki ke atura ia te au mamoe, e
akaoki maira au i taku rima ki te
aronga mea riki ra. E riro oki i te
tupu ki runga i te enua katoa nei, te
tuatua mairā Iehova, e rua papaki
i reira e tipuia e mate atu; kareka
te toru ka vaoa ia i reira. E arataki
mai au i te toru o te tuanga na roto
i te ai, e e tamā au ia ratou mei
te ario i tamāia ra, e e timata au ia
ratou mei te auro i timatāia ra;
e kapiki mai ratou i toku nei ingoa,
e naku ratou e akarongo atu: naku
e tuatua e, E tangata ratou noku:
e na ratou e tuatua e, Ko Iehova to
matou Atua.

PENE XIV.

*Te aronga i pou ei Ierusalemā i te pou
katoa anga: te poāre: te vai ora
na Ierusalemā atu: to te tangata
ravarai aere anga ki Ierusalemā e
akamori.*

1 **I**NA te aere maira te rā o Iehova
e e tuaia to apinga pou i rotupu ia
2 koe na. E akaputuputu mai oki au i te
au enua katoa ki runga ia Ierusalemā
ei tamaki; e ka rauka ia te oire, e ka
āruia te au are, e ka kumia te au
vaine; e ka riro tetai pae o te oire ei
tuikaa, ko te toenga o te tangata ra,
kare ia e tipu keia i tana oire ra.
3 Ei reirā Iehova e aere atu ei, ka
tamaki ei ki taua au enua ra, mei tana
4 rai i tamaki i te rā tamaki ra. E e
tu tona vaevae i taua rā ra ki runga
i te maunga ra i Oliveta, ki mua mai
ia Ierusalemā i te pae i te itinga o te
rā ra; e ka ngaa taua maunga ra ko
Oliveta i rotupu ra; ki te pae i te
itinga o te rā, e i te opunga o te rā
ra, e maata rava atura taua o ra, e ka
taka oki tetai pae maunga ki te pae
ki apatokerau, e tetai pae ki te pae ki
5 apatonga. E ka ati kotou ki te o nga
maunga noku ra, e tae rava atura oki
te o o aua nga maunga ra ki Azala;
koaia ia, ka ati kotou, mei ia kotou i
ati i te ngaruerue enua, i te au rā o
Uzia, ariki no Iuda ra; e tae mai oki
taku Atua ko Iehova, e te aronga tapu
ravarai ma koe katoa ra.
6 E riro oki i taua rā ra, e kore te
mārama o te au mea kakū ra, e poiri
7 patapatatue ra. Te vai ra oki tetai
rā, kua kitea e Iehova te reira, kare e
aoia, e kare rai e po; e riro ra ei te
aia e marama'i.
8 E riro oki i taua rā ra, e ta'e atu ei
te vai ora na Ierusalemā atu, tetai pae
ki te tai itinga, e tetai pae ki te tai
opunga, ka pera ua rai i te akaū e te
paroro.
9 Ka riro oki e ko Iehova te ariki ki
runga i te enua katoa nei, e i taua
rā ra, ko Iehova anake ia, e tona ingoa
10 anake. E ka akatu keia te enua katoa
nei ka tu a ngai maronaua mei Geba
e tae rava atu ki Rimona, i te pae i
apatonga i Ierusalemā ra: e akateiteia
ia, e ka tangataia i tona ra ngai,
mei te ngutupa o Beniamina e tae
rava atu ki te ngai o te ngutupa mua-
tangana ra, e tae rava atu ki te ngu-
tupa o nga poo ra; e mei te punanga
o Hananeia e tae rava atu ki te tao-
11 mianga vine a te ariki ra. Ka noo oki
ratou i reira, e kare atura o reira e
katara, e noia oki Ierusalemā ma
te ora.
12 Teia ra te mate ta Iehova e ta mai
i te au tangata ravara i tei tamaki ia
Ierusalemā ra: E pou ua to ratou
kiko tu ua'i to ratou vaevae ki runga,

e pou-na oki to ratou mata i roto i te rua mata tikai ra, e pou ua oki to ratou -arero i roto i to ratou vaa. E 13 riro oki i taua rā ra, tetai oripuanga maata i te tupu i rotupu ia ratou no ko mai ia Iehova ra, e opu anake oki ratou ravarai i te rima o tona orai tangata tupu, e akateitei oki aia i tona rima e rave i te rima o tona tangata tupu. E tamaki oki a Iuda i roto i 14 Ierusalemā, e akaputuputu katoaia mai te au apinga o te pa enua katoa e pini ua ake, te auro, e te ario, e te kakau, e maata ua atu. E ka riro te 15 mate o te au ipo, te au mule, te au kamela, e te au asini, e te au puaka katoa e vai ki roto i taua au puakapa ra, mei te reira katoa rai ia mate.

E riro oki, ko te tangata ravarai i 16 toe i roto i te au enua katoa ra, tei aere e tamaki ia Ierusalemā, e aere katoa ia i tera mataiti i tera mataiti, e akamori i te Ariki ra, ia Iehova Sabaota, e akono oki i te oroa patia anga puakapa ra. E riro oki, ko tei kore e tae 17

ki runga ra, to te au kopu katoa o te ao nei, ki Ierusalemā, e akamori i te Ariki ra, ia Iehova Sabaota ra, kare 18 ratou e topaia e te ua. E te kopu i Aiphiti ra kia kore e tae, e kare rai i aere mai, tei kore i topaia e te ua; e iri mai te mate ki runga ia ratou ra, i ta Iehova ka tuku ki runga i te pa enua i tei kore i aere mai e akono i te 19 oroa patia anga puakapa ra. Ko ta Aiphiti ia utunga, e te utunga rai no te pa enua, kare i aere mai e akono i te oroa patia anga puakapa ra. 20 E riro i taua rā ra ki runga i te au ove o te au ipo ra, Eri TAPU NO IEHOVA: e riro oki te au pani i roto i te are o Iehova mei te au kapu i mua i te 21 atarau ra. E te au pani ravarai i Ierusalemā e i Iuda ra, ka tapu ia ia Iehova Sabaota ra; ka aere anake mai oki te aronga ta puaka, ka rave ei i te reira, ka tunu ei i te kai ki roto ra: e kare atura e ngati Kanaana i roto i te are o Iehova Sabaota i taua rā ra.

TE BUKA A MALAKI.

PENE I.

Te akakite nei a Malaki i to Iseraela talinga-kino, ma ta ratou ara.

TE totou ra i te tuatua a Iehova 1 kia Iseraela ia Malaki ra.

I inangaro'ana au ia kotou, te tuatua mairā Iehova. E te tuatua mairā kotou, Teiea toou inangaro anga mai ia matou? Te tuatua mairā Iehova, Kare ainei a Esau i te tuakana o Jakoba? I inangaro ra au ia Iakoba, Kare ra 2 au i inangaro ia Esau, e kua akariro au i tona ra au maunga ei ngai pou, e tana ra tuanga ei au nooanga medebara ua. No te mea, te tuatua nei a 3 Edoma, Kua pou tatou, e patu akaou ra tatou i te au ngai pou; te na ko mairā Iehova Sabaota ra, E patu ia ratou, e naku e uri ki raro; e e tapaia ratou, Te kotinga o te kino ra, e, Te au tangata i riri tamouia e Iehova e tuatau ua atu. E kite oki o kotou 4 mata, ka tuatua oki kotou e, Kia akamaataia Iehova mei te kotinga o Iseraela mai. 5

6 E akangateitei te tamaiti i te metua tane, e te tavini i tona atu: e teianci, e Metua au nei, teiea taua akangateitei noku ra? e e Atu oki au ra, teiea au i te mataku angia, ko ta Iehova ia tuatua ia kotou, e te kau taunga, ko tei akavaavaa i toku nei ingoa; e te tuatua nei ra kotou, Teiea matou i te akavaavaa'i anga i toou ingoa? Te apai 7 nei kotou i te kai viivii ki runga i taku nei atarau; e te tuatua mai na kotou, Teiea iora matou i te akaviivii anga ia koe? ko kotou i karanga e, E mea vaavaa te kaingakai a Iehova. 8 Kia apai kotou i te matapo ei tusia, kare ainei i te mea kino? e kia apai kotou i te pirikoki e tei makiia, kare ainei i te mea kino? e tenana ka apai 9 atu na to kavana; e mareka ainei aia ia koe? e kiteia mai ainei koe? te tuatua mairā Iehova Sabaota ra. E teia- nei, ka pure kotou ki te Atua i tenana, kia tangi mai aia ia tatou: na to kotou rima oki teia: ka kite mai ainei aia ia kotou? te tuatua mairā Iehova Sabaota ra. Koai ia kotou te tika kia to- 10

piri ua i te au pa? kare oki kotou e tungi puapinga kore ua i te ai ki runga i taku atarau. Kare au i mareka ia kotou, te tuatua mairā Iehova Sabaota ra, kare oki au e ūriki atu i tei apaiia mai e to kotou rima. E maata 11 oki toku nei ingoa i rotou i te au enua ra, mei te itinga mai o te rā e tae rava atu ki tona opunga; e apaiia mai te tumiana ki toku nei ingoa i te au ngai katoa, e te mineka viivii kore ra; ka maata oki toku nei ingoa i rotou i te au enua ra, te tuatua mairā Iehova Sabaota ra. Kua viivii ra te 12 reira ia kotou, ko kotou i karanga ra e, Kua viivii te kaingakai a Iehova, e tei apaiia ra, koia te kai i runga ra, e mea vaavaa ia. Kua tuatua katoa oki 13 kotou, I na, e mea roiroi teia! e kua akaviivii kotou i te reira, te tuatua mairā Iehova Sabaota ra; e kua apai mai kotou i tei acaia ra; e tei piri-koki, e tei makiia ra; e kua apai mai oki kotou i te mineka: e ūriki atu ainei au i te reira i to kotou na rima? te tuatua mairā Iehova. Kia katarāia 14 ra te pikikaa, te vai ra te toa i roto i tana anana, e kua tia iora, e kua akatusia i te mea viivii na te Atu: e Ariki maata oki au nei, te tuatua mairā Iehova Sabaota ra, e matakua oki toku nei ingoa i roto i te pa enua ra.

PENE II.

*Te ako nei te peroveta i te kau tau-
nga, ko ratou i akono kore i te ko-
reromotu, e te au tangata i to ra-
tou akamori idolo, te akaturi, e te
akarongo kore.*

E TEIANEI, e te kau taunga e, na 1
kotou teiane: tuatua. Kia kore 2
kotou e akarongo, e kare e vaoo marie
ki roto i te ngakau, kia akakakū mai
i toku nei ingoa, te tuatua mairā Ie-
hova Sabaota ra; e tono atu au i te ka-
tara ki runga ia kotou, e e katara atu
au i to kotou au meitaki, kua oti takere
oki i te katarāia e au, ko kotou kare i
vaoo marie ki roto i te ngakau. I na, 3
no kotou e akamura i au i te ua-rakau,
e e pei au i to kotou mata ki te repo,
te repo oki no ta kotou oroa tapu ra: e
ka apai keia kotou ma te reira katoa
ra. Ka kite oki kotou, e naku i tono i 4
teianei tuatua kia kotou, kia vai rai
taku nei koreromotu ia Levi ra, te tua-
tua mairā Iehova Sabaota ra. Taku 5
koreromotu no te ora e no te au i vai
aia iaia; i oronga atura oki au i te
reira nona, no te matakua tana i ma-
taku mai iaku ra, e kua matakua akera

6 i toku nei ingoa. Te ture ra i te tua-
tua-mou, tei roto ia i tona vaa; e kare
oki e kino i kitea i roto i tona ngutu;
i aacre ana aia ma au katoa ma te au e
te tiratiratu, e manganui tana i akaariu
7 mai i te kino ra. Kia tapu oki to te
taunga ra ngutu i te kite, e kia kimi
oki ratou i te ture i tona vaa, ko te karere
8 oki aia na Iehova Sabaota ra. Kua
akaruke ra kotou i te arataa nei; e
manganui tei turori i te ture nei ia ko-
tou; kua kino te koreromotu a Levi ia
kotou, te tuatua mairā Iehova Saba-
ota ra.
9 No reira katoa au i akariro ei ia ko-
tou ei mea vaavaa e te kino ki mua i
te aroaro o te au tangata katoa nei;
ko kotou kare i akono i toku nei au
acerenga, e kua akatu ke ke kotou i te
ture nei.
10 Kare ainei okotai rai metua tane
to tatou katoa nei? kare ainei na te
Atua okotai tatou i anga? eaa ra oki
tatou katoa nei i pikikaa i tona uao-
rai tneake, i te akanoa anga i te kore-
11 romotu a to tatou ai metua ra? Kua
pikikaa oki a Iuda, e e mea viivii tei
raveia i Isaraela e i Ierusalem: kua
akanoa oki a Iuda i te mea tapu na Ie-
hova, tana oki i inangaro ra, e kua
akaipoipo i te tamaine a tetai atua ke.
12 Ko te tangata e akapera ra, e tipu keia
ia e Iehova ra, ko tei tiaki e tei iō mai-
ra i te au puakapa o Iakoba, e tei apai
13 i te mineka kia Iehova Sabaota ra. E
kua oki rua kotou i te akapera nei, i te
akangaro anga i te atarau a Iehova ki
te roi-mata, i te aue anga e te ngu-
nguru anga, e kare rava atura aia i
akono mai i taua mineka ra, kare oki
i ūriki meitakiia mai i to kotou na
14 rima. E te karanga nei kotou e, No
te aa ra? no te mea, ko Iehova te
kite ia koe e te vaine a to ou anga
ra, i tei pikikaaia e koe ra; koia oki
toou tokorua, e te vaine tikai naau i
15 koreromotuia ra. Kare ainei okotai
rai taua i anga ra ka vai katoa i te
toenga vaerua iaia ra, eaa iora i oko-
tai ua'i? kia kimi oki aia i te uanga
16 paicti. E tenana, e akono i to ko-
tou vaerua, e auraka tetai e pikikaa
ua atu i te vaine a tona ou anga ra.
E mea riri oki naku te kopae, te tua-
tua mairā Iehova, te Atua o Isaraela:
e tei tapoki i tona takinga-kino ki te
kakau, te tuatua mairā Iehova Sabaota
ra: e tenana, e akono ki to kotou vae-
rua, e auraka kotou e pikikaa.
17 Kua akaroiroi kotou ia Iehova ki ta
kotou au tuatua. E te karanga na ko-
tou e, I akaroiroi atu matou iaia i te

aa? Ko kotou i karanga e, Te aronga ravarai i rave i te kino ra, te meitaki ra ia i ta Iehova akara anga, e tei ia ratou aia i te mareka anga; e, Teica te Atua tuatua-tau ra?

PENE III.

No te karere, te mana, e te aroa, o te Mesia.

I NA, e tono au i taku karere, e nana 1
e akamaka i te ara i mua iaku, e te Atua ta kotou e kimi na, ko te ka tae vave mai ia ki tona ra nao, koia oki te karere a te koreromotu ta kotou i re-kareka na: i na, e tae mai aia, te tuatua mairā Iehova Sabaota ra.

Ka tika ra iaia ra kia akaruru i te 2
rā e aere mai ei aia ra? e koai te ka mou kia mama mai aia ra? kua aite oki aia ki te ai a te tamā *moni* ra, e mei te pua a te tamā kakau ra. Ka 3
noo mai aia mei te tamā e te akamei-taki i te ario ra; ka akameitaki aia i te au tamariki a Levi, e ka tamā aia ia ratou mei te auro, e mei te ario ra, kia apai oki ratou i te mineka tuatua-tika kia Iehova ra. Ei reira e riro ei te mine- 4
ka a luda e ta Ierusalem a i mea mareka na Iehova, mei tei te au rā taito ra, e mei tei te au mataiti nuatangana ra. E akavaitata atura au ia kotou i te 5
akava anga; e riro ia au ei kite viviki ki runga i te aronga purepure, e ki runga i te aronga akaturi, e ki runga i te aronga e taputou pikikaa, e ki runga i te aronga e akangere i tei ouia ra i tana tutaki, te vaine takaua, e te m-
tiroeroe, e tei ruri ke atu i te tangata ke i tana, e kare i maku mai iaku, 6
te tuatua mairā Iehova Sabaota ra. No te mea, ko Iehova au, kare au e tu ke ke, no reira kotou, e te au tamariki a Iakoba, i kore ei i pou.

Mei te au rā mairai oki o to kotou 7
ai metua ra to kotou ariu ke anga i taku ra au akonoanga, e kare i tāpu i te reira. E ariu mai kotou kiaku, e naku e ariu atu kia kotou, te tuatua mairā Iehova Sabaota ra. Te tuatua mai nei ra kotou, E oki atu matou ki te aa? E keia ainei te tangata nei i ta 8
te Atua? Kua keia maira kotou i taku ra. Te karanga nei ra kotou, I keia matou i tauu i te aa? I te ngauru-
anga o te apinga e te au terume. Kua 9
kataraia kotou ki te katara, no te mea, kua kein anake kotou, te enua katon-
toa nei, i taku. Ka apai mai na kotou 10
i te ngauruanga o te au apinga ravarai ki roto i te are vairanga, kia mangaia taku are nei, ei timata anga te reira

iaku nei i tenana, te tuatua mairā Ie-
hova Sabaota ra; i te kore anga au i te
kiriti anga i te au māramārama o te
rangi ra, ka riringi atu ei i te apinga
11 maata ua atu ei meitaki no kotou. E
no kotou e akamura atu ei au i te kai
aere, e auraka aia e kai i te manga o
to kotou enua; e kare oki ta kotou
vine i roto i te kainga e akamakaioreia,
12 te tuatua mairā Iehova Sabaota ra. Ka
tuatuaia oki e te pa enua katoa, Ko
kotou tei meitaki, e riro oki kotou ei
enua inangaroia, te tuatua mairā Ie-
hova Sabaota ra.

13 E tuatua mārokiakia ta kotou iaku
nei, te tuatua mairā Iehova Sabaota ra.
E te tuatua maira kotou e, Eaa ra ta
14 matou tuatua ia koe? Kua karanga
kotou e, E mea puapinga kore te
akamori atu i te Atua: e caa ta
tatou puapinga i te akono anga i tana
au akonoanga, e ko tatou i aere ma
te aue ki mua i te aroaro o Iehova
15 Sabaota ra. E tenana te karanga ra
tatou i te aronga ngakau parau ra, ko
tei meitaki ia; e te aronga i rave i te
kino ra, tei akateiteia ia; e te aronga
i akakoko i te Atua, kua ora ia.
16 I reira te aronga i maku ia Iehova
i te tuatua putuputu anga ki tetai ki
tetai: e kua akarongo mairā Iehova, e
kua kite, e kua tataia iora tetai buka
manakoanga ki mua iaia, no te aronga
e maku ia Iehova, e tei manako i
17 tona ra ingoa. E ka riro ratou noku,
te tuatua mairā Iehova Sabaota ra, i te
rā i akatakaia e au ra, ei apinga mei-
taki rava ra; e naku e akaperepere ia
ratou mei te tangata e akaperepere i
tana orai tamaiti kia tavini atu kiaia
18 ra. Ei reira kotou e kite akaou ei i
te tu ke anga i te tangata tuatua-tika e
te tangata kino, i te tangata i akamori
te Atua, e i tei kore i akamori iaia.

PENE IV.

*Te utunga a te Atua i te aronga kino,
e te meitaki no te aronga meitaki.*

I NA oki, te tae maira te rā, te ka tu
a umu i te ka anga; e te aronga
ngakau parau ravarai, e te aronga ka-
toa i rave i te kino ra, e riro ia ei tei-
ta; e ka oki ratou i taua rā ra kia tae
maira, te tuatua mairā Iehova Sabaota
ra, kare rava e akatoeia te tumu ma
te rara katoa ra.
2 Ia kotou ra, tei maku mai i toku
nei ingoa, e iti mai ia te Rā tuatua-
tika ma te ora i raro ake i tona peau;
ka aere oki kotou ki vao ka rorerere
3 aere ei mei te au kafa akaangai ra. E

na kotou e takatakai i te aronga kino
ki raro; e riro oki ratou mei te reu i
raro ake i to kotou vaevae, i te rā i
akatakaia e au ra, te tuatua mairā Ie-
hova Sabaota ra.

Akamaara kotou i te ture a taku 4
tavini ra a Mose, taku i ikuiku kiaia i
Horeba ra, na Iseraela katoatoa ra, e
te au akonoanga, ma te au tuatua-tau.

5 I na, e tono ana au i te peroveta ra
ia Elia kia kotou na, ka tae atu ei i
taua rā maata e te matakau o Iehova
6 ra: E nana e akaariu i te ngakau o te
au metua ki te au tamariki, e te nga-
kau o te au tamariki ki te au metua
ra, ko te aere mai aea au e ko te taia
aea e au te enua nei ki te katara.

TE

KOREROMOTU OU,

Λ

TO TATOU ATU, A TE ORA,

Λ

IESU MESIA RA.

KIRITIHA

EI REO RAROTONGA.

LONEDONA :

ROROMIHA E WILLIAM M. WATTS,

NA TE SOCIETI BIBILIA I BERITANI E TE AU ENUA KATOA :

I AKATUPUIA I LONEDONA I TE MATAITI 1804.

—
1851.

TE AU BUKA I TE KOREROMOTU OU RA.

	Te au Pene	Te au Kapi	
Te Evangelia a Mataio	28	1 E tae ua atu ki te	34
Te Evangelia a Mareko	16	34	55
Te Evangelia a Luka	24	56	91
Te Evangelia a Ioane	21	91	118
Te Angaanga a te Au Aposetolo	28	118	153
Te Episetole i to Roma	16	153	167
. Mua i to Korinetia ra	16	167	181
. Rua i to Korinetia ra	13	181	190
. i to Galatia	6	190	195
. i to Ephesia	6	195	199
. i to Philipi	4	200	203
. i to Kolosa	4	203	206
. Mua i to Tesalonia	5	206	209
. Rua i to Tesalonia	3	210	211
. Mua ia Timoteo	6	212	215
. Rua ia Timoteo	4	216	218
. ia Tito	3	219	220
. ia Philemona	1	221
. i te au Ebera	13	222	232
. a Iakoba	5	232	236
. Mua a Petero	5	236	240
. Rua a Petero	3	240	242
. Mua a Ioane	5	242	246
. Rua a Ioane	1	246	247
. Toru a Ioane	1	247
. a Iuda	1	248	249
Te Apokalupo a Ioane	22	249	253

TE EVANGELIA A MATAIO.

PENE I.

Te kopu tangata o Iesu, e tona anau anga.

E TUATUA no te anau anga no Iesu 1
Mesia, e tamaiti na Davida, e ta-
maiti na Aberahama. Anau akera ta 2
Aberahama ko Isaaka; anau akera ta
Isaaka ko Iakoba; anau akera ta Ia-
koba ko Iuda e tona ai tacake; Anau 3
akera ta Iuda ko Phareza e ko Zara
ia Tamara; anau akera ta Phareza ko
Eseroma; anau akera ta Eseroma ko
Rama; Anau akera ta Rama ko 4
Aminadaba; anau akera ta Aminadaba
ko Naasona; anau akera ta Naasona
ko Salamona; Anau akera ta 5
Salamona ko Boaza ia Rahaba; anau
akera ta Boaza ko Obeda ia Ruta;
anau akera ta Obeda ko Iese; Anau 6
akera ta Iese ko te ariki ra ko Davida;
anau akera ta te ariki ra ta Davida
ko Solomona i te vaine a Uria ra;
Anau akera ta Solomona ko Roboama;
anau akera ta Roboama ko Abia; anau 8
akera ta Abia ko Asa; Anau akera ta
Asa ko Iosaphata; anau akera ta Iosaphata
ko Iorama; anau akera ta Iorama ko Ozia;
Anau akera ta Ozia ko Iotama; anau akera ta Iotama ko Ahaza;
anau akera ta Ahaza ko Hezekia;
Anau akera ta Hezekia ko Manase;
anau akera ta Manase ko Amona;
anau Akera ta Amona ko Iosia;
Anau akera ta Iosia ko Iekonia e tona ai tacake, i te tuatau i riro
atu ei ki Babulonia ra: E kia riro 12
atura ratou ki Babulonia, anau akera
ta Iekonia ko Salatiela; anau akera ta
Salatiela ko Zorobabela; Anau akera 13
ta Zorobabela ko Abinda; anau akera
ta Abinda ko Eliakima; anau akera ta
Eliakima ko Azora; Anau akera ta 14
Azora ko Sadoka; anau akera ta Sadoka
ko Akima; anau akera ta Akima ko Eliuda;
Anau akera ta Eliuda ko 15
Eleazara; anau akera ta Eleazara ko Matana;
anau akera ta Matana ko Iakoba; 16
Anau akera ta Iakoba ko Iosepha te tane a Maria, nana i anau a Iesu ra,
ko tei karangaia, ko te Mesia. E te 17
au uki katoa mei ia Aberahama maira

e tae rava akera ia Davida, raungauru
ia uki e a ara; mei ia Davida mai oki e
tae akera i te riro angaki Babulonia ra,
raungauru ia uki e a ara; mei te riro
anga oki ki Babulonia ra, e tae akera
ki te Mesia nei, raungauru ia uki e
a ara.

18 Ko te tu oki teia o te anau anga o
Iesu Mesia: Kua akatakaia tona
metua vaine ko Maria na Iosepha, kare
ra raua i moe i nui ei aia i te Vaeua
19 Tapu. E tangata tuatua-tika tana tane
ko Iosepha, kare oki aia i inangaro i
te akakite ua iaia, manako iora e aka-
20 ruke poiuri ua iaia. Te maaraara ra
aia i taua mea nei, e i na, kua mama
maira tetai angela a te Atu, kua akai-
rimoe maira iaia, kua na ko maira, E
Iosepha te tamaiti a Davida ra, auraka
koe e mataka i te arataki mai i to
vaine ia Maria ki o ou ra: no te
21 Vaeua Tapu i nui ei aia. E tamaiti
tana e anau, e ko Iesu te ingoa tauu e
tapa nona: e akaora oki aia i tona
22 au tangata i ta ratou ara. Tika
tikai atura tei karangaia mai e te
Atu i te peroveta i taua au mea
katoa nei, ka na ko mai ei ra e,
23 "I na, e nui te paretania, e e tamaiti
tana e anau, e e tapuia tona ingoa ko
Emanuel," koia oki Te Atu ki o tatou
24 nei. Itirere akera Iosepha i tana moe
ra, akono atura i ta te angela a te Atu
i tuatua mai kiaia ra, e kua arataki
25 maira i tana vaine ki ona ra: Kare
ra i rave atu, e anau na maira tana
tama mua, e tapa atura aia i tona ingoa
ko Iesu.

PENE II.

*Te au Magoi: te oro anga ki Aiphiti:
te matenga o te au tamariki ia Heroda:
te oki anga mai, e te aerenau ki Nazareta.*

E KIA anau a Iesu i Betelehemama i
Iudea ra, i te au ra o te ariki ra
o Heroda, i na, e au Magoi tei aere mai
ki Ierusalem, mei anatole mai, kua na
2 ko maira, Teica te Ariki anau ou o te
ngati Iuda nei? kite akenei oki matou
i tona etu i anatole, i aere mai nei matou
e arara atu iaia.

Kite akera te ariki ra ko Herodā i te reira tuatua, kua taitaia akera aia, ma to Ierusalemā katoa. E akaputupu maira aia i te kau taunga nunui katoa, e te aronga tata tuatua a te au tangata, kua ui atura aia ia ratou i te ngai e anau ei te Mesia. Kua tuatua maira ratou kiaia, Ei Betelehema Iudea nei e anau ei; te pera maira oki te peroveta i te tata anga mai, "E ko koe, e Betelehema, i te enua o Iuda nei, kare koe i te mea ngiti rava i rotopu i te au oire ariki o Iuda; no roto mai ia koe tetai Kavana, e nana e aratiki i toku nei au tangata ia Iseraela." Kua tiki pōiri aturā Herodā i te aronga Magoi, kua ui marie atura ia ratou i te mama anga mai o taua etu ra. Kua akaunga atura aia ia ratou ki Betelehema, na ko atura, Ka aere ka kimi marie i taua tamaiti iti ra; e kia kitea atu ia kotou, e oki mai, e akakite mai kiaku, kia aere katoa atu au e araara atu iaia. E kite akera ratou i ta te ariki ra, aere atura; e i na, te etu ta ratou i kite i anatole, kua na mua atura ia ratou, e tae ua atura ki rungao i te nooanga o taua tamaiti iti ra; noo iora. Rai rava akera to ratou rekareka i to ratou kite anga i taua etu ra. E tae atura ratou ki roto i ta te are, kite atura ratou i taua tamaiti iti ra, e tona metua vaine ko Maria, akatopa iora ratou ki raro, araara atura iaia; kiriti akera i ta ratou apinga, apai atura i te taoonga-rima, te auro, te tusa, e te mura. E i ako akairimocia mai ratou e te Atua, auraka e oki atu kia Herodā ra, aere atura ratou ki to ratou uorai enua na tetai ara ke.

E riro atura ratou, kua mama maira tetai angela a te Atua, akairimoe maira ia Iosepha, na ko maira, Ka tu, ka rave i te tamaiti iti, e tona metua vaine, e oro ki Aiphiti; e noo i reira, e kia karangaia atu koe e au; e kimi oki a Herodā i te tamaiti iti e ta. Kua tu akera aia, rave iora i te tamaiti iti e te metua vaine, aere atura ki Aiphiti i te po: Noo atura i reira, e tae akera ki te matenga o Herodā; tika atura ta te Atua i tuatua mai i te peroveta, "I tiki naia e au taku tamaiti i Aiphiti."

E kite akērā Herodā e, kua tapiki pikiia aia e te au Magoi ra, makitakita rava akera aia, tonō atura i te tangata, e ta atura i te aronga tamariki tamaroa katoa, i Betelehema, e te au ngai katoa i reira uorai, ko tei tae ki te rua o te tamaiti ra e tei kore, mei te taimē mairai

17 tana i ui marie i te au Magoi ra. Tika atura i reira te tuatua a te peroveta ra a Ieremia, ka na ko mai ei ra e, 18 "E reo tei kitea i Rama, e aue, e te tangi, e te mii maata, ko Rahela i te irica anga i tana au tamariki, e kare rava akera i na, no te mea kare nei ratou." 19 E kia mate a Herodā, i na, kua mama maira te angela a te Atua, akairimoe maira ia Iosepha i Aiphiti, 20 Na ko maira, Ka tu, ka rave i te tamaiti iti, e te metua vaine, e ka oki ki te enua o Iseraela: kua mate oki te aronga i umuūmu e ta i te tamaiti iti nei. Kua tu akera aia, kua rave iora i te tamaiti iti ra e te metua vaine, oki maira ki te enua o Iseraela; Kia kite ra aia e, tei ia Arekelau te au ei tupau i tona metua ia Herodā i Iudea ra, matakū iora aia kia aere ki reira; e i ako akairimocia maira aia e te Atua, 23 aere atura aia i te enua i Galilea: E tae atura aia, kua noo iora ki tetai oire ko Nazareta te ingoa, tika atura te tuatua a te au peroveta ra, E karangaia aia i te Nazarene.

PENE III.

Te tuatua ia Ioane baptizo, e to Iesu baptizo angaia i Ioridana.

1 E I te reira tauatū, kua aere mairū Ioane baptizo, i te tutu aere 2 anga i te medebara i Iudea ra, I te na ko anga e, E tataraara kotou; te vaiata mai nei oki te basilea o te ao. 3 Koia oki teia, ko tei karangaia mai e Esaiā peroveta ra, ka na ko mai ei ra e, "E reo no tetai i te tutu aere anga i te medebara, Ka akameitaki i te arataa o te Atua, e akatika ua i tona aerenga." 4 E ururu kamela to Ioane kakau, i tauatua tona taukupu ki te kiri puaka; e akeride e te meli ngangaere tana kai. 5 Aere atura to Ierusalemā kiaia ra, e to Iudea ravarai, e to te enua katoatoa i 6 te pae i Ioridana ra, E baptizoia iora e ia i Ioridana, ma te aiki i ta ratou ara. 7 Kia akara atura ra aia i te au Pharisca e manganui, e te au Sadukea, i te aere anga mai kiaia ra, kia baptizoia, kua karanga atura aia kia ratou, E te anaunga vipera e, naai kotou i ako atu e e rere ke kotou i te mate e 8 vaiata mai nei? E tenana ka tuku mai na i te akonoanga e tau i te tatarara: Auraka e manako i roto ia kotou uorai e, E metua to matou ko Aberahama; e karanga atu oki au kia kotou, Ka tika i te Atua i te akatupu i te tamariki na

Aberahama no roto i teianei au toka. Te vai nei rai te tarapa i te tumu ra-
kau i teianei; e te rakau katoa kare i
na mai i te ua meitaki ra, ka tipuia ia, e
titiriria atu ki roto i te ai. Ko au nei,
te baptizo nei ia kotou ki te vai, kia
tatararaa kotou; koia ra ko tei ka aere
mai i muri iaku nei, e maata tona mana
i toku, kare au e tau kia apai i tona
tamaka; nana e baptizo ia kotou ki te
Vacrua Tapu, e te ai: Tei tona rima
tana petuo, e tamā marie aia i tana
alona, e akaputuputu aia i te sitona ki
roto i te vairanga sitona; kareka te
ota, ka tutungia ia e ia ki te ai mate
kore.

Kua aere mairā Iesu i reira ki Ioridana
na mei Galilea mai, kia baptizoia aia e
Ioane. Akakore atura rā Ioane, na
ko atura, Ko au oki tauu e baptizo e
tika'i, e e aere mai oki koe kiaku nei?
Kua tuatua mairā Iesu kiaia, na ko
maira, Ka tuku ua mai na: e pera oki
tatou i te akatika i te au tuatua-tika
katoa e tau ei. Kua tuku maira aia i
reira. E oti akerā Iesu i te bapti-
zoia, kake maira aia ki runga mei
raro mai i te vai; e i na, veveteia
akera te rangi iaia, akara akera aia
i te Vacrua o te Atua i te eke anga mai
mei te kukupa, e te to anga mai ki
runga iaia: E i na, ko te reo maira
no te rangi, i te na ko anga mai e,
Taku Tamaiti akaperepere teia, kua
maraka rava au iaia.

PENE IV.

*To Iesu neseteia anga, e te timata
angaia i te medebara: te iki angaia
o Petero ma.*

E I aratakia Iesu e te Vacrua ki te
medebara ra, kia timataia e te
diabolo ra. Kua neseteia iora aia e a
ngauru o te po, e a oki ngauru o te ao,
e oti akera, pongi iora aia. Kua aere
maira taua Timata ra, na ko maira
kiaia, E Tamaiti koe na te Atua ra, ka
karanga atu koe ki teianei au toka kia
riro ei kai. Kua karanga atura aia, na
ko atura, Kua taitaia, "Kare o te areto
anake ra te mea e ora'i te tangata nei,
ko te au mea katoa ra no roto mai i te
vaa o te Atua ra." Kua arataki atura
te diabolo iaia ki te oire tapu ra, e kua
tuku atura iaia ki runga i te pore-
tiko o te iero ra, E kua karanga
atura kiaia, E Tamaiti koe na te Atua
ra, akatopa atu koe ia koe uaoari ki
raro; kua taitaia oki e, "Ka ikuiku
aia i tana au angela ia koe;" "ka mou

oki ratou ia koe i to ratou rima, ko te
tukia ua atu aea to vaevea ki te toka."
7 Kua tuatua mairā Iesu kiaia, Kua tata
katoaia e, "Auraka koe e timata atu i
8 toou Atua ra i te Atu." Kua arataki
akaou atura te diabolo iaia ki runga i
tetai maunga teitei rava, e kua akakite
maira kiaia i te au basilicia katoa o te
9 ao nei, e to ratou kakā; Kua tuatua
maira kiaia, E oronga atu au i teianei
au mea katoa kia koe, kia akatopa mai
10 koe ki raro e akamori mai iaku. Kua
karanga aturā Iesu kiaia, E aere ke
atu koe e Satani, kua oti i te tataia,
"Ko toou Atua ra ko te Atu tauu e
akamori, e koia anake rai tauu e aka-
11 rongo." Akaruke iora te diabolo iaia,
e i na, e aronga angela tei aere mai, e
kua matuapuru maira iaia.
12 E kite akerā Iesu e kua tapekaiū
13 Ioane, kua aere atura ki Galilea; Aka-
ruke iora aia ia Nazareta, aere atura,
e noo atura i Kaperenauma, i te pac
roto ra, i te kotinga i te enua o Zebu-
14 lona e Naphatali; Tika rava atura te
tuatua a Esaia peroveta i reira, i te na
15 ko anga mai, "Te enua o Zebulona, e te
enua o Naphatali, i tera pae Ioridana,
i te pac roto, ko Galilea i o te etene
16 ra, Te aronga i noo i te poi ri ra, kua
akara ia i te mārāma maata; e te aro-
nga i noo i te ngai maru-mate ra, kua
itia ratou e te mārāma."
17 I reira to Iesu akamata anga i te
ako, i te na ko anga e, Ka tatararaa:
te vaitata mai nei oki te basilicia o te ao.
18 E te aere rā Iesu na te pac roto i
Galilea ra, kite atura aia i e toko rua
puke tangata, i te tuakana ia Simona ko
tei karangaia ia Petero ra, e tona taeake
ko Anederea, te tuku ra i te kupenga
i taua roto ra; e puke ravakai oki
19 raua. Kua karanga atura aia kia
rauā, Ka aru mai iaku, e akariro au
20 ia korua ei ravakai tangata. Akaruke
iora raua i ta raua puke kupenga i
21 reira, e kua aru maira iaia. E te
aere ua atura aia, kite atura i e toko
rua rai puke tangata, ko Iakoba a Zebe-
daio ra, e tona taeake ko Ioane, tei
runga i te boti e to raua metua ko Ze-
bedai, te ono ra i ta ratou puke kupen-
ga, kua karanga atura aia ia raua.
22 Akaruke iora raua i te boti i reira, e
to raua metua, aru atura iaia.
23 Aere aturā Iesu na Galilea katoa o
kako rava ake, i te apii anga i roto i to
ratou au sunago ra, e te tuatua anga i
te evangelia o te basilicia, e te akaora
anga i te au maki ravara, e te au mate
24 katoa o te tangata. Tutuki atura
tona rongo e kako rava ake Suria; e

kua apai maira ratou i te aronga maki katoa kiaia ra, ko tei mate i tera maki i tera maki, e te mamae, e tei uruia e te demoni ra, e te neneva, e te akangoru; kua akaora atura aia ia ratou. E 25 motuanga tangata maata tei aru mai iaia no Galilea mai, no Decapoli, no Ierusalem, no Iudea, e no te pae i Ioridana ra.

PENE V.

Te tuatua a Iesu ki runga i te maunga : te akonoanga e te meitaki o te tangata akarongo : te aitanga tikai o te ture : no te ta tangata, te akauongi, te akaturu, te akaruke vaine, te taputou, te akamoupuke, e te aroa ki tetai ki tetai.

E KITE aturā Iesu i te urupu ta- 1 ngata ra, kake atura aia ki runga i te maunga; noo iora ki raro, e kua aere maira tana au pipi kiaia. Kua 2 tuatua akera tona vaa, apii atura ia ratou, na ko atura, E ao to tei akaaka te ngakau : no ratou te basilea o te 3 ao. E ao to tei aue : e tarekarekaia ratou. E ao to tei maru : e riro ia 4 ratou te enua. E ao to tei pongi, e tei kaki i te tuatua-tika : e akakia ratou. E ao to tei aroa ia etai ke ra : e aroa 5 katoaia mai ratou. E ao to tei mā te ngakau : e kite oki ratou i te Atua. E ao to tei akamocau : e karangaia 6 ratou e tamariki na te Atua. E ao to tei takinga-kinoia i te tuatua-tika ra : no ratou te basilea o te ao. E ao 7 to kotou, kia akakino mai, e kia takinga-kino mai, e kia tapepe pikikaa ua 8 mai te tangata ia kotou i te ao kino katoa nei, noku nei : E rekareka 12 kotou, e kia rere ua i te rekareka ; e tutaki maata oki ta kotou i te ao ra : i pera oki ratou i te takinga-kino i te aronga peroveta, ko mua ia ia kotou. Ko kotou te tai no te enua : kareka 13 kia mangaro te tai ra, eaa atura te mea e taitai ei? kua riro ia ei mea puapinga kore, e akarukeia ia, e takatakiaia e te vaevae tangata. Ko kotou 14 te marama o te ao nei. Te oire i akatua ki runga i te maunga ra, kare ia e ngaro. Kare oki te tangata e tutu- 15 ngi i te lamepa, ka tuku atu ei ki raro ake i te aite, ei runga ra i te vairanga, kia marama to te are katon. Koia katoa to kotou marama, kia kakā 16 ia ki mua i te aroaro o te tangata nei, kia akara ratou i ta kotou anganga meitaki, e kia akameitaki ratou i to kotou Metua i te ao ra. Auraka e manako e, i aere mai au e 17

akakore i te ture, e ta te au peroveta ra ; kare au i aere mai e akakore, e 18 akatupu ra. Koia tika taku e karanga atu kia kotou nei, E kore ake te rangi e te enua, i tetai iota e tetai va'i mea ngiti poepoe o te ture nei, kare ia 19 e kore, e ope takiri ia i te tupu. E teianei, ko te akaapa, e te apii ia etai ke, kia akaapa i tei mea ngiti o te au akauenga nei, e karangaia aia i te mea ngiti rava i te basilea o te ao ; kareka te akono, e kua apii i tana au tuatua nei, e karangaia aia i te mea 20 maata i te basilea o te ao ra. E akakite atura au kia kotou, Kia kore kia maata atu ta kotou tuatua-tika i ta te aronga tata tuatua, e ta te aronga Pharisea, kare rava kotou e o ki 21 te basilea o te ao. Kua akarongo oki kotou e, i tuatuaia mai e te aronga taito ra e, "Auraka rava koe e ta ua:" e te ta ua ra, e tau iaia 22 te akavaanga : Te karanga atu nei ra au kia kotou, Ko te tangata e riri ua ki tona taeake, e tau katoa iaia te akavaanga : e te karanga atu ki tona taeake, e Raka ; e tau iaia te 23 Sunederi ; kareka ko tei karanga atu, e More, e tau iaia te ai i te po. E teianei, kia apai koe i taau apinga oronga ua ki te atarau, e kua manako iora koe i reira e, e ara ta to taeake ia 24 koe na : Vaio atu i to apinga i mua i te atarau, e akamata i te aere e ongi i to taeake, ka aere ei ka apai i taau 25 apinga. Kia rapurapu koe i te akatika taau tuatua i taau tangata ou, i to korna aerenga na te ara ; ko te tuku atu aea te tangata ou ia koe ki te akava ra, e ko te tuku aea te tangata akava ia koe ki te tangata taoonga ra, e uruia atura koe ki roto i te are tape- 26 kunga. Tikai taku e karanga atu kia koe, Kare takiri koe e tukuia mai, e kia oko na rava ia koe te koderane ope- 27 nga ra. Kua akarongo kotou e, i tuatuaia mai e te aronga taito ra e, "Auraka 28 rava koe e akaturu : Te karanga atu nei ra au kia kotou, Ko tei akara ua atu i te vaine ei akatupu i te inangaro, kua akaturu takere ia aia i taua vaine 29 ra i tona uorai ngakau. E te peka-peka na koe i toou mata katau, e koiti, e akaruke ke atu ; e meitaki oki koe me mate tetai ouu melo, i to kopapa 30 katoa kia uruia ki roto i te po. E te peka-peka na koe i toou rima katau, e tipu, e akaruke ke atu : e meitaki oki koe me mave tetai ouu melo, i toou kopapa katoa kia uruia ki roto i 31 te po. I tuatuaia oki, Ko tei inangaro i te kopae i tana vaine, e kave

atu i tetai tuatua kopae kiaia ra; Te 32
 karanga atu nei ra au kia kotou, Kote
 kopae i tana vaine, auraka no te
 akaturi, kua akariro aia iaia ei aka-
 turi; e te akaipoipo i tei kopaeia
 ra, kua akaturi katoa ia. Kua aka- 33
 rongo oki kotou e, i tuatuaia mai
 e te aronga taito ra e, Auraka koe e
 taputou pikikaa ua, e akatupu ra i
 taau i taputou ia Ichova ra: Te karanga 34
 atu nei ra au kia kotou, Auraka e ta-
 putou, auraka rava; auraka i te
 rangi; ko te terono ia no te Atua:
 Auraka i te enua; ko tona ia pange 35
 avac: auraka i Ierusalem; ko te oire
 ia o te Arika maata. Auraka katoa 36
 koe e taputou i toou uaoari upoko,
 kare e tika ia koe i te akateatea i tetai
 io rauru, e te akakerckere i tetai.
 Kia riro ra ta kotou Koia, ei koia; e 37
 ta kotou Kare, ei kare; e te vai atu
 rai te tuatua, no roto ia i te kino.
 Kua akarongo kotou e, i tuatuaia 38
 maira, E mata ra, ei mata ia tutaki,
 e nio ra, ei nio ia: Te karanga atu 39
 nei ra au kia kotou, Auraka e akaoki
 atu i te kino: ko te moto mai i toou
 paparinga katau nei, e ariu katoa atu i
 tetai. E kia alava mai tetai tangata 40
 ia koe i te ture, e rave mai i toou
 kakau, o atu katoa i toou pereue. E 41
 ko te tuatua mai kia koe e aere i
 tetai maile, aere ua atu korua e rua
 maile. E oronga atu na tei pati mai 42
 ia koe ra; e ko tei ori mai ia koe ra,
 auraka e akaoki uaia atu. Kua aka- 43
 rongo kotou e, i tuatuaia maira, "E
 aroa atu koe i toou tangata tupu," e
 makitakita atu i toou cnemi: Te ka- 44
 ranga atu nei ra au kia kotou, E aroa
 atu i to kotou aronga cnemi, e akaora
 atu i tei tao mai; e takinga-meitaki atu
 i te aronga e makitakita mai ia kotou, e
 pure oki no te aronga e akakino mai e
 tei takinga-kino mai ia kotou; Kia 45
 riro kotou ei tamariki na to kotou
 Metua i te ao ra: te akaiti nei aia i tona
 ra ki rungao i te kino e te meitaki, e
 te akatopa mai nei aia i te ua ki runga
 i te tangata tuatua-tika e te tangata
 tuatua-tika kore. Ko tei aroa mai ia 46
 kotou, ko ta kotou e aroa atu, eaa ta
 kotou tutaki i reira? kare aina te aro-
 nga telona e pera katoa? E to kotou 47
 aronga taenke anake ra, ta kotou ia
 e tangi atu, eaa ta kotou ngai maata
 atu i reira? kare aina te aronga te-
 lona e pera katoa? Kia apa kore oki 48
 kotou, mei to kotou Metua i te ao ra,
 e apa kore.

PENE VI.

*Te oronga anga apinga aroa: te pure
 e te neseteia, e kia na mua i te kimi i
 te basileia o te Atua.*

- 1 **K**IA matakite oki, ko te oronga
 aea kotou i ta kotou apinga aroa
 ki mua i te aroaro o te tangata, kia
 akaraia e ratou: ko te kore aea e
 rauka ta kotou tutaki i to kotou Me-
 tua i te ao ra. Kia oronga ra koe i
 taau apinga aroa, auraka e na mua i
 te akatangi i te pu, mei ta te aronga
 pikikaa, i roto i te au sunago, e i te au
 arataa ra, kia akameitakiia ratou e te
 tangata. Koia tika taku e karanga atu
 kia kotou na, Kua rauka ta ratou
 3 tutaki. Kareka kia oronga koe i taau
 apinga aroa, auraka toou rima kaui e
 kite i ta toou rima katau e rave ra: e
 4 Kia munangaro taau *oronga anga*
 apinga aroa, e na to Metua, tei kite
 ua mai i te mea ngaro, e o mai aka-
 kite ua i taau tutaki. E kia pure
 koe, auraka mei ta te aronga piki-
 kaa ra: ko tei inangaro i te pure tu
 ua i roto i te au sunago, e te pae
 arataa ra, kia akaraia ratou e te ta-
 ngata. Koia tika taku e karanga atu
 kia kotou na, Kua rauka ta ratou tutaki.
 6 Kareka kia pure koe, e aere ki roto i
 toou pia, e topiri marie i te pa, ka pure
 ei ki toou Metua, e na to Metua,
 tei kite ua mai i te mea ngaro, kore
 ua rai aia e kitea, e o mai akakite
 7 ua i taau tutaki. E kia pure kotou,
 auraka e maata te tuatua rikiriki
 puapinga kore, mei ta te au etene ra:
 ko tei manako e, tei te rai o te tuatua e
 8 kiteia mai ei ratou. Auraka kotou e
 aite kia ratou ra; kua kite ana to
 kotou Metua i te au mea e tau ia
 9 kotou, ou kotou i pati atu ei. Na ko
 kotou kia pure: E to matou Metua i
 10 te ao ra, Kia tapu toou ingoa. Kia tae
 toou basileia. Kia akonoia toou anoano
 i te enua nei, mei tei te ao katoa na.
 11 O mai te kai e tau ia matou i teianei
 12 ra. E akakore mai i ta matou ara,
 mei ia matou i akakore i ta tei ara ia
 13 matou nei. Auraka e akaruke ia matou
 kia timataia mai, e akaora ra ia
 matou i te kino. Noou oki te basi-
 leia, e te mana, e te kakā, e tuatau
 14 ua atu. Amene. Kia akakore oki
 kotou i ta etai ke ra ara, e aka-
 kore katoa to kotou Metua i te ao
 15 ra i ta kotou; Kia kore ra kotou
 e akakore i ta etai ke ra ara, kare
 katoa oki to kotou Metua i te ao
 ra e akakore mai i ta kotou ara.

E kia neseteia kotou, auraka e aka- 16
 raumatea te mata, mei ta te aronga
 pikikaa ra, ko tei akatu ke i to
 ratou mata, kia kitea e te tangata
 c, te neseteia ra ratou. Koia tika
 taku e karanga atu kia kotou na,
 Kua rauka ta ratou tutaki. Kareka 17
 kia neseteia koe, e tainu i toou upoko, e
 e orei i toou mata; Kia kore tauu nese- 18
 teia anga e kitea e te tangata, i toou Me-
 tua ra; e na to Metua, tei kite ua mai i
 te mea ngaro, kore ua rai aia e kitea, e
 o mai akakite ua i tauu tutaki. Auraka 19
 e akaputu i te apinga na kotou i teianei
 ao, i te ngai e pou ei i te uu, e te pe, i
 te ngai e tomoia, e e keiaia'i e te keia.
 Ka akaputu ra i te apinga na kotou ki 20
 runga i te rangi, i te ngai e kore ei e pou
 i te uu e te pe, kare oki te keia e tomo
 i reira ka keia'i: Te ngai oki i vaioia'i 21
 to kotou na apinga, ka riro katoa i
 reira to kotou ngakau. Ko te mata to 22
 te kopapa nei marama: te meitaki ra
 to mata, kua marama ia to kopapa
 katoa: Kia kino ra toou mata, ka poiiri 23
 ia to kopapa katoa. E kia riro te
 marama i roto ia koe ra ei poiiri; caa
 ua te aite i te reira poiiri i te maata!
 Kare e tika i te tangata kia aka- 24
 rongo i nga pu e toko rua: ka riro aia i
 te riri atu ki tetai, e te anoano atu ki
 tetai; e kare ra, ka riro i te tau atu ki
 tetai, e te akaviivii atu i tetai. Ko
 kotou nei oki, kare e tika kia akarongo
 atu i te Atua e te mamona. E teia- 25
 nei, e ako atu au ia kotou, auraka e
 apiapi i to kotou ora, i ta kotou e kai,
 e ta kotou e inu, e te kakau no to
 kotou tino. Kare aima e maata te ora
 i te kai, e te tino i te kakau? Ka 26
 akara na i te au manu o te reva nei:
 kare ratou i tanu, kare oki i kokoti,
 kare oki o ratou are kai; na to kotou
 Metua i te ao ra i angai ia ratou.
 Kare aima e meitaki maata to kotou i
 to ratou? Koai oki to kotou, e tika kia 27
 akaroa atu i tona tu, kia apiapi aia, e
 okotai ake kubiti? E eaa kotou e api- 28
 api ei i te kakau? Ka maara na i te
 au lili o te enua, te peea nei to ratou
 tupu; kare ratou i angaanga, kare oki
 i iro: E karanga atu au kia kotou, 29
 E tae ua atu ki te manea ope o Solo-
 mona, kare rai tona manea i arite i
 tetai o ratou nei. I pera oki te Atua 30
 i te akamanea anga i te rakau rikiriki
 o te enua, akonei te vai ra, e apopo
 kua uria ki roto i te umu; ka tanga atu
 ei oki ia kotou, e kotou, te aronga aka-
 rongo mea ngiti nei! E teianei, auraka 31
 kotou e apiapi ua, ka na ko ei ra, Eaa
 ua ta matou kia kai? e, Eaa oki ta ma-

tou kia inu? e, Eaa to matou kakau
 32 kia kakau? (Te kimi ra oki te au
 ctene i taua au mea katoa ra:) kua
 kite oki to kotou Metua i te ao ra e,
 kia rauka taua au mea katoa ra ia kotou
 33 e tika'i. E na mua ra kotou i te kimi i te
 basileia o te Atua, e te tuatua-tika nana
 ra; e kapiti katoaia mai taua au mea
 34 katoa ra ia kotou. E teianei, auraka
 e apiapi i to apopo ra; na apopo e api-
 api i tana uorai. Ko te ra ko tona
 uorai kino, oti ra ua ia.

PENE VII.

*Te akakino e te manako tau kore i etai
 ke: te pure; te au peroveta pikikau:
 te akonoanga e meitaki ei, e te akono-
 anga e kino ei, te tungata.*

- 1 AURAKA e akakino atu; kia kore
- 2 kotou e akakinoia mai. Ko ta
- kotou oki e akakino ia etai ke ra, e
- akakino katoaia kotou i te reira; ko te
- aite ta kotou e aite atu, ko ta kotou rai
- 3 ia kia akaaiteia mai. E eaa koe i
- akara'i i te tanga iti i roto i te mata o
- to taeake ra, e kare koe i kite e tei roto
- i toou uorai mata te rakau maata?
- 4 E eaa oki koe e tika'i kia karanga atu
- ki to taeake, O mai, naku e kiriti i te
- tanga iti i roto i toou mata, e i na, tei
- roto i toou uorai mata te rakau
- 5 maata? E tera ra pikikaa e, e timata
- ana i te kiriti i te rakau maata i
- roto i toou orai mata; ei reira koe
- e kite meitaki ei, kia kiriti i te tanga
- iti i roto i te mata o to taeake.
- 6 Auraka te mea tapu e apaiia atu
- na te puaka-aoa, auraka katoa ta
- kotou poe e titiriia atu na te puaka;
- ko te takatakaiia aca e to ratou vae-
 vae, ko te ariu mai aca e kakati ia
- 7 kotou. E pati, e e orongaia mai ta
- kotou; e kimi, e kitea ia ia kotou;
- e topapa atu, e kiritiia mai ia te
- 8 pa ia kotou: Ko te aronga katoa oki
- i pati ra, kua rauka ia: e ko tei
- kimi ra, kua kitea ia; e tei topapa
- 9 ra, e kiritiia mai ia te pa iaia. Koai
- ia i roto ia kotou i te tangata nei,
- e apai i te toka na tana tamaiti kia
- 10 pati mai aia i te areto? E kia pati mai
- i te ika, ka apai atu ainei i te ovi
- 11 nana? E te tika na ia kotou, kino ua
- rai, kia oronga i te mea meitaki na ta
- kotou au tamariki, ka tanga'i oki i to
- kotou Metua i te ao ra, i te oronga i te
- mea meitaki i te aronga i pati atu iaia
- 12 ra? E te au mea katoa ta kotou i ano-
 ano ia etai ke ra, na reira katoa kotou
- ia ratou: ko ta te ture ia, e ta te au
- 13 peroveta. E tomo kotou na te ngutupa

o iti; te atea maata nei te ngutupa, e te pararauare nei te ara, e tae atu ei ki te mate; e manganui te na reira i te tomo. Te kokota 14 ua nei te ngutupa, e te piri oki o te ara, e tae atu ei ki te ora, e tokoia ua ake tei kite atu i te reira. Kia matakite ra i te peroveta piki- 15 kaa, ko tei aere mai ia kotou ma te kakau mamoe ra, kareka i roto, e luko tae ia. Ka kite kotou ia ratou i to 16 ratou ua. No runga aina te vine i te tataramoa i te aki anga mai; e te suke no runga aina i te rakau taratara? E ua mai te au rakau meitaki katoa i 17 te ua meitaki; e te au rakau kikino ra, e ua mai ia i te na kino. Kare e tika i 18 te rakau meitaki kia ua mai i te ua kino, kare katoa te rakau kino e ua mai i te ua meitaki. Te au rakau katoa kare 19 e ua mai i te ua meitaki ra, e tipuia ia, e ka titiriria ki roto i te ai. Ka kite 20 kotou ia ratou i ta ratou e ua maira. Kare te aronga e tuatua mai iaku e, 21 E te Atu, e te Atu, e ope katoatoa i te tae ki te basileia ra ki te ao; ko tei akono ra i te anoano o taku Metua i te ao ra. E manganui te ka tuatua mai 22 kiaku i taua rā ra, E te Atu, e te Atu, kare aina kua apii matou ma toou ingoa; e kua tuaru i te au demoni i toou ingoa; e kua rave i te semcio e manganui ma toou ingoa? Ko taku ia 23 e karanga atu, Kare takiri au i kite ia kotou: ka aere ke atu kotou, te aronga rave tuatua kino. E teianci, 24 ko tei akarongo mai i taku nei tuatua, e akono atura, e arite au iaia i tetai tangata pakari, ko tei akatu i tona are ki runga i te papa. E topa 25 iora te ua, e ta'e iora te vai puke, e te matangi oki i te arara viviki anga mai i rungao i taua are ra, kare rava i keu, no te mea e papa te turanga. Kareka tei 26 akarongo ua mai i taku nei tuatua, e kare i akono, e arite au iaia ki te ne-neva, ko tei akatu i tona are ki runga i te one. E topa iora te ua, e ta'e iora te 27 vai puke, e te matangi oki i te arara viviki anga mai i rungao i taua are ra; inga ora: e e ngaangaa maata to taua a'e ra.

E kia akaoti akerā Iesu i teianci 28 tuatua anga, kua va ua te tangata i tana tuatua: I apii oki aia ia ratou ma 29 te mana, kare mei ta te au tata tuatua ra.

PENE VIII.

Te tangata lepera: te tavini akangoru a te rangatira anere: te metua ongoai vaine o Petero: te uria: te tuatua no te au puaka i uruia e te au demoni.

- 1 **E** IAIA i eke mai mei te mau-nga maira, ma te motuanga tangata maata katoa i te ara anga mai
- 2 iaia ra; I na, kua aere maira tetai lepera, akateni maira iaia, na ko maira, E te Atu, kia tika ia koe, e mā ua ia
- 3 koe. Kua akatika mairā Iesu i tona rima, akatukia atura iaia, na ko atura; Kua tika ia iaku, kia mā koe. Mā
- 4 atura te lepera nona i reira ra. Kua karanga aturā Iesu kiaia, Auraka takiri koe e aaki ki te tangata; ka aere ra, e akakite ia koe uorai ki te taunga, e apai atu i te taonga-rima i akaueia mai e Mose ra, ei akakite anga atu kia ratou.
- 5 E tae aturā Iesu i roto i Kaperanuma, kua aere maira tetai rangatira
- 6 anere, tuatua meitaki maira kiaia, Na ko maira, E te Atu, kua maki taku tavini, e te vai ua ra i te ngutuare, kua maata
- 7 rava tona maki, e akangoru. Kua karanga aturā Iesu, E aere atu au e
- 8 akaora iaia. Kua tuatua maira te rangatira anere, na ko maira, E te Atu, kare au e tau kia tomo mai koe ki roto i taku are: ko te tuatua anake tauu e tuatua, ka ora ia taku tavini i
- 9 reira. Ko au katoa nei oki, ko raro ake au ia etai ke, e vaeau ra to raro ake iaku, e kia tuatua au ki tetai, Ka aere, kua aere ia; e ki tetai, Ka aere mai, kua aere mai ia; e ki taku ta-
- 10 vini, E na ko, kua na reira ia aia. E kite akerā Iesu i te reira, va ua iora aia, e kua karanga atura ki te aronga i aru mai iaia ra, Koia tikai taku e karanga atu kia kotou nei, Kare rai au i kite i teia akarongo i te maata i Ise-
- 11 raela nei. E akakite atura au kia kotou, Manganui te ka aere mai, mei te itinga o te rā, e te opunga o te rā, e ka noo katoa ratou, ko Aberahama, e ko Isaaka, e ko Iakoba, i te kaingakai i
- 12 te basileia ra i te ao. Kareka te tamarii basileia ra, e uria ia i te poihi ki vao ra: tei reira te aue e te pakati anga
- 13 nio ra. Kua karanga aturā Iesu ki taua rangatira anere ra, Ka aere; e mei tauu i akarongo ra, kia peria koe. Ora rava atura ia taua tavini nona i reira ra.
- 14 E tae aturā Iesu ki roto i te are o Petero, akara atura aia i tona metua ongoai vaine, te akūvai ua ra, kua mate i

te vera. Kua akatukia atura aia i tona 15
rima, peke atura te vera iaia; tu akera
aia ki runga, matuapuru maira ia
ratou.

E aiai iora, kua apai maira ratou i te 16
aronga i uruia e te demoni e manganui
iaia ra; peke ke atura iaia taua au vaerua
ra i te reo ua; e akaora atura i te aronga
katoa i mate i te maki: I te akatika 17
anga i te tuatua a Isaia peroveta ra, ka
na ko mai ei ra, "Nana uarai i rave i
to tatou apikepiki, e kua apai ke i to
tatou au mate."

E kia akara akerā Iesu e, kua kako 18
aia i te tangata e manganui, kua akaue
atura e oe ki tetai pae roto. Kua aere 19
maira tetai tata tuatua, na ko maira
kiaia, E te Orometua, e aru atu au ia
koe i toou au aerenga katoa. Kua ka- 20
ranga aturā Iesu kiaia, E ana to te
suoli, e toanga to te manu o te reva,
kareka te Tamaiti a te tangata, kare
ona urunga upoko. Kua tuatua maira 21
tetai o te au pipi ana ra, E te Atu, e
tuku ua ake koe iaku kia aere ana au
e tanu i taku metua tane. Kua ka- 22
ranga aturā Iesu kiaia, Ka aru mai
iakū; e vaio atu na tei mate e tanu i to
ratou i mate ra.

Aere atura aia ki runga i te pai, kua 23
aru atura tana au pipi iaia. E i na, 24
kua tupu maira tetai uria maata i taua
roto ra, ngaromia iora te pai i te kare:
kua moe ra aia. Aere atura tana au 25
pipi e akaara iaia, na ko atura, E te
Atu, e akaora ia matou; kua mate ma-
tou. Kua tuatua maira aia kia ratou, 26
Eaa kotou i matakū ei, e kotou, te aro-
nga akarongo mea ngiti nei? Tu akera
aia ki runga, kauvae atura i te matangi e
te kare, marino rava atura. Va ua iora 27
te au tangata ra, na ko akera, Eaa ua
te tu o teianei tangata, i akarongo ei te
matangi e te kare iaia!

E tae atura aia ki tetai pae i te enua 28
i to Geregesa, kua aravei maira iaia e
toko rua puke tangata demoni, mei roto
mai i te au menema ra, e toa maata,
kare ua akera i tangata e tae na reira.
E i na, kua kapiki ua maira raua ra, 29
na ko maira, Eaa tauu ia maua nei, e
Iesu, e te Tamaiti a te Atua ra? I aere
mai koe e akamamae ia maua, auraka
kia tae ki te tuatau tikai? E tei tetai 30
ngai mamao akera ia ratou tetai anana
puaka maata, te kai ra i te kai. Kua 31
kaku maira te au demoni kiaia, na ko
maira, Kia tuaru koe ia matou ki vao,
e tuku ake koe i matou ki roto i te-
ra ra anana puaka. Kua karanga atura 32
aia, Ka aere; e tae atura ratou ki vao,
tomo atura ratou ki roto i taua anana

puaka ra: e i na, oro viviki ua atura
taua anana katoa ra, na te mato e raro
rava i taua roto ra, mate atura i roto i
33 te vai. Ati iora te aronga tiaki, e aere
atura ki roto i te oire, akakite aere i
te au mea katoa, e te ravenga i nga ta-
34 ngata demoni ra. E i na, kua aere
maira taua oire katoa ra kia aravei ia
Iesu: e kite maira ratou iaia, kua aka-
teni maira, kia aere ke atu aia i to
ratou enua.

PENE IX.

*Te tangata akangoru: to Mataio tua-
tua angaia: kare te au pipi a Iesu e
neseteia: te tamaine a Iairo, e te
vaine atekeria; nga tangata matapo
e te murare: tokoiti ua te rave
angaanga.*

- 1 **A**ERE atura aia ki runga i te pai,
akatere atura ki tetai papaki, o
- 2 tae atura ki tona uarai oire; E i na,
te apai maira ratou i tetai akangoru
kiaia ra, te vai ua ra i runga i te ro; e
kite aturā Iesu i to ratou akarongo,
kua karanga atura ki taua akangoru ra,
E akamaroiroi, e tama; kua akakoreia
- 3 tauu au ara. E i na, te tuatua ra tetai
au tata tuatua i roto ia ratou uarai,
Kua akakino Atua teianei tangata.
- 4 Kua kite rā Iesu i to ratou manako,
e kua na ko atura, Eaa kotou i manako
- 5 kino ei i roto i to kotou ngakau? Teea
te mea rave ngoie, ko te karanga atu
aina, Kua akakoreia tauu ara; e ko te
karanga atu aina, Ka tu ki runga, ka
- 6 aere? Kia kite ra kotou e, e mana to
te Tamaiti a te tangata i te ao nei kia
akakore i te ara, (kua karanga atura
aia ki taua akangoru ra,) Ka tu, ka
rave i to roi, ka aere i to ngutuarē.
- 7 Tu akera aia ki runga, aere atura ki te
8 ngutuarē. E kite akera taua aronga
maata ra, va anake iora ma te akakakū
i te Atua, ko tei oronga mai i te reira
tu mana i te tangata nei.
- 9 E te aere mairā Iesu mei reira mai,
kite atura aia i tetai tangata, ko Mataio
te ingoa, te noo ra i te are telona; kua
karanga atura kiaia, Ka aru mai iaku.
Tu akera aia ki runga, aru maira iaia.
- 10 E te noo rā Iesu i te kaingakai i roto
i te are, i na, e manganui te telona e te
aronga ara i aere mai, e noo anake iora
ratou ma ia katoa e tana au pipi ra.
- 11 E kite akera te au Pharisa, kua kara-
nga atura ki tana au pipi, Eaa i kai
katoa'i ta kotou Orometua e te au te-
- 12 lona e te aronga ara nei? Kite akerā
Iesu, kua tuatua maira kia ratou, Kare
no te aronga ora te taunga, no te

aronga maki ra. E teianei, ka aere, 13
ka apii i te ariteanga i te *manga tuatua* ra e, “Ko te aroa taku i anoano, auraka te tusia:” kare oki au i aere mai e tiki i te aronga tuatua-tika, i te aronga ara ra, kia tataraara.

Kua aere maira te au pipi a Ioane 14
kiaia i reira, kua na ko maira, Te nesetieia putuputu ua nei matou e te au Pharisea, ena tauu nei au pipi i kore ei i nesetieia? Kua na ko aturā Iesu kia 15
ratou, Te aue nei aina te au oa o te tane ou i te noo katoa anga o taua tane ou ra ki o ratou ra? te vai atura te tuatua e apai keia'i te tane ou ra, ei reira ratou e nesetieia'i. Kare e tangata e 16
pananaki i te kakau piro ki te kakau ou; kia pera, e maata rava te ngaue o taua kakau *piro* ra i taua pananaki ou ra. Kare e tangata e tuku i te wina ou ki 17
roto i te āriki taito; kia pera, e ngaue te āriki, maringi atura te wina, e kino rava atura te āriki. E tuku ra ratou i te wina ou ki roto i te āriki ou, e ora kapipiti ia.

Te karanga atura aia kia ratou i taua 18
au tuatua nei, i na, te aere maira tetai rangatira, tipapa iora ki mua iaia, na ko maira, Kua mate takiri taku tamaine i teianei; ka aere maira koe, e tuku i to rima ki runga iaia, ka ora ia aia i reira. Kua tu akerā Iesu ki 19
runga, aru atura iaia, e tana au pipi katoa. E i na, tetai vaine, raungauru 20
ma rua ona mataiti i te mate ua anga i te atekeria, kua na muri maira iaia, akatukia maira i tona tapa kakau; i 21
tuatua aia ki roto iaia uaorai e, Kia akatukia ua atu au i tona kakau, ka ora ia au. Kua ariu aturā Iesu, e 22
kite atura iaia, kua karanga atura, E akamaroiroi, e *taku* tamaine, kua ora koe i toou akarongo. Ora rava atura ia taua vaine i reira ra. E tae aturā Iesu 23
ki roto i te are o taua rangatira ra, e kite atura i te au akatangī koe ra, e te tangata i te aue anga, Kua karanga 24
atura aia kia ratou, Kia matea atu; kare taua tamaine ra i mate, kua moe ra. Kua taitoitō maira ratou iaia; E 25
ope akera taua aronga tangata ra i te tukuia ki vao, tomo atura aia ki roto, kua rave atura i tona rima, tu ua maira taua tamaine ra ki runga. Tutuki 26
atura te rongo o taua mea ra, e kako rava akera te reira enua.

E te aere aturā Iesu mei reira atu, 27
kua aru maira e toko rua puke tangata matapo iaia, kua kapiki maira, na ko maira, E te tamaiti a Davida ra, e aroa mai koe ia maua. E tae atura aia ki 28
roto i te are, kua aere maira nga tangata

matapo ra kiaia, kua karanga aturā Iesu kia raua, Te manako na korua e, e tika tena iaku? Kua tuatua maira 29
rauā, A, e te Atu. Kua akatukia atura aia i to raua mata, na ko atura, Ta korua i manako na, kia peraia 30
korua. Puera akera to raua mata i reira ra; kua ako ua aturā Iesu ia raua, na ko atura, Eiaa rava tetai 31
tangata e kite. Aere atura ra raua, kave aere atura i tona rongo, e kako rava akera te reira enua. 32
E riro atura raua, i na, te apaiia maira tetai tangata murare kinia, e 33
demoni oki tona. E kia tuarua taua demoni ra ki vao, kua tuatua iora taua murare ra: va ua ora taua aronga maata ra, na ko akera, Kare akera 34
teia i kitea i Iseraia nei. Kareka te au Pharisea, kua na ko akera ia, Te tuaru nei aia i te demoni i te mana o te demoni maata ra. 35
Aere aturā Iesu na roto i te au oire e te au vila katoa, i te apii anga i roto i to ratou au sunago, e te ako anga i te evangelia o te basileia, e te akaora anga i te au maki ravarai, e te au mate katoa 36
o te tangata. E kia akara akera aia i te maata o te tangata, aroa atura aia ia ratou, no te mea kua mate ratou i te roiroi, e kua pueirikiriki keia, mei 37
te mamoe tiaki kore ra. Kua karanga atura aia ki tana au pipi, Te maata ua nei te mou, te iti nei ra te aronga e ko- 38
koti: E teianei, e pure kotou i te Atu o te mou, kia unga mai aia i tetai aronga ei rave i taua mou nana ra.

PENE X.

Te iki angaia o te au aposetolo: to ratou ingoa: kua tonokia ki te ngati Iuda ua: to ratou au mate, e to ratou apinga e taoti.

1 **K**UA karanga atura aia ki tana au pipi tino ngauru ma rua, e aere mai kiaia, kua tuku atura i te mana no ratou, kia tuaru i te au vaerua viivii ki vao, e kia akaora i te au maki ravarai, e te au mate katoa. 2
Teia oki te au ingoa o te au aposetolo tino ngauru ma rua ra; Ko Simona te momua, ko tei karangaia ia Petera ra, e tona taenake ko Anederea; ko Iakobo a Zebedaiō ra, e tona taenake ko 3
Ioane; Ko Philipa, e ko Baratolomea; ko Toma, e te telona ra ko Mataio; ko Iakobo a Alephaiā ra, e ko Lebaio, ko 4
te karangaia ia Tadaio; Ko Simona te Kanana ra, e ko Iuda Isekariota, ko tei pikikaa iaia ra.

Ko taua tino ngauru ma rua nei ta
 Iesu i akaunga, e kua ako atura ia
 ratou, na ko atura, Auraka e aere atu
 ki te arataa o te etene ra, eiaa katoa
 e tomo atu ki te oire o to Samaria ra:
 Ka aere tika atura ki te au mamoe i
 ngaro i te ngutuare o Iseraela. E
 tutu aere kotou, na ko atu, Te vaiata
 mai nei te basileia o te ao. E akaora i
 te au maki, tama i te lepera, e akatu
 i tei mate, e tuaru i te demoni; e
 mea o mai ua to kotou, e oronga ua
 atu *oki* kotou. Auraka ei auro, e te
 ario, e te veo, i roto i to kotou tatua;
 Auraka ei pute e apaiia, auraka e taki
 rua percue, auraka ei tamaka, auraka
 ei rakau: e tau *oki* i te rave angaanga
 tana kai. E te oire e te vila ta kotou e
 tomo, e ui atu i to reira tangata e tau;
 ei reira noo ei kotou, e ka aere atu ei.
 E kia tomo atu kotou ki roto i te are,
 ka akaora atu i to reira. E te tau
 ra taua ngutuare ra, e vai rai ta
 kotou au i reira: kia kore ra e tau,
 e *oki* akaou mai ia ta kotou au ra
 ia kotou uorai. E te kore e kite
 mai ia kotou, e kare *oki* e akono
 i ta kotou tuatua; kia aere atu kotou
 ki vao i taua are ra, e taua oire ra, ka
 ruru atu i te repo i to kotou vaevae.
 Koia tikai taku e karanga atu kia
 kotou nei, Kia tae ki te ra akavaanga,
 e ngari ake to te enua ra to Sodoma
 e to Gomora, i to te reira oire. I na,
 te akaunga atu nei au ia kotou, mei te
 mamoe i rotopu i te au luko ra: kia
 pakari kotou mei te ovi, e te apa kore
 mei te kukupa ra. Kia matakite ra
 ia kotou i te tangata, ka tuku *oki* ratou
 ia kotou ki te sunederi, e pupu *oki* ia
 kotou i roto i to ratou au sunago; E
 noku nei e taki naia'i kotou ki mua
 i te aroaro o te au kavana, e te ui
 ariki, ei kite no ratou, e no te au
 etene. Kia tuku ra ratou ia kotou,
 auraka e taitaia i te tu o ta kotou
 ka karangaatu; e akakiteia mai kotou
 i te tuatua i reira ra. Kare *oki* ko
 kotou tei karanga atu, ko te Vaerua
 ra o to kotou Metua tei tuatua i roto
 ia kotou na. Ei reira te tuakana e
 tuku atu ei i te taenke kia mate, e
 te metua i te tamaiti; e tu mai *oki*
 te au tamariki ki runga e tamate i
 to ratou au metua. E e makitakitaita
 kotou e te tangata katoatoa i toku nei
 ingoa; ko te tapu marie ra e kia tae
 ki te openga, koia te ka ora. E kia
 takinga-kino ratou ia kotou i tetai
 oire, e oro ke atu ki tetai: tikai *oki*
 taku e karanga atu kia kotou nei, Kare
 e kako te au oire o Iseraela ia kotou,

e tae mai ei te Tamaiti a te tangata.
 24 Kare te pipi i rai atu i *tana* orometua,
 kare *oki* te tavini i rai atu i tona pu.
 25 Kia arite ra te pipi i tana orometua, e
 te tavini i tona pu, kua oti ua ia. Kia
 tapa atu ratou i te ingoa o te pu o te
 are ra, ko Belezzebuba, ka tanga atu
 26 ei *oki* to te ngutuare nona! Auraka
 ra kotou e matakua ia ratou, kare rava
 e mea tapokiiia e toe i te akakiteia;
 e kare *oki* e mea ngaro e toe i te kitea.
 27 Taku i karanga atu kia kotou i te poiri
 nei, ta kotou ia e tuatua i te marama:
 e tei koumumuia i roto i to kotou
 taringa, ta kotou ia e kapiki ua atu
 28 ki rungao i te are. Auraka e matakua i
 te ta mai i te kopapa nei, kare te vae-
 rua e mate ia ratou: e matakua ra kotou
 iaia, ko te tika iaia kia tamate takiri i
 te tino e te vaerua katoa i te po.
 29 Kare aina e taki rua mea manu rikiriki
 e okoia i te asario okotai nei? kare *oki*
 tetai o ratou ra e ngaro i to kotou
 30 Metua kia topa ki raro i te enua. Te
 rauru *oki* o to kotou na upoko, kua
 31 ope ia i te tatauia. Auraka mari kotou
 e matakua, e maata to kotou meitaki
 i to te au manu rikiriki e manganui.
 32 E teianci, ko te aaki iaku ki mua i te
 aroaro o te tangata nei, e aaki katoa
 au iaia ki mua i te aroaro o taku Metua
 33 i te ao ra. Kareka te uuna iaku ki mua
 i te aroaro o te tangata nei, e uuna
 katoa au iaia ki mua i te aroaro o
 34 taku Metua i te ao ra. Auraka e manako
 e, i aere mai ei au e apai mai i te
 au i te enua nei; kare au i aere mai e
 35 apai mai i te au, e tamaki ra. I aere
 mai nei au e akatupu i te tamaki i te
 metua tane raua ko te tamaiti, te metua
 vaine raua ko te tamaine, te metua
 ongoai vaine raua ko te unonga vaine.
 36 E kitea *oki* to te tangata nei enemi
 37 i roto i tona uorai ngutuare. Ko tei
 maata tona inangaro i tona metua tane
 e tona metua vaine, e mea ngiti iaku,
 kare aia e tau iaku; e tei rai tona ina-
 ngaro i te tama e te tamaine, e mea
 38 ngiti iaku, kare aia e tau iaku. E tei
 kore e rave i tona uorai satauro, ka
 aru mai ei iaku, kare aia e tau iaku.
 39 Tei tapu i tona uorai ora, ka ngere
 ia i te ora; kareka tei tuku ua i tona
 40 ora noku nei, ka ora aia. Ko te kite
 mai ia kotou, kua kite mai ia iaku, e te
 kite mai iaku nei, kua kite mai ia i tei
 41 tono mai iaku nei. Te kite mai i te
 peroveta, no te mea e peroveta, e rauka
 iaia ta te peroveta tutaki; e te kite
 mai i te tangata tuatua-tika, no te mea
 e tangata tuatua-tika, e rauka iaia
 42 ta te tangata tuatua-tika ra tutaki. E

ko te ka o mai i tetai kapu *vai* anu na tetou o teianei aronga tangata rikiriki, no te mea e pipi aia *naku*, tikai taku e karanga atu kia kotou, Kare takiri aia e ngere i te tutaki.

PENE XI.

Nga pipi a Ioane i tonokia kia Iesu: ta Iesu tuatua ia Ioane: nga oire i ukapaia: te Metua i akameitakia, e te aronga teiaa i akarekarekaia.

E OTI akera ta Iesu akaue anga atu i tana aronga pipi tino ngauru marua ra, aere atura aia e apii, e e ako aere i roto i to ratou au oire.

E kite akerā Ioane i roto i te are tapekunga ra i te au ravenga a te Mesia ra, kua akaunga maira aia i e toko rua puke pipi ana ra, ko tei ui mai kiaia e, Ko koe aina te tae mai, e ko tetai ke ainei ta tatou e tapapa atu? Kua karanga aturā Iesu kia raua, na ko atura, Ka aere, ka akakite atu kia Ioane i te au mea ta korua e akarongo nei, e ta korua e akara nei: Te rauka nei te kite i te matapo, kua aere te pirikoki, kua tamāia te lepera, kua akarongo te taringa turi, kua akatuaia tei mate, e kua tuatuaia atu te evangelia ki te tangata rikiriki. E ko tei kore e maitu iaku nei, e ao tona. E kia riro atura raua; kua karanga aturā Iesu ki te tangata tini ra ia Ioane, I aere kotou ki te medebara e akara i te aa? I te kakau i takirikiriia e te matangi? I aere ra kotou e akara i te aa? I te tangata i te kakau anga i te kakau maru? i na oki, te aronga e kakau i te *kakau* maru ra, tei te kainga ia o te ui ariki. I aere tika ra kotou e akara i te aa? I te peroveta? koia ia, e karanga atu au ia kotou, e maata aia i te peroveta. Koia oki teia, nona i te tuatua i taitaia ra e, “I na, e akau nga au i taku karere na mua ia koe, nana e akameitaki i toou ara i mua ia koe.” E tuatua-mou taku e tuatua kia kotou nei, Ta te vaine i anau nei, kare atu ia e maata atu ia Ioane baptizo nei: ko te iti rava ra i te basileia o te ao ra, e maata atu ia iaia. E mei ia Ioane baptizo mairai e teia noa'i, te āruia nei te basileia o te ao ra, e tei riro nei oki i te aronga i āru i te maroiroi. Kua i totou anake ra oki te au peroveta e te ture e tae roa akenei ia Ioane nei. E kia tika ia kotou i te āriki mai, ko Elia teia tei karangaia ra e, e tae mai. E taringa tona ei akarongo anga, e akarongo aia. E akaarite au i teianei

uki ki te aa? E tau ia ki te tamariki e noo i te ngai okonga ra, i te kapiki anga atu ki to ratou ra, E te na ko anga e, I akatangi atu na matou i te koe, e kare kotou i ura mai; i tuporo atu ana matou i te pec tangi, e kare kotou i tangi mai. I aere mai nei oki a Ioane ma te kaikai kore, e te inu kore, e te karanga nei ratou e, E demoni tona. I aere mai te Tamaiti a te tangata ma te kaikai e te inu, e te karanga nei ratou, I na, e tangata kakai e te inu wina, e tau no te au telona e te tangata ara. E akatikiaia ra te pakari e tana ra au tamariki.

Kua akakino atura aia i te au oire i raveia'i te rai o tana au semeio, i te mea kare ratou i tataraara: Aue koe, e Korazina e! aue koe, e Betsaida e! naringa oki te au semeio, i raveia i roto ia korua, i raveia i Turia e Sidona, kua tataraara takere ana ratou ma te kakau akaevaeva e te reu ai. E teianei, te karanga atu nei au kia korua, E ngari ake to Turia e to Sidona kia tae ki te rā akavaanga, i to korua. E ko koe na oki, e Kaperenauma, ko tei akateiteia ki runga i te rangi, e oparaia koe ki raro rava i ade; naringa i Sodoma te rave angaia te au semeio i raveia i roto ia koe na, e vai aia i teianei rā. E teianei, te karanga atu nei au kia koe, E ngari ake to Sodoma kia tae i taua rā akavaanga ra, i toou. Kua karanga aturā Iesu i reira ra, na ko atura, E akameitaki au ia koe, e *taku* Metua, e te Atu no te rangi e te enua, i te mea ko koe i uuna ke atu i teianei au mea i te aronga pakari e te kite, e kua akakite mai ki te tamariki nei. Koia ia, e *taku* Metua, e mea tika ia ia koe. Kua ope rava te au mea katoa i te tukuia mai e *taku* Metua, tei iaku: e kare rava tetai i kite i te Tamaiti, mari ra ko te Metua; e kare tetai i kite i te Metua, mari ra ko te Tamaiti, e te tangata ta te Tamaiti i inangaro i te akakite atu. E aere mai kotou kiaku nei, ko te aronga katoa i roiroi, e te aronga teiaa i te apainga, naku e akaanga i to kotou roi. Ka rave mai i taku zugo ki rungao ia kotou, e kia apiiia kotou e au; te maru nei au, e ngakau akaaka toku, e rauka oki ia kotou te akaangaroiaanga i to kotou vaerua. Te maru nei taku zugo, e te māmā nei taku apainga.

PENE XII.

Te akono anga e tau i te sabati: te tangata rima marō: te tu maru e te takinga-meitaki o te Mesia: te akahino i te Vaerua Tapu: te tuatua ia Iona: te ariki vaine no apatonga: te vaerua kino i oki mai: to Iesu metua vaine, e te au tacake.

I REIRA ra to Iesu aerenga na roto i te au koro sitona i te sabati; kua pongi iora tana au pipi, e kua uuti iora i te ua sitona, kai iora. Te akara mairu te au Pharisea, kua na ko maira kiaia, I na, te rave nei tauu aronga pipi i te mea tau kore i te ture kia rave i te sabati. Kua karanga atura aia kia ratou, Kare aina kotou i tatau i ta Davida i rave, e tei kapiti katoa iaia, ka pongi ei ratou ra; E i tomo aia ki roto i te are o te Atua, e kua kai i te au areto no te aroaro ra, ko tei kore e tau i te ture kia kai aia, e tei kapiti katoa iaia, mari ra na te kau taunga anake ra? E kare kotou i tatau i tei roto i te ture ra, e te akaaoa nei te kau taunga i te sabati i roto i te iero i nga rā sabati katoa e kare e ara? Te karanga atura oki au kia kotou, Tei ko nei tetai, e maata aia i te iero. Nari-nga kotou i kite i te ariteanga o te *manga tuatua ra e*, “Ko te aroa taku i anoano auraka te fusia,” kare kotou e akaapa mai i te aronga ara kore. Ko te Tamaiti oki a te tangata nei, ko te Atua rai ia o te sabati.

Akaruke maira aia i taua ngai ra, aere atura ki roto i to ratou sunago; E i na, tei reira tetai tangata, kua marō te rima. Kua ui maira ratou iaia, na ko maira, E tika aina kia akaora i te rā sabati? kia rauka ta ratou tapepe anga mai iaia. Kua karanga atura aia kia ratou, Koai ia tangata i roto ia kotou na, okotai ana mamoe, e kia topa ki roto i te rua i te rā sabati, kare e rave atu, e kika mai ki runga? E kare aina e rai to te tangata meitaki i to te mamoe? E tau mari i te ture kia takinga-meitaki i te sabati. Kua karanga atura aia ki taua tangata i reira ra, Ka akatika mai na i to rima. Kua akatika maira aia, ora takiri akera, mei tetai katoa ra. Aere atura te au Pharisea ki vao, e kimi iora i ta ratou tuatua iaia, e ta.

Kite akerū Iesu, kua unui atura; e te au motuanga tangata maata i te aru anga atu iaia, kua akaora atura aia ia ratou ravarai; Kua ako atura aia ia ratou, auraka ratou e aaki iaia. Tika rava atura te tuatua a Isaia peroveta ra, i na ko mai ei ra e,

18 “I na! taku tavini, tei ikihia e au ra; taku akaperepere, kua rekareka rava toku ngakau iaia: e toku atu au i toku Vaerua ki runga iaia, e nana e toku atu i te tuatua-tau ki te au etene. Kare aia e taumāro atu, kare e akateitei i te reo; e kare tona reo e kitea i te au arataa ra. Te kakao paruparu ra, kare aia e aati, e te lamapea matemate ra, kare aia e tinai, e kia akatupu ravaia e ia te tuatua-tau *nana*. E i tona ingoa e irinaki ei te au etene ra.”

22 I apaiia maira kiaia i reira tetai tangata demoni, e matapo e te murare: akaora atura aia iaia, tuatua iora oki e kite atura taua matapo ra e te murare. 23 Kua tuatua ora te tangata tini katoatoa ra ma te va ua, Kare ainei teia i te tamaiti a Davida? Kite akera te au Pharisea i te reira, kua na ko akera ratou, Kare teia tangata i tuaru i te demoni ki vao, mari ra, i te mana o te demoni maata ra o Belezzebuba. Kua kite rā Iesu i to ratou manako, e kua na ko atura kia ratou, Ko te basileia i mavete e rave iaia uaoari, e pou ia; e te oire oki e te kopu-tangata i mavete ra e rave iaia uaoari, kare ia e mou. E kia tuaru a Satani ia Satani ki vao, kua mavete aia e rave iaia uaoari; eaa iora tona basileia e mou ei? E te tuaru nei au i te demoni ki vao i te mana o Belezzebuba ra, i te mana noai i tuaru ei ta kotou tamariki? e teianei, ei ia ratou te tuatua ia kotou. Te tuaru nei ra au i te au demoni ki vao i te Vaerua o te Atua, kua rokoia io nei kotou e te basileia o te Atua. Eaa oki e tika’i kia tomo i te are o te tangata maroiroi, e aō atu i tana apinga, kia kore aia e na mua i te tapeka i taua tangata maroiroi ra? ei reira e tika’i kia āru atu i tona are. 30 Kare aia i ko nei iaku nei, ko toku ia enemi, e te kore e akaputuputu katoa mai, kua akapueurikiriki ke ia. 31 E teianei, e karanga atura au kia kotou, e tika te au ara katoa e te akakino a te tangata nei kia akakore; kare ra te akakino i te Vaerua Tapu e akakoreia. E ko’ te tuatua kino ki te Tamaiti a te tangata nei, e tika kia akakore i tana ara; kareka te tuatua kino i te Vaerua Tapu, kare tana e akakoreia i teianei ao, kare oki i te ao a muri atu. E akameitaki na i te rakau, e akameitaki katoa i tona ua; kare ra, e akakino i te rakau, akakino katoa i tona ua; te kitea nei oki *te tu o te ra-* 34 kau i tona uaoari ua. E te anaunga vipera nei, eaa e tika’i ia kotou, te aro-nga kino, kia tuatua mai i te tuatua meitaki? no te ki oki o te ngakau ra e

tuatua'i te vaa. E tuku mai te tangata 35
meitaki i te mea meitaki, no roto i tona
putunga meitaki i roto i te ngakau; e
tuku mai te tangata kino ra i te mea
kino, no roto i tona putunga kino. Te 36
karanga atu nei au ia kotou e, E akavaia
te tangata i te au tuatua puapinga kore
katoa ta ratou e tuatua ra, kia tae ki te
rū akavaanga ra. E akatikaia koe i 37
taau tuatua, e akaapaia koe i taau tua-
tua.

E tokotai aronga tata tuatua, ma te 38
Pharisea, kua tuatua maira i reira,
na ko maira, E te Orometua, te ina-
ngaro nei matou kia kite matou i tetai
akairo ia koe. Kua karanga atura aia 39
kia ratou, na ko atura, E uki tangata
kikino teia e te akaturi, te kimi nei i
te akairo, kare ra e orongaia atu te
akairo, mari ra te akairo i te peroveta
ra ia Iona. Mei ia Iona oki, e toru ona 40
po, e toru oki ao, i roto i te kopu o te
ika maata ra; ka riro katoa te Tamaiti
a te tangata nei, e toru ona po ki raro i
te enua, e toru oki ao. E tu katoa mai 41
te tangata o Ninive ki runga i te akava-
anga ra, e akaapa mai i teianei uki;
kua tataraara oki ratou i te ako angaia
atu e Iona; e i na, e maata teia ia
Iona. E tu katoa mai te ariki vaine no 42
apatonga ki runga, i te akavaanga ra, e
akaapa mai i teianei uki: i te mea, i
aere mai aia mei te openga mai o te
enua ra, e akarongo i te tuatua pakari
na Solomona; e i na, e maata teia ia
Solomona.

Kia riro te vaerua viivii i roto i te 43
tangata nei ki vao, kua aere ua iora
na te ngai papa-marō, i te kimi anga i te
akaangaroia, e kare akera i kitea:
Kua na ko iora, Ka oki au ki taku are, 44
mei reira mai au nei; e kia tae mai aia
ra, kite iora e, kare o roto, kua oti i
te oreia, e kua akamanaia. Kua tiki 45
atura aia, e kapiti katoa maira i e
toko itu vaerua kino maata rava, e o
atura ratou katoa ki roto, noo atura i
reira; kino maata ua atu te openga o
taua tangata ra i tei muatangana: Koia
katoa oki teianei uki tangata kikino.

E te tuatua ua ra aia ki te tangata 46
tini, i na, te tu ua maira tona metua
vaine ki vao, e tona aronga taake, i
inangaro i te tuatua mai kiaia. Kua 47
karanga atura tetai kiaia, I na, te tu ua
maira to metua vaine e to ai taake ki
vao, te inangaro i te tuatua mai kia koe.
Kua tuatua maira aia ki tei tuatua mai 48
kiaia ra, na ko maira, Koai taku metua
vaine? Koai oki toku ai taake? Kua 49
tou atura tona rima ki tana aronga
pipi, na ko maira, I na, taku metua

50 vaine, e toku ai taake! Te akono i te
inangaro o taku Metua i te ao ra, ko
toku ia taake, taku tuaine, e taku me-
tua vaine.

PENE XIII.

*Te parabole no te ua i ruruia ki te au
ngai tu ke ke: te sitona e te zizania:
te ua sinapi: te akaapue: te apinga
umuaia: te poe: te kupenga: kare
te peroveta i akangateiteia i tona
uaorai ngutuare.*

- 1 **E** I taua rū ra, aere aturā Iesu ki
vao i taua are ra, noo iora ki te
- 2 pae roto. E urupu tangata maata tei
uipa mai kiaia ra, aere atura aia ki ru-
nga i tetai pai, noo iora ki reira; te tu
- 3 ua maira oki te tangata tini i taatai. E
manganui tana tuatua i tuatua parabole
mai kia ratou, na ko maira; I na, aere
- 4 atura te ruru ua e ruru i te ua; E tei
te ruru anga ra, topa iora tetai pae ki
te pae arataa, rere maira te manu, kai
- 5 iora. Topa iora tetai pae ki te ngai
paikaa, kare i rai te one i reira; tutupu
vave ua atura, no te mea kua papaku
- 6 ua te one: E rūia iora, vera atura; e
no te kore e aka, mae rava atura ia.
- 7 Topa iora tetai pae ki roto i te nganga-
ere, tupu akera te ngangaere, pokia
- 8 atura. Topa iora tetai pae ki te ngai
one meitaki, *tupu akera*, uua iora, taki
tai anere i te ua okotai, taki ono ngauru,
- 9 taki toru ngauru. E taringa tona ei
akarongo anga ra, e akarongo aia.
- 10 Kua aere maira tana au pipi, na
ko maira kiaia, Eia koe i tuatua
- 11 parabole atu ei kia ratou? Kua ka-
ranga atura aia kia ratou, No te mea
kua orongaia mai te kite ia kotou i te
tuatua ngaro o te basilicia o te ao ra,
- 12 kare ra i orongaia ia ratou. E puapi-
nga tana ra, e orongaia atu rai tana, e
kia maata ua atu; kareka te kore e
- 13 puapingaia ra, e rava keia tana. I
tuatua parabole atu ei au kia ratou, i te
mea kare ratou i kite i te akara anga;
kare i akarongo i te akarongo anga,
- 14 kare oki i akono; Kua tupu ia ratou te
totou a Isaia, ko tei na koe, "E akaro-
ngo rai kotou, kare ra e kite; e akara rai
- 15 kotou, kare ra e utoa. Kua matorutoro
oki te ngakau o teianei aronga, kua tui
o ratou taringa, e kua topiri ratou i o ra-
tou mata; ko te akara aea o ratou mata,
ko te rongo aea o ratou taringa, ko te kite
aea o ratou ngakau, ko te akanriua
mai, e ko te akaoraia atu ratou e au."
- 16 E ao to to kotou mata, te akara nei ia; e
to kotou taringa, te akarongo nei ia.
- 17 Koia tika taku e karanga atu kia kotou

nei, E manganui te peroveta e te tangata tuatua-tika i inangaro i te akara i te au mea ta kotou e akara nei, e kare akenei ratou i akara; i inangaro oki i te akarongo i te au tuatua ta kotou e akarongo nei, e kare akenei i akarongo.

E teianei, ka akarongo mai na i te parabole o te ruru ua nei: Kia akarongo tetai i te tuatua o te basileia nei, e kare i kite, te aere maira taua *vaerua* kino ra, e rave atu i tei ruruia ki roto i tona ngakau: e tau teia i te ua i topa ki te pae arataa. Tei topa ki te ngai paikaa ra, koia tei āriki i te tuatua ma te rekareka kia akarongo; Kare ia i 21 akaia i roto iaia, e tāpu anga potu ua tana; kia rokoia oki e te tumatetenga, e kia takinga-kinoia, i taua tuatua ra, maitu atura ia aia i reira ra. Ko tei 22 topa ki roto i te ngangaere ra, koia te tangata i akarongo i te tuatua; pokia atura te tuatua i te anoano maata i to teianei ao, e te pikikaa o te apinga, e kare atura i ua mai. Kareka 23 tei topa ki roto i te ngai one meitaki ra; koia te tangata e akarongo, e kite akera, e ua maira tana, taki tai anere, taki ono ngauru, e taki toru ngauru i te ua okotai.

Kua tuku atu rai aia i tetai parabole 24 kia ratou ra, na ko atura, E tau te basileia o te ao ra i tetai kainga i ruruia e te tangata kainga te ua meitaki ki roto ra: Kia moe ra te au tangata, kua 25 aere maira tona enemi, kua ruru iora i te ziania ki roto i te sitona, aere ke atura. E kao atura taua sitona ra, e 26 ua akera, kitea iora te ziania. Kua 27 aere maira te aronga tavini o taua tangata kainga ra, kua tuatua maira kiaia, na ko maira, E te atu, kare ainei e ua meitaki tauu i ruru ki roto i toou kainga? noea ra te ziania? Kua na ko 28 atura aia kia ratou, Na te enemi te reira i ruru. Kua na ko maira te au tavini kiaia, E tika aina ia koe kia aere matou e vaere? Kua na ko atura aia, Au- 29 raka; ko te peke katoa aea te sitona kia vaere kotou i te ziania. Vaio ua 30 na, kia tupu kapipiti, e kia mou; e kia tae ki te tuatua mou ra, naku ia e karanga atu ki te aronga e kokoti, E na mua i te akaputupu i te ziania, e ruru aere no te ai; akaputu ra i te sitona ki roto i taku are vairanga ra.

Kua tuku akaou aia i tetai parabole 31 kia ratou, na ko atura, E tau te basileia o te ao ra i tetai ua sinapi, na tetai tangata i tanu ki roto i tona kainga: E 32 mea ngiti oki te reira i te ua tini ravarai nei; kareka kia tupu ra, e rai atu ia i te au rakau rikiriki katoa nei, e

riro ei rakau maata, e e to mai oki te manu o te reva ki rungao i te au ma- 33 ngamanga. Kua karanga atura aia i tetai parabole kia ratou: E tau te basileia o te ao ra i te akaopue, na tetai vaine i iro ki roto i nga āriki faraoa e toru, opue katoa atura ia.

34 Ko teia katoa nei au mea ta Iesu i tuatua parabole atu ki te tangata tini ra; kare rava e tuatua parabole kore 35 kia tuatua aia kia ratou; I te akatika anga i te tuatua a te peroveta ra, i te na ko anga e, “E tuatua toku vaa i te parabole, e tuatua au i tei kore i kitea mei te akatumu anga o te enua nei.”

36 Vaio iora Iesu i taua aronga maata ra, aere atura ki roto i te are; e kua aere maira tana au pipi, na ko maira 37 kiaia, E akakite mai koe ia matou i te parabole o te ziania ki roto i te kainga

37 ra. Kua karanga atura aia kia ratou, na ko atura, Ko tei ruru i te ua meitaki ra, koia te Tamaiti a te tangata;

38 Te kainga ra, koia teianei ao; te ua meitaki ra, koia te tamariki o te basileia; e te ziania ra, koia te tamariki a

39 te *vaerua* kino; Ko te enemi i ruru ra, koia Satani; te mou ra, koia te openga o teianei ao; e te aronga e kokoti ra,

40 koia te au angela. E mei te ziania e akaputupuia, e e ta'ua i te ai ra, pera

41 katoa te openga o teianei ao. E akaunga mai te Tamaiti a te tangata i tana au angela, e na ratou e akaputupu i te aronga ravarai i apa'i ra, e tei rave i te tuatua kino, i roto i tona basileia;

42 E ka titiri atu ei ki roto i te umu ai, tei reira te aue e te pakati anga nio.

43 Ei reira oki te aronga tuatua-tika e kakā mai ei i te basileia o to ratou Metua mei te rū ra. E taringa tona

44 ei akarongo anga, e akarongo aia. E arite oki te basileia o te ao ki te apinga i ngaro ki roto i te kainga; e kitca iora e tetai tangata, kua unna rava atura aia, e no te rekareka i te reira, kua oko aere aia i te apinga tini ravarai nana ra, e kua oko atura i taua kainga ra.

45 E tau oki te basileia o te ao ra ki tetai tangata oko i kimi poc memaitaki 46 aere ra. E kitea iora e ia tetai poc meitaki maata roa ra, aere atura aia, oko atura i te au apinga katoa nana ra,

47 oko atura i taua poc ra. E tau oki te basileia o te ao ra i tetai kupenga i tukuia ki raro i te tai, e pini akera te

48 ika e manganui te tu: E ki akera, kua takitaki maira ratou ki uta, noo iora; akaputupu iora i te ika memaitaki ki roto i te āriki, akaruke atu-

49 ra i te ika kikino. Koia katoa oki kia tae te openga o teianei ao; ko te au

angela te ka aere mai e akataka i te aronga kino no roto i te aronga tuatua-tika, E titiri atu ia ratou ki roto i te 50 umu ai ra; tei reira te aue, e te pakati anga nio. Kua ui aturū Iesu kia ratou, 51 Kua taka aina ia kotou teia au tuatua katoa nei? Kua na ko maira ratou kiaia, A, e te Atu. Kua na ko atura aia kia ra. 52 tou, Te au tata tuatua katoa i apii meitakiia, kia tau i te basileia o te ao ra, e arite ia ki te tangata kainga, tei apai mai i te apinga ou e te apinga taito, no roto i tana putunga.

E oti akera ia Iesu te reira aronga pa- 53 rabole, aere atura aia. E kia tac atura 54 aia ki tona uorai enua, apii atura aia i to reira i roto i to ratou sunago, kua tuatua iora ratou, ma te va ua, Noca te pakari e te ravenga mana a teianei tangata? Kare aina teia te tamaiti a te 55 kapeneta ra? e kare oki ko Maria te ingoa o tona metua vaine? e tona taceake, *kare aina* ratou ko Iakobo, ko Iose, ko Simona, e ko Iuda. E kare aina te 56 noo nei tona au tuaine ki o tatou nei? Noca ra oki te au ravenga a teia tangata? Maitu iora ratou iaia. Kua 57 karanga aturū Iesu kia ratou, Kare te peroveta e ngere i te akameitaki, mari ra, i tona uorai enua, e tona uorai ngutuare. Kare akera aia i rave i te 58 semeio maata i reira, no te mea, kare ratou i akarongo.

PENE XIV.

Te tainga o Ioane baptizo: nga tangata e rima tausani i angaiia: te aere anga na runga i te tai: te au maki i te akaora angaiia.

E KITE akera te teterareka ra ko 1 Heroda i te rongu o Iesu i reira ra, Kua na ko atura i te au tavini nona 2 ra, Ko Ioane baptizo teia; kua tu akaou mai nei, mei te mate mai; i tika'i te au semeio tana i rave nei. Na Heroda oki i opu ia Ioane, kua ri 3 iaia, e kua kika atura ki roto i te are tapekanga ra, no Herodia no te vaine a tona taceake ko Philipa. I tuatua anā 4 Ioane kiaia, Kare e tau i te ture kia akaipoipo koe iaia. Kua tika oki iaia 5 e ta takiri iaia, te matakau ra i te tangata tini, ko tei manako iaia e, e peroveta aia. Kia tae ra ki te rā i anau ei 6 a Heroda, kua ura iora te tamaine a Herodia ki mua *ia ratou*, rekareka 7 rava akērū Heroda. Kua karanga atura aia ma te taputou, ko tana e anoano i te pati maira, e orongaia atu 8 e ia. E no te mea i ako takereia na aia e te metua vaine, kua na ko maira,

E o mai te mimiti o Ioane baptizo ki 9 roto i tetai kumete. Aue atura te ariki; no te taputou ra nana ra, e no te manuii oki, kua akaue atura aia 10 kia apaiia mai *kiaia* ra. Akaunga atura aia i te tangata, e tipuia iora te mimiti o Ioane i roto i te are tepekānga. 11 Apaiia maira tona mimiti i roto i te kumete, tukua maira ki taua tamaine ra: e nana i apai ki tona metua vaine. 12 Kua tiki atura tana au pipi i te tino, apai atura e tanu, kua aere maira e 13 kua akakite maira kia Iesu. E kite akērū Iesu i *taua tuatua* ra, aere poiiri atura aia ki runga i tetai pai, riro atura ki tetai ngai motutaa: e kite akera te tangata tini, kua aru atura 14 ratou iaia na uta, no roto i te au oire.

E tei te tapae anga atu a Iesu, akara atura aia i te pouou tangata maata, tangi atura aia ia ratou, akaora iora i to ratou aronga maki. 15 E aiia iora, kua aere maira tana au pipi, na ko maira kiaia, E ngai motutaa teia, e kua akaaka oki te rā; e tuku atu i te pouou tangata nei, kia aere ratou ki te au vila e oko i te kai na 16 ratou. Kua na ko aturū Iesu kia ratou, Auraka ratou e aere; na kotou e apai 17 atu i te kai na ratou. Kua na ko maira ratou kiaia, E rima ua a tatou 18 areto i ko nei, e nga ika e rua. Kua na ko atura aia, Ka apai mai i ko nei, 19 kiaku nei. Kua karanga atura ki te tangata tini kia moe ratou ki raro ki runga i te mātā, kua rave iora i nga areto e rima ra, e nga ika e rua, nānā akera ki runga i te rangi, akameitaki atura, vava'i iora i te areto, apai atu- 20 ra ki te au pipi ra, e na ratou i *tua* na te tangata tini. Kai anake iora ratou, e pangia rava akera: akaputupuia iora te toenga kai, e ki akera 21 nga tapora raungauru ma rua. E rima paa tausani tane i taua aronga i kai ra, e te vaine oki ma te tamariki. 22 Kua akaue aturū Iesu i tana au pipi e aere ki runga i tetai pai i reira ra, e akatere na mua ki tetai pae, ka tuku 23 atu ei aia i te tangata tini. E oti akera taua aronga maata ra i te tukua e ia, aere atura aia, koia anake ra, ki runga i tetai maunga e pure; e po iora 24 aia i reira, koia anake rai. Tei rotoupu atura te pai i taua roto ra i reira, te tiria angaiia e te kare: te na mua maira 25 oki te matangi. E tac akera ki te a o te arangaia i te po ra, aere aturū Iesu kia ratou ra, na runga i te kare i te 26 aere anga. E kite maira te au pipi iaia i te aere ua anga na runga i te kare, tumatetenga atura ratou, tuatua

akera, E turuma teia: kua aue iora
ratou i te matakū. Kua karanga aturā 27
Iesu kia ratou i reira ra, na ko atura,
E akamaroiroi; ko au; auraka e ma-
taku. Kua tuatua mairā Petero kiaia, 28
na ko maira, E te Atu, ko koe tika ra,
e tuatua mai koe kiaku kia aere atu ia
koe na na runga katoa i te kare. Kua 29
karanga atura aia, Ka aere mai. Kua
eke mairā Petero ki raro, akaruke
maira i te pai, aere ua atura kia Iesu na
runga i te kare: Kia kite ra aia i te 30
viviki anga o te matangi, matakū
akera; e te maremoia ra ki raro,
kapiki atura, na ko atura, E te Atu,
kia ora au. Kua akatika mairā 31
Iesu i tona rima i reira ra, opu maira
iaia, na ko maira kiaia, E koe, te aka-
rongo mea ngiti nei, eaa koe i matakū
ei? E tae maira raua ki runga i te pai 32
ra, aki takiri akera te matangi. Kua 33
aere maira i reira to te pai, tipapa
maira ki raro ki mua i tona aroaro, na
ko maira, Ko te Tamaiti tikai koe a te
Atua.

E tae atura ratou ki tetai pae, tapae 34
atura ratou ki te enua ra, ki Gene-
sareta. E kite akera to reira iaia, kua 35
tono aere i te tangata e pini rava akera
te reira enua, e kua apai maira te
aronga maki ravarari kiaia: Ko tei 36
akanauru mai iaia, kia akatukia na atu
ratou i tona tapa kakau; e tei aka-
tukia ra, kua ora takiri rava ia.

PENE XV.

*Te orei anga rima: te tuatua ikuiku a
te aronga taito: te mea e viivii ei te
tangata: nga tangata e a tausani i
angaiia.*

KUA aere maira kia Iesu i reira, 1
tetai aronga tata tuatua, e te au
Pharisea, no Ierusalemā, kua na ko
maira, Eaa te aronga pipi aau nei i
akaapa'i i te tuatua a te aronga taito
ra? kare oki ratou orei i to ratou rima
ka kai ei i te kai. Kua karanga atura 3
aia, na ko atura kia ratou, Eaa kotou
uaorai i akaapa'i i te akauenga a te
Atua i ta kotou ikuiku? Te akaue 4
maira te Atua, na ko maira, "E akanga-
teitei atu i to metua tane e to metua
vaine;" e "ko tei katara i te metua
tane e te metua vaine, e tamate
takiri roaia." E te tuatua nei kotou e, 5
Ko tei karanga atu ki te metua tane e
te metua vaine, Kia tapu te au mea
katoa naku nei e puapingua'i koe na;
Auraka atura aia e akangateitei i tona 6
metua tane e tona metua vaine. Kua
Pera oki kotou i te akakore anga i ta

te Atua akauenga i ta kotou uaorai
7 ikuiku. E te au pikikaa e, te tau tikai
nei kotou i ta Isaia i tuatua ia kotou, i
8 te na ko anga e, "Te tipiri mai nei teia-
nei aronga iaku i to ratou vaa, e te
akameitaki mai nei to ratou ngutu iaku;
tei te atea ke ra to ratou ngakau iaku.
9 E akamori anga puapinga kore ra ta
ratou iaku, ka apii ei i tei tukuia mai
e te tangata anake ra."
10 Kua karanga atura aia ki taua aro-
nga maata ra, na ko atura kia ratou, E
11 akarongo mai, kia kite: Kare te mea
i o ki roto i te vaa te mea e viivii ei te
tangata; te no roto maira i te vaa, e
12 viivii te tangata i te reira. Kua aere
maira tana au pipi, na ko maira kiaia,
Te kite nei koe e, kua riri te aronga
Pharisea i te akarongo anga i taua tua-
13 tua nei? Kua karanga atura aia, na
ko atura, Te au rakau ravarari, tei kore
i tanumia e taku Metua i te ao ra, e
14 kiritiia ia. E vaoa ua atu; e matapo
arataki matapo ia. E kia arataki te
matapo i te matapo, e topa kapipiti ia
15 ki roto i te ruaorovarū. Kua tuatua
mairā Petero kiaia, na ko maira, E
akakite mai koe kia matou i taua pa-
16 rabole nei. Kua na ko aturā Iesu,
17 Kare katoa kotou nei i kite? Kare
rai kotou i kite e, tei o atu i te vaa e
tae ia ki roto i te kopu, e akaruieia
18 atura ki vao? Kareka ta te vaa e tuku
mai, no roto mai ia i te ngakau; koia
19 te mea e viivii ei te tangata. No roto
mai oki i te ngakau te manako kikino,
te ta tangata, te akaturi, te poreneia,
te keia, te tapepe pikikaa, e te aka-
20 kino Atua: Ko te au mea ia e viivii
ei te tangata: kareka te kai ua me
rima orei koreia ra, kare te tangata e
viivii i te reira.

21 Tu akērā Iesu i reira, aere atura ki
22 te kotinga i Turia e Sidona. E i na,
kua aere maira tetai vaine ngati Ka-
naana no reira, kua kapiki maira kiaia,
na ko maira, E te Atu, e te Ta-
maiti a Davida, e aroa mai koe iaku!
kua maata te mate o taku tamaine i
23 tetai demoni. Kare ra aia i ki atu
kiaia. Kua akavaitata maira tana au
pipi, kua tuatua meitaki maira kiaia, na
ko maira, E akaoki atu iaia: te kapiki
24 aere mai nei i muri ia tatou. Kua
karanga atura aia, na ko atura, Kare au
i tonokia mai i ko na, mari ra, ki te
au mamoe i ngaro i te ngutuare o Ise-
25 raela. Kua akavaitata ua maira aia,
tipapa atura ki mua iaia, kua tuatua
26 maira, E te Atu, turu mai koe iaku! Kua
karanga atura aia, na ko atura, Kare e
tika kia rave i te kai a te tamariki, e titiri

atu ei na te kuri. Kua tuatua maira 27
aia, Tika rai, e te Atu: te kai nei ra
te kuri i te ungaungū kai i topa no
runga i te kaingakai a to ratou pu.
Kua karanga aturā Iesu kiaia, na ko 28
atura, E maine, e akarongo maata
toou: ko taau i inangaro ra, kia aka-
peraia koe. Ora takiri akera tana ta-
maine i reira ra.

Akaruke mairā Iesu i taua ngai ra, 29
tae atura i te pae roto i Galilea ra;
kake atura ki runga i tetai maunga,
noo iora ki raro i reira. E manganui 30
te tangata i aere mai kiaia ra, apai ka-
toa maira i te pirikoki, te matapo, te
murare, te paruparu, e te au *muki* ke
katoo e manganui, kua tuku iora ki te
pae vaevae no Iesu; kua akaora atura
aia ia ratou: Umere anake iora taua 31
aronga maata ra, i te kite anga i te
murare i te tuatua anga, te paruparu
i te ora anga, te pirikoki i te aere ua
anga, e te matapo i te akara anga; aka-
kākā atura ratou i te Atua no Iseracla.

Kua karanga aturā Iesu ki tana aro- 32
nga pipi ra, kua na ko atura, Te tangi
atu nei au i teianei aronga maata, i te
mea, ka po toru akenei ratou kiaku
nei, e kare ua e manga kia kai; kare
au e tuku pongi ua ia ratou, ko te paru-
paru aea ratou i te ara. Kua tuatua 33
maira tana au pipi kiaia ra, Eiea te
kai e *rau*ka'i ia tatou i te medebara
nei, e rava'i na teianei aronga maata?
Kua karanga aturā Iesu kia ratou, Eia 34
a kotou areto? Kua tuatua maira ra-
tou, E itu, e nga mea ika rikiriki.
Kua akaue atura aia i taua aronga 35
maata ra kia moe ratou ki raro. Kua 36
rave iora aia i nga areto e itu ra, e nga
ika, akameitaki atura, vava'i iora, tuku
atura ki te au pipi, e na te au pipi i *tua*
na te tangata tini. Kai anake iora ra- 37
tou ravarai, e pangia rava akera, aka-
putuia iora te ungaungū kai toe ra, e
ki akera nga tapura e itu. E a tau- 38
sani tane taua aronga i kai ra, e te
vaine oki ma te tamariki. Kua tuku 39
atura aia i taua aronga maata ra, aere
atura aia ki runga i te pai, uru atura i
te pae enua i Magadala.

PENE XVI.

*Te akairo tuatau: te akaopue a te
au Pharisea: te manako tu ke ke ia
Iesu i te taviri o te basileia i tukua
kia Petero, e tana tuatua tau kore:
te aronga e aru tikai ia Iesu te ka
ora.*

KUA aere maira te au Pharisea i
e te au Sadukea kiaia ra, kua pati

tapepe maira kiaia i tetai akairo i
2 runga i te rangi. Kua karanga atura
aia kia ratou, na ko atura, Kia tae
ki te aia, te karanga na kotou, Kua
muramura te rangi, ka rangi marie.
3 E i te popongi ra, Ka uriria akonei;
kua muramura oki te rangi e kua
takapakapa. E te au pikikaa e, te
kite nei kotou i te tu o te rangi nei;
kare ra e kite i te akairo o teianei
4 tuatau. Te kimi nei te uki tangata
kikino e te akaturi i te akairo, kare
ra e akairo e orongaia atu, mari ra
te akairo i te peroveta ra ia Iona.
Akaruke atura aia ia ratou, aere
atura.

5 Kua ngaro i te au pipi i te apai
katoo i te areto, ka ano ei ratou ki
6 tetai pae ra. Kua karanga aturā Iesu
kia ratou, E akamaroiro, e matakite
oki i te akaopue a te au Pharisea e te
7 au Sadukea. Kua akaeatu iora ratou
uorai, na ko akera, No te mea
8 kare tatou i apai mai i te kai. Kite
akerā Iesu, kua na ko atura kia ra-
tou, E kotou, te aronga akarongo mea
ngiti nei! eaa kotou e akaeatu ei, i te
9 mea kare kotou i taoi mai i te kai? Kare
rai kotou i kite? kare rai i maara i
nga areto e rima ra, e nga tausani e
rima ra, e nga tapura i akakia e kotou
10 i te *toenga kai* ra? E nga areto oki
e itu ra e nga tausani e a ra, e nga
11 tapura ta kotou i akaki ra? Eaa
kotou i kore ei i kite e, kare no te
kai taku i tuatua kia kotou na e, e
matakite ia kotou i te akaopue a te
12 au Pharisea e te au Sadukea? Kite
atura ratou e, kare to te akaopue
kai tana i tuatua maira, ko te tuatua
ra a te au Pharisea e te au Sa-
dukea.

13 E te aere aturā Iesu ki tetai enua
i Kaisarea Philipi ra, kua ui atura
aia i tana au pipi, na ko atura, Koai
au nei, te Tamaiti a te tangata, i
14 ta te tangata tuatua anga? Kua
tuatua maira ratou, Ko Ioane baptizo
ta etai, ko Elia ta tetai pae, ko Iere-
mia oki, e ko tetai o te au peroveta
15 *tailo* ra, ta etai. Kua karanga atura
aia kia ratou, Koai ra au nei i ta kotou
16 na tuatua anga? Kua tuatua mairā
Simona Petero, na ko maira, Ko
te Mesia koe, ko te Tamaiti a te Atua
17 ora. Kua karanga aturā Iesu kiaia,
na ko atura, E ao toou, e Simona
Bara-iona; kare te tangata i akakite
mai ia koe i te reira, na taku Metua
18 i te ao ra. E karanga katoo atu au
kia koe na, Ko Petero koe; e ki runga
i teianei papa e patu ei au i taku

ekalesia; e kare rava ia e rauka i te ngutupa o ade. E oronga atu oki au i 19 te au taviri o te basileia o te ao kia koe : e taau e akamou i raro nei, e akamou katoaia ia ki runga i te ao : e taau e tuku i raro nei, e tuku katoaia ia i te ao. Kua ako atura aia i tana 20 au pipi, auraka rava ratou e akakite atu i te tangata e, ko te Mesia aia ko Iesu.

I reira to Iesu timata anga atu i te 21 akakite ki tana au pipi e, e aere aia ki Ierusalem e tika'i, e e rai tona rave kino angaia e te aronga pakari ra, e te kau taunga nunui ra, e te au tata tuatua, e e tamate ravaia oki, e akatu akaouia ra kia tae ki te po toru. Kua 22 arataki ke aturā Petero iaia, kua ako atura, na ko atura, Auraka takiri ia, e te Atu : eiaa koe e peraia mai. Kua anga maira aia, tuatua maira 23 kia Petero, Ka aere ke atu koe, e tenana enemi, ki muri iaku, e maitu koe naku; kare koe i tau i ta te Atua ra, ko ta te tangata ra *tauu i tau*.

Kua karanga aturā Iesu ki tana 24 au pipi, Ko te inangaro i te aru mai iaku, e akaruke aia iaia uorai, e rave i tana satauro, ka aru mai ei iaku. Ko te umuamu atu i tona orai ora, 25 ka ngere ia i *te ora* : ko tei kopae ra i tona ora iaku nei, e rauka iaia *te ora*. Eaa ta te tangata puapinga, 26 kia rauka iaia to teianei ao katoaia, e riro atura tona vaerua? eaa ta te tangata nei kia oronga ei oko i tona vaerua? E tae mai oki te Tamaiti 27 a te tangata ma tana au angela e te kakā o tona Metua; ei reira aia e tutaki mai ei i te tangata ravarai kia tau i tana angaanga. Tikai taku e 28 karanga atu kia kotou nei, Kare tetai papaki o teianei aronga e tu mai nei, e rokoia e te mate, e kite ei ratou i te Tamaiti a te tangata i te aere anga mai i tona basileia.

PENE XVII.

To Iesu akatu ke angaia : ko Ioane ko Elia ia : te tamaiti neneva, e te akarongo mea ngiti o te au pipi : te moni no roto i te vaa o te ika.

E PO ono akera, kua arataki aturā 1 Iesu ia Petero, ia Iakobo e tona taeake ia Ioane, ki runga i tetai maunga teitei, ko ratou anake ra. E 2 akatu keia aia ki mua ia ratou; kakā atura tona mata mei te rā ra, teatea atura tona kakau mei te mārara ra. E i na, kua mama mairā Mose raua 3

ko Elia ia ratou ra, i te tuatua anga 4 mai kiaia. Kua karanga aturā Petero kia Iesu, na ko atura, E te Atu, e mea meitaki kia noo tatou i ko nei : kia tika ia koe, e akatu matou i e toru are puakapa i ko nei; noou tetai, no Mose tetai, no Elia oki 5 tetai. E te tuatua ra aia, i na, tapokiia maira ratou e tetai tiaa kakā : e i na, tetai reo maira no roto i taua tiaa ra, na ko maira, Ko taku Tamaiti akaperepere teia, kua mareka rava 6 au iaia; e akarongo kotou iaia. E kite akera te au pipi i *te reira*, kua tipapa iora ki raro te mata, matakū 7 roa akera. Kua akavaitata mairā Iesu, kua akatukia maira ia ratou, tuatua maira, Ka tu, auraka e ma- 8 taku. E kia akara akera to ratou mata ki runga, kare ua e tangata i 9 kitea, ko Iesu anake ra. E tei to ratou eke anga mai mei runga mai i te maunga, kua ako aturā Iesu ia ratou, na ko atura, Auraka e akakite atu ki tetai tangata ta kotou i kite nei, e kia tu akaou te Tamaiti a te 10 tangata nei mei te mate maira. Kua ui maira tana au pipi kiaia, na ko maira, Eaa i tuatua mai ei te au tata tuatua e, ko Elia na te ka aere mai?

11 Kua karanga aturā Iesu kia ratou, na ko atura, E na mua tikai oki a Elia i te aere anga mai, e akatika i te 12 au mea katoa. E karanga atura au kia kotou, Kua riro mai anā Elia, kare ra ratou i kite iaia, e ta ratou i inangaro ra, kua pera atura ratou kiaia. E na reira oki ratou i te rave i te Tamaiti 13 a te tangata. Kite atura te au pipi ra e, ko Ioane bapetizo tana i tuatua maira. 14 E tae maira ratou ki taua urupu tangata ra, kua aere maira tetai tangata, kua tuturi maira ki mua iaia, 15 kua na ko maira, E te Atu, e aron mai koe i taku tamaiti; e neneva oki aia, e maki maata tona; e manganui tona inga anga ki roto i te ai, e ki 16 raro oki i te vai. I apai naia e au ki te au pipi naau nei, e kare aia i ora 17 ia ratou. Kua karanga aturā Iesu, na ko atura, Aue ia uki mārō, e te akarongo kore e! mei te aa te roa o toku noo anga ki o kotou nei? mei te aa te roa o toku akakoromaki anga atu ia kotou? e arataki mai iaia kiaku 18 nei. Kua kauvae aturā Iesu i taua demoni ra; aere atura aia ki vao; ora tikiri akera taua tamaiti ra i 19 reira ra. Kua aere poihi maira te au pipi ia Iesu i reira ra, na ko maira, Eaa i kore ei i tika ia matou nei kia

tuaru atu iaia ki vao? Kua karanga 20
aturā Iesu kia ratou, No to kotou
akarongo kore; tikai taku e karanga
atu kia kotou nei, Angairi e aka-
rongo to kotou mei tetai ua sinapi
nei, ka tika ia kotou kia karanga atu
ki teianei maunga, Ka aere i ko atu;
e nana e aere ua; e kare rava e mea
e kore e tika ia kotou. Kare ra 21
teianei tu *demoni* e tae ua ki vao,
mari ra i te pure ma te nesetiea.

E tei Galilea ratou, i karanga atu 22
ei a Iesu kia ratou, E riro te Tamaiti
a te tangata nei i te tukuaia atu ki
te rima tangata; E e ta takiri ratou 23
iaia, e akatu akaouia ra aia kia tae
ki te po toru ra. Taitaia rava atura
ratou.

E tae atura ratou i Kaperenauma, 24
kua aere maira te aronga e akaputuputu
i te diderama kia Petero, na ko maira,
Te oronga nei aina to kotou orometua
i te diderama? Kua karanga atura 25
aia, A. E tae atura aia ki roto i te are,
ko Iesu ana te tuatua mai, na ko
maira, Eaa toou manako, e Simona?
ei iaai ra te ui ariki no teianei ao e
umuumu atu ei i te apinga uipa e
te telo? Ei ta ratou uaorai tamariki
aina, e ei te tangata ke aina? Kua 26
karanga aturā Petero kiaia, Ei te ta-
ngata ke. Kua tuatua mairā Iesu kiaia,
Kua tiama mari te tamariki. E aere 27
atura koe ki te pae roto, e titiri atu
ci i tetai matau, ka nuti mai ei i te
ika muatanguna i kai ra; e kia aae
koe i te vaa ra, e kitea ia koe tetai
setatera, ko taau ia e apai atu ia ratou
na taua katoa, ko te kinokino mai
aea ratou ia tatou nei.

PENE XVIII.

*Te tu akaaka, e te mea e apa'i: te
mamoe i ngaro: te akakore anga
i ta tetai ke ara: te ariki e nga
tangata kai ou toko rua.*

I REIRA to te au pipi aere anga 1
mai kia Iesu, e te ui anga mai
kiaia, Koai te ka maata i te basileia
o te ao? Kua karanga aturā Iesu 2
ki tetai tamaiti iti, e kua tuku atura
iaia ki rotou ia ratou; Kua na ko 3
atura, Koia mou taku e karanga atu
kia kotou na, Kia kore kotou e akatu
keia, e kia riro mei te tamariki mea
riki ra, kare kotou e o ki te basileia
ra ki te ao. E teianei, ko te taa- 4
kaaka iaia uaorai mei teianei tamaiti
iti, koia te ka maata i te basileia o
te ao ra. E ko te kite mai i tetai 5

tamaiti iti mei teianei, no toku nei
6 ingoa, kua kite mai ia iaku. Kareka
tei akaapa i tetai o teianei aronga
tangata rikiriki e akarongo mai iaku
nei, e ngari ake aia kia riiia tetai
toka mulo ki runga i tona kaki, e
kia akamaremoia ki raro i te moana.
7 E ae oki to te ao i te au mea e
apa'i ra! kare rava e kore te au mea
e apa'i; ko tei akatupu i te mea e
8 apa'i ra, e ae oki aia! E teianei te
apa ra koe i to rima e to vaevae, ka
tipu atu, e akaruke ke atu; e meitaki
koe kia tae pirikoki e te rima motu
i te ao ra, i te rima rua e te vae-
vae rua kia titiriia ki roto i te ai
9 mate kore. E te apa ra koe i to
mata, koiti atu, e akaruke ke atu:
e meitaki koe kia tae ma te mata
okotai i te ao ra, i te mata rua kia
10 titiriia atu ki te ai i te po ra. Kia
matakite ko te akavaavaa aea kotou
i tetai o teianei aronga tangata rikiriki,
te karanga atu nei au kia kotou, Ko
to ratou au angela i te rangi, e tika
ia i te akara anga i te mata o taku
11 Metua i te ao ra. I aere mai nei oki
te Tamaiti a te tangata e akaora i tei
12 ngaro ra. Eaa to kotou manako?
kia anere te mamoe a tetai tangata,
kia aere ke ra tetai, kare aina aia e
vao i te iua ngauru e iua ara, ka aere
ei ki runga i te maunga, e kimi i tei
13 aere ke ra? E kitea atura e ia, koia
mou taku e karanga atu kia kotou
na, e rai tona rekareka i te reira, i
te au *mamoe* e iua ngauru e iua ara
14 tei kore i aere ke ra. Koia katoa to
kotou Metua i te ao ra, kare ia i ina-
ngaro e kia mate tetai o teianei au ta-
15 ngata rikiriki. E kia takinga-kino
to tacake ia koe, e aere e akakite atu
i tana apa korua anake ua; e kia
akarongo mai aia ra, kua rauka ia
16 to taenake ia koe. Kare ra aia i aka-
rongo ia koe, arataki atu i tetai e
kia toko rua ake, kia taka tikai te
au tuatua katoa i te vaa o nga kite
17 toko rua e toko toru ra. E kia kore
aia e akarongo ia raua, e akakite atu
ki te ekalesia: e kia kore aia e aka-
rongo i te ekalesia ra, kia riro atu
18 aia mei te etene ra e te telona. Koia
mou taku e karanga atu kia kotou
na, Ta kotou e akamou i raro nei, e
akamou katoaia ia i runga i te ao;
e ta kotou e tuku i raro nei, e tuku
19 katoaia ia i te ao. E karanga akaou
atu au kia kotou, Kia akatau e toko
rua o kotou na i raro i te enua nei
i ta raua e pati, e orongaia mai ia e
20 taku Metua i te ao ra. I te ngai e

putuputu ei e toko rua e toko toru i toku nei ingoa, tei rotopu katoa au ia ratou i reira.

Kua aere mairā Petero kiaia ra, 21 kua na ko maira, E te Atu, kia putuputu taku taeake i te takinga-kino anga mai kiaiku, kia takia toku akakore anga i tana ara? kia taki itu aina? Kua karanga aturā Iesu kiaia, 22 Kare au e karanga atu kia koe e, Kia taki itu ua, Kia itu ra ngauru i te taki itu anga. E tau te basileia o te ao 23 ra i tetai ariki, ko tei manako e akatau i te tuatua i tona aronga tavini. E kia timata aia i te akatau, 24 aratakiia mai tetai iaia ra, raungauru te tausani i te taleni kare i oko naia. E no te mea ra, kare takiri ana api- 25 nga e oko na'i, kua akaue atura tona pu, kia okoia aia, e tana vaine, e tana au tamariki, e tana katoa apinga, ka oko mai ei. Kua tipapa iora taua 26 tavini ra ki raro ki mua iaia, kua akateni maira, na ko maira, E taku pu, aua na koe e rapurapu iaku, e naku e akaoki atu i te oko naau, e ope rava ake. Kua aroa maira te pu o taua 27 tavini ra iaia, akakore maira i taua ou ra, tuku atura iaia. Aere atura taua 28 tavini ra ki vao, e kitea atura iaia tetai taeake tavini kai ou nana, okotai anere denari; rave atura tona rima iaia, opu atura i te kaki, karanga atura. E oko mai koe i taku ou ia koe na. Kua 29 tipapa iora taua taeake tavini nona ra ki tona pae vaevae, kua akateni maira, na ko maira, Aua na koe e rapurapu iaku, e naku e akaoki atu i te oko naau ra, e ope rava ake. Kare 30 akera i tika iaia; tiki atura iaia, kika atura ki roto i te are tapekunga, e kia tutaki na iaia taua ou ra. Kite akera 31 te aronga taeake tavini nona ra i te reira, tangi rava atura, aere atura ki to ratou pu, akakite ua atura i taua au mea katoa ra. Kua akaue atura tona 32 pu e tiki iaia, kua na ko atura, E teiane nei tavini kino e, i akakore ana au i taku ou katoatoa ia koe, ko koe i aue mai kiaiku; E auraka koe e aroa 33 katoa atu i te taeake tavini noou ra, mei iaku i aroa ia koe ra? Riri akera 34 tona pu iaia, e kua tuku atura iaia ki te aronga akautunga ra, e kia ope takiri tona ou i te tutaki naia e ia. E aka- 35 pera katoa mai taku Metua i te ao ra ia kotou katoa, kia kore kotou e akakore ma te ngakau katoa i te apa a tona taeake.

PENE XIX.

Tu Iesu tuatua i te kopae vaine: tana āriki anga i te tamariki: te tangata ou apinga nui, e te meu e kino ei tauu apinga nui ra: te ui a Petero i te tutaki.

- 1 **E** KIA akaoti akerā Iesu i teiane i tuatua anga, akaruke atura aia i Galilea, aere maira i te pae i Iudea ra, i na tera pae i Ioridana; E motuanga tangata maata tei aru mai iaia ra ki reira, akaora iora aia i to ratou au maki.
- 3 Kua aere katoa maira te au Pharisaea kiaia, kua na ko maira, i te timata anga mai iaia ra, E tau aina i te ture kia kopae atu te tane i tana vaine i te au apa katoa nei? Kua karanga atura aia kia ratou, na ko atura, Kare rai kotou i tatau e, ko tei anga ia raua i muatangana, i anga ia i te 5 tane okotai e te vaine okotai; E kua na ko akera, "E akaruke ei te tangata i tona metua tane e tona metua vaine, ka piri atu ei ki tana vaine; e ka riro oki 6 raua ei tino okotai?" E teiane, kare atura raua i te toko rua, kua tino okotai ra. E ta te Atua i topiri ra, auraka te tangata e akataka ke atu.
- 7 Kua tuatua maira ratou kiaia, Eaa iorā Mose i akaue mai ei, e kave atu i tetai tuatua kopae, ka tuku 8 atu ei iaia? Kua na ko atura aia kia ratou, No te māroketaketa o to kotou ngakau i tuku ua mai ei a Mose i te kopae i ta kotou au vaine: 9 kare ra i pera i muatangana. E teiane, tei karanga atu nei au kia kotou, Tei kopae i tana vaine, auraka ra no te akaturi, ka akaipoipo ei i tetai, kua akaturi ia: e ko tei akaipoipo i taua vaine i kopaeia ra, kua akaturi 10 ia. Kua tuatua maira tana au pipi kiaia, Ko ta te tane akono anga i te vaine, kare e meitiki te akaipoipo.
- 11 Kua karanga atura aia kia ratou, Kare te tangata ravarai e tika kia āriki mai i te reira tuatua, ko te aronga ra i oro- 12 ngaia atu te tika ia ratou. E eunuka tetai aronga mei to ratou anau anga mai: e i akaeunukaia tetai aronga e te tangata: i akaeunuka oki tetai aronga ia ratou uarai no te basileia o te ao ra. Ko te tika iaia kia āriki i teiane nei tuatua, nona ia.
- 13 I apaia maira te tamariki mea riki kiaia i reira ra, kia tuku aia i tona rima ki rungao ia ratou, e kia pure: kua kauvae atura te au pipi ia ratou.
- 14 Kua karanga aturā Iesu, Ka tuku mai ana te tamariki mea riki, kia aere

ua mai kiaku nei, auraka e akakoreia atu; mei ia ratou nei oki to te basileia ra to te ao. Kua tuku atura aia i tona rima ki rungao ia ratou, e aere atura.

E i na, kua aere maira tetai tangata 16 iaia, kua tuatua maira, E te orometua meitaki e, eaa taku ravenga meitaki e rauka'i iaku te ora mutu kore? Kua karanga atura aia kiaia, Eaa koe i akameitaki mai ei iaku? ko te Atua anake ra te meitaki: kia inangaro ra koe kia rauka te ora, e akono koe i te au ture. Kua tuatua maira aia 17 kiaia, I teea? Kua karanga atura Iesu, "Auraka koe e ta ua, Auraka, koe e akaturi, Auraka koe e keia, Auraka koe kia riro ei kite pikikaa, E alangatei-tei i to metua tane, e to metua vaine,"

"E aroa atu i to tangata tupu mei te aroa ia koe uarai." Kua na ko maira 20 taua tangata ou ra, Kua ope te reira i te akonoia e au, mei toku ou anga mai: eaa ua te toe iaku? Kua karanga 21 atura Iesu kiaia, Kia inangaro koe e kia apa kore, ka aere ka oko i taua apinga, ka apai atu ei na te tangata rikiriki; e apinga taua i reira i te rangi; ka aere mai ei ka aru mai iaku. Kia akarongo mai taua tanga- 22 ta ou ra i te reira tuatua, aere ke atura ma te aue: e apinga maata oki tona.

Kua karanga atura Iesu ki tana au 23 pipi, Koia mou taku e karanga atu kia kotou nei, E akao ngata te tangata apinga ki roto i te basileia ra i te ao. E tuatua akaou rai oki au kia kotou, 24 E akao ngoie ake te kamela na roto i te puta nira, i te tangata apinga nui kia akao ki roto i te basileia o te Atua ra. Kite akera te au pipi i taua tua- 25 tua ra, va ua iora ratou, na ko akera, Koai oki te ka ora? Kua akara atura 26 Iesu kia ratou, na ko atura, Kare ia e tika i te tangata nei; e tika ra te au mea katoa i te Atua.

Kua tuatua maira Petero kiaia, na 27 ko maira, I na matou, kua akaruke matou i te au mea katoa, e kua aru mai ia koe; eaa te ka rauka ia matou? Kua karanga atura Iesu kia ratou, Koia 28 mou taku e karanga atu kia kotou nei, Kia tae i te anga akaou anga ra, kia noo te Tamaiti a te tangata ki runga i tona terono kakā, e noo katoa kotou, ko tei aru mai iaku, ki runga i te terono raungauru e rua ara, i te akava anga i te au kopu o Iseraela raungauru e rua ara. E te tangata 29 katoatoa no toku nei ingoa i akaruke ei i te arc, e te au taake, e te au tuaine, e te metua tane, e te metua vaine, e te vaine, e te tamariki, e te enua, e

anere ua atu tana e ka rauka, e e 30 rauka oki iaia te ora mutu kore. To mua e manganui ra e riro no muri; e to muri ra, e riro ia no mua.

PENE XX.

Te parabole o te kainga vine ra: te matenga e te tuakaouanga o Iesu i akakite akaouia: te tuatua a nga tamariki a Zebedaio: nga mapo i te akaora angaia.

- 1 E TAU oki te basileia o te ao ra i tetai tangata kainga, ko tei aere atu ki vao i te popongi metua, e ou i
- 2 te rave angaanga i tona kainga vine. E tika akera tana tuatua i tetai pae rave angaanga e kia taki tai denari i te rā okotai, kua tuku atura aia ia ratou ki
- 3 roto i tona kainga vine. E tae akera ki te toru o te ora ra, aere atura aia ki vao, kite atura i tetai aronga tangata i te tu ua anga i te okoanga
- 4 apinga: Kua karanga atura aia kia ratou, Ka aere katoa kotou ki roto i taku kainga vine ra, e te tika ra, naku ia e o atu na kotou. Aere atura ratou.
- 5 Aere akaou atura aia ki vao i te ora ono,
- 6 e te iva ra, kua pera akaou atura. E tae akera ki te ngauru ma tai o te ora, aere atura aia ki vao, kite atura i tetai aronga i te tu ua anga, karanga atura aia kia ratou, Eaa kotou i tu ua'i ma te angaanga kore i ko nei e ope
- 7 ua atu te rā nei? Kua na ko maira ratou kiaia, No te mea kare e tangata i ou mai ia matou. Kua karanga atura aia kia ratou, Ka aere katoa kotou ki roto i taku kainga vine ra; e te tika ra, naku ia e o atu na kotou.
- 8 E aiai iora, kua karanga atura te tangata kainga ra ki te akaaere nona, E karanga atu i te aronga rave angaanga, e apai atu i ta ratou tutaki, na mua te aronga openga ra e tae ua
- 9 atu ki tei muatangana. E tae maira tei ouia i te ora ngauru ma tai ra, rauka iora ta ratou, taki tai denari i te
- 10 tangata okotai. Kia tae maira tei muatangana ra, manako iora ratou e maata atu ta ratou e rauka, taki tai katoa ra a ratou denari i rauka i te tangata okotai. E tei te rave anga ra, kua urutoe iora ratou i te tangata kainga ra,
- 12 Na ko maira, Okotai ua a teianei aronga openga ora i te angaanga anga, e kua akaaite koe ia ratou kia matou nei, tei akakoromaki i te roiroi e te veravera o
- 13 te rā. Kua karanga atura aia ki tetai o ratou, na ko atura, E tama, kare i ara taku tuatua ia koe; kare aina taua i akataka i te tuatua e kia okotai au

denari? Ka rave i taau, ka aere: ko 14
toku ia anoano, meī taau katoa na kia
apai atu na te akaopenga nei. Auraka 15
au e akono i toku inangaro i taku
uaorai nei? Te kino na toou mata i
toku nei meitaki? Ka riro rai te aka- 16
openga ei muatangana, e tei muata-
ngana ra ei akaopenga ia: toko rai oki
tei karangaia, e iti ra tei iikiā.

E te aere aturā Iesu ki Ierusalemā, e 17
i te ara, kua arataki atura aia i te au pipi
raungauru ma rua ra ki te pae, na ko
atura ia ratou, I na, te aere nei tatou ki 18
Ierusalemā; e e tukuia te Tamaiti a te
tangata nei ki te kau taunga nunui e te
au tata tuatua, e e akaapa mai ratou
iaia kia mate; E tuku oki ratou iaia 19
ki te etene, kia taitoitōia, e kia pāpāia,
e kia akasatauroia oki; e tu akaou
maira aia i te po toru ra.

Kua aere maira te metua vaine o 20
nga tamariki a Zebedaio iaia ra, e ko
ana puke tamariki, kua tipapa iora ki
mua iaia, kua pati maira i tona inanga-
ro. Kua karanga atura aia kiaia, Eaa 21
toou inangaro? Kua tuatua maira aia
kiaia, Kia tae i toou basileia, kia noo
aku tamariki nei, tetai ki toou rima
katau, tetai oki ki toou rima kaui.
Kua karanga aturā Iesu, na ko atura, 22
Kare kotou i kite i ta kotou i pati mai
nei. Ka tika aina ia korua kia inu i te
kapu taku e vaiata i te inu nei, e kia
bapetizoia korua i te bapetizo e bapeti-
zoia i au nei? Kua tuatua maira raua,
Ka tika ia ia maua. Kua karanga atura 23
aia kia raua, E inu tika korua i taku
kapu, e e bapetizoia oki i te bapetizo e
bapetizoia i au nei; kareka te noo i
taku rima katau, e i taku rima kaui, kare
ia e tika iaku kia oronga atu, mari ra no
te aronga i akonoia e taku Metua no ra-
tou ra. E kite akera te tino ngauru ra, 24
ki akera ia i te riri i aua puke taake ra.
Kua karanga aturā Iesu kia ratou ra, e 25
kua na ko atura, Kua kite oki kotou e, te
tutara nei te ui mana o te etene ki runga
ia ratou, e te aronga mamaata ra, te
mana ra ia i runga i to ratou. Kare ra e 26
tika kia akapera ki roto ia kotou; ko
te anoano i te akamaata i o kotou,
kia riro ia ei tavini no kotou; E ko te 27
inangaro kia maata aia i o kotou na,
ei tavini akaaka aia no kotou: Kare oki 28
te Tamaiti a te tangata i aere mai kia
taviniia tona, ei tavini ra, e kia oronga i
tona ora ei oko no te tangata e manganui.

E i to ratou akaruke anga i Ieriko, e 29
motuanga tangata maata tei aru mai
iaia. E i na, te noo ra e toko rua puke 30
tangata matapo ki te pae arataa, kite
akera raua e te aere rā Iesu na reira

ua o, kua kapiki maira, na ko maira,
E te Atu, e te Tamaiti a Davida, e aroa
31 mai koe ia maua. Kua kauvae atura te
tangata tini ia raua, kia muteki oki
raua; maata ua atura to maua kapiki,
na ko maira, E te Atu, e te Tamaiti
a Davida, e aroa mai koe ia maua nei.
32 Tu ua orā Iesu, kua kapiki atura ia raua,
na ko atura, Akapeea atu au, kia korua i
33 to korua anoano? Kua na ko maira raua
kiaia, E te Atu, kia puera o maua mata.
34 Aroa aturā Iesu ia raua, akatukia
atura i to raua mata; puera akera to
raua mata i reira ra, e kua aru maira
raua iaia.

PENE XXI.

*To Iesu tomo anga ki roto ia Ierusa-
lema: te tamā anga i te iero: te ta-
mariki i te imene anga: te suke i
akakinoia: noca tu Ioane bapetizo?
nga tamariki i tonokia e te metua ki
te angaanga: te aronga ungu taki-
nga-kino: te toka tiavā.*

1 **E** VAITATA maira Ierusalemā ia
ratou, kia tae atura ki Betephage,
i te maunga ra i Oliveta, kua tono
akerā Iesu i e toko rua puke pipi ana
2 ra, Na ko atura, Ka aere ana korua ki
tera ra vila, e kite korua i tetai asini
i reira, kua erekia, ma tana punua i te
pae, e tatarā, e taki mai i ko nei kiaku
3 nei. E kia tuatua mai tetai tangata
kia korua, e karanga atu korua, E tau
teia i te Atu; e nana e tuku mai i reira
4 ra. Kia tupu te tuatua a te peroveta
5 ra, i peraia i, ko tei na ko maira e, “E
karanga atu kotou ki te tamaine a
Siona,” “I na, te aere maira to Ariki ia
koe na, ma te akaaka, e ma te noo ki
rungao i te asini, e te punua a te asini.”
6 Aere atura nga pipi, akono atura i ta
7 Iesu i akaue mai kia raua ra, Kua taki
maira te asini, e te punua katoa, tuku
iora i to raua kakau ki rungao i nga
8 asini ra, akanoo iora iaia ki rungao. E
aerenga tangata maata oki tei toatoa
i to ratou kakau i te arataa; tipu atura
oki tetai papaki i te rara rakau, āriki-
9 riki atura i te ara. Te kapiki na
maira te tangata tini tei aere ana na
mua, e tei aru mai na muri, na ko
maira, Hosana i te Tamaiti a Davida;
Kia ora aia, ko tei aere mai ma te
ingoa o Iehova; Hosana i te rangi
10 teitei. E tae atura aia ki roto i Ierusa-
lema, keukeu iora to taua oire katoa ra,
11 i te ui anga e, Koai teia? Kua karanga
atura taua aerenga tangata ra, Ko
Iesu teia, te peroveta no Nazareta i
Galilea ra.

Aere aturā Iesu ki roto i te iero o 12
te Atua, kua tuarua atura ki vao te
aronga i oko atu e i oko mai i roto i te
iero ra, tatipoki atura oki i te au papa o
te aronga oko moni ra, e te au nooanga
o te aronga i oko i te kukupa, Kua 13
karanga atura kia ratou, Kua oti oki i
te taitaia, "E karangaia toku are, e aere
pure anga;" kua akarioria io nei ra e
kotou ei "ana no te aronga keia." Kua 14
aere maira te matapo, e te pirikoki,
ki roto i te iero ra kiaia; kua akaora
atura aia ia ratou. E kia akara mai te 15
kau taunga nunui e te au tata tuatua
i te au ravenga tu ke tana i rave ra, e
te tamariki i roto i te iero i te kapiki
anga, e te na ko anga e, Hosana i te
tamaiti a Davida; makitakita rava
akera ratou, E kua tuitua maira kiaia, 16
Te kite na koe i ta ratou e tuatua nei?
Kua karanga aturā Iesu, A: kare ko-
toui i tatau ra, "I rauka ia koe te aka-
meitaki no roto i te vaa o te tamariki
mea riki e te kai u?" Vao atura 17
aia ia ratou, aere atura aia ki vao i taua
oire ra ki Betania; moe atura ki reira.

E popongi akera, i tona oki anga mai 18
ki te oire, kua pongi aia. Akara akera 19
aia i tetai suke tei te pae arataa, aere
aturu aia ki taua *suke* ra, kare e *kai*
i kitea o runga, ko te rau anake ra,
kua karanga atura aia, Auraka rava e
kai i runga ia koe na e tuatau ua atu.
Mae takiri akera taua suke ra i reira
ra. E kia akara akera te au pipi ra, va 20
ua atura, na ko atura, Peritiaia akenci
kia mae vave teianei suke! Kua karanga 21
aturā Iesu, na ko atura kia ratou, Koia
mou taku e karanga atu kia kotou nei, Ei
akarongo ekoko kore to kotou, kare *tei*
raveia i teianei suke anake ra ta kotou
e rave, kia karanga atura kotou ki
teianei maunga, Kia kiritia koe, e kia
titiria koe ki raro i te tai, e tika ia:
E te au mea katoa, ta kotou e pati atu 22
i te pure, ma te akarongo, ka rauka ia
ia kotou.

E tae maira aia ki roto i te iero, kua 23
aere maira te kau taunga nunui, e te
tangata pakari, i vaitata iaia i tana apii
anga, na ko maira, Koai te tumu i
rave ei koe i teianei au mea? e naai i
oronga mai i teianei mana ia koe nei?
Kua karanga aturā Iesu, na ko atura, 24
E ui katoa anga taku ia kotou e, kia
akakite mai kotou kiaku, e akakite
katoa atu au kia kotou i te tumu i rave
ei au i taua au mea nei. Noca te bape- 25
tizo a Ioane nei? no te rangi mai aina?
e na te tangata aina? Kua cumiuni
iora ratou ratou orai, na ko akera, Kia
karanga atu tatou, No te rangi mai; e

riro aia i te tuatua mai, Eaa iora kotou
26 i kore ei i akarongo iaia? E kia tua-
tua oki tatou, Na te tangata; te ma-
taku nei tatou i te tangata; te manako
ra te tangata katoa e, e perovetā Ioane.
27 Kua tuatua maira ratou kia Iesu, na
ko maira, Kare matou i kite. Kua
karanga atura aia kia ratou, Kare
katoa au e akakite atu kia kotou i te
tumu i rave ei au i taua au mea nei.
28 Eaa ra to kotou manako? Ko tetai
tangata toko rua ana puke tamariki
tamaroa, kua aere atura aia ki te tama
mua, e kua karanga atura, E tama, ka
aere koe akonei e angaanga ki roto i
29 taku kainga vine. Kua tuatua maira
aia, na ko maira, Kare au e ano: e
muri ake, tataraua iora, aere atura.
30 Aere katoa atura aia ki te teina,
e kua akapera katoa atura. Kua tuatua
maira aia, na ko maira, E aere au, e
31 *taku* pu; e kare i tae. Koai to raua
i akono i te inangaro o to raua metua
ra? Kua na ko maira ratou, Ko te tama
mua. Kua karanga aturā Iesu kia ra-
tou, Koia mou taku e karanga atu kia
kotou, Ko te au telona, e te au vaine
akaturi, te ka o ana ki roto i te basi-
32 leia o te Atua ra ia kotou. I aere mai
oki a Ioane ia kotou nei ma te tuatua-
tika, e kare akenei kotou i akarongo
atu iaia; te aronga telona ra, e te au
vaine akaturi, kua akarongo ratou iaia:
kotou ra, kite ua rai i te reira, kare ko-
toui i tataraua, ka akarongo atu ei iaia.
32 Ka akarongo mairai i tetai parabole;
Kua tanu tetai tangata kainga i te kai-
nga vine, kua akapini ki te koro, ko
iora i te taomiainga vine i roto, akatu
iora i te are tapapa anga, tuku atura ki
te aronga unga, aere atura ki te enua
34 mamao: E vaitata akera te tuatau vine
ra, kua tono maira aia i tona au tavini
ki te aronga unga ra, kia o mai ratou i
35 te kai o te reira ra. Kua opu iora te
aronga unga i te au tavini nona ra, kua
pāpā iora i tetai, kua tamate rava i tetai,
36 kua pei oki tetai ki te toka. Kua
tono akaou maira oki aia i tetai aronga
tavini ke, e rai ia i tei muatangana; e
37 kua akapera katoaia ratou. E i te
openga iora, kua tono atura aia i tana
uaorai tamaiti, na ko akera, Ka riro
38 ratou i te oo mai i taku tamaiti. Kia
akara maira te aronga unga i te tamaiti,
kua tuatua iora ratou ratou uaorai, Ko
te tangata kainga teia: e aere mai; ka ta
39 tatou iaia, ka tāpu ei i tona kainga. Kua
opu maira ratou iaia, kika atura ki vao
i taua kainga vine ra, tamate rava atura
40 iaia. E kia aere maira te pu o taua kai-
nga vine ra, ka akapea maira aia i taua

aronga unga ra? Kua na ko maira 41
ratou, E tamate rava aia i te reira
aronga tangata kikino i te mate maata
rava, ka tuku atu ei i te kainga vine ki
tetai aronga unga ke, te ka apai mai
iaia i te kai i te tuatua tikai. Kua kara- 42
nga aturā Iesu kia ratou, Kare kotou i
tatau i tei tataia ra e, “Ko te toka i aka-
rukeia e te aronga patu ara ra, ko tei
akariroia ei toka tiavā: na te Atu teia i
rave, e te akara atu nei tatou ma te
umere?” E teianei, e karanga atu au 43
kia kotou, E apai: keia te basileia o
te Atua nei ia kotou, e tukuia atu ki te
aronga e akaua mai i te ua ra. Ko te 44
inga ki rungao i taua toka ra, e paru-
paru ia; kareka te topaia e taua *toka*
ra, e ungaungātiti rava ia. E kia 45
akarongo te kau taunga nunui ra,
e te au Pharisea, i tana au parabole,
kua kite oki ratou e, ko ratou tana i
tuatua ra. Kua inangaro ratou i te 46
opu atu iaia, matakua iora i te tangata
tini, no te mea e peroveta aia i to ratou
manako.

PENE XXII.

*Te parabole o te oroa akaipoipoanga: te
apinga na Kaisara: te tuakaou-
anga: tei maata i te ture: e tamaiti
naui a Iesu?*

TAMOU aturā Iesu i te tuatua 1
anga i te parabole kia ratou, na
ko atura, E tau te basileia o te ao i 2
tetai ariki, tei akatupu i te oroa aka-
ipoipoanga i tana tamaiti, E akaunga 3
atura i tona au tavini, e tiki i te aronga
i karangaia ra, e aere mai ki te oroa: e
kare ratou i keu mai. Kua akaunga 4
akaou atu rai aia i tetai aronga tavini
ke, na ko atura, E karanga atu ki te
aronga i karangaia ra, I na, taku nei
kaingakai kua vave, e taku bovi, e
taku aronga puaka angai, kua koia,
kua vave roa: ka aere mai ki te oroa
akaipoipoanga. Kare ra ratou i akono 5
mai, aere ke atura i to ratou aerenga,
tetai ki tona kainga, tetai ki tona oko
anga: Opu maira tetai papaki i taua 6
aronga tavini ra, kua takinga-kino
maira, e kua tamate rava atura. Kia 7
kite ra taua ariki ra, riri rava akera;
tono atura i te au nuku toa nona, e ta
takiri rava atura i taua aronga ta tanga-
ta ra, e ta'u atura i to ratou oire ki te ai.
Kua karanga atura aia ki te au tavini 8
nona ra, Kua vave rava te oroa akai-
poipoanga nei, kare ra e tau te aronga
i karangaia ra. E teianei, ka aere ko- 9
tou ki te au ara metua, e te aronga
katoa i kitea ia kotou, e karanga atu,

e aere mai ki te oroa akaipoipoanga.
10 Aere atura taua au tavini ra ki te au
ara metua ra, e kua ope katoa maira
tei kitea e ratou, te kino e te meitaki:
ki akera taua oroa akaipoipoanga ra 11
i te manuiiri. E kia aere maira taua
ariki ra ki roto, kia akara i te manuiiri,
kite iora aia i tetai tangata, kare ona ka-
kau akaipoipoanga: Kua karanga 12
atura aia kiaia, E tama, caa koe i tae
mai ei i ko nei, e kare e kakau akaipoipo-
13 anga? Kua muteki atura aia. Kua
karanga atura taua ariki ra ki te au
tavini, Ka ri iaia te rima e te vaevae,
ka rave ke atu iaia, opara atu ei ki vao
i te poiiri: tei reira te aue e te pakati 14
anga nio. Toko rai oki tei karangaia,
e iti ra tei iikiia.
15 Aere atura te au Pharisea, kimi iora
i te tuatua, kia taii ratou iaia i tana
16 tuatua. Kua tono atura ratou i ta ra-
touna aronga pipi iaia ra, e te au Hero-
diani, tei karanga-atu e, E te Orome-
tua, kua kite matou, e tuatua-tika
taau, e te apii nei koe i te tuatua na
te Atua ma te tuatua-mou; kare koe
i matakua i te tangata, e kare koe i ako-
17 no i to te tangata nei tu. E teianei,
Ka akakite mai koe kia matou i toou
manako: E tika aina i te ture kia apai
matou i te taunga na Kaisara, e au-
18 raka aina? Te kite mairā Iesu i ta
ratou pikikaa, e kua na ko maira, Eaa
kotou e timata mai ei iaku, e te aro-
19 nga pikikaa e? Ka akakite mai na i
tetai moni taunga. Kua akakite maira
20 ratou i tetai denari. Kua ui atura
aia kia ratou, Noai te tu i rungao e te
21 tuatua? Kua tuatua maira ratou, No
Kaisara. Kua na ko atura aia kia ra-
touna, E apai mari i ta Kaisara kia Kai-
sara; e ta te Atua ra, e apai ia ki te
22 Atua. E kite akera ratou i te reira,
va ua atura, akaruke iora iaia, aere
atura.
23 E e aronga Sadukea tei aere mai
kiaia i taua rā ra, ko tei tuatua e, kare
e tuakaouanga, kua ui maira kiaia,
24 Na ko maira, E te Orometua e, i tuatua
mai a Mose, “Kia mate tetai tangata
kare e tamariki, e akaipoipo te teina i
tana vaine, e akaanau tama ei tamariki
25 na te tuakana.” Toko itu puke tamar-
roa i o matou nei i te kopu-tangata oko-
tai; akaipoipo iora te tama mua i te
vaine, e mate atura, kare e tamariki,
26 vaio ora tana vaine na te teina: Koia
katoa, te toko rua, pera katoa o'i
te toko toru, e tae ua atura ki te
27 toko itu. E i te openga iora, mate
28 katoa atura te vaine. E teianei, kia
tae ki te tuakaouanga ra, e riro aia ei

vaine naai i taua toko itu ra? kua akai-
poipo oki ratou ravarai iaia. Kua 29
ranga aturā Iesu kia ratou, na ko atura,
Te apa nei kotou i te kite kore i te
tuatua i taitaia ra, e te mana o te Atua.
I te tuakauanga oki, kare ratou e 30
akai-poipo, kare oki e oronga kia akai-
poipoia, e tau ratou i te au angela o te
Atua i te ao ra. I te tuatua ra i te tu- 31
akaouanga o tei mate ra, kare kotou
i tatau i ta te Atua i tuatua mai kia
kotou ra, ka na ko mai ei ra e, “Ko au 32
te Atua no Aberahama, e te Atua no
Isaaka, e te Atua no Iakoba?” Kare
oki te Atua i te Atua no tei mate, no
tei ora ra. E kite akera taua aronga 33
maata ra i te reira, va ua iora ratou i
tana tuatua.

E kite akera te au Pharisea e, kua 34
muteki atura te au Sadukea iaia, kua
akaputupu maira ratou. Kua ui 35
maira tetai apii ture no ratou *inia*, na
ko maira, i te timata anga mai
iaia, E te Orometua, ko teea te 36
akauenga i maata o te ture? Kua 37
karanga aturā Iesu, “E anoano atu
koe i to Atua ia Iehova ma to nga-
kau katoa, e ma to vaerua katoa, e ma
to manako katoa.” Ko te akauenga 38
mua teia e tei maata. E mei te reira 39
katoa ra te rua, “E aroa atu koe i toou
tangata tupu mei te *aroa* ia koe uorai.”
Te ture katoa e te au peroveta ra, tei 40
teianei puke ture e rua nei.

Koi putuputu ua maira te au Phari- 41
sea, kua ui aturā Iesu ia ratou, Na ko 42
atura, Eaa to kotou manako i te Mesia
ra? e tamaiti aia naai? Kua na ko maira
ratou, Na Davida. Kua karanga atura 43
aia kia ratou, Eaa oki a Davida, ko tei
tuatua ma te Vaerua i tuatua i kiaia e, e
Atu, ka na ko ei ra e, “Kua tuatua 44
Iehova ki taku Atu, Ka noo koe ki taku
rima katau nei, e kia akariro au i to au
enemi ei pange vaevae noou?” E teia- 45
nei, te tuatua rā Davida kiaia e, e Atu,
eaa iora oki aia i riro ei ei tamaiti
nana? Kare atura i tika i tetai kia 46
tuatua mai kiaia i te reira, kare atura
tetai i ui mai kiaia, mei te reira rā mai-
rai, i te matakū.

PENE XXIII.

*Te nengonengo o te au Pharisea i aka-
hiteia, e ta ratou akatureva ke anga
i te ture: te au peroveta ravarai i te
matenga i Ierusalemā.*

KUA karanga aturā Iesu ki taua 1
aronga maata ra, e ki tana au
pipi, Na ko atura, Te noo nei te au 2
tata tuatua e te au Pharisea i te noo-

3 anga o Mose: E teianei, e akono ko-
tou, e e rave i te au mea katoa, ta
ratou e tuatua mai; auraka ra kotou e
aru i ta ratou akonoanga: ko te tuatua
4 ua oki ta ratou, kare ra e akono. Te
ri nei oki ratou i te apinga teiaa, e te
maranga kore, e te tuku nei ki runga i
to tetai ke ua; kare ra tetai rima o ra-
tou e akatukia atu i taua *apinga* ra.
5 E ta ratou e rave ra, e rave anake ia,
kia akaraia ratou e te tangata: te aka-
pararauare nei i ta ratou philateri, e te
akamaata atu nei i te veruveru o to ra-
6 tou kakau, E te inangaro i te ngai tei-
tei i te au kaingakai, e te nooanga
7 memetaki i te au sunago ra, E kia
aroaia oki i te ngai okoanga, e kia tua-
8 tuaia e te tangata e, e Rabi, Rabi. Ka-
reka kotou, auraka kia tapaia ia Rabi;
okotai rai oki o kotou Orometua, ko te
Mesia: e tacake anake oki kotou katoa
9 na. Auraka kotou e akametua i tetai
tangata i teianei ao: okotai rai oki o
kotou Metua, ko tei *noo* i te rangi.
10 Auraka kotou kia tapaia i te arataki;
okotai o kotou Arataki, ko te Mesia.
11 E tei rai i roto ia kotou nei, ei tavini
12 ia no kotou. Te akateitei iaia uorai,
e akamoraroia ia; e te akamoraro iaia
uorai, e akateiteia ia.
13 Aue kotou, e te au tata tuatua, e te au
Pharisea e, e aronga pikikaa! te topiri
nei kotou i te basileia o te ao i te ta-
ngata nei: kare kotou uorai i tomo ki
roto, e te inangaro i te tomo ra, te tāpu
14 nei kotou. Aue kotou, e te au tata tuatua,
e te Pharisea e, e aronga pikikaa! te
pou nei ia kotou te au ngutuare o te
aronga vaine takaua, e te akaroa na oki
i te pure ei pikikaa anga: e maata ua
15 atu to kotou mate i te reira. Aue ko-
tou, e te au tata tuatua, e te au Phari-
sea e, e aronga pikikaa! te takako nei
kotou i te tai e te enua, kia rauka tetai
peroselito; e kia rauka ra, e manta ua
atura tona tau ia kotou ei tamaiti no te
16 po, i to kotou uorai. Aue kotou, e
te au arataki matapo e, ko te tuatua e,
Ko te taputou ki te nao ra, kare ia o
reira; kareka te taputou ki te auro o te
17 nao ra, e kai ou ia. E te au neneva, e
te matapo e! ko teea tei maata, ko te
auro aina, e ko te nao aina, tei akatapu
18 i taua auro ra? E, ko te taputou i te
atarau ra, kare ia o reira; ko te tapu-
tou ra ki te apinga ki rungao, e kai ou
19 ia. E te au neneva, e te matapo e! ko
teea tei maata, ko te apinga aina, e ko
te atarau aina, te mea e tapu ei taua
20 apinga ra? E teianei ko tei taputou
i te atarau ra, kua taputou ia i te reira,
21 ma te apinga katoa ki rungao. E ko

tei taputou i te nao ra, kua taputou ia i te reira, e iaia oki ko tei noo i roto. Ko tei taputou i te rangi ra, kua tapu- 22
 tou aia i te terono o te Atua, e iaia oki ko tei noo ki rungao. Aue kotou, 23
 e te au tata tuatua, e te au Pharisea e, e aronga pikikaa! te oronga nei kotou i te ngauru o te minete e te aneto e te kumino, e te akaruke nei i te au mea mamaata o te ture, te tuatua-tau, te aroa, e te akarongo: ko ta kotou ia e akono e tika'i, e auraka katoa e akaruke i tera. E te au arataki matapo 24
 e, te tamauku nei i te namu, e te apuku ua nei i te kamela. Aue kotou, 25
 e te au tata tuatua, e te au Pharisea e, e aronga pikikaa! te tamā nei kotou i to vao i te kapu e te mereki, kareka o roto, te ki nei ia i te noinoi apinga, e te kaki anga kore. E te Pharisea ma- 26
 tapo e! e timata na i te tamā i te kapu e te mereki i roto, e kia mā katoa a vao. Aue kotou, e te au tata tuatua, e 27
 te Pharisea e, e aronga pikikaa! te tau nei kotou i te menema akateatea nei, tei akaieie i vao ake, ko roto ra, kua ki ia i te ivi turuma e te au mea viivii katoa. Koia katoa kotou na, mei te aronga tua- 28
 tua-tika kotou i vao ake i ta te tangata nei akara anga, ko roto ra, te ki nei ia i te pikikaa e te kino. Aue kotou, e 29
 te au tata tuatua, e te au Pharisea e, e aronga pikikaa! te patu nei kotou i te vairanga o te au peroveta, e te akamanea nei i te au menema o te aronga tuatua-tika, E te tuatua nei kotou, Naringa 30
 ko matou katoa i te tuatau o to matou ui metua ra, kare matou e akatika i ta ratou i te tainga i te au peroveta ra. E tenana, ko kotou uorai mari te kite 31
 e, ko te tamariki kotou a te aronga i ta i te au peroveta ra. Ka akaki ana 32
 kotou i te arite a to kotou au metua ra. E te au ovi nei, e ta te vipera anaunga! 33
 Eaa kotou e ora'i i te mate i te po? E teianei, i na, te tono atu nei au i te 34
 peroveta, e te tangata pakari, e te tata tuatua, kia kotou: ka ta kotou i te tai papaki, e ka akasatauro; e ka pūpū oki i tetai papaki i roto i to kotou au sunago, e ka tuaru atu ki tera oire, ki tera oire. Kia uria mai ki rungao ia 35
 kotou te toto ara kore katoa i maringi i te enua nei, mei te toto mairai o Abela tuatua-tika, e tae roa ake ki te toto o Zakaria te tamaiti a Barakia, ta kotou i ta i rotapu i te atarau e te nao ra. Koia mou taku e karanga 36
 atu kia kotou nei, E uri katoaia mai taua au mea ra ki rungao i teianei uki. E ae oki koe, e Ierusalem e, e Ieru- 37
 salema e, tei ta i te au peroveta, e tei

pei oki ki te toka te aronga i tonokia atu ia koe na, manganui toku inangaro anga i te akaputuputu i to tamariki, mei te moa e akakoukou i tana anaunga i raro ake i toa peau, 38
 kare ra i tika ia kotou! I na, kua 39
 vaio taneaia to kotou nei are. E te karanga atu nei au kia kotou, Kare kotou e kite mai iaku, e tae ua atu ki te rā e tuatua'i kotou e, Kia ora aia, tei aere mai ma te ingoa o te Atua.

PENE XXIV.

Te pou anga o te iero: te tuatau openga, e to Iesu oki rua anga mai, i akaaiteia ki te tuatau ia Noa: te tavini akono meitaki, e te tavini mako kore.

1 **E** TEI te aerenga o Iesu ki vao i te iero ra, kua aere maira tana au pipi, e kua akakite iaia i te patu 2
 o taua iero ra. Kua karanga aturā Iesu kia ratou, Te kite nei kotou i teianei au mea katoa? Koia mou taku e karanga atu kia kotou na, Kare tetai toka e vaioia ki rungao i tetai, 3
 e ope rava i te uria ki raro. E te noo ra aia ki rungao i te maunga ra i Oliveta, kua aere poiri ua maira te au pipi kiaia, na ko maira, E akakite mai koe ia matou i te tupu anga o taua au mea nei, e te akairo o toou aerenga mai, e te openga o teianei 4
 ao. Kua karanga aturā Iesu kia ratou, na ko atura, Kia matakite ia kotou, ko te vare aea kotou i te ta- 5
 ngata. E manganui te ka aere mai ma toku nei ingoa, e te na ko anga mai e, Ko au te Mesia, e manganui 6
 oki te ka vare. E akarongo oki kotou i te *tuatua* tamaki, e te rongo tamaki; kia matakite ra, eiaa kotou e taitaia: e na mua oki *te reira* i te tupu e tika'i, kare ra e vaiata te 7
 openga i reira. E tu mai tetai enua e tamaki mai ki tetai enua, e tetai basileia e tamaki mai ki tetai basileia: e onge oki, e te maki-mate, e ngaruerue te enua i tera ngai, i tera ngai. 8
 E momua anake teia katoa au mea 9
 nei no te mate. Ei reira e toku ei ia kotou no te mate, e ka tamate ravaia kotou; e e makitakitaia mai kotou e te pa enua ravarai i toku nei ingoa. 10
 E manganui te ka maitu i reira, e pikikaa oki tetai ki tetai, e makitakita 11
 oki ratou ratou orai. E tu mai oki i rungao te peroveta pikikaa e manganui. 12
 E manganui te ka vare ia ratou. E no te mea e maata te kino i te tupu

anga, ka riro te rai o te tangata i te mea ngiti te anoano. Kareka te tāpu 13
tikai e tae ua atu ki te openga ra, ka ora ia. E tutu aereia te evangelia o 14
te basileia nei, e karo rava ake te ao katoa nei; ei kite no te pa enua ravarai; ko te openga iora ia i reira ra. E teianei, kia akara atu kotou 15
i te mea rikirika e tanea'i ra, tei tuatuaia mai e Daniela peroveta, i te tu anga i te ngai-tapu ra, (ko tei tatau ra ka akono ia kia kite.) Te aronga 16
e *noo* i Iudea ra, ka oro ratou ki te maunga i reira; E te tangata i run- 17
gao i te are ra, auraka aia e eke ki raro e rave i tana apinga i roto i te are ra: Eiaa tei te kainga ra, e oki 18
mai e tiki i tona kakau. E ae oki 19
to te au vaine apu ra, e te akangote i te *tamariki*, i te reira tuatau! E 20
pure oki kotou, kia kore to kotou oro anga e riro i te paroro, auraka katoa i te sabati: E mate maata 21
tei te reira tuatau, kare ia mei mua-tangana mai i teianei ao, e tae rava akenei i teianei rā, e kare oki a muri atu. Naringa oki kare taua 22
au rā i tapotoia, kare rava tetai tangata e ora; no te aronga i ikiia ra, e riro ia au rā i te tapotoia. E kia tuatua 23
mai te tangata kia kotou, I na, teia te Mesia, e i *na*, tera; auraka e akarongo atu. E au Mesia pikikaa oki te 24
ka tu mai ki runga, e te peroveta pikikaa, e ka akakite mai i te akairo e te semcio mamaata; e tae ua atu te vare i te aronga i ikiia ra, angui- 25
e tika. I na, kua akakite takere ana au ia kotou. E kia tuatua mai te 26
tangata kia kotou, I na nia, tei te mdebarā; auraka e aere: I na, tei roto i te pia ngaro; auraka e akarongo atu. E tau oki te aerenga mai o te Ta- 27
maiti a te tangata nei i te uira, e kanapa i te itinga o te rā ra, e kakā ua atu ki te opunga o te rā. E i te 28
ngai kopapa ra, ei reira te ao acto e putuputu mai ei. E i muringao i 29
taua tuatau mate ra, kare e roaia, e akapoiriia te rā, e kare te marama e kakā mai, e topa mai oki te au etu o te rangi, e te au mea mana o te rangi ra e ruruia ia: E i reira e kitea'i 30
te akairo o te Tamaiti a te tangata ki runga i te rangi: e ei reira te au kopu-tangata ravarai o te ao nei e aue ei, kia kite ratou i te Tamaiti a te tangata i te aere anga mai na roto i te tiao rangi, ma te mana, e te kakā maata. E nana e akaunga i tana 31
au angela ma te pu tangi maata ra, e na ratou e akaputuputu i tona aro-

nga ikiia ra, no nga rua matangi e a katoa, no tetai pae rangi, e tae ua atu 32
ki tetai pae. E teianei kia kite kotou i tetai parabole i te suke nei; kia tupu te kao, e kia puera te rau, te kite ra kotou e, kua vaitata i akaū i reira. 33
Koia katoa kia kite kotou i taua au mea katoa nei, kua vaitata ia, tei te 34
pae ngutupa, kia kite oki kotou. Koia mou taku e karanga atu kia kotou na, Kare e ope teianei uki, e ope ei teianei au tuatua ravarai i te tupu. 35
E kore ake te rangi e te enua, kare rava ra taku nei tuatua e kore. Kareka te reira rā e te *reira* ora, kare rava tetai e kite, kare oki te au angela o te rangi, ko toku Metua 37
anake ra. E mei te tuatau ia Noa ra, koia katoa te aerenga mai o te 38
Tamaiti a te tangata nei. Mei tei te tuatau i muao i te deluvi ra, te kaikai ra ratou e te inu ra, te akapoipo ra, e te orongaia ra kia akapoipoia, e tae rava atu ki te rā i tomo ei a 39
Noa ki roto i te araka, Kare rava i kite, e rokoa iora ratou e te deluvi, e ope takiri akera ratou i te mate; koia katoa te aerenga mai o te Ta- 40
maiti a te tangata nei. Toko rua puke tangata i roto i te koro, e riro 41
tetai e ora atu tetai. Toko rua puke vaine i te takaviri anga i te mulo, 42
e riro tetai e ora atu tetai. Kia matakite oki, kare kotou i kite i te 43
ora e tae mai ei to kotou Atu. Kua kite ra kotou e, naringa i kite te tangata kainga i te ora e tae mai ei te keia, kua tapapa aia, kare i akaruke ua i tona are kia vava'i uaia. 44
E teianei kia vai teateamamao rai kotou, no te mea, ei te ora manako koreia e kotou, e tae mai ei te Tamaiti 45
a te tangata. Koai te tavini akono meitaki e te pakari, i ta tona pu i akaaere i tona ngutuare, ei tua i te 46
kai na ratou i te ora mou ra? E ao to te reira tavini, to tei rokoa mai 47
e tona pu, te pera ra. Tikai taku e karanga atu kia kotou nei, e akairo aia iaia ei akaaere i te au apinga 48
ravarai nana ra. Kareka te tavini kino e tuatua ua i roto i tona naorai ngakan, Kare taku pu e tae 49
vave mai; Kua timata atura i te pūpū i te aronga taeake tavini *nana* ra, e kai ora i te *kai*, inu ora i te *kava*, koia e te aronga katoa e akakona ra; 50
Kia tae ki te rā manako koreia e ia, e te ora kitea koreia e ia ra, e tae 51
mai ei te pu o taua tavini ra, E akataka ke atu ei iaia, ka tuku atu ei i tana tuanga i roto i te aronga pikikaa

katoa ra, *tei reira te aue e te pakati*
anga nio.

PENE XXV.

Te parabole o te au paretenia tino
ngauru ra: te au taleni: te tu o te
akavaanga.

E TAU oki te basileia o te ao i 1
 nga paretenia tino ngauru, ko *tei*
rave i ta ratou au lamepa, e aere
atura kia aravei i te tane akaipoipo
ou ra. E aronga pakari e toko rima, 2
e neneva oki e toko rima. Ko te 3
aronga neneva ra, kua apai atura i
ta ratou au lamepa, kare ra i apai
katoa i te mori: Kareka te aronga 4
pakari ra, kua apai ratou i ta ratou
au lamepa ma te mori katoa ki roto
i ta ratou kapu. E te roa ra taua 5
tane akaipoipo ou ra, kua varea iora
ratou ravarai e te moe, moe atura. 6
E tae akera ki te turuaipo, ko te
kapiki maira, I na, te aere mai nei
te tane akaipoipo ou nei; ka aere 7
kotou kia aravei atu iaia. Kua tu
akera te aronga paretenia katoa ki
runga, e kua akateateamamao i ta 8
ratou au lamepa. Kua karanga atura
te aronga neneva ki te aronga pakari,
Ka o mai tetai manga i ta kotou
mori; te matemate nei oki ta matou 9
au lamepa. Kua tthaua maira te
aronga pakari ra, na ko maira, Eiaa;
ko te kore aea e rava na tatou katoa:
e aere ra kotou ki te aronga e oko, 10
ka oko ei i ta kotou uorai. E te
aere atura ratou e oko ra, tae maira
taua tane akaipoipo ou ra; e te aronga
i vave ra, kua aere atura ratou ma
ia katoa ki roto i te oroa akaipoipo-
anga ra; topiriia iora te pa. E muri 11
ake, kua aere maira tetai pae par-
tenia ra, na ko maira, E te Atu, e
te Atu, ka eua ana ia matou. Kua 12
karanga atura aia, na ko atura,
Koia mou taku e karanga atu kia
kotou nei, kare au i kite ia kotou.
E teianei, kia matakite ia kotou, 13
kare kotou i kite i te rā, e te ora,
e tae mai ei te Tamaiti a te tangata.
E tau oki i tetai tangata e aere ki 14
tetai enua mamao, e kua karanga ki
tona aronga tavini, e kua tuku atura
i tana apinga ia ratou. Tuku atura 15
i ta tetai e rima taleni, e rua ta tetai,
okotai na ta tetai; i tei tau katoa i
aua nga tangata ra; aere atura aia i
tona aerenga. Aere atura tei rave i 16
nga taleni e rima ra, oko aere atura
i taua nga taleni ra, rauka maira nga
talen i ke e rima. Mei te reira katoa 17

tei iaia nga taleni e rua ra, rauka
maira nga taleni ke e rua. Kareka
tei rave i te taleni okotai, aere atura
ia, e ko atura i te one, uuna atura i te 19
moni a tona pu. E roa akera, oki
maira te pu o taua aronga tavini ra,
akatikatika maira i te tuatua ia ratou. 20
Kua aere maira tei rave i nga taleni
e rima ra, kua taoi katoa maira i nga
talen i ke e rima, na ko maira, E te
atu, e rima aau taleni i tuku mai
kiaku, i na, teia ia, e nga taleni ke 21
e rima i rauka iaku. Kua na ko
atura tona pu kiaia, Kua tika rava,
e teianei tavini meitaki e te pikikaa
kore; ko koe i akono i te reira apinga
mea ngiti ua, e tuku au ia koe ki
rungao i te mea maata; aere koe ki 22
roto i te rekarekaanga o toou pu. Kua
aere katoa maira tei rave i nga taleni
e rua ra, na ko maira, E taku pu,
e rua aau taleni i tuku mai kiaku, i
na, teia ia, e nga taleni ke e rua i 23
rau ka iaku nei. Kua na ko atura
tona pu kiaia, Kua tika rava, e teianei
tavini meitaki e te pikikaa kore, kua
akono meitaki koe i tenana apinga
mea ngiti ua, e tuku au ia koe ki ru-
ngao i te mea maata; e aere koe ki
roto i te rekarekaanga o toou pu. 24
Kua aere maira oki tei rave i te taleni
okotai, na ko maira, E taku pu, kua
kite takere ana au e, e tangata roto-
riri koe, e kare taau i tanu ra, e
kokotii e koe, e kare taau i ruru 25
ra, e akaputuputua e koe: Mata-
ku akera au, uuna io nei au i te ta-
leni naau ki raro i te one: e teianei,
akaoki mai nei au i taua uorai. Kua 26
karanga atura tona pu kiaia, na ko
atura, Tenana tavini kino nei e te
akataa, kua kite koe e kare taku i
tanu ra, e kokoti rai au, e kare taku 27
i ruru, e akaputuputu rai au; Eiaa
koe e taoi atu i taku moni ki te oko-
anga ra, e kia tae mai au ra, rauka 28
iora taku ma te oko? Ka rave mai
i tana taleni, e taoi atu ei na te ta-
nga raunga ana taleni ra. E 29
puapinga tana ra, e orongaia atu rai
tana e kia maata; kare ana ra, e ravea
ke ia tana. E uri atu i taua tavini 30
puapinga kore nei ki vao i te poi-
ri ra; tei reira te aue e te pakati anga
nio.

31 E kia tae maira te Tamaiti a te
 tangata ma tona kakā, e te aronga
 angela tapu ravarai, ei reira aia e noo
 32 ei ki rungao i tona terono kakā; E
 akaputuputua to te pa enua ravarai
 ki mua i tona aroaro: e nana e
 akataka ia ratou, mei te tiaki

mamoe e akataka i te mamoe e te puaka-nio ra: E tuku aia i te 33 mamoe ki tona rima katau, kareka te puaka-nio, ei te rima kaui ia. Ei reira 34 te Ariki e tuatua mai ei kia ratou ki tona rima katau ra, Ka aere mai kotou, e te aronga i akaoraira e taku Metua, e noo ki te basileia i akonoia no kotou mei te maani anga mairai i te enua nei: I pongi ana au, e kua angai mai 35 kotou iaku: i kaki vai ana au, e kua akainu mai kotou iaku: i tangata ke ana au, e na kotou i kite mai iaku: I 36 putaua ana au, e kua akakakau mai kotou iaku: i maki ana au, e kua utuutu mai kotou iaku: i tapekaia ana au, e kua aere ake kotou kiaku. Ei 37 reira te aronga tuatua-tika e karanga atu ei, e na ko atu ei kiaia ra, E te Atu, i naea matou i akara'i ia koe i te pongi anga, e kua angai? e te kaki anga vai, e kua akainu? I naea matou 38 i kite atu ei ia koe i te tangata ke anga, e kua kite atu? e te putaua anga, e kua akakakau atu? I naea oki matou 39 i akara'i ia koe i te maki anga, ei roto i te are tapekunga, e kua aere atura ia koe ra? Ei reira te Ariki e tuatua 40 mai ei kia ratou, na ko maira, Koia mou taku e karanga atu kia kotou nei, Ko kotou i pera i tetai *tacake* mea ngiti rava o taku au *tacake* nei, kua pera mai ia iaku. Ei reira aia e tuatua 41 ake ei ki tei te rima kaui, E aere ke atu kotou, e te aronga kataraira, ki roto i te ai mate kore, tei akonoia no te diablo e tana au angela. I 42 pongi ana au, e kare akenei kotou i o mai kai naku: i kaki vai ana au, e kare akenei kotou i akainu mai iaku: I tangata ke ana au, e kare kotou i 43 kite mai iaku: i putaua ana au, e kare kotou i akakakau mai iaku: i maki ana au, e i tapekaia ana au, e kare kotou i akono mai iaku. Ei reira 44 ratou e tuatua ake ei kiaia, e na ko ei ra e, E te Atu, i naea matou i kite atu ei ia koe i te pongi anga, e te kaki anga vai, e te tangata ke anga, e te putaua anga, e te maki anga, e i roto i te are tapekunga, e kare i takinga-meitaki atu ia koe? Ei reira aia e tuatua 45 ake ei kia ratou, e na ko ei ra e, Koia mou taku e karanga atu kia kotou na, Kare kotou i akapera ki tei mea ngiti rava i roto ia ratou nei, kare katoa ia i pera mai iaku. Ko 46 te ka aere ke ia i te mate mutu kore, kareka te aronga tuatua-tika ra, ei te ora mutu kore ia.

PENE XXVI.

To Iesu matenga: te tuatua a te aronga nunui iaia: tona akamainu angaia e tetai vaine: te oko angaia e Iuda: te kaingakai a te Atu: tona mamae i roto i te koro: te opu angaia: te akava anga: ta Petero uuna anga.

- 1 **E** KIA akaoti akerā Iesu i teia katoa nei au tuatuaanga, kua na
- 2 ko maira ki tana au pipi, Kua kite kotou e, e rua rā toe i te pasa ra, ei reira te Tamaiti a te tangata nei e tukuia'i kia akasatauroia.
- 3 Kua putuputu maira te kau taunga nunui, e te au tata tuatua, e te au tangata pakari ra i reira, ki roto i te are o te taunga maata ra, ko tei kara-
- 4 ngaia ko Kaiapha. Kua kimi iora i te ravenga e rauka'i a Iesu ia ratou i te
- 5 pikikaa, ka ta atu ei. Kua na ko ra ratou, Auraka i te rā oroa nei, ko te oripū aea te tangata.
- 6 Tei Betaniā Iesu, tei te ngutuare o
- 7 Simona lepera ra, Kua aere maira tetai vaine iaia ma tetai pia alabata, e manongi meitaki maata, e kua riringi ki rungao i tona mimiti i te kaingakai
- 8 ra. E kite akera tana au pipi, kua riri iora, na ko akera, Eaa teianei
- 9 manongi i kaimoumouia'i? E moni maata te rauka i teia manongi kia oko,
- 10 kaapai atu ei na te tangata rikiriki. Kite akerā Iesu ra, kua na ko atura kia ratou, Eaa kotou e tamanamanata mai ei i teianei vaine? e ravenga meitaki
- 11 tana kiaku nei. E noo tamou oki te tangata rikiriki ki o kotou nei; ko au
- 12 ra, kare ia e noo ki o kotou nei. E teianei manongi tana i riringi ki rungao i toku nei kopapa, no toku ia
- 13 tanumanga tana i rave nei. Koia mou taku e karanga atu kia kotou nei, Te au ngai katoa e tuatuaia'i teianei evangelia i te ao katoa nei, e tuatua katoaia ta teianei vaine i rave nei, ei manako anga atu iaia.
- 14 Aere atura tetai o taua tino ngauru ma rua i reira ra, ko tei karangaia ra ko Iuda Isekariota, ki te kau taunga
- 15 nunui ra, Kua karanga atura, Eaa ta kotou e o mai naku, e naku o tuku atu iaia kia kotou ra? Kua akataua maira ratou e toru ngauru moni ario nana.
- 16 E mei reira mairai tona kimi anga i te ngai meitaki e tuku mai iaia *kia ratou* ra.
- 17 E tae akera ki te rā mua o te oroa i te kai akaopue koreia ra, kua aere

maira nga pipi kia Iesu ra, na ko maira, Eiea maua e akonokono ei i te pasa kia kai koe? Kua karanga atura 18 aia, Ka aere atu ki roto i te oire kia Mea ra, e karanga atu kiaia, Te tuatua maira te Orometua, Kua vave toku taime; ei to are e kai ei au i te pasa, e taku au pipi katoa. Kua pera atura 19 nga pipi ta Iesu i akaue ra; kua akonokono iora i te pasa. E aia iora, kua 20 noo atura aia ki raro e te tino ngauru ma rua katoa ra. E te kai ra ratou, 21 kua na ko atura aia, Koia mou taku e karanga atu kia kotou nei, ka pikikaa tetai o kotou nei iaku. Kua 22 taitaia rava atura ratou, kua taki tai maira ratou ravarai i te ui anga mai kiaia, E te Atu, ko au ainei? Kua 23 karanga atura aia, na ko atura, Ko tei tuku kapipiti o maua rima ki roto i te kapu nei, nana e pikikaa iaku. Te 24 aere nei te Tamaiti a te tangata mei tei tataia nona ra: ko taua tangata ra, e pikikaa i te Tamaiti a te tangata nei, e ae oki aia! e ngari ake te reira tangata naringa kare i anau mai. Kua 25 tuatua katoa mairā Iuda, tei pikikaa mai iaia ra, na ko maira, E Rabi, ko au aina? Kua na ko atura aia kiaia, Koia ia. E te kaikai ra ratou, 26 kua rave iorū Iesu i te areto, e kua akameitaki atura, vava'i iora, tuku atura ki te au pipi, na ko atura, Ka rave, ka kai; ko toku kopapa teia. Kua 27 rave iora aia i te kapu, akameitaki atura, tuku atura kia ratou ra, na ko atura, Ka inu na, kotou ravarai; Ko 28 toku ia toto teia, no te koreromotu ou ra, tei akamaringia no te tangata e manganui, kia matara te ara. E aka- 29 kite au kia kotou, teia au ka kore e inu akaou i to roto i te ua vine nei, e tae ua atu ki te rū e inu ei au i te *wina* ou, e kotou katoa, i te basileia o taku Metua.

E oti akera te imene, aere atura 30 ratou ki vao i te maunga ra i Oliveta. Kua karanga aturū Iesu kia ratou, Ei 31 teianei po e maitu ei kotou katoa iaku nei: kua oti oki i te tataia, "E pāpū au i te tiaki, e ka pueurikiriki ke oki te mamoe." E kia tu akaou mai au ra, e 32 na mua ap ia kotou i te aere ki Galilea. Kua tuatua mairā Petero kiaia, 33 na ko maira, Kia maitu te tangata katoa ia koe, kare takiri au nei e maitu. Kua na ko mairā Iesu kiaia, 34 Koia mou taku e karanga atu kia koe nei, Kare e kakaoa te moa akonei, ka tu toru oou uuna anga iaku. Kua 35 karanga aturā Petero kiaia, Mate ua atu au ia koe na, kare au e uuna

ia koe. Kua pera rai oki te au pipi katoa.

36 Aere aturū Iesu ma ratou katoa ki tetai ngai ko Getesemane te ingoa, kua na ko maira i te au pipi, E noo kotou i ko nei, kia aere au ki ko akera e 37 pure. Kua arataki katoa atura ia Petero, e nga tamariki a Zebedaio ra, toko rua, kua taitaia iora aia, e teiaa 38 tukituki akera. Kua tuatua maira aia kia ratou, Kua pini rava toku vaerua i te mamae mate maata: e noo i 39 ko nei, e tapapa tatou. Aere atura aia ki mua itio, tipapa iora ki raro ma te pure, na ko atura, E taku Metua, kia tika, kia apai keia teianei kapu iaku nei: kia tupu ra toou anoano; auraka 40 toku. Kua oki maira aia ki te au pipi, rokoia maira, te moe ra ratou, kua na ko maira kia Petero, Eaa oki tena? kare e tika ia kotou kia tapapa tatou i te 41 ora iti okotai? E tapapa, e e pure oki, kia kore kotou e rokoia e te timatanga: kua tika oki i te vaerua, te parau- 42 kaa nei ra te kopapa. Aere akaou atura aia, ko te tu rua ia, kua pure iora, na ko atura, E taku Metua e, kare rava e tuku anga iaku, kia inu rai au i teianei kapu e tika'i, kia tupu toou 43 anoano. E kia oki akaou mai aia, rokoia maira, te moe rai ratou; kua 44 teimaa oki to ratou mata. Vao iora aia ia ratou, aere akaou atura e pure, 45 ko te tu toru ia, okotai rai pure. Kua oki maira aia ki tana au pipi i reira, kua na ko maira kia ratou, Ka moe ra, e kia anga marie i te roi: i na, kua 46 vaitata te ora e tukuia'i te Tamaiti a te tangata nei ki te rima o te aronga ara. Ka tu, e taki aere tatou: i na, te vaitata mai nei te pikikaa iaku nei. 47 E kare i oti tana tuatua, i na, ko Iuda maira, tetai o te tino ngauru ma rua ra, ma te urupu tangata maata, ma te koke e te rakau, no ko i te kau taunga nunui e te aronga pakari o te tangata ra. 48 Kua tuku ana oki taua pikikaa ra i te akairo ia ratou, na ko atura, Ko te tangata taku e ongi atu, koia ia; ka opu atu kotou. Kua aere maira aia i reira ra 49 kia Iesu, na ko maira, Kia ora na koe, 50 e Rabi; e kua ongi maira iaia. Kua karanga aturū Iesu kiaia, E tama, i aere mai koe i te aa? Kua akavaitata maira ratou, kua rave maira i te rima 51 ia Iesu, opu maira iaia. E i na, kua rave iora tetai ki o Iesu rai tana koke, unui akera; ta atura i te tavini o te taunga maata ra, motu ke atura tona 52 taringa. Kua karanga aturū Iesu kiaia, Ka momono ana i taau koke ki

roto i te vai; ko tei rave i te koke ra, ka mate ia i te koke. Kare aina koe 53 i manako e, e tika iaku kia pure ki taku Metua i teianci; e nana e oronga mai i te angela raungaauru ma rua te leſioni, e kia maata atu rai? Eaa 54 iora ra e tupu ei te tuatua i taitaia ra i reira e, kia pera e tika'i? I reira ra to 55 Iesu tuatua anga i taua aronga maata ra, E aere mai oki kotou ma te koke e te rakau e opu iaku mei te mea e, e keia? I noo ua na oki au i rotopu ia kotou i te au rā katoa, i te apii anga i roto i te iero, e kare ua kotou i rave mai iaku. Kia tika ra te tuatua a te 56 au peroveta i taitaia ra, i tupu ei teia au mea katoa nei. Akaruke iora te au pipi ravarai iaia i reira ra, oro atura.

E te aronga i opu ia Iesu ra, arataki 57 atura ratou iaia ki te taunga maata ra kia Kaiapha, kua putuputu te au tata tuatua e te aronga pakari i reira. Kua 58 aru aturā Petero iaia i muri roa, e i te koro o te taunga maata ra, tomo atura ki roto, noo iora e te aronga tavini katoa, kia kite aia i te openga. Te 59 kimi ra te kau taunga nunui ra, e te aronga pakari, e te Sūnederi katoa, i te kite pikikaa ia Iesu, kia akaapa atu iaia kia mate. Kare ra i kitea; e 60 manganui oki te kite pikikaa i aere mai, kare rai i kitea. E te openga iora, kua aere maira e toko rua puke kite pikikaa, Na ko maira, I tuatua 61 mai oki teianei tangata, E tika iaku i te vava'i i te nao o te Atua nei, e kia po toru, kua tu akaou ia iaku. Kua tu 62 akera te taunga maata ra ki runga, kua na ko maira kiaia, Kare koe e tuatua mai? eaa ta nga tangata nei i tapepe mai ia koe nei? Te muteki ua rā 63 Iesu. Kua tuatua maira taua taunga maata ra kiaia ra, na ko maira, Te akataputouia nei koe e au i te Atua ora ra e, e akakite mai koe kia matou nei, ko koe aina te Mesia, te Tamaiti a te Atua? Kua karanga 64 aturā Iesu kiaia, Koia ia tauu i tuatua mai na; e e akakite atu oki au kia kotou, Ka kite kotou a muri ake i te Tamaiti a te tangata i te noo anga i te rima katau o Tei mana ra, e te aere anga mai na roto i te tiao rangi. Kua 65 aae iora taua taunga maata ra i tona kakau, na ko atura, Kua akakino Atua aia; eaa uaatu rai to tatou kite? I na, kua kite ua kotou i tana akakino Atua. Eaa to kotou na manako? Kua na ko 66 maira ratou, E tau iaia te mate. Kua 67 tutua atura ratou i te uavare ki tona mata, moto atura oki iaia; e tetai aronga, kua papaki atura i te papa-

68 ringa, Na ko atura, E akakite mai na, e te Mesia e, i tei papaki ia koe na. 69 Te noo ua rā Petero ki vao, i roto i te koro, e kua aere maira tetai tavini vaine kiaia ra, na ko maira, I reira 70 katoa koe ia Iesu i Galilea ra. Kua uuna iora aia ki mua ia ratou ravarai, na ko atura, Kare rava au i kite i 71 tauu i tuatua mai na. E riro atura aia ki vao i te tomoanga ra, kua akara maira tetai tavini vaine iaia, kua na ko atura i te aronga e noo i reira, Ia Iesu o Nazareta katoa teianei tangata. 72 Kua uuna akaou iora aia ma te taputou, na ko atura, Kare takiri au i kite 73 i tenana tangata. E roa iti akera, kua aere maira te aronga i tu ua i vaitatao ra, e kua na ko maira kia Petero, No ratou tikai koe; 74 te kitea nei i toou reo. Kua tao ua iora aia ma te taputou, na ko akera, Kare takiri au i kite i teianei tangata. 75 Kakaoa iora te moa i reira ra. Kua maara iorā Petero i te tuatua a Iesu i tuatua mai kiaia ra e, Kare e kakaoa te moa, e e toru katoa ouu uuna anga iaku. Aere atura aia ki vao, maata ua atura te aue.

PENE XXVII.

Te matenga o Iuda: ko Iesu i uiia i mua i te aroaro o Pilato: tona ta-kinga-kino angaia, e te akusatauro angaia: tona matenga, e nga akaoro i lupu: te tanu munga, e te tiaki anga.

1 **E** POPONGI akera, kua kimi iora te kau taunga nunui ra, e te aronga pakari o te enua ra, i te tuatua ia Iesu e ta iaia; E oti akera aia i te riia e ratou, kua arataki atura ratou iaia, e kua tuku atura i te kavana ra ia Ponotio Pilato. 3 E kite akērā Iuda i pikikaa iaia ra e, kua akaapaia Iesu, kua tataraa iora, akaoki atura i nga moni e toru ngauru ra i te kau taunga nunui e te 4 aronga pakari ra, Na ko atura, Kua ara au, ko au i pikikaa atu i te tangata ara kore nei. Kua tuatua maira ratou, Eaa ua ta matou i tena? tei ia 5 koe uaorai ia. Kua titiri iora aia i te au moni ki raro i roto i te nao, aere atura ki vao, akanonoa iora iaia uaorai. 6 Kua rave iora te kau taunga nunui i taua au moni ra, na ko akera, E oko toto teia, kare e tika i te ture kia tuku 7 ki roto i putunga moni tapu nei. Kua kimi iora ratou i te tuatua, e kua oko atura i te kainga no te potera ra, ei 8 tanumanga tangata ke ke. I tapai'a'i

te reira kainga, E kainga toto, e tae roa akenei ki teianei rā. Tika atura tei 9
tuatuaia e Ieremia peroveta ra, tei na ko maira, “Kua rave iora ratou i nga moni e toru ngauru ra, ko te oko i akatania ei oko iaia ra, ta te tamariki a Iseraela i akatau; Ko tei taotia ei 10
oko i te kainga o te potera ra, ta Iehova oki i tuatua mai iaku ra.”

Kua tu aturā Iesu ki mua i te 11
aroaro o te kavana ra: e kua ui maira te kavana iaia, na ko maira, Ko te ariki ainei koe no te ngati Iuda? Kua karanga aturā Iesu kiaia, Koia tika 12
taau i tuatua mai na. Kia tapepeia maira aia e te kau taunga nunui ra, e te aronga pakari ra, kare aia i ki atu. Kua tuatua mairā Pilato kiaia, Kare 13
koe i akarongo i te au mea e mangai nui ta ratou i tapepe mai ia koe nei? Kare ua ra aia i ki atu i taua tuatua 14
ra; va ua atura te kavana. E pei 15
oki na te kavana e tuku i tetai tangata tapekaia kia tae ki taua oroa ra, ko te tangata ta te tangata tini e inangaro ra. Te vai ra oki tetai tangata rongonui, kua tapekaia i reira, ko Baraba te 16
ingoa. E putuputu maira ratou, kua 17
karanga aturā Pilato kia ratou, Koi taku e tuku atu ia kotou? ko Baraba aia? e ko Iesu aia, ko tei karangaia i te Mesia? Kua kite oki aia 18
e, no te vareae i tuku mai ei ratou iaia. E te noo ra aia ki rungao i te akavanga, kua tono maira tana vaine i te 19
karere, e tuatua mai kiaia e, Auraka koe e rave atu i tenana tangata ara kore: e tumatetenga maata toku i te 20
moemoea iaia i nakonei. Kua ako atura te kau taunga nunui, e te aronga pakari, i te tangata tini, kia pati ratou ia Baraba, kia taiā Iesu. Kua tuatua 21
maira te kavana kia ratou, na ko maira, Ko teea i aua nga tangata toko rua nei taku e tuku ia kotou na? Kua karanga atura ratou, Ko Baraba. Kua tuatua mairā Pilato kia ratou, 22
Akapeea atu au ia Iesu, ko tei karangaia i te Mesia nei? Kua karanga atura ratou ravarai kiaia, Kia akasatauroia ia. Kua na ko maira te kavana, Eaa oki tana ara i rave? Kua 23
maata ua atura to ratou kapiki, na ko atura, Kia akasatauroia aia. E kite 24
akerā Pilato, kare e tupu tana, i te mea kua maata ua maira to ratou māro, kua rave iora i te vai, kua orei iora i tona rima ki muao i taua aronga maata ra, na ko maira, Kare aku ara i te toto o teianei tangata tuatua-tika: ei ia kotou te reira. Kua karanga 25
atura te tangata ravarai, na ko atura,

Ei rungao ia matou tona toto, e ei 26
rungao i ta matou tamariki. Kua tuku maira aia ia Baraba kia ratou; pāpāia iorā Iesu, e oti akera, kua tuku maira kia akasatauroia.

27 Kua arataki atura te au vaeau o te kavana ra ia Iesu, ki roto i te ngai akavaanga, e kua akaputuputu maira i te 28
pupu vaeau katoa iaia. Kua tatara iora ratou i tona kakau, e kua akakau maira iaia ki te kakau kutekute.

29 Kua atu ora ratou i te pare rakau taratara, kua tuku maira ki rungao i tona mimiti, e tetai kakao i tona rima katau: tuturi ora ki muao iaia, e kua aviri ratou iaia, na ko maira, Kia ora 30
na, e te Ariki o te ngati Iuda e! Kua tutua maira i te uavare ki rungao iaia, rave maira i taua kakao ra, ta atura i 31
tona mimiti. E oti akera ta ratou aviri anga mai, kua tatara ora ratou i taua kakao ra, kua akakau iora iaia ki tona uarai kakau, arataki atura iaia e akasatauro.

32 E te aere atura ratou ki vao ra, aravei atura ratou i tetai tangata Kurene, ko Simona te ingoa, kua akaue atura ratou iaia kia apai i te satauro.

33 E tae atura ratou ki te ngai i karangaia ko Golagota, koia oki e vairanga katu tangata, Kua apai atura 34
ratou i te vinega i irokia ki te au iaia ra e inu; e kia timata ra aia, kare 35
akera i inu. E oti akera aia i te akasatauroia e ratou, kua tua kelero iora ratou i tona kakau, tupu atura i reira ta te peroveta i tuatua maira, “Kua tua iora ratou i toku kakau no ratou, e kua tua kelero oki ratou i toku pereue.”

36 Noo iora ratou ki raro, tiaki iora iaia.

37 Kua tuku atura ratou i te tapepeanga i tataia ra, ki rungao i tona mimiti, Ko Iesu TEIA, KO TE ARIKI 38
O TE NGATI IUDA. E ko e toko rua puke tangata keia tei akasatauro katonā, tei te rima katau tetai, tei te 39
rima kaui tetai. E te aronga i aere na reirao, kua akakino maira, ma te taki- 40
rikiri i to ratou mimiti, Na ko maira, Ko tei vava'i i te nao e, e kua po toru anake kua akatu akaou, ka akaora ia koe uorai: ko te Tamaiti a te Atua koe na, ka eke mai koe ki raro nei i 41
tenana satauro. Kua aviri katoa maira te kau taunga nunui, e te au tata tuatua, e te aronga pakari ra, na 42
ko maira, Kua akaora aia i etai ke ra; kare ra e tika kia akaora iaia uorai. Ko te Ariki aia no Iseraela, ka eke mai aia i teianei mei runga i te satauro, e 43
na matou e akarongo atu iaia. I irinaki ana aia i te Atua; e te kite

maira te Atua iaia, e akaora aia iaia i teianei: nana uarai oki i karanga e, E Tamaiti au na te Atua. Nga tangata keia oki i akasatauro katoaia ra, kua akapera katoa i te aviri anga mai iaia ra. Kako rava akera taua enua 44 ra i te poihi, mei te ora ono mairai, e tae ua atura ki te ora iva. E tae 46 akera ki te ora iva ra, kua kapiki aturā Iesu ma te reo maata, na ko atura, “Eli, Eli, lama sabakalani?” teia oki te arite anga, “E taku Atua, e taku Atua, eae koe i akaruke mai ei iaku?” E kia akarongo teia aronga i tu ua i 47 reira i taua tuatua ra, kua na ko akera, Te kapiki nei teia tangata ia Elia. Kua oro atura tetai i reira ra, 48 rave atura i te rimu, akaki atura ki te vinega, topiri iora ki tetai kakao, apai atura kia inu aia. Kua na ko 49 akera tetai pae, Eiaa, e akara tatou ia Elia i te aere anga mai e akaora iaia. Kua kapiki akaou aturā Iesu ma te 50 reo maata, e kua tuku atura i te vae-rua. E i na, kua ngae iora te paruru 51 o te iero ra, mei runga mai e raro rava; kua ngaruerue iora te enua, e ngaangaa atura oki te au mato: Maeu 52 akera te au vaarua turuma ra; e kua tu mai ki runga te kopapa o te aronga tapu i moe ra e manganui, E kua aere 53 maira ratou mei roto mai i te vae-rua, i muri ake i tona tuakaouanga, e aere atura ki roto i te oire tapu, e kua kitea e te tangata e manganui. E kite akera te rangatira anere, 54 e ratou katoa i tiaki ia Iesu ra, i te ngaruerue anga o te enua, e te au mea i raveia ra, rokoia iora ratou e te matakua maata, kua na ko iora ratou, Ko te Tamaiti tikai teia a te Atua. E 55 manganui oki te vaine i reira, tei te atea ke i te akara anga mai, ko tei aru mai ia Iesu mei Galilea maira, e ko tei matuapuru mai iaia ra: Tei ia 56 ratou a Maria i Magadala, e ko Maria te metua vaine o Iakobo raua ko Iose ra, e te metua vaine oki o nga tamariki a Zebedai ra.

E aia iora, kua aere maira tetai 57 tangata apinga no Arimatea, e pipi oki aia na Iesu, ko Iosepha te ingoa, Aere atura aia kia Pilato, kua pati 58 atura aia i te kopapa o Iesu. Kua akaue aturā Pilato kia tukuia mai te kopapa kiaia ra. Kua rave aturā Io- 59 sepha i te kopapa, opa iora i te kakau orongā manea ra, Kua tuku atura 60 ki roto i tona uarai menema ou, i paioa e ia i roto i te mato; uri atura i tetai toka maata ki te ngutupa o taua menema ra, aere atura. I reira 61

oki a Maria i Magadala, e tetai Maria oki, i te noo anga ki mua i taua menema ra.

- 62 E popongi akera, i miringao i te rā akateateamamao anga, kua akaputupu maira te kau taunga nunui ra, e te au Pharisea, kia Pilato ra, 63 Na ko maira, E te atu, te maara nei matou e, kua tuatua taua tangata pikikaa nei, i te ora anga ra e, E tu 64 akaou au ki runga i te po toru. E teianei e akaue ake koe, kia tapapaia te menema, e kia po toru ake, ko te tiki mai aea tana au pipi e keia iaia i te po, ka karanga atu ei ki te tangata tini e, Kua tu akaou mai aia mei te mate maira: kino maata atura te reira pikikaa openga 65 i tei muatangana ra. Kua karanga aturā Pilato kia ratou, E tiaki oki to kotou; ka aere, e akamou tikai i taua menema ra i ta kotou e ano- 66 ano ra. Aere atura ratou, akamou rava atura i taua menema ra, akairo atura i te toka, e tuku atura i te tiaki.

PENE XXVIII.

Te tuakaouanga o Iesu, e te kite angaia e te aronga vaine: te tutaki anga i te aronga tiaki ko te aaki aea ratou: te tono angaia o te au Apostolo ra.

- 1 **E** OTI akera te sabati, kia tae ki te akirata i te rā mua o te ebdoma ra, kua aere mairā Maria i Magadala, e tetai Maria oki, e atoro i 2 te menema ra. E i na, e ngaruerue anga maata to te enua: kua eke mai oki tetai angela a te Atu ra mei te rangi mai, e kua uri ke atura i te toka i te ngutupa ra, noo iora ki runga. 3 Mei te uira ra oki tona mata, e tona 4 kakau mei te kiona te teatea: Rutetete iora te aronga tiaki ra i te matakua iaia, riro atura mei te tangata 5 mate ra te tu. Kua tuatua maira te angela ki nga vaine ra, na ko maira, Auraka korua e matakua; kua kite oki au e, te kimi nei korua ia Iesu i 6 akasatauroia nei. Kare aia i ko nei; kua tu akaou akenei ia, tana oki i tuatua ra. Ka aere mai, ka akara 7 i te vairanga o te Atu ra. Ka aere viviki ana korua, ka akakite atu ki tana au pipi e, kua tu akaou akenei aia mei te mate maira; e i na, te aere atura aia na mua ia kotou ki Galilea; ei reira kotou e kite atu ei iaia; i na, kua akakite atu na au

ia korua. Akaruke maira raua i te 8
menema i reira ma te matakū e te
rekareka maata; oro atura e akakite 9
ki tana au pipi. E te aere atura raua
ra e akakite atu ki tana au pipi, i
na, kua aravei mairā Iesu ia raua,
na ko maira, Kia ora na. Kua aka-
vaitata atura raua, tapeka atura i
tona vaevae, akamori atura iaia. Kua 10
na ko mairā Iesu kia raua, Auraka
e matakū: ka aere, ka akakite atu
ki taku aronga taake, e aere ratou
ki Galilea; ei reira ratou e kite mai
ei iaku.

E kia riro atu raua ra, i na, kua 11
aere maira tetai aronga tiaki ra ki
roto i te oire, kua akakite maira ki te
kau taunga nunui ra i te au mea ka-
toatoa i tupu ra. Kua akaputupu iora 12
ratou, e te aronga pakari, kua akataka
iora te tuatua, e tuku atura i te moni
maata na te aronga vaeau ra, Na ko 13
atura, E karanga atu kotou e, Na
tana uorai au pipi i tiki mai e keia
iaia i te po, te moe ra oki matou. E 14

kia tae atu teianei tuatua i te taringa
o te kavana ra, na matou e akamara
15 atu iaia, kia ora kotou. Kua rave
iora ratou i taua moni ra, akono atura
i tei tuatuaia mai kia ratou ra; e te
tamouia nei te reira tuatua e te ngati
Iuda e teia noa'i.

16 Aere atura te au pipi tino ngauru
ma tai ra ki Galilea, i tetai maunga
17 ta Iesu i tuatua mai kia ratou ra. E
kite akera ratou iaia, kua akamori
atura; kareka tetai papaki; kua ekoko
18 ia. Kua akavaitata mairā Iesu, na
ko maira kia ratou, Ko te mana katon
o to te rangi e te ao katoa nei, kua
19 tukuia mai, tei iaku anake. E teia-
nei, ka aere kotou, e akariro i to te
pa enua katoa ei pipi; ka baptizo
atu ei ia ratou i te ingoa o te Metua,
e no te Tamaiti, e no te Vaerua Tapu;
20 Ma te apii atu ia ratou, kia akono
i te au mea katoa taku i akaue atu
kia kotou: e i na, tei vaitata ua ra au
ia kotou, e tae ua atu ki te openga o
teianei ao. Amene.

TE EVANGELIA A MAREKO.

PENE I.

*Ko Ioane baptizo: to Iesu baptizo
angaia, e tona timata angaia: nga
tanga ravakai toko a i te tuatua
angaia: tona apii anga i to Kape-
renauma, e te akaora anga i te tan-
gata demoni: te metua ongoai
vaine o Petero, e te lepera.*

KO te akamataanga o te evange- 1
lia o te Tamaiti a te Atua, ko
Iesu Mesia: Tei tataia ki roto i ta te 2
au peroveta ra, "I na, e tono au i taku
karere na mua ia koe, e nana e aka-
meitaki i toou ara;" "E reo no tetai 3
i te tutu aere anga i te medebara, Ka
akameitaki i te arataa o te Atua, e
akatika ua i tona aerenga." I perā 4
Ioane i te baptizo aere anga i te mede-
bara, e te tuatua aere anga i te baptizo
tataara, kia matara te ara. Kua 5
akaope maira to te enua ra to Iudea,
e to Ieruselema, iaia ra, e baptizo ka-

toatoaia iora e ia i te vai i Ioridana,
6 ma te aaki i ta ratou ara. E uruuru
kamela to Ioane kakau, i tatuaia tona
taukupu i te kiri puaka; e akeride e te
7 meli ngangaere tana kai: E tutu aere
atura aia, na ko atura, Te aere mai nei
tetai i muringao iaku, e maata tona
mana i toku, kare oki au e tau kia
tupou ki raro e tatara i te itiki ta-
8 maku nona ra. I baptizo ana oki
au ia kotou i te vai: kareka aia, e
baptizo aia ia kotou ki te Vaerua
Tapu.
9 I reira to Iesu aere anga mai mei
Nazareta mai i Galilea ra, e baptizoia
10 iora e Ioane i Ioridana. E tei te kake
anga mai aia mei raro i te vai; kite
akera aia i te rangi te vetenga angaia,
e te Vaerua i te eke anga mai ki
11 rungao iaia mei te kukupa ra. E kua
kitea maira oki tetai reo no te rangi
mai, i te na ko anga mai, Ko taku
Tamaiti akaperepere koe, kua mareka
12 rava au ia koe. Aratakiia atura aia

i reira ra e te Vaerua i te medebara. E i reira aia i taua medebara ra, i te 13 timata angaia mai e Satani, e a akera ngauru anga o te rā; e i rotopu aia i te au puaka taae; e kua matuapuru maira oki te au angela iaia.

E kia tapekaia rā Ioane, aere aturā 14 Iesu ki Galilea, i te tuatua aere anga i te evangelia o te basileia o te Atua ra, Na ko atura, Kua tae ki te tua- 15 tau, kua vaitata mai nei te basileia o te Atua; e tataraara kotou, e ka akarongo i te evangelia nei. E te aere 16 ra aia na te pae roto i Galilea ra, kite atura aia ia Simona e tona tacake ko Anederea i te tuku anga i te kupenga i taua roto ra; (e puke ravakai oki raua.) Kua karanga aturā Iesu 17 kia raua, Ka aru mai korua iaku, e akariro au ia korua ei ravakai tangata. Akaruke iora raua i ta raua puke 18 kupenga i reira, e kua aru maira iaia. E te aere atura aia i tetai ngai itio, 19 kite atura ia Iakoba e Zebedaiō ra, e tona tacake ko Ioane, tei runga raua i te boti, te ono ra i ta raua puke kupenga. Kua karanga atura aia ia raua i 20 reira; vaio atura raua i to raua metua ko Zebedaiō ki runga i te boti e nga tavini ouia ra, aru atura ia Iesu.

Aere atura ratou i Kaperenauma; e 21 tae akera ki te sabati, aere atura aia ki roto i te sunago, apii atura i te tangata. Va ua atura ratou i te tu 22 o tana tuatua; i apii oki aia ma te mana, kare mei ta te au tata tuatua ra. Tei roto oki i to ratou sunago te- 23 tai tangata, e vaerua viivii tona; kua kapiki ua maira, Na ko maira, Aue 24 e Iesu o Nazereta e! Eaa taua ia matou nei? i aere mai aina koe e tamate ia matou? Kua kite au ia koe, ko te Mea Tapu a te Atua ra. Kua kau- 25 vae aturā Iesu kiaia, na ko atura, Ka muteki, ka aere ki vao, vaio atu iaia. Kua rave nui iora taua vaerua viivii 26 ra iaia, kapiki ua maira te reo, e oti akera, kua aere maira ki vao. Umere 27 anake iora ratou, e kua cumiumi iora ratou ratou uaorai, na ko akera, Eaa ua teia? eaa oki teianei tuatua ou? te akaue nei aia i te au demoni viivii nei ma te mana, e te akarongo nei ratou iaia. E tutuki atura tona rongo, e 28 pini rava akera taua enua ra ko Galilea, kare i roaia.

E tae maira ratou ki vao i taua 29 sunago ra, aere aturā Iakoba raua ko Ioane, e ko ratou ravarai oki, ki roto i te are o Simona raua ko Anederea. Te akāvai ua ra te metua ongoai 30 vaine nei Simona ra, kua mate i te

vera; kua akakite maira ratou iaia kia 31 Iesu i reira ra. Aere atura aia, rave atura i tona rima, akatu akera iaia ki runga; peke atura te vera i reira, kua matuapuru maira aia ia ratou. 32 E aiai atura, kia topa te rā ra, kua apai maira ratou i te au tangata maki ravarai kiaia, e te aronga i 33 uruia e te au demoni ra. Kua uipa katoa maira to te oire ravarai i te 34 ngutupa. Kua akaora iora aia i te tangata e manganui i tei mate i te au maki katoa, e kua tuaru i te au demoni e manganui ki vao; e kare e tika iaia kia tuatua mai taua au demoni ra; kua kite oki ratou iaia. 35 E popongi akera, tu akera aia ki runga i te akirata, aere atura aia ki tetai ngai motutaa, e kua pure iora 36 aia i reira. Kua aru aturā Simona 37 ma i murio iaia. E kite atura ratou iaia, na ko atura, Te kimi nei te 38 tangata tini ravarai ia koe. Kua tuatua maira aia kia ratou, Ka taki aere tatou i te au oire i vaitata nei, kia apii katoa atu au i to reira; ko toku ia tere i aere mai ei au nei. 39 Kua aka atura aia i roto i to ratou au sunago ravarai i Galilea ra, e kua tuaru oki i te au demoni ki vao.

40 Kua aere maira tetai lepera ra iaia, kua tuturi maira ki muao iaia, kua tuatua meitaki maira kiaia, na ko maira, Kia tika ia koe, e mā au ia 41 koe. Aroa akerā Iesu iaia, akatika atura i te rima, e akatukia atura iaia, na ko atura, Kua tika ia iaku; 42 kia mā koe. E tei te pera anga atu aia ra, peke atura te lepera nona i 43 reira ra, mā atura aia. Kua ako ua atura aia iaia, tuku atura iaia kia 44 aere: Na ko atura kiaia, Aua koe e tuatua ua ake ki tetai tangata; e aere ra, e akakite ki te taunga ia koe orai, e taoi atu no to tamā anga ta Mose i tuatua maira, ei akakite anga 45 atu kia ratou. Aere atura aia ra, e akakite aere i taua tuatua ra, e varia iora, kare atura e tika kia aere akakite ua aia i taua oire ra, noo ua iora i te au ngai motutaa ra; e kua aere maira oki ratou kiaia no te au ngai ravarai.

PENE II.

Te tangata akangoru: ko Levi: to Iesu kaikai unga ma te au telona ra: kare te au pipi a Iesu e neseteia: te sitona i te uuti angaia e ratou i te sabati.

E OPE akera te reira puke rā, oki 1
 akaou atura aia i Kapereanauma; e 2
 kitea iora e, tei roto aia i te are; Kua
 nipa maira te tangata i reira e man-
 ganui, kare oki e o mai, kare rai
 oki i waitatao i te ngutupa: apii atura
 aia ia ratou i te tuatua a te Atua.
 E te apaiia maira tetai akangoru 3
 e nga tangata toko a; Kare akera ra-
 tou i o mai i te rai o te tangata, kua
 naki akera i te tapoki i te ngai tei
 reira aia ra, e tuku mairai te akangoru
 ma te roi katoa ki raro, na roto i te
 ngai i uakiia ra. E kite aturā Iesu 4
 i to ratou akarongo, kua na ko atura
 ki taua akangoru ra, E tama, kua
 akakoreia taua ara. Tetai aronga tata
 tuatua ra i te noo anga i reira, kua na ko
 akera, i te eumiumi anga ki roto i to
 ratou ngakau, Eaa teianei tangata i
 akapera i te akakino Atua? E matara
 oki te ara iaai mari rai i te Atua anake
 ra? Te kite ua rā Iesu i roto iaia 5
 uaorai e, te eumiumi ua ra ratou,
 kua na ko atura aia kia ratou, Eaa
 kotou i eumiumi ua'i i taua au mea
 nei i roto i to kotou ngakau? Teea
 te mea rave ngoie, ko te tuatua ainei
 ki te akangoru nei e, Kua matara
 taua ara; e ko te tuatua aina, Ka tu
 ki runga, ka rave i to roi, ka aere? 6
 Kia kite ra kotou e, e mana to te Ta-
 maiti a te tangata i te ao nei kia
 akakore i te ara: (kua na ko atura
 aia ki taua tangata akangoru ra,) Te 7
 karanga atu nei au kia koe, Ka tu,
 ka rave i to roi, ka aere ki toou ngu-
 tuare. Tu akera aia ki runga i reira 8
 ra, kua rave iora i toa roi, aere atura
 ki mua ia ratou ravarai; umere
 anake iora ratou ma te akakakā i
 te Atua, na ko akera, Teia ua nei
 rai i kitea'i e matou teianei ravenga.

Aere akaou atura aia ki te pae o 13
 taua roto ra; kua aere maira oki te
 tangata tini i reira ra kiaia, kua apii
 atura aia ia ratou. E te aere atura 14
 aia ra, kite atura aia ia Levi a Ale-
 phaia ra, te noo ra i te are telona;
 kua na ko atura aia kiaia, Ka aru
 mai iaku. Tu akera aia ki runga,
 aru maira iaia. E te noo ra aia i 15
 te kaingakai i roto i toa are, kua
 noo katoa maira te au telona e te aro-
 nga rave ara e manganui, ma Iesu
 katoa e tana au pipi ra; e manganui
 oki o taua aronga ra i aru iaia. E 16
 kite akera te au tata tuatua e te au
 Pharisea iaia, i te kai anga i te kai,
 koia ma te au telona e te aronga
 rave ara, kua na ko maira ratou ki
 tana au pipi, Eaa aia i kai katoa'i,

e i inu ei oki, e te au telona e te
 17 aronga rave ara nei? E kite akera
 Iesu, kua karanga atura kia ratou,
 Kare no te aronga ora te taunga,
 no te aronga maki ra; kare au i
 aere mai e tiki i te aronga tuatua-tika
 ra, i te aronga ara ra, kia tata-
 raara.
 Kua aere maira kiaia te au pipi a
 Ioane e ta te au Pharisea, ko tei matau
 i te neseteia. na ko maira, Te neseteia
 nei te au pipi a Ioane e ta te au
 Pharisea nei, eaa tauu nei au pipi i
 19 kore ei i neseteia? Kua na ko aturā
 Iesu kia ratou, Te neseteia nei aina te
 au oa o te tane ou ra, i te noo katoa
 anga o taua tane ou ra ki o ratou? Te
 noo ra te tane ou ra i rotopu ia ratou,
 20 kare ratou e neseteia i reira. Te vai
 atura ra te tuatua e apai keia'i te tane
 21 ou ra; ei reira ratou e neseteia'i. Kare
 e tangata e pananaki i te kakau ou ra
 ki runga i te kakau piro; kia pera, e
 maata atu ia te ngaue te mea piro i
 22 taua pananaki ou ra. Kare oki e tan-
 ngata e tuku i te wina ou ki roto i te
 āriki taito; kia pera, e ngaue te āriki i
 taua wina ou ra, maringi atura ia, e
 kino rava atura te āriki; ei āriki ou
 ra to te wina ou e tika'i.

E te aere atura aia i tetai sabati na
 roto i te koro sitona ra, uuti aere iora
 24 tana au pipi i te ua sitona. Kua tua-
 tua maira te au Pharisea kiaia, I na, eaa
 ratou i rave ei i te mea tau kore i te
 25 ture i te sabati? Kua karanga atura
 aia kia ratou, Kare aina kotou i tatau
 i ta Davida i rave, e tei kapiti katoa
 iaia, ka apiapi ei ratou, ka pongi ei
 26 oki? E i tomo aia ki roto i te are o te
 Atua ra i te tuatua i te taunga maata
 ra ia Abiatarā, e kua kai iora i te areto
 o te aroaro ra, e kua apai oki na tei
 kapiti katoa iaia ra, ko tei kore e tau i
 te ture kia kai, mari na na te kau tau-
 nga anake ra? Kua na ko atura oki
 aia kia ratou, I akonoia te sabati no te
 tangata, kare te tangata i akonoia no te
 28 sabati: E teianei, ko te Tamaiti a te
 tangata nei, ko te Atua katoa ia o te
 sabati.

PENE III.

*Te tangata rima marō: te tangata e
 manganui i te aere anga mai kia
 Iesu: te au aposetolo tino ngauru ma-
 rua: te ara i te Vaerua Tapu: te
 metua vaine o Iesu e tona ai taeake.*

K UA tomo akaou atura aia ki roto
 i te sunago; tei reira oki tetai
 2 tangata kua marō te rima. Te akara

matariki maira ratou iaia i te akaora
 anga i taua tangata ra i te sabati,
 kia rauka ta ratou tapepe anga mai
 iaia. Kua karanga atura aia ki te
 tangata rima marō ra, Ka tu ki runga
 i rotapu nei. Kua karanga atura oki
 aia kia ratou, Eaa tei tau i te ture
 kia rave i te rā sabati, ko te meitaki
 aina, e ko te kino? ko te akaora aina,
 e ko te ta? Muteki akera ratou. Kua
 akarau aere atura tona mata kia ratou
ravarai e pini ua ake ma te riri, te
 kinokino ra i te mārokiakiaanga o to
 ratou ngakau, kua karanga atura ki
 taua tangata ra, Ka akatika mai ana
 i to rima; E tei te akatika anga ra,
 ora takiri akera tona rima mei tetai
 katoa ra. Kua aere atura te au Pha-
 risea ki vao, ko ratou ma te au Hero-
 diani, kua kimi iora i reira i ta ratou
 ravenga e ta iaia.

Kua unui aturā Iesu ma tana au
 pipi, aere atura ki te pae roto ra: kua
 aru maira iaia te motuanga tangata
 maata no Galilea, e no Iudea, E no
 Ierusalemā, e no Idumea, e te pae Iori-
 dana ra; to te pae i Turia ra oki e
 to Sidona, kua kite oki i te rongō o
 te au ravenga mana nana ra, e kua
 aere maira iaia, e urupu maata. Kua
 karanga atura aia ki tana au pipi i
 tetai pai mea ngiti nona, kia kore aia
 e akateeteia mai e te tangata. E 10
 manganui oki tana i akaora, i akae-
 teete mai ei te aronga māki manaata
 iaia, kia akatukia mai ratou iaia. E 11
 te au vaerua viivii katoa, kia akara
 mai kiaia ra, kua akatopa maira ki
 muao iaia ma te kapiki, i te na ko anga
 mai, Ko te Tamaiti koe a te Atua.
 Kua ako ua atura aia ia ratou, auraka
 rava ratou e aaki iaia.

E muri akera, aere atura aia ki 13
 runga i tetai maunga, kua karanga
 atura oki ki tana i anoano ra, kua aere
 maira ratou kiaia ra. Kua akataka 14
 atura aia i e tino ngauru ma rua, kia
 aru ratou kiaia, kia unga atu oki aia ia
 ratou e ako aere; Kua akamana atura 15
 oki ia ratou kia akaora i te au maki,
 kia tuaru oki i te au demoni. *Teia* 16
oki taua aronga ra, ko Simona tana
 i tapa kia Petero; Ko Iakobo a Zebe-
 daio ra, e ko Ioane te taeake o Iakobo
 ra; ko raua tana i tapa kia Boanere,
 koia oki, te tamariki a te mangu-
 ngu: Ko Anederea oki, e ko Philipa, 18
 e ko Baratolomea, e ko Mataio, e ko
 Toma, e ko Iakobo a Alephaia ra, e
 ko Tadaio, e ko Simona te Kanana ra,
 ko Iuda Isekariota oki, tei pikikaa iaia 19
 ra. Aere atura ratou ki roto i tetai are.

20 E kua putuputu akaou maira te
 tangata e manganui ua tu, kare akera
 e meitaki ia ratou kia kai i te manga.
 21 E kite akera tona orai, aere atura
 ratou ki vao e tāpu iaia, kua na ko
 22 atura, Kua auonoia aia nei. Ko te
 au taia tuatua ra i aere mai mei Ieru-
 salema maira, kua na ko maira ia,
 Tei iaia Belezzebuba, e i te mana o
 taua demoni maata ra i tuaru ei aia
 23 i te au demoni ra. Kua kapiki atura
 aia kia ratou, e kua tuatua parabole
 atura kia ratou, Eaa e tika' i kia tuaru
 24 a Satani ia Satani uaoari? E kia ma-
 vete tetai basileia e rave iaia uaoari,
 25 kare te reira basileia e mou. Te kopu-
 tangata oki kia mavete e rave iaia
 26 orai, kare te reira kopu-tangata e
 26 mou. E kia tu mai a Satani e rave
 iaia uaoari, mavete iora, kare aia e
 27 mou, kua vaitata tona openga. Kare
 oki e tangata e tomo ua ki roto i te
 are o te tangata maroiroi ra, ka aō
 ei i tona apinga, e timata na ra i te
 tapeka i taua tangata maroiroi ra;
 ei reira e tika' i kia āru aia i tona
 28 kainga. E tuatua-mou taku e karanga
 atu kia kotou ra, Ka tika te au ara
 ravarai a te tamariki a te tangata
 nei kia akakore, e te akakino Atua
 29 katoatoa ta ratou e akakino ra: Ka-
 reka ko tei akakino i te Vaerua Tapu,
 kare rava tana e akakoreia, e tau
 30 iaia te mate mutu kore. Ko ratou i
 tuatua e, Tei iaia te vaerua viivii.
 31 Kua aere maira oki i reira, tona
 au taeake, e tona metua vaine, tu maira
 ki vao, e kua tono maira i te tangata
 32 e tiki iaia. Kua karanga atura taua
 urupu maata i noo takako iaia ra kiaia,
 I na, tei vao to metua vaine e to ai
 33 taeake, i tiki mai nei ia koe. Kua
 tuatua maira aia kia ratou, na ko
 maira, Koai toku metua vaine e toku
 34 ai taeake? Kua akarau atura tona
 mata i te aronga i noo takako iaia, na
 ko akera, I na, toku metua vaine e
 35 toku ai taeake! Ko te akono katoa i te
 anoano o te Atua ra, ko toku ia
 taeake, e toku ia tuaine, e toku oki
 metua vaine.

PENE IV.

*Te parabole o te ua i rurua ki te ngai
 tu ke ke: te lumepa, e te aite: te
 rurua anga i te ua, te tupu nguro
 anga, e te kokoti anga: te ua si-
 napi: te uria i te kauvae angaia
 e Iesu.*

1 E KUA apii akaou atura aia i
 te pae roto ra: e urupu tangata

maata oki tei uipa mai kiaia ra,
aere atura aia ki runga i tetai pai,
noo iora i tai, te tu ua maira oki te
tangata tini i uta i te pae roto ra. E 2
tuatua maata tana i apii parabole mai
kia ratou, i na ko maira i te apii anga
mai, Ka akarongo mai ana; I na, 3
aere atura te-ruru ua e ruru i te ua.
E tei te ruru anga ra, topa iora tetai 4
pae i te pae arataa, e kua aere maira
te manu o te reva, kua kai iora. Topa 5
iora tetai pae i te ngai paikaa, kare
i rai te one i reira, tutupu vave ua
atura, no te mea kua papaku ua te
one: E rūia iora, vera atura; e no te 6
kore e aka, mae rava atura ia. Topa 7
iora tetai pae ki roto i te ngangaere,
tupu akera te ngangaere, e pokia iora,
kare akera i ua mai. Topa iora tetai 8
pae ki te ngai one meitaki, tupu
akera, uua ora, taki toru ngauru,
taki ono ngauru, taki tai anere, i
te ua okotai. Kua na ko maira oki 9
aia kia ratou, E taringa tona ei
akarongo anga ra, e akarongo aia.
E kia riro mai aia ra, kua ui maira 10
te aronga i vaitatao ma te tino ngauru
ma rua ra kiaia, i taua parabole ra.
Kua karanga atura aia kia ratou, 11
Kua orongaia mai te kite ia kotou i
te tuatua ngaro o te basileia o te Atua
ra, kareka to ratou i vao ra, i tuatua
paraboleia mai taua au mea katoa
nei kia ratou; Kia kore ratou e utoa 12
i ta ratou e akara ra, kia kore oki
e kite i ta ratou e akarongo ra, ko
te akaariuia mai aea ratou, e ko te aka-
koreia ta ratou ara. Kua na ko maira 13
oki aia kia ratou, Kare rai kotou i
kite i taua parabole nei? eaa kotou
e kite ei i te au parabole katoa nei?
Te ruru ua ra, koia te ruru i te 14
tuatua. Te pae arataa ra i topaia 15
e tetai pae ua ra; koia te aronga i te
akarongo anga i te tuatua, kua aere
mairā Satani, e kua rave atura i te
tuatua i rurua i roto i to ratou nga-
kau ra. Te ngai paikaa ra i topa 16
katoaia e tetai pae ua; koia te aronga
i āriki i te tuatua ma te rekareka i
te akarongo anga ra; Kare ra i akaia 17
i roto ia ratou, tāpu anga potu ua
ta ratou: kia rokoia e te tumatenga,
e kia takinga-kinoia, i taua tuatua
ra, maitu atura ia ratou i reira. Te 18
ngai ngangaere i topa katoaia e tetai
pae ua; koia te aronga e akarongo
i te tuatua; E ii atura i te akono 19
anga i te peu o teianei ao, i te piki-
kaa o te apinga, e te anoano maata
i tetai au mea ke ra, pokia atura te
tuatua, kare atura i ua mai. Te ngai 20

one meitaki ra i topaia e tetai pae
ua ra; koia te aronga i akarongo
i te tuatua, tāpu piri iora, e ua
akera, taki toru ngauru, taki ono
ngauru, taki tai anere, i te ua oko-
tai. Kua na ko maira aia kia ratou, 21
E apaiia mai aina te lamepa kia tapo-
kia ki raro ake i te aite ra, e ki raro
oki i te roi ra? Auraka kia tukuia
22 ki runga i te vairanga? Kare rava
e mea ngaro, e kore e akakiteia, kare
oki e mea uunua, e kore e akakite
23 katoatoaia. E taringa tona ei aka-
24 ronga anga ra, e akarongo aia. E kua
na ko maira aia, Kia matakite i ta
kotou e akarongo nei: ko te aite ta
kotou e aite atu, ko ta kotou rai
ia kia akaaitaia mai; e tamaataia mai
ta kotou ta te aronga i akarongo.
25 Ko tei puapingaia ra, ka orongaia
mai tana; kare ana ra, e apai keia
26 tana. Kua na ko maira oki aia, E tau
te basileia o te Atua i te ua i rurua
e tetai tangata ki roto i te kainga;
27 E te moe ua ra aia i te po, e te ara
ua ra i te ao, te kao ra e te tupu ua
ra taua ua ra, kare aia i kite i te
28 tupu anga. Na te one uaoari oki
i akatupu ake; ko te kao anga
tei mua, ei reira te kaui anga, e muri
ake ko te sitona pakari i roto i te
29 kaui. E kia pakari te sitona ra,
kua rave aia i te kokoti i reira ra,
no te mea, kua tae ki te kokoti anga
30 ra. Kua na ko maira oki aia, Mei
te aa nei ra te basileia o te Atua
kia arite tatou? E ena te akatau
31 anga kia akatau tatou? E tau
i tetai ua sinapi, kia tanumia oki
ki raro i te one, e mea ngiti te rei-
ra i te ua tini ravara i roto i te
32 one ra. Kia tanumia ra, tupu akera,
e maata atura ia i te au rakau riki-
riki ravara, toro atura tona au ma-
ngamanga nunui, e to mai oki te manu
o te reva ki reira ki roto i tona
33 maru. I pera oki aia i te apii anga
mai ia ratou i te tuatua parabole e ma-
nganui, i tei tau ia ratou kia akarongo.
34 Kare rava e tuatua parabole kore
kia tuatua aia kia ratou: e kia
riro ke ra, kua akakite aia ki tana
au pipi i te akatauanga o taua au mea
katoa ra.
35 E aia atura i taua rū ra, kua tua-
tua maira aia kia ratou, E ano tatou
36 ki tera pae. E kia tuku atu ratou
i taua aerenga tangata ra, tei runga
oki aia i te pai, ano atura ratou, e
37 tetai aronga pai rikiriki ra oki. E
kua tupu maira tetai uriia maata, ki
38 maira te pai i te kare. Te moe ra

aia i te kotoe i muri ki runga i tetai urunga; kua akaara atura ratou iaia, na ko atura, E te Orometua! kare aia koe e akono mai i to matou mate? Tu akera aia ki runga, kau- 39 vae atura i te matangi, e na ko atura kite kare, Kua oti ana, kia aki. Torue atura te matangi, marino rava atura. Kua tuatua maira aia kia ratou, 40 Eaa kotou i matakū ei? eaa oki kotou i kore ei i akarongo? Matakū rava 41 atura ratou, kua na ko akera ratou ratou uorai, Eaa ua te tu o teianei tangata, i akarongo ei te matangi e te kare iaia!

PENE V.

Te aronga demoni i te aere anga ki roto i te anana puaka: e te tamaine a Iairo, e te vaine i mate i te atekeria, i te akaara angaia.

E TAPAE atura ratou ki tetai pae 1 i taua roto ra, i te enua i to Gadara. E kia akaruke aia i te pai 2 ra, kua aravei maira iaia i reira ra, tetai tangata i uruia e te vaerua viivii, no roto mai i te au menema ra; E noo tamou aia ki roto i taua 3 au menema ra; e kare rava e tangata e tika kia tapeka iaia, kare rai oki i te pirianganaoa: I tapeka putu- 4 putuia na oki aia i te auri e te pirianganaoa, kua motu te pirianganaoa, e kua atiati te auri iaia: e kare ua e tangata e ravata'i. E noo tamou 5 aia i te maunga i te po e te ao, e i roto i te au menema ra, kapiki aere ua'i ma te kotikoti iaia uorai ki te toka. E kia akara mai aia ia Iesu i te atea 6 ke ra, kua oro maira, e akatopa maira, kapiki nui maira, na ko maira, Eaa tauu iaku nei, e Iesu, e te 7 Tamaiti a te Atua teitei? Te pati atu nei au ia koe i te ingoa o te Atua, auraka koe e akamamae iaku. I 8 tuatua na oki aia kiaia, Ka aere koe ki vao, e tenana vaerua viivii, i tenana tangata. Kua ui atura aia kiaia, Koai toou ingoa? Kua tuatua maira 9 aia, na ko maira, Ko Legioni toku ingoa, e manganui oki matou. Kua 10 maata ua maira tona kaku iaia, auraka aia e tuaru ke atu ia ratou i te reira enua. E anana puaka maata 11 tei reira, i te kai anga i te kai, i runga i te maunga. Kua kaku maira 12 te au demoni ravarai iaia, na ko maira, E tuku koe ia matou kia tomo ki roto i tera ra anana puaka. Kua tuku 13 aturū Iesu ia ratou i reira. Aere

atura te au vaerua viivii ra ki vao, tomo atura ki roto i te au puaka: oro ua atura taua anana, e rua katoa tausani, na te mato, e raro rava i taua roto ra; mate takiri atura i roto 14 i te tai. Ati atura te aronga i angai i te au puaka ra, akakite aere atura i roto i te oire e te au kainga ra. Kua aere maira oki to reira ki vao e akara i 15 taua mea ra. E tae maira ratou kia Iesu ra, kite maira iaia i tei uruia e te demoni ra, tei iaia oki te legioni ra, i te noo marie anga, kua kakau oki i te kakau, e ma tona ngakau 16 tikai; matakū akera ratou. E kia akakite atu te aronga i kite ia ratou i tei raveia i taua tangata demoni ra, 17 e i te anana puaka ra oki, Kua akateni atura oki ratou iaia i reira ra, kia aere ke atu aia i to ratou ra ngai. 18 E tei te aerenga mai aia ki runga i te pai, kua pati ua maira te tangata i uruia e te demoni ra e, ei vaitata 19 katoa aia iaia. Kare rā Iesu i akatika atu, kua na ko atura kiaia, Ka aere i to ngutuare i toou au taake, e akakite atu kia ratou i taua mea maata ta te Atua i rave 20 io nei i te aroa ia koe. Aere atura aia, akakite aere atura i Dekapoli katoa ra, i te maata o ta Iesu ravenga kiaia; umere anake iora te tangata ravarai. 21 E kia oki aturū Iesu i tetai pae na runga i te pai, e tangata maata tei uipa mai kiaia ra, i te pae rai o 22 taua roto ra. E i na, te aere maira tetai kavana o te sunago, ko Iairo te ingoa, e kite maira aia iaia, kua akatopa iora ki te vaevae o Iesu ra, Kua tuatua meitaki maira kiaia, na ko maira, Kua vaitata taku tamaine iti i te mate, ka aere maira koe, e tuku i to rima ki runga iaia, kia meitaki 24 aia, e ka ora iaia. Aere atura aia raua katoa; e te tangata oki e manganui, te 25 ototitoti maira i muringao iaia. E tetai vaine, raungauru ma rua akera ona mataiti, i te mate ua anga i te 26 atekeria. I rapakauia na oki aia e te aronga rapakau ra e manganui, kua pou rava tona apinga, kare rava 27 i ora, te maata ua ra tona maki. E kite akera aia ia Iesu, kua na muri maira i te aere, na roto i taua aerenga tangata ra, kua akatukia atura i 28 tona kakau. Na ko akera, Kia akatukia ua atu au i tona kakau, ka ora 29 ia au. Mao iora taua atekeria ra i reira, e kite iora aia iaia orai, kua 30 ora aia i taua maki nona ra. Kite akerā Iesu e mana tei riro atu no

roto iaia i reira, kua ariu akera i te
 aerenga tangata ra, na ko akera, Koni
 tei akatukia mai i toku kakau nei?
 E kua na ko maira tana au pipi kiaia, 31
 Te kite mai nei koe i te tangata tini
 nei i te ototi anga atu ia koe, e ka ui
 mai oki koe e, Naai i akatukia mai
 kiaku? Kua akarau aturā Iesu, 32
 kia kite aia iaia i tei pera maira.
 Kua aere maira taua vaine ra ma 33
 te matakū e te rutetete, kua kite
 iora i te tu ke i akatupua i roto iaia,
 kua tipapa iora ki raro ki mua iaia,
 kua aaki ua maira i te tuatua-mou.
 E kua karanga atura aia kiaia, E *taku* 34
 tamaine, kua ora koe i toou akarongo,
 ka aere koe ma te au, e ma te ora
 i to maki. Kare i mutu taua tua- 35
 tua ra, ko te karere maira no ko
 i te kavana o te sunago ra, na ko
 maira, Kua mate rava to tamaine;
 eaa koe e tamanamanata atu ei i te
 Orometua? E kite akerā Iesu i 36
 taua tuatua ra, kua na ko atura
 i taua kavana ra, Auraka e matakū,
 ka akarongo ua mai koe. E kare 37
 atura i tika iaia kia aru mai te
 tangata, mari ra ko Petero, ko
 Iakobo, e te tacake o Iakobo ra
 ko Ioane. E tae atura aia ki te 38
 are o taua kavana ra, kite atura
 aia i te aue, e te tangi maata o te
 aronga i ea ra. E kia tomo atura 39
 aia ki roto ra, kua na ko atura kia
 ratou, Eaa kotou i ea'i, e i maata'i
 to kotou aue? Kare te tamaine nei
 i mate, kua moe ra. Kua taitoitō 40
 maira ratou iaia. Kua tuku atura aia
 ia ratou ravarai ki vao, arataki atura
 i te metua tane e te metua vaine o
 taua tamaine ra, e te aronga i aru mai
 iaia ra, tomo atura ki roto i te pia,
 tei reira taua tamaine ra i te vai ua
 anga. Kua rave atura i te rima o 41
 taua tamaine ra, na ko atura iaia, Ta-
 lita kumi: tera te akatau anga, E
 maine, ka tu ki runga, te akaue atu
 nei au ia koe. Kua tu maira tana 42
 tamaine ra ki runga i reira, aere iora,
 raungauru ma rua oki ona mataiti;
 va maata ua iora ratou. Kua ako 43
 ua atura aia kia ratou e, auraka rava
 e akakite atu ki te tangata: kua
 akaue atu oki i te manga na taua ta-
 maine ra.

PENE VI.

*To Iesu akavaavaa angaia i tona
 uaorai enua, te apii aere anga, e te
 tono anga i te au aposetolo: te ma-
 tenga o Ioane baptizo: nga tangata*

*e rima tausani i angaia: te aka-
 tere anga, te uriaa, e tona aere
 anga na runga i te kare: te au maki
 i akaoraia.*

- 1 **A**KARUKE iora aia i te reira
 enua; kua aru katoa atura tana
- 2 au pipi iaia. E tae akera ki te rā
 sabati, timata atura i te apii i roto
 i te sunago ra: kua na ko akera te
 aronga i akarongo iaia e manganui,
 ma te va ua, Noea te au ravenga
 a teianei tangata? e eaa teia pakari
 i orongaia mai ei iaia nei, i tika'i teia-
- 3 nei au semeio i raveia e ia nei? E
 kare ainei teia te kapeneta, te tamaiti
 a Maria, te taeeke no Iakobo, e no
 Iose, e no Iuda, e no Simona? e tona
 ai tuaine oki, kare aina te noo ki o
 tatou nei? Kua maitu iora ratou
- 4 iaia. Kua na ko aturā Iesu kia ratou,
 Kare te peroveta i akavaavaa, mari
 ra i tona orai enua, e i tona orai kopu-
- 5 tangata, e i tona orai ngutuare. Kare
 atura i tika iaia kia rave i te semeio
 i reira, mari ra ko e tokotai puke ta-
 ngata maki i akaoraia e ia, i te tuku
 anga i tona rima ki runga ia ratou
- 6 ra. Kua va ua atura aia i to ratou
 akarongo kore.
- Aere atura aia na roto i te au vila
- 7 i reirao i te apii aere anga. Kua ka-
 rangā atura aia ki te tino ngauru
 ma rua e aere mai kiaia ra, tatakū
 toko rua atura i te tono anga ia ra-
 tou, tuku atura i te mana ia ratou,
- 8 kia vi te au vaerua viivii ra. Kua
 karanga atura oki kia ratou, auraka
 ei apinga e apaiaa atu i *to ratou* tere;
 auraka ei pute, auraka ei areto, au-
 raka ei moni i te tatua ra, ko te rakau
- 9 tokotoko anake ra: Ei tamaka sane-
 dalo: e eiaa kia taki rua pereue
- 10 kia kakau. Kua karanga katoa atura
 aia kia ratou, Te ngai e tomo atu ei
 kotou ki roto i te are ra, ei reira e noo
- 11 ei, e ka aere atu ei kotou. E te
 kore e kite mai ia kotou ra, e kare
 oki e akarongo mai ia kotou, kia aere
 atu kotou ra, ka ruru atu i te one o to
 kotou vaevae, ei akairo anga atu
 ia ratou. Koia tika taku e karanga
 atu kia kotou, Kia tae ki te rā aka-
 vaanga ra, e ngari ake to Sodo-
 ma e to Gomora i te reira oire.
- 12 Aere atura ratou e ako aere atura
- 13 i te tangata kia tataraara; E tuaru
 atura oki i te demoni e manganui ki
 vao, e kua akaora atura i te maki
 e manganui, ma te tainu ia ratou i te
 manongi.

Kite akera te ariki ra ko Heroda 14
iaia; (kua varia oki tona ingoa;) kua
 na ko akera, Kua tu akaou a Ioane ba-
 petizo, mei te mate mai; i tika'i teia-
 nei au semeio tana i rave nei. Na ko 15
 akera tetai pae, Ko Elia ia. Na ko
 akera etai, E peroveta ia, mei tetai o te
 au peroveta ra. Kite akera rā He- 16
 roda, kua na ko akera aia, Ko Ioane
 teia taku i tipu i te mimiti ra; kua
 ora akaou mai nei mei te mate mai.
 Na Heroda i akaue atu kia opukiā 17
 Ioane, e tapekaia iora i roto i te
 are tapekānga ra, no Herodia oki, no
 te vaine a tona taake a Philipa, te
 akaipoipoia e ia. I tuatua anā Ioane 18
 kia Heroda, Kare ia e tau i te turo
 kia akaipoipo koe i te vaine a to ta-
 ake. Riri iorā Herodia iaia, i ina- 19
 ngaro oki i te ta takiri iaia; kare akera
 i tika. Te matakū rā Herodia ia 20
 Ioane, kua kite oki aia e, e tangata
 tuatua-tika aia e te tapu, kua akara
 oki aia iaia, e kua akono i te au mea
 tana i tuatua maira e manganui, kua
 akarongo oki iaia ma te rekareka. E 21
 tae akera ki te rā e rauka'i tana ra-
 vanga, i te rā i anau ei a Heroda, e
 kaingakai maata tana i akatupu, na
 te au mataiapo nunui ki ona ra, e te
 ui rangatira vacau ra, e te aronga taoiau
 katoa i Galilea ra. Kua aere maira te 22
 tamaine a Herodia ra ki roto, kua
 ura maira *ki muno ia ratou*, mareka
 rava akerā Heroda e te au manui
 katoa nana ra; kua karanga atura
 te ariki ki taua tamaine ra, Ka pati
 ua mai i taua mea i inangaro ra, e
 orongaia atu ia e au. E kua taputou 23
 atura aia kiaia, Ko taua e inangaro
 iaku nei, ka orongaia atu e au, e tae
 ua atu ki te afa i toku nei basileia.
 Aere atura aia e ui atura ki tona 24
 metua vaine, Eaa taku e pati atu?
 Kua tuatua maira aia, Te mimiti o
 Ioane baptizo ra. Kua oki vave ua 25
 maira aia ki te ariki ra, kua pati maira,
 na ko maira, Teia toku anoano, ka
 o mai te mimiti o Ioane baptizo ki
 roto i tetai kumete i teianei. Maata 26
 rava atura te aue o te ariki, no te
 taputou ra nana ra, e te au manui
 oki nana, kare atura i akakore
 atu. Kua akaue atura aia i tetai 27
 vacau i reira, e tiki i tona mimiti
 e apai mai: aere atura aia, tipu
 atura i tona mimiti i roto i te are
 tapekānga ra; E kua apai maira 28
 oki i tona mimiti i roto i tetai kumete,
 tuku maira ki taua tamaine ra; apai
 atura taua tamaine ra ki te metua
 vaine. E kite akera tana au pipi, 29

kua tiki maira ratou i te kopapa,
 apai atura ki roto i tetai menema.
 30 E uipa maira te au aposetolo kia
 Iesu ra, kua akakite anake maira iaia
 i ta ratou i rave e ta ratou i apii ra.
 31 Kua karanga atura aia kia ratou, Ka
 taki aere tatou ko tatou anake orai i
 tetai ngai motutaa, e noonoo iti ua na;
 kare oki o ratou e manga taima kia
 kai i te kai, i te maata o te tangata,
 32 ana atura, ana maira. Aere poiri
 atura ratou na runga i te pai ki tetai
 33 ngai motutaa. Kua kite ra te ta-
 ngata ia ratou i te aere anga, e ma-
 nganui oki tei kite iaia, kua oro
 atura na uta mei roto atu i te au
 oire katoa ra, ko ratou ana oki tei
 tae, e kua akaputupu mai kiaia
 34 ra. E tei te tapae anga atu a Iesu,
 akara atura aia i te pouou tangata
 maata, tangi atura ia ratou, no te
 mea, mei te mamoe tiaki kore ratou,
 e kua apii atura aia ia ratou i te au
 35 tuatua e manganui. E parepare akera
 te rā, kua aere maira te au pipi kiaia
 ra, na ko maira, E ngai motutaa teia, e
 36 kua parepare oki te rā. Ka tuku atu
 ia ratou nei, kia aere ana ratou i te au
 ngai are ra, e te au vila vaitata nei, e
 oko i te kai na ratou; kare rava a ra-
 37 tou kai kia kai. Kua karanga atura
 aia kia ratou, na ko atura, Na kotou
 e apai atu i te kai na ratou. Kua na
 ko maira ratou kiaia, E apai aina ma-
 38 i te manga e angai atu ia ratou? Kua
 na ko atura aia kia ratou, Eia ake a
 kotou areto? ka aere ka atoro. E kite
 akera ratou, kua na ko maira, E rima,
 39 e nga ika oki e rua. Kua karanga
 atura aia kia ratou, E akatakoto pupu
 aere ia ratou ravarai ki runga i te
 40 mātā. Kua takoto atura ratou, taki
 taianere i tetai pupu, taki rima ngauru
 41 oki i tetai. Kua rave iora aia i nga
 areto e rima, e nga ika e rua, nānā
 akera ki runga i te rangi, akameitaki
 atura, vava'i iora i nga areto, apai atura
 na te au pipi e tuku atu ki mua i te
 aroaro o taua aronga maata ra, e nga
 ika oki e rua kua tua katoa atura aia
 42 na ratou ravarai. Kai anake iora
 43 ratou, e pangia rava akera. Kua aka-
 putupu iora ratou i te totoenga taki
 ra ma te ika, e ki akera nga tapora rau-
 44 ngauru ma rua. E te aronga i kai i
 taua kai ra, e rima paa tausani te
 tane.
 45 Kua akaue atura aia ki tana au pipi
 e aere ki runga i te pai i reira ra, e
 akatere na mua ki tetai pae i Bete-
 saida, ka tuku atu ei aia i te tangata

tini. E kia tukua ratou e ia, aere 46
atura aia ki runga i tetai maunga e
pure. E po akera, tei rotopu atura 47
te pai i taua roto ra, koia anake
ua tei uta. Akara atura aia ia ratou, 48
kua roiroi rava i te oe ua anga; te na
mua maira oki te matangi: e tae
akera ki te a o te araanga i te po ra, aere
atura aia kia ratou, na runga i te kare
i te aere anga, kua akaaere ke atura
na te pae io ia ratou ra. Kia akara 49
mai ratou iaia i te aere ua anga na
runga i te kare, manako akera e tu-
ruma, kua aue iora ratou. (Kua kite 50
oki ratou katoa iaia, ngarangara rava
akera.) Kua tuatua maira aia kia ratou
i reira, Ka akamaroiroi; ko au; auraka
e matakū. Kake maira aia ki runga 51
i te pai ia ratou ra, aki takiri akera te
matangi: va ua ora ratou, e manta ua
atura te umere. Kare oki ratou i 52
manako i te semeio i te areto ra, i te
mārokiakia o to ratou ngakau.

E tae atura ratou ki tetai pae, tapae 53
atura i te enua ra ki Genesereta, aere
atura ratou ki uta. E kia akaruke 54
ratou i te pai, kua kite maira ra-
tou iaia, Oro aere ua atura, e pini 55
rava akera taua enua ra, e kua apai
mai i te aronga maki, ma te roi katon,
i te au ngai katoa ta ratou i kite e, tei
reira aia. E te au oire ravarai, e te 56
au vila, e te ngai are, tana i tomo ra,
kua tuku maira ratou i te aronga maki
ra ki te au arataa, kua akanauru
maira iaia kia akatukia ua ake ratou i
tona tapa kakau; e ko tei akatukia
mai iaia ra, kua ora anake atura
ratou.

PENE VII.

Te orei anga rima, e te ravenga puapunga kore a te au Pharisea: te au mea e viivii ei te tangata: te vaine Phenia Suria: te tangata turi e te murare i akaoraia.

KUA uipa maira te au Pharisea i 1
reira, e tetai aronga tata tuatua,
mei Ierusalem mai, kiaia ra. E kia 2
akara ratou i e tokotai puke pipi ana
ra i te kai anga i te kai ma te rima
viivii, koia oki te rima orei koreia ra,
kua akakino maira. E akono rai oki 3
te au Pharisea, e te ngati Iudakatoa, i
te peu i tukua mai e te aronga taito
ra, kare e kai ua i te mangā, e na mua
ra i te orei marie i te rima. E kia oki 4
mai ratou mei te okoanga ra, kia kore
ratou e orei, kare ua e kaikai. E man-
ganui katoa oki te peu, ta ratou e
akono, i te orei anga i te au kapu, e te

au pani, e te au kapu veo ra, e te au
5 roi oki. Kua ui maira te au Pha-
risea, e te au tata tuatua, kiaia, Eaa
taau au pipi nei i kore ei i akono i tei
tukua mai e te aronga taito ra, te kai
nei i te kai ma te rima orei koreia ra?
6 Kua karanga atura aia kia ratou, na
ko atura, E te au pikikaa, te tau tikai
nei kotou i ta Esaia i tuatua ia kotou, i
tei tataia ra e, "Ko te vaa o teiane
aronga te akameitaki mai iaku; tei te
7 atea ke ra to ratou ngakau iaku. E
akamori anga puapinga kore ra ta ratou
iaku, ka apii ei i tei tukua mai e te ta-
8 ngata anake ra." Kua kopae oki kotou
i ta te Atua ra akauenga, e kua mou
piri atura i tei tukua mai e te tangata
nei, i te orei anga pani e te au kapu
nei; e e manganui oki te ravenga mei
te reira te tu, ta kotou e akono nei:
9 E kua na ko atura aia kia ratou, E
meitaki mari ta kotou akakore anga i
ta te Atua ra akauenga, kia akonoia
10 ta kotou tuatua tukua maira. I
tuatua mai oki a Mose, "E akangatei-
tei atu i to metua tane e to metua
vaine;" e, "Ko tei katara i te metua
tane e te metua vaine ra, e tamate takiri
11 roaia." Te tuatua nei ra kotou, Te
tangata e karanga atu ki tona metua
tane, e te metua vaine ra, Kia tapu,
koia oki kia akatapua, taku apinga
12 katoa e puapingaia i koe nei; Au-
raka e takinga-meitaki atu i tona me-
tua tane, e tona metua vaine, i ta
13 kotou; Te pera nei oki kotou i te
akakore anga i ta te Atua ra tuatua i
ta kotou tuatua tukua mai, ta kotou e
mou nei; e mei te reira ta kotou e rave
14 nei e manganui. Kua karanga atura
aia ki taua au tangata ravarai ra, na
ko atura kia ratou, Ka akarongo mai
ana iaku nei, ko kotou ravarai, kia
15 kite: Kare rava to vao nei e viivii ei
te tangata kia o ki roto: te au mea
ra no roto maira, ko te mea ia e
16 viivii ei te tangata. E te tangata e
taringa tona ei akarongo anga ra, e
17 akarongo aia. E kia aere maira aia ki
roto i te are, *kia vaio atu* i te tangata
tini ra, kua ui maira tana au pipi kiaia
18 i taua parabole ra. Kua karanga
atura aia kia ratou, Te vai kite kore
nei rai kotou? Kare kotou i kite, i te
au mea no vao nei, kia o ki roto i te
19 tangata, kare aia e viivii i te reira: No
te mea kare ia i o ki roto i tona ngā-
kau, ki roto ra i te kopu, i te ngai e
taka ke ei te kino o te kai, e akaru-
20 keia atura ki vao? Kua na ko atura
aia, To roto mai i te tangata, ko te mea
21 ia e viivii ei te tangata. No roto mai

oki no roto i te ngakau tangata, te manako kikino, te akaturi, te poreneia, te ta tangata, Te keia, te noinoi api- 22 nga, te vareae, te pikikaa, te kanga, te manava kino, te akakino Atua, te nengonengo, e te auouo: No roto 23 anake te reira au mea kikino, ko te mea ia e viivii ei te tangata.

Kua tu akera aia ki runga, aere 24 atura ki te kotinga i Turia e Sidona ra, tomo atura ki roto i tetai are, i inangaro aia auraka tetai tangata kia kite, kare ra aia e ngaro. Tetai vaine oki, 25 i uruia tana tamaine iti i tetai vaerua viivii, kite akera aia, kua aere maira, kua akatopa maira ki tona pae vaevae: (e Eleni oki taua vaine ra, no Phenia 26 Suria,) kua tuatua meitaki maira aia kiaia, kia tuaru aia i te demoni i roto i tana tamaine ra. Kua karanga aturā 27 Iesu kiaia. Kia pangia na te tamariki e tika'i: kare e tika kia apai atu i te kai a te tamariki, e akaruke atu ei na te kuri. Kua tuatua maira aia kiaia, 28 na ko maira, E tika rai, e te Atū; e kai ra te kuri i te ungaungā kai a te tamariki i raro ake i te kaingakai ra. Kua na ko atura aia kiaia, Ka aere i te 29 kainga; kua riro te demoni i roto i to tamaine ra ki vao, ko koe i pera mai na. Aere atura aia ki te ngutuare 30 i reira, rokoia atu tana tamaine ra, te takoto ua ra ki runga i te roi, kua riro te demoni ki vao.

Akaruke atura aia i te kotinga i 31 Turia e Sidona, aere atura i te pae roto i Galilea ra, na rotapu i te enua ra i Decapoli. Kua arataki maira 32 ratou i tetai tangata taringa turi e te murare iaia ra; kua tuatua meitaki maira kiaia, kia tuku atu i tona rima ki rungao. Kua arataki ke atura aia 33 iaia i taua urupu tangata ra, kua tuku iora i tona rima ki roto i ona taringa, tutua akera i te uavare, e kua akatukia atura i tona arero. Kua nānā 34 akera ki runga i te rangi, akaca ora, e kua na ko atura kiaia, Ephata, koia oki, Kia puata. Puata iora ona tari- 35 nga, matara akera oki tona arero, meitaki maira tana tuatua i reira ra. Kua ako atura aia ia ratou, Auraka 36 rava e akakite ki te tangata: kia maata ra aia i te ako anga ia ratou e, Eiaa, maata rava atura to ratou akakite aere anga: Na ko akera, ma te 37 umere maata, E mea tika rava te au mea katou tana e rave nei; te akapuata nei aia i te turi, e te tuatua nei te murare iaia.

PENE VIII.

Nga tangata e a tausani i angaia: te akairo i patia kare i o maia: te akaopue a te au Pharisea: te tangata matapo: te au manako tu ke ke ia Iesu: to Iesu au mate i akakite mamaoia mai, e te au tumatetenga o te aronga e aru iaia.

- 1 **E** reira au rā, e kare e kai kia kai, kua karanga aturā Iesu ki tana au
- 2 pipi, na ko atura kia ratou, Te tangi nei au i teianei aronga maata, i te mea ka po toru akenei ratou iaku nei, e
- 3 kare e manga kia kai: E kia tuku au ia ratou i to ratou ngutuare ma te pongi, e paruparu ratou i te ara: e
- 4 ngai mamao oki to tetai papaki. Kua na ko maira tana au pipi kiaia, Eia te kai e rauka'i i te medebara nei e
- 5 rava'i i teianei aronga maata? Kua ui atura aia kia ratou, Eia a kotou areto?
- 6 Kua na ko maira ratou, E itu. Kua akaue atura aia i te au tangata ra, e moe ki raro, kua rave ora aia i nga areto e itu ra, akameitaki tangata, vava'i ora, e tuku atura ki tana au pipi, kia tuku atu ki mua i te aroaro o te tangata tini ra; kua tua atura oki ratou.
- 7 E puke ika rikiriki oki ta ratou; kua akameitaki katoa atura, e kua akaue atura, kia tuku katoaia ki mua ia ratou
- 8 ra. Kai ora ratou, e pangia rava akera; akaputuia iora te ungaungā kai toe ra,
- 9 e itu tapora. E a paa tausani taua aronga i kai ra; tuku atura aia ia ratou kia aere.
- 10 Aere atura aia e tana au pipi katoa ki runga i tetai pai i reira ra, tapae
- 11 atura i te enua ra i Dalemanuta. Kua aere maira te au Pharisea e ui mai kiaia, e e pati mai i tetai akairo no runga i te rangi, ei timata anga mai na
- 12 ratou iaia. Kua karanga atura aia ma te aue i roto i tona orai ngakau, Eaa i pati mai ei teianei uki tangata i te akairo? e tikai taku e karanga atu kia kotou na, Kare te akairo e oro-
- 13 ngaia atu ki teianei uki. Akaruke atura aia ia ratou, oki akaou atura ki runga i te pai ra, ano maira ki tetai pae ra.
- 14 E kare *te au pipi* i rave mai i te kai, i ngaropoina, okotai ua a ratou areto i
- 15 taua pai ra. Kua ako aturā Iesu ia ratou, na ko atura, E akamaroiroi, e matakite oki i te akaopue a te au
- 16 Pharisea, e te akaopue a Heroda. Kua akaeatu iora ratou ratou uarai, na ko akera, No te mea kare a tatou kai.

Te kite aturā Iesu, kua na ko atura aia 17
kia ratou, Eaa kotou e akacatu ei, i te
mea kare a kotou kai? te vai ua na
to kotou manako kore e te akono kore?
e te vai poiui ua nei rai to kotou nga-
kau? E mata to kotou, kare e tika 18
kia akara? e taringa oki, e kare e tau
kia akarongo? e kare aima o kotou
manako? Iaku i vava'i i nga areto e 19
rima i nga tausani e rima ra, eia a
kotou tapora i akaki i te toenga kai
ra? Kua na ko maira ratou, Okotai
ngauru ma rua. E nga areto oki e itu 20
i nga tausani e a ra, eia a kotou tapora
i akaki i te toenga kai ra? Kua na ko
maira ratou, E itu. Kua karanga atura 21
aia kia ratou, Eaa kotou i kore ei
i kite?

E tae maira aia ki Betesaida, te ara- 22
takiia maira tetai tangata matapo kiaia
ra, e kua tuatua meitaki maira, kia
akakutia atu aia kiaia. Kua rave 23
atura aia i te rima o taua tangata
matapo ra, arataki atura ki vao mai i
taua vila ra: e kia tutua atura aia i te
uavare ki runga i tona mata, e kia
tuku i te rima ki rungao iaia, kua ui
atura iaia i tana i kite ra. Kua nānā 24
akera aia ki runga, na ko maira, Te
kite nei au i te tangata, mei te rakau
ra te tu, te aere ua ra. Kua tuku 25
akaou atura aia i te rima ki rungao i
tona mata, e kua karanga atura kia
nānā aia ki runga: kua puera rava
atura, te kite meitaki atura aia i te
tangata ravarai. Kua tuku atura aia 26
iaia i tona ngutuare, na ko atura,
Auraka e tomo ki roto i te vila nei,
auraka oki tetai tangata no taua vila
ra e akakiteia.

Aere ke aturā Iesu, ma tana au pipi, 27
i te au vila i Kaisarea Philipi ra: kua
ui atura aia kia ratou i te ara ra, na ko
atura, Koai au nei i ta te tangata tua-
tua anga? Kua na ko maira ratou, Ko 28
Ioane baptizo: ko Elia oki, ta tetai
papaki; tetai peroveta ra, ta tetai aro-
nga. Kua karanga atura aia kia ratou, 29
Koai ra au nei i ta kotou na tuatua
anga? Kua tuatua mairā Petero kiaia,
na ko maira, Ko te Mesia rai koe.
Kua ako atura aia kia ratou, auraka 30
rava ratou e akakite ki te tangata i taua
tuatua iaia ra. Kua timata atura aia i 31
te akakite ia ratou e, e manganui to te
Tamaiti a te tangata nei mate e tika'i, e
akaruakeia aia e te aroanga pakari, e te
kau taunga nunui, e te au tata tuatua
ra, e tamate ravaia oki, e e tu akaou kia
tue ki te po toru. E te akakite pu tika 32
ra aia i te reira tuatua, kua arataki ke
aturā Petero iaia, e kua ako atura iaia.

33 Kua ariu maira aia, e kua akara maira
i tana au pipi, kua akamara maira ia
Petero, na ko maira, Ka aere ke atu
koe, e tenana enemi, ki muri iaku: kare
koe i tau i ta te Atua ra, ko ta te ta-
34 ngata ra tauu i tau. Kua karanga
atura oki aia ki te tangata tini ra, ma
tana uorai au pipi, kua na ko atura,
Ko tei inangaro i te aru mai iaku
ra, e akaruake aia iaia uorai, e rave
i tana satauro, ka aru mai ei iaku.
35 Ko tei unuunu atu i tona uorai
ora, ka ngere aia i te ora: ko tei ko-
pae ra i tona ora iaku, e i te evange-
36 lia nei, e ora ia tona. E eaa ta te
tangata nei puapinga, kia rauka iaia to
teianei ao katcatoa, e riro atura tona
37 vaerua? E eaa ta te tangata nei kia
38 oronga ei oko i tona vaerua? E teianei,
ko te akama iaku, e taku nei tuatua, i
teianei uki akaturi, e te rave ara, koia
katoo, ta te Tamaiti a te tangata nei e
akama, kia tae mai aia ma te au angela
tapu, e te kakū o tona Metua.

PENE IX.

*To Iesu akatu ke angia: te tuatua ia
Elia: te tangata demoni i te akaou
angia: ta Iesu tuatua i tona ma-
tenga: to te au pipi akateitei, e te
tamaiti varevare: te kino o te au meu
e apa'i: te ai, e te tai.*

- 1 **K**UA karanga atura oki aia kia
ratou, E tikai taku e karanga
atu kia kotou nei, kare tetai papaki o
te aroanga e tu mai nei e rokoia e te
mate, e kite ei i te basileia o te Atua, i
te tae anga mai ma te mana.
- 2 E po ono akera, kua arataki aturā
Iesu ia Petero, e Iakobo e Ioane, ko
ratou anake orai, ki runga i tetai mau-
nga teitei. E kua akatu keia aia ki mua
3 ia ratou. Kakā rava akera tona kakau,
maata ua atura te teate, mei te kiona
ra; kare rava e tamatangi kakau i te
ao nei e tau i te akaite i te reira i te
4 teate. Kua muna maira oki a Elia
raua ko Mose kia ratou, e te tuatua ra
5 rava e ko Iesu katoo oki. Kua tua-
tua mairā Petero kia Iesu, E Rabi, e
mea meitaki kia noo tatou i ko nei: e e
akatu matou i e toru are puakapa;
noou tetai, no Mose tetai, no Elia oki
6 tetai. Kare aia i kite i tana tuatua,
7 e koiriria maata oki to ratou. E
tetai tiao maira i te tapoki anga mai ia
ratou, e tetai reo maira oki, no roto i
taua tiao ra, na ko maira, Taku Tamaiti
akaperepere teia, ka akarongo iaia.
8 Kua nevaneva iora ratou i reira ra,
e kare rava e tangata i kitea, mari ra

ko Iesu, e ko ratou katoa io. E tei to
 9 ratou eke anga mai mei runga i taua
 maunga ra, kua ako atura aia kia ratou
 e, auraka rava e akakite atu ki tetai
 tangata i ta ratou i kite ra, e kia tu
 mai te Tamaiti a te tangata mei te
 mate maira. Kua tamou marie ora
 10 ratou i taua tuatua ra, e kua akaeatu
 iora ratou uaoari i te akatau anga o
 taua tuakaouanga mei te mate maira.
 Kua ui maira ratou kiaia, na ko maira,
 11 Eaa i tuatua mai ei te au tata tuatua ra
 e, ko Elia na te ka aere mai? Kua
 karanga atura aia kia ratou, na ko
 atura, E na mua tikai oki a Elia i te
 aere anga mai, e akatika i te au mea
 katoa; (e mei tei tataia oki i te Tamaiti
 a te tangata nei), e manganui tona
 mate, e e takinga-kinoia. E karanga
 13 atura au kia kotou e, Kua riro mai ana
 oki a Elia, e mei tei tataia iaia ra, kua
 rave ratou i ta ratou i anoano iaia.

E kia oki mai aia ki tetai aranga pipi
 14 ana ra, kite maira aia i te urupu ta-
 ngata maata i te takako anga ia ratou,
 e te au tata tuatua i te taumäro anga
 kia ratou. E kite akera te au tangata
 15 iaia, poitirere atura ratou, oro atura, e
 aroa atu iaia. Kua ui atura aia ki
 16 taua au tata tuatua ra, Eaa ta kotou i
 taumäro kia ratou nei? Kua tuatua
 17 maira tetai i taua urupu maata ra, na
 ko atura, E te Orometua e, i arataki
 mai nei au i taku tamaiti ia koe nei, e
 vaeua murare tona; E te ngai e opu-
 18 kia mai ei aia iaia, e nacaia ora aia i
 reira ra, ukaia iora te vaa, e pakati oki
 te nio, e ikoke roa akera: i tuatua na
 oki au i to au pipi e tuaru i te *demoni*,
 kare ra i tika ia ratou. Kua karanga
 19 atura aia kiaia, na ko atura, Ave ia
 uki akarongo kore e! mei te aa te roa o
 toku noo anga ki o kotou nei? mei te
 aa te roa o toku akakoromaki anga atu
 ia kotou? e arataki mai iaia kiaku nei.
 Kua arataki maira ratou iaia: e tei te
 20 kite anga aia iaia ra, aeia maira aia
 e taua vaeua ra, topa ora aia ki raro i
 te one, takaviri ua atura, ukaia iora te
 vaa. Kua ui atura aia ki tona metua
 21 tane, Mei naca mai tona rokoia anga i
 teianei *maki*? Kua na ko maira aia,
 Mei tona mea ngiti anga mai: Kua
 22 manganui akenei te uri angaia ki roto i
 te ai, e ki raro oki i te vai, kia mate atu
 aia; e kia tika ia koe kia rave, e aroa
 mai koe ia matou, e e tauturu mai.
 Kua karanga atura Iesu kiaia, Kia tika
 23 ia koe kia akarongo ra, e tika te au mea
 katoa nei i te tangata akarongo ra. Kua
 24 kapiki ua maira te metua tane o taua
 tamaiti ra i reira ra, na ko maira, ma te

roi-mata katoa ra, E te Atu, kua aka-
 rongo au; ka tauturu mai koe i toku
 25 nei akarongo mea ngiti. E kia akara
 atura Iesu i te tangata i te oro ua anga
 mai, kua kauvae atura aia i taua vae-
 rua viivii ra, na ko atura, E tera ra vae-
 rua murare e te tui, e aere koe ki vao,
 te akae atu nei au ia koe, auraka e
 26 tomo akaou ki roto iaia. Kua kapiki
 ua maira *taua demoni ra*, kua aae nui
 maira iaia, e kua aere maira ki vao: tu
 tangata mate atura to *taua tamaiti ra*; e
 manganui te karanga e, Kua mate rava.
 27 Kua rave iora Iesu i tona rima, akatu
 akera iaia; e kua tu ua maira aia ki
 28 runga. E tae maira aia ki roto i te
 are, kua ui poiri maira tana au pipi
 kiaia, Eaa i kore ei i tika ia matou nei
 29 kia tuaru atu iaia ki vao? Kua tuatua
 maira aia, Kare teianei tu *demoni* e tae
 ua ki vao, mari ra i te pure e te nese-
 teia.

30 Akaruke iora ratou i taua ngai ra,
 aere atura na Galilea: te inangaro ra
 oki aia e, auraka rava tetai tangata kia
 31 kite. Te apii ra oki aia i tana au
 pipi, na ko atura kia ratou, E tukuia te
 Tamaiti a te tangata nei i te rima ta-
 ngata, e e ta takiri ratou iaia, e kia
 oti i te ta, e tu akaou aia ki runga i te
 32 po toru. Kare ra ratou i kite i taua
 tuatua ra, e matakua oki kia ui atu
 iaia.
 33 E tae atura aia i Kaperenauma, kua
 ui atura aia kia ratou i roto i tetai are, I
 tauetono ana kotou i te aa i te arataa
 34 ra? Muteki ua iora ratou; i tauetono
 ana oki ratou ratou uaoari i te arataa,
 35 i te ka maata ia ratou. Noo iora aia
 ki raro, kua karanga atura ki te tino
 ngauru ma rua ra, na ko atura ia ra-
 36 tou, Ko te tangata i anoano e, ei mua
 aia, ei akaopenga rava aia e tika'i, e ei
 37 tavini no ratou ravarai. Kua rave
 atura aia i tetai tamaiti iti, kua tuku
 atura i rotou ia ratou, kua iikiiki ora,
 38 na ko atura ia ratou, Ko te kite mai
 i tetai tamaiti iti mei teianei, no toku
 nei ingoa, kua kite mai aia iaku; e
 ko te kite mai iaku ra, kare ia ko au
 39 *anake* tana i kite maira, koia ra, ko
 tei tono mai iaku nei. Kua tuatua
 maira Ioane kiaia, na ko maira, E te
 Orometua, i akara atura matou i
 tetai tangata i te tuaru anga i te de-
 40 moni i toou na ingoa, e kare i aru mai
 ia tatou nei: kua karanga atura matou
 kiaia, Auraka, no te mea, kare aia i
 41 aru mai ia tatou nei. Kua karanga
 atura Iesu, Auraka te reira e aka-
 koreia atu; kare rava e tangata e rave
 i te semeio i toku nei ingoa, e akakino

vave mai iaku. Ko tei kore oki e pa- 40
 toi maira, no tatou ia. Ko tei oronga 41
 mai oki i tetai kapu vai e inu na
 kotou no toku nei ingoa, no te mea, no
 te Mesia kotou, koia mou taku e ka-
 ranga atu kia kotou na, kare aia e
 ngere i tana tutaki. Kareka tei 42
 akaapa i tetai o teianei au tangata riki-
 riki e akarongo mai iaku nei, e ngari
 ake aia, kia riria tetai toka mulo ki
 runga i tona kaki, e kia titiriria ki raro
 i te tai. E te apa ra koe i to rima ra, 43
 ka tipu ke atu: e meitaki koe i te
 rima okotai kia tae ki te ao ra, i te rima
 rua kia tae ki te po, ki roto i te ni
 mate kore: I te ngai e kore e mate to 44
 ratou tunga, e to ratou ai oki kare e
 tamateia. E te apa ra koe i to vae- 45
 vae ra, e tipu ke atu: e meitaki koe
 kia tae pirikoki ki te ao, i te vae vae
 rua, kia titiriria ki te po, ki roto i te ni
 mate kore: I te ngai e kore e mate to 46
 ratou tunga, e to ratou ai oki kare e
 tamateia. E te apa ra koe i to 47
 mata, koiti ke atu: e meitaki koe kia
 tae mata okotai ki te basileia o te
 Atua, i te mata rua kia titiriria ki te ai
 i te po ra: I te ngai e kore e mate to 48
 ratou tunga, e to ratou ai oki kare e
 tamateia. E ope rava oki i te rapa- 49
 kauia i te ai; mei te au tusia ravarai i
 rapakauia i te tai. E mea meitaki to 50
 tai; kia mangaro ra te tai, eaa ta
 kotou kia akataitai? Kia vai mairai
 te tai i roto ia kotou, e tamou oki i te
 au kotou kotou uaoari.

PENE X.

*Te tuatua a Iesu i te kopae vaine ra:
 te tamariki i akaoria: te tangata
 ou apinga nui, e te kino o te apinga
 nui: ta te au pipi tutaki: te ma-
 tenga o te Mesia: te ngakau parau
 o nga tamariki a Zebedao: ko Bara-
 timeo matapo.*

KUA tu akera aia ki runga, aere 1
 atura ki te pae i Iordana; kua uipa
 akaou maira te tangata tini kiaia i
 reira, kua apii akaou atura aia ia
 ratou, tana ia ravenga tikai. Kua 2
 aere maira oki te au Pharisea kiaia
 ra, kua ui maira, E tika aina i te
 ture kia kopae te tane i tana vaine? ei
 timata anga mai na ratou iaia. Kua 3
 karanga atura aia kia ratou, na ko
 atura, Eaa ta Mose i akaue mai ia
 kotou? Kua tuatua mai oki ratou, 4
 Kua tika ia Mose kia tata matou i te
 tuatua kopae, ka tuku atu ei iaia.
 Kua karanga aturā Iesu kia ratou, na 5

ko atura, No te māroketaketa o to
 kotou ngakau i tata ei aia i te reira
 6 tuatua: Kareka i muatangana ra, ka
 angaia i te ao nei, ko te tane okotai ta
 te Atua i anga, e te vaine okotai.
 7 “E akaruke ei te tangata i tona metua
 tane e tona metua vaine, ka topiri atu
 8 ei ki tana vaine; E riro oki raua ei tino
 okotai:” e teianei, kare atura raua i te
 9 toko rua, kua tino okotai ra. E ta te Atua
 i topiri ra, auraka te tangata e akataka
 10 ke atu. E kua ui akaou maira tana
 au pipi iaia i roto i te are i taua tua-
 11 tua ra. Kua karanga atura aia kia
 ratou, Ko te kopae atu i tana vaine, ka
 akaipoipo ei i tetai, kua akaturi aia
 12 iaia. E kia kopae atu te vaine i tana
 tane, ka akaipoipo ei i tetai, kua
 akaturi aia.
 13 Kua apai maira ratou i te tamariki
 ou kiaia, kua akatukia mai aia ia
 ratou: kua kauvae atura te au pipi
 14 i te aronga i apai mai. Kia kite aturā
 Iesu, mainaina atura, na ko atura kia
 ratou, Ka tuku mai ana te tamariki
 mea riki, kia aere ua mai kiaku nei,
 auraka e akakoreia atu; mei ia ratou
 15 nei oki to te basileia o te Atua. Koia
 mou taku e karanga atu kia kotou na,
 Te kore e āriki i te basileia o te Atua
 mei te tamariki mea riki ra, kare ta-
 16 kiri aia e o ki reira. Kua rave atura
 aia ia ratou, kua ikiiki ora, kua tuku
 atura i tona rima ki rungao ia ratou,
 akaora atura ia ratou.
 17 E te aere atura aia i te arataa ra, te
 oro maira tetai tangata, e kua tuku
 iora i te turi ki muao iaia, kua ui mai-
 18 ra kiaia, E te orometua meitaki, e
 akapeea au nei e rauka i iaku te ora
 19 mutu kore? Kua karanga aturā Iesu
 kiaia, Eaa koe i akameitaki mai ei
 iaku? ko te Atua anake ra te meitaki.
 20 Te kite na koe i te au ture, “Auraka
 e akaturi, Auraka e ta ua, Auraka e
 keia, Auraka koe kia riro ei kite
 pikikaa, Auraka e takinga-kino, E
 akangatetei i to metua tane, e te
 21 metua vaine.” Kua na ko maira aia,
 E te orometua, kua ope te reira i te
 akonoia e au, mei toku ou anga mai.
 22 Akara aturā Iesu iaia, aroa atura
 iaia, na ko atura iaia, Te toe nei
 rai tetai mea ia koe; ka aere, ka oko
 i tauu apinga, ka apai atu ei na
 te tangata rikiriki, e apinga tauu i te
 rangi i reira: e aere mai oki, ka rave i
 23 te satauro, ka aru mai ei iaku. Tai-
 taia atura aia i te reira tuatua, aere
 atura ma te aue, e apinga maata oki
 tona. Kua akara aturā Iesu e kako
 rava ake, kua karanga atura ki tana

au pipi, Te akao ngata e o te aronga
apinga nui, ki te basileia o te Atua!
Poitirere atura te au pipi i te reira 24
Kua karanga akaou aturā Iesu
kia ratou, na ko atura, E te au tama-
riki e, te akao ngata e o te aronga i
irinaki i te apinga, ki te basileia o te
Atua! E akao ngoie ake te kamela 25
na roto i te puta nira, i te tangata api-
nga nui kia akao ki roto i te basileia o
te Atua ra. Maata rava akera to 26
ratou mauatu, na ko akera ratou ratou
uaorai, Koai oki te ka ora? Akara 27
aturā Iesu ia ratou, na ko atura, Kare
ia e tika i te tangata nei, i te Atua ra,
kare rava e mea e kore ei e tika i te
Atua. Kua tuatua mairā Petero 28
kiaia, I na matou, kua akaruke i te au
mea katoa, e kua aru mai nei ia koe.
Kua karanga aturā Iesu, na ko atura, 29
Koia mou taku e karanga atu kia
kotou nei, Kare e tangata i akaruke i
te are, e te au taeake, e te au tuaine, e
te metua tane, e te metua vaine, e te
vaine, e te tamariki, e te kainga, noku, e
no te evangelia nei, E kore ei e rauka 30
iaia, e anere uaatu, i teianei ao, te are,
te taeake, e te tuaine, te metua vaine,
e te tamariki, e te kainga oki, ma te ta-
kinga-kinoia; e i te ao a muri nei, ko
te ora mutn kore ia. To mua e manga- 31
nui ra e riro no muri; e to muri ra, e
riro ia no mua.

E te aere ua ra ratou na te arataa 32
ki Ieruselema; e na muā Iesu ia ratou
i te aere: va ua ora ratou; e aru atura
iaia ma te mataku. Kua arataki
akaou atura ia i te tino ngauru ma rua
ra ki te pac, e kua timata atura aia i
te akakite kia ratou i te au mea e ro-
koia mai ei aia ra, *Na ko atura*, I na, 33
te aere nei tatou ki Ieruselema; e
e tukuia te Tamaiti a te tangata nei ki
te kau taunga nunui ra, e te au tata
tuatua; e e akaapa mai ratou iaia
kia mate, e tukuia atu oki ki te
etene ra: E e taitoitō mai ratou iaia, 34
e e pāpā mai, e tutua mai oki i te
uavare, e tamate rava mai oki; ka tu
akaou ra aia i te po toru ra.

Kua aere maira nga tamariki a Ze- 35
bedaiō ra, ko Iakobo e ko Ioane, kiaia
ra, na ko maira, E te Orometua, te
anoano nei maua kia akatika mai koe i
ta maua e pati atu. Kua karanga 36
atura aia kia raua, Eaa to korua anoano
kia akatika atu au? Kua tuatua maira 37
raua kiaia, *Kia rauka ia koe* toou
kakā, e noo tetai o maua i to rima ka-
tau, e tetai oki i to rima kaui. Kua 38
karanga aturā Iesu kia raua, Kare
korua i kite i ta korua i pati mai nei.

E tika aina ia korua kia inu i te kapu
taku e waitata i te inu nei, e kia bape-
tizōia korua i te bapetizo e bapeti-
39 zōia'i au nei? Kua na ko maira raua,
E tika ia ia maua. Kua karanga
aturā Iesu kia raua, Ka inu rai korua
i te kapu taku e waitata i te inu nei, e
bapetizōia oki korua i te bapetizo e
40 bapetizōia'i au nei: Kareka te noo i
taku rima katau, e taku rima kaui,
kare ia e tika kia oronga atu au, mari
41 ra no te aronga i akonoia'i ra. E kite
akera te tino ngauru ra, riri rava
akera ratou ia Iakobo raua ko Ioane.
42 Kua karanga aturā Iesu kia ratou,
kua na ko atura, Kua kite oki ko-
tou, te tutara nei te ui ariki o te au
etene ki runga ia ratou ra, e te aronga
nunui ra, te mana ra ia i runga i to
43 ratou. Kare ra i tika kia akapera i
roto ia kotou: ko te anoano i te aka-
maata i o kotou na, kia riro ia ei ta-
44 vini no kotou; E ko te inangaro kia
maata aia i o kotou ra, ei tavini akaaka
45 aia no kotou ravarai: Kare oki te Ta-
maiti a te tangata i aere mai kia tavi-
niia tona, ei tavini ra, e kia oronga atu
aia i tona ora ei oko no te tangata e
manganui.
46 Kua tae atura ratou ki Ieriko: e
kia akaruke aia i Ieriko, ma tana au
pipi, e te tangata oki e manganui, te
noo ra te tamaiti a Timaiō, ko Bara-
timaio matapo ra, i te pae arataa, te
47 pati ra i te apinga. E kite akera aia
e, ko Iesu i Nazareta, kua kapiki
maira aia, na ko maira, E te Ta-
maiti a Davida, e Iesu e, e aroa
48 mai koe iaku. I akoia atura aia e te
tangata e manganui, kia muteki atu:
kua maata rava atura tona kapiki, E te
Tamaiti a Davida, e aroa mai koe iaku.
49 Kua tu ua iorā Iesu, kua akaue atura
e, e kapiki atu kiaia. Kua kapiki atura
ratou i taua matapo ra, na ko atura iaia,
Auraka e taitaia, ka tu ki runga; te
50 kapikiia maira koe e ia. Kua kopae
atura aia i tona kakau, tu akera ki
runga, e kua aere maira kia Iesu ra.
51 Kua karanga aturā Iesu, na ko atura
kiaia, Akapeea atu au ia koe i toou
anoano? Kua na ko maira taua ma-
tapo ra kiaia, E Raboni, kia puera
52 taku mata. Kua karanga aturā Iesu
kiaia, Ka aere, kua ora koe i toou aka-
rongo. Puera akera tona mata i
reira, e kua aru maira aia ia Iesu i te
arataa.

PENE XI.

To Iesu tomo anga ki roto ia Ierusalem: te suke ua kore i te akakino angaia: te tamā anga i te iero: no te akarongo, te pure, e te tu maru: no te baptizo a Ioane.

E VAITATA maira Ierusalem ia ratou, tae atura i Betephage e Betania, i te maunga ra i Oliveta, kua tono atura aia i e toko rua puke pipi ana: Kua na ko atura kia raua, Ka aere na korua ki tera ra vila; e kia tomo atu korua ki roto, e kite korua i tetai punua asini, kua erekia, kare oki i nooia e te tangata; ka tatara ake, e taki mai. E kia tuatua mai tetai tangata kia korua, Ena korua i rave ei? e na ko atu korua, E tau teia i te Atu; e nana e tuku mai i reira ra. Aere atura raua, e kite atura i taua punua ra, te erekia ra i te pae ngutupa ki vao ra, i te ngui e tutaki ei nga mataara e rua katoa, kua tatara iora. Kua na ko maira tetai pae o te aronga i tu ua i reira, Eaa korua i tatara'i i tenana punua? Kua karanga atura raua kia ratou i ta Iesu i akaue maira: tuku maira ratou ia raua *kia rave ua na*. Kua taki maira raua i taua punua ra kia Iesu, kua tuku atura i to raua kakau ki rungao; noo iora aia ki rungao. E manganui oki tei toatoa i to ratou kakau i te arataa; tipu atura oki tetai pae i te rara rakau, ārikiriki atura i te ara. Kua kapiki ua maira te aronga i aere na mua ra, e tei aru mai na muri, na ko maira, Hosana; Kia ora aia, ko tei aere mai ma te ingoa o Iehova: Kia meitaki te basi-leia o to tatou metua ra o Davida, ko tei tae mai ma te ingoa o Iehova: Hosana i te rangi teitei ra. Kua tomo aturā Iesu ki roto i Ierusalem, e ki roto oki i te iero; e kia ope te au mea ravarai e pini ua ake i te akaraia e ia, no te mea kua aiai, aere ke atura aia ki Betania, koia ma te tino ngauru ma rua ra.

E ao akera, te oki maira ratou mei Betania maira, pongi iora aia: Akara atura aia i tetai suke i te atea ke, te raua ra, aere atura aia e akara i te kai ki rungao; e vaitata atura aia, kare e kai i kitea o rungao, ko te rau anake ra; kare oki i tae ki te tuatau suke ra. Kua karanga aturā Iesu i taua suke ra, na ko atura, Auraka e tangata e kai akaou atu i te kai no rungao ia koe na e tuatau ua atu. Te akarongo atura oki tana au pipi.

15 E tae maira ratou ki Ierusalem: tomo aturā Iesu ki roto i te iero ra, kua tuaru atura ki vao te aronga i oko atura e oko maira i roto i te iero ra, tatipoki atura i te au papa a te aronga oko moni ra, e te au nooanga o te aronga i oko i te kukupa ra; E kare rava i tuku i te tangata, kia apai i te kapu āriki apinga na roto i te iero ra.

17 Kua apii atura aia ia ratou, na ko atura, Kare aina kua tataia e, "Toku nei are, e karangaia ia e are pure no te pa enua ravarai?" kua akariroia io nei ra e kotou "e ana no te aronga keia ra." E kite akera te au tata tuatua e te kau taunga nunui ra, kua kimi ora i ta ratou ravenga e ta iaia: te matakua ra ratou iaia, no te mea te va anake ua ra te tangata tini ravarai i tana tuatua.

19 E aiai ora, aere atura aia ki vao i taua oire ra. E popongi akera, kia oki ratou ra, akara atura ratou i taua suke ra, kua mae rava atura ma te tumu katoa. Kua maara akera Petero, kua na ko atura kiaia, E te Orometua, i na, te suke tauu i akakino ra, kua mae rava. Kua tuatua mairā Iesu, na ko maira kia ratou, Ei akarongo to kotou i te Atua. Koia mou oki taku e karanga atu kia kotou nei, Ko te tangata e karanga ua atu i teia-nei maunga, Kia kiritiia koe, e kia titiriia ki raro i te tai; ma te ekoko kore i tona ngakau, e te manako tika ra e, ko tana e tuatua ra, e tupu ia;

24 e rauka iaia tana e tuatua ra. E teia-nei e akakite atu au kia kotou e, Te au mea katoatoa ta kotou e pati kia pure ra, kia manako e, e rauka taua au mea ra, kare ia e kore i te rauka mai. E kia pure kotou, e e ara ta kotou ia etai ke ra, ka akakore i taua ara ra: kia akakore katoaia ta kotou ara e to kotou Metua i te ao ra. Kia kore ra kotou e akakore i te ara, kare katoa to kotou Metua i te ao ra, e akakore mai i ta kotou ara.

27 E tae akaou atura ratou ki Ierusalem: e te aere ua ra aia i roto i te iero ra, kua aere maira te kau taunga nunui ra, e te au tata tuatua, e te aronga pakari, Kua na ko maira kiaia, Koai te tumu i rave ei koe i teianei au mea? e naai i oronga mai i te mana ia koe ei rave i taua au mea nei? Kua karanga aturā Iesu, na ko atura kia ratou, E ui katoa anga taku ia kotou e, kia akakite mai kotou kia-ku, ka akakite katoa atu au kia kotou i te tumu i rave ei au i taua au mea nei. I te baptizo a Ioane nei, no te rangi mai aina? e na te tangata aina?

Ka akakite mai. Kua eumiumi ora 31
ratou ratou uaoari, na ko akera, Kia
tuatua tatou, No te rangi mai; e riro aia
i te tuatua mai e, Eaa iora kotou i
kore ei i akarongo atu iaia? Kia 32
tuatua oki tatou, Na te tangata; kua
matakū oki tatou i te tangata; kua
kite katoatoa oki ratou e, e peroveta
tikai a Ioane. Kua tuatua maira 33
ratou kia Iesu, na ko maira, Kare
matou i kite. Kua karanga aturā
Iesu kia ratou, na ko atura, Kare katoa
au e akakite atu ia kotou i te tunu i
rave ei au i taua au mea nei.

PENE XII.

*Te parable o te aronga unga takinga-
kino: te toka i akarukeia: te api-
nga a Kaisara: te tuakaouanga:
te mua i te ture: te tamaiti a
Davida: te akateitei e te kino o te
au tata tuatua: te vaine takana.*

KUA tuatua parable atura aia 1
kia ratou, na ko atura, Kua tanu
tetāi tangata i te kainga vine, kua
akapini ki te koro, e kua ko ora i te
taomiana vine, akatu iora i te are
tapapa anga, tuku atura ki te aronga
unga, aere atura ki te enua mamao.
E tae akera ki te tuatua tikai, kua 2
tono maira aia i tetāi tavini ki taua
aronga unga ra, kia o mai ratou i te
kai o taua kainga vine ra. Kua opu 3
atura ratou iaia, pāpā iora, e akaoki
atura ma te puapinga kore. Kua 4
tono akaou maira oki aia i tetāi ta-
vini ke; peia iora te reira i te toka,
paruparu atura oki te mimiti, kua
akaoki atura iaia ma te takinga-kino
maataia. Kua tono akaou maira oki 5
aia i tetāi; kua tamate rava atura
ratou iaia; e au tavini ke rui oki e
manganui, kua pāpā ora ratou i tetāi
pae, e tamate rava atura oki i tetāi
pae. E i te openga ora, te toe ra tana 6
tamaiti okotai, e tumanava nana, kua
tono maira aia iaia kia ratou ra, na ko
akera, Ka riro ratou i te oo mai i taku
tamaiti. Kua tuatua iora taua aron- 7
ga unga ra ratou ratou orai, Ko te
tangata kainga teia: e aere mai, ka
ta tatou iaia, e e riro mai te kainga
ia tatou uaoari. Kua rave atura ra- 8
tou iaia, tamate rava atura; akaruke
atura ki vao i taua kainga vine ra.
Ka akapeea maira te pu o taua kainga 9
vine ra? Ka riro aia i te aere mai e
tamate rava i taua aronga unga ra, ka
apai atu ei i te kainga vine ia etai ke.
Kare kotou i tatou i tei taitaia ra e, 10
“Ko te toka i akarukeia e te aronga

patu are ra, ko tei akariroia ei toka
11 tiavā: Na te Atua teia i rave, e te
12 akara atu nei tatou ma te umere?” I
anoano atura ratou i te opu iaia, ma-
taku akera ra i te tangata: kua kite
oki e, no ratou taua parable tana
i tuatua ra: vaio atura ratou iaia,
aere atura.

13 E kua tono maira ratou i tetāi au
Pharisea, e te au Herodiani, iaia, ei
14 taē iaia i taua tuatua. E tae maira
ratou, kua na ko maira kiaia, E te
Orometua, kua kite matou, e tuatua-
tika taua, e kare koe i matakū i
te tangata: kare koe i akono i to te
tangata nei tu: ko te tuatua a te
Atua taua e apii nei ma te tuatua-
mou: E tika aia i te ture kia apai
matou i te tainga na Kaisara, e au-
15 raka aia? Ka apai aia matou, e
auraka aia? Te kite ra aia i ta ra-
tou pikikaa, e kua na ko atura kia
ratou, Eaa kotou e timata mai ei iaku?
ka apai mai na i tetāi denari kia
16 kite au. Kua apai maira oki ratou.
Kua ui atura aia kia ratou, Noai teia-
nei tu, e teianei tuatua? Kua na ko
17 maira ratou, No Kaisara. Kua ka-
rangā aturā Iesu, na ko atura kia
ratou, Ka apai mari i ta Kaisara ra
kia Kaisara; e ta te Atua ra, e apai
ia ki te Atua. Kua va ua atura ra-
tou iaia.

18 Kua aere maira te au Sadukea
ra, ko tei tuatua e, kare e tuakaou-
anga; e kua ui maira kiaia, na ko
19 maira, E te Orometua e, i tata mai
a Mose kia matou, “Kia mate te tua-
kana o tetāi tangata, te ora ra te
vaine, e kare e tamariki, e akaipoipo
te teina i taua vaine ra, e akaanau tama
20 i te tamariki na te tuakana.” Toko
itu puke tamaroa i te kopu-tangata
okotai: kua akaipoipo te tama mua
i te vaine, e mate atura ma te tama-
21 riki kore. Kua akaipoipo iora te
toko rua iaia, mate atura oki aia, ma
te tamariki kore rai: kua pera oki
22 te toko toru. Koia katoa oki ratou
ravarai toko itu, kua akaipoipo anake
iaia; e kare rai e tamariki: e i te
openga iaia, mate katoa atura te vaine.
23 E kia tae ki te tuakaouanga, kia
tu akaou mai taua aronga ra, e riro
aia ei vaine naai i taua aronga ra? e
vaine oki aia na ratou ravarai toko
24 itu. Kua karanga aturā Iesu kia
ratou, na ko atura, Kare aia teia
te mea e apa'i kotou, ko to kotou kite
kore i te tuatua i tata'a ra, e te mana
25 o te Atua? Kia tu akaou oki ra-
tou mei te mate maira, kare ia e

akaipoipo, kare oki e oronga kia akaipoipoia, e tau ratou i te au angela te ao ra. I te tuatua ra i te tuakau-
26 anga o tei mate ra, kare aina kotou i tatau i roto i te buka a Mose ra, e i tuatua mai te Atua kiaia i roto i te pu ngangaere ra, na ko maira, "Ko au te Atua no Aberahama, e te Atua no Isaaka, e te Atua no Iakoba?" Kare te Atua i te Atua no tei mate, 27 no tei ora ra: e apa maata to kotou.

Kua aere maira tetai tata tuatua, 28 i akarongo i ta ratou tuatua anga ra, e kite akera aia i te maitaki o tana tuatua anga atu kia ratou, kua ui maira, Ko teea tei maata i te au akauenga katoa? Kua karanga aturā 29 Iesu kiaia, Teia tei maata o te au akauenga katoa ra, "E akarongo mai koe, e Iseraela; Ko to tatou Atua ra ko Iehova, okotai oki Iehova:" "E ano- 30 ano atu koe i toou Atua ia Iehova ma to ngakau katoa, e ma to vaerua katoa, e ma to manako katoa, e ma to ririnui katoa:" ko te akaucuga teia i maata. Mei te reira katoa oki te rua, "E 31 aroa atu koe i toou tangata tupu, mei te aroa ia koe uaorai." Kare rava e akauenga i maata i te reira. Kua 32 tuatua maira taua tata tuatua ra kiaia, E tuatua-tika tikai taua i tuatua mai nei, e te Orometua: okotai rava oki Atua; kare atu, koia anake rai: E te anoano atu iaia ma te nga- 33 kau katoa, e ma te kite katoa, e ma te vaerua katoa, e te ririnui katoa, e te aroa atu i te tangata tupu mei te aroa iaia uaorai, e maata ia i te au tusia karakaratio katoa ra, e te au tusia oki. E kite akērā Iesu e, 34 e tuatua-tika tana i tuatua maira, kua na ko atura aia kiaia, Kare koe i atea ke atu i te basileia o te Atua ra. E kare rava atura e tangata i ui akaou mai kiaia, i te matakau. E 35 te apii rā Iesu i roto i te iero ra, kua karanga atura aia, na ko atura, Eaa te au tata tuatua i tuatua mai ci e, ko te Mesia te tamaiti na Davida? Ko Davida orai oki, tei tua- 36 tua ma te Vaerua Tapu ra e, "Kua karanga aturā Iehova ki taku Atua, Ka noo koe ki taku rima katau nei, o kia akariro au i to au enemi ei pange vaevae noou." E teianei, 37 ko Davida orai oki tei karanga kiaia e, e Atua, eaa ora oki aia i roto ci ei tamaiti nana? E te akarongo ra te tangata rikiriki ra iaia, ma te rekareka. Kua karanga atura aia kia 38 ratou i te apii anga atu, Kia mata- kite i te au tata tuatua, ko te anoano

i te aere ma te kakau roroa, e kia 39 aroaia oki i te ngai okoanga ra; E te au nooanga memaitaki i roto i te au sunago ra, e te au nooanga teitei i 40 te au kaingakai ra: Te pou nei oki ia ratou te au ngutuare o te au vaine takaua ra, e te akaroa nei i te pure ei pikikaa anga: e mate maata rava oki to ratou.

41 E te noo rā Iesu i vaitatao i te pia apinga ra, akara atura aia i te tangata i te tuku anga i te moni i taua pia apinga ra: e aronga apinga nui oki e manganui te tuku mai i 42 te moni maata ki roto. Kua aere maira tetai vaine apinga kore, e takaua oki, e kua tuku maira ki roto e rua lepetā, koia te koderane okotai. 43 Kua karanga atura aia ki tana au pipi, na ko atura kia ratou, Koia mou taku e karanga atu kia kotou na, e maata ta te vaine takaua apinga kore nei i tuku ki roto, i ta ratou ravarai 44 i tuku ki roto i te pia apinga: No roto oki i te toenga i to ratou apinga maata ta ratou i tuku mai ki roto; kareka aia nei, kua ope roa tona apinga rikiriki rava kore, i te tukuia e ia ki roto.

PENE XIII.

Te pou anga o te iero: te au Mesia pikikaa: te tuinga-kino angaia e te tauturu angaia i te au pipi: to Iesu aereanga mai i te openga.

1 **E** TE aere atura aia ki vao i te iero ra, kua na ko maira tetai pipi nana kiaia, E te Orometua, ka akara na i te tu o teianei au toka e 2 te are i te mamaata. Kua karanga aturā Iesu kiaia, na ko atura, Te akara nei koe i te au are mamaata nei? kare rava tetai toka e vaioia ki rungā i tetai, e ope rava ia i te uria 3 ki raro. E te noo ra aia ki rungā i te maunga ra i Oliveta, i rungā ake i te iero ra, kua ui poiiri mairā Petoero, e Iakoba, e Ioane, e ko Anede- 4 rea, kiaia, na ko maira, Ka akakite mai koe kia matou i te tupu anga o te reira au mea; eaa te akairo e kite 5 ci e, te tupu ra? Kua karanga aturā Iesu kia ratou, na ko atura, Kia matakite oki ia kotou, ko te vare aea 6 i te tangata: E manganui te ka aere mai ma toku nei ingoa, e te na ko anga mai e, Ko au te Mesia, e manganui oki te ka vare. E kia aka- 7 rongo kotou i te tuatua tamaki, e te rongo tamaki, auraka e matakau: e na mua oki te reira i te tupu e ti-

ka'i, kare ra e vaitata te openga i reira. E tu mai tetai enua e tamaki mai ki tetai enua, e tetai basileia e tamaki mai ki tetai basileia: e te ngaruerue o te enua i tera ngai, i tera ngai, te onge oki, e te tai-taita maata; ko te momua ia teia au mea no te mate. Kia matakite ra ia kotou uaoari, e tuku oki ratou ia kotou ki mua i te araro o te Sunederi; e ka papāia oki i roto i te au sunago ra; e noku nei e aratakiia atu ei kotou ki mua i te araro o te au kavana ra, e te ui ariki, ei kite no ratou. E na mua ra te evangelia nei i te akakiteia atu i to te pa enua ravarai e tika'i. E kia arataki ratou ia kotou e tuku atu ki te *aranga akara*, auraka e na mua i te akamaara i te tuatua ei tuatua anga, auraka oki e kimi mamao i te manako: ko tei akakiteia mai ia kotou i reira ra, ko ta kotou ia e tuatua, kare oki kotou uaoari tei tuatua, ko te Vaeua Tapu ra. E tuku oki te tuakana i tona tacake kia mate, e te metua tane ra i te tamaiti; e te au tamariki oki e tu mai e rave i to ratou ui metua kia mate. E maki takitaita mai kotou e te tangata ravarai i toku nei ingoa: ko tei tāpu tikai e tac ua atu ki te openga ra, ka ora ia. Kia akara ra kotou i te mea rikarika e tanea'i, tei tuatuaia mai e Daniela peroveta, i te tu ua anga i te ngai tau kore ra, (ko tei tataua ra ka akono ia kia kite,) te aranga e *noo* i Iudea nei, e oro ratou ki te maunga i reira: E te tangata i rungao i te are ra, auraka aia e eke ki roto i te are, eiaa e tomo ki roto e apai i tetai mea apinga ki vao. E auraka tei te kainga ra, e oki mai e tiki i tona kakau. E ae oki to te au vaine apu ra, e te akangote i te *tamariki*, i te reira tuatua. E pure oki kotou, kia kore to kotou oro anga e riro i te paroro. E mate maata oki tei te reira tuatua, kare ia i aite mei muatangana mai o te au mea katoa ta te Atua i anga, e tac rava akenei i teianei rā, e kare rai oki a muri ake. Naringa oki kare i ta-potoia tana au rā ra e te Atua, kare rava tetai tangata e ora: no te aranga ra tana i iki ra, e riro ia au rā i te ta-potoia e ia. E kia tuatua mai oki tetai tangata kia kotou i reira, I na, teia te Mesia; e i na, tera; auraka e akarongo atu. E au Mesia pikikaa oki te ka tu mai ki runga, e te peroveta pikikaa, e tuku mai i te akairo e te semeio; e tac ua atu te vare i te aranga i ikiia ra, anguii e tika. E tenana e

24 matakite ia kotou; i na, kua akakite mamao atu na au ia kotou i teia katoa nei au mea. E kia tac ki taua tuatua i muri ake i taua mate maata ra, e akapoiirā'i te rā, e te marama oki, kare ia e kakā mai; E topa mai oki te au etu o te rangi ra, e te au mea mana o te rangi ra, e ruruia ia. E reira ratou e kite ei i te Tamaiti a te tangata i te aere anga mai na roto i te tiaō rangi, ma te mana maata, e te kakā. E reira oki aia e tono atu ei i tana au angela, e akaputuputu mai i tona tangata i ikiia ra, no nga rua matangi e a katoa, e no te openga mai o te enua, e tac ua atu ki te openga o te rangi ra. E teianei kia kite kotou i tetai parabole i te suke nei; kia tupu tona kao, e kia puera te rau, te kite ra kotou e, kua vaitata i akaū i reira. Koia katoa oki, kia kite kotou i teianei au mea i te tupu anga mai, kua vaitata ia, tei te pae ngutupa, kia kite oki kotou. Koia mou taku e karanga atu kia kotou na, Kare e ope teianei uki, ka ope ei i te tupu teia katoa nei au tuatua. E kore ake te rangi e te enua; kare rava ra taku nei tuatua e kore. Kareka te reira rā e te reira ora, kare rava tetai e kite, kare oki te au angela o te rangi, kare katoa oki te Tamaiti, ko te Metua anake ra. E matakite oki ia kotou, e akamaroiroi, e pure; kare oki taua tuatua ra i kitea e kotou. Mei te tangata nei oki e aere i te ngai mamao, vaio atura i tona are, tuku atura te rangi ki tona au tavini, e te angaanga i te tangata ravarai, tanao, tanao, e kua akaue oki i te tiaki pa ra, kia akamaroiroi. Ka akamaroiroi oki kotou; kare oki kotou i kite i te ora e tac mai ei te atu o te are ra, i te aiari aina? te turuaipo aina? i te kakaoa anga moa, e i te popongi aina? Ko te aere vave mai aea, e rokoia maira, e moe ra kotou. E taku e karanga atu kia kotou nei, te karanga atu nei au ki te tangata ravarai, Ku akamaroiroi.

PENE XIV.

Te tuatua e ta ia Iesu: te akamaimu angata: to Iuda pikikaa anga: te kaingakui openga: te au tuatua totonu: te mamea i roto i te koro: te opu anga, te akara anga, e to Petero unua anga iaia.

E ruu atura po toe e tac ei te pasa ra, e te kai akopue koreia ra; te kimi ra oki te kau taunga nunui, e te au tata tuatua, i ta ratou ravenga

pikikaa iaia, kia rauka aia ia ratou, ka tamate atu ei. Kua na ko ra ratou, Auraka i te rā oroa, ko te oripu aea te tangata.

E tei Betania aia, i te kaingakai, i te are o te lepera ra o Simona, kua aere maira tetai vaine ma tetai pia alabata, e manongi narildo, e mea apinga maata; vava'i ora i te pia, riringi maira ki rungao i tona mimiti. Riri akera tetai pae i roto ia ratou uarai, na ko akera, Eaa teianei manongi i kaimoumouia'i? Naringa i okoia, e rauka mai e toru anere i te denari, e e maata atu oki, kia oronga atu na te tangata rikiriki. Kua koumumu iora ratou iaia. Kua karanga aturā Iesu, Vao atu iaia, eaa kotou i tamananana atu ei iaia? e ravenga meitaki tana i rave mai iaku nei. Te noo tamou nei te tangata rikiriki ki o kotou nei, e kia inangaro ra, e tika ia kia takinga-meitaki atu: ko au nei ra, kare au e noo tikai ki o kotou. Kua rave aia i te tika iaia nei, kua aere takere mai aia e akamainu i toku kopapa nei, no toku tanumanga. Koia mou taku e karanga atu kia kotou nei, Te au ngai katoa e tuatuaia'i teianei evangelia i te ao katoa nei, e tuatua katoaia ta teianei vaine i rave nei, ei manako anga atu iaia.

Aere atura tetai o te tino ngauru ma iora ra, ko Iuda Isekariota, i te kau tauanga nunui ra, kia tuku aia iaia kia ratou. E kite akera ratou, rekareka atura, akatau iora e, e o mai te moni nana. Kua kimi atura aia i tana ravenga e tau kia tuku mai aia iaia.

E tae akera i te rā mua o te kai akaopue koreia ra, e ko ei i te pasa ra, kua na ko maira tana au pipi kiaia, E aere matou kica e akonokono ei i te pasa kia kai koe? Kua tono atura aia i e toko rua puke pipi ana ra, na ko atura kia raua, Ka aere korua i te oire ra, e e aravei mai tetai tangata ia korua, te apai ra i te āriki vai; aru atu korua iaia. E i te ngai i tomoia atu e ia ra, e karanga atu korua i te pu o te are, Te ui maira te Orometua, Teica te pia manuiri, kia kai au i te pasa e taku au pipi katoa? E nana e akakite mai ia korua i tetai pia maata, tei runga, kua manea takere: ei reira akonokono ei na tatou. Aere atura aua nga pipi ana ra ki roto i te oire, e koia tika atura tana i tuatua mai kia raua ra; kua akonokono iora raua i te pasa. E aia atura, kua aere maira aia e te tino ngauru ma raua ra. Te noo ra ratou, e

te kaikai ra, kua karanga atura Iesu, Koia mou taku e karanga atu kia kotou nei, ka riro tetai o kotou nei, e kai katoa i ta tatou *kaingakai* nei, i te pikikaa mai iaku. Tupu atura to ratou taitaia, e kua ui tatakai tai maira ratou katoa kiaia, Ko au ainei? e *kua pera rai* tetai, Ko au ainei? Kua karanga atura aia kia ratou, na ko atura, No te tino ngauru ma raua nei, ko tei tutou kapipiti o maua *rima* ki roto i te kapu nei. Te aere nei rai oki te Tamaiti a te tangata nei mei tei taitaia nona ra: ko taua tangata ra e pikikaa mai i te Tamaiti a te tangata nei, e ae oki aia! e ngari ake te reira tangata naringa kare i anau mai.

E te kaikai ra ratou, kua rave iorā Iesu i te areto, kua akameitaki atura, vava'i ora, tuku atura kia ratou ra, na ko atura, Ka rave, ka kai; ko toku kopapa teia. Kua rave iora aia i te kapu, e oti akera i te akameitaki, tuku atura kia ratou ra, kua inu ora ratou ravarai. Kua na ko atura aia kia ratou, Ko toku toto teia, no te koreromotu ou ra, tei akamaringia no te tangata e mangau. Koia mou taku e karanga atu kia kotou nei, Kare rava au e inu akaou i to roto i te ua vine nei, e tae ua atu ki te rā e inu ei au i te *wina* ou i te basileia o te Atua ra.

E oti akera te imene, aere atura ratou ki vao i te maunga ra i Oliveta. Kua karanga aturā Iesu kia ratou, Ei teianei po e maitu ei kotou katoa iaku nei: kua oti oki i te taitaia e, "E pāpā au i te tiaki, e ka pueurikiriki ke oki te mamoe." E kia tu akaou mai au ra, e na mua au ia kotou i te aere ki Galilea. Kua tuatua mairū Petero kiaia i reira ra, Kia maitu te tangata katoa ia koe, kare takiri au nei. Kua na ko aturā Iesu kiaia, Koia mou taku e karanga atu kia koe, Akonei tikai, ei teianei po, kare e tae ki te rua o te kakaao anga moa, kua tu toru oou uuna anga iaku. Kua tuatua viviki ua maira aia, Mate ua atu au ia koe na, kare rava ia au e uuna ia koe. Kua pera maira oki ratou ravarai.

E tae atura ratou ki tetai ngai, ko Getesemane te ingoa, kua tuatua maira aia ki tana au pipi, E noo kotou i ko nei, kia pure au. Kua arataki katoa atura aia ia Petero, ia Iakobo, e ia Ioane, rokoia iora aia e te rikarika, e te teiāia tukituki. Kua tuatua maira aia kia ratou, Kua pini rava toku veraua i te mamac mate maata: ka noo kotou i ko nei, e tapapa. Aere atura aia ki mua itio, tipapa ora ki raro i te one, pure

iora e, kia tika ra, kia akaoraia aia i te reira ora. Kua na ko atura, E Aba, e 36
taku Metua, e tika te au mea katoa ia koe; e taohi ke atu i teianci kapu: kia tupu ra toou anoano; auraka toku. Kua 37
 oki maira aia, e rokoia maira, te moe ra ratou, kua na ko maira kia Petero, E Simona, te moe na koe? kare e tika kia tapapa koe i te ora iti okotai? E 38
 tapapa, e pure, kia kore kotou e rokoia e te timatanga: kua tika oki i te vae-rua, te parukana nei ra te kopapa. Kua aere akaou atura aia, e pure, 39
 okotai rai oki pure. E kia oki akaou 40
 mai aia ra, rokoia maira, te moe rai ratou, (i teimaia oki to ratou mata,) kare rava a ratou e tuatua kia tuatua mai kiaia ra. Kua oki maira oki 41
 aia, ko te tu toru ia, kua na ko maira kia ratou, Ka moe ra, e kia anga marie te roi; oti ra ua, kua tae ki te ora; i na, kua tukua te Tamaiti a te tangata nei ki te rima o te aronga ara. Ka tu, e taki aere tatou: i na, 42
 te waitata mai nei te pikikaa mai iaku nei

E i reira ra, kare i oti tana tuatua 43
 nana ra, ko Juda, tetai o te tino ngauru marua ra, kua aere maira ma te urupu tangata maata oki, ma te koke e te rakau, no ko mai i te kau taunga nunui ra, e te au tata tuatua, e te aronga pakari ra. Kua tuku ana oki taua pikikaa ra i te akairo ia ratou, na ko atura, Ko te tangata taku e ongi atura, koia ia; ka opu atu iaia, ka arataki marie atu ei. E tei te tae mai anga 45
 aia ra, aere atura kiaia, na ko atura, E Rabi, Rabi; kua ongi atura oki iaia. Kua rave maira to ratou rima 46
 iaia, opu maira. Kua kiriti akera tetai 47
 o ratou i tu i waitatao i te koke, tapotu atura i te tavini o te taunga maata ra, motu ke atura tona taringa. Kua 48
 karanga atura Iesu, na ko atura kia ratou, I aere mai kotou e opu iaku, ma te koke e te rakau, mei te mea e e keia ra? I noo ua na oki au i rotou 49
 ia kotou i te au ra katoa, i te apii anga i roto i te iero, kare kotou i rave mai iaku i reira; kia tupu ra te tuatua i tataia ra e tika'i. Kua akaruke ora 50
 ratou katoa iaia, oro atura. Kua aru 51
 maira tetai tangata ou iaia, ma te kakau pu ki rungao iaia: kua opu maira te au vaeau iaia. Akaruke iora aia i 52
 tona kakau, oro ua atura ma te kakau kore.

Kua arataki atura ratou ia Iesu ki 53
 te taunga maata ra: kua putuputu oki te kau taunga nunui katoa, e te aronga pakari ra, e te au tata tuatua i reira.

54 Kua aru atura Petero iaia i muri roa, e tae atura ki te koro o te taunga maata ra, noo iora e te aronga tavini katoa, 55
 e murumuru iaia orai i te ai. Te kimi ra oki te kau taunga nunui ra, e te Suederi katoa ra, i te kite ia Iesu, kia akaapa atu iaia kia mate; kare ra i ki- 56
 tea. E manganui oki tei tuku mai i te tuatua pikikaa iaia ra, kare ra ta ratou 57
 tuatua i tika. Kua tu akera ki rungao e tokotai, kua tuku maira i te tuatua 58
 pikikaa iaia, na ko maira, Kua kite matou iaia i te tuatua anga e, E vava'i au i teianei nao i angaia e te rima tangata nei, e kia po toru anake, kua akatu akaou au i tetai, tei kore i angaia 59
 e te rima. Kare katoa ta ratou tuatua 60
 i tika i reira. Kua tu akera te taunga maata ra i rotou, e kua ui ia Iesu, na ko maira, Kare koe e tuatua mai? eaa ta nga tangata nei i tapepe mai ia koe 61
 nei? Te muteki ua ra aia, kare i ki ua atu. Kua ui akaou maira te taunga maata, na ko maira kiaia, Ko te Mesia aia koe, te Tamaiti a te Meitaki ra? 62
 Kua karanga atura Iesu, Ko au ia; ka kite oki kotou i te Tamaiti a te tangata i te noo anga i te rima katau o Tei mana ra, e te aere anga mai na runga i te tiaio rangi. Kua aae atura taua taunga maata ra i tona kakau, kua na ko atura, Eaa ua atu rai to tatou kite? 63
 64 Kua kite akenei kotou i te akakino Atua nei: eaa to kotou na manako? Kua tuatua akaapa maira ratou ravara iaia, 65
 ka tau iaia te mate. Kua tutua atura etai pae i te uavare ki rungao iaia, e i akapuroku maira etai i tona mata, moto atura, na ko atura, Ka akakite mai ana i tei moto ia koe na: papaki atura oki te au tavini iaia i to ratou kapu-rima. 66
 E te noo ua ra Petero ki raro i roto i te koro, kua aere maira tetai tavini 67
 vaine no taua taunga maata ra: E kite atura aia ia Petero i te murumuru anga iaia orai, kua tiroi matariki atura iaia, na ko atura, I reira katoa oki koe ia Iesu i Nazareta ra. Kua uuna iora aia, na ko maira, Kare au i kite, kare katoa oki au i kite i taan i tuatua mai na. Aere atura aia ki vao i te tomoanga ra; 69
 e kua kakaoa ora te moa. Kua akava akaou atura tetai tavini vaine iaia, kua tuatua akera ki te aronga i tu i waitatao ra, No ratou teianei tangata. 70
 Kua uuna akaou ora aia. E roa iti akera, kua tuatua maira te aronga i tu i waitata ra ia Petero, Koia tika rai no ratou koe nei; e tangata Galilea oki 71
 koe, te tau ra oki toou reo. Kua tao iora aia i reira ra, ma te taputou, Kare tukiri au i kite i teianei tangata ta kotou i

tuatua na. Kua kakaoa iora te moa, 72
ko te rua ia o te kakaoa anga. Kua
maara akera Petero i ta Iesu i tuatua
mai kiaia ra e, Kare e tae i te rua o te
kakaoa anga moa, kua tu toru ouu uuna
anga iaku. Manako akera aia i te reira,
aue ora.

PENE XV.

*Ko Iesu i uia ki mua i te aroaro o
Pilato; i akavauaia, e i akasa-
tauroia: te au akairo: te tanu
manga.*

E POPONGI rava akera, kua kimi 1
ora te kau taunga nunui ra, e te
aronga pakari, te au tata tuatua ra oki,
e te Sunederi katoa ra, i te tuatua, e
kua ri ora ia Iesu, kave atura kia Pi-
lato, tuku atura kiaia. Kua ui mairā 2
Pilato kiaia, Ko te ariki aina koe no
te ngati Iuda nei? Kua karanga atura
aia, Koia tika taau i tuatua mai
ana. E manganui ta te kau taunga
nunui ra tapepe anga mai iaia. Kua 3
ui akaou mairā Pilato kiaia, na ko
maira, Kare koe e ki atu? i na oki
te au mea e manganui ta ratou i tapepe
ia koe nei. Kare rava aturā Iesu i ki 4
atu, va ua ora Pilato. Kua mātau
aia i taua oro ra i te tuku atu i tetai
tangata tapekaia kia ratou, te tangata
ta ratou i anoano ra. Te vai tapekaia 5
ra oki tetai tangata, ko Baraba te ingoa,
koia e tetai au tangata kaitamaki katoa
ra, e i ta tangata na oki i taua kai-
tamaki anga ra. Kua kapiki ua atura 6
taua urupu tangata ra i te pati anga atu
ia Pilato i tana i matau i te tuku atu ia
ratou ra. Kua tuatua mairā Pilato 7
kia ratou, na ko maira, Ko te Arika
ainei o te ngati Iuda nei taku e tuku
atu ia kotou na? Kua kite oki aia e, no 8
te varae o te kau taunga nunui ra, i
tuku mai ei ratou iaia. Te akaue ra te 9
kau taunga nunui ra i te tangata tini,
kia pati ratou ia Baraba kia tukua mai,
aurakā Iesu. Kua tuatua akaou mairā 10
Pilato kia ratou, Eaa to kotou anoano
iaku iaia nei, ta kotou e tuatua na e, ko
te Arika o te ngati Iuda? Kua kapiki 11
akaou atura ratou, E akasatauro atu
iaia. Kua ui mairā Pilato kia ratou, 12
Eaa oki tana ara i rave? Maata rava
atura to ratou kapiki e, E akasatauro
atu iaia. No te mea te inangaro rā 13
Pilato i te tarekareka atu i te au tan-
gata ra, kua tuku maira ia Baraba
kia ratou, pūpūa ora Iesu, e oti akera,
tuku maira kia akasatauroia. Kua 14
arataki atura te au vaeau iaia ki roto i
te ngai i tuatuaia ra e Peraitorio: aka-

putupatu maira i te pupu vaeau katoa
i reira. Kua akakakau atura iaia i te
kakau muramura, kua atu ora i tetai
pare rakau taratara, tuku atura ki
18 rungao i tona mimiti; Kua na ko atura
kiaia, Kia ora na, e te Arika o te
19 ngati Iuda e! Kua pūpū atura i tona
mimiti i te kakao, kua tutua atura i
te uavare ki rungao iaia, tuturi atura
20 ki muao iaia, akamori atura. E oti
akera ta ratou aviri anga atu iaia, kua
kiriti akera ratou i taua kakau mura-
mura ra, akakakau atura iaia i tona
uorai kakau.

Arataki atura ratou iaia e akasatau-
21 ro. E kua akaue atura ratou i tetai
tangata Kurene, i aere na reirao mei
uta mai, ko Simona te ingoa, e metua
no Alekanedero e no Rufusa, kia apai
22 i tana satauro. Kua arataki atura ra-
tatu iaia ki Golagota, tera oki te aka-
tau anga, E vairanga katu tangata.
23 Kua apai atura ratou kiaia i te wina, e
mea irokia i te mura, kia inu aia: kare
24 ra aia i rave. E oti akera aia i te aka-
satauroia e ratou, tua iora i tona ka-
kau, i tuku kelero oki i ta te tangata
25 katoa e rave. I te toru o te ora ra i
26 kaasatauro ei ratou iaia. E te tuatua i
tana ara kua tataia ki rungao, Ko
te ARIKI o TE NGATI IUDA RA.
27 Kua akasatauro katoaia e toko rua
puke tangata koia; i te rima katau
28 tetai, i te rima kaui oki tetai. Tupu
atura taua tuatua i tataia ra e, "Kua
kapiti katoaia aia ki te aronga ara."
29 Kua akakino maira oki te aronga i aere
na reirao, kua na ko maira, ma te taki-
rikiri i te mimiti, E te vava'i i te nao
e, e kua po toru anake kua akatu
30 akaou, Ka akaora na ia koe uorai, ka
31 eke mai i raro i tenana satauro. Kua
aviri katoa maira te kau taunga nunui
ra, e te au tata tuatua, na ko akera
ratou ratou uorai, Kua akaora aia i
ctai ke; kare ra e tika i te akaora iaia
32 orai. E te Arika o Iseraela ra, e te
Messia, ka eke mai koe mei te satauro
mai, kia kite matou e kia akarongo atu.
Ko raua oki tei akasatauro katoaia ra,
33 kua aviri iaia. Kako rava akera taua
enua ra i te poiri, mei te ora ono mai-
rai e tae ua atura ki te ora iva ra. E
34 tae akera ki te ora iva ra, kua kapiki
aturā Iesu ma te reo maata, na ko atura,
"Eloi, Eloi, lama sabakalani?" tera
oki te akatau anga, "E taku Atua,
e taku Atua, ena koe i akaruke mai ei
35 iaku?" E kite akera tetai papaki o te
aronga i tu ua i vaitata ra, kua na ko
akera, I na, te kapiki nei aia ia Elia.
36 Kua oro atura tetai, kua akaki atura i

tetai rinu ki te vinega, topiri iora ki
tetai kakao, apai atura kia inu aia, na
ko akera, Vaio atu ana, kia kite tatou
ia Elia i te aere anga mai e tuku mai
iaia ki raro. Kua kapiki aturū Iesu 37
ma te reo maata, tuku atura i te vac-
rua. Kua ngae iora te paruru o te iero 38
ra, mei runga mai e raro roa. E kite 39
akera te rangatira anere, tei tu mai ki
muao iaia ra, e i mate aia ma taua reo
maata ra, kua na ko akera, Ko te Ta-
maiti tikai a te Atua teianei tangata.

E tetai aronga vaine tei te atea ke 40
ra i te akara anga mai; e tei ia ra-
tou a Maria i Magadala, e ko Maria
te metua vaine no Iakobo iti ra, no
Iose oki, e ko Salome; (Ko tei aru ia 41
iaia i Galilea ra, e kua matuapuru
iaia); e aronga vaine ke oki e manga-
nui tei aru mai iaia ki Ierusalem.

E aia iora, (no te mea e rā akamanea 42
anga taua rā ra, ko te rā i muao i te
sabati ra,) Kua aere mairū Iosepha i 43
Arimatea, e tangata tumu korero e te
mana oki, te tatari katoa ra oki aia i
te basileia o te Atua, aere atura aia kia
Pilato, ma te matakū kore, e pati atura
i te kopapa o Iesu. Kua va ua orū 44
Pilato i te mea koia i mate vave: kua
tiki atura i te rangatira anere ra, e ui
atura kiaia, e kua mate takere aia?
E kite akera aia i taua rangatira anere 45
ra, kua oronga maira aia i te kopapa
kia Iosepha ra. Kua oko atura aia i 46
te kakau orongā meitaki, tuku ora iaia
ki raro, vai atura i taua kakau ra,
tuku atura ki roto i te menema i paoia
i roto i te mato, e uri atura i tetai
toka ki te ngutupa o taua menema ra.
Te akara mairū Maria i Magadala, e 47
ko Maria te metua vaine o Iose ra, i
tona vaio angaia.

PENE XVI.

*To Iesu tuakauanga: e te aronga i kite
iaia: te au apostolo i poroakiia
e Iesu, e tona riro anga i te rangi.*

E OTI akera te sabati, kua oko 1
aturū Maria i Magadala, e ko
Maria te metua vaine no Iakobo, e ko
Salome, i te rakau kakara, kia aka-
mainu iaia. Aere atura ratou ki taua
menema ra i te popongi metua, i te rā
mua o te ebdoma, i te itinga o te rā
ra. Kua na ko akera ratou ratou uao-
rai, Koai to tatou e uri ke atu i te toka
i te ngutupa o te menema nei? Kia
akara atura ratou, kite atura e, kua
oti i te uri keia taua toka ra; e
toka maata ua atu oki. Kua tomo
atura ratou ki roto i taua me- 5

nema ra, kite atura ratou i tetai ta-
ngata ou, te noo ra ki te pac katau ma
te kakau roa teatea; koiriria atura
6 ratou. Kua tuatua maira aia kia
ratou, Auraka e ngarangara; te kimi
nei kotou ia Iesu i Nazarene, ko tei
akasatauroia ra: kua tu akenei aia
ki runga; kare aia i ko nei: ka akara
7 i te ngai ta ratou i vaio iaia. E aere
ra kotou, e akakite atu ki tana ua
pipi, e kia Petero e, te aere ra aia na
mua ia kotou ki Galilea; ei reira kotou
e kite atu ei iaia, tana oki i tuatua mai
8 kia kotou ra. Aere viviki ua atura
ratou ki vao i taua menema ra, oro
atura; rokoia iora ratou e te matakū,
e te umere: kare ua atu i tuatua ki te
tangata i te matakū.

9 Kua tu oki a Iesu ki runga i te
popongi rava i te rā mua o te ebdoma
ra, e kua na mua i te akakite iaia
uorai kia Maria i Magadala, tana i
tuarū i nga demoni toko itu no roto
10 iaia ra. Aere atura aia, kua akakite
atura ki te aronga i aru iaia ra, te mū
11 ua ra ratou e te auc ra. E kite akera
ratou e kua ora aia, e kua kitea e ia,
12 kare ratou i akarongo. E muri akera,
kua kitea ora aia e toko rua o ratou ma
te tu ke, i to raua aere anga, ka aere ei
13 raua ki uta. Kua ooki maira raua e
kua tuatua maira ki to ratou ra: kare
14 rai i akarongo. E muri akera, kua
akakite maira aia i te tino ngauru ma
tai i ta ratou kaingakai ra; e kua kau-
vae maira oki ia ratou i to ratou akarongo
kore, e te pactacta o to ratou ngakau,
ko ratou kare i akarongo i te aronga i
kite iaia i muri ake i tona tu anga
15 maira. Kua tuatua maira oki aia kia
ratou, E aere kotou ki te pa enua ra-
varai, e tutu aere i te evangelia nei ki
16 te tangata tini ravarai. Ko te akaro-
ngo e kua hapetizoia ra, e ora ia; ko
te kore ra e akarongo, ka akaapaia ia.
17 E te aronga e akarongo ra, ka riro ia
ratou teianei au akairo; Ka peke te
au demoni ia ratou i toku nei ingoa; e
18 tuatua ratou i te reo ou; E rave ua oki
ratou i te au ovi ra; e kia inu ratou
i te mea e kavangia i ra, kare ratou e
mate; kia tuku oki ratou i te rima
ki rungao i te aronga maki ra, ka ora ia.
19 E oti akera ta te Atua tuatua anga
mai kia ratou ra, raveia maira aia ki
runga i te rangi, noo atura i te rima
20 katau o te Atua ra. Aere atura oki
ratou, tutu aere atura i te pa enua ra-
varai, ko te Atua katoa oki i te rave
katoa anga i te angaanga, e te akatupu
anga i taua tuatua ra, i te au akairo i
raveia ra. Amene.

TE EVANGELIA A LUKA.

PENE I.

To Gaberiel aere anga mai kia Zakaria, e kia Maria: ko Maria raua ko Elisabeta: to Ioane anau anga: te tuatua totou a Zakaria.

NO te mea e maata akenei tei timata i te akapapa i te tuatua i akatupu tikaia i roto ia tatou nei, Ta ratou i tuku mai kia tatou nei, ta tei kite tikai to ratou mata, mei muatangana mai, e e orometua oki no taua tuatua ra; Ko au katoa oki, no te mea kua kite puia e au te au tuatua katoa mei muatangana mai, manako akenei e, e mea tika kia tata akapapa atu i taua tuatua ra kia koe na, e Teophilongonui, Kia kite rava koe e tuatua-mou tikai te au tuatua i apiia atu kia koe na.

I TE tuatua i te ariki no Iudea ra ia Heroda, te noo ra tetai taunga ko Zakaria te ingoa, no te pupu no Abia: e tana vaine no te au tamaine ia na Aarona, ko Elisabeta te ingoa. E puke tangata tuatua-tika raua i mua i te aroaro o te Atua, i te akono marie anga i te au akauenga, e te au akonoanga katoa a te Atua, ma te apa kore. E kare a raua tamaiti, no te mea e pa Elisabeta, e kua maata rava to raua mataiti. E te rave ra aia i te taoonga taunga i mua i te aroaro o te Atua, i tei tau i tona ra pupu; E tei iaia atura te akonoanga i te peu a te pupu taunga, i te aere ki roto i te nao o te Atua, e tungi i te rakau kakara. E te pure ra te tangata tini ravara ki vao i te ka anga o taua rakau kakara ra. Kua mama maira tetai angela a te Atua kiaia, te tu u a ra i te pae katau i te atarau o te rakau kakara. E kite akerā Zakaria, koiriria akera, e kua rokoia ora aia e te matakau. Kua tuatua maira te angela kiaia, Eiaa e matakau, e Zakaria; kua akarongoia oki tauu pure; e ka anau tauu vaine, ko Elisabeta, i tetai tamaiti naau, e naau e tapa i tona ingoa ko Ioane. E rekareka maata toou iaia; e manganui

15 te ka rekareka me anau aia ra. E maata oki aia i mua i te aroaro o te Atua; e kare e inu i te wina e te kava kona, ka akakiaia ra aia e te Vaerua Tapu, mei te kopu mai o tona metua vaine. E manganui te tamariki a Iseraela tana e akaariu ki te Atua ki to ratou Atua. E na mua aia iaia i te aere ma te vaerua e te mana o Elia, ei akakoki mai i te ngakan o te aronga metua ki te tamariki, e te aronga akarongo kore ki te pakari o te aronga tuatua-tika ra; ei akonokono i tetai pae tangata e tau no te Atua. 18 Kua karanga aturā Zakaria ki te angela ra, Eaa au e kite ei i te reira? e tangata metua oki au, e kua ruaine ka- 19 toa taku vaine. Kua tuatua maira te angela kiaia, na ko maira, Ko Gaberiel au, e tu au i mua i te aroaro o te Atua; i tonokia mai nei au e tuatua kia koe, e akakite kia koe i taua tuatua meitaki nei. E i na, ka akamurareia koe, e kare e tau i te tuatua, e tae ua atu ki te rā e ope ei teianei tuatua i te tupu, ko koe kare i akarongo i-taku tuatua nei, ka tupu ia kia tae ki tona tuatua. 21 E te tapapa ua ra te tangata ia Zakaria, e te eumiumi ua ra i te mea koia i tavare i roto i te nao ra. E kia tae maira aia ki vao, kare atura i tau iaia kia karanga atu kia ratou: te kite ra oki ratou e, e orama te kitea e ia i roto i te nao ra; nana uarai oki i tungou mai kia ratou, e kua murareia atura aia. 23 E ope akera ana puke rā akamori anga, aere atura aia ki tona uarai are. 24 E muri akera, kua to iora tana vaine ko Elisabeta, e noo iora i te ngai ngaro e e rima marama, na ko akera, Ko ta te Atua teia ravanga, ka kite mai ei aia iaku, eiapai ke i te akakino a te tangata nei iaku. 26 E tae akera ki te ono o te marama, kua tonokia maira e te Atua te angela ko Gaberiel, ki tetai oire i Galilea, ko Nazareta te ingoa, Ki tetai paretenia ra, i momokoia na tetai tangata no te kopu-tangata o Davida, ko Iosepha te ingoa; ko Maria te ingoa o taua paretenia ra. E kia tomo mai te angela ki roto ra, kua na ko maira aia kiaia, Kia

ora koe, e tei akaperepere ravaia mai e! tei ia koe te Atua, e tei meitaki i te au vaine e! E kite atura aia *iaia*, koiriria iora aia i tana tuatua, e eumiumi iora tona ngakau i te tu ke o taua aroa ra. Kua tuatua maira te angela kiaia, Auraka e matakau, e Maria; kua kite aroaia koe e te Atua. E i na, ka to tetai tamaiti naau, e ka anau tauu tamaiti, e naau e tapa i te ingoa ia Iesu. Ka maata aia, e ka tuatuaia i te Ta maiti na Tei Teitei: e na te Atua ra, na te Atua e oronga mai i te terono o tona metua o Davida nona: Ei iaia te au i te kopu-tangata o Iakoba e tuatua na atu, kare rava ia e kore tona basileia. Kua karanga aturā Maria ki tana angela ra, Eaa e tika'i; kare oki au i kite i te tane? Kua tuatua maira te angela, i te na ko anga mai kiaia, Ka eke mai te Vaeua Tapu ki rungao ia koe, e na te mana o Tei Teitei e tamaru i rungao ia koe; e tuatuaia'i oki tenana tamaiti tapu, i te Tamaiti na te Atua. E i na oki, to tuakana ko Elisabet, kua to katoa aia i tana tamaiti i tona ruaine anga nei: ko te ono oki teia o tona marama, ko tei tuatuaia ra e, e pa. Kare rava oki e mea e kore e tika i te Atua. Kua karanga aturā Maria, I na, ei tavini au no te Atua; kia peraia mai au mei tauu i tuatua ana. Riro ke atura te angela.

Kua tu akerā Maria i taua au rā ra, e aere viviki atura ki tetai oire no Iudea, i te pae enua maunga; Tomo atura ki roto i te are no Zakaria, aroa atura ia Elisabet. Tei te akarongo anga atu a Elisabet i to Maria aroa anga mai, kua rere iora te tamaiti i roto i tona kopu: ki akerā Elisabet i te Vaeua Tapu; E kua kapiki ua maira te reo, na ko maira, Ko koe tei meitaki i te au vaine nei, e e meitaki oki te uanga o toou kopu. No te aa ra oki au i kiteia mai ei, i aere mai ei te metua vaine o taku Atua kiaku nei? I na oki, tei te o anga mai to reo i te aroa anga mai iaku nei ki roto i toku taringa, kua rere io nei te tamaiti i roto i toku kopu i te rekareka. E ao oki tona to tei akarongo, e akatupua oki te au mea ta te Atua i akakite mai kiaia ra.

Kua karanga aturā Maria, Kua akamaata toku vaeua i te Atua, E kua rekareka toku ngakau i te Atua i toku Ora. Koia kare i akavaavaa i te aka anga o tona tavini: i na oki, mei teianei e tuatua te au uki ravarai iaku e, ko au tei meitaki. E ravanga maata oki ta Tei mana ra iaku nei; e ingoa tapu tona. E e vai rai tona aroa

ki te aronga e matakau iaia ra, i tera uki, i tera uki. Kua akakite aia i te marorō o tona rima, kua akangaoro aia i te manako ngakau o te aronga nengonengo. Kua uri aia i te aronga mana ki raro i to ratou nooanga, e kua akateitei i te aronga akaaka. Kua akaki aia i te aronga i ngere i te meitaki, e te aronga apinga nui kua akaokkia e ia ma te kore. Kua tauturu aia i tona tavini ia Iseraela, i te akamaara anga i tona aroa; Tana oki i tuatua mai i to tatou ai tupuna ra, kia Aberahama, e tona uanga e tuatua ua atu. Noo aturā Maria ki o Elisabet a ra e toru marama, oki maira ki tona ngutuare.

E tae akera ki to Elisabet a ra tauu tikani e anau ei tana, kua anau akera tana e tamaroa. E kite akera tona kopu-tangata, e te au tangata tupu ra e, e takinga-meitaki maata to te Atua kiaia, rekareka akera ratou ma ia kamatoa. E tae akera ki te po varu, kia aere mai ratou ki te peritome anga i taua tamaiti ra; i inangaro ratou i te tapa iaia ia Zakaria, i te ingoa o tona metua. Kua tuatua maira tona metua vaine, na ko maira, Eiaa, e tapa ra iaia ia Ioane. Kua karanga atura ratou kiaia, Kare rava toou kopu-tangata i tapaia i te reira ingoa. Kua tungou atura ratou ki te metua tane, i tana ingoa i anoano i te tapa iaia. Kua pati maira aia i tetai tafaanga tuatua; e tata ora ki rungao, na ko akera, Ko Ioane tona ingoa. Kua umere ua ora ratou ravarai. E putata akera tona reo i reira, e matara akera tona arero, kua tuatua ora aia ma te akameitaki i te Atua. Kua rokoia to reira uaorai e pini ua ake, e te matakau; e tuatua aereia ora taua au tuatua ra e pini rava ake i te pae enua maunga ra i Iudea. E te aronga i kite i taua au tuatua ra, akautu marie ora i roto i to ratou ngakau, na ko akera, E riro ei aa teianei tamaiti? E tei iaia te rima o te Atua.

E kua ki akera tona metua ko Zakaria i te Vaeua Tapu, kua totou ora, na ko akera, Kia akameitakiia te Atua, te Atua no Iseraela; kua akono mai oki aia, e kua akaora i tona tangata; E kua akatupu i tetai tara akaora no tatou, i te kopu-tangata o tona tavini ra o Davida; Ko tana oki i tuatua mai i te vaa o tona au peroveta tapu mei tupua mai: Ei akaora ia tatou i to tatou au enemi, e i te rima o te aronga katoa e riri mai ia tatou nei; I te akono meitaki anga i to tatou ai tupuna, i te akamaara anga i te koreromotu tapu nana; I te taputou tana i taputou ki to tatou me-

tua kia Aberahama e, E oronga mai aia 74
i te matakū kore no tatou, i akaoraia i
te rima o to tatou au enemi; kia aka-
mori tatou iaia, Ma te tapu, e te tua- 75
tua-tika, ki mua i tona aroaro, e ope
rava ake to tatou puke rā i te ora anga
nei. E ko koe na, e teianei tamaiti, 76
ka tuatuaia koe e peroveta no Tei Tei-
tei: na mua oki koe i te mata o te Atu
i te aere, ei akameitaki i tona aerenga;
Ei akakite i tona tangata i te ora, i te 77
akakore anga i ta ratou ara, I te aroa 78
maata o to tatou Atua, i taea mai ei
tatou e te mūrāma no runga mai; Ei 79
akamūrāma i te aronga e noo i te pōiri,
e i te ngai maru-mate, ei arataki oki
i to tatou vaevae na te ara au.

E kua tupu atura taua tamaiti ra, e 80
maroirōi atura te ngakau: e noo oki
i te medebara, e tae ua akera ki te
rā i akakite ua'i aia iaia uaorai ki
to Iseracla.

PENE II.

*No te ingoa e tataia, i anau ei a Iesu i
Betelehema: te au angela, e te au
tiaki mamoe: te peritome angia o
te Tamaiti: ko Simeona, e ko Ana:
ko Iesu i rotōpu i te au oromētua.*

E I TAUA tuatua ra, kua tuku mairā 1
Kaisara Anguso i te tuatua e, e aka-
ope taua enua rai te tataia. Ko te tata 2
anga muatangana teia na Kurenio, ou tei
te kavana anga aia i Suria. E ope takiri 3
rava akera te tangata i te aere ki to ratou
uaorai oire kia tataia. Aere katoa aturā 4
Iosepha mei roto atu i te oire i Naza-
reta i Galilea ra, ki te oire no Davida,
ki Iudea, i tuatuaia ra e ko Betelehe-
ma; no te mea, no te uanga aia e no te
kopu-tangata o Davida: Kia tata katoa 5
aia raua ko Maria te vaine i momokoia
nana ra, e kua nui aia. E i to raua noo 6
anga i reira, ope rava akera ona puke rā
e anau ei aia ra. Kua anau ora aia i tana
tama mua, vai atura i te kakau, tuku
atura ki roto i te patene, no te mea kare
akera raua i o ki te aere tapae anga.

E aronga tiaki mamoe tei taua enua 8
ra, e tika ki roto i te au koro, i te tiaki
anga i ta ratou anana i te po. E i na, 9
kua tu maira tetai angela a te Atu ki
vaitatao ia ratou, kua kako rava ora
ratou i te mūrāma, i te kakā o te Atu:
e maata rava akera to ratou matakū. 10
Kua tuatua maira te angela kia ratou,
Eiaa e matakū: i na oki, e tuatua mei-
tuki taku e taoi mai kia kotou na, ka
riro ia ei rekareka maata no te tangata
ravara. I nakonei oki i anau ei te Ōra 11
no kotou i te oire o Davida, koia oki te
Mesia ra ko te Atu. E teia ta kotou 12

akairo; e kite kotou i taua tamaiti ra i
te vai ua anga ki roto i te patene, kua
13 vaiia ki te kakau. E i reira ra, i kapi-
tiia maira taua angela ra e tetai urupu
maata no te rangi, i te akameitaki anga i
14 te Atua, e te na ko anga, Kia akakakāia
te Atua i runga i te rangi teitei, e ei
au to to teianei ao, e kia kite aroaia
15 mai te tangata nei. E kia oki atura
taua au angela ra ki runga i te rangi ra,
kia vaio atu taua au tiaki mamoe ra,
kua tuatua ora ratou tetai ki tetai, E
taki aere ratou ki Betelehema, e akara
i taua mea rā, i ta te Atua i akakite mai
16 kia tatou nei. Aere viviki atura ratou,
e kite atura ia Maria raua ko Iosepha,
e te tamaiti i te vai ua anga ki roto i
17 te patene. E kite atura ratou, akakite
aere atura i te tuatua no taua tamaiti
18 ra i tuatuaia mai kia ratou ra. E te
aronga i akarongo ra, umere anake
atura i te au mea ta te au tiaki mamoe
19 i akakite atu kia ratou ra. Karekū Ma-
ria, tavaitai ora i taua au tuatua ra, e
akaeatu akera i roto i tona ngakau.
20 Oki atura taua au tiaki mamoe ra, i te
akakakā anga, e te akameitaki anga i
te Atua, i te au mea ta ratou i akarongo
e ta ratou i kite, tei tuatuaia mai kia
ratou ra.

21 E tae akera ki te po varu i perito-
meia'i taua tamaiti ra, tapa ora ratou
iaia ko Iesu, te ingoa ta te angela i tapa
mai ou tona metua vaine i to ei iaia ra.
22 E ope akera te au rā tamā anga nona,
i akonoia i roto i te ture a Mose ra,
apai atura raua iaia ki Ierusalemā, tu-
ku atura iaia ki mua i te aroaro o to
23 Atu ra; (Mei tei tataia oki i te ture a
te Atu ra e, "Ko te au tama mua rava-
rai, kua tapu ia no te Atu;") E e apai
atu oki i te tusia i tuatuaia i te ture a
te Atu, "E rua kukupa, e kare ra, e rua
25 punua rupe." E i na, te Ierusalemā
tetai tangata ko Simeona te ingoa; e
tangata paieti aia e te tuatua-tika, te
tappara rai i te akapumāana no Ise-
racla: tei runga oki iaia te Vaeua
26 Tapu. Kua akakite takereia ana aia
e te Vaeua Tapu, kare aia e mate
vave, kia kite ra aia i te Mesia a te
27 Atu ra. E i aratakiaia aia e te Vaeua
ki roto i te iero: te apai maira nga me-
tua i te tamaiti ra ia Iesu ki roto, e
28 rave i ta te ture iaia ra; Kua rave
akera aia iaia, kua ikiiki ora, e aka-
meitaki atura i te Atua, na ko atura,
29 E taku Atu e, e tuku koe i toou tavini
i teianei ma te au, kua tau oki i tauu
30 tuatua; Kua kite akenei oki toku
31 mata i te Ora naau, i akonoia e koe
ki mua i te mata o te tangata katoa nei;

Ei turama, ei akamārama mai i te au 32
etene, e ei kakā oki no toou iti-tangata
no Iseraela. E umere rava aturā Iose- 33
pha raua ko te metua vaine i te au
tuatua nona i tuatuaia ra. Kua akaora 34
aturā Simeona ia raua, na ko atura kia
Maria i tona metua vaine, I na, kua
tukuia teia *tamaiti* nei, ei mea e ingāi,
e e tu akaou ei, to Iseraela e man-
ganui; e ei akaoro, ei tauetono anga;
(E ka puta mama rava katoa oki 35
too uorai ngakau *mei te puta*
koke ra,) kia kitea te manako o te
ngakau e manganui. E tetai peroveta 36
vaine ra ko Ana, e tamaine na Pha-
nuela, no te kopu o Asera: kua ruaine
roa aia, e itu ona mataiti i te noo
anga raua ko te tane tana i akaipoipo
i te paretenia anga ra: Kua takaua ra 37
aia, ka varu akera ngauru anga tona
mataiti e a ara, kare rava aia i aka-
ruke i te iero, e tika ra i te akamori
anga i te *Atua*, mai te pure e te nesc-
teia, i te po e te ao. E koia i tomo 38
mai ki roto i reira, akameitaki atura i
te Atua, e kua tuatua ora iaia i te aro-
nga katoa i tapapa i te ora i Ierusa-
lema ra. E oti akera ia raua tei 39
tuatuaia mai i roto i te ture a te Atua
ra, oki atura raua ki Galilea, ki to
rauā orai oire tikai i Nazareta. Tupu 40
atura taua tamaiti ra, e maroiroi atura
te ngakau, ki atura oki i te pakari: e
tei iaia oki te meitaki o te Atua.

E aere rai nga matua nona ra ki 41
Ierusalem, ki te oroa o te Pasa ra,
kere e mataiti i tukua. E tac akera 42
ki te ngauru ma rua o tona mataiti,
aere atura ratou ki Ierusalem i te
akonoanga o taua oroa ra. E ope akera 43
taua puke rā ra, ooki maira raua, noo
atura te tamaiti ko Iesu i muri i
Ierusalem; kare uā Iosepha ma tona
metua vaine i kite. Aere uaira raua 44
e po tai maira i te aerenga, manako
akera raua tei roto aia i te aerenga
tangata ra; kimi atura raua iaia i roto
i to raua uorai kopu-tangata, e i te
au tangata tupu ra. E kare raua 45
akera aia i kitea, ooki atura raua ki Ie-
rusalema i te kimi anga atu iaia. E po
toru akera, kite atura raua iaia ki roto
i te iero, te noo ra i rotou i te au oro-
metua, te akarongo atura e te ui atura
kia ratou. Umere anake ora te aronga 47
katoa i akarongo iaia ra i tona kite e
tana tuatua. E kite atura raua iaia, poi-
tirere atura raua: kua karanga atura
tona metua vaine kiaia, E tama, eaa koe
i pera mai ei kia maua? i na, i kimi ua
ana au ma toou metua tane ia koc ma
te aue. Kua tuatua maira aia kia raua, 49

Eaa korua i kimi ei iaku? kare korua
i kite e, ei roto rai au i te are o
50 taku metua e tau ei? Kare akera raua
i kite i te tuatua tana i tuatua mai kia
51 raua. E oki maira aia e ko raua
katoa ki Nazareta, akarongo atura ia
rauā: vaio marie ora tona metua vaine
i taua au mea katoa ra i roto i tona uao-
52 rai ngakau. Tupu aturā Iesu i te ma-
ata anga e te pakari, e te akaperepe-
reia mai e te Atua e te tangata katoa.

PENE III.

*Ko Ioane baptizo i te medebara: ko
Heroda: te baptizo anga, e te
kopu-tangata o Iesu.*

1 **E** TAE akera ki te ngauru ma-
rima o te mataiti i te au o Kai-
sara Tiberio, ko Ponotio Pilato te
kavana i Iudea, e ko Heroda te tete-
reareka i Galilea, e tona tacake oki ko
Philipa te tetercareka i Ituren, e te
pae i Terakoniti, e ko Lisanía te
tetercareka i Abilene, Ko Ana e ko
2 Kaiapha nga taunga nunui, i tae mai
ei te tuatua a te Atua kia Ioane te
tamaiti a Zakaria i te medebara ra.
3 Aere atura aia na te au ngai katoa i
Ioridana ra, i te tutu aere anga i te
baptizoanga tatarara kia akakorcia
4 te ara; Mei tei tataia ki roto i te buka
a te peroveta ra a Isaia, i te na ko
anga e, “E reo no tetai i te tutu aere
anga i te medebara, Ka akameitaki
i te arataa o te Atua, e akatika ua i tona
5 aerenga. Kia ope te au o i te akakiia,
e kia ope te au maunga e te au tuaivi
i te taakaakia; kia akatika uaia te ara
mingi, e kia akamania ka uaia te au
6 ngai pukupuku: Kia kite katoatua
7 te tangata i te ora a te Atua.” Kua ka-
ranga atura aia ki taua aronga maata i
aere mai kia baptizoia e ia ra, E te
anaunga vipera e, naai kotou i ako atu
e e rere ke kotou i te mate e vaiata
8 mai nei? E tenana ka tuku mai na i
te akonoanga tau i te tatarara; e au-
raa kotou e tuatua i roto ia kotou orai
e, E metua to matou ko Aberahama:
e karanga atu oki au kia kotou, Ka tika
i te Atua i te akatupu i te tamariki na
Aberahama no roto i teianei au toka.
9 Te vai nei rai te tarapa i te tumu rakau
i teianei; e te rakau katoa kare i ua
mai i te ua meitaki ra, ka tipuia ia, e
10 titiriia atu ki roto i te ai. Kua ui mai-
ra taua aronga maata ra kiaia, na koe
11 maira, E akapea oki matou nei? Kua
karanga atura aia kia ratou, E rua ona
pereue ra, e oronga atu aia i tetai no
tei ngere; e kai tuna ra, e pera katoa

aia. Kua aere katoa maira te au 12
telona kia baptizoia, e kua tuatua
maira kiaia, E te Orometua ra, e aka-
peea matou? Kua karanga atura aia 13
kia ratou, Auraka e umuumu atu i tei
kore i akonoia na kotou ra. Kua ui 14
maira oki te au vacau kiaia, na ko
maira, E akapeea oki matou? Kua
karanga atura aia kia ratou, Auraka e
takinga-kino i te tangata katoa, eiaa e
tapepe pikikaa atu; kia mareka oki
kotou i ta kotou tutaki. Te tapapa ua 15
ra te tangata, e te akacatu anake ra te
tangata i roto i to ratou ngakau ia
Ioane, ko te Mesia aia aia me kare
aia? Kua karanga aturā Ioane, na ko 16
atura kia *ratou* ravarai, Ko au nei, te
baptizo nei ia kotou ki te vai; te aere
mai na tetai, e mana maata tona i
toku, kare au e tau kia tatara i te itiki
i tona tamaka: nana e baptizo ia kotou
ki te Vaerua Tapu, e te ai: Tei tona 17
rima tana petuo, e tamā marie aia i
tana alona, e ka akaputuputu aia i te
sitona ki roto i tana vairanga sitona;
kareka te ota, ka tutungia ia e ia ki te
ai mate kore.

E manganui atu rai tana ako anga 18
atu e te akakite anga atu ki te
tangata i te tuatua meitaki. Kareka 19
te teterereka ra ko Heroda, no te
mea i akioa aia e ia ia Herodia, i te
vaine a tona taake ra a Philipa,
e te ara katon i raveia e Heroda,
Kapiti katoa atura i teia, momani 20
atura ia Ioane ki roto i te are tape-
kānga ra.

E iaia i baptizo i te au tangata 21
katoa ra, i baptizo katoaia Iesu, e te
pure ra aia, mavete akera te rangi, E 22
kua eke maira te Vaerua Tapu ki
runga iaia mei te kukupa ra te tu, e
kua tae maira tetai reo mei runga mai i
te rangi, i te na ko anga mai, Ko taku
tamaiti akaperepere koe; kua mareka
rava au ia koe.

Kua tae paa ki te toru o te ngauru 23
anga o to Iesu mataiti i rave ei aia i
tana taonga, i manakioa ra oki, e ta-
maiti aia na Iosepha, na Eli, Na 24
Matata, na Levi, na Meleki, na Iana,
na Iosepha, Na Matatia, na Amosa, na 25
Nauma, na Eseli, na Nagai, Na 26
Maata, na Matatia, na Semei, na Io-
sepha, na Iuda, Na Ioana, na Resa, na 27
Zorobabela, na Salatiela, na Neri, Na 28
Meleki, na Adi, na Kosama, na Elemo-
dama, na Era, Na Iose, na Eliezera, 29
na Ioreima, na Matata, na Levi, Na 30
Simcona, na Iuda, na Iosepha, na Io-
nana, na Eliakeima, Na Melea, na 31
Menana, na Matata, na Natana, na

32 Davida, Na Iese, na Obeda, na Boaza,
33 na Salamona, na Naasona, Na Aminadaba, na Arama, na Eseroma, na Pha-
34 resa, na Iuda, Na Iakoba, na Isaaka,
na Aberahama, na Tera, na Nahora,
35 Na Seruga, na Ragau, na Phaleka, na
36 Ebera, na Sala, Na Kainana, na Arepa-
kasada, na Sema, na Non, na Lameka,
37 Na Metusala, na Enoka, na Iareda, na
38 Maleleela, na Kainana, Na Enosa, na
Seta, na Adamu, na te Atua.

PENE IV.

*To Iesu timata angaia: te aerenga ki
Nazareta, e tona takinga-kino angaia
i reira: te tangata demoni viivii, te
metua ongoai vaine o Petro, e tetai
aronga, i te akaora angaia.*

1 **K**UA oki mairā Iesu mei Ioridana
mai, ma te ki i te Vaerua Tapu, e
aratakiia aia e te Vaerua ki te medebara;
2 E a ngauru akera rā i te timata angaia
e te diabolō. Kare rai aia i kai i te
manga i taua au rā katoa ra: e ope
3 akera, pongi ora aia. E kua tuatua
maira te diabolō kiaia, E Tamaiti koe
na te Atua ra, ka karanga atu koe ki
4 teianei toka kia riro ei kai. Kua ka-
ranga aturā Iesu kiaia, na ko atura,
Kua tataia oki, “Kare o te areto anake
ra te mea e ora’i te tangata nei, ko te
5 au tuatua katoa a te Atua ra.” Kua
arataki atura te diabolō iaia ki runga
i tetai maunga teitei, e kua akakite
maira kiaia i te au basileia katoa o te
6 ao nei, i te kamoanga mata nei. Kua
tuatua maira te diabolō kiaia, E oronga
atu au i te au, e te inuini i teianei *pa-
enua*, kia koe na; kua tukuia mai oki
kiaku, e naku e oronga atu na taku
7 tangata e inangaro. E teianei kia tika
ia koe i te akamori mai iaku, noou
8 anake ia. Kua karanga aturā Iesu
kiaia, na ko atura, E aere ke atu koe,
e Satani; kua tataia oki e, “Ko toou
Atua ra ko te Atua taau e akamori, e
9 koia anake rai taau e akarongo.” E kua
arataki atura aia iaia ki Ierusalem, e
kua tuku atura iaia ki rungao i te pore-
tiko o te iero, e kua karanga atura
kiaia, E Tamaiti koe na te Atua ra, aka-
topa atu koe ia koe uorai ki raro i
10 teianei ngai; Kua oti oki i te tafaia e,
“Ka ikuiku aia i tana au angela ia koe
11 ei tiaki ia koe;” “Ka mou oki ratou ia
koe i *to ratou* rima, ko te tukia ua
12 atu aea to vaevae ki te toka.” Kua
karanga aturā Iesu kiaia, na ko atura,
Kua tuatuaia mai e, “Auraka koe e ti-
13 mata atu i toou Atua ra i te Atua.” E
ope akera ta te diabolō timata anga,

aere ke atura aia, akaruke maira iaia i tetai taime iti.

Kua oki mairā Iesu ki Galilea ma te 14 mana o te Vaerua: tutuki akera tona rongo e kako rava akera taua enua ra. Apii atura aia ki roto i te ratou au su- 15 nago ma te akakakā katoatoaia.

E tae maira aia ki Nazareta i te 16 ngai i pakari ei aia ra; kua tomo maira aia ki roto i te sunago i te rā sabati, tana ia pecu tikai, e kua tu akera ki runga e tataui i te tuatua. Kua 17 tuku maira ratou i te buka a te peroveta ra a Isaia ki tona rima, e kia eeu akera aia i taua buka ra, kite ora aia i te ngai i tataia ra, “Tei rungao iaku te 18 Vaerua o te Atua, koia i akatainu mai iaku ei tutu aere i te evangelia i te tangata rikiriki; kua tono mai iaku e akana i te aronga ngakau aue, ei tutu aere i te ora no te aronga tuikaa, kia akara akaou te matapo, e e tuku oki i te aronga i tapekaia ra, Ei tutu aere i 19 te mataiti inangaro a te Atua ra.” E 20 kokapi akera aia i taua buka ra, kua tuku atura aia ki te tavini ra, kua noo iora ki raro. E kua akara tamou atura te mata o te tangata ravarai i roto i te sunago iaia. Kua timata atu- 21 ra aia i te tuatua kia ratou, Teianci tuatua i tataia nei, ta kotou i akarongo nei, kua tupu ia i teianci rā. Kua 22 akatika anake atura ratou iaia, umere atura i te tuatua meitaki no roto mai i tona vaa. Kua karanga iora ratou, Kare aia teia i te tamaiti na Iosepha ra? Kua karanga atura aia kia ratou, 23 E riro kotou i te akaite mai iaku i te munga tuatua ra e, E te taunga ra, ka akaora ia koe uorai: ko te anganga tauu i rave i Kaperenauma ra, ta matou i akarongo akenei, e rave katoa koe i ko nei i toou nei enua. Kua na ko 24 atura aia, Koia tika taku e karanga atu kia kotou na, Kare na te peroveta i kiteia mai i tonu uorai enua tikai. E tuatua-mou ra teia taku e karanga 25 atu kia kotou na, E manganui te vaine takaua i Iseraela i te tuatau ia Elia, ka mamauia i te rangi ra, e toru akera mataiti e ono oki marama, ka pini takakoaia i taua enua ra e te onge manta; Kare rā Elia i tonokia atu kia 26 ratou ra, mari ra ki tetai vaine takaua i Sarepeta i Sidona. E manganui oki 27 te lepera i Iseraela i te tuatau i te peroveta ra ia Elisaia, kare ra tetai o ratou i akaoraia, mari ra ko Naamana no Suria. Tei te akarongo anga ratou 28 i taua tuatua nei, riri rava akera to te sunago katoa. Kua tu akera ratou ki 29 runga, opara atura iaia ki vao i taua

oire ra, arataki atura iaia ki te nia o taua maunga i akatuaia i to ratou oiro 30 ra, e akataka atu iaia ki raro. Aere ke atura ra aia, na rotapu ua atura ia ratou te aere.

31 E tae atura aia ki Kaperenauma, ki tetai oire i Galilea, e apii atura ia ratou 32 i te rā sabati. Umere maira oki ratou i taua apii anga nana ra: te mana ra oki 33 tana tuatua. Tei roto i taua sunago ra tetai tangata, e vaerua demoni viivii tona, kua kapiki ua maira aia ma te 34 reo maata, Na ko maira, Aue e Iesu o Nazareta e! caa tauu ia matou nei? I aere mai aia koe e ta ia matou? Kua 35 kite au ia koe, ko te Mea Tapu o te Atua ra. Kua kauvae aturā Iesu iaia, na ko atura, Ka muteki, ka aere mai ki vao. Kua titiri ora taua demoni 36 ra iaia ki raro i rotapu iora, aere atura ki vao, kare aia i paruparu. Umere 37 iora ratou ravarai, e kua tuatua ora ratou ratou uorai, na ko akera, Eaa ra tenana tuatua? te akaue na nei oki aia i te vaerua viivii nei ma te ririnui e te mana, e te aere nei ratou ki vao! 38 E tutuki atura tona rongo, e pini rava akera taua enua ra.

38 E riro atura aia ki vao i taua sunago ra, tomo atura aia ki roto i te are o Simona: kua mate te metua ongoai vaine o Simona i te vera maata; kua tuatua meitaki maira ratou kiaia, 39 taua vaine ra. Tu iorā Iesu i rungao iaia, kua kauvae atura i te vera, e peke ke atura: kua tu maira aia ki runga i reira, matuapururu maira ia ratou.

40 E topa atura te rā, e maki tei ko i o ratou ra, kua apai maira kiaia, e manganui te tu; kua akairi atura aia i tona rima ki rungao ia ratou ravarai, 41 akaora atura. E te demoni katoa e manganui aere maira ki vao, ma te kapiki ua, i te na ko anga e, Ko te Mesia koe, te Tamaiti a te Atua. Kua kauvae atura aia ia ratou, auraka ratou e tuatua mai; no te mea kua kite ratou e, ko te Mesia aia.

42 E ao akera, riro ke atura aia ki tetai ngai motutaa: e kua kimi maira taua aronga maata ra iaia, e kitea maira, kua pupuru maira iaia, auraka aia e aka- 43 ruke ia ratou. Kua karanga atura aia kia ratou, E tutu aere rai au i te evangelia o te basileia o te Atua i te au oire ke atu e tika i; i tonokia mai ei 44 oki au. Kua ako atura oki aia i roto i te au sunago i Galilea.

PENE V.

To Iesu apii anga i roto i te pai; te tuku anga i te kupenga: te lepera: te tangata akangoru: te akakino Atua: ko Levi e te kaingakai ki ona: kare te au pipi a Iesu e neseteia.

E TE tu ua ra aia i tetai rā i te pae 1
roto i Genesareta ra, kua ototitoti
ua maira te tangata katoa e manganui
kiaia, e akarongo i te tuatua a te Atua,
Akara atura aia i e rua puke pai, te 2
tapae ua ra i te pae roto; kareka te
aronga ravakai, tei uta ia, te taruku ra
i ta ratou kupenga. Aere atura aia ki
runga i tetai pai, i to Simona, kua kara-
nga atura kiaia e toko aia ki taio kia
atea te one ki uta. Kua noo ora aia
ki raro e kua apii maira i te tangata
tini i runga i taua pai ra. E oti akera 4
tana tuatua, karanga atura aia kia Si-
mona, O atu ki te moana, tuku atu ei
i ta kotou kupenga i tetai aronga ika.
Kua tuatua mairā Simona, na ko 5
maira, E te Atua, i tauta ua na matou
mei te aia e ao akenei, e kare e ika i
rauka; kia tuatua maira koe, ka tuku
rai au i te kupenga ki raro. E kia 6
pera ora ratou, kua pini rava akera ia
ratou te ika e manganui; e motu atura
ta ratou kupenga. Kua kamokamo
atura ratou ki to ratou aronga ki runga
i tetai pai, kia aere katoa mai ratou e
rave. Kua aere maira oki ratou, kua
akaki ora i nga pai e rua katoa, e vai-
tata rava ora i te tomo. E kia akara 8
orā Simona Petero i te reira, tipapa
ora aia ki raro i te pae turi no Iesu, ma
te karanga atu e, E aere ke koe, e te
Atu, e tangata ara oki au. Poitirere 9
iora aia e ratou katoa i taua aronga ika
i rauka ia ratou ra: E ko Iakobo katoa 10
oki e ko Ioane, nga tamariki a Zebe-
daio, kua kapiti katoa raua kia Simona.
Kua karanga aturā Iesu kia Simona,
Eiaa e matakū; mei teianei atu, e ta-
ngata taua e rauka. E tae maira to 11
raua puke pai ki uta, akaruke anake
ora ratou, e kua aru maira iaia.

E i na, tei tetai oire aia, kua akara 12
maira tetai tangata ia Iesu, kua pini
rava aia i te lepera; tipapa ora aia
ki raro, tuatua meitaki maira kiaia,
na ko maira, E te Atua, kia tika ia
koe ra, e mā au ia koe. Kua aka- 13
tika atura aia i tona rima, akatukia
atura iaia, na ko atura, Kua tika ia
iakū: kia mā koe. Peke ke atura
tona lepera i reira. E kua iku atura 14
nia iaia, auraka rava e aaki ki te ta-
ngata, E aere ra e akakite ia koe uorai

ki te taunga ra, e e apai atu i tei ako-
noia e Mose, ei akakite anga atu kia
15 ratou e, kua mā koe. Vavaria rava
atura tona rongo, e e aronga maata
tei uipa katoa mai e akarongo iaia, e
kia akaorai ratou e ia i to ratou au
16 maki. Riro ke akera aia ki te ngai
motutaa e pure.

E tae akera ki tetai rā, te apii ra aia, 17
te noo maira te Pharisea, e te aronga
apii ture, i vaiata, mei Ierusalem
mai, e mei te au vila ravarai i Galilea e
Iudea, e tei reira te mana o te Atua i te
18 akaora ia ratou. E i na, te apai maira
te tangata i tetai akangoru ki rungao i
te roi: i inangaro ratou i te apai mai
19 iaia ki roto, e tuku i mua iaia. E
kare akera i tika i te rai o te tangata,
kake akera ratou ki rungao i te are,
kua tuku ora iaia ki raro, na roto i te
tapoki are, ma te roi iti katoa i rotou i
20 mua ia Iesu. E kite atura aia i to ratou
akarongo, kua karanga atura aia kiaia,
21 E tama, kua akakorcia taua ara. Kua
eumiumi ora te au tata tuatua e te au
Pharisea, na ko akera, Koai teia e tua-
tua i te akakino Atua? E matara oki to
22 ara iaia mari ra i te Atua anake ra? Te
kite rā Iesu i to ratou manako, kua kara-
nga atura kia ratou, Eaa ta kotou i eumi-
uni ua na i roto i to kotou ngakan? 23
Teiea te mea rave ngoie, ko te tuatua
aina, Kua matara taua ara; e ko te
tuatua aina, Ka tu ki runga, ka aere?
24 Kia kite ra kotou e, e mana to te Tama-
iti a te tangata i te ao nei kia akakore i
te ara, (kua na ko atura aia ki taua aka-
ngoru ra,) Te karanga atu nei au kia
koe, Ka tu ki runga, ka rave i to roi,
25 ka aere ki toou ngutuare. Kua tu
akera aia i reira i mua i to ratou mata,
rave ora i tona moenga, aere atura ki
tona ngutuare, i te akakakā anga atu
26 i te Atua. Rokoia anake ora ratou e
te umere maata e te matakū, e kua
akakakā atura i te Atua, na ko akera,
E mea tu ke maata ta tatou i kiteo i
teianei rā.

E muri akera, aere atura aia ki 27
vao, e kite atura aia i tetai telona,
ko Levi te ingoa, i te noo anga i te
are telona; kua karanga atura aia
28 kiaia, Ka aru mai iaku. Kua tu
akera aia ki runga, vaoo atura i te
29 apinga tini, e aru atura iaia. Kua
akatupu iorā Levi i tetai kaingakai
maata nana i tona uorai are; e ma-
nganui te telona e te tangata ke ka-
toa i noo i taua kaingakai ra ko
30 ratou katoa. Kareka te au tata tua-
tua e te au Pharisea, koumuumu
ora, tuatua atura ki tana au pipi ra,

Eaa kotou i kai katoa'i, e i inu ei oki, e te au telona ma te aronga ara ra? Kua tuatua mairā Iesu kia ratou, 31 na ko maira, Kare no te aronga ora te taunga, no te aronga maki ra. Kare 32 au i aere mai e tiki i te aronga tuatua-tika, i te aronga ara ra, kia tataara. Kua ui atura e tokotai puke 33 tangata kiaia, Eaa te mea i neseteia putuputu ei te au pipi a Ioane, e ta te au Pharisea, e e pure oki, kareka taau, te kai ua nei ia, e te inu ra. Kua tua- 34 tua maira aia kia ratou, Te neseteia nei aina te au oa o te tane ou ra, i te noo katoa anga o taua tane ou ra ki o ratou? Te vai atura ra te tuatau e apai 35 keia'i te tane ou ra, ei reira ratou e neseteia'i. Kua tuatua maira aia kia 36 ratou i teianei parabole, Kare e tangata e pananaki i te kakau piro ki te manga pananaki ou: kia pera, e motu te kakau piro ra i te manga pananaki ou i pananakiia ra, kare rava oki te mea ou e tau i te mea piro. Kare oki e tangata e tuku i te wina 37 ou ki roto i te āriki taito ra; kia pera, e ngaac te āriki i taua wina ou ra, maringi atura ia, e kino atura te āriki. Kia tukuia ra te wina ou ki roto 38 i te āriki ou e tika'i, e ora kapipiti ia. E kare oki te tangata i inu i te wina 39 taito ra e kaki vave i te wina ou, e tuatua oki aia e, te wina taito te mea meitaki.

PENE VI.

Te au pipi i te uuti aere anga i te sitona i te sabati: te rima marō i akaoraia i te sabati: te au aposetolo tino ngauru ma rua i te iki angaia: taua tuatua ki te tangata tini.

E TOPA akera te sabati mua, 1 ei te rua ra, aere atura aia na roto i te au koro sitona; kua uuti akera tana au pipi i te ua sitona, kua miri-miri ora ki te rima, kua kai ora. Kua tuatua maira e tokotai puke 2 Pharisea kia ratou, Eaa kotou i rave ei i tei kore i tau i te ture kia rave i te sabati? Kua karanga aturā Iesu 3 kia ratou, na ko atura, Kare aina kotou i tataui i teia i ta Davida i rave, e tei kapiti katoa iaia, ka pongi ei ratou ra; E i tomo aia ki roto i 4 te arc o te Atua, e rave atura e kua kai i te areto o te aroaro, e kua apai oki na tei kapiti katoa iaia ra; ko tei kore e tau i te ture kia kai, mari ra na te kau taunga anake ra? Kua na 5 ko atura oki aia kia ratou, Ko te Ta-

maiti a te tangata nei, ko te Atua katoa ia o te sabati.

6 E tac akera ki tetai sabati, tomo atura aia ki roto i te sunago, apii atura: tei reira oki tetai tangata, kua 7 marō tona rima katau. Te akara matariki maira te au tata tuatua e te au Pharisea iaia, ko te akaora oki aia i taua tangata ra i te rā sabati; kia rauka ta ratou tapepe anga mai iaia. 8 Kua kite ra aia i to ratou manako, e kua karanga atura ki te tangata nona te rima marō ra, Ka tu ki runga i rotopu nei tu ei: kua tu akera aia ki runga, tu iora. Kua karanga aturā Iesu 9 kia ratou, Ka ui atu na au kia kotou i tetai mea; Eaa te tau i te ture kia rave i te rā sabati, ko te meitaki aina, e ko te kino? ko te akaora ainei, e ko te 10 ta? Kua akarau aere atura tona mata kia ratou ravarai e pini ua ake, kua karanga atura aia ki taua tangata ra, Ka akatika mai ana i to rima. Tei te pera anga ra, ora takiri akera tona 11 rima mei tetai katoa ra. Ki rava akera ratou i te riri; kua tuatua ora ratou ratou uorai i ta ratou ravenga ia Iesu. 12 I te reira puke rā tona aere anga ki runga i tetai maunga e pure, e ao ua ora te po iaia i te pure anga ki te 13 Atua. E ao akera kua karanga atura ki tana au pipi e aere mai kiaia ra: kua iki ora aia tino ngauru ma rua o ratou, ko tana ia i tapa i te ingoa e 14 aposetolo: Tera oki taua aronga ra, ko Simona tana i tapa katoa ia Petero, e ko Anederena tona taeake, ko Iakobo e ko Ioane, ko Philipa e ko Barato- 15 lomea, Ko Mataio e ko Toma, ko Iakobo a Alephai, e ko Simona tei 16 tuatuaia i te Maroioi, Ko Iuda te taeake no Iakobo, e ko Iuda Iseka- 17 riota, ko tei riro ei pikikaa ra. Kua cke maira aia ki raro e ratou katoa, tu ora i te ngai maniania; e tei reira 18 tetai pae pipi ana, e tetai urupu tangata maata no Iudea katoatoa, e no Ierusalemia ra, e no te pae taatai i Turia e Sidona, i aere mai e akarongo iaia, kia akaoraia ratou i to ratou au maki; E te aronga i tamanamanataia e te vaerua viivii ra: akaoraia ora 19 ratou. Kua unuunu katoa maira taua aronga maata ra i te akatukia mai iaia: te pupu atura oki te mana no roto iaia, e ora rava akera ratou 20 katoatoa. Kua akara atura oki tona mata i tana au pipi, e kua karanga atura, E ao to kotou, e tei akaaka; no kotou oki te basileia o te Atua ra. 21 E ao to kotou, e tei pongi i teianei: e akakiia oki kotou. E ao to kotou, e

22 tei aue i teianei; e kata oki kotou.
 E ao to kotou, kia makitakita mai te tangata ia kotou, e kia akataka ke mai ratou ia kotou, kia akakino mai, e kia akaruke akakinoia to kotou ingoa, no te Tamaiti a te tangata nei. E 23
 rekareka kotou i te reira rā, e rere-rere aere ua i te rekareka: i na oki, tei te ao ta kotou tutaki maata; i pera mai oki to ratou ai tupuna ki te au peroveta ra. E mate to kotou, e te 24
 aronga apinga nui! kua rauka to kotou rekareka anga. E mate to kotou, e tei 25
 ki na! e pongi oki kotou. E mate to kotou, e te aronga e kata i teianei! e mii oki kotou e ka aue. E mate to kotou 26
 kia akameitaki mai te tangata ravarai ia kotou! i pera oki to ratou ai tupuna i te au peroveta pikikaa ra. Teia ra 27
 taku tuatua kia kotou, e akarongo mai ra, E aroa atu i to kotou au enemi; e takinga-meitaki atu i te aronga i makitakita mai ia kotou; E akaora i 28
 te aronga i tao mai ia kotou, e pure oki i te aronga i takinga-kino mai ia kotou. Tei moto maira i to paparinga 29
 na, e ariu katoa atu i tetai; e tei rave i to kakau pu na, auraka katoa e tāpu i to pereue. E oronga atu na tei pati 30
 mai ia koe na, e ko tei rave i toou apinga, auraka e pati akaou atu. E 31
 ta kotou e inangaro ia etai ke ra, ka akapera katoa atu kotou kia ratou. Ko tei aroa mai ia kotou, ko ta kotou 32
 rai ia e aroa atu, eaa te akameitaki anga ia kotou i reira? te aroa katoa nei oki te aronga rave ara i te aronga e aroa mai ia ratou. E kia takinga- 33
 meitaki atu kotou i te aronga e takinga-meitaki mai ia kotou, eaa te akameitaki anga ia kotou i reira? te pera katoa nei oki te aronga rave ara. E 34
 ta aronga ta kotou e manako e rauka ta kotou i reira, ta kotou rai ia e oronga atu kia pati, eaa te akameitaki anga ia kotou i reira? te oronga nei oki te rave ara ki te aronga rave ara, kia arite marie ta ratou kia rauka mai. E aroa ra kotou i to kotou 35
 au enemi, e e takinga-meitaki, e oronga atu, auraka ua atu ei manako okooko; e tutaki maata ta kotou i reira, e ka riro oki kotou ei tamariki na Tei Teitei: e takinga-meitaki oki tona ki te aronga mareka kore e te tangata kikino. E aroa oki to kotou, mei 36
 to kotou Metua e aroa maira. Auraka 37
 e akakino atu, e kare kotou e akakinoia mai: auraka e akaapa atu, e kare kotou e akaapaia mai: e akakore atu i te ara, e ka akakoreia mai ta kotou. Ka oronga, e ka rauka ta kotou; e 38

ki te aite, e taomia, e ruruia, e maringi ua atu, na te tangata e riring mai ki roto i to kotou kakau. Ko te aite ta kotou e aite atu, ko ta kotou 39
 rai ia kia akaaiteia mai. Kua karanga atura aia i te parabole kia ratou, E tika aina te matapo kia arataki i te matapo? kare aina e inga kapipiti ki roto 40
 i te vaarua? Kare te pipi i maata atu i tona orometua: te pipi ra i karape i te kite, ka riro i te aite katoa i tona 41
 orometua. Eaa oki koe i akara'i i te tanga iti i roto i te mata o to taake, kare oki koe i kite e tei roto i toou 42
 uarai mata te rakau maata? E eaa koe i tika'i kia tuatua ki to taake, E taku taake, o mai naku e kiriti i te tanga iti i roto i to mata na, kare oki koe i kite e, e rakau maata tei roto i toou orai mata? E terera pikikaa e! e timata ana i te kiriti i te rakau maata i roto i toou orai mata, ei reira koe e kite meitaki ei, kia kiriti i te tanga 43
 iti i roto i te mata o to taake. Kare te rakau meitaki ra tei ua mai i te ua kino, kare oki te rakau kino ra e 44
 ua mai i te ua meitaki. Te kitea nei te au rakau katoa i tona uarai ua tikai: kare oki to runga i te rakau taratara te suke kia rauka mai; e te vine oki, kare ia mei runga i te tata- 45
 ramoa. E tuku mai te tangata meitaki i te mea meitaki, no roto i te putunga meitaki i roto i tona ngakau; e tuku mai te tangata kino i te mea kino, no roto i te putunga kino i roto i tona ngakau: no te ki oki o te ngakau i tuatua'i te vaa. 46
 Eaa kotou i tuatua mai ei kiaku nei e, E te Atu, e te Atu, e kare 47
 kotou i akarongo i taku tuatua? Ko te aere mai kiaku nei e akarongo ei i taku ua tuatua, e akono tikai ora, e akakite atu au kia kotou i tona tu: 48
 E tau aia ki te tangata i patu i te are, e ko atura ki raro roa, tamou ora te pange ki rungao i te papa; e vai pukeia ora, viviki rava atura taua vai ra i te ta'e anga mai ki taua are ra, kare ra te are i keukeu i te reira, kua tamouia oki ki runga i te papa. 49
 Kareka te akarongo ua, e kare i akono, e tau ia ki te tangata i patu i te are ki runga i te one, kare i tamou ki te pange, e viviki maira te vai puke i te ta'e anga mai, topa ora, e nganngaa maata to taua are ra i te topa anga.

PENE VII.

Te tavini o te rangatira anere: te tangata mate i Naina: nga karere a Ioane baptizo: ta Iesu tuatua ia Ioane: to Iesu akanuinu angaia e te vaine aru: te parabole o nga tangata kai ou.

E KIA akaoti akera aia i tana tuatua 1
tei akarongoia e te au tangata ra,
tomo atura aia ki roto i Kapernauma.

Kua mate te tavini tumanava o 2
tetai rangatira anere i te maki, kua
vaitata i te mate. E kite akera aia 3
i te rongo o Iesu, kua unga atura aia
i te aronga pakari e te ngati Iuda, e
tuatua meitaki atu kiaia ra, e aere mai 4
aia e akaora i tona tavini. E tae atura
ratou kia Iesu ra, kua pati akatangata
atura ratou kiaia, na ko atura, E tan- 5
gata tau teia kia akaperaia atu; E aroa
oki aia i to tatou iti-tangata, e nana i
akatu i to matou sunago. Kua aere 6
mairā Iesu e ko ratou katoa. E avari-
tata ora aia ki taua are ra, kua tono
atura taua rangatira anere ra i te au
oa e karanga atu kiaia ra e, E te Atu, 7
eiaa koe e parareare; kare au e tau
kia tono mai koe ki roto i taku are;
I kore ei i tika iaku kia manako e,
e tau au kia aere atu ki mua i to aro- 8
aro na: e tuatua au maira koe i te
tuatua, ka ora ia toku tavini i reira.
Ko au katoa nei oki, ko raro ake au ia
etai ke, e vaeau ra to raro ake iaku,
e kia tuatua au ki tetai, Ka aere, kua
aere ia; e ki tetai, Ka aere mai, kua
aere mai ia; e ki taku tavini, E na 9
ko, kua na reira ia aia. E kite akērū
Iesu i taua tuatua ra, va ua iora aia
kiaia; kua ariu atura, e kua karanga
atura ki te tangata tini i aru mai iaia
ra, Te karanga atu nei au kia kotou nei,
Kare rai au i kite i teia akarongo i te
maata i Israela nei. Kua oki maira 10
taua aronga i tonokia ra ki te kainga,
rokoia maira, kua ora taua tavini i
maki ra.

E ao akera, aere atura aia ki roto 11
i tetai oire, ko Naina te ingoa; e te
aronga pipi katoa nana e manganui i
te aere anga, e te tangata tini e man-
ganui. E vaitata atura aia ki te 12
ngutupa o taua oire ra, e i na, te
apaia maira te tangata mate ra ki vao,
e tamaiti anau tai na tona metua vaine,
e takaua oki aia: e manganui katoa
to taua oire ra i reira. E kia akara 13
atura te Atu i taua vaine ra, aroa atura
iaia, e kua karanga atura, Auraka e
aue. Kua akavaitata atura aia, rave 14
atura i taua paata tupapaku ra; kua

tu ua ora te aronga i apai ra; kua ka-
ranga atura aia, E teianei tangata ou,
ka tu ki runga, te karanga atu nei au
15 kia koe. Kua tu maira taua tangata
mate ra ki runga, e tuatua maira oki
te vaa. Kua tuku atura aia iaia ki
16 tona metua vaine ra. Rokoia katoa
ora ratou e te mataku, akakakā atura
i te Atua, na ko akera, E peroveta
maata tei tupu i roto ia tatou nei; kua
kite aroa mai te Atua i tona tangata.
17 E tutuki atura taua rongo nona ra
e pini ua ake Iudea katoa, e te au mo-
tia ravarai i reirao.
18 Kua akakite atura te au pipi a
Ioane kiaia i teianei tuatua katoa.
19 Kua kapiki aturā Ioane i e toko rua
puke pipi ana ra, kua akaunga atura
kia Iesu ra, e ui kiaia e, Ko koe aina
te tae mai? e ko tetai ke aina ta tatou
20 e tapapa atu? E tae atura aua nga
tangata ra kiaia, kua karanga atura,
Na Ioane baptizo i tono mai ia maua,
e ui kia koe e, Ko koe aina te tae
mai? e ko tetai ke aina ta tatou
21 e tapapa atu? Te akaora rā Iesu i
te aronga maki e manganui i to ratou
maki maata, e te mamae maata, e te
au vaeau kino, i taua ora ra: e te
oronga ra aia i te kite no te matapo e
22 manganui. Kua karanga aturā Iesu
kia raua, na ko atura, Ka aere korua,
e akakite atu kia Ioane i te au mea
ta korua e akarongo nei, e ta korua e
kite nei; e te kite nei te matapo,
te aere nei te pirikoki, kua tamāia
te lepera, kua akarongo te turi, kua
akatuia tei mate, kua tuatuaia atu
te evangelia ki te tangata rikiriki.
23 E te kore e maitu iaku nei, e ao tona.
24 E kia riro nga karere a Ioane ra, kua
karanga atura aia ki te tangata tini
ra ia Ioane, I aere kotou ki te mede-
bara ra, e akara i te aa? i te kakao
25 takirikiria e te matangi? I aere ra
kotou e akara i te aa? i te tangata i te
kakao anga i te kakao maru? I na
oki te aronga e kakau i te kakau mei-
taki ra, e kai i te kai meitaki ra, tei
26 te are ia o te ui ariki. I aere ra kotou
e akara i te aa? i te peroveta? Koia
ia, e karanga atu au kia kotou, e maata
27 roa aia i te peroveta. Koa oki teia,
nona te tuatua i tataia ra e, "I na, e
akaunga au i taku karere na mua ia koe,
nana e akameitaki i toou ara i mua ia
28 koe." Te karanga atu nei oki au kia ko-
tou, Ko ta te vaine i anau nei, kare atu ia
e peroveta maata atu ia Ioane baptizo
nei: ko te iti rava ra i te basilcia o te
29 Atua ra, e maata atu ia iaia. Kua
akatika anake te tangata katoa, e te au

telona katoa, i akarongo ra i te Atua, ko ratou i baptizoia e Ioane. Kareka te 30 au Pharisea e te au apii ture, kua kopaie ratou i te ako a te Atua ia ratou orai, ko ratou kare i baptizoia e ia. Kua tuatua iora te Atua, E teianei, e 31 akaite au i teianei uki tangata ki te aa? e tau ratou kiai? E tau ratou ki te 32 tamariki e noo i te ngai okoanga ra, i te kapiki anga ki to ratou orai, i te na ko anga e, I akatangi atu na matou i te koe, e kare kotou i ura mai; i tuporo atu ana matou i te pee tangi, e kare kotou i aue mai. I aere mai nei oki a 33 Ioane baptizo, ma te kai kore i te areto, e te inu kore i te wina, e te karanga nei kotou e, E demoni tona. I 34 aere mai nei te Tamaiti a te tangata ma te kaikai, e te inu; e te karanga nei kotou e, I na, e tangata kakai, e te inu wina, e tau no te au telona, e te tangata ara! E akatikaia ra te pakari 35 e tana katoa ra au tamariki.

Kua tuatua maira tetai o te au 36 Pharisea ra kiai, e kai aia i te kai ki ona. Aere atura aia ki roto i te are o taua Pharisea ra, noo ua atura i te kaingakai ra. E i na, tetai vaine 37 ara i taua oire ra, kite akera e, te kaikai rā Iesu i te are o taua Pharisea ra, kua taoi maira i tetai pia alabata mura ra; Tu ua ora i muri mai i tona 38 poo vaevae, ma te aue, e mauu akera tona poo vaevae i te roi-mata, e orci ora i tona rauru, ongiongki akera, e akatainu ora i tona vaevae ki te mura. Kite akera te Pharisea i tuatua kiai 39 i taua mea ra, kua na ko akera i roto iaia uorai, Naringa teianei tangata e peroveta, e kite ia aia i teianei vaine e rave mai iaia nei, e tona tu: e rave ara oki aia. Kua karanga atura 40 Iesu kiai, na ko atura, E Simona, e manga tuatua iti taku kia koe na. Kua tuatua maira aia, E tuatua ua mai koe, e te Orometua. Toko rua 41 a tetai tangata puke kai ou: e rima anere denari i ta tetai tangata, e rima ngauru i ta tetai. No te mea ra, kare rava o raua apinga e tutaki na'i, akakore ua atura aia i to raua katoa ou. E tenana e akakite mai koe, ko teica tei maata i te anoano iaia i taua nga tangata ra? Kua tuatua mairā Si- 43 mona, na ko maira, Te manako nei au ko tei akakoreia e ia te ou maata ra. Kua karanga atura aia kiai, E manako tika toou. Kua ariu atura aia 44 ki taua vaine ra, kua karanga atura kia Simona, Te akara nei koe i teianei vaine? i tomo mai nei au ki roto i toou nei are, e kare koe i apai mai

i te vai ei orei i toku vaevae: kua orei ra aia i toku vaevae ki te roi-mata, e 45 kua tamarā ki tona uorai rauru. Kare koe i ongi mai iaku: kareka teianei vaine, kare rava akenci i tivata i te ongiongki i toku vaevae mei toku tomo 46 anga mairai. Kare koe i akatainu i toku mimiti ki te manongi: kareka aia, kua akamainu i toku vaevae 47 ki te mura. E teianei, e akakite atu au kia koe, I tana nei ara maata, kua akakoreia ia; i maatai tona anoano. Kareka te tangata e ara iti i akako- 48 reia ra, e iti ia tona anoano. Kua tuatua akera aia ki taua vaine ra, 49 Kua akakoreia taua ara. Kua tuatua akera taua aranga i te kaingakai ra i roto ia ratou uorai, Koai teia e aka- 50 kore katoa i te ara nei? Kua karanga atura aia ki taua vaine ra, Kua ora koe i toou akarongo: kia ora koe i te aerenga.

PENE VIII.

Te au vaine i matuapuru mai ia Iesu: te parable o te tangata ruru ua: auraka te lumepa e uunaiu: te metua vaine ma te au taeake o Iesu: te uruia: te au demoni e te au puaka: te tumaine a Iairo, e te vaine alekeria, i te akaora angia.

1 **E** MURI akera, aere atura aia na roto i te au oire, e te au vila katoa, i te tutu aere anga i te tuatua meitaki i te basileia o te Atua: koia 2 e te tino ngauru ma rua katoa. E te au vaine oki i akaoria te vaerua kino e te maki, ko Maria, i tuatuaia no Magadala, no roto iaia nga demoni 3 toko itu ra, E ko Ioana te vaine na Kuza, te akaere no Heroda, e ko Susana, e koe puke vaine ke oki e manganui, ko tei matuapuru mai ia iaia i 4 to ratou apinga. E kia putuputu mai te tangata tini e manganui, e no roto i te au oire katoa i te aere anga mai kiai ra, kua tuatua parable atura aia kia 5 ratou: Aere atura te ruru ua, e ruru i tana ua; e tei te ruru anga, topa iora tetai pae i te pae arataa; e taka- 6 takaiia iora, e kaingaia iora e te manu o te reva. Topa iora tetai pae ki 7 runga i te ngui paika; e tei te tupu anga ra, mae atura, no te mea kare i 7 mauu. Topa iora tetai pae ki roto i te ngangaere; tupu katoa atura te 8 ngangaere, pokia atura. Topa iora oki tetai pae ki te ngai one meitaki, tupu akera, e uua atura, taki tai anere i te ua okotai. Oti akera taua ua mea nei i te tuatuaia e ia, kua kapiki atura, E taringa tona ei akarongo anga,

e akarongo aia. Kua ui maira tana 9
 au pipi kiaia, na ko maira, Eaa tikai
 tenana parabole? Kua karanga atura 10
 aia, Kua orongaia mai te kite ia kotou
 i te tuatua ngaro o te basilcia o te
 Atua; kareka i tetai papaki, i te tua-
 tua parabole; kia kore ratou e utoa
 i te akara anga, e kia kore ratou e kite
 i te akarongo anga. Teia taua para- 11
 bole nei; Te ua nei, koia te tuatua
 a te Atua. To te pae arataa ra, koia 12
 te aronga e akarongo ua; e kua aere
 maira te diabolō, e kua rave ke atura
 i te tuatua i roto i to ratou ngakau
 ra, ko te akarongo aea ratou, e ko
 te ora aea. To te ngai paikēa ra, koia 13
 te āriki i te tuatua na te rekareka
 kia akarongo ra; no te mea ra kare i
 akaia i roto ia ratou, kare to ratou
 akarongo e roa, kia rokoia e te tima-
 taanga ra, taka ke atura. To te ngai 14
 ngangaere ra, koia te aronga kia oti i
 te akarongo ka aere atu ei, pokia
 atura te *tuatua* i te pecu tini o teianci
 ao e te apinga, e te au mea e navenave
 ei ra, i kore ei i ua mai i te ua mei-
 taki. Kareka to te ngai one meitaki, 15
 koia te aronga e akarongo i te tuatua,
 tāpu piri tikai ki roto i te ngakau
 pikikaa kore e te tau, e e tika i te uua
 anga i te ua. Kare rava e tangata e 16
 tutungi i te lamēpa, ka tapoki ei ki te
 kapu, ka momono ei oki ki raro ake i
 te ro; kia tukuia ra ki runga i te
 vairanga, kia kite te aronga e tomo
 mai i te mārama. Kare rava e mea 17
 ngaro e kore e akakiteia; kare oki
 e mea i uunaia mai, e kore e kitea,
 e e vavaria katoa oki. E tenana, e 18
 matakite i to kotou akarongo anga:
 ko tei puapingaia ra, e orongaia atu
 rai taua; e kare ana ra, e rave kia
 ia taua.

Kua aere maira tona metua vaine 19
 kiaia e tona ai taekē, e kare akera i
 vaiata mai kiaia i te kononinoni o te
 tangata. E tuatuaia maira aia, kua na 20
 koia maira, Te tu ua maira to metua
 vaine, e to ai taekē, ki vao, i inangaro
 mai kia kite ia koe. Kua tuatua 21
 maira aia kia ratou, na ko maira, Tera
 toku metua vaine, e toku ai taekē, ko
 tei akarongo e kua akono i te tuatua a
 te Atua.

E tae akera ki tetai rā, aere atura aia 22
 ma tana au pipi ki runga i tetai pui,
 kua karanga atura aia kia ratou, E
 akatere tatou ki tera pae roto. Tuku
 atura ratou. Te tere atura ratou, kua 23
 varēa atura aia e te moc: kua tupu
 maira tetai matangi uria i taua roto
 ra; kua ki rava te pui i te tai, me

24 mate oki ratou. Kua aere atura
 ratou, e akaara iaia, na ko atura, E
 te Atu, e te Atu, kua mate matou.
 Tu akera aia ki runga, kauvae atura i
 te matangi e te tikitiki anga o te kare; e
 25 kore akera, marino atura. Kua kara-
 nga atura aia kia ratou, Teia ra to
 kotou akarongo? Matakū akera ratou,
 umere atura, na ko ora ratou ratou
 orai, Koai teia? te tuatua ua ra oki
 aia ki te matangi nei e te tai, e kua
 akarongo mai ia iaia.

26 E tae atura ratou ki te enua o to

27 Gadara, i anga tika ki Galilea. E tae
 atura aia ki uta, kua aravei maira iaia
 tetai tangata no taua oire ra, i uru
 takereia ana aia e te au demoni, kare
 e kakau i te kakau, kare e noo ki roto
 i te arc, i roto ra i te au menema ra.

28 E kite akera aia ia Iesu, kua kapiki ua
 maira, akatopa ora iaia orai ki raro ki
 muu iaia, e kua na ko maira ma te reo
 maata, Eaa tauu iaku nei, e Iesu, e te
 Tamaiti a te Atua teitei? Te pati atu
 nei au kia koe e, auraka koe e aka-

29 mamae iaku. I tuatua ana oki aia ki
 te vaerua viivii i roto i taua tangata ra
 e aere mai ki vao. E manganui akera
 tona opukinga angaia mai: e kia tape-
 kaia aia ki te tapeka, e te auri piri-
 nganaoa; atiati takiri rava akera iaia
 te ruru, e tuarua aia e te demoni ki

30 te medebara. Kua ui atuā Iesu
 kiaia, na ko atura, Koai toou ingoa?
 Kua na ko maira aia, Ko Legioni; no
 te mea e manganui oki te demoni i o

31 ki roto iaia. E kua kaku maira ratou
 kiaia, auraka aia e akaue ia ratou e
 32 aere ki te oonu. E anana puaka ma-
 ata tei reira, i te kai anga i te kai,
 i runga i te maunga: kua tuatua maira
 ratou kiaia, e tuku aia ia ratou kia
 tomo ua ana ki roto ia ratou. E kua

33 tuku ua atura aia ia ratou. Aere
 atura te au demoni ra ki vao i taua
 tangata ra, tomo atura ki roto i te
 au puaka: e oro viviki ua atura
 taua anana ra na te mato, e raro rava

34 i taua roto ra, mate atura. E kite
 akera te aronga angai i taua mea ra,
 ati iora, e oro atura, e akakite aere ki
 roto i te oire e te au kainga katoa.

35 Tei vao maira to te oire e akara i taua
 mea ra; e tae maira kia Iesu ra, kite
 akera te tangata no roto iaia te au de-
 moni ra, i te noo anga i te vaevae o
 Iesu, kua kakau i te kakau, e ma tona
 ngakau tikai; matakū akera ratou:
 36 Kua akakiteia ra ratou e te aronga i
 kite i te tu o te akaora angaia o taua
 37 tangata demoni ra. Kua tuatua
 meitaki maira te tangata tini ravarai

o taua pae enua i Gadara ra kiaia e aere ke; kua rokoia oki ratou e te mataku maata. Aere akaou maira aia ki runga i te pai, oki maira. Kua pati 38 ua maira taua tangata no roto iaia te au demoni ra, ei waitata katoa aia iaia; kua akaoki atura rā Iesu iaia, na ko atura, Ka oki ki toou ngutuare, e aka- 39 kite atu i te maata o ta te Atua ravenga kin koe na. Aere atura aia, akakite atura, e pini ua ake taua oire ra, i te maata o ta Iesu ravenga kiaia.

E tapae mairā Iesu ra, oo maira te 40 tangata tiui iaia, *ma te rehareka*, te tapapa anake ra ratou iaia. E i na, kua 41 aere maira tetai tangata ko Iairo te ingoa, e kavana no te sunago, e tuturi maira aia ki raro i mua ia Iesu, tuatua meitaki maira e aere ki roto i tona are: E tamaine anau tai oki tana, oko- 42 tai ngauru ma rua ona mataiti, kua waitata i te mate rava. Kia aere rā Iesu, ototitotia maira aia e te tangata. Kua aere maira tetai vaine na muri 43 mai iaia, raungauru ma rua ona mataiti i te mate ua anga i te atekeria, e ope rava tona apinga tei te rapakau, kare rava i ora ia ratou, Kua aka- 44 tukia maira i tona tapa kakau; e mao iora tona atekeria i reira. Kua tuatua 45 akērā Iesu, Koai ra tei akatukia mai iaku nei? E uuna anake ora ratou, kua karanga aturā Petero ma, E te Orometua, e ui mai oki koe e, Koai tei akatukia mai iaku? eaa ia mea i uiia'i, i teianei urupu anga tangata i kononinoni mai ia koe nei? Kua tua- 46 tua mairā Iesu, Kua akatukia mai tetai iaku; kua kite oki au e, e mana tei riro atu na no ko nei atu iaku nei. E 47 kite akera taua vaine ra e, kare aia i ngaro, kua aere maira aia ma te rute-tetete, akatopa ua maira aia ki raro i mua iaia, akakite ua maira, i mua i te aoaro o te tangata ravarai, i te mea i akatukia mai ei aia iaia, e kua ora rava aia i reira. Kua karanga atura 48 aia kiaia, E akamaroiroi, e maine: kua ora koe i toou akarongo, kia ora koe i toou aerenga. E te tuatua 49 ua ra aia, kua aere maira tetai, mei ko i te kavana o te sunago ra, kua tuatua maira, Kua mate rava to tamaine; auraka e tamanamanata i te Orometua. Te akarongo atura rā Iesu 50 i taua tuatua ra, kua karanga atura kia Iairo, na ko atura, Auraka e ngaranga, e akarongo ua mai, ka ora iaia. E tae atura aia ki te ngutuare, 51 kare rava e tangata i tukua e ia ki roto, mari ra ko Petero, e ko Iakobo,

e ko Ioane, e te metua tane ma te 52 metua vaine o taua tamaine ra. Te aue ra ratou ravarai iaia, e te tangi ra; kua karanga atura aia, Auraka e tangi; 53 kare aia i mate, kua moe ra. Kua tai-toito maira ratou, kua kite oki ratou 54 e kua mate aia. Kua tuku atura aia ia ratou ravarai ki vao, kua rave atura i tona rima, kua kapiki atura, na ko atura, E maine, ka tu. 55 Kua oki maira tona vaerua, kua tu maira aia ki runga i reira; kua karanga atura aia i te kai e apai mai nana. 56 Va ua atura nga matua nona ra: kua ako atura aia ia raua e, auraka rava e akakite ki te tangata i taua mea ra.

PENE IX.

Te au aposetolo i te tono angaia: te tuatua a Heroda ia Iesu: nga tau-sani e rima i angatia: koai te Mesia; e ta te au pipi akono anga: te akatu ke anga: te demoni kare i ora i te au pipi: to ratou taumāro anga, ma te riri: kia tavaitai i te aru ia Iesu.

- 1 **K**UA akaputupu maira aia i te kua au pipi tino ngauru ma rua ra, kua tuku atura i te mana e te rangi no ratou, ki runga i te au demoni katoa, e kia akaora i te au maki.
- 2 Kua tono atura aia ia ratou kia tutu aere i te basileia no te Atua, e e aka-
- 3 ora oki i te aronga maki. Kua karanga atura aia kia ratou, Auraka ei apinga e apaiia atu i to kotou tere, auraka ei rakan, auraka ei pute, auraka ei areto, auraka ei moni; auraka kia 4 taki rua percue i te tangata okotai. E te are ta kotou e tomo ra, ei reira noo 5 ei, e ka aere atu ei. E te kore e kite mai ia kotou, kia aere ra kotou ki vao i taua oire ra, ka ruru atu i te one o to kotou vaevae ei akakite atu ia ratou.
- 6 Aere atura ratou na roto i te au vila, i te tutu aere anga i te tuatua meitaki, e te akaora anga i te maki, kare e ngai toe.
- 7 Kite akera te teterereka ko Heroda i te rongo i te au mea katoa i ravcia e ia ra; tumatetenga rava akera aia, no te mea te tuatua maira tai pae e, Kua tu akaou mai nei a Ioane mei 8 te mate mai; E ta tetai pae, Kua kitea mai a Elia; ta tetai pae, Kua tu akaou mai tetai peroveta taito ra.
- 9 Kua na ko akērā Heroda, Kua tipuia e au te mimiti o Ioane; koai ra teia nona teianei tuatua taku e akarongo nei? Anoono atura aia kia kite iaia.
- 10 E oki maira te au aposetolo, kua

akakite maira kiaia i te au mea katoa ta ratou i rave ra. Kua rave akera aia ia ratou, aere poiiri atura ki tetai ngai motutaa, no te oire i tuntuia ra e, ko Betesaida. E kite 11 akera te tangata tini, kua aru maira ratou iaia: e kua kapo atura aia ia ratou, tuatua maira kia ratou no te basilica o te Atua, e akaora akera i te aronga maki. E parepare akera te rā, 12 kua aere maira te tino ngauru ma rua ra kiaia, na ko maira, E tuku atu na te pouou tangata nei, kia aere ana ki te au vila ra, e te au ngai are i vaitata mai nei, kia rauka ta ratou kai e te moe anga; e medelara oki teia ta tatou e noo nei. Kua na ko atura aia 13 kia ratou, Na kotou e apai atu i te kai na ratou. Kua na ko maira ratou, E rima ua a tatou areto, e rua oki ika, oti ra ua; kareka e aere matou e oko i te kai na tela aronga maata. E rima paa tausani te tane. Kua ka- 14 ranganga atura aia ki tana au pipi, E akatakoto pupu aere ia ratou ki raro, kia taki rima ngauru i te pupu okotai. Kua pera atura ratou, akatakoto aere 15 atura ia ratou ravarai ki raro. Kua 16 rave iora aia i nga areto e rima ra, e nga ika e rua, mānā akera ki runga i te rangi, akameitaki atura, vava'i iora, apai atura na te au pipi ra e tuku atu ki mua i te aroaro o taua aronga maata ra. Kai anake iora ratou e 17 pangia rava akera; akaputuputu iora te totoenga kai, e ki akera nga tapora raungauru ma rua.

E tei te pure aia anake uaorai ma 18 tana au pipi; kua ui atura aia kia ratou, Koai au nei i ta te tangata nei tuatua anga? Kua tuatua maira 19 ratou, na ko maira, Ko Ioane bapetizo: *te tuatua nei* ra tetai pae, Ko Elia: Kua tu akaou tetai o te au peroveta taito ra, ta tetai aronga ra. Kua 20 karanga atura aia kia ratou, Koai ra au nei i ta kotou na tuatua anga? Kua tuatua mairā Petero, na ko maira, Ko te Mesia a te Atua. Kua ako 21 ua atura aia ia ratou, akaue atura, auraka rava ratou e akakite ua atu ki te tangata i te reira tuatua; na ko atura, E manganui to te Tamaiti a te 22 tangata nei mate e tika'i, e e akarukeia aia e te aronga pakari, e te kau taunga nunui ra, e te au tata tuatua ra, e e tamate ravaia oki, e e akatu akaouia kia tac ki te po toru. Kua karanga 23 atura aia ia ratou ravarai, Kia inangaro te tangata i te aru mai iaku ra, e akaruke aia iaia uaorai, ka rave ei i tana satauro i tera rā i tera rā, ka aru mai ei

24 iaku. Ko tei anoano i te tāpu i tona ora, kua ngere ia i te ora; e ko tei tika iaia i te tuku i tona ora iaku nei, e 25 ora ia tona. Eaa oki ta te tangata nei puapinga, kia rauka iaia to teia nei ao katoatoa, kia mate aia uaorai, e 26 kia ngere i te ora? Ko te tangata oki e akama iaku e taku nei tuatua, koia ta te Tamaiti a te tangata nei e akama, kia aere mai aia ma tona orai kakā e to te Metua, e to te au angela 27 tapu ra. Koia mou taku e akakite atu kia kotou nei, Kare ua tetai pae i teianei aronga e tu mai nei e rokoia e te mate, e kite ei ratou i te basilica o te Atua. 28 E po varu akera, i muri ake i teianei tuatua anga, kua arataki atura aia ia Petero, e Ioane, e Iakobo, ki runga 29 i te maunga e pure. E te pure ra aia, tu ke atura tona mata, teatea atura tona 30 kakau e te kakā. E i na, te tuatua maira kiaia e toko rua puke tangata, 31 ko Mose e ko Elia; I mama mai raua i roto i te kakā, e kua tuatua ora i te matenga nona ra, te ka tupu iaia i 32 Ierusalem. Kareka ko Petero ma, kua varea ia e te moe; e ara akera ratou, kite atura ratou i tona kakā, e nga tangata ra i tu katoa i vaitata iaia. 33 E tei te riro ke anga raua iaia ra, kua karanga aturā Petero kia Iesu, E te Orometua e, e mea meitaki kia noo tatou i ko nei: e akatu matou i e toru are puakapa; noou tetai, no Mose tetai, no Elia oki tetai: kare aia i kite 34 i tana tuatua. Te tuatua ra aia, ko te tiaou maira i te tapoki anga mai ia ratou; kua matakua akera ratou i te ratou o anga atu ki roto i te tiaou. 35 E tetai reo maira no roto mai i taua tiaou ra, i te na ko anga mai e, Ko taku Tamaiti akaperepere teia: ka akarongo 36 iaia. E i muri ake i taua reo ra, ko Iesu anake ora te toe. Kua muna- ngaro ora ratou, kare rava i tuatua ua ake ki te tangata i taua au rā ra i te au mea katoa ta ratou i kite ra. 37 E ao akera, e urupu maata tei aravei maira iaia, i to ratou eke anga maira 38 mei runga mai i te tuaiui ra. E i na, kua kapiki maira tetai tangata o taua urupu maata ra, na ko maira, E te Orometua e, te pati atu nei au ia koe, e aroa mai koe i taku tamaiti nei: ko taku tamaiti anau tai ia. 39 E i na, te opukia nei aia e tetai vaeura ra, e aue ora aia, e aenia iora aia, ukia ora te vaa, e kia maata tona paruparu, kua akaruke mamate ua mai aia iaia. 40 I tuatua ana oki au ki te au pipi nauu e tuaru i te *demoni*; kare ra i tika ia 41 ratou. Kua karanga aturā Iesu, na ko

atura, Aue ia uki akarongo kore, e te mūro e! mei te aa te roa o toku noo anga ki o kotou nei, e te akakoromaki anga atu kia kotou? Apai mai i to tamaiti ki ko nei. E tei te aere anga mai aia, kua titiri takiri atura te demoni iaia ki ruro, kua aae maira iaia. Kua kau-vae aturā Iesu i taua vaerua viivī ra, akaora atura i taua tamaiti ra, tuku atura ki tona metua tane ra. Kua umere anake atura ratou i te mana maata o te Atua.

E te va anake ra ratou i te au mea katoa ta Iesu i rave, kua karanga atura aia ki tana au pipi, Kia tae tikai teia-nei au tuatua ki roto roa i o kotou pukai taringa: e riro oki te Tamaiti a te tangata nei i te tukua atu ki te rima tangata. Kare ra ratou i kite i taua tuatua ra, kua tapokiia ora ia, kia kore ratou e kite: matakau oki ratou kia ni atu iaia i te reira tuatua.

Kua tupu akera te tauetono ia ratou orai, koai to ratou te ka maata. Kua kite rā Iesu i te manako o to ratou ngakau, kua rave atura i tetai tamaiti iti, kua tuku maira ki tona pae. Kua karanga atura aia kia ratou, Te kite mai i teianei tamaiti iti no toku nei ingoa, kua kite mai ia iaku: e te kite mai iaku, kua kite aia i tei tono mai iaku nei: e tei mea ngiti rava i roto ia kotou na, ko te ka maata ia. Kua tuatua mairā Ioane, na ko maira, E te Orometua, i akara ana matou i tetai tangata i te tuaru anga i te demoni i toou na ingoa; kua karanga atura matou kiaia, Auraka, no te mea kare aia i aru mai ia tatou nei. Kua karanga aturā Iesu kiaia, Auraka *te reira* e akakoreia atu: ko tei kore i no ko maira, no tatou ia.

E vaitata akera te au rā e riro ei aia ki runga, kua akakoro marie ora aia e aere ki Ierusalemā. Kua tono atura e te karere na mua iaia: e aere atura ratou e tomo atura ki tetai vila o to Samaria, e akamanea i *teui tapae anga* nona. Kare akera ratou i oo mai iaia, no te mea *kua kite ratou e*, te aere atura aia ki Ierusalemā. E kite akera nga pipi nana, ko Iakobo raua ko Ioane, i *te reira*, kua tuatua maira rana, E te Atū, e tika aina ia koe kia akaue atu maua i te ai no runga i te rangi, kia topa mai kia pou atu ratou, mei ta Elia ra? Kua ariu atura aia, kua kauvae atura ia raua, na ko atura, Kare korua i kite i te tu o to korua na ngakau. Kare oki te Tamaiti a te tangata nei i aere mai e ta i te tangata, ei akaora ra. E aere atura ratou ki tetai vila ke.

57 E te aere atura ratou na te arataa, kua karanga atura tetai kiaia, E te Atū, ka aru atu au ia koe i toou au aerenga ravarai. Kua tuatua mairā Iesu kiaia, E ana to te suoli; e toanga to te manu o te reva; kareka te Tamaiti a te tangata nei, kare ona e urunga upoko. 58 Kua karanga atura aia ki tetai, Ka aru mai iaku. Kua na ko maira aia, E te Atū, e tuku ua ake koe iaku kia aere ana au e tana i taku metua tane. Kua karanga aturā Iesu kiaia, Vaio atu, na tei mate e tana i to ratou i mate ra; e aere ra koe e tutu aere i te basileia 59 ni to Atua. Kua tuatua maira oki tetai, E te Atū, e aru atu au ia koe; e tuku ana ra koe iaku, kia aere au e po- 60 roaki ana i toku kopu-tangata. Kua karanga aturā Iesu kiaia, Kare rava e tangata i tuku i tona rima ki te arote, ka akara'i ki muri, e tau i te basileia o te Atua.

PENE X.

Nga pipi e itu ngauru i te tono angaia, e te oki anga mai ma te rekareka: tei tika kia rare kia rauka te ora: te tangata tupu: te parabole i te tangata Samaria: ko Mareta e Maria.

1 E MURI akera, kua akataka atu rai te Atū i e itu ngauru, tataki toko rua atura i te tono anga ia ratou na mua iaia i te au oire, e te au ngai ravarai tana i akakoro e, e aere katoa aia ki reira. Kua karanga atura aia kia ratou, Te maata ua nei te mou, te iti nei ra te aronga e kokoti: e teianei, e pure kotou i te Atū o te mou, kia unga mai aia i tetai aronga ei rave i taua 3 mou nana ra. E aere kotou; i na, te tono atu nei au ia kotou mei te arenio i 4 rotopu i te au luko ra. Auraka ei āriki moni e taoia, auraka ei pute, auraka ei tamaka: auraka e aroa ua atu 5 i te tangata i te arataa ra. E te are ta kotou e tomo ra, e timata na i te karanga atu, Ei au to teianei ngutuarē. 6 E tei reira te tamaiti no te au, e vai rai ta kotou au ra i rungao iaia: kare ra, ka oki akaora mai ia ki rungao ia 7 kotou. E i taua are rai noo ei, e kai ua rai i te kai, e inu ua rai oki, i ta ratou e oronga mai: e tau oki te rave angaanga i tana tutaki. Auraka e aere 8 ki tera are, ki tera are. E te oire ta kotou e tomo ra, e oo mai ratou ia kotou, ka kai kotou i te kai e tukua mai 9 i mua i to kotou aroaro. E akaora oki i to reira maki, e karanga atu kia ratou, Kua vaitata mai nei te basileia o

te Atua kia kotou na. E te oire ta 10
kotou e tomo ra, e kare ratou e oo mai
ia kotou, e aere atu kotou ki vao ki to
reira au arataa, e karanga atu ei, Te 11
one o to kotou oire i piri mai kia ma-
toui, e orei atu nei matou, *ei akakite*
anga atu kia kotou : te vaiata mai nei
ra te basileia o te Atua kia kotou, kia
kite oki kotou. Te karanga atura au 12
kia kotou, Kia tae ki taua rā ra, e
ngari ake to Sodoma e to Gomora, i te
reira oire. Aue koe, e Korazina e ! 13
aue koe, e Betesaida e ! naringa oki te
au semeio i raveia i roto ia korua,
i raveia i Turia e Sidona, kua tatarara
takere ratou, kua noo i te reu ai ma te
kakau paoa. Kareka ko kotou nei, kia 14
tae ki te rā akava anga ra, e ngari ake
to Turia e to Sidona. E ko koe na oki, 15
e Kapernauma, i akateteia ki te rangi
na, ka oparaia koe ki raro rava i te po.
Ko tei akarongo mai ia kotou na, kua 16
akarongo mai ia iaku ; e ko tei aka-
vaavaa mai ia kotou na, kua akavaavaa
mai ia iaku ; e ko tei akavaavaa mai
iaku ra, kua akavaavaa ia iaia i tei
tono mai iaku nei.

Kua oki akaou maira te itu ngauru 17
ra ma te rekareka, kua na ko maira, E
te Atua, kua vi katoa te au demoni ia
matou i to ingoa na. Kua karanga 18
atura aia kia ratou, Kua kite au ia Sa-
tani i te topa anga, mei te uira no
runga i te rangi ra. I na, e aka- 19
mana atu au ia kotou kia takataki au
atu ki runga i te ovi e te sekopio, e te
mana katoa o te enemi ; e kare rava e
mea e mate ei kotou. Auraka ra ko- 20
tou e rekareka i te mea i vi te au va-
rua *kino* ia kotou : e rekareka ra i to
kotou ingoa i tataia ki runga i te
ao ra.

Rekareka atura to Iesu vaerua i 21
taua ora ra, kua karanga atura, E
akameitaki au ia koe, e *taku* Metua, te
Atu no te rangi e te enua, i te mea ko
koe i uuna ke atu i teianci au mea i te
aronga pakari e te kite, e kua akakite
mai ki te tamariki nei. Koia ia, e *taku*
Metua, e mea tika ia ia koe. Kua ope 22
rava te au mea katoa i te tukua mai e
taku Metua, tei iaku : kare rava tetai i
kite i te Tamaiti, mari ra ko te Metua ;
e *kare tetai i kite* i te Metua, mari ra
ko te Tamaiti, e *te tangata* ta te Ta-
maiti e inangaro i te akakite atu.
Kua ariu atura aia, kua tuatua poiri 23
atura ki tana au pipi, E ao to te mata
i akara i te au mea ta kotou e akara
nei : E akakite atu au kia kotou, e 24
manganui te au peroveta, e te ui ariki,
i anoaio i te akara i te au mea ta ko-

tou e akara nei, e kare akenei ratou
i akara ; e i te akarongo i te au tuatua
ta kotou e akarongo nei, e kare akenei
ratou i akarongo.

25 E i na, kua tu akera tetai apii ture
ki runga, kua timata maira iaia, na ko
maira, E te Orometua, akaapea au nei
26 e rauka'i iaku te ora mutu kore ? Kua
karanga atura aia kiaia, Eaa tei tariaia
ki roto i te ture ra ? te peca ra koe i te
27 tatau anga ? Kua tuatua maira aia, na
ko maira, "E inangaro atu koe i to
Atua ia Iehova ma to ngakau katoa, e
ma to vaerua katoa, e ma to ririnui ka-
toa, e ma to manako katoa ;" "e *aroa*
atu i to tangata tupu mei te *aroa* ia
28 koe uorai." Kua karanga atura aia
kiaia, E tika taau i tuatua mai nei : ka
29 ora koe kia pera. Kareka aia no te
inangaro i te akatika iaia uorai, kua
tuatua maira aia kia Iesu, Koai oki to-
30 ko tangata tupu ? Kua karanga atura
Iesu, na ko atura, Kua aere atura tetai
tangata no Ierusalemia ki Ieriko, rokoia
ora aia e te anana keia ; i aunaia e ratou
tona kakau, e kua parupuru oki aia,
aere atura ratou akaruke ora iaia, kua
31 vaiata i te mate. Kua aere ua maira
tetai taunga na taua ara ra ; e kia
akara atura iaia, tapae atura aia, na
32 tetai pae ara atura i te aere. E tetai
ngati Levi oki i na vaiata maira i taua
ngai ra, kua aere mai ia kua akara,
33 anga ke atura na tetai pae ara. Tetai
tangata Samaria ra, te aere ua ra i tona
aerenga, e tae atura ki taua ngai ra,
34 kite atura aia iaia, aroa atura ; Aere
atura *kiaia*, kua riringi ora i te inu e
te wina ki roto i tona au puta ra, vai
atura, e kua akanoo atura iaia ki runga
i tana uorai puaka, arataki atura aia
ki te ngai tapae anga, e tiaki marie
35 atura iaia. E popongi akera, kia aere
ke aia ra, kua kiriti iora aia i e rua de-
nari no roto i tona *pute*, e kua o ake ki
te tangata aere ra, kua karanga atura
kiaia, E utuutu koe iaia nei, e kia riro
taau moni, naku ia e tutaki ia koe, kia
36 oki mai au ra. I taua nga tangata toko
toru ra, koai te tangata tupu iaia, i
toou manako anga, i rokoia e te anana
37 keia ra ? Kua tuatua maira aia, Ko tei
aroa atu iaia ra. Kua karanga atura
Iesu iaia, Ka aere koe, e akapera katoa.
38 E te aere ua ra ratou i to ratou
aerenga, kua tomo atura aia ki roto i
tetai vila ; kua oo maira tetai vaine iaia
ki roto i tona aere, ko Mareta te ingoa.
39 E taeake tona ko Maria te ingoa, ko
tei noo ia i te pae vaevae o Iesu, i te
40 akarongo anga i tana tuatua. Ko Ma-
reta ra, kua varenga ora aia i te akono

anga i te peu o te manniri; kua aere maira *kiaia* ra, kua tuatua maira, E te Atu, kare koe e akono mai, ko au anake teia rave ua'i, kua akaruke mai nei toku taeake iaku? e karanga atu koe *kiaia* e rave katoa mai. Kua 41 karanga aturū Iesu *kiaia*, na ko atura, E Mareta e, e Mareta, kua apiapi koe, e te pekapeka na koe i te au mea katoa e manganui: Okotai rava ra mea e 42 meitaki ei; e kua inangaro oki a Maria nei i taua tuanga meitaki nei, kare rava oki tana e riro ke.

PENE XI.

Te pure a te Atu: te manuia anga o te patiakatenga: to Iesu tupepe angaia e no Belezebuba i rauka'i tana: te uki tangata akono kore: te kaingakai, e te tuatua kino o te au Phurisea ma te au apii ture.

E TE pure ra aia i tetai ngai, e oti 1 akera, kua tuatua maira *kiaia* tetai pipi nana, E te Atu, e apii mai ia matou nei i te pure, mei ia Ioane i apii katoa atu i tana au pipi. Kua karanga 2 atura aia *kia* ratou, E na ko kotou *kia* pure: E to matou Metua i te ao ra, *Kia* tapu toou ingoa. *Kia* tae toou basileia. *Kia* akonoia toou anoano i te enua nei, mei tei te ao katoa na. O mai te kai 3 e tau ia matou i te au rā katoa nei. E 4 akakore mai i ta matou ara; te akakore nei oki matou i ta tei ara katoa ia matou nei. Auraka e akaruke ia matou *kia* timataia mai, e akaora ra ia matou i te kino.

Kua karanga atura oki aia *kia* ratou, E oa to tetai i o kotou na, ka aere atu ei aia *kiaia* i te turuaipo, ka karanga atu ei *kiaia* ra e, E *taku* oa, o mai ana e toru areto; Kua tapae mai nei tetai oa oku nei i tona aerenga, e kare aku *kia* tuku atu i mua i tona aroaro. E *kia* tuatua mai aia i roto ra, *kia* na ko mai, Auraka e akapekapeka mai iaku: kua tamouia te pa, tei runga au i te roi e taku au tamariki katoa; kare e tika iaku *kia* tu ki runga e o atu naau. E akakite atu au *kia* kotou, Kore ua aia i tu ki runga e oronga 7 atu i te mea e oa aia nona; e tu ra aia i te pati akatenga, ka oronga atu ei i tana i anoano ra. E karanga atu oki 9 au *kia* kotou, E pati, e e orongaia mai ta kotou; e kimi, e kitea ia ia kotou; e topāpā atu, e kiritiia mai te pa ia kotou. Ko te aronga katoa oki i pati 10 ra, kua rauka ia: e ko tei kimi ra, kua kitea ia; e tei topāpā ra, e kiritiia mai ia te pa iaia. Koai ia metua i o 11

kotou nei, e apai atu i te toka na tana tamaiti, *kia* pati mai aia i te areto? e *kia* pati mai i te ika, e apai atu aia i 12 te ovi nana ei ika? E *kia* pati aia i te ua moa, e apai atu aia i te sekopio? 13 E te tika na ia kotou, kino ua rai, *kia* oronga i te mea meitaki no ta kotou tamariki, ka tanga'i oki i *to kotou* Metua i te ao ra, i te oronga i te Vaeua Tapu i te aronga e pati atu iaia ra. 14 E te tuaru ra aia i tetai demoni murare ki vao. E *kia* aere atura taua demoni ra ki vao, kua tuatua maira taua murare ra: va ua ora te tangata. 15 Kua na ko akera tetai papaki ra, Te tuaru nei aia i te demoni i te mana o te 16 demoni maata ra o Belezebuba. Kua pati maira oki tetai papaki i tetai semeio iaia i runga i te rangi, i te timata anga 17 mai iaia ra. Kua kite ra aia i to ratou manako, kua na ko atura *kia* ratou, Ko te basileia i mavete e rave iaia orai, e pou ia; e te kopu-tangata i *mavete* e 18 rave iaia orai, ka kore ia. E *kia* mavete a Satani e rave iaia orai, eaa oki tona basileia e mou ei? ta kotou e tuatua na e, te tuaru nei au i te demoni i 19 te mana o Belezebuba. Te tuaru nei au i te demoni i te mana o Belezebuba, i te mana noai ra i tuaru ei ta kotou tamariki? e teianei, ei ia ratou te tuatua ia ia kotou. Te tuaru nei ra au i te demoni i te rima o te Atua, kua rokoa tika ia io nei ra kotou e te basileia o te 21 Atua. *Kia* tiaki te tangata maroiroi ma te taoonga katoa i tona ngutuare, te 22 vai meitaki ra ia tona apinga; *Kia* raveia maira aia e tetai tangata ririnini maata ua atu, e mate ora, aia atura e ia taua taoonga i maroiroi ei aia, e ope 23 takiri tona apinga i te tuaia. Ko te kore i ko nei iaku nei, ko toku ia enemi: e te kore i akaputuputu katoa mai, kua 24 akapueurikiriki ke ia. *Kia* riro te vae-ra viivii i roto i te tangata nei ki vao, kimi aere atura aia i te ngai papa-marō, i te kimi anga i te akaangarolanga; e kare akera i kitea, kua na ko iora, Ka oki au ki taku are, mei reira mai au 25 nei; E *kia* tae mai aia ra, kite iora e, kua oti i te oreia, e kua akamaneaia. 26 *Kia* titi atura aia, e kapiti katoa maira i e toko itu vaeua kino maata rava, e o atura ratou ki roto, noo atura i reira; kino maata ua atu te openga o taua tangata ra i tei muatangana. Te tuatua 27 ua ra aia i taua au tuatua ra, kua kapiki ua maira tetai vaine i rotapu i taua aronga ra, kua na ko maira *kiaia*, Kua meitaki te kopu i apai ia koe, e te u 28 tauu i ngote ra. Kua karanga atura ra aia, Ko tei akarongo i te tuatua a te

Atua e kua akono atura, ko ratou tei meitaki roa.

E kononinoni rava maira te tangata 29 i waitata iora, kua karanga atura aia, E uki tangata kikino teia: te kimi nei ratou i te akairo, e kare e orongaia atu te akairo, mari ra te akairo i te peroveta ra ia Iona. Mei ia Iona oki e 30 akairo na to Ninive, koia katoa te Tamaiti a te tangata na teianei uki. E 31 tu katoa mai te ariki vaine no apatonga ki runga i te akavaanga ra, e akaapa i teianei uki tangata: i te mea, i aere mai aia mei te openga mai o te enua ra, e akarongo i te tuatua pakari na Solomona; e i na, e maata teia ia Solomona. E tu katoa mai te tangata o 32 Ninive ki runga i te akavaanga ra, e akaapa mai i teianei uki: kua tata-raara oki ratou i te ako angaia atu e Iona; e i na, e maata teia ia Iona. Kare oki e tangata e tutungi i te 33 lamera ka tuku atu ei ki te ngai ngaro, e ki raro ake i te aite ra, ei runga ra i te vairanga, kia kite te aronga e tomo mai i te marama. Ko te mata to te 34 kopapa nei marama: te meitaki ra to mata, kua marama toou kopapa katoa; kareka kia kino *toou mata*, ka poiiri ia toou kopapa katoa. E tenana e mata- 35 kite, kia kore e riro te marama i roto ia koe na ei poiiri. Kua pini katoatoa 36 oki to kopapa i te marama, kare e ngai toe, e riro toou na pininga i te marama, nei te marama lamera mura ra i te kakā anga.

Te karanga atura aia, kua tuatua 37 maira tetai Pharisea kiaia, e aere e kaikai i ona ra: aere atura aia, noo atura ki te kaingakai ra. Va ua ora 38 taua Pharisea ra i te akara anga mai iaia, koia kare i timata na i te orei ka kai ei i te manga. Kua karanga atura 39 te Atua kiaia, Kareka kotou, e te au Pharisea na, te tamā na kotou i te kapu ma te mereki ki vao ake; kareka o roto ia kotou orai, te ki nei ia i te noinoini apinga e te kino. E te aronga 40 neneva e, kare ainei na tei anga i vao akera, i anga katoa i roto? Ka oronga 41 ra i ta kotou apinga i rauka, e i na, e mā anake te au mea katoa ra ia kotou i reira. Aue kotou, e te au Pharisea e! 42 te oronga na kotou i te ngauru o te minete, e te pegano, e te au rakau riki-riki ravarai, e te kopae ua nei oki i te tuatua-tau, e te anoano i te Atua: ko ta kotou ia e akono e tika'i, e aurnka katoa e akaruke i tera. Aue kotou, e 43 te au Pharisea e! te inangaro na oki kotou i te nooanga meitaki i te au sunago ra, e kia aroaia oki i te ngai oko-

44 anga ra. Aue kotou, e te au tata tua-tua e, e te au Pharisea, pikikaa! mei te vaarua turuma kitea kore ra kotou na, ko tei aere vare uaia e te tangata na 45 rungao e kare i kite. Kua tuatua maira tetai apii ture kiaia, na ko maira, E te Orometua, i pera mai koe ra, kua akakino katoa mai koe ia matou. Kua 46 karanga atura aia, Aue katoa oki kotou, e te au apii ture e! te tuku na oki kotou i te apinga maranga kore i runga i te tangata, e kare rava oki tetai rima o kotou na e mirimiri ua atu i taua 47 apinga ra. Aue oki kotou e! te patu nei kotou i te menema o te au peroveta, 48 ta to kotou ai metua i ta ra. Kua akakite mou kotou e, kua tika ia kotou ta to kotou ai metua i rave ra: na ratou oki i ta ia ratou, e te 49 patu nei kotou i to ratou menema. I tuatua'i oki te pakari o te Atua e, E tono au i te peroveta e te apose- 50 tolo kia ratou ra, ka ta ratou i etai pae, e ka takinga-kino oki; Kia umuumaia mai te toto o te peroveta 51 ravarai, i akamaringia mei muatanga mai o teianei ao, i teianei uki; Mei te toto mai o Abela e tae roa 52 ake ki te toto o Zakaria, tei taia i roto i te va o te atarau e te nao ra: tikai taku e karanga atu kia kotou nei, Ka umuumaia mai i teianei uki. Aue oki 53 kotou, e te au apii ture e! kuaapai ke oki kotou i te taviri o te kite, kare kotou uarai i tomo ki roto, e te aronga e anoano i te tomo ra, kua tāpu kotou. 54 Te tuatua ua ra aia kia ratou i taua au tuatua nei, kua unuunu tikai te au tata tuatua e te au Pharisea, e kua akakoko iaia i te au tuatua katoa e manga- 55 nui; E te tapapa ra oki iaia kia apao, e rauka mai ei tetai manga tuatua no roto iaia, ei tapepe anga mai na ratou iaia.

PENE XII.

Te akaopue a te au Pharisea: koai tei matakua: te ora i te Vaeura Tapu: te tuanga i karolia: te parabole o te tangata apinga nui neneva ra: auraka e taitaia i te au mea kopapa: te tavini nako, e te mako kore: te takinga-kino no te tuatua: te akairo tuatua.

TE uipa maira te tangata e manomano tini kore, takataki ua ora i runga ia ratou orai, kua na mua atura aia i te tuatua ki tana au pipi, E matakite i te akaopue a te au Pharisea, e 2 pikikaa te reira. Kare oki e mea tapokiia e toe i te akakiteia; kare e mea 3 ngaro e toe i te kitea. Ko tei tuatuaia

e kotou i te poiri ra, e akakiteia ia i te mārama; e tei koumumuia e kotou ki roto i te taringa i roto i te pia ra, e kapiki uiaia ia ki rungao i te are. E te karanga atu nei au kia kotou, e taku au oa, Auraka e matakū i te aronga e ta mai i te kopapa nei, e oti akera, kare atu ta ratou e rauka. E akakite atura au kia kotou i ta kotou e matakū: Ko tei mate *te kopapa* iaia, e muri akera, e tika iaia kia uri atu ki te po ra, e matakū kotou iaia; koia ia, ko taku ia tuatua kia kotou, Koia ta kotou e matakū. Kare aina taki rima manu riki-riki i okoia i nga asario e rua nei? e kare rai tetai i ngaro i te Atua. E kua ope oki te rauru o to kotou mimiti na i te tataua. Auraka mari kotou e matakū: e maata to kotou meitaki i to te au manu rikiriki e manganui. Teia rai taku tuatua kia kotou, Ko te aaki iaku ki mua i te aroaro o te tangata nei, e aaki katoa te Tamaiti a te tangata iaia i mua i te aroaro o te au angela no te Atua. Kareka te uuna iaku i mua i te aroaro o te tangata nei, ko te ka uuna katoaia i mua i te aroaro o te au angela o te Atua ra. Ko tei tuatua akakino i to Tamaiti a te tangata nei, e tika kia akakore i tana ara; kareka tei akakino i te Vaeua Tapu, kare rava te reira e akakoreia. E kia aratakiia kotou ki te au sunago e ki mua i te aroaro o te au akava ra, e te au kavana, auraka e tai-taia i te tu o ta kotou ei akatika anga atu, e te tu o ta kotou ka karanga atu: Na te Vaeua Tapu e apii mai ia kotou i tei tau kia karanga atu i reira.

Kua tuatua maira tetai no taua aronga maata ra kiaia, E te orometua, e tuatua ake ana koe ki taku tuakana, e tua aia i to maua apinga. Kua karanga atura aia kiaia, E tama, naai au i akariro ei akava e ei tua apinga i o kotou nei? Kua karanga atu rai aia kia ratou, E akono meitaki e e matakite ia kotou i te morimori apinga: e maata ua oki to te tangata nei apinga, kare oki tei taua apinga nona ra tona ora. Kua akakite atura aia i te ianeie parabole, na ko atura, E kainga ua maata to tetai tangata apinga nui: Kua na ko ora aia, i te akaentu anga ki roto iaia uaorai, Eaa ra au, kare oki aku vairanga e o mai ei toku apinga? Kua na ko akera aia, E akapera au: e vava'i au i toku au are kai nei e akatu atu ei ei are mamaata; ei reira akaputuputu ei au i taku kai ravara e toku apinga: Ka karanga atu ei ki toku vaeua, E taku vaeua e, e apinga maata toou, kua uipa ia

ki te vairanga no te au mataiti e manganui; e akaangaroie marie, e kaikai, e inu, e kia rekareka marie. Kua tuatua maira ra te Atua kiaia, E tera ra neneva e! ei teianei rai po e tiki naia mai ei toou vaeua: noai ora tenana au apinga tauu i akaputu na? Ko te tu ia o te tangata i akaputuputu i te apinga nona orai, kare i maata tona apinga i te Atua ra. Kua karanga atura oki aia ki tana au pipi, I ako atu ei au kia kotou i teianei, Auraka e apiapi i to kotou ora, i ta kotou e kai; e te kakan no to kotou kopapa. E maata te ora i te kai, e te kopapa i te kakau. E akamaara i te au kotaa; kare ratou e ruru, kare oki e kokoti; kare ua e are apinga, kare e are kai; i angaia ra ratou e te Atua. Kare aina e meitaki maata to kotou i to te au manu ra? Koai oki to kotou, e tika kia akaroa atu i tona tu, kia apiapi aia, e okotai ake kubiti? Kare na e tika ia kotou te mea ngiti ua ake, eaa oki kotou i eumiumi atu ei i tetai pae? E akamaara i te au lili, te peea nei to ratou tupu; kare ratou i angaanga, kare oki i iro; e karanga atura au kia kotou, E tae ua atu ki te manea ope o Solomona, kare rai tona manea i arite ki tetai o ratou nei. I pera oki te Atua i te akamanea anga i te rakau riki-riki, akonei te vai ra i roto i te koro, e apopo kua uriaa ki roto i te umu; ka tanga atu ei oki ia kotou, e kotou, te aronga akarongo mea ngiti nei! Auraka kotou e ui ua e, i ta kotou e kai, e ta kotou e inu; auraka oki e noo ma te apiapi. Ko ta te au etene oki ia o teianei ao e kimi nei, ko taua au mea katoa ra; kua kite na to kotou Metua e, kia rauka taua au mea ra ia kotou e tika'i. E kimi ra kotou i te basileia o te Atua, e kapiti katoaia mai taua au mea katoa ra ia kotou. Auraka e matakū, e taku anana iti; e mea anoano na to kotou Metua, i te oronga mai i te basileia no kotou. E oko i to kotou apinga, ka oronga atu ei; ei pute piro kore ta kotou orai, ei apinga kare e pou ki runga i te rangi, i te ngai e kore e taea e te keia, e kare e pou i te uu. Te ngai oki i vaioia'i to kotou na apinga, ka riro katoa i reira to kotou ngakau. Kia tautia to kotou taukupu, e kia vai kakū ua *ta kotou* mori; E kia tau kotou orai ki te aronga e tatari i to ratou pu, i te oki anga mai mei te akaipoipoanga; e kia tae mai aia e topūa maira, kia ceu ratou i

te pa kiaia i reira. E ao to te reira 37
 au tavini, i te oki mai anga o to ratou
 pu, te tapapa ra; tikai taku e karanga
 atu kia kotou na, ka tatua aia i tona
 taupupu, ka tuku atu ei ia ratou ki
 te kaingakai ra, e ka raverave atu ei
 i te kai na ratou. E kia tae mai aia 38
 i te rua o te araanga, e i te toru o te
 araanga, ka rokoia mai ei te pera
 ra, e ao to te reira au tavini.
 Kua kite oki kotou, naringa i kite 39
 ana te tangata are i te ora e tae mai
 ei te keia, e ara aia, kare, e oronga
 ua atu i tona are kia vava'i uaia na.
 E teianci kia vai teateamamao rai 40
 kotou, no te mea, ei te ora manako
 koreia e kotou na, e tae mai ei te
 Tamaiti a te tangata. Kua tuatua 41
 mairā Petero kiaia, E te Atu, i tua-
 tua mai aina koe i tenana parabole
 kia matou *anake* nei, e ki te tangata
 katoatou aina? Kua karanga atura 42
 te Atu, Koni te akaare pikikaa kore
 e te pakari, i ta te pu e tuku i rungao
 i tona katoa au tavini, ei tua i *ta ratou*
 tuanga kai i te ora mou ra? E ao to 43
 te reira tavini, to tei rokoia mai e
 tona pu, te pera ra. Koia mou taku 44
 e karanga atu kia kotou nei, e aka-
 riroia aia e ia ei tiaki i te apinga tini
 ravarai nona. Kareka te tavini e 45
 tuatua ua i roto i tona uarai ngakau
 e, Kare taku pu e tae vave mai; kua
 timata atura i te pāpā i te au tavini
 tane, e te au tavini vaine, e kai ora
 i *te kai*, e inu akakona ora i te kava;
 Kia tae ki te rā manako koreia e ia, e 46
 te ora kitea koreia e ia ra, e tae
 mai ei te pu o taua tavini ra e akataka
 ke atu ei iaia, ka tuku atu ei i tana
 tuanga i roto i te aronga akarongo
 kore katoa ra. E te tavini i kite i te 47
 anoano o tona pu, e kare rai i akatea-
 teamamao, e kare oki i rave i ta te pu
 i inangaro ra, e pāpāia ia, e manga-
 nui te *pāpāanga*. Kareka tei kore i 48
 kite ra, rave atura ra i te mea e tau
 i te pāpā, e pāpā iti ia tona. Ko te
 tukua atu te mea maata ra, e mea
 maata katoa te umuuiuia atu; e ta
 te tangata oki i tuku atu i te mea
 maata ra, e mea maata katoa ia te
 patia atu iaia ra. I aere mai au e 49
 apai mai i te ai i te ao nei; ean toku
 nei inangaro, mari ra kua ka i teianci?
 E bapetizoanga ra toku e bapetizoia'i 50
 au nei, e kare rai toku mamae, kia
 oti! Te manako na aina kotou i aere 51
 mai au e akatupu i te au i te enua
 nei? te karanga atu nei au ia kotou,
 Kare; e tamaki ra: E teianci kua 52
 mavete nga tangata toko rima i te

kopu-tangata okotai ra; ko e toko
 toru ra e tamaki tika mai ki e toko
 rua, ko e toko rua oki e tamaki mai
 53 ki e toko toru: E tamaki te metua
 tane ki te tamaiti, e te tamaiti ki te
 metua tane; e tamaki te metua
 vaine ki te tamaine, e te tamaine ki te
 metua vaine; e tamaki te metua ongoai
 vaine ki te unonga vaine, e te unonga
 vaine ki te metua ongoai vaine.
 54 Kua karanga katoa atura aia ki te tan-
 gata tini, Kia akara kotou i te tumu-
 rangi i te tupu anga i te opunga o te
 rā, kua na ko ora kotou, Tena ka ua:
 55 e koia tika rai. E kia arara mai te
 matangi e marangai, kua tuatua ora
 kotou, Ka riro i te pukakā: e riro
 56 atura oki i reira. E tera ra aronga
 pikikaa e! te kite na kotou i te akara
 i te rangi e te enua nei; ean i kore
 57 ei kotou i kite i teianci tuatau? Eaa
 oki kotou uarai na i kore ei i akara i
 58 tei tika? Kia aere korua ko tauu
 tangata ou ki te akava ra, aua koe e
 tavare i te akamareka atu i *to korua*
 aerenga ra; ko te kave aea aia ia koe
 ki te akava ra, ko te tuku atu oki
aea te akava ia koe ki te tangata tao-
 onga ra, e ko te uri *aea* te tangata
 taoonga ia koe ki roto i te are tapekā-
 59 nga. E akakite atu au kia koe, Kare
 rava koe e tukua mai e ope ua atu
 i te oko na ia koe, e tae ua atu ki te
 lepeta openga ra.

PENE XIII.

*To Iesu ako anga kia tataraara: te
 suke akakapikapi enua ra: te vaine
 i akaorara i te sabati: te ua sinapi,
 e te akaopue: te ngutupu o iti:
 te tuatua ia Heroda, e te aue anga
 o Iesu i Ierusalem.*

1 **TEI** reira tetai pae tangata i taua
 i te au tangata i Galilea, tei irokia
 e Pilato to ratou toto, e *te toto o ta*
 2 ratou au tusia ra. Kua karanga aturā
 Iesu kia ratou, na ko atura, Te ma-
 nako na kotou e, e aronga ara maata
 taua au tangata Galilea ra i te au tanga-
 ta katoatou Galilea, ko ratou i aka-
 3 perai? E akakite atu au kia kotou,
 Kare; kia kore ra kotou e tatarana,
 me i te reira katoa i to kotou mate.
 4 E nga tangata tino ngauru ma varu,
 i topaia i te are maata i Siloama ra,
 e mate ora, e te manako na kotou
 e, e aronga ara maata ratou i to Ieru-
 5 salema katoatou ra? E akakite atu
 au kia kotou, Kare; kia kore ra kotou

e tatarara, mei te reira katoa ia to kotou mate.

Kua karanga katoa atura aia i teianei parabole: E suke ta tetai tangata i tanumia i roto i tona kainga vine; e aere atura aia e akara i te kai i rungao ra, e kare ua. Kua karanga atura aia ki te unga i tana kainga vine ra, I na, ko te toru teia o toku mataiti i te aere anga mai e akara i te kai i rungao i teianei suke, e kare rava akenei; e kokoti atu; eaa aia e akakapikapi ei i te kainga? Kua tuatua maira aia, na ko maira kiaia, E taku atu, e vaio ua ake na paa, kia okotai ake mataiti toe, e kenu ua atu rai au, e e tuku atu oki i te teita. Peneiake ko te ua ua ake, e kare ra, naau rai e tipu atu a muri ake.

Te apii ra aia i roto i tetai sunago i te sabati: E i na, *tei reira* totai vaine i mate i tetai vaerua maki, e okotai ngauru ma varu akera mataiti, kua mingi rava ki raro, kare rava e tika iaia orai kia tu ki rungao. E kite atura Iesu iaia, kua kapiki atura aia kiaia, e kua na ko atura, E maine, kua ora koe i toou maki. E kua tuku atura aia i tona rima ki rungao iaia: tika ua atura aia i reira, e akakaka atura i te Atua. Kareka te kavana o te sunago ra, riri akera ia i te mea i akaora Iesu i te tangata i te ra sabati, e kua na ko maira ki te tangata. E ono ra e tau ei no te angaanga; ei reira kotou ka aere mai ei kia akaoraia, auraka i te ra sabati. Kua karanga atura te Atua kiaia, na ko atura, E tera ra pikikaa e! koai to kotou nei e kore e tatara i tana bovi e tana asini i te patene ra, ka taki ei ki te vai, i te sabati? E auraka teianei vaine, te uanga no Aberahama, i tapekaia e Sataani nei, i na, raungauru ma varu akenei te mataiti, auraka e tatarara i teianei tapeka i te ra sabati? Tei te tua anga aia i taua au tuatua nei, akama anake ora te aronga i maoro mai iaia ra; mareka rava atura te tangata tini ravara, i te au mea meitaki katoa i ravaia e ia ra.

Kua karanga atura aia, Mei te aa tikai te tu o te basileia o te Atua? e akatau ra au i te reira ki te aa? E tau ki tetai ua sinapi, i apaiia e tetai tangata, e tanumia atura ki roto i tona kainga; tupu atura, e riro atura ei rakau maata; e to maira oki te manu o te reva i rungao i tona rara. Kua karanga akaou atura aia, E akatau ra au i te basileia o te Atua ki te aa? E tau ki te akaopue ra ta tetai vaine

i rave e iro atura ki roto i te faraoa, e toru katoa arite, e opue katoa atura. E aere atura aia ki Ierusalem, na roto i te au oire e te au vila, i te apii aere anga ra. Kua ui maira tetai kiaia, E te Atua, e toko iti aina te ka ora? Kua karanga atura aia kia ratou, E uapou ua atu na i te tomo na te ngutupa o iti: e karanga atu oki au kia kotou, e manganui te ka timata i te tomo ki roto, e kare rava e tika, Kia tu anake te tangata ngutuare ki rungao e kua topiri aia i te pa, e te tu ua ra kotou ki vao, e te topapaanga i te pa, i te na ko anga mai, E te Atua, e te Atua, ka eeu ake ana kia matou; e karanga atura aia kia kotou, na ko atu e, Kare au i kite ia kotou, e noea kotou: Ei reira kotou e tuatua mai ei, I kaikai ana matou, e inu ana oki matou, i mua i to aroaro, e ko koe oki tei apii i te au arataa ki o matou ra. Ka karanga atu rai aia e, Te karanga atu nei au kia kotou, kare au i kite ia kotou, e noea kotou; kia atea ke atu kotou iaku nei, e te aronga rave tua-tua kikino katoa. Tei reira te aue e te pakati anga nio, kia kite kotou ia Aberahama, e ia Isaaka, e ia Iakoba, e te au peroveta katoatoa, tei roto i te basileia o te Atua, e oparaia kotou orai ki vao. Ka tae mai ratou mei te itinga o te ra, e te opunga o te ra, mei apatonga, e apatokerau, ka noo ei i te basileia o te Atua. E i na, ka riro to muri ra no mua, e riro to mua ra no muri.

Kua aere maira e tokotai puke Pharisca i tana ra ra, kua tuatua maira kiaia, E aere ke atu na koe, e akaruke mai na i teianei ngai, te akakoro ra oki a Heroda e ta ia koe. Kua karanga atura aia kia ratou, E aere kotou e karanga atu ki taua suoli ra e, I na, e tuaru au i te demoni, e akaora au i te maki, akonei, e apopo, kia tae ki te po toru, kua oti rava taku angaanga. Aere ua ra au akonei, e apopo, e apopo atura; kare e mate ke atu te peroveta, mari ra ei Ierusalem. Aue koe, e Ierusalem, e Ierusalem, i ta i te au peroveta e, e pci oki i te toka i te aronga i tonokia atu kia koe na! e manganui toku anoano i te akaputu mai i to au tamariki, mei te moa e akakoukou i tana anau ki raro ake i tona peau, e kare i tika ia kotou. I na, kua vaio taneaia to kotou are: koia mou taku e karanga atu kia kotou nei, Kare kotou e kite mai iaku, e

tæe ua atu ki te rā e tuatua'i kotou,
Kia ora aia ko te aere mai ma te ingoa
o te Atu ra.

PENE XIV.

*Te koao i akaorania i te sabati: te tua-
tua i te kaingakai: te parabole i
te kaingakai i akaviiviiia: auraka
te au pipi a Iesu e akateitei: te sa-
tauro kia apaia: no te are e akatu,
e te ariki e aere ki te tamaki: te
tai mangaro.*

E TAE akera ki tetai sabati, aere
atura aia ki roto i te are o tetai
Pharisea tangata mana e kai i te kai,
te akara matariki maira ratou iaia.
E i na, tei mua i tona aroaro tetai
tangata, kua mate i te koao. Kua
karanga aturā Iesu ki te au apii ture
e te au Pharisea, na ko atura, E mea
tika aina i te akaora i te maki i te
rā sabati. Kare ra ratou i ki mai.
Kua rave atura aia iaia ra, akaora
atura, e tuku atura kia aere ana: E
kua karanga atura aia kia ratou, na
ko atura, Koai to kotou e kare e tofō
mai i tana asini ki runga, e tana bovi,
kia topa ki roto i te vaarua i te rā
sabati? E kare atura e tika ia ratou
kia patoi mai i taua tuatua ra. E kia
akara atu aia i taua au manuii ra
i te rapurapu anga, kia riro ia ratou
te ngai teitei i te kaingakai ra; kua
tuku atura aia i tetai parabole, na
ko atura kia ratou, Kia tuatuaia mai
koe e aere ki te oroa akaipoangoa,
auraka e aere ki te ngai teitei i te
kaingakai: ko te tuatua katoaia atu
aea tetai tangata taoiau maata atu;
Ko te aere atu oki taua tangata i tua-
tua ia korua ra, e te karanga atu
kia koe e, Ka tuku mai i tenana ngai
ki teianei tangata; ko te aere akama
ua atu oki koe ki te ngai akaaka.
Kia tuatuaia koe ra, e aere ua atu
ki te ngai akaaka; e kia tac mai tei
tuatua kia koe ra, kia na ko mai aia
kia koe e, E tama, e aere atu koe ki
runga atu: e teitei atura koe ki mua
i te aroaro o te aronga e noo katoa
i te kaingakai ra. Ko tei akateitei
iaia orai, ka taakaaknia ia; e tei ta-
kaaka iaia orai, ka akateiteia ia. Kua
karanga atura aia kiaia i tuatua mai
iaia ra, Kia akatupu koe i te kaingakai
avatea, e te kaingakai nini, auraka e
tiki atu i toou au oa ra, e toou au tae-
ake, e toou kopu-tangata, e te aronga
tangata tupu apinga nui ra; ko te tiki
katoa mai aea ratou ia koe, ka tutakia
mai aea koe. Kia akatupu ra koe i te

pokai, ko te tangata rikiriki te tiki
atu, ko te rima motu ra, ko te piri-
koki, ko te matapo: E e ao toou i
reira, kare oki a ratou kia tutaki mai
ia koe: e tutakia mai oki koe kia
tac ki te tuakaouanga o te aronga
15 tuatua-tika. Kua na ko maira tetai
i taua au manuii ra, i akarongo mai
i taua tuatua ra, kiaia, E ao tona to te
kai i te manga i te basileia o te Atua
16 ra. Kua karanga atura aia kiaia,
E kaingakai maata ta tetai tangata,
e kua karanga atura aia ki te tangata
17 e manganui. E tac akera ki te ora
e kai ei ra, kua tono atura i tona ta-
vini e tiki i taua aronga i tuatuaia ra,
e karanga atu, E aere mai, kua vave
18 te kai, kare e ape toe. Kua kotoe ua
atura ratou ravarai. Na ko maira te-
tai, I oko ana au i tetai kainga, e
aere ana au e atoro e tika'i; kia tu-
19 kuia au e koe. Kua tuatua maira
tetai, I oko ana au i te bovi e rima
zugo, e te aere nei au e timata; kia
20 tukuia au e koe. Kua tuatua maira
tetai, I akaipoipo ana au i te vaine,
21 kare oki au e tika kia aere. E kia
oki maira taua tavini ra, kua akakite
maira ki tona pu i taua au tuatua ra.
Riri akera te pu o te are, kua karanga
atura ki tona tavini, E aere viviki
ki te au arataa, e te au mataara, i te
oire nei, e arataki mai i te tangata
rikiriki, e te rima motu, e te pirikoki,
22 e te matapo. Kua tuatua maira taua
tavini ra, E te atu, kua oti akenei
tauu i akaue mai nei, e te atea ua nei
23 rai. Kua karanga atura taua pu ra
ki te tavini, E aere koe ki runga i te
au ara tiroa e te au pae koro ra, e
unuunumou tika atu ei ki te tangata
24 kia aere mai, kia ki rava toku arc. E
akakite atu oki au kia kotou, Kare rava
tetai, i taua aronga i tuatuaia ra, e
kai iti ua ake i taku nei kaingakai.
25 E urupu maata tei aru aere mai
iaia: e kua ariu maira aia, kua tuatua
26 maira kia ratou, Ko te tangata e aere
mai kiaku nei, e kare i akaruke i tona
metua tane, e tona metua vaine, e tana
vaine, e tana au tamariki, e tona au
tatake, e tona au tuaine, e tona katoa
orai ora, kare aia e riro ei pipi naku.
27 E te kore e apai i tona uarai satauro,
ka aru mai ei laku, kare aia e riro ei
28 pipi naku. Koai ia tangata i o kotou
na, kia akakoro i te are e akatu, kare e
timata ana i te noo ki raro, ka tatau
ei i te apinga ei ou e oti ei, i te rava
29 anga tona apinga? Ko te tamou aea
aia i te tango ki raro, e kare akera i oti
iaia, e riro oki te aronga i akara ra

i te aviri mai iaia, Na ko maira, I 30
timata io nei teianei tangata i te akatu
i te are, e kare akenei i oti iaia. E 31
koai oki ia ariki kia aere aia e ta-
maki atu ki tetai ariki, kare e timata i
te noo ki raro, ka akaeatu marie ei
i te tika anga iaia e *tona* aronga ta-
ngata okotai ngauru i te tausani, kia
aravei ua atu aia i tetai e tiki e ta-
maki iaia ra, ma *tona* au tangata e
rua ngauru i te tausani? E kare 32
ra, e vaio atea tetai, ka tono atu
ei i te karere e pati atu i te au.
Koia katoa oki kotou, ko tei kore i 33
akaruhe i te au mea katoa nana ra,
kare aia e riro ei pipi naku. E mea 34
meitaki te tai, kia riro ra te tai ei
mea mangaro, eaa atura te mea e tai-
tai ei? Kare e meitaki i te onc, kare 35
oki i te taruta teita; e akaruhe ra-
vaia ra. E taringa *tona* ei akarongo
ra, e akarongo aia.

PENE XV.

*Nga parabole o te mamoe ngaro ra, te
moni ngaro, e te tamaiti kanga ra.*

KUA uipa katoa maira te au te- 1
lona, e te aronga rave ara, e aka-
rongo iaia. Kua kounuumu ora te 2
au Pharisea, e te au tata tuatua, na
ko akera, Te kite nei teianei tangata
i te aronga rave ara, e te kaikai katoa ra
ma ratou. Kua karanga atura aia kia 3
ratou i teianei parabole, na ko atura,
Koai ia tangata i o kotou nei, okotai 4
anere ana mamoe, kia ngaro ra tetai,
kare ainei aia e vaio i te iva ngauru
ma iva i te medebara ra, e aere, ka
kimi ei i tei ngaro ra, e kia kitea
atu? E kitea atura e ia, tuku ora ki 5
runga i tona pakuivi ma te rekareka.
E tae maira aia ki te ngutuare, kua 6
akaputuputu maira aia i te au taunga
nona, e te aronga tangata tupu ra,
kua na ko atura kia ratou, E reka-
reka katoa tatou; kua kitea oki iaku 7
taku mamoe i ngaro ra. E akakite
atu oki au kia kotou, E rekareka
maata to runga i te rangi i te tangata
ara okotai kia tataraara, i te aronga
tuatua-tika, e kia iva ua atu te ngau-
ru anga ma iva, te kore e tau ia
ratou te tataraara. Koai oki ia vaine, 8
okotai ngauru ana diderama, kia ngaro
ra tetai, kare ia e tutungi i te lamapa,
ka purumu ei i te are, ka kimi marie
ei, e kia kitea atu e ia? E kitea atura 9
e ia, kua akaputuputu maira aia i
te au taunga nona e te au vaine riki-
riki tupu ra, ka na ko atu ei, E reka-
reka katoa tatou; kua kitea oki iaku

10 te diderama i ngaro iaku ra. E kara-
nga atu au kia kotou, Mei te reira ka-
toa te tu o to te au angela a te Atua
ra rekareka, kia tataraara te tangata
rave ara okotai ra.
11 Kua karanga atura aia, Toko rua a te-
12 tai tangata tamariki tamaroa: Kua ka-
rangā atura te tama muri ki te metua,
E *taku* metua, o mai ana taku tuanga
i to tatou nei apinga. Kua tua atura
13 aia i te apinga na raua ravarai. E
topa akera etai rā kare e rainga, kua
akaputuputu ora te tama openga i
tona apinga katoa, e aere atura i tona
tere ki te enua mamao, kua kaitauauau
atura i tona apinga i te akono kore.
14 E ope rava akera tona *apinga*, rokoia
ora tua enua ra e te onge maata; ko
tona kite anga akera ia i te putaua.
15 Kua topiri atura aia ki tetai tangata
tupu o taua enua ra, ko tei unga atu
iaia ki te au kainga nona e angai i te
16 puaka. E kua kaki atura aia i te
kerati e keingia e te puaka, kia ki
tona kopu: kare rava e tangata i oro-
17 nga mai i te *kui* nana. E rako ta-
ngata maira aia, kua na ko akera aia,
E manganui to taku metua tavini i
ouia ra, e kai maata ta ratou e te toe
ra tetai pae, e te mate nei au i te pongi!
18 E tu au e aere ki taku metua ra, e
karanga atu au kiaia, E *taku* metua,
kua ara au i *Tei* te rangi ra, e ia koe
19 katoa oki, E kare atura e tau kia tua-
tuaia au e, e tamaiti naau: e akariu
koe iaku mei tetai i te au tavini ou
20 noou nei. Kua tu akera aia, aere
atura ki tona metua. E tei te ngai
mamao rai aia, kua akara maira tona
metua iaia, aroa maira, oro maira,
takave maira i runga i tona kaki, kua
21 ongi maira iaia. Kua karanga atura
taua tamaiti ra kiaia, E *taku* metua,
kua ara au i *Tei* te rangi ra, e ia koe
katoa oki, e kare atura e tau kia tua-
22 tuaia au e, e tamaiti naau. Kua ka-
rangā atura ra te metua ki tona au
tavini ra, Apai mai ana i te kakau pu
meitaki ra, e akakakau mai iaia nei, e
momono tetai tapeka ki roto i tona
rima, e *aao* oki te tamaka ki *tona*
23 vaevae. E tiki oki i te kafa aka-
angai ra e ko; kia kaikai tatou, e kia
24 rekareka oki: Ko taku tamaiti nei
oki, i mate ana, e kua ora mai nei; i
ngaro ana, e kua kitea mai nei.
25 Rekareka atura ratou. Tei te kainga
tana tama mua: e te aere maira ki te
ngutuare, e vaiata maira, akarongo
maira aia i te tangi koe e te ura.
26 Kua kapiki maira aia i tetai tavini,
27 kua ui maira i taua au mea ra. Kua

karanga atura aia kiaia, Teia mai nei
toou teina; e kua ko io nei to metua i
te kafa akaangai nei, no te mea i aere
ora mai nei aia, kare i maki. Riri 28
akera aia, kare akera i tae ki roto; i
aere atu ei te metua tane ki vao, e
akanauru marie atura iaia. Kua na 29
ko maira aia, i te tuatua anga mai, ki
te metua tane, I na, e manganui akenei
oku mataiti i te tavini anga ia koe nei,
e kare rava akenei au iakarongo ngata
i taau tuatua: e kare koe i oronga ua
mai i tetai punua puaka-nio naku, kia
akarekareka au i toku au taunga:
Tei te oki mai anga ra o taau tamaiti 30
na, ko tei kaimoumou i toou apinga
na te au vaine akaturu ra, ko io
nei koe i te kafa akaangai nei nana.
Kua karanga atura aia kiaia, E ta- 31
ma, e tika koe i ko nei iaku nei, e
toku apinga ravarai, noou ia. E mea 32
tika oki ia tatou kia rekareka e kia
pereperekavana: ko to teina nei
oki i mate ana, e kua ora mai nei; i
ngaro ana, e kua kitea mai nei.

PENE XVI.

*Te parabole o te akaaere pikikaa ra:
te au Pharisea: te ture akataka
vaine: te tangata apinga maata ra
raua ko Lazaro.*

Kua karanga katoa atura aia ki 1
tana au pipi, E akaaere to tetai
tangata apinga nui; i tapepeia mai aia
e, kua kaimoumou aia i tona apinga.
Kua tiki atura aia iaia, e kua na ko 2
atura, Eaa teia tuku i akarongo ia koe
nei? ka akakite mai i te tuatua i taau
na taonga; oti ra ua koe i te akaaere.
Kua tuatua ua ora taua akaaere ra i 3
roto iaia uorai, Akapeea ra au? te
apai ke nei taku pu i te taonga aka-
aere iaku nei: kare e tika iaku kia
tatanu; e akama oki au i te ori aere.
E ka akapera au, kia oo mai ratou 4
iaku ki roto i to ratou are, kia aka-
ngereia au i te taonga akaaere nei.
Kua tiki atura aia i te au kai ou rava- 5
rai a taua pu nona ra, kua ui atura aia
ki tetai, Eia o toku rangatira apinga
ia koe kare i tutaki na? Kua tuatua 6
maira aia, Okotai anere lato mori.
Kua karanga atura aia kiaia, Ka rave
i te pepa naau, ka noo ki raro i te-
nana, ka tata'i e, e rima ake ngauru.
Kua karanga atura oki aia ki tetai, 7
Eia auu apinga kare i turaki na? Kua
tuatua maira aia, Okotai anere kora
sitona. Kua karanga atura aia kiaia,
Ka rave i te pepa naau, ka tata'i e, e
varu ake ngauru. Akameitaki atura 8

te rangatira i te ravenga pakari a taua
akaaere tuatua-tika kore ra: e pakari
maata oki to te tamariki o teianei ao, i
ta ratou au peu, i to te tamariki o te
9 mārama. E teianei e karanga atu au
kia kotou, E akataunga atu kotou i te
taunga no kotou io i te taonga pikikaa
nei: e kia tuku keia kotou, kia ooia
mai kotou e ratou ki roto i te are piro
10 kore. Ko te akono meitaki i te mea
ngiti ra, kua akono meitaki katoa i te
mea maata; e ko te pikikaa i te mea
ngiti ra, kare katoa ia i akono i te mea
11 maata. E teianei kare kotou i akono
i te apinga pikikaa, naai e tuku atu
12 kia kotou te taonga mou tikai? E
kare kotou i akono tikai i ta tetai
ke ra taonga, naai e tuku atu i ta
13 kotou orai? Kare e tika i te tavini
kia akarongo atu i nga pu e toko
rua: ka riro aia i te riri atu i tetai, e te
inangaro atu i tetai; e kare ra, e riro
ia i te tau atu i tetai, e te akaviivii atu
i tetai. Ko kotou nei oki, kare e
tika kia akarongo i te Atua e te ma-
mona.
14 E kite akera te au Pharisea noinoi
apinga ra i taua au tuatua katoa ra,
15 kua aviri maira ratou iaia. Kua ka-
ranganga atura aia kia ratou, Ko kotou na
te aronga e akatangata tuatua-tika i
mua i te aroaro o te tangata nei; kua
kite ra te Atua i to kotou ngakau: ko
taua mea i akameitaki uaia e te ta-
ngata ra, e mea viivii ia i te Atua.
16 I rai ana te ture e te au peroveta,
e tae roa akenei ia Ioane nei: mei
reira mai i tutu aereia te basileia o
te Atua, e te aronga i o ra, i o ia i te
17 maroiroi. E kore ake te rangi e te
enua, kare rava ra tetai ngai iti poepoe
18 o te ture nei e kore. Ko tei kopae
atu i taua vaine ka akaipoipo ei i tetai,
kua akaturi ia; e te akaipoipo i
taua vaine i kopacia e te tane ra, kua
19 akaturi katoa ia. I noo ana tetai
tangata apinga nui, e kakau mura-
mura tona kia akamanea; e kainga-
kai meitaki maata tana i te au rā
20 katoa. E tetai tangata apinga kore
oki, ko Lazaro te ingoa, i vaioia i tona
ngutupa ra, kua pini rava i te pueu
21 maki: Kua pati atura i te ungaungū
kai i topa mei runga i te kaingakai a
taua tangata apinga ra: e kua aere
maira te au puaka-aoa, kua mitimiti
22 ora i tona au pueu maki ra. E mate
ora taua tangata apinga kore ra,
apaia atura aia e te au angela ki
runga ravao i te umauma o Abera-
hama ra: e mate katoa atura taua
tangata apinga nui ra, e tanumia ora;

E mate atura i te mamea maata i 23
 ade, kua nānā akera tona mata ki
 runga, kite atura ia Aberahama i te
 ngai mamao, e ia Lazaro ki rungao i
 tona umauma. Kua kapiki atura aia, 24
 na ko atura, E *taku* metua, e Abera-
 hama, e aroa mai iaku, e tono mai ana
 koe ia Lazaro, e tutou aia i tona kauru
 rima ki te vai, ci akaanu i toku nei
 arero; kua mamea maata oki au i
 teianei ai mura. Kua tuatua mairā 25
 Aberahama, E tama, ka akama-
 ara ana, e meitaki oki tooi i to ora
 anga ra, e e kino oki to Lazaro nei: e
 teianei ra, kua akarekarekaia ra aia, e
 kua akamamaeia ra koe. E e mareva 26
 maata oki tei tukua i rotou ia tatou:
 kare to ko nei e tae atu ki ko na i to
 kotou na ngai kia aere; kare katoa to
 ko na e tae mai ki ku nei i to matou nei
 ngai. Kua karanga atura aia, Teia 27
 mari *taku* tuatua kia koe, e *taku* me-
 tua, e tono koe iaia ki te ngutuare o
taku metua: Toko rima oki oku 28
 taeake; e ako atu aia ia ratou, ko te
 tae katoa mai aea ratou ki roto i teia-
 nei ngai mamea maata. Kua tuatua 29
 mairā Aberahama kiaia, Tei ia ratou a
 Mose e te au peroveta ra; ka aka-
 rongo atu ratou i te reira. Kua ka- 30
 ranganga atura aia, Eiaa, e *taku* metua,
 e Aberahama: kia aere atura tetai
 mei te mate atu, e tatarara ia ratou i
 reira. Kua tuatua maira aia kiaia, 31
 Kia kore ratou e akarongo ia Mose e te
 au peroveta ra, tu ua atu rai tetai
 tangata mei te mate atu, kare rai
 ratou e akarongo i te ako.

PENE XVII.

*Kia matukite i te au mea e apa'i: au-
 raka e akamou riri: te mana o te
 akarongo: e tavini puapunga kore
 tatou: te aronga lepera i tamāia;
 e te aerenga mai o Iesu.*

KUA karanga atura aia ki tana au 1
 pipi, Kare rava e kore te au mea
 e apa'i ra: ko tei akatupu i te mea e
 apa'i ra, e ae oki aia! E ngari ake aia 2
 kia riia tetai toka mulo ki runga i
 tona kaki, e kia titiriia aia ki raro i
 te tai, kia akaapa aia i tetai o teianei
 au tangata rikiriki. E matakite ia 3
 kotou orai: kia takinga-kino mai to
 taeake ia koe, e ako atu; e kia tata-
 raara aia, e akakore atu i tana ara.
 E kia itu ua atu rai ona takinga-kino 4
 anga mai ia koe i te rā okotai ra, e e
 itu oki ariu anga mai, e te tuatua
 anga mai e, Kua tatarara au; e aka-
 kore rai koe i tana apa.

5 Kua tuatua maira te au aposetolo ki
 te Atu, E akamaata mai i to matou
 6 akarongo. Kua karanga atura te Atu,
 Naringa e akarongo to kotou mei te ua
 sinapi uorai te maata, e karanga ua
 atu ia kotou ki teianei sukamino, Kia
 kiriti tumuia koe, e kia tanumia atu ki
 raro i te tai; nana ia e akarongo mai.
 7 Koai to kotou na, e tavini tona, te
 arote ra, e te akaangai ra i te mamoe, e
 oki maira mei te kainga, e karanga
 vave atu kiaia, Ka aere koe, ka takoto
 8 i te kaingakai? Kare aina e karanga
 atu kiaia e, E akanoonoo i te kaingakai
 naku, tatuaia to kakau ka rave mai ei
 i te kai, kia kai au, e kia inu oki; e
 akonei ake koe ka kui ei, e inu oki?
 9 E manako ainei aia, e meitaki to
 taua tavini ra iaia, koia i rave i tei
 akaueia atu iaia ra? Te manako nei
 10 au, kare. Koia katoa kotou, kia ra-
 veia e kotou te au mea katoa i akaueia
 atu, e na ko atu kotou, E au tavini
 puapunga kore matou nei: ko tei tau
 fikai ia matou ra, ko ta matou ia i rave
 io nei.
 11 E taua aerenga nona ki Ierusalem
 ra, i na Samaria aia i te aere, e i na
 12 Galilea. E tei te tomo anga atu aia
 ki roto i tetai vila, kua aravei akera
 iaia tetai aronga lepera tino ngauru ka-
 13 ton, tu ua maira i te atea ke: Kapiki ua
 maira te reo, na ko maira, E te Orome-
 tua, e Iesu e, e aroa mai koe ia matou.
 14 E kia akara atura aia ia ratou, kua ka-
 ranganga atura, Ka aere, ka akakite ki te
 kau taunga ia kotou. E tei to ratou
 aere anga na te arataa, tamāia ora ra-
 15 tou. E kia akara ora tetai o ratou
 iaia orai, kua ora, kua oki maira ma
 te kapiki ua te reo i te akakakū anga
 16 i te Atua: Kua tipapa ora aia ki raro
 i te vacvaco o Iesu, kua akameitaki
 maira iaia: no Samaria oki taua ta-
 17 ngata ra. Kua karanga atura Iesu,
 na ko atura, Kare ainei tino ngauru
 katoa i akaoraia nei? teiea io nei ra e
 18 toko iva? Kare rava tetai i oki mai
 e akakakū i te Atua, mari ra ko teia-
 19 nei tangata ke. Kua karanga atura
 aia kiaia, Ka tu, ka aere i to tere:
 kua ora koe i to akarongo.
 20 E i uiia mai aia e te au Pharisea, i
 te tupu anga o te basileia o te Atua;
 kua karanga atura aia kia ratou, na
 ko atura, Kare te basileia o te Atua
 21 e tupu akakite ua mai: Kare oki
 ratou e tuatua e, I na teia, e i
 na tera! i na oki, te basileia o te
 22 Atua, tei roto ia ia kotou nei. Kua
 karanga atura aia ki tana au pipi,
 Ka tae mai te tuatau e anoano ei

kotou kia kite i tetai i te au rā o te Tamaiti a te tangata nei, e kare rai kotou e kite. Kia tuatua maira ratou 23
kia kotou, i na teia, e i na tera; auraka kotou e aere atu, eiaa e aru ua atu. Mei te uira oki e kanapanapa i 24
tetai pae rangi, e kakū ua atura ki tetai pae rangi; ka pera katoa te Tamaiti a te tangata kia tae ki tona tuatua. E na mua ra tona ua mate e ma- 25
nganui e tika'i, e kopacia e teianei uki. E mei tei te tuatau ia Noa ra, ka pera 26
katoa kia tae ki te tuatau o te Tamaiti a te tangata nei. Te kaikai ra ratou, 27
te inu ra, te akaipoipo ra ratou, e te orongaia ra ratou kia akaipoipoia; e tae rava akera ki te rā i tomo ei a Noa ki roto i te araka ra; ko te diluvi maira, ope rava akera ratou i te mate. E mei 28
te tuatau ia Lota ra; te kaikai ra ratou, te inu ra, e te oko atura, e te oko maira, te tanu ra, e te akatu ra i te are: Kia tae ra ki te rā i akaruke atu 29
ei a Lota ia Sodoma, kua topa maira te ai e te teio no runga i te rangi, ope atura ratou i te mate: Ka pera katoa 30
kia tae ki te rā e akakiteia mai ei te Tamaiti a te tangata. Kia tae ki te 31
reira rā, tei rungao i te are te tangata, e tei roto i te are tona apinga, auraka aia e eke ki raro e umuūmu i taua apinga ra e apai ke: e tei te kainga aia, auraka e oki mai ki te ngutuare. E akamaara i te vaine a Lota. 32
Ko tei umuūmu atu i tona orai ora, 33
ka ngere ia i te ora: ko tei kopae ra i tona ora, e ora tona. E akakite atu 34
au kia kotou, Kia tae ki taua po ra, toko rua puke tangata i te roi okotai ra; e riro tetai e ora atu tetai. Toko rua 35
puke vaine i te takaviri katoa arga i te mulo, e riro tetai e ora atu tetai. Toko rua puke tangata i roto i te kero, 26
e riro tetai e ora atu tetai. Kua tuatua 37
maira ratou kiaia, na ko maira, E te Atua, eiaa? Kua karanga atura aia kia ratou, Ei te ngai kopapa ra, ei reira te au acto e putuputu mai ei.

PENE XVIII.

Te parable no te vaine takaua e te akava tuatua-tika kore: te Pharisea e te telona: to Iesu akaora anga i te tamariki varevare: te tangata ou apinga nui: te kino o te apinga: te tutaki o te aru tikai ia Iesu: te matenga e te tuakaouanga o Iesu: te tangatu matapo.

KUA akakite katoa atura aia i te 1
parable, kia tamou marie ratou i te pure, auraka e maromaroa; Na ko 2

atura, E tangata akava tei tetai oire, kare aia i matakū i te Atua, kare oki 3
i akono mai i te tangata: E vaine takaua oki tei taua oire ra; aere atura aia kiaia ra, na ko atura, E akatika 4
mai koe iaku i toku nei enemi. E kare akera aia i akatika vave mai: e muri akera, kua na ko ora i roto iaia uaorai, Kore ua atu rai au i te matakū i te Atua ra, e te akono i te 5
tangata nei; No te mea ra, te māro mai nei teianei vaine takaua iaku, e akatika atu au i tana tuatua, ka manamanata aea ua iaia i te aere putuputu 6
anga mai. Kua karanga atura te Atua, Ka akarongo ana i te tuatua a tana 7
akava tuatua-tika kore ra. Kare aina oki te Atua e akatika mai i tona uaorai tangata i ikiia ra, ko tei kapiki atu iaia i te po e te ao, e favare ainei 8
aia i ta ratou tuatua? E karanga atu au kia kotou, Kare rava e mamia, e akatika mai aia ia ratou. Kia tae maira te Tamaiti a te tangata nei, e kitea ainei e ia te akarongo i te enua nei? 9
Kua akakite katoa atura aia i teianei parable ki tetai pae tangata ra, i manako ia ratou orai e, e aronga tuatua-tika, e i akavaavaa oki ia etai ke. 10
Aere atura e toko rua puke tangata ki runga i te iero e pure; e Pharisea 11
tetai, e telona tetai. Kua tu ua ora te Pharisea, koia anake ua, pure atura, na ko atura, E akameitaki atu au ia koe, e te Atua, i te mea kare au mei te tangata katoa nei; i te apari apinga, te tuatua-tika kore, te akaturi, e mei 12
tera ra telona oki. Taki rua aku nese-teia anga i te ebedoma okotai, e te oronga nei au i te ngauru o toku 13
apinga tini katoa nei. Kareka te telona, tu ke ua atura ia i te atea ke, kare i akara ua atu tona mata ki runga i te rangi, kua papaki ua ora i tona umauma, na ko atura, E te Atua, e aroa mai koe iaku i te tangata ara nei. 14
E akakite atu au kia kotou, Okī maira taua tangata ra ki te ngutuare ma te akatikaia mai, kare tetai: ko te akateitei iaia uaorai ra, ka taakaakaia ia; e te taakaaka iaia uaorai, ka akateiteia ia. 15
Kua apai maira ratou i te tamariki varevare kiaia ra, kia akatukia mai aia ia ratou: kia akara maira ra te au 16
pipi, kua kauvae maira ia ratou. Kua karanga aturā Iesu kia ratou ra, na ko atura, Ka tuku mai ana te tamariki mea riki, kia aere ua mai kiaku nei, auraka e akakorcia atu; mei ia ratou nei oki to te basileia o te Atua.

Koia mou taku e karanga atu kia ko- 17
tou na, Te kore e āriki i te basileia o
te Atua mei te tamariki mea riki ra,
kare takiri aia e o ki reira.

Kua ui maira tetai kavana kiaia, na 18
ko maira, E te orometua meitaki e, e
akapea au nei e rauka'i iaku te ora
mutu kore? Kua karanga atuā Iesu 19
kiaia, Eaa koe i akameitaki mai ei
iaku? ko te Atua anake ra te meitaki.
Te kite na koe i te ture, "Auraka e 20
akaturi, Auraka e ta ua, Auraka e
keia, Auraka koe kia riro ei kite piki-
kaa, E akangateitei i to metua tane, e
to metua vaine." Kua na ko maira 21
aia, Kua ope te reira i te akonoia e au
mei toku ou anga mai. E kia aka- 22
rongo atuā Iesu i te reira tuatua, kua
karanga atura aia kiaia, Te toe nei
rai tetai mea ia koe: e oko koe i te
apinga tini ravarai noou ra, ka tua'i no
te tangata rikiriki; e apinga tauu i te
rangī i reira; ka aere mai ei ka aru
mai iaku. E kite akera aia i te reira 23
tuatua, iriea roa atura aia: e apinga
maata oki tonā. Te kite rā Iesu e, te 24
maata ra tona iriea anga, kua na ko
atura, Te akao ngata o te aronga apinga
nui ki roto i te basileia o te Atua e! E 25
akao ngoie ake te kamela na roto i te
puta nira, i te tangata apinga nui kia
akao ki roto i te basileia o te Atua ra.
Kua na ko maira te aronga i akarongo 26
ra, Koai oki te ka ora? Kua kara- 27
nga atura aia, Ko te au mea e kore e
tika i te tangata nei, e tika ia i te Atua.
Kua tuatua mairā Petero, I na matou, 28
kua akaruke i te au mea katoa, e
kua aru mai nei ia koe. Kua karanga 29
atura aia kia ratou, Koia mou taku e
karanga atu kia kotou nei, Kare e ta-
ngata i akaruke i te arc, e te au
metua, e te au tacake, e te vaine, e te
tamariki, no te basileia o te Atua, E 30
kore ei e rauka iaia te mea maata roa
atu i teianei ao, e i te ao a muri nei,
ko te ora mutu kore ia.

Kua arataki atura aia i te tino 31
ngauru ma rua ra, e na ko atura kia
ratou, I na, te aere nei tatou ki Ieru-
salema; e te au tuatua ravarai no te
Tamaiti a te tangata i taitaia e te au
peroveta ra, ka ope rava ia i te tupu.
Ka tukua oki aia ki te rima o te 32
etene, e ka taitoitōia, e ka takinga-
kinoia, e ka tutuaia oki ki te uavare:
E ka pūpūia, e tamate ravaia: kia tae 33
ra ki te po toru ra, ka tu akaou rai ki
runga. Kare rava ra ratou i kite i 34
taua au tuatua katoa ra, i unuaia ia
tuatua ia ratou; kare ratou i kite i te
tau anga i tei tuatuaia maira.

E vaitata atura aia ki Ieriko, te noo
ra tetai tangata matapo i te pae ara, te
36 pati ra i te apinga: E kia akarongo
akera aia i te tere anga o taua urupu
37 ra, kua ui akera aia, Eaa tena? Kua
akakite maira ratou kiaia, ko Iesu i
38 Nazareta teia e aere nei. Kua kapiki
atura aia, na ko atura, E Iesu, te Ta-
maiti a Davida ra, e aroa mai koe iaku.
39 E te aronga i na mua ra, kauvae maira
iaia, kia muteki atu aia: maata rava
atura tona kapiki i reira, E te Tamaiti a
40 Davida, e aroa mai koe iaku. Tu ua orā
Iesu, kua akaue atura kia arataki mai
ratou iaia kiaia: e tae maira aia i vaita-
41 tao, kua ui atura aia kiaia, Na ko atura,
Akapea atu au kia koe i toou anoano?
Kua na ko maira aia, E te Atua, kia pu-
42 era toku mata. Kua karanga atuā Iesu
kiaia, Kia puera to mata, kua ora koe i
43 toou akarongo. Puera akera tona mata i
reira, e kua aru maira iaia ma te aka-
kakā i te Atua: e kite akera te tangata
tini, akameitaki katoa atura i te Atua.

PENE XIX.

*Ko Zakaio: te ariki e te au tavini: te
aerenga ki Ierusalemā na runga i te
asini: te riri o te au Pharisea: to
Iesu aue anga i taua oire ra: te
tamā aia i te iero.*

1 **E** TAE atuā Iesu ki Ieriko tomo
atura, na rotou atura te aere.
2 E i na, *tei reira* tetai tangata ko Za-
kaio te ingoa, e tangata apinga; e ka-
3 vana aia no te telona. I anoano aia i
te akava ia Iesu, kia kite i te tu; e
kare akera aia i kite i te maata o te
4 tangata, e tangata poto oki aia. Oro
atura aia na mua, kake atura ki runga
i tetai rakau sukamino e akara iaia:
te na reira maira oki aia i te aere.
5 E tae mairā Iesu ki taua ngai ra, kua
akara akera aia ki runga ra, e kite
atura iaia, e kua karanga atura, E
Zakaio, ka eke mai i tenana; ei to
6 arc ra oki au noo ei akonei. Kua eke
viviki maira aia ki raro, oo maira iaia
7 ma te rekareka. E kite akera ratou
ra, kua koumuumu ora ratou ravarai,
na ko akera, Te aere atura aia ei ma-
8 nui ri na te tangata rave ara. Kua tu
ua mairā Zakaio ki muao i te Atua,
kua tuatua maira, E te Atua, i na; e
oronga au i te afa i toku nei apinga no
te tangata rikiriki; e i takinga-kino
ana au i etai ke i tetai mea ngiti ake,
kia taki a ia taku e akaoki atu *nona*.
9 Kua karanga atuā Iesu kiaia, Kua
tae mai te ora ki teianei nguaire i teia-
nei rā, e tamaiti katoa oki aia na Abe-

rahama. I aere raai nei oki te Tamaiti a te tangata e kimi i tei ngaro ra e akaora.

E te akarongo maira ratou i taua 11
tuatua ra, kua tuku katoa atura aia i te-
tai parabole, no te mea te waitata atura
aia ki Ierusalem, e te manako ra ratou
e, e kitea mai te basileia o te Atua
i reira ra. No reira aia i na ko atu ei, 12
Kua aere atura tetai tangata mana ki
te enua mamao, kia rauka iaia te taoon-
nga ariki, e ka oki mai ei. Kua kara- 13
nga atura aia ki nga tavini tino ngauru
nona ra, e kua tuku atura i nga mina
okotai ngauru kia ratou, kua na ko
atura kia ratou, E oko ua kotou e kia
oki mai au ra. Te makitakita ra tonu 14
matakeinaunga iaia, e kua tonu atura i
te veka na muri atu, ei na ko atu e,
Auraka tenana tangata ei ariki no ma-
ton. E oki maira aia, ia te taoonga 15
ariki katoa i rungao iaia, kua akaue
atura aia i taua au tavini tana i tuku
i te moni ra, e aere mai kiaia, kia
kite aia i te tu o te apinga i rauka i ta
ratou oko anga. Kua aere maira tetai, 16
kua tuatua maira, E te atu, okotai
ngauru mina i rauka i te mina noou ra.
Kua karanga atura aia kiaia, Kua tika, 17
e tavini meitaki koe: no te mea kua
akono meitaki koe i tenana apinga iti
poepoe, ei kavana koe e kia okotai
ngauru oou oire. Kua aere maira oki 18
te toko rua, na ko maira, E te atu, e
rima mina i rauka i te mina noou ra.
Kua karanga katoa atura aia kiaia, Ei 19
kavana koe kia rima oou oire. Kua
aere maira tetai, na ko maira, E te
atu, i na, *tera mai* te mina noou ra, i
vaio mariea e au ki roto i te vai; I 21
matau oki au ia koe, no te mea e tan-
gata rotoriri koe: e rave rai koe i
tei kore i vaioia e koe ra, e kokotai oki
koe i tei kore i ruuia e koe ra. Kua 22
karanga atura aia kiaia, E teianei ta-
vini kino e, e akaapa au ia koe i te
tuatua no roto i toou orai vaa. Kua
kite koe e, e tangata rotoriri au, i te
rave anga i tei kore i vaioia e au ra, e
te kokotai anga i tei kore i ruuia e au;
Eaa ora koe i kore ei i taof atu i toku 23
moni ki te okoanga ra, e kia tac mai
au ra, rauka ora toku ma te oko?
Kua karanga atura aia ki te aronga i 24
tu ua i waitata ra, Ka rave atu i tonu
mina, ka o atu ei na te tangata okotai
ngauru ona mina ra. (Kua tuatua maira 25
ratou kiaia, E te atu, okotai ngauru
oki ona mina.) E akakite atu oki au 26
kia kotou, E apinga maata tonu ra, e
akamaataa atu rai tonu; e apinga iti
tonu ra, e ravea ke ia taua iti iaia ra.

27 Kareka taua au enemi noku ra, ko tei
kore i ariki mai iaku ei ariki no ratou,
arataki mai ana ia i ko nei i mua i
toku nei aroaro, e ta.

28 E oti akera taua tuatua nei, na mua
atura aia i te aere anga atu ki Ierusa-
29 lema. E waitata atura aia ki Bete-
phage e Betania, i waitata i te maunga
i karangaia ra ko Oliveta, kua tonu
atura aia i e toko rua puke pipi ana ra,
30 Na ko atura, E aere ana korua ki tera
ra vila, e kia tomo atu korua ki roto,
ka kite korua i tetai punua *asini*, kua
erekia, kare oki i nooia e te tangata:
31 ka tataru ake, e taki mai. E kia ui mai
te tangata kia korua, Eaa korua e ta-
tara'i? e na ko atu korua, No te mea e
32 tau teia i te Atu. Aere atura raua tei
tonokia ra, e rokoia atu koia mou tana
33 i karanga atu kia raua. E tei te tataru
anga raua i taua punua ra, kua tuatua
maira te au atu, Eaa korua e tataru'i i
34 tenana punua? Kua karanga atura
35 raua, E tau teia i te Atu. Kua taki
maira raua i taua *asini* ra kia Iesu ra:
kua tuku atura i to raua kakau ki ru-
ngao i taua punua ra, e kua akanoo
36 atura ia Iesu ki rungao. E i tona
aere anga, kua totoa aere ratou i to ra-
37 tou kakau i te arataa. E waitata atura
aia ki te *oire*, ki te tumu o te maunga
ra i Oliveta, kua rekareka ora taua
aronga pipi maata katoa ra, e kua ka-
piki reo nui atura i te akameitaki anga
i te Atua, i te au semeio katoa ta ratou i
38 kite ra; Na ko akera, Kia ora te Ariki,
ko tei aere mai ma te ingoa o te Atu
ra; ei au to te rangi, e te kakū i te
39 ngai teitei. Kua tuatua maira e toko-
tai puke Pharisea no roto i taua urupu
maata ra kiaia, E te Orometua, e ako
40 ake ana koe i to au pipi nei. Kua kara-
nga atura aia kia ratou, E akakite atu
au kia kotou, Kia muteki ua ratou nei,
kua kapiki ua mai ia te au toka nei i
41 reira. E waitata atura aia, kite atura i
42 taua oire ra, aue atura aia, Na ko atura,
Naringa koe i kite ana, ko koe tikai,
i teianei i toou nei tuatau, i te tuatua e
ora'i koe na! i teianei ra, kua ngaro ke
43 ia tuatua, kare toou mata e kite. Te
waitata maira oki te tuatau, e akapiniia'i
koe e to au enemi i te koro, e takako
ratou ia koe e pini ua ake, ka tāpu ei
44 ia koe i roto: E ka uri oki ia koe ki
raro kia okotai ake tu e te one, e to
tamariki i roto ia koe na; e kare oki
tetai toka i roto ia koe na, e vaioia i
runga i tetai: ko koe kare i akamaara
i toou na kite angai mai.

45 Kua tomo atura aia ki roto i te iero,
kua tuaru atura ki vao te aronga i oko

atu e i oko mai i roto ra; Na ko atura 46
kia ratou, Kua oti i te tataia, "E are
pure anga toku nei are," kua akari-
roia io nei ra e kotou ei "ana no te
aronga keia."

E tika aia i roto i te iero i te apii 47
anga i te au rā katoa. Kua umuumu
maira te kau taunga nunui e te au
tata tuatua, e te aronga nunui katoa,
iaia e ta; Kare ra i kite i te ravenga e 48
tika'i: te akarongo marie maira te ta-
ngata katoatua iaia.

PENE XX.

*Te hapetizo a Ioane noea? te pa-
rable o te kainga vine e te aronga
unga kino: te toka tiavā: te upinga
a Kaisara: te tuakauunga: te
Mesia te tamaiti a Davidu: te nga-
kau parau e te noinoi a te au tata
tuatua.*

E TAE akera ki tetai rā, te apii ra 1
aia i te tangata, e te tuatua ra i te
evangelia, i roto i te iero, tei runga ua
maira iaia te kau taunga nunui ra, e te
au tata tuatua, e te aronga pakari,
Kua tuatua maira kiaia, na ko maira, 2
Ka akakite mai kia matou i te tumu i
rave ei koe i teianei au mea: e naai
i tuku mai i teianei mana kia koe?
Kua karanga atura aia kia ratou, na 3
ko atura, E ui katoa anga taku ia
kotou; e akakite mai kotou kiaia: I 4
te hapetizo a Ioane nei, no te rangi
mai aina? e na te tangata aina? Kua 5
eumiumi ora ratou ratou uaoari, na ko
akera, Kia tuatua tatou, No te rangi
mai; e riro aia i te tuatua mai e, Eaa 6
ora kotou i kore ei i akarongo atu iaia?
E kia tuatua oki tatou, Na te tangata; 7
ka peia tatou ki te toka e te tangata
tini, te manako tikai ra ratou e, e
perovetū Ioane. Kua tuatua maira 8
ratou, Kare matou i kite e noea. Kua
karanga aturū Iesu kia ratou, Kare
katoa au e akakite atu kia kotou i te
tumu i rave ei au i taua au mea nei.

Kua akakite atura aia ki te tangata 9
i teianei parable, Kua tanu ora tetai
tangata i te kainga vine, tuku atura ki
te aronga unga, e aere atura ki te
enua mamao, e roa atura i reira. E 10
tae akera ki te tuatau tikai ra, kua
tono maira aia i tetai tavini ki taua
aronga unga ra, kia o mai ratou i te
kai o taua kainga vine ra: kua pāpā
ora taua aronga unga ra iaia, e akaoki
atura ma te puapinga kore. Kua tono 11
akaou maira oki aia i tetai tavini ke:
kua pāpā katoa ora oki ratou iaia, rave

kino atura, e akaoki atura ma te pua-
12 pinga kore rai. Kua tono maira aia
i te toko toru; paraparua ora oki aia
i te rave kinoia e ratou, e tuaru atura
13 ki vao. Kua tuatua ora te pu o taua
kainga vine ra, Akapeea ra au? Ka
tono paa au i taku tamaiti akaperepere:
peneiake ko te oo mai ratou iaia kia
14 akara mai. Kia akara maira taua aro-
nga unga ra iaia, kua tuatua ora ratou
ratou uaoari, na ko akera, Ko te tangata
kainga teia: e aere mai, ka ta tatou
iaia, kia riro mai te kainga ia tatou orai.
15 Kika maira ratou iaia ki vao i taua
kainga vine ra, e tamate rava ora. Ka
akapeea maira te pu o taua kainga
16 vine ra ia ratou? Ka riro aia i te aere
mai e tamate rava i taua aronga un-
ga ra, ka apai atu ei i te kainga vine na
etai ke. E tei te akarongo anga ratou
ra, kua na ko akera, Auraka rava ia.
17 Kua akara atura aia ia ratou, na ko
akera, Eaa oki teianei tuatua i tataia
ra e, "Te toka i akarukeia e te aronga
patu are ra, ko tei akariroia ei toka
18 tiavā?" Ko te inga ki rungao i taua
toka ra, e paraparua ia; kareka te topaia
e taua toka ra, e ungaungātiti rava ia.
19 Kua timata atura te kau tūnga
nununui, e te au tata tuatua, i te opu
iaia i taua ora ra; kua kite oki ra-
tou e, no ratou taua parable tana
i tuatua ra; i matakū ra ratou i te ta-
ngata.
20 Kua akara matariki atura ratou iaia,
e akaou atura i te tangata ei akari,
kia tapikipiki mai ratou e, e aronga
tuatua-tika ratou, kia rauka ia ratou
tetai manga tuatua ana, kia tuku ra-
tou iaia ki te tangata taonga ra ki te
21 kavana i te ngai mana ra. Kua ui
atura ratou kiaia, na ko atura, E te
Orometua, kua kite matou e, e tuatua-
tika taua, kua tika taua e apii nei,
e kare koe i akono i to te tangata nei
tu, te apii nei ra koe i te tuatua a te
22 Atua ra ma te tuatua-mou. E tika ainei
i te ture kia apai matou i te taunga
23 na Kaisara, e auraka ainei? Te kite ra
aia i ta ratou pikikan, e kua tuatua
maira kia ratou, Eaa kotou e timata
24 mai ei iaku? Ka akakite mai na i
tetai denari. Noai te tu e te tuatua i
runga? Kua tuatua maira ratou,
25 No Kaisara. Kua karanga atura aia
kia ratou, E apai mari i ta Kaisara kia
Kaisara; e ta te Atua ra, e apai ia ki
26 te Atua. E kare rava akera tetai tua-
tua tana i tuatua ki māia i te aroaro
o te tangata ra i rauka ia ratou: va
ua ora ratou i tana i tuatua maira, e
muteki atura.

Kua aere maira i reira tetai pae o 27
te au Sadukea ra, ko tei tuatua e, kare
e tuakaouanga; e kua ui maira ratou
kiaia, Na ko maira, E te Orometua e, 28
i tata mai a Mose kia matou nei, "Kia
mate te tuakana o tetai tangata, te ora
ra te vaine, e kare e tamariki, e akai-
poipo te teina i taua vaine ra, e aka-
anau tama i te tamariki na te tuakana." 29
Toko itu puke tamaroa i te kopu-
tangata okotai; akaipoipo ora te tama
mua i te vaine, e mate atura, kare 30
e tamariki. Kua akaipoipo ora te toko
rua i taua vaine ra, e mate katoa atura,
kare e tamariki. Kua akaipoipo ora 31
oki te toko toru iaia ra; okotai rai o
ratou tu toko itu katoa: i mate anake
ratou ma te tamariki kore rai. E i te 32
openga iora, mate katoa atura te
vaine. E teianei, kia tae ki te tu- 33
akaouanga ra, e riro aia ei vaine naai
i taua aronga ra? e vaine oki aia na
ratou ravarai toko itu. Kua karanga 34
aturā Iesu kia ratou, na ko atura, Te
akaipoipo nei te tamariki o teianei ao,
e te orongaia nei kia akaipoipoia: 35
Kareka te aronga i manakoia e, e tau
ia ratou tetai ao ra, e te tuakaouanga
nei e mate mai, kare ia ratou e akai-
poipo, kare oki e oronga kia akai-
poipoia: Kare oki ratou e mate akaou, 36
e tau oki ratou ki te au angelara; e
tamariki ratou na te Atua ra, e tamariki
oki ratou no te tuakaouanga ra. Ka- 37
reka te tuakaouanga o te aronga i
mate, kua akakite mai oki a Mose, iaia
i karanga atu i te Atua i te pu nga-
ngaere ra, i "te Atua no Aberahama, e
te Atua no Isaaka, e te Atua no Ia- 38
koba." Kare oki aia i te Atua no tei
mate, no tei ora ra; te ora katoatoa ra
iaia. Kua tuatua maira e tokotai puke 39
tata tuatua, na ko maira, E te Orometua
e, e tuatua tika tikai taau. E 40
muri akera, kare rava atura ratou i
ui akaou mai kiaia i te matakū.

Kua karanga atura aia kia ratou, 41
Eua te mea i tuatuaia i e, ei tamaiti na
Davida te Mesia? Ko Davida orai 42
oki tei na ko mai i roto i te buka Sa-
lamō ra e, "Kua karanga aturā Iehova
ki taku Atua, Ka noo koc ki taku rima
katau nei, E kia akariro au i to au 43
enemi ei pange vaevea noou." E teia- 44
nei, te tuatua rā Davida kiaia e, e
Atua, eua ora oki aia i riro ei ei ta-
maiti nana?

Kua karanga atura aia ki tana au 45
pipi, te tangata katoatoa i te akarongo
anga mai, Kia matakite i te au tata 46
tuatua, ko te anoano i te aere ma te
kakau roroa, e kia aroaia i te au oko-

anga ra, e te au nooanga teitei i te au
sunago ra, e te ngai teitei i te au
47 kaingakai ra; Te pou nei oki ia ratou
te ngutuare o te au vaine takaua ra, e
te akarōa nei te pure ei pikikaa anga:
e mate maata rava oki to ratou.

PENE XXI.

*Te apinga a te vaine takaua: te pou
anga o te iero, te takinga-kino anga
i te au Aposetolo, e te oki akaou anga
mai o te Mesia, i akakite ateaia mai.*

- 1 **N**ĀNĀ akera aia, kite atura i te
aronga apinga nui i te tuku anga
mai i ta ratou moni ki roto i te pia
- 2 apinga. E kite katoa atura aia i
tetai vaine takaua apinga kore i te
tuku anga i nga lepeta e rua ki roto.
- 3 Kua karanga atura aia, E tuatua-mou
teia taku e karanga atu kia kotou na, E
maata ta te vaine takaua apinga kore
nei i tuku ki roto, i ta ratou ravarai:
- 4 No roto oki i te toenga i to ratou api-
nga maata ta ratou i tuku maira ki
roto i te apinga a te Atua: kareka
aia nei, kua ope rava tona apinga riki-
riki i te tukuia e ia ki roto.
- 5 Te tuatua ra tetai pae i te iero, i te
manea i te toka memeitaki e te apinga
oronga ua mai, kua karanga atura aia,
- 6 Teianei au mea ta kotou e akara nei;
te vaiata mai nei te tuatau, kare rava
tetai toka e vaiōia ki rungao i tetai, ka
- 7 ope rava ia i te uria ki raro. Kua ui
maira ratou kiaia, na ko maira, E te
Orometua, eua ia au mea e tupu ei?
e eua te akairo e kitea'i e, kua vaiata
- 8 i te tupu? Kua karanga atura aia, Kia
matakite, eua kotou e vare. E manga-
nui oki te ka aere mai na toku nei
ingoa, e te na ko anga mai e, Ko au te
Mesia; e teia uorai taua tuatau ra:
- 9 auraka ra kotou e aru atu ia ratou. E
kia akarongo kotou i te *rongo* tamaki,
e te ngauueue anga, auraka e matakū;
na mua oki te reira i te tupu e tika'i,
kare ra e *vaitata* te openga i reira.
- 10 Kua karanga atura aia kia ratou, E tu
mai tetai enua e tamaki mai ki tetai
enua, e tetai basileia e tamaki mai ki
- 11 tetai basileia: E te ngaruerue maata i
te enua i tera ngai i tera ngai, e te onge,
e te maki-mate, e te mea rikarika, e te
semcio mamaata, i te kitea anga mai
- 12 i rungā i te rangi. Ko kotou na ra
te ka opukia mai ana, e ka takinga-
kinoia, i te tuku anga atu *ia kotou* ki
te au sunago ra, e ki roto i te are
tapekanga, e ka kavea oki ki mua i te
aroaro o te ui ariki e te au kavana, no
- 13 toku nei ingoa. E riro te reira ei

tuatua-akakite na kotou. E tenana, e 14
 akakoro marie kotou, e auraka rava e
 na mua te kimi i te tuatua ei tuatua
 anga atu. Naku oki e oronga atu i te 15
 vaa no kotou e te pakari, kare rava e
 tika i to kotou au enemi kia akakore
 mai e kia patoi mai. Ka pikikaia 16
 kotou e *to kotou* ai metua, e *to kotou* ai
 taeake, e *to kotou* orai kopu-tangata, e
to kotou au taunga orai, e ka mate
 tetai pae o kotou na ia ratou. E ka 17
 makitakitaiia mai kotou e te tangata
 ravarai i toku nei ingoa. Kare rava 18
 ra tetai io rauru i to kotou na mimiti e
 ngaro. E ora ra kotou kia mou ta- 19
 mou marie. Kia akara ra kotou ia 20
 Ierusalemia i te takako angaia e te au
 nuku, kua vaitata rava tonu pou i
 reira, kia kite mai kotou. Te aronga e 21
noo i Iudea ra, ka oro ratou ki te mau-
 nga i reira; e to roto i te *oire* ra, ka aere
 ia ki vao; e auraka to te au ngai katoa
 ra e tomo akaou ki roto i te *oire*. E 22
 tuatau akaoko anga oki te reira, e ope
 ei te au tuatua i tataia ra i te akatu-
 puia. E ae oki to te au vaine apu ra, 23
 e te alangote i te *tamariki* i te reira
 tuatau! e mate maata oki to te enua
 nei i reira, e te riri i runga i teia-
 nei iti-tangata. E inga oki ratou i 24
 te mata koke, e arataki tuikaia ia ki
 te pa enua ravarai; e ka takatakaiia
 oki Ierusalemia e te au etene, e kia ope
 tikai to te etene tuatau. E e akairo 25
 to roto i te rā, e to roto i te marama, e
 to roto i te au etu; e te mate anga o
 te pa enua o te ao nei i te tumatete-
 nga; te tai e te kare i te aruru anga;
 E te taravai anga o te ngakau tangata 26
 i te matakua, e te manako ua anga i
 taua au mea ra i te vaitata anga mai i
 te ao nei; ka riro oki te au mea mana
 o te rangi ra i te ruruia. Ei reira 27
 ratou e kite ei i te Tamaiti a te tan-
 gata, i te aere anga mai na roto i te
 tiao, ma te mana e te kakā maata. E 28
 kua tupu anake teianciau mea, e nūnā
 to kotou mata ki runga, e akateitei to
 kotou mimiti; te vaitata maira oki to
 kotou ora. Kua tuatua aia i tetai 29
 parabole kia ratou; Ka akara ana i te
 suke e te rakau tini; Kia akara 30
 kotou i te kao anga, te kite ua ra kotou
 e, kua vaitata rava i akaū i reira. Koia 31
 katoa teia, kia akara kotou i taua au
 mea nei i te tupu anga, kua vaitata ia
 te basileia o te Atua, kia kite oki
 kotou. Koia mou taku e karanga atu 32
 kia kotou na, Kare e ope teianei uki,
 ka ope ei i te tupu taua tuatua nei. E 33
 kore ake te rangi e te enua, kare rava
 ra taku nei tuatua e kore. E mata- 34

kite ra ia kotou, ko te opue aea to kotou
 ngakau i te maata o te kai e te kona, e te
 pekapeka o teianei ao, ka rokoia mai
 ei kotou e taua rā ra, kare i manakoia
 35 atu. E pini oki to te ao nei mei te
 36 pini kupenga ra i te reira ra. E te-
 nana, e akamaroiroi kotou, e tamou
 tikai i te pure, kia tau ia kotou te ora
 i teianei au mea katoa e vaitata mai
 nei, e kia tu kotou ki mua i te aroaro o
 te Tamaiti a te tangata.
 37 I perā Iesu i te apii anga i roto i te
 iero i te ao; e kia po ra, kua aere
 aia ki vao, e noo atura ki te maunga i
 38 tuatuaia ra e, ko Oliveta. E i te
 popongi rava ra, kua aere mai te
 tangata katoa ki te iero e akarongo
 iaia.

PENE XXII.

*Te akatau anga a te aronga pikikaa
 ia Iesu: te pasa: te kaingakui a te
 Atua: to Petro inga anga i akakiteia:
 te akateitei a te au pipi: kua opukiā
 Iesu: kua ruuaia e Peterso: kua
 takinga-kinoia e te Sumederi.*

1 **E** TE vaitata maira te ora i te kai
 akaopue koreia ra, ko tei tuatuaia
 2 ra e, e pasa. Te kimi ra te kau taunga
 nunui e te au tata tuatua ra i te rave-
 nga e mate ei aia ia ratou; te matakua
 ra oki ratou i te tangata.
 3 Kua uru orā Satani ki roto ia Iuda,
 ko tei karangaia ra ko Isekariota, no
 te tino ngauru ma rua katoa ra oki
 4 aia. Aere atura aia, akatau atura i
 tana tuatua ki te kau taunga nunui
 ra, e te au kapena, i te tuku anga
 5 atu aia iaia kia ratou. Mareka rava
 akera oki ratou, e kua akatau ora
 ratou i te moni e tuku mai nana.
 6 Kua akatika atura aia, e kimi iora
 aia i te ngai meitaki, kia kore te
 tangata, ka tuku atu ei aia iaia kia
 ratou.
 7 E tae akera te rā akaopue koreia e
 8 ko ei i te pasa ra, Kua tono atura aia ia
 Peterso raua ko Ioane, na ko atura,
 Ka aere, ka akonokono i te pasa, kia
 9 kai tatou. Kua ui maira raua kiaia,
 10 Eiea mau akonokono ei? Kua ka-
 rangata atura aia kia raua, I na, kua o
 anake korua ki roto i te oire ra, e ara-
 vei mai tetai tangata ia korua, te apai
 ra i te āriki vai; e aru atu korua iaia
 11 ki roto i te are tana e tomo ra. Ka
 karanga atu ei korua ki te pu o te are,
 Te ui maira te Orometua kia koe,
 Teica to te manuii pia, kia kai au i te
 12 pasa e taku au pipi katoa? E nana e
 akakite mai kia korua i tetai pia

maata, tei runga, kua manea: ei reira akonokono ci. Aere atura raua, e ro-koia atu, koia tika atura tana i karanga atu kia raua ra: e kua akonokono ora raua i te pasa.

E tae akera ki te ora mou ra, noo atura aia e te au apostolo katoa, tino ngauru ma rua. Kua karanga atura aia kia ratou, E anoano maata toku i te kai i teianei pasa, ko au e ko kotou katoa, ka mate atu ei au. E akakite atu oki au kia kotou nei, Kare rava au e kai akaou atu i tetai *pasa*, kia tupu na atu i te basileia o te Atua ra. Kua rave ora aia i te kapu, e akameitaki atura, e na ko atura, Ka rave mai i teia, ka tua na kotou: E karanga atu oki au kia kotou, Kare au e inu akaou i to te ua vine, e kia tae ua atu ki te basileia o te Atua ra. Kua rave ora aia i te areto, akameitaki atura, vava'i ora, tuku atura kia ratou, na ko atura, Toku kopapa teia, e orongaia no kotou; e akapera kotou ei manako anga iaku. E kua pera katoa ora i te kapu, kia oti ake te kai anga, na ko atura, Teianei kapu, ko te koreromotu ia i toku nei toto, e akamaringia no kotou nei. I na oki, tei runga katoa te rima o tei tangata e pikikau iaku i teianei kaingakai. Te aere nei rai oki te Tamaiti a te tangata i tei akonoia ra, ko te tangata ra, e pikikau mai iaia ra, e ae oki aia! Kua ui ua ora ratou ratou uarai i to ratou e akapera.

E tauetono anga oki tei tupu i roto ia ratou i to ratou e ka maata. Kua karanga atura aia kia ratou, Te akateitei nei te ui ariki o te etene i runga ia ratou; e taua aronga i akavi ia ratou ra, te tapaia nei ia i te taki-nga-meitaki. Kareka kotou na, kare ia e tika kia pera: ko tei maata i roto ia kotou na, kia arite katoa ia i tei iti; e tei mana ra, kia arite katoa ia i tei tavini. Teia oki tei maata, ko tei noo i te kaingakai ainei, e ko tei raverave ainei? kare ainei ko tei noo i te kaingakai? E tau ra au mei tei tavini ra i roto ia kotou nei. Ko kotou ko te aronga e noo tamou i vai-tata iaku i toku au timataanga nei: Mei toku metua i akono i tetai basi-leia noku ra, kua akono katoa au ia kotou; Kia kai katoa kotou e kia inu oki i taku kaingakai i toku basileia ra, e kia noo ki runga i te au terono i te akava anga i ngu kopu tino ngauru ma rua o Iseraela ra. Kua karanga atura oki te Atua, E Simona, e Simona, i na, i pati anu Satani ia kotou, e ruru mei te sitona e *ruruia*

32 ra: I pure ana ra au ia koe, kia kore e ope toou akarongo: e kia akaariuia mai koe ra, ka akamaroiroi atu i to au taake. Kua tuatua maira aia kiaia, E te Atua, kua tika iaku i te aru atu ia koe, e kia tapeka katoaia taua e 34 mamate katoa atu. Kua karanga atura aia, E akakite atu au kia koe, e Petero, kare te moa e kakaao akonei, ka toru atura ouu uuna anga e, kare koe e kite mai iaku. 35 Kua karanga atura aia kia ratou, Iaku i tono ia kotou ma te moni kore ra, e te pute kore ra, e kare oki e tamaka *apai* ua, i ngere ainei kotou i tetai mea ngiti? Kua tuatua maira 36 ratou, Kare rava. Kua karanga atura aia kia ratou, I teianei ra, e ariki moni tana ra, e *apai* ia, e *tana* katoa oki pute; e kare ona e koke ra, e oko 37 atu aia i tona kakau i te *koke*. E akakite atu oki au kia kotou, i te ma-nga tuatua i taitaia ra e, "Kua kapiti katoaia aia ki te aronga rave ara ra," e tupu ia iaku nei; e te au tuatua noku 38 ra, e ope ia i te tupu. Kua tuatua maira ratou, E te Atua, i na, e rua eia-nei puke koke. Kua na ko atura aia kia ratou, Oti ra ua. 39 Tono atura aia ki vao, aere atura ki te maunga ra ki Oliveta, i tana i matau ra; e kua aru atura te au pipi 40 iaia. E tae atura aia ki reira, kua karanga atura aia kia ratou, Ka pure, kia kore kotou e rokoia e te timata- 41 anga. E taka iti ke atura aia ia ratou mei te ngai e taea e te toka tiora ra te roa; tuku ora te turi ki raro, e 42 pure ora aia, Na ko atura, E *taku* Metua, kia tika ia koe ra, e *apai* ke atu koe i teianei kapu: kia tupu ra 43 toou anoano, auraka toku. Kua ma-ma maira kiaia tetai angela no te rangi 44 mai, kua akamaroiroi maira iaia. E no te mea te maata ua ra tona mamae aue, viviki rava atura tana pure: e mei te toto kurukuruatu ra tona ou 45 i te topa anga ki raro i te one. E tu maira aia ki runga i taua pure anga ra, e tae maira ki te au pipi ra, rokoia mai 46 te moe anake ra i te aue. Kua ka-ranga atura aia kia ratou, Eaa ko-tou i moe ei? ka tu ki runga, ka pure, ka rokoia aea kotou e te timataanga. 47 E kare i mutu tana tuatua, i na, tetai urupu maata, e tetai no te tino ngauru ma rua ra, ko tei tuatuaia ia Iuda ra, i te aere anga mai na mua ia ratou, e aere ua maira aia i vai-tata 48 ia Iesu, e ongi iaia. Kua karanga atura Iesu kiaia, E Iuda, e pikikaa mai koe i te Tamaiti a te tangata nei

i te ongi? Te kite ra to waitatao iaia, i te openga o taua mea ra, e kua ui maira kiaia. E te Atu, e tapotu aina matou ki te koke? Kua tapotu atura tetai o ratou i te tavini o te taunga maata ra, e motu ke atura tona taringa katau. Kua karanga aturū Iesu, na ko atura, Oti ra ua. Kua akatukia ua atura aia i tona taringa, ora atura. Kua karanga aturū Iesu ki te kau tau- nga nunui ra, e te au kapena o te iero ra, e te aronga pakari, tei aere mai kiaia ra, I aere mai nei kotou ma te koke e te rakau, mei te mea e, e keia? Ia tatou oki i noo ua i roto i te iero i te au rū katoa ra, kare oki kotou i opu ua mai iaku i reira: ko to kotou ra teianei ora, e te mana anga o to te pōiri.

Kua opu maira ratou iaia, e arataki atura ki te are o te taunga maata ra. E kua aru aturū Petero i muri roa. E ka akera te ai ia ratou i roto i te koro, e noo anake ora ratou ki raro, noo aturū Petero i roto ia ratou. Kite maira ra tetai tavini vaine iaia i te noo anga i te pae ai ra, e tiroi mata- riki maira iaia, kua na ko akera, iaia katoa ra oki teianei tangata. Kua uuna ora ra aia iaia, na ko atura, E maine, kare au i kite iaia. E roa poto akera, kua akara maira tetai iaia, na ko maira, No ratou katoa koe na. Kua tuatua mairū Petero, E tama, kare au. E okotai akera ora i topa, kua manono maira tetai, na ko maira, No- na tikai teianei tangata: no Galilea oki aia. Kua karanga aturū Petero, E tama, kare au i kite i tauu i tuatua maira. E tei te tuatua anga atu aia i tauu tuatua ra, kakaoa ora te moa. Kua ariu maira te Atu, kua akara maira kia Petero. Kua maara akerū Petero i te tuatua a te Atu tana i tuatua mai kiaia ra e, Kare e kakaoa te moa, ka toru atura oou uuna anga iaku. Aere aturū Petero ki vao, ma- ta ua atura te aue.

E te au tangata i tāpu ia Iesu ra, 63 taitoito maira ia, e tapotu maira iaia. E oti akera tonu mata i te tapokii 64 e ratou, kua moto maira ratou i tona mata, e kua ui maira, na ko maira, E akakite mai ana i tei moto ia koe na. E manganui rai ta ratou tuatua 65 akakino i tuatua mai kiaia.

E tei te no anga ra, kua putuputu maira te aronga pakari e te kau taunga nunui, e te au tata tuatua, kua arataki maira iaia ki roto i taua uruoa- anga ra na ratou, na ko atura, Ko te 67 Mesia ainei koe? ka akakite mai kia

matou. Kua na ko atura aia, Aka- kite ua atu rai au kia kotou, kare rai kotou e akarongo: E kia ui katoa atu au kia kotou, kare ia kotou e tuatua mai, kare oki au e tukua. Teia ra ka noo taua Tamaiti a te tangata nei i te rima katau o te mana ra o te 70 Atua. Kua na ko tai maira ratou, Ko te Tamaiti mari koe a te Atua? Kua na ko atura aia, Ko ta kotou i tuatua mai na, ko au tikai oki teia. 71 Kua na ko ora ratou, Eaa atu rai to tatou kite? tei kite ua akenei tatou i roto i tona uorai vaa.

PENE XXIII.

To Iesu tapepe angaia i mua ia Pilato, ma Heroda: kua akaapaia: kua akasatauroia: kua aviriia: tetai keia i tataraara: nga akairo e te ma- tenga: ko Iosephia: te tanu manga.

1 **K**UA tu anake akera taua aronga maata katoa ra ki runga, ara- 2 taki atura iaia kia Pilato ra. Kua tapepe atura ratou iaia, na ko atura, Kua kite akenei matou i teianei tan- ngata i te akamingi anga i teianei enua, e te akakore anga i te tautauanga na Kaisara, i te tuatua anga iaia uorai e, ko te Ariki ra aia, ko te 3 Mesia. Kua ui mairū Pilato kiaia, na ko maira, Ko te Ariki ainei koe o te ngati Iuda? Kua karanga atura aia, Koia tika tauu i tuatua mai ana. 4 Kua karanga aturū Pilato ki te kau taunga nunui ra, e ki te tangata tini ra, Kare rava e ara i kitea e au i teianei 5 tangata. Maata rava atura to ratou māro, e te na ko anga atu, Te taoriori nei aia i te tangata i te tuatua tana e apii i Iudea katoa, mei Galilea mai, e tae 6 rava mai nei i teianei ngai. E akarongo akerū Pilato ia ratou i te akaiki anga i Galilea, kua ui akera aia, No Ga- 7 lilea ainei taua tangata nei? E kite akera aia e no to Heroda pae enua aia, kua tono atura aia iaia kia He- 8 rouda ra, tei Ierusalem katoa aia i reira. Mareka rava akerū Heroda i te kite anga atu ia Iesu: kua roa oki tona inangaro kia kite iaia, no te mea e tuatua maata tana i akarongo iaia, e i manako aia kia kite i tetai 9 semeio i te rave angaia e ia. Kua ui maira aia e manganui te ui anga; kare 10 rava ra aia i ki atu kiaia. Te tapepe tauou nui marie maira te kau taunga nunui ra, e te au tata tuatua, iaia. 11 Kua akavaavaa mairū Heroda e tona au vaeau iaia, aviri maira, akakakau maira iaia i te kakau inuina, e kua

akaoki maira iaia kia Pilato. Ongi orā 12
Pilato raua ma Heroda i taua rā ra, i
noo enemi ua ana raua i muatangana.

E oti akera te kau taunga nunui, 13
te au akava, e te tangata tini, i te aka-
putuputuia e Pilato, Kua karanga 14
atura aia kia ratou, I arataki mai ana
kotou i teianei tangata kiaku nei, mei
te mea e, i taruri keia te enua e ia:
e i na, i akava io nei oki au iaia i mua
i to kotou aroaro, e kare rava ana
e ara i kitea e au, i te au mea katoa
ta kotou e tapepe iaia nei: E kare 15
katoa oki i *kitea* e Heroda; kua tono
oki au ia kotou kiaia ra; e i na, kare
rava ana ara i rave e tau ei iaia te mate.

E teianei e pāpā au iaia, ka tuku ua 16
atu ei. E tuku oki aia i tetai i taua 17
oroa ra e tika'i. Kua kapiki tai atura 18
ratou ravarai, na ko atura, E akaruke
atu koe i tena, ko Buraba taau e tuku
mai: No te kaitamaki i taua oire ra, e 19
no te ta tangata, i uria'i aia ki roto i
te are tapekanga. Kua tika ra ia Pi- 20
lato i te tuku ia Iesu, e kua tuatua
akaoki maira *hia ratou*. Kua kapiki 21
ua atura ra ratou, na ko atura, E aka-
satauro i tena, e akasatauro. Kua 22
tuatua maira aia kia ratou, ko te
toru ia i *te tuatua anga mai*, Eaa
oki taua ara i rave? kare oki ana
ara i kitea e au, e tau ei iaia te mate:
e pāpā ua atu au iaia, ka tuku atu ei.
Māro atura ratou ma te varakau, i 23
te pati anga atu kia akasatauroia aia.
Tupu atura taua anoano no ratou ra,
e no te kau taunga nunui ra. Kua 24
akava mairā Pilato *iaia* i ta ratou i
anoano ra. Kua tuku maira aia kia 25
ratou i taua tangata ra, no te kaita-
maki e te ta tangata i tapekaia'i, i
ta ratou i pati ra; kua tuku maira ra
ia Iesu i ta ratou i anoano ra.

E tei te arataki anga atu ratou 26
iaia, kua opu atura ratou i tetai ta-
ngata, te aere maira mei uta mai, no
Kurene, ko Simona *te ingoa*; kua
tuku atura ratou i te satauro i rungao
iaia, nana e apai atu na murio ia Iesu.
E urupu maata tei aru atu iaia, e 27
te au vaine i te aue anga te irica anga
iaia. Kua ariu maira rā Iesu kia 28
ratou, kua na ko maira, E te au ta-
maine no Ierusalem nei, auraka e
aue iaku, ka aue ra ia kotou uorai,
e i ta kotou tamariki. I na oki, e 29
vaitata maira te tuatua, e tuatua'i
ratou e, E ao to te pa, e te kopu kare i
anau, e te u kare i ngotia. Ei 30
reira ratou e tuatua'i ki te au maunga,
E topa mai ki rungao ia matou; e
ki te au tuaivi ra, E tapoki mai ana

31 ia matou. Ko te ravenga oki teia i
te rakau mata nei, akapeaia ra te
32 marō? E ko e toko rua oki puke
tangata rave tuatua kino, tei arataki
katoaia ra e ta.

33 E tae atura ratou ki te ngai i tua-
tuaia ra e, ko Kalavaria, akasatauro
ora ratou iaia i reira, e nga tangata
rave tuatua kino ra, i te rima katau
34 tetai, i te rima kaui oki tetai. Kua
karanga aturā Iesu, E *taku* Metua, e
akakore mai koe i ta ratou ara, kare
oki ratou i kite i ta ratou i rave nei.
Kua tua kelero iora ratou i tonā ka-

35 kau. Te tu ua ra te tangata tini,
te akara ua atura. Kua aviri katoa
maira te au kavana, e te *tangata* katoa,
iaia, na ko akera, Ko etai ke ra tana i
akaora; ko te Mesia aia, te mea
ikiia e te Atua ra, ka akaora aia

36 iaia uorai. Kua aviri katoa maira
te au vaeau iaia, aere maira e apai mai

37 i te vinega nana, Na ko maira, Te
ariki koe o te ngati Iuda ra, ka aka-

38 ora ana ia koe uorai. Kua taitaia
ora tetai tuatua i rungao iaia, e leta
Eleni, e te Roma, e te Ebera, Ko te

39 *ARIKI TEIA NO TE NGATI IUDA*. Kua
akakino akera oki iaia tetai i aua
puke tangata rave tuatua kino ra i
akasatauro katoaia, na ko akera, Ko
te Mesia koe ra, ka akaora ia koe

40 uorai, e ia maua katoa oki. Kua
kauvae maira ra tetai, na ko maira,
Kare ouu matakū i te Atua, te mate

41 katoa oki koe okotai rai tu? Kua tika
oki to taua nei *mate*; ko te tutaki
oki teia i ta taua i rave ra: kareka
teianei tangata, kare rava ana tuatua

42 kino. Kua karanga atura aia kia Iesu,
E te Atua, e akamaara mai koe iaku,

43 kia tae koe ki toou basileia. Kua
tuatua mairā Iesu kiaia, Ei Paradaiso
taua katoa i teianei rai rā, koia mou

44 taku e karanga atu kia koe nei. E
tu ora ono atura, ko te pōiri ora ki
runga i taua enua katoa ra, e tae rava

45 akera ki te ora iva. Akapōiriia ora
te rā, e ngae rava akera a rotopu i te

46 paruru i te nao ra. Kua kapiki aturā
Iesu ma te reo maata, na ko atura,
E *taku* Metua, te tuku atu nei au i
toku vaeua ki to rima na: e oti
akera taua tuatua ra, tuku atura i te vae-

47 rua. E kite akera te rangatira anere
i taua mea ra, akameitaki atura i te
Atua, na ko atura, E tangata tuatua-tika

48 tikai teia. E te tangata tini ravarai
ko tei aere mai e akara ra, kite akera
i te tu tikai i taua mea i raveia ra, oki
anake atura ma te papaki i to ratou

49 umauna. E te au tangata katoa i

kite iaia ra, e te ua vaine i aru mai iaia, mei Galilea maira, tu ua atura ia i te atea ke i te akara ua anga mai i taua au mea ra.

E i na, tetai tangata tumu korero, 50 ko Iosepha te ingoa; e tangata mei-taki, e te tuatua-tika: Kare aia i aka-tika i te tuatua a tetai pae, e ta ratou i rave ra: no Arimatea aia, e oire no te ngati Iuda: e te tapapa katoa ra aia i te basileia o te Atua. Aere atura taua 52 tangata ra kia Pilato, e pati atura i te kopapa o Iesu. Kua tuku iora ki raro, 53 vai ora ki te kakau orongā, e tuku atura ki roto i te menema i paioia ki roto i te mato ra, kare ua e tangata i vaioia i reira. Ko te rā akamanea anga 54 te reira, te vaiata maira te sabati.

E taua au vaine ra, tei aru katoa 55 mai iaia mei Galilea maira, aru atura ia Iosepha, akara atura i taua menema ra, e te tu o te vaio angaia te kopapa nona ra. E kia oki maira ratou, aka- 56 putu ora i te rakau kakara, e te mura, e akaangaroī ora i te sabati i tei akaucia maira.

PENE XXIV.

Te tuakaouanga: te aerega ki Emausa: kua ora akaou a Iesu, kua tuatua e kua ako i te au pipi, e kua aere atura ki runga i te rangi.

E TAE akera ki te rā mua o te 1 ebedoma ra, aere atura ratou, e ko e tokotai puke vaine ke oki, ki te menema ra, i te akirata, na te rakau kakara ta ratou i tangaakaputu ra. Ro- 2 koia atu e ratou, kua uri keia te toka i te menema ra. E tei to ratou tomo anga ki roto ra, kare ua te ko- 3 papa o te Atua ra o Iesu. E te cumi-umi ua ra ratou i taua mea ra, i na, te 4 tu ua maira e toko rua puke tangata i vaiata ia ratou ma te kakau kakū. E te mataka ua ra taua au vaine ra, 5 piko iora to ratou mata ki raro i te one, kua tuatua maira raua kia ratou, Eaa kotou i kimi ei i tei ora, i te vairanga o tei mate? Kare aia i ko nei, kua tu 6 akenci ki runga: e akamaara i tana i tuatua mai kia kotou ra, iaia i noo i Galilea ra, Ka na ko mai ei ra e, E 7 tukuia atu te Tamaiti a te tangata nei ki te rima o te aronga rave ara e tika'i, e e akasatauroia, e ka tu akaou ki te po 8 toru ra. Kua manako ora ratou i taua 9 au tuatua nana ra. E oki maira ratou mei te menema maira, akakite maira i taua au tuatua katoa ra ki te tino ngauru ma tai ra, e tetai pae tangata katoa oki. Ko Maria i Magadala, 10

e ko Ioana, e ko Maria te metua vaine no Iakobo, e aua puke vaine ke katoa ra, ko tei akakite mai ia ki te au aposetolo i taua au tuatua ra. Kare ra ratou i akarongo mai, mei te tuatua taeke ua ra te reira tuatua, i to ratou manako 11 anga. Kua tu akērā Petero, e oro atura ki te menema ra; e piko ora aia ki raro, kite atura i te kakau i te vai ua anga; oki maira ma te akaeatu i roto iaia uaoari i taua mea i tupu ra.

13 E i na, aere atura e toko rua o ratou i taua rā ra ki tetai vila, ko Emausa te ingoa, e ono ngauru setadia te roa mei Ierusalem. Tuatua ua ora raua i taua au 14 mea katoa i kitea ra. E te tuatua ua ra raua ma te akaeatu raua raua orai, kua kapiti ua mairā Iesu i reirao, e 15 aere katoa atura ratou. Kua akakoreia ra te kite i to raua mata, kare atura 16 raua i kite iaia. Kua tuatua maira aia kia raua, Eaa tenana tuatua ta korua e tuatua aere ua ana, ma te iriea? 17 Kua karanga atura tetai, ko Keleopa te ingoa, na ko atura kiaia, Ko koe anake ana paa te tangata ke i Ierusalemā nei, kare i kite i te au mea 18 i tupu i reira i cianei puke rā? Kua tuatua maira aia kia raua, Eaa ia au mea? Kua karanga atura raua kiaia, Ia Iesu i Nazareta ra, e peroveta tuatua mana ia, e te ravengi, i mua i te aroaro 19 o te Atua e te tangata katoa oki: E to tatou kau taunga nunui ra, e te au akava, i te tuku anga atu iaia kia akautungaia kia mate, e kua akasatauro 20 oki iaia. Kareka ko matou nei, i manako oki matou e, ko te tangata teia e ora'i Iseraela nei: kare ra te reira anake ra, ko te toru oki teia o te rā i 21 raveia'i taua mea ra. I poitirere ra matou i etai puke vaine i o matou nei, ko tei aere ia i te akirata ki te menema 22 ra: E akara atura kare ra te kopapa o te Atua, kua oki maira ratou, tuatua maira e, e puke angela ta ratou i kite, e na ratou i akakite mai 23 kia ratou e, kua ora akenci aia. Aere atura e tokotai puke tangata no matou rai ki te menema ra, rokoia atura, koin tika rai tei tuatuaia mai e te au vaine: 24 kare ra i kite iaia. Kua na ko maira aia kia raua, Aue ia puke tangata manako kore e, e te ngakau akarongo ngata i te au mea katoa ta te au peroveta i tuatua maira: Kare aia kia peraito te Mesia mate e tika'i, ka aere atu ei 25 aia ki tona basileia? Akakite maira aia kia raua i te au tuatua katoa nona, i taitaia ra, mei ia Mose e tae rava akera 26 ki te au peroveta katoa. E vaiata atura ratou ki te vila ta ratou i aere ra,

kua akaaere ke atura aia. Kua unu- 29
 unu tika atura raua iaia, na ko atura,
 E noo anake tatou; kua aia'i oki, kua
 parepare te rā. Tapae atura aia i te
 are, noo katoa ora ratou. E taua noo 30
 anga no ratou ra i te kaingakai, kua
 rave akera aia i te areto, akametaki
 ora, vava'i ora, e tuku atura kia raua
 ra. Akapuerna akera to raua mata, 31
 kite atura raua iaia; e ngaro ke atura
 aia ia raua. Kua tuatua ora raua raua 32
 orai, Kare aina i maana rava to taua
 ngakau, ka tuatua mai ei aia kia taua
 i te arataa ra, ka akataka mai ei aia i
 te tuatua i tataia ra? Kua tu akera 33
 raua ki runga i reira, oki atura ki Je-
 rusalem, rokoia atu te ngauru ma tai
 ra, te putupu ra, e to ratou katoa, E 34
 te tuatua anake ra. Kua ora tika rai te
 Atu, e kua akakite mai kia Simona.
 Akakite katoa atura raua i te tuatua 35
 raua i kite i te arataa ra, e to raua
 kite anga iaia i te va'i anga i te are-
 to ra.

E te akatika ua ra raua i taua tua- 36
 tua ra, ko Iesu katoa ora i rotou ia
 ratou, kua tuatua maira, Kia ora na ko-
 tou. Poitirere rikarika atura ratou e 37
 maranga atura te ii, maara akera, e vac-
 rua tei kitea e ratou. Kua tuatua mai- 38
 ra aia kia ratou, Eaa kotou i mataku
 ei? ena tena manako i akatupuia'i i
 to kotou ngakau? Ka akara mai ana i 39
 toku rima e toku vaevae, ko au uo-
 rai oki teia: ka aa ua mai ana, kia
 kite kotou; kare ia o te vacrua e
 ivi, e kare oki e kiko, mei ta kotou i
 kite iaku nei. Pera atura aia i te tua- 40
 tua anga ra, e kua akakite atura kia
 ratou i tona rima e tona vaevae. E 41
 kare rai oki ratou i akarongo tikai i te

rekareka ma te umere, kua tuatua
 maira aia kia ratou, E manga kai ainei
 42 ta kotou e vai nei? Tuku atura ratou
 i te manga ika tunu nana, e tetai manga
 43 melikerio. Rave iora aia, kai ora i
 mua ia ratou ra.

44 Kua tuatua maira aia kia ratou,
 Taku teia i karanga atu kia kotou, ka
 noo katoa'i ratou ra e, e tupu rai noku
 nei te au tuatua i tataia ki roto i te ture
 a Mose ra, e te au peroveta ra, e i te
 45 Salamo ra. Akamārama atura aia i
 to ratou ngakau, kia kite ratou i te
 46 tuatua i tataia ra. Kua tuatua maira
 aia kia ratou, I peraia te tata anga i
 taua tuatua ra, e kia peraia to te Mesia
 mate e tika'i, e kia tu akaou mai aia i
 47 te po toru ra mei te mate mai: E kia
 tutu aerea te tuatua no te tataraara,
 e no te akakore anga i te ara, i tona
 ingoa, mei Ierusalem atu nei, e kia
 48 pini te pa enua ravarai. Ko kotou
 49 anake oki te kite i teianei tuatua. E i
 na, naku oki e tono mai kia kotou ta
 taku Metua i tuatua maira; e noo
 ra kotou i te oire i Ierusalem nei, e
 kia rauka to kotou maroiroi no runga
 mai.

50 Kua arataki atura aia ia ratou ki
 vao ra e tae ua atura ki Betania; apai
 akera aia i tona rima ki runga, kua
 51 akaora maira ia ratou. Iaia i akaora
 mai ia ratou ra, i raveia mai ei aia, e
 52 apaia atura ki runga i te rangi. Akamori
 atura ratou iaia, oki anake atura
 ki Ierusalem, ma te rekareka maata;
 53 E tika anake rai ki roto i te iero ra,
 kare e rā e tukua, i te akameitaki
 anga, e te akapaapa anga, i te Atua.
 Amene.

TE EVANGELIA A IOANE.

PENE I.

*To te Logo riro anga mai ei tangata:
 te tuatua a Ioane baptizo ia Iesu:
 te iki angaia o Anderca, Petero,
 Philipa, e ko Natanaela.*

I VAI ana te Logo i muatangana, i 1
 te Atua ra oki te Logo, e ko te

2 Atua oki te Logo. I te Atua ra oki aia i
 3 muatangana. Nana i anga te au mea
 katoatua; kare ua tetai mea i angaia, tei
 4 kore i angaia e ia. Tei roto iaia te ora;
 e taua ora ra, to te tangata ia marama.
 5 I kakā mai ana te marama ki te pōiri,
 6 kare ra te pōiri i āriki atu. I tono-
 kia mai tetai tangata me i ko mai i te
 7 Atua ra, ko Ioane te ingoa. I aere

mai taua tangata ra ei kite, ei akakite i taua mārāma ra, kia akarongo te tangata katoatoa iaia. Kare ra aia i 8
taua mārāma ra, *i aere* maira ei akakite i taua mārāma ra. Koia te mārāma 9
mou, ko te akamārāma mai i te tangata katoa i tona aere anga mai ki te ao nei. I te ao nei aia, e nana i 10
anga teianei ao; kare ra to te ao i kite atu iaia. I aere mai nei aia i ona tikai, 11
kare ra tona iti-tangata tikai i āriki atu iaia. Te aronga katoa ra i āriki 12
atu iaia, i o maira aia i te tika ia ratou kia riro ei tamariki na te Atua, koia te aronga i akarongo i tona ingoa: Te aronga, kare to te toto i 13
anau ei ra, kare oki to te anoano o te kopapa, kare oki to te anoano o te tangata, no te Atua ra. I riro mai nei 14
te Logo ei tangata, e kua puakapa mai ki o matou nei, (kua kite matou i tona kakā, te kakā e tau i te Tamaiti anau tai a te Metua ra) kua ki i te aroa ua e te tuatua-mou. Nona ta 15
Ioane i akakite mai, iaia i kapiki ra, ka na ko mai ei ra e, Koia oki teia taku i karanga ra, Ko te aere mai i muringao iaku nei, kua riro ia i mua iaku; 16
ko mua oki aia iaku. Kua rauka ia tatou katoa te aroa ua, e tau i tona aroa ua, no tona ra ki. Na Mose oki i 17
tuku mai te ture, kareka te aroa ua e te tuatua-mou, na Iesu Mesia ia. Kare 18
ua e tangata i kite i te Atua; ko te Tamaiti anau tai, i runga i te umauma o te Metua ra, koia tei akakite mai 19
iaia.

Teia ta Ioane tuatua, i te tono anga 19
mai a te ngati Iuda i te kau tangara, e te ngati Levi, no Ierusalemā mai, e ui kiaia e, Koai koe? Kua naki 20
atura aia, kare rava i nuna, aaki ua atura, Kare au te Mesia. Kua na ko 21
maira ratou kiaia, Koai oki? Ko Elia ainei koe? Kua karanga atura aia, Kare au. Ko taua peroveta ra ainei koe? Kua karanga atura aia, Kare. Kua 22
tuatua maira ratou kiaia, Koai koe? ei tuatua anga na matou ki te aronga i tono mai ia matou: ena ua taua tuatua ia koe uorai? Kua karanga atura aia, 23
Ko te reo au “no tetai e kapiki aere ki te medebara ra e, Ka akatika ua i te mataara no te Atua,” ko tei karangaia mai e Isaia peroveta ra. No te au 24
Pharisa taua aronga i tonokia maira. Kua ui maira ratou kiaia, na ko maira, 25
Eau oki koe i baptizo ei, kare koe i te Mesia, kare oki a Elia, kare oki i taua peroveta ra? Kua karanga atura 26
Ioane, na ko atura, I baptizo au ki te vai, te tu ua nei ra tetai i rotopu ia

27 kotou, kare kotou i kite iaia. Koia teia, i miringao aia iaku i te aere anga mai, kua riro aia i mua iaku; kare ia au e tau kia tatara i te itiki i tona tamaka. Tei Betabara i tera pae Ioridana te tuatua angaia taua tuatua nei, i te baptizo anga a Ioane ra. 29
E ao akera, kite atura Ioane ia Iesu i te aere anga mai kiaia ra, e kua na ko akera, Ka akara na i te Arenio a te Atua, ko tei apai ke atu i te ara a to te ao! Koia teia taku i karanga ra e, Te aere mai nei tetai tangata i muringao iaku nei, e kua riro aia i mua 30
iaku: ko mua rai oki aia iaku. Kareka au, kare au i kite iaia: kia kitea ra aia e to Iseraela, i aere mai ei au e 31
32 baptizo ki te vai nei. Kua akakite atura oki a Ioane, na ko atura, Akara atura au i te Vaerua i te eke anga mai mei te rangi mai, mei te kukupa ra te 33
tu, e kua noo ora ki runga iaia. Kare ra au i kite iaia, auraka tei tono mai iaku e baptizo ki te vai nei, i karanga mai kiaku nei e, Ko taua e akara i te Vaerua i te eke anga mai, e te noo anga ki runga iaia, koia ia, ko te ka 34
baptizo ia ki te Vaerua Tapu. Kite atura oki au, e akakite atura oki au e, ko te Tamaiti teia na te Atua. 35
E ao akera, te tu ua akera Ioane ma 36
e toko rua puke pipi ana ra; E kite akera aia ia Iesu i te aere anga mai *na reira*, kua na ko akera, Ka akara na i 37
te Arenio a te Atua. E kite akera aua nga pipi ra i taua tuatua nana ra, 38
kua aru atura raua ia Iesu. Kua anga mairā Iesu ki miri, kite maira ia raua i te aru anga, kua tuatua maira kia raua, Eau ta korua e kimi nei? Kua karanga atura raua kiaia, E Rabi, (koa oki te karangua nei e, e te Orometua, kia kiritiia ra.) e noo 39
koe kiea? Kua tuatua maira aia kia raua, Ka aere mai ka akara. Aere atura raua e kite atura i tona nooanga, e noo atura ki ona i taua rū ra: kua 40
tae oki te ngauru o te ora. E tetai o aua puke tangata toko rua i akarongo i te tuatua a Ioane ra, ko tei aru atu ia Iesu ra, ko Anederea ia, te taeake 41
o Simona Petero ra. E aravei atura aia i mua i tona uorai tuakuna ia Simona, kua karanga atura aia kiaia, Kua kitea ia maua te Mesia, (koa oki 42
te Akatainuia kia kiritiia ra.) Kua arataki maira aia iaia kia Iesu ra. E kin akara akera Iesu iaia ra, kua na ko atura, Ko Simona koe, ko te tamaiti a Iona; ka tapuia koe ia Kepha, koia oki a Petero. 43
E ao akera, kua manako akera Iesu,

ka aere ki Galilea, e kua aravei akera
ia Philipa, kua karanga atura kiaia,
Ka aru mui iaku. No Betesuidā Phil- 44
lipa, no te oire o Aneerea e Petero.
E aravei akera oki a Philipa ia Nata- 45
naela, kua karanga atura kiaia, Kua
kitea e mitou ta Mose i tata ki roto i
te ture ra, e ta te au peroveta ra, ko
Iesu i Nazareta, e tamaiti na Iosepha.
Kua tuatua mairā Natanaela kiaia, E 46
meitaki ainei to Nazareta mai? Kua
karanga aturā Philipa kiaia, Ka aere
mai ka akara. Kua akara aturā Iesu 47
ia Natanaela i te aere anga mui kiaia
ra, kua tuatua ora iaia, Ka akara na i
te ngati Iseraela tikai, kare ua e piki-
kaa o roto iaia. Kua tuatua mairā Nata- 48
naela kiaia, Noa to kite iaku? Kua ka-
rangā aturā Iesu, na ko atura kiaia,
Akara atura auia koe i raro ake i te
suke, ou Philipa i karanga au ei kia
koe. Kua tuatua mairā Natanaela 49
kiaia, E Rabi, ko te Tamaiti koe a te
Atua; ko te Ariki koe o Iseraela. Kua
karanga aturā Iesu kiaia, na ko atura, 50
No te mea i karanga atu au kia koe na
e, te akara atura au ia koe i raro ake i
te suke ra, i akarongo ei koe: e mea
ngiti tena i taua ka kite a muri nei.
Kua karanga atura aia kiaia, Amene, 51
amene, e karanga atu au kia kotou,
Teia kotou ka kite i te rangi i te ma-
vete anga, e te au angela a te Atua i
te kake anga atu, e i te eke anga mai,
i runga i te Tamaiti a te tangata nei.

PENE II.

*To Iesu akariro anga i te vai ei wina:
te uri anga i te aronga oko ra ki rao
i te iero: no te nau i te tu akau
anga iaia i te po toru: kare a Iesu
e vare i te tangata.*

E PO toru akera, e akaipoipoanga 1
tei Kana i Galilea ra, tei reira
katoa te metua vaine no Iesu ra: E
karangaia mairā Iesu e te aronga pipi
ana, ka aere katoa i taua akaipoipo-
anga ra. E pou akera te wina, kua 3
tuatua maira te metua vaine o Iesu
kiaia, Kare a ratou wina. Kua ka-
rangā aturā Iesu kiaia, Eaa tauu iaku
nei, e maine? kare i tae ki toku ora.
Kua karanga atura te metua vaine ki
te au tavini, Ko tana e akaue mai kia
kotou, ka akapera kotou. Te vai ua 6
ra nga ue vai toka e ono, taki rua bato
te ka o i te ue okotai, e taki toru oki, i
vaioia ki reira no te peni i te tamā
anga a te ngati Iuda. Kua karanga 7
aturā Iesu kia ratou, Ka akaki ana i
te aronga ue ki te vai. Kua akaki ora

8 ratou e tae ua akera ki te nia. Kua
karanga atura aia kia ratou, Ka akata'e
ana, apai atu ei ki te kavana o te oroa
9 nei. Kua apai atura oki ratou. E
kia tongi akera te kavana o te oroa i
taua vai i akariroia ei wina ra, kare oki
aia i kite i te rauka anga mai; (kareka
te au tavini i akata'e mai i taua vai ra,
kua kite ia;) kua karanga atura te
10 kavana ki taua tane ou ra, E kua na
ko atura kiaia, Ko te wina meitaki ta
te tangata katoa e tuku mai i mua; e
kia inu maata te tangata, e muringao
te mea kino ake: kua vaio ra koe i te
wina meitaki, e i teianei i apai na
11 mai ei. Tei Kana i Galilea te rave
angā Iesu i teianei semeio mua, i te
akakite anga i tona kakā; e kua aka-
12 rongo te au pipi iaia. E muri akera
i te reira, aere atura aia ki Kapere-
nauma, aia ma tona metua vaine, tona
au taeake, e tana au pipi; kare ra i
maata roa to ratou rā i reira.
13 Te vaiata ua rā te pasa a te ngati
Iuda ra, aere aturā Iesu ki Ierusa-
14 lema. E kite atura aia i te aronga i
oko i te bovi, e te mamoe, e te ku-
kupa, e te aronga oko moni i te noo
15 anga i roto i te iero ra: Kua anga
ora aia i te taura rikiriki ei pāpā, e
kua tuaru atura ia ratou katoa ki vao
mai i te iero ra, te mamoe, e te bovi;
e riringi atura i te moni a te aronga
oko moni ra, e akatauri atura i ta
16 ratou au papa; E karanga atura ki te
aronga i oko i te kukupa ra, Apai ko
atu i tona au apinga; eiaa e akariro i
te are o taku Metua ra, ei are oko anga
17 apinga. Kua manako akera te au pipi
i te tuatua i tataia ra, "Kua pou roa
18 au i te maroiroi i toou are." Kua
tuatua maira te ngati Iuda kiaia, na
ko maira, Eaa tauu akairo e akakite
19 mai, i akapera mai ei koe? Kua ka-
rangā aturā Iesu kia ratou, na ko
atura, Ka vava'i ua na i teianei nao, e
kia po toru ake, kua tu akaou ia iaku.
20 Kua tuatua maira te ngati Iuda, E a
ngauru ma ono te mataiti i te akatu
anga i teianei nao; e ka tu akaou ia
21 koe i te po toru? Ko tona kopapa te
nao tana i karanga ra. E kia tu akaou
mai aia mei te mate maira, kua mana-
ko akera tana au pipi e, i tuatua na
oki aia i taua tuatua nei; akarongo
akera ratou i te tuatua i tataia ra, e te
tuatua i karangaia e Iesu ra.
23 E iaia i noo i Ierusalemā i te oroa i
te pasa ra, manganui te tangata i aka-
rongo iaia ra, no te au semeio i kitea e
24 ratou tana i rave ra. Kare ua rā Iesu
i irinaki atu kia ratou, no te mea, kua

kite aia ia ratou katoatoa. Kare oki 25
aia e akakiteia mai e tetai ke i te tu o
te tangata : kua kite oki aia i to roto i
te tangata.

PENE III.

*Ko Nikodemo : no te anau akaou anga :
no te ovi i akateiteia : to te Atua aroa
maata : ta Ioane baptizo tuatua iaia
orai, e to Iesu tupu anga i te maata.*

TE noo ra tetai tangata, no te au 1
Pharisea, ko Nikodemo te ingoa, e
kavana no te ngati Iuda : Ko tei aere
mai i te po kia Iesu ra, e kua tuatua
maira kiaia, E Rabi, kua kite matou
e, e orometua koe meci ko mai i te
Atua ra : kare oki teianei au semcio
taau e rave nei e tika i te tangata, au-
raka te Atua katoa ra. Kua karanga 3
aturā Iesu, na ko atura kiaia, Amene,
amene, e karanga atu au kia koe, Kia
kore te tangata e anau akaou ra, kare
aia e kite i te basileia o te Atua ra.
Kua tuatua mairā Nikodemo kiaia, 4
Eaa ua te tangata metua e anau ei? ka
o akaou ainei ki roto i te kopu o tona
metua vaine, ka anau mai ei? Kua
karanga aturā Iesu, Amene, amene, e
karanga atu au kia koe, Kia kore te
tangata e anau ki te vai, e te Vaeua,
kare aia e o i te basileia o te Atua.
Ko ta te kopapa e anau nei, e kopapa 6
ia ; ta te Vaeua e anau ra, e vaeua ia.
Eiaa koe e poitirere ua, ko au i kara-
nga atu kia koe e, Kia anau akaou ko-
toui e tika'i. Te arara ua nei te matangi
i tana ngai e anoano ra, te kite ra koe i
tona aruru, kare ra koe i kite i te ngai
no reira mai aia ra, e te ngai e aercia
atu e ia ra : koia tika oki te tangata
katoa ta te Vaeua e anau ra. Kua tua- 9
tua mairā Nikodemo kiaia, na ko maira,
Eaa ua ia au mea e tika'i? Kua kara-
nga aturā Iesu, na ko atura kiaia, Ko
te orometua koe a to Iseraela, e kare
koe i kite i teianei tuatua? Amene, 11
amene, e karanga atu au kia koe, Ko
ta matou i kite ra, ta matou e tuatua
nei, e ta matou i akara ra, ta matou e
akakite nei ; kare ra kotou e āriki mai
i ta matou tuatua. I tuatua na au kia 12
kotou i te tuatua no teianei ao, e kare
kotou i akarongo, eaa ua kotou e aka-
rongo ei kia akakite atu au kia kotou
i te tuatua o te rangi? Kare rava e 13
tangata i tac ki runga i te rangi, auraka
ko tei aere mai ki raro mei runga mai
i te rangi ra, ko te Tamaiti a te tangata
i runga i te rangi ra. Mei ia Mose i 14
akateitei i te ovi i te medebara ra,
koia katoa te Tamaiti a te tangata ra,

15 kia akateitei katoaia e tika'i : Kia kore
e mate te akarongo iaia, kia rauka ra te
16 ora mutu kore. I aroa mai te Atua
i to te ao nei, kua tae rava ki te oronga
anga mai i tana Tamaiti anau tai, kia
kore e mate te akarongo iaia, kia rauka
17 ra te ora mutu kore. Kare oki te
Atua i tono mai i tana Tamaiti ki te ao
nei e akaapa mai i to te ao, kia ora
18 ra to te ao iaia. Te akarongo iaia ra,
kare aia e akapaia : te kore e aka-
rongo ra, kua akaapa takereia na ia,
i te mea, kare aia i akarongo i te ingoa
o te Tamaiti anau tai a te Atua ra.
19 Teia taua akaapa ra, ko te mārāma
kua tac mai ki te ao nei, e i anoano
akenei te tangata i te poiri, kare te mā-
rama, no te mea te kino ua ra ta ratou
20 tuatua. Ko te rave i te kino ra, kua
makirakita anake ia ki te mārāma,
kare oki e aere mai ki te mārāma, 21
te kitea aea tana tuatua. Ko te akono
i te tuatua-mou ra, ka tae mai ia ki te
mārāma kia kitea meitakiia e, te tau
ra tana tuatua ki te Atua.
22 E muri akera, aere aturā Iesu ma
tana au pipi ki tetai enua i Iudea, noo
atura i reira ma ratou katoa, e baptizo
23 ora i te tangata. Te baptizo katoa ra
oki a Ioane i Aino, i waitata ua i Sale-
ma, no te mea e manganui to reira
vai ; e kua aere maira te tangata, e 24
baptizoia ora. Kare rā Ioane i uriia
25 ki roto i te are tapekānga. Kua tau-
māro ora te au pipi a Ioane e te ngati
26 Iuda i te taniā anga. Aere atura ra-
tou kia Ioane ra, e kua karanga atura
kiaia, E Rabi, te tangata i noo korua
i te pae i Ioridana ra, ko taua i akakite
ra, i na, te baptizo ua ra aia, e te aere
27 ua maira te tangata katoatoa kiaia. Kua
tuatua mairā Ioane, na ko maira, Kare o
te tangata mana e rauka, mari ra ko tei
28 orongaia mai no te rangi ra. Ko kotou
uaorai tei kite iaku, e kua tuatua au
e, Kare au i te Mesia, i tonokia mai
29 au e na mua iaia. Ko te tane ou ra,
te tangata nana te vaine ; ko te oa ra
o taua tane ou ra, ko te noo ua i te pae
i te akarongo anga kiaia ra, e rekareka
maata tona i te reo o te tane ou ra : e teia-
nei kua tika rava toku rekareka anga.
30 Ka tupu aia i te maata anga, ka oki ra
31 au i te mea ngiti anga. Ko te aere
mai mei runga ra, ko tei maata ia ; ko
to te one ra, no te one ia, e no te one
oki tana tuatua : ko to runga mai i te
32 rangi ra, ko tei maata ia. Ko tana i
akara ra, ko tana i akarongo ra, ko
tana rai e tuatua nei ; kare ra e ta-
33 ngata e āriki mai i tana tuatua. Ko
tei āriki mai i tana tuatua, kua tuatua

pu ia e, e tuatua-mou ta te Atua. Ko ta te Atua i tonu maira, ko ta te Atua rai tuatua tana e tuatua ra: kare oki te Atua i oronga rikiriki ua mai i te Vaeua nona. Te akaperepere nei te Metua i te Tamaiti ra, e kua oronga ua mai i te au mea katao ki tona rima. Ko te akarongo i te Tamaiti ra, e ora mutu kore tona: e te kore e akarongo i te Tamaiti ra, kare aia e kite i te ora; te vai ra ia te riri o te Atua ki runga iaia.

PENE IV.

Te vaine Samaria: te vai ora: te tu o te akamori: te mou i te vaitata anga: te tamaiti a te tangata mana i te akaora angaia.

TKITE akera te Atua e, kua akakiteia te au Pharisea e, e maata ta Iesu i akariro ei pipi, e tana i bapetizo ra, i ta Ioane; (Kare rā Iesu tikai i bapetizo, na tana au pipi ra.) Akaruke ora aia i Iudea, oki akaou atura ki Galilea. E e na Samaria aia i te aere e tika'i. E tae atura aia ki tetai oire i Samaria, ko Sikara te ingoa, tei vaitata ra ki te kotinga kainga ta Iakoba i oronga atu no tana tamaiti no Iosepha. Tei reira te ruavai a Iakoba ra: E roiroi akera Iesu i te aerenga, noo ua ora aia ki te pae o taua ruavai ra; kua tae ki te ono o te ora ra. Kua aere maira tetai vaine Samaria e uti i te vai: kua karanga aturā Iesu kiaia, Ka o mai ana e inu. Kua topa atura oki tana au pipi ki roto i te oire, e oko i te kai. Kua tuatua maira taua vaine Samaria ra kiaia, Eaa ua koe, te ngati Iuda na, i pati mai ei iaku i te vaine Samaria nei i te vai? kare oki te ngati Iuda e tau meitaki i te Samaria. Kua karanga aturā Iesu kiaia, na ko atura, Naringa koe i kite ana i ta te Atua i oronga maira, e tei karanga atu kia koe na e, Ka o mai na e inu; kua pati mai ia koe iaia, e kua oronga aia i te vai ora naau. Kua tuatua maira taua vaine ra kiaia, E te atu, kare au bapete, e rua oonu teia; eiaa taua vai ora e rauka'i? E maata ainei koe ia Iakoba i to matou metua, ko tei oronga mai na matou i teianei ruavai, e kua inu aia uarai, e tana au tamariki, e te au puka? Kua karanga aturā Iesu, na ko atura kiaia, Ko te inu i tenana vai, ka kaki akaou ia: Kareka te ka inu i te vai e orongaia atu e au nei, kare rava atura aia e kaki akaou; ka riro ra taua vai e orongaia atu e au nana ra, ei vai pupui ua i roto iaia, e tika i te pupui anga,

e tae na atu ki te ora mutu kore ra. 15 Kua tuatua maira taua vaine ra kiaia, E te atu, ka o mai ana taua vai ra naku, kia kore au e kaki akaou, kia kore oki e aere mai i ko nei e uti. 16 Kua karanga aturā Iesu kiaia, Ka aere, ka tiki i to tane, ka oki mai ei. 17 Kua tuatua maira taua vaine ra, na ko maira, Kare aku tane. Kua karanga aturā Iesu kiaia, E tika taua i tuatua maira e, Kare aku tane: Ka toko rima akenei oki aaui tane; e tenana taua e moe ana, kare ia te tane naau: e tua- 19 tua-mou taua i tuatua mai nei. Kua tuatua maira taua vaine ra kiaia, E te atu, e peroveta koe, te kite nei au. 20 I akamori ana to matou ui metua ki runga i teianei maunga; e te karanga nei kotou e, tei Ierusalem te ngai 21 e tika'i kia akamori. Kua karanga aturā Iesu kiaia, Ka akarongo mai ana, e maine, kua vaitata te ora e, kare kotou e akamori i te Metua i teianei maunga, e kare rai oki i Ierusalem. 22 Kare kotou i kite i ta kotou e akamori nei: kua kite matou i ta matou e akamori nei: no te ngati Iuda mai oki te 23 ora. Kua vaitata, e teianei oki taua ora ra, e akamori ei i te Metua te aronga akamori tika ra, ma te vaeua e te tuatua-mou: ko te tu ia o te tangata 24 akamori ta te Metua e anoano ra. E Vaeua te Atua, e te aronga e akamori iaia ra, kia akamori ma te vaeua e te 25 tuatua-mou ra e tika'i. Kua tuatua maira taua vaine ra kiaia, Kua kite au e, te aere maira te Mesia, ko te Akata-inuia ra ia: kia riro mai aia ra, nana e akakite mai kia matou i te au mea 26 ravarai. Kua karanga aturā Iesu kiaia, Ko au ia e karanga atu kia koe 27 na. I reira te tae anga mai o tana au pipi, va ua akera ratou, aia i karangaranga atu ki taua vaine ra: kare ua atura tetai i karanga atu e, Eaa taua e ui ana? eaa koe i karangaranga atu ei 28 kiaia? Vao ua ora taua vaine ra i tana āriki vai, aere atura ki roto i te oire, e karanga atura ki te tangata, 29 Aere mai ka aere, ka akara i te tangata i akakite mai kiaku i taku au peu katoa nei; kare ainei tera ake te Mesia? 30 Aere atura ratou kiaia ra, no roto 31 mai i te oire. Kua tuatua na tana au pipi kiaia, kua na ko ana, E Rabi, 32 ka kai. Kua tuatua maira aia kia ratou, E kai taku kia kai, kare ua 33 kotou i kite. Kua tuatua ora te aronga pipi ia ratou uarai, Iapai mai 34 ainei te tangata i te kai nana? Kua tuatua maira Iesu kia ratou, Teia taku kai, ko te akono i tona anoano, to tei

tono mai iaku ra, ma te akaoti i tana angaanga. Kare kotou i karanga e, e a 35 marama toe e mou ei? i na, e karanga atu au kia kotou, Ka akateitei i to kotou mata, ka akara i te au koro ra; kua teatea ia i teianei kua mou. Te 36 tangata e kokoti ra, e tutaki tana, e kua akaputu i te meitaki no te ora mutu kore: kia rekareka kapipiti, ko te ruru e ko te kokoti. Kua tupu o 37 nei te manga tuatua ra e, Na tetai e ruru, e na tetai ke e kokoti. E tono 38 au ia kotou ei kokoti i tei kore i angaia e kotou na: na etai ke i angaanga, e te akaou na atu nei kotou ki roto i ta ratou angaanga. E manganui maira te 39 tangata no taua oire i Samaria ra i akarongo kiaia, no te tuatua a taua vaine i karanga e, Kua akakite mai aia kiaku i taku au peu katoa ra. E kia 40 riro mai to Samaria kiaia ra, kua tūpu maira ratou iaia e noo ki o ratou ra: kua noo iora aia i reira e po rua. Manganui atura tei akarongo i tana 41 uaorai tuatua; Kua tuatua akera ki 42 taua vaine ra, Kare no te tuatua aau i tuatua maira i akarongo atu ei matou: kite ua akenei matou iaia uaorai, kua kite atura matou e, ko te ora mou teia o to te ao, ko te Mesia.

E po rua akera, aere ke atura aia ki 43 Galilea. I tuatua anā Iesu orai e, kare 44 te peroveta e rekaia mai e tona uaorai enua tikai. E tae atura aia ki Galilea, 45 kite meitaki maira to Galilea iaia, i akara na oki ratou i te ravenga tini tana i rave i te ora o Ierusalemā ra: i reira katoa ratou i taua ora ra. E tae 46 akaou atura oki a Iesu ki Kana i Galilea, i te ngai tana i akariro i te vai ei wina ra.

Te mate ra te tamaiti a tetai tangata mana ra i te maki i Kapernauma. Kite akera aia e kua tae mai a Iesu ki 47 Galilea mei Iudea mai, aere atura aia kiaia ra, tuatua meitaki atura kiaia, kia aere mai aia e akaora i tana tamaiti: kua vaiata oki aia i te mate. Kua tuatua maira Iesu kiaia, Kia kore 48 kotou e kite i te semeio ma te piri ra, kare ua kotou e akarongo. Kua karanga atura taua tangata mana ra, E 49 taku Atu, aere mai ka aere, ka mate aea taku tamaiti. Kua tuatua maira 50 Iesu kiaia, Ka aere i toou aerenga; kua ora to tamaiti. Akarongo ua atura taua tangata ra i te tuatua a Iesu i tuatua maira, aere atura i tona aerenga. E te oki atura aia ra, kua 51 aravei maira tona au tavini iaia, kua tuatua maira, na ko maira, Kua ora to tamaiti. Kua ui atura aia ia ratou i te 52

ora i amaru mai ei. Kua tuatua maira ratou kiaia, I nanai tei te itu o te ora i 53 peke ei te vera. Kite akera te metua e, ko te ora mou ra ia i tuatua mai ei a Iesu e, Kua ora to tamaiti: akarongo atura aia, e tona kopu-tangata katoa. 54 Ko te rua ia i ta Iesu semeio, iaia i oki mai ki Galilea no Iudea mai, i rave ei.

PENE V.

Te vai pai i Betesda: te tangata maki i akaoraiā i te sabati: no te tuakuou-anga: ko Ioane baptizo, te Atua, e ko Mose, nga akatika ia Iesu: te akarongo ngata o te ngati Iuda.

1 **E** MURI akera, e oroa ta te ngati Iuda ra, e aere aturā Iesu ki Ieru- 2 salema. Tei Ierusalemā tetai vai pai, ko Betesda te ingoa i te tuatua Ebera, tei te pae uaorai i te ngutupa mamoe; 3 e rima aere tamaru i taua vai ra. E manganui te makimaki i te moe anga ki roto, te matapo, te pirikoki, te ngu- 4 ngu, te tatari ra i te ngarepu anga i 4 taua vai ra. Ka eke mai oki te angela ki raro i te vai i tona atu iā, e aka- 5 ngarepu i taua vai ra: e te tangata i riro ana ki raro i te vai kia oti te aka- 6 ngarepu angaia ra, kua ora ia i tona 5 maki i mate ra. E tei reira tetai tan- 7 ngata, e toru ngauru ma varu ona ma- 6 taiti i te mate anga i te maki. E kia akara akera Iesu iaia i te moe ua anga, 7 kua kite takere ana aia e, e mate anga roa tona, kua karanga atura kiaia, Te 7 anoano na koe i te ora? Kua tuatua maira taua tangata makimaki kiaia ra, 8 E te Atu, kare ua e tangata i te tuku iaku ki raro i te vai, kia ngarepu te vai 8 ra: te aere atura au, kua riro atura 8 tetai na mua iaku. Kua karanga aturā Iesu kiaia, Ka tu, ka rave i tocu roi, 9 ka aere. Ora takiri akera taua tan- 9 ngata ra i reira ra, kua rave akera i tona roi, aere atura: e sabati oki taua 10 rā ra. Kua tuatua maira te ngati Iuda i taua tangata i akaoraiā ra, E sabati 11 teia; kare e tau i te ture kia apai koe i 11 to roi. Kua karanga atura aia kia ratou, Na tei akaora mai iaku, i tuatua 12 mai kiaku e, Ka rave i toou roi, ka 12 aere. Kua ui maira ratou kiaia, Koi ia tangata i tuatua mai kia koe e, Ka 13 rave i toou roi, ka aere? Kare ua ra taua tangata i akaoraiā ra i kite iaia: 14 ngaro ke aturā Iesu, manganui te ta- 14 ngata tei taua ngai ra. E muri akera, kite aturā Iesu iaia i roto i te iero, kua 15 karanga atura kiaia, I na, kua ora koe: auraka e ara akaou, ka rokoia aea koe 15 e te kino maata ua atu. Aere atura

taua tangata ra, akakite atura ki te
 ngati Iuda e, ko Iesu tei akaora iaia.
 Kua takinga-kino maira te ngati Iuda 16
 ia Iesu, i umuumu maira iaia e ta, koia
 rave i te sabati i taua mea ra. Kua 17
 karanga aturā Iesu kia ratou, Te anga-
 anga ua nei rai toku Metua, ka anga-
 anga katoa oki au. Kua maata rava 18
 maira to te ngati Iuda umuumu iaia e
 ta, koia i akaapa i te sabati, kare ra no
 te reira anake ua, koia katoa ra i aka-
 aite iaia uorai ki te Atua, koia i ka-
 rangā e, ko te Atua tona Metua tikai.
 Kua karanga aturā Iesu kia ratou, na 19
 ko atura, Amene, amene, e karanga
 atu au kia kotou, Kare e tika ta te
 Tamaiti kia rave aia anake uorai, ko
 tana ra i kite i te Metua i te rave anga;
 ko te au mea katoa tana e rave ra, koia
 katoa ta te Tamaiti e rave. E aka- 20
 perepere rai oki te Metua i te Tamaiti,
 e akakite mairai oki kiaia i te au mea
 katoa tana tikai e rave ra: e mea maata
 atu rai tana e akakite mai kiaia i teia,
 kia umere kotou. Mei te Metua oki e 21
 akaora, e e akatu mai i te mate ra ki
 runga: e akaora katoa oki te Tamaiti i
 tana e anoano ra. Kare rava oki a te 22
 Metua tangata e akava ra, kua tuku
 uaia mai te akava i te Tamaiti: Kia 23
 akangateitei te tangata katoatoa i te
 Tamaiti, mei ta ratou e akangateitei i
 te Metua ra. Ko te kore e akangateitei
 i te Tamaiti ra, kare ia i akangateitei
 i te Metua i tei tono mai iaia ra.
 Amene, amene, e karanga atu au kia 24
 kotou, Ko te kite i taku tuatua, e kua
 akarongo iaia i tei tono mai iaku nei,
 e ora mutu kore tona, kare aia e aka-
 apaia; mei te mate mai aia, e tei te
 ora atura. Amene, amene, e karanga 25
 atu au kia kotou, Kua vaitata, e teianci
 rai, te ora, e akarongo ei tei mate i te
 reo o te Tamaiti a te Atua: e tei aka-
 rongo ra, ka ora ia. Mei te Metua ra 26
 e ora tona tei roto iaia uorai, kua
 oronga mai oki aia i te te Tamaiti, ei
 ora katoa tona i roto iaia orai; E kua 27
 orongaia mai oki te mana kiaia kia
 akava ra, no te mea e Tamaiti aia na te
 tangata. Auraka e poitirere ua i te 28
 reira: te vaitata mai nei oki te ora, e
 akarongo ei te aronga katoa i roto i te
 rua i tona reo, e kua aere mai ki vao.
 Tei rave ana i te meitaki ra, ei te 29
 tuakaouanga ora ia ratou; e tei rave
 ana i te kino ra, ei te tuakaouanga
 akaapa ia ratou. Kare ua e mea e tika 30
 iaku anake ra kia rave: te akatau nei
 au i taku e akarongo nei, e tuatua-tika
 oki taku ra akatau anga, kare au i kimi
 i toku uorai anoano, ko te anoano ra o

te Metua ko tei tono mai iaku nei.
 31 Koau anake ra, akatika ua'i iaku uo-
 rai, kare ia taku akatika anga e tika.
 32 Ko tetai ke te akatika mai iaku, kua
 kite oki au e, e tika tikai tana aka-
 33 tika anga mai iaku ra. Kotou uorai
 oki tei tono i te karere kia Ioane ra, e
 kua akakite mai aia i te tuatua-mou.
 34 Kare ra au e tika i ta te tangata aka-
 tika anga mai; kia ora ra kotou i
 35 karanga atu ei au i teianei tuatua. Ko
 taua lamepa mura ra aia e te kakā;
 rekareka poto ua atura kotou i tona
 36 mārama. Akatika maata ua ra taku i
 ta Ioane: ko te angaanga tini oki a te
 Metua i o mai naku e rave ra, ko taua
 angaanga tini taku e rave nei, ko te
 akatika mai iaku nei e, na te Metua au
 37 i tono mai. Ko te Metua oki i tono
 mai iaku nei, kua akatika mai aia uo-
 rai iaku nei. Kare rai kotou i rongo
 ua ake i tona reo, e kare rai i kite i
 38 tona tu. Kare oki tana tuatua i vai
 tamou i roto ia kotou, i kore ei kotou i
 39 akarongo i tana i tono mai. Te kimi
 marie nei kotou i te tuatua i taitaia ra;
 no te mea te manako ra kotou ka
 rauka te ora mutu kore i reira: ko te
 akakite ia iaku taua au tuatua ra.
 40 Kare ra kotou e aere mai kiaku nei i
 41 te ora no kotou. Kare au i anoano i
 42 ta te tangata akangateitei. Kua kite
 ra au ia kotou e, kare rava o kotou
 anoano i te Atua i roto ia kotou na.
 43 I aere mai nei au ma te ingoa o toku
 Metua, e kare kotou i oo mai iaku nei;
 kia aere mai tetai ma tona uorai ingoa,
 44 e kite kotou i te reira. Ean kotou e
 akarongo ei, i tei kimi i ta kotou uo-
 rai akangateitei, kare i akono i ta te
 45 Atua anake ra akangateitei? Eiaa
 kotou e manako e, ko au te tapepe
 ia kotou i mua i te aroaro o te Metua: ko
 Mose tei tapepe mai ia kotou, ta kotou
 46 i irinaki ana. Angairi oki kotou i
 akarongo ia Mose, kua akarongo mai
 ia kotou iaku nei: i tata oki aia i te
 47 tuatua noku. Kare kotou i akarongo
 i tana i tata ra, ean oki kotou ka aka-
 rongo mai ei i taku nei tuatua?

PENE VI.

*Nga tangata e rima tausani i angaiia:
 ko Iesu ka akaarikia: te uria e to
 Iesu aere anga na runga i te tai:
 tona tino e tona toto te kai no te
 rangi mai: manganui tei maitu:
 te tuatua a Petero ma.*

1 **E** MURI akera, ano aturā Iesu ki
 tetai pae i te roto i Galilea, koia

te roto i Tiberia ra. E aerenga maata 2
 oki tei aru mai iaia, no te mea kua
 kite ratou i te semeio tana i rave i te
 aronga makimaki ra. Aere aturā 3
 Iesu ki runga i tetai maunga, noo ora
 ki raro ma tana au pipi. Kua vaiata 4
 te pasa, e oroa na te ngati Iuda ra.
 A kara akera te mata o Iesu, e kite 5
 atura aia e, e aerenga tangata maata te
 aere maira kiaia ra, kua karanga atura
 kia Philipa, Eica tatou ka oko ei i te
 kai, ei angai anga i teia aronga? I 6
 akapera atura aia i te timata anga iaia;
 kua kite oki aia uaoari i tana ravenga.
 Kua tuatua mairā Philipa, Kia rua ua 7
 atu rai anere i te denari ei oko i te areto,
 kare ua e rava kia taki tai ungaungā
 kai i te tangata okotai. Kua tuatua 8
 maira iaia tetai pipi ana ra, ko Anede-
 rea te taeake o Simona Petero, Tera ake 9
 tetai tamaiti, e rima ana areto kerite, e
 rua oki ika; eaa ra te reira e rava i i
 teianei aronga maata? Kua karanga 10
 aturā Iesu, Ka akatakoto aere ana i te
 au tangata ki raro. E manganui oki
 te mātā i taua ngai ra: kua takoto
 aere iora te au tangata ki raro, e rima 11
 paa tausani kia tatou. Kua rave
 akerā Iesu i nga areto ra; akameitaki
 atura, apai atura ki te au pipi, e na 12
 te au pipi i tua atu na te aronga i noo
 ki raro ra; e kua tua katoa atura i
 te ika, e kua iu anake ora ratou. E 13
 pangia rava akera ratou, kua karanga
 atura aia ki tana au pipi. Ka akaputu
 ana i te ungaungā kai mea riki i toe
 ra, eiaa tetai vai e akarukeia. Kua 14
 akaputupu ora ratou, e ki akera nga
 tapora raungauro ma rua, i te toc-
 nga i taua nga areto kerite e rima ra,
 ko tei toe i taua aronga i kai ra.

E kite akera taua au tangata ra i te 14
 semeio ta Iesu i rave ra, kua na ko
 akera, Ko taua peroveta mou rai teia,
 ko te ka aere mai ki te ao nei. Te 15
 kite rā Iesu i to ratou manako, ka tiki
 mai iaia e kave e akaariki, oki akaou
 atura aia ki runga i te maunga, koia
 anake ra. E aia akera, aere atura 16
 tana au pipi ki taatai. E tae atura ki
 runga i tetai pai, akatere atura ki Ka-
 perenauma. Kua poiri rava, kare akerā
 Iesu i tae mai kia ratou. E peke 18
 atura taua roto ra i te matangi viviki.
 Oe ua atura ratou e rua ngauro ma 19
 rima setadia, e e toru oki, kite maira
 ratou ia Iesu i te aere ua anga na
 runga i te tai, e vaiata ora aia ki te
 pae pai: kua matakua akera ratou.
 Kua karanga atura aia kia ratou, Ko au 20
 teia; auraka e matakua. Rekaraka 21
 atura ratou iaia i te aere anga ki runga i

te pai: tapae atura ratou i reira ra i
 te enua ta ratou e oe ra.

22 E ao akera, ko te au tangata i topa
 i te pae roto ra, kua kite ratou e, kare
 a Iesu i aere katoa ki runga i te boti i
 te aerenga o te au pipi ra, ko ratou
 anake ra tei akatere, okotai ua oki mea
 23 boti i tae mai i reira: (E puke boti ke
 ra no Tiberia mai tei tapae mai i vai-
 tata orai i taua ngai ta ratou i kaikai
 ra, ka akameitaki ei te Atu ra.) E
 24 kia akara akera taua aronga tangata ra
 e, kare a Iesu i reira, ma tana au pipi
 katoa ra, kake katoa atura ratou ki ru-
 nga i te pai, oe atura ki Kaperenauma,
 25 i te kimi anga ia Iesu. E kite atura
 ratou iaia i tetai pae roto ra, kua
 karanga atura ratou kiaia, E Rabi,
 26 i naca mai koe i ko nei? Kua tuatua
 mairā Iesu kia ratou, Amene, amene,
 e karanga atu au kia kotou, Kare i to
 te mea i kite kotou i te au semeio ra,
 te kimi nei ra kotou iaku, no te mea
 kua kai kotou i te manga, e pangia
 27 akera. Auraka e angaanga i te kai pe
 ua, ko te kui ra te ka tika i te vairan-
 ga, e tae ua atu ki te ora mutu
 kore ra, ko ta te Tamaiti a te tangata
 e oronga mai na kotou ra: koia oki tei
 28 akonoia e te Atu Metua ra. Kua ui
 atura ratou kiaia, Eaa ta te Atu
 angaanga i anoano kia rave matou?
 29 Kua tuatua mairā Iesu kia ratou, na
 ko maira, Teia ta te Atu angaanga i
 anoano, kia akarongo kotou iaia i tana
 30 i tono mai. Kua karanga atura ratou
 kiaia, Eaa taua semeio e rave, kia
 akara atu matou, ka akarongo atu ei
 31 matou ia koe? eaa taua ravenga? I
 kaikai ana to matou ai metua i te
 muna i te medebara ra; ko tei tataia
 ra e, "I o mai ana aia i te areto no te
 32 rangi na ratou ei kaikai anga." Kua
 tuatua mairā Iesu kia ratou, Amene,
 amene, e karanga atu au kia kotou,
 Kare a Mose i oronga mai i te areto
 no te rangi na kotou; kua oronga
 maira taku Metua i te areto tikai o te
 33 rangi na kotou. Tera ta te Atu
 areto, ko tei eke mai mei te rangi, e
 ko tei oronga mai i te ora no to te ao.
 34 Kua karanga atura ratou kiaia, E te
 Atu, eiaa koe e tivata i te oronga mai i
 35 taua areto ra na matou. Kua tuatua
 mairā Iesu kia ratou, Ko au te areto
 ora; ko te aere mai kiaku nei, kare
 rava ia e pongi; ko te akarongo mai
 iaku nei, kare rava ia e kaki vai.
 36 Kua karanga atu na ra oki au kia
 kotou, Kua kite kotou iaku, e kare
 37 kotou i akarongo. Ko ta taku Metua
 i oronga mai noku ra, ka tae mai ia

kiaku nei; e ko te aere mai kiaku nei, kare rava ia e kopaeia e au. I 38 eke mai nei oki au mei te rangi mai, e akono i to tei tono mai iaku nei anoano, auraka i toku uarai anoano. Teia oki to te Metua anoano, to tei 39 tono mai iaku nei, kia kore au e ngere i tetai i tana i oronga mai noku ra, kia akatu akaouia e au kia tae ki te rā openga ra. Ko teia oki to tei tono 40 mai iaku nei anoano, ko te kite i te Tamaiti e te akarongo iaia ra, ei ora mutu kore tona: e naku aia e akatu akaou kia tae ki te rā openga ra. Kua urutoe ora te ngati Iuda iaia, 41 koia i tuatua e, Ko au te areto no te rangi mai. Kua na ko akera ratou, 42 Kare ainei teia ko Iesu, te Tamaiti a Iosepha ra, tei kite katoa oki tatou i tona metua tane, e te metua vaine ra? eaa akera aia i tuatua mai ei e, I eke mai nei au mei te rangi mai? Kua tuatua mairā Iesu kia ratou, na 43 ko maira, Auraka na kotou e urutoe ua. Kare te tangata e tae mai kiaku nei, 44 mari ra kia akatac mai te Metua ko tei tono mai iaku nei iaia: e naku aia e akatu akaou kia tae ki te rā openga ra. Kua tafaia oki i roto i te au 45 peroveta ra e, “Ka ope takiri ratou i te apiia e te Atua.” E teianei, ko te akarongo e te apiia e te Metua ra, ko te ka tae mai ia kiaku nei. Kare ra e 46 tangata i kite i te Metua, mari ra ko to ko mai i te Atua ra, kua kite aia i te Metua ra. Amene, amene, e kara- 47 nga atu au kia kotou, Ko te akarongo mai iaku nei, e ora mutu kore tona. Ko au te areto e ora’i. 48 I kai ana to kotou ui metua i te māna 49 i te medebara ra, e mate atura. Ko 50 te areto teia no te rangi mai, kia kai- kai ua te tangata i te reira, e kia kore rava e mate. Ko au te areto ora, 51 ko tei eke mai mei te rangi: ko te ka kai i teianei manga, ka tika ia i te ora anga e tuatau ua atu: ko taku areto e oronga atu, ko toku ia kopapa, ko taku ia e oronga atu ei ora no to te ao. Kua taumāro anake iora te ngati Iuda 52 ratou ratou uarai, na ko akera, Eaa e tika’i i teianei tangata kia oronga mai i tona kopapa ei kai? Kua tuatua 53 mairā Iesu kia ratou, Amene, amene, e karanga atu au kia kotou, Kia kore kotou e kai i te kopapa o te Tamaiti a te tangata nei, e kia kore oki kotou e inu i tona toto, kare ia e ora i roto ia kotou. Ko te kai i toku kopapa, e te 54 inu i toku nei toto, e ora inutu kore tona; e naku aia e akatu akuou kia tae ki te rā openga ra. E kai tikai 55

oki toku kopapa, e e vai inu tikai 56 toku toto. Ko te kai i toku kopapa, e te inu i toku toto, ka tika ia i te noo anga i roto iaku, e ka noo uarai au i 57 roto iaia. Mei te Metua oki e ora ra, ko tei tono mai iaku nei, e te ora nei oki au i te Metua ra: koia katoa te 58 kai iaku nei, ka ora ia iaku. Ko te areto teia no te rangi mai: kare ra mei te māna i kaingaia e to kotou ui metua ra, mate atura oki ratou: ko te kai i teianei manga, ka tika ia i te ora anga 59 e tuatau ua atu. I roto i te sunago te tuatua anga aia i taua tuatua nei, i te apii anga i Kaperenauma ra. 60 E manganui tana aronga pipi i akarongo i taua tuatua nei, i na ko e, E tuatua rikarika teia, ka kitea ra iaia? 61 Te kite rā Iesu ki roto iaia ra e, te koumuumu ra tana au pipi i taua tuatua ra, kua tuatua maira kia ratou, 62 Te maitu na kotou i te reira? Nari- nga paa kotou e kite ana i te Tamaiti a te tangata i te oki akaou anga ki runga i te ngai tana i noo i muata- 63 ngana? No te vaerua te ora, kare o te kopapa e puapinga: te tuatua taku o karanga atu kia kotou, e vaerua ia, e 64 ora tei te reira. Kare ra tetai papaki o kotou nei i akarongo. Kua kite oki a Iesu mei muatangana mairai i te aronga kare i akarongo, e te ta- 65 ngata e pikikaa kiaia ra. Kua karanga atura aia, I karanga atu ei au kia kotou e, kare rava te tangata e tae mai kiaku nei, kia kore e orongaia mai te tae e taku Metua ra. 66 Akaruke maira tetai papaki pipi ana i reira ra e manganui, kare maira i aru 67 akaou iaia ra. Kua tuatua mairā Iesu ki te ngauru ma rua ra, Ka aere katoa 68 ainei kotou? Kua karanga aturā Simona Petero kiaia, E te Atua, ka aere tika matou kiaia ra? tei ia koe te ora 69 mutu kore ra. Kua akarongo akenei oki matou, e kua kite oki matou e, ko koe te Mesia, te Tamaiti a te Atua ora 70 ra. Kua tuatua mairā Iesu kia ratou, Kare aina kua iki au ia kotou tino ngauru ma rua ra? e diablo rai 71 tetai o kotou nei. Ko Iuda Isekariota a Simona tana i tuatua ra: no te ngauru ma rua uarai aia ra, koia rai te tangata e pikikaa atu iaia ra.

PENE VII.

Te akarongo kore o te au taeake o Iesu: te aerenga ki te ora patia puakapa: nu te Atua Iesu i tonu mai: te vai ora: te tauetono anga ia Iesu: te kotikoti kupenga a to te Sunederi: ta Nikodemo tuatua.

E MURI akera, kare aturā Iesu i aere i Iudea, aere ua ora aia na Galilea; no te mea te tapapa ra te ngati Iuda iaia e ta.

Te waitata ra te oroa patia puakapa a te ngati Iuda. Kua tuatua maira tona au taeake kiaia, Ka akaruke mai koe i teianei enua, ka aere atu koe ki Iudea, kia kite katoa te au pipi au ra i te angaunga tini taau e rave nei. Te kimi oki i te rongu ra, kare aua e mea rave pouri; te rave nei koe i taau au mea ra, ka akakite ua atu koe ia koe uorai ki te ngati tangata. (Kare akerai tona au taeake tikai i akarongo iaia.) Kua karanga aturā Iesu kia ratou, Kare rai i tae ki toku ora mou: ka tau ra te au ora katoa ia kotou. Kare to te ao i makitakita mai ia kotou; te riri mai nei ra iaku, i te mea kua akakite ua atu au e, e tuatua kino ta to reira. Ka aere kotou ki taau oroa ra: kare au e aere rave atu ki taau oroa ra; kare akerai i tae ki toku ora tikai. E oti akera taau tuatua nei, noo ua ora aia i Galilea. Kia riro ra tona ai tacake ra, io kua aere katoa atura aia ki taau oroa ra, kare ra i aere akakite, i aere pouri ua. Kua ui aere ora te ngati Iuda iaia i taau oroa ra, na ko akera, Teia aia nei? Maata rava akera te koumuumu anga a taau aronga katoa ra iaia: i karanga tetai papaki, E tangata meitaki aia: i na ko oki tetai papaki, Kare; te tapikipiki ua nei aia i te tangata. Kare ra e tangata i tuatua akakite ua kiaia, i te matakui i te ngati Iuda.

E tae akera i rotapu i taau oroa ra, aere aturā Iesu ki roto i te iero, apii atura. Kua va ua ora te ngati Iuda, na ko akera, Noca ra te kite o teianei tangata, kare oki aia i apiiia? Kua karanga aturā Iesu kia ratou, na ko atura, Kare taku uorai i taku e apii nei, nana ra, na tei toni mai iaku nei. Ko te anoano marie i te akono i tona inangaro, ka kite aia i taku e apii nei, e na te Atua ainei, e naku uorai ainei. Ko te tuatua i te tuatua nona uorai, te kimi ra ia i tona uorai kakā: ko te kimi ra i te kakā no tei toni mai iaia ra, e tuatua-mou tana, e kare ua e tuatua-tika kore i roto iaia ra. Kare ainei a Mose i tei 19 tuku mai i te ture na kotou? kare rava tetai o kotou i akono i taau ture ra. Eaa kotou e umuumu mai ei iaku e ta? Kua tuatua maira taau aronga 20 ra, na ko maira, E demoni toou; koai tei umuumu ia koe e ta? Kua 21

karanga aturā Iesu, na ko atura kia ratou, Okotai aku angaanga i rave akenei, e te va ua nei kotou katoa i te reira. I tuku mai a Mose i te peritome kia kotou; (kare ra ta Mose, na te ui tupuna ra;) e te peritome nei 22 kotou i te tangata i te rā sabati. I peritomeia te tangata i te rā sabati, kia kore e akaapaia te ture a Mose; te makitakita mai ainei kiaku, i te mea, kua akaora rava au i tetai ta- 24 ngata i te sabati? Auraka e akava ua i te tu i vao ake, ka akava ra i te 25 tuatua-tau tikai. Kua na ko akera tetai pae tangata no Ierusalem, Kare ainei teia te tangata ta ratou i kimi 26 nei e ta? E i na, te tuatua akakite ua nei aia, e kare ua a ratou tuatua kiaia. Kua kite pu tikai aia te aro- 27 nga mamaata e, ko te Mesia mou teia? Kua kite ra ratou i te ngai no reira mai teianei tangata; kia tae maira te Mesia, kare e tangata e kite i te ngai 28 no reira mai aia ra. Kua kapiki ua aturā Iesu i te apii anga i roto i te iero ra, na ko atura, Te kite na kotou iaku, e te ngai no reira mai au nei: kare au i aere ua mai, kareka tei toni mai iaku nei, e tuatua-mou tana, kare 29 kotou i kite iaia. Kareka au, kua kite au iaia, mei reira mai oki au nei, 30 e nana oki au i toni mai nei. Kua kimi atura ratou i te ravenga e opu iaia; kare ra e tangata i rave ua atu te rima iaia, no te mea kare akera i 31 tae i tona ora. E manganui taau aronga tangata i akarongo iaia ra; kua na ko akera, Kia tae mai te Mesia, e maata ainei tana semeio e rave i ta 32 teianei tangata i rave? Kite akera te au Pharisea ra e, te akapera ra te tangata i te koumuumu iaia ra; kua toni atura taau au Pharisea ra, e te kau taunga nunui, i te aronga taoonga e 33 opu iaia. Kua tuatua mairā Iesu kia ratou, Koi noonoo ake au ki o kotou nei, e te aere nei au kiaia i tei toni 34 mai iaku nei. E kimi kotou iaku nei, kare ra kotou e kite iaku; e tengai e nooia e au ra, kare kotou e tae ki 35 reira. Kua tuatua iora te ngati Iuda ratou ratou uorai, Ka aere ra aia kiesa, ka kore tatou e kite atu ei iaia? Ka aere ainei aia ki te aronga i ngaro ke ki o te Eleni ra, ka apii atu ei i 36 te Eleni? Eaa teianei tuatua tana i karanga mai nei e, Ka kimi kotou iaku, e kare kotou e kite iaku: e te ngai e nooia e au ra, kare rava kotou e tae ki reira?

37 E tae akera ki te rā maata openga i taau oroa ra, kua tu akerā Iesu, kua

kapiki maira, na ko maira, Te tangata e kaki vai ra, ka aere mai aia kiaku nei inu ei. Te akarongo mai iaku 38 nei ra, ka ta'e te vai ora no roto iaia, mei tei akakiteia mai e te tuatua i taitaia ra. No te Vaerua e orongaia 39 mai i te aronga e akarongo iaia ra, taua tuatua tana i tuatua maira: kare ra oki i *orongaia mui* te Vaerua Tapu i reira; no te mea, kare akera i Iesu i akateiteia ra. Kua na ko akera 40 tetai pae maata o taua aronga i kite i taua tuatua ra, Ko taua peroveta mou rai teia. Kua na ko akera tetai 41 pae, ko te Mesia teia. Kua na ko akera tetai papaki, Kare, no Galilea te Mesia? Kare ainei i na ko te tua- 42 tua i taitaia ra e, no te uanga o Davida te Mesia, no Betelchema ra no te oireno reira Davida ra? Kua tupu 43 ora te taetono i taua au tangata ra iaia. Te anoano ra tetai pae tangata 44 e opu iaia; kare ua ra e tangata e rave atu te rima iaia.

Kua oki maira taua aronga taoonga 45 ra ki te kau taunga nunui ra e te au Pharisea; kua karanga atura ratou kia ratou, Eaa kotou i kore ei i aratiki mai iaia? Kua tuatua maira 46 taua aronga taoonga ra, Kare rava e tangata e tau te tuatua i ta tera ra tangata. Kua karanga atura te au 47 Pharisea, Kua vavare katoa ainei kotou? Kua akarongo ainei tetai o te 48 ui rangatira, e o te au Pharisea, iaia? Kareka teianci au tangata tei kore 49 i kite i te ture nei, kua kataraina ia. Kua karanga atura tetai tangata no 50 ratou uorai, ko Nikodemo *te ingoa*, (ko tei aere mai ia Iesu i te po ra,) Ka tika aina i ta tatou nei ture kia 51 akaapa atu tatou i te tangata, kare e timata na i te akarongo atu i tana tuatua, e kia kitea? Kua tuatua maira 52 ratou, na ko maira kiaia, No Galilea katoa aina koe? ka kimi ana, kia kite koe, kare rava e peroveta i tupu i Galilea. Aere ua atura te tangata katoa ki tona kainga, ki tona kainga.

PENE VIII.

Te vaine akaturi: ta Iesu tuatua iaia orai: e manganui tei akarongo: te tiamā tika: te tamariki a te diabolō: ko te Mesia tei mua ia Aberahama.

AERE aturā Iesu ki runga i te 1 maunga i Oliveta. E i te po- 2 pongi roa ra, kua oki akaou maira aia ki roto i te iero ra, e kua aere katontoa maira te tangata kiaia ra; noo ora aia

3 ki raro, apii atura ia ratou. Kua aratiki maira te au tata tuatua e te au Pharisea kiaia i tetai vaine, i rokoia atu te raveia ra: kua tuku maira 4 ratou iaia i rotou; Kua tuatua maira ratou kiaia, E te Orometua, rokoia atu 5 teianei vaine te rave mouia ra. I tuatua maira oki a Mose ki roto i te ture e, ka pei te reira i te toka; eaa 6 tauu tuatua? I pera mai ratou i te tapikipiki anga mai iaia, kia rauka ta ratou tapepe anga mai iaia. Kua piko 7 orā Iesu ki raro, kua tata ora tona rima ki runga i te one. Kua tamou nui maira ratou i te ui anga mai kiaia; tu akera aia ki runga, kua karanga atura kia ratou, Na te tangata ara kore i roto ia kotou na, e pei atu i te 8 toka mua kiaia. Kua piko akaou ora aia ki raro, tata ora aia ki ru- 9 nga i te one. E kite akera ratou i taua tuatua ra, akaapa oraia e to ratou uorai akava-ngakau, kua unui taki tai ua atura ratou, ko te tangata pakari tei na mua na, e tae ua atura ki te tangata openga; toe ora ko Iesu anake ma taua vaine ra, i te tu ua anga 10 i rotou. Kua tu akērā Iesu ki runga, e kite atura, kare ua e tangata, mari ra ko taua vaine anake ra, kua tuatua aia kiaia, E maine, teia te aronga i tapepe mai ia koe na? kare ua e tangata i akautunga mai ia koe nei? 11 Kua tuatua maira aia, Kare ua, e te Atu. Kua karanga aturā Iesu kiaia, Kare katoa au e akautunga ia koe: ka aere, auraka ra e ara akaou. 12 Kua karanga akaou aturā Iesu ki te tangata, na ko atura, Ko au te mārama o teianei ao: ko te aru mai kiaku nei, kare aia e aere ua i te 13 pōiri, e mārama ora tona. Kua patoi maira te au Pharisea kiaia, Te tuatua nei koe ia koe uorai; kare tauu tua- 14 tua e akatikaia. Kua karanga aturā Iesu, na ko atura kia ratou, Tuatua ua rai au iaku uorai, ka tika rai taku tuatua: kua kite oki au i te ngai no reira au nei, e te ngai taku e aere nei; kare kotou i kite i te ngai no reira mai au nei, e te ngai taku e aere nei. 15 No te kopapa ta kotou akaapa anga, 16 kare au e akaapa ua atu i tetai. E kia akaapa oki au ra, ka tika taku akaapa anga: kare oki e ko au anake teia, ko au ra ma te Metua katoa, ko tei 17 tono mai iaku nei. Kua tata katoaia ki roto i ta kotou ture ra e, kia akatika mai nga tangata toko rua ra, e 18 tuatua-mou ia. Ko au oki tetai i akatika iaku uorai, e te Metua oki, ko tei tono mai iaku nei, tetai i akatika

katoa mai iaku nei. Kua ui maira 19
ratou kiaia, Teiea ua toou Metua?
Kua karanga aturā Iesu, Kare kotou
i kite iaku, e toku Metua katoa; na-
ringa kotou i kite iaku ra, kua kite
katoa ia kotou i toku Metua. I te 20
vairanga apinga te tuatua angā Iesu i
teiane au tuatua, i tana apii anga i
roto i te iero ra: e kare rava e tangata
i rave atu iaia, kare akerai i tae ki
tona ora mou.

Kua karanga akaou aturā Iesu kia 21
ratou, Te aere ke nei au, e kimi kotou
iaku, e ka mate kotou ma ta kotou
ara katoa: kare kotou e tae ki te ngai
taku e aere nei. Kua na ko akera 22
te ngati Iuda, Ka ta ainei aia iaia
uorai, i karanga mai ei e, Kare kotou
e tae ki te ngai taku e aere nei?
Kua karanga atura aia kia ratou, No 23
raro nei kotou; no runga au: no teia-
nei ao kotou; kare au no teiane au.
I karanga atu ei au kia kotou e, Ka 24
mate kotou ma ta kotou ara katoa:
kia kore kotou e akorongo e, ko au
ra, ka mate rai kotou ma ta kotou ara
katoa. Kua ui maira ratou kiaia, 25
Koai oki koe na? Kua karanga aturā
Iesu, Ko taku oki i karanga atu kia
kotou i muatangana. Te vai nei taku 26
tuatua e taku akatau anga ia kotou
e manganui: ko tei tono mai iaku nei
ra, e tuatau-mou tana; e te tuatua
nei au ki to te ao nei i te au tuatua
taku i akarongo iaia ra. Kare ratou 27
i kite e, ko te Metua tana i tuatua
ra. Kua karanga aturā Iesu kia 28
ratou, Kia akateiteiia e kotou te
Tamaiti a te tangata nei, ei reira
kotou e kite ei e, ko au ia, e kare
aku peu rave ua; ko ta taku Me-
tua ra i apii mai iaku ra, ko taku
ia e tuatua nei. Ko tei tono mai iaku 29
nei, tei vaitata uorai ia iaku nei;
kare te Metua i akaruke ua iaku nei
ko au anake ra; kare oki au i tuku-
moe i te rave i te mea e mareka mai
ei aia.

Kia akapera atura aia i te tuatua 30
anga i teiane au tuatua, maata ua
maira te tangata i akarongo iaia. Kua 31
karanga aturā Iesu ki te ngati Iuda i
akarongo mai iaia ra, I tāpu tika kotou
i taku tuatua, e pipi tika kotou naku
i reira: Ka kite ia kotou i te tuatua- 32
mou, e na te tuatua-mou kotou e aka-
tiamia. Kua tuatua maira ratou kiaia, 33
E tamariki matou na Aberahama, kare
ua matou i riro ei tuikaa na etai ke:
eaa koe i tuatua mai ei e, Ka akatia-
maia kotou? Kua karanga aturā Iesu 34
kia ratou, Amene, amene, e karanga

atu au kia kotou, Ko te rave i te kino
35 ra, e tavini ia no te kino. Kare oki
te tavini e noo tamou i te ngutuare;
kareka ra te Tamaiti, ka noo tamou ia
36 i reira. Na te Tamaiti kotou e aka-
tiamia ra, kua tiamia tika ia kotou.
37 Kua kite au e, e tamariki kotou na
Aberahama: te umuumu mai nei ra
kotou iaku e ta, no te mea kare o taku
38 tuatua e vairanga i roto ia kotou na. Te
tuatua nei au i te tuatua taku i kite i
toku Metua; e te akono na oki kotou i
39 ta kotou i kite i to kotou metua. Kua
tuatua maira ratou kiaia, na ko maira,
Ko Aberahama to matou metua. Kua
karanga aturā Iesu kia ratou, Naringa
kotou ei tamariki na Aberahama ra, e
akono ia kotou i ta Aberahama ra tua-
40 tua. I tenana ra, te umuumu mai nei
kotou iaku e ta, i te tangata i akakite
atu kia kotou i te tuatua-mou, i taku
i kite i te Atua ra: kare uā Abera-
41 hama i akapera. Te akono na kotou i
te tuatua a to kotou metua. Kua tua-
tua maira ratou kiaia, Kare matou i ta
te akaturi i anau: okotai rai o matou
42 metua, ko te Atua. Kua karanga
aturā Iesu kia ratou, Angairi ko te
Atua to kotou metua ra, kua anoano
mai kotou iaku: no reira oki au nei,
mei reira mai au i te Atua ra; kare oki
au i aere ua mai, nana oki au i tono
43 mai. Eaa kotou i kore ei i kite i taku
tuatua? no te mea, kare e tika ia kotou
44 i te akarongo i taku tuatua. Ko te
diabolo to kotou metua, i akatika'i ko-
tou i te anoano o to kotou metua ra.
E ta tangata aia mei ito mairai, kare
aia i mou i te tuatua-mou, no te mea
kare e tuatua-mou o roto iaia. Kia
tuatua aia i te pikikaa ra, kua tuatua
aia i tei tau iaia uorai: e pikikaa aia,
45 e e metua oki no te pikikaa. No te
mea e tuatua-mou taku i karanga atu
nei, i kore ei kotou i akarongo mai
46 iaku. Koai to kotou e akakite i taku
pikikaa? E e tuatua-mou taku ra, eaa
kotou i kore ei i akarongo mai iaku
47 nei? No te Atua aia ra, ka akono ia i
ta te Atua tuatua: kare kotou i akono,
no te mea kare kotou i to te Atua.
48 Kua tuatua maira te ngati Iuda kiaia,
na ko maira, Kare ainei te tuatua-tika ta
matou i karanga nei e, no Samaria koe,
49 e e demoni toou? Kua karanga aturā
Iesu, Kare oku e demoni; te akanga-
teitei nei ra au i taku Metua, e te aka-
50 kino nei oki kotou iaku. Kare oki au i
kimi i toku uorai kakū: te taka atura
tei kimi i te reira, nana rai e akono.
51 Amene, amene, e karanga atu au kia
kotou, Ko te tāpu i taku ra tuatua,

kare rava aia e kite i te mate. Kua 52
 tuatua maira te ngati Iuda kiaia, Kua
 kite atura matou e, e demoni tikai
 toou. Kua mate oki a Aberahama, e
 te au peroveta katoa oki; e te tuatua
 mai na koe e, Ko te tāpu i taku ra tua-
 tua, kare rava aia e kite i te mate. E 53
 maata ua aina koe ia Aberahama i to
 matou metua i mate ra? e te au peroveta
 katoa oki kua mate: koai koe na i
 toou maara anga? Kua karanga aturā 54
 Iesu, Kia akameitaki au iaku uorai, e
 akameitaki anga marikonga kore taku:
 ko toku Metua tei akameitaki mai
 iaku; ko ta kotou i tuatua na e, e
 Atua no kotou: Kare kotou i kite iaia; 55
 kua kite ra au iaia: naringa au i na ko
 ana e. Kare au i kite iaia, kua riro au
 ei pikikaa mei ia kotou katoa na: kua
 kite ra au iaia, e te tāpu nei au i tana
 tuatua. I rekareka ana oki to kotou 56
 metua ko Aberahama i toku nei tuatau
 kia kite aia: e kite atura, e mareka
 atura oki. Kua tuatua maira te ngati 57
 Iuda, Kare akera i tae i te rima o te
 ngauru anga i toou mataiti, e kua kite
 oki koe ia Aberahama? Kua karanga 58
 aturā Iesu kia ratou, Amene, amene,
 e karanga atu au kia kotou, Kare a Aberahama
 i anau ra, Te noo nei au. Kua 59
 rave ora ratou i te toka e pei iaia:
 akangaro ua orā Iesu, na rotoupu atura
 ia ratou te aere, aere atura ki vao mai i
 te iero ra, aere atura.

PENE IX.

*Te tangata matapo i akaorai ra: te
 riri o te au Pharisea: te tuatua e te
 akarongo o te tangata matapuera:
 te au Pharisea tei matapo.*

E TE aere ua rā Iesu ra, kite atura 1
 aia i tetai tangata matapo mei te
 anau anga mai. Kua ui maira tana au
 pipi kiaia, na ko maira, E Rabi, naai
 te ara, nana uorai aina e na nga
 matua ainei, i anau matapo mai ei aia?
 Kua karanga aturā Iesu, Kare to te
 ara a teianei tangata, e te ara a nga
 matua ra: no te mea ra, kia kitea te
 angaanga a te Atua iaia nei. Ka rave 4
 au i te angaanga a tei tono mai iaku
 nei, koi vai ake te ao: te vaitata mai
 nei oki te po, kare roa e tangata e anga-
 anga i reira. Te noo nei au i te ao nei,
 ko au te mūrāma o teianei ao. I akapera
 aia i te tuatua anga, kua tutua
 ora i te uavare ki raro i te one, kua oi
 ora tona uavare e te repo, kua amo
 atura te repo ki te mata o taua tangata
 matapo ra, Kua karanga atura kiaia, 7
 Ka aere, ka orei i te vai pai i Siloama

ra, (koa oki Tonokia.) Aere atura aia,
 orei iora, kua aere maira oki ma te
 8 kite. Kua tuatua ora to reira ra, e te
 aronga i kite iaia i muatangana i te vai
 matapo anga, Kare ainei teia te tangata
 i noo ua ma te pati i te apinga ra?
 9 Kua tuatua maira tetai aronga, Koa
 oki teia; kua na ko maira tetai papaki,
 Mei iaia nei rai te tu; kua tuatua
 maira aia uorai, Ko au oku paa ia.
 10 Kua ui atura ratou kiaia, I akapeaia
 11 to mata i puerāi? Kua tuatua maira
 aia, na ko maira, I oia te repo e tetai
 tangata ko Iesu te ingoa, e kua amo
 maira ki toku mata, kua na ko maira
 kiaku, Ka aere ki te vai pai i Siloama
 ra, ka orei: aere atura au, orei ora, e
 12 kite atura. Kua ui atura ratou kiaia,
 Teia taua tangata ra? Kua tuatua
 maira aia, Kare ua au i kite.
 13 Kua arataki atura ratou i te tangata
 i matapo ana ra ki te au Pharisea ra.
 14 E sabati te rā i oi ei a Iesu i te repo,
 15 te akapuera anga i tona mata. Kua ui
 akaou maira te au Pharisea ra kiaia i te
 puera anga o tona mata. Kua karanga
 atura aia kia ratou, I amokia e ia taku
 mata i te repo, orei ora au, e te kite
 16 nei au. Kua na ko akera tetai papaki
 o taua au Pharisea ra, Kare teia tan-
 gata i to te Atua, kare aia i akono i
 te sabati. Kua na ko akera tetai pa-
 paki, Eaa e tika'i i te tangata ara kia
 rave i te semcio mei teianei? Kua
 17 mavete ora ratou. Kua ui akaou
 maira ratou ki taua tangata matapo ra,
 Eaa taua tuatua kiaia, koia i akapuera
 i to mata na? Kua karanga atura aia,
 18 E peroveta tikai aia. Kare ra te ngati
 Iuda i akarongo e, e matapo to taua
 tangata ra, e kua akapueraia oki
 tona mata, kia tiki ra ratou i nga
 matua o taua tangata i akapueraia
 19 te mata ra. E kua ui atura ratou
 kia raua, na ko atura, Ko ta korua ta-
 maiti teia, i tuatua ra e, i anau matapo
 mai aia? eaa oki aia i kite ei i teianei?
 20 Kua tuatua maira nga matua nona ra,
 na ko maira, Kua kite maua, na maua
 tikai teianei tamaiti, e matapo tikai aia
 21 mei te anau anga mai: Kareka ra te
 mea i kite ei aia i teianei, kare ua
 maua i kite; me naai i akapuera i
 tona mata, kare rai maua i kite: kua
 pakari oki aia; ka ui atu kiaia: nana
 22 uorai e tuatua niai. I akapera atura
 nga matua nona ra, no te mea te ma-
 taku ra raua i te ngati Iuda; kua aka-
 tau ana te ngati Iuda i ta ratou tuatua,
 i te tangata e na ko e, koia te Mesia,
 23 ka tuku iaia ki vao i te sunago ra. I
 karanga atu ei nga matua nona ra,

Kua pakari aia; ka ui atu kiaia. Kua 24
karanga akaou atura ratou ki taua tan-
gata matapo ra, na ko atura kiaia, Ka
kameitaki i te Atua: kua kite oki ma-
tou e, e tangata ara teianei tangata. Kua 25
tuatua maira aia, na ko maira, Kare
au i kite e, e tangata ara aina aia: okoi-
tai rava taku tuatua i kite, e matapo toku
i muatangana, e teianei, te kite nei au.
Kua karanga akaou atura ratou kiaia, 26
I aa mai aia ia koe? i akapea aia i te
akapuera anga i to mata? Kua tuatua 27
maira aia, Kua aaki atu na oki au ia
kotou; kare kotou i akarongo: eaa ra
oki kotou i anoano akaou ei i te aka-
rongo? ei pipi katoa ainei kotou nana?
Kua akakino atura ratou iaia, na ko 28
atura, Ko koe tana pipi; kareka matou,
e pipi matou na Mose. Kua kite ma- 29
tou e, kua tuatua mai te Atua ia Mose:
kareka teianei tangata, kare matou i
kite e noea aia. Kua tuatua maira 30
taua tangata ra kia ratou, na ko maira,
E mea tu ke oki tena, kare kotou i
kite e noea aia, e i na, kua akapuera
aia i toku nei mata. Kua kite oki 31
tatou e, kare te Atua e akarongo i te
tangata ara: ko te tangata ra e aka-
mori i te Atua, e ko te akono i tona
anoano, ko tana ia e akarongo. Kare 32
akerai i kitea te matapo anau nei i te
ora anga i te tangata, mei te akamata
anga mai o te enua nei. Naringa teia- 33
nei tangata kare to te Atua ra, kare
rava tana ravenga e tika. Kua karanga 34
atura ratou, na ko atura kiaia, I anau
rava mai koe ma te ara, e ka apii mai
koe ia matou? Kua tuku atura ratou
iaia ki vao.

E kite akerā Iesu e kua tukuia aia 35
e ratou ki vao; e aravei akera aia iaia,
karanga atura kiaia, Kua akarongo
koe i te Tamaiti a te Atua? Kua tuatua 36
maira aia, na ko maira, E te Atua, koai
aia, kia akarongo atu au iaia? Kua 37
ranga aturā Iesu kiaia, Kua akara oki
koe iaia, e koia oki teia e karangaranga
atu kia koe nei. Kua tuatua maira aia, 38
E te Atua, kua akarongo au: kua tipapa
ora ki raro i mua i tona aroaro. Kua 39
karanga aturā Iesu, I aere mai nei au
ki te ao nei kia *tupu* te tuatua-tau; kia
kite te aronga kite kore nei, e kia riro
te aronga kite ra, ei matapo. Te aka- 40
rongo maira tetai aronga Pharisea i
reira katoa i taua tuatua ra, e kua
tuatua maira kiaia, E matapo katoa
ainci matou nei? Kua karanga aturā 41
Iesu, Naringa kotou e matapo ra, kare
ia a kotou e ara: te tuatua maira ko-
tou e, Kua kite matou; te vai ra ia ta
kotou ara.

PENE X.

*Ko Iesu te tiaki e te ngutupa o te
mamoe: te aronga keia mamoe: te
anana okotai: te mavete anga ia
Iesu: te pei anga ki te toka: te tupu
anga o ta Ioane bapetizo tuatua.*

- 1 **A**MENE, amene, e karanga atu au
kia kotou, Ko te kore e na te
ngutupa te tomo ki roto i te koro o te
mamoe ra, ko te kake na runga i tetai
- 2 ara ke ra, e keia ia, e te noni. Na te
ngutupa rai te tiaki mamoe te tomo.
- 3 E kiriti mai ia te tiaki pa ra iaia; e
ka akarongo mai te mamoe i tona reo:
e karanga atu aia ki tana uarai ma-
moe ma te taiku atu te ingoa; e e
- 4 arataki aia ia ratou ki vao. E ara-
taki aia i tana uarai mamoe ki vao
ra, e na mua aia ia ratou te aere; e
ka aru mai te au mamoe iaia, kua kite
- 5 oki ratou i tona reo. Kare ratou e
aru i te tangata ke, ka oro ke ratou i
reira: kare oki ratou e kite i te reo o
- 6 te tangata ke. I karanga tika aturā
Iesu kia ratou i taua parabole nei:
kare ua ra ratou i kite i te tuatua tana
- 7 i karanga atu kia ratou ra. Kua ka-
ranga akaou aturā Iesu kia ratou,
Amene, amene, e karanga atu au kia
kotou, Ko au te ngutupa o te mamoe.
- 8 Ko to mua ravarai iaku ra, e keia ia,
e te noni: kare ra te mamoe i aka-
rongo ia ratou. Ko au te ngutupa;
- 9 ko te na ko nei mai iaku nei te tomo
ra, ka ora ia, ka aere ua ratou ki roto
- 10 e ki vao, ka rauka oki te kai. Ko te
keia anake ua ta te keia i aere mai ei,
ko te ta oki, e kia pou takiri: i aere
mai nei ra au kia rauka to ratou ora, e
- 11 kia maata ua atu te ora. Ko au te
tiaki mamoe meitaki ra: ka oronga te
tiaki mamoe meitaki i tona uarai ora
- 12 no te mamoe. Ko tei ouia ra, kare
aia i te tiaki mamoe ra, kare oki tona
uarai te mamoe, kia kite ra aia i te
luko i te aere anga mai, te akaruke ra
i te mamoe, oro ke atura: te motu-
motu ra tetai papaki i te luko, pueuri-
- 13 kiriki ke atura te anana. I oro ei tei
ouia ra, no te mea e tangata ouia aia,
- 14 kare aia i akono i te mamoe. Ko au
te tiaki mamoe meitaki ra: kua kite au
i taku uarai, e kua kitea au e ratou.
- 15 Mei te Metua i kite iaku nei ra, e ko
au i kite i te Metua: e e oronga oki
- 16 au i toku ora no te mamoe. E mamoe
ke atu rai taku, kare no teianei koro:
e arataki katoa mai au ia ratou e
tika, e akarongo mai oki ratou i
toku nei reo: kia okotai oki anana,

okotai oki tiaki. I akaperepere mai 17
ei taku Metua iaku, ko au i oronga
i toku ora, ka rave akaou atu ei.
Kare e riro e na tetai ke e rave; naku 18
naorai e oronga ua atu: Ka tika oki
iaku kia oronga, ka tika oki kia rave
akaou. Ko ta toku Metua ia i akaue
mai iaku nei. Kua mavete akaou 19
ora te ngati Iuda i taua tuatua ra.
Kua tuatua ora tetai pae o ratou, E 20
demoni tona, e kua neneva; eaa kotou
i akarongo atu ei iaia? Kua na ko 21
akera tetai papaki, Kare teia tuatua i
ta te tangata demoni: ka puera ainei
te mata o te matapo i te demoni?

I reira te oroa o te akaou anga i 22
Ierusalem, e paroro taua tuatua ra.
E te aere ua rā Iesu i roto i te iero 23
i te tomoanga o Solomona ra. Kua 24
akapini akera te ngati Iuda iaia, kua
tuatua maira kiaia, Mei te aa ra te roa
o to matou ckoko anga ia koe? Ko te
Mesia koe ra, ka akakite ua mai koe.
Kua karanga aturū Iesu kia ratou, 25
Kua akakite atu oki au kia kotou,
kare ra kotou i akarongo mai: ko te
angaanga tini taku e rave ma te ingoa
o taku Metua ra, ko te akakite mai ia
iaku. Kareka kotou, kare ia e aka- 26
rongo, no te mea kare kotou i taku
mamoe. Ka akarongo mai taku ma- 27
moe i toku reo, taku rai oki i kara-
nga atu na kia kotou, kua kite oki au ia
ratou, e ka aru mai oki ratou iaku: E 28
oronga atu au i te ora mutu kore no
ratou; kare rava ratou e mate, e kare
rava oki ratou i roto i toku nei rima e
riro ia etai ke, me āru mai. Ko taku 29
Metua i oronga mai ia ratou noku ra,
ko te maata ua atu ia; e kare e tika
ia etai kia āru atu ia ratou i roto i te
rima o toku Metua ra. Ko au e te 30
Metua ra, okotai ia. Kua rave akaou 31
ora te ngati Iuda i te toka e pei
iaia. Kua karanga aturū Iesu kia 32
ratou, Manganui oki taku angaanga
meitaki i akakite atu kia kotou na toku
Metua; no teea ra i taua angaanga
tini ra, i pei mai ei kotou iaku i te toka
na? Kua tuatua maira te ngati Iuda 33
kiaia, na ko maira, Kare to te angaa-
nga meitaki i pei atu ei matou ia koe
i te toka, no te akakino Atua; ko koe te
tangata na, i akatua ia koe uaorai. Kua 34
karanga aturū Iesu, Kare ainei i taitaia
i roto i ta kotou ture ra e, I tuatua
na au e, e atua kotou? I karanga aia 35
ki te aronga i tuatuaia atu te tuatua
a te Atua ra e, e atua ratou, e kare oki e
apu te tuatua i taitaia ra; I tapepe 36
mai oki kotou i te akakino Atua i ta
te Metua i akataka ei Aposetolo nana i

te ao nei, ko au i karanga ra e, ko te
37 Tamaiti au na te Atua? Kare au i rave
i te angaanga a taku Metua ra, auraka
38 e akarongo mai iaku. Te rave nei ra
au, e kare kotou i akarongo mai iaku
ra, ka akarongo i te au angaanga: kia
kite kotou, kia akarongo kotou e, tei
roto iaku te Metua, e tei roto oki au iaia.
39 Kua timata akaou atura ratou i te opu
iaia; ora atura ra aia i to ratou rima.
40 Aere akaou atura aia e topa maira
Ioridana, i te ngai ta Ioane i bapetizo i
41 muatangana, noo atura i reira. E man-
nganui tei aere mai kiaia ra, e kua
karanga ora e, Kare uā Ioane e
semeio i rave: kareka te au tuatua
katou ta Ioane i tuatua i teianei ta-
42 ngata, e tuatua-mou anake ia. E
manganui oki tei akarongo iaia i
reira.

PENE XI.

*To Iesu akatu anga ia Lazaro: te
tuatua a te au Pharisaea e ta ia Iesu:
te tuatua a Kaiapha.*

1 **T**E mate ra tetai tangata i te maki
ko Lazaro te ingoa, no Betania
no te oire o Maria e tona tuakana ko
2 Mareta ra. (Ko Maria i akatainu i
te Atu i te rakau kakara ra, e tei orei i
tona vaevae i tona ruuru, nona te
tungan e mate i te maki ra ko La-
3 zaro.) Kua tono atura nga tuaine i te
karece e akakite kiaia, na ko atura,
E te Atu, i na, te tangata akaperepere
4 naau ra, kua mate i te maki. E kite
akerū Iesu i taua tuatua ra, kua na ko
akera, Kare te reira maki e riro ei
maki mate, kia akakakāia ra te Atua,
e kia akakakāia te Tamaiti a te Atua i
5 te reira. E aroā Iesu ia Mareta, e
6 tona teina, e ia Lazaro oki. E kite
akera e kua mate aia i te maki, noo
7 ora aia i taua ngai ra e po rua. E
muri akera, kua karanga atura aia ki
te au pipi, Ka oki akaou taton ki
8 Iudea. Kua tuatua mai te au pipi
kiaia, E Rabi, i anoano akenei te ngati
Iuda ia koe e pei ki te toka, e te oki
9 akaou rai koe ki reira? Kua karanga
aturū Iesu, Kare ainei okotai ngauru
ma' rua te ora i te ao okotai nei?
Kia aere te tangata i te ao ra, kare e
turori, no te mea kua kite aia i te mā-
10 rama no teianei ao. Kareka kia aere
aia i te po ra, ka turori ia, no te mea
11 kare e marama. I akapera atura aia:
e oti akera, kua karanga atura aia kia
ratou, Kua moe to tatou oa ko La-
zaro; e te aere nei au e akaara iaia.
12 Kua tuatua maira tana au pipi, E te

Atu, te moe ra aia, ka ora ia. No te 13
mate te tuatua a Iesu i karanga atura ;
i manako ra ratou e no te akāvai moe
ua nei tana i tuatua maira. Kua aka- 14
kite pu aturā Iesu kia ratou, Kua mate
takiri a Lazaro. No kotou ra i reka- 15
reka'i au, i te mea kare au i reira, kia
akarongo oki kotou ; e taki aere tatou
kiaia ra. Kua tuatua akērā Toma, 16
koia oki a Didimo ra, ki tona au tacake
pipi ra. E taki aere tatou, kia mate
katou atu.

E tae aturā Iesu ra, kite akera aia 17
e, kua po a atura aia ki roto i te vaa-
ra. Te waitaia ua ra Betania ki Ie- 18
rusalema, ka tau i te ngauru ma rima
te setadia ra: Kua aere maira te 19
ngati Iuda e manganui kia Marena
raua ko Maria ra, e akapumaana ia
raua i to raua tungane ra. Kite 20
akērā Marena e te aere mai nei a
Iesu, aere atura aia e aravei akera
iaia; karekā Maria, noo ua ora ia ki
roto i te are. Kua karanga aturū 21
Marena kia Iesu, E te Atua, naringa koe
i ko nei, kare e mate toku tungane.
Kua kite ra au e, ko taau e pati i te 22
Atua ra, na te Atua ia e o mai naau i
teianei rai. Kua tuatua mairā Iesu 23
kiaia, Ka tu akaou mai ia to tungane.
Kua karanga aturā Marena kiaia, Kua 24
kite au e, ka tu akaou maira aia i te
tuakouanga i te rā opeanga ra. Kua 25
tuatua mairā Iesu kiaia, Tei iaku rai
te tuakouanga, e te ora ; ko te aka-
rongo mai iaku ra, mate ua atu rai,
ka ora ra ia: E te tangata ora katou 26
nei e akarongo mai iaku ra, kare rava
atu ia e mate. Kua akarongo ainei 27
koe i te reira? Kua karanga atura aia
kiaia, E te Atua, a ; kua akarongo au
e, ko koe te Mesia, te Tamaiti a te
Atua, ko te aere mai ki te ao nei. E 28
oti akera taua tuatua nana ra, oki
maira aia e karanga atura kia Maria ki
tona teina, koumuumu atura e, Tera
ake te Orometua, e te tuatua maira ia
koe. E kite akera aia, tu ua ake- 29
ra aia ki runga i reira ra, aere atura
kiaia ra. Kare akera i a Iesu i tae ki
roto i te vila, tei te ngai rai i aravei atu
ei a Marena iaia ra. E te ngati Iuda 31
i noo katou i roto i te are, i te akapu-
maana iaia, kite akera ratou ia Maria
i te tu vave anga ki runga, e te aere
anga ki vao, kua aru maira iaia, na ko
akera, Te aere atura aia ki te tanu-
manga e aue ei. E tae aturā Maria 32
ki taua ngai tei reirā Iesu ra, kite
atura iaia, piko ora ki raro i tona pae
vaevae, na ko atura, E te Atua, nari-
nga koe i ko nei kare e mate toku tu-

33 ngane. E kite akērā Iesu iaia i te
aue anga, e te ngati Iuda i aere katou
maira i te aue anga, ngunguru ora aia
34 i roto iaia, e taitaia atura. E kua na
ko atura, Teiea aia te vaio angaia e
kotou? Kua na ko maira ratou, E te
35 Atua, ka aere mai ka akara. Aue iorā
36 Iesu. Kua tuatua ora te ngati Iuda,
37 Ka akara na i tona aroa iaia! Kua
na ko akera ra tetai pae o ratou, Kare
ainei e tika iaia kia akakore mai i te
mate o teianei tangata, ko tei akara
38 oki aia i te tangata matapo ra? Kua
ngunguru akaou orā Iesu i roto iaia
ra, e tae atura ki te tanumanga ; e
ana, kua momaniia te ngutupa ki te
39 toka. Kua karanga aturā Iesu, Ka
uri ke atu i te toka na. Kua tuatua
mairā Marena, te tuaine o taua tan-
gata i mate ra, E te Atua, kua aunga
40 i tenana, ko te po a oki teia. Kua
karanga aturā Iesu kiaia, Kare au i
karanga kia koe e, Kia akarongo koo
ra, ka kite koe i te kakā o te Atua?
41 Kua uri ke atura ratou i te toka i taua
ngai i vaooia'i te tupapaku ra. Akara
atura te mata o Iesu ki runga, kua
karanga atura, E taku Metua, e aka-
meitaki au ia koe, ko koe i akarongo
42 mai iaku nei. Kareka au, kua kite
au e, ka akarongo ua mairai koe iaku ;
no teianei ra aranga tangata i akapiri
mai *kia*u nei i karanga atu ei au, kia
akarongo ratou e, naau au i tono mai.
43 E oti akera taua tuatua nana ra, kua
kapiki atura aia ma te reo maata, E
44 Lazaro, ka aere mai ki vao! Kua aere
maira taua tangata i mate ra ki vao,
kua tākaiia nga rima e nga vaevae ; i
vaia oki te mata i te kakau. Kua
karanga aturā Iesu kia ratou, Ka
tatarā, e toku atu iaia kia aere ana.
45 E te ngati Iuda i aere mai kia Maria
ra, ko tei kite i ta Iesu i rave ra, ma-
nganui ia tei akarongo iaia. Aere
46 atura tetai pae o ratou i te au Pharisea
ra, kua akakite atura kia ratou i ta
Iesu i rave ra.
47 Kua akaputupu maira te kau tau-
nga nunui ra e te au Pharisea i te Sune-
deri, na ko akera, Te aa ua nei tatou?
maata rava ta teianei tangata semeio e
48 rave nei. I vao ua atu rai tatou iaia
mei teianei rai, ka ope takiri te tangata
i te akarongo iaia ; e ka tae mai oki to
Roma e rave i to tatou nei ngai, e te
49 enua katou oki. Kua tuatua akera
tetai o ratou uarai, ko Kaiapha, ko te
taunga maata ia i te reira mataiti,
50 Kare anake kotou i kite, E kare kotou
i manako e, e mea meitaki ia tatou kia
mate atu te tangata okotai, *kia ora* te

tangata ravarai nei, auraka oki e mate te enua katoa. I akapera atura aia, 51 kare ra tana tikai taua tuatua ra: koia ra te taunga maata i te reira tuatau, kua akakite atea maira aia e, e mate a Iesu no te reira enua; Kare ra no te 52 reira enua anake ra, kia akaputputu ra aia ki te ngai okotai i te tamariki a te Atua i pueurikiriki aere ra. E mei 53 taua rā mairai ratou i te akatau anga i ta ratou tuatua e ta iaia.

Kare aturā Iesu i aere akakite ki o 54 te ngati Iuda; i aere atura ra aia i tetai ngai i vaiata i te medebara ra, i tetai oire ko Ephraïma te ingoa, noo atura i reira e tana au pipi katoa oki. Kua vaiata te pasa a te ngati Iuda ra; 55 e manganui to uta mai i aere atea ua na ki Ierusalemā, e tamā ia ratou i te pasa. Kua ui ora ratou ia Iesu, na ko 56 akera ratou ratou uorai i to ratou tu anga i roto i te iero ra, Eaa to kotou manako? kare aia aia e tae mai i teia-nei oroa? Kua tuku mai ana te kau 57 taunga nunui e te au Pharisea i te tuatua e, ko te tangata i kite iaia i te noo anga, ka aaki aia, kia opukia aia e ratou.

PENE XII.

To Maria akatainu anga i te vaevae o Iesu: to Lazaro rongonui: te aere-nga papanunui o Iesu ki Ierusalemā: to te Eleni inangaro kia kite iaia: te ua sitona kia mate e tika'i: te reo no te rangi mai: no te mate o te Mesia: te ngakau mārokiakia o te ngati Iuda: te Iesu e ta te Atua okotai rai ia.

E PO ono toe i te pasa ra, kua aere 1 mairā Iesu ki Betania, i te ngai i nooia e taua tangata i mate ra ko Lazaro, ko tana i akatu mei te mate maira. Kua rave ora ratou i 2 tetai kaingakai nana; ko Mareta tei raverave: ko Lazaro ra tetai i noo katoa ma ia i taua kaingakai ra. Kua 3 rave akerā Maria i te manongi narido, okotai paunu, e mea apinga maata, kua akatainu ora i te vaevae o Iesu, e orei atura i tona vaevae ki tona rauru: ki akera te are i te aunga o taua manongi ra. Kua na ko akera tetai pipi nana, 4 ko Iuda Isckariota a Simona, ko te pikikaa iaia ra, Eaa teianei manongi i kore ei o koia'i i te denari kia toru ake te anere, apai atu ei na te tangata riki-riki ra? I akapera atura aia, kare ra 5 to te mea, e aroa aia i te tangata riki-riki ra; no te mea ra, e keia aia, e nana i mou te pute, e nana rai i apui i 6

7 nga mea i tukuia ki roto ra. Kua karanga aturā Iesu, Vaio ua atu ia: kua vao marie oki aia i teia no te rā 8 tanu manga iaku ra. Ka noo ua rai oki te tangata rikiriki ki o kotou nei; ko au ra, kare au e noo tikai ki o kotou.

9 Kua aere maira te ngati Iuda e manganui i reira ra, kua kite ana e te reira aia; kare ra no Iesu anake ra i aere mai ei, kia kite katoa ra ia Lazaro, 10 i tana i akatu mei te mate maira. E tika rava akera ta te kau taunga nunui ra tuatua akatau e, ka ta katoa ratou ia 11 Lazaro; No te mea, nona i akaruke ei te ngati Iuda katoa e manganui ia ratou, e akarongo atura ia Iesu.

12 E ao akera, manganui te tangata o taua aronga i aere mai ki te oroa ra, kite akera e te aere mairā Iesu ki Ierusalemā, Kua rave akera i te rara tamara, aere atura kia aravei atu iaia, e kua kapiki atura, Osana! Kia ora na te Ariki no Iseraēl, ko tei aere mai ma te ingoa o te Atu! E kite akerā Iesu i tetai punua asini, noo ora i ru- 15 ngao, koia oki tei tataia ra e, "Auraka e matakū, e te tamaine a Siona; i na, te aere maira toou Ariki, te noo ra ki 16 runga i te punua asini." Kare te au pipi i kite i taua tuatua ra i muata- ngana; kia akakakāia rā Iesu ra, kua manako akera ratou e, kua akaperaia taua tuatua nona nei i te tata, e kua 17 akapera oki ratou iaia. Kua akakite katoa atura oki te au tangata i vaiata iaia ra e, nana i kapiki ia Lazaro i tae mai ei ki vao mei roto mai i te menema ra, e kua akatu mai iaia mei te 18 mate maira. No te rongo o taua semeio tana i rave ra, i aravei ua mai 19 ei te tangata iaia ra. Kua tuatua ora te au Pharisea ratou ratou uorai, Kare rai kotou i kite e, kare ua a kotou i rauka e va'i mea ngiti ake? i na, kua ope takiri to te ao katoa i te aru iaia.

20 E taua aronga i aere mai e akamori i te Atua i taua oroa ra, e Eleni ia tetai pae: Kua aere mai ratou kia Philipa, no Betesaida i Galilea ra, kua tuatua maira kiaia, E tama, te anoano nei ma- 22 tou kia kite matou ia Iesu. Kua aere aturā Philipa akakite atura kia Anederea: kua tuatua maira oki a Anederea 23 raua ma Philipa kia Iesu. Kua kara- nga aturā Iesu kia ratou, na ko atura, Kua tae ki te ora e akakakāia'i te Ta- 24 maiti a te tangata nei. Amene, amene, e karanga atu au kia kotou, Kia tukuia tetai au sitona ki raro i te one, kia kore e mate ra, kua vai tai ua ia; kia mate ra, kua maata atura ia te uua anga.

Ko te anoano ua ki tona ora, ka ngere 25
 ia i te ora: ko te kore e anoano i tona
 ora i teianei ao, ei ora mutu kore tona
 ra. Ko te tangata e anoano ei tavini 26
 aia noku ra, ka aru mai ia iaku; e te
 ngai taku e noo ra, ei reira katoa taku
 tavini; e kia akatavini tetai tangata ei
 tavini aia noku ra, na toku Metua e
 o mai tana tutaki. Kua taitaia rava 27
 toku vaerua i teianei; e ka akapea ra
 au? E taku Metua, ka akaora mai
 koe iaku i teianei ora; i aere mai ei ra
 au no teianei rai ora. E taku Metua, 28
 e akakakā i toou ingoa. Kua kitea
 maira tetai reo no runga i te rangi, i te
 na ko anga mai, Kua akakakā au, e ka
 akakakā akaou atu rai au. Kua kite 29
 oki te aronga tangata i reira i te aruru,
 manako akera, E mangungu: kua na
 ko akera tetai aronga, E angela tei
 tuatua maira kiaia. Kua karanga 30
 aturā Iesu, na ko atura, Kare noku
 i tae mai ei taua reo nei, no kotou ra.
 E teianei e akaapaia i teianei ao; ei 31
 teianei ka eke ei te ariki o teianei ao:
 Kareka kia apaia au ki runga ra, ka 32
 tōia mai e au te tangata katoa kiaku
 nei. I akapera atura aia i te akakite 33
 anga i te tu o tona matenga kia mate
 ra. Kua tuatua maira te au tangata 34
 ra, I kite akenei matou i te ture ra, ka
 tika te Mesia i te ora ua anga; eaa oki
 koe i karanga mai ei c, Ka apaia te
 Tamaiti a te tangata ki runga? Koai
 oki taua Tamaiti a te tangata ra?
 Kua karanga aturā Iesu kia ratou, 35
 Koi roao te mūrāma ki o kotou nei:
 ka aere koi vai ake to kotou mūrāma,
 ko te rokoia aea kotou e te pōiri; ko
 tei aere ua i te pōiri ra, kare ia e kite i
 tona aerenga. Ka akarongo kotou i te 36
 mūrāma, koi vai ake to kotou mūrāma,
 kia riro kotou ei tamariki no te mūrā-
 rama.

E oti akera taua tuatua ra, aere pōiri
 aturā Iesu, akaruke maira ia ratou.
 Rave ua atu rai aia i te semeio e ma- 37
 nganui ua atu i mua i to ratou aroaro,
 kare akerni ratou i akarongo iaia:
 Tupu atura te tuatua a Isaia peroveta 38
 ra, tana i karanga ra e, E te Atu, “koai
 tei akarongo i ta matou tuatua? e koai
 tei akakiteia i te rima o te Atu?” I 39
 kore ei i tika ia ratou kia akarongo, no
 te mea kua tuatua akaou anā Isaia,
 “Kua akapo aia i to ratou mata, kua 40
 tapakariia to ratou ngakau, ko te akara
 aea to ratou mata, ko te kite aea to ra-
 tou ngakau, ko te ariu mai aea, e ko te
 akaora atu ua ia ratou.” I pera mai a 41
 Isaia, i te kite anga aia i tona kaka, ka
 tuatua mai ei aia iaia ra. Kua aka- 42

rongo oki tetai papaki o te au akava
 ra iaia e manganui; no te mutaku ra i
 te au Pharisea ra i kore ei i mou aka-
 kite ua, ko te tukuia aea ki vao i te
 43 sunago: E mea meitaki na ratou te
 akameitaki a te tangata i te akamei-
 44 taki a te Atua ra. Kua akateitei aturā
 Iesu i tona reo, na ko atura, Ko te
 akarongo mai iaku ra, kare ia ko au
 tana e akarongo maira, iaia ra i tei
 45 tono mai iaku nei. Ko tei akara mai
 iaku ra, kua akara aia i tei tono mai
 46 iaku nei ra. I aere mai ei au i te ao
 nei ei turama, kia kore tei akarongo
 mai iaku ra kia noo ua i te pōiri.
 47 Kia kite ra te tangata i taku ra tuatua,
 e kare i akarongo ra, kare ia ko au te
 akaapa iaia: kare au i aere mai e
 akaapa mai i to te ao, e akaora ra
 48 i to te ao. Ko tei akavaavaa mai
 iaku ra, e kare i āriki mai i taku
 tuatua, te vai ra ia te akaapa iaia: na
 te tuatua taku i apii ra, e akaapa iaia
 49 kia tae ki te rā openga ra. Kare oki
 i taku uorai te tuatua taku i karanga
 atu na; na te Metua ra i tono mai
 iaku nei, i akaue mai iaku i te tuatua,
 50 kia tuatua au e kia apii au. Kua kite
 oki au e, ko te ora mutu kore ia tana i
 akaue ra; e teianei ko taku e tuatua
 nei, ko ta te Metua ia i akaue mai
 iaku, ko taku e tuatua nei.

PENE XIII.

*Te kaingakai openga: te orei anga vae-
 vae: te ka pikikaa iaia tei mū
 kore: te ture ou: ko Petero ka riro i
 te uuna i tona Atu.*

- 1 **O**U te oroa pasa ra, kua kite anā
 Iesu e kua tac ki tona ora, ka
 akaruke mai ei i teianei ao, ka aere atu
 ei ki te Metua ra, i aroa aia i tona
 tangata i te ao nei, aroa ua atura aia ia
 ratou e tac ua atura ki te openga ra.
- 2 E te kaikai ra ratou i taua kaingakai i
 te po ra, kua tuku mai anā Satani i
 te tuatua i te ngakau o Iuda Iseka-
- 3 riota a Simona ra, e pikikaa iaia; Kua
 kite anā Iesu e, kua tuku mai te Metua
 i te au mea katoa tei tona rima, e mei
 ko mai aia i te Atua ra, e te oki atu
- 4 rai oki aia ki te Atua ra: Kua tu akera
 aia ki runga i taua kaingakai ra, kopae
 atura i tona kakau; tatua ora iaia i
- 5 tetai kakau orei. Kua riringi ora aia i
 te vai ki roto i tetai kapu, kua orei atura
 i te vaevae o te au pipi ra, e tamarō
 atura oki ki te kakau i tatuia e ia ra.
- 6 E tac atura aia kia Simona Petero ra:
 kua tuatua maira aia kiaia, E te
 Atu, ka orei mairai koe i taku vaevae?

Kua karanga aturā Iesu, na ko atura 7
kiaia, Kare koe i kite i taku e rave nei
i tenana; ka kite ra koe a muri atu.
Kua tuatua mairā Petero kiaia, Au- 8
raka rava koe e orei i taku vaevae.
Kua karanga aturū Iesu kiaia, Kia
kore au e orei i koe ra, kare rava au
puapinga iaku nei. Kua tuatua mairā 9
Simona Petero kiaia, E te Atu, eiaa
mari taku vaevae anake ua, ko *toku*
rina katoa e *toku* upoko katoa oki.
Kua karanga aturū Iesu kiaia, Ko tei 10
pai ra, oti ra ua ia, mari ra ko tona
vaevae anake ra te orei, ko tona *tino* katoa
ra, kua mā ia: e kua mā oki kotou,
kare ra i ope. Kua kite oki aia i te 11
tangata e pikikaa iaia ra; i karanga atu
ei aia e, Kare kotou i ope i te mā.

E oti akera tona orei anga i to ratou 12
vaevae, e kua kakau ora aia i tona ka-
kau, noo akaou ora aia ki raro, kua ka-
ranga atura kia ratou, Te kite na kotou
i taku i rave nei ia kotou? Te karanga 13
nei oki kotou e, ko au te Orometua, e
te Atu: e tuatua tika oki ta kotou; koia
tikai oki au nei. E kua orei na oki au, 14
ko te Atu e te Orometua, i to kotou vae-
vae, kia orei katoa oki kotou i to kotou
uorai vaevae e tika'i. Kua tuku atu na 15
oki au i te akaranga na kotou, ko taku
i raveo ia kotou nei, kia akapera katoa
kotou. Amene, amene, e karanga atu 16
au kia kotou, Kare te tavini i maata
atu i tona pu, e te karere, kare ia i
maata atu i tei tono mai iaia ra. E ao 17
to kotou, te aronga i kite i teianei au
tuatua, kia akono kotou i taua *tuatua*
ra. Kare to kotou katoa taku e tua- 18
tua nei: kua kite au i taku i iki:
kia tupu ra te tuatua i taitaia ra e,
“Ko tei kai i taku ra kaingakai, kua
akateitei aia i tona poo vaevae iaku
nei.” I akakite atea atu na au kia ko- 19
tou i teianei *tuatua*, kia akarongo ko-
tou kia tupu ra e, ko au ia. Amene, 20
amene, e karanga atu au kia kotou,
Ko te kite mai i taku e tono ra, kua
kite mai aia iaku ra; e te kite mai
iaku ra, kua kite ia iaia i tei tono mai
iaku nei.

Tei te tuatua angā Iesu i teianei au 21
tuatua, taitaia atura tona ngakau, kua
akakite atura, na ko atura, Amene,
amene, e karanga atu au kia kotou,
Ka pikikaa tetai o kotou iaku nei.
Kua akara akera te au pipi ratou 22
ratou uorai, ma te ekoko ua i tana
i tuatua ra. Te irinaki ua ra te pipi 23
akaperepere a Iesu ki runga i to
Iesu umauma. Kua tungou mairā Si- 24
mona Petero kiaia, kia ui atu aia i
tana i karanga ra. Kua karanga atura 25

tei irinaki ki runga i te umauma o Iesu
26 ra kiaia, E te Atu, koai? Kua tuatua
mairā Iesu, Ko taku e apai atu i teia-
nei manga kai kia tutouia e au ra, koia
ia. E kia tutouia e ia taua manga
kai ra, kua apai atura na Iuda Isekari-
27 ota a Simona ra. E pou akera taua
manga kai ra, kua tomo mairā Satani
ki roto iaia. Kua karanga aturā Iesu
kiaia, Tanu e rave, kia vave te rave
28 anga. Kare rava ra tetai i taua kai-
ngakai ra i kite i te mea i karanga atu
29 ei aia kiaia ra i taua tuatua ra. Te
manako ra tetai papaki, no te mea tei
ia Iuda te pute, i karanga atu ei a
Iesu kiaia e, Ka oko i tei tau no taua
oroa ra; e ka apai atu ainei i te apinga
30 na te tangata rikiriki. E tei te pou
anga taua manga kai ra, aere atura aia
ki vao i reira ra; kua po oki.
31 E kia riro atu aia ra, kua karanga
aturā Iesu, Kua akakakāia te Tamaiti
a te tangata i teianei, e kua akakakāia
32 te Atua iaia. Kua akakakāia te Atua
iaia ra, e akakakāia mai aia e te Atua
iaia uorai, i teianei rai te akakakā
33 anga mai iaia. E *aku* au tamariki e,
e poto ua toku noo ki o kotou nei. E
kimi kotou iaku: e taku i karanga atu
ki te ngati Iuda ra e, Te ngai taku e
aere nei, kare kotou e tae ake ki reira;
ko taku ia tuatua kia kotou i teianei.
34 E tuku atu au i te akauenga ou kia
kotou, E aroa kotou ia kotou uorai:
mei iaku i aroa ia kotou na, e aroa ka-
35 toa oki kotou ia kotou uorai. Ko te
mea teia e kite ei te tangata katoa e
e pipi kotou naku, kia aroa kotou ia ko-
36 tou uorai. Kua tuatua mairā Simona
Petero kiaia, E te Atu, ka aere koe
kica? Kua karanga aturā Iesu kiaia,
I te ngai taku e aere nei, kare e tika ia
koe kia aru mai iaku i teianei; ka aru
37 maira koe iaku a muri atu. Kua tua-
tua mairā Petero kiaia, E te Atu, eaa
e kore ei e tika iaku kia aru atu ia koe
i teianei? e oronga oki au i toku ora
38 noou. Kua karanga aturā Iesu kiaia,
Ka oronga koe i toou ora noku e?
Amene, amene, e karanga atu au kia
koe, Kare e kakaoa te moa, ka tu toru
atura ouu uuna anga iaku.

PENE XIV.

*Te au nooanga i te rangi: te ara e
tue ei ki te Metua: Iesu e te Metua:
te Akupumaana: to Iesu ma te Me-
tua noo anga ki o te aronga akaro-
ngo: ta Iesu au.*

1 **A**URAKA e taitaia to kotou ngakau:
ka akarongo i te Atua, ka akaro-

ngo katoa mai iaku. Manganui te noo-
 anga tikai i te are o taku Metua ra: na-
 ringa kare ra, kua karanga atu au kia
 kotou. Te aere nei au e akamanea i tetai
 ngai no kotou. E kua oti anake i te aka-
 maneaia e au ra, ka oki mai au, e arataki
 ia kotou ki oku ra; ei reira katoa ko-
 tou, i te ngai e noioa e au ra. Kua kite
 kotou i te ngai taku e aere nei, kua kite
 oki kotou i te mataara. Kua tuatua
 mairā Toma kiaia, E te Atu, kare matou
 i kite i tenana ngai taau e aere na; eaa
 oki matou e kite ei i te mataara? Kua
 karanga aturā Iesu kiaia, Ko au te
 mataara, e te tuatua-mou, e te ora;
 kare ua e tangata e tae ki te Metua ra,
 mari ra ei iaku. Angairi kotou i kite
 iaku ra, kua kite katoa kotou i taku
 Metua: e teianei kua kite kotou iaia,
 e kua akara oki kotou iaia. Kua tua-
 tua mairā Philipa kiaia, E te Atu, ka
 akakite mai ia matou i te Metua, ei
 reira matou e reka'i. Kua karanga
 aturā Iesu kiaia, Ko toku nei oki noo
 anga roa ki o kotou nei e, e kare akera'i
 koe i kite iaku, e Philipa? ko te akara
 mai iaku nei, kua akara ia i te Me-
 tua; eaa oki koe i tuatua mai ei e, Ka
 akakite mai ia matou i te Metua?
 Kare koe i akarongo e tei roto au i te
 Metua, e tei roto te Metua iaku? te
 tuatua taku e karanga atu kia kotou
 nei, kare ia i taku uorai: e te anga-
 nga tini nei, na te Metua i noo ki roto
 iaku nei i rave. Ka akarongo mai e
 tei roto au i te Metua, e tei roto te
 Metua iaku nei: kare ia, ka akarongo
 mai iaku i te au angaanga nei. Amene,
 amene, e karanga atu au kia kotou, Ko
 te akarongo mai iaku ra, ka rave katoa
 aia i teianei au angaanga taku e rave
 nei: e maata ua atu rai tana e rave i
 teia; no te mea te aere nei au ki taku
 Metua ra. Ko ta kotou e pati ma toku
 ingoa, naku ia e rave, kia akakakāia te
 Metua i te Tamaiti. Ko ta kotou e
 pati ma toku ingoa, ka tika ia iaku.
 Kua anoano kotou iaku ra, ka akono i
 taku ra au akauenga. Naku oki e pati
 atu i te Metua ra, e nana e oronga mai
 i tetai Akapumaana ia kotou, kia noo
 tikai ki o kotou nei e tuatau ua atu;
 Ko te Vaerua tuatua-mou ra, ko te
 kore e ārikiia mai e to te ao nei, no te
 mea kare i akara iaia, kare oki i kite
 iaia: ka kite ra kotou iaia, e noo tikai
 oki aia ki o kotou nei, e ei roto oki ia
 kotou. Kare au e vaio metua kore ua
 ia kotou. Ka oki mairai au ia kotou
 nei. E kia roaroa ake, kare ua to te
 ao e kite akaou mai iaku; ka akara
 maira kotou iaku: no te mea, e ora au,

20 ka ora katoa oki kotou. Kia tae ki te
 reira rā e kite ei kotou e, tei roto au i
 taku Metua, e tei roto oki kotou iaku
 21 ra, e tei roto oki au ia kotou. Tei iaia
 taku au akauenga, e kua akono aia i te
 reira ra, koia tei anoano mai iaku; e
 tei anoano mai iaku ra, ka akapere-
 pereia mai aia e taku Metua ra; e ka
 akaperepere oki au iaia, e ka akakite
 22 oki au kiaia iaku uorai. Kua tuatua
 mairā Iuda kiaia, (kare a Iuda Isckari-
 ota,) E te Atu, eaa koe e akakite mai
 ei ia matou ia koe ra, e kare i to te ao?
 23 Kua karanga aturā Iesu kiaia, na ko
 atura, Kia anoano mai te tangata iaku
 ra, ka akono ia i taku tuatua: e ka
 akaperepere mai oki taku Metua iaia,
 e aere atu oki maua kiaia ra, ka noo
 24 tikai ki ona ra. Ko tei kore i anoano
 mai iaku ra, kare ia i akono i taku
 tuatua: kare ra i taku teianei tuatua
 ta kotou i akarongo nei, na te Metua
 ra i tono mai iaku nei.
 25 I akakite au kia kotou i teianei au
 tuatua, i toku noo anga ki o kotou nei.
 26 Na te Akapumaana ra, na te Vaerua
 Tapu, ko ta te Metua e tono mai ma
 toku ingoa, nana e apii mai ia kotou
 i te au mea katoa, ka akakite akaou
 mai oki kia kotou i te au tuatua katoa,
 27 taku i karanga atu kia kotou na. E
 au taku e vaio ia kotou nei, ko taku
 nei au taku e o atu no kotou: kare
 mei ta to te ao oronga, taku oronga ia
 kotou. Eiaa e taitaia to kotou ngakau,
 28 auraka oki e matakau. Kua kite kotou
 i taku i karanga atura e, Te aere ke
 nei au, e ka oki akaou mai au kia ko-
 tout nei. Angairi kotou i anoano mai
 iaku, kua rekareka kotou, ko au i ka-
 rangā e ka aere ki te Metua ra: e maa-
 29 ta oki toku Metua iaku. Kua akakite
 atea ua atu na au kia kotou i teianei i
 taua tuatua nei, kia akarongo kotou
 30 kia tupu ra. Teia au ka kore e karanga-
 rangā maata atu kia kotou: i teianei,
 te aere mai nei te ariki o teianei au,
 31 kare ra ana i roto iaku nei. Kia kite ra
 to te ao e, te anoano nei au i te Metua;
 e te akomb nei au i ta te Metua i akaue
 mai iaku ra. Ka tu, ka aere ke tatou.

PENE XV.

*Te vine e te au rara ra: to Iesu aroa
 maata: tona au taunga; e riria
 ratou e to te ao nei: te Akapumaana.*

1 KO au te vine mou, e ko taku
 2 Metua te tanu-kai. E te au rara
 ua kore katoa i roto iaku nei, nana ia
 e tipu ke atu; e te au rara ua katoa,
 nana ia e tope, kia maata ua atu te ua.

Kua mā ra kotou i tenana, i te tuatua 3
taku i apii atu ia kotou. Ka topiri 4
mai kiaku, e naku e *topiri atu* kia kotou. Mei te rara kare e ua koia anake
ra, kia kore e piri ki te vine ra; kare
katoa kotou, kia kore e piri mai kiaku
ra. Ko au te vine, kotou te au rara: 5
ko te topiri kiaku ra, e ko te *topiri atu*
au kiaia ra, koia te ua maata: i taka
ke kotou iaku ra, kare rava e mea e
tika ia kotou. Ko te tangata kare e 6
topiri mai iaku ra, e akarukeya mei te
rara ra, marō atura ia; ko te akaputuia
ra, tiria atura ia ki roto i te ai, pou
atura ia i te ka. I topiri mai kotou 7
kiaku ra, e kia noo marie taku tuatua
ki roto ia kotou na, e pati ua kotou i
ta kotou e anoano ra, e e orongaia mai
ia kia kotou. Ko te mea ia e akaka-
kāia'i taku Metua, kia maata to kotou
ua anga; e riro kotou ei pipi naku i
reira. Mei taku Metua i akaperepere
mai iaku nei, kua akaperepere katoa
atu oki au ia kotou: kia noo kotou
ma te akaperepereia atu e au. I 10
akono kotou i taku au akauenga, e vai
akaperepereia atu kotou e au; mei
iaku i akono i te au akauenga a taku
Metua ra, e e vai akaperepereia mai
au e ia. I karanga atu au kia kotou i 11
teianei au tuatua, kia vai rai toku
mareka ia kotou, e kia ki tikai oki ko-
tou na i te rekareka. Teia taku 12
akauenga, kia aroa kotou ia kotou
orai, mei iaku i aroa ia kotou. Kia 13
oronga te tangata i tona uorai ora no
tona au taunga, kare rava e tangata
aroa maata atu i te reira. Ko kotou 14
toku taunga, kia akono kotou i te au
tuatua katoa taku i akaue atu ia kotou
na. Kare atura au e karanga kia ko- 15
tou e, e tavini; kare oki te tavini i kite
i ta tona pu e rave ra: kua karanga ra
au kia kotou e, e taunga; kua akakite
oki au kia kotou i te au tuatua ravarai
taku i kite i taku Metua ra. Kare oki 16
kotou tei iki mai iaku; ko au ra tei
iki ia kotou, e kua akono ia kotou, kia
aere kotou e kia uua te ua, ei ua kai
roa: kia oronga mai te Metua kia ko-
tou i ta kotou e pati atu ma toku nei
ingoa. Teia taku akane kia kotou, kia 17
aroa kotou ia kotou uorai.

Kia riri mai to te ao ia kotou ra, kua 18
kite kotou e, ko au ta ratou i mainaina
mai ana, ou *to ratou riri* ia kotou.
Naringa kotou no teianei ao, e ina- 19
ngaro mai to teianei ao i tona tikai:
no te mea ra, kare kotou i to teianei ao,
ko au i iki ia kotou no roto i teianei
ao, i riri mai ei teianei ao ia kotou.
Ka akamanako i taku i karanga atu 20

kia kotou na, Kare te tavini i maata
i tona pu. I takinga-kino ana ratou
iaku ra, e takinga-kino katoa ia ratou
ia kotou; i akono ana ratou i taku
tuatua, e akono katoa ia ratou i ta ko-
21 tou. No toku nei ingoa ra e pera mai
ei ratou kia kotou, no te mea kare
ratou i kite iaia i tei tono mai iaku nei.
22 Naringa au kare i aere mai e karanga
atu ia ratou, kare ia a ratou ara: i teia-
nei kare o ratou kotoeanga i ta ratou
23 ara. Ko te riri mai iaku ra, kua riri
24 katoa ia i taku Metua ra. Naringa au
kare i rave i rotupu ia ratou, i te
angaanga rave koreia e te tangata ka-
toa, kare ia a ratou ara: i teianei ra,
kua kite ia ratou, e kua riri mairai
25 iaku e taku Metua katoa oki. Tika
atura te tuatua i tatauia ki roto i ta
ratou ture ra e, "I riri ua mai ratou
26 iaku kare e ara." Kia tae maira te
Akapumaana, no ko mai i te Metua ra,
naku e tono mai, ko te Vauerua tuatua-
mou, no ko aia i te Metua ra, nana au
27 e akakite: E e akakite katoa oki ko-
tou, no te mea tei toku ra pae kotou
mei mutangana maira.

PENE XVI.

*Te takinga-kino i akakite mamaoia: te
angaanga a te Akapumaana: te aue i
te riro anga ei rekareka: kia pure
ma te ingoa o Iesu e tika'i: te pueu-
rihiriki anga o te au pipi i akakiteia.*

1 **I** AKAKITE atu ei au kia kotou i
teianei au tuatua, kia kore kotou e
2 maiti. E tuku ratou ia kotou ki vao
i to ratou au sunago ra: e kua vaitata
oki te ora, e manako ei te tangata e ta
ia kotou na e, kua akamori i te Atua.
3 E pera mai ratou ia kotou, no te mea
kare ratou i kite i te Metua, e iaku
4 oki. Te akakite atu nei au kia kotou
i teia au tuatua, kia tae ki taua ora ra,
kia manako kotou e, kua akakite atu
au kia kotou i *taua tuatua* ra. Kare
oki au i akakite atu kia kotou i taua au
mea ra i muatangana, no te mea tei
5 vaitata ra au ia kotou. E teianei te
aere tika nei au kiaia i tei tono mai
iaku nei ra; e kare akera'i tetai o kotou
6 i ui mai e, Ka aere koe kieu? No te
mea i akakite ateaia atu e au kia ko-
tou teianei au tuatua, te ki ra to
7 kotou ngakau i te aue. E tuatua-mou
ra taku e karanga atu kia kotou nei,
E mitaki ei kotou ko au e aere ke nei:
angairi au kare e aere ke, kare e riro
mai te Akapumaana kia kotou nei: kia
aere ke ra au, naku ia e tono mai iaia
8 kia kotou nei. Kia riro maira aia,

nana ia e akakite mai ki to te ao i te ara, e te tuatua-tika, e te akaapa: Ko te ara ra, ko ratou kare i akarongo mai iaku ra; Ko te tuatua-tika ra, ko au e aere ki taku Metua ra, kare atura kotou e kite mai iaku; Ko te akaapa ra, ko te ariki o teianei ao i akaapaia ra. E manganui ra taku tuatua e akakite atu kia kotou, kare ra e tika ia kotou i teianei. Kia riro maira aia, ko te Vaeua tuatua-mou ra, nana ia e aratiki ia kotou ki te tuatua-mou ka-toatoa: kare oki tana tuatua e riro nana uorai; ko tana ra e akarongo ra, ko tana ia e tuatua mai: e nana oki e akakite mai kia kotou i te au mea e tupu a muri akera. E akakakā aia iaku: e rave oki aia i taku ra, ka akakite atu ei kia kotou. Ko te au mea katoa o te Metua ra, naku ia; i karanga atu ei au e, e rave aia i taku ra, ka akakite atu ei kia kotou. Kia 16 roaroa iti ake, kare atura kotou e akara mai iaku; e roaroa iti akera oki, kua akara mai kotou iaku: no te mea te aere tika nei au ki te Metua ra. Kua karangaranga ora e tokotai puke pipi ia ratou uorai e, Eae teia tana i tuatua mai kia tatou nei e, Kia roaroa iti ake, kare atura kotou e kite iaku: e roaroa iti akera oki, kua akara mai kotou iaku: e no te mea te aere tika nei au ki te Metua ra? I tuatua'i oki ratou e, Eae ra taua roaroa iti akera tana i tuatua nei? Kare tatou i kite i tana tuatua. Te kite aturā Iesu e, te inangaro ra ratou e ui mai kiaia, kua karanga atura aia kia ratou, Te ui na na kotou uorai i te tuatua taku i karanga atu na e, Kia roaroa iti ake, kare atura kotou e akara mai iaku: e e roaroa iti akera oki, kua akara mai kotou iaku? Amene, amene, e kara- 20 nga atu au kia kotou, E aue kotou, e e mii oki, ko to te ao ra, e kata ia: e mii kotou, kareka ra to kotou mii, ka akariroia ia ei rekareka. E aue te vaine 21 kia rokoia e te anau ra, no te mea kua tae ki tona ora: kia anau ra te tamaiti, kare atura aia i manako i te mamae i te rekareka, i te mea e tangata tei anau mai ki te ao nei. Koia oki kotou 22 ka aue i teianei: e kite akaou maira au ia kotou, e e mareka to kotou ngakau, e kare rava to kotou rekareka e riro ia etai ke. E kia tae ki taua rā 23 ra, kare kotou e ui mai kiaku. Amene, amene, e karanga atu au kia kotou, Ta kotou e pati atu i te Metua ma toku ingoa, nana ia e o mai kia kotou na. Kare rai a kotou apinga i pati ma 24 toku nei ingoa: ka pati, e rauka ia ia

kotou, kia ki tikai oki kotou i te reka-reka.

- 25 I apii paraboleia atu kotou e au i teianei au tuatua: te vaiata mai nei ra te ora, e kore ei au e apii parabole akaou atu ei kia kotou, e akakite ua atura kia kotou i te tuatua a te Metua 26 ra. Ei reira kotou e pati ake ei ma toku nei ingoa: e kare oki au e tuatua kia kotou e, naku e pure atu ki te Metua ia kotou. Te anoano maira oki te Metua ia kotou, ko kotou i anoano mai iaku nei, e kua akarongo e, mei ko 28 mai au i te Atua ra. I aere mai nei au ki te ao nei, mei mua mai i te aroaro o te Metua ra: te akaruke nei au i teianei ao, e te oki nei au ki te Metua ra. Kua tuatua maira tana au pipi kiaia, I na, kua tuatua pu ua mai koe i tenana, kare e tuatua parabole. 30 Kua kite atura matou i teianei e, kua ope rava te au mea katoa i te kitea ia koe, auraka atu rai tetai tangata e ui atu ia koe: ko te mea teia i akarongo ei matou e mei ko mai koe i te Atua 31 ra. Kua karanga aturā Iesu kia ratou, 32 Kua akarongo ainei kotou i tenana? I na, te vaiata mai nei te ora, e teianei rai oki, e pueurikiriki ke atu ei kotou, ko te tangata ko tona kainga, akaruke maira iaku ko au anake ua: kare ra ko au anake ua, te vaiata katoa ra oki 33 te Metua iaku. I akakite atura au kia kotou i teianei au tuatua, kia rauka to kotou au iaku nei. E mate to kotou i teianei ao: ka akamaroiroi ra, kua riro te re o teianei ao iaku.

PENE XVII.

Te pure a Iesu nona uorai, e no te au aposetolo, e no tona au tangata ka-toatoa.

- 1 **E** KIA akaoti akerā Iesu i teianei tuatua anga, kua nānā akera ona mata ki runga i te rangi, na ko atura, E taku Metua, kua tae ki te ora; ka akakakā i taua Tamaiti, kia akakakā 2 katoa oki taua Tamaiti ia koe. Kua oronga mai oki koe i te mana nona ki te tangata katoa nei, kia oronga atu aia i te ora mutu kore i te aronga ka- 3 toa taua i oronga mai nona ra. Teia oki te ora mutu kore, kia kite ratou ia koe i te Atua mou ra, e ia Iesu i te 4 Mesia, i taua i tono maira. Kua akakakā au ia koe i te ao nei: kua oti iaku te angaanga taua i o mai naku e rave 5 ra. E teianei, e taku Metua, ka akakakā mai koe iaku i mua i toou aroaro na, i te kakā noku ia koe ou ua teia- 6 nei ao. Kua akakite atu au i toon

ingoa i te au tangata o teianei ao taau i
o mai noku ra : noou ana oki ratou, e
naau oki ratou i o mai noku ; e kua
akono ratou i taau tuatua. Ko te au
mea katoa taau i o mai kiaku, kua kite
ia ratou i teianei e, no ko mai ana ia
koe na. E naau i tuku mai iaku te
tuatua tuku i tuku ake kia ratou nei ;
e kua uriki ratou i taau tuatua ra, e
kua kite tikai oki e, mei ko mai au ia
koe ra ; e kua akarongo oki ratou e,
naau au i tono mai. Ko ratou tuku e
pure nei : kare au e pure i to teianei
ao, ko te aronga ra taau i o mai noku
ra, noou oki ratou. E toku katoa ra, 10
noou ia, e toou ra, noku ia ; e kua aka-
kakāia oki au ia ratou. Kua kore au
e noo i te ao nei, ka noo tikai ra ratou
i te ao nei, e te aere atu nei au kia koe
na. E taku Metua tapu ra e, ka tiaki
koe ia ratou i taau i o mai noku i toou
ingoa, kia okotai ake ratou, mei ia taau
katoa nei rai. I toku noo anga i te ao
nei ma ratou katoa ra, naku ia ratou
i tiaki i toou ingoa na : i taau i o mai
noku ra, kua tiakiia ia e au, e kare
rava tetai i ngaro, mari ra ko te tamaiti
o te mate ra ; kia tupu te tuatua i ta-
taia ra. I teianei ra, te aere atu nei 13
au kia koe ra, e te tuatua nei au i teia-
nei tuatua i te ao nei, kia tika rava to
ratou rekareka anga iaku. Kua tuku 14
atu au i taau tuatua kia ratou ; e te
riri nei to te ao nei ia ratou, no te mea
kare ratou no teianei ao, mei iaku nei
rai oki kare i to teianei ao. Kare au i 15
pure ia koe e, ka apai ke atu koe ia ra-
tou i teianei ao, kia tiaki maira koe ia
ratou, auraka ei kino. Kare ratou i to
teianei ao, mei iaku nei rai oki, kare
i to teianei ao. Ka akatapu koe ia ra- 17
tou i te tuatua-mou naau ; ko te tuatua
au na te tuatua-mou. Mei ia koe i 18
tono iaku i teianei ao, kua tono katoa
oki au ia ratou i teianei ao. E kua 19
akatapu au iaku uaoari no ratou, e kia
akatapu katoaia ratou e te tuatua-mou.

Kare oki au i pure ia ratou anake 20
ua, i te aronga katoa ra te ka akaro-
ngo mai iaku i ta ratou apii anga ;
kia riro ratou katoa ei okotai ; mei ia 21
koe, e taku Metua, i roto iaku nei, e
mei iaku oki i roto ia koe na, kia oko-
tai katoa ratou ki roto ia taau : kia
akarongo to te ao nei e naau au i tono
mai. E kua oronga au i te kakā no 22
ratou i taau i o mai noku ra ; kua riro
ratou ei okotai, mai ia taau, okotai
nei : Ei roto au ia ratou, e ei roto koe 23
iaku, kia tika to ratou kapiti anga ; e
kia kite to te ao nei e naau au i tono
mai nei, e kua akaperepere mai koe ia

ratou, mei ia koe e akaperepere mai
iaku nei ra. E taku Metua e, kua
anoano au i te aronga taau i o mai
noku ra, ei waitata katoao oki iaku, i
te ngai taku e noo ra, kia akara mai
ratou i toku kakā, i taau i o mai noku
ra : kua akaperepere mai ana oki koe
iaku ou te enua i angaiā. E taku
Metua tuatua-tika e, kare rai oki to te
ao i kite ia koe, kua kite ra au ia koe,
e kua kite oki ratou e naau au i tono
mai. E kua akakite atu oki au kia
ratou, e e akakite atu rai au, i toou
ingoa : e ei roto ia ratou te akapere-
pere taau i akaperepere mai iaku ra, e
ei roto au ia ratou.

PENE XVIII.

*To Iuda pikikaa anga ia Iesu : te ma-
taku o te au vacau, e te motu anga i
te taringa o Malako : to Iesu opu
angaiā, e te taki angaiā ki te tau-
nga mui : te inga anga o Petero : te
tuatua a Pilato : ko Baraba.*

1 E OTI akera teianei tuatua i te tua-
tuaia e Iesu ra, aere atura aia e
tana au pipi katoa na runga i te kau-
vai ra i Kiderona, e koro tei reira,
tomo atura aia ki roto, e Iuda au pipi
2 katoa. Kua kite katoa Iuda, i piki-
kaa iaia ra, i taau ngai ra : kua mātau
uā Iesu i te aere i reira e tana au pipi
3 katoa. E tikiia atura e Iuda te pupu
vacau, e te ui taoonga, i te kau taunga
nunui ra e te au Pharisea ra, kua aere
maira ma te mori, e te rama, e te
4 taoonga-tamaki katoa ki reira. Karekū
Iesu, kua kite ia i te au mea katoatoa
e rokoia mai ei aia ra, aere atura, e
karanga atura kia ratou, Koai ta ko-
5 tou e kimi na? Kua tuatua maira
ratou kiaia, Ko Iesu i Nazareta ra.
Karanga aturā Iesu, Ko au nei ia.
Tei ia ratou katoa rā Iuda i pikikaa
6 iaia ra. E tei te tuatua anga aia ia
ratou ra e, Ko au nei ia, kotoe atura
ratou ki muri, inga tiraa ua atura ki
7 raro i te one. Kua ui akaou atura aia
kia ratou, Koai ta kotou e kimi na?
Kua tuatua maira ratou, Ko Iesu i
8 Nazareta ra. Kua karanga aturā
Iesu, Kua akakite atu au kia kotou e,
ko au nei ia : te kimi nei kotou
iaku ra, ka tuku atu ia ratou nei kia
9 aere ana : Kia tika te tuatua tana i
tuatua ra e, Ko taau i o mai noku ra,
kare rava tetai no ratou i ngaro iaku
10 ra. E koke ta Simona Petero, e kua
kiriti akera, ta atura i te tavini o te
taunga manta, e motu takiri atura tona
taringa katau. Ko Malako te ingoa
* I

o taua tavini ra. Kua karanga aturā 11 Iesu kia Petero, Ka momono anai i taua koke ki roto i te vai : auraka au e inu i te kapu ta taku Metua i o mai naku ra ?

Kua opu maira te pupu vaeau ra, e 12 te kapena, e te ui rangatira o te ngati Iuda, ia Iesu, kua tūkai ora iaia. E kua 13 arataki atu ana ratou iaia kia Ana ra ; no te mea e metua ongoai aia no Kaiapha, ko te taunga maata ia i te reira mataiti. Ko Kaiapha tei ako atu i te 14 ngati Iuda ra e, Kia mate atu tetai tangata e tika'i, eiaa te tangata *katoa-toa*. Kua aru aturā Simona Petero, 15 e tetai pipi katoa, ia Iesu : kua kite oki te taunga maata i taua pipi ra, e kua tomo atura ki roto i te koro o te taunga maata ra ma Iesu katoa oki. Karekā Petero, tu ua maira 16 ia ki vao i te ngutupa ra. Kua aere atura taua pipi, i kiteia e te taunga maata ra, ki vao, karanga atura ki te tamaine tiaki ngutupa ra, e kua tuku maira ia Petero ki roto. Kua tuatua 17 maira taua tamaine tiaki ngutupa ra kia Petero, Kare aina koe tetai pipi a teiane tangata ? Kua karanga atura aia, Kare au. Te tu ua ra te au tavini, 18 e te aronga taoonga, i te pae ai ta ratou i ta'u ra, no te anu ; e te murumuru ra ratou : e te tu katoa rā Petero i roto ia ratou i te murumuru anga iaia uorai. Kua ui maira te 19 taunga maata ra ia Iesu i tana au pipi, e i tana tuatua i api ra. Kua 20 karanga aturā Iesu kiaia, I tuatua akakite ua au ki to te ao nei ; i roto ua rai au i te au sunago ra, e i roto i te iero ra, i te api anga, i te ngai e akaputu ei te ngati Iuda ; kare rava au i tuatua ki te ngai ngaro. Eaa koe 21 i ui mai ei kiaku ? ka ui atu i te aronga i akarongo mai i taku i karanga atu kia ratou ra : i na, kua kite ratou i taku i tuatua ra. E kia akapera 22 atura aia ra, kua moto maira tetai o te aronga taoonga, i tu ua i vaitatara ra, ia Iesu, kua na ko maira, E akapera koe i te tuatua ki te taunga maata ? Kua 23 karanga aturā Iesu kiaia, Te apa ra taku i tuatua akenei, ka akakite mai ana i te apa : e tuatua-tika ra, eaa ua koe i moto mai ei iaku ? E tukua 24 tākaiia atura aia e Ana ia Kaiapha i te taunga maata ra. Te tu ua rā Simona 25 Petero i te murumuru anga iaia orai ra. Kua ui maira ratou kiaia, Ko koe katoa ainei tetai pipi nana nei ? Kua uuna atura aia, na ko atura, Kare au. Kua tuatua maira tetai tavini no 26 te taunga maata, no te kopu o te tangata nana te taringa i tipuia e Petero

ra : Kare aina au i kite ia koe i roto i 27 te koro ma ia katoa ra ? Kua uuna akaou orā Petero : kakaoa ora te moa i reira ra.

28 E kua arataki atura ratou ia Iesu i te are akavaanga, mei i o Kaiapha maira : kua poporgi ; kare te *ngati Iuda* i tomo ki roto i te are akavaanga, ko te viivii aea ratou, ko te kore 29 oki ratou e kai i te pasa ra. Kua aere mairā Pilato ki vao kia ratou ra, kua tuatua maira, I akaapa ana kotou i 30 teiane tangata i te aa ? Kua karanga atura ratou, na ko atura kiaia, Naringa aia kare te tangata ara ra, kare matou e tuku atu iaia kia koe na.

31 Kua tuatua mairā Pilato kia ratou, Ka rave mari kotou, ka akava atu iaia, i ta kotou ture. Kua karanga atura te ngati Iuda, Kare e tau i te ture kia 32 ta matou i te tangata. Tupu atura ta Iesu i tuatua ra, ko tana i akakite i te 33 tu o tona mate, ka mate ei ra. Oki aturā Pilato ki roto i te are akavaanga, kua karanga atura kia Iesu, na ko atura kiaia, Ko te ariki ainei koe o te 34 ngati Iuda ? Kua tuatua mairā Iesu kiaia, Naau uorai aina tenana tuatua, e na tetai ke ainei koe i akapera 35 mai iaku. Kua karanga aturā Pilato, E ngati Iuda ainei au ? Na toou uorai enua, e na te kau taunga nunui ra, i tuku mai koe kiaku nei : i aa 36 na koe ? Kua tuatua mairā Iesu, Kare to teiane ao taku basileia : anga-iri no teiane ao taku basileia, kua akamaroiroi ia toku au tavini, kia kore au e tukua ki te ngati Iuda ; kare 37 ra toku basileia i to ko nei. Kua karanga aturā Pilato, Ko te ariki mari koe ? Kua tuatua mairā Iesu, Te tuatua mai na koe e e ariki au. I anau mai ei au nei, i aere mai ei au ki te ao nei, e akakite i te tuatua-mou. No te tuatua-mou aia ra, ka akarongo mai ia i toku 38 reo. Kua karanga aturā Pilato kiaia, Eaa te tuatua-mou ? E kia akapera aia ra, kua aere akaou maira aia ki vao ki te ngati Iuda ra, kua tuatua maira kia ratou, Kare ua to taua tangata 39 akera kino i kitea e au. Ko te peu ra, ka tuku au i tetai tangata kia kotou i te pasa ra ; ka tika ainei ia kotou kia tuku atu au kia kotou i te ariki o te 40 ngati Iuda ? Kua kapiki akaou atura ratou ravarai, na ko atura, Auraka teiane tangata, ko Baraba ra. E keia oki a Baraba.

PENE XIX.

To Iesu akacēi angaiā, e te pāpū angaiā, e te akasatauro angaiā: te akairo i taitāia i runga i te satauro: te tua anga i te kakau: te metua vaine ma Ioane: te matenga: te ko anga i te kaokao: te tunu anga.

RAVE akērā Pilato ia Iesu i reira, e kua pāpū atura iaia. Kua akaci atura te au vacau iaia i te rakau taratara, ta ratou i atu ra, e kua akakakau atura oki iaia i te kakau muramura. E kua karanga atura, Kia ora na, e te ariki o te ngati Iuda! e kua moto atura oki i tona mata. Kua aere akaou maira oki a Pilato ki vao, kua tuatua maira kia ratou, I na, i arataki mai nei au iaia kia kotou nei, kia kite kotou e, kare ua ona e kino i kitea e au. Kua aere maira oki a Iesu ki vao, ma te ei rakau taratara i te ei anga, e te kakau muramura i te kakau anga. E kua tuatua mairā Pilato kia ratou, Ka akara mai ana i taua tangata nei! E kia akara atura te kau taunga nunui ma te aronga taonga ra iaia, kua kapi ki atura ratou, na ko atura, Ka akasatauro atu, ka akasatauro atu. Kua tuatua mairā Pilato kia ratou, Na kotou uorai e rave, e akasatauro atu iaia: kareka au, kare oki au i kite i tona kino. Kua karanga atura te ngati Iuda kiaia, E ture ta matou, e ka mate tika aia i taua ture ra, koia i karanga e, e Tamaiti aia na te Atua. E kite akērā Pilato i taua tuatua ra, maata ua atura tona mataku. Okī akaou atura aia ki roto i te are akavaanga, kua karanga atura kia Iesu, Noea a koe na? Kare rā Iesu i tuatua mai kiaia. Kua karanga aturā Pilato kiaia, Kare koe e tuatua mai kiaia? kare koe i kite e, tei iaku te akasatauro ia koe, e tei iaku oki te tuku ia koe? Kua tuatua mairā Iesu, Kare rava ouu e mana kia rave mai iaku, naringa kare i orongaia mai toou mana no runga maira: e teianei, ko tei tuku atu iaku ia koe na, ko tana te ara maata. Kua kimi tamou ua mairā Pilato kia tukuia aia; kua kapi ki atura ra te ngati Iuda, na ko atura, Kia tuku koe i tenana tangata, kare koe i to Kaisara: ko tei tuatua e koia uorai te ariki ra, kua akakino ia Kaisara. E kite akērā Pilato i taua tuatua ra, kua arataki maira aia i Iesu ki vao, e noo ora ki runga i te nooanga akava, i te ngai e karangaia ra e e

Patu, e Gabata i te tuatua Ebera ra.
 14 Ko te rā akamanea anga ia o te pasa ra, tei te ono paa o te ora ra: kua karanga atura aia ki te ngati Iuda ra, Ka akara mai ana i to kotou ariki. Kua kapi ki maira oki ratou, Ka akaruke atu, ka akaruke atu, ka akasatauro atu iaia. Kua karanga aturā Pilato kia ratou, Ka akasatauro atu ainei au i to kotou ariki? Kua tuatua maira te kau taunga nunui, Kare o matou ariki, mari ra ko
 16 Kaisara anake ra. Kua tuku atura aia iaia kia ratou ra kia akasatauroia.
 Kua rave akera ratou ia Iesu, arataki atura. Aere atura aia, ma tana satauro i te apai anga, ki te ngai e karangaia ra e, e Vairanga katu tangata, i te tuatua Ebera ra, ko Golagota ia:
 18 I reira to ratou akasatauro anga iaia, e ko e toko rua puke tangata ke ra, okotai i tetai pae, tetai oki i tetai pae, i rotapu a Iesu. Kua tataia ora e Pilato tetai akairo, kua tuku atura ki runga i te satauro. Teia taua tuatua ra, Ko IESU I NAZARETA TE
 20 ARIKI O TE NGATI IUDA RA. Kua tatau ora te ngati Iuda e manganui i taua akairo ra; ko te ngai i akasatauroia i a Iesu ra, tei vaitata ia i taua oire ra: i taitaia taua akairo ra i te tuatua Ebera, te Eleni, e te Roma.
 21 Kua karanga atura te kau taunga nunui o te ngati Iuda ra kia Pilato, Eina e taitaia e, Ko te ariki o te ngati Iuda; e na ko ra e, Kua karanga aia e, Ko au te ariki o te ngati Iuda. Kua tuatua mairā Pilato, Ko tei taitaia e au ra, kua taitaia rai.
 23 E kia akasatauroia Iesu e te au vacau ra, kua rave ora i ona kakau ra, kua tua ora e a tuanga, okotai vacau okotai tuanga; e te pereue katoa ra: kare e tui anga to taua pereue ra, i raranga tapiui ravaia. Kua tuatua ora ratou ratou uorai, Auraka tatou e acae, ka akakelero ra, kia kitea te atu: tupu atura te tuatua i taitaia ra i reira, ko tei na ko ra e, "Kua tua ora ratou i toku au kakau no ratou, e kua akatopa kelero oki ratou i toku pereue." I akapera atura te au vacau ra. E te tu ua ra oki tona metua vaine, e tona tacake, ko Maria te vaine a Keleopa ra, e ko Maria i Magadala ra, i vaitata uorai
 26 te satauro o Iesu ra. E kia akara orā Iesu i tona metua vaine, e te pipi akaperepere nana ra, i te tu ua anga i reira ra, kua karanga ora aia i tona metua vaine, E maine, ka akara na i to tamaiti! Kua tuatua ora aia ki taua pipi ra, Ka akara na i to metua vaine. E i reira ra aia te arataki

angaia atu e taua pipi ra i tona uaorai ngutuare. E muri akera, kua kite oki 28 a Iesu e, kua ope te au mea katoatoa i te tupu, kua na ko akera, Kua kuki vai au; kia tupu te tuatua i taitaia ra. E te vai ra tetai āriki vinega i reira 29 kua ki, kua akaki iora ratou i tetai rimu, koia ora i te rara isopa, topiriia atura ki tona vaa. E kia inu akerā 30 Iesu i taua vinega ra, kua tuatua maira, Kua oti: kua takupe ora tona upoko ki raro, tuku atura i tona vae-rua.

Kua karanga atura te ngati Iuda kia 31 Pilato, kia aitiia to ratou vaevae, e kia apai keia to ratou tino, kia kore e vaioia ki runga i te satauro i te sabati ra, no te mea e rā akamanca anga, e sabati maata oki taua sabati ra. Kua 32 aere maira te au vaeau, kua aati ora i te vaevae o tetai, e to tetai oki, ko tei akasatauro katoaia ra. Kia tae ra ra- 33 tou kia Iesu ra, kite akera e kua mate aia, kare akera ratou i aati i tona vae-vaec. Ko atura tetai vaeau i tona ka- 34 kao i te korare, ta'e ua maira te toto e te vai. Kua kite tikai te mata o te 35 tangata e tuatua i *teianei au tuatua*, e tuatua-mou oki tana i tuatua ra, kia akarongo kotou; kua kite oki aia e tuatua-mou tana e tuatua nei. I tupu 36 ei oki teianei au peu, kia tika te tuatua i taitaia ra e, "Auraka rā tetai ivi ona kia aatiia." E te na ko maira oki 37 tetai manga tuatua i taitaia ra e, "E akara ratou i ta ratou i ko ra."

E muri akera i taua au tuatua nei, 38 kua karanga aturā Iosepha no Arimatea ra kia Pilato, e rave aia i te tino o Iesu e apai ke atu, e pipi oki aia na Iesu, i mou poiiri ua ra i te matakū i te ngati Iuda ra: e tika akera ia Pilato. Aere atura aia, apai ke atura i te kopapa o Iesu. E ko Nikodemo oki, ko tei 39 aere mai kia Iesu i te po i muatangana, i aere mai aia ma te rakau i te apai anga mai, te mura, e te aloc, e mea iroia, okotai anere te pauna. Kua rave atura 40 ratou i te kopapa o Iesu, vai atura i te kakau oronga, ma te rakau kakara katoa ra, ko ta te ngati Iuda ia ravenga kia tanu ra. E koro tei taua ngai i 41 akasatauroia i aia ra; e tei roto i taua koro ra tetai menema ou, kare ua ra e tangata i vaioia ki roto. Kua tuku 42 atura ratou ia Iesu i reira, no te mea e rā akamanca anga no te ngati Iuda ra; tei vaitata ua ra taua mene- ma ra.

PENE XX.

Te tuakaouanga: ko Maria, Petero, e Ioane: e puke angela: Iesu e Maria: te kite anga o te au pipi ia Iesu: to Toma akarongo ngata.

- 1 E TAE akera ki te rā mua o te ebedoma ra, kua aere aturā Maria i Magadala ra i te akirata i te menema, te vai marcureu ua ra, e kite akera kua uri keia te toka i te menema ra.
- 2 Oro ua maira aia kia Simona Petero ra, e te pipi akaperepere a Iesu ra, kua tuatua maira kia rāua, Kua apai keia e ratou te Atu i te menema ra ki vao, e kare ua matou i kite i te ngai i vaio- 3 ia aia e ratou ra. Aere aturā Petero i reira ra ki vao, e taua pipi katoa ra, e 4 aere tika raua i te menema ra. Kua ooro raua ravarai; e emo orā Petero i taua pipi ra, ko tei tae atu na ia ki te 5 menema ra. E piko ora aia ki raro, akara atura i te kakau vai i te vai ua 6 anga; kare ra aia i tomo ki roto. Kua aere mairā Simona Petero i muringao iaia ra, tomo atura ki roto i te menema 7 ra, akara ora i te kakau vai i te vai ua anga, E te kakau i te vai i tona upoko 8 ra, kare ia i vaioia i te vairanga o te kakau vai ra, i kokopiia e vaio keia ki 9 te vairanga ke. Kua tomo katoa atura tetai pipi, ko tei tae atu na ki te me- 10 nema ra, ki roto; kite atura aia, e aka- 11 rongo atura. Kare akera ratou i kite i te tuatua i taitaia ra e, kia tu akaou maira aia mei te mate maira e tika i.
- 10 Oki akaou atura nga pipi i to ratou ra.
- 11 Karekē Maria, te tu ua ra ia i te pae i vaitatao i te menema ra, te aue ua ra; piko ora aia ki raro ma te aue, e akara 12 atura ia i te toko rua puke angela ma te kakau teatea, i te noo anga ki te ngai i vaioia te kopapa o Iesu ra, i te upoko 13 tetai, e i te vaevae tetai. Kua tuatua maira raua kiaia, Eaa koe i aue ei, e mairi? Kua karanga atura aia, No 14 toku Atu i apai keia e ratou nei, e karo au i kite i te vaio angaia e ratou ra.
- 14 E kia akapera atura aia, e oti akera, kua anga atura aia ki muri, e kite atu- 15 ra aia ia Iesu i te tu ua anga, kare aia i kite e, ko Iesu. Kua tuatua mairā Iesu kiaia, E mairi, eaa koe i aue ei? 16 koi tau e kimi na? Maara akera aia e ko te tangata tanu-kai ra, kua na ko atura, E tama, naau aia i apai ke ra, ka akakite mai koe i te vaio angaia e koe na, e naku aia e tiki e apai ke.
- 16 Kua tuatua mairā Iesu kiaia, E Maria. Kua ariu atura aia, karanga atura, E

Raboni, ko tei tuatuaia ra e, E te Orometua. Kua tuatua mairā Iesu kiaia, 17 Auraka koe e tāpu mai iaku; kare rai au i tae ki runga i toku Metua ra: e aere ra koe ki toku au taake ra, e karanga atu kia ratou e, Te aere nei au ki toku Metua ra, e ki to kotou Metua ra; ki toku Atua, e ki to kotou Atua ra. Aere aturā Maria i Magadala ra, 18 e kua akakite atura ki te au pipi ra e, kua kite aia i te Atua, e nana aia i tuatua mai i taua tuatua ra.

E i te aia i taua rū mua o te ebedoma ra, kua putuputu maira te au pipi, kua topiriia nga pa i te matakau i te ngati Iuda ra, kua aere mairā Iesu i reira ra, tu ua ora i rotopu, kua tuatua maira kia ratou, Kia ora na kotou. I akapera mai aia e kua akakite maira 20 kia ratou i ona rima e tona kaokao. Mareka rava akera te au pipi i te kite anga i to ratou Atua ra. Kua tuatua 21 akaou mairā Iesu kia ratou, Kia ora na kotou: me i Metua oki i tono mai iaku nei, e tono katoa oki au ia kotou. I akapera aia, e kua akapuangi maira 22 i te a'o ki runga ia ratou, e kua tuatua maira, Ka āriki mai na i te Vaeua Tapu. Na kotou e akakore i ta ratou 23 ara ra, kua akakoreia ia; na kotou oki e vaio i ta ratou ara ra, kua vai-oia ia.

E tetai no te ngauru ma rua ra, ko Toma, ko te karangaia ia Didimo ra, kare aia i reira ka tae mai ei a Iesu ra. Kua karanga atura te au pipi ra kiaia, 25 Kua kite akenci matou i te Atua. Kua tuatua maira aia kia ratou, I kore au e kite i te tu auri i ona rima ra, e kia kore au e tuku i toku maikao-rima i taua tu auri ra, e kia kore oki au e tuku i toku rima ki roto i tona kaokao ra, kare au e akarongo. E po 26 varu akera, tei roto akaou akera te au pipi i te are, e ko Toma katoa oki: kua aere mairā Iesu, kua topiriia na nga pa, kua tu ua maira ki rotopu, kua tuatua maira, Kia ora na kotou. Kua tuatua maira aia kia Toma i reira, 27 Ka akatika mai ana i toou maikao-rima, e ka akara mai ana i oku rima; e ka akatika mai ana i toou rima, ka tuku ei ki roto i toku kaokao: auraka e akarongo ngata, ka akarongo ra. Kua karanga aturā Toma kiaia, 28 na ko atura, E taku Atua, e taku Atua. Kua tuatua mairā Iesu, No te mea 29 te akara mai nei koe iaku nei, e Toma, i akarongo ei koe: e ao to te aronga kare i kite iaku, ka akarongo mai ei.

E manganui atu rai te semcio ta 30

Iesu i rave i mua i te aaro o te au pipi ra, kare i tataia ki teianei 31 buka. Ko teia ra tei tataia, kia akarongo kotou e, ko Iesu te Mesia, te Tamaiti a te Atua; e kia rauka oki to kotou ora i tona ingoa i te akarongo anga.

PENE XXI.

Te semcio i te ika ra: te ikuiku anga ia Petero e angai i te au mamoe, e tona matenga i akakiteia: te tuatua ia Ioane.

- 1 **E** MURI akera, kua akakite akaou mairā Iesu iaia uaorai ki te au pipi i te roto i Tiberia ra, na ko aia i te akakite anga mai. Te putuputu katoa 2 rā Simona Petero, ma Toma, ko te karangaia ia Didimo ra, e ko Natanaela i Kana i Galilea ra, e nga tamariki a Zebedaio ra, e ko e toko rua oki 3 puke pipi a Iesu ra. Kua karanga aturā Simona Petero kia ratou, Te aere nei au e tautai. Kua tuatua maira ratou, Aere katoa ratou. Aere 4 atura ratou i reira ra ki runga i te pai; kare ua a ratou mea ika i rauka i te 4 reira po. E popongi akera, te tu ua rā Iesu i te pae roto ra: kare ra te au 5 pipi i kite e ko Iesu. Kua tuatua mairā Iesu kia ratou, E te au tamariki ra, e manga ta kotou? Kua karanga 6 atura ratou, Kare ua. Kua tuatua maira aia kia ratou, Ka tuku te kupenga ki te pae katau i te pai na, ka rauka ia ta kotou. Kua tuku atura 7 ratou, e kare ua atura e maranga ia ratou kia kika i te maata o te ika. 7 Kua karanga atura taua pipi akapereperea e Iesu ra kia Petero, Ko te Atua. Akarongo akerā Petero e, ko te Atua tera, kakau ora i tona kakau i runga, ko tei vaio keia e ia ra, e rere 8 atura ki raro i te tai. Na runga maira tetai pae pipi i te boti, ma te kupenga e te ika i te kika anga mai, (kare i mamao ua ki uta, ka tau i te rua 9 anere i te kubiti.) E tae maira ratou ki uta, akara atura i te ai te ka ra, e te 10 ika ki runga, e te areto oki. Karanga aturā Iesu kia ratou, Ka rave mai na tetai aronga i ta kotou ika i rauka ra. 11 Aere aturā Simona Petero ki runga i te boti, kika maira i te kupenga ki uta, kua ki i te ika mamaata, okotai anere e rima ngauru ma toru; kare ua ra i motu te kupenga i taua aronga ika 12 mamaata ra. Kua karanga aturā Iesu kia ratou, Ka aere mai ka kai. Kare ua ra tetai pipi i ui atu kiaia, Koai koe? i te matakau; kua kite oki

ratou e, ko te Atu ia. Kua aere aturā 13
Iesu, rave ora i te areto, kua tuku
atura kia ratou ra, e te ika katoa
oki. Ko te tu toru teia o to Iesu aka- 14
kite anga mai iaia ki te au pipi ra, i
muri ake i tona tu akaou anga mai, mei
te mate mai.

Epangia akera ratou, kua karanga atu- 15
rā Iesu kia Simona Petero, E Simona a
Iona e, te maata na toou anoano kiaku i
teia? Kua tuatua maira aia, A, e te Atu;
kua kite koe e, te anoano atu nei au ia
koe. Kua karanga atura aia, Ka
angai i taku au arenio. Kua karanga 16
akaou atura aia kiaia, ko te tu rua ia,
E Simona a Iona e, te anoano na koe
iaku? Kua tuatua maira aia kiaia, A,
e te Atu, kua kite koe e, te anoano atu
nei au ia koe. Kua karanga atura
aia, Ka tiaki i taku au mamoe. Kua 17
karanga atura aia kiaia, ko te tu toru
ia, E Simona a Iona e, te anoano na
koe iaku? Kua aue orā Petero i te mea
ka tu toru akera ona ui anga mai kiaia,
Te anoano na koe iaku? E kua tuatua
maira, E te Atu, kare ua e mea toe i te
kitea e koe; kua kite koe e, te anoano
atu nei au ia koe. Kua karanga aturā
Iesu, Ka angai i taku au mamoe.
Amene, amene, e karanga atu au kia 18
koe, I toou ou anga, kua tatua koe ia koe
uaorai, e kua aere ora koe ki taau ngai
i anoano ra: e kia ruaine koe, ka aka-

tika koe i o rima, e na tetai ke koe e
tākai, e apai atu ei ia koe i te ngai
19 anoano koreia e koe ra. Akapera
atura aia i te akakite anga kiaia, i te
tu o tona mate e akakakia'i te Atua
iaia. E oti akera taua tuatua ra, kua
karanga atura aia kiaia ra, Ka aru mai
20 iaku. Kua ariu mairā Petero ki muri,
kite maira i taua pipi akaperepere na
Iesu i te aru anga mai, (ko tei irinaki
ki runga i tona umauma i te kaingakai
ra, ko tei tuatua ra, E te Atu, koai te
21 tangata e pikikaa ia koe?) Kua akara
mairā Petero iaia, kua karanga atura
kia Iesu, E te Atu, ka aia teianei ta-
22 ngata? Kua tuatua mairā Iesu kiaia,
Kia anoano au i te vaio iaia e kia riro
mai au ra, eaa taau i reira? Ka aru
23 mai koe iaku. Riro atura taua tuatua
ra i te au taeake ra e, kare taua pipi
ra e mate: kare rā Iesu i karanga e,
kare e mate: i na ko ra e, Kia anoano
au i te vaio iaia e kia riro mai au ra,
eaa taau i reira?
24 Teia taua pipi ra e karanga atu i
teianei au tuatua, e kua tata oki taua
au tuatua nei: e kua kite oki matou e.
25 e tuatua-mou tana i akakite ra. E
manganui atu rai ta Iesu pei i rave,
naringa i ope katoa i te tataia, te
maara nei au, kare e tika i to te ao ka-
toa nei kia āriki mai i taua au buka ra,
naringa i tataia. Amene.

TE ANGAANGA A TE AU APOSETOLO.

PENE I.

*Ta Iesu tuatua porokiroki, e te aerenga
ki runga i te rangi: te au aposetolo:
ta Petero tuatua ia Iuda: to Ma-
tatia iki angaia.*

I TATA ana oki au i tei muatangana 1
papa tuatua, e Teophilo, no te au
mea katoa ta Iesu i rave ra, e tana i
apii ra, E tae rava akenei i te rā i 2
raveia atu ei nia ki runga ra, kia oti
tana ikuiku anga, ma te Vaeua Tapu,
i te au aposetolo i iikiia e ia ra; Ko 3
tana katoa ia i akakite iaia uaorai i te
ora anga, i muri ake i tona mate anga,
ma te akairo ara kore e manganui; c
118

a ngauru anga ona po i te akara angaia
e ratou, e te tuatua anga atu i te tua-
4 tua no te basilcia o te Atua: E putu-
putu akera aia ma ratou, kua ako
atura aia ia ratou, Auraka e akaruke i
Ierusalem, e tatari ra i ta te Metua i
tuatua maira, kua kite ana oki kotou
5 iaku: Kua bapetizo rai oki a Ioane
ki te vai, e bapetizoia ra kotou ki te
6 Vaeua Tapu i cianci puke rā. E
putuputu akera ratou, kua ui maira
ratou kiaia, na ko maira, E te Atu, ei
teianei aia koe e akaoki mai ei i te au
7 kia Iseraela? Kua karanga atura aia
kia ratou, Kare ia i akonoia kia kite
kotou i te taime e te tuatau, ta te
8 Metua i vaio iaia uaorai: Ka rauka ra

to kotou mana i te Vaerua Tapu, kia aere mai aia i rungao ia kotou; e ci kite oki kotou noku i Ierusalemā nei, e Iudea katoa oki e pini ua ake, e Samaria katoa oki, e tae ua atu ki te openga o te enua ra. E te tuatua ua ra aia i taua au tuatua nei, e te akara ua maira ratou, kua raveia atura aia ki runga: e i vaita maira aia e te tiao ngaro atura i to ratou mata. E tei to ratou akara matariki anga atu ki runga i te rangi, iaia i aere atu ki runga ra, i na, te tu ua maira e toko rua puke tangata i vaitata ia ratou ma te kakau teatea; Ko tei tuatua mai ia *kia ratou* e, E te au tangata Galilea nei, eaa kotou i tu ua'i, e i akara tamou ei ki runga i te rangi ra? Ko Iesu nei rai tei raveia akenei i roto ia kotou ki runga i te rangi, ka oki mai ia mei te reira katoa, mei ta kotou i kite atu iaia i te aere anga atu ki runga i te rangi ra.

Okī maira ratou ki Ierusalemā, mei te maunga mai i tuatuaia ra e, ko Oliveta, tei vaitata i Ierusalemā, mei te ngai aerea i te sabati nei *te tu*. E tae atura ratou ki roto i te oire, kake atura ki runga. *tomo atura ki roto i te pia e nooia e Petero ma ra, e Iakobo, e Ioane, e Anederea, ko Philipa, e Toma, ko Baratolomea, e Mataio, ko Iakobo a Alephaiara, e Simona te Maroiroi, e ko Iuda oki te taeke o Iakobo ra.* E tamou marie atura ratou katoa i te pure anga, e te pati anga, ma te ngakau okota, e te au vaine katoa, e ko Maria oki te metua vaine no Iesu, e tona katoa kopu-tangata.

E i te reira au rā, kua tu akerā Pētero ki runga i rotōpu i te au pipi ra, kua na ko maira, (okotai anere e rua ngauru anga paa tangata i putuputu mai,) E tāmā, e te au taeake nei, kia tupu te tuatua i tataia ra e tika'i, ta te Vaerua Tapu i tuatua mai na roto i te vaa o Davidā i muatangana ia Iuda, ko tei riro ei arataki i te aronga i opu ia Iesu ra. I kapiti katoaia oki aia i roto ia tatou nei, e kua rauka katoa oki teianei taoonga iaia. E kua oko atura taua tangata ra i tetai kainga ki te tutuki i te ara; e topa atura aia ki raro te mata, ngaa atura i rotōpu iaia, pururū atura tona ngakau katoa ki vao. E kua kite oki to Ierusalemā ravarai i e tapaiā ora taua kainga ra i ta ratou orai tuatua, e Akeledama, koia oki Te kainga toto. Kua taitaia oki ki roto i te buka Salamo ra, "Kia riro tona kainga i te tanea, e auraka rava ei tangata e noo i reira," e "Kia riro oki taua taoonga

21 ki tetai ke." E teianei, i te au tangata i kapiti katoa mai kia tatou, ka noo katoa'i te Atu ra ko Iesu i rotōpu ia tatou nei, Mei tona bapetizo angaia mairai e Ioane, e tae rava mai nei ki te rā i raveia atu ei aia ki runga ra, mei ko nei ia tatou nei, kia akatakaia tetai o ratou e tika'i, ei akakite e ko tatou katoa oki, i tona tuakauouanga nei. Kua akairo atura ratou i e toko rua, ko Iosepha Barasaba, ko tei tapaiā ia Iuseto ra, e ko Matatia oki. Kua pure ora ratou, na ko atura, E te Atu, ko tei kite i te ngakau o te tangata ravarai, ka akakite mai koe i taua i iki i cianei puke tatou ngata, Kia rave katoa mai aia i teianei taoonga i te aposetolo i topa ia Iuda no te ara, kia tae atu aia ki tona ngai tikai. Kua tuku atura ratou i te kelero, riro atura te kelero kia Matatia, kua kapiti katoaia maira aia e te au aposetolo tino ngauru matai ra.

PENE II.

To te au aposetolo akaki angaia i te Vaerua Tapu: te au reo ke ke: te tuatua a Petero, e te au tangata e toru tausani i te akarongo anga.

1 E TAE rava atura ki te rā Pene-tekose, kua taki ruru marie akera ratou katoa i te ngai okotai ma te inanga ngiro okotai. E kare akera i mamia, ko te aruru maira no runga mai i te rangi, mei te matangi uria maata ra; kua ki rava akera te are i nooia e ratou 3 ra. E kua maima maira te arero mangia kia ratou, mei te ai ra te tu, e to 4 ora ki rungao ia ratou katoa ra. E ki akera ratou ravarai i te Vaerua Tapu, kua tuatua ora i te tuatua ke, i ta te Vaerua i oronga mai i te tuatua kia 5 ratou ra. E te noo ra oki te tangata ngui Iuda paieti i Ierusalemā, no te pa enua ravarai i raro ake i teianei 6 rangi. E tutuki atura taua rongo ra, kua uipa maira te tangata ravarai, e va ua iora, no te mea i akarongo atura taua au tangata katoa ra, i ta ratou orai tuatua tikai i te tuatua angaia mai. 7 Potirere rava atura ratou katoa, ma te umere, na ko ora ratou ratou orai, I na, kare aina ratou e tuatua nei i to 8 Galilea anake? Eaa ra oki teia i akarongo ei tatou ravarai nei i te reo, 9 tonao tonao, i anau ei ra? I to Paretia, e to Madai, e to Elama, e te aronga e noo i Mesopatamia, e i Iudea, e to 10 Kapadokia, to Ponoto, e to Asia, to Pherigia, e to Pamephulia, to Aiphiti,

c to Libia, i te pae e topiri tika mai ki Kurene, e te tangata ke oki no Roma, ko te ngati Iuda oki e te peroselito, To 11 Kereta, e to Arabia, i te akarongo anga atu tatou ia ratou i te tuatua anga mai i te peu taka ke a te Atua i to tatou orai nei au reo tikai. Kua va ua ora 12 ratou katoa, e kua ekoko iora, na ko akera ki tetai ki tetai, Eaa ratea? Ka-reka tetai pae ra, na ko maira ia i te aviri anga, Kua ki teianei au tangata i te wina venevene.

Kua tu akera rā Pētero ki runga, e 14 te ngauru ma tai katoa ra, kua akateitei ua atura tona reo, karanga atura kia ratou, E te au tangata o Iudea nei, e te aronga katoa e noo i Ierusalem nei, kia kite mai kotou i teia, e ka akarongo mai ana i taku nei tuatua. Kare 15 oki teianei au tangata i kona i ta kotou e manako na, ko te toru rai oki teia o te ora i teianei rā. Ko tei tuatuaia 16 maira teia e loela peroveta ra e, “Kia 17 tae ki te au rā openga ra, (te tuatua maira te Atua,) e riringi atu ei au i taku Vaerua ki rungao i te tangata ravarai; e na ta kotou au tamariki tamaroa, e te au tamaine, e totou mai, e ka kite oki to kotou au tangata ruaine oki e moemoeaia ia: E riringi atu au 18 i taku Vaerua ki rungao i toku au tavini, e toku au tavini vaine, i te reira au rā, e ka totou mai ratou; E akakite 19 oki au i te piri ki runga i te rangi, e te akairo ki raro i te enua: te toto, e te ai, e te kou auai oki: Ka riro te rā ei 20 poiri, e te marama ei toto, e tae ei ki taua rā matakū maata o te Atua ra: E 21 riro oki e, ko te kapiki i te ingoa o te Atua ra, e ora ia.” E te au tangata o 22 Iseraela nei, e akarongo mai kotou i teianei tuatua, ia Iesu no Nazareta, ko te tangata no ko mai i te Atua i akakiteia mai kia kotou nei i te au angaanga mana, e te semcio, e te au akairo, ta te Atua i rave iaia i rotopu ia kotou nei, kua kite katoa oki kotou orai. Koia ra i tukuia mai ia kotou i te aka- 23 koro mou, e te akono mamao anga a te Atua, i rauka'i ia kotou, akasatauro ora, e tamate takiri atura i te rima o te akono kore ra: Koia oki ta te Atua i 24 akatu mai nei, kua matara oki iaia te tapaka o te mate, no te mea kare rava oki aia e mou i te reira. Te na ko 25 maira oki a Davida iaia, “Kua tuku au ia Iehova ei mua ua rai iaku, tei toku rima katau oki aia, kia kore au e ngaueue: I mareka'i toku ngakau, 26 e te rekareka nei toku arero; ka moe katoa oki toku kopapa nei ma te tiaki:

27 Kare oki koe e vaoo i toku vaerua i ade; kare oki koe e tuku i to Mea Tapu 28 ra, kia kite i te pe. Kua akakite mai koe iaku i te ara ora; ka akaki mai 29 koe iaku i te rekareka i to mata.” E tāma, e te au tacake, e tuatua ua atu na au kia kotou i te pateriaria ia Davida, kua mate oki aia, e kua tanumia, e te vai ua nei rai tona menema i o tatou nei, e tae rava akenei ki teianei rā. 30 No te mea ra e peroveta, kua kite oki aia, kua tuatua mai te Atua kiaia ma te taputou e, e akatu aia i te Mesia i tona uanga i te akono anga i te kopapa 31 ra, ei noo ki runga i tona terono; Koia ra i kite takere ana i te reira, i tuatua'i i te tuakaouanga o te Mesia, kare tona vaerua e vaooia i ade, e kare tona kopapa i tuku uaia kia kite i te pe. Ko 32 taua Iesu nei rai ta te Atua i akatu akenei ki runga, ko matou katoa nei oki 33 te kite. E teianei, kua akateiteia aia i te rima katau o te Atua, e kua rauka maira i te Metua te Vaerua Tapu i tuatuaia maira, kua riringi mai aia i teia, i ta kotou e akara nei, e ta kotou e aka- 34 rongo nei. Kare oki a Davida i tae ki runga i te rangi, te na ko maira oki aia uaorai, “Kua tuatua Iehova ki taku Atua, ka noo koe ki taku rima katau 35 nei, E kia akairo au i to au enemi ei 36 pange vaevae noou.” E teianei, kia kite tikai te kopu-tangata ravarai o Iseraela e, kua akairo mouia aia e te Atua ei Atua e ei Mesia, ko taua Iesu nei rai ta kotou i akasatauro nei. 37 E kite akera ratou i taua tuatua ra, puta atura to ratou ngakau, e kua tuatua maira kia Pētero ma te au apose- 38 tolo katoa, E tāma, e te au tacake nei, e akapeea matou nei? Kua karanga aturā Pētero kia ratou, E tataraara, e kia baptizoia, kotou ravarai, i roto i te ingoa o Iesu Mesia, kia matara te ara; e ka orongaia mai ia te Vaerua Tapu 39 kia kotou. No kotou oki te tuatua i tuatuaia maira, e no ta kotou tamariki, e no te aronga katoa oki i te atea ke ra, ko ta te Atua ta to tatou Atua e karanga 40 atu. E manganui rai tana tuatua i karanga atu, e ako atura, na ko atura, 41 Kia ora kotou i teianei uki māro. E te aronga katoa i ūriki marie i tana tuatua, baptizoia ora ia; e kapiti ka-toaia maira kia ratou e toru katoa paa 42 tausani i taua rā ra. Kua mou piri tikai atura ratou i ta te au apose- 43 tolo i apii ra, e te kapiti katoa anga atu, e te vava'i anga i te areto, e te pure anga oki. 43 E rokoa ora ratou ravarai e te ma- 44 taku, e manganui te semcio e te akairo i raveia e te au apose- 45 tolo ra. Uipa

akera taua aronga katoa ra i te ngai okotai, e kapiti ua akera oki to ratou apinga. E kua oko atura oki ratou i to ratou kainga e te apinga, e tua ora oki na ratou ravarai, e tau katoatoa akera. E noo tamou ora ratou ra ki roto i te iero ra, i te au rā katoa, ma te inangaro okotai, e te vava'i anga i te areto, i tera are, i tera are, kai ora oki ratou i te kai ma te rekareka, e ma te tavaitei ua te ngakau; I te akameitaki anga i te Atua, e ma te kiteia mai e te tangata ravarai. E te aronga i akaoraia ra, kua kapitiia ia e te Atua i te ekalesia ra, kare e rā i tukua.

PENE III.

Te tangata piriokoki i te akaora angaia, e ta Petero tuatua ki te aronga e umere ua ra kia tatarara ka akarongo ei ia Iesu.

AERE atura oki a Petero raua ko Ioane ki runga i te iero ra i te pure anga i te ora iva. E tetai tangata piriokoki mei te kopu mai o tona metua vaine, kare e rā e tivata i te apaiia e ratou, e tukua ki te ngutupa o te iero e tuatuaia ra e, e Manca, e pati i te apinga i te aronga e tomo ki roto i te iero ra; E kite akera aia ia Petero raua ko Ioane i te tomo anga ki roto i te iero ra, kua pati maira i te apinga. Kua tiroi matariki aturā Petero e Ioane katoa kuaia, kua na ko atura, Ka akara mai ana ia maua. Kua akara maira aia ia raua, maara akera e, e rauka tona apinga ia raua. Kua karanga aturā Petero, Kare aku ario e te auro; ko taku ra e vai nei, ko taku ia e oronga atu naau: Ka tu koe ki runga, ka aere, i te ingoa o Iesu Mesia no Nazareta ra. Kua opu atura aia i tona rima katau, akatu akera ki runga; ketaketa atura tona vaevae ma te puku vaevae katoa i reira. Rere ua maira aia ki runga, tu ora, e aere ua ora; kua tomo atura ma ratou katoa ki roto i te iero ra, rere aere ua atura aia, ma te akameitaki i te Atua. Kua akara atura te tangata ravarai iaia i te aere anga e te akameitaki anga i te Atua. Kua kite oki ratou e, koia tei noo i te ngutupa Manca i te iero, *ko tei pati ua i te apinga ra; poitirere atura ratou, va ua ora i te mea i tupu i taua tangata ra.*

Te tāpu ua ra oki te tangata piriokoki i akaoraia ra ia Petero e Ioane, kua ati maira te tangata tini ravarai kia ratou ki roto i te tomoanga e tuatuaia ra e, no Solomonā, ma te umere

12 maata. E kite akera Petero, kua karanga atura aia ki te tangata tini, E te au tangata no Iseraela nei, eaa kotou i umere ei i teia? eaa kotou i tiroi matariki mai ei ia maua, mei te mea e, no maua te mana e te meitaki i aere ei
13 teianci tangata? Na te Atua o Aberahama, e no Isaaka, e no Iakoba, na te Atua o to tatou ui tupuna ra, i akateitei i tana Tamaiti ia Iesu; ko ta kotou i tuku nei, e kua akaruke i mua i te aroaro o Pilato, iaia i māro ra e, e
14 tuku. Akaruke io nei kotou i te Tangata Tapu, e te Tuatua-tika, e pati atura oki i tetai ta tangata kia tukua
15 mai kia kotou na; I ta io nei oki i te Tumou o te ora, i ta te Atua i akatu mei te mate maira; ko matou nei rai oki te
16 kite. Na tona ingoa oki i akamaroiri i teianci tangata i te akarongo anga i tona ingoa i ta kotou e akara nei, e ta kotou oki i kite nei: koia ia, na te akarongo oki iaia i rauka'i iaia teianci ora maata tikai i mua ia kotou katoa nei.
17 E teianci, e te au tacake nei, kua kite au e, no te kite kore i pera'i kotou, e
18 to kotou ui rangatira katoa oki. Ko te au tuatua ra ta te Atua i akakite mai i muatangana i te vaa o tana au peroveta katoa ra e, e mate te Mesia, ko
19 tana ia i akatupu io nei. E teianci, e tatarara kotou, e e ariu mai, kia taparaia ta kotou ara; kia kitea mai te tuatua rekareka no mua mai i te aroaro o
20 te Atua ra; E kia tono mai aia ia Iesu Mesia, ko tei tuatuaia i muatangana no
21 kotou. Ei te rangi rai oki aia noo ei e tika'i, e tae ua atu ki te tuatau e tupu ei te au mea katoa nei, ta te Atua i tuatua maira i te vaa o te au peroveta tapu katoa nona, mei te muatangana
22 mai o teianci ao. Kua tuatua oki a Mose ki te aronga tupuna ra e. "E akatupu to kotou Atua ko Iehova i tetai peroveta no kotou ei roto i to kotou ai tacake na, mei iaku nei rai te tu; koia ta kotou e akarongo atu i te au tuatua ravarai kia tuatua mai kia kotou na.
23 E te tangata ravarai e kore e akarongo i taua peroveta ra, e pou rava ia i
24 rotapu i te tangata katoa." E te au peroveta ravarai i tuatua mai mei ia Samuela mai, kua alakite mamao katoa mai ana ia i teianci tuatau. Ko kotou oki te tamariki a te au peroveta ra, e te koreromotu ta te Atua i papau atu i to tatou ai tupuna, i te na ko anga mai kia Aberahama ra e, "Ka meitaki te pa enua katoa o ana oki nei i
26 toou ra uanga." Kia kotou ana oki ta te Atua i tono mai i tana Tamaiti ia Iesu, i tana i akatupu nei, kia ora kotou, kia

akaruhe kotou katoa e ope rava ake i ta kotou tuatua kino.

PENE IV.

To Petero raua o Ioane uri angaia ki roto i te are tapekunga, e te akamataku angaia e te ui kavana: te pure a te au aposetolo: te uipunga taraitai o te au pipi: ta Banaba apinga i oronga uaita mai.

E TE tuatua ua ra raua ki te tangata tini ra, tei runga ua maira ia raua e kau taunga, e te kapena o te iero ra, e te au Sadukea katoa ra. I mainaina ratou, i te mea i apii atu raua i te tangata, e i tuatua oki i te tua-kaouanga o tei mate ra ia Iesu. Kua opu maira to ratou rima ia raua, tuku atura ki roto i te are tapekunga ra e kia ao; kua aia oki i reira. E mangai nui ra tei akarongo i taua aronga i akarongo i te tuatua ra, ka rima atura paa tausani i te tangata kia tatan.

E ao akera, kua ruru akera to ratou ui kavana, e te aronga pakari, e te au tata tuatua, i Ierusalem, E te taunga maata ra ko Ana, e ko Kaiapha, e ko Ioane, e ko Alekanedera, e te kopu-tangata katoa o te taunga maata ra. Tukuia iora e ratou *nga aposetolo* ra i rotopu, kua ui atura ratou e, Noai te mana, e te ingoa, i tika'i teiane i ta korua i rave nei? Ki akera Petero i te Vauerua Tapu, e kua tuatua maira kia ratou, *E tama*, e te ui rangatira o te tangata tini nei, e te aronga pakari o Iseraela nei, Koia oki teia, te akavaia nei maua i teiane ri, i te meitaki i tukuia atu ki te tangata parukaua i te mea i ora'i aia nei; Kia kite kotou ravarai, e te tangata katoatoa o Iseraela nei e, no te ingoa o Iesu Mesia no Nazareta, ta kotou i akasatauro io nei, ko tei akatuia mai e te Atua mei te mate maira, nona i tu atu ei teiane tangata i mua i to kotou aroaro ma te maki kore nei. "Ko te toka teia i akaru-kaia e kotou, e te aronga patu are, e kua akariroia io nei ia ei toka tiava." Kare rava oki e ora i tetai ke: kare atu oki e ingoa i akakiteia mai ki te tangata i raro ake i teiane rangi, e ora'i ratou nei. E kia akara atura ratou kia Petero raua ko Ioane i te matakua kore, e kite akera e, e puke tangata apii korcia raua e te kite kore oki, umere atura ratou, e kite atura oki e, ia Iesu katoa ra oki raua. E kia akara atura oki i te tangata i akaoria ra i te tu katoa anga ratou, kare atura a ratou tuatua ei patoi anga atu. Kua karanga atura

ra kia rana e aere ki vao i taua uruanga ra, kua eumiumi ua ora ratou ratou orai i te tuatua, Na ko akera, Akapea atu tatou i eiane puke tangata? e semeio maata tei raveia e raua nei, kua kitea ravaia e to Ierusalem katoatoa nei, kare oki e tika ia tatou kia uuna. Kia kore ra e riro te rongo ki te tangata, e akamataku ua atu tatou ia raua, kia kore raua e tuatua akaou atu ki te tangata ma teiane ingoa. Kua tiki atura ia raua e aere mai ki roto, e kua ako atura ia raua, auraka rava e apii, e auraka rava oki e tuatua ma te ingoa o Iesu. Kua tuatua maira Petero e Ioane, na ko maira kia ratou, E mea tika i te Atua kia akarongo atu ia kotou auraka te Atua, ka akamaara io ia kotou. Kare oki matou e tika kia kore e tuatua i ta matou i akara akenei, e ta matou i akarongo akenei. Kua akamataku atu rai oki ratou ia raua, e tuku atura, kare rava i kitea e ratou te mea e tika'i kia ta ia raua, no te tangata: te akameitaki anake ra i te Atua i taua mea i raveia ra. Kua topa te a o te ngauru anga i te mataiti o taua tangata i akaora semeioia ra.

E kia tukuia atura raua ra, aere atura ki to raua orai au tangata, akakite atura i te au tuatua ravarai ta te kau taunga nunui ra, e te aronga pakari, i tuatua mai kia raua ra. E kite akera ratou, akateitei anake atura to ratou reo i te Atua, i te na ko tai anga atu, E te Atua, ko koe te Atua i anga i te rangi e te enua, e te tai, e te apinga tini ravarai i roto ia ratou ra; Ko tei tuatua mai na roto i te vaa o to tavini ra o Davida e, "Eaa te au etene i oripu ua'i, e te au tangata nei i manako ei i te mea puapinga kore? Te tu ra te ui ariki o te enua nei ki runga, e te kapiti katoa ra te ui rangatira, e maoro ia Iehova e tana i akatainu ra." Kua uipa tika rai ratou, ko Heroda e Ponotio Pilato, e te au etene katoa e te tangata oki no Iseraela, e rave ia Iesu i to Tamaiti tapu taua i akatainu ra, E akatupu i ta to rima e ta to anoano i akono i muatangana e akatupu ra. E teiane, e akara mai koe, e te Atua, i ta ratou nei akamataku anga mai, e akamaroiroi mai i to au tavini kia tuatua ua i taua tuatua ma te matakua kore, I te akatika anga mai i to rima ei akaora; kia tika te akairo e te semeio kia raveia i te ingoa o taua Tamaiti tapu o Iesu. E te pure ra ratou, ngaueue ora te ngai i uipai'a'i ratou; e akakiia maira ratou ravarai i te Vauerua Tapu,

kua tuatua ua ora i te tuatua a te Atua ma te matakū kore.

E okotai atura ngakau, e *okotai* oki 32
vaerua, to taua aronga maata ravarai
i akarongo ra: kare rava tetai i tuatua
i toa apinga e nona anake orai, kua
kapiti uiaia na ratou ravarai. Kua 33
viviki rava atura to te au aposetolo
akakite anga atu i te tuakaouanga o
te Atua ra o Iesu; e aroa maata oki tei
runga ia ratou ravarai. Kare rava te- 34
tai o ratou i ngere; e te aronga katoa
oki e kainga to ratou e te are, oko
atura ia, e taui maira te oko i taua au
mea i okoia ra, Tuku ora ki raro i te 35
pae vaevae o te au aposetolo ra; e
tauia ora na ratou ravarai, e tau marie
akera. E ko Iose oki, ko tei tuatuaia 36
e te au aposetolo ra e, ko Banaba, (koa
Te tamaiti a te ako kia akatauaia ra,) e
ngati Levi no Kuperu, E kainga toa 37
e oko atura, e taui mairai te moni,
tuku ora ki te pae vaevae o te au apo-
setolo ra.

PENE V.

*Te ara a Anania raua ko Saphira, e
to raua matenga: te au semeio i rava-
veia e te au aposetolo: to ratou ta-
peku anguia, e te akara anguia e te
angela: to ratou akaoki anguia ki te
akawaanga, e te tuku anguia i te
tuatua a Gamaliela.*

K O tetai tangata ra ko Anania te 1
ingoa, e tana vaine ko Saphira,
ooko atura i te kainga, E uuna ora i
tetai pae i taua oko ra, kua kite katoa
tana vaine, e taui maira oki i tetai pae,
e tuku ora ki te pae vaevae o te au
aposetolo ra. Kua karanga aturā Pe- 3
tero, E Anania, eua toou ngakau i aka-
kiia mai ei e Satani, i pikikaa'i koe i
te Vaerua Tapu, i uuna'i i tetai pae
oko i te kainga na? I te vai ua anga 4
ra, kare aina toou orai na? kia oko na
ra oki, *kare aina* tei ia koe rai? eaa
oki koe i akatupu ei ki roto i to nga-
kau i tenana tuatua? ko te Atua tauu
i pikikaa ana, kare te tangata. E tei 5
te akarongo anga mai a Anania i taua
tuatua ra, topa ora ki raro, unui rava
akera: matakū rava atura te aronga
katoa i kite i taua mea ra. Kua tu 6
akera te au tangata ou ra, opa ora iaia,
e apai atura ki vao, tanu atura. E e 7
toru paa ora i topa, kua aere maira
tana vaine ki roto, kare i kite i taua
mea ra. Kua karanga aturā Petero 8
kiaia, Ka akakite mai koe kiau, ko te
oko tikai aina teia i ta korua i oko i te
kainga na? Kua tuatua maira aia, A,

9 koia tika tena. Kua karanga aturā
Petero kiaia, Eaa korua i akaarite ei i
ta korua *tuatua* e tapikipiki atu i te
Vaerua o te Atua? i na, tei te ngutupa
mai nei te vaevae o te aronga i tanu
i to tane na, e na ratou katoa koe e
10 apai ki vao. Kua topa ora aia i reira
ki raro i toa pae vaevae ra, mate rava
akera: e kia tomo mai te au tangata
ou ra ki roto, rokoia maira, kua mate
rava aia, apai atura ki vao, tanu atura
11 ki te pae o tana tane ra. Rokoia taua
ekalesia katoa ra e te matakū, e te
aronga katoa i kite i taua au mea ra.
12 E manganui te akairo e te semeio i
ravcia e te rima o te au aposetolo ki
rotupu i te tangata katoa ra; (kua pu-
tuputu oki ratou katoa ma te anoano
okotai ki roto i te tomoanga o Solo-
13 mona ra. Kareka tetai pae ra, kare
rava ia tetai i kapiti tika mai kia ra-
toui i te matakū; kua akapaapaaia ra
14 ratou e te tangata:) Te aronga ra i
akarongo i te Atua, e manganui rava
atura ia tei kapiti mai *kia ratou* ra,
15 te tane ma te vaine katoa oki. I apai
maira oki ratou i te aronga maki ki
vao i te arataa ra, tuku atura ki runga
i te roi, e te roi rikiriki apaapai ra, pe-
nei iake ko te tapokiiia ratou e te ata no
16 Petero kia aere na reirao ra. E ma-
nganui oki to te au oire ra i aere mai,
e pini ua ake, i te apai anga mai i te
aronga maki, e te aronga e tamana-
taia e te vaerua viivii ra, ki Ierusa-
lema; kare rava ia ratou i toe i te aka-
oraia.
17 Kua tu akera te taunga maata ra
e te aronga katoa i vaiata iaia ra,
(koa oki te pupu Sadukea ra.) kua ki
18 rava i te riri. Kua opu maira to ra-
toui rima i te au aposetolo, tuku atura
ia ratou ki roto i te are tapekānga
19 tangata kokino ra. Na tetai angela
ra a te Atua i eua i te au pa i taua are
tapekānga ra i te po, e kua arataki
maira ia ratou ki vao, na ko atura,
20 Ka aere ki roto i te iero ra tu ei, ka
akakite atu ei ki te tangata i te au tuatua
21 ravarai o telanci ora. E kite akera ra-
toui i te *reira*, aere atura ki roto i te iero
ra i te popongi akirata, apii atura. Kia
tae maira te taunga maata ra e te aro-
nga i kapiti kiaia, kua akaputupu mai
ra i to te Sunederi ravarai, e te aronga
pakari katoa i te tamuriki na Iseraela
ra, e kua tono atura i te karere ki te
are tapekānga ra, e arataki mai ia
22 ratou. E tae atura taua aronga ta-
oonga ra, rokoia atura, kare ua ratou i
roto i te are tapekānga ra; kua oki
23 maira ratou e akakite, Na ko maira,

Rokoia atura e matou, te mou meitaki ra te pa o te are tapekānga ra, e te aronga tialiki oki i te tu ua anga ki vao i te ngutupa ra: kia ceu ra matou i te pa, kare rava e tangata o roto. E 24 kite akera te taunga maata, e te kapena o te iero ra, e te kau taunga nunui katoa ra, i te reira tuatua, cumiumi ora ratou i taua tuatua ra e, eaa ra a muri ake. Kua aere maira 25 tetai tangata, kua tuatua maira kia ratou, na ko maira, I na, te au tangata ta kotou i tuku ki roto i te are tapekānga ra, tera ake, e tu ua ake ki roto i te iero nei, te apii akera i te tangata. Kua tiki atura taua kapena ra, ma te 26 aronga taoonga katoa, e arataki mai ia ratou, kare ra i rave viviki atu; kua matakū ratou i te tangata, ko te peiia mai aea ratou ki te toka. E kia aratakiia maira ratou ra, tuku atura ratou ki mua i te aroaro o te Sunederi 27 ra: kua ui maira te taunga maata ra kia ratou, na ko maira, Kare aina matou i akaue tika atu kia kotou, auraka kotou e apii ma teianei ingoa? e i na, kua ki rava Ierusalemia ia kotou i ta kotou tuatua, e te inangaro na kotou 28 kia io mai te toto o teianei tangata ki runga ia matou nei. Kua karanga aturā Petro e te au aposetolo katoa ra, na ko atura, Ko te Atua ta matou e akarongo e tika'i auraka te tangata. Kua akatu io nei te Atua o to tatou ai 30 tupuna ra ia Iesu, ta kotou i ta nei i te patiti anga ki runga i te rakau: Koia ta te Atua i akateitei akenei i 31 tona rima katau ci Arika e ei Ora, ei oronga mai oki i te tatarara no Ise-raela, e te akakore anga i te ara. Ko 32 matou oki tona au kite i taua tuatua nei, e te Vaerua Tapu katoa, ta te Atua i oronga mai ki te aronga e akarongo iaia ra. E kite akera ratou i te 33 reira, motu atura to ratou ngakau i te riri, e akacatu ua ora i te ravenga e mate ei ia ratou. Kua tu akera tetai 34 Pharisea ki runga i taua Sunederi ra, ko Gamaliela te ingoa, e apii ture, e tangata akameitakiia e te tangata ravarai, kua akaue atura e arataki atu i te au aposetolo ra ki vao, e kia roa 35 poto ake. E kua karanga atura aia kia ratou, E te au tangata no Iseraela nei, e matakite ia kotou i ta kotou rave anga atu i tenana aronga tangata. Tupu akenei a Teuda i muatangana 36 akenei i te akatieite anga iaia uorai e tangata maata aia; kapiti katoa atura te tangata iaia e a katoa paa anere; e taia atura aia; e te aronga katoa i akarongo iaia, pucurikiriki ke atura ia,

37 pou atura. Kua tupu akenei oki i muri ake iaia, ko Iuda no Galilea, i te tuatau i tataia'i te ingoa ra, e kapiti atura aia i te tangata e manganui i te aru anga atu iaia: e mate katoa atura aia; e te aronga katoa i aru iaia ra, 38 akangaoro rava atura ia. E teianei, teia taku tuatua kia kotou, E akataka ke atu kotou i tenana au tangata, e vaio ua atu: na te tangata teianei angaanga e teianei tuatua, ka ngaro ua ia: Na te Atua ra, kare rava e kore ia kotou; ko te riro aea oki kotou ei 40 aronga tamaki atu ki te Atua. Kua akatika maira ratou iaia: e akaokiia maira e ratou te au aposetolo ra ki roto, pūpū atura, e oti akera, kua akaue atura ia ratou, auraka rava e tuatua ma te ingoa o Iesu, e kua tuku 41 atura ia ratou. Aere atura raton mei te aroaro atu o te Sunederi, ma te rekareka, i te mea, no tona ingoa i manakoia'i ratou e tau ia ratou taua 42 takinga-kino ra. E kare e rā i tukua ia ratou, i te apii anga atu e te tuatua anga atu ia Iesu Mesia, ki roto i te iero ra, e i tera are i tera are.

PENE VI.

Toko itu puke tangata i ikiia ei Dia-kono, e to Setephano tapepe anyia ra.

- 1 E I taua tuatan ra, kia maata te au pipi ra, kua tupu ora te urutoc a te Eleni ki te Ebera, no te mea kare to ratou vaine takana i akonoia i te tuanga
- 2 apinga i te au rā katoa ra. E kua akaputuputu maira te ngauru ma rua ra i te au pipi katoa e manganui, kua na ko atura, Kare oki te mea tau ia matou kia kopae i te tuatua a te Atua, ka ra-
- 3 verave ei i te kaingakai na. E tenana, e te au taenake nei, e kimi io na kotou i e toko itu puke tangata rongo meitaki, e te ki i te Vaerua Tapu, e te karape, i roto ia kotou na, ko ta matou
- 4 ia e akono no te reira angaanga. Kareka matou, ei te pure matou auraka e tukumoe, e ei te apii oki i te tuatua.
- 5 Mareka rava atura taua aronga maata ravarai i te reira tuatua; e kua iki ora ratou ia Setephano, e tangata ki i te Vaerua Tapu e te akarongo, e Philipa, e Porokoro, e Nikanora, e Timona, e Paremena, e Nikolao, e peroselito
- 6 aia no Anetioka; Ko ta ratou ia i tuku atu ki mua i te aroaro o te au aposetolo ra; e oti akera te pure, kua tuku maira to ratou rima ki rungao ia ratou ra.
- 7 Tupu atura te tuatua a te Atua; e

maata rava atura oki te au pipi i Ieru-
salema; e manganui oki to te kau taunga
i akarongo i te tuatua. E ko Setephano
ra, ki akera ia i te akarongo e te
mana, rave atura aia i te semcio maata
e te piri i roto i te tangata. Kua
tu maira tetai pae o te sunago i tua-
tuaia ra e, no te Liberitino, e to Ku-
rene, e to Alekanederea, e to Kili-
kia, e to Asia, i te taumaro anga mai
ia Setephano. E kare atura i tika ia
ratou kia patoi mai i te pakari e te
vaerua i tuatuaia aia ra. Kua tiki
atura ratou i te tangata ei tuatua e,
Kua akarongo matou iaia i te tuatua
anga i te tuatua akakino ia Mose e te
Atua. E kua taori atura ratou i te
tangata, e te aronga pakari, e te au tata
tuatua ra; e tei runga rava maira
ratou iaia, kua opu maira, kave atura
ki te Sunederi ra. E kua tuku atura
oki i nga kite pikikaa, ko tei karanga
e, Kare teianei tangata i tukumoe
i te tuatua mai i te tuatua akakino
i teianei ngai-tapu e te ture nei: Kua
kite oki matou iaia i te tuatua anga
e, ka pou teianei ngai ia Iesu no Naza-
reta nei, e ka kore oki iaia te peu
tini ta Mose i tuku mai kia tatou nei
ra. Te tiroi matariki maira taua
Sunederi katoa e noo ra kiaia, e akara
atura i tona mata mei te mata o te
angela ra.

PENE VII.

*Ta Setephano akatika anga iaia na-
orai ki mua i te aroaro o te Su-
nederi, e te poi angaia ki te toka.*

KUA tuatua maira te taunga ma-
ata ra, Koia tika ainei te reira?
Kua karanga atura aia, E tama, e
te au taenke, e te aronga metua nei,
ka akarongo mai ana; Kua akakite
mai te Atua kakū kia Aberahama ki
to tatou metua ka noo ei aia i Meso-
patamia ra, ou aia i noo ei i Harana,
Kua na ko maira kiaia, "E aere ke
mai koe i to enua e toou kopu-ta-
ngata, e aere mai koe ki te enua taku
e akakite atu kia koe." Kua aere
maira aia mei te enua mai o Kale-
dea, e noo ora i Harana: e mate atura
tona metua, mei reira oki, kua arataki
maira te Atua iaia ki teianei enua e
nooia e kotou nei; Kare ra aia i
oronga ua atu i tetai pac kainga nona i
taua enua nei, e mei tana ngai e takai
ra te maata: kua tuatua maira aia
e oronga mai nona, e no tona uanga
a muri ake, kare rai ana tamaiti i
reira. Kua na ko maira te Atua kiaia

e, e purutia tona uanga i te enua ke;
e ka ope i te akaaoia e ratou, e ka
takinga-kino mai oki ia ratou, e ka
7 a anere anga mataiti. E kua tuatua
mai te Atua, "I tana enua i ao ei ratou
ra e, naku ia e akava atu: ei reira
ratou e aere mai ei" ki ko nei e aka-
8 mori ei iaku. E kua tuku maira aia
kiaia i te kororomotu ra i te peritome.
E anau akera tana ko Isaaka, peri-
tome ora iaia i te po varu ra; e
anau akera ta Isaaka ko Iakoba; e
anau akera ta Iakoba ko te au pate-
9 riarika tino ngauru ma rua ra. E
vareac ora te au pateriarika ra, oko
atura ia Iosepha ki Aiphiti: tei iaia
10 ra te Atua; E kua akaora iaia i tona
katoa au mate, e kua oronga mai i
te pakari e te meitaki nona i mua i
te aroaro o Pharao i te ariki no Ai-
phiti ra; e nana aia i akariro atu ei
kavana i Aiphiti e tona katoa kopu-
11 tangata. E rokoia iora Aiphiti e
Kanaana e te onge e te mate maata,
e pini rava akera te enua; e kare rava
12 a to tatou ai metua kai i rauka. Kia
kite rā Iakoba e, e kai tei Aiphiti,
kua tono atura aia i to tatou ai me-
13 tua i te *tono anga* muatangana. E
tac akera ki te rua, akakite mairā
Iosepha ki tona ai tuakana; e i akaki-
teia oki te kopu-tangata o Iosepha kia
14 Pharao. Kua unga aturā Iosepha i te
tangata e tiki i tona metua ia Iakoba,
e tona kopu-tangata katoa, e itu ngauru
15 anga ma rima. Aere aturā Iakoba ki
Aiphiti, e mate atura ki reira, e to ta-
16 tou ai metua katoa ra. E apaiia atura
ki Sikema, tukuia atura ki te tanu-
manga i okoia e Aberahama ki te
moni i te au tamariki a Memora i te
17 metua no Sikema ra. Kia vaitata ra
te tuatua ta te Atua i tuatua mai kia
Aberahama ma te taputou ra, te rai
ra oki taua au tangata ra i Aiphiti;
18 E tupu akera oki tetai ariki ke, kare i
19 kite ia Iosepha. Kimi ora aia i te
ravenga pakari i to tatou, e takinga-
kino iora i to tatou ai metua, i te aka-
rue anga i ta ratou tamariki kia mate
20 ratou. I te reira tuatau to Mose
anau anga, e purutu maata oki aia,
anguia iora aia i roto i te are o tona
21 metua, e toru marama: E kia aka-
rueia aia, kua rave maira te tamaine
na Pharao iaia, utuutu atura ei ta-
22 maiti nana orai. E apaiia iorā Mese
i te au tuatua pakari a to Aiphiti; e
mana atura aia i tana tuatua e tana
23 ravenga. E tac akera ki te a tikai o
te ngauru anga i tona mataiti, maara
akera tona ngakau e aere e akara i

tona au taeake i te tamariki na Iseraela.
 E kite atura aia i tetai o ratou i te 24
 takinga-kino angaia, akatikia atura aia,
 e ta ora i te tangata Aiphiiti ei tutaki
 no tei takinga-kinoia ra. Maara akera 25
 aia e kite tona ai taeake e, e ora oki
 ratou iaia i te Atua: kare ra ratou i
 kite. E ao akera kua akakite *akaou* 26
 atura aia kia ratou ra, e te kukumi
 ra oki e *toko rua* o ratou, kua vavao
 atura aia ia raua kia ongi, e na ko
 atura, E tūma, e taeake korua; eaa
 korua i takinga-kino ei ia korua orai?
 Ko te tangata ra i takinga-kino atu 27
 i tona taeake ra, kua opara maira iaia,
 na ko maira, "Naai koe i akariro
 ei kavana e ei akava ia matou
 nei? Ka ta mai koe iaku, mei tauu 28
 i ta i te Aiphiiti i nanai ra?" Oro 29
 ke aturū Mose ki Midiana i taua
 tuatua ra; purutia atura i te reira
 enua, anau akera ana puke tamariki
 tamaroa i reira toko rua. E ka a 30
 akera ngauru anga o te mataiti i ope,
 kua mama maira te Angela a te Atua
 kiaia i roto i te ai i tetai pu ngangaere
 i te medebara i te maunga ra i Sinai. E 31
 kia akara aturū Mose, umere atura aia
 i taua mea ra: e kia akavaitata atura
 aia ki te pae e akara, kua topa maira te
 reo o te Atua kiaia ra, *Na ko maira*, 32
 "Ko au te Atua o to ai metua ra, ko
 te Atua o Aberahama, e te Atua o
 Isaaka, e te Atua o Iakoba." Rute-
 tetete orū Mose, kare akera aia e
 akara atu i te matakū. Kua tuatua 33
 maira te Atua kiaia, "Ka kiriti to ta-
 maka i to vaevae; ko te ngai oki
 tauu e tu mai ana, e one tapu ia." Kua 34
 akara tikai au i te mate o toku iti-
 tangata i Aiphiiti; e kua akarongo au i
 to ratou ngunguru anga: i aere mai nei
 au ki raro nei e akaora ia ratou. E
 aere mai koe i tenana, ka tono au ia
 koe ki Aiphiiti." Ko taua Mose ra ta 35
 ratou i opara ra, i te na ko anga mai-
 ra e, "Naai koe i akariro ei kavana e
 ei akava?" koia tei tonokia atu e te
 Atua i te te rima o te Angela i mama
 mai kiaia i roto i te pu ngangaere ra
 ei kavana e ei akaora. Nana ratou 36
 i arataki mai, e rave atura oki i te
 akairo e te semeio i taua enua ra i
 Aiphiiti, e i te tai muramura, e i te
 medebara oki, ka a ngauru anga te
 mataiti. Ko taua Mose ra oki tei 37
 karanga atu ki te tamariki na Iseraela
 e, "E akatupu to kotou Atua ko Ie-
 hova i tetai peroveta no kotou ei roto
 i to kotou ai taeake na, mei iaku katoa
 nei rai te tu; koia ta kotou e akaro-
 ngo." Koia katoa oki tei roto i te 38

ekalesia i te medebara ra, koia katoa
 oki e te angela i tuatua mai kiaia i te
 maunga i Sinai ra, koia katoa oki e
 to tatou ai metua: ko te rave atu i te
 tuatua ora e apai mai na tatou ra: 39
 Koia tei kore i akarongoia e to tatou
 ai metua ra, e opara ke atura ratou
iaia, e oki akaou atura oki to ratou
 40 ngakau ki Aiphiiti, Ka na ko atu ei
 kia Aaron a ra e, "Ka rapa koe i tetai
 atua ei na mua ia tatou: kareka taua
 Mose nei i arataki mai ia tatou mei
 te enua maira mei Aiphiiti, kare tatou
 41 i kite i tona aerenga." Kua anga ora
 ratou i te kala i taua au rā ra, e apai
 atura oki te tusia ki taua idolo ra, e
 rekareka atura i ta to ratou orai rima
 42 i anga ra. Ariu ke atura te Atua,
 akaruke mai nei ia ratou kia akamori
 ua na i to te rangi; koia tei tataia ki
 roto i te buka a te au peroveta ra e,
 "E te ngutua e o Iseraela e, i apai mai
 kotou i te puaka iaia naku, e te tusia i
 te medebara ra, ka a ngauru anga te
 mataiti ra? Kua apai oki kotou i te
 puakapa o Moloka, e te etu o to kotou
 atua ko Rephana, te au tu ta kotou
 i anga ei akamori anga ra: e *teianei*
 ka apai ke atu au ia kotou ki ko atu i
 44 Babulonia." EAre kite oki to to tatou
 ai metua i te medebara, i akakoroia
 e ia, ka tuatua mai ei kia Mose ra e,
 Ka anga koe mei te tu tauu i kite ra.
 45 Ko ta to tatou ai metua i rave ra, e
 kua apai maira ratou katoa ko Iosua
 ki te enua o te etene ta te Atua i tuaru
 atu i mua i te aroaro o to tatou ai
 metua ra, e tae rava akenei ki te tua-
 46 tau ia Davida nei; Ko tei akapere-
 pereia mai ki mua i te aroaro o te Atua
 ra, inangaro akera kia rauka iaia tetai
 47 puakapa no te Atua o Iakoba. Na Solo-
 mona ra i akatu i tetai e nona. Kare
 48 ra Tei Teitei e noo i te are i angaia e te
 rima, ta te peroveta i tuatua maira e,
 49 "Te na ko mairā Iehova, Ko te rangi
 toku terono, e ko te enua toku takainga
 vaevae: eaa te tu o ta kotou are kia
 akatu noku, e teiea taua ngai akaanga-
 50 rolianga noku ra? Kare ainei na toku ri-
 51 ma i anga te apinga tini ravarai nei?" E
 te aronga paketaketa nei, e te ngakau
 e te taringa peritome koreia nei, e
 patoi ua rai kotou i te Vaerua Tapu;
 mei to kotou ai metua, koia katoa
 52 kotou. Koai to te au peroveta i kore
 i takinga-kinoia e to kotou ai metua
 ra? E kua ta ratou i te aronga i aka-
 kite manao mai i te aerenga mai o
 taua Tangata Tuatua-tika Okotai ra; e
 kua riro io nei kotou ei pikikaa atu iaia,
 53 e ei tamate rava oki: Kua tukua mai

oki te ture kia kotou na roto i te tupati angela ra, e kare akenei kotou i akono i te *reira*.

E tei te akarongo anga atu ratou i 54
tana au tuatua ra, motu atura to ratou ngakau i te *riri*; pakati atura to ratou nio iaia. Kua ki akera aia i te Vaeua 55
Tapu, akara tamou tikai atura ki runga i te rangi, e kite atura i te kakā o te Atua, e ia Iesu i te tu anga i te rima katau o te Atua ra; Kua na ko akera 56
aia, I na, te kite atura au i te rangi i te vetee anga, e te Tamaiti na te tangata i te tu anga i te rima katau o te Atua ra. Kua tuoa maira to ratou reo, 57
momani ora i to ratou taringa, oro viviki na atura ratou ravarai ki runga iaia, Turaki atura iaia ki vao i 58
taua oire ra, pei ora iaia ki te toka: e nga tangata kite ra, tuku maira to ratou kakau ki te pae vaevae o tetai tangata ou ra, ko Saula te ingoa. Kua 59
pei ora ratou ia Setephano ki te toka, te pure ua ra aia, te na ko ra, E te Atua, e Iesu e, ka rave mai koe i toku vaeua. Tuturi ora aia, kua kapiki 60
ua atura ma te reo maata, E te Atua e, auraka teianei ara e io mai kia ratou nei! E tei te akapera anga ra, moe atura aia.

PENE VIII.

Te ekalesia i te takinga-kino angaia e Saula: ta Philipa angaanga i Samaria: ko Simona purepure e Petero: ko Philipa e te cumuka Etiopia.

MAREKA rava aturā Saula koia i 1
iaia.

Tupu ora te takinga-kino maata i 2
taua tuatua ra i te ekalesia i Ierusalem ra; pueurikiriki ke atura ratou katoa, e pini rava akera Iudea e Samaria ra, mari ra ko te au aposetolo 3
ra. Kua apai atura te au tangata paieti ia Setephano ki te *menema* ra, anga rava atura ratou iaia. Karekū Saula, pou atura te ekalesia iaia, i te tomo anga atu ki roto i te au are, e te kika anga i te tane ma te vaine, e te tuku anga atu ki roto i te are tapekū- 4
nga ra.

Ko taua aronga ra i pueurikiriki ke 4
ra, aere atura e akakite aere i te tuatua e pini rava ake te *enua katoa*. Aere 5
aturā Philipa ki tetai oire i Samaria, akakite atura kia ratou i te Mesia. E kia akarongo maira ratou, e kite 6
akera oki i te au semeio tana i rave ra, kua rotai marie maira te ngakau o te

tangata i te akono anga mai i te tuatua 7
i karangaia atu e Philipa ra. Kua kapiki ua maira oki i te au vaeua kino ma te reo maata, e kua aere maira ki vao i te aronga i urua e manganui ra: e manganui oki te akangoru e te pirikoki i 8
ora. Mareka rava akera to taua oire ra. 9
Ko tetai tangata ra i noo i taua oire ra, ko Simona te ingoa, i purepure ana i muatangana, e te na ko anga atu e, e tangata maata rava atu aia, e va atura 10
te tangata o Samaria iaia. Akono atura ratou katoa iaia, te tangata riki-riki e tae ua atura ki te tangata ma- 11
maata, na ko akera, Ko te mana maata o te Atua teianei tangata. Akono atura ratou iaia, no te mea kua roa akera to ratou vavaranga iaia i tana 12
peu purepure. Kia akarongo ra ratou ia Philipa i te tuatua anga i te tuatua meitaki o te basileia o te Atua, e te ingoa oki o Iesu Mesia, baptizoia ora ratou, te tane ma te vaine katoa oki. 13
E akarongo katoa maira oki a Simona; e kia baptizoia aia ra, kua piri maira aia kia Philipa; e umere maira aia i te akara anga mai i te au akairo e te au 14
semeio maata, i raveia ra. E kite akera te au aposetolo e noo i Ierusalem ra e, kua mou to Samaria i te tuatua a te Atua, kua tono atura ia Petero raua ko Ioane kia ratou ra: 15
E tatac atura raua ki raro, kua pure ora kia orongaia mai te Vaeua Tapu 16
kia ratou: Kare rai oki aia i to mai ki rungao ia ratou katoa; ko te baptizo anake ra to ratou ma te ingoa o te Atua 17
ra o Iesu. Kua tuku atura raua i to raua rima ki rungao ia ratou, rauka 18
ora te Vaeua Tapu ia ratou. E kia akara akerā Simona kia tukuia te rima o aua nga aposetolo ra ki rungao i orongaia mai ei te Vaeua Tapu ra, kua akakite maira aia kia raua i te 19
moni, Na ko maira, E o mai katoa mai tenana mana noku, kia tuku au i toku rima ki rungao i te tangata ra, 20
rauka mai te Vaeua Tapu iaia. Kua karanga aturā Petero kiaia, Kia riro katoa atu tauu moni ki te mate e ko koe katoa, ko koe i manako e, e oko na ta te Atua i oronga ua maira ki te 21
moni. Kare rava au tuanga e te puapinga i teianei tuatua; kare rava i tika toou ngakau ki mua i te aroaro o te Atua 22
ra. E teianei, ka tataraaara koe i taua ara naau nei; e ka pure i te Atua, penei-ake kia inatara taua ara manako nga- 23
kau naau na. Te kite nei oki au e, tei roto rai koe i te au kavangu ra, 24
e te tapeka o te kino ra. Kua tuatua mairā Simona, na ko maira, E pure

korua i te Atua noku, kia kore au e rokoa i ta korua i tuatua na.

Kua akakite atura oki raua i ta raua 25
tuatua, e kua ako atura i te tuatua a te
Atu, e oti akera, oki tika maira ki Ie-
rusalema, i te tuatua aere anga i te eva-
ngelia i te au vila katoa o to Samaria
e manganui ra.

Kua tuatua maira tetai angela a te 26
Atu kia Philipa, na ko maira, Ka tu, e
aere tika atu koe ki te pae i apatoke-
rau ra, ki te arataa e aere tika atu ei ki
Gaza na Ierusalemā mai i te ngai me-
debara. Tu akera aia ki runga, aere 27
atura: e i na, e cunuka, no Etiopia, e
tangata mana ki o Kanedake i te ariki
vaine no Etiopia ra, koia te tiaki i te
apinga tini nona ra, i aere maira aia ki
Ierusalemā e akamori i te Atua; E te 28
noo ra ki runga i tana kariota, te oki
ra, e te tatau ra oki i ta Isaia peroveta
ra. Kua na ko maira te Vaeura kia 29
Philipa, Ka aere koe e akapiri atu ki
te pae i tera ra kariota. Oro aturā 30
Philipa i reira, e akarongo atura iaia i
te tatau anga i ta te peroveta ra i ta
Isaia, e na ko atura, Te kite na koe i
taau e tatau na? Kua tuatua maira 31
aia, Eaa au e kite ei, naringa e tangata
te akakite mai kiaku? E kua tuatua
maira aia kia Philipa e kake ki runga
noo ei raua katoa. Teia taua takiato 32
tuatua i tataia i tatauia e ia ra, "I
aratakia aia mei te mamoe ki te tainga
ra, e mei te arenio e muteki ua ki mua i
te araro o tei pakoti i tona uruuru ra,
kare katoa oki tona vaa i tuatua mai: I 33
akakorcia tana tuatua-tau i tona akaaka
anga ra, e naai tona uki e akakite? i
tipu keia tona ora i te ao nei." Kua 34
tuatua maira te cunuka kia Philipa,
na ko maira, Ka akakite mai ana koe,
noni ta te peroveta nei tuatua? nona
uaorai ainei? e no tetai tangata ke ai-
nei? Kua tuatua marie atura to Phi- 35
lipa vaa na taua takiato tuatua i tataia
ra, e akakite atura i te tuatua no Iesu
kiaia. E te aere ra raua na te arataa, 26
tae atura raua ki tetai vai; kua tuatua
maira te cunuka, I na e vai teia, eaa
au nei e kore ei e baptizoia? Kua 37
karanga aturā Philipa, Kua akarongo
koe ma to ngakau katon, e tika ia.
Kua tuatua maira aia, na ko maira,
Kua akarongo au e, ko Iesu Mesia, ko
te Tamaiti na te Atua ia. Kua akae 38
atura aia ki taua kariota ra kia noo;
e ke atura raua ki raro i te vai, ko
Philipa e te cunuka katoa ra; e bape-
tizo atura aia iaia. E tae maira raua 39
ki runga mei raro mai i taua vai ra,
kua rave maira te Vaeura o te Atua ia

Philipa, kare atura te cunuka i kito
akaou atu iaia: e aere atura aia i tona
40 aerenga ma te rekareka. E kitea
aturā Philipa i Azoto: aere atura aia
na roto i te au oire katoa i te ako aere
anga, e tae rava atura aia ki Kaisarca.

PENE IX.

*To Saula akaariu angaia i te reo no te
rangi mai, e tona baptizo angaia e
Anania i Damaseko: koia ka taia e
te ngati Iuda i oro ei ki Ierusalemā,
e i muringao ki Tareso: to Ainea
ora anga ia Petero i Luda, e to
Tabita akaora angaia mei te mate
maira i Topa.*

- 1 **K**AREKĀ Saula, te maata ua ra ia
tana tuatua akamataku e te ta i
te au pipi a te Atua ra, e aere atura aia
2 ki te taunga maata ra, Kua patī atura
iaia i te leta e kave ki te au sunago i
Damaseko, e kia kitea atu e ia te aro-
nga i mou i taua tuatua ra, kia arataki
mai aia ia ratou ma te tapeka auri ka-
toa ki Ierusalemā, te tane e te vaine
3 katoa oki. E aere atura aia i tona
tere, e vaitata atura aia ki Damaseko
ra; kua pini rava akera aia i reira i te
mārama no te rangi i te kakā anga mai;
4 Topa ora aia ki raro i te one, e akarongo
atura aia i tetai reo i te tuatua anga mai
kiaia, E Saula, e Saula, eaa koe i ta-
5 kinga-kino mai ei iaku? Kua karanga
atura aia, E te Atua, koai koe? Kua
tuatua maira te Atua, Ko au ko Iesu
taau i takinga-kino mai nei; e mea ra-
vengata naau kia takatakai i te ko.
6 Kua karanga atura aia ma te rutetete
e te tumatetenga, E te Atua, akapea
au, eaa toou anoano? Kua tuatua
maira te Atua kiaia, Ka tu ki runga,
e aere koe ki roto i te oire, ei reira koe
7 e akakiteia mai ei i taua ravenga. E
te au tangata i aere ma ia katoa, tu ua
ora ia ma te muteki, kua kite katoa
oki i te reo ra, kare ra e tangata i kitea.
8 Kua tu akērā Saula ki runga mei raro
mai i te one; te puera ua ra tona mata,
kare rava ra aia i kite i te tangata: i
aratakia atura aia e ratou ki te rima, e
9 tae atura aia ki Damaseko. E po toru
akera aia ma te kite kore; e kare rai
oki i kaikai e te inu oki.
10 Tei Damaseko tetai pipi ko Anania
te ingoa, kua tuatua maira te Atua i te
orama kiaia, E Anania. Kua karanga
11 atura aia, E te Atua, teia au. Kua tuatua
maira te Atua kiaia, Ka tu, ka aere
ki te arataa i tuatuaia ra, ko Tika ua,
e te ngutuare rava o Iuda ra ka ui atu
ei i tetai tangata no Tareso, ko Saula te

ingoa : i na oki, te pure ra aia, E kua 12
 kite akenei oki aia i te orama i tetai
 tangata, ko Anania te ingoa, i te tomo
 anga atu ki roto, e te tuku anga i te
 rima ki rungao iaia, kia kite akaou aia.
 Kua karanga aturā Anania, E te Atū, 13
 e manganui akenei toku kite i te reira
 tangata, i tona takinga-kino maata i
 to aronga tapu i Ierusalemā ra : E 14
 mana oki tona i ko nei no te kau tau-
 nga nunui ra, kia tapeka aia i te au
 tūngata katoa e akaiki i to ingoa na.
 Kua tuatua maira te Atū kiaia, E aere 15
 koe ; e āriki ikiia oki aia naku, ei apai
 i toku ingoa ki mua i te aroaro o te au
 etene, e te ui āriki ra, e te tamariki
 na Iseraela ra : E akakite oki au kiaia 16
 i te maata o te mate e tika'i iaia kia
 akakoromaki no toku nei ingoa. Aere 17
 aturā Anania, e tomo atura ki roto i te
 are ; kua tuku atura i tona rima ki
 rungao iaia, na ko atura, E *taku* taake
 e Saula, na te Atū na Iesu taau i kite i
 te arataa, ia koe i aere mai nei, i tona
 mai iaku kia puera toou mata, e kia
 akakiia koe ki te Vaerua Tapu. Kua 18
 topa ora i reira tetai mea no runga i
 tona mata, mei te poa ika te tu ; e kite
 akaou atura aia i reira, tu akera ki
 runga, e bapetizoia ora oki. E kia kai 19
 aia i te manga, maroiroi akera aia.

Noo ora Saula i etai puke rā ki o te
 au pipi i Damaseko ra. Kua akakite 20
 atura aia i reira i te Mesia i roto i te
 au sunago ra e, ko te Tamaiti aia na te
 Atua. Va anake ora te au tangata ka- 21
 toa i akarongo ra, na ko akera, Kare
 ainei teia te tangata i ta i te aronga i
 akaiki i teianci ingoa i Ierusalemā ra ?
 e ko tei aere mai oki i ko nei, e arataki
 tapeka ia ratou ki te kau taunga nunui ?
 Maroiroi rava aturā Saula, e muteki 22
 atura iaia te ngati Iuda, e noo i Dama-
 seko ra, tupu marie atura e ko te Me-
 sia teia. E manganui akera te rā i 23
 topa, kua akaaitete ora te ngati Iuda i
 te tuatua e ta iaia. I akakiteia mai- 24
 rā Saula i to ratou moctapapa anga.
 Kua tiaki atura ratou i te au ngutupa
 ra i te po e te ao e ta iaia. Kua rave 25
 ora te au pipi iaia, tuku atura ki raro
 na te pae koro i te po i roto i tetai
 tapora.

E tae aturā Saula ki Ierusalemā, 26
 kua timata atura aia i te kapiti atu ki
 te au pipi ra : matakū anake ora ratou
 iaia, kare i akarongo e, e pipi aia.
 Kua rave akērā Banaba iaia, arataki 27
 atura ki te au aposetolo ra, kua aka-
 kite atura kia ratou i tona kite anga i te
 Atū i te arataa ra, e tana tuatua anga
 mai kiaia ra, e tana ako anga i Damaseko

ma te ingoa o Iesu, kare rava i matakū
 28 ra. Kapiti atura aia kia ratou i te aere
 anga atu ki vao, e te oki anga mai ki
 29 roto, i Ierusalemā ra : E ako atura aia
 i te ingoa o te Atū ra o Iesu ma te
 matakū kore ; e taumāro atura aia i te
 au Eleni ra : te umuumu maira oki ra-
 30 tou iaia e ta. E kite akera te au
 taake ra, arataki atura iaia ki Kai-
 sarea, e kua tona atura oki iaia ki
 Tareso.

31 E au atura to te au ekalesia ra i
 reira, e pini rava ake Iudea katoa e
 Galilea, e Samaria oki, e kua maroiroi
 atura ; matakū atura oki i te Atū i to
 ratou aerenga, e ma te akapumaana
 oki a te Vaerua Tapu, maata atura
 32 ratou. Te tapini aere ra oki a Petero
 na taua au ngai katoa ra, e aere atura
 33 aia ki te aronga i noo i Luda ra. E
 kitea atura e ia tetai tangata i reira,
 ko Ainea te ingoa, kua mate i te aka-
 ngoru, ka varu akera mataiti i te
 34 akāvai ua anga ki runga i te roi. Kua
 karanga aturā Petero kiaia, E Ainea,
 te akaoraia mai na koe e Iesu e te
 Mesia ; ka tu, ka totoa i to roi. Tu
 35 akera aia i reira. Kua akara maira
 to Luda e to Sarona iaia, e kua ariu
 atura ki te Atū.

36 E te noo ra tetai pipi vaine i Iopa, ko
 Tabita te ingoa, (koa oki a Doreka kia
 akatauia :) kua ki oki taua vaine ra i te
 tuatua meitaki tana i rave ra, e te oro-
 37 nga oki i te apinga. E makia ora aia
 i taua puke rā ra, e mate rava atura :
 e oti akera aia i te oreia, vaio atura
 ratou iaia ki roto i te pia i runga ra.
 38 No te mea ra te vaiata ua ra Luda ki
 Iopa, e kite akera te au pipi e tei reirā
 Petero, kua tona maira ratou i e toko
 rua puke tangata e tuatua kiaia, e aere
 39 ki reira, eiaa e tavare. Kua tu akērā
 Petero, aere atura ratou katoa. E tae
 atura aia, kua arataki ratou iaia ki roto
 i taua pia i runga ra : kua tu ua maira
 te au vaine takaua i tona pae ma te
 aue, e te akakite anga mai i te au
 pona, e te kakau pu, i roia e Doreka,
 40 iaia i noo katoa ki o ratou ra. Kua
 tuku aturā Petero ia ratou ki vao, kua
 tuturi ora, pure atura : kua ariu atura
 ki taua kopapa ra, na ko atura, E
 Tabita, ka tu. Puera akera tona mata,
 e kite akera ia Petero, kua nootu ua
 41 maira aia ki runga. Kua rave atura
 aia i tona rima, akatu rava akera
 ki runga : kua kapiki atura i te aro-
 nga tapu ra, e te au vaine takaua ra,
 kua tuku atura iaia *kia ratou* ra, kua
 42 ora rava akera. Kitea puia akera i
 Iopa katoa ra ; e manganui tei aka-

rongo i te Atu. Noo ua ora aia i Iopa 43
e manganui te rā ki o tetai tangata ko
Simona te ingoa, e tangata rapakau
kiri.

PENE X.

*To Korenelio tuatua angaia mai e te-
tai angela: te orama a Petero: e te
tuku angaia mai o te Vaerua Tapu
ki runga i te etene.*

E TEI Kaisarea tetai tangata ko 1
Korenelio te ingoa, e rangatira
anere no te pupu vaeau e tuatuaia ra e,
no Itale, E tangata paieti, e matakū 2
oki aia i te Atu, e tona katoa ngu-
tuare, e e oronga oki i te apinga e
manganui no te tangata, e kare oki i
tukumoe i te pure i te Atu. E kite pu 3
atura aia i tetai angela a te Atu i te
orama, i te aere anga mai kiaia, i te ao,
i te ora iva ra, e te tuatua anga mai 4
kiaia e, E Korenelio e. Kua akara mata-
riki atura aia kiaia, matakū rava akera
aia, e kua na ko akera, E te Atu, eaa
teia? Kua tuatua maira aia kiaia. No
taau pure, e toou oronga anga apinga,
kua tae rava ki runga ki mua i te aro-
aro o te Atu ra, e akamaara anga ia 5
koe. E teianei, e tono koe i te tangata
ki Iopa e tiki ia Simona, ko te tuatuaia
e ko Petero ra: E noo aia ki o Simona 6
rapakau kiri ra, tei taatai tona are:
nana e akakite mai kia koe i taau
akono anga. E riro atura te angela i 7
tuatua mai kia Korenelio ra, kua ka-
piki atura aia i e toko rua puke tavini
nona uorai; e tetai vaeau paieti no te
aronga e noo i tona pae; E ope akera 8
taua au tuatua ra i te akakiteia atu e ia
kia ratou ra, kua tono atura ia ratou
ki Iopa.

E popongi akera, te aere ua ra ratou 9
i to ratou tere, e vaiata atura ratou ki
taua oire ra, aere aturā Petero ki
runga o i te are e pure, tei te ono paa o
te ora: Pongi rava ora aia, e kaki 10
atura i te manga e kai; te rave ra oki
to ratou i te kai, tareuia iora aia; E 11
kite atura aia i te rangi i te vetea
angaia, e tetai āriki mei te kakau
pu ra i te topa anga mai, i itikiia
nga kautuai e a katoa i te tuku angaia
mai ki raro i te one; E te au mea 12
katoa taki a vaeae o te enua nei, e te
au mea taee, e te au mea totoro aere,
e te manu oki o te reva ra, i roto. E 13
kua tae maira oki tetai reo kiaia, Ka
tu, e Petero; ka ta, ka kai. Kua 14
karanga aturā Petero, Auraka rava ia,
e te Atu; kare rai oki au i kai ana i

te kai noa, e te mea viivii, e teia noa i.
15 Kua oki maira taua reo ra, ko te rua ia,
Ko ta te Atu i tamā ra, auraka koe e
16 tuatua e, e mea noa ia. E toru akera
akapera anga mai: rave akaouia atura
17 taua āriki ra ki runga i te rangi. E
te eumiumi ua rā Petero ki roto iaia
uorai i te akatau anga i taua mea i ki-
tea e ia ra, i na, i ui ana te au tangata i
tonokia atu e Korenelio ra i te are o
Simona, tu anake atura oki ki te ngu-
18 tupa, Kua karanga atura, e ui atura,
E noo ainei a Simona i ko nei, ko te
19 tuatuaia e ko Petero. E te maara ua
rā Petero i taua orama ra, kua tuatua
maira te Vaerua kiaia, I na, te uiia
maira koe e toko toru puke tangata:
20 E teianei, ka tu koe, e aere ki raro,
ka aere katoa atu ei, auraka rava e
ekoko: naku oki ratou i tono mai.
21 Kua eke mairā Petero ki raro ki nga
tangata i tonokia atu kiaia e Kore-
nelio ra; kua tuatua maira, I na, ko
au ta kotou i kimi nei: eaa to kotou
22 tere i aere mai ei i ko nei? Kua ka-
rangata atura ratou, Ko Korenelio, e
rangatira anere ra, e tangata tuatua-
tika e te matakū oki i te Atu, e rongo
meitaki oki tona i te ngati Iuda katoa
ra; i akoia mai aia e tetai angela tapu
e tiki mai ia koe, e aere ki tona ngu-
tuare, kia kite aia i taau na tuatua.
23 Kua akatomo maira aia ia ratou ki
roto, akaangni atura.

E popongi akera, aere aturā Petero
e ratou katoa, e tokotai puke tacake i
24 Iopa i te aru katoa anga atu. E ao
akera oki, tae atura ratou ki Kaisarea.
Te tapapa mairā Korenelio ia ratou,
kua oti oki i te akaputupuia mai tona
kopu-tangata e te au oa tikai nona ra.
25 E tei te tomo anga atu a Petero ki
roto, kua aravei mairā Korenelio iaia,
akatapa ora ki raro i tona pae vaeae,
26 akamori maira iaia. Kua akatu
atura rā Petero iaia, na ko atura, Ka
27 tu; e tangata katoa oki au nei. Kua
karangaranga ora raua, e aere atura ki
roto, rokoia atura, kua putupu te
28 tangata e manganui. Kua karanga
atura aia kia ratou, Kua kite oki kotou
e, kare e tau i te tangata ngati Iuda kia
kapiti atu, e kare oki e tomo i te are o
te tangata o te enua kera; kua akakite
maira te Atu kiaku e, auraka au e te
tuatua i te tangata e, e mea noa e te
29 viivii oki. I aere mai ei au i te tiki
angaia akenei, kare au i toekitu: e teia-
nei, e ui atu au, No te aa i tiki ake ei
30 kotou iaku nei? Kua tuatua mairā
Korenelio, Ka po a akenei, te neseteia
ra au e tae akera ki teianei ora; e i te

iva o te ora i pure ei au i roto i toku are; e i na, kua tu ua maira tetai tangata i mua iaku ma te kakau kakā, E kua na ko maira, E Korenelio e, 31 kua akarongoia taau pure, e kua manakoia taau *oronga* anga apinga aroa i mua i te aroaro o te Atua ra; E teianei, ka unga koe i te tangata ki Iopa, e tiki atu ia Simona kia aere mai i ku nei, ko te tuatuaia e ko Petero; e noo aia i taatai, i te are o Simona rapakau kiri: e kia tae mai aia, nana ia e tuatua mai kia koe. I reira rai toku tono anga atu 33 i te karere kia koe; e meitaki rava atura ko koe i aere mai nei. E teianei, teia anake matou tei mua i te aroaro o te Atua, kia kite matou i te au tuatua katoa ta te Atua i poroaki io kia koe ra. Kua karanga atura te vaa o Petero, 34 Kua kite mou atura au e, kare te Atua e akono i te tu o te tangata: Ko te mataku ra iaia, e ko te rave i te tuatua-tika, i te pa enua ravarai, ko tei kiteia mai ia e ia. Kua kite oki kotou 36 i te tuatua tana i akau ki te tamariki na Iseraela ra, i te tuatua aere anga i te au ia Iesu Mesia: (koa te Atu o te au mea katoa ra:) Ko te tuatua i 37 tuatuaia na Galilea maira e pini rava ake Iudea katoa ra, i muri ake i te baptizoanga i tuatua aereia e Ioane ra; Ia Iesu no Nazareta, ko tei aka- 38 tainuia mai e te Atua ki te Vaeua Tapu e te mana ra: ko tei takingameitaki aere ra, e te akonora anga i te aronga ravarai i teianei *te rave kino* a te diabolo; tei iaia oki te Atua. Ko 39 matou nei oki te kite i te peu tini tana i rave i Ierusalem ra, e te enua katoa oki o te ngati Iuda ra; na ratou oki aia i ta, i te akauta anga ki runga i te rakau: Koa oki ta te Atua i akatu 40 ki runga i te po toru ra, e kua akakite iaia ki te ngaiatea ra; Auraka ra te tangata tini ravarai, ko te aronga ra i akonoia e te Atua e kite ra, kua oki matou nei, ko tei kai katoa i te manga e kua inu ma ia katoa i muri ake i tona tu anga mai mei te mate maira. E kua ikuiku 42 maira aia ia matou e tuatua aere matou ki te tangata, e akakite ua atu oki e, koia tei akonoia e te Atua e Akava i tei ora e i tei mate ra oki. Koa oki ta te au peroveta katoa i 43 akakite maira e, ko te akarongo iaia ra e akakoreia ta ratou ara i tona ingoa.

E te karanga aturā Petero i taua au 44 tuatua nei, kua topa maira te Vaeua Tapu ki runga i taua aronga katoa i akarongo mai i taua tuatua ra. E te 45 aronga katoa o te peritome i akarongo ra, ko tei aere katoa mai ratou ko Pe-

tero ra, va atura ratou, i te mea i riringia mai te meitaki ra, te Vaeua Tapu, 46 ki runga katoa i te etene ra. I akarongo atura oki ratou ia ratou i te tuatua anga i te tuatua ke, e te akameitaki anga i te 47 Atua. Kua tuatua iorū Petero, E tika aia i te tangata kia akakore i te vai kia kore e baptizoia teianei aronga, ko tei rauka oki ia ratou te Vaeua Tapu 48 mei ia tatou katoa nei? Kua akaue atura aia ia ratou, e baptizo ma te ingoa o te Atu ra. Kua tapu maira ratou iaia, kia noo aia *ki o ratou ra* i etai puke rā.

PENE XI.

To Petero akuapa anguia i te mea aia i aere i te etene: tona akatiku anga iaia uararai i te akakite anga i te orama ra: ko Banaba i Anetioka, e tona aereanga ki Tareso e kimi ia Saula: i Anetioka to te au pipi tapa angia e Keresiliano: te tolou a Gabu.

1 **E** KITE atura te au aposetolo e te au taake i Iudea ra e, kua mou katoa te etene i te tuatua a te Atua. 2 E tae aturā Petero ki Ierusalem, kua taumāro maira to te peritome iaia, 3 Na ko maira, I tomo ana koe ki o te peritome koreia ra, e i kaikai ana koe 4 e ratou katoa oki. Kua akapapa marie aturā Petero i *taua tuatua ra*, i te akakite anga atu kia ratou mei 5 muatanga mai, na ko atura, Te pure ra au i te oire i Iopa; tareuia ora au e kite atura au i te orama, i tetai 6 ūriki mei te kakau pu ra i te topa anga mai no runga i te rangi, i na nga kautuai e a ra te tuku ki raro, e 7 tae rava maira i vaiatea kiaku: E tiroi matariki atura toku mata ki taua mea ra, kite atura au i te au mea vae- 8 vae a o te enua nei, e te puaka taue, e te au mea totoro aere, e te manu o 7 te reva ra. E akarongo atura au i tetai reo i te tuatua anga mai kiaku, Ka 8 tu, e Petero; ka ta, ka kai. Kua karanga atura au, Auraka rava ia, e te 9 Atu; kare rava akenei te kai noa e te mea viivii i o ki roto i toku van, e teia 10 noa'i. Kua tuatua akaou maira taua reo ra no runga i te rangi mai kiaku, Ta te Atua i tamā ra, auraka koe e 11 tuatua e, e mea noa ia. E toru akera oki akapera anga mai: uti akaouia atura taua au mea ravarai ra ki runga 12 i te rangi. E i na, e toko toru puke tangata mei Kaisarea mai, i tonokia mai kiaku, tei roto maira i te are 12 taku i noo i reira ra. Kua akauc

maira te Vaerua iaku e aere e ratou katoa, auraka rava e ekoko. E ko teia katoa nei oki au taeake toko ono nei i te aere katoa anga matou, e tonio atura matou ki roto i te are o taua tangata ra: E kua tuatua maira aia kia 13 matou, kua kite aia i tetai angela i te tu anga ki roto i tona are, e te tuatua anga mai kiaia e, Ka tono i te tangata ki lopa e tiki ia Simona ko Petero tetai ingoa ona; Nana e tuatua mai 14 kia koe i te tuatua e ora'i koe, ma to kopu-tangata katoa oki. E tei te 15 tuatua anga atu au ra, kua topa maira te Vaerua Tapu ki rungao ia ratou, mei tei ia tatou i muatangana ra. Kua manako ora au i te tuatua a te 16 Atu tana i tuatua maira e, I bapetizo rai oki a Ioane ki te vai; ka bapetizoia ra kotou ki te Vaerua Tapu. E aite 17 akera oki ta te Atua i oronga mai kia tatou nei i tei akarongo i te Atu ia Iesu Mesia, i tana i oronga atu kia ratou ra; koai oki au ka tika iaku 18 kia mao atu i te Atua? E kite akera ratou i taua au tuatua ra, kua tuku marie maira ratou, e akakaka atura i te Atua, na ko akera, Kua oronga katoa mari te Atua i te tatarara ora ki te etene.

Ko te aronga oki i pueurikiriki ke 19 i te takinga-kino i tupu ia Setephano ra, aere rava atura ki Phenias, e ki Kupro, e Anetioka, i te tuatua anga i te tuatua ki te ngati Iuda anake ra. E tetai papaki tangata o 20 ratou, no Kupro ia, e no Kurene, ko tei tuatua atu ia ki te Eleni i to ratou tae anga atu ki Anetioka, i te tuatua anga i te Atu ia Iesu. E tei ia ratou 21 oki te rima o te Atu; e aronga maata oki tei akarongo, e kua ariu ki te Atu ra. E kua tae rava atura 22 te rongu ki te taringa o te ekalesia i Ierusalem, e kua tono oki ratou ia Banaba e aere aia ki Anetioka. E tae atura aia e kite atura i te 23 aroa ua o te Atua, mareka rava atura, e ako atura ia ratou ravarai, kia topiri atu ki te Atu ma te ngakau katoa. E 24 tangata meitaki oki aia, e kua ki i te Vaerua Tapu ma te akarongo: e aronga maata oki tei kapitii ki te Atu ra. E aere atura Banaba ki Tareso e 25 kimi ia Saula; E kite atura aia iaia, 26 kua arataki maira iaia ki Anetioka. E okotai katoa o raua mataiti i reira i te kapiti anga ki taua ekalesia ra, e api atura i te tangata e manganui. E i Anetioka ana te tapa angaia te ingoa o te au pipi e Keresitiano.

E puke peroveta tei aere mai ki 27

Anetioka i taua au ra ra, mei Ierusa- 28 lema mai. Kua tu akera tetai o ratou ki runga, ko Agabo te ingoa, kua akakite maira i ta te Vaerua e, te waitata maira te onge maata i te pa enua ravarai nei: ko tei tupu ia i te au ia Ka- 29 laudio Kaisara ra. Kua akakoro ora te au pipi e akau i te *apinga*, tona atu rai, tona atu rai, e tau iaia uorai, ei turu atu i te au taeake i noo i Iudea 30 ra: I pera atura oki ratou, akau atura ki te au peresibutero, i te rima o Banaba raua ko Saula.

PENE XII.

o Iakobo matenga: to Petero uri angaia ki roto i te are tapekanga, e te akaora angaia e tetai angela: to Heroda matenga rikarika.

1 I TAUA tuatau ra, kua akatika ma'ra te ariki ra ko Heroda i tona rima e takinga-kino mai i tetai pa e te eka- 2 lesia ra. E kua ta ora ia Iakobo i te 3 taeake o Ioane ki te koke. E kite akera aia e, te meitaki ra te ngati Iuda i te reira, kua umuimu atura aia e opu katoa ia Petero. (Ko te au ra manga 4 akaopue koreia ra te reira.) E rauka ora aia iaia, tuku atura aia iaia ki roto i te are tapekanga ra, e tuku atura iaia ki te au vaeau tino ngauru ma ono ra ei tiaki iaia: i manako aia e, kia oti te pasa arataki mai ei iaia ki vao i te ta- 5 ngata. Tiakia ora Petero i roto i te are tapekanga ra: kua pure atura te ekalesia i te Atua iaia kare i tukumoe. 6 E waitata akera Heroda i te arataki mai iaia ki vao, te moe ua ra Petero i taua po ra i rotou i nga vaeau toko rua, i tapekaia ki te auri pirianganaoa e rua; e tei te ngutupa nga vaeau i te tapapa anga i taua are tapekanga ra. 7 E i na, kua mama maira tetai angela a te Atu ra, e kua kakā maira te mārama ki roto i taua are tapekanga ra; kua papaki maira aia i te kaokao o Petero, akaara maira iaia, na ko maira, Ka tu viviki. Topa atura nga auri 8 pirianganaoa i tona rima. Kua tuatua maira te angela kiaia, Ka tatua na ia koe, e takai ana i to tamaka i to vae- 9 vae. E kua pera atura aia. Kua tuatua maira aia kiaia, Ka kakau ana koe i to kakau, ka aru mai ei iaku. Kua 10 aru atura aia iaia i te aere anga atu ki vao: kare aia i kite e, e mea tika ta taua angela ra; maara akera e, e orama tana i kite ra. E topa maira ia raua tei mua tiaki ra e te rua oki, tae atura raua ki te pa auri e tae atu ei ki roto i te oire ra; kua amama ua

mairā taua pa ra kia raua : tomo atura
 raua ki vao, aere atura e topa maira
 tetai arataa; akaruke maira te angela
 iaia i reira. E rako tangata mairā 11
 Petero, kua na ko akera aia, Kua kite
 pu tikai au e, kua tono mai te Atu i
 tana angela, e kua akaora iaku i te
 rima o Heroda, e te manako o te ngati
 Iuda. Akamaara ora aia i taua mea 12
 ra, e oti akera, aere atura aia ki te are
 o Maria te metua vaine no Ioane, ko
 Mareko tetai ingoa; manganui oki
 tei putuputu i reira, te pure ra. E te 13
 topāpā aturā Petero ki te pa i te tomo-
 anga ra, kua aere maira tetai vaine ko
 Roda te ingoa e ui e, Koai tena? E 14
 kite akera aia i te reo o Petero, kare
 akera aia i eui i te pa i te rekareka,
 oro atura ki roto akakite atura e, te tu
 ua mairā Petero i te ngutupa akera.
 Kua tuatua maira ratou kiaia, Kua 15
 nenevaia koe. Kua manono atura aia
 e, Koia tikai. Kua tuatua maira
 ratou, Ko tana angela ia. Kua tamou 16
 marie aturā Petero i te topāpā anga
 atu, e kiriti akera ratou i te pa, e kite
 maira iaia, itirere atura. Kua kamo- 17
 tamo atura aia ki tona rima kia mu-
 tekoi atu ratou, kua akakite atura aia
 kia ratou i ta te Atu arataki anga mai
 iaia ki vao i taua are tapekānga ra.
 Kua karanga atura oki aia, E akakite
 atu kia Iakobo e te au taeake i teia-
 ni au tuatua. Riro atura aia, aere
 atura ki tetai ngai ke atu.

E ao akera, kare e keu mea ngiti to 18
 taua aronga vaeau ra ia Petero. Kua 19
 kimi aturā Heroda iaia, e kare akera
 aia i kitea, kua ui marie atura aia ki
 te au tiaki, e akaue atura e ara-
 taki atu ia ratou e ta. Aere atura
 aia ki Kaisarea, mei Iudea atu, noo
 atura i reira. Te riri rā Heroda i to 20
 Turia e to Sidona: kua aere katoa
 maira ratou ki mua i tona aroaro, kua
 oti akera oki a Belaseto te tiaki i te
 pia roi o te ariki ra i te akataungaia e
 ratou, kua pati atura ratou i te au; no
 te mea, no te enua o te ariki ra te kai i
 to ratou enua. E tae akera ki te rā i 21
 akonoia ra, kua noo mairā Heroda ki
 runga i te terono, ma te kakau ariki
 i te kakau anga, e kua korero maira kia
 ratou. Kua kapiki atura te tangata, 22
 E reo ia no te Atua, kare ia i to te
 tangata. Kua ia maira tetai angela o te 23
 Atu iaia i reira, no te mea kare aia i
 oronga atu i te kakū ki te Atua ra:
 pou atura aia i te kaaia e te iro, e mate
 atura.

Tupu atura oki te tuatua a te Atua, 24
 e pararauare rava atura. Kua oki 25

mairā Banaba e Saula mei Ierusalemā
 mai, kia oti to raua tere, arataki katoa
 maira raua ia Ioane, ko Mareko tetai
 ingoa ra.

PENE XIII.

*To Paulo raua o Banaba tonokia angaia
 ki o te etene : ko Elima purepure,
 e te kavana ra ko Serio Paulo : te
 ako a Paulo i roto i te sunago i
 Antioka i Pisidia : to Paulo ma Ba-
 naba tuaru angaia.*

1 E PUKE peroveta oki e te orometua
 tei taua ekalesia i Anetioka ra;
 ko Banaba, e ko Simeona, ko tei tua-
 tuaia e, ko Nigere ra, e ko Lukio no
 Kurene, e ko Manaena, okotai rai o
 raua apii katoa angaia e te teteareakea
 2 ko Heroda ra, e ko Saula. E te aka-
 mori ra ratou i te Atu ma te neseteia,
 kua tuatua maira te Vaeua Tapu, Ka
 akataka mai ana ia Banaba raua ko
 Saula noku, no te angaanga i akonoia
 3 e au na raua ra. Kua neseteia ora
 ratou e pure atura, kua tuku akera to
 ratou rima ki rungao ia raua, e oti
 4 akera, tono atura ratou ia raua. E ko
 raua oki i tonokia e te Vaeua Tapu ra,
 aere tika atura ia ki Seleukia; e mei
 reira oki, ano atura raua ki Kupro.
 5 E tae atura ki Salami, kua ako atura
 raua i te tuatua a te Atua ki roto i te
 au sunago o te ngati Iuda ra: e tei ia
 raua katoa ra oki a Ioane i te tauturu
 6 anga. E aere ua atura raua i taua
 enua ra e tae atura ki Papho, kite
 atura raua i tetai peroveta pikikaa,
 e purepure, e ngati Iuda, ko Bara-iesu
 7 te ingoa: Tei i o te kavana ra aia ko
 Serio Paulo, e tangata pakari; ko tei
 tiki mai ia ia Banaba raua ko Saula, i
 inangaro aia i te akarongo i te tuatua a
 8 te Atua. Kareka taua purepure ra,
 ko Elima, (ko te ariteanga ia o tona
 ingoa kia kiritiia,) kua tuatono maira
 ia ia raua, i inangaro aia i te akaariu
 ke atu i te kavana kia kore e akarongo.
 9 Ko Saula ra, (ko tei tuatua katoaia ia
 Paulo,) ki akera ia i te Vaeua Tapu,
 kua tiroi matariki atura tona mata
 10 kiaia, Kua na ko atura, Aue koe i ki
 i te pikikaa e te kimo e, e te anaunga a
 te diablo e, e enemi koe no te au tua-
 tua-tika katoa nei, kare koe e tuku-
 moe i te akamingi i te tuatua tika ua a
 11 te Atu nei? E i na, tei runga mai nei
 te rima o te Atu ia koe, e ka matapoiia
 koe, kare koe e kite vave i te rā.
 Rokoia ora aia e te mareureu e te pōiri
 i reira; aa aere atura aia i te kimi
 anga i te tangata ei arataki iaia i te
 12 rima. Kite akera te kavana i taua

mea ra, akarongo atura, va rava atura oki i te tuatua a te Atua.

Ano aturā Paulo e te aronga i kapiti 13 katoa kiaia ra mei Papho atu, e tae atura ratou ki Perege i Pamephulia; karekā Ioane, akaruke atura ia ratou, oki maira ki Ierusalemā. E mei 14 Perege oki, riro atura ratou e tae atura ki Anetioka i Pisidia, tomo atura ki roto i te sunago i te rā sabati, noo ora ki raro. E oti akera te tatau 15 anga i te ture ma te au peroveta ra, kua tono akera te au kavana o te sunago ra i te veka kia ratou, na ko atura, E tūma, e te au taeake nei, te inangaro na kotou i te ako mai i te tangata nei, ka tuatua mai. Kua tu 16 mairā Paulo ki runga, kua kamokamo maira te rima, na ko maira, E te au tangata no Iseraela nei, e te aronga e matakū i te Atua ra, ka akarongo mai ana. Na te Atua o teianei au tangata no 17 Iseraela nei i iki i to tatou ai tupuna, e kua akateitei aia i taua iti-tangata ra, ia ratou i noo ua i Aliphiti ra, e kua arataki mai aia ia ratou ki vao, ma te rima marōrō. E kua akakoro- 18 maki aia i ta ratou tuatua i te medebara ra, e a akera ngauru anga te mataiti. E pou oki iaia nga vaka 19 tangata e itu i taua enua i Kanaana ra, kua tua kelero ora aia i to ratou enua no ratou orni. E oti akera te reira, ka 20 a atura anere e rima ngauru anga te mataiti, ka tuku mai ei i te aronga akava, e tae akera ki te peroveta ra kia Samuela. Mei reira oki, kua 21 inangaro akera ratou i tetai ariki; kua oronga maira te Atua ia Saula kia ratou, te tamaiti na Kisa, no te kopu o Beniamina taua tangata ra, e a akera ngauru anga te mataiti. E tuku keia 22 akera aia e ia, kua akatupu akera aia ia Davida ei ariki no ratou; tana oki i tuatua maira, i te na ko anga mai e, “Kua kitea e au a Davida, te tamaiti na Iese, e tangata e tau i toku ngakan, e nana e akatupu i toku au anoano katoa.” Kua akatupu io nei te Atua 23 i te Ora no Iseraela ia Iesu, no te uanga o teianei tangata, ko tei tuatua maira: I tuatua aere anā Ioane 24 i te bapetizoanga tatarara ki te tangata ravara i Iseraela, i aere mai ei aia. Te akatupu rā Ioane i tona tere, 25 kua na ko akera aia, Koai au nei i to kotou mānako anga? Kare au te Mesia. I na ra, te aere maira tetai i muringao iaku, kare au e tau i te tataru ua atu i te tamaka i tona vac- 26 vac. E tūma, e te au taeake nei, e te tamariki o te kopu-tangata o Abera-

hama, e te aronga e matakū i te Atua i roto ia kotou na, i tonokia mai teianei tuatua ora kia kotou 27 nei. Te aronga oki i noo i Ierusalemā, e to ratou ui rangatara katoa, no te mea kare ratou i kite iaia, e te tuatua a te au peroveta i tataua i te au rā sabati katoa ra, kua akatupu io nei ratou i taua tuatua ra i te akaapa anga atu 28 iaia ra. Kare rai oki ana ara i kitea e ratou e mate ei, kua pati atura ratou 29 ia Pilato kia taia aia. E ope akera i te akatupuia e ratou te au tuatua katoa nona i tataia ra, kua tuku maira ratou iaia ki raro mei runga mai i taua rakau ra, e vaio atura ia ki roto i te 30 menema ra. Kua akatu maira te Atua 31 iaia mei te mate maira: I kitea mai oki aia e manganui te rā i te aronga i aere katoa mai ma ia katoa ki Ierusalemā mei Galilea maira; ko ratou tona 32 kite ki te tangata ra. E tuatua meitaki ta matou e akakite mai kia kotou nei, te tuatua i tuatuaia mai ki to 33 tatou ai tupuna ra. Kua akatupu io nei te Atua i taua tuatua ra kia tatou nei ki ta ratou tamariki, koia i akatu ia Iesu ki runga; koia oki tei tataia ki roto i te Salamo rua ra, “Ko taku Tamaiti koe, i nakonei koe i akaana- 34 uia i e au.” I akatu mai aia iaia ki runga mei te mate maira, auraka aia e oki akaou ki te vaarua, koia i na ko mai e, “E akatupu tika au i te au talinga-meitaki ia Davida ra, i te mea 35 pikikaa kore.” I tuatua mai ei oki aia i roto i tetai Salamo ra, “Kare koe e tuku i to Mea Tapu kia kite i te pe.” 36 Karekā Davida, ope atura tona ūki i te akono anga i to te Atua ra inangaro, moe atura aia, e kapititi atura aia ki tona ai metua, e kite atura i te pe: 37 Kareka aia, ko ta te Atua i akatu ki 38 runga ra, kare ia i kite i te pe. E teianei, kia kite kotou, e tūma, e te au taeake nei, no teianei tangata i akakiteia atu ei kia kotou na e, e matara 39 te ara: E te au mea katoa kare kotou e akatikaia mai e te ture a Mose ra, e akatikaia mai ia e ia te aronga ravarai 40 i akarongo ra. E teianei, e matakite, ko te rokoia mai aca kotou e tei tuatuaia mai e te au peroveta ra; “Akara ana kotou, e te aronga e akavaavaa, ka va atu e ka mate atu: e rave oki au i tetai angaanga i to kotou na tauata, e angaanga ra, tuatua ua atu te tangata kia kotou na, kare rava kotou e akarongo.” 42 E tei te aere anga te ngati Iuda ki vao i taua sunago ra, kua pati atura te etene kia tuatuaia mai taua au tuatua 43 ra kia ratou, kia tae ki te sabati. E aka-

ngaoro atura taua uipānga ra, kua aru maira to te ngati Iuda e te au peroselito paieti e manganui ia Paulo raua ko Banaba: ko tei karanga atu ia kia ratou, e ako atura, kia mou piri tikai i te aroa ua o te Atua. E tae akera ki te 44 sabati, kua uipa maira to taua oire katoa ra e akarongo i te tuatua a te Atua, kare e maata i toe. Kia akara maira 45 te ngati Iuda i taua urupu maata ra, ki akera ratou i te vareae, e kua tau-māro maira i taua au tuatua i karangia e Paulo ra, ma te akakore e te akakino oki. Maroiroi aturā Paulo 46 raua ko Banaba, e na ko atura, E timata kia kotou i te akakite atu i te tuatua a te Atua e tika'i; ko kotou ra i tute ke atu i taua tuatua nei, e te tuatua na kotou kare kotou e tau i te ora mutu kore, i na, te ariu nei matou ki te etene; Ko ta te Atua oki ia i ikuiku 47 mai kia matou nei, "Kua akonoia koe e au ei turama no te etene, kia riro koe ei ora e tae na atu ki te ope-nga o te enua ra." E kia akarongo 48 maira te etene ra, mareka rava atura ratou, e akameitaki atura oki i te tuatua a te Atua: e te aronga i akonoia no te ora mutu kore ra, kua akarongo anake ia. Tutu aercia atura te 49 tuatua a te Atua e pini rava ake taua enua ra. Kua taoriori ora te ngati 50 Iuda i te au vaine taoiaui paieti e te aronga akava i taua oire ra, akatupu atura oki i te takinga-kino ia Paulo e Banaba, tuaru atura ratou ia raua e topa maira to ratou pae. Ruru atura 51 ra raua i te one i to raua vaevae ia ratou, e tae atura oki ki Ikonio. Ki 52 akera te au pipi i te rekareka e i te Vaerua Tapu.

PENE XIV.

To Paulo raua ko Banaba takinga-kino anguia i Ikonio ra: to raua akamori anguia, e to Paulo pēi anguia ki te toka i Lusetera: te aaranga i Asia, e te oki akaou angia i Anetioka i Suria.

AERE katoa atura raua ki roto i te 1 sunago o te ngati Iuda i Ikonio, e no ta raua tuatua i akarongo ei to te ngati Iuda e te Eleni katoa e manganui ua atu. To te ngati Iuda ra, kare i akarongo ra, taoriori atura ratou i te au etene, e akaki atura oki i to ratou ngakau ki te riri i te au taake ra. E 2 noo anga roa to raua i reira i te tuatua anga i te tuatua a te Atua ma te mataku kore, e kua akatika maira aia i te tuatua aroa ua nana ra, e kua tuku maira i te akairo e te semeio na to raua

4 rima e rave ra. Kua vee ora taua aro-
nga maata o te oire ra; no te ngati
luda tetai pae, no nga aposetolo tetai
5 pae. Kia timata ra te au etene, e te
ngati Iuda katoa, e to ratou ui kavana,
i te takinga-kino mai, e te pēi mai ia
6 raua ki te toka, Kite akera raua, rere
atura ki Lusetera e ki Derebe, i nga
oire i Lukaonia ra, e ki te pa enua ka-
7 toa i reirao: E kua akakite atura raua
i te evangelia i reira.
8 Te noo maira tetai tangata i Luse-
tera ra, e vaevae parukaua tona, e piri-
koki mei te kopu mai o tona metua
9 vaine, kare rai aia i aere ana: Te aka-
rongo maira taua tangata ra ia Paulo i
te tuatua anga mai: kua tiroi matariki
aturā Paulo iaia, kite akera aia e, e
akarongo tona ka tika kia akaora atu,
10 Kua na ko atura ma te reo maata, Ka
tu ua mai to vaevae ki runga. Kua
rere ua maira aia ki runga, aere ora.
11 Kite akera taua urupu maata ra i ta
Paulo i rave ra, kua akateiti akera to
ratou reo i te tuatua Lukaonia, na ko
akera, Kua eke mai te au atua ki raro
i o tatou nei mei te tangata ra te tu.
12 E tapa akera ratou kia Banaba ia Dia;
e ko Paulo ra ko Erema ia, no te mea
13 koia te tangata e tuatua. E ua pntotō
maira te tangata a Dia, tei muao i to
ratou oire *tona marae*, i te bovi ma te
ei katoa i te ngutupa oire, inangaro
akera e e akatusia, koia e te tangata
14 katoa. Kite akera nga aposetolo ra ko
Banaba e Paulo, aae atura raua i to
raua kakan, ooro atura ki roto i taua
15 aronga tangata ra, kapiki atura, Na ko
atura, E tūma e, eaa kotou i pera mai
ei? e tangata katoa oki maua, mei ia
kotou katoa na te tu, e te ako atu nei
oki i te evangelia ia kotou, kia ariu ke
atu kotou i taua au mea puapinga kore
nei ki te Atua ora ra, ko tei anga i te
rangi, e te enua, e te tai, e te apinga
16 tini i roto ra: Ko tei vao ua te pa enua
ravarai i muatangana, kia akono ua
17 ana ratou i ta ratou orai tuatua. Kare
ra aia i ngere i te akakite iaia uorai,
koa i takinga-meitaki mai, i te oronga
anga mai i te ua no runga i te rangi,
e te tuatau mou, e te akaki anga mai i
to tatou ngakau ki te kai ma te reka-
2 18 reka. E kare rai i tuku vave mai ia
raua taua aronga maata ra i taua
tuatua ra, i te apai mai i te tusia kia
raua ra.
3 19 Kua aere maira te ngati Iuda mei
Anetioka mai e Ikonio, akanauru atura
i taua aronga ra, pēia ora Paulo ki
te toka, e kika atura ratou iaia ki vao
i taua oire ra, tuatua akera, kua mate

takiri rava. Kia putuputu maira te au 20
 pipi i tona pae, kua tu ua maira aia ki
 runga, e kua aere maira ki roto i te oire:
 e ao akera, riri-ro atura raua ko Banaba
 ki Derebe. E kia tuatua raua i te 21
 evangelia i te reira oire, e manganui
 oki tei apiia, ooki akaou maira raua ki
 Lusetera, e Ikonio, e ki Anetioka, I te 22
 akamaroiroi anga i te ngakau o te au
 pipi, e te ako anga atu ia ratou, kia
 mou piri tikai ratou i te akarongo, e kia
 na roto tatou i te mate maata e tika'i
 ka o atu ei ki te basileia o te Atua ra.
 E kia akonoia e raua te peresibutero 23
 no ratou i te au ekalesia katoa ma te
 pure e te nesetia, kua tuku atura raua
 ia ratou ki te Atua, i ta ratou i akaro-
 ngo ra. E topa maira Pisidia ia raua, 24
 tac atura raua ki Pamphulia. E kia 25
 tuatua raua i te tuatua i Perege, aere
 atura raua ki Atalia: E mei reira oki,
 ano maira raua ki Anetioka, i te ngai i
 tukuia'i raua ki te aroa ua o te Atua,
 i te angaanga i oti ia raua ra. E tac 27
 maira raua, kua akaputu maira raua i
 te ekalesia, e kua akakite atura i ta te
 Atua i rave ia raua ra, e kua kiriti aia i
 te ngutupa akarongo anga no te etene.
 E roa kitu to raua noo anga i reira e 28
 te au pipi katoa ra.

PENE XV.

*Te taumāro anga no te peritome: to
 Paulo tonokia anga ki Ieruselema:
 te upānga: ta Petero e ta Iakobo
 tuatua: te tuatua i akonoia no te
 etene: te tēre o Paulo e Banaba ki
 o te etene: ta raua taumāro anga ia
 Mureko.*

KUA aere maira e tokotai puke 1
 ngata mei Iudea mai, kua api
 maira i te au tacake, na ko maira,
 Kia kore kotou e peritomia mei te
 peu a Mose, kare kotou e ora. E no 2
 te mea, kare e iti to Paulo ma Banaba
 māro anga atu e te tauetono anga atu
 ia ratou, kua akono atura ratou ia
 Paulo raua ko Banaba, e ko e tokotai
 puke tangata no ratou orai; e aere ki
 Ieruselema ki te au aposetolo ra, e te 3
 au peresibutero, i taua tuatua ra. E
 aratakiia atura e te ekalesia i taua
 aerenga ra, aere atura ratou na Phenia,
 e Samaria, i te akakite anga atu i to te
 etene ariu anga: maata rava atura to
 te au tacake rekareka ia ratou. E tac 4
 atura ratou ki Ieruselema, kiteia maira
 ratou e te ekalesia, e te au aposetolo, e
 te au peresibutero, kua akakite atura
 kia ratou i ta te Atua i rave ia raua

5 ra. Kua tu maira ra e tokotai puke
 tangata no te pupu Pharisea tei aka-
 rongo ra, na ko maira, E peritome ia
 ratou e tika'i, e e ako atu e akono i te
 ture na Mose ra.
 6 Kua uipa ora te au aposetolo e te au
 peresibutero ra, e akaatu i taua tua-
 tua ra. E maata rava akera te tau-
 etono anga, kua tu aturā Petero, ka-
 ranga atura kia ratou, E tāma, e te au
 tacake nei, kua kite kotou e kua iki
 te Atua i roto ia tatou nei iaku i mua-
 tangana, kia kite te etene i te evangelia
 8 i toku nei vaa kia akarongo. E ko te
 Atua oki, tei kite i te ngakau ra, tei
 akatika mai ia ia ratou, i te oronga
 anga mai i te Vaerua Tapu kia ratou
 mei tana i oronga mai kia tatou nei.
 9 Kare oki i akatu ke atu ia ratou e ia
 tatou nei, i te tamā anga i to ratou
 ngakau i te akarongo. E teianei, eaa
 kotou i timata atu ei i te Atua i te
 tuku anga i te zugo ki runga i te kaki
 o te au pipi, kare i maranga i to tatou
 ai tupuna ra e ia tatou katoa nei oki?
 11 Kua kite ra tatou e, ka ora tatou i te
 aroa ua o to tatou Atua o Iesu Mesia,
 12 mei ia ratou katoa ra. Kua muteki
 ora taua aronga maata katoa ra, kua
 akarongo maira ia Banaba raua ko
 Paulo, i te akakite anga atu i te au
 akairo, e te au semeio, ta te Atua i rave
 13 ia raua ki o te etene ra. E kia akaoti
 akera ta raua tuatua anga, kua karanga
 aturā Iakobo, na ko atura, E tāma, e
 te au tacake, ka akarongo mai ana
 14 kiaku: Te tuatua mai nei a Simeona
 e, kua akara aroa mai te Atua i te
 etene i muatangana, e rave i tetai pa-
 paki tangata i roto ia ratou ra no tona
 15 ingoa. Te tau nei oki te tuatua a te
 au peroveta ra i te reira, koia oki tei
 16 taitaia ra e, "Muri akera e oki atu au,
 e patu akaou i te puakapa o Davida i
 topa ki raro ra; e te ungaunga o taua
 17 puakapa ra ka patu akaouia ia e au, e
 ka tu ki runga; Kia kimi te toenga o
 te tangata i te Atua, e te au etene katoa
 i tapuia i toku ingoa: te tuatua maira
 te Atua, ko tei akatupu i teia katoa nei
 18 au mea." Kua kite te Atua i tana anga-
 anga tini ravarai mei muatangana mai.
 19 E teianei, teia taku tuatua, auraka ta-
 tout e akamanamanata atu i te aronga
 e ariu ki te Atua no roto i te etene ra;
 20 E tata atura tatou i te tuatua kia ra-
 tout ra, auraka ratou e rave i te au mea
 viivii a te au idolo, auraka e akaturi,
 auraka e kai i te mea kukumi uaia, e
 21 te toto. Te vai nei oki te aronga i tua-
 tua ia Mose i te au oire ravarai mei
 tupua mai, te tatauia mai nei oki aia i

roto i te au sunago i te au sal'ati katoa nei.

Kua manako ora te au aposetolo, e 22 te au peresibutero, e te ekalesia katoa, e tono i etai puke tangata iikiia i roto ia ratou orai ra ki Anetioka, ko Iuda, ko Barasaba tetai ingoa, e ko Sila, e puke tangata nunui ia i roto i te au tacake ra, ko Paulo oki e Banaba: E kua tata atura oki i te leta 23 na to ratou rima i tau'i, na ko atura, Ko te au aposetolo e te au peresibutero, e te au taake nei, te akau atu nei matou i to matou aroa *kia kotou* ki te au taake i roto i te etene i Anetioka, e i Suria, e i Kilikia ra. Kite 24 akenei matou e, kua repua to kotou ngakau i te tuatua a e tokotai puke tangata no ko nei atu i o matou nei, i te na ko anga atu e, E peritomeia kotou, e e akono i te ture e *tika'i*: kare oki matou i akaue ua atu ia ratou: Akaputupu akenei oki matou rava- 25 rai, ma te ngakau okotai, manako akenei e mea meitaki kia tono katoa atu i etai puke tangata iikiia kia kotou na, e to matou puke *taeke* akaperepere nei, ko Banaba e Paulo, E puke tangata 26 akaruru ia i to raua mate no te ingoa o to tatou Atu o Iesu Mesia ra. E 27 teianei, tono atu na oki matou ia Iuda raua ko Sila, e na raua e tuatua vaa ua atu i taua tuatua ra. E mea 28 meitaki i te Vaeua Tapu e ia matou katoa nei oki, auraka rava ei teimaa ke e tukuia atu ki rungao ia kotou, mari ra ko teianeiua mea tika; Auraka kotou e kai i te manga i apaiia 29 na te au idolo ra, e te toto, e te mea kukumi uaia ra, auraka oki e akaturu: kia akaruke kotou i te reira, e meitaki ia kotou. Kia ora na kotou.

E tukuia atura ratou, tae atura ra- 30 tou ki Anetioka, kia akaputupuia maira te tangata katoa, kua tuku atura i te leta: E oti akera i te ta- 31 tauia e ratou, mareka rava atura ma te maru. E ako ua aturā Iuda 32 raua ko Sila i te au taake, e akamaroiroi atura, e peroveta katoa oki raua. E kia nō raua i *reira* e roa 33 pote akera, tuku meitakia atura raua e te au tacake ki te au aposetolo ra. Ko Sila ra, manako akera aia e, e nō 34 rai i reira.

Ko Paulo oki e Banaba, nō atura 35 raua i Anetioka, e manganui rai oki te tangata, i te ako anga e te apii anga i te tuatua a te Atu. E topa akera 36 etai puke rā, kua karanga aturā Paulo kia Banaba, Ka oki taua ki te au tacake ra, i te au oire ravarai i tua-

tuatia e taua te tuatua a te Atu ra, kia kite taua i to ratou mou ranga.

- 37 Kua tuatua akērā Banaba e arataki katoa ia Ioane, ko Mareko tetai ingoa.
38 Kare rā Paulo i manako e, e tangata tau aia kia arataki katoa iaia i to ratou *tere*, ko tei akaruke mai ia ratou i Pamephulia ra, kare i aere katoa i
39 taua angaanga ra. Tupu atura oki te taumāro mauti ia raua orai, e taka ke atura raua: rave aturā Banaba ia Mareko, ano atura ki Kupro.
40 Ko Paulo ra kapiti atura ia kia Sila, e riro atura, kua oti akera i te tukuia e te au tacake ki te aroa ua o te
41 Atua. Aere atura aia na Suria, e na Kilikia, i te akamaroiroi anga i te au ekalesia.

PENE XVI.

To Timoteo peritome angaia: no to Paulo tuatua orama angaia kua akakoro e aere ki Makedonia: ko Ludia e te tamaine purepore: to Paulo raua ko Sila pāpā angaia, e te tapeka angaia i Philipi: te mau angaia o te au pa, e te akarongo anga o te tiaki: to raua tuku angaia.

- 1 **T**AE atura oki aia ki Derebe e Iasetera; e i na, tei reira tetai pipi, ko Timoteo te ingoa, (e tamaiti na tetai vaine ngati Iuda akarongo, kareka 2 tona metua tane, e Eleni ia:) E tangata rongo meitaki oki aia i te au 3 tacake i Lusetera e Ikonio. Inangaro aturā Paulo iaia e aere katoa raua; e kua rave atura iaia, peritome ora, no te ngati Iuda i nō i reira: kua kite katoa oki ratou i tona metua tape, e Eleni ia.
4 Te aere atura ratou na roto i te au oire ra, kua tuku atura ratou i tei akatauia e te au aposetolo e te au peresibutero i Ierusalem, ei akono anga na ratou.
5 Maroiroi atura te au ekalesia i te akarongo anga i te tuatua, tupu atura 6 i te maata anga, kare e rā i tivata. E kia pini akera ia ratou Pherigia, e te enua ra o Galatia, tāpuia ora e te Vaeua Tapu, auraka e tuatua aere i te 7 tuatua i Asia, E tae atura ratou ki Musia, timata atura ratou i te aere ki Bitunia: kare ra ratou i tukuia 8 e te Vaeua. Na Musia atura ratou i te aere, e tae atura ki raro ki 9 Teroa. Kitea maira tetai orama e Paulo i te po; kua tu maira tetai tangata na Makedonia, kua tuatua maira kiaia, na ko maira, Ka ano mai ki

Makedonia nei, e tupae mai ia matou. Kite akera aia i taua orama ra, kua 10 akonokono ora matou e ano ki Makedonia; i manako tikai oki matou e, te tuatua maira te Atu kia matou e aere e ako atu i te evangelia kia ratou.

Tuku atura matou mei Teroa atu, 11 ano tika atura ki Samoterakia, e ao akera, riro atura ki Neapoli; Mei reira oki, riro atura ki Philipi; ko te oire maata ia i tei reira pae i Makedonia, e kolone oki: noo atura matou i etai puke rā i taua oire ra. E tae akera 13 ki te rā sabati, aere atura matou ki vao i taua oire ra i te pae vai, tei reira tetai ngai akonoia ei pure anga; noo ora matou ki raro, kua ako atura i te au vaine i putuputu mai i reira. E te akarongo maira tetai vaine akamori Atu ko Ludia te ingoa, e oko kakau muramura, no te oire ra o Tutiara: e akamaoraoia ora tona ngakau e te Atu, kia akono aia i te tuatua i tuatua e Paulo ra. E oti akera aia 15 i te baptizoa, e tona kopu-tangata katoa, kua tauoaoa maira ia matou, na ko maira, Te tuatua na kotou e, e tuatua-mou taku i te Atu, ka aere mai ki roto i toku are nei noo ei. Riro atura matou iaia.

E te aere atura matou ki te pure 16 anga, kua aravei maira ia matou tetai vaine demoni purepure, e apinga mata ta tona au pu i rauka iaia i te purepure: Ko tei aru aere mai ia ia 17 Paulo, e ia matou katoa, kapiki ua'i e, E tavini anake teianei au tangata no te Atu Teitei, ko tei akakite mai ia kia kotou i te ara ora. I pera aia e 18 manganui te rā. E ongoongo rava akerā Paulo, kua ariu atura, na ko atura ki taua vaerua ra, Te akaue atu nei au ia koe e nere koe ki vao i tenana vaine i te ingoa o Iesu Mesia ra. Aere atura aia ki vao i taua ora ra. Kite akera ra tona au pu e, kare 19 atura o ratou manakoanga e rauka'i te apinga, opu atura ratou ia Paulo e ia Sila, kika atura ki te ui akava i te okoanga ra. E kia kavcia raua 20 ki te aronga akava ra, kua tuatua atura ratou, Ko nga tangata teia i taoriori kino i to tatou nei oire, e ngati iuda oki raua; E te apii nei i te tuatua 21 kare e tau i te ture kia āriki tatou, e kia akono, no Roma oki tatou. Kua 22 tu katoatoa akera taua aronga maata ra e rave ia raua, kua aeae atura te aronga akava i to raua kakau, kua akaue atura e pāpā ia raua ki te rakau. E manganui akera to raua pāpā angaia 23

e ratou, kua uri atura ratou ia raua ki roto i te are tapekānga ra, poroaki atura i te tiaki e tāpu meitaki ia 24 raua: No te mea i peraia mai aia i te poroaki anga, kua opara atura ia raua ki roto rava i te are tapekānga ra, e tamou atura i to raua vaevae ki roto i te patiti. E turuaipo akera, kua 25 pure orā Paulo raua ko Sila, imene atura ma te akameitaki i te Atu: te akarongo maira te au tangata i tape- 26 kaia ra ia raua. E kare akera i mamia e ngaueue maata ora to te enua, i keu katoa atura te tango o taua are tapekānga ra: amama ua ora te au pa katoa i reira, matara akera te auri pirianganoa o te tangata katoa ra. 27 Itirere akera te moe a te tiaki i te are tapekānga ra, e akara akera i te au pa o te are tapekānga kua ope i te kiritiia, unui akera aia i tana koke e ko iaia orai, tuatua akera, kua ora 28 te au tangata i tapekaia ra. Kua kapiki mairā Paulo, akateitei maira te reo, Auraka e toetoea ia koe uorai: 29 teia anake oki matou. Kua karanga atura aia i tetai turama, oro viviki ua atura ki roto, akatopu ora ki raro ki mua ia Paulo raua ko Sila, ma te rute- 30 tetete; Kua arataki maira ia raua ki vao, kua na ko atura, E tūma e, eaa 31 au e ora'au? Kua tuatua maira raua, E akarongo i te Atu ia Iesu Mesia, ka ora ia koe e to kopu-tangata katoa. 32 Kua tuatua maira raua kiaia, e te aronga katoa i roto i tona are, i te 33 tuatua a te Atu. Kua rave akera aia ia raua i taua ora i te po ra, kua orei atura i to raua karavarava pāpāia ra: e baptizoa ora aia e tona katoa ra i 34 reira. E aratakiia atura raua e ia ki roto i tona are, akanoonoo akera aia i te kaingakai i mua i to raua aroaro, rekareka rava atura aia, e tona ngutuare katoa, ma te akarongo i te Atu. 35 E ao akera, kua tono maira te au akava i te aronga pāpā, na ko maira, 36 Tuku atu nga tangata ra. Kua tuatua maira te tiaki i taua are tapekānga ra kia Paulo i taua tuatua ra e, Kua tono mai te aronga akava i te veke e tuku ia korua; e teianei ka aere, kia ora korua i te aerenga. Kua 37 karanga atura rā Paulo kia ratou, Kua pāpā akakite ua ratou ia maua i te tangata no Roma nei, kare oki i akapaua, e kua opara ia maua ki roto i te are tapekānga; e tenana te turaki poiuri ua nei ratou ia maua ki vao? Auraka rava ia; na ratou uorai e tiki 38 mai ia maua e tuku ki vao. Kua akakite atura te aronga pāpā i taua

tuatua ra ki te au akava ra: e kite
akera ratou e, no Roma raua, matakū
ora ratou. Kua aere maira ratou, kua 39
tuatua meitaki maira kia raua, ara-
taki atura ki vao, tuatua maira *hia*
raua e aere ki vao i taua oire ra. Kua 40
akaruhe maira raua i taua are tape-
kanga ra, tomo atura ki roto i *te are*
o Iudia; e kite akera raua i te au
taeake, ako atura raua ia ratou, e riro
atura.

PENE XVII.

*To Paulo arenga i Tesalonia, e Be-
reca, e te arenga oki i Atene: tana
tuatua i roto i te Arcopago: kua
akarongo a Dionusio, e Damari, e
tetai aronga ke.*

AERE atura raua na Amephipoli 1
e Apolonia, e tac atura raua ki
Tesalonia, e sunago te reira no te ngati
Iuda: Kua tomo aturā Paulo ki roto 2
kia ratou, ko tana ia peu, ka toru akera
sabati, i te māro anga atu kia ratou 3
i te tuatua i tataia ra; I te akamao-
raora anga i taua tuatua ra, e te aka-
kite pu anga atu e, e mate rai te Me-
sia, e e tu akaou mei te mate maira, e
tika'i; e teia oki te Mesia, ko Iesu
nei rai taku e akakite atu kia kotou 4
na. Kua akarongo maira tetai pa-
paki, e kua kapiti katoa maira kia
Paulo raua ko Sila; e to te Eleni
akamori e manganui ua atu, e te au
vaine taoiaua kare e tokoitī. Kareka 5
te ngati Iuda akarongo kore, ki akera
ia i te vareae, kua akaputuputu maira
ratou i te tangata kikino kanga ra, e
uipa akera, kua akakeu ora i taua oire
ra, tapini atura i te are o Iasona, umu-
umu atura ia raua e taki mai ki vao
ki te ngai tangata. E kare akera raua 6
i kitea, kua kika maira ratou ia Ias-
ona ma e tokotai puke taeake oki ki
te aronga akava i taua oire ra, kapiki
atura, Ko te au tangata kaitamaki teia
i te pa enua ravarai e teia mai nei
rai oki; E i oia mai raua e Iasona; 7
e kare ana ke tau ta ratou tuatua i
ta Kaisara ra, i te na ko anga e, Te
vai ke atura tetai ariki, ko Iesu. Tu-
matetenga atura te tangata e te aronga
akava o taua oire ra ia ratou, i te
akarongo anga i taua tuatua ra. E 9
papa ora ratou ia Iasona ma, kua tuku
atura ratou ia ratou.

Kua tuku atura te au taeake ia 10
Paulo raua ko Sila i reira ki Berea i te
po: e tac atura raua ki *reira*, kua tomo
atura ki roto i te sunago o te ngati
Iuda. E maata rava to ratou meitaki 11

i to Tesalonia, kua āriki ua oki ratou
i te tuatua ma te ngakau maora, e te
kimi anga i te tuatua i tataia ra, i te
tau anga oki i taua tuatua ra, kare e rā
12 i tukua. E aronga maata maira to
ratou i akarongo; e te au vaine Eleni
taoiaua ra, ma te tane katoa, kare e
13 tokoitī. Kite akera ra te ngati Iuda i
Tesalonia ra e, te tuatuaia ra e Paulo
te tuatua a te Atua i Berea, kua aere
katoa maira ratou ki reira, kua ta-
14 oriori ora i te tangata. Kua tuku atura
te au taeake ia Paulo i reira, kia aere
tika atu aia ki tai; karekū Sila raua
15 ko Timoteo, noo ora i reira. E te aro-
nga i arataki ia Paulo, kave atura
ratou iaia ki Atene; poroakia maira
ratou ia Sila raua ko Timoteo e aere
viviki mai kiaia, riro mai nei ratou.

16 To Paulo ra oki tapapa anga mai
ia raua i Atene, tangi rava atura tona
vaerua i roto iaia uaorai, i te akara
anga atu aia i taua oire ra kua ki rava
17 i te au idolo. Kua māro atura aia ki
te ngati Iuda i roto i te sunago ra, e te
aronga akamori Atua, i reira, e i tana
oki i aravei atu i te okoanga ra, kare
18 e rā i vata. Kua taumāro maira kiaia
ko e tokotai puke tangata pakari Epi-
kuro, e te Setoiko. Kua na ko akera
oki e tokotai, E akapeea maira teianei
tangata tuatua tarevakaua kia tuatua
mai? *kua na ko akera* tetai pae, E mea
tu demoni ke tana e tuatua aere nei;
no te mea i akakite atu aia kia ratou
19 ia Iesu, e te tuakaouanga. Kua opu
akera ratou iaia, arataki atura ki te
Arcopago, kua na ko maira, Ka aka-
kite mai ana kia matou i tenana tuatua
20 ou, tauu e apii na. E tuatua tu ke
oki tauu e apai mai ki to matou nei
taringa; te inangaro nei matou kia
21 kite i taua au tuatua na i te tu. Kare
rai oki a to Atene ravarai e te tangata
ke e noo ki o ratou ra angaanga ke,
mari ra ko te akakite e te akarongo
22 atu i te tuatua rikiriki ou. Kua tu
akerā Paulo ki runga i rotapu i te
Arcopago, na ko atura, E te au tangata
Atene nei, e maata ua to kotou mātau
i te akamori i te demoni, kua kite io
23 nei au. Iaku oki i aere ua io nei
e te tutaka ua anga atu i ta kotou e
akamori nei, kite atura au i tetai ata-
rau e te tuatua i tataia ki rungao, Na
TE ATUA KITEA KORE. Ko ta kotou
oki e akamori ua nei ma te kite kore
iaia, koia taku e akakite atu kia kotou
24 nei. Ko te Atua i anga i teianei ao,
e te apinga tini ravarai i roto, te Atua
o te rangi ma te enua nei, kare ia i noo
i roto i te nao i angaia e te rima ta-

ngata nei; Kare ana puapinga i rauka 25
i te rima tangata mei te mea e, i toe
tetai mea ngiti iaia, koia orai oki tei
oronga mai i te ora, e te a'o, e te au
mea katoa, ki te au mea ravarai; E 26
nana i anga i te tangata i te pa enua
katoa nei i te toto okotai ra, ei noo i te
pa enua katoatoa nei, e kua akono i te
tuatau i akono takereia atu, e te ko-
tinga o to ratou kainga; Kia kimi 27
ratou i te Atu, peneiake ko te aa atu
ratou iaia, e kitea atu, kare ra aia i
atea ke atu ia tatou katoa nei; Nona 28
oki to tatou ora, e i aere ei, e i noo ei
oki; mei ta e tokotai puke atu pe'e no
kotou i tuatua maira e, "E tamariki
katoa tatou nana." E teianei, e tama- 29
riki tatou na te Atua ra, kare e tika
kia manako tatou e, e aite te Atua i te
auro, e te ario, e te toka, i taraiia e te
karape e te kimi anga o te tangata nei.
Kare atura te Atua i akono i taua au 30
tuatau kite kore ra; e teianei ra, te
akaue mai nei aia i te tangata ravarai
e tataraara, auraka ei ngai toe: No te 31
mea kua akonoia e ia te rā e akava
mai ei aia i to te ao katoa nei ma te
tuatua-tika, na te tangata i akonoia e
ia ra; ko tana i akakite ua mai ki te
tangata katoatoa nei, koia i akatu akaou
mai iaia mei te mate maira. Kite 32
akera ra ratou i te tuatua i te tua-
kaouanga i tei mate ra, kua taitoito
maira tetai pae; na ko maira oki tetai
pae, E akarongo akaou atu matou ia
koe i tenana tuatua. Aere aturā Paulo 33
mei rotopu atu ia ratou. Kua aka-
rongo maira tetai pae tangata, e kua
kapiti maira kiaia; ko Dionusio no te
Areopago tetai, e tetai vaine ko Da-
mari te ingoa, ma e tokotai puke ta-
ngata orai oki.

PENE XVII.

*Ko Paulo i Korinetia: ko Akuila raua
ko Peresila: ko Iuseto e ko Keri-
sipo: ko te kavana ra ko Galio, e ko
Sositene: te tere o Paulo: ko Apolo
i Ephesia.*

E MURI akera i te reira, akaruke 1
orā Paulo i Atene; e tae atura
ki Korinetia: Kite atura aia i tetai ta-
ngata ngati Iuda, no Ponoto, ko Aku-
ila te ingoa, e tana vaine ko Peresila,
mea aere ou mai aia mei Itale mai;
(no te mea kua akaue a Kalaudio i te
ngati Iuda ravarai e akaruke mai i
Roma;) aere atura aia kia raua ra; No 2
te mea oki okotai rai taongu, noo atura
aia ki o raua, rave ora i te angaanga:
(e anga are kakau to ratou taongu.) 3

4 Kua tuatua oki aia i te au sabati rava-
rai i roto i te sunago, e ako atura i te
ngati Iuda ma te Eleni.
5 E kia tae mai a Sila raua ko Timo-
teo mei Makedonia mai, riro rava atura
te vaerua o Paulo, kua akakite ua atura
ki te ngati Iuda e, ko Iesu te Mesia.
6 Kia taumāro maira ra ratou, e kia
akakino mai, kua ruru atura aia i tona
kakau, kua tuatua atura kia ratou,
To kotou na toto, ei rungao ia i to
kotou orai mimiti; kua mā au; teia
7 au ka aere ki te etene. Aere atura aia
e tomo atura ki roto i te are o tetai ta-
ngata akamori Atua, ko Iuseto te
ingoa, tei vaitata tona are ki te sunago.
8 Kua akarongo ra te kavana o te su-
nago, ko Kerisipo *te ingoa*, e tona
nguaru katoa, i te Atu; e manganui
katoa fo Korinetia i kite, kua akarongo,
9 e bapetizoia ora. Kua tuatua maira
te Atu kia Paulo i te orama i te po,
Auraka e matakau, ka tuatua rai, au-
10 raka koe e muteki ua: Tei vaitata
katoa oki au ia koe, kare rava e tangata
e rave kino mai ia koe; e manganui
11 oki toku tangata i teianei oire. Kua noo
atura aia i *reira*, okotai mataiti e ono
marama, i te apii anga i te tuatua a te
12 Atua ki o ratou ra. Ia Galio i kavana
i Akaiā ra, kua tu katoatoa akera te
ngati Iuda ma te anoano okotai, e opu
ia Paulo e kua kave atura iaia ki te
13 akavaanga, Na ko akera, Te ako nei
teianei tangata i te au tangata nei, e
akamori i te Atua ma te akono kore
14 i te ture. E te akonokono rā Paulo
e tuatua, kua tuatua mairā Galio
i te ngati Iuda, Naringa teianei e
tuatua takinga-kino, e te kanga, e
te au ngati Iuda, e tika ia kia aka-
15 rongo marie atu au ia kotou: E tau-
māro anga tuatua tena, e te ingoa, e
ta kotou orai ture, na kotou ia e akara
i te reira; kare au e akava i te reira
16 tuatua. Turaki ke atura aia ia ratou
17 i taua akavaanga ra. Kua opu akera
te au Eleni katoa ia Sositene i te ka-
vana maata i te sunago ra, kua pāpā
atura ki mua i te akavaanga ra. Kare
ravā Galio i akono i te reira au mea.

18 Kua noo orū Paulo i reira e roa
akera, poroaki maira i te au tacake,
ano atura ki Suria, e ko Peresila katoa
raua ko Akuila; i pakoti ana aia i
tona mimiti i Kenekerea, i tia ana oki
19 aia. E tae atura ki Ephesia, vaiu
akera ia raua i reira: kareka aia uao-
rai, tomo atura ia ki roto i te sunago,
20 kua tuatua atura ki te ngati Iuda. E
kia tāpu mai ratou *iaia* e noo rai aia
ki o ratou ra e kia roa, kare akera i

tika iaia; Kua poroaki atura aia ia 21
ratou, na ko atura, E akono rai au i te
oroa i waitata i Ierusalemā ra e tika'i:
ka oki maira au ki ku nei kia kotou
nei, kia tika i te Atua. Ano atura
aia mei Ephesia atu. E tapae atura 22
aia ki Kaisarea, aere atura ki runga, e
aroa atura i te ekalesia, e oti akera,
riro atura ki Anetioka. E roa akera 23
aia i reira, riro atura, aere atura e na
Galatia e Pherigia e pini rava akera
tei reira enua, i te akamaroiroi anga
atu i te au pipi katoa.

Kua aere maira ki Ephesia tetai 24
ngati Iuda, ko Apolo te ingoa, i Aleka-
nederea te anau anga, e tangata-vaa tu-
katau, e te maroiroi oki i te tuatua
i taitaia ra. I apiiia aia i te tuatua a te 25
Atu, e no te maroiroi o tona ngakau,
kua tuatua iora, e apii marie atura i te
tuatua a te Atu, ko te baptizoanga a
Ioane anake ra tana i kite. Timata 26
atura oki aia i te tuatua i roto i te su-
nago ma te matakau kore: e kia aka-
rongo aturā Akuilā ma Percasila iaia,
kua arataki maira iaia ki *to raua orai*
nguarē, e kua akakite tikai atura kiaia
i te tuatua a te Atua. E inangaro 27
akera aia i te ano ki Akaia, kua tata
ora te au tacake i te tuatua, i te ako
anga atu i te au pipi, kia kite meitaki
mai ratou iaia: e tac atura aia ki reira,
e turu maata tona i te aronga i akaro-
ngo, te aronga no te aroa ua o te Atua
i *akarongo ei* ra. Māro marie atura 28
aia i te ngati Iuda i te ngai tangata,
akakite pu tikai atura e, ko Iesu te
Mesia, i te tuatua i taitaia ra.

PENE XIX.

*Ko Paulo i Ephesia: te au pipi a
Ioane baptizo: te are apii anga o
Turano: te au semeio: nga tamariki
tuaru vaerua kino a Sekeva: te au
buka i tungia: to Demeterio aka-
ken anga i te oire ia Paulo.*

INE noo rā Apolo i Korinetia, tac 1
mairā Paulo ki Ephesia, kua pini
akera iaia te pa enua i runga: e kite
akera aia i te tokotai puke pipi, Kua ka-
ranga atura aia kia ratou, Kua rauka
aina ia kotou te Vaerua Tapu, mei to
kotou akarongo anga mai? Kua tua-
tua maira ratou kiaia, Kare matou
i kite e, i *orongaia* mai te Vaerua
Tapu. Kua ui atura aia kia ratou, I 3
baptizoia oki kotou i te aa? Kua
tuatua maira ratou, I te baptizo anga
a Ioane ra. Kua karanga aturā Paulo, 4
I baptizo rai oki a Ioane ki te bape-

tizoanga tatarara, ma te karanga atu
ki te tangata e, e akarongo ratou iaia ko
aere mai na muri mai iaia ra, koia oki a
5 Iesu Mesia ra. E kia akarongo ratou i
te reira, baptizoia ora ratou i roto i te
6 ingoa o te Atua ra o Iesu. Kua tuku
aturā Paulo i tona rima ki rungao ia
ratou ra, e kua aere maira te Vaerua
Tapu ki rungao ia ratou; e kua tua-
tua ora ratou i te tuatua ke, e kua
7 totou iora i te tuatua. Tino ngauru
ma rua paa taua aronga tangata i te
katoatoa anga ra.
8 Aere atura aia ki roto i te sunago ra,
tuatua atura ma te matakau kore, e
toru marama, i te taumāro anga atu, e
te akakite ua anga atu i te tuatua o te
9 basileia o te Atua ra. E paetaeta
maira tetai pae kare i akarongo ra, e te
akakino mai oki i te tuatua ki mua
i te aroaro o te tangata tini ra, vaio
ora aia ia ratou, aere ke atura, akataka
ke maira i te au pipi, kua tuatua ora
ki roto i te are apii anga no Turano ra,
10 kare e rā i tukua. I pera aia e rua
akera mataiti; kite akera to Asia ra-
varai, te ngati Iuda, e te Eleni, i te
tuatua a te Atua i Iesu.
11 E semeio maata oki tei oti i te rima
12 o Paulo i te Atua. E i apaiia te kakau
orei ou e te pareu no runga i tona ko-
papa ki te aronga maki, e peke atura
to ratou maki, e te au vaerua kikino
13 katoa, kua aere maira ia ki vao. Kua
timata atura tetai pae ngati Iuda
tuaru vaerua kino koka aere ua, i te
akaiki i te ingoa o te Atua ra o Iesu i
te aronga vaerua kino ra, i te na ko
anga atu e, Te akaue atu nei matou ia
kotou ma te ingoa o Iesu i ta Paulo e
14 tuatua aere nei. Ko nga tamariki
toko itu a tetai taunga maata ngati
15 Iuda, ko Sekeva, tei akapera. Kua
tuatua maira te vaerua kino, na ko
maira, Kua kite au ia Iesu, kua kite
oki au ia Paulo; koai ra kotou na?
16 Kua rere maira taua tangata tei roto
iaia te vaerua kino ki rungao ia ratou
ra, e rauka iora ratou, mate ora ratou,
oro taaka ua atura ratou ki vao i taua
17 are ra ma te paruparu. E kitea ora
taua mea ra e te ngati Iuda, e te Eleni
katoa, i noo i Ephesia ra; rokoia ora
ratou ravarai e te matakau, akamei-
takia ora te ingoa o te Atua ra o Iesu.
18 E manganui oki to taua aronga i aka-
rongo ra, i aere mai e aaki i ta ratou
19 peu, e akakite ua maira. E manganui
oki te aronga peu tu ke i apai mai i ta
ratou au buka, kua tutungi ora i te
ai ki mua i te aroaro o te tangata ra-
varai: kua tataua ora i te moni i te oko

i taua au buka ra, e kitea ora, e rima ngauru anga te tausani i te *moni* ario.

I te maata oki i te tupu anga e te 20 autu anga te tuatua a te Atu ra.

E oti akera te reira, maara akera to 21 Paulo ngakau e aere ki Ierusalem, e na Makedonia, e na Akaia, na ko akera, Kia tae atu au ki reira, kia kite katoa atu au ia Roma e tika'i. Kua 22 tono atura aia i e toko rua i te aronga i tauturu mai iaia ki Makedonia, ko Timoteo, e ko Erasto; kareka aia uaorai, noo ora ia i Asia e roa iti akera.

Kua tupu akera i reira te keu i 23 teianei tuatua e kare te mea ngiti. Ko tetai tangata oki ko Demeterio te 24 ingoa, e taunga ario, ko tei anga i te marae ario no Diana, e apinga maata ta te aronga taoonga i rauka iaia; Kua 25 akaputu ora aia ia ratou e te aronga i rave katoa i taua angaanga ra, kua karanga atura, E tama, kua kite kotou e, no teianei angaanga i rauka'i to tatou nei apinga. Te akara nei oki ko- 26 tou, kua kite oki kotou e, e manganui te tangata ta teianei tangata ta Paulo i ako, kare i Ephesia anake nei, kua tu pihi oki Asia katoa, e kua akamingi oki ia ratou, i te tuatua anga atu e; kare te Atua tei angaia e te rima tangata nei: E e riro ta tatou angaanga 27 nei i te akakinoia, e kare oki ko te reira anake ra; e riro katoa oki te marae o te atua maata nei o Diana i te akavaavaia, e e kore tona inuino, ko tei akamorii e to Asia ravarai, e to te ao katoatoa nei oki. E kia akarongo 28 akera ratou i te reira tuatua, ki akera ratou i te riri, kua kapiki atura ratou, na ko atura, E maata to Diana i Ephesia. Kua keu atura taua oire 29 ravarai: e opukia iori Gaio e Arisetareko, e puke tangata Makedonia, ko tei kapiti katoa kia Paulo i tona tere, oro katoatoa atura ki roto i te are tuatua anga, ma te ngakau okotai. E kia ina- 30 ngaro akera Paulo i te aere ki roto ki taua aronga tangata ra, kare ia i tukuia e te au pipi. Kua ungu maira e toko- 31 tai puke tangata taoiau no Asia i tau mai iaia i te karere, i te ako anga mai iaia e, auraka aia e tomo ua atu ki roto i taua are tuatua anga ra. Te 32 kapiki ua ra ratou, e tuatua ke ta tetai pae, e mea ke ta tetai pae: te keu ua ra taua aronga maata ra; e kare oki te maata o te tangata i kite i te mea i putuputu mai ei ratou ra. Kua 33 arataki maira ratou ia Alekanedero no roto i taua aronga maata ra, na te ngati Iuda aia i opara mai. Kua kamokamo atura Alekanedero i tona rima, i ano-

ano aia i te akatika iaia orai ki taua 34 aronga tangata ra. Kite akera ratou e, e ngati Iuda aia, kua kapiki maira ratou ravarai okotai rai kapiki anga, e rua akera ora, E maata to Diana 35 i Ephesia. E papa ora taua aronga tangata ra i te tata tuatua, kua karanga atura aia, E te au tangata na Ephesia nei, koai ia tangata kare i kite e te akamori nei teianei oire o Ephesia nei i te atua maata ia Diana, e te 36 i topa mai ki raro nei no runga mai ia Dia ra? E teianei, kare e maoroia mai taua tuatua nei, e noo ua kotou e tika'i, e auraka ei rave rapurapu ua. 37 I kika mai nei oki kotou i teianei aronga tangata, e kare oki ratou te keia iero, e te akakino oki i to kotou atua. 38 E teianei, e ara tikai ta Demeterio e te aronga taoonga ki ona i tetai tangata atu, te vai nei ia te akava anga, te vai nei oki te kavana; e tapepe ratou ia 39 ratou orai. E maoro anga ta kotou i tetai au tuatua ke, i te tuatua anga tikai e tau i te ture e akatikaia'i te 40 reira. E riro oki tatou i te akavaia mai i teianei keu maata i teianei ra, kare oki e mea e tika'i kia akatika tatou i teianei repua maata ua i te 41 ngata. E oti akera taua tuatua nana ra, kua tuku atura aia i taua aronga ra.

PENE XX.

To Paulo aereanga i Makedonia: to Eutiko topa anga ki raro: to te au peresibutero aravei anga ia Paulo i Mileto, e tana ako meitaki ia ratou.

1 **E** PAPA akera taua keu maata ra, kua akaputuputu maira Paulo i te au pipi kiaia, aroa atura, e riro 2 atura, aere atura ki Makedonia. E oti akera taua pa enua ra i te aereia e ia ra, e manganui akera te ako anga atu ia ratou, tae atura aia ki Eleni. 3 Noo iora aia i reira, e toru akera maraana, e kia vaitata akera aia i te ano ki Suria, kua moetaipapa ora te ngati Iuda iaia, kua manako akera aia e, e 4 na Makedonia te oki. Kua kapiti maira Sopatero i Berea i tona tere ki Asia; to Tesalonias ra, ko Arisetareko ia ma Sekuno; to Derebe ra, ko Gaio ia ma Timoteo oki; to Asia ra, ko 5 Tukiko ia e ko Terophimo; Na mua atura ratou e Teroa, tapapa maira ia 6 natou. E ope akera te au ra manga akaopne koreia ra, ano atura matou mei Philippi atu, e po rima akera, tae atura matou ki Teroa kia ratou; noo atura matou i reira e po itu. 7 E tae akera ki te ra muatangana o

te ebedomā ra, kia akaputupu mai te au pīpi e vava'i i te areto ra, kua ako aturā Paulo ia ratou, kia popongi ake aia e riro ci; tamou marie atura tana ako anga atu e turuaipo akera. E mānganui te lamēpa i roto i taua pia i runga ra ka putupu ei ratou. Te noo uā ra tetai tangata ou ko Eutiko te ingoa i te ngutupa māmāmāra, varea ora aia e te moe maata: no te mea kua roa ta Paulo tuatua anga, tinainai rava maira tana moe, topa ora aia ki raro i te toru o te tupati pia *te topa anga*, e tei te rave angaia atu aia ra, kua mate takiri rava; Kua eke aturā Paulo ki raro, tipapa ora ki rungao iaia, takave atura, na ko akera, Auraka ana kotou e aue; te vai nei te a'o i roto iaia. E tae akaou maira aia ki runga, vava'i ora i te areto, e kai ora, e oti akera, tuatua ora oki e tuatua anga roa, e tatiata ora, ripo atura aia. Kua apai maira ratou i taua tangata ou ra, kua ora rava, mareka rava akera ratou.

Aere atura matou na mua ki runga i te pai, ano atura ki Aso, ei reira akautā mai ei ia Paulo: nana orai oki i akatau, i maara oki aia e, na uta te aere *ki reira*. E aravei akera aia ia matou i Aso, akautā akera matou iaia, e tae atura matou ki Mitulene. Mei reira oki ano atura matou, e akera e tutaki ora matou ki Kio; e ao akera oki tae atura matou ki Samo, noo ora i Terogulio; e ao akera oki tae atura matou ki Mileto. Kua koro ano oki a Paulo eiaa e na Ephesia kia ano, kia kore aia e tavare i Asia; te rapurapu ra oki aia kia rokoa atu e ia te rā penetekose i Ierusalemā ra.

Kua unga atura aia i te karere ki Ephesia mei Mileto atu, e tiki i te au peresibutero i te ekalesia ra. E tae maira ratou kiaia ra, kua karanga atura aia kia ratou, Kua kite kotou i te tu o toku noo anga i o kotou nei, i te au tuatua katoa, mei te rā mutangana mai ka tae mai ei au ki Asia nei, I te akamori anga i te Atu ma te ngakau akaaka roa, e ma te roi-mata maata, e te timataanga ka rokoa mai ei au i te moetaupapa angaia e te ngati Iuda: E kare rava akenei e mea e meitaki ei kotou na i vaioia e au, kare akenei au i tivata i te ako atu ia kotou e te apii ia kotou i te ngai tangata, e i tera are i tera are, I te tuatua marie anga atu ki te ngati Iuda ma te Eleni i te tataraara i te Atua, e te akarongo i to tatou Atua ia Iesu Mesia. E teianei te aere nei au ma te aratakiia e te Vaeuna ki Ierusalemā,

kare oki i kitea te mea e rokoa mai ei au i reira: Mari ra ko ta te Vaeuna Tapu i akakite mai *kiaku* i te au oire katoa nei, i te tuatua anga mai e, te vai ra te tapeka noku e te mate. Kare ra au e akono uā atu i taua au mea katoa ra, kare oki au i anoano uā i taku ora, mei te mea e, e mea apinga iaku orai, kia akaoti ra au i toku oro anga ma te rekaraka, e te taoonga i rauka iaku i te Atu ra ia Iesu, kia akakite uā atu au i te evangelia o te aroa uā o te Atua. E teianei, i na, kare rava kotou katoa nei, ko taku i tuatua aere i te basileia o te Atua i roto ia kotou na, e kite akaou mai i toku mata, kua kite au. E teianei e akakite uā atu na au kia kotou i teianei rā, kare rava oku viivii i te toto o te tangata katoa nei. Kare rava akenei au i uuna, kua akakite uā atu oki au kia kotou i te ano- ano katoa o te Atua. E teianei, e matakite ia kotou uarai, e te anana katoa i akariroia'i kotou e te Vaeuna Tapu ei episekopo i rungao ra, kia akaangai oki kotou i te ekalesia o te Atua, ko tana i oko i tona uarai toto. Kua kite oki au kia riro ke atu au, ka o mai ei te luko tae ki roto ia kotou na, kare e akaperere i te anana. E ka tu mai oki te tangata mei roto ia kotou orai, e tuatua mai i te tuatua mingi, kia aruia ratou e te pipi. E matakite oki, e akamaara, ka toru akenei oku mataiti, kare au i tivata i te ako atu i te tangata ravara i pini uā ake, ma te roi-mata, i te po e te ao. E teianei, e te au taake, teia taku tuatua, ei te Atua rai kotou, e te tuatua no tona aroa uā, ko tei tika iaia kia patu ia kotou, e kia oronga mai i te tuanga na kotou e te aronga katoa i akatapua ra. Kare rava akenei au i noinoi i te ario a te tangata katoa nei, e te auro, e te kakau. Kua kite oki kotou e na teianei rima i rave i te angaanga i rauka'i taku, e ta te aronga katoa i kapiti mai kiaku nei. Kare e mea toe iaku i te akakite atu kia kotou na, kia pera katoa kotou i te rave i te angaanga, e turu atu oki kotou i te aronga apikepike, e tika'i, e kia maara oki i te tuatua a te Atua ra a Iesu, ko tana oki i tuatua maira e, "E mea meitaki i te oronga atu i te rave mai." E oti akera teianei tuatua i te karangaia atu, kua tuturi ora aia ki raro, kua pure ora e ratou katoa. Aue anake ora ratou ravara, takave maira ki runga i te kaki o Paulo, kua ongi maira iaia: no te tuatua tana i tuatua ra e, kare rava ratou e kite akaou mai i

tona mata, i maafa rava'i to ratou aue. Kua kave atura ratou iaia ki te pai.

PENE XXI.

To Paulo māro anga e aere rai ki Ierusalem: ko Philipa e tana au taimaine: ta Agabo tuatua aurakū Paulo e aere: te aerenga ki Ierusalem, e te rave kino angaia i reira: tona opu angaia e te au vaeau e kave ki roto i te punanga.

E TAKA ke mai nei matou ia ratou, 1
kua tuku atura matou, ano tika
ua atura matou ki Koso, e ao akera ki
Roda, e mei reira oki ki Patara:
Kite atura matou i tetai pai, te ano 2
atura ki Phenia, aere atura matou ki
runga, e ano atura. E kite atura
matou ia Kupero, akarukeia atura e
matou i te pae kaui, tere tika atura
matou ki Suria, e tapae atura ki Turia:
ei reira oki te apinga i taua pai ra e
tariia'i ki vao. Noo atura matou i 4
reira e itu akera po, e aronga pipi oki
tei kitea e matou i reira; ko tei tuatua
mai ia kia Paulo no te Vaerua i tua-
tua'i, auraka aia e aere ki Ierusalem.
E ope akera te reira puke rā ia matou, 5
aere atura matou i to matou tere, e
kua aere katoa maira ratou katoa ma
te vaine e te tamariki ki vao i taua
oire ra: kua tuku ora to matou turi
ki raro i taatai, pure ora matou.
Kua aroa ora matou matou orai, e oti 6
akera, aere atura matou ki. runga
i te pai; oki maira ratou ki to ratou
ngutuare.

E ope akera to matou akatere anga 7
na tai, tapae atura matou ki Petolemai
mei Turia atu: aroa atura matou i te
au taake, e noo atura ki o ratou ra e
okotai akera rā. E ao akera riro aturā 8
Paulo ma, e tae atura matou ki Kaisa-
rea: tomo atura matou ki roto i te
are o Philipa apii evangelia, no nga
tangatu toko itu ra aia; noo atura
matou ki ona. Toko a ana puke ta- 9
maine paretenia, e peroveta vaine ra-
tou. No te mea e manganui to matou 10
rā i reira, kua aere maira tetai peroveta,
mei Iudea mai, ko Agabo te
ingoa. E tae maira aia kia matou, 11
kua rave maira aia i te tatua o Paulo,
kua ruru ora i tona uaoari rima ma te
vaevae, kua tuatua maira, Te na ko
maira te Vaerua Tapu, Mei teianei ta
te ngati Iuda i Ierusalem ra e ruru i
te tangata nona teianei tatua, e ka
tuku oki iaia ki te rima o te etene ra.
E kia akarongo atura matou i taua 12

tuatua ra, kua tāpu atura matou, e to
reira katoa, iaia, eiaa aia e aere ki Ie-
rusalema. Kua tuatua mairā Paulo, 13
Eaa kotou i tangi mai ei e i akapa-
rukaua mai ei i toku ngakau? kua
tika oki iaku kia ruruia au, auraka oki
te reira anake ra, kia mate katoa atu i
Ierusalem, i te ingoa o te Atu ra o
14 Iesu. E kare rave akera aia i tuku
mai, kua akapaki ora matou, na ko
atura, Kia tupu to te Atu ra anoano.
15 E ope akera taua au rā ra, kua rave
ora matou i to matou apainga, aere
16 atura ki Ierusalem. E ko e tokotai
puke pipi oki no Kaisarea i te aere
katoa anga atu e matou katoa, arataki
atura ia matou ki o tetai tangata no
Kupero, ko Nasona te ingoa, e pipi
taito, ei ona matou noo ei.
17 E tae atura matou ki Ierusalem,
kite maira te au taeake ia matou ma te
18 rekareka. E ao akera, aere katoa atura
matou ko Paulo ma kia Iakobo ra; tei
reira katoa te au peresibutero ravarai
19 ra. E oti akera tona aroa anga atu ia
ratou ra, akakite marie atura aia i te
au mea ravarai ta te Atua i rave ki o
20 te au etene i tana apii anga. E kia
akarongo maira ratou i te reira, aka-
meitaki atura i te Atu; e kua tuatua
maira ratou kiaia, Kua kite koe, e
to matou taeake, i te ngati Iuda akaro-
ngo nei e manganui te tausani: e te
21 māro anake nei oki ratou i te ture: E
kia akakiteia mai koe ia ratou e, te
apii ra koe i te ngati Iuda ravarai e
noo ki o te etene ra e, e akaruke ia
Mose, i te na ko anga atu oki e, auraka
ratou e peritome i te tamariki, e au-
22 raka oki e akono i te au pecu ra. E
teianei, caa te ravenga? kare oki e kore
te akaputupu mai taua aronga katoa
ra; ka kite oki ratou e, teia mai nei
23 koe. E na ko koe i ta matou e karanga
atu nei: toko a i o matou nei puke
24 tangata, e tia ta ratou; E kapiti katoa
mai koe kia ratou, e kia tamā katoaia
koe e ratou katoa, e kia niteite katoa
toou apinga e to ratou kia varu ratou i
to ratou mimiti: kite akera te tangata
ravarai e, e tuatua taeke ua tei tuatuaia
mai koe ia ratou; e te tika katoa ra
toou aerenga, e te akono katoa ra koe
25 i te ture. Kareka te au etene i aka-
rongo ra, kua taka ia tuatua ia ratou, e
kua tata akenei oki tatou eiaa ratou e
akono i te reira au pecu, auraka ra ra-
tou e kai i tei apaiia atu i te idolo ra, e
te toto, e te mea kukumi uaia ra, e
26 eiaa oki e akaturi. Kua kapiti akērā
Paulo ki taua au tangata ra, e ao akera
tamāia ora aia e ratou katoa, tomo atura

ki roto i te iero ra, e akakite atu i te openga o te au rā tamā anga ra, kia apaiia te terume na ratou rava-rai.

Kare akera e ope tika taua nga rā 27 e itu ra, kite akera te ngati Iuda no Asia ra iaia i roto i te iero, akakeu ora i te tangata rava-rai, e kua opu atura to ratou rima iaia; Kua kapiki 28 atura, E te au tangata Iseraela nei, e rave katoa mai; ko te tangata teia i apii i te tangata katoa nei, kare e ngai toe, i te mea tau kore i te tangata nei, e te ture, e teianei ngai; e kua taoi katoa mai oki i te Eleni ki roto i te iero nei, e kua viivii teianei ngai tapu iaia. (Kua akara ana oki ratou ia 29 Teroplumo i Ephesia ra i te kapiti anga kiaia ki roto i te oire ra, ko ta ratou ia i manako e, kua taoiia e Paulo ki roto i te iero ra.) Keu atura taua 30 oire katoa ra, e kua oro maira te tangata tini rava-rai; kua opu maira ia Paulo, kua kiika atura iaia ki vao mai i te iero ra: e topiriia akera te au pa i reira. E te rave ra oki ratou iaia e 31 ta, kua tae atura te tuatua ki te kapena maata o te pupu vacau e, te keu ua nei Ierusalem katoatoa nei. Kua 32 arataki atura aia i te vacau e te au rangatira anere, oro atura kia ratou: e kia akara maira ratou i te kapena maata e te au vacau, kare akera ratou i ta ia Paulo. Kua aere atura te ka- 33 penā maata i vaitata, kua opu atura iaia, kua akaue atura i te tangata e tapaka iaia i nga pirianganao e rua; e kua ui atura *kia ratou* iaia, e tana ara. Kua kapiki maira etai no roto 34 i taua aronga ra, e tuatua ke ia, e tuatua ke oki ta etai; e kare ua akera i kitea meitakiia i te vao o te tangata, kua akaue atura aia e kave iaia ki roto i te punanga. E tae 35 atura aia ki te kakenga ki runga, kua maranga ua akera ki runga i te au vacau ra, no te mea te kononinoni maira te tangata. Te aru maira oki te 36 tangata tini i muringao, i te kapiki anga mai e, E akaruke atu tena. E 37 vaitata akerā Paulo i te kaveia ki roto i taua punanga ra, kua karanga atura aia ki te kapena maata, E tika ainei ia koe kia tuatua au? Kua tuatua maira aia, Kua kite koe i te tuatua Eleni? Kare ainei koe i te tangata Aiphiti i 38 kaitamaki i muatangana, e ko tei arataki oki i te tangata ta tangata, e a katoa te tausani ki te medelara ra? Kua karanga aturā Paulo, E ngati Iuda 39 tikai au no Tareso i Kilikia ra, e kare au to te oire akaaka: teia taku tuatua

kia koe, e akatika mai koe e tuatua 40 ake ana au i te au tangata nei. E tika maira iaia, kua kamokamo aturā Paulo i tona rima ki taua aronga tangata ra, tu ua i aia i te kakenga ki runga, e muteki takiri rava ora; kua karanga atura aia *kia ratou* i te tuatua Ebera, na ko atura,

PENE XXII.

To Paulo akakite anga atu i tona akarii angaia, e tona akariro angaia ei aposetolo na te etene: te ngati Iuda i te riri anga iaia: kare e pāpā uaiia te tangata no Roma: to Paulo tuku angaia ki mua i te Suederi.

1 **E** TĀMA, e te au tacake, e te ai metua nei, ka akarongo mai ana kotou i taku tuatua kia kotou iaku 2 uaorai nei. (E kia akarongo atura ratou iaia, i te tuatua Ebera anga mai kia ratou, maata atura to ratou muteki; kua karanga atura aia,) E ngati Iuda tikai au, i Tareso i Kilikia toku anau anga, i teianei rai oire toku apii angaia i te vaevaeo o Gamaliela, i apii uaia oki au i te ture a to tatou ai metua ra, maroiroi oki au i ta te Atua, mei ia kotou rava-rai na i teianei rā. 4 I takinga-kino oki au i teianei tuatua, i te ruru anga i te tane ma te vaine, e te tuku anga atu ki roto i te are tape- 5 kānga, e kia mate rava atu. Kua kite katoa oki te taunga maata nei iaku, e te aronga pakari katoa ra; na ratou taku au leta i te au tacake i te rauka anga mai, aere atura au ki Damaseko e taki mai i to reira ma te pirianganao ki Ierusalem nei, kia 6 akautungaia. Iaku ra i aere ua i taua tere noku ra, e vaitata atura au ki Damaseko, kare akera i mamia, kua pini ora au i te mārāma maata i te kakā anga mai no runga i te rangi i te 7 avata. Inga ora au ki raro i te one, akarongo atura au i tetai reo i te tuatua anga mai kiaku e, E Saula, e Saula, aia koe i takinga-kino mai ei 8 iaku? Kua karanga atura au, E te Atua, koi koe? Kua tuatua maira aia kiaku, Ko au, ko Iesu i Nazareta ra, 9 tauu i takinga-kino mai nei. Kua kite oki ratou, ko tei aere katoa ra, i taua mārāma ra, e matakū ora; kare ratou i kite i tona reo, to tei tuatua mai 10 kiaku ra. Kua karanga atura au, E te Atua, e akapea au? Kua tuatua maira te Atua kiaku, Ka tu, ka aere ki Damaseko; ei reira koe e akakiteia mai ei i te au angaanga katoa i akonoia

naau e rave ra. E kare akera i tika 11
ia iaku kia akara i te kakā o taua mā-
rama ra, i aratakiaia au ki te rima e te
aranga i aere katoa ra, e tae atura au ki
Damaseko. E tetai tangata ra ko 12
Anania, e tangata paieti i te akono-
anga i te ture ra, e rongo meitaki oki
tona i te ngati Iuda ravarai i noo i
reira, Aere maira, e tu maira i vai- 13
tata iaku, na ko maira, *E taku* taeake
e Saula, ka akara mai ana. Akara
atura au iaia i taua ora ra. E kua 14
tuatua maira aia, Kua akonoia na koe e
te Atua o to tatou ai metua, kia kite
koe i tona anoano, e kia akara koe i
taua Tangata Tuatua-tika ra, e kia
akarongo oki koe i te reo i tona vaa.
Ei kite oki koe nona ki te tangata ra- 15
varai, i tauu i akara, e tauu i akarongo
ana. E teianei, eaa koe i tavare ei? 16
ka tu, kia bapetizoia koe, e orei ke atu
i tauu au ara, i te kapiki anga atu i te
ingoa o te Atua. E oki akaou maira au 17
ki Ierusalem nei, iaku ra oki i pure
ki roto i te iero ra, tareuia maira au ;
Kite atura au iaia i te tuatua anga mai 18
kia iaku e, E ngakoiokoi, e aere ke atu
koe i tenana, akaruke mai i Ierusalem
nei: kare oki ratou e akarongo i tauu
tuatua iaku. Kua karanga atura au, 19
E te Atua, kua kite oki ratou e, i ta-
peka ana au, e i pāpā ana oki au, i te
aronga i akarongo ia koe i te au su-
nago katoa ra: Ka maringi ei oki te 20
toto o te kite noou ra, ko Setephano,
te tu katoa ra au i vaitata i te akatika
ua anga i tona mate, e naku oki i ta-
papa i te kakau o te aronga i ta iaia
ra. Kua tuatua maira aia kia iaku, Ka 21
aere ra, ka tono ke atu oki au ia koe
ki te etene ra. Kua akarongo oki ra-
tou iaia e tae akera ki te reira reo,
kua akateitei atura to ratou reo, na ko
atura, E akaruke ke atu i tenana ta-
ngata, *eiaa e vuioia* i teianei ao: kare e
tau iaia te ora. Te kapiki ua ra ratou 23
ma te kiriti i to ratou kakau, e ma te
āū i te one ki runga; Kua akaue atura 24
oki te kapena maata e kave iaia ki
roto i te punanga, karanga atura oki
e, e ui atu kiaia na te pāpā; kia kite
aia i te ara i kapiki ua mai ei ratou
iaia. E te tākai ra ratou iaia ki te 25
taura, kua karanga aturā Paulo ki te
rangatira anere i tu i vaitata ra, E tau
aina i te ture kia pāpā kotou i te ta-
ngata no Roma, kare i akaapia ra?
Kite akera te rangatira anere, aere 26
atura aia, karanga atura ki te kapena
maata, na ko atura, E matakite i tauu
e rave nei: no Roma oki teianei ta-
ngata. Kua aere maira te kapena 27

maata, kua tuatua maira kiaia, E aka-
kite mai koe kia iaku, no Roma tikai
28 koe? Kua karanga atura aia, A. Kua
tuatua maira te kapena maata, E
moni maata oki taku i riro ei au ei ta-
ngata no reira. Kua karanga aturā
29 Paulo, E tangata anau tikai au. E
te aronga i vaitata i te ui atu kiaia ra,
aere ke atura ia i reira: matakū
katoa ora oki te kapena maata i tona
kite anga e, no Roma aia, e koia oki i
30 ruru iaia. E ao akera, kua tatara
akera aia i tona tapeka, akaue atura
aia i te kau taunga nunui, e te Sune-
deri katoa ra, e akaputupu mai,
kia kite tikai aia i te ara i tapepeia mai
ei aia e te ngati Iuda ra, kua ara-
taki maira ia Paulo ki raro, kua
tuku atura iaia ki mua i to ratou
aroaro.

PENE XXIII.

*Ta Paulo tuatua ki te taunga maata:
te taumāro anga o te au Pharisea
ma te au Sadukea: kua akamaroi-
roiiā Paulo i te orama: to te ngati
Iuda moetapapa anga iaia, e te
apai angaia ia Feliki ra.*

- 1 **K**UA tiroi matariki aturā Paulo i
te Sunederi, na ko atura, E tāma,
e te aronga taeake nei, i noo ua ana
oki au ma te akava-ngakau meitaki i
mua i te aroaro o te Atua, e tae rava
2 akenei i teianei rā. Kua tuatua
maira te taunga maata ra ko Anania
ki te aronga i tu i vaitata kiaia, e
3 moto atu i te vaa. Kua karanga
aturā Paulo kiaia, Kua vaitata te Atua
i te moto mai ia koe, e tenana patu
akateateaia: noo mai ana oki koe e
akava mai iaku i te ture, e akaue oki
koe kia motokia au i te mea e kore e
4 tau i te ture ra? Kua tuatua maira te
aronga i tu ua i vaitata ra, E akakino
aina koe i te taunga maata a te Atua?
5 Kua karanga aturā Paulo, Kare akera
au i kite, e *taku* au taeake, e koia te
taunga maata: kua tataia oki e, “Au-
raka koe e tuatua kino i te kavana i
6 runga i to iti-tangata na.” Kia akara
akera rā Paulo e, e Sadukea tetai pae,
e Pharisea oki tetai pae, kua kapiki
atura aia ki roto i taua Sunederi ra, E
tāma, e te au taeake, e Pharisea au,
e tamaiti oki na te Pharisea: no te
tappa i te tuakaouanga o tei mate ra
7 i akavaia mai ei au nei. Tei te tuatua
anga atu aia i taua tuatua ra, tupu
atura te taumāro i te Pharisea ma te
Sadukea: mavete atura taua aronga
8 maata ra. I karanga oki te Sadukea

e, kare ua e tuakaouanga, kare oki e angela, kare oki e vaeuua: karekate Pharisea, e tuatua-mou katoa ia *ia ratou*. E maata rava ua atura te vaa; kua tu akera te au tata tuatua no te papaki o te Pharisea, kua māro ketaketa atura, na ko atura, Kare rava akera i kitea ia matou te kino o teianei tangata: e vaeuua tei tuatua mai kiaia ra, e te angela, auraka tatou e māro atu i te Atua. E maata rava ua atura te karo, matakū ora te kapena maata, ko te aeae uaia aē Paulo e ratou; kua akaue atura i te aronga vaeau e aere ki raro e opu mai iaia i rotou i ratou ra, e taki mai ki roto i te punanga. E po akera, kua tu maira te Atū i vaiata iaia, kua tuatua maira, Eakamaroiroi, e Paulo: mei tauu i akakite i te tuatua noku i Ierusalemā nei, e akakite katoa oki koe i Roma e tika'i.

E ao akera, kua kapiti marie akera etai pae ngati Iuda, kua akatau ora i te tuatua taumaa ia ratou uorai, i te na ko anga e, kare ratou e kaikai, e kare oki e inu, kia mate rā Paulo ia ratou. E a ngauru anga ma ara tauu aronga i kapiti ra. Aere atura ratou ki te kau taunga nunui, e te aronga pakari ra, kua karanga atura, Kua akatau matou i te tuatua taumaa ia matou uorai e, kare matou e kaikai e kia mate ua atu a Paulo ia matou. E teianei, ka akakite atu kotou e te Sunederi katoa i te kapena maata, e arataki mai aia iaia ki raro ki o kotou nei apopo, mei te mea e, te inangaro ra kotou i te ui meitaki atu rai i te au mea katoa nona ra: e kare aia i vaiata mai ia kotou nei, kua mate ia ia matou. Kite akera ra te tamaiti a te tuaine no Paulo i taua moetaupapa ra, aere atura, tomo atura ki roto i te punanga, akakite atura kia Paulo. Kua karanga atura Paulo ki tetai o te arangitira anere ra, na ko atura, Ka arataki atu koe i teianei tamaiti ki te kapena maata ra: e manga tuatua oki tana e akakite atu kiaia. Kua rave akera aia iaia, arataki atura ki te kapena maata, kua karanga atura, I tuatua mai a Paulo tapekaia nei kiaku, e kua pati maira iaku kia arataki mai au i teianei tamaiti kia koe nei, e manga tuatua oki tana e akakite atu kia koe. Kua rave akera te kapena maata i toa rima, arataki atura iaia ki te ngai pōiri, kua ui atura, Eua tauu tuatua e akakite mai kiaku? Kua tuatua 20 maira aia, I akatau ana te ngati Iuda i ta ratou tuatua e pati atu ia koe ia

Paulo, kia taki atu koe *iaia* ki raro apopo, ki roto i te Sunederi, mei te mea e, i inangaro ratou i te ui meitaki atu i te au tuatua katoa nona. 21 Auraka ra koe e akatika atu i ta ratou; e te moetaupapa maira to ratou iaia, e a katoa ngauru anga ma ara i te tangata, kua akatau oki ratou i te tuatua tau-maa ia ratou uorai e, kare ratou e kaikai, e kare oki e inu, e kia mate rava atu aia ia ratou; e kua araara mamao oki ratou i teianei, te tapapa maira ia koe i te akatika anga atu. 22 Kua tuku maira te kapena maata i taua tamaiti ra, ako maira iaia, Auraka rava koe e akakite ki te tangata e, kua aaki mai koe kiaku i teianei au 23 tuatua. Kua kapiki atura aia i e toko rua puke rangatira anere, kua karanga atura, Ka akonokono i te vaeuua kia rua ake anere e aere ki Kaisarea, e te au tangata ipo ra, kia iu ngauru anga, e te aronga kotao ra, kia rua ia anere, ei te toru o te ora i teianei po; E tiki oki etai puaka ei noo-anga no Paulo, e arataki meitaki atu ei *iaia* ki te kavana ra kia Feliki ra. 25 Kua tata atura aia i te leta na ko atura: Kalaudio Lusā ki te kavana 27 teitei ra ia Feliki, kia ora na: I opu-kia tenana tangata e te ngati Iuda, e me mate aia ia ratou; e rokoia ora ratou e au ma te pupu vaeau katoa, opu atura au iaia, kite akera au e, no 28 Roma aia. E inangaro akera au kia kite au i te ara i tapepe mai ei ratou iaia, arataki atura au iaia ki roto i te 29 Sunederi no ratou: E kite akera au e, i tapepeia aia i te tuatua māroia i roto i ta ratou orai ture, kare aia i tapepeia i te ara e tau ei iaia te mate, e te 30 tapeka katoa oki. E kia aakiia mai au e, te moetaupapa ra te ngati Iuda i taua tangata nei, akaue akenci au i te tangata e arataki atu kia koe na, kua karanga oki au ki te aronga i tapepe mai *iaia* ra, e akakite atu kia koe i ta ratou tuatua iaia. Kia ora na. 31 Kua rave akera taua au vaeuua ra i Paulo, arataki atura ki Antipateri 32 i te po, i tei akaueia maira. E ao akera, vaiōia ora te aronga tangata ipo ei arataki iaia, oki maira ratou ki te 33 punanga. E tae atura ratou ki Kaisarea, kua apai atura te leta ki te kavana, e kua tuku atura ia Paulo ki 34 mua i toa aroaro. E kia tatou te kavana i taua leta ra, kua ui maira aia e, no teea enua aia: kite akera aia 35 e, no Kilikia aia; Kua na ko maira aia, Kia tae katoa mai te aronga e tapepe ia koe na, ka akarongo atu ei

au ia koe. Kua karanga atura aia e tapeka iaia ki roto i te ngai akavaanga a Heroda ra.

PENE XXIV.

To Paulo akaapa angaia e Teretulo, e te akatika anga iaia uorai: to Feliki matakua anga i te ako angaia e Paulo.

E PO rima akera, aere atura te 1
taunga maata, ko Anania, e te
aronga pakari katoa, e tetai tumu ko-
rero, ko Teretulo, ki raro, ko te aka-
kite atu ia ki te kavana ia Paulo. E 2
tikiia atura aia, kua timata aturā
Teretulo i te tapepe *iaia*, na ko atura,
E au maata to matou ia koe, e e peu
meitaki oki taau i rave i toou akono
meitaki i teianei enua, Te rekareka 3
nei matou ma te akameitaki kare e
ngai toe, kare oki i tivata, e Feliki tei-
tei. Auraka ana ra au e tamanata 4
atu ia koe, teia taku tuatua kia
koe, e akarongo iti ua mai ana
koe ia matou, i te ūriki meitaki naau
ra. Kua kite matou i teianei tangata, 5
e tangata pekapeka, e te taoriori i te
ngati Iuda ravarai e pini ua ake te
enua katoatoa, e e arataki oki i te pupu
Nazarene ra: E timata io nei aia i te 6
akanoa i te iero: opu atura matou
iaia, i maara oki matou e akava *iaia* i
ta matou orai ture. Kua aere maira 7
ra te kapena maata ko Lusia, kua opu
nui ua maira *iaia* i roto i to matou
rima, Kua akaue atura i te aronga i
tapepe *iaia* e aere mai kia koe nei; kia 8
kite katoa oki koe uorai kia akava ra,
i te au mea ravarai ta matou i tapepe
atu *iaia* nei. Kua akatika katoa atura 9
oki te ngati Iuda, na ko atura, Koia
tika te reira. E kia tungou mai te 10
kavana kia Paulo e tuatua aia, kua na
ko atura, I te au mataiti roa akenei
oki ko koe rai te akava i teianei enua,
kua kite au, i meitaki ei au i te aka-
tika anga iaku orai nei: Kia kitea 11
uaia e koe e, okotai rava akenei nga-
uru anga te po e rua ara i aere ei au ki
Ierusalem e akamori i te *Atua*.
Kare oki ratou i kite iaku i te taumāro 12
anga ki tetai tangata i roto i te iero, e
te taori anga i te tangata, kare oki i
roto i te au sunago, kare katoa oki i te
oire: Kare oki e tika ia ratou kia 13
tuku mai i te kite i te au mea ta ratou
i tapepe mai iaku nei. E aaki atura au 14
kia koe i teia, ta ratou e tuatua nei e, e
airesi, te akapera nei au i te akamori i
te *Atua* o toku ai tupuna, ma te aka-
rongo i te au tuatua ravarai i tatau i

roto i te ture, e te au peroveta ra: 15
Te irinaki nei au ki te *Atua*, ko ta
ratou katoa oki ia e tiaki nei, e e
tuakaouanga to tei mate, te aronga
tuatua-tika e te aronga tuatua-tika
16 kore. I akamaroiroi ei oki au nei,
ciao ei ara i taku akava-ngakau i te
Atua, e te tangata nei, kare i tuku-
17 moe. Manganui akenei oku mataiti i
topa i aere mai ei au e apai mai i te
apinga i toku enua, e te terume a te
18 *Atua*. I reira toku kitea anga e toko-
tai puke ngati Iuda no Asia i roto i te
iero, kua tamāia, kare ra i maata te
19 tangata, kare oki i koma. E aere
katoa mai to ratou i ko nei e tika'i, i
mua i toou aroaro nei ka tapepe mai
ei *iaku*, penciake e tuatua ta ratou
20 iaku: Auraka atu rai ia, ka tuatua
mai ratou nei i te kitea anga e ratou
taku ara, iaku i tu i mua i te aroaro o
21 te Sunederi, E ko teia ua nei reo oko-
tai taku i kapiki ua, ka tu ua'i au i
rotopu ia ratou ra e, No te tuakaou-
anga o tei mate nei i akavaia'i au e
22 kotou i teianei rā. E kia akarongo
mairā Feliki i taua au tuatua ra, kua
akaoti maira aia i ta ratou *tuatua*, na
ko maira, Kia kite meitaki ake ana au
i tenana tuatua, kia tae mai te kapena
maata ko Lusia ki raro nei, *ei reira* au
e akarongo atu ei i ta kotou tuatua e
23 ope rava ake. Kua karanga atura aia
ki tetai rangatira anere e tapapa mei-
taki ia Paulo, auraka e tapeka uaia, e
kia aere mai tona ua oac akara *iaia*, e e
matuapuru mai *iaia*, aua e akakoreia
atu.

24 E topa akera etai puke rā, tae
mairā Feliki e tana vaine ngati Iuda
ko Derusila, unga atura aia i te karere
e tiki ia Paulo, e akarongo atura *iaia* i
te tuatua no te akarongo i te Mesia ra.
25 E te akatika maira aia i te tuatua no te
tuatua-tika, e te akono meitaki, e te
akavaanga a muri ake, rutetete orā
Feliki, na ko atura, E aere ke atu
ana ra koe, e ka tiki atu rai au ia koe
26 i tona atu rā. I manako oki aia e, e
oronga mai a Paulo i te moni nana,
kia tukuia atu aia e ia; i tiki putu-
putu atu ei aia kīaia e karangaranga
27 rai raua. E ope akera nga mataiti
e rua, tupauia akerā Feliki ia Pokio
Fesito; vaio aturā Feliki ia Paulo kia
tapeka uaia ana, ei akarekareka anga
atu i te ngati Iuda.

PENE XXV.

*Ko Paulo i mua ia Fesito: to Fe-
sito akakite anga kia Ageripa ia
Paulo, e tana tuatua iaia.*

E TAE mairā Fesito ki taua enua 1
kia tae, e po toru akera, aere atura aia 2
ki Ierusalemā mei Kaisarea atu. Kua 3
akakite maira te taunga maata e te 4
aronga ngati Iuda mana ra kiaia ia 5
Paulo, e akateni maira iaia, Tuatua 6
maira ei takinga-meitaki mai tana *ia* 7
ratou, e tiki aia e akaoki mai iaia ki 8
Ierusalemā; te moetapapa ra oki 9
ratou iaia i te ara e ta. Kua karanga 10
atura rā Fesito, kua vaooiā Paulo i 11
Kaisarea, e kua waitata katoa oki aia 12
orai i te aere *hi rēira*. E kua na ko 13
atura aia, Te aronga e tika kia aere i o 14
kotou nei, ko te aere katoa ia ki raro, 15
e e ara ta taua tangata ra, ka tapepe atu 16
ei ratou iaia. E kia noo aia ki o ratou, 17
e po ngauru ma ara akera, aere atura 18
aia ki raro ki Kaisarea; e ao akera, 19
noo ora aia ki rungao i te akavaanga, 20
kua akaue atura e arataki mai ia 21
Paulo. E kia tae mai aia ra, kua 22
tapini maira te ngati Iuda mei Ierusa- 23
lema maira *iaia*, e kua tapepe maira ia 24
Paulo i te ara mamaata e manganui, e 25
kare rava akera i kitea ia ratou taua au 26
ara ra. Kua karanga atura aia i te 27
akatika anga iaia uorai, Kare rava 28
aku ara i te ture a te ngati Iuda nei, e 29
i te iero, e ia Kaisara oki. Ko Fesito 30
ra, inangaro aia i te akarekareka atu i 31
te ngati Iuda, kua tuatua maira kia 32
Paulo, na ko maira, E tae aia koe ki 33
Ierusalemā, e ei reira koe akavaia'i i 34
teianei au tuatua i mua i toku nei 35
aroaro? Kua karanga aturā Paulo, 36
Te tu nei au i mua i te akavaanga a 37
Kaisara, e tau ia iaku kia akavaia au i 38
reira: kare rava aku ara i te ngati 39
Iuda, kua kite ua oki koe. E e ara 40
tikai taku i rave, e kua rave au i te 41
mea e tau ei iaku te mate, kua tika 42
iaku te mate: e kare rava e marikonga 43
i te au mea ta ratou i tapepe mai iaku 44
nei, kare rava e tangata e tika'i kia 45
tuku atu iaku kia ratou. Ei ia Kaisara 46
au. Kua karangaranga orā Fesito e te 47
aronga akava ra, e oti akera, kua tua- 48
tua maira aia. Kua karanga koe, Ei ia 49
Kaisara au? ka riro koe kia Kaisara. 50

E topa akera etai puke rā, kua 1
aere maira te ariki ra ko Ageripa e ko 2
Berenike ki Kaisarea, e aroa ia Fesito. 3
E manganui akera to raua puke rā i 4
reira, kua akakite aturā Fesito ki te 5
ariki i te tuatua ia Paulo, na ko atura, 6
Tei ko nei tetai tangata tapekaia i 7
vaioia e Feliki: Nona te tuatua i 8
akakiteia *kiaku* e te kau taunga nunui, 9
e te aronga ngati Iuda pakari, iaku i 10
Ierusalemā ra, e kua pati maira i te 11
tuatua-tau iaia. Kua karanga atura ra 12
au kia ratou, Kare ia pecu i to Roma, 13

te oronga ua atu i te tangata kia mate, 1
kia tae maira te aronga e tapepe i mua 2
i te aroaro o te tangata i tapepeia ra, 3
kia tika tana tuatua i te akatika anga 4
iaia uorai i taua ara i tapepeia'i aia ra. 5
17 E tae maira ratou ki ku nei, noo ora 6
au ki rungao i te akavaanga kia ao ake, 7
kare i tavare, kua akaue atura au e 8
18 taki mai i taua tangata ra. E tu maira 9
te aronga i tapepe mai iaia ra, kare ua 10
ratou i akakite mai i te au ara taku i 11
19 maara ra: E māro anga ra ta ratou 12
kiaia i ta ratou uorai akamori anga, e 13
i tetai tangata kua mate ko Iesu, ko ta 14
20 Paulo ia i manono ra e, te ora ra. No 15
te mea ra, i ekoko ua au i taua tuatua 16
ra iaia, kua ui atura au *kiaia*, Ka tae 17
aina koe ki Ierusalemā, e ei reira koe 18
21 akavaia'i i taua au tuatua nei? Kua 19
tuatua maira rā Paulo, E vaio au kia 20
akarongo a Augusto iaku: kua akaue 21
atura au e tapeka iaia, e kia kave atu 22
22 au iaia kia Kaisara ra. Kua tuatua 23
mairā Ageripa kia Fesito, Te inangaro 24
katoa nei au i te akarongo i taua tan- 25
gata nei. Kua karanga atura aia, 26
Apopo koe e akarongo ei iaia. 27
28 E ao akera, kia tae mairā Ageripa e 29
ko Berenike ma te tietie maata, e tomo 30
maira ki roto i te ngai akarongo anga, 31
e te au kapena mamaata katoa, e te 32
aronga taoiau i taua oire ra, kia akaue 33
aturā Fesito i aratakia mai ei a Paulo. 34
21 Kua karanga aturā Fesito, E te ariki 35
e Ageripa, e ko kotou katoa nei, e 36
tāma, te kite nei kotou i teianei tangata, 37
nona te tuatua a te ngati Iuda ravarai 38
i tuatua raurau mai kiaku nei i Ieru- 39
salema, e i ko nei katoa oki, i te kapiki 40
anga mai e, Kare aia e tika kia vaio ora 41
25 ua mairai. Kite akera au e kare ana 42
ara e tau ei te mate, aia uorai oki i ka- 43
ranga e, Ei ia Augusto au, manako rava 44
26 akera au e kave iaia i *reira*. Kare 45
oki aku tuatua i kitea puia kia tata atu 46
ki taku ariki ra i teianei tangata: i 47
arataki mai ei au iaia ki mua i toou 48
aroaro, e te ariki e Ageripa, e ki mua 49
katoa oki ia kotou, kia rauka taku tua- 50
tua ei tata anga atu, kia oti i te uiia ra. 1
27 E mea tika kore oki iaku kia kave i te 2
tangata tapekaia ra, e kare katoa e aka- 3
kite atu i te au ara i tapepeia mai ei 4
aia ra.

PENE XXVI.

*Tu Paulo tuatua i mua i te aroaro o
Ageripa: Fesito i te karanga anga
ia Paulo e kua neneraia: kua vai-
tatā Ageripa i te riro e Kerisiti-
tiano.*

KUA tuatua mairā Ageripa kia 1
Paulo, E tuatua ua mai koe i te 2

tuatua ia koe uorai. Kua akatika ua aturā Paulo i tona rima, kua na ko atura i te tuatua iaia uorai: E te ariki e Ageripa, kua meitaki rava au, ko au e tuatua iaku orai i teianei rā ki mua i toou aroaro nei, i te au mea katoa i tapepeia mai ei au e te ngati Iuda nei: No te mea, kua kite koe i te au peu ravarai, e te au tuatua katoa, a te ngati Iuda: e teianei, teia taku tuatua kia koe, ka akarongo marie mai koe kiaku. I te tu ra o toku noo anga i te ao nei, mei *toku* ou anga mairai, i rotapu i to matou uorai i Ierusalemara, kua kite te ngati Iuda katoatoa; Ko tei kite mai iaku mei muatangana mai, (naringa ratou e tuatua,) e i noo Pharisea ua ana au, ko te pupu akono tu ke rava ia i ta tatou tuatua. E teianei no te tapapa i ta te Atua i tuatua mai i to tatou ui tupuna ra, i tu ei au nei ma te akavaia mai: Ta to matou ia au kopu tino ngauru ma rua i inangaro kia rauka, i akamori na'i i *te Atua* i te po e te ao: no taua tapapa ra, e te ariki e Ageripa, i tapepeia mai ei au e te ngati Iuda nei. Eaa! te maara na kotou e, e mea tika kore kia akarongo e, e akatu akaou te Atua i tei mate? E manako tika oki toku i roto iaku uorai i *muatangana* e, kia maata toku patoi atu i te ingoa o Iesu no Nazareta e tika'i. Kua pera oki au i Ierusalemara: e manganui to te aronga tapu i topiriia e au ki roto i te are tapekanga, rauka ora toku rangi i te kau taunga nunui ra; e kia taia ratou, kua akatika katoa atu oki toku reo i *te reira*. E manganui toku tainga ia ratou i te au sunago katoa, e naku i akamataku atu kia akakino ratou; e no te maata o toku riri ia ratou, takinga-kino atura au ia *ratou* e tae ua atura ki te oire ke ra. Ko te tere ia iaku i aere ki Damaseko ra, ma te tuatua e te rangi o te kau taunga nunui ra, E avate a kera, e *taku* ariki, kite atura au i te marama no te rangi mai i te mataara, iti ora to te rā kakā i te kakā anga mai, e pini rava akera au e te aronga katoa e aere ra. E inga anake ora matou i ravarai ki raro i te one, akarongo atura au i tetai reo i te tuatua anga mai kiaku, i te na ko anga mai, i te tuatua Ebera, E Saula, e Saula, eaa koe i takinga-kino mai ei iaku? e mea ravengata naau kia takatakai i te ko. Kua karanga atura au, E te Atua, koai koe? Kua na ko maira aia, Ko au ko Iesu tauu i takinga-kino mai nei: Ka tu 16 ra, ka tu ua mai to vaevae ki runga, i akakite na atu ei oki au kia koe, e

akono ia koe ei taunga e ei kite i te au mea katoa tauu i kite akenei, e te au mea taku e akakite atu rai kia koe; 17 I te akaora anga ia koe i te au tangata nei, e i te au etene, taku e tono atu ia 18 koe i teianei, Ei akapuera i to ratou mata, e ei akaariu mai ia *ratou* ki te marama mei te pōiri mai, e mei te au oki o Satani ki te Atua, kia rauka oki ia ratou te akakore anga ara, e tetai tuanga ki roto i te aronga i aka- 19 tapuia, i te akarongo anga iaku. Kare ua akera au, e te ariki e Ageripa, i akarongo ngata i taua orama o te rangi ra: Kua akakite atura ra au i to Damaseko i muatangana, e to Ierusalemara, e pini ua ake oki Iudea katoa, e i te etene oki e, e tatarara ratou, e e ariu mai oki ki te Atua, ma te akono i 21 te tuatua e tau ei i te tatarara ra. No taua tuatua ra i opu mai ei te ngati Iuda iaku i roto i te iero, e te rave 22 maira oki e tamate rava ioku. I turnia maira au e te Atua, e tae rava akenei i teianei rā, i te akakite anga atu ki te aronga mamaata e te tangata rikiriki, e te tuatua anga atu i taua au tuatua anake ra i ta te peroveta tini e ta Mose 23 i tuatua maira e, ka tupu; E ka mate rai te Mesia, e koia te ka tu mai ana i te aronga i mate ra, e ka akakite aia ki te tangata, e te au etene, i te marama. 24 Te pera atura aia i te akatika anga iaia uorai, kua kapiki ua maira te reo o Fesito, E Paulo, kua auouoia koe; kua nenevaia koe i te kimi anga i te 25 tuatua. Kua karanga atura ra aia, Kare ua au i nenevaia, e Fesito teitei; ko te tuatua-mou ra taku e karanga nei e te auouo kore. Kua kite 26 ua oki te ariki i taku i tuatua ua atu nei i mua i tona aroaro i teianei au tuatua: kare rava teianei au tuatua i ngaro iaia, kua kite au; kare ua oki teia te 27 mea i raveia i te ngai pōiri. E te ariki e Ageripa, kua akarongo koe i te au peroveta? Kua akarongo koe, kua 28 kite au. Kua tuatua mairā Ageripa kia Paulo, Kua vaiata au i te riro ei 29 Keresitiano ia koe. Kua karanga aturā Paulo, Toki ia anoano i te Atua, auraka ko koe anake ra, ko te aronga ravarai ra e akarongo mai iaku i teianei rā, kia vaiata, e kia aite rava mai kiaku nei, auraka ra teianei tapeka. 30 Tei te pera anga atu aia, kua tu akera te ariki ki runga, e te kavana, e Berenike, e te aronga i noo katoa ratou ra: 31 E kia akaatea atura ratou, kua karangaranga ora ratou orai, na ko akera, Kare rava a teianei tangata mea i rave e tau ei iaia te mate, e te tapeka oki.

Kua karanga ua aturā Ageripa kia 32
Fesito, E tuku uaia teianei tangata,
naringa kare aia i karanga e, Ei ia Kai-
sara au.

PENE XXVII.

*Paulo i runga i te pai i te aereanga i
Roma: te uriia mautā: te maroiroi
o Paulo: te ngaa angu o te pai, e to
ratou ora anga ki uta.*

TIKA marie akera e, e ano matou 1
ki Itale, kua tuku atura ratou ia
Paulo, e ko e tokotai puke tangata ke i
tapekaia ra, ki tetai rangatira anere
no te pupu o Augusto, ko Iulio te ingoa.
Aere atura matou ki runga i tetai pai 2
Aderamitio, kua tuku atura, i maara
matou e na te pae enua i Asia ra te
akaterere; ko matou katoa ko Arise-
tareko i Tesalonía i Makedonia ra. E 3
ao akera, tae atura matou ki Sidona.
Kua takinga-meitaki mairū Iulio ia
Paulo, kua tuku ua atura iaia kia
aere ua ana i tona au oa, kia akapu-
maana mai ratou iaia. E mei reira 4
oki, tuku atura matou, ano atura na te
pae i Kupro, no te mea e matangi ke.
Kua tere atura matou na te tua i Kili- 5
kia e Pamphulia, e tae atura matou
ki Mura i Lukia ra. Kite atura te
rangatira anere i tetai pai no Alekane-
dereia i reira, te ano atura ki Itale; kua
tuku akera aia ia matou ki rungao i taua 6
pai ra. Tere rikiriki marie ua atura
matou e manganui te rā, kare ra matou
i aite ki Kenido i te matangi kino, tere
atura matou na te pae i Kereta i waitata
ki Salimone; Me kore rava e topa ia 8
matou taua arō ra, tae atura matou ki
tetai ngai, ko te Tutauanga Meitaki te
ingoa; tei waitata te oire ra ko Lasca.
No te mea kua roa akera matou, ma- 9
takutaku akera matou kia akaterere,
kua oti akera oki te neseteiaanga,
kua ako aturā Paulo, Na ko atura kia 10
ratou, E tāma, ka kino to teianei tere,
e te pou maata o te apinga ma te
pai, kare ra te reira anake ra, ka vai-
tata katoa ra tatou i te mate, kua kite
au. Maata atura ta te rangatira anere 11
akono i ta te atu pai e ta te pailati, i
ta Paulo i tuatua maira. E no te mea 12
kare e meitaki te reira tutauanga kia
nōo i te paroro, kua karanga ora te
maata e ano, peneiake ko te tae ua atu
ki Phenika, ki tetai tutauanga i Kereta,
i arii tika ki apatonga e ki apatokerau, 13
ei reira nōo ei i taua paroro ra. E kia
angiangi maira te matangi ra e ma-
rangai, karanga akera ratou e, kua
rauka to ratou inangaro, kua tuku

atura, tere atura na te pae i Ke-
14 reta ra. Kare akera i roa rava, kua
tupu maira tetai matangi uriia, Euro-
15 kalido te ingoa. E mānu ke atura te
pai i te viviki o taua matangi ra, kare
atura e tika kia akatika ra ki runga i
te pu matangi, tuku ua atura matou
16 kia mānu ua ana. E tere atura matou
i waitata i tetai enua, ko Kalauda te
ingoa, e me kore i rauka te boti ia
17 matou: E oti akera te reira i te utia
e ratou ki runga, kimi atura ratou i te
ravanga, apai atura i te taura na raro
ake i te takere o te pai; tuku ora i te
rū, i matakū ratou ko te tiria aea ki
18 runga i te one, mānu ua ora. E ao
akera, uri atura ratou i te apinga pai
raro i te tai, no te mea kua maata to
matou takauriuri anga i taua uriia ra:
19 E tae akera ki te po toru, na to matou
uaorai rima i uri ki raro i te tai te
20 apinga tikai o te pai. E manganui
akera te rū, kare i kitea te rū e te etu,
te maata ua maira oki te uriia, kare
rava atura o matou manako ora toe.
21 E roa akera, kare matou i kai i te
kai, kua tu akērū Paulo i rotupu ia
ratou, kua karanga atura, E akarongo
tika mai kotou iaku, e tāma, eiaa
tika e tuku mai, kua oti i Kereta ra, i
rauakā teianei kino e teianei pou.
22 Teia ra taku tuatua kia kotou, e aka-
maroiroi i teianei: kare rava tetai o
kotou nei e mate, mari ra ko te pai.
23 Inapo oki i tu mai ei i waitata kiaku
tetai angela a te Atua, nona au nei, e
24 taku e akamori nei, I te na ko anga
mai e, Eiaa e matakū, e Paulo; e tu
koe i mua i te aroaro o Kaisara: e i na
oki, kua oronga mai te Atua i te aro-
25 nga e ano katoa i te tere nei nōou. E
teianei, e tāma, e akamaroiroi: e aka-
rongo oki au i te Atua e, koia tika rai
26 tana i tuatua mai kiaku nei. Kia tiria
ra tatou ki runga i tetai enua e tika'i.
27 E tae akera ki te ngauru ma a o
te po, te takanimonimo aere uaia ra
matou i Aderia, kua maara akera te
aonga pai te waitata maira tetai enua ia
28 ratou i te turuaipo; Kua akatongā
ora, kite atura e, e rua ngauru anga te
roa: tere atura e waitata iti atu, kua
akatongā akaou ora, raungauru ia roa
29 e rima ara. E matakū akera ratou ko
te kake aea ki runga i te kaaou, kua
tuku atura ratou i te tutau e a katoa
ki te kotoe, te inangaro ra ratou kia
30 ao. Te araara mamao ra te aonga pai
e aere e akaruke mai i taua pai ra,
tukuia ora te boti ki raro i te tai, mei
te mea e, e apai ratou i te tutau ki
31 mua; Kua karanga aturā Paulo ki te

rangatira anere e te au vaeau, Kia kore teianei aronga e noo i runga i te pai nei, kare kotou e ora. Kua kokoti 32 ua akera te au vaeau i te taura o te boti, kua tuku atura kia mānu ua ana. E te tapapa ua ra ratou i te tatauata, 33 kua ako aturā Paulo ia ratou ravarai e kai i te kai, na ko atura, Ko te ngauru ma a teia o to kotou rā i te noo ua anga kare ua i kaikai. E teianei, teia taku 34 tuatua kia kotou, e kai i te manga: e ora'i oki kotou: kare rava oki tetai io rauru o to kotou na mimiti e topa. E kia pava atura aia i te tuatua anga 35 atu, kua rave akera aia i te areto, kua akameitaki atura i te Atua i mua ia ratou ravarai: kua va'i ora, e kai ora. Mareka rava akera ratou katoa, e kai 36 katoa ora i te manga. E rua anere 37 e itu ngauru anga e ono ara matou ki runga i taua pai ra. E kai ora ratou, 38 e merengo akera, kua uri atura ratou i te sitona ki raro i te tai kia mānā te pai. E ao akera, kare ratou i kite i 39 taua enua ra, akara atura ra ratou i tetai ava ma te one, manako ora ratou e, e o te pai kia na reira i te akauru atu. E uti akera ratou i nga tutau e 40 maranga akera ki runga, kua tatara ora i te taura tapeka oe, kua tuku ua atura; uti akera te rā maata *kia ki* i te matangi, tere tika atura ki uta. E tae atura ki te ngai ripainga, akaneke 41 atura ratou i te pai ki runga i te papaku; mou piriakita'atura te putaiu, kare rava i ngaueue, kareka te kotoe, ngaa atura ia i te rutunga i te ngaru. Kua tuatua ora te au vaeau e tai i te au 42 tangata i tapekaia ra; ko te kau aea atu tetai aronga, ka ora aea. Kua 43 tāpu atura ra te rangatira anere ia ratou, i inangaro aia i te akaora ia Paulo; kua akaue atura i te aronga e kite i te kau ra, e rere ana ratou ki raro i te tai ka kau atu ei ki uta: E te aronga i toe ra, i na runga tetai 44 pae i te tapaanga rakau, e tetai pae na runga i te vavānga pai. E ora anake atura ratou ki uta kare i toe.

PENE XXVIII.

To Paulo ma takinga-meitaki angaia e te au tangata maori: te vipera i tona rima: te au maki i akaoraia: te tere ki Roma: e rua ona mataiti i te noo anga i reira.

E ORA anake atura ratou, kite akera ratou e, ko Melita te ingoa o taua enua ra. Kua takinga-meitaki maira te au tangata maori ra ia matou; kua ta'u ora i te ai, e arataki

atura ia matou ravarai ki reira, no te ua e topa ua maira, e no te anu oki. 3 E koiko'i aere orā Paulo i tetai ruru vaie, e tuku atura ki runga i te ai, kua rere maira tetai vipera no roto i te ai, piri maira ki runga i tona rima. 4 E kia akara maira taua au tangata maori ra i taua mea tae ra i te piri anga mai ki runga i tona rima, kua karanga ora ratou orai, E riro tikai teianei tangata i te ta tangata, ora na mairai aia i te moana, kare aia i aka- 5 oraia i te akaoko. Kua ruru atura aia i taua tae ra ki roto i te ai, kare 6 rava aia i mameae. Te tapapa ra ratou i te ee anga, e te inga anga aia ki raro, ka mate rava atu ei i reira; kia tapapa ra ratou e roa akera, kare atura ona maki kia akara mai ratou, manako ke atura to ratou ngakau, kua na 7 ko akera iaia, e atua ia. Tei reirao te au kainga o te tangata rangatira o taua enua ra, ko Popilio te ingoa; ko tei kite meitaki maira ia matou, e angai maira ia matou i roto i tona are 8 e po toru. Te mate ra te metua o Popilio i te vera e te ta'e toto, te akā-vai ua ra: aere aturā Paulo ki roto kiaia ra, kua pure ora, e tuku atura i tona rima ki rungao iaia, akaora atura. 9 E oti akera te reira, kua aere maira te aronga maki ke katoa o taua enua ra, e 10 akaoraia ora: E kua takinga-meitaki maata maira ratou ia matou; e kia vaiata matou i te aere, kua akateciaa ratou i te pai ki nga mea e tau. 11 E ka toru akera marama i topa, ano atura matou na runga i tetai pai no Alekanderea, ko Dioskouroe tona akairo, i taua enua ra te vai- 12 ranga i taua paroro ra. E tae atura matou ki Sirakusa, po toru matou i te 13 noo anga i reira. Mei reira oki kua tapini atura matou e tae atura ki Regio; e po tai akera, arara maira te matangi e marangai, e po rua akera oki, 14 tae atura matou ki Puteoli: E e aronga taeake tei kitea ia e matou i reira, ko tei tuatua mai ia kia matou e noo ki o ratou ra, e kia po itu ake; e aere tika atura oki matou ki Roma. 15 E kite akera te au taeake i reira ia matou, kua aere maira ratou ki Apio Foro, e te Tabereno Toru ra, aravei maira ia matou; kite akerā Paulo ia ratou, akameitaki atura i te Atua, e maroiroi atura. 16 E tae atura matou ki Roma, kua tuku atura te rangatira anere i te au tangata i tapekaia ra ki te kapena o te pupu vaeau ra: karekā Paulo kua tuku ua atura aia iaia, kia noo ua aia

anake ra, e tetai vaeau ei tapapa iaia.

E po toru akera kua karanga aturā 17
Paulo ki te aronga nunui ngati Iuda ra :
e putuputu maira ratou, kua karanga
atura aia kia ratou, E tāma, e te au
tacake nei, i tuku tapeka uaia au i
Ierusalem ki te rima o to Roma, kare
ra aku ara i to tatou, e te peu a to tatou
ai tupuna ra : E oti akera au i te akava 18
uaia, e tukuia ra au e ratou, no te mea
kare rava aku ara e tan ci iaku te
mate. Kia māro maira te ngati Iuda, 19
kua karanga atura au e, Ei ia Kaisara
au ; kare ra aku ara kia tapape atu au
i toku enua. I karanga atu ei au kia 20
kotou, kia kite au ia kotou, e kia tua-
tua atu au *kia kotou* : no ta Iseraela e
tapapa nei oki i tapekaia'i au i teianci
pirianganaoa. Kua tuatua maira ra- 21
tou kinaia, Kare a matou leta i rauka
no Judea mai ia koe, kare rava oki te
au tacake i tae mai i ko nei i tuatua
kino mai ia koe. Te inangaro atu nei 22
ra matou kia kite matou ia koe i tou
manako ; i tenana pupu, kua aka-
kinoia ia e kare e ngai toe, kua kite
matou. E kia akonoia e ratou tetai 23
rā, kua aere maira ratou e manganui
ki tona are ; kua apii atura aia ia ra-
tou, e akakite atura i te basilea o te
Atua, e ako atura ia ratou i te au tua-
tua no Iesu i roto i te ture a Mose, e
te au peroveta ra, mei te popongi mai

24 e aia i ua atura. Kua akarongo maira
tetai pae i taua au tuatua i karangaia
25 ra, e kare tetai pae i akarongo. E kare
i tau ta ratou io tuatua, aere atura ra-
tou, kia oti ake ia Paulo teianei reo
okotai i te karangaia, E tuatua tika ta
te Vaeua Tapu ia Isaia peroveta i to
26 tatou ai tupuna ra, Ka na ko mai ei ra
e, "Ka aere atu ki taua aronga ra, ka
karanga atu ei e, E akarongo kotou
i te akarongo anga, e kare ra e kite ;
e akara kotou i te akara anga, e kare ra
27 e utoa : Kua patapatatue oki te nga-
kau o taua aronga ra, kua akarongo
ngata o ratou taringa, kua topiri ra-
tou i to ratou mata ; ko te akara aea
to ratou mata, ko te akarongo aea *to*
ratou taringa, ko te kite aea *to ratou*
ngakau, ko te ariu mai aea, e ko te
28 akaoraia aea ratou e au." E teianei
kua akauia te ora a te Atua nei ki te
etene, e ka akarongo mai ia ratou, kia
29 kite oki kotou. E oti akera teianei
tuatua i te karangaia e ia, aere atura
te ngati Iuda, ma te taetono maata
ratou ratou orai.
30 Noo aturā Paulo e rua akera ma-
taiti ki roto i tona orai are ouia, e
āriki maira i te tangata ravarai e aere
31 atu kinaia ra, Tuatua maira i te basi-
lea o te Atua, e apii maira i te au
tuatua o te Atua ra o Iesu Mesia ma
te matakore, e kare e tangata
i alakore atu.

TE EPISETOLE A TE APOSETOLO RA A PAULO

I TO ROMA.

PENE I.

*Te akakite nei a Paulo i tona iki
angaia : te mitaki maata o te
evangelia : te au ara i raveia e te
etene.*

KO Paulo e tavini no Iesu Mesia, 1
i akairoia ia ei aposetolo, i aka-
takaia no te evangelia a te Atua, (Ko 2
te akakiteia mai i muatangana, e tana
au peroveta i roto i te tuatua tapu i
tataia ra,) No tana Tamaiti no to tatou 3

Atu ra no Iesu Mesia, ko tei anau i te
uanga o Davida, i te akonoanga i te
4 kopapa nei ; I akakite akairoia maira
ma te maua e, ko te Tamaiti aia a te
Atua, i ta te Vaeua Tapu, i te tua-
5 kaouanga mei te mate maira : Nona
oki i rauka'i ia matou te aroa ua, e te
taoonga aposetolo i te au etene katoa
no tona ingoa, *kia rauka ia ratou* te
6 akono akarongo ra : No ratou katoa
oki kotou, ko tei akonoia e Iesu Mesia :
7 I te aronga katoa, i akaperepereia mai e
te Atua, i Roma na, i akonoia ei aro-

nga tapu: Ei ia kotou te aroa ua, e te au, no ko mai i te Atua i to tatou Metua ra, e te Atua oki ia Iesu Mesia ra.

E akameitaki ana au i taku Atua, no Iesu Mesia ra, ia kotou ravarai, no te mea kua tuatuaia to kotou akarongo e kako roa ake te enua katoa nei. Ko te Atua oki taku e akamori ma taku vaerua katoa i te evangelia o tana Tamaiti, ko toku ia kite e, kare ua au i vata i te taiku ia kotou; I te pati anga i taku nei pure ma te tivata kore, kia meitaki taku tere i te openga nei, kia tika i te Atua, kia tae atu au kia kotou na. E anoano maata toku kia kite atu ia kotou, kia tuku au i ta te Vaerua ia kotou, kia maroiroi kotou: Kia pumaana oki au e kotou katoa i to ratou akarongo, i to kotou e i toku katoa oki. Kare au i anoano, e aku au taeake, e kia kore kotou e kite, e manganui toku akakoro anga e aere atu kia kotou na, (e i tãpuia na ra au,) kia puapingaia taku ia kotou, mei tetai papaki etene katoa ra. E kai ou oki au na te Eleni, e na te tangata ke ke; na te aronga pakari, e na te kite kore. E teianei, kua tika roa iaku i te akakite atu i te evangelia ia kotou katoa i Roma na, e pou ua ake toku nei maroiroi. Kare ua au i akama i te evangelia a te Mesia ra: no te mea, ko te mana ia o te Atua, kia ora te tangata ravarai e akarongo ra; ko te ngati Iuda ana, e te Eleni katoa oki. Tei reira oki te tuatua-tika a te Atua i te akarongo, i te akakite angaia mai ei akarongo anga, mei tei tataia ra e, "Ko te tangata tuatua-tika i te akarongo ra, ka ora ia."

Kua akakiteia mai oki te riri o te Atua mei te rangi mai, i te au akono kore katoa i te Atua, e i te tuatua-tika kore a te tangata nei, ko tei tãpu i te tuatua-mou ma te tika kore: No te mea ko te au mea ravarai o te Atua e kitea ra, te vai ua nei ia ia ratou; kua akakite oki te Atua kia ratou. Te au mea oki nona tei kore e tau kia akara ra, tei kitea puia nei ia, i te au mea katoa i angaia nei, mei te maani anga mai i teianei ao; koia oki, tona ra mana mutu kore anga, e te Atua anga; kare ua atura o ratou kotoe anga. No te mea e, kite ua rai ratou e, e Atua, kare ratou i akakakãia i tei tau i te Atua ra, kare oki i akameitaki atu; riro atura ta ratou eumianianga ei mea makonga kore, e to ratou ngakau manako kore, poiri atura ia: I akatangata pakari oki ratou, e riro atura ei neneva; Ruri ke

atura te meitaki o te Atua mate kore ra, ei mea angaia mei te tangata e mate ua nei te tu, e mei te manu, e mei te au mea vaevae a ra, e te au mea totoro aere nei. I akaruke ei te Atua ia ratou, *kia rave ua* i te rave nga viivii i te anoano i to ratou uao-rai ngakau, kia akakino i to ratou uao-rai tino, ratou ratou uao-rai; Ko tei ruri ke i te tuatua-mou no te Atua ra ei pikikaa, e kua pure, e kua akamori i tei angaia ra, kare i Tei anga ra, nona te akameitaki mutu kore ra. Amene.

No reira te Atua i tuku ua'ia ratou ki te anoano viivii ra; na ta ratou au vaine oki i ruri ke i te mea tika ra i te mea tika kore: E te au tane katoa oki, akaruke atura i te mea tika ra i te vaine; tupu atura i to ratou anoano ratou ratou uao-rai; e tane e tane, i te rave anga i te mea akama ra, e te rauka anga te tutaki i roto ia ratou io i tei tau i ta ratou ra ara. E ko ratou kare i anoano i te tãpu i te Atua ma te kite atu, kua tuku ua atura te Atua ia ratou ki to ratou ngakau kino, kia rave ua na ratou i te au mea tika kore;

Kua ki i te tuatua-tika kore ravarai, te akaturi, te kanga, te noinoi apinga, te manava kino: kua ki i te vareae, te ta tangata, te tamaki, te pikikaa, te akamoupuke: e aronga urutoe, E aronga onitua, e anoano kore i te Atua, e ta kinga-kino, e nengonengo, e akatietie, e kimi mea kino ra, e akarongo kore i te metua ra, E akono kore, e akaatikau kororomotu, kare e aroa mou, e riri anga kore, e aroa kore; Kite ua rai taua aronga ra i te ture a te Atua e, ko tei rave i taua au mea ra, e tau ia ratou te mate, e rave rai i taua au mea ra, kare oki i te reira anake ra, te taurekareka ra oki i te aronga i rave ra.

PENE II.

Te vai nei te akaapa tika a te Atua: e nengonengo puapinga kore ua to te nguti Iuda i te ture e te peritome.

E TEIANEI kare koe e akatikaia, e tera ra tangata, e te tangata katoa e akaapa atu: i taua mea oki taua e akaapa i tetai ke ra, te akaapa katoa ra ia koe uao-rai; ko koe oki e akaapa na, te rave katoa na koe i taua au mea ra. Kua kite ra tatou e, e tau ta te Atua akaapa, i te aronga i rave i taua au mea ra, i te tuatua-mou. E te manako ra koe, e tera ra tangata, e akaapa i te aronga i rave i taua au mea

ra e, e ora koe i te akaapa a te Atua, tei rave katoa oki koe i taua au mea ra? E te ruri ke nei ainei koe i 4
 toa takinga-meitaki maata e te akamouri kore, e te akakoromaki roa, kare rai i kite e, ei akatupu taua meitaki a te Atua ra, i toou rata 5
 No te mōro ra, e te tataraara kore o toou ngakau, te akaputu ra koe i te riri ia koe uorai, i taua rā riri ra, e te akakite anga mai i te akaapa tika a te Atua ra; Ko te akautunga mai i te 6
 tangata katoa, i tei tau i taua au anga-anga: I te aronga i kimi i te kākā, e te meitaki, e te mate kore, i te tamou marie anga i te tuatua meitaki, ko te 7
 ora mutū kore ia: I te aronga ra i taumāro, e kare i akono i te tuatua-mou, i akono ra i te tuatua-tika kore, ko te makitakita ia, e te ootoo anga 8
 riri; Te mate oki, e te tumatetenga, i te au vacua tangata katoa i rave i te kino ra, to te ngati Iuda ana, e to te Eleni katoa; Ko te kākā ra, e te nga- 9
 teitei, e te au, i te tangata katoa i rave i te meitaki ra, to te ngati Iuda ana, e to te Eleni katoa: I te akono oki i te 10
 tu o te tangata nei, kare ia i te Atua. Ko te aronga katoa i rave i te ara ma 11
 te ture kore, ka mate ia ma te ture kore: e te aronga katoa i rave i te ara ma te ture, ka akavaia ia i te ture; (Kare oki tei akarongo ua i te ture ra 12
 te aronga tuatua-tika i te aroaro o te Atua, ko tei akono ra i te ture ra, te ka akatikaia ia. Te etene oki kare a 13
 ratou ture ra, kia rave na ratou i ta te ture ra, kore ua atu rai ta ratou ture, ko ratou uorai ta ratou ture: Kua 14
 akakite ua oki ratou i ta te ture i ta-taia i roto i to ratou ngakau, te akakite ra oki to ratou akava-ngakau, e to ratou manako, te akaapa ra, e te akatika ra, ratou ratou uorai;) Kia tae 15
 ki te rā e akava'i te Atua i te au mea ngaro a te tangata nei ia Iesu Mesia ra, i te evangelia naku nei.

I na, e ingoa ngati Iuda toou, e te 17
 irinaki na koe i te ture, te akatieie ra oki koe i te Atua, Kua kite oki koe i 18
 toa anoano, e te kite na koe i te mea meitaki, kua apiia oki koe e te ture; Te karanga na koe ia koe rai e, e aru- 19
 taki na te matapo, e turama no te aronga e noo i te pōiri ra, E api i te kite 20
 kore, e orometua na te tamariki, tei ia koe oki te tu o te kite, e te tuatua-mou i roto i te ture ra. Ko koe 21
 oki ko tei apiu atu i tetai ke ra, kare koe e apiu ia koe uorai? ko koe oki tei ako ua e, auraka e keia, te keia na oki koe? Ko koe oki ko tei karanga 22

e, auraka e akaturi, te akaturi na oki koe? ko koe oki ko tei akaviivii i te idolo ra, te keia na oki koe i te iero? 23
 Ko koe oki ko tei nengonengo i te ture ra, te akakino ra koe i te Atua i te 24
 akaapa anga i taua ture ra? Kua akakinoia oki te ingoa o te Atua ki o te 25
 etene ia kotou; mei tei tataia ra. E puapinga oki to te peritome, kia akono koe i te ture: e akaapa ture koe ra, kua riro ia toou peritome ei peritome 26
 kore. E kia akono te peritome kore i te tuatua-tika a te ture ra, kare ainei toa peritome kore e karangaia e, e 27
 peritome? Ko te peritome kore anau nei, kia akono aia i te ture, e akaapa aia ia koe i te akaapa ture na, tei ia koe te tuatua tataia e te peritome. 28
 Ko te ngati Iuda vao ra, kare ia aia te ngati Iuda; e te peritome vao i te tino 29
 ra, kare ia i te peritome: Ko te ngati Iuda roto ra, te ngati Iuda; e te peritome ngakau ra, te peritome, eiaa to vao ra, ko to te vacua ra; ko tei kore i akameitakia e te tangata, e te Atua ra.

PENE III.

Te meitaki maata i o maiu i te ngati Iuda, kare ra ratou e ora i te raira, ei te akarongo anoke, e tika'i: kare te akarongo e akakore i te ture.

1 EAA oki ta te ngati Iuda ngai i maa-
 ta? e eaa te puapinga o te peri-
 2 tome? E maata ia i nga mea ravarai, ko te tuatua ra a te Atua i tukuia mai ia
 3 ratou ra, te mea maata. Kare tetai papaki i akarongo ra, eaa to reira? na to ratou akarongo kore ainei e akakore
 4 i te tuatua-mou a te Atua? Kare rava ia: kia riro atu te tangata ravarai ei pikikaa, e tuatua-mou rai ta te Atua; koia oki tei tataia ra e, "Kia tika tauu me tuatua koe, e kia apa kore tauu me 5
 akavaia koe." Kia akameitaki ra ta tatou tuatua-tika kore i te tuatua tika a te Atua ra, akapcea tatou? kare nina i
 6 te Atua ra ko tei tuku mai i te mate nei? (mei ta te tangata taku e tuatua
 6 nei.) Kare rava ia; eaa oki te Atua e tika i kia akava i to te ao nei i reira?
 7 Kua maata oki te meitaki o te Atua i te tuatua-mou nana i taku nei pikikaa; eaa iora au i akaapaia mai ei ei tangata
 8 ara? Eaa oki i kore ei i tika kia karanga atu e, Ka rave tatou i te tuatua kino kia tupu te meitaki? (ko tei tapi-
 kipiki aerea matou nei, e ta tetai pae i karanga nei e, te akapera nei matou,) kua tika te akaapa ia ratou.
 9 Te aa nei oki i teianei? te maata nei

to tatou meitaki? Kare rava ia: kua taka oki ia tatou e, te vai ara ua nei te ngati Iuda e te Eleni katoa oki: Koia 10 oki tei tataia ra e, kare rava e tangata tuatua-tika, e okotai iti ake: Kare ua tetai i kite, kare rava tetai i 11 kimi i te Atua: "Kua ope rava i te 12 aere ke, e kua riro oki ratou ei mea puapinga kore: kare rava tetai i rave i te meitaki, e okotai iti ake." "E 13 vaarua turuma i tuera ua ra to ratou karaponga; na to ratou arero e piki-kaa mai;" "te kavangia asepi tei roto i to ratou ngutu:" "Kua ki to ratou 14 vaa i te tao e te akakino oki:" "E viviki 15 to ratou vaevae i te akamaringi toto: Ko te mate e te mamae maata tei 16 to ratou aerenga: Kare ratou i kite i te mataara au:" "Kare rava e mataka i 18 te Atua i mua i to ratou mata." Kua 19 kite oki tatou e, te tuatua ravarai a te ture i tuatua maira, i tuatua mai ia i te aronga i raro ake i te ture ra: kia piri te au vaa ravarai, e kia arai to te ao katoa nei i mua i te aroaro o te Atua. E teianei, kare rava e tangata 20 e akatikaia i mua i aroaro o te Atua i te angaanga a te ture ra: no te ture mai oki te kite i te ara.

I teianei ra, kua kitea mai nei te 21 tuatua-tika a te Atua i te ture kore, i akakiteia mai ia i te ture e te au peroveta ra: Kua oki te tuatua-tika 22 a te Atua i te akarongo anga ia Iesu Mesia, i te tangata katoatoa, e ki runga i te aronga ravarai e akarongo; kare ua e tu ke ke: Kua rave katoatoa oki 23 i te ara, e kua ngere i te akameitaki a te Atua; I akatika uia mai e tona 24 aroa ua, i te ora e vai i te Mesia ra ia Iesu; Ko ta te Atua i tuku mai ei 25 akaongi, kia irinaki i tona toto, ei akakite anga mai i tana tuatua-tika i te akakore anga i te au ara i raveia i muatangana, i te akakoromaki anga o te Atua; Ei akakite anga mai oki i tana 26 tuatua-tika i teianei: kia tika tana tuatua, ka akatika mei ei aia i te tangata i akarongo ia Iesu ra.

Eiea ora te nengonengo? Kua aka- 27 koreia ia. Na teea ture? na te ture angaanga aina? Kare: na te ture akarongo ra. E teianei, teia ta matou 28 tuatua, i akatikaia te tangata i te akarongo, auraka i te angaanga a te ture. E Atua aina aia no te ngati Iuda anake 29 ra? kare aina no te etene katoa? No te etene katoa ia: Okotai oki Atua 30 e akatika mai i te peritome i te akarongo, e no te akarongo katoa oki e tika mai ei te peritome kore. Te 31 akakore nei aina matou i te ture

i te akarongo nei? Kare rava ia: te akatinamou nei rai matou i te ture.

PENE IV.

I akatikaia Aberahama uarai i te akarongo: te aroa o te Atua ia Aberahama i tona vai peritome kore anga.

- 1 EAA ta tatou tuatua i ta to tatou tupuna i ta Aberahama i rauka i
- 2 te tino ra? I akatikaia oki a Aberahama i te angaanga ra, e nengonengo anga tona i reira; eiaa ra i mua i te
- 3 aroaro o te Atua. Te akapeea maira oki te tuatua i tataia ra? "Kua akarongo a Aberahama i te Atua, e akonoia atura ia ei tuatua-tika nana."
- 4 Ko te tangata oki i rave i te angaanga ra, kare te tutaki e karangaia e, e mea
- 5 aroa ua, e oko ra. Ko te tangata ra, kare e angaanga, i akarongo ra iaia ko tei akatika mai i te paieti kore, e akonoia oki tona akarongo ei tuatua-
- 6 tika nana: Mei ia Davida oki i tuatua mai i te meitaki o te tangata ta te Atua i uri mai i te tuatua-tika kare
- 7 e angaanga ra, *I te na ko anga mai e*, "E ao to ratou, to tei akakoreia ta ratou ara, to tei tapokii to ratou kino.
- 8 E ao to te tangata, kare i tapepeia e
- 9 Iehova i te ara." No te peritome anake ra aina taua meitaki nei, e no te peritome kore katoa aina? te karanga nei oki tatou e, kua akonoia te akarongo ei tuatua-tika na Aberahama.
- 10 Kiea oki te akono angaia? kia peritomeia aina, e i te vai peritome kore anga aina? Kare i te peritome anga, i te vai peritome kore anga ra i ako-
- 11 noia'i. I tukuia maira kiaia te akairo ra e peritome, ei akairo no te tuatua-tika i te akarongo iaia i te vai peritome kore anga; kia riro aia ei metua no te peritome kore ravarai i akarongo ra, kia akono katoaia te
- 12 tuatua-tika no ratou katoa ra; Ei metua oki no te peritome, no te aronga kare to te peritome anake ua, ko tei aere katoa ra na te ruatapuue o te akarongo o to tatou tupuna ra o Aberahama, i tona peritome kore angaia.
- 13 Kare oki i te ture tei karangaia mai kia Aberahama e tona uanga e, ka riro aia ei atu no te enua, no te tuatua-tika
- 14 ra i te akarongo. Naringa oki ko ratou ko to runga i te ture ra te atu, kua ngere ia te akarongo, e kua riro tei karangaia maira ei mea puapinga
- 15 kore. E mate oki to te ture ra; kare
- 16 ra e ture ra, kare katoa ia e ara. E

teianeī tei te akarongo, kia *riro* ei mea
 aroa ua; kia rauka tikai tei tuatuaia
 maira i *tona* uanga katoatoa; cīa to
 runga i te ture anake, to runga katoa
 ra i te akarongo o Aberahama; ko to
 tatou katoa iā metua; (Koia oki tei 17
 tātāia ra e, “Kua akonoia koe e au
 ei metua no te pa enua e manganui;”)
 i mua i te aroaro o te Atua ko tana i
 akarongo ra, ko tei akaora i tei mate
 ra, e ko tei karanga i te au mea
 kare ra, mei te mea e, te vai nei.
 Ko tei kore oki i akara e kare e tatari- 18
 anga, akarongo atura iā ma te tatari
 e, ka riro aia ei metua no te pa enua e
 manganui, mei tei karangaia maira
 e, “Koia katoa toou na uanga.” E 19
 no te mea kare tona te akarongo paru-
 kaua, kare aia i akara kua mate tona
 tino, e kua vaiata oki tona mataiti
 i te anere, e te mate oki o te kopu o
 Sara: Kare ua oki aia i turori ua i te 20
 akarongo kore i tei tuatuaia mai e te
 Atua ra; i maroiroi ra aia i te aka-
 rongo, ma te akakakū i te Atua: Kua 21
 kite tikai oki aia e, ko tana i tuatua
 maira, ka tika iaia kia akatupu. I 22
 akonoia’i oki te reira ei tuatua-tika
 nana. Kare ra nona anake ua i ta- 23
 taia’i e, kua akonoia nana; No tatou 24
 katoa ra, no te aronga e akono katoaia
te akarongo ei tuatua-tika kia akarongo
 tatou iaia i tei akatu akaou i to tatou
 Atua ra i Iesu ki runga mei te mate
 maira. Ko tei tukuia mai no ta tatou 25
 ara, e kua akatu akaouia kia akatikaia
 tatou nei.

PENE V.

*Te meitaki e rauka i te akarongo:
 no Adamu mai te ara e te mate:
 no Iesu mai te tuatua-tika e te
 ora.*

E TEIANEI kua akatikaia tatou 1
 i te akarongo, e au to tatou i te
 Atua ra, i to tatou Atua iā Iesu Mesia:
 Nona oki tatou i o ei ki roto i te aka- 2
 rongo i teianeī aroa ua i noia e tatou
 nei; e te rekareka ua nei i te tatari
 anga i te kakā o te Atua. Kare oki 3
 te reira anake ua, te rekareka katoa
 nei ra tatou i te mate; kua kite oki
 tatou e, na te mate e akatupu i te aka-
 koromaki; E na te akakoromaki e 4
akatupu i te kite; e na te kite e *aka-*
tupu i te tatari: Kare oki te tatari 5
 e taakama mai, no te mea kua riringia
 mai te anoano o te Atua ki roto i to
 tatou ngakau e te Vauerua Tapu i oro-
 ngaia mai kia tatou nei. I to tatou 6

oki vai paruparu anga i mate ei te Me-
 sia i te tuatua tika ra, no te aronga
 7 paieti kore ra. Kare paa e tika i tetai
 kia mate no tetai tangata tuatua-tika, e
 akakoromaki ra paa tetai tangata atu i
 8 te mate no te tangata meitaki. Kua
 akamaata ua maira te Atua i tona aroa
 ia tatou nei, i te mea te vai tangata
 ara ua nei rai tatou, i mate ei te Me-
 9 sia no tatou nei. E teianeī kua aka-
 tikaia tatou i tona toto, e maata ua atu
 10 to tatou ora iaia i te riri ootoo. I
 akaongiia oki tatou i te Atua, i to tatou
 vai enemi anga, i te mate o tana Ta-
 maiti; e maata ua atu ia to tatou ora i te
 11 au anga nei i tona ra ora anga. Kare
 ra oki te reira anake ra, te rekareka
 nei ra tatou i te Atua, i to tatou Atua
 ia Iesu Mesia ra, nona i rauka’i ia
 tatou taua au anga nei.
 12 E teianeī no te tangata okotai ra i o
 mai ei te kino i te ao nei, e no te kino
 oki te mate; e kua taea katoaia oki
 te tangata ravarai e te mate, no te mea
 13 kua ara katoatoa; I vai ana oki te ara
 i te ao nei e tae rava akenei i te ture
 nei: kare ra te ara i akonoia i te ture
 14 kore anga. I mana na oki te mate mei
 ia Adamu mairai e tae roa akenei ia
 Mose, e te aronga katoa kare i rave i
 te ara mei te ara a Adamu ra; e tutu
 15 aia no te ka tae mai. Kare ra tei
 oronga uaia mai e tau i taua ara ra:
 e manganui oki tei mate i te ara e te
 tangata okotai ra, e maata ua atura
 oki te aroa ua o te Atua, e tei orongaia
 mai e taua aroa ra, i te tae i te tangata
 e manganui, ia Iesu Mesia i te tangata
 16 okotai ra. Kare oki mei ta te tangata
 okotai i rave i te ara ra tei orongaia
 mai; no te ara okotai oki te utunga
 akaapa, kareka tei oronga uaia maira,
 kia akatikaia maira iā i te ara katoa e
 17 manganui. No te ara oki a te tangata
 okotai ra i mana’i te mate i taua tan-
 gata okotai ra; ko te aronga ra i
 rauka ia ratou te aroa maata, e te
 tuatua-tika i orongaia maira, e maata
 ua atu iā to ratou mana i te ora i te
 18 tangata okotai ra, ia Iesu Mesia. E
 teianeī mei te tangata ravarai i taea
 i te utunga akaapa i te ara a te tangata
 okotai ra, kua taea katoaia te tangata
 ravarai i te tika kia ora, i te tuatua-
 19 tika a te tangata okotai ra. Mei te tanga-
 ta katoa e manganui i akariroia ei tan-
 gata ara i te akono kore o te tangata
 okotai ra, manganui oki tei akariroia ei
 tangata tuatua-tika i te akono a te
 20 tangata okotai ra. Akao maira oki te
 ture kia maata te ara. I te ngai ra i
 maata’i te ara ra, kua maata rava atura

te aroa ua i reira. Mei ta te ara i 21
tupu akenei e kua mate, kia tupu ka-
toa oki ta te aroa ua i te tuatua-tika, e
tae ua atu ki te ora mutu kore, i to
tatou Atu ra ia Iesu Mesia.

PENE VI.

*Tei rauka te ora ia Iesu kare e rave
tamou i te ara: kare oki tatou i
raro ake i te ture, tei raro akera
i te aroa ua: eiaa ei tavini no te kino,
no te tuatua-tika ra.*

E AKAPEEA oki tatou nei? ka 1
tamou rai tatou i te rave i te ara,
kia manta mai te aroa? Auraka rava 2
ia. Ko tatou oki ko tei mate i te ara,
ena oki tatou e ora ua'i i te reira?
Kare rai kotou i kite ko tatou katoa 3
tei baptizoia ki roto i te Mesia ra ia
Iesu, kua baptizoia i roto i tona
mate? E teianei kua tanumia tatou 4
ma ia katoa, i te baptizoanga i roto i
tona mate; mei te Mesia i akatuia
e te mana o te Metua mei te mate
maira, kia pera katoa tatou i te naere
anga i te ora ou. I kapiti katoaia oki 5
tatou iaia i te tu o tona mate, e kapiti
katoaia ia tatou i te tu o tona tua-
kaouanga. Kua kite oki e, kua aka-
satauroia to tatou tangata taito ma 6
ia katoa oki, kia paruparu te tino o te
kino, kia kore tatou e tavini akaou i te
kino nei. Ko te tangata oki i mate 7
ra, kua matara ia aia i te kino nei. I
mate ana oki tatou e te Mesia katoa, 8
kua manako oki tatou e, ka ora tatou
ma ia katoa. Kua kite oki tatou e, 9
ko te Mesia i akatuia mei te mate
maira, kare ia e mate akaou, kare oki
e mana akaou te mate iaia. Koia oki 10
i mate ra, i mate ia i te ara, okotai ua
ra: koia ra i ora ra, i ora ia i te Atua.
E manako katoa oki kotou ia katoa 11
uaorai e, kua mate mou i te kino ra,
kua ora ra i te Atua, i to tatou Atu ia
Iesu Mesia. E teianei, auraka e vai au- 12
tu te kino ki roto i to kotou tino mate ua
nei, ka akarongo ei oki kotou i te tino i
tona anoano. Auraka e orongaia to ko- 13
tou kopapa ei taoonga-tamaki na te
kino i te tuatua-tika kore ra; ka oro-
nga ra ia kotou uaorai i te Atua, e to
kotou kopapa ei taoonga-tamaki na 14
te Atua i te tuatua-tika ra, mei te
aronga i mate ana, e kua ora. Kare
oki te kino e autu ki runga ia kotou,
kare oki kotou i raro ake i te ture, tei
raro akera kotou i te aroa ua.

Ka akaapeca ra? ka rave tatou i 15
te ara no te mea tei raro ake tatou i te
aroa ua, kare i raro ake i te ture ra?

16 Auraka rava ia. Kare kotou i kite e,
ko ta kotou e oronga ia kotou io ei
tavini ei akarongo atu iaia, e tavini ia
kotou nona no ta kotou e akarongo ra;
no te kino ra e mate atu, no te reira
ia, e no te akono e rauka atu ei te
17 tuatua-tika ra, no te reira ia? Kia
akameitakiia ra te Atua, i te mea, ko
kotou te tavini no te kino na, e kua
akarongo ma te ngakau katoa i te tutu
18 tuatua i tukuia atu kia kotou na. E
kua akatiamaia kotou i te kino, kua
riro io nei ra kotou ei tavini no te tua-
19 tua-tika. Te tuatua nei oki au i ta te
tangata nei, no te paruparu oki o to
kotou tino: mei ia kotou i oronga ua i
to kotou tino ei tavini no te mea viivii
ra, e te kino ei rave i te kino ra; ka
oronga kotou i to kotou tino ei tavini
no te tuatua-tika ei rave i te meitaki.
20 I to kotou tavini anga i te kino ra,
kare a kotou e tuatua-tika i reira.
21 Eaa oki ta kotou puapinga i rauka i
taua au mea ra ta kotou e akama i tei-
anei? e mate oki te openga o taua au
22 mea ra. I teianei ra, kua akatiamaia
kotou i te kino, e kua riro ei tavini no
te Atua, ko te tapu ta kotou e aka-
tupu, e e ora mutu kore oki te openga.
23 E utunga te mate no te ara; kareka
te ora mutu kore ra, e mea oronga uaia
mai e te Atua i roto i to tatou Atu ia
Iesu Mesia.

PENE VII.

*Kare te aronga akarongo i raro ake
i te ture, i raro akera ia Iesu: e
mea tapu ra te ture, e te meitaki, e
te tiku: e aue oki te tangata aka-
ronga kia akaapa i te ture.*

KARE kotou i kite, e aku au
tacake, (te karanga atu nei
oki au i te aronga i kite i te ture
nei,) e te vai mana ra te ture ra
ki runga i te tangata i tona ora
2 anga nei? Te vaine noo tane ra, te
ora ra te tane ka piri atu aia ki tana
tane, ko ta te ture ia; kia mate ra te
tane ra, kua matara aia i te ture i tana
3 tane. Kia riro ke aia i tetai tangata
ke te ora ra te tane, e karangaia aia i
te akaturi: kia mate ra te tane ra, kua
matara aia i taua ture ra; kare aia i te
akaturi kia akaipoipo i tetai tangata
4 ke. Koia katoa kotou, e aku au taeake,
kua mate katoa kotou i te tino o te
Mesia i te akonoanga i te ture ra, kia
riro kotou no tetai ke, no tei akatuia
mei te mate maira, kia akaua tatou i
5 te ua i te Atua. Tei runga tatou i ta
te tino ra, te maroiroi ra te anoano

kikino i raro ake i te ture ra ki roto i to tatou tino, i te akaua anga i te ua e mate ei ra. I teianci ra, kua 6 24

tataraua tatou i te ture, kua mate oki te mea i mou ei tatou ra; kia akamori tatou ma te ngakau ou, eiaa ma te tuatua taito ra. 7

Ka akapea oki tatou i teianci? te kino ra aina te ture? Kare rava ia. Auraka te ture ra, kare oki au e kite i te kino; kare oki au e kite e, e ara te morimori, auraka te ture i tuatua mai e, "Auraka rava koe e morimori." 8

Rauka iora ra ta te kino ravenga i te ture, e kua akatupu aia i te noinoi e manganui ki roto iaku. I te kore anga oki o te ture ra, e mea mate te kino i reira. I ora na oki au i muatangana 9

i te ture kore ra: kia tae maira te ture ra, ora akera te kino, mate iora au. E te akauenga ra oki i akonoia ei ora 10

ra, riro ua atura ia ei mate noku. Rauka iora oki ta te kino ravenga i te 11

akauenga, e pikikaa maira kiaku, mate iora au iaia i te akauenga. E teianci 12

e mea tapu te ture, e mea tapu oki te akauenga, e te apa kore, e te meitaki. I riro mai aina taua mea meitaki ra ei mate noku? Kare rava ia: 13

ko te kino ra, kia kitea i taua mea meitaki ra e, e kino, ko tei riro ia ei mate noku, kia riro te kino ra ei mea kino 14

maata ua atu i te akauenga. Kua kite oki tatou e, no te vaerua te ture: 15

no te tino ra au, kua okoia i raro ake i te kino. Ko taku oki e rave nei, kare 16

oki au e akatika: e ko taku e anoano ra, kare au e rave; ko taku ra mea makitakita ra, ko taku ia e rave nei. 17

E kia rave au i te au mea anoano koreia e au ra, te akatika nei au i te ture ra e, e mea meitaki ia. E teianci, 18

kare ia au tei rave ra, ko te kino ra e vai i roto iaku nei. Kua kite oki au 19

e kare ua e mea meitaki e vai i roto iaku, (i roto i toku tino nei): ko te anoano ra, te vaiata ua nei ia kiaku; 20

kareka te rave i te mea meitaki ra, kare ia i kitea iaku. Ko te meitaki 21

oki taku e anoano ra, kare ia au e rave; kareka te kino anoano koreia e au ra, ko taku ia e rave nei. Te rave 22

nei au i te mea anoano koreia e au ra, kare ia au tei rave, ko te kino ra e vai i roto iaku nei. Te kite nei au i tetai 23

ture, e kia anoano au i te rave i te mea meitaki ra, te vaiata ua nei te kino iaku i reira. Te rekareka nei oki 24

au i te ture a te Atua i te akonoanga i te tangata i roto ra; Te kite nei 25

ra au i tetai ture i roto i toku tino nei, i te mūro mai anga i te ture i roto

i toku ngakau, e te akariro anga iaku ei akiree na te ture kino i roto i toku nei tino. Auc oki au ko te tangata mate maata e! naai au e akaora i teianci tino mate? E akameitaki au i te Atua i te mea e ora i to tatou Atua ra ia Iesu Mesia. E teianci, te akono nei toku vaerua i te ture a te Atua: kareka toku nei kopapa, ko te ture ia o te kino.

PENE VIII.

Ta te kopapa e ta te Vaerua akono anga: e meitaki te au mea katoa na te au tamariki a te Atua: te ngunguru anga o te au mea katoa: te tauturu a te Vaerua: kare e tika kia akataka ke i to te Atua au tungata i tona aroa.

1 **K**ARE rava atura e akaapa i teianci i te aronga i roto ia Iesu Mesia, ko tei aru i ta te Vaerua ra, 2 kare i ta te tino. Kua akatiama mai oki te ture a te Vaerua ora i roto i te Mesia ra ia Iesu iaku, i te ture ra o te 3 kino e te mate. Te mea kare rava i tika i te ture ra no te mea e apikepika to te ture i te tangata nei, kua tika rava akeni ia i te Atua i te tono anga mai i tana Tamaiti mei te tangata kino nei te tu, e ei tarangaara oki, kua akamate aia i te kino i roto i te tangata 4 nei: Kia tika te tuatua-tika a te ture i roto ia tatou nei, ko tei kore i aru i ta 5 te kopapa, i ta te Vaerua ra. Te aronga oki i tau i ta te kopapa nei, te akono ra i ta te kopapa; kareka te aronga i tau i ta te Vaerua ra, te akono 6 ra ia i ta te Vaerua. Ko te akono oki i ta te kopapa nei, ko te mate ia; kareka ko te akono i ta te Vaerua ra, 7 ko te ora ia e te au. No te mea, ko taua anoano o te kopapa nei, kare ia i tau i te Atua; kare oki te reira e kau-raro i te ture a te Atua, kare oki e tika 8 kia pera. E teianci, te aronga i tau i ta te tino ra, kare rava te Atua e 9 marea mai ia ratou. Kare ra kotou i tau i ta te tino ra, te tau nei ra i ta te Vaerua, no te mea te noo ra te Vaerua o te Atua i roto ia kotou. Te ngere ra tetai tangata i te Vaerua o te Mesia 10 ra, kare ia aia i te tungata nona. E tei roto te Mesia ia kotou ra, te ora nei ia te vaerua i te tuatua-tika, kua mate 11 tikai ra te tino i te ara. Te noo ra tona Vaerua i roto ia kotou to tei akatu ia Iesu mei te mate maira, ko tei akatu i te Mesia mei te mate maira, nana katoa ia e akaora i to kotou au tino

mate ra i tona Vaerua i noo i roto ia kotou na.

E teianei, e te au tacake ra, e kai ou 12 tatou, kare ra i ta te tino, ka akono atu ei tatou i ta te tino ra. Kia akono 13 oki kotou i ta te tino ra, ka mate ia kotou: kia tamate ra kotou i ta te tino ra i te Vaerua, ka ora ia kotou. Ko te 14 aronga katoa oki i aratakiia e te Vaerua o te Atua ra, e tamariki anake ia ratou na te Atua. Kare oki te vaerua 15 akirce tei rauka ia kotou kia matakua akaou; ko te Vaerua akatamariki ra tei rauka ia kotou, i karanga'i oki tatou e, E Aba, e *taku* Metua. Ko te Vaerua 16 uarai oki, e to tatou katoa nei oki vaerua, tei akakite ia e, e tamariki tatou na te Atua: E e tamariki ra, e 17 aronga tuanga ia; e aronga tuanga i te Atua ra, e aronga tuanga tatou e te Mesia; te mate kapipiti nei oki tatou ma ia katoa, kia akakakā kapipitiia ma ia katoa oki.

Te karanga nei oki au e, kare teia- 18 nei au mate ravarai e tau kia arite atu i te kakū e akakiteia mai ia tatou nei. Te anoano maata o te tangata nei ma 19 te arōrō, te tatari nei ia i te akakite angaia mai i te tamariki a te Atua: (Kua akariroia oki te tangata nei ei 20 mea mate ua, kare ra te mea anoano, nana ra na tei akariro i te tangata *ei mea mate ua*.) Ma te anoano e kia 21 akaorai te tangata nei i te tapeka o te mate, kia rauka te tiamā meitaki o te tamariki a te Atua ra. Kua kite oki 22 tatou e, te ngunguru anake nei te tangata katoaia mei te mamea anau ra e tae rava akenei i teianei rā. Kare 23 oki e *ko ratou* anake ra, ko tatou katoa nei, ko tei rauka te ua mua o te Vaerua ra, ko tatou uarai tei ngunguru ki roto ia tatou uarai, i te tatari anga i te akatamariki anga mai, koia oki te akaora anga i to tatou nei tino. Ka 24 ora oki tatou i te tatari: ko te tatari i akaraia ra, kare ia i te tatari: ko ta te tangata oki i kite ra, eaa ua e tau ei 25 kia tatari atu i te *reira*? I tatari ra tatou i tei kore i kitea e tatou, te manako nei oki tatou i te *reira* ma te manatu kore.

Te tauturu katoa mai nei oki te 26 Vaerua i to tatou apikepike: kare oki tatou i kite meitaki i te mea e tau kia pure tatou: na te Vaerua uarai e pati i ta tatou ma te ngunguru e kore e tika kia tuatua ra. Kua kite ra aia, ko 27 tei kimi matatio i te ngakau ra, i to te Vaerua anoano, ko tei pati i ta te aronga tapu ra, i tei tau i to te Atua ra anoano. Kua kite oki tatou e te aka- 28

tupu nei te au mea ravarai i te meitaki no te aronga i anoano i te Atua, no te aronga i karangaia mai i te akakoro- 29 anga nana ra. Ko tana i kite i muatanga, ko tana katoa ia i akono mamea ua, kia akatauia mei tana Tamaiti ra te tu, kia riro aia ei tama mua i te au tae- 30 ake ra e manganui ra: Ko tana oki i akono atea ua ra, ko tana katoa ia i tuatua maira: ko tana oki i tuatua maira, ko tana katoa ia i akatika: ko tana oki i akatika ra, ko tana katoa ia i akakakā. 31 Ka akapeca oki tatou i teia au tuatua? No tatou te Atua ra, *ka tika* iaai 32 kia māro mai? Ko tei kore oki i akaperepere i tana uarai Tamaiti, ko tei tuku ua mai iaia no tatou katoa nei, eaa oki aia e kore ei e oronga katoa mai i te au mea ravarai no tatou? 33 Naai e tuku mai i te tapepeanga i tei iikiia e te Atua ra? Na te Atua 34 aina, na te akatika mai? Naai e akapa mai? Na te Mesia aina na tei mate ra; e kua tu akaou akenei ki runga, e tei te rima katau o te Atua 35 ra, te pati ra i ta tatou? Na te aa tatou e akataka ke atu i te aroa o te Mesia ra? Na te maki aina? e na te tumatetenga aina? e na te takinga-kino aina? e na te pongi aina? e na te apinga kore aina? e na te pini aina? e na te 36 koke aina? (Mei tei taitaia ra e, "Noou ra matou i taia'i i te au rā katoa ra; kua akonoia mei te mameo no te mate 37 ra.") Kare, ka riro ra te re i taua au mea katoa nei ia tatou i tei aroa mai ia 38 tatou nei. Kua kite tikai oki au e, kare te mate, kare oki te ora, kare oki te au angela, kare oki te ui ariki, kare oki te au mea mana, kare oki te au mea e vai nei, kare oki te au mea e ka 39 tupu a muri atu, Kare oki te teitei, kare oki te akaaka, e kare katoa te au mea i angaia nei, e tika kia akataka ke ia tatou i te aroa o te Atua i roto i to tatou Atua ia Iesu Mesia ra.

PENE IX.

To Paulo aue i to Iseraela: kare e poka tei tuatuaia mai e te Atua: te uanga tikai o Aberahama: te aroa ua o te Atua: Pharao: te potera: e au tuatua totou no tei iikiia e te Atua, e no Iseraela e te etene.

1 **E** TUATUA-MOU oki taku i te Mesia ra, kare ua au i pikikaa, te akakite kapipiti mai nei te Vaerua 2 Tapu e taku akava-ngakau iaku, E e aue maata toku, e te mamea tukutuku 3 kore i roto i toku ngakau. E tika oki iaku kia anatemalaia au i te Mesia ra, i

taku au taeake i te akonoanga i te tino nei: I te ngati Iseraela ra; no ratou oki te akatamarikianga, e te kaka, e te koreromotu ra, e te ture i orongaia ra, e te akamori anga, e tei karangaia maira; No ratou oki te aronga tupuna, e no ratou oki te Mesia i te akonoanga i te tino, ko te Atua ia i runga i te au mea katoatoa, nona te akameitaki mutu kore ra. Amene. Kare rava oki e tika kia manako e kua kore te tuatua a te Atua. Kare oki te Iseraela katoatoa i ta Iseraela. Kare oki ratou ravarai i te tamariki i te mea e uanga ratou no Aberahama; "E karangaia ra toou uanga e no Isaaka." Teia tana tuatua ra, Te tamariki a te tino nei, kare ratou te tamariki na te Atua: ko te tamariki ra no te tuatua i karangaia maira, ko tei akonoia ei uanga. Teia oki tana tuatua i karangaia maira, "Kia tae ki te tuatua tika ra, e tae mei ei au, e e tamaitia ta Sara." Kare oki e *ko te reira* anake ra, ka nui katon'i oki a Rebeka i tetai tangata i to tatou metua ra ia Isaaka; Kare oki te tamariki i anau, kare oki i rave i te meitaki e te kino, kia tupu tei akonoia e te Atua i te iki anga ra, (eiaa e *riro* no te angaanga, nona ra no tei tuatua maira,) I karangaia atu ei aia e, "E tatomo te tuakana ki te teina;" Mei tei tataia ra e, "I inangaro ra au ia Iakoba, kare ra au i inangaro ia Esau."

E teianei, eaa ua ta tatou tuatua? E tuatua-tika kore aina ta te Atua? Auraka rava ia. Kua karanga oki aia kia Mose e, "Te aroa nei oki au i taku e anoano i te aroa, e te takinga-meitaki nei au i taku e anoano i te takinga-meitaki." E teianei, kare to te anoano, kare oki i to oro, no te Atua ra i aroa maira. Te karanga ra oki te tuatua i tataia ra ia Pharno e, "No reira tika rai oki au i vaoo ei ia koe, ei akakite anga atu ia koe i toku nei mana, e kia akakiteia toku ingoa e pini ua ake te ao katoa nei." E te aroa nei aia ki tana i inangaro i te aroa, e tana i anoano i te *akamāro* ra, te *akamāro* nei ia. E tuatua mai aina koe kiaku e, Eaa oki aia i akakino mai ei? Koai oki tei akakore i tona inangaro? Aua na ra, e tera ra tangata, koai koe e māro atu ki te Atua? E karanga atu aina te mea angaia ra ki tei anga mai *iaia* ra e, Eaa koe i pera'i i te anga iaku nei? Kare aina e tau i te potera kia anga i tetai āriki no te mea meitaki, e tetai no te mea kino, i te putunga karakarara okotai nei? Eaa oki te Atua, kia ano-

ano i te akakite i tona riri, e kia kitea tona mana, i te akakoromaki anga roa i te au āriki no te riri i akatania no te mate ra; E kia *anoano* oki aia i te akakite i te maata anga o tona meitaki, i te au āriki o te aroa i akatau takereia e ia no te ao; Koia oki tatou nei, ko tei tuatuaia mai e ia, auraka ko to te ngati Iuda anake ra, ko te etene katoa nei ra? Ko tana katoa oki i karanga ia Hosea ra e, "Ko te aronga kare te tangata noku ra, e karangaia ia e au e, e tangata noku; e tei kore i akaperepereia ra, e *karangaia* ia i te akaperepereia." "E riro oki ei te ngai i karangaia atu ei ratou ra e, Kare kotou i te tangata noku, ka riro ia ratou i te karangaia i reira e, E tamariki na te Atua ora ra." Te kapiki ua ra oki a Isaia kia Iseraela e, "Arite ua rai te tamariki a Iseraela ki te one i taatai kia tatou ra, e toenga ua te ka ora: Te akaoti nei oki aia e te kokoti poto ua nei i *tana* angaanga ma te tuatua-tika: e angaanga poto ua oki ta Iehova e rave i te enua nei." Mei ta Isaia oki i karanga i muatangana ra e, "Aurakū Iehova Sabaota ra i vaio i te uanga no tatou, kua riro tatou mei ia Sodoma, e kua arite tatou ia Gomora ra." E teianei, eaa ta tatou tuatua? teia, Kua rauka te tuatua-tika i te etene, ko tei kore i umuumu atu i te tuatua-tika ra, ko te tuatua-tika i *rauika* i te akarongo ra. Ko Iseraela ra, ko tei umuumu atu i te tuatua-tika a te ture ra, kare ia i taea ia ratou te tuatua-tika e te ture ra. No te aa ra? No te mea kare i na te akarongo i te *kimi*, na te angaanga ra a te ture. Kua turoi oki ratou i tana toka turorianga ra; Mei tei tataia ra e, "I na, e tuku au i te toka turorianga i Ziona, e te papa ei maituanga; e ko te akarongo katoa kiaia ra, e kore ia e akama."

PENE X.

Te pure a Paulo i to Iseraela: te tuatua-tika i rauka i te ture, e tei rauka i te akarongo: tei te akarongo mou te ora: e au tuatua totou no te ngati Iuda e te etene.

E AKU au taeake e, teia oki te anoano tika i taku ngakau, e taku nei pure ki te Atua ia Iseraela, kia ora ratou. Ko au te kite ia ratou, e maroiroi to ratou i ta te Atua, kare ra te *maroiroi* kite. No to ratou kite kore i te tuatua-tika a te Atua, e kua umuumu oki kia tupu ta ratou uarai

tuatua-tika, kare akenei ratou i kau-
 raro tikai i te tuatua-tika a te Atua ra.
 Ko te Mesia oki te akaope i te ture ei
 tuatua-tika na te aronga ravarai e aka-
 rongo ra. Kua akakite mai oki a
 Mose i ta te ture ra tuatua-tika, "Kia
 akono oki te tangata i te reira ra, ka
 ora aia i reira." Kareka ra te tuatua-
 tika i te akarongo ra, te na ko maira
 ia, "Eiaa koe e karanga ki roto i to
 ngakau e, Naai e kake ki runga i te ra-
 ngi," ei arataki mai i te Mesia ki raro
 nei? "E naai e ruku ki raro i te mo-
 ana," ei arataki akaou mai i te Mesia
 mei roto mai i te mate? E te akapeco
 maira oki aia? "Tei vaitata roao ra te
 tuatua ia koe, tei to vaa, e tei to nga-
 kau;" koia oki te tuatua o te aka-
 rongo, ta matou e akakite nei e, Kia
 aaki oki to vaa i te Atua ra ia Iesu, e
 kia akarongo to ngakau e kua akatu te
 Atua iaia mei te mate maira, ka ora ia
 koe. Ko te ngakau oki to te tangata
 nei e akarongo, e *kia rauka* atu te tua-
 tua-tika; ko te vaa oki tei aaki te tua-
 tua e *kia rauka* atu te ora. Te tuatua
 maira oki te tuatua i tataia ra e, "Ko
 tei akarongo iaia ra, kare anake ia e
 akama." Kare rava oki e tu ke te
 ngati Iuda e te Eleni; e takinga-mei-
 taki maata oki to te Atua o te ua mea
 katoatoa nei, i te tangata ravarai e
 kapiki atu kiaia ra. "Ko te kapiki
 i te ingoa o te Atua ra, e ora ia."
 Eaa ua ra te tangata e tika'i kia
 kapiki atu kiaia i tei kore i akaro-
 ngoia e ratou ra? e eaa oki ratou e
 tika'i kia akarongo iaia i tei kore i
 kitea e ratou ra? e eaa oki ratou e kite
 ei i te akakite kore? Eaa oki te ta-
 ngata nei e tika'i kia akakite kia kore
 ratou e ungaia? koia oki tei tataia ra
 e, "Ko te manea o te vaevae o te aro-
 nga i apai mai i te tuatua reka o te au,
 ko te apai mai i te evangelia o te mei-
 taki ra e!"

Kare ra ratou katoatoa i akarongo i 16
 te evangelia: te na ko ra oki a Isaia,
 "E te Atua, koni tei akarongo i ta ma-
 tou tuatua?" Na te kite mari e rauka'i
 te akarongo, e na te tuatua a te Atua i
tuatuaia maira te kite. Teia ra taku
 tuatua, Kare rai ratou i kite? Kua
 kite ia; "Kua tae ra to ratou reo ki te
 pa enua katoa, e ta ratou tuatua ki te
 Eotinga o teianei ao." Teia oki taku
 tuatua, Kare rai Iseraela i kite? Ko
 Mose oki tei karanga na e, "E aka-
 koko oki au ia kotou ki te aronga karo
 ua e puapinga, e akariri au ia kotou ki
 te iti-tangata kite kore." Te na ko
 maira ra Isaia ma te mataka kore,

"Kua kitea au e te aronga kare i kimi
 iaku ra; kua akakiteia au i te aronga
 kare i ui iaku." Kareka ia Iseraela ra,
 te na ko maira aia, "I akatika ua ana
 au i taku rima ki te aronga akarongo
 kore e te mario, e ope rava akenei
 te ra."

PENE XI.

Kare te ngati Iuda i ope i te akarukeia:
tetai pae kua ikitia, tetai kua vaoo
unia: no to ratou akarongo kore i
tae ei te ora ki te elene: eiaa te elene
e akutietie: e ora rai Iseraela: e mea
kiteu kore ia ta te Atua.

- 1 **E** TEIANEI, teia taku tuatua,
 Kua akaruke aina te Atua i tona
 tangata? Kare rava ia. E ngati Ise-
 raela katoa oki au, no te uanga o Abe-
 rahama, no te kopu o Beniamina.
- 2 Kare rai te Atua i akaruke i tona
 tangata tana i kite mamao ana. Kare
 kotou i kite i ta te tuatua i tataia ra i
 tuatua mai kia Elia? ka karanga i aia
 ki te Atua ia Iseraela ra, ka na ko atu
- 3 ei ra e, "E Ichova, kua ta akenei
 ratou i te au peroveta naau ra, kua uri
 i taau au atarau ki raro; e ko au anake
 nei tei toe, e te kimi mai nei ratou iaku
- 4 nei kia mate." Te peea maira ra ta te
 Atua tuatua anga mai kiaia? "E vaoo
 iora au i e itu tausani tangeta noku
 uarai, ko tei kore i tuku i te turi ki
- 5 raro kia Baala." Koia katoa oki i teia-
 nei, te vai ua nei tetai toenga no te iki
- 6 anga a te aroa ua ra. E no te aroa ua
 ra, kare atura ia i to te angaanga: no
 reira ra, kare atura te aroa ua i te aroa
 ua i reira. E no te angaanga ra, kare
 atura ia i to te aroa ua: no reira ra, kare
 atura te angaanga i te angaanga i reira.
- 7 Eaa oki *taua tuatua* nei? Kare rai
 i rauka ia Iseraela tana i kimi ra: kua
 rauka ra i tei ikitia ra, e kua akamata-
- 8 poia tetai papaki, (Koia oki tei tataia
 ra e, "Kua tuku mai te Atua i te vae-
 rua moe maata kia ratou, te mata
 akara kore, e te taringa akarongo
 kore;") e tae rava akenei i teianei ra.
- 9 Kua karanga oki a Davida, "Kia riro
 ta ratou kaingakai ra ei maunu, e ei ku-
 penga," ei turorianga, e ei utunga oki na
- 10 ratou. "Kia avarevare to ratou mata,
 kia kore e tika kia akara, kia piko oki
 to ratou tua ki raro eiaa e tukumoe."
- 11 E ui ana ra au, Kua turori inga takiri
 rava aina ratou? Auraka rava ia: *kua*
tae ra te ora ki te etene i taua turori
 no ratou ra, ei akakoko anga atu ia
- 12 ratou kia varcae. E teianei, ko taua
 turori no ratou ra ta to te ao nei ia
 puapinga, e to ratou ngere anga to te

etene puapinga, ka tanga'i oki i to ratou maata anga! Ko kotou ko te etene 13
taku e karanga atu nei, te akameitaki nei au i taku taoonga, no te mea ko au te aposetolo a te etene; Penciake ko 14
te akakoko au i toku ra papaki tangata, kia taemoemo ratou, e kia ora tetai papaki iaku. To ratou akaruke angaia 15
ra, ko te ongi ia o to te ao, ka tanga'i oki i te ariki akaou anga ia ratou, kare aina e *riro mei* te ora no te mate mai? Te tapu ra te popo 16
ra, koia katoa te maata: e te tapu ra te tumu ra, koia katoa te au rara. E i aati keia tetai papaki i taua au rara ra, 17
e ko koe oki ko te *rara* olive ngangaere ra, ko tei pa'uia ia ki roto ia ratou ra, e tei ia koe katoa oki te meitaki e te inu o taua olive ra; Auraka koe e akatietic 18
ki runga i te au rara ra: kia akatietic oki koe ra, e *akamaara*, kare koe tei mou i te tumu, ko te tumu ra *tei mou* ia koe. E tuatua mai aina koe e, I aati 19
keia te au rara kia pa'uia au ki roto. Kua tika ia: no te akarongo kore i aati 20
keia'i ratou, e e mou akarongo oki toou. Auraka ei ngakau teitei, ei matakau ra: Kare te Atua i akaperepere i te au rara 21
tikai, *kia matakite*, ko te kore katoa aea aia e akaperepere ia koe. E teianei, ka akara na i te takinga-meitaki e te akaperepere kore a te Atua: te akaperepere kore i te aronga i inga ra; kareka ia koe na, ko te takinga-meitaki ia, kia akono tamou koe i *tonu* takinga-meitaki; kare ra, ka kokoti ke katoaia koe. E ko ratou katoa oki, 23
kia kore ratou e tamou maoro i te akarongo kore ra, ka pa'uia mai ia ki roto: ka tika oki i te Atua kia pa'u akaou ia ratou ki roto. I kokoti keia 24
mai koe no runga i te olive ngangaere ra, e i pa'u keia mai koe ki roto i te olive meitaki; ka tanga'i oki ia ratou i te *rara* tikai, e pa'uia mai ia ki roto i to ratou uorai olive! Kare au i ano- 25
ano, e *aku* au taake, e kia kore kotou e kite i teianei tuatua ngaro, (ko te pakari aea kotou i to kotou uorai manako anga,) e kua rokoia Iseraela i te matapo pae tai, e kia o katoa mai te maata katoa o te etene ra. E ora ka- 26
toatoa atura Iseraela: koia oki tei tataia ra, "Ka tae mai te Akaora mei roto mai ia Ziona, e ka akakore aia i te paieti kore ia Iakoba." E ko "teia 27
taku koreromotu ia ratou, kia apai ke atu au i ta ratou ra ara." I te akono- 28
anga i te evangelia nei, *kua riro ia ratou* ei enemi ia kotou: kareka i te iki-anga ra, te akaperepereia nei ia ratou, no to ratou aronga metua ra. Ko ta 29

te Atua oki i oronga ua e tana nomino 30
anga ra, kare ia e akakore anga. Mei ia kotou oki kare i akarongo i te Atua i muatangana, e teianei ra, kua aroaia mai kotou i to ratou akarongo kore ra: 31
Koia katoa oki ratou, kua kore akenei e akarongo i teianei, ko kotou i aroaia 32
mai, kia aroa katoaia mai ratou. E akarongo kore anake oki ratou ravarai i ta te Atua tuatua anga, kia aroa mai 33
aia ia ratou katoa. Aue te oonu o te apinga nui o te pakari e te kite i te Atua e! e te kimi anga taea kore o tana akataungana e, tona au aerenga i 34
te kitea kore kia kimi e! "Koai oki tei kite i te ngakan o te Atua? e maai 35
aia i ako atu?" Koai oki tei oronga atu i *tetai apinga* nana, ka o maia ia 26
te tutaki kiaia? Nona mai oki, e nana, e nona te au mea katoaia nei: ei iaia te kaka mutu kore. Amene.

PENE XII.

Te meitaki o te akono anga e tika'i, e te ravenga e meitaki ei te au taoonga: te aroa e te paieti tei tau; auraka e akaoko.

1 **E** TEIANEI, e *aku* au taake, te ako atu nei au ia kotou, i te aroa o te Atua, kia tuku atu kotou i to kotou au tino ei tusia ora, e te tapu, e tau oki i te Atua, ko te akamori e tau ia ia 2
kotou. E eiaa e akatau atu i teianei ao: ei tu ke ra to kotou i te akaou anga o to kotou ngakau, kia taka tikai ia kotou i to te Atua ra anoano, tei meitaki, e te tau, e te apa kore oki. 3
Teia taku tuatua kia kotou katoatoa e ope rava ake, i te meitaki i orongaia mai kiaku nei, eiaa e maata te manako iaia uorai, i tei tau iaia kia manako ra; ka akono tikai ra te manako kia arite i te tu o te akarongo i tuaia e te 4
Atua i te tangata katoatoa. Mei ia tatou oki e manganui te melo i te tino okotai nei, kare ra e okotai rai taoonga to taua au melo katoa nei: Koia katoa oki tatou, i maata ua rai *tatou*, okotai ia tino i te Mesia, e e melo oki tatou no tatou uorai e ope rava 6
ake. E e taoonga ke ke anake to tatou, e tau i te meitaki i orongaia mai kia tatou nei, e totou ra, *ka totou* i tei tau i te tu o te akarongo ra; 7
E taoonga diakono ra, *ka rave* i te taoonga diakono; e ko tei apii ra, ei te 8
apii ia; E ko tei akamaroiroi ra, ei te akamaroiroi ia; ko tei tua apinga ra, *ka rave* aia ma te meitaki; ko tei akakite ra, *kia akukite* ia ma te akono meitaki; ko tei takinga-meitaki aere ra, *kia pera* ma te ngakau tae.

Ei aroa pikikaa kore rai. Kia rika-
rika i te kino; kia kapiti atu ki te
meitaki. Ei kapiti anga aroa mou to
kotou ia kotou uaorai, i te aroa taeake
ra; i te akangateitei anga tetai ki
tetai. Eiaa e akatau i te angaanga; 11
kia maroiroi oki te ngakan, i te tavini
anga i te Atu; E rekareka i te ma-
nakonako anga; e akakoromaki i te
mate; tamou marie tikai i te pure. Ka 13
oronga atu i te *apinga* i te aronga tapu
i to ratou ra ngere anga; ka akama-
tau rai i te takinga-meitaki i te tangata
ke ra. Ka akaora atu i te tangata e 14
takinga-kino mai ia kotou; ka akaora
atu, auraka e tao. Kia rekareka kotou 15
i te aronga e rekareka ra, ka aue
katoa oki i te aronga e aue ra. Kia 16
okotai ngakau to tetai e tetai: auraka
e umuumu atu i te mea teitei, e arite
katoa atu oki i te aronga akaaka. Au-
raka oki e pakari i to kotou naorai
manako anga. Auraka te kino e tuta- 17
kiiia atu ki te kino i te tangata ravarai
nei. Ka akonokono ana i te mea tika
tikai i te aroaro o te tangata katoa
nei. Penciake ko te tika, ko ta kotou 18
ia e *aruaru* e, kia noo au ua kotou i
roto i te tangata katoa nei. E *ta* au 19
akaperepere e, auraka e akaoko, tuku
ua atura te riri; kua tataia oki e, "Te
tuatua maira te Atu, ei iaku te
akaoko, e naku e tutaki atu." E teia- 20
nei, "te pongi ra to enemi, ka akaangai
atu; e te kaki vai ra, ka akainu atu: te
akaputu ra koe i te ai ngarau ki runga i
tona upoko i reira." Auraka e mate i 21
te kino, kia mate ra te kino ia koe i te
meitaki.

PENE XIII.

*Te angaanga a te aronga mana: to
te tangata akono anga i taua aronga
mana ra: te akamaroiroi.*

KIA kauraro marie te tangata katoa-
toa i te aronga mana *taoonga* ra,
Kare rava oki e mana mari ra no ko mai
i te Atua ra; te aronga mana e noo nei,
kua akonoia ia e te Atua. E teianei 2
ko tei māro atu ki te *taoonga* ra, kua
māro aia i tei akonoia e te Atua ra:
e te aronga i māro ra, ka rauka ia
te akaapa ia ratou uaorai. Kare oki
te aronga akava ra te matakuaanga no
te tuatua meitaki, no te tuatua kino ra.
Kare ainei oki koe e matakua i taua *tao-*
onga ra? ka rave i te tuatua meitaki, e
ka akameitakiiia koe i taua *taoonga* na:
E tavini oki aia no te Atua kia meitaki
koe. Kia rave ra koe i te tuatua kino
ra, ka matakua; kare oki aia e mou
puapinga kore ua i te koke: e tavini 4

oki aia no te Atua ei tutaki, *ei tuku* i
te mate i te tangata i rave i te kino
5 ra. No reira i tika'i e kia kauraro
kotou; kare ra oki no te mate anake
ra; no te akava-ngakau katoa oki.
6 No reira oki kotou ka oronga atu ei i
te tāunga nei; e tavini oki ratou no te
Atua, i te rave tamou marie anga i
7 taua mea nei. E teianei, e tuku atu
i te mea tau i te tangata katoa ra, e
tāunga tana ra, ei tautāunga atu rai;
e telo tana ra, ei telo ia; ko tei mata-
kuia ra, ka matakua atu ia; ko tei aka-
8 teiteia ra, ka akateitei atu ia. Au-
raka kotou ei kai ou na te tangata
ravarai, kareka kia aroa atu tetai ki
tetai: ko tei aroa atu oki i tetai ke
9 ra, kua akono ia i te ture. Ko te *au*
ture nei oki e, "Auraka koe e akaturu,
Auraka koe e ta ua, Auraka koe e keia,
Auraka koe kia riro ei kite pikikaa,
Auraka koe e morimori;" e te vai nei
tetai ture ke, kua ope takiri i roto i
teianei tuatua e, "E aroa atu koe i to
tangata tupu mei te *aroa* ia koe uao-
10 rai." Kare rava te aroa e takinga-
kino i te tangata tupu: ko te aroa
11 mari te akatika anga i te ture. E
tenana oki, no te mea kua kite tatou
e kua tae ki te ora ara anga i to tatou
moe: kua vaitata roa oki to tatou ora
i teianei i tei to tatou akarongo anga.
12 Oi ka ope te po, kua vaitata te ao:
e teianei e kopae atu tatou i te au
angaanga o te pōiri, e kakau tatou i te
13 kakau o te ao. Ei aerenga manea to
tatou mei te *aerenga* ao ra; auraka ma
te akatietie e te kona, auraka ma te tua-
tua viivii e te kanga ra, auraka ma te
14 māro e te vareae. E tuku ra kotou i
fa te Atu i ta Iesu Mesia ki runga ia
kotou, e auraka e akamaroiroi i ta te
tino, kia *tupu to te tino* nei anoano.

PENE XIV.

*Te akonoanga i te au kai tu ke ke
e te rā: eiaa e akaapa i tei apike-
pike i te akarongo: auraka te akono
anga kia riro ei tuoroiaanga no tetai:
kia rave te au mea katoa ma te
akarongo e tika'i.*

TE tangata oki kare i maroiroi i te
akarongo nei, ka āriki atu kotou,
auraka ra e māro i te tuatua kare i
2 kiten tikaia ra. Te manako ra oki
tetai e, ka tika iaia kia kai i te manga
tini katoa nei: e ko tetai oki ko
tei kore i maroiroi ra, ko te kai tanu
3 anake ua tana e ka kai. Auraka tei
kai ra, e akavaavaa atu i tei kore i kai-
ra; e auraka katoa oki tei kore e kai

ra e akaapa atu i tei kai ra: kua āri-
kiia mai ōki aia e te Atua. Koai ōki
koe na, ka akaapa atu ei i to tetai ke
ra tavini? tei tona uaoari pu tona
mou e tona inga: ka akamouia ra aia,
e tika ōki i te Atua i te akamou iaia.
Te manako nei tetai e, e tu ke to tetai
rā i tetai rā; te manako nei ōki tetai
okotai rai tu to nga rā katoatoa: kia
papu ra te tangata ravarai i tona uao-
rai ngakau. Ko tei akono i tetai rā
ra, no te Atua ia i akono ei; e ko tei
kore i akono i te rā ra, no te Atua ia i
kore ei i akono. Ko tei kai ra, no
te Atua ia i kai ei, e kua akameitaki
ōki aia i te Atua; e ko tei kore i kai
ra, no te Atua ia i kore ei i kai, e kua
akameitaki ōki i te Atua. Kare rava
ōki tetai o tatou e ora nei ei *akatupu*
i tana uaoari, e kare ōki tetai e mate
nei ei *akatupu* i tana uaoari. Te ora
nei tatou, i ora ia tatou ei *akatupu* i
ta te Atua; e te mate nei tatou, i mate
ia tatou ei *akatupu* i ta te Atua: e
teianei, te ora nei tatou, e te mate nei
ōki, no te Atua rai tatou. No reira ōki
te Mesia i mate ei, e i tu akaou ei, e i
ora, kia riro aia ei Atua no tei mate,
e no tei ora ōki. Eaa ra ōki koe i aka-
apa i to taeake? e eaa ōki koe i aka-
vaavaa atu ei i to taeake? ka tu ka-
toatoa tatou ki mua i te akavaanga a te
Mesia ra. Kua tatau ōki e, Te na ko
maira te Atua, “Te ora nei au, e tuturi
te au turi katoa ki raro ki mua iaku,
e ka ope te au vaa ravarai i te aaki
i te Atua ra.” E teianei, ka ope ta-
kiri rava tatou i te aaki i te tuatua iaia
uaoari i te Atua ra.

E teianei, oti ra aa tatou i te aka-
apa ia tatou uaoari: teia ra ta tatou e
akono e, auraka ei turoriana e tukuia
mai ki mua i tetai taeake, e te mea e
maitu ei ra. Kua kite au, e kua aka-
kiteia mai au e te Atua ra e Iesu, e kare
rava e mea viivii tikai, ko te tangata
ra e manako e, e mea viivii tana mea
ra, e mea viivii ra ia iaia. Kia kino-
kino ra to taeake i *tauu* na kai, kare
atura toou acenga i tau i te aroa.
Eiaa e mate te tangata i mate ei te
Mesia ra, i tauu na kai. Auraka ōki
to kotou meitaki e akakinoia: Kare
ōki te basileia o te Atua ra te kai, e te
mea e inu, ko te tuatua-tika ra, e te
au, e te reka i te Vaerua Tapu ra. Ko
18 tei akono ōki i teianei au tuatua i tona
tavini anga i te Mesia ra, te tau ra aia
i te Atua, e ka akatikia e te tangata
katoa nei. E teianei, ka unuunui
tatou i te tuatua au, e te tuatua e mei-
taki kapipiti ei ra. Eiaa e akakoreia

te angaanga a te Atua nei i te kai. E
mea viivii kore ōki te au mea katoa
nei, e mea kino ra i te tangata i kai
ma te turori. E mea meitaki ōki kia
kore e kai i te puaka, e kia kore e inu
i te wina, e kia kore e rave i te au
mea ravarai e turori ei to taeake ra,
e e maitu ei, e e apikepiki ei ra ōki.
22 E akarongo toou ra? Ka tāpu tikai
noou uaoari i mua i te aroaro o te
Atua. E ao to te tangata kare i aka-
apa iaia uaoari i tana ra mea tika.
23 Ko tei akatu ke ra i te kai nei, kua
akaapaia nia kia kai ra, no te mea kare
tana te kai akarongo: ko te au mea
katoatoa ōki kare to te akarongo ra, e
ara ia.

PENE XV.

*Kia tau tikai te au taeake ratou ratou
uaoari e meitaki ei: na Romā Paulo
i te aere ki Hisepania: te apinga
uipa tana i apai ki Ierusalem.*

1 **E** TEIANEI, ko tatou ko tei ma-
roiroidi nei, ka akakoromaki i te
apikepiki o te maroiroidi kore e tika, i,
2 ciao e akatika i ta tatou uaoari. E
akarekareka tatou katoa nei i tetai ke,
3 kia meitaki aia, kia maroiroidi. Kare
katoa ōki te Mesia i akarekareka iaia
uaoari, i tei tatau ra e, “Te akakino
a te aronga i akakino ia koe ra, kua
4 iri mai ia ki runga iaku.” Te au tua-
tua ravarai ōki i tatau i muatangana, i
tatau ia kia kite tatou; kia rauka to
tatou tatari anga, i te akakoromaki e
5 te pumaana o te tuatua i tatau ra. E
teianei, kia akaarite mai te Atua nona
te akakoromaki e te pumaana, i to
kotou ngakau, kotou kotou uaoari,
kia tau i te anoano o te Mesia ra o
6 Iesu: Kia akameitaki kotou i te Atua,
i te Metua o to tatou Atua ra o Iesu
Mesia, ma te ngakau okotai, e te
7 vaa okotai. E teianei ka āriki kotou
ia kotou uaoari, mei te Mesia i āriki
mai ia tatou nei, kia kakū te Atua.
8 Teia taku tuatua e diakono a Iesu
Mesia no te peritome *kia kiteu* te tua-
tua-mou a te Atua, kia tupu te tua-
tua i tuatuaia mai i te aronga tupuna
9 ra; E kia akameitaki te etene i te
Atua i tona aroa; koia ōki tei tatau
ra, “E teianei e akameitaki au ia koe
i rotopi i te au etene ra, e imene aka-
10 paapaa rai au i toou ingoa.” Te na
ko ra ōki, “Ka rekareka, e te au
11 etene, e tona katoa au tangata.” E te
na ko akaou ra ōki, “E akameitaki ia
Ichova, e te au etene katoa e, e aka-
paapaa iaia, e te au tangata katoa na.”

Te na ko maira oki a Isaia, "E kitea 12
mai tetai aka o Iese, ko te ka tupu ei
ariki no te etene, ei iaia e irinaki ei
te etene." Kia akakiaia mai kotou i te 13
rekareka ravarai e te au i te akarongo
anga, e te Atua e rauka'i te irinaki-
anga; kia maata to kotou irinaki i te
mana o te Vauerua Tapu ra. Ko au 14
uaorai oki tei kite ia kotou, e aku au
taeake, e kua ki katoa kotou i te mei-
taki, kua akakiaia kotou i te kite, e ka
tika oki kia apii ia kotou uaorai.
Tera tetai mea i tata atu ei au i te 15
tuatua kia kotou, e te au taeake, ma te
matakou kore, kia tupu to kotou ma-
nako, no te aroa ua o te Atua i oro-
ngaia mai kiaku nei; Kia riro au ei 16
tavini no Iesu Mesia i te etene, i te
tuku anga i te evangelia o te Atua,
kia akatikaia te terume etene i aka-
tapuia e te Vauerua Tapu. E teianei e 17
rekareka anga toku ia Iesu Mesia ra i
te au mea a te Atua ra. Kare ra au 18
e tika kia tuatua i te au mea katoa
kare i raveia e te Mesia iaku nei; i te
au mea ra tana i rave, i te aka-
mako anga atu i te etene, i te tuatua
e te rima: Ma te semeio maata e te 19
akairo, i te mana o te Vauerua o te
Atua; e kua akakite pu ua oki au i
te evangelia o te Mesia, na Ierusalem
atu i te akapini aere anga e tae rava
akenei i Iliriko. Koia ia, i umuumu 20
marie na oki au kia akakite atu au i te
evangelia i te au ngai kare i kite i te
ingoa o te Mesia ra, ko te patu aea oki
au ki runga i ta tetai ke ra pange:
Mei tei tataia ra e, "Te aronga kare 21
aia i akakiteia atu, ka akara ratou: e
te aronga kare rai i akarongo ra, ka
kite ia ratou." No reira oki au i roa'i 22
i kore ei au i tae atu kia kotou na. I 23
teianei ra, kare oku roa i teianei pa
enua, e no te anoano maata toku e man-
ganui akenei te mataiti i te aere atu
kia kotou na; Kia aere ra au ki Hise- 24
pania ra, e aere atu ei au kia kotou
na: te anoano nei au kia kite au ia
kotou i tana tere noku ra, e kia ara-
takiia au e kotou i toku aerenga ki
reira, kia reka ana ra au i te kapiti
anga ia kotou. Te aere nei ra au ki 25
Ierusalem, e tauturu i te aronga tapu
ra. Kua uipa oki to Makedonia e to 26
Akaia i te *moni* no to ratou uaorai ano-
ano, na te aronga tapu tangata rikiriki i
Ierusalem ra. Kua inangaro rai oki 27
ratou, e e kai ou rai oki ratou na ratou.
Kua rave katoa oki te etene i ta ratou
apinga no te vauerua ra, e apai atu oki
ratou i ta te tino ra na ratou e tika'i. E 28
teianei, kia oti iaku taua angaanga nei,

e kia tuku tikaia atu e au teianei mei-
taki ia ratou ra, na ko na atu au ia
kotou na te aere, ka aere tika atu ei ki
29 Hisepania ra. Kua kite tikai oki au
e, kia aere atu au kia kotou na, ka
aere atu ia au ma te ki katoa i te mei-
30 taki o te evangelia o te Mesia ra. E
ako atu ra au ia kotou, e te au taeake,
i te Atu ra ia Iesu Mesia, e te aroa o te
Vauerua ra, kia akamaroiroi tatou rava-
31 rai i te pure i te Atua iaku; Kia ora
au i te aronga akarongo kore i Iudea ra,
e taku e rave nei na to Ierusalem ra,
kia ariki meitakia mai e te aronga
32 tapu ra; Kia tae atu au kia kotou ma
te rekareka i te tika a te Atua ra, e kia
33 pumagna tatou katoa nei. E teianei,
ei ia kotou ravarai na te Atua au.
Amene.

PENE XVI.

*To Phebe akameitaki angaia: te
tawake e manganui tei aroaia atu e
Paulo: kia matakite i te aronga
akataka ke.*

- 1 **T**E tuku atu nei au i to tatou tuaine
ia Phebe kia kotou na ma te aka-
meitaki, e diakono aia no te ekalesia i
- 2 Kenekerea ra: Kia ariki meitaki kotou
iaia i te Atu nei, i tei tau i te aronga
tapu, e kia tauturu mai kotou iaia i te
au mea katoa e tau iaia ra; i tauturu
na oki aia i te tangata e manganui e
iaku katoa oki.
- 3 E aroa atu ia Peresila raua ko Akuila,
e puke oa rave angaanga noku i te
- 4 Mesia nei ia Iesu: Ko tei tuku katoa
i to raua kaki ki raro kia ora au: te
akameitaki nei au ia raua, kare ra e
ko au anake ra, ko te au ekalesia etene
- 5 katoa ra. E aroa katoa atu i te eka-
lesia ki roto i to raua are. E aroa atu
i taku akaperepere ra ia Epaineto, ko te
ua anga monua ia o te Mesia i Akaia
- 6 ra. E aroa atu ia Maria, e angaanga
- 7 maata tana i rave ia matou nei. E
aroa atu ia Anederoniko, e ia Iunia, i
nga taeake noku, e puke oa noku i ta-
peka katoaia matou, e puke tangata
kitea e te au aposetolo ra, ko raua ana
- 8 oki tei roto i te Mesia iaku nei. E
aroa atu i taku akaperepere i te Atu
- 9 nei ia Amepelia. E aroa atu ia Uro-
bana, i to matou oa rave angaanga i te
Mesia nei, e i taku akaperepere oki ia
- 10 Setaku ra. E aroa atu ia Apele, e ta-
ngata akatikaia ia i te Mesia nei. E
aroa atu oki i to te *ngutuare* o Arisetu
- 11 bulo ra. E aroa atu ia i taku taeake
ia Erodiona. E aroa atu i to te *ngu-
tuare* o Narekiso, i roto i te Atu ra.

E aroa atu ia Teruphaina, e ia Teru-
phosa, ko tei rave i te angaanga a te
Atu nei. E aroa atu ia Peresi aka-
perepercia ra, ko tei rave papu i te
angaanga a te Atu nei. E aroa atu ia 13
Rufu i ikiia ki roto i te Atu nei, e i
tona metua vaine katoa e toku metua
vaine. E aroa atu ia Asunekirito, ia 14
Phelegona, ia Erema, ia Pateroba, ia
Erema e te au taeake ki o ratou
ra. E aroa atu ia Philologo, e ia 15
Julia, ia Nerea, e tona tuaine, e ia
Olumepa, e te aronga tapu katoa ki o
ratou ra. E aroa oki kotou ia kotou 16
uaorai ma te ongi tapu ra. Te aroa atu
nei te au ekalesia o te Mesia ia
kotou.

E teiane, e ako atu au ia kotou, e 17
te au taeake, ka akara meitaki io na
kotou i te aronga i akataka ke, e te
akatupu i te mea e turori ei ra, e te
tau kore i te tuatua i apiia kotou na;
ka ariu ke atu kotou ia ratou. Kare 18
oki te reira te tavini no to tatou Atu
no Iesu Mesia, no to ratou uaorai kopu
ra; e kua tapikipiki i te ngakau o te
aronga pakari kore ra, i te tuatua pa-
teka e te tarekareka. Kua tutuki te 19
rongo o to kotou akarongo i te tangata
ravarai: i reka'io ki au ia kotou: te
anoano nei ra au, kia pakari kotou i te
meitaki, e kia kamakura kotou i te

20 kino. E teiane, na te Atua au e akapa-
ruparu ia Satani ki raro ake i to kotou
vaevae kare ia e roaia.

Ei ia kotou te aroa ua o to tatou
Atu ra o Iesu Mesia. Amene.

21 Ko taku oa rave angaanga nei ko
Timoteo, e taku au taeake nei ko
Lukio, e ko Iasona, e ko Sosipatera, te
22 aroa atu nei ia ia kotou. Ko au nei
oki ko Teretio ko tei tata atu i *tiiane*
episetole, te aroa atu nei au ia kotou i
23 te Atu nei. Te aroa atu nei a Gaio, e
angai iaku nei, e te ekalesia katoa, ia
kotou. Te aroa nei oki te rangatira
oire ra, ko Eraseto, ia kotou, e tetai
taeake nei oki ko Kuareto.

24 Ei ia kotou katoa na te aroa ua o to
tatou Atu ra o Iesu Mesia. Amene.

25 E teiane, ei iaia tei tika iaia i te
akamaroiroi mai ia kotou, i tei tau i
te evangelia naku nei, e i te tuatua ia
Iesu Mesia ra, kia tau i te ceu anga
mai o te tuatua ngaro i unuaia i te au
26 uki katoatoa mei i to mai; Kua aka-
kiteia maira i teiane, e no te akaue a
te Atua mate kore ra, i akakiteia i ki
te etene katoa, i te tuatua a te au per-
veta i tataia ra, kia *rau* i te ratou te
27 akono akarongo ra: Ei te Atua pa-
kari anake ra te kaka, ia Iesu Mesia
nei, e tuatau ua atu. Amene.

TE EPISETOLE MUA A TE APOSETOLO RA A PAULO I TO KORINETIA RA.

PENE I.

*To Paulo aroa anga e te akamaroi-
roi anga i te ekalesia: e mea kino
te pae ke: ia te Atua rarerua e
rau* i to te au nei kite iaia: *toko-
iti o te aronga nunui i ikiia; ko tei
akaaka e te puapinga kore ra, kia
kore ua o te tangata nei akutietie
anga.*

KO Paulo, i akonoia e te inangaro 1
ko te Atua ei apositolo na Iesu
Mesia, e to tatou taeake nei ko Sosi-
tene, i te ekalesia o te Atua i Kori- 2

netia na, tei akatapuia i roto i te
Mesia ra ia Iesu, i akonoia ei aronga
tapu, e te aronga katoa e tautopa atu i
te ingoa o to tatou Atu ra o Iesu
Mesia i te au ngai katoa ra, to ratou e
3 to tatou katoa oki: Ei ia kotou te aroa
ua, e te au, no ko mai i te Atua i to
tatou Metua ra, e te Atu oki ia Iesu
4 Mesia nei. Te akameitaki atu nei au
i taku Atua ia kotou kare i tivata, i
te aroa ua a te Atua i orongaia mai e
5 te Mesia ra e Iesu ia kotou na; Kua
rai oki ta kotou iaia, i te au mea rava-
rai nei, i te au tuatua katoa, e te au
6 kite katoa; E kua akakite puia te tu-

tua o te Mesia ki roto ia kotou na. Kare akenei kotou i topa ki muri i te au meitaki ravarai nei; i te tatarai anga i to tatou Atu ia Iesu Mesia i te mama anga mai: Nana e akatinamou ia kotou e tae ua atu ki te openga, auraka ei akakinoanga i te rā o to tatou Atu ra o Iesu Mesia. E tuatua-mou ta te Atua, i akonoia'i kotou no te kapitianga a tana Tamaiti a to tatou Atu a Iesu Mesia.

E teianei, e te au tacake, te ako atu nei au ia kotou i te ingoa o to tatou Atu ra o Iesu Mesia, e ei tuatua okotai ta kotou ravarai, e auraka ei pae ke i roto ia kotou na; kia kapiti marie ra kotou ma te ngakau okotai e te manako okotai. Kua akakiteia mai au ia kotou, e aku au tacake, e to te *nguturre* o Keloe, e e taumāro anga tei rotupu ia kotou na. Teia taku tuatua, te karanga na kotou e, No Paulo au; e no Apolo au; e no Kepha au; e no te Mesia au. Kua mavete aina te Mesia? e ko Paulo aina tei akasatauroia no kotou? e i baptizoi aina kotou ki roto i te ingoa o Paulo? Te akameitaki nei au i te Atua i te mea kare au i baptizo i tetai o kotou na, mari ra ko Kerisepo e ko Gaio: Ko te karanga aea tetai e, kua baptizo au *iaia* ki roto i toku nei ingoa. E kua baptizo katoa au i te koputanga o Setephana: kare atu aku tangata i kite i te baptizo angaia e au. Kare oki te Mesia i tono iaku e i baptizo, e tutu aere ra i te evangelia: ciao ra ma te pakari tuatua, ko te riro aea oki te satauro o te Mesia ei mea puapinga kore. Ko te tuatua oki i te satauro nei, e tuatua neneva ia i te aronga e mate, kareka ia tatou i akaorai nei, ko te mana ia o te Atua. Kua tataia oki e, "E akakore au i te pakari o te aronga pakari, e e akariro au i te kite o te aronga i kite ra, ei mea puapinga kore." Teiea te tangata ta-
ngata pakari? teiea te tata tuatua? teiea te tangata taumāro i teianei ao? kare aina kua akariro te Atua i te pakari o teianei ao ei neneva? Kare akera to te ao i kite i te Atua i to ratou auorai pakari, i te ravenga pakari a te Atua ra, inangaro akera te Atua i te akaora i te aronga akarongo i te mea neneva ra i te ako. Te pati ra oki te ngati Iuda i te semeio, e te umuumu ra te Eleni i te pakari; Te tuatua nei ra matou i te Mesia akasatauroia ra, ci turorianga no te ngati Iuda, e e mea neneva i te Eleni; Kareka i te aronga i akonoia ra, te ngati Iuda e te

Eleni katoa, ko te mana ia o te Atua e i te pakari o te Atua, te Mesia nei. E pakari maata to te mea neneva a te Atua nei i to te tangata nei *pakari*; e maroiroi maata to te apikepikē o te Atua i to te tangata nei *maroiroi*.

Te kite na oki kotou, e aku au tacake, i to kotou nomino angaia e, kare e rai te tangata pakari i te akonoanga i to tino nei, kare e rai te tangata mana, kare e rai te tangata ngateitei anau i *nominoia*: Kua iki ra te Atua i te au mea neneva o te ao nei, ei taakama atu i te aronga pakari; e kua iki oki te Atua i te mea parukaua o teianei ao, ei taakama atu i te aronga maroiroi; E te au mea akaaka o te ao nei, e te au mea akavaavaia ra, e te au mea kare ra, ko tei iikiia ia e te Atua, ei akakore i te au mea e vai nei; Kia kore rava te tangata kia akatietie ki mua iaia. E teianei nona *kotou i karangaia* i, tei roto kotou i te Mesia ra ia Iesu, ko tei akariroa i te Atua ei pakari, ei tuatua-tika, ei tapu, e ei ora, no tatou: Kia tau i tei tataia ra e, "Ko tei akatietie ra, kia akatietie aia i te Atu."

PENE II.

Te tuatua i te satauro o te Mesia, kare i te pakari o te tangata nei, i te mana ra o te Atua, kare i kitea e tei tu te kopapa ua, e tei apiia ra e te Vaerua.

IAKU oki i aere atu ia kotou na, e te au tacake, kare au i aere atu ma te tuatua akamanea e te pakari, i te tuatua anga atu kia kotou i te tuatua-aka-
kite a te Atua. Kua akakoro marie oki au e, kare rava aku e tuatua e akakite atu ki o kotou na, mari ra ko Iesu Mesia, ko tei akasatauroia ra. E parupuru oki toku, e te mataku, e te rutetete maata, ki o kotou na. Kare oki taku tuatua e taku ako anga i te tuatua tarekareka no te pakari o te tangata nei, i te akakite pu tikai ra a te
Vaerua e te mana; Kia kore to kotou akarongo e akatumuia i te pakari o te tangata nei, i te mana ra o te Atua.
E tuatua pakari ra ta matou i te aronga karape: kare ra te tuatua pakari o teianei ao, e no te ui kavana o teianei ao, te ka tukua ki raro ra: Te tuatua nei ra matou i te tuatua pakari a te Atua i te tuatua ngaro ra, ko tei uunaia ra, i akono takereia ra e te Atua
8 oki teianei ao, kia meitaki tatou: Ko tei kore rava i kitea e te ui kavana o teianei ao: (naringa oki ratou i kite ra,

kare ratou e akasatauro i te Atu o te kakā. Ko tei tataia ra e, “Ko te au mea kare i akaraia e te mata ra, kare i akarongoia e te taringa, kare oki i o ki roto i te ngakau o te tangata ra, ko ta te Atua ia i vaio no te aronga i inangaro iaia ra.” Kua akakite maira i te Atua ia tatou i *taua au mea ra* i tona Vauerua: e kimi oki te Vauerua i te au mea katoa nei, e te au mea oonu rai o te Atua ra. Koai oki te kite i te au mea a te tangata nei, mari ra ko te vauerua tangata i roto iaia ra? koia katoa te au mea a te Atua, kare rava tetai i kite, mari ra ko te Vauerua o te Atua. E teianei te Vauerua i rauka ia tatou nei, kare ia to teianei ao, ko te Vauerua ra no ko mai i te Atua ra: kia kite tatou i te au mea i oronga uiaia mai e te Atua no tatou nei. Ko te au mea ia ta matou e tuatua nei, kare ra ma te tuatua apiliai mai e te pakari tangata nei, ko ta te Vauerua Tapu ra i apii mai; i te akaarite anga i ta te vauerua i ta te Vauerua ra. Kare ra te tangata e akono i ta te kopapa nei e āriki mai i ta te Vauerua o te Atua ra: e mea neneva ia iaia: kare oki aia e kite i te *reira*, no te mea, i kimiia te *reira* e te vauerua. Kareka ko tei akono i ta te Vauerua ra, te kite ra aia i te au mea katoa, kare ra aia uorai i kiteia e te tangata ravarai nei. “Koai oki tei kite i te ngakau o te Atu ra? e naai e apii atu iaia?” Tei ia matou ra te ngakau o te Mesia.

PENE III.

Te akono anga apikepiki o to Korinetia, ko ratou i pae ke uere: ko te Mesia te pange okotai: ko te nao o te Atua te aronga akarongo: te tu o te pakari o teianei ao.

E TEIANEI, kare akera i tika iaku, i e aku au taeuke, kia karanga atu ia kotou mei te aronga e akono i ta te Vauerua, mei te aronga ra e akono i ta te tino, e mei te tamariki mea riki ra i roto i te Mesia nei. Kua angai oki au ia kotou i te u, kare i te kai pakari; kare oki i tika ia kotou i reira; kare katoa e tika ia kotou i teianei. Tei ta te tino rai oki kotou i teianei; *te vai* ra oki te vareac, e te taunāro, e te pae ke, i roto ia kotou na, kare aina tei ta te kopapa rai kotou, e mei to te tangata nei rai to kotou aerenga? Te karanga na oki tetai, No Paulo au; e tetai, No Apolo au; kare aina tei ta te kopapa rai kotou? Koai a Paulo, e koai oki a Apolo, mari ra e orometua i akarongo

ei kotou, ko ta te Atu ia i oronga mai ia maua katoa nei? Naku oki i tanu, na Apolo i tamaau ki te vai; na te Atua ra i akatupu. E teianei, kare a te tanu, kare oki a te tamaau ki te vai; 8 ko te Atua ra ko tei akatupu. Te tanu, e te tamaau vai ra, okotai ra ia: e rave tetai e tetai i tana uorai tutaki 9 e tau i tana uorai angaanga. E oa rave angaanga oki matou no te Atua: e koro kotou na te Atua; e are kotou no te Atua. 10 No te meitaki a te Atua i orongaia mai iaku nei, kua akamou au i te pange mei te taunga pakari i te akatu are ra, e te patu ra tetai ki rungao. E akono meitaki te tangata ravarai i te tu o tana e patu ki rungao ra. Kare atu oki e pange ke e tika i te tangata ravarai kia akamon, mari ra ko tei akamouia ra, koia oki te Mesia ra ko Iesu. E teianei, kia patu tetai tangata i te auro, te ario, te toka memetaki, te rakau, te ngangare, e te teita, ki rungao i taua pange ra; E akakiteia ta te tangata ravarai ra angaanga: na taua rā ra oki e akakite, e akatakaia ia oki e te ai; e na te ai e timata i te tu o ta te tangata ravarai 14 ra angaanga. Kia toe ra ta tetai ra angaanga, tana i patu ki rungao i taua 15 pange ra, e rauka iaia te tutaki. Kia ka ra ta tetai tangata angaanga, e ngere tona: koia uorai ra te ka akaorai ia; mei te mea ra e, i na roto i te ai. 16 Kare kotou i kite e, ko te nao kotou o te Atua, e te noo ra te Vauerua o te 17 Atua ki roto ia kotou na? E kia akaviivii tetai tangata i te nao o te Atua ra, e mate aia i te Atua; e tapu oki te nao o te Atua, e taua *nao* ra, ko kotou 18 ia. Auraka rava e tangata e tapikipiki iaia uorai: te manako ra tetai tangata i roto ia kotou na e, e tangata pakari aia i teianei ao, kia riro aia ei neneva, kia pakari aia. Te pakari oki o teianei ao, e mea neneva ia i te Atua; kua oti oki i te tataia e, “Te taii nei aia i te aronga pakari i to ratou uorai 20 pakari.” Tera oki tetai, “Kua kite a Iehova i te au manako o te aronga pakari e, e mea puapinga kore ia.” E teianei, auraka rava tetai e akatiatie i te tangata: no kotou oki te au mea ravarai 22 nei. Ko Paulo, e ko Apolo, e ko Kepha, e teianei ao, e te ora, e te mate, e te au mea e vai nei, e te au mea e 23 muri atu; no kotou anake rai; E no te Mesia kotou e no te Atua oki te Mesia.

PENE IV.

Te au tavini o te Mesia: Paulo e te aronga i akarongo i tanu apii anga i Korinetia: ko Timoteo te ka na muu ia Paulo.

E TEIANEI, kia manako te tangata ia matou nei e, e tavini anake no te Mesia, e e akaacre no te tuatua ngaro a te Atua ra. E mea umuumaia oki i te akaacre nei, ei tangata akono tikai aia. E mea ngiti poepoe rava iaku ta kotou cumiumi anga iaku nei, e i te cumiumi katoa o te tangata nei; e kare katoa au i cumiumi iaku uorai. Kare oki au nei i kite i taku nei ara; kare ra au e tika i te reira: ko te akara matatio mai iaku nei, ko te Atua ia. E teianei, auraka e akaapa atea ua; kia tae maira te Atua, nana e tuku i te atea te au mea poiuri uunaia nei, e e akakite oki i te au cumiumi-anga o te ngakau nei; rauka iora i te tangata ravarai te akameitaki no ko mai i te Atua ra i reira.

I akaarite na au, e te au tacake, i taua au tuatua nei kiaku uorai, e kia Apolo, no kotou; kia kite kotou ia maua, e auraka kia rai to kotou manako i te tangata nei i tei tataia ra, kia kore rava tetai o kotou e akatietie iaia uorai ki tetai, kia mea ngiti atu tetai. Naai oki koe e akatu ke? e eaa tauu kare te mea i rauka ia etai ke ra? e i rauka tauu ia etai ke ra, eaa koe e akatietie ei, mei te mea e, kare tauu te mea rauka mai na etai ke? Kua ki kotou i tenana; te maata na to kotou meitaki i tenana; e au akenei to kotou mei te ui ariki ra, kare ra matou: te inangaro nei rai au, ei au rai to kotou, e ei au katoa to matou ma kotou na. Te manako nei au kua akataka te Atua ia matou i te au aposetolo nei ei ope-nga, mei te aronga i akonoia no te mate ra: kua akariroia oki matou ei akara-anga na to te ao, na te au angela, e na te tangata. Kua riro matou ei neneva no te Mesia nei, e aronga pakari ra ko-
toui i te Mesia; te paruparu nei matou, te maroiroi na ra kotou; te teitei na kotou, te akaviiviliia nei ra matou. Te pongi nei matou, e te kaki vai, e te putaua, e te papāia nei, e kare rava e nooanga mou, e tae rava akenei ki teianei ora. Te rave anganga nei matou, na to matou uorai rima i rave: kia akakinoia mai, kua akaora atu matou; kia takinga-kinoia mai, kua akakoromaki matou; Kia akakinoia ra, kua ako atu matou; kua akariroia ma-

tou mei te teita o te ao nei, mei te para o te au mea ravarai nei, e tae roa akenei ki teianei rā.

- 14 Kare au i tata i teianei au tuatua kia akama kotou, te ako atu nei ra au ia kotou i taku au tamariki akapere-
- 15 pere. Raungauru ua atu rai i te tau-sani anga o to kotou orometua i te Mesia nei, kare e rainga to kotou me-tua: naku oki kotou i anau ei pipi na te Mesia ra na Iesu, i te evangelia nei.
- 16 E teianei te ako aroa atu nei au ia
- 17 kotou e, ei aru mai kotou iaku nei. I tono atu ei au i taku tamaiti akapere-pere e te pikikaa kore i te Atua nei, ia Timoteo, kia kotou na, nana e akakite atu ia kotou i toku au aerenga i te Mesia nei, taku apii anga i te au ngai
- 18 katoa, i te au ekalesia katoa. Te aka-tietie na tetai papaki mei te mea e,
- 19 kare au e tae atu ia kotou na. E aere atura au kia kotou kare e roa, kia tika i te Atua, e e akara au i te mana o taua aronga akatietie ra, eiaa i te tuatua.
- 20 Kare oki tei te tuatua te basileia o te
- 21 Atua, tei te mana ra. Eaa ra to kotou na inangaro? e aere atu ainei au ia ko-tou ma te papā, e ma te aroa aina, e ma te ngakau maru?

PENE V.

E kanga maata kare e tau i te tangata katoa kia rave: te au kino e kore e tau i te ekalesia kia kapiti atu: e tu i te ekalesia ravenga i te tangata kanga.

- 1 **I** KARANGAIA oki e kanga tei o kotou na, e kanga oki kare rava i kitea ki o te etene katoa ra, tei tetai tangata te vaine a toa uorai metua
- 2 tane. E te akanengonengo ua na ko-tou? kare aina e tau te aue; e kia tuku keia taua tangata i rotapu ia ko-
- 3 tou i rave i taua mea ra? Ko au nei ra, taka ke ua mai taku kopapa nei, tei vaitata ua rai toku vaerua, kua aka-apa takere ana au i taua tangata i rave i taua mea ra, mei te mea e tei reira
- 4 tikai au; Kia putuputu kotou ma taku vaerua katoa, ma te mana o to tatou
- 5 Atua ra o Iesu Mesia, Ka tuku atu kia Satani taua tangata ra, i te ingoa o to tatou Atua ra o Iesu Mesia, kia mate te tino, kia ora te vaerua i te rā o te Atua ra o Iesu.
- 6 Kare to kotou akatietie i te mea meitaki. Kare kotou i kite e, e opue te putunga katoa i te akaopue mea
- 7 ngiti ra? E teianei, ka tamā ana i te akaopue taito, kia riro kotou ei putu-

nga ou, kia kore te akaopue ia kotou na: ko te Mesia oki ta tatou pasa i taiaia na tatou. E teianei, e akono tatou i taua oroa ra, eiaa ma te akaopue taito, eiaa katoa ma te akaopue aka-moupuku e te kino, ma te kai akaopue koreia ra, ko te pikikaa kore e te tuatua-mou.

Te tata atu nei au i teianei episetole ia kotou na e, auraka kotou e kapiti atu ki te kanga: Auraka ra te au kanga ravarai, e te noinoini apinga, e te āru, e te akamori idolo, o teianei ao ra; naringa oki te reira, e akaruke mui kotou i teianei ao e tika'i. Te tata nei ra au ia kotou e, auraka kotou e kapiti atu i te tangata e karangaia e taakea kia riro ei tangata kanga, e te noinoini apinga, e te akamori idolo, e te akakino, e te konā kava, e te āru; auraka katoa e kai atu i te manga i reira. Eaa taku puapinga kia akaapa atu ki to vao ra? Kare ainei kotou e akaapa atu i to roto na? Kareka to vao ra, na te Atua ia e akaapa. E tenana e akataka ke atu kotou i taua tangata tuatua kino i roto ia kotou na.

PENE VI.

Auraka te ekalesia e rapurapu ua i te akara, e akatau ta ratou tuatua i roto ia ratou uorai: kare anake te kino e o ki te basileia o te Atua: e mea tapu katoa te au kopapa o te aronga akarongo.

TEI roto aina tetai ia kotou, e tapepe anga tana i tetai ke, kare e mataku kia akavaia ki mua i te aroaro o te aronga tuatua-tika kore ra, e auraka ki mua i te aroaro o te aronga tapu? Kare kotou i kite e, na te aronga tapu e akava i to teianei ao? e e akavaia to teianei ao e kotou, kare aina e tau ia kotou kia akava i te tuatua mea riki poepoe rava nei? Kare kotou i kite e na tatou e akava i te au angela? ka tanga'i oki i te au mea no teianei ora anga? E teianei, e tau-māro anga ta kotou i te au mea no teianei ora anga, te tuku atura kotou i te akava anga ki te aronga kare rava i akonoia i te ekalesia nei? Kia akama kotou i karanga atu ei au kia kotou na. Koia ia, kare rava e tangata kite i roto ia kotou e okotai iti ake, e tika iaia kia akataka i te tuatua a tona taake? Te akava na oki tetai taake ki tetai, e ki mua katoa oki i te aroaro o te aronga akarongo kore ra. E teianei, e ara tika'i te roto ia kotou na, i te mea te akava na kotou ia kotou uorai.

Eaa kotou i kore ei i akakoromaki i te kino? eaa kotou i kore ei i akakoromaki kia akangereia? Kua takinga-kino ra kotou, e kua akangere, i to kotou uorai au taake.

9 Kare ainei kotou i kite e, kare te aronga tuatua-tika kore e noo i basileia o te Atua? Auraka e vavare: kare te kanga, e te akamori idolo, e te akaturi, e te akavaine, e te aronga sodoma, E te keia, e te noinoini apinga, e te konā kava, e te akakino, e te āru, kare anake ia e noo i te basileia o te Atua. 11 Mei te reira oki tetai papaki o kotou na: kua oreia ra kotou, kua akatapuia ra kotou, kua akatikaia ra kotou, i te ingoa o te Atua ra o Iesu, e te Vaeua o to tatou Atua. 12 E tika iaku te au mea ravarai nei, kare ra te au mea katoa e tau; e tika iaku te au mea katoa nei, kare ra 13 au e vi i te au mea ravarai nei. No te kopu te kai, e no te kai oki te kopu; e akakore ra te Atua i te kopu e te kai katoa. Kare ra te kopapa no te kanga, no te Atua ra; e no te kopapa oki te 14 Atua. Kua akatu oki te Atua i te Atua, e e akatu katoa aia ia tatou i tona 15 uorai mana. Kare kotou i kite e e au melo no te Mesia to kotou au tino? e rave aina au i te au melo o te Mesia ra, ka akariro atu ei no te akaturi? 16 Auraka rava ia. Eaa? kare kotou i kite e ko tei tapiri atu ki te akaturi, okotai ra ia kopapa? kua karanga oki 17 aia e, "e riro raua ei tino okotai." Ko te tangata ra i tapiri atu ki te Atua ra, 18 okotai rai ia vaeua. E rere ke atu i te akaturi. Te au ara ravarai e raveia e te tangata nei, i tuka ke i te tino; ko te tangata ra i akaturi ra, kua takinga- 19 kino ia i tona uorai tino. Eaa? kare kotou i kite e, e nao to kotou tino no te Vaeua Tapu i roto ia kotou na, tei rauka ia kotou i te Atua ra, kare oki 20 kotou i to kotou uorai? Kua okoia kotou i te oko: e teianei, e akameitaki i te Atua i to kotou tino, e to kotou vaeua, no te Atua ia.

PENE VII.

No te akaipoipo; te akaipoipo kore; te takaua; te tane akarongo kore, e te vaine akarongo kore: no te peritome: te parutenia: te mea e tika'i kia akaipoipo e te kore.

TE au tuatua ta kotou i tata mai i iaku nei, e mea meitaki ia i te tangata nei eian e akaipoipo i te vaine. 2 Mari ra ei akakore i te kanga, ei vaine

mou ta te tane, e ei tane mou ta te vaine. E o atu te tane i te mea takinga-meitaki ki te vaine e tika'i: e pera katoa te vaine ki te tane. Kare oki tei te vaine te tuatua i tona uaoari kopapa, tei te tane ra; mei te reira to te tane, kare tei iaia te tuatua i tona uaoari kopapa, tei te vaine ra. Eiaa korua e akataka ia korua uaoari, mari ra ei ngai poto ake, kia tika ia korua; kia rauka ta korua neseteia anga e te pure: ka kapipiti akaou ei korua, kia kore a Satani e tapikipiki mai ia korua no tei kore e tika ia korua kia akakoromaki. E ako ra teia naku, taku e tuatua nei, kare te mea i akaneia mai. Te inangaro nei au e mei iaku nei te tu o te tangata ravarai. Ko ta te Atua ra i oronga mai ki te tangata katoa ra, ko tana ia: e tu ke to tetai, e tu ke oki to tetai.

Teia taku tuatua ki te aronga takaua, te tane e te vaine: E mea meitaki ia ratou kia noo ua mei iaku katoa nei. Kia kore ra e tika ia ratou ra, ka akai-poipo ratou: e mea meitaki te akai-poipo i te ka ua. E i te aronga i akai-poipoia ra, teia taku tuatua, kare ra taku, na te Atua ra, Eiaa te vaine e akataka ke i tana tane. (Kia akataka ke ra aia, e noo ua aia auraka e akai-poipo, e kia akaongia aia e tana tane:) e eiaa te tane e tuku ke atu i tana vaine.

Kareka tetai papaki, ko au teia e tuatua nei, kare te Atua: E vaine akarongo kore ta tetai tacake, e i tika i taua vaine ra kia noo rai kiaia, auraka aia e tuku ke atu iaia. E e tane akarongo kore ta tetai vaine ra, e i tika i taua tane ra kia noo rai kiaia, eiaa aia e tuku ke atu iaia. Kua tapu oki taua tane akarongo kore ra i te vaine, e kua tapu te vaine akarongo kore i te tane: naringa kare ra, kua noa ta kotou tamariki; i teianei ra, kua tapu ia. Kia aere ke ra tei kore i akarongo ra, aere ua atu ia: kare te tacake e te tuaine e ii i te reira. Kua akonoia ratou e te Atua, ei au ta tatou. Eaa oki koe e kite ei, e maine e, kare taau tane e ora ia koe? e eaa oki koe e kite ei, e tama e, kare taau vaine e ora ia koe? Ko ta te Atua ra i oronga ki te tangata ravarai, e to te tangata ravarai tu i te nomino anga e te Atua ra, e pera aia. Ko taku ia tuatua i te au ekalesia katoa ra.

I nominoia aina tetai tangata peritomeia ra? auraka aia e riro ei peritome kore. I nominoia aina tetai tangata peritome koreia? auraka aia e

19 peritomeia. Kare o te peritome, kare oki o te peritome kore, tei te akono ra i te au akauenga a te Atua. Kia noo rai te tangata ravarai ma te taoonga i 20 nominoia i aia ra. E tavini aina koe i nominoia ra? auraka e akono i te reira: kia rauka ra ia koe te tiama ra, ko te 22 reira ra ia. Ko te tavini oki i nominoia e te Atua ra, ko to te Atua ia tangata tiama: koia katoa te tangata tiama i nominoia ra, ko te tavini ia no te Me- 23 sia. Kua okoia kotou i te oko; auraka 24 kotou e riro ei tavini no te tangata. E te au taake, kia vai rai te tangata katoa ki mua i te aroaro o te Atua, ma tona tu i nominoia i aia ra.

25 E teianei, to te paretenia ra kare aku tuatua no ko i te Atua ra: e tuku ra au i toku manako, i te tangata i rauka te aroa i te Atua ra kia akono i te 26 tuatua-mou. Te manako nei au ko teia te mea meitaki i teianei tuatua tumatetenga; te tangata paretenia ra, 27 kua oti ua atura aia i reira. Kua topiriia koe ki te vaine? eina e kimi i te matara: kua matara koe i te vaine? 28 eiaa e kimi i te vaine. Kare ra koe e ara kia akai-poipo; e kia akai-poipo oki te paretenia ra, kare ana e ara. E pekapeka ra to te reira i te tino nei; e 29 akaperepere ra au ia kotou. Teia ra taku tuatua, e te au taake, te poto nei te taime. E tau i te aronga e vaine ta ratou ra, kia riro mei te mea e kare; 30 E te aronga i aue ra, mei te mea kare i aue; e te aronga i rekareka ra, mei te mea e kare i rekareka; e te aronga i oko ra, mei te mea e kare a ratou; 31 E te aronga i rave i to teianei ao ra, mei te mea e kare i rave; te ngaro ke 32 nei oki te tu o teianei ao. Te inangaro nei ra au e, eiaa to kotou ei pekapeka anga. Te tangata kare i akai-poipoia ra, te akono ra ia i ta te Atua, i te mea 33 e mareka'i te Atua: Kareka tei akai-poipoia ra, te akono ra ia i te au mea o teianei ao, i te mea e mareka'i tana 34 vaine. E tu ke katoa to te vaine noo tane e te paretenia. Te vaine akai-poipo koreia ra, te akono ra ia i ta te Atua, kia meitaki aia i te tino e te vaerua katoa: kareka te vaine i akai-poipoia ra, te akono ra ia i te au mea o teianei ao, i te mea e mareka'i tana 35 tane. Kia meitaki kotou i karanga atu ei au i teianei tuatua; kare ra mei te mea te titiri atu nei au i te nati ki runga ia kotou, no te mea ra e tuatua tau, e kia akono kotou i ta te Atua ma 36 te iroirongata kore. Te manako ra tetai tangata e te apa ra tana tuatua i tana tanaie paretenia, kia pakari aia,

e e *akaipoipo* e tika'i, ka rave'aia i tona anoano, kare aia e ara; ka *akaipoipo* ia. Te tangata ra i maroiroi tona ngakau, e 37 e tau iaia te kore, te tika ra iaia i te tūpu i tona inangaro, e kua manako marie ki roto i tona ngakau e, e tūpu aia i tana *tamaine* paretenia, e mea tika ia. E teianei, ko tei oronga kia akai- 38 poipoia, e tuatua meitaki tana; ko tei kore ra i oronga kia *akaipoipoia*, e tuatua meitaki roa tana.

Kua tapuia te vaine e te ture i te ora 39 anga o te tane ra; kia mate ra tana tane, kua matara aia kia *akaipoipo* ki tana i anoano ra, kia tau ra i te Atu. E meitaki maata ra tona i toku nei 40 manako kia noo ua aia: e te manako nei au e tei iaku rai te Vaerua o te Atua.

PENE VIII.

Auraka tatou e rave i te mea e maitu ei te taeake.

TE tuatua oki no te au mea akatu- 1 siaia na te idolo ra, kua kite tatou, tei ia tatou ravarai te kite. E akapara- 2 rau anga tei te kite, kareka te aroa, e tamaata ia i te meitaki. Te manako ra tetai tangata e, kua kite aia ra; 3 kare rava aia i kite, i te kite tau iaia ra. Te inangaro ra ra tetai tangata i 4 te Atua, koia tei kiteia mai e ia. E teianei, te tuatua i te kai i te au mea i akatusiaia na te idolo ra, kua kite tatou e, e mea puapinga kore te idolo i 5 te ao nei, okotai rava oki Atua kare atu. Vai ua rai oki te au mea e kara- 6 ngaia e e atua, tei te rangi ra, *tei reira ia*; tei te enua nei, *tei reira ia*; (e manganui oki te atua, e manganui oki te atu, mei te reira te tu.) Kareka ia tatou nei, okotai rava ia Atua, ko te Me- 7 tua, no reira mai te au mea katoa nei, e nona oki tatou; okotai oki Atua ko Iesu Mesia, nana te au mea katoa nei, 8 e nana katoa oki tatou. Kare ra teia kite i roto i te tangata ravarai: te kai nei tetai papaki i te au mea i akatusiaia na te idolo, ma te manako i te idolo e 9 e mea *tika rai* i teianei; e kua viivii kore ratou akava-ngakau no te matutu kore. Kare oki tatou e kiteia mai e te 10 Atua i te kai: kare oki e maata to tatou meitaki kia kai; kare katoa to tatou kino e maata kia kore e kai. E matakite rai teianei mea tika ua ia kotou, ko te riro aea ei turorianga no tei apikepika ra. Kia akara mai oki tetai tangata ia koe i tei kite na, i te kainga- 11 kai ki roto i te iero o te idolo, kare ainei e riro te akava-ngakau o tei api-

kepike i te kai matakau kore ua i te 11 tusia a te idolo ra? Kia mate aina taua taeake apikepika i mate ei te 12 Mesia ra, i toou kite? Kia ara ra kotou i te au taeake mei te reira, e mae iora to ratou akava-ngakau paru- 13 paru, kua ara ia kotou i te Mesia. E teianei, kia maitu taku taeake i te kai ra, kare rava au e kai i te puaka e tau- 14 tau ua atu, ko te maitu aea taku taeake iaku.

PENE IX.

E aposetolo tikai a Paulo: kia rauka to te au orometua meitaki i te evangelia e tika'i: no te Mesia i akaite ei a Paulo iaia orai ki te tangata katoa: te taeake mo mea meitaki.

1 KARE aia au i te aposetolo? kare aia au i kite i to tatou Atua ia Iesu Mesia? kare aia kotou te angaanga 2 naku i te Atu nei? Kare au i te aposetolo i etai ke ra, e *aposetolo* tikai au ia kotou: ko kotou oki te akairo i toku nei taoonga aposetolo i te Atu nei. 3 Teia taku tuatua ki te aronga e akaapa 4 mai iaku nei, Kare aia e tika ia ma- 5 tōu kia kai e kia inu oki? Kare aia e tika ia matou kia arataki aere i te 6 tuaine vaine mou ra, mei tetai papaki aposetolo katoa ra, e mei te au taeake 7 oki o te Atu ra, e mei ia Kepha? E ko au anake aia e ko Banaha tei kore e tika kia kore e rave i te angaanga? 8 Koai ia tangata e aere ki te tamaki, e tei iaia uaoari te kimi i tana? Koai ia tangata e tanu i te kainga vine, e kare aia i kai i to tana *kainga vine* ra? 9 koai oki ia tangata i angai i te anana, e kare i kai i te u o taua anana ra? 10 Ko ta te tangata aia teia taku e tuatua nei? kare aia te ture i pera katoa 11 mai? Kua tataia oki ki roto i te ture a Mose ra e, "Auraka koe e topiri i te vaa o te bovi e takatakai i te sitona ra." Ko te bovi *anake ru* aia na te Atua e 12 akono? E no tatou tika aia i pera mai ei aia? No tatou tika ia i tataia i taua tuatua ra: kia arote te tangata e arote ra ma te tapapa e tika'i; e te tangata e pāpā ra *kia pera* ma te tapapa e tika'i, e kia rave aia i tana i tapapa 13 ra. I ruru ana matou i ta te vaerua ia kotou na, e mea maata aia kia kokoti matou i ta kotou au mea no te kopapa 14 nei? Te rave na tetai papaki i taua mea tika ra ia kotou na, kare aia e tika maata rava ia matou? Kare ake- 15 nei ra matou i rave i taua mea tika nei: te akakoromaki ua nei matou i te

au mea katoa nei, kia kore te evangelia a te Mesia kia akateiaia e matou nei.

Kare kotou i kite e ko te aronga i 13 rave i te taonga tapu ra, ko tei kai ia i te manga o te iero ra? e ko te aronga i raverave i te atarau ra, ko tei kai i to te atarau? Koia katoa te aronga i 14 tutu i te evangelia nei, kua akonoia e te Atua kia ora ratou i te evangelia. Kare akenei ra au i rave i taua au mea 15 ra: kare oki au i tata i teianei au tuatua, kia perahi mai au: e mea meitaki manta iaku te mate, kia akariro tetai tangata i taku nei paapaa anga ei mea puapinga kore. Tuatua ua rai au 16 i te evangelia, kare oku e akatietie anga: kare oki au e tika kia kore: e ae oki toku kia kore au e tutu i te evangelia! Te rave nei au i taua mea nei 17 ma te ngakau tae, e tutaki ia taku: i tukuia maira iaku te taonga i te evangelia nei, kare i tae toku ngakau, kare aku tutaki. Eaa ra oki taku tutaki? *teiu ia*, kia tuatua au i te evangelia a te Mesia nei, auraka ei oko, auraka au e rave i taua mea tika iaku i te evangelia nei.

E tangata tiamā ua rai oki au i te tangata ravarai nei, kua akariro au iaku uorai ei tavini no te tangata katoa, kia maata taku kia rauka. I te ngati 20 Iuda ra, kua akangati Iuda katoa au, kia rauka iaku te ngati Iuda; i te aronga i raro ake i te ture ra, mei te mea e tei raro katoa ake au i te ture, kia rauka iaku taua aronga i raro ake i te ture ra; I te aronga ture kore ra, 21 mei te mea e kare aku ture, (kare ra mei te mea kare aku e ture i te Atua, tei raro ake ra au i te ture i te Mesia,) kia rauka iaku te aronga ture kore ra. I te aronga apikepika ra, kua riro katoa au ei apikepika, kia rauka iaku te aronga apikepika: kua akaarite au iaku uorai i te au mea katoa i te tangata ravarai nei, kia ora iaku tetai papaki i taua au ravenga katoa nei. No te evangelia i pera'i au, kia rauka 23 katoa iaku i ta te *evangelia* ra. Kare 24 ra kotou i kite e ko te aronga e oro i te tapuati anga ra, e oro katoatoa ia, okotai ua ra e rave i te korona? E akaarite i to kotou tapuati anga, kia rauka te *korona*. E te tangata ravarai 25 e manono kia riro iaia te re ra, e akono ia i tei tau i te au mea katoa nei. Kia rauka te korona pe ua i *pera'i* ratou; kareka tatou *kia rauka ia te korona* pe kore. E teianei te oro nei au, kare 26 ra mei te mea kare i kitea; te moto nei au, kare ra mei te mea e, e moto

27 ki te matangi: Te moto nei ra au i taku kopapa kia vi: ko te riro ua aea oki au, ko tei ako ia etai ke ra, ei tangata kite koreia mai.

PENE X.

Kua akariroia Iseraela ei akaraunga, e ei ako mai ia tatou: auraka e kapiti i ta te Atua ki ta te au demoni: no te kai i akatusiaia na te au idolo.

1 **K**ARE oki au i inangaro, e te au taeake e, kia kore kotou e kite e, i raro ake to tatou ui metua ravarai i te tumurangi, e kua aere katoatoa na 2 raro i te tai; E i baptizo anakeia ia Mose ki roto i te tumurangi, e roto 3 oki i te tai; E kua kai katoatoa i te 4 manga vaerua ra; E kua inu katoatoa i te vai vaerua ra: (kua inu oki ratou i te vai i aru ia ratou no rotoi taua mato vaerua ra; e taua mato ra, ko te Mesia 5 ia.) Kare ra te Atua i mareka i te rai o ratou: mate iora ratou i te medebara. 6 Kua riro oki taua au mea ra ei akaraunga na tatou, kia kore tatou e noinoi i te au mea kikino ra, mei ia ratou i 7 noinoi ra. Auraka katoa kotou ei arara idolo, mei tetai papaki o ratou ra; koia oki tei tataia ra e, "Kua noo te au tangata ki raro e kai e inu oki, e 8 kua tu akera ki runga e ura." Auraka katoa tatou e akaturi, mei tetai papaki o ratou i akaturi ra, e mate iora e rua ngauru e toru ara i te tausani i te rā 9 okotai ra. Auraka katoa tatou e timata atu i te Mesia, mei tetai papaki o ratou i timata ra, e mate iora i te 10 ovi. Auraka katoa kotou e urutoe, mei tetai papaki o ratou i urutoe ra, e 11 pou iora ratou i te akapou ra. Rokoia iora ratou e taua au mea katoa ra, ei akaraunga: e ei ako mai oki ia tatou, i te aronga i rokoia mai i te openga o 12 te au tuatau nei, i tataia'i. E teianei, ko te manako ra e te tu ra aia, kia ma- 13 takite aia ko te inga aea. Kare kotou i rokoia e te timataanga, mari ra mei ta te tangata nei rai: e tuatua-mou ra ta te Atua, e kare aia e vaio ia kotou kia timataia, mari ra ko te tika ia kotou *kia akakoromaki* ra; e akatupu katoa aia i te akapuanga i taua timataanga ra, kia tika ia kotou kia akakoromaki.

14 E teianei, e aku au akaperepere e, 15 e rere ke atu i te arara idolo. Te karanga atu nei au ki te tangata pakari: e akamaara ana kotou i taku nei tuatua. 16 Te kapu no te meitaki ta tatou e akameitaki nei, kare aina i te kapiti katoa

anga i te toto o te Mesia nei? Te areto ta tatou e atiahi nei, kare aia i te kapiti anga i te tino o te Mesia nei? No te mea okotai rai areto, ko tatou ravarai e manganui, okotai rai ia kopapa: te kai katoatoa nei oki tatou i taua areto okotai ra. I na oki Iseraela i te akono- 18 anga i te kopapa nei: kare aia te aro- nga i kai i te tusia, i te aroga i rave katoa i to te atarau ra? E teianei, te 19 karanga nei aia au e, e mea tika te idolo? e e mea mou te tusia a te idolo ra? *Kare, teia ra taku tuatua*, ta te 20 etene i akatusia ra, i akatusia ia na te au demoni, kare ta te Atua: kare oki au i inangaro e kia kapiti katoa kotou i te *akamori* demoni. Kare e tika ia 21 kotou kia inu i te kapu a te Atu, e te kapu a te au demoni: kare e tika ia kotou kia kai i te kaingakai a te Atu ra, e te kaingakai a te au demoni. Te 22 akakoko nei tatou i te Atu kia riri? e maata aia to tatou maroiroi i tona? E tika te au mea katoa iaku, kare ra 23 e tau katoatoa *kia rave*: e tika te au mea katoa iaku, kare ra te au mea katoa e tamaata i te meitaki. Auraka 24 rava e tangata e kimi i tona uorai *meitaki*, e *kimi* ra te tangata ravarai i to etai ke ra. Ko tei okoia i te oko- 25 anga ra, e kai ia, auraka e uiui i te akava-ngakau ra: "No Iehova oki te 26 enua, e tona ki katoa ra." E kia tua- 27 tua mai tetai o te aroga akarongo kore kia kotou, e inangaro kotou i te aere; e kai i tei tukua mai ki mua i to kotou aroaro ra, eiaa e uiui i te akava-ngakau ra. I tuatua maira tetai 28 tangata kia kotou e, E tusia apai teia na te idolo; eiaa e kai, i taua tangata oki i akakite maira, e i te akava- ngakau oki: "no Iehova oki te enua, e tona ki katoa ra." Kare toou akava- 29 ngakau taku e karanga nei, to tetai ke ra: eaa te mea i tika iaku nei kia akapaia'i e to etai ke ra akava- ngakau? No te aroa ua i kai ei au 30 ra, eaa oki au i akakinoia'i i te mea taku i akameitaki i te *Atua* nei? E 31 teianei, te kai ra e te inu ra oki, e te au mea ravarai ta kotou e rave na, e rave anake ia ma te akakakā i te Atua. Auraka kotou ei turoranga, i te ngati 32 Iuda, e te Eleni, e te ekalesia katoa a te Atua: Mei iaku katoa e akare- 33 kareka i te tangata ravarai i te au mea katoa nei, kare au i kimi i te mei- taki noku uorai, no te tangata katoa ra e manganui, kia ora ratou.

PENE XI.

Ei upoko vaoa uaia to te tane kia pure, kia tapokiia ra to te vaine: te kai- ngakui a te Atu, e te akono anga e tika'i.

- 1 **E** ARU mai kotou iaku mei iaku
- 2 katoa i aru i te Mesia nei. E teianei, te akameitaki nei au ia kotou, e te au tacake, kotou i maara mai iaku i te au mea katoa nei, e te tāpu na kotou i te porokiroki, taku i toku atu
- 3 ia kotou na. Teia ra toku inangaro, kia kite kotou e, ko te Mesia te upoko o te tangata ravarai nei; e to te vaine ra upoko, ko te tane ia; e to te Mesia
- 4 upoko, ko te Atua ia. E te tangata ravarai e pure, e e ako oki, ma te upoko tapokiia ra, kua taakaaka aia i tona
- 5 upoko. Ko te vaine katoa ra e pure, e e ako oki, ma te upoko tapoki koreia ra, kua taakaaka ia i tona upoko: okotai rai tu te reira e te *upoko* varuia ra.
- 6 Kia kore ra te vaine e tapokiia, kia pakoti uaia mari tona *upoko*: e e mea akama kia pakoti uaia te vaine, e kia
- 7 varuia, kia tapokiia aia e tika'i. Kare oki e tika i te tane kia tapoki i te upoko, ko te tu oki aia e te kakā o te Atua; kareka te vaine, ko te kakā ia o
- 8 te tane. Kare oki te tane no te vaine; 9 no te tane ra te vaine. Kare oki te tane i angaia no te vaine, ko te vaine
- 10 ra no te tane. E teianei, ei tapoki to te upoko o te vaine e tika'i, no te au
- 11 angela. Kare ra te tane i taka ke i te vaine, kare katoa te vaine i taka ke i te
- 12 tane, i te Atu nei. Mei te vaine oki no roto i te tane ra, na te vaine katoa te tane; na te Atua ra te au mea rava-
- 13 rai nei. E akamaara ana kotou uorai, e mea tau aia kia pure te vaine ki te
- 14 Atua ma te tapoki kore? Kare aia e kitea uaia ia kotou uorai e, e rauru rorua to te tane ra, e mea akama ia
- 15 iaia; Ko te vaine ra, kia rorua te rauru, e mea manea ia iaia? no te mea i orongaia mai tona rauru ei tapoki.
- 16 Kia inangaro ra tetai tangata i te taumaro, kare ia peu ia matou nei, kare katoa i te au ekalesia a te Atua ra.
- 17 Kare ra au e akameitaki ia kotou i teia i taku e karanga atu nei, ko kotou kia akaputupu tu, kare i *tupu*
- 18 te meitaki, ko te kino ra. Teia ra taku i kite akenei e, kia putupu tu kotou i te ekalesia na; e pae ke tei roto ia kotou na, e te akarongo iti nei au i
- 19 taua tuatua nei. Mari rai kia tupu te pae ke i roto ia kotou, kia kitea te aro- nga i kiteia mai i roto ia kotou na.

Kia akaputupu kotou i te ngai oko-20
tai, kare ia kia kai i te kaingakai a te
Atu ra. Kia kai oki kotou ra, te na 21
mua ra te tangata katoa i te rave i tana
uaorai kai: e te pongi ra tetai, e kua
kona tetai. Eaa! kare o kotou ngu-22
tuare tikai kia kai e kia inu oki? e te
akavaavaa na aina kotou i te ekalesia
a te Atua, e kia akama te aronga kare
a ratou ra? E peca atu au kia kotou?
e akameitaki atu aina au ia kotou i te
reira? Kare au e akameitaki.

I rauka oki iaku i te Atu taku i 23
tuku katoa atu kia kotou na e, kua
rave te Atu ra ko Iesu i te areto i te po
i pikikaia mai ei aia ra: E oti akera 24
iaia te akameitaki, vava'i iora, na ko
atura, Ka rave mai, ka kai, ko taku
tino teia, i atiatiia no kotou nei: e
pera kotou ei manako anga iaku. E 25
kua pera katoa oki i te kapu, kia oti
ake tana kai anga, na ko atura, Teia-
nei kapu, ko te koreromotu ou ia i
toku nei toto, e pera katoa kotou kia
inu ei manako anga iaku. Kua kai 26
anake kotou i teianei areto, e kua inu
i teianei kapu, kua akakite ia kotou i
te matenga o te Atu, e tae ua mai aia
ra. E teianei, ko te kai i teianei 27
areto, e ko te inu i te kapu a te Atu,
ma te tau kore ra, e ara ia i te tino e
te toto o te Atu. E kimi matatio ra te 28
tangata iaia uaorai, ka kai ei aia i taua
areto ra, ka inu ei oki i taua kapu ra.
Ko tei kai oki e ko tei inu oki ma te 29
tau kore, kua kai ia e kua inu i te
akaapa nona uaorai, koia kare i akara
i te tino o te Atu ra. No reira i 30
maata'i te mate i te maki e te apike-
piki i roto ia kotou, e i moe ei oki
tetai papaki e manganui. Naringa oki 31
tatou e akaapa ia tatou uaorai, kare
tatou e akaapaia mai. Kia akaapaia 32
maira tatou, kua akoia mai tatou e te
Atu, kia kore tatou e akava katoaia
ma to te ao katoa nei. E teianei, e 33
aku au tacake, kia akaputupu kotou
e kai, e tatari marie tetai ki tetai. E 34
kia pongi tetai tangata ra, e kaikai ia i
te ngutuare tikai; kia kore to kotou
akaputupu anga ra kia riro ei mate
no kotou. E ko te au mea toe ra,
naku ia e akatika kia tae atu au.

PENE XII.

*E tu ke ke te au mea i orongaia mai e
te Vaerua okotai: e tau te ekalesia
ki te au melo e manganui i te tino
okotai.*

E TEIANEI, kare au i inangaro, e 1
te au tacake, kia kore kotou e
176

2 kite i te au mea a te Vaerua ra. Kua
kite oki kotou e, e etene kotou, i taki
na aereia i te au idolo murare ra, taki
3 na aere uai'a kotou ra. E teianei, e
akakite atu au kia kotou, kare rava e
tangata na te Vaerua o te Atua tana
tuatua, e karanga ia Iesu e, kua anate-
maia; e kare rava e tangata e tika kia
karanga e, ko Iesu te Atu, mari ra i ta
te Vaerua Tapu ra.
4 E manganui te tu o te au mea i oro-
5 ngaia mai, okotai ra Vaerua. E ma-
nganui rai oki te taoonga, okotai ra
6 Atu. Manganui rai oki te angaanga,
okotai ra Atua e anga i te au mea
7 katoa ki roto i te tangata katoa. Kua
orongaia ta te Vaerua akakite anga i te
tangata ravarai, kia meitaki katoatoa.
8 I orongaia mai te tuatua pakari e te
Vaerua, ki tetai tangata; e i orongaia
mai e taua Vaerua rai te tuatua e
9 rauka'i te kite, i tetai; Ta tetai ra, ko
te akarongo ia, na taua Vaerua rai; ta
tetai ra, ko te kite ia i te akaora maki,
10 na taua Vaerua rai; Ta tetai ra, ko te
rave semeio ia; ta tetai ra, ko te totou
ia; ta tetai ra, ko te kite vaerua ia; ta
tetai ra, ko te tuatua ke ke ia; ta tetai
11 ra, ko te akakite tuatua ke ke ia: Na
taua Vaerua okotai rai i anga i taua au
mea katoa nei, i te tua marie anga i ta
te tangata ravarai i tana i anoano ra.
12 Mei te tino oki e okotai nei, e manganui
tona melo, e te au melo katoa no
taua tino okotai ra, maata ua rai ratou,
okotai rai tino: koia katoa te Mesia.
13 I baptizoa oki tatou e te Vae-
rua okotai ki roto i te tino okotai
ra, te ngati Iuda, e te Eleni, te tavini,
e te tiamā; e kua akainumia tatou i
14 ta te Vaerua okotai rai. Kare oki te
tino nei i te melo okotai, e manganui
15 ra. Kia karanga oki te vae vae e, Kare
au i to te tino, no te mea kare au te
rima; kare tika aina aia i to te tino i
16 reira? Kia tuatua oki te taringa e,
Kare au i to te tino, no te mea kare au
te mata; kare tika aina aia i to te tino
17 i reira? Naringa e mata anake te tino
katoa nei, eaa iora te akarongo anga?
Naringa oki e akarongo anga anake,
18 eaa iora te ongi anga? I teianei ra, kua
akamouia e te Atua te au melo katoatoa
o te tino nei, ki tana ngai i inangaro ra.
19 Naringa oki ratou katoa e melo okotai
20 ra, teica iora te tino i reira? I teianei
ra, manganui te melo, okotai ra tino.
21 Kare oki te mata e tika kia karanga ki
te rima e, Kare ua atu rai koe iaku
nei: e te upoko kia karanga ki te vae-
vae e, Kare ua atu rai korua iaku nei,
22 Eiaa atu oki ia, ko te au melo tu

apikepiko o te tino nei, kare ua e tika
kia kore. E te au *melo* o te tino ta 23
tatou e manako nei e e iti te meitaki
ra, te akapini nei tatou i te reira i te
meitaki maata; e to tatou au *ngai*
manea kore, te tu ke nei *te reira* i te
manea. To tatou au *ngai* manea ra 24
oki, kore ua atu ia; kua topiri marie
ra te Atua i te tino katoa, e kua tuku i
te meitaki maata ki *te ngai* i ngere ra,
Kia kore rava te tau kore i te tino nei; 25
kia arite katoa ra to te au *melo* akono
ia ratou uorai. Kia mamae tetai *melo* 26
ra, e mamae katoa te au *melo* ravarai;
e kia akateiteia tetai *melo* ra, e reka-
reka ia te au *melo* ravarai. E teianei, 27
ko te tino kotou no te Mesia, e e *melo*
anake *kotou e ope ua ake*. E kua 28
tuku te Atua i te au apostolo ki roto i
te ekalesia, ko mua ia; te rua ra, e
peroveta ia; te toru ra, e apii ia; e
muri akera, ko te rave semeio ia: ci-
reira te akaora maki; e te tauturu, e
te akakite, e te tuatua ke ke. E apo- 29
setolo anake aina? e peroveta anake
aina? e apii anake aina? e rave semeio
anake aina? Kua kite katoatoa aina 30
i te akaora maki? e tuatua katoatoa
aina i te tuatua ke? e akakite katoa-
toatoa aina i *te tuatua ke ke*? Te ina- 31
ngaro maata ua na kotou i te au taoo-
nga nunui ra; e akakite atura au ia
kotou i te mataara meitaki maata
rava ra.

PENE XIII.

*Ko te aroa te apinga e meitaki ei, e
maata te aroa i te akarongo e te ma-
nako.*

TUATUA ua rai au i te au tuatua 1
ravarai a te tangata nei, e ta te au
angela katoa ra, e kare oku aroa, kua
riro ia au mei te veo tangi ra, e mei te
sumebalo turituri ra. Tei iaku ua 2
rai te totou, e te kite i te au tuatua
ngaro katoa ra, e te au kite katoa; e
tei iaku te au akarongo *semeio* katoa, e
tika'i iaku kia apai ke i te maunga, e
kare oku aroa, kare ua aku e puapinga.
E kia oronga au i taku au apinga 3
ravarai ei angai i *te tangata rikiriki*, e
kia tuku ua au i taku kopapa kia ta'u
naia ki te ai, e kare oku aroa, kare
ua atu aku e puapinga. E akako- 4
romaki anga roa to te aroa, e te taki-
nga-meitaki; kare te aroa e varene,
kare te aroa e akamaata, kare oki e
akatietie, Kare e rave i te mea tau
kore, kare e kimi i te *meitaki* nona
uorai, kare e riri vave, kare e manako
kino ia *etai ke*; Kare e rekareka i te 6

tuatua-tika kore, e rekareka ra i te
7 tuatua-mou; E tapoki i te au mea ka-
toa, e akarongo i te au mea katoa, e
manakonako i te au mea katoa, e aka-
koromaki i te au mea katoa.
8 Kare ua te aroa e kore; kareka te
au totou ra, e kore ia; kareka te tuatua
ke ke ra, e kore ia; kareka te kite ra, e
9 akakoreia te reira. Te kite papaki tai
ua nei tatou, e te totou papaki tai nei.
10 Kia tae ra ki te mea tika tikai ra, ei
reira te mea papaki tai ua ra, e aka-
11 koreia'i. I taku tamariki anga ra,
mei ta te tamariki katoa taku tuatua,
mei to te tamariki toku kite, mei to
te tamariki toku manako; kia riro ra
au ei tangata pakari, tuku ke atura
12 au i te peu a te tamariki. Teianei
oki te kite makiri ua nei tatou, *mei*
te mea e i na roto i te io; kareka i
reira, e mata ia, e mata; i teianei
te kite papaki tai nei au; kareka i
reira, e kite pu tikai au, mei iaku
13 katoa oki i kite tikaia nei. E teianei,
te vai nei te akarongo, te manakonako,
e te aroa, e toru ra; ko tei maata ra
i taua *toru* nei, ko te aroa ia.

PENE XIV.

*No te tuatua ke ke e te totou, e te
akono anga e tika'i kia akaputupu:
auraka te vaine e tuatua i roto i te
ekalesia.*

E ARUARU i te aroa, e noinoi atu
i ta te vaerua ra, ko *te ako* ra ia,
2 kia ako kotou. Ko tei tuatua oki i
te tuatua ke ra, kare aia i tuatua ki
te tangata, ki te Atua ra: kare oki
e tangata i kite i *tana tuatua*; kua
tuatua ra aia i te tuatua ngaro i te
3 vaerua. Kareka tei ako, kua tuatua
ia ki te tangata, kia tupu te meitaki, e
ei akamatutuanga, e ei rekarekaanga.
4 Ko tei tuatua i te tuatua ke ra, kua
akamaata ia i tona uorai meitaki;
kareka tei ako ra, kua akamaata ia i te
5 meitaki o te ekalesia. Te inangaro
nei au kia tuatua katoa kotou i te tua-
tua ke ke, e maata atura kia ako
kotou: e maata oki tei ako i tei tua-
tua i te tuatua ke ke, kia kore tetai
e akakite, kia tupu te meitaki i te
6 ekalesia. Kia aere atu au ia kotou, e te
au tacake, ma te tuatua ke ke i te tua-
tua anga atu, eaa ta kotou puapinga e
rauika iaku i *reira*, kia kore au e tua-
tua atu i te tuatua i akakite uaiia mai
e *te tuatua* no te kite ra, e te totou
7 e te tuatua apiiia ra? Koia katoa
i au mea ora kore e tangi nei, mei t-
koe e te kitara ra, kia kore ra e tak:

te tangi ra, eaa iora e kitea'i te tangi
koe e te kitara? Kia kore oki e taka
te tangi o te pu ra, naai e akateatea-
mamao iaia uaoari e *aere* ki te tamaki?
Koia katoa kotou, kia kore to kotou
vaa e tuatua i te tuatua kitea uaia ra,
eaa iora e kitea'i te tuatua i karangaia
ra? e riro kotou i te tuatua ua ki
roto i te reva ua. Manganui ua atu
rai te tu o te reo i te ao nei, kare ua
ra tetai reo taka kore. Kia kore ra
au e kite i taua reo ra, e riro au ei tan-
gata ke i taua tangata i tuatua maira,
e e riro oki taua tangata i tuatua maira
ei tangata ke iaku. Koia katoa oki
kotou, te noinoi ua na kotou i ta te
vaerua ra, e aruaru marie na kia ki
rava kotou i *te reira*, kia tupu te meitaki
i te ekalesia ra. E teianei, ko tei tuatua
i te tuatua ke ra, e pure aia kia tika
katoa iaia kia akakite. Kia pure oki
au ma te tuatua ke ra, ko taku vaerua
tei pure, kare ra e puapinga i tupu
i toku kite. E teianei e akapeea? E
pure au ma te vaerua; e pure oki au
ma te kiteia mai; e imene au ma te
vaerua, e e imene oki au ma te kiteia
mai. Kare ra, kia akameitaki koe
i te *Atua* ma te vaerua, eaa te tangata
e noo ua mai ki te ngai o te kite kore
e tika'i kia karanga e, Amene, i taua
akameitaki anga, kare oki aia i kite
i taua tuatua? Te meitaki ua ra oki
taua akameitaki anga, kare ra i tupu
te meitaki ki tetai. Te akameitaki
nei au i taku *Atua*, e maata taku nei
tuatua ke ke i ta kotou ravarai: I
roto ra i te ekalesia ra, kia rima ua rai
aku tuatua kia tuatua ma te kiteia
mai, e kia piki tetai aronga iaku, e
mea meitaki ia iaku, i te tuatua *ki-
tea kore* e kia ngauru ua atu i te
tausani.

E te au taeake, auraka kotou ei ta-
mariki i te kite: kareka i te kino ra, ei
tamariki ia kotou, i te kite ra, ei tan-
gata pakari ia kotou. Kua taitaia
ki roto i te ture: te tuatua mairā Ie-
hova, "Ei vaa ke ke e te reo ke ke ka
tuatua'i au ki teianei iti-tangata, e
kare rai ratou e akarongo mai iaku."
E teianei, e akiro te tuatua ke ke
nei, kare ra no te aronga i akarongo
ra, no te aronga akarongo kore ra:
kareka te ako ra, kare ia *te akiro* no
te aronga akarongo kore, no te aronga
akarongo ra. Kia putuputu oki te
ekalesia katoa i te ngai okotai ra, e te
tuatua katoatoa ra i te tuatua ke ke, kia
tomo maira te aronga kite kore. e te
akarongo kore, kare aina ratou e ka-
ranga e, kua nenevāia kotou? Kareka

kia ako katoatoa, ka tomo mai ei tetai
tangata akarongo kore, e te kite kore,
kua akakite katoatoaia aia, kua *akava*
25 katoatoaia aia e ratou: Kitea iora te
tuatua ngaro i roto i tona ngakau, ti-
papa iora aia ki raro, auaara atura i te
Atua, ma te tuatua e, tei rotopu tikai
te *Atua* ia kotou.
26 Akapeea akera, e te au taeake? kia
putuputu kotou ra, e salamo ta tetai, e
tuatua apii ta tetai, e tuatua ke ta tetai,
e tuatua euaia mai ta tetai, e akaarite
anga ta tetai. E rave i te au mea katoa
27 kia tupu te meitaki. Kia tuatua mai tetai
tangata i te tuatua ke, kia toko rua,
e kia toko toru ua, *kia tuatua*, e ta-
taki tai marie *ratou*; e na tetai e aka-
28 kite. E kare e akakite ra, kia muteki
ua aia i roto i te ekalesia; e tuatua ua
ra aia kiaia uaoari e ki te *Atua* oki.
29 Kia toko rua peroveta, e kia toko toru
oki, kia tuatua, e na te tangata ravarei
30 e kimi matatio. E *e tuatua* tei aka-
kiteia mai ki tetai e noo i vaitatao ra,
kia muteki tei muatangana *ra ka tua-*
31 *tua'i*. E tika katoa ia kotou kia ta-
taki tai i te totou; kia piki ravarai,
32 e kia rekareka katoatoa. Te vaerua
oki o te au peroveta ra, tei te au peroveta
33 veta uaoari ia; (Kare oki te *Atua* i *te*
tumu o te kononinoni pu ua, no te
au ra,) mei tei te au ekalesia katoa ra
o te aronga tapu.
34 Kia muteki ua ta kotou au vaine
i te au ekalesia: kare oki ratou e tika
kia tuatua; kia kauraro marie ra, mei
35 ta te ture katoa i tuatua maira. E kia
inangaro ratou i te apii ra, e ui ratou i
ta ratou au tane i te ngutua ra: e
mea tau kore oki i te vaine kia tuatua
36 i roto i te ekalesia ra. Eaa? no ko
na mai ia kotou na te tuatua a te
Atua? e ko kotou anake aina tei taea
atu e taua tuatua ra?
37 Te manako ra tetai tangata e e peroveta
aia, e tei iaia te vaerua ra; e kara-
nga aia i te au tuatua taku e tata atu ia
38 kotou na e, e tuatua ia na te *Atu*. E te
vni kite kore ua ra tetai tangata, kia
39 vai kite kore atu rai aia. E teianei,
e te au taeake, kia maata to kotou
inangaro i te ako, auraka ra e akakore
40 kia tuatua i te tuatua ke ke. E
rave ra te au mea ravarai ma te tika e
ta manca.

PENE XV.

*Ko te tuakaouanga o te Mesia te tumu
o to tatou akarongo: ko te mate te
enemi openga: te baptizoanga ei
tuā no tei mate: te tuakaouanga o
te kopapa: te tu o te tino rangi:*

kare e ope i te moe, ka ope ra i te akatu keia.

LAKAKITE atura au ia kotou, e 1
te au tacake, i te evangelia taku
i ako atu kia kotou na, ta kotou i ariki
maira, e i mou ei oki kotou na; E e ora'i 2
oki kotou, kia tūpu marie rai kotou
i taku i ako atu kia kotou na, kia kore
ra, e riro to kotou akarongo ei puap- 3
pinga kore. Kua tuku atu oki au ia
kotou i muatangana, i tei rauka mai
na iaku ra e, i mate te Mesia i ta tatou
nei ara, mei tei te tuatua i tataia ra: 4
E i tanumia oki aia, e tu akaou maira i
te po toru, mei tei te tuatua i tataia
ra: E i kitea aia ia Kepha, e i te ngau- 5
ru ma tai i muri ake: E muri akera
oki, i kitea aia e te au tacake e rima
katoa anere e e ara, okotai rai *kite* 6
anga; te ora ua nei rai te maata o
taua aronga ra, kua moe ra tetai pa-
paki. E muri akera oki, kitea iora 7
aia e Iakobo; e i te au aposetolo ra-
varai i muri ake. E te openga iora, 8
kitea katoa iora iaku, mei te mea e e
maemo au. E iti oki au i te au apos-
etolo ravarai, kare oki au e tau kia
karangaia e, e aposetolo, no te mea
kua takinga-kino au i te ekalesia a te
Atua. Tokū nei ra tu e vai nei, no te 10
aroa ua ia o te Atua; e taua aroa
ua nona ra iaku nei, kare ia i riro
ei mea puapinga kore, e angaanga
maata ra taku i rave i ta ratou ra-
varai: kare ra au, ko te aroa ua ra o
te Atua iaku nei ra. E teianci ko au 11
ra, *ko au ia*, ko ratou ra, *ko ratou ia*,
ko ta matou ra ia i ako, e ko ta kotou
ra ia i akarongo.

Te tuatua aercia nei te Mesia e, kua 12
tu akaou aia mei te mate maira, eaa i
tuatua'i tetai aronga o kotou e, Kare
e tuakauanga to tei mate ra? Kare 13
e tuakauanga to tei mate ra, e kua
katoa te Mesia i tu ki runga: E kare 14
te Mesia i tu ki runga ra, e puapinga
kore ta matou e ako nei, e e puapinga
kore katoa to kotou akarongo. Kua 15
riro oki matou ei kite pikikaa na te
Atua; no te mea kua karanga matou
i te Atua e, kua akatu aia i te Mesia:
kare tikai e akatuia tei mate ra, kare
ia aia i akatu iaia. Kare oki e aka- 16
tuia tei mate ra, kare ia te Mesia i
akatuia: E kare oki te Mesia i aka- 17
tuia ra, e mea puapinga kore to kotou
akarongo; te vai ua na kotou ma ta
kotou ara katoa: E te aronga katoa i 18
topa to ratou moc ki roto i te Mesia
ra, kua kore ia i reira. Tei teianci ao 19
anake ra ta tatou e tiaki i te Mesia

nei, e kino maata to tatou i to te ta-
ngata ravarai nei.

20 Kua tu akaou tikai ra te Mesia mei
te mate maira, kua riro ia ei momua
21 no te aronga i topa te moe ra. Mei te
mate oki i *rauika* i te tangata ra, no te
tangata katoa i *rauika* i te tuakauanga
22 i te aronga i mate ra. Mei te tangata
i ope i te mate ia Adamu, e ope katoa i
23 te akaorania e te Mesia. E *akonoia* ra
te tangata ravarai i tona uorai pupu;
ko te Mesia te momua; e i muri ake,
ko to te Mesia ia, kia mama mai aia
24 ra. Ko te openga iora ia, ka tuku
atu ei aia i te basileia ki te Atua, ki te
Metua ra; kia ope rava te aronga au,
e te mana, e te maroiri, i te akakoreia
25 e ia. Ei iaia oki te au, e kia ope rava
te au enemi katoa i te tukuia e ia ki
26 raro ake i ona vaevae. E taua enemi
openga ra, ko te mate, e akakoreia ia.
27 Kua tuku oki aia "i te au mea katoa
ki raro ake i ona vaevae." Ko tana ra
i tuatua maira e, Kua tukuia te au
mea katoa ki raro ake *iaia* ra, kua
kitea uaia e, te toe ra aia uorai, ko
tei tuku i te au mea katoa ki raro ake
28 iaia ra. E kia tuku tikaia te au mea
ravarai ki raro ake iaia ra, ei reira e
kitea puia i e, i raro katoa ake te Ta-
maiti uorai iaia, i tei tuku i te au
mea katoa i raro ake iaia ra; kia riro
ko te Atua i *rungao* i te au mea katoa i
te au ngai ravarai.

29 Kare ra, eaa iora tetai aronga i ba-
petizoi'a'i ei tuā i te aronga i mate ra,
kia kore takiri te aronga i mate ra e
tu akaou? eaa iora ratou i baptizoi'a'i
30 ei tuā i tei mate ra? Eaa oki matou
i noo ua'i ki roto i te mate i te au ora
31 katoa nei? E taputou au i toku nei
rekareka ia kotou, i rauka iaku i to
tatou Atua ia Iesu Mesia ra, te mate
32 nei au i te au rā katoa nei. I kukumi
na au i te au terio i Ephesia ra, i te
peu a te tangata nei, eaa taku puapinga
i rauka, kia kore e tu akaou tei mate
ra? "e kai tatou, e e inu oki; apo-
33 po oki tatou e mate ei." Auraka e
vavare; e kino te tuatua meitaki i te
34 kapiti anga kokino ra. Kia ara e tika'i,
auraka e rave i te ara; kare oki tetai
papaki i kite i te Atua: kia akama
kotou i pera atu ei au.

35 Ka riro tetai papaki i te tuatua
mai e, E akapeea kia akatu i tei
mate ra? e eaa te tu o to ratou tino
36 kia tu mai? E tera ra tangata manako
kore e! tauu e ruru ra, kare ia e ora,
27 kia kore e mate. E tauu oki e ruru
ra, kare koe e ruru i te rakau e tupu i
muri ake, ko te ua anake ia: mei te

sitona Xv., e tetai *ua* ke atu oki: Na te 38
Atua ra i o mai i tona tu, tana i ina-
ngaro ra, e taua aronga *ua* katoa ra, *te*
ua *ia* ko tona uaoari tu tikai. Kare 39
oki okotai rai *tu* tino te au tino ravarai
nei; e tino ke to te tangata, e tino ke
to te puaka, e tino ke to te ika, e tino
ke to te manu. E au tino rangi tetai, 40
e e au tino enua tetai: e kakā ke ra
to te au tino rangi, e kakā ke oki to te
au tino enua nei. E kakā ke to te 41
rā, e kakā ke to te marama, e kakā ke
to te au etu: e tu ke oki to tetai etu i
to tetai i te kakā. Koia katoa te tua- 42
kaouanga o tei mate ra: i ruruia ei
mea pe ua, i akatuia ei mea pe kore:
I ruruia ma te akaaka, i akatuia ma 43
te kakā: i ruruia ma te paruparu, i
akatuia ma te maroiroi: I ruruia ei 44
tino tangata, i akatuia ei tino vaerua.
Te vai ra te tino tangata, e te vai ra te
tino vaerua. Kua oti oki i te tataia 45
e, I angaia te tangata mua ko Adamu
ei tangata ora; kareka te Adamu ope-
nga, e Vaerua ora *ia*. Kare ra i na 46
mua te tino vaerua ra, ko te tino ta-
ngata ra; e muri akera ko te tino vae-
rua *ia*. E one te tangata momua, no te 47
enua: kareka te rua o te tangata, ko te
Atu *ia* no te rangi mai. Ko to te 48
one nei, mei to te one katoa ra ratou;
ko to te rangi ra, mei to te rangi katoa
ratou. E mei te tu o to te one i vai 49
ki runga *ia* tatou nei, e riro katoa ki
runga *ia* tatou te tu o to te rangi.

Teia ra taku tuatua, e te au taeake, 50
kare te tino toto nei e te kiko e noo ki
te basileia o te Atua; kare oki te mea
pe ua ra e noo ki te ngai pe kore. I 51
na, e akakite atu au *ia* katoa i te
tuatua ngaro; Kare tatou e ope i te
moe, e ope ra tatou i te akatu keia,
Kare e mamia, mei te kamo anga 52
mata nei, kia tae ki te pu openga
ra: e tangi tikai oki te pu, e e aka-
tuia tei mate ma te pe kore, e e aka-
tu keia tatou. E teianei tino pe 53
ua, kia riro ei tino pe kore e tika'i, e
teianei tino mate ua, kia riro ei tino
mate kore e tika'i. E kua riro anake 54
teianei tino pe ua ei tino pe kore, e
teianei tino mate ua ei tino mate kore,
kua tupu *ia* te tuatua tatua ra i reira,
"Kua apukua te mate i te re i riro ra."
"E te mate e, teiea toou tara? E ade 55
e, teiea toou re?" To te mate nei tara, 56
ko te ara *ia*; e to te ara nei ririnui,
ko te ture *ia*. E teianei kia akamei- 57
takiia te Atua, ko tei oronga mai te re
no tatou, no to tatou Atu ra, no Iesu
Mesia. E teianei, e aku au taeake 58
akaperepere e, kia maroiroi kotou,

auraka e ngauene, kia maata nei te
rave anga i te angaanga a te Atu, au-
raka e tivata, kua kite oki kotou e,
kare te mea puapinga kore te anga-
anga a te Atu, ta kotou e rave na.

PENE XVI.

*No te apinga uipa: te tuatua ia Ti-
moteo, Apolo, e te ngutuare o Se-
tephana: te tuatua aroa.*

- 1 **E** TEIANEI, i te tuatua i te
apinga uipa na te aronga tapu
ra, ko taku rai oki i poroaki i te
au ekalesia i Galatia ra, e pera
- 2 katoa kotou. Kia tae ki te *rā* mua
o te ebedoma ra, e vaio ake kotou
ravarai i tetai papaki *moni* ki roto i
te vairanga ra, kia tau i ta te Atua
akamanuia anga mai *iaia* ra; e kia tae
atu au ra, eiaa ei akaputu anga *apinga*
- 3 i reira. E kia tae atu au ra, ko tei
tau *ia* kotou, ko taku *ia* e tono ma te
leta ei apai i ta kotou apinga oronga
- 4 ua ki Ierusalena. E ko au katoa te
aere e tika'i, e aere katoa *ia* au ma
- 5 ratou katoa. E aere atu oki au *ia*
kotou na, kia kako ana iaku Make-
donia: (te aere nei oki au na Make-
6 donia.) E e riro paa au i te noo ki o
kotou, e kia topa atu te paroro ra, e kia
tae au *ia* kotou ki taku ngai e ka aere
- 7 ra. Kare oki au e kite tapae ua *ia*
kotou i teianei, te inangaro nei oki au
kia roa ake toku noo anga ki o kotou
- 8 na, kia tika i te Atu ra. E noo ra
au i Ephesia e kia tae ki te Penete-
9 kose ra. E ngutupa maata e te mei-
taki tei kiritia iaku nei: manganui ra
te enemi.
- 10 Kia tae atu a Timoteo, e akono ma-
rie kotou kia noo aia ki rotupu *ia* ko-
tou ma te matakau kore; te rave ra
oki aia i te angaanga a te Atu, mei
- 11 iaku katoa nei. Eiaa rava tetai ta-
ngata e kite kino atu *iaia*: e arataki
maira *iaia* i tona aerenga ma te au, kia
tae mai aia kiaku nei: te tatari nei
oki au *iaia* e te au taeake katoa ra.
- 12 Kareka taku taeake nei ko Apolo,
kua tuatua marie atu au *iaia*, kia aere
atu aia e te au taeake katoa *ia* kotou
na: kare ra aia i inangaro i te aere atu
i teianei, e tae atura aia *ia* kae ki te
rā e tau ei ra.
- 13 Kia matakite; kia mou piri tikai
te akarongo; e akatangata pakari ko-
- 14 tou; e akamaroiroi. Kia raveia te au
mea ravarai i roto *ia* kotou na, ma te
aroa.
- 15 Te ako atu nei au *ia* kotou, e aku au
taeake: (kua kite atu kotou i te kopu-

tangata o Setephana ra, ko te ua mo-
mua ia ratou i Akaia na, e kua aka-
mātau i te matuapuru i te aronga tapu :)
Kia kauraro marie kotou i te reira, 16
e te aronga katoa i tau mai, te rave
katoa i te angaanga ra. Te reka nei 17
au ia Setephana i tae mai, e ia For-
tunato, e ia Akaiko: no te mea kua
tika tei toe ia kotou na ia ratou. E 18
kua akapumaana mai ratou i toku nga-
kau e to kotou katoa oki: e teianei, e
kite meitaki atu kotou i te tangata mei
te reira te tu.

Te aroa atu nei te au ekalesia i 19

Asia nei ia kotou. Te rai nei to Aku-
ila raua ko Perisila aroa ia kotou i te
Atu nei, e to te ekalesia i roto i to
20 raua are. Te aroa atu nei te au taeake
katoa ia kotou. E aroa *katoa* kotou
ia kotou uorai ma te ongi tapu ra.
21 Ko toku oki teia aroa to Paulo, na
22 toku uorai rima i *tata*. Te tangata
kare i inangaro i te Atu ra ia Iesu
Mesia, kia riro aia ei Anatema Ma-
23 raua-ata. *Kia rai* te aroa ua o te
Atu ra o Iesu Mesia ia kotou na.
24 *Kia vai rai* toku aroa ia kotou katoa i
roto i te Mesia ra ia Iesu. Amene.

TE EPISETOLE RUA A TE APOSETOLO RA A PAULO I TO KORINETIA RA.

PENE I.

*Kua akariroia to Paulo au mate ei
meitaki no te ekalesia: kua akakoro
aia e aere akau ki Korinetia.*

PAULO, e aposetolo na Iesu Mesia 1
i te anoano o te Atua ra, e *taku*
taenke nei ko Timoteo, i te ekalesia o
te Atua i Korinetia na, e te aronga
tapu katoa i Akaia e pini ua akera:
Ei ia kotou te aroa ua, e te au, no ko 2
mai i te Atua i to tatou Metua ra, e no
te Atu oki no Iesu Mesia.

Kia akameitakiia te Atua, te Metua 3
o to tatou Atu ra o Iesu Mesia, te
tumu o te aroa, e ko te Atua nona
anake te pumaana; Ko tei akapu- 4
maana mai ia matou i to matou au
mate katoa nei, kia tika ia matou kia
akapumaana i te aronga i rokoia e te
mate ra, i te pumaana a te Atuai pu- 5
maana'i matou uorai nei. Mei to
matou mate i te Mesia e manta nei, te
maata katoa nei to matou pumaana i
te Mesia. E kia mate matou nei, ei 6
pumaana ia e ei ora no kotou, ko tei
tupu i te akakoromaki marie anga i
taua au mate, i mate katoa'i matou
nei; e kia akapumaanaia mai matou,
ei pumaana ia e ei ora no kotou. E 7
te tinamou nei to matou manako ia kotou,
kua kite matou e rave katoa *kotou* i te
pumaana, ko kotou i rave katoa i te
mate nei.

8 Kare oki matou i inangaro, e te au
taeake, e kia kore kotou e kite i to ma-
tou mate ka rokoia mai ei matou i Asia
ra, e i romia uaia matou, kare atura
e maroiroi, e kare rava matou i ma-
9 nako e e ora: E manako mate to
matou i roto ia matou uorai, kia kore
matou e irinaki kia matou uorai, ki te
10 Atua ra, i tei akatu i tei mate ra: Ko
tei akaora ia matou i taua mate maata
ra, e te akaora ua nei rai oki; ko ta
matou oki e irinaki nei e naua rai e
11 akaora *ia matou*. Ko kotou oki i te
angaanga katoa anga i te pure ia ma-
tou, kia akameitaki te tangata ravarai
e manganui i *te Atua* ia matou, i te
meitaki i rauka ia matou i te tangata
12 katoa e manganui ra. Teia oki to
matou rekareka anga, te kite o to ma-
tou uorai akava-ngakau e, mei te
tavaitala o te ngakau e te pikikaa kore i
te Atua, (kare to te pakari o te tino, no
te aroa ua ra o te Atua,) ta matou
akono anga i teianei no, e e manta atu
13 rai ia kotou. Kare a matou e tuatua
ke ke kia tata atu kia kotou na, ko ta
kotou rai oki e tatau ana, e ta kotou i
akatika na; e te manako nei au e
akatika ia kotou e tae ua atu i te ope-
14 nga ra: Kua akatika etai pae o kotou
ia matou nei e, ko matou oki to kotou
rekarekaanga, mei ia kotou katoa oki e
riro ei rekarekaanga no matou, kia tae
ki te rā o te Atu ra ko Iesu.

E no taua kite nei i anoano ei au i te 15
aere atu kia kotou na i muatangana,
kia papa rua atu to kotou meitaki; E 16
kia na ko na atu au kia kotou i te aere
ki Makedonia, e mei Makedonia, kia
oki mairai kia kotou na, e kia arata-
kia e kotou i taku tere ki Judea ra.
E taua akakoroanga oki naku ra, e 17
tuatua māmiā aina taku? e te au mea
taku i akakoro nei, i akakoro aina au
i tei tau i te tino ra, ka riro ei taku ei
koia, koia, e lare, kare? E tuatua- 18
mou ra ta te Atua ra, e kare ia ta ma-
toutu tuatua i karanga atu kia kotou na
i te koia e te kare. Kare oki te Ta- 19
maiti a te Atua ra, ko Iesu Mesia, i
tuatua aereia e matou, ko au e Siluano
e Timoteo, ki o kotou na, i te koia e te
kare, tei inia ra te koia. Te au mea 20
katoa a te Atua i tuatua mai, e koia
anake ia i roto inia, e Amene oki i roto
inia, kia kakū te Atua ia matou nei.
Ko te Atua oki tei akatinamou ia ma- 21
toutu e ia kotou katoa i roto i te Mesia
ra, e ko tei akamainu oki ia tatou nei:
Koia oki tei akairo mai ia tatou, e kua 22
oronga mai i te ou ra i te Vaerua i
roto i to tatou ngakau.

E teianei, e karanga atu au ki te 23
Atua ei kite i taku vaerua nei e, i
akaperepere au ia kotou i kore ei au
i tae vave atu ki Korinetia na. Kare 24
ra mei te mea e ko matou te atu o to
kotou akarongo, ei tauturu ra matou i
to kotou rekareka: e mou akarongo
oki to kotou.

PENE II.

*Te mea i kore ei a Paulo i tae vave
atu ki Korinetia: to ratou akono
anya i te tangata i rave i te ara:
to Paulo tere anga e te manuia
anga.*

I MANAKO ana ra au iaku uorai e, 1
auraka au e aere akaau atu kia kotou
ma te aue. Kia akaaue atu oki au ia 2
kotou na, naai oki e akamareka mai
iaku, kia kore tei akaaueia atu e au ra?
No reira au i tata atu ei i te tuatua ia 3
kotou, e kia tae atu au ra, kia kore au
e aue i te aronga e tau ia ratou kia
akarekareka mai iaku ra; kua kite oki
au ia kotou na e, ko taku e rekareka 4
ra, ko ta kotou katoa ia e rekareka.
I tata ana oki au i te tuatua kia kotou
ma te mate maata ra, e te mamee nga-
kau, ma te roi-mata maata oki; kure
ra ei akaaue anga atu ia kotou, kia
kite ra kotou i te maata o toku nei
aroa ia kotou na.

E kua akatupu tetai tangata i te aue 5

ra, kare ko au anake tana i akaaue ra,
ko tetai pae katoa o kotou na; eiaa
oki au e tapepe katoa ia kotou.
6 Kua oti ua na taua mate i tukua atu
e te tangata e manganui i taua tangata
7 ra. E teianei e akakore atu kotou i
taua ara, e e akapumamau atu e tika'i,
ko te apuku uaiā aea taua tangata ra i
8 te aue maata. E teianei, teia taku tua-
tua kia kotou, e akakite pu tikai kotou
9 i to kotou aroa iaia. I tata atu ei oki
au i te tuatua kia kotou, kia kite au i
to kotou akarongo i te au tuatua katoa
10 nei. Ko ta kotou e akakore i te ara
ra, e akakore katoa oki au; e i aka-
kore ana au i te ara ra, e ko taku i
akakore ra, no kotou na i akakore ei au
11 i mua i te aroaro o te Mesia nei: Ko
te rauka mai aea ta Satani ngai ia
tatou: kare oki tatou i te kite kore i
tana au ravena.

12 Iaku oki i aere i Teroa e apū i te
evangelia o te Mesia ra, ka kiriti ei te
13 Atu i te pa iaku ra, Kare rava toku
manava i papa, no te mea kare taku
taeke ko Tito i kitea atu e au: poro-
aki ora au ia ratou, riro atura au ki
Makedonia.

14 Kia akameitakiia ra te Atua, ko tei
akaupokotu mai ia matou i te Mesia
kare e tivata, ko tei akakite aere oki i
te aunga i te kite inia ia matou nei,
15 e kare e ngai toe. Kua riro oki matou
i te Atua ei aunga kakara no te Mesia,
i te aronga akaorai e te aronga e mate:
16 I tetai pae ra, e aunga mate matou
e tae ua atu ki te mate; kareka i tetai
pae, e aunga ora ia matou e tae ua atu ki
te ora; e koui oki tei tau i teianei
17 tuatua? Kare oki matou mei tetai
pae e iro i te tuatua a te Atua: te
tuatua nei ra matou i te tuatua a te
Mesia, no ko mai i te Atua ra, ma te
pikikaa kore, e ki mua oki i te aroaro
o te Atua.

PENE III.

*Te akameitaki angā Paulo iaia uao-
rai ki to Korinetia: te kopapa tua-
tua e te vaerua: te arai-mata o
Mose i kore i te Mesia nei.*

E OKI ainei e akameitaki akaou
matou ia matou uorai? e ei epise-
tole akameitaki aina ta matou ia matou
uorai ia kotou na, mei ta tetai papaki
ra, e tau ei, e te episetole akameitaki
ia matou no ko na mai ia kotou na?
2 Ko kotou oki ta matou episetole, i
tutua i roto i to matou ngakau, kua
kitea e kua tataua e te tangata katoa.
3 Kua akakite puia oki kotou e, ko te

episetole ia a te Mesia i angaia e matou, kare ra i tataia i te inika, na te Vaerua ra o te Atua ora ra; kare ra i runga i te papa toka, i runga ra i te papa tangata ra i te ngakau. Ko te tu 4
ia o te matou mauako i te Atua i mauka i te Mesia ra. Kare ra mei te mea e, e tau ia matou uorai kia manako e, e tika tetahi mea ngiti ia matou anake uorai; no ko maia i te Atua ra to matou tika; Ko tei akatau katoa 6
ia matou ei taunga i te kororomotu ou nei; eia i te kopapa tuatua, i te vaerua ra; e mate oki tei te kopapa tuatua, e ora ra tei te vaerua. E kakā 7
oki to te tuku anga i te tuatua mate i kokotia i runga i te toka ra, e kare atura i tika i te tamariki a Iseraela kia akara tamou atu i te mata o Mose, i te kakā o tona mata; e akakoreia ra taua kakā 8
ra: Kare aia e maata ua atu te kakā i te tuku anga mai i te tuatua a te vaerua? E kakā oki to te tuku 9
anga mai i te tuatua akaapa ra, e kakā maata atu ia to te tuku anga mai i te tuatua-tika ra. E taua mea kakā ra 10
oki, kare atura ia i kakā kia ariteia ra, no taua kakā maata i maata ua ra. E kakā oki to taua mea e akakoreia ra, e maata atu ia te kakā i to te vai rai.

E teianei, no te mea, tei ia matou te manakorongoa mei te reira te tu, te tuatua pu ua atu nei matou: Kare oki mei ia Mose, ko tei arai i tona mata, kia kore te tamariki a Iseraela kia akara tikai i te openga o taua mea e akakoreia ra: Kua akapoiria ra to 14
ratou ngakau: te vai ua nei rai taua arai ra e tae rava akenei i teianei rā i te tatau anga i te kororomotu taito, kare i kitea e kua akakoreia te reira i te Mesia nei. Te vai nei rai te arai i 15
to ratou ngakau, kia tatauiā Mose ra, e tae rava akenei i teianei rā. Kia ariu ra te tangata i te Atua ra, e kiriti keia ia taua arai ra. E teianei ko te 17
Atu taua vaerua ra, e tei iaia te Vaerua o te Atua ra, tei reira te tiama. Te akara katoa nei tatou i te kakā o te Atua ma te mata arai kore ra, mei te mea e tei roto i te io ra, te akatu keia nei tatou ei tutu okotai, mei te kakā oki e tae ua atu ki te kakā, i te Vaerua o te Atua ra.

PENE IV.

Te akakite nei a Paulo i tona pikikaa kore, e te maroiroi, i te apii anga i te evangelia ra.

I TEIANEI tei ia matou mai nei i teianei taoonga, e ko matou oki i 183

aroaia mai, kare atura matou i roiroi. 2
Kua akaruke ra matou i te au peu munangaro akama ra, e kare oki to matou i te aerenga pakari, kare oki i pikikaa i te rave anga i te tuatua a te Atua, te akameitaki nei ra matou ia matou uorai i te akava-ngakau o te tangata ravarai, i te akakite anga atu i te tuatua-mou i mua i te aroaro o te 3
Atua. E teianei te arai katoaia nei ta matou evangelia, i araiia ia i te aronga e ta ia ratou uorai: Koia te aronga i akapoiria to ratou ngakau akarongo kore e te atua o teianei ao ra, kia kore te marama o te evangelia kakā o te Mesia, ko te tutu o te Atua ra, kia kakā 5
mai i roto ia ratou. Kare oki matou i tuatua aere ia matou uorai, i te Mesia ra ia Iesu i te Atua; e ko matou uorai 6
nei, ei tavini ia no kotou ia Iesu ra. Ko te Atua oki, ko tei akau e te marama kia kakā mai no roto i te poiri ra, ko tei kakā mai ia i roto i to tatou ngakau, *kia rauka* te marama ra o te kite i te kakā o te Atua i te mata o Iesu Mesia ra. 7
Te āriki nei ra matou i taua apinga nei i te āriki one nei, kia riro te mana maata meitaki nei ki te Atua, auraka ia 8
matou. Kua kako matou i te mate, kare ra i apiapi: kua pekapeka matou, kare ra i ope te manakoanga: Kua takinga-kinoia, kare ra i akarukeia: kua uria ki 10
rarō, kare ra i mate rava: I te apai aere anga i te mate o te Atua o Iesu i to matou nei tino, kare e tivata, kia kitea katoaia te ora anga o Iesu i to matou nei 11
tino. E no Iesu nei oki, te tuku uaia nei rai matou e ora nei no te mate, kare e tivata, kia kitea to Iesu ra ora anga i to 12
matou nei au tino mate ua. E teianei ko te mate tei tupu ia matou nei, ko te ora ra *tei tupu* ia kotou na. No te mea ra tei ia matou katoa taua ngakau akarongo ra, mei tei tataia ra e, “Kua akarongo au, no reira au i tuatua’i;” kua akarongo katoa matou, i tuatua’i 14
matou nei: Kua kite oki matou e, na tei akatu i te Atua ra ia Iesu, e akatu katoa mai ia matou i te rima o Iesu, ka tuku atu ei *ia matou* e ia kotou katoa. No kotou oki te au mea katoa nei, kia kakā te Atua i taua aroa maata maringi ua ra, i te akameitaki a te tangata e manganui ra. 16
I kore ei matou i roiroi; mate ua rai oki te tangata i vao nei, te akaouia nei 17
te tangata i roto, i tera rā i tera rā. To tatou oki mate mea ngiti potu māmā i teianei, te akatupu nei ia i te kakā maata rava teinima mutu kore no tatou. Tatou oki e akono nei, eia i to au mea i akaraia ra, i te au mea akara

koreia ra; ko te au mea e akaraia nei
oki, no teia na nei ia tuatau; kareka te
au mea akara koreia ra, e tika ia i te
vai ranga.

PENE V.

*Te are one nei e te are rangi: te ma-
nako nui ki te ora mutu kore: te
mataraunga ara e te akaongianga.*

KUA kite oki tatou e kia tukua to
tatou are one puakapa nei ki
raro; e are to tatou i te Atua ra, e are
anga koreia e te rima, e te vai ranga
mutu kore i te rangi ra. Te ngunguru
nei oki tatou i teia, na te anoano maata
kia akakakauia tatou i to tatou are
rangi ra. E kia akakakauia ra, kare
tatou e putaua i te rokoia anga mai.
Tatou ra e noo i roto i teianei puakapa,
te ngunguru nei ia i te teiaa, kare ra
no te mea te anoano nei tatou kia noo
tanka ua, kia akakakauia ra, kia apuku
uaia te mea mate ua nei e te ora. Ko
tei akatau ia tatou i taua mea nei, ko
te Atua ia, ko tei oronga katoa mai ia
tatou nei i te akairo ra ko te Vaerua.
Maroiroi ei matou nei kare i tukumoe,
kua kite oki matou e, te noo nei matou
i roto i te tino, te taka ke nei ia matou
i te Atua. (E aerenga akarongo oki to
matou, kare te aerenga kite mata.)
Te maroiroi nei matou, e kua tika ia
matou kia taka ke atu i te tino nei, e
kia noo i waitatao i te Atua. E teianei
te umuumu marie nei matou, e ei ko
nei ra, *ei reira ia*, e kia taka ke atu, *ei
reira ia*, kia kiteia mairai matou e ia.
E mama katoatoa atu oki tatou ki nua
i te akavaanga a te Mesia e tika'i; kia
rave te tangata ravarai i tei tau i te au
mea i raveia e ia i roto i te kopapa nei,
te meitaki e te kino.

E no te mea kua kite matou i te
mea matakau ra i te Atua, i ako atu ei
matou nei i te tangata; kua kiteia ra
matou e te Atua; e te manako nei au
kua kitea katoaia e to kotou uorai
akava-ngakau. Kare ra matou e aka-
meitaki akaou ia matou uorai ia kotou
na, kia rauka ra to kotou rekareka
anga ia matou nei, *ei tuatua anga* atu
na kotou i te aronga akaparau i te tu i
vao ake kare i te ngakau ra. Te tu ke
nei matou, no te Atua ia; e te akono
nei matou, no kotou ia. Te riro nei
oki matou i te aroa o te Mesia ra, no
te mea te karanga nei matou e, i mate
te tangata okotai no te tangata ravarai,
e mate to te tangata katoa nei i reira;
E i mate oki aia no te tangata ravarai,
kia kore te aronga e ora ra e akono
akaou ia ratou uorai i te ora anga nei,

kia akono ra iaia i tei mate e tei tu
akaou no ratou ra. E teianei kare
atura matou e akono ua atu i te ta-
ngata i te akonoanga o te tino nei: e
kua akono matou i te Mesia i te akono-
anga o te tino ra, teianei ra kare ma-
toui e akono akaou iaia i reira. Tei
roto anake te tangata i te Mesia ra,
kua riro ia ei tangata ou: kua kore te
au mea taito ra; i na, kua riro te au
mea ravarai ei mea ou. Na te Atua
ra taua au mea katoa ra, ko tei aka-
ongi ia tatou iaia uorai ia Iesu Mesia
nei, e kua tuku mai oki ia matou te
taoonga akaongi nei. Teia oki *taua
tuatua nei*, ei roto te Atua i te Mesia i
te akaongi anga i to teianei ao iaia uo-
rai, i te uri kore anga atu i ta ratou
ara ia ratou; e kua tuku mai oki te
tuatua akaongi ra ia matou nei. E
teianei e karere matou na te Mesia,
mei te mea e te ako nei te Atua i te
tangata ia matou nei; ei tuā matou
no te Mesia, i te ako anga atu i te
tangata e, e akaongi kotou i te Atua.
21 Kua akairo oki aia i tei kore i kite i
te ara ra, ei tarangaara na tatou: kia
akairoia tatou ei *aronga* tuatua-tika i
te Atua iaia ra.

PENE VI.

*Te akakite rā Paulo i tona maroiroi,
e te ako ra ia ratou eiaa e kapiti i te
akamori idolo.*

E TEIANEI, te ako katoa atu nei
matou te rave angaanga kapiti
nei, *ia kotou*, e auraka kotou e āriki
puapinga kore ua i te aroa ua o te Atua
2 ra: (Te karanga ra oki aia e, "Kua
akarongo au ia koe i te tuatau tau ra, e
kua tauturu atu au ia koe i te rā e ora'i
ra:" i na, teia taua tuatau tau ra, teia
3 taua rā e ora'i ra.) Kare rava i tuku i
te turorianga ki te tangata ravarai,
kia kore e akakinoia te taoonga nei:
4 Te akakite ua nei ra matou ia matou
uorai e e rave angaanga na te Atua i
te au mea katoa nei, i te akakoromaki
maata, i te mate, i te apiapi, i te tuma-
5 tetenga, I te pāpā, i te tapeka, i te
auc, i te angaanga, i te tapapa, i te ne-
6 seteia, I te viivii kore, i te kite, i te
akakoromakianga roa, i te takinga-
meitaki, i te Vaerua Tapu, i te aroa
7 pikikaa kore, I te tuatua-mou, i te
mana o te Atua, i te taoonga ra, ko te
tuatua-tika, i te rima katau e te rima
8 kaui, I te teitei, e te akaaka, i te
rongo kino, e te rongo meitaki: mei te
aronga pikikaa ra, e aronga tuatua-
9 mou ra; Mei te mea kare i kitea, kua

kitea tikaia ra; mei te mea te mate nei, e i na, te ora ua nei rai matou; kua akoia mai, kare ra i taia mate ravaia: Mei te mea te aue nei, kare ra i 10 tivata te rekareka; mei te mea e putaua, te akariro nei ra te tangata e manganui ei tangata apinga; mei te mea kare rava e puapinga, tei ia matou ra te au mea katoa nei.

E to Korinetia e! te karanga ua atu 11 nei to matou vaa ia kotou, kua maora ua to matou ngakau. Kare kotou i 12 apiapi ia matou, kua apiapi ra kotou i roto i to kotou uaorai ngakau. E kia 13 pera katoa mai *kotou ia matou*, (te karanga atu nei au mei te mea e e tamariki *kotou naku*,) kia maora katoa oki kotou.

Auraka kotou e kapitiia ma te tau 14 kore i te aronga akarongo kore ra: eaa to te tuatua tika tau anga i te tuatua-tika kore? e eaa to te mūrana tau anga i te pōiri? Eaa to te Mesia tau 15 anga ia Beliala? e eaa to te tangata akarongo ra puapinga i te tangata akarongo kore? E eaa to te mao o te Atua 16 ra aite anga atu i te idolo? ko te nao oki kotou o te Atua ora ra; ta te Atua i tuatua maira e, “E noo tikai au i roto ia ratou, e aere au i roto ia ratou; e ei Atua au no ratou, e ei tangata oki ratou noku.” E teianei, te na ko 17 mairā Iehova, “E aere mai kotou ki vao mei roto mai ia ratou ra, kia taka ke kotou, e auraka e rave ua atu i te mea viivii ra;” “e naku e āriki atu ia kotou, E ei Metua au no kotou, e ei 18 tamariki tamaroa kotou naku, e ei tamariki tamaine,” te tuatua mairā Iehova mana katoatia ra.

PENE VII.

Te ako rā Paulo ia ratou kia akaruke i te au tuatua kikino katoa ra, e tona rekareka i tana i kite no ratou ia Tito ra.

E TEIANEI, e aku au akaperepere 1 e, tei ia tatou taua au meitaki i tuatua maira, e tamā ua tatou ia tatou uaorai i te au viivii katoa o te tino e te vaerua, ma te akaape marie i te akonoanga tapu i te matakū anga atu i te Atua.

E āriki mai ia matou; kare rava a 2 matou tangata i takinga-kino, kare rava a matou tangata i akakino, kare rava a matou tangata i pikikan. Kare 3 ra e ei akaapa i karanga atu ei au ia kotou i teianei tuatua; kua karanga atu oki au i muatangua, e tei roto kotou i to matou ngakau i te mate katoa

4 anga e te ora katoa anga atu. Te matakū kore ua nei taku tuatua ia kotou, e paapaa maata taku ia kotou: kua maata toku pumaana, kua maata rava toku rekareka i to matou au mate katoa nei.

5 Ia matou oki i tac ki Makedonia ra, kare rava e akaangaroī anga o to matou tino, kua kako matou i te mate; e tamaki anga to vao, e matakū oki to 6 roto. Na te Atua ra, ko te akapumaana i te aronga akaaka ra, i akapumaana mai ia matou i te aere anga 7 mai o Tito ra; Kare oki no tona aere anga mai anake ra, i te pumaana ra i pumaana'i aia ia kotou, ka akakite mai ei aia ia matou i te rai o to kotou anoano, to kotou aue, e te inangaro maata o to kotou ngakau ia'u nei; i 8 maata'i toku rekareka. I akaaue ana au ia kotou i taku leta na, kare au i tatararaa i teianei, i tatararaa ana ra au i muatangua; te kite nei oki au e, e tuatau poto ua to kotou aue anga i 9 taua leta ra. Te mareka nei au, kare ra no te mea i akatupu au i to kotou aue, no te mea ra i aue kotou ma te tatararaa: i tau oki to kotou aue i te Atua, kia kore rava kotou e 10 kino ia matou. Ko te aue oki e tau i te Atua ra, e akatupu ia i te tatararaa e ta na atu ki te ora, kare ia e tatararaa; kareka te aue o teianei ao, e 11 akatupu ia i te mate. Ka akara na oki i taua mea nei rai, i te mea i tau to kotou aue i te Atua ra, ko te akono meitaki oki ta te reira i akatupu i roto ia kotou na, e te akatika ia kotou uaorai, e te kinokino, e te matakū, e te anoano maata tikai, e te maroīroī, e te tutaki! Kua akakite ua mai kotou e 12 kare o kotou viivii i taua mea nei. E teianei i tata ua au i te tuatua ia kotou, kare ua to taua tangata i rave i te kino ra i pera'i au, kare katoa to tei takinga-kinoia ra, ei akakite anga atura ia kotou i to matou akono meitaki anga atu ia kotou i mua i te aroaro o te Atua ra.

13 I pumaana'i oki matou i to kotou na pumaana: e maata rava atura oki to matou rekareka i te rekareka o Tito ra, no te mea kua mareka tona ngakau ia 14 kotou katoa. Kua akapaatu oki au ia kotou iaia ra, kare au i akama; mei ia matou rai oki i karanga atu kia kotou i te au tuatua katoa ma te tuatua-mou, koia katoa ta matou akapaatu anga i te aroaro o Tito ra, kua riro ia ei tuatua-mou. E te maata rava nei tona tangi ngakau ia kotou, i te manako anga aia i to kotou katoa na akarongo, e to kotou oki kite anga mai iaia ma te matakū oki te rutetete. E teianei te

15

16

mareka nei au, i te mea e tika kia manako meitaki atu au ia kotou i te au mea katoa nei.

PENE VIII.

E uipa ratou i te apinga ei tauturu i te tangata no te Atua e tiku'i, e ko te au ekalesia i Makedonia to ratou akaruanga i taua mea ra.

ETEIANEI, e aku au taeake, e aka-kite atu matou ia kotou i te aroa ua o te Atua i orongaia mai i te au ekalesia i Makedonia nei: E kua maringi ua to ratou rekareka, maata ua rai to ratou putaua, e te mate maata, i te maata o to ratou oronga. Ko au oki te kite e, ko ratou uoraii tei inangaro i te oronga i tei tika ia ratou ra, e e maata atu rai: E te tuatua raurau anga mai ia matou e rave i taua apinga ra, e ei ia matou katoa te tuku atu i taua apinga ra i te aronga tapu ra. Kare ra mei ta matou i manako ra, kua na mua ra ratou i te oronga ia ratou uoraii i te Atua ra, e ia matou katoa oki ei akono i te inangaro o te Atua ra. I ako atu ei oki matou ia Tito e, mei tana i timata i muatangana, kia rave akaoti ua aia i taua mea aroa nei i roto ia kotou na. E teianei, te vai maata ra te au mea katoa nei ia kotou na, i te akarongo ra, i te tuatua ra, i te kite ra, e te maroiroi katoa, e to kotou aroa ia matou nei, kia maata katoa teianei mea aroa i roto ia kotou. Kare ra taku te tuatua akaue, no te maroiroi ra o tetai pae, e ei timata anga atu i te pikikaa kore o to kotou inangaro. Kua kite oki kotou i te aroa ua o to tatou Atua ra o Iesu Mesia, e e apinga maata tona, no kotou ra, riro mai nei aia ei apinga kore, kia maata to kotou apinga i taua apinga kore nona ra. Teia oki toku manako i taua mea nei: teia te mea tika ia kotou, i te aronga i akamata i muatangana i te rave, kare oki te reira anake ra, kua rapurapu ua ra kotou mei tetai mataiti mairai. E teianei e akaope ua i te rave i taua mea ra; mei te akakoroanga i tika ra, kia tupu katoa te rave tikai, no roto i ta kotou apinga i rauka na. Te vai ra oki te tika i te ngakau, e urikiia ia ta te tangata i rauka ra, kare i tei kore i rauka iaia ra. Eiaa oki kia muma tetai papaki, e kia teimaa kotou: Kia aite ra, kia riro ta kotou apinga maata ei tauturu atu i to ratou ngere i teianei, e kia tauturu mai ratou i to kotou ngere i ta ratou apinga maata i tonu atu ra, kia arite: Mei tei tataia ra e.

“Kia kore e akamaataia ta tei koi i te mea maata, e kia kore oki e akaitiia ta tei koi i te mea iti ra.”

- 10 E teianei kia akameitakiia te Atua, ko tei tuku katoa i taua maroiroi nei i roto i te ngakau o Tito ia kotou na.
- 17 Kua uriki rai oki aia i taku nei ako; no te maata ra o tona uorai maroiroi,
- 18 riro ua atu na ia kotou na. E kua unga katoa atu matou i taua taeake, i puapaaia i te evangelia nei, e kako rava ake te au ekalesia katoa ra; Kare oki ko te reira anake ra, ko tei akono katoaia ra e te au ekalesia, kia aere aia e ko matou katoa ma taua mea aroa ra i tukuia e matou nei, kia akakakaa te Atua ra, e ei akakite i te tika o to kotou ngakau. Te matakite nei oki matou i teia, kia kore rava tetai e akakino mai ia matou i taua apinga maata i tukuia
- 21 atu e matou nei: I te akonoatea marie anga i te mea tika, eiaa i mua i te aroaro o te Atua anake ra, i mua katoa ra
- 22 i te aroaro o te tangata. E kua tono katoa atu matou i to matou taeake ma ratou, e manganui to matou kite anga i tona maroiroi i te au mea e manganui, e maata atura te maroiroi i teianei, i tona manako meitaki maata ia kotou.
- 23 Ia Tito ra, ko toku ia oa e te tauturu iku ia kotou na: ko to matou au taeake ra, e karere ia na te au ekalesia, e te kakā o te Mesia ra. E teianei e akakite mai i to kotou aroa, e te tika anga o ta matou akapaatu anga ia kotou, i mua i to ratou aroaro, e i mua i te aroaro o te au ekalesia ra.

PENE IX.

Kia akono meitakiia te uipanga apinga: te tutaki no te oronga tikai.

- 1 I TE tuatua i te uipa i te apinga na te aronga tapu ra, auraka atu au e tata atu i te tuatua kia kotou i te reira; Kua kite oki au i te tika o to kotou ngakau, i akapaatu ei au ia kotou i to Makedonia ra, e kua teateamamao to Akaia mei tetai mataiti mairai; e manganui tei maroiroi katoa i taua maroiroi no kotou na. Kua unga atura au i te au taeake, ko te riro aea ta matou akapaatu anga ia kotou i taua mea nei, ei mea puapinga kore; kia teateamamao rai kotou mei taku oki i tuatua akenei: Ko te aere katoa atu to Makedonia nei kia aere atu au ra, ko te rokoia atu e kare kotou i vave, ko te akamaa oki matou (eiaa atu kotou) i taua akapaatu anga tikai nei.
- 5 I manako ei oki au e mea tika kia ako atu i te au taeake, e ei na mua rai ra-

tou i te aere ia kotou, e akatika mamao ua i taua rpinga oronga ua na kotou, i karangaia i muntangana, kia taka marie kara mea ra, e mea oronga ua, auraka mei te mea umuuiuia atu.

Teia ra *taku tuatua*, Ko te ruru ma te akaperepere ra, e kokoti ia ma te mea ngiti; e ko te ruru ma te akaperepere kore ra, e kokoti ia ma te maata. E *oronga* te tangata ravarai i tana i akakoro i roto i tona ngakau; eiaa ma te noinoi, e mei te mea e no te umuuiu: ko te tangata oronga ua oki ta te Atua e inangaro. E tika oki i te Atua kia akamaata rava atu i te au mea aroa katoa na kotou; kia kore kotou e tivata i te rave i te au angaanga memaitaki katoa ra, i te mea te rai ra i te au mea katoa ra ia kotou: (Mei tei tataia ra e, "Kua tua marie aia i *tana apinga*, kua oronga aia ki te aronga ao; e tika tana tuatua-tika i te vai marie anga." E teianei, ko tei tuku mai i te ua na te ruru ra, e te manga ei kai, kia tuku mai ia e kia akamaata oki i ta kotou ua i ruruia ra, e kia akamaata oki i te uua anga o ta kotou tuatua-tika ra.) Kia rai te au mea katoa nei ia kotou, no te au orongaanga katoa, ko tei akatupu ia i te akameitaki i te Atua ia matou nei. Kua akakia oki te ngai toe i te aronga tapu, i te rave anga i taua anguanga *uipa nei*, kare ra ko te reira anake ra, kua maringi ua ra i te rai i te akameitaki i te Atua; Te akameitaki ra ratou i te Atua, i to kotou kauraro marie anga i te evangelia o te Mesia i mouria e kotou na, e to kotou oronga ia ratou, e te tangata katoa oki, teianei anguanga *uipa to kotou* kite; Ma te pure oki ratou ia kotou, e te anoano maata ia kotou no te rai o te aroa ua o te Atua i roto ia kotou na. E teianei, kia akameitakia te Atua i tona oronga kare e tika kia tuatua ra.

PENE X.

To akatika nei a Paulo iaia uorai, i te aronga i akakino mai.

E TEIANEI, ko au teia ko Paulo, e ako atu kia kotou, i te maru e te aroa o te Mesia, e tu akaaka toku i vao ake i roto ia kotou na, te maroiroi nei ra au ia kotou iaku i taka ke nei: Teia ra *taku tuatua*, eiaa au e maroiroi kia tae atu au i vaitatno *ia kotou*, e te maroiroi tuku e manako nei i tetai papaki na, ko tei manako ia matou e te tau nei to matou aerenga i ta te tino ra. Tei roto rai oki to matou aerenga

i te tino, kare ra matou i tamaki mei ta te tino ra: Kare oki ta matou taonga tamaki i ta te tino, e mea mana ra i te Atua, i te uri anga i te au puna nga ketaketa ki raro: I te uri anga atu i te au eumiuuanga ra ki raro, e te au mea teitei katoa ko tei akateitei kia kore e *rauaka* te kite i te Atua, e te akatukaa anga atu i te au manako ravarai i te akarongo i te Mesia ra; Te vave nei matou i te tutaki atu i te au akarongo kore katoa, kia tika rava to kotou akarongo.

Te akara na kotou i te tu i vao ake? te manako ra tetai tangata i roto iaia uorai e no te Mesia aia, e maara katoa aia i roto iaia uorai e, mei iaia no te Mesia ra, no te Mesia katoa matou.

Kia maata ua atu rai toku akapaatu i to matou mana i orongaia mai e te Atua kia meitaki kotou, kare ra kia mate kotou, kare rai au e akama. *Auraka rau e na reira*, ko te riro aea au mei te mea e anoano akamataku toku ia kotou *taku nei* au epistole. Te karanga na oki ratou e, e mea teimaa *tana* epistole e te maroiroi, kareka te tu o *tona* kopapa, e mea apikepiki, e te reo tareva-kaua. E akamanako ra tei pera ra e, to matou tu i te tuatua i te epistole kia taka ke matou ra, ko to matou katoa ia tu tikai kia tae i vaitatno. Kare oki matou e tika kia akaarite, e kia akatau katoa ia matou uorai i te aronga i akameitaki ia ratou uorai: ko ratou rai i te akaarite anga ratou ia ratou uorai, e te akatau anga ratou ia ratou uorai, kare ia i kite. Kare ra matou e akapaatu i to vao mai i *ta matou* akairo; ko tei tau ra i te aite i akairoia e te Atua no matou nei, e kia tae rava atu ia aite ia kotou na. Kare matou i akaneke atu i vao i te *akairo* mei te men kare i tae atu ia kotou na, kua tae katoa atura matou ia kotou i *te tuatua anga* i te evangelia o te Mesia. Kare oki matou i akatieie i to vao mai i *ta matou* akairo, koia oki ta etai ke ra anguanga; te tiaki nei ra matou e kia rai to kotou akarongo, e kia akamaataia mai ia matou e kotou i reira i ta matou akairo, e kia maata atu rai, Kia tuatua aere rai i te evangelia i te pa *enua* i ko rava atu ia kotou na, eiaa e akatieie i ta tetai tangata ke ra akairo, i tei manea takere ana. "Ko tei akatieie ra, kia akatieie aia i te Atua." Kare oki ko tei akameitaki iaia uorai tei kitea mai, ko ta te Atua ra i akameitaki.

PENE XI.

*Te akakite rā Paulo i tana angaanga,
e tona ua mate i tana rave anga i
te tuatua na te Atua ra.*

NARINGA kotou e akakoromaki 1
iti ua mai na iaku nei i taku nei
akatietie neneva nei; koia tikai e aka-
koromaki mairai kotou iaku. Te 2
manakonako nei au ia kotou i te mana-
konako Atua: kua akonoia kotou e au
i te tane okotai, kia tuku atu au ia
kotou ei paretania viivii kore i te Mesia
ra. Te matakua nei ra au, ko te aka- 3
kinoia aea to kotou ngakau kia kore atu
te tavaitai ua e tau i te Mesia nei, mei
ta te ovi i pikikaa atu ia Eva i tona pa-
kari. Te tuatua ra taua tangata i 4
aere maira i tetai Jesu ke, ko tei kore
i tuatuaia e matou ra, e te āriki na
kotou i tetai vaerua ke, ko tei kore i
ārikiia e kotou ra, e tetai evangelia
kare i mouria e kotou, akakoromaki
tika kotou *iaia*. Te manako nei oki 5
au e kare rava au i iti i te au aposetolo
mamaata katoa ra. Te kamakura ra 6
au i te tuatua, kare ra au e *kamakura*
i te kite; kua kitea puia ra matou i ro-
topu ia kotou i taua au mea katoa nei.
Kua apa aina au i te taakaaka anga 7
iaku uorai, kia teitei kotou; ko au i
tuatua ua atu i te evangelia o te Atua
ia kotou na? Kua pou oki etai au 8
e ekalesia iaku i te rave anga i te tutaki,
kia tiku iaku kia rave i ta kotou anga-
anga. Iaku oki i noo ki o kotou na ka 9
ngere ei au ra, kare rava tetai tangata
i teiaa iaku: na te au taeake ra no
Makedonia mai i turu mai *iaku* i taua
ngere noku ra: kua matakite marie
ei au iaku uorai kare i tivata, kia
kore kotou e teiaa iaku, e ka matakite
rai au iaku uorai. Tei roto iaku nei 10
te tuatua-mou a te Mesia ra, kare rava
e kore teianie akatietie iaku nei, i te
pa enua i Akaia nei. No te au ra? 11
no te mea kare au i aroa ia kotou?
kare, kua kite oki te Atua. Ko taku 12
ra e rave nei, e rave rai au, ei akakore
atu i te ravenga a te aronga i kimi i
te ravenga, kia riro ratou mei ia matou
katoa nei i taua mea ta ratou e akatie-
tie ra. E aposetolo pikikaa oki te 13
reira, e rave angaanga pikikaa ia, i te
akatutu aposetolo anga na te Mesia ia
ratou uorai. Kare oki e vavaria; ko 14
Satani oki tei akatutu angela katoa
iaia uorai no te mūrāma. Kare oki 15
te mea *ra* maata, kia akatutu tavini
tona au tavini no te tuatua-tika; e

akataua to ratou openga i ta ratou
angaanga.

16 Teia rai taku tuatua, auraka rava
tetai tangata e manako iaku e e neneva;
te manako ra e neneva, e akakoromaki
mai iaku i te neneva nei, kia akatietie
17 iti ua na au. Taku oki e tuatua nei,
kare oki au e tuatua mei te mea e tau
i te Atua ra, mei te mea ra e tuatua
neneva ua, i te tuatua akatietie nei.
18 E e manganui tei paapaa i te tino nei,
19 e paapaa katoa oki au. I akakoromaki
tika kotou i te neneva, te pakari oki
20 kotou uorai. Te akakoromaki ra oki
kotou kia taua mai tetai ia kotou, kia
pou kotou i tetai, kia āru mai oki
tetai, kia akateitei tetai iaia uorai,
kia moto mai oki tetai i to kotou mate.
21 No taua akakino ra, e te apikepike
nei matou, taku ia e tuatua nei. Te mea
ra i maroiroi ei tetai tangata atu, (te
tuatua neneva ua nei au,) e maroiroi
22 katoa au. E Ebera aina ratou? koia
katoa au. E ngati Iseraela aina
ratou? koia katoa au. E uanga aina
ratou no Aberahama? koia katoa au.
23 E orometua aina ratou na te Mesia?
(te tuatua neneva ua nei au) e maata
atu au; e rai taku angaanga i rave, e
rai oki te pāpā angaia, e rai oki *te tue*
i roto i te are tapekanga, e manganui
24 oki te mate. Ka rima akenei oku
pāpā angaia e te ngati Iuda, taki toru
ngauro taki i va ara i *te pāpāanga* oko-
tai. Ka toru oku pāpā angaia i te
25 rakau, okotai pei angaia i te toka, e
toru oku pou anga i te pui ngaa, oko-
tai oku po, okotai oki ao, i raro i te
26 moana: E manganui te aerenga, te
mate i te vai, e te mate i te anana keia,
te mate i te tangata i *toku uorai* enua,
te mate i te etene, te mate i roto i te
oire, te mate i te medebara, te mate i
te tai, te mate i rotopu i te au taeake
27 pikikaa ra; Te roiroi e te mamae, te
tapapa anga e manganui, te pongi e te
kaki vai, te nesetela anga e manganui,
28 te anu e te putaua: Kare oki kote au
mea anake i vao ra, ko te pekaepaka ra
i rokoia ua mai ei au i te au rā katoa
nei, i te akamaroiroi anga i te au eka-
29 lesia katoa ra. Koai tei paruparu e
kare au i paruparu? koai tei turori e
30 kare au i ka? E akatietie rai au e
tika'i, e akatietie ia au i toku nei au
31 paruparu. Ko te Atua te Metua o to
tatou Atua ra o Iesu Mesia, tei iaia te
meitaki mutu kore ra, ko tei kite ia e
32 kare au i pikikaa. Na te kavana a
Areta ariki ra i toku i Damaseko i te
tiki i te oire a to Damaseko ra, ina-
33 ngaro i te opu iaku: E i tukuia au ki

raro na roto i te māramārama na te pae koro i roto i te tapora, ora atura au i toha rima.

PENE XII.

Te orama a Paulo: te tara i toha tino: toha rekareka i te mate: toha inangaro e kia oki rave atu via kia kite akaou ia ratou.

KARE rava oki e tika iaku kia akatietie. Ei te orama ra au e i te tuatua i akakiteia mai e te Atu ra. Kua kite au i tetai tangata i roto i te Mesia, okotai akenei ngauru mataiti e a ara: (kare au i kite e, i roto i te tino, kare oki au i kite e, kare i roto i te tino: ko te Atua tei kite;) i apai ravaia taua tangata ra ki runga rava i te rangi tua toru ra. Kua kite au i taua tangata ra, (kare au i kite e, i roto i te tino, me kare i roto i te tino; ko te Atua tei kite;) E i apai naia aia ki runga i paradaiso, e kua akarongo i te tuatua, kare e tau kia tuatua, kare oki e tika i te tangata nei kia tuatua. Mei te reira te tu e akatietie ia au iaia; kareka iaku uorai, kare ia au e akatietie, mari ra i toku nei paruparu. Naringa ra au i inangaro i te akatietie, kare au e riro ei neneva; ko te tuatua-mou oki taku e tuatua: te akakoromaki nei ra au, ko te teitei ua aea oki to tetai tangata manako iaku i tana i kite iaku nei, e tana oki i akarongo iaku nei ra. E kia kore au e teitei rava i te maata o tei akakiteia mai iaku ra, i tukuia mai tetai tara i roto i taku tino nei, e karere na Satani ei pāpā mai iaku, kia kore au e teitei maata roa. E e toru oki aku pati anga atu i te Atu i taua mea ra, kia akataka keia iaku. Kua tuatua maira ra aia, Toku nei aroa ua, oti ra ua ia taua: ei te apikepika e taka meitaki rava i toku maroiri. E teianei, e mea rekareka ia iaku kia paapaa i toku nei paruparu, kia vai marie te maroiri o te Mesia i runga iaku nei. E teianei 10 e mea rekareka iaku te paruparu, te akakino, te pini, te takinga-kino, e te tumatetenga i te Mesia nei: kia paruparu oki au ra, te maroiri ra au i reira.

Kua riro aia au ei neneva i teianei 11 akatietie anga? no kotou ia, ko kotou oki te akameitaki mai iaku e tika i: kare rava oki au i topa ki muri i te au aposetolo mamaata ra, puapinga kore ua i au nei. I rave tikaia oki te akairo 12 aposetolo i roto ia kotou na, ma te akakoromaki maata, e te semicio, e te

peu tu ke, e te angaanga maroiri. 13 Eaa oki te mea i toe ia kotou i tetai au ekalesia ra, mari ra ko au kare i akateinaa ia kotou? e akakore mai i taua 14 apa na'u ra. I na, ko te toru teia o toku vave anga e aere atu ia kotou na; e kare rai au e akateiaa ia kotou: kare oki au i umuumu atu i ta kotou, ko kotou ra taku i umuuma. Kare oki te tamariki e akaputu i te apinga na te metua, ko te metua ra te akaputu na 15 te tamariki. E kua tika rava iaku i te akaope i toku nei ririnui e kia ope rava no to kotou vaerua; iti ua rai toku aroaia mai i te rai o toku aroa ia kotou. 16 P'era ua atu, kare au i akateiaa ia kotou: te tuatua na ra ratou, no te pasari ra toku, rauka iora kotou iaku 17 i te pikikaa. E apinga aia taku i rauka ia kotou i tetai i te aronga taku 18 i unga atu ia kotou? Kua akaue au ia Tito e kua unga katoa atu au i tetai taake: e apinga aia na Tito i rauka ia kotou na? kare aia okotai rai ngakau i to matou aere anga? kare aia okotai rai o matou ruatapuac? 19 I te manako na kotou e te akatika akaou nei matou ia matou uorai ia kotou na? te tuatua nei matou i ta te Mesia i mua i te aroaro o te Atua: te rave nei ra matou i te au mea katoa nei, e aku au akaperpere, 20 kia meitaki kotou. Te mataka nei ra au, ko te rokoia atu kotou e au, kia aere atu au ra, ko te kore aea e tau i taku e inangaro nei, e ko te riro oki au mei tei kore i inangaroia e kotou na: penciake te rai na te tauetono, te vaereac, te makitakita, te karo, te urutor, te tuatua koumuumu, te akamaata, te 21 vavanunui: Ko te taakaaka aea taku Atua iaku, kia tae akaou atu au i roto ia kotou na, ko te aue oki au i te aronga i arai na eanganui, e kare i tataraara i te tuatua viivii, e te akaturu, e te kanga, i raveia e ratou ra.

PENE XIII.

Te ako uturā Paulo i te aronga i māro i te tuatua kino, e te akapumaana ra i te au taeke.

KO te toru teia i toku aere anga atu ia kotou na. "Tei te vaa o nga kite toko rua e toko toru ra e riro ei te au tuatua katoa na ei tuatua-mou." 2 I karanga na au ia kotou i matangana, e te tuatua akaou atu nei au, ko te rua ia, mei te mea tei ko nai au; taka ke na rai nei, te tata nei au i te tuatua i

te aronga i ara na, e tetai pae katoa
ra, e i tac akaou atu au, kare na au e
akaperepere: Ko kotou oki i umuumu 3
mai i te kite e, te tuatua nei te Mesia
iaku nei, kare oki aia i paruparu i
roto ia kotou na. te maroiroi ra i roto
ia kotou na. I akasatauroia oka aia no 4
te paruparu, te ora ra aia i te mana o
te Atua. Te paruparu katoa nei oki
matou i roto iaia, e ora ra matou ma
ia katoa i te mana o te Atua i roto ia
kotou na. E kimi matatio ia kotou 5
uorai i to kotou akarongo; e akara
matariki ia kotou uorai. Kare kotou
uorai i kite e, kare kotou te aronga
tika koreia mai, tei roto ia Iesu Mesia
ia kotou? Te maara nei ra au e, e 6
kite kotou e kare matou te aronga tika
koreia mai. E teianei te pure nei au
ki te Atua kia kore rava kotou e rave 7
i te kino; kare ra kia kitea e kua aka-
tikaia matou, kia rave ra kotou i te
tuatua meitaki ra, kia riro ua atu rai
matou mei te mea tika koreia mai.
Kare rava e mea e tika ia matou ei 8

akakore i te tuatua-mou, kareka ei
9 akatika i te tuatua-mou. Kia paru-
paru oki matou e kia maroiroi kotou,
te rekareka nei matou i reira: e te
anoano katoa nei oki matou, kia tika
10 rava kotou. I tata atu ei oki au i
teianei au tuatua i te atea ke nei, kia
kore au e rave viviki atu kia tae atu au
i waitata, i te mana oki a te Atua i oro-
nga mai iaku nei kia meitaki, kare oki
kia mate.
11 E te openga o taku nei tuatua, e
aku au taeake, kia ora na. Kia tika
rava, kia pumaana rava, kia okotai
rai ngakau, kia noo ma te au; e e
noo ia te Atua nona te aroa e te au i
12 rotopu ia kotou. E aroa kotou ia
13 kotou uorai i te ongi tapu ra. Te
aroa nei te aronga tapu ravarai ia
kotou.
14 Ei ia kotou katoa na te aroa ua o
te Atua ra o Iesu Mesia, e te inangaro
o te Atua, e te tau a te Vaerua Tapu
ra. Amene.

TE EPISETOLE A TE APOSETOLO RA A PAULO

I TO GALATIA.

PENE I.

*Ta Paulo tuatua akaaroa: tana ako
i to Galatia ko ratou i ariu ke i te
evangelia: e mate manta to tei aka-
tarevake i te evangelia: to Paulo
akono angu i tonu nomino angaia.*

PAULO e aposetolo, (kare ra i ta
te tangata, kare oki i ta te ta-
ngata akonoanga, i ta Iesu Mesia ra,
e te Atua Metua, ko tei akatu mai
iaia mei te mate maira;) E te au
taeake ravarai iaku nei, ki te au eka-
lesia i Galatia na: Ei ia kotou te aroa
ua, e te au, no ko mai i te Atua Me-
tua, e to tatou Atua oki ko Iesu Mesia,
Ko tei oronga mai iaia uorai i ta
tatou ara, kia ora tatou iaia i teianei
ao kino, ko tei tau i ta te Atua, i ta to
tatou Metua, i inangaro: Ei iaia te
kakā e tuatatau ua atu. Amene.

Te va ua nei au ko kotou i taka ke
vave ua iaia i tei akamou ia kotou i te

aroa ua o te Mesia, e kua āriki i te
7 evangelia ke: Kare ra oki te evangelia
ke; te vai na ra te aronga i akapeka-
peka ia kotou, ko tei anoano i te ruri
8 ke i te evangelia a te Mesia. Ko matou
uorai oki, e tetai angela no te rangi
mai, kia ako atu ia kotou i te evan-
gelia ke, mari ra i tei akoia atu e
matou kia kotou na, kia anatemaia
9 aia. Mei ta matou oki i tuatua i mua-
tangana, te tuatua akaou atu nei au,
Kia ako atu tetai i te evangelia ke ia
kotou na, mari ra i tei ārikiia e kotou,
10 kia anatemaia atu aia. Te akataunga
atu nei au i te tangata i teianei, e i te
Atua aina? e te akono nei au i te mea
e mareka'i te tangata? naringa oki ko
te tangata taku i akarekareka, kare ia
au i te tavini o te Mesia i reira.
11 E te akakite atu nei au kia kotou,
e te au taeake, i te evangelia i akola
12 e au, kare ia i ta te tangata nei. Kare
ia i te mea tukuia mai e te tangata
kiaku nei, kare oki au i apiia, e mea

akakiteia maira e Iesu Mesia. I aka- 13
 rengo ana oki kotou i te rongo o taku
 akono anga i muatangana i te tuatua a
 te ngati Iuda, e e takinga-kino arite
 kore toku i te ekalesia o te Atua, e
 pou akera ia iaku. Ko au oki tei mua 14
 i te tuatua a te ngati Iuda ra i te
 tangata e manganui i toku uki i toku
 uaorai enua, e maroiroi maata rava toku
 i te au peu i tukuia mai e toku ui
 tupuna. I te tuatau ra i anoano ei 15
 te Atua, (ko tei akataka iaku mei te
 kopu mairai o taku metua vaine, e no-
 mino iora *iaku* i toa aroa ua,) I te 16
 akakite mai iaku i tana Tamaiti, kia
 tuatua aere au iaia ki o te etene ra:
 i reira rai, kare au i uiui ki te ta-
 ngata: Kare oki au i aere ki runga, 17
 Ierusalem a i te aronga i riro ana ei
 aposetolo; aere ke atura ra au ki Ara-
 bia, e oki maira oki ki Damaseko.
 E ope akera nga mataiti e toru ra, 18
 aere atura au ki runga ki Ierusalem
 kia kite au ia Petero, e noo iora au ki
 ona ra, raungauro ma rima akera po.
 Kare atura e apostelo i kitea e au, 19
 mari ra te taake o te Atua ra ko Ia-
 kobo. E teianei au tuatua taku e tata 20
 atu kia kotou na, i na, ki mua i
 te aroaro o te Atua, kare ua au i
 pikikaa. E muri akera, aere atura au 21
 ki te pae i Suria e Kilikia; Kare ua
 te au ekalesia i Judea ra ko tei *aka-*
rongo i te Mesia ra i kite i taku mata:
 Ko te akarongo anake ua ia ratou i te 23
 rongo e, Ko te tangata i takinga-kino
 mai ia tatou i muatangana, te ako nei
 ia i te tuatua tana i akakino i muata-
 ngana. Akakakā atura ratou i te Atua 24
 iaku.

PENE II.

*Te rua o to Paulo aere nga i Ierusa-
 lema: tana patoi anga ia Petero i
 Anetioka: te tuatua no te ture e no
 te akarongo.*

E RAUNGAURU ma a akera 1
 mataiti i topa, aere atura au ki
 runga ki Ierusalem, maua katoa ko
 Banaba, e arataki katoa atura au ia
 Tito. E tac akakiteia mai toku ki 2
 runga, kua tuku atura au kia ratou
 taua evangelia rai taku i ako aere i te
 au etene; *i akakite* poiri ra au i te
 aronga mamaata, ko te riro oki toku
 oro anga ei mea puapinga kore, e ko
 te oro *puapinga kore* aca au. Ko Tito 3
 oki, ko tei aru iaku ra, e Eleni ua rai
 aia, kare aia i tōia kia peritomeia: No 4
 te mea e aronga taake pikikaa te
 akatomo poiriia mai, ko tei aere piori

mai e akara matariki i to matou tiamā
 i te Mesia nei ia Iesu, kia tapaka aka-
 5 ouia matou: Kare ra matou i tuku
 ua atu kia ratou i te kauraro anga
 atu, e okotai ua ake ora iti; kia vai
 rai te tuatua-mou o te evangelia ia
 6 kotou na. E taua aronga i manakoia
 e e tu ke, e to ratou tu i muatangana,
 kare au i akono i te reira: kare oki
 te Atua i akono i to te tangata nei
 tu: kare rava aku puapinga i rauka i
 taua aronga i tu ke ra i te tuatua anga;
 7 Kare oki ia, kia kite ra ratou e, kua
 tukuia mai te evangelia o te peritome
 kore kiaku nei, mei te *evangelia* o te
 peritome *i tukuia mai* kia Petero ra;
 8 (Ko tei akatupu tikai oki i te angaanga
 ia Petero i te taonga aposetolo i te
 peritome ra, ko tei angaanga rinui
 9 katoa rai ia iaku ki o te etene:) E
 kite akērā Iakobo, na Kepha, e ko
 Ioane, (ko tei manakoia ra e, e au pou,)
kite akera i te aroa ua i orongaia
 mai kiaku nei, kua o mai ratou
 i te rima katau aroa kia maua ko
 Banaba; kia *aere atu* maua ki o te
 10 etene, e ei ia ratou te peritome. I
inangaro ra ratou kia akono maua i te
 au tangata rikiriki ra; ko taku
 katoa i rapurapu i te rave i taua
 mea ra.
 11 Kia tac rā Petero ki Anetioka,
 patoi ua atura au iaia ki mua i *tona*
 aroaro, no te mea e apa tika tana.
 12 Tetai aronga tangata ki o Iakobo ra
 kare ratou i tac, te kai ra aia ma te au
 etene katoa: kia riro maira ratou,
 kotoe ke akera aia, akataka atura iaia
 uaorai, i te matakū i to te peritome.
 13 Koia katoa tetai aronga ngati Iuda
 kua tapikipiki ratou ma ia katoa: e
 riro katoa atura oki a Banaba i taua
 14 pikikaa na ratou ra. E kite akera
 au i to ratou aere nga tika kore i te
 tuatua-mou o te evangelia nei, kara-
 nga atura au kia Petero ki mua ia
 ratou ravarai, Te akono na koe te
 ngati Iuda i ta te etene, kare i ta te
 ngati Iuda, eia oki koe i mūro atu ei
 15 ki te etene e akangati Iuda? Ko
 tatou ko te ngati Iuda anau nei, kare
 16 te tangata ara no te etene, Kua kite
 oki tatou e, kare ua te tangata e tika i
 te angaanga a te ture, i te akarongo ra
 ia Iesu Mesia, i akarongo katoa i tatou
 ia Iesu Mesia, kia akatikaia i te aka-
 rongo i te Mesia, auraka i te angaanga a
 te ture; kare rava e tangata e tika i te
 17 angaanga a te ture. Te kimi nei tatou
 kia akatikaia mai e te Mesia ra, e te
 noo rave ara ua nei *rifi* tatou, *ka riro*
 aina te Mesia ei tavini no te ara i

reira? Auraka rava ia. E kia akatu 18
akaou au i taku i akatopa ra, kua
akariro au iaku uorai ei tangata
ara. Ko au ra, no *loku kite* i te ture, 19
kua mate ia au i te ture, kia ora au i
te Atua. Kua akasatauroia au maua 20
ko te Mesia: te ora ua nei ra au;
kare ra au, te ora nei te Mesia i roto
iaku nei: e toku nei ora anga i roto i
te kopapa nei, te ora nei au i te akaro-
ngo i te Tamaiti a te Atua, ko tei
aroa mai iaku, e kua oronga mai iaia
uorai noku. Kare au i akangere i te 21
aroa ua o te Atua; no te ture te tua-
tua-tika i *akatikaia mai ei* ra, e
matenga puapinga kore to te Mesia i
reira.

PENE III.

*Te ui rā Paulo i to ratou anoano i te
ture, te akakite ra e ei te akarongo e
akatikaia'i.*

KO kotou, e to Galatia i te manako 1
kore e, naai kotou i pikikaa io na,
i kore ei kotou i akono i te tuatua-mou,
tei akakite uaiā Iesu Mesia, mei te
mea i akasatauroia ki mua i to kotou
mata, i rotopu ia kotou? Ko teia taku 2
e ui atu kia kotou na, I rauka aina te
Vaerua ia kotou i te angaanga a te
ture, e i te akono akarongo aina? 3
Ko te tu aina ia o to kotou manako kore?
ko tei akamata i te Vacrua, ei ta te
tino aina e meitaki rava'i i tenana?
E mea puapinga kore ainei to kotou 4
au mate e manganui? kare paa ei mea
puapinga kore. Ko te tangata oki
nona i rauka'i te Vaerua ia kotou, ko
tei rave i te au semeio i rotopu ia
kotou na, no te akono anga aina o te
ture, e no te akono akarongo aina?
Mei ia Aberahama ra, i akarongo na 6
aia i te Atua, e akonoia atura te reira
ei tuatua-tika nana. Ko te tangata 7
ravarai e akarongo ra, e tamariki ia na
Aberahama, kia kite mai kotou. Kua 8
akakite atea mai ana te tuatua i tataia
ra e, e akatikaia te au etene e te Atua i
te akarongo, i akakite ei i te evangelia
kia Aberahama i muatangana, *ka na*
ko i ra e, "Ei ia koe na e meitaki ei
te pa enua ravara." Koia tikai ia, ko 9
te aronga e akarongo nei, kua meitaki
ia ratou e Aberahama katoa i akarongo
ra. Ko te tangata ravara tei runga i 10
te angaanga a te ture ra, kua katarai
ia: kua tataia oki e, "Kia katarai
te aronga ravara te kore e tamou i te
rave i te au mea katoa i tataia i roto i
te buka o te ture." I te tuatua ra e, 11
kare rava e tangata tuatua-tika ki

mua i te aroaro o te Atua i te ture,
kua kitea tikaia ia: no te mea, "Ko te
tangata tuatua-tika i te akarongo ra, e 12
ora ia." Kare oki to te akarongo i ta te
ture ra: "Ko te tangata ra e rave i
taua au mea ra, ka ora ia i te reira."
13 Kua oti oki tatou i te oko ravaia e te
Mesia, kia ora tatou i te katara a te
ture, i te mea kua riro aia uorai ei
katara no tatou: (Kua tataia oki,
"Ko tei riia ki runga i te rakau ra,
14 kua katara anakeia ra:" Kia riro te
meitaki a Aberahama ki runga i te pa
enua etene ia Iesu Mesia ra; kia
rau ka ia tatou te Vaerua i tuatuaia
maira i te akarongo.
15 E te au taeake ra, te tuatua nei au i
ta te tangata nei akonoanga; ko te
koreromotu katoa a te tangata nei, kia
tinamouia *ma te kite ra*, kare ua e
tangata e akakore, kare oki e pa'u atu
16 i *tetai ngai*. E teiane i ko Aberahama
e tona uanga tei tuatuaia mai i *taua*
meitaki ra. Kare aia i na ko e, I te
au uanga, mei te mea e e manganui; i
na ko ra e, I toou uanga, mei te mea e
17 okotai ua, koia oki te Mesia. Teia oki
taku tuatua, ko taua koreromotu i tina-
mouia e te Atua i te Mesia i mua-
tangana ra, kare e tika i te ture, ka a
akera anere e toru ara mataiti i tukua
mai ei, kia akakore, ka riro ei tei tua-
tuaia maira ei mea puapinga kore.
18 Naringa oki no te ture i rauka'i te
tuanga, kare atura ia i to tei tuatuaia
maira: kareka ta Aberahama *tuanga*, i
oronga uaiā mai ia e te Atua no tei
19 tuatuaia maira. No te aa oki taua
ture nei? No te maata ua o te ara i
pa'uia mai ei, e kia tae mai te uanga
nona taua tuatua i tuatuaia maira; i
tukua maira te ture na roto i te tupati
20 angela i te rima o te arai ra. E teia-
nei, kare te arai i to te pae okotai,
21 okotai ra te Atua. *Riro atura* aina te
ture ei mea tau kore i tei tuatuaia mai
e te Atua ra? Auraka rava ia: na-
ringa ei ture e rauka'i te ora tei tukua
maira, e riro rai no te ture te tuatua-
22 tika i reira. Kua mopani ravaia ra te
tangata ravara e te tuatua i tataia nei
ki roto i te ara, kia orongaia mai i te
aronga akarongo tei tuatuaia mai e, tei
23 te akarongo ia Iesu Mesia. Kareka i
muatangana, ou te akarongo i tae mai
ei, i tapekaia ana tatou, i mopania ki
roto i te ture, e kia tae ki te akarongo
24 e akakiteia mai a muri atu. I riro ei
oki te ture ra ei arataki ia tatou ki te
Mesia, kia akatikaia tatou i te aka-
25 rongo. Kia riro maira te akarongo
nei, kare atura tatou i vaioia ki raro

ake i te arataki. E tamariki anake oki 26
kotou na te Atua i te akarongo ia Iesu
Mesia. Ko kotou ravarai oki i bape- 27
tizoia i roto i te Mesia ra, kua tuku ia
i ta te Mesia i runga ia kotou. Kare e 28
ngati Iuda, kare e Eleni, kare e doula,
kare e tiamā, kare e tane, kare e vaine;
okotai rai oki kotou katoa i roto i te
Mesia ra ia Iesu. E no te Mesia oki 29
kotou ra, e uanga ia kotou no Abera-
hama, e e tangata kainga ia i tei tua-
tuaia maira.

PENE IV.

*Ko te Mesia i tae mai, kare atura
tatou i raro ake i te ture, nga korero-
motu e rua ra.*

E TEIANEI te karanga atu nei au, 1
Ko te tangata kainga, i te tama-
riki anga ra, e atu ua rai aia i te apinga
tini ravarai, kare ona e tu ke i to te
tavini i reira; Tei raro ake aia i te 2
orometua e te tiaki, e kia tae ki te tua-
tau i akonoia e te metua ra. Koia 3
katoa oki tatou, i te tamariki anga ra,
te vai tavini ua ra tatou i raro ake i te
a o teianei ao: Kia tae rava akenei ra 4
ki te tuatau tikai, kua tono maira te
Atua i tana Tamaiti, na te vaine i anau,
i anau mai oki i raro ake i te ture, Kia 5
okoia e ia te aronga i raro ake i te ture,
kia akariroia tatou ei tamariki rave
nana. E no te mea e tamariki kotou 6
na, i tuku mai ei te Atua i te Vaerua
o tana Tamaiti ki roto i to kotou nga-
kau, i te kapiki anga e, E Aba, e taku
Metua. E teianei kare oki koe i te 7
tavini, e tamaiti ra: e e tamaiti ra, e
tangata kainga ia na te Atua i te
Mesia nei.

Kareka i to kotou kite kore anga i te 8
Atua, te akamori ra kotou i reira i te
au mea kare i te atua mou ra. I teia- 9
nei ra, kua kite kotou i te Atua, kare
ua ra ia, kia kiteia maira e te Atua,
eaa kotou i oki akaou atu ei ki taua
aronga, a rikiriki tika kore, i ta kotou
e anoano ra e kia tavini akaou rai ko-
tou i reira? Te akono na kotou i te 10
rū, e te marama, e te tuatan, e te
mataiti. Te matakū nei au ia kotou, 11
ko te riro aea taku i angaanga ki o
kotou na ei mea puapinga kore.

E te au taeake ra e, te karanga atu 12
nei au kia kotou, e akariro kotou mei
iaku nei, mei ia kotou na oki i *muatanga*,
ko au nei ia: kare kotou i
takinga-kino mai iaku. Kua kite tikai 13
oki kotou e, ma te paruparu o te ko-
papa nei i akakite atu ei au kia kotou
i te evangelia i muatangana. E taua 14

timataanga noku ra i toku nei kopapa,
kare kotou i akavaavaa mai i te reira,
kare oki i akaruke mai *iaku*; kua āriki
maira kotou iaku mei te mea e e angela
na te Atua, e mei te mea ko te Mesia
15 ra ia Iesu. Teianei, teia io nei taua
meitaki no kotou ra? Ko au oki te
kite ia kotou e, naringa i tika ra, kua
koiti ia kotou i to kotou uarai mata, e
16 kua oronga mai iaku nei. E teianei,
kua riro ainei au ei enemi no kotou,
ko au e akakite atu kia kotou i te tua-
17 tua-mou nei? Te tarekareka ua mai na
ratou ia kotou, kare ra te mea mei-
taki; te inangaro ra ratou i te akataka
ia kotou, e kia tarekareka mai kotou
18 ia ratou. E mea meitaki te tarekareka
i te mea meitaki, eaa e tivata, auraka
ei toku noo anga anake i rōtopu ia
19 kotou na. E aku au tamariki mea riki
e, taku e mamae akaou nei mei te ma-
mae anau ra, e kia akatupua te tu o te
20 Mesia ki roto ia kotou na, I anoano
oki au e ei vaitata au ia kotou i teianei,
e ei reo ke toku; te ekoko ua nei au ia
kotou.

21 Ka akakite mai ana, kotou ko tei
inangaro i ta te ture ra, kare kotou i
22 kite i te ture? Kua oti i te tataia e,
toko rua a Aberahama tamariki tama-
roa, na te vaine tavini tetai, na te
23 vaine tiamā tetai. Ko ta te vaine ta-
vini ra, i anau mai ia i ta te kopapa
nei akonoanga; kareka ta te vaine
24 tiamā ra, no tei tuatuaia maira ia. E
aiteitanga oki eianei puke mea: ko
nga korermotu ia e rua ra; no te
maunga ra tetai no. Sinai, ko te anau
mai tana ei tamariki tavini, koia oki
25 a Agara. E taua Agara nei oki, ko te
maunga ra ia ko Sinai i Arabia ra, e
tau oki ia Ieruselema e vai nei, te vai
tavini ua nei oki aia ma tana katoa ra
26 tamariki. Kareka Ieruselema i runga
ra, ko te vaine tiamā ra ia, ko to tatou
27 ravarai ia metua vaine. Kua oti i te
tataia, “Ka maeva, e tei pa, kare i
anau e; kia puroro ua te reo maeva,
e kapiki nui, e tei kore i mamae i te
tamariki e; kua maata oki ta te takaua
28 ra tamariki i ta te noo tane ra.” E
teianei, e te au taeake ra, e tamariki
tatou no tei tuatuaia maira, mei ia
29 Isaaka katoa ra te tu. E mei iaia oki
ko tei anau mai i ta te tino nei akono-
anga, i takinga-kino atu iaia i *tei anau*
mai i ta te Vacerua ra, koia katoa i
30 teianei. Te peca ra te tuatua i tataia ra?
“E tuaru ke atu i teianei vaine tavini
e tana tamaiti: kare oki te tamaiti a tei-
anei vaine tavini e riro ei tangata tua-
nga katoa, raua ko te tamaiti a te vaine

tiaa." Koia tikai oki, e te au tacake 31
ra, kare tatou te tamariki na te vaine
tavini, na te vaine tiaa ra.

PENE V.

*Te ako rā Paulo ia ratou e tamou i
te tiaa a te Mesia, eiaa ta te aka-
ngati Iuda: ta te tino e ta te Vaerua
i akakiteia.*

E TENANA, e tamou tikai kotou i 1
te tiaa ta te Mesia i akatiama
mai ia tatou nei, e auraka e ii akaou i
te zugo tavini ra.

I na, ko au teia ko Paulo, te karanga 2
atu nei au, Kia peritomeia kotou, kare
rava a kotou puapinga e rauka i te 3
Mesia. E te akakite akaou atu nei
au ki te tangata ravarai i peritomeia, e 4
kai ou aia e kia ope rava te ture i te
raveia. Kotou ravarai ko tei akakiteia 5
i te ture, kua ma e ia kotou i te
Mesia; kua akaruke ia kotou i te atoa 6
ua. No te Vaerua oia i tatari atu ei
matou i te tuatua-tika i manakoa nei 7
kia rauka i te akarongo. Ie Iesu
Mesia nei oki, kare te meitaki e rauka 8
i te peritome, kare oki i te peritome
kore; i te akarongo ra e akatupu i te 9
anoano ra.

I oro meitaki ana oki kotou; naai 7
kotou i arai io nei, i kore ei kotou i
akono i te tuatua-mou? Kare oki tona 8
te reira manako to tei akamou ia ko-
tou. Ka opue te putunga katoa ra i te 9
akaopue mea ngiti ua ra. E te kite 10
nei au i te Atu ia kotou e, kare to ko-
tou e riro ei manako ke: kareka aia i
akaapekapeka mai ia kotou, ei iaia uao-
rai tana utunga, kare e akonoia tona 11
tu. Ko au nei oki, e te au taeake, te
apii nei rai au i te peritome, eaa au i
takinga-kinoia mai ei? Kua kore oki 12
te maitu o te satauro i reira. E mea
meitaki oki iaku kia akataka keia taua
aronga i akaapekapeka ia kotou ra.

I karangaia oki kotou, e te au tae- 13
ake, kia rauka te tiaa; auraka ra
taua tiaa ra ei akatupu i ta te kopapa
nei, ei kauraro aroa ra to kotou ia kotou
uorai. Kua tika rava oki te ture i te 14
reo okotai nei, ko teia; "E aroa atu
koe i to tangata tupu mei *te aroa*
ia koe uorai." Kareka ra kia aae ra 15
e kia akapou ia kotou uorai, e mata-
kite, ko te pou takiri oki kotou ia kotou
uorai.

Teia oki taku tuatua, E akono i 16
ta te Vaerua ra, e auraka e akatupu i
to te kopapa ra inangaro. Te inangaro 17
o te kopapa nei, kare ia e tau i to te
Vaerua; e to te Vaerua, kare ia e tau i

to te kopapa nei; kare mau i tau: i 1
kore ei i tika ia kotou kia rave i ta
18 kotou i anoano ra. Te aratakiia ra
kotou e te Vaerua ra, kare ia kotou i
19 raro ake i te ture. E teianei, te au anga-
anga o te kopapa, kua kitea meitakiia
ia; koia oki te akaturi, te akaturi, te
20 tuatua viivii ra, e te kanga, Te aka-
mori idolo, te purepure, te makita-
kita, te tamaki, te akarere, te riri, te
21 karo, te pae ke, te airesi, Te vareac,
te ta tangata, te konā kava, te kariei,
e mei te reira te tu; te akakite atea
atu nei au kia kotou i teianei, taku rai
oki i akakite i muatangana ra, ko te aro-
nga e rave i te reira au peu, kare ratou
22 e noo i te basileia o te Atua. Kareka
ta te Vaerua e akatupu, ko te inangaro
ia, te rekareka, te au, te akakoromaki,
te takinga-meitaki, te meitaki, te piki-
23 kaa kore, Te maru, te akono meitaki:
kare ua e ture e akakore i te reira.
24 Ko ratou oki ko to te Mesia ra, kua aka-
satauro ia i te kopapa ma tona manako
25 e te inangaro tika kore katoa ra. E te
ora nei tatou i te Vaerua ra, e aru tatou
26 i ta te Vaerua ra. Eiaa tatou e aka-
teitei puapinga kore ua, i te akaongo-
ongo anga tetai ki tetai, e te vareac
anga tetai ki tetai.

PENE VI.

*Te ako rā Paulo ei ravenga maru i te
taeake i rokoia e te kino; ei takinga-
meitaki ki te orometua; te paupaa
ra aia i te satauro o te Mesia.*

E TE au taeake ra, kia rokoia tetai e 1
te apa ra, ka akaora kotou ko tei
akono i ta te Vaerua ra i te reira, ma
te ngakau maru; ma te manako ia koe
uorai, ko te timata katoaia aea koe.
2 Kotou kotou uorai ka rave atu i ta
tetai apainga, kia pera kotou i te aka-
3 tika i te ture a te Mesia. Kia manako
tetai iaia uorai e, e tangata maata aia,
e kare ua ana e puapinga, kua vavare
4 aia iaia uorai. Ka timata te tangata
ravarai i tana uorai angaanga, ei reira
aia e rekareka'i iaia uorai, eiaa i tetai
5 ke. Ei runga iaia uorai ta te tangata
ravarai apainga.

6 E te tangata i apiia i te tuatua
ra, ka oronga aia i te au mea mei-
7 taki ravarai na tei apii mai. Auraka e
vavare; kare ua te Atua e vare: ko
ta te tangata e ruru ra, ko tana ra ia e
8 kokoti. Ko tei ruru i ta tona uorai
kopapa, ka rauka iaia te kino i tana
kopapa ra; kareka te ruru i ta te Vae-
rua, ko te ora mutu kore tana e rauka
9 i te Vaerua ra. Auraka tatou e roiroi

i te takinga-meitaki, ei te tuatau tikai
oki tatou e kokoti ei, kia kore tatou e
akaparuparu. E kia rauka ta tatou ra-
venga, e takinga-meitaki tatou i te tan-
gata ravarai, kia maata atura ki to te
ngutuare o te akarongo ra.

Te kite na kotou i te maata anga o te
leta taku i tata ia kotou i toku uorai
rima. Te aronga katoa i inangaro i te
akamania ka ua i te akonoanga o te
kopapa nei, te manono ra ratou ia ko-
tou kia peritomeia; ko te takinga-
kinoia aea ratou i te satauro o te Me-
sia, no reira anake oki. Kare oki
ratou uorai ko tei peritomeia i akono
i te ture; i inangaro ra ratou kia peri-
tomeia kotou, kia akatietie ratou i to

14 kotou kopapa. Auraka rava ra toku
ei akatietie anga ke, mari ra i te sa-
tauro a to tatou Atu a Iesu Mesia, i
riro ei teianei ao ei mea akasatauroia
15 iaku, e ko au oki i teianei ao. Ia Iesu
Mesia nei oki, kare o te peritome, kare
o te peritome kore, tei te tangata ou
16 ra. E te tangata ravarai e aere i teia-
nei aerenga, ei au to ratou, e te aroa, e
ei runga katoa i te Iseraela o te Atua.
17 E teianei, eiaa rava ei tangata e aka-
pekapeka mai iaku, e a muri ua atu: te
apai nei au i te akairo a te Atu ra a
Iesu ki runga i toku nei kopapa.
18 E te au tacake ra e, ei to kotou vae-
rua te aroa ua o to tatou Atu ra o Iesu
Mesia. Amene.

TE EPISETOLE A TE APOSETOLO RA A PAULO

I TO EPHESIA.

PENE I.

*Te akakite rā Paulo e ko te aroa te
tumu o to te tangata nei ora; e te
pure ra kia kite ratou.*

PAULO, e aposetolo na Iesu Mesia
i te anoano o te Atua, i te aronga
tapu i akarongo i te Mesia ia Iesu i
Ephesia na: Ei ia kotou te aroa ua e
te au, no ko mai i te Atua i to tatou
Metua ra, e te Atu oki ia Iesu Mesia.

Kia akameitakiia te Atua te Metua
o to tatou Atu ra o Iesu Mesia, ko tei
akameitaki mai ia tatou nei i te au
meitaki ravarai o te vauerua i te ao ra i
te Mesia nei: Koia i iki mai ia tatou i
roto iaia nei, ou te tumu o teianei ao,
kia riro tatou ei aronga tapu, e te apa
kore, i mua iaia, ma te anoano: E kua
akono takere ia tatou, kia riro ei tama-
riki rave nana uorai ia Iesu Mesia ra,
mei tei tau i te anoano takinga-meitaki
o toa ora ngakau, Kia akameitakiia
te kakā o toa aroa ua, i riro ei
tatou iaia ei aronga kiteia mai i roto i
tei Akaperepera: Nona i rauka'i
te ora ia tatou i toa toto, i te akakore
anga i te ara nei, no te maata o toa
aroa ua; Ko tei akamaata ravaia e ia
ia tatou nei, ma te pakari katoatoa oki
e te akono meitaki; E kua akakite mai

ia tatou i te tuatua ngaro o toa ano-
ano, i toa uorai inangaro takinga-
meitaki i akakoroia e ia i roto iaia
10 uorai: E kia tae ki te akaaerenga i te
openga tikai o te au tuatau ra, kia ta-
vaitai aia i te au mea katoatoa i te
Mesia ra, to te rangi, o to te ao katoa
11 nei: ei iaia rai, E e tuanga oki ta ma-
tou i rauka iaia, ko matou ko tei akono
takereia i te akakoro nana, na tei rave
i te au mea katoa kia tau i te akakoro
12 a toa anoano; Kia riro matou nei ei
akameitaki anga i toa kakā, ko ma-
tou ko tei irinaki i te Mesia i muata-
13 ngana. Ko ta kotou katoa oki i irinaki,
i to kotou akarongo anga i te tuatua-
mou ra, i te evangelia o to kotou ora;
e kotou katoa i akarongo, i akairoia i
kotou e ia, i te Vauerua Tapu i tuatuaia
14 maira, Ko te akakite ia o ta tatou tua-
nga e tae ua atu ki te ora mou o te
aronga i okioa ra, kia akameitakiia
toa kakā.

15 No reira katoa au nei, i kite katoa
akenei au i to kotou akarongo i te Atu
ra ia Iesu, e te aroa i te aronga tapu
16 katoa ra, I kore ei i tivata i te akamei-
taki i te Atua ia kotou, i te taiku anga
17 ia kotou i roto i taku nei pure; Kia
oronga mai te Atua o to tatou Atu ra
ia Iesu Mesia, te Metua nona te kakā,

i te Vaerua nona te pakari, e te tuatua akakiteia, kia kotou, kia kite kotou iaia: Kia mārama te mata o to kotou 18 ngakau; kia kite kotou i te manako-nakoanga o tana tuatua anga mai, e te maata anga o te kakā o te tuanga nona, i akonoia na te aronga tapu ra, E te 19 maata anga oki o tona mana kia tatou i tei akarongo, i te maroiroi maata o tana ravenga mana, Tana i rave i te Mesia 20 ra, ka akatu mai ei iaia i te matenga ra, e akanoo iora oki iaia i tona uorai rima katau i te ao ra, Ki runga rava 21 atu i te au ariki ravarai, e te aronga mana, e te marōrō, e te maata, e te au ingoa katoa i akaikiia nei, eiaa i teianei ao anake, i te ao katoa ra a muri atu: E kua tuku oki i te au mea ravarai ki 22 raro ake i tona vaevae, e kua akono oki iaia ei upoko i runga o te au mea katoa i te ekalesia, Ko tona ia kopapa, ko 23 te ki ia nona no te akaki i te au melo katoa i te au mea ravarai.

PENE II.

To tatou tu i te anau anga, e to tatou tu kia anau akaou: to te ngati Juda e te etene kapiti anga i te Mesia, e te riro anga ei kopu-tangata okotai.

E KOTOU oki tei akaoraia e ia, ko 1 tei mate i te ara e te kino; Ko to 2 kotou ia aerenga i muatangana ra ta to teianei ao ra, ta te ariki mana o te reva ua nei, te vaerua e angaanga ririnu nei i roto i te aronga akarongo kore: Ko tatou katoa oki te kapiti katoa anga i roto ia ratou i muatangana i te anoano o te kopapa nei, i te akatupu anga i ta te kopapa e ta te ngakau i inangaro ra; e mei te tangata ravarai nei oki, i anau mai ei tamariki ririia. Kareka te Atua, no te aroa maata tona, 4 e no te anoano maata tana i anoano mai ia tatou nei, Mate uorai tatou i te ara, akaora akenei aia ia tatou ma te Mesia katoa, (i ora kotou i te aroa ua;) E kua akatu oki ia tatou ma 6 ia katoa ki runga, e kua akanoo oki ia tatou katoa i te ao i te Mesia ra ia Iesu: Ei akakite anga nana i te au uki a muri atu i te maata ua anga o tona aroa ua, i tona takinga-meitaki anga mai ia tatou nei ia Iesu Mesia ra. I 8 ora oki kotou i te aroa ua i te akarongo; e kare oki tana akarongo ra i to kotou uorai: e mea orongaia mai ia e te Atua: Kare oki to te angaanga, ko 9 te akatieie aea tetai. Ko tatou oki 10 tana angaanga, i angaia e Iesu Mesia ra ei rave i te tuatua meitaki, i tei aka-

tau takereia e te Atua ei akonoanga na tatou.

- 11 E tenana e akamaara kotou e, e etene kotou i muatangana i te kopapa, i tapai i te peritome kore e te aronga i tuatuaia ra i te peritome tino i raveia e
- 12 te rima nei: E te taka ke ra kotou i te Mesia i reira, e te tangata ke ke oki i te kapitianga a Iseraela, e te piritanga kore i te au koreromotu i tuatuaia maira, e manakoanga kore, e te Atua
- 13 kore i te ao nei: I teianei ra, ia Iesu Mesia nei, ko kotou ko te aronga i atea ke i muatangana ra, kua akavai-tataia mai ia i te toto o te Mesia nei.
- 14 Koia oki to tatou au, ko tei akariro ia tatou ei okotai, ko tei uri ki raro i te
- 15 patu akataka ke i rotapu. Kua akakore oki i te mea i enemi ei ra i tona kopapa, koia te ture akauenga no te au oroa ra; kia riro taua rua ra ei tangata
- 16 ou okotai iaia uorai, ka au atu ei; E ei akaongi ia raua ravarai i te kapitianga okotai i te Atua i te satauro ra, i
- 17 mate ei oki te mea i enemi ei ra; E kua aere maira oki e kua tutu maira i te tuatua meitaki o te au kia kotou to te atea ke, e kia ratou i tei vaiata.
- 18 Nona oki tatou ravarai nei i tae atu ei
- 19 ki te Metua ra i te Vaerua okotai. E teianei kare atura kotou i te tangata ke e te purutia, okotai rai o kotou oire e te aronga tapu ra, no te ngutune oki
- 20 o te Atua; Kua patuaia oki ki runga i te tango o te au aposetolo e te au peroveta ra, ko Iesu Mesia uorai te toka
- 21 tiavā; Nona oki te are katoa i te piri meitaki anga iaia ra, i riro ei oki ei nao
- 22 tapu no te Atua ra: E kua patu katoaia kotou e ia kia riro ei nooanga no te Atua i te Vaerua.

PENE III.

Te tuatua ngaro o to te elene ora anga i te evangelia: ko Paulo tei ikuia ei orometua no ratou: tona anoano ia ratou.

- 1 **N**O reira oki au nei ko Paulo, te tangata o Iesu Mesia, i tapekaia nei, tapekaia ia kotou i te etene na.
- 2 Kua kite oki kotou i te akaaerenga i te aroa ua o te Atua i tukua mai
- 3 kiaku nei no kotou na: E nana i akakite ua mai iaku i te tuatua ngaro ra;
- 4 (i taku i tata poto atu ia kotou na, E kite ei oki kotou i toku kite i te tuatua ngaro a te Mesia nei, kia tatau ra;)
- 5 Ko tei kore i akakiteia mai ki te tangata i te au uki i muatangana ra, mei tei akakiteia mai e te Vaerua i teianei ki tana au aposetolo tapu ra e te au

peroveta nana ra ; E ei aronga tuanga
 katoa te au etene, ei kapitianga okotai
 rai, e kia rauka katoa tei tuatuaia
 mai e ia i te Mesia i te evangelia nei :
 I akarioia'i oki au nei ei orometua,
 no te meitaki i orongaia mai kiaku nei
 i te aroa ua o te Atua i te ravenga riri-
 nui a tona mana. Ko au nei rai, ko te
 iti rava i te iti i te aronga tapu ravarai,
 tei orongaia mai taua aroa ua nei,
 kia tutu aere au ki rotapu i te etene i te
 meitaki maata ope kore o te Mesia kia
 kimi ra ; E ei akakite ki te au tangata
 ravarai i te kapitianga o te tuatua
 ngaro, i uunaia meci muatangana mai o
 teianei ao i roto i te Atua, ko tei anga
 i te apinga tini ravarai i te Mesia ra ia
 Iesu : Kia akakite i te ekalesia i teianei
 nei te pakari tumatatin o te Atua i te
 ui ariki e te aronga mana i te ao ra, I
 11 te akakoroanga nana mei muatangana
 mai tana i akakoro i to tatou Atua ia
 Iesu Mesia : Nona tatou e tuatua ua'i, 12
 e te o oki ma te matakore i te akarongo
 iaia.

E teianei, teia toku anoano, eiaa ko- 13
 tou e taitaia i toku nei mate ia kotou,
 ko to kotou oki ia kakā. No reira oki 14
 au i akamangi atu ei i taku turi ki raro
 i te aroaro o te Metua o to tatou Atua
 ra o Iesu Mesia, Nona oki te ingoa i 15
 tapaia i te kopu-tangata ravarai, to
 runga i te rangi, e to te ao katoa nei,
 Kia tika iaia i te maata o tona kakā, 16
 kia akaetaetia mai te tangata i roto
 ra e tona Vaeura ; Kia noo te Mesia 17
 i roto i to kotou ngakau i te akarongo ;
 kia akaia kotou, e kia akatumuia i te
 inangaro, Kia kite kotou e te aronga 18
 tapu katoa ra, i te tipoto, e te tiroa, e
 te oonu, e te teitei, Kia kite kotou 19
 i te aroa o te Mesia, ko te kore e taea
 e te kite tangata nei, kia akakiia ko-
 tou e kia tao ki te ki katoa a te
 Atua ra.

E teianei ei iaia, ei te maata ua atu 20
 tana kia rave i te au mea katoa ta ta-
 tou e pati nei, e ta tatou e manako nei,
 i te mana i ririnui i roto ia tatou nei,
 Ei iaia te kakā i te ekalesia ia Iesu 21
 Mesia, e ope ua atu te au uki ravarai,
 e tuatatau ua atu. Amene.

PENE IV.

*Te taoonga ke ke i o maiia kia meitaki
 te ekalesia : te tangata taito i toku
 keia.*

E TEIANEI te ako atu nei au, te 1
 tangata i tapekaia nei i te Atua, kia
 kotou, kia tau to kotou aerenga i te
 nominoanga i nominoia mai ei kotou

2 na, Ma te agakau akaaka roa, e te ma-
 ru, ma te akakoromaki, i te tauturu
 3 anga atu tetai i tetai ma te aroa ; Ma
 te matakite tikai oki kia vai rai te tao-
 kotoainga a te Vaeura ra i te ruru o
 4 te au. Okotai rai kopapa, okotai oki
 Vaeura, mei ia kotou i nominoia i te
 tapapaanga okotai o to kotou nomino-
 5 anga ra ; Okotai Atua, okotai akarongo,
 6 okotai baptizo, Okotai Atua, ko te
 Metua ia no te tangata katoatoa, tei
 rungao i te tangata ravarai, e tei vai-
 tata i te tangata katoatoa, e tei roto oki
 7 ia kotou ravarai. Kua orongaia mai
 te meitaki kia tatou katoa nei i ta te
 8 Mesia i tau i te oronga mai. Koia i
 tuatuaia'i e, "Iaia i kake ki runga, e
 aronga tuikaa e manganui tana i ara-
 taki, e kua oronga ua maira te mei-
 9 taki i te tangata nei." (E koia oki i
 kake ki runga ra, kare aina no te mea
 i eke mai ana iaia ki raro ki te au ngai
 akaaka i teianei ao? E ko tei eke mai
 ki raro nei, ko tei kake ia ki runga
 rava atu i te au rangi ravarai nei, kia
 ope te au mea katoa i te akakiia e ia.)
 11 E kua akono oki iaia i tetai pae, ei apo-
 setolo, tetai pae, ei peroveta, tetai pae,
 ei apii evangelia ; e tetai pae, ei tiaki,
 12 e ei orometua ; Ei akatau i te aronga
 tapu, no te angaanga orometua, kia
 meitaki oki te kopapa o te Mesia ra :
 13 Kia riro tatou ravarai ei tangata pa-
 kari, i te akarongo okotai, e te kite i te
 Tamaiti a te Atua ra, kia taea te aite
 ra i te ki o te Mesia i te maata : Kia
 14 kore tatou e tauriuria, e akapeke ae-
 reia e te matangi ra, i tera tuatua i
 tera tuatua, mei te tamariki ra, i te
 ravenga a te tangata nei, e te pakari i
 15 te ravenga tini o te pikikaa ra ; Kia
 akatika ra tatou i te tuatua-mou ma te
 aroa, kia tupu te tau iaia, i te upoko, i
 16 te Mesia, i te au mea katoa nei : Nona
 oki te tau meitaki o te kopapa katoa e i
 piri ei oki, no te meitaki o te au piri-
 anga katoa i te pakari mou o te au
 ngai katoa kia tau, tupu akera te ko-
 papa i te maata anga o tona uorai
 meitaki ma te aroa.

17 E teianei, teia taku tuatua, ta te
 Atua oki taku e akakite atu nei, oti ra
 ua kotou i te aere i ta tetai papaki
 etene aerenga, i te akonoanga neneva o
 18 to ratou uorai ngakau, Ma te manako
 akapoiriia, e te taka ke i te ora a te
 Atua ra no te kite kore i roto ia ratou
 ra, e te paetacta oki o to ratou ngakau ;
 19 E no te kite kore i te akama, kua oron-
 ga ia ratou uorai i te peu kanga ra,
 ei rave i te au mea viivii katoa ra, ma
 20 te anoano maata. Kare ra mei te reira

ta kotou i apii i te Mesia; Kua aka- 21
rongo oki kotou i tana, e kua apiia
kotou e ia, tei ia Iesu oki te tuatua-
mou: Kia kopae kotou i ta kotou 22
tuatua i muatangana ra, i te tangata
taito, i tei kino i te anoano pikikaa; E 23
kia akaouia oki kotou i to kotou vae-
rua ra, i te ngakau: E kia akatangata 24
ou oki, ko tei angaia kia tau i te Atua
ra, i te tuatua-tika e te tapu mou.

E teianei kia kopae ua atu i te pikikaa, 25
“ei tuatua-mou ta te tangata ravarai
kia tuatua atu ki tetai:” E melo anake
oki tatou no tatou orai. Kia riri ko- 26
tou ra, auraka kia arai: “auraka e topa
te rā i to kotou riri anga:” Auraka e 27
tuku i ta te diabolō ngai kia o mai. Te 28
tangata i keia na, auraka aia e keia
akau: e rave ra i te angaanga, kia
rauka iaia te mea meitaki i tona uorai
rima, kia puapingaia tana kia oronga
atu na te tangata i ngere. Auraka ei 29
tuatua viivii e mama mai no roto i to
kotou vaa, ei tuatua meitaki ra e tupu
ei te meitaki tika ra, e meitaki ei te
aronga e akarongo ra. E auraka e 30
akariri atu i te Vaeua Tapu o te Atua,
i akairoia’i kotou e tae ua atu ki te rā
e rauka’i te ora ra. Kia kopae ravaia 31
oki te maru kore, e te rotoriri, e te ma-
kitakita, e te taumāro ra, e te tuatua
akakino, e te vareae, auraka takiri ia:
Kia takinga-meitaki kotou ia kotou 32
uorai, ma te ngakau maru aroa ua ra,
ma te akakore oki i te ara tetai e tetai,
mei ta te Atua i akakore mai i ta ko-
tou i te Mesia ra.

PENE V.

*E kopae atu i te au mea viivii ra e
tika’i: ta te tane e ta te vaine akono
angu.*

E TEIANEI ei aru kotou i te Atua, 1
mei te tamariki akaperepere ra;
Ei aerenga aroa to kotou mei te Mesia 2
i aroa mai ia tatou ra, o kua oronga
mai iaia uorai ei terume, e ei tusia
kakara, i te Atua ra, na tatou.
Kareka te akaturi, e te au tuatua 3
viivii ravarai, e te noinōi apinga, au-
raka rava e akaikiia ki o kotou na, ko
tei tau ia i te aronga tapu; Auraka 4
oki te tuatua kanga ra, e te tuatua
rikiriki neneva ra, e te takatakata kino
ra, kare ia e tau; kareka te akamei-
taki, e tau ia. Kia kite oki kotou e, 5
kare o te akaturi, e te tangata viivii ra,
kare o te noinōi apinga ra, e akamori
idolo ia, kare anake a ratou tuanga i te
basileia o te Mesia ra e te Atua. Au- 6
raka rava ei tangata e pikikaa mai ia

kotou i te tuatua puapinga kore ra;
no te reira au mea oki i tae mai ei te
riri o te Atua ki rungao i te tamariki
7 akarongo kore. Auraka ra kotou ei
8 rave katoa i ta ratou ra. I polri ana
oki kotou i muatangana ra, i teianei ra,
kua mārama kotou i te Atua: kia tau
oki to kotou aerenga e te tamariki o te
9 mārama; (Ta te Vaeua e akatupu ra,
koa te au mea meitaki ravarai, e te
10 tuatua-tika, e te tuatua-mou;) Kia
kitea ia kotou te mea mareka na te
11 Atua. E auraka e kapiti ki te aronga
tuatua puapinga kore o te pōiri, e ako
12 atura. E mea akama oki kia tuatua i
13 te au mea i rave pōiriia e ratou ra. E
te au mea kikinō ravarai i kitea ra, i
kitea ia i te mārama: ko te mārama
oki te akakite mai i te au mea katoa.
14 I tuatua mai ei te Vaeua, “E ara mai
na, e tēra ra tangata moe, ka tu mai ki
runga i tenana mate, e na te Mesia e
oronga mai i te mārama ia koe.”
15 E tenana, kia matakite i to kotou
aerenga, eiaa mei ta te kite kore, mei
16 ta te aronga pakari ra. Ma te taporo-
poro marie i te taime, no te mea e tua-
17 tau kino teia. E auraka kotou ei
manako kore, kia kite ra kotou i to te
18 Atua ra anoano. E auraka e kona i te
wina, e tupu ei te kanga maata; kia ki
19 ra kotou i te Vaeua; Ma te karangara-
nga oki kotou kotou orai i te salamo e
te imene e te pe’e a te Vaeua, e imene
20 oki ma te tau o te ngakau i te Atua; I
te akameitaki anga i te Metua ra i te
Atua, i te au mea katoa ma te tivata
kore, i te ingoa o to tatou Atua nei o
21 Iesu Mesia; Ma te tatomo marie kotou
ia kotou orai ma te matakū i te Atua.
22 E te au vaine noo tane ra, e kauraro
kotou ki ta kotou uorai au tane, mei
23 ta kotou e kauraro i te Atua ra. Ko te
tane oki te upoko o te vaine, mei te
Mesia katoa ra te upoko ia i te ekale-
sia; ko te ora oki aia no taua kopapa
24 nona nei. E teianei mei te ekalesia e
kauraro i te Mesia nei, koia katoa oki
te au vaine ki ta ratou naorai au tane i
25 te au mea katoa nei. E te au tane ra,
e aroa atu kotou i ta kotou au vaine,
mei te Mesia katoa i aroa i te ekalesia,
26 e kua oronga iaia naorai ei oko; Kia
akatapu aia i te ekalesia, e kia orei i te
orei anga vai, i te tuatua i akoia ra;
27 Kia tuku aia iaia i mua i tona aroaro
ei ekalesia kakā, e te topata kore, e te
korokoromīngō kore, e te au mea katoa
mei te reira te tu; kia tapu ra e te apa
28 kore. E aroa katoa te au tane i ta ra-
tou naorai au vaine e tika’i, mei to ra-
tou naorai kopapa; ko tei aroa i tana

uaorai vaine, kua aroa aia iaia uaorai. Kare na e tangata e makitakita i tona 29
uaorai kopapa e teia noa'i oki; kareka e angai e te akaperepere marie; mei ta te Atu i te ekalesia nei: E melo 30
oki tatou no tona tino, no tona kiko, e tona ivi. No reira oki "e akaruke ei 31
te tangata nei i tona metua tane e tona metua vaine, ka piri atu ei ki tana vaine, e ka riro oki raua ei tino okotai." E tuatua ngaro maata oki teia: 32
no te Mesia ra taku e tuatua nei e no te ekalesia. E aroa ra te tangata katoa 33
i tana uaorai vaine mei te aroa iaia uaorai; e te vaine oki e kauraro aia i tana tane.

PENE VI.

Ta te tamariki e ta te au metua akono anga: ta te pu e ta te tavini akono anga: te rakei a te tangata akarongo.

E TE au tamariki ra, e akarongo 1
atu i to kotou au metua i te tau i te Atu ra; e tuatua-tika oki te reira. "E akangateitei i to metua tane e to 2
metua vaine;" (to te akauenga muatangana ia i pauia i te meitaki i akakiteia mai;) "Kia meitaki koe, e kia 3
akaroaia toou puke ra i te enua nei." Ko kotou oki te aronga metua, auraka e akariri atu i ta kotou au tamariki ra: e apii ra ia ratou kia pakari ma te ako a te Atu ra.

E te au tavini ra, e akarongo 5
i to kotou au pu i te tino nei, ma te matakau e te kauraro oki, ma te ngakau pikikaa kore, mei ta kotou e akono i te Mesia ra; Auraka ei akarongo 6
mata, mei te tarekareka tangata; mei te tavini ra o te Mesia, i te akono anga i to te Atua ra inangaro ma te tae o te ngakau; I te rave anga i te angaanga tavini ma te anoano, mei te mea e na te Atu, e kare i ta te tangata. Kua kitea e e angaanga meitaki ta teta tangata i rave, e tutakila mai ia e te Atu, ta te tavini e ta te uama. E ko kotou oki e te au pu ra, e pera katoa ia ratou, auraka ei tuatua akamataku: kua kite oki kotou e e pu katoa to kotou tei te

no ra; e kare aia e akono mai i te tu o te tangata nei.

- 10 E tenana, e aku au taeake, kia maroiroi kotou i te Atu, e i te ririnui o 11
tona mana. E kakau i te rakei katoa a te Atua ra, kia tika ia kotou kia patoi i te ravenga pakari a te diabol o ra. 12
Kare oki te tangata anake ta tatou e kukumi nei, ko te au ariki katoa ra, e te aronga mana, e te au kavana o teia-nei ao poiiri, e te au vaerua kikino i te 13
reva nei. Ka rave ana oki kotou i te rakei katoa a te Atua ra, kia tika ia kotou kia patoi atu i te *enemi* i te ra kino ra, e kia ope rava te au ravenga 14
ra, kia tu rai. Ka tu, ma te tatuaia to kotou taukupu i te tuatua-mou, e ma te tapoki-umauma ra ko te tuatua tika 15
i te kakau anga; E kia akatamakaia to kotou vaevae i te teateamamao o te 16
evangelia o te au ra; E rave oki i te paruru ra i te akarongo, ei runga ravao ia, ko te mea e mate ei te au tao ai 17
ravarai a te vaerua kino ra. Ka rave katoa i te pare ra i te ora, e te koke a te Vaerua ra, koia te tuatua a te Atua: 18
Ma te pure tukumoe kore, i te au pure ravarai, i te pati a te Vaerua, ma te akamaroiroi e te tamou i te reira, e te pati anga oki no te aronga tapu katoa 19
ra; E noku oki, kia orongaia mai te tuatua iaku, e kia tuatua atu toku vaa ma te matakau kore, kia akakite ua atu au i te tuatua ngaro ra i te evangelia, 20
I riro ei oki au nei ei karere tapekaia; kia tuatua atu oki au ma te matakau kore, ko tei tau oki iaku kia tuatua ra. 21
Kia kite ra kotou i te au tuatua noku nei, e taku e rave nei, na te taeake akaperepere na Tukiko, e te prometua pikikaa kore i te Atu nei, e akakite atu kia kotou i te au tuatua 22
katoa. I unga atu ei au iaia kia kotou, kia kite kotou i te au tuatua no matou nei, e kia akapumaana aia i to kotou ngakan. 23
Ei au to te au taeake, e te aroa ma te akarongo, no ko mai i te Atua Metua ra, e te Atu oki ia Iesu Mesia. 24
Kia *vai vai* te aroa ua i te aronga katoa i inangaro i to tatou Atu ia Iesu Mesia ma te pikikaa kore. Amene.

TE EPISETOLE A TE APOSETOLO RA A PAULO

I TO PHILIPHI.

PENE I.

To Paulo ma aroa ki to Philipi: te meitaki i tupu iaia i tapekaia: no te ekalesia i inangaro ei aia kia roa tonu a'o: tana ako ia ratou.

PAULO e ko Timoteo, e puke tavini no Iesu Mesia, i te aronga tapu ravarai i roto i te Mesia ia Iesu, e nga episekopo e te au diakono, i Philipi na: Ei ia kotou te aroa ua, e te au, no ko mai i te Atua i to tatou Metua, e te Atua oki ia Iesu Mesia.

Te akameitaki nei au i taku Atua kia maara ua atu au ia kotou kare e tivata, I te au pure katoa naku nei ia kotou ravarai, e pure atu rai au ma te rekareka kare e tivata, I to kotou tau meitaki anga i te evangelia nei mei muatangana mairai e tae rava akenei i teiane; Kua kite tikai oki au i taua tuatua nei e, ko tei akamata i te angaanga meitaki i roto ia kotou na, nana rai e rave e tae ua atu ki te rā o Iesu Mesia: E mea tika oki kia akapera au i te manako ia kotou ravarai, te vai nei oki kotou i roto i toku nei ngakau; i toku nei tapeka angaia, e taku nei akatika anga iaku uarai, e te akamaroiroi anga i te evangelia nei, tei ia kotou katoa na ia te meitaki i orongaia mai iaku ra. Ko te Atua oki te kite iaku, e anoano maata rava toku ia kotou ravarai ma te aroa ngakau o Iesu Mesia. E te pure nei au, kia tupu marie rai to kotou inangaro e kia maata atu rai i te kite, e te utoa o te ngakau; Kia tau oki kotou i te au mea e maata ua atu te meitaki; kia riro kotou ei aronga tuatua-mou, e te apa kore, e tae ua atu ki te rā o te Mesia ra; E kia akakiia oki i ta te tuatua-tika i tei tupu ia Iesu Mesia ra, kia akakakāia te Atua e kia akameitakiia.

Te inangaro nei ra au, e te au tacake, kia kite kotou e, kua riro te au mea i rokoia mai ei au nei ei akatupu i te evangelia nei; E kua kitea

oki toku nei tapeka angaia i te Mesia nei e kako rava ake te Peraitorio, e te au ngai katoa nei; E manganui to te au taeake i te Atua nei, tupu akenei to ratou kite, ko au i tapekaia nei, kua maata atura to ratou maroiroi kia apii i te tuatua ma te matakau kore. E vareae to tetai pae e te mārō, i tuatua'i i ta te Mesia nei; e tetai pae oki, no te anoano mou ia: Ta tetai pae, te tuatua nei i te Mesia ra ei tauetonoanga, kare ma te manako tika, i anoano ratou i te akamaata e toku mate i toku tapeka angaia nei: Ta tetai pae ra, no te aroa ia, kua kite oki e, i akonoia au ei akatika i te evangelia nei. Eaa oki to reira? i taua au mea katoa nei, te mea mou, e te pikikaa, ko te Mesia te tuatuaia nei; te rekareka nei au i te reira, e e rekareka rai oki au. Kua kite oki au e, ka riro te reira ei ora noku i ta kotou pure, e te tauturu a te Vaerua o Iesu Mesia ra. Ko taku ia e anoano maata nei e taku oki e tiaki, ma te manako e auraka rava au e akama, kia tuatua atu ra au ma te matakau kore, mei tei muatangana ra, koia katoa i teiane, kia akameitakiia te Mesia i toku nei tino, i te ora e te mate. Taku uarai nei, kia ora au ra, ei meitaki ia no te Mesia, e kia mate ra kia riro ei meitaki noku. E kia ora au i roto i te kopapa nei, ko te openga ra ia o taku angaanga: kare ra au i kite i tei tika kia anoano au. Te ekoko rua nei au: anoano toku kia aere atu i te Mesia ra noo ei; ko te meitaki maata ua atu oki te reira: Ko te mea tika ra ia kotou, kia noo rai au i roto i te kopapa nei. E no te mea kua kite au i te reira, kua kite oki au e, ka ora rai au e e noo ia kotou katoa na, kia tupu to kotou akarongo e te rekareka. Kia maata atu rai to kotou rekareka ia Iesu Mesia, ko au i aere akaou atu kia kotou na. Kia tau ua ra ta kotou akonoanga i te evangelia a te Mesia ra: e kia aere atu au e akara ia kotou na, e kare ia,

kia akarongo ra au i te tuatua ia kotou e, te tāpu meitaki ra kotou ma te vacrua okotai, e te ngakau okotai, i te uapou anga kotou ravarai i te akarongo i te evangelia nei: E auraka 28 rava e vi i to kotou au enemi: e akairo vai ua ia te reira no to ratou mate, kareka ia kotou, e akairo ora, ia te ora no ko mai i te Atua ra. E mea orongaia mai oki ia kotou 29 ia Iesu Mesia nei, to kotou mate iaia ra, auraka te akarongo anake ua ra: E tei ia kotou oki taua mate ta kotou 30 i kite iaku ra, ta kotou i akarongo ra e te vai nei oki iaku nei.

PENE II.

Kia riro te Mesia ei akaraanga: to te Mesia taakaaka angaia, e tonu akateitoi angaia: to Paulo inangaro maata kia meitaki te ekalesia: kua akameitaki aia ia Timoteo e Epapero-dito.

E TEIANEI e manga maanaana 1 tei te Mesia ra, e manga rekareka tei te aroa, e manga tauanga to te Vae-rua, e manga aroa ngakau e te taki-nga-meitaki, Ka akurava mai kotou 2 i toku nei rekareka, i te tavaitai anga i to kotou manako, ma te inangaro okotai, ma te kapitanga o to kotou ngakau, i te akono anga i te tuatua okotai rai. Auraka takiri e mea e raveia ma 3 te taumāro, e te akanengonengo puapinga kore; ei ngakau akaaka ra, i te manako akameitaki atu tetai ki tetai, auraka iaia uorai. Auraka te tangata e akono i tona anake uorai au mea, e akono katoa ra i to etai ke ra au mea. 4 Kia okotai rai o kotou tu ngakau e te Mesia ra to Iesu: Ko te tu ia aia no te Atua, e kare aia i karanga e ūru 5 *tuongia* kia aite katoa aia i te Atua ra: Kua tuku ke atura ra aia i tona uorai 6 tu, e kua rave i to te tavini, i te riro anga mai mei te tangata nei te tu: E 7 koia i kitea mei te tangata nei te tu, kua taakaaka iaia uorai i te akono-anga e tac va atu ki te mate, koia oki 8 i satauro ra. I akateitei rava atu ei te Atua iaia, e kua oronga mai i te ingoa i maata ua atu i te teitei i te au ingoa ravarai nei nona: Kia tuku te au 9 turi katoa ki raro, to te rangi, to runga i te enua, e to raro ake i te enua, i te ingoa o Iesu; E kia aaki te au vaa ra- 10 varai e, ko Iesu Mesia te Atua, kia kakā te Atua Metua ra.

E tenana, e aku au akaperepere e, 12 kare akenei kotou i tivata i te akono, kare ra iaku anake i noo ki o kotou

na, kua maata ra iaku i taka ke io nei, e rave akaoti ua i to kotou uorai ora ma te matakau e te rutetete. 13 Ko te Atua oki tei angaanga ki roto ia kotou, i te inangaro e te rave, i te 14 meitaki tana i anoano ra. E rave i te au mea ravarai ma te urutoc kore, 15 e te taumāro kore: Kia riro kotou ei aronga apa kore, e te kino kore, ei tamariki na te Atua, kare e akakino-anga, i rotopu i te uki piko e te māro: 16 kia kakā kotou i rotopu ia ratou mei te rama i teianei ao, I te tāpu aka- 17 kite anga i te tuatua ora; ei rekareka-anga naku i te rā o te Mesia ra, ko au kare i oro puapinga kore ua, kare oki 18 i angaanga puapinga kore ua. E kia maringi atu toku *toto* ki runga i te tusia apai akakiteia ra o to kotou akarongo, e rekareka ia au, ko tatou ktoa 19 te ka rekareka i reira. E na reira kotou i te rekareka, kotou e ko au katoa i te rekareka anga. 20 Te irinaki nei au i to Atua ra ia Iesu, e kia roa poto ake, e tono atu ei au ia Timoteo kia kotou na, kia mareka 21 au kia kite au i te au tuatua ia kotou na. Kare oki oku e tangata mei iaia 22 nei te tu i te ngakau, i te akono tikai i ta kotou na; Te kimi nei oki te tangata ravarai i ta ratou uorai, kare 23 i ta Iesu Mesia. Kua kite ra kotou iaia, e mei ta te tamaiti akono anga i te metua ra, ko tana ia akono anga iaku 24 i te angaanga i te evangelia nei. Koia taku e manako nei e, e unga atu iaia 25 *kia kotou na*, kia roa poto ake, kia kite ake ana ra au i te tuatua iaku uo- 26 rai. Te irinaki nei au i te Atua ra, e ko au orai te ka aere katoa atu, kare e roaia. 27 I manako ra au e, e mea tika kia tono i taku tacake nei ia Epapero-dito 28 kia kotou, e oa rave angaanga noku, e e tacake toa oki; e karere ra na kotou, i tei matuapuru mai iaku nei i 29 toku nei ngere anga. Anoano maata tona ia kotou, e te aue maata oki, i te mea i tuatuaia ki o kotou na e, kua 30 mate aia i te maki. I mate tika rai oki aia i te maki, me mate takiri rava; i aroa maira te Atua iaia; kare ra iaia anake, iaku katoa nei, kia kore e papatini toku aue. I tono vave atu ei au iaia, kia rekareka kotou, i te kite akaou anga mai iaia, e kia iti oki 29 toku aue. E tenana, ka oo mai kotou iaia i te Atua nei ma te rekareka maata; e mei iaia ra te tu kia manako 30 meitakiia e kotou. No te mea i vai-tata aia i te mate i te angaanga a te Mesia nei, kare oki i akono i tona

uorai ora, kia akarava aia i to kotou takinga-meitaki iaku nei.

PENE III.

Te ako rā Paulo kia matakite i te au orometua pikikaa ra: tona akaruke anga i te au mea katoa, e te rekareka tavaitui anga i te Mesia.

E TEIANEI, e aku au taeake e, 1
kia rekareka kotou i te Atu. Kare e mea manamanata naku kia tata akaou atu au i taua tuatua rai ia kotou na, e e tuatua ora rai oki ia kotou na. E matakite oki i te au kuri ra, e matakite i te rave angaanga kikino ra, e matakite i te katatome. Ko tatou te peritome, ko tei akamori i te Atu ma te Vaerua ra, ko tei rekareka i te Mesia ra ia Iesu, e kare rava e irinakianga i te kopapa nei. E tika oki iaku kia irinaki i ta te kopapa, *naringa e puapinga*. E te manako ra tetai tangata e irinakianga tona i ta te kopapa nei, e maata atu rai taku: I peritomeia au i te po varu, e ngati Iseracla, i te kopu o Beniamina, e Ebera na te Ebera; i te akonoanga ture ra, e Pharisea ia; I te akonoanga o te maroiroi ra, kua takinga-kino au i te ekalesia ra; i te tuatua-tika a te ture ra, kare aku e apa i te reira. Ko taua au mea apinga naku ra, ko taku ia i akariro akenei ei mea puapinga kore i te Mesia nei. Koia tikai, e mea puapinga kore te au mea ravarai nei iaku i te meitaki maata ra i te kite i taku Atu ra ia Iesu Mesia: i akaruke ei au i te au mea katoa ra, e kua riro ia ei teita iaku, kia rauka iaku te Mesia, E kia kitea au i roto iaia, auraka ra ma te tuatua-tika naku uorai i te ture ra, ko te rauka maira i te akarongo i te Mesia ra, ko te tuatua-tika no ko mai i te Atu ra i te akarongo: Kia kite oki 10 au iaia, e te marorō o tona tuakaou-anga, e te kapiti anga atu i tona au mamae, i te akaarite anga atu i tona mate: Kia rauka iaku te tuakaou-anga mei te mate maira. 11

Kare au i *karanga* e kua rauka iaku, 12 e kua meitaki rava au i teianei: te umuamu atu nei ra au, peneiake ko te rauka iaku te mea i rokoia mai ei au nei e te Mesia ra e Iesu. E aku au 13 taeake e, kare au i manako iaku uorai nei e kua rauka: okotai aku mea e rave nei; i te akangaro anga i te au mea i muri ra, e te uapou anga atu i tei mua ra, Te aruaru atu nei au 14 na te akairo, kia rauka iaku te bera-

beio i ta te Atu ra nomino anga no 15 runga maira i te Mesia nei ia Iesu. E teianei, e na reira to tatou manako, to te aronga katoa i karape ra: e e manako ke ra to kotou i tetai mea atu, na te Atu e akakite mai ia kotou i te 16 reira. Ko ta tatou ngai i rauka maira, na reira tatou i te aere na taua akairo rai, kia akono oki tatou i te mea okotai. 17 E aku au taeake, ei aru kotou katoa iaku nei, e akara meitaki i te aronga e na reira katoa, ko matou oki to 18 kotou akaraanga. (To tetai papaki aerenga e mea ke ia, i taku i akakite putuputu, e te akakite atu nei rai ia kotou i teianei, ma te roi-mata, e enemi ratou no te satauro a te Mesia: 19 Ko te mate oki to ratou openga; te kopu oki to ratou atua, e ta ratou tuatua akama, to ratou ia akaparauanga, to teianei ao anake ra ta ratou e 20 akono.) Kareka ta matou tuatua, no te ao ia; e te tapapa atu nei i te Ora no reira mai, i te Atu ia Iesu Mesia: E nana e akatu ke i to tatou kopapa viivii nei, kia okotai rai tu e tona kopapa kakā, i te ravenga mana nana ra e tika'i iaia kia rave i te au mea ravarai, e e vi katoa'i te au mea katoa i raro ake iaia uorai.

PENE IV.

Te ako rā Paulo kia maata i te pure: te akameitaki ra aia i to Philipi, ko ratou i tauturu mai iaia i te apinga: te akau ra i tona aroa.

E TEIANEI, e aku au taeake akaperepere maataia ra, taku rekarekaanga, e taku korona, ei turanga turori kore to kotou i te Atu, e aku au akaperepere e. 1
2 Te ako atu nei au ia Euodia, e ia Sunetuke, kia okotai rai o raua nga- 3 kau i te Atu nei. E tuatua katoa taku ia koe, e taku oa mou, e turu atu koe i nga vaine i rave katoa i te angaanga a te evangelia nei, ko Kalememo, e tetai papaki oa rave angaanga noku ra, ko tei taitaia to ratou ingoa ki roto i te buka ora ra. 4
5 E rekareka i te Atu ra, ana e tivata, e te tuatua akaou atu nei an, Kia re- 6 kareka rai kotou. Kia kitea meitakiia oki to kotou maru i te tangata 6 katoa. Te vaitata nei te Atu. Auraka rava kotou e apiapi i te au mea katoa nei; e akakite na ra ki te Atu to kotou anoano i te au mea katoa ra i te pure, e te pati anga atu ma te 7 akameitaki. E na te au o te Atu,

ko tei maata ua atu i to kite *tangata*, e akamaroiroi mai i to kotou ngakau e to kotou manako i te Mesia nei ia Iesu.

E teiane, e *aku* au taeake, ko te au mea mou ra, te au mea tau meitaki ra, te au mea tika ra, te au mea viivii kore ra, te au mea rekarekaia ra, te au mea rongo meitaki ra, *te vai* ra tetai meitaki, *te vai* ra tetai mea paapaia ra, e akamaara i taua au mea ra. I te au mea oki ta kotou i kite ra, ta kotou i āriki, ta kotou i akarongo, e ta kotou i kite mai iaku ra, ka rave ia : e e noo te Atua au ra ki o kotou.

Rekareka maata toku i te Atua, i to mea i tupu akaou io nei to kotou manako mai iaku nei ; ko ta kotou rai i akono mai ana, kare ra e rave-nga i rauka. Kare no te ngere i tua-tua atu ei au nei : kua kite au i te akakoromaki i te au mea ravarai i rokoia mai ei au nei. E tika iaku te aka-aka, e e tika oki iaku te apinga maata : i te au ngai katoa e te au mea katoa, kua piki ia au i te merengo e te pongi, te taonga nui e te ngere. E tika iaku te au mea ravarai nei i te Mesia, ko tei akamaroiroi mai iaku nei. E mea tika ra oki ta kotou i rave, i te o mai anga i ta kotou *apinga* ei *tauturu iaka* i toku nei mate. E teiane, kia kite

mai kotou, e to Philipi na, i te akamataanga i te *apii* i te evangelia ka akaruke ci au i Makedonia ra, kare rava tetai ekalesia i tipiri mai iaku nei i te peu i te oronga mai e te oronga atu, mari ra ko kotou anake. Iaku oki i Tesalonian ra i akau ake kotou i te *apinga* naku, e e rua oki *akau anga* ei tauturu iaku i toku nei ngere. Kare ra mei te mea, e inangaro apinga toku : i anoano ra au kia puapingaia ta kotou tuatua, kia riro ei meitaki no kotou. Kare ra e mea toe iaku i teiane, kua maata mai nei ; kua rava roa oki taku ; tei iaku mai nei oki ta kotou i akau mai ia Epaperodito nei, e ruru kakara ia, e tusia mareka, e te kiteia e te Atua. Na taku Atua ra e o mai i te au mea ravarai e tau ia kotou na, i tona apinga maata i te ao i te Mesia ra ia Iesu. E teiane, ei te Atua ra, ei to tatou Metua, te kakū e tuatua ua atu. Amene. E aroa atu kotou i te aronga tapu ravarai i roto i te Mesia ra ia Iesu. Te aroa atu nei oki te au taeake i oku nei ia kotou. Te aroa atu nei te aronga tapu ravarai ia kotou, e maata atura to te ngutuare o Kaisara nei. Ei ia kotou katoa te aroa ua o to tatou Atua ra o Iesu Mesia. Amene.

TE EPISETOLE A TE APOSETOLO RA A PAULO I TO KOLOSA.

PENE I.

Te akameitaki rā Paulo i te Atua i to ratou akarongo, e te pure ra kia maata rai to ratou meitaki.

PAULO, e aposetolo na Iesu Mesia, i to te Atua inangaro, e *taku* taeake nei ko Timoteo, Ki te aronga tapu, i te au taeake akarongo i te Mesia, i Kolosa na ; Ei ia kotou te aroa ua, e te au, no ko mai i te Atua i to tatou Metua ra, e te Atua oki ia Iesu Mesia.

Te akameitaki nei oki matou i te Atua i te Metua o to tatou Atua ra o

Iesu Mesia, e kare e tivata i te pure ia kotou, Mei to matou kite anga mai-rai i to kotou akarongo i te Mesia ra ia Iesu, e to kotou aroa i te aronga tapu katoa ra ; I te irinakianga i vaioia no kotou i te ao, ta kotou i kite i nuatanga i te tuatua-mou i te evangelia nei ; Ko tei kitca mai i roto ia kotou na, e i te ao katoa nei, e te akatupu nei i te meitaki mei tei i o kotou katoa na, mei te rā mairai i akarongo ei kotou, e i kite tika'i i te aroa ua o te Atua ra : Ko ta kotou rai oki i kite akenei ia Epaphera, i to matou taeake tavini akaperepere nei, e e orometua tuatua-mou na te Mesia ia kotou ;

Ko tei akakite katoa mai ia kia matou 8
 i to kotou aroa ngakau ia matou ra. I 9
 kore katoa i matou i tivata i te pure
 ia kotou, mei te rā mairai i kite ei
 matou, e te pati akatenga anga atu kia
 akakia mai kotou i te kite i tona ano-
 ano, i te pakari i te au mea ravarai e
 te kite i te vaerua; Kia tau to kotou 10
 aerenga i te Atu i te au mea katoa e
 mareka mai ei ra, e kia tupu te au
 angaanga meitaki katoa ia kotou, e
 kia maata oki to kotou kite i te Atua;
 Ma te akamaroiroia mai i te au ma- 11
 roiroi katoa, kia tau i tona mana kakā,
 kia maata atu te akakoromaki, e te
 maru anga kia roa, ma te rekareka;
 Te akameitaki nei matou i te Metua, i 12
 tei akatau mai ia tatou i tetai tuanga
 i te kainga o te aronga tapu i te ao ra:
 Ko tei akaora ia tatou i te mana o te 13
 poiri, e kua akaumu ia tatou ei roto i
 te basileia o tana Tamaiti akapere-
 pere; Nona i rauka i to tatou ora, ko 14
 te ara i akakoreia, i tona toto; Ko te
 tu tikai aia o te Atua akara koreia, ko
 te Tama mua aia o te au mea ravarai i
 angaia ra: E nana oki i anga i te 16
 apinga tini ravarai nei, ko to te rangi,
 e to te enua nei, ko tei akaraia nei e te
 kore e akaraia, te au terono, e te aro-
 nga kavana, te ui ariki, e te aronga
 mana, nana ia i anga, e nona anake:
 Ko mua rai aia i te au mea ravarai 17
 nei, koia oki tei mou i te au mea katoa
 nei. Koia te upoko o te kopapa, te 18
 ekalesia nei, ko te momua aia, te tama
 mua o te aronga i mate ra; kia maata
 ua atu rai aia i te au mea katoa nei.
 E mea meitaki oki i te Metua e, ei 19
 roto iaia te ki o te au mea katoa nei e
 vai atu ei; E kia ongi oki iaia te au
 mea katoa i roto iaia uorai i te au i 20
 ranka i te toto o tona satauro; ko to
 te rangi, e to te enua nei oki, kia ongi
 rai iaia. Ko kotou oki, ko tei taka 21
 ke i mnatangana, e te ngakau enemi, i
 te tuatua kokino ra, kua akaongi ka-
 toaia e ia i teianei, I tona matenga i 22
 te kopapa tangata nona ra, kia tuku
 aia ia kotou ma te tapu, e te apa kore,
 e te tapepeanga kore, ki mua i tona
 aroaro: Kotou oki i noo tamou tikai 23
 i te akarongo, kua akatumu e kua
 tinamou tikai, kare i ngacue i te aki-
 nanga i te evangelia nei, ia kotou i
 akarongo akenei, e tei akakiteia ake-
 nei ki te tangata ravarai i raro ake i
 teianei rangi, i akariroia i au nei ko
 Paou ei orometua.

E te rekareka nei au i toku nei mate 24
 ia kotou i teianei, e te akatika nei au
 i te mate o te Mesia i toe iaku i toku

nei kopapa, no tona tino, koia oki te
 25 ekalesia nei: Tei akariroia au nei ei
 orometua, i te akaaerenga a te Atua i
 oronga mai kiaku nei no kotou, kia
 akaope ua atu au i te akakite i te tua-
 26 tua a te Atua: I te tuatua ngaro
 kitea kore i te au tuatau e te au uki
 taito ra, kua akakiteia mai i teianei
 27 ki te aronga tapu nona ra: Ko ta te
 Atua i anoano i te akakite mai i te
 meitaki maata kakā o taua tuatua
 ngaro nei i rotapu i te au etene ra;
 koia oki te Mesia i roto ia kotou ei
 28 manakoanga i taua kakā ra: Ko ta
 matou ia e akakite aere nei, i te ako
 anga atu i te tangata ravarai, e te apii
 anga i te tangata katoa ma te akono
 meitaki; kia tuku matou i te au tan-
 29 ngata ravarai ma te apa kore i te
 Mesia ra ia Iesu: I rave ei oki au i
 te angaanga, i te vapou marie anga ma
 te maroiroi nona; ko tana i rave
 io nei i roto iaku nei ma te ririnui
 maata.

PENE II.

*Te ako ra aia kia tamou marie i te
 tuatua: kia matakite i te apii anga
 pikikaa.*

1 **T**E inangaro nei oki au kia kite
 kotou, e e taitaia maata toku ia
 kotou, e i to Laodikea, e te aronga
 katoa kare i kite i toku mata i te
 2 kopapa nei; Kia pumaana to ratou
 ngakau, i te tau okotai anga i te aroa,
 kia rauka te apinga maata katoa ra, te
 kite pu tikai, kia āriki i te tuatua
 ngaro a te Atua Metua e ta te Mesia
 3 ra oki; Tei vaio katoatoaia te apinga
 ra o te pakari e te kite i roto iaia ra.
 4 Ko te pikikaa mai aea tetai tangata
 atu ia kotou i te tuatua tarekareka, i
 5 na reira atu ei au. Taka ke ua mairai
 taku kopapa, tei i o kotou rai toku
 vaerua, i te rekareka anga, e te akara
 anga atu i to kotou akono meitaki, e
 te tinamou o to kotou akarongo i te
 6 Mesia ra. E tenana, kua āriki kotou
 i te Atu ra i te Mesia ia Iesu, kia
 7 akono kotou i tana: Kia akaia ki roto
 iaia, e kia patua ki rungao iaia, e kia
 akatinamouia kotou i te akarongo,
 mei tei apiia atu ia kotou na, kia
 maata atu te reira ma te akameitaki.
 8 E matakite ko te pou aea kotou i te
 tuatua pakari e te pikikaa puapinga
 kore a tetai tangata atu, i te tuatua
 ikuiku a te tangata nei, tei tau i te a
 9 o teianei ao, kare i ta te Mesia. Tei
 roto oki iaia te ki katoa o te Atua te
 10 noo marie anga. E kua meitaki rava
 kotou iaia, te upoko ia i te aronga

mana e te aronga au katoa ra: Kua 11
peritomeia oki kotou i roto iaia i te
peritome rave koreia e te rima ra, ko
te kopapa o te kino i kopacia i te peri-
tome a te Mesia ra; I tanumia kotou 12
ma ia katoa i te bapetizoanga ra, e kua
akatu katoaia i reira i te akarongo i te
ravenga a te Atua ra, ko te akatu iaia
mei te mate maira. Ko kotou oki, ko 13
tei mate i ta kotou ara, e te peritome
kore i to kotou kopapa, tei akaora ka-
toaia e ia, kua oti i te akakoreia ta
kotou ara tini ravarai; Kua taparaia 14
oki te ture i taita no tatou ra, e tona
katoa au oroa, tau kore ia tatou ra, e
kua apai koia, koia i patiti i te reira ki
runga i tona satauro; Kua pou iaia 15
te aronga au e te aronga mana ra, kua
akariro atura ia ratou ei matakita-
anga i te ngai atea, ma te autu i
runga ia ratou i tona satauro.

E tenana, auraka ei tangata e akaapa 16
ua atu ia kotou i te kai, e i te inumia
oki, e te rā tapu ra, e te marama ou,
e te Sabati: E akairo anake ia no te 17
ka tupu a muri atu: kareka te mea
tika ra, ko te *evangelia* ia a te Mesia.
Auraka kotou e ngere i to kotou 18
tutaki i tetai tangata atu i te inangaro
anga i te taakaaka e te akamori i te au
angela, e i te akao ua anga i te mea
kitea koreia e ia, i te akanengonengo
puapinga kore a tona naorai ngakau i
te tau i ta te kopapa ra, Kare i mou 19
piri tikai i te upoko, nona te kopapa
katoa ra i te au topirianga, e te au
paunga anga, i tupu ei i te tupu a te
Atua ra. E teianei kua mate ko- 20
tou i te Mesia ra i te au a o teia-
nei ao, eaa oki kotou e akono ci
i te au peu ra, mei te mea e te ora
ua nei rui i teianei ao, (*Ma te tua-* 21
tua e, Auraka e arapaki, auraka e tongi;
auraka e akatukia; I tei pou ua oki 22
taua au mea nei kia raveia ra;) i ta te
tangata i akaue mai e tana i apii mai
oki? E au mea tu meitaki oki taua 23
au mea ra i te akamori a te tangata nei,
te taakaaka ra, e te akaperepere kore i te
kopapa nei; kare ra e akameitakiia, e
mea tarekareka tangata nei.

PENE III.

*Kia kimi rui i te au mea i runga, ma
te kopae i te au mea kino: te akono-
anga e tuu i te vaine ma te tane,
te tamariki ma te metua, te tavini ma
te pu.*

E TENANA kua akatuaia akenci 1
kotou ki runga e te Mesia katoa ra,
ka kimi i te au mea ki runga, i te ngai

i nooia e te Mesia i te rima katau o te
2 Atua ra. E akamou to kotou ngakau
i te au mea ki runga ra, auraka i to
3 teianei ao. Kua mate oki kotou, e
tei ko i te Mesia ra to kotou ora i te
4 uuna angaia, tei te Atua. E kia mama
mai te Mesia, *tei iaia* to kotou ora
te vai ranga, ei reira katoa kotou e
kitea katoaia ma ia katoa i te ao ra.
5 E tenana ka kukumi i to kotou au
melo i te au mea o teianei ao: te aka-
turi, te tuatua viivii, te anoano viivii
ra, te inangaro tika kore, e te noinoi
apinga, e akamori idolo oki te reira:
6 No taua au mea ra i rokoia mai ei te
tamariki akarongo kore i te riri o te
7 Atua: Ko ta kotou ia au mea i akono
i muatngana, i to kotou noo anga i
8 roto ia ratou ra. I teianei ra, e kopae
atu kotou i taua au mea katoa nei, te
riri, te makitakita, te vareae, te aka-
kino, te tuatua viivii ra, i to kotou vaa.
9 Auraka e pikikaa tetai ki tetai, kua
kopae oki kotou i te tangata taito ra e
10 tana katoa au ravenga; E kua akata-
ngata ou, ko tei akaouia i te kite mei
11 te tu katoa o Tei anga iaia ra: Kare
oki e Eleni e te ngati Iuda, *kare* e pe-
ritome e te peritome kore, *kare* e ta-
ngata maori, e te Sekuti, *kare* e doula e
te tiamā; tei te Mesia anake ra, e tei
roto aia i te aronga katoa e *akaro-*
ngo ra.
12 E tenana, ka akangakau aroa ua e te
takinga-meitaki, te akaaka, te maru,
te akakoromaki maata, mei te aronga
tapu e te akaperepereia, e te ikiia e te
13 Atua ra: E tanturu atu tetai ki tetai,
e akakore tetai i ta tetai ara, e tapepe-
anga ta tetai ki tetai ra; mei te Mesia
i akakore i ta kotou na, e akapera ka-
14 toa kotou. E ei runga ravao i taua au
mea katoa nei e *kakau* na i te aroa,
15 ko taua tatua apa kore ua ra ia. E
te au o te Atua, ei kavana ia i roto i
to kotou ngakau, i nominoia'i oki ko-
tou i te kopapa okotai; e kia mareka
16 oki kotou. Kia noo tika rai te tuatua
a te Mesia i roto ia kotou e kia maata,
ma te pakari, te apii anga, e te ako anga
tetai ki tetai ma te salamo e te imene
e te pe'e o te Vaerua, i te imene anga ma
te aroa ua i roto i to kotou ngakau i te
17 Atua. E te au mea katoa ta kotou e
rave ra i te angaanga e te tuatua, *ka*
rave anake ia ma te ingoa o te Atua
o Iesu, ma te akameitaki i te Atua
Metua iaia ra.
18 E te au vaine ra, e moraro marie ko-
tou i ta kotou naorai au tane, mei tei
19 tau ia i te Atua nei. E te au tane ra, e
aroa kotou i ta kotou au vaine ra, au-

raka e rotoriri atu ia ratou. E te au 20
 tamariki e, e akarongo i to kotou au
 metua i te au mea katoa nei, e mea
 mareka te reira na te Atu. E te au 21
 metua ra, auraka e akariri atu i ta ko-
 tout tamariki, ko te taitaia aea ratou.
 E te au tavini ra, e akamako atu i to 22
 kotou au pu i te kopapa nei i te au mea
 ravarai; auraka ei akarongo mata mei
 te tarekareka tangata ra; ma te nga-
 kau tika ra, i te matakau anga i te
 Atua ra: E ta kotou au mea e rave 23
 ra, e rave ia ma te ngakau katoa,
 mei te mea e na te Atu, eiaa e na te ta-
 ngata; Kua kitea oki e, e rauka mai 24
 ta kotou tutaki i te tuanga i te Atu;
 te tavini nei oki kotou i te Atu ra i
 te Mesia: Ko tei rave i te tuatua-tika 25
 kore ra, e tutakiia mai ia no taua tua-
 tua-tika kore tana i rave ra; kare oki
 to tu o te tangata e akonoia.

PENE IV.

*Kia maata tikai te pure: kia meitaki te
 aerenga kia riro mai to vao ra: te
 akau ra i te aroa.*

E TE au atu ra, ka o atu te mea 1
 tika e te mea tau meitaki i to ko-
 tout au tavini; kua kite oki kotou e, e
 Atu katoa to kotou i te rangi. 2
 E tamou marie i te pure, e akamaroi-
 roi oki i te reira, ma te akameitaki oki; 3
 Ma te pure katoa ia matou, kia kiritiia
 e te Atua te pa tuatua anga na matou,
 kia akakite atu matou i te tuatua
 ngaro a te Mesia ra, i tapekaia'i au
 nei: Kia akakite atu au i taua tuatua 4
 ra, mei te tau iaku kia tuatua ra. E 5
 aerenga akono meitaki to kotou i te
 aronga ki vao ra, ma te taporoporo oki
 i te taima. E i tuatua aroa ua anake 6
 ta kotou, kia rapakauia i te tai, i te
 kite anga i te mea tika kia tuatua atu
 ki te tangata katoa ra.

Na Tukiko e akakite atu ia kotou 7

na i te au tuatua katoa noku nei, e tae-
 ake akaperepere ia, e te orometua tua-
 tua-mou, e taeake tavini oki i te Atu
 8 nei: I unga atu ei au iaia kia kotou,
 kia kite aia i te tuatua ia kotou, e kia
 akapumaana aia i to kotou na ngakau;
 9 Raua katoa ko Onesimo, e taeake aka-
 perepere e te tuatua-mou, no ko ia ko-
 tout na. Na raua e akakite i to ko nei
 au tuatua katoa.
 10 Te aroa atu nei a Arisetareko i tapeka
 katoaia maua nei ia kotou, e te tama-
 iti a te tuaine o Banaba ra, ko Mareko,
 (tei poroakiia atu ia kotou na: e kia
 tae atu aia kia kotou na, e kite mei-
 11 taki mai kotou iaia:) Ko Iesu oki, ko
 tei karangaia ia Inseto ra, no te peri-
 tome ratou: Ko ratou anake tei rave
 katoa mai i te angaanga i te basileia o
 te Atua ra, ko ratou tei akapumaana
 12 mai iaku nei. Ko Epaphera, e tavini
 no te Mesia, no ko na mai ia kotou na,
 te aroa atu nei ia kotou, e te tauta
 marie anga i te pure ia kotou kare e
 tivata, kia mou apa kore rai kotou ma
 te ki i te kite i te au anoano katoa o te
 13 Atua ra. E i kite oki au nona, e e ma-
 roiroi maata tona ia kotou, e to Laodi-
 14 kea, e to Ierapoli. Te aroa atu nei a
 Luka rapakau maki akaperepereia nei,
 15 e ko Dema, ia kotou. E aroa atu kotou
 i te au taeake i Laodikea ra, e ia Nu-
 mepa oki, e te ekalesia i tona ngutuare.
 16 E kia oti teianei episetole i te tatauaia
 i rotapu ia kotou na, e akaue atu oki
 kotou kia tataua katoaia i te ekalesia i
 Laodikea ra, e kia tataua katoa kotou i
 17 to Laodikea maira. E ka karanga atu
 kia Arekipo, Kia matakite i te taonga
 i rauka ia koe i te Atu, kia tika mei-
 taki ia koe.
 18 Ko toku teia aroa to Paulo, na toku
 uaorai rima i tata: Ka akamaara mai
 te pirianganaoa i runga iaku nei. E i
 ia kotou te aroa ua. Amene.

TE EPISETOLE MUA A TE APOSETOLO RA A PAULO I TO TESALONIA.

PENE I.

*Te akakite rā Paulo i tona manako
 meitaki ia ratou.*

PAULO, e ko Siluano, e ko Timo- 1
 teo, i te ekalesia i roto i te Atua
 206

Metua, e te Atu ra ia Iesu Mesia, i
 Tesalonia na: E i ia kotou te aroa ua, e
 te au, no ko mai i te Atua i to tātou
 Metua ra, o te Atu oki ia Iesu Mesia.
 2 Te akameitaki nei matou i te Atua
 ia kotou ravarai, kare e tivata, i te aka-

iki anga ia kotou i ta matou nei pure ;
 Kare oki e tivata i te manako i te rave-
 nga o to kotou akarongo, i te angaanga
 o to kotou inangaro, e te akakoromaki
 o to kotou irinaki i to tatou Atua ia
 Iesu Mesia, i te aroaro o te Atua o to
 tatou Metua ; Te kite nei oki matou, e
 te au tacake akaperepere ra, i to kotou
 iki angaia e te Atua. I te mea kare ta
 matou evangelia i tae tuatua vaa ua
 atu ia kotou na, ma te maroiroi katoa
 ra, e ma te Vaeua Tapu, e ma te kite
 pu tikai ; kua kite oki kotou i to ma-
 tounu i totopu ia kotou, kia meitaki
 kotou. E i riro mai nei oki kotou ei
 aru ia matou, e i te Atua oki, kua ariki
 oki kotou i te tuatua ma te mate maata,
 ma te rekareka a te Vaeua Tapu : E
 kua riro oki kotou ei akaraanga na te
 aronga katoa i akarongo i Makedonia
 na e i Akaia nei. No ko na oki ia ko-
 tou na te tuatua a te Atua i te aruru
 anga, eiaa i Makedonia e Akaia anake
 nei, kua varia ra to kotou akarongo i
 te Atua i te au ngai ravarai ; auraka
 ua matou e tuatua atu i te reira. Ko
 ratou uorai tei akakite ia matou i te tu
 o to matou o anga atu i ratou ia kotou,
 e to kotou ariu anga mai ki te Atua,
 mei te au idolo maira, e akamori i te
 Atua ora e te Atua mou : E kia tiaki
 oki i tana Tamaiti no te rangi mai,
 tana i akatu mei te mate maira, koia
 oki ko Iesu, ko tei akaora ia tatou i te
 riri a muri nei.

PENE II.

*Te tu o to te evangelia apai angaia
 mai ia ratou, e te tu oki o to ratou
 ariki anga ra.*

KUA kite oki kotou uorai, e te
 au tacake e, kare to matou o
 anga atu ki roto ia kotou na i te men-
 puapinga kore : Kua kite oki kotou e
 mate ua matou i mutangana, e te taki-
 nga-kino maataia mai, i Philipi ra, i
 maroiroi ra matou i to matou Atua i
 te tuatua anga atu ia kotou i te evan-
 gelia a te Atua i roto rai i te taumaro
 maata. E kare oki ta matou ako anga
 atu ia kotou i te tuatua apa, kare oki i
 to te kino, kare oki i te pikikaa :
 Ko matou ra i akatikaa e te Atua
 kia tuku mai i te evangelia ia matou
 nei, koia oki matou i tuatua ; auraka
 ei akarekareka i te tangata, i te Atua ra,
 ko tei akara matariki i to matou ngakau.
 Kare ua oki a matou e tuatua
 taparu, kua kite oki kotou, kare oki e
 uuna i te noinoi apinga ; ko te Atua te
 kite : Kare oki i umuumu i ta te ta-

ngata akameitaki, kare i ta kotou, kare
 oki i ta tetai ke, e tika ua ra ia matou
 i te Aposetolo a te Mesia nei. I maru
 ua ra matou i totopu ia kotou : mei te
 metua i matuapuru i tana tamariki ;
 Koia katoa matou, no te maata o to
 matou aroa ia kotou, kua tika rava ia
 matou i te oronga atu i te evangelia a
 te Atua ia kotou na, e auraka oki i te
 reira anake, ko matou katoa uorai oki,
 no te mea kua riro kotou ei akapere-
 pere na matou. Kare oki i ngaro ia
 kotou, e te au tacake, i ta matou anga-
 anga e te roiroi : i te rave anga i te
 angaanga i te po e te ao, kia kore oki
 kotou kia teimaa ia matou, i te tuatua
 anga atu ia kotou i te evangelia a te
 Atua. Ko kotou oki te kite e te Atua
 katoa, i te meitaki anga, e te tika anga,
 e te ara kore anga, o ta matou tuatua i
 totopu ia kotou i te aronga akarongo :
 Kua kite oki kotou i ta matou ako
 anga atu e te akapumaana anga atu e te
 akaue anga atu ia kotou ravarai, mei te
 metua i tana tamariki, Kia tau to ko-
 toutu aereanga i te Atua ra, i tei nomino
 ia kotou no tona basileia e no te ao.
 E te akameitaki katoa nei matou i
 te Atua kare e tivata, i te mea, ka ariki
 mai ei kotou i te tuatua a te Atua ta
 kotou i kite ia matou nei, kare kotou i
 ariki ei tuatua na te tangata, ei tuatua
 ra na te Atua, e koia tika rai oki, ko
 tei angaanga maroiroi i roto ia kotou
 i tei akarongo ra : Riro atura oki ko-
 toutu, e te au tacake, ei aru i te au eka-
 lesia a te Atua i roto i te Mesia ra ia
 Iesu i Iudea ra ; okotai rai tu to ko-
 toutu takinga-kino angaia mai e to kotou
 uorai, e to ratou i te ngati Iuda ; I tei
 ta i te Atua ra ia Iesu, e ta ratou uo-
 rai au peroveta, e kua takinga-kino
 mai ia matou nei ; kare rava te Atua i
 mareka ia ratou, e e enemi oki ratou
 no te tangata ravarai ; I te akakore
 anga mai i ta matou ako anga atu i te
 etene kia ora ratou, i te akaki ua anga
 i te arite i ta ratou ara, te vaiata
 maira ra te riri o te Atua ia ratou e tae
 ua atu ki te mate maata roa ra.
 Ko matou nei ra, e te au tacake, i
 akataka keia akenei matou ia kotou
 i te ora iti okotai nei, i te akonoanga i
 te kopapa, kare ra i te ngakau, umu-
 umu ua akenei nia te inangaro maata
 kia kite to kotou mata. I anoano ei
 oki matou e aere atu ia kotou na ka tu
 tai, e ka tu rua oki, ko au nei rai ko
 Paulo ; na Satani ra i akakore. Eaa
 oki to matou irinakianga, e te reka-
 rekaanga, e te korona rekarekaanga ?
 Kare aina ko kotou i mua i te aroaro o

to tatou Atu ra, ko Iesu Mesia kia tae mai aia ra? Koia ia, ko kotou to ma-20
tou kakā e to matou rekareka.

PENE III.

Te akakite rā Paulo i tona aroa i te unga anga atu ia Timoteo, ei ako e ei akapumaana ia ratou.

E KARE akera i tika ia matou kia 1
akakoromaki, tika atura ia ma-
tou kia noo ua i Atene, ko matou 2
anake; Unga akenei i to matou taeake
ia Timoteo, e tavini no te Atua, e
oa rave angaanga no matou i te evan-
gelia o te Mesia, ei akatinamou
ia kotou, e ei akapumaana ia ko-
tou, i to kotou akarongo: Kia kore 3
rava tetai tangata kia ngaueue i Tei-
nei au mate: kua kite oki kotou ua-
orai e kua akonoia matou no te reira.
Ia matou oki i noo ia kotou na, kua aka-
kite atea ua matou ia kotou, e rokoia 4
matou e te tumatetenga; e tupu
atura, kua kite oki kotou. No reira 5
oki au, kare akera i tika iaku kia
akakoromaki atu rai, i tonono atu ei ia
Timoteo, kia kite au i to kotou aka-
rongo, ko te tapikipikiia aea kotou e
taua pikikaa ra, ko te riro ua oki ta
matou angaanga ei mea puapinga kore.
I teianei ra, kua oki mai a Timoteo 6
oki ko na mai ia kotou na, e kua apai
mai i te tuatua meitaki ra, ko to kotou
akarongo e te aroa, e te vai marie anga
o to kotou manako meitaki ia matou,
kare e tivata, ma te anoano maata kia
kite kotou ia matou, mei ia matou
katoa nei oki *kia kite atu* ia kotou
na: No reira i pumaana'i matou ia 7
kotou, e te au taeake, i to matou nei
au mate katoa e te tumatetenga, no to
kotou akarongo; Te mou marie ra oki 8
kotou i te Atu, te ora nei matou i
reira. Eaa ra oki te tu o ta matou
akameitaki i te Atua ia kotou, i te
rekareka maata ta matou e rekareka
nei ia kotou i te aroaro o to matou
Atua; Ma te pure tamou tikai i te 10
po e te ao, kia kite matou i to kotou
na mata, e kia akarava oki i tei toe i
to kotou akarongo?

E teianei kia arataki te Atua uorai, 11
i to tatou ra Metua, e to tatou Atua
Iesu Mesia, ia matou ia kotou na. E 12
kia akaki mai te Atu ia kotou i te
aroa, e kia maringi ua ia kotou uorai,
e te tangata katoa, mei ia matou e
aroa ia kotou na: Kia tinamou tikai 13
to kotou ngakau iaia i te tapu, ma te
apa kore, i mua i te aroaro o te Atua,
to tatou Metua ra, kia mama mai to

tatou Atu ra ko Iesu Mesia, ma te
aronga tapu ravarai nona ra.

PENE IV.

*Te ako ra kia tamou i te akono mei-
taki, auraka e maata ua te aue i
tei mate ma te akarongo ra.*

1 **T** E tuatua meitaki atu nei rai ma-
tou kia kotou, e te au taeake, e
te ako atu nei ia kotou i te Atu ra ia
Iesu e, mei ta kotou i kite akenei ia
matou i te tu o to kotou aerenga e tau
ei i te Atua, kia maata atu rai to kotou
2 akapera anga. Kua kite oki kotou
i te au akauenga ta matou i tuku atu
3 ia kotou na te Atu ra na Iesu. Teia
oki to te Atua inangaro, kia akatapuia
4 kotou, e kia kore kotou e akaturi: Kia
kite kotou ravarai e pini ua ake i te
vaio i tona uorai ariki ma te tapu e te
5 ngateitei; Auraka i te inangaro tika
kore, mei te etene tei kore i kite i te
6 Atua ra: Kia kore rava tetai e rave
i te ara, e te mea tika kore, i tona
taeake i taua mea nei; no te mea na
te Atu e tutaki mai i te reira, ko ta
matou ia i karanga atu, e kua akakite
7 ua atu ia kotou i muatangana. Kare
oki te Atua i nomino ia tatou no te
8 tuatua viivii, kia tapu ra. E teianei
ko tei patoi mai, kare ia i te tangata
tana i patoi maira, ko te Atua ra, ko
tei oronga mai i tona Vaerua Tapu
ia matou nei.
9 I te tuatua i te aroa taeake nei,
auraka ua rai au e tata atu i te tuatua
ia kotou: kua apiia kotou uorai e
10 te Atua i te aroa ia kotou uorai. E
te pera tika nei oki kotou ki te au
taeake ravarai i Makedonia katoa ra:
te ako atu nei ra matou kia kotou, e
te au taeake, kia maata ua atu rai;
11 E kia kimi marie oki kotou i te au,
kia akono i ta kotou uorai au taoonga,
kia rave oki to kotou rima i te angaa-
nga, mei ta matou rai oki i akaue atu
12 kia kotou na; Kia manea to kotou
aerenga i te aronga i vao akera, kia
kore tetai mea e toe ia kotou.
13 E teianei, e te au taeake, kare au
i inangaro e kia kore kotou e kite i te
tuatua i te aronga i topa i te moe nei,
kia kore oki kotou kia taitaia, mei
tetai papaki kare o ratou tiakianga ra.
14 Kua akarongo oki tatou e i mate a
Iesu e i tu akaou akera ki runga, koia
katoa te aronga e moe ki roto ia Iesu
nei, na te Atua ia e akaoki mai ma
15 ia katoa. Teia ta matou e karanga
atu kia kotou, i ta te Atu ra tuatua,
ko tatou ko te aronga e ora ko te toe

i te ao, ka rokoia mai ei e te Atu, kare e na mua i te aronga e moe nei. Ko 16
te Atu uorai oki te ka eke mai mei te
rangi mai ma te maeva, ma te reo o te
angela maata, e ma te pu a te Atua,
e te aronga i mate i roto i te Mesia
ra, te ka tu mai ana ia ki runga: E 17
muri ake, ko tatou ko te aronga ora e
toe ra, e rave katoaia mai e ratou
katoa i reira, ka apaiia'i ki runga ki
roto i te tiaa, kia aravei atu i te Atu
ki roto i te reva nei, ka noo mou atu ei
tatou i waitata uao i te Atu e tuatau ua
atu. E tenana, e akapumaana kotou 18
ia kotou uorai i teianei au tuatua.

PENE V.

Te aereanga mai o Iesu i te akawa anga
ra: ta Paulo tuatua ako, kia kite
meitaki atu ratou i te au orometua,
e kia akono meitaki ratou ia ratou
uorai.

KAREKA i te taime e te tuatau, 1
e aku au tacake, auraka ua atu au
a ta atu i te tuatua ia kotou i te reira.
Kua kite pu oki kotou uorai e, 2
e aere maira taua rā o te Atu ra mei
te keia i te po ra. E tuatua oki te
tangata e, e au, e kare e kino; ei reira
ratou e rokoia uaiā mai ei e te mate
viviki, mei te vaine nui kia rokoia e
te mamae ra; e kare rava ratou e ora.
Kareka kotou, e te au tacake, kare ia 4
i roto i te pōiri, ka rokoia mai ei kotou
e taua rā ra mei te keia. E tamariki
anake kotou no te mīrama, e tamariki 5
no te ao; kare tatou i to te po, e to
te pōiri. E teianei, auraka tatou e 6
moe, mei tetai papaki ra, kia ara ra, e
e akono meitaki. Ko tei moe ra oki, i
moe ia i te po; e te akakona ra, e
akakona ia i te po. Ko tatou ra, ko 8
to te ao ra, ei akono meitaki to tatou,
ma te tapoki-umauma ra, ko te aka-
rongo e te inangaro, i te kakau anga;
e ma te manako ora ei pare. Kare 9
oki tatou i akonoia e te Atua no te riri,
kia rauka ra te ora i to tatou Atu ra
ia Iesu Mesia, Ko tei mate no tatou, 10

e te ara ra tatou, ko te reira ia, e te
moe ra tatou, ko te reira ia, kia ora 11
tatou, ei waitata ua rai iaia. E tenana,
e akapumaana kotou ia kotou uorai,
e akatupu i te meitaki tetai ki tetai,
mei ta kotou rai oki e rave nei.
12 Te ako atu nei matou ia kotou, e te
au tacake, e kite atu kotou i te aronga i
rave i te angaanga a te Atu ki roto
ia kotou na, ko te akakite ki rungao
ia kotou i te Atu nei, e te ako atu oki 13
ia kotou; E kia maata rava i te aka-
ngateitei ia ratou ma te aroa no ta
ratou angaanga. E ei au oki to roto 14
ia kotou uorai. E te karanga atu
nei rai matou kia kotou, e te au taeake,
e ako atu kotou i te akono kore, e aka-
pumaana atu i te ngakau taitaia, e
tauturu atu i tei apikepiki, kia roa te
akakoromaki anga i te tangata ravarai.
15 Kia matakite, kia kore rava tetai e
tutaki i te kino ki te kino i te tangata
ravarai; e kimi marie ra i te meitaki,
auraka e tivata, i roto ia kotou uorai
16 e te tangata katoa ra oki. Auraka e
17 tukutuku i te rekareka. Auraka e
18 tukutuku i te pure. E akameitaki
i te Atua i te au mea katoa ra; ko to
te Atua ia anoano i te Mesia nei ia Iesu
19 ia kotou na. Auraka e tinai i te Vaeua
20 ra. Auraka e akono kino atu i te
21 totou anga ra. E akara matariki marie
i te au mea katoa ra; e te meitaki
22 ra e tāpu marie. E kopae atu i te au
23 mea tu kino ra. Kia akatapu rava
mai te Atua au uorai ia kotou; e kia
tiakiia mai te tangata katoa ra, to ko-
tou vaeua, to kotou ngakau, e te ko-
papa katoa, ma te ara kore, e tae ua
atu i te aere anga mai o to tatou Atu 24
ra o Iesu Mesia. E tuatua-mou tana, ta
tei nomino mai ia kotou, e nana e rave.
25 E aku au tacake ra, e pure ia matou.
26 E aroa atu i te au tacake ravarai i
27 te ongi tapu. Te akataputou atu nei
au ia kotou i te Atu ra, kia tatauia
teianei episetole i te au tacake tapu
katoa ra.
28 Ei ia kotou te aroa ua o to tatou
Atu ra o Iesu Mesia. Amene.

TE EPISETOLE RUA A TE APOSETOLO RA A PAULO

I TO TESALONIA.

PENE I.

Te akakite rā Paulo i tona manako meitaki ia ratou, e akapumaana ia ratou i to ratou takinga-kino angaia: e mate to te aronga kino kia tae ki te rā o te Atua.

PAULO, e ko Siluano, e ko Timoteo, i te ekalesia i roto i te Atua ra i to tatou Metua, e te Atua oki ia Iesu Mesia, i Tesalonia: Ei ia kotou te aroa ua, e te au, no ko mai i te Atua i to tatou Metua, e te Atua ra oki ia Iesu Mesia.

E mea tika ia matou kia akameitaki i te Atua ia kotou, e te au taeake, ciao e tivata, e tau ia, no te mea te tupu maata ra to kotou akarongo, e to kotou aroa ia kotou uorai e pini ua ake, kua maata rava ia; Ko matou uorai oki te paapaa ia kotou i te au ekalesia o te Atua, i to kotou akatupua ua, e te akarongo, i to kotou takinga-kino angaia mai, e te au mate oki ta kotou i akakoromaki na: Ei akakite anga i te tuatua-tau tikai a te Atua, e kia karangaia kotou e aronga tau i te basileia o te Atua, no reira kotou i mate ei: E mea tika ia i te Atua kia tutaki i te aronga i mate ei kotou na i te mate: Kareka ia kotou i tei takinga-kinoia ra, ko te ora ia *tana e tuku mai* no tatou katoa nei, kia mama mai te Atua ra ko Iesu mei te rangi mai, ma tana au angela mana katoa ra, Ma te ai mura ra, i te tuku anga mai i te mate i te aronga kare i kite i te Atua, e tei kore i akarongo i te evangelia o to tatou Atua o Iesu Mesia: Ko te ka akautungaia mai ia i te mate mutu kore mei te aroaro atu o te Atua ra, e te kakā o tona mana; Kia tae ki te rā e tae mai ei aia ra, kia akakakāia aia i tona aronga tapu, e kia umereia i te aronga katoa i akarongo ra, i tana rā ra, (no te mea kua akarongoia ta matou tuatua i roto ia kotou na.) I pure ei oki matou kia kotou, kare e tivata, kia akatau to tatou Atua ia kotou i tana nomino-

anga nei, e kia akatupu ua aia i te takinga-meitaki o tona ra meitaki, e te angaanga ra ko te akarongo ma te 12 maroiroi; Kia akakakāia te ingoa o to tatou Atua ra o Iesu Mesia ia kotou, e ko kotou oki *kia akakakāia* iaia, i te aroa ua o to tatou Atua o te Atua ra o Iesu Mesia.

PENE II.

Ko te kino ana te ka tupu ka tae mai ei te Mesia: e tuatua ako kia mou marie te aronga akarongo.

TE anoano nei ra matou, e te au taeake, i te tuatua i te tae anga mai o to tatou Atua o Iesu Mesia ra, e to tatou putuputu anga i waitata iaia ra, Kia kore to kotou ngakau e ngauene vave, kia kore e poitirere, i tetai vaerna atu, e te tuatua, e te leta, mei te mea e no ko nei atu ia matou nei, i te na ko anga atu e, kua waitata rava to 3 rā o te Mesia ra. Auraka rava kotou e vavare i te tangata katoa; ko te akaruke anga ana te ka tupu na mua, e tae ei ki taua rā ra, e e akakiteia mai oki taua tangata ara ra, ko te tamaiti 4 o te mate; Ko tei māro mai e te akateitei rava iaia uorai i te au mea katoa e karangaia e, e Atua, i tei akamoriia ra; e kua noo Atua ua mai aia i roto i te nao o te Atua, i te akakite 5 ua anga mai iaia uorai e, ko te Atua aia. Kua ngaro aina ia kotou e, iaku 6 au ia kotou i teianei au tuatua? E teianei, kua kite kotou i te tāpu, kia tae ki tona uorai tuatau tikai e akakiteia'i. Te angaanga ua nei rai taua 7 kino ngaro ra i teianei; ko tei tāpu ra i teianei, ka tāpu mairai, e kia apai keia 8 atu aia. Ei reira taua Kino ra e akakiteia'i, ko ta te Atua ia e rave e pou takiri atu i te a'o o tona van, e e akakore takiri atu i te kakā o tona tae 9 anga mai: *Ko taua Kino* ra e tau tona aerenga mai i te ravenga ririnui a Satani ra, ma te mana e te akairo, e te 10 semeio pikikaa ra, E ma te tuatua-tika kore pikikaa katoa ra, i rotopu i

te aronga e mate ra; no te mea kare ratou i āriki i te tuatua-mou ma te inangaro, kia ora ratou. No reira oki 11 i te Atua e tuku mai ei i te rinui o te pikikaa ki runga ia ratou, e akarongo atu rai ratou i taua pikikaa ra: E e ope takiri ratou i te akaapaia, i tei 12 kore i akarongo i te tuatua-mou, i tei navenave i te tuatua-tika kore ra.

Kia akameitaki ra matou i te Atua 13 ia kotou auraka e fivata e tika'i, e te au taeake akaperepereia e te Atu ra, no te mea kua ikiia kotou e te Atua mei muatangana mairai, kia ora i te akatapu a te Vaerua e te akarongo i te tuatua-mou: I nominoia'i oki kotou e 14 ia i ta matou nei evangelia, kia rauka te kakā o to tatou Atu ra o Iesu Mesia. Ka tu marie rai, e te au taeake, e mou 15 piri tikai oki i te au mea i tukuia atu *kia kotou na*, ta kotou i apii ra, i te tuatua o te vaa ra, e i ta matou ra oki epistole. E teianei, na to tatou Atu ko 16 Iesu Mesia uorai, e te Atua, ko to tatou Metua ra, ko tei aroa mai ia tatou nei, e kua oronga mai oki te rekareka mutu kore, e te irinakianga meitaki i *tona* aroa ua, E akapumaana 17 mai i to kotou ngakau, e e akatinamou oki ia kotou i te au angaanga e te au tuatua memeitaki katoa ra.

PENE III.

Te karanga ra e kia pure ratou kia oro ua te tuatua meitaki: te akono anga e tau ia ratou i te tangata aere-ngu tau kore.

E TEIANEI, e te au taeake, e pure 1 ia matou, kia oro ua te tuatua a te Atu e kia akakakāia, mei tei i o kotou na; E kia akaorua matou i te 2 tangata kikino e te akono kore; kare oki i ope katoatoa te tangata i te akarongo. E tuatua-mou ra ta te Atu, 3 nana kotou e akatinamou, e e akaora oki *ia kotou* i te kino. E te irinaki nei 4 matou i te Atu ia kotou, e te rave na kotou, e ka rave rai kotou, i ta matou e akaue atu ia kotou na. E kia akatae 5

oki te Atu i to kotou ngakau i te aroa o te Atua, e i te akakoromaki o te Mesia ra.

6 Te ako atu nei oki matou ia kotou, e te au taeake, i te ingoa o to tatou Atu o Iesu Mesia, e akataka ke mai kotou i te taeake aerenga tika kore ra, kare i tau i te tuatua tana i kite ia matou 7 nei. Kua kite oki kotou uorai e, kia aru mai kotou ia matou e tika'i: kare to matou i te aerenga tika kore i roto 8 ia kotou na: Kare matou i kai ua i ta etai ke ra kai; kua rave ra matou i te angaanga ma te roiroi i te po e te ao, kia kore rava tetai o kotou e teianei 9 matou nei: Kare ra mei te mea e, kare e tau ia matou; kia riro ra matou ei akaraanga na kotou, kia aru mai ko- 10 tou ia matou nei. E kua akaue atu oki matou ia kotou ia matou rai i ko na ia kotou na e, ko te tangata kare e rave i te angaanga, auraka katoa aia e kai- 11 kai. Te akarongo nei oki matou e, e aerenga tika kore to tetai papaki o kotou na, kare e rave i te angaanga, e akara matariki ra i ta tetai ke ra akono 12 anga. Ko te aronga ra e pera ra, te akaue atu nei matou, e te ako atu nei i te *ingoa* o to tatou Atu o Iesu Mesia e, e rave marie ratou i ta ratou uorai angaanga, ka kai ei i ta ratou uorai kai. 13 Kareka kotou, e te au taeake, auraka e akaroiroi i te rave anga i te mei- 14 taki. E te tangata kare i akarongo i ta matou tuatua i teianei epistole, akairo atu i te reira tangata, e eina e 15 kapiti atu iia, kia akama aia. Auraka e tuatua e enemi, e ako atura ei 16 taeake. E teianei, kia oronga mai te Atu, nona uorai te au, i te au no kotou i te au mea katoa nei auraka kia mutu. Ei vaitata uorai te Atu ia kotou katoa na. 17 Ko toku teia aroa anga atu *ia kotou*, to Paulo, na toku uorai rima i *tata*, ko te akairo ia i te au epistole katoa; 18 e na reira au kia tata: Ei ia kotou katoa te aroa ua o to tatou Atu o Iesu Mesia. Amene.

TE EPISETOLE MUA A TE APOSETOLO RA A PAULO IA TIMOTEO.

PENE I.

Te akakiteia nei a Timoteo kia akono meitaki i te taoonga i tukuia atu iaia ra.

PAULO, e aposetolo na Iesu Mesia, 1
i te akaue a te Atua to tatou ora, 2
e te Atua ko Iesu Mesia, to tatou iri-
nakianga; Kia Timoteo, *taku* tamaiti
tikai i te akarongo: *Ei ia koe* te aroa
ua, te takinga-meitaki, e te au, no ko
mai i te Atua i to tatou Metua ra, e no
te Mesia ra no Iesu to tatou Atua nei.

I porokiroki marie atura au ia koe, 3
iaku i aere i Makedonia ra, e noo rai
koe i Ephesia ra, kia ako atu koe i tetai
pae, auraka ratou e apii i te tuatua ke.
Auraka e akono e tetai papaki ra, e te tui
tangata openga kore, e tupu ei te mōro
ra, kare te maroiroi a te Atua i te aka-
rongo ra. E te openga o taua akaue-
nga nei, ko te aroa ia no roto i te
ngakau mā, e te akava-ngakau mei-
taki, e te akarongo pikikaa kore; Ko
tei kore i akonoia e tetai papaki ra, e
kua tatipake akenci i te tuatua neneva
ra; I inangaro e ei apii ture ratou;
kare ra i kite i ta ratou uaoari i tuatua
ra, e te au mea e mōroia e ratou ra.
Kua kite ra tatou e, e mea meitaki te
ture, kia tau ta te tangata ravenga i
taua ture ra; Kua kite oki e, kare te
ture i akonoia no te tangata tuatua-
tika, no te akaapa ture ra e te ako-
ngata, no te paieti kore, e te rave ara,
no te viivii e te akono kore, no te ta
metua tane, e te ta metua vaine, e te
ta tangata oki, E te akaturi, no te 10
sodoma, no te keia tangata, no te
pikikaa, no te taputou pikikaa ra,
e te au mea katoa kare e tau i te
tuatua ora nei; I te evangelia kakā o 11
te Atua kakā i tukuia mai iaku nei.
E te akameitaki nei au i to tatou Atua i 12
te Mesia ra ia Iesu, i te akamaroiroi
mai iaku nei, koia i tuatua iaku i te
pikikaa kore, e kua akataoonga orome-
tua mai iaku nei; I tei akakino oki i 13
muatangana, e te takinga-kino, e te

rave kino atu. I aroaia maira au, no
te mea kua pera kite kore ua au no te
14 akarongo kore, I maata roa ra te aroa
ua o to tatou Atua ma te akarongo e te
15 anoano i te Mesia ra ia Iesu. E tua-
tua-mou teia, e te tau oki kia ārikiia e
te tangata ravarai, e i aere mai te
Mesia ra ko Iesu i te ao nei, e akaora
i te aronga ara: ko au oki to ratou i
16 maata. Teia ra te mea i aroaia mai ei
au, kia kitea te akakoromaki maata
rava o Iesu Mesia iaku, *i tei maata i*
te ara nei, ei akaraanga na te aronga e
akarongo iaia a muri atu, e rauka atu
17 te ora mutu kore. E teianei, ei te
Ariki au mutu kore, te mate kore, e
te kitea kore kia akara ra, ei te Atua
pakari okotai kare atu, ei iaia te teitei,
e te kakā, e tuatatau ua atu. Amene.
18 Te tuku atu nei au i teianei poroki
ia koe, e *taku* tamaiti e Timoteo, e mei
tei te au tuatua i akakite ateaia mai ia
koe i muatangana ra, kia ta koe i te
19 tamaki meitaki i taua *tuatua* ra; I te
tamou marie anga i te akarongo, e te
akava-ngakau meitaki; i tei kopaeia e
tetai papaki, e kua akangaa pai oki i te
20 akarongo. No ratou Humenao ra
raua ko Alesandero; ko tei tukuia ia
e au kia Satani, kia kite raua e, auraka
e akakino.

PENE II.

*E pure no te tangata ravarai e tika'i:
okotai Atua, okotai Arai: to te vaine
akono anga.*

ETAMATA ana au i te ako atu ia
1 *koe* e, ei te akaora, te pure, te pati,
e te akameitaki i te Atua, i te tangata ka-
2 toa nei; I te ui ariki, e te aronga mana
katoa ra, kia noo kanga koreia mai
tatou, ma te au, ma te paieti, e te
3 akono meitaki. E mea meitaki oki te
reira, e te tau ki mua i te aroaro o te
4 tangata Ora ra o te Atua; Ko tei ina-
ngaro i te tangata katoatoa kia ora, e
kia rauka te kite i te tuatua-mou.
5 Okotai oki Atua, okotai oki Arai i
rotopu i te Atua e te tangata, ko te

tangata ra ko Iesu Mesia; Ko tei oronga iaia uorai ei oko i te tangata katoa: kia akakiteia i te tuatua tika ra. I akonoia'i au nei ei ako, e ei aposetolo, (e tuatua-mou taku i te Mesia nei, kare au i pikikaa,) ei apii i te etene i te akarongo e te tuatua-mou.

E teianci ko toku ia anoano i te au tane ra, kia pure i te au ngai katoa ra, ma te apai i te rima viivii kore ki runga, ma te riri kore, e te mero kore: E te au vaine ra oki, kia akamanea ia ratou uorai i te kakau e tau ra, ma te akatietie kore, e te akono meitaki; auraka ma te rauru iri, e te auro, e te poe, e te kakau oko maata ra; Ma te tuatua meitaki ra, ko tei tau i te au vaine i mou i te paietia ra. E apii te vaine ma te muteki ua e te kauraro marie. Kare ra e tika iaku kia apii te vaine, e kia akateitei ki runga i te tane ra, kia muteki ua ra. Ko Adamu oki tei angaia na, i muri ake a Eva. Kare oki a Adamu tei vavare ana, ko te vaine ra tei vavare, ko tei araia na ia. E ora ra aia i te anau anga i te tama-riki kia neo ratou ma te akarongo, e te aroa, e te tapu, ma te akono meitaki.

PENE III.

Te tu e tau ei i te episkopo, e te diakono, e ta ratou au vaine: te tuatua ngaro o te paietia.

E TUATUA-MOU teia, kia inangaro tetai tangata i te taonga episkopo ra, kua inangaro aia i te angaanga meitaki. Ei tangata apa kore ra te episkopo e tika'i, ei tangata vaine okotai, e te maroiroi, e te akono meitaki, e te noo marie, e te kite i te tangata ke ke, e te tau kia apii; Eiaa e tangata inu ua i te wina, eiaa ei tangata momoto, eiaa e morimori apinga i te mea tika kore ra; ei tangata maru ra, eiaa ei tangata taunetono, eiaa ei noinoini moni; Ei arataki meitaki i tona uorai ngutuare ra ma te maru, e tana au tamariki i te kauraro marie anga iaia: (Ko te tangata oki kare i kite i te arataki i tona uorai ngutuare, eiaa e tika'i iaia kia tiaki i te ekalesia a te Atua?) Auraka ei tangata akarongo ou ua mai, ko te akateiteia aea aia e te nengone-ngo, e rokoia iora aia i te akaapa i aka-apaia'i te diabolio ra. Ei rongu meitaki oki tona i te aronga ki vao ra e tika'i; ko te rokoia aea aia i te akakino, e te pikikaa a te diabolio. Koia katoa oki te au diakono, kia mamaru katoa ia, eiaa ei vaa rua, eiaa ei inu ua i te wina, eiaa ei morimori apinga i te

9 mea tika kore ra; Ei tangata tapu marie i te tuatua ngaro i akarongoia nei ma te akava-ngakau viivii kore. 10 Kia na mua rai oki i te timata marie ia ratou, e kare e tapepeanga, ka rave 11 ei ratou i te taonga diakono ra. Mei te reira katoa te au vaine i te maru e tika'i, eiaa ei tapepe ua, ei maroiroi ra, e te pikikaa kore, i te au mea katoa ra. 12 Ei tangata vaine okotai anake te au diakono, i te arataki meitaki anga oki i ta ratou tamariki e to ratou uorai 13 ngutuare. Ko te aronga oki i rave meitaki ana i te taonga diakono ra, e ngai meitaki tei rauka ia ratou, e te maroiroi maata i te akarongo i te Mesia ra ia Iesu.

14 Te tata nei au i teianei au tuatua ia koe, te manako nei ra, kua vaitata au i 15 te tae atu i ko na ia koe na: Kia roa ra au, kia kite koe i tauu akono anga tika i roto i te are o te Atua ra, ko te ekalesia o te Atua ora ra, ko te pou e te rangorango o te tuatua-mou ra. 16 Kua tika katoatoa oki e, e tuatua ngaro maata to te paietia nei, koia oki te tuatua ra e, i kitea mai te Atua i roto i te tangata nei, i akatikaia mai e te Vaerua, i akaraia e te au angela, i tuatua aeracia ki o te etene, i akarongoia i te ao nei, e raveia atura ki runga i tona uorai ao.

PENE IV.

Te akakite mamao mai nei a Paulo i te tuatua pikikaa te ka tupu i te au tuatua a muri atu: te tuatua i akoia atu kiu Timoteo.

I TE tuatua pu ua maira te Vaerua, e kia tae ki te au tuatua a muri atu e akaruke ei tetai papaki i te akarongoia nei, i te akono anga atu i te au vaerua pikikaa, e te tuatua o te au demoni ra; No te pikikaa oki o te aronga tuatua pikikaa ra; ko te aronga i tungia to ratou akava-ngakau ki 3 te auri vera; I te akakore anga i te akaipoipo, e auraka e kai i tetai papaki kai, i ta te Atua i anga kia kaingaia ma te akameitaki e te aronga i akarongo, 4 e tei kite i te tuatua-mou ra. E mea meitaki anake oki ta te Atua i anga, kare e akarukeia, kia kaingaia ra ma 5 te akameitaki i te Atua: E tapu ia oki i te tuatua a te Atua e te pure. 6 Kia akakite atu koe i te au tacake i teianei au tuatua, ka riro koe ei tavini meitaki no Iesu Mesia, i angaia i te tuatua i akarongoia nei, i tauu tuatua 7 meitaki tauu i kite tikai na. Kareka te fabula paietia kore a te aronga vaine

tangata metua ra, e akaruke atu ia, e akamātau ua ra koe i te paietī. Ko 8
te akamātau ua ra koe i te tino nei, e puapinga mea ngiti ua to reira: kareka te paietī ra, e puapinga to te reira i te ao me a katoa nei, e meitaki tei akakiteia mai to te reira i teianei ao, e te ao a muri atu. Ko te tuatua-mou oki teia, e te 9
tau oki kia āriki katoatoaia. No reira 10
oki tatou nei i roiroi ei, e i akakoro-maki ei i te akakino, no te mea te irinaki nei tatou i te Atua ora ra, i te Ora o te tangata katoa nei, e maata atura i te aronga i akarongo.

E akaue ua atu, e e apii ua atu, i 11
teianei au tuatua. Auraka rava e tangata e akavaavaa mai i toou ou anga 12
ra, ei akaraanga ra koe na tei akarongo ra, i te tuatua, i te aerenga, i te aroa, i te tu o te ngakau ra, i te akarongo ra, i te viivii kore. E akamaroiroi rai i te ta- 13
tāu i te tuatua, e te ako, e te apii, e tae ua atu au ra. Auraka e vaio unia tei 14
orongaia mai e te *Vaerua* i roto ia koe na; i orongaia mai ia koe ma te totou ra, e te tuku katoa anga i te rima o te au peresibutero ki rungao ia koe. Ka 15
akamanako tikai i teianei au tuatua; ko taau ia e rave auraka e tivata; kia kite te tangata katoa i te tupu anga o toou kite. Kia matakite ia koe, e 16
taau e apii ra; e tamou tika rai i te reira: tei te akapera oki e ora'i koe, e te aronga katoa e akarongo mai ia koe ra.

PENE V.

Te akono anga kia ako; e te akono anga oki i te vaine takaua ra.

EIAA e kauvae atu i te tangata pakari, e ako atura, mei te mea e metua, e te au tangata ou ra, ei taeake ia; E te au vaine pakari ra, mei te metua vaine, e te au vaine ou ra, ei tuaine ia, ma te akono meitaki. E kite meitaki atu i te au vaine takaua ra, i te takaua tikai ra. Ko te vaine takaua ra, e tamariki tana e te mokopuna, e rave ana ratou i te paietī i te angai anga i to ratou uarai ngutuare, ka tutaki atu ei i to ratou au metua ra: e mea meitaki te reira e te tau oki i te aroaro o te Atua. E teianei, ko te vaine takaua tikai, e kare e uraura toe, te irinaki ra ia i te Atua, ma te tamou oki i te pure, e te pati anga atu, i te po e te ao. Kareka ko tei akatika ua i ta te kopapa nei, kua mate ia ka ora ua. E tuku atu koe i teianei au tuatua ia ratou, kia kore ratou kia ē. Ko te tangata oki kare i takinga-meitaki i

tona uarai, e maata ua atu rai i te vaine uarai ngutuare, kua akaruke ia aia i te akarongo, e e maata atu ia tona kino i to te tangata akarongo kore ra.

9 Auraka ei vaine takaua tei kore i tae ki te ono i te ngauru o tona mataiti e 10
ikiia ra, ei vaine na te tane okotai, *E* te rongu meitaki i te tuatua meitaki ra, i apii ana i tana tamariki, i kite meitaki ana i te tangata ke ke, i orei ana i te vaevea o te aronga tapu, i tauturu ana i te aronga maki, i rave maroiroi ana i te au angaanga memeitaki katoa 11
ra. Eiaa ra te au vaine ou i takaua ra; kua iu anake ratou i ta te Mesia 12
ra, kua akaipoipo ia; E akaapaanga tei ia ratou, no te mea kua kopac ratou 13
i to ratou akarongo muatangana ra. E no te akatau, kua akamātau ratou i te koka aere ua i tera are i tera are; kare ra i te akatau anake, e apai tuatua oki ratou, e te akara matariki i ta tetai ke ra akonoanga, i te tuatua anga oki i 14
te au mea tika kore ra. E teianei, teia taku tuatua i te au vaine ou ra, ka akaipoipo ratou, kia anau tama, e akono meitaki i te ngutuare, eiaa to te enemi 15
ei akakinoanga. Kua tatipake takere ana oki tetai aronga i te aru anga atu 16
ia Satani. E vaine takaua to te *ngutuare* o tetai tangata akarongo, e to tetai vaine akarongo ra, e tauturu aia i taua takaua ra, e eiaa te ekalesia e akateiaia, kia tika i te reira kia tauturu i te au takaua tikai.

17 Ko te au peresibutero i arataki meitaki ra, kia maata atu ia i te akateitei atu, kia maata atura i tei angaanga i te 18
ako e te apii ra. Te na ko maira oki te tuatua i taina ra e, "Auraka koe e topiri i te vaa o te bovi e takatakai i te sitona ra." E "E tau te rave angaanga 19
i tana tutaki." Eiaa e akono atu i te tapepe anga i te peresibutero, mari ra kia toko rua, e kia toko toru ake kite. 20
Ko tei rave i te ara ra, e ako atu ki mua i te aroaro o te tangata katoa ra, kia matakau katoa tetai aronga. 21
Te ako ua atu nei au ia koe i mua i te aroaro o te Atua, e te Atua ra ko Iesu Mesia, e te au angela i ikiia ra e, e akono koe i teianei au tuatua, eiaa e akaapa mamau ua ana, eiaa oki te akatika pae tai ua. Eiaa e rapurapu i te tuku i te rima ki runga i te tangata, auraka e kapiti katoa atu i ta etai ke ra ara: kia vai apa kore rai 23
koe. Oti ra ua i te inu ua i te vai, ei manga wina iti ra taau, no to kopu oki, 24
e no te maki putuputu noou ra. Te vai ua nei te ara a tetai papaki tangata, te na mua ra ia, e taka ua atura; ka-

reka ta tetai papaki, na muri ia te kitea. Koia katoa te tuatua meitaki a 25 tetai papaki, te kitea uaia nei ia na mua: e te kore i kitea ra, kare rai e ngaro me uuna.

PENE VI.

Te akono anga o te tavini: te apii anga tika kore: te meitaki maata o te paieti: te kino o te anoano moni: te akono anga e tau i te aronga apinga maata.

KO te au tavini katoa i roto i te zugo ra, kia akangateitei rava atu ratou i to ratou uarai au pu; kia kore te ingoa o te Atua e tana tuatua e akakinoia. E te au tavini e pu akarongo to ratou ra, eiaa ratou e akavaavaa atu, no te mea e e tacake; kia maata atura to ratou akarongo i reira, no te mea e aronga akarongo e te akaperepereia, tei rauka katoa taua meitaki ra.

Ko teianei au tuatua taua e apii atu, e e ako atu oki. E e tuatua ke ta tetai tangata e apii ra, kare i tau i te tuatua ora a to tatou Atua i Iesu Mesia, i te tuatua e tau i te paieti ra; E neingonengo ia, e te kite kore, kua auoua ui i te ui e te mero anga tuatua, e tupu ei te vareac, te tamaki, te tuatua akakino, te manako kino, Te mero anga tika kore oki a te aronga ngakau kino ra, e kare ua e tuatua-mou ra, ko tei manako ko te mea e rauka'i te apinga ra, ko te paieti ia; e akataka ke atu koe i te reira. Kareka te paieti e te mareka ua ra, ko te apinga maata ia. Kare ua oki a tatou apinga i apai mai ki teianei ao; e kua kitea tikaia e kare takiri e apinga e tika kia apai katoa kia aere ke tatou nei. E teianei, e kai ta tatou, e te kakau, kia mareka tatou i te reira. Kareka te aronga e mero e kia maata te apinga, e rokoia ia e te timataanga, e te ereere, e te anoano neneva e manganui, e kino ei ra, e tomo takiri atu ei te tangata ki roto i te ngai e pou ei e te mate. Ko 10 te anoano maata oki i te moni te tumu o te au kino katoa nei; kua taka ke rava oki tetai aronga i te akarongo nei,

i te umuumu anga i te reira, e kua ko mama rava ia ratou uarai i te iriea e manganui.

11 Kareka koe, e te tangata o te Atua na, ka rere ke koe i te reira e aruaru atu i te tuatua-tika, te paieti, te akarongo, te anoano, te akakoromaki, e te 12 maru. Kukumi ua ia i te kukumi-anga meitaki ra i te akarongo; e opu atu i te ora mutu kore, i nominoia'i koe, e kua aaki oki i te aakianga tuatua meitaki ki mua i te aroaro o te kite e manganui ra.

13 Te akaue atu nei au ia koe ki mua i te aroaro o te Atua, ko te akaora i te au mea katoa nei, e to te Mesia ra to Iesu, ko tei aaki i te aakianga tuatua meitaki ki mua i te aroaro o Ponotio 14 Pilato ra; E e tamou tikai koe i taua akauenga nei, eiaa ei ngai kino, eiaa ei apa, e tae ua atu i te mama anga 15 mai o to tatou Atua o Iesu Mesia: Ko tana e akakite mai kia tae ki tona tuatua, ta Tei meitaki, e Tei iaia anake ra te mana ra, ko te Ariki o te au ariki, e te Atua o te aronga atu ra;

16 Tei iaia anake ra te mate kore, e te noo ra oki ki roto i te marama kare e taea e te tangata katoa; ko tei kore rava oki i akaraia e te tangata katoa, e kare takiri oki e tika kia akara: ei iaia te akangateitei, e te mana, e tuatau ua atu. Amene.

17 E ako atu i te aronga apinga maata i teianei ao, eiaa ei ngakau teitei, eiaa oki e irinaki i te apinga maata kitea kore, ei te Atua ora ra, ko tei oronga ua mai i te au mea katoa nei ei rave anga 18 na tatou; Kia takinga-meitaki ratou, e kia apingaia ra i te angaanga meitaki ra, kia maata atu ia ia ratou kia oro- 19 nga aere, kia tau i te uipa; I te akaputu marie anga i te meitaki tumu no ratou uarai a muri atu, kia rave ratou i te ora mutu kore.

20 E Timoteo e, e akono meitaki i tei tukuia atu ia koe na, e ariu ke koe i te tuatua rikiriki paieti kore kare e puapinga ra, e te tuatua taumaroia ra i tapikipikiia e e kite: Ko tei 21 tapuia e tetai pae ra, e tatipake rava akenei i te akarongo.

Ei ia koe te aroa ua. Amene.

TE EPISETOLE RUA A TE APOSETOLO RA A PAULO IA TIMOTEO.

PENE I.

To Paulo aroa ia Timoteo, e tona akarongo pikikaa kore: ko Onesiphoro.

PAULO, e aposetolo na Iesu Mesia, i te anoano o te Atua ra, no te ora i te Mesia ra ia Iesu i tuatuaia maira, I *taku* tamaiti akaperepere, ia Timoteo: *ei ia koe* te aroa ua, te tangi, e te au, no ko mai i te Atua Metua ra, e to tatou Atua ra ko Iesu Mesia.

Te akameitaki nei au i te Atua, (taku e akamori nei ma te akava-ngakau viivii kore mei *taku* ui tupuna katoa ra,) i te mea e tika iaku kia manako ia koe i taku nei pure i te po e te ao, auraka e tivata; Te manako nei au i taua aue noou ra, e anoano maata toku kia kite atu au ia koe, kia akakiia mai au i te rekareka; Te manako nei oki au i te akarongo pikikaa kore i roto ia koe na, ko tei vai marie i roto i to tupuna vaine ia Loi i mua-tangana ra, e i roto katoa i to metua vaine ia Eunike; e te manako nei au e, tei roto katoa ia koe na. E teianei, e tuatua atu ci au ia koe, kia maara koe e, e akaaraara koe i tei roto ia koe i oronga uaia mai e te Atua i te tuku anga i taku rima ki rungao ia koe na. Kare oki i te ngakau kopē ia te Atua i oronga mai no tatou; te ngakau maroiroi ra, e te aroa, e te ngakau akono meitaki. Eiaa koe e akama i te tuatua-akakite a to tatou Atua, e eiaa katoa e akama iaku i tona tangata tapekaia nei, e āriki katoa ra koe i te mate o te evangelia nei i te maroiroi o te Atua ra; Ko tei akaora ia tatou nei, e kua nomino ia tatou i te nominoanga tapu ra, eiaa no ta tatou angaanga, no tona uarai ra anoano e te aroa ua i orongaia mai i te Mesia ra ia Iesu no tatou, ou te akamatanga i teianei ao: Kua akakite uaia maira i teianei i te

mama anga mai o to tatou Ora ia Iesu Mesia, ko tei akakore i te mate nei, e kua akakite pu mai i te ora mutu kore i te evangelia nei: I akonoia'i au nei ei ako, e ei aposetolo, e ei orometua, na te etene ra. I rokoa mai ei au i taua au kino nei: kare ra au i akama: kua kite akenei au i taku i akarongo akenei, e kua kite au e, e tika iaia kia tiaki i taku i tuku atu iaia ra e tae ua atu ki taua rā ra. E tāpu meitaki i te akonoanga tuatua tikai taau i kite iaku nei ra, ma te akarongo e te anoano i te Mesia ra ia Iesu. Taua tuatua meitaki i tukuia atu ia koe ra, e mou meitaki ia, i te Vauerua Tapu e noo ki roto ia tatou nei ra.

Kua kite oki koe i te tuatua nei e, kua akaruke anake to Asia ra iaku, no ratou oki a Phugelo e Heremogene.

Kia aroa mai te Atua i te kopu-tangata o Onesiphoro; kua matuapuru putu-putu mai aia iaku, e kare i akama i taku nei pirianganaoa; Kua kimi marie ra aia iaku iaia i Roma nei, e kitea ora au. Kia aroaia mai oki aia e te Atua kia tac ki taua rā ra: e te maata oki o tona takinga-meitaki anga iaku i Ephesia ra, kua kite ua oki koe i te reira.

PENE II.

No te toa ki o Iesu Mesia: te tuatua neneva puapinga kore: kia matakile ia Humenaio e tetai aronga e apii i te tuatua e kino ei.

ETENANA, e taku tamaiti, kia maroiroi koe i te aroa ua e vai ki roto i te Mesia ra ia Iesu. E te au tuatua taau i akarongo iaku nei i te araro o te au kite katoa e manganui ra, ko taua ia e tuku ki te aronga tuatua-mou, ko te taua apii atu ia etai ke ra. E akakoromaki marie koe i te kino, mei te toa meitaki ki o Iesu Mesia ra. Kare rava te tangata e aere

ki te tamaki ra e taii iaia uorai i te
 peu rikiriki no teianei ao, kia akare-
 kareka i tei iki iaia ei toa ra. E te
 tangata oki kia kukumi ra, kia kore
 aia e kukumi ma te akono i te ture ra,
 kare ia e akakoronaia. E akamata na
 te tangata tanu-kai i te rave i te
 angaanga e tika'i, ka kai ei aia i tei
 tupu ra. E akamaara i taku e tuatua
 nei; e kia oronga mai oki te Atu i te
 kite i te au mea katoa nei ia koe. E
 akamanako ia Iesu Mesia, no te uanga
 o Davida, ko tei akatuia mai mei te
 mate maira, mei tei te evangelia nakū
 nei. I mate ei au nei i teianei kino,
 e kua tac rava ki te pirianganaoa nei,
 mei te mea e e tangata rave tuatua
 kino ra; kare ra te tuatua a te Atua i
 tapekaia ra. I akakoromaki marie ei
 10 au nei i te au mea katoa no te aronga
 i ikiia ra, kia rauka katoa ia ratou te
 ora i te Mesia ra ia Iesu, ma te kakū
 mutu kore ra. E tuatua-mou te 11
 manga tuatua e, Kia mate tatou ma
 ia katoa ra, e ora katoa tatou ma ia
 katoa oki: Kia akakoromaki katoa 12
 tatou i te kino ra, e basileia katoa to
 tatou ki ona ra: kia uuna tatou iaia
 ra, e uuna katoa aia ia tatou: Kia 13
 kore tatou e akono i te tuatua-mou, e
 tuatua-mou rai tana, kare e tika
 iaia kia uuna i tana uorai.

E akakite atu i te tangata i teianei 14
 au tuatua, ma te ako atu ia ratou ki
 mua i te aroaro o te Atu ra e, auraka
 ratou e tauetono i te tuatua rikiriki
 puapinga kore ra, e tatipake ei te aro-
 nga akarongo ra. E akamaroiroi kia 15
 vai meitaki rai koe ki mua i te aroaro
 o te Atua, ei rave angaanga kare e
 akama anga, e te tika oki i te tua i te
 tuatua-mou ra. Kareka te tuatua 16
 rikiriki puapinga kore ra, e patoi atu
 ia; ko te tuatua kino oki te tupu i te
 reira, e e maata atu oki. E te kakai 17
 oki ta ratou tuatua mei te maki kakai
 ra; no ratou oki a Humaio e ko Phi-
 leto; Ko tei ariu ke akenei i te tua-
 tua-mou, i te māro anga e, kua oti te
 tuakouanga; e kua akatatipoki i te
 akarongo o tetai papaki ra. Kareka 19
 te tumu o te Atua ra, te vai keukeu
 kore nei ia, e ma teianei akairo ki
 rangao, Kua kite te Atu i tona uorai,
 e, Ko te tangata ravarai e taiku i te
 ingoa o te Atu ra, e akaruke anake
 ratou i te tuatua kino. Kare ra to te 20
 are maata nei au āriki i te āriki auro
 anake, e te ario, e mea rakau tetai e
 te one, e no te meitaki oki tetai papaki,
 e no te kino tetai. E teianei, kia 21
 tamā marie te tangata iaia uorai i

teianei au tuatua, e riro aia ei āriki no
 te meitaki, e akatapuia ia, e te tau
 oki i to te Atu ra anoano, e te manea
 oki kia rave i te au angaanga memei-
 22 taki katoa ra. E rere ke koe i te au
 anoano o to mea ou anga ra: e aruaru
 ra i te tuatua-tika, te akarongo, te
 aroa, te au, ko koe e te aronga katoa
 e akamori i te Atu ma te ngakau mā
 23 ra. Kareka te ui neneva puapinga
 kore ra, auraka takiri ia, ko te mea ia
 24 e tupu ei te māro. Kare oki te tavini
 o te Atu nei e tika kia māro; kia
 maru ra aia i te tangata katoa nei, e
 te tau oki kia apii ia etai ke, e te aka-
 25 koromaki marie, Ma te apii maru
 marie atu i te aronga i patoi maira;
 penciake ko te oronga mai te Atua i
 te tatararaa kia āriki i te tuatua-mou
 26 ra; Kia ora ratou i te ereere a te
 diabolō ra, i tei riro ei tuikaa nana ra
 i tona ra anoano.

PENE III.

*Te tu o te tangata te ka tupu i te tua-
 tau openga: te tuatua ia Paulo e
 tana ako ia Timoteo: e mea akau-
 ruia mai te au tuatua tapu i ta-
 tuia.*

1 **K**A tupu te kino maata i taua tua-
 tau openga ra, kia kite mai koe.
 2 E riro te tangata nei ei manava kino,
 ei noinoi, ei akatieie, ei nengonengo,
 ei akakino, e akarongo kore ki te me-
 3 tua, e mareka kore, e viivii, E aroa
 kore, e akaatikau koreromotu ra, e ta-
 pepe pikikaa, e akono kore, e rotoriri,
 e akavaavaa i te tangata memecitai ra,
 4 E pikikaa, e māro, e ngakau akateitei,
 e anoano i te au mea e navenave ei ra,
 5 kare i anoano i te Atua; E tutu paieti
 to ratou, kareka te mana ra, kua aka-
 kore ratou i te reira: e ariu ke koe i
 6 tana aronga ra. Koia te aronga i akao ua
 ki roto i te au are, e riro atura ia ratou
 te aronga vaine kite kore ra, i kako i
 te ara ra, kika keia e te anoano tika kore
 7 ra, Te tamou ua ra oki i te apii, kare
 rava ra i rauka te kite i te tuatua-mou.
 8 Mei ta lane raua ko lamebera i patoi
 ia Mose ra, e pera katoa ratou i te pa-
 toi anga i te tuatua-mou: e aronga
 ngakau kino, e te tau koreia mai i te
 9 akonoanga i te tuatua nei. Kare ra
 ratou e roa: e kitea katoatoaia to ratou
 manako kore, mei to raua katoa i kitea
 10 ra. Kua kite ua ra koe i taku i apii
 ra, taku acenga, taku e umumu, te
 akarongo tikai, te maru, te aroa, te aka-
 11 koromaki, Te au takinga-kino angaia

mai, e te au mate, ka rokoia mai ei au
i Anetioka, i Iconio, e i Lusetera; i te
tu o taua au takinga-kino i akakoro-
makiia e au ra: i akaoraia ra au e te
Atu i taua au *mate* ravarai ra. E te
aronga katoa e maara tikai e akono i te
paietei, ei roto rai i te Mesia ra ia Iesu,
e takinga-kino katoaia ia. Ko te au
tangata kikino e te aronga pikikaa ra,
e tupu rai to ratou kino, e e maata atu,
i te pikikaa ua anga atu, e te pikikaa
angaia mai. Kia mou marie ra koe i
tauu i apii ra, i tei tukuia atu ia koe
ra, kua kite oki koe i toou kite i kite
ei koe ra; E mei to tamariki anga mai-
rai toou kite i te tuatua tapu i tataia
ra, ko te *tuatua* ia i pakari ei koe e
tae ua atu ki te ora i te akarongo i te
Mesia ra ia Iesu. Te au tuatua *tapu* ka-
toa i tataia ra, e mea akauruia mai e te
Atua, e e mea meitaki ei apiiaanga, ei
akoanga, ei akakiteanga apa, e ei aka-
kite mai i te tuatua-tika ra. Kia apa
kore te tangata o te Atua, ma te tau
tikai i te au angaanga memeitaki ka-
toa ra.

PENE IV.

*Te ako ra ia Timoteo kia akama-
roiroi, kua vaiata oki to Paulo ma-
tenga: te akaaroa.*

E TEIANEI te ako ua atu nei au
ia koe ki mua i te aroaro o te
Atua, e to te Atua ra ia Iesu Mesia, ko
te akava i te ora ra, e i tei mate, kia
mama mai aia kia tae ki tona basileia;
E akakite ua koe i te tuatua; kia ta-
mou marie rai, i te ati anga tau, e te
ati anga tau kore; e akakite ua i te
apa, e ako atu, e akamaroiroi atu, ma
te akakoromaki maata e te apii marie
anga atu. Te vai atura oki te tuatau
e kore ei ratou e ariki i te tuatua-mou;
no te navenave o to ratou taringa e
akaputu ei ratou i te orometua e tau
i to ratou uorai inangaro; E ariu ke
oki to ratou taringa i te tuatua-mou, e
anga atu ei ki te fabula. E akamaroi-
roi ra koe i te au mea katoa ra, e aka-
koromaki rai i te kino, e rave i te
angaanga a te apii evangelia, e rave
akaope takiri i to taonga na. Teia
oki toku *toto* ka ta'e, teia oki au ka

7 riro ke. I kukumi ana au i te ku-
kumianga meitaki, kua oti *toku* oro
anga, i mou marie na au i te akarongo:
8 E teiane i te vaioia nei te korona o te
tuatua-tika noku, ta te Atua, ta te akava
tuatua-tika ra, e oronga mai noku kia
tae ki taua ra ra; e kare ra oki ko toku
anake ra, ko to te aronga katoa ra i ina-
ngaro i taua mama anga mai nona ra.
9 Kia rapurapu koe, kia tae vave mai
10 kiaku nei: Kua akaruke mai oki a
Dema iaku, kua anoano maata ki teia-
nei ao, e kua riro ki Tesalonia; *kua*
riro a Kereseke ki Galatia, e ko Tito oki
11 tei Dalamatia ia. Ko Luka anake ra
tei iaku nei. Arataki katoa mai koe
ia Mareko; e meitaki oki au iaia i te
12 angaanga i te taonga nei. Kua tono
13 atu au ia Tukiko i Ephesia na. Te
kakau pu taku i vaio i Teroa ia Ka-
repeo ra, apai katoa mai kia aere mai
koe ra, e te au buka, kia maata atura
14 te au pepa kiri ra. E takinga-kino
maata to Alesanadero tupaki veo iaku:
na te Atua ia e akautunga mai iaia i tei
15 tau i tana angaanga: E matakite ka-
toa koe iaia; e patoi maata tona ki ta
16 tatou tuatua. I taua akatika anga
naku iaku uorai i muatangana ra, kare
takiri e tangata i tauturu mai iaku nei,
akaruke anake atura ia, eiaa ra te reira
kia uriaa atu ia ratou ra ei ara. Kua
17 tauturu maira te Atua iaku, kua aka-
maroiroi maira; kia kitea ravaia te
tuatua kia ako aereia nei iaku, e kia
akarongo te au etene katoa; akaoraia
18 ora au i te vaa o taua liona ra. E na
te Atua rai e akaora iaku i te au kino
katoa ra, e tiaki mai iaku e tae ua atu
ki tona basileia i te ao ra: e iaia te
kakū e tuatatau ua atu. Amene.
19 E aroa atu ia Periseka, raua ko
Akuila, e te ngutuare o Onesiphoro ra.
20 Kua noo a Eraseto i Korinetia, ka-
reka ko Terophimo kua vaioia e au i
21 Mileto, kua mate i te maki. Kia ra-
purapu mai oki koe, ko te rokoia i te
paroro. Te aroa atu nei Eubulo ia
koe, e ko Pude, e ko Lino, e Kalaudia,
e te au tacake katoa nei oki.
22 Ei vaitata katoa te Atua ra ko Iesu
Mesia i to vaerua ra. Ei ia kotou ka-
toa na te aroa ua. Amene.

TE EPISETOLE A TE APOSETOLO RA A PAULO IA TITO.

PENE I.

Te tuatua a Paulo kia Tito : te mea i vaioia'ia Tito i Kereta : te tu o te tangata e tau ei episekopo : e aronga pikikaa to Kereta : e mea viivii kore te au mea katoa i te aronga viivii kore.

PAULO, e tavini no te Atua, e e aposetolo oki na Iesu Mesia, i te tuatua i akarongoia e te aronga i ikiia e te Atua ra, e āriki i te tuatua-mou e tau i te paietī ra; *Kia rauka* te iri-naki i te ora mutu kore, i ta te Atua, ta te kore e tika kia pikikaa, i tuatua oronga mai ou teianei ao; I akakite ua maira tana tuatua i te tuatau tika nei i te ako, i tukua mai iaku nei i te akaue a te Atua, a to tatou Ora ra; Kia Tito, i *taku* tamaiti tikai i te akarongo nei: *Ei ia koe* te aroa ua, te tangi, e te au, no ko mai i te Atua Metua ra, e te Atua ra ia Iesu Mesia i to tatou Ora.

Teia te mea i vaio ei au ia koe i Kereta na, kia akameitaki koe i tei toe ra, kia akataoonga i te peresibutero i te au oire katoa ra, mei taku i ikuiku ia koe na: Ko te tangata apa kore, vaine okotai ra, e te tamariki akarongo, kare i tapepeia i te kaimoumou, e te akongata. Ei tangata apa kore te episekopo e tika'i, mei te akaare a te Atua ra; auraka ei tangata mūro i tona uorai inangaro, auraka e riri ua, auraka te inu maata i te wina, auraka ei tangata momoto, auraka ei morimori apinga i te mea tika kore; Ei tangata oo meitaki i te tangata, e te tau atu i te tangata meitaki, te akono meitaki, te tuatua-tika, te tapu, e te noo marie; E te tūpu piri tikai i te tuatua-mou, i apiiia atu iaia ra, kia tika iaia kia apii i te tuatua ora, kia akakite atu i te ara a te aronga i patoi maira. Manganui oki 10 te tangata akono kore e te tuatua pua-pinga kore e te pikikaa, e maata ua

11 atura i to te peritome: Kia akamutekiiia atu ia aronga e tika'i; e koputangata katoatoa oki ta ratou e akatati-pake nei, i te apii anga i te tuatua-tika kore, kia rauka te apinga i te mea tika 12 kore ra. Tetai oki o ratou, e peroveta no ratou uorai, tei tuatua e, "E pikikaa ua rai to Kereta kare e tivata, e terio kino, e karaponga maata akataua ia." E kite tuatua-mou tana mea 13 nei. E tenana e ako viviki ua atu koe ia ratou, kia tika to ratou akarongo i te 14 tuatua nei; Auraka e akono i te au fabula ngati Iuda ra, e te akauenga a te tangata i akaruke i te tuatua-mou. 15 E mea viivii kore te au mea katoa nei i te aronga viivii kore: kareka i te aronga viivii e te akarongo kore ra, kare rava ia e mea viivii kore; kua viivii oki to ratou manako e te akava-nga- 16 kau katoa. Te karanga nei ratou e kua kite i te Atua; kareka i ta ratou angaanga te uuna nei ratou iaia, e aronga viivii, e te akarongo kore, ko te au angaanga memeitaki ra, kare rava ia i tau i te reira.

PENE II.

Te tuatua e tau no te tangata pakari, te vaine pakari, e te au tangata ou : te aroa ua e ora'i.

E AKO atura koe i te tuatua e tau i te tuatua ora ra: Ko te au tangata pakari ra kia maroiroi ia, e te maru, e te akono meitaki, ei akarongo tikai te akarongo, e te aroa, e te akako- 3 romaki. Koia katoa te au vaine pakari, kia tau ta ratou tuatua i te aronga tapu, auraka ei tapepe pikikaa, auraka ei inu maata i te wina, ei aronga 4 apii atura i te tuatua memeitaki; Kia ako marie ratou i te au vaine ou ra kia aroa i ta ratou au tane, kia aroa oki 5 i ta ratou au tamariki, Kia maru ua, kia meitaki, kia noo i te ngutuare, kia takinga-meitaki, kia kauraro marie i ta ratou uorai au tane, kia kore e

akakinoia te tuatua a te Atua. E ako
katoa atu i te au tangata ou, ei nga-
kau auono kore to ratou. Kia riro oki
koe ei akaraanga i te au angaanga me-
meitaki katoa ra: kia apii ra ei tuatua
iro kore rai, ei maru e te pikikaa kore,
Ei tuatua mou, kare e tika kia akaapa;
kia akama tei patoi mai, no te akakino
anga kore ia kotou na. E ako atu i te
au tavini e e akarongo i to ratou au pu,
e akamareka atu i te au mea katoa ra;
auraka e taitoito; Auraka e rave poiri
ua i te *apinga*, ei akono meitaki rava
ra; kia manea te tuatua a te Atua a to
tatou Ora ra ia ratou i te au mea ka-
toa ra.

Ko te aroa ua o te Atua e ora'i te
tangata, kua kitea mai nei ia i te ta-
ngata ravarai, I te akakite anga mai ia
tatou e, e kopae tatou i te paletti kore,
e te anoano o teianei ao, kia noo tatou
ma te akono meitaki, te tuatua-tika,
e te paletti, i teianei ao; I te akara
anga atu i taua meitaki e tiakiia nei,
koa te mama anga kakū mai o te Atua
maata ra, ko to tatou Ora ko Iesu
Mesia; Ko tei oronga iaia uorai no
tatou, kia ora tatou iaia i te au tuatua
kikino ravarai, e kia tamū aia ia tatou
ei tangata tikai nona uorai, e te ma-
roiroi i te au angaanga memeitaki ra.

Ka tuatua koe i taua au tuatua nei,
e ako ua atu, e akakite ua atu, ei tua-
tua tumu ia. Eiaa to te tangata ra-
varai ei akavaavaa anga ia koe.

PENE III.

*Te akakite nei rai a Paulo ia Tito i
tana e apii e tana e kopae.*

EAKAKITE atu ia ratou e e kau-
raro marie i te ui ariki e te aronga
mana, e akarongo i te aronga akava
ra, e akatika i te au angaanga memei-
taki ravarai, Auraka rava e akakino
atu i te tangata ravarai, eiaa ei taue-
tono, kia maru ra, e te akono i te mea
maru i te tangata katoa ra. E tu ne-
neva rai oki to tatou i muatangana, i
te akarongo kore, e vare ua, e tavini

no te au inangaro tika kore e te nave-
nave e manganui ra, e te noo ma te
akamoupuku e te vareae, ma te maki-
takitaia mai e te makitakita atu tatou
tatou uorai. Kia kitea mai nei ra te
takinga-meitaki e te aroa o to tatou
Ora ra o te Atua i te tangata nei, Kua
akaora aia ia tatou, eiaa no te tuatua-
tika i raveia e tatou nei, no tona ra
aroa i te orei anga i te anau anga ou
ra, e te akaou anga a te Vaerua Tapu
ra; Ko tana i riringi maata mai ki
runga ia tatou, no to tatou Ora no Iesu
Mesia ra; Kia riro tatou ko tei akati-
kaia mai e tona aroa ua, ei aronga tua-
nga i tei tiakiia ra no te ora mutu
kore. E tuatua-mou teia, e ko taku
teia i anoano kia akakite ua koe au-
raka e tivata, kia akamaroiroi te
aronga i akarongo i te Atua, kia
rave tamou i te au angaanga memei-
taki ra. Ko te mea meitaki oki te
reira e meitaki ei oki te tangata nei.
Kareka te ui neneva ra, e te tuatua
anau anga ra, e te mūro, e te tamaki
i te ture ra, eiaa takiri ia; e mea
puapinga kore ia e te tumu kore oki.
Ko te tangata i akatupu i te airesi ra,
kuā oti i te akoia atu, okotai atura
ako anga e e rua oki, akataka ke atu
ia. Kua kitea oki e kua piko ke te
reira, kua ara ia, kua akaapaia ia e ia
uorai.

Kia tono atu au ia Aretema kia koe
ra, e kare aia, ko Tukiko, e rapurapu
mai koe i Nikopoli iaku nei; te aka-
koro nei oki au e ei reira au i teianei
paroro. E akamaroiroi i te arataki
mai ia Zena apii ture, e ia Apolo, eiaa
raua e ngere i tetai mea apinga mea
ngiti i to raua aerenga. E apii katoa
to tatou i te rave i te au angaanga me-
meitaki, no te au mea e tau ei ra; kia
kore oki ratou e riro *mei te rakau* ua
kore ra.

Te aroa atu nei to vaitata iaku nei
ia koe. E aroa atu i tei aroa mai ia
tatou i te akarongo nei.

Ei ia kotou ravarai te aroa ua.
Amene.

TE EPISETOLE A TE APOSETOLO RA A PAULO IA PHILEMONA.

To Paulo rekareka i te kite anga i te akarongo e te aroa o Philemona, kia akakore aia i te ara a tona tavini a Onesimo ra.

PAULO, e tangata no Iesu Mesia i 1
tapekaia nei, e *to tatou* taeake nei
ko Timoteo, ki to matou oa rave anga-
anga i akaperepereia ra, kia Phile-
mona, E kia Apephia akaperepereia 2
ra oki, e to matou taeake toa katoa oki
ko Arekipo ra, e te ekalesia i roto i
toou are: Ei ia kotou te aroa ua, e te 3
au, no ko mai i to tatou Metua ra i te
Atua, e te Atu ra ia Iesu Mesia.
Te akameitaki nei au i taku Atua, 4
ma te akaiki katoa ia koe i taku nei
pure kare i tivata, (Kite akenci au i
toou akarongo i te Atu ra ia Iesu, e 5
toou aroa i te aronga tapu katoa ra;)
Kia tupu rava te angaanga o toou 6
akarongo, i te kitea anga i te au mea
meitaki katoa ki roto ia tatou, ia Iesu
Mesia nei. E rekareka maata oki to 7
matou e te pumaana i toou aroa, no te
mea kua mareka te ngakau o te aronga
tapu ia koe na, e *to matou* taeake. E 8
teianci, tika ua rai iaku i te Mesia nei
kia akaue atu ia koe i te mea tau, No 9
te aroa ra toku i tuatua meitaki ua atu
ei au *ia koe*, ko Paulo tangata pakari
oki au, e tangata no Iesu Mesia i tape-
kaia oki i teianci. Te tuatua meitaki 10
ua atu nei au kia koe i taku tamaiti ia
Onesimo ra, i taku i anau i toku tape-
ka angaia nei: I *te tavini* puapinga 11
kore noou i muatangana, i teianci ra, e
puapinga ia taau iaia e taku katoa nei
oki: Ko taku ia e akaiki atu kia koe 12
na: e tenana e uriki mai koe iaia, ko
taku ia ngakau tikai: I inangaro oki 13

au i te tūpu iaia ki ko nei iaku nei,
kia tupauia koe iaia i te matuapuru
anga mai iaku i *toku* nei tapeka
14 angaia i te evangelia nei: Kare ra au e
rave ua i tei kore i tika ia koe ra; kia
riro toou takinga-meitaki no te ina-
ngaro mou, auraka no tetai mea ke.
15 Penciake oki i taka ke iti potu ua mai
ei aia, kia uriki mai koe iaia, kia noo
16 tamou ua atu ia koe na: Auraka ra ei
tavini, kia maata atura ia i te tavini, ei
taeake akaperepere ra iaku nei, ka
tanga atu ei ia koe ra, i te Atu nei, e
17 te kopapa katoa oki. E tenana te
karanga na koe iaku nei e e oa, e uriki
mai koe iaia mei te mea ko au uorai.
18 E i takinga-kino aia ia koe, e e kai ou
aia *naau*, e tuku mai koe i te reira ki
19 runga iaku nei; Ko au teia ko Paulo,
na toku uorai rima i tata i *teianci*
tuatua, Naku ia e oko atu: auraka ua
atura au e karanga atu ia koe e, e kai
20 ou koe naku, ia koe uorai na. Koia
ia, e *taku* taeake, ei rekareka toku ia
koe i te Atu nei, e akapumaana mai
koe i toku ngakau i te Atu nei.
21 Te irinaki nei au i toou akatika anga
mai i tata atu ei au i *teianci* tuatua ia
koe, kua kite oki au e e maata atu rai
22 taau i taku e pati nei. E akamanca
ra koe i tetai nooanga noku; te ma-
nako nei oki au e e riro au i te oro-
ngaia ia kotou i ta kotou pure.
23 Te aroa atu nei a Epaphra, taku oa
tapeka katoaia i te Mesia nei ia Iesu, ia
24 koe: E taku au oa rave angaanga nei,
ko Mareko, ko Ariseta-reko, ko Dema,
e ko Luka oki.
25 Ei to kotou na au vaerua te aroa
ua o to tatou Atu ra o Iesu Mesia.
Amene.

TE EPISETOLE A TE APOSETOLO RA A PAULO

I TE AU EBERA.

PENE I.

Ko te Tamaiti a te Atua tē teitei: kare te au angela e tau kia aite iaia.

KO te Atua, ko tei tuatua rikiriki mai i muatangana, e manganui te tu o te tuatua anga mai, ki te ui tupuna i te au peroveta; Ko tei tuatua mai ia kia tatou i teianei tuatau openga i tana Tamaiti, ko tei akariroia e ia ei Atua no te au mea ravarai, e kua anga oki i nga ao katoa nei iaia; Ko te kakū oki aia o tona tapunui, e ko te tutu tikai nona uorai, e te mou ra aia i te au mea katoa nei i tana tuatua mana, kia oti ta tatou ara i te tamāia e ia i te *akatusia anga* iaia uorai, noo iora ki raro i te rima katau o te Mana i te ngai teitei. E meitaki maata oki tona i to te au angela ra, mei te ingoa tangata tuanga i rauka iaia, i maata ua atu i te meitaki i to ratou ra. Koai oki to taua au angela ra *tu te Atua* i karanga atu mei muatangana mairai e, “Ko taku Tamaiti koe; i nakonei koe i akanauia i e au?” *E tana oki i na ko ra e*, “Ei metua au nona, e ei Tamaiti aia naku?” E iaia oki i tuku mai i te tama mua i te ao nei, na ko akera aia, “Kia akamori te au angela katoa a te Atua iaia.” I te au angela ra, te na ko ra aia, “I te akariro anga i te au angela nana ra mei te matangi, e te au tavini nona mei te ai mura.” Kareka i te Tamaiti ra, *te na ko ra ia*, “To terono, e te Atua e, e vai rai e tuatau ua atu, e sepetu tuatua-tika ia te sepetu o toou basileia. I inangaro koe i te tuatua-tika, e te rikarika ra koe i te kino; i akatainu ei te Atua to Atua ra, ia koe i te manongi ra o te rekareka, e maata rava atura i toou au oa ra.” E, “Naau, e Iehova, i 10 akamou i te enua i taito roa ra; te au rangi oki, na toou ia rima i anga; Ka 11 riro ra te reira i te pou, e toe ra koe; e ka piro ratou ravarai mei te kakau ra;

12 E ka atuatuia ratou e koe mei te kakau ra, kopae ua rai ratou; ko koe rai koe, e kare rava toou ra mataiti e ope.”
13 E koai to taua au angela ra tana i tuatua ua atu, mei taito mairai e, “Ka noo ki taku rima katau nei, e kia akariroia e au to au enemi ei pange vae vae noou?” Kare aia ratou ravarai i te tavini vaerua anake, i tonokia ei matua-puru i te aronga tuanga i te ora ra?

PENE II.

Kia akono tatou ia Iesu e tika'i, koia i male no tatou.

E TEIANEI, e tau ia tatou kia akamaata tikai i te akono i te au tuatua ta tatou i akarongo akenei, ko 2 te topa ua aea ia tatou a muri ake. E tuatua tinamou tikai tei tuatuaia mai e te au angela ra, e i tutaki nia te au ara e te akono kore katoa i te tutaki 3 tika ra; Eaa oki tatou e ora'i, kia kore tatou e akono i te ora maata mei teianei; i tei tuatua mai anaia e te Atua i muatangana, e i akatumuia mai ia tatou nei e te aronga i akarongo 4 iaia; Ko te Atua katoa oki i te akatika katoa anga mai i te semeio, e te piri, e te ravenga mana e manganui te tu, e ta te Vaerua Tapu i oronga mairai i tana uorai i inangaro ra?
5 Kare oki aia i tuku i tana ao a muri nei, ta matou e tuatua nei, i raro ake i 6 te au angela. Kua akakite maira rā *David* i tetai irava, na ko maira, “Eaa te tangata nei, i manako mai ei koe iaia, e ta te tangata nei tamaiti i 7 akono mai ei koe kiaia? I raro iti ake aia i te au angela i te anga angaia e koe; kua akakorona koe iaia i te kakū e te mana, e kua akariro koe iaia ei kavana i te au angaanga a to rima 8 na: Kua tukuia e koe te au mea katoa nei i raro ake i ona vae vae.” E teianei, koia i tuku i te au mea katoa i raro ake iaia ra, kare rava ia e mea i

toe iaia i te tukuia ki raro ake iaia ra. Kare nei ra i te kitea anga ia tatou i teianei e, kua tukuia te au mea katoa ki raro ake iaia. Te kite nei ra i te iia Jesu, ko tei taakaakaaia i raro iti ake i te au angela, kia mate aia ei oko i te tangata katoa, no te aroa ua o te Atua ra, i te akakorona angaia i te kukā e te mana, koia i akakoromaki i taua mate ra. E mea tau oki iaia, nona te au mea katoa nei, e nana te au mea katoa nei i anga, i te arataki anga i te tamariki e manganui i te ao ra, kia akariro aia i te tumu o to ratou ora ei ora manea mou i tona uaurai mate. Ko te Mesia oki ko tei akatapu mai e te aronga i akatapuia ra, okotai rai o ratou Metua; i kore ci aia i akama kia tuatua mai ia ratou e, e tacake, I te na ko anga e, "E akakite au i to ingoa i toku ra au tacake, e akapaapa au ia koe i roto i te ekalesia ra." E te na ko anga oki, "E irinaki au i runga iaia." E kua na ko rai oki, "I na, ko au, e te au tamariki ta te Atua i oronga mai naku ra." E teianei, no te mea e kiko to te tamariki e te toto, kua rave katoa oki aia uaurai i te reira; kia na te mate aia i te akangere atu iaia nona te mate ra, koia oki te diabolō; E kia akaora oki aia i te aronga i tuikaia i te matakū i te mate, e ope ua ake to ratou ora anga nei. Kare rava aia i te āpu atu i te au angela; kua āpu ra i te uanga o Aberahama. I tika'i iaia kia akariroia mei tona au tacake te tu i te au mea katoa ra, kia riro aia ei taunga maata tuatua-mou e te aroa ua, i te au mea a te Atua ra, kia tatara aia i te ara a te tangata nei. E koia uaurai oki i mate i te mea i rokoia e te timataanga ra, e tika oki iaia kia tauturu mai i te aronga i timataia ra.

PENE III.

Emuata te Mesia ia Mose, e tei ore e akarongo iaia, e rai to ratou mate i to Israhela.

E TEIANEI, e te au tacake tapu, ko tei rauka katoa te nomino-anga no te rangi maira, e akamanako meitaki i te Aposetolo ra i te Taunga Maata o ta tatou nei tuatua, i te Mesia ra ia Jesu; Ko tei akono meitaki atu iaia i tei akataka mai iaia ra, mei ia Mose katoa i akono meitaki i te are katoa o te Atua ra. Kua akonoia oki teianei tangata e, ei meitaki maata tona i to Mose e tau ei,

mei te tangata e akatu i te are ra e 4 meitaki maata tona i to te are. E akatu oki to te au are ravarai nei; ko tei akatu ra i te au mea katoa, ko te 5 Atua ia. E akono meitaki mou rai oki to Mose, ei tavini, i te ngutuare katoa o te Atua ra, ei akakite anga i te au mea e tuatuaia mai a muri atu; 6 Kareka te Mesia ra, ei tamaiti ia i tona uaurai ngutuare: ko tatou oki tona ngutuare nona ra, kia mou piri tika rai tatou i to tatou irinakianga, e te tiakianga rekareka ra, ma te maroiroi, e tae ua atu ki te ope-nga ra. 7 E teianei, mei ta te Vaeua Tapu i tuatua maira, "Kia tika ia kotou i teianei rā i te akarongo i tona reo, Auraka e akamārokiakia i to kotou ngakau, mei tei te akakoko anga ra, mei tei te rā timata anga, i te medebara ra: 9 I ta to kotou ai metua timata anga mai iaku ra, kua akakoko mai iaku, kite ua'i ratou i taku ra au angaanga, e a katoa ngauru i te mataiti. Ongo-ongo rava akera au i taua uki ra, e kua tuatua akera au, E aronga ngakau apa ratou, e kare ratou i kite i toku ra au 11 aerenga i taku tuatua. Ko tei taputouia e au i toku riri anga ra e, Auraka roa ratou kia o i toku ra akaangaroia anga." Kia matakite, e te au tacake, ko te vai aea te ngakau kino akarongo kore katoa ki roto i tetai o kotou, i te 13 akaruke anga i te Atua ora. E ako marie ra tetai ki tetai auraka ei rā e tukua, koi vai ake te ao; ko te akamārokiakiaia aea tetai o kotou na i te 14 pikikaa o te ara. E puapinga oki ta tatou i te Mesia ra, kia tamou marie rai tatou i to tatou irinaki mua ra ma te maroiroi, e tae ua atu ki te openga 15 ra; Koi vai ake te tuatua e, "Kia tika ia kotou i teianei rā i te akarongo i tona reo, auraka e akamārokiakia i to kotou ngakau, mei tei te akakoko anga 16 ra." Ko tetai pae oki, kite ua rai ratou, kua akakoko; kare ra i ope rava taua aronga katoa mei Aipliti 17 maira ta Mose i arataki ra. I maki-takita ra aia iaia, e a katoa ngauru anga o te mataiti? Kare aina i te aronga i rave i te ara, i tei topa to 18 ratou kopapa i te medebara ra? E koi oki tana i taputou ra e, auraka ratou kia o i tona ra akaangaroiaanga, mari ra ko te aronga kare i akarongo 19 ra? E teianei te kite ua nei tatou e, no te akarongo kore i kore ei ratou i o ki roto.

PENE IV.

Te akaangaroiaŋa i rauka i te aka-rongo: te mana o te tuatua a te Atua: ko Iesu te taunga maata meitaki.

E TEIANEI, kia matakū tatou e tika'i, ko te tuatua ōki i vaioia e ka o ki roto i te akaangaroiaŋa o te Atua ra, ko te topa ua atu aea etai o kotou na ki muri. Te tuatuaia nei ōki taua evangelia ra kia tatou nei, i tei tuatuaia kia ratou ra; kare ra ratou i puapingaia i taua tuatua i tuatuaia atu kia ratou ra, no te mea kare i ārikiia i te akarongo e te aronga i kite ra. Ko tatou ōki e akarongo nei, ka o ia ki roto i te akaangaroiaŋa, ko tana ōki i tuatua ra e, "Ko tei taputouia e au i toku riri anga ra e, Auraka roa ratou kia o i toku ra akaangaroiaŋa;" ōti ua'i te au angaanga mei muatanga mairai o teianei ao. Te na ko maira ōki aia i tetai ngai i te tuatua i te rā iŋi ra e, "I te rā iŋi ōki to te Atua noo ua anga i tana katoa ra angaanga." E i teianei rai ōki *salamo*, "Auraka roa ratou kia o i toku ra akaangaroiaŋa." E teianei kia o-rai tetai aronga ki roto e tika'i; e kare taua aronga i tuatuaia atu i te evangelia i muatanga ra i o i te akarongo kore: Kua akono-rai te Atua i tetai rā, i te na ko anga mai ia Davida ra e, "I teianei rā," roa ua'i te taimē i topa; mei tei karanga ra e, "Kia tika ia kotou i teianei rā i te akarongi i tona reo, auraka e akamā-rokiakia i to kotou ngakau." Nariŋa ōki a Iosua i oronga i te akaangaroiaŋa no ratou, kare ōki te Atua e na muri i te akakite mai i tetai. E teianei te vai ra mari te akaangaroiaŋa no te tangata o te Atua. Ko tei ōki i tona akaangaroiaŋa ra, e akaangaro i aia i tana uorai angaanga, mei te Atua ōki i tana.

E teianei e akamaroiroi tatou i te akao i taua akaangaroiaŋa ra, ko te topa atu aea tetai, mei ia ratou i topa i te akarongo kore. E mea ōra ōki te tuatua a te Atua, e te ririnui, e kokoi maata ōki *to te reira* i to te koke matarua ra, e te koputa mama takiri anga ōki e taka ke ua atu te vaeua e te ngakau, e te paunga e te uo ivi ra; e te akara matariki ōki i te manako e te vananga o te ngakau ra. Kare rava e mea ngaro iaia: te vai ua nei ra te au mea katoa ma te maeu rava ki mua i tona mata, tei iaia te tuatua ia tatou nei.

14 E teianei, e taunga maata teitei to tatou, i riro akenei ki runga i te rangi, ko te Tamaiti a te Atua ra ko Iesu, e tāpu marie rai tatou i ta tatou tuatua. Kare ōki to tatou i te taunga maata e kore e tika kia aroa mai ia tatou i to tatou au paruparu nei; i rokoia katoa ōki aia i te au timataanga katoa, mei ia tatou katoa nei rai, kare rava ra e ara. E teianei e akavaitāta ua atu tatou i te terono o te aroa ua ma te matakū kore, kia aroaia mai tatou nei, e kia rauka te meitaki ei tauturu mai ia tatou i te tuatau e tau ei ra.

PENE V.

Ko te Mesia te taunga maata e tuatau ua atu, mei ia Melekizedeka te tu: kua akoia te au Ebera i to ratou kiite kore.

1 **K**O te kau taunga mamaata katoa i iŋiia no roto i te tangata nei, kua akonoia ia na te tangata, ei rava i te au mea o te Atua ra, ei apai i te terume e te tusia tarangaara ra: E tika ōki iaia kia aroa i te kite kore, e te aronga i tatipake; no te mea kua kako katoa aia uorai i te kino. E no reira ōki i tuku katoa'i aia i te tarangaara i tana uorai ara, mei ta te tangata katoa ra, e tika'i. E kare rava e tangata e rave ua i teianei taonga teitei nona uorai, mari ra ko tei nominoia e te Atua, mei ia Aronara ra. Koia katoa ōki te Mesia, kare tona i te akateitei iaia uorai koia i riro ei taunga maata, na te Atua ra, na tei karanga mai iaia e, "Ko taku Tamaiti koe, i nakonei koe e akanaia'i e au." Mei tana katoa ōki i tuatua i roto i tetai *salamo* ra e, "E taunga koe e tuatau ua atu mei ia Melekizedeka te tu." Kua tuku ōki te Mesia i te pure, i tona ora anga, i te pati anga atu kiaia, ma te aue maata e te roi-mata, i tei tika kia akaora iaia mei te mate maira, e i akarongoia aia i tana i matakū ra: E Tamaiti ua rai ōki aia, i kite aia i te akamorro o tona au mate; E no te mea kua akatapu ravaia aia ra, riro atura ia ei tumu no te ora mutu kore no te aroanga katoa e akarongo iaia ra; I tuatuaia mai e te Atua e, e taunga maata mei ia Melekizedeka te tu.

11 E tuatua maata ōki ta matou iaia, e te kimi ngata ōki te ariteanga, no to kotou ra kamakura. Nariŋa ōki mei teianei kua riro kotou ei orometua, kua tika ia i te roa; e tenana kia apii akaouia rai kotou i te a o te tuatua

a te Atua e tika'i; e kua riro io nei kotou mei te aronga e tau ia ratou te u, eiaa te kai pakari. Ko tei kai katoa 13 oki i te u anake ra, kare ia i pakari i te tuatua-tika ra: e kaiu rai aia. Kareka te kai pakari ra, na te tangata 14 pakari ia, na te-aronga no te mātāu i kite ei to ratou ngakau i te meitaki e te kino.

PENE VI.

Te ako marie ra, eiaa e akaruke i te akarongo, e irinaki ra i te tuatua a te Atua.

ETEIANEI e vaio atu ana te tuatua 1 mua o te Mesia; e aere rai tatou ki mua i te pakari mou ra; eiaa ma te akamou akaou i te tumu ra i te tatarara i te angaanga mate ra, e te akarongo i te Atua ra, E te tuatua 2 o te au baptizoanga, e te tuku anga rima ra, e te tuakaouanga o tei mate ra, e te akavaanga mutu kore ra. E 3 e na reira oki tatou kia tika i te Atua ra. Ko te aronga oki i akamāramaia ra, e kua kite i te oronga o te rangi 4 ra, e kua rauka te Vaerua Tapu, E kua timata i te tuatua meitaki a te Atua ra, e kua akara oki i te semeio 5 o te tuatau. a muri atu, E akaruke atu rai, kare rava e tika kia akatupu akaou i te tatarara ia ratou, ka akasatauro akaou ei ratou i te Ta- 6 maiti a te Atua, e ka akariro aka-kite ua iaia ei akakinoanga. Ko te 7 enua oki e inu i te ua e topa putu-putu ki rungao ra, e kua akatupu mai i te kai meitaki na te aronga i tanu ra, kua akameitakiia ia e te Atua: 8 Kareka tei akatupu mai i te tataramao e te au rakau taratara ra, kua akakinoia ia, e kua vaiata i te katarai; ko te ai oki tona openga.

Kareka kotou, e aku au akapercpere, 9 te manako nei matou e meitaki to kotou i to te reira; te meitaki i kapiti katoa i te ora ra, tuatua ua atu ei matou i taua tuatua nei. Kare te 10 Atua, i te Atua tuatua-tika kore, ka akangaro atu ei aia i ta kotou angaanga i rave, e to kotou anoano, i tona ingoa i akakite puia e kotou na, ko kotou i matuapuru i te aronga tapu, e te matuapuru ua ra oki kotou. E 11 te inangaro nei matou kia akakite tamou marie rai kotou katoa i taua maroirori ra, kia rauka te tiaki kite pu tika i e tac ua atu ki te openga: Kia kore 12 e akatau, ei aru ra i te aronga i rauka tei tuatuaia maira i te akarongo e te akakoromaki. Ka tuatua mai ei oki 13

te Atua i tana tuatua kia Aberahama 13 ra, no te mea kare atu e mea mana atu kia taputou aia, kua taputou iora 14 iaia uorai, I te na ko anga c, "E akameitaki roa au ia koe na, e akamaata 15 rava au ia koe." E roa akera tona akakoromaki marie anga, rauka iora 16 iaia tei tuatuaia maira. E taputou oki te tangata nei i tei maata ra, e te akaoti anga i te au tauetonoanga katoa ra, koia te taputou akatina- 17 mou nei. Koia oki te Atua, inangaro akera aia i te akakite pu mai i te aronga tuanga i tei tuatuaia maira, i te tu ke kore o tana akakoroanga, akatina- 18 mou atura i te taputou. Kia maata to tatou rekareka i taua nga tuatua tu ke kore e rua ra, ko tei kore e tika i te Atua 19 kia pikikaa ra, ko tatou, ko tei oro i te irinakianga i tukuia mai ki mua ia 20 tatou, kia rauka ei akapuanga. Ko ta tatou ia tutau no to vaerua, e mea mauti kore e te mou meitaki, no te mea kua akamouia i te ngai i roto 21 mai i te paruru ra; I te ngai i tomo- kia e to tatou momua, e Iesu, ko tei akariroia ei taunga maata e tuatau ua 22 atu, mei ia Melekizedeka ra.

PENE VII.

Ko Melekizedeka tei maata ia Aberahama e te ngati Levi: ko te Mesia ra te taunga maata roa e tuatau ua atu.

ETAUA Melekizedeka ariki no Sa- 1 lema ra, e taunga na te Atua teitei, ko tei aravei atu ia Aberahama i te oki anga mai, mei te taunga anga i te au ariki ra, e kua akaora atura iaia; 2 Ko ta Aberahama i oronga mai i te ngauru o te tuanga i te au apinga katoa o taua pou ra; ko te Ariki o te tuatua-tika tetai akatauanga o tona ingoa, e muri ake, ko te Ariki o te au, koia 3 oki te ariki o Salema ra; Kare e metua tane, kare oki e metua vaine, kare e tui tangata i te taoonga taunga ra, kare e rā mua, kare oki e openga o tona ora anga; i akariroia aia mei te Tamaiti a te Atua ra, ko te noo rai ei taunga e tuatau ua atu. 4 E tenana, ka maara na i taua tangata ra i te maata, i tei tae i te pateriarika ra ia Aberahama i te oronga i te ngauru o te au apinga no te pou ra. To te tamariki a Levi ra tei rauka ia ratou te taoonga taunga ra, kua akauaia mai ratou e, e rave i te ngauru o ta te tangata ra apinga, i tei tau i te ture ra, koia oki ta to ratou uorai 5

au taeake, nanga ua rai ratou no Aberahama: Kareka aia ko tei kore to reira i anau ra, e ngauruanga tana i rauka ia Aberahama, e kua akaora i te tangata tei iaia te tuatua i tuatuaia maira Kua kitea puia oki e, ko tei iti kua akaoraia e tei maata. I teia i *roto i te ture* nei, ko te tangata e mate nei tei rave i te ngauruanga; kareka i tera, *kota tei rave*, ko tei karangaia ra e te ora ra. E tika ua kia karanga e, ko Levi katoa ko tei rave i te ngauruanga ra, kua oronga aia i te ngauruanga ia Aberahama. Tei roto oki aia i tona metua, ka aravei ei a Melekizedeka iaia ra.

E teiane i naringa e meitaki rava 11 to te taoonga taunga o te ngati Levi ra, (i reira oki te ture i te rauka katoa anga i te tangata,) eaa iora i ako-noia'i e, ei taunga ke te tupu mai mei ia Melekizedeka te tu, e eiaa mei te tu o Aarona? Kua akakoreia oki te kopu taunga ra, kua akakore katoaia ia te ture, kare ia e kore. Ko te tangata oki nona taua tuatua i tuatuaia nei, no tetai kopu ke ia, kare rava to te reira *kopu* raverave i te pen o te atarau ra. Kua kitea meitakiia oki e 14 no te *kopu* o Iuda to tatou Atu, ko te kopu kare rava i tuatuaia e Mose i te taoonga taunga ra. Maata rava 15 atura ra te kitea, i te mea e taunga ke tei tupu mai, mei ia Melekizedeka te tu, Kare ra i riro ei *taunga* i te ture 16 tuatua tino ra, i te mana ra o te ora mutu kore ra. Kua akakite ua mai 17 te *Atua* e, "E taunga koe e tuatau ua atu, mei Melekizedeka te tu."

Kua akakore roaia tei muatangana 18 ture no tona paruparu e te puapinga kore. Kare takiri oki e *tangata* i 19 meitaki rava i te ture, *riro atura* ra ei akao mai i te irinakianga meitaki, i akavitata'i tatou ki te *Atua* ra. Mei 20 ia *Iesu* oki, kare i *akariroia* ei *taunga* ma te taputou kore; I akariroia ratou 21 ei taunga ma te taputou kore; kareka aia ma te taputou katoa ia, nana na tei tuatua mai iaia e, "Kua taputou a Iehova, kare e tatarara, E taunga koe e tuatau ua atu mei ia Melekizedeka te tu." Mei te reira katoa to Iesu 22 maata ei Arai i te koreromotu meitaki ra. Manganui oki to ratou i riro 23 ei taunga, no te mea kare ratou e ora tamou i te mate: Kareka aia ra, no 24 te mea e tika i te noo anga e tuatau ua atu, e kare tona taoonga taunga e riro ia etai ke. E teiane i e tika mei- 25 taki rava atu iaia kia akaora i te aronga e na reira atu iaia ra i te aere ki te

Atua ra, e tika oki aia i te ora anga e tuatau ua atu ei pati i ta ratou. 26 Ko te tu ia o te taunga maata e tau ia ratou nei, ko tei tapu, e te rave kore i te kino, e te vivii kore, e te taka ke oki i te aronga rave ara ra, e kia akateiteia i runga i to te rangi ra: Kare oki e tau iaia, kia na mua i te tuku i te tusia i tana uorai ara, *ka tuku* ei i ta te tangata katoa, mei ta taua kau taunga nunui ra, i te au rā katoa ra; okotai rava ana tuku anga i ta te *tangata ravarai*, 28 iaia i tuku iaia uorai. Ko te tangata paruparu nei oki ta te ture e akariro ei taunga mamaata, kareka te tuatua ra ko te taputou, i muri ake i taua ture ra; ko te Tamaiti ia ta te reira i *akataunga*, ko tei akatapuia e tuatau ua atu.

PENE VIII.

Tei te rangi to tatou Taunga maatu: te koreromotu ou i papauia mai ei akakore i te mea taito.

1 **E** TEIANEI, teia taua tuatua i karangaia nei: E taunga maata to tatou, te noo ra i te pae katau i te terono o Tei Maata i runga i te rangi; 2 E taunga no te ngai-tapu, i roto i te puakapa mou, ta te Atu i patia, kare 3 ta te tangata. I akatakaia oki te kau taunga nunui katoa ra, e apai i te mineka e te tusia; ei apinga katoa oki ta teiane i *taunga*, kia apai e tika'i. 4 Naringa tei teiane o aia, kare aia e riro ei taunga no te mea te vai nei te aronga taunga ko tei apai i te mineka 5 e tau i te ture ra: Ko tei rave i te taoonga i *roto i te ngai-tapu* ra, ko te tutu ia e te ata o te au mea o te rangi ra, i tei apiia mai e te *Atua* ia Mose ra, ka vaiata'i aia i te anga i te Aere ra, kua na ko maira oki aia, Ka akono meitaki na, e anga koe i te au mea katoa kia tau tikai i te tu i akakiteia atu ia koe i runga i te mau- 6 nga ra. Kareka i teiane i taoonga meitaki rava tei ranka i to *tatou taunga maata*, mei iaia katoa i riro ei Arai i te koreromotu meitaki maata ra, ko tei tinamouia i te *tuatua* meitaki maata i tuatuaia maira. Naringa oki kare ua e mea toe i taua *koreromotu* mua ra, kare e akaoia mai te 8 rua ra. Kua na ko oki aia i te akaapa anga ia ratou ra, "I na, e tae maira te au rā, te tuatua mairā Iehova, e papau ei au, i te ngutuare o Iseraia e te ngutuare o Iuda, i tetai koreroro-

motu ou: Auraka ra mei te korero-
 motu taku i papau i to ratou ra au me-
 tua, i te rā i rave ei au i to ratou rima, e
 arataki mai ia ratou mei te enua maira
 mei Alphiti; no te mea kare ratou i
 mou meitaki i taua koreromotu naku
 ra, e kare atura au i kite atu ia ratou
 ra, te tuatua mairā Iehova. Teia te
 koreromotu, taku e papau i te ngutuare
 o Iseracla, i muri ake i te reira au rā, te
 tuatua mairā Iehova, E tuku au i taku
 au ture ki roto ia ratou, e e tataia e au
 ki runga i to ratou ngakau; e e riro
 au ei Atua no ratou, e e riro oki ratou
 ei tangata noku: E kore oki ratou e
 apii, ko te tangata ko tona tangata tupu
 e ko te tangata ko tona taenke, i te na
 ko anga atu e, Kia kite ia Iehova: e
 ope akea ia i te kite iaku, mei tei iti, e
 tae ua atu ki tei maata ra. E aroa oki
 au ia ratou i ta ratou tuatua-tika kore,
 e to ratou kino e ta ratou au ara kare
 rava au e maara akaou atu.” E teianei
 koia i tuatua e, E koreromotu ou, kua
 akariro aia i tei muatangana ra ei
 mea taito. Ko tei riro oki ei mea
 taito e kua piro ra, kua vaitata ia i te
 ngaro ke.

PENE IX.

*E meitaki maata to te toto o te Mesia,
 i te toto tusia i raro ake i te ture ra.*

E TEIANEI e ture katoa to te
 Are muatangana no te akamori
 anga, e e ngai-tapu no teianei ao.
 I akatua oki tei muatangana pae o te
 Are, ko tei karangua e, e ngai-tapu,
 ma te lamepa, e te kaingakai, e te
 areto o te aroaro, i roto ra; E i roto
 mai i te rua o te paruru ra, ko te pae
 Are ia i karangua i te ngai-tapu
 rava ra; Ma te kapu auro ra i roto, e
 te aruna koreromotu i vai takako ra-
 vaia i te auro ra, i reira oki te kapu
 auro i akakiia i te mana, e te rakau a
 Arona i pua ra, e nga pape korero-
 motu ra; E ko runga ake i te reira, ko
 nga kerubi kakū ia i te tamaru anga i
 te nooanga o te aroa ra; kare ra e mei-
 taki kia tuatua ua atu i taua au mea
 ra i teianei. E tika rava akera taua
 au mea ra, aere atura te kau taunga i
 roto i tei muatangana pae Are ra i
 te au rā katoa, i te rave anga i te
 taoonga ra. Kareka te rua ra, ko te
 taunga maata anake ra *tei tomo*, okotai
 mataiti okotai *tomo anga*; eiaa ra ma
 te toto kore ra, ko tana ia i apai no
 tana uorai ara, e ta te tangata katoa
 ra. Ei akakite anga mai na te Vaerua
 Tapu e, te vai ra te Are mua ra,

kare rai i atea te arataa e o atu ei ki
 9 roto i te ngai-tapu roa ra: E akatau-
 anga te reira no teianei tuatau, e
 mineka e te tusia tei apaiia i roto;
 kare ra i meitaki roa te tangata i aka-
 mori ra i te reira, i te akonoanga o te
 10 akava-ngakau ra. E kai anake nei ia,
 e te au mea e inumia ra, e te au orei-
 anga oki, e te au peu i akonoia no te
 kopapa ra i tukuia mai ia ratou, e kia
 tae ki te tuatau e akameitaki ra-
 vaia i ra.
 11 Ko te Mesia ra i tae maira ei tau-
 nga maata no te au mea memeitaki a
 muri nei, i roto i te Are maata e te
 meitaki rava, kare i angaia e te rima
 12 ra, kare te mea no teianei ao, Kare oki
 ma te toto puaka-nio e te toto kafa, ma
 tona uorai ra toto, i te tomo anga oko-
 tai i roto i te ngai-tapu ra, ma te ora
 13 mutu kore te rauka anga no tatou. I
 tapu atura te tangata e mā atura te
 tino i te toto bovi e te toto puaka-nio, e
 te reu bovi ua i pipiia ki runga i te
 14 aronga i viivii ra: Ka tangai oki i te
 toto o te Mesia ra, ko tei tuku iaia
 uorai ma te kino kore i te Atua, i te
 tauturu o te Vaerua mate kore ra, e
 maata atu ia te mā o to kotou akava-
 ngakau i te angaanga mate, kia aka-
 mori i te Atua ora ra!
 15 I riro ei oki aia ei arai i te korero-
 motu ou nei, kia rauka te ao mutu
 kore i tuatuaia maira, i te aronga i
 nominoia ra, i tona mate, ei oko i te
 16 ara i te koreromotu mua ra. E kore-
 romotu ra, kia mate tikai te mea e
 17 tinamou ei ra e tika'i. E tusia tei
 mate e tinamou ei te koreromotu kia
 akatau: kare ra e mana i te ora anga
 18 o te mea e tinamou ei ra. I kore ei oki
 te koreromotu mua ra i akatinamouia
 19 ma te toto kore. Oti akera oki te au
 tuatua ravarai i roto i te ture i te tua-
 tuaia e Mose i te tangata katoa ra, kua
 rave iora aia i te toto kafa, e te puaka-
 nio, e te vai, e te uruuru kutekute, e
 te isopa, kua pipi atura aia i te buka
 20 e te tangata ravarai, Na ko atura,
 “Ko te toto teia o te koreromotu ta te
 21 Atua i akatau ia kotou na.” Kua pera
 katoa aia i te pipi i te Are i te toto,
 e te au kapu katoa no te akamori
 22 anga. E kare e rainga te mea i toe i
 te tamāia i te toto i ta te ture ra; e
 kare e toto i akata'eia ra, kare rava e
 23 matura anga o te ara. E mea tika oki
 te au akairo o te au mea o te rangi kia
 tamāia i taua au tusia ra; kareka taua
 au mea tikai o te rangi ra, ei tusia mei-
 24 taki maata ua atu i te reira. Kare
 akenei te Mesia i tomo ki roto i nga

ngai-tapu i angaia e te rima ra, i te akairo no te *ngai-tapu* tikai; tei te rangi mou ra, kia akakite aia iaia uo-
rai ki mua i te aroaro o te Atua no 25
tatou i teianei rai: Kare ra kia apai
putuputu aia iaia uo-*rai ei tusia*, mei
te taunga maata e tomo ki roto i te
ngai-tapu i te au mataiti katoa ma te
toto ke ra; Naringa oki i pera na 26
mei muatangana mairai o teianei ao,
kua manganui rai tonu matenga; oko-
tai rava ra ona akakite angaia mai i
teianei, i te openga o te au tuatau nei,
kia akakore aia i te ara i te akatusia
anga iaia uo-*rai*. E mei te tangata nei 27
oki, kua akonoia kia okotai ake ma-
tenga, e muri ake, ko te akavaanga ia;
Koia katoa te Mesia, ka tai akenei ona 28
apai angaia *ei tusia* kia apai ke aia i te
ara a te tangata e manganui, e ka
mama mairai aia, ko te tu rua ia o te
mama anga mai, eiaa ei tarangaara, kia
ora ra te aronga i tiaki atu iaia.

PENE X.

*Te mana kore o te au tusia ra: to te
Mesia matenga okotai ra.*

E TEIANEI, e ata anake te ture 1
no te au mea memaitaki a muri
atu, kare ra i taua au mea mou ra, i
kore ei i meitaki rava te aronga i aere
atu i te reira, i taua au tusia i apaiia i
te au mataiti katoa kare i tivata ra.
Naringa oki i *meitaki* ra, kare ia te 2
reira e apai akaouia, no te mea kua
ma anake te aronga i akamori ra, kare
ia e manakonako akaou i te ara. Ka-
reka i te reira *au tusia*, *kua akatupu*
akaouia ia te manako i te ara i te au
mataiti ravarai. Kare rava e tika i te 4
toto bovi e te puaka-nio kia akakore i
te ara. No reira *te Mesia* i na ko ei,
iaia i aere mai ki te ao nei, “Kare koe i
inangaro i te tusia e te mineka ra, e
kopapa ra taua ia i akono noku: Te 6
tusia karakaratio, e te tarangaara ra,
kare akenei koe i mareka i *te reira*.”
“Kua karanga atura au i reira, I na, e 7
taku Atua, te aere nei au e akatika i toou
anoano, (kua taitaia te tuatua noku ra
i roto i te pokaikai tuatua ra.)” Tana 8
oki i tuatua ra e, “Kare koe i ina-
ngaro i te tusia e te mineka ra; te
tusia karakaratio e te tarangaara ra,
kare koe i mareka i *te reira*,” i ta te 9
ture ra i apai; Kua na ko akera aia i
reira, “I na, e *taku* Atua, te aere nei
au e akatika i toou anoano.” Kua
akakore aia i tei muatangana ra, kia
akatika aia i te rua. No taua ina- 10

ngaro e tapu ei tatou nei i te apai anga
okotai i te kopapa o Iesu Mesia.

11 E tika rai oki te au taunga ravarai
i te tu ua anga i te au ra katoa i te
akamori anga, e te apai putuputu anga
i te au tusia okotai rai tu, ko te kore
12 rava e tika kia matara te ara ra: Ka-
reka te *Mesia*, oti akera tana tusia
okotai i te apai ei tarangaara, noo rava
atura i te rima katau o te Atua ra:
13 E teianei te tatari ra e kia akariroia
tona au enemi ei takainga vaevae
14 nona. Kua meitaki rava oki e tuatau
ua atu te aronga i akatapuia iaia, i te
15 terume okotai ra. Ko ta te Vaerua
Tapu katoa i akakite mai kia tatou
nei: oti akera oki tana i tuatua i mua-
16 tangana ra e, Te na ko maira te Atu,
“Teia te koreromoto taku e papau
ia ratou i muri ake i taua tuatau ra, E
tuku au i taku au ture ki roto i to
ratou ngakau, e e taitaia e au ki roto
i to ratou manako;” *kua na ko maira*
17 *oki*, “E to ratou kino e ta ratou au
ara, kare rava au e maara akaou atu.”
18 Kua akakore anakeia oki te reira, kare
atu rai e apai anga tarangaara toe.
19 E teianei, e te au taake, kua rauka
te tomo anga matakau kore ki roto i te
ngai-tapu rava no te toto o Iesu ra,
20 Taua ara ou nei ia e te ora, i aka-
tapuia e ia no tatou, na roto i te paruru
21 ra, koia oki tona tino; E e taunga
maata oki to tatou i roto i te are o te
22 Atua ra: E akavaitata tatou ma te
ngakau pikikaa kore, ma te akarongo
mou tikai, ma te akava-ngakau i pipia,
kia kore te manako kino, e ma te tino
23 oreia i te vai ma. Kia piri tikai to
tatou mou ranga i ta tatou tuatua ma
te ngaueue kore; (e tuatua-mou oki
24 tana ta tei tuatua maira;) E akono
marie rai tatou tetai ki tetai, ka aka-
maroiroi atu ei kia maata te aroa, e
25 i te angaanga memaitaki ra: Auraka
e akaruke i to tatou akaputupu
anga mei ta tetai aronga, ka aka-
maroiroi ra, e kia maata atu rai *te ma-
roiroi*, no te mea te akara na kotou i
taua ru ra i te vaitata anga mai.
26 Kua rauka na ia tatou te kite i te
tuatua-mou ka rave inangaro mou atu
ei i te ara, kare ua atu e tarangaara toe,
27 Kareka e ngarangara anga rikarika i te
tutaki, i te riri viviki maata rava mei
te ai ra, e pou takiri atu ei te au enemi
28 ra. Ko tei kore i akono i te ture a
Mose ra, mate atura ia i nga kite toko
rua, e toko toru, kare i aroaia atu:
29 Mei te aa atu oki te maata o te mate,
i to kotou manako anga, e tau ei iaia,
ko tei takatakai i te Tamaiti a te Atua

ki raro ake i tona vaevae, ko tei karanga i te toto o te kororomotu i tapu ei aia ra e, e mea noa ia, e kua aka-
vaavaa i te Vauerua nona te aroa ua ra? Kua kite oki tatou i tei karanga e, "Tei iaku te akaoko, e naku e tutaki atu, te tuatua mairā Iehova." E te nako mai-rai oki, "Na te Atua e akava i tona uaorai tangata." E mea matakua ma-
31 ata kia rokoia i te rima o te Atua ora ra.

Ka akamanako ana ra i tei mua-
32 tangana ra tuatau, ka akamāramaia'i kotou na, i akakoromaki ei i te au tamaki mamae maata ra; Ka aka-
33 riroia'i tetai aronga ei akaraanga i te ngai tangata ra, ma te akakinoia e te au mate; e kapiti atu ei kotou na i te aronga i akaperaiia maira. Kua aroa mai oki kotou iaku i 34 toku tapaka angaia ra, e kua āriki ua kotou i te noni anga i to kotou apinga ma te rekareka, kua kite oki kotou e apinga meitaki maata ua atu ta kotou e tika i te vai marie anga tei te ao. E teianei, auraka e akaruke 35 i to kotou maroiroi, e tutaki maata oki te oko i te reira. Ko te akakoromaki 36 ra te tau ia kotou e, kia oti ia kotou te rave i ta te Atua i anoano ra, kia rauka ia kotou te tutaki i tuatuaia maira. Kia roa poto ake oki, e tae 37 mai ei te ka tae mai, e kare rava e tavare. E teianei, te aronga tuatua- 38 tika i te akarongo ra, e ora ia: kareka ko te unui tika ki muri ra, kare rava taku ngakau e mareka iaia. Kare ra 39 tatou i to te aronga i unui ki muri e mate atu; no te aronga ra i rauka te akarongo e ora atu ei te vauerua.

PENE XI.

Te tu o te akarongo ra; te anguanga mamaata i oli i te akarongo o te ui metua ra.

E TEIANEI ko te akarongo nei, ko 1 te manako tikai ia i te au mea i tataria nei, e te kite ia i te au mea kare i akaraia nei. No te reira oki i rauka'i te rongu meitaki i te aronga 2 taito ra. No te akarongo i kite ei tatou e no te tuatua a te Atua nga ao nei; kare oki te au mea i akaraia nei i angaia i tetai au mea i kitea ra. No te 3 akarongo i meitaki rava'i ta Abela tusia i apai i te Atua i ta Kaina, i tuatuaia mai ei aia e e tangata tuatua-tika aia, ko te Atua i akatika mai i taua apinga 4 oronga nana ra; e teianei, mate ua rai aia, te tuatua ua mai nei rai, i taua akarongo ra. No te akarongo i akau- 5

muia'i a Enoka kia kore aia e kite i te mate; e "kare atura aia i kitea, no te mea kua akaumuia aia e te Atua;" ou oki aia i akaumuia'i i kite ei aia e, kua 6 pereperekaavana te Atua iaia. Kare ra e akarongo ra kare rava aia e mareka: ko te akamori i te Atua ra, kia akarongo aia e, e Atua e tika'i, e ko koia tei tutaki mai i te aronga i kimi tikai 7 iaia. No te akarongo oki to Noa, ka akakiteia mai ei aia e te Atua i te au mea kare rai i kitea maira, e rokoia iora e te matakua, i tarai ei i te pai, kia ora tona ngutuare; akaapa iora i to te ao, e riro atura oki aia ei atu i te tua- 8 tua-tika e rauka i te akarongo ra. No te akarongo i akono ei Aberahama, ka tuatuaia mai ei aia e, e aere ki tetai enua e rauka mai iaia a muri atu ei tuanga; e aere atura aia ma te kite 9 kore i taua enua i aereia e ia ra. No te akarongo i purutia'i aia i taua enua i tuatuaia maira, mei te mea e, e enua ke ra, i te noo ua anga i roto i te pua- kapa, ratou katoa ko Isaaka e Iakoba, ko nga tangata tuanga ia ma ia katoa 10 i tei tuatuaia maira: Te maara ra aia e e rauka te oire tumu mou, ko te akatu e te kavana o taua oire ra, ko te 11 Atua ia. No te akarongo i rauka'i ia Sara te maroiroi i to ei ra, e anau maira tana tamaiti, ope ua'i tona tuatau tikai, no te mea i manako aia e, e tuatua-mou tana ta tei tuatua 12 maira. I anau mai ei ta te tangata okotai ra, e mei te tangata mate ra aia te tu, mei te atu o te rangi ra te maata, e mei te one taatai kare e ope kia tatua. 13 I mate anake atura taua aronga ra ma te akarongo, kare rai i rauka tei tuatuaia maira, kua akara ra i taua au mea ra i te atea ke, e kua akarongo tikai, e kua āriki marie, kua aaki ua c, e tangata ke ke ratou e te tuita- 14 rere ua i teianei ao. Ko te aronga oki i pera maira, kua akakite ua e, te kimi ra ratou i te enua o to ratou me- 15 tua. Naringa ratou i anoano maata i taua enua no reira mai ratou ra, e tika 16 ua ia ratou kia oki. Kua anoano ra ratou i te enua meitaki rava ra, koia oki te ao ra: i kore ei te Atua i akama ia ratou kia karangaia aia e e Atua no ratou; kua akono oki aia i tetai oire no ratou. 17 No te akarongo i apai ei a Aberahama ia Isaaka, ka timataia'i aia ra; ko te tangata i rauka iaia te tuatua i tuatuaia maira, kua apai ia i tana tamaiti 18 anau tai, Nona te tuatua i karangaia ra e, "E karangaia ra tou tuanga e no

Isaaka:" I karanga oki aia e, e tila i 19
te Atua kia akatu mai iaia mei te mate
maira: e kua rauka akaou maira iaia
mei reira mai ei aiteanga. No te 20
akarongo i akaora'i a Isaaka ia Iakoba
raua ko Esau i te au mea e tupu a
muri atu. No te akarongo i akaora'i 21
a Iakoba i nga tamariki a Iosepha ka
mate ei aia ra, piko iora ki raro i
runga i te tokotoko nona ra ma te
akamori i te Atua. No te akarongo i 22
akakite ei a Iosepha i te riro anga o te
tamariki a Iseaela mei Aiphiti atu,
ka mate ei aia ra; e ikuiku maira
oki i te tuatua i tona ivi.

No te akarongo i uunaia'i a Mose e 23
nga metua nona, ka anau mai ei ra e,
e toru akera marama, no te mea i
akara iora raua e e tamaiti purotu; e
kare raua i matakū i te akaue a te
ariki ra. No te akarongo i kore ei i 24
tika ia Mose, ka pakari ei aia ra, kia
tapaia i te tamaiti a te tamaine a Pha-
rao ra; E mea meitaki iaia te rave 25
katou i te mate i te kapiti anga i te au
tangata o te Atua, i te rave i te nave-
nave poto ua o te tuatua kino ra; E 26
apinga maata oki iaia te akakino i te
Mesia nei, i te au taonga katou o Ai-
phiti ra: te akono marie ra oki aia i te
tutaki ra ei oko. No te akarongo i 27
akaruke ei aia ia Aiphiti, kare i matakū
i te riri o te ariki ra: i maroiroi rava
atura aia i te akara anga atu iaia, i tei
kore e kitea kia akara ra. No te aka- 28
rongo i akono ei aia i te pasa, e te pipi
anga toto ra, kia kore tei ta i te tama
mua ra kia rave katou mai ia ratou ra.
No te akarongo i tae ei ratou na raro i 29
te Tai kutekute mei te mea e e enua
marō: e kia timata to Aiphiti ra i te
aru, maremo atura ia. No te akarongo 30
i inga'i te patu i Ieriko ra ki raro, kia
oti te akapini angaia i nga rū e itu ra.
No te akarongo i kore ei i mate te 31
vaine akaturi ra ko Rahaba, ka mate
ei te aronga akarongo kore ra, koia i
āriki meitaki i nga tutaka ra.

E caa tu rai taku tuatua? e roa ua 32
oki kia tuatua ua ia Gideon, ia Ba-
raka, ia Samasona, ia Iepheta; ia
Davida oki, ia Samuela, e te au perove-
ta ra: Ko tei pou ia ratou te au ba- 33
sileia i te akarongo, kua rave i te tua-
tua-tika ra, kua rauka tei tuatuaia
maira, kua mopani i te vaa o te au
lionna, Kua tamate i te ririnui o te ai, 34
kua ora i te mata koke ra, kua akama-
roiroidia i te paruparu anga ra, toa rava
atura oki i te tamaki, ati atura oki ia
ratou te au nuku o te enua ke ra. I 35
rauka akaou oki ta te au vaine tamariki

i mate ra i akaora akaouia ia: e tetai
papaki i akamamaeia ia, kare i rave i
te ora; kia rauka ia ratou te tuakaou-
anga i te mea meitaki rava: E e mate 36
maata to tetai pae i te akavaavaa, e te
pāpā, e te ruru, e te tapeka i roto i te
are tapekanga: I peia ratou i te toka,
i kekeia rotou ia ratou e taka ke
atura, i timataia, i tamate takiriria i te
koke; i koka aere ua ratou ma te
kakau kiri mamoe e te kiri puaka-nio,
ma te puapinga kore, te tairoia, e te 38
takinga-kinoia ra; (Kare oki teianei
ao i tau i taua aronga ra:) i koka aere
ua oki ratou i te medebara, e ki runga
i te maunga, e te pipini anga ki roto i
te au ana, e te au vaarua o te enua
39 nei. E rongo meitaki tei rauka ia ratou
ravarai nei i te akarongo, kare ra i
40 rauka tei tuatuaia maira: No te mea
kua vaioia i te Atua te mea meitaki
rava atu no tatou, kia kore e rauka te
meitaki roa ia ratou anake auraka ta-
tou katou ra.

PENE XII.

Kia tamou rai te akarongo, te akako-
romaki, e te paieti: e meitaki maata
to te koreromotu ou i to te mea taito.

- 1 E TEIANEI, kua akapiniia tatou e
teua urupu maata i kite nei, e ko-
pae atu tatou i te au mea teiaa ravara,
e te ara e rokoa ngoie ei tatou nei, e
oro tamou marie ei i teianei oroanga
- 2 i tukua mai ki mua ia tatou nei, Ma te
akara tamou kia Iesu i te tumu e te
akaoti i to tatou akarongo; ko tei aka-
koromaki i te satuauro, kare i akono i te
akama, i te meitaki i tukua mai ki
mua i tona aroaro, e te noo ra i teianei
i te pac katau i te terono o te Atua ra.
- 3 Akamaara marie oki iaia, ko tei aka-
koromaki i te reira tu akakino a te
aronga rave ara iaia orai, kia kore ko-
tou e akaroioi, kia kore oki e taitaia
to kotou ngakau.
- 4 Kare akerai to kotou māro anga i tae
i te maringi anga toto, i te kukumi anga
- 5 i te kino ra. E kua ngaro aina ia kotou
te ako i akoia mai ia kotou mei te mea e
tamariki ra, "Auraka koe e akavaavaa,
e taku tamaiti, i te ako a Iehova, au-
raka oki e noongata i tana pāpā anga
- 6 mai: Ko ta te Atua e akaperepere ra,
ko tana ia e ako mai, e e pāpā rai aia i
te au tamariki katou tana i kite maira?"
- 7 Te akoia mai ana kotou mei te rave a
te metua i te tamariki ra, ta te Atua i
rave ia kotou; koai oki ia tamaiti kare
- 8 i akoia e te metua ra? Kare kotou i
akoia i te ako i te tamariki ravara nei,

e puti kotou, kare i te tamariki mou. E e metua oki to tatou i to tatou tino nei, ko tei ako mai *ia tatou*, e kua akameangiti oki tatou; auraka kia maata atu to tatou kauraro i te Metua o *to tatou* au vaerua nei, e kia ora atu? I 10
 ako mai oki ratou *ia tatou* i te reira puke rā kare i rainga, no to ratou uoarai anoano; kareka aia, kia meitaki tatou, kia rauka katoa ia tatou tona tapu. Kare rava oki e ako e riro ei 11
 mea rekareka i reira ra, e mea aue ra: kareka i muri ake, ko te meitaki ra ia, ko te tuatua-tika te tupu i *taua ako ra*, i te aronga i akamātaua i te reira.

E tenana “e apai te rima i tautau 12
 ana ki raro ra i runga, e e akapakari i te turi paruparu;” “E akatika ua oki i te ara o to kotou vaevae,” kia kore e tunongi ke te pirikoki, kia akaoraia ra. E umuumu i te au i te tangata katoa 14
 nei e te tapu, kare oki e *tapu* ra, kare ua e tangata e kite i te Atua. E akara 15
 marie rai, ko te ngere aea tetai i te aroa ua o te Atua ra; ko te tupu aea oki tetai tumu maamaa, pekaepaka iora kotou, e viivii atura te tangata katoa e 16
 mangānui; Ko te *tupu* ua ake tetai akaturi, e te tangata paieti kore, mei ia Esau ra, ko tei oko i tana tuanga tama mua i te kai anga kai okotai ra. Kua kite oki kotou e, kia anoano aia i 17
 taua meitaki ra i muri ake ei tuanga nana, kare aia i kiteia mai; kare rava e ngai tataraara anga i kitea e ia, umu-umu ua atu ei aia i taua *meitaki* ra ma te roi-mata.

Kare oki ko te maunga e tika kia aa 18
 ta kotou e aere mai ana, e te ai i mura ra, e kare oki i te *tumurongi* kerekere, e te poriri, e te uriri ra, E te tangi pu 19
 ra, e te aruru o te tuatua ra; i ta te aronga i akarongo ra i karanga e, auraka rava *ia* tuatua e tuatua akaouia mai kia ratou ra: (Kare atura oki i 20
 tika ia ratou kia akakoromaki i tei akaueia maira, “E kia akatukia ua atu tetai puaka i taua maunga ra, ka pei tikaia ra aia ki te toka, e kare ra, ka ko ki te tao e mama roaia.” E no te 21
 matakū maata i tei akakiteia maira, kua tuatua iorā Mose, Kua matakū rava au e te koriria:.) Ko te maunga 22
 ra ko Ziona ta kotou i aere mai nei, e te oire o te Atua ora ra, ko Ierusalemā i te no ra, e te pupu angela katoa kare e ope kia tatou ra; Ki te uipunga 23
 maata ra e te Ekalesia aronga tama mua ra, i tei tataia te ingoa i te no ra, e te Atua oki i te akava i te tangata-ravarai ra, e te au vaerua o te aronga tuatua-tika i akameitaki ravana ra, E 24

kia Iesu oki i te arai o te koreromotu ou ra, e te toto pipi anga ra, e tuatua meitaki maata to reira i *to te toto o* 25
 Abela ra. E matakite kia kore kotou e patoi atu iaia e tuatua maira. Kare oki i ora te aronga i patoi i tei tuatua mai i runga i te enua nei, ka tanga'i oki ia tatou kia ariu ke tatou iaia i 26
tuatua nei no te rangi mai: I tei ngauue te enua i tona reo i reira: i teia-nei ra kua tuatua mai ia aia, kua na ko maira, “Okotai aku akangaueue anga toe, kare oki te enua anake ra, ko te 27
 rangi katoa ra.” E ko taua tuatua nei, “Okotai *akangaueue anga* toe,” no te akakore anga ia i te au mea e ngauue ua ra, mei te au mea i angaia ra, kia vai rai te au mea ngauue kore ra. 28
 E teianeia kua rauka ia tatou te basileia ngauue kore, e tāpu marie rai tatou i taua aroa ua ra, kia akamori tatou i te Atua ma te kiteia mai, ma te akaaka 29
 e te paieti: E ai kakai oki to tatou Atua.

PENE XIII.

Ei takinga-meitaki e tika'i, ei akono oki i te orometua ko tei inangaro i te vaerua o te tangata.

1 **K**IA vai marie mairai te aroa
 2 taake. Auraka e akakore i te kite atu i te tangata ke ke ra: e angela oki tei kiteia atu e tetai aronga, kare 3
 oki i kite e *angela*. E akamanako i te aronga i tapekaia ra, mei te mea e, kua tapeka katoaia kotou; e te aronga i takinga-kinoia ra, no te mea tei roto 4
 katoa kotou uoarai i te tino nei. Kia akameitakia te akaipoipo i te tangata ravara, e te viivii kore oki te roi: e akava oki te Atua i te porencia e te 5
 akaturi ra. Ei noo anga noinoi apinga kore to kotou; kia mareka i ta kotou i rauka ra: ko te *Atua* oki tei tuatua mai e, “Kare rava au e akaruake atu ia koe, kare oki au e taka ke 6
 ia koe, kare, kare rava atu.” I tika'i ia tatou kia akamaroiroi, e kia karanga e, “Ko Iehova toku tauturu, kare au e matakū; ena ta te tangata kia rave mai iaku?”
 7 E akamanako i to kotou au arataki, ko tei tuatua mai kia kotou i te tuatua a te Atua: e aru atu i to ratou akarongo, ma te manako i te openga o *ta* 8
ratou tuatua. Okotai rai o Iesu Mesia tu i nanai, i teianeia rā, e tuatua 9
 atu. Auraka e turori ua atu i te tuatua rikiriki ke ke tau kore ra. E mea meitaki kia maroiroi te ngakau i te aroa ua ra; auraka i te kai, kare oki a

te aronga i rave ra e puapinga i rauka i te reira.

E atarau ta tatou, ko tei kore rava e 10
tau i te aronga e akamori ki roto i te
puakapa ra kia kai. Te tino oki o te 11
au mea, no reira te toto i apaiia e te
taunga maata i roto i te ngai-tapu ei
tarangaara ra, i tutungia ki vao mai i
te puakapa ra. Koia katoā Iesu, i 12
mate aia ki vao mai i te ngutupa ra,
kia akatapu aia i te tangata i tona uao-
rai toto. E teianei e aere tatou kiaia 13
ra ki vao mai i te puakapa ra, ma te
akakoromaki i tana akakino iaia ra.
Kare oki o tatou e oire e mou i ko 14
nei, te unumu nei ra tatou i tana
oire ra no a muri atu. E teianei e na 15
ko tatou iaia ra i te apai i te tusia ra,
i te akameitaki, i te Atua, eiaa e tivata,
koia oki ta te vaa nei, i te akapaatu
anga i tona ingoa. Kareka te takinga- 16
meitaki e te oronga, eiaa rava ia e aka-
topaia: te perepererekavana ra oki te
Atua i te reira tusia.

E akarongo i to kotou au arataki, e 17
kauraro atu kotou: te akamaroiroi ra
ratou i to kotou au vaerua, e akaki-
teia oki ta ratou tuatua ia kotou i te
Atua ra; kia akakite ra ratou ma te
rekareka, eiaa ma te aue; kare
oki e puapingaia ta kotou i te reira.

18 E pure ia matou: kia kite tikai oki
matou e, te tika nei to matou akava-
ngakau i te akakoro anga e, ei akono
meitaki ta matou i te au mea katoa nei.
19 Kia akaoki vaveia ra au ia kotou na,
i maata ua'i taku tuatua ia kotou e, e
akapera.

20 E teianei kia akatau mai te Atua au,
ko tei akaoki mai i to tatou Atua ra ia
Iesu, i te tiaki mamoe maata, mei te
mate maira, no te toto o te koreromotu
21 mutu kore ra, Kia akameitaki rava
mai ia kotou i te au angaanga memei-
taki katoa ra, kia rave kotou i tona
anoano, i te akatupu anga i roto ia
kotou i te mea tau i mua i tona aroaro,
ia Iesu Mesia ra; ei iaia te kakā e tua-
tau ua atu. Amene.

22 Teia ra taku tuatua kia kotou, e
aku au taeake, e āriki meitaki mai ana
i teianei ako, i tata poto io nei oki au i
23 teianei tuatua kia kotou na. Kua
tukuia to tatou taeake ko Timoteo, kia
kite oki kotou; e kia oki vave mai aia
ra, e kite katoa atu maua ia kotou na.
24 E aroa atu i to kotou au arataki, e te
aronga tapu katoa ra. Te aroa atu nei
to Itale ia kotou na.

25 Ei ia kotou ravarai te aroa ua.
Amene.

TE EPISETOLE A TE APOSETOLO RA A IAKOBO.

PENE I.

*Kia rekareka kia rokoia e te timu-
taanga ra: ei paieti mou eiaa te
tutu anake.*

IAKOBO, e tavini no te Atua, e no 1
te Atua ra no Iesu Mesia, i te au
kopu tino ngauru ma rua i pueuriki-
riki ke ra, Kia ora na.

E aku au taeake ra, kia rokoia 2
kotou e te au timataanga e manganui
te tu ra, ka tuatua e, e mea rekareka
anake ia; Kua kite oki kotou e, na 3
tana timata anga i to kotou akarongo
ra e akatupu i te akakoromaki. E 4
tuku atu i ta te akakoromaki ra anga-
anga kia tika rava, kia meitaki rava
kotou, ma te apa kore, auraka e ape

5 toe. Kia ngere ra tetai tangata i te
pakari, ka pati aia ki te Atua ra, ko tei
oronga ua mai i ta te tangata ravarai
ma te patoi kore; e e orongaia mai
6 tana. E pati ra aia ma te akarongo,
e te ekoko kore: ko tei ekoko ra, e
tau ia i te ngaru tai e puia e te mata-
7 ngi, e tikitiki akera. Auraka oki te
reira tangata e maara e, ka rauka tana
8 i te Atua ei ngai mea ngiti ake: E
tangata ngakau rua ia, e te tinamou
9 kore, i tona katoa ra au aerenga. Kia
rekareka te taeake akauka i te mea aia
10 i akateiticiia: E te taeake apinga maata
ra, i te mea aia i taakaakia: e ngaro
atu oki aia mei te tiare o te ngaare
11 ra. Kua teitei anake oki te ra ma te
veravera maata ra, kua mae te nga-
ngaere, topa iora tona tiare, kare atura

taua tu manea nona ra; mei te reira katoa to te tangata apinga ra kore anga i tona aerenga.

E ao to te tangata e akakoromaki i 12 te timataanga: kua akatika anakeia mai aia ra, e rauka ia iaia te korona ora, ta te Atu i tuatua mai e no te aronga i anoano iaia ra. Eiaa rava e 13 tangata pikikaaia e karanga e, Kua pikikaaia au e te Atua: kare rava te Atua e vavare i te kino, kare rava oki aia e pikikaa i te tangata: Kia akata- 14 tipakeia tetai, e kia riro ua atu i te kino, kua pikikaaia te reira tangata i tona uorai anoano tika kore. E kua 15 to ta te anoano tika kore ra, anau maira tana ko te ara; e kia rave akaopcia te ara ra, anau maira tana ko te mate.

Auraka e vavare, e aku au taeake 16 akaperepere e. Te au mea memaitaki i o maia ra, e te au mea tika ravarai, no runga ia, no runga mai i te Metua e te marama ra, kare rava e tu ke ke iaia ra, kare oki e tu ke anga e ngai mea ngiti ua ake. Nana tatou i anau 18 i te tuatua-mou ra, no tona uorai anoano, kia riro tatou mei te popo muatangana o te au mea i angaia o ia ra.

E teianei, e aku au taeake akapere- 19 pere e, kia rapurapu ua te tangata ravarai i te akarongo, kia tavarevare i te tuatua, kia tavarevare oki i te riri: Kare oki te riri o te tangata e akatupu 20 i te tuatua-tika a te Atua. E tenana e toku ke atu i te au mea viivii ra, e te au mea kino maata ravarai, ka ariki marie ei ma te maru i te tuatua tanumia mai ki roto ra, e ora'i oki to kotou vaerua. Ei aronga rave oki kotou i te 22 tuatua nei, auraka ei aronga akarongo ua, i te pikikaa ua anga ia kotou uorai. Ko te tangata oki e akarongo ua 23 i te tuatua, e kare aia i rave, e tau aia i te tangata e akara ua i tona uorai mata ki roto i te io ra: Te akara ra 24 aia iaia uorai, e aere atura, ngaropoina ua ora tona tu iaia uorai i reira ra. Ko te akara ra ki roto i te ture tika 25 rava o te tiana ra, ma te tamou tikai, no te mea kare aia i te tangata akangaropoina ua i te tuatua kia akarongo, e tangata rave ra aia i i taua angaanga ra, e kameitakia ia aia i te rave anga. Te manako ra tetai tangata ia kotou e, 26 e paietii tona, e kare i tapeka i tona arero, te pikikaa ra i tona uorai ngakau; e paietii pikikaa tona. Ko te 27 paietii mou e te kino kore i mua i te aroaro o te Atua, o to tatou Metua ra, ko teia ia: Ko te takinga-meitaki i te

tamariki metua kore e te au vaine takaua i to ratou mate anga, e te tiaki iaia uorai auraka ei viivii i teianei ao.

PENE II.

*Eiaa te taeake apinga kore e akavaa-
vaia: te akarongo demoni: to Abe-
rahama, e to Rahaba.*

- 1 E AKU au taeake ra, auraka kotou e mou i te tuatua a to tatou Atu ra a Iesu Mesia, i te Atu o te kakā ra,
- 2 ma te akono i te tu o te tangata. Kia aere mai oki tetai tangata ki roto i to kotou sunago ma te tapeka auro i te rima, ma te kakau manea ra, e kia tomo katoa mai tetai tangata apinga
- 3 kore ma te kakau kino ra; Kite atura kotou i te kakau i te kakau manea ra, e kua karanga atura kinia, E noo koe i ko nei ki te ngai meitaki; ka karanga atu ei ki te tangata apinga kore ra, Ka tu atu koe ki ko atu, e kare ia, e noo koe i ko nei i taku tiroaroaanga vae-
4 vae nei: Kare aina kua akatu ke kotou, e kua riro ei eumiumi manako kino ra?
- 5 Ka akarongo mai ana, e aku au taeake akaperepere e: Kare aina ko to aronga apinga kore o teianei ao ta te Atua i iki, ei aronga apinga maata i te akarongo ra, e ei aronga tuanga i te basileia tana i karanga e oronga mai i te aronga i anoano iaia ra? Kua aka-
6 vaavaa ra kotou i te aronga apinga kore. Kare aina te aronga apinga maata i takinga-kino mai ia kotou, e i kika ia
- 7 kotou i te akavaanga? Kare aina ratou i akakino i taua ingoa meitaki i tapaia
- 8 ki runga ia kotou na? Te akono na kotou i te ture i maata ua atu i te tuatua i taitaia ra e, "E aroa atu koe i to tangata tupu mei to aroa ia koe uorai
- 9 na," e mea tika ia ta kotou: Te akono ana ra kotou i te tu o te tangata ra, te rave ra kotou i te ara, e kua akaapaia
- 10 kotou e te ture ei aronga ara. Ko te tangata oki kia akono ua atu i te ture katoa ra, kia apa ra iaia te ture mea ngiti okotai ra, kua apa ia te ture katoa
- 11 iaia. Ko tei tuatua mai oki e, "Auraka rava koe e akaturi," koia rai oki tei tuatua mai e, "Auraka rava koe e ta ua." E tenana kore ua rai koe i te akaturi, kia ta ua ra koe, kua riro ia
- 12 koe ei tangata ara i te ture. Kia tau ta kotou e tuatua, e ta kotou e rave, i ta te aronga e akavaia i te ture
- 13 tiana ra. Ko te akaapa anake tana e rauka, kare te aroa, ta tei kore rava i

aroa ra, e vi ra te akaapa i te aroa, i te tangata e aroa ra.

Eaa te puapinga, e aku au taeake, 14
kia tuatua mai tetai e e akarongo toa,
e kare ana e angaanga? e ora aina aia
itaua akarongo ra? Kia mate oki tetai 15
taeake e tetai tuaine i te putaua, e kare
e kai i te au ra katoa ra, Kia karanga 16
atura tetai o kotou ia raua ra, Kia ora
na i te aerenga, kia maanaana oki ko-
rua, e kia merengo; kare ra i oronga
atu i te mea e meitaki ei te tino ra;
caa ua ia puapinga? Koia katoa te 17
akarongo, kare e angaanga, e mea mate
ia, i te mea te vai okotai ua ra. E tika 18
ua oki tetai tangata kia tuatua mai iaia
e, E akarongo toon, e angaanga oki
taku; ka akakite mai ana i toou aka-
rongo kare e angaanga ra, ka akakite
atu ei au ia koe i toku nei akarongo i
taku nei angaanga. Kua akarongo koe 19
i te tuatua ra e, Okotai ua Atua; kua
tika te reira: kua akarongo katoa oki
te au demoni i te reira, e kua ruruta-
kina. Kia kite maira koe, e tera ra 20
tangata manako kore e, ko te akarongo
kare e angaanga ra, e akarongo mate
ia? Kare aina to tatou metua ra ko 21
Aberahama i akatikaia mai i te anga-
anga, ka apai ei aia i tana tamaiti ra ia
Isaka ki runga i te atarau ra? Te 22
kite ra oki koe e na te akarongo i aka-
tupu i tana angaanga, e no te anga-
anga i tika rava'i te akarongo? Tika 23
tikai atura taua tuatua i taitai ra, ko
tei na ko ra e, "Kua akarongo a Abe-
rahama i te Atua, e i akonoia atura ia ei
tuatua-tika nana:" e i karangaia maira
oki aia e, "E oa no te Atua." Kua 24
kite atura kotou e i akatikaia te tangata
i te angaanga, kare i te akarongo anake
ua. Koia katoa oki te vaine akaturi 25
ra ko Rahaba, kare aina aia i aka-
tikaia i te angaanga, ka ariki ei aia i
nga tutaka ra, e toku atura oki na
tetai mataara ke? Mei te kopapa oki 26
kia kore te vaerua, e mea mate ia, koia
katoa te akarongo kare e angaanga ra,
e mea mate katoa ia.

PENE III.

*E tapeka te arero e tika'i: e kino
maata, e te meitaki maata oki, te ka
tupu iaia.*

E AKU au taeake e, auraka kia 1
maata ua i te akaorometua ia ko-
tou io, kua kitea oki e ko tatou te ka
akapa maataia. Te apa anake nei tatou 2
i te au mea katoa e manganui. E kia
kore tetai tangata e apa i te tuatua ra, e

tangata meitaki rava aia, e tika iaia kia
3 tapeka i te tino katoa ra. I na, te ta-
vaa nei tatou i te ipo, kia akarongo
mai ratou ia tatou; e te tiori nei tatou
4 i to ratou tino katoa. I na oki te au
pai, mamaata ua rai ratou, e puia ua
rai i te matangi viviki ra, te tiori aereia
nei i te oe mea ngiti poepoe, i te au
ngai katoa ta te akatere e anoano ra.
5 Koia katoa te arero nei e melo mea
ngiti, e akatieie maata ra tana. Ka
akara na i te maata o te vaie e ka i te
6 ai mea ngiti ra! E ai katoa te arero
nei, e putunga no te au kino ravarai
nei: e viivii te tino katoa nei i te arero,
ko te tu ia o tona vai ranga i roto i te
au melo nei; i tutungia aia i te ai o te
po, e te ka nei te au aerenga ravarai o
7 te tangata i te ora anga nei iaia. E
vi anake te au puaka taac, e te manu,
e te ovi, e te au mea o te tai ra, e kua
ope takere ana i te akaviai e te tangata
8 nei: Kareka te arero nei, kare ua e
tangata e vi ei te reira; e kino mate
9 kore ia, kua ki ia i te kavangia. Te
akameitaki nei tatou i te Atua ra i to
tatou Metua i te arero; e te akakino
nei tatou i te tangata, i tei angaia i to
10 te Atua ra tu, i taua arero nei rai. Te
puroro nei no roto i taua vaa okotai
nei, te akameitaki e te akakino. Au-
raka rava te tika te reira, e aku au
11 taeake. Te pupui nei aina te vai ma-
ngaro e te vai taitai no roto i te vaerua
12 okotai ra? E tika aina, e aku au ta-
eake, i te suke kia akava mai i te olive?
e te vine oki kia akava mai i te suke?
e kore katoa e rauka te vai mangaro i
te vaerua vai taitai.
13 Koia te tangata pakari e te kite i
roto ia kotou na? kia na te akono
meitaki aia i te akakite mai i tana anga-
anga ma te maru e te pakari tikai.
14 Te vai na te vareae maata e te mūro i
roto i to kotou ngakau, auraka e aka-
tietie, auraka e tapepe pikikaa ua i te
15 tuatua-mou. Kare oki te reira pakari
i to runga mai, no teianei ao ia, no te
16 tangata nei, e no te au demoni. Te
rai ra oki te vareae, e te tauetono, tei
reira katoa te oripu ua e te au tuatua
17 kokino katoa ra. Kareka te pakari no
runga maira, e mea iro koreia ia, e
mea au ia, e te maru, e te akarongo
ngoie, kua ki ia i te aroa, e te takinga-
meitaki, kare oki e akatu ke i te ta-
18 ngata, kare oki e pikikaa. E rurua
oki te tuatua-tika ma te au na te aronga
e akatupu i te tuatua au ra.

PENE IV.

*Auraka ei noinoin apinga, e te akapa-
rau, e te akakino ia etai ke.*

NOEA te tamaki e te tauetono
aina no ko na no to kotou anoano tika
kore ra, ko tei tamaki ua ki roto i to
kotou au melo na? Te maata ua ra te
anoano, e kare rai i rauka: te ta ua na
kotou, e te umuumu ua na, e kare rai
i rauka: te tamaki na, te karo ua na, e
kare akera, no te mea kare kotou i
pati. Te pati ra oki kotou, e kare a
kotou i rauka, no te mea te apa na ta
kotou pati anga, kia pou i te kaimou-
mouia e kotou i to kotou anoano tika
kore ra. E te au akaturi tane, e te au
akaturi vaine, kare kotou i kite e ko
te anoano i teianei ao, e taunga tau kore
ia i te Atua ra? E teianei ko te ano-
ano e ei taunga aia no teianei ao, e
enemi ia tangata no te Atua. Te
manako na kotou e, e pikikaa ta te
tuatua i tataia ra? e akatupu aina te
Vaerua i noo ki roto ia tatou nei i te
vareae? *Kare*, e oronga maira aia i
te aroa ua e kia maata mairai. I kara-
nga mai ei aia e, "E patoi mai te Atua
i te aronga nengonengo, e oronga maira
i te aroa ua i te aronga akaaka." E te-
nana e kauraro atu kotou i te Atua. E
patoi atu i te diabol, e nana e rere ke
atu. E akavaitata atu ki te Atua, e
nana e akavaitata mai kia kotou na. E
orei na i to kotou rima, e te aronga
rave ara ra; e tamā na i to kotou nga-
kau, e te aronga ngakau rua na. Ka
aue na kotou, ka mii, e kua maringi to
kotou roi-mata: kia riro oki to kotou
kata ei aue, e to kotou rekareka ei tai-
taia. Ka taakaaka na kotou ki mua i to
aroaro o te Atua, e nana kotou e
akateitei.

Auraka na kotou, e *aku* au taeake, e
tuatua kino tetai ki tetai. Ko tei tua-
tua kino i tona taeake, e kua akaapa i
tona taeake, kua tuatua kino i te ture,
e kua akaapa i te ture: kia akaapa ra
koe i te ture ra, kare ia koe i te akono
ture, e akaapa ra. Okotai oki tumu
o te ture, e tika iaia kia akaora e tika
oki kia tamate rava: koai oki koe ka
akaapa'i koe ia etai ke?

E teianei, ko kotou ko tei karanga
e, E aere tatou akonei e apopo ki roto
i te oire ra ko mea, ka oko cie kia oko-
tai ake mataiti i te oko anga, e kia
rauka mai te apinga: Kotou oki ko tei
kore i kite i te ka tupu apopo: eaa
oki to kotou ora anga nei? e auai ia,

no vaivai ake, e roa poto akera, ngaro
15 atura ia. E na ko ra kotou e tika'i,
Kia tika i te Atu ra, e kia roa to tatou
16 a'o, e rave ia tatou i teia, e i tera. I
tenana ra, te rekareka na kotou i ta ko-
tou tuatua akatietie: e mea kino anake
17 ia taua rekareka na. E teianei ko te
tangata i kite i te rave i te mea mei-
taki, e kare i rave, kua riro ia ei ara
nana.

PENE V.

*Kia matakau te aronga apinga maata
i te riri o te Atua: kia aru tatou
i te au tangata meitaki i muata-
ngana ra.*

TENANA, e te aronga apinga
mamaata na, ka tangi, ka aue i to
kotou au mate maata e vaiata mai ia
2 kotou na. Kua piro ta kotou apinga
maata, e kua pou to kotou kakau i te
3 neu. Kua pe ta kotou auro e te ario;
e e riro to reira moneneu ei akaapa ia
kotou, e e pou to kotou tino i te reira
mei te pou ai ra. Kua akaputu kotou i
4 te apinga maata i te au rā openga nei. I
na oki, te tutaki a te aronga rave anga-
anga ko tei kokoti i te au koro na ko-
tou, tei tāpu tika koreia e kotou, te
kapiki ra ia ki te Atua ia kotou: e te
akateni a te aronga i kokoti ra, kua
puta rava ia ki roto i te taringa o te
5 Atu Sabaota ra. Kua noo kotou i te
ao nei, ma te navenave, e te kanga;
kua akapori kotou ia kotou uaorai, mei
te au puaka i angaiia no te rā tainga
6 anga. Kua akaapa kotou e kua tamate
rava kotou i te tangata tuatua-tika ra;
kare oki aia i tutaki mai ia kotou.
7 E teianei e akakoromaki, e *aku* au
taeake, e kia tae mai te Atu ra. I na
oki te tanu-kai ra, te tatari marie ua ra
aia i te kai meitaki o te enua nei, te
akakoromaki marie ra oki i te reira, e
kia rauka mai te ua momua e te ua
8 openga ra. E akakoromaki katao oki
kotou; e akatinamou tikai i to kotou
ngakau: kua vaiata rava taua aere-
9 nga mai o te Atu ra. Auraka e aka-
vareae tetai ki tetai, e *aku* au taeake,
ko te akaapaia mai aea kotou: i na, te
tu ua maira te Akava i te ngutupa ra.
10 E rave, e aku au taeake, i te au pero-
veta ko tei tuatua mai ma te ingoa o
te Atu ra, ei akaraanga i te akaruru
11 anga i te kino e te akakoromaki. I na
oki, te karanga nei tatou e, kua mei-
taki te aronga i tamou marie i te aka-
koromaki. Kua kite kotou i te aka-
koromaki o Iobu ra, e kua kite oki
kotou i ta te Atu i rave i te openga ra;

e kua ki te Atu i te aroa e te takingameitaki maata.

Kareka te taputou ua, e aku au 12
taeake, auraka rava ia; auraka i te
rangi, auraka katoa i te enua, e te au
taputou ravarai oki: kia riro ra ta kotou
koa, ei koia; e ta kotou kare, ei kare;
ko te rokoa aea kotou e te aka-
apa.

Kua tairoia aina tetai o kotou na? 13
Ia pure aia. Te rekareka na tetai? ka
imene aia i te imene. Te mate ra 14
aina tetai o kotou i te maki? e tiki aia
i te au peresibutero o te ekalesia ra;
e na ratou e pure iaia ma te akatainu
iaia i te manongi i te ingoa o te Atu
ra: E e ora taua maki ra i te pure 15
akarongo, e na te Atu aia e akatu ki
runga; e i rave na aia i te ara ra, e
akakoreia tana ara. E aaki ta kotou 16

au apa tetai ki tetai, e pure oki tetai i
tetai, kia akaoraia kotou. Te pure a
te tangata tuatua-tika i akatupu mouia
ki roto ra, e mea manuia maata ia.
17 E tangata oki a Elia mei ia tatou katoa
te tu e mate ua, e i pure viviki atura
aia e, auraka ei ua: kare atura e ua i
topa mai ki runga i te enua e e toru
akera mataiti e e ono akera oki ma-
rama. Pure akaou atura oki aia,
e kua oronga maira te rangi i te ua,
kua tupu akera te kai o te enua nei.
19 E aku au taenke ra, kia tatipake
tetai o kotou i te tuatua-mou nei, e na
20 tetai aia i akaoki mai; Kia kite mai
oki taua tangata ra e, ko tei akaoki mai
i te tangata ara i taua apa nana ra, e
vaerua tei ora iaia i te mate, e e ma-
nganui te ara te ngaro iaia.

TE EPISETOLE MUA A TE APOSETOLO RA A PETERO.

PENE I.

*Ko te Mesia te tumu o to tatou mei-
taki: e meitaki te akarongo kia tima-
taia: ta te tuatua ora angaunga.*

PETERO, e aposetolo na Iesu Me- 1
sia, i te au purutia i pueuriki-
riki i Ponoto, i Galatia, i Kapadokia,
i Asia, e i Bitunia, I ikiia i te aka- 2
koro atea anga a te Atua Metua ra, i
te akatapu a te Vaerua i te akarongo,
e te pipi anga i te toto o Iesu Mesia
ra: Ei ia kotou te aroa ua, e te au,
kia maata atu rai.

Kia akameitakiia te Atua te Me- 3
tua o to tatou Atu ra o Iesu Mesia,
ko te akaanau akaou ia tatou no te
maata o tona aroa, *kia rauka* te ma-
nako ora, i te tuakaouanga o Iesu Me- 4
sia mei te mate maira, *Kia rauka* te
tuanga kino kore, e te viivii kore, e
te mae kore, ko tei vaiioia ki runga i
te rangi na kotou, Ko tei tiakia ia e 5
te mana o te Atua i te akarongo *kia
rauka* te ora, i vave i te akakiteia mai
kia tae ki te tuatua openga ra: Kia 6
maata to kotou rekareka i te reira,

taitaia poto ua rai kotou i teianei (no
te mea tika ia) i te au timataanga tu
7 ke ke ra: Kia riro te timata anga o
to kotou akarongo, ko tei maata rava
i te meitaki i to te auro ngaro ua nei,
timata ua'i i te ai, ei akameitaki, ei
teitei, e ei meitaki, i te mama anga
8 mai o Iesu Mesia: Ko ta kotou i ano-
ano na, kore ua atu rai te kite iaia;
ko ta kotou e rekareka ra i te rekareka
e kore e tika kia tuatua ra, e te ki oki
i te kakā, i te akarongo anga atu, kore
ua rai kotou te akara atu *iaia* i teianei:
9 Ma te rauka oki te openga o to kotou
akarongo, *koa* te ora o to kotou au
10 vaerua. Ko te ora ia ta te au perov-
veta i uiui, e kua kimi pu tikai, ko tei
totou i te aroa ua e *riro mui* ia kotou
11 na; I te kimi marie anga, e ei teea
iti-tangata, e ei teea tuatua, ta te Vae-
rua o te Mesia i roto ia ratou ra i
tuatua mai, ka akakite mamao mai ei
nia i te au mate katoa o te Mesia ra,
12 e te kakā e tupu i muringao. E kua
akakiteia mai oki ratou e, kare to ratou
orai, no tatou ra, ta ratou i toku mai-
ra, i te au mea i tuatuaia mai ia
kotou, e te aronga i ako mai ia kotou i

te evangelia, ma te Vaerua Tapu i tonokia mai mei te rangi maira; ko te au mea ta te au angela e arōrō mai e akara.

E teianei, ka tatua na i te taukupu 13 o to kotou ngakau, kia marōrō, ka tatari ua atu ei i te aroa ua te ka apaiia mai no kotou i te mama anga mai o Iesu Mesia ra: Mei te tamariki 14 akarongo ra, auraka e akaarite ia kotou orai i to kotou inangaro i mua-tangana i to kotou kamakura anga ra; Mei iaia i nomino mai ia kotou 15 e tapu ra, kia tapu katoa kotou i ta kotou tuatua ravarai ra; Kua oti 16 oki i te tataia e, "Kia tapu kotou; te tapu nei oki au." E te pure na 17 kotou i te Metua, ko te eumiumi i tei tau i ta te tangata katoa ra angaa-nga, ma te akara kore i te tu o te tangata, ka noo i to kotou purutia anga i ku nei ma te matakū: Kua kite 18 oki kotou e, kare kotou i okoia i te mea koto uia ra, mei te ario, e te auro, i ta kotou tuatua marikonga kore i tukuia mai e to kotou ai metua ra; I te toto apinga maata ra o te Mesia 19 ra, mei to te arenio kino kore e te maki kore: Ko tei tou na tukereia na, ou 20 ua te tumu o teianei ao, i teianei ra au tuatau openga i akakiteia mai ei no kotou; Ko tei akarongo i te Atua iaia, 21 ko tei akatu iaia mei te mate maira, e kua oronga i te kakā nona; kia riro to kotou akarongo, e te irinaki, ki te Atua.

E tenana kua tamā i to kotou au 22 vaerua i te akarongo anga i te tuatua-mou i te Vaerua ra, e kua tac i te aroa taenke pikikaa kore ra, kia aroa maata kotou ia kotou uoarai ma te ngakau kinokino kore: No te mea kua akaa- 23 nau akaouia, eiaa no te ua pe ua nei, no te ua pe kore ra, i te tuatua ora a te Atua, ko te ka tika i te vai ranga, kare rava e mutu ra. "Mei te nga- 24 ngaere oki te tangata katoa nei, e to te tangata nei manea, mei te tiare ia o taua ngangaere ra. E marō te nga- 25 ngangere, e topa oki te tiare ki raro: Ka rekā te tuatua a Iehova ra, e tu ia e rimua:" teia oki taua tuatua ra ko te evangelia i akoia atu ia kotou na.

PENE II.

Te akakino rā Petero i te aroa kore e te vareae: te au toka ora; e kauraro atu i te aronga mana: e aru ia Iesu i te akakoromaki anga i te kino.

1 **E** TENANA, e kopae rava atu i te akamoupuku, e te au pikikaa ravarai, e te tapikipiki, e te vareae, e te 2 au tuatua kikino katoa ra, Kia kaki tikai kotou mei te tamariki anau ou, i te u iro koreia ra, i te tuatua, kia 3 pakari kotou i te reira; Kua kite oki kotou e, e takinga-meitaki to te Atua. 4 *Ko kotou oki*, i te aere anga mai kinaia i te toka ora ra, i kopae mouia ra oki e te tangata, i akonoia ra e te Atua, e 5 te meitaki maata, Kua patu katoaia kotou, i te toka ora ra, ei are vaerua, ei kau taunga tapu, ei apai i te tusia vaerua, e tau i te Atua ia Iesu Mesia. 6 Tei roto oki i te tuatua i tataia ra e, "I na, te akamou nei au i tetai toka 7 tiavā i Ziona, e toka akonoia, e te meitaki maata; e ko te irinaki i te reira, kare rava ia e akama." E teianei, ia kotou i te aronga i akarongo ra, e meitaki 8 maata ia *tona*; kareka i te aronga akarongo kore ra, "ko te toka i akarukeya e te aronga patu are ra, ko tei akarioia ei toka tiavā;" E "ei toka tukia- 9 nga, e ei mato turorianga," i te aronga i turori i te tuatua no te akarongo kore; i akonoia oki ratou no te reira. 10 E uki ikiia ra kotou, e kau taunga ariki, e iti-tangata tapu, e aronga okoia; 11 kia akakite ua kotou i toka meitaki, to tei nomino ia kotou i to roto i te poihi, kia tae ki toka mārama umereia 12 ra: Ko kotou, kare te tangata *no te Atua* i muatangana, i teianei ra e tangata ia no te Atua; ko tei kore i aroaia mai i muatangana, i teianei ra kua aroaia mai ia. 13 E *aku* au akaperepere e, te ako atu nei au ia *kotou*, i te tangata ke, e te tuitarere, auraka e akatika i to te tino nei au anoano, ko tei tamaki mai ia i te vaerua; Kia meitaki ta kotou tuatua i rotopu i te au etene: ta ratou oki i akakino mai ia kotou, mei te mea e aronga rave tuatua kino, kia akara 14 ra ratou i ta kotou tuatua meitaki, kia akameitaki ratou i te Atua i te rā e rokoia mai ei ra. 15 E kauraro i te tangata katoa i te Atua nei, i te ariki ra ei runga rava atu 16 ia; E te au kavana ra, ei aronga ungaia mai e ia ei tutaki atu i te aronga i rave i te kino ra, e ei akameitaki 17 i te aronga i rave i te meitaki ra. Ko to te Atua ia anoano, kia mopani kotou i te *vaa* o te kite kore o te tangata neneva ra i ta kotou tuatua meitaki. Ei aronga tiama kotou, auraka 18 ra taua tiama ra e akarioia ei tapoki tuatua kino, ei tavini ra kotou no te 19 Atua. E akangateitei atu i te tangata

Ka matakū i te Atua. Ka akateitē i te ariki. E te au tavini ra, e kauraro marie i to kotou aronga pu tikai ra ma te matakū, eiaa i te *pu* meitaki anake ra e te maru, i te aronga maru kore katoa ra. Ko te mea tau oki te reira, 19 kia akakoromaki te tangata i te aue no te mate tika kore, no te akava-nga-kau i te Atua. Kia pāpāia ra kotou i ta kotou uaoari ara, ka akakoromaki ei kotou, eaa ua to reira akameitaki-anga? kia mate ra kotou ma te akono meitaki, ka akakoromaki ei kotou, e mea meitaki ia i te Atua. I nominōia'i oki kotou; i mate katoa oki te Mesia uaoari no kotou; e kua vaio oki i te akaraanga na kotou, kia aru kotou i tona takinga vaevae: "I tei kore roa 22 i rave i te ara, kare ua e pikikaa i kitea i tona vaa:" Ko tei kore i akakino 23 atu, kia akakinoia mai aia ra; e kia mate aia ra, kare aia i tuatua tutaki atu; kua tuku ra iaia orai kiaia nona te manako tika ra: Ko tei maranga 24 iaia orai ta tatou ara i tona uaoari kopapa ki runga i te satauro, kia akono tatou, ko tei matara mai i te ara ra, i te tuatua-tika: "no tona oki karavarava i ora'i" kotou. Mei te mamoe i aere ke 25 ra oki kotou, kua oki maira i teianei ki te Tiaki, ki te Episkopo, o to kotou au vaerua.

PENE III.

Te aerenga e tau i te tane e te vaine ra: e mea meitaki te aroa, te akono meitaki, e te akakoromaki: to te Mesia mate, e tona akateitē angia.

KO kotou oki, e te vaine tini e, e 1 kauraro marie i ta kotou au tane ra; kare tetai pae e akarongo i te tuatua ra, kia rauka mai ratou i te akono meitaki o ta ratou au vaine, auraka atu rai te tuatua; I te akara anga mai 2 ratou i to kotou aerenga viivii kore i *kapiti* katoaia i te matakū. E to kotou akamanea, eiaa ko te manea ki vao ua ra, i te rauru iri ra, e te tatua anga i te auro ra, e te kakau anga i te 3 kakau ra; Ko te tangata ngaro ra ko te ngakau te akamanea, i te manea piro kore ra, ko te ngakau maru e te muteki ua, ko te mea apinga maata ia ki mua i te aroaro o te Atua. I akapera oki te au vaine tapu i irinaki i 4 te Atua i te akamanea ia ratou uaoari i taito ra, ma te kauraro marie i ta ratou uaoari au tane: Mei ia Sara i akarongo ia Aberahama, i te tuatua anga 5 atu kiaia, E atu: ei tamaine oki kotou 6

7) poiterere ua i te matakū. Koia katoa oki kotou, e te au tane, e noo ia ratou ra ma te kite, i te akamaata anga i te vaine, i te āriki paruparu ra, e ei atu katoa oki i te aroa ua ra i te ora; kia kore ta kotou pure e topa. 8 E teianei, ei ngakau tai to kotou ravarai, i te aroa katoa anga, ei aroa taacae ra, ei ngakau maru, ei ngakau 9 taunga. Auraka e tutaki atu te kino i te kino, e te akakino i te akakino: ei mea ke ra, ei akameitaki ta kotou; kua kitea oki e, ko te mea ia i nominōia'i kotou, kia rauka ia kotou te 10 meitaki. "Ko te anoano oki i te ora ra, e kia meitaki ora puke rā, e tāpu aia i tona arero i te kino, e tona vaa auraka e tuatua i te tuatua pikikaa; 11 E kopae i te kino, e rave i te meitaki; 12 e kimi i te au, e aruuru atu. Tei te aronga tuatua-tika ra to Iehova mata, e tei ta ratou kapiki tona taringa; e mata ke ra to Iehova i te aronga i rave i te kino ra." 13 E naai kotou e takinga-kino mai, 14 kia ara kotou i te mea meitaki? E kia mate rai kotou i te tuatua-tika ra, e ao rai to kotou; "auraka e matakū i ta ratou i akamatakū mai, auraka oki 15 e tumatetenga; Ka akatapu ra kotou i te Atua ra ia Iehova" i to kotou ngakau; e kia tika ua rai ia kotou kia akakite atu ki te tangata katoa e ui mai ia kotou i te tiaki i roto ia kotou na, ma te maru e te kauraro marie 16 atu: Ei akava-ngakau meitaki to kotou; e ta ratou i akakino mai ia kotou na, mei te mea e, e aronga rave tuatua kino ra, kia akama ratou ko tei tapepe pikikaa ua mai i ta kotou tuatua meitaki i te Mesia ra. E mea meitaki oki, kia tika i te Atua, kia mate kotou i te tuatua meitaki, eian i te tuatua kino. 18 I mate na oki te Mesia orai i te matenga okotai no te ara, te tangata tuatua-tika no te aronga tuatua-tika kore, kia tae tatou iaia i te Atua ra; i tamate ravaia aia i te tino ra, i akaorara ra e te Vaerua: 19 Ko tana ia i ako atu i te au vaerua e vai 20 i roto i te tapekaanga i teianei; Ko tei kore i akarongo i muatangana, i te akakoromaki anga roa o te Atua, ka tatarai ei aia i te tuatua ia Noa ra, i te tarai anga i te araka ra, i ora'i e tokotai puke tangata i te vai, koia oki nga 21 tangata toko varu ra. Ko tei tau i te reira ra, ko te baptizo ia e ora katoa'i tatou i teianei, (eiaa i te kopae anga i te viivii o te tino nei, i te tuatua ra i te akava-ngakau meitaki ra i te Atua,) 22 i te tuakauanga o Iesu Mesia ra; Ko

tei riro akenei ki runga i te rangi, e tei te rima katau o te Atua ra; e kua tukuia te au angela, e te aronga mana, e te aronga au, ki raro ake iaia.

PENE IV.

Te ako rā Petero, ka akuruke i te tuatua kino e ka aru i te Mesia ra: e tuatua akapumauna i te aronga i takinga-kinoia.

E TEIANEI i mate ana te Mesia i te mate tino nei no tatou, ka akatara ia kotou uorai i taua manako ra: ko tei mate tika i te tino ra kua kore ia e rave i te ara: Kia kore aia e noo i te toenga o tona manga taime i te tino nei ma te akono i te anoano o te tangata, ma te akono ra i te inangaro o te Atua. To tatou oki manga taime i topa ake i to tatou ora anga nei, oti ra ua ia i te rave anga i to te etene inangaro, ka rave ei oki i te peu kanga ra, te inangaro tika kore, te inu nui i te wina ra, te kapiti anga kanga ra, te akakonā kava ra, e te au ravenga viivii a te idolo ra: E te va ua ra ratou i te mea kare kotou i kapiti katoa ia ratou i taua peu kanga maata ra, ma te akakino oki ia kotou. Ka aaki ratou i te tuatua kiaia, i tei teateamamao i te akava i te ora e i tei mate. I ako katoaia atu ei te evangelia i te aronga i mate ra, akaapa ua rai te tangata ia ratou i te tino nei, te ora ra ratou i te Atua i te Vaeua ra.

Kua vaitata ra te openga o te au mea ravarai nei: e teianci, e akono meitaki kotou, matakiti, ma te pure. Ko te aroa rai, kia maata tikai ia ia kotou uorai: ka ngaro oki te apa e manganui i te aroa. Ei oronga to kotou ia kotou rai ma te karapi kore. Ka oronga te tangata katoa i te meitaki no tetai, mei tei rauka mai iaia ra, mei te tiaki meitaki i te aroa ua tumatani a te Atua ra. Kia tuatua tetai tangata ra, kia tau ia i te tuatua a te Atua: kia rave tetai tangata i te taoonga diakono ra, kia tau i ta te Atua i oronga maira: kia akakakāia te Atua ia Iesu Mesia ra i te au mea katoa ra: ei iaia te akameitaki e te mana e tuatatau ua atu. Amene.

E aku au akaperepere e, auraka e poitirere i te takinga-kino maata i roto ia kotou ei timata anga ia kotou, mei te mea e kua rokoia kotou i tetai mea ke: E rekareka ra, i te mea te rave katoa ra kotou i te au mate o te Mesia: e kia akakiteia mai tona kakā, kia rekareka katoa kotou i te perepere-

14 kavana maata. Kia akakinoia kotou i te ingoa o te Mesia ra, e ao to kotou; no te mea te noo ra te Vaeua kakā, te Vaeua o te Atua, ki runga ia kotou: kua akakinoia aia e ratou, kua akameitaki ra e kotou. Auraka rava ra to kotou mate i te mate ta tangata, e te kēia, e te rave tuatua kino, e te akamana-

15 manata ia etai ke ra. E mate Keris-

16 tiano tona ra, auraka aia e akama: ka akameitaki ra aia i te Atua i te reira.

17 Kua tae oki ki te tuatau e tupu ei te mate i te ngutuare o te Atua nei: e na ko nei atu ia tatou nei te mate i te tupu, eaa ra oki te openga o te aronga kare i akarongo i te evangelia o te

18 Atua ra? E "i akaora ngataia te aronga tuatua-tika ra, eia te akono kore i te Atua, e te rave ara, e arorō mai ei?" E teianci, ko te aronga i mate i te inangaro o te Atua ra, ka tuku i to ratou au vaeua kiaia i te Atua mou, ma te rave i te tuatua meitaki.

PENE V.

E ako te aronga peresibutero e angai i te anana a te Atua, i tukuia mai e na ratou e tiaki ra: e patoi i te diabolo.

TE ako atu nei au i te aronga peresibutero i roto ia kotou na, e taeake peresibutero katoa oki au, e kite oki i te au mate o te Mesia ra, e e rave katoa i te kakā e akakiteia mai a miri ake: Ka angai i te anana a te Atua i roto ia kotou na, ka rave i te taoonga episekopo, auraka ra no te akaeue, no te anoano ra; auraka no te apinga tika kore ra kia rauka, no te tae tikai ra o te ngakau; Auraka ma te akaeue ua ki runga i te tuanga a te Atua ra, ei kaveinga ra kotou no te anana. E kia mama mai te Tiaki maata ra, ka rauka ia ia kotou te korona kakā ko te kore rava e maeaea ra.

5 Ko kotou oki, e te aronga ou ra, ka kauraro kotou i te aronga pakari, e kotou ravarai oki ka kauraro ia kotou orai, e kia kakania kotou i te akaaka; "e patoi te Atua i tei nengonengo, e oronga mai i te meitaki no tei akaaka."

6 E tenana, ka akamararo ia kotou orai i raro ake i te rima mana o te Atua, kia akateitei aia ia kotou i te tuatau

7 tikai. E uri to kotou tumatetenga katoa ki runga iaia; koia oki te tiaki mai ia kotou.

8 E akono meitaki, e akamaroiroi, te aere nei oki to kotou enemi ko te diabolo, mei te liona ngunguru ra, i te kimi

9 anga i te tangata e pou iaia: Ko tei

kore, kua kite e ki kotou e, te to kotou
 au taeake katoa i te ao nei taua au
 mate ra. Ko te Atua ra nona te aroa 10
 ua katoa nei, ko tei nomino ia tatou
 no tona ra kakā mutu kore ia Iesu Me-
 sia nei, kia roa iti ake to kotou mate,
 kia akameitaki rava aia ia kotou, kia
 tauturu mai, kia akamaroiroi mai, e
 kia akatinamou ia kotou. Ei iaia te 11
 akameitaki, e te au, e tuatatau ua atu.
 Amene.

ia kotou ia Shidano, ko taku ia e
 manako nei e, e taeake tuatua-mou,
 i te ako anga atu, e te tuatua ua anga
 atu e, ko te aroa ua tikai teia o te
 13 Atua ta kotou e tāpu ana. Te aroa
 atu nei to Babulonia i iki katoaia
 nei ia kotou; e ko taku tamaiti nei
 14 oki ko Mareko. E aroa kotou tetai ki
 tetai i te ongi aroa ra.

Ei au to kotou ravarai i roto i te
 Mesia ra ia Iesu. Amene.

TE EPISETOLE RUA A TE APOSETOLO RA A PETERO.

PENE I.

*Te ako rā Petero i te tangata i te
 meitaki i orongaia mai ia ratou ra:
 oī ka mate a Petero: nga kite i
 to Iesu akatu ke angaia: te au
 tuatua totou.*

SIMONA Petero, e tavini, e e 1
 aposetolo oki, na Iesu Mesia, i te
 aronga i rauka katoa ia ratou taua aka-
 rongo meitaki ia matou nei, i te tuatua-
 tika a te Atua a to tatou Ora ko Iesu
 Mesia ra: Kia akamaataia mai te aroa
 ua e te au ia kotou i te kite i te Atua,
 e to tatou Atu ia Iesu ra.

Na te mana Atua nona i oronga mai
 i te an mea katoa ia tatou, i te tau, i te
 ora, e te paieti, no te kite iaia ko tei
 nomino mai ia tatou no te kakā e te
 maroiroi: Ko tei oronga mai i te mei-
 taki maata rava i tuatuaia maira, kia
 rauka ia kotou te tu Atua i te reira, i
 te rere ke anga atu i te kino e vai i
 teianei ao no te anoano tika kore ra.
 E kua tupu te reira, ka akamaroiroi ua
 i te kapii katoa to kotou akarongo ki
 te matakū kore; e te matakū kore
 oki, ki te kite; Te kite oki, ki te noo
 marie; te noo marie, ki te akakoro-
 maki; te akakoromaki oki, ki te
 paieti; Te paieti oki, ki te aroa taeake;
 7 te aroa taeake oki, ki te aroa i te ta-
 ngata katoa. E tei ia kotou te reira
 au mea, e te maata ra, na te reira e
 8 akakite e, kare kotou i te apikepike e

te uua kore i te kite i to tatou Atu ia
 9 Iesu Mesia ra. Ko te tangata ra kare
 iaia teianei au mea, e matapo ia, kua
 topiri aia i tona mata, e kua ngaro iaia
 e, kua tamāia aia i muatangana i tana
 10 ara. E teianei, e aku au taeake, ka
 akamaroiroi, kia kitea tikaia to kotou
 nomino anga e te iki angaia; kia pera
 11 oki kotou, kare ua ia e inga: Ka oro-
 nga uaia mai oki te o no kotou ki roto
 i te basileia mutu kore o to ta-
 tou Atu o Iesu Mesia, to tatou
 Ora ra.

12 E teianei kare na au e vata i te
 akakite ia kotou i teianei au tuatua,
 kite ua rai kotou, e tinamou ua rai
 13 kotou i taua tuatua-mou nei. Te
 manako nei oki au e mea tika, i toku
 noo anga i teianei puakapa, kia akama-
 tutu atu ia kotou, i te akakite akaou
 14 anga atu rai; Kua kite oki au e kua
 vaitata au i te kopae i teianei puakapa,
 ta to tatou Atu ta Iesu Mesia i akakite
 15 mai iaku ra. E akamaroiroi oki au
 kia vai marie ua mairai teianei au
 tuatua i roto i to kotou manako kia
 16 riro ke au ra. Kare oki ta matou i te
 fabula i akatupuia e te pakari ra, ka
 akakite atu ei matou ia kotou i te
 mana e te aerenga mai o to tatou Atu
 ra o Iesu Mesia, kua kite tikai ra to
 17 matou mata i tona tapunui. I rauka
 oki iaia i te Atua Metua ra te akanga-
 teitei e te kakā, ka tae mai ei iaia taua
 reo no roto mai i te kakā maata ra e,
 "Taku tamaiti akaperepere teia, kua

mareka rava au iaia. Kua akarongo 18
matou i taua reo no te rangi maira, ia
matou ma ia katoa ki runga i te
maunga tapu ra. Tei ia tatou katoa 19
te tuatua o te au peroveta tika maata
rava atura i teianei; ko te mea meitaki
ia ia kotou kia akono i te reira, mei te
lamapa e kakā ua i te ngai poiiri ra, e
kia makirata, e kake ei te etu popongi
i roto i to kotou ngakau. Kua kitea 20
ana oki e, te au totou ravarai i roto i
te tuatua i tataia ra, kare ia te mea
kimia e te tangata uorai. Kare oki 21
to te inangaro o te tangata i tae mai ei
te totou i taito ra; ko te au tangata
tapu ra o te Atua tei tuatua i ta te
Vaerua Tapu i tuku mai ia ra-
toui ra.

PENE II.

*Te akakite mamao nei a Petero i te
tupu anga o te apū pikikaa, e to
ratou mate.*

EPEROVETA pikikaa oki to roto 1
i te tangata i *muatangana*, e ka
riro katoa oki i te orometua pikikaaia
to roto ia kotou na, ko te ka akatupu
poiiri ua i te airesi mate ra, e te aka-
ruke anga i te Atua tei oko ia ratou
ra, i te apai anga mai i te mate viviki
ki runga ia ratou uorai. E e ma-
nganui te ka aru i ta ratou tuatua
mate; e no ratou e akakinoia'i te
arataa tuatua-mou ra. E no te noinoi
apinga ra, e apingatia ta ratou ia
kotou, i ta ratou tuatua pikikaa; kare
ra ta ratou utunga i akakiteia i taito
ra i tavare, e to ratou mate, kare ia i
varea e te moe. Kare te Atua i aka-
perepere i te au angela i rave i te ara
ra, tapeka atura ra ia ratou i te piri-
anganaoa ra o te poiiri i te po, kia
vaioia e kia tae ki te akava anga; E
kare i akaperepere i to te ao nei i taito
ra, akaora iora ra ia Noa i te tangata
i ako i te tuatua-tika ra, ko te toko-
varu ia i te aronga i akaoraia ra, ka
apai mai ei aia i te deluvi ki teianei ao
paieti kore ra; E akariro atura i
nga 'oire ra ko Sodoma e Gomora, ei
reu ai, uripu takiri atura ia ratou i te
akaapa anga atu, akariro atura oki ei
akaraanga na te aronga e tāpu i te
paieti kore a muri ake; E akaora
atura ia Lota tuatua-tika ra, ko tei
mamae i te tuatua viivii a te aronga
kino ra: (Mamae atura oki te ngakau
o taua tangata tuatua-tika ra, i te noo
anga i roto ia ratou, i te akara anga,
e te akarongo anga atu, i tera rā, o
tera rā, i ta ratou tuatua-tika kore;)

9 Kua kite mari te Atua i te akaora i te
aronga paieti i roto i te timataanga ra,
e te tāpu i te aronga tuatua-tika kore
e, kia tae ki te rā akava anga, kia
10 mate: E e maata atu rai i tei akono
ua i ta te tino ra, i te anoano viivii ra,
ko tei akavaavaa i te aronga i au ra;
e matakū kore, e te mūro i to ratou
uorai anoano, kare i matakū kia aka-
11 kino mai i te aronga teitei ra. Ka-
reka te au angela, ko tei maata ua atu
to ratou mana e te maroirori, kare
rava ia i tapepe akakino ia ratou ki
12 mua i te aroaro o te Atua ra. Kareka
teianei aronga, mei te au apinga ma-
nako kore, i angaia no te āru, e no te
mate, i te akakino anga i te au mea
kitea kore ia ratou ra, ka ope takiri ia
i te mate i to ratou uorai
13 kino, I te rauka anga i te utu-
nga o te tuatua-tika kore ra, i te aro-
nga e manako e mea meitaki kia kanga
i te ao ra. E topata ia, e kino ia, te
noo ra ma te kanga i ta ratou pikikaa;
ka kaikai ua'i ratou ma kotou katoa
14 ra; Kua ki to ratou mata i te akaturi,
kare oki e tivata i te rave i te ara, e i te
taē anga i te aronga tinamou kore; e
ngakau mātāu ua to ratou i te noinoi
15 apinga; e tamariki katarāia: Kua aka-
ruke ratou i te ara mou, tatipake atura,
i te aru anga i te arataa o Balaama a
Bosora, ko tei anoano i te tutaki o te
16 tuatua-tika kore ra; I akoia maira aia
i tana ra ara, na te asini tuatua kore i
tuatua tangata mai, kua akakore i te
17 aerenga nenova o taua peroveta ra. E
rua vai kore ia ratou; mei te tumurangi
peke aere ua i te uriaa ra, e no ratou te
poiiri kerekere i vaooia'i e tuatua ua atu.
18 Kia tuatua oki ratou i te tuatua maata
marikonga kore e te akatietie ra, te
vare ra ia ratou, no te maata o te ka-
nga e te anoano o te tino ra, i tei ora
takiri mai ana no roto i te aronga e
19 noo i roto i te apa ra. Te tuatua aka-
tiamā ra ia ratou, e o tuika oki ratou
uorai na te kino; ko ta te tangata oki
20 i vi ra, kua tuika aia kiaia. Kua ora
oki ratou i te viivii o teianei ao, i te
kite i te Atua ra, i te ora ia Iesu Mesia,
ka ii akaou atu ei, e kua vi rai ratou
i te reira, e kino maata ua atu tei to
21 ratou openga i tei muatangana. E
meitaki ake ia ratou naringa kare rava
i kite i te arataa tuatua-tika ra, eiaa e
kite ra ka ariu ke atu ei i te tuatua
22 tapu i tukuia mai ia ratou ra. Kua
tupu o nei ra ia ratou te potonga tua-
tua-tika ra e, "Kua oki te kuri ki tona
uorai ruaki, e te tinana i mā i tona
takaviri anga i te vari."

PENE III.

No te ōki anga mai o te Mesia i te akava anga, e te pou anga o te enua nei i te ai: te enua ou e te rangi ou: no te au epistole a Paulo.

EAKU au akaperepere e, te tata 1
atu nei au i te rua o te episetole ia
kotou i teianei; ei akaaraa atu i to
kotou ngakau pikikaa kore kia manako:
Kia manako ōki kotou i te tuatua i 2
tuatuaia mai e te au peroveta tapu i
muatangana, e te apiiia atu e matou e
te au aposetolo a te Atu ra a te Ora:
Kia kite ra kotou i teia e, kia tae ki te 3
āu rā openga ra, e kitea mai ei te aro-
nga taitoitō, i te akono anga i ta ratou
orai anoano, E te tuatua anga mai e, 4
Teiea ua te aerenga mai nona i kara-
ngaia ra? te vai ua nei rai ōki te au
mea katoa nei mei te moe anga mairai
o te ai metua ra, mei te maani anga 5
mairai o te enua ra. Kua inangaro
ōki ratou i te akangaro i teia e, na te
tuatua a te Atua tei anga i te rangi i
taito ra, e te enua i vai ki raro i te tai 6
e tei aranga ki runga i te tai: I mate
ei te reira enua i te tapoki anga e te
tai: Kareka te rangi e te enua e vai 7
nei, te tāpuia nei ia e taua tuatua ra
no te ai, kia tae ki te rā akavaanga, e te
mate o te aronga paieti kore ra. Au- 8
raka na ra e ngaro ia kotou i teianei
potonga tuatua, e aku au akaperepere,
okotai rai tu i te Atu te rā tai e te ma-
taiiti okotai tausani; e te mataiti oko-
tai tausani ra, okotai rai tu e te rā 9
okotai nei. Kare ua te Atu i akaroa-
ron i tana i tuatua maira, mei ta tetai
pae e karanga ra e, e akaroara; e
akakoromaki maata ra tona ia tatou,
kare rava i anoano e kia mate atu

tefai, kia rauka katoatoa ra te tātara-
raara.

- 10 E tae maira te rā o te Atu mei te
keia i te po ra: ka peke ke atu ōki
teianei rangi ma te paku maata, e
ngaro ōki te rudimena i te veravera
maata, e te enua ōki e te angaanga tini
11 ravarai ki runga, ka pou ia i te ai. E
teianei ka pou anake taua au mea ka-
toa nei, mei te aa ra to kotou tu e
12 tika'i i te tuatua tapu e te paieti; I te
tatarai anga, e te rapurapu anga atu, kia
tae mai taua rā o te Atua ra, te rā e
ngaro ei te rangi i te tutungia i te ai,
e e taravai ei te au rudimena i te vera-
13 vera maata? Te tatarai nei ra tatou i
te rangi ou e te enua ou tana i tuatua
maira, i te vai tika anga o te tuatua-
tika ra.
14 E teianei, e aku au akaperepere e,
ko te reira au mea ta kotou e tatarai
ana, ka akamaroiroi, kia rokoia mai
kotou e ia ma te au, ma te topata kore,
15 e te apa kore. E e karanga kotou i te
akakoromaki maata o to tatou Atu ra,
ko te ora ia; mei ta to tatou taekē
akaperepere ra mei ta Paulo i tata mai
ia kotou na, i te pakari i orongaia mai
16 kiaia ra: E tei roto katoa i tana ra au
episetole katoa i te tuatua anga mai i
teianei au mea: e e mea kimingata ōki
tai papaki, ta te aronga apii koreia ra,
e te tinamou kore, i ruri ke, mei ta ra-
tōu i ruri ke i te au tuatua i taitaia ra,
e riro atura ōki ei mate no ratou uao-
17 rai. E tenana, e aku au akaperepere
e, kua kite ana kotou i teianei au mea,
kia matakite ia kotou, kia kore kotou
e riro i te pikikaa a te tangata kikino
ra, e inga iora kotou i to kotou ma-
18 roiroi anga na. Kia tupu ra te aroa
ua ia kotou, e te kite i to tatou Atu ra,
i te ora, ia Iesu Mesia. Ei laia te
kakā i teianei e tuatau ua atu. Amēne.

TE EPISETOLE MUA A IOANE RA.

PENE I.

Ko Iesu te Logo ora, kua akakiteia mai; e mārama te Atua: ei te toto o Iesu e mātara'i te ara.

KO te Logo ra, ko te Ora, i vai 1
ana i muatangana ra, ko ta ma-

tou i akarongo akenei, ko ta matou i
kite akenei i to matou mata, e ko ta
2 matou i aa i to matou rima; (Kua aka-
kiteia mai ōki taua Ora ra, e kua
akara matou, e te akakite atu nei ma-
tōu, e te tuatua ua atu nei matou kia
kotou i taua Ora mutu kore, i vai i te

Metua ra, e i akakiteia mai kia matou nei;) Ta matou i akara, e ta matou i akarongo ra, ko ta matou ia e akakite au kia kotou na, kia tau katoa mai kotou kia matou nei, e tei te Metua mou ra to matou tau anga, e tei tana Tamaiti, tei ia Iesu Mesia ra. E i tata oki matou i teia tuatua kia kotou, kia rava tikai to kotou rekareka.

E teianei, teia ta matou tuatua i akarongo iaia ra, e te akakite atu nei kia kotou, e māmara te Atua, e kare rava e poiiri o roto iaia. Kia karanga tatou e, te tau nei tatou iaia, aere ua'i tatou na te poiiri, kua pikikaa tatou, e kare i akono i te tuatua-mou: Kia aere ra tatou na te mārama, mei iaia i roto i te mārama ra, te tau nei tatou ia tatou uaorai, e te mā nei tatou i ta tatou au ara ravarai i te toto o tana Tamaiti o Iesu Mesia. Kia karanga tatou e kare a tatou ara, te pikikaa nei tatou ia tatou uaorai, e kare te tuatua-mou i roto ia tatou nei. Kia aaki tatou i ta tatou ara, e tuatua-mou tana e te tika i te akakore anga mai i ta tatou ara, e te tamā anga ia tatou i te au tuatua-tika kore ravarai. Kia karanga tatou e kare na a tatou ara i rave, kua akariro tatou iaia ei pikikaa, e kare tana tuatua i roto ia tatou nei.

PENE II.

Ko Iesu to tatou Tika: e aroa tetai ki tetai e tika'i: te anoano i teianei ao: te akakakore Mesia: te tu o te aronga pikikaa, e te akatainu mou.

E AKU au tamariki ra, te tata nei au i teianei au tuatua kia kotou, kia kore kotou e rave i te ara. Kia rokoia atura tetai tangata i te ara, e Tika to tatou tei ko i te Metua ra, ko Iesu Mesia tuatua-tika ra: Koia oki te tarangara i ta tatou nei ara; kare oki i ta tatou anake ra, i ta to te ao katoa nei ra. Teia te mea e kite ei tatou e kua kite tatou iaia, kia akono tatou i tana au akauenga. Ko tei karanga e, kua kite au iaia, e kare aia i akono i tana au akauenga, e pikikaa aia, kare te tuatua-mou i roto iaia. Ko tei akono ra i tana ra tuatua, kua meitaki tikai te anoano i te Atua i roto iaia: ko te mea i kite ei tatou e, tei roto tatou iaia ra. Ko tei karanga e te piri ra aia iaia, e akauarite i tona uaorai aerenga mei tona katoa ra aerenga e tika'i.

E aku au akaperepere e, kare i te akauenga ou taku e tata atu kia kotou na, ko te akauenga taito ra, ta kotou

i kite mei muatangana mairai. Ko te tuatua ta kotou i akarongo mei muatangana maira, ko te akauenga taito ia. Te tata atu nei oki au i te akauenga ou kia kotou, e te tuatua-mou tana tuatua nei iaia e ia kotou katoa oki: no te mea kua peke ke te poiiri, e te kakā maira te mārama mou i teianei. Ko tei karanga e tei roto aia i te mārama, e kare i aroa i tona taake, tei roto rai aia i te poiiri i teianei rai. Ko tei aroa i tona taake, tei roto rai ia i roto i te mārama, e kare e turoranga i roto iaia. Ko te kore e aroa i tona taake, tei roto ia, tei te poiiri, e te aere ua ra na roto i te poiiri, e kare aia i kite i taua ngui tana e aere ra, no te mea kua akapoiia tona mata i te poiiri.

Te tata atu nei au i te tuatua kia kotou, e te au tamariki ra, no te mea kua akakoreia ta kotou au ara i tona ingoa. E te au metua ra, te tata atu nei au i te tuatua kia kotou, no te mea kua kite kotou iaia mei muatangana mairai. E te au tangata ou ra, te tata atu nei au i te tuatua kia kotou, no te mea kua vi taua vaerua kino ra ia kotou. E te au tamariki ra, te tata atu nei au i te tuatua kia kotou, no te mea kua kite kotou i te Metua ra. I tata atu na au i te tuatua kia kotou, e te au metua ra, no te mea kua kite kotou iaia mei muatangana mai. I tata atu na au kia kotou, e te au tangata ou ra, no te mea te maroiro na kotou, e te vai ra te tuatua a te Atua i roto ia kotou na, e kua vi taua vaerua kino ra ia kotou. Auraka e anoano i teianei ao, e te au mea ravarai o teianei ao. Ko te tangata i anoano i teianei ao ra, kare te anoano o te Metua i roto iaia ra. Ko te au mea ravarai o teianei ao, ko te anoano tika kore o te tino nei, e te anoano tika kore o te mata nei, e te akatiētiē o te ora anga nei, kare ia i to ko mai i te Metua ra, no teianei ao anake ia. Te ngaro ke nei teianei ao, ma ta to te ao katoa e anoano nei: ko tei akono ra i to te Atua ra anoano, e tika ia i te ora anga e tuatua ua atu.

E aku au tamariki ra, ko te tuatua openga ra teia: e ta kotou i akarongo ra e, te aere maira taua akakakore Mesia ra, koia katoa i teianei, e manganui te akakakore Mesia e vai nei; i kite ei tatou e, ko taua tuatua openga ra teia. Aere atu ra ratou mei roto atu ia tatou nei, kare ra ratou i to tatou; naringa oki ratou no tatou ra, kua noo ra ia

Ki o tatou nei: aere atura ra ratou, katea meitakiia ratou e, kare ratou katoa i to tatou. Kareka ko kotou, 20 e akatainuanga tei rauka ia kotou, ko mai i te Vaerua Tapu; e kua kite kotou i te au mea katoa ra. Kare 21 i to te mea kare kotou i kite i te tuatua-mou i tata atu ei au i teianei tuatua kia kotou, no te mea ra kua kite, kare te tuatua pikikaa to roto i te tuatua-mou. Koai te pikikaa mari 22 ra ko tei karanga e kare a Iesu i te Mesia? Koia taua akakakore Mesia ra, ko tei uuna ia i te Metua e te 23 Tamaiti katoa oki. Ko tei uuna i te Tamaiti ra, kua ngere katoa ia i te Metua: E tenana, kia vai marie rai 24 ta kotou i akarongo i muatangana ra i roto ia kotou. Kia vai marie rai ta kotou i akarongo i muatangana i roto ia kotou na, e tika katoa oki to kotou kapiti anga atu i te Tamaiti e te Metua katoa oki. E teia oki taua 25 meitaki tana i tuatua mai no tatou ra, ko te ora mutu kore.

No te aronga e pikikaa mai ia kotou 26 na teianei taku e tata atu kia kotou na. Kareka kotou, ko taua akatainu 27 i rauka ia kotou iaia ra, te vai ra ia ki roto ia kotou, eina atu kotou e apiia mai e etai ke: mei ta taua akatainu ra e apii mai ia kotou i te au mea ravarai, e e mea mou oki te reira, kare i te pikikaa, mei te reira i apii mai ia kotou na, ka topiri atu rai kotou iaia.

E teianei, e aku au tamariki ra, ka 28 topiri atu rai kotou iaia; kia maroiroi tatou kia mama mai aia ra, kia kore tatou e rokoia e te akama ki mua i tona aroaro kia tae mai aia ra. Te kite 29 ra kotou e, e tuatua-tika tana, kua kite katoa oki kotou e, ko te aronga katoa i rave i te tuatua-tika ra, e mea anau anake ia nana.

PENE III.

Te meitaki o tei akariroia ei tamariki na te Atua: ei aroa taeake rai: e maata te Atua i to tatou ngakau.

KA akara na i te tu o to te Metua 1 aroa ia tatou nei, ko tatou i tapai mai e e tamariki na te Atua: i kore ei to teianei ao i kite ia tatou, no te mea kare katoa i kite iaia.

E aku au akaperepere e, e tamariki 2 tatou na te Atua i teianei, kare ra i kitea i to tatou tu a muri atu: kua kite ra tatou e kia mama mai aia ra, e riro tatou mei iaia katoa te tu; e kite oki tatou iaia i tona tu tikai. E te ta- 3

ngata ravarai tei roto iaia taua manakonako nei, te akameitaki ra ia iaia uorai, mei iaia katoa e meitaki ra. 4 Ko tei rave i te ara ra, kua akaapa ia i te ture: ko te akaapa oki i te ture ra, 5 ko te ara ia. E kua kite oki kotou e, i akakiteia mai aia ei akakore i ta tatou ara; e kare rava oki e ara o roto iaia. 6 Ko tei piri atu iaia ra, kare ia i rave i te ara; ko tei rave i te ara, kare ia i akara iaia, kare oki i kite iaia. 7 E aku au tamariki e, auraka rava e vavare i te tangata: ko tei rave i te tuatua-tika ra, e tangata tuatua-tika ia, mei te Mesia tangata tuatua-tika 8 ra. Ko tei rave i te ara ra, no te diablo ia; i rave ana te diablo i te ara mei muatangana mairai. No reira i akakiteia mai ei te Tamaiti a te Atua ra, kia akakore aia i te angaanga a te 9 diablo ra. Ko ta te Atua i anau ra, kare ia e rave i te ara; te vai ra oki tana ua i roto iaia: e kare e tika iaia kia rave i te ara, no te mea kua akaa- 10 nauia mai aia e te Atua. Ko te mea teia e kiteni te tamariki a te Atua, e te tamariki a te diablo; ko tei kore e rave i te tuatua-tika ra, kare ia i to te Atua, kare katoa tei kore e aroa i tona 11 taeake. Teia oki te tuatua ta kotou i akarongo mei muatangana mai, kia aroa 12 tatou ia tatou uorai. Auraka mei ia Kaina, no taua vaerua kino ra aia, e tamate rava atura i tona teina. E eaa aia i ta atu ei iaia? No te mea e tuatua kikino tana uorai, e e tuatua-tika ta tona teina.

13 Auraka kotou e va ua, e aku au taeake, kia riri mai to teianei ao ia kotou. Kua kite tatou e mei te mate mai tatou, e tei te ora mai nei, no te mea te aroa nei tatou i te au taeake. Ko tei kore e aroa i tona taeake, te vai 15 ra ia i roto i te mate. Ko te riri i tona taeake, e ta tangata ia: kua kite oki kotou e, kare o te ta tangata ra e ora 16 mutu kore e vai i roto iaia. Ko te mea teia i kite ei tatou i te aroa, ko te Mesia i oronga i tona uorai ora no tatou: e kia oronga katoa tatou i to tatou 17 ora no te au taeake e tika'i. Te tangata ra tei iaia te apinga o teianei ao, e kite atura aia i tona taeake i te ngere anga, e karapi atura tona ngakau iaia, teica te anoano i te Atua i te noo anga i roto iaia?

18 E aku au tamariki ra, auraka to tatou i te aroa vaa ua, e te aroa arero; 19 ei aroa rave ra, ei mea mou. Ko te mea teia e kite ei tatou e, no te tuatua-mou tatou, e e kore ei to tatou ngakau 20 e matakui i mua iaia. Kia akaapa mai

oki to tatou ngakau ia tatou, e maata te Atua i to tatou ngakau, e kua kite aia i te au mea katoa nei.

E *aku* au akaperepere e, kia kore to tatou ngakau e akaapa ia tatou, kare o tatou e taitaiaanga i reira i te Atua ra. E ta tatou e pati atu *iaia* ra, e rauka ia ia tatou, no te mea te akono nei tatou i tana au akauenga, e te rave nei i te au mea e mareka'i aia ra. Teia oki tana akauenga, kia akarongo tatou i te ingoa o tana Tamaiti o Iesu Mesia, e e aroa tatou ia tatou uao-rai, mei tana oki i akane maira. Te akono ra i tana ra au akauenga, te noo ra ia aia i roto iaia, e te *noo maira* aia i roto i taua tangata ra: teia te mea i kite ei tatou e te noo maira aia i roto ia tatou nei, ko te Vaeua tana i oronga mai kia tatou nei.

PENE IV.

Auraka e vavare i te au vaeua: kare e tataka ke te anoano i te Atua e te aroa taeake.

E *AKU* au akaperepere e, auraka e akarongo atu i te au vaeua rava-rai, e timata ra i taua au vaeua ra, kia kitea e, no ko mai aia i te Atua ra: no te mea e manganui te peroveta piki-kaa i aere atu na na te ao nei. Teia te mea e kite ei tatou i te Vaeua o te Atua ra; Ko te au vaeua e tuatua e, kua aere a tangata mai nei i Iesu Mesia, no ko mai ia i te Atua ra: E te au vaeua kare e tuatua e kua aere a tangata mai i Iesu Mesia i te ao nei, kare ia i to ko mai i te Atua ra: ko taua vaeua akakakore Mesia ra te reira, ta kotou i akarongo ra e, te aere maira; tei te ao mai nei oki aia i teianei rai.

No te Atua kotou, e *aku* au tamariki ra, e kua vi ratou ia kotou: no te mea e maata aia ko tei roto ia kotou, i tei roto i to te ao nei. No teianei no ratou; i tuatua'i ratou i te tuatua o teianei ao, e e akarongo to teianei ao ia ratou. No te Atua tatou: ko tei kite i te Atua ra, e akarongo mai ia ia tatou nei; e kare aia i to te Atua ra, kare ia e akarongo mai ia tatou. Ko te mea teia e kite ei tatou i te vaeua tuatua-mou, e te vaeua tuatua apa.

E *aku* au akaperepere e, e aroa tatou ia tatou uao-rai, no ko mai oki te aroa i te Atua ra; e ko tei aroa ra, kua akanau anakeia ia e te Atua, e kua kite oki aia i te Atua. Ko tei kore e aroa ra, kare ia i kite i te Atua; ko te Atua te aroa. Kua kitea to te Atua aroa ia

tatou nei, koia i tono mai i tana Tamaiti anau tai ki te ao nei, kia ora tatou iaia. Ko te aroa *mou* teia, kare ia na tatou i aroa atu i te Atua, koia ra tei aroa mai ia tatou nei, e kua tono mai i tana Tamaiti ei tarangaara i ta tatou nei ara.

11 E *aku* au akaperepere e, i pera te Atua i te aroa anga mai ia tatou nei, kia aroa katoa tatou ia tatou uao-rai e tika'i. Kare akera i tangata i akara atu i te Atua e teia noa'i oki. Te aroa nei tatou ia tatou uao-rai, te noo nei te Atua i roto ia tatou nei, e kua meitaki 13 rava tona aroa ia tatou nei. Ko te mea teia i kite ei tatou e, te noo nei tatou i roto iaia, e te *noo nei* aia i roto ia tatou nei, no te mea kua oronga mai 14 aia i ta tona Vaeua ia tatou nei. Kua akara akenei matou, e te akakite ua nei matou e, kua unga mai te Metua i te 15 Tamaiti ei Ora no to te ao. Ko te aaki ua e ko Iesu te Tamaiti a te Atua, te noo ra te Atua i roto iaia, e te noo 16 ra aia i roto i te Atua. Kua kite oki tatou e, kua akarongo tatou i to te Atua aroa ia tatou nei. Ko te Atua te aroa; e ko te noo i roto i te aroa ra, te noo ra ia i roto i te Atua, e te *noo ra* te Atua i roto iaia ra.

17 Ko te mea teia e meitaki rava'i to tatou aroa, kia rauka oki ia tatou te matakau kore kia tae ki te rā akava anga ra; no te mea mei tona katoa to 18 tatou tu i teianei ao. Kare o te aroa ra e matakau; e peke te matakau i te aroa meitaki rava: e mamea oki tei te matakau. Ko tei matakau ra, kare ia i 19 meitaki rava i te aroa. Te anoano nei tatou iaia, no te mea koia ana tei ano- 20 ano mai ia tatou nei. Kia karanga tetai tangata e, Te anoano nei au i te Atua, e kare i aroa i tona taeake, e pikikaa aia; ko tei kore e aroa i tona taeake tei akaraia e ia ra, e na e tika'i iaia kia anoano i te Atua tei kore i 21 akaraia e ia ra? Teia oki ta tatou akauenga i rauka mai iaia ra e, Ko tei anoano i te Atua ra, kia aroa aia i tona taeake.

PENE V.

Ko tei anoano i te Atua ra, kia aroa i tana tamariki e tika'i: nga akatika i te enua nei, e nga akatika i runga i te rangi: e akarongoia te pure: te ara mate kore: ko Iesu Mesia te tuatua-mou.

1 **K**O tei akarongo e ko Iesu te Mesia *mou*, kua akaanauia aia e te Atua: e ko tei anoano i tei akaanau ra, te anoano katoa ra ia i tei akaanauia e

ia ra. Teia te mea i kite ei tatou e te aroa nei tatou i te tamariki a te Atua : kia inangaro tatou i te Atua, e kia akono i tana au akauenga. Teia oki te inangaro i te Atua, ko te akono i tana au akauenga ; kare oki tana au akauenga i te mea teia. Ko ta te Atua oki i anau ra, te vi nei teianei ao iaia : teia te mea i vi ei teianei ao ia tatou, ko to tatou akarongo. Koai te tangata i vi ei teianei ao iaia, mari ra ko tei akarongo e, ko Iesu te Tamaiti a te Atua ?

Ko tei aere mai ma te vai e te toto, ko te Mesia ra ko Iesu : eiaa mā te vai anake ra, mā te vai ra e te toto ; e ko te Vaerua tei akatika mai, e e tuatua-mou oki ta te Vaerua. Toko toru oki akatika ki runga i te rangi, ko te Metua, ko te Logo, e ko te Vaerua Tapu : e ko taua toko toru ra oki, okotai ra ia. E toru oki e akatika i te enua nei, ko te Vaerua, ko te vai, e ko te toto : ko taua toru nei oki, te tau nei i te tuatua okotai. Te āriki nei tatou i ta te tangata nei akatika, e maata atu ia te akatika a te Atua : teia oki taua akatika a te Atua ra, ko te tuatua o tana Tamaiti tana i akakite maira. Ko tei akarongo i te Tamaiti a te Atua ra, tei roto iaia uarai te kite : ko tei kore i akarongo i te Atua ra, kua al ariro ia iaia ei pikikaa ; koia kare i akarongo i te tuatua a tana Tamaiti ta te Atua i akakite maira. Teia oki taua tuatua ra, kua oronga mai te Atua i te ora mutu kore no tatou, e tei tana Tamaiti oki taua ora nei. Tei iaia te Tamaiti ra, tei iaia katoa taua ora nei ; e kare

iaia te Tamaiti a te Atua ra, kare katoa ona e ora.

- 13 I tata au i teianei tuatua ia kotou i te arunga i akarongo i te ingoa o te Tamaiti a te Atua ra ; kia kite kotou e e ora mutu kore to kotou, e kia akarongo rai kotou i te ingoa o te Tamaiti a te
- 14 Atua. Teia taua taitaia kore no tatou i rauka iaia ra, kia pati na atu tatou i te au mea ravarai i tau iaia ra, te aka-
- 15 rongo maira aia ia tatou : E te kite nei tatou e te akarongo maira aia ia tatou i te au mea ta tatou i pati atu, kua kite tatou e e rauka ia tatou i ta tatou i pati
- 16 atu iaia ra. Kia kite tetai tangata i tona taeake i te rave anga i te ara mate kore ra, e pure aia e na te Atua e oronga mai i te ora nona no tei rave i te ara mate kore ra. Te vai ra te ara mate rava : kare au i karanga e e pure
- 17 te tangata i te reira. E ara anake rai te au tuatua-tika kore katoa nei : e te vai nei oki te ara mate kore.
- 18 Kua kite oki tatou e ko ta te Atua i anau, kare ia e rave i te ara ; ko ta te Atua ra i anau ra, te tiaki ra ia iaia uarai, e kare taua vaerua kino ra e
- 19 rave mai iaia. Kua kite oki tatou e no te Atua tatou, e te vai na nei rai to te no ravarai i raro ake i taua vaerua
- 20 kino ra. Kua kite ra tatou e, kua tae mai te Tamaiti a te Atua, e kua oronga mai i te kite no tatou, kia kite tatou iaia i te Atua mou ra, e tei roto tatou iaia i te tuatua-mou ra, tei roto i tana Tamaiti ra ia Iesu Mesia. Koia te Atua mou, e te ora mutu kore.
- 21 E aku au tamariki ra, e matakite ia kotou i te au idolo ra. Amene.

. TE EPISETOLE RUA A IOANE.

Te ako ra aia kia tamou tikai te aroa e te akarongo : kia matukite i tei apai mai i te tuatua ke.

TE peresibutero ra ko Ioane i te vaine i ikiia ra, e tana katoa au tamariki, ko taku e aroa i te tuatua-mou nei : kare ra ko au anake, ko te aronga katoa ra i kite i te tuatua-mou ra ; No te tuatua mou e vai i roto ia

tatou nei, e e vai rai i roto ia tatou e 3 tuatau ua atu. Ei ia kotou te aroa ua, te takinga-maitaki, e te au, no ko mai i te Atua Metua ra, e no te Atua oki no Iesu Mesia, i te Tamaiti a te Metua ra, i te tuatua-mou e te aroa.

4 E rekareka maata toku i toku kite anga atu i tetai aronga i taua tamariki i te akono anga i te tuatua mou, mei te akauenga i rauka ia tatou no ko mai i 5 te Metua ra. E teianei, teia taku tua-

tua, e maine, kare mei te mea e te tata
 atu nei au i te akauenga ou ia koe na,
 ko tei rauka maira ia tatou mei mua-
 tangana mairai e, e aroa tatou ia
 tatou uorai. Teia oki taua aroa nei, 6
 kia akono tatou i tana au akauenga.
 Teia taua akauenga ra, mei ta kotou i
 akarongo mei muatanga maira, kia
 pera kotou i te aere. Manganui oki 7
 te pikikaa i riro atura na te ao nei, ko
 tei kore e tuatua e, kua aere a tangata
 mai a Iesu Mesia i te ao nei. Ko taua
 pikikaa ra oki te reira, e akakakore
 Mesia ia. E matakite ia kotou uao- 8
 rai, kia kore tatou e ngere i tei ravela
 e tatou ra, kia rauka ra ia tatou te
 tutaki mou. Ko tei rave i te ara ra, e 9
 kare i tūpu tamou tikai i te tuatua a
 te Mesia ra, kare iaia te Atua. Ko

te i tūpu tamou tikai te tuatua a te Me-
 sia ra, tei iaia te Metua e te Tamaiti
 10 katoa oki. Kia aere ua mai tetai tan-
 ngata ia kotou na, e kare teia tana
 tuatua i apai mai, auraka e akatomo
 mai iaia ki roto i to kotou au are, au-
 raka e karanga atu iaia e, Kia ora na i
 11 te aerenga: Ko tei karanga aru oki
 iaia e, Kia ora na i te aerenga, kua ka-
 piti atu ia iaia i tana au tuatua ki-
 kino.
 12 E manganui taku tuatua kia tata
 atu kia kotou na, kare ra au i anoano
 i te tuta i te inika ki runga i te mea
 pepa; te manako nei ra au e aere ua
 atu kia kotou na, kia aravei ua ka tua-
 tua'i, e kia tika rava to tatou rekareka
 13 anga. Te aroa nei te au tamariki a to
 taeake ikiia nei ia koe na. Amene.

TE EPISETOLE TORU A IOANE RA.

*Te akameitaki nei ia Gaio, e ia Deme-
 terio, te akakino nei oki te akateitei o
 Dioterepe ra.*

TE peresibutero ra ko Ioane ia Gaio 1
 i akaperepereia ra, ko taku oki e
 aroa nei i te tuatua-mou.

E taku akaperepere e, te inangaro 2
 nei au kia meitaki koe i te au mea
 ravarai, e kia ora to tino ma to vaerua
 e ora na. E rekareka maata toku i te
 aere anga mai o te au taeake ra, ko tei
 akakite mai i te tuatua-mou ia koe na,
 mei taua rai oki e akono i te tuatua-
 mou. Kia kite au e, te aere ra taku 4
 au tamariki na te tuatua-mou, kare
 oku e rekareka anga maata atu.

E taku akaperepere e, e mea tika 5
 taua i rave i te au taeake ra, e te
 tangata ko ke katoa oki; Kua akakite
 mai ratou i taua takinga-meitaki noou
 i mua i te aroaro o te ekalesia nei; e
 mea meitaki ia ia koe kia tauturu koe
 ia ratou i to ratou tere, i tei tau i te ta-
 vini o te Atua: No te mea no tonu
 ingoa i aere ei ratou, kare i rave i ta te
 etene ra. Kia āriki oki tatou mei te
 reira te tu e tika'i, kia riro tatou ei
 aronga rave angaanga katoa i te tuatua-
 mou nei. I tata na au i te tuatua i te 9

ekalesia na: ko Dioterepe ra, ko tei
 akateitei iaia uorai ki rungao ia ratou
 10 ra, kare aia e āriki mai ia matou. E
 teianci, kia tae atu au ra, kare e ngaro
 iaku tana e rave ra, i te tuatur aere-
 anga ia matou i te tuatua akakino ra;
 kare oki e mareka i te reira anake ra,
 kare katoa aia uorai e kite mai i te au
 taeake, e te aronga oki i kite maira,
 kua akakore aia, e kua tuku i te reira
 ki vao i te ekalesia.

11 E taku akaperepere e, auraka e aru
 atu i te tuatua kino, i te tuatua mei-
 taki ra. Ko tei rave i te meitaki ra,
 no te Atua aia; ko tei rave i te kino
 12 ra, kare ia i kite i te Atua. Te aka-
 tikaia nei a Demeterio e te tangata
 ravarai, e te tuatua-mou katoa oki: e
 te akatika katoa nei matou; e kua kite
 oki kotou e e tuatua-mou ta matou
 akatika nei.

13 E manganui taku tuatua kia tata
 atu, kare ra au e tata atu i te tuatua
 14 ia koe i te peni e te inika: Te manako
 nei ra au, e kite atu au ia koe kia roa
 potō ake, e aravei ua to taua mata ka
 tuatua'i. Ei au toou. Te aroa atu
 nei te au oa nei ia koe. E aroa atu
 koe i te au oa na ma te akaiki atu i te
 ingoa.

TE EPISETOLE A TE APOSETOLO RA A IUDA.

Te ako rā Iuda e kia tamou i te akarongo: te aronga pikikaa i akao poiiri ua mai ki roto i te ekulesia: te utunga o te ngati Iuda paieti kore, te au angela, e to Sodomā ma: ko Mikaela e Satani: te tuatua a Enoka, e ta te au aposetolo: e aruaru kia ora te tangata i te kino.

KO Iuda, e tavini no Iesu Mesia, e e taeake oki no Iakobo, i te aronga i akatapuia e te Atua Metua ra, tei tiakia i roto ia Iesu Mesia, i te aronga i nominoia ra: Kia maata mairai te aroa, e te au, e te inangaro, ia kotou.

E aku au akaperepere e, te rapu-rapu atu nei au i te tata anga atu ia kotou i te tuatua i te ora no te tangata ravarai nei, i manako akenei au e tata atu i te tuatua ia kotou na e tika'i, ei ako anga atu ia kotou kia taumāro tika'i kotou i te akarongo i tukuia mai i te aronga tapu rai muatangana. Kua akao poiiri ua mai oki tetai papaki tangata ki roto, ko tei akairo takereia na no taua mate nei: e aronga paieti kore, ko tei ruri ke i te aroa ua o te Atua ei kangaanga, e te akaruke anga i te Atua okotai ra i te Atua, i to tatou Atua ia Iesu Mesia ra.

E akakite atu rai au ia kotou i teianei tuatua, kua kite ra kotou i muatangana, e akaora ua rai te Atua i te tangata i te enua ra i Alphiti, rave maie takiri rava atura aia i te aronga akarongo kore i muri ake. E te au angela katoa ko tei kore i akono i ta ratou orai taoonga ra, akaruke iora ra i to ratou noonga tika'i, ko tei tapekaia ia e ia i te pirianganaoa matara kore ki raro ake i te poiiri, e tae ua atu ki te akavaanga i te rā maata ra. Mei ia Sodomā oki e Gomora, e te au oire katoa i waitata ra, ko tei tuku na ia ratou uaorai i te ravenga kanga ra, e te anoano tika kore mei ia raua katoa ra, ko tei akonoia ei akaraanga, i te rave

anga i te mate i te ai mate kore ra.

8 Mei te reira katoa teianei aronga i varea e te moe maata, te akaviivii nei i te tino, te akavaavaa nei i te au kavana, e te akakino nei i te aronga tao-

9 onga. Kare ra te angela maata ra ko Mikaela, ka taumāro ei raua ko te diabolō i te tino o Mose ra, i tapepe atu iaia ma te akakino atu iaia, na ko atu ra e, "Na lehova e patoi atu ia

10 koe." Kareka teianei aronga, te akakino nei ia i te au mea kitea koreia e ratou; e te au mea ta ratou i kite aere

ua mei te au mea manako kore e kite ra, te akatupu nei ratou i to ratou

11 mate i te reira. E mate to ratou! kua aere oki ratou na te ara tiroa o Kaina ra, kua aru viviki ua oki i te

12 apa a Balaama ra no te tutaki, e kua mate oki i te taumāro anga a Kora ra. E topata ia ratou i ta kotou au kainga-

13 kai aroa ra; kia kai ratou ma kotou katoa ra, te kai ra ia ma te matakū kore: e tumurangi vai kore ra ratou,

e peke aere ua i te matangi ra; e rakau marō ra, kare e uua anga, taki

14 rua te mate, kua kiriti tumuia: Mei te ngaru tai viviki ra i te akaruaiki anga mai i to ratou uaorai kino; mei

te etu kokaua ra, no ratou te poiiri kerekere i vaioia ra e tuatau ua atu. 14 Ko Enoka oki, te tokoitu mei ia Adamu maira, ko tei totou ia i teianei aronga, i te na ko anga mai e, "I

na, te aere maina te Atua ma te ngauru katoa o te tausani o tana aronga tapu 15 ra, E akautunga mai i te tangata katoa, e e akakite oki i te au paieti kore katoa i roto ia ratou i ta ratou au tuatua paieti kore katoa i raveia e ratou ra, e te au tuatua māro katoa a te aronga ara paieti kore i karanga iaia

16 ra." E aronga urutoe ratou, e mareka kore, i te aru anga i to ratou uaorai au inangaro kikino ra; e te karanga anga oki to ratou vaa i te tuatua mamaata akatietie ra, e te akarekareka anga i te tangata kia rauka te apinga.

Ka akamaara ra kotou, e aku au 17
 akaperepereia e, i te tuatua i tuatuaia
 mai i muatangana e te au aposetolo a
 to tatou Atu ra a Iesu Mesia; Ta ra- 18
 tou i tuatua maira e, Ka kitea mai te
 aronga taitoito kia tae ki te tuatau
 openga ra, i te akono anga i to ratou
 uorai au anoano paieti kore ra. Ko 19
 te aronga ia i akataka ke ia ratou uaorai,
 tei ta te tino, ko tei kore i rauka ia
 ratou te Vauerua ra. Kareka kotou, e 20
 aku au akaperepere e, i te patu anga ia
 kotou uaorai, i to kotou akarongo tapu
 maata ra, i te pure anga ma te Vauerua
 Tapu. Tamou tikai kotou i to kotou 21
 uaorai inangaro i te Atua, i te tatari

anga i te aroa o to tatou Atu o Iesu
 Mesia, e tae ua atu ki te ora mutu
 22 kore ra. Ka aroa atu i tetai pae, ei
 23 akonoanga ke ia, E ka akaora oki i
 tetai pae ma te matakū, i te aō anga ia
 ratou no roto i te ai; i te rikarika
 anga atu i te kakau i viivii i te
 kino ra.
 24 E teianei, ei iaia, ei te tika iaia i te
 tiaki ia kotou kia kore e inga, e te
 tuku atu ia kotou ma te apa kore ki
 mua i te aroaro o tona kakā ma te
 25 rekareka maata, Ei te Atua pakari
 anake, i to tatou Ora ra, te kakā,
 te tapunui, te au, e te maroiroi, i teianei
 oki, e tuatau ua atu. Amene.

TE APOKALUPO A IOANE.

PENE I.

*Te tata nei a Ioane i te tuatua i nga
 ekalesia e itu ra: te teitei e te mana
 o te Mesia: tei te enua tei Patamo
 tona riro anga i te Vauerua: te
 orama i te Tumaiti a te tangata,
 nga etu e itu, e nga lamepa e itu.*

TE apokalupo a Iesu Mesia, ta te 1
 Atua i tuku mai iaia ra, kia aka-
 kite atu iaia i tona au tavini i te au
 mea e vaitata i te tupu ra; e kua unga
 maira iaia i tana au angela e kua aka-
 kite maira ki tona nei tavini ia Ioane:
 Ko tei akakite i te tuatua a te Atua, e 2
 te tuatua a Iesu Mesia ra, e te au mea
 ravarai tana i kite ra. E ao tona to 3
 tei tatou, e to te aronga e akarongo i
 teianei tuatua totou, e tei akono i tei
 taitaia ki roto ra: kua vaitata oki te
 tuatua.

Ko Ioane i te au ekalesia katoa e itu 4
 i Asia ra: Ei ia kotou te aroa ua, e te
 au, no ko mai iaia no te ora i teianei,
 tei ora ana oki, e te ka ora e tuatau ua
 atu; e no ko mai oki i te au Vauerua
 toko itu i mua i tona terono; E no ko 5
 mai oki ia Iesu Mesia, i te kite tuatua-
 mou ra, te tama mua mei te mate
 maira, e te ariki o te au ariki o te ao
 nei. Ei iaia, ei tei aroa mai ia tatou
 nei, e kua tamā ia tatou i ta tatou ara i
 tona uaorai toto, E kua akariro ia ta- 6

tou ei ariki anake, e ei taunga na te
 Atua i tona Metua; ei iaia te kakā, e
 te au, e tuatau ua atu. Amene.

7 I na, te aere mai na iaia i roto i te
 tiaō rangi; e akara te au mata katon
 iaia, e te aronga i ko atu iaia ra: e ka
 aue te au kopu ravarai o te ao nei iaia.
 8 Koia ia. Amene. Te na ko maira te
 Atu ra, Ko au te Alepha e te Omega,
 te muatangana e te akaopenga, ko te
 ora i teianei, ko tei ora na, e ko te ka
 ora e tuatau ua atu, te Mana katou-
 toa ra.
 9 Ko au nei ko Ioane, ko to kotou
 taeako, e te oa oki, i te tumatetenga, i
 te basilica e te akakoromaki o Iesu
 Mesia ra, i te enua au i karangaia ra e
 ko Patamo, no te tuatua a te Atua ra, e
 no toku akakite anga ia Iesu Mesia ra.
 10 I riro au i te Vauerua i te rā o te Atu
 ra, e akarongo akera au i tetai reo
 maata i muri ake iaku, mei te tangi
 11 pu ra, I te na ko anga mai e, Ko au
 te Alepha e te Omega, te muatangana
 e te akaopenga: e taau e kite nei, e
 tata ki roto i tetai buka, e akau atu ei
 ki nga ekalesia e itu i Asia ra; i tei
 Ephesia ra, e Semurina, e Peregamo,
 e Tuatira, e Saradi, e Philadelphia, e
 12 Laodikea ra. Kua ariu akera au e
 akara i taua reo i tuatua mai iaku ra:
 e tei taua ariu anga noku ra, kite
 13 atura au i e itu lamepa auro; E tetai
 mei te Tumaiti a te tangata tei tu i

rotopu i taua nga lamepa e itu ra, kua kakau i te kakau e raro rava i te vae-vae, kua tatuaia te umauma i te tatua auro ra. E tona upoko ma te rauru 14 ra, mei te vavai ra ia te teatea, mei te kiona te teatea; e mei te mura ai ra ona mata; E mei te veo meitaki i 15 tungia i te ai ra ona vae-vae: e tona reo mei te aruru ia o te tai maata ra. Te 16 mou ra tona rima katau e itu etu: e te riro atura tetai koke kokoi matarua mei roto atu i tona vaa: e tona mata, mei te rā ra ia kia kakā mai i te avatea ra. E i toku akara anga atu iaia ra, 17 inga iora au ki raro i tona pae vae-vae mei te tangata mate ra te tu. Kua tuku maira aia i tona rima katau ki rungao iaku, e kua na ko maira iaku, Auraka e matakū; ko au te mua-tangana e te akaopenga: Ko au teia e 18 ora nei, i mate ana rai oki; e i na, e ora atu rai au e tuatua ua atu, amene; e tei iaku te taviri o te mate e to ade. E tenana, e tata koe i te au mea tauu i 19 kite io nei, e te au mea e vai nei, e te au mea te ka tupu a muri nei; Te arite 20 anga o nga etu e itu tauu i akara mai i taku rima katau nei, e nga lamepa auro e itu nei, *ko teia ia*, Nga etu e itu nei, koia nga angela a te au ekalesia e itu ra; e nga lamepa e itu tauu e akara nei, koia nga ekalesia e itu ra.

PENE II.

Te tuatua i tataia i te au angela a te au ekalesia i Ephesia, Semurina, Peregamo, e Tuatira: e akautungaia ratou kia kore e tatarara.

KA tata koe i te tuatua ki te angela 1
a te ekalesia i Ephesia ra; Te na ko maira aia ko tei mou i nga etu e itu i tona rima katau ra, ko te aere na roto i te au lamepa auro e itu ra; Kua kite au i tauu angaanga, e toou 2
roi-roi, e toou akakoromaki, e kare koe e tau i te aronga kikino ra: e kua timata koe i te aronga o tuatua ra e, e aposetolo ratou, e kare, e kua kite koe e pikiaa ratou: E kua akatupua ua 3
koe, e kua akakoromaki marie, no toku nei ingoa, e kua tauta marie, e kare i potopoto to a'o. Te vai nei ra taku 4
akaapa anga ia koe, i te mea kua vaio koe i to inangaro mua ra. E tenana, 5
ka maara i toou inga anga, e tatarara, e rave i te angaanga mua ra; kia kore ra, e aere vave atu au ia koe na, e e apai keia e au tauu lamepa i tona vai-ranga, kia kore koe e tatarara. Teia 6
ra tauu *manga meitaki* e tāpu na, te akaviivii na koe i te tuatua a te au

pipi a Nikola, ko taku katoa e viivii 7
nei. E taringa tona ra, ka akarongo aia i ta te Vaeua e tuatua ki te au ekalesia ra; Te upokotu ra, e angai au iaia i te rakau ra i te ora, e tu i rotopu i te paradaiso a te Atua ra.
8 E e tata koe i te tuatua ki te angela a te ekalesia i Semurina; Te na ko maira te muatangana, e te akaopenga, 9
ko tei mate, e te ora nei; Kua kite au i tauu angaanga, e toou tumatetenga, e toou ngere, (e apinga maata ra toou,) e kua kite oki au i te akakino a te aronga e karanga e, e ngati Iuda raton, e kare, ko te sunago ra ratou no Satani.
10 Auraka koe e matakū i te au mea ravarai e rokoia mai e koe: i na, e uri te diablo i tetai pae o kotou ki roto i te are tapekānga, ei timata anga ia kotou; po ngauru kotou i te mate anga; kia mou marie ra koe e tae ua atu ki te openga, e naku e oronga atu 11
i te korona ora noou. E taringa tona ra, ka akarongo aia i ta te Vaeua e tuatua ki te au ekalesia ra; Ko te riro iaia te re ra, kare rava aia e kino i te rua o te mate.
12 E tata koe i te tuatua ki te angela a te ekalesia i Peregamo ra; Te na ko maira aia ko tei mou i te koke kokoi 13
matarua ra; Kua kite au i tauu angaanga, e toou noo anga, i te ngai o to Satani terono; e te mou marie ua na koe i toku nei ingon, e kare koe i akaruke i taku tuatua, i te au rā i riro ei a Anitipa ei kite mou noku ra, ko tei taia i rotopu ia kotou, i te noo anga o 14
Satani ra. Te vai nei ra taku akaapa anga ia koe, i te mea tei ko na ia koe na te aronga i mou i te tuatua a Baalama ra, ko tei apii ia Balaka i te tuku i te tukiaanga ki mua i te tamariki a Iseraela, e te kai i te mea i akatusiaia na te au idolo, e te akaturi.
15 Tei ko na katoa te aronga i mou i te tuatua a te au pipi a Nikola, taku e 16
viivii nei. Ka tatarara; kia kore ra, e aere vave atu au ia koe na, e e tamaki atu au ia ratou i te koke nei i taku vaa. E taringa tona ra, ka akarongo aia i ta te Vaeua e tuatua ki te au ekalesia ra; Te riro iaia te re ra, e angai ia au iaia i te mana uunaia ra, e e oronga oki au i tetai toka teatea nana; e te ingoa ou i *tutua* ki rungao i taua toka ra, ko tei kore rava i kitea e tetai tangata ake, mari ra ko tei rave ra.
18 E tata koe i te tuatua ki te angela a te ekalesia i Tuatira ra; Te na ko maira te Tamaiti a te Atua, ko tei tau tona mata i te mura ai ra, e tona vae-

vae ra mei te veo meitaki ra; Kua 19
 kite au i taau angaanga, e tooo aroa,
 e tooo takinga-meitaki, e te akarongo,
 e te akakoromaki, e taau au angaanga;
 ko tei maata ia i tei muatangana ra.
 Te vai nei ra taku akaapa anga ia koe, 20
 ko koe i vaio i tenana vaine ko Ieze-
 bela na, ko tei karanga iaia uorai e e
 peroveta, kia apii ua na, e kia tapi-
 kipiki, i taku au tavini kia akaturi, e
 kia kai oki i te au mea i akatusiaia na
 te au idolo ra. E kua oronga au i te 21
 taima nona kia tatarara, e kare aia e
 tatarara i tana akaturi. I na, e uri 22
 au iaia ki runga i te roi, e te aronga
 katoa e akaturi iaia ra, e tumatetenga
 maata to ratou, kia kore ratou e tata- 23
 raara i ta ratou ravenga. E e ope ta-
 kiri tana au tamariki iaku i te mate;
 e e kite te au ekalesia ravarai e, ko au
 tei akara matariki i te manako e te
 ngakau: e naku e o atu ia kotou rava-
 rai i te tau i ta kotou angaanga. Teia 24
 ra taku tuatua kia kotou, i tetai aro-
 nga i Tuatira na, i te aronga katoa
 kare i kite i taua tuatua nei, e kare
 oki i kite i te tuatua onou na Sa-
 tani, ta ratou e tuatua na, Kare atu
 aku teiaa ke e tuku ki runga ia kotou.
 Ko ta kotou ra i rauka na, e mou piri 25
 tikai e kia tae atu au. E te riro iaia 26
 te re ra, e te tāpu i taku tuatua e tae
 ua atu ki te openga ra, e oronga atu
 au i te mana nona ki rungao i te pa-
 enua: E e mana aia i rungao ia ratou 27
 ma te sepeta auri ra; e e unguunga
 rava ratou mei te kapu a te potera ra:
 nei tei tukuia mai e taku Meina iaku
 nei. E e oronga au i te etu popongi 28
 nona. E taringa tona ra, e akarongo 29
 aia i ta te Vaeua e tuatua ki te au
 ekalesia ra.

PENE III.

*Te ekalesia i Saradi i akioia kia tata-
 raara: to Philadelphia i akamei-
 takiia: te pumaanu o to Laodikea i
 akakinoia.*

E TATA koe i te tuatua ki te angela 1
 na e ekalesia i Saradi ra; Te na
 ko maira aia tei iaia nga Vaeua o te
 Atua toko itu ra, e nga etu e itu ra;
 Kua kite au i taau angaanga, e e ingoa 2
 tooo e te ora ra koe, kua mate ra. E
 matakite, e akapakari i te au mea i
 toe, i vaitata i te mate ra: kare oki i
 kitea iaku taau angaanga i te meitaki
 rava anga i mua i te aroaro o te Atua.
 E tenana, ka akamanako na i te tu o 3
 tooo āriki anga ra, e te akarongo anga,
 e e tāpu tikai i taua tuatua ra, e e ta-

taraara. Kia kore koe e matakite ra,
 e rokoia atu koe e au mei tei rokoia e
 te keia ra, e kare rava koe e kite i te
 4 ora e rokoia i koe e au ra. Te vai na
 ra tetai aronga tangata ki ou i Saradi
 na, ko tei kore akenci i akaviivii i to
 ratou kakau, e aere ia ratou e ko au
 katoa ma te kakau tatea; e tau oki
 5 ratou. Ko te riro iaia te re ra, e aka-
 kakauia i te kakau pu tatea ra; e
 kare rava au e tapara i tona ingoa i
 roto i te buka ora, e aaki ua ra au i
 tona ingoa ki mua i te aroaro o taku
 Metua, e ki mua oki i tana au angela.
 6 E taringa tona ra, ka akarongo aia i
 ta te Vaeua e tuatua ki te au eka-
 lesia ra.
 7 E tata koe i te tuatua ki te angela a
 te ekalesia i Philadelphia ra; Ko te
 au mea teia e tuatuaia mai e tei tapu
 ra, nana te tuatua-mou ra, ko tei mou
 i te taviri a Davida ra, ko tei kiriri, e
 kare rava e tangata i papani; ko tei
 papani oki, e kare rava e tangata i
 8 kiriri; Kua kite au i taau angaanga: i
 na, kua tuku atu na au i te ngutupa
 matea ki mua ia koe na, e kare rava e
 tangata e tika i kia papani; no te mea
 e manga maroiroi mea ngiti tooo, e
 kua tāpu tamou rai koe i taku tuatua,
 e kare akenci i uuna i toku nei ingoa.
 9 I na, e riro to te sunago o Satani, ko
 tei karanga e e ngati luda ratou, e
 kare, kua pikikaa ra; i na, e riro ra-
 tou i te aere mai e taakaa ki raro i
 to vaeua, e e kite ratou e kua ina-
 10 ngaro au ia koe. No te mea kua mou
 marie koe i te tuatua akakoromaki
 naku ra, e mou katoa au ia koe *kia*
ora i taua tuatau timataanga ra, to
 ka tupu i rungao i te tangata ravarai,
 ei timata anga i te aronga katoa e noo
 11 i te enua nei. I na, te aere vave atu
 nei au, e mou tikai tei rauka ia koe
 na, auraka taau korona e riro ia etai
 12 ke. Ko te riro iaia te re ra, e akariro
 au iaia ei pou i roto i te nao o taku
 Atua, e kare aia e aere akaou atu ki
 vao: e e tata au i te ingoa o taku Atua
 ki rungao iaia, e te ingoa o te oire o
 taku Atua, o Ierusalem ou, ko te tae
 mai ki raro no runga mai i te rangi, no
 ko mai i taku Atua ra, e toku uorai
 13 oki ingoa ou. E taringa tona ra, ka
 akarongo nia i ta te Vaeua e tuatua ki
 te au ekalesia ra.
 14 E tata koe i te tuatua ki te angela a
 te ekalesia i Laodikea ra; Ko te au
 mea teia e tuatuaia mai e te Amene, to
 kite mou e te tuatua-mou, te tumu o
 te au mea ravarai a te Atua i angaia
 15 ra; Kua kite au i taau angaanga e

kare koe i anu, kare oki i maana: nari-
nga koe i anu, e kare ia, kia maana, ko
taku ia e tika. E tenana no te mea te
pumaana ua na koe, kare i anu, kare oki
i maana, e akapuaki atu au ia koe ki vao
i taku vaa. No te mea te karanga na koe, 17
E apinga maata taku, e kua akamaata
au i taku taonga, e kare ua e mea toe
iaku, e kare koe i kite e, e mate maata
toou, e *mei te mea* e aroaia ra, e te
puapinga kore, e te matapo, e te pu-
taua: Te ako atu nei au ia koe e, e 18
oko mai iaku nei i te auro tamāia ki
te ai ra, kia apingaia taau; e te kakau
teatea, kia akakakauia koe, kia kore
te akama o to putaua kia kitea, e e
amo oki i oou mata i te rakau mata,
kia kite koe. Ko taku katoa e aka- 19
perepere ra, ko taku ia e ako e e pāpā
oki: e tenana e akamaroiroi, e e tata-
raara. I na, te tu ua nei au ki te ngu-
tupa, e te topāpā atu nei: kia akaro-
ngo mai tetai tangata i toku reo, e kua
kiriti i te pa ra, e aere atu au ki roto
iaia ra, e kai atu i te manga ki ona
ra, e e *kai katoa* aia ki ku nei iaku
nei. Ko te riro iaia te re ra, e akanoo 21
au iaia iaku nei ki runga i toku te-
rono, mei te riro katoa mai te re iaku
ra, e te noo nei au e taku Metua ka-
toa ki runga i tona terono. E tari- 22
nga tona, e akarongo aia i ta te Vaerua
e tuatua ki te au ekalesia ra.

PENE IV.

*Tetai pa i te kiriti angaia i runga i te
rangi: te terono o te Atua, e to
nga peresibutero e rua ngauru ma a:
nga mea ora e a.*

E I muri ake i taua au mea nei; 1
akara atura au, e i na, kiritiia
akara tetai pa i runga i te rangi, e te
reo mua taku i akarongo ra, mei te pu
ra ia, i te tuatua anga mai iaku, i te
na ko anga mai e, Ka aere mai na ki
runga nei, e naku e akakite atu kia
koe i te au mea e tika'i kia tupu a
muri nei. Riro takiri atura au i te 2
Vaerua i reira ra: e i na, e terono tei
akatuia ki runga i te rangi, e te noo ra
tetai ki runga i taua terono ra. E 3
ko tei noo i runga i *taua terono* ra,
mei te iasepera ra, e te toka sarido ra,
te tu: e i takakoia taua terono ra i te
anuanua, mei to emeradino ra te tu.
E au terono ke ke oki e rua ngauru 4
ma a i te takako anga i taua terono ra;
e kite atura au i nga peresibutero e
rua ngauru ma a i te noo anga ki ru-
ngao i taua au terono ra, ma te kakau
teatea i te kakau anga, e ma te korona

5 auro ki runga i to ratou upoko. Kua
korapa maira te uira no roto i taua
terono ra, e te mangungu, e te reo
oki: e te mura ra e itu lamepa kakā
i mua i taua terono ra, koia oki nga
6 Vaerua toko itu o te Atua ra. E tei
mua i taua terono ra tetai tai io mei te
kerusitalo te tu: e tei rotou i taua
terono ra, e tei te pae e kako rava ake
taua terono ra, ko nga mea ora e a,
kua pini rava i te mata ko mua e ko
7 muri. Tetai mea ora ra, mei te liona
ra ia, e te rua o te mea ora ra, mei te
kafa ia, e te toru o te mea ora ra, mei
to te tangata tona mata te tu, e te a
o te mea ora ra, mei te aeto e rere ra
8 ia. E ko aua nga mea ora e a ra,
taki ono anake o ratou peau e kako
rava ake, e kua ki takiri i te mata ko
vao e ko roto: e kare ratou i tivata i
te po e te ao, i te na ko anga e, E tapu,
e tapu, e tapu, to te Atua ra, to te Atua
mana katoatoa ra, ko tei ora na, e te
9 ora i teianei, e ko te ka tae mai. E kia
akakakā aua nga mea ora ra, kia aka-
teitei, e kia akameitaki, iaia i tei noo
ki runga i te terono ra, ko te ora e
10 tuatau ua atu, E tipapa te au peresi-
butero e rua ngauru ma a ki raro i
mua iaia i tei noo ki runga i te terono,
ka akamori ei iaia, ko te ka ora e
tuatau ua atu, e tuku oki i to ratou au
korona ki mua i te terono ra, ka na ko
11 atu ei, E tau te kakā ia koe, e te Atua,
e te akaangateitei, e te mana: naau
okii anga i te au mea ravarai nei, e no
toou inangaro i mou ei e i angaia'i
ratou.

PENE V.

*Te buka akairoia ra e itu katoa oki
akairo: te vava'i angaia e te Are-
nio ra.*

E AKARA atura au i tetai buka i
roto i te rima katau o tei noo ki
runga i taua terono ra, kua tataia ki
roto e ki vao, e kua topiriia i nga
2 akairo e itu ra. E kite atura au i te-
tai angela maroiroi i te kapiki ua anga
te reo e, Koi tei tau kia een i teianei
3 buka, e kia vava'i i nga akairo? Kare
rava e tangata i runga i te rangi, kare
katoa o te enua, kare katoa o raro ake
i te enua, e tika'i kia een i taua buka
4 nei, ka akara atu ei ki roto. Aue
rava akera au, no te mea kare rava e
tangata i kitea e tau ei kia een i taua
5 buka ra, e kia akara atu ki roto. Kua
tuatua maira tetai o te au peresibu-
terero ra iaku, Auraka e aue, i na, tei te
Liona o te kopu o Iuda, tei te Tumu

o Davida, kua riro iaia te eeu i taua buka ra, e te vava'i i nga akairo e iitu ra.

Akara atura au, e i na, tei rotopu i 6
te mareva i te terono e nga mea ora e
a ra, i rotopu i te au peresibutero ra,
tetai Arenio te tu anga mei te mea e
kua tamateia na, e itu ona tara e itu
oki mata, koia oki nga Vaerna o te
Atua toko itu, i tono aereia na te ao
katoa nei. Kua aere maira aia e kua
rave maira i taua buka ra i roto i te
rima katau o tei noo i runga i te terono
ra. E kia rave e ia taua buka ra, 8
kua tipapa ora nga mea ora e a ra, e
te au peresibutero e rua ngauru ma a
ra, ki raro, i mua i te Arenio, e kitara
anake ta ratou ravarai, e te kapu
auro kua ki i te tumiama, koia te
pure a te aronga tapu ra. Kua imene
ora ratou i te imene on, i te na ko
anga e, E tau koe kia rave i te buka e
kia vava'i i te au akairo ra: i taia na
oki koe, e kua oko koe ia matou *ei*
tangata no te Atua i toou uorai toto,
no roto i te au kōhu ravarai, e te au
reo katoa, e te au iti-tangata katoa, e
te pa enua katoa; E kua akairo koe 10
ia matou ei ui ariki e ei kau taunga na
to matou Atua: e e riro ia matou te
au i teiane'i ao. Akara atura au, e 11
akarongo atura i te reo o te au angela
e manganui e kako rava ake taua
terono ra, e te au mea ora ra, e te au
peresibutero, e to ratou maata anga kia
tatau, kua mano tini i te mano anga, e
kua tausani i te tausani anga; I te 12
kapiki ua anga ma te reo maata, E tau
te Arenio taia ra e, ei iaia te mana,
e te apinga maata, e te pakari, e te
ririnui, e te akangateitei, e te kakā,
e te akameitaki. E akarongo atura au 13
i te runga katoa i te rangi ra, e to te
enua nei, e to raro i te enua, e to te
moana, e to roto ia ratou ravarai, i te
na ko anga e, Ko te akameitaki, e te
akangateitei, e te kakā, e te mana, ei
iaia ia, ei tei noo ki runga i te terono
ra, e ci te Arenio e tuataua ua atu.
Amene. Kua karanga iora nga mea 14
ora e a ra, Amene. Kua tipapa iora
te au peresibutero e rua ngauru ma a
ra ki raro, e kua akamori iaia, ko te
tika i te ora anga e tuataua ua atu.

PENE VI.

*Te vava'i angaia o nga akairo ra, e te
tuatua i tupu i muri ake.*

A KARA atura au i te Arenio i te 1
vava'i anga i te okotai o taua
nga akairo ra, e akarongo atura au i

te aruru, mei te mangungu ra te tu, e
reo no tetai o taua nga mea ora ra, i te
tuatua anga mai e, Ka aere mai ka
2 akara. Kua akara atura au, e i na, e
ipo teatea: e e ana ta tei noo ki ru-
ngao; e e korona tei orongaia mai
nona: aere atura aia ma te upokotu atu
e kia upokotu atu rai.

3 E kia vava'iia e ia te rua o te akairo
ra, akarongo atura au i te rua o nga
mea ora, i te na ko anga e, Ka aere
4 mai ka akara. Kua aere atura tetai
ipo kutekute: e e *mana* tei orongaia
mai no tei noo i runga ra, kia apai ke
te au i te ao nei, e kia ta te tangata ia
ratou uorai: e e koke maata tei oro-
ngaia mai nana.

5 E kia vava'iia e ia te toru o te
akairo ra, akarongo atura au i te toru
o nga mea ora, i te na ko anga mai e,
Ka aere mai ka akara. Kua akara
atura au, e i na, e ipo kerekero; e e
arite tei te rima o tei noo ki runga.

6 E akarongo atura au i tetai reo i ro-
topu i nga mea ora e a ra, i te na ko
anga e, Okotai arite sitona okotai de-
nari; e e toru arite kerite okotai de-
nari; auraka ra koe e rave kino atu
i te olive e te wina.

7 E kia vava'iia e ia te a o te akairo
ra, akarongo atura au i te a o nga mea
ora ra, i te na ko anga e, Ka aere mai
8 ka akara. Akara atura au, e i na, e
ipo teatea: e tona ingoa to tei noo ki
runga, ko Mate ia, e ko ade tei aru i
muri ake iaia ra. E e mana tei oro-
ngaia mai noua kia ta aia i te a o te
tuanga o to te ao nei i te koke, e te
onge, e te mate, e te terio taas o te
enua nei.

9 E kia vava'iia e ia te rima o te
akairo ra, akara atura au i raro ake i
te atarau i te au vaerua o te aronga i
taia no te tuatua a te Atua, e no te
10 tuatua ta ratou i akakite ra: Kua
kapiki atura ratou ma te reo maata,
kua na ko atu, Mei te aa te roa, e te
Atu tapu e te tuatua-mou, e kore ei
koe e akava, e e tutaki mai i to matou
11 toto, i te aronga i noo i te ao nei? E
e kakau teatea tei orongaia mai no
ratou ravarai e pini rava ake; e kua
tuatuaia mai ratou e, e tatari rai
ratou e kia ope ake tetai manga taima,
e kia ope i te mate to ratou au taeake
tavini, to ratou au tacake, e kia pou
i te taiaia mei ia ratou te tu.

12 Akara atura au e vava'iia akara e ia
te ono o te akairo ra, e i na, e ngaueue
maata to te enua; kerekere atura te
rā mei te kakau pakaku uruuru ra, e
riro atura te marama mei te toto ra;

E kua topa maira te au etu o te rangi 13
 ki raro i te enua nei, mei te suke ka-
 kaiore e topa, kia rurua e te matangi
 maata ra. Ngaro ke atura te rangi 14
 mei te tuatua kia pokaikaiia ra; e
 taka ke atura te au maunga katoa, e
 te pa enua katoa, i to ratou vairanga.
 E te au ariki o te ao nei, e te au ta- 15
 ngata mamaata ra, e te au tangata
 apinga ra, e te au kapena mamaata, e
 te au tiama ra, pipini anake atura ia
 ki roto i te au ana, e ki roto i te au
 mato, o te maunga; E kua karanga 16
 atura ki te au maunga e te au mato,
 Ka topa mai ki rungao ia matou, e
 uuna ia matou, kia ngaro ke atu, i te
 mata o tei noo ki rungao i te terono
 ra, e te riri o te Arenio: Kua tae oki 17
 te rā maata no tona riri; e koai oki te
 tangata e mou?

PENE VII.

*Te aronga tavini o te Atua i te akairo
 angaia e te angela ra: to Iseraela,
 e to te pa enua katoa ora anga i te
 toto o te Mesia.*

E I muri ake i teianei au tuatua, 1
 kite atura au i e toko a puke
 angela i te tu anga i nga tuanga e a o
 te enua nei, i te tāpu anga i nga ma-
 tangi e a o te ao nei, kia kore te ma-
 tangi e arara ki runga i te enua nei, e
 te tai, e te au rakau katoa nei. Ekite 2
 atura au i tetai angela ke i te kake
 anga i te itinga o te rā ra, e tei iaia te
 akairo a te Atua ora ra: Kua kapiki
 ua maira tona reo i nga angela toko a
 ra, tei orongaia mai te mana no ratou
 kia rave kino i te enua e te tai, Na ko 3
 maira, Auraka na e rave kino atu i te
 enua, e te tai, e te au rakau ravarai,
 kia ope ra te au tavini o to tatou
 Atua i te akairoia e matou to ratou
 rae. Kua akarongo atura au i te 4
 maata anga o te aronga i akairoia
 ra: okotai anere e a ngauru ma
 a i te tausani i akairoia ra, no te
 au kopu ravarai o te tamariki a Ise-
 raela ra. To te kopu o Iuda ra, okotai 5
 ngauru ma rua tausani i akairoia.
 To te kopu o Reubena ra, okotai
 ngauru ma rua tausani i akairoia. To
 te kopu o Gada ra, okotai ngauru ma
 rua tausani i akairoia. To te kopu o
 Asera ra, okotai ngauru ma rua tau-
 sani i akairoia. To te kopu o Napha-
 tali ra, okotai ngauru ma rua tausani i
 akairoia. To te kopu o Manase ra,
 okotai ngauru ma rua tausani i akai-

7 roia. To te kopu o Simeona ra, okotai
 ngauru ma rua tausani i akairoia.
 To te kopu o Levi ra, okotai ngauru
 ma rua tausani i akairoia. To te
 kopu o Isakara ra, okotai ngauru ma
 8 rua tausani i akairoia. To te kopu
 o Zebuluna ra, okotai ngauru ma rua
 tausani i akairoia. To te kopu o Iose-
 pha ra, okotai ngauru ma rua tausani i
 akairoia. To te kopu o Beniamina ra,
 okotai ngauru ma rua tausani i akairoia.
 9 E i muri ake i te reira, akara atura
 au, e i na, e aronga maata rava, kare
 takiri e pou kia tatou, no te pa enua
 ravarai, e te au kopu ravarai, e te au
 iti-tangata ravarai, e te au reo katoa
 oki, i te tu ua anga ki mua i te terono,
 e ki mua i te Arenio, ma te kakau
 teatea i te kakau anga, e ma te rara ta-
 10 mara i to ratou rima; E ma te kapiki
 nui to ratou reo, i te na ko anga e, No
 to tatou Atua te ora, tei noo ki rungao
 11 i te terono, e no te Arenio. Te tu anake
 maira te au angela e kako rava ake
 taua terono ra, e taua au peresibutero
 ra, e nga mea ora e a ra, e kua tipapa
 anake iora ki raro to ratou mata ki
 mua i te terono ra, akamori atura i te
 12 Atua, Na ko atura, Amene: Ko te
 akapaatu, e te kakā, e te pakari, e
 te akamaitaki, e te ngateitei, e te mana,
 e te maroiroi, ei to tatou Atua ia, e
 13 tuata e tuatua ua atu. Amene. Kua
 tuatua maira tetai o te au peresibu-
 tero ra iaku, na ko maira, Koai teia-
 nei aronga e kakau i te kakau teatea
 14 nei? e noea mai oki ratou? Kua
 karanga atura au iaia, Kua kite koe,
 e taku rangatira. Kua tuatua maira
 aia iaku, Ko te aronga teia i aere mai
 mei roto i te mate maata, e kua orei i
 to ratou kakau, e kua akateatea i te
 15 toto o te Arenio ra. I noo ei ratou
 ki mua i te terono o te Atua ra, e i
 akamori ei ratou iaia i te po e te ao
 i tona nao: e na tei noo ki runga i te
 terono ra e noo ki rotou ia ratou.
 16 Kare ratou e pongi akaou, kare oki
 e kaki vai akaou; kare oki ratou e iti
 17 akaouia e te rā, e te veravera. Na
 te Arenio oki ko tei noo i rotou i te
 terono ra e angai ia ratou, e e arataki
 oki ia ratou ki te au pupui anga o te
 vai ora, e na te Atua e orei i to ratou
 roi-mata katoa i to ratou mata.

PENE VIII.

*Te akairo itu i te vava'i angaia; nga
 angela ma nga pu e itu ra.*

1 E KIA vava'ia e ia te itu o te akairo
 ra, e miteki anga tei runga i te

rangi e mei te ora vaenga te roa. E 2
 kua akara atura au i nga angela toko
 itu i tei tu ki mua i te aroaro o te 3
 Atua ra; e e puke pu e itu tei apaiia
 mai kia ratou ra. Kua aere maira 4
 tetai angela, tu iora ki mua i te ata-
 rau ma te kapu auro i te mou rangā,
 e e tumiama maata tei apaiia mai 5
 iaia ra, kia apai aia ma te pure a te
 aronga tapu katoa ki runga i te atarau
 auro i mua i te terono ra. Peke ka- 6
 pipiti ora te au o te tumiama i te rima
 o taua angela ra, e te pure a te aronga
 tapu, ki runga ki mua i te aroaro o te 7
 Atua ra. Kua rave iora te angela i
 taua kapu ra, akaki ora i te ai no
 runga i te atarau ra, kua titiri maira
 ki runga i te enua; ko te aruru iora, 8
 e te manguu, e te uira, e te ngaueue
 o te enua.

Kua akateateamamao ora nga angela 9
 toko itu, i mou i nga pu e itu ra, e
 akatangi. Kua akatangi tetai angela
 i tana, ko te ua toka maira i muringao,
 e te ai i irokia i te toto, e tiria maira
 ki raro ki runga i te enua nei; pou
 iora te toru o te tuanga o te rakau ra
 i te pakapaka, pou iora oki te au
 ngangaere mata katootoa i te pakapaka.

Kua akatangi maira te tokorua o 10
 te angela i tana, e mei te mea kua
 tiria tetai mauanga maata e ka i te ai
 ra ki raro i te tai: e riro atura te toru
 o te tuanga o te tai ra ei toto; Mate
 atura te toru o te tuanga o te au mea
 ora ki raro i te tai ra; e te toru o te
 tuanga o te au pai ra, pou ora ia.

Kua akatangi te tokotoru o te angela 11
 i tana, kua topa maira tetai etu ma-
 ta mei te rama mura ra no runga
 mai i te rangi, topa maira ki runga
 i te toru o te tuanga o te au vai ra,
 e ki rungao i te au vai pupui ra; E 12
 te ingoa o taua etu ra i tapanā, ko Ma-
 ramara ia; maramara atura te toru
 o te tuanga o te au vai ra; e manga-
 nui te tangata i mate i te vai, no te
 mea kua maramara.

Kua akatangi ora te tokoa o te angela 13
 i tana, pāpāia ora te toru o te tua-
 nga o te rā, e te toru o te tuanga o te
 marama, e te toru o te tuanga o te au
 etu, pōiri ora te toru o te tuanga ia
 ratou ra, kare atura te toru o te tua-
 nga o te marama o te ao nei i te kakā
 anga mai, e to te po katoa oki. Kua 14
 akara atura au i tetai angela i te rere
 anga na rotupu i te mareva nei, e te
 kapiki ua nga ma te reo maata, E
 mate, e mate, e mate, to te aronga e noo
 i te ao nei i te tangi oki o te pu o nga
 angela toko toru e waitata i te tangi nei!

PENE IX.

*Te etu i te topa anga: te taviri o
 te abuso ra; e te tuatua i te ake-
 ride ra.*

1 KUA akatangi iora te tokorima o te
 angela i tana, kite atura au i tetai
 etu no ruuga mai i te rangi i te topa
 anga mai ki runga i te enua nei: e i oro-
 ngaia mai te taviri o te abuso ra kiaia.
 2 Kua kiriti akera aia i te vaarua i taua
 abuso ra; kua peke akera te auai
 ki iunga no roto i taua vaarua ra, mei
 te auai o tetai umu maata ra; pōiri
 atura te rā e te rangi i te auai o taua
 3 vaarua ra. Kua aere maira te ake-
 ride ki rungao i te enua nei no roto i
 taua auai ra; e e mana tei orongaia
 mai no ratou, mei te mana o te au
 4 pata o te enua nei. E i akoia mai
 ratou e, auraka e rave kino atu i te
 ngangere o te enua nei, e te au rakau
 rikiriki e tupu ra, e te au rakau ma-
 maata katoa oki; ko te au tangata ra
 kare te akairo a te Atua ki runga i to
 5 ratou rae, ko ratou anake ua ra. E
 i akoia mai ratou e, auraka ratou e
 rave mate rava i taua aronga ra, kia
 akamamaeia ra ratou e kia rima ake
 marama: e to ratou mamea, mei te
 mamea o te pata ia, kia ta mai i te
 6 tangata. E kia tae ki te reira tuatau
 e kimi ua atu te tangata i te mate, e
 kare ra e rauka; e e anoano ua atu
 oki kia mate, e rere ke ra te mate ia
 7 ratou. E te tu o taua au akeride ra,
 mei te ipo ia i akamaneaia no te tama-
 ki ra; e to runga i to ratou au mimiti
 ra, mei te korona auro te tu, e to ratou
 mata, mei te mata tangata nei ia.
 8 E rauru oki to ratou, mei te rauru
 vaine ia, e to ratou nio, mei te nio
 9 liona ia. E e paruru umauma to ra-
 tou, mei te paruru umauma auri te
 tu, e te aruru o to ratou peau, mei te
 aruru kariota, e te ipo, e manganui kia
 10 oro ki te tamaki ra. E iku to ratou
 mei to te pata ra, e e tara tei roto i to
 ratou au iku: e e mana to ratou kia
 rave kino i te tangata e kia rima ake
 11 marama. E ariki oki to ratou, ko te
 angela ia o taua abuso ra, ko Aba-
 dona iona ingoa i te reo Hebera, i te
 12 reo Eleni ra, ko Apolliona ia. Kua
 ope atura tetai mate; e i nā, e rua
 rai mate toe, e te aere maira.
 13 Kua akatangi maira te tokoono o te
 angela i tana, e akarongo atura au i
 angela i tana, e akarongo atura au i
 tetai reo no ko mai i nga tara e a o
 te atarau auro i mua i te aroaro o te
 14 Atua ra, i te tuatua anga i te tokoono

o te angela i mou i te pu ra, ka tatara
i nga angela i tapekaia i te vai maata
ra ia Eupharate. Tataraua iora taua 15
nga angela toko a ra, kua akateatea-
mamaoia ratou e kia okotai ake ora,
e kia okotai oki rā, kia okotai oki
marama, e kia okotai mataiti, kia ta
mate rava i te toru o te tuanga o te
tangata nei. E te rai o taua aronga 16
akaoro ipo ra, e rua ia muriadi anga o
te muriadi: kua akarongo oki au i
to ratou tu i te rai. Ko te tu ia o 17
toku kite anga i te au ipo i taua orama
ra, e te aronga i noo ki rungao, e pa-
ruru umauma ai to ratou, e te uakini,
e te teio: e te mimiti o taua aronga
ipo, mei te mimiti o te liona ra; e
kua puroro maira te ai, e te auai, e te
teio, no roto i to ratou vaa. Ko taua 18
au mea e toru ra i mate ci te toru
o te tuanga o te tangata nei, ko te ai,
e te auai, e te teio, i puroro mai no
roto i to ratou vaa. Tei te vaa te ma- 19
roiroy o taua aronga ra, e tei te iku:
mei te ovi oki to ratou iku, e mimiti
anake, ko ta ratou ia mea e mate ei
te tangata. E te toenga o te tangata 20
ra ko tei kore i mate i teianei au mate,
kare ia i tataraua i ta ratou angaanga
i rave ra, e eiaa ratou e akamori i te
demoni, e te idolo auro ra, e te ario,
e te vea, e te toka, e te rakau: ko tei
kore e tika kia akara, e kia akarongo,
e kia aere: Kare katoa oki ratou i 21
tataraua i ta ratou ta tangata anga,
e ta ratou purepure anga, e ta ra-
toun akaturi anga, e ta ratou keia
anga.

PENE X.

*Te angela ma te buka iti ra; kua ka-
rangaia mai a Ioane kia kai i taua
buka iti ra.*

KITE atura au i tetai angela ma- 1
roiroy maata, i te eke anga mai
mei runga mai i te rangi, kua kakau
i te tia rangi: e anuanua tei runga i
tona upoko, e tona mata mei te rā ra
ia, e mei te pou ai ra ona vaevae: E 2
buka mea ngiti poepoe tana tei te rima
kua mau: kua titoko iora tona vac-
vae katau i rungao i te tai, e te vaevae
kau i rungao i te enua nei. Kua 3
kapiki ua maira tona reo mei te liona
kia ngunguru ra: e oti akera kua
kokina maira te reo o nga mangungu
e itu ra. E oti akera te kokina o te 4
reo o nga mangungu e itu ra, te
mea ra au e tata; kite atura au
i tetai reo no te rangi mai, i te
na ko anga mai iaku e, Ka topiri

ana i te au mea a te au mangungu e
itu i karanga io nei, auraka e tataia.
5 E te angela taku i kite i te tu anga
ki rungao i te tai e ki rungao i te enua
nei, akateitei akera ia i tona rima ki
6 runga i te rangi, Kua taputou iora
iaia i te ora e tuatau, e tuatau ua atu,
ko tei anga i te rangi, e te au mea
katoa i roto ra, e te enua, e te apinga
tini ravara i roto ra, e te tai, e te au
mea i roto ra e, e kore e tac vave ki
7 taua tuatau ra; Kia tae ra ki te tuatau
akatangi anga a te tokoitu o te angela
ra, kia akatangi aia i tana pu, kia
tupu akaoti rava te tuatau ngaro a te
Atua, i tana i akakite mai i tona ua
8 tavini i te au peroveta ra. E te reo
no runga i te rangi taku i akarongo ra,
kua tuatua akaou maira ia iaku, na ko
maira, Ka aere ka rave i te buka iti
i mau i roto i te rima o te angela, e
tu ki rungao i te tai, e ki rungao i te
9 enua na. Aere atura au ki taua angela
ra, kua karanga atura au kiaia, O mai
na te buka iti na, Kua tuatua maira
aia iaku, Ka rave mai, ka kai kia
pou; e maramara to kopu, kareka i
roto i to vaa, e veneraka ia mei te meli
10 ra. Kua rave atura au i taua buka
iti i roto i te rima o te angela ra, kai
iora au e pou akera; mei te meli rai
te vene i roto i taku vaa: kia pou ra
i te kainga e au, maramara atura
11 taku kopu. Kua tuatua maira aia
iaku, E totou akaou atu rai koe ki
mua i te aroaro o te au iti-tangata e
manganui, e te pa enua, e te au reo ke
ke, e te au ariki oki.

PENE XI.

*Te tuatua totou o nga kite ra: to raua
matenga e te tu akaou anga mai
oki.*

EE kakao tei o maia kiaku mei te
arite ra te tu: e te tu ua maira te
angela, e kua na ko maira, Ka tu, e arite
i te nao o te Atua, e te atarau, e e tata
oki i te aronga e akamori i roto ra.
2 Kareka to paepae ki vao ake i te nao
ra, e vaioia ia, auraka e arite i te rei-
ra; kua orongaia oki te reira ki te
etene: e e takatakai ratou i te oire tapu
nei e kia a ngauru e rua ara i te mara-
3 ma. E naku e poroki i nga kite toko
rua naku ra, kia totou raua ma te ka-
kau paoa, e kia okotai ake tausani, kia
rua anere, e kia ono oki ngauru, i te rā.
4 Ko nga olive e rua teia, e nga lamepa
oki e rua, i tukuia ki mua i te aroaro
5 o te Atua o te ao nei. E kia rave kino
mai tetai ia raua, te puroro atura te

ai no roto i to raua vaa, e pou atura to raua enemi: e kia rave kino maira tetai ia raua e akaperaia aia e mate takiri atu. E mana to raua kia mopani i te rangi e, auraka te ua e topa mai i to raua au rā totou anga ra: e e mana oki to raua i te au vai ra kia akariro ci toto, e kia pāpā putuputu te enua i te au mate ravarai nei, kia inangaro raua ra. E kia oti ta raua akakite anga i ta raua tuatua, e tamaki mai ei te terio no roto i te abuso ra ia raua, e e re raua iaia, e e mate takiri rava raua iaia. E e vaioia to raua kopapa mate i te arataa o te oire maata, i karangaia e ko Sodoma e ko Alphiti, i te akonoanga o te vaerua, i te ngai i akasatauroia i to tatou Atua ra. E e akara to te au iti-tangata, e to te au kopu, e te au roo ke ke, e to te pa enua, i to raua kopapa mate e e toru ake rā e te rā vaenga okotai, e kare e tuku i o raua kopapa kia tanumia. E to te aronga e noo i te enua nei e rekareka ia ia raua, e e pereperekavana, e e apai ratou i te apinga tetai ki tetai; e mea mamae taua puke peroveta ra na te aronga e noo i te ao nei. E ope akera i nga rā e toru ra e te rā vaenga oki, kua uru maira te Vaerua ora, no ko mai i te Atua ra, ki roto ia raua, kua tu ua maira raua ki runga; rokoia ora te aronga ravarai i kite ia raua e te matakua maata. E akarongo atura raua i tetai reo maata no runga mai i te rangi, i te na ko anga mai kia raua, Ka aere mai ki runga nei. Riro atura raua ki runga i te rangi na roto i te tumurangi; te akara atura to raua au enemi ia raua. E ngaruerue anga maata to te enua i taua ora ra, inga ora te ngauru o te tuanga o taua oire ra ki raro, mate ora nga tangata e itu tausani i taua ngaruerue anga ra: matakua rava akera oki te aronga i toe, e kua akangateitei atura i te Atua o te rangi. Kua ope akenei te rua o te mate; e i na, te aere viviki maira te toru o te mate.

Kua akatangī maira te tokoitu o te angela i tana; e e au reo mamaata atura tei runga i te rangi, i te na ko anga e, Ko te au basileia o teianei ao, kua riro ia ei au basileia no to tatou Atua e no tana Mesia; e e vai rai te au iaia e tuataua au atu. E te au peresibutero e rua ngauru ma a, e noo i runga i to ratou au terono ki mua i te aroaro o te Atua, tipapa iora i raro to ratou mata, e kua akamori atura i te Atua, Na ko atura, E akameitaki i matou ia koe, e te Atua, e te Atua

mana maata, ko te ora nei, ko tei ora na, e ko te ka ora e tuataua au atu; no te mea kua akatupu koe i toou mana maata e kua riro ia koe te au. I riri ana te pa enua, e kua kitea mai toou riri, e te taima o te aronga i mate, e akavaia i ratou, e e orongaia i oki e koe te tutaki na to au tavini ra na te au peroveta, e na te aronga tapu, e na te aronga i matakua ia koe, ko tei rai e tei iti; ko te taima e mate ei ia koe te aronga i mate ei to te ao ra. E kiritia akera te nao o te Atua ki runga i te rangi, e kua kitea ora te aruna koreromotu nana ra: i roto i tona nao: ko te uira ora, e e au reo oki, e te mangungu, e te ngaruerue anga enua, e te ua toka, e mea maata.

PENE XII.

Te vaine i kakau i te rā: te teni kutekute ra; e te tamaki a Mikaela e taua teni ra.

E AKAIRO maata oki tei kitea i runga i te rangi i reira; e vaine kua kakau i te rā, e tei raro ake te marama i tona vaevae, e tei runga tona upoko tetai korona etu raungauru ma rua: E kua nui aia, e kua aue iora i te mamae, aue atura oki kia anau vave. E kua kitea maira oki tetai akairo i runga i te rangi; e i na, e teni maata muramura, e itu mimiti, raungauru oki tara, e itu oki korona tei runga i taua au mimiti nona ra. E tōia maira te toru o te tuanga o te au etu o te rangi e te iku o taua teni ra, e tiria maira ki raro i te enua nei: kua tu ora taua teni ra ki mua i te aroaro o te vaine i vaitata i te anau ra, kia pou te tamaiti iaia kia anau ra. 5 Kua anau maira tana e tamaroa, ko te ka riro iaia te kavana i te pa enua katoa ma te sepeta auri ra; e opukia maira tana tamaiti e apaiia atura ki runga i te Atua ra, i tona terono. Oro atura taua vaine ra ki te medebara, i te ngai i akonoia e te Atua nona, kia utuutuia aia i reira, e kia okotai tausani, e rua anere, e ono ngauru i te rā. 7 E e tamaki tei runga i te rangi: ko Mikaela e tana au angela, tamaki atura i te teni; e kua tamaki maira te 8 teni e tana au angela, Kare ra i riro te reia ratou; e kare rava atura o ratou e nooanga i runga i te rangi. 9 Uriia atura oki te teni maata ki vao, ko taua ovi taito ra ia, ko tei karangaia i te diablo ra, e ko Satani oki, ko tei pikikna i to te ao katoa nei, i uriaia aia ki vao ki runga i te enua nei,

e tana au angela katoa, kua uri katoaia ki vao. E akarongo atura au i tetai 10 reo maata i runga i te rangi, i te na ko anga e, Teia mai nei te ora, e te maroiroi, e te basileia, o to tatou Atua, e te mana o tana Mesia: kua uriaia oki te akaapa i to tatou au taeake ki raro, ko tei akaapa ia ratou ki mua i te aroaro o to tatou Atua i te po e te ao. Mate atura ra aia ia ratou i te toto o 11 te Arenio, e i te tuatua ta ratou i akakite ra; kare oki ratou i nangaro i to ratou uorai ora, *kua akakoromaki* ra e tae ua atu ki te mate. E teianei, kia 12 rekareka, e te au rangi e, e ko kotou katoa oki ko tei noo i reira. E mate ra oki to te enua e to te tai! tei raro atu na oki te diabolo ia kotou na, e riri maata oki tona, no te mea kua kite aia e e manga taima poto tona e toe nei.

E kite akera te teni e, kua uriaia 13 aia ki raro i te enua nei, arumaki atura aia i te vaine i anau te tamaiti ra. E 14 e puke peau e rua no tetai acto maata tei o maia no taua vaine ra, kia rere aia ki te medebara, i tona ngai e angaia'i aia, e kia ope tetai tuatau, e *kia ope oki* i e rua atu tuatau, e te vaenga o tetai tuatau, kia ngaro atu te mata o te ovi ra. Kua akapuaki atura 15 te ovi i te vai no roto i tona vaa, mei te vai puke ra, na murio i taua vaine ra, kia mānu ke aia i taua vai puke ra. Kua tauturu ra te enua nei i taua 16 vaine ra, kua akaamama akera te enua i tona vaa, e kua inu pou rava i taua vai puke ra ta te teni i akapuaki atu no roto i tona vaa. Riri rava akera 17 te teni i taua vaine ra, aere atura e tamaki atu i te toenga a tona uanga, ko tei akono i te au akauenga a te Atua ra, i tei mou marie i te tuatua-akakite a Iesu Mesia ra.

PENE XIII.

Te terio mimiti itu ra i te aere anga mai mei raro mai i te tai ra; e te akairo angaia o te aronga i akamori ra.

TU ora au ki runga i te one taatai. 1 E akara atura au i tetai terio i te kake anga ki runga mei raro i te moana, e itu ona mimiti, raungauru oki tara, raungauru korona i rungao i taua aronga tara nona ra, e e ingoa akakino Atua anake tei rungao i tona au mimiti. E taua terio taku i kite ra 2 mei te nemera te tu, e mei to te daba tona vaevae, e tona vaa, mei te vaa ia o te liona: e kua oronga maira te teni i tona uorai maroiroi, e tona

uaorai terono, e te mana maata nona. 3 Kite atura au i tetai mimiti nona i te paruparu anga mei te mea e *paruparu* mate; akaoraia akera taua paruparu mate nona ra: va ua ora to te ao katoa, e kua aru atura i taua terio ra. E 4 kua akamori ratou i te teni ra, koia i oronga i te mana no te terio ra: e kua akamori ratou i te terio ra, i te na ko anga e, Koai tei tau i te terio nei? 5 e tika iaia kia tamaki mai iaia ra? E e vaa tei orongaia mai i taua terio ra i te tuatua anga i te tuatua akatieie e te akakino Atua; e e mana tei o maia nona kia a ake ngauru i te marama e 6 rua ara. Kua tuatua ora tona vaa i te akakino i te Atua, e te akakino i tona ingoa, e tona puakapa, e te aronga i 7 noo ki runga i te rangi. E i tukuia atu iaia te tamaki mai i te aronga tapu, e kia pou ratou iaia: e e mana tei orongaia mai nona i te au kopu katoa, e te au reo, e i te pa enua. E i 8 akamori to te ao katoa nei iaia, ko tei kore i taitaia to ratou ingoa mei muatangana mairai o teianei ao, i roto i te 9 buka ora a te Arenio i taiaia ra. E 10 taringa tona ra, ka akarongo aia. Ko te arataki tuikaa ia ratou ra, e arataki tuikaa katoaia aia: ko te ta ia ratou i te koke ra, kia taia katoaia aia i te koke e tika'i. Ko te akakoromaki teia, e ko te akarongo teia, o te aronga tapu.

11 E kite atura au i tetai terio i te aere anga mai mei raro mai i te enua nei; e rua ona tara mei to te Arenio ra, 12 mei to te teni ra tona reo. E tei iaia katoa te mana o tei muatangana terio kia rave aia ki mua i tona aroaro, e nona to te ao katoa nei, e te aronga i noo i te enua nei, i akamori ei i te terio mua ra, ko tei akaoraia tona paruparu 13 mate ra. E e semeio maata tana e rave, e e topa mai te ai no runga i te rangi ki raro i te enua nei iaia ki mua 14 i te aroaro o te tangata nei, E te tapikipiki nei aia i to te ao nei i te au semeio i orongaia mai nana e rave ki mua i te aroaro o te terio ra; e te tuatua anga oki ki te aronga e noo ki te ao nei, e anga i te tutu o te terio e *tika'i*, ko tei 15 tu i te koke, e ora akera. E e tika oki iaia kia oronga i te a'o no taua tu o te terio ra, e kia tuatua ua mai oki taua tutu o te terio ra, e kia mate oki iaia te aronga katoa e kore e akamori i taua 16 tu o te terio ra. E e māro aia kia akairo atu i te tangata ravarai, te aronga mamaata, e te tangata rikiriki, te aronga apinga, e te aronga apinga kore, te tiamā, e te tavini, ki roto i to ratou rima

katau, e kare ia, ei runga i te ratou rae. E auraka rava tetai tangata e oko 17
atu i te apinga e kia oko mai oki, mari
ra ko te tangata tei iaia taua akairo ra,
e te ingoa o te terio ra, e te tatau o
taua ingoa nona ra. Tei ko nei te pa- 18
kari. E kite tona ra ka tatau aia i te
numero i taua terio nei: tei te tangata
te ariteanga o teianei numero; teia
oki tona numero, e ono anere e ono
ngauru e ono ara.

PENE XIV.

*Te Arenio e tona au tavini, te evange-
lia i te tutu angaia e te angela: to
Babulonia inga anga, e te mou o te
enua i te kokoti angaia.*

AKARA atura au, e i na, te tu ua 1
ra te Arenio ki runga i te mau-
nga ra i Siona, ma te tangata katoa i
vaitata iaia okotai anere e a ngauru
ma a i te tausani, ma te ingoa o tona
Metua i te tata angaia ki rungao i to
ratou rac. Akarongo atura au i tetai 2
reo no te rangi mai, mei te aruru o te
tai maata ra, e mei te kokina o te ma-
ngungu maata ra; e akarongo atura au
i te reo o te akatangī kitara i te aka-
tangī anga i ta ratou au kitara. Kua 3
imene ora ratou mei te imene ou ra
te tu ki mua i te terono, e ki mua i
nga mea ora e a ra, e te au peresibu-
tero ra: e kare rava e tangata e kite
i taua imene ra kia apii, mari ra ko
taua aronga ra okotai anere e a ngauru
e a ara i te tausani, i okoia no roto i
teianei ao. Ko te aronga teia kare i 4
viivii i te vaine ra; e paretenia oki
ratou. Ko te aronga teia i aru i te
Arenio i tona au aereanga ravarai. I
okoia ia aronga no roto i te tangata
nei, ei popo mua na te Atua e na te
Arenio ra. Kare rava e pikikaa i 5
kitea i roto i to ratou vaa: kare oki
a ratou e apa ki mua i te terono o te
Atua ra.

Akara atura au i tetai angela i te 6
rere anga na rotopu i te mareva nei,
ma te evangelia mutu kore, e tutu ki
te aronga e noo i te ao nei, ki te pa
enua katoa, e te au kopu, e te au reo,
e te au iti-tangata, i te na ko anga ma
te reo maata, Ka matakū i te Atua, e
akakakū iaia; kua tae oki ki te ora
akautunga anga nana; e akamori
kotou iaia i tei anga i te rangi, e te
enua, e te tai, e te au vai pupui ra.
Kua aru maira tetai angela i muri-
ngao, i te na ko anga e, Kua inga, kua
inga taua oire maata ra, ko Babulonia,
no te mea kua akainu aia i te pa enua 8

ravarai i te wina ra i te riri o tana
9 akaturi. Kua aru maira te tokotoru
o te angela ia raua, ma te kapiki ua atu
te reo, Ko te akamori i te terio e tona
tutu, e te āriki i te akairo ki tona rac,
10 e kare ia, ki te rima, Ka inu aia i te
wina o te riri o te Atua ra, ko tei riri-
ngiia ma te iro kore ki roto i te kapu
riri nana ra; e e akamamacia aia i te
ai e te teio ki mua i te aroaro o te au
angela tapu ra, e ki mua oki i te aroaro
11 o te Arenio ra. E te auai mamae ei
ratou ra, e tika ia i te peke anga ki runga
e tuatau ua atu: e kare rava o ratou
akaeaanga i te po e te ao, to tei akamori
i te terio e tona tutu, e te āriki i te akairo
12 ra o tona ingoa. Teia te akakoromaki
o te aronga tapu, ko tei tāpu i te au
akauenga a te Atua, e te akarongo ia
13 Iesu. E akarongo atura au i tetai
reo no runga i te rangi, i te na ko
anga mai iaku e, Ka tata na, E ao to
te aronga e mate, ei roto i te Atua ratou
ka mate ei, i teianei e a muri ua atu:
koaia ia, Te tuatua maira te Vaerua,
kia akaea ratou i te rave i ta ratou
angaanga, e e aru oki ta ratou angaanga
ia ratou.

14 Kua akara atura au, e i na, e tia
teatea, e te noo ra tetai ki runga i taua
tiao ra mei te Tamaiti a te tangata te
tu, ma te korona auro ki runga i tona
upoko, e ma te matipi sitona kokoi i te
15 rima. Kua aere maira oki tetai angela
mei roto mai i te nao ra, ma te kapiki
ua anga atu te reo i tei noo ki runga i
te tiao ra, Ka vero ana te matipi
sitona naau, e ka kokoti; kua tae oki
ki te tuatau kokoti anga naau ra, kua
16 mou pakari rava oki te enua nei. Kua
vero maira tei noo ki runga i te tiao
ra i tana matipi sitona ra; pou ora te
17 enua nei i te kokotiia. Kua aere
maira tetai angela mei roto mai i
te nao i runga i te rangi, e matipi
18 sitona kokoi katoa tana. Kua aere
mairai tetai angela e mei te atarau
mairai e mana tona i te ai nei; kua
kapiki ua atura aia i tei mou i te ma-
tipi sitona kokoi ra, na ko atura, Ka
vero ana te matipi sitona kokoi naau
na, ka kokoti i te au kaui vine o te ao
nei; kua para rava oki te vine. Kua
vero maira te angela i tana matipi si-
tona ki roto i te au vine o te enua nei,
kokoti ora i te au vine o te ao nei, e
kua uri atura ki roto i te taomianga
maata vine ra, ko te riri o te Atua ra.
20 Takatakaiia ora te taomianga vine ki
vao mai i te oire ra, kua tae maira te
toto no roto mai i taua taomianga vine
ra, e taea rava akera te tavina o te au

ipo ra, e okotai tausani e ono anere setadia.

PENE XV.

*Nga angela toko itu ma nga mate ope-
nga e itu ra, e te au kapu i ki i te
riri o te Atua ra.*

KITE atu rai au i tetai semeio 1
te rangi, e te tu ke, ki runga i
te rangi, e puke angela toko itu, e tei
ia ratou nga mate openga e itu ra; e
ope oki te riri o te Atua i te tupu i te
reira. E kite atura au mei te mea e 2
e tai io i irokia i te ai; e te aronga i
riro ia ratou te re i taua terio ra, e
tona tutu, e tana akairo, e te numero o
tona ingoa, i te tu ua anga ki runga i
taua tai io ra, te mou ra te au kitara a
te Atua. Te imene ra raton i te 3
imene a te tavini o te Atua ra a Mose,
e te imene a te Arenio ra, i te na ko
anga e, E angaanga maata e te taka ke
taau, e te Atua ra, e te Atua mana
katoatoa; e aerenga tika e te tuatua-
mou taau, e te Ariki o te aronga tapu
e. Koai oki te ka kore e matakua ia 4
koe, e te Atua, e te akakaka i toou
ingoa? ko koe anake oki Tei Tapu; e
ope katoa te pa enua i te aere mai ki
mua i toou aroaro e akamori ei;
kua akakite uaia taau ra au tutaki
anga tika.

E muri ake i te reira, akara atura 5
au, e i na, kiritiia akera te nao o te
Are kite ra i runga i te rangi. E kua 6
aere maira nga angela toko itu, ko tei
mou i nga mate e itu ra, mei roto mai
i te nao ra, ma te kakau viivii kore e
te teatea i te kakau anga, e ma te ta-
tuaia te umauma i te tatua auro ra.
E kua tuku maira tetai o nga mea ora 7
e a ra i e itu kapu auro i nga angela
toko itu ra, kua ki anake i te riri o te
Atua, ko te ora ua rai e tuatua ua atu.
Kua ki te nao i te auai no te kakau o te 8
Atua, e no tona mana; e kare rava e
tika i tetai kia tomo atu ki roto i taua
nao ra, e kia ope ua atu nga mate
e itu o nga angela toko itu i te aka-
tupuia.

PENE XVI.

*Te riringi angaia o taua au kapu ra:
to te Mesia aere anga mai mei te
keia ra.*

KUA akarongo atura au i tetai roo 1
maata no roto mai i te nao ra i
te tuatua anga mai i nga angela toko
itu ra, Ka aere mai ka riringi i nga
kapu i ki i te riri o te Atua ki runga

2 i te enua nei. Kua aere maira te
angela mua ra, kua riringi maira i
tana kapu ki runga i te enua; tupuia
ora te tangata ravarai i akairoia i te
akairo a te terio ra, e te aronga katoa
i akamori i tona tu, i te ee viivii e te
mamae.

3 Kua riringi maira te tokorua o te
angela i tana kapu ki roto i te tai;
riro atura te tai ei toto mei te toto o
te tangata mate ra, ope rava akera te
au mea ora katoa i roto i te tai i te
mate.

4 Kua riringi maira te tokotoru o te
angela i tana kapu ki raro i te au vai
ta'e ra, e te au punavai ra; riro atura

5 te reira ei toto. Kua akarongo atura
au i te angela o te au vai i te karanga
anga e; E tuatua-tika taau, e te Atua
e, ko te ora nei, ko tei ora na, e ko te
ka ora rai, ko koe i pera i te tutaki.

6 Kua akamaringi oki ratou i te toto o
te aronga tapu e te au peroveta ra, e
kua apai mai koe i te toto na ratou e

7 inu; e tau ia ia ratou. Kua akarongo
atura oki au i tetai tei te atarau ra i
te tuatua anga mai, Koia ia, e te Atua
e, e te Atua mana katoatoa, e
mea mou e te tika taau akautunga
anga.

8 Kua riringi maira te tokoa o te
angela i tana kapu ki runga i te ra: e
kua orongaia mai te tika iaia kia aka-

9 pakapaka i te tangata ki te ai. Paka-
paka anake iora te tangata i te vera-
vera maata, e kua akakino atura i te
ingoa o te Atua, tei iaia te tua-
tua i taua au mate ra; e kare ratou
i tataraara ka akameitaki atu ei
iaia.

10 Kua riringi maira te tokorima o te
angela i tana kapu ki runga i te te-
rono o te terio ra; kako rava akera
tona basileia i te poi; e kua ngangau
ora ratou i to ratou arero i te mamae.

11 E kua akakino atura i te Atua o
te rangi i to ratou mamae e to ra-
tou ee, kare rai i tataraara i ta ratou
ravenga.

12 Kua riringi maira te tokoono o te
angela i tana kapu ki raro i te vai
maata ra ia Eupharate; maro takiri
akera taua vai ra, kia meitaki te ara
o te ui ariki o te itinga o te ra ra.

13 Akara atura oki au i e toko toru vae-
rua viivii mei te rana ra i te aere anga
mai mei roto i te vaa o te teni, e
mei roto mai i te vaa o te terio, e mei
roto i te vaa o te peroveta pikikaa ra.

14 E vaerua demoni ratou, ko tei aere ki
te ui ariki o te ao katoa nei, ma te
rave i te semeio ra, e akaputuputu ia

ratou i te tamaki i taua rā maata o te
Atua mana katoatoa ra. I na, te aere 15
atu nei au mei te keia ra. E ao to te
tapapa, e te tiaki marie i tona kakau,
kia kore aia e aere taaka ua, e kua
kite atura te tangata i tona akama.
Kua akaputuputu ora ratou i tetai 16
ngai, ko Aramagido te ingoa i te tuatua
Ebera.

Kua riringi maira te tokoitu o te 17
angela i tana kapu ki roto i te mareva;
ko tetai reo maata maira, no roto mai i
te nao i te rangi, no ko mai i te terono
o te Atua ra, i te na ko anga mai e,
Kua oti. E e aronga reo maira oki, e 18
te mangungu, e te uira: e te ngaruerue
anga maata o te enua, kare akueri e
aite nei te tangata angaia o te enua nei
i te maata, e te viviki o taua ngarue-
rue anga ra. Kokotiia ora te oire 19
maata ra e toru kotinga, e inga ora te
au oire o te pa enua ra ki raro: e kua
tupu akera to te Atua manako ia Ba-
bulonia maata ra, e e tuku i te kapu
wina ra, ko tona riri viviki ra, kiaia.
Peke ke atura te pa enua katoa, e 20
kare katoa te au maunga i kitea atu.
Kua topa maira te ua maata toka ra no 21
runga mai i te rangi ki rungao i te ta-
ngata nei, e tau te toka okotai i te
talenī i te teiaa; e kua akakino atura
te tangata i te Atua i taua mate i te
ua toka ra; e mate maata rava oki
taua mate ra.

PENE XVII.

*Te vaine akaturi ko Babulonia i te noo
anga ki rungao i te terio mimiti itu
ra, tona mate e te upokotu anga o te
Arenio.*

KUA aere maira tetai o taua nga 1
angela toko itu i mou i nga kapu
e itu ra, kua tuatua maira kiaku, na
ko maira, Ka aere mai na i ko nei;
e akakite atu au ia koe i te utunga o
te vaine akaturi maata, ko tei noo ki
rungao i te vai e manganui: Ko tei 2
akaturiia e te au ariki o te ao nei, e
ko tei akakona i to te ao nei, i te wina
ra i tana akaturi anga. Kua arataki 3
atura aia i taku vaerua ki te medebara
ra; kite atura au i tetai vaine i te
noo anga ki rungao i tetai terio kute-
kute, kua pini rava i te ingoa akakino
Atua, e itu ona mimiti, raungauro oki
tara. Te kakau ra taua vaine ra i te 4
kakau purapura e te muramura, kua
akamaniania aia i te auro e te toka
memeitaki e te poc, e kapu auro tei
tona rima kua ki i te mea viivii e te
kino no tana akaturi anga. E e ingoa 5

tei tataia ki rungao i tona rae, E
MEA NGARO, KO BABULONIA MAA-
TA, KO TE METUA VAINA O TE ARO-
NGA AKATURI, E NO TE AU MEA
6 VIIVII O TE AO NEI. E kua kite au
i taua vaine ra i te kona anga i te toto
o te aronga tapu ra, e te toto o te
aronga kite o Iesu ra; va ua atura
au i taua kite anga noku iaia ra, e va
7 maata ua atu. Kua tuatua maira taua
angela ra kiaku, Eaa koe i va ua'i?
naku e akakite atu kia koe i te tuatua
ngaro o teianei vaine, e no te terio e
apai iaia ra, nona nga mimiti e itu
8 nei, e nga tara raungauro nei. Taua
terio taau i akara ra, i vai ana, e kare
nei, e kua vaitata i te kake ki rungao
mei raro mai i te abuso ra, ka aere
atu ei ki te mate, e te aronga e noo
ki te ao nei, (ko tei kore i tataia to
ratou ingoa i te hulka ora mei mua-
tangana mairai o teianei ao,) e vavaria
ia kia akara ratou i taua terio i vai
ana e kare nei, e e kitea akono mairai.
9 Ei ko nei te ngakau pakari. Nga mi-
miti e itu ra, e itu ia maunga, e nooia
10 e taua vaine ra. Ko nga ariki toko itu
ra oki ratou: kua mate akenei e toko
rima, te vai nei tetai, e kare rai tetai
i tae mai; e kia tae mai oki aia ra,
11 e noo anga poto rai tona e tika'i. E
taua terio i vai ana, e kare nei, ko te
tokovaru ia, e no nga toko itu ra aia,
12 e ka aere atu rai ki te mate. E nga
tara raungauro taau i akara ra, e ariki
ia tino ngauru, kare rai i rauka to ratou
basileia, e rauka ra to ratou mana
ariki, okotai rauka anga e to te terio
13 ra. E riro okotai rai o ratou ngakan,
e e oronga ratou i to ratou mana e te
14 maroiroi ki te terio ra. E e tamaki
mai ratou ki te Arenio ra, e e pou
ratou i te Arenio: ko te Atua oki aia
o te au atu ra, e te Ariki o te au ariki
ra: e te tangata katoa nona ra, e aro-
nga nominoia ia, e te iikiia, e te tuatua-
15 mou. Kua tuatua maira aia kiaku,
Ko te au vai taau i akara ra, e nooia
e taua vaine akaturi ra, e au iti-ta-
ngata ia, e au urupu tangata maata ia,
16 e au enua ia, e au reo ke ke ia. E
nga tara okotai ngauru taau i akara ra,
e te terio ra, e akaviivii ia i taua
vaine akaturi ra, e e pou oki aia ia
ratou i te āru, e e noo apinga kore ua
aia, e e kai i tona tino, e e tutungi
17 iaia ki te ai. Kua tuku oki te Atua i
te manako ki roto i to ratou ngakau
kia rave ratou i tona anoano, e kia tau
ratou, kia oronga i to ratou mana ariki
ki te terio ra, e kia ope te tuatua a
18 te Atua i te tupu. E te vaine taau i

akara ra, ko taua oire maata ra ia, ko
tei maata i te mana ki rungao i te au
ariki o te ao nei.

PENE XVIII.

*Kua inga Babulonia, te aue anga o
te ui ariki, te au kapena, e te au oko
apinga iaia.*

E I muri ake i te reira, kite atura
au i tetai angela ke i te eke anga
mai mei te rangi mai, e mana maata
tona; e kua marama te ao nei i tona
kakā. Kua kapiki nui ua maira aia
ma te reo maata, na ko maira, Kua
inga Babulonia maata e, kua inga, e
kua riro ei nooanga demoni, e ei vai-
ranga no te au vaerua kikino ravarai,
e ei koanga no te au manū viivii katoa
e te kino. Kua inu oki te pa enua i
te wina ra i te riri maata no tana
akaturi anga, e kua akaturi te au
ariki o te ao nei iaia, e kua apinga ma-
taia te aronga oko o te ao nei i te
maata o tana peu akateitei. E aka-
rongo atu rai au i tetai reo no te rangi
mai, i te na ko anga mai e, Ka aere
ke mai ana kotou ki vao, e aku au
tangata, kia kore kotou e riro ei rave
katoa i tana ra au ara, kia kore kotou
e mate katoa i tona ra au mate. Kua
taea oki te rangi i tana au ara, e kua
manako te Atua i tana au tuatua-tika
kore. Ka o atu ia tana kia arite katoa
i tana i o mai ra, ka tutaki atu iaia e
kia takirua atu tana utunga, kia tau
ki tana au angaanga: e taua kapu tana
i arite mai kia kotou na, ko te arite
katoa ia i tana e kia takirua atu rai.
E mei iaia i akateitei iaia uorai, e
kua noo ma te akatieitei maata, ei ma-
mae maata e te aue te ka tuku atu
iaia: te karanga ra oki aia i roto i
tona ngakau e, Te noo ariki vaine nei
au, kare au i te takaua, e kare au e kite
i te aue. E teianei ka rā tai uaia tona
au mate, ko te mate, e te aue, e te
onge; e e pou rava aia i te ai, e ma-
roiroi oki to te Atū to te Atua ko te
akautunga mai iaia ra.

E te au ariki o te ao nei ko tei akaturi
iaia ra, e kua kapiti katoa iaia i te aka-
tietie katoa anga, e aue ratou iaia, e e
en oki ratou iaia, kia akara ratou
i te auai no tona ka anga, I te tu
ua anga i te atea ke i te mataku
i tona mate, e te na ko anga e, Aue,
aue te oire maata nei ko Babulonia e,
aue koe i te oire pakari nei e! ora tai
uaia io nei oki toou mate e! E aue te
aronga oko o te ao nei iaia, e e tangi
oki; kare rava e tangata kia oko akaou

12 mai i ta ratou apinga: Te oko anga
auro ra, e te ario, e te toka memeitaki,
e te poe, e te kakau meitaki, e te
purapura, e te silika, e te kakau mu-
ramura, e te au rakau kakara katoa
ra, e te au kapu sene tu ke ke katoa
ra, e te au kapu rakau memeitaki tu
ke ke katoa ra, e te veo, e te auri, e te
13 toka inuina, E te kinamo, e te tumia-
ma, e te mura, e te libano, e te wina, e
te manongi, e te faraoa meitaki, e te sito-
na, e te puaka, e te mamoe, e te ipo, e te
kariota, e te tino, e te vaerua, o te tangata
14 nei. E te au mea kahi maataia e koe
ra, kua taka ke ia ia koe, e te au mea
memeitaki e te au mea akaieie, kua
taka ke anake ia ia koe, e kare rava e
15 rauka akaou ia koe. E te aronga oko
i teianei au mea, ko tei rauka ta ratou
apinga iaia ra, ei te atea ke ia e tu mai
ei i te mataku i tona mate, ma te ea e
16 kakau aue, E te na ko anga e, Aue, aue
te oire maata nei e, ko tei kakau i te ka-
kau meitaki, e te purapura, e te kute-
kute, ko tei akamanesia oki i te auro, e
17 te toka memeitaki, e te poe e! Ko teia-
nei apinga maata oki i te pou anga i te
ora okotai nei e! E te au pailoti ka-
toa, e te aronga katoa i akatere ki
reira, e te aronga teretere ra, e tei
angaanga aere i te moana, tu anake
18 iora ia i te mamao ke. Kapiki ua
atura i to ratou kite anga i te auai o
tona pakapaka anga, na ko atura, Eae
te oire e arite ki teianei oire i te ma-
19 ata! E kua āu ratou i te one ki ru-
nga i to ratou mimiti, ma te kapiki
ua, ma te ea, e te aue, e te na ko anga
e, Aue, aue te oire maata nei e, i
rauaka i te apinga maata a te aronga
e pai to ratou i te moana ra, no te rai
o tana apinga! ora tai uaia io nei oki
20 tona pou. Kia rekareka i runga iaia,
e to te rangi e, e ko kotou oki, e te ara-
nga tapu, e te au aposetolo, e te au per-
veta, kua tutaki te Atua iaia ia kotou.
21 Kua rave ora tetai angela maroiroi
i tetai toka maata mei te toka mulo te
tu, e kua titiri atura ki raro i te tai,
na ko akera, Mei te reira katoa te oire
maata ra ko Babulonia i te uri takiri
angaia ki raro, e e kore rava e kitea
22 akaouia atu. E te tangi kitara ra, e
te tangi koe ra, e te au mea i akata-
ngia ra, e te tangi pu ra, kare rava ia
e kitea akaouia i roto ia koe na, e te
aronga taunga i te au taoonga ravarai
nei, kare rava e kitea akaouia i roto
ia koe na, e te aruru toka mulo, kare
23 na; E kare rava te kakā lamepa e
kitea akaouia i roto ia koe na; e te

reo o te tane e te vaine i akaipoipo ouia
ra, kare rava e akarongo akaonia i
roto ia koe na; ko te aronga oko ki
ouu na oki, ko to te ao nei ia aronga
mamaata, e kua vavare to te pa enua
ravarai i taau ravenga toto ra. E tei 24
roto iaia te toto o te au peroveta, e to
te aronga tapu i te kitea angaia, e
to te aronga katoatoa i taia i teia-
nei ao.

PENE XIX.

*Te imene rangi: te akaipoipo anga o
te Arenio: te akakore anga u te
angela eiaa Iovne e akamori iaia:
ta te Atua kaingakai maata na te
au manu.*

E I muri ake i taua au mea nei, 1
akarongo atura au i te reo maata
mei te reo o tetai aronga maata ki run-
ga i te rangi, i te na ko anga e, Ale-
luia; ko te ora, e te tapu, e te nga-
teitei, e te mana, ei te Atua, ei to tatou
Atua ia. E mea mou oki e te tika 2
tana tuku anga utunga: kua akau-
tunga io nei oki aia i taua vaine akau-
turi maata ra, ko tei akaviivii i to te
ao nei i tana akaturi anga, e kua aka-
oko aia i te toto o tona au tavini fa
tona rima i akamarangi. Kua na ko 3
akaou akera oki ratou, Aleluia, E e
tika tona auai i te peke anga ki runga
e tuatau ua atu. Kua tipapa ora te 4
au peresibutero e rua nguuiua ma a,
e nga mea ora e a ra, ki raro, akamori
atura i te Atua i tei noo ki rungao
i te terono ra, na ko atura, Amene; 5
Aleluia. Ko tetai reo maira no roto
i taua terono ra; i te na ko anga e,
E akameitaki i to tatou Atua, ko kotou
katoa tona au tavini, e ko kotou oki
ko tei matakua iaia ra, ko te tangata
riririki e te aronga mamaata. Kua 6
akarongo atura au i te aruru mei te
reo o tetai aronga maata, e mei te aruru
o te tai maata ra, e mei te kokina ma-
ngungu maata ra, i te na ko anga e,
Aleluia: tei te Atua ra, tei te Atua
mana katoatoa ra te au. Kia perepere-
kavana tatou, e kia maata atu rai te
rekareka, e e akameitaki oki iaia: kua
tae oki ki te akaipoipo anga a te Arenio,
e kua akamauea taua vaine iaia
uaorai. E kua tukuia iaia te kakau 8
i te kakau meitaki, e mea viivii kore,
e te teatea; e taua kakau meitaki ra,
ko te tuatua-tika ia a te aronga tapu
ra. Kua tuatua maira aia kiaku, Ka
tata na, E ao to tei tuatuaia e aere mai
ki te kaingakai po akaipoipoanga a te
Arenio ra. E kua na ko maira aia
kiaku, Ko te tuatua-mou teia na te

10 Atua ra. Kua tipapa iora oki au ki
raro e akamori iaia. Kua tuatua
maira aia kiaku, Auraka koe e aka-
pera: e taecae tavini oki au nouu, e
no to au taecae e akakite i te tuatua
a Iesu ra; e akamori i te Atua: ko te
akakite oki ia Iesu ra, ko te vauerua ia
o te totou.

11 Kite atura oki au i te rangi i te ve-
vete angaia, e i na, e ipo teatea; e ko
tei noo ki rungao ra, kua karangaia aia,
i te Pikikaa kore, e te Tuatua-mou, e
akava aia, e e tamaki i te tamaki, ma te

12 tuatua-tika. Mei te mura ai ra ona
mata, e manganui te korona ki rungao i
tona upoko; e e ingoa oki tona kua tata-
ia, kare rava e tangata i kite, mari ra aia

13 orai. E te kakau ra aia i te kakau i
tutouia i te toto ra: e tona ingoa kia
tuatua ra, Ko te Logo ia a te Atua ra.

14 E kua aru maira te au nuku o te
rangi ra iaia, ki rungao i te ipo teatea,
ma te kakau meitaki, e te teatea, e te

15 viivii kore, i te kakau anga. E koke
kokoi tei peke mai no roto i tona vaa,
ei tainga anga nana i te pa enua: e e
mana aia ki rungao ia ratou ma te
sepeta auri ra: e nana e takatakai i te
taomianga vine ra, ko te ua anga maata
o te riri o te Atua mana katoatoa ra. 3

16 E e ingoa tona kua tataia ki rungao i
tona kakau e tona ua. Ko TE ARIKI
O TE AU ARIKI, E TE ATU O TE AU
ATU RA. 4

17 Kua akara atura au i tetai angela i
te tu anga ki roto i te ra; kua kapiki
maira ma te reo maata ki te au manu ra-
varai e rere i roto i te mareva nei, na ko
maira, Ka aere mai e akaputupu kotou
i te kaingakai aia i te Atua maata ra; 5

18 Kia kai kotou i te tino o te au ariki ra,
e te tino o te au kapena ra, e te tino o
te aronga mana ra, e te ipo, e to tei
noo ki rungao ra, e te tino o te au ta-
ngata ravara, to te tiana e to te ta-
vini, to te tangata rikiriki e to te aro-
nga mamaata. E kua akara atura au
i taua terio ra, e te au ariki o te ao nei,
e to ratou au nuku tamaki, kua putu-
putu e tamaki iaia i tei noo ki runga i
te ipo ra, e i tona nuku. Riro ivi
atura taua terio ra, e te peroveta piki-
kaa katoa ko tei rave i te semeio ki
mua iaia, i vare ci iaia te aronga i
ariki i te akairo a te terio ra, e tei aka-
mori i tona tutu. I uri oraoria atura
raua ravara ki roto i te roto ai e te teio
e ka ua ra. Ko tetai papaki ra, kua taia
ia i te koke i peke mai no roto i te vaa
o tei noo ki rungao i te ipo ra: e iu
rava akera te au manu ravara i to
ratou au tino.

PENE XX.

To Satani tapeka angaia okotai tausani mataiti: tetuakaou anga momuara: Goga e ko Magoga: te akavaanga openga.

KITE atura au i tetai angela i te eke anga mai mei te rangi mai, e tei iaia te taviri o te abuso ra, e pirianganao maata auri tei tona rima. Kua opu iora iaia i te teni, i taua ovi taito ra, koia oki te diabolo ra, ko Satani, kua tapeka iaia kia okotai tausani i te mataiti, Kua uri atura iaia ki raro i te abuso ra, e popani atura iaia i reira, tuku iora i te akairo ki rungao, kia kore iaia e pikikaa a'au i te pa enua, e kia ope rava taua nga mataiti okotai tausani ra: e i muri ake i te reira, kia tukuia mai iaia i tetai manga taimie iti e tika'i.

E kua kite au i etai au terono, e te aronga i noo ki rungao, e kua orongaia te mana akava kia ratou: e kua akara atura au i te aronga i tipuia to ratou mimiti no to ratou akakite anga i te tuatua ia Iesu, e no te tuatua a te Atua ra, ko tei kore ia i akamori i te terio, e tona tutu, e kare oki i ariki i tana akairo ki runga i to ratou rae, e ki roto i to ratou rima; noo iora ratou ki o te Mesia ra ma te au katoa, e okotai akera tausani i te mataiti. Kareka tetai papaki o te aronga i mate ra, kia ope taua nga mataiti okotai tausani i ora akaou ei. Ko te tuakaouanga momua oki te reira. E ao tona e te tapu to tei rauka iaia te tuakaouanga mua: kare rava te rua o te mate e mana ki rungao i taua aronga ra, e riro ra ratou ei taunga na te Atua, e na te Mesia, e au to ratou iaia e kia okotai tausani i te mataiti.

E kia ope taua nga mataiti okotai tausani ra, e tukuia Satani i reira i tana tapeka anga ra. E e aere aia e pikikaa aere i te tangata i nga kotinga e a o te enua nei, ia Goga e ia Magoga, e akaputupu mai ia ratou ki te tamaki: e e riro ratou mei te one taatai i te maata kia tatau. Aere atura ratou na te pararauare katoa o te enua nei, takako atura i te puakapa o te aronga tapu, e te oire i akaperepereia ra: kua topa maira te ai no ko mai i te Atua no runga i te rangi, pou rava akera ratou. E i uriaia atura te diabolo, i pikikaa ia ratou ra, ki roto i te roto ai e te teio ra, i te vairanga o te terio e te peroveta pikikaa ra, e e akamamaeia ratou i te po e te ao e tuatua ua atu.

- 11 Kite atura oki au i tetai terono maata teatea, e tei noo ki rungao ra, peke ke atura te enua e te rangi i tona mata, kare atura o raua e vairanga i
- 12 kitea. E kite atura oki au i tei mate ra, ko te tangata rikiriki e te aronga mamaata, i te tu anga ki mua i te Atua, e eeuia ora nga buka ra, e eeuia ora oki tetai buka ke, koia te buka ora ra: e akavaia ora taua aronga i mate ra i te au tuatua i tataia ki roto i taua nga buka ra, i ta ratou au angaanga.
- 13 E kua tuku maira te tai i te aronga i mate i roto iaia ra; e kua tuku maira te yaaru a ko ade i te aronga i mate i roto ia raua ra: e akavaia ora ratou
- 14 ravarai i ta ratou au angaanga. E uriaia atura te mate e ko ade ki roto i te roto ai. Ko te rua teia o te mate.
- 15 E te tangata ravarai kare i kitea *tona ingoa* i te tata angaia ki roto i te buka ora ra, kua uriaia ia ki roto i te roto ai ra.

PENE XXI.

Te rangi ou e te enua ou: te tu o Ierusalema ou: ko te Atua to reira mara.

- 1 **E** KITE atura au i te rangi ou e te enua ou, kua kore oki tei muatanga rangi e tei muatanga enua;
- 2 e kare rava atura e tai. E kite atura oki au nei ko Ioane i te oire tapu ra, ko Ierusalema ou, i te eke anga mai mei ko mai i te Atua i runga i te rangi, kua akamaneaia mei te vaine i akamaneaia no te akaipoipo anga ki tana tane
- 3 ra, Kua akarongo atura au i tetai reo maata no te rangi maira, i te na ko anga mai e, I na, tei ko te tangata ra te puakapa o te Atua, e e noo aia ki rotapu ia ratou, e riro ratou ei tangata nona, e e noo te Atua ki rotapu ia ratou, ei Atua no ratou. E nana e orei i to ratou roi-maata katoatoa; e e kore rava te mate, e te aue, e te mii; e te mamae oki, e kore katoa ia; no te
- 5 mea kua kore te au mea taito. Kua tuatua maira tei noo ki runga i te terono ra, I na, te akariro nei au i te au mea ravarai ei mea ou. E kua tuatua maira aia kiaku, Ka tata ana: e tuatua-mou oki teianei au tuatua e te pikikaa
- 6 kore. Kua na ko maira oki aia iaku, Kua oti. Ko au te Alepha e te Omega, te momua e te okaopenga. I te tangata e kaki ra e oronga ia au i te vai
- 7 ora pupui ua nana, kia inu ua aia. Ko te riro iaia te re ra, nona te au mea ravarai; e e riro au ei Atua nona, e ei
- 8 tamaiti aia naku. Kareka tei matakua

ua ra, e te akarongo kore, e te aronga viivii ra, e te ta tangata, e te akaturī, e te purepure, e te akamori idolo, e te aronga pikikaa katoatoa ra, e tuanga ta ratou tei te roto ai e te teio e ka ua ra: koia te rua o te mate.

Kua aere maira tetai o te au angela 9
toko itu i mou i nga kapu e itu i ki i te au mate openga e itu ra, kua tuatua maira iaku, na ko maira, Ka aere mai na i ko nei, e akakite atu au ia koe i te vaine akaipoipo ra, i te vaine a te Arenio ra. Kua arataki atura aia i 10
taku vaerua ki runga i tetai maunga maata e te teitei, kua akakite maira iaku i taua oire maata ra, ia Ierusalem tapu, i te eke anga mai mei te rangi mai mei ko mai i te Atua ra, Ma 11
te kakā no ko mai i te Atua ra: e tona marama mei to te toka meitaki rava ra, mei te toka iasepe, arcare rara mei te kesusitalo ra; E kua kako i te koro 12
maata e te teitei, okotai ngauru e rua ara ngutupa, e tei taua nga ngutupa ra tino ngauru ma rua angela, e e ingoa anake oki tei tataia ki rungao, no te au kopu o te au tamariki a Iseraela tino 13
ngauru e rua ara; Tei te pae i te itinga o te rā ra, e toru ia ngutupa; tei te pae i apatonga ra, e toru ia ngutupa; tei te pae i apatokeran, e toru ia ngutupa; e tei te pae i te opunga o te rā 14
ra, e toru ia ngutupa. Raungauru ma rua tumu to te koro o taua oire ra, ma te ingoa o te au Aposetolo a te Arenio tino ngauru ma rua ki rungao. E e 15
arite auro tona to tei tuatua mai kiaku ei arite i taua oire ra, e te au ngutupa ra, e te koro. E a aro to taua oire ra, 16
kua arite te tipoto e te tiroa: kua arite iora aia i taua oire ra ki te arite, okotai ngauru ma rua tausani i te setadia. Ko te tipoto e te tiroa e te teitei, okotai rai ia tu. E ariteia iora te koro, 17
okotai anere e a ngauru ma a kubiti, i te arite a te tangata nei, koia ta te angela. E taua koro ra, e iasepera ia, 18
e te oire ra, e auro tamāia ia mei te io marama ra. E kua akamaneia te au 19
tumu o te koro i taua oire ra i te au toka memeitaki katoa ra. Ko te tumu mua ra, e iasepera ia; te rua ra, e saphiro ia; te toru ra, e kalekedoni ia; te a ra, e semarado ia; Te rima ra, e 20
saridonu ia; te ono ra, e saradio ia; te itu ra, e kesusalito ia; te varu ra, e berulo ia; te iva ra, e topazi ia; te ngauru ra, e kesusopara ia; te ngauru ma tai ra, e uakini ia; te ngauru ma 21
rua ra, e ametusito ia; E nga pa rau- ngauru ma rua, e poc anake ia raunga- 22
uru ma rua ia, taki tai rava poc i te

pa okotai, e ope rava ake taua au pa 22
ra; e te arataa o taua oire ra, e auro tamāia ia, mei te io marama ra. E kare rava e nao i kitea e au i roto: ko te Atua ra oki ko te Atua mana katoatoa ra, ko te Arenio, ko tona ia nao. 23
E kare oki o te reira oire e rā, e te marama, ei akamarama i roto; na te kakā no ko i te Atua ra i akamarama i te reira, ko te Arenio oki to reira mā- 24
rama. E e aere te pa enua i akaoraia ra i roto i tona marama: e e apai mai te ui ariki o te ao nei i to ratou kakā e 25
te ngateitei ki roto. E kore oki to reira ngutupa e popaniia i te ao: kare 26
rava oki o reira po. E e apai mai te tangata i te kakā e te ngateitei o te pa 27
enua nei ki roto. E kare rava e mea viivii e o ki roto, e tei rave i te tuatua viivii ra, e te pikikaa: ko tei tataia ra i roto i te buka ora a te Arenio ra, ratou anake ua ra.

PENE XXII.

*Te vai e te rakau ora: eiaa e tupau-
ia mai, eiaa oki e rave keia, tetai
ngai i teianei tuatua.*

1 **K**UA akakite maira te angela iaku i tetai vai ora, e vai ta'e oki, mei te kesusitalo te areare, no roto mai i te terono o te Atua e to te Arenio ra. 2
E tei rotopu i te arataa i taua oire ra, e tei tetai pae vai e tetai pae, ko te rakau ora *te tu anga*, okotai ngauru ma rua tu o te ua, okotai marama okotai ua anga, e ope rava ake te au marama katoa ra: e te rau o taua rakau ra, ko 3
te rapakau ia i to te pa enua. E kare rava oki te anatema i reira: ei reira ra te terono o te Atua e to te Arenio; e e 4
akamori tona au tavini iaia. E kite ratou i tona mata; e ei runga tona inga 5
oa i to ratou rae. Kare oki o reira po; kare oki e tau te lamepa i reira, e te marama rā; no te mea ko te Atua ra, ko te Atua, to ratou marama: e e 6
au rai to ratou e tuatau ua atu. Kua tuatua maira aia kiaku, E tuatua- mou teianei au tuatua e te pikikaa kore; kua tono mai oki te Atua ra ko te Atua o te au peroveta tapu i tana au angela, e akakite ki tona au tavini i 7
te au mea i vaiata i te tupu. I na, te aere vave atu nei au: e ao to te akono i te au tuatua totou i roto i teianei buka. 8
Ko au oki ko Ioane, ko au tei kite, e tei akarongo, i teianei au tuatua. E kite akera oki e akarongo akera au, kua tipapa iora oki au ki raro ki te pae vae vae o te angela, e akamori iaia, i tei

akakite mai kiaku i teianei au tuatua.
 Kua tuatua maira aia kiaku, Auraka 9
 koe e akapera, e taeake tavini oki au
 moou, e no te au taeake i te au pero-
 veta ra, e no te aronga i akono i te
 tuatua i roto i teianei buka: ko te
 A tua te akamori. E kua tuatua maira 10
 aia kiaku, Auraka e topiriia te tuatua
 totou i roto i teianei buka: kua vaitata
 rava oki te taima. Te tangata tuatua- 11
 tika kore ra, e vaio atu kia vai tika
 kore ua na: e te viivii ra, e vaio atu
 kia vai viivii ua na: e te tangata tua-
 tua-tika ra, e vaio atu kia vai tuatua-
 tika ua na: e tei tapu ra, e vaio atu
 kia vai tapu ua na.

E i na, te aere vave atu nei au; e 12
 tei iaku nei taku tutaki, kia apai atu
 na te tangata ravarai i tei tau i tana
 angaanga. Ko au te Alepha e te 13
 Omega, te momua e te akaopenga, ko
 to mua e ko to muri. E ao to te aro- 14
 nga e akono i tana ra au akauenga,
 kia tau ia ratou *kia kai* i to runga i te
 rakau ora, e kia na te au ngutupa ratou
 i te tomo ki roto i te oire ra. Kareka 15
 to vao ra, e kuri ia, e te purepure, e te
 akaturi, e te fa tangata, e te akamori
 idolo, e te aronga katoa e anoano e kua

16 tuatua i te tuatua pikikaa. Ko au ko
 Iesu, kua tono au i taku angela e aka-
 kite ia kotou i roto i te au ekalesia i
 teianei au tuatua. Ko au te tumu e te
 uanga o Davida, e te etu popongi kakā

17 ra. E te tuatua nei te Vaerua ma te
 vaine akaipoipoia ra, E aere mai. E
 ko tei akarongo ra, ka tuatua katoa aia
 e, E aere mai. E ko tei kaki ra, ka
 aere mai. E tei anoano ua ra, ka rave
 ua mai aia i te vai ora.

18 Te akakite pu nei oki au ki te ta-
 ngata ravarai i kite i te tuatua totou i
 roto i teianei buka, Kia tupau mai tetai
 tangata i tetai tuatua ke ki teianei au
 tuatua, na te Atua e topiri mai kiaia
 te au mate i tataia ki roto i teianei

19 buka: E kia kiriti ua tetai tangata i
 tetai *tuatua* i te au tuatua totou ki
 roto i teianei buka, na te Atua e kiriti
 ke atu i tana tuanga i roto i te buka ora,
 e i roto i te oire tapu, i tataia ki roto i
 teianei buka.

20 Te na ko maira tei akakite i teianei
 au tuatua, Tikai, te aere vave atu nei
 au. Amene. Koia ia, ka aere mai, e
 te Atua, e Iesu e.

21 Ei ia kotou ravarai te aroa ua o to
 tatou Atua ra o Iesu Mesia. Amene.



TE OPENGA.

LONDON: W. M. WATTS, CROWN COURT, TEMPLE BAR.

S 40 B 808

Te Bibilia tapu ra :

Vol. 1-2 C.1



2625728-10

LUB



